





Digitized by the Internet Archive
in 2011 with funding from
University of Toronto

<http://www.archive.org/details/historiacriticap01bruc>





IACOBUS BRUCKERUS
*Acad. Scient. Berolin. Bonon. Robor.
vtriusque Acad.*

IACOBI BRVCKERI

REG. ACAD. SCIENT. BEROLIN.

ALIARVMQVE SOC.

HISTORIA CRITICA PHILOSOPHIAE

A MVNDI INCVNABVLIS

AD NOSTRAM VSQVE AETATEM
DEDVCTA.



EDITIO SECVNDA

VOLVINE VI. ACCESSIONVM ET SVPPLEMENTORVM
AVCTOR.

TOMVS PRIMVS.

LIPSIÆ,
IMPENSIS HAERED. WEIDEMANNI ET REICHIL
MDCCLXVII

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA

NOV 30 1931

1631

JUL 20 1973





Non detinebimus TE diu, LECTOR BENE-
VOLE, in limine operis fatis prolixi de ejus ra-
tionibus paucis edocendum. Decennium excur-
rit ex quo historiae philosophicae institutiones
vernaculo sermone scribere exorsi, gnaviter in-
stitutum ursumus, tandemque favente Numinis gratia septem
voluminibus ad nostram usque ætatem deduximus. Ex illo
tempore multorum virorum, magnæ in republica literaria
auctoritatis * & haud vulgaris in hoc argumenti genere ju-
dicii voluntas atque vota, quæ fere legis instar nobis esse so-
lent, fuere, ut Latino idiomate iteratoque labore opus ede-
retur, cum ut exterorum quoque, qui Germanicam plerum-
que linguam ignorant, studiis ejusmodi labore, qui hætenus
inter eruditos desideratus fuit, consuleretur, tum ut mutato
ejus habitu, qui in juvenum studiis deditorum gratiam plu-
scula habet, viris eruditis fatis jam nota, multa omisit, quæ
isti ætati nimis prolixa & difficiliora captui videbantur, accu-
rato justæ scientiæ ordine modoque elaborati operis speciem
formamque acciperet. Etsi vero iteratum fastidium tanti
tamque difficilis laboris, tempore tantum multo longoque
perficiendi merito perhorrescebamus, dedimus tamen id fre-
quentibus virorum doctorum etiam exterorum, qui hunc la-
borem exoptabant, instigationibus, ut ad eum nos accingere-
mus. Quem dum moliebamur, non tam Latinam operis
Germanici versionem, quam novum prorsus opus exhiben-
dum esse, pulchre pervidebamus, in quo supplenda plurima,
& systematum imprimis veterum philosophorum nexus &
ratio accurate exponenda, abjectaque, quam juventutis causa
elegeramus, erotemata methodo, cuncta una historiae serie
essent enarranda & naturali atque systematico ordine objici-

Bruckeri Hist. Phil. Tom. I.

I

enda

* Ita etiam Viri eruditissimi, qui Acta eruditorum Lipsiæ colligunt Act. nov. et Suppl.
Sect. 9. T. II. p. 429.

enda lectoris oculis. Aggressi itaque hoc, quicquid est, laboris, novam historiam philosophiae criticam ab ipsis nascentis mundi initiis ad nostra usque tempora condere coepimus, nihil eorum praetermittentes sine examine, quod ad noscendas veterum imprimis & recentiorum quoque philosophorum decreta, opiniones & fata pertinere videbatur. Etsi enim multa sunt, quae in universalis hujusmodi historiae libro prolixè satis & ex instituto enarrari nequeunt, quod ingentis molis opus peperisset; potiora tamen, quantum judicabamus, omnia ita tetigimus, ut integram philosophiae omnis aetatis & locorum faciem nos depinxisse sperare possimus; reliquorum fontes ubique indicavimus, ut, qui plura nosse cupit, lector, ipse haurire queat. Unde etiam veras historiae cujuscunque sectae scaturigines initio cujusvis capituli exposuimus, ut simul constaret, quibus potissimum testibus utendum atque standum sit. Quibus deinde & ipsorum philosophorum vitas, tempora, circumstantias atque fata, praecipue ea, quae in ipsorum systemata influxum habent, critico examini subiecta, adjecimus, & imprimis de decretis ipsorum cum generalem tractationem instituimus, & quid ad ea constituenda & in peculiare doctrinae aedificum compingenda influxum quasi praebuerit, accurate exposuimus, tum ipsa systemata vel ex propriis philosophorum libris, qui supersunt, vel ex monumentis, quae haberi possunt, aetate fideque proximis delineavimus, controversias recentiorum circa ea excussimus, testes paginae ubique subjecimus, & omisso, earum quas in Germanico opere methodus poscebat, prolixarum annotationum firmate, brevibus notis, quae in textu enarrari non poterant, adjecimus, nisi ubi prolixiora paulo rei postulabat necessitas, ubi uberiores annotationes sibi fini addidimus, quae tamen numero oppido paucae sunt. Et verba quidem testium ubique adducere ipsa instituti prohibebat prolixitas. Factum tamen id est, quoties singulare illa testimonia momentum habere

habere videbantur, ubi Græca etiam haud raro adjecimus, versionibus vero usi sumus inter eruditos receptis, & quantumpote emendatis. Immo pleraque veterum placita non tam nostris, quam scriptorum vetustissimorum verbis enarravimus, ubi tamen haud raro interpretationes vulgares reliquimus, ea adoptata, quam desideratissimum & in his literis vere regnans olim Lipsiæ lumen, B. GOTTFRIDVS OLEARIVS in Latina THOMAE STANLEII versione dedit, quam instituta cum Græcis comparatione haud raro & elegantiore & meliorem invenimus, atque fidelio-rem. Ex hoc vero proposito ipsa veterum retinendi, ubicunque licebat, verba, quod maxime fidem nostram probaturum speramus, non potuit non accidere, ut ipsa dictio & scriptio- nis ratio sibi fieret dissimilis, licet omnem in eo industriam ponere- mus, ut caste emendateque, sine fūco tamen, ut in hoc argu- menti genere decet, scriberemus. Quam stili aliqualem in- æqualitatem ut materiae potius, & scopo tractationis, quam nostræ negligentiae imputet benevolus lector, vehementer oramus. Ceterum in laudandis veterum auctorum locis sa- tis copiosi fuimus, ut fidei gradus inde eluceant, parciores in adducendis recentiorum scriptis. In quibustamen laudan- dis si, quæ nonnullorum opinio erit, nimii videbimur, cogi- tandum, nos non tantum ita latius de rebus strictim tantum, & *ὡς ἐν παρόδῳ* tactis, pervestigandi occasionem exhibere, sed & nostris hominibus, suo modo velificare voluisse; quæ si quis aspernabitur, tuto iis in notis prætermis- sis textu una se- rie decurrente erit contentus. Qui vero copiam literarii ad- paratus majorem desiderabunt, eos Germanicum opus adire oportet, ubi eum large cumulavimus, juventuti potissimum ita inserviendi studio detenti. Quos vero fontes consulueri- mus, quæ a veteribus & recentioribus auxilia acceperimus, quas nobis regulas criticas sequendas præscripserimus, sine partium studio, summoque candore, quem ubique adhibui- mus,

mus, observatas, prolixè hic enarrandum non est, cum copiosa id dissertatione in prolegomenis præstiterimus. Id unum monere e re nostra esse putamus; plerumque nos in limine cuiusvis tractationis insuperabiles difficultates, obscuritatem & incertitudinem occurrentem diligenter demonstravisse, quod non eo fecimus fine, ut Pyrrhonismum introduceremus, sed ut constaret, quousque notitia nostra progredi queat, quove fidei historicæ nitatur gradu. Ut enim in geographia etiam terrarum incognitarum datur delineatio, ostenduntque terræ nostræ enarratores, quæ regiones ignotæ lateant, ut vel queant detegi, vel ab inutili eas quærendi labore nautæ deterreantur; ita in artium quoque historia, ea quæ vel sciri nequeunt, vel adhuc obscura & incerta latent, indicentur, necessarium est. Hac itaque ratione sistimus B. Lectori primam historiæ criticæ philosophiæ partem, omnia philosophiæ fata a mundi incunabulis ad Romanorum usque imperium sensim emergens complexam; sequentur hanc, si Deus vitam viresque concesserit, reliquæ tres, quarum ordinem in prolegomenis exposuimus. In quibus si quid rectè præstitum, & semita, hætenus non satis calcata, aperta, prolixior & planior, ut divinæ illud omne gratiæ adscribat Lector humanissimus, errores lapsusque humanæ imbecillitati in tam difficili & copioso argumento ignoscat: æquo etiam ferat animo, si, nobis longa intercapedine ab impressionis loco remotis, aliena fides & diligentia in emendandis operarum erroribus hallucinata interdum fuerit: Voluntatem vero, eam eruditionis partem, quæ satis iusta nondum integraque tractatione illustrata est, in plena luce collocandi æqui bonique consulat, nostrisque porro Musis faveat, enixe rogamus. Scrib. Kaufbyræ Id. Sept. A. R. S.

C I O I O C C X L I.



PRAEFATIO

SECUNDAE EDITIONIS.

Quod sub initiis praesentis operis historiae criticae philosophiae, quod ab anno MDCCCXLII. in orbe literario comparuit, non expectaueramus, ut, cum spissum atque voluminosum, quod ratio et scopus poscebat, esset, editionis secundae necessitatem exigeret, id nouis nunc laboribus suscipere nos coëgere non amicorum tantum, et inter hos magnae auctoritatis et iudicii recti virorum doctissimorum consilia, sed et publica orbis eruditi desideria, toties ad nos delata, quin et bibliopolarum primi ordinis flagitatio. Nempe cum annorum XXV. spatio, ex quo prima editio prodiit, liber hic non aude tantum in patria nostra, Germania, legeretur, sed etiam ab exteris, maxime in Italia, frequentius a viris

P R A E F A T I O.

doctis et bibliopolis expeteretur, factum, ut iam ante decennium apud editorem bibliopolam, de ciuitate literata merentissimum exemplaria frustra desiderarentur: cumque fata patriae nostrae bellorum calamitatibus misere quassatae repetendae editionis consilium non admitterent, bibliopolae exteri, apud Venetos et Geneuenses nos humanissime, eius suis sumtibus suscipiendae licentiam poscerent, et subinde sollicitarent. Quibus desideris honestis facile quidem annuissemus, nisi eius, qui primam editionem magnis sumtibus eleganter atque nitide curauit, bibliopolae, quo meliorem vix aetas nostra habet, rationes intercessissent, et voluntas restitisset, qua restituta per Dei gratiam patriae nostrae tranquillitate paceque publica, iure suo usus ipse opus istud auctum atque emendatum recudere constituit. Cuius deinde curam atque sumtus in se recipere cum celeberrimum bibliopoleum Weidmannianum obtulisset, remotis ita impedimentis, in eadem, quae primam editionem feliciter vulgauit, officina Breitkopfiana noua editio a nobis reuisa et emendata absoluta est. Et hoc quidem pacto supra omnem spem nostram euenit, ut ad auctorem operis recurrerent editores noui, et renouatam editionis curam, intercedente Breitkopffio, flagitarent. Quam licet ingrauescens senectus annorumque canities nobis difficilem redderet, manum tamen retrahere noluimus, cum in quadraginta annorum spatio,

P R A E F A T I O.

tio, quo hoc historiae philosophicae saxum voluimus, continua lectione et usu nobis observationes multae enatae essent, quibus historiam hanc philosophiae criticam perfici augeri que posse, et in nonnullis emendari, fueramus persuasissimi. Itaque fauente Numine eius auxilio freti, quod haecenus conatibus nostris adfuit, nouo labori nos accinximus. Id quod hac quidem ratione factum est, vt secundae huius editionis habitum non, quod prius cogitabamus, mutaremus, sed pristina et integra facie recusum daremus, eorum interesse rati, qui primam editionem possident, ne noua auctaque et mutata editione eius quoque redimendae necessitas imponeretur, si et paginarum ordo et series, ad quam multoties lector in scriptis virorum doctorum ablegatus est, mutaretur, et supplementa noua vbique infererentur, quae necessitatem iniungerent nouam quoque editionem consulendi. Separauimus ergo, quae annotationibus atque supplementis velut accessiones operis destinauimus, ab ipso opere, quod sua integritate pristina exhibemus, et in nouum volumen omnia illa collegimus, quibus augeri et perfici posse iudicauimus. Quae facile deinde cum textu nostro et nullo fere labore omnia possunt comparari, cum diligenter paginarum loca allegauerimus, ad quae referenda sunt. Quae autem istarum accessionum, emendationum, illustrationum atque supplementorum ratio sit, quidque ab ea colle-

P R A E F A T I O.

Etione expectandum, illud in praefatione noui voluminis expositum lector reperiet, quo volumine operis sexto nec illi facile carebunt, qui primam editionem habent, cum haud raro noua lumina afferat. Gratias autem infinitas numini agimus, cuius beneficio nobis in senectute, humanorum annorum LXX. numerum supergredi et ingenii viribus valere licuit, quodque in senili et tenerioris habitus corpusculo vires nobis tum ad sacros munerum, tum ad literarios labores perficiendos clementissime conseruauit. Nostrum autem bene de H. P. merendi studium, quod per totam fere vitam diligentiam nostram exercuit, beneuolentiae ciuitatis eruditae, qua frui haecenus ex voto licuit, iterum commendamus. Scrib. Augustae Vindel. id. Mai. A. S. R. CIO DCCC LXVII.



IACOBI BRVCKERI
HISTORIA CRITICA
PHILOSOPHIAE.

TOMVS I.

THE UNIVERSITY OF CHICAGO
LIBRARY

1900



DISSERTATIO PRAELIMINARIS

DE

NATURA, CONSTITVTIONE, VSV MEDIISQVE
HISTORIAE PHILOSOPHICAE.



§. I.

Amplissimum historiae philosophicae campum per omnem *Philosophia*
intellectus humani aetatem se diffundentem emensuro *quid sit?*
ante omnia de limitibus eius dispiciendum est, ne in alie-
na excurrens, et in vniuersalis eruditionis regiones dila-
pfus, vbi pedem figat, non habeat. Scilicet non eruditionis, et quas illa
comprehendit omnium artium et disciplinarum historiam exponere animus
est, sed philosophiae; vnde quid philosophiae nomine intelligatur; probe
ante omnia tenendum est, ne, dum eius historiam pandere satagimus, in
alienam messem falcem immittamus, et sine meta incerti discurremus at-
que vagabundi; quae incuria non vnum historiae philosophicae scripto-
rem in deuia deduxit. Philosophiam vero, quam nominamus, dicta olim
est σοφία, id est, sapientia; quosque philosophos salutamus, sapientes salu-
tatos esse, constat, nomine postea quidem mutato, sed retenta pristina si-
gnificatione. Et ipsum tamen sapientiae nomen apud veteres ambiguum
est, quae vocis ambiguitas effecit, vt multi in historia philosophica sapientes *Sapientes qui*
effingerentur, qui accurata vocis significatione nomine hoc indigni sunt. *veteribus vo-*
Scilicet prima illa humani ingenii aetate, qua eius quasi infantia absoluitur, *cari?*
sapientiae nomen omnibus artibus tributum est, quae vlllo modo ingenio
excolebantur, et ad humani generis vtilitatem aliquo modo faciebant, vn-
de ARISTOTELI ^a sapientia, *artium virtus* siue *perfectio*, et PLATONI ^b
quaeuis artis experientia dicta est. Quia vero eruditio quam maxime inge-
nium humanum excolit, et bonarum disciplinarum studio atque praxi

A 2

so-

^a) Ethic. ad Nicom. L. VI. c. 7. T. II. p. 58.
ed. Casaub.

^b) v. Theaetetus et Theages et ex his LAERT. L.
III. f. 63, vbi consulendus est Is. CASAVB. ad h. l.

societatis humanae commoda promouentur, sapientiae nomen iure suo ad eruditos tranſiit, omnemque ſui temporis encyclopaediam designauit, quo ſenſu Moſen, virum diuinum in omni ſapientia Aegyptiorum eruditum fuiſſe, S. LVCAS ^e innuit. Et quoniam inter diſciplinās omnes diuinior ſcientia, quae cultum Dei dirigit, de Numine praecipit, animumque ad illud ſanctē ſuſpiciendum format, ob obiecti ſui praetantiam tantum eminet, quantum lenta ſolent inter viburna cupreſſi, inde ſapientiae nomen ad theologos et ſacerdotes eminentiori quodam ſenſu delatum eſt, idque imprimis apud barbaras gentes factum, apud quas ſapientum nomine ſacerdotes diuini cultus interpretes celebrari^a, barbaricae philoſophiae nobis probabit hiſtoria, ipſaeque ſacrae paginae teſtes ſunt, ſacerdotes Chaldaeorum ſapientum titulo afficientes^c. Erant tamen inter hos homines multi ſapientum nomine indigni, quia veritatem diuiniorē non ex ſolidis principiis petebant, ſed vel ex corruptiſſimae traditionis laticibus hauriebant, vel ad fallendam plebem toti compoſiti ſapientiae loco, ingeni ſui ſomnia, honorem ipſis auctoritatem atque opes conciliatura, propinabant, vnde ſacerdotum turba mature viris grauiſſis, quique naſum habebant, ſuſpecta fuit et odio digna. Et hinc animi ingeniſ ſublimibus additi ſunt, vt profundiori meditatione in veritatem inquirerent, et deſertis impuris traditionis patriae lacunis, rationis fontes conſulerent, omnia ad certa ſcientiae principia reuocantes, et ita ſapientiae ſyſtema condentes ſuis fundamentis ſuperſtrūctum. Quae veritatem omnem, eam praecipue, quae ad Deum hominesque refertur, excolendi ratio cum nobiliſſima ſit, ſapientiae nomen in propria tandem ſibi ſignificatione vindicauit, et cultores ſuos ſapientum nomine decorauit. Quod vt vetuſtiſſimis temporibus ita factum eſt, vt qui veritatem hanc accurata meditatione didiciſſet, eam ad emendandos hominum mores et formandum animum applicaret; ita ſapientiae nomen practica tandem ſcientiam veritatis tum diuināe tum humanae ſignificauit^f, et ad eam relatum eſt, quicquid vel Deum et quae diuina ſunt intellectui humano cognoscenda ſiſtit, vel ad humanae mentis felicitatem comparandam et augendam aliquid conferre aptum eſt^g. Hanc vero ſapientiam, vt ſcopo ſuo potiatur, alios quoque doceri e re humani generis erat, ad quod docendi munus dum ſe applicabant ſapientes, nomen hoc ad ſcientiarum doctores translatum eſt^h. Inde vero noua iterum vocis ſignificatio: quan-

c) Aſtor. VII. 21. conf. SVIDAS T. II. v. *ιδιώτης* p. 97. vbi *ιδιώτης* et *φιλόσοφος* ſibi opponuntur, ita etiam apud ISOCRATEM in *Panegy.* p. 115. ed. H. Wolf

d) Conf. STRABO L. XV. p. 501. CURTIUS L. V. c. 1. v. 22. et qui de ſapientibus inter barbaros luculenter diſſerit DIOG. LAERT. L. I. ſ. 1. 2.

e) DANIEL. II. 2. conf. STANLEIUS *Hiſt. Phil.* P. XIV. c. 7. 10. p. 1119. 1121.

f) Eleganter de hac re diſſerit PLATO in Theaeteto, p. m. 171 ſeq. add. EPICTETVS, diſſ. L. II. c. 14. p. m. 194. ed. H. Wolf. L. III. c. 26. SENECA ep. 20. 108. ANTONIN. L. X. ſ. 16. et GATAKER ad h. l.

g) Sapientia eſt, vt a veteribus philoſophis definitum eſt, rerum diuinarum et humanarum cauſarumque, quibus haec continentur, ſcientia. CICERO de offi. L. II. c. 2.

h) Vid. ISOCRATES de permūt. p. 818. qui

quandoquidem enim qui sapientiae praecepta tradebant, diserto et luculento differendi genere uti satagebant, sapientis atque sapientiae nomen eloquentiae quoque studio datum est, et tantopere haec significatio graecis, quibus eloquentiae studium, magna, quae inde in rempublicam redunabant, emolumenta commendabant, placuit, ut sophistarum, id est, sapientum nomine usu quasi proprio eloquentiae magistri dicerenturⁱ. Etsi et poetis quoque hic honor habitus est, ut sapientes dicerentur, quoniam antiquissimi sapientes, et imprimis, qui diuina docebant, ligata oratione utebantur, et ars ipsa fingendi ad tradenda peculiari eloquentiae genere sapientiae praecepta adhibebatur^k. Cum vero dignitatem et auctoritatem sapientia cultoribus atque doctoribus suis conciliaret maximam, iique multis honorum titulis et reuerentia commendarentur, qui sapientum nomen adepti essent^l, coepit optimum institutum degenerare in fastum, et efferre se magis, quam patiebatur sapientiae nomen, qui eam prae reliquis excoluisse videri cupiebant^m. Vnde sapientis nomen ad Deum solum, inexhaustum omnis sapientiae mare restringens PYTHAGORAS, primus hanc appellationem arrogantioris sibi visam, quam quae deceret veritatis et sapientiae studiosum, refugit, et philosophi nomen inuenit. *Is cum Phliuntem venisset, et cum Phliasiorum principe Leonte docte et copiose differuisset quaedam, ita eius ingenium atque eloquentiam admiratus est Leon, ut quaereret ex eo, qua maxime arte confideret; at ille artem se scire nullam, sed esse philosophum respondit, referente, et nominis originem eleganter exponente CICE- RONE.* Etsi vero et modestiae causa, sapientis nomen in studiosum sapientiae mutauit Pythagoras, et systematis sui fine commotus sapientiam tum demum adipiscendam esse statuit, quando quis philosophiae fine potitus fueritⁿ, mox tamen totum illud discrimen prudenter positum euauit, et philosophiae nomen idem dixit, quod sapientiae^o, philosophi appellatio non minus ambitiosa facta est, quam sapientis, adeo, ut non deessent, qui intolerabilem philosophorum ambitionem esse dicerent, sibi solis sapientiae studium vindicantium, et reliquarum disciplinarum cultoribus tacito quasi argumento denegantium^p. Neque tamen id diu va-

*Philosophiae
nomen inuen-
tum.*

A 3

luit,

qui Solonem primum nomen sophistae accepisse refert. Imprimis vero PHILOSTRATUS praef. ad vitas sophistarum Opp. p. 479. ed. Olear.

i) Ita tamen, ut antiqui sophistae argumenta tractarent philosophica, recentiores in solo dicendi artificio se exercerent, monente PHILOSTRATO l. c. p. 481. unde mature inuisi facti sunt, conf. CLERICVS Art. Crit. P. II. Sect. I. c. 17. p. 337 seqq.

k) ANACREON od. in Rosam. PINDARVS Isthmior. od. 5. conf. MENAGIVS ad LAERT. E. I. f. 12.

l) Prolixè id demonstratum est, in mele-

tem. de honoribus sapientiae auctoribus et doctoribus apud Barbaros et Graecos exhibitis, in Otio Vindelico p. 203 seqq. extante.

m) Vid. ARISTOPHANES in nubibus. ARISTOT. de Sophist. L. I. c. 2. de qua re infra in Socrate.

n) Vid. IOANN. SCHEFFERVVS de natura et const. Philos. Ital. c. VII. p. 43 sqq.

o) DIOG. LAERTIVS L. I. f. 12.

p) Inde quidam contempto bene dicendi labore, ad formandos animos, statuendasque vitae leges regressi, partem quidem potiore (philosophiae) si diuidi posset, retinuerunt, nomen

*Philosophiae
significatio
varia.*

luit, sed philosophiae perinde ac sophiae nomen latius sumtum, non disciplinas tantum eas, quae diuinarum humanarumque rerum scientiam exhibent, comprehendit, sed et ad legum humanarum peritiam^r, ad artem salutarem^r aliasque eruditionis partes extensum est, ita ut grammatica, rhetorica, et critica ars, quin immo historia et poësis non excluderetur^s, quae significatio latissimo suo ambitu imprimis obtinuit, postquam totus eruditionis humanae campus in quatuor facultates diuisus est. Immo nec a sanctioribus disciplinis remotum, et philosophiae atque philosophi nomen in ecclesiam traductum est, in qua christiana religio sanctioris philosophiae nomen tulit, doctores ecclesiastici, et ascetae quoque philosophorum nomine insigniti sunt^t. Ex quibus variis acceptionibus vocis, philosophia et philosophus, quibus aliae quoque, si opus esset, addi possent^u, facile conuincimur, quam necessarium sit, propriam philosophiae significationem definire, ne aliena tractationi in se prolixae, prolixioraque et ad rem nihil facientia misceamus, et confusis inter se disciplinarum limitibus, sine certa meta oberremus.

Saepius hac in re a philosophicae historiae scriptoribus peccatum est, qui ambiguo sapientiae nomine decepti ad philosophiam vel eruditionis vniuersalis historiam, vel religionis acta et fata inter gentes retulerunt, et innumерum philosophorum agmen effinxerunt. Inter hos OTTO imprimis HEVRNIVS et GEORGIVS HORNIVS manifeste limites philosophicae historiae migrauerunt, quorum ille omnem gentilium sacerdotum stultitiam ad sapientiam siue philosophiam barbarorum retulit; hic iuuenili praecipitantia lapsus in caelo et inferno, in paradiso, et vbi non? philosophos inuenit. Recentissima vero aetate ANONYMVS auctor, qui *philosophicam historiam* gallico sermone condidit, data opera sibi a definiendis philosophiae limitibus et determinando genuino sensu abstinendum ratus est, immo eum laborem impossibilem esse statuit, quod ad vniuersalem eruditionis notionem cuncta reducenda sint, et sub ea veterum theologia, iurisprudencia, omniumque scientiarum fontes, immo ipsae gentium origines comprehendantur. Qua in re eum vehementer falli ex dictis manifestum est, cum singulae eruditionis partes propriis et domesticis finibus definitae, inter se differant, adeoque et philosophia a reliquis eruditionis humanae disciplinis distinguenda sit. Quae res miro consilio neglecta auctori suo maximae fraudi fuit. Definitione enim philosophiae insuper habita, non veros tantum

nomen tamen sibi insolentissimum arrogauerunt, ut soli sapientiae studiosi vocarentur, quod neque summi imperatores, neque in consiliis rerum maximarum ac totius administratione reipublicae praeclarissime versati, sibi vnquam vindicare sunt ausi. Ita QVINTILIANVS prooem. Inst. Or. p. 4. ed. Obr.

q) CICERO in Laelio et quos laudat PHIL. CAROLI in animadu. criticis in Gellium. L. IV. c. 1. p. 243.

r) Hinc nomen lapidis philosophorum. conf. Obs. Hal. T. VI. art. 22. §. 2. Et DIOSCORIDI Medicina *φιλοσοφία ἢ περὶ τῶν ὑγιανόντων*.

s) APHTHONIVS p. 25. ISOCRATES passim, vid. p. 234. 248.

t) De quo, suo loco dicetur prolixius. vid. IONS. de Scr. H. P. L. III. c. 4. p. 226 sq.

u) Consulendus omnino celeb. HEVMANNVS Aët. Philos. Vol. I. p. 65 seqq. de homonymia vocum σοφία et σοφός.

tum et proprie dictos philosophos ab improprie, immo haud raro falso dictis non separat, sed et per omnem eruditionis a philosophia longe diuersae ambitum late et sine ordine vagatur, et quadrata miscet rotundis, allatis vero, quae huc non pertinebant, maxime necessaria, quaeque omne velut punctum in philosophiae historia faciunt, omittit, etsi mira verborum pompa accuratissimam in fronte tractationem promittit, coruos ita, quod aiunt, deludens hiantes.

§. II. Est vero philosophia amor siue studium potius sapientiae: sapientia vero est solida cognitio veritatis, circa eas res siue diuinae sint, siue humanae, quae ad veram hominis felicitatem faciunt, et ad vsum et praxin applicari suo modo possunt, quae applicatio si recte instituatur, et ita felicitas hominis vera promoueatur, tum demum sapientiam genuina significatione sumtam exhibet, et hoc ipso sapientiam a philosophia distinguit, quae veritatis diuinae et humanae principia et regulas exponit, et quae ratione felicitas humani generis inde vel acquiri vel conseruari et augeri queat, tradit, adeoque suis fundamentis nixa scientiam gignit, nisi tamen in vsum conuertatur, sapientiae nomine indigna est. Nam

Qui ipse sibi sapiens prodesse nequit, nequicquam sapit, recte monuit ENNIUS^v. Nec aliud dicunt variae veterum definitiones philosophiae^w, imprimis ex schola Pythagorae et Platonis, nisi quod peculiarem finem expriment, quo veram felicitatem assequi homini liceat, qui nisi omni studio intendatur, omnis scientia vana esse recte concluditur. Vnde non immerito Socratem ab Apolline omnium sapientissimum dictum esse Varro apud CICERONEM^x monuit, *quod haec una esset omnis sapientia, non arbitrari sese scire, quod nesciat, et inde omnis eius oratio tum in virtute laudanda et in omnibus hominibus ad virtutis studium cohortandis consumeretur*^y.

Duplex vero veritatis ad veri boni possessionem, et exoriundam inde felicitatem ducentis cognitionis fons est, vnus congenitae lucis siue rationis humanae regulae, alter diuina reuelatio. Cum enim adeo angustis limitibus humanus intellectus circumscriptus sit, vt patentissimos veritatis vniuersae campos emetiri, immo nec ea omnia cognoscere valeat, quae tamen felicitatis humanae ratio cognosci et sciri postulat, necesse erat, vt diuina reuelatio suppetias homini ferret, et de iis eum instrueret, quae felicitatem eius summo loco ponere apta sunt. Quod vt theologiam potissimum occupat, cuius munus est, hominem de iis instruere, quae per reuelationem Deus ei patefecit, ita a philosophia quoque separandum est, nec confundendae inter se scientiae cognoscendi, quod aiunt, principio

^v) Apud CICERON. Epist. Famil. L. VII. ep. 6.

^w) Eas suo loco notabimus. Interea consulendus est G. I. VOSSIVS de Philosophia c. II. §. 5. p. 4. seqq. SENECA ep. 89.

^x) Academ. Quaest. L. I. T. IV. Opp. ed. D. Godofr. p. 7.

^y) Paria passim apud veteres, videnda apud ANTONIVM et STOBAEVM in florileg. Sermon. CXX. CXXI. CXXII. p. 702 seqq. edit. Wechel. Alia dabit GATAKERVS ad Antonin. L. X. §. 16. p. m. 365.

Sapientiae et philosophiae definitio.

Fontes sapientiae.

clipo inter se diuersissimae. Est itaque philosophia scientia veri atque boni, siue, vt veterum dicta exprimamus, diuinarum humanarumque rerum ad possessionem veri boni et exsurgentis inde felicitatis comparata, quatenus ex rationis humanae principiis cognosci atque demonstrari potest. Historiam itaque philosophicam consulturis, ad reuelationis arua accedendum non est, nec miscenda inter se, theologia cum philosophia, nisi quatenus illa huius pars est, et ex rationis principiis de Deo et rebus diuinis praecipit, quam philosophiae partem theologiam naturalem dicere solenne est.

Est tamen, vbi interdum oculus intendendus est in historia philosophica ad reuelationem. Ex primis enim reuelationis doctrinis et initiis patefactae hominibus veritatis diuinae variae particulae per traditionem ad gentes dilapsae sunt, quae ex rationis lumine cognitae doctrinis permixtae sunt, et nisi accurate inuestigentur, ad certas doctrinarum origines nos peruenire non sinunt. Exemplo sit doctrina de immortalitate animae, eiusque post mortem *vita apud dominos valde bonos*, quae Socratis vox fuit: eam enim non argumentationibus tantum probabilibus se admittere, sed longa quoque traditione credere fatetur Graecorum philosophorum maximus: vnde ad exquirendas nobilissimi dogmatis origines, etsi ex historia philosophica petendas etiam ad reuelationem et traditionem respicitur rectissime, eleganter hanc viam ingrediente Ven. IOACHIMO OPORINO in erudita historia *doctrinae de immortalitate animae*. Sed in his et similibus illustrari tantum ex reuelatae doctrinae historia, philosophicam historiam, quilibet videt.

Partes philosophiae.

§. III. Quae vero philosophiae partes sint, quarum historia discenda est, ex fine atque obiecto philosophiae facile discitur. Si enim in eo felicitas humana, per philosophiam acquirenda consistit, vt homo verum bonum possideat, eoque perpetua possessione fruatur, necessario tum de natura boni, in quo consistat, et in quibus rebus quaerendum sit, intellectus humanus instruendus, et totus homo ita formandus et emendandus est, vt ad eius possessionem peruenire queat. Et hinc latissimus ille philosophicarum disciplinarum campus se aperit, quarum aliae intellectum humanum formant, viamque parant, qua et ipse ratiocinando felicitatem indagare, et aliis eam monstrare valeat; aliae voluntatem humanam, propriam felicitatis sedem, emendant et erudiunt, et quid verum graduque optimum bonum sit, docent, qua ratione ad illud perueniatur instruunt, quibus mediis felicitas inde deriuetur, ostendunt, et quibus vitae morumque rationibus et officiis conseruetur exponunt: aliae summum bonum, quod in solo Deo residere ipsa ratio dicitur, ita describunt, vt diuinam essentiam et attributa, quaeque alia ex Deo in humanam felicitatem influxum habent, considerent: aliae ad corporis humani conseruationem respiciunt, et in hunc finem vniuersae naturae quoque considerationem exhibent, vt discat homo, qua ratione ex sapientissimi conditoris voluntate et dispositione ea ad felicitatem suam adhibenda et in vsus conuertenda sit suos: aliae societatem

tatem humanam dirigunt, et quae legis necessitas, quae societatis utilitas, quae viuendi prudentia postulent, exponunt. Quibus omnibus accurate cognoscendis genuina omnis scientiae principia, quibus, tanquam fundamentis, totum philosophiae aedificium superstruendum est, praemittenda esse, facile ex ipso ratiocinandi de felicitate hominis sine colligitur. Quae philosophiae partium distributio, ut rem mediocri attentione consideranti evidens admodum est atque luculenta, finemque philosophiae, immo sapientiae, ad verum usum et felicitatem omnia referentis recte exprimit; ita ex ea, quae veteres varie de philosophiae partibus dixerunt, diiudicari possunt, quae et ipsa non negligenda sunt, ne in ipso historiae philosophicae limine offendamus. Illi enim antiquissimis temporibus et in ipsa philosophiae pueritia eam tum ad Deum, tum ad hominem referebant, et in duplici hoc obiecto considerando sapientiae munus ponebant. Vnde HOMERVS, a quo omnem sapientiam dimanasse ad posteros magna veterum cetera sibi persuasit²:

*Philosophiam
diuisio apud
veteres.*

Ἀχλὴν δ' αὐτοὶ ἀπ' ὀφθαλμῶν ἔλον, ἢ πρὶν ἐπῆεν

Ὅφρ' εὖ γινώσκεις ἢ μὲν Θεὸν ἤδ' ἀνδρᾶ.

Caliginem vero tibi ab oculis abstuli, quae prius inerat,

Vt bene dignoscas tum Deum tum etiam hominem.

Et huc tota quoque Pythagoreorum et Platonis schola collineauit, quae omnem philosophiam in considerationem diuinorum, id est ἀληθῶς ὄντων quae scientiam certam gignunt, et humanorum, quae ad vitam hominis pertinent, et sensibus subiacent, quatenus scilicet referuntur, et praeparant ad diuina, diuidunt³. Paulo tamen aliter ARISTOTELES, qui dum a tota antiquitate abit, et in contemplatione atque intellectus perfectione summum bonum collocat, ita theoreticarum disciplinarum potissimam rationem habet, ut tria theoreticarum disciplinarum genera constituat, physicam, mathematicam et theologiam⁴, et his demum actiuam et effectiuam subiungat⁵; quarum illa ethicam, politicam et oeconomicam, haec medicinam, poëticam, grammaticam, statuariam, pictoriam comprehendit, quatenus scilicet rationes causasque suae constitutionis, naturae et operationum exponere et ratiocinando demonstrare possunt⁶: Vnde et dialectica, tanquam philosophiae instrumentum, a philosopho non omissa est. Stoici vero⁷, philosophiae tres partes esse dixerunt, moralem, naturalem et rationalem; prima componit animum, secunda rerum naturam scrutatur, tertia proprietates verborum exigit, et structuram, et argumentationes ne

pro

²) Iliad. ε. v. 127. 128.

³) PSELLVS Comm. ad quinque voces conf. Io. SCHEFFER de nat. et constit. philosophiae Italicae c. VIII. p. 65. 66. ex veteribus SENECA ep. 89.

⁴) L. VI. Metaphys. c. 1. L. II. c. 7.

⁵) de anima L. I. c. 3.

⁶) conf. IONSIUS de script. hist. philos. L. I. c. 1. §. 3. p. 4. 5.

⁷) Ita SENECA, ep. 89. qui de definitione et diuisione philosophiae omnino legendus est.

pro vero falsa surrepant. Epicurei vero f duas partes philosophiae constituerunt, naturalem atque moralem, rationalem remouerunt: deinde cum ipsis rebus cogherentur ambigua secernere, falsa sub specie veri latentia coarguere, ipsi quoque locum, quem de iudicio ac regula appellant (canonicam) alio nomine rationalem induxerunt, sed eam accessionem esse naturalis partis existimant^e. Cyrenaici^h naturalia cum rationalibus sustulerunt, et contenti fuerunt moralibus, ita tamen ut his illa reuera inferuiant. Sed de his suis locis accuratius dispiciendum erit; nobis haec summatim ostendisse sufficiat, ut pateat, quicquid sani in partitione philosophiae apud veteres fuit, id ad eam, quam supra dedimus philosophiae definitionem, partiumque eius distributionem collineare. Inde vero, quid in historia philosophiae quaerendum sit, per se patet.

*Historia philosophica
quid sit?*

§. IV. Quid philosophiae, cuius historiam perlustrare animus est, voce intelligendum sit, definiuimus, historiam, qualem iam intelligamus, exponendum est. Scilicet vel doctrinarum ea est, vel personarumⁱ. Doctrinarum historia scientiarum fata exhibet, et intellectus humani quasi historiam ita pandit, ut in doctrinarum origines, variasque sententias et mutationes atque opinionum diuortia inquirat, et quae de humanis diuinisque rebus dogmata philosophis placuerint, in quibus conspirauerint, vel in diuersa abierint, exponat: idque duplici modo fieri potest. Nam vel doctrinae alicuius historia per omnem aetatem et nationem panditur, et qua ratione per diuersas sententiarum semitas ad nos peruenerit, ostenditur: vel omnium gentium, et sectarum systemata ita oculis subiiciuntur, ut et adhibita fundamento principia, et conclusiones inde formatae, totumque systema pateat. Illam *historiam doctrinarum philosophicarum*, hanc *historiam philosophiae* distinctionis gratia non inepte vocaueris, quae vel per totum philosophiae ambitum, vel per singulas disciplinarum philosophicarum e. g. logices, physices, ethices etc. partes deduci potest. Personarum, id est, hominum philosophantium historia ad primaria quidem philosophicae historiae capita necessario vinculo non pertinet, omitti tamen ab eo nequit, qui philosophiae historiam intime pernoscere cupit. Ut enim taceamus, plurima ad formandum et emendandum animum ex historia vitae et actionum a philosophis susceptarum desumi posse, et egregie disci, quibus mediis ad sapientiam peruenerint, quae impedimenta superauerint, quibus aduersariis restiterint, ubi pro lunone nebulam amplexi fuerint, qui sapientiae possessionem honores, quae emolumenta, quae animi felicitas secuta sint, et quae alia huiusmodi sunt, quae recte considerata ad vitandos erroris labyrinthos, et sequendas veritatis semitas, ad excitandam et fouendam virtutem, et deprimenda vitia plurimum conferunt: eo potissimum nomine historia philosophorum, praesertim eorum, qui systemata condiderunt, negligenda non est, quoniam circumstantiae philosophorum in constitutionem et naturam

f) Ibid. LAERT. L. X. c. 30.

g) Ibid.

h) SENECA l. c.

i) Conf. IONSIVS de script. histor. philos. c. l.

§. 1. 2. p. 2. 3. 4.

turam systematum, quae formarunt, valde influunt, et ex iis ratio desumi debet; quae si incautius negligitur, mirum non est, in interpretatione systematum interdum hallucinari viros doctissimos, ceteraque perspicacissimos. Poteramus haec longo exemplorum syrmate confirmare, nisi animus esset, plerorumque systematum a philosophis conditorum explicationi praemittere considerationes aliquas generales, vbi talia quam maxime in censum venient. Qui vero interim exempla cupiet, is vel ad Platonis philosophiam respiciat, cuius doctrinas saepe male cohaerentes, certe ex diuersissimis sententiis conflatas et inter se coaptatas nemo recte intelliget, nisi didicerit, Platonem non a Socrate modo, sed et a Pythagora, a Cratyllo Heracliteo, a Parmenide, ab Euclide Megarensi philosophiam didicisse, et eorum placita suis horreis intulisse: vel Aristotelis philosophiam expendat, eam non intellecturus, nisi prius edoctus, quibus potissimum ex veteribus philosophis suam philosophandi rationem vir acutissimus opponere voluerit: vel oculum diuersti patiatur ad Zenonis, Stoicorum parentis porticum et Epicuri hortum; vtriusque enim placita, animaduertet, ex vatiniano potissimum, quo vtraque secta alteram persequabatur, odio non raro profecta esse, et mutuis dissidiis sibimet inuicem opposita, quae lucem non capient, nisi exposito dogmate fax praeferatur. Plura addere, superuacaneum est, nam dicta rem satis loquuntur, et confirmabit eam satis systematum philosophicorum, quam dabimus, historia. Nobis itaque quibus historiam philosophicam vniuerso suo complexu considerare constitutum est, ita ad eam attendere animus est, vt et vitas philosophorum, eorumque res gestas, et fata, tum discipulos et aduersarios, et quae alia de iis notatu digna annales referunt, expendamus, et in sectarum origines, successiones et decrementsa inquiramus, tum vero accurato potissimum oculo ad systemata philosophorum attendamus, et consultis fontibus fide dignis et, quantum licet, purissimis, principia, quibus reliqua nituntur, excutiamus, et his demum conclusiones superstruamus, adhibitis, vbi licet, iplis philosophorum verbis. Qua ratione ab iplis nascentis mundi initiis ad haec nostra tempora, quibus philosophia per Dei beneficium ad summa culmina surrexit, historiam quandam philosophiae condere licebit.

§. V. Requirit vero historia philosophica hominem iis ingenii viribus, *Requisita et iisque literis instructum, sine quibus tantum iter nemo feliciter emetiri subsidia ad poterit. Quisquis enim inoffenso pede in hac semita progredi optat, et H. P. intellectu rite disposito et voluntate recte affecta gaudeat, necesse est. Et quod intellectum quidem concernit, non naturalis tantum tam iudicii, quoad intel- quam ingenii vis requiritur, sine qua nihil in omni literarum studio vale- lectum, mus; sed intellectus potissimum ita excultus postulatur, vt accurate ratio- cinari, veterum sententias proprio lumine illustrare et interpretari, et claras pro argumenti conditione de materiis tractandis ideas sibi acquirere queat. Et cum in historia ad fidem veterum relationibus dandam plera-*

quod volun-
patet,

que redeant, id imprimis discendum prius est ei, qui ad historiam philosophicam excolendam se accingit, qua ratione et mensura fides historica ponderanda sit, quibus verisimilitudinis gradibus narrata veterum nitantur, quae a vero aliena, quae propinqua, quaeue medio ita loco posita sint, ut in vtramque partem de iis disputari queat. Nisi enim hoc logices filum quis arripuerit, nunquam ex hoc labyrintho se expediet. Iungenda cum arte rationali, ars critica, ut iudicium fieri queat, de genuinis et supposititiis philosophorum scriptis, de fontibus unde interpretatio hauriri debet, deque causis omnibus in systemata veterum philosophorum influentibus. Nec linguae negligendae sunt, sed legendi philosophorum, qui extant, libri in eo sermonis genere, quo exarati sunt, attendendum praeterea ad temporum rationes, quibus singula contigerunt, sine qua chronologiae face nunquam historiae philosophicae tenebrae dispellentur. Excutiendae sunt veterum ritus, mores et consuetudines, quibus se et dogmata sua philosophi haud raro attemperarunt; immo ex omni antiquae et nouae eruditionis penu aduocanda ea et in promptu habenda sunt, quae historiae philosophorum omnis aetatis et gentis lucem aliquam foenerari possunt. Imprimis vero purgatum a praeiudiciis, veritatem iugulantibus, intellectum habere oportet eum, qui feliciter in historia philosophica versari cupit. Abiicienda nimia antiquitatis veneratio, omnia maiori extollens gradu, quae antiquitatis situ obducta squalent; extirpandum praeiudicium auctoritatis, certis viris magnis veritatem ob solam nominis famam vel dignitatem adscribens. Abiicienda omnis praecipitantia, vel nouitatis quoque sine ratione amor; et non subterfugiendus improbus et iteratus labor, toties philosophorum dogmata expendendi, quoties deficiens nobis eorum lux postulat. Imprimis vero hypotheseos, quod vocant praeiudicium exuendum est, ne philosophos ea dixisse putemus, quae cum nostro systemate et hypothese conueniunt: quae philosophos peruersa interpretandi ratio, quanto opere historiae philosophicae nocuerit, dici vix potest. Vnde patet voluntatem quoque eius, qui in historia philosophica excutienda recte versari vult, bene affectum esse debere. Eiicienda scilicet et odium et fauor, omneque partis studium, nulloque et nullo affectu impedito oculo omnia philosophorum, siue laudem hactenus meruerint, siue culpam, lustranda sunt. Hinc sinceritatem animi et magnum hoc studium candorem postulat, ne fraudibus eorum, quorum interest, omnia vetera et noua miscere historia philosophica pateat. Quae mentis integritas vix desiderabitur, ubi illa sincera cupiditate flagrat veritatem inquirendi, eamque a falso segregandi, unde magnus ad reiiciendas fabulas, etiam publico assensu conseruatas, non oriri non potest animus. Addimus non sine causa modestiam animi, quae suae suppellectilis gnara, et prolixissimi laboris in historia philosophica exantlandi conscia, non omnia se scire, mentisque acie attingere posse, nouit, immo multa esse philosophorum fatetur, quae ita se habent, ut adhibita omni industria clare distincte-
que

que certoque scientiae gradu cognosci nequeant ^k. Vnde et in assensu prudenter cohibendo, et agnoscenda quoque ignorantia, prudentem et modestum historiae philosophicae cultorem assiduum esse, quilibet intelligit. Non vero cautum tantum doctumque historicum desiderat historia philosophica, sed et philosophiae mysteriis innutritum; quisquis enim in ipsa philosophia hospes est, nunquam vel veteres intelliget, vel recentiores mente assequetur, vel iudicium quoque suum interponet feliciter. Quae omnia sicut recte ad historiae philosophicae studium rite excolendum requiri, ipsa res clamat, ita quam difficilis is labor sit, quamque arduum ad aliquam in ea perfectionem adspirare, nemo non intelligit. Quod tamen deterrire debet neminem, in hoc utilissimo eruditionis genere profectum quaerentem: nam et multa diligentia, attentione, et adhibitis mediis dictis difficultates felicissime superari possunt, et in magnis voluisse, modesto animo fatis est. Qua de re eleganter **PLINIVS** ^l, cum difficilem philosophicae historiae partem, quae naturam rerum enarrat, explicare constituit: *Magna pars studiorum amoenitates quaerimus, quae vero ab aliis tractata dicuntur immensae subtilitatis, obscuris rerum tenebris premuntur. Iam omnia attingenda, quae Graeci τὰς ἐγκυκλοπαιδείας vocant, et tamen ignota aut incerta ingeniis facta: alia vero ita multis prodita, ut in fastidium sint adducta. Res ardua, vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam, et naturae suae omnia. Itaque etiam non affectis voluisse abunde pulchrum atque magnificum est.*

§. VI. Hae vero difficultates ut facilius superari, et quae ad historiam philosophicam felici effectum excolendam necessaria esse demonstravimus, eo certius acquiri queant, dabimus monita quaedam et cautelas, ad quas praecipue attendendum esse historiae philosophicae studioso, si et scyllam et charybdin euitare cupiat, longa experientia viros doctissimos et in his literis summos edocuit ^m. Scilicet:

I. Quaecumque sunt fontes, ubi haberi possunt, proximi, et examinandi ad fontes riuuli. Fontes vero innuimus, ipsa philosophorum scripta, quae hodie supersunt. Etsi enim magnam scriptorum philosophorum praecipue veterum (nam recentiorum alia conditio est) partem temporis iniuria nobis eripuit, et imprimis fatalis ignis plurimam scriptorum philosophorum partem perdidit, conseruata tamen scripta Pythagoreorum quorundam, tum Platonis, Aristotelis, Theophrasti, Epicuri, et post Christum natum

B 3

tum

k) Eleganter **ORIGENES** contra Celsum L. I. p. II. Nemo nostrum dicet, noui Epicuri omnia; nec audebit profiteri, se nosse Platonis omnia, cum tantopere inter se discrepent etiam scriptorum eius interpretes. Quis enim est tam audax, ut dicat, se nosse Stoicorum omnia vel Peripateticorum. Nisi forte hoc verbum, noui tum omnia,

ab idiotis aliquibus imperitiam suam non agnoscantibus audiat.

l) In praefat. Historiae naturalis.

m) Dicta hac de re nonnulla in diss. de comparatione philosophiae gentilis, cum Scr. S. et religionis christianae dogmatibus caute instituta, quae prima est in Otio vindelico.

tum principum sectae eclecticae, Plotini, Porphyrii, Iamblichi, Hieroclis, Procli, et similium; Stoicorum quoque post reparatam salutem principum, Senecae, Epicteti, Antonini, etc. Quae ut totius systematis sui rationem plerumque exponunt, ita in normam eligenda sunt, ad quam reliqua, quae ab aliis de horum philosophorum doctrina referuntur, exigenda sunt. Ex ipsis enim philosophorum, praecipue sectarum conditorum, verbis certissima de mente dogmatum ab iis admissorum indicia desumi posse, quilibet per se intelligit, et res ipsa loquitur, experientia tamen in his literis exercitatum magis confirmat. Saepissime enimprehendimus, eos, qui philosophis, praecipue veteribus posteriores eorum dogmata retulerunt, vel inscitia, vel detrahendi et odium conflandi studio finistre ea exposuisse. Quae in culpa praecipue versatur Aristoteles, qui magno studio coemtis et expilatis veterum libris, ita haud raro eorum mentem expressit, ut nocentior quidem et a vero alienior videretur, longe tamen a vera eorum sententia recederet; quae in re Speusippum, Aristoxenum et Xenocratem comites habuisse olim iam conquestus est PORPHYRIUSⁿ, ipse saepe non melior. Idem et epicureae philosophiae historia comprobatur, quae si ex aduersariorum, praecipue Stoicorum, immo et Ciceronis atque Plutarchi relatione iudicanda est, absurditate vix ab alia vincitur, ex ipsis vero Epicuri epistolis, quas nobis conseruauit LAERTIUS^o desumpta meliori habitu conspiciendam se praebet. Semper enim, ut in omni sententiarum diuortio, ita praecipue in philosophorum sententiis aduersarii partes argumento ab inuidia et odio ducto pressas esse, fidem nobis, quae sequetur faciet historia philosophica, tum veterum, tum nostrorum temporum.

Dispiciendum. de sua an de aliorum sententia loquantur philosophi.

II. *Attendendum vero in ipsis, quae supersunt scriptis philosophorum, an de suis hypothesebus agant, suamque mentem expromant, an aliorum sententias referant.* Multum incertitudinis et erroris neglecta haec cautio in historiam philosophicam intulit. Solent enim haud raro veteres imprimis philosophiae doctores aliorum philosophorum sententias referre, idque haud raro ita, ut summa attentione opus sit, si recte assequi quis cupiat, de cuius doctrina vel opinione sermo sit^p. Id in Platonis potissimum et Aristotelis scriptis usu venit; ille enim mox Parmenidem, mox Cratylum, mox Socratem, mox Timaeum, loquentes inducit, horumque philosophorum sententias suis dialogis ita miscet, ut magna difficultas et obscuritas in exquirenda vera Platonis mente inde oriatur^q. Hic vero, dum, iudice GASSENDO, compilatorem alienorum operum maximum se praestat, simili cum praeceptore labore aliena suis sine euidenti saepe indicio miscet. Et his similia in reliquis quoque occurrunt.

Sectae expendendae.

III. *In consulendis porro veterum philosophorum scriptis et hauriendis inde eorum sententiis ad sectae, cui vel addicti fuerunt, vel quam ipsi exci-*

ⁿ) In vita Pythagorae p. 36. ed. Rom. conf. Fr. PATRICIUS discuss. Peripat. T. II. L. I.
^o) L. X. de vit. philos.

^p) Conf. Otium vindel. mel. I. p. 157.

^q) Vid. Historia philos. doctrinae de ideis §. 2. p. 13. ubi prolixius hoc ipsum probauimus.

excitauerunt, linguam loquendique modum, quam maxime attendendum est. Dum enim philosophi vocibus vtuntur pluribus sectis communibus, propriam tamen suoque systemati accommodatam verbis significationem ab aliis sectis longe abeuntem subiiciunt; quam qui non probe notat, et eadem dicere philosophos putat, vbi iisdem verbis et loquendi modo vtuntur, misere fallitur. Exemplis huius rei historia philosophica scatet, et vel vna fati vox satis comprobatur, quae longe aliud apud Pythagoram et Platonem, aliud apud Stoicos, aliud apud Epicurum significat, sensu non tantum diuersissimo, verum etiam saepissime contradicente.

IV. *Vt itaque de sententia philosophorum sanum rectumque iudicium ferri queat, totum ex eorum scriptis systema ita eruendum est, vt ante omnia principia generalia, quae fundamenti loco toti doctrinarum aedificio subiiciuntur, eruantur, et his demum illae superstruantur conclusiones, quae ex istis fontibus sponte sua fluunt.* Quemadmodum enim hoc praecipue philosophi officium est, vt ex positis quibusdam principiis generalibus, specialia dogmata iusto nexu deriuat, ita eam interpretationem merito alteri praetuleris, quae cum toto systematis habitu et connexionem conuenit apteque inter se cohaeret, etsi prima facie aliud dicere videatur. Quod vbi neglexeris, mira sententiarum confusione deceptus, nunquam ad veram philosophorum mentem rite cognoscendam peruenies. Id quod plurimis viris doctis in Stoicorum praecipue systemate explicando accidit. Cum enim Stoici post natum Christum, christianae potissimum doctrinae laude illecti, verbis et externa specie philosophiam suam, imprimis moralem speciosius ornarent, factum inde est, vt viri multi magna eruditionis laude florentes, sed incautius ad systematis stoici nexum habitumque non attendentes, plurima sana et egregia somniarent, quae propius et ex intima principiorum stoicorum connexionem considerata, non vnum errorum cumulum exhibent.

V. Non vero ad systemata tantum ipsa, in scriptis philosophorum obuia, sed *ad circumstantias quoque auctorum, temperamenti et educationis rationem, praeceptores, quos ex parte imitati sunt, aduersarios, quibus sua dogmata opposuerunt, fautores, vitae genus, quod sectati sunt, gentem vnde vel oriundi, vel apud quam vixerunt, et quae alia his similia attendendum est.* Supra enim iam monuimus, eiusmodi circumstantias plurimum habere in ipsa systemata philosophorum influxum, quae vbi negliguntur, ineluctabilem obscuritatem pariunt. Id quod in plerisque tum veterum, tum recentiorum philosophematis recte obseruatum magnam lucem historiae philosophicae accendit: vt praeter ea quae iam diximus, ex iis, quae de philosophia pythagorica in veteris, et de theosophico-paracelsica in recentioris philosophiae historia dicuntur, suo loco erit manifestissimum.

VI. Quod

r) Conf. PLUTARCH. de placit. philos. L. I. c. 25 seqq. Otium vind. mel. I. §. 7. p. 85. vbi plura hanc in rem dicta sunt.

s) Prolixius id ostendimus in diss. de subdola Christianorum imitatione a Stoicis post C. N. suscepta, quae inserta est Tempe heluet. T. III. lib. 2. art. 4.

Totum systema philosophi eruendum.

Ad circumstantias philosophorum attendendum.

Testimonia si-
de digna
quaerenda,

VI. Quod si ipsa philosophorum scripta nobis non suppetunt, vel quae pro talibus venditantur, examen criticum non sustinent, ad eorum quam maxime testimonia confugiendum est, qui philosophis attate fuere proximi, et vel eos ipsos docentes audierunt, vel eorum genuina scripta legerunt, et dogmata philosophorum intelligere potuerunt; praeiudiciis vero non coecati impedimenta non habuerunt, in cognoscenda sententia veterum. Quorum ita examen instituendum est, ut quo maior testium nubes se nobis offerat, qui et veritatem dicere potuerunt, et causam, cur eam vitarent, non habuerunt, eo maiorem quoque fidem mereantur. Et haec communis admodum, ut omnis historiae, ita maxime philosophicae regula est; ex qua sua sponte fluit, in testimoniis adducendis quo maior est testium auctoritas, et fides, eo maiorem habere ea quoque verisimilitudinem. Id quod imprimis apud eos observandum est, qui certae cuidam sectae addicti, historiam philosophicam vel totam, vel ex parte aggrediuntur. Illis enim ad sectae suae emolumenta plurimum attentis non facile habenda fides, nisi aliorum quoque testimoniorum auctoritate suffulti veri magnam prae se ferant speciem. Nam plerumque eiusmodi homines philosophorum vitam, fata et dogmata ita referunt, ut ad sua potissimum placita commodum atque commendatio redundet. Quae cautela imprimis apud Eclecticis, siue Alexandrinos philosophos, qui Platoniorum quoque recentiorum nomine inclaruerunt, tenenda est; hi enim vaserrimi homines, ad incrustandum novum philosophiae suae satis miserae genus, veterum imprimis Pythagorae vitam, fata et philosophiam ita depinxerunt, ut ingenii sui somnia a magnis istis viris profecta viderentur; quae tamen accuratiori examine excussa, non suspecta tantum videntur, sed et falsa et frustra asserta.

praesertim in
philosophis
post C. N.

VII. Necessariam hanc cautionem esse, quilibet videt, qui artem criticam vel a limine salutavit: maiorem tamen eius necessitatem deprehendimus in diiudicandis relationibus et fide philosophorum post Christum natum florentibus, praesertim iis, qui Potamone primum, mox Ammonio Sacca auctore pessimum institutum excoluerunt, plures sectas inter se conciliandi, immo ipsa quoque sanctissimae religionis nostrae decreta cum suis systematibus coniungendi, iisque veterum philosophorum nomine et auctoritate praefixa dignitatem nomenque acquirendi. Nihil enim his philosophis solennius, quam ut ex abundantissimo historiae philosophicae gremio, cui se profunde satis insinuant, depromant infinitam sententiarum mirabilium materiem, quam mira audacia inter se coaptantes, deforme philosophiae aedificium extruunt, et dum veterum nomina crepant, incauto lectori ea pro genuinis veterum doctrinis dogmata propinant, quae a vero eorum sensu maxime abeunt. Vnde omnes omnino Syncretistae, id est, variarum sententiarum et diversarum sectarum inter se conciliatores caute audiendi et multo cautius admittendi sunt, quippe qui mentem philo-

r) Vid. cel. MOSHEMII dissert. de corrupta per recentiores Platonicos ecclesia, volum. diss. ad H. E. pertin. p. 85 seqq.

losophorum plerumque adulterant, cuius testes fere infinitos historia philosophica, tum veteris, tum mediae, tum recentioris aetatis nobis exhibebit.

VIII. Quia vero magna semper fingendi et supponendi fuit licentia, ^{Supposititia} imprimis ex quo in Aegypto atque Asia minore certum hominum genus ^{scripta fu-} extitit, quod singulari philosophiae genere superbiens, licitum sibi puta- ^{gienda.} uit pia fraude, et libris veteribus sapientiae doctoribus magnisque viris suppositis, sua dogmata propagare; quam pestem in sua arua quoque deriuare recentiores Platonici, immo nec Christiani omnes ab ea abstinuerunt, ut de haereticis, magnis huius fraudis artificibus, nihil iam dicamus: hinc *summe cautum oportet esse prouidum historiae philosophicae cultorem, ne facile in eiusmodi retia incidat, fidemque libris habeat magnam antiquitatis speciem mentientibus, sed fraudis atque imposturae vestigia attento facile prodentibus.* Euoluant, qui huius rei exempla cupiunt, qui sub Zoroastris, Sibyllarum, Mercurii Trismegisti, Orphei, aliorumque priscae philosophiae antistitum nomine libri venduntur, magnamque ibi fingendi et supponendi licentiam deprehendent. Et horum similibus historia philosophica scatur, quae qua ratione vitanda et detegenda sint, criticae artis magistri docere solent.

IX. Quod si scripta, ex quibus testimonia de factis, dictis, fatis et dogmatibus philosophorum, quorum ingenii foetus aetatem non tulerunt, ^{Examinandi} haurienda sunt, genuina suisque auctoribus digna deprehendimus, ^{gradus fidei} collatis ^{historicae.} tamen *testimoniorum narrationibus ad fidei historicae gradus oculus intendendus est, nec examinandum tantum, an scriptor, qui testis est, veritatem dicere potuerit et voluerit, sed et quae testimonia fidei gradu et auctoritate reliquis praeferrere mereantur.* Etsi enim ad verisimilitudinis lancem in historia omni, praecipue vero in philosophica, pleraque ponderanda sunt; potest tamen interdum probabilitatis ratio eo usque vrgeri, rei-que veritas ita poni in aprico, ut parum a demonstratione ablit, certe ab insigni errore tuti esse queamus. Cuius regulam concinne exhibuit celebris artis rationalis doctor^z, ita praecipiendo: *Res gestae, de quibus sensus facile possunt iudicare (eadem intellectus eiusque ratiociniorum conditio est) si confirmentur testimoniis multorum hominum diuersarum aetatum, diuersarum nationum, diuersa consilia sequentium, si de illis loquantur tanquam de se visis, neque suspicio sit eos conspirauisse ad mendacium stabiliendum, non minus constanter credi debent, quam si visae fuissent a nobis propriis oculis.* Quo magis itaque ad hunc apicem in expendenda philo-

^u) conf. IDEM diff. de causis suppositorum librorum inter Christianos s. I. et II. vol. cit. p. 217 seqq.

^z) Enumerat eos B. FABRICIUS bibl. graec. vol. XIV. p. 131. et causas simul suppo-

sitionum in compendio vna cum criteriis affert.

^z) Auctor artis cogitandi P. IV. c. 7. p. m. 491. conf. quae erudite et copiose de fide historiae philosophicae disserit cel. C. A. HEYMANNS aet. phil. vol. I. p. 381 seqq.

philosophiae historia pertingere nobis licet, eo certiore illa nobis cognitionem impertietur. Quod si, ut plerumque fieri solet, ad tantum probabilitatis gradum peruenire nobis non licet, opera tamen danda est, ut, quantum licet, verisimilitudinis gradus augeantur; ubi imprimis cauendum est, ne solo testium numero, praesertim eorum, qui nimis remoti ab iis temporibus fuerunt, de quorum factis et dictis testimonium perhibent, moueamur, ad dandam illis fidem, cum haud raro sine examine sequiorum temporum scriptores prioris aetatis commentaria exscribant, nouorum ideo testium in numero non habendi. Verum de his prolixius consulendi sunt, qui de ratiocinandi arte praecipunt ^a.

*Nihil aliter
affirman-
dum, quam
fides histori-
ca patitur.*

X. Cautè in historia philosophica incedendum esse, ex dictis sponte sua sequitur: inde vero fluit, *nihil affirmandum vel negandum in ea esse, aliter, quam fidei historicae leges patiuntur.* Vnde quae sola possibilitate speciem ementiuntur, qui infimus fidei historicae gradus est, cautissime consideranda et admittenda sunt, et ubi licet probabilitatis ratio atque causa, quousque fidem narratio mereatur, adiicienda est, ut scilicet veritatis indagator vno intuitu videat, quid statuendum, admittendumue, quidque reiiciendum sit.

*In dubiis sus-
pendendus
assensus.*

XI. Hac via sollicitè incedenti accidet saepius, ut adductis et ponderatis rationibus et testimoniis incertus sit, quid sequi debeat, quid admittere tanquam verum, quid tanquam falsum repudiare. Et hic omnino *suspendendus intellectus assensus est, et fatenda candidè incertitudo.* Qui pyrrhonismus historicus uti maxime sobrium in historia medicamen est, ita quoque in philosophica historia non tantum adhibendus est, ubi certum probabilitatis gradum attingere non licet, dubiusque intellectus haeret: sed muniendus eo etiam est animus, ut nihil, praecipue primas verisimilitudinis rationes non prae se ferens, temere pro vero admittatur, sed eo usque suspendatur intellectus iudicium, donec adhibitis ratiocinandi regulis et accurato examine fundamenta fidei historicae rei debitae patefiant ^b.

*Res ipsae con-
siderandae.*

XII. *Neque res ipsae, quae in historia philosophica occurrunt, siue facta sint, siue doctrinae, negligendae, sed ita expendendae sunt, ut locum ibi, ubi de iis sermo sit, inuenire queant.* Vbi tamen et scylla et charybdis vitanda, mediaque via incedendum est, ne in extrema currendo, a veritatis tramite aberretur. Scilicet ubi philosophis talia vel dogmata, vel facta tribuuntur, quae communes rationis sensusque regulas laedunt, et ab homine sobrio atque vel mediocriter docto expectari vix possunt, non temere ea admittenda, sed accuratissimo omnia examine excutienda sunt; qua cautione adhibita multa fabularum plaustra ex historia philosophica eiici possunt, quas mendax potissimum Graecia^c excogitauit, et imprimis sophistarum

rum

^a) Eleganter multa hac de re praecipit celeb. CROVSZIVS Logic. P. III. c. 4. p. m. 1186. qui legendus est.

^b) Vid. BIERLINGII Commentatio de pyrrhonismo historico.

^c) Testimoniorum religionem et fidem nunquam

rum nugacia et ad fingendum et mentiendum parata ingenia pepererunt, ab omni veritatis non specie tantum, sed et sensu aliena, qualia v. g. in Cynicorum historia deprehendere licet. Non tamen eo usque id extendendum est, ut pro falso et efficto habeamus, quicquid a ratione alienum philosophis tribuetur. Vti enim non omnes philosophi fuere, qui pallium et baculum gestarunt, barbamque nutriuerunt; ita ad infana multa, et imprimis ad absurdissima sententiarum monstra multos fuisse delapsos, ex certissimis historiae monumentis constat, nihilque tam absurdum est, quod non dictum sit ab aliquo philosophorum.

XIII. Haecenus intellectum ab iis impedimentis praemuniuimus, quae in decurrendo historiae philosophicae campo ex re tractanda enata haud parum obsunt. Iam et ipse historiae philosophicae studiosus muniendus est, ne sibi ipse officiat. *Caueat itaque, ne suas opiniones, ideas, sententiam, philosophis supponat, et ea se apud illos videre putet, quae vel ipse sentit, vel ut sentiant philosophi, in votis habet.* Id quod ex eo tempore, quo literarum reformatio faustis aurbus obtigit, saepissime accidit. Certis enim opinionibus innutriti vel occupati viri docti, ut suae hypothesei, quam semel deamauerunt, auctoritatem concilient, philosophorum veterum sententias ad sua dogmata ita applicant, ut cum iis conspirare videantur. Cuius nobile exemplum historia philosophiae Sinensium suppeditat, quam viri docti, qui ex societate Iesu ad hanc gentem missi sunt, ita nobis exhibent, ut praeiudicio non occaecati facile odorentur, ad philosophiae scholasticae, ab his viris Sinarum regno illatae, ideam gentis longe alia sibi persuadentis cogitata fuisse efformata^d, quae res quantas nostra aetate lites et diffidia pepererit, inter omnes constat.

XIV. Non vero tantum a suae sententiae et hypotheseos veterum dogmatibus inferendae studio abstinendum est, sed *nec maior lux inferenda iis, quam penes auctores suos habuerunt.* Quisquis enim cauta sobriaque ratione philosophicam historiam expendet, deprehendet, saepissime philosophos non claras satis et distinctas doctrinarum suarum habuisse ideas, sed vocibus vagis et indeterminatis vsos incertum lectorem dimisisse, quod imprimis in Aristotele recentiores reprehenderunt philosophi^e. His qui certiora substituit, et clariore luce donat, non tam veterum philosophorum mentem pandit, quam sua cogitata iis affingit, quemadmodum ab iis factum est, qui Aristotelis philosophiam recentiori reconciliabilem asseruerunt^f.

XV. Tandem *nec ad nostrorum temporum habitum et sapientiae inter nos cultae ideam philosophia vetus exigenda est.* Aliam enim aetatem alia philosophandi ratio semper decuit. Cuius regulae neglectae incuria nobis

C 2

quam ista natio Graecorum coluit. CICERO Orat. pro L. Flacco.

d) Ita Laurentium Magaloti et Carolum Dati, doctissimos Florentiae viros iudicasse, postquam cum Iesuitis Grubero et Oruillio ex Sina reducibus

de Sinarum philosophia colloqui fuissent, refert cel. RENAUDOTIVS in diff. de eruditione Sinensium.

e) Ars cogitandi, Mallebranche, aliique.

f) Vid. illustr. LEIBNIZIVS pec. diff. T. II. epist. Leibniz. p. 121 seqq.

Suae opinio-
nes philoso-
phis non sup-
ponendae.

Maiores huius
non inferen-
da, quam in
se h. storia
habet.

Veteris philo-
sophiae idea
ad nostram
non exigen-
da.

nobis tot monstra philosophorum, praecipue in historia philosophiae barbaricae progenuit, et prophetas Hebraeorum vetustissimorum immo reges Orientis mutauit in professores philosophiae, encyclopaediae hodiernae studio innutritos. Quod puerile praeiudicium mature in historia philosophica abiiciendum est.

*Temporum
rationes con-
siderandae.*

His cautelis si longinquum iter muniatur, et philosophicae historiae studium caute sobrieque suscipiatur, facile difficultates superari possunt, quae in amplissimo hoc campo exsurgunt, innumerae, facileque ex hoc labyrintho euadimus salui atque incolumes. *Non negligenda tamen et reliqua eruditionis praesidia, et imprimis temporum rationes probe considerandae sunt,* quae accurate adhibitae fabulas produnt, a paucissimis saepe animaduersas. Exemplum esto Isidorus, celebris eclecticae scholae philosophus, quem Hypatiae doctissimae foeminae maritum faciunt, et abstinentiam cum ea seruauisse asserunt recentiores, post Suidam, viri doctissimi tantum non omnes; manifestum tamen errorem prodente temporum serie, Hypatia violenta nece seculi post C. N. quinti anno decimo quinto extincta, Isidoro seculi sexti anno trigesimo tertio cum aliis philosophis ad Persarum regem transeunte. Et talia quidem innumera in historia philosophiae occurrunt. Sed et totius eruditionis historia in subsidium vocanda est, sine qua philosophorum acta saepissime intelligi nequeunt; quod et de sacra ecclesiae historia tenendum, eo potissimum tempore, quo apud homines ecclesiasticos philosophia, vel, si mauis, philosophiae umbra sedem fixit. Vnde et in sequenti tractatione vbique lux ex sacra et literaria historia philosophicae lucranda erit.

Ignem supra num. I. innuimus praecipuam causam esse, cur tot veterum, praesertim philosophorum libris careamus, id quod nemo negauerit, qui librorum veterum fata cognouit. Vt enim silentio praetereamus eos philosophorum libros, quos ipsi Vulcani flammis deleuerunt, magna incendia, quae celeberrimas bibliothecas deuorauerunt, in causa fuerunt, vt tot libri veterum philosophorum nobis eriperentur. Celeberrimam enim Ptolomaeorum bibliothecam incuria militum Caesaris flammis absumtam nemo ignorat. Illi vero praestantissimos omnis generis, praecipue vero philosophorum libros illatos esse, constat. Idem fatum Romae postea bibliothecam in Palatio Caesareo ad templum Apollinis a Caesaribus extructam deleuit, igne coelitus delapso consumtam: quam cum cura Imperatorum ex cineribus excitaret, nouo consilio et inconsulto feruore pontifex romanus Gregorius magnus, omnes gentilium libros Romae superstites igne extirpauit, vid. SARISBERIENSIS *Policrat. L. II. p. m. 123.* Cum vero post primam bibliothecae Alexandrinae conflagrationem insignis librorum optimorum praesertim ad philosophiam in hac vrbe praeter alias excultam pertinentium, thesaurus collectus iterum esset, effecit Saracenorum principis Omari rabies, et insanus legis suae amor, vt occupata Alexandria omnes veteres libri igne multos

multos menses durante delerentur, frustra precibus intercedente Ioanne Philopono, vid. ABULPHARAIUS *Hist. Dynast. p. 114*. Immo, quod mireris, ipse Almamon Saracenorum principum longe doctissimus et eruditionis maximus promotor ad commendandas, quas fieri curauit translationes veterum scriptorum, praecipue philosophicorum eo artificio usus est, ut archetypa graeca igne destrui iuberet, referente LEONE AFRICANO *de viris illustribus Arab. c. I.* apud FABRIC. *Bibl. Gr. Vol. XIII. p. 260*. Quare mirum non est, tot veterum philosophorum libros hodie desiderari. Alia dabit cel SCHELHORNIVS *Amoenit. T. VII. p. 75 sqq.*

§. VII. Prouide dictum in modum cauteque susceptum studium in ori- *Vtilitas hi-*
gines, incrementa et fata philosophiae inquirendi vtilitate gaudere maxima, *storiae philo-*
et per omnem disciplinarum optimarum circulum haud contemnendis se *sophicae.*
emolumentis, quae praestat, commendare, adeoque improbo labore et per-
tinaci, quam postulat patientia, dignum esse, perspiciet haud difficulter,
quisquis tum ad dogmatum, tum ad hominum historiam in philosophia
paulo plenius attenderit. Nulla enim fere disciplina est, quae ex historia
philosophica recte exculta incrementa capere nequeat. Est enim haec fa- *Est historia*
torum sapientiae humanae enarratio reuera historia intellectus humani *intellectus*
quae, quid ille valeat, qua ratione tenebris ereptus, et veritatis luce collu- *humani.*
stratus per varios casus, per tot discrimina rerum ad cognoscendam veri-
tatem et felicitatem peruenerit, per quos anfractus aberrauerit, qua ratione
reuocatus in regiam viam ad metam contenderit, quibusque mediis ita fe-
licitati animi ministrauerit, luculenter edisserit, et ita expositis ingenii hu-
mani fati, quae via supersit, quae syrtes vitandae, quis portus anhelandus,
verbo, quid ab intellectu humano adhuc expectandum sit, exponit: quod
cum ad reliquas quoque scientias pertineat, eximius historiae philosophicae
usus inde patet. Sed non veritatis tantum origines et incrementa aperit *Errorum in-*
historia philosophica, sed erroris quoque fontes indicat, et qua ratione sen- *dex.*
tentiae non falsae tantum, et erroneae, sed perniciosae quoque et corrum-
pendis animis aptae ortae, quibus mediis propagatae sint, quae damna tam rei
publicae literariae, quam christianae attulerint, viuis depingit coloribus. Cu-
ius rei plurima emolumenta sunt. Quod si enim discimus, magna ingenia
et ad diuinitatem relata in errorum absurdissimorum pariter atque nocen-
tissimorum deuia delapsos a veritatis tramite longe recessisse, cadet pesti-
lentissimum auctoritatis praeiudicium, et sana atque ad philosophandum
maxime proficua alitur erga quoscunque, etiam magni nominis, homines
diffidentia, ut propter nominis celebritatem opinionibus eorum non adsti-
pulemur, nihilque ex iis pro vero admittamus, nisi accurato prius examine
probatum, et verum deprehensum fuerit. Quae prudentia si ex historiae
philosophicae cultu mature adhibita fuisset, citius a iugo Aristotelico, quod
intolerabili seruitute per tot secula orbem philosophicum pressit, humani

g) Laërtii historiam ideo ingenii humani historiam appellat MENAGIVS in Comm. ad Laërt. proleg.
p. 2. conf. DESLANDES *Histoire critique de la philosophie T. I. pref.*

generis ingenia liberaffet, quinimmo omni sectae studio, philosophandi libertati sanaeque veritatem inquirendi methodo tam aduerso, et veritati per omnem aetatem inimico obicem validissime posuisset. Nec id tamen, quod quis obiiciat, ad deprimendos alios, magnosque viros contemnendos, seque ambiciosius efferendum, viam sternit; discunt enim exemplis viro- rum summorum, in veritate inquirenda turpiter saepe lapsorum philoso- phantium ingenia, quam sobrie et modeste agendum sit in hoc negotio, et quam caute incedendum, ne, quod maximis ingeniis accidit, nobis, qui ad tantam mentis aciem non assurgimus, eo magis eueniat; immo his exem- plis de se modeste statuere, et a se errare non alienum esse, prudens discit, quae infirmitatis suae agnitio et ad tolerandos amice dissentientes, et ad fe- rendam aequo animo contradictionem aliorum, et ad libere ac sine partis vllius studio et respectu venandam veritatem calcar addit strenue. Ape- riunt vero detecti errores, eorumque fontes etiam liberum vel ideo cogi- tandi campum, quia luculentis exemplis ostendunt, opiniones a plerisque interdum pro veris admissas, leuissimis praeiudiciis, et caeco auctoritatis, antiquitatis vel commodi quoque studio niti, veritates vero, a plerisque reiectas, et pro paradoxis, erroneis et perniciosis habitas, post multorum seculorum, quibus depressae iacuerunt, iniuriam tandem caput extulisse, et de errore triumphasse. Quae haecenus dicta vt exemplis declaremus, ma- gnus semper error inualuit in superstitioso spirituum corpore humano non vestitorum cultu et inuocatione, cuius detestabiles fontes nobis aperit philosophia platonica, quae ex pythagorica et orientis quoque traditione, cum de mediatore inter Deum et homines subobscurae quaedam percepis- set, per quem reconciliandum sit Numen cum hominibus, offerendae pre- ces, commendanda sacrificia, reuelanda vero hominibus voluntas diuina, et impertienda beneficia diuinae beneuolentiae; nescio quem daemonem magnum, amoris nomine insignitum, per quem ista fierent, excogitauit ^h, et de daemonum ex hac re exsurgenti officio multa obscurissime, vt in eius- modi argumenti genere fieri solet, disputauit. Cum vero pestilentissimus error accederet, emanasse ex Deo omnia entia intellectualia, per diuersos ordines peculiarem existentiam naeta, excogitauere sequentia tempora in scholis Platoniorum illa ex Orientis et Aegypti disciplina in sua arua de- riuantium, certum quoddam daemonum genus, quod mediam inter Deum et hominem naturam teneat, quique daemones catenam vnam ab hominibus ad Deum pertingentem conficiant, quae vniuersum repleat. Hos mediato- res inter Deum et homines constituebant, per hos preces hominum ad Deum perferri, sacrificia referri, Deique voluntatem patefieri, beneficia ex- hiberi somniabant, hos itaque religioso cultu inuocandos, hos, posito licet inter Deum atque genios coelestes discrimine, colendos contendebant ⁱ.

Qui

^h) Memorabilis hoc de argumento locus extat apud PLATONEM T. III. Opp. p. 201. ed. Serr. qui apud ipsum philosophum legi meretur.

ⁱ) Consulendus luculentus locus I A M B L I - C H I de myst. Aegyptior. L. I. sect. 5. p. 8. ed. Gal.

Qui putidus error, cum ad Christianos philosophiae platonicae nimis deditos peruenisset, sinceram de cultu soli Deo debito doctrinam corrumpit, et erroneam de cultu angelorum bonorum doctrinam in ecclesiam introduxit; in qua non haeretici tantum nescio quas Aeonas diuinitatis quadam ratione participes inde exsculperunt, sed et doctores alii, illique cetera doctrina sani, ad varia, quae angelis exhibebantur, cultus religiosi genera dilapsi sunt, cautius in ea re versaturi, si erroris fontes et propagationem inspexissent. Quemadmodum vero ita errores receptos publice et inter summas veritates relatos esse historia philosophica docet, ita reiectas tanquam absurdos errores veritates eximias, tandem nostris temporibus triumphantes et veritatibus philosophicis restitutas memorabili exemplo ex schola Pythagorae petito confirmat. Placuit enim huic philosopho, et qui ex sectatoribus doctrinam hanc maxime ornauit Philolao, consistere in centro suo solem, terram circum eum in orbem moueri; quod dogma ita paradoxum visum est plerisque philosophis, vt praeter Nicetam Syracusum¹, et Platonem, qui tamen in senectute demum calculum ei adiecit², et alios Pythagorae discipulos, imprimis Aristarchum Samium³, pauci reperiantur, qui illud inter sua dogmata retulerint: immo sacris oraculis contrarium esse, et fulmine ideo dignum, recentioribus adhuc temporibus visum est, donec praestantissimorum astronomorum, quibus Nicolaus Copernicus viam muniuit, industria, et imprimis Galilaei, Kepleri, Roberualii, Gassendi, Bullialdi⁴ demonstrationibus effectum, vt pauci hodie sint, qui systematis orbis nostri accurate cognoscendi studio dediti elegantissimum et ad explicanda orbis nostri phaenomena aptissimum dogma, nec sacris paginis, si recte considerentur, aduersum, non recipiant, illudque habeant pro sententia magna probabilitatis specie se commendante.

§. VIII. Non vero hoc tantum nomine vniuersam eruditionem iuuat historia philosophica, sed et fidissimus index est, quae veritates inuentae sint, quae regiones, in orbe scientiarum detectae, quae adhuc incognitae, et in quibus detegendis industria philosophorum versari debeat. Nam et in hac re omnis eruditionis plurimum interest, ne scilicet tempus ad excolendas scientias in se nimis breue, teratur inutiliter, et ea potissimum inuestigentur, ad quae hactenus pertingere non potuit intellectus humanus, sine qua industria parum promouebuntur humanae cognitionis limites. Verum non exponit tantum historia philosophica, quae inuenta nondum sint, sed quae male quoque tractata, quae minus accurate exposita, quae ex parte tantum detecta: quo indicio non parum philosophantium adiuuatur industria, qui discunt inde, quid restet, quae viae a veritatis detectione seducen-
tes

*Inuentorum
et inuenien-
dorum sylla-
bus-*

k) PLVT. de Placit. philos. L. III. c. 13. et in Num. T. II. Opp. p. m. 120. LAERT. L. VIII. f. 85.

l) LAERT. l. c. CICERO Tusc. Qq. L. IV.

m) PLVT. l. c. et in Qq. Platonis.

n) SEXT. EMPIRICVS L. X. adu. Math. f. 174. p. 663. ed. Fabric.

o) Qui libro, de motu terrae, Philolai nomen ideo praefixit.

tes vitandae, quid inuentis addendum, vt tandem ad perfectionem suam affurgat cognitio. Quod historiae philosophicae ministerium nostro potissimum tempore a magnis philosophiae reformatoribus vtilissime adhibitum est, vt discerent, quid restituendum, quid emendandum, quid addendum, et nouo conamine detegendum sit. Quorum vnus et alter hoc philosophicae historiae vsu adhibito, si modeste quae aliis debeat indicauisset, nec omnia suo se proprio Marte inuenisse, et primum detexisse iactantius asseruisset, plagii amare ab aduersariis obiecti turpem notam feliciter euitauisset. Id quod vel vnum Cartesii exemplum luculenter probat ^p.

*Adminiculum
omnium
scientiarum.*

§. IX. Tandem et vniuersam eruditionem philosophica historia ita quoque iuuat, vt scientiarum fontes indicet, vnde hauriri queant, vt optimos auctores enumeret, ex quorum scriptis veritas addisci queat, vt librorum optimorum argumenta exhibeat, et quid in iis ad eruendam et confirmandam veritatem, et ad refutandos errores aptum contineatur, edoceat. Hoc enim nomine magna et pretiosissima pars historiae literariae, id est, eruditionis vniuersae, est historia philosophica, quae hermathenes instar est, ad quaerendos et eligendos praeceptores mutos, ex quorum doctrina intellectus diuitiae augeri plurimum possint. Vnde ignorantia lapsusque graues in philosophica historia non iniuria apud eos, qui inter doctorum numerum referri cupiunt, dedecori sunt. Qui tamen in tam amplissimo campo, quem haec eruditionis pars aperit, difficulter euitari possunt, nisi diligentem quis in ea excolenda operam nauauerit. Alias risum non minus excitabit, quam haereticae ille prauitatis inquisitor, qui eo tempore, quo eruditorum sui temporis phoenix Ioannes Picus, et Germaniae literatae reformator Ioannes Reuchlinus, philosophiam cabbalisticam resuscitabant, infano contra eam zelo accensus, et de periculo, quod iactabat interrogatus, ridicule respondit: surrexisse impium hominem, Cabbalam vocatum, qui multa contra christianam religionem moliendo aedificas multos nactus sit ^q. Dum vero, viri in literaria historia summi interdum vehementer lapsi sint, quanta inde historiae philosophicae accurato studio excolendae necessitas sit illi, qui ad tantam lectionis copiam et cognitionem nondum peruenit, facile euincitur.

Magnam copiam exemplorum hic congerere liceret, qua ratione viri, qui πολυιστορίας laude florent, in historia philosophica lapsi sint, nisi veniam potius eorum de literis merita et obliuionem, quam opprobrium postularent, et humanum omnino, immo nulli fere, quantumuis in historia literaria ad miraculum exercitato, non facile euenturum id esset. Vt vero calcar habeant, qui has literas excolendas aggrediuntur, vt a magnis vi-

ris

^p) Vid. H V E T I V S Cens. philos. Cartes. c. VIII. p. 115. et qui sine partium studia in ea re versatus est illustri LEIBNIZIVS apud THOMAS. Hist. sap. et stult. T. II. p. 117. BAYLE D. Ct. T. I. p. 681. nec excusant eum

fatis, quae affert BAILLETVS vie de De Cartes L. VIII. c. 10.

^q) IO. PICVS MIRANDVLANVS Opp. p. 175. ed. Bas. IOAN. REUCHLIN. de arte Cabbal. p. 7.

ris ad suam imbecillitatem argumentati, omnique industria a lapsibus sibi cauendi adhibita, sedulo literariam quoque historiae philosophicae partem persequantur, duo tantum exempla quae ob oculos scribenti versantur exponemus. Ex his vnum est magni viri, GERARDI IOANNIS VOSSII, cuius eruditioni et amplissimae historiae, etiam literariae, praesertim antiquioris cognitioni quis non meritis laudis suspendit tabulas? Is de *Philosophia* * sermone de Proclo, celeberrimo Platonico, facto, inter alia ita: *Traiani temporibus claruisse ait Erasmus Osvaldus Schreckenfuchsius, in vita Procli, proque eo est, quod Suidas dicat, fuisse discipulum Plutarchi Chaeronensis, qui Traiani fuit praeceptor. Sed quomodo is meminert, Porphyrii immo Iamblichi qui temporibus claruit Iuliani imperatoris, annis post Traianum multo amplius ducentis? Iam ipse fatetur Suidas, primum fuisse, qui post Porphyrium calamum amaroris plenum strinxerit aduersus Christianos? Ac Porphyrius claruit annis post Traianum centum quadraginta ac deinceps.* Mirum hic videri queat eruditissimum virum soloecismum literarium a Schreckenfuchσιο admissum non aduertisse, cum tamen ipse dubia omni exceptione maiora contra eius assertionem neceret, nec ingentem eius lectionem suffecisse, ut se eidem errori eriperet, Plutarchum eum, quem Marinus Procli praeceptorem facit, et quem Schreckenfuchsius sine dubio ignorauit, esse Chaeronensem, ita, ut potius nodum quendam gordium hic neceret, quem non soluit, soluere tamen, et errorem ex homonymia ortum euitare facile potuisset, si ex eclecticae scholae historia, vel eodem, quem se sequi profitetur SVIDA in *Plutarcho Nestorii* ** meminisset, fuisse hunc Plutarchum, (de quo suo tempore et loco plura dabimus,) Nestorii filium, et atheniensem, cuius opera alexandrinae philosophiae schola Athenis seculo IV. erecta est, et quem audiuit Proclus, inter ultimos huius scholae doctores numerandus. Alterum exemplum hallucinationis in eiusdem scholae eclecticae historia exhibet eloquentissimus nuperus *historiae philosophicae criticae* auctor Gallus, qui *** ubi potissimam historiae philosophicae sec. IV. V. et VI. historiam, quam eclectica schola absoluit, quasi transeundo attingit, plura affert oppido falsa et erronea. Nam neque Syrianus atheniensem scholam erexit, sed Plutarchus atheniensis; neque vnquam edita sunt Procli opera Hamburgi 1700. sed vita tantum Procli a Marino scripta, ad quam tamen prouocat; neque Marinus Iudaeus vnquam fuit, sed Samaritanus, Flauia Neapoli oriundus, et ad gentilismum digressus: neque eo tempore quo Simplicius in Aristotelem commentatus est, Aristotelis philosophia vix nota fuit in oriente, sed ipsorum potius Eclecticorum studio maxime commendata, et inter Christianos etiam admissa, quod vel ex vno Ioannis Philoponi exemplo, quem tamen cum Simplicio congressum disputatione ipse monet, discere potuisset. Falsum denique Eclecticos ultimos Isidorum, Damascium, Priscianum, Eulamium, Simplicium-

que

*) c. 17. §. 6. p. 143.

**) T. III. p. 133.

***) T. III. c. 39. §. 3.

que sola videndi regis Chosroës cupiditate inductos ad Persas commigrauisse. Fecisse enim id, quod in sua religione sub imperatore christiano sibi satis tuti non viderentur, vel ex SVIDA v. πρεσβυς notum est. Sed eiusmodi supinam incuriam in hac critica philosophiae historia rerum peritus saepe animaduertet.

§. X. Vti vero vniuersae eruditioni vtilissimam operam praestat historia philosophica; ita ad speciales disciplinas respicientibus non minorem vtilitatem conferre palam sit. Ponimus vero non inepte in fronte insignem *Vfus in V. R. C. probanda.* vsum, quem in asserenda et vindicanda religionis christianae veritate praestat. Multiplici enim in ea re historia philosophica labore defungitur. Ostendit enim religionis naturalis origines, et dispersam puriorem veritatem inter tot gentilium placitorum errores, et historiae sacrae fidem testimoniis exoticis egregie confirmat; aperit quoque, qua ratione veritatem in iniustitia detinuerint stulti, et quantis absurdissimorum commentorum monstris impietas se prodiderit: atheismi historiam explicat, et quam turpis ille et a ratione omni per omnem hominum aetatem deprehensus sit, luculenter demonstrat. Et hac ratione impiorum obiectionibus refutandis arma egregia subministrat, veritatisque successionem inter Hebraeos conseruatam et ad Christianos transmissam elegantissime et fortissime roborat. Quem in modum ad confirmandam veritatem religionis christianae et primi sanctioris disciplinae doctores in apologiis suis historia philosophica vti sunt, et recentioribus temporibus certatim in id contenderunt viri doctissimi * impari quidem successu: inter quos tamen, etiam quae ad hanc rem pertinent, magno GROTIUS pauci praeferendi sunt †.

§. XI. Non vero solus hic vsum est, quem ex philosophica historia disciplinae sanctiores referunt, sed et alios praestat, istis, quos diximus non *Limites reuelationis et rationis delecti.* minores. Nam et limites reuelationis et rationis accurate ponere docet, quaeque vtrique humanae cognitionis fonti debeantur, longa instituta doctrinarum inductione, manifestat; et quas partes in cognoscendo salutis mysterio ratio, quas traditio, quas reuelatio habuerit, egregie exponit, ut *Sacris literis lux illata.* ita diuinis literis honos suus maneat illibatus. Quin nec sacrae paginae nullam ex historia philosophica lucem capiunt, sed hinc inde plurimum luminis foenerantur. Cum enim scriptores sacri vtriusque foederis ad consuetas sui temporis opiniones Iudaeorum et gentilium respexerint, non possunt ista loca, vbi obscurius talia tanguntur, intelligi, nisi ex philosophiae veteris historia illae, ad quas alludunt, opiniones detegantur. Cuius specimina plura in sacris oraculis occurrunt ‡, ipse vero contextus sacer quasi ad hos fontes prouocat, quando D. Paulus et cum Stoicis atque Epicureis congressus de resurrectione differit §, et vitandam sui temporis philo-

*) Vid. cel. FABRICIUS Syll. Script. de V. R. C. et quae in diff. de comparatione philosophiae gentilis cum Scr. S. quae in Otio vindelico primo loco apparet, hac de re dicta sunt.

§) in opusculo nunquam satis laudando de V. R. C. ‡) Vid. quae prolixius dicta sunt in Otio vindelico p. 16 seqq.

*) Act. XVII. 18 seqq. vid. ib. p. 33 seqq.

lofophiam monet^x, vel alibi quoque in depingenda gentilium miseria ad eas phrafes et fententias refpicit, quae in fcholis philofophorum gentilium receptae et inter illos homines, ad quos fcribebat, in vfu fuerunt^y, quae vero proluxius explicata alibi quaerenda funt.

§. XII. In nulla alia vero fanctiorum difciplinatum parte maiori *Eccel. hiftoria* euidencia hunc vsum probat hiftoria philofophica, quam in ecclefiaftica *illuftrata*, hiftoria. Etfi enim fupremus fapientiae magifter, quique ex eius fchola prodierunt, diuinae veritatis praecones, ab omni humana eruditione, quam fanctiffima, quam profitebantur, doctrina refugiebat, fponde abftinuerunt, et in ftulta Euangelii profefione, qualis philofophis tum temporis huius feculi prudentia fuperbientibus videbatur, fummam reuelatae fapientiae perfectionem pofuerunt: mature tamen factum eft, vt percutientibus oculos diuinae veritatis fua maieftate et diuina origine corufcantis radiis viri in philofophorum fcholis enutriti et educati manus Euangelio darent, quin et publicis fcriptis illud contra latratus gentilis impietatis defenderent: vbi facris quidem fe literis quam maxime communiebat, haud raro tamen acquifitam in fcholis philofophorum eruditionem ad hunc ipfum finem adhibebant, et cum fanctiori difciplina coniungebant; recte faepe et laudabiliter, interdum tamen cum veritatis coeleftis difpendio. Id quod parcius quidem primis nafcentis ecclefiae temporibus factum eft, frequentius vero et maiori cum veritatis chriftianae damno, ex quo magnus philofophiae aegyptiacae, quae platoniam mira aliarum fententiarum confufione reformauerat, amor ecclefiae doctores inceffit. Ex eo enim tempore doctrinarum coeleftium puritas et integritas non vna ratione vehementer corrumpi coepit. Quod vt ignotum illis efle, vel negari nequit, qui ecclefiae hiftoriam fine fectae praeiudicio excufferunt^z, et fuo loco a nobis prolixè quoque et ex inftituto probabitur, ita prona confequentia inde fluit, fine philofophiae cognitione ad quam viri magni fe fubinde compofuerunt, non fcripta tantum eorum, praefertim illa, quibus fuperftitionem gentilium iugularunt, non poffe intelligi, fed nec doctrinarum rationem recte expendi, quaeque in ecclefiam fenfim irrepere dogmata fequiora fatis deprehendi et originem eorum detegi, cuius tamen rei multum in hiftoria facra intereft. Eadem vero et de haereticorum veterum placitis *et hiftoria* rite cognofcendis tenenda funt. Illorum enim infania cum ex illa potiffi- *haerefium*. mum philofophia, quae inter Afae incolae aliosque orientis populos vige- bat, et fplendidis antiquiffimorum philofophorum nominibus falfa iactantia fuperbiebat, repullulauerit, poftquam illa cum corrupta aegyptia philofophia, pythagorico platoniam philofophandi rationem imitante, coniuncta fuit, et ad Iudaeos quoque pedetentim tranfit, vt doctiffimis viris, qui accuratius ad horum hominum placita eorumque origines attenderunt, ob-

D 2

ferua-

^x) ad Coloff. II, 18. cui loco lux ex H. P. al- uet. T. II. S. I. p. 58 feqq.
lata eft l. c. p. 41 feqq.

^z) Vid. doctiffimi H v e r t i i Origeniani.

^y) Vid. differt. ad Eph. II, 1. 2. Tempe Hel-

seruatum est ^a: facile hinc intelligitur, ex philosophiae historia obscurissimorum dogmatum, et somniorum malefani ingenii pessime saepe cohaerentium explicationem potissimum hauriendam esse, quod quia a multis neglectum est, mirandum minime est, in explicandis haereticorum placitis viros saepe magnos fuisse lapsos.

*Vsus in Iuris-
prudencia.*

§. XIII. Poterant haec explicari prolixius, et ostendi qua ratione lux illa, quam ecclesiasticae historiae philosophorum fatorum enarratio infert, in refellendis quoque dogmatibus erroneis, et ostendendis impuris, vnde illa hausta sunt, lacunis vsurn non contemnendum praestet; sed quia breuitati litandum est, et haec quilibet facile capit, qui prudenti meditatione de ea re cogitare potest, sicco illa pede praeteribimus. Non vero sanctioribus tantum disciplinis insignem vsurn exhibet, sed et iuris tum vniuersalis siue naturalis, tum romani studiosis vtilissimam se praestat historia philosophica. Quemadmodum enim iuris naturalis leges ab ipsa philosophia erui debent, et per omnes eius periodos vestigia illa humanis mentibus cum ratione impressa, et per varias gentes propagata deprehendi possunt, ita magnum ea res iuris naturalis studio augmentum commodat, id quod recte intellexit parens iuris naturalis suae puritati et nitore restituti HUGO GROTIUS, qui in immortalis *de iure belli et pacis* opere felicissime magna, quam possidebat, historiae philosophicae cognitione ad illustranda iuris naturalis cum principia tum praecepta vsus est, gnauiter vestigia antecessoris premente in *iure naturae et gentium* SAMVELE PUFENDORFIO. Iuris vero romani culturam historia philosophica carere non posse, is non negabit, qui ex romani iuris historia tenuit, placuisse romani iuris conditoribus graecam philosophiam, maxime vero stoicam, quae cum πεδανάτεγος Romanis, qui ad reipublicae gubernacula sedebant, principibus viris videretur, et negotiorum appetentes sibi deditos faciebat, et in docendi tradendique methodo, et in ipsis adhibendis doctrinis aliis palmam praeripiebat. Vnde multa in iure esse tum dicendi genera, tum regulas atque principia iuris e Stoicorum ducta principis, recte diserrissimus iureconsultus IANVS VINCENTIVS GRAVINA monuit, aliis non dissentientibus, sed multis ea exemplis probantibus ^c. Quod si vero ad sanam interpretationem recte requiritur, vt ad sententias illas attendatur, quibus auctor deditus fuit, et ad quas respexisse in scripto legere apparet, neminem patet, hac philosophiae romanis iuris antistitibus acceptae cognitione carere posse, qui feliciter in interpretando genuino iuris romani sensu

Vsus in Me- versari cupit. Sed de his etiam suo loco dicetur amplius. Tandem et
dicina. ars

^a) Consulendus, qui inter omnes plurimam huic rei lucem affudit cel. MOSHEMVS Instit. Hist. Christ. antiq. Sec. I. P. II. c. I. §. 4 seqq. p. 71 seqq.

^b) De ortu et progressu iuris ciuilib L. I. §. 44. p. m. 97 seq. ed. Neap. qui rem luculen-

tis exemplis confecit.

^c) Conferendi praeter alios magni nominis ICri Io. SCHILTERVS in *Manuduct. philos. mor. ad Iurisprud.* c. I. §. 5 seqq. p. 6 seqq. et illustris EVER. OTTO in *orat. de stoica veterum Iurisconsultorum philosophia.*

ars salutaris hac eruditionis parte quam maxime opus habet, illa enim in applicandis dextre remediis versata, ars quidem non inepte veteribus dicitur ^d, quando vero et naturam rerum, et humani potissimum corporis fabricam considerat, elegantissima et vtilissima philosophiae pars est, vixque felix erit medicus, qui non prudens fuerit philosophus. Vnde medicinam ab antiquissimis et celeberrimis philosophis cultam satis constat, et exemplis Melampodis, Thaletis, Pherecydis, Epimenidis, Toxaris, Zamolxis, Pythagorae, Empedoclis, Alcmaeonis, Epicharmi, Timaei, Heracliti, Democriti et ipsius medicorum parentis Hippocratis posset confirmari, nisi in ipsa historia quam suscipimus philosophica, ea sedulo suis locis obseruare animus esset. Immo inuentores, qui celebrantur artis salutaris philosophos fuisse, neminem fugit nisi historiae medicae imperitum. Ad Zoroastrum enim, Thot siue Hermem Horum, et inter Sinenfes ad Choamti origines artis medendi referri videas ^e. Illi vero non corporibus tantum curandis, sed et ferocibus animis per praecepta philosophiae religionis atque legum domandis, operam nauarunt felicissimam, vnde quam arcte philosophiae et medicinae historia cohaereat, satis coniici potest.

§. XIV. Attulimus hactenus illa commoda, quae ex ea historiae philosophicae parte, quae intellectus humani historiam pandit, et doctrinarum omnis temporis atque gentis nobis seriem enumerat, atque praestantior nobiliorque merito censetur esse, fluunt, quaeque inde speranda sit vtilitas, exposuimus. Non otiosa tamen et altera pars est, quae in enarrandis philosophorum atque sectarum ab iis conditarum fatis occupatur, ex qua scilicet varia quoque vtilitas oritur. Vt enim taceamus, quod supra iam paulisper tetigimus, magnum haec influxum habere in systemata philosophorum, quae inde plurimum illustrantur: illud ex descriptis accurate magnorum virorum vitis factisque circa philosophiam potissimum in vsum nostrum transferre possumus, vt qua via ad eruditionem, praecipue philosophicam viri immortalem nominis gloriam nacti grassati fuerint, quae impedimenta se eis obiecerint, quibus mediis ea superauerint, in quas errorum syrtes incautius inciderint, vel periculis antecessorum cautiores facti eas vitauerint, inde discamus. Ita enim sapientissima nobis in omnis eruditionis, praecipue vero in philosophiae studio suggeruntur consilia ad sequenda ea quae tantis viris videmus fuisse proficua, et ad illa vitanda, quibus in veritate inquirenda detrimentum passi sunt. Cuius vt et hic exemplum adiungamus, docet nos veterum philosophorum historia, non domi otiosa sedisse, quae ad philosophiae culmen adspirabant ingenia, sed itinera suscepisse ad gentes sapientiae laude inclytas Pythagoram, Democritum, Thaletem, Platonem ^f pluresque alios, ita tamen vt superstitione quin et impostura sacerdotum, qui apud barbaras gentes custodes erant sapientiae, dece-

Vfus historiae philosophorum.

D 3

pti

^d) Vid. IONS. de Scr. H. P. L. I. c. 1. p. 5.

^f) Vid. DIOG. LAERTIUS in vitis horum phi-

^e) Conf. DAN. LE CLERC Histoire de Medice L. I. ch. 5. 6. 7. p. 8 seqq.

losophorum.

pti carbones interdum pro thesauris reportarent, quod de Pythagora et Platone verum esse historia horum philosophorum testatur. Inde vero prudentissimum philosophiae studiosis consilium exsurgit, non tantum domi quaerendos sapientiae doctores, sed et iterum prudenter susceptorum fructum esse incrementa sapientiae, cauendum vero sibi esse ab auctoritatis praeiudicio, et ubique rationem adiungendam esse comitem, ad cuius trutinam tradita a viris doctis exigi queant. Nec prudentiam tantum in sectanda eruditionis philosophicae semita ita discimus, sed virtutis quoque et vitiorum theatrum nobis haec philosophorum historia pandit, in quo virtutis praemia, vitiorumque tragici saepe exitus viuidis coloribus exprimuntur, habentque, qui ad veram, quam sapientia promittit, felicitatem adspirant, quid sectentur, quidue fugiant. Quid enim ad formandum virtutis habitum exempla valeant, et experientia docet, et ipsa philosophorum historia. Eleganter SENECA^s: *Longum iter est per praecepta, breue et efficax per exempla. Zenonem Cleanthes non expressisset, si eum tantummodo audisset, vitae eius interfuit, secreta perspexit, obseruauit illum, an ex formula sua viueret. Plato et Aristoteles et omnis in diuersum itura sapientium turba, plus ex moribus, quam ex verbis Socratis traxit. Metrodorum et Hermachum et Polyaeum magnos viros non schola Epicuri, sed contubernium fecit. Scilicet ubi exempla monitis saluberrimis, quae nobis historia philosophorum ex ore eorum exhibet, iunguntur, laeta virtutis seges facile efflorescit. Non vero voluntatem solam perficiunt haec virtutum atque vitiorum, quae in philosophis deprehenduntur, exempla, sed et intellectum. Obseruata enim humanae conditionis fragilitate, et in quot viri cetera magni errores saepe delapsi sint, probe edoctis nobis iugulantur noxia auctoritatis praeiudicia, et ad audendum aliquid in calcanda sapientiae semita animus excitatur, et per se contendenti calcar additur, ad adhibenda propria lumina: id quod de aliis quoque praeiudiciis hunc in modum extirpandis intelligendum est.*

*Characteres
verae et falsae
philosophiae definiti.*

§. XV. Sed vt omnem tandem quam de vtilitate historiae philosophicae instituimus, causam peroremus, adiiciendum hoc etiam dictis est, sobria cautaque historiae philosophicae tractatione characteres veram philosophiam a falsa discernentes feliciter posse disci. Cum enim veritas vna sit, error vero multiplex, in tot sectas discissa philosophia et tot enatis inter philosophos sententiarum diuortiis infinita falsae philosophiae exempla extare necesse est. Etsi vero de characteribus falsae philosophiae dicendi locus hic non est^h; patebit tamen sine praeiudiciis acta philosophorum et veterum et recentiorum legenti, sectae studium, et quod secum trahit auctoritatis praeiudicium, superstitionem religioni naturali et reuelatae aduersum,

^g) Epist. 6.

^h) Legi vero omnino merentur, quae vir πολυμαθέστατος C. A. HEYMAN-
NVS de criteriis falsae philosophiae doctissime et

eleganter disputat act. philos. Vol. I. p. 181 seqq. Ea enim in H. P. studio multam lucem commo-
dabunt.

sum, occultandi veritatem studium, amorem speculationum inutilium, nihilque ad felicitatem hominis facientium, superbiam et contemptum aliorum, ex ipsis philosophorum principiis fluentem, erepta libere cogitandi et subtracta media, quaeque his similia sunt, philosophiam plerumque prodere falsam, et in eodem systemate, cui hi characteres applicari possunt, magnos et perniciosos errores deprehendi. Quod vel vnius stoicae philosophiae exemplo, si prolixis nobis esse liceret, luculenter posset ostendi, in qua caeca conditoris veneratio, turpi auctoritatis magistri praeiudicio nixa, superstitio eo usque pertingens, ut omnia in Deum mutet, et omni gentilium theologorum insaniae philosophicos colores inducat; impietas veram de Deo sententiam eiusque sanum cultum iugulans, cauillationes verborum philosophis indignae et bonis omnibus inuisae, superbia intolerabilis omnibus se praeferens, hominemque non deorum tantum consortio, sed ipsae diuinae essentiae iungens, et hypocrisis inde toties Stoicis obiecta ubique regnant: quae tamen suo loco notare accuratius e re nostra erit. Tot atque tantis itaque emolumentis cum auctum illum dimittat philosophiae historia, qui ad eam rite tractandam cauteque pernoscentiam animum adplicat, industriamque ponit suam, neminem fore confidimus, qui eius studium accuratius, quam plerumque fieri solet, suscipiendum improbauerit, vel inter scientias inutiles illud reiecerit. Vnde excitandi sunt discentium et philosophari cum ratione cupientium animi, ut hanc non vtilissimam tantum, sed et necessariam eruditionis partem gnauiter excolant, magnorumque virorum exemplis, qui non sine summa laude in eam incubuerunt, et vtilissimam erudito orbi praestiterunt operam excitati, huic eruditionis generi, a plerisque satis haecenus neglecto, operam commodent suam, certi praeter dulcem animi iucunditatem ad maiores scientias progressuris utilitates exorsuras inde esse plurimas, modo laboris improbi, quem postulat molestia patienti verique cupido animo feratur, supereturque.

§. XVI. Ita vero praeparato animo quando ad hanc eruditionis partem acceditur, non deerunt subsidia, laboris difficultatem leuatura. *Subsidia potiora auctoritatesque de historia philosophica.* Et si enim ipsi ubique fontes, qui haberi possunt libandi sunt, et per omnis generis atque temporis scriptores discurrendum, ut, quae asserta confirmant, et in mediam lucem collocent, congerantur in vnum; vtiliter tamen historiae philosophicae studiosus eorum doctorum virorum labores consulat, qui historiam philosophicam scribere aggressi sunt. Et sunt quidem pauciores, qui vniuersae philosophiae fata ab originibus eius ad nostra tempora describere conati sunt, quam pro rei dignitate et praestantia par erat: non tamen neglecta prorsus iacuit pars historiae eruditionis humanae nobilissima, sed praeter innumeros scriptores, qui singularia argumenta in philosophiae historia occurrentia excusserunt, et quos suis ubique locis adducere, et ita bibliothecam quandam scriptorum historiae philosophicae condere in sequentibus animus est, vniuersam quoque philosophiae historiam, vel magnam saltem partem eius enarrauerunt varii viri docti. Qua in re con-

fuli

Ionsius

fuli velimus doctissimi IOANNIS IONSII diligentiam, qui in erudito *de scriptoribus historiae philosophicae opere*ⁱ, a cl. IO. CHRISTOPHORO DORNIO ad praesentem usque aetatem perducto^k omnis generis et aetatis scriptores, qui aliqua ratione historiam philosophicam illustrarunt, adduxit. Vbi tamen merito desideres non habitam tantum veterum scriptorum, qui deperditi sunt, maiorem fere, quam qui supersunt, rationem; sed et significationem vocis, philosophia, ad omnes ita artes a diligentissimo auctore extensam fuisse, ut historiae magis literariae veteris, quam philosophicae scriptorum index videri queat. Multa quoque post Ionsii aetatem detecta accuratius, producta, quae antea ignorabantur, etiam in hoc argumento, plurima: unde diligens historiae literariae, philosophicae inferuiturae, cultor omnino consulet, quae in immortalibus *Bibliothecae graecae, latinae, et Latinitatis mediae* operibus infinito harum literarum emolumento copiose

Fabricius

attulit, nunquam sine laude nominandus IOANNES ALBERTVS FABRICIVS, quibus scriptis nemo carere poterit, qui in perscrutandis monumentis veteris historiae ingeniorum humanorum feliciter versari cupit. Nos hos duumuiros hic non exscribemus, cum utriusque scripta in omnium manibus versentur; iuventutis tamen gratia quae ad utilissimum eruditionis genus animum adplicare vult, (nam haec viris doctis satis esse nota agnoscimus) potiores scriptores, qui in hoc stadio cucurrerunt, enumerabimus. Et ex veteribus quidem pauci nobis restant, qui magnum in hoc laboris genere usum praestare queant, qui tamen supersunt, eo diligentius audiendi sunt, quo facilior illis occasio fuit consulendi fontes historiae nobis hodie ereptos. Inter quos DIOGENI LAERTIO, palmam deberi, nemo facile negabit, qui elegantissimos *de vitis, dogmatibus et apophthegmatibus clarorum philosophorum* libros semel inspexit. Licet enim supinam in eo negligentiam et aliquam quoque in attendendo ad mentem veterum philosophorum incuriam, iudicii item in tanto argumento proditam paupertatem, nimiamque credulitatem culpauerint, viri docti; conseruauit tamen nobis tot monumenta veterum philosophorum, et factorum eorum memoriam, quae alias intercidisset, ut merito ad hunc librum, verum non sine adhibita artis criticae opera, aduolent, quicunque veterum philosophorum res et dogmata cognoscere cupiunt. Sed de ipso auctore eiusque conatibus alibi prolixius dicendi locus erit^l. Post Diogenem Laërtium libellus brevis, sed multa eruditione veteris philosophiae refertus *de placitis philosophorum* adeundus est, quem PLVTARCHO non sine ratione adscribi, et eundem, quoad summam rerum, esse cum *philosophica historia*, quae GALENO tribuitur, suo quoque loco monebimus. Scripsit quoque paulo serius SEX-

Diogenes
Laërtius

Plutarchus

Sextus Empi-
ricus

i) Editum id Francofurti 1659. 4. qua editione, quia ubique fere adducitur, commodo lectoris inferuituri, utemur, quoties ad eam prouocandum est.

k) Ienae 1716. Conf. Act. phil. Vol. II, p. 320.

l) Conferendus interea, qui prolixè de hoc libro egit S. Reu. HEVMANNVS Aëtor. philos. Vol. III, p. 1302. et MENAGIVS in proleg. ad Comm. in hunc librum.

tra

*tra mathematicos, dogmaticosque philosophos; qui etsi eo potissimum respexit, ut omnem dogmaticam philosophiam oppugnando, et scientiarum incertitudinem demonstrando, necessitatem dubitandi et suspendendi iudicium, scepticaeque philosophiae pretium euinceret, tot tamen modis omnem dogmaticorum philosophiam exposuit, tot nobis de veterum dogmatibus relationes conseruauit, ut recte adhibentibus et sobrie legentibus plurima inde in historia omni philosophica lux oriatur. Inter ecclesiae doctores veteres, quorum scripta pleraque veteri philosophiae cognoscendae inseruiunt, de hoc eruditionis genere meruit S. EPIPHANIUS, qui in *Epiphanius epitome operis aduersus haereses*, breuiter quidem sed succincte de sectis philosophorum differuit ^m. Plura tamen nobis conseruauit auctor qui sub ORIGENIS nomine *philosophumena veterum* nobis exhibuit; in eleganti *Pseudo Origenes* enim hoc veteris philosophicae historiae compendio multa deprehenduntur, quae alibi frustra quaeras, unde merita debentur gratiae viris celeberrimis IACOBO GRONOVIO et IOANNI CHRISTOPHORO WOLFIO, qui libellum e tenebris erutum ediderunt, et doctissimis annotationibus illustrarunt ⁿ. Nemo vero plura nobis post Plutarchum et Diogenem Laërtium veterum philosophorum monumenta ex graecis scriptoribus conseruauit, meliusque ita de philosophica historia meruit, IOANNE STOBAEO, *Stobaeus* qui vtilissimum nobis *florilegium* ex omnis generis scriptoribus veteribus concinnauit, et in quatuor libros distribuit, quorum primus physicas potissimum veterum doctrinas, posteriores, morales referunt. Qui etsi manci atque mutili, praesertim quod ad priores duos libros attinet, ad nos peruenerunt ^o; dici tamen non potest, quot nobis veteris philosophiae reliquias viri huius diligentia conseruauerit ^p; unde bonis auibz factum est, ut doctissimorum virorum et in arte critica exercitatorum opera tandem ederentur, GVILIELMO CANTERO euulgante: *Eclogarum Io. Stobaei libros duos*, quorum prior *physicas*, posterior *ethicas* complectitur ^q et CONRADO GESNERO post TRINCAVELLVM edente *locos communes Stobaei* ^r, qui libros duos posteriores, magis integros exhibent, et carcere detento GROTIUS tempus vtiliter fallendi, et*

loca

^m) T. II. Opp. p. 125. ed. Petau. Conf. FABRICIUS Bibl. graec. Vol. VII. p. 423.

ⁿ) T. X. Antiqq. graec. et separatim Hamb. 1706. cum annot. WOLFII. Plura de eo dicuntur suo loco.

^o) Vnde merito nouam eamque ad msc. codices passim in bibliothecis latentes emendatam editionem diu exoptant viri docti. Certe ex codice msc. quem seruat bibliotheca publica augustana, admodum edita, praesertim librum secundum, cuius pars magna in editis desideratur, posse emendari et suppleri collatio nos docuit.

^p) Vnde passim a viris eruditis fragmenta veterum philosophorum ex hoc florilegio collecta et excerpta sunt, conf. FABRIC. Bibl. graec. Vol. VIII. p. 690.

^q) Antwerp. 1575. fol. apud C. Plantinum, qua editione utimur, recusa Geneu. 1609. fol.

^r) Tig. 1548. et quae emendatior est editio 1550 1559. quam Andr. Wechelius ita 1581. f. expressit, ut Antonii et Maximi sententiae iungerentur. Haec a nobis editio consulitur.

- Suidas* loca poetarum emendandi et eleganti metro exprimendi, occasionem prae-
buerunt ' etc. Nec negligendum quoque SVIDAE *lexicon*, imprimis lau-
dabili IOANNIS KVSTERI cura expolitum, nam et in illo multa veteris
historiae philosophorum studiosus deprehendet sua curiositate digna, ve-
rum magna attentione et iudicio opus est, ne decipiatur, cum non iniquas
tantum et corruptrices manus passus sit, sed et ipse nullo iudicio adhibito
multa inter se miscuerit, homonymos scriptores confuderit, male cohae-
rentia retulerit, sicque multis erroribus in historia philosophica portam
aperuerit, quos haud vno loco in sequenti tractatione notabimus. Secu-
lo post C. N. decimo quarto fere medio, inter tenebras et barbariem, quae
Burlaeus bonas literas tantum non penitus opprefferunt, GVALTERVS BVRLAEVS
vitae philosophorum collegit, sub incunabula artis typographicae typis ex-
pressas, in quibus voluntatem quidem laudes, magnam vero in historia
philosophica ignorantiam mirari satis non poteris, insigni argumento,
quanto squalore depressae tum temporis iacuerint elegantiores literae.
Postquam vero noua eruditioni atque scientiis lux affulsit, manum quo-
que etsi parcius, quam res merebatur, et necessitas quoque postulabat,
admouerunt historiae philosophicae diligentius excolendae viri docti. Inter
Vines quos omnium calculo LVDOVICO VIVI primas merito deferimus; certe
is inter primos fuit, qui abstersurus horrendum, quo disciplinae haecenus
pressae fuerant, squalorem philosophica historia ad restituendum scientiis
nitorem in doctissimis *de corruptis artibus et tradendis disciplinis* libris egre-
gie vsus est, libellumque scripsit *de initiis, sectis et laudibus philosophorum* ^w,
vtilem etsi pro temporum illorum ratione mancum adhuc et imperfe-
ctum et iusto breuiorem. Id quod etiam de GVILIELMI MOREL-
Morellius LII Tiliani *tabula compendiosa de origine, successione, aetate et doctri-
na veterum philosophorum*, cui DAVIDIS CHYTRAEI *series philoso-
phorum et sectae eorum praecipuae a Thalete usque ad Ciceronem* insertae
et HIERONYMI WOLFII *notae adiectae* sunt, dicendum, in gra-
Frisius tiam scilicet discentium leui opera confecta ^x. Nec IO. IAC. FRISII
bibliotheca philosophorum classicorum chronologica ^y meliori loco ponen-
da est, qui philosophos cum eruditus omnis generis non tantum mi-
scuit, sed et parcissime nec diligenter in ea re versatus est ^z. In Italia
Pisaurus ALOYSIVS PISAVRVS, patricius venetus circa ea tempora in pu-
blico patauinae academiae conflictu *theoremata varia ac sententias de prisco-
rum sapientum placitis ac optimo philosophandi genere* proposuit, in qui-
bus de priscorum philosophorum apud Graecos opinionibus et doctrina
sen-

s) Quae separatim edidit Paris. 1623. 4.

t) Et de hoc viro inter scholasticos DD. non ignobili suo loco differendum est.

u) Descripsit libri circumstantias celeb. HEV-
MANNVS act. phil. Vol. III. p. 182. conf. de rarif-
simo libro cl. AVG. BAYERI memoriae libror.
rar. p. 68.

w) T. II. Opp. p. 5. conf. IONSIUS L. III.
c. XXII. §. 6.

x) Edita Basileae 1580. 8. vid. Act. philos. Vol.
III. p. 439

y) Tigur. 1592. 4.

z) STRUVIUS Intr. in not. rei lit. c. VII. §. 36.
Act. phil. Vol. I. p. 721.

sententiam suam breuiter, non tamen ineleganter, proposuit ^a. Felicius tamen in excolenda historia philosophica versatum est seculum XVII. in quo variis scriptis diligentia eruditorum in explanandis factis dictisque philosophorum veterum enituit. Eo enim medio GEORGIVS HORNIVS, historiae philosophicae libros septem cum adhuc in rudimentis versaretur a viginti annorum iuvene conscriptos edidit ^b: in quibus lectionem pro scriptoris aetate multam, et conatum in via non satis trita cum laude versandi nemo vituperabit, desiderant vero iusti rei censores iudicium et diligentiam. Nam satis praecipitanter eum in difficili argumento versatum esse, tot lapsus vbiuis obuli, tot omissa vel perperam posita satis produnt, et admixta tot numero aliena, insulsarumque etymologiarum studium, quod omnibus fere paginis sectatur, non paratum satis eum a maturis intellectus viribus ad scribendum hoc opus accessisse docent: etsi laudandus vel propterea sit, quod primus fere ausus sit nobilissimam historiae partem concinno exhibere compendio. Eodem fere tempore magni viri GERARDI IOANNIS VOSSII libri duo de philosophia et philosophorum sectis a filio ISAACO VOSSIO editi sunt ^c, in quibus non philosophiae tantum notiones, quales apud veteres deprehenduntur, descripsit, partesque atque disciplinas ex mente eorum exposuit, et medicorum imprimis aliquam historiam condidit; sed et philosophiae barbaricae pariter atque graecae ad sectam potamoniam siue eclecticam vsque historiam methodo ipsi peculiari adpersis vbique obseruationibus ex multa eius lectione in scriptis veterum petitis delineauit. Quod si fata superstiti permisissent, argumentum hoc eatenus perpolire, vt opus non fuisset, ex aliena culpa exemplum petere, dubium non est, quin prout magna eruditione in literis erat versatus, perfectum quid nobis reliquisset: iam cum, fatente filio, liber hic non ita sit elaboratus, atque illa scripta, quorum ipse praefuit editioni, facile iudicari potest, multa in eo occurrere, quae limam desiderant, multa deficere, in multis virum magnum esse lapsum. Quibus medendis *supplementa* quidem *et continuationem* nouae editioni addidit IOANNES IACOBVS A RYSSSEL ^d, ita tamen, vt et illa nouis supplementis et emendationibus opus habeant ^e, quae forte non desideraremus, si voluisset IACOBVS THOMASIVS, qui parem suo tempore in philosophica historia vix habuit, et ex cuius schedis illa supplementa et continuationes depromptae dicuntur ^f, ipse manum admouere operi et filium Vossianum sequendo ita veteris philosophiae historiam exponere, quemadmodum stoicis

Hornius

Vossius

E 2

placi-

^a) Patav. 1665. 4. vid. Act. phil. Vol. II. p. 635 seq.

^c) Hagae Comit. 1653. 4.

^d) Lips. 1705. 4.

^b) Lugd. Bat. 1655. 4. vid. Act. phil. Vol. I. p. 1039. MOLLER ad MORHOFIVM T. II. p. 4. LAVNOIVS de fort. Arist. p. n. 339 343. 345.

^e) Conf. BUNDEVS Isagog. in hist. lit. theol. L. II. c. 4. p. 219.

^f) Illustr. I. P. DE LVDEWIG. [diff. de prima academia §. 4.

Cozzandus

placitis lucem intulit^g. Hornium vt iuuenili impetu, sic pari infelicitate, coecus scilicet coecum, secutus est LEONARDVS COZZANDVS Brixianus, in libris sex *de magisterio antiquorum philosophorum*^h, ita tamen, vt nec eam, quam Hornius, lectionis copiam et varietatem afferretⁱ, et eum alios exscribentem, ipse quoque describeret^k eiusque vitulo araret, et parum afferret, quod ad maiorem argumento, quod tractat, lucem parandam aptum esset.

Gravius

Nec tacendus hic est ABRAHAMVS GRAVIUS, qui *historiam philosophicam, continentem veterum philosophorum, qui quidem praecipui fuerunt, studia et dogmata, modernorum quaestionibus imprimis agitata* edidit: nam et ille multa affert historiam philosophicam veterum admodum illustrantia: quia tamen scopus eius magis est apologiam veterum, contra recentiorum, praecipue Cartesianorum insultus, scribere, et, quae eius verba sunt, *antiquorum philosophiam a modernis sciolis laceratam restituere*, quam sine partis studio eorum placita expendere, quid de eo sibi promittendum sit, iudicari facile potest.

Calvus pater

Eundem fere scopum inter Britannos sibi proposuit THEOPHILVS GALE in *philosophia generali*, in qua scilicet tum de ortu et progressu philosophiae eiusque traductione e sacris fontibus, deque philosophia platonica; tum de minorum gentium philosophis agitur. Et si enim auctor in veterum scriptis versatissimus^m magnam lectionis copiam et eruditionem attulit, auctoritatis praeiudicio tamen, quod tum temporis angli theologi de philosophia platonica fouebantⁿ, impeditus, hanc omnibus praefert, omnemque sapientiam Graecorum ab Hebraeorum patriarchis satis infelicitate deriuat, Mosenque in Platone nimis occlusus inuenit. Aliam, eamque sine dubio meliorem et tutiorem viam in hac gente ingressus est THOMAS STANLEIVS, qui Marshami avunculi consilio *historiam philosophiae orientalis et graecae* scribere aggressus, Diogenem Laërtium ita sibi ducem elegit, vt quae apud alios auctores sparsa inueniret, in hoc volumine digereret. Vnde et cum Laërtio in Epicuro desit. Et laudanda omnino est eius diligentia, quam latina celeberrimi quondam GODOFRIDI OLEARII versio ornatiorem et emendatiorem nobis effecit^o, qua qui quid apud veteres de philosophis graecis inuestigare potuit, lectori examinandum propinavit: vnde post Laërtium, eruditissimo MENAGII commentario (quem veteris historiae philosophicae pandectas non inepte dixeris) illustratum vix habebunt horum sacrorum cultores, qui maiorem illis vsum praestiterit. Sed ὅλην πο-

tius

g) In doctissimis dissertationibus de exustione mundi stoica.

h) Geneu. 1684. 12. rarius libellus occurrit.

i) Conf. Act. phil. Vol. II. p. 319.

k) ELSWICH. in not. ad LAVNOIVM de fort. Arist. p. 339.

l) id. Act. philos. Vol. III. p. 793 sqq.

m) Conf. BASNAGE Hist. des Juifs T. III. ch. 17. §. 4. p. 421. ed. ult.

n) Conf. BURNERT. Hist. sui temp. ad a. 1661. T. I. p. 210 sq. vers. germ.

o) Hoc titulo: Historia philosophiae, vires, opiniones, resque gestas et dicta philosophorum sectae cuiusvis complexa, auctore Thoma Stanleio ex anglico sermone in latinum translata, emendata, variisque dissertationibus atque observationibus passim aucta. Lips. 1711. 4.

tius materiarum historicarum exhibet, quam historiam, nec iudicium recte adhibet vel historicum vel philosophicum, sed nuda veterum verba ad veritatis lapidem lydium non examinata sistit: quare multo iudicio et diligenti accuratoque examine opus est, si ad solidam historiae philosophicae cognitionem sibi acquirendam hoc libro utendum sit *. Inter Gallos praeter MENAGIVM, de Diogene Laërtio et historia philosophica immortaliter *Menagius* meritum, erant quidem circa haec tempora, qui, si voluissent, magnum huic eruditionis parti praestare operam potuissent, inter quos eminet illustris Abrincensium episcopus PETRVS DANIEL HVETIVS, cuius et *De-Huetius* *monstratio euangelica*, et *Quaestiones alnetanae*, et tractatio *de imbecillitate intellectus humani*, magnam veteris historiae philosophicae, ut erat *πολυμαθής*, cognitionem, multis tamen sectae et hypotheseos praeiudiciis depravatam produnt †, nemo tamen fuit, qui historiae philosophicae filum ab origine mundi ad nos deduceret. VNUS PETRVS SILVANVS REGIS *Regis* in Cartesianorum schola vir non incelebris ‡ in discursu philosophico, systemati philosophiae suo praefixo §, in quo historiam philosophiae antiquae et recentioris strictim, sed eleganter magnoque iudicio recenset, quique latina veste donatus separatim prodiit ¶, specimen magis historiae philosophicae accuratioris condendae, quam historiam exhibuit, dignus qui legatur. Et nostra quidem aetate ex Gallis duo viri, muneribus inter suos clari, novam historiae philosophicae faciem praeferre conati sunt; nempe H. GAVTIER qui *Bibliothecam philosophorum* edidit **, et Anonymus, quem *Gautier* DESLANDES, aliis scriptis notum ††, esse accepimus ‡‡, qui nuper *historiam* *Deslandes* *criticam philosophiae* tribus tomis nobis exhibuit. Verum ille non consultis fontibus sua tantum, literarum ordine in eorum gratiam congeffit, qui solidam scientiarum notitiam subterfugientes, superficialia tantum eruditione superbire cupiunt †††: hic autem si iis praesidiis, quae ad tantum opus perficiendum requiruntur, fuisset instructus, si ab alienis, quae numero apud eum illa superant quae historiae philosophicae propria sunt et domestica, abstinuisset, si eruditionem in genere cum philosophia non confudisset, iudiciumque adhibuisset in detegenda veterum philosophorum mente cum eloquentiae veneribus, quibus liber se commendat, certans, promissis fecisse satis et expleuisse expectationem merito crederetur. Inter Germaniae tandem eruditos cum seculi huius initio non philosophiae

E 3

tan-

p) Acta phil. l. c. BVDDEVS Ifag. in hist. lit. theol. L. II. c. 4. p. 219. priori loco, quid praestiterit B. Olearius, exponitur, cuius magnas in hac quoque eruditionis parte ingenii diuitias insertae dissertationes loquuntur.

q) Dicitur de illustri hoc scriptore suo loco, ubi de scepticis recentioribus agitur, ex instituto.

r) Et hunc virum in hist. phil., cartesianae propius considerabimus.

s) Lugd. 1691. Amstel. 1692.

t) 1705 12. sine mentione loci.

u) Bibliothéque des Philosophes et des Savans, Paris 1723. 8.

x) Est enim auctor libelli satis noti: *Reflexions sur les grands hommes, qui sont morts en plaisantant*. Hag. C. 1714. 12. vid. Hist. de Mr. Bayle par Mr. DE LA MONNOYE.

y) Biblioth. Francoise. T. XXV.

z) Act. philos. Vol. III, p. 450.

Thomasius
filius

alii,

Heumannus

tantum facies reformata et emendata est, sed et historia philosophica, quae apud plerosque hactenus neglectior iacuit, vehementer commendata, magno viro et de pellenda barbarie philosophica immortaliter merito CHRISTIANO THOMASIO, ex penu parentis his diuitiis affatim instructo viam monstrante, quippe qui non inelegans historiae philosophicae compendium, etsi suis naevis non carens^a, introductioni in philosophiam aulicam inseruit. Hunc certatim secuti sunt viri eruditi et communi sensum gustumque eruditionis emendandi studio inter se iuncti, NICOLAUS HIERONYMUS GÜNDLINGIUS^b, IOACHIMUS LANGIUS^c, IO. GUILIELMUS ZIEROLDUS^d, et qui imprimis de hoc quoque literarum genere praeclare meruit magnus olim Ienensis academiae theologus, IOANNES FRANCISCUS BÜDDEVS^e, quibus BARTHOLDVM FEIND^f, et clarissimum FRIDERICVM GENTZKENIUM^g merito adiicimus, ut alios viros doctos variis scriptionibus hac nostra aetate de historia philosophica, etsi ex instituto non tractanda, plurimum meritos^h taceamus. Quia vero horum diligentia, etsi ad leges artis criticae et historiae exacta, et cum iudicio philosophico suscepta intra angustos compendiorum cancellos substitit, rem altius aggredi, et accuratam historiam philosophicam condere suscepit vir celeberrimi nominis magnaeque eruditionis CHRISTOPHORVS AVGVSTVS HEUMANNVS. Cuius initia in *actis philosophorum* lingua patria exaratisⁱ ita fecit, ut facile sperari posset et lectionis copia, et iudicii dexteritate, et acuto artis criticae sensu, et magno ad eiicienda praeiudicia animo palmam illum omnibus surrepturum. Verum et haec inuiderunt orbi erudito fata, quoniam maioribus occupatus vir eruditissimus, cum tertio volumine totum laborem curamque abiecit.

Ordo et diuisio
H. P.

§. XVII. Et hos quidem comites iis commendamus, qui spatiosas philosophicae historiae regiones curioso perlustrare oculo cupiunt: quae cum numero plurimae sint, et amplissime diffundantur, ordo quaerendus est, secundum quem per omnis temporis atque gentis historiam peragraré, et

a) Ostendetur id suo loco.

b) In eleganti magnoque iudicii acumine conscripta Historia philosophiae moralis.

c) P. I. Medicinae mentis.

d) In introductione ad historiam ecclesiasticam cum historia philosophica coniunctam.

e) Qui Elementis philosophiae rationalis saepius impressis compendium elegans historiae philosophicae praemittit, illudque circa extremos vitae annos observationibus eruditissimis illustravit, quas publicatas debemus curae generi S. Reu. Io. GEORGII WALCHII Hal. Sax. 1731. 8.

f) Complexus is est carmine germanico hi-

storiae philosophicae summa capita, quae postea discursu soluto explicuit; qui vero magnam partem ex Vossio desumptus est. Hamb. 1702. 8.

g) Cuius historia philosophiae in usum lectionum academicarum auctor prodiit Hamburg. 1724. 8.

h) Inter hos summo iure referimus magnum theologum ac polyhistorum S. Reu. Io. LAURENTIUM MOSHEMIUM qui in praestantissimis ad CUDWORTHII Systema intellectuale annotationibus de philosophia veterum in luce collocanda, ut de omni eruditione, immortaliter meritus est.

i) Hal. Sax. 1715 --- 1723. 8.

et quae ad hanc rem faciunt, perquirere liceat. Ita enim et confutioni medebimur, et memoriam egregie iuuabimus, et cuiusque philosophiae generis indolem propius et ex vero perspiciemus. Non vero mellor ordo est, quam qui notionibus, quibus intellectus noster assuefactus est, et quae omnia suo loco et tempori assignant, nititur. Quas communi temporis et locorum distributione ita partiemur, vt ad tres omnino temporis circuitus omnem referamus philosophiae historiam. Prima itaque periodus et origines historiae philosophicae, et nascentis atque adolescentis fata, et virilem *Prima periodus* quali aetatem complectetur, omnemque tum gentium barbararum tum Graeciae philosophiam vsque ad nascentis sensim romanae monarchiae initia exhibebit. Altera gentilis philosophiae sub imperatoribus florentis, quae ad seculum vsque VI. excurrit, Iudaicae, Saracenicae et Christianae a nascentis ecclesiae initiis vsque ad felicia restauratarum scientiarum tempora faciem exhibebit. Tertia vero et reformantium deformatam philosophiae faciem, conamina, et nouum restituti decoris vultum et varia philosophantium genera sectasque nostrorum seculorum enumerabit et sobrie tandem philosophandi, inque veritatem libere ac sine sectae seruitio inquirendi studium et progressus quos per id fecit philosophia exoptatissimos, enarrabit. Ita enim omnem philosophiae historiam in veterem, mediam et nouam commodè dispescere, et cuilibet temporis gentiumque atque locorum momento magno memoriae auxilio, quae propria cuilibet sunt, tribuere licebit. Prima porro periodus aptissime in philosophiae barbaricae et graecae partes duas diuiditur; per barbaras enim gentes graeco more omnes illae intelligendae sunt, quae graeca lingua non vsae lingua asperiore, quam ferre poterant aures Graecorum deliculae, moribusque a graecanicis valde abhorrentibus contemptum sibi apud hanc nationem pepererunt: etsi sub graecae philosophiae ad Romanos transeuntis tempora et paulo ante ad has barbaras quoque gentes, praecipue in Aegypto ea transiit, et peculiari quoque de diuinis philosophandi generi, quod isto tempore in oriente inualescebat, mixta nouam philosophandi viam exorsa est. Quod si propius ad barbaricam philosophiam respicimus, vt sunt nascentia pleraque, quae in primis tantum rudimentis versari solent, philosophia simplex admodum, et ad primas tantum sapientiae regulas adstricta, et sine artificio ad posteritatem traditione magis, quam demonstratione propagata fuit. Vnde mire decipiuntur, qui primos homines magnos philosophos et philosophiae doctores somniant. Incrementa vero vbi semel coepit, et parumper adoluit, virilior magis, et scientiae habitu conformior facta est, donec tandem ad Graecos peruenit, qui liberiori viuendi modo, et a regiminis monarchici seruitute remoti viuentes philosophiam haecenus inter mysteria numeratam peruulgarunt, et propriis ingenii viribus vsi, philosophiae propria condiderunt systemata. Ex quo demum tempore maturam virilemque aetatem iustumque habitum philosophia nacta est. Barbararum vero gentium consideratio eo vsque extendenda est, vt quae ante diluuium, quod vniuersale terrarum orbi accidisse

disse nemo rerum intelligens temere negabit, philosophandi fuerit ratio, vel vt accuratius loquamur, quae sapientiae antediluuianae conditio fuerit, expendatur. Post diluuium cum mature gentium omnium in omnes terrarum partes distributio, vel dispersio potius facta sit, ad terrarum plagas et regionum situs ordinem historiae nostrae non incommode alligabimus, et inter orientis, meridiei, occidentis atque septentrionis populos quaeremus, quae ad nostram rem pertinere videbuntur. Nec id sine calculo veterum, qui *omne hoc, quicquid est, cui mundi coelique nomen indidimus, in has quatuor partes diuiserunt*^k, et harum mundi partium incolas communi nomine insigniuerunt, orientis Indorum, meridiei Aethiopum, occidentis Celtarum, septentrionis Scytharum nomine appellatis^l: quos sequendo notiora nobis Asiae, Africae atque Europae nomina, substituere licebit. Quia vero et hae habitabilis mundi partes, (de America enim parentum memoria demum detecta, melius in totius tractationis peroratione quaedam adiici poterunt) ampliores sunt, quam vt simul perlustrari possint, de singulis harum mundi partium nationibus ita dicendum erit, vt de Hebraeorum, Chaldaeorum, Persarum, Arabum siue Sabaeorum, Phoenicum, Indorum philosophia circa orientem, de Aegypti atque Libyae populorum philosophia circa meridiem, de Celtarum, siue, Gallorum, Germanorum, Britannorum et Romanorum veterum philosophia circa occidentem, de Scytharum, Thracum reliquarumque gentium philosophia circa septentrionem habitantium tractatio instituatur. Philosophiae graecae facies duplex est. In ipsa enim eius infantia et adolescentia, barbaricae valde similis empirica magis fuit et simplex, quam artificialis; et continebatur vel sub fabulis, vel in politicis prudentiae regulis, vnde illam mythologicam, vel poëticam quoque, hanc politicam^m et historicam dicere licebit. Ex quo vero virilem quasi togam induit, et magnorum virorum ingenio ad iustum scientiae habitum emerfit, mature in partes et sectas itum est, quod sectarum studium ita apud Graecos inuoluit, vt non solum magna ingenia, multa philosophandi libertate in condendis systematibus suis vsa sectatores potius opinionum et dogmatum, quam libertatis et electionis philosophicae inuenirent; sed et illi, qui multos in dogmaticorum philosophematis errores notabant, dubitationem potius et incertitudinem, quam sobriam philosophandi rationem sequerentur, atque ipsi sectam conderent, a fine modoque philosophandi scepticam denominatam. Erit itaque haec primae historiae philosophicae periodi in tractatione nostra series, vt consideretur:

HISTO-

^k) POMFONIUS MELA de situ orbis L. I. c. 1. p. 2. ed. Gronou.

^l) STRABO L. I. Geographiae.

^m) Scribebant tamen et hi sapientes sua istis temporibus plerumque ligato orationis genere, cuius exemplum habemus in historia septem sapientum Graeciae.

HISTORIA PHILOSOPHIAE

A N T E D I L V V I A N A E

P O S T D I L V V I A N A E, et quidem

BARBARICAE, inter gentes

Orientis, Hebraeorum

Chaldaeorum

Persarum

Indorum

Arabum

Phoenicum.

Meridiei, Aegyptiorum

Aethiopum.

Occidentis, Celtarum f. Gallorum

Britannorum

Germanorum et Septentrionalium versus occidentem habitantium

Romanorum veterum.

Septentrionis, siue Hyperboreorum

Scytharum

Thracum, Getarum, etc.

GRAECAE, quae fuit vel

Mythologica

Politica

Artificialis; quae per duos quasi ramos propagata, est
sectarum ortarum vel*a Thalete*, Ionicorum

Socraticorum genuinorum

Cyrenaicorum

Eliacorum

Megaricorum, f. Eristicorum

Academicorum, et quidem

Academiae primae

mediae

nouae f.

quartae

quintae

Aristotelicorum

Cynicorum

Stoicorum,

a Pythagora, Pythagoricorum, f. Italicorum

Eleaticorum

Heracliteorum

Epicureorum

Pyrrhonorum, f. Scepticorum.

Vt vero integra simul totius huius periodi facies philosophica appareat, appendicis loco, de philosophiae graecae fatis in Aegypto sub Graecorum imperio et coloniis, et in Asia siue orientis regionibus magis ad occidentem vergentibus dicendum quoque est.

Altera periodus.

§. XVIII. Alteram periodum a nascentis sensimque emergentis monarchiae romanae primordiis, ad felicissimam scientiarum omnium et philosophiae quoque restitutionem et reuocationem ex squalore barbariei constitutum. Is non minus prolixissimum nobis materiarum campum aperit. Consideranda vero, hic philosophia, apud Romanos, Asiaticos siue Orientales Iudaeos, Saracenos et Christianos. Quod vero ad Romanos attinet, philosophia apud eos ex Graecia non sine contradictione caput tandem efferens, non prius vestigia certa posuit, quam libertas esset sub iugum missa: tum enim inualescente potentiorum tyrannide philosophari coeperunt Romanorum ingenia. Caesaribus vero tandem terrarum orbi dominantibus, relictis Athenis sub Romanorum imperium cessit philosophia, et per omnes fere Graecorum sectas floruit, vna tandem eaque fere noua, quae Eclecticam se dici gauisa est, sensim reliquas supprime. Inter Asiae vero incolae nouum illud philosophiae genus, quod ex Zoroastrianis et Graecis mythologiis nouam de diuinis doctrinam introducere sategit, passim, maxime tamen inter haereticos caput efferre sub initia monarchiae romanae coepit. Iudaeorum natio, etsi post babylonicae captiuitatis finem et reditum in patriam propriam eruditionis faciem et legis potius patriae. quam philosophiae alienigenae sapientiam excoluit, tandem tamen manus quoque ei dedit, in Aegypto vero apertius in gentilis philosophiae castra transiit, donec, caput tandem extollente philosophia aristotelica, iudaica quoque natio peripateticam philosophiam excoleret. Arabum vero, qui sub Saracenorum nomine seculo post C. N. VII. orientis imperium lacefferunt, ingenia etsi initio vehementer a philosophiae studiis abhorrebant, Muhamede ipso lege cauente, ne ingenia seruituti destinata excolerent, tandem ita tamen haec sacra adamauerunt, vt ab ingruente barbarie philosophia, licet illa tantum esset sectaria, nempe Aristotelis, ad hanc vnam gentem confugisse videretur. Inter Christianos a sanctis quidem viris, qui post sanctissimum seruatorem IESVM CHRISTVM, sacram doctrinam disseminabant, nihil, quod humanam sapientiam sapiebat, admissum, et cum esset philosophia illo tempore sectaria, multisque errorum tenebris obsepta, reiectum omne illud spurium philosophandi genus est; mature tamen per adductos viros eruditos, et in gentilium philosophia institutos ad gremium ecclesiae, ea quoque in illam irrepsit, et, quicquid etiam contra gentilium impietatem totamque philosophandi rationem declamabatur, tandem eius amor, praecipue, quae platonica philosophumena sequebatur, se animis insinuauit. Vbi vero eclecticum philosophandi genus inualuit, patentes magis illi apertae portae, magnusque honor et pretium statutum est. Tandem infelix illa nox ingruit, in qua omnes literae, tantum non extinctae sunt, et quicquid genui-

genuinam eruditionem sapiebat, horrendis ignorantiae et barbariei tenebris sepultum est; inter Graecos paucis aristotelicae philosophiae cultoribus superstitibus, et in monasteriis conseruato Platoniorum recentiorum philosophandi genere. Etsi enim nec istis temporibus, quae a sec. VII. crepusculum satis sentiebant, ingenia magna deerant, ita tamen temporum infelicitate et paupertate premebantur, vt ad pristinum philosophiae nitorem exsurgere nequiverint. Tandem circa sec. XI nouum philosophorum genus ortum est, quod scholasticum appellari solet, quod in Aristotelis quidem verba iurauit, omnem tamen sanam et philosophiae et theologiae rationem corrumpit, et ab omni ingeniorum cultu vacua, infano philosophandi modo animos detinuit. Donec tandem meliores sensim reuocarentur literae, et per dispersos ex capta Constantinopoli Graecos semina eruditionis, et philosophiae quoque in occidentem perferrentur, quae tandem ad restituendum philosophiae honorem cultumque suum felicem occasionem exhibuerunt. Haec itaque secundae periodi historiae philosophicae facies est, qua exhibetur

HISTORIA PHILOSOPHIAE A NASCENTE MONARCHIA ROMANA AD LITERARVM IN OCCIDENTE RESTAVRATIONEM,

et quidem:

APVD ROMANOS,

ante constitutam monarchiam, vbi

difficuler initio graeca philosophia admittebatur,
admissa tandem et exulta alumnos habuit

Pythagoricos

Academicos veteres

medios

Stoicos

Peripateticos

Epicureos

Pyrrhonicos

sub inualecente monarchia, vbi praeter viros doctos multos philosophi floruerunt

Pythagorici

Platonici

Eclectici siue Platonici recentiores

Peripatetici

Cynici

Stoici

Epicurei

Sceptici.

APVD ORIENTALES, siue Asiaticos.

F 2

APVD

APVD IVDAEOS post reditum ex captiuitate, vbi peculiaris philosophiae ratio excutienda apud

Iudaeos reduces

Samaritanos

Iudaeos Aegypti incolas

Palaestinam incolentes, et in varias sectas Phariseorum, Sadducaeorum, Karaitarum, Essenorum, diuisos.

Iudaeos post destructa Hierosolyma dispersos deditosque studio tum Talmudico, tum Cabbalistico, ad sec. X.

a sec. X. ad nostra tempora.

APVD SARACENOS, de quorum studio philosophico inquirendum ante legem Islamiticam latam

sub Muhamedis auspiciis

sub familia Abbasidum.

APVD CHRISTIANOS, et quidem

a nato Seruatore ad sec. VII.

ante erectam ab Ammonio Sacca scholam eclecticam, florente secta Eclectica.

a seculo VII. ad restorationem literarum, vbi sec. XI. exorti sunt Scholastici, in tres aetates diuisi.

Tertia periodus.

§. XIX. Tandem post graues tenebras, quibus omnis eruditio et philosophia sepulta iacuit noua lux exorta, et scientiis nitor suus restitutus est. Et hic tertia eaque vltima philosophicae historiae periodus exoritur. Quae et debilia prima conamina, et restitutam cum religionis puritate philosophiam veterem per varias sectas iterum excultam, et noua philosophandi genera exhibet, tandemque meliorem et ad veritatem eruendam aptiorem philosophandi modum, qui in nullius magistri verba iurando ex omnibus eligit, quae se maxime probant, veritatemque ex ipsa rei natura ratione duce per accuratam meditationem eruit, cultum exponit, qui a magnis viris adhibitus post Baconis Verulamii conatus tanta philosophiae incrementa peperit vno seculo, quanta per tot annorum millia non habuit. Nam et Indorum philosophia aliquatenus emendata est, et meliori culta habitu: vnde et appendicis loco de exotica philosophia, praesertim Sinensium, quae tantum ab aliquo tempore strepitum excitauit, quaedam haec nostra tractatio referet. Ita vero se sistit tertia haec periodus, qua depingitur

HISTORIA PHILOSOPHIAE A RESTAURATIONE LITERARVM AD NOSTRA TEMPORA,

et quidem

Primi conatus restituendae philosophiae

Virorum de externo philosophiae habitu restituendo, sollicitorum, Platoniam philosophiam reuocantium

Peripateticam sectam ornantium.

Noui

Noui labores veterem philosophiam reuocantium,
 Peripateticam, tum
 Scholastico, tum
 domestico et genuino habitu productam
 Pythagorico-Platonico-Cabbalisticam
 Parmenideam
 Ionicam
 Stoicam
 Democritico-Epicuream.

Nouam philosophandi viam tentantium,
 Scepticorum recentiorum
 Mosaicorum et Christianorum
 Theosophicorum
 Syncretistarum.

Omnem tandem philosophiam reiicientium.

Restauratio philosophiae eclecticae, quae
 et magnos viros de ea immortaliter meritos exponit
 et per omnes philosophiae disciplinas philosophorum labores
 enarrat,

Appendix vero philosophiam exoticam,
 Asiae et Americae incolarum recitat *.

Et hac quidem via incedentes, quicquid ad philosophiae origines, incrementa et mutationes pertinet diligenter exquisitum pro virium modulo referemus, vbique tamen ad cautiones supra positas attenti: adducturi etiam ex reliquarum scientiarum historia, quicquid lucem tractationi foenerabitur, vnde obseruationes passim adiicientur.

n) Tabulas historiam philosophicam deumbrantes passim videas, et consulendae praecipue quam cel. I. IAC. SYRBIUS philosophiae primae praefixit, ven. C. A. HEVMANNVS Aët. phil. Vol. I. p. 262. inseruit, et clar. I. I. FEURLINVS in ta-

bulis philosophicis Tab. I. II. III. IV. delineauit. His ante sesquiseculum exemplum praeiuit GVILIELMVS CANTERVS, qui eiusmodi sciagraphiam Philosophorum STORAEI Eclogis a se editis praefixit.





HISTORIAE PHILOSOPHICAE

PERIODVS PRIMA

*A mundi nascentis origine ad initia monar-
chiae Romanae.*

PARS PRIMA

DE PHILOSOPHIA BARBARICA.

LIBER PRIMVS

DE PHILOSOPHIA ANTEDILVVIANA.

CAPVT PRIMVM.

DE PHILOSOPHIA BARBARICA IN GENERE.

§. I.

*Vocis, barba-
rus, origo,*

Philosophiam barbaricam enarraturi, ne in voce incerti haereamus, quid per barbaros intelligendum sit, prius exponendum est. Vocem vero ipsam ex aliena lingua Graecis receptam esse, inter eruditos facile conuenit, etsi difficile, dicere, vnde originem habeat. Certe si viris magnis, quique linguarum exoticarum notitia inclaruerunt, standum est, illa ab Arabibus desumpta est, apud quos bar, desertum notat, vnde Bar Broie, vel Bnai-baro filium deserti indicare, hocque nomen, voci, barbarus, occasionem dedisse, ABRAHAM ECHELLENSIS notauit ^a, et iam antea magnus SCALIGER monuit ^b, qui tamen et hoc addit, solos Numidas legitima voce Arabica El barbar, quod apud eos murmur significat, nominari, quippe hoc eis obiectum esse ab Arabibus propterea quod inculto vtantur sono. Nec procul ab hac sententia est DRVSIVS, qui obseruat ^c, בר Chaldaeis esse locum incultum et syluestrem, adeoque inconditum et agreste dicendi genus innuere. Alii cum Scaligero ab Arabica radice بربر, quae murmur significat, inconditam orationem hominis peregrini, qui e iudicio aurium nostrarum murmurat potius,

^a) Apud cel. ISAAC. DE BEAUSOBRE Hist. du Manicheisme P. II. L. I. ch. 2. p. 19. qui et ipse in hanc sententiam concedit.

^b) Exercit. LI. contra Cardan. p. m. 185.

^c) L. II. q. 17. apud PFEIFFERVM Quinq. Exot. N. T. p. 943. Dubior, vexat.

potius, quam loquitur, deriuatam cupiunt^d: nec alii in excogitanda vocis huius origine ingeniosi, vt solet in etymologicis fieri, esse desinunt^e. Nos, cum incerta haec omnia sint, frustra et otiose quoque ingenia istis torqueri putamus, adeoque eis non immoramur, illud notasse contenti, ad asperitatem soni et horridam quandam oris elocutionem vocem ab Aegyptiis, teste HERODOTO^f, acceptam, Graecos retulisse, et dedecoris quasi causa barbaros appellauisse, qui difficulter, aspere, et duriter loquerentur^g, cum Graecis ore rotundo musa loqui dederit. Quae tamen vocis significatio tandem omnes illos denotauit, qui ignotam auribusque insuetam linguam loquebantur: sic vt barbarus esset, quisquis Graeca lingua non vteretur^h.

§. II. Nomen itaque vitii haec vox, barbarus, fuit, a lingua tamen ad mores tandem traducta fuit, barbarusque dictus est, qui ab eruditionis cultu alienus erat: vnde docte obseruatum est viris eruditis, barbaras gentes opponi doctis, barbarumque cum imperito idem dicere. Hoc sensu TACITVS Britannos veteres, monumentis gentis suae historicis destitutos, barbaros vocatⁱ: et CICERO^k gentes doctas a barbaris distinguit. VELLEIVS vero studiis rudem et sermone barbarum coniungit^l, quo sensu humanitatis studiis opponitur, quibus humani ingenii decor excolitur. Vnde facile coniecere licet, dum omnes gentes, qui Graeci non essent, barbaras illi dicerent, hoc ad literarum potissimum studia, quae ab his gentibus modulo Graeco non exulta erant, relatum esse. Id quod vel ex istis apologiis patet, quas primi ecclesiae christianae doctores, fastui philosophorum Graecorum opponebant. Cum enim hi domestica sua philosophia maxime turerent, et christianam disciplinam tanquam barbaram contemnerent, in philosophiae barbaricae defensionem ita descenderunt viri optimi, vt inter barbaras gentes initia et origines disciplinarum a Graecis cultarum deprehendi ostenderent, adeoque frustra illis ingenii barbariem et incultum bonis literis animum obiici demonstrarent. Hoc vel vna TATIANI oratio contra Graecos euincit, quae vel sola inscriptione indice, eo tendit, ὅτι οὐδὲν τῶν ἐπιτηδευμάτων, οἷς Ἕλληνες καλλωπίζονται, Ἑλληνικὸν, ἀλλὰ ἐκ βαρβάρων τὴν εὐρησιν ἐσχηκός, quod nihil eorum, quibus Graeci gloriantur, apud ipsos natum, sed omnia a barbaris inuenta sint: et in ipso limine odium Graecorum erga barbaras gentes testatur, verborum siue sermonis elegan-

A lingua ad mores traducta significatio.

^d) PFEIFFER. I. c. p. 944.

^e) Confer. BECMANNI Orig. L. L. p. 287. et Lexicorum etymologicorum conditores, Vossium, Martinum aliosque, etiam FABRUM et CELLARIUM ad eum.

^f) L. II. p. 67. Barbaros vocant Aegyptii omnes, qui non ipsorum lingua vtuntur.

^g) Ita STRABO L. XIV.

^h) Vid. OVIDIVS Trist. L. V. el. 10. v. 37. et

luculentus Iocus 1 Cor. XIV, 11.

ⁱ) In vita Agricolae c. IX.

^k) pro Milone c. 11.

^l) L. VII. c. 73. plura dabit cl. LAM. BOS in animaduers. ad scriptores quosdam latinos, c. II. p. 12. et qui per omnes vocis huius significationes eleganter et copiose digreditur cel. HEVMANNVS Aët. philos. Vol. II. p. 204 sqq.

elegantiam contra eas superbe iactantium, nihil tamen praeclari, quo barbaros superauerint, praestantium ^m.

*Eruditionis
elegantia
barbaris de-
negata,*

et philosophia

*idem tamen
facientibus
barbaris erga
Graecos.*

§. III. Non denegabant quidem Graeci omnem eruditionis speciem barbaris, sed graecanicorum studiorum elegantia capti, a simplici et ab omni artis cultu remota eruditionem excolendi ratione, quae ingeniis Graecis in libera republica viuentibus inuisa fuit, longius recedentes elegantiam Graecae eruditionis barbaris opponebant. Vnde CLEMENS ALEXANDRINVS omnem eruditionem in barbaram atque Graecam diuidit, et ex his vnam eligendam esse monet ⁿ. Et hoc ad ipsam quoque philosophiam, quae animum ab ignorantia et barbarie maxime liberat, traductum est; Graeci enim artificiosa philosophandi methodo vsi, cum apud barbaras gentes simplici traditione sapientiae praecepta propagari cernerent, hanc philosophiam non esse rati, immo modum quoque proponendi, ipsumque barbararum gentium sermonem ad philosophandum ineptum esse, sibi iactantius persuadentes ^o, qui eloquenter de rerum natura et moribus hominum disquirebant, cum contemptu de barbarica philosophia locuti sunt, et ipsam quoque philosophiam ipsis denegarunt. Id quod praeter alios fecere Epicurei, ipso magistro contendente, solos Graecos posse philosophari ^p: quod quidem magnopere non miramur. Epicuro enim ad libertatem philosophicam respicienti et superstitioni populari suam philosophiam opponenti, qua et Deum et prouidentiam ex suo systemate eiiciebat, philosophia barbarica, a sacerdotibus tantum exulta, et ad diuinitatis cultum potissimum relata placere non potuit. Aliter tamen Plato, qui cum apud Aegyptios arcanam disciplinam didicisset, et inter Italicos quoque philosophiae scientiis esset excultus, non semel ad barbaricam philosophiam non modo prouocauit, sed quoque monente CLEMENTE ALEXANDRINO ^q, non negat, ea, quae sunt praestantissima, se mutuum accepisse et mercatum quasi a barbaris, ideoque in Aegyptum venisse: putatque etiam inter barbaros esse philosophos, et in conuiuio laudat barbaros, vt qui philosophiam insigniter exercuerint. Cuius testimonia plura attente dialogos Platonis legenti occurrent ^r. Nec ipsi barbari huic Graecorum superbiae cedebant, sed quod in omnia alia iret, Graecae philosophiae ratio, quam barbarica, pueros eos in philosophia putabant. Vnde Plato in Timaeo sapientissimum Solonem introducit discentem a barbaro, cuius nota vox: Ἕλληνες ὑμεῖς αἰεὶ παῖδες ἐστέ γέρον δὲ Ἕλληνα ὄδεῖς, ὃ γὰρ ἔχετε μάθημα χρεῖον πολίων. Vos Graeci semper estis pueri, senex autem nullus est Graecus, disciplinam enim nullam habetis canam ^s. Qua in persuasione maxime

^m) Paria apud ATHENAGORAM, THEOPHILVM, CLEMENTEM ALEXANDRINVM passim occurrunt.

ⁿ) Stromat. L. I. p. m. 299.

^o) Hanc superbiam Graecorum mox in limine castigat Tatianus.

^p) CLEM. ALEXANDRINVS Strom. L. I. p. 302.

^q) l. c. p. 303.

^r) Vid. in Phaedone.

^s) Repetit haec CLEMENS ALEX. l. c. erat tamen reuera tunc philosophia inter Graecos in incunabulis.

xime confirmabantur, cum viderent, Graecorum doctissimos, et philosophorum antiquissimos vel genere barbaros, vel a barbaris eruditos. Quod ut probet CLEMENS¹⁾, Tuscum fuisse Pythagoram, Phrygem Antisthenem, Orpheum Thraca, Homerum Aegyptium, Thaletem Phoenicem, et hunc atque Pythagoram, Platonem item atque Democritum cum Chaldaeorum, Magorum et Aegyptiorum sacerdotum praestantissimis conuersatos et ab iis eruditos fuisse, asserit. Et hinc illa vetus contentio: an philosophiae origines a barbaris gentibus deriuandae sint? id quod plerique veterum ecclesiae doctorum magno feruore asseruerunt. Cum enim ad priscam Hebraeorum gentem oculum intenderent, et ex eius et aliorum Orientis populorum traditione Christianam religionem egregie vindicari posse crederent, quin et Platonicae theologiae existimatione abrepti, hanc ex barbarica philosophia ea hausisse sibi persuaderent, quae proxime ad Christianam fidem accedunt; multa animi contentione et adhibita, quam asferre modo poterant, eruditione barbaricam philosophiam fontem esse omnis sapientiae apud Graecos cultae afferebant. Qua in quaestione, ut plerumque fieri solet, ambigua a certis et definitis distincta non sunt, multaque dicta, quae scopum non feriunt. Quod si enim philosophiae propria significatio pro norma fuisset adhibita, si distinctum fuisset, inter eruditionem et cognitionem rerum a vulgo diuersam, et inter philosophiam, si philosophandi initia ab incrementis et formali habitu fuissent separata, si modus tradendi sapientiam per auctoritatem parentis et magistri a philosophandi methodo accurata et meditatione cuncta per causas et principia sua inquirente fuisset segregatus, facile tota controuersia in λογισμαχίαν abitura euaniisset. Gentes enim barbaras de nulla sapientiae cognitione fuisse sollicitas, et de nulla vel diuina vel humana re cogitauisse, quis asserere audeat? Quisquis vero barbaricae philosophiae indolem perdidicit, fatebitur, eos simplici potius cognitione, quam scientifica, quod aiunt, meditatione veritatem indagasse, et traditione potius, quam demonstratione ad posteros propagauisse, Graecis, ubi a ruditate morum primum emerferunt, in id contendentibus, ut veri atque boni principia inuestigarent, in eius causas inquirerent, et ex fontibus deductas veritates certa et ratiocinandi legibus adstricta methodo aliis proponerent. Quod ut demum verum philosophiae nomen meretur, ita, quousque Graecis illud ante omnes gentes alias debeatur, facile intelligere finit, et quid barbaris gentibus adscribendum sit, ubi philosophiae origines quaerendae, in apricum profert. Nec, nisi nos omnia fallunt, prudentiorum inter Graecos aliam mens fuit: id quod egregie colligi posse credimus ex insigni ORIGENIS loco²⁾, qui contra Celsum Epicureum disputans, et barbaricam Christiani originem obiici praeter rem contendens, ait: *Merito non vituperat originem barbaricam, quandoquidem in ipso sermonis initio laudat barbaros*

¹⁾ l. c. p. 302. conf. TATIANVS l. c.

²⁾ L. I. p. m. 5. edit. Hoefchel.

baros, ut inuentores dogmatum. Addit, his iudicandis confirmandisque ac ad virtutem exercendis barbarorum inuentis Graecos praecellere. Hoc igitur in defensionem Christianismi ex ipsius aduersarii scriptis rapimus, quando verum est, hominem exercitatum disciplinis Graecanicis, si ad eum accedat, non solum approbare veritatem, sed ad meditationem applicare animum, et si quid deesse videatur, suppleturum Graecanicis ratiocinationibus, ad astruendam Christianae religionis veritatem. Ex quo loco manifestum est, disciplinarum fere omnium et philosophiae quoque origines inter barbaras gentes non immerito quaeri, rectam tamen philosophandi rationem meditatione et ratiocinatione constantem ante Graecos vix inter gentes quaerendam esse. Quae ut ab Origene philosophiae historiam probe intelligente conceduntur, ita veritatem nobis exhibere non nisi pertinaciter negandam, sequens philosophiae barbaricae loquetur historia.



CAPVT SECVNDVM.

DE PHILOSOPHIA ANTEDILVVIANA.

§. I.

*Philosophiae
origines*

*quaestae a-
pud angelos,*

*et daemones
males*

Philosophiae origines scrutaturis, non homo tantum a sapientissimo creatore ad imaginem suam conditus sed et spiritus coelestes, quos angelos, id est, legatos Dei sacrae paginae nominant, occurrunt, qui ut intellectu admodum illustri praediti sunt, ex voluntate rerum conditoris, ita inter philosophos primum locum apud eos occupant, qui ne in hac historiae parte vllum iter intentatum relinquunt, ad astra surgunt, sedesque coelestium spirituum sollicitant, philosophiam aliquam extramundanam nobis commendantes. Et si enim de angelorum natura, conditione et sapientia pauca immo fere nihil ratio nobis dicitur, sed vetustissima tantum traditione et leui quadam coniectura nititur, quicquid sine reuelatione de angelis dici potest: nihilominus, cum cogitationibus suis nec modum nec limites eruditi ponerent, supposita magna angelorum ex scriptura S. sapientia, nescio quam inde philosophiam angelorum exsculperunt. Accessit vero opinioni extra oleas per se iam vaganti error scholae Pythagorico-Platonicae, adhibitos in condenda rerum natura angelos ad formandas creaturas, vnde ad peritiam physicam concluditur. Qui homines, si attendissent, totam daemonologiam alienae cognitionis esse, nec habere philosophiam quae de iis dicat; si recte expendissent, per philosophiam non creaturae diuinioris perfectionem naturalem, sed acquisitum per rationis rectum usum sapientiae habitum intelligi, eiusmodi nugis in ipso historiae philosophicae atrio curiosos non fuissent remorati. Eadem vero non tantum ratio est, illorum, qui malos daemones inter sapientiae humanae conditores referunt, sed et absurditate istam vincit. Hos si homines audias, δαίμων, quasi δαήμων a rerum scien-

scientia dictus est, cuius specimen iam inter veteres ecclesiae doctores LACTANTIUS ^x attulit, cui astrologia et aruspicina et auguratio inuentum daemonum sunt ^y: immo non tantum huic malo spirituum, e coelesti, quae horum hominum phrasis est ^z, academia eiectorum generi magnam naturae scientiam vindicant, errore populari late peruagante; sed et callidissimum veteratorem totum humanum genus aggredi audentem et ex pristina sapientiae possessione deicientem, in nescio quem philosophum dialecticum mutant, artificiosa differendi calliditate protoplastos misere decipientem ^a. Quae omnia vt vel primo intuitu tanquam calx sine arena mire concidunt, si, quid philosophia sit, cogitetur, quae a naturalibus ratiociniis multum differt; ita quam absurde ista asserantur, vel per transennam rem intuenti produnt. Nec maioris ponderis sunt, quae PP. quidam ^b, Platonicas de daemonum natura nugas edocti, somniarunt, angelos damnatos *ad filias hominum de coelo ruentes eas materias quasdam bene occultas, et artes plerasque non bene reuelatas prodidisse, et metallorum operta nudauisse, et ingenia herbarum traduxisse, et incantationum vires promulgauisse, et omnem curiositatem usque ad stellarum interpretationem designauisse.* Ea enim omnia si simpliciter negantur, per se corruunt. Nam supponunt, non probant, eam philosophiae naturalis peritiam in daemonibus, de qua tamen quaeritur. Nec dubium est, omnes has nugas desumptas ex scholis haereticorum orientis, quos in pseudo-philosophia sua mira de geniorum artibus et scientiis somniatos esse, ipsorum systemata facile euincunt, suoque tempore apertius probabitur. Illi enim vt deliramentis suis auctoritatem adderent, vaticinium Enocho ab antiquitate tributum affinxerunt, vnde omnia illa somnia prorepserunt, indigna, quae multis refutentur ^c. Inde *item apud beatos.* vero quid de philosophia beatorum sentiendum sit, liquet; eam enim hoc potissimum fundamento extruxerunt aliqui, quia in cognitione philosophica, praesertim vniuersae naturae *ισαγγελίαν* beatis a Seruatore promissam quaerunt ^d: nam eodem fundamento stantque caduntque, et praeter rationis et reuelationis indicia affirmantur: quae beatitatem in intuitionem Dei ponentia, aliam longe beatis occupationem assignant. Et haec certe non ex istis limpidis fontibus, sed ex turbidis Stoicorum gentilium, immo haereticorum quoque, lacunis hausta sunt. Illi enim beatorum in eo potissimum sortem felicem praedicabant, quod *noua luce gauden-*

G 2

^x) Praeuiuit PLATO in Cratylo, secutus est more suo LACTANTIUS L. III. c. 15. Inst. diu.

^y) Ib. L. II. c. 17. consentiente CLEM. ALEXANDR. in eclog. p. 808.

^z) Ita HORNIUS Hist. phil. L. I. c. 2. p. 11.

^a) In hoc argumento mirò sibi placet, et inanes more suo argutias nectit HORNIUS L. I. c.

^b) TERTULLIANUS de cultu foemin. L. I. c. 2. conf. FABRICIUS Codic. Pseud.

epigraph. V. T. T. I. p. 168 sq. vbi aliorum PP. verba afferuntur.

^c) Conf. GROTIUS ad Ep. Iud. v. 14. quique mentionem fecere libri Enochi laudati FABRICIO L. c. p. 199 seqq.

^d) Vid. laudati Aët. philos. Vol. I. p. 758 sqq.

^e) Vid. SENECA in consolationibus passim, praesertim ad Marciam c. 23. quod et Platonici assignat HORNIUS L. c. p. 23. 24. cuius tamen adducta loca id non euincunt.

dentis, vicinorum sacrum meatus doceantur, nec ex coniecturis, sed ab omnium ex vero peritis in arcana naturae libenter ducantur, et sciscitantes coelestium causas a domestico interprete erudiantur: Horum vero multi ad Demiurgi, id est rerum naturalium conditoris daemonis locum animas elatum iri^{f)}, vel sidera contemplanda inhabitaturas somniabant^{g)}. Nobis, ut has nugas reiiciamus, sufficit, obiectum philosophiae esse felicitatem acquirendam, quam et boni spiritus, et beatae animae iam possident, qua vero mali spiritus penitus excluduntur: unde apud eos philosophia locum habere nequit.

*Rudimenta
prima philo-
sophiae.*

*Adamus an
perfectus phi-
losophus?*

§. II. Inter homines itaque relictis coelestibus et inferis sedibus philosophiae origines quaerendae sunt. Quae, si prima nascentis foetus flamina et formam aliquam rudissimam consideres, cum intellectu humano eiusque usu nata esse censeris suo modo potest, ne tamen philosophiam talem, qualem hodierna nobis ingenii cultura exhibet cogitemus, sed philosophiae prima rudimenta, et aliqualem rerum diuinarum et humanarum ex rationis meditatione et experientia cognitionem, quam philosophiam empiricam vir quidam doctus^{h)} non inepte dixit, intelligamus. Hic iterum in omnia alia abeunt, qui primum humani generis parentem, Adamum non tantum in integritatis statu perfectissima philosophiae cognitione imbutum fuisse, sed et post miserandum lapsum relictos pristinae sapientiae igniculos meditatione ac longa experientia ad magnam philosophiae cognitionem excitauisse contendunt. Quorum ut longum agmen est, quod apud aliosⁱ⁾ nominatum consulere potest, cui ad haec otium est, ita plerique iisdem argumentis vtuntur, quae iam inter veteres SVIDAS^{k)} exposuit. Nos vnus verba afferimus, quia breviora sunt, et rem luculenter exprimunt, et libellus rarus est, indeque auctor inter ceteros plerisque non nominatus: OTTO scilicet HEVRNIVS^{l)}, qui hac de re ita: *Adamum non ante lapsum tantum arbitramur sapientem, prudentem, omnisque doctrinae genere ornatissimum fuisse; verum etiam a lapsu rudem, adumbratam, inuolutamque eorum cognitionem retinuisse; quam postea exili hoc diuinitatis lumine, quod restibile sibi relictum erat, euoluere conatus est: omnesque eius posterius nixi sunt, et nitentur, donec coelum fatalem motuum numerum euoluerit. Etenim peccato in tenebricosum obliuionis ergastulum coniectus, inscitiaeque densa caligine obsessus, in summa versabatur rerum ignorantia. Veruntamen retinens semina quaedam suae diuinitatis, rerumque maximarum dulci recordatione, quasi igniculis accensus perpetuo intelligendi sciendique desiderio flagrabat. Atque hinc maximo cum labore et studio multa*
per-

f) Ita Valentiniani, de quibus suo loco.

g) Vid. IAC. THOMASIVS de Manetis dogmate, de loco animarum post mortem Tom. I. hist. sap. et stult. a filio editae c. V. p. 56 seqq.

h) Act. philos. Vol. I. p. 760.

i) GUNDELING. hist. philos. mor. c. VII. §. I. p. 591 seqq. et imprimis FABRICIVM in Cod. Pseudep. V. T. Vol. I. p. 8 seqq.

k) Voce Adam T. I.

l) In antiquitatibus philosophiae barbaricae; libello Lugd. Bat. 1600. 12. edito L. I. p. 7.

perscrutatus est, recuperavitque sensuum ope, in ea primum incumbens, quae sensibus erant obuia, deinde occultiora sola mente cognoscibilia, ratione colligens. Nec in dubium cadit, quin filios suos plurima a se inuenta docuerit, longa namque cum illis vixit societate. Haecenus Hornius, cui magistros in sententia hac praeerunt, Iudaeorum doctores adiungere possemus, nisi illi indigni essent, quorum fabulae audiantur. Nos vel unico argumento vsi, totam disputationem facile conficere possemus, omnium scilicet artium et disciplinarum systemata, multis seculis Adamo posteriora esse, et cum nascentis originis rudem prae se faciem ferant, impossibile esse, ut ex relictis in anima Adami amissae sapientiae igniculis, vsu et meditatione excul- tis tanta scientiarum lux, quantum isti volunt, exorta sit. Frustra enim per omnem philosophiam barbaricam, philosophiam scientifica ratione excultam deprehendemus, quam tamen didicisse, suosque docuisse Adamum, isti viri docti clamitant. Sed ut omnia lectoris examini pateant, afferamus, quae pro philosophia Adami, immo, si hos audis, *πανσφία* plerumque afferuntur argumenta, et quid roboris illis insit, sine antiquitatis praeiudicio expendemus.

§. III. Duplici scilicet nomine magnus, immo si dicendum, quod res *Argumenta* est, maximus mortalium omnium, philosophus Adamus ex horum senten- *pro philoso-* tia dicendus est, tum supernaturali sapientiae lumine, quo ex diuina ima- *phia Adami,* gine ornatus erat, collustratus, tum post lapsum, residuis amissae lucis igni- culis longo vsu et meditatione ad insignem cognitionis philosophicae per- fectionem perductis expolitus. Et in statu quidem perfectionis paradisia- co fulgentissimo sapientiae et sanctitatis ornatu radiaffe, ipsis sacris oraculis praeeruntibus, negare potest nemo. Sapientiam vero hanc eo nomine in- dignam putant, nisi ille, qui Deo similis erat, omnium rerum naturam at- que recessus perspexerit: nec habuisse locum errorem, ignorantiam, inadae- quatas ideas, quaeque aliae cognitionem nostram sufflaminant difficultates, et intellectus morbi; non imperavisse intellectui seducendo pessima praeiudicia, quae ex sancta voluntate oriri non potuerint. Post lapsum amississe quidem lucem sapientiae congenitam, remansisse tamen pristinorum bono- rum recordationem, et exortum ex sensu amissae felicitatis, vehemens de- siderium pristinam sapientiam recuperandi. Quare adhibita meditatione, et contemplatione per tot annorum decursum, accedente experientia no- uam lucem et eruditionis in genere, et philosophiae in specie Adamo fuisse enatam. His pro vniuersa Adami philosophia adductis adduntur alia, qui- bus singularum disciplinarum philosophicarum notitia non caruisse euinci debet. Physicam enim eius eruditionem inde probari aiunt, quod addu- ctis ex voluntate creatoris ad Adamum omnibus animalibus, nomen cuilibet imposuerit, quod naturam eius accuratissime exprimeret, et in eorum naturam ita inspexerit, ut sociam sibi inter ea conuenientem reperiri ne- garet. Et huius *ὀνοματοθεσίας* vestigia, naturam animantium exprimen-

tis hodiernum deprehendi magni in veteribus linguis viri contendunt ⁿ. Eandem vero nomina imponendi notitiam magnam logicae peritiam inferre, ex veteribus iam asseruit EVSEBIUS ^o. Addunt, quibus ista placent ^p, imaginem Dei cum perfecta cognitione habentem, artem quoque ratiocinandi habuisse; literas ipsumque sermonem humanum inuenisse, docuisse suos quaedam, methodique non fuisse ignarum; immo cum Eva et serpente dialectice satis differuisse. Matheseos peritiam in Adamo probare vestes pellesque ferinas mechanices specimen, casam tentoriumque extructum architecturae opus, observatos siderum motus et diuisa tempora astronomiam, et quae his sunt similia ^q. Philosophiam moralem exercitia pietatis institutumque in familia diuinum cultum demonstrare, de officiis hominum apud suos prudenter pieque differuisse. Gubernauisse porro familiam prudenter, et ad promouenda vitae commoda prudentiam oeconomicam, sine qua misere vixisset, adhibuisse. Tandem his omnibus adiciunt, libros eum sine dubio scripsisse, quibus tanto labore diuturnoque vsu partam sapientiam, ne obliuioni traderetur, posteris reliquerit. Et si enim aperte falsi et suppositi sint, qui protoplastae affinguntur libri, eiusque nomine circumferuntur, esse tamen hos subreptitios foetus luculentum testimonium, extitisse suo tempore veros libros, quorum titulis traditionis fide receptis, et temporis iniuria deperditis falsi isti et commentitii potuerint furrogari.

Refutantur.

§. IV. Speciem aliquam haec prima fronte prae se ferunt, accuratius examen non sustinent. Quae enim de sapientia Adami ante lapsum concreata dicuntur, recte quidem se habent, ad exsculpendam vero philosophiam nihil valent. Consistebat enim sapientia protoplastorum in cognitione Dei et sui ipsius et in efficaci atque practica notitia earum rerum, quae ad suam felicitatem in concreata iustitia sitam necessaria habebant: quae hominem quidem sapientem, et ad consequendum verae felicitatis finem aptis mediis intellectus et voluntatis instructum, non vero philosophum, eo sensu, quo in historia philosophica sumitur efficiunt: vt nihil dicamus, non definitum esse, an hanc lucem Adamus ex naturali scientia an ex diuina reuelatione habuerit? quod posterius familiare, quod cum Deo in integritatis statu primi homines habuere, commercium satis innuit. Praecipue vero expendi sedulo cupimus, artes et scientias, etiam in philosophia comprehensas, ignorantiam hominum, indeque ortam admirationem, causam praecipuam philosophiae supponere, alias vero necessitatibus humani generis, quales mathematicae sunt, inseruire, omnes ad tollendam intellectus humani ignorantiam comparatas esse, et multorum annorum experientiam atque meditationem, immo si rem recte ponderemus,

ⁿ) Ita magnus BOCHARTVS Hierozoici E. I. c. 9. qui plurima congeffit hebraea animalium nomina vt probaret, quod certa ratione nitantur ex natura rei petita.

^o) I. c.

^p) CORN. DIET. KOCH. in Polyhist. Log. c. 6.

^q) Conf. Obs. Hal. T. I. obs. 19.

remus, etiam opinionum diuersitatem supponere. Quae omnia, vti ipsam artium et scientiarum historiam testem habent omni exceptione maiorem, ita assertam Adami in statu paradisiaco pansophiam funditus evertunt. Dimetienda itaque Adami sapientia est ex fine, et talis statuenda est, qualem diuina beneuolentia et sapientissimum consilium in condendo ad felicitatem homine postulat, qualemque restaurari restituta per gratiam diuina imagine, reuelatio docet: ad quam philosophiae cognitionem requiri, nemo temere affirmauerit. Concidente vero philosophia Adami ante lapsum, concidit quoque ea, quae post lapsum ei tribuitur, quamque in memoria pristinae sapientiae, vel resuscitata recordatione fundari supra audiuius. Quod si protoplastum accurata meditatione et longaeuitatis beneficio philosophicas veritates inuenisse, posterosque docuisse asserere quis velit, illud prius probare oportet, Adamum post lapsum magna rerum omnium ignorantia obrutum, multisque necessitatibus et aerumnarum depellendarum curis pressum, amarissimoque poenitendi et ad Deum redeundi exercitio quotidie occupatum, aptum fuisse ad inueniendas omnis generis scientias, praesertim philosophicas et animum etiam eo applicuisse, atque ab aliis occupationibus, quibus recens, qua obruebatur humanum genus, maledictio mitigari debebat, adeo fuisse vacuum, ut philosophiae speculationibus indulgere posset. Quod si vero generalis philosophiae cognitio Adamo neganda est, quid de specialibus disciplinis ei tribui solitis dicendum sit, facile existimari potest. Quae enim pro physica eius scientia affertur ἐνομα- τοθεσία, nondum rem conficit, cum non tantum ex quorundam nominum significatione, saepe contorta longiusque in gratiam ὑποθέσεως quaesita, quae cum natura bestiarum conuenire dicitur, physica cognitio non queat inferri, sed et omnis illa, de primaeva lingua disputatio incertissima sit, frustra hodie inde argumentum sumatur: et praeterea nomina ex asse naturis animantium respondisse, assumatur potius in textum, quam ex eo eruatur; in quo diuinus historicus nihil aliud narrat, quam adducta esse hoc fine ad Adamum animalia, ut intellecta eorum conditione nomine suo insignita repudiaret, in consortium vitae non recipienda. Aliastextus difficultates, alibi expendendas tacemus. Porro a naturali differendi facultate verumque a falso discernendi aptitudine, ad artificialem logicam, ab extruendi casulam miseram peritia, ad architecturam, a necessitate familiam regendi ad oeconomiam et politicam philosophicam concludere, idem est, ac quadrata miscere rotundis, et sic rudem plebeculam et rusticam quoque gentem intrudere philosophantium choris. Virtutis vero praecepta et sapientia nec Adamo, nec patriarcharum cuidam deneganda sunt, caue vero artificialem intelligas, vel etiam naturalem. Prophetam enim Adamum fuisse, et habuisse cum Deo conuersationem, qua diuina voluntas ad restitu-

*) Conf. ven. I. FR. REIMMANNI Hist. liter. antidiluu. p. 53. Cl. MICH. LILIENTHAL. Obseru. sel. IX. p. 258. C. L. FEVALINVS l. citando.

restituendam felicitatem, lapsu eius amissam, ei manifestabatur, et peculiari reuelatione tradebatur, aperta sacrarum literarum vestigia produnt, et recte viris doctissimis^{s)} obseruatum est. Vnde in tradendis pietatis praeceptis, et paraenetica excitandae et commendandae virtutis methodo Adamum sedulum fuisse, omnino verisimillimum est. Quae tamen omnia ad istam Adami philosophiam nihil faciunt. Miramur vero merito, viros graues et non obesae naris ad libros Adami potuisse prouocare, non ignaros, scribendi artificium primaevis humani generis originibus longe esse recentius atque posterius, nec indignuisse eo aetatem hominum primam, annorumque longaeuitatem ad conseruandam veritatem, inutilibus speculationibus nondum in infinitum numerum auctarum, sed ad solam tuendam aeternam et temporalem felicitatem prouide restrictarum traditionem oralem abunde suffecisse. Nec aliunde tota illa librorum adamiticorum caterua orta est, quam ex ingeniis Iudaeorum, ad nugas has ineptam suae genti gloriam conciliaturas procliuium^{t)}. Quae quo loco philosophia Adami habenda sit, luculenter docent. Plura cupienti alii viri docti^{u)}, qui id prolixius confecerunt, adeundi sunt.

Diuidicanda ex dictis sunt, quae auctor *Historiae criticae philosophiae*, de origine eius *T. I. L. I. c. I. p. 2.* dixit, illam cum ipsis mundi natalibus ortum suum accepisse, et virilem eius virtutem inter ipsa adolescentis pueritiae vestigia apparere. His splendida verborum pompa prolatis haec potissimum ratio additur, homines omni tempore cogitauisse, meditadosque fuisse; magnificum orbis nostratis aedificium ita perstrinxisse oculos, vt elegantia et ordine rerum naturalium excitati, Dei conditoris magnificentiam et diuinitatis vestigia vbique deprehenderent. Ita vtilitate et iucunditate operum naturae infinitorum illectos, admiratione matre, in causas inquisiuisse eorum, quae cum delectatione viderant: et hinc ortam esse philosophiam. Eleganter haec et speciose dicuntur, misere tamen cohaerent. Quod si enim admiratione matre philosophia genita est, hominibus in causas rerum, quas admirabantur, inquirentibus, non cum ipso ortu humani generis philosophia efflorescere potuit. Requirebat enim temporis sat amplum spatium, vt meditatione et experientia magistris tandem ad aliquam cognitionem peruenirent. Nec ea primorum seculorum conditio fuit, quae nostratum, vbi philosophi, otiosis et curiosis plerumque naturae speculationibus intenti, hunc omnis vitae suae scopum habent, vt excogitatis ingenii lusibus et effectis hypothesibus rationem eorum redderent, quae ignorasse videri nolunt: vnde et ad solam philosophiam naturalem auctor satis inaccurate philosophiae origines restringit. Sed ea primorum homi-

^{s)} DAVID KNIBBE *Hist. prophet.* L. II. c. 1 seqq. *Acta philos.* Vol. I. p. 772 seqq.

^{t)} Consulantur doctissimorum virorum I. A. FABRICII *Codex Pseudepigraphus* V. T. T. I. p. 2 seqq. et T. II. p. 1 seqq. Io. CHR. WOL-

FII *Bibl. hebraea* T. I. p. 110. T. III. p. 69. T. IV. p. 771.

^{u)} Cel. FEURLINVS duabus diss. de philosophia Adami. *Acta phil.* I. c.

hominum actio fuit, ut praesentis vitae miseriam leuarent, aeternae reparandae viam ingrederentur: quae occupatio parum temporis ad philosophandum reliquit. Confundit itaque auctor temporum nostrorum rationem cum vetustissima humani generis conditione, et aliqualem atque empiricam operum naturae cognitionem, cum scientia philosophica: id quod vix in viro demonstrationum physicarum perito ferri posset, satis docto, quam immensus plurimorum annorum labor sit, primis hominibus circa alia omnia occupatis, sine vlla probabilitate tribuendus, multorum hominum experientiam congerere, ut inde aliqualis operum naturae et causarum eius notitia emergat; nisi ipse auctor neglecta definitione philosophiae seductus, ipse sibi haec retia tetendisset, in quae in ipso historiae suae philosophicae vestibulo incautus cadit. Verum hoc viro docto, dum eloquentiae laudem avidius sectatur, in hoc opere saepius accidit.

§. V. Euicta, Adamum non fuisse philosophum, omnemque de pro-^{Philosophia}toplastae philosophia cogitationem imaginariam tantum esse, sententia;^{Cainis et Abe-}ilsdem prorsus argumentis idem de Adami filiis Caino atque Abele dici^{belis.} et euinci potest. Et hunc quidem, moribus placidum et ad meditationes aptiorem, inter philosophos referri vix videas, insanum tamen nugis ingenii veteratorii auctoritatem conciliandi studium librum nomini eius supposuit*. Illum vero non philosophum tantum, sed et omnis philosophiae sectariae conditorem facit GEORGIUS HORNIVS†. Ait enim: philosophiam in duas sectas scissam filiorum Dei et hominum, siue Sethi et Caini, insensissimo propagatam fuisse in alterutram animo. Hanc Cainiticam sectam rationem corruptam principii loco habuisse, cum qua quod minus consentire videbatur, audacissime exploserit. Caetera *φυσικὰς* cognoscentes, ad curam et voluptatem, velut bruta ventri obedientia retulisse, ut plane Epicuri philosophia iam tum in animis hominum radices egerit: inde gigantum, siue, atheorum et Epicureorum sectam ortam esse, corruptricem philosophiae sobriae, praesertim, quae in vita civili consistit. Quam parum vero haec, praeter nihil recte sonantia verba, dicant, quilibet intelligit, qui diuini historici narrationem considerat attente, quippe qui de Caino non alia refert, quam animi malitia Deo displicuisse, odiique in fratrem concepti fructum fuisse fratricidium. Quae si philosophum faciunt, si in Epicuri hortos relegandus est, quisquis cupiditatum habenis laxatis Dei timorem cultumque negligit, et in atheismo practico securitatis et impietatis

* De virtutibus planetarum et omnibus rerum mundanarum virtutibus. Conf. Т Н О М. B A N G I I Coelum Orient. Exerc. II. Q. 5. p. 123. FABRICIVS Cod. Pseudepigr. V. T.

T. I. p. 112. I. C H R. W O L F. Bibl. hebr. T. I. p. 346.

† Hist. philos. L. I. c. 9. p. 50.

tatis solatia quaerit; non sufficiet hortus Epicuri, sed aperiendae sunt ad recipiendam omnium gentium et aetatis sceleratorum copiam portae mundi. Ita enim quo quis est sceleratior, eo erit philosophiae impiae aptior: qui ratiocinandi modus iuuenili quidem Hornii ingenio condonandus, reiiciendus vero est, tanquam puerilis et ne ullam quidem verisimilitudinem generans. Nec felicius a condita a Caino vrbe, et inuentis ad colendam terram instrumentis ad Caini architecturae et mechanices cognitionem concluditur: nam quae necessitate et experientia magistra inueniuntur, artis praecepta et philosophiam non postulant, et incertum est, an non DEVS ipse qui ad colendum agrum hominem ex paradiso eiecit, instrumenta ad hunc laborem necessaria ei reuelauerit? Verum in eiusmodi absurdas sententias necessario incidunt, qui neglecta accurata philosophiae definitione sine hoc duce in amplissimis philosophicae historiae campis oberrant.

*Philosophia
Sethi.*

§. VI. Post Abelem Caini perfidia trucidatum vera DEI cognitio cultusque a fratricida neglectus per Sethum in familia Adami propagatus est. Hunc inter philosophos non solum referunt philosophiae antediluvianae patroni, sed et tanquam aethereum solem exortum vna cum patre opera sapientiam excoluisse contendunt, maxime vero illam partem, quae relictis terris, ipsa sidera, eorumque *πάθη καὶ συμπλώματα* scrutatur, in qua sapientia plane insignem et admirandum doctorem euasisse volunt². Quae sententia non nudius tertius enata est, sed a Iudaeorum superbia et haereticorum impostura originem cepit, et Graeculorum mendaciis aucta et propagata est. Natiuitatem enim debet IOSEPHO, qui de filiis Sethi, parentis doctrinae innutritis refert³: *disciplinam rerum coelestium, et ornatum earum primitus illos inuenisse. Et ne dilaberentur ab hominibus, quae ab eis inuenta videbantur, aut, antequam venirent ad cognitionem, deperirent, cum praedixisset Adam exterminationem rerum omnium, unam ignis virtute, alteram vero aquarum vi ac multitudine venturam: duas facientes columnas aliam quidem ex lateribus, aliam vero ex lapidibus, ambabus, quae inuenerant, inscripsisse, ut etsi constructa lateribus exterminaretur ab imbribus, lapidea permanens praeberet hominibus conscripta cognoscere, simul et quia lateralem aliam posuissent; quae tamen lapidea permanet haecenus in terra Siriada.* Hanc narratiunculam Iudaeorum in antiquitatibus gentis suae ornandis mire strenuorum, non pro vera tantum et fide digna receperunt Graeci, Eustathius, Malala, Glycas, Zonaras, Cedrenus, Nicephorus, Nicetas, et Graeculorum mendacium fere quilibet, sed et fabulis auxerunt, Sethumque literarum et scripturae inuentorem, nomen astris impositorum, mensiumque et hebdomadam annique partium obser-

²) Ita HORNIVS l. c. L. I. c. II. p. 58. viam illi praeunte OT. HEVRNIO antiq. barbar. L. I. p. 8. 9.

³) Lib. I. Antiq. Iudaic. c. 2.

obseruatarum, auctorem fecerunt, et astronomiam omnemque scientiam ab angelo in coelis raptum edoctum fuisse, post infauftum Manichaeorum doctorem Faustum^b somniauerunt^c. Qui si suae fidei relinquerentur, prudenter factum esset, Graeca enim fide illa et narrantur et creduntur; viros vero doctos manus eiusmodi fabulis dedisse, ferri vix potest. Non enim res ipsa in contrarium tantum clamat, cum obseruationes astronomicae in illo temporis, quo Sethiani filii et nepotes vixerunt, spatio et ruditate non potuerint eo perducere, vt doctrinae rationem obtinerent: sed et sequentium temporum obseruationes coelestes sua ruditate infantiam multo iuniorem produunt. Nec obstat Iosephi fides, qui vt, Iudaeorum more, omnia rapit, quae gentis suae antiquitati inseruire posse putat, ita vel incerto nugantium rumore deceptus, vel errore inductus est, vt Aegyptias stelas, quibus antiquissimi Aegyptii suae gentis origines et opiniones hieroglyphica scriptione incidebant, cum hoc Sethiano monumento, Sethumque patriarcham cum Setho rege vel Soth siue Typhone confunderet^d. Ad lapidem Sethia enim ESAIAE respexisse vix probabile est. Quicquid vero illud est, quo Iosephus in errorem inductus est, cadit omnis narratio vel hoc argumento, quod nullum ex antiquitate argumentum ad eam vel leuiter corroborandam adduci queat. Nec in sacris gentis Hebraeae originibus quas diuinus scriptor Moses pandit, vel leuissimum eius occurrit vestigium: quo duce, discimus, reuelatione ductore a parentibus edoctos verum Dei cultum et cognitionem propagauisse Sethianos posteros.

§. VII. Et hinc coniectura quoque vero non absimilis fieri potest, *Scholae Cainitarum et Sethianorum.* de studiis inter vtramque familiam, Sethi et Caini eorumque posteros florentibus. Hos enim Cainiticas vias impigre prementes in laxandis cupiditatum frenis, et abutendo ad malas artes ingenio fuisse strenuos, primi mundi historia apud historicum sacrum testatur. Qua ratione vero ingenium ad inseruiendum voluptati, et crudelitati adhibuerint, dici haud facile potest. Narrant quidem sacrae paginae, Iubalem patrem fuisse omnium *Iubal et Thubalcain.*

H 2

b) S. AUGUSTINVS L. IX. contra Faust. c. 3.

c) Loca veterum excitauit diligentissimus FABRICIVS Tom. I. Cod. pseudepigr. V. T. p. 148.

d) Verosimilis coniectura est Scaligeri et Dodwelli, respexisse Iosephum locum Manethonis apud SYNCELLVM p. 40. vbi testatur, se profecisse ἐκ τῶν ἐν τῇ Σηριαδικῇ γῇ κειμένων δηλῶν ἱερῶν διαλέκτῳ καὶ ἱερογραφικοῖς γράμμασιν κεχαρτακλισμένων ὑπὸ Θῶμᾶ τοῦ πρώ-

του Ἑρμού. Ex columnis in Seriadica terra sitis sacraque lingua et hieroglyphicis literis inscriptis a Thot primo Mercurio. Seriadicam itaque terram in Aegypto quaerendam, et hinc Iosepho labendi occasionem enatam, quod librum Σωθews ibi memoratum et ex his stelis excerptum a Manethone, pro Sethiano foetu habuerit. Conf. Obs. Hal. T. I. obs. 19. p. 234. FABRICIVS l. c. p. 150. et quos laudat. Vnde mirandum KORTHOLTVM in tr. de orig. et progressu phil. barb. § 5. p. 9. dubium haesisse, an haec fabula reiicienda sit.

contrectantium citharam et organum, Thubalcainum vero Lamechi ex Zilla filium malleatorem fuisse et fabrum in cuncta opera aeris et ferri: vnde illum Musices, hunc armorum et instrumentorum ad gloriam bellicam acquirendam pertinentium inuentorem fuisse non alienum prorsus a veritate videtur. Non tamen inde inferre licet, philosophicae cognitionis et meditationis beneficio ad eiusmodi inuentiones fuisse delapsos; sed vel casu vel experientia ducente, vt in omni artium origine factum est, ad eiusmodi inuentiones vel producendas vel expoliendas peruenisse iudicandum est; vnde etiam ruditas in vtroque inuentionis genere colligi, et quam longe a philosophica inuentione remota sit, existimari potest. Inuentorem tamen artis chemicae hic nobis exsculpsit eruditissimus BORRICHIVS*, qui vt arti a se commendandae et contra aduersarii insultus vindicandae auctoritatem adderet, ad Thubalcainum initia historiae artis huius refert, eo argumento inductus, quod ferri aerisque metalla, illa Thubalcaini magisteria inueniri, fingi, formarique nequeant, ni ratio prius cognoscatur, minerarum naturas inuestigandi, coquendi, purgandi, segregandi; quae vniuersa reperire, non nisi diuini ingenii est, reperta autem prosequi fabri culusuis proletarii: quanquam igitur hodie metallurgi etiam in chemicis parum exerciti metalla ex mineris permixtis facile excoquant magistro viam praeunte, necesse tamen, primum Inuentorem magistrumque chemicum fuisse: Et id ipsum Vulcani fabulam velle, quem omnis in auro et argento et aere operationis, et quaecunque ignis actionem recipiunt auctorem veteres dixere, teste DIODORO SICULO^f. Sumit vero sibi vir doctissimus, quod probandum prius erat, illam quidem, quam Thubalcainus inuenit, ferrum tractandi et aera poliendi artem talem fuisse, quae multorum experimentorum repetitione sine meditatione philosophica inuestigari nequiverit, cuius rei contrarium multa, quae hodie inter artifices quotidie fere occurrunt, exempla probant, eos casu saepe ad inuentionem quandam sine prolixa ingenii in eam prius sollicitate exque principiis physicis inquirentis meditatione delabi. Etsi omnia illa, quae textus sacer de hac re scribit, ita in se comparata sunt, vt de aliqua inuentione philosophica vix aliquis cogitauerit, nisi praeiudicio antiquitatis occaecatus artium origines inuestigari non posse sibi persuadeat, si ad magnum quendam canae vetustatis heroem non referantur. Imo, cum שכל, qua voce scriptor sacer utitur, polire et ornare indicet, non male nonnulli colligunt, Thubalcainum non tam artes fabriles inuenisse, quam polituram et elegantiam rebus fabrilibus addidisse. Vsque ad hunc Lamechi filium enim omnibus instrumentis fabrilibus caruisse Adamum et filios in conden-

dis

e) In docto dialogo de origine et progressu artis chemicae, quo CONRINGIVM in libro de hermetica veterum Aegyptiorum medicina sibi refutandum sumit.

f) Lib. V. Biblioth. conf. Io. HENR. HEIDEGGERVS in Hist. Patriarch, P. I. exerc. VI. §. 10 seqq. p. 213 seqq.

dis vicis, aedificiisque et colendo agro sedulos vix credi potest. Vt taceamus, quod supra iam meminimus, dubium esse, annon rerum ad vitae humanae usum et commoda ipsis iam protoplastis ex deliciarum hortu expulsi absolute necessariorum inuentionem, alias non nisi longo temporis tractu, usu et tentaminibus deprehendendam, Deus ipse reuelauerit? Verum de eo viderint alii, qui in humanarum artium origines inquirunt.

§. VIII. Sethi vero posteros^g, qui parentem habuere diuina reuelatione gaudentem, prophetica magis quam philosophica scholam habuisse, inque ea, quae de vero Dei cultu et speranda amissae felicitatis per semen mulieris restitutione pia parentum traditione et diuina reuelatione acceperant, docuisse, ex sacris literis constat^h. Ad hoc vnum necessarium omnia retulisse, huic fundamento pietatis praecepta inaedificasse, Noachi, ex hac schola discipuli exemplo constat. Habuisse quoque inter se prophetas, peculiari cum Deo consuetudine et reuelatione gaudentes, Enochi exemplum probat, quem ex ista reuelationis luce fuisse vaticinatum D. IUDASⁱ asserit. Qui itaque et hunc diuinum virum sanctissima quidem vita, non vero speculationibus philosophicis immortalitatem consecutum inter philosophos antediluvianos referunt, non alio fundamento nituntur, quam apocrypho illo Henochi fragmento, quod ab otioso Iudaeorum ingenio excogitatum et ab haereticis auctum et in rem suam traductum est, in quibus nugis recensendis patientia lectoris non abutemur^k. Non denegamus quidem sanctissimis viris praeter reuelationis lumina, naturalis quoque cognitionis lucem, sed restringenda ea est ad vitae rationes et circumstantias, in quibus versabantur. Agriculturae enim et rei pastoritiae deditos fuisse, Noachi, Abrahami, Isaaci et Iacobi exempla produnt, in quo vitae genere experientia et usu ea didicerunt, quae ad emolliendam vitae miseriam, et parandas commoditates requirebantur: qua praxi rerum naturalium multiplicem experientiam habuisse recte concluditur, philosophiam vero ita naturalem excoluisse male inde infertur. Nec ratiocinandi artem aliam habebant, quam quae lux rationis congenita tradebat, unde et de Logica quadam patriarcharum artificiali frustra cogitatur^l. Multos tamen paralogismos euitabant, animo a praecudiciorum insania per diuiniorum sapientiam praemunito, et luce maiori per reuelationem collustrato. Quae

Sethi poster.

Enoch.

H 3

vt

^g) Non tamen omnes Sethianos sapientes et pios, Caini posteros omnes stultos et impios fuisse recte monet Cl. HEVMANNVS aet. Phil. Vol. I. p. 784. sed hic a poriori denominationem accipimus.

^h) Gen. IV. 26. et Comment. ad h. l. HEIDEGGER l. c.

ⁱ) v. 14.

^k) Collegit pleraque de hoc Henochiano fragmento B. FABRICIUS Cod. Pseudepigraph. V. T. T. I. p. 160 seqq.

^l) Adeoque et libri et bibliothecae eorum reiciendae, quas exstruxisse sibi visus est IOACHIMVS IVSTVS MADERVS in diss. de scriptis et bibliothecis antediluvianis.

ut veritates magis ad aeternam felicitatem quam ad humanam facientes exponit, ita in quo sapientissimorum virorum studium sapientiae versatum sit, docet ^m. Nec obiici potest, verisimile non esse; viros prudentes, graues, longaue multorum annorum experientia tum rerum naturalium usu gaudentes, tum ciuilem societatem excolentes, de causis naturalibus nihil differuisse vel de principiis iusti et honesti nullam ideam habuisse, nec de iis ad suos fuisse locutos: haec enim nemo, facile asseruerit. Verum cadunt ea quaeque in hominem, qui philosophiae limina nunquam salutauit, nec ideo mox philosophi exsculpendi sunt, quia aliquas veritates philosophicas simplici cognitione assecuti sunt. Placent verba QVINTILIANI ⁿ: *Haec quae velut propria philosophiae asserunt, passim tractamus omnes. Quis enim non de iusto, aequo ac bono, modo non vir pessimus, loquetur? Quis non etiam rusticorum aliqua de causis naturalibus quaerit? Nam verborum proprietas et differentia, omnibus, qui sermonem curae habent, debet esse communis. Plura de patribus antediluvianis nec ipsae sacrae origines narrant, vnde et quo minus plura addamus, (verba sunt HORNII solito prudentioris) facit ipsius historiae obscuritas, quae tam longe ab omnium historicorum aeuo remota fuit, ut vel nihil, vel falsa vel incerta prodiderint.*

^m) Conf. Acta philos. Vol. I. pag. 771 seqq.

ⁿ) in prooem. Instit. Orat.

^o) l. c. c. XI. p. 59. De Henoch tamen astronomiae auctore infra c. VII. dicitur, vbi de Atlante.





LIBER SECVNDVS

DE PHILOSOPHIA BARBARICA
POST DILVIVM.

CAPVT PRIMVM.

DE PHILOSOPHIA VETERVM HEBRAEORVM.

§. I.

Inquisuimus praecedente libro in origines philosophiae, eamque tenui-
 bus admodum principiis exortam et in rudi. atque empirica veritatum
 ad humani generis felicitatem pertinentium cognitione constitisse de-
 prehendimus. Vnde et philosophos nostro dicendi modo, et accurata
 significatione nominis antediluvianos non reperiri euictum est. Iam lu-
 stranda sunt tempora post diluuium, et per omnes barbaras nationes scru-
 tandum, qua ratione de philosophia meruerint, quibus sententis innutriti
 fuerint, quamque apud eos systematum dogmaticorum rationem depre-
 hendere liceat. Inter barbaras vero gentes Hebraeis antiquitate nullam
 esse priorem origines eorum in sacris pandectis conseruatae produnt.
 Hebraeorum vero nationem vsque ad tempora Babylonicae captiuitatis
 iam consideramus, vbi eorum inter barbaras gentes mentio facienda est:
 nam quae in hoc populo philosophia post captiuitatem Babylonicam fata
 habuerit, suo ea loco narranda sunt, quando de Iudaeorum philosophia
 dicendum erit. Vnam enim Iudae tribum ex captiuitate reducem, reli-
 quos, qui ex gente Hebraea remigrauerunt, iunctos sibi habuisse, et vno Iu-
 daeorum nomine complexam esse, satis notum existimamus. Antequam vero
 de magnorum in Hebraea gente virorum philosophia, quae iis plerumque
 tribui solet, differimus, pauca quaedam praemonenda sunt, ne incauti of-
 fendamus atque in errores labamur. Scilicet cauendum maxime est a
 falso, quem plurimi viri docti, de patriarcharum inter Hebraeos philoso-
 phia loquentes, sibi formarunt philosophiae conceptu. Legentes enim
 in sacra gentis huius historia, emicuisse inter eam viros sapientissimos,
 multaue prudentiae et cognitionis laude inclytos, nostri temporis eru-
 ditionem et philosophiam sibi concipiunt, hancque ideam veterum He-
 braeorum sapientibus affingunt, et Graeciae, immo, nostri aevi, philoso-
 phiam ad canam istam antiquitatem referunt. Quod quam absurdum sit,
 quilibet videt, qui seculorum vetustissimorum longe aliam, quam recen-
 tiorum, rationem fuisse, cogitat, et haec ad ista referri non posse, palpat,
 histo-

*Philosophia
Hebraeorum
quomodo spe-
ctanda.*

historia id per omnes gentium antiquissimarum circumstantias, testante. Porro et hoc accurate tenendum est, non certius meliusque iudicium de priscorum Hebraeorum sapientia fieri posse, quam ex monumentis illis, quae vel ipsi vel ipsorum posterius reliquerunt, quaeque diuinæ reuelationis thesaurorum custodes nobis conseruauit diuina prouidentia. Domesticis enim testibus fides multo magis danda est, quam alienigenis. Illi enim et gentis suae fata atque conditionem ex monumentis magna cura a maioribus conseruatis scire potuerunt, hi et istis subsidiis destituti rumores incertos plerumque secuti sunt, et de gentis semper sibi soli relictæ parumque cum aliis gentibus conuersantis circumstantiis ideas sibi saepissime falsas et erroneas effinxerunt. His praemissis et oraculis sacris, ut decet, ducibus adhibitis, de Hebraeorum sapientia iudicium fieri potest, satis certum. Nouimus enim testibus sacris paginis, magna inter Hebraeos veteres ingenia extitisse, summosque inclaruisse viros, qui insolita cognitionis veri atque boni luce non tantum gauisi sunt, sed et practicam eius rationem ita tenuerunt, ut efficaci modo cuncta ad suam suorumque felicitatem referrent. Sapientes itaque inter Hebraeos priscos fuisse, immo ceterarum gentium magnis viris sapientiores, omnino affirmamus, nec diffitebitur, qui conditionem sapientiae illam, quae in sacris literis patriarchis et doctoribus Hebraeorum tribuitur, cum aliorum gentium barbararum sapientia sine personae respectu et praepudicio contenderit: vel cum Graecanica quoque magnorum virorum philosophia comparauerit. Quae etsi vera sunt atque certissima, non confundenda tamen est Hebraeorum sapientia cum philosophia proprii nominis et significationis. Quod ut planum fiat, probe obseruandum est, duplici lumine sapientiam Hebraeorum veterum fuisse gauisam, reuelationis et rationis: Vtriusque conditio recte expendenda est. Reuelationem diuinam in hac gente fuisse, et peculiari cum Deo conuersatione atque lucis extraordinariae communicatione sapientes gauisos esse, sacra oracula manifestant, et de Noacho ^a, Abrahamo ^b, Isaaco ^c, Iacobo ^d, Iosepho ^e, Iobo ^f aliisque ad Mosen usque, Hebraeorum sapientium principem testantur. Vnde et prophetarum nomen ab ipso diuinitus inspirato vate illis tribuitur, et recte tributum esse inde euincitur, quia peculiari cum DEO consuetudine gauisi, lumen reuelationis extraordinarium acceperunt, quo futurorum fatorum nubes ita dispellebantur, ut ea coram viderent et praenuntiarent, quae oculis humanis atra nocte occultabantur. Inde vero magna potissimum illa sapientia ortum suum habuit, quae illustriori origine coruscans, radios suos ad posteritatem transmisit, aeternum-

^a) Genes. VI, 12 seqq.

^b) Gen. XII. ad XXII. conf. WITSIVS oeconom. foed. L. IV. c. 3. §. 2 seqq. p. 588 seqq. certe ab ipso numine propheta dicitur Gen. XX, 7.

^c) Gen. XXVI, 2 seqq. Ebr. XI, 20.

^d) Gen. XXVIII, 12 seqq. XLIX, 2 seqq.

^e) Gen. XXXVII, 1 seqq. L, 23. Ebr. XI, 22. quod IUSTINVS quoque agnoscit L. XXXVI. c. 2.

^f) Originem enim ab Hebraeis accepisse, tota historiae eius ratio suadet, conf. SPANHEMII Historia Iobi. Reuelationem eius diuinam disce ex cap. XXXVIII --- XL.

numque nomen fecit Hebraeorum sapientibus. Reuelatio vero et prophetia quia fontes primarii Hebraeae sapientiae fuerunt, eos alium in locum, quam inter philosophos reponendos esse, necessario consequitur. Multum tamen diuina haec lux, ad purganda, illustranda et euehenda rationis lumina, quibus, vt et reliqui homines, collustrabantur, contulit. Pietatis enim, atque timoris Dei pleni a magna praeiudiciorum caterua immunes manebant, nec ad tot errores viam inueniebant, quam posteriorum temporum malitia, obstinatio, fallaciae atque fraudes, et immensa sciendi ea, quae sciri et cognosci vel plane non vel difficulter possunt, cupido aperuerunt. Accedebat multorum annorum, quibus viuebant, experientia, optima rerum magistra, qua temporis et conditionis suae beneficio intellectum eorum, etiam, quod ad rationis lucem attinet, valde fuisse purgatum et emendatum, omnino concedendum est. Hoc itaque nomine inter prudentissimos antiquitatis homines referendi sunt. Qualis vero ista prudentia fuerit, et ad quem praecipue finem et obiectum istam rationis perfectionem adhibuerint viri magni ex vitae genere, quo utebantur, non vero ex nostris coniecturis definiendum est. Erant vero patriarchae veteres ad Iosephum vsque pastores, qui oeconomica viuendi ratione magnam inter populos, inter quos viuebant, auctoritatem acquisuerant: ad hunc itaque scopum prudentiam suam adhibuerunt, et de otiosis speculationibus minime solliciti agreste vitae genus prudentia sua excoluerunt, et emendauerunt, familiamque suam prouida ratione augere et felicitatem eius tueri fategerunt. Cuius postea egregium in Iacobo patriarcha exemplum deprehendimus, qui pastoralis prudentia ad augendum gregis numerum felicissime vsus est. Iacobi filius Iosephus^g, et post eum Moses, Dauid, Salomo, Daniel reipublicae moderandae, et vel legibus instruendae, vel sapienter ordinandae, vel feliciter gubernandae adhibiti sunt. Id quod magna illos prudentia effecisse, magnorumque inter imperantes, legistatores et consiliarios regios nomen adeptos esse, sacra refert historia. Quae tamen extraordinario imprimis et reuelato lumine eos in gerendis arduis rebus fuisse adiutos, narrat, vnde magna illa facinora, quae immortale eis in administranda republica nomen pepererunt, non omnia et sola prudentiae naturali et experientiae adscribenda sunt. Reliqui, qui proprio magis nomine vates dicuntur, in erudiendo populo, in tradenda diuina voluntate, in ordinando cultu diuino, in instituendis ad hunc ipsum scopum discipulis, sedulos fuisse, sapientiamque suam ad hunc finem adhibuisse, tota scholarum prophetiarum apud Hebraeos historia testatur. In his itaque studiis excultis sapientia quoque naturalis horum hominum quaerenda est. Ita vero patres familias quidem prudentissimos et experientissimos, legistatores, imperantes, et consiliarios prudentissimos, ecclesiae doctores eruditissimos inter Hebraeos inuenimus, non vero philosophos, nisi hanc vocem ad omnem omnino erudi-

^g) Psalm. CV, 17.

eruditionem, notitiam et experientiam extendere, et inter philosophos referre velimus omnes, quotquot ad vitae, quod excolunt genus prudenter accedunt, et ingenium sine arte excolunt: quem vocis philosophiae abusum, omnia miscentem et turbantem ex historia philosophica supra iam reiiciendum esse monuimus. Et haec accurate prius tenenda sunt, quam ad ipsam patriarcharum inter Hebraeos philosophiam contemplandam accefferimus. Quae si probe ponderantur et pro norma in iudicando de illa adhibentur, euitabimus facile errores, in quos plerique, minus accurato sapientiae Hebraeae conceptu decepti, inciderunt, et de praestantissimorum et illustrium in hac gente virorum philosophia recte iudicabimus. Inter eos vero cum sapientia et prudentia eminuerint vel inter philosophos certis ex causis relati sint Noachus, Chamus, Abrahamus, Isaacus, Iacobus, Iosephus, Moses, Salomo, Daniel et Iobus, de his omnibus singulatim dicemus, ita tamen, ut scopi nostri memores, ea tantum attingantur, quae ad philosophiam eorum diiudicandam pertinent. Reliqua enim historicis familiarum sacrarum enarranda relinquimus.

*Philosophia
Noachi affirmata,*

§. II. Emergente ex deluuii fluctibus humano genere, primus vitae humanae in pristinum ordinem redigendae auctor fuit Noachus, gentilium quoque fabulis, si coniecturis credendum in tanta rerum canitie incertissimis, commendatus^a. Ille itaque inter philosophos Hebraeos apud eos chorum ducit, qui sapientiam veterem nostro modulo metiuntur. Cuius asserti rationem si cupis, eos ad varia sapientiae Noachiticae capita prouocare audies. Vitae enim morumque innocentiam in ea primum obtinuisse locum, fata filiorum praedixisse, simulque illustrem sapientiae partem de regni diuini oeconomia prodidisse monent. Contendunt porro, demonstrauisse, naturae recessus sibi patere, pura animalia ab impuris separando, pabulumque, quo singula animantium genera in arca aleret, seligendo et conuectando. Ex ipsa vero arcae structura intelligi, mathematicarum rerum artisque architectonicae eum non fuisse rudem. Ita B. IO. FRANC. BVDDEVSⁱ, et Hebraeae philosophiae patroni alii^k. Addunt^l, quibus ista placent, Noachum cum cerneret, tot animalia per semestre spatium in arca nutriri consueto pabulo, tot modis inter se differente non posse, nec locum ad illud recondendum haberet, liquore artis chemicae beneficio parato, et ad vitam viresque omnium animalium efficacissime conseruandas apto potissimum usum esse. Quod vero Noachum inter primos philosophos numerare hos viros doctos iubet, compendium illud est iuris naturae, quod

^a) HEVRNIVS antiq. phil. barb. L. I. p. 11 seqq. HVETIVS Demonstr. Eu. Pr. IV. c. 10. §. 6. p. m. 154 seqq.

ⁱ) In Historia philosophiae Hebraeorum c. I. §. 6. quibus cum quaedam opposuisset cel. H E V M A N N V S Aët. philos. vol. II. p. 7

seqq. mentem declarauit, ita ut propius saniori sententiae accederet in annotationibus secundae editioni adiectis.

^k) HEVRNIVS antiq. phil. barb. l. c. HORNIVS Hist. philos. L. II. c. 1. p. 60 seqq.

^l) EDM. DICKINSON. Phys. vet. et ver. c. XX. §. 7 seqq.

quod septem praeceptorum Noachiticorum titulo dudum inter Iudaeos peruulgatum est ^m, et recentiori quoque aetate a doctissimo SELDENO erudito commentario illustratum ⁿ. Sunt autem praecepta illa septem, sequentia 1. עבודה זרה, de cultu extraneo, siue alio, praeter vnum verum Deum non colendo. 2. על ברכת השם de benedictione nominis, siue, extollendo et praedicando nomine diuino. 3. על שפיכות דמים de effusione sanguinis, siue humano sanguine non effundendo, et occidendo homine. 4. על גילוי ערוה de reuelatione turpitudinum, siue euitanda omnis generis impuritate et scortatione. 5. על גנב de furto. 6. על הרגים de iudiciis, siue regimine forenfi ac obedientia ciuili. 7. על אכילת מאכלי חיות de membro animalis viuientis non comedendo. Ex his praeceptis sex priora Adamo a Deo fuisse lata et reuelata, septimum Noacho diuina reuelatione expositum, hisque alia postea per patriarchas accessisse, donec tandem in perfectam decalogi formam coaeruerint. Quam Iudaeorum traditionem non omni destitui fundamento viri docti contendunt atque defendunt ^o.

§. III. Nihil tamen in his omnibus est, quod nos Noachum *negata* philosophorum choris intrudere cogit. Et recte quidem morum innocentia et practica sapientiae ratio in viro maximo asseritur, eam vero non ex philosophiae praeceptis sed ex diuina virtute reuelationis ope habebat et demonstrabat. Sentiantque id ipsi viri docti, qui vaticinia Noachi adstruunt, et de regno Messiae vaticinatum esse concedunt. Illa enim prophetam fuisse Noachum omnino euincunt, quem egisse et sacrae literae testantur, et ipsi Iudaeorum magistri asserunt ^p. Ex reuelationis itaque lumine sapientiam suam Noachus hausit, et diuina collustratus luce ea effecit, ad quae peculiari diuino mandato destinabatur ^q. Inde vero ratio constat, quo modo impura animalia ab impuris separare potuerit. Qui enim futurum diluuium, qui conseruandas animalium species, qui modum euadendi vniuersalem cataclysmum Noachum edocuit, qui introducendorum certo numero et genere animalium purorum aequae ac impurorum illi auctor fuit, cur non et idem Noachum quae pura sint ex istis animalium generibus, quae impura docuerit? Non vrgebimus in praesentia, quae post Io. SPENCERVM ^r,

I 2

IOAN-

^m) Vid. Gemar. Babylon. tract. Sanhedrin, c. VII. §. 5. f. 56. quam secuti sunt magistro- rum Iudaicorum alii, conf. quos laudat FABRICIVS Cod. pseudepigr. V. T. T. I. p. 268 seqq.

ⁿ) De I. N. et G. iuxta disciplinam Ebraeo- rum, vid. L. I. c. 10.

^o) Egit id B. BYNDERS, contra peculiarem ipsi hac de re oppositam dissertationem, in Hist. Eccles. V. T. T. I. pag. 194 seqq.

^p) Seder Olam Rabba c. XXII. pag. 58. ed. Io. Mayeri, qui locus manifestum facit, anti- quissimos Iudaeorum istam iam veritatem per- spexisse, esse primos homines inter prophetas referendos.

^q) Id ex Gen. VI, 13. patet. Vnde ad Iu- daeorum nugas non descendendum est, qui eum ex Adami et Enochii libris profecisse contendunt. vid. CAPPELLVS Opp. posthum. p. 369.

^r) De legibus Hebraeorum ritualibus L. I. c. VII. f. I. p. 119. ed. Cantabrig.

IOANNES CLERICVS ' contendit, Moſen per *περίληψιν* huius discriminis, poſt octingentos fere annos in lege Iudaeorum introducti facere mentionem; ſed id vnum monemus, nondum definitum eſſe, an natura animalium, vel voluntate ſapientiffimi legiſlatoris illud discrimen nitatur '. Quicquid autem horum eſt, certum eſt, quod CHRYSOSTOMVS " iam prudenter monuit: *Deum, quae praeceperat, eundem et ſcire miſiſte feciſſe.* Architecturae primum atque egregium ſpecimen arcam a Noacho extructam fuiſſe viris doctis in eius delineatione ingenioſis non negabimus *, etſi artem ſeculi noſtri iuſto plus ingenio in iſtis excogitandis et delineandis indulgere facile quis ſibi perſuaſerit: ſed inuentio et delineatio arcae ipſum Deum auctorem habet, adeoque ad ipſum Noachum ſuomet ipſo ingenio talia eſſingentem referri nequit: qui etſi ideam a Deo depictam recte efformavit, ideo tamen non magis philoſophus euadet, quam ſabrorum lignariorum quilibet, qui magiſtri ideam ſiſtere ipſo opere nouit. Quae vero pro chemicae artis peritia afferuntur, coniecturae, ſomnia ſunt atque nugae, ad quas dilabi eo minus neceſſe eſt, quo magis aliae rationes ſuppetunt, quae miſiſte nos docent, abunde fuiſſe omnia animantium generi in arca ſatis ad hoc ampla pabuli copiam *. Nec firmiora ſunt, quae pro iuris naturalis conditore Noacho afferuntur. Nam et Iudaeorum recens nimis teſtimonium, in antiquitatibus traditionum ſuarum miris mendaciis incruſtandis et ornandis ingenioſorum nihil apud prouidos rei iudices probat, et ſi admittamus, reuelationi diuinae, non principiis rationis excultis adſcribit, nihilque ad eſſingendam Noachi philoſophiam moralem adfert. Nec magnopere contendemus illa Noacho nota non fuiſſe; nam prima humanae conſcientiae principia ſunt, et natura nota, et ipſis protoplaſtis a Deo reuelata; nihil tamen hoc in praefenti quaefitione probat, quae non de naturali principiorum iuris naturae notitia, per primam animi culturam facile haurienda, multo minus de parentum ex diuina reuelatione diſcentium traditione, et peculiari quodam (quale ſeptimum praeceptum eſt,) inſtituto, ſed de cognitione philoſophica, ex principiis rationis veritates iuſta conſequentia deducente, inſtituitur: quam Noacho circumſtantiae omnes denegant. Relinquendus itaque inter ſapientiffimorum vatum choros, et eximendus eſt ex philoſophorum caterua Noachus. Infirmiori multo ſtant talo reliqua, quae de Noachi eruditione putidorum mendaciorum architecti Arabes narrant, quibus vel recitandis tempore et otio abuteremur: legant illa et rideant, qui cupiunt apud cel. FABRICIVM.

s) Comm. ad Gen. VII, 2.

t) Vid. quae obicit SPENCERVS, loc. cit. pag. 116 ſeq. MARSHAM Can. Chron. Sec. IX. pag. 213. et regerit ad Clerici obiectiones cel. SCHEVCHZERVVS in ſplendidiffimo Phyſicae S. opere, T. II. p. 276 ſeqq. ed. lat. qui tamen nec ipſe negat non omnium

animalium eſu interdictorum rationes dari poſſe.

u) Homil. XXIV. in Genef.

x) Vid. SCHEVCHZERVVS l. c. T. I. p. 37 ſeqq.

z) Conf. IDEM l. c. cl. ANDR. OTT. GOELICKE Hiſt. med. vniu. Per. I. §. 14. p. 46 ſeqq.

CIVM^a. Vnum addimus, impudentem impostorem **ANNIVM**^b, Pseudo-Berofo suo tribuisse mentionem magnae sapientiae philosophicae Noachi, quam et libris complexus sit, et alios docuerit. Nam post egressum ex arca suos iam antea edoctos theologiam et sacros ritus coepisse erudire humanam sapientiam. Et quidem multa naturalium rerum secreta mandauisse literis: docuisse item astrorum cursus, et distinxisse annum ad cursum solis, et duodecim menses ad cursum lunae, qua scientia praedixerit illis ab initio, quid in anno et cardinibus eius futurum contingeret: ob quae illum existimauerint diuinae naturae esse participem. Quae vtrum fabulosius sint excogitata, an impudentius asserta, haud facile quis dixerit: certe nugatoris ingenio, ad suae aetatis ideam antiquissima tempora insolenti audacia esingentis talia relinquenda sunt. Quam enim is fidem mereatur, nemini ignotum est, in orbe literato vel primas notitias haurienti^c, vnde iis refutandis, non immoramur.

§. IV. Parente Noacho inter philosophos relato, filios in eius schola *Philosophia* edoctos ad eandem dignitatem euehi mirum non est. Semo enim artem tem- *Semi.* porum rationes edifferendi tribuunt, et arcanum intercalationis inuenisse asserunt Iudaei^d. Immo si Graecos audis, omnem et coelestem et terrestrem philosophiam homines docuit. Ingressum enim orientis transmarinam regionem, illic habitauisse, et accepisse a Deo gratiam sapientiae, et inuenisse artem astronomiae **METHODVS** narrat, additque, politicis non minus scientiis excelluisse: primum enim optimam reipublicae formam inuenisse, et Nimrodum ex disciplina Semi regnare didicisse^e: immo a Semo, quem cum Melchisedeco eundem faciunt^f, leges datas humano generi. Quin immo medicus quoque Semus fuisse librumque obseruationibus medicis plenum reliquisse, si hos homines audis^g, censendus est. Verum haec prolatis auctorum suorum testimoniis mox corruunt, et mendacem Iudaeorum atque Graeculorum nationem arguunt: qui ad sui temporis ideas vetustissimorum hominum rationes ridicule composuerunt, et in excogitandis libris supposititiis ad conciliandam genti suae, apud imperitos auctoritatem ad insaniam vsque fuere diligentissimi. Nihil enim horum, quod vel umbram habeat leuissimam, in sacris gentis Hebraeae originibus deprehenditur. Non minorem fabularum cateruam de Chamo deprehendimus, va- *Chami.* riis scientiis philosophicis, si superis placet, exornato. Ex huius prophetia profecisse atque didicisse immortalitatem animarum Pherecydem, olim iam Isidorus haereticus iactauit^h. Hunc notitiam rerum phy-

^a) Codic. pseudepigraph. V. T. T. I. p. 241 seqq.

^b) L. III. p. m. 24.

^c) Conf. FABRICIVS Biblioth. Graec. Vol. XIV. p. 211 seqq.

^d) R. ELIEZER in capitulis c. 8.

^e) Vid. SCIPIO SGAMBATVS archiuor. V. T. T. I. p. 165.

^f) Vid. BECHARTVS Geogr. S. P. II. L. II. c. 1. FABRICIVS Cod. pseudepigr. V. T. T. I. p. 284.

^g) SGAMBATVS l. c. WOLFIVS Bibl. Hebr. T. I. p. 1084.

^h) Apud CLEM. ALEXANDR. L. VI. Strom. p. 642. de re ipsa dicetur suo loco.

ficarum, et naturae vniuersae ab Adamo ad Noachum traditione perlatam ad res profanas et noxias instinctu daemonum deriuauisse, curiosasque ex ea maleficiorum artes atque praestigias ac magicas superstitiones audacter instituisse, docuisseque posteros suos, vt sacra illa cultura diuini nominis derelicta vel elementa haec, vel ignem, vel aëreos daemones venerarentur et colerent, fuse tradit IOANNES CASSIANVSⁱ. Vnde et magiae auctorem fuisse, et ab angelis malis hanc artem edoctum, veteribus quibusdam creditum est: aliis hanc scientiam ad surreptum patri librum de magia naturali referentibus^k. Quae quoque causa est, cur Chami academiam, malis artibus efflorescentem, in Perside, Chaldaea, Aegypto, et Graecia quoque disciplinam eius extendisse, et inter plures Zoroastres primum et praecipuum fuisse doctis quoque viris placuit^l. Praecipuo vero nomine Chamum inter philosophos referendum esse contendunt, qui recentibus antiquitatis nomen et auctoritatem conciliare cupiunt, quod artis chemicae potissima cultura, immo, si illos audis, nomen quoque ab illo deriuandum sit^m. Nihil tamen in his omnibus inuenimus, quod non somnia otiantium sine veritatis specie ingeniorum prae se ferat. Vt enim omnes isti libri vetustissimis viris magnis tributi suppositionem manifeste sapiunt, et Iudaeorum atque haereticorum ingeniis debentur; ita et Chami libros magicos et philosophicos nemo, vel leui veritatis specie commendare sese, deprehendet: vnde illa omnia simpliciter negando refutari possunt, cum ne leui quidem argumento queant probari. Artis vero chemicae origines ad Chamum referre, argumento a nomine ducto et leue nimis est, et linguae quoque Arabicae, vnde nomen haustum est, aduersumⁿ: totaque assertio nititur praediuicio antiquitatis nimis absurdo, tam nobilem artem primis rerum inuentoribus necessario notam fuisse. Multo vero absurdius ad Alchemiae arcana illa omnia referuntur, Chamoque mysteria hactenus humanis ingeniis imperuia mutandorum metallorum adscribuntur. Dudum enim viris doctis obseruatum est, ante Iulium Firmicum^o, vel Aeneam Gazaeum^p quorum ille Constantini M. temporibus vixit, hic sec. V. inclaruit, nullam apud auctores veteres alchemiae extare notitiam, fierique mentionem^q. Reliqua enim omnia, quae pro eius antiquitate afferuntur, fictitiis

i) L. VIII. Collat. c. 21. Sereni Abb. vnde ea repetiit FABRICIUS l. c. p. 294.

k) Ibid. conf. BVDDEVS Histor. eccl. V. T. I. p. 208. BAYLE Dict. T. I. art. Cham. p. 131.

l) SGAMBATUS l. c. p. 156.

m) Conf. BORRICHIUS de orig. art. chemicae p. 16 seqq. et ante eum HORNIVS Hist. Phil. L. III. c. 5. p. 150.

n) Arabes enim, vnde nomen ad nos transit, vocem non per ח, sed per כ scribunt כמא חכ, deriuatam a כח occultare,

vnde ars occulta dicitur, obseruante magno BOCHARTO Geogr. S. P. I. L. IV. c. 1. p. 234. qui de hoc argumento eleganter et docte commentatur.

o) Ita SCALIGER, BOCHARTVS loc. cit. HERM. CONRINGIVS de Herm. Aegypt. veter. medicina c. III. p. m. 20.

p) FABRICIUS Bibl. Graec. Vol. VI. p. 208.

q) Refert quidem SVIDAS, Tom. III. art. χημεία Diocletianum libros a veteribus de auri ac argenti chemia conquisitos cremasse,

tiis nituntur libris, quibus speciem et colorem frustra inducunt, qui contendunt, deperditos veros libros horum fingendorum occasionem dedisse. Nam ita petunt id, de quo quaeritur, et supponunt veram librorum eiusmodi existentiam, quam in dubium vocare tot rationes, et vniuersae eruditionis vetustissimae conditio iubet. Relinquendus itaque Chamus artis huius amatoribus, qui vt fumos venantur, ita et in quaerendis thesauris, et expiscandis magnis artis suae inuentoribus carbones inueniunt.

§. V. Ex Noachi per Semum posteris magnus ille Hebraeae gentis *Philosophia*
 heros Abrahamus ortus est, quem inter viros sanctissimos peculiari ami- *Abrahami.*
 citiae et consuetudinis genere Deo iunctos nemo non numerat, qui sacrae
 historiae non prorsus imperitus est. Quo maior vero viri maximi tum
 viui fuit inter gentes, quibuscum viuebat, dignitas et auctoritas, tum
 mortalitati erepti fama et existimatio, eo maiori veri specie eum inter
 vetusti orbis philosophos referri debere contenderunt viri doctissimi.
 Qui vt opinioni suae speciem concilient, ad testimonia potissimum
 veterum prouocant, Abrahamo in Chaldaeorum disciplina erudito, ma-
 gnam fideralis scientiae et oneirocriticae cognitionem tribuentium.
 Nam quod literas sacras inuenisse dicitur, id ad nostrum institutum
 non pertinet.¹ Testes vero scientiae philosophicae ab Abrahamo
 excultae producuntur imprimis IOSEPHVS atque PHILO inter Iudaeos
 doctissimi. Horum ille ad Berosum prouocat², Abrahami suppressio
 nomine mentionem facientis, his verbis: *Circa decimam post diluuium*
aetatem virum quendam apud Chaldaeos vixisse, summa cum integritate mo-
rum et dignitate, rerum quoque coelestium cognitione praeditum. In Aegy-
ptum postea descendente cum Aegyptiis disputauisse, et quicquid de rebus ac
placitis suis disputarent, id omne respuisse, ac ab omni veritate alienum demon-
strasse; Quo factum, ut in quotidianis congressibus tanquam sapientissimum
nec singulari tantum intelligendi vi praeditum, sed etiam ad persuadendum
aliis, quicquid probandum suscepisset, potentissimum admirarentur. Ita
arithmeticae eos atque astrologiam prolixè ac liberaliter docuisse,
quibus in artibus ante ipsius aduentum, Aegyptii hospites omni-
 no

uisse, ne Aegyptii ex tali arte amplius opes
 sibi compararent, neue pecuniarum copia fre-
 ti Romanis in posterum resisterent. conf.
 LECLERC Hist. med. p. 768. Sed quam
 exiguum iudicium et fides Suidae sit, satis no-
 tum est.

r) Hi multi sunt, inter quos videndi IS A.
 AC PEYRERIVS System. Praeadam.
 L. III. c. VIII. p. 161. LVDOV. CRE-
 SOLLIUS in Mythagogo L. I. c. 14. p. 284.
 VOSSIVS de sectis c. I. §. 7. et filius, de
 LXX. Interpret. p. 365. THEOPH. GALE
 Philos. vniuers. L. I, p. 22. et court of the gen-

tiles T. I. cuius summam exhibet BASNA-
 GE Hist. des Juifs T. III. ch. 17. p. 421 seqq.
 ed. recentiss. alios nominat B. BVDDVS
 Hist. Eccl. V. T. T. I. p. 401 seqq.

s) SVIDAS in 'Αβραάμ.

t) Conf. FABRICIVS Cod. pseudepigr.
 V. T. T. I. p. 341. et quos laudat.

u) Antiqq. Iudaic. L. I. c. 8. 9. eadem fere
 repetit EVSEBIUS praep. Euang. L. IX.
 c. 16. conf. MAIMONIDES de idole-
 latr. c. 1. §. 5. et PETRVS LAMBE-
 CIVS in prodromo histor. literar. p. 48.

no ac peregrini fuerint. Alter vero PHIL^x speciali magis ratione philosophiam Abrahami enarraturus, refert: *Innutritum Abrahamum delirio Chaldaeorum, qui federali scientia exercitati omnia tribuentes stellarum potestatibus et motibus, a quibus credebant dispensari mundi potentias, quae constant ex numeris eorumque proportionibus, venerati fuerint res visibiles, non percipientes inuisibilia et intelligibilia, scrutantes illarum tantum ordinem: atque ita e solis, lunae, stellarum erraticarum fixarumque circuitu consensuque rerum coelestium atque terrestrium mundum ipsum existimauerint Deum: tandem vero post altum somnum aperto mentis oculo animaduertisse quod prius non viderat, praeesse mundo gubernatorem etc. Proinde vale dicto Chaldaeis migravisse e magna mundi ciuitate in minorem aliam, ut facilius videret mundi praesidem. - Postquam itaque solum vertit, extra mundum et sensibilem essentiam aliam naturam intelligibilem percipientem, eum vix potuisse in serenitate pura cernere, qui prius latuerat: Deum itaque suam naturam ei ostendisse: sicque pro astrologico et meteorologico Chaldaeorum placitis innutrito, quod sonat Abram, factum esse sapientem.* Hos secuti sunt alii, inter quos ALEXANDER POLYHISTOR^y astrologiam et Chaldaicam disciplinam non tenuisse tantum sed et inuenisse et Phoenices prius docuisse tradidit; ut aliorum prolixas hac de re disputationes taceamus. His recentiores Iudaei alia adiiciunt, et cabbalisticae doctrinae parentem atque doctorem Abrahamum constituunt: ut alias nugas his deteriores et magis insipidas taceamus^z. Etsi vero magna animi fiducia haec a viris doctis afferuntur, ita tamen comparata sunt, ut aegre sibi fidem apud eos concilient, qui plus requirunt, quam testimonia aliquot veterum scriptorum, nec satis rem inspicere valentium, nec volentium. Cuncta enim ad Iosephi et Philonis auctoritatem tandem redire, nemo non videt. Quae enim ex Berofo affert Iosephus, nec genuina esse satis certum est, nec de Abrahamo loqui, demonstrari potest: et quae Alexander ex Eupolemo narrat, cum deperdita sint, et fragmenta tantum male cohaerentia et seruata ab Eusebio exhibeant, qui ad fidem rebus sacris ex profanis conciliandam non semper iudicii satis et diligentiae attulit, veritatis cupido non faciunt satis. Iosephi vero atque Philonis auctoritas in hac re exigui est ponderis. Vterque enim Iudaeus cum esset, et notissimo gentis suae praedicio caecutiret, omnemque Graecorum sapientiam ab Hebraeis ad gentes dimanasse, erroneo eruditionis, qualem apud Graecos suo tempore suspiciebant, conceptu deceptus crederet, sapientiam vero maximo viro singularem in sacris literis tribui cerneret, ad id delapsus est, ut ab eo Chaldaee scientiae placita ad Aegyptios translata esse somniaret, tacentibus sacris

pagi-

^x) Libr. de Abrahamo Opp. p. 360. edit. Paris. et Francof. Iam prouocat.

^y) In libro de Iudaeis apud Eusebium Cod. pseudepigr. V. T. T. I. p. 341
B I V M Praep. Eu. L. IX. c. 17. qui ad Eupolemonem seqq.

^z) Collegit eas diligentissimus FABRICIUS Cod. pseudepigr. V. T. T. I. p. 341
seqq.

paginis, ex quibus mandatum Dei^a de numerandis stellis coeli ridicule ad probandam Abrahami scientiam fideralem adducitur^b. Imprimis vero eis, qui nasum habent, fictitios hos philosophiae Abrahami natales Philo prodit, quando eam ad Pythagoricas ideas tam aperte effingit, et a sensibilibus ad intellectualia ita transfert, ac si in Pythagorae schola fuisset educatus vir summus, ab istis ingenii otiosi nugis merita remouendus. Quod quidem Philoni solenne est, cuncta gentis suae ad eiusmodi explicationes obtorto collo trahere, et condonandum etiam, methodo gentis, inter quam viuebat, id probante; non debebat vero viros cautos atque doctos eo mouere, vt temere fidem Iudaeo nugatori adilcerent. Cadente vero Iosephi et Philonis fide, qui in affingenda vetustis Hebraeorum sapientibus, Graecanica philosophia stultam gentis suae superbiam produnt, ad doctores ecclesiae, incautius in haec retia incidentes, et ea sine examine critico admittentes, quae barbaricam philosophiam super Graecam euehant, dignitati scilicet Christianae religionis obstetricatura, frustra prouocatur. Nec tamen alia pro Abrahami philosophia afferuntur, cui ea quam maxime contradicunt, quae de Aegyptiorum philosophia suo loco obseruabimus, quae ad alios longe auctores refertur. Quod si purissimos sacrae historiae fontes consulimus, longe alia erat patris fidelium sapientia, quam philosophica et astronomica. Ille enim diuini foederis notitia donatus, inque explicandis in familia sua eius beneficiis diligens, de spargenda promissi feminis cognitione maxime occupabatur^c. Nec Aegyptii cum alienigena, a moribus suis abhorrente, tantopere coaluisse vlllo modo videntur, vt is professorem astronomiae, a primis regni initiis excoli coeptae apud illos ageret^d. Id quod quidem doctissime probat celeberrimus IOANNES LAMIVS in eruditissimo *de recta Christianorum, in eo quod mysterium diuinae Trinitatis attinet, sententia*, opere^e, mirum vero videri queat, viro iudicii et eruditionis copia florenti ea non suffecisse, quae viri doctissimi contra fidem auctorum pro philosophia Abrahami adductorum pridem monuerunt. Quam cautum enim oporteat esse illum, qui libris veterum hodie non extantibus apud alios Iudaeos praecipue adductis decipi non vult, et quam incerta omnis ea fides sit, de qua iudicare secundum regulas artis criticae non licet, virum doctissimum non latet. Nec probabiliter admodum a genere et patria Abrahami, in qua fideralis scientia docta fuit, ad philosophiam Abrahami

con-

a) Gen. XV. 5.

b) AUG. PFEIFFER. Pan soph. Mosaic. c. X. §. II. p. 368. Rectius cel. SCHEVCHZERVS Phys. S. T. I. p. 68. penetrasse hic illuminationis a Deo oculis Abrahamum, quo naturalis oculus, tum paucas adhuc coeli stellas noscens penetrare non potuit.

c) Conf. HERM. WITSIVS Oeconom. foeder. L. IV. c. III. p. 588 seqq.

d) Consulendus omnino oel. BASNAGE qui Hist. Iud. L. III. c. 19. §. II. p. 489. multa forbie et egregie hac de re monet.

e) Male tamen inde absurdum Praeadamitarum systema in crustat Is. PEYRERIVS Syst. theol. L. III. c. 8. p. 161. quem vide et ride.

f) Florentiae 1733. 4. edito L. I. c. II. p. 2 seq.

concluditur. Nam supponitur falso, communem fere omnibus, qui honeste educarentur, astrorum scientiam in ista regione fuisse: Suo enim loco probabitur, certo hominum generi istam scientiam potissimum curae cordique fuisse, et certos ad illam excolendam viros reges aluisse, id quod ipse vir eruditissimus ex H. DODWELLO^f recte obseruat. Ex horum vero hominum classe fuisse Tarachum, Nahorem vel Abrahamum, demonstrari nequit, immo sine vlla probabilitatis specie asseritur^g. Quod vero pro cabbalistica Abrahami eruditione Iudaei garriunt, libro Iezirah ei tributo, neminem mouebit, nisi qui recutitorum more omnem veri speciem fidemque eiurauerit. Eos enim ad veritatis fundamenta atque historicae fidei gradus in mendaciis impudenter effingendis minime respicere, suo loco probabitur.

*Philosophia
Isaaci.*

§. VI. Ex schola Abrahami philosophica Isaacus prodiisse creditur paternae eruditionis haeres atque successor. Non enim dubium esse concludunt, philosophiae inter patriarchas Hebraeos architecti^h, quin Abrahamus, quas artes peregrinis tradebat, earum filium suum ignarum esse noluerit. Cuius, ut praeter solam coniecturam ratio quoque aliqualis afferatur, prouocant ad sacrum historicum, qui narratiⁱ, egressum eum in agrum circa vesperam לשרח, quae vox cum tacita mentis oratione, et murmure quodam aliquid meditari significet, colligunt inde, per spatiosi campi vireta et fruticeta ambulauisse, ut initio meditationis ab oratione facto (nam orare, vox frequenter significat) meditaretur in philosophia, siue ex operum naturae contemplatione sapientiam sibi acquireret. Adduntur alia, futilia reuera vixque referri digna: quae pro cabbalistico Isaaci studio harum rerum patroni afferunt^k. Quae omnia tamen misera sunt, et ad ornandam tantum hypothesein efficta. Cum enim Abrahami philosophia incertissimo, immo nullo fundamento nitatur, frustra ab ea ad sapientiam Isaaci philosophicam concluditur. Cuius magnum et ad sapientiam compositum animum diuinae prophetiae luce collustratum fuisse, et religionis patriarchalis praeceptis imbutum sacrae literae testantur, de eiusmodi eruditione vero tacent. Hinc colligi potest, qualis illa meditatio fuerit, quam rure instituit Isaacus: scilicet, ut ex textus circumstantiis recte infertur, de instanti matrimonio sollicitus, rogauit numen, ut ita eueniret, quemadmodum data posteris Abrahami promissio de benedicto femine ex illis oriundo postula-

^f) Append. ad dissert. Cyprian. §. 24.

^g) Prouocat quidem vir eruditissimus ad PHILO-
NEM de nobilitate, sed quo loco eius testi-
monium habendum sit, supra iam dictum est.
Certe si Eupolemo et Alexandro Polyhistori non
credendum, quod ipse concedit, cur Philo ma-
iorem fidem mereatur, adulteratae historiae He-
braeae toties reus, non apparet.

^h) HORNIVS Histor. philos. L. II. c. 10. p.
114. BVDDEVS Histor. phil. Ebraeor. §. XL
DICKINSON. Phys. vet. et vera c. 19. §. 5.
p. 412.

ⁱ) Gen. XXIV, 63.

^k) REUCHLINVS de arte cabbalistica L. I.
conf. SGAMBATVS Archiu. V. T. p. 197 seqq.
cel. WOLFIVS Bibl. Hebr. Vol. I. p. 622.

stulabat. Plura qui addunt, sui ingenii cogitationes textui sacro intrudunt.

§. VII. Quod vero philosophiae Hebraeorum patrociniū in Isaa- *Philosophia*
co non inuenitur, in Iacobo certissime inueniri sibi persuadent viri do- *Iacobi.*
ctissimi; non ad friuolas MENOCHII ratiunculas a cute molli ingenium docile et philosophiae aptum argutantis¹⁾, sed ad artificium potius pastorale, quo virgis variegatis conceptiones ouium variegatarum adluuit prouocant²⁾, inque eo nescio quam profundam physicorum arcanorum cognitionem inuenisse sibi videntur. Nobis vero etiam haec frustra pro physica Iacobi eruditione afferri non immerito videntur. Etsi enim non negamus, magnam imaginationis vim circa foetus esse, experientia multis exemplis eam comprobante, naturaque ipsa tot naevis, monstrisque productis confirmante: qua tamen ratione illa naturae miracula producantur, et efficiantur, multa quidem haecenus disputata sunt inter philosophos acutissimos, parum tamen inde promota est cognitio physica: quae non Aristotelicorum tantum argutiunculis, nihil, quod aliquid recti nos doceat, dicentibus³⁾ non iuuatur, sed nec magnorum nostrae aetatis virorum coniecturis ita aucta est, vt solide declaratum sit, qui brutorum phantasia, parens tam mirabilium effectuum, sit, quomodo idea rei conceptae ex cerebro ad vterum et hinc ad foetum transire queat per neruos, qui meri sunt fibrarum cerebri medullofi fasciculi? qua ratione artificioque illi colores et figurae efformentur? qua ratione deformetur corpus in ipso oculo dudum immo forte in prima creatione formatum? et quae aliae difficultates in arduo argumento occurrunt. Quae cum magnos viros et in naturae arcanis detegendis summa perspicacia praeditos cogantur fateri⁴⁾: *Se haec cum ignorantissimis nescire; esseque hic incultum agrum, terram incognitam, ad quam quidem penetrarunt obseruationes, sed nulla pene ratiocinia solida, naufragium passis in ipso portu facultatibus formatricibus, archeis, viribus plasticis, quae mera sunt vocabula, praetereaque nihil:* quis quaeso vel per somnium cogitabit, ea in ipsa scientiarum physicarum infantia perspecta atque nota fuisse Iacobo pastoritiam vitam excolenti? cum in tanta naturalis scientiae luce vnam hic experientiam allegare liceat. Quod si itaque naturae opus fuit, experientia aliquid horum addiscere debuisset Iacobum, merito statuendum est. Neque tamen ad naturae opus et mirabilem saepe efficaciam tota res restringi potest, alias a quouis pastore quoque

K 2

effici

1) De republ. Hebraeor. L. VII. c. 1. q. 2. quae pro adstruenda Iacobi arrium liberalium scientia repetit LAMBEIVS Prodr. histor. lit. L. I. p. 53. explosa merito sunt B. BYDDEO l. c. §. 9.

m) SGAMBATVS l. c. p. 199. FR. VALLESVS d. phil. S. c. II. p. m. 138 seqq. HORNIUS l. c. p. 114. et alii multi, videndi apud

HEIDEGGERVM Hist. patriarch. P. II. ex. XV. §. 19. p. 434 seqq. FABRICIVM Cod. Pseudep. T. I. p. 436. Acta Phil. Vol. II. p. 19.

n) Expendantur ea, quae doctissimus VALLERSIVS l. c. attulit plena vocibus nihili, et principiorum incertissimorum.

o) Conf. cel. SCHFVCHZERI Phys. S. T. I. p. 87. cont. HUARTI scrutin. anim. c. XXII. p. 628. Act. philol. Vol. II. p. 20.

effici posset, quod tamen experientiam refragantem habet, tentaminibus saepe frustrantibus. Vnde nec ad experientiam solam, quae tamen ipsa quoque Iacobum non mutaret in philosophum physicum, sed ad singularem potius diuinam voluntatem et benedictionem totum miraculum referendum est. Pie itaque non minus, quam docte vir quidam celeberrimus, et in his literis summus ^p: *Digitus hic Dei est, in natura per vias nobis incognitas operantis, πολυδαίδαλος ars*. Accessisse sane hic imprimis benedictionem diuinam patet ex adlocutione angeli Iacobo benedicientis ^q, et confessione ipsius Iacobi ^r, qui non sibi, industriae suae, et artificio adhibito, sed Deo adscribit felicem euentum. Cetera, quae de studio Iacobi cabbalistico a Iudaeis eorumque sequacibus afferri solent ^s, non moramur: quo enim loco habenda sint, ex iis, quae de aliis huius commatis supra diximus satis liquet.

*Philosophia
Iosephi.*

§. VIII. Inter Iacobi filios sapientiae laude maxime emicuit Iosephus, prorox Aegypti: cui variis argumentis philosophiae tum theoreticae tum practicae cognitio asseritur. In quo praeuentem sibi habuerunt viri docti IUSTINVM ^t, qui scribit: *Iosephi excellens ingenium veritos fratres, clam interceptum peregrinis mercatoribus vendidisse: ab iis deportatum in Aegyptum, cum magicas ibi artes solerti ingenio percepisset: breui ipsi regi percharum fuisse; nam et prodigiorum sagacissimum fuisse, et somniorum primum intelligentiam condidisse, nihilque diuini iuris humanique ei incognitum visum fuisse*. Nec argumentis quoque destituuntur, qui prudentissimo principi philosophiae cognitionem vindicant. Prouocant enim ad ipsius diuini vatis testimonium ^u, asserentis: *mandatum Iosepho a Pharaone, ut doceret principes eius pro beneplacito et senes eius in sapientia institueret*. Addunt non improbabile videri, hanc ob causam iussu Pharaonis in matrimonium duxisse sacerdotis Heliopolitani filiam, ut arctior inter Iosephum ac sacerdotes, qui erant philosophi Aegyptiorum, intercederet amicitia ^w. Inde factum esse, ut Mercurii nomine Iosephus omnis eruditionis et philosophiae auctor apud Aegyptios celebraretur ^x, doctrinamque eius in scholis atque academiis traditam verae philosophiae placita ad posteros propagauisse ^y. Inde habuisse Aegyptios: mundum habere principium, animamque esse immortalem; inde factum, ut medicae artis peritus parentis demortui corpus medicis condendum tradiderit: magnam vero prudentiam practicam in administrato felicissime tanto regno, inque remediis contra famem internecinam allatis enituisse: sicque inter ciuilis et

^p) Doctissimus SCHEVCHZERVS l. c. qui omnino consulendus est.

^q) Gen. XXXI, 12. 13.

^r) Ib. v. 7. 8. 9.

^s) Vid. REUCHLINVS de arte cabb. L. I. FABRICIVS Cod. Pseudepigr. V. T. T. I. p. 436.

^t) Lib. XXXVI. c. 2.

^u) Psalm. CV, 21. 22. vid. HORNIVS l. c. c. X. p. 116.

^w) BVDDEVS Hist. phil. Ebr. c. I. §. 9.

^x) HORNIVS l. c.

^y) Conf. FABRICIVS Cod. pseud. epigr. V. T. T. I. pag. 160. qui Lambecium, Galeum, Sgambatum huius sententiae patronos nominat.

et domesticae philosophiae doctores summo loco esse reponendum. Nihil tamen cuncta haec ad rem faciunt frustra, si rem recte aestimemus, afferuntur. Iustino enim, vel Pompeio Trogo potius, vnde sua excerpfit, in historia Iudaeorum mire nuganti fidem nullam esse, et incerta traditione deceptum omnia miscuisse, vel primo intuitu patet: nec maior eius auctoritas in hac re, quam Rabbiorum, qui proregem Aegypti in professorem philosophiae mutare non erubescunt². Sancti vero vatis testimonium contra ipsam rei naturam et argumentum affertur. Nam negari quidem nequit, Iosephum, diuina reuelatione artem interpretandorum somniorum edoctum, quae ad philosophiam inepte traducitur, cum futuram immanem famem praedixisset, a Pharaone praefectum fuisse, totius regni administratorem, omnibus, qui terris regiis praeerant, eosque ab ipsius nutibus et imperio pependisse. Verum id ad praesens, quod vrgebat Iosephus, institutum, fami leuandae potissimum oppositum referendum est, quod praefectos regios edocere, et qua ratione prudenter instituenda sit annonae cura et administratio, illis tradere Iosephum omnino oportebat. Inde vero nulla consequentiarum arte euinci potest, artium et scientiarum etiam philosophicarum praecepta, quae in parentis domo, vitae pastorali dedita non didicit, nec seruitio in Aegyptio pressus discere ibi potuit, eum regios praefectos principesque regni docuisse. Intelligi vero et adumbrari per Mercurium Trismegistum Iosephum, facilius asseritur, quam probatur, et falso nititur praeiudicio, omnes canae vetustatis magnos viros, ad sacram historiam et nationis Hebraeae heroës referendos esse, quod eruditionem virorum illustrium cetera magnam mire contaminauit. Initia enim et origines historiae Aegyptiae intuenti manifestum erit, longe ante tempora Iosephi Mercurium, si quis vnquam fuit, reponendum esse, immo incertissima esse omnia, quae de illo traduntur. Nec certiora sunt, quae ab vxore Iosephi, sacerdotum principis filia, argumenta petuntur. Nondum enim definitum est, fuisse Potipharem sacerdotum principem, cum vox ab historico sacro adhibita magis gubernatorem aliquem vel ex praefectis regiis vnum indicet. Quod si etiam concedamus, Potipharem fuisse sacerdotem, non melius tamen inde concluditur philosophia Iosephi, quam ex connubio mercatoris cum filia medici, notitia eius artis salutaris. Quas vero academias instituisse Iosephus et philosophiam a se traditam doceri in illis iussisse dicitur, nullibi existunt, nisi in ingeniis otiosis, quae non vident, doctrinas istas, quas audacter Iosepho adscribunt, diu iam ante Iosephum per Aegyptum increbuisse. Id quod etiam de medicae artis peritia iudicandum esse, vel ipse locus textus sacri prodit, qui medicos huius artis peritos tum extitisse memorat. Magnam vero in administrando regno prudentiam habitauisse in animo Iosephi, negari non debet, et in conseruanda regni annonae eius egregium specimen dedisse, omnino concedendum est. Inde vero

K 3

po iti-

²) КИМЧИ Comm. ad Psalm. CV, 22. qui consedis illos circum eum discipulorum instar nugatur.

politicum theoreticum non felicius exsculpere licet, quam ex magnis regnorum administratoribus summa prudentiae laude conspicuis professorem politices. Nec ad hanc prudentiam humana institutione, sed peculiari lumine diuino peruenit, quo nomine ex sapientium humanorum numero merito excluditur. Esto itaque, Iosephum virum fuisse sapientissimum, et prudentiae civilis egregium specimen ^a, esto, eximendum eum numero et conditioni fratrum, vitam agrestem sine magna animi per eruditionem humanam cultura colentium ^b: inde tamen Iosephus nunquam in philosophum mutabitur ^c.

Philosophia

Mosis asserta.

§. IX. Nemo tamen inter veteres Hebraeos maiori scriptorum veterum atque recentiorum consensu inter philosophos relatus est, quam magnus populi Israëliti dux atque legislator Moses. Qui cum magnis animi dotibus eniteret, maximaque inter suos auctoritate polleret, inter diuina ingenia, quae ad immortalem gloriam philosophia quoque euexit, numeratus est. Nulla enim philosophiae pars atque scientia est, quam non Mosis tribui, et in qua non primas partes ei deferri videas. Nec nostrae tantum aetatis viris doctis multaeque eruditionis laude inclytis haec opinio placuit ^d, sed inter veteres etiam ecclesiae doctores vnanimis fere fuit haec sententia, in Mose resedisse omnis philosophiae supremum et perfectissimum apicem. Inter quos CLEMENS ALEXANDRINVS sine haesitantia narrat ^e: *Cum esset aetate grandior arithmeticam et geometriam, rhythmicam et harmonicam, et praeterea medicinam simul et musicam doctum esse ab iis, qui erant insignes inter Aegyptios, et praeterea eam, quae traditur per symbola philosophiam, quam in literis ostendunt hieroglyphicis. Aliam autem encyclopaediam docuisse, tanquam puerum regium Graecos in Aegypto: didicisse autem literas Aegyptiorum, et rerum scientiam coelestium a Chaldaeis et ab Aegyptiis. Eupoleum autem in libro de Iudaeae regibus dicere, Mosén primum fuisse sapientem, et grammaticam primum tradidisse Iudaeis.* Eandem cantilenam canunt IUSTINVS MARTYR ^f, ORIGENES ^g alique. Qui, vt fieri saepius solitum, PHILONEM Iudaeum habuere ducem. Is enim cum philosophiae in Aegypto excultae origines inter gentem suam quaereret, ait ^h: *Confestim accessisse aliunde praeceptores, quosdam ultro venientes a praefecturis Aegypti proximis, alios magnis praemiis inuitatos ex Graecia: absque eis nume-*

ros,

^a) Huc ea referenda, quae PHILO de eo habet in βίῳ πολιτικῷ. Sitarchum et aedilem Aegypti ideo quis recte vocauerit.

^b) SPENCER, de LL. Ebr. ritual. L. I. c. 6. p. 61.

^c) Indediudicanda EYBONIS HOPPE diff. de Philosophia Iosephi Helmsl. 1706.

^d) Magnum eorum agmen est, quorum multos excitauit B. FABRICIUS Cod. c. pseud. epigr. V. T. T. I. pag. 826. quibus addendi D.

G. MOLLER diff. de Mose philosopho. MAII diff. de philosophia Mosis Sel. Exerc. T. I. n. 10. et quos alios nominant Acta philos. Vol. I p. 24 seqq.

^e) Stromat. L. I. p. 343.

^f) Q. 25 ad orthodoxos.

^g) Aduers. Cels. L. I. p. m. 14 seq.

^h) De vita Mosis p. m. 604. conf. CORN. ADAMI in Exerc. exegetic. Gron. 1712. 4. Ex. II. p. 95.

ros, et geometriam, vniuersamque musicam, rhythmicam, harmonicam, siue contemplatiuam, siue per instrumenta vocesque prominentem se variis modis accepisse ab Aegyptiis doctoribus: et insuper occultam philosophiam descriptam literis hieroglyphicis: reliquas liberales artes Graecos docuisse, ex propinquis autem regionibus euocatos Assyrios suas literas, Chaldaeos sideralem scientiam. Vnde et alibi: Μωσῆς Φιλοσοφίας ἐπ' αὐτὴν φθάσας ἀκρότητα, καὶ χρησμοῖς τὰ πολλὰ καὶ συνεκτικώτατα τῶν τῆς φύσεως ἀναδιδάχθεϊς, ἔγνω δὴ, ὅτι ἀναγκαιότατόν ἐστιν ἐν τοῖς οὖσιν, τὸ μὲν εἶναι θεατῆριον αἴτιον, τὸ δὲ παθητόν. Moses summum philosophiae fastigium affecutus et oraculo de praecipuis naturae arcanis edoctus, animaduertit duo esse in rebus necessaria, alteram causam agentem alteram patientem. Et ex horum schola postea magna illa philosophiae Mosi existimatio ad sequentia tempora incautius fidem adhibentia dimanauit. Non est animus ea omnia proferre, quae pro hac sententia incrustanda afferuntur; leuiora pleraque sunt, quam vt prolixum examen mereantur: dabimus tamen argumentorum summam, vt qui caute in hoc cognoscendo argumento incedere cupiunt, rationes ipsi subducere, propriisque videre oculis queant. Ita vero rationes exponunt, qui Mosē sibi faciunt philosophorum maximum, vt

1. ad disertum sacrarum paginarum testimonium prouocent, quo Mosē edoctum esse in omni sapientia Aegyptiorum ait Stephanus protomartyr^h.
2. Ad disciplinas speciales philosophiae descendentes, Logicae artis peritiam eo nomine extolluntⁱ, quod non tantum EVSEBIO^m dicatur σοφὸς νομοθέτης καὶ διαλεκτικός, sed etiam a vetustissima Hebraeorum traditione tredecim regulae hermeneuticae Mosi tanquam auctori adscribantur; quae ab auctore magnum inter eos nomen adepti sint. Quas regulas, ne lectori sapientiam hanc Mosaicam inuidere voluisse videamur, hic apponemusⁿ. Sunt vero:

I. Leue et graue, (a minori ad maius)

II. Comma aequale.

III. Constitutio principii ex unico scripturae loco, et ex duobus scripturae locis.

IV. Generale et speciale.

V. Speciale et generale et

VI. Generale et speciale, iterumque generale.

VII. Generale egens speciali, et speciale egens generali.

VIII.

ⁱ) De mundi opificio p. m. 2.

^k) Auctor. VII, 22. conf. WITSEIUS Miscell. S. T. I. L. I. c. 7. §. 13 seqq. p. 47. et quos laudat ven. WOLFIUS in Curis philolog. ad h. l. T. I. p. 1109 seq.

^l) MOLLER. l. c. §. 9. p. 21.

^m) Praepar. Euang. L. XI. c. 6.

ⁿ) Ex orali traditione primus consignauisse visus est Iudaeis R. Ischmaël, de quibus videndus ven. WOLFIUS Bibl. Hebr. T. II. p. 849. T. III. p. 624. add. LEIBNIZKER de Rep. Hebraeor. L. XI. c. 1. IO. IULIUS STRUVIUS rudimenta Logicae Ebraeor. Ien. 1697. 4.

- VIII. *Cum aliquid sub generali contentum excipitur a generali ad docendum aliquod singulare de isto generali.*
- IX. *Cum aliquid sub generali contentum excipitur ad imponendum aliud onus, quod conuenit cum ipsius ratione.*
- X. *Quando aliquid sub generali contentum excipitur ad imponendum aliud onus, quod cum ipsius ratione non conuenit.*
- XI. *Quando aliquid sub generali contentum excipitur ad arguendum de re plane noua.*
- XII. *Res quae discitur ex sua ipsius significatione, et res quae discitur ex fine suo.*
- XIII. *Duo loca scripturae sibi inuicem repugnantia.*

Has regulas Mosen a Deo accepisse contendunt Iudaeorum magistri, ne quilibet legem pro ingenii sui lubitu explicaret, hancque interpretandae legis rationem didicisse in monte Sinai. 3. Mathematicarum disciplinarum scientiam in Mose resedisse summam, ex conditione philosophiae Aegyptiae, a patriarchis scientiis mathematicis auctae colligi posse, cum geometriae, arithmeticae, astronomiae laude Aegyptia natio maxime inclaruerit, nec vna harum disciplinarum sine altera esse queat°. Inde vero 4. concludunt, Mosen propter arctissimam mathematicae et metaphysicae scientiae connexionem, huius quoque abstractionibus mentem habuisse refertissimam; Deum enim ex natura cognouisse et triplici cognitionis via eius existentiam fuisse assecutum: immo ipsum Deum ad maiorem metaphysicae perceptionem fores ei quasi aperuisse, quando se אלהים vocauit Ex. III, 14°. 5. Nullum vero maius praesidium philosophiae Mosaicae ab his viris doctis petitur, quam quod a peritia eius chemica deriuari solet. Hic enim non e triuio eruditi, sed magni viri, et artis medicae atque chemicae longe peritissimi non sine pertinacia contendunt, Mosen artis huius arcanis in Aegypto innutritum magnum eius specimen in vitulo aureo cremato per ignem et potabili facto edidisse. Ipse enim Moses narrat, se sustulisse vitulum aureum, quem Israëlitae, curante Aarone fecerunt, et combussisse igne, et comminuisse eum in puluerem, et sparsum in aquam potum dedisse filiis Israël, quae in legis repetitione eodem fere modo exponit. Hic, contendunt non suffecisse vituli fusionem, siue auri transfusionem ex quadrupedis forma. Scopum enim Mosis fuisse totalem destructionem idoli, ne ex residua massa nouum idolum fingendi cupido eos inuaderet. Neque suffecisse

o) Addunt tabernaculi a Mose erecti structuram, specimen architecturae Mosaicae.

p) Ita MOLLERVS l. c. §. II. p. 27.

q) Praeter Theologos DICKINSONVM in Phys. vet. et vera c. XX. 4. PFEIFFER. Dub. vex. Cent. II. L. 2. p. 248. Medicos nominamus incltyti nominis OLAVM BORRICHIVM de

orig. et progr. artis Chem. p. 47 sq. D. SENNERTVM de Chymicorum cum Aristotelicis consensu p. 46. WOLF. WEDELIVM Exerc. Medico-philolog. Dec. IX. exc. I. ERN. STAHLIVM exper. p. 606. I. IAC. SCHEVCHZERVM Phys. S. T. I. p. 248. vt Commentatores ad h. l. plerosque taceamus.

cisse limaturam auri, qua in subtilissimos puluisculos vertitur, facile in vnam massam refundendos: hos enim puluisculos, vtut subtilissimos, protinus cadere ad aquae fundum propter specificam suam grauitatem, qua se habet vt 19 ad 1. Nec scopum tangere diductionem in laminas et laeuigationem, processum operosum nimis et longum pro integro vitulo grandioris molis. Restare itaque resolutionem chemicam et quidem per viam siccam, id est per ignem, et non per viam humidam, id est, per menstrua corrosiua salina, quae instar veneni intestina corrodentis fuissent. 6. Vniuersae vero physicae scientiae fontes apud Mosē hodiernum quaerendos esse, omnes illi clamant, qui cosmogoniae Mosaicae historiam pro clauē vniuersae naturalis scientiae habent^r. 7. Philosophiam moralem in Mosē locum habuisse summum, vt euincatur, prouocant ad insignes virtutes in sanctissimo viro conspicuas, ad leges reipublicae et ecclesiae Israēliticae prudentissime constitutas, ad regiminis rationem per quadraginta annos magno populi emolumento felicissime obseruatam, quam fontem omnis profanae prudentiae fuisse, indeque Mosē omnium magnorum inter gentiles hominum nominibus celebrari contendunt^r. Adiciunt Iudaei et qui horum sacris enutriti in eiusmodi nugis iucunditatem quaerunt, Mosē intra quadraginta dies, quo tempore in monte residens cum Deo conuersatus est, praeter legem scriptam, oralem quoque, siue traditionem, quae Cabbala illis dicitur, accepisse, hancque philosophiam arcanam selectos ex omni Israēle viros docuisse, et ita mysteria haec ad posteros propagauisse: quo de figmento suo loco amplior dicendi occasio enascetur^r. Quin nec hic nugarum satis est, sed prouocant etiam pansophiae Mosaicae assertores ad libros a Mosē praeter eos, qui sacris pandectis inserti leguntur, conscriptos, et iniuria temporis deperditos, ex quibus Plato et Pythagoras sua hauserunt. Cuius testem laudant EVSEBIUM^u mentionem facientem variorum Mosē theologicorum et philosophicorum dogmatum, et inter alia de immortalitate animae, quae Iudaeis tradiderit^r. Libros vero supposititios Mosē nomen prae se ferentes non moramur.

§. X. Demonstratam ita esse non Mosē tantum, sed omnium Hebraeorum philosophiam facile his sibi persuadent, qui rationes omnes non accurate expendunt: nos et hic caute incedendum esse, rati, ad examen vocabimus rationes allatas. Vbi ante omnia probe obseruandum esse monemus, Philonem, quem omnium testium de philosophia Mosaica vidimus antiquissimum, et Philonis similes Iudaeos totius fabulae architectos fuisse.

Prodit

^r) Amos Comenius, Bayerus alique suis infra locis recensendi.

^s) Inter hos eminere illustrem P. D. HVERTIUM in eruditissimo Demonstrationis euangelicae opere notius est, quam vt multis exponatur.

Hist. philos. Tom. I.

^t) Vbi historia Cabbalae explicanda eiusque origines indicandae.

^u) Demonstr. Eu. L. III. c. 2.

^x) Ita nugatur SANDIVS Nucl. histor. eccles. L. I. p. 131. vt fidem somniis suis concilier.

Prodit vero Philo incogitantiam suam, quando non solum ad ideam philosophiae Pythagorico-Platonicae Mosen effingit, et encyclopaediae suo tempore florentis cursum viro diuino affingit, sed et ex Graecia aduocatos esse viros doctos, in Graecanicis artibus excellentes nugatur eo tempore, quo maxima ruditas Graeciam oppressit, Orpheum enim, etsi tempora eius incertissima sunt, ad Mosi aetatem non attingere certum est: ab eo vero Graecarum scientiarum incunabula vetustissima deriuari, suo loco dicetur. Philonem vero dum more suo exscribit Clemens Alexandrinus, quo loco horum testium fides habenda sit, liquet. Illum enim cum doctoribus ecclesiae reliquis, qui tanto conatu pro Mosi philosophia ad gustum et ideam Graeciae efficta pugnarunt, sapientiae conceptu falso seductum praepudicioque inepto Iudaeorum suae genti omnis sapientiae profanae origines vindicantium fascinatum ea sine examine critico pro causa sua, quam tuebatur, arripuisse, quae possessionem sapientiae Iudaeis et Christianis vindicarent, luculentum hoc specimen est¹⁾: vnde merito omne hoc argumenti genus, quod a PP. testimonio pro philosophia Mosaica afferri magno apparatu solet, reiiciendum omnino est. Nec sustinent causam, quae pro sapientiae cultu Mosi apud Aegyptios ab eruditis afferuntur²⁾. Supra enim obseruatum est, vocem sapientiae latissimae significationis apud veteres esse, et non tantum philosophiae studium, sed omnes omnino artes et scientias designasse, quae apud veteres floruerunt. Et hoc quoque sensu a protomartyre vox usurpatur: illas enim artes atque scientias Moses in Aegypto edoctus est, non quas Graecia post multa demum secula excoluit, quod his hominibus videtur, sed quas tum temporis Aegyptii excolebant. Constabat vero scientiarum Aegyptiacarum circulus exiguis tum limitibus, vt suo demonstrabitur loco: et praeter sacrum sermonem et literas, quae parum sapientiae inuolucris suis tegebant, astronomiae primam tantum notitiam, arithmeticae et geometriam continebat, testante DIODORO SICULO, qui notanter addit: *Musicae eos in totum respuisse vt noxiam, et quae homines effeminaret.* Quod si admittimus, Philo merito mendacii arguendus est, qui in musices cognitione Mosen excelluisse putauit, quoniam ea in scholis Pythagoricis, quas Philo sequebatur, eximium locum occupabat. Nec est in tota eruditionis Mosaicae, qualem se illa exhibet in libris a diuino viro conscriptis, facie aliquid quod Aegyptiam originem referat. Quae itaque illa sapientia fuerit, in qua in spem regni educatus fuit Moses, ex circumstantiis educationis eius, iudicandum est; scilicet vt strenuus ingenio et corpore, prudentia et fortitudine excelleret, vnde recte Ezechielus poeta tragicus eum loquentem ita inducit³⁾:

Geo-

1) Philonis testimonii fidem iam eleuauit B. VULDEVS Hist. Phil. Hebraeor. l. c.

2) Legendus est, qui multa egregia monet I. HENR. VRSINVS de Zoroastre, Mercurio et Sanchun. L. II. Sect. 9. p. 193.

3) Apud CLEMENT. ALEX. Stromat. L. 3. p. m. 345. conf. VRSINVS loc. cit. qui plura vrget, falsam hanc sapientiae ideam iugulantia.

Τροφαῖσι βασιλικαῖσι καὶ παιδευμασιν
 Ἀπανθ' ὑπισχνεῖθ', ὡς ἀποσπλάγχνων ἑᾶν
Victum regium et disciplinam scientiarum
Accepi non aliter, quam si natus forem.

Regia enim illa disciplina ad hunc scopum collineauit vt scientiis encyclicis innutritum ingenium adolesceret, et in spem regni excoleretur. Vnde non quidem ingenii acies, et aptitudo ad magnas res ei cum IOANNE CLERICO^b deneganda, non tamen vltra temporis sui modulum eruditio eius extollenda est. Logicam peritiam nec apta legum dispositio, quam laudat Eusebius, probat, reuelata enim est ab ipso Deo tota legis ratio Mosi in monte Sinai, quae ad eius ingenium propterea referri nequit: nec regulae illae hermeneuticae demonstrant, quae Mosi aetatem atque nomen frustra prae se ferunt, cum multo recentiores sint, a Iudaeorum magistris eo potissimum tempore exsculptae, quo infinitae inter eos de sensu atque interpretatione legis dissensiones exoriebantur, quas haud obscure respiciunt, et ita originem suam produnt: nec aliud quoque, quatenus sanae sunt, comprehendunt, quam quod quemlibet leuiter ad textum aliquem attendentem oculum ferit: vnde ipsi Iudaei: *ab illis tredecim modis non dari vllum hominem, qui dissentiat, esseque promptos et expeditos in ore omnium.* Artis itaque opus non esse, sed naturalem intellectus lucem comprehendere, recte concluditur. Mathematicarum disciplinarum principia, qualia illa apud Aegyptios docebantur, Mosi quidem deneganda non sunt, cauendum tamen, ne nostri seculi mathematicum intelligamus. In ipsa enim infantia illas disciplinas tum fuisse versatas, suo loco demonstrabitur, et ruditas atque paupertas obseruationum mathematicarum, etiam sequiorum temporum probat. Vnde non plus sciuisse Aegyptios, nec plus docuisse discipulos, et inter eos Mosen, quam quae ad vitae necessitates atque commoditates requiruntur, recte infertur. Ea vero nec mathematicum nec philosophum constituunt. Tabernaculi vero ideam cum a Deo acceperit, sine ratione inde pro eius architectonica cognitione argumentum ducitur. Ridiculum vero est, quod pro metaphysica eius scientia affertur. Vti enim Mosen Deum tum ex rationis, tum ex reuelationis lumine cognouisse nemo negat, ita omnis ea cognitio metaphysicum non facit, sed communis est omnibus vtrumque lumen recte adhibentibus: vnde etiam Moses Dei vnitatem, quam tantopere genti suae inculcauit, non argumentis metaphysicis, sed demonstratione virtutis diuinae in populo Israëlitico mirifice se manifestantis comprobauit. Quae porro pro chemica eius peritia afferuntur, talia sunt, vt, si quoque viris doctis concederemus, intellexisse Mosen arcanam methodum auripotabilis, nondum tamen inde colligi posset peritia philosophica. Experientia enim totum proces-

L 2

sum

^b) In Iudicio quorundam theologorum Bata- nomine refutauit WITSIVS Miscellan. S. T. I.
 uorum super Hist. crit. R. Simonii, quem hoc L. I. c. 7. p. 44 seqq.

sum discere potuit, quae philosophiae titulum nondum meretur. Neque tamen eam prae se fert certitudinem illa demonstratio, quam medici isti celeberrimi de chemico Mosi artificio exhibuisse videri volunt. Plus enim in textu vident, plusque ex eo eruunt, quam in eo praeiudicio antiquitatis chemicae non fascinati oculi videre possunt. Priori enim Exodi loco non aliud ipse Moses refert, nisi: *sumfisse vitulum, igneque combustum comminuisse in puluerem, et sparsisse in aquam, potumque dedisse filiis Israël.* Altero vero Deuteronomii ait: *Peccatum vestrum, nempe vitulum, tuli, et igne illum combussi, et contudi eum molendo, idque bene, donec pulvis fieret tenuis, abiecique puluerem eius in torrentem, qui e monte defluit.* Plana hic et simplicia omnia, si verba Mosi sine commentario inspiciamus; sumfisse idolum, Mosem, liquefactumque inque massam vnā coalitum contundendo redegisse in subtilissimum puluerem, eumque abiecisse in riuum illum, ex quo bibebant Israëlitaë. Nulla hic calcinatione philosophica opus erat ad redigendum in puluerem aureum idolum, sed naturali modo cuncta sine artificio peragi poterant. Nec euincunt quicquam, quae viri doctissimi pro incrustanda sententia sua afferunt. Vrgent scopum Mosi fuisse, totalem destructionem idoli; verum ea, redacto in puluerem facillime dispergendum vitulo, effici facillime potuit. Imprimis rem eo confici putant, quod aurum in subtilissimas particulas limatura resolutum, mox fundum petat, et ita potandum Israëlitis, a Mose exhiberi nequiverit; verum hoc *πῶτον ψέδος* est, quod totam chemiae Mosaicae fabulam nobis construxit: potu simul haustum esse ab Israëlitis aurum illud, quod tamen gratis supponitur. Nihil enim in textu dicit Moses amplius, quam in eam aquam, quam potus causa ex torrente hauserunt Israëlitaë se abiecisse, vt scilicet, quoties haurirent, peccati memoria per puluerem in fundo residentem excitata poenitentiae necessitatem inculcaret. Nec magno adeo tempore opus erat; quo argumento tamen diductionem in laminas et laeuigationem, qua facillime in puluerem fundum non petentem potuisset comminui, improbabilem reddere contendunt viri celeberrimi: non cogitantes, processum suum philosophicum longius adhuc tempus requirere, quam mora Israëlitarum patiebatur. Nec combustio quoque vrgeri nimis potest, cum vox *שרף*, qua Moses vtitur, non tantum redactionem in cineres, sed colliquefactionem pro ratione subiecti, cui additur, indicet. Eximendus itaque ex chemicorum quoque albo Moses, suaeque genti in omnem aliam disciplinam a maximo viro formandae et huius artis ignarae restituendus est. Tandem legis quoque Mosaicae perfectionem non negamus, ciuitatis formam atque regiminis ab eo introduci praestantiam vltro fate-

c) Vnde de coctione metallorum adhiberi iam monuit AVENARIUS h. v. exprimitur ea voce etiam calcis adustio, aquae quoque calidae, vid. Lexicograph. passim.

d) Ira etiam CONRING. ad Hermet. medi-

cin. L. I. c. 3. BAYLE Dict. T. I. art. Aaron. not. B. GUNDELING. Hist. phil. mor. c. VII. p. 63. Acta philos. Vol. II. p. 29. Absurdiora sunt, quae pro chemica Mosi peritia ab vnguento sacro argumentatur DICKINSONVS Phys. Vet. l. c. 5. 4. p. 475 seqq.

fatemur, verum Mosis eam vati diuinitus edocto, omnemque legem et constitutionem a summo legislatore accipienti adscribimus, qui nec dux proprie populi, nec legislator proprie dictus dici potest, sed minister potius Dei summi regis, qui peculiari regiminis forma, theocratiam recte appellant viri docti, populum diuinum rexit, et salutaribus legibus a Deo ipsi reuelatis instruxit. Haec decebant vatem, qui typus esse debebat maximi prophetae; haec conueniebant magnificis, quas Deus gentem Israël ducebat, viis, haec maximum virum Mosen faciunt^e, non vero inter philosophos ei locum assignant. Quae denique pro adstruenda cabbalae auctoritate a Mose repetenda nugatores recutiti garriunt, vno argumento retunduntur, recentiore multis seculis esse cabbalam Mose. Id quod suo loco cum accurate nobis probandum sit, hic prolixè exponere opus non est: nec multum quoque iuuat philosophiae Mosaicae assertores, cum ipsi Iudaei tradant, immediata Dei reuelatione illum cuncta ista accepisse. Ficulneum vero est, quod Sandius vrget, ex deperditis scriptis Mosis ad gentes delatas esse doctrinas quasdam: multa enim falsa supponuntur, et sine idoneo argumento asseritur, istas doctrinas naturali rationis luce non innotuisse gentilibus, nec extare in scriptis Mosis hodie extantibus, et peruenisse amissa ista scripta ad Pythagorae Platonisque notitiam. Sed his somniis refutandis prolixus labor impendi non debet, sua enim mole corruunt.

§. XI. Post Mosis tempora magnos nobis viros, iudices et prophetas Israël memorant sacri commentarii; nec tamen aliud de iis narrant, nisi prudentiam regnandi, artesque quibus populum durae ceruicis refrenaauerunt. Vatum vero diuina luce collustratorum ratio qualis fuerit, ex ipsis sacris literis discendum quoque est, quas qui sequitur, philosophos exsculpere non potest. Instituerunt quidem scholas, et congregatis ibi discipulis praefederunt, caue tamen philosophorum collegia somnies, et ad nostri temporis ideam antiquissimam Hebraicarum scholarum faciem effingas, quod post delirantes Iudaeos facit ALTINGIVS^f, Prphetæ enim erant viri diuinarum rerum ex Dei reuelatione periti, et de iis ad populum verba facientes, haud raro tamen de futuris quoque vaticinantes: adhibitis vero hymnis et musica rerum diuinarum notitiam, sanctosque pectoris motus augebant et excitabant^g: et ad haec dona in scholis prophetarum discipuli pie praeparabantur. Haec in sacris oraculis edocemur, quae collegia philosophica nobis non delineant. Falluntur itaque, qui Iosua artis bellicae praecepta didicisse, coniiciunt^h; scholasque prophetarum in vrbibus Kiriath-learim et Ramata in Gileadⁱ in collegia academica et scholas phi-

Scholae prophetarum non philosophicae.

L 3

Ioso-

^e) Conferendus SAM. PUFENDORFIVS de habitu religionis Christianae ad vitam civilem § 12. pag. 34 seqq. Quae vero in hanc rem SPENCERVS L. I. de legibus Hebraeorum ritualibus assert, examinanda sunt.

^f) In histor. academ. Ebraear. quae in he-

ptade orat. academicarum primo loco extat. p. 281.

^g) WITSIVS de prophetis et prophetia L.L. c. I. Misce'lan. § SS. T. I. p. 2 seqq.

^h) BRAVNIVS Selectis S. L. V. ex. I. p. 7.

ⁱ) 1. Sam. X, 5. XIX, 18. 2 Reg. II, 3. 5.

lofophicas conuertunt, et quae alia sunt Iudaeorum deliria, quibus sibi imponi passi sunt viri docti, quibus nihil in antiquis magnificum est, nisi ad seculorum nostrorum ideam effictum. Non denegamus quidem Israëlitarum genti eruditionem, cuius laude florentes viros inter eos vixisse Ethanis, Hemanis, Dardae atque Chalcolis exemplis constat: sed eruditionis eam conditionem tum fuisse, semper recordandum est, quae a posteriorum seculorum, Graeciaeque genio, qui nobis quoque ideam philosophiae formauit, multum distaret¹. Versabatur scilicet eruditio Hebraeae gentis tum in reuelationis diuinae explicatione, tum in doctrinae moralis cultu, quae ex liquidis diuinorum oraculorum fontibus hausta, dicendi genere magnifico, sublimi, emblematico, sententiisque atque *παροιμίοις* pleno proponebatur: suisque legibus astricta, certum poëseos genus a nostro longe diuersum produxit. Ex horum eruditorum numero Dauid fuit, cuius odas sacras recte intuiturus egregium eruditionis Israëliticae specimen inueniet, frustra tamen quaeret philosophum. Recte accuratus harum rerum iudex THOMAS BURNETIVS^m: *Notum est in disciplinis mathematicis aut philosophicis nunquam praecelluisse hanc gentem, neque in caeterarum artium studiis, aut id genus ullo humani ingenii eximio foetu. Vnde illud acerbe dictum ab Apollonio, Iudaeos ἀφυστάτες εἶναι τῶν βασιλέων καὶ διὰ τὸ το μὴ εἶναι εὐρημα συμβεβλησθαι μένους.* Barbarorum esse ineptissimos, ideoque solos illos nullum inuentum vitae utile peperisse. Quae autem apud ipsos erant scholae atque academiae pristinae, non tam ad encyclopaediae studia, ut solent hodie, formatae et compositae erant, quam ad religionis instituta et dona prophetica imbibenda. Nulla enim gens per terrarum orbem, nullus populus tantum abundabat prophetis ac viris coelesti spiritu tactis, quantum Iudaei: ut ipsi solo et climati vis aliqua diuina inhaerere videretur.

Philosophia
Salomonis.

§. XII. Praemittenda haec fuerunt atque praemonenda, ut de Salomonis regis sapientia tantopere in sacra historia depraeedicata, et totius orientis sapientiae praelata rectius iudicium fieri, queat. Hunc enim inter sapientissimos orientis homines primum locum obtinuisset, sacer nobis narrat historicus his verbisⁿ: *Concessit Deus Salomoni sapientiam, et prudentiam amplam et capacissimum animum, perinde ac arenam, quae est in litore maris. Ita ut excelleret sapientia Salomonis omnium qui eum antecesserant, sapientiam, simulque omnem sapientiam Aegypti: quin cunctis hominibus sapientior fuit, etiam ipso Ethan Esraita, et ipso Heman, et Challol, atque Darda filiis Mahol: fuitque nomen eius in omnibus gentibus circumquaque celebratum. Loquutus etiam est ter mille parabolas, et carminum eius fuerunt quinque supra mille. Differuit etiam sa-*
pien-

k) 1 Reg. IV, 31.

l) Conf. BVDDEVS Hist. eccl. V. T. T. II. p. 276 seqq. GVNDLINGIVS Histor. philos.

mer. c. VII. p. 78 seq.

m) Archaeolog. philos. L. I. c. 7. p. 362.

n) 1 Reg. IV, 29 seqq.

pienter de lignis, a cedro, quae est in Libano, usque ad hyssopum, quae progerminat ex pariete; simulque differuit de animantibus, de volucris, de reptilibus atque piscibus. Ita ut venirent, ex cunctis populis auditum sapientiam Salomonis, ex omnibus etiam regibus orbis, ad quos fama sapientiae eius peruenerat. Haecenus scriptor sacer, qui sapientiae orientalis magnitudine omnes sui temporis sapientes Salomonem superasse tradit. Quae sufficiunt ad tuendam populi diuini gloriam. Ea vero non contenti Iudaeorum magistri adeo de Salomonis sapientia ineptiunt, ut Aristotelem sua ex scriniis Salomonis expilasse, affirmare non erubuerint^o. Et ferri potuisset hoc in populo, apud quem superbia cum ignorantia certat; viros vero doctos recentiorum temporum pari modo in deuia defecisse, et si verum fateri velimus, insaniuisse, ferri vix potest. Inter Britannos enim, THEOPHILVS GALEVS^p, vir doctissimus, et antiquae eruditionis notitia singulari instructus sed infano antiquitatis praeiudicio praepeditus ex Salomonis schola putat accepisse Pythagoram et Platonem philosophiam symbolicam, Stoicos Ethicam, Hippocratem medicinam, Aristotelem historiam animalium, Theophrastum plantarum. Omnes vero absurditate vincit, ex Iesuitarum sodalitis IOANNES PINEDA^q, qui ut in describenda polyhistoria Salomonis est disertissimus, ita Salomonem facit eloquentia admirabilem, in poësi atque musica clarissimum, dialecticum subtilissimum, obscurissimorum aenigmatum propositorem et expositorem acutissimum, pulcherrimarum parabolarum compositorem sapientissimum, historiae peritissimum, Astronomum summum, cosmographum, geographum, hydrographum et architectum absolutissimum, physiologum profundissimum, naturae scriptorem et scrutatorem diligentissimum, medicinae principem, magiae naturalis scientissimum, ciuilis doctrinae consultissimum, oeconomiae atque ethicae praeceptorem dexterrimum, theologum naturalem et supernaturalem optimum maximum, professorem sapientiae publicum. Quae et alia de academias et scholis Salomonis philosophicis, quae auctor affert, ita comparata sunt, ut merito patientia et misericordia lectoris exoranda sit. Qui tamen sodalem inuenit, qui vestigia eius strenue calcaret^r. Quorum infaniam etsi euitarunt, qui haec ad tussim et grauedinem mouendam quam ad assensum impetrandum aptiora iudicarunt, ipsi tamen ex adducto scripturae loco magnam naturalis scientiae cognitionem, et absolutam orientalis eruditionis ideam sibi in Salomone efflexerunt^s: et astronomiae, magiae naturalis, et philosophiae practicae summam cognitionem ei tribuerunt: ducem nacti inter veteres Eusebium^t.

Facile

^o) Dicitur de eo suo loco. Conferatur interrim FABRICII Codex pseudepigr. V. T. T. I. p. 1019 seqq.

^p) Phil. gener. §. 8. p. 23. conf. Acta phil. Vol. II. p. 33.

^q) De rebus Salomonis libris VIII. Mogunt. 1613. f.

^r) CAR. DE GROBENDONCQ. de ortu et progressu spiritus politici vid. Act. philos. Vol. II. p. 36.

^s) BVDDEVS Hist. phil. Hebr. §. 14. HORNIUS Hist. phil. L. II. c. 13. p. 132.

^t) apud ANASTASIVM Quaest. XXXIX. in scriptur.

Facile tamen ex iis, quae in antecedentibus de Hebraeorum sapientia et eruditione diximus, de his omnibus iudicium fieri potest. Seducti scilicet boni viri idea nostri temporis, qua ad vniuersalem eruditionis circulum omnium istarum disciplinarum notitia requiritur, cum legerent, sapientia Salomonem alios omnes suae aetatis reges superauisse, ad id delapsi sunt, vt crederent, polyhistoris consummatissimi personam exhibuisse Salomonem, inque omnibus istis disciplinis humana sorte maiorem eruditionem possedisse, quae ad encyclopaediam hodie requiruntur. Quod quam absurdum sit, et subuertendae omni cognitioni veteris historiae aptum, in limine iam indicauimus, et a turpi hoc praeiudicio lectorem praemuniuimus. Vt itaque rectius de Salomonis sapientia tantis encomiis celebrata iudicium fieri queat, recte et attente ad verba scriptoris sacri respiciendum est, ne aliena a mente eius concipientes nobis ipsis fraudi simus. Scilicet sapientia Salomonis comparatur, cum sapientia sui temporis, isque virorum inter principes orientis celeberrimorum antesignanus fuisse, eosque multis parasangis superasse recte asseritur. Quod si hoc ad eruditionis orientalis faciem, qualis ea inter viros principes exculta fuit, referendum est, sponte sua sequitur, decipi magnopere, qui nostrae aetatis scientias orientis populis ignotas Salomoni affingunt, vel encyclopaediam Graecam in Salomonea sapientia inuenire sibi videntur. Non itaque metaphysicus, physicus, geographus et quid non? Salomo censendus est, nec inuentio earum rerum illi tribuenda, quae posteriorum temporum felicitati reservatae longe alios natales acceperunt: quales sunt pyxis nautica^{u)} et circulatio sanguinis^{x)}, reliqua etiam inuenta anatomica^{*}. Quibus Salomoni tribuendis non sufficit, quadam similitudine verborum nostrorum temporum inuentiones in vetustissimo rege adumbratas videre, sed sine hypotheseos studio et praeuentione oportet rem ipsam cernere, quod admodum verendum, vt fieri cum probabilitate queat. Longe alia quoque fuit sapientiae conditio, quam a numine exorauit sibi Salomo, quaque coelesti munere beatus inter omnes aetatis suae reges magnosque heroas excelluit, si ipsa sacra oracula consulamus. Illis enim si habenda est, quae ipsis debetur, fides, sapientia Salomonis in prudentia regnandi, et intellectu diuinis radiis collustrato ad iustitiam administrandam, populumque ita regendum, vt animo et facultatibus felix floreat et incrementa capiat, constitit, bonique a malo discrimina maximum regem edocuit. Hanc sapientiam a Deo ita exorauit, vt dari sibi peteret^{y)} *cor docile, vt populum iudicare possit et discernere inter bonum et malum*. Haec sapientiae ratio vti maxime practica fuit, et splendidissimo hoc

u) NIC. FULLERVS Miscell. S. L. IV. c. 19. p. m. 605. qui tamen non aliam rationem affert, quam Salomonem omnia naturae miracula, adeoque et vim et vsum magnetis tenuisse, et cum Tyriis communicasse. conf. WITSIVS

Misc. S. T. II. ex. XIII. §. 24. ex. XIV. §. 42.

x) CORN. BONTEKOE de vita hum. P. II. §. 10. conf. PASCHIVS de inuentis nouantiquis c. VI. §. 3. p. 311.

y) 1 Reg. III, 9. 10. 11.

hoc nomine digna, ita quam maxime tantum regem decuit, qui, ut honos constaret populo Deo dilectissimo, sapientia reliquos reges debbat antecellere. Non itaque sapientia Salomonis omnibus omnino orientis sapientibus praeferenda est, sed regio axiomate effulgentibus, vitae scilicet, non scholae natis: id quod diserte sacrae paginae testantur^a, asserentes, Salomonem sapientia inter reges parem non habuisse. Nec obstat, Salomonem a scriptore sacro diserte dici sapientia superiorem fuisse, omnibus Aegyptiis et Orientis populis. Supra enim iam observatum est, eruditionem Aegyptiorum longe alia facie enituisse, quam eam, quae a Graecis exculta est et ad Romanos et ab his ad nos transiit, quamque viri docti inconsiderate Salomoni adscribunt. Illorum enim temporum, in rudimentis scientiarum et artium, quas hodie excolimus, versantium eruditione et a parente non indocto innutritum et diuino habitu ad insignem ἀκμὴν perductum fuisse Salomonem, recte ex his verbis colligitur, male vero inferitur, excoluisse nostras literas, et philosophiam tenuisse. Quod si eruditionis Salomoneae conditionem propius inspicere libet, adeundi sunt libri ipsius hodiernum superstites, in quibus et cogitationum ad mores animumque hominis vera sapientia emendandos facientium vberissima seges, et dicendi atque more orientalium figurata oratione fingendi egregium artificium, et eloquentiae suis legibus adstrictae exempla pulcherrima deprehenduntur. Adiicimus his ductu sacri codicis^a felicitatem in struendis et soluendis aenigmatibus^b, quae sapientiae species cum apud veteris orientis principes magno encomio praedicaretur, et non sine ingenii quoque vanitate excoleretur, Salomoni quoque, qui profunditatem et linguae suae, et animi humani diuina luce edoctus erat, data fuit, et in illa ita excelluit, ut aemulationem vicinarum gentium atque regum excitaret. Dabimus itaque, mores hominum egregie depinxisse, deque vanitate pariter atque felicitate hominum sapienter differuisse; non negabimus, regias disciplinas ad miraculum edoctum omnes suae aetatis reges antecelluisse: nihil tamen hoc omne ad seculorum posteriorum ideam eruditionis Salomoni affingendam facit, nec mutabitur Salomo in philosophum: praecipue cum non sola rationis luce, sed praecipue extraordinario diuino lumine collustratus ad hoc sapientiae culmen euaserit. Et tenendum id quoque de scientiis mathematicis, quae Salomoni non alia ratione adscribi possunt, quam illorum temporum conditio permittit, quibus in infantia adhuc eas fuisse, scientiarum mathematicarum historiam non ignorantibus

^a) 2 Paralip. I, 11. 12. conf. GLASSIUS Philol. S. p. 1226. edit. recent.

^a) 2 Paralip. IX, 1. mira hic narrant Iudaei, vid. LIGHTFOOT. Opp. T. II. p. 527. et quae refert GLYCAS Annal. p. 183. apud FABRICIUM Cod. Pseudep. T. II. p. 1031.

^b) Hiramum Tyri regem ita quoque a Salomone tentatum aenigmatibus et multatum pecunia, cum soluere non posset, narrat IOSEPHVS Antiq. Iud. L. VIII. c. 2. p. 267. contra Appian. L. I. p. 3042. conf. HIERONYMVS ad Magnum oratorem.

rantibus constat. Vnde frustra esse lateremque lauare merito iudicandi sunt, qui a templo Salomoneo omnis architecturae ciuilis perfectionem et elegantiam fluxisse sibi persuadent^c. Qui dum Ineuitabiles nodos in explicandis sacri textus delineationibus obuios secant magis, quam soluunt, quam feliciter Augusti aevi ars architectonica ad Salomonis seculum referatur, satis produnt. Maxime tamen ad ornandam de Salomone fabulam facere viris doctis, qui haec tuentur, videntur, dissertationes Salomoni de omnibus rebus naturalibus adscriptae. Nam ea, quae scriptor sacer refert, differuisse eum de omnibus arboribus, plantis herbisque, Iudaei Salomonis aeuo recentiores, et Graecorum philosophandi methodo innutriti^d, de dissertationibus phylicis intellexerunt, vnde non Iosephus^e tantum Salomonem de natura rerum omnium philosophatum fuisse scriptum reliquit, sed et auctor libri sapientiae^f, Graecae quae apud Aegyptios florebat, philosophiae alumnus; multis verborum phaleris in hunc sensum depinxit: *Etenim veram τὴν ὀντων scientiam ipse mihi dedit, qua mundi constitutionem et vim elementorum, initium finem et medium temporum, solstitiorumque vicissitudines, tum permutationes tempestatum, atque annorum circulos et stellarum dispositiones, ac naturas animalium, bestiarum affectus, ventorum impetus, ratiocinationes hominum, plantarum differentias, radicum virtutes intelligerem.* Quibus verbis vt philosophiae Graecae Alexandriae excultae gnarus facile perspiciet, Hebraeum regem ad Graecanicae philosophiae effigiem adumbrari^g, ita, quo potissimum ex fonte illa persuasio de Salomonis sapientia Graecae philosophiae adeo conformi orta sit, luculenter docet. Male tamen haec omnia ad eiusmodi dissertationes physicas referri, eruditionis Salomoneae ratio facile euincit. Quae cum figurato et emblematico dicendi genere quam maxime Orientis more enituerit, quid aliud de ea scriptor sacer dicere intendit, quam ab omni plantarum genere similitudinem duxisse, et metaphoris elegantissimis omnem rerum naturalium pulchritudinem argumentis moralibus applicantibus differuisse? Cuius vt nobile exemplum est Canticum canticorum, insigni specimine eruditionem Salomoneam adumbrans, ita recte intellexit SIRACIDES, qui eleganter et apposite de Salomone^h: *Quam sapiens in*

c) VILLALFANDVS L. II. Isagog. in Ezech. c. 13. LEONH. CHR. STURMIVS Sciagraphia templi Hierosolym. Lips. 1694. 4. cel. I. IAC. SCHEVCHZERVVS Physic. S. T. II. p. 50 seqq.

d) Notabilem locum R. SCHEMTÖBH BEN IOSEPH affert IO. BVXTORFIVS ad librum Cosri P. I. p. 32. qui legendus est. Patet enim inde factus Iudaicus, qui fabulae de philosophia Hebraeorum parens fuit. Putat infusus Iudaeus Apella, auditores Salomonis eius dissertationes et libros in suas linguas conuertisse, indeque omnem sapientiam ad gentes dimanauisse. Scripsisse vero libros physicos iniu-

ria temporum deperditos: conf. cel. WOLF. Bibl. Hebr. T. I. p. 1050. Et ex confictis his libris physicis supposititii illi foetus orti sunt, qui magiae secreta Salomoni tribuunt; de quibus praeter WOLFIVM et SCAMBATVM videndus FABRICIVS Cod. pseudepigr. V. T. p. 1050 seqq.

e) Antiquit. Iudaic. L. VIII. c. 2.

f) c. VII, 17 seqq.

g) Demonstrauimus id in diss. de vestigiis philosophiae Alexandrinae in libro sapientiae, quae inferra est Miscell. Berolin. T. VI.

h) Cap. XLVII, 16. 17. 18. Recte et hoc obseruatum AVCTORI Hist. crit. philosophiae T. I. c. V. §. 6. p. 191 seq.

in iuuentute tua factus es, qui fluminis instar repletus fuisti intelligentia. Animus tuus terram omnem operuit, et allegoriis aenigmaticis impleuit. Nomen tuum procul permanauit in insulas, paceque tua fuisti gratiosus. Te miratae sunt regiones propter carmina et prouerbia simul et allegorias et interpretationes. Quae descriptio omnino eruditionem Salomoneam exhaurit, philosophiae vero Salomoneae architectis aperte contradicit: nec dogmaticum fuisse philosophum maximum regem patitur. Alia vero via eaque prorsus contraria Salomonem non inter philosophos quidem dogmaticos, scepticos tamen retulit doctissimus IACOBVS FRIDERICVS REIMMANNVSⁱ, aliis indignantibus^k, et nescio quam labem sapientissimo regi aspergi querentibus, quae tamen a se amoliri conatus est vir clarissimus^l. Putat scilicet, Salomonem in depingenda grauissimo sermonis genere vanitate id potissimum voluisse, vt nihil in rebus humanis certum stabileque, et scientiae verae generandae indeque solidae felicitati parandae inueniri aptum demonstraret, vt ita mens ad vnam veram solidamque, quae in Deo refidet, felicitatem euehatur. Quae ratiocinandi ratio in se quidem diuersissima est a scepticismo Graeciae, nec adeo impia, qualem viri docti extimuerunt, vehementer tamen veremur, vt menti Salomonis scopoque dissertationis ex asse respondeat. Si enim tota Ecclesiastis connexio et συνάφεια consideretur, patebit non de incertitudine cognitionis intellectus humani, sed de vanitate voluntatis humanae sermonem sapientissimo regi esse, idque demonstrare, omnia, quae in mundo sunt, etsi magnifica et decipiendis humanis desideriis apta, vana esse et inania, et ita cito peritura, vt infinitum voluntatis humanae desiderium aeterno bono sine fine fruendi explere, et animum tranquillum reddere nequeant. Semper enim tales adlici circumstantias quae mentem excruciant. Inde ad summum bonum potiundum et diligendum adiiciendum animum, et ita huius vitae rebus fruendum, ne tranquillitas animi turbetur. Quae vt totum libri Ecclesiastis argumentum exhauriunt, ita qua ratione scepticis mi nomen proprie mereantur, non liquet, in verbo tamen pugnam esse facile largimur^m.

* Vix elegantius exemplum allegoricae methodi, qua per totum fere orientem eruditi vsi sunt, quaque Salomonem excelluisse demonstrauimus, occurrit, quam quod pulcherrimam senectutis descriptionem Eccles. XII, 2. exhibet, et illustre specimen est sapientiae Salomoneae qua omnes sui temporis sapientes superauit. Ait enim: *Memento creatoris tui, in diebus*

M 2

iuuen-

i) Obs. Halens. Tom. VIII. obs. 13. §. 7. p. 339.

k) I. C. BOECKMANN. duabus dissert. Wit. 1710. R. H. ROLLIVS diss. Salomo non Scepticus. FABRICIVS Cod. pseudepigr. V. T. T. II. pag. 1059. et Syll. Scr. de V. R. C. c. XXXIII. p. 483. ARN. WESENFELD T. I. Ex. subsecif.

T. I. sect. 1. 2. T. II. sect. 2. I. FR. BVDDEVS thes. de atheismo c. I. §. 5. p. 12.

l) In Historia atheismi c. II. p. 33. et in Catalogo critico Bibl. Reimmann. p. 620.

m) Vid. FABRICIVS l. c. Acta philos. Vol. II. p. 50.

iuventutis tuae, antequam veniat tempus afflictionis tuae, et appropinquent anni, de quibus dicas, non mihi placent. Antequam tenebrescant sol et lumen, et luna et stellae, et reuertantur nubes post pluuiam. Commoueuntur custodes domus, et nutabunt viri fortissimi, et otiosae erunt molentes in minuto numero et tenebrescent videntes per foramina. Et claudent ostia in platea, in humilitate vocis molentis, et consurgent ad vocem volucris et obsurdescent omnes filiae carminis: Excelsa quoque timebunt, et formidabunt in via, florebit amygdalus, impinguabitur locusta, et dissipabitur capparis: quoniam ibit homo in domum aeternitatis suae, et circuibunt in platea plangentes. Antequam rumpatur funiculus argenteus et recurrat vitta aurea, et centeratur hydria super fontem, et confringatur rota super cisternam. Sunt vero in hac elegantissima senectutis humanae pictura multa, quae mediocri attentione facile possunt intelligi, sol et lumen enim rationis lucem internam, lunam et stellas sensus externos, nubes post pluuiam catarrhales affectus subinde apud senes redeunt, custodes domus artus, brachia et crura, molentes in minuto numero dentes senibus paucissimos, fores in platea clausas oris impotentiam, obsurdescentes filias carminis aures difficiliores, amygdali florem canitiem significare, aperta fere similitudinis ratio comprobatur. Sunt vero et alia in hac pictura, quae interpretum, praecipue eorum, qui ex arte anatomica lucem conciliare conantes, medicam physicamque peritiam attulerunt ingenia exercent, cum dubii haereant, quam ratione hoc aenigma feliciter soluant. In quo negotium sibi facessuerunt praeter interpretes ad h. l. peculiaribus dissertationibus ex theologis eruditissimus WITSIVS * et SAL. HOTTINGERV S **, ex medicis vero celeberrimus WEDELIVS †, et doctissimus vir, OTTO PHILIPPVS PRAVNIVS, Poliater olim Campidonensis, ex cuius dissertatione elegantissime qua physico-anatomica analysis cap. XII. Ecclesiastis sistitur, vivaeque senii mortisque imago delineatur, et inuentis novis anatomicis illustratur, potiora excerpsit et suis additis exposuit celeberrimus I. IAC. SCHEVCHZERV S ††. Quorum cogitata et diuersas vias, quas ad accendendam obscuro aenigmati lucem, iniuerunt referre, a scopo nostro nimis alienum est. Illud vero omnino monendum e re nostra est, viros doctissimos, qui non exiguam ingenii et eruditionis praestantiam in hoc argumento demonstrant, recentiora inuenta anatomica, quae canae antiquitati ignota, nostris demum temporibus detecta esse, non negant, Salomoni solo allegoriae beneficio fretos tribuere, et ad nostrae ita aetatis ideam vetustissima illa tempora exigere, vnico hoc praeiudicio ductos: nota fuisse Salomoni omnia naturae arcana, et inuenta etiam recentiora, etsi difficultates ipsi sentiant saepe insuperabiles. Inde per vittam auream, siue aureum liquorem, mox cere-

*) Misc. SS. T. II. ex. 6. p. 164 seqq.

**) In Biographia physico-sacra Tig. 1706.

†) Diff. medico-philos. dec. 3. ex. 3.

††) In Phys. S. T. II. p. 1046.

cerebrum, mox vesiculam biliariam, in ictero colore aureo per totum corpus bilem diffundentem; mox vitalem liquorem sanguineam massam, vinculis suis a corpore se sensim soluentem: per hydriam ad fontem fractam mox hepatem, mox atrophiam ex lymphae defectu oriundam, mox ventriculum suo tono destitutum, mox cor ex cisterna chyli sanguinem hauriens; per rotam puteo impositam circulationem sanguinis, vel renes quoque, ductus vrinarios et vesicam; per funiculum argenteum, ductum thoracicum chyliferum ab inuentore Pecquetianum dictum, intelligunt. Erudite quidem et speciose, sed vt verum dicamus, sine ratione admodum probabilis. Vnde enim euincemus, Salomoni regi ista anatomica inuenta ita fuisse nota, vt tam apposite ad recentissimarum obseruationum mentem alluderet? Sensit hanc difficultatem experientissimus PRAVNIVS, eamque tollere hunc in modum conatus est: Regem sapientissimum coelitus omnem rerum naturam edoctum potuisse per sacrificia quotidie de magno numero mactari solita tibi comparare oeconomiae animalis notitiam, et Leuitas ipsos, dum celeri manu operationes suas, alter pontifici sanguinem altari aspergendum afferendo, alter exercitata manu abdomen secando absoluebant, dictarum partium vsum et structuram detegere, certe deglubendo toties ab intestinis et reticulo adipem, motum illorum peristalticum cordis, immo et cursum chyli ad receptaculum, et per ductum ipsum thoracicum obseruare. Quae adducta ratio, an nodum soluat, expendant, qui cogitare non recusant: physicam Salomonis cognitionem coelitus natam, ex male intellecto loco chronici sacri ortam, nullum habere fundamentum; ad sacrificia a sacerdotibus et Leuitis peragenda regem non admissum, tamque operosam et festinam in tot pecudibus mactandis, loco incommodo et alieno, sacerdotum manum fuisse, vt de curiosa partium internarum structura detegenda, quae tot virorum oculatissimorum iterata tentamina toties frustrata est, donec eam successiua diligentia et patientia detegerent, curiosi esse nequiverint: Nec probabile esse, eiusmodi inuenta tot seculorum usu a sacerdotibus corroborata ita potuisse excidere hominum memoriae, vt nullum eorum vestigium hodie super sit. Sensit difficultates has acutissimus SCHEVCHZERS, iisque victus prudentissime pronuntiauit: Nolle se contentionis ferram reciprocare cum illis, qui praetendunt, Salomonem non adeo peritum fuisse anatomicum, cui cognitae fuerint partes maxime reconditae seculo elapso in lucem protractae: comparasse in genere corpus hominis viuens et agonizans cum puteo, qui tamdiu sit vsui, quamdiu rota integra est et mobilis, hydria non rimosa, funes fortes, machinae omnes ad hanc structuram pertinentes partes bene coordinatae, suis functionibus peragendis aptae, sed inutilis rota confracta, cado hiulco, fune disrupto. Quae egregie et ex vero dicta esse, inde confirmamur, quia in allegoriis explicandis omnes circumstantiae nimis premendae non sunt, sed ad scopum tantum metaphorae respiciendum est: qui cum esset Salomoni, senii incommoda et morbos describere, sufficiebat sapientissimo regi partium visibi-

lium, saltem notissimarum machinae humanae defectus allegorico sermonis genere denotare, respectu non habito ad internam et reconditam illam humani corporis dispositionem, quae nudius tertius demum cultri anatomici beneficio detecta est. Id quod sine anatomicorum mysteriorum cognitione fieri potuit. Quae ut prolixius explicare nobile exemplum philosophiae Salomoni frustra assertae afferendum postulauit; ita quam cautos nos esse oporteat, ne nostri temporis eruditionem vetustissimo aevo tribuamus, luculenter docent.

*Philosophia
Danielis.*

§. XIII. Post Salomonem inter sapientes Israël's, qui philosophis accenseri solent, numeratur Daniel, quem liber eius nomine insignitus refert ⁿ, inter eos fuisse, quos rex Babylonis iussit magistrum palatii ex sanguine regio ortos sibi eligere pueros omni vitio carentes, et formosos, et intelligentes in omni sapientia, et peritos scientiarum et tenentes artium principia, quique facultatem haberent in palatio regio ministrandi, docti linguam Chaldaeorum. Cum enim quatuor electi essent, inter quos Daniel principatum duxit, contulit eis Deus facultatem cognoscendi, et intelligentiam in omni literatura, et sapientiam: Danieli praeterea vim exponendi visum et somnia: sic ut non inuenirentur inter omnes eis pares, et reperiret eos rex decuplo excellentiores omnibus magis et sopheris, qui fuerunt in toto eius regno. Ex hoc sacrae historiae testimonio, magnam quatuor viris istis et imprimis Danieli fuisse eruditionem, et institutos non tantum fuisse, sed et profecisse egregie in omni disciplinarum Chaldaicarum studio recte conficitur. Quoniam vero Chaldaeorum eruditionem, ad nostrorum temporum modulum exigunt, professorem philosophiae, omnibus naturae artisque mysteriis ad miraculum excultum ex Daniele exsculpunt viri docti ^o et vetus illud de sapientia Hebraeorum praeiudicium etiam in magni huius viri historiam intrudunt. Ut vero et in huius sapientis historia inoffenso pede incedamus, ea, quae nobis sacer codex de eo narrat, probe tenenda, et ad eius temporis rationes exigenda sunt. Hoc vero certissimo duce facem praeferente, certum est, Daniele inter illos sanctos viros fuisse, qui peculiari immediatae reuelationis beneficio magnum sapientiae coelestis habitum et futurorum quoque cognitionem acceperunt: quo nomine inter prophetas omnino referendus est, etsi liber eius, historiae magis quam vaticinii formam referens inter hagiographa a veteribus Iudaeis relatus sit; qui dum ideo Daniele ex numero sacrorum vatum excludunt, more suo pueriliter nugantur ^p. Porro, prudentia politica

ⁿ) C. I, 4. 17. 18. 19.

^o) HORNIVS Hist. phil. L. V. c. 20. q. 264 seq. qui scholas ab eo institutas philosophiae docendae causa asserit.

^p) Vid. WITSIVS de prophetis L. I. c. 19. §. 18 seq. T. I. Misc. SS. p. 248. HVERTIVS De-

monstr. Eu. Prop. IV. p. m. 278 seqq. H. PRI-
DEAUX Hist. V. T. et Iud. T. I. L. III. p. 164.
et quos nominat GEIERVS proleg. ad Com. in
Daniel. Ipse vero Saluator prophetam nominat
Matth. XXIV, 15. et IOSEPHVS Antiqu. Iud.
L. X. c. 12. unde patet, eo tempore de hac re
non esse dubitarum.

litica in magno Babylonii regis regno non habuisse parem, et ob hanc causam regio consilio praefectum fuisse, quod ita consiliis instruxit, et per longum temporis spatium rexit, ut maxima inde nominis eius inter Chaldaeos atque Medos esset existimatio, magnaue ille apud reges Darium atque Cyrum gratia effloresceret. Addendum et hoc, Daniele prudentia et intelligentia inanes Chaldaeorum magorum et aruspicum artes superasse: Cum enim diuina virtute interpretandi somnia et reuelandi futura polleret, quam nugatores Chaldaei et astrologi affectabant quidem et iactabant, neque tamen possidebant, mirum non est, reges ipsos de infinitis parasangis superante doctrinam Chaldaeorum eruditione Danielis fuisse conuictos. Nec dubium est, cum ad disciplinam regni attemperaretur ingenium eius a magistro palatii, legisse et intellexisse libros Chaldaeorum et magorum, omnemque eruditionis Chaldaicae literaturam tenuisse. Nihil enim horum est, quod non sacris paginis et circumstantiis Danielis ex asse conueniat ¹⁾. Nec magnopere repugnabimus, architectonices peritum fuisse Daniele, eo scilicet gradu, quo tum temporis effloruit; neque enim hoc ab eius charactere et officio quod gessit, magnopere abhorret, etsi Iosepho ²⁾, in his, quae gentis suae gloriam augent, nimis suspecto, non facile fides adhibenda, qui narrat, egregium atque nobile palatium Daniele in arce Susan (vel quod editi codices referunt, Ecbatanae Medorum,) extruisse. Referendus itaque Daniel inter diuinos vates, inter consiliarios prudentia ad miraculum instructos, inter eruditos orientis principes: nihil hoc omne ad philosophiam viri maximi exsculpendam facit, quae ex his omnibus non potest probari, nisi frustra supponas, eruditionem illius temporis nostro aevo fuisse similem. Longe aliam enim sapientiae Chaldaicae tum fuisse faciem, suo loco videbimus. Nec si eam quoque vere philosophicam supponeremus, tribui ea posset Danieli, quoniam ad regias disciplinas, ministerio regis inferuituras manifeste eius institutio restringitur; et ob eam causam rex ipse Daniele et socios examinauisset traditur ³⁾: cetera vero respiciunt ad supernaturalem vaticinandi et somniorum interpretandorum scientiam, qua longissime hariolos et astrologos Daniel superauit. Quae si probe teneamus, facile iudicabimus, quam incerto fundamento et inani nitantur, qui ita de Danielis eruditione differunt, ut nostri aevi encyclopaediam ei tribuant: id quod LIRANVS fecit, qui sapientiam c. I. v. 4. memoratam refert ad philosophiam naturalem, scientiam ad philosophiam rationalem, grammaticam, rhetoricam, logicam; disciplinam ad philosophiam moralem; quem HECTOR PINTVS et CORNELIVS A LAPIDE ⁴⁾ secuti sunt, Aristotelicum disciplinarum philosophicarum circulum Danieli tribuentes. Prouide magis ac probabiliter magnus GROTIUS ⁵⁾, cui sapientia est lex Mosis, scientia monita de moribus re familiari

¹⁾ Conf. BVDDEVS Hist. phil. Ebr. §. 15. H. E. V. T. T. II. Per. II. sect. 5. p. 825 seqq.

²⁾ L. C. PRIDEAUX L. C.

³⁾ C. I. 17.

⁴⁾ ad h. l. conf. GEIER, Comm. ad h. l.

⁵⁾ ad h. l.

miliari et ciuili, disciplina artes metiendi, numerandi et historiae cognitio. Hae enim uti regiae disciplinae sunt, quae ad magnum in ciuili prudentia virum requiruntur, ita inter Chaldaeos tum temporis effloruerunt; etsi hoc quoque ex istis verbis probari nequeat, quae, recte monentibus interpretibus^w, nil nisi eruditionis omnimodam copiam indicant.

*Philosophia
Hebraeorum
expirans.*

§. XIV. Ita Hebraeae gentis sapientes ab ipsis eius originibus ad illud usque tempus considerauimus, quo nomen cum captiuitate Babylonica extinctum est. Duro enim seruitutis iugo pressa Hebraea natio, cum a regibus Assyriae per colonias varie dispergeretur, nunquam in pristinam formam coaluit. Vna enim Iudae tribus, cum parte Ephraimitarum ex septuaginta annorum exilio redux, reliquos, qui Israëlitico sanguine creti ex terris peregrinis ad auitas sedes redierunt, ita iunctos sibi habuit, ut vno Iudaeorum nomine tota postea natio, cuius pars olim hoc tantum nomine insignis erat, comprehenderetur. Et mutata quoque cum reditu populi ingenii morumque atque literarum facies: etsi enim non deerant viri sancti diuinoque lumine collustrati, qui diuiniore literas, genti huic concreditas propagarent, mature tamen prophetiae lumen desiit, studiumque patriae legis corruptum, et alia prorsus facies auitae sapientiae plane dissimilis introducta est. Quae ut ab antiquissimis temporibus, quibus philosophia barbarica comprehendere solet, remotiora sunt, ita melius suo loco, ubi de philosophia Iudaeorum ex instituto agetur, dicentur. Est tamen vir sapiens, ad barbaros omnino referendus, qui cum plerorumque opinione sanguini Hebraeo ortum debuerit, inter Hebraeos philosophos plerumque referri solet.

*Philosophia
Iobi asserta.*

§. XV. Est is Iobus, cuius historia peculiari scripto consignata et in diuinis pandectis nobis conseruata est. Quemadmodum vero incertissimae sunt viri sancti origines, et subobscura tota eius historia^x, ita et libri eius natales certiori historiae luce non collustrantur. Alii enim^y Hebraeae gentis propaginem, et ex primis Abrahami nepotibus fuisse contendunt, alii inter Arabes locum ei faciunt; aliis ante diluuii aetatem vixisse placet, alii ad Babylonicae captiuitatis tempora reiciunt: fuerunt etiam, qui Iobum vnquam extitisse negarent^z, totumque libellum parabolam esse, ad exponenda patientiae inter aduersitates exercendae, et tentationum superandarum praecepta sapienter a quodam reuelatione diuina gaudente viro pio conscriptam assererent. Quae ut definire et lites has componere nostrum non est, ita hoc vnum certum de Iobo existimamus, incerta et obscu-

^w) MALDONATUS, SANCTIVS GEIERVS ad Dan. I, 4. BVDDEVS, H. E. V. T. T. II. p. 866.

^x) Fatente ipso cel. FR. SPANHEMIO in idea H. E. V. T. p. 41. quo tamen nemo diligentior fuit et felicius in accendenda Iobi historiae luce, edita historia Iobi ele-

gantissima Lugd. Bat. 1672.

^y) Vid. quae affert SPANHEMIUS Hist. Iobi c. V seqq.

^z) MANTVANVS de patientia L. II. c. 14. p. m. 74. Opp. ed. Antw. cel. N. VONDER HARD pec. programme hanc opinionem asseruit.

obscura esse omnia. Et haec quoque praecipue causa est, quae cautos libri sapientissimi lectores inducere debuisset, ut, ignari rerum Iobi, in exponendis iis a coniecturis abstinere, et ea tantum traderent, quae literis consignata tempus nobis non inuidit. In alia vero omnia abeunt viri docti, et praecipue Iobum inter philosophos barbaros primi nominis reponunt. Varias vero huius asserti rationes afferri videas. Qui enim generali ratione virum sanctum philosophorum choris immiscet, hoc potissimum argumento utuntur, quod is inter Arabes principem locum fuerit tuitus, magnumque nomen adeptus sit^a. Supponunt enim viri docti, qui ea asserunt, inter vetustissimos Arabas viguisse eximiam philosophiae culturam. Alii ad historiam de eo conscriptam prouocant, in qua specimina non tantum philosophiae deprehendunt plurima, sed et testimonia haud vulgaria: putant enim, ei non tantum sapientiam philosophicam tribui, sed scholas quoque philosophicas, quas primus aperuerit^b. Inde encomia ei tributa, insignis philosophiae doctoris, cui neque antiquior, neque doctior, neque sublimior ex tota antiquitate opponi potest^c: philosophi profundi ac acuti, et quae aliae laudes sunt, quibus maectatus fuit. Inde dictum scriptumque de philosophia Iobi; inde commentariis eius lux accensa philosophica^d. Aequum itaque est, ut rationes quoque audiamus, quibus Iobum inter philosophos referendum esse statuunt viri eruditi. Hic vero dialectica primas tenet. Eius enim ita peritum Iobum fuisse contendunt, ut non tantum artificiali disputandi methodo cognatos eruduerit; sed cum his postea quoque in arenam descendantibus felicissimis et doctissimis congressibus conflixerit; cumque perpetuis paralogismis luserint, eos egregie conuicerit. Amicos fuisse oppositores, ipsum autem respondentem. Quod disputandi genus Iobum reperisse, AMBROSIO^e iam placuit, immo, HIERONYMO^f iudice, omnes leges dialecticae Iobus propositione, assumptione, conclusione determinat, quin et rationem soluendi vitiosa argumenta ostendit. Quae opinio tanta est, tamque certa apud CASSIODORVM, ut hanc potissimum dialecticae artis originem magna fiducia profanis contemtoribus opponat. Ait enim^g: *Vbi sunt, qui dicunt artem dialecticam a scripturis sanctissimis initium non cepisse? singula in Iobo plena sunt aenigmatibus, propositionibus, et quaestionibus sacris.* Hos ex recentioribus plurimi secuti sunt, inter quos RAPH. VOLATERRANVS^h quatuor disputandi genera in Iobi libro detexisse sibi visus

a) SPANHEMIUS l. c. c. IV. §. 16. p. 124. Illustris LVDEWIGIVS diff. de phil. rat. inter Arabes et Turcas §. V. p. 14.

b) HORNIVS Hist. philos. L. V. c. 9. p. 284 seq.

c) Ibid. TH. GALEVS Phil. gen. L. I. c. I. §. 9. p. 23.

d) B. MAIVS diff. de philos. Iobi disp. Sel. T. I. n. 9. conf. SERPILLI personalia Iobi P. VII. Pers. Scr. biblic. p. 381 seqq.

e) de officiis L. I. c. 12.

f) ad Paulin.

g) Diuin. Lect. c. VI. p. m. 452.

h) Anthropolog. L. X. p. 370.

vifus est dialecticum, quod ex probabilibus procedit, fophifticum ex apparentibus; tentatiuum, multis quaefitionibus et interrogationibus conftans, et demonftratiuum, quod veritatem, quaefitionem definiendo, demonftrat. Alios, ne nimii fimus, tacemus. Nec dialecticum folum, verum etiam phyficum confummatum fuiſſe, libri Iobi, ſi veros eruditiffimos audis, teftatur argumentum. Quod magni VERVLAMII verbisⁱ⁾ potiffimum enarrare placet, quia is non tantum omnia concinne breuiterque complexus eſt, ſed et magna merito viri de philoſophia naturali immortaliter meriti eſt auctoritas. Ita vero: Si quis eximium illum Iobi librum diligenter euoluerit, plenum eum et tanquam grauidum naturalis philoſophiae myſteriis deprehendet. Exempli gratia, circa coſmographiam et rotunditatem terrae, illo loco: qui extendit aquilonem ſuperuacuum, et appendit terram ſuper nihilum. Vbi penſilis terra, polus arcticus, et coeli conuexitas in extimis, haud obſcure inſnuantur. Rurſus circa aſtronomiam et aſteriſmos, illis verbis: Spiritus eius ornauit coelos, et obſetricante manu eius eduſtus eſt coluber tortuoſus. Et alio loco: nunquid coniungere valebis micantes ſtellas pleiadas, aut gyrum arcturi poteris diſſipare? ubi immota configuratio ſtellarum fixarum paribus interuallis ſemper inter ſe diſtantium, elegantiffime deſcribitur. Idem alio loco, qui facit arcturum, et oriona, et hyadas, et interiora aſtri. Vbi iterum innuit depreſſionem antarctici poli, eamque deſignat nomine interiorum aſtri, quia aſtrales ſtellae noſtro hemiſphaerio non cernuntur. Circa generationem animalium: Annon ſicut lac mulſiſti me, et ſicut caſeum coagulaſti me. Circa rem metallicam, habet argentum venarum ſuarum principia, et auro locus eſt, in quo conſtat: ſerum de terra tollitur, et lapis ſolutus calore in aes vertitur. Haecenus Verulamius. Poteramus haec inſigniter augere, et loca plurima libri Iobiani indicare, in quibus luculenta phyſicarum rerum cognitionis veſtigia ſibi deprehendiſſe videntur naturae ſcrutatores diligentes: ſed inſtituti ratio obſtat; dabit tamen qui haec accuratius noſſe, et elegantiffima rerum naturalium eruditione illuſtrata legere cupit, diligentiffimus naturae interpres Io. IACOBVS SCHEVCHZERVVS multa egregia. Ille enim peculiari libro vernacula edito, *Iobi phyſicam ſacram*^{l)} ita enarrauit, et quae ad hanc philoſophiae partem in iſto libro reſpicere ſibi videbantur, adductis recentiffimis *ἐνρήμασιν* copioſe atque docte expoſuit, vt probaret Iobi librum recte nuncupari ſcholam phyſicam, immo theologiae naturalis compendium. Quae poſtea omnia tere ſplendidiffimo *phyſicae ſacrae* operi^{m)} inferuit, et elegantiffimis ſchematicis aeri incifis illuſtrauit. Phyſicae ſcientiae quoque aliqui chiromantiam adii- ciunt, eiusque patronum Iobum fuiſſe contenduntⁿ⁾. Tandem ſcepticae phi-

i) Vid. HORNIVS l. c. p. 284. STAN-
LEIVS Hiſt. phil. orient. L. III. c. 2. p. 1171.
ed. Olearii.

l) de Augm. ſcient. L. I. p. m. 59. T. I. opp.

l) Hiobs Natur-Lehre Tigur. 1721.

m) T. II. p. 656 ſeqq.

n) Vid. HORNIVS l. c. p. 285.

philosophandi rationis quoque Iobum esse asieclam omnium antiquissimum nonnullis visum est °, quippe qui vexatissimum problema: an et quare Deus viris bonis aliquid mali euenire patiatur, disputatione publica discussit: nec posse dici aliquid magis scepticum, quam cum ait °: *Sapientiam et scientiam non reperiri in terra viuentium, eamque occultam esse ab oculis viuentium etc.*

§. XVI. Et si vero omnia haec satis speciose dicuntur, et ornantur quo- *Iobi philoso-*
que haud proletaria eruditionis specie, assensum quoque scriptorum nobi- *phia negata.*
lissimorum naeta sunt: attamen, si ad regulas illas criticas, quibus prouidum cautumque historiae philosophicae cultorem supra munuimus, attendatur, comparata sunt, vt assensum iis dare, Iobumque philosophorum vetustissimorum numero addere, immo principem facere, a nobis impetrare non queamus. Quae vt veritatis historicae studio, et antiquitatis praeiudicium eiuranti probemus, praemonendum est: incertum esse, an Iobus ipse hunc librum conscripserit, nec ne? nolumus quidem hic referre argumenta, quibus viri acuti ° demonstrare satagunt, serius multo, quam ipse Iobus vixit, librum hunc exaratum esse, et conscriptum ab aliquo, qui commentarios aliquos a Iobi amicis editos ad manus habuit: quem tamen virum Θεόπνευστον fuisse nemo dubitat, qui sacrum canonem admittit; siue is Moses, siue Salomo siue alius fuit, quorum prius H V E T I V S °, posterius H A R D V I N V S ° defendit, incertum et improbabile vtrumque est: illud tamen notari et expendi meretur, esse locutiones aliquas et circumstantias quoque, quae recentius tempus sapiunt, quam quod viri docti Iobo constituunt: inter quas nomina quoque ista, quae stellarum configurationibus imponuntur, non inepte retuleris. Haec si iungantur incertitudini et obscuritati, quae in tota historia Iobi explicanda se exhibet, mirandum est, viros nec obesae naris, nec antiquissimorum temporum ignaros tam confidenter potuisse de philosophia Iobi definire, et recentiorum temporum inuenta, viro diuino sine haesitantia adscribere, leuissimis quibusdam probabilitatis vestigiis ductos, et illis locis persuasos, in quibus libri scriptor, veteri historia, quam quidem negari non posse putamus, ad consignandum diuino ductu librum optimum, vsus, se ad temporis sui eruditionem attemperauit. Et hinc potissimam rationem desumendam esse censemus, cur ad astronomica quaedam atque physica auctor digitum intendat, quae ista aetate, qua Iobus vixisse his viris doctis, ex quorum ὡς Θεός iam disputamus, videtur, ista quidem ratione modoque incognita fuere °. Deinde quam obscurus difficilisque liber sit, quasque tenebras Arabicae linguae vestigia, et dictio poetica in hoc libro passim obuia interpretibus obiiciant, sacrarum

N 2

lin-

o) Ven. I. FR. REIMMANNVS Obs. Hal. Lat. T. VIII. obs. XIII. §. 3. p. 332.

DEVS Hist. phil. Ebr. §. 10.

p) C. XXVIII, 12. 13.

r) Demonstr. Euang. Prop. IV. p. m. 226.

q) WITSIVS Miscell. S. L. I. c. 16. §. 28.

s) In Chronolog. V. T. p. 533. conf. SERPIS

pag. 176. SPANHEMIVS l. c. c. 16. BVD-

LIVS l. c. c. 1. et c. 7.

t) Conf. Acta philos. Vol. II. p. 54.

linguarum peritis abunde notum est; unde, quando viri docti recentioris philosophiae placita in eo inuenire contendunt, prius attendendum illis est, ea, quae ibi se videre credunt, reuera ita indicata esse, ut dubium nullum sit, non aliud intendisse et significauisse scriptorem sacrum *. Immo et hoc praemonendum, scopum viri Θεοπνεύσε, quisquis etiam librum conscripserit, minime fuisse, ut philosophiae vel rationalis vel naturalis mysteria panderet, sed ut nobilissimo argumento, difficillimum problema, cur et quomodo bonis viris mala accidant, illustraret, et vias diuinae sapientiae in tentandis, purgandis et erigendis piorum animis exponeret †. Cui fini consequendo cum argumenta a natura petita adhibenda essent, quid quaeso opus erat scriptori sacro ad arcana ista naturae obscurissima respicere, vel philosophiae quoque rationalis specimina dialogistica methodo tractare? His praemissis ad ea quae pro philosophia Iobi afferenda viri eruditi afferunt, facile responderi potest. Quod enim a loco, ubi habitauit Iobus, desumitur argumentum, ficulneum prorsus est. Nam non incertissimum tantum est, an Vz illa, qua habitauit Iobus, Arabiae regio sit? sed et ipsorum Arabum testimonio ‡ constat, gentem hanc ante Islamismum, Muhamedisque tempora seuerioribus disciplinis caruisse, ut suo loco ex instituto demonstrabitur: committuntque circulum qui Arabicae philosophiae antiquitatem Iobi exemplo incrustant, et ex illa tamen Iobi philosophiam probant. Quando vero Eliphasi Themanitae ad Iobum allocutio: erudiuisti multos §, ita explicatur, ut philosophicas scholas Iobus habuisse dicatur, meram id sapit δδλείαν τῆς ὑποθέσεως; frustra enim id, de quo quaeritur, supponitur, edoctum fuisse philosophiam Iobum, immo ipso textu refragante, qui longe aliam erudiendi methodum fuisse sanctissimo viro asserit; additur enim: *confirmasti manus remissas, labentem erexerunt tui sermones, et genua procumbentia roborauisti*: quibus verbis sollicita viri diuini diligentia in consolandis erigendisque tentatis et afflictis exponitur. Nec certiora sunt aut firmiora, quae pro dialectica Iobi afferuntur; quae enim, quaeso consequentiae vis et demonstratio: dialogi afferuntur in libro Iobi, argumentantur collocutores, obiciunt, respondent, refutant, demonstrant, ergo artis dialecticae non tantum regulas didicerunt, sed eius antiquissimi quoque doctores fuerunt. Quae concludendi ratio si admittenda est, omnes omnino scriptores inter philosophos rationales numerandi sunt, qui vnquam de rebus quas tractandas susceperunt, in scriptis suis ratiocinati sunt: immo eo vsque augendus logicorum philosophorum numerus, ut quicunque rationis naturalibus principiis et ingenii ἐφύιας sub-

*) Haec laudatissimi SCHEVCHZERI physicam sacram percurrenti multis exemplis plana fient, illi enim varias nominum interpretationes afferre non neglexit.

†) Unde et generale contra philosophiam Iobi argumentum necesse potest, habuisse Iobum quae

sciuit ex diuina reuelatione, et ita numero philosophorum esse eximendum.

§) ABULPHARAIUS Histor. Dyn. IX. p. 101.

*) Cap. IV, 3.

sidiis instructus bene et consequenti modo ratiocinari potest, dialecticus dicendus sit, etsi regulas logicas nunquam didicerit. Scilicet confundunt viri docti rationis vsum et exercitium naturale cum artificiali philosophiae rationalis cultura, et ab ista ad hanc perperam concludunt. Id quod veteribus ecclesiae doctoribus facile condonari potest, quos inadaequatos immo falsos de philosophia conceptus habuisse, et propter causam suam, quam tuebantur, omnes philosophiae origines ad viros sanctos ecclesiae patriarchalis rapuisse, suo loco demonstrabitur: in recentioribus vero, ab hoc praeiudicio liberis ferri vix potest. Et eadem quoque de naturali scientia Iobi dici possunt. Non negamus vulgarem aliquam astronomiae, immo etiam rerum naturae cognitionem, in isto libro deprehendi: verum plus vident viri doctissimi, quam alii isto praeiudicio, esse librum Iobi perfectissimam physicam sacram, non occupati videre possunt. Nam quae ipsis auctoris verbis indicantur, ita comparata sunt, ut ab iis, qui leuiter ad res coeli et terrae attendunt, sine speculatione physica vel astronomica, facile cognosci queant; qualia illa esse, quae Verulamius aassert, nemo non videt. Nec melius huius rei atque apertius signum, quam dissensus interpretum in explicandis iis locis, quibus recentissima physices inuenta comprehendendi somniant. Id quod ipse doctissimus SCHEVCHZERVUS candidè fatetur ^a; *non esse mirum, hic ut alibi dissentire in interpretanda physica Iobi sacra commentatores, esse enim stilum pietissimi viri laconicum simul et meteoricum*: cuius ipse hoc loco luculentum exemplum exhibet. Vnde miramur, virum acutum eo tamen prolapsum, ut quaecunque recentiorum placita verbis Iobi accommodari quocunque modo posse cerneret ^b, ibi magnum philosophum inueniret: Quam incertam interpretandi rationem haud semel ipse prodidit, quando suam interpretationem ita orditur: *intelligi per hoc potest; videtur Iobus ostensurus; haec ex communi interpretatione significant, et quae his sunt similia*; et tamen in egregio hoc physicae Iobi sacrae commentario ita lobum differentem de natura introduci videas, ac si in Galilaei, Cartesii, Newtoni, et maximorum aliorum nostrae aetatis naturae interpretum scholis edoctus fuisset. Quae interpretandi ratio, etsi ad meditandam DEI magnificentiam illustratis naturae operibus ex detectis eius recentissima aetate mysteriis, plurimum valet, ad mentem tamen scriptoris assequendam parum efficit, et manifestò laborat vitio illatae textui sacro lucis, et adscriptae sententiae, quam interpretes habuit. Cuius qui luculentum exemplum cupit, et quam incerta sit ratio, nostrae aetatis lumina textui Iobiano inferendi, legat modo, lector praeiudicio non praepeditus, quae pro generationis humanae modo c. X, 8-12. descripto exponendo ex recentissimorum anatomicorum observationibus, doctissime quidem et eleganter, sed, si quid iudicamus, praeter rem afferuntur ^c. Quae vero de chiromantia Iobi co-

N 3

gnita


^a) Physicae S. T. II. p. 673.

interpretum coniecturis.

^b) Facetur ipse l. c. p. 811. subsistendum esse vel in traditionibus vel eruditissimorum in-^c) SCHEVCHZERVUS Physicae S. Tom. II. p. 680 seq.

gnita dicuntur, vti male intellectis verbis sacri scriptoris nituntur, ita leuissima sunt, et leuissimae artis, philosophiae nomine indignae amatoribus relinquenda. Nec quae pro scepticismo Iobi afferuntur, valida sunt, immo ex ipsa forte clarissimi auctoris mente, non de tali scepticismo, qui in philosophia considerari solet, intelligenda. Loquitur enim scriptor *Θεόπνευστος* de sapientiae origine a solo Deo oriunda et in solo Deo habitante, adeoque de scientia diuina, quam Iobus demonstrat in terris non posse detegi satis atque peruestigari: Vnde capitis vigesimi octauo initio, sapientiae humanae in detegendis terrenis industriam exponit, ei vero versiculo duodecimo arcanam Dei in regenda et conseruanda ecclesia sua et probanda ea sub afflictione sapientiam ad retundendam oblocutionem amicorum suorum opponit ^a. Quae omnia ad scepticismum Iobi demonstrandum nihil faciunt. His prolixius immorari necesse fuit, quoniam non speciosum magis argumentum habent philosophiae patriarchalis architecti, quam quod a Iobi philosophia desumunt, quam vero fundamento destitutam esse satis luculenter, nisi fallimur, demonstratum est.

^a) Conf. I. G. PASCHE de variis modis trad. moralia p. 704.



CAPVT SECVNDVM.

DE PHILOSOPHIA CHALDAEORVM.

§. I.

*Philosophia
Chaldaeorum
antiquissima.*

Post Hebraeos, quorum philosophiam, siue sapientiam potius, attento haecenus perlustrauius oculo, inter orientis nationes, Chaldaeorum gens omnium occurrit antiquissima, apud quam eruditionis illud genus floruit, quod philosophiae nomen, si significatio nimis non premitur, sibi arrogauit. Etsi enim Aegyptii cum Chaldaeis de antiquitate certabant ^a, et Chaldaeam coloniam esse Aegyptiacam contendebant, hincque se parentes quoque et magistros esse omnis eruditionis, cuius fama Chaldaei emicabant, iactabant, veterum tamen testimoniis ^b et originibus, quoque antiquissimarum gentium consentientibus, regnum Babylonicum, cuius pars Chaldaea fuit, ante Aegypti monarchiam effloruit, et eruditionis aliquid a Chaldaeis ad Aegyptios transiit, certe vtraque gens in ea excolenda, propriis magi-

^a) Stolidi Aegyptiorum commenta et contentiones recitat POMPONIVS MELA de situ orbis L. I. c. 9. p. m. 21. ed. Gronou. PLINIUS Hist. nat. L. V. c. 9. Ex recentioribus HEURNIVS de philos. barb. L. II. c. 13. p. 196. VRSINVS de Zoroastre, Mercurio, et Sanchuniatone Ex. II. sect. 2. p. 80 seqq.

^b) Contrarium euincere conatus est cel. CAMP. VITRINGA ad Ies. XLVII, 12. T. II. p. 623. sed rationes veram *ὑπόθεσιν* sapiunt, Babylonios fuisse coloniam Aegyptiorum, certe Cuschitas siue Arabas Aegypto vicinos, unde sua hauserint. conf. PERIZON. orig. Bab. c. V. p. 5. 6.

magistris vsa est, vt ita Chaldaei Aegyptiis nihil debeant^c. Antiquissimam itaque sapientiae culturam apud Chaldaeos fuisse, non est, quod dubitemus. Fabulosa quidem sunt, et non admittenda quae Chaldaicae sapientiae doctores de antiquitate sua iactarunt. Cum enim Alexander M. victo Dario, Babylone esset potitus, rogauit Aristoteles^d, expeditione Asiatica ad promouenda philosophiae studia vsurus, Callisthenem, qui Alexandrum sequebatur, vt de antiquitate Chaldaicae sapientiae certiora ipsum edoceret. Tum vero Chaldaei contendebant, ab initiis obseruatorum siderum ad captam Babylona fluxisse annos 470000^e. Callisthenes vero Alexandri fauore vsus, ad Aristotelem obseruationes misit Babylone repertas, per nongentorum atque trium annorum supra mille decursum factas. Quae si ab anno Iulianae periodi 4383. quo capta ab Alexandro vrbs Babylon est, retrogrediendo numerantur, in annum incidunt periodi Iulianae 2480. Neque tamen huic tempori, quod ad diluuii fere aetatem assurgit^f, fides sua constat. Obseruatum enim viris doctis est^g, nihil esse in Chaldaica astronomia antiquius aera Nabuchodonosoris, quae incipit demum anno 3967. periodi Iulianae, et ab hac aera Chaldaeos suas obseruationes computauisse, qua si antiquiores vllas habuissent, vix fieri potuisse, vt earum non meminisset Ptolomaeus^h, a quo prima memorata obseruatio incidit in annum primum Merdochai Babyloniae regis, qui est aerae Nabonassareae vigesimus septimus. Quam inuictam difficultatem non tollunt, quae ex Sothica periodo forte a Chaldaeis adhibita afferuntur: nam nec ita tempus coinciditⁱ. Vnde vel obseruationum antiquitatem a Chaldaeis praetensam falsam vel Porphyrii, illa referentis fidem sublestat esse oportet^j. Nec tacendum, Epigenem^k apud Babylonios annorum tantum 720. obseruationes siderum coctilibus laterculis fuisse inscriptas, docuisse, qui minimum vero, Berosum et Critodemum, 480. annorum. Quare merito Chaldaei ridendi sunt, qui tot annorum myriadas obseruationibus suis tribuunt. Recteque iam olim LACTANTIVS dixit^l, eos, afferentes quadraginta septu-

c) Id quod Aegyptiorum et Chaldaeorum historiam percurrenti luculenter patebit: conferendus vero DIODORVS SICVLVS L. II.

d) Refert haec PORPHYRIVS apud SIMPLICIUM Comm. in L. II. Arist. de coelo p. 123. ed. Par. 1544.

e) CICERO de diuinatione L. I. LACTANTIVS Inst. diu. L. VII. c. 14.

f) Diluuium in annum P. I. 2365 posito.

g) MERSENNE Qq. in Gen. V, 1. p. 444. MARSHAM. Canon. chron. L. IV. sec. XVII. p. 504. Addatur praeter chronologos STANLEYVS Hist. phil. or. P. I. c. I. p. III. Hist. phil.

h) L. IV. c. 6. 7.

i) Conf. CLERICVS Indic. philolog. in Hist. phil. orient. Stanley voce Sothicus.

j) Posterius placet DODWELLO Append. ad Cyprian. dissert. §. 23. et VITRINGAE ad Iesaiam XLVII, 12. T. II. p. 624.

k) Apud, PLINIUM L. VII. c. 56. conf. cel. LAMIUS de SS. Trinit. L. I. c. 2. p. 5. Etsi vero magnopere contendere nolumus locum PLINII esse corruptum in numeris, quod asserit cl. IAC. PERIZONIUS Orig. Babylon. c. I. p. 9. cum et DIODORVS maiorem numerum indicet; pater tamen, male cohaerere Chaldaeorum traditiones de antiquitate sua, et quod ipse iam vidit Diodorus, minime esse credibiles conf. IO. FRID. SCHROEER Imper. Babylon. et Nini Sect. I. §. 3. p. 16 seqq.

l) Inst. diu. L. VII. c. 13.

septuaginta millia annorum monumentis comprehensa se habere, delirare; et quia in eo se non posse argui putauerint, liberum sibi credidisse, mentiri. His itaque nugis etli fidem dare non licet^{m)}, antiquitas tamen eruditionis Chaldaicae negari nequit. Danielis enim tempore adulta iam aetate fuisse, ex historia viri in Chaldaica eruditione optime instituti discitur: et ARISTOTELE antiquorum monumentorum fide edocto testeⁿ⁾, Aegyptiis antiquiores sunt magi. Illi vero cum Mosis tempore admodum eruditionem suam excoluerint, Chaldaeorum eruditio supra Mosis aetatem euehenda est. Et certiora etiam de antiquitate philosophiae Chaldaicae, qua voce vniuersa gentis eruditio comprehendenda est, nisi omnem de eorum philosophia tractationem ex historia philosophica eiicere volumus, statui forte possent, si, quae de Belo, et Zoroastre traduntur, dubiis non essent subiecta plurimis, vt post haec videbimus: vnde sufficit obseruasse, non esse gentem in hac nostra historia Chaldaeis antiquiorem, etli certas ei origines assignare nequeamus. Chaldaicae vero philosophiae historiam dum pandimus, specialiori significatione vocem, Chaldaea, sumimus, qua regio est Babylonici regni. Referente enim STRABONE^{o)}, separatim attributa est in Babylonia habitatio philosophis indigenis, qui Chaldaei vocantur: Est autem et quaedam tribus Chaldaeorum, et regio Babyloniae, ab illis culta vicina et Arabibus et mari, quod Persicum appellatur. Et haec ratio est, cur philosophia Chaldaica a Persica et Arabica distinguenda sit.

*Difficultates
in historia
phil. Chaldaicae.*

§. II. Quemadmodum vero, quo antiquior est historia, eo obscurior atque incertior esse solet; ita etiam cum historia philosophiae Chaldaeorum comparatum est. Gens enim antiquissima adeo remota est a temporibus istis, quibus res humani generis in acta relata sunt, vt vel sola vetustas, monumentis, vnde hauriri debet notitia de philosophia Chaldaeorum, longae maior, causam incertitudinis excitare queat apud prouidum et cum cautione in ea re versantem animum. Nec quae porro nobis supersunt monumenta, ex ipsius gentis actis hausta sunt, vel ab ipsis Chaldaeis profecta, sed alienis nationibus maxime Graecis, debentur, quorum ingenium ad orientalem istam eruditionem non satis aptum fuit, et animus pessima consuetudine exterorum placita cum suis comparandi praecoccupatus, et fides in referendis exterorum rebus saepissime vacillans. Etli enim ista natio a Berofo res Chaldaicas edocta dicitur, quod in sequentibus monebitur, nec eius tamen scripta supersunt, nec fragmenta talia, vt ex iis veritati pro-

^{m)} Ridendus itaque ISAACVS PEYRERIVS, qui in System. Praeadamitico insulso hoc commento, ad in crustandam Praeadamitarum fabulam vsus est, L. III. c. X. p. 173. insulsius in eo, quod Abrahamum perfectum astrologum fuisse putat. Nec audiendus HEYRNIVS, qui Orig. phil. barb. L. I.

p. 22. putat, annos lunares intelligendos, qui retrograda computatione numerati in ipsum initium mundi punctistitium incident.

ⁿ⁾ apud LAERT. L. I. c. 8.

^{o)} Lib. XV. p. 508. conf. CLERICVS l.c. v. Chaldaea.

propiora de disciplina Chaldaica disci queant. Accedit arcana docendi ratio, qua vti eruditi Chaldaeorum, intra familias suas placitorum suorum mysteria seruabant, nec ad populum aliter, nisi symbolica methodo vti, ex more totius fere orientis loquebantur. Vnde quae ad nos dimanarunt, non tam certa docentium fide et traditione, quam meris iisque saepe leuissimis multisque praeiudiciis fultis coniecturis nituntur. Inde tot contradictiones, tamque incerta de rebus et doctrina Chaldaeorum traditio, tanta obscuritas, vt in his tenebris palpandum magis, quam recte incedendum sit. Accessit vero alia eaque perniciosior pestis. Efflorescente enim circa tempora nati Saluatoris certo quodam philosophorum orientalium genere, mira ingenti prurientis et lasciuientis, vt sunt Asiae incolae, somnia protrudente, accidit, vt leuissimi simul atque audacissimi homines, quo auctoritatem sibi suisque placitis circa res diuinas maxime versantibus, conciliarent, ea pro vetustissimae sapientiae reliquiis venderent, et Chaldaeorum atque Persarum philosophiam esse magna fiducia mentirentur. Cui rei a Zoroastris, quem auctorem orientalis philosophiae apud Chaldaeos et Persas excultae, vel, si mauis, theologiae ferri in sequentibus audiemus, fama auctoritatem conciliaturi, libros excogitabant, sub huius aliorumque etiam philosophorum Chaldaicorum nomine in vulgus sparfos, et pro genuinis foetibus extrusos, quibus nugas suas incautis propinabant pro Zoroastris, Chaldaicis, Persicis antiquissimis doctrinis. Id e re sua esse ratum aliud philosophorum genus, quod Aegyptum patriam habuit, et Pythagorae atque Platonis placita stultissimo consilio cum omnis generis dogmatibus conciliare studuit, dum antiquitatis canitiem, venerationem suis philosophum conciliaturam sectatur, istos quidem philosophos orientales spurios oppugnauit et reiecit, illis tamen non melius suam philosophiam Chaldaeis atque Persis supposuit; paremque in fingendo et supponendo audaciam exercuit. Inde factum est, vt, cum illorum deliria, qui philosophiam orientalem iactabant, inter placita haereticorum caput efferrent; horumque nugae qui syncretisticam istam philosophiam excolebant, successione doctrinali in cathedris Alexandrinorum et Atheniensium propagarentur, maloque euentu etiam in ecclesiam introducerentur, plena ubique Chaldaicorum et orientalium placitorum essent omnia, licet paucissima genuina fuerint, et ab ipsis antiquorum Chaldaeorum doctoribus profecta. Id quod mire turbat historiam philosophiae Chaldaicae, et, si fatendum, quod res est, eam ad liquidam certamque notitiam perducere non permittit. Nec recentiorum quoque diligentia plus lucis huic historiae philosophicae parti illatum est. Vel enim ad difficultates non attendunt, et veteribus sine examine critico fidem adhibent, vel suppositis libris et testi-

moniis

p) Id suo loco prolixius probabitur, conferratur interim PORPHYR. in vita Plotini c. 16. p. 118. ed. Fabricii.

q) Vid. PLOTINVS contra Gnosticos.

Hist. philos. Tom. I.

r) Et hoc quoque latissime probabitur, vbi horum hominum historiam, quae maximam partem historiae philosophiae gentilis sub Monarchia Romana occupat, explicabimus.

moniis eorum, qui ex haereticis, patribus et eclecticis philosophis Chaldaica et Zoroastrea crepuerunt, decepti nugae recentiores pro vetustissimis doctrinis recipiunt: vel Arabum tandem recentiorum fide vti, qui domesticos thesauros ex cana antiquitate sibi superstites esse gloriati sunt, ea proferunt, quae fallacissimae et nugacissimae nationis imposturam perspicienti fidem extorquere nequeunt. Facile itaque, quid de OTTONE HEURNIO, CHRISTIANO KORTHOLTO aliisque viris doctis, qui in hoc stadio cucurrerunt, expectandum sit, iudicari ex dictis potest. Nos itaque certam prouidamque historiam rationis philosophandi secuturi, certiora non promitemus, nec admittemus quoque, quam quae testium fides permittit: nec coniecturas pro demonstrationibus, qui malus quorundam mos est, venditabimus.

*Chaldaeorum
philosophia
quae fuerit?*

§. III. Fidem vero sacrorum oraculorum, quae de Chaldaeorum rebus nobis certissima narrant, tum veterum quoque scriptorum secuti, de Chaldaeis sequentia discimus:

*Religio vel
potius super-
stitio.*

I. Philosophos Chaldaeos fuisse gentis quoque Babyloniae sacerdotes, qui populum de rebus diuinis docebant, legesque ceremoniarum, fas sacrorum, ius religionum interpretabantur^w, idemque fere praestabant, quod Magi apud Persas, vnde Chaldaei et Magi plerumque coniunguntur^x, et a multis quoque confunduntur. In quo imprimis peccarunt Graeci historici, qui ad antiquissimorum Babyloniorum tempora non satis attendentes, statum theologiae et philosophiae gentis huius secundum ea potissimum tempora nobis enarrarunt, quibus sub Persarum imperium natio concessit^y. Tum enim Chaldaeis Magi additi, vtrique tamen hominum generi sua peculiariora munera credita sunt. Sed de Magis suo loco dicendum est: nos hic Chaldaeos sectantes in variis potissimum cultus diuini religionibus, voluntateque Deorum explicanda, eos sedulos fuisse colligimus, adeoque non tam ad philosophorum choros, quam sacerdotum cateruam referendos esse iudicamus. Inde magna eorum fama atque existimatio, adeo ut sapien-

s) Hanc potissimum viam ingrediendam sibi rati sunt, viri celeberrimi et in Arabum scriptis versatissimi, EDVARDVS POCOCKIUS et THOMAS HYDE, quos alii ex nostratibus secuti sunt.

r) Cuius libellus rarus titulo: Antiquitatum philosophiae barbaricae prodiit Lugd. Bat. 1600. 12. multaue erudite cumulat, sed sine iudicio, sine ordine, sine perspicuitate.

u) Cuius tr. de origine, progressu et antiquitate philosophiae barbaricae lucem vidit leuinae 1660. 4. Heurnianis lucubrationibus non melior. conf. GYNDLING Hist. phil. mor. c. I. §. 3. p. 15. Act. phil. Vol. II. p. 175.

w) Diserte hoc testatur DIODORVS SICVLVS L. II. p. 81. ιερείας Βαβυλωνίων.

καλῶσι Χαλδαίους. additque, eum locum in Republica sua obtinuisse, quem in Aegypto sacerdotes.

x) SOTION apud LAERT. L. V. f. 6. APVLEIUS in Apolog. p. in. 204. ed. Scriuer. PLATO in Alcibiad. I.

y) Eleganter hoc obseruauerunt, eruditissimi viri ADAM TRIBBECHOVIUS de philosoph. morali inter barbaros c. IV. p. 33. et ISAAC DE BEAUSOBRE Hist. de manicheisme L. I. ch. 4. T. I. p. 317. Chaldaei enim imagines diuinas colebant, Magi nullas habebant. Constituta tamen sub Persarum imperio Monarchia, iuncti Chaldaei magis, vnde veteres Chaldaei a iunioribus distinguendi sunt.

pietissimi circa religionem cultumque Deorum inter omnes gentes haberentur. Id quod probat oraculum vetus a IUSTINO ² et EVSEBIO ³ relatum, his verbis:

Μῆνοι Χαλδαῖοι σοφίην λάχον ἢ δ' αἶρ ἐβραῖοι

Αὐτογένητον ἀνακτα σεβάζοντες θεὸν αἰγιῶς.

Soli Chaldaei sapientiam sortiti sunt, et Hebraei,

Pure colentes Deum regem per se genitum.

Quod si vero ipsa Chaldaeorum religio consideretur, vanissimis superstitionibus corrupta, et abominanda idololatria plena apparebit. Id nos sacrae literae docent ⁴, quae Abrahamum ideo ex Chaldaea euocatum referunt, quem ante hanc vocationem superstitionibus patriis corruptum, et diuina demum vocatione his sordibus ereptum nonnulli ⁵ contendunt. Illud certum est, Chaldaeorum religionem, Arabum superstitionibus maxime affinem fuisse ⁶ siue Arabum colonia fuerint, quod quibusdam placet ⁷, siue inde sua petierunt, hosque opinionum de rebus diuinis auctores habuerint: Arabum vero vetustissimorum, de diuinis sententias superstitione et idololatria omnes fere nationes superasse, suo loco probabitur. Ex his vero facile colligi potest, quae eruditionis, vel si mauis, sapientiae ratio apud hos homines fuerit. Antiquissima enim gentium vetustissimarum historia edocemur, sacerdotes, pontifices, cultusque diuini ministros, apud Assyrios, Persas, Aegyptios, Arabes, Aethiopas, immo apud Gallos quoque, Britannos, Germanos atque Scythas, nec non apud Hetruscos fuisse homines callidissimos, qui religione ad nutum imperantis utebantur, ad ducendam plebem, quo ille vellet; eos itaque publicae deceptionis et imposturarum sacrarum auctores merito nominaueris ⁸. Nec putamus haec adeo ignorata esse lectori, vt operose ex omnium gentium historia res notissima probari opus habeat. Nos instituti memores de Chaldaeis haec recte dici, inde probamus, quod DIODORO SICULO referente ⁹, diuinatione futura praedicere, ac auguriis sacris, et incantationibus mala auertere ab hominibus et bona afferre, auguria insuper somniaque et prodigia interpretari consueuerint. Cuius exempla passim in historia sacra et profana occurrunt. Refert enim historia DANIELIS ¹⁰,

O 2

rege

2) In Par. ad gent. p. m. 12. ed. Paris.

a) Demonstr. Euang. L. III.

b) Ios. XXIV, 2.

c) Ex veteribus PHILO et MAIMONIDES, ex recentioribus multi. vid. CHEMNIT. Exam. Conc. Trid. P. I. pag. 134. aliter tamen IOSEPHVS antiq. L. I. c. 7. et Iudaeorum plerique quorum, vt et Graecorum hac de re fabulas collegit FABRICIUS Cod. Pseudepigr. V. T. T. I. p. 336 seqq. et quos nominat.

d) Conferendus SPENCERVS de LL. Hebr. ritual. L. II. c. I. p. 280 seqq. O W E N V S

Theologum. L. III. c. 4. §. 8. p. 184. DE BEAUSOBRE l. c.

e) Conf. PERIZONIUS in Orig. Babyl. c. IV. VITRINGA ad Ies. XIII. XXIII. Io. FR. SCHROEER. in Imperio Babylonis et Nili. §. 13 seqq. p. 44 seqq.

f) Conf. cl. WACHTERVS Elucidar. Cabalist. p. 6.

g) loc. cit.

h) c. II, 1 seqq. conferendus locus Ies. XLIV. 36. et quae doctissimus VITRINGA ad h. l. erudite monuit.

rege somnio diuinitus immisso turbatum conuocauisse hariolos, et astrologos, et praestigiatores, et Chaldaeos, ad interpretandam somnii significationem; nihil tamen eos potuisse. Eos vero incantamentis non sidera tantum, sed et ipsos Deos in obsequium trahere posse, sibi et aliis persuasisse, memorabili exemplo Marci Antonini, in angustias cum exercitu redacti, et siti fere enecati, miraculoso vero imbre liberati probatur, quam liberationem gentiles carminibus Chaldaeorum adscribere. Inde CLAUDIANVSⁱ

Chaldaea mago seu carmina ritu

Armauere Deos: seu, quod reor, omne tonantis

Obsequium Marci mores potuere mereri.

Et hinc, referente LAMPRIDIO^k, cum Marcomanis bellum inferre vellet, quos Antoninus pulcherrime profligauerat, dictum est a quibusdam per Chaldaeos ac Magos Antoninum Marcum id egisse, ut Marcomani populo Romano semper essent deuoti atque amici, idque factum carminibus et consecratione^l. Plura in re satis nota non cumulamus, sufficiunt enim haec, ut discamus, magnos impostores fuisse Chaldaeorum sapientes, suamque eos ad hunc vnum scopum eruditionem traduxisse, ut populo imponerent, et religionis freno compescerent. Non mirandum itaque Chaldaeos fauore regum suorum vsos fuisse nomenque fortitos esse celeberrimum^m, quanta enim in existimatione sacerdotes et religionis antistites apud omnes gentes semper fuerint, historia vetus innumeris testatur exemplis.

*Diuinitio ex
sideribus.*

§. IV. II. Nihil vero in hac arte Chaldaeorum, (sapientiae nomen enim non meretur) antiquum magis atque prius, quam futura praedicere, et fatorum nexum curioso hominum explicare animoⁿ. Ita enim cum humano animo comparatum est, ut in futurorum fatorum seriem inspicere, et quae sibi euentura optat, praescire gaudeat: imprimis vero orientis populos hac curiositate in furias saepe dolis sacerdotum atque vatum actos constat. Ut vero imposturae inde nectendae frenisque in seruitium principis pro populo struendis auctoritas fidesque accederet, et reuerentia quoque tribueretur, animusque superstitione in obsequium regis mitesceret, siderum obseruationes, et astrologia ab initio regni Assyrii exculta, in subsidium vocata sunt. Etsi enim exigua eorum

ⁱ) In VI. Consul. Honor.

^k) In Heliegalalo c. 9.

^l) Etsi vero hanc superstitionem a se alienam esse ipse Marcus in libris de se ipso L. I. §. 6. asserit; certum tamen est, Arnuphim magum in exercitu imperatoris fuisse, unde facile colligi potest, ad militum animos capiendos illum inter

exercitum seruatum fuisse. Certe quas illi homines artes iactauerint, inde discere licet.

^m) Existimationem Chaldaeorum et sapientiae famam praecipue propter ceremoniarum et diuini cultus scientiam percrebuisse obseruauit iam RHODIGINVS Antiq. Lect. L. XVI. c. 4. p. 590.

ⁿ) DIODORVS l. c.

eorum notitia in rebus coelestibus et fidereis sine dubio fuit, fidem ea de re facientibus obseruationibus sequentium temporum, quae astronomiae scientiam tum demum rudimentis suis eripuerunt: certum tamen est, et vnanimi veterum testimonio constat, Chaldaeos non proprio tantum Marte in siderum cursus inquisiuisse^o, et inter gentes omnes, si non primos, certe inter primos fuisse, qui ad motus cursusque astrorum attenderunt^p; sed et regio stipendio enutritos omnibusque muneribus solutos^q, astrorum contemplationibus in patentissimis Babyloniae campis vacauisse^r. Inde factum vt, quod primo nationis inter Assyrios peculiaris moxque sectae nomen erat^s, tandem artis fieret vocabulum, et Chaldaeus, idem diceret, quod Astrologus^t. Nec dubium quidem est, varias de siderum cursu, et configurationibus obseruationes collegisse, quas laterculis inscriptas Callisthenem Babylone inuenisse et ad Aristotelem misisse supra memorauimus: adhibita tamen omnis illa fideralis eruditio ad astrologiae apotelesmaticae et iudiciariae auctoritatem stabiliendam. Quod qua ratione ab his hominibus factum sit, quasque rationes inierint, vt in erigendis thematibus genethliacis, praedicendis tempestatibus, referendis futurorum nexibus, fidem inuenirent, luculenter edisserit SEXTVS EMPIRICVS^u, et postea quoque dicetur. Hanc artem, is ait, σεμιότεροις κοσμεῖντες δίομασιν εἰ Χαλδαῖοι, Μαθηματικὸς καὶ Ἀστρολόγος σφαῖρ' αὐτὴς ἀναγορεύουσιν· ποικίλως μὲν ἐπηρεάζοντες τῷ βίῳ, μεγάλην δὲ ἡμῖν ἐπιτερίζοντες δεισιδαιμονίαν, μηδὲν δὲ ἐπιτρέποντες κατὰ τὸν ὀρθὸν λόγον ἐνεργεῖν, magnificis ornantes elogiis et nominibus, seipsos Mathematicos appellant atque Astrologos, vitae humanae multis modis non paruam afferentes iniuriam et in nobis magnam struentes superstitionem, neque quicquam permittentes agere ex recta ratione. Eadem Faunus apud GELLIVM^x et STRABO quoque testantur. Et hinc factum est, vt arti leuissimae et vanissimae nomen a primis eius cultoribus

O 3

bus

^o) PHILLO de somn. Opp. p. 573. CICERO de diu. L. I. STRABO L. XV.

^p) Verus inde controuersia, an astrologiam Assyrii et Chaldaei ab Aegyptiis didicerint vel Aegyptii ab his, edocti forte ab Abrahamo. Argumenta quae pro Aegyptiis faciunt in compendio enarrauit MATTH. RADERVS et IO. FREINSHEMIVS ad CVRTIVM IV. 10. 4. quae Assyriis inuentionis gloriam vindicant. G. I. VOSSIVS de scientiis mathemat. c. XXX. §. 5. p. 129 seq. quos vide.

^q) ARRIAN. Exped. Alex. VII. 16.

^r) Principio Assyrii, vt ab vltimis auctoribus repetam, propter planitiem magnitudinemque regionum, quas incolebant, cum coelum ex omni parte patens atque apertum intuerentur, traiectiones motusque stellarum obseruauerunt. CICERO de diuinat. L. I. conf. STRABO L. VI.

^s) Contradixisse enim ex Babyloniis alios vanissimae Chaldaeorum sectae et STRABO L. c. auctor est, et LVCRETIVS L. V. canens. Vt Babylonica Chaldaeam doctrina refutans astrologorum artem contra convincere tendit. conf. VOSSIVS de theol. gent. L. II. c. 47. p. m. 563.

^t) Conf. NIC. FULLERVS Misc. SS. L. I. c. 16. p. m. 110 seqq. edit. Londin.

^u) Lib. V. f. 2. p. 338. ed. Fabric.

^x) Lib. XIV. c. 1. qui de origine huius philosophiae Chaldaicae eleganter: id praestigiarum atque officiarum genus commentos esse homines aeruscatores, et cibum quaestumque ex mendaciis captantes, atque eos, quoniam viderent, terrena quaedam inter homines fira, coelestium rerum sensu atque ductu moueri, inde credidisse, omnia rerum humanarum et parua et maxima, tanquam stellis atque sideribus euincta duci et regi.

bus haereret, et Chaldaei dicerentur astrologi, qui huic genti originem minime debebant, sed in Chaldaica tantum praedicendi ex astris scientia periti videri volebant⁹. Quorum tamen impostura et deceptrices artes ita publicis speciminibus confusae et in pudorem datae euiluerunt, ut M. Popillio Laenate et Cneio Calpurnio Coss. C. Cornelius Hispallus praetor edicto *Chaldaeos intra decimum diem abire ex urbe atque Italia iuberet, leuibus atque ineptis ingeniis, fallaci siderum interpretatione, quae stuosam, mendaciis suis caliginem iniicientes*². Nec id apud Romanos^a tantum factum, apud quos Pomponio et Rufo Coss. SC. Mathematicis, Chaldaeis et ariolis aqua et igni interdictum est^b; sed ipse Alexander M. referente DIODORO^c, primum quidem aliqua reuerentia erga Chaldaeos ductus postquam Anaxarchum philosophum audiisset, sic fuit immutatus animo, ὥστε καταφρονῆσαι μὲν πάσης μαντικῆς, μάλιστα δὲ τῆς παρὰ Χαλδαίοις προσημαμένης, ut omne diuinationis genus, maxime vero illud, quod apud Chaldaeos in pretio est, contemserit. Et ex his dictis iudicium fieri potest, num Chaldaei nomen sapientis vel philosophi meruerint, nec ne? Sane si cum veritatis ad felicitatem consequendam comparatae studio impostura confundenda non est, Chaldaei quoque ex philosophorum veri nominis numero eiiciendi sunt, vel primis tantum philosophiam degustasse labris censendi^d.

Traditio parentum ad filios.

§. V. Possunt haec sufficere, ad demonstrandam veteris philosophiae Chaldaicae indolem iis, quibus animus antiquitatis praeiudicio fasciatus non est: ut tamen accuratius eius malefanam conditionem inspiciamus, obseruandum est III. constituisse philosophiam Chaldaeorum non in libero et cauto rerum diuinarum et humanarum examine ad principia rationis adhibito, sed in nuda traditionum a parentibus acceptarum propagatione ad posteritatem, quae maiorum placita summa cum reuerentia accipiebat. Non hic argumenta assertorum allata, non rationes expensae, non dubia allata, non difficultates sublatae sunt, et ita per trutinata et ponderata rerum momenta ad veritatis cognitionem itum est; sed alia prorsus via electa, et admissum sine examine pro vero, quicquid praecepti instar iniungebat maiorum reuerentia. Quod quidem ita asserit DIODORVS SICVLVS^e, ut Chaldaeos laudandos existimet, qui quoniam parentibus utuntur magistris, plenius omnia discant et iis, quae docentur, maiorem fidem habeant: quibus postponit Graecos, qui non parentum doctrinam imitantur, sed ipsi sua sponte in disciplinarum studia pro libitu incumbunt, et de maximis scientiis inter se altercantes, dum nouis semper opinionibus student, incertos discipulos reddunt, animumque eorum

per

⁹) Vid. VOSSIVS de scient. math. pag. 129. FULLER. I. C. STANLEIVS Histor. philos. P. XIII. f. l. c. 7. p. III9.

²) VALER. MAXIMVS L. I. c. 3.

^a) Vid. DIO in hist. Aug. SVETON. in Tib. et Vitellio. LIPSIVS Excurs. ad Tacit. An-

nal. II. 32. p. 735.

^b) Vid. PITHOEI Collatio legum Mosaic. et Rom. tit. 15.

^c) Lib. XVII. p. 622.

^d) RHODIGIN. I. c.

^e) I. c.

per omnem vitam dubium, nulla certa sententia, errare compellunt: nihil tamen horum prudenti rerumque intelligenti lectori persuadebit, quippe quae ita se habent, vt omnem prorsus sanae philosophiae rationem corrumpant. Non enim ad verum philosophum illud tantum requiritur, vt veritatis a se inuentae et detectae summam exponat, sed oportet quoque rationes addere, quibus assertorum certitudo constet, sine quibus philosophi nomine nemo dignus est. Et quot, quaeso, per hanc traditionis viam, reiecto examine, irrepent, errores? quanta subnascentur supponendarum falsarum opinionum pericula? quam caecus efformandus est animus? quantumque augendae et ad perfectiorem cognitionem perducendae veritati ponitur impedimentum? Vnde vel hoc solo nomine philosophia Chaldaea, et omnis fere barbarica, quod traditiua fuit, nomen atque dignitatem verae philosophiae tueri nequit. Neque tamen id mirandum est. Cum enim ad decipiendum ducendumque ex lubitu populum tota Chaldaeorum sapientia, tantis encomiis celebrata collinearet, non potuit aliud eius fundamentum exponi, darique ratio alia, praeter emolumentum et voluntatem eorum, quorum intererat, ita vel aliter statui, vel in patriis erroribus et praeiudiciis detineri. Verum haec mysteria erant, paucis propalanda et non initiatis sedulo abscondenda, quod aliter fieri non potuit, nisi, vt pulsa omni examinandi licentia illud sacrosanctum reciperetur, et ad posteros propagaretur, quicquid ad rerum sacrarum et publicarum gubernacula sedentibus statuere populoque persuadere e re sua videbatur. Quod vt omni philosophiae barbaricae commune est, ita hic semel indicari necesse fuit, vt de eius conditione accuratum iudicium fieri, et falsae sapientiae larua detrahi possit.

§. VI. *Accedit IV. magnum, quod a Chaldaeis adhibitum fuit, studium, Studium celandi dogmata sua celandi, et non nisi initiatis, vel qui ex sua familia et domestici erant, reuelandi, quod tantopere verae philosophiae contrarium est, ta, et disciplinae arcae.* et cum serio veritatem non tantum cognoscendi, verum etiam propagandi studio consistere nequit. Refert enim *Diodorus*, non omnes promiscue docuisse, more Graecorum, sed intra certas familias se continuisse, quae id nominis peculiari iure obtinebant, ita vt filius eam a patre scientiam acciperet, sicque arcana ratione placita Chaldaica propagarentur. Accessit praeter illa methodus proponendi symbolica et aenigmatica, quae placita gentis miris inuolucris tegebat, et arcanum ita tradendi modum reddebat difficillimum: id quod Chaldaei quidem cum omnibus vetustissimis populis commune habuerunt, quibus nihil solennius fuit, quam sacra dogmata impenetrabili allegoriarum et symbolorum velo obducere: parum tamen inde commendantur, cum supra euictum sit, istam rationem philosophandi veritati vehementer esse inimicam. Nemo tamen hoc mirabitur, qui cogitauerit, quod supra monuimus, ad arcana imperii eiusmodi philosophantium genera pertinuisse, et religionis custodes fuisse, quam

quam ita effingerent, ut ratio status imperantis requirebat. Nam ad hunc scopum obtinendum omnia obscuranda tantisque nebulis obducenda erant, ut pro lubitu, et prout gentis, imperantis, vel etiam sacerdotum commoda efflagitarent, allegoriae beneficio possent mutari, neque tamen subodorari fraudem populus ad obsequium prorsus coecum assuefactus, qui simplici impostorum asserto, tanquam diuinis eloquiis fidem habebat. Quod eleganter perstrinxit IUVENALIS his verbis^g.

*Chaldaeis sed maior erit fiducia: quicquid
Dixerit astrologus, credent a fonte relatum
Ammonis, quoniam Delphis oracula cessant,
Et genus humanum damnat caligo futuri.*

*Chaldaeorum
eruditio phi-
losophiae no-
mine indi-
gna.*

§. VII. Patet ex his, quae larga manu attulimus, tales fuisse Chaldaeorum sapientes, quos ex philosophorum numero merito eiiciet, quisquis philosophiae pretium statuere nouit. Quicquid enim eruditionis, quam more temporis sui atque gentis ipsis non denegamus, apud eos floruit, superstitionem religione pessime abusam, vanamque et ad imposturam adhibitam artem sapit. Obiicient quidem, qui antiquissimorum temporum veneratione ducuntur nimia, laudes atque famam, quam Chaldaei per omnes fere terras obtinuerunt, ita ut Chaldaeis omnis eruditionis genus passim tribuatur, et HESYCHIO, interprete^h, Chaldaei sint γένος μάγων πάντα γινώσκόντων, genus Magorum omnium disciplinarum peritorum: Obiicient PHILONEMⁱ asserentem, mentem Chaldaica disciplina instructam differentem in mundo de rebus naturalibus, et iis, quae in sublimi fiunt, efficaces obequitare potentias, tanquam causas; et simul atque Chaldaico instituto, quasi transfuga migravit agnoscere se euehi et gubernari a vectore cuius visionem percepit. Nihil tamen omne illud ad stabiliendam Chaldaeorum philosophiam facit. Non negari quidem potest, inter orientis populos magnam fuisse eruditionis Chaldaicae laudem, verum illa ex eo potissimum fonte profluxit, quod viderent homines a veritatis propriis meditationibus inquirendae labore alieniores, et ad admiranda παρδοσια παραδοσια a pueritia assuefacti, reges atque principes, quorum in hoc hominum genere conseruando magnum versabatur commodum, illos magni facere, publicorumque onerum et vectigalium immunitatem, victum praeterea et honorem concedere: obscuro itaque allegoriae vel eorum dogmata audientes non tamen intelligentes, in coelum euehebant, quae assequi non poterant, magnamque dictis obscurissimis sapientiam adscribebant:

*Omnia enim stolidi magis admirantur amantque
Innerfis quae sub verbis latitantia cernunt^k.*

Philo

^g) Satyr. VI. v. 552 seqq.

^h) V. Χαλδαῖος, LAERT. in prooem.

ⁱ) De nominum mutatione p. 1046.

^k) LUCRETIVS L. I. conf. cel. WERNFELSIVS de Logomach. erudit. c. VI. Opp. p. 520. 595. Recte et ex vero TACITVS

Philo verò, ineptiarum Pythagorico-Platoniarum egregius magister, suae sectae praeiudicio, Chaldaica Zoroastrea, Hermetica, Orphica esse, quaecunque somniabat, manifeste suas nugas Chaldaeis sine calculo adscripsit non magis audiendus, quam cum Abrahamum eiusdem Chaldaicae, siue Pythagoricae potius infantiae doctorem putat, vel Mosen Platonica loquentem et praecipientem inducit. Abiiciendum itaque hoc praeiudicium est, nec magnifice de hominibus sentiendum, qui praeter antiquitatis nomen nihil habuere admiratione dignum, et in propaganda falsa religione et iuuandis imperantium artibus omnes fere conatus et labores suos posuerunt. Quod cum viderit doctus historiae philosophicae criticae auctor¹, miretur aliquis, visos ipsi esse hos homines ingenii excelsi animique minime mercenarii, eruditionis diuinae, natos inter media eruditionis lumina, qui a curis huius vitae vacui, omnem sapientiae curam impenderunt. Qua ratione enim, veritatis studium secundum voluntatem imperantium, non secundum rei circumstantias institutum, philosophiae nomen merebitur? qua ratione magnorum ingeniorum famam et celebritatem tuebuntur, apud quos post Deum memoria res erat omnium sanctissima, et maxime venerabilis, qua sine examine a parentibus tradita et admixta conseruabantur? Tales enim hos philosophos fuisse, vir doctus concedit. Adeo multum differt, egregiis verborum lenociniis facta veterum studiorum descriptio, a critica eruditionis antiquae historia, quae non referre tantum obiter, sed expendere quoque debet, quae a veteribus et qua ratione dicantur.

*Nobis non licet esse tam disertis
Qui Musas colimus seueriores.*

Verum haec obiter monuisse sufficiat, ne auctoritas elegantis libelli apud imperitos dictis obstet.

§. VIII. Quemadmodum vero inter Babylonios eruditi, siue σοφοί, a populo distincti erant, Chaldaeorumque nomine peculiari e regione petito insigniebantur, voce πολυσήμω cum aliis, quas habet, significationibus non confundenda: ita inter se sectis quoque et opinionibus differebant. Opponit quidem et praefert Graecis Chaldaeos ideo D I O D O R V S^m, quod barbari iisdem semper inhaerentes, quae a parentibus acceperunt, firmiter singula percipiant, et missa nouandi cupiditate in iisdem perseuerent doctrinis; Graeci vero ex arte lucrum captantes nouas condant sectas, et de maximis theorematibus disceptantes, faciant, ut discipuli dubitent, animique eorum per totam vitam fluctuent, nec ulli rei assentiendi queant. Non tamen id eo rapiendum est, quasi nullas habuerint inter se

CITVS in Agricola c. XXX. Omne ignotum pro magifico est. conf. Otium Vindel. Mel. I. p. 102 seq.

L. I. ch. I. §. 2. p. 14. qui etiam, dum §. 4. p. 16. horum hominum methodum allegoricam laudat, manifeste prodit, se ad verae philosophiae characteres non attendisse.

m) l. c.

D) Histoire critique de la philosophie T. I.
Hist. philos. Tom. I.

se sectas Chaldaei, opinionibus et dogmatibus differentes, sed de modo docendi propagandique doctrinas suas intelligendum est, qui ita instituebatur, ut quod cuiuslibet sectae conditori placuisset, a sectatoribus constanter teneretur, filiique traditionibus patrum firmiter adhaerent, nec ad alia sectae alterius placita deficerentⁿ. Sectas enim inter Chaldaeos fuisse STRABO disertè testatur^o, complures, scribens, eorum iisdem de rebus, ut in sectarum fieri solet diversitate aliter atque aliter statuisse: item, fuisse inter eos, qui e natalibus hominum euentura iis vaticinari se profiterentur, a ceteris non probatos. Ex quibus verbis colligere licet, genethliacorum peculiarem fuisse sectam hosque non probauisse, qui alia via vaticinandi artem suscipiendam esse statuerent. Narrant porro PLINIVS^p et STRABO^q in diuersis Assyrii regni regionibus et praecipuis urbibus peculiare fuisse scholas, Hippareni, vrbe Mesopotamiae, vnde Hipparenorum secta; Babylone, vnde Babylonii; Orchoës Chaldaeorum oppido, vnde Orcheni; Borsippes, alia Babyloniae vrbe Apollini et Dianae, quod ferunt sacra, vnde Borsippeni dicti sunt. Neque has loco tantum et collegiis, in his urbibus a regibus erectis, distinctas sectas fuisse probabile est, PLINIVS enim disertè Orchenos tertiam Chaldaeorum doctrinam vocat, innuens dogmatibus fuisse diuersos: an vero duae sectae Orchenorum et Borsippenorum in erroris luto de principiis ἀντιπαλόις bono et malo haeserint, inque hoc orientis dogmate a se dissenserint, quod vir quidam doctissimus^r coniicit, non facile equidem quis dixerit. Falli enim SALMASIVM^s, qui Orchenos dictos putat, quasi כהני אור sacerdotes lucis siue ignis, quod cultu diuino, more Persico, ignem prosequerentur, inde constat, quod ex adductis veterum locis luculenter patet, ab urbibus, ubi sedem fixerant, has scholas Chaldaeorum philosophorum nomen accepisse, Orchenosque dictos ab Orcha siue Orchoë. Fabulae enim Iudaeorum et Muhamedanorum de Abrahamo in Vr (quam cum Orchoë eandem faciunt viri quidam docti^t) in ignem ob denegatum igni cultum coniecto et seruato merito exploduntur^u; et euincendum prius est, in regno Babylonico ante Persarum imperium ignis cultum viguisse. Aliam vero eruditorum Chaldaeorum distinctionem exhibet vaticiniorum DANIELIS liber^w, ubi variae nobis sectae narrantur, חרטמים, אשכים, מכשמים et כשדים, inter quos vltimi Chaldaei sunt, quo nomine, quid significetur supra iam expositum est. Quid vero per tria priora genera intelligatur, interpretibus non aequè constat.

ⁿ) Conf. STANLEIVS Hist. philos. P. XV. p. 1120.

^o) L. XVI. p. 509.

^p) Hist. nat. L. VI. c. 26.

^q) Lib. XVI. p. 509.

^r) S. Reu. 10. CHRIST. WOLFEVS in Manichaeismo ante Manichaeos §. VII. p. 47.

^s) In praef. libri de annis climactericis.

^t) HYDE de relig. vet. Pers. c. II. p. 75. praeunte VOSSIO de idololatria L. II. c. 64. p. m. 648.

^u) HYDE l. c. p. 44. 71. VOSSIVS l. c. HEIDEGGER. Hist. patr. P. II. ex. I. p. 25. FABRICIVS Cod. Pseudepigr. V. T. T. I. p. 344.

^w) I, 20. II, 27. IV, 4.

flat. Si enim Iudaeos consulimus, Hhartinum sunt magi rerum naturalium periti, vel qui theoreticam scientiam colebant; Aschaphim, qui scientiam actiuam colebant, vel etiam sapientes ac pii; qui allegorico dicendi genere mysticam sapientiam docebant; licet et alii medicos hic vel astrologos intelligant; Mechafshephim, reuelatores vel praestigiatores, qui artibus illicitis futura praedicebant. Rationes huius explicationis non addimus; leue enim eorum pondus est, a solis scilicet etymologiis desumptum: legi vero possunt, apud STANLEIVM^x, GEIERVM^y, BVDDEVVM^z aliosque. Nos ponderatis omnibus circumstantiis nihil hac de re certi dici posse putamus; et haec pleraque praeiudiciis interpretum niti existimamus; qui, prout Chaldaicam sapientiam animo conceperunt, ita voces ignotas in suas partes rapuerunt. Hoc ex supra dictis manifestum est, et ex ipso quoque sacro textu patet, fuisse omnes has sectas circa vanas et malas artes atque praestigias occupatas, et aperte falsum praeiudicium prodere, qui philosophiam theoreticam, practicam et mysticam ab iis cultam contendunt: etsi praeacte negare nolumus, eos scientiae speciem conciliata nugis suis auctoritate prae se tulisse, et eruditorum principes fuisse habitos. Nec multum certiora sunt, quae ex alio Scripturae S. loco apud IESAIAM vatem^a de excidio regni Babylonici vaticinantem de his Babyloniorum sectis dicuntur. Ait vir sanctus, DEI nomine: *Ego is sum, qui irrita facit signa vatum, et diuinos insanos reddit, qui sapientes retrorsum agit, et scientiam eorum infatuat.* Putat enim eruditissimus CAMPEGIVS VITRINGA^b, ברים significari homines vitam agentes solitariam, seque commercio publico subducentes, et vacantes contemplationi rerum diuinarum: eosdemque esse, qui recentiore vsu vocis Chaldaei dicuntur, quod nomen cum olim esset gentis, et hoc solo sensu occurrat apud scriptores sacros, qui ante exilium Babylonicum vixerunt, post modum vsurpari coepit, de sophis illius gentis, qui rerum diuinarum et scientiae futurorum studium profitebantur, et publicis muneribus soluti huic soli contemplationi, praecipue vero astrologiae iudiciariae vacabant, et ex ea fata gentium et hominum definiebant. קוסים Diuinos, siue diuinatores speciem fecisse sectae, quae ex commercio cum daemone aut spiritibus defunctorum eandem futurorum praenotionem iactabat, et DIODORO teste, expiationibus, sacrificiis, et aliis quibusdam incantamentis futura praenoscebat, et mala auerruncabat. חכמים Sapientes esse vates politicos, homines in schola mundi dextre versatos, ingenii σοφισμῶς acumine praeditos, longo rerum vsu et experientia exercitatos, consiliarios regis, qui absque subsidio τῆς μαντικῆς de futurorum euentibus ex his ipsis principiis solebant praesumere. Quae sapientum Chaldaicorum explicatio ingeniosa quidem est, textuique satis apte respondet, vnde tamen probetur, praeter generalem eruditionis Chaldaicae notitiam, quae tamen apud Dio-

P 2

dorum

x) Hist. phil. P. XIII. c. 10. p. 1120.

§. 13. p. 867.

y) Com. ad I. c. Danielis p. 102 seqq.

a) Cap. XLIV, 26.

z) Hist. Eccl. V. T. T. II. Per. II. Sect. V.

b) Ad h. l. T. II. p. m. 573 seqq.

dorum in sectas non diuiditur, non habet: in eo tamen melior est, interpretamentis Iudaicis, quod omnem Chaldaeorum sapientiam in religionis cultu, astrologia et diuinatione constituisse, et ex his vanissimis artibus omnem eruditionem gentis conflatam fuisse recte statuit. Nec certiora nos dare audemus, coniecturasque nostras de his sectis orbi erudito obtrudere, quae eadem facilitate negantur et destruuntur, quae affirmantur, et exstruuntur. Illud vnum probabile iudicamus, ea, quae de physica Chaldaeorum scientia traduntur, non ad rerum naturalium cognitionem, sed ad magicam herbarum et lapidum notitiam referenda esse. Tales enim libri physici, Zoroastri apud Chaldaeos tribuebantur, quos saepius citat PLINIVS ^c: et hanc naturalis scientiae partem, quae magiae inferuit, a Chaldaeis Democritum edoctum esse illis placuit, qui tales libros philosopho in sanis naturae contemplationibus versatissimo supponere ausi sunt ^d. Etsi enim hi libri suppositi sunt atque ficti, patet tamen inde, recteque inferitur, apud Chaldaeos Persasque eiusmodi praeposterum naturae studium artibus malis inferuiens viguisse: id quod tota eruditionis Chaldaicae facies confirmat. Noster hic est cl. CLERICVS ^e.

Conditor phi-
losophiae
Chaldaicae
Zoroaster,

eius historia
incertissima
et obscurissi-
ma.

§. IX. Chaldaicae philosophiae auctor atque conditor Zoroaster magno veterum consensu dicitur. Quo maior vero eius fama, eo incertior et insuperabilibus difficultatibus subiecta historia: de quo, recte monente cel. FABRICIO ^f, *tam multa et pugnancia inter se traduntur, ut illa diiudicare* (addimus, vel enarrare solum) *atque reuocare ad examen, res maioris sit operae, quam pretii*. Etsi vero multam viri docti, qui recentiori aetate in res Zoroastris inquisuerunt, et in his imprimis, qui peculiari tractatione hoc egerunt, FRANCISCVS PATRICIVS ^g, IOANNES IESSENIUS ^h, HENRICVS VRSINVS ⁱ et qui reliquos eruditione, et copia vicit, THOMAS HYDE ^k, lucem afferre obscurissimae Zoroastris historiae conati sunt ^l, fatebitur tamen, quisquis tempus in hoc argumento enodando consumere non subterfugiet, post difficultum omnium circumstantiarum examen, nihil afferri posse, quod veritas cupidum satiare, et aliqua certitudinis, vel saltem probabilitatis specie historiam Zoroastris explicare queat: id quod ingenue fassi sunt viri docti ^m; et quidem recte. Nam et hoc momentum in historia philosophi-

ca

^c) PLINIVS L. XXXVII. c. 10.

^d) Videndus prae ceteris PLINIVS Histor. nat. L. XXX. c. 1. ubi magiae historiam pandit. Plura de his Democrito suppositis libris suo loco afferentur.

^e) Indic. in H. Phil. Or. STANLEIV. Physicus. conf. FABRICIVS Bibl. Gr. Vol. I. p. 246. 247.

^f) l. c. p. 243.

^g) Qui peculiarem dissertationem de Zoroastre praemisit oraculis eius a se editis.

^h) In Zoroastre, vid. Act. Erud. Lat. Suppl. T. II. p. 469. Act. Phil. Vol. II. p. 183.

ⁱ) Qui doctum sed hodie rarius obuium librum de Zoroastre, Hermete Trismegisto et San-chuniatone edidit Norimb. 1661. 8.

^k) In Historia religionis veterum Persarum Oxon. 1700. 4.

^l) Alios de Zoroastre scriptores laudant Acta Philol. Vol. II. p. 183.

^m) BAYLE Dict. Tom. IV. tit. Zoroastre p. 555.

ca habet, nosse, quae sciri nequeant, et quae incerta sint atque dubia, a certis distinguere. Vnde exorandus nobis lector est, vt patienter ferat, si non nisi coniecturas et opiniones eruditorum afferimus in medium, et ipse incertus a nobis dimittitur: melius enim esse putamus, incertitudinis rationes exponere, quam leues coniecturas pro veritatibus certis obtrudere. Nec mirandae quoque hae tenebrae, tanta enim canitie grauis est Zoroastri historia, quam a primis humani generis generationibus post diluuium multi repetunt, tantusque monumentorum, vnde hauriri notitia de Zoroastre debet, defectus et penuria, vt non possint non omnia, quae de celeberrimo hoc philosophiae orientalis conditore dicuntur, esse incertissima. Accedit, pleraque, quae nobis narrantur, vel a Graecis profecta esse, qui insulso praeiudicio, orientalem eruditionem suae fuisse similem religionemque illorum populorum cum sua posse comparari, occupati, in referendis orientalium gentium rebus, quae ad religionem et eruditionem spectant, misere coecutiuerunt: vel deberi Persarum quidem, siue Arabum potius testimoniis, qui domestica eaque antiquissima monumenta iactantius crepantes, mira de Zoroastre, fiducia huic populo solenni, referunt; longissime tamen ab antiquissimis istis temporibus non remoti tantum sunt, sed et illis placitis et religione dissimiles, et in effingendis vetustissimis monumentis fabulisque ad conciliandam suae genti auctoritatem, foecundissimi; vixeruntque eo tempore, quo quidlibet audendi, fingendi nugandique libera et aequa potestas fuit: vnde quam fidem mereantur, facile rationes iniri possunt. Nec aliud porro de Zoroastre euenit, quam quod de omnibus artium et scientiarum inuentoribus euenisse indubitata veterum monumenta testantur. Scilicet fabulis pleraque inuoluta sunt, et ita obscurata, vt verae circumstantiae cognosci et ad liquidum deduci non queant. Cuius rei multiplex ratio atque caussa est. Viuebant magni illi viri illis temporibus, quibus magna ignorantia premebantur gentium pleraeque: has ex ruditate eripere, et ad vsum rationis moresque humanos traducere satagebant, in hoc operam ponebant suam, vt introducta religione, et artibus atque scientiis ingenia ad humanitatem assuefacta miterent, societates felicius coirent, imperia obsequio firmarentur, gentium incrementa laetius exsurgerent. Ita vero magnis beneficiis populos sibi deuinciebant, qui, vt erant superstitione correpti, viros hos, diuinas ad faciendam sibi fidem et auctoritatem conciliandam prae se ferentes origines, ad astra extulerunt, resque eorum ita posteritati tradiderunt, vt maiora humanis ingeniis fecisse, altiorique origine fuisse viderentur, hincque tota eorum historia fabulis incredilibus conspurcata est. Nec deerant homines astuti, qui commodis, quae ex hac populorum mansuefactione in rem publicam, et in sua emolumenta redundabant, permoti paria audebant, et vt nomen sibi atque fidem conciliarent, vetustissimorum heroum nomina sibi arrogabant, scriptis suis eorum nomina praefigebant, sicque canis temporibus recentiorum temporum foetus callidissimo consilio supponebant,

Causae incertae historiae conditorum et inuentorum artium et scientiarum.

nebant, id quod innumeros postea errores, et incertitudines in horum virorum historia peperit. Nec parum ad has tenebras augendas contulit populorum orientalium de magnis istis viris contentio, quorum quilibet sibi illos vindicans, quicquid ad causam suam tuendam et ornandam aptum visum fuit, tanquam ex tripode dictum tradidit, et ad posteros transmisit. Tandem et sacerdotum veterum populorum astutia incertitudines has ad summum apicem perduxit. Populi enim veneratione, qua erga viros sibi carissimos et utilissimos maioribus suis ducebatur, abusi, nugas suas et ingenii vaferrimi commenta omnia ad istos heroas referebant, sicque iis, quae vel stulta curiositas excogitauit vel superstitio commendauit, vel commodi ratio suaserit, sub tantorum hominum celebritate maximam auctoritatem conciliauere, ita vero effecerunt, ut quid genuinum sit, quid supposititium et fictum, dignosci nequeat, cum per horum impostorum manus ad nos, tanquam per canalem, veterum historia peruenerit. Ea his difficultatibus pressa cum ad recentiorum virorum doctorum manus peruenisset, illi medicinam afferre rati, ingenii potius coniecturas, quam regulas sanae ratiocinationis secuti sunt, et hypothesebus sine fundamento, vel leui tantum specie excogitatis eas superstruentes, omnibusque eruditionis et ingenii viribus ornantes tantopere incautos a regia via seduxerunt, ut rectam semitam difficulter repeterent. Inde in tot varias et pugnantes inter se, de primis artium et scientiarum inuentoribus et doctoribus sententias discessum est, inde tot absurdae opiniones enatae, quas viris doctis placere potuisse miraretur quis, nisi experientia doceret, nihil tam absurdum esse, quod non verisimilitudinis specie se illis commendet, quorum hypothesebus inservire aptum est. Quae omnia non Zoroastris modo, sed et aliorum magnorum nominum in vltima antiquitate celebratissimorum, Mercurii imprimis illustrare possemus, nisi suo loco exempla afferenda essent, unde hanc faciem vel ideo historiae philosophiae barbaricae praeferre necessarium visum fuit, ut, qua via incedendum sit, cauto lectori pateat. Sed ad Zoroastrem reuertimur, placita eruditorum veterum pariter atque recentiorum de eo breuiter enarraturi.

*Zoroastris
nomen unde?*

§. X. Zoroastris nomen, quod a Graecis ita expressum est, qui tamen ante Pythagoram illud ignorauerunt, quid significet inter eruditos non conuenit; etymologiae enim plerumque incertae sunt, praesertim ex linguis alienis deducendae, quaeque ad primam aetatem exsurgunt. Ex veteribus Dinoni et Hermodoro apud LAERTIUM ἀστροθέρην, astrorum sacerdotem, magno BOCHARTO ἀστροθεάτην, siderum contemplato-

rem;

n) CLEMENS ALEXANDR. Strom. L. I. p. 304. male itaque VRSINVS l. c. p. 12. Platoni primam inter Graecos Zoroastris mentionem adscribit. Post Platonem vero multi, Anaximenes apud SVIDAM Aristoteles, Hermip-

pus, Hermodorus et Eudoxus, quorum testimonia seruauere PLINIVS L. XXX. c. 1. et LAERT. L. I. c. 2.

o) Lib. I. c. 8. conf. MENAGIVS ad h. l.

p) Geogr. S. P. I. L. IV. c. 1. p. m. 333.

rem; aliis ^q amicum ignis, fictorem occulti ignis, HYDEO ^r obryzum vel prauum aurum significat: nobis optimum videtur fateri ignorantiam in nomine nimis vetusto. Nec certiora sunt, quae inter Zoroaster eruditos disputari solent vnus Zoroaster fuerit, an plures? Quae vnus an plures? quaeſtio non heri demum enata est, sed PLINII tempore iam eruditos detinuit, qui non negat^s, non constare, vnus Zoroastres fuerit, an postea et alius. Nec concordant inter se de numero eorum, qui hoc nomen sortiti sunt. Patet enim ex loco quodam ARNOBII^t, etſi varie ab interpretibus accepto^u, illo iam tempore plures numeratos fuisse Zoroastres; ita enim: *Age nunc veniat qui super igneam Zonam, magus interiore ab orbe Zoroastres, Hermippo vt adſentiamur auctori. Bactrianus et ille conueniat, cuius Ctesias res gestas historiarum exponit in primo; Armenius Hoſthanis nepos, et familiaris Pamphylus Cyri.* Ex his enim verbis, quatuor Zoroastres exſculpit NAUDAEVUS^x, tres SALMASIUS^y, duos VRSINUS^z, ſine cauſa forte diſſentientes, cum plures Zoroastres veteres omnino enumerent. Nam narratur illis 1. Chaldaeus ſiue Aſſyrius, qui fulmine percuffus periit^a; 2. Bactrianus, quem Bactrianæ regem Nino aequalem, ab eoque victum et interfectum IVSTINVS^b memorat; 3. Perſa^c, Clementi Alexandrino Medus, Magorum et Chaldaicae diſciplinæ inter Perſas auctor. 4. Pamphylus, vulgo dictus Er, ſiue Erus Armenius, cuius meminit PLATO^d et quem dictum quoque fuiſſe Zoroaſtrem contendit CLEMENS^e, quique reuiſiſſe dicitur VALERIO MAXIMO^f et MACROBIO^g. 5. Proconneſius PLINIO memoratus, qui, ante Hoſthanem paulo diligentiores ponere Zoroaſtrem alium Proconneſum, monet^h. Huius animam ex corpore, quoties vellet, diſceſſiſſe, atque rediſſe, SVIDAS memoratⁱ. Adiciunt his, ſextum, qui Pythagoram Babylonē Zoroaſtrem praeceptorem habuiſſe aſſerunt^j. Quemadmodum vero in hoc Zoroaſtrum numero ſine dubio nimia fuit antiquitas, dum alii viri magia celebres hoc magi omnium antiquiſſimi nomine inſigniti ſunt, id quod vel de Bactriano, qui alibi^k Oxyartes fuiſſe

q) HOTTINGER Hiſt. orient. p. 365. KIRK-CHER. Obel. Pamph. L. I. c. 2. §. 1.

r) l. c. p. 310.

s) l. c.

t) Adu. gentes L. I. n. 36. p. m. 36. ed. Guil. Canteri.

u) Variæ huius loci interpunctiones varium quoque ſenſum viris doctis praeſtare, quorum coniecturas lege apud STANLEIVM Hiſt. phil. P. XIII. Sect. I. c. 2. p. 112.

x) Apologie pour les grands hommes accuſez de Magie c. VIII. p. m. 91.

y) Exercit. Plinian. p. 355.

z) l. c.

a) SVIDAS in Zoroastres T. II. p. 15.

b) L. I. Hiſt. c. 1. 9.

c) LAERT. l. c.

d) de republica L. X.

e) Strom. L. V. p. 598.

f) L. I. c. 8.

g) In Somn. Scipion.

h) Lib. XXX. c. 1.

i) In Ariſteas T. I. p. 323.

j) APULLEIVS in floridis. De ipſa fabula hac dicitur in Pythagoræ hiſtoria: conf. BAYLE l. c.

k) Apud DIODORVM Sic. L. II. p. 66. conf. BOCHART. Phaleg. L. IV. c. 1 p. 232. et quæ ad negandum Zoroaſtrem Bactrianum aſſert STANLEIVS l. c. p. 112.

*Zoroaster
quis fuerit?*

fuisse dicitur, de Pamphylio, quem Erum fuisse indicauimus; et de Proconnesio, quem Aristeam fuisse constat¹⁾, recte dicitur; ita facile credi potest, gentes has Asiaticas, de patria celebratissimi inter orientales viri inter se aemulas, sibi Zoroastrem vindicasse, sicque plures ex vno fuisse enatos; nec a veritatis specie abludit abufos Zoroastris nomine alios, in his artibus valentes, ut sibi nomen atque famam conciliarent²⁾. Vnde de reducendo hoc Zoroastrum numero solliciti fuere viri docti; inter quos multi quatuor, alii duos, post GOROPIVM BECANVM vero THOMAS HYDE³⁾ vnum tantum Zoroastrem, Persa-Medum fuisse statuunt, quem secuti sunt nostra aetate viri celeberrimi IO. FRANC. BVDDEVS⁴⁾ ISAACVS DE BEAUSOBRE⁵⁾ et HVMFR. PRIDEAUX⁶⁾. Quemadmodum vero de numero dissentiant eruditi ita incerti quoque feruntur, quis sub Zoroastris nomine lateat? Inuenti enim sunt multi inter Christianos, qui Chamum, Noachi filium sub Zoroastris larua tegi putarent⁷⁾, qui hoc potissimum argumento ducuntur, quod Chamus magiae princeps et inuentor veteribus habitus sit, et pessimam artem ad gentes post dispersionem propagasse dicatur. Quae fabula etsi celeberrimis viris placuit⁸⁾, recte tamen reiecitur, cum non tantum totum de magia Chami commentum nugis Iudaeorum et haereticorum originem debeat, sine teste, sine calculo prolatis; sed circumstantiae quoque, quas de Zoroastre Graeci et Arabes narrant, nec tempori nec personae Chami conueniant, sic, ut recitasse absurdam sententiam, sit refutasse. Et eodem argumento, doctorum ecclesiae veterum opinio cadit, qui vel Nimrodum, vel Misraimum, vel Assurem, vel Abrahamum ex Zoroastre exsculpunt⁹⁾: nihil enim habent, quo sententiam vel leui colore inducant, praeter temporis antiquitatem et nominis celebritatem, ex qua misere ad eandem subiecti vnus personam concluditur. Nec audiendus est HORNIVS¹⁰⁾, cui Zoroaster Bileam, Mosi memoratus, esse videtur; nam et haec opinio nullam veri speciem habet, praeter magiae professionem, quae vtrique adscribitur, quae fecit, ut plures celebres magi cum Zoroastre confunderentur. Immo nec illustris HVETII sententia¹¹⁾ adiiciendum calculum meretur; qui non leui eruditionis specie contendit, supposititiam esse Zoroastris personam, cui etsi vera sublit Mosis persona, falsam tamen ipsam esse, et tot figmentis confu-

tam,

1) SVIDAS l. c. vixit temporibus Croesi et Cyri.

2) VRSINVS l. c. p. 33.

3) De rel. vet. Pers. c. XXIV. p. 308.

4) Hist. Eccl. V. F. T. I. p. 438.

5) Hist. du Manichisme T. I. p. 318.

6) Hist. S. et prof. connexae T. I. p. 212. vers. Germ.

7) PSEVDO-CLEMENS recognit. l. IV. c. 25. conf. FABRICIVS Cod. Pseudepigr. V. T. T. I. p. 299 in not.

8) ATH. KIRCHERO in arca Noë, SCIPIONI SGAMBATO, in archiu. V. T. CLERICO Hist. de la Medecine p. 9.

9) Vid. quos nominat FABRICIVS Bibl. Graec. Vol. I. p. 243. conf. HVETIVS Dem. Euang. Prop. IV. c. 5. p. m. 99.

10) Hist. philos. L. II. c. 6. p. 80. cuius rationes frivolae sunt.

11) Demonstrat. Euang. l. c.

tam, de qua nihil certi cognitum aut literis proditum. Quam sententiam inde ornat, quod discrepantes de Zoroastre sententiae conciliari non queant, nisi ista hypothefi, famam de Mose genuisse apud orientales Zoroastrem, quem Sinam, Persam, Medum iactauerint; ex ignorantia geographiae, patriam Moſis, quam Aethiopiam putauerint, ſuo loco non reperiētes. Nomen et fabulam de Zoroastre ex igne prodeunte genuiſſe hiftoriam Moſis cum Deo ex rubo ardente colloquente conuerſati: magiae inuentionem adſcriptam Zoroaſtri, quod Moſes prodigiis ſuis totum Aegyptum implens et conturbans ſummus et omnium celeberrimus magus haberetur. Immo ipſam magiam non γοητικὴν, ſed cultus diuini ſcientiam a veteribus habitam, Moſen veras origines naturae, et rationes cultus diuini docentem prodere: Sicque et in ceteris, quae de Zoroastre referuntur, a Graecis et Arabibus fabulis ad Moſis hiftoriam applicandis verſatur auctor ingenioſiſſimus, cuius eruditionem et fingendi ad ornandam hypothefin artem atque ingenium laudes, iudicium deſideres. Quod ſi enim hac ratione, ex leui longiusque quaefita circumſtantiarum conciliatione inferre liceat, eaſdem fuiſſe perſonas, quibus eadem conuenire videntur, eadem probabilitate largiendum eſt Arabibus Zoroaſtrem fuiſſe Eliam, vel alium virum celebrem, immo per omnem hiftoriam pro lubitu mutabuntur ita res vetuſtae, vt quo quis eſt ingenio ſaecundior, eo incertioſiorem reddat hiftoriam. Id quod de Arabibus^x quoque notandum, qui vel Eliae ſeruum, vel Ieremiae diſcipulum, vel Eſrae miniſtrum eſſingunt. Vt taceamus eos, qui eundem cum Miſtra, Oſiride, aliisque gentium numinibus ſine ratione faciunt^y. Tandem ne quid fabuloſae incertitudinis deſit, de tempore quoque quo Zoroaſter vixiſſe fertur, in diuerſiſſimas ſententias apud veteres et recentiores itum eſt. PLINIO enim referente^z Eudoxus, qui magiam inter ſapientiae ſectas clariffimam vtiliſſimamque intelligi voluit, Zoroaſtrem ſex millibus annorum ante Platonis mortem fuiſſe prodidit. Sic et Ariſtoteles. Hermippus, qui de tota ea arte diligentiffime ſcripſit, tradidit, ipſum quinque millibus annorum ante Troianum bellum fuiſſe. Quae mentiendi et fingendi impudentia ipſi Plinio ſuſpecta fuit, miranti, duraſſe memoriam artemque tam longo aeuo commentariis non intercidentibus, praeterea nec claris nec continuis ſucceſſionibus cuſtoditam; inque bello Troiano tantum de ea arte ſilentium fuiſſe, primumque commentatum de ea arte Oſthanem. Sed et reliqua legenda ſunt, quibus ſuperſedere potuiſſet, ſi veras temporum rationes ſciuiſſet, ad hanc annorum vetuſtatem mundi initiis non ſurgentibus. Sed videntur, qui talia nobis obtruſere, decepti fuiſſe

com-

x) HERBELOT. Biblioth. Orient. voc. Zoroaſtre. FABRICIVS l. c. qui tamen cum HVBERTIO l. c. perperam dicit, РОСОСКИМ ad Abulpharaium p. 147. Zoroaſtrem eundem facere cum Hyſtaſpe.

Non enim Zoroaſtrem, ſed Guſtaſphum Hyſtaſpem a Cyro tertium eſſe putat.

y) KIRCHER. Aedip. Aegypt. p. 216. nugarum eiſmodi egregius architectus.

z) L. XXX. c. 1.

commentitiis Chaldaeorum observationibus fideralibus, quibus tantam aetatem adscripsisse Chaldaeos supra observatum est. Nam non magiae tantum sed et astrologiae inuentorem Zoroastrem fuisse vnanimi ore consenserunt. Parcius tamen et moderatius ex veteribus alii. Xanthus enim Lydius apud LAERTIVM^a a Zoroastre vsque ad Xerxis transitum sexcentos annos enumerat, nisi hic in numero erratum sit a librariis^b; certe apud SVIDAM^c annis tantum quingentis bello Troiano prior fuisse dicitur. Aliorum, qui vel Chamum, vel Nimrodum, vel Asfurem fuisse contenderunt, opiniones praeterimus, colligi enim possunt, ex aetate illa, qua magni illi homines vixerunt. In tam vario itaque et immani de Zoroastre dissensu difficile est solida sectanti, aliquid certi statuere, contentosque nos esse oportet, si aliquali coniecturarum probabilitate in tam cimmeriis tenebris palpare nobis liceat. Et Zoroastrem quidem aliquem fuisse, cum Chamo, aliisque priscae vetustatis heroibus non confundendum, qui obseruandorum rituum, cultusque deorum atque spirituum arcani, quem magiam veteres dixere, auctor fuerit, vix ambigendum videtur, nisi toti veterum scriptorum choro, et vniuersali eorum consensui contradicendum est: in eo enim vnanimi ore Graeci pariter atque Arabes concordant. Vtrum vero plures Zoroastres fuerint, an vnus, in tanta vetustissimorum monumentorum confusione et contradictione difficulter coniecturis determinari potest. Quod si tamen in re adeo incerta aliquid dicendum est, hoc probabile nec reiiciendum temere, putamus, exstitisse Zoroastrem Perfo-Medum, Darii Hystaspis temporibus inclarescentem, cui magiae apud Persas introductio, Magorumque religionis reformatio, scripta quoque, quae sub Zoroastris nomine ambulant, tribui solent. In hoc enim Graecorum pariter atque Arabum testimonia facile conciliari posse, capite sequente, vbi de hoc Persarum Zoroastre dicendum erit, de Persis philosophis acturis, demonstrabimus. Praeter hunc vero Zoroastrem, alium fuisse huius nominis Persa vetustiore, et apud Babylonios introductae vel saltem auctae scientiae fideralis et magicae auctorem, euincere nobis videntur, tot veterum testimonia, quae propter aliquas Arabum assertiones, reiicere omnesque falsi arguere temerarium est, adque euertendam omnem veteris historiae verisimilitudinem aptissimum. Neque enim scriptores Arabes, etsi patria monumenta crepant, vnice audiendi sunt, qui, iudice, literarum harum peritissimo ПОСОСКИО^d de Zoroastre, siue Zaradustho *fabulas prolixas, inanes et quae recenscantur, indignas*, enumerant. Immo ex ipsis Arabibus haec confirmari possunt. ELMACINVS enim^e, non institutam a Zoro-

^a) Lib. I. f. 2.

^b) Id quod contendit MENAGIVS ad h. l. pro *ἐξαισίου* auctoritate duorum MSS. ponens *ἐξαισίου* *ἀνα*. Paria habet PLUTARCHVS de Iside et Osiride.

^c) In Zoroaster. conf. BOCHARTVS l. c.

^d) Specim. Hist. Arab. p. 147. de qua re dicetur quoque postea.

^e) Apud STANLEIVM l. c. P. XIII. p. 1113. P. XIV. p. 1160. idem monente ПОСОСКИО in specimine Hist. Arab. p. 147.

Zoroastre Persa, sed restitutam Persarum ac Magorum religionem asserit, in varias antea sectas diuisam, EUTYCHIVS vero Alexandrinus in annalibus Arabicis diserte duos Zoroastres nominat, vnum Nachori tempore, regnante rege Tachmurt, florentem, auctorem religionis Sabaeorum, alterum Samardii Magi regno viuentem, qui magorum religionem condidit, aedibus igni dicatis, qui idem est cum illo Zoroastre, quem Darii temporibus floruisse Arabes volunt. Quae Arabum testimonia etsi parum auctoritatis nobis habere videntur, habebunt tamen pondus apud eos, qui huius gentis fide vnum nobis Zoroastrem effingunt. Nec a veri specie alienum, virum quendam magni ingenii apud veteres Babylonios rituum diuinorum et sideralis scientiae initia posuisse, et ita constituisse, vt superstitione inter Chusitarum progeniem late efflorescens arcana mysteriorum maiora humanis viribus et peculiare cum diis commercium mentientium notitia fulciretur: huius vero nomine vsum philosophum Perso-Medum ad reformandam patriam superstitionem animum applicuisse. Certe obseruationes Chaldaeorum siderales huius aetatem longe superant, quorum si primus auctor vnanimi veterum consensu Zoroaster, fuerit, is a Persarum philosopho necessario distinguendus est. Reliquos vero Zoroastres non moramur, quos vel instituti similitudine, vel arcanae doctrinae ratione, vel comparatione cum celebratissimo antiquitatis viro ad augendam nationis, vnde oriundi erant, gloriam, vel obscurissimae historiae confusione enatos esse, profundius rem expendenti erit probabilissimum. Aetatem vero atque tempora vetustissimi illius Zoroastris certa figere, immo vel probabili saltem coniectura designare, impossibile putamus, adeo vbique monumenta fide digna vel deficiunt vel sibi contradicunt. Illud vnum certum est, si astrologiae inter Chaldaeos cultae Zoroaster auctor est, valde antiquum eum esse, et ad adolescentiam imperii Babylonici referri debere, in qua sidera iam obseruata fuisse veteres produnt.

§. XI. Non minori difficultate laborant, quae de Zoroastre referuntur vitae circumstantiae. Cum enim personae inter se, quod vidimus, confunderentur, et antiquitatis res fabulis in maiorem speciem augerentur, ad incredibilem adeoque humana conditione maiorem rationem exaltatae, fieri non potuit, vt non incertissima euaderet tota Zoroastreae vitae historia. Nec alia via hic tutius incedi potest, quam vt ea, quae ad Persam referri debent, vel saltem probabilius possunt, a reliquis secernantur; verum in hoc non exiguus et tantum non frustraneus labor est. Dabimus tamen eorum, quae de Medo-Persa a Graecis et Arabibus referuntur, postea historiam, vbi de eo sermonem instituemus. An ad hunc vel ad Chaldaeum referendum sit, quod PLATO ait^s, fuisse Oromazis filium, incertum est; hoc vero certum, si Zoroaster hac appellatione mactatus fuit, non parentem eius hoc nomine fuisse indicatum, sed virum innuere quem humanis

Q 2

maio-

f) T. I. p. 63. 263. consentit ABULPHARAIUS apud HERBELOTVM Bibl. Orient. p. 931.

g) In Alcibiade primo.

maiora praestitisse credebant, ad diuinitatem relatum, Deique ita filium vocatum esse. Videbimus enim in sequentibus, Oromasden boni Dei, siue principii boni apud Persas nomen esse. Ita enim genios, siue deorum filios magnos viros putabant veteres, id quod de Hermete, Pythagora, aliisque docet historia philosophica. Refert etiam **PLINIVS**^{h)}, risisse Zoroastrem eodem die, quo genitus esset, atque eidem cerebrum palpitasse, ut impositam repelleret manum, futurae praesagio scientiae. Hanc hausisse a praeceptore Azonaceⁱ⁾, meditatumque totis viginti annis in altissimis montibus caseo solo victitasse^{k)}, tandemque euasisse astrologiae atque magiae primum in hac gente auctorem^{l)}. Precatum quoque, ut igne coelesti consumtus obiret, et monuisse Assyrios, suum cinerem conseruarent, sic enim regnum illis perpetuum mansurum^{m)}. Addunt his, qui Zoroastrem Bactrianum cum Assyrio eundem faciunt, Zoroastrem Magiae praesidio fultum, praesidium sibi regnumque Bactrianum fascinatibus barbarorum animis comparauisse, diuque tenuisse inconcussum. Denique cum Nino Nimrodi filio viribus imparem, artibus et inferorum subsidio superiorem congressum succubuisse; creditum quoque in pugna cecidisse, viuum tamen mox apparuisse, captumque atque ad triumphum reuerentem coelesti igni conflagrauisse. Haecenus Zoroastre historiae conditoresⁿ⁾, de quibus ex vero atque accurate diuus **CHRYSOSTOMVS**^{o)}; *Figmenta sunt, quae de Zoroastre atque Zamolxe circumferuntur, omnia. Qui historiam de rebus eorum scripserunt, magni fuerunt artifices qua mendaciorum, qua elegantiae orationis.* Ex disputatis enim haecenus satis, quam incerta haec omnia immo ἀσύνετα et inter se pignantia sint, constat. Nam quae de nascentis Zoroastris prodigiis referuntur, risum certe puero- rum excitant, quasi, si verum esset, id diuinitatis signum esset, nec naturali vi factum. Quae vero de Bactriano regno occupato narrantur, **DIODORI SICVLII** bellum Nini Bactrianum cum cura exsequentis^{p)} auctoritate refutantur, qui Oxyartis meminit, non Zoroastris, cui melior fides habenda, quam Trogo, vel Theoni Sophistae, qui etiam eius meminit^{q)}. Certe ex putidis lacunis ex quibus Eudoxus et Hermippus millia illa sex annorum, quibus antiquitatem Zoroastris exstruxerunt, sua hauserunt, desumpta sunt. Nec mortis genus, nisi coniectura nos fallit, aliunde excogitatum est, quam quod veteres gentiles fulmine tactos deos euadere crederent^{r)}. Quod satis prodit auctor *Recognitionum* Cle-

h) Lib. VII. c. 16.

i) Lib. XXX. c. 1.

k) Lib. XI. c. 42.

l) **IUSTINVS** L. I. c. 2.

m) **SVIDAS** l. c. id de Persa **CEDREVS** prodidit, notante **STANLEYO** loc. cit. p. 1115.

n) Fusc et eleganti sermone Zoroastream histo-

riam enarrat **IOANNES BISSERIVS** illustrium ruinarum Dec. I.

o) De S. Babyla Martyre.

p) Lib. II. c. 6.

q) In Progymnasm. de compar. apud **VERSI- NVS** l. c. pag. 18. adde **ARNOBIVM** Lib. I. p. 6.

r) Vid. **VERSIUS** *Analect. S.* Vol. I. L. II. c. 28.

Clementis: quando narrat, Misraimum a gentibus Zoroastrem nominatum, a parente Chamo magicæ artis disciplinam edoctum, volentem Deum haberi, scintillas quasdam ex stellis produxisse, et hominibus ostentare coepisse, quo rudes et ignari in stuporem miraculi traherentur: cupientemque augere de se huiusmodi opinionem, sæpius ista molitum fuisse, usque quo ab ipso daemone, quem importunius frequentabat, igni succensus concremaretur. Homines vero exstructo sepulchro ad honorem eius tanquam amicum Dei ac fulminis ad coelum vehiculo eleuatum adorare ausos esse, et quasi viuens astrum colere. Hinc enim et nomen eius Zoroaster, hoc est, viuum fidus, appellatum esse, ab his qui post unam generationem Græcæ linguae loquela fuerant repleti. Hoc denique exemplo, etiam nunc multos eos, qui fulmine obierint sepulchris honoratos, tanquam amicos Dei colere. Qui locus et si somnia Iudæi Alexandrini, philosophiæ, quæ Aegyptum sec. II. et III. detinuit, placitis innutriti, et Christianis sacris accedentis nobis exhibeat, opinionem tamen gentilium, præsertim orientalium, in quarum eruditione non leuiter versatum fuisse recognitionum et Clementinorum opus satis produnt, eleganter enarrat, ex qua id non sine probabilitate conficitur, vel extinctum igni coelesti Zoroastrem ad diuinitates relatum fuisse, vel saltem id finxisse Assyrios Persasque, apud quos ignis cultus summus fuit. Et ex hoc figmento explicanda sunt obscura Arnobii verba supra allata, cui, super igneam zonam venire, interiore ab orbe Zoroaster, dicitur.

§. XII. Magiæ præcipuum auctorem atque præceptorem Chaldaeis *Magia Zoroastris.* Persisque fuisse Zoroastrem, ex dictis constat, satisque luculenter PLINIVS veterum testimoniis nixus, asserit *. Cum vero duplex veteribus magia sit, alia *ἑεργικὴ* alia *γυντικὴ*, vt prolixius docebimus, vbi Alexandrinae philosophiæ placita exponemus, etiam hic in diuersas sententias itum est. Alii enim, et inter hos imprimis Iudæorum magistri, qui vel Chamum vel Misraimum Zoroastrem esse putant, malorum daemonum artes et commercium intelligi, et eorum ope mirabilia patrasse Zoroastrem statuunt, quibus recentiori ætate nonnulli accesserunt x. Alii vero ab hac infamia Zoroastrem liberant y, et cum PLATONE z, eius magiam nihil aliud fuisse nisi *θεῶν σεραπείαν*, peculiarem Deos colendi modum, contendunt. Nec tamen adeo a se dissentiunt, vt non possint aliquo modo conciliari. Et si enim illud certum est, magiam, quam Zoroaster inuenisse atque excoluisse dicitur, diuini cultus speciem singularem exhibuisse, vnde etiam Persarum reges inter reliquas regiae disciplinæ partes hanc Zoroastream magiam edocti sunt, constitit tamen illa magia in inuocatione

Q 3

*) Lib. IV. c. 27.

z) Conf. S. Reu. MOSHEMIVS Syntagm. dissert. ad H. E. pertinentium p. 174.

*) Loco sæpius citato.

x) VERSINVS l. c. et quos laudat.

y) BAYLE l. c. not. D. prolixissime vero NAUDÆVS Apologia magiæ accusatorum c. 8. p. m. 91 seqq.

*) In Alcibiade I. p. m. 25.

catione daemonum bonorum, et prouocatione operationis eorum, per peculiaria incantamenta, cultumque singularem, quibus rebus naturalibus supernaturalem vim addi daemonumque bonorum potentias illis alligari credebant statuebantque, non inepte docente FICINO^a, *statuis, lapidibus, herbis, certo ordine compositis daemones quodammodo includi, verbis autem ad coelestem quandam similitudinem temperatis diuinas quasdam dotes distribui, et id quidem prouidente Deo, ut quoties res ipsa postulat, rite possemus diuinum auxilium inuocare.* Vnde et magia pharmaceutica ad hanc ipsam *ἑσπεράαν* relata fuit. Cultus itaque diuinus, quem instituisse Zoroaster dicitur, nihil aliud fuit, quam rituum illorum diuinorum et arcanorum, ad efficienda mirabilia, et euocanda deorum auxilia, adhibitorum mysterium. Certe magiae ope exercituum vires frangi, copias hostium deleri, et panicum iis terrorem immitteri posse, veteres crediderunt, ut vel ex iis patet, quae de Bactriano Zoroastre contra Ninum viribus magicis dimicante supra obseruauimus; et qualem magiae effectum imbrem illum miraculosum fuisse, qui Antonini exercitum internecioni eripuit, Romani a Christianis sacris alieni tradiderunt. Neque hic sacerdotium, quo fungebantur magi apud Persas, cum magia quae peculiaris cultus diuini eaque arcanior pars fuit, confundendum est^b, cum inter se varie differant. Etsi vero bonis daemonibus has artes adscribebant orientales populi, facile tamen, quos genios inuocauerint, et prouocauerint, inde liquet: quae causa fuit, cur potissimum sancti ecclesiae veteris doctores hanc theurgiam goëtiae non haberent meliorem. Nec mirum, regem Persarum haec instituta Zoroastrea edoctum fuisse, cum enim pleraque, si non omnia, ad imposturam populo faciendam collinearent, regia imprimis hac disciplina, quo titulo eam maculat PLATO^c, opus erat, regem instrui, ut inde ei arcana dominationis paterent. Est enim *ad superstitionem natura pronissima barbarorum natio*, recte iudicante PLUTARCHO^d, *qua nihil melius multitudinem regit, quae alioquin impotens, saeua, mutabilis, ubi vana religione capta est, melius iam vatibus, quam ducibus suis paret.* Quod ut omnibus fere temporibus euenisse, et apud plerasque gentes veteres usu venisse, facile probari posset^e si id ageremus; ita magicam disciplinam apud Babylonios, quique hoc imperium postea occupauerunt, Persas instrumentum dominationis arcanae fuisse regique potissimum inseruiuisse, vel ex sacrae scripturae locis supra adductis patet, et postea quoque monebitur, ubi de Persarum magis differendi locus erit. Certe varias et illicitas artes hanc disciplinam Zoroastream continuasse, licet bonis daemonibus, siue, quod idem est, diis euocatis eas adscripserint, ex dictis liquet. Etsi vero Zoroaster et astrologiae

et

a) In argumento Cratylī p. m. 209.

b) Recte hoc notatum cl. CLERICO Indic. Philolog. ad Hist. philol. orient. Stanlesii, voce Magus.

c) l. c.

d) In Sertorio.

e) CURTIUS L. IV. c. 10.

f) Conf. VRSINVS l. c. Sect. VII. p. 56.

et magiae studium suis commendauit et instituit, et vtrumque ita sororio vinculo iunctum fuit, vt communem vaticinandi, et mirabilia vel praedicendi vel patrandi scopum habuerint, distincti tamen postea astrologi a magis, vt supra obseruatum est, vnde ἐπαγγελίας διαφόρους εὔσας vocat ORIGENES^g. Errant itaque^h, qui ex magia Zoroastrea nobis cognitionem elementorum rerumque naturalium exsculpunt, et nescio quam physices cognitionem vetustissimis magis tribuunt. Ceterum cum magiae peculiaris genus fuerit pyromantia, et huic operam posuisse Zoroastrem vir quidam doctusⁱ coniicit, solitum ignes coelestes elicere, et afflatu tandem eorum interiisse, quod et Tullo Hostilio accidit: potuisse enim hoc cacodaemonis opera, vel diuino permisso fieri, vel certe fingi, vt Mosi, vt Eliae, prophetarum principibus quoquo modo faceret parem Zoroastrem, aut etiam superiorem. Quae tamen, cum solam illam traditionem, Zoroastrem ignes coelitus euocantem fulmine periisse fundamentum agnoscant, quam a testibus fide parum dignis profectam esse, euicimus, frustra dicuntur, nec cacodaemonis operationes temere aduocandae, cum sola praestigatorum astutia artesque sufficiant, vt, qualis Zoroastris disciplina in hac re fuerit, explicari queat. Plura in tantis tenebris non nisi extrema audacia coniicere licet.

§. XIII. Solent ad Zoroastrem scripta quoque quaedam veluti auctorem referri, quae antiquissimis temporibus iam tributa ei esse, PLINIVS^k prodit, qui refert, Hermippum Smyrnaeum, qui sub Ptolomaeis claruit^l, libro περὶ μάγων de tota arte magica diligentissime scripsisse, et vices centum millia versuum a Zoroastre condita, indicibus quoque voluminum eius positis explanauisse. Intercidit vero istud Hermippi opus. Superfunt tamen tituli, vnde patet, astrologica, physica, magica, chemica atque politica siue theologica ei tribui. Verum non tantum suppositionis omnia illa scripta suspecta sunt, sed si quid eorum vel aliquid eis simile vquam extitit, ad Persarum Zoroastrem antiquissimis Chaldaeorum temporibus multo iuniorem, eiusque aetate referendum est. Quare de iis agere hic quidem supersedemus, amplius de iis tractaturi, vbi Persarum sapientia enarranda est. Interim consulendi sunt LAMBECIUS^m et FABRICIUSⁿ.

§. XIV. Praeter Zoroastrem apud Assyrios Belus imprimis praedicatur^o Belus. inuentor cultorque sideralis scientiae. De eo vero non minus obscurissima fabularumque plena sunt omnia, quae referuntur. DIODORVM^p si sequimur, Belus quidam Neptuni Libyaeque filius coloniam ex Aegypto Babylonem deduxit, positaque apud Euphratem sede, sacerdotes pro more Aegy-

^g) Aduersus CELSUM L. I. p. 25.

^h) ARNOIDVS in spicilgio ad Vrsinum p. 45. et quos fuisse laudat p. 50.

ⁱ) VRSINVS l. c. p. 35.

^k) l. c.

^l) Vid. IONSIUS de script. hist. philos.

L. II. c. 9. p. 161.

^m) In prodromo historiae liter. p. 79.

ⁿ) Bibl. Graec. Vol. I. p. 245.

^o) Lib. I. p. 24.

Aegyptiorum instituit, impensis ac oneribus publicis solutos, quos Babylo-
nii Chaldaeos nominant; hi astra obseruauerunt, imitati sacerdotes Aegy-
ptios, qui physici sunt atque astrologi. Huic ^r Belo, addit, filiam Semira-
nim templum media Babylone extruxisse, quod summae erat altitudinis,
in quo Chaldaei siderum contemplationi vacauerint, ortusque et occa-
sus accurate notauerint: quod templum adhuc durare Belumque fuisse
inuentorem sideralis scientiae PLINIVS ^s scripsit. Quae quidem, viro
cuidam docto ^r si in se spectentur, atque praestruatur, Neptunum esse
Chus Nimrodipatrem, Aegyptumque olim latius patuisse, atque ultra Rhi-
nocoluram porrectam, quandam Arabiae partem, in qua iuxta Home-
rum Nyssa Bacchi patria, comprehendisse, veritati constare videntur:
aperte tamen veterem Aegyptiorum iactantiam se solos omnibus terra-
rum orbis regionibus colonias dedisse sapient ^s, quam supra veritati non
affinem esse iam monuimus; multaque praestruunt, nondum euicta, im-
mo aperte confusas Graecorum mythologias cum barbararum gentium
originibus produnt. Accedit admodum incertam redditam esse histo-
riam Beli, eo, quod diuinis honoribus mactatus est, vnde cum Baalis
cultus apud Orientales fuerit communissimus. Vocabulum hoc appella-
tium esse, perinde vt Iouis, vt Deum denominaret, siue solem, siue
aliud numen, multis viris eruditis placuit ^t. Iouis enim nomen Beli apud
Graecos et Latinos plerumque addi constat, et Sanchuniathon auctor
est ^u, Saturno tres in Peraea liberos natos Saturnum patri cognominem,
Iouem Belum, et Apollinem ^w. Quibus et hoc addendum, plures Be-
los veteribus commemorari, Assyrium, Babylonium, Aegyptium Tyrium,
ita vt incertum sit, quid de Belo sideralis doctrinae auctore statuendum
sit. Quodsi coniecturis tamen locus dandus est, non dubitandum pu-
tamus, fuisse aliquem inter Assyrios celeberrimum virum, qui attenden-
di ad siderum cursus primam occasionem exhibuerit, vel hoc studium
inter hos populos ad certam disciplinae rationem promouerit, quoniam
eam firmando imperio, et flectendis populorum orientalium ad cultum
astrorum, et enatam ex eo superstitionem procliuium animis vtilissimam
videret; hunc scientia et auctoritate grauem post mortem inter numina
relatum, diuinoque cultu honoratum, vel tum demum Beli nomen, soli
vel aliis diis tribui solitum, accepisse, vel Beli nomen antea iam datum
inter diuinos numinum titulos retulisse: alias tamen gentes vel aemulatio-
ne ductas sibi hunc Deum vindicasse, vel alios viros bene meritos eodem
nomine, in oriente satis frequenti donasse. Etsi vero haec pro coniectu-
ris tantum venditamus, sua tamen iis constat verisimilitudo. Nam ita fa-
cile

p) IDEM L. II. p. 69.

q) Lib. VI. c. 26. conf. SOLIN. in Polyhist.

c. vlt.

r) IO. FRID. SCHROEER in
imperio Babylonis et Nini Sect. I. §. 23.
p. 69.

s) Vnde et pro Aegyptiis haec a Diodoro re-
feruntur.

t) Vid. quos laudat SCHROEER. l. c. p. 70. not. 2.

u) Vide quae diximus in Otio Vindelico Mel.
III. p. 226 seq.

w) Apud EVSEB. de praepar. Eu. L. I. c. 10

cile conciliantur diuersissimae veterum narrationes, et quae Graeci de ortu Beli ex mythologiis suis nugantur, lucem capiunt, ex relata ad Belum diuinitate. Nec obiici potest, quod eruditissimo VITRINGAE, Belum Babyloniorum Deum, ad Belum Nini patrem, monarchiae Babylonicae primum conditorem referri non posse afferenti, placuit*, idololatriam orientalium longe diuersam fuisse a Graecanica, quae illustres fato functos religiose venerandos proposuit. Scilicet orientalem idololatriam versatam esse circa naturas coelestes aut infernas siue subterraneas. Nam vt negari quidem non potest, naturas diuinas, quas in elementis reside-re putarunt orientales, ab iis cultas esse, sicque aëra, solemque veneratos eos esse^y frustra tamen negatur, viros summos immortaliter de republica meritos ad astra non euectos et ad diuinitatem relatos esse^z; cuius contrariam sententiam per omnem fere veteris orientalis theologiae ambitum cernere licet, et de Persarum quoque diis postea obseruabimus. Nec locum habere potest illa distinctio inter idololatriam orientalem atque Graecanicam, cum Graeci hunc bene meritos diuino cultu venerandi viros morem a barbaris acceperint, vt vetustissimorum Graecorum historia manifestum facit, et ex theogoniis Graecorum rei periti facile discent: vnde et theogonia Beli apud Sanchuniatonem hanc sententiam magis confirmat quam destruit. Significationes enim deorum et circumstantiae historicae serius in physicas et philosophicas rationes mutatae sunt, vbi philosophi popularem religionem emendarunt. Quis vero iste Belus fuerit, an Chamus, quod nonnemo contendit, an Ninus Nimrodi pater, an alius, id incertum esse, nec probabili ratione definiri posse putamus, adeoque incertissimas coniecturas aliis relinquimus.

§. XV. Recentior est, certiori vero notitia nobis notus Berofus, *Berofus*. siue, vt Graecis dicitur Berossus^a. De cuius aetate dissentiunt quidem viri eruditi, quorum aliqui loco quodam TATIANI^b adducti, Ptolomaei Philadelphi temporibus eum vixisse autumant^c. Qui tamen si attendissent, ipsum Tatianum diserte dicere, eum κατ' Ἀλέξανδρον γεγονότα, *Alexandri aetate fuisse*^d, et meminissent, Berofum, apud SYNCCELLVM, ipsum referre,

* Ad Iesaiam XLVI, 1. T. II. p. 601. seq.

y) Videndus MAIMONIDES de idololatria. VOSSIVS in theol. gentili. CHERBURIUS de religione gentilium, alii. Vnde recte monet H V E T I V S, vni eideinque fabulari Deorum personae diuersas adiunctas fuisse significationes, vnam physicam alteram historicam. Dem. Eu. P. IV. c. X. §. 5. p. 153.

z) Conf. SPENCER. de LL. Hebr. rit. L. I. c. 3. p. 237. et quos laudat.

Hist. philos. Tom. I.

a) Idem hoc sonare ad ערש בר contendit I O S. S C A L I G E R Obs. ad Euseb. p. 248.

b) Adu. Graecos c. 58. p. m. 171. ed. Paris. et apud EVSEB. Praep. Eu. c. XI. p. 493.

c) VOSSIVS de Hist. Graecis L. I. c. 13. p. 85 seqq. quem exscribit STANLEIVS Hist. phil. P. XIII. Sect. I. c. 6. p. 1117.

d) Quod tamen ita interpretantur, extremis Alexandri temporibus natum fuisse, et ad Antiochi Θεοῦ tempora vitam produxisse.

re, circa Alexandri Macedonis tempora se floruisse. Manethone, qui sub Ptolomaeo Philadelpho vixit priorem^f, dubio et vix sano Tatiani loco, qui sibi ipsi contradicit, excogitatis sine fundamento conciliationibus medelam frustra asserere^g non tentassent^h: nec creditum fuisset beato IUSTINO MARTYRI Sibyllam Cumanam huius Beroli fuisse filiam, in qua nominum et traditionis vetustae confusione deceptum fuisse virum sanctum, quilibet videtⁱ: Erat vero Berosus hic Babylonius, Beli sacerdos, qui progressus in Asiam tandem in insula et ciuitate Coe confedit, ibique, teste VITRUVIO*, disciplinam aperuit, Chaldaeorumque genethliologiam atque astrologiam tanto applausu docuit, ut ob diuinas praedictiones Athenienses ei publice in Gymnasio statuam inaurata lingua posuerint. Non tantum vero disciplinas Chaldaicas Graecos primus docuit, sed et historiam Chaldaeorum edidit, et multas veteris aevi notitias conseruauit, editis *Chaldaicis* siue *Babylonicis*. Quae cum temporis iniuria deperdita essent, praeter fragmenta aliqua, quae apud veteres scriptores passim inueniuntur^j, repertus est audax impostor Monachus ANNIVS Viterbiensis, qui efficta veterum et inter hos Berosi quoque monumenta pro genuinis orbi obtruderet, fraudem tamen ita manifeste prodens^m, ut mirandum sit, fuisse viros eruditos, et in arte critica exercitatosⁿ, qui impostoris mendaciis decipi se passi sunt.

Chaldaei philosophi alii.

§. XVI. Praeter celeberrimos hos Chaldaeorum sapientes alii quoque passim narrantur, magis tamen magia, quam astrologia celebres. Meminit enim PLINIVS^o praeter Azonacem, Zoroastris praeceptorem, Marmaridium Babylonium, et Zarmocenidam Assyrium, qui tamen soli nominantur, et quorum nulla exstant monumenta. SVIDAS porro Zoroastren nominat, qui mathematica et physica scripserit, et Teucrum Babylonium, qui de Decanis egerat: cuius hodie, sub Zeuchi nomine quaedam astrologica inter mssc. feruntur^p, quique in libris suis, multa admiranda congelessse PSELLO dicitur^q sunt quoque apud STRABONEM^r Cido-

e) In Chron. p. 14. 28.

f) Idem l. c. p. 40.

g) Ita VOSSIVS l. c. satis operose, sed ingeniose magis quam verisimiliter.

h) Recte hoc notatum I. PERIZONIO in Orig. Babylon. c. I. p. 14 seq. et in add. p. 333 seqq. et SCHROEERO l. c. §. 10. p. 39.

i) Cohortatione ad Graecos p. m. 39. ed. Paris.

k) Ex PAUSANIA enim in Phocicis c. 12. p. 828. discimus, Sabbam, Sibyllam Babyloniam, vel Chaldaeam, Berosi et Erymanthes filiam habitam fuisse. Idem refert SVIDAS in Sibylla. Forte de alio Beroso hoc traditum est Syris et Chaldaeis, quod de nostro intellexit Iustinus.

*) L. IX. cap. IV. ubi eius hypotheses astronomicas exponit.

l) Collegit ea SCALIGER ad calcem libri de emendatione temporum, plenius tamen FABRICIVS Bibl. Gr. Vol. XIV. p. 175 seqq.

m) Consulendi quos nominat FABRICIVS l. c. p. 217.

n) Quos IDEM l. c. nominat, quibus adiciendus DIONYSIVS GOTHOFREDVS praef. in antiquae hist. auctores, quem hoc nomine castigat VOSSIVS de hist. Graec. L. I. c. 13. p. 87 seq.

o) Lib. XXX. c. 1.

p) LABBEVS Bibl. nou. msc. p. 278.

q) Vid. FABRICIVS Bibl. Graec. Vol. II. p. 517.

r) Lib. XVI. p. 509.

Cidonas, Naburianus, Sudinus, Seleucus Seleucienses, de quibus tamen, cum ignota et incerta nomina sint, nihil dici potest. Adderemus Zabratum, a quo Pythagoram purgatum fuisse omnibus vitae pristinae fordibus, et edoctum, quarum rerum probos expertes esse oporteret, vti et physicam quidam referunt; quem Zaratum alii, Nazaratam Assyrium quidam nominant; nisi suo loco ostendendum esset, fabulam esse totam illam Pythagorae apud Babylonios institutionem. Eiusmodi enim nugarum vetus historia tota plena est.

§. XVII. Horum virorum iisque similium studio effectum est, vt non *Chaldaica philosophia incerta.* exigua commendatione Chaldaeorum philosophia efferretur, quae non tantum ab Orientalibus et Graecis ^s, verum etiam a Iudaeis ^t et Christianis ^u maximopere commendata fuit. Ordo itaque et instituti ratio postulat, vt de Chaldaica philosophia pluribus agamus. Quemadmodum vero Chaldaicorum philosophorum historiam deprehendimus incertissimam, multisque tenebris obseptam, ita Chaldaicae philosophiae quoque historia non minus impedita est, caremusque iis monumentis, vnde discereliceret, quae Chaldaeis philosophis placita arriserint. Scripsit quidem Berofus teste IOSEPHO ^x *de astronomia et de philosophumenis Chaldaeorum*, qualia etiam Democrito ^y atque Iuliano ^z tribuuntur: verum ea iniuria temporis deperdita sunt, et pauca nobis Graecorum diligentia seruauit. Non exigua quidem apud Arabes passim inueniuntur; ex quibus sua decerpserunt, POCOCCIUS, HOTTINGERVS, HYDEVS, TRIBBECHOVIVS, BEAVSOBRIVS alii; verum quam exigua ipsis fides habenda sit, vel ex aetate, qua vixerunt, ab antiquissimis istis temporibus longissime remota, et supposititiis, ad quos prouocant, veterum ingenii foetibus, facile iudicari potest. Extant quidem *Oracula Zoroastri* tribui solita, ex quibus aliquod philosophiae Chaldaicae compendium nobis exstruxerunt HEVRNIVS, PATRICIVS, STANLEIVS. Verum ea, si genuina essent, ad Zoroastrem iuniorem siue Perfo-Medam rectius referri, et quicquid de iis traditur, *νοθείας* maxime suspectum esse, et aperta fraudis ex scholis Alexandrinae philosophiae profectae vestigia prae se ferre ^a, capite sequenti, vbi commode de iis magis dicendi locus erit, demonstrabimus. Contentos itaque oportet nos esse si a recentioribus commentis decipi nolimus, iis, quae veteres aetate propiores, et fide posterioribus superiores de Chaldaeorum placitis nobis reliquerunt, etsi illa satis quidem sint pauca atque tenuia. Commode vero, pauca illa, quae veteres de Chaldaicis placitis nobis tradiderunt, in tres

R 2

clas-

s) DIODORVS L. II. p. 69.

t) PHILONIS et IOSEPHI loca supra laudauimus.

u) Praesertim a CLEM. ALEXANDRINO, TATIANO aliisque.

x) Contra Appion. L. I. c. 12.

y) Cuius λόγον Χαλδαϊκόν memorat LAERTIVS.

z) SVIDAS v. Iulianus.

a) Idem de PSELLI Chaldaicorum dogmatum expositione, vt opus suum de daemonibus vocat, aliisque Platoniorum libris de doctrinis Chaldaicis tenendum.

classes dispescemus, quarum prima Chaldaeorum doctrinam de Deo, et cultu eius arcano siue magia; secunda, doctrinam de mundi generatione rebusque naturalibus; tertia doctrinam de astrologia et euentibus siderum exhibebit.

*Chaldaeorum
doctrina
I. de Deo.*

§. XLIX. De Deo eiusque cultu ita Chaldaeos tradidisse referunt:

I. *Esse Deum omnium regem, parentemque, cuius providentia vniuersorum ordo atque ornatus factus est.* Hanc doctrinam recte Chaldaeis adscribi disertum non tantum DIONORI SICVLI testimonium^b probat, sed et vetustis monumentis edoctus tradidit EVSEBIUS^c: et a veteri oraculo supra §. III. laudato iis tribuitur. Nec ratio dari potest, quomodo arcanus deorum cultus, qualis apud Chaldaeos vixit, immo publica quoque deos colendi ratio sine hac doctrina consistere potuerit. Etsi enim ad spiritus coelestes vtrumque cultus genus referendum est, necessario tamen supponendus est, fons omnium spirituum, Deus supremus, cuius essentiam per vniuersum mundum tanquam animam diffusam esse sicque omnes mundi partes spiritus continere magnos, et quo nobiliores illae partes sunt, spiritus quoque habere praesides nobiliores et maiores, ex ista anima mundi diuina decerptos, non Chaldaea tantum, et Aegyptus, sed vniuersus fere gentilismus vetustissimus credidit. Et hic genuinus omnis idololatriae fons est, postquam prima eius rudimenta, quae plebeia fuere, et a cultu diuino virorum de republica maxime meritorum ortum traxerunt, rationibus philosophicis a sapientibus orientalibus emendata sunt. Quem si clauem theologiae Chaldaicae adhibemus, facile nobis, quae de diuino cultu iis spiritibus tribuuntur, intelligere licet. Male itaque hanc Chaldaeorum doctrinam vel intellexit PHILO^d, vel a LIPSIO^e et BVDDEO^f impietatis notam ex eius testimonio Chaldaeis inurentibus intellectus est, quando inter alia: *Chaldaei prae ceteris nationibus elaborasse videntur artem astronomicam et genethliacam, telerena sublimibus, et coelestia coaptando terrestribus, tanquam ratione musica ostendentes rerum concentum pulcherrimum, per istos vniuersi partium affectus mutuos, disiunctarum quidem locis, sed cognatione non item. Hi suspicati sunt mundum, quem videmus, aut ipsum esse Deum solum, aut eam, quae insit, vniuersalem animam, ἐν αὐτῷ θεὸν περιέχοντα τὴν τῶν ὅλων ψυχὴν, quam ubi sub nomine fati et necessitatis consecrarunt, summa impietate repleuerunt vitam humanam, persuasam, quod praeter haec, quae videntur, nulla sit rerum causa alia, sed solis, lunae, stellarumque cursus tam bona quam mala dispensent singulis.* In quibus verbis Philo vidit quidem aliquid, quod recte Chaldaeis tribuitur, habitum Deum pro vniuersi anima, per omnes mundi partes se diffundente, male tamen id ad ipsas mundi partes retulit, mun-

^b) Loco saepius citato.

^c) Praep. Eu. L. IV. c. 5.

^d) De migratione Abrahami p. m. 415 seqq.

^e) Physiol. Stoic. L. II. diff. 10. p. m. 182. qui

tamen Stoico sensu minus recte haec Chaldaeis tribuit.

^f) De Spinocismo ante Spinozam §. 20. conf. tamen thes. de Atheismo. c. I. §. 8. p. 16.

mundum et astra imprimis Deum habita fuisse putat, cum potius spiritus illi coelestes, quos his mundi partibus praesidere putabant, et ex quorum prouidentia et influxu sidera regi, et mirabilem illum superiorum et inferiorum concentum, necessitatemque fatalem oriri credebant, a Deo summo emanatione quadam vel, si mauis, modificatione animae mundanae (quo sensu enim acceperint, incertum,) deriuandi sint, eumque supponant. Vnde ab atheismi labe Chaldaeos liberare nulli dubitamus, licet argumentum illud, quod pro eorum causa defendenda ex oraculis Chaldaicis, desumunt viri eruditi^g, leue admodum sit, quoniam genuina ea non esse in confesso est. Non negamus tamen impietatem hanc doctrinam non vltimam tegere, et veritatem vnus Dei in iniustitia detentam ab iis esse, quod D. Paulus queritur. Non tamen inde mox Spinozismus exsculpi potest, cum erroneus hic de Deo conceptus idololatriam magis, quam atheismum genuerit. Ceterum ad hunc summum Deum Baalis cultum eos retulisse, nec alium intelligi posse per Iouem Belum a Chaldaeis cultum, ex supra dictis constat. Et si enim Belum regem prima Chaldaeorum superstitio diuino honore coluit, factum tamen est postea, vt sapientum emendatione, quae de Belo rege tradebantur, ad Deum summum ab illis referrentur; qua ratione ea, quae de Baale Deo in sacris literis referuntur, cum veterum traditionibus facile conciliari possunt^h et ratio reddi, cur Deus nomen Baalis, quod sua significatione dominum notat, abhorruerit.

II. Post Deum, esse statuebant Chaldaei, secundum genus deorum, sequens daemonum, quartum heroum. Haec Chaldaeis veterum monumentis vsus tribuit E V S E B I V Sⁱ. Quod si oracula genuina essent, luculentius hos deos daemones et heroas describere possemus: distribuunt enim illa spiritus, in intelligibiles, intellectuales fontes, principia, deos certae zonae, alios nulli astrictos, angelos et daemones. Verum ipsa haec distributio *rethorica* suspecta facit oracula. Nomina enim, immo res ipsae, qua nomina nituntur, ex Platoniorum recentiorum, siue Alexandrinorum schola desumpta sunt, apud quos, iam ante C. N. in Aegypto haec de spiritibus doctrina inualuit teste libro Sapientiae, vt alibi demonstraui^k. Nec ita ideis abstractis assuefacta fuit orientalis philosophia, sed notionibus potissimum corporeis alligata, quae indoles eius hanc distributionem plane respuit. Non improbabile tamen, in varias classes eos Chaldaeos distribuuisse, id quod ratio theurgiae quoque postulat. Summum enim vniuersi regem in luce inaccessibili habitare, nec adiri posse nisi mediantibus spiritibus mediatoribus vniuersi fere orientis dogma fuit, non in Aegypto modo, vt

R 3

IAM-

g) Ven. I. C. CHR. WOLFIVS de atheismi falso suspectis S. II. §. 5. pag. 23. conf. I. F. REIMANNVS Histor. Atheismi c. VI. p. 71 seqq. qui recte testimonium ex oraculis peti- tum reiecit.

h) Conf. doctissimus SELDENVS de Diis

Syris Synt. II. c. 1. p. m. 194. VITRINGA ad Ef. XLVI, 1. et alii multi.

i) Praep. euang. L. IV. c. 5.

k) In diss. de vestigiis philosophiae Alexandrinae in libro Sapientiae. Miscell. Berolin. T. V.

IAMBlichVS¹ exposuit, sed et apud Chaldaeos, Persas, Indosque occurrens, ut ex iis patebit, quae de harum gentium theologia in sequentibus dicentur. Difficile tamen definire, quas classes constituerint: quas licet nomenent PORPHYRIUS, IAMBlichVS, PSELLVS, quique ex hoc hominum genere alii pneumatologiam Chaldaicam se tenere iactauerunt: aequè suspecti tamen sunt fraudis et imposturae, ac haeretici Chaldaica mysteria crepantes, et nescio quas aeonas, siue spiritus ex ineffabili et inaccessiblei profunditatis diuino abyssu emanantes, iactabundi proferentes: vtrique enim antiquissimis Chaldaeis theologiam suam supposuisse, suo loco luculenter demonstrabitur. Cauendum itaque, ne recentiora placita vetustissimis temporibus supponamus, et incertae coniecturae suspectaeque traditiones suo loco relinquendae sunt.

III. De Daemonibus malis.

III. Praeter hos deos veros, qui bona vera conferunt, dari, asseruerunt Chaldaei, genus quoddam daemonum natura deceptorium, multiforme, quodque species deorum et geniorum ac animarum mentitur, quique vere sunt *αὐτὶ θεοί*. Hanc doctrinam Chaldaicam esse non tantum IAMBlichVS^m contendit, sed et PORPHYRIUSⁿ et PROCLUS^o, et ex nostris ARNOBIUS^p, qui iubet: *Chaldaeos cum barbaris reliquis interrogare, qui in interioribus viderunt, et cognouerunt haec artibus, ut discant gentes, quisnam sit unus Deus, vel sub eo, qui plurimi qui deos se fingant, et humani generis imprudentiam ludant. Hos esse antitheos, qui saepius obrepant pro accitis, esse autem hos quosdam ex materiis crassioribus spiritus, qui deos se fingant, nesciosque mendaciis et simulationibus ludant.* In hoc vero dogmate varia iterum in theologiam gentilem irrepsisse, ex quo miraculorum Christi, et discipulorum malos daemones cateruatim eiicientium fama per vniuersum terrarum orbem percrebuit, vel inde colligi potest, quod totam suam theurgiam miraculosa huic diuini Seruatoris potentiae, ad sistenda reipublicae Christianae incrementa, et fulciendam, quae ruinam minitabatur, religionem gentilem, hi homines opposuerint. Nec multum huic sententiae repugnat, Chaldaica haec esse, et Chaldaeis accepta ab his hominibus referri: eos enim fraudem nullam in eiusmodi argumento pertinuisse, suo loco manifestis exemplis probabitur. Neque tamen temere negandum est, praeter spiritus bonos, vetustissimas gentes, et in his quoque Chaldaeos, Persas, Aegyptiosque malos spiritus materiae crassioris vehiculo malos factos admisisse, et in iis depellendis theurgiae quoque rituumque diuinorum efficaciam posuisse. Cuius exemplum nobis conseruauit PLUTARCHVS^q qui refert: *Pythiadi usu venisse, ut descenderet in opertum oraculi, velut inuita, ut aiunt, et animo minime alacri. Statim autem in primis responsionibus apparuisse ex asperitate vocis*

1) De mysteriis Aegyptiorum Sect. VIII.

m) De myster. Sect. III. c. 31. p. 102. et GALE

ad h. l.

n) Vid. de abstinentia. f. 45. 46.

o) In Alcibiade: addi potest PSELLVS de operatione Daemonum.

p) Adu. gentes L. IV. p. m. 133.

q) De defectu oraculorum.

vocis eam, instar navis vento impulsae, non sustinere vim spiritus, et repletam fuisse alio et malo spiritu. Eiusmodi quoque malos spiritus dari, vel ex traditione lapsi humani generis, per malum genium seducti cognosci potuit, vel ex ipso illo systemate quod in his terris regnabat, lucem et tenebras sibi opponi atque inuicem pugnare, ad posteriorem enim cum materialia relata sint, necessario inde fluebat, spiritus materia crassiori indutos malos esse bonisque aduersantes. Et haec quoque in Chaldaea viguisse, ea quae sacrae literae passim de vitandis veneficis referunt, praesertim in historia Bileami, satis produnt. Qualia vero Chaldaeorum de his malis daemonibus et antitheis sententia fuerit, deficientibus monumentis fide dignis nos quidem ignoramus.

IV. Haec ad interiorem sine dubio disciplinam apud Chaldaeos pertinebant, quos mysteria sua non nisi initiatis propalasse, arcani disciplina per omnem orientem culta probat. Quod publicam de diuinis doctrinam attinet, solem, lunamque et astra reliqua Deos venerabantur, et imprimis erratica sidera colebant Chaldaei. Id res veteres et imprimis cultum solis apud gentes has et vicinas inspicienti erit certissimum, et vel ex solo LOBI^r, Chaldaeae, vt videtur, valde vicini loco luculenter colligi potest, et hos potissimum Chaldaeorum deos esse DIODORVS^s et HERODOTVS^s referunt. Nec magnopere refragabimur viro docto^a, qui per Belum apud IESAIAM, solem, per Nebo, lunam, Deos Chaldaeorum celeberrimos intelligit, modo id recte explicetur. Lunam enim alio quoque nomine Nergal dictam a Babyloniiis ac Mesopotamenis, et ab Assyriis sub Veneris coelestis nomine cultam esse admodum probabile est^c: nec alia est regina Beeltis, de qua cum Belo Babyloniae gentis auctore loquentem inducit Nebucadnezareem fragmentum Abydeni apud EVSEBIUM^d. Verum hanc quidem diuinitatis rationem fideribus his coelestibus datam esse apud plebem, dubium nullum est; aliter tamen sapientes, qui maximam DEI emanationis partem, siue animae mundanae nobilissimum primumque spiritum hisce fideribus praesidere et in iis habitare statuebant, vt ex iis, quae supra iam monuimus constat. Nec aliter in his Assyrii reliquique harum regionum populi^e, quam aliae orientis gentes, apud quas vsque ad extremos orientis ipsiusque Americae terminos^f hic cultus solis et lunae, ab antiquissimis primisque nationibus forte traductus penetrauit. Et huc quoque referenda sunt, quae de tribus idolis apud Assyrios tradit MACRO-

BIVS,

^v) Cap. XXXI, 27. ad quem locum consulendi interpretes et Io. OWENVS theologum L. III. c. 4. p. m. 182 seqq.

^s) l. c.

^t) Lib. I. c. 181.

^u) VITRINGAE T. II. Comm. p. m. 601. seqq.

^x) Vid. IDEM ad c. X, 10. p. 271.

^y) de praep. Eu. L. IX. p. 456. conf. TH. HYDE de rel. vet. Pers. c. 2. p. 67.

^z) Conferre iuuabit, quae hac de re eruditissime differit Io. SELDENVS de Diis Syris Proleg. c. 3. p. 25. seqq. qui etiam p. 35. formulam iuramenti Assyri per sidera affert.

^a) Conf. KIRCHER. Oedip. Aegypt. P. I. p. 406. 421.

BIVS^b, foli dicatis, Adadi, Adonidis et Iouis Heliopolitae. Cautè tamen in numinibus orientalium referendis audiendi sunt Graeci: Illi enim praepostero, peregrina numina cum suis comparandi studio seducti, veras rationes istorum numinum misere conturbauerunt, magnasque nobis excitaerunt tenebras. Vnde etiam de reliquis diis, quae apud **AMOSVM**^c et **LVCAM**^d occurrunt, Moloch, Chiun et Remphan, quibus fidera apud has nationes culta esse, eruditi statuunt^e, nihil asserimus, cum pleraque ex hac ipsa confusione facta sint incertissima; nosque non historiam religionis Chaldaicae, sed philosophiae scribamus. Hoc certum est, reliquas quoque stellas, imprimis Zodiaci a Chaldaeis cultas esse, cuius ratio philosophica ex semel posito principio desumi potest. Aërem tamen et terram vtrum Deos coluerint, incertum dubiumque admodum, etiamsi id asserant **IULIVS FIRMICVS**^f et **MACROBIVS**^g. Vterque enim similitudine et comparatione cum diis Graecorum deceptus est^h.

V. Magia.

§. XIX. Ex hac theologiae Chaldaicae conditione atque constitutione duplex illa disciplina exorta est, qua Chaldaei per vniuersum fere orbem habitatum celebres fuere magia atque astrologia; de vtraque itaque quaedam dicenda sunt. Et quod ad magiam quidem attinet, eam cum goëtia atque commercio immundorum spirituum non confundendam esse, atque in cultu arcano Deorum, siue spirituum bonorum, post summum Deum positorum, constituisse, supra iam adductis veterum testimoniis monuimus. Semper vero magia ista in arcanis habita est, donec tandem mutato omni cultus huius ratione ad alios Asiae populos, et post Christum natum ad sacerdotes pariter atque philosophos per Asiam et Aegyptum dispersos transfiret, apud quos magiae disciplina famosissima fuit. Inde vero ratio patet, cur pauca de magiae natura atque constitutione dici queant, quae probabili fide possint ad Chaldaeos referri. Quicquid enim nouimus, vel Platonico-
rum vel Alexandrinorum potius philosophorum, vel Christianorum in eorum scholis educatorum, vel Iudaeorum quoque, et inter hos **MOSIS MAIMONIDIS**ⁱ imprimis relationibus debentur, qui cum immenso temporis spatio ab hoc Chaldaeorum aeuo distent, et praeiudicio fascinati fuerint, sui temporis magiam esse eandem cum magia vetustissimorum Chaldaeorum, facile inde perspicui potest, quam incerta sint, quae de ea traduntur omnia. Vnde pauca tantum delibabimus. Et initio quidem atque

I.) Monemus, Magiae vocem, Persiae quidem proprie deberi, etsi a Medis ea ad Persas translata doctissimo **CLERICO** videatur, qui etiam putat, Medorum linguam Chaldaicae affinem fuisse, dictumque Magum,

מגוס

b) Saturnal. I. c. 21. 23.

c) Cap. V, 26.

d) Cap. VII, 43.

e) Videndi quos laudat cel. **WOLFIUS** Cur. exeg. et phil. in N. T. T. I. p. 113 seqq.

f) De errore profan. relig. p. 2.

g) l. c. c. 28.

h) Conf. **CLERIC.** Ind. philol. in **STANLEY** Hist. philos. orient. voce, aër, et terra.

i) Moreh Nebhochim L. III. c. 37.

ὑπὸ τοῦ ἀνῶ, vnde $\alpha\omega$ dissoluens, vires frangens, quod magiae ope vires exercituum frangi posse crederentur^k: quae cum incertissimis coniecturis nitantur, nostra non facimus, sed suo loco relinquimus: res tamen siue scientia magica ante deuolutum ad Persas Babyloniorum imperium certe effloruit, nisi omnia veterum testimonia, a PLINIO^l praesertim excitata, et supra quoque adducta simul reiicere velimus. Immo mature et ante conditam Persarum monarchiam ad alios quoque populos magica ars transmigravit^m. Magia vero quod supra iam tetigimus, in cultu diuino ita constitit, vt et deorum arcanus cultus, et commercium cum diis, et modus eos placandi simul comprehensus fuerit, vnde HESYCHIO auctore Μάγον τὸν ἀπατεῶντα, Φαρμακευτὴν, τὸν θεοσεβῆ, καὶ θεόλογον, καὶ ἱερέα οἱ Πέρσαι οὕτως λέγουσι, quod ne ad solos Persas referamus, idem HESYCHIVS auctor est, qui Χαλδαίους, interpretatur γένος μάγων πάντα γινωσκόντων, genus magorum omnium disciplinarum peritum.

II.) Magia vero, si citatos auctores sequimur, duplex est, alia naturalis, alia theurgica. Naturalem magiam eam volunt, quae contemplatur virtutes omnium rerum coelestium et sublunarium, scrutaturque earum sympathias, et inutua earum applicatione inusitados effectus edit. Quod qua ratione perficiatur, fide doctissimi Iudaei, MOSIS MAIMONIDISⁿ qui haec ex Chaldaicis libris se hausisse profitetur, referemus. Tria secundum eum, magiae genera sunt, quorum primum versatur circa plantas, animalia et metalla, alterum in designatione temporis, quo illa peragenda sunt, tertium in gestibus et actionibus humanis ad hunc finem suscipiendis. Vbi tamen quaedam genera interdum coniunguntur, interdum solitarie fieri possunt, pleraque autem coniunguntur.

III.) Quia vero apud Chaldaeos magiae studium cum astrologia artificissime connectebatur, inde nullum opus magicum sine fiderum operatione perfici posse auctumabant: indeque volunt Talismanes, siue imagines illas magicas et arcanas inuentas esse, sub certis constellationibus in varios vsus siue auerruncandi siue praedicendi causa conflatas^o, quae tamen an tantam aetatem, ac vult GAFFARELLVS, qui ad Chaldaeos refert, ferant, alibi dispiciendum est, et inquirendum, an Theraphim eiusmodi imagines fuerint, quod a nostro instituto alienum praetermittimus. Theurgicae magiae officium, si LAMBELICH^p credimus, in auerruncandis malis spiritibus, et

k) I. c. voce Magus, vbi tamen aliam quoque aetymologiam vocis huius affert.

l) Lib. XXX. c. 1.

m) Legendus luculentus locus LUCIANI in Macrobiis. T. II. p. m. 818. qui magos vocat γένος μαντικόν. καὶ Θεοῦ ἀνακείμενον, ridendi potius, quam laudandi causa, more suo.

n) I. c.

o) Legendi quos nominat V. C. PETRVS FRID. ARPE de Talismanibus p. 8. seqq. et FABRICIVS Bibliograph. antiq. c. XII. p. 433. seqq. Talismanes auerruncandis malis, Theraphim variciniis adhibita sunt.

p) I. c. quocum PORPHYRIVS περὶ ἀποχῆς, PSELLVS etiam de daemonibus confertendi.

et commercio cum bonis eorumque prouocatione constitit. Vbi tamen non negamus, talia proferre Iamblichum, quae, dubia sunt, an ad tam canam vetustatem referri queant? multaue recentiora ingenia sapere, quae in oraculis eorumque interpretibus ea de re dicuntur. Verum has nugas ignorari, parum philosophiae interest. Nobis sufficit inde didicisse, frustra esse, qui sub hac Chaldaeorum magia philosophiae naturalis mysteria latitare sibi persuadent.

VI. *Astrologia.*

§. XX. Altera, in qua Chaldaeorum eruditio inclaruit, scientia est astrologia, in qua siderum motus, ortus atque occasus obseruando, primos excelluisse, supra idoneis testibus probauimus. Quemadmodum vero duplex siderum obseruandorum ratio est, vna, quae motus, legesque siderum, quasi notat, iustamque τῶν μετεώρων notitiam exhibet, inde Astronomia dicta; altera, quae ἀποτελέσματα siue effectus siderum, eorumque causas in res inferiores influentes enarrat, astrologia apotelesmatica dicta; ita Chaldaei non tam primum, quam secundum genus excoluerunt, nisi quatenus astrologia astronomiae scientiam, calculos et obseruationes supponit, quas sedulo conquisiuisse supra indicauimus, et ad Aristotelem a Callisthene missas monuimus⁷⁾. Enumeranda itaque et haec doctrina paucis est, vt pateat, quibus fundamentis ea scientia, quae tantum nomen Chaldaeis peperit, nitatur. Quod si ea summatim comprehendamus, quae magnum olim inter mathematicos nomen PTOLOMAEVS⁸⁾ prolixè, SEXTVS EMPIRICVS⁹⁾ autem breuius, sed, vt solet, neruose explicat, ad haec potissimum capita tota Chaldaeorum astrologia reduci potest:

I. Terrena consensionem habent cum coelestibus, et ex eorum influxibus ea semper innouantur.

II. Septem stellae, quas alii planetas, ipsi interpretes nominant, tenent rationem causarum agentium in vnumquodque eorum, quae in vita accidunt, adiuuant autem partes zodiaci.

III. Zodiaci circulus diuiditur in duodecim animalia, vnumquodque autem animal in triginta partes, pars in sexaginta minuta¹⁰⁾.

IV. Animalium zodiaci alia sunt masculina, alia foeminina¹¹⁾, et alia qui-

7) Hoc magno SCALIGERO iam notatum praef. in Manilium.

8) Vid. VOSSIVS de scient. math. c. XXXVII. §. 9. 10. p. 205.

9) Adu. Math. L. V. p. 339 seqq. edit. Fabricii.

10) Paria habet DIODORVS L. II. p. 83. CENSORINVS c. 8. et alii. Hinc dictae hae stellae מוררית Ios. XXXVIII, 32. quae vox 2 Reg. XXIII, 5. occurrit מוררית, id est stellae praecipuae, quare eos DIODORVS vocat Κυρίες τῶν Θεῶν. conf. CLAV-

RICVS l. c. v. Mazzaloth.

11) Vult quidem SEXTVS, haec a Chaldaeis desumisse Pythagoreos, quibus vnitas masculini duobus foeminini generis et sic porro dicitur. vid. ARISTOT. Metaph. L. I. c. 5. MEVSIVS de Denario Pythagorico c. 3. verum cum haec Chaldaeorum simpliciiori studio contraria videantur, Sextusque recentiores tantum Chaldaeos siue astrologos consuluerit, rectius haec a Pythagoreis ad astrologos transiisse dicuntur. conf. FABRICIVS ad h. l. not. Q.

quidem bicorporea, alia vero non: alia tropica, alia fixa: habentque adiuuantem naturam ad generandos masculos et foemellas.


V. Signa, quae in vnaquaque genitura ad productionem apotelesmatum dominatum obtinent, sunt numero quatuor, et vocantur cardines *.

VI. Sunt vero cardines, horoscopus, medium coelum (μεσσηνιμα) occidens, (δύσις) subterraneum (υπογαιον) medio coelo oppositum.

VII. Horoscopus est signum, quod contingit oriri eo tempore, quo perfecta est natiuitas; medium coeli quartum ab eo signum; subterraneum, quod medio coelo est ex diametro oppositum; occidens, signum, quod orienti oppositum.

VIII. Vniuscuiusque horum cardinum signum praecedens vocatur declinatio, quod autem sequitur, successio.

IX. Quod antecedit signum, quod est in horoscopo conspicuum existens, est mali daemonis; quod est autem postea, sequens id, quod est in medio coelo, boni daemonis: quod autem praecedit id quod est in medio coelo, inferiorem partem, vocatur vnica fors et Deus. Quod antecedit occasum, est otiosum signum et principium mortis; quod autem est post occasum nec est conspicuum, poenam et malam fortunam: quod quidem e diametro oppositum est malo daemioni. Quod antecedit signum subterraneum, bonam fortunam, quae ex diametro sita est ex aduerso boni daemonis. Quod succedit signo, quod est ex aduerso medii coeli versus orientem, vocatur Dea, ex diametro Deo aduersum. Quod horoscopus sequitur, dicitur otiosum. Quod vt clarius intelligatur sequenti schematismo exponemus:



S 2

X. Stel-

* Conf. SCALIGER ad Manilium p. 298. FABRICIVS l. c. not. Y.

X. Stellae non eandem vim habent, ad male vel secus faciendum, si considerentur in cardinibus, et in successione et in declinationibus, sed alicubi efficacior, alicubi vero minus efficacem.

XI. Vnicuique parti humani corporis attributum aliquod signum est, quocum habet consensum et afficitur ⁹.

XII. Stellarum aliae sunt beneficae, aliae maleficae, aliae denique communes: Beneficae ♀ et ♀, maleficae ♂ et ♂, communis ♂ quae cum beneficiis benefica cum maleficis malefica.

XIII. Aliae stellae beneficae vel maleficae sunt, prout est alia atque alia habitudo aut aspectus.

XIV. Stellarum praecipuae sunt sol et luna; minorem autem vim habent ad euenturos effectus quinque reliquae.

XV. Eaedem stellae maiorem vim habent, aut quod sint in propriis domibus, aut in altum elationibus, aut terminis, aut quod aliquae ab aliquibus stipentur satellitibus; aut quod inter se aspiciant, et inter se certas suscipiant figuras, aut quod sint in cardinibus.

XVI. Solis domus est leo, Lunae cancer, Saturni capricornus et aquarius, Iouis sagittarius et pisces, Martis aries et scorpius, Veneris taurus et libra, Mercurii gemini et virgo.

XVII. Stellae delectantur in altum elationibus, exigua autem vim habent in abiectionibus seu depressionibus.

XVIII. Stellae inter se aspiciunt et inter se conueniunt, ut quae apparent in figura triangula aut quadrata.

XIX. Apotelesmata vel sunt simpliciora vel accuratiora. Simpliciora, quae fiunt ex simplici signo vel sola vi stellae; accuratiora, quae fiunt per concursum et multorum contemperationem.

XX. Decani vel facies planetarum ^z referuntur ad zodiacum, primus decanus est planeta cuius est signum; secundus alter planeta et sic porro.

His potissimum thesibus ars illa apotelesmatica Chaldaeorum, quam Teu-

⁹) Eleganter haec explicat MANILIUS L. II. v. 456. his versibus:

- - Aries caput est ante omnia princeps,
Sortitus censusque sui pulc errima colla
Taurus, e in geminis aequalia brachia forte
Scribuntur connexa humeris, pectusque loca-
tum
Sub cancro est, laterum regnum scapulaeque leo-
nis
Virginis in propriam descendunt ilia sortem,
Libra regit clunes, et scorpius inguine gaudet,

Centauro femora accedunt, capricornus utrisque
Imperat in genibus, crurum fundentis aquari
Arbitrium est, piscesque pedum sibi iura re-
ponunt.

^z) Multa de horoscopis et decanis Platonici recentiores garriunt, sine dubio veteribus, uti solent, ingenii sui *εὐρηματα* adicientes. Vid. IAMBlichVS de myst. Sect. VIII. c. 4. p. 150. et quos GALEVS ad h. l. nominat. Ex recentioribus conferendus SALMASIUS de anno Climacterico, et post eum alii.

Teucer Babylonius scriptis tradidit^a, pluresque exposuerunt^b, comprehensa est. Ex his sequitur, quod postea SEXTVS vehementer impugnat, omnia fato fieri, quod fatum ab hac ipsa Chaldaeorum doctrina Chaldaicum et fidereum vocari solet, itemque astrologicum, et cum Platonis, Stoicorum aliorumque sententia de fato non confundi debet. Vnde et HORATIO dictum Babylonii numeri. Nihil enim fieri interrenis per se, sed omnia ab astris regi placebat; quae opinio a Chaldaeis ad alias quoque gentes digressa est, qua de re, ne nimii simus, consulendus est VOSSIVS^c.

§. XXI. Praeter hanc, per astrologiam vaticinandi rationem, alias quoque diuinandi artes Chaldaeis tribuit DIODORVS SICVLVS^d, nempe VII. *Divinationes alias.* per aues, somniorum prodigiorumque interpretationes, et quae pertinent ad haruspicinam. Vnde facile credi potest MOSI MAIMONIDI^e ea hariorum genera, quae Deuteron. XVIII, 10. II. memorantur, inter Chaldaeos quoque fuisse reperta. Somniorum quoque interpretandorum scientiam antiquissimam fuisse, ex sacris literis constat, etsi ridendus sit PHILO^f, qui Abrahamo inuentionem tribuit; et inter Babylonios fuisse, qui ei peculiarem operam ponerent, ex Danielis historia liquet: immo extispicia quoque apud Chaldaeos celebrata esse, ex EZECHIELIS loco^g constat. Multum tamen obscurarunt Graeci notitiam horum vaticinandi generum, dum suis vocabulis a vaticiniorum Graecorum modis desumptis orientales vaticinandi consuetudines descripserunt. Eas vero tenebras dispellere, nec loci et instituti, nec otii nostri est.

§. XXII. Ceterum, licet in siderum rationibus obseruandis multum VIII. *Opiniones astronomicas.* temporis et industriae Chaldaei posuerint, paucissima tamen constant, ferreque nihil de obseruationibus eorum, vel etiam de opinionibus astronomicis superest. Ex Berofo nobis conseruauerunt PLVTARCHVS^h et VITRUVIVSⁱ, lunae defectum accidere, obuersa nobis parte ignis experte, id quod hic latius explicat. Tradidit quoque Berofus, referente SENECA^k, igni deletum iri terrena, quando omnia sidera in cancrum conuenerint, inundationem vero passura, si sub capricorno id fiat. Tandem terram scaphae similem esse et concavam dixisse Chaldaeos, DIODORVS auctor est^l.

§. XXIII. Tandem et de mundi generatione et ortu Chaldaei audienti sunt, cum archaeologiae philosophicae, et historia cosmogoniae nobilem IX. *Cosmogonia.* historiae philosophicae partem absoluant. Et hic quidem DAMASCIVM

S 3

non

a) Vid. IDEM ad Solin. pag. 491. et praef. libri cit.

b) Astrologos vereres editos, ineditos, deperditos recenset FABRICIVS Bibl. Graec. Vol. II. p. 494 seqq.

c) De theologia gentili L. II. c. 47. p. m. 563 seqq.

d) loc. cit.

e) Lib. III. Moreh nebhochim c. 29.

f) Apud SVIDAM v. Abraham.

g) Cap. XXI, 12.

h) De placit. philos. L. II. c. 29. et EVSEBIVS praep. L. XV. c. 51.

i) Lib. IX. c. 4.

k) Quaest. natur. L. III. c. 29.

l) loc. cit.

non audiendum esse ^m, mundi generationem ex mente Chaldaeorum negantem, vel ex vno D I O D O R O disci potest, licet facile credendum sit, quod addit, mundi naturam eos facere aeternam, nec initium generationis nec finem habere; nam haec aliter placere non poterant genti reuelatione destitutae: mundi tamen formam, ordinem et ornatum a diuina prouidentia constitutam esse non negabant. Quod qua ratione factum sit, ex B E R O S I Babylonicis nobis conseruauit S Y N C E L L V S ⁿ, vbi cosmogoniam Chaldaeorum more vetustissimo ἀλληγορικῶς φυσιολογεῖσθέντα ita exponit: Tempus fuisse, quo cuncta tenebrae et aqua erant: et in illis animantia portentosa, et sub variis naturae speciebus et formis visu mirandis vitam ac lucem accepisse, quorum imagines in Beli templo appensae sint: Istis omnibus mulierem, cui nomen, Omoroca, praesidere; his constitutis Belum redeuntem mediam diuississe mulierem, et ex eius quidem parte terram ex alia coelum composuisse, ac inde necem animalibus illatam. Haec allegorice de natura mundi dicta esse addit: vniuersa quippe mundi mole ex humida materia compacta, et animantibus ex ea formatis, Deum istum caput suum abstulisse, tum corpus in terram delapsum alios deos terrae commiscuisse, ac inde formatos homines, ea de causa intellectu et diuina mente praeditos; Belum insuper, quem Iouem interpretantur, mediis tenebris dissecit terram et coelum ab inuicem diuississe, et mundum ordine composuisse, animantibus lucis vim non ferentibus extinctis. Belum vero desertam quidem regionem at feracem conspicatam, deorum cuiuspiam proprium sibi caput amputare praecepisse, et stillanti ex se sanguini terram admiscere ac homines et animantia, quae aërem sustinerent efformare. Ipsum tandem astra, solem, lunam, et alios quinque planetas perfecisse. Quae cosmogonia propter allegoriam, vt sunt omnes veterum de ortu mundi doctrinae obscurissimae et densissimo allegoriae velo obductae, subobscura est, satis tamen vestigia primaeuae traditionis de ortu mundi, ex chao a Deo producti, et semina rerum continentis prodit, et aperte animum humanum ex Deo emanasse innuit, et alium deum ad formandum mundum adhibitum docet; quae opinio, vsum summum Deum in condendo mundo alio Deo, creationis auctore siue Demiurgo per omnes fere gentes, orientales etiam Indos percrebuit. Et haec quidem de philosophia Chaldaeorum.

^m) In fragm. msc. περί ἀρχῶν apud CUMBERLAND de Cosmog. Sanchuniath. p. 280.

ⁿ) In Chronico p. 28.



CAPVT TERTIVM.

DE PHILOSOPHIA PERSARVM.

§. I.

Post Chaldaeos apud Persas philosophiae historia perquirenda est, ad quos cum imperio disciplina quoque Chaldaica transiit. De qua *Obscuritas et incertitudo H. P. Persarum.* tamen ita dicere, vt veritatis cupido satis fiat animo, admodum difficile est. Quae enim de Persarum philosophis, religione et philosophia scimus, vel Graecis debemus, vel Arabibus: a neutris talis narratio expectanda, quae non multa obscuritate et incertitudine laboret. Et Graeci quidem Persarum imperio subinde pressi multam habuere occasionem res, religionem et placita huius gentis cognoscendi; saepius enim cum eruditis huius nationis conuersati, aulaeque regis praesentes coram in ea inquirere potuerunt, quae a curioso rerum peregrinarum perquiri solent. Verum inueterato erga Persas odio ducti sinceritatem subinde in relationibus suis de rebus Persicis desiderari passi sunt: et stolido sua tantum et patria instituta adamandi studio seducti, leuius et sinistrius, quam par est, de barbarae gentis institutis locuti sunt. Quibus cum accederet inconsultus mos peregrinas res, mores, sacra atque disciplinam cum suis comparandi, et conciliandi, domesticisque vocibus exprimendi, facile ex his colligitur, quantis difficultatibus obnoxium sit, ex Graecorum relationibus de rebus Persarum iudicare. Cuius exempla cum postea de doctrinis Persarum acturis occurrant, ea iam afferre, remque peritis veterum actorum satis notam fusius illustrare supersedemus. Quod ad Arabas attinet, multam quidem iis fidem tribuunt viri in his literis magnae eruditionis *Pocockius*, *Prideaux*, *Beausobre* et qui omnium diligentissime in religionem veterum Persarum inquisiuit *Thomas Hyde*, eo quod hi non tantum sectas Persarum, quorum regiones incolebant, inter se habuerint, sed et libros Persarum sacros atque classicos, quales sunt, liber *Sad-der*, *Zendaesta*, et his similes, inspexerint, et ita ex domesticis fontibus narrationes suas hauserint. Verum tempus, mores, consuetudinem et praeiudicia Arabum, ad quos laudati viri prouocant, sollicite expendenti non minores difficultates occurrunt, nec leuior contra fidem eorum historicam suspicio oritur. Vt enim taceamus, homines ex nationis genio leues et superficialia eruditione gaudentes, adeoque ad tam arduum rerum obscurissimarum, et temporum canitie atque squalore fere extinctarum examen non satis aptos, tanto temporis interuallo a temporibus, quibus Persarum religio, doctrina et imperium inualuit, fuisse remotos, vt ad constituendum idoneum rerum harum testimonium vel hoc vno argumento videantur inepti: pessima illa, quae post Mohammedis tempora ad Arabas quoque transiit consuetudo, res suas

suas magnifice augendi, et fraudibus atque mendaciis, librisque ad antiquitatis speciem et auctoritatem effictis et suppositis commendandi, sicque Iudaeorum pariter atque Christianorum fauorem certe apud illos auctoritatem placitis suis conciliandi mire omnia conturbauit, et veritatis studio suspecta reddidit. Id quod nemo negauerit, qui Arabum, siue Saracenorum historiam et libros sine praeiudicio perlegit, et insulas fabulas canae vetustatis situ obductas sibi pro antiquissimis historicis veritatibus propinari animaduertit. De qua re cum suo loco adhuc dicendi occasio se offerat, hic prolixiores non sumus. Ferendum itaque aegre non est, si tantis viris sola Arabum fide nobis de antiquissimis Persarum rebus luculentas historias narrantibus fides aegre detur, illique ad naturam gradusque fidei historicae non satis attendisse credantur. Id enim a doctissimo H Y D E O potissimum factum esse, illumque lectionis exoticae amore occupatum apud Arabas certissimas veritates vidisse, quae aliis coniecturae leuissimae, et traditiones suspectae videntur, indigestam quoque admirandae lectionis molem accurato iudicio non digessisse, et ipsa libri eruditissimi inspectio docet, et magnis viris, rem sine praeiudicio et admiratione eruditionis insolitae et peregrinae aestimantibus recte iudicatum est^a. Nobis itaque, qui cauti incedimus, hancque nobis legem tulimus, ut, qua ratione, qua fide, quo probabilitatis gradu aliquid dicatur narretur, accurate prius expendamus, antequam ei calculum adiicimus, ignoscendum est, si magnis viris manus non damus, nisi ea, quae Arabum fide proferunt, solidioribus quoque testimoniis probent, et vel Graecorum consensu, vel rei verisimilitudine aliunde petita roorent. Certe prouidus lector in cohibendo atque suspendendo assensu etiam in hac historiae philosophicae parte circa Arabas, exemplo virorum^b, quibus magna iudicii vis fuit, versabitur, nec latius fidem extendet, quam testium conditio patitur. Ita enim demum critica philosophiae historia obtinebitur.

Conditor philosophiae Persicae Zardusht.

Eius nomen.

§. II. Introductae, vel restauratae potius et emendatae inter Persas philosophiae pariter atque theologiae auctor communi veterum consensu Zerdusht siue Zardusht^c, quem et alii Arabes Zaradusht nominant^d, dicitur, unde Graecorum Zoroaster plerisque effictus videtur. Cuius nominis significatio, non negantibus viris in veteri Persarum lingua exercitissimis, incerta quidem est, nec ipsi H Y D E O in Persica lingua inuenta^e, probabile tamen putant, et ex reliquarum linguarum Orientalium consensu coniiciunt, amicum ignis hoc nomine indicari: certe recentiori aetate Indorum

^a) Magnifice passim hunc librum laudari videas. Vid. act. erud. 1701. p. 405. Nouv. de la rep. des lettres 1701. art. 3. Fevr. Mars, Bibl. Thomaf. P. III. p. 211 seq. Neque tamen sine censura dimittitur, vid. BAYLE Dict. T. IV. art. Zoroastre nor. F. p. 558. LEIDEKKER de vario reip. Hebr. statu L. V. c. 1. Accurate vero de eo iudicat cel. MOSHEMIVS Hist. Christ. antiq. Sec. I. P. II. c. I. §. 2. p. 70.

^b) BAYLE l. c. MOSHEMIVS ad CUDWORTH. p. 248. n. 58. BVDDEVS H. E. V. T. T. II. p. 1052.

^c) H Y D E de relig. vet. Pers. p. 340.

^d) ПОРОССК. Specim. histor. Arab. p. 148.

^e) l. c. c. XXIV. p. 310. conf. HERBELOT. Bibl. Or. p. 16.

dorum quidam Zoroastreis placitis adhaerentes ita vocem interpretati sunt. Quae significatio virum quendam doctissimum permouit, ut crederet, non personae proprie, sed religionis nomen fuisse, quod scilicet iis datum sit, qui peculiari ratione ignis cultum instituerint atque celebrauerint, sicque causam putat patere, cur tot Zoroastres veteribus memorentur, immo ipse Abrahamus patriarcha Zoroaster Arabibus dicatur, quod ignis cultor peculiaris ipsis visus sit. Quam coniecturam suo loco relinquimus, quia praeter solam eamque incertissimam significationem nominis, nulla re confirmatur, et nos supra alias easque magis probabiles rationes vidimus, cur plures Zoroastres fuisse, veteribus creditum sit. Nec minori sententiarum varietate de aetate Zoroastris Persarum philosophi certatur. Etsi enim satis certum atque euidens est, falli eos, qui ad prima Assyriae monarchiae tempora eum referunt, siue quod plane efficta sint, quae de antiquo illo Zoroastre referuntur, quod viris eruditis placuit, qui vnum tantum Zoroastrem fuisse contendunt, siue quod alium longe virum vetustissimae disciplinae orientalis auctorem tangant, ab hoc Zardushto aetate, patria, doctrina, longe diuersum, qua ratione Graecorum narrationes omnium facillime cum Arabum, Persarum et Indorum relationibus conciliari possunt: de hoc tamen Persarum doctore et religionis potius quam philosophiae reformatore, eiusque aetate eorum testimonia differunt: Auctor enim est AGATHIAS, Persas sui temporis eum aequalem fecisse Hystaspis. Sub Gustasfo floruisse ISMAEL ABULFEDA asserit, hunc Gustasfum vero Cyri auum fuisse, Cyrum autem esse Hebraeis, qui Persis Azdshir Bahan dicitur, id quod ПОСОСКИО non placet, qui Hystaspen potius a Cyro tertium, et per Adzshir Ahasuerum pium denotari putat. Cambyxis atque Smerdis magi aequalem facit EUTYCHIVS, quocum consentit G. ABULPHARAIUS, ut aliorum sententias taceamus. Etsi vero haec ad liquidum deduci non posse putamus, recte tamen inde infertur, ultra Darii Hystaspidis tempora non assurgere eius aetatem, etsi in tanto scriptorum dissensu non ita demonstrari queat, ut scrupulus nullus superfit. Nec minori dissensu de patria Zardushti scriptores loquuntur. Sinam enim recentiores Persae apud Indos degentes faciunt; Franco vero patre natum id est, homine ad occasum genito, Caramaniae incolae, id quod de Perlidis regione ad occasum sita intelligi potest. Ex Graecis CLEMENS ALE-

Aetas.

Patria.

XAN-

f) Referente HENRICO LORDIO mercatorum Britannorum ecclesiae in India, hist. de la religion de Beniens. conf. BEAUSOBRE Hist. Manich. T. I. p. 163. not. 4.

g) IDEM l. c.

h) Conf. FABRICIVS Cod. Pseudepigr. V. T. T. I. p. 349 seqq.

i) HYDE l. c. c. 24. PRIDEAUX Hist. Ind. V. T. T. I. L. IV. p. 212. DE BEAUSOBRE Hist. de Manicheisme T. I. L. II. c. I. p. 162.

k) Lib. II. conf. HVETIVS demonstr. Euang. Prop. IV. c. 5. p. m. 90. ed. rec. BAYLE l. c.

l) In Hist. c. de Pers. apud ПОСОСКИ. specim. hist. Arab. p. 146. 147.

m) l. c. p. 147.

n) In Annal. Alexandrin. T. I. p. 263.

o) Dynast. V.

p) HYDE l. c. p. 293.

q) HVETIVS l. c.

Vita.

XANDRINVS Medo-Perfam facit, quem sequitur SVIDAS⁷. Quod si Arabum Persarum monumenta sequentium auctoritate standum est, tempore Cyri in prouincia Aderbii qua Media est, natus est, et si celebri Persarum libro Sad-der, credendum, gente Persa fuit; in hoc enim libro maiores eius nominibus Perficis memorantur, pater vero Purshasp, mater, ex vrbe Rey, Doghdu dicitur⁸. His parentibus ignobilibus, si Arabum fidem et narrationes sequimur, ortus miraculosam natiuitatem et infantiam habuit, quae tamen, cum nugacissima Orientalium ingenia manifeste prodant, et plerumque de impostoribus nouam religionis faciem introducentibus ad conciliandam auctoritatem atque fidem soleant praedicari, hic non referemus⁹. In iuuentute porro, non tantum orientalium doctrina eruditum, sed et inter Israëlitas a propheta quodam ministerio adhibitum, sicque et veri Dei notitia imbutum fuisse Arabes magno consensu tradunt¹⁰. Quis tamen ille propheta fuerit, inter ipsos non conuenit. ABULPHARAI¹¹ enim Elias, BUNDARI discipulus Ieremiae¹², ABUMVHAMED MUSTAPHA¹³ Ozeir id est Esdras fuisse dicitur: quorum vltimum suo calculo adprobat HYDEVS¹⁴, medium tanquam rationibus chronologicis magis aptum HVMPHR. PRIDEAUX¹⁵ eligit¹⁶, qui Daniele intelligi posse putat, etsi haec sententia satis longum vitae Danielis spatium requirat. Apud hunc prophetam didicisse, porro tradunt, praecepta purioris religionis, scelesto tamen aliquo facinore maledictionem meritum, lepram poenam accepisse. Quae tamen omnia non incertissima tantum esse, ex auctorum suorum atque testium conditione satis patet, sed et in cauto rei examine se non satis probare nobis videntur. Eo enim tempore, quo Arabes hi scriptores commentarios suos exarauerunt, in id maxime connisi sunt non tantum legis Islamiticae assertores, sed et veteris religionis, quam a Zoroastre institutam crepabant, quaeque magianismo absoluebatur, cultores, vt apud Iudaeos et Christianos suis placitis, religioni, traditioni fidem facerent et auctoritatem quouis modo conciliarent. Quem in finem, non excogitati tantum et suppositi libri vetustissimis religionis suae antistitibus, quod supra iam monuimus¹⁷, sed ex Iudaeorum quoque historia multa in arua sua ab iis deriuata sunt. Id quod imprimis in Zoroastris historia factum esse, non obscuris vestigiis deprehendere est, produntque male cohaerentem fidem ipsi harum historiarum architecti, sic vt mirum videri queat, viros acutos fidem sine examine eiusmodi narratiunculis dare potuisse, nisi praeiudicium venerationis exoticæ eruditionis, multo sudore acquisitæ iudicium

7) Stromat. L. I. p. 304. 334.

8) Lex. T. II. art. Zoroaster p. 15.

9) HYDE l. c.

10) Quibus volupe est, tempus atque otium his nugis perdere, apud HYDEVM l. c. affatim reperient harum quisquiliarum.

11) Ibid. c. 24. p. 213.

12) l. c. p. 54.

13) HYDE l. c.

14) p. 314.

15) l. c. p. 213.

16) Haec per totum orientem, imo inter Christianos quoque vltata fuisse, multis in historia philosophica et Christiana exemplis constat, saepiusque a nobis suis locis notabitur. Conferendus interim acutissimus MOSHEMVS de causis suppositorum libror. Vol. diff. H. E. p. 217 seqq.

dictum oecoecauisset. Supra enim iam indicatum est, in libro Persarum sacro, eoque si verâ nobis tradunt Arabes, publico et vetustissimo Sad-der, omnes Zardushti maiores ad atauum vsque Espintamanum recenseri Perfici nominis et originis, sic vt recte inde concluderit doctissimus, et, dum haec scribimus, orbi literato nostraeque amicitiae acerbo fato ereptus BEAUSO-BRIVS^{d)}, falli eos, qui Iudaeum fuisse Zerdushtum crediderint. Et tamen omnes fere, qui ex Arabibus de eius origine et natiuitate scribunt, in eo consentiunt, ex Palaestina fuisse ortum^{e)}; vnde necessario sequitur, natione et religione, antequam ad sectam magorum deficeret, Iudaeum fuisse. Nec, nisi haec statuamus, ratio dari potest, vnde tantam, quantam Arabes iactant, veteris testamenti, et imprimis psalmorum Davidis cognitionem hauserit? satis enim notum est, et ex ipsa lege Israelitarum constat, et vetitum fuisse huic genti commercium cum aliis nationibus, et suo quoque ingenio vehementer ab eo abhorruisse, sic vt nullam veri habeat similitudinem, Zardushtum prophetae alicuius Israelitici fuisse seruum et simul discipulum, nisi eiusdem originis et religionis fuerit. Quae omnia cum luculenter euincant, male cohaerere omnia, quae ex Persarum libris Arabes referunt, et contradictione euidente inter se committi, ita suspicionem suppositionis iustam quam maxime confirmant; certe, istis Arabum relationibus veritatis cupido animo fieri minime satis, euincunt. Neque tamen negamus fieri potuisse, vt impostor quaedam ab Israelitis dura circa ea tempora inter Babylonios captiuitate pressis et ex ea superstitibus didicerit, vel aliquam doctrinas Magorum emendandi occasionem nactus fuerit, licet, quid potissimum expiscatus sit, dici non possit. Ex dictis vero porro diiudicandum est, quod adiicitur^{f)}, *a talis prophetae miraculis stimulatum fuisse, ad similia patrandum, et proinde multis astutiis studuisse prompto ingenio, et forti imaginatione, et naturali audacia, et confidentia adiutum, nam si non fuisset audax et intrepidus, totius nationis religionem suo modo reformare non tentaturum fuisse.* Non recordantur enim viri docti, qui ita rationes instituunt, se eius seruitium et discipulatum ad Danielem vel Efram retulisse, quorum neuter miraculis inclauit. Interim nec ingenium versipelle dolisque aptum, nec praestigias a vaferrimo homine religionis mutationem et celebrem sectam meditante editas negamus, licet pro certo affirmare non audeamus, quod ex BUNDARI refert HYDEVS^{g)}, in arte praestigiatoria versatum, res quasdam miras populo ostendisse, quas miracula sua vocauerit: ex his fuisse quod supinus iacuerit, dum bipondium aeris liquefacti super sinum eius fusum fuerit, aes vero super sinum eius granatim concretum nullum ei damnum intulerit; item aliud, quod ignem manu tenuerit, et manus eius non fuerit combusta, et in cuiuscunque manum dederit, non fuerit combusta. Immo multa si non pleraque mera commenta atque mendacia esse, quae de stupendis eius

T 2

mira-

d) loc. cit.

e) HYDE l. c. PRIDEAUX l. c.

f) HYDE l. c. p. 312. PRIDEAUX l. c. p. 214.

g) lb. p. 311.

miraculis ex libro: *Schâhnâma-nesr* IDEM^h recitat, facile, qui nasum habet, subodolfaciet. Ut vero auctoritatem sibi conciliaret, primum in desertis atque montanis secessum quaesivisse, vnde inexpectatus prodiret, et se quali diuinitus missum Persis ostenderet, porro referunt, additque ABV MVHAMED MVSTAPHAⁱ, librum composuisse in duodecim tomos diuisum, scriptos in coriis taurinis, quales singulos totidem vituli portare possent, scriptumque hunc librum literis aureis fuisse, regi Gustasto offerendum. Ita praeparatus, ut astute rem suam ageret, non tam nouae religionis auctor, quam veteris Magorum restaurator atque reformator videri voluit. Ea enim ante haec tempora apud Medos atque Persas inualue at, sed cum internecione magorum, qui post Cambyfis mortem imperium sibi vindicauerant, valde turbata et tandem non penitus deleta erat, astrorum cultu totam Persidem occupante, regeque Dario ei addicto. Ut itaque nationi ad auita placita prona se attemperaret, eorumque sibi animos conciliaret, ita magorum systema in crustauit, ut sibi proprium esset, et peculiari ratione id effingeret; nouus ita reformator religionis futurus. De qua magorum sententiae mutatione et Zoroastreo systemate postea quidem prolixius dicemus, hic tamen ordinis gratia summam tantum notamus, duobus capitibus, si relationibus Arabum, praecipue ABVLFEDAE et SHAHRISTANII^j standum est, eius systema constituisse vno, quod duobus principiis bono et malo sibi inuicem oppositis tertium idque superius praefixerit, a quo duo illa producta et creata fuerint, lux quidem effectus summi creatoris, et tenebrae, necessaria sequela lucis, quae ex eius priuatione ortae sint: altero, quod destructa idololatria, cultuque astrorum abolito, igni sacro, hactenus in collibus passim culto, templa erigi iusserit; quem in finem coeli doctrina erudiendum in coelum raptum se impudenter mentitus esse dicitur, et cum Deo ex flamma colloquente sermones misceri reuelationes accepisse. Ita enim ignis cultui apud Persas dudum introducto se quam maxime attemperabat. Sic scena instructa, in Media, quae nunc Aderbiian dicitur, in vrbe Xiz, vel, quod alii volunt, Ecbatanae primum prodit^k, in qua Smerdis magi patria magianismi aedeciae plures adhuc fuisse videntur, ibique coelestes reuelationes nouamque auitae religionis faciem prodidit. Ibi vero rebus suis compositis in Bactriam commigravit, Persidis prouinciam ad orientem maxime sitam, ibique in vrbe Balch quae est ad littora Oxi fluminis in finibus Persidis confedit. Ibi vero Hytaspes, Darii pater, rebus praeerat, qui, etsi Darius filius extinctis magis ad astrorum cultum defecerat, pristinam tamen magorum religionem retinuerat: et apud eundem ita praestigiis suis aditum sibi parauit, ut noua eius doctrina atque instituta publice reciperentur^m. Addunt his, qui magna de hoc

^h) Ib. p. 319.

ⁱ) Apud EVNDEM l. c.

^k) Vid. ПОСОК. Specim. histor. Arab. p. 147. HYDE l. c. c. 22. p. 294 seqq.

^l) Bundari, Abu Isafar Tabarita apud HYDE l. c. c. 24. p. 313 seqq. GOLIVS not. ad Afragan. p. 207. 227 PRIDEAUX l. c. p. 214.

^m) IDEM apud HYDE l. c. p. 316.

hoc impostore somniant, in confinibus Indiae versatum ad Brachmanas excurrisse, et ab eis mathematicas, astronomicas atque physicas doctrinas accepisse, sicque arcana disciplina innutritum, eas scientias ad magos reducem non sine stupore et admiratione omnium docuisse, sicque maximum mathematicum atque philosophum sui temporis euasisse, immo factum inde esse, quod magi ab eo eruditi arcana naturae inspexerint, ut supernaturali lumine vique aliqua diuina et arcaniori multa patrare posse crederentur, et ii qui malis artibus mira se effecturos promitterent, magorum nomen usurparent, cui postea infamis significatio inde adhaesit". Verum et haec non satis firmo stare talo vel inde coniici potest, quod tota illa de Brachmanum eruditione mathematica atque physica traditio a Graecis ex suae eruditionis facie aliarum gentium doctrinam inepte mentientibus excogitata videatur, ut in sequentibus latius exponetur; ubi de philosophia Indorum differemus, eamque longe aliam fuisse, audiemus, quam quae speculationibus intellectus absoluitur. Nec, cuius fide ista narrantur, AMMIANVS MARCELLINVS^o, haec ad Zoroastrem, quem ex Chaldaeorum, non Indorum, arcanis scientiae magorum multa addidisse, asserit, refert, sed ad Hytaspem prudentissimum Darii patrem; qui *quum superioris Indiae secreta fidentius penetraret, ad nemorojam quandam venerat solitudinem, cuius tranquillis silentiis praecelsa Brachmanorum ingenia potiuntur: eorumque monitu rationes mundani motus et siderum, purosque sacrorum ritus, quantum colligere potuit, eruditus, ex his quae didicit, aliqua sensibus magorum infudit*. Sed ut ad Zardushtum reuertamur, is in Baetria nouo religionis systemate formato et confirmato, tandem ad regiam aulam Susam, contendit, ibique tanta astutia nouam theologiam regi Dario commendauit, ut is in partes eius secederet, regemque ministri maximam partem sequerentur, id quod trigesimo Darii anno accidisse referunt^p. Etsi vero pertinacissimos aduersarios Sabaeos id est astrorum cultores experiebatur, ita tamen nouum systema impostoris inualuit, ut publice reciperetur, et religionem Persarum publicam absolueret. Vnde *magicam religionem apud Persas et Parthos et Baetros, et Chorasmios et Sacas et Medos aliasque multas gentes barbaras vigere*, suo quoque tempore LVCIANVS^q notauit: et exorto quoque Muhamede ea adhuc superfuit, cuius noua religio etsi hanc pepulit, hodiernum tamen inter Persas et Indos Zoroastreae disciplinae atque religionis affectae, testibus viris doctis, qui has regiones perlustrarunt, inueniuntur. * Postquam ita nouis accessionibus in ipsa regia institutum suum Zardushtus auxit, rediit in urbem Balch, ubi se in Pyreo siue templo igni sacro dicato archimagum constituit, et regia potentia in rebus ad nouam religionem et magorum ordinem pertinentibus regnauit, immo et finitimos reges in partes suas pertrahere annis

T 3

fus

n) PRIDEAUX l. c. p. 221.
o) Lib. XXIII. c. 8.

p) HYDE l. c. c. 24.
q) In Longaeus T. II. p. m. 318.

lus est, verum magno suo malo. Cum enim Argaspem, regem Scytharum orientalium astrictorum cultui vehementer addictum in partes suas pertracturus regia Darii auctoritate et potentia vteretur, violentiam perhorrescens Scythae exercitu Bactriam inuasit, Darii exercitum frustra se ei opponentem fudit, et Zardushtum cum omnibus sacerdotibus templi patriarchalis interfecit, reliquis quoque templis huius instituti deletis^{r)}. Quem tamen Darius nouo collecto exercitu repressit, acieque fregit, templa diruta resuscitauit, et palmarium templum igni dicatum magnifice ex cineribus iterum extruxit, quod inde Azur Gustasp, ignis templum Darii Hytaspidis vocatum est. Immo archimagi munus ipsum postea gessisse, ex eo colligi potest, quod referente PORPHYRIO^{s)}, in sepulchri titulo magorum magistrum se vocari iussit. Et haec quidem potiora sunt, quae de Persarum Zoroastre, Arabum potissimum fide, nouimus; quae enim Graeci de eo narrant, ita inter se pugnant, et cum aliis viris antiquis celeberrimis confusa male cohaerent, ut nihil inde colligi queat, quod vel exigua veri specie se commendat^{t)}. Quo loco vero Arabum testimonia habenda sint, supra iam ostendimus. Nec leuem facit suspicionem Graecorum de his Zoroastris Persae institutis, fortunaque sub Dario Hytaspae silentium, cum tamen non eo tantum tempore Persarum res Graecis notissimae fuerint, sed et postea Alexandro M. Persidem occupante monumenta Persarum in manus Graecorum peruenerint. Difficile itaque est, ex historia hac Zoroastrea ea eligere, quae vero videntur proxima, cum multa, ad faciendam magianismo fidem et auctoritatem contra Islamismum et Christianismum valde circa scriptorum horum tempora inualescentem, sine dubio efficta sint. Nobis si in his tenebris coniecturis locus est atque lux aliqua, dubium quidem non videtur, in Perside impostorem quendam fuisse, qui adhibito Zoroastro nomine, vel in Persia iam usitato, vel ab alio antiquissimo inter Babylonios philosopho ementito, nouam religionis per astrolatrariam mire tum mutatae faciem introduxit, ignisque cultum Persis admodum sacrum noua ratione instruxit, praestigiisque ad stuporem et admirationem populi excitandam vsus magnam sibi in hac gente auctoritatem conciliauit, magorumque sectam et systema validissime euexit: nihil enim in his est, quod non probabilitate sua se commendat: nec magnopere refragabimur eis, qui artis medicae^{u)}, cultusque deorum arcani, aliarumque partium eruditionis orientalis gnarissimum fuisse perhibent, modo ea non ad normam encyclopaediae Graecae; sed ad modum doctrinae orientalis exigantur: nam his potissimum artibus et temporis ac patriae suae eruditione se eos plerumque commendasse, qui nouas sectas et religiones condiderunt, historiae veteris et recentioris monumenta loquuntur.

Reli-

^{r)} HYDEL. c.

^{s)} De abstinent. L. IV. p. 156.

^{t)} Conf. omnino BAYLE Dict. T. IV. art. Zoroastre p. 555 seqq.

^{u)} HYDEL. c. p. 300. hinc suppleri et emendari potest. DAN. LE CLERC. Hist. de la Médecine L. I. ch. 5. p. 9.

Reliqua vero quae tanta fiducia Arabes memorant, cur inter fabulas numeranda esse existimemus, rationes adductae satis produnt. Et inde etiam iudicium fieri potest, quid de magnificis elogiis sentiendum sit, quae eius eruditioni, praesertim in philosophia tribuuntur. Vti enim nomen Hakim, id est, sapientis per totum orientem, tam inter Muhamedanos, quam Sablos^x, recte ei tribui potest, qui in orientis eruditione magnum nomen adeptus est; ita nugantur, qui cum Graecis^y omnem sui seculi et nationis eruditionem ei tribuunt, quam ei non conuenire, illa quae de magorum institutis postea dicentur, satis euincunt. Rectius APVLEIVS^z *antistitem omnis diuini arcani* nominauit. Facile tamen concedi potest, Zoroastrem hunc Persam astronomiae gnarum fuisse, quo nomine eum magnopere laudat aliisque praefert doctissimus Tartarorum princeps VLUGH BEIGH^a. Hanc enim philosophiae partem in hac gente viguisse supra vidimus; vnde patet, necessarium non fuisse Zardushto, ad Brachmanas digredi, fideralis scientiae discendae causa, cum domi habuerit, vnde ea disceret, quae instituto suo conuenire iudicabat. Multo minus ii audiendi sunt, qui reuelationes diuinas habuisse, et de Messia vaticinatum fuisse, nugiuendulis Arabibus fidem habentes, contendunt^b.

* Si recentioribus itinerariorum scriptoribus TEVENOTO, SANSONIO, TAVERNIERIO, LORDIO credendum, illi, qui hodie inter Persas antiquae magorum religioni adhaerent, Gauri vel Gafri, id est, infideles nominantur, et in suburbio Aspahami, ab ipsis Gaurabad dicti, degunt, et vilissimis seruitiis destinantur. Plerique tamen in Carmaniae prouincia habitant, omnium Persidis prouinciarum pessima, vnde hunc tantum eis locum concessit Muhammedanorum zelus et inuidia, vbi religionis suae cultum exercent. Eorum enim placitis vehementer inuisi sunt, vnde multa miserae genti perferenda. Quae iniuria quosdam permouit, ut in Indiam confugerent, vbi Suratae, Bombaiaeque refugii locum inuenere. Referuntque qui haec nobis tradunt, et in his O VINGTONVS apud H. PRIDEAUX l. c. pag. 231. integris eos moribus viuere, Deum solum adorare, ad solem vero orare, ignemque colere, detestari idololatriam, statuere resurrectionem et iudicium extremum: Zoroastrem vero prophetam Mose non minorem habere et colere, per quem Deus ipsis legem atque voluntatem suam patefecerit. Aliter tamen, qui prius in eadem opinione fuit, cel. MOSHEMIVS, qui in humanissimis ad nos literis ita: *Scio nunc, certisque Orientalium testimoniis docere possum, inter ignicolos seu Guebros et veros Zoroastris discipulos multum interesse. Discipuli germani Zoroastris lazidiani appellantur, a voce Iazed Persica, quae Deum significat. Habitant illi, qui summo Muhammedanis odio sunt,*

x) HYDE l. c. c. 24. p. 312.

z) Florid. l. II.

y) SOLIN. in Polyhist. c. I. SVIDAS in Megi, Astronomia, Zoroaster. conf. auct. recogn. l. IV, c. 27.

a) Apud HYDE l. c.

b) IDEM in praef. conf. PRIDEAUX l. c. p. 230.

sunt, in remotissimis rupibus et montibus et duo illa numina Zoroastris adhuc colunt: verum principium bonum non quod veteres solebant, Oromarden hodie vocant, sed Iezdan i. e. absolute Deum, malum vero Ahrimen in hunc usque diem nominant. Nihil horum inter Guebres reperitur, qui a Muhammedanis tolerantur. Lucem mihi praetulit historia Tamerlanis insensissimi tam ignicolarum, quam Zoroastrianorum hostis.

Libri Zar-
dushti tributi

Zendaesta,

§. III. Tribuuntur huic Zardushto varii libri, quos partim in solitudine versatus composuisse, et quod supra diximus, coriis taurinis inscripsisse dicitur, partim archimagus conscripsisse fertur. Inter illos non celebrior aut auctoritate praestantior est libro, ab impostore in solitudine composito, quo religionem novam exposuisse, eumque ita regi obtulisse ab orientalibus narratur. Hunc *Zendaesta*, et brevius *Zend* nominant, hacque voce, quam ab ipso Zardushto deriunt, ignitabulum alias indicant, quem titulum ideo fecisse fertur, quod excitando amoris diuini igni lectio et meditatio huius libri destinaretur. Hunc in duas partes diuisit, quarum prior liturgiam et sacrorum publicam formulam in templis igni dicatis hodiernum solennem comprehendit, altera praecepta religionis continet, vitaeque atque officiorum rationem ita praescribit, ut ad hanc, tanquam diuinam normam omnis actio componi, et iuxta eam diiudicari debeat. Hunc librum, apud eos, qui instituta Zoroastris hodiernum sequuntur, sacrum, et diuinum, tantaeque auctoritatis, quantae apud Christianos sacra oracula, vel apud Muhammedanos Alcoranus sunt, e coelo se accepisse Zardushtus contendisse fertur, et reuelationes diuinas in eo maxime iactasse. Eius exemplum Persica lingua atque literis conscriptum hodie in templis omnibus huic sectae addictorum custodiri fides itinerariorum refert, quae addunt, sacerdotes ex eo particulam diebus festis populo praelegere. Eius exemplum nactus vir in his literis apprime versatus THOMAS HYDEVS, editionem promisit, modo esset, qui sumtus faceret; sed mortalitatis exuias deposuit, desiderio et consilio editionis frustratus. Id quod magnopere dolendum est, ex eo enim non tantum praesentem horum hominum statum et religionem discendi copia enata fuisset, sed facilius quoque de integritate libri iudicium potuisset fieri. Eius quidem compendium aliquod liber itidem sacer, Persis, *Sad-der* dictus, exhibet, cuius summam exponit HYDEVS, in quo auctor ita in prooemio hunc Zardushti librum commendat:

*Zeratusht attulit religionem rectam
Nemo debet in hac religione esse remissus,
Quia Deus ei dedit Vesta-va-Zend,
Vnde religio eius in mundo celsa euasit.*

Verum

c) HYDE l. c. c. 25. 26. p. 331 seqq. HENR. LORD. l. c.

d) IDEM l. c. c. I. p. 25.

e) Is ante ducentos annos a Persa quodam veteris linguae rituumque peritissimo ex scriptis Zo-

roastris collectus et carmine expressus, ab HYDEO latina prosa Historiae religionis veterum Persarum adiectus est. Eum suppositionis reum agit EVSEBIUS RENAUDOTIUS apud BEAUSOBRIUM l. c. p. 162. not. 3.

Verum cum aequae incerta sit libri huius auctoritas ^f, ex eo parum ponderis pro adstruenda huius libri sinceritate et antiquitate accedit. Nec inde recte colligit HYDEVS ^g libri antiquitatem, quod apud EVSEBIUM ^h liber titulo: τῆς ἱερᾶς συναγωγῆς τῶν Περσικῶν memoretur; ex libro Sad-der enim eiusque prooemio patet, in hoc libro non tam dogmata diuina, de Deo rebusque ad eum pertinentibus, quam leges et praecepta contineri. Ait enim:

Omnis rei faciendae et quoque non faciendae

Explicatio est in hoc centi portali, o charissime.

Recte itaque diuersam fuisse eam collectionem, quam Eusebius citat, inde colligit eruditissimus FABRICIUS ⁱ. Difficulus itaque de huius libri auctoritate definiri potest, quem viri eruditissimi pro genuino Zardushti foetu habent ^k, aliis dissentientibus ^l, vel iudicium cohibentibus ^m. Nec nos certiora dare audemus, non tamen inrose refragabimur illustri HVETIO ⁿ, qui, etsi ex falsariorum incudibus profectum esse, statuat, vetustissimum tamen esse putat. Neque tamen supra Eusebii aetatem referendum putamus, sed circa ea tempora, quibus Iudaei et Christiani inter Persas habitauerunt, illorumque libri sacri his lecti sunt, a sacrorum Zoroastreorum antistitibus ita caute et non sine ingenti astutia effictum, ut et lingua incognita veteri, et charactere quoque ignoto, quem Zundicum vocant ^o, exararetur, et non temere cuiquam ex vulgo proderetur, plerisque compendio libri Sad-der contentis; ut ita libro auctoritas accederet, et impostura atque suppositio detegi non posset. Quae quidem pro coniecturis tantum vendimus, sed talibus, quae ratione non destituuntur. Narrant enim non Arabes tantum ^p, sed et, qui librum ipsum viderunt ^q, deprehendi in eo multos psalmos Dauidis regis, narrari historiam conditi mundi eodem modo, quemadmodum apud Mosen, et paria cum historico sacro referri de diluvio, Abrahamo, Iosepho, Salomone, vocarique nouam religionem, religionem Abrahami, eo quod pristinam puritatem religionis, quae Abrahami tempore floruerit, reformatione sua restituerit ^r. Et haec quidem Iudaicam originem impostoris probare contendit cum Hydeo HVMPHR. PRIDEAUX ^s, nobis autem librum supposititium prodere videntur. Supra enim euicimus ex ipso libro Sadder, frustra esse, qui Iudaeum fuisse atque seruitio prophetae occasionem nactum libros sacros expilandi contendunt: quod si itaque

f) Supponit enim genuinam originem Zoroastrei libri, auctorque nimis a temporibus nostris remotus est.

eccles. V. T. T. II. p. 1057.

g) Ibid.

h) Conf. ATH. KIRCHERVS Oedip. Aegypt. T. II. P. II. p. 539.

i) Non dissentiente HVETIO l. c. p. m. 90.

p) Apud ПОСЛОК. Specim. hist. Arab. p. 148.

k) Praep. euang. L. I. p. 42. conf. FABRICIUS Bibl. Gr. Vol. I. p. 65.

q) HYDEVS l. c.

r) IDEM p. 338.

l) Ibid. p. 252.

m) HYDEVS, PRIDEAUX, DE BEAUSOBRE II. cc.

s) l. c. p. 255. ubi obiter notamus confundi Brahama, Deum Indorum, cum Abrahamo. Illum enim conditorem mundi denotare suo loco demonstrabitur.

n) HVETIUS l. c.

o) FABRICIUS l. c. BVDDEVVS Hist.

Hist. philos. Tom. I.

que hoc inter figmenta referendum est, ratio dari non potest, unde tot furta in libros sacros a Zardushto commissa sint, cum satis constet, quanta cura seruauerit, et ab oculis gentilium remotum custodiuerit codicem sacrum Hebraea natio. Nec ostendi atque probari potest, Darii Hystaspidis tempore Persas religionem suam ad Abrahamum retulisse, sed id sequioribus et recentioribus demum temporibus factum est, ex quo Iudaei per totum Orientem usque ad Indos et Sinas dispersi sunt, et Muhamedismus per omnes orientis populos disseminatus fuit, quae utraque religio Abrahamo gloriata est. Nihil itaque a vero admodum absimile statuit, qui contendit, ad fraudem Iudaeis et Christianis, (forte etiam Muhammedanis) faciendam a sacerdotibus magianismi valide elus collabescentis ruinis se oppositibus, librum, adscito antiquitatis fuco et externo charactere oppositum esse. Certe Zoroastri ipsi adscribere, audax nimis est, longeque incertissimum, nec ex eo fide dignum testimonium, cum dubiae auctoritatis sit, desumi potest. Distinctus vero liber est in duodecim tomos, librosque viginti et vnum, et in portas siue capita sectionesue centum.

Scripta Zoroastri alia.

§. IV. Praeter hunc librum, magnam scriptorum copiam Zoroastri Graeci tribuunt, siue quod collectionis a Zardushto in solitudine factae libri tituliue multi fuerint, siue quod celebri nomini multa fuerint supposita. Praecedenti enim capite iam ex Plinio narrauimus HERMIPPVM SMYRNAEVM de tota arte magica diligentissime scripsisse, et vicies centum millia versuum a Zoroastre condita indicibus quoque voluminibus eius positis explanauisse, idque magis ad Zoroastrem Persam, quam Chaldaeam pertinere monuimus. Et si vero facile HYDEO^r credamus, Zoroastrem nihil carmine scripsisse, sed prosa mera, patet tamen inde, vetustissimis temporibus varia scripta Zoroastro nomini fuisse supposita. Certe astrologica, physica, magicaque atque chemica, politica et theologica scripta ei tribui, collectis veterum narrationibus prolixè exponunt literatissimi viri PETRVS LAMBEIVS^u et IOANNES ALBERTVS FABRICIVS^x, quorum vterque cum accurate de scriptis Zoroastreis egerit, lectorem merito ad hos fontes remittimus, ne iusto fiamus prolixiores^y. Quemadmodum vero amissa sunt ea omnia, ita dubium non est, quin tam celebri nomini pleraque sint supposita. Ita enim non Zoroastri tantum, sed et Hermeti, Orpheo aliisque magnis viris canae antiquitatis accidit, ut libris ad eorum mentem et doctrinam a sectarum suarum alumni compositis ipsorum nomina praefigerentur: idque etiam cum Zoroastre in magorum secta euenisse nulli dubitamus. Cum enim ex hac secta sacerdotes fuerint, qui et diuinum cultum tum publicum tum arcanum conseruabant, et natura maiora efficere se posse, iactabant, et astrologia apotelesmatica sibi nomen, famam, opes et auctoritatem conciliabant, facile inde rationes subducipossunt, unde libri illi astrologici, physici,

^r) l. c. p. 340.

^y) Prodr. hist. liter. p. 79 sq.

^x) Bibl. Graec. Vol. I. p. 246.

^y) Conferendus SVIDAS voce Zoroastres T. II. p. 9.

fici, theologici ortum suum habuerint. Neque tamen omnes ad hos auctores referendi sunt, sed abusi quoque varii impostores Zoroastro nomine ad conciliandam nugis suis auctoritatem. Inter hos Gnostici sunt, qui apocalypses Zoroastris se habere gloriati sunt, in quibus maxime Adelphius et Aquilinus talia iactarunt. Hos enim fraudis et suppositio- nis tota Platoniorum schola, et imprimis Plotinus^a, Amelius, et prae ce- teris PORPHYRIUS conuicerunt, qui ipse refert^c, euicisse se, quod con- fictae illae essent atque spuriae. Vnde miramur, eruditissimum BEA- V- S O B R I V M^b hanc sententiam admisisse, euidens esse, quod istae reuela- tiones librum Zend, textum scilicet sacrum placitorum Zoroastreorum continuerint. Si enim genuinum foetum Zoroastris Gnostici habuissent^c, alia longe ratione Platonici, qui Zoroastrea maximi faciebant, eos refu- tassent, et sibi potius suaeque scholae illa vindicassent, quemadmodum in asserendis λογίσις siue oraculis Zoroastris fecerunt.

§. V. Haec λέγεις siue oracula, quae cum reuelationibus istis quidam *Oracula Zo- roastris.* perperam confundunt^d, magnum olim hodieque nomen consecuta sunt, cum fragmenta ex iis quaedam ad nos peruenerint, lecta olim et eximie laudata a Platoniciis recentioribus siue Alexandrinis philosophis, Zoroa- streum tamen nominetenus non laudantibus. Ea enim tanquam pretiosissi- mum vetustissimae sapientiae thesaurum et diuinas voces receperunt, suis- que commendauerunt, commentariis quoque illustrauerunt, id quod de Porphyrio, Iamblichō, Proclo constat, vt alios taceamus^e. Neque tamen integra, qualia Platonici legerunt, ad nos peruenerunt, sed sexaginta tantum versus, neque illi integri cum scholiis GEMISTI PLETHONIS primum editi^f, et a IACOBO MARTHANO latino sermone expressi sunt, quos noua versione et notis suis pariter atque MICHAELIS PSELLI auctos repetita editione ornauit Io. OPSOPOEVUS^g. Longe tamen plenior collectionem instituit FRANCISCUS PATRICIUS, qui versus trecentos viginti tres oraculorum ex Platoniorum commentariis, Procli scili- cet, Hermiae Olympiodori, Synesii, Simplicii Damascii et Nicephori collegit, versus dimidios vel singulos apud hos auctores repertos pro ar- gumenti affinitate coniunxit, latine vertit, et in vndecim sectiones diui- sos praefixa de Zoroastre dissertatione graece et latine in noua de vniuer- sis philosophia edidit^h, repetitos postea ab HENRICO RANZOVIOⁱ, PETRO LAMBECIO^k atque THOMA STANLEIO^l cui eruditae notas et vtilissimum indicem philologicum adiecit IOANNES CLERI- CVS.

V 2

CVS.

^a) Enn. II. L. 9. vbi prolixè contra Gnosticos disputat.

^b) In vita Plotini c. 16.

^c) Hist. Manich. T. I. L. I. c. 6. p. 314.

^d) Libros Zoroastris apocryphos se habere iactabant quoque Procli Gnostici discipuli apud CLEM. ALEXANDR. Str. L. I. p. 304.

^e) Conf. FABRICIUS l. c. p. 247. not. BEA- V- S O B R I. c. p. 314 seq.

^f) Conf. FABRICIUS l. c.

^g) A LODOICO TOLETANO Paris. 1538. 4.

^h) Ad calcem Sibyllinorum Paris. 1589. et cura SERVATII GALLAEI Amstelod. 1689. 4.

ⁱ) Ferrar. 1591. fol. Ven. 1593.

^j) Hamburg. 1593. 8.

^k) In prodromo hist. liter. p. 97 seqq.

^l) Hist. philof. sine p. 1176 seqq.

cvs. Etsi vero egregie de philosophica historia, vt multis aliis nominibus, ita hac quoque collectione Patricius meruit, dolendum tamen, quod scriptores, vnde istos versus depromsit, raro et negligenter citauerit, vnaque serie descripserit, quae diuersis in locis scriptisque ab eo obseruata diuellenda erant, nec iungi debebant, vt taceamus versus non satis emendatos, mutilosue, vel auctorum quoque verbis interpolatos; vnde lector acutus facile iudicabit, sensum ex argumenti indole in se sub-obscurum, haud raro non recte fluere, aquamque inde lectoribus saepe haerere^m. Magna vero de auctoritate horum oraculorum Zoroastro-
rum siue Chaldaicorum controuersia inter eruditos multusque dissensus est. Quidam enim Platoniorum iactantia inducti ea non tantum pro Chaldaicae sapientiae reliquiis, verum etiam pro Zoroastreae philosophiae thesauris receperunt, iisque ingens pretium statuerunt, inter quos imprimis FRANCISCVS PICVS fuit, qui se integra atque Chaldaica habuisse gloriatus estⁿ, nimia credulitate fraudeque vendentis sine dubio deceptus. Eadem fere tuetur OTTO HEVRNIVS^o, qui meliori ea stilo expolire, et puriore latinitate induere connisus, sensum perperam intellectum saepe corrumpit et inquinavit, et quae inter se non cohaerent, vna sermonis serie ex fragmentis hinc inde collectis misere et absurde interdum enarrauit^p. Aliter prudentiores atque cautiores et in his viri celeberrimi THOMAS STANLEIVS^q, IO. CLERICVS^r, IO. ALBERTVS FABRICIVS^s, alique, qui non negant quidem ex Chaldaicis vel Persicis de verbo ad verbum descripta et translata non esse, multa enim aperte stilum Graecum redolent, verbaque adhibentur philosophiae Graecae praecipue Pythagorico-Platonicae propria: putant tamen Chaldaicam vel Zoroastream doctrinam in iis hinc inde latere, ac vestigia in iis deprehendi priscae philosophiae orientalis, licet ab aliquo Graecanicae philosophiae gnaro libere translata sint graece, indeque multa Graecae philosophiae vocabula irrepsisse. In id studium enim philosophos quosdam orientalis philosophiae peritissimos incubuisse, vt orientalia monumenta Graeca redderent, vt de Beroso accepimus^t, eum scripta Chaldaeorum philosophica in Graeciam intulisse, et Iulianum, Chaldaeum philosophum theurgica oracula aliaque eiusdem scientiae arcana Graecis versibus edidisse^u. Tandem et tertia criticorum sententia accessit, qui haec oracula non tantum Zoroastri supposita, sed a Graecanicae quoque philosophiae cultore post C. N. efficta orbique philosophico obtrusa contendunt, argumentum sententiae suae ex stilo Graeco in Platoniorum recentiorum scholis nato et adulto, rebusque in iis contentis manifeste tempora iuniora proden-

^m) Conf. STANLEIVS l. c. p. 1177. CLERICVS praef. not. FABRICIVS Bibl. Graec. Vol. I. p. 249.

ⁿ) In epistola ad Ficinum scripta, quae extat inter opera Ioannis Pici p. 249.

^o) Antiq. barbar. philos. L. II. p. 124. inscripsit ea: Zoroastri Bactrianorum regis ac principis Ma-

gorum oracula magica sincera.

^p) Conf. STANLEIVS l. c.

^q) loc. cit.

^r) loc. cit.

^s) loc. cit.

^t) Diximus hac de re capite praecedente.

^u) SVIDA s, in Iulianus T. II. p. 123.

dentibus, et in philosophia orientali ignotis accersentes. Quae sententia magnos viros eosque *κριτικώτατες* auctores atque affeclashabet, ex quibus praecipue PETRUM LAMBECIUM^{*}, THEOPH. SPIZELIUM[†], IO. HENR. VRSINUM[‡], THOMAM HYDEVM[§], THOMAM BURNETIUM^{||}, et nostrae aetatis viros celeberrimi nominis, IO. FR. BVD-DEVM[¶], ISAACVM BEAVSOBRIVM^{|||}, IO. LAVRENTIVM MOSHEMIVM^{¶¶} nominamus. Et si vero foetum supposititium esse omnes agnoscant, auctorem tamen detegere nequeunt, nisi quod LAMBECIUS[¶] putet, Iulianum theurgum, de quo modo diximus, et cuius *θεουργικὰ τελετικὰ λόγια δι' ἐπὶ* SVIDAS^{¶¶¶} memorat, totam fabulam instituisse, ipsumque oracula haec primum confinxisse: floruit vero sub M. Antonino^{¶¶¶}. Nos omnino fatemur, ancipitem esse, et obscuram totam, quae de his oraculis instituitur, disceptationem, cum nec ii quidem fontes nobis satis noti sint, unde ea hausit Patricius, ut iis consultis rectum de singulis versibus eorumque sensu et auctoritate iudicium institui queat, sic ut fere impossibile sit, sensum eorum, sine accommodatione allegorica, planum atque non impeditum eruere. Omnia itaque ad coniecturas redeunt, quae, si nostra quoque de his oraculis opinio explicanda est, eo tendunt, ut 1. certum putemus, fuisse seculo post C. N. primo vel secundo iam eiusmodi oracula inter homines, quae Zoroastri tribuebantur, siue eum auctorem referre credita fuerint, siue ad eius disciplinam ab orientalibus composita. In excerptis enim ex NICOLAI DAMASCENI *λόγια Ζωροάστρου* bis citantur[¶] quo loco coniectura Lambecii satis refellitur. Nec 2. ad Gnosticos, post Adriani imperatoris tempora Zoroastrea dogmata et oracula iactantes, ea referri posse existimamus, quod VRSINO visum fuit^{¶¶}, supra enim iam ex Porphyrio audiimus, Platonicos Gnosticorum foetus supposititios fortiter repressisse, qui tamen haec oracula maximi fecerunt. 3. Obseruandum et hoc est, a Platoniceis non Zoroastri oracula dici, sed vel *λόγια ἱερὰ* vel *Χαλδαϊκά*, immo nec PLETHONEM collectorem primum dixisse Zoroastri oracula, sed Zoroastrea tantum[¶], id est doctrinam ad mentem Zoroastri comprehendentia, unde et Zoroastreorum et Platoniceorum dogmatum compendium conscripsit^{¶¶¶}: valdeque

V 3

nobis

* In prodrom. histor. liter. p. 94.

† De re literaria Sinaens. Sect. VI. p. 86.

‡ De Zoroastre, Hermete et Sanchun. ex. I. sect. 8. p. 56 seqq.

§ De relig. vet. pers. c. XXXII. p. 386. qui haec quoque oracula se editurum promisit.

|| Archaeol. philol. c. IV. p. 349.

||| Hist. Eccles. V. T. Per. I. sect. 3. §. 22. p. 442.

¶ Hist. de Manich. T. I. L. I. c. 6. p. 315.

¶¶ In notis ad CUDWORTHII Systema intel- lectuale p. 340. n. 54.

¶¶¶ loc. cit.

¶ loc. cit.

¶¶ Confer. quae de eo habet FABRICIUS l. c. p. 254.

¶ In excerptis Peirescianis a VALESIO editis p. 460. ubi historia Croesi a Cyro rogo destinati et miraculo liberati narratur, et adicitur, Persas *λόγια Ζωροάστρου* in mentem reuocasse, et exinde sanxisse iuxta oracula Zoroastri, ne cadavera cremare, neue ignem contaminare liceret. Quae cum fabulam prodant, incertum iam tum rumorem de oraculis Zoroastri circumlatum fuisse docent.

¶ loc. cit.

¶ In prima enim editione praefixus titulus: *Μαγικά λόγια τῶν ἀπὸ τοῦ Ζωροάστρου Μάγων*. vid. FABR. l. c. p. 248.

¶ Exhibet id FABRICIUS Bibl. Graec. Vol. XIV. p. 137. hoc titulo.

nobis videtur probabile, Picum primum fuisse, qui vendentis impostoris fraude deceptus Zoroastri ipsi tribuerit. Imprimis vero 4. notandum est, non vocabula tantum in his oraculis apparere, sed res quoque in orientalium scholis ignotas, et inter Graecorum praecipue Pythagoreo-Platoniorum subsellia enatas, qualia sunt principia illa diuina, seriesque et ordines substantiarum spiritualium, intelligibilia, intellectualia, ideae, et quae his sunt similia: immo talia in his oraculis dogmata reperiri, quae ante C. N. in Academia vel plane non vel alio modo audiebantur atque tradebanturⁿ. In his maxime notabile dogma est de trinitate in diuinis, quod hoc, quo in oraculis apparet, modo ornatum Platonica Alexandrinorum philosophorum schola eo tempore ita comisit, effinxitque, quo omnium religionum syncretismum meditabatur, et imprimis Christianorum sacris se, quantum pote, accommodabat, ut ruenti gentilismo suppetias ferret. Facileque esset, si id ageremus, plerorumque dogmatum in his oraculis contentorum parallelismum in systemate philosophiae Alexandrinae ostendere. Quibus omnibus si 5. iungimus effrenem impudentiam horum hominum, supposititilis foetibus, piaque, quam putabant, fraude rebus suis subueniendi, et infano syncretismo suo auctoritatem adscitis vetustissimorum philosophorum nominibus conciliandi, non parum ponderis habere nobis videtur ea sententia, quae philosophorum Alexandrinorum alicui, ante conditam Plotini scholam viuenti, supposititium foetum adscribit, et oracula haec circa ea tempora enata esse coniicit, quibus Hermetica, Sibyllina et huius furfuris alia mendaciorum pater ad sistendam religionis Christianae fortunam et incrementa orbi obtrusit. Neque tamen improbable videtur, circumlatas esse in oriente sacras quasdam sententias Zoroastri tributas et sub eius nomine venditas, quae occasionem forte tum Gnosticis, tum Platonice obtulere, eiusmodi scripta, et λόγια, Zoroastream doctrinam et mysteria prae se ferentia excogitandi et incautis obtrudendi, suasque nugas quas Christianae potissimum religioni opponebant, ita commendandi. Totum enim theurgiae mysterium, quod Christianorum miraculis hi homines opponebant, nativo Platoniorum colore in his oraculis adumbratum est. Quae omnia iure tandem euincunt, Zoroastri Persae ea abiudicanda esse.

Hystaspes.

§. VI. Praeter Zardushtum philosophiae inter magos maxime cultae auctorem et promotorem constituit AMMIANVS MARCELLINVS^o Hystaspen; quem supra iam memorantem audiuius, cum superioris Indiae secreta penetraret, ad Brachmanum solitudines peruenisse, et ab iis astronomiam et arcanum Deorum cultum edoctum, scientiam hanc magos iterum docuisse. Variant vero veterum de Hystaspe narrationes. LACTANTIUS^p enim Medorum regem et vatem antiquissimum facit, et praefatum, ait, sublatum iri ex orbe nomen imperiumque Romanum, multo ante, quam illa Troiana gens conderetur. Quem tamen, ut haud raro solet,

ⁿ) Conf. omnino cel. MOSHEMIVS l. c.

^o) Lib. XXIII. c. 6.

^p) Lib. VII. c. 15.

solet, vel nōminum confusione vel falsa traditione deceptum esse, dubium non est. Rectius et Arabes, qui nobis Zoroastris historiam descripserunt^{q)}, et ex Graecis AGATHIAS^{r)}, Zoroastris aequalem faciunt, Persarum testimonio vsi, qui eum Darii patrem tradunt. Nec dissentit HERODOTVS^{s)}, qui refert, eum ex Achaemenia Persidis regione oriundum, filiumque Arfacis fuisse, somniumque de Dario primogenito suo, quo ei regnum portendebatur, sermonesque de ea re Cyri et Hystaspis narrat. Is itaque Cyri tempore vixit, et iunctis cum Aduasio copiis, totam eam Phrygiae partem, quae Euxino ponto adiacet, subegit, regemque eius captiuium ad Cyrum adduxit^{t)}. Nec caret verisimilitudine, Hystaspem, etsi ducem, Magis tamen praefuisse, supra enim ex PORPHYRIO notauimus, Hystaspis filium Darium sepulchro inscribi iussisse, ὅτι μαγικῶν γένοιτο διδάσκαλος, id quod non tam magorum praeceptorem, quam archimagum, siue sacrum pontificem notare, supra quoque monuimus. Ita enim rationes horum temporum exigebant, et multa veteris historiae exempla probant, summae rerum praefectos, religionis quoque custodiam et sacrorum munerum praefecturam sibi seruauisse, vt religionis capistro populum eo felicius refrenarent. Ceterum magi huius vaticinia, vel incertam potius de iis traditionem apud primitiuae ecclesiae doctores magnae auctoritatis fuisse, ex iis, quae viri docti a FABRICIO citati, de illis disputauerunt, notum est. Verum ea alterius loci sunt, vbi latius demonstrandum est, inter apocrypha incautis patribus saepe praeter rem deamata, ista vaticinia referenda esse.

§. VII. Nemo tamen inter magos post Zoroastrem nomen atque famam magis extulit, quam Hostanes, siue Ostanes, quem et quidam Otanem dicunt. Hunc Zoroastris praeceptorem a nonnullis existimatum fuisse, capite praecedente monuimus, quam recte dispiciant alii^{u)}. Certe Ostanas vel plures fuisse, vel nomen celeberrimi magi toti sectae cessisse, vt Ostanas dicerentur, quod SVIDAE^{x)} placuit, vel ex vno DIOGENE LAERTIO patet^{y)}, qui post Zoroastrem certa successione magos fuisse Ostanas et Astrampsychos, et Gobryas ac Pazatas, donec ab Alexandro euersum est Persarum regnum refert. Duos enim Ostanas PLINIVS^{z)} quoque memorat, quorum vnus Xerxis tempore floruit, alter Alexandri M. aetate non leuem auctoritatem addidit magicae professioni. Antiquior tamen ille maximam in magica disciplina celebritatem consecutus est. Refert enim PLINIVS: *Primum, (vt equidem inueniatur) de magia commentatum Osthani, Xerxem regem Persarum bello, quod is Graeciae intulit, comitatum ac velut semina artis portentosae sparsisse obiter infe-*

Hostanes.

q) Apud HYDEVM et ПОСЛОКРИМ II. supra citatis: Illius c. 23. de Hystaspe agit.

r) Lib. II. p. 68.

s) Lib. I. c. 209.

t) XENOPH. Inst. Cyr. L. VII.

u) Paulo enim ante Zoroastrem poni refert PLINIVS L. XXX. c. I.

x) Voce Ostanas, T. II. p. 723. nisi Suidas Laertium, quem excerpt, male intellexit, et ex duobus Ostanis sectae nomen fecit, quod ingeniose conicit RVSTEIVS ad h. l.

y) Lib. I. c. 2.

z) l. c.

*infecto quacunque commeauerat; mundo. Hunc maxime ad rabiem, non auiditatem modo scientiae eius Graecorum populos egisse. Inde etiam multa viri huius fama magnumque nomen apud veteres, TATIANVM^a TER-
TVLLIANVM^b, ARNOBIVM^c, MINVCIVM FELICEM^d, AVGV-
STINVM^e aliosque. Et si vera refert SVIDAS^f, post Zoroastrem ab
hoc Ostane inter Persas Astronomia primum exculta est. Immo librum
quoque chemicum ei tribui HYDEVVS testatur, quem tamen inter sup-
posititios foetus referendum esse, ea, quae de aetate artis chemicae capite
primo obiter monuimus, satis docent. Nec melioris commatis sunt, quae
in EVSEBII Chronico Graeco^g referuntur. Democritum Abderitam
physicum philosophum in Aegypto initiatum ab Ostane Medo, eo misso,
vt Aegypti sacris praesideret in templo Memphitico cum aliis sacerdotibus
et philosophis. In his etiam fuisse Mariam quandam Hebraeam sapientem,
et Pammenem, qui per ambages scripsit de auro et argento et lapidibus et
purpura, quomodo etiam Maria: eosque proinde ab Ostane laudatos esse,
quod per multa eaque docta aenigmata artem celassent. Vt enim tacea-
mus, nullibi legi Ostanem in Aegyptum migrauisse, et sacerdotibus Aegy-
ptiis praefuisse, sola Democriti aetas, Ostane multum inferior fabulam de-
tegit. Iure itaque suspecta haec sunt SCALIGERO^h, eius calculos pro-
bante doctissimo BOCHARTOⁱ, tanquam a Panodoro Monacho in Euse-
bii textum intrusa: et, quod facile inde coniici potest, ad conciliandam
arti alchemisticae auctoritatem et antiquitatem excogitata. Alia scripta
Ostani supposita nominat FABRICIVS^k. Ceterum et Astrampsycho in-
ter magos nomen fuisse, ex adducto Laërtii loco constat^l, eique librum
veterinarium de curatione asinorum tribuit SVIDAS^m et librum de in-
terpretatione somniorum, quem hodiernum inter scriptores oneirocriticos
legimusⁿ.*

Magi.

*Eius nominis
significatio.*

§. VIII. Vt vero philosophorum et philosophiae apud Persas faciem
plenius noscamus, totus Magorum ordo considerandus est, ex quo sapien-
tes siue eruditos Persarum, quos philosophos barbaros nominare solent,
ortos fuisse vniuersae antiquitatis consensu constat. De quorum nomine
et origine, vt plerumque in rebus vetustissimis et peregrinis solet fieri, in-
certae quoque et dissonae inter se sunt eruditorum coniecturae. Nec enim,
quid vox ista antiqua Persarum lingua significet, definiri satis potest; alii
enim ex Arabibus apud HERBELOTVM^o et ПОКОЦКІУМ^p ex voce
Mikghoush

a) Adu. Graec. p. m. 155. ed. Paris.

b) De anima c. 57.

c) Adu. gentes L. I.

d) In Oetavio.

e) Contra Donatist. L. VI. c. 44.

f) Voce Astronomia T. I. p. 360. vbi ait, eum
cum Zoroastre ex genitura et motu coeli fata ho-
minum nascentium obseruare coepisse et ab his
didicisse Graecos et Aegyptios.

g) Lib. I. p. 43.

h) Ad h. l.

i) Geograph. S. P. I. L. IV. c. I. p. 235.

k) Bibl. Graec. Vol. I. p. 92 seqq.

l) Conf. SVIDAS v. Magi T. II.

m) Voce Astrampsychus T. I. p. 360.

n) Vid. KVSTER. ad l. c. Suidae. FABRI-
CIVS Bibl. Gr. Vol. III. p. 409. Vol. X. p. 491.
RICALTIVS ad Astrampsychum Artemidoro
subiectum.

o) Bibl. Orient. p. 932.

p) Specim. hist. Arab. p. 146.

Mikghoush vel Miiegoush, quod hominem breuibus auribus denotat, appellationem desumptam, sicque magorum nomen a facie conditoris sectae *Βραχυώτερον* deriuatum esse contendunt, quod ita accipit H V M P H R. P R I D E A V X^q, vt credat, ex eo demum tempore, quo Smerdis Magus a Cyro auribus truncatus regno occupato extinctus et Magorum secta tantum non penitus eradicata est, infamiae causa sectae Magorum nomen haesisse. Quae tamen coniectura non ex eo tantum refellitur, quod testantibus Graecis atque orientalibus, Magorum nomen et institutum multo antiquius fuit Cyri et Darii Hytaspis temporibus, et sub Assyrio imperio iam effloruit, vt capite praecedente ostendimus: sed et monente doctissimo et veteris Persarum linguae callentissimo H Y D E O^r haec vox Mikgoush hominem grandibus potius, quam breuibus auribus indicat. Vnde aliis a murmure potius circa sacrificia adhibito Magos dictos esse supra docuimus. Quae tamen omnia merae coniecturae sunt, leuibus etymologiis nixae, idque vnum veritati consentaneum, Magum siue M o g esse vetustum nomen vel ex Media vel ex Perside oriundum, incertae originis, quo ignis cultor et sacerdos innuitur, quam sententiam recte tenuerunt orientalium linguarum peritissimi viri E D. P O C O C K I V S^r et T H O M A S H Y D E^r. Etsi vero vox *Origo Magorum.* apud Medos atque Persas domestica fuit, Magianismi tamen institutum et arcana cultus diuini ratio, quae eum potissimum absoluebat, inter Babylo-
nios et Assyrios aliosque orientis populos ante Persarum imperium effloruit, nisi omnia veterum testimonia infano ausu reiicere, eorumque vniuersalem fidem frangere velimus. Qua de re cum praecedenti capite actum sit, dicta otiose non repetemus. Nos autem hic de Persarum tantum Magis solliciti, dum in eorum origines inquirimus, id ex iis, quae de historia Zoroastris Persae dicta sunt, notandum existimamus; impostorem hunc Magorum sectam non condidisse, sed eam diu iam conditam, et inter publicas Persidis religiones receptam iam viguisse, astrolatria Magianismum postea obscurante. Idque etiam Graecorum, praeter Arabes, testimonia euincunt, qui Magos apud hanc gentem antiquissimis temporibus effloruisse testantur^r: etsi non audiendi sunt I B N P A T R I C K siue E V T Y C H I V S A L E X A N D R I N V S^x, et G E O R G I V S E B N O L A M D I^y, qui ab ipso Nimrodo Magorum institutum deriuant. Alii Persarum et Arabum origines Magorum instituti ad quendam Keiomarathum referunt^z, neque tamen dicere possunt, quis ille fuerit, cum alii ipsum Adamum intelligant, alii Noachum, H E R B E L O T V S^a vero fundatorem Persicae, vel Assyriae potius monarchiae; aequae incerta omnes fide et traditione. Id quod etiam de magno

q) Hist. lud. T. I. p. 128.

r) Hist. rel. ver. Persar. p. 272.

s) l. c. p. 146. qui hanc significationem ex Nomenclatore Arabico-Persico probat.

t) l. c. p. 275.

u) Apud P L I N I V M L. XXX, c. 1. et L A E R T I V M L. I. §. 2.

x) Annal. Alex. T. I. p. 64. qui tamen sibi ipsi contradicit, vt saepius solet, quando p. 263. ait, Zoradashtum Samardii temporibus magorum religionem condidisse.

y) Apud P O C O C K. l. c. p. 148.

z) H Y D E l. c. p. 161.

a) Bibl. Orient. v. Caiumarath p. 243.

Quod eorum
munus?

Societas.

gno Zeruam altero Magorum principe statuendum^b, sub cuius nomine aliqui Noachum, alii Abrahamum latere putant. Si enim ea, quae ex THEODORI MOPSVESTENI libris de Persarum magia nobis seruauit PHOTIVS^c, genuinam Persarum sententiam referunt, Zaruam siue Zeruam non magis hominem indicat, quam Oromasdes vel Arimanius, sed principium aliquod diuinum. Verum haec ingeniis orientalium nugatoriis fidemque ex ementita antiquitate quaerentibus relinquenda sunt, quae talibus otiosam arrogantiam pascere solent, quale etiam illud est, quod P. BAYLE, refert^d, Persarum sophorum quosdam ad Eliam origines suas referre, quod, nisi Muhammedana fabula est, ad magicam religionem profitentes non trahenda, intelligi debet de Elia propheta, apud quem Zardushtum seruiuisse narrant^e. Illud vnum recte ex his omnibus confici potest, antiquissimam fuisse religionem et sectam Magorum, quae et sacerdotium tenuit, et eruditionis inter suos custos fuit, vnde ratio patet, cur Graeci atque Latini^f per Magum mox sacerdotem, mox philosophum intelligant, quoniam apud Magos et sacrorum ritus et arcana de diis eorumque cultu doctrina, et reliquarum quoque scientiarum cultura fuit^g. Interdum tamen a Chaldaeis, qui siderum eorumque vaticiniorum scientiam excolebant, distinguuntur, et illi potissimum intelliguntur, qui *θεραπειά τῶν Θεῶν*, sacro deorum cultui et theurgiae, in qua magicam potissimum constituisse superiori capite ostensum est, vacabant, et somnia quoque interpretabantur^h. Quanquam non omnes Magi, (tales enim omnes ii vocabantur, qui Magorum sanguine creti erant, disciplina parentis traditione ad filios transmissa) sed ii tantum qui ex Magorum familia et gente sacerdotiis adhibiti erant, in hoc eruditorum Persarum siue philosophorum numero censendi suntⁱ. De his porro narrant^k: auctos paulatim in amplitudinem gentis solidae concessisse et nomen, villasque inhabitantes nulla murorum firmitudine communitas, et legibus suis vti permisos religionis respectu esse honoratos. Quo cum consentit CLEMENS ALEXANDRINVS^l, qui Magorum regionis, locis eminentioribus tribusque montibus in longissimo campo ordine sitis septae meminit. Immo urbem Passagarda ad eos pertinuisse, SOLINVS^m auctor est. Id quod tamen non de omnibus intelligi potest, cum per totam Persidem ad fungendum sacerdotio vacandumque ignis cultui dispersi fuerint. Et si vero non cultui tantum diuino sed et sapientiae conseruandae et in populo propagandae destinabanturⁿ, peculiari tamen instituto ab omni naturali honestate abhorrente eam originem agnoscebant, vt ex incesto matris

^b) HYDE l. c. p. 34.

^c) Codic. LXXXI. p. 115. ed. Heesch.

^d) Nouvel. de la republ. des lettres 1684. Mars p. 71. conf. FABRICIVS Codic. Pseudepigr. V. T. T. II. p. 1077.

^e) ABVLPHAR. apud ПОСЛОК. l. c. p. 147.

^f) LAERT. l. c. CICERO de diu. L. I. APV-
LEIVS Apolog. p. 111. 204. Orium Vindel. p. 235.

^g) Luculenter HESYCHIVS: Μάγον τὸν

θεραπεύει καὶ θεόλογον καὶ ἱερεῖα οἱ Πέρσαι λέγουσι.

^h) HERODOTVS L. I. c. 107. conf. BEC-
MANN. Op. L. Lat. p. 650.

ⁱ) Conf. PRIDEAUX Hist. Iud. T. I. p. 222.

^k) AMMIANVS MARCELLINVS L. XXIII.
c. 6.

^l) Stromat. L. VIII. p. 632.

^m) Polyhist. c. 55.

ⁿ) LAERT. L. I. f. 6.

matris cum filio connubio generarentur. Quod etsi ipsa natura abhorrere *Natiuitas ex incestu.* videtur, et hinc non nemini ^o dubium et incertum visum fuit, attamen non Graecorum tantum Xanthis Lydii apud CLEMENTEM ALEXANDRIVM ^o, SEXTI EMPIRICI ^o, DIOGENIS LAERTII ^o aliorumque a MENAGIO ^o adductorum testimoniis, sed et Arabum fide ^t constat, qui in sacris Zardushti libris permitti matrem, sororem, filiam, in vxorem sumere referunt. Quas incestas nuptias non apud Persas, sed et alios orientis populos licitas fuisse, dudum viris doctis obseruatum est ^o.

§. IX. Erat vero potissimum Magorum munus sacris praeesse, sacrum- *Cultus ignis* que ignis cultum, quem religio magica quam maxime commendabat, pre- *Magis com-* cesque et sacrificia peragere. Cum enim duo rerum omnium principia ita- *mendatus.* tuerent, bonum lucis, et malum tenebrarum, de quo magicae religionis articulo fundamentalis postea latius differemus, ubi de theologia Persarum dicendum erit, proscripso idolorum cultu, quem astrolatrias asseclae vehementer vrgebant, sacrum potissimum ignem, symbolum fontis omnium bonorum, lucis aeternae et primigeniae colebant. Quam *Σεραπείαν* ita Zardushtus emendauit, vt sacrum ignem a Magis in omnibus pyreis, siue ignis sacrariis seruari atque studiose custodiiri iuberet, et hac ipsa ex caussa Keblam ^o orientem constitueret. Nam coluerant prius quidem Persae ignem, sed in collibus aris sub dio excitatis; ne itaque ignis sacer tempestatis iniuria extingueretur, super aras has templa siue pyrea excitari iussit, iisque Magos praefecit ^o. Hincque in tres classes Magi diuisi sunt ^o quarum prima inferiores *Classes Magorum.* sacerdotes cultus diuini primam et infimam curam gerentes continebat, altera hos regebat, eisque ephorum instar praeerat, tertia archimagum constituabat, qui toti Magorum familiae atque ordini, tanquam summus pontifex, vel rex sacrorum praesidebat. Inde et tria templorum genera nobis enarrantur apud Persas obuia: erant enim vbiuis locorum excitata oratoria, ubi liturgicae preces populo praelegebantur, festisque diebus ex libris sacris particulae quaedam exponebantur. In his ignis sacer non in ara, sed in lampade conseruabatur. Praeter ea pyrea erant, siue templa publica, in quibus sacer ignis in aris studiose conseruabatur, et a sacerdotibus minoris ordinis, ne extingueretur, custodia per vices redeunte obseruabatur: Magis maioris ordinis ad has aras preces et sacrificia peragentibus ^o. Et in his templis haud raro congregabantur, vt de vaticiniis ^o, somniorumque interpretationibus, quibus credulo populo im-

X 2

pone-

^o) Vid. Bibl. Germanique T. XXIV. p. 57. du-
bius quoque haeret BEAUSOBRIUS l. c. p. 320.

^p) Strom. L. I. p. 3.

^q) Pyrrhon. hypotyp. L. I. c. 152. L. III. c. 305, ad
quae loca videndus FABRICIUS.

^r) l. c. vel Clitarchi potius.

^s) Ad l. c. LAERTII.

^t) Apud POCOCC. l. c. p. 147.

^u) Vid. FREINSHEM. ad CVRT. VIII. 2.
TIRAQVEL. leg. connub. L. VII. c. 30. ALEX-
ANDER AB ALEX. gen. diem. L. I. c. 24. im-

mo iam EVRIPIDES Androm. v. 173.

^x) POCOCC. l. c. Kebla vero est facies coeli
ad quam orantes se vertunt.

^y) HYDE l. c. c. 8. 29.

^z) Ib. c. 28. 30.

^a) Componit haec cum templis nostris cathedra-
libus et metropolitanis PRIDEAUX l. c. p. 22.

^b) CICERO de diu. L. I. c. 41. conf. AELIANVS
L. II. c. 17. VALER. MAX. L. I. c. 6. STRABO
L. XVI. PLINIUS L. XXIV. c. 6. COEL.
RHODIGIN. antiq. lect. L. XIII. c. 39. p. m. 513.

Officia Ma-
gorum.

ponebant, inter se colloquerentur, et de artificio hoc inter se conuenirent. Tandem et summum pyreum templumque fuit, sedes archimagi, quod haec natio ad haec nostra tempora semper sacro-sanctum habuit, et itinere sacro inuisere, haud aliter vt Muhammedani templum prophetae sui Meccae, semel minimum in vita, inter necessaria officia retulit. Quod sanctum templum, vti supra diximus, Zardushtus in vrbe Balch excitauit, et Darius ab Argaspe igne deletum resuscitauit, donec sec. VII. Muhammedismo in Perside inualefcente archimagus in prouinciam Carmaniam secedere cogeretur, vbi eiusmodi pyreum omnibus suae sectae sacrosanctum habendum exstruxit, quodque summa quoque hodiernum religione inuisi a magianismi aedibus, recentiora itineraria testantur. Vt vero decenter pieque hoc sacerdotium Magi subirent, feueris legibus conditor vel reformator sectae, si fides est recentioribus eorum relationibus^c, qui cum his hominibus congressi sunt, eos in officio continuit. Postulauit enim a sacerdotibus, vt cultum precesque a se publica liturgia institutas mutare non audeant, in nullius bona et facultates inuolent, mendacia euitent, cogitationes impuras ab animo arceant, a pollutionibus se praemuniant, iniurias obliuiscantur, populum preces cultumque diuinum et rationes sacrificiorum doceant, matrimonia dirigant iisque praesint, templa frequenter inuisant, librum sacrum Zendauesta memoria teneant, nec aliam pro lege diuina, quam hanc suam habeant, nec eum corrumpere audeant, sub poena aeternae poenae. Archimagis vero summisque sacrorum pontificibus praescripsit, vt puri semper incedant, et polluti aliqua re se lauent; vt manuum suarum labore viuant; decimas tamen mercedem muneris a laicis accipiant; vt vanam gloriam et ambitionem fugiant, et facultates suas ad exercenda misericordiae opera adhibeant; vt prope templa habitent, ingressuri ne videantur; vt frequenter se lauent, mensae munditiam ament, et sacra facturi a coniuge abstineant; vt alios in cognitione astrologiae rerumque naturalium superent; vt neminem timeant, praeter Deum; vt forti et imperterritito animo peccatores reprehendant cuiuscunque sint muneris atque dignitatis; vt accurate falsas reuelationes a veris distinguere norint; vt semper admirentur misericordiam diuinam, et se manifestationi gloriae diuinae parent; vt ignem coelestem sollicitè custodiant, donec terra igni erit consumpta. Haec regulae sunt, quas Magorum ordini Zoroaster praescripsisse dicitur; quae etsi non omnes queant videri genuinae, suppositione in his gentibus praecipue circa sacra frequentissime adhibita; nihil tamen habent, quod non indoli philosophiae moralis orientalium satis respondeat, et, si summam rei spectes, cum iis consentiat, quae de Magis ex veterum relationibus tradit LAERTIVS^d. Is enim ex Clitarcho et Sotione refert: *Chaldaeos circa astronomiae rationes praedictionesque occupari: Magos deorum vacare cultui, sacrificiisque ac precibus, quasi soli ab iis exaudian-*

^c) Videantur, quos laudat AD. TRIBBE- et ex eo BEAUSOBRIUS l. c. p. 317.
CHOVIUS de philosoph. mor. apud barb. c. 20. ^d) Lib. I. f. 6.

diantur; praeterea de deorum substantia et ortu sententias proferre, quos et ignem terramque et aquam esse arbitrentur. Signa statuasque repudiare, et eorum ini-primis, qui mares esse deos et foeminas dicunt, opinionem improbare. De iustitia verba facere, impiumque arbitrare igni sepelire, fas putare matri ac filiae misce-ri; diuinationem praeterea praedictionemque exercere, sibi Deos adparere adse-rentes; eosdem facierum ornamentis aurique usu in vestitu interdicere. His vestem candidam, lectum humum, escam olus, caseum, panemque cibarium esse, arundine pro baculo uti*. Et sic quidem vno conditoris vel reformatoris potius insti-tuto inuicem iuncti sunt; narrant tamen orientales scriptores, in sectas diui-Sectae Mago-
rum.fos fuisse, quarum cum omnes in astruenda althanawiah conuenerint, scili-cet duo esse rerum principia lucem et tenebras, in partes abiisse videntur, quod alii principia ista coeua, alii alterum altero posterius statuerint^f. Qua ratione tamen plures sectas emerfisse H Y D E V S docet^g, qui septuaginta nu-merat. Forte id ad ceremonias magis et praedictionum atque incantamen-torum modum^h, quibus vacabant, quam ad ipsa sententiarum diuortia tra-hendum, vel de temporibus Zardushto superioribus intelligendum est. Ab eo enim callidissimo consilio Magorum ordo atque secta ita constituta est, vt sententiarum vnitatem reuerentiam atque auctoritatem, quam vasserimus im-pollitoreis efficaciter reparauit, tuerentur. Ea quoque ita gauisi sunt, vt ipsi Auctoritas. Persarum reges institutis Magorum se instrui iuberent, nec ad regium diade-ma accessus daretur, nisi arcana magicae disciplinae prius edoctoⁱ. Vnde et semper Magorum prudentissimi in aula regia seruati, et consiliis arcanio-ribus adhibiti sunt^k, cuius causam praecedente capite exposuimus. Certe nec Darium puduit, archimagi titulo superbire, nec regium omnem sangui-nem, Magorum ordini ac sanguini adscribi, ratos, ita regiae dignitati ex su-perstitione populi maiorem auctoritatem accessuram. Durauit quoque per omnia ea tempora horum hominum auctoritas, quibus Persarum impe-rium floruit. Eo vero per Alexandrum M. extincto multum eorum po-tentiae decessit, non tamen extinctus ipse ordo est, quem nec Heraclius^l, valde ei infestus, ita extirpare potuit, vt non ad Muhammedis tempora superessent, a cuius tandem affeculis ad maris Indici ora et extremos Per-sidis fines eiectiones esse supra monuimus.

X 3

§. X.

e) Addendum et hoc, infectis, praecipue muri-bus infectos fuisse, eaque interfecisse P L V T. de ira T. V. p. m. 532. qui et inter Arabas et Aethiopas idem obseruari tradit, nostris quoque moribus non abhorrentibus. Forte mures in tenebris de-gentes ob internecinum in tenebras odium auer-sati sunt: licet sola quoque impuritas murium naturalis sufficiat.

f) Погодк. l. c.

g) l. c. p. 126.

h) Conf. BEAUSOBRE l. c. p. 321. qui inter sacras Magorum ceremonias baptismum ignis re-ferret, de quo quaedam memorat BENIAM. TVDE-LENS. Itiner. p. 108. Recte vero vir doctissimus dubitat, an de Persis et non magis de Indorum quadam natione intelligendum sit? nam refert

mortuos in ignem prolicere, immo magnates inter-dum viuos se igni comburendos deuouere. Hoc vero a moribus Persarum vehementer abhorret, apud quos lege vetitum igni sepeliri, apud N I C. D A M A S C E N. in Excerpt. Peires. p. 460. mori-bus vero Indorum receptum est. In eandem clas-sem quis reuulerit, quod C I C E R O Tusc. Qq. L. I. c. 45. refert, neminem ex suis sepeliuisse, nisi abie-ctum prius et a feris laceratum.

i) Dictum hac de re cap. praec. C I C. de diu. L. I. c. 41.

k) Vid. quos laudat S T A N L E I V S Hist. phil. p. 1162.

l) A G A T H I A S L. II. conf. quos laudat S E L-D E N V S de Diis Syr. Synt. II. c. 8. p. m. 321.

*Philosophia
Persarum ob-
scurissima.*

§. X. Ex dictis constare, arbitramur, sapientiam, qualem in barbarica philosophia perquirimus, apud Persas inter sacerdotes siue Magos, quaerendam esse; qui cum religionis custodes fuerint, sacrasque doctrinas seruauerint, ipsa Persarum religio atque theologia consideranda est, quidque de Deo, de origine, naturaque mundi praesentis, eiusque fine dixerint expendendum, annexis iis, quibus mores hominum dirigebant. In his enim omnem eorum sapientiam constituisse, ex iis quae de magis attulimus, et veterum testimoniis roborauimus, manifestum est. Ita vero difficilis obscurissima, et innumeris aenigmatibus impedita est omnis de sacra Persarum veterum doctrina atque placitis tractatio, id quod plerumque in rebus vetustissimis, iisque maxime, quae ad religionem antiquissimorum populorum pertinent, euenire solet, vt facilius sit hunc labyrinthum ingredi, quam iustum consequi exitum. Cuius rationes, quae ex testium potissimum conditione et defectu oriuntur, quia initio capitis huius attulimus, prouidum lectorem, ad ea, quae ibi dicta sunt, caute attendere iubemus. Tentabimus tamen, quantum in densis his tenebris palpari potest, ea exquirere, quae veteres de Persarum circa Deum resque sacras placitis nobis referunt, neque solis Graecis mire sententias confundentibus fidem habebimus, neque solos orientales scriptores sublectae fidei, fraudisque saepius suspectos audiemus, sed vtrumque testium genus, quantum licet, comparabimus inter se, et ipsam probabilitatis rationem ita consulemus, vt aliqua saltem verisimilitudo inde enascatur. Sacram vero Persarum philosophiam expendentibus tempora ante Zoroastrem sollicitè distinguenda sunt ab iis, quae hunc impostorem religionis reformatorem nata sunt. Ab eo enim nouam Persarum religioni indutam fuisse faciem, ita vt Persicae philosophiae, vel religionis et theologiae potius auctor haberetur, vnanimi Graecorum pariter atque orientalium scriptorum consensu confirmatur. Quae neglecta distinctio potissima causa fuit, cur tantus de Persarum dogmatibus dissensus inter veteres et recentiores scriptores offendatur: prima multis tempora eorumque doctrinam cum Zoroastreis confundentibus. Adeo vero remota sunt vetustissima illa tempora a nostris, tantumque vbique monumenta deficiunt, vt impossibile sit, vetustissimorum Persarum sententias sacras recte enarrare: omnia enim, quae passim traduntur incertissima sunt, solisque coniecturis nituntur. Quia tamen certiora non habemus, his contentos nos esse oportet. Et hoc quidem non leuibus tantum coniecturis, sed vniuersali fere veterum testimonio confici potest, Persas solem, coelestemque illum ignem Deum veneratos fuisse, quo omnia animantur. Id quod omni quidem nisu a Persis amoliri satagit, qui in theologia eorum sanius exponenda omnem industriam adhibuit, THOMAS HYDEVS^m, infeliciter tamen, si quid iudicamus, et contra omnis antiquitatis fidem, quae in testimonium contra eum produci potest. Quod cum erudite confecerit vir doctissimus PHILIPPVS A TURREⁿ, qui

Dii Persarum.

^m) De relig. vet. Persar. c. 4. p. 117 seq.

ⁿ) In monum. veteris Antii p. 194.

qui argumenta quoque Hydei examinavit iisque satisfecit, lectorem brevitatis causa eo remittimus. Nec haec ab uniuersali orientis consuetudine recedunt: in quo solem potissimum inter diuinitates relatum esse magni viri GER. IOH. VOSSIVS^o, IOH. SELDEVSP^o et EDVARD. HERBERTVS DE CHERBVRY^q euidentibus rationibus et testimoniis demonstrauerunt. Immo inter Chaldaeos et Assyrios ignis huius coelestis, hincque omnis ignis cultum diuinum fuisse, superiori capite luculentis, nisi nos omnia fallunt, testimoniis confecimus. A quibus cum non imperium modo sed et religio atque instituta ad Persas transferint, facile inde coniici potest, cur Persis vetustissimis solis, et qui eum repraesentare credebatur, ignis cultus recte tribuatur. Hunc vero Deum Mithrae potissimum nomine insigniebant, eique Deos duos Hormasden, quem Graeci Oromasden vocant, et Arhimanum adiungunt^r, de quibus paulo post plenius dicemus, hic loci notasse contenti, hunc Mithram primum, ut recte HESYCHIVS^s, apud Persas Deum esse, conditorem atque parentem omnium rerum, quo nomine eum macerat apud PORPHYRIUM^r Eubulus. Hinc in inscriptionibus passim: DEO SOLI INVICTO MITHRAE, et, OMNIPOTENTI DEO MITHRAEⁿ. Esse vero hunc Mithram Persis solem, inde recte conficitur, quod teste HERODOTO^z et STRABONE^z, solum e Diis solem Persae colant, atque equos sacrificent. Ad quod alludit OVIDIVS^z.

Solis cultus.

Mithras.

*Placat equo Persis radiis Hyperiona cinctum,
Ne detur celeri victima tarda Deo.*

Plura, ubi alia nobis agenda sunt, non cumulamur, sed rei noscendae cupidum ad eos scriptores remittimus, qui arcana Mithrae sacra apud Persas solenni religione culti nobis enarrarunt^r. Quae cum ita sint, dubitandum vix est, antiquissimos Persas solem pro Deo coluisse: huncque Mithrae nomine indigitasse, cuius causas facile deprehendent, qui in origines idololatriae veteris curiosius inquirent. Cum enim Deus pro mundi anima ab omni fere antiquitate, quae ob traditionis primorum hominum propinquitatem Dei notitia carere non potuit, haberetur, solis vero, principis fideris splendor, forma, calor, effectus admirationem merito excitarent, facile in has cogitationes dilapsi sunt homines, ut putarent, magnam, eamque primam, omniumque praestantissimam animae mundanae, id est, Dei ipsius partem in sole residere. Quod quidem a plebis rudioris indole remotum aliquantum est, quae sidera omnia, praecipue vero solem ipsum

^o) De theol. gentili L. II. c. 2. p. 309.

^p) De Diis Syris, passim, vid. p. 25. 36. 325.

^q) De religione gentilium c. 4. p. 26 seqq.

^r) PLUTARCH. de Isid. et Osirid.

^s) Voce Mithra.

^t) De antro nymphae. p. 118. ed. Rom.

ⁿ) Vid. EZ. SPANHEMIVS ad Iul. Caes.

p. 144. ANT. VAN DALE diff. IX. ad antiqua marmora p. 16 seqq.

^x) Lib. I. c. 131.

^y) Lib. XV.

^z) Fætor. L. I. v. 333. Plura testimonia, Mithram solem Persis esse concessit TH. GATAHER in adu. miscell. c. 21.

^a) Eos nominat FABRICIVS Bibliogr. antiq. c. VIII. §. 12. p. 250. c. X. §. 10. p. 322.

ipsum inter Deos simplici cultu retulit, prudentiorum tamen mentem ubiuis populorum fuisse, facile, si id ageremus, probari posset. Et ita apud Persas euenisse omnino verisimile est, quorum illi, qui rudiori ingenio ultra visibiles creaturas animum non extollebant, solem ipsum Deum credebant et venerabantur, quam vulgi religionem fuisse, tot veterum testimoniis euincitur; prudentiores tamen solem visibilem imaginem, immo thronum potius atque sedem potissimae partis diuinitatis, siue ipsius Dei statuebant. Et sic conciliari posse putamus dissensum virorum eruditissimorum, ambigua acie, et adductis vtrunque veterum locis pugnantium, vtrum per solem supremus Deus apud Persas intelligatur, an ei superior sit? Cuius prioris sententiae testimonia supra audiuius; posterioris locum luculentum XENOPHONTIS^b attulit vir summus ION. LAURENTIUS MOSHEMIVS^c. Illa enim de vulgi sententia, haec de prudentiorum placitis loquuntur, qui non solum diuinitatem in sole, sed in toto quoque mundo eiusque partibus habitantem, Iouem summum, Deumque maximum habuere. Et hinc quoque ratio dari potest, cur in laudato Xenophontis loco fulgura σημεῖα τοῦ μεγίστου Θεῷ *maximi Dei signa* vocentur: eo scilicet, quia teste HERODOTO^d, quo cum STRABO^e consentit, τὸν κύκλον πάντα τῷ ἑρῶντι Δία καλέοντες. *Omnem ambitum coeli Iouem nominant*; nempe quia per totum hunc circulum Deus, ignis ille diuinus^f, siue anima mundana, diffusus est, participantibus ex eo omnibus fideribus, nullo tamen magis, quam sole. Et eadem quoque ratio valet, cur apud vetustissimos Persas ignis cultus tam sacer fuerit atque tantis ceremoniis, ne pollueretur, custoditus. Refert enim, quod supra iam obiter tetigimus, STRABO^e, qui in his regionibus ipse versatus erat, in Cappadocia esse magnam Magorum multitudinem, qui Pyrethi, i. e. ignis cultores dicantur: multa item Persicorum Deorum^h fana; haut cultro sed stipite quodam mactare, velut pistillo verberantes. Esse etiam Pyratheia quaedam memoratu digna. Horum in medio aram esse, in quo cinis est multus: ignem autem inextinguibilem seruare Magos, cotidie ingressos, per horae ferme spatium accinere, fasciculum virgarum ante ignem tenentes tiaris laneis velari etcⁱ. Quae etsi videntur ad Zoroastrea instituta, de quibus supra diximus, pertinere, certum tamen est ex adductis, sacrum ignis cultum ante Zoroastrem inter Persas viguisse, illumque adaptato religioni patriae systemate, quod inuenerat, philosophico, solenniore tantum, excitatis Πνευμάτων templisque et institutis nouis ceremoniis, quas hic Strabo explicat, ignis cultum fuisse. Certe ignem

^b) Lib. I. p. 65. 66.

^c) Annot. ad CUDWORTHII systema intellectuale p. 328.

^d) Lib. I. c. 131.

^e) Lib. XVI.

^f) Potest his ratio quoque addi alia. Nempe Persae veteres nulla templa habebant, quod parietibus Deos includi nefas habebant, teste CICERO-

NE de legibus L. II. c. 10. hinc sub parente coelo orabant ad Deos ubique praesentes.

^g) Lib. XV.

^h) Hoc ex more Graecorum dictum est, Persae enim Pyrea, non vera Deorum delubra habebant.

ⁱ) Erudite has ceremonias illustrat IO. SELEDENVS de Diis Syris, Synt. II. c. 8. p. 317 seqq.

ignem ubique etiam in quotidiano vfu, ne polluerent, Persae cauebant, indeque Euphrates Persa, apud DIOSCORIDEM corpus suum cremari vetat, ne ignem inquinaret:

Πῦρ δὲ μὴ αἰ;

Ἡμῖν τοῦ χαλεποῦ πικροτέρον θανάτου.

Ignem polluere

Nobis ipsa graui-morte amarius.

Vnde vero vel soli vel diuinitati summae, cuius sedes atque imago sol sit, Mithrae nomen datum fuerit, difficulter definiri potest. Quae enim vocis huius origines a viris doctis SCALIGERO¹, HYDEO², RELANDO³ aliisque⁴ afferuntur, incertae omnes sunt. Quod si primae vero popularis superstitionis et idololatriae origines attenduntur, coniectura vero admodum similis fieri potest, vnde Mithras inter Persarum deos nomen extulerit. Vetustissima enim monumenta scrutantibus satis notum esse existimamus, populorum antiquissimorum deos non alios fuisse, quam magnos viros, principesque, conditores et auctores eorum, qui incultam et inhabitabilem terram colendi rationem ostenderunt, a feris et latronibus quoque eam liberarunt, ad mansuetos et humanos mores homines deduxerunt, legibusque ac religione eos instruxerunt, sicque tantis beneficiis suos auxerunt, vt eorum memoria ducti eis locum inter deos assignarent. Nec ignotum quoque iis est, qui antiqua placita excusserunt, magnis animis in sole tanquam felicissimo loco Deoque proximo post mortem sedem esse datam. Cum itaque Mithras nomen viri sit, quo Persae saepius homines denotant, sua probabilitate constat, Mithram primorum in hac gente hominum virum quendam fuisse, vt robustissimum, ita magna inter eos auctoritate, forte regia, valentem, qui purgatam a feris et latronibus regionem habitabilem fecit, legibus et institutis egregiis suos adiuuit, tantisque gentem beneficiis sibi obstrinxit, vt post mortem ei diuinos honores deferrent, animamque in solem tanquam coelestem paradysum translata collocarent. Quae simplicissima idololatriae ratio, qualem etiam in Belo rege supra vidimus, cum displiceret prudentioribus, qui philosophari inceperunt, occasio inde enata est, institutum Mithrae cultum ad res naturales adplicandi, et principium summum Mithrae nomine insigniendo, vel solem quoque instar Dei cultum hoc nomine indicando, manifestam superstitionis rationem emendandi. Quae sententia in se quidem multa verisimilitudine se commendat, maxime tamen iis argumentis roboratur, quae pro ea ornanda insigni eruditione adiutus attulit vir in veterum arcanis perspicendis longe acutissimus, celeberrimus I. L. MOSHEMIVS⁵, cuius rationes summa-

Mithrae nomen cur soli datum, vel summo potius Deo?

¹) Anthol. III. c. 4. Hinc quoque ratio deriuanda, cur Persae, cadauera non combusserint.

²) De emendar. temp. L. VI. p. 582. VOSSIVS l. c. p. 133. SELDENVS l. c. p. 179.

³) De rel. vet. Pers. c. 4. p. 67.

⁴) Diss. miscell. P. II. p. 198.

⁵) Conf. quos laudat S. Reu. MOSHEMIVS ad CVDWORTHII Syst. int. p. 326. not. 21.

⁶) l. c. p. 327 seqq. not. 23.

tim tantum exhibebimus, vt lectori profundius rem meditandi inde occasio enascatur. Prouocatis ante omnia ad imaginem Mithrae²⁾, qualis apud Persas pingebatur, et in antiquis marmoribus occurrit, quae nobis hominem validum, venatoremque exhibent. Pingebant enim Mithram, vt robustum virum, gladio cinctum, et tiara Persica tectum, qui tergo tauri insidet, feramque bestiam hanc comprimit, coërcet, ense conficit, additis canibus, qui taurum aggrediuntur: quae omnia etsi ad rationes physicas veteres et recentiores referant, recte tamen eiusmodi explicationes tanquam serius excogitatae, et simplicitati primae rudissimi hominum generis non conuenientes reiciuntur. Deinde ad victimas vir sagacissimus prouocat, Mithrae oblatas; equi enim deo huic sacrati erant, vt vel ex vno OVIDII loco, supra adducto, constat, nosque alia veterum testimonia ibidem adduximus. Cum itaque vetustissimi homines crederent, earundem rerum delectatione heroas inter sidera relatos duci, quibus delectati sunt in terris, equi Mithrae in venationibus dilecti etiam post fata dicati sunt; cum alias ratio dari nequeat, cur soli equos Persae sacrificent? Tandem et ad mysteria Mithrae prouocat, cum mysteriorum omnium institutio, si, non ex quaesitis sacerdotum interpretamentis, vel philosophorum accommodationibus, sed ex ipsis circumstantiis, modoque aestimentur, typica repraesentatio inuentorum, factorum, factorumque primorum regnorum conditorum sit, ideo introducta, vt beneficiorum memoria cultusque ideo his viris concessus diuinus sacra reuerentia conseruaretur. Qualia etiam Mithrae instituta sunt, eaque octoginta poenarum et suppliciorum generibus quasi praemunita³⁾, quae sufferre oportebat eum, qui sacra haec insueri cupiebat, eo fine, ne sacra haec profundius inspecta, si inter homines quosuis innotescerent, euilescerent, nec ad arcana dominatus possent adhiberi amplius, sed ii tantum admitterentur, qui per tot molestias et vexationes tandem ad ἐποπτίαν admissi fidem et prudentiam antistitibus probauissent. In his veroysteriis pugnae, certaminis et venationis genus quoddam, exhibitum est, et belli imago, strictis ensibus repraesentata, clypeo enim, lorica, gladio et hasta armati consecrati sunt, qui supplicia pertulerunt⁴⁾; figurae quoque ferarum antris illis, in quibus sacra Mithriaca peragebantur, adpictae⁵⁾, immo initiati quoque ferarum nomine insigniti, et eorum pellibus ac figura induti, quos ficta pugna, quam in veram mutauit Commodus⁶⁾, venabulis ensibusque alii aggrediebantur. Quae omnia ita vir doctissimus ornat et probat, vt omnino probabilissimum videatur, nihil aliud repraesentatum fuisse nisi Mithrae beneficia, eiusmodi bellis et venationibus populo Persarum praestita. Ceterum Mithram τριπλάσιον triplicem nominatum fuisse, ex veterum relatione constat⁷⁾. Quae denominatio miras inter eruditos coniecturas

Mithras τρι-
πλάσιος δι-
εξήκοντος

2) Vid. VAN DALE in *antiqu. marim. diff.* l. p. 18.

3) MONTFAUCON. *Diar. Ital.* c. 14. p. 201.
SELDENVS l. c. c. 6. p. 170.

4) IULIUS FIRMICVS de *err. profan. re-*
lig. p. 414.

5) PORPHYRIVS ex Eubulo l. c. et de *ab-*
stinent. l. IV. c. 16. p. 165.

6) LAMPRIDIUS in *Commodo* c. 9.

7) Loca veterum adduxit CUDWORTHVS
Syst. int. c. IV. §. 16. p. 333.

iecturas protulit, videndas apud VOSSIVM⁹, SELDENVM⁵, CUDWORTHVM⁶, cui cum HVERTIO⁶ nescio quae trinitatis vestigia in ea latere videntur. Et si vero haec ad triplicem solis faciem, qualem nobis, aequae ut lunae, depingunt veteres, referri possunt⁷, ex dictis tamen vero non ablimile videtur, triplex, quod genti suae conditor, exhibuit, beneficium, triplicemque, qua se conspiciendum Mithras dedit formam, initio indicasse, nempe liberatae a feris regionis, conditarum legum, introductae religionis. Sed hae coniecturae sunt, maiora enim et certiora in tam cana vetustate expectari immo ne postulari quidem possunt.

§. XI. Praeter Mithram Oromazdes et Arimanius summa numina celebrantur apud Persas, sibi inuicem contraria, quorum illud omnis felicitatis bonorumque auctor, hoc malorum atque infelicitatis fons et origo dictum est. Et quod ad Oromazden attinet, quem Persae Hormizdas nominant, nomen illud diuinitati tributum (nam interdum quoque Iouem planetam indicat,) addito epitheto plerumque apud Persas exprimitur; ut eius character quasi exprimat, e.g. Hormizda Chotla, Deus supremus⁸. Quam vero vox originem habeat, inutiliter disceptari putamus; videnda autem varia vocis etyma apud ven. IO. CHR. WOLFIVM⁹, IS. BEAVSOBRIVM⁵, THOM. HYDEVVM⁶; nos vnum adiicimus, omnium probabilissimam videri eam deriuationem, quam in his literis summus vir MATTHEUS LA CROZE^h protulit, qui luculenter demonstravit, *اورمزد* *daemona*, vi vocum Persicarum indicari, quae significatio cum re ipsa egregie conuenit, bonum enim Deum ista voce indicasse et Graeci et Orientales vnanimi ore fatentur: Arhimanius vero HYDEO⁶ vel impurum, vel seductorem significat, talem enim sub hac voce Persae daemonem sibi finxere, qui omnis mali et impuritatis auctor fuerit; vtrumque, qua ratione philosophi siue theologi potius huius gentis intellexerint, postea videbimus, et hic modo, vbi de auita Persarum religione loquimur, notamus, cum vero videatur simillimum, Mithram fuisse virum de gente meritissimum inter deos relatum; idem quoque de Oromazde et Arimanio coniiciendum esse, quorum ille princeps bonus, et insigniter de prima Persarum gente et aetate meritis, alter tyrannus bello, ac innumeris aliis malis homines vexans, perpetuisque cum bono principe pugnis et dissidiis implicitus fuerit. Quae de re iuuat viri maximi GODOFREDI GVILIELMI LEIBNIZII^k coniecturam audire, quae, ut est ab ingenio maximo, et profundissime penetrante profecta, ita mire rem hanc illustrat. Ait vero: *Consideranti ma-*

Oromazdes et Arimanius.

Oromazdes quid significet?

Arhimanius quis sit?

Y 2

gnos

y) De orig. idol. L. II. c. 9. p. 131.

z) l. e. proleg. p. 31.

a) l. c. p. 333.

b) Qq. Alnet. L. II. c. 3.

c) MOSHEM. ad l. c. Cudworth.

d) HYDE l. c. p. 161.

e) De Manichaeismo ante Manichaeos p. 59.

f) l. c. p. 169.

g) l. c. alia vide apud WINDETVM de vita

funct. statu p. 36. CLERICVM ad STANLEYVM Ind. philol. voce Oromazdes.

b) Cuius annotationem hac de re inseruit l. c. BEAVSOBRIVS.

i) loc. cit.

k) Theodicee P. II. §. 138. p. m. 184 seq. in cuius sententiam concessit quoque ven. MOSHEMIVS ad CUDWORTHVM p. 328. et CASP. ABELIVS in antiqq. Teut. c. I. §. 6. p. 22.

gnos *Asiae principes nomen Hormisdæ gessisse, Irmin vero siue Hermin fuisse nomen Dei vel herois Celto-Scytharum, id est Germanorum, visum fuit probabile, hunc Arimanium fuisse magnum aliquem conquestorem ab occidente Persidem inuidentem, qualis sequioribus temporibus Chingis-Chan et Tamerlanes ab occidente venerunt: Sic ut Arimanius ab occidente boreali, id est ex Germania atque Sarmatia per Alanos et Massagethas in regiones Hormisdæ cuiusdam, magnæ Asiae regis irruerit, quemadmodum teste Herodoto Scythæ fecerunt, tempore Cyaxaris regis Medorum. Hic itaque rex, qui populos suos ad mores mites traductos clementer rexit, et contra inuisiones latronis fortiter tuitus est, potuit apud eos pro bono Deo haberi, quemadmodum latro symbolum mali principii euasit. Certe hæc probabilissima sunt, patetque ex hac ipsa mythologia, duos hos principes diu inter se bella gessisse, ita tamen ut neuter vinceret, sed uterque partes suas tueretur, quemadmodum duo principia, inter se diu ium habent imperium mundi, ex hypothesi Zoroastri tributa. Quæ coniectura, si cum iis, quæ supra de Mithra diximus, coniungatur, lucem vetustissimæ Persarum religioni accendit: qui Hormisdam siue Oromasden inter Deos quidem retulerunt, eumque causam fontemque felicitatis constituerunt, ad Arimanium vero omnis generis malum retulerunt, unde et hic a Persis nunquam Deus, sed malus potius daemon vocatus est¹⁾, tantoque habitus odio, ut nomen Ahriman nunquam erecto situ, sed semper inuersis literis scribant²⁾, id quod, quam vehementer is Persarum res afflixerit, luculenter prodit: et hinc fons omnis mali habitus, et ad eum origo mali ab illis relata est, qui rudem et plebeiam superstitionem rationibus philosophicis emendarunt et exornarunt.*

*Emendatio
philosophica
religionis po-
pularis apud
Persas.*

§. XII. Hæc, quæ hactenus de antiquissimorum Persarum religione disputauimus, ad nostrum quidem institutum proprie non pertinent, qui non historiam religionum popularium, sed philosophiæ scribimus, præmittenda tamen fuerunt, quoniam ad hanc popularem religionem ii attendunt, de quorum placitis in præsentia solliciti sumus, quique ineptam idololatriam rationibus philosophicis emendare sunt aggressi. Illi enim cum viderent, diuinitatis axiomata hominibus tributa sensim euilescere, hominibus semper acutius videntibus, cumque nihil, quod altius rem rimanti faciat satis, in istis deprehenderent, ad dandam religioni faciem magis rationalem et philosophicam se accinxerunt. Id quod tamen ita faciendum erat, ne populus patriæ religioni superstitiose addictus offenderetur. Hinc seruata antiqua nomina, seruatus antiquus numinum colendorum mos atque ritus, seruata quoad speciem externam antiqua religio; mutatus vero sensus et significatio, et quæ ab hominibus bene meritis orta erant numina in rationes physicas et metaphysicas mutata sunt. Id quod non inter Persas modo factum esse, sed inter omnes fere populos, in quibus philosophica ingenia enituerunt, rebusque sacris admota sunt, euenisse, multis

1) Conf. BEAUSOBERE l. c. p. 169.

2) HYDE l. c.

multis per historiam philosophicam exemplis in posterum constabit. Certe id a Magorum secta factum esse, religionis placita apud Persas ante Zoroastrem scrutantibus apud veteres scriptores, planum fiet. Etsi enim, astrorum et idolorum cultus, de quo suo loco ex instituto dicetur, paulo ante Zoroastris tempora inualuisse dicitur, superfuere tamen non tantum antiqui ignis cultores, id est, magicae religionis affectae, sed is quoque ignis cultus ante Magorum in imperio fraudes ubique inualuerat. De Magorum itaque systemate hic *Magorum systema.* agendum est, quale id ante Zoroastrem effloruisse dicitur. Quorum mentem ita Graeci Aristoteles, Hermippus, Eudoxus, Theopompus apud LAERTIVMⁿ explicant: duo esse secundum eos principia bonum daemonem, et malum daemonem: alterum ex his Iouem et Oromasden, alterum Plutonem et Arimanium dici. Quae cum luculentius exponat PLUTARCHVS^o, eum audiendum quoque esse putamus, qui ita: Non unicam esse rationem, quae contineat uniuersum et dirigat, tanquam clauum aut fraena moderans: sed cum permulta e bonis iuxta malisque sint confusa, immo nihil hic natura sincerum proferat, non esse unum aliquem promum, qui e duobus doliis res nobis veluti aliquem liquoris cauponis in morem distribuatur atque misceatur; ergo a duobus principiis, contrariis aduersisque duabus facultatibus, quarum altera ad dexteram et recta ducat, altera retrorsum auertatur atque reflectat, cum vitam esse mixtam, tum ipsum mundum si non uniuersum, saltem eum, qui ad terram est, et lunae subiaceat, inaequaliter ferri, variisque et omnis generis motibus agitari. Et mox: Existimant alii duos esse Deos, quasi contrariis deditos artibus, ut bona alter, mala alter opera conficiat, alii, eum, qui est melior Deum, qui deterior daemonem dicunt. Addit etiam, Zoroastrem melioris nomen Oromazam, peioris Areimanium perhibuisse; illumque enunciauisse maxime similem esse luci, hunc tenebris et ignorationi, medium horum esse Mithram, quae causa sit quod Mithram Persae mediatorem seu intermedium nuncupent. In quibus verbis Plutarchus, ut solent Graeci et Romani in rebus peregrinis saepius, Zoroastreum systema, cum doctrina Magorum antiquorum confudit. Et ita quidem Graeci et in his quoque AGATHIAS^p; qui cum Zoroastrea cum antiquioribus misceant, certos nos hac de re non faciunt. Audiendi itaque Arabes, qui passim quoque de ea re scripserunt. Inter eos ABULFEDA refert^q: Persarum Magorum antiquiores Ciumerthios dictos, religionem superstruxisse fundamento, venerationis lucis et fugae tenebrarum: lucem Deum primum kadiman, antiquum seu aeternum rerum omnium principium statuisse, ac Yazdan vocasse, tenebras autem Deum creatum, tenebris ortum, Ahraman: ita duos esse illis rerum autores, Deum scilicet et diabolum, hanc eorum

Y 3

doctri-

ⁿ) Lib. I. f. 8.^p) Apud MENAGIVM ad l. c. Laërt.^o) De Isid. et Osir. T. II. p. m. 155. damus vero versionem Xylandri.^q) Apud ПОРОССК. specim. histor. Arab. p. 146.

doctrinam fuisse usque ad Zardushti tempora. Similia habet alius Arabum scriptor IBN SAHNA^r, qui et ipse statuit, Persis vetustissimis duo principia placuisse, Deum aeternum, quem vocauerint *Tezdan*, et alium, quem vocauerint *Ahremen*, et utrumque principium fuisse actiuum, et formatiuum sui. Alia Arabum loca praecipue Abulfedae praeterimus. Horum effata si cum Graecis coniungimus, in hoc potissimum eorum systema constituisse viris doctis^s visum est: Duo esse rerum omnium principia, lucem boni, tenebras mali fontem, utrumque effectum suum in mundo sublunari producere, indeque in eo esse mixta bona malis. Bonum enim principium cum formare vellet mundum, necessario tenebras, quae et ipsae essentia actiua et reali gaudebant, eum ingressas esse, ita ut bonum principium causa malorum sit. Ita tenebras in mundi conditi opere sequelam quasi lucis fuisse, quemadmodum corporis umbra lucem sequitur. Inter haec duo principia perpetua bella esse, donec mundus destruat, ubi victo malo daemone bonus Deus mundum perfectissimum cum bonis omnibus in eo sibi habiturus sit, malo daemone mundum malum cum malo sibi seruante. Et ita quidem Arabes, qui tamen non negant, circa causam mixtionis lucis et tenebrarum et liberationem lucis a tenebris, seu quod vocant, initii et reditus, in partes vetustissimos Magos secessisse, quia aliud principium aeternum, alii creatum putauerint: id quod tamen ita intelligendum esse monent, ut non tenebrae, quae aeternae fuerunt, siue materia, quae semper extiterit, sed malus daemon, quem cum diabolo Christianorum Abulfeda minus accurate comparat, ex tenebris siue materia conditus dicatur. Ad hanc doctrinae rationem adiecisse postea Zoroastrem tertium principium, duobus istis superius. Et haec quidem Arabes, quique ex recentioribus Arabes sequuntur. Qui tamen cum multa ex ingenio suppleant^t, quemadmodum Arabes ex Muhammedismo veteribus Magis quaedam manifeste affricant, dubios nos de vera Magorum sententia ante Zoroastrem sinunt. Nam in hoc systemate, in quod vulgares patriae deos, Oromasden et Arimanium receperunt, Mithrae, (quem tamen apud vetustissimos Persas cultum et pro summo Deo habitum esse, supra euicimus) nulla datur ratio vel explicatio, nec tamen villo modo videtur probabile, Magos vetustissimos princeps summumque patriae nomen neglexisse. Quam difficultatem non tollunt ea, quae CVDWORTH^o placuerunt, et prima fronte eam tollere videntur: Oromasden veteribus Magis fuisse summum Deum, sub binis hisce nominibus Mithrae et Oromasdis latentem. Nam haec assumit vir doctus, non probat, nec locus ille, quem ex PORPHYRIO affert; Deum ex sententia Magorum,

ἐοικέ-

^r) Apud HYDE p. 163.

^s) HYDE ubi supra p. 295. ПОСОК. I. c. pag. 146 seq. PRIDEAUX Hist. lud. T. I. pag. 185. BEAVSORE Hist. Manich. T. I. p. 170 seq.

^t) Quo imprimis ea pertinent, quae de materiae

natura actiua et formatrice^o conicit doctissimus BEAVSORE I. c. eam quidem sententiam Platoni adscripsit PLUTARCHVS de Cosmogon. ex mente Timaei, sed Magorum eam mentem fuisse prius probandum erat.

^o) Sytem. intell. c. IV. §. 16. p. 332.

τοῖς μέν σῶμα φῶτι τὴν δὲ ψυχὴν τῇ ἀληθείᾳ^a similem esse quoad corpus luci, quoad animam vero veritati, eum quicquam inuat. Nam nisi prorsus sensu vacuum hanc Porphyrii orationem esse velimus², anima et corpus non ad Deum, sed ad hominem veritatis philosophicae studiosum referenda sunt, adeoque lux non corporea et veritas spiritualis DEI essentia intelligenda est: vt taceamus inde necessario, si verba ita interpretamur, sequi, Deum Oromasden componi anima atque corpore, quod tamen ipse Cudworthus reiicit, et doctissimo quidem commentatori recte inde fluere videtur, nobis vero prius probandum aliunde esse censetur, Magis istam opinionem arrisisse. Nisi itaque futilia et incertissima plane sunt omnia, quae de primorum Magorum sententia Arabes referunt, vt sunt leues et in fingendo audaces; non aliter nobis haec difficultas tolli posse videtur, quam vt statuamus, Magos de summo Deo, more gentium barbararum non differuisse, et, cum Oromasden eius emanationem putauerint, ea ad Oromasden retulisse, quae patria religio Mithrae adscribebat; Zoroastrem vero hanc confusionem sustulisse, aperteque, qua ratione tum bonus, tum malus daemon, ortus sit, ex summo omnium rerum parente, seu, quod refert LAERTIVS^a, quomodo Dii hi geniti fuerint, explicuisse, sicque philosophicum principiorum diuinorum systema condidisse. Subductis itaque omnibus rationibus, nobis tutissimum videtur, de veterum Magorum, Zoroastre vetustiorum, systemate modestam fateri ignorantiam.

§. XIII. Ad Zoroastris itaque theologiam propius respiciendum atque accurate disquirendum est, quas rationes ille ad explicandam rerum physicarum atque diuinarum naturam attulerit. Verum et hic Ariadneo iterum filo opus est, vt saluum ex hoc labyrintho pedem efferre queamus, adeo inter se Graecorum atque Arabum narrationes dissident, virisque doctis ansam praebent in contrarias de systemate Zoroastro sententias discedendi. Multi enim statuunt, Zoroastrem duo summa omnium rerum principia posuisse, Oromasden lucis, Arimanium tenebrarum auctorem atque principem, quorum vterque per se et ab aeterno extiterit, nec initium vnquam habuerit: alii ab vno supremo Deo rerum omnium parente ortum suum trahere, et bonum illud et malum principium, deos siue potius daemones duos; quod ita alii referunt, vt putent, Persas vnum tantum numen veneratos fuisse, cui tamen aduersarius, eundem in modum, quemadmodum satanas in scriptura S. describitur, obluetur. Tertiam hanc sententiam potissimum exornandam sibi sumsit THOMAS

*Theologiae
Persicae systema
Zoroastreum.*

HYDE-

^a) In vita Pythag.

²) Id quod contendit celeberrimus MOSHEMVS ad h. l. Nobis verba Porphyrii rectum sensum fundere videntur, modo ad scopum philosophi attendatur. Statuebat: ex mente Pythagorae veritati studendum esse homini philosopho, hanc ex sectae suae principiis in notionibus simplicissimis et purissimis quaerebat. Inde monet, cum

Deo similis euasurus sit philosophiae studiosus, quoad corporea lucem, tanquam omnium rerum purissimam, quoad intellectualia, veritatem, siue τὰ ὄντως ὄντα sectandam, sicque finem philosophiae, similitudinem DEI, quem lucem Magi dixerint, consequi posse. Haec nisi fallimur, et menti Porphyrii et systemati sectae conformia sunt.

^a) l. c. f. 2.

HYDEV^b, omni nisu satagens, ut, quantum possit, orthodoxis doctrinis hanc Persarum religionem propinquam esse doceret, quem HUMPHR. PRIDEAUX^c secutus est, et suo modo quoque BEAUSOBRIUS^d. Quia vero haec Zoroastrei systematis explicatio auctores alios non habet, quam Arabes Muhammedanos, qui ex suo ingenio res antiquissimas diiudicant, et cacodaemonem Iudaeis atque Christianis ereptum quasi et ab eis emendicatum Zoroastreo systemati intruserunt, merito haec sententia ab aliis exploditur*. Cum reliquis enim veterum testimoniis conciliari non potest, et quae pro ea asserti HUMPH. PRIDEAUX, ex lucis priuatione satanam ortum esse, scholam recentiorum sapiunt, a vetustissimarum atque barbararum nationum genio atque indole plane diuersam. Primam vero sententiam quae plerisque viris doctis placuit, imprimis exornandam et contra Hydeum defendendam sibi sumit acutissimus vir PETRVS BAYLE^e. Cuius rationes vel ea propter audiendas esse putamus, quoniam iis expensis, quae sententia eligenda sit, facilius iudicari potest. Putat vero vir profundae eruditionis et insoliti acuminis, male ex sententia Arabum independentium duorum principiorum systema a Zoroastre remoueri 1) quia in eo conueniant Graeci auctores, oppositum Graecis philosophis, Aristotelicis imprimis et Stoicis systema Zoroastri placuisse; hos vero bonorum malorumque fontem ab vno Deo deduxisse^g, adeoque ad duo necessaria principia deriuandam esse Zoroastri sententiam, quemadmodum eam PLUTARCHVS^h, supra quoque nobis adductus explicuit. 2) Patere hoc quoque ex ratione inuenti systematis quod vocari ita solet, dualistici, quae ea sola fuerit, ut ratio dari queat, quomodo malum exortum sit, quod a causa bona ortum esse sine maxima laborantis iudicii difficultate dici nequeat. Hanc vero rationem euanescere, prioremque difficultatem redire, si diis duobus bono et malo aliud principium praeponatur, ex quo illa duo orta sint; quod semper ita primum illud principium fons mali statuatur. 3) Nec obici satis posse, Graecos Persarum non magis, quam aliorum barbarorum populorum doctrinas sinistre cepisse; Arabes enim adhuc leuioris conditionis esse, qui tanto temporis interuallo a Zoroastri aetate remoti sint. 4) Et iustam quoque esse suspicionem, sectatores Zoroastri sub Muhammedanorum dominationis iugo gementes et ab iis absurditatis obiectione pressos ita systematis horrorem emolliuisse, et cum principium mali salua religione sua reiicere non possent, ad id delapsos esse, ut vtrumque principium ab vno summo Deo ortum statuerent: hinc nec ipsum Hydeum negare, dari inter Persas et Indos Dualistas, qui diaboli coaeternitatem statuunt, eumque a se ipso processisse credant. Haec magna confidentia BAYLIUS quem sequitur, licet rationes eius non omnes probet, eruditissimus

b) c. XX. p. 161.

c) l. c. p. 215.

d) l. c. p. 173 seqq.

e) Cel. МОШЕМ. ad CUDWORTH. p. 249. not. 38.

f) Dict. crit. T. IV. art. Zoroastre not. F.

g) Hoc vero falsum esse, harum sectarum historia suo loco docebit.

h) De Iside et Osiride.

simus IO. CHRISTOPH. WOLFIVS¹. Neque tamen hae rationes, si recte expendantur, tales nobis videntur, vt in assensum rapere attentum satis queant. Quod enim ad Graecos attinet, nec ipse Baëlius negat, in referendis barbararum gentium religionibus misere hallucinatos fuisse, vnde, quid potissimum eorum solorum testimonio effici queat, ignoramus. Neque tamen ita obstare secundae systematis Zoroastrei explicationi Graecorum testimonia putamus, vt hunc in modum nodus, qui solui nequit, secandus sit. Vti enim Graeci apud LAERTIVM^k et PLVTARCHVM^l recte asserunt, in Zoroastrea religione duo principia poni, vnum Oromasden, lucis atque boni auctorem, alterum Arihmanium, tenebrarum atque mali fontem, ita satis produnt, non coaeterna et a nullo alio principio dependentia esse, sed, esse a summo Deo Mithra genita. Luculenter PLVTARCHVS: *Is Zoroastres melioris nomen Oromazam, peioris Arimanium perhibuit, addiditque hoc enunciatum, de rebus sub sensum cadentibus, illum maxime similem esse luci, hunc tenebris et ignorationi. Medium horum esse Mithram, quae causa est, quod Mithram Persae mesiten, id est mediatorem, seu intermedium nuncupant. Addit porro: Enim vero illi quoque multa de diis fabulosa narrant, cuius generis est, quod referam: Oromazem natum esse aiunt e luce purissima, Arimanium e caligine, eos bellum inter se gerere: sex deos fecisse Oromazen, primum beneuolentiae, secundum veritatis, tertium aequitatis, reliquos sapientiae, diuitiarum, et voluptatis quae honesta consequitur, opificem. Arimanium totidem numero his aduersa efficientes. Deinde Oromazen se triplicasse, et a sole tanto se interuallo remouisse, quanto a terra sol abest: ac coelum stellis decorasse, unamque ante alias tanquam custodem et speculatorem constituisse Sirium: alios porro viginti quatuor deos condidisse et in ouo posuisse; at totidem numero factos ab Arimanio ouum perforasse, hincque mala bonis esse permixta. Appetere porro fatale tempus, quo necesse sit, peste et fame ab his adducta Arimanium omnino perdi atque aboleri, terraque aequabili et plana facta, vnā vitam vnāque ciuitatem beatorum hominum vniuersorum, vnaque lingua utentium fore. Eadem postea ex Theopompo probat. Ex quo loco manifestum esse putamus, et omnino notandum esse iubemus: Natos esse Oromazden et Arimanium, mediante Mithra, illum ex luce, hunc e caligine, lucem, vt umbra corpus, sequente foreque tempus, vbi lux tenebras vicerit, cunctaque ad beatam lucis ciuitatem reditura sint. Haec quomodo systemati dualistico, quod duo independentia, coaeterna et coaequalia principia ponit, conuenire queant, nos quidem peruidere non possumus, cum tota illa cosmogonias Persicae ratio emanationem potius lucis et tenebrarum ex vno principio ad condendum mundum supponat. Quod et Hecataeus apud LAERTIVM^m*

c on

i) De manichaeismo ante Manichaeos §. 10. p. 51.

k) Lib. I. f. 8.

l) l. c.

m) l. c.

confirmat, statuere Magos, Deos esse genitos. Quod tantum abest, ut Arabibus scriptoribus contradicat, ut potius exacte satis, quoad summa referat ea, quae illi tradunt. Cuius ut fidem faciamus, afferamus bona lectoris venia verba SHARISTANII apud HYDEVM^{a)}, ut cum PLUTARCHO queant comparari: *Zerdusht affirmavit lucem et tenebras esse duo principia sibi inuicem contraria, et sic esse Iezdan et Ahreman, qui fuerunt initium eorum, quae inueniuntur in mundo: ex eorum mixture extitisse compositiones; et ex variis compositionibus productas fuisse formas. Et quod Deus, qui creavit lucem et tenebras, utriusque auctor unicus sit, sine socio, sine pari aut simili: nec ad eum referenda sit existentia tenebrarum, sicut dicunt Zeruunitae, sed bonum et malum, integritas ac corruptio, puritas ac spurcicies exiuerunt ex mixture lucis et tenebrarum, et nisi haec duo commista fuissent, non extitisset mundus. Et haec duo contra se inuicem insurgabant, et de victoria contendebant, donec lux vinceret tenebras et bonum malum: tum postea saluum euasit bonum ad mundum suum, et diuertebat malum ad mundum suum, et sic fuit causa liberationis: Cumque Deus excelsus haec duo temperauerat et miscuerat ex suo arbitrio, eaque in sua compositione viderat, tum instituit lucem ut originale quiddam, et indixit existentiam eius ut existeret, sed tenebrae secutae sunt, sicut umbra personam. Nam cum videret eas quodammodo existere, sed non realiter existere, tum plane produxit lucem, et acquisitae sunt tenebrae per consequentiam: nam ex necessitate extitit contrarium, quippe cuius existentia fuit necessaria, scilicet ut contingens in creatione, non autem ex prima intentione, secundum exemplum quod adduximus de persona et umbra. Eadem fere alios Arabes, imprimis ABULFEDAM tradere, confirmat POCOCHIVS^{b)}. Quae nobis satis quoad rem ipsam cum Plutarchi narratione conuenire videntur, etsi facile largiri quis queat Baelio, confuse et obscure sua hic narrare Sharestanium, ut plerumque Arabes solent. Erunt tamen omnia haec nec adeo obscura nec adeo confusa et paradoxa, si ea systematis Zoroastrei explicatio admittatur, quam in sequentibus dabimus. Haecenus ea nobis sufficiunt, ut ostendamus, Graecos cum Arabibus in summo rei capite consentire. Addimus his magni ponderis testimonium THEODORI MOPSVESTENI, qui in libro de Persarum Magia^{c)} testatur, Zarvam suae principem omnium Deum, Hormisdam et Satanam genuisse. Theodorum autem res Persarum scire accurate potuisse illis notum est, qui Nestoriani episcopi vitam norunt. Cadente itaque palmario argumento acutissimi Baelii, reliqua simul concidunt: quicquid enim erit de fide Graecorum et Arabum, quicquid hi in gratiam partis emolliuisse credantur, quae omnia minime negamus, sufficit tamen ad stabiliendam fidem utrorumque, consentire illos in eo, quod Oromasdes et Arimanius a primo summoque Deo geniti fuerint. Nec rationes metaphysicae, quas vrget vir doctissimus, rem multum roborant. Ut enim taceamus, barbaras gentes earumque*

^{a)} l. c. p. 299.^{b)} l. c. p. 147.^{c)} Apud PHOTIVM Cod. 81.

que philosophos abstractionibus et praecisionibus mentalibus tanta subtilitate non fuisse vfos, ac scholasticos, et recentiores philosophos; illud dubium a Baelio motum satis tollit, quod tenebrae adeoque malum, quatenus tenebrae sunt, necessaria tantum sequela ortae sint, etsi materia tenebrarum ex Deo genita sit. Id quod absurdum quidem primo intuitu videri queat, quomodo tamen Persae intellexerint, postea luculenter patebit. Ceterum nec Hydeus, nec Pocockius, nec alius qui Persarum in ea re causam agit, negat, inter eos philosophorum sectas fuisse, qui duplex illud principium varie explicuerint, immo fuisse, qui Dualistae fuerint, HYDEVS ipse latetur^{q)}; forte et alii, Muhammedanorum et Christianorum opinionibus propius accedentes, Arimanium in cacodaemonem mutauerunt; sed de his nobis sermo non est, sed de sententia Zoroastrea, quam huc potissimum tendere ex dictis liquet: Esse summum Deum, infinite bonum, qui ex se Oromasden pariter atque Arimanium condiderit, et illi quidem lucem eum ex se genito dedisse, huic vero necessaria sequela tenebras accidisse, et hac ratione in condendo mundo sublunari tenebras ita mistas esse luci, vt necessario bona et mala inter se iuncta sint; redituram tamen ad fontem suum lucem, tenebris tandem consumptis, sicque purum tandem mundum restitutum iri. Haec qua ratione intellexisse Zardushtus videatur, mox prolixius exponemus, id vnum prius monentes, ita Instituisse callidissimum hominem rationes suas, vt summum patriae Deum Mithram, et Deos Oromasden et Arimanium in suum systema transferret, rationibus philosophicis ornaret, et ad ignem diuino cultu honoratum potissimum respiceret. Haec enim ex iis, quae supra dicta sunt, satis manifesta sunt, et quae de spelunca Mithrea a Zoroastre instituta Eubulus apud P O R P H Y R I V M^{r)} narrauit luculenter probant.

§. XIII. Sed, vt propius et plenius, quid de systemate Zoroastreo nobis videatur, exponamus, praemittenda quaedam sunt, quibus nostra potissimum explicatio nititur, quaeque haud inuite nobis concessum iri, speramus. Scilicet monemus: 1. Mithram, siue Deum summum, a Zoroastre praepositum fuisse Oromasdi et Arimanio, et vtriusque factum esse parentem, ex quo geniti sint, adeoque audiendos non esse, qui eum dualistici systematis conditorem faciunt: haec enim ex disputatis haecenus clara esse putamus. 2. Oromasden pariter atque Arimanium genitum a Deo summo, mundi potissimum condendi causa, id enim et Plutarchus et Sharestanius supra testati sunt. 3. Oromasden esse fontem spiritualium, Arimanium materialium substantiarum, illum lucis hunc tenebrarum symbolis adumbratum. Hanc enim nominibus hisce significationem Persas ante Zoroastrem ita dedisse, vt spiritum et materiam istis duobus numinibus adumbrarent, ex adductis quoque testimoniis conficitur. 4. Lucem vero siue ignem potius vt a Persis in genere, sic a Zoroastre quoque ita pro diuino fuisse habitum, vt ad diuinam naturam accedere, solque imprimis

Zoroastrei systematis accuratior explicatio.

Z 2

eam

eam proxime referre crederetur. Hoc enim euincit cultus Mithriacus, et pyrea, de quibus omnibus supra dictum est. 5. Zoroastrem itaque se dominantī religioni accommodauisse proscripta astrolatria et idolorum cultu, et ita quidem rationes prouide iniisse, vt nec dualisticum systema prorsus repudiaret, quod et Magis haecenus placuisse videtur, nec tamen immani absurditate duo principia independentia et coeua admitteret, quibus saluis placita veterum Persarum de mundi mutatione futura, et abolitione mali consistere non posse, satis manifeste perspiciebat. 6. Zoroastrem principii per omnes fere gentes vniuersalis: ex nihilo nihil fit asseclam fuisse. Etsi enim Hydeus et qui cum eo faciunt, saniora eum ab Israēlita vate edoctum, creationem et lucis et tenebrarum ex *ESAIAE*¹ vaticiniis didicisse credant, supra tamen, nisi fallimur, ex ipso libro *Sadder* euidenter demonstratum est, frustra haec a recentioribus Arabibus, quorum fidem illi sequuntur, iactari. Cum vero ex nihilo nihil nullo modo nullaue. ratione fieri posse crederet, et absurdum systema duorum independentium principiorum suo modo euitare vellet, ad systema emanatium necessario delabi debuit, et statuere, et lucem siue, quae lucis spiritualis natura constant, spiritualia, et tenebras siue materiam tenebricosam impenetrabilem, passiuam ex Deo emanasse. 7. Vt vero et materiam ex substantia luce plena per emanationem deriuare posset, et mali quoque originem, haecenus in Arimanio, id est, materia, quaesitam a Deo remoueret, ita rationes instituere debuisset, vt illud quod materiae qualitates luci bonoque aduersas constituit, quodque tenebras proprie nominauit non Dei culpa existeret, sed suamet naturae consequentia ex luce, tanquam vmbra ex corpore ortum videretur: id quod et Plutarchi locus suadet, et luculentum Sharīstaniī testimonium euincit. Tandem et 8. ita ad materiam respexisse, vt illa, quoniam ex infinito lucis siue DEI oceano orta est, absorptis quae eam sepiebant, et penetrabant, tenebris, siue victo Arimanio, in pristinum fontem reduceretur. Illud enim et Graeci et Arabes testantur, Oromasden tandem victurum Arimanium, cunctaque tunc lucis et felicitatis in terra plena fore. Nihil in his omnibus est, quod non vel euidentibus testimoniis probetur, vel necessariis consequentiis ex admissis a Zoroastre principiis fluat, et eandem doctrinam, quae vt omni fere antiquitati, ita imprimis orientalem philosophiam sectantibus, (quales Cabbalīstae, Gnostici alique huius fursuris homines fuerunt) placuit, supponat, Deum esse ignem longe purissimum intellectualem, cuius potissimum symbolum et imago ignis solis sit, hanc infinitam lucem, cum mundum condere vellet, ex se cuncta emanationis lege et ordine genuisse, sicque tanquam vniuersalem mundi animam cuncta regere et animare. Haec si admittamus, vti admittenda esse omnia, quae haecenus allata sunt, suadent, Zoroastris systema figuratae siue allegoricae, quam sequebantur orientales,

dictio-

1) PRIDEAUX l. c. p. 215.

2) ES. XLV, 5. 6. 7.

ditionis velo remoto et philosophico loquendi modo expressum his potissimum thesibus constat:

I. Ex nihilo nihil fit.

II. Ergo principium aliquod infinitum ab omni aeternitate fuit, ex cuius sinu omnia, quae fuerunt vel sunt, emanarunt atque genita sunt.

III. Emanatio haec et purissima esse debet, et ex perfectissimo et purissimo fonte orta, et actiua maxime, omnisque motus, vitae, calorisque causa efficiens.

IV. Ergo principium illud, ex quo omnia emanarunt, est ignis perfectissimus, intellectualis, purissimus, cuius imago atque symbolum est solis ignis.

V. Ex hoc igne naturae absoluto et infinito, seque ipsum et omnia secum mouente et animante, omnia entia necessario emanauerunt, tum immaterialia, tum materialia.

VI. Quoniam vero materia immaterialis et spiritualis entis naturae e diametro contraria est, sequitur inde, rerum ex igne illo primaeuo et diuino ortarum duo esse principia subordinata, sibi inuicem natura aduersa, spiritum et materiam, Oromazden et Arimanium.

VII. Spiritus, quo propior est fonti suo, quoque minus longe a sinu parentis effluxit, eo purior ignis est, sicque lux lucem, spiritus spiritum emanando gignit, et ita recte asseritur, Deos esse genitos. Hicque theogoniarum priscus sensus est.

VIII. Cum itaque spiritus ex infinito lucis intellectualis oceano emanauerint, merito lucidae igneaeue naturae censentur.

IX. Quia vero lucidam igneamue naturam sortiti sunt, vim habent, mouendi, fouendi, perficiendi, adeoque et boni sunt, et Oromasdes siue principium et fons illorum, causa omnis boni et perfectionis est.

X. Quia sol huius principii lucidi proprietates quam maxime refert, ideo sedes et thronus primarius lucis illius diuinae merito habendus est.

XI. Quo magis emanatiua ista principia a primo purissimo igne distant, eo magis sua puritate, luce, mouendi virtute et calore priuantur.

XII. Cum vero in materia et lux, et mouendi facultas, et calor desiderentur, sequitur inde, eam esse vltimum emanatum ex Deo, quod tanto intervallo a primo lucis fonte distat, ut tenebricosum, iners, solidum et sine motu sit.

XIII. His qualitatibus non ex principii emanantis sed ex emanationis natura oriundis debetur origo mali.

XIV. Inde constat, etsi Arimanius siue materia ex Deo genita sit, cur tamen nec malum, ab ea oriundum, nec tenebrae in ea existentes ex Deo emanasse dici queant.

XV. Quoniam vero aeternus et perfectissimus motus est in igne illo diuino et intellectuali, necessario omnia, quae ex illo igne fluxerunt, tan-

dem vi motus periodici ad hunc igneum fontem et oceanum redire, et in eum, quasi absorpta, reduci debent.

XVI. Non potest tamen materia, quatenus tenebricosa, frigida, et sine motu est, in hunc lucis purissimum fontem redire; necesse itaque est, ut in perpetuo motu et agitatione passiva, quae a bono et lucido atque activo principio oritur et instituitur, tenebrae malumque ipsum perpetuo oppugnentur, minuantur, sicque materia spirituali naturae reddatur propior.

XVII. Post longissimum certamen tandem eveniet, ut sublatis ex materia tenebris, victisque istis qualitatibus malis, materia tandem lucida et principio suo similis reddita ad primum fontem redeat, et ea ab infinito lucis oceano absorpta lux tandem omnia repleat, et infinitam felicitatem undique spargat.

Haec potiora sunt, quae systema Zoroastris obscurissimum illustrare, et praesuppositis illis, quae adduximus, satis facere posse, sumus certissimi. Nec obiiciet quis voces nos adhibuisse ex Graecorum Pythagoreorum, Stoicorum et Platoniorum scholis haustas. Id enim ea tantum fini fecimus, ut notioribus vocibus luculentius et apertius sensum systematis in se obscuri exponeremus. Res vero ipsa non in Pythagorae tantum, Platoniorumque recentiorum et Stoicorum scholis, sed apud Aegyptios et imprimis apud Cabbalistas longe celeberrima et *νόσιον δ' ἔργον* est. Vnde nova ratio pro ea desumi potest. Pythagoram enim ex Aegypto, Aegyptios ab Orientalibus, Cabbalistas ab utrisque sua accepisse, suis locis demonstrabitur. Videbitur quoque ipsa haec systematis Zoroastrei delineatio illis longe verisimilior, qui Plutarchi locum cum ea comparantes, et generationem Deorum ibi enarratam cum placitis veterum haereticorum, praecipue Gnosticorum conferentes, quae ex hoc systemate lucem capiunt, non sine delectatione videbunt, qua ratione aeones illorum hominum, demiurgus, et materiae malique origo ex hoc systemate, quod Zoroastreum esse iactabant, orta et cum placitis Christianis mista fuerint. Immo ratio quoque patebit, cur Platonici recentiores qui systema emanatium tantopere deperierunt, Zoroastream sapientiam, dimisso Platonis dualistico systemate, crepuerint, eamque in syncretisticum suum systema receperint. Qui cum philosophice magis hanc doctrinam exornassent, et cum aliis quas passim collegerunt, et suffurati sunt, doctrinis conciliaffent, illa potissimum doctrinae ratio tandem enata est, quae in Oraculis, ab his hominibus profectis exponitur, in quibus semina Zoroastrei systematis inueniri et vestigia se manifestare non negamus, licet tantopere inuentis syncretisticis obscurata, ut primam originem aegre referant. Et cum haec quoque philosophia non tantum post sec. III. inter Christianos, Aegypti et Asiae minoris incolas quam maxime inualesceret, sed et fuga Platoniorum sec. VI. ad Chosroem Persarum regem Persidi inferretur, factum inde esse

*) Dicendum hac de re suo loco. Videndus interim SVIDAS T. III. voce Περσιβύς pag. 171. AGATHIAS L. II. p. 65.

esse recte coniicitur, vt Zoroastrea doctrina Platonice placitis accommo-
data corrumpetur, etsi antea sub Artaxare in concilio Magorum, imprimis
consiliis et reuelationibus Erdauiraphi Magi, sanctitatis laude celebris, esset
restituta^w, et in aula Saporis miraculis quoque confirmata crederetur^x.
Muhammedani enim et Christiani, illos homines fanaticos, qui Platonico-
rum somnia sequebantur, in istis regionibus fouerunt; et hinc causa
deriuanda est, cur in recentioribus Persarum et orientalium de systemate
Zoroastreo relationibus, tot Platonismi recentioris vestigia inueniantur,
qualia quoque in ipso libro *Sadder* reperimus. Qui tamen ita Zoroa-
stream doctrinam profert et enarrat, vt in rei summa eam explicationem,
quam dedimus, haud leuiter roboret. Eo enim potiora redeunt: 1. Esse
Deum dominum vnicum, sanctissimumque, cui nullus par sit, dominus
potentiae et gloriae. 2. Hunc Deum mundum spirituum purorum et feli-
cium prius condidisse: 3. post tria annorum millia Deum suam volunta-
tem misisse, sub specie lucis radiantis et fulgentis, quae humana in forma
apparuerit: Illam comitatam angelis septuaginta primi ordinis et lucis
condidisse solem, lunam, stellas humanosque animos. Tum post alia tria
annorum millia Deum infra lunae orbitam condidisse inferiorem mundum,
materia plenum, eique imperium in eo assignasse. Haecenus liber *Sadder*,
qui recentiora quidem quaedam manifesta sapit, vestigia tamen vetustae
traditionis quoque exhibet. Ceterum ex dictis haecenus conciliari quo-
que illi inter se possunt, qui disputant, an materia, siue tenebrae potius, siue
Arimanius, per priuationem lucis ortae sint nec ne? quorum prius *PR I-
DE A V X*^y, posterius *BE A V S O B R I V S*^z tutius est. Nam si illa admittamus,
materia quidem, siue subiectum, vt scholasticorum more loquamur, non nu-
da priuatio est, sed ex sinu summae et infinitae lucis emanauit; quia vero
tanto interuallo a lucis fonte distat, et lucis proprietates amisit, tenebrae ne-
cessario ex lucis priuatione secutae sunt: Sicque materia corporis, tenebrae
vmbrae naturam sequuntur, quo simili Sharistanium vtentem supra audi-
uimus: hinc enim colligitur recte, mali naturam non in sola priuatione con-
sistere, sed positium quid esse, etsi ex priuatione lucis originem traxerit.

§. XIV. Iam ad reliqua Persarum theologiae capita enarranda inof-
fenso magis pede progredi licet, quae paucis explicabimus. Statuebant
I. omnes imagines earumque cultum, statuas et sacella Deorum reiicienda
esse^a, inde Xerxes, Magis Persarum auctoribus templa Graeciae inflam-
masse, referente *C I C E R O N E*, dicitur, quod parietibus excluderent
Deas, quibus omnia deberent esse patentia ac libera^b. Id quod astrola-
tra-

*Deorum ima-
gines et tem-
pla reiecta.*

w) *H Y D E* de relig. veter. Persar. c. XXI.

x) Conf. *D E B E A V S O B R E* Hist. de mani-
chéens T. I. p. 166.

y) l. c. p. 216.

z) l. c. p. 174.

a) *L A E R T I V S* L. I. c. 9. conferenda hic omni-

no sunt, quae docte monet *C L E R I C V S* Ind.
Philol. ad *S T A N L E I V M* v. Statua.

b) Nritur hoc dogma alio, quod Magis apud
L A E R T I V M L. I. c. 7. tribuitur, Deos apparere,
et plenum esse aërem simulacrorum (*εἰδωλόν*) quae
cum e corporibus effluant, cum vaporum elevatione
oculis acute cernentium inferantur, quam senten-
tiam

trarum idololatriae potissimum oppositum est, quorum insania post Magorum suppressionem sub Smerdi Mago, quam maxime inualuisse orientalibus quoque scriptoribus traditur. Et hanc quoque mentem hodiernum seruant Magorum religionis apud Indos asseclae, vt idola vehementer abhorreant. II. Neque tamen intermissus fuit Persis cultus non solis tantum, sed et lunae atque aliorum siderum: Refert porro HERODOTVS^e: *Vraniae quoque sacrificare, sic nimirum ab Assyriis Arabibusque edoctos. Vocare autem Assyrios Venerem Mylittam, Arabes Alittam, Persas Mithran.* In quibus verbis Herodoti Mithran cum Mithra, maris cum feminae appellationem confundere eruditi, cum Dea Mithra a Deo Mithra distinguenda sit; quorum numinum hoc quidem ad solem illud ad lunam referendum esse, tanquam vxorem solis nuper post IACOBVM MARTINIVM^d monuit celeberrimus MOSHEMIVS^e. Vnde patet Mithran Persarum cum Venere Graecorum male confundi. Ratio quoque cultorum siderum facile perspicui potest, si expendamus, diuinum illum ignem per totum coelum diffusum, siue, Iouem, vt est apud HERODOTVM^f, totum coelorum circulum occupantem in his sideribus a se animatis, quasi residere, vnde non tam sideribus, quam coelesti potius atque diuino igni in iis habitanti cultum exhibuerunt^g. III. Animarum quoque immortalitas, et reditus ad vitam, Persis, teste Theopompo apud DIOGENEM LAERTIVM^g placuit. Ea enim ex systemate Zoroastro necessario sequitur, cum diuinae lucis particula anima sit, suo tempore et certa rerum periodo in Deum reditura, materia quoque, ex qua corpus componitur, a tenebris, morbis et aliis infirmitatis generibus liberata tandem et ad hunc fontem reducta. Vnde etiam, quae de Paradiso allegorice disserunt, lucem capiunt. Ceterum an Magi migrationem aliquam animarum a corpore separatarum ex vno planetarum ad alterum per septem portas statuerint, quod non nemo asserit^h, quia sine auctore dicitur, incertum putamus, licet nec a principiis Persarum nec ab aliarum orientalium gentium doctrinis magnopere abhorreat.

Summa orationum Zoroastris.

§. XV. Hae Persarum doctrinae sunt, quibus religio et theologia eorum potissimum absoluitur. Poteramus nunc tractationi huic finem imponere, cum quae de Persis hic inde afferantur, incerta atque dubia si non plane fictitia et supposita sint. Ne tamen curioso lectori occasionem praecidamus, de corruptelis Zoroastreae doctrinae altius meditandi, breuem hic sistemus

tiam infra apud Thaletem et Democritum deprehendimus, quorum vterque apud orientales eam didicit. Fluit quoque prona consequentia ex illo dogmate, Iouem toto coeli circulo comprehendere. Effluvia tamen materiae, quae ista simulacra constituunt, cum Diis, qui istis vestiuntur, vt apparere hominibus queant, non confundenda sunt. Et hinc ratio petenda est, cur Magi angelos tanquam mediatores inuocauerint, vid. HYDE l. c. p. 346. BEAUSOBRE l. c. p. 61.

c) Lib. I. c. 131. p. 55. Huc pertinet quod THEO-

DORETVS Hist. Eccl. L. V. c. 39. refert, Magos a Persis vocari τὸς τὰ τοῦ ζῶντος θεοποιῦντας: illa elementa enim sidera esse, recte obseruauit ad h. l. VALESIVS.

d) Religion. des Gaulois L. II. p. 421.

e) Ad CVDWORTHVM p. 327.

f) l. c.

g) Conf. BEAUSOBRE l. c. p. 165.

g) Lib. I. f. 9.

h) Hist. critique de la philos. T. I. p. 106.

sistemus conspectum doctrinarum Zoroastrearum, quales a Platoniceis finguntur, et tum a PLETHONE luculenter enarratae suntⁱ, tum in oraculis obscure et confuse, ob causas supra adductas adumbrantur. Plethonem vero facem obscuris praeferentem primum audiemus, qui haec nobis Zoroastrea dogmata commendat.

I. Sunt Dii, et vnus quidem eorum rex Iupiter, optimus, qui vniuersis hisce praeest, et diuinitate praestat, ipse inginitus, et existens semper, aliorum autem pater et opifex veterrimus.

II. Huius filius antiquissimus sine matre, Deus alter Neptunus, cui secundae partes in gubernatione vniuersi commissae sunt a patre, coeli etiam huius generatio et creatio.

III. Hic diis ceteris vt subpraefectis vtitur, fratribus supracoelestibus, genitis sine matre omnibus, olympiisque et tartareis quos ex Iunone Dea eductos e materia progeneravit. Tum intra coelos astrorum coelestium genus, et naturae nostrae vicinosterrestres daemones. Idem soli, filio seniori, praefecturam coeli huius et mortalium sub eo generationem commisit, et hanc quidem vna cum Saturno, praefide Tartareorum Titanumque.

IV. Rerum nostrarum curam gerunt Dii, vel ipsimet per se manus admoventes, vel per inferiorum ministerium vniuerse autem secundum Iouis legem omnia dirigentes.

V. Hinc nullius mali neque nobis neque alii cuiquam, bonorum autem soli ii causa sunt vnica.

VI. Praeterea fato ineuitabili et indeclinabili dependente a Ioue, secundum id, quod fieri potest optimum, omnia faciunt euenire.

VII. Vniuersum aeternum est, cum secundis et tertiis diis ex Ioue prognatis, nec initium habuit vnquam, nec habebit finem, et ex multis omnibus in vnum quoddam coaptatum est.

VIII. Opifex, quae potuere fieri optima, vtpote optimus fecit, nullamque omnino intermisit praestantiam addere.

IX. Praeterea immotum et eadem forma constans semper illud conseruabitur.

X. Animus noster cognatus diis tempus omne in coelo immortalis et aeternus manet.

XI. A Diis vero in corpus hoc mortale vario tempore demittitur, vt cum illo communicet, ad harmoniam tuendam vniuersi, et mortalia cum diuinis communicantia in nobis et in specie nostra vniuersum atque ita ipsum sibimet connectant.

XII. Congruenter nostrae cum Diis cognationi debitus vitae nostrae scopus ac finis est, honestum, siue virtus. Ante omnia autem felicitas nostra in immortalis parte hominis ponenda, quam etiam naturae humanae nobilissimam Dii auctores nostri esse iusserunt. Haec-

ⁱ) Eius Epitomen dogmatum Zoroastri et Platonis edidit optimus FABRICIUS, Bibl. Graec. Vol. XIV. p. 137 seq.

Haftenus PLETHO; qui manifeste scholae suae placita Zoroastri supponit; quaedam tamen tangit Zoroastreo systemati non prorsus dissona, quale est, deorum generatio, mundi creatio, origo boni, animae humanae ortus. Et ita quoque in oraculis occurrit, in quibus has potissimum doctrinas notandas et expendendas esse putamus.

I. Vnitas, dualitatem genuit, dyas enim apud eam sedet et intellectuali luce fulgurat. Inde trinitas, et haec trinitas in toto mundo lucet, et gubernat omnia^k. Manifeste in hac thesi Zoroastrea de tribus principis doctrina, Mithra, Oromazde et Arimanio ad trinitatem Alexandrinae scholae, Christianorum causa effectam detorquetur; id quod agnouit quidam doctissimus CVDWORTHVS^l, qui haec erudite confirmat, male tamen hanc Platoniorum recentiorum triadem cum Persarum trinitate eandem putat. Rectius acutissimus et in detegendis philosophorum sententiis felicissimus IACOBVS THOMASIVS^m, Zeruum, siue Mithram esse materiam primam, (melius dicimus ad euitandos conceptus Aristotelicos, ignem diuinum, ex quo omnia emanarunt) eam utroque Deo bono et malo, Oromazde et Arimanio grauidam, a se ipsa videlicet, non Oromasden solum, sed et Deum malignum visceribus effudisse, adeoque superiorem utroque Deo Mithram. Vnde et rectissime eorum sententiam reiicit, qui trinitatem Persarum cum trinitate Christiana misere confunduntⁿ.

II. Deus fons fontium omnium matrix continens omnia, unde generatio varie se manifestantis materiae, unde tractus praeter insiliens cavitatibus mundorum, incipit deorsum tendere radios admirandos^o. Et haec quoque Platoniciis vocibus exprimuntur, non tamen male Zoroastrea referunt, quae Deum fontem omnium, etiam materiae, constituere, et emanatione lucis demissae in inferiora radios spargi statuere supra dictum est. Phrasin vero oraculorum suam quoque fecere Cabbalistsae, qui talia primogenito suo, Adamkadmon, tribuunt: Vtrique ex vno fonte.

*III. Deus intellectualem in se ignem proprium comprehendens, cuncta perfecit et menti tradidit secundae. Sic omnia sunt ab uno igne progenita, patre genita lux^p. Zoroastream sententiam esse supra vidimus, quam vero Platonici mente seu hypostasi secunda intrusa iterum in suas partes detraxerunt et corruperunt. Et huc omnia pertinent, quae de mente intelligibilia et intellectualia vertigine impigra fontium et principiorum motorum producente dicuntur^q. Auctor enim, quisquis ille fuit, totus idels Platoniciis captus Zoroastrea principia lucis per suos vortices motae ad intelligibilia, *νοητὰ καὶ νοερά* applicat, siue potius detorquet.*

IV. Mens patris striduit, intelligens indefesso consilio, omniformes ideas,

^k) V. I seqq. STANLEY. p. 178.

^l) System. intellectu. L. I. c. 4. p. 134.

^m) De Persarum et Platoniorum trinitate Hist. Sap. et Stultit. T. III. p. 68 seqq.

ⁿ) MORNÆVS de V. R. C. c. 6. RHODIGIN. Lect. L. VII. c. 14. p. 346.

^o) V. 20 seq.

^p) V. 25 seq.

^q) V. 50 seqq.

ideas ^{r)}, (Iynges vocat, quae quid sint alibi docuimus ¹⁾) *fonte vero ab uno euolantes exsiliunt, et diuisae intellectualem ignem sunt natae.* Tota quoque thesis Platonica, sed orientali dicendi genere allegorico valde obscurata. Nec Zoroaster aliquid de ideis, quae nimis artificiosum pro barbarorum genio systema sapiunt, aliamque originem agnoscunt ²⁾. Patet vero ex hac oraculorum sectione, recentioribus Platoniceis ideas fuisse emanationes ignis intellectualis peculiari hypostasi donatas, nam intellectae a patre intelligere et ipsae dicuntur. Verum haec alieni loci sunt. Hecaten vero, Synochen et Teletarchas, sectione quinta descriptos tales spiritus igneos intelligi formatrices rerum sensibilibum, adeoque iyngum siue idearum species esse, per quas res sensibiles siue materia in formam componitur, patet ex v. 142. vbi dicitur

Οἱ δὲ τὰ ἄτομα καὶ αἰσθητὰ δημιουργοὶ
καὶ σωματοειδῆ καὶ κατατεταγμένα εἰς ὕλην.
*Hi vero indiuidua et sensibilia efficiunt,
Et forma corporea vestita, et ordinata ad materiam.*

Forte haec spiritus illos formatores rerum sensibilibum, qui cum voluntate Dei ex mente Persarum, ad producendum mundum sensibilem, descenderunt, referunt, iunctis ideis Platoniceis.

V. Anima existens ignis splendens vi patris immortalis manet et vitae domina est, et tenet mundi multas plenitudines sinuum. Mentem enim (185) imitatur, sed habet congenitum quid corporis ³⁾. Vehiculum siue ἔχημα animae Platonicum oraculum luculenter prodit, quod an vnquam Zoroastri placuerit, incertum? Statuebant tamen tale quid orientales philosophi seculi I. et II. vt videre est, ex systematibus Gnosticorum, et Cabbalistarum, immo Manetis quoque: vnde conici potest, tale quid orientalibus quoque Zoroastris aëclis, si non ipsi Zoroastri, placuisse.

VI. Opifex qui fabricatus est mundum, erat ignis moles, qui totum mundum ex igne, et aqua, et terra et aëre omnia alente composuit ⁴⁾. Non haec quidem a Zoroastreis plane dissona, manifeste vero quae sequuntur de canalibus materialibus per quos ignis distributus est, Alexandrinae scholae somnia produnt. Eadem de formatione coeli et siderum, qualem oracula exponunt, iudicanda sunt.

*VII. Oportet te festinare ad lucem et patris radios,
Vnde missa est tibi anima multam induta lucem.
Mentem enim in anima reposuit et in corpore deposuit* ⁵⁾.

Accommodauit se oraculorum auctor Zoroastro systemati, ita tamen, vt

A a 2

Plato-

r) V. 100 seq.

s) In Amoenit. litter. T. VIII.

t) Vid. diss. nostra de numeris Pythagorae, Amoen. lit. T. VII. p. 181 seqq.

*) V. 145 seqq.

w) V. 164 seqq.

x) V. 215 seqq.

Platonicam partium hominis distributionem non obliuisceretur, quae in schola Magorum incognita fuisse videtur.

*VIII. Non deorsum pronus sis in nigricantem mundum,
Cui profunditas semper infidae substrata est et hades,
Circumquaque nubilus squalidus, idolis gaudens, amens,
Praeceptis, tortuosus, coecum, profundum semper conuoluens,
Semper tegens obscurum corpus iners, et spiritu carens,
Et os lucis mundus et tortuosa fluentia.
Sub quae multi trahuntur ¹.*

Describit his auctor Arimanium, siue materiam, ita tamen, ut dictionem et artem Graecae scholae redoleat.

*IX. Quaere animi canalem unde aut quo ordine
Seruus factus corporis, in ordinem a quo effluxisti
Iterum resurgas ².*

Haec adeo luculenter Platonicam de descensu animarum in corporis ergastulum hypothesein produnt, ut ex qua schola oracula prodierint, vel ex hoc vno loco iudicari queat.

*X. Cogitatio igne fota primum habet ordinem,
Mortalis enim ignis proximus factus a Deo lumen habebit ^a.*

Ut Zoroastreum videatur oraculum, ad cultum ignis Persis solitum manifeste alludit.

XI. Lunae cursum et astrorum progressum ac strepitum dimitte, semper currit opere necessitatis, astrorum progressus tui gratia non est editus ^b. Sequitur in his oraculum recentiores Platonicos, astrologiam reiicientes, quam tamen Zoroaster et Magi tanti fecisse dicuntur.

*XII. Natura suadet esse daemones puros,
Et malae materiae gemina utilia et bona, etc. ^c*

Tota haec de daemonibus tractatio, unde somnia de apparitionibus daemonum originem habent, scholae Alexandrinae propria est, multumque a Magorum et Zoroastris placitis distat. Qualia et sunt, nomina in sacris vim arcanam habere, apparere ignem saltantem, vel daemonem quoque terrestrem. Talia quidem Proclo, Pselloque visa fuerunt Chaldaica, sed ementita ab his hominibus, ut sacris suis, concidentibus et exspirantibus auctoritatem conciliarent.

Haec

¹) V. 240 seqq.
²) V. 248 seqq.

^a) V. 263.
^b) V. 283 seq.

^c) V. 295 seq.


Haec specimina oraculorum Zoroastream philosophiam promittentium satis docent, auctorem, quisquis fuerit, doctrinas quasdam inter orientales seruatas suae scholae placitis ita applicuisse, vt Platoniorum scholam, prae orientali haereticorum caterua, Zoroastris auctoritate gloriari posse, Platonemque cum eo conuenire euincatur. Et hunc scopum horum oraculorum fuisse nulli dubitamus, indeque coniicimus, circa ea tempora congesta fuisse, quibus philosophia illa orientalis in Asia et Aegypto caput extulit, et ex parte quidem a Platonicijs reiecta, ex parte vero, more eorum syncretistico, intra suos limites recepta fuit, quod circa nascentis saluatoris tempora sensim factum esse probabile est.

§. XVI. Philosophiae moralis apud Persas magianismi hodierni affectus capita haec nobis narrantur^d: colendam castitatem, honestatem, aequitatem, fugiendas voluptates, fastum, vindictae cupiditatem, et latrocinia. Amandum timorem, consulendam in omnibus actionibus prudentiam, vt mala euitentur, bona eligantur. Diem cogitatione de Deo auspicandam, amoremque eius perpetuo fouendum. Orandum ad Deum vultu ad solem interdiu, ad lunam noctu conuerso. Lucem enim eorum planetarum esse signum et testem lucis diuinae, malis daemonibus tenebras depereuntibus. Nihil in his est, quod non vel naturalibus principiis rationis nitatur, vel institutum Zoroastris supponat, adeoque et antiquis placere potuit.

*Philosophia
moralis Per-
sarum.*

^d) TRIBBECHOV. de philos. mor. apud barbaros. l. c.





CAPVT QVARTVM.

DE PHILOSOPHIA INDORVM.

§. I.

*Fontes histo-
riae philoso-
phiae Indo-
rum.*

A Persis ad Indos philosophiae barbaricae historiam perlustraturi pedem promouemus, gentem vicinam, et ad quam ex Chaldaea atque Perside philosophia si quosdam audimus ^a, penetrauit, quam tamen alii, uti aliarum gentium, ita imprimis Persarum, magistram fuisse volunt. De cuius philosophis magna apud veteres fama atque existimatio fuit, adeo, ut, qui sapientiae, virtutis cultura ad iustam indolem perductae, praecepta inter Graecos discendi cupidi erant, necessarium sibi ducerent, ad Indos excurrere, et sapientiam gentis tanto studio excultam atque custoditam discere, id quod magnos inter Graecos philosophos, Pythagoram ^b, Democritum ^c, Anaxarchum ^d, Pyrrhonem ^e, Apollonium ^f fecisse, et ipsum Alexandrum M. India occupata non neglexisse, relationes variae feruntur. Quo magis vero tota India et innumeri, qui in ea habitant, populi ab occidentis nostri regionibus dissita est, eo rariora quoque monumenta sunt, ex quibus de harum gentium philosophia historia certa hauriri potest. Accesserunt quidem Europaei ab aliquot seculis ad hos populos, et imprimis maritimarum populorum religionem atque placita satis curiose excusserunt: parum tamen inde in historia philosophiae barbaricae iuuamur, tum quod regiones interioris Indiae peregrinatoribus et missionariis, qui omnium maxime ad placita harum gentium attenderunt, non tam facilem accessum praebuerint, tum quod populi Indiae magnam partem a placitis maiorum delciuerint, et imprimis, quod vir quidam doctus eleganter monet ^g, ab eo tempore, quo Mogores rerum domini apud eos facti sunt, alii plane facti fuerint, atque fuerunt alias. Nam nec satis antiquum illud sermonis genus intelligunt, quo libri ipsorum sacri exarati sunt, nec dogmata antiqua satis assequuntur. In diuersissimas quoque sententias sacerdotes eorum de diuinis distracti, magnam sentiendi et statuendi licentiam sequuntur, id quod eo magis impune ab illis fit, quo magis apud eos arbitrium sacrorum omne atque de religione decernendi auctoritas est. Id quod maxima facilitate fieri potest, quia pleraque eorum, quae antiquas traditiones, historias atque dogmata comprehendunt, poetarum allegoriis, ex more orientis, audacissimis, et vere insanis depinguntur, quae cum varios sensus admittant, homines inuita plerumque Minerua nati sacrisque et religioni ex sanguinis potius

^a) POSTELLVS ad librum Iezirah. OT. HEVRNIUS antiq. phil. barb. L. II. c. 2. p. 140 seqq.

^b) APVLEIVS florid. L. II.

^c) LAERT. L. IX. f. 3. et quos laudat MENAG.

^d) LAERT. L. IX. f. 61.

^e) Ibid.

^f) PHILOSTRATVS de vit. Apoll. L. II. c. 41.

^g) Cel. MOSHEMIVS diss. de creatione ex nihilo, quae est in CUDWORTHII System. intellectualem §. 25. p. 990. praecedente ТНОМ. ВУРНЕТІО Archaeolog. philos. c. III. p. 347.

potius iure, quam ingenii delectu praeesse iussi ad suos, sensus pro lubitu detorquent, et ea saepius de maiorum placitis garriunt, quae ipsi non intelligunt: immo a supponendi libros sacros et vetustos fraude immunes non sunt. Ex quibus omnibus manifestum est, ad recentiorum fidem et testimonia de philosophia Indorum acturos prouocare non posse. Et haec quoque ratio est, cur de Indorum recentiorum placitis in fine potius totius tractationis, ubi de historia philosophiae exoticae agendum est, plura dicere constituimus, quam hic recentiora veteribus sine ordine, et cum magna confusione miscere. Veteres itaque, qui Indiam adeundi occasionem habuerunt, indeque relationes aliquas reliquerunt, audiendi sunt: id quod ab eo potissimum tempore factum est, ex quo Alexander M. everso Persarum imperio arma victoricia Indiae intulit, suosque, qui exercitum sequebantur, de moribus et religione atque placitis Indorum curiosius sollicitos esse iussit. Ex eo enim tempore varia inter Graecos potissimum de Indorum moribus et placitis scriptis consignata sunt, inter quae praecipue eminent ea, quae diligentissimus STRABO^h, PLUTARCHVSⁱ atque ARRIANVS^k nobis scripta reliquere, quos secuti sunt PHILOSTRATVS^l, APVLEIVS^m, PORPHYRIVSⁿ et his similes. Neque tamen eorum testimoniis ita standum esse putamus, ut nulla dubitandi causa relinquatur. Non enim ipsi has gentes adierunt, sed relationem eorum, qui apud Indos fuerunt, sequuntur; quorum auctoritas cum ignota nobis sit, facile quousque nobis fide laudatorum virorum eos sequentium, stare liceat, perspicitur. Patet enim ex relationibus hisce, hos homines ad interiora gentis adyta non admissos esse, unde etiam in externis magis recensendis, quam enarrandis internis, et exponendis horum hominum scitis occupati sunt, mireque omnia infuso Graeco more, orientalia cum suis comparandi suisque ex institutis metiendi, corruerunt. Extant quidem inter veteres scriptores aliqui, qui ex instituto de Indiae gentibus et philosophis, Brachmanibus scripserunt. In his potissimum est libellus *de gentibus Indiae et Brachmanibus*, qui *historiae Lausiaca* scriptori PALLADIO tribui solet^o, cui tamen, rationibus temporum adiutus hunc libellum contra CAVEI sententiam abiudicat CASIMIRVS OVDINVS^p. Eadem fere refert libellus facundissimo Mediolanensium episcopo S. AMBROSIO tributus *de moribus Brachmanorum*, qui vero cum eloquentissimi viri genium, linguam, iudiciumque minime referat, inter libros supposititios recte relatus est a doctissimis familiae Benedictinae sodalibus, qui egregiam operum sancti doctoris editionem nobis dederunt, IACOBO DVFRICHE et NICOLAO NOVRY. Addendus his est tertius anonymus, *de Brachmanibus*, quem cum Palladio et Ambrosio tributis scriptis superiori seculo edidit EDOARDVS BISSAEVS^q Eques auratus,

^h) Lib. XV. ⁱ) De vit. Alexandri.

^k) De expedit. Alex. L. VII. et in Indicis.

^l) In vita Apollonii. ^m) Florid. L. II.

ⁿ) De abstinent. L. IV.

^o) Vid. CAVE Hist. lit. ser. Eccl. p. 241. FABRICIVS Bibl. Graec. Vol. IX. p. 10.

^p) De Script. Eccl. T. I. p. 911.

^q) Londin. 1665. 4. Addi his potest, qui de Indis quoque quaedam refert PSEVDORIGENES philosophum, c. XXIV. p. 156 seq. SVIDAS vero in Brachmanes Palladium descriptit.

ratus, et titulo Clarencii Rex armorum. Neque tamen multum horum scriptorum, quicunque illi fuerint, fidei tribuendum est. Conscripti enim a Christianis libri, tam aperte ad commendandam Christianae religionis praestantiam, sapientiam Brachmanum, eam imprimis, quae de moribus agit, accommodarunt, ut caecum esse oporteat, qui piam fraudem, istis seculis, quo illa conscripta sunt, frequentem et in laude positam non viderit. Cum Alexandro M. quoque (cuius colloquium cum Brachmanibus potissimum referunt) Indiae sapientes ita sermones fecisse, nugantur, ut et Graeciae mores, et sectae quoque Graecorum illis notae fuisse dicantur, totaque disceptatio tantum a simplici et nativa orientalium methodo abeat, quantum sophistarum Graecorum concertationibus et dissertationibus est simillima. Iudicium itaque et hic adhibendum est, et ita fides temperanda, ut testium conditionem, nunquam obliuiscamur. Recentiores enim, qui Indorum philosophiam nobis descripserunt, cum veteres secuti sint, hic non moramur, optamus vero, ut, quae nobis recentissime spes facta est, Indorum liber sacerisque antiquissimus, *Vedam* dictus, qui legis diuinæ instar ab Indorum sacerdotibus seruatur, et quam maxime occultatur, tandem publice edatur, ut meliori fide de Indorum religione atque placitis inde historia confici queat.

*Philosophi
Indorum,
Brachmanes.*

*Nomen
Brachma-
num unde?*

§. II. Est vero Indorum quidem gens natura rudis, et non adeo magna ingenii felicitate praedita, aluit tamen a vetustissimis temporibus viros sapientes, quos Graeci ad suos mores et instituta componentes, philosophos dixere. Eorum nomen Brachmanes est, et a habitu quoque corporis Graecis interdum Gymnosophistae dicuntur. Etsi enim nomen hoc non de omnibus semper Indiae sapientibus veteres adhibent, sed de iis tantum, qui maximam corporis partem nudi inceserunt, inualuit tamen olim iam mos, ut omnes promiscue Indiae sapientes Gymnosophistae dicerentur. Brachmanum vero nomen unde ortum traxerit, ut in externis plerumque accidit, incertum est, neque definiri potest. Et ii quidem audiendi non sunt, qui cum nugatore GUIL. POSTELLO ab Abrahamo dictos esse, eiusque filios ex Ketura fuisse, in orientem dimissos somniant, indeque nomen et originem Brachmanum deriuant. Nititur enim haec opinio insulso, quod supra iam iugulauimus praeiudicio, Abrahamum omnis eruditionis, et philosophiae quoque apud Orientales fontem fuisse, quod cum lepide probare contendat HEURNIVS* ad cognoscendam argumenti, quod affert, leuitatem et ridenda inania somnia ipse legendus est. Nec meliora sunt, quae pro etymo vocis indagando attulit GEOR-

GIVS

r) Inter eos videndi prae reliquis THOM. BURNETIUS Archaeol. philos. c. III. p. 344 seqq. P. BAYLE Dict. T. I. art. Brachmanes et Gymnosophistae, et qui omnium diligentissime de hac re egit B. FABRICIUS in diss. de Brachmanibus, quae inserta est Syllog. Opuscul. p. 333 seqq.

s) Vid. Lettres curieuses et edifiantes Rec. XXI. p. 455 seqq.

t) PORPHYR. de abstin. L. IV. c. 17. p. 167. LAERT. L. I. s. I. PLINIUS L. VII. c. 2.

u) Ad librum Iezirah. conf. ARNOLD. ad ROGER. p. 2.

x) Antiquit. phil. barbar. L. II. c. 2. p. 140. cuius somnia legisse vel recitasse, est refutasse.

GIVS HORNIVS^y, absurdum enim est, vocis Indicae ex aliis linguis constituere originem. Nomen vero cum varie efferatur, nam et Brachmae, hodie vero Bahramae et Braminae dicuntur, vix spes est detegendi veram originem. Quodsi verum esset, quod SVIDAS^z asserit, Brachmanum regem fuisse, qui ei regioni nomen dederit, et leges Brachmanum scripserit, et de eiusdem gentis republica, lingua vernacula meruerit; facile coniectura fieri posset, ab eiusmodi sectae conditore Brachmanas nomen accepisse, id quod etiam eruditissimo FABRICIO^a placuit, fuisse Brachmanum vel Brahmum philosophum Indicae gentis, sectae conditorem. Verum cum alii veterum fileant, et Suidas, quo auctore id didicerit, non addat, vehementer veremur, ne antiquam Indorum doctrinam, vel Suidas, vel quemcunque is secutus est, corruerit et male intellexerit. Suo enim loco docebimus, Indos hodiernos primam DEI infiniti emanationem, rerum omnium conditorem vocare Biruma, unde, docentibus meritissimis euangelii praeconibus^b apud Malabares, Braminae nomen se accepisse iactant, ex cuius familia se esse ortos gloriantur. Cum itaque nomen, munusque a Brachmanibus veteribus acceperint Brahminae recentiores, facile inde colligi potest, quae potissimum nomini origo adscribenda sit. Etsi enim quidam hunc Birumam rerum conditorem mundique opificem inter homines numerauerint^c, mythologico tamen dicendi genere, quod cum reliquis orientis incolis Indi quoque adamant, decepti hominem ex prima Dei emanatione, numineque, a Deo summo secundo, effinxerunt. Unde recte coniecit doctissimus ARNOLDVS^d, hunc Demiurgum intelligendum esse, Dei filium, qualem Cabbalistae, Platonici alique philosophi statuerunt, et emanationis systema, quod Deum animam mundi facit, requirit. Quemadmodum vero Gymnosophistae communi Graecorum loquendi modo omnes Indiae sapientes denotant, ita, accurate si loquendum est, Brachmanes certum tantum genus philosophorum Indorum sunt. Varias enim classes, vel si mauis, sectas philosophorum Indorum nobis veteres recitant, Megasthenes enim apud STRABONEM^e duo eorum genera facit, quorum vnum Brachmanes, alterum Germanes dicatur. PORPHYRIVS^f autem Gymnosophistarum duas factiones facit, alteram Brachmanorum, alteram Samanaeorum. Quod si CLEMENS ALEXANDRINVS^g audiendus est, peculiaris et a Gymnosophistis distincta secta est, Semnorum, id est venerandorum: quia vero nomen Graecum est, deceptus fuisse videtur, nomenque aliquod venerationis vel sanctitatis causa (vt et hodie apud Indos accidit) datum, in proprium nomen conuertisse.

y) Hist. philos. L. II. c. 9. p. 105.

z) Voc. Brachmanes T. I. p. 454.

a) l. c.

b) Relationes Missionis Danicae ad Malabaras P. I. p. 353.

c) ABR. ROGER Ianua gentilisimi aperta P. II. c. I. p. 226.

d) Ad h. l. p. 223.

e) Lib. XV. p. 822. conf. IO. SCHMIDII diff. de Gymnosophistis, KORTHOLT. de philos. barb. §. 27 seqq. p. 40. BAYLE l. c.

f) l. c.

g) L. I. Strom. p. 305. conf. POTTER. ad h. l. SPENCER. ad Orig. contra Cel. p. 19. 20.

tisse. Sunt etiam qui Calanos nominant^b, a Calano Gymnosophista, de quo postea dicendum erit.

*Brachmanes
qui fuerint?*

§. III. Brachmanes vero, si hos porro audimus, quorum fide haec constare supra diximusⁱ, per generis successionem, non secus ac sacerdotium, huiusmodi sapientiam admittunt, id quod hodie quoque apud Brahminos inter Indos obseruari constat^k. Sunt itaque Brachmanes omnes vnus generis ex vnus patris vnusque matris origine omnes deducti, vti Bardefanis Babylonii fide, qui cum Indis conuersatus est, et cuius tractatum de philosophis Indiae deperditum esse dolemus^l, refert PORPHYRIUS. Hi, quod porro narrat Megasthenes, quam primum concepti fuerunt, viros doctos curatores habuerunt, qui et matri et concepto accedentes, in speciem quidem incantando proli ac matri felicitatem conciliauerunt, sed reuera quaedam continentiae praecepta dederunt, matres existimantes, quae libenter eos audiant, eo feliciores proles futuras. Refert porro: ubi nati fuerint, alios atque alios curatores sortitos esse, et quo magis aetas adoleuerit, tanto elegantiores magistros successisse philosophos istos ante urbem in luce degere, inter mediocrem ambitum, quo cingantur, auditori autem non licere nec loqui, nec screeare, aut exspuere, alioquin diem illam coetu excludi, vt incontinentem; et cum triginta sex annos sic vixerint in sua secedere, et laxius licentiusque viuere, sindonem induere, aurum in manibus et auribus moderate gestare, et carnibus vesci animalium, quae hominum opera non adiuuant, ab acribus et condimentis abstinere, quam plurimas ducere uxores multiplicandae prolis gratia. Haec Megasthenes, qui tamen de certo tantum Brachmanum genere intelligendus esse videtur: Referunt enim alii^m: Brachmanes sub regno non degere, neque cum aliis munus vllum obire, sed ex ipsis eos, qui philosophi sunt, alios in monte, alios apud fluuium Gangem habitare: ac montanos quidem pomis et lacte bubulo, herbis coagulato vesci, fluuiales ex pomis victum comparare, quae multa apud fluuium nascuntur, pomis deficientibus oryza cibo uti, aliud vero quidpiam degustare aut alimentum ex animatis vel omnino tangere, immunditiei extremae atque impietati non dissimile apud ipsos haberi. Alii alia addunt, et diuersum vitae genus apud eos cultum nobis referunt: quorum narrationes vt vno fasce comprehendimus, ita nobis Brachmanes sistuntur, vt durissimo vitae genere vti, exercitia philosophica durissima sublisce, frugalitati et pietati studuisse, Deum hymnis celebrauisse, contemptumque rerum fluxarum, voluptatum, aliarumque vitae commoditatum exercuisse nobis depraedicenturⁿ. Quod ad alteram philosopho-

rum

^b) HORNIVS L. II. c. 9. p. 107. ex Clearcho apud EVSEBIUM praep. L. IX. c. 3. qui tamen ipse fluctuat.

ⁱ) Megasthenes apud STRABONEM l. c.

^k) ROGERIVS l. c. c. I.

^l) Vid. IONSIUS de Scr. H. P. L. III. c. 10. §. 5.

conf. FRID. STRUZZIVS in Histor. Bardefanis §. 3.

^m) PORPHYR. l. c. Hodienum vero inter Brahminas sectas esse, inter quas verustarum harum vestigia deprehendantur, ex illis disci potest, quae fuse affert ROGERIVS l. c. c. II.

ⁿ) Haec fuse PALLADIUS et AMBROSIVS suppo-

rum Indorum classem attinet, quam SAMANAEOS dici supra ex PORPHYRIO notauimus: et quam cum Germanibus apud STRABONEM, qui et Sarmanes quibusdam dicuntur, eandem philosophorum speciem referre cum viris doctis^o putamus, illi ex omni Indorum genere collecti fuerunt, et ex quibusuis, qui diuinae sapientiae se tradere voluerunt, consistere. In quorum collegium cum quispiam erat adsciscendus, ad principes ciuitatis aut vici, cuiuscunque fuerit, accessit, atque ibi bonis suis et facultatibus omnibus repudiatis atque superuacua omni corporis parte detonsa stolam accepit: atque ita nulla neque vxoris neque liberorum, si forte adessent, ratione habita, quasi ad se nihil amplius pertineant, ad Samanaeos recessit: Regi liberorum educandorum, cognatis vxoris cura relicta. Refert porro, qui haec narrat, Bardefanes: eos extra urbem commoratos, totum diem in diuinis colloquiis traduxisse, vbi domos et fana a rege exstructa habuerint, in quibus oeconomi constituti sint, qui certam quandam mercedem ad conuenientium alimentum a rege acceperint^p: victum eorum ex oryza et pane et pomis et oleribus apparatus esse; cum ingressi in domum fuerint, ad tintinnabuli signum preces effundere; quod vbi fecerint, signo iterum dato ministros, singulis lance oblata, (duos enim ex eodem vase non comedere,) oryza ipsos pascere, si quis varietatem aliquam requirat, olus aut pomorum quippiam apponi; quibus pastos celeriter ad eadem loca reuertí. Tanta autem et ipsos et Brachmanas in veneratione apud alios esse, vt rex quoque interdum ad eos accedat, rogetque vt pro statu regionis Deum precantur, aut, quid agendum sit, consulant. Mira quoque de horum philosophorum morte refert: Saepe, vbi bene se habere conspexerint, nullo malo urgente e vita decedere, re tamen aliis praenuntiata, nemineque prohibente; sed mandata a suis accipientes corpus in ignem comburendum conilcere, aequiori animo a suis desideratos. STRABO vero de Germanibus addit: eos honoratissimos esse, qui Hylobii^q appellantur, ex eo, quod in syluis degunt, e frondibus et siluestribus fructibus viuentes, vestem ex arborum corticibus habentes, vini et veneris expertes. Hos cum regibus de causis rerum interrogantibus per nuncios colloqui^r, et per illos a regibus coli et placari. Meminit etiam Pramnarum, qui Brachmanibus oppositi, disputando et altercando emineant, Brachmanum studium naturae atque siderum ridentes. Hos vel montanos, vel gymnetas, vel ciuiles fuisse^s; modo in his omnibus vnus sectae homines diuersas vitae consuetudines locaque sectantes inter se non confusi fuerint. Vnde, quicquid de his Indorum philosophorum sectis haecenus adduximus, caute accipiendum

Samanas.

Pramnas.

Bb 2

esse

supposititii, qui tamen saphistico colore haec omnia pingunt, fucumque inducunt simplicitati Indorum veterum aduersum.

^o) RHODIGIN. lect. antiq. L. XIII. c. 25. p. 712. VOSSIVS de Hist. Graec. L. IV. c. 17. p. 483. IONSIUS de Scr. H. Phil. L. III. c. 10. p. 265.

^p) Haec hodiernum apud Brahminas obtinere testis est ROGERIVS l. c. c. VI. p. 63 seq.

de veteribus videndus DIOD. SICVLVS L. II.

^q) Tales in India ultra Gangem multi inueniuntur, qui Tallopoín dicuntur, id est monachi syluestres.

^r) Huius exemplum est Dandamis, de quo postea.

^s) Conf. Io. SCHMID. diff. de Gymnosophiis §. 8.

esse putamus. Quam facile enim peregrinae disciplinae inter se confundantur, et a diuersis diuerso intelligantur modo, hodierni temporis in his rebus veteribus multo accuratioris exemplis constat, et vel vna Sinensium hiltoria locuples testis est.

Virae et philosophandi ratio apud Indos.

§. IV. Potest ex adductis haec facies horum philosophorum facile cognosci, indeque iudicari, ad vitam austeram et ad supplantandas prauas animi cupiditates et corporeos affectus supprimendos, ducendamque vitam innocentem eos magis respexisse, quam ad Graecanicarum artium et scientiarum subtilitates^t. Quod si enim ea, quae laudati supra auctores de iis referunt, summam comprehendamus, haec de iis potissimum iactata sunt:

I. Eos ad sectandum virtutis exercitium et fugiendas voluptates societatem et consuetudinem hominum vitauisse, et vel in lucis, vel in campis, vel in speluncis habitauisse, Samanaeis certo fano addictis, quorum hoc PORPHYRIUS illud STRABO testatur, PALLADIUS vero addit^u, *Brachmanum genus non propria voluntate societati civili renuntiare, monachorum more, sed hanc desuper sortem diuinitus accepisse. Flumina propter Φυσικὸς ἐν γυμναστίῳ natura nudos vitam agere, nec apud eos quadrupes ullum, neque rustici operis instrumentum, ferrumue aut aedificium esse, non ignem, panem aut vinum, neque quidquam ad opus necessarium, aut ad voluptatem conducent. Eadem refert PSEUDO-AMBROSIVS^x, et APVLEIVS quoque^z, qui eos ait, nec propagandae vitis, nec inoculandae arboris, nec proscindendi soli peritos esse, non nosse aruum colere, vel aurum colare, vel equum domare, vel taurum subigere, vel ouem capraeue tondere vel pascere. Non omnes tamen ita solitudinem sectatos fuisse, inde patet, quod consiliis regum adhibiti eos interdum secuti sint^a. Vnde hoc, quod supra diximus, confirmatur, varia horum hominum instituta fuisse, variosque mores, quemadmodum in hac gente hodiernum fit.*

II. Nec tamen soli hominum societati et conuersationi se subtraxisse dicuntur, sed et voluptatibus bellum indixisse, vixisse victu tenui et valde parabili, agresti et syluestri, abstinuisse a vino, et ab omnibus animalibus. Ita enim naturae satisfieri putabant; lectum quoque non alium nisi humum pellesue admittebant^b. Quae tolerantia uti maximum honorem eis, teste, qui ad eos ab Alexandro M. missus erat, Onesicrito apud STRABONEM^c conciliauit, ita superbia animum eorum ita corripuit, ut ad magnum regem vocati ire recusarent, sed iuberent *ut ad se veniret, si quid assequi vellet, quod ab eis ageretur et diceretur*^d. Quae animi elatio satis prodit arrogantiam et ambitionem, magnam continentiae laudem studiose sectantem, seque

^t) Omnium itaque optime cum Cynicis comparantur.

^u) p. 8.

^x) p. 62.

^z) Florid. c. 6. p. m. 348.

^a) Nearchus apud STRAB. l. c.

^b) STRABO l. c.

^c) Ibid.

^d) Haec fusa et more Sophistarum persequitur Palladius.

seque ita super alios, immo super ipsos reges efferentem ad hanc Gymnosophistarum vitam multum contulisse. Quam in re Cynicis similes sunt.

III. Ad hanc ipsam vero animi continentiam referendum est, quod habitum deposuerint, et nudi inceserint; unde toti philosophorum Indorum genti Gymnosophistarum nomen haesit. Vbi tamen solent disceptare eruditi, utrum nudi toto corpore inceserint, an leui tantum amictu tecti, veletiam solis genitalibus velatis^e. Onesicritus enim refert^f, qui eos conuenit, se inuenisse quindecim homines viginti stadiis ab vrbe, alium in alio gestu, vel stantem, vel iacentem, vel sedentem nudum et vsque ad vesperam immotum, postea in urbem discedentem. Paria a Palladio et Ambrosio memorari supra diximus. Megasthenes^g vero vestem ex arborum corticibus habere, PHILOSTRATVS^h lineam togam indutos esse testantur, et diuus AVGVSTINVS genitalia velasse asserit. In hoc ergo veterum dissenso vix sententiarum concordia sponderi potest. Quod si tamen dicendum, quod probabilitate sua se maxime commendat, statuendum omnino est, quosdam inter hos philosophos, qui ad maiorem tolerantiae et patientiae philosophicae gradum se peruenisse putabant, nudo corpore aëris iniurias tolerasse: etsi fieri potuerit, ut verenda occultarint. Talem enim nuditatem et instituti ratio postulabat, et regio calida permittebat, et semota ab arbitris in lucis et speluncis commoratio admittebat; nec obiici potest, honestatis eos meliorem rationem habuisse. Vti enim vita horum hominum austera magnam illis venerationem et auctoritatem conciliauit, ita contemptui vel decoris laesioni locum non permisit. Id quod saepius ita euenit, historia Cynicorum Graecorum testante. Veri simillimum tamen videtur, plerosque philosophorum Indorum leui et parabili amicta vestitos fuisse, et imprimis toga pura et candida se ornaſſe, vel etiam pedibus tantum nudos incesſisseⁱ. Forte et sectae in hac nuditate seruanda inter se diuersae fuerunt. Certe ab isto tempore philosophos nudos hodiernum inter Indos inueniri, recentiores, qui istas regiones inuiserunt, referunt^k.

IV. Maxime tamen, durissimam, quam agebant vitam, probant ἀσκήσεις philosophicae a Gymnosophistis susceptae, quas plerique de iis scriptores testantur. Referunt enim, quosdam nudos per totum diem ad aestum solis tantum, ut nemo alius nudis pedibus in meridie terram calcare sustineret, perdurare; et CICERO: *nudos aetatem agere et Caueasi nives hyemalemque vim perferre sine dolore*, quod tamen in his calidis regionibus non tam facile credendum, quam toleratus solis aestus. Addit idem, *cum ad flammam se applicauerint, sine gemitu aduri*. Id quod sine calculo et fide dici facile quis crederet, nisi paria et vel grauiora adhuc hodie quoque Indorum Braminas suscipere testis nos oculatus do-

Bb 3

cuisset

^e) Rationes ex vtraque parte congeſſit BAYLE D. G. T. II. art. Gymnosophiste not. G. p. m. 653.

^f) Apud STRABONEM l. c.

^g) Ibid.

^h) In vit. Apollonii. L. III. c. 15. p. 106.

ⁱ) Ita Brachmanas describit PHILOSTRATVS l. c. qui tamen leuis testis est, ut suo loco docuimus.

^k) MAFFEIUS de rebus Indic. L. I. pag. 24. PET. DE LA VALLE Itiner. P. III. p. 218.

cuiſſet ROGERIVS ¹. Et ad has aſceſes duriffimas illud quoque referendum eſt, quod PLINIVS ^m refert, *eos ab exortu ſolis ad occuſum perſtare contuentes ſolem immobilibus oculis; feruentibus arenis toto die alternis pedibus inſiſtere.* Miratur hic infanliam, horum hominum et ſtultam opinionem Deo placendi auctor doctiſſimus *hiſtoriae criticae philoſophicae* ⁿ; nec negamus, incredibile et impoſſibile, certe ab omni ratione alienum videri, intentis oculis ſolem per totum diem intueri; neque tamen ea praeter rem atque veritatem dici putamus, cum conſtet, hodiernum inter Siamenſes, Sinenſes, alioſque Indiae populos, eos, qui ad ſapientiae gradum ſublimiorem adſpirant hoc exercitio, vnum locum, praecipue in aëre intuendi ſe cruciari, teſtibus viris erudiſſimis BERNIERIO ^o et KAEMPFERO ^p. Nec id adeo excors atque inſanum ex horum hominum ſcopo videri debet. Hi enim philoſophiaſtri in ſenſuum ecſtaſi, et annihilatione, et qui inde ſequitur, animae enthuſiaſmo ſummam ſapientiam quaerunt. Ea vero per eiſmodi contuitionem vnius loci punctiue, praefertim ſplendentis quam maxime promoueri, experientia teſtatur, et Heſychiaſtarum quoque exemplo conſtat ^r. Nec dubitamus, Gymnoſophiſtarum quosdam inſano ambitio- nis oestro percitos, vt non ſolum tolerantia inſuperabiles, ſed animi quoque dotibus diuini viderentur, eiſmodi exercitia inſtituiſſe. Immo nec improbabile eſt, ita ſe ad diuinationes praeparafſe, quibus vacafſe ARRIANVS ^r tradit.

V. Singulare quoque eſt, quod de matrimonio Gymnoſophiſtarum laudati auctores referunt: Scilicet, *cum mulieribus eos non philoſophari, ne ſi improbae ſint, aliquid quod efferri nefas ſit, in profanos efferant; ſi probae viros relinquunt.* Nam qui voluptatem ac dolorem, vitam ac mortem aequae contemnat, ſubditum eſſe alteri nolle: huiusmodi autem eſſe probum et probam. Ex quo STRABONIS ^r loco ſimul patet, mulieres quoque, niſi prohibitaе fuerint, interdum ſimili inſtituto accedendi cupiditate flagraſſe. Refert ſane CLEMENS ALEXANDRINVS ^t, neque Gymnoſophiſtas, nec qui dicantur Semni mulieribus uti, hoc enim praeter naturam et iniquum eſſe exiſtimare, eaque de cauſa ſe ipſos caſtos conſeruare: Virgines autem etiam eſſe mulieres, quae Semnae dicantur: ſed eum inſtituti ſimilitudine vel deceptum, vel mores quorundam Chriſtianorum iam tum inualeſcentes confundentem audiendum non eſſe, ſupra iam monuimus. Vero magis accedit, etſi non extra omnem dubitationem poſitum, quod PALLADIUS ^u narrat: *Vxores eſſe ex altera parte Gangis verſus Indiam; ad vxores maritos Iulio et Auguſto menſe tranſire: illis enim hos menſes frigidioreſ, ſole verſus partes boreales elato*

1) l. c. P. II. c. 17. p. 408 ſeqq.

m) Hiſt. nat. L. VII. c. 2.

n) T. I. p. 98. qui tamen inter ſuos habet, quos miretur ſimilis inſtituti corpus cruciantis patros. conf. BAYLE l. c. not. A.

o) Voyages T. II. p. 127.

p) Hiſt. Iapan. T. I. p. 30.

q) Conf. MOSHEIM. Hiſt. Chriſt. p. 801 ſeq.

r) In Indicis.

s) l. c.

t) l. c.

u) l. c. p. 9. Eadem refert PSEUDO-AM-
BROSIVS p. 62.

elato esse, qui et salubriores habeantur, magis extimulantes. Cum vxoribus quadraginta dies commoratos reuerti: Postquam duos ex vxore vir genuerit, consortio eius non amplius uti, sed aequalem semet ipsis numerum substituentes, in posterum abstinere. Si vero contigerit mulierem ex istis aliquam, sterilem euadere, ad ipsam quinque continuos annos virum transire, cum ea rem habentem: si vero non pepererit, ad eam commeare desinere: Idcirco nec numerosam eorum gentem esse, propter durum loci viuendi morem insitamque continentiam.

VI. Tandem ad masculam illam philosophandi rationem referri quoque potest contemptus mortis. Cum enim et vitam et mortem indifferenter habendam pronuntiarent, in id enisos fuisse, aiunt, vt et ipsam mortem, et mortis genus contemnerent. Qua de re Megasthenes dicto loco *: *nullum decretum philosophis istis esse, de morte sibi consciscenda, sed temerarios haberi, qui hoc in se admittant; ac natura quidem duos in vulnus vel praecipitium ferri, doloris impatientes, in profundum maris, doloris patientissimos strangulari, igneos in ignem detrudi. Qui liberi ex corpore exitus ideo ab iis quaesiti sunt, quod stabilem ac veram animabus inter se post obitum vitam esse crediderunt. Vnde et testante Bardefane apud PORPHYRIUM †, amici quoque ac propinqui aequiori animo illos ad mortem dimiserunt, quam alii homines suos quisque ciues in admodum longinquas peregrinationes: ac seipsos qui in vita superstites remanserint deplorarunt, illos beatos praedicarunt, quippe qui immortalem sortem iam receperint. Quae incredibilia quidem videri queant, humanae vanitatis et ambitionis vires non satis expendenti: exemplis tamen, inter quae Calanus est, probantibus negari debent eo minus, quo magis constat, hodieque inter has gentes mulieres, marito orbatos spontaneo incendio obire, vnde talem insaniam inter Indos non esse infrequentem patet.*

VII. Tantam cum animi fortitudinem virtutisque robur Indorum philosophi prae se tulerint, mirum non est, magna eos floruisse auctoritate non apud plebem tantum, sed et apud ipsos imperantes, a quibus in consilium admissos, de regionis regnique felicitate ex vaticinandi arte consultos, et, vt precibus pro salute patriae apud Deos intercedant, rogatos esse, supra docuimus. Hanc auctoritatem vt tueri possent, duplex illis praeter affectatam continentiam duramque vitae patientiam praesidium fuit. Vaticinandi enim facultas iis solis concessa fuit, refertque *ARRIANVS* ‡, *eos solos esse inter Indos diuinandi peritos, neque cuiquam diuinationem permitti, nisi sapienti viro. Vaticinari autem de temporibus anni, aut si qua publica calamitas immineat; de rebus priuatis vero non vaticinari: siue quod diuinationem ad res minores pertinere non putent, siue quod indignum creant circa minutiora haec laborare. Nobis verisimile videtur, hoc ideo factum esse, vt eo maiori auctoritate imperantium consiliis ita adesse, iusque vaticiniis superstitionem populorum ad nutus imperantium*

*) I. C. STRABONIS.

*) I. C.

*) I. C.

tium regere possent, quae sine dubio ratio fuit, cur regibus tam chari fuerint, tantisque sumtibus nutriti. Alterum, quod auctoritatem illis conciliauit, fuit, quod cultus diuinus omnis iis relictus erat: quem religiose, ac pie exhibuisse, maioremque diei ac noctis partem hymnis ac precibus Diis dicasse PORPHYRIUS narrat. Quem cultum soli potissimum oblatum esse PHILOSTRATUS^{b)}, ait, *quem interdum precentur, ut anni tempestates, quas circinuatione sua metitur, opportunas et propitias Indorum terrae mittat, vesperi autem radium orare, ne noctem moleste ferat, eodem vero modo maneat, quo deductus est*: Id quod tamen non ad solem sed ad numen in eo habitans pertinuisse, ratio theologiae Gymnosophistarum in sequentibus explicanda suadet. Et huc etiam sacrificia, quorum cura ipsis relictæ erat, tendebant. His vero praesidiis et imperantibus charos se fecerunt, et populo venerabiles, adeo, ut quicquid ex rebus venalibus vellet, id gratis auferre liceret, et ad quoscunque accesserint, sesamino oleo eos perfuderint, gratisque enutriuerint; omnisque domus diuitum iis patuerit, usque in mulierum conclauia, ingressi autem in coenae et sermonum communicationem adhibiti fuerint^{c)}. Forte et hoc auctoritatem auxit, quod vitae continentia, laborisque patientia, coeli quoque, sub quo versabantur, clementia, ad aetatem multorum annorum peruenerint, nisi spontanea morte morbum praeuenterint. Magna enim canitie semper veneratio adfuit.

VIII. Non tacendum quoque est, quod APVLEIUS^{d)} de his Indorum philosophis memorat: *sapientiam percolere tam magistros senes, quam discipulos minores: torporem quoque animi et otium odisse: igitur ubi mensa posita, priusquam edulia apponantur, omnes adolescentes ex diuersis locis et officiis ad dapem conuenire: magistros perrogare, quod factum a lucis ortu ad illud diei bonum fecerint. Hic alium se, commemorare inter duos arbitrum delectum, sanata similitate, reconciliata gratia, purgata suspicione amicos ex infensis reddidisse; inde alium, aliquid meditatione sua reperisse, vel alterius demonstratione didicisse; denique caeteros commemorare: qui nihil habet adferre, cur prandeat, impransum ad opus foras extrudi. Hanc consuetudinem cum et Pythagorei tenuerint, causam sibi in ea inuenisse visus est G. HORNIVS^{e)}, ut ab his ad Indos delatam esse crederet. Nobis vero id vel eo nomine falsum esse videtur, quoniam horum philosophorum instituta, si relationes veterum sequimur, Pythagoreorum aetatem superent. Maiori verisimilitudine dicetur, Pythagoram ab Indis didicisse, modo verum esset, quod biographiae Pythagoreae architecti iactant, iter Pythagorae ad Brachmanas. Illud vero inter fragmenta Platoniorum recentiorum referendum esse, suo loco*

b) l. c.

c) STRABO l. c. non negamus tamen, suspicionem hic nasci, ne quid, morum Cynicorum e Graecia in hanc historiam irreperit.

d) l. c. Conf. ALEX. AB ALEXANDRO gen. dier. L. V. c. 21. p. m. 297.

e) Hist. philos. L. VII. c. 12. p. 375.

loco demonstrabimus: nec negamus, ex eadem causa nobis totum hoc examen actionum iuuentutis, Indis a Platoniceis, in quorum castris Apuleius militabat, suppositum videri, ut auctoritate et fama Gymnosophistarum, quae inter Graecos maxima fuit, suis institutis nomen et venerationem conciliarent: quem in finem PHILOSTRATUS^f magnas fabulas de Indorum philosophis contexuit.

IX. Et has quidem Philostratas fabulas, quibus historiam philosophiae Indorum mira fingendi et mentiendi audacia contaminauit, tuto praeterire nobis liceret, nisi ridendus nugator lectori, integram Gymnosophistarum historiam cupienti, exponendus esset. Refert enim: *peruenisse Apollonium suum ad Castellum sapientium, amplissimis saxis communitum, in eo in nube eos habitauisse, visibiles simul et inuisibiles prout voluerint, hancque nubem pro porta esse. Vidiſſe ſe ibi puteum, ex quo vapor coeruleus ad os putei fuerit sublatus, sole vero meridiano imminente, vaporem illum a radiis solaribus sursum attolli, iridis speciem praebentem: puteum vero hunc sacrum esse, iuxta hunc puteum craterem igneum esse, esseque hunc puteum atque craterem Indis ad lustranda peccata ab inuitis commissa; hincque sapientes puteum indicii, craterem veniae vocare. Vidiſſe ſe quoque gemina dolia ex lapide nigro, quae sint imbrium atque ventorum. Atque id quidem, quod esse imbrium dicitur, ubi nimia siccitate India pressa fuerit, apertum nubem emittere, atque terram uniuersam humectare; sin pluuiae fuerint nimiae, occlusum cohibere easdem. Incidiſſe ibi in Graecorum numina, quibus Indi ſacrificant, ignemque ibi ſacris proſequi ritibus. Humi hos ſapientes dormire, herbis tamen humum ſternere, eos item in aëre sublimes, duobus e terra sublatis cubitis ambulare: ignem porro, quem a ſolis radiis petant, quanquam corporeus ſit, nec in ara tamen accensum eos habere, nec focus aſſeruare, ſed perinde ac radios qui a ſole et aqua refranguntur, ſublimem conſpici et in aethere fluctuantem. Vmbra quoque ſub dio viuentes ſibi obducere, ne pluuia madeſcant. Comas nutrire, mitra alba caput redimitos, et nudos incedere: veſtibusque ornari, exomidum formam habentibus^g. Linea vero veſte ad ſacra uti, quod linum ita terra ferat, ut ſi quis alius euellat, terra linum iſtud non dimittat. Poſtea lauatos et unctos, ut ſudore perſluerent ad templum acceſſiſſe coronatos, et in hymnos totos intentos; chori autem figura undiquaque conſiſtentes, et coryphaeum larcham habentes, erectis baculis terram percuffiſſe: illamque non alio modo quam maris fluctus ſeſe attollentem, duos ferme paſſus in aërem extuliſſe, ipſos interim cantilenam ceciniſſe: iuuenemque aduocatum qui Apollonii comites curaret, citius quam volucres celererrimae, proſectum reuerſumque fuiſſe. Sciuiſſe hos ſapientes omnia, cenſuiſſe*

^f) In vita Apollonii L. III. c. 13. p. 104 ſeqq.

^g) Inde patet, vel non totum corpus veſte te-
xiſſe, vel interdum tantum, praecipue in ſacris
obeuntis. γυμνὸν βᾶδίζον enim, non nudis pe-

dibus tantum, ſed corpore nudum incedere ſigni-
ficat, probante doctiſſimo OLEARIO ad h. l.
conf. WOLF. ad Orig. philoſ. p. 158.

fuisse se Deos. Plura huius generis affert, apud ipsum nugatorem legenda. Haec vero curatius examinare et stupendae audaciae mendacia ostendere, esset lectoris iudicio non satis confidere: tam strenue enim mentitur, fingit, refingit, mutat quadrata rotundis impostor, ut nec puerorum et anuum fidem mereatur, adeo omnia puerilibus ineptiis plena sunt, quibus vel insanus et ineptus Damis, vel, quod nobis videtur, exiguo iudicio instructus Philostratus causam herois sui, in cuius honorem fabulam totam instruxit, et Platoniorum quoque tueri, labantemque superstitionem, contra Christianorum miracula confirmare, stultissimo ausu connisus est. Qua de re tamen, cum suo loco ex instituto dicendum sit, nihil amplius addimus. Nam ineptam mentiendi licentiam quaesito colore et excusatione lenire, frustraneum et inuita Minerua factum putamusⁿ.

Buddas.

§. V. Inter hos vero Indorum philosophos viri quidem magnae famae et exultationis enituerunt. Ex quibus **Buddas** est, quem apud Indiae Gymnosophistas dogmatis eorum principem tradi, et iactari, e latere suo virginem genuisse, testatur **Hieronymus**ⁱ. Hunc cum Budda, Manetis praeceptore, cui Graecum nomen, Terebinthus, fuit, multi confuderunt, inter quos est **Tollivs**^k notatus ideo doctissimo **Beausobrio**^l, qui de huius Terebinthi actis accurate agit, et fabulas ex personarum confusione ortas detegit. Eandem confusionem admisit **Iacobus Thomasius**^m. Sunt vero de hoc antiquissimo Indorum philosopho incerta omnia eaque longe paucissima, nec, quis fuerit, satis constat. Extitisse tamen aliquem inter Indos philosophum, maximae auctoritatis, qui peculiari religione populos iustituerit, et ad faciendam sibi fidem et auctoritatem conciliandam diuinam originem et miraculosam natiuitatem iactauerit, probabile nobis facit coniectura viri summi et in detegendis antiquitatis mysteriis felicissimi **Matvrini Veiss. La Croze**. Is obseruatⁿ, celebratissimum apud Siamenses idolum Sommonacodom, vocari etiam, Poutifat, id est dominum Pouti: Pouti vero nomen cum Buddae conuenire, et apud Indos fere omnes diem indicare Mercurii, eum enim vocant Budda-varam, diem Buddae, lingua Braminis sacra. Cum vero iste Sommonacodom cum celeberrimo Indiae totius impostore Xaca idem sit, probabile admodum esse, Buddam non alium esse, quam Sommonacodomum vel Xacam, quorum ille inter Siamenses, hic apud Sinas et Iaponenses diuino cultu

^k) Miramur itaque merito, eruditissimum **Philos-tratorum** meditorem, cuius doctrina et iudicium post praematura eius funera orbi erudito laudantur, eo se adduci passum esse, ut auctoris sui fidem saluam praestiturus, insanis mendacis colorem quaereret. E.g. dolia illa duo, manifesto furto ex **Homeri** *Il. ω.* vel quae in *Olyss.* habet de Aeoli *αὐτῶν* transsumta, qualia etiam de Laponibus relata sunt, fuisse vasa, quae temporum et tempestatum vices ostenderent, qualia thermometra et barometra sunt. Quasi vel ea tum nota fuissent, et id diceret textus Philostrati. Igne

ex solis radiis etiam noctu in aëra suspensum (quo vix crassius mendacium est sibi ipsi contradicens) fuisse phosphori genus, globo vitreo in aëre suspeso asseruati. Quis enim talia cognouisse Brachmanas somniauerit?

ⁱ) Contra Iouinian. f. 22. b.

^k) Insign. itin. Ital. p. 137.

^l) Hist. de Manichéens T. I. p. 57. not. 4.

^m) De Manetis dogmate, Hist. Sap. et Stult. T. I. art. I. c. 5. p. 57 seqq. ubi confusa quaedam de Budda congeries inuenitur.

ⁿ) Hist. Christianismi Indor. p. 645 seqq.

tu honoratur: Quoniam vero ad recentiore philosophiam Indorum et Sinarum delapsis, de celeberrimo hoc inter eos impostore, cuius dogmata hodiernum in his gentibus maxime celebrantur et fouentur, sermo erit instituendus, interim nobis lectoris patientia exoranda est, qui interea desiderium apud laudatissimum virum explebit felicissime: id vnum notamus, a CLEMENTE ALEXANDRINO ^o hunc Buddam peculiaris sectae inter Indos conditorem fieri, diuinis honoribus affectum, id quod egregie cum ea sententia conspirat, quae eum cum Sommonacodomo et Xaca eundem esse putat. Sommonacodomi nomen enim monachum syluestrem notare, Codom cognominatum, quales Hylobii Gymnosophistae fuerunt, viris doctis harum regionum traditiones perquirentibus obseruatum est. Vnde hunc Buddam sectae inter Hylobios celeberrimae conditorem fuisse recte coniicitur. Post hunc illi potissimum Gymnosophistae Graecorum laudibus celebrati sunt, qui Alexandro M. ad Indos penetranti innotuerunt. Inter hos princeps fuisse dicitur DANDAMIS, quem Mandanin STRABO ^p nominat, quemque Gymnosophistarum fortissimum et moderatissimum fuisse, magno animo et validissima eloquentia Alexandrum, cupiditatibus frena laxantem, corripuisse referunt PALLADIUS, AMBROSIVS et Anonymus *de Brachmanibus* scriptores. Etli vero rerum gnaris euidentissimum esse putamus, totam illam Dandamidis dissertationem cum Onesicrito et reliquis regis legatis ipsoque rege confictam esse, et ad leges eloquentiae sophisticae compositam, id quod quaesitus in descriptionibus color, membrorum orationis sibi oppositorum artificium, rationes philosophicae ex media Stoa et Cynofarge desumptae, immo ex Christianorum quoque doctrina mutuum acceptae, sectae Graecorum, et imprimis Epicurea refutatae ^q, aliaque ab Indorum circumstantiis mire abhorrentia probant; fides tamen Onesicrito, a rege ad hos sapientes Indiae missio, temere deneganda non est, scribenti ^r, *Mandanin sibi ad eum vocato dixisse: summopere se Alexandrum laudare, quod in tanta administrandi imperii mole sapientiam expetat, quem solum in armis philosophantem viderit: sibi veniam deberi, si per tres interpretes colloquens sapientiae suae vim demonstrare nequeat. Omnia itaque eius dicta eo pertinuisse; eam esse optimam doctrinam, quae voluptatem molestiamque animo eximeret; molestiam a labore differre, quod illa ei esset inimica, alter vero amicissimus. Ipsos corpora ad laborem exercere, ut mentes confirmentur, quibus motus sedentur, et bona omnibus consulendi publice priuatimque facultas adesset; quomodo etiam nunc Alexandrum instituturi essent, ut et meliori recte obtemperare, et deteriore reddere meliorem possit. Post haec interrogasse, num talia etiam apud Graecos dicerentur? cumque respondisset ipse (Onesicritus) eadem Pythagoram docere ac iubere ab animalibus abstinere, tum Socratem et Dio-*

Dandamis.

CC 2

genem,

^o) Stromat. L. I. p. 305.

^p) loc. cit.

^q) Eadem iam obseruauit CASAVBONVS vid. Casauboniana p. 13.

^r) I. C. STRABONIS.

Calanus.

genem, quem ipse audisset: intulisse Mandanim: existimare se, prudenter eos de caeteris rebus sentire, in uno autem errare, quod legem anteponan naturae; alias non putuisse, suo more nudos degere, et tenui victu esse contentos; cum ea optima domus quae minimo apparatu indigeat. Et haec quidem ansam dedisse dissertationibus a Palladio vel quisquis illam fabulam incrustauit, Dandami affictis, ipsum argumentum satis prodit, ex quo tamen discere licet, animi continentiam et fortitudinem hunc philosophum quam maxime sectatum fuisse. Eodem in grege fuit CALANVS, ex eadem gente philosophus, vero nomine Sphines vocatus, sed quod sermone Indico Cale, pro, salue, salutans obuios compellaret, Calanus a Graecis dictus. Is cum Alexander M. ad Indos penetraffet, et ad Gymnosophistas legatum misisset, quod chlamydem et causiam et crepidas indutum conspexisset, risu sublato contumeliose obiurgatum iussisse, si quid vellet audire, vt eo habitu deposito, super iisdem lapidibus nudus iaceret, STRABONI dicitur, qui addit, Mandanim Calanum obiurgasse, qui contumeliam culpans ipse contumeliose ageret. Hunc Graeci vehementer laudarunt, PHILLO enim omnium eius seculi patientissimum nominat^s, et eruditionem ei tribuit: quam quidem ei negat CICERO^t, eo tamen sensu, quo Graecorum sapientiam eloquentia ornatam notat, quae homini barbaro defuit. Ex quo loco recte conficitur, barbarorum horum sapientiam Graecanicae fuisse valde dissimilem. Indis vero inuisus factus est, et vehementer ab eis vituperatus, quod ab Alexandro per Taxilum sibi persuaderi passus sit, vt Alexandrum sequeretur^u. Hunc enim incontinentem et patriae disciplinae desertorem, mensae Alexandri mancipium factum esse conquerebantur, et dolebant, quod relictæ felicitate, quam se consecutos esse censebant, alium dominum, quam Deum coleret. Viuicomburio tamen, cum morbum ex more sectae ferre turpe putaret, se ipsum extinxit, et cum in rogam ardentem ascenderet, o praeclarum, inquit^v, discessum e vita, cum, vt Herculi contigit, mortali corpore cremato, in lucem animus excefferit. In cuius honorem Alexander M. postea certamina equestria, musica et pugilatus instituit^z. Tandem et IARCHAM Gymnosophistarum principem nobis narrat Damis apud PHILOSTRATVM^x, quem in aereo throno, aureis simulachris ornato vidit et cum eo collocutus est Apollonius. Quem in fabulator depingit, vt alter Pythagoras fuisse videatur. Vnde quo loco habenda sit eius narratio, iis, qui nulum habent, facile liquet, nec lectorem nugis moramur, migrationem animae Gangis in larcham, quam crepat PHILOSTRATVS, indicaturi: adeo insulse hypothese inferuit, Pythagorica instituta commendaturus^y.

Iarcha.

§. VI.

^s) Quod omnis probus liber Opp. p. 879. vbi tamen epistolam Calani ad Alexandrum fictam esse, Graeca eruditio, qua destituebatur Calanus, prodit.

^t) Tusc. Qq. L. II. c. 22.

^u) STRABO et ARRIANVS II. cc.

^x) CICERO de diuin. c. 23.

^z) AELIANVS Var. Hist. L. II. c. 41.

^y) l. c.

^v) Nec ad excusandas nugae Philostrati valet, quod B. OLEARIVS ad h. l. affert, symboliceam, vt ipse larchas ait, statuisse transmigracionem

§. VI. Sed ad ipsa quoque Indorum dogmata transeundum est, quae potissimum sententiis de diuinis, naturalibus et moralibus rebus absoluuntur. Et quod ad sacra quidem dogmata, ac de Deo diuinisque doctrinam attinet, si ea consulimus, quae nobis veteres de Indorum philosophia et theologia tradiderunt, haec potissimum statuerunt:

Doctrina philosophorum Indorum.

I. *Deum esse lumen, non quale quis aspicit, aut qualis sol vel ignis, sed esse Deum λόγον, non articulatam sermonem, sed illum cognitionis, cuius ope occulta notitiae mysteria cernantur a sapientibus. Hoc lumen solos videre Brachmanas, quippe qui soli opinionum vanitatem, quae est tunica postrema animae, abiecerint.* Haec PSEUDO-ORIGENES^c, quo et ea collineant, quae Dandamis apud PALLADIUM^d habet, *Deum nunquam iniuriam genuisse, sed lucem, pacem, vitam, aquam, corpus humanum et animas, hunc dominum esse, et Deum solum.* Ex quibus locis apparet, Deum lucem intellectualem sapientibus his visum esse, adeoque ad ea prope accedunt, quae Zoroastream sententiam exprimere capite antecedente diximus. Id quod mire eam coniecturam confirmat, transiisse doctrinam Zoroastream ad Indos, et apud eos quoque, si non totam, certe ex parte radices egisse. Hanc vero sententiam non leuiter roborat, quod porro de Indorum theologia refertur, statuisse:

De Deo.

II. *Deum conditorem, et administratorem vniuersi, illud peruadere: esse λόγον^f Deum corporeum et vestitum extrinsecus corpore suo eodem modo, quo quis gestat indumentum ex pellibus ouinis, sed exuto, quo indutus est corpore, oculis fieri corporeum^g.* Licet enim haec a quibusdam ita accipiantur, ut putent, Indis videri Deum habere duplex corpus alterum, quod ad essentiam eius pertineret, alterum quod extrinsecus ab eo assumere-tur^h; nihil tamen horum dicit PSEUDO-ORIGENES, sed id tantum vult, Deum illos censere corporeum, corpore externo amictum. Id quod principium supra positum ita explicat, ut absurditas doctrinae, quae se prima fronte offert, euanescat. Deum enim λόγον, id est ignem rationalem et intellectualem esse, cum dicerent, eumque per totum mundum tanquam animam permeare, et animare omnia statuerent, necessario, Deum extra mundi sphaeram non esse, mundumque eius corpus, non quoad essentiam, sed quoad externum ambitum et vestitum esse, inde sequitur. Vnde ab illa quidem absurditate absoluendi sunt Indi, Deum

Cc 3

essen-

nem, symbola haec enim non ad figuratam orationem, sed ad formam humanam variam, quam migrantes animae induunt, quamque se explorasse saepius Iarchas iactat, pertinere, ex verbis PHILOSTRATI eorumque serie manifeste cognoscitur.

c) Philosophum. c. XXIV. p. 164.

d) l. c. p. 22.

e) STRABO l. c.

f) Hunc λόγον cum Platónico λόγῳ, vel substantiali verbo Christianorum non confundendum esse, vel inde patet, quod eum a Deo Indi non di-

stinxerint, sed Deum esse λόγον dixerint, ut et a corporeis conceptibus eum separarent, et rationem darent, quo modo ab anima mundi rationali cuncta generentur et administrantur. Vnde errauit ANONYMVS de Brachmanibus, qui p. 94. ita: Verbum Deus est, hoc mundum creauit, hoc regit et alit omnia, hoc nos veneramus, hoc diligimus. Nam ita peculiarem ὁπόασιν statuit, a qua sententia Indi procul sunt. Hincque diiudicanda quae erudite ad l. c. assert eruditissimus WOLFIVS.

g) ORIGENES l. c.

h) WOLFIVS ad h. l.

essentia esse corporeum; recte tamen iis tribuitur: Deum esse animam mundi, id est, lucem intellectualem et rationalem, cuius agitatione, dispensatione motuque omnis lux, bonumque atque pax in mundo producantur. Quam sententiam iis quoque tribuit AUCTOR *recognitionum Clementis*ⁱ, quaeque, si cum Zoroastrea comparatur, valde illis affinis est. Sequitur inde,

De creatione
et prouiden-
tia.

III. Deum, qui omnia creauit, et immortalem et munificum esse, qui omnibus de victu prospicit, illum cernere omnia, nec latere eum quicquam. Nam et haec Dandamis Alexandro respondisse dicitur PALLADIO^k. Vbi quidem non negamus, accommodauisse sententias Christianas auctorem Indis, ut ex ipsis phrasibus adhibitis satis patet^l: nihil tamen, quoad rem ipsam, dicitur, quod non ex principio: lucem intellectualem et rationalem mundi animam esse, eum totum peruadentem, sequatur. Nam et ita omnis mundi ambitus, ab ista anima viuificatur, ut victum producat, et quia rationalis est, omnibus prospicit, et quia in omnibus eius partibus praesens est, nihil eam latere potest. Id quod ipse PALLADIUS prodit^m, Dandamin ita loquentem exhibens: *Ille Deus causam meam nouit, et illum nihil latet; nam oculi ipsius sunt omnes stellae et sol et luna; ubi manifeste sedes diuinitatis in his praecipue mundi partibus, quae sidera dicuntur, indicatur atque ponitur.*

IV. Recte quoque inde infertur, Deum hunc mundum creatum conseruare, regere, et alere omniaⁿ. Nam haec quoque ex anima mundi necessario consequuntur. Vbi tamen libera prouidentia a necessaria agitatione, viuificatione et commotione mundi, quae ab anima mundi, secundum λόγον, id est, rationes sibi insitas et seminales producitur, probe distinguenda est: quam quia non intellexere scriptores laudati, misere cum prouidentia Christianorum confuderunt.

De anima.

V. Porro et hoc ex admissio semel animae mundanae principio fluit, quod Brachmanes statuuisse dicuntur: *Originem humanae mentis esse coelestem, magnamque cum Deo habere cognationem; eam Deo esse genitam, ad eum, e corpore discedentem, iterum abire, tanquam ad Deum et creatorem suum, qui expectet animos, quos in mundum miserit*^o. Anima enim cum rationalis Indis visa fuerit, non potuit non esse particula ignis illius rationalis, siue animae mundanae, quae omnes mundi partes animat. Quae sententia ita non inter Graecos tantum, sed per vniuersum fere orientem inualuit, ut mirum non sit, ad Indos penetrasse.

De iudicio
post mortem.

VI. Addunt vero auctores laudati^p, Indis porro placuisse: *Expectare redeuntis animas Deum, ut, quae vitam pie instituerunt, honoret ut Deus, illas vero, quae non obediuerunt, eius legibus condemnet: omne enim iustum iudicium apud eum esse, et vitam aeternam apud eum paratam esse, bonitate enim aeterna omnium misereri.* Quae aperte Christianorum scholam

redo-

i) Conf. Hist. critique de la philosophie. T. I. p. 100.

k) p. 31.

l) Vid. imprimis p. 39.

m) p. 31.

n) Citati; quae saepius reperunt. STRABO l. c.

o) PALLADIUS l. c. p. 31 seqq.

p) ll. cc.

redolent, et ab iis transsumta sunt. Quoniam tamen non recentiorum tantum Indorum haec opinio est, sed et Zoroastreae doctrinae sectatoribus apud Indos placuisse dicitur, non omnem hanc thesin Indis affectam credimus, admittit enim eam quoque systema emanatium, ab his theologis receptum. Cum enim redeuntes ad animarum oceanum, mundanam animam, animae a corpore solutae impiae scelerumque sordibus grauatae, qualitatem amiserint ignis purissimi, non ita arcte cum illa coniungi eas posse sequitur, vt non in tenebris miseriam tamdiu patiantur, donec multis periodis exagitatae et purgatae ad canalem, ex quo descenderunt, redierint. In quo iterum Zoroastrea placita satis exprimuntur. Forte et antiquissima de iudicio diuino vniuersali traditio cum hominum primorum in omnes terras dispersione, doctrinam rationis iudicio in se satis probabilem gentibus his commendauit, et conscientia facinorum conseruauit. Et ex hac ipsa quoque ratione animarum transitum in alia corpora Indis placuisse, facile credi potest, etsi ea, quae VOSSIVS⁹ affert, recentiores tantum tangat Indos.

VII. Patet hinc, cur animam *corpore superstitem*, corpusque animae *De corpore.* indumentum statuerint, sicque nuditatem excusauerint, quod iis tribuit PSEUDO-ORIGENES⁷. Nam vt mundus Deo corpus et vestimentum est⁸ ita animae corpus, sententia apud multos inter Graecos quoque peruulgata. Vnde qua ratione exuenda sit mortalitas, vt Dii homines fiant, quod de Dandamide dixere, facile intelligi potest.

VIII. Addendum et hoc est, quod CLEMENS ALEXANDRINVS *De reditu ad vitam.* tradit⁹: *contemnere eos mortem, et sperare παλιγγενεσίαν*. Quibus verbis vitae restitutionem promitti, quilibet videt; num resurrectionem¹⁰, valde haeremus, quam temporibus recentioribus demum post latissime propagatam Christianam fidem inter hos populos percrebuisse putamus. Regeneratio vero illa nihil aliud esse videtur, quam periodica restitutio omnium rerum; quae in systemate emanatiuo, vltima rerum et prima simul facies est, et ex eo necessaria consequentia fluit. Quamque Indos olim credidisse vel inde probabile fit, quod eiusmodi periodica restitutio omnium rerum hodiernis quoque Indis placet, antiquissimo dogmate, quod per omnem fere orientem inualuit, ad haec tempora conseruato. Qua de re dicemus suo loco.

IX. Praeter Deum hunc summum inferiora quoque Numina coluisse, *De Diis inferioribus.* veteres testantur¹¹. Et honore quidem diuino Buddam cultum fuisse, supra notauimus. Inter reliquos vero Indiae Deos a Graecis Bacchum potissimum Indiae numen habitum fuisse constat¹², quem a Nyfa Indiae vrbe, Nyfium

⁹) De Philos. Sectis, L. I. c. 1. §. 6. p. 3.

⁷) l. c. p. 158.

⁸) Videnda quae eleganter et erudite differit venerabilis WOLFIVS ad h. l.

¹¹) Strom. L. III. p. 451.

¹⁰) Ita quidem Dandamis apud PALLADIUM l. c. p. 31.

¹²) PHILOSTRATVS vid. Apoll. L. III. c. 35. p. 127.

⁹) CURTIUS L. VIII. c. 10. ARRIANVS L. V. p. 314. alii, citati FREINSHEMIO ad l. c. Curtii.

Nysium vocatum Graeci tradunt^z, et nescio quas expeditiones eius in Indiam commemorant. Quae tamen leui omnia fundamento nituntur^a, cum Graecis solenne fuerit, sua numina cum peregrinis, malo consilio, peiori euentu, confundere. Quod si emanatiui systematis rationes perpendimus, facile admitti potest, Indis subalternantia quasi numina culta esse; quae emanationes ex Deo habitae fuerint. Certe hodie apud Indos πολυθεότητα non alio fundamento niti, suo loco probabitur. His numinibus *non pecudes innocuas mactatas, nec delubra metallis argenteis incrustata fundata, nec altaria auro et gemmis splendentia dedicata* ANONYMVS^b, qui de Brachmanibus scripsit, retulit: tota enim diuini cultus ratio ad animum traducta est, cum nemini ad Deum accessum concedi statuerint, nisi illis solis, qui cupiditatum vinculis soluti fuerint^c. Hinc commendata imitatio et amor Dei sibi cognati^d; hinc iniuncta cura animae, et corporis debellatio^e: hinc celebratio Dei hymnis et cantilenis praescripta, quaeque alia sunt in Dandamidis colloquio occurrentia: modo ea non ex Christianorum scholis transfumta mutuo, Indis philosophis supposita sint. Quibus tamen paria, cum hodie quoque inter sapientes Indiae praecipi testes fide digni referant^f, verisimilitudine non prorsus caret, vetustioribus quoque temporibus ea Indis sapientioribus placuisse. Nihil enim horum est, quod non ex admissio emanationis systemate sequitur, et ex hoc ipso fonte plurimis nationibus sacrosanctum visum fuit. Ceterum precantes lumina versus coelum loco orientis conuertisse PALLADIUS^g testatur. Sedem enim ignis intellectualis coelum esse, siue, louem totum coeli ambitum occupare, totius Indiae orientalis doctrina fuit.

*Naturalis
philosophia
Indorum.*

§. VII. Naturalis philosophiae cognitio apud Indos exigua fuit, nec negat Megasthenes, quaedam ex iis quae de natura differunt, stultitiam eorum arguere, potentiores enim esse operibus, quam sermone, fabulis pleraque confirmantes^h. Ex quibus verbis suspicio nascitur, Graecos, qui Indos accesserunt, cum mythologicam mundi originem apud Indos narrari audiuisent, sensum arcanum non esse affecutos. Hodienum quoque tota cosmogonia, more quidem barbaris receptissimo, et ad Graecos ipsos delato, apud Indos est allegorica. Cum itaque sensum fabularum sacrarum non assequerentur, Graecanicas hypotheses ad earum interpretationem adhibentes Graeca dogmata physica sibi in iis inuenisse visi sunt. Inde non mirandum, quod addit Megasthenes: *de multis in naturalibus cum Graecis sentire, ut, quod mundus sit ortus et interiturus, et sphaericus; quod uniuersarum rerum primordia diuersa sint, mundi autem aqua; et praeter quatuor elementa quinta quaedam natura sit, ex qua coelum atque astra consistunt: terram in medio sitam uniuersi; de semine, de anima aliis-*

^z) PHILOSTRAT. vit. Apoll. L. II. c. 2. p. 51.
^c 7. 9. et OLEARIVS h. l.

^a) Vnde contrariatur STRABO L. XV. p. 687.

^b) ANONYMVS p. 94. PALLADIUS p. 45.

^c) ORIGENES l. c. p. 161.

^d) ANONYMVS l. c.

^e) PALLADIUS l. c. p. 17. ORIG. p. 165. f.

^f) Vid. Proverbia et sententiae BARTHOLOMAEI apud ROGERIVM l. c. p. 458 seq.

^g) l. c. p. 8.

^h) STRABO l. c.

aliisque compluribus similia eos dicere, texere etiam fabulas quasdam, quemadmodum Plato, de immortalitate animae, et de iudiciis, quae apud inferos sunt, et alia huiusmodi non pauca. Prodit enim ipse Megasthenes, Graecis haec arridere, quos huius interpretationis fabularum Indicarum auctores esse, adhibitae doctrinae, Graecum ingenium prodentes, qualis imprimis illa de quinto elemento est, fatis loquunturⁱ. Non maioris itaque momenti habenda sunt, quae de placitis Indorum sapientum naturalibus Damis apud PHILOSTRATVM refert, quae aperte Graecam philosophiam redolent, et ad faciendam ei auctoritatem excogitata sunt. Narrat enim^k ad interrogationes Apollonii Iarcham respondisse: *mundum compositum ex elementis quinque: aëre, terra, aqua, igne et aethere, ex quo Deos gigni fas sit: quae enim aërem trahunt mortalia esse omnia, quae vero aetherem, immortalia atque diuina. Omnia elementa simul extitisse; animal mundum esse, quod omnia animantia progignat; esse masculae simul et femineae naturae, ipsum enim sibi mistum patris matrisque vicem in producendis animantibus supplere, amoreque ferri sui ipsius ardentiore, quam quo diuersa se mutuo complectuntur: mundi partes mentis, qua reguntur, ope, sese ipsa accommodare rebus gignendis et nascituris omnibus; ipsaque etiam mala, quae ex nimis solis sunt ardoribus, anima mundi dirigente euenire. Gubernari vero mundi partes a Diis, qui in elementis sint. Quae omnia aliquam quidem doctrinae Indicae speciem habent, cum animam mundi fundamentum ponant, ad Pythagorea tamen placita tam euidenter composita et efformata sunt, vt, quid sibi ista dissertati one Iarchae physica voluerit Philostratus, fabulae huius architectus, manibus palpari queat, scilicet, Pythagorea dogmata esse antiquissima, et a sapientissimis Indorum recepta, Apollonium perfectissimum philosophum. Ceterum Pythagoreum systema Indico quoad principia non admodum dissimile esse, facile nobis persuaderi patimur, tota tamen artificialis eius ratio et conclusionum consecutio scholam Graecam sapit, et ab indole philosophiae barbaricae est alienissima. Id quod etiam de dialectica peritia, quam Philostratus Indis tribuit, tenendum, adeo vbique ineptit. Siderum quoque obseruatorum studium Indis philosophis tribuit SOLINVS^l, et sanctiori inter eos sectae, CLEMENS ALEXANDRINVS^m. Vnde et Damis iactat, *arcana studia*ⁿ, quibus astrologicis rebus et diuinandi peritiae animum adiecerint, et rerum inuestigationem fuerint moliti. Simile itaque cum Chaldaeis atque Persis institutum, siderum ortus et constellationes ad diuinandi artem et praedicendi futura scientiam adhibere, quae nugae semper in oriente magni factae*

i) Illustrabunt haec quae erudite attulit doctissimus PHILOSTRATI Commentator G. OLEARIUS ad vit. Apollon. L. III. c. 34. p. 124 seqq.

k) l. c. L. III. c. 34. p. 124 seqq.

l) c. 60.

m) Stromat. L. III. p. 451.

n) l. c. c. XLI. p. 120. Patet hinc, methodum arcanam his quoque philosophis tribui, modo id non finxerit Philostratus, vt Indi euadere Pythagorei. Suadet tamen hoc mythologica theologia.

factae sunt, vt et hodie in diebus ex fiderum indiciis deligendis Indi sunt superstitionissimi.

*Moralis phi-
losophia histo-
rica.*

§. VIII. In nulla tamen philosophiae parte, si iis credendum est, quorum fide et narrationibus haecenus de philosophia Indorum differuimus, Indorum philosophia magis emineat, quam in ea, quae de moribus hominum praecipit. Ibi enim fortia, magna et sublimia omnia; solam sapientiam bonum esse; virtutem faciendam sine lege; cupiditates frenandas, et austeris exercitiis subiugandas; continentiam alendam, et quae his similia sunt, de quibus amplae illae dissertationes magnificis verbis agunt, quas cum Graecis Gymnosophistas habuisse, PALLADIO, AMBROSIOQUE supposita scripta referunt. Sed in iis multum ex Graecorum scholis, praesertim ex Cynofarge et Stoa mutuum sumtum, multum ex Christianis praeceptis illatum esse, supra monuimus, et res ipsa loquitur. Et hodie quidem liber Indicus manibus omnium teritur^o, in quo de moribus hominum, sumta ab animalibus allegoria, per modum apologi, multa eleganter traduntur. Eius *Kalila ve Damnah*^e, titulus est, tantaque in oriente eius existimatio, vt ferant, Nuschiruanum Persarum regem, quem occidentales Chosroem nominant, medicum suum ad Indos ablegasse, vt pretiosissimum librum, magna cura in bibliothecis regum Indorum custoditum recuperaret; quem tandem acceptum in linguam Persicam veterem transferri curauerit, vnde cura eruditissimi Saracenorum principis Almanforis in linguam Arabicam, et iussu Nasser ben Achmed in Persicam recentiore, etiam ligato orationis genere versa sit: noua quoque postea Arabica versione confecta^r, ex qua in Graecam quoque linguam transiit, et ex ea in Latinam^s, immo Europae quoque linguis Hispanica, Gallica, Italica, Germanica expressus est^t. Cuius auctor Indorum quidam philosophus PILPAY, vel quod periti malunt, BIDPAI^u, conscripto in gratiam regis alicuius Indorum, nomine Dapschelin libro, ante duo amplius annorum millia sapientiam Indorum commendasse dicitur. Fabulis enim lepidis et ingeniosis malitia fraudesque hominum in vita communi et in aulis exercitae eleganter depinguntur. Difficile vero est, de libri antiquitate et auctoritate statuere, et iudicare, num ille ad delineandam Indorum veterum philosophiam moralem adhiberi queat. Quod si enim clariss. ADAMVM EBERTI audimus, qui hunc librum multo ampliorem, quam ex Graecis habemus, ex Hispanico Latinum promisit, falluntur^v, qui hunc librum duo plus quam mille

^o) Historiam literariam celebratissimi libelli lege apud FABRICIVM Biblioth. Graec. Vol. VI. p. 460 seq. conf. HVERTIVS de fab. Romanens. origine p. 21 seq. Ven. WOLFIUS Bibl. Hebr. Vol. I. p. 931 seq.

^p) Vocatur etiam Humaiun nameh, id est, liber regius siue augustus.

^q) Prolixius haec edisserit HERBELOTVS Bibl. Orient. p. 118. 206. 456.

^r) Ex Codice Holsteniano titulo: Specimen sapientiae Indorum veterum, graece et latine edidit SEB. GODOFR. STARKIUS Berolin. 1697. 8. vid. Aët. erud. 1697. p. 379 seqq.

^s) Vid. FABRICIVS l. c. p. 463.

^t) HERBELOT. l. c.

^u) Cuius de editione multum auctiore epistola extat in Nouis literariis Lipsiae vernacula editis 1725. p. 365 seq. vbi etiam argumentum libri breuiter narratur.

mille annis ante Christum natum scriptum esse asserunt, cum mentio in eo fiat S. Georgii, Simonis Magi, Turcarumque et Deruifiorum, Galeni Socratisque, immo Noachi, Salomonis et Pharaonis, quae manifesta suppositio- nis, et quidem non adeo vetustae indicia sint. Sed his obstat, Chosrois sec. VI. viuentis tempore iam Persice lectum, cura vero Almanforis postea Arabica veste indutum apparuisse ^w, vnde recte concluditur, vestigia illa re- centiorum temporum, et forte etiam Christianorum, ex manibus interpola- toris prodiisse, quas non semel librum passum esse, differentes admodum versiones Arabicae, Graecae, et Europaeis linguis factae suadent. Nec ab- horret a moribus Orientalium, apologis et historiis atque fabellis stilo ad- modum sublimi et allegorico morum praecepta tradendi, ista scriptio. Quo- niam tamen affectatam ingenii sublimitatem manifeste prae se fert, quae a ve- tustissimorum temporum simplicitate quam maxime differt, et Persarum po- tius de moribus differendi methodum, qualis post C. N. inter eos floruit, re- fert, quam Indorum priscam sapientiam, suspicio inde nobis et coniectura fundamento suo non destituta enascitur, ingenii Persici foetum esse, cui ad auctoritatem conciliandam Indica origo adscripta sit; eumque, vt fuere Arabes atque Persae huius generis scriptorum amantissimi, exemplo pro- stante Rosario Persico, magnam in hac gente auctoritatem atque famam na- ctum, a diuersis vero manibus interpolationem passum esse et augmentum accepisse: vnde ab eo tanquam dubiae fidei monumento abstinemus, in de- lineanda Indorum morum doctrina: et Graecos solos audiendos esse puta- mus. Apud quos haec potissimum morum praecepta Indis tribuuntur:

I. Vitam ac mortem aequae contemnendam, hincque sapientem ne- mini subditum esse velle ^x.

II. Hanc vitam habendam esse quasi recens conceptorum hominum statum, mortem vero partum in veram illam et felicem vitam, iis, qui re- cte philosophati sunt, et propterea multa exercitatione ad mortem se praeparare sapientem debere.

III. Nihil eorum, quae hominibus accidere dicuntur, bonum vel ma- lum esse, neque enim futurum, vt iisdem e rebus alii molestiam alii gau- dium caperent, somni similes opiniones concipientes, vtque iidem ex iis- dem interdum angerentur, interdum immutati gauderent.

IV. Eam esse optimam doctrinam, quae voluptatem molestiamque animo eximat, molestiam a labore differre, quod illa ei esset inimica, al- ter vero amicissimus.

V. Corpora ad laborem esse exercenda, vt mentes confirmentur, quibus motus sedentur, vt bona consulendi publice priuatimque facultas adsit.

D d 2

VI. Eam

^w) Simeon Sethi praef. apud STARCH. l. c. TENZEL. Colloq. menstr. 1695. p. 710. 1697. p. 572. FABRICIUS l. c.

^x) Hae et sequentes theses Indis a Megasthene apud STRABONEM l. c. tribuuntur, et in Pal-

ladii et Ambrosii scriptis flosculis eloquentiae so- phisticae ornantur. Ex his Indorum philosophiam moralem quoque delineauit eruditissimus STOL- LVS Hist. philos. mos. apud gentiles §. XVI seq. p. 15 seqq.

VI. Eam optimam vitam esse, quae minimo apparatu egeat.

VII. Turpem esse corporis morbum et voluntaria fortique morte declinandum.

VIII. Contentum suis nulla re egere.

IX. Nullum diem dimittendum, nisi aliquod bonum facinus editum fuerit ^y.

X. Vanitatem, gloriaeque vanam cupiditatem, tunicam esse animae postremam, quae abiicienda Deum visuro sapienti.

XI. Corpori inesse bellum, eoque plenum esse, idque ideo oppugnandum non aliter quam instructa in hostes acie.

XII. Omnes mortales a propriis consanguineis hostibus, ventre, pudendis, gula, ira, laetitia, dolore, cupiditate similibusque captiuos detineri.

XIII. Soli autem patere ad Deum accessum, qui de his tropaeum erexit ^z.

Ex quo praeceptorum moralium specimine patet, homines hos ad domandos affectus, imitandum DEVM, exercendam patientiam et contemnendam mortem suam philosophiam reduxisse. Quae tamen cum emanationis indeque oriundi enthufiasmi fundamentum supponat, externe magis nitet, quam sanis nititur principiis.

*Serum Philo-
sophia.*

§. IX. Ad Indos SERES quoque, quos Sinas vel Sinenses hodie dicimus, pertinent, quos ab antiquissimo tempore philosophatos fuisse, relationes de amplissimo orientis imperio nos edocent. Quorum praecipuus philosophus Confucius tantam nostris temporibus celebritatem nactus est, quantum vix Graecorum philosophorum aliquis consecutus est. Nihil tamen hic de iis afferemus, sed omnia eo seruabimus, ubi de philosophia Sinensium ex instituto dicendum erit. Omnia enim, quae de huius gentis philosophia nobis constant, recentissimis temporibus per eos, qui religionis Christianae inter illam gentem plantandae causa eo missi sunt, peruenere ad nos, et ex domesticis Sinensium monumentis desumpta sunt, et arcte cum recentiori historia cohaerent, ut difficile diuelli illaeso ordine queant. Nihil enim, quod ad eruditionem et philosophiam pertinet, antiqui scriptores de ista gente referunt, sed longaeuitatem tantum et artificium conficiendi ferici laudant. Immo ἡ ἑξῆς Σῆρες iungit Scythis, Afrisque Numidis aliisque gentibus tam religione carentibus, quam legibus CELSVS apud ORIGENEM ^a. Et DIONYSIVS ^b Ἐθνεα Βαίβαρα Σῆρων barbaram Serum gentem nominat. Quod etsi comparatis tantum Graecorum institutis dici facile largimur BURNETIO ^c: incognitam tamen ut literaturam omnem, ita etiam philosophiam Sinarum veteribus fuisse, probat: quare et nos, quia veterum iam relationes sequimur, hic de ea nihil dicimus, suo loco tractanda seruantes.

^y) APVLEIVS l. c.

^z) Quatuor haec postrema praecepta Indistribuit PSEUDO - ORIGENES philosophum. c. XXIV. p. 166.

^a) Lib. VII. p. m. 384.

^b) Περὶ γ. v. 752.

^c) Archaeol. philos. c. 3. p. 344.



CAPVT QVINTVM.

DE PHILOSOPHIA VETERVM ARABVM.

§. I.

Arabum philosophia asserta.

Post Chaldaeos, Persas atque Indos Arabum natio a veteris historiae scriptoribus maxime laudatur, et ingenii elegantia commendatur.

Quae ratio ita apud quosdam valuit, vt magnam fuisse philosophiae in hac gente cognitionem statuerent. Ita tamen comparata sunt omnia, vt incertissima inde reddatur omnis narratio. Et Arabibus quidem post Islamismum enatum eruditionem et philosophiae cultum placuisse, adeo non negamus, vt de Arabum istorum philosophia iustam potius tractationem instituere in animo habeamus. Verum ea ad historiam philosophiae medii aevi pertinet, vbi ex instituto satisque prolixè de ea agemus. In praesentia autem de vetustissimorum Arabum, in Arabia felici et deserta (nam petraeae ratio vix habenda ^{a)}) philosophia agendum est, quam viri docti duplici potissimum argumento euincere conati sunt. Nam de Arabum philosophia varia specimina exhibent, et imprimis Zabiorum religionem philosophicis rationibus innixam in subsidium vocant. Vnde de vtroque momento aliquid dicendum ostendendumque est, nihil in se habere veritatis vel verisimilitudinis, quicquid ad incrustandam philosophiam veterum Arabum viri docti erudite quidem, sed sine accurato examine collegerunt.

§. II. Quod itaque ad philosophiam Arabum vetustissimorum affirmandam assertur, non testimoniis, vti par erat, sed rationibus potissimum et coniecturis constat. Fatentur enim, qui in hac potissimum sententia sunt, Graecos nihil de philosophia Arabum habere; sed hos illis barbaros et indoctos esse, indeque inter populos eruditione non tinctos referri ^{b)}: ipsos quoque Arabes scriptores ^{c)} statum ante Islamismum vocare statum ignorantiae; quod etsi non literis, sed religioni oppositum videatur, adscribere tamen ABULFARAIUM Arabibus ingenia bonis artibus minus apta, a Deo ad studia philosophica non creata idonea ^{d)}. Etsi vero haec ita afferunt viri doctissimi, vt putent haec non obstare assertioni eruditionis et philosophiae inter veteres Arabes, eo quod Graeci eos stuporis et ignorantiae infimulent, quorum mores ipsi incogniti sunt; locorum vero atque climatis conditio talis in Arabia sit, vt ingenia Musis ami-

Rationes eius asserti.

Dd 3

ca

^{a)} Habitatores enim Arabiae petraeae opponuntur veris Arabibus, v. d. STANLEY'S Hist. phil. P. XV. pag. 1168. conf. tamen quae ex Pocockio monet CLERICVS ad h. l. voce Arabia.

^{b)} VRSINVS de Zoroastre Sect. VI. p. 137. HORNIVS Hist. phil. L. V. c. 9. p. 284.

^{c)} ABULFARAIUS Dynast. IX. p. 101. ad quem locum videndus POCOCKIVS.

^{d)} Ib. p. 102.

ca protulisse merito credantur: fatentur tamen cum ABULFARATIO^e nos certis huius gentis memoriis destitui, et carere nos scriptoribus Arabum, qui de vetustissimae gentis eruditione et philosophia nos edoceant. Vnde ad rationes et coniecturas confugiunt, quas cum nemo elegantius orna- uerit, et maiori eruditione incrustauerit, quam illustris fama et meritis IO. PETRVS DE LVDEWIG^f, aequum est, ut eum potissimum audia- mus. Prouocat is potissimum ad Pythagoram, quem in itinere literario phi- losophiae causa in orientem suscepto ad Arabes quoque diuertisse dicit PORPHYRIUS^g quique diuinationes ex volatu et garritu volucrum, in quibus excelluerint Arabes, didicisse, quibusdam creditur^h. Adducit porro Mosen, qui fugiens ex Aegypto in Arabia maluerit, quam alibi commo- rari. Qui vir diuinus cum eruditus fuerit in omni sapientia, non probabi- le esse, coniicit, eum inter barbaros et bardos, si omnes Arabiae incolae stupidi fuissent, otio languescere voluisse. Neque de literis Arabum du- bitare nos sinere gentis originem. Eos enim magno consensu se Abra- hami posteros esse dicereⁱ, quod si itaque de philosophia Abrahami clari testes sint, quem, posse dici, lumen philosophiae semel accensum apud po- steros extinxisse? tum maxime, ubi literas Abrahami sibi ex eadem causa Arabes hodiernum tribuere fide SHARISTANII^j sciamus, et ipsius Abra- hami scripta in Arabia superesse dicantur^k. Immo dicere auctorem libri Regum, sapientiam Salomonis maiorem fuisse, omnium orientalium sa- pientia, filios vero hos orientis non alios nisi Arabes fuisse, indubitato ite- rum Arabicae doctrinae argumento. Porro ex eadem Arabia reginam Sa- baeam venisse, regem sapientissimum audituram, constantem neque ratio- nibus destitutam doctorum^l esse opinionem: sicque et Magos ab oriente venientes Arabes fuisse, argumentis non leuibus a viris doctis euinci^m. Tandem et fateri imprimis atque referre ABULFARATIUMⁿ; eruditionem Arabum ante Islamismum, cuius gloriae potissimum studiosi fuerint, hanc fuisse: *linguae suae peritiam, sermonis proprietatem, carminum texturam, ora- tionum compositionem, stellarum notitiam*. Inde enim Arabicae philosophiae systema quinque tum disciplinis absolutum fuisse, euidens esse, Gramma- tica, Dialectica, Poesi, Rhetorica, Astronomia. Haecenus vir illustris, qui haec omnia eleganti eruditione ornat.

Refutantur.

§. III. Etsi vero haec specioso orationis habitu se egregie commendant, et non sine magna verisimilitudine dici videntur, propius tamen confide- rata, et ad lapidem Lydium critices artis atque historiae veteris examinata, fundamento destituuntur. Quod ut luculenter doceamus, praemonendum est, non stupidi ingenii et ad omnem literarum elegantiam inepti Arabes

vete-

e) loc. cit. conf. ПОКОК. Specim. hist. Arab. pag. 2.

f) Indiff. quae historiam philosophiae rationa- lis apud Turcas exhibet, Hal. 1691.

g) In vita Pythagorae f. II. p. 14. ed. Kusteri.

h) SCHEFFER. de philos. Ital. c. V. p. 30. conf. PHILOSTRATUS in vita Apoll. L. I. c. 14.

i) HOTTINGER. Hist. Orient. L. I. c. 3. p. 57.

j) ПОКОКIVS l. c. p. 54.

k) Vid. STANLEIVS Histor. phil. P. XV. L. III. c. 2. p. 1170.

l) BOCHARTVS Geogr. S. L. II. c. 26. p. 151.

m) GROTIUS ad Matth. II, 1.

n) loc. cit.

veteres habendos esse, quos in linguae suae cultu, in diuinandi et somnia interpretandi praetensa peritia, in sideribus obseruandis, et imprimis in aenigmatibus artificiose struendis et soluendis nomen habuisse, negari nequit^o. Verum haec omnia ad philosophiam inter Arabes probandam plane nihil efficiunt; omnes enim illas artes, si modo nomen mereantur, ad nugas potius, superstitionis causa excogitatas, et ad ostentandum ingenium, quam ad veritatem excolendam et emendandum animum facere, rerum peritus et partis studio non impeditus iudex facile pronunciabit. Quae vero alia illis adscribuntur, frustra finguntur. Nam quod ad Pythagoram attinet, eius iter in orientem quam maxime dubium esse, suo loco euidenter probabitur, nec, si illud admitteremus, alia didicisset Pythagoras, quam quae inter Arabes tunc florebant, superstitionis et nugarum, scientias, quas impostor, perquirebat^p. Mosis vero sapientiam frustra huc aduocari, ex illis patet, quae capite primo de eius conditione diximus: nec Mosis, viri sancti apud Iethram occupatio ea fuit, ut philosophiae mysteriis innutritur Arabes, sed ut foci familiam DEI veri cognitione et cultu instrueret, oves pasceret, gregemque nutritur, sicque bonum patrem familias, et prophetam, siue doctorem sacrum se praestaret: id quod ipse in commentariis innuit, de lectionibus philosophicis ne per somnium quidem cogitat. Eadem ratio est illorum, quae ab Abrahami philosophia petuntur, argumentorum, cum supra ostensum sit, philosophiam Abrahami inane Iudaici fastus et arrogantiae commentum esse, quod nulla probabilitate se commendat. Nec sequitur, si quoque philosophiam Abrahami concederemus, Arabes ab ea non defecisse, vel extinctum eius lumen fuisse, cum verae religionis notitia, quam tamen vbiuis locorum, vbi versatus est sanctissimus vir, disseminauit, apud Arabes prorsus extincta et in detestabilem idololatriam mutata sit. Ut taceamus omnem, quam Arabes recentiores iactant, originem ab Abrahamo incertissimam esse, et ab his hominibus circa tempora nascentis et adolescentis Muhammedismi excogitatam, ut more Muhammedanorum, Iudaeorum et Christianorum, Abrahamum fidei suae parentem iactantium, non minori antiquitate suas nugas et errores esse homines crederent. Et sic quoque responderi potest ad ea, quae de regina Arabiae, et de Magis orientis natum Christum adorantibus afferuntur^r.

§. IV. Scilicet REGINAM AVSTRI, ad magnum Israëuitarum regem Salomonem venientem, ut sapientiam eius audiret, non ex Meroë, *Regina aethiops* quod ex Iosepho contendit GROTIUS^r, sed ex Sabaea regione Arabiae fuisse

^o) Arabes excogitasse aruspiciam refert THEODORETUS serm. I. et somnia interpretatos et ex thure vaticinatos fuisse PORPHYRIUS l. c.

^p) Id nec ipse Porphyrius negat, ad quem KESTERVS videndus. Add. SCHEFFER. de philos. Ital. c. V. p. 30.

^q) Addi his posset argumentum, quod pro an-

tiquitate philosophiae Arabicae ex Iob defumitur. Etsi enim tanquam probabilitate non carens concedi potest, Iobum fuisse ex Arabiae regionibus, supra tamen c. I. ostensum est, nihil ex eius historia pro philosophia Arabica concludi posse, nec eius consanguineos Zabies fuisse. Vnde diiudicanda, quae GUNDLINGIUS Hist. phil. mor. c. IV. p. 26. post LUDWIGIUM habet.

^r) Ad Matth. II, 1.

*Magi ex
oriēte.*

fuisse, facile summo viro SAMVELI BOCHARTO assentimur^s, recteque ei calculum alios viros doctissimos adiecisse concedimus. An vero filia regis Hodhai fuerit, ex gente Homeritarum, sectaeque Zabiorum addicta, quod nobis Arabes narrant, incertum esse, nec facile admittendum ex testium conditione perspicitur. Nec negari potest, inter eruditas, orientis feminas referendam esse; ita enim a sacro historico nobis illa depingitur, ut in arte struendorum aenigmatum, quae se tum temporis magnis impensis in concertationes eiusmodi factis exercuisse reges et principes orientis veteres testantur, excelluisse appareat^t. Nihil tamen horum aliquid valet ad philosophiam Arabum demonstrandam. Nec certiora sunt, quae DE MAGIS EX ORIENTE HIEROSOLYMAM ET BETHLEHEMVM venientibus pro ornanda philosophia Arabum afferuntur, in quibus compilandis nec lectoris nec nostro otio abutendum esse putamus. Concedi enim facile potest, quod viri docti contendunt, licet de eo dubiis adhuc argumentis disceptetur, eos ex Arabia venisse, Sabataea thura cum auro et myrrha, Arabiae fructus afferentes. Neque enim eos philosophos fuisse inde probari potest, cum ex sacri historici narratione nihil aliud queat colligi, nisi eos sidera observauisse, et eorum notitia non prorsus caruisse: id quod Arabibus nos denegari posse supra concessimus, parum tamen ad eorum philosophiam affert. Quam nec illa eruditionis Arabicae imago, quam ABULFARAIUS affert, probat, cum manifestum sit, et a ПОКОЦКИО aptissimo harum literarum iudice, euidenter demonstratum, omnem hanc eruditionem ad linguae suae culturam et eloquentiam pertinere; immo nec de vetustissimis Arabibus historicus Arabs loquitur, sed de iis, qui aliquot seculis Islamismum antecesserunt: illorum enim memoriam plane intercidisse, supra fatentem audiuius.

*Zabiorum
philosophia.*

§. V. Alterum, quod ad incrustandam Arabum vetustissimorum philosophiam affertur argumentum, ex Sabianismi siue ZABIORVM historia petitur. Haec enim secta sub adolescentis Muhammedismi tempora caput extollens, omnemque idololatriae speciem exhibere visa cum principiis quibusdam philosophicis niti videretur, argumentum inde petitum est, Arabibus vetustissimis philosophiam quandam tribuendam. Quod tamen, etiam si omnia, quae de secta hac traduntur, veritati essent consentanea, hiuc cum prorsus est, et ἀνακόλυστον, quoniam non philosophiam, sed turpissimam omnique rationis principio contrariam idololatriam et superstitionem illa produnt. Sed nec ipsa sectae aetas, nec testes, qui de ea afferuntur et, quorum fide potissimum standum est, examen criticum sustinent. Concedunt enim viri doctissimi, qui in huius sectae historia illustranda, quam maxime operam suam posuerunt, et quos reliqui fere omnes exscripserunt

HOT-

^s) Geograph. S. P. I. L. II. c. 27. p. 152. ubi argumentis multis et magna eruditione id euincit, verisimilitudinem certe ex sua parte esse demonstrat.

^t) Exempla eiusmodi aenigmatum a regina auctri Salomoni propositorum affert GLYCAS

Annal. p. 183. quae repetit FABRICIUS Cod. Pseudepigr. V. T. p. 1031. sed ea ingenium fideique Graeculi sapiunt.

^u) Hist. Arab. p. 150.

HOTTINGERVS^x, POCOCCIVS^y, HYDEVVS^z, et qui imprimis ad or-
 nandam de scopo atque instituto legum Mosaicarum hypothesein historiam
 Zabianismi adhibuit eruditissimus IOANNES SPENCERVS^a, neque a
 Graecis, neque a Latinis huius sectae mentionem fieri, Sabii enim in veteris
 ecclesiae orientalis historia commemorati, qui Semi-Iudaei et Semi-Chri-
 stiani dicuntur fuisse, et Ioannis Baptistae discipulos se iactarunt, frequentes-
 que hodiernum esse dicuntur in vrbe Bassora ad Tigris ripam iuxta viciniam
 maris Persici^b, non confundendi sunt cum hac secta Zabiorum^c sed id
 omne, quod de Zabiorum religione narratur, deberi Arabibus, ex quibus
 sua hausit celebris Iudaeorum doctor R. MOSES MAIMONIDES^d, qui
 vt omnes scripserunt post Muhammedem, qui in lege sua omnium primus
 Zabiorum meminit^e; ita nec fide nec tempore, quo vixerunt, ad tam am-
 plam, quantam quidem fingunt, sectae antiquitatem euincendam sufficiunt.
 Referemus tamen ea, quae laudati viri de sectae historia et doctrina ex scri-
 ptoribus narrant, et nostram modeste adiiciemus ἐπιχειρισιν, ea tamen, quae de
 legibus Israëlitarum Zabianismo oppositis, inter viros doctissimos disputata
 sunt, non allaturi, cum Institutum nostrum non tangant, et facile ex his,
 quae de sectae antiquitate disputaturi sumus, de ista hypothesei iudicium fie-
 ri queat. Et quod ad nomen quidem Zabiorum attinet, varias eius signi-
 ficationes nobis viri docti enarrant, variamque originem statuunt^f. Sunt ^{Zabiorum}
 tamen duae sententiae, quae reliquas probabilitate antecedunt, et indicari
 merentur. Vna est praestantissimi, et in notitia rerum Arabicarum versa-
 tissimi POCOCCIVS^g, qui Zabios a צבא, quod exercitum coelestem, siue
 sidera notat, dictos putat, eo quod Zabiorum religio potissimum in colen-
 dis coeli sideribus versata sit. Alteram post magnum SCALIGERVUM^h
 multi viri docti, et in his SPENCERVSⁱ quoque amplexi sunt, qui putant,
 esse nomen Chaldaeorum, ab Arabico צבא, siue vento Apeliote, sic dicto-
 rum, quasi orientales dicas^k. Quae significatio eo potissimum argumento
 nititur, quod Zabii ad Chaldaeos origines suas referant, immo Sabium Sethi
 filium, Adami nepotem sectae suae parentem faciant, scriptoresque Arabes
 nomen iis et originem Chaldaicam frequenter tribuant. Nobis vtrumque
 incertum videtur, et meris coniecturis innixum. Quod si enim per Za-
 bios omnes illi intelligendi sunt, qui inter vetustissimas orientales gentes
 sidera coelestia cultu diuino prosecuti sunt, id quod nonnullis ex Arabibus
 pla-

x) Hist. Orient. L. I. c. 8. p. 170.

y) l. c. p. 138.

z) Hist. relig. vet. Persar. c. 3. p. 57.

a) De LL. Hebraeor. ritualibus L. II. c. 1. p. 178. ed. rec.

b) LE MOYNE varia sacra p. 685. HVETIVS
 Demonitr. Eu. Pr. IV. c. 4. p. m. 74. ed. rec.

c) RICM. SIMON. Bibl. crit. T. I. c. 12. p. 171.

FABRICIVS Cod. Pseudepigr. V. T. T. I. p. 28.

I. C. WOLF. Bibl. Hebr. P. I. p. 113. not. K.

d) Moreh Nebhochim. P. III. c. 29.

e) Sur. II.

f) POCOCCIVS, HOTTINGERVS, SPEN-
 CERVS II. cc.

g) l. c. p. 139.

h) Ep. ad CASAVBONVM p. 482.

i) l. c. p. 278.

k) GOLIVS not. in Alfergan. p. 251. ABUL-
 FARAIUS Hist. Dynast. IX. p. 194. et quos
 laudat POCOCCIVS l. c.

placet, et ex Christianis quoque aliqui viri docti¹ admiserunt, non tam peculiaris sectae dicendum esset, quam potius vniuersae idololatriae nomen; verum huic obstat, Zabiorum nomen, tanquam proprium sectae nomen adhiberi, et tum Muhammedismo, tum Iudaismo et Christianismo, immo Magianismo quoque, siue ignis cultui, de quo capite tertio diximus, opponi. Quod si in his tenebris, quibus tota Zabiorum historia premitur^m, aliquid lucis coniecturis assequendum est, illud nobis non omni probabilitate carere videtur, Zabiorum sectam, medio, quod audiemus, aevo ex colluue Gentilismi et Iudaismi conflata, cum peculiare religionis inter Arabes genus constitueretⁿ, vt et ipsa inter reliquas sectas, nomine suo celebres, nomen et auctoritatem conciliaret, non tantum vetustissimam originem splendidissime mentitam sibi arrogasse, sed conditorem quoque sectae Sabium, Sethi filium effinxisse^o, vt ita nomine ab eo deriuato reliquas sectas et ipsam quoque Iudaeorum antiquitate vincere videretur^p. Orientales enim vocatos esse vix persuaderi potest, cum Magianismi sectatores, Zabiis potissimum oppositi, tumque temporis inter Muhammedanos florentes non minus orientales fuerint, et in prouinciis Asiae ad orientem sitis vixerint, qui tamen nunquam Zabi dicti sunt. Quicquid vero originis Zabiorum nomen habet, quod cum Sabaeorum nomine, (quo certam Arabum nationem indigitali vel ex illo VIRGILII^q versu notum est:

Omnis Arabs, omnes tergum vertere Sabaei.)

non confundendum esse, viris doctis facile largimur, origo certe eam antiquitatem non habet, quam vel Arabes, ab ipsis sectae huius hominibus edocti, referunt, vel qui Arabibus fidem habent, credunt. Diximus enim Zabios ipsos ad Sethum eiusque filium originem suam referre, quam alii inter eos Noacho tribuunt, et Abrahamum in hac haeresi fuisse pertinaciter contendunt^r. Aliter EUTYCHIVS Arabs^s, gentis suae traditionibus vsus, ad Zorodashtum Persam, vel Chaldaeum potius, Persa longe antiquiorem, religionis Zabiorum originem retulit, regnante in Persia rege Tachmurt, quem Tachurith nominat ELMACINVS^t. Addit tamen Euty chius, autumare nonnullos, primum religionis Zabiorum auctorem fuisse Graecum quendam nomine Iunan (Iauanum sine dubio intelligit) Iearakliusi filium, cuius sedes fuit Alyas, at iuxta alios Alzaithuna, quae condita est in Athenarum regione. Graecos autem primos hanc sententiam amplexos esse, deque astrorum scientia ac orbium coelestium motu libros multos conscri-

1) ПОКОК. I. c. LE MOYNE Var. Sacr. p. 685.

m) Candide hoc fatetur SPENCERVS I. c. Sect. II. p. 279.

n) Recte hoc SPENCERVS notat, non nationis sed religionis et sectae nomen fuisse. p. 278.

o) Arabum testimonia produxit ПОКОК I. c. p. 138.

p) Obicit contra Hottingerum SPENCERVS I. c. et ante eum CASAVBONVS ep. 247.

scribi non per θ sed per γ . Sed hoc leue est, litterae enim vnius organi facile inter se permittuntur. Nec confundendus est Saba, Chusi filius, Chami nepos, cum Sabio illo fictitio Sethi filio, quem suae sectae auctorem faciunt. ПОКОК I. c. p. 138.

q) Aeneid. L. VIII. v. 706.

r) ПОКОК. I. c. et quae de Abrahamo c. I. attulimus.

s) Annal. Alex. T. I. p. 63.

t) apud STANLEY I. c.

scripsisse. Famam quoque esse, illum, qui primus Sabiorum religionem instituit, ex eorum numero fuisse, qui turri Babelis extruendae adfuerunt. Frustra tamen haec omnia dicuntur, et ad faciendam tantum sectae ex mendaci originis traditione auctoritatem excogitata sunt. Si enim secta Zabiorum tanta canitie gauisa fuisset, scriptoribus veteribus, Graecis potissimum non mansisset indicta, immo in sacris literis digitus ad eam intenderetur: Nec iuuat multum, quod SPENCERVS "ad expediendum ex hoc errorum labyrintho lectorem sufficere putat, filum, Zabiorum religionem simpliciter et quasi materialiter spectatam, a Chaldaeis et Babylonis antiquis originem duxisse, et multis annis Abrahami aetatem anteuertisse: id quod vir doctus tum ex testimoniis Arabum, Zabiorum religionem antiquissimam esse testantium, tum ex concordantibus Chaldaeorum et Zabiorum doctrinis probat. Quemadmodum enim Arabum testimonia parum in hoc argumento valere supra ostendimus, ita nec conuenientia Chaldaeorum dogmatum cum Zabianis multum euincit. Non negamus, id quod supra nos pluribus adstruxisse meminimus, Chaldaeos sidera coluisse, illisque numina quaedam, tanquam partes animae mundanae praefecisse, nec ignoramus, late se hanc superstitionem per omnem terram diffudisse. Verum, si quaestio accurate formatur, non de eo disceptatur, an cultus siderum spiritu aliquo praeside animatorum sit antiquissimus, sed num eum Zabii ita a Chaldaeis et Babylonis acceperint, ut hi sectae Zabiorum parentes atque auctores dici queant? Quod nemo affirmauerit, qui cogitat, Zabiorum sectam non in hoc vno constituisse, ut sidera coelestia coleret, sed peculiare systema cultus huius sibi effinxisse, in sequentibus delineandum, quo a reliquis sectis distingueretur. Hoc vero, probandum est, Chaldaeis atque Babylonis placuisse, si concedendum est, materialiter Zabios esse antiquissimos, id est, systema Zabianum inter istas gentes antiquissimas reperiri. Hoc vero probari non posse, ipse, quo fuit acumine, SPENCERVS satis intellexit, fassus, Zabiorum nationem et religionem formaliter spectatam vel quatenus a sectis aliis, doctrinis et ritibus quibusdam sibi peculiaribus distincta sit, recentiorum multo esse. Hoc enim si est, et non nisi doctrinas quasdam vniuersales erroresque late se diffundentes cum Chaldaeis et Babylonis vetustissimis communes habet, qua ratione Zabianismum canis istis temporibus materialiter extitisse dici potest? Nam si consensus quarundam communium doctrinarum sufficit ad probandam antiquitatem alicuius non systematis solum, sed et sectae, recentissimas sectas vetustissimis seculis adscribere erit facillimum. Hisce vero demonstratis, omnia concidunt, quae pro incrustanda Zabianismi antiqui fabula, et quae illa nititur, legum Mosaicarum opposita ratione dicuntur: licet negari nequeat, siderum cultum systematis emanatiui fundamento nixum magnam religionis gentilis, (qui cum Hellenismo *, Patribus quibusdam memorato, non est confunden-

Ee 2

dus,

*) I. c. Sect. II. p. 279.

x) Debetur haec distinctio EPIPHANIO,

qui adu. haer. L. I. c. 4. p. 5. Pauli verbis usus, prima mundi tempora in barbarismum ab Ada-

du^s, cum vterque peculiarem idololatriae speciem exhibeat) partem fuisse, et respexisse quoque sanctissimum Numen in condendis legibus Israëliti-
cae theocratiae, praeter alia et maiora ad gratiae foedus eiusque oecono-
miam pertinentia, ad vitandas idololatriae Israëlitis notae visaeque occasio-
nes. Verum haec alibi ex instituto excutienda sunt, excussa^zque a viris^z
doctissimis, quorum scrinia non expilamus.

*Zabiorum
aetas.*

§. VI. Quae cum ita sint, certiora sequentibus nihil aliud probant,
quam recentiorē esse Zabiorum sectam, cum astrolatris veterum non
confundendam, eiusque origines ultra nascentis Muhammedanismi tempore
non multum esse extollendas. Vidit hoc elegantissimae doctrinae vir
IOH. SPENCERVS^a fassus: verisimile esse, gentem et religionem hanc
nominaliter spectatam, h. e. quatenus Zabiorum nomine notam: recentem
esse admodum, nec Muhammedis tempora superare. Addit rationes, quae
omnino rem conficiunt: Nullam huiusce gentis in Graeco vel Romano
aliquo auctore paulo antiquiori inueniri mentionem; nec facile in libro
aliquo ante seculum Alcorani scripto gentiles aliquos eo nomine notatos
inueniri: ABV IOSEPH ASCHAEVM vocare^b Charanaeos, nostro
tempore Zabios dictos; Recitare MVHAMMED BEN ISAAC peculiari
de Zabiorum ritibus libro apud HOTTINGERV^c historiam, ex qua tem-
pus cognosci queat, quo Zabii dicti sunt, cum antea populus hoc nomine
notus in Harran et circumiacentibus locis repertus non fuerit. Putatque
vir acutus, Alcoranum^d primam nominis occasionem dedisse, hanc ap-
pellationem sectae vel ex orientis, quem incolebant, regione, vel ex fide-
rum cultu orientalibus frequenti et vsitato imponentem. Quae etsi con-
iecturae sunt, vt nec ipsam illam historiolum pro vera venditare audeat,
patet tamen ex adductis his ratiociniis atque argumentis, Zabios qua tales,
recentiorē fuisse sectam: cuius tamen aetatem paulo altius extollendam
esse vel inde colligitur, quoniam tanquam hoc nomine iam notorum Al-
coranus meminit. Quod si itaque rationes omnes subducimus, quae de
origine et aetate Zabiorum iniri possunt, nobis quidem verisimile videtur,
antiquissimam colendorum siderum consuetudinem, quae iuxta ignis cul-
tum siue Magianismum, in Persiae Indiaeque regionibus, ab antiquissimo tem-

mo ad Noachum, scythismum, a Noacho ad Se-
rugum, hellenismum et iudaismum ab Abrahamo
ortum diuidit; et in barbarismo morum ferita-
tem, in scythismo cultum mundi partium, in hel-
lenismo imaginum cultum obtinuisse putat. Quae
distinctio tamen meras argutias redolet, recteque
PETAVIO ad h. l. displicuit. Inde tamen, qui
historiam idololatriae scripserunt, ansam acce-
perunt distinguendi inter sabaismum, siue siderum
cultum et hellenismum, siue heroum demortuo-
rum cultum, vid. OWENVS theologum. L. III.
c. 4. p. 181. quae tamen distinctio quoque accura-
ta non est: cum et Orientales magnos viros inter
Deos retulisse exemplo Beli constet.

y) Id quod accidit SPENCEROL. c. p. 280.

z) Scriptores qui hac in arena desudarunt,
nominant venerandi viri Io. CHR. WOLFVS
in Manichaeismo ante Manichaeos, et M. CHR.
PFAFFVS in diss. praelim. ad Spenceri li-
brum de LL. Hebraeorum ritualibus, vbi tamen
scriptores, qui de Sabiis Semi-Christianis agunt,
non confundendi sunt.

a) l. c. p. 280.

b) HOTTINGER Hist. Orient. p. 165.

c) Ib. p. 168.

d) Sur. II. Qui crediderint, et qui iudai-
zant et Christiani et Zabii, quisquis crediderit
in Deum, et diem extremum, et fecerit bonum,
illis merces eorum apud Dominum eorum, ne-
que erit timor.

tempore viguit, ex eo tempore variis superstitionibus et doctrinarum abortibus auctam fuisse, ex quo non Iudaei tantum in orientalibus Asiae regionibus toties dispersi inter gentiles habitauerunt, sed et Christianorum castra in tot sententiarum diuortia scissa sunt, tot haereticorum gregibus ab iis secedentibus mirumque religionum chaos protrudentibus. Quae hominum genera cum orientalis philosophiae systemati emanatio, dualistico tamen modificato certo modo aptato adhaerent, et in varias ipsi sectas discederent, tota Asia per abortus humani ingenii in Christianae, Iudaicae Magianae et gentilis religionis sectis se prodentes, in religiones plurimas abiit: unde et fiderum cultores ad conciliandum sectae suae nomen et auctoritatem, nouum ex his omnibus religionis genus conflare, adscitaque de rebus Iudaeorum et Christianorum historia sacra, nouum systema veteribus ignotum condiderunt, et ex variis lacunis haustum absurdissimis doctrinis replerunt. Qua ratione semel inita cum quodlibet ingenti somnium, etsi insanum et absurdum, salua secta admitti posset, et quicquid ad entusiasmum et fanaticismum, temperamento Asiaticarum gentium accommodatum facere poterat, locum haberet, mirum non est, sectam hanc per totum orientem suos affeclas habuisse. Et inde rationem petendam esse iudicamus, cur, quod recte obseruat Spencerus, doctrinae Zabiorum inter se non cohaereant, vixque vllam cognationem habeant. Non enim ita vni conditoris systemati, vt aliae sectae, adhaerebant, sed quicquid a reliquis sectis fiderum cultu et peculiaris religionis specie se separauerat, hac secta comprehensum fuit. Non mirandum itaque est, inuenisse viros doctos in Zabianismo vestigia Chaldaismi, id est, cultus fiderum, Iudaismi, Cabbalismi, Gnosticismi et Platonismi: nam et placita Chaldaica semper in oriente obtinuerunt, et Iudaeorum natio post dispersionem veterem et recentiore in his regionibus habitauit; Cabbalistae vero, Gnostici et Platonici, cum haud pauca ex orientalis philosophiae lacunis hauserint, quae in his regionibus tum temporis viguit, facile erat, vt ex impuris his fontibus detestabilis Zabianismi sentina conflueret. Cum vero hae sectae omnes in oriente ante Muhammedis tempora viguerint, et adoleuerint, coniici inde potest, maturius quoque et aliquo tempore ante Islamismum originem Zabiorum esse quaerendam: in ea enim tempora quadrat, quod egregie et apposite ad rem monet SPENCERVS: *gentes tum prope omnes, antiquos religionum limites dimouendi et sacra omnia miscendi pruritu et libidine aestuasse*: Id quod Iudaeorum et Manetis exemplis probat et totius Asiae historia sacra ac profana loquitur. Et sic ratio dari potest omnium, quae de Zabianismo disceptantur, eaque conciliari, quae a viris doctis sibi met opposita sunt. Chaldaeorum enim sententias atque doctrinas in Zabianismo inueniri, mirum non est, cum ea dogmata oriens semper retinuerit; et Zabianismum Magianismo oppositum fuisse credibile est, cum vterque post C. N. in oriente caput altissime extulerit: Historia-

Ee 3

rum

e) SPENCER. I. c. reliquique fere omnes, qui de Zabiis disputarunt.

rum vero veteris testamenti a Zabiis allegatarum nominumque sanctissimorum patriarcharum sibi vindicatorum expilata Iudaeorum castra, et veteres traditiones in oriente tum vbiuis inualescentes, quae ad sanctos hos viros non Zabianismi, sed et Magianismi et aliarum religionum origines referebant, in causa erant. Sicque in hanc sectam quicquid religionum erat colluiei, simul confluit, mire ad hoc attemperatis Arabum ingeniis, leuibus et ex populis atque nationibus diuersis confluentibus, vnde et nomen Arabibus adhaesit^f, constantibus. Frustra itaque pro sectae antiquitate ex laciniis veterum religionum surreptis huicque centoni assutis dimicatur, eaque a viris cautis recte reiiicitur^g.

*Zabiorum
libri.*

§. VII. Egregie vero haec de Zabiis sententia confirmatur ex libris *περίεργοις*, qui olim Zabiorum doctrinam referentes in hac gente circumferebantur, quique non Hermeti tantum et Aristoteli, sed ipsi quoque Setho, atque Abrahamo tribuebantur^h. De his libris MAIMONIDES oculatus testis refertⁱ, historias nugaces et Alcorani fabulis similes de patribus antiquis Adamo, Setho, Noacho, Abrahamo continuasse, dogmata de daemonibus, idolis et stellis, ceremonias in vineis et agris obseruandas, cultus insuper actus, idololatriis illis orientis eorumque vicinis in vsu solenni positos. Non abutemur vel lectoris vel nostro quoque otio in recensendis nugatoriis scriptis, consulant, qui haec nosse cupiunt, vel MAIMONIDEM, vel ex nostris HOTTINGERVM^k atque STANLEIVM^l, qui plura dabunt. Id vnum notamus, inter hos libros duos iactatos fuisse, reliquis praestantiores, vnum *de cultu Nabathaeorum*, siue is religionis cultum, siue terrae colendae rationem superstitiosam denotet, de quo disceptant viri docti^m: quemque tempore Thomae Aquinatis ex antiqua versione Latina legit occidens titulo: *de Agricultura Aegyptiorum*: alter Isaaci Zabii *de Zabiorum gente et moribus*. Omnes vero istos libros aperta suppositionis vestigia prae se ferre, ex iis, quae de eorum argumento absurdo et superstitutionibus Zabiorum pleno Maimonides refert, palpari potest. Nec de auctoribus diu anxie quaerendumⁿ, num Iudaei fuerint, gentilismo, vel Chaldaei Graeci vel Arabes Iudaismo leuiter tincti? ex sectae enim constitutione patet, homines ei addictos ex gentilismi siue Chaldaismi et Iudaismi, opinionibus peculiarem sectam conflasse, sic vt necesse non sit, praeter Zabios ipsos, alios excogitare harum nugarum architectos. Tempus quoque horum librorum ad origines et adolescentiam sectae recte referri, ex historia eius apparet. Eo enim animo effictos fuisse, vt sectae nascenti et caput extollere cupienti fidem et auctoritatem conciliarent, res ipsa loquitur: id quod

f) POCOCK. l. c. p. 33.

g) Paucis multa dixit CLERICVS Ind. philol. ad STANLEII Hist. phil. or. v. Sabaei.

h) POCOCCIVS, SPENCERVS, STANLEIVS II. cc.

i) Moreh nebhoch. P. III. c. 29.

k) Hist. Orient. p. 176.

l) l. c. p. 171.

m) Prius Spencero, postorius Clerico placet, forte vtrumque recte: nam de cultu Deorum etiam per Theraphim in colendis agris, plantandis vineis etc. praecipisse librum, ex Maimonide patet.

n) Quod facit SPENCERVS l. c. sect. III. p. 282.

quod potissimum sub incunabula sectae fieri debuit. Eo vero tempore mos in oriente fuit receptissimus, ut vetustissimis viris sapientibus libri ad faciendam opinionibus fidem supponerentur. Cuius testes habemus tot libros apocryphos viris sanctis ab haereticis affectos^o, tot libros spurios antiquissimis philosophis Zoroastri, Hermeti, Orpheo, hisque similibus suppositos, in quibus mira audacia protrudendis adeo sedula fuit tota Asia, ut vix sectam inuenias, quae non pia hac fraude vsa eiusmodi dolis res suas augere atque commendare studuerit. Inde enim tot supposititii libri inter Christianos, Iudaeos, Persas, Magianismi affectas et sectas atque haereticos tantum non omnes, quos passim enarrari videas^p. Et id ipsum artificium a Zabiis quoque adhibitum esse, eo minus est dubitandum, quo magis totum eorum argumentum ad adscribenda patriarchis deliramenta sua, et hinc commendandas ingenii nugas respexit. Qua tamen lingua primo conscripti sint, in tantis rei tenebris dici nequit: certe in Arabica lingua primum non conscriptos, sed postea tantum in eam translatos fuisse, MAIMONIDES testatur: notum autem gentem Arabum ante Muhammedem literarum studia non excoluisse, ipsumque pseudo-prophetam, quique eum secuti sunt, duces ex Omniadarum familia omnibus literis internecinum bellum indixisse, donec Abbasidarum familia bonis literis honorem et cultum redderet. Et his demum temporibus arcanos illos libros Zabiorum, siue Persarum, siue illi Coptarum, siue Syrorum aliarumue gentium lingua scripti fuerint, in Arabicum sermonem translatos fuisse, credibile est.

§. VIII. Sed, ut, quae dicenda sunt, absoluiamus, doctrina quoque Zabiorum enarranda, et imprimis systema eorum philosophicum, vel quasi tale, considerandum, quo tanquam fundamento reliqua omnia nituntur. Dogmata vero, quae Zabiis tribuuntur, aliter nobis enarrari non possunt, nisi qualia nobis Arabes et Iudaei, qui inter Arabes vixerunt, depingunt. Eos vero suspectos testes esse supra obseruauimus, fide Muhammedanorum et Iudaeorum valde vacillante, cum, quod non nemo^q recte obseruat, disputationis aestu abrepti aliquantum supra veritatem narrationes suas auxerint; vix enim credibile est, sectam inter Iudaeos, Christianos, Muhammedanos, Magianos viuentem, eorumque perpetuis insultibus expositam, adeo inepta, turpiaque deliramenta, qualia imprimis MAIMONIDES^r iis tribuit, in publico diuino cultu admisisse. Nec instituti quoque nostri est, prolixam delirantis superstitionis apud Zabios obseruatae faciem depingere: haurient ea, quibus volupe est, gentium ritus et ceremonias sacras nosse, vel ex Maimonide, vel ex iis, qui ex recentioribus eius fidem secuti sunt. Paucis ea memoramus, quae systemati Zabiano tanquam fundamento innituntur. Placuisse scilicet dicitur Zabiis: *Stellas esse Deos, fed*

Systema Zabiorum.

^o) Vid. cel. MOSHEM. de causis librorum suppositorum in Vol. diss. H. E. illustr. p. 221 seq.

^p) Vid. FABRICIUS Cod. Pseudepigr. V. et

N. T. et Bibl. Graec. passim.

^q) STANLEIUS l. c. P. III. c. 4. p. 1172.

^r) l. c. L. III. c. 8.

sed solem Deorum summum, quippe qui inferiorem et superiorem orbem regat. Colendos esse Deos, imprimis planetas, duplici cultu quotidiano et menstruo. Qui tamen cultus ita a Rabbino describitur, ut nihil in eo inueniatur, quod vel modicam rationem sapiat, plura sint, quae attentis suppositionis suspecta videri possunt^{s)}. Addunt, nonnullos eorum malos daemones sub hircorum forma coluisse, comedisse sanguinem, quem tamen abominabantur, tanquam cibum daemonum, quibus arctius ita coniungerentur et cum iis conuersarentur: coluisse solem orientem, et quae alia sunt, quibus leges leuiticas Deum opposuisse tot viris doctis visum est. Quae tamen omnia incerta esse, nec ipse Maimonides negat, nec a prudenti rerum censore negabitur, certe vera mixta falsis aperte videntur. Verum haec parum momenti in historia philosophica habent; altius vero expendenda sunt, quae de ipso systemate eorum, cui tota sectae religio tanquam fundamento superstructa fuit, Arabes scriptores et ex his recentiores, Angli imprimis POCOCKIUS, HYDEUS, PRIDEAUX referunt. Cuncta vero ex relatione SHARESTANII, haud ignobilis inter Arabes scriptoris, eo redeunt^{t)}:

I. Duas esse Zabiorum sectas, cultores facellorum et cultores simulacrorum.

II. Commune utrique sectae fundamentum esse, opus habere homines mediatoribus, qui inter ipsos et Deum medii intercedant.

III. Hoc fungi officio substantias spirituales puras, quae oculis subiectae non sunt.

IV. Quoniam vero isti spiritus mediatores cerni haud queant, esse deinde opus aliis inter eos et substantias istas inuisibiles mediatoribus visu perceptibilibus.

V. Tales mediatores visibiles esse ex mente illius sectae facella, et ex huius, simulacra.

VI. Sacella esse eorum cultoribus septem planetarum corpora, haecque esse substantiarum spiritualium seu intelligentiarum habitacula, quae eodem illis loco sint, quo animabus nostris corpora.

VII. Esse itaque corpora astrorum viuientia, rationalia ab intelligentiis animata.

VIII. Haec sidera Dominos et Deos esse, Deum autem supremum Dominum Dominorum.

IX. Planetarum igitur domos et mansiones, ortus, occasus, coniunctiones, iuxta figuras conuenientes et discrepantes, secundum naturas eorum dispositas obseruandas esse.

X. His planetis dies, noctes, horas diuidendas, formas, personas, et regiones assignandas esse.

XI. Re-

s) Hoc ex Arabibus iam ostendit POCOCKIUS l. c. p. 147.

t) Apud eundem l. c. p. 139. quocum conferen-

duis R. JOSEPH ALBO fundam. fidei L. III. c. 8. MAIMON. l. c. c. 29.

XI. Recte his obseruatis sigilla siue Talismanes*, incantamenta et orationes confici posse illis conuenientes.

XII. His mediis ab iis accipi posse, quae ab eorum effectū et influxu pendeant, recteque ita et formulis debitis orantes voti damnatum iri, miraue ita telesmatum et incantationum ope perfici posse.

XIII. Secundum simulacrorum cultores vero, simulacra ideo necessaria esse, quod illa saepius ab oculis continua ortus ac occasus vicissitudine subducta lateant, cum mediatore semper visibili sibi opus sit.

XIV. Simulacra itaque substituenda, quibus mediantibus ad facella accedant, ut facellorum ope ad intelligentias, intelligentiarum ad Deum supremum.

XV. Simulacra itaque iuxta figuram unicuique e septem illis facellis propriam conflanda esse, e metallo cuius planetae peculiari, obseruatis insuperdierum, horarum, graduum, minutorum, aliarumque ad influxus benignos eliciendos necessariorum circumstantiarum momentis, adhibitis sigillis, indumentis, suffitibus, orationibus, incantamentis cuius fideri gratis.

XVI. Simulacra haec esse vicarios respectu Deorum istorum coelestium, inter quos et homines mediatorum officio funguntur.

Praeter hanc doctrinae rationem tribuitur quoque illis ab ABVLFEDAZ: faciem inter orandum polum arcticum versus obuertere solitos; ter quotidie orare, ante ortum solis, iuxta meridiem, ad vespem; ieiunium illis esse triginta dierum, aliud nouem, aliud septem; asserere ipsos: secleratorum animas post nouies mille seculorum cruciatum in gratiam cum Deo redire; abstinere a fabis allioque; victimas totas igni comburere, nihil earum comedere. Narrat quoque SHARESTANIVS^y, sectam esse Harbanistarum, apud ipsos HARBANISTARVM, qui Deum et vnum et plures statuunt, Zabiorum^z scilicet essentia, plures, quatenus se pluribus indiuiduis visu perceptibilibus, velut planetis, immo hominibus quoque terrestribus indat, in quibus se manifestet, ac personam induat, citra tamen vnitatis essentiae suae corruptionem, eum corporibus coelestibus a se creatis mundum inferiorem tradidisse regendum, esse corpora ea patres, elementa matres, composita natos. Post periodum 36425. annorum absolutam omnes animantium species interituras, ac deinde renouatum iri, natura vniuersi, in singulis terrae climatibus bina vniuscuiusque speciei paria de nouo producente, atque ita seculum seculo continuo succedere, nec aliam dari resurrectionem. Et haec quidem de Zabiorum systemate Arabes, ex quibus valde corroborantur ea, quae de Zabianismi origine et constitutione supra diximus. Sunt enim in his multa apertissima astrologiae Chaldaicae, qualem supra delineauimus vestigia, quae cum a SEXTO EMPIRICO^z nobis ex eodem fundamento

atque

*) Conf. cl. PETR. FRID. ARPE de Talisman. et amuletis p. 15.

x) Apud POCOCK. l. c. p. 144.

y) Ibid.

z) Lib. V. adu. math. p. 337 seqq.

atque systemate describantur, dubium non est, Chaldaismum, eo tempore, quo scripsit Sextus, quodque ab huius sectae initis non adeo dissitum esse probabile est, receptum primam toti Zabiorum systemati materiam suppeditasse. Nititur enim vtrumque emanatione animae mundanae, vel distributione potius partium eius per corpora coelestia, maxime planetas, earumque influxu in res inferiores. Accessit vero doctrina de mediatore vel ludaeis vel Christianis surrepta; et doctrina de angelis mediatoribus, quae in philosophia orientali magnam auctoritatem habuit, indeque ad Cabbalistas et Alexandrinos philosophos, itemque ad haereticos, aeonas inde effluentes, transit. Ratio itaque aperta patet, unde Zabianum systema conflatum sit, et manifestum, non sufficere quasdam priscae idololatriae et superstitionis reliquias in eo restantes, ut ipsum ad vetustissima tempora referatur. Accurate itaque non versantur, qui omnem veteris aevi idololatriam atque superstitionem, cui sanctissimas leges suas Deum opposuisse contendunt, Zabianismi nomine insigniunt, cum aliquam tantum eius partem, temporum malitia ad haec media secula conseruatam exhibuerit. Quia in re cum Spenser maxime peccauerit, quid in erudita eius tractatione desiderandum sit, vel mediocriter attento est in propatulo. Ceterum ex huius quoque systematis summa patet, cur Zabii astrologiae sideralique scientiae se dederint: cum enim summa totius religionis in cultu siderum versaretur, par erat, ut ad ea attenderent, ortus occasusque notarent, et constellationum momenta ad influxum siderum consequendum necessaria obseruarent. Unde ex Zabiorum secta Thebet Ebn Korra, Albategnius, alique in siderali scientia magnum nomen consecuti sunt.

Magi Arabiae.

§. IX. Etsi vero ignorantiae et inscitiae Arabes ante tempora legis Islamiticae accusent Muhammedani, iisque philosophiam denegasse Deum ABULPHARAIUS^a dixerit, non id tamen ita intelligendum est, quasi viros eruditos inter se non habuerint. Fuisse enim etiam vetustioribus temporibus Arabiae suos sapientes, eruditionis orientalis cognitione praestantes, vel inde colligi potest, quod PLINIVS^b in Arabia Magos memoret, atque Hippocum Arabem Magum nomine appellet. Nec dubitandum, Arabes, linguae suae culturae deditissimos, et in prouerbiis, adagiis atque παροιμιαις versatissimos hanc linguae suae elegantiam, proprietatem et vbertatem, poëseos quoque, quam excolebant, dulcedinem ad emendandos mores adhibuisse, sicque in morali philosophia, modo tamen orientali et exoterico, non fuisse plane rudes. Hoc licet deficientibus vetustissimorum Arabum scriptis demonstrari nequeat, est tamen, quod non leuiter hanc sententiam roborat, fabulae scilicet Arabicae, quae LOKMANNO siue Lukmanno tribuuntur^c, quas cum interpretatione Latina et notis edidit de literatura Arabica meritissimus THOMAS ERPENIUS^d. Magna et tamen historiam Lok-

Lokmann.

^a) Dynast. IX. p. 101. et apud P O C O C K. spec. hist. Arab. p. 2.

^b) Lib. XXX. c. 1.

^c) Titulo Al-Amthal.

^d) Lugd. Bat. 1615. 1636. 1656. conf. FABRICIUS Bibl. Graec. Vol. I. p. 400.

Lokmanni huius tenebrae sepiunt. Quod si enim Arabes scriptores confulas, magna huius Lokmanni celebritas est, laudaturque Lukmannus in Corano ^e, cui sapientia a Deo data, et de quo mira fabulantur Arabum poëtae ^f: Huncque Hiobi sororem auiam habuisse iactat BEIDAVIVS ^g. Verum alii iique accuratiores inter Arabes, hunc Lokmannum Alcorano memoratum a Lukmanno mythologo distinguunt ^h, eumque multis seculis antiquiorem faciunt, Daudis vel Iosiae quoque regis aequalem, quorum vestigia premit HERBELOTVS ⁱ. Alias Arabum traditiones breuitatis causa praeterimus, legendas apud HOTTINGERV ^k. Non tamen inter omnes de fide Arabum in hac relatione constat, vnde in diuersa sententiarum diuortia de Lokmanno itum est. Quidam enim nominum similitudine inducti vel poëtam veterem Almannum ^l, vel Assaphum quoque prophetam sub hoc nomine latere coniiciunt, cum Arabes Persam quidem, sed Iudaeum religione fuisse tradant, quos tamen ficulneo niti argumento demonstrauit Io. IACOBVS SCHVDTVS ^m. Alii virum doctum et sapientem fuisse inter Arabes vetustissimos concedunt, ita tamen, vt ex eius potius sermonibus ista fabularum collectio facta, quam ab ipso auctore conscripta sit ⁿ. Tandem nec defuerunt, qui Lukmannum cum Aesopo eundem esse putarent, et crederent, eum hoc nomine in Arabica fabellarum quarundam versione fuisse insignitum. Quam sententiam post IAC. GOLIVM ^o, STEPHANVM CLERICVM ^p et HVETIVM ^q, SCHVDTVS quoque et AVG. PFEIFFERV ^r adoptarunt, improbante quidem celeberrimo FABRICIO ^s. Quam tamen acutissimus et de philosophiae historia meritissimus Goettingensium doctor CHRIST. AVG. HEVMANNVS ^t post Hottingerum ita ornauit, vt B. BVDDEI ^u aliorumque assensum meruerit. Obseruant enim viri docti Aesopi apud Graecos et Lokmanni apud Arabes eandem dari descriptionem; vtrumque fuisse feruum, ventre grandi, ore voraci, ingenio elegantissimo: nec nomen Lokmanni a voracitate desumptum, aliam originem habere, Aesopo κατ' αὐτονομασίαν hoc nomine insignito. Floruisse vtrumque circa medium seculum quartum millenarii post conditum mundum quarti. Nec aliud pati fabularum Aesopicarum et Lokmanniarum in quibusdam concordiam; inter triginta et septem enim Arabicas fabulas, quae Lokmanno tribuuntur, esse aliquas, quae non idem tantum argumentum, sed et eadem verba cum Aesopicis prae se ferant, quas ex Aesopicis desumtas et easdem esse necesse sit, cum Aesopicae fabulae diu ante Lokmannianas innotuerint; haeque versionem illarum Arabicam exhibeant, quales inualecente inter Ara-

Ff 2

be,

^e) Sur. XXXI.^f) Vid. ПОСЛОК. l. c. p. 36.^g) Apud HOTTINGERV Hist. Orient. L. I.^c 3. p. 68 seq. vbi prolixè de Lokmanno agitur.^h) Vid. ПОСЛОК. l. c.ⁱ) Bibl. Orient. v. Lokmann,^k) loc. cit.^l) RAVIVS apud HOTTINGER. l. c. Iob.

LVDOLFFVS ad Hist. Aethiop. p. 53.

^m) Comp. Hist. Iud. p. 88.ⁿ) Vid. HERBELOT. l. c.^o) Ad Grammat. Erpenii p. 189.^p) Qq. S. p. 325.^q) De fabulis Romanens. p. 11.^r) Crit. S. c. XVI. p. 415.^s) Bibl. Graec. l. c.^t) Act. Philos. Vol. II. p. 278 seqq.^u) Obseru. ad Hist. phil. c. III. §. 18. p. 59.

bes eruditione confectas esse ex historia Saracenica constat. Nos in tanto sententiarum diuortio certum quid promittere non audemus, non negamus tamen, hanc sententiam magna se probabilitate commendare: viderique Lokmanni nomen, Muhammedo commendatum ideo praefixum, vt fabulis fama et existimatio accresceret, quod apud Arabes fuit maxime solenne. Non tamen inficiandum est, omni exceptione non carere argumentum, quod ex conuenientia fabularum Aesopicarum et Lokmannianarum desumitur: quia facile euenire potuit, vt ex Aesopiceis paucae quaedam a collectore Lokmannianarum fabularum ob argumenti similitudinem interferebantur, cuiusmodi interpolationes inter Arabes non insolitas fuisse constat ^w. Nec omni probabilitate destitutus erit, qui asseruerit, nullum vnquam Lokmannum extitisse, sed cum Lokmanni nomen inter Muhammedanos eruditione et sapientia celebraretur, auctorem anonymum, fabularum diuersarum ex orientis et occidentis mythologis collectorem nomen tantum ornandi tituli causa praefixisse, qualia exempla historia literaria complura nobis seruat ^x. Feruntur quidem sapientissimi quidam morum canones, quos moribundus Lokmannus filiis suis tradidisse dicitur ^y. I. Non ultra rebus mundanis adhaerendum esse, quam vitae breuitas patitur. II. Seruiendum esse Deo ea contentione, quae felicitas propria requirit. III. Laborandum esse propter vitam futuram, eiusque durationem considerandam. IV. Vitandum esse ignem, ex quo, vbi semel quis inciderit, non patet reditus. V. Peccare audenti expendendum esse, an vires sufficiant, ad ignem infernalem et iram Dei ferendam. VI. Peccaturo quaerendum esse locum, vbi a Deo non videatur. Verum ea vel Muhammedanum vel plane Christianum ingenium sapiunt, nec vlllo modo probari potest, inter Persas Arabesue vetustissimos tantam morum doctrinae ἀκριβειαν viguisse. Quod si cum Arabibus ^z quis contenderit, religione Iudaeum fuisse, et ex oraculis sacris vel Iudaeorum conuersatione habuisse, ei recte opponitur, quod supra in pari casu de Zoroastre obseruauimus, adeo et legis iussu et morum discrepantia abhorruisse Iudaeos ab aliis nationibus, vt neminem ad sua sacra et religionis notitiam admitterent, qui profelytus factus non esset; qualem cum Lokmannum fuisse probari nequeat, merito eiusmodi praecepta suspectae aetatis et fidei sunt. Quicquid vero de Lokmanno est, sunt tamen fabulae hae specimen non inelegans, morum doctrinam inter Arabes non penitus iacuisse neglectam, etsi illa magis ad popularem docendi rationem, quam ad philosophicam referenda sit, quam non prius quam sub Abbassidarum imperio Arabum natio excoluit.


^w) Exempla suppositionum huiusmodi in antecedentibus adduximus.

^x) Exemplum dabit sapientia Salomonis, regi sapientissimo ficto libro tributa.

^y) Ex GALLANDII collectione adducit eos cel. STOLLIVS Hist. phil. moralis inter gentes

§. 9. p. 7.

^z) GOLIVS praef. edit. Erpenii.



CAPVT SEXTVM.

DE PHILOSOPHIA PHOENICVM.

§. I.

Restant inter Asiae gentes, quae in barbararum numero ponuntur, *Phoenices philosophiae promicondi crediti.* Phoenices, de quorum philosophia adhuc agendum est, et, quid de natura rerum statuerint, dispiciendum. Nominis enim celebritate per totum fere orbem noti, etiam hanc famam tulerunt, ut antiquam sapientiam recondidisse, et ex hac natione prodiisse crederentur, qui saniora de rebus naturalibus principia introducerent ^a. Ad oras enim maris mediterranei siti, cum Chanaan ab Israëlitis occuparetur, tantae multitudinì locum non inuenientes magnam partem e terra sua mari exules se commiserunt, quaesituri sedes alio sub sole calentes: quod eo facilius fuit exequi animosae et industriae genti, quo magis et mare apertum, et nauigationis peritia, et portus securi, et alia, quae terra ad hanc rem commodabat, hoc consilium iuuabant ^b. Inde vero factum, ut non tantum per innumeras colonias dispersi, patriam eruditionem per maritima nobilissimarum mundi partium ora spargerent, sed et diuini mercatores, quo nomine eos appellat LVCIANVS ^c, crederentur, quibus cum multa negotia cum omnibus fere mundi partibus intercederent, occasio iis enata fuit, non merces tantum manuum, sed et ingenii cum aliis commutandi. Imprimis vero in magna gloria literarum inuentionis et siderum, naualiumque ac bellicarum artium apud veteres fuisse, testis est PLINIVS ^d, qualia scilicet studia et coloniae toties deducendae, et commercium per omnem terrarum orbem nauigationis beneficio instituendum requirebant. Et hinc quoque factum est, ut teste PORPHYRIO ^e numerorum et proportionum, siue, rationum Arithmeticarum studiosissimi dicerentur. Inde vero liquet, hanc astronomiae atque arithmeticae disciplinae gloriam non aliter intelligendam esse, quam prout institutum atque scopus Phoenicum patitur: qui cum ad sidera propter nauigationem, ad numerorum rationes vero propter mercaturam, attenderent, id non alia ratione fecerunt, quam nautae atque mercatores hodiernum facere solent: quos ut nemo inter philosophos numerat, cui sanum synciput est; ita nec propter haec Phoenices studia inter philosophos referendi sunt: nuganturque, qui numeros philosophicos, inuentum Italicum, Pythagoram apud Phoenices didicisse contendunt, quam fabulam alibi iam iugulatam ^f, suo loco proscribemus. Cautè itaque de eruditio-

Ff 3

ne

^a) Scriptores de philosophia Phoenicum nominat cel. HEVMANNVS Act. philos. Vol. II. p. 188 seq.

^b) Diligenter et magna cum eruditionis laude in hoc argumento versatus est, vir in his literis summus SAM. BOCHARTVS Geogr. S. P. II. L. I. c. 2. p. 367 seqq.

^c) In Toxari T. I. p. m. 594.

^d) Lib. V. c. 12.

^e) De vita Pythag. c. 6. p. 9. ed. Kusteri. STRABO L. XVI. p. 718.

^f) Amoenit. liter. T. VII. p. 158 seqq.

ne et philosophia, omnibusque studiis Phoenicum ^g statuendum est, semperque cogitandum, fuisse eos *Θεοτέρες ἐμπότερες* celebriores magnosque mercatores, qui non in Pontum, neque ad Moeotidem usque aut Bosporum tantum nauigarunt, verum quaquauesum Graecum ac barbarum mare emensi sunt, omnemque oram et omne littus, perscrutati in annos singulos extremo demum autumno in suam patriam reuersi sunt; compluresque eorum caupones atque salsamentarios fuisse. Nam ex luculento hoc LVCIANI ^h testimonio patet, omne eos tempus mercaturae atque nauigationi impendisse, domi reliquo tempore artibus sellulariis et illiterato viuendi genere contrito, nec vitae institutum permisisse, vt multam philosophiae speculationibus impenderent operam. Quamquam viros excitatoris ingenii inter illos fuisse negari nequit, quibus cum celebratissima *ἐνρήματα* tribui soleant, de iis iam accuratius dispiciendum est.

Moschus
Phoenicum
philosophus.

§. II. Inter illos vero Phoenices, qui philosophando aeternum nomen meruisse dicuntur, Mochvs vel Moschvs primus est, tum antiquitate, tum inuentionis celebritate. Ille enim Sidone oriundus, physiologus fuisse, et nobilissimum systema atomisticum inuenisse Posidonio dicitur, a quo STRABO ⁱ, SEXTVS EMPIRICVS ^k et IAMBlichvs ^l acceperunt, qui addit, cum discipulis eius, prophetis Phoenicum, aliisque istius gentis hierophantis conuersatum fuisse et sacris ab iis mysteriis initiatum Pythagoram. Quoniam vero Phoenicius quidam scriptor, Mochus de rebus Phoenicum scripsisse veteribus ^m traditur, eum viri docti coniecerunt, cum Moscho, naturae interprete, eundem esse. Et hinc disceptatio, num Moschus vel Mochus verum eius nomen fuerit? vel quod eodem recidit, num Moschus et Mochus eundem virum innuant? Cuius disceptationis causa in varia lectione locorum eorum veterum, quae de eo loquuntur, quaerenda est. Mochum enim Moscho praeferunt tanquam rectius pronuntiatum nomen BOCHARTVS ⁿ, VOSSIVS ^o, et post hos alii ^p, variam eius originem afferentes; cum e contrario Moschum rectius dici SELDENVS ^q, CASAVBONVS ^r aliique tueantur. Et hunc Moschum laudati viri cum Mocho historico eundem esse nulli dubitant. Alii vero, et inter veteres quidem THEODORETVS, inter recentiores EDMUNDVS DICKINSONVS ^s SELDENVS et HVETIVS ^t sub Moschi persona Mosen latere in Phoenicia nomen adeptum, et cosmologiae rationes explicantem, sibi persuadent, quibus tamen alii non assentiuntur ^u; adeo

^g) De Phoenicibus eorumque studiis et inuentis diff. dedit ven. DAVID. BAIERVS Ien. 1709.

^h) l. c. conferendus STRABO l. c.

ⁱ) loc. cit.

^k) Adu. Phys. L. I. p. 621. ed. Fabr.

^l) Vit. Pyth. c. 3. f. 14. p. 10. ed. Kust.

^m) ATHENAEVS L. III. c. 36. p. 126. IOSEPHVS Antiq. Iud. L. I. c. 14. TATIANNVS p. 128. conf. VOSSIVS de Hist. Graec. L. III. p. 390.

ⁿ) Geogr. S. P. II. L. 2. c. 17.

^o) loc. cit.

^p) REINESIVS app. ad librum de lingua Punicap. 72. app. diff. rar. GRAEVI. MENAG. ad Laert. L. I. f. 4. p. 4. FABRICIVS l. c.

^q) De I. N. et G. secundum discipl. Ebr. L. I. c. 2.

^r) Ad l. c. ATHENAEI.

^s) Physic. vet. et ver. c. 2. p. II.

^t) Demonstr. Euang. Pr. IV. §. 8. p. 53.

^u) SCHEFFER. de Philos. Ital. c. V. pag. 20. KVSTERVS l. c. MOSHEM. ad CUDWORTH. c. I. §. 10. p. 14.

adeo incerta et obscura sunt, quae de Phoenicio hoc philosopho disputantur, omnia, nec facile certa sententia dirimenda. Quod si tamen coniecturis locus est, facile crediderimus, Mochi Moschique nomen idem prorsus esse, et diuersam tantum Phoenicii Graecique oris pronuntiationem diuersam quoque lectionem nomenque effecisse. Ita enim a Graecis saepius factum esse, vt orientalia nomina sua lingua corrupte pronuntiarent, plurima exempla probant, et supra quoque in Zardustho Persa exemplum vidimus. Vtrum vero historicus et philosophus eadem persona fuerint, nobis quidem non liquet. Id vnum coniecturam fouet, differre homines, quod physiologo tempus tribuatur ante Troianum bellum, quo cano tempore res Phoenicum commentariis descriptas esse, credibile non est. Nec impossibile duos vnus nationis et nominis viros fuisse, quorum vnus philosophiam, alter historiam patriae coluerit. Mosen vero qui ex Moscho faciunt, nominis tantum similitudine nixi, sine dubio decipiuntur; nec Moses atomisticae philosophiae conditor dici potest, qui cosmogoniam longe aliter narrat^x nec opus physicum multis libris constans, quod Phoenicio Moscho siue Mocho physiologi nomen peperit, conscripsit^y: vnde haec opinio, quam falsus sine dubio conceptus de philosophia Hebraeorum Graecae simili peperit, quamque Huetius ideo ornauit, vt hypothese seruiret, recte a viris doctis reiecta est.

§. III. Nihil tamen in historia philosophiae Phoeniciae memorabile magis, quam quod Mochus siue Moschus iste inuentor fuisse dicatur systematis atomistici, quod ἀπὸ Μόχου τινὲς ἀνδρὲς Πολύμικος καταγομένον dixit Posidonius in physico opere^z, quem laudant STRABO et SEXTVS EMPIRICVS^a. Inde enim argumentum pro hoc systemate ab antiquitate capiunt viri docti, putantque, ab hoc Phoenicio ad plerosque philosophos Graecos systema atomisticum, quale postea Leucippus et Democritus absoluerunt, dimanasse. Hoc vt euincat, non sine multis cognitionis historiae philosophicae veteris praesidiis, omnem lapidem mouit doctissimus Anglus RADCLIFFVS CUDWORTHVS^b. Quae res cum in historia philosophica momentum trahat, expendi meretur: nisi enim antiquam esse doctrinam probetur, facile Posidonii testimonium, tot seculis a Mochi temporibus distantis reiici potest, cum ignoretur, vnde hanc traditionem Posidonius hauserit: et plerique veterum a Leucippo et Democrito atomos inter principia systematis physici primo recepta esse tradant^c. Hoc itaque telum vt retundat Cudworthus, 1. prouocat ad allatum Strabonis et Sexti locum, Mocho siue Moscho Sidonio inuentionem atomorum tribuentem. 2. Pythagoram per monadas, putat, intellexisse atomos illos, quos in itinere et mora apud Phoenicios a discipulis Mochi didicit; quoniam Ecphantus

An inuentor
systematis
atomistici
fuerit?

x) Conferendus CLERICVS Bibl. Choisie
T. I. p. 75 seq.

y) Conf. cel. MOSHEMIVS l. c.

z) Vid. LAERT. L. VIII. f. 140.

a) ll. cc.

b) Syst. intell. c. I. §. 9. p. 14 seqq.

c) Testimonia veterum ipse recitat CUDWORTHVS l. c. §. 6. p. 9 seqq.

tus declarauerit^d, monadas Pythagorae esse corporeas, et ARISTOTELES dixerit, Pythagoreis monadas suas habere magnitudines. 3. A Pythagora a Phoenicibus edocto ad Empedoclem systema hoc atomisticum transiisse, contendit, apud quem natura nihil aliud sit, praeterquam compositio et secretio rerum mixtarum, id est, coagmentatio et discretio particularum: eundem vero ex minoribus corpusculis elementa composuisse, et ea minima posuisse. 4. Nec Anaxagorae homoeomerias aliud esse, nisi atomorum doctrinam; sed a mente conditoris systematis atomistici diuersam et corruptam. 5. Eandem ex hac doctrinae atomisticae successione sententiam fouisse Ecphantum, Xenocratem, Heraclitum, Diodorum, Metrodorum: ex quibus prolixè et adductis veterum testimoniis illustratis tandem infert, eos, qui ad Democritum vel Leucippum etiam systematis atomistici inuentionem referunt, ita intelligendos esse, fuisse hos primos, qui proscripta mente diuina, ex solis atomis mundi generationem atque naturam rerum deduxerint. Etsi vero haec non sine insigni eruditionis apparatu dicta sunt, valde tamen verendum, ut attento ad rem ipsam lectori fidem faciant. 1. Supponit enim Cudworthus, quod initio probandum erat, Posidonii testimonium fide dignum esse, Moschumque atomorum doctrinam introduxisse: ad quod asserendum antiquiori et fide digniori testimonio opus est, quam Posidonii Stoici, cuius fidem ipse Strabo atque Empiricus in dubium vocant, nec CICERO ei multum tribuit^f, qui de hoc praeceptore, quaedam eum comminisci, confidenter pronuntiat. Quod vero imprimis probe ponderandum putamus, et Posidonii fidem suspectam facit, illud est, quod modus philosophandi per hypothèses et principiorum systemata, quem ab introductis atomis philosophi secuti sunt, indoli philosophiae barbaricae, quae tota traditiua simplex nudisque assertis constans fuit, aduersa sit, et aperte ingenium Graecanicum sapiat. Adiicit his acutissimus harum rerum iudex THOMAS BURNETT^{ff}, in Phoenicia Sanchuniathonis philosophia nullam occurrere mentionem aut memoriam dogmatis atomistici, licet de rerum ortu et mundi primordiis diserte agatur, ubi maxime de huiusmodi principiis tractandi locus esset: unde coniicit hoc dictum fuisse a Posidonio aut negligenter, aut per inuidiam, ut inuenti laudem ab auctore recente in antiquiorem reuiceret. 2. Nec multum valet, quod porro fundamenti loco ponitur, Pythagoram a Moschi discipulis systema atomisticum didicisse. Suo enim loco probabimus, Platoniorum recentiorum, quorum fidei et narrationi talia debemus, scopum in condenda historia Pythagorae non alium fuisse, quam ut magistrum omnes philosophos celebritate et fama super ceteros elatos praeceptores habuisse, sicque omnium praestantissimum philosophum euasisse, orbi persuaderent, quem in finem non dubitarunt, falsa, incerta, atque dubia

^d) Apud STOBÆVM Eclog. phys. L. I. c. 13. p. 27.

^e) Metaphys. L. XIII. c. 6. conf. GASSEN-
DVS ad L. X. Laërt. T. V. Opp. p. 70.

^f) Lib. I. de fato: Quaedam etiam Posidonius, pace magistri dixerim, comminisci videtur.

^{ff}) Archaeol. philos. c. VI. p. 360.

dubia pro certis admittere, et quae scopo inferuiebant, fingere. Vnde quo loco Iamblichi narratio habenda sit, liquet, quam et suspectam esse, nec probare id, quod intendit Cudworthus, suo loco, ubi de itineribus Pythagorae ex instituto agemus, patebit. Nos hic ad retundendam Cudworthi aciem hoc vnum addimus: non dicere Iamblichum, quod Pythagoras atomisticum systema a Mochi discipulis didicerit, sed quod cunctis initiis Phoenicum sacrorumque ceremoniis a prophetis et hierophantis Phoeniciae illius successoribus initiatus sit. Vnde manifestum est, orientalem magis superstitionem, etsi id neget Iamblichus, quam philosophiam naturalem didicisse, si quoque concedamus, inter Phoenices eruditionis causa versatum Pythagoram. Concidunt itaque potiora fundamenta, quae pro atomistico systemate a Mocho Phoenicio repetendo à Cudwortho afferuntur; nec 3. multum habet praesidii, quod a scholae Pythagorae doctrina de monadibus sumitur argumentum. Exponetur enim alio loco luculentius, scholam Italicam, quique ex ea orti sunt, statuisse: materiam diuiduam semper esse in fluxu, semperque modificari, et ex mixtione materiae oriri varias generationes; quod cum a systemate atomistico mixtionem particularum indiuiduarum atque minimarum, qualitatibus destitutarum supponente differat, in excolenda doctrina atomistica eos non versatos fuisse euincit. Ostendeturque suo loco prolixius: Monadas Pythagorae non fuisse corporeas, quam sententiam Ecphanto, tanquam inuentori, tribuit STOBÆVS, et quae Aristoteles alique de veteribus dixere, per consequentiam potius imputata fuisse, quam ab iis admissa: quamquam et magnitudo alio sensu ab Aristotele monadibus Pythagorae tribuitur. Id quod etiam de Empedocle valet, cuius minima cum Anaxagorae particulis similaribus facilius, quam cum atomis Democriti componuntur. Sicque de reliquis quoque philosophis ostendi posset, eos admittendo particulas quasdam inter principia naturalia a systemate atomistico longe abuisse, nisi id a nostro scopo longius abiret, nosque, ubi series tractationis ad philosophiam Italicam pertingeret, accuratius de his disputandi occasionem nacturi essemus. Interim consulendus eruditissimus Cudworthi interpres, qui haec multa doctrinae elegantia et iudicio cuncta illustravit. Ex dictis itaque omnibus has rationes subducimus, suspectum esse et incertissimum, quicquid de systemate atomistico a Mocho Phoenicio inuento traditur. Nec quae ad rationes has, quas post Burnetium suas quoque fecit PETRVS BAYLE^g, ab eruditissimo GOTTFRIDO OLEARIO^h regeruntur, tanti ponderis nobis esse videntur, ut ab hac sententia, quam hactenus defendimus discedamus. Nam quod regerit, Posidonium virum grauem et integerrimorum morum fuisse, nihil ad rem facit, cum eo potissimum nomine eius testimonium reiciatur, quod tanto a Moschi tempore interuallo distet, ut ad testimonium fide dignum

^g) Dict. T. III. art. Leucippe, not. A.

^h) Diff. II. de principiis et philos. Heracliti §. II, S. I. p. 856.

quae est in Hist. philos. STANLEII P. IX. c. VI.

dignum solus ineptus sit. Nec qui atomistici systematis inuentionem Leucippo et Democrito tribuunt, de nomine atomus tantum, quod vir doctissimus putat, loquuntur, quod Phoenices alia lingua vti adhibere non potuerunt: sed de ipsa hypothese rerum ortum ex particulis minimis indiuiduis, qualitate omni spoliatis et inani, mundi systema condente. Miramur vero improbare acutissimum virum Burnetii argumentum ab indole philosophiae barbaricae petatum, quae systematis per principia et conclusiones formati typum respuit. Non enim illo argumento eripitur veteribus rationis usus, sed negatur modus ratiocinandi et philosophandi systematicus, quem in traditiua philosophia non obtinuisse, ipse agnouisset, qua fuit in veteri historia philosophica eruditione vir beatus, nisi contrariam sententiam sibi defendendam proposuisset: certe Burnetii argumentum quilibet admittet, qui barbaricam philosophiam intus et in cute cognouit. Nec negauit Burnetius ante Leucippum et Democritum per modum systematis philosophatos fuisse Pythagoram, Thaletem, Anaxagoram, sed Graecanicis ingeniis eam philosophandi rationem expressis verbis adscribit, barbaris vero denegat: quos philosophiam excoluisse, adeoque sine principiis inter se connexis non ratiocinatos fuisse, et traditionis auctores deductis ex principiis conclusionibus dogmata inuenisse quando obicitur, luditur voce philosophia; eam enim pro simplici rerum naturalium cognitione sumtam barbaris adeo non denegat Burnetius, ut potius deamatae hypotheseos praesidium apud eos quaerat; sed dum quaestio est de hypothese quadam speciosis excogitata ratiociniis, quae ad explicanda naturae phaenomena adhibetur, scopum adducta non feriunt, et probandum prius est, talem fuisse philosophiam barbaricam. Tandem Sanchuniathonis cosmogoniam systemati corpusculari fauere magis, quam aduersari, tuetur vir doctissimus, ita tamen, ut lucem potius ex Graecanicis ei inferat, quam ex ea eruat. Cuncta enim eo redeunt: omnia apprime in atomos conspirare. Quod ubi etiam concederemus, nihil aliud inde sequeretur, quam Phoeniciam cosmogoniam ex atomistico systemate posse explicari, non vero, illud in Sanchuniathonis verbis contineri: quisquis enim illa leget, (oculis vero lectoris ea hoc capite subiiciemus) et hypotheseos praeiudicio occupatus non erit, facile videbit, principia Sanchuniathonis ab atomisticis longe differre, et multo magis veterem, quam ex traditione suo modo seruabat, cosmogoniae habitum tueri. Quaecunque itaque corpuscularis philosophiae dignitas sit, frustra ei auctoritatem a Phoenicum philosophia conciliari, luce meridiana clarius patet.

Cadmus.

§. IV. Praeter Moschum siue Mochum CADMVS praecipue inter Phoenices propter eruditionem celebratur, Agenoris regis, si Graecis credimus, filius; si Phoenices audimus, regiae culinae praefectus, vel quod vult BOCHARTVS¹ magister satellitum, qui cum Harmonia tibicine aufugiens, mira fata habuit, et delatus in Graeciam coloniam condidit. Mira sunt, et obscurissima, quae de eo tradunt mythologi, nec nobis enarranda, sed quaerenda

¹) Geogr. S. P. II. L. I. c. 20. p. 488 seqq.

renda apud alios, qui Graecorum fabulas explicuerunt^k. Nec quoque anxie inquirendum nobis est, Aegyptius, quod vult MARSHAMVS^l, an Sidonius fuerit? quod cum plerisque tuetur BOCHARTVS^m; et recte quoque, si veteres audiendi sunt; vel quid veritatis historicae in fabulis his lateat? Legant, qui haec a nostro instituto aliena nosse cupiunt, quae ex melioris notae scriptoribus diligenter de Cadmea historia collegit vir celeberrimus, IO. FR. BVDDEVSⁿ, et quae acute, vt solet, coniecturis affecutus est magnus BOCHARTVS. Illud vnum notandum nobis est, haberi Cadmum auctorem literarum Graecarum, quas in Moeotiam delatus Thebis conditis ex Phoeniciis literis effinxit, quod a magnis viris ita demonstratum est^o, vt non audiendus sit IOSEPHVS^p, contendens, literas Graecas Cadmo esse multo recentiores, nec Stefichoro danda fides, ad Palamedem Graecarum literarum inuentionem referenti, quem quatuor tantum adiecisse alii testantur. Licet vero hoc certum esse videatur, inter philosophos tamen Cadmus numerandus non est, qui non philosophica speculatione vel hieroglyphica arte literas inuenit, sed delatas ab Assyriis ad Phoenices, Graeciae intulit, orique Pelasgorum accommodauit. Vnde mire fallitur FRANCISCVS LVNIVS^q, et qui eum sequitur GEORGIUS HORNIVS^r, contendentes: *Thebis extructis arcem Cadmeam erexisse, et scholas instituisse, quas de suo nomine Cadmeas nominauerit. Earum postea tantam existimationem fuisse, vt omnes scholae eo nomine insignitae succedentibus temporibus academiae dicerentur.* Supponuntur enim haec frustra atque nituntur precaria hypothesi: literarum introductum vsum scholas philosophicas requisivisse; quas a viro militari, praedonum vel si mauis exulum manu alienas terras post longos errores et varia bella, quae fabulae de dentibus serpentis feminatis, indicant, quaerente et occupante institutas fuisse, omni prorsus verisimilitudine et veterum quoque testimonio destituitur. Nec academiae nomen a Cadmo, sed Hecademo originem duxisse, ad historiam philosophiae academiae, Platonisque delati demonstrabimus. Viderint etiam viri docti, qui plerasque fabulas Graecorum pari modo a Phoenicibus per hunc forte canalem, ad Graecos peruenisse contendunt, et ex Phoeniciae linguae significatione argumentum petunt, quo fundamento id faciant^s. Nobis haec ingenium quidem sapere, non vero verisimilitudinem gignere videntur, quae solis verborum nominumque explicationibus absque historiae praesidio dicuntur. Vnde ab incertis coniecturis in historia Phoenicia abstinemus.

G g 2

§. V.

k) Videndus in compendio NATAL. COMES Mytholog. L. VIII. c. 23. p. 98 seq. Lib. IX. c. 14. p. 1007 seqq.

l) In can. chron. sect. IX. p. 122.

m) l. c. c. 19. p. 486.

n) Hist. eccles. V. T. T. I. Per. II. f. II. §. 18. p. 989 seqq.

o) Laudat eos FABRICIVS Bibl. Gr. Vol. I. p. 147. add. MONTFAUCON. Palaeograph. Graec. L. I. c. 23. p. 147.

p) Contra Apion. L. I. p. 1034.

q) De academia.

r) Hist. philos. L. III. c. 4. p. 149.

s) Fecerunt id S. BOCHARTVS in Geographia S. EDM. DICKINSON. in Delphis Phoenicisstantibus, recussis T. I. Opp. ad hist. et phil. spect. TH. CRENII, et IO. CLERICVS in notis ad Hesiodum.

Reliqui scri-
prores Phoeni-
ces desiderari.

§. V. Sed nec reliqua, unde philosophiae Phoeniciae doctrinae hauriri possent, certiora sunt, deficientibus nobis monumentis, quae res Phoenicum nobis enarrauerunt. Scripserunt quidem historiam Phoeniciae praeter Sanchuniathonem Theodotus, Hypsicrates, et Mochus, quorum libros Chaetus vel Laetus potius, Graece transtulit¹⁾; meminit etiam Hieronymi Aegyptii, Phoenicis historici TERTULLIANVS²⁾, et Hestiaeus quoque laudatur, sed dolendum, iniuria temporum hos commentarios nobis ereptos esse; cum enim gentis huius origines tradiderint, credibile est, eos, more veterum de cosmogonia traditiones tetigisse: idque suadet IOSEPHVS, qui cum de diluuiio et ante diluuiatorum longaeuitate sermonem instituisse³⁾, addit: Μωχός τε καὶ Ἑστιάος, καὶ πρὸς αὐτὸς ὁ Ἀγύπτιος ἱερώνυμος οἱ τὰ Φοινίκια συνταξάμενοι, συμφωνῶσι τοῖς ὑπ' ἐμὲ λεγομένοις. Mochum atque Hestiaeum et Hieronymum Aegyptium, cum dictis a se conspirare; dicitque Hieronymum scripsisse ἀρχαιολογίαν Phoenicum. Verum, licet res forte naturales ortumque saltem earum tetigerint, nihil inde lucis nobis ex deperditis promittendum est. Vnus Sanchuniathon non tam nobis relictus est, quam exigua quaedam fragmenta ab EVSEBIO atque THEODORETO seruata, quae, si modo genuina sunt, Phoenicum de rerum ortu et generatione sententiam enarrant. Quod argumentum cum in philosophia barbarica non exigui momenti sit, prolixius de eo differendum, et quid rei sit, quamque fidem mereatur expendendum est.

Sanchuniathon.

§. VI. Quis vero SANCHUNIATHON fuerit, quaeque nobis documenta reliquerit priscae de cosmogonia traditionis apud Phoenicios, docet nos EVSEBIUS⁴⁾, qui ipse audiendus est: *Res autem Phoenicias, inquit, Sanchuniatho quidam memoriae prodidit, vir antiquissimus, quemque ante Troiana tempora floruisse, summaque cum diligentiae tum veritatis laude Phoenicum historiam scripsisse testantur. Huius opera omnia Philo, non Hebraeus ille, sed Byblius, ex Phoenicum idiomate Graecam in linguam conuersa vulgavit. Eiusdem quoque meminit is, qui nostra memoria opus illud aduersum nos mendaciis fraudibusque textum consarcinavit, dum libro quarto ipsum huius testimonii sui praedicatione commendat. Rerum, inquit is, ad Iudaeos pertinentium historiam Sanchuniatho Berytius summa fide conscripsit, quippe quae cum eorum locis atque nominibus apprime consentiat, cum praecipua rerum illarum capita ab Hierombalo quodam Ioui Dei sacerdote accepisset. Hoc illius opus Abibalo regi Berytiorum dedicatum non modo rex, sed etiam ii, quorum apud ipsum erat, de scriptorum veritate cognoscere, omnes comprobarunt. Atque istorum quidem aetas Troianis temporibus antiquior proxime ad Moysen ipsum accedit, ut ex Phoeniciae regum serie quiuus*

¹⁾ Vid. SCALIGER ad fragmenta Beroñi Abydeni in calce op. de Emendatione temporum, BOCHARTVS Geogr. S. P. II. L. II. c. 17. p. 861. VOSSIVS de Hist. Graec. Lib. III. pag. 379.

IONSIUS de Script. histor. Philos. L. III. p. 336.

²⁾ In apologet. c. 19.

³⁾ Antiq. Iud. L. I. c. 4.

⁴⁾ De praep. Euang. L. I. c. 9.

cognoscere potest. Hic igitur Sanchuniatho, qui Phoenicia lingua veterem historiam, partim ex singularum urbium actis, partim ex templorum monumentis coagmentatam singulari veritatis studio perstripsit, Semiramide, quam Iliacis temporibus vel antiquiorem vel aequalem fuisse memorant, apud Assyrios regnante vixit. Idem Porphyrii testimonium affert THEODORETUS^a Eusebius vero Philonis quoque Byblii testimoniis in sequentibus utitur, quibus ait: Sanchuniathonem virum imprimis eruditum cum operam in rerum plurimarum studia posuisset, cumque gentium omnium historiam iam usque a prima vniuersi molitione nosse vehementer optaret, praecipuam quandam in peruestigandis Taauti rebus diligentiam adhibuisse, quod satis intelligeret, omnium, qui lucem hanc adspexerant, eum literas principem inuenisse, ac commentariorum scribendorum auctorem fuisse. Ab illo autem auspiciatum esse, quem ab Aegyptiis Thoyth, ab Alexandrinis Thoth nominatum Graeci Hermetem, id est, Mercurium appellauerunt. Addit quoque in sequentibus, eum in arcana quaedam Ammonaeorum volumina incidisse, quae ex interioribus templorum penetralibus protracta, perscrutatus sit, indeque ea hauserit, quae in commentariis suis retulit. Ex hac Porphyrii relatione magnum veteris historiae et cosmogonias praesidium sibi inuenisse visi sunt viri eruditissimi, et inter hos, qui mixima eruditione Sanchuniathonis res illustrarunt SAMUEL BOCHARTVS^b et PETRVS DANIEL HVETIVS^c. Supponunt vero laudatissimi viri, Porphyrii relationem esse veram, Philonemque illum Byblium libros Sanchuniathonis genuinos ex Phoenicia lingua in Graecam transtulisse; putantque Sanchuniathonem ab Hebraeis, et sacris quidem Mosis commentariis accepisse, quae in historiam suam retulit. Hunc enim Thooti siue Hermetis larua tegi sibi aliisque multo labore persuadere conatur Huetius. Praesidium sententiae quaerunt, quod Sanchuniathon a Ierumbalo sacerdote Dei Iao commentaria acceperit. Cum enim Iao Deus Graecis Iudaeorum numen indicet^d, quod ex Iehoua expressum coniicitur, concludunt inde, Ierumbalum ex Israëlitarum natione fuisse, et esse Ierumbalum eundem cum Gideone, quem Ierubbaal cognominatum Iudicum historia testatur^e. Qua in opinione veteres quosdam antecessores habuere^f: nec obiici posse putant, Gideonem, non fuisse sacerdotem, cum gentilis homo eum habuerit pro sacerdote, qui ex hostium spoliis constituit Ephod in vrbe sua. De tempore quoque non dubitant, Troiano excidio fuisse priorem, cum indubitatis annalium Phoenicio- rum et seriei regum Phoeniciae testimoniis nitatur; concedunt tamen, Porphyrium *anagoras* vitio Semiramidis tempora cum his confudisse. Haecenus viri docti, qui Porphyrianae vel Philonianae quoque relationi fidem habendam esse putant. Non defuerunt autem alii, qui suspectam

Gg 3

vtrius-

^a) De curand. Graecor. affection. serm. II. p. m. 493.

^b) Geogr. S. P. II. L. II. c. 17. p. 855 seqq.

^c) Demonstr. Eu. Pr. IV. p. 50 seq. 70 seq.

^d) DIODOR. SIC. L. I. p. 59. MACROBIUS Saturnal. L. I.

^e) Cap. VII, i. VII, 35.

^f) SVIDAS v. *ισοβρατα* T. II. p. 99.

vtriusque fidem esse argumentis non contemnendis ostendisse sibi visi sunt. Illustris enim SCALIGER iam monuit, non potuisse ad antiqua ista tempora referri Sanchuniathonem, qui Tyri conditi tanquam rei iam antiquae meminit, ad quae tamen BOCHARTVS^f respondit: Tyri nomen commune fuisse multis vrbibus in Phoenice, fierique Palaetyri mentionem in commentariis IOSVAE^g, annis fere ducentis antequam in vicina insula conderetur famosa illa Tyrus. Quae tamen non satisfacere omnibus, praesertim EDUARDO STILLINGFLETO^h, qui non negat quidem in libris Iosuae innui Tyrum, sed illam non nisi ut altum praecipitemque tum temporis scopulum sine incolis et hominibus esse considerandam, ex qua Oiscus originem trahere non potuerit, qui ausu ingenti maris fluctibus, referente Sanchuniathone, se credidit: unde infert doctissimus praeful, non aliam intelligi posse Tyrum, quam quae paulo ante excidium Iliacum exstructa sit, sicque tempora Sanchuniathonis non conspirare. Addunt his alia non minus graua, qui in expendenda Sanchuniathonis historia et fide peculiarem operam posuerunt HENRICVS VRSINVSⁱ, ANTONIVS VAN DALEN^k, et HENRICVS DODWELLVS^l, qui alios quoque ad stipulantes habuerunt^m. Cum enim celeberrimorum horum virorum industria in eo versaretur, ut supposititia esse illa Sanchuniathonis commentaria demonstrarent, prouocarunt potissimum ad silentium auctorum omnium, qui ante hunc Philonem Byblium, qui Adriani aevo vixisse dicitur, scripserunt, et ne γὰρ quidem de Sanchuniathone meminere. Accedunt ἀσύντακτα plurima, et temporum rationibus non conuenientia: Abibalum fuisse Hierami regis patrem, monent, qui Saulis atque Dauidis temporibus vixit, adeoque Ierumbaalem cum Gideone non eundem posse dici. Vixisse secundum Porphyrium, Sanchuniathonem ante tempora Troiana, regnante inter Assyrios Semiramide: Troiam vero captam A. M. 2767. Semiramim vixisse A. M. 1996ⁿ. Esse alia quoque in excerptis ex Sanchuniathone, quae extra controuersiam sint recentiora, quibus tamen enarrandis, ne iusto prolixiores simus, supersedemus. In tanto sententiarum inter viros eruditione et iudicio accurato summos dissensu difficile putamus, certi quid statuere, nec extra controuersiam poni posse Sanchuniathonis historiam, praesertim, cum ἀσύντακτα illa chronologica, ad obiectiones Dalenianas et Dodwellianas responsuri reiiciant in interpretem Philonem vel etiam in excerptentem haec commentaria Porphyrium. Non negamus tamen, non ita solida nobis videri, quae pro Sanchuniathone afferuntur: cum silentium tot scriptorum, qui tam nobilis et antiqui scriptoris mentionem facere poterant et debe-

f) loco supra citato.

g) Cap. XIX, 29.

h) Orig. SS. L. I. c. 2.

i) De Zoroastre, Trismegisto et Sanchuniathone Ex. III.

k) Pec. diff. quae adiecta est diff. super Aristea.

l) Duabus epistolis lingua Anglicana editis,

quarum compendium exhibent Acta erudit. T. II. Suppl. p. 512.

m) Conf. VOSSIVS de Hist. Graec. L. I. c. I. CONRING. de Medic. Hermet. c. I. p. 5. RICHARD. SIMON Bibl. crit. T. I. c. 9. cui respondit Diarium Triuoltinum, Jan. 1714. p. 68.

n) Conf. WITSIVS Aegyptiac. L. III. c. I. §. 15. p. 209.

debebant, omnino scrupulum moueat atque suspicionem excitet, fraudem in tota illa re subrepsisse: licet praestare nolumus, quod Dodwellus coniicit, Philonem illum Byblium neminem esse alium, quam Philonem Herennium, eumque haec Sanchuniathonis commentaria finxisse ad refutandos Iosephi contra Apionem libros, nomenque confinxisse et detorsisse e Sonchide, Saite, sacerdote Aegyptio PLVTARCHO^o memorato. Nec multum probat nominis Ierumbaal cum Gideone conuenientia, quaeque alia de libris sacris a Sanchuniathone inspectis afferuntur; illam enim vel potuisse effingi, vt fides commento accederet; vel talem non esse, qualem laudati viri in hariolando iusto oculatiores videre sibi persuadent, recte monetur. Quod si etiam ἀούσατα in toto illo fragmento reperiri conceditur, et Philoni interpolationis fraus adscribitur^p, corrui tota eius fides: quis enim praestabit, non confinxisse totum, qui interpolare ausus est? Et, si verum fatendum, totam Sanchuniathonis historiam commendauit atque credibilem fecit falsa persuasio, sacram cosmogoniae historiam a Mose traditam isto Sanchuniathonis fragmento confirmari. Quae non tantum Eusebio et Theodoreto, vt fuere patres ecclesiae veteris in eiusmodi re nimis creduli, sed et recentioribus et imprimis magno GROTI^o et H V E T I O impoluit. Qui si ad ea attendissent, quae in deducenda nascentis orbis historia post enarrata mundi geniti principia Sanchuniathon ille attulit, facile ingentem dissensum obseruauissent, et palpaussent, quo callido consilio iuratus Christianorum et scripturae S. hostis Porphyrius Sanchuniathonis cosmogonia ad euertendam oraculorum sacrorum fidem et roborandam superstitionem usus fuerit. Nec nos multum mouent, quae obiicit ὁ πάλιν G V N D L I N G I V S^q: non probabile esse, Patres scriptum, quod totum fictum esset, passos esse sibi obtrudi a Porphyrio inimico Christianaeque religionis derisore. Nam haec ad eam tantum opinionem refutandam valent, quam Ursinus fouit, et Sanchuniathonem et Philonem in fraudulento Porphyrii ingenio enatum esse; non vero ad eam, quae Philoni suppositionem tribuit. Quam parum quoque iudicii et artis criticae patres attulerint in dignoscendis scriptis ὑποβολημαίοις, praesertim vbi adstruendae veritati religionis Christianae inseruire posse putabant, in eorum scriptis versatum latere nequit. Quibus omnibus vna ratiocinii lance comprehensis et ad fidei historicae trutinam examinatis non negamus, valde suspectam nobis videri Philonis Byblij, quisquis ille fuerit, fidem; nec carere verisimilitudine eam sententiam, quae statuit, effinxisse illum totum illud opus, vt haberent gentiles, quae ex domesticis quasi testibus Mofi opponerent, et ad roborandam ἀθεότητα adhiberent. Id quod ipse subolsit E V S E B I V S^r, qui fatetur: Τοιαύτη μὲν αὐτῶν κοσμογονία, ἀντικρὺς ἀθεότητα εἰσάγασα. Huiusmodi a Phoenicibus mundi ortus ponitur, qui omnem plane diuinitatem exterminat: Quod ve-

te

^o) De Isid. et Osiride.

^p) I V R I E V Hist. crit. des dogmes P. III. c. 5. p. 432.

^q) De V. R. C. L. I. §. 16. p. m. 38. ed. Elzeuir.

^r) Hist. phil. mor. c. VIII. §. 2. p. 108.

^s) l. c.

re dictum esse in sequentibus demonstrabimus. Coniicimus tamen auctorem cosmogoniae Sanchuniathonis non totam effinxisse, sed materiam accepisse ab antiquis cosmogoniis Graecorum, quae paria passim tradunt, indeque supposita origine Phoenicia, totam fabulam incrustasse. Verum haec non nisi pro coniecturis venditamus, sacra enim haec non aliter constant: momentum tamen non leue habere quilibet paulo prudentior vltro largietur. Quod si vero concedendum sit, esse omnia ista a Sanchuniathone, esse versa a Philone, multa tamen omnia difficultate et incertitudine laborant. Eleganter doctissimus WITSIVS: *Sed undecunque sua habuerit Sanchuniathon, quis Sanchuniathonem habet? quicquid ille sua, i. e. Phoenicia lingua scripsit, illud omne pridem perit. In Graecum quidem sermonem Philo, non Iudaeus ille Alexandrinus, sed gentilis aliquis Byblius Adriano σύγχερος transtulit. At, quis dicet, qua fide? qua peritia? Sed neque Philonis illius quicquam superest, nisi ἀνεσπασμένη apud Eusebium et si quem forte alium, ubi inter multas fabulas vera aliqua quasi per nebulam deprehendas.* Addi his posset, excerpta deberi Porphyrio, iurato rerum Christianarum hosti, cuius fides suspecta non esse non potest.

*Systema
cosmogoniae
Phoeniciae.*

§. VII. Supposita vero Sanchuniathonis aequae ac Philonis Byblii fide et integritate, ita cosmogoniam Phoenicam, quamvis eam ex commentariis Thooti siue Hermetis desumptam esse nobis Philo persuadere cupiat, exponit fragmentum illud nobis seruatum, ut has potissimum positiones exhibeat:

I. Principium huius vniuersi fuit aër tenebricosus, et spiritalis siue spiritus aëris tenebrosi, et chaos turbidum atque caligine inuolutum.

II. Haec infinita fuere, multoque tempore ignara termini.

III. Vbi vero spiritus propriorum principiorum amore exarsit, factaque est inde commixtio, huic nexui nomen factum, desiderii siue cupidinis: hocque principium creationis omnium rerum fuit.

IV. Spiritus hic non cognouit suam generationem.

V. Ex connexione autem eius spiritus, prodiit Mot.

VI. Mot autem limum nonnulli, alii aquosae mixtionis putredinem esse volunt.

VII. Hinc factum est feminium omnis creaturae, et omnium rerum creatio.

VIII. Inde orta certa animalia sensu carentia, ex quibus facta sunt animalia intelligentia praedita, quae vocata sunt Zophasemin, id est, coeli contemplatores, in figuram oui conformata.

IX. Post Mot autem sol, luna, stellae et reliqua sidera illuxere.

X. Aëre vehementer illuminato per igneum et vehementissimum calorem terrae marisque, enati sunt venti et nubes, vnde magnae effusae pluuiae.

XI.

XI. Aquae hae segregatae et calore solis suo loco depulsaе, in aëre de-
nuo concurrentes suo conflictu tonitrua et fulgura effecerunt.

XII. Hoc sonitu animantia excitata et territa ex limo, quasi ex somno,
profluerunt, et eruperunt tam ex terra, quam ex mari, mas et foemina.

Haëtenus generalia cosmogoniae principia, quibus postea additur, quo-
modo ex vento, Colpia nominato, et muliere Baau, id est, nocte, primoge-
niti homines nati sint, ex quorum generatione Phoenices tandem descen-
derint. Mirum vero, quam diuersas interpretationes hoc ortus mundi sy-
stema passum sit. Veteres enim, quos diximus, et cum his recentiores
nonnulli, inter quos GROTIVM^{a)} merito nominamus, magnam cum sy-
stematē Mosaico conuenientiam se inuenisse rati, non dubitarunt, San-
chuniathonem, non ex Aegyptiis, sed Hebraeis potius annalibus ea surri-
puisse, et ita Mosaicam geniti mundi historiam fabulis Phoenicum, more
gentis, intertextam, exhibuisse. Afferere enim in hoc systemate San-
chuniathonem, aequē ac Mosen, tenebras atque spiritum, duo primaeua re-
rum condendarum principia: amoris significationem apud Mosen esse in
מרחם, vi scilicet a Deo materiae indita, μῶτ vero ימט, vnde Graecum
μόθος, esse מרחם abyssum iam commotam: et quia vox מרחם proprie in-
cubitus columbae super ouum significet, ideo in isto limo animantia, id
est, sidera, vt in ouo fuisse: hinc oui mundani traditio, et ouorum pro-
genies Dii Syri, id est astra. Sanchuniathonis vero noctem Βάαν, esse
eandem cum Mosis בהו, ventum autem, qui ibi dicitur κολπία, esse
קל-מיה, vox oris Domini, siue DEI. Ingeniosam atque eruditam esse hanc
systematis Phoenicii explicationem magno viro, a quo profecta est, facile lar-
gimur, inuita tamen veritate factam esse, et ideo tantum excogitatam, vt Mo-
ses et Sanchuniathon in concordiam redigerentur, ex ipsa principiorum serie
facile patefceret. Includit Phoenicius, si illius est, philosophus, spiritum ma-
teriae, facitque eum tenebricosum, eique infinito infinitum et sine termino
chaos adiungit: Spiritus hic nec sui nec alterius rei generationisue con-
scius est, partemque sui cum animalibus intelligentibus, id est, sideribus,
vel, quae stellis praesident, intelligentiis communicauit: Cupido, siue gene-
rationis principium actiuum alterum, non extra in materiam inductum
vel inpressum, sed interna natura in materia est comprehensum. Verbo et
spiritus ille et chaos in vno ouo comprehensi exhibentur, quod totum
siue vniuersum repraesentabat. Quis hic praeiudicio non occupatus Mo-
sen cum Sanchuniathone conspirare asserat, et non multo magis ingens
intercedere discrimen, quod postea notabimus, animaduertat? Cautius
itaque alii, qui satis perspexerunt, Mosaica hic frustra in subsidium voca-
ri, atomisticum systema aduocant, idque satis luculenter a Sanchuniathone
exprimi iudicant^{x)}. Poni ob oculos materiam confuse disiectam, quae
tenebrosa

a) I. c. quem sequitur CUDWORTHVS Sy-
stem. intellect. c. I. §. 22. p. 27. recte improban-
te venerabili interprete.

x) B. G. OLEARIVS diss. II. de philos. He-
braelici §. 2. in Hist. phil. STANLEII P. IX.
c. XV. p. 658 seq.

tenebrosa propterea vocetur. Eandem ob subtilitatem et mobilitatem aërem spirabilem, flatum, spiritum, et vno verbo, potiora eius attributa complexo chaos turbidum et caliginosum vocari. Chaos vero et atomos idem nonnullis esse. Reliqua omnia, quae enarrantur, apprime in atomos seu minima corpuscula, competere. Nullis terminis cohibitos et vagabundos longissimo tempore circumuolitasse, amore vero postremum, hoc est motu, quo se inuicem nitebantur, coaluisse. Materiam vero, (quae spiritus proprie dictus esse nequeat, cum *συμπλοκή*, mistio ei tribui non queat,) ita coalescentem Mot produxisse, hoc est massam illam, omnium rerum semina complexam, ex qua illa suo ordine postmodum educta fuerunt, quam limum et aquosae mixtionis corruptionem Philo interpretatur, quod mixturae terra quae ea simillima videretur, sicut et Moses eandem ob causam modo terram, modo aquam, molem istam appellasse videtur. Ab ingenio haec quoque se commendant, cum Phoeniciis vero non conspirant, nec probabilia sunt, adeo contorta ad hypothesein interpretationem sapiunt. Distinguuntur a Sanchuniathone materia hoc chaos eiusque spiritus tenebrosus, non vero sunt eadem, vel spiritus affectio chaos. Multum quoque ex mente veterum inter chaos et atomos interest, nec dari potest ex concursu atomorum ratio ortorum siderum intelligentia praeditorum, nisi spiritus a chao siue materia distinguatur, quod in systemate atomistico fieri nequit. Ut taceamus, simplicitati veterum cosmogoniarum, ex quibus haec desumpta est, siue vera sit, siue supposititia et ad modum earum excogitata, hanc explicationem repugnare. His itaque reiectis, superest tertia de hoc systemate opinio, quam multa eruditione exornauit RICHARDVS CUMBERLANDVS^y, suamque fecere, celeberrimus MOSHEMIVS^z, et viri doctissimi, qui ex Anglis historiam vniuersalem condiderunt^a. Obseruant, viri magno iudicio praediti, recte iudicasse EVSEBIUM, Phoenices soli, lunae ac stellis diuinitatem attribuisse, iisque solis rerum omnium ortus interitusque causam assignasse: ponique ab iis huiusmodi mundi ortum, qui omnem plane diuinitatem exterminet: totumque systema eo tendere, ut Aegyptiorum et Phoenicum idololatria commendetur: cum Zophasein illi, nihil aliud sint nisi planetae stellaeque fixae, animabus praesidentibus praeditae, quibus cultum diuinum exhibuerunt. Spiritum illum caliginosum non posse esse Deum, cum hic spiritus nihil aliud dicat, nisi foecundum aërem turbido rudi et indigesto chao inclusum; haec bina principia omni initio et fine carere: hunc spiritum materiae inhabitantem et inclusum illis Deum esse; ex cuius copulatione siue desiderio iungendi se cum materia omnis creationis initium ductum sit. Postquam spiritus ille in materiam aeternam sese insinuauit, et eam peruasit, extitisse in ea coecum quendam impetum, ad ea ex sese parienda, quae creata iam existunt. Nec spiritum illum ratione et consilio egisse, ignorasse enim, quae fierent, nec cognouisse *τὴν αὐτοῦ κτίσιν*, ea, quae genuit, vel copulatione sua cum

ma-

y) In libello Anglico: *Reuiew of the Cosmogonia of Sanchuniathon.*

z) *Diss. de creat. ex nihilo* §. 26. p. 992. syst. int. Cudwi.

a) *Introduit. a l'hist. vniuerselle* p. 49 seqq.

materia effecit, cuncta vt ita coëco fato facta sint. Ex coniugio spiritus et chaus natum Mot, limum quendam, hunc solem, lunam, stellas procreauisse; sidera postea calore et virtute sua homines generauisse, et animalia. Rectissime haec dicta esse, fatebitur, quisquis mediocri attentione hoc systema considerauerit: quod totum eo tendit, vt ex vno vniuerso et principio aliquo actiuo, etli bruto, et nihil intelligente, et passiuo siue chao aquoso et limoso omnia constituisse, et aeternis fati legibus atque motu producta tandem in ordine mundi visibilia apparuisse exponat. Vnde sequitur, Deum non alium esse, quam animam mundanam, chaos informantem, et tandem motu suo necessario, fatali et interno formam hanc producentem. Quae opinio a Stoicis philosophico ornata habitu in Graecia postmodum caput erexit, in antiquis tamen cosmogoniis hinc inde reperitur, et apud Aegyptios quoque inualuit. Vnde coniectura firmatur, callidum Sanchuniathonianae fabulae architectum, mutuo accepto ex veteribus cosmogoniis Stoico systemate, seque illi cum temperamento iungentem atque accommodantem illud nominibus quibusdam Phoeniciis pinxisse, et suppositam antiquissimo viro in originibus sacris detestabilem impietatem affricuisse, domestica quasi Iudaicis oppositurus. Quod omnino Porphyrio, tantopere haec commendanti placere debuit.

§. VIII. Etsi vero Sanchuniathonianam hanc cosmogoniam vetustissimorum Phoeniciorum non esse, credibile est, facile tamen concedimus, hunc in modum per cosmogonias fabulis inuolutas Phoenices de origine mundi fuisse philosophatos, sed more barbaro: quas an ab Aegyptiis acceperint, incertum esse, frustra que disputari deficientibus monumentis putamus: nam quae SVIDAS^{b)} de Sanchuniathone habet, scripsisse eum de *Hermetis physiologia* et *Aegyptiacam theologiam*, nihil aliud esse videntur, quam quae ex Sanchuniathone nobis excerpta dedit Eusebius; ea enim a Thoote vel Thoauto Aegyptiorum theologo accepisse traditur: quae nullo loco habenda esse demonstrauius^{c)}. Nec *mystici et reconditi libri* supersunt, quos apud Phoenicios inspexisse indeque physiologiam didicisse Pherecydem Syrum tradit itidem SVIDAS, suspectus negligensque in eiusmodi rebus testis. Ceterum Phoenicibus ingenium non defuisse viri magni, quos haec terra aluit, quique in philosophia celebre nomen sibi pepererunt, probant, quorum aliquos nominat STRABO^{d)}, dubiumque non est, inter tot homines, qui mercatoriae peritiae laude excellebant, fuisse, qui ad philosophiam se componerent. Verum hoc posterioribus demum temporibus factum est, vbi Graeci philosophari, id est systemata condere coeperunt, quae tempora cum antiquissimis quae in historia philosophiae barbaricae considerantur confundi non debent, et longe alia se demonstrabant indole atque gustu.

Phoenices ad philosophiam non inepti.

b) In Sanchuniathon. T. III. p. 274. quod affirmat etiam CVDWORTHVS l. c. p. 375. praeter rem ideo a cel, notatore reprehensus.

c) In Pherecydes T. III. p. 592.

d) Lib. XVI. conf. BVANETIVS l. c.





CAPVT SEPTIMVM.

DE PHILOSOPHIA AEGYPTIORVM.

§. I.

Aegyptii antiquissima natio, sapientiae laude inelyta.

Ex oriente ad meridiem in perlustranda barbararum gentium philosophia progressis, primi se Aegyptii oculis offerunt, vetustissima natio, quaeque primam originis inter omnes gentes gloriam ambitiose affectauit, et a se tanquam a fonte omnem sapientiam dimanasse iactauit, vnde gentium philosophantium primi habitati quibusdam ^a sunt, a quibus ad Chaldaeos, reliquosque Asiae incolas sapientiam et eruditionem diffusam vsque in extremam Indiam penetrasse contendunt. Quod quidem praeiudicium supra iugulauius, falsumque esse demonstrauius, Chaldaeos atque Persas sua ab Aegyptiis accepisse, de Indis vero suo modo, si non de antiquissimis temporibus intelligatur, recte asseritur, eos Aegyptiorum fluentia in sua arua deriuauisse, coloniis veterum Aegyptiorum per orientem dispersis ^b. Vnde recte obseruatum est viris eruditissimis originis Aegyptiacae in doctrinis atque ceremoniis Indorum hodiernum multa reperiri vestigia: id quod ad hos homines tractationis ordine delato pluribus probare non obliuiscemur: Ceterum longe antiquissimam gentis non durationem modo sed et eruditionem fuisse inter omnes constat, et ex iis patescet, quae de eruditionis atque sapientiae Aegyptiacae conditore Thooto in sequentibus dicemus. Multumque facit ad commendandam gentis vetustissimae sapientiam, quod non tantum magni philosophi, qui inter Graecos celeberrimum nomen consecuti sunt, quales fuere, Orpheus, Pythagoras, Thales, Democritus, Plato, alique Aegyptios disciplinae causa adierunt, et a prophetis siue sacerdotibus Aegyptiorum sapientiam et philosophiae mysteria accepisse plerisque creduntur: sed et ipse Hebraeorum dux et doctor, vir maximus Moses in omni Aegyptiorum sapientia eruditus fuisse ^c, haecque sapientia Salomonis regis tempore iam celebratissima fuisse, in Scriptura S. ^d dicitur. Mirum itaque non est, tum inter veteres ecclesiae doctores ^e, philosophiae

^a) MACROBIUS Somn. Scip. L. I. c. 19. Saturnal. L. I. c. 14. et imprimis Apollinis oraculum apud EUSEBIUM praep. Euang. LIX. c. 10. his verbis:

*Αἰπεινὴ γὰρ ὁδὸς μακάρων, τρηχέατε πολλῶν,
Χαλκαδέτοις τὰ πρῶτα διοιγομένην πυλεῶσιν
Ἀτράπτοι δὲ ἔασιν ἀθέσφατοι ἐγγεγάυη.
Ἄς πρῶτοι μερόπων ἐπ' ἀπείρονα, πηξέον ἐφ' ἡνῶν
Οἱ τὸ καλὸν πίνοντες ὕδωρ Νεικώτιδος αἰνῆς.*

*Ardua et innumeris diuum est via constita saxis,
Ac primum e valuis rigido stridentibus aere
Ponditur; hinc coeci ambiguo discrimine cautes,*

*Quos fructu immenso primi docuere nepotes
Niliaco undantes potant qui gurgite lymphas.*

Plures laudat ven. WOLF. ad ORIGEN. philosoph. p. 46.

^b) Cel. M. V. LA CROZE in luculenta Christianismi Indorum historia passim: cui add. ven. MOSHEM. ad Cudworth. syst. int. c. IV. §. 18. p. 377.

^c) Act. VII. 22.

^d) 1 Reg. IV, 30. de utroque loco supra c. I. dictum est.

^e) IUSTINVS Qq. et resp. 25. p. 405. CLEMENS ALEXANDRINVS Strom. L. I. p. 302. PSEUDO-ORIGENES philosophum. c. II. p. 46. alique.

phiae barbaricae immensum pretium statuentes Aegyptiacam sapientiam extolli; tum inter recentiores fere plerosque magna de ea sentire atque dicere, sic ut ignoremus, an ante HERMANNVM CONRINGIVM^f quis ausus fuerit, existimationi philosophiae Aegyptiacae ex instituto et peculiari tractatione detrahare, cui cum tam vehementer contradicendum fuerit^g, testimonium id est, philosophiae Aegyptiacae famam atque celebritatem altissimas in mentibus eruditorum radices egisse.

§. II. Fecit haec sapientiae, vel, si mauis, eruditionis Aegyptiacae, et praesertim religionis, vel theologiae, fama, ut certatim quidem viri graues atque eruditi inter veteres et recentiores in ea illustranda operam atque diligentiam ponerent; cauetamen ita in apicum productam Aegypti literatae historiam putes, ut non densissima incertitudinis et contradictionis nocte prematur apud eos, qui lucem his tenebris accendere conati sunt. Quae res difficillimam et fere insuperabilem facit historiae philosophicae apud Aegyptios inuestigationem, causasque atque fontes habet facilius detegendos quam sobria cautaque ratione vitandos. Quos enarrare nostra eo magis interest, quo magis multum refert in historia philosophica, scire unde incertitudo oriatur, quibus prematur difficultatibus, quo usque ea superari queat, quidue incertum relinquendum et ubi assensus sit suspendendus? Causae vero incertissimae historiae non tantum philosophiae, sed et theologiae et religionis, (quae in barbaricae philosophiae historia ob rationes supra laudatas quam maxime consideranda est,) hae imprimis notandae sunt. I. Et primam quidem tantarum tenebrarum in historia philosophiae et theologiae Aegyptiacae deprehendi solitarum causam ab ipsius antiquitate repetendam existimamus. Non enim iis demum seculis enata est, quibus homines res gestas atque memorabiles in literas retulerunt, et quibus illi vixerunt, qui testes adhibendi sunt, nosque de rebus Aegyptiorum sacris et profanis docuerunt: sed ad canae vetustatis aeuum origines suas refert, quibus Thoot, vel Hermes hanc sapientiam primus inuenisse, suoque aeuo tradidisse dicitur. Tum vero non artes tantum atque scientiae versabantur in incunabulis et sola traditione propagabantur, nec literis quicquam mandabatur: sed vetustas quoque omnia fabulis repleuit, incertissimas traditiones effecit, monumenta illa, quae Thootus statuisset, suamque eruditionem posteris tradidisse dicitur, euerfa, sicque de antiquissimis illis temporibus nihil nobis relictum est, praeter incertissimas coniecturas. II. Eadem vero temporum iniuria innumeris terras gentesque Aegypti mutationibus subiecit, inundationibus dissipauit, veteresque migrare colonos coegit; bellis peregrinarum gentium iugo et cum eo moribus quoque, ritibus, consuetudinibus et placitis subiecit; ad mutatam toties rationem status publici regni, potissimas doctrinas toties immutauit, colonias peregrinas, earumque traditiones inter inquilinos plantauit

Hh 3

atque

^f) In libro de Hermetica Aegyptiorum veterum et Paracelsica recentiorum medicina.

^g) Ab OLAO BORRICHIO, cuius hac de re scripta infra nominabimus.

atque miscuit, et quae aliae fuere, vti omnium regnorum, ita imprimis Aegypti, testante historia, vicissitudines; quae non potuere non et religionem et placita atque doctrinas gentis Aegyptiae quam maxime adulterare; qui vicissitudinum politicarum effectus cum plerisque, qui historiam Aegypti nobis reliquerunt, intacti manserint, mirum non est, et ipsas doctrinas, non aduertentibus auctoribus, inter se variis temporibus dissensisse, et scriptores variorum seculorum res enarrantes diuersa et dissonantia tradere, vix vnquam concilianda. III. Accedit modus proponendi arcana dogmata hieroglyphicus, reconditisque imaginibus constans. Qui cum obscurissimis aenigmatibus cuncta reconderet, nec quae requirebatur, clauem aliis, nisi qui initiati erant, traderet, ea tandem amissa penitus, et temporis iniuria deperdita occasionem exhibuit ita vetustissimorum Aegyptiorum placita explicandi, prout cuilibet commodum eque res sua erat. Ita scilicet, quot capita, quot collegia, quot sectae erant, tot sensus obscurissimarum et non intelligibilium imaginum, tot explicationes auctoribus hieroglyphicarum notarum ignotae excogitabantur. IV. Saepissime vero id accidisse, concedet vltro, qui cogitauerit, non vnā vnius populi totiusque terrae Aegyptiacae religionem, sententiam atque doctrinam fuisse, sed inuicem multum dissonasse. Eleganter et admodum luculenter id notauit doctissimus MOSHEMVS, cuius verba, cum rem mirifice illustrent; pace viri celeberrimi, nostra facimus^{h)}: „Inter nos, ait, qui certis vtimur „doctrinae formulis, quibus omnes alligantur sacrorum ministri, ex vnius „vrbis religione plerumque de totius prouinciae sacris iudicium ferri potest. „est. At eiusmodi symbolis et formulis nullus erat inter antiquos Deorum cultores locus, nec omnes sacerdotes iisdem adstricti erant de rebus diuinis (etiam naturalibus) sententiis. Quocirca fieri non poterat, quin in vno populo multae essent de re sacra opiniones, aliterque Thebaei, Saitanique sacerdotes, aliter Memphitani docerent.“ Haec acutissimus vir, dignus, qui et in sequentibus, quibus multam lucem dictis accendit, legatur. Nam cuilibet ad res Aegyptiorum attendenti, diuersissimasque et inter se dissonas relationes atque explicationes, quas Herodotus, Diodorus Siculus, Plutarchus alique de doctrinis Aegyptiis afferunt, expendenti, luculento testimonio patebit, innumeras fuisse sententias a se inuicem abeuntes, nec caruisse Aegyptum minus, quam alias regiones, sectis multum inter se dissidentibus, cum alias tot diuersissimarum sibi saepe contradicentium sententiarum et opinionum ratio dari nequeat. V. Multum vero mutationis passa est sapientia siue eruditio Aegyptiaca, ex quo peregrini reges magnis exercitibus Aegyptum inuaserunt, vrbes diripuerunt, colonias deduxerunt, et pleraque immutarunt, transeuntibus sensim in mores victorum victis. Imprimis vero magnam mutationem philo-

^{h)} In annot. ad CUDWORTHII syst. intellect. c. IV. §. 19. p. 415 seqq. vbi magno iudicio paucis paginis plura et solidiora de religione et theo-

logia Aegyptiorum afferuntur, quam in magnis voluminibus, quae nobis obtrusit А. П. КИРСЕВАУДА audacia.

philosophiae atque theologiae Aegyptus sensit, postquam Alexander M. rerum in Aegypto potitus est, et coloniam, excitata Alexandria vrbe, Graecam deduxit, eamque gentibus peregrinis et ἄλλοτρίοις locupletauit. Ex eo enim tempore in populo ex Asiaticis, Graecisque coloniis cum Aegyptiis mixto, cum literarum sedes Alexandriae constitueretur, longe alia, quam antea fuit, theologiae et philosophiae facies enituit. Cum enim plerique patriae suae decreta et opiniones sequerentur, factum est, ut orientalis philosophiae, paucis ante C. N. seculis late per Asiae prouincias vagantis somnia etiam in Aegyptum irreperent: immo Iudaeorum quoque, famam atque nomen Alexandriae sub Ptolomaeorum imperio sibi acquirantium dogmata ipsis regibus, et eruditionis principibus viris innotescerent: praecipue vero Graecanicae sectae, et inter eas praecipue Pythagorae atque Platonis scholae caput erigerent. Has tamen omnes sententiarum et sectarum cohortes religioni et placitis regni accommodare necesse erat, nisi sacerdotum collegia et genus irritabile vatum tanquam crabrones in se incitare vellent philosophiae atque theologiae in Aegypto noui conditores et interpretes. Inde vero mira diuersitas, et longe alia religionis atque doctrinae in Aegypto facies, quam antea fuit, qualem tandem, quae summa rerum philosophicarum potita est, Alexandrina Platoniorum schola, postea exhibuit, et IAMBlichvs potissimum in notissimo, de mysteriis Aegyptiorum libro exposuit. Quae de re cum suo loco ex instituto dicendum sit, plura, vbi alia agenda sunt, non cumulamur. V. Auxit vero mirum in modum hanc sententiarum atque doctrinarum diuersitatem, conditio sacerdotum, de quibus postea sermonem instituemus, quae talis fuit, ut imperio, et rationibus imperantium sese accommodaret. Hinc ut requirebat regis atque imperii ratio et vtilitas, doctrina instituta et ad populum supersticiosum, et nullo examine traditiones sacerdotum expendere ausum, auctoritatisque versipellium impostorum collum subdere assuefactum delata est. Quod eo facilius fieri potuit, quo magis non tantum a sacris libris adytisque arcebantur non initiati, sed et hieroglyphica docendi ratio quaelibet mediocri ingenio praedito exsculpendi occasionem subministrabat. Quod si quis celsiori spiritu vsus, et sacra ipsa intus inspicendi cupidus, huic consilio animum applicabat, et sacerdotibus se adiungebat, tot ille vexationibus, suppliciis, aliisque exercitationibus tristissimis, molestiaeque laboris tanta obruebatur, ut non nisi exercitatissimus, cuiusque fidei et dexteritati tuto res concedi posset initiaretur. Ita vero in arcanis mysteriis latebant omnia, quique semel admissus erat ἐπόπτης, ita religione impediatur, ut nihil de arcanis istis effutire auderet. Quae si recte cogitamus, et arcanam hanc Aegypti disciplinam attente expendimus, ancipites nos fere faciunt, an vnquam esotericae arcanaeque Aegyptiorum doctrinae innotuerint? certe inde concludendum, non nisi incertissimis coniecturis conitare omnia, quae de doctrinis Aegyptiacis ad nos peruenerunt. VI. Multum vero auxerunt has difficultates Graeci scriptores, quorum relationibus tamen pleraque debemus, quae nobis de Aegyptiorum opinionibus, atque dogma-

dogmatibus innotuerunt. Illi enim infano, quod supra iam atro carbone notauimus, consilio, res Aegyptiorum sacras atque dogmata cum domesticis suis comparantes, inepte, deos Aegyptiorum et theogoniam eorum cum suis numinibus atque fabulis permiscuerunt, leuique animaduersa similitudine v. g. Osirin cum Ioue, Typhonem cum Plutone, Amenthen cum Hade idem esse putarunt, sicque ima summis quadrata miscuerunt rotundis, vt attentus cautusque rerum Aegyptiacarum scrutator in labyrintho hoc filum, quod educat, non inueniat. VII. Attulerunt quoque multum ad hanc confusionem augendam Graeci philosophi, qui in Aegypto fuere, ibique arcanam philosophiam didicisse gloriati sunt. Illi enim cum peculiaribus systemata conderent, sectarum, quas moliebantur, capita euasuri, doctrinis suis ex Aegyptiaco nomine auctoritatem atque fidem conciliarunt: licet et exigua didicerint in Aegypto, et proprii ingenii cogitata potius Aegyptiacis commixta, auditoribus et sectatoribus propinauerint. Hospitem esse oportet in philosophia Pythagorae et scriptis Platonis, qui id ignoret: quam male vero id factum sit, tum cognoscimus, quando Orphei, Pythagorae, Thaletis, Platonis aliorumque doctrinas tot capitibus inter se dissidentes comparamus, qui tamen omnes in Aegypto sua hausisse gloriati sunt. VIII. Nec multum promittendum sibi est a recentioribus Aegyptiacae doctrinae interpretibus. Cum enim obscurissimas veterum traditiones et praecipue symbolica illa et mythologica monumenta, quae naufragium euaserunt, et ad nos peruenerunt, sequerentur, et ad momenta haecenus explicata non, prout debebant, attenderent, miras nobis exsculperunt Aegyptiacorum mysteriorum explicationes, ita inter se dissentientes, vt quantum a veritate absint, si alia non essent, vel ex his solis circumstantiis et quaesitis recentioribus *εὐρήμασι*, praesidiis constet. Quae enim non inuentio recentior tributa est Aegyptiis, quae in astronomia, chemia, reque medica singularia illis non tributa sunt, et de his in mira sententiarum diuortia discessum est? Cuius vt exemplum luculentum afferamus, ea potissimum lectori in mentem reuocamus, quae intra seculi vnus spatium de mensa Isiaca scripta atque disputata sunt*. Tandem IX. has difficultates in cognoscendis veteris Aegypti doctrinis atque placitis auget mira scriptorum de illis inopia, et imprimis desiderati testes domestici. Et Sanchuniathonem quidem physiologiam Hermeticam et Aegyptiacam theologiam scripsisse supra^k ex S V I D A obseruauimus, quam parum vero auctoritatis ei tribui queat, supra quoque vidimus. Chaeremon quoque, sacerdos Aegyptius, *Hieroglyphica*^l et *res Aegyptiacas* literis commisit; Manetho ** vero Aegyptius res sacras pariter atque profanas gentis suae diuersis libris exposuit. Asclepiaden porro in sacris Aegyptiorum exercitatissimum scripsisse *hymnos in Deos Aegyptiorum et de omnium religionum consensu* aliaque huc pertinentia, refert

*Scriptores de
philosophia
Aegyptiorum.*

i) Vid. IAMBlichVS initio operis de Misteriis Aegyptiorum.

k) Cap. VI. §. 8.

l) Vid. ERASMVVS Adag. festina lente p. m. 351.

laudat hunc Chaeremonem PORPHYRIVS περὶ ἀποχῆς L. IV. contemnit S I R A B O L. XVII. qui ignarum et ostentatorem eum vocat. Videndus de eo V O S S I V S de Hist. Graec. L. II. c. I. p. 164 seq.

fert SVIDAS¹¹⁾. Laudantur insuper veteribus Hecataeus *de Aegyptiorum philosophia*¹²⁾, et Palaephatus de eodem argumento¹³⁾, vt Horum Apollinem taceamus infra nominandum¹⁴⁾. Verum hi omnes temporis iniuria, et forte fatali bibliothecae Alexandrinae, in qua Aegyptiacae sapientiae thesauri sine dubio reconditi fuere, incendio perierunt, adeoque paucae reliquiae inter Graecos, qui hos libros adhuc viderunt, vel fragmenta habuerunt, quarendae sunt. Recentiores etsi multi sunt, qui rebus Aegypti lucem affundere, et imprimis dogmata Aegyptiaca illustrare aggressi sunt¹⁵⁾, parum tamen a plerisque praeiudici ex supra dictis rationibus sperandum est, quoniam varia praeiudicia ad hoc opus attulerunt: id quod imprimis de ATHANASIO KIRCHERO viri docti obseruarunt¹⁶⁾: multum tamen lucis attulit IOANNES MARSHAMVS¹⁷⁾, cuius tamen lapsus correxit H. WITSIVS¹⁸⁾. Alios de re literaria Aegyptiaca bene meritos¹⁹⁾ suo loco nominabimus.

* Pertinet haec mensa Isiaca inter reliquias veteris Aegypti hieroglyphicas, quas tempus miro fato nobis conseruauit. Inciderat enim in manus fabri alicuius, e quibus confringendam et conflandam eripuit Petrus Bembus, qui ab eo pretiosum Aegyptiacae sapientiae monumentum aere redemit. Ab eo Dux Mantuae Vincentius accepit, inter cuius suppellectilem, vrbe Mantua a Caesareis occupata, 1630. anno cum reliqua praeda direpta ita euauit, vt nemini de ea aliquid amplius innotesceret. Tandem ab Archiatro Ducis Sabaudiae detecta, thesauris heri antiquis illata est. Ea vero elegantissimis figuris aeri insculptis auroque distinctis superbiens luculentum exemplum exhibet sapientiae Aegyptiacae nullis eruditorum laboribus ita explicandum, vt non foecundis ingeniis materia abunde superfit, longe alia inde exsculpendi. Kircherus enim, aenigmatum hieroglyphicorum interpretationes ad res sacras et religionis referens, nescio quae mysteria sibi detexisse visus est, religioni Christianae proficua. LAURENTIVS vero PIGNORIVS, qui eruditum commentarium de ea scripsit, quem ANDREAS FRISIUS auctiorem edidit *Amstelod. 1669.* philosophiae moralis atque politicae praecepta in ea detexisse sibi visus est. Immo, quod mireris, OLAVS RYDBECKIVS* Calendarium Runicum exsculpsit, et Io. FRID. HERWARTVS**, magnetis pyxidisque nauticae naturam et admirandos

11) T. II. voc. Heraiscus p. 67. de hoc Asclepiade, qui ex secta philosophorum Alexandrinorum fuit, dicitur suo loco. Ex secta de eius scopo iudicandum. conf. PHOTIVS Cod. CCXLII.

12) Vid. VOSSIVS l. c. L. IV. c. 3. p. 438 seqq.

13) SVIDAS v. Palaephatus T. II. p. 8. VOSSIVS l. c. L. III. p. 395.

14) IAMBlichVS de mysteriis Aegyptiorum occurret suo loco, liber vero ARISTOTELI tributus de mystica Aegyptiorum philosophia, qui editioni Casaub. in fine ex versione IAC. CARPENTARII adiectus est, supposititiuus est. Conf. FABRIC. Vol. II. p. 162 seq.

15) Potiores enarrat cel. C. A. HEVMANNVS Act. philos. T. II. p. 190.

16) Vid. iudicia eruditorum ab HEVMANNO l. c. allata.

17) In Canone Chronico.

18) In Aegyptiacis.

19) In his est ven. REIMMANNVS in antiquitatibus literariis Aegyptiacis, conf. Acta phil. T. II. p. 684. ACOLUTHI vero laborem praeuertit mors, vid. HEVMANN. Poecil. T. II. L. 4. p. 546. et SICHARDI quoque. vid. Memoires de missions de la C. de I. dans le Levant. T. V. p. 204.

*) In Atlantide P. 2. c. II.

**) In admirandis ethnicae theologiae mysteriis, Monach. 1626. 4.

dos effectus vsumque in re nautica in illa mensa adumbrati, orbi literato persuadere voluit. Erudite et conquisitis speciosis argumentis et Pignorium et Rudbeckium viros doctissimos, et Kircherum eruditione atque iudicio longe superiores, argumentum excussisse non negamus, ex diuersissimis tamen de significatione hieroglyphicarum harum imaginum opinionibus sole meridiano clarius est, frustraneum esse laborem, qui in interpretandis solvendisque his aenigmatibus consumitur; cum prout quis magis est ingenio foecundus, et a cognitione veterum rerum non imparatus, eo facilius sibi struit explicationem non incommodam, sed sui potius ingenii lusibus, quam veritate nixam. Quae cum ita se antiquissimis temporibus habuerint, qui potuit fieri aliter, quam vt sacerdotes Aegyptiaci, callidissimi homines, nascentis Aegypti monumenta hieroglyphica a nemine intellecta, ita interpretarentur, vt quicquid vellent, et rationibus suis principiisue consonum esset, ex iis exsculperent, sicque doctrina Aegyptiorum, quae in his imagunculis seruari credebatur, mire variaret. Cum enim in Aegyptiaco monumento Lapponum characteres, et vltimi Septentrionis monumenta in Memphiticis non sine eruditione et quadam specie inuenerit Rudbeckius, quae quae so monstra opinionum non potuere in iis detegere homines vaferrimi, qui ad persuadendas plebi suas nugas non eruditione, sed auctoritate et characterem suo tantummodo opus habebant. Conf. quae prudenter monet MORHOFFIUS*. Ceterum si assensum merentur, quae B. FABRICIUS** non sine veri specie coniicit, imagines has hieroglyphicas referre duodecim signa Zodiaci, mensesque Aegyptiorum, res leuis et exigui argumenti occultatas mira mysteria promittere, sed coruos deludere hiantes, prodit.

** Cum Manetho vnus fuerit ex Aegyptiis sacerdotibus, quibus eruditio gentis commissa fuit, indictus plane in historia philosophica dimitti nequit, praecipue cum non semel apud veteres scriptores eius fiat mentio. Virum vero huius nominis sapientia summa praeditum apud Aegyptios floruisse testis est AELIANVS*** patria an Diospoli vel Sebennytide oriundus fuerit, suo iam tempore dubitauit SVIDAS in *Manethon*.****, quamquam in prooemio operis sui apud SYNCELLVM† se vocat, sacerdotem et notarium sacrorum penetralium per Aegyptum, genere Sebennitam, Heliopolitanum, conf. MARSHAM. †† vnde audiendus non est MENAGIUS†††, qui duos inde viros exsculpit. Vixit sub Ptolomaeo Philadelpho Aegypti rege, et Graecanicam eruditionem doctus fuisse dicitur IOSEPHO*. Cum vero et in Aegyptiaca eruditione fuerit versatissimus, et ex hierogrammate ω numero, quibus ad sacros et arcanos libros gentis aditus patuit, facile inde colligi potest, Manethonem non vltimum eruditorum fidus fuisse, et potuisse de Aegyptiorum rebus multa egregia docere. Optandum itaque esset, vt superessent libri, quos Graeca lingua *de rebus et religione Aegyptiorum* conscripsit,

*) Polyhist. lit. T. I. L. I. c. 13. §. 5. add. WAGENSEIL. Comm. de rep. Norimberg. p. 85.

**) Menolog. p. 24.

**) De animal. L. X. c. 16.

****) T. II. p. 490.

†) p. 40.

††) *Ugonarar*. Can. chr. p. 2.

†††) Ad Laert. L. I. f. 10.

*) L. I. contra Apion. p. 1039.

scripsit, inter quos, praeter tres libros *Aegyptiacorum*, quos ex sacris Hermetis columnis confecit, et de quibus Vossivs* et Marshamvs** videndi, fuere quoque *Liber sacer*, in quo de Theologia Aegyptiorum egerat, et de antiquitate et pietate, siue de priscis et religiosis Aegyptiorum ritibus commentarius, epitome quoque physica et alia, veteribus*** memorata, vnde cuncta digessit et more suo diligentissime enarrauit praestantissimus Fabricivs†. Hi enim libri si extarent, non tantum de historia Aegypti, sed etiam de Diis eorum, a quibus fabulosam gentis originem deducit, de ritibus, placitisque theologicis, melius constaret. Non diffitendum tamen, ita cum circumstantiis huius viri esse comparatum, vt difficili cautoque historiae veteris scrutatori non parum suspectus videatur. Dicitur enim Evsebio historiam suam atque theologiam eruisse ex columnis in Seriadica terra positis, quibus sacra dialecto sacrae erant notae insculptae a Thoot, primo Mercurio, post diluuium vero ex sacra lingua in Graecam notis ibidem sacris versae fuerunt, interque libros in adyta Aegyptia relatae ab Agatho daemone, altero Mercurio patre Tat, vnde ipse ait libros scriptos ab auo Mercurii Trismegisti. Videbimus vero in sequentibus, non intellecta a quoquam sacra illa signa, a primo eruditionis Aegyptiacae auctore columnis insculpta, et illa quoque in sacris adytis reposita fuisse commentaria, quibus illustrata a sequentium temporum theologis ferebantur. Erant itaque omnia illa monumenta in potestate sacerdotum, vaferrimi, quod probatum dabimus, hominum generis, et ad decipiendam plebem nati factique, qui de sacris his et venerandis monumentis ea recitabant, quae sectae suae placebant. Duplex itaque merito contra Manethonis fidem struitur argumentum. Nam incertum est, an vetustissimos illos libros et hieroglyphica signa ex mente conditorum intellexerit, quod in tanta eorum vetustate credi vix potest; et si potuit verum scire, dubium admodum est, an dicere vel scribere verum voluerit, fraudibus hierophantarum Aegyptiorum malaque fide diu iam notis. Multum vero auget hanc suspicionem, quod fragmenta, quae ex opere eius historico apud Iosephum, Evsebiu, Africanu, Syncellu obuia cum temporum et historiarum rationibus atque dynastiis Aegyptiorum, quales reliqui historici enarrant, non conueniant, id quod praestantissimi viri Scaliger, Petavius, Marshamvs, Vsserius, qui in temporum rationibus enodandis versati sunt, obseruarunt. Accedit, ipsum Manethonem fassum esse, se ἐκ τῶν ἀδεσπέτων μυθολογμένων quaedam addidisse††. Fidem itaque Manethonis dum eleuant viri iudicio praediti, nominati Fabricio l. c. p. 496. quibus addendus Vrsinus de Zoroastre ex. II. f. 4. pag. 99. praeter rem ideo notatus Olaus Borrichio de ortu et progressu Chemiae pag. 65 seq. etsi hoc ad historiam potissimum pertineat, quis quaeso apud eum in incertioribus, qualia sunt

li 2

placita

*) De histor. Graec. L. I. c. 14. p. 89.

**) loc. cit.

***) Laertio L. I. f. 10. Suidae loc. cit.

Evsebio de praep. L. II. c. 1.

†) Bibl. Graec. Vol. II. p. 494.

††) Vid. Ioseph. l. c. p. 1052.

placita primorum Aegyptiorum de religione, magnam fidem requirat? Quod si ei fidendum haud facile est, qui inter ipsos gentis sapientes magnam celebritatem consecutus est, et ad monumenta arcana aditum habuit, quid quaeso fidei illis tribuendum, qui remotiores occasione, tempore, natione a rebus Aegyptiis de alienis narrationes contexuerunt? Vnde incertitudo historiae philosophiae Aegyptiae mire illustratur et confirmatur. Verum si quae speranda esset ex Manethonis scriptis notitia rerum et doctrinarum philosophicarum, omnia illa tamen nobis temporum iniuria eripuit, nec nobis relicta alia praeter eius *apotelesmatica*, siue de viribus et effectis astrorum libri sex, editi a IACOBO GRONOVIO*.

Auctor sapientiae Aegyptiacae Theut, Hermes, siue Mercurius.

§. III. Auctor sapientiae Aegyptiorum magno veterum consensu THEUT, vel THOYT, quem Alexandrini Thoot, Phoenices Taaut nominauerunt, varia oris in vno nomine pronuntiatione. Eum Graeci vnanimi fere consensu HERMETEM, Latini dixerunt MERCVRIVM. Obscurissima vero celebratissimi huius viri magnisque difficultatibus impedita est historia. Nam et ipsa antiquissima, quo vixisse dicitur tempora situ et squalore obducta omnem nobis, quae certa est, eripuerunt notitiam, et quae ab iis ad posteritatem demanarunt traditiones adeo inter se variant, tamque lubrico innituntur fundamento, vt, quoquistuto consistat, non inueniat. Multum vero impeditiorem fecit Theuti siue Thooti historiam Graecorum ineptus mos, mythologiam suam cum peregrinarum gentium fabulis conciliandi. Cum enim ab Aegyptiis audirent, Thoytem omnis eruditionis, scripturae, artiumque reliquarum omnium inuentorem atque auctorem fuisse; eaque de Mercurio siue Hermete apud ipsos dicerentur, vnum eundemque esse virum magnum rati, totam fabularum de Mercurio congeriem ad Thoytum Aegyptiorum retulerunt. Cumque Graeci summa rerum per Alexandrum M. potirentur, et Aegyptii ad eruditionem Graecanicam se componerent, ipsum hoc praeiudicium ad Aegyptios quoque sacerdotes transiit, qui, non parum inuenisse, quod religionem suam iuuaret, si Graecorum Hermetem suae religionis et sapientiae conditori applicarent, et cum eo componerent, sibi visi, nugas Graecas suis inuentis auctas et commixtas ita amplexi sunt, vt eas totas intra sacram mythologiam receperint. Horum vero hominum, qualis Manetho fuit τῆς Ἑλληνικῆς μετεσχηκός παιδείας, vt vocatur IOSEPHO*, traditionibus pleraque debent scriptores, qui de Hermete nobis construxerunt narrationes, quae, quam fidem mereantur, ex dictis abunde liquet. Difficile itaque, immo, si dicendum, quod res est, impossibile est, Hermetis Aegyptii veram historiam ex fabulis eruere, et significationem narrationum mythologicarum certam explicare: quod qui spondent, tanto promissores hiatu nihil dignum praestant. Non detinebimus itaque lectorem fabularum de Mercurio Graecarum atque Latinarum recitatione, quas qui legere vult, apud LILIVM GYRALDV* vel NATALEM

LEM

*) Lugd. Bat. 1698. 4.

n) Contra Apion. L. I. p. 1059.

x) Hist. Deor. L. IX.

LEM COMITEM⁹ aliosque mythologiae veteris interpretes abunde inueniet, vnde sitim extinguat: sed ea potissimum eligemus, quae propius ad Aegyptiacae sapientiae historiam pertinent, et quadam probabilitate ad eam referuntur. Et initio quidem omnino notandum est, CICE-
RONEM² quinque Mercurios enumerare, quorum tres Graeci sunt, quartus, inquit, *Nilo patre natus, quem Aegypti nefas habent nominare: quintus quem colunt Pheneatae, qui Argum dicitur interemisse, ob eamque causam Aegypto praefuisse, atque Aegyptiis leges et literas tradidisse. Hunc Aegyptii Thoyth appellant, eodemque nomine anni primus mensis apud eos vocatur.* Quibus verbis antiquissimum Aegyptiorum Mercurium intelligi, a Cicerone vero cum Mercurio Arcade confundi recte notauit IOANNES MARSHAMVS^a, notabili exemplo, qua ratione Graeci et Latini peregrinas historias cum suis male comparauerint. Hunc vero Mercurium fuisse ex Deorum Cabirorum numero, Iouis filiorum, qui in oriente Cabiri dicti sunt, siue id potentes siue socios denotet, et quibus templum Memphi vetustissimum fuisse HERODOTVS^b tradit, veteres referunt. Adeo vero incerta et inter se dissonantia sunt omnia, quae viri docti de his Diis Cabiris disputant^c, vt inde lux historiae Mercurii accendi non queat. Diis tamen magnis minister tantum Mercurius fuisse dicitur, et Sanchuniathon^d, si genuina sunt, quae ei tribuuntur, scriba Saturni, vel, quod refert DIODORVS^e, Osiridis, filii Saturni. Vnde conicere est, Thoythum apud primum aliquem Aegypti regem ministerio functum, a consiliis fuisse, addit enim DIODORVS: *Osirim cum Mercurio omnia communicasse, eiusque consilio maxime usum fuisse, illumque in honore ante omnes habuisse, cum esset perspicacis ingenii in excogitandis humanae vitae commodis.* Addit porro: *Eum primum communem loquelam articulatim distinxisse, et rebus multis nomine destitutis nomen indidisse; literas inuenisse; Deorum cultus et sacrificia ordinauisse; primum astrorum ordinem vocumque harmonias et naturas obseruauisse; palaestrae inuentorem fuisse, lyrae et oleae.* Quibus verbis Diodorus quidem Graecum Mercurium cum Aegypto in quibusdam miscet: satis tamen innuit, quod ipsi Aegyptii constanti traditione asserunt, omnia inuenta esse a Mercurio: leges imprimis adiicit CICE-
RO et AELIANVS^f. Imprimis vero literarum inuentionem ei tribuunt PLATO^g et Sanchuniathon quoque, quod etsi dubitanter asserit PLINIVS^h facile tamen credi potest, si de hieroglyphicis notis, ex quibus postea literae efformatae sunt, intelligas, istis enim Mercurii primi temporibus:

Ii 3

Non

9) Mythol. L. V. c. 5. p. m. 439.

2) De nat. Deor. L. III.

a) Canon. Chronic. Sec. I. p. 35.

b) Lib. III. c. 37.

c) Videndi VOSSIVS de idololatr. L. II. c. 57.

p. 228. TOBIAS GVTHBERLETHVS de myst. Deorum Cabirorum. RELANDVS diff. de Diis

Cabiris T. I. diff. select. T. I. p. 94. quosque alios laudat FABRICIVS Bibliogr. antiquar. p. 240.

d) Apud EVSEB. praep. L. I. c. 9. e) Lib. I.

f) Hist. an. L. XIV. c. 34.

g) In Phaedro et Philebo qui tamen de literis intelligit, conf. MARSHAM. l. c. p. 37.

h) Lib. VII. c. 56.

*Nondum flumineas Memphis contexere biblos
 Nouerat, et saxis tantum volucresque feraeque
 Sculptaque seruabant magicas animalia linguas^h.*

Sicque componi atque conciliari inter se possunt, qui Assyriis literarum inuentionem tribuunt, et qui Aegyptiorum Hermetem eius auctorem faciunt. Praeterhaec multa alia de eo referunt scriptores, hic ubi certa vel verisimilia saltem sectamur, non afferenda, cum inanes certe obscurissimas et non intelligibiles Graecorum fabulas exhibeant. Haec vero incertitudo, varietas et obscuritas narrationum de Thoytho siue Hermete Aegyptiorum occasionem obtulit viris non obesae naris, omnem prorsus eis fidem detrahendi dubitandique an vnquam Mercurius Aegyptiorum extiterit? Id quod nonnullis accidit, sibi persuadentibus, Mercurium hunc non fuisse humani sanguinis, sed vel daemonem aliquem, vel occultam quandam naturae vim isto nomine denotatamⁱ. Imprimis erudite et diligenter in hoc argumento versatus est IOH. HENRICVS VRSINVS^k, qui adhibita omni industria euincere conatus est, meras fabulas redolere, quicquid vt de antiquis Aegyptiorum Diis et semideis regibusque, ita de vtroque Mercurio narratur. Expunctis enim ex albo non regum tantum, sed rerum ipsarum Diis atque semideis primorum Aegyptiaci regni temporum actum esse putat de vtroque Mercurio. Quapropter illud demonstrandum sibi sumsit: non abnuendum quidem esse, reges aliquos gentesque ante diluuium eam possedisse terram, quae multis post seculis Aegyptus appellata fuerit: quinam vero illi in Aegypto aut alibi gentium reges, quoue nomine fuerint? hoc aeterna nocte absconditum latere, nec aliam nobis superesse notitiam, quam quae in sacris commentariis traditur, Caini progeniem tyrannidem exercuisse, missisque longe lateque coloniis, vrbibusque conditis orbem occupasse. Tot ergo Deos tot semideos gentium reges ab obitu consecratos fuisse, esseque abortus humani ingenii, conceptos e semine primigeniae veritatis, scilicet ex historia primorum hominum in sacris pandectis memoratorum: nec aliunde, quam ex hoc fonte Aegyptiorum reges Deos et semideos ortos esse, et primum Pana fuisse mundi spiritum omnem vniuersi molem agitantem, cum hoc coniunctos septem planetarum praesides, hisque successisse duodecim reges, propter beneficia et artes inuentas, virtutesque Deorum choris insertos; qui non alii sint, nisi duodecim Cainiticae stirpis rami, Mosi memorati. Hanc vero idololatriam mature et ex Patrum testimonio Seruchi tempore exortam, et ad Chaldaeos atque ab his ad Aegyptios per colonias disseminatam, astrolatriam fundamentum habuisse, animabus regum optime meritorum inter sidera sede posita. Post exitum vero Israelitarum ex Aegypto in condendis fabulis certauisse Aegyptios cum Assyriis et Phoenicibus et a Psammeticho

^h) LVCAN. L. III. v. 222 seqq.

ⁱ) Conf. CONRINGIVS de Hermetica Medicina c. VII. qui tamen concedit, in vtramque

partem de hac re disputari posse.

^k) De Zoroastre, Mercurio et Sanchuniath. Exerc. II. Sect. 2. p. 80 seqq.

meticho natas vel renatas fabulas, regnantibus postea Ptolomaeis, ut deformes pupas fingi, pingi et poliri coepisse, hincque nouas quotidie et sibi inuicem contrarias explicationes genitas fuisse. Initium igitur harum fabularum ponendum esse in tempora regis Menis, cui primus Aegypti legislator Mneuis videatur suppar; qui Menes rudes et brutos Aegyptios ad humanam cultus victusque rationem traduxisse legitur: medium collocandum esse, in tempora Psammetichi, quibus sacerdotes in poliendo fabularum opere curam posuerunt, ex occasione suscepti cum aliis gentibus, Graecis praecipue, de antiquitate certaminis; finem fuisse sub Ptolomaeo Philadelpho et successoribus, quo tempore studium fabulas has pigmentis ornandi maxime feruebat: hasque fabulas iusto irae diuinæ et excoecationis iudicio fidem, ab aliis gentibus risu exagitatam, apud Aegyptios inuenisse. Haftenus vir eleganter doctus, cuius rationes, ex libro rarius obuius ideo adducendae erant, quod non leue eruditus viris pondus habere visae sunt. Nec negari potest, non docte tantum, sed et probabiliter disputari haec omnia; nec magnopere vrgebimus, paulisper sibi acutissimum virum contradicere, quod virtutis et meritorum causa inter Deos relatos primos Aegypti reges statuit, quos ex pessima Caini progenie tyrannidem propagante deriuauit. Sed concedemus vtraque, quod aiunt manu, Deos istos et semideos genuisse superstitionem, nec alios fuisse, nisi primos reges principesque de populo bruto et rudi bene meritos. Nec ea quoque praeferre inficiabimur, quae de ornatis a sacerdotibus his fabulis earumque aetate dicuntur, etsi fundamentum praeter coniecturas aliquas non habeant: Consequitur tamen inde, historiam fabulosam Aegypti, veram historiam supponere, nec esse istos Deos et semideos mera ingenii ineptientis, quod tamen vir clarissimus contendit, somnia, sed reges et principes, ex more seculi diuinitate donatos, licet incertum prorsus sit, an duodecim Caini posteros indicent, quippe qui non in solum Aegyptum, quod hic frustra supponitur, sed in omnem fere terram habitabilem discesserunt. Quod si vero homines magni et potentes fuerunt, quae ratio eos forte inter Deos Cabiros retulit, cur non paria dici queant de Mercurio? et cur non statuere nobis liceat: fuisse Mercurium, siue Thoythum magni ingenii hominem, cellissimo cuidam et antiquissimo terrarum Aegypti regi ad consilia adhibitum, qui et artes atque inuenta ad regnum colendum, terras emendandas, societatemque tuendam excogitauit, vitamque vtilem et commodam docuit; et primas quoque ingenii notas, in sculptis more vetustissimo imaginibus in faxa et columnas inuenit? Eumque ob maxima in eam gentem merita inter semideos relatum, accedente sacerdotum ingenio ad Graecam eruditionem (ut in Manethone obseruauimus) se accommodante mythologica veste, ut ita loquamur, amictum, tandem confusis Graecorum et Aegyptiorum traditionibus hanc, quam habemus, de Mercurio traditionem peperisse? Nihil enim in hac opinione est, quod non ipso Vrsini fundamento nitatur, et rationem rerum antiquissimarum non inter Aegyptios tantum, sed et omnes

veteres

veteres gentes obseruatam supponat adeoque fidem mereatur^l. Et ita necesse non est, negare, quod vnquam talis apud Aegyptios vir fuerit, quod contra totius Aegypti atque Graeciae et Latii fidem pertinacius contendere, omnem veterum rerum fidem euertere, et vniuersalem historiae pyrrhonismum inducere est. Ex his vero altera, quae de Mercurio inter eruditos viget, opinio diiudicari potest, quae alium longe hominem quam Aegyptium sub isto nomine latere putat, et vel ad Adamum, vel, quod KIRCHERO placuit^m ad Henochum, vel ad Iosephum Aegypti proregemⁿ, vel ad Canaanum quoque quod Io. CHR. KRIGSMANNVS^o et magnus BOCHARTVS^p iudicarunt, Mercurium refert; qui cum praeter leues quasdam coniecturas nihil quod opinionem magnopere iuuat, adducant, quaedam vero sint, quae si hos homines putes fuisse Mercurium, cum traditione veterum de Mercurio componi nequeant, audiendi non sunt. Maiori vero verisimilitudine Mercurium in Mosis historia quaesierunt viri docti, et inter hos, qui hypothese suae ita quam maxime inseruiuit, illustris PETRVS DANIEL HUETIVS^q, cuius rationes ita ornauit celeberrimus C. AVG. HEVMANNVS^r, vt summa probabilitate hanc sententiam se commendare, non dubitet, licet largiatur, Huetii deductionem solidam non esse. Supponit vero vir eruditissimus tanquam indubitatum: miracula a Mose Israëlitae ex Aegypto educente patrata, magnam ei famam conciliaffe; ipsique opinionem apud Aegyptios comparauisse viri diuini. Hincque infert: si Moses et Mercurius omnium celeberrimi in Aegypto viri fuerint, et de hoc narrata illi ita conueniant, vt non alteri conuenire queant; ea vero quae Mercurio tribuuntur, de Mose Aegyptiis necessario innotuerint, nec latere potuerint, magno inde verisimilitudinis gradu concludi posse, sub Hermetis larua magnum prophetam Mosen latere. Narrari vero de Mercurio: literas inuenisse, Nilum habuisse parentem, gessisse virgam, praestigiatoresque fuisse. Mosen vero esse inuentorem literarum, artisque scriptoriae, nec esse librum antiquiorem Pentateucho Mosis; Mosen porro ex Nilo extractum a regis filia educatum, virga magna miracula patrauisse. Haec cum Aegyptiis nota fuerint, dubitari non posse, quod et Artapanus apud EVSEBIUM^s asseruit, Mercurium quoque non alium esse nisi Mosen. Erudite prorsus, nec sine ingenio haec dici, non negamus, nondum tamen, quantum nos quidem iudicamus, ad eam sententiam suo verisimilitudinis gradu ponendam sufficiunt. Concedi enim potest, miracula Mosis famam apud Aegyptios meruisse, nec negari debet, praestigiatores forte eum habi-

tum,

l) Putabant scilicet, bonos daemones in magnis viris habitare, hincque eos post fata Deos fieri credebant. Id quod de Osiride et Iside PLUTARCHVS disserre tradit. Ait enim: ὁ μὲν γὰρ Ὀσίρις καὶ ἡ Ἴσις ἐκ δαιμόνων ἀγαθῶν εἰς Θεοὺς μετέλλαξαν. Isis et Osiris ex bonis genijs in Deos transiuerunt. Hanc enim opinionem vniuersus fere mundus vetus tenuit.

m) Oedip. Aegyptiaco p. 67. 79. 114.

n) TH. GALE in philos. gen. p. 15 seq. SCIR. SGAMBATVS Archiu. V. T. p. 205.

o) Coniectan. de Germanicae gentis origine ac conditore Hermete Trismegisto.

p) Georg. S. P. I. L. I. c. 2.

q) Demonstrat. euang. Pr. IV. c. 4. p. 73 seq.

r) Acta philosoph. T. II. p. 687 seqq.

s) De praep. euang. L. IX. c. 27.

tum, non videmus tamen, cur non ea quoque, quae pro conuenientia Mosis cum Hermete adducuntur, in allo quoque viro, apud Aegyptios celebri, euenire potuerint. Nam cur non ad Nili oras alius genitus fuerit? cur non virgam gesserit alter? cur non praestigiatores egerit, quorum terram Aegypti plenam fuisse ex ipsa Mosis historia colligitur? Sed nec in iis, quae in applicatione argumenti afferuntur, certiora deprehendimus. Non disputabimus iam, quam verum sit: artem scribendi ante Mosis tempora non excogitatam fuisse, illumque primum omnium characteres literarum inuenisse, primumque librum scripsisse: haec enim in historia literaria excuti debent, et hic aliena sunt, et nisi fallimur, vel sola Sinensium historia teste refutantur, quae ut supra Mosis aetatem assurgit, ita characteres Fohianos multo antiquiores esse memorat. Illud vnum in praesentia monemus, frustra haec a viro longe doctissimo afferri, cum non de inuentione literarum artisque scribendi, sed de hieroglyphicarum imaginum sermo sit: hanc vero sacram pingendi rationem, quam Thoytho Aegyptii tribuunt, a Mose inuentam et introductam fuisse, qua, quae so, verisimilitudine probabitur? Nihil huius rei in scriptis viri diuini, nihil in Aegyptiorum commentariis, qui istius scribendi modi aetatem inundationes Aegypti antecessisse, adeoque Mosaicis temporibus longe superiorem et vetustiore fuisse tradunt. Nilo vero patre natum Mercurium pro Mose habere non licet. C I C E R O enim hunc diserte distinguit a Thoyto, de quo sermo est, aitque Aegyptios nefas habere eum nominare; unde ineffabile hoc nomen nesciri fatetur M A R S H A M V S *, nisi sit Siphos, quem alterum Mercurium dici postea monebimus. Ille vero non filius Nili fuisse, sed Nilus rex Thebanorum ei successisse traditur: unde frustra quoque inde argumentum petitur. Nec multum nos morari debet vel caduceus Mercurii, vel aliae fabulae de Mercurio circumstantiae, quas cum Mosaicis conuenire putat Huetius. Supra enim vidimus, frustra eas et inepte ex mythologia Graeca desumptas et Aegyptiis semideis applicatas fuisse, ex quo literaturae Graecae studiosi facti Aegyptii regibus ex Graecia oriundis moribus atque placitis se accommodauerunt. Tandem praestigiae siue artes magicae, quae Hermeti tribuuntur, non nisi velo mythologico nobis obductae narrantur, quo remoto cum longe alia lateant, non tam leges naturae, quam captum vulgi superantia, male ea cum miraculis diuinis per Mosen perpetratis comparantur. Verum omne huius opinionis fundamentum euertit Stephanus protomartyr, qui diserte Mosen in omni sapientia Aegyptiorum eruditum fuisse tradit **. Cum itaque sapientia Aegyptiaca Mercurium vtrumque, vnum inuentorem, alterum restauratorem, habuerit, in ea vero Moses eruditus praeceptores nactus sit, necessario ea cum inuentore et restauratore suo longe antiquior Mose reputanda est. Quare nulli dubitamus, opinio-

ni

†) Loco supra laudato.

**) Canon. chron. p. 37.

*) Recte hoc iam monuit TH. BURNETIUS
Archaeol. philosoph. L. I. c. 8. p. 382.

ni huic, quae olim nobis quoque placuit^g, paulo plenius examinatis rei circumstantiis nuntium mittere.

*Mercurius al-
ter.*

§. IV. Praeter hunc Hermetem siue Mercurium, quem primum nominant, ALTER quoque non minoribus beneficiis Aegyptum sibi deuinciens celebratur. Hunc enim Manetho^z diserte distinguit a primo, scribens ad Ptolomaeum Philadelphum *περὶ τῆς ἑρμηνείας τῶν ὑπὸ τοῦ δευτέρου Ἑρμῶν βιβλίων. de interpretatione librorum Mercurii secundi*; eumque facit filium Agathodaemonis; in laterculo tamen regum Aegypti^a vocatur trigessimus quintus rex Siphsoas, qui et Mercurius dictus est, filius Vulcani: quod forte vtrumque vel adulationem, vel mutandi in Deos bene meritos homines studium, caussam habet. Non minori vero gradu de bonis literis, artibusque omnibus meruisse, quam primum Mercurium, Manetho porro tradit. *Ex stelis inquit, in terra Seriadica positis* (Syringas subterraneas AMMIANO MARCELLINO^b memoratas intellexisse Manethonem VALESIVS^c et MARSHAMVS^d non inepte putant) *sacra dialecto et hierographis literis a Thoth Mercurio primo exaratis secundus Mercurius Agathodaemonis filius, Tati pater, ex sacra illa lingua transtulit literis hieroglyphicis in libros, quos in adytis templorum Aegyptiorum reposuit.* Et ad hunc potissimum Mercurium artes, geometria, arithmetica, theologia, et quicquid ingenium apud Aegyptios ornauit, relata sunt: qui cum ita pristinam eruditionem restituerit, vel emendauerit potius atque adauxerit, TRISMEGISTVS^e vocatus est. Hunc Mercurium Mose paulo iuniorem EVSEBIVS^f constituit, quod tamen cum iis, quae in actis apostolorum de sapientia Aegyptiorum Mosis tempore adulta iam et inter regias disciplinas relata dicuntur, conciliari non potest, et omnino vetustior fuisse statuendus est, si vera sunt, quae de restitutis literis et eruditione a Mercurio hoc secundo reuocata et ex antiquis monumentis eruta Aegyptii referunt. Neque enim secundum hunc Hermetem cum primo inter fabulas cum VRSINO^g referendum putamus, modo tempora resque recte concilientur, facile et non sine verisimilitudine inter se cohaerentes. Vero scilicet simillimum est, in primis illis et antiquissimis temporibus hominem fuisse magni ingenii, qui prima artium ad vitae necessitatem et commoditatem necessariarum rudimenta excogitauit, et imprimis cogitationes imaginibus et symbolis, (quae vetustissima scribendi et sensa animi prodendi ratio hodiernum apud Sinas a primis illis seculis

^g) In Hist. philos. Germ. opere T. I. p. 167.

^z) Apud SYNCCELL. p. 40.

^a) Ib. p. 124. conf. MARSHAM. Can. chron. p. 240.

^b) Lib. XXII. c. vlt. Sunt Syringes subterranei quidam et fluxuosi recessus, quos, ut fertur, peritum vetustorum, aduentare diluuium praescii, metuentesque ne ceremoniarum oblitteraretur memoria, penitus operosis digestos fodinis per loca diuersa struxerunt, et excisis parietibus voluorum ferarumque multa genera sculperunt, et animalium species innumeras, quas hieroglyphicas literas ap-

pellarunt. Studio vero istos recessus effossos esse figmentum est sacerdotum, ad faciendam fidem rebus suis, et probabile, terrae motibus atque cataclysmis ista monumenta defuisse.

^c) Ad h. l. p. 232.

^d) Can. chron. p. 39. conf. WITSIVS Aegyptiac. L. II. c. 5. §. 4. p. 92.

^e) SYNCCELLVS l. c.

^f) Apud MARSHAM l. c. p. 241. Ita etiam AVEVS TINVS de Ciu. Dei L. XVII. c. 37.

^g) Loco supra laudato.

culis viget) in parietibus, columnis faxisque, cum Aegyptus papyri siue bibli adhibendi rationem nondum teneret, descripsit, cuius rationes satis probabiles in antecedentibus attulimus. Cum vero inundationes atque eluuiiones aquarum, quas accidisse Manetho refert, terrae motus, bella item et irruptiones vicinorum vetustissimos Aegyptios in dissitas terras, ipsamque, vti videtur, Indiam dissiparent, et monumenta ista, signis symbolisque legum, morum artiumque praeceptorum superbientia euerterent, ruinisque cumularent, tota prisca Aegyptiorum sapientia fere obliuione sepulta fuit. Elusmodi enim calamitates veteri Aegypto obtigisse, Manetho atque HERODOTVS ^a testes sunt, et imprimis notandum, quod prior refert, sub Bocho rege hiatum ad Bubastin contigisse, indeque multos periiisse: rupto quoque Nili aggere pleraque diluuiio obruta fuisse; inde enim, qua ratione veteres illae stelae et lapidea monumenta terra subruta et recondita sint, intelligere est. Successit postea Aegypto alius populus alii-que coloni, qui cum peregrinis moribus etiam peregrina placita atque religionem Aegypto intulerunt. Inter hos cum ingenio et calliditate emineret vir quidam genere et dignitate atque auctoritate conspicuus, qui desertas scientias non sine detrimento reipublicae manere posse intelligebat, is animum applicuit ad introducendas inter nouos colonos artes et scientias, quas vel ipse inuenerat, vel aliunde didicerat. Cum vero Aegyptiorum priscam eruditionem Thoytho siue Mercurio adscribi fama esset, vt auctoritatem rebus a se inuentis et introducendis adderet, eas ad illum retulit: et cum ex ruderibus protraherentur et e terra passim effoderentur monumenta ignotis tum characteribus et imaginibus nescio quam sapientiam promittentia, qualia Thoythum erexisse ab antiquissimo tempore fama fuerat; in rem suam ea ita conuertit nouus Aegyptiacae eruditionis restaurator, seque inuenta, praecepta, leges, et quaeque alia tradebat apud populum ex columnis his Mercurialibus desumfisse, iactabat, sicque veterem eruditionem se restituisse gloriabatur; id quod eo facilius fieri potuit, quo magis nemo erat, qui ignotas imagines intelligebat, quoque maior primi Mercurii fama apud omnes increbuerat. Et ex his columnis placitorum suorum summam haustam esse, ita populo persuasit, vt monumentorum istorum reliquias sacrosanctas habendas in templis reponeret, et libros conficeret, ex istis, prout iactabat, Hermeticis stelis compositos, quos ideo Hermeticos appellatos esse constat, in quibus ea tradidit, quae scopo eius, rebusque, quibus isto consilio inseruiebat, conueniebant, et rationibus regni expediebant. Quae cum ita instituisset, mirum non est, populum et antiquitatis admiratione captum et nouo beneficio delinitum atque deuinctum, hunc alterum Hermetem vocauisse, Trismegisti nomine appellauisse, et de restituta veteri Aegyptiaca eruditione sibi gratulatum esse. Neque in hoc vno callidissimi viri consilium atque prudentia enituisse putanda sunt, sed instituit quoque, ad vin-

Kk 2

ciendos

^a) Lib. II, c. 82. conf. quae congeffit M A R T I A N. l. c. p. 45.

ciendos religione, quae plus apud populos valet, quam vis et imperium, animos, et formanda eorum ingenia, ut ita imperio se subderent et seruituti assuescerent, prout e re imperii et imperantis futurum esset, sacerdotum collegia, quibus sacra illa monumenta commendauit, librosque in templorum adytis conseruatos et repositos interpretandos commisit, qui ut ingenio et arte atque calliditate pollebant, ita instituto hoc summis reipublicae viris ipsique regi inferuire poterant. Nihil in hac tota Hermeticorum institutionum explicatione, quam calculo suo probat, et eleganter exponit celeberrimus MOSHEMIVSⁱ, est, quod non partim historiae fide et veterum traditione, partim coniecturis non friuolis, sed rerum apertissimis circumstantiis munitis nitatur, adeoque magnam secum habeat verisimilitudinem. Nec dubitabunt quicquam, qui historiam religionum artiumque inuentarum, magnorumque virorum, qui earum primi auctores fuerunt, norunt; namprehenduntur similia non in Aegypto tantum, sed et in toto Oriente, atque Occidente; ubi eadem fabula mutatis ex re circumstantiis saepissime acta est. Et his melius est acquiescere, quam fabularum ad augendam speciem et famam atque auctoritatem excogitatarum rationes frigidas et non cohaerentes operose et sine veri specie corradere.

Libri Hermetici.

§. V. Haec de Hermete utroque, altero Aegyptiacae sapientiae atque eruditionis conditore, altero restauratore historia, multos libros peperit, et apud veteres et apud recentiores magnam celebritatem et auctoritatem consecutos. Diximus enim in antecedentibus, columnas Hermeticas e terra in Aegypto passim erutas in sacrariis templorum consilio Hermetis secundi repositas fuisse, tanquam ἀρχέτυπα sapientiae Hermeticae. Vnde constat, hanc scribendi rationem et animi cogitata atque sapientiae praecepta tradendi morem esse antiquissimum^k, et inter Aegyptios, immo alias quoque nationes, uti Sinensium exemplo liquet, longe vetustiore modo scribendi per literas, quas figuras illas arcanas peperisse verisimile est. Eruta vero haec monumenta et a sacerdotibus Aegyptiis tanquam oracula custodita, et pro fontibus omnis sapientiae habita fuisse^l, inde patet, quia Graeci philosophi, qui ad Aegyptios sapientiae discendae causa profecti sunt, profecisse ex iis dicuntur, id quod de Pythagora et Platone affirmat IAMBlichVS^m, et de Democrito, furti ideo aeque ac Plato; accusato CLEMENS ALEXANDRINVSⁿ. In quo ambitionem fastumque sacerdotum Aegyptiorum, veteribus saepius notatum iure animaduertas, qui etsi satis norant, nec se istas imagines intelligere, et precariis tantummodo interpretationibus venditare, nec alienigenas ad earum intelligentiam acquirendam adspirare posse, cum tamen Graeciae philosophos magis a sapientiae fama inclarescere viderent, de furtis ex stelis Hermeticis impudenter conquesti sunt. Ex his porro stelis Mercurius secundus magnum librorum numerum conscripsisse dicitur.

i) Ad CUDWORTHII syst. int. c. IV. c. 18. p. 377 seqq.

k) Conf. HVEIIVS l. c. HOLSTEN. ad vitam Pythag. p. 67. quosque nominat FABRICIVS Bibl. Graec. Vol. I. p. 73.

l) Consulendi ex veteribus, quos laudat TH.

GALE ad IAMBlichVM de myster. Aegypt. p. 185.

m) Conf. VESINVS l. c. p. 80 seq.

n) Stromat. L. I. p. 393.

dicatur. Refert enim IAMBlichVS: Principia vniuersalia Mercurium tradidisse duabus voluminum siue librorum myriadibus, vel vt Manetho, librorum sex chiliadibus quingentis et viginti quinque supra tres myriadas. Iamblichi incredibilem hunc numerum librorum trabale mendacium esse, VRSINVS^o contendit, sed immerito, nam Seleucum et Manethonem auctores allegat, et alii quoque scriptores succinunt. Ita enim IULIVS FIRMICVS^p: Mercurius Aegyptius conscripserat viginti millia voluminum de variis substantiis et principiis et potestatum ordinibus coelestium, quae aliae atque aliae traditae fuerant, in quibus astrologia et theologia Aegyptiorum explicabantur, quas artes docuerat Aesculapium et Anubium. Quicquid tamen statuendum est de auctore tanti numeri librorum, incredibilem esse quilibet videt. Vnde medicinam testimonio veterum quaesiuere multi, quos laudant diligentissimi viri THOMAS GALE^r et IO. ALB. FABRICIVS^r: quorum vterque mauult causam reuocare in numerorum figuram, errore corruptam, quam cum Genebrardo atque HORNIO^r intelligere papyri folia, vel cum BOCHARTO^r σοιχς siue versus. Nec putet quis, quod Galeo placuit, breuiore tantum λόγος fuisse, quales sunt, qui hodiernum de Hermete circumferuntur, eumque imitantur: cum libri illi integras tractationes de rebus philosophicis comprehendisse dicantur, quae nec σοιχοις nec λόγοις comprehendi solent. Sed ex ipsa relatione Iamblichi atque Firmici petenda est ratio. Nam περί ὧν, quod affirmat Iamblichus, id est de vniuersalibus principiis, quae prima causa sit, vtrum intellectus, an aliquid supra, an cum alio vel aliis, vtrum corporea ac incorporea sit, etc. de variis substantiis, vt ait Firmicus, et principiis potestatum ordinibus coelestium non isto praeo tempore in Aegypto disputatum est, sed recentiori aeuo, postquam sub Graecorum imperio Graecanica, imprimis Pythagorae et Platonis philosophia, curiose de his differens inualuit. Vnde ex ipso argumento horum librorum manifestum est, non potuisse intelligi libros ab ipso Mercurio conscriptos, sed illi, vt nomen et auctoritatem consequerentur, suppositos, praefixo Hermetis nomine, vt Christi quoque et Apostolorum nomen libris apocryphis praefixere haeretici. Quod quae ratione euenerit, ipse IAMBlichVS narrat: Ita enim librum de mysteriis Aegyptiorum auspicatur: Deus eloquentiae praeses Mercurius olim recte existimatus est sacerdotibus omnibus esse communis, quique ad veram de diis scientiam praeit, unus idemque est in vniuersis. Quare et nostri maiores suae sapientiae inuenta illi dedicabant, omnia propria commentaria Mercurii nomine inscribentes. Prodit hic imposturam Iamblichus, qui non negat, ambitionem fraudemque sacerdotum Hermeti libros suos adscripsisse: vnde, ex qua officina libri mille de Diis coelestibus, centum de Diis empyriis, totidemque de Diis aetha-

Kk 3

riis,

o) l. c. p. 119.

p) Lib. II. Mathes. conf. FABRIC. Bibl. Graec. Vol. I. p. 76.

q) Ad IAMBlich. de myst. Aegypt. Sect. VIII. c. 1. p. 293.

r) l. c. s) Hist. phil. L. I. c. 6.

t) Geogr. S. P. II. L. I. c. 15. apud FABRIC. l. c.

riis, quorum alibi meminit ^a, prodierint, facile coniici potest. Nec credibile, ante iactatam Hermeticam philosophiam a Platoniciis in Aegypto et Asia versantibus, tantum Hermeticorum librorum numerum proditum fuisse; plerosque enim libros, quos laudant sub Mercurii nomine veteres, vel qui hodie quoque supersunt, aperte istam scholam sapere, Alexandrinae Platoniorum sectae vel mediocriter gnarus sentiet. Nec magnopere iuuat, quod, obiectionem praeuidens respondet IAMBlichVS ^x, *scripta, quae sub Mercurii nomine circumferuntur, continere quidem Mercurii opiniones, licet lingua saepe utantur Graecorum philosophorum, a viris enim philosophiae peritis translata esse ex lingua Aegyptiaca*; nam de solis vocibus atque phrasibus sermo non est, sed de doctrinis in scholis Graecorum philosophorum et quidem serius, enatis, quales sunt, quas Iamblichus in hac sectione prolixè refert, quae adeo a genio et indole philosophiae barbaricae differunt, ut non nisi credulis imponere queant. Nam si vera sunt, quae veteres et ipse Manetho de libris vetustissimis Mercurii tradunt, fuerunt illi γενικοί, qua voce eos hic appellat ^y, quemadmodum stelas primi Mercurii Deorum itemmata continuisse auctor est MARTIANVS CAPELLA ^z. Vtrumque forte, si coniecturas sequi licet, recte; nam vetustissimam barbarorum theologiam in generationibus Deorum siue Θεογονίας mythologicis quam maxime occupatam fuisse, ex omnium fere populorum priscorum religionis historia manifestum est. Hanc theologiam symbolis ἀρρητοῖς καὶ ἀδήλοις adumbratam cum sacerdotes non intelligerent, quilibet iis, prout symbola et imagines istae facillime patiebantur, talem significationem subiiciebat, qualis illi placuit; hincque tot libri Hermetici, tot explicationes diuersae, tot φιλοσοφούμενα ab indole prisca aeui admodum abhorrentia, praecipue ex eo tempore, quo Graeci in Aegypto philosophati sunt, et Aegyptii se ad ingenium Graecorum ab elegantia disciplinarum commendatum composuerunt, quod a Psammetichi temporibus demum accidisse Herodotus testatur. Vidit hoc EVSEBIUS, qui notabili sententia monet ^a: sacerdotes, qui insecuti sunt, τὰς περὶ Θεῶν μύθους ἐπὶ ἀλληγορίας καὶ φυσικὰς διηγήσεις τε καὶ θεωρίας ἀνάγessουσαι, ea quae de Diis ficta sunt, ad allegorias et explicationes atque speculationes naturales traduxisse. Facile itaque, quid de his libris Hermeticis, quos vel veteres memorant, vel recentiores ei tribuunt, hodieque ex impostorum officina circumferuntur, statuendum sit, iudicare licet, quos prolixius recensere eo facilius supersedere possumus, quo magis enituit in iis copiose et accurate enarrandis πολυμαθεστάτῃ FABRICII diligentia ^b, ad quem merito lectorem remittimus. Ibi enim de Poemandro, siue sermone de natura rerum et creatione mundi, quem a Poemandro edoctum se Hermes refert; de Asclepio, et Iatromathematicis, quaeque alia hodie Hermetis nomen prae se ferunt, et edita sunt ^c, multa doctissime cumulantur.

^a) Sect. VIII. c. 2.

^x) l. c. c. 4. p. 160.

^y) Apud SYNCELLVM l. c. p. 40.

^z) Lib. II. conf. MARSHAM. l. c. p. 243.

^a) De praepar. L. I. c. 9.

^b) Bibl. Graec. L. I. c. 7. 8. 9. Vol. I. p. 46 seqq.

^c) Editionem post alios debemus FRANC. PATRICIO in noua de vniuersis philosophia Ferr. et Ven. 1591. fol. Lond. 1628.

tur. His omnibus aperta suppositionis fraudisque a Platoniceis et pseudo-christianis admissae vestigia inesse, iam obseruauit ISAACVS CASAVBONVS^d, quem ideo temeritatis accusat RAD. CUDWORTHVS^e, qui putat, non idem de Asclepio iudicium fieri posse, quam de Poemandro; certissimeque immixta esse his libris quaedam, veterem Aegyptiorum sententiam referentia, quosdam ex iis veram Aegyptiorum doctrinam referre: cum alioquin omnes statim sprete et abiecti fuissent, nec ullam fidem auctoritatemque nacti essent, nisi Hermetica sacerdotibus Aegyptiorum satis cognita continuissent. Qua in opinione Cudworthi illud quidem admitti facile potest, veteratorem, qui hos libros confarcinauit, et Hermeti supposuit, aliqua immiscuisse, quae ab Aegyptiis Hermeti tribui solebant, vt ita famam nugis suis fidemque conciliaret^f: hoc vero probandum prius est, antequam pro his libris inde argumentum neçtitur, Aegyptios his libris aliquid fidei detulisse, eosque pro Hermeticis recepisse. Recte enim notauit MOSHEMIVS^g vir summus, hoc quidem a Platoniceis et haereticis, non parum praesidii rebus suis in eiusmodi libris quaerentibus, factum esse, ab Aegyptiis vero illis tantum auctoritatis tributum esse, id Cudwortho et sequacibus esse probandum. Addimus nos his: fieri potuisse, vt hi libri, vel qui huius commatis olim fuerunt obtrusi, in Aegypto eo tempore, quo Iamblichus scribebat, aliquam habuerint fidem: verum eo tempore Aegyptiaca philosophia tota a pristino habitu et constitutione sua defecit, et a philosophis, orientalia, Aegyptiaca et Platonica dogmata foedo syncretismo more suo miscentibus vehementer fuit corrupta^h. Ex quorum hominum in supponendis magnis aevi prisce viris libris studiosissimorum et ingeniosissimorum officinis eiusmodi foetus adulterinos prorepsisse, longe est verisimillimum: praecipue vbi Christiani incautius in haec retia incidentes ab iis decipi se passi sunt.

§. VI. Continuisse haec Hermetica scripta ea inuenta, quibus humanum genus, et praecipue gentem Aegyptiacam locupletauit Hermes Trismegistus, patroni eorum gloriantur. Quos si audimus, alter hic Mercurius omnes vere artes partim reparauit, partim inuenit. Tribuitur enim ei inuentio literarum, non hieroglyphicarum, quod inepte ei tribuit KIRCHERVSⁱ, primum Mercurium cum secundo confundens, sed grammaticarum, vnde et grammaticae quoque originem ei tribuit PLATO^k. His addunt, pleraque inuenta mathematica, arithmetica et numeros, geometriam, pondera et mensuras, horarum et mensium et zodiaci distributionem, reliquamque astronomiam et astrologiam, musicamque et medicinam: vt lyram, talos, palaestram taceamus, quae ad nostram tractationem non referuntur^l. Pleraque haec tradit PLATO ita sine dubio in Aegypto eruditus, vbi cuncta

Inuenta Hermetis.

d) Exerc. Anti-Baron. Ex. I. diatr. X. p. m. 51 sqq.

e) Syst. intell. c. IV. §. 18. p. 375.

f) Concedunt hoc dicti viri CONRINGIVS de Hermet. Med. c. IV. MOSHEMIVS ad l. c. Cudworth.

FABRICIVS l. c. p. 38.

g) l. c.

h) Conferendus omnino CONRINGIVS l. c.

qui haecenus dicta mire illustrat, quemque frustra in hac causa BORRICHIVS oppugnauit.

i) Oedip. Aegypt. T. III. p. 47.

k) In Philebo.

l) Loca veterum laudauit FABRICIVS Bibl. Graec. Vol. I. p. 80 seqq.

ista artis initia ad Hermetem relata fuisse, supra vidimus. Nihil tamen in hac quoque re certi statui potest, cum omnia meras coniecturas redoleant: quae si audiendae sunt, non aliter characterum literarum auctor Mercurius fuisse videtur, nisi quatenus eorum usum inter Aegyptios haecenus ignoratum introduxit^m; unde tamen male ad grammaticam artem concluditur. Geometriam vero non Mercurium secundum, sed eius antecessorem, Moerim, inuenisse, effossi stagni et pyramidum altissimarum excitatarum gloria celebrem, testis est **DIOGENES LAERTIVS**ⁿ, ut taceamus **PLATONEM**^o asserere, Aegyptios non literarum tantum inuentionem, sed et numerorum, et numeri computationum, et geometriae et astronomiae inuentionem, talorumque et alearum ludos tribuere prisco cuidam Deo, siue daemone, id est, more loquendi Aegyptiaco, magno viro a daemone afflato vel inhabitato, cui nomen fuit Theut; hunc Aegypti regem Thamum, qui Thebis Aegyptiacis habitabat, accessisse, et inuentiones aperuisse. Theut vero cum primo Mercurio conuenire, non cum secundo, supra obseruatum est. Qui cum hieroglyphicas figuras, non grammaticas literas inuenisse dicatur, patet inde, quam dissona et contradicens sibi Aegyptiorum de inuentione artium traditio sit. Medicinam quidem ab Hermete inuentam, et discipulo Aesculapio traditam fuisse, Aegyptii iactauerunt^p, illud vero ad Mercurium primum retulerunt, cuius tamen inuenta periisse non negant. Qui vero pro hoc asserto, praeter exempla etiam libri afferuntur, Hermetem auctorem prae se ferentes, Galeni iam aetate suspecti fuere, et merito a **CONRINGIO**^q et **DANIELE CLERICO**^r reiecti, qui merentur, contra strepitus Borrichianos audiri. Illud sane certum est, valde traditiones de inuentione medicinae apud Aegyptios dissidere: Alii enim non Hermeti, sed Api Aegyptio indigenae, priusquam veniret Io in Aegyptum, inuentionem tribuunt, et Isidem quoque apud **DIODORVM**^s medicamentorum multorum inuentricem praedicant, qui honor et Horo contigit^t. Et illud quidem facile largiri possumus, eas artes a primo Mercurio inuentas, a secundo restitutas esse, quas necessitas dictauit, regionis situs promouit, utilitas commendauit, quales fuisse geometriam, architecturam vulgarem, numerosque, postea dicemus; sed ut gloriam a Graecis suae genti vindicatam, sibi iactantius asseruerunt Aegyptii, hominum vanissima natio; ita tum has literas Mercurio suo tribuerunt, prorsus eos ineptiisse, nec audiendos esse, ex dictis satis constat, et in sequentibus prolixius demonstrabitur.

Doctores eruditionis et sapientiae in Aegypto.

§. VII. Ab his auctoribus atque conditoribus sapientiae Aegyptiacae, omnis eruditio ad posteros propaganda tradita est hominibus, qui sacerdotes atque prophetae vocati sunt, interdum etiam hierophantae. Quorum insti-

^m) Eo enim tendit narratio **PLATONIS** in **Phaedro** p. m. 315.

ⁿ) Lib. VIII. f. II. conf. **MENAGIVS** ad **Laertium** Lib. I. f. 10.

^o) **PLINIVS** L. VII. c. 56.

^q) l. c. c. IV seq. p. 31 seqq.

^r) *Histoire des la Medecine* P. I. L. I. ch. 5. p. 9 seq.

^s) Apud **CLEMENT. ALEXANDRIN** **Strom.** L. I. p. 307.

^t) Lib. I.

^u) Videnda quae de Iside, Horo, Aesculapio affert **CLERICVS** l. c. ch. 6. 7. 8.

institutio sine dubio ad ipsum Hermetem referenda est, cum ad populos iis, quibus instituebat, praesidiis regendos omnino necessari fuerint. Hos Θεοσεβέες περισσῶς ὄντες μάλιστα πάντων ἀνθρώπων omnium mortalium longe, religiosissimos habitos testatur HERODOTVS¹, vnde in summa apud Aegyptios existimatione fuerunt. Cuius rei causam non in eleganter detexit CLEMENS ALEXANDRINVS², qui ait, barbaros eximie semper honorasse suos legislatores et praeceptores, Deos ipsos appellantes. Bonas enim animas supercoelesti loco relicto sustinuisse venire in hunc tartarum, et corpore suscepto malorum omnium, quae et generatione contrahuntur, fuisse participes affirmant, humani generis curam gerentes, quae et leges tulerunt, et philosophiam praedicarunt, qua maius bonum ad hominum genus nunquam venit vel veniet, quin etiam, addit, genus Aegyptium diligentissime illos inter Deos retulit. Haec de primis artium inuentoribus intelligenda quidem sunt, et ea confirmant, quae supra retulimus: simul tamen docent, credidisse Aegyptios, in antistitibus suis quique religionem (nam haec illa philosophia) docuerunt, residere bonos daemones: id quod ipsi sacerdotes populo persuaferunt, gloriati, unum eundemque Deum sapientiae praesidem esse omnibus communem, et τὸν αὐτὸν ἐν ὅλοις, in unoquoque eundem esse³. Quae res effecit, ut non tantum sacerdotes hominibus aliis maiores et diuiniore credentur, sed et alii, interiori admissione ab illis honorati, diuinitate participes facti crederentur. Id quod de Dario Persarum rege, Xerxis patre, testatur DIODORVS⁴: eum cum sacerdotibus Aegypti familiaritatem inuisse, et theologiae ipsorum, rerumque in sacris voluminibus annotatarum participem factum, vitae eorum se attemperauisse: propterea eum tantum honoris consecutum esse, ut superstes adhuc diui appellationem promeruerit. Hinc apud reges magna auctoritate valuerunt, immo ad thronum adspirandi occasio illis enata, et sacerdotium cum imperio interdum coniunctum fuit, ut eo melius religio dominationi inseruiret. Diuisi vero in varios ordines fuere, quos postea nominabimus, et referente Chaeremone^b unicuique symbolum fuit insigne eius ordinis, quem in sacris sortitus erat. Officium vero a regibus iniunctum^c Deorum cultus et sapientiae studium. Addit Chaeremon^d renunciantes omni occupationi et negotiationibus humanis per totam vitam contemplationi rerum diuinarum se tradidisse: Inter simulacra Deorum semper versatos fuisse; ex habitu grauitatem, incessum aequabilem, aspectum stabilem, risum rarum, manum semper intra vestem. Multum illis sermonem de retinendis moribus patriis. Noctem destinasse ad coelestium obseruationem, aliquando ad purificationem, diem ad Deorum cultum, quotidie ter quaterue illos hymnis

^{a)} Lib. II. c. 37. ^{y)} Stromat. L. III. p. 303.
^{z)} Apud IAMBlichVM initio libri citati.
^{α)} l. c. p. 83.

^{b)} Apud PORPHYR. L. IV. de abstinent. §. 6.
^{c)} IOSEPH. contra Apion. L. I. p. 1069.
^{d)} l. c. §. 7. 8.

mnis celebrantes, mane et vesperi, ipso meridie et post meridiem. Reliquum tempus in speculationibus arithmeticis geometricisque occupatos fuisse, semper aliquid elaborantes atque inuenientes, περὶ τὴν ἐμπειρίαν, in experimentis versatos. Ad grauitatem hanc atque auctoritatem conseruandam, maxime adhibuerunt munditiem. Eam enim circumcisionis ab Aegyptiis praecipue sacerdotibus adhibitae causam fuisse, testis est HERODOTVS^e: qua ex causa etiam raserunt totum corpus^f ne quid fordis haereret. Vnde et qui intimiorem admissionem quaerebant, circumcidi se patiebantur, id quod Pythagorae in Aegypto accidit^g. Eundem in finem, teste Chaeremone, lauabant se fragida ter vnoquoque die, a lecto, ante prandium, et vbi dormitum ibant. Immo adeo in munditie scrupulosi erant, vt pocula ahenea, ex quibus bibebant, singulis diebus studiose extegerent^h. Vestis gestata linea, et calcei bybliniⁱ, aliam enim vestem vel calceos induere, nefas. Vinum alii omnino non biberunt, alii parcissime degustarunt; pane neutiquam vti purificandi temporibus, aliis cum hyssopo concisum comederunt: oleo multum abstinerunt, vel pauxillum tantum cum oleribus adhibuerunt^k. Immo pisces quoque illis gustare illicitum HERODOTVS^l tradit, qui addit, Aegyptios fabam in terra sua nec omnino serere, nec sponte prouenientem comedere, aut coctam in escam distribuere: quin immo sacerdotes eam ne aspicere quidem sustinere, arbitantes haud mundum esse legumen. Quam vietus rationem Pythagoram in scholam traduxisse suo loco demonstrabitur. Tandem sacerdoti Aegypto vna tantum vxor licita, cum alii, quot voluerint, nupserint, teste DIODORO^m. His, quos verbis veterum descripsimus sacerdotibus sacrae philosophiae, id est, theologiae et religionis a Mercurio institutae cura demandata fuit: refertque Chaeremon apud PORPHYRIUMⁿ: vere philosophari prophetas, et hierostolistas, et hierogrammateos, et horologos: turbam autem reliquorum sacerdotum pastophororum, neocororum, et Diis subministrantium, purificari quidem similiter, sed non tam accurate, nec cum tanta continentia. Nemo tamen accuratius et prolixius Aegyptiorum sacerdotum munera et officiorum genera modumque omnem, quo Hermetica disciplina apud eos obseruabatur, tradidit, quam CLEMENS ALEXANDRINVS, cuius locum, etsi prolixiorum ideo ipsis celeberrimi inque antiquitatis historia versatissimi doctoris, totum damus, vt tractatio nostra plena sit atque certa. Ita vero ille^o: Aegyptii peculiarem quandam philosophiam exercent; illam maxime ostendit sacra eorum processio. Primum enim procedit cantor, ex musi-

cae

e) Lib. II. c. 37.

f) Chaeremon l. c. §. 7. hinc MARTIALI L. XII. ep. 29. vocantur:

- - - Linigeri calui, sistrataque turba.

g) CLEMENS ALEXANDRIN. L. I. Strom. p. 302.

h) HERODOTVS l. c.

i) Ibid.

k) Chaeremon l. c. paria a Therapeuticis obseruata esse suo loco monebimus.

l) Lib. II. c. 37.

m) Lib. I. p. 51.

n) l. c. §. 8.

o) Stromat. L. VI. p. 633. vnde hunc locum adduxit etiam LAMBECIUS Prodr. hist. lit. p. 135. MARSHAM l. c. p. 241. CVDWORTH. Syst. int. c. IV. §. 18. p. 379. CONRING. de Hermetica Medicina c. VI. p. 55.

cae symbolis unum aliquod gestans. Dicunt illum ex libris Mercurii duos sumere debere, quorum unus hymnos, alter regiae vitae rationes continet. Post cantorem procedit horoscopus, in manu habens horologium et palmam, astrologiae symbola. Hunc oportet semper in ore habere astrologicos Mercurii libros, qui sunt quatuor, quorum unus est de ordine inerrantium stellarum, quae apparent, alius de coitu et illuminatione solis et lunae, reliqui de illarum ortu. Deinde procedit scriba sacrorum, pennam habens in capite et in manibus librum ac regulam, in qua est et atramentum ad scribendum, et iuncus, quo scribunt. Illum oportet scire ea, quae hieroglyphica vocantur, cosmographiam, et geographiam, et ordinem solis et lunae, et quinque planetarum et chorographiam Aegypti, et descriptionem Nili, et descriptionem apparatus sacrorum, locorumque eis consecratorum, et mensuras, et quaecunque in sacris sunt necessaria. Postea sequitur stolistes, cubitum iustitiae tenens, et calicem ad libandum. Hic omnia nescit, quae ad disciplinam pertinent, et victimarum sigillationem, sunt autem decem libri, qui ad Deorum suorum honorem pertinent, et religionem Aegyptiacam continent: nempe de sacrificiis, de primitiis, de hymnis, de precibus, de pompis, de diebus festis, et huiusmodi aliis. Post omnes procedit propheta, hydriam aperte gerens in sinu, quem sequuntur, qui panes emissarios portant. Hic ut praefectus sacrorum libros decem ediscit, qui sacerdotales vocantur, nempe de legibus, de Diis, de universa sacerdotum disciplina. Propheta etiam apud Aegyptios vectigalium distributioni praest. Sunt ergo XLII. libri Mercurii admodum necessarii, qui continent omnem Aegyptiorum philosophiam, et discuntur ab iis quos diximus. Sex reliquos ediscunt pastophori, pertinentes ad medicinam, nempe de anatomia, de morbis, de instrumentis, de medicamentis, de oculis, et postremo de mulieribus. Qui locus, quales sacerdotes Aegypti fuerint, quae muneris ratio, quae pompa et apparatus, luculenter designat. Non videntur tamen haec omnia vel ipsum Hermetis institutum vel prisca eius tempora exhibere, sed iuniora esse, et succedentibus temporibus variis Prophetarum, qui religionis praesides fuerunt, curis et inuentionibus locupletata tandem in hunc, quem describit Clemens, apparatus coaluisse. Nam et veterum religio simplicior fuit, neque tanta pompa constans, et libri hi Mercuriales in quibusdam manifeste Graecanicam sapientiam sapiunt, quae post Alexandrum M. demum in Aegypto inualuit. Ex quo tempore Aegyptiacam philosophiam et theologiam huiusmodi habitum acquisivisse, omnino verisimile est. Certe nisi loca et tempora historiae Aegyptiacae distinguamus, mira in tota philosophia Aegyptiorum nos turbabit confusio. Ceterum in variis Aegypti vrbibus eiusmodi sacerdotes fuerunt, refertque PORPHYRIUS^p, Pythagoram sacerdotes quaerentem, ab Heliopolitis, in quos primum inciderat, Memphin, tanquam ad seniores fuisse ablegatum,

Ll 2

Mem-

p) De vita Pythag. l. 8. p. 12. ed. Kusteri.

Memphi eodem praetextu dimissum ad Diospolitas accessisse. Narrat tamen STRABO ¹, qui haec loca ipse inuifit, se, cum in Aegypto esset, Heliopoli magnas quidem conspexisse domos, quas olim inhabitauerunt sacerdotes, qui et philosophi et astronomi fuerint: sed tunc temporis illum ordinem ac id studii genus defecisse, adeoque ne unum quidem monstrari sibi potuisse priscorum illorum studiorum et exercitiorum antistitem. Tantum sacrificulos quosdam ibi fuisse, qui peregrinis sacrorum suorum ritus exponerent. Qui Strabonis locus non leuem nobis mouet suspicionem, iactantius ista, quae ex horum hominum ineptorum narratiunculis hausit Clemens, sacrificulos tradidisse, ut Graecis non tantum pares sed superiores quoque Aegyptios esse demonstrarent. Nam quae ambitio et enata inde contentio Aegyptios vexauerit, supra iam indicauimus, multisque exemplis constat, totam vero istam narrationem propter hunc solum finem allatam esse, ut euinceretur, barbaris Graecos suam eruditionem debere, ipsa sermonis apud Clementem series demonstrat. Hoc sane certum est, atque ex hoc Strabonis loco liquido constat, eos, qui de hac sacerdotum Aegyptiacorum eruditione et philosophia nobis testimonia retulerunt, non fuisse testes αὐτόπτες, sed habuisse ex traditione leuissimi hominum generis, sacrificulorum, solis inanissimis ritibus Aegyptiacam disciplinam sibi vindicantium. Inter hos, de quibus haecenus diximus, sacerdotes archiprophetam Sonchidem, Pythagorae praeceptorem laudat CLEMENS ALEXANDRINUS ², et Sechnuphidem Heliopolitam Platonis, et Conuphidem Eudoxi magistrum.

Methodus docendi arcana apud Aegyptios.

§. VIII. Talis conditionis atque generis cum sacerdotum Aegyptiorum ordo fuerit, facile inde colligitur, methodum quoque, qua sapientiam a se custoditam cum aliis communicabant, non fuisse vulgarem et omnium cognitioni promiscue patentem, sed arcanam et reconditam. Ita enim sollicite sua mysteria occultabant, ut nemo ea propius inspicere valeret, nisi qui post satis longam explorationem, an scopo suo conuenienter acturus esset, ab ipsis admittebatur. Quod qua ratione ab iis factum sit, iam enarrandum est. Fundamentum vero omnis methodi atque disciplinae arcae, quae in Aegypto viguit, posuere stelae Aegyptiacae. Primum enim conditorem eruditionis Aegyptiacae inuenta sua, leges, atque praecepta columnis incidisse, et figuris atque emblematis ab animalibus aliisque naturae rebus desumptis adumbrasse, supra iam obseruatum est. Multum in hoc instituto valuisse rationem veritatum sublimium ad seruandam earum auctoritatem atque prudenter et caste seruandam traditionem, symbolis tanquam velo obductarum, plerique viri docti sibi persuadent ³. Quibus praeiuerunt Platonici Alexandrini, qui eandem causam adhibitae disciplinae methodique arcae afferunt. Ita enim IAMBlichus ⁴: *Aegyptii ipsam uniuersi naturam Deorumque operationem imitantes,*
mysti-

¹) Lib. XVII.

²) Strom. L. I. p. 131.

seqq. et IAC. BASNAGE Hist. de Juifs T. III. ch. 18. §. 21. p. 464 seqq.

³) Ex plurimis videndi eruditissimi viri RAD. CVDWORTHVS System. intell. c. IV. §. 18. p. 368

⁴) De myster. Aegyptior. Sect. VII. c. I. p. 150.

mysticarum quoque et latentium absconditarum notionum imagines quoddam in symbolis conficiendis ostendunt; quemadmodum et ipsa natura rationes occultas in formis apparentibus, quasi symbolis exprimit, et ipsa Deorum operatio idearum veritatem delineat in imaginibus conspicuis. Cum igitur intelligant superiora omnia delectari inferiorum conformitate, et per imitationem, quam possunt, maximam capientes ista replere bonis; merito ipsi quoque religionis symbolicae rationem, Diis congruam adinuenerunt. Frigide vero haec dici et praeter omnem verisimilitudinem excogitatis argutiis nihil, quod rei est, dicentibus, quis non videt? et longe aliam causam canae antiquitati conuenientiore subesse, quis non palpat? Vt igitur veritati propiora sectemur, obseruandum, quod supra iam tetigimus, primam vetustissimorum temporum consuetudinem per plures gentes fuisse, ea quae duratura in aeuum, et memoriae dicanda erant aeternae, faxis, lapidibus, columnis incidere; ne temporis iniuria perderentur, et memoriae exciderent. Talia vero cum essent, quae Mercurius primus inuenerat, certe cum talia esse, sibi persuaderet, siue religionem, siue mores, siue statum politicum formaerint, (de eo enim nihil constat) stelis atque lapidibus ea inscribebat. Et cum rudem atque brutum, quod supra quoque monuimus, populum ad humanitatis sensum cultumque sacrum pariter atque politicum traducere vellet, elegit docendi genus facile, et rudissimis ingeniis adaptatum, per imagines atque symbola praecepta sacra atque politica populo explicandi. Nam hanc quidem methodum symbolicam, modo recte instituatur, apprime ad tarda et rudia ingenia docenda adhiberi posse, et ratio atque experientia dicunt, et magnorum virorum, immo maximi doctoris I E S V exemplo constat. Vnde recte, ex nostra quidem sententia, negauit, acutissimus C V D W O R T H I interpret " symbola Aegyptiorum hunc in finem, ut doctrinae obscurarentur, inuenta fuisse. Praeter hunc vero docendi per stelas morem alia ratione religionis potissimum in Aegypto conditores in docendis sacris versati sunt. Cum enim hoc potissimum principio in sacris constituendis vterentur, quod postea illustrabimus, vniuersalem mundi spiritum non modo in maximis et splendidissimis mundi partibus, praecipue in fideribus habitare, sed et magnos viros, summis beneficiis homines sibi deuincientes, maximeque meritos ab eiusmodi diuina particula, siue genio bono inhabitari; non passi modo sunt, ut illi viri magni inter Deos numerarentur, et diuino cultu honorarentur, sed ut arcana quoque haec religionis ratio maneret, nec vilesceret, si populus homines olim mortales coli animaduerneret, multis fabulis et praecipue theogoniis eorum historiam occultauerunt. Cuius rei testem ipsam antiquissimam Aegypti historiam aduocamus, quae tota Deorum et semideorum fabulas nobis narrat, primosque Aegypti reges mythologico habitu ornatos et inter Deos relatos nobis exhibet. Qua de re cum supra iam verba fecerimus, prolixius dicere opus non est. Et ita quidem ante Aegypti vetustissimae euerfionem,

cataclysmos, aliasque calamitates euenisse omnino probabile est. Post istas vero, quas Aegyptus passa fuit mutationes, cum stelae defossae eruerentur, monumenta residua situ squalentia tanquam sacrae reliquiae conseruarentur, et Mercurius secundus nouam religionis restructae et renouatae faciem introduceret, istae imagines eo potissimum fine adhibitae sunt, ut illis noua religio et eruditio adumbrari crederetur. Hinc tanquam sacra monumenta studiose conseruata, et in templorum sacrariis reposita fuisse, supra probauimus. Haec deinde cum sacris fabulis coniuncta nouum religionis introductae populo commendandae praesidium exhibuerunt. Cum enim Aegyptiaca religio in eo potissimum versaretur, ut ex supra iam detecto principio reges atque summi imperantes, diuinitatis participes crederentur, et post mortem Dii haberentur, omnino cura agenda erat, ut ab inspectione arcana huius principii vulgus arceretur, ne omnis religio euilesceret, si pateret, eam ad homines mortales reuera referri. Quapropter antiquae fabulae de Diis auctae et studiose custoditae, et sacerdotum potissimum ordini explicatio earum ut et sacrarum imaginum credita est, qui ut ab arbitrio imperantis pependit, ita dum vita lauta commodaque ex dominantis religionis conseruatione fruebatur, in id omnes neruos intendit, ut sacra haec omnibus, quibus licebat, mediis, conseruarentur, et uenerationi populi commendarentur. Quem in finem institutae tot caeremoniae, tamque splendidus cultus publicus introductus est, animis vulgi iis, quae oculos feriunt, capi plerumque solitis. Ut vero ipsi quoque sacerdotum ordini necessaria ad hunc scopum accederet auctoritas, literarum studia ab iis exculta sunt: id quod duplici ratione consilia ista adiuuit. Nam et ita prudentiores et sapientiores sacerdotes a populo habiti sunt, talesque, quibus sapientiam possidentibus potissimum habenda fides; et medium ita inuentum est, profundius inter populum meditantes, et de rationibus his sollicitos ab arcanis his, quorum regi et statui publico tantum intererat, caute auocandi. Callidissimi enim homines, ut ingenia altiora diuerterent, sacrorum horum atque mysteriorum explicationes philosophicas excogitabant, et ad causas rerum physicas referebant, quicquid in sacris fabulis et imaginibus occultatum ferebatur. Quod cum variis modis sacerdotes instituerent, praecipue ex quo a Graecis per systemata de rebus naturalibus differere didicerunt, mirum non est, diuersissimas sacrarum illarum figurarum explicationes apud PLUTARCHVM aliosque inueniri. Quae tamen eo magis occultabantur, ne cum religione sacerdotum quoque, quod tantis vitae commoditatibus inseruiebat, euilesceret. Et ex his iam amplissimus campus patet, in quo Aegyptiorum sacerdotum gens fraudes et imposturas suas exercuit, et ratio excultae disciplinae arcanae verisimilis potest depromi. Ex quibus omnibus iam sua sponte fluit, frustra esse, qui vetustissimarum imaginum hieroglyphicarum, et fabularum sacrarum sensus exponere gestiunt. Quemadmodum enim prisca significatio praeter tenues quasdam coniecturas periit, ita sacrificuli Aegyptiaci sui ingenii

genii somnia, vel ea, quae status atque imperii arcana postulabat ratio, imprudenti populo obtruserunt, et selectis tantum ingeniis, multisque vexationum et molestiarum exercitiis probatis, ea prodiderunt, quibus turcae et exploratae fidei homines in suam regnique fraudem non abufuros esse, certo nouerant. Qui vero fontes disciplinae arcae non ad solos Aegyptios referendi sunt, sed et ad reliquos orientis populos mutatis circumstantiis pertinent*.

§. IX. Verum ne solis coniecturis ducti haec dixisse videamur, ipsa ar- *Probatur ve-*
cana methodus atque disciplina Aegyptiorum ex veterum testimoniis ad- *terum testi-*
umbranda est. Eam vero apud hanc gentem viguisse, adeo tralatitium est, et *moniis.*
in vulgus notum, vt prolixè probare opus non sit. Vno ORIGENIS¹ re-
rum Aegypti maximopere gnari, testimonio conficiemus. Ita vero is ad-
uersus Celsum: *Hic mihi Celsus aequè videtur sapienter agere, ac si aliquis in*
Aegyptum profectus, in qua terra viri sapientes ex institutis et praescriptis pa-
triis multum super rebus illis philosophantur, quae pro diuinis inter eos habentur,
quum rudes interea et illiterati fabulas tantum nonnullas accipiant, quibus, tam-
etsi sensum earum haud assequantur, vehementer capiuntur et delectantur; Celsus
inquam haud secus mihi videtur instituere, ac si homo eiusmodi, qui Aegyptios
quidem adiit, at cum nullis versatus est, nisi rudibus et indoctis hominibus, a sa-
cerdotibus vero de arcanis et reconditis mysteriis suis haud eruditus est, glo-
riaretur tamen et praedicaret, imbibisse se omnia, quae ad Aegyptiorum theo-
logiam et religionem pertinent. Sed et reliqua legenda sunt, quae sequun-
tur, remque mire illustrent. Alia veterum loca et testimonia qui cupit,
inueniet ea apud CVDWORTHVM² aliosque, qui de arcana hac Aegy-
ptiorum methodo tradiderunt. Qua ratione vero fabularum et mytho-
logiae sacrae curam habuerint, nemo luculentius docebit, quam PLV-
TARCHVS, qui in tractatu *de Iside et Osiride* multa Aegyptiacae theolo-
giae et eruditionis placita cumulauit, ex qua sola tractatione iis, quae modo
diximus, lux clarissima affundi potest. Accessere vero hieroglyphicarum
imaginum picturae, quas ad imitationem veterum stelarum efficiebant, qua-
rum reliquias mensa Isiaca, Harpocratis imago et quae alia eiusmodi sunt,
nobis exhibent. Harum imaginum explicationem HORVS APOLLO³ *Horus Apollo*
dedisse dicitur, certe hoc titulo libellus hodiernum exstat, qui morales po- *Hieroglyphi-*
tiffi- *corum scri-*
ptor.

1) Conf. quae egregie monet cel. MOSHE-
MVS ad CVDWORTHVM p. 369.

2) Lib. I. p. II.

3) l. c. p. 368.

4) Horii nomen apud Aegyptios celebre cogno-
men fuit Apollinis, vnde pro sole ponitur: de
quo Aegyptiorum Deo videndus PLV TARCHVS
de Isid. et Osir. Varia vero ei scripta tribuuntur, et
inter ea potissimum libellus de hieroglyphicis Aeg-
yptiorum, cuius elegantem editionem nobis dedit
DAVID HOESCHELIUS, de qua diximus in
diss. de meritis viri celeberrimi in Graecas literas.
Hunc ex Aegyptiaco in Graccum transtulit Phi-

lippus quidam, non valde antiquus, vt ex vocibus
Graeco-barbaris colligere est, quas interdum ad-
hibet. Quis vero ille Horus Apollo fuerit, quem
libellus auctorem refert, incertum. Hoeschelii
coniecturam reiecit, qui diligenter de Horapolline
commentatur, FABRICIUS Bibl. Gracc. Vol. I.
p. 88. conicientis esse Horapollinem Grammati-
cum Phenebyridem, cuius meminit SVINAS.
Probabile vero est, libellum ex recentiorum Aegy-
ptiorum libris excerptum ad priscum illum Hor-
apollinem relatum esse, vt a magno et diuino vi-
ro, more Aegyptio, auctoritas accederet. Vnde
quam parum fidei mereatur patet.

tissimum significationes harum sacrarum imaginum recludit: easque nostra aetate viri ingeniosi augere, et arcanos magis sensus eruere conati sunt^b, irrito, nisi fallimur, et frustraneo labore, cum nec ipsi semper sacerdotes Aegyptii eos deprehenderint, et pro cuiusvis ingenio quodlibet ex istis imaginibus exsculpatur. Nec hoc solum abscondendi studium absoluebat, sed sacri quoque libri in templorum adytis seruabantur, praefixo, uti supra ex Iamblichio notauimus, Hermetis nomine. Hos nemo inspiciebat, nisi sacerdos, immo, nec omnibus promiscue sacerdotibus accessum ad haec sacra patuisse, sed maioris tantum ordinis, ex Chaeremone supra adduximus. Hac potissimum arte facillimum erat, quaecunque vates et sacerdotes volebant, et ipsorum emolumentum vel regni quoque et imperantis utilitas poscebat, populo tanquam ex libris sacris et diuinis desumpta, persuadendi. Neque enim peregrinorum quicumque ad haec sacra admittebatur, et si regis commendatione id fieri necesse erat, multis iisque molestissimis ἀγκύσεων ita sagitabatur, ut facile a proposito desisteret. Imprimis vero in hoc casu circumcisionem exigebant, ut Pythagorae exemplo probatum dedimus: quae cum a reliquis populis valde esset contempta et despectui habita, ita peregrinos arcuit, ut vnum tantum exemplum Pythagorae nouerimus, qui hanc disciplinam peregrinus subire, quam arceri, maluit. Nec ita satis, ex callidissimorum hominum ingenio, obsepta et recondita Aegyptiorum mysteria fuere, sed adhibitus quoque arcanus sacerque scribendi modus. Refert enim CLEMENS ALEXANDRINVS^c: eos qui docentur ab Aegyptiis, doceri primum Aegyptiarum literarum viam ac rationem, quae vocatur epistolographa, id est, epistolis scribendis apta; secundo sacerdotalem, qua utuntur scribae sacri, ideo ιερογραμματεῖς dicti; ultimam autem hieroglyphicam, id est sacram, quae insculpitur, scripturam: cuius una quidem est per prima elementa κυριολογική, id est, proprie loquens, altera vero symbolica, id est, per signa significans. Symbolicae autem una quidem proprie loquitur per imitationem, alia vero scribitur, quasi tropice; alia vero sumitur allegorice, per quaedam aenigmata. Quae postea Clemens exemplis illustrat. Quis quaeso per densissimum hoc velum Aegyptiaca placita perspecturum se speret? et quis non fraudes et imposturam sacerdotum latere credat? quis non sacrum philosophiae nomen indigne his hominibus tribui, nec veros sensus Aegyptiicae sapientiae, nisi stultitia et impietas potius dici mereatur, certe deprehendi posse statuat? et quis non inde magnifice de Aegyptiorum philosophia sentire desinat?

Observationes
generales
de philosophia
Aegyptiaca.

§. X. Plenius id patescit, ubi propius ad considerationem philosophiae et theologiae Aegyptiorum accedentes, eius partes atque disciplinas tum generali examine expendimus, tum speciales doctrinas excutimus. Vterum enim narrationes secuti obseruamus:

I. Totam

^b) De I. PIERII VALERIANI, KIRCHERI, PIGNORII, MACARII, CHIFFLETII, MASENII scriptis hanc in rem vid. FABRIC. loc. cit. pag. 90. 91.
^c) Strom. L. V. p. 555. PORPHYR. de vita Pythag. n. 12. p. 15. ed. Kust.

*Relata tota
philosophia
ad imperii et
sacerdotii
commoda.*

I. Totam philosophiam et theologiam praecipue ad sacerdotum commoda et auctoritatem conseruandam et augendam, et ad rationes imperii politici tuendas quam maxime collineasse, hinc potiore et arcanam eius partem fraudis et imposturae esse suspectam. Aut enim toti in eo, quod hactenus prolixè disputauimus, et testimoniis veterum roborauimus, fallimur, aut in aperto est, fraudulentè egisse sacerdotes Aegyptios. Si enim veram sapientiam docere fuissent conati, eam tot latebris non abscondissent, cum omnium inter sit de diuinis et humanis rebus rectè erudiri^d. Alia tamen omnia iudicanda de Aegyptiis, qui multa quidem cum ostentatione philosophiam et religionem mentiti sunt, intra velum tamen impietatem fraudesque habuere reconditas. Nec quis hic obiiciat, quod Platonici, eiusdem fursuris homines, pro disciplina arcana defendenda afferre solent, vulgi ingeniis veritates philosophicas et imprimis metaphysicas, captum eius superantes non esse propalandas, ne abutantur: de Deo enim et religione rectè erudiri omnium interest. Nec recondiderunt tantum mysteria sua plebi, sed omnibus, qui sacerdotes non erant, et imprimis peregrinis, qui sapientiae tanto pere celebratae discendae cupidi ea nosse desiderabant. Vnde longe alias latuisse causas, quam quas prae se ferebant, facili coniectura colligitur. Vidit id auctor quaestionum et responsionum ad orthodoxos, quae inter S. I V S T I N I opera edi solent^e, qui luculenter: τῶν Αἰγυπτίων τότε ἡ σοφία τὰ τῆς πλάτης ὑπῆρχε διδάσκειν διδάγματα. Aegyptiorum eo tempore (quo Moses vixit) sapientia imposturae tradit disciplinas. Quod vt contra obiectionem: astronomiam, astrologiam et geometriam tamen diuinum vatem in Aegypto didicisse, tueatur, addit in responsione: Astronomiam et astrologiam et geometriam apud Aegyptios habitas fuisse disciplinas vulgares et humiles, in honore autem et pretio fuisse, quae vocantur literae hieroglyphicae, atque in adytis atque abditis locis non cuius ex vulgo, sed eximiis tantum et delectis traditae sint. Vbi eleganter impostura arcanis disciplinis, quas a vulgaribus rectè distinguit, tribuitur, hieroglyphicis non ex mente veterum, quam forte recentiores ignorabant, sed ex ingenii fraudis commentis explicitis. Hinc non dubitauit E V S E B I V S^f has explicationes vocare recentiorum sophismata, de quibus ne per somnium quidem veteres cogitarint.

II. Patet inde, quid de philosophia Aegyptiorum, quatenus mathematicas disciplinas complectitur, statuendum sit? Geometriam enim apud eos viguisse, contra veterum testimonia negari non posse, concedimus: an inuenerint, quod multi contendunt, nostrum non est dispicere, et hactenus concedi quoque potest^g. Verum multum illi decipiuntur, qui geometriam sublimiorem inter Aegyptios floruisse sibi persuadent, nam hi non modo

*Scientiae in
Aegypto ex-
cultae.
Geometria.*

d) Rectè itaque arcanam methodum inter characteres falsae philosophiae retulit doctissimus HEVMANNVS Act. philos. Vol. I. p. 222 seq.

e) p. 406.

f) De praeparat. L. III. c. 7. p. 98. 99.

g) Videnda, quae collegit VOSSIVS de scientiis mathem. c. XIII. p. 48 seq. et BURNETIVS archaeolog. philos. c. VIII. p. 378. conf. LAZARUS L. I. f. II. et MENAG. ad h. l.

luculento auctoris Q. q. et respons. ad orthodoxos testimonio refelluntur, quod geometriam intra disciplinarum vulgarium limites cogit, et ita satis prodit, magis occupatam fuisse in dimetiendis et definiendis agris, quorum terminos auctus Nilus quotannis confundebat^{b)}, quam in theorematibus definiendis et soluendis: sed et, frustra esse, conuincuntur, eo quod philosophi Graeci, qui in Aegyptum philosophiae discendae causa profecti sunt, leuia geometriae inuenta ibi non didicerunt, sed proprio Marte et ingenio domi excogitauerunt. Pythagoras enim ex Aegypto redux, virtutem lateris oblongi in triangulo rectangulo ad caetera comparati, tandem meditatione affectus, inuentionem hecatombe dignam putauit. Thales quoque, qui geometriam in Aegypto didicit, inuenta circuli et trianguli descriptione, gaudio emotus bouem immolasse dicitur^{c)}. Recte inde intert vir quidam acutissimus^{d)}: Cum haec simpliciora pulchra licet et perutilia in geometria barbarica non repperint, frustra quis in ea quaeliuisset theorematum magis operosa, methodosque analyticas, quae posteris innotuere: et quas Graecorum ingeniis, in hac materia praeclaris, potissimum debemus. Idem de astronomia Aegyptiorum iudicium esto: cuius etiam inuentionem plerique veterum Aegyptiis tribuunt^{e)}, et ab iis ad Babylonios traductam tradit DIODORVS^{f)}, cum alii a Babyloniis ad Aegyptios peruenisse, hosque ab Abrahamo edoctos esse, contendunt^{g)}: perperam forte vtrumque, cum verissimum sit, studii per se, exposito astrorum splendore, vetustissimis gentibus commendabilis prima elementa quamlibet per se inuenisse, qua ratione recte vsus CICERO^{h)}, vtrumque populum iungit: *Aegyptii et Babylonii, inquit, in patenti-um camporum aequoribus habitantes, cum ex terra nihil emineret, quod contemplationi coeli officere posset, omnem curam in siderum cognitione posuerunt. Concedamus vero tantisper hanc gloriam Aegyptiis; quae inde concludetur philosophica inquisitio? Obseruarunt stellarum ortus et occasus, zodiaci partes et planetarum aspectus; non negamus; verum id in vsus genethliacos, et ad rationes astrologicas. Attenderunt ad aequinoctia et solstitia; verum ad anni rationes definiendas. Temporum conditiones ex sideribus diiudicarunt; verum vt agriculturae inferuient. Quis in his omnibus philosophiam quae- rat? quam ad mathematicas scientias primi ex Pythagorea schola adplicuere, in qua Eudoxus hypotheses motuum coelestium primus excogitauit. Vtemur eodem argumento, quod de geometria vsi sumus: Thales, qui in Aegypto fuit, primus celebratur, qui eclipsin solis futuram praedixitⁱ⁾. Haec si in Aegypto non didicit, sed proprio marte inuenit, quam misera Aegyptiorum astrono-*

b) HERODOTVS L. II. SERVIVS ad Eclog. III. Virg. ad not. h. TATIAN. orat. ad Graecos p. 141. CLEM. ALEX. Strom. L. I. p. 306. PORPHYR. vit. Pythag. n. 8. p. 8. IAMBlich. vit. Pyth. c. 29. p. 134.

i) Vtrumque probabitur suo loco.

k) BURNETIVS l. c.

l) PLATO in Epinomide. ARIST. metaph. L. I. LAERT. l. c. MANILIUS astron. L. I.

et SCALIGER. ad h. l.

m) l. c.

n) JOSEPH. L. I. c. 9. quem refutat et multa huc affert rem illustrentia cl. IO. LAMIVS de S. Trinit. L. I. c. 3. p. 8 seq. ALEX. POLYH. ap. EVSEB. praep. L. IX. c. 17.

o) De diuinat. L. I.

p) PLIN. L. II. c. 13. CICERO l. c. aliiq. suo loco nominandi.

astronomia fuerit, liquet. Neque obliuiat quis, DIODORVM passim obseruationes Aegyptiorum circa res coelestes tanquam accuratas laudare: hoc enim comparate ad alias gentes intelligendum esse, recte monuit BURNETTIVS⁷⁾, qui non sine probabilitate tamen addit, quaedam eos de systemate mundi, per traditiones magis, quam rationes philosophicas, cognouisse, v. g. cum lunam appellarunt αἰθέρων γῆν, et τὰς ἀστέρας πῦρ εἶναι, modo id, quod teste tantum PROCLUS⁸⁾ scimus, non falso Aegyptiis tribuatur. Post Astronomiam musicam inuenisse Hermetem DIODORVS tradit, vti supra indicauimus; hincque tonos is in acutum, medium grauemque diuidendi, lyramque trichordem inueniendi occasionem habuisse dicitur. Quod si modo verum est, (nam gentes plerasque, imprimis Aegyptios suis heroibus omnium artium et scientiarum inuentionem ex ambitione et gloriae affectatione tribuisse, notum est) de initiis tantum primisque fundamentis musicae artis intelligendum esse, ipsa traditio innuit. Inuenit enim, (quod suo loco testimoniis probabimus) Pythagoras rationes harmoniae ex malleorum ictibus in officina ferraria. Has ergo in longa per orientem peregrinatione, vel, si eam tanquam incertam non admittimus, in mora tamen in Aegypto, etsi intimiorem admissionem nactus, non didicit, vnde popularem tantum fuisse patet. Quae quoque ratio est, cur apud DIODORVM⁹⁾ Aegyptii dicantur viros ab exercenda musica arcuisse, quod animos emolliret.

Musica.

III. Magnum praeterea nomen Aegyptii, si multos audis, consecuti sunt in arte medica: cuius inuentio ad magnos Aegypti viros referri solet. Etsi enim, inuitis Aegyptiis, Graecis et Latinis artis salutaris inuentionem tribui Hermeti, quod multis¹⁰⁾ placuit, non contemnendis argumentis euicit CONRINGIVS¹¹⁾, ad quem non respexisse DANIELEM CLERICVM¹²⁾ merito miramur, et a supposititiis recentioris aetatis libris frustra argumentum sumi putamus; certum tamen est, Aegyptios ad semideos suos, artis salutaris initia retulisse. Imprimis vero ob hanc rem celebratissimum Iſidis nomen apud Aegyptios fuit, a qua filium Horum siue Apollinem medicinam didicisse, remediisque suis immortaliter de hominibus meritum fuisse tradit DIODORVS¹³⁾. Vnde et de Apolline OVIDIVS¹⁴⁾

Medicina.

Inuentum Medicina meum est, opiferque per orbem

Dicor, et herbarum subiecta potentia nobis.

Imprimis vero Aesculapium nomen apud Aegyptios propter merita in rem medicam, celeberrimum consecutum fuisse, notius est, quam vt multis probari opus sit. Quicquid vero de his Aegyptiacae medicinae inuentoribus per fabulas, vt sunt origines rerum apud veteres semper hoc velo obductae, dicitur, ita comparatum est, vt plane nihil, quod veri sitientibus faciat fa-

Mm 2

tis,

7) l. c. p. 380.

8) In Tim. Platon. L. I. p. 45.

9) l. c. p. 73.

10) Vid. FABRICIVS Bibl. Gr. Vol. I. p. 82.

11) De Medicina Hermetica c. II. p. 2 seqq.

12) Histoire Medicin. L. I. ch. 5. p. 11 seqq. vbi criticum traditionis recentioris examen merito desideres.

13) Conf. IDEM l. c. ch. 6. p. 15 seqq.

14) Metamorph. L. I.

tis, exhibeat, nec dici queat, quis arti salutaris inter veteres Aegyptios manum primus admouerit? Verisimile tamen videtur, magnos Aegypti viros, qui formandis et curandis rudium Aegyptiorum animis et corporibus curam suam addixerunt, non imparatos etiam ab omni artis salutaris notitia et experientia fuisse. Celeberrimos enim prisca orbis viros hac quoque ratione suorum sibi animos deuinxisse, et aeternum nomen meruisse, ex inductione exemplorum, facile probatum dare possemus, si id ageremus. Haec vero licet concedamus, parum tamen praesidii sunt illis, qui nescio quos magnos medicos ex Aegyptiis nobis exsculpunt. Vti enim prima artis rudimenta, quae non tam theoria et systemate aliquo, quam experimentis constant, illis innotuisse, ex ipsa rerum serie et inuentionis a primis elementis incipientis conditione colligitur; ita magis *προφυλακτική* quam *θεωρητική* fuit: et quidem adiuta quam maxime incantationibus remediisque magicis, ut inter omnes fere gentes veteres usu venit². Interim non negamus, ab antiquissimis temporibus apud Aegyptios medicinam in usu fuisse, appellata ideo regione ipsa Aegypti pharmacorum ferace; apud HOMERVM^a:

- - - Τῇ πλεῖστα φέρει ζείδωρος ἄρσεν
Φάρμακα - - -

Cuius rei veritatem adstruit ipsum sacrorum voluminum testimonium, medicorum mentionem faciens, qui in Aegypto Iacobi patriarchae corpus, iussu proregis Iosephi aromatibus condierunt; ut taceamus, quae posteriorum sunt temporum, Chrysippum Cnidianum, Pythagoram, Democritum, Eudoxum, et imprimis Orpheum atque Onomacritum medicinae notitiam in Aegypto hausisse^b. Narratque HERODOTVS^c sua aetate medicinam apud Aegyptios ita fuisse distributam, ut singulorum morborum medici fuerint, non plurium, itaque omnia fuisse medicis referta; alios enim oculos, iuuandis oculis constitutos, alios capiti, alios dentibus, alios alui partibus, alios morbis occultis. Persuadet etiam locus CLEMENTIS ALEXANDRINI de sacerdotibus Aegyptiacis, supra adductus, ex sacerdotum gregibus quibusdam curam medicinae commendatam fuisse, refertque LAERTIVS^d Platonem in Aegypto aegrotantem a sacerdotibus curatum fuisse: eratque hoc pastophorum munus; licet etiam scribae sacri videantur medicam artem exercuisse. Nihil tamen haec omnia ad commendandam philosophiam Aegyptiorum faciunt; nam legimus quidem corporibus secandis operam Aegyptios impendisse, sed id non ad cognoscendam humani corporis fabricam, quod tamen fundamentum esse debet artis salutaris rationali modo excolendae, sed ad condendi cadauera curam referendum est. Quod quam parum apte cognitionem medicam atque physicam

^a) Conferendus H. CONRINGIVS l. c. c. VIII. p. 72 seqq.

^b) Odyss. l. IV.

^c) Videndi de his historiae Medicinae scriptores CLERICVS, GOELICKIVS, SCHVLZEVS, et quae infra suis locis afferentur.

^d) Lib. II.

^e) Lib. III. f. 6. ubi tamen modus, quomodo curatione marina sanitati restitutus fuerit, notandus est.

ficam Aegyptiorum iuuerit, ex iis videre est, quae habet **PLINIVS**^e, causasque cur tam parum profecerint, eleganter exponit **CONRINGIVS**^f, dignus, qui hac de re legatur. Nihil vero magis ineptam et a philosophia alienam medendi Aegyptiis adhibitam rationem prodit, quam magicæ incantationes, herbaeque sacrae, lustrationes et quae alia sunt, remediis naturalibus iuncta. Non licebat enim in Aegypto medicis ex artis et rationis regulis medicamenta praescribere; sed, teste **DIODORO**^g *medicinam ex lege scripta faciebant, et per multos ab antiquo medicos illustres concinnatam applicabant.* Si leges, quas sacri codicis lectio tradebat, secuti aegroto sanitatem reddere nequibant, culpa vacabant, et impunes abibant; sin contra praescriptum egissent, capitis iudicium subibant. Nam medendi rationem longo temporis usu obseruatam, et ab optimis artificibus ordinatam paucos ingenio et solertia superaturos legislator censuit. Ita Diodorus: ex cuius verbis patet, non licuisse medicis, rationem et experientiam in medendo duces sequi, sed ad eam potissimum medendi formam et praescriptum fuisse obligatos, quod sub Hermetis nomine sacerdotes commendabant. Illi vero non naturalem tantum vim, sed et supernaturalem magicamque efficaciam aduocabant, et imprimis herbis tales effectus adscribebant; quos qui cognoscere cupit, eum, ne nimii simus, ad **PLINIVM**^h ablegamus, miraturum, quam egregie Aegyptii in his rebus ineptiuerint. Non falleretur itaque, si a medicina Aegypti empirica philosophiam probari non posse iudicamus. Nec meliora sunt, quae pro artis chemicae apud Aegyptios cultura patroni eius afferunt. Vt enim, quae inter doctissimos viros **HERMANNVM CONRINGIVM** et **OLAVM BORRICHIVM** disputata sunt, mittamusⁱ, cum institutum nostrum excedant, hoc vnum omnem asserti huius vim destruit, indubitata certamque artis mutandi metalla, mentionem ante Constantini M. aetatem non reperiri^k. Nam quae contra monet Borrichius, in incendio Alexandrino veterum hac de re libros periisse, frigida sunt, et principium petunt. Mosis vero vituli idolatrici combustionem hanc sententiam nihil iuuare, supra capite primo

Mm 3

iam

e) Lib. XI. c. 13.

f) l. c. c. X. p. 89 seqq.

g) Lib. I. c. 28.

h) Lib. XXX. c. 2.

i) Ediderat **HERM. CONRINGIVS** aeternum Germaniae decus, de Hermetica Aegyptiorum vetere, et Paracelsicorum noua medicina, librum vnum, Helmst. 1648. 4. ad quem iussu **Friederici III.** Danorum regis respondebat vir doctissimus, **OLAVS BORRICHIVS** Medicus Regius in diss. de ortu et progressu Chemiae Hafniae 1668. 4. cui eum responderet **CONRINGIVS** in apologetico breui, iteratae libri sui in duas partes diuisi editioni adiuncto, 1669. 4. reposuit multa **BORRICHIVS** in prolixiore opere: **Hermetis Aegyptiorum** et **Chemicorum** sapientiam ab **H. Conringii** animaduersionibus vindicantem, exhibente **Hafn.** 1674. 4. De qua lite horum duumviro- rum, quos pauci intra Germaniam eruditione et lectione veterum superauerunt, varia eruditorum fuere iudicia.

Et isto quidem tempore causa **Borrichii** plerisque eruditorum potior **Conringiana** visa fuit, vid. **MORHOF.** Polyhist. lit. T. II. L. II. P. I. c. 4. p. 167. nondum enim pati poterat orbis, antiquitatis praeciudicium sectaeque studium abiici. Vbi vero serenior lux hominum mentibus affulsit, et praeciudiciorum cataractae eiici coeperunt, potiores merito **CONRINGIO** partes delatae sunt, vid. **MOLLER.** homonymoscop. P. II. c. 2. §. 16. p. 257. **BURNETIVS** archaeolog. philos. c. VIII. p. 381. **N. H. GUNDELINGIVS** Hist. philos. mor. c. I. §. 2. p. 8. Acta philosoph. Vol. II. p. 683 seqq. Ceterum monemus lectorem, nos primam **Conringii** editionem adhibuisse, quae ad manus erat.

k) Ante **Zosimum** enim **Panoplitam**, **Synesium**, **Olympiodorum**, **Aeneam Gazaeum** indubitatos scriptores alios, qui huius artis meminerunt, non inuenias. Conf. **BUNDEVS** diss. an Alchemistae in republica sint tolerandi? §. 11. p. 517 seqq.

iam demonstrauiamus. Frustra itaque haec ars ad Hermetem refertur, et nescio quae philosophia inde exsculpitur. Claudamus hanc de Medicina Aegyptiaca et naturali quoque philosophia tractationem verbis MORHOFII¹⁾, qui tamen in castris Borrichii contra Conringium militare, quam propriam rationem audire maluit, ita scribentis: *De his omnibus nullum formari solidum iudicium potest, quandoquidem certis principiis illa comprehendendi non possunt, cum omnia fabularum tenebris sint inuoluta, et imagines illae (vnde notitia physica Aegyptiorum colligitur²⁾) nullam nobis lucem per se affundant. Ideoque potius ad superstitiones philosophicas referam, quam ad veram rerum naturalium scientiam, quae e certis principiis deducenda est, non fabulis aut imaginum coloribus delineanda.*

*Astrologia
apotelesma-
tica.*

IV. Praeter has scientias maxime dediti fuere Aegyptii astrologiae iudiciariae. Supra enim iam CLEMENTEM ALEXANDRINUM narran-tem percepimus, inter quadraginta duos libros sacros, Mercurio adscriptos, quatuor fuisse, qui Astrologiam complexi sint, et in quibus illi ex sacerdotum ordine studium operamque suam posuerint, qui horoscopi vocati sunt. Hos ad genituras attendisse; et ex siderum positione et aspectibus iudicasse, ex hoc loco palam est. Quam astrologiam Chaldaeos, primos colonos Aegyptiorum, in terras alienas transtulisse, et ab Aegyptiis sacerdotibus edoctos ad astrologiae famam peruenisse tradit DIODORVS³⁾, quam tamen opinionem capite secundo huius libri tanquam vero minus similem reiecimus, pronumque est, credere, gentem suapte natura superstitioni quam maxime deditam, in hoc studium incubuisse. Videtur tamen astrologia apud Aegyptios a Graecis, qui sub Alexandro M. eam a Babylo- niis didicerunt, et in Aegyptum cum eo descenderant, ad eum habitum composita fuisse, prout inter Graecos postmodum viguit: quod in aliis quoque disciplinis accidisse supra probauimus.

Magia.

V. Cum astrologia magia apud veteres coniuncta fuit, ex qua scientia cum summa literarum claritas et gloria antiquitus et pene semper petita fuerit, obseruante PLINIO⁴⁾, mirum non est, Aegyptios ad artes vanas et religionis speciem obtinentes natura pronos quam maxime ei inuigilasse. Vetusissimam tamen Magorum sectam apud Aegyptios fuisse, ipsa sacra Mosis refert historia⁵⁾, quae, quales impostores hi homines fuerint, nobis luculenter describit. Inter hos vero magiae sectatores Iannen et Iambren fuisse, celeberrimos Aegypti praestigiatores, ex veteri Iudaeorum traditione scribit diuus PAULVS⁶⁾: quos se Mosis obiecisse, et arti per Mosen superatae suppetias ferre voluisse, veteres miris circumstan- tiis referunt: quorum de his Aegypti Magis narratiunculas, vt et Iudaeorum

1) l. c. p. 169.

2) Haec ipse MORHOFIVS, alia in diff. de metallorum mutatione sect. X. p. 279. securus, sibi dicta habeat, et IAC. TOLLIO, MICH. MAIERO aliisque qui in hieroglyphicis Aegyptiorum figuris arcana chemica scrutati sunt.

3) Lib. I. p. 51.

4) Lib. XXX. c. 1.

5) Exod. IV seqq. Qui per Chamum filium- que Mizraimum magiam in Aegyptum peruenisse credunt, nituntur fabulis Rabbiorum, videndis apud FABRICIUM Cod. Pseudepigr. V. T. T. I. p. 297 seqq.

6) 2 Tim. III, 8.

rum traditiones enumerant viri docti passim^q, et imprimis, qui potiora collegit B. FABRICIUS^r, quos adeat, qui haec curiosius rimari cupit. Nos hoc vnum addimus: Numenio philosopho Pythagoreo apud EVSEBIVM^s esse Iannen et Iambren Aegyptios *ιερογραμματεῖς*, electos, vt Mofi resisterent, ac grauissimas calamitates ab illo in Aegyptum aduectas coram omnibus depellerent: et Artapanum apud EVNDEM^t vocare *ιερεῖς ὑπὲρ Μέμφιν* sacerdotes supra Memphin. Quod, qua traditione acceperint, dici quidem non potest, probabile tamen admodum est. Nam ad eiusmodi arcanas disciplinas sacerdotum genus neminem admisisse, qui ex suo ordine non esset, supra ostendimus; et praestigiarum plenum fuisse et ad decipiendum natum factumque docuimus. Facitque Numenii traditio, fuisse eos sacroscribas, suspicionem, eos magicam istam imposturam mediantibus characteribus et imaginibus hieroglyphicis exercuisse. Hoc enim horum hominum officium fuisse, vt sacras literas excolerent, atque arcanas imagines adhiberent, supra notauimus. Videantque, qui in vanissimae artis et nugliendulae imposturae origines et historiam inquirunt, an non ab his hominibus imaginum, et characterum a Magis adhiberi solitarum apparatus ex hoc fonte profluxerit? Certe apud eos eiusmodi imagines magicae magno in honore habitae sunt, admissio semel principio hoc: partium animae mundanae siue daemonum plena esse omnia. Hinc influxus eorum in istas imagunculas artibus magicis prouocatus est, quam hieroglyphicis mysteriis comprehendebant,

Sculptaque seruabant magicas animalia linguas.

Talem imagunculam fuisse Harpocratis statuam exiguam, quam erudito commentario illustrauit illustris GISEBERTVS CUPERVS^u, facile credi potest: publice enim cultam fuisse, vix ob exiguitatem credi potest, videturque ab aliquo amuleti instar gestata fuisse, qualem morem a se obseruatum et *Mercuriolum inter libellos conditum seruatum* refert APVLEIVS^x, et inter Aegyptios obtinuisse pluribus docet cl. PETR. FRID. ARPE^y. Et huc pertinent, quae curiosus harum rerum apud veteres indagator GILBERTVS GAULMINVS^z, de hieroglyphica hac Aegyptiorum magia affert, habuisse in adytis doctrinae suae Magos Aegyptiacos cuique animali *ιδίμορφον* numen concessum, cuius ope in hoc animalis genus nihil non potuerint: inde magiam murum, serpentum, leonum in Babylonicis IAMBLICHI memorari, quae per haec similis formae *σερχεῖώματα* exercebantur. Et hinc rationem desumendam putat, cur Iannes et Iambres, ceterique Aegypti praestigiatores serpentes quidem, ranasque Mo-

sis

q) Plerosque nominauit ven. WOLFIUS Cur. exeg. et philol. in N. T. adh. l. T. III. p. 521.

r) l. c. p. 813 seqq.

s) De praep. L. VIII. c. 8.

t) l. c. L. IX. c. 27.

u) Multa in hac dissertatione afferuntur rem Aegyptiorum literariam et theologicam illustrantia. Primam Harpocratis significationem homi-

nem indicare, primis regibus Aegypti sanguine iunctum, siue plane filium, quod PLUTARCHVS ait, ratio Aegyptiacae religionis dubitare non patitur.

x) In Apologia.

y) De Talismanibus et amuletis p. 7.

z) Ad vitam Moysis L. I. c. 11. p. m. 262.

sis imitari similesque producere potuerint, pediculum vero non item: quia haec magia in perfecta animantia tantum aliquid valuerit, cum eiusmodi insectorum nullum ἰδιόμορφον numen illis fuerit. Nos haec suo quidem loco relinquimus, et quaedam recentioribus vel Iudaeorum, quos libenter sequitur Gaulminus, vel Platoniorum quoque in eiusmodi artibus magnam famam quaerentium traditionibus magis, quam Aegyptiorum placitis deberi, suspiciamur: adducenda tamen haec fuerunt, ut constaret, coniecturam illam, hieroglyphicas imagines ad magiam auerruncandosque malos daemones adhibitam esse, non esse hodie natam, sed olim iam eruditis placuisse. Illud certum magiam et astrologiam Aegyptios iunxisse; recte enim obseruat PLINIVS^a: *Magiae et medicinae natae additas esse e religione vires et artes mathematicas*. Quando vero in Aegypto inualuerit incertum; Mosis certe tempora superat; unde de relictis in Aegypto artibus magicis intelligenda, si vera sunt, quae canit AVSONIVS^b: quod Petosiris:

Atque Magos docuit mysteria vana Nechepsos^c.

*De theologia
Aegyptiorum.*

Monita generalia.

I. Fuisse duplicem theologiam.

§. XI. Sed ut propius ad cognoscendas Aegypti doctrinas, quatenus per velum ab invidis sacerdotibus obductum licet, accedamus, theologia imprimis Aegyptiorum, et placita circa religionem, quae potissimam philosophiae, siue eruditionis potius Aegyptiacae partem absoluunt, consideranda sunt. Priusquam vero hoc fiat, praemonenda quaedam sunt, sine quibus feliciter in difficili hoc itinere progredi nobis non licebit. Scilicet I. ex iis, quae in superioribus differuimus, repetendum probeque notandum est, duplicem theologiam apud Aegyptios fuisse, vnam vulgarem, alteram arcanam et reconditam, cuius mysteria ad vulgus emanare non patiebantur, sed sacerdotibus solis, neque his omnibus, sed CLEMENTE ALEXANDRINO teste^d, iis tantum τοῖς κριθεῖσιν εἶναι δοκιματάτους ἀπὸ τῆς τοῦ θεοῦ, καὶ τῆς παιδείας καὶ τοῦ γένους, qui iudicati fuerant probatissimi, et educatione, et doctrina, et genere. Praeterea notandum est, quod supra quoque ὡς ἐν παρόδῳ tetigimus, isque ipse ecclesiae doctor addit, illis, qui ad regnum peruenturi erant, haec mysteria patuisse, refertque PLUTARCHVS^e, eum, qui e bellicosus rex creatus esset, statim se sacerdotibus dedisse, ac philosophiae participem factum fuisse, pleraque fabulis occultantis ac sermonibus, obscura veritatis indicia et argumenta habentibus: id quod per sphingas ante templum collocatas innui putat, quas doctrinam, quae de Deo est, aenigmaticam, et obscuram esse, significasse, alio loco CLEMENS^f tradit. Ex his vero sequitur, ad rationes theologiae Aegyptiacae reconditas et arcanas potissimum attendendum esse, easque, quantum coniecturis et collatis veterum testimoniis licet, ita

ex-

a) Lib. XXX. c. 1.

b) Epist. XIX.

c) Fuisse hunc regem ex sacerdotum genere verisimiliter iudicat, multa de eius scientia magi-

ca et astrologica affert MARSHAM Can. chron. p. 477 seqq.

d) Strom. L. V. p. 566.

e) De Isid. et Osirid.

f) l. c. p. 561.

expendendas, ut tum regi atque imperio, tum sacerdotum ordini, rationibus quoque philosophicis vulgarem religionem ornanti attemperabatur.

II. Non putandum est, totius Aegypti vnam eandemque fuisse theologia; sed dissensisse, si non in primis sacrarum doctrinarum fundamentis, in iis tamen, quae inde consequuntur, quaeque ad constituendam religionem pertinent, sacerdotum collegia per vniuersam Aegyptum dispersa. Quod luculenter illustrat magnus CONRINGIVS^g ex facinore Tentyritarum in Ombios, quorum his adorare crocodilum, illis interficere mos fuit, de quo IUVENALIS^h:

Summus utrinque

Inde furor vulgo quod numina vicinorum.

Odit uterque locus, quem solus credat habendos

Esse Deos, quos ipse colit.

II. Variam
fuisse Aegy-
pti theolo-
giam.

III. Tempo-
ra theolo-
giae Aegy-
ptiacae esse
distinguenda.

Hanc vero dissensionem non ad vulgi tantum religionem pertinere, publicumque Aegyptiorum cultum tangere, quos non similiter Deos eosdem colere praeter Ilin et Osirin iam monuit HERODOTVSⁱ, sed et valere de placitis sacerdotum vel vna PLVTARCHI de *Iside et Osiride* tractatio nos conuincit, in qua, quot veterum scriptorum Aegyptiacorum de his aliisque Aegyptiorum numinibus explicationes diuersae afferuntur, tot testimonia sunt, quam male inter se ad eandem sententiam doctrinae Aegyptiorum sacrae queant componi, quamque diuersa placuerint diuersis^k.

III. Tempora quoque theologiae Aegyptiacae probe distinguenda sunt. Prima enim regni secula alios sine dubio videre Deos, alia coluere numina, quam sequentia, si ad sensum fabulis datum et explicationes earum respicias. Prima enim tempora in colendis magnis viris occupata, ubi serius accesserunt ingeni philosophica, emendata sunt, et rationes excogitatae astupenda idololatriae insania religionem magis purgantes. Imprimis vero per incursiones et irruptiones gentium peregrinarum multum theologia Aegyptiaca mutata est. Factum id imprimis, ubi Cambyfes ex Perside in Aegyptum magno cum exercitu profectus iugum populo imposuit, ex eo tempore enim Persarum de diuinis principia apud multos inualuisse, ex iis, quae de Osiride et Typhone et eorum arcana explicatione postea referemus, recte colligitur. Post Persas Graecorum sub Alexandro et successoribus imperium inualuit, et Graeca quoque eruditio ad Aegyptios perlata et philosophia introducta est. Dici non potest, quantum haec regiminis mutatio ad mutandam quoque Aegypti religionem et doctrinas sacras attulerit. Non enim victi tantum in mores et sensus victoris sensim traducebantur, sed Graeci quoque numina Aegyptiaca suis cum Diis comparantes, illisque Graecorum Deorum nomina imponentes occasionem dedere, utramque religionem misere confundendi.

Quod

g) De Hermet. Medic. c. XII. p. m. 123. conf. MOSHEM. ad CVDWORTH. p. 366.

h) Satyr. XV.

Hist. philos. Tom. I.

i) Lib. II. c. 42. conf. MARSHAM. Can. chron. Sec. IV. p. 62.

k) Conf. PIGNORIVS in mens. Iliac. p. 2.

Quod ubi vidit sacerdotum genus, homines versipelles, et de rerum suarum antiquitate mente occupati, confirmauerunt Graecos in ista opinione, ut ita et victorum religio ab ipsis descendisse videretur, et ad aucupandam imperantium gratiam religionem in eius usus verterent. Et quoniam Graecis isto tempore philosophia summa sapientia habita est, ideo sacerdotes, qui sapientiae antistites videri volebant, Graecanicam philosophiam edocti more Graecorum philosophari instituerunt. Hinc noua religionis facies, ad principia physica et metaphysica applicata, quae cum antiquis doctrinis ad saluandam religionem regni publicam miro syncrétismo composita, nouam doctrinis Aegyptiorum sacris intulerunt confusionem. Nec hoc solum fuit, sed et inualescentis scholae Pythagorico-Platonicae studium omnia vniuersi orbis religionum systemata ope allegoricae methodi concubandi et confundendi, ita theologiam Aegyptiam a prima facie deformauit, ut cauto et attento lectori persuaderi non queat, eam esse theologiam Aegyptiorum veterum, quam hi homines v. g. IAMBlichVS in notissimo de ea libro, proferunt, atque explicant. Tantis itaque atque tor dissidiis cum theologia Aegyptiorum vallata sit, quis quaeso certi quid a viris doctis, qui tantopere de ea disputarunt, expectet? et quis miretur, in tam diuersas plerosque sibi que oppositas sententias discedere, ut vel ex iis videre est, quae eleganter hac de re differit IACOBVS BASNAGIVS¹⁾, quaeque MARSHAMO et SPENCERO opposuit WITSIVS²⁾. Nobis itaque sola coniiciendi potestas relicta est.

*Theologia
Aegyptiorum
exoterica.]*

§. XII. His suppositis et praemissis, si I. de theologia exoterica, qualis in religione Aegypti publica viguit, iudicandum est, foedissimam in ea superstitionem ab omni ratione alienam regnasse, nemo in veterum libris adeo hospes est, ut ignoret. Et laudatur quidem Aegyptiorum incolenda atque tuenda religione ardor, quo omnes fere populos superauerunt; unde Aegyptios HERODOTVS³⁾ vocat θεοσεβείας περισσῶς μάλιστα πάντων ἀνθρώπων *religiosissimos omnium hominum*. Aliter tamen sacrae literae⁴⁾, ubi mystica scortatio, qua foedissima idololatria et superstitio innui solet, Aegypto tribuitur, haecque ad abominabilem eius faciem designandam Sodoma iungitur. Nam non omnis tantum generis numina apud gentes barbaras recepta, immo a Graecis quoque adorata cum Diis Aegyptiorum conciliata et culta, sed et praeter Deos, heroas, magnos viros, et his similes, omnis generis bestiae, et alia quoque creaturarum genera consecrata sunt. Quod adeo in vulgus notum est, ut otio lectoris vel nostro abutendum non sit, ad latius hoc probandum, et sufficit vna IUVENALIS satyra⁵⁾ mordacissima:

*Quis nescit, Volusi Bithynice, qualia demens
Aegyptus portenta colat? Crocodilon adorat*

1) Hist. des Juifs T. III. c. 17. et 18. ubi opposita systemata de Aegyptiorum theologia enumerat.
2) In Aegyptiacis, luculento libro.

3) Hist. L. II. c. 37.
4) Apoc. XI. 8.
5) Sat. XV.

*Pars haec; illa pauset saturam serpentibus Ibi.
 Effigies sacri nitet aurea Cercopithecii,
 Dimidio magicae resonant ubi Memnone chordae,
 Atque vetus Thebe centum iacet obruta portis.
 Illic coeruleos, hic piscem fluminis, illic
 Oppida tota canem venerantur, nemo Dianam:
 Porrum et cepe nefas violare, ac frangere morsu.
 O sanctas gentes, quibus haec nascuntur in hortis,
 Numina.*

Paria passim occurrunt, vnde portenta Magorum cum Aegyptiorum in eodem genere dementia iunxit CICERO⁹. Quae superstitio in contemptum omnem Aegyptiorum religionem adduxit, et aliquando Romae adeo inuisa fuit, vt Serapidem, Isidem et Harpocratem cum suo Cynocephalo, Capitolio prohibitos, id est, curia Deorum pulsos, Piso et Gabinius Coss. non utique Christiani, euerfis etiam aris eorum, abdicauerint, turpium et otiosarum superstitionum vitia cohibentes¹; Tiberius autem, referente SVETONIO⁵, externas caeremonias ritusque Aegyptios compesceret, coactis qui superstitione ea tenebantur, religiosas vestes cum instrumento omni comburere. Vidit hanc pestem, qui tamen ad arcanos Aegyptiorum sensus, et reconditam disciplinam respiciens, nihil a ratione alienum, aut fabulosum, aut a superstitione profectum inter Aegyptiaca scita deprehendit, PLVTARCHVS⁶, monens, Aegyptiorum plerosque colentes ipsa animalia, et tractantes tanquam Deos, non sannis modo et irrisioni totam pene sacrorum obiecisse rationem, sed et vehementem animis ingenerasse opinionem, quae infirmis atque simplicibus meram inducit superstitionem, vehementiores autem atque audaciores ad negandum Deos belluinasque cogitationes propellit. Plura non cumulamur, hauriet, qui plura sitit affatim apud HERMANNVM WITSIVM⁷ et RADVLPHVM CVDWORTHVM⁸: nec enim haec a quopiam negata sunt, qui ad res Aegyptiorum sine praeiudicio attendit. De causis vero cultarum inter numina Aegyptiaca bestiarum tantopere viri docti inter se dissentiunt, vt facilius sit, tot inter se discordes sententias enarrare et refellere, quam veram eligere. Neque instituti nostri ratio patitur, vt in hoc argumento prolixè versemur. Legant, qui haec nosse capiunt, quae elegantissimus BANIERIVS⁹ et vir summus IO. LAURENTIVS MOSHEMIVS¹⁰ doctissime de hac re commentati sunt; quorum hic probabiles satis rationes adducit, et a primorum religionis Aegyptiaca inuentorum consilio, bestias humano generi, colendaeque regioni necessarias vtilisque commendandi, numina illa bestiarum imaginibus per vniuersam Aegyptum culta inuenta; noxia vero animalia ex Typhonis cultu Perficis doctrinis de principio mali immutato, religiose coli, ne no-

Nn 2

ceant,

9) De Officiis L. I.

1) TERTVLLIANVS apolog. c. 6.

5) c. 36.

7) De Iud. et Osiride.

8) Aegyptiac. L. II. c. 4. p. 83 seqq.

x) System. intell. c. IV. §. 18. p. 361.

y) Pecul. tract. Hist. de l'Academie des sciences T. VI. p. 116 seqq.

z) Ad CVDWORTHVM l. c. §. 19. p. 418 seqq.

ceant, introducta, et a sequioris aetatis hominibus multa ex confusione et syncretismo religionum addita esse, verisimiliter coniicit. In eo tamen consideratius attendentes facile conspiraturos esse, credimus, non vnam tantum, sed plures causas introducti bestiarum cultus apud Aegyptios fuisse, easque non solum a coniecturis nostrorum temporum, verum etiam ab explicationibus sacrificulorum, absurditatem philosophicis rationibus emollientium, distinguendas esse. Imprimis ad prisca tempora attendendum est, quibus cum magni viri ad colendam terram, firmandumque imperium et mitiores mores rudissimos homines religione assuefacerent, et quasi adigerent, bestiarum quoque cultus iisdem rationibus status seruire iussus est ^a; qui, cum postea in sententiarum diuortia discederet Aegyptus, varius quoque et inter se dissidens factus est, adeo ut, quod vno loco interficiebatur animal, altero coleretur, vnde non semel atrocia inter Aegyptios bella exorta sunt. Quae cum risum atque sannas exterorum excitarent, illae postea rationes philosophicae excogitatae sunt, quas veteres passim pro explicanda absurdissima superstitione afferunt.

*Theologia
Aegyptiorum
arcana.*

§. XIII. Verum haec in vulgus tradebantur, et ad externam religionem pertinent: quibus in arcana disciplina aliud significatum fuisse, dubitari nequit. Hinc II. de theologia Aegyptiorum arcana dispiciendum est, et inquirendum attentius, quid de rebus diuinis docuerint. Verum hic quoque non exigua scriptorum est discordia, quorum aliqui nefandae astrolatriae reos faciunt, omnemque Dei veri notitiam iis negant ^b, alii vero de summo numine castius tradidisse contendunt. Inter illos principem locum ducit EVSEBIUS ^c, qui Chaeremonis testimonio ad probandam sententiam utitur: Aegyptios non alios Deos agnoscere, praeter hunc mundum aspectabilem, eiusque partes atque sidera. Locus extat in epistola PORPHYRII ad Anebonem prophetam Aegyptium, quam IAMBlicHI libro *de mysteriis Aegyptiorum* praemisit THEOPHILVS GALEVS, vbi ita philosophus: *Chaeremon certe atque alii multi nihil quicquam agnoscunt, ante mundum hunc aspectabilem, nec alios Aegyptiorum in ipsis suorum scriptorum exordiis ponunt Deos, praeter vulgo dictas planetas, et zodiaci signa, et stellas, simul cum his in conspectum venientes, et sectiones Deorum et horoscopos. Quique fortes ac duces nuncupantur, quorum nomina et procuraciones ortusque simul et occasus futurorumque significationes in Almenichiis continentur. Quippe videbat enim, qui solem uniuersi architectum esse dicerent, ab illis non ea tantum, quae ad Osiridem Isidemque pertinent, sed etiam quicquid sacrarum fabularum erat, partim in stellas et earum conspectus, occultationes occurfusque deuohi, partim in lunae modo crescentis modo senescen-*

tis

^a) Confer quae eleganter de hac re commentatur PLUT. de Isid. T. II. p. 111. 170.

^b) Vid. quos nominat ven. REIMANNVS Hist. Atheismi Sect. II. c. I. p. 51 seq. q. ad. BAYLE

Reponse aux questions d'un provincial T. II. c. 107. p. 415. Contin. des pensées sur les comètes T. I. p. 116 seq. T. II. p. 495.

^c) De praepar. L. III. c. 4.

tis varietatem, partim in solis cursum, vel in nocturnum diurnumque hemisphaerium, vel in ipsum Nilum fluuium; cuncta denique in res naturales, nihil in corporea mole carentes viuentesque naturas ipsorum interpretationes conferri. Atque Aegyptiorum plerique id, quod in nostra voluntate est et potestate positum, ex siderum motu suspensum esse voluerunt; cuncta necessitatis, quod factum appellant, sic tanquam inexplicabilibus quibusdam vinculis nescio quo pacto constringentes. Sed et ipsis quoque Diis fatum annectunt, quos interim uti fati solos vindices in templis, in statuis aliisque eiusmodi venerantur. Haec Porphyrius, de quibus ita Eusebius: haec manifeste declarare, ne arcanam quidem ipsam Aegyptiorum theologiam praeter coeli stellas tum quae constantes et fixae, tum quae errantes vulgo nominantur, alios ullos Deorum collocasse, immo nec corporis expertem aliquem huius vniuersi architectum statuisse, nec rationi effectrici, sed uni tantum aspectabili soli eius molitionem attribuisse. His addit alio loco ^d, vbi Phoeniciam Sanchuniathonis cosmogoniam ex Aegypto haustam explicat, Aegyptios in maximorum Deorum loco eos omnes habuisse, qui res ad vitam agendam necessarias inuenissent, quique beneficium aliquod in genus humanum contulissent: eos nimirum, quos sibi plurimorum auctores bonorum esse persuaderent, diuinis affectisse honoribus. Quia vero satis norat, Aegyptios hos Deos ad causas naturales referre, addit: ut profecto his omnibus argumentis, egregiam istam mirabilemque physiologiam, nihil usquam vel leuiter attigisse veritatis, nihil quod diuinitatem sapiat inuexisse, sed coactitiam et ementitam potius sibi honestioris explicationis speciem aliunde mendicam obtendisse, manifesto teneamus. Alio loco ^e ad Philonem Byblium prouocat, qui postquam dixisset, Aegyptios regum suorum nomina vniuersi huius elementis, ac quibusdam eorum, quibus diuinitatem ipsi tribuebant, imposuisse, addit: naturales porro Deos solem, lunam, reliquasque stellas inerrantes, cum elementis ac ceteris cum iisdem affinitate iunctis solos ex omnibus agnouisse, ut mortales quidem alios, alios autem immortales haberent. Parum ab his abeunt, quae ex Manethone et Hecataeo, de philosophia Aegyptiorum refert DIOGENES LAERTIVS ^f, Materiam principium fuisse rerum: solem ac lunam Deos esse alterumque Osirim alteram Isim appellatos. His testimoniis vsi viri graues, inter gentes atheas Aegyptios referre non dubitant, statuuntque non alios Deos admisisse, praeter fidera, hominesque inter Deos relatos. His tamen alii, et inter hos, qui maxime non sine magna eruditione Aegyptiorum causam egit, eruditissimus CUDWORTHVS ^g se opponunt, contendentes, Eusebium seduci se a zelo suo passum fuisse, ut ab Aegyptiis admissum negaret, quod alio loco iis tribuebat, summum numen. Monetque vir ille celeberrimus IAMBlichVM ^h dudum ad istas obiectiones Chaeremonis respondisse, innuentem, eum, et quotquot alii tangunt causas rerum mundanarum primas,

Nn 3

princi-

^d) Lib. I. c. 9.^e) lib. III. c. 4.^g) Syst. intell. c. IV. §. 18. p. 371 seqq.^f) Lib. I. c. 10.^h) De myster. Aegypt. sect. VIII. c. 4. p. 160.

principatus tantum infimos describere, et quid de planetis tractant, particulares tantum diuisiones ostendisse. Nec Aegyptios dicere, omnia naturalia esse, nam vitam animalem atque intellectualem a naturali discernere, non solum in mundo, sed etiam in nobis, et credere, mentem ac rationem per se existere. Haec postea prolixè probat, et tum ex libris quos Hermeticam disciplinam atque doctrinam comprehendere putat, tum aliis quoque testimoniis munit. Inter ea quam maxime considerandus est PLUTARCHVS, qui in libello saepius nobis laudato, *de Iside et Osiride*, hoc fundamentum struit: Aegyptios supplicasse Numini summo τῷ πρώτῳ Θεῷ, rituumque Isiacorum hunc fuisse scopum ait; *primi rerum domini, ac sola mente percipiendi cognitionem Dei*; hunc principem Deorum Aegyptiis numen obscurum et occultum vocari. Post haec ad HORII APOLLINISⁱ testimonium prouocat, IAMBlichVMque iungit, et imprimis vrget, etiam in populari religione tot minoribus Diis vnum summum fuisse praefectum, Hammona, quem Graeci cum Ioue comparauerunt: et indicatum in inscriptione illa, qua templum Saide Aegypti oppido condecoratum fuit, *Ego sum omne, quod existit, est, et erit, meumque pepulum nemo adhuc mortalium detexit*. Quae inscriptio vti materiae ex partibus congestae conuenire nequeat, ita non nimis a Mosaica remota cl. viro videtur, id quod etiam B. OLEARIO^k placuit. Nam contendit, et Platonice quoque effatis cumulatis probat, Deum τὸ πᾶν dici. Multam in his omnibus eruditionem profudit magis, quam adhibuit, vir πολυμαθής, veremur tamen, vt in his omnibus neruum, quem requirit eius demonstratio, lector cautus rerumque gnarus inueniat. Quocunque enim loco fides Eusebii habenda est, quae tanquam testis non sufficientis considerari non debet, illud certum est, totam viri laudatissimi responsionem niti explicationibus Platonice recentiorum, qui philosophumena sua serius in Aegyptum transtulerunt, et ad antiqua theologumena Aegyptiaca adplicuerunt^l. Haec principia recentiora esse suo loco ex instituto probabitur; hic vel id obseruauisse satis est, eiusmodi subordinationes, quales Aegyptiis adscribit IAMBlichVS, ignoratas fuisse Aegyptiis priscis, et ab his hominibus ex orientis doctrina, quae circa saluatorem natum vixit, receptas systemati suo syncretistico, quod Aegypto obtrudebant, et pro Aegyptiaco haberi cupiebant, illatas esse. Id quod luculenter demonstrari potest, ex iis, quae DIODORVS de theologia Aegyptiorum veterum habet, quae cum his Platonice explicationibus non cohaerent. Idem de Plutarcho iudicium esto; qui vidit quidem aliquid, vel legendo quoque affecutus est principiorum Aegyptiacorum; sed dum arcanos sensus non ex illorum opinione sed ex Graeciae placitis Platonisque, quem in theologumenis adamabat, mente sectabatur, et inter diuersissimas explicationes dubius haerebat, falsus est et alios fefellit, dum Aegyptios

i) Lib. I. c. 61. male tamen locum hunc Cudworthum intellexisse demonstrat ven. MOSHEM IVS p. 390. not. 92.

k) Diss. de rebus gestis Pauli in vrbe Athen. §. XVII. p. 20 seq.

l) Monet etiam hoc MOSHEM. l. c. p. 392. not. 101.

ptios personatos et Graecanica eruditione atque industria exornatos exhibuit, id quod recte in eo notauit VOSSIVS^m et post eum WITSIVSⁿ. Nec Saithana inscriptio Deae Neith id, quod vult CUDWORTHVS, probat, cum et Dea sit, adeoque summum primumque numen denotare nequeat, et peculiaris prouinciae Dea fuerit, quae ad summum et vniuersale numen adplicari nequit: vt alias rationes, quae hoc testimonium evertunt, taceamus, quas eleganter atque doctissime, more suo, enarrauit celeberrimus MOSHEMIVS^o. Etsi vero his Cudworthi argumentis pondus inesse illud, quod prae se ferunt, non putemus, in priorem tamen sententiam nude acceptam non descendendum, sed ex vtraque aliquid tenendum, et ad tempora diuersa theologiae Aegyptiacae attendendum esse existimamus, vt, quae verisimiliter Aegyptiis sententia tribuenda sit, perspicere queamus. Vt vero rationes pateant, distincte, quae veteres fide digni referunt, explicanda, et tum demum allegoricae Aegyptiorum doctrinae applicanda sunt.

§. XIV. III. Vetustissima itaque Aegypti tempora respicientes, Deos offendimus ex hominum genere natos atque mortales, qui cum magnis beneficiis, maximo ingenio excogitatis, inuentisque vtilissimis, Aegypti vetustissimae incolae affecissent, Dii habiti sunt. Haec ex iis, quae ex Eusebio retulimus, clara sunt, et supra iam probata. Recte itaque infertur: Osiridem fuisse talem magnum regem, Isin eius uxorem, Horum filium, Typhonem fratrem, sicque et circa alia quoque numina Aegyptiaca esse statuendum de ratione diuinitatis illis attributae^p. Non tamen adeo rudes et ab omni sensu alieni putandi sunt prisci illi homines, vt Deos sibi fingerent tales, qui nil nisi mortalitatem prae se ferrent. Sed latebat in hac deificatione, alia opinio: maximos hos viros diuinae naturae fuisse participes. Cum enim homines rudes et simplices viderent, ingenia eorum sua immense superare, mirarenturque, vitae molestias vtilissimis inuentis et institutis esse leuatas, diuinum in iis genium, vel potius partem diuinitatis, quae omnibus rebus inest, residere, adeoque eos, depositis mortalitatis exuviis, ad pristinas sedes ipsumque Deum rediisse, et coelestibus choris insertos credebant. Id quod supra iam Plutarchi testimonio probatum dedimus, mouentis, Osirin et Isin ex bonis daemonibus in Deos commutatos esse; his enim verbis clare innuitur, hos homines, bono genio inhabitante et e corpore discedente Duce, ad Deos transiisse. Nec ratio dari potest fabulosae historiae Aegyptiorum, eorumque primorum regum ex Deorum et semideorum numero, nisi haec explicatio admittatur: quae tanto magis veritati similis est, quo magis non inter Aegyptios solum, sed inter omnes quoque gentes idololatrias ea deprehenditur. His, prout debent, admissis, sequitur prona consequentia, admississe vetustissimos Aegyptios diuinum quid, siue numen aliquod per vniuersum mundum diffusum, cuius partes siue effluuia (nam qua ratione id intellexerint in tanta antiquitate rei et monumento-

*Vetustissima
Aegyptiorum
doctrina de
Diis.*

rum

^m) De idololatr. gent. L. I. c. 5.

ⁿ) In Aegyptiacis L. II. c. I. §. 22. p. 89.

^o) l. c. p. 398 seqq. not. 123.

^p) Conf. CLERIC. Bibl. vniu. T. III. p. 12.

rum defectu, definiri non potest,) in magnis his viris resederint, et ad quam vel in quam deposita mortalitate magnae animae redierint. Ex his vero patet, priscos Aegyptios non ab omni numinis sensu fuisse remotos, sed potius numen per vniuersum diffusum admisisse. Magna tamen probabilitate creditur, eos hoc numen non recte cognouisse, incertumque est, an vim hanc diuinam peculiari existentia gaudere crediderint, nec ne? Vnde porro concluditur

IV. De mundi partibus, quas diuina vi regi et animari videbant, idem, quod de magnis viris crediderunt, statuisse, inesse in iis maximam numinis partem. Qua in opinione eo magis confirmabantur, quod viderent, a sideribus, et praecipue sole atque luna et planetis maximam ad terrae foecunditatem, quae in Aegypto magna semper fuit, redundare vtilitatem, magna-que ea sapientia regi, pulcherrimoque ordine ferri. Inde non quidem solem, lunam stellasque ipsas vel reliquas etiam mundi partes Deos esse putabant, sed diuina tamen virtute animatas, vel, vt clarius rem eloquamur, magnos genios, daemonaue qui diuinae essentiae potiores partes essent, in illis habitare, eas animare, et essentialem iis effectum largiri. Legat DIODORVM de veterum Aegyptiorum religione differentem, qui haec probabilitate non destitui, negat, et videbit, non solum solem, lunam, et stellas, Deos esse habitos, sed creditas quoque naturas hominibus praestantiores et nobiliores, seu daemonas; hos daemonas humanis corporibus conclusos inter homines saepe numero commorari, his vero relictis ad sidera et astra proficisci. Cum enim statuerint spiritus vel naturas nobiliores ad astra redeuntes, sedemque diuinitatis repetentes, necessario inde sequitur, in istis magnis mundi partibus eos Deos habitantes credidisse. Cumque Osirin, Isinque reliquosque regionis suae magnos homines, magnos daemonas fuisse crediderint, qui ad sidera redeuntes numini iterum iuncti fuerunt, hinc ratio quoque patet, cur Osirin solem, Isin lunam et sic porro, esse putauerint, quia in magnis et splendentibus his sideribus numinis per vniuersum diffusi potio-rem partem, qua et reges suos participes factos credebant, commorari, vel essentiali forte vinculo iunctam esse statuerunt. Et hinc cultus ille siderum pariter atque daemonum ortus est, quem apud veteres Aegyptios viguisse DIODORVS testis est. Hacque explicatione supposita, ratio dari potest, cur non alios, praeter sidera mundique partes, hominibus quoque non exceptis, Deos agnoscerent, quod ex Chaeremone annotauit Eusebius. Nam cum Deus per vniuersum mundum diffusus, his potissimum sideribus inesse crederetur, nec ab illis separata natura, distingu-eretur, plebs sine dubio sidera ista, diuina natura animata Deos esse credidit. Ex quibus omnibus, non sine verisimilitudine, nisi fallimur, disputatis, patet, errare eos non minus, qui omne prorsus numen vetustissimis Aegyptiis ignoratum esse contendunt, quam qui orthodoxam de Deo sen-
ten-

q) Paria veteres Sinas statuisse suo loco dicitur. Cum vero a veteribus Aegyptiis coloniae in In-
diam migrasse verisimile sit, confirmatur inde non parum coniectura de veteris Aegypti theologia.

tentiam eis tribuunt, vel numen super omnia in profundo et impenetrabili lucis suae abyſſo habitans, iis agnitum cum Iamblichō aliisque Platoniciſ et Cudwortho contendunt. Nam numen illis non aliud fuit, quam ſpiritus ille per omnes vniuerſi partes diffuſus, cuius diuinitas in coeli aſtris quam maxime cernitur, quemque in illis habitare, vt animam in corpore, eaque diuinis operationibus capaces efficere, crediderunt. Vnde neceſſario ſequitur, hoc numen extra vniuerſum non eſſe quaerendum, nec ab eo ſeparandum; quae ſententia etſi non facit Aegyptios atheos, ab impietate tamen proxime abeſt. Et ſic quidem vetuſtiorum temporum theologia docuiſſe nobis veriſimile eſt.

§. XV. V. Propagatam hanc de diuinis traditionem ad poſteros in Aegypto eſſe, non eſt, quod dubitemus; quo magis enim rationis uſus cultus eſt, eo magis diuina virtus et prouidentia, quae in adminiſtratione huius vniuerſi, manifeſtis indiſciis deprehenditur; ab attentis, ad hanc rem animis agnoſci debuit. Qui cum ſuperſtitionem priorum temporum abſurdam et iniuriam in Deum cernerent, quem tamen ſupponi animaduertebant, ad rationes philoſophicas, delapſi ſunt, et accuratius diuinitatis principiorumque rerum omnium ſyſtema condiderunt. Et huc ea referenda putamus, quae ex Plutarcho aliisque huius generis ſcriptoribus Cudworthus alique viri docti referunt. Hi enim, cum negari non poſſe viderent, eſſe numen aliquod, cuius infinita potentia in toto vniuerſo eluceret, et tamen a parentibus et maioribus traditione accepiſſent, per vniuerſum numen hoc diffundi, hanc elegerunt ſententiam: eſſe hoc numen principium aliquod infinite potens, quod tanquam ſpiritus vel anima per omnes vniuerſitatis partes commearet, eas penetraret, iisque adeſſet, atque ſecundum naturam ſuam, neceſſariis legibus regeret. Ex quo ſequeretur, cuncta, quae vitam ſpiritumque trahunt, actiuaque aliqua vi gaudent, ex eo oriri, et in id reditura eſſe, id eſt, particulam illam diuini ſpiritus, qui illis ineſt, ex hac mundi anima decerptam in eam redire. Hanc opinionem vt Aegyptiis philoſophantibus fuiſſe probemus, non prouocabimus ad dialogum Aſclepianum, Iamblichum, Proclumque, qui Aegyptiacas doctrinas ſyſtemate ſuo emanatio corruperunt, ſed ad ipſum PLUTARCHVM, qui Aegyptiorum libros conſuluit. Is non tantum Deum ſiue ſummum numen, Oſiridis ſymbolo indicatum apud Deam, quam naturam vniuerſi paſſiuam, eſſe, poſtea demonſtrabimus, degere et verſari ait, ſed et totam de Oſiride et Iſide fabulam ita phyſicae explicationi applicat, vt primam, principem et praetantiſſimam naturam in materia habitare eique formas imprimere contendat. Ad eundem ſcopum tendit HORVS APOLLO^r, qui per anguem integrum depingi monet non regem tantum παντοκράτορα, quem monarcham vocamus, ſed et τοῦ παντός κόσμου τὸ δεικνὸν πνεῦμα, ſpiri-
tum

r) In Hieroglyphicis L. l. c. 64. p. 69. ed. Hoefchel. Loci obſcuritatem norauit cl. M O S H E M I V S ad

Cudworth. p. 390. Qui tamen, ſi ita, prout ſecimus, explicatur, tenebras non habet.

tum, qui per uniuersum orbem permeat. Quibus verbis Aegyptiorum philosophumena satis apte exprimuntur. Requirebatur vero ad systema hoc efformandum, principium quoque passuum, in quo habitaret spiritus ille, quod formaret, id est, formas rerum imprimeret, quod moueret, quodque naturali sua dispositione recipiendis quidem et generandis rebus aptum esset, non tamen ipsum eas efficeret, desiderio tamen principii actiui teneretur, et sic arctissimo et connubiali quasi et insolubili vinculo ei iungeretur. Et hoc quidem principium in materia, quam naturam uniuersi passiuam esse putabant, quaesiuere: quae materia cum in se mali siue imperfectionis semina habeat, enata inde Aegyptiis occasio de origine mali ex materia disputandi, ex quo Persarum hac de re Theologumena in Aegypto nota esse coeperunt. Adiectum tum his duobus principiis, tertium, malum, utrique infensum, seque iis opponens, eorum opera dilanans, malique omnis causa. Hoc systema philosophicum, a subtilioribus ingeniis conditum, non tamen a solis Graecis, cum longe antiquius sit, accommodandum erat religioni κρατούση, patriisque traditionibus. Quae ut obscurae et in omnes partes verti aptae erant, ita egregiam occasionem praebuere prudentioribus haec pro Aegyptiacis venditandi. Osiridis enim regis symbolo principium illud actiuum, diuina in mundo anima delineabatur, Isidis vero ea naturae pars, quae formas recipit siue materia; malum contra perfectionem principii formantis obluētans Typhonis imagine expressum; formarum impressionem et productionem Orus filius indicauit. Ita vero historia antiqua commode interpretamentis philosophantium respondebat. Cum enim absque dubio Osiris rex maximus Aegypti fuerit, qui cum vxore Iside regnauit, a fratre vero Typhone trucidis et rebellis ingenii viro perpetuis bellis impetitus fuit; Oro filio ei repugnante, regiamque familiam et thronum defendente et propagante; facile in his inueniebant, quae systemati suo applicarent. Coniecturam haec non meram sapere, sed veterum interpretationibus niti, PLUTARCHVM consulenti patebit. Is enim diserte: *Est ergo Isis naturae ea pars, quae quasi foeminea omnes in se recipit ortus, tanquam nutrix quaedam et omnium commune receptaculum. Huic Isidi a natura insitus est amor primae omniumque principis, et praestantissimae naturae, quae est bonum. Hoc ea desiderat atque persequitur, et portionem a malo sibi obtingentem fugit atque repellit. Cum enim sit receptaculum et subiectum utriusque, sua tamen sponte semper vergit ad melius.* Haec in sequentibus latius diducit, et quid Typhon, quid Osiris, quid Isis, quid Horus in hac explicatione physica significant, persequitur. Multa huc ex Platonis schola traduxisse Plutarchum non negamus, fallique etiam, ex iis, quae diximus, concludimus, quando Platonicos de ente summo, idea et materia conceptus Aegyptiis affingit, quales serius longe et caput demum extollente Platoni-

ca

*) Quod contendit WITSIVS l. c. p. 89. Sed systema de duobus principiis antiquius est.

t) Conf. Abbas BANIER diss. sur le Typhon.

T. VI. Hist. de l'Academie des inscriptions p. 162 seq. MOSHEM. l. c. p. 247. et ipse PLUTARCHVS l. c.

ca philosophia Aegyptus tenuit. Attamen hoc inde recte confirmatur, Osirim animam mundi siue Deum per totum mundum diffusum, Isin naturam receptricem formarum, Typhonem malum quod inesse materiae credidere orientales, tum significasse, cum theologia Aegyptiorum philosophicis rationibus ornaretur. Caue tamen haec Platonico sensu intelligas, sed ex Osiride et Iside, id est utroque principio actiuo et passiuo vna rerum vniuersitas siue natura animata compolita, ex Aegyptiorum horum sententia, censenda est. Et hinc ratio patet, cur apud *ATHENAGORAM*ⁿ Isis dicatur, *ex qua sint omnia, et per quam sint omnia*, et cur *MACROBIUS* dixerit^x: *Isin vel terram esse, vel naturam rerum subiacentem soli*. Nec aliud vult inscriptio in templo vrbis Saidis reperta: *Ego sum omne, quod existit, est et erit, meumque pepulum nemo adhuc mortalium detexit*^y; nam quae hic Deae Neith adscribuntur, in aliis Aegypti terris Isidi attribuuntur, hinc celebris illa inscriptio Capuana^z

T E T I B I

V N A Q V A E

E S O M N I A

D E A I S I S

A E R R I V S B A L B I N V S V. C.

Non nescimus aliter visum fuisse multis viris doctis de Iside statuere, et per eam vel summum rerum omnium parentem, vel vniuersum hoc animatum intelligere, nec morose refragabimur contendenti, diuersas fabulae de Osiride et Iside in Aegypto fuisse explicationes philosophicas; et testimonia adduci posse, aliter rem explicantia. Verum ut hi omnes Platonici sunt, adeoque suo systemati conuenienter incertam et obscuram fabulam explicuerunt; ita vehementer veremur, ut qui per Isin vniuersum, vel totam naturam animatam intelligendam esse contendunt, rationem cohaerentem de Iside et Osiride dare queant. Interim praeter coniecturas hic non aliud maius quaerendum esse, quilibet videt, vnde facile patimur, ut in obscurissimae rei explicatione quilibet sensu suo abundet. Patet vero ex dictis haec valde accedere si non plane Spinozistico systemati, Stoico tamen non multum melioris notae. Qui enim animam mundi Platonico sensu intelligunt, illi valde falluntur, et posteriora Aegypti tempora, vbi ista explicatio ex Platonis schola hausta Alexandriae viguit, cum mediis temporibus confundunt, id quod in lectione Cudworthi more suo Platonicos sequentis probe notandum est. De Platoniorum vero Aegyptiorum opinionibus de Deo dicendum est suo loco. Plura in re obscura addere, et incertissimas coniecturas, nullo nisi ingenii fertilioris lufibus, fundamento nixas sequi superuacaneum est. Hoc vnum addimus, dum Typhonem mali in materia versantis imaginem Aegyptii fecerunt, eundemque ideo sacrificiis et victimis placarunt, colligendum inde esse, eos, qui has rationes phi-

O o 2

loso-

ⁿ) Legat. pro Christianis c. 19. p. 86.^x) Saturnal. L. I. c. 17. p. 272.^y) Conf. CUDWORTH, J., c. pag. 398. et L. III. fab. 19.

MOSHEM. ad h. l.

^z) Vid. MARQ. GVDIVS ad PHAEDRVM

lofophicas excogitarunt, non tam materiae impotentiam, inertiam et alias proprietates, in quas Platonici cauffam mali in materia reiecerunt, intellexiffe, quam principum aliquod malum quod materia abutitur, siue illud fit anima quaedam bruta mali cauffa, qua ratione Platonem quoque explicat PLUTARCHVS^a siue spiritus quidam malus, quod forte a Perlis, post eorum irruptiones in Aegyptum acceperunt; quorum prius Plutarchus sectatur^b, qui ex eo, quod Typhonis potentiam tandem conterendam statuunt Aegyptii, concludit: mixtam esse huius mundi originem atque compagem ex contrariis facultatibus, sed quarum non sint aequales vires, meliore praeualente et deteriore, non tamen funditus, abolituro: nobis posterius ex Persarum disciplina transsumtum probabilius videtur; ita tamen vt cum diabolo Scr. S. non confundatur^c. Certiora in tantis tenebris, vbi palpare, videre est, ab aliis expectamus. Noster est celeberrimus MOSHEMIVS^d.

Trinitas Aegyptiorum.

§. XVI. VI. Restat, vt de trinitate, quam in diuinis ab Aegyptiis cognitam, quidam statuunt, paucis dicamus. Hanc sententiam exornandam sumfere FRANCISCVS FLVSSVS CANDALLA^e, HANNIBAL ROSSELVS^f, et qui omnem fere Aegyptiorum superstitionem ad mysteria Christianorum inepto et audaci consilio transtulit ATHANASIVS KIRCHERVS^g. Adeo vero infirma et ficulnea sunt Kircheri argumenta, vt ea recitasse, sit refutasse. Prouocat is partim ad hieroglyphica, in quibus globus alatus serpente foetus trinitatis signum esse illi videtur, partim ad Hermetica fragmenta, in quibus non Dei tantum patris, sed et mentis, immo consubstantialis verbi mentionem fieri asserit; haecque Hermetem tum ex traditione maiorum, Cananaea stirpe oriundorum, habuisse, tum ab Abrahamo συγγενῶν didicisse contendit. Quae quam misera sint, quis non videt? omnia enim illa scripta Hermetis, ad quae prouocat, conficta et supposititia esse, supra demonstraui, et adeo in vulgus notum est, vt nemini his nostris temporibus, quibus accuratius de libris νοθείας suspectis disquiri solet, fucum facere queant, nisi Kircheriano ingenio similis fuerit^h. Clariora tamen se inuenisse visus est CVDWORTHVSⁱ, in IAMBlichO^k, quem Mercurio suo adscribere putat tres personas in Deo, siue tria rerum omnium principia, potestate atque gradu inter se diuersa, primo vnum simplicissimum numen, a quo omnis alienissima esset distinctio, cui nomen dedit, Eicton: tum perfectissimam mentem, quae, omnem, qua pollet, cogitandi vim in semet ipsam conuerteret; vocabulum eius Emeph, denique illam, quae omnia, nulla caussa alia interueniente, finxit naturam, cuius varia pro diuersis eius facultatibus nomina Phtha, Ammon,

^a) De psychogonia ex mente Timaei.

^b) De Isid. et Osir. T. II. p. m. 157.

^c) Ita BASNAGE Hist. des Juifs T. III. ch. 19. p. 485. qui putat ex traditione de seducto a diabolo humano genere fabulam de Typhone enatam esse.

^d) l. c. p. 246. not. 34.

^e) Edidit is Mercurii Poemandrum 1575. Gr. et Lat.

^f) In Comm. in Poemandrum. Crac. 1585. Col. 1630.

^g) In Sphinge Mystag. P. II. c. 3. Obelisco Pamphilio P. III. p. 400. et Gymn. hieroglyph.

^h) Explofit Kircheri somnia WITSIVS Aegyptiac. L. II. c. 5. p. 91.

ⁱ) System. intellect. c. IV. §. 18. p. 412. 413.

^k) De mysteriis Sect. VIII. c. 3. p. 158 seq.

mon, Osiris, sint ^l. Addit vir doctus, secundam illam personam, quae hunc orbem fabricata est, Aegyptios Cneph quoque vocasse, et autumasse, ex hoc numine Phtha esse procreatum. Vidit vero ipse Cudworthus, haec cum scholae Pythagorico-Platonicae placitis conuenire, quoniam vero eos pro aptis de religione Aegyptiorum iudiciis habuit, necessario ab illis seductus et lapsus est. Nam hos homines infano consilio religiones totius mundi in vnum systema conflandi, et noxio syncretismo omnia miscendi, omnium gentium praecipue orientalium et Aegypti doctrinas vehementer adulterasse, iisque sua placita supposuisse, quis est, qui ignoret? Illi vero cum Christianis affines videri voluerint, trinitatem quoque aliquam affectarunt, eamque excogitatis principiis quibusdam metaphysicis exornarunt, et veteribus supposuerunt. Vnde quam inepti in hoc argumento testes sint, facile quilibet intelligit. Vidit praeterea in Iamblichio Cudworthus, quod alius non viderit, nec vnquam Iamblichio in mentem venit. Is enim non de summis diuinitatis principiis, sed de Diis aethereis, empyreis et coelestibus, quos alterum ordinem, post Deum summum noëtaracham vocat, et si recte numeres, non tres sed quinque Deos memorat, qui rerum apparentium opificio duces praesint, quosque minores alii sequantur. Ex quibus a cel. MOSHEMIO ^m luculenter demonstratis videre est, hypotheseos seruitio deceptum virum doctum, non attentis satis ad Iamblichi verba respexisse oculis, trinitatemque vidisse, quam nemo Aegyptiorum vnquam somniauit. Propiora et ad trinitatem aliquam referri apta habet PLVTARCHVS ⁿ qui ita Aegyptiorum mentem explicat: *Praestantior atque diuinior natura e tribus constat, eo, quod mente cernimus, et materia, et quod ex his compositum mundus dicitur. Ac Plato quidem primum illud ideam, exemplar patremque nominat: materiam matris, nutricis, sedis, et regionis ortuum capacis vocabulo notat; quod ex utroque constat, prolem ortumque nominare solet. Aegyptios autem probabile est, triangulorum pulcherrimo in primis comparasse vniuersi naturam; qua comparatione etiam Plato videtur usus. - - - Constat id triangulum tribus lateribus - - intelligendum autem est, linea ad rectum angulum alteri insistente, marem, basi feminam, subtendente prolem utriusque repraesentari, et Osirin esse principium, Isin receptaculum, Orum effectum.* Non prorsus inepte ^o etsi Platonice rationibus, tum temporis Aegyptiis ignotis nimis atque temere attemperatum. Sed quam longo haec intervallo a Christianorum trinitate distant? Succurrit tamen aliud quoque, quod ad sanctissimum mysterium propius accedere videtur, Hermeticae doctrinae placitum, quod nobis CYRILLVS ALEXANDRINVS ^p seruauit. Is ita: *Ait etiam Hermes sermone tertio ad Asclepium; fieri non potest,*

O o 3

ut

l) Videndi de his Aegyptiorum Deorum nominibus quos fusc laudat cel. WOLFIVS de manichaeismo ante manichaeos cap. 15. pag. 74. 75.

m) Ad l. c. Cudworthi.

n) De Isid. et Osir. T. II. p. m. 161. conf. WIT-

SIVS Aegypt. L. II. c. 5. p. 95. PETAVIVS dogm. theol. T. II. L. II. c. 2.

o) Forte ex sacerdotibus Aegyptiorum quidam ita instruerunt, postquam Graecorum philosophiam didicerunt.

p) Lib. I. adu. Iulian. p. 35.

ut in rudes et non initiatos haec mysteria efferantur, sed mente audite: Vna erat tantum lux intellectualis ante lucem intellectualem, et est semper mens mentis clara et illustrans, nec aliud quicquam erat, quam huius unitas semper in se ipsa existens, semper sua ipsius mente, et luce et spiritu omnia complectitur. Videtur enim his verbis in vna luce diuina et intellectuali tria principia, mentem, lucem, et spiritum statuere. Recte tamen ubi haec verba intuemur, patebit, tria haec principia tanquam emanationes internas diuinae et ineffabilis lucis delineari, et ita summo numini, tria subordinari principia emanatiua. Quae sententia, Deum aliis praefigens, omnino non Platonica tantum est, id quod docte probauit MOSHEMIVS²⁾, sed et, quod idem vir celeberrimus monet, Iamblichi, qui paria fere Aegyptiis tribuit, aetate superior. Etsi enim Hermeticam doctrinam, vel quod idem est, Aegyptiorum genuinam theologiam haec non referre, ex iis, quae supra de principiis diuinis ex mente Aegyptiorum disputauimus, abunde patet; sapit tamen illam Aegyptiacam doctrinam, quae Platonice in Aegypto caput extollentibus, tandem inualuit, et quae libros illos Hermeticos, patribus passim laudatos peperit. Cuius cum genuina propago fuerit doctrina Iudaeorum Cabbalistica, ut suo loco euidentibus argumentis demonstrabimus; lux inde affulget obscurioribus Pseudo-Hermetis verbis. Cabbalistsae enim in arbore Sephirothica, quae genealogiam emanationum diuinarum exhibet, non praeponunt tantum omnibus sephiris, id est luminibus intellectualibus Orhaënsoph, lucem intellectualem infinitam, vnam, in se ipsa existentem, sed etiam triada superiorum sephirarum, antequam luminibus inferioribus fulguraret, sub ea constituunt, coronam, sapientiam, prudentiam, quae, ut emanarunt ex infinito lucis diuinae oceano, ita certo modo eas lux infinita sub se et in se comprehendit. Quae ut dictis a Pseudo-Hermete aptissime congruunt, ita satis produnt, eadem ex schola cum Hermetica illa, tum Cabbalistica prodiisse, nec haec genuinam Aegyptiorum mentem referre, nisi prout sub Graecorum sensum imperio ad Orientalia et Platonica φιλοσοφούμενα tandem reformata fuit. Haec tamen licet ita se habeant, certo tamen sensu πολυθεότης cum principio, Deum esse omnia, esseque animam mundi informantem, stare potest, nec negamus, Aegyptios veteres non plures Deos siue potius daemones magnos statuisse. Verum illi non emanationes sed partes omnia constituentis Dei sunt, sicque Deus ille, siue mens vniuersum permeans, in omnibus materiae partibus essentialiter et formaliter, non emanatiue tantum est, id est, ut Graeco more loquamur, sensu Stoico non Platonico, quem perperam sequitur Cudworthus. Hincque tota illa Deorum Aegyptiacorum series et fabularum congeries, ex admissio semel hoc principio, facile explicanda. Ita vero non tres tantum, sed innumeri Dii inter Aegyptios, forte hac de re inter se dissidentes quaerendi sunt.

§. XVII.

2) Ad CUDWORTH. c. IV. §. 35. p. 734. c.

§. XVII. VII. Reliqua, quae de Aegyptiorum theologia extant, ex dictis facili labore possunt intelligi. Daemonas enim statuisse, supra indicatum est, qui quoque locum habere possunt, ubi anima mundana admittitur, cuius partes sunt. Hos genios siue Deos hominibus apparere, aeternosque esse docebant: ita enim, ortus lex anima mundi diuina postulabat. Immo et apparere interdum hominibus credebant, quod sacerdotum inuentum fuisse videtur, ut eo magis somniis suis fidem apud plebem credulam inuenirent. Et hinc varia quoque instituta sacrificia, et expiandi Deos rationes atque modi excogitati, de quibus, cum ad nostrum institutum, quod in doctrinas philosophicas Aegyptiorum inquiri, non pertineant, dicere prolixius superfedemus. Addendum et hoc, quod DIOGENES LAERTIVS veteres de theologia Aegyptiorum scriptores secutus refert: Statuas et fana fabricanda esse, quod ignorent effigiem Dei; id quod ad imagines animalium ab Aegyptiis cultas referendum est. Illis enim Deos praesentes esse, animasque beatas et diuinas in eas statuas migrasse, credebant. Quod occasionem praebuit vitae Apollonii architecto¹ narrandi, Apollonium leonem mitem iussisse in templo Leontopolitano collocandum, quod rex Amasis in illa bellua vagaretur; indeque congregatos sacerdotes Amasidi sacra fecisse, belluamque torque et vittis redimitam in interiorem Aegyptum misisse: Quae enim doctissima annotatori monenda visa sunt, Apollonium *Φιλανθρωπίας* tantum symbolum Aegyptiorum oculis obicere voluisse, quibus in more positum fuerit, Deorum et heroum naturam, indolem, virtutes sacris huiusmodi symbolis repraesentare imitandaque proponere, adeo contorta sunt, et ab euidenti verborum Philostrati significatione aliena, ut ad excusandam tantum Apollonii vel Philostrati insaniam excogitata esse, quilibet videat, vnde ea non moramur.

§. XVIII. Post Deum resque diuinas de anima quoque notandae sunt Aegyptiorum doctrinae, de quibus non minus, quam de illis, viri docti vehementer dissident. Et I. immortalitatem quidem animarum Aegyptios credidisse certum est, nec negatur ab vilo, adeo, ut teste HERODOTO², primi fuisse dicantur, qui dicerent, animam esse immortalem. Quod tamen, inuita veritate, dici vel sola nos Hebraeae gentis, in qua ista veritas semper viguit, historia docet, et ex vniuersali fere consensu veteris orbis demonstrari potest³. Nec aliter patitur principium semel admissum materiam, siue naturam spiritu diuino per omnia diffuso animari: inde enim sequitur, animam quoque ex aeterno hoc spiritu animaue ortam aeternam et immortalem esse. Quoniam vero quae immortalia sunt, aeternum durant, inde animam quoque nunquam interituram, sed aeternum victuram autumabant. Hinc refert DIODORVS⁴: Aegyptios bonorum virorum obitum lachry-

*Doctrina
Aegyptiorum
de anima.*

¹) DIODOR. L. I. c. 12. conf. MARSHAM. Can. chron. Sec. IV. p. 52.

²) Lib. I. f. 10.

³) PHILOSTRATVS in vita Apollonii L. V. c. 42. p. 225. Addendus DIODORVS qui L. I. refert, pla-

cuisse Aegyptiis, Deos apparere hominibus in sacrorum animalium formis.

⁴) Lib. II. c. 123.

⁵) Conf. cel. IOACH. OPORINI eruditus liber de immortalitate mortalium. ⁶) I. c.

mis non fuisse prosecutos contra felicitati eorum applausisse, *ὡς τὸν αἰῶνα διατρίβειν μέλλοντες καὶ ἄλλ' ἀδὲ μετὰ τῶν εὐσεβῶν, eo quod in altera vita cum piis aeternum victuri essent*; dignaque sunt, quae de more sepeliendi apud Aegyptiosidem D I O D O R V S refert, quae eo tendunt, ut probata defuncti vitae innocentia in publico iudicio, Dii rogentur, ut in piorum contubernium recipiatur. Et haec quidem Aegyptiis placuisse, satis certum est. II. Magna vero controuersia agitur, unde ex mente Aegyptiorum animae immortales in corpus descendant, quemue in locum demigrent corpore solutae? Adeo enim hic discrepant veteres atque recentiores, ut difficile sit, veram ex his Aegyptiorum sententiam eruere. In locum eas deferri, quem Amenthes Aegyptii dicunt, Graeci ἄδην, P L V T A R C H V S ^z testis est, qui monet: *locum subterraneum, in quem putant animas ferri post mortem, vocari Amenthen, quod nomen significet, accipientem et dantem.* Qua explicatione Graecorum fere opinionibus de statu animae post mortem Aegyptias assimilat. Quae cum vel campos elyios et felicitatis sedes, vel infernales poenas mortuorum animis assignauerint, sequitur inde, si Aegyptiorum Amenthes idem est, in vita altera apud dominos meliores, quae Socratis vox fuit, illis animabus locum eos assignauisse; et huc ea quoque tendunt, quae de more sepeliendi Aegyptiorum ex Diodoro retulimus. His addi potest P O R P H Y R I I ^a testimonium, qui ex Euphanto refert: *Aegyptios exanime cadauer efferentes, ita mortui hominis verbis Deos esse deprecatos: Sol omnibus imperans, vosque Dii uniuersi, qui vitam hominibus largimini, me accipite, et Diis aeternis contubernalem futurum tradite.* His enim verbis clare innuitur, animas ad solem purgandas, indeque ad Deos aeternos et immortalitatis sedem deferri. Ali- ter tamen de Aegyptiorum in hac re sententia H E R O D O T V S ^b, qui narrat, docuisse illos: *exolescente corpore animam subinde in aliud animal, quod nascitur, immigrare, atque ubi per omnia se circumtulisset, terrestria, marina, volucra, rursus in hominis corpus, quod gigneretur, introire, atque hunc ab ea circuitum fieri intra annorum tria millia.* His consentit testimonium, Hecataei apud L A E R T I V M ^c τὴν ψυχὴν καὶ ἐπιδιαιμέειν καὶ μετεμβάλλειν, *animam et perdurare, et transire in alia corpora.* Pa- ria habet A E N E A S G A Z A E V S, cuius verba in Theophrasto ^d eius ipsa consulenda sunt. Et huc facit etiam cultus animalium, qui hanc metempsychosin animarum supponit, ut ex iis videre est, quae §. praecedente ex Philostrato retulimus. Haec adeo pugnare inter se videntur viris doctis, ut de conciliatione desperent, merenturque imprimis expen- di ea, quae acutissimus M O S H E M I V S dignus in hoc argumento iudex, prudenter monet: Neutram sententiam tanquam ab Aegyptiis non admis- sam reiiciendam esse, dissensisse inter se Aegypti sacerdotes, variasque tenuisse

^z) De Iside et Osiride T. II. p. m. 145.

^a) De abstinentia L. IV. § 10. p. 157.

^b) l. c. c. 123.

^c) Lib. I. f. 10.

^d) siue dialogo de resurrex. mortuorum p. 14.

nuisse sententias, et ita frustraneo labore defungi, qui omnes, quae Aegyptiis adscribuntur doctrinas inter se conciliare contendunt. Esse itaque verisimile in doctrina de statu animarum post mortem sacerdotes Aegyptiorum in varias opiniones discessisse; et alios quidem migrationes et circuitus animarum per varia corpora statuuisse; alios bonorum virorum animas a longis his erroribus liberasse, et in Deorum statim confessus deduxisse. Alios rursus, ascendere ad stellas vagas defunctorum mentes, in iisque purgari, ut dignae fiant Deorum consuetudine, decreuisse. Alios, locum quendam subterraneum decedentes excipere animos, praecepisse. Nihil in his omnibus est, quod non suo modo admitti queat, et indubitatum esse, ex supra disputatis pateat, non vnam doctrinae regulam, eandemque opinionem per omnia sacerdotum collegia in Aegypto obtinuisse. Vnum tamen, quod obici potest, non celamus: patere ex solenni sepeliendi ritu, quem supra adduximus, non priuatas eas opiniones fuisse, sed publicas. Nos, si coniecturis (ad eas enim omnia redire, modeste fatemur) locus est, conciliandi diuersas veterum de Aegyptiacis de statu locoque animarum post mortem doctrinis narrationes rationem aliquam superesse non diffitemur, modo ad ipsa principia Aegyptiaca attendatur, nec rationibus Platoniceis, quae maximopere cognitionem veteris philosophiae Aegyptiacae impediunt, tenebrae inducantur. Animas nempe Aegyptiis ex vniuersi anima decerptas adeoque immortales visas esse, supra monuimus. Euincit hanc Aegyptiisque vindicat sententiam doctrina de Deo, anima mundi, ex qua omnia, in qua omnia sunt, in quam omnia reditura sunt. Inde necesse est animas tandem ad Deos redire. Quoniam vero anima corpori alligata variis modis inquinatur, diuersam in Deum redeundi rationem esse, necesse est, ita ut, qui bene vixerint citius, qui male, serius ad fontem unde decerptae sunt, redeant. Omnibus tamen purgatione opus est, quam ista metempsychosi absolui, omnes fere eius doctrinae patroni crediderunt. Bonorum itaque animae faciliiori circuitu a leuioribus sordibus liberatae, ad aethereas sedes, ipsaque astra, solem imprimis, sedem primariam Deitatis eleuatae, in Deum redeunt, et nobiliores atque feliciores habitationes cum Diis inter sidera sortiuntur. Malorum longissimis periodis excruciatas et in deteriora corpora detrusae, longas ita malitiae atque scelerum poenas trahunt, donec a sordibus liberatae principio suo, Deo iungantur. Haec primo illi principio: Deum fontem esse omnium rerum, ad quem reditura sunt omnia, conformia esse, quilibet videt. Atque eadem quoque effatis atque narrationibus veterum consonant. Nam viros bonos virtutisque alumnos in Deorum consortium recipiendos esse, ex hac hypothesis sequitur, et quidem breuiori *μετεμψυχώσεως* periodo, et feliciiori conditione: malos vero ad longas periodos et cruciatus damnari. Vtraque et bona et mala anima migrat, sed diuerso loco, modo, tempore et fato. Τόπος *ὑποχθόνιος* vero, quem Amenthen vocari Plutarchus tradit, idem est, qui Graecis *ᾠδης* dicitur, ille ipse in aethere locus, vbi animae sortis nouae le-

ges ex vita prius acta expectant, et ex fati decreto nouas vicissitudines subeunt. Et ita quidem non cohaerere tantum de Aegyptiorum placitis narrationes veterum putamus, sed consentanea ea quoque sunt illis, quae Aegyptiis doctrina proxime accedunt, Pythagorae et Stoicorum placitis. Quorum ille metempsychosin in Aegypto didicit, et illi quoque viros bonos et sapientes subiecit, quos tamen non diis tantum iungi, sed Deos fieri et in Deum reduci statuebat, eodem, quo Aegyptii more et sensu: hi vero, post mortem animas ex diuina mundi anima decerptas inter sidera, vel in aethere quoque collocabant, donec purgatae redirent, in vniuersalem animam, indeque nouis corporibus infererentur. Id quod quidem ab Aegyptiorum mente aliquantum longius, quam Pythagorae sententia, abit, et μετενσωμάτωσις magis quam μετεμψύχωσις est, illustrat tamen opinionem Aegyptiacam, dum ostendit, qua ratione animae ex essentia diuina decerptae, post funera in loco aliquo commorari, et iterum in corpora venire queant. Ceterum Herodoti narrationem ex vulgi potius traditione quam sacerdotum doctrina sumtam non accuratam esse, adeoque non nimis premendam, ex collatis reliquis testimoniis fit verisimile, certe ad impiorum magis fata, quam piorum pertinet. Cum enim teste D I O D O R O ^e Aegyptii poenas et praemia vitiorum et virtutum admiserint, in animarum quoque reuolutione necessario diuersitatem factorum admittere debuerunt. Quae cum omnibus fere, qui metempsychosin statuerunt, placuerit, et animarum migratio cum purgationibus animae praemiisque atque poenis post mortem coniuncta fuerit, recte inde concluditur, inter Aegyptios easdem doctrinas sine contradictionis specie iungi potuisse.

Doctrina Aegyptiorum de mundo.
Materia aeterna.

§. XIX. Post Deum et diuina, animamque, quae ex Deo esse credita fuit, de mundo eiusque ortu quoque disseruere Aegyptii, quorum physilogia et cosmogonia iam explicanda est. Et I. quidem materiam eos aeternam censuisse, nec vnquam factam aut creatam, dubio apud eos carebit, qui ea, quae supra de Iside disputauimus, recte expenderit. Siue enim per Isidem vniuersum hoc, quod videmus, totumque complexum tum materiae, tum spiritus eam animantis, adeoque vniuersam naturam rerum animatam intelligamus, siue materiam tantum recipientem semina principii actiui, Osiridis, spiritus mundi per eam diffusi, et in ea formam rerum essentialiter producentis, quae Plutarchi et quos sequitur explicatio est, Isin, aeternam, id est materiam nunquam conditam, sed ab aeterno in coniugio Osiridis, id est principii actiui connubio necessario et essentiali fuisse agnoscendum est. Ita enim omnia, quae Aegyptii φιλοσοφῶντες de Iside tradunt, postulant. Nec dubium in antiquissima Aegyptiorum religione idem obtinuisse, vbi creationis materiae ne vestigium quidem apparet. Postquam vero Aegyptii philosophari inceperunt, hanc materiam omnino supposuerunt, et pro primo rerum principio admiserunt, id quod diserte testantur, Manetho, et Hecataeus apud L A E R T I V M ^f: Φάσκει τῆς Αἰγυπτίας, ἀρχὴν μὲν εἶναι τὴν

g) Lib. I. p. 61.

f) Lib. I. c. 10.

τὴν ὕλην εἶτα τὰ τέσσαρα στοιχεῖα ἐξ αὐτῆς διακριθῆναι. *Principium rerum fuisse materiam, et ex ea deinceps quatuor elementa discreta fuisse.* Nec aliud postulat tota cosmogonia, qualis ea a Diodoro describitur, et mox adducitur. Falluntur itaque, qui Aegyptios creationem mundi ex nihilo statuisse sibi persuadent, minus recte intellecto IAMBlichii loco decepti. Quae fuerat scilicet PORPHYRIUS ex Anebone: num Aegyptii materiam agnoscant, nec ne? an corpora prima qualitatibus praedita? tum genitamne ponant materiam, an ingentam? Et tum ea Chaeremonis verba addit, quae supra adduximus, quaeque Aegyptiis mundi generationem ex materia sine interuentu mentis alicuius tribuunt. Ad hanc quaestionem IAMBlichus respondet: *Materiam quod attinet, Deus eam produxit, diuidendo materialitatem ab essentialitate, hancque materiam accepisse opificem Deum vitalem, ex ea simplices sphaeras fabricauisse, ipsius vero quod erat extremum, (siue residuum) ad corpora generabilia facienda transfulisse.* Vrget haec CUDWORTHUS^h, Platonicos, vt semper solet, secutus. Prouocat insuper, qui in eadem sententia est LIVIVS GALANTESⁱ, ad Hermetis libros; EDMUNDVS DICKINSONVS^k vero, ad ipsam physiologiae Aegyptiacae conditionem, quae vniuersae materiae principium attribuit. Nihil enim in his omnibus est, quod accuratius examen sustineat. Et Iamblichii quidem locus adeo distat a creatione ex nihilo, vt satis pateat, viros doctos, qui eum pro hac doctrina allegant, verborum obscuritate seductos, ad systema Platoniorum Alexandrinorum non attendisse. Non enim quaestio erat Porphyrio: materia creata sit nec ne? sed an genita sit? quae quaestio illud, ex quo genita est, supponit. Ad eam vero ita Iamblichus suae sectae principiis innixus respondet: Deum materiam ex sua essentia produxisse, siue genuisse, et ita per emanationem a sua essentialitate separauisse. Quam doctrinam huius scholae affectis placuisse, eosque statuisse, materiam ab aeterno ex Deo emanauisse, suo loco demonstrabimus^l. Adeo vero hoc abhorret a creatione ex nihilo, vt pestilentiorum potius errorem foueat, quam is est, qui materiam Deo mundi architecto, adiungit. Addendum vero et hoc est, genuinam hanc opinionem Aegyptiorum veterum non esse, sed mutatam esse hanc physiologiam a Platoniciis in Aegypto caput extollentibus, vt ita systemati emanatiuo, quod in orientali philosophia tum temporis florebat, se accommodarent, vnde frustra ex horum hominum suis nugis vetera decreta accommodantium testimoniis de hac re iudicatur. Hermetis vero librorum cur nullum pondus in hac re sit, ex supra dictis constat. Nec quae vult Dickinsonus, ex illo sequitur, quod materia ἀρχὴ dicatur; nam quae a Diodoro dicuntur, fuisse τὴν ἐξ ἀρχῆς τῶν ὅλων σύστασιν, mundum quidem initium habuisse, dicunt, non vero materiam, apud Laërtium autem ἀρχὴ non pro initio, sed pro principio ex quo

P p 2

sunt

g) De myster. Aegypt. Sect. VIII. c. 3. p. 159.

h) Syst. intell. c. IV. §. 18. p. 392.

i) Comparat. Theol. Plat. p. 237 seq.

k) Physic. vet. et verae c. XII. p. 198.

l) Legendus, qui de his eleganter commentatur ven. MOSHEMVS in diss. de creatione ex nihilo, inserta CUDWORTHII system. intellect. p. 282 seq.

*Materiae in-
ditus spiritus
aeternus.*

sunt omnia, sumitur, qua ratione omnis neruus argumenti a Dickinsono adhibiti laxatur. II. Materiae tamen spiritum aeternum per omnes materiae partes essentialiter diffusum adiunxisse, ex iis repetendum est, quae supra ^m de theologia Aegyptiorum diximus. Etsi enim negari nequit, et Chaeremonem et Diodorum Siculum in exponenda Aegyptiorum theologia, non meminisse mentis alicuius, cuius ope et fabricatione mundus productus sit; notum tamen est iis, qui veterum cosmogonias curioso et attento oculo perlustrarunt, vetustissimos theologos in condendis ortus rerum systematibus causam efficientem, praesupposuisse, et ad materiae tantum formationem attendisse. Idque apud Aegyptios quoque factum esse, vel ex solo indissolubili Osiridis et Isidis vinculo et matrimonio constat, quo et materia et spiritus simul coniunguntur. Quod si ea certa essent, quae ex PORPHYRIO adducit EVSEBIUS ⁿ ipsa hieroglyphica Aegyptiorum theologia hoc confirmaret. Refert enim: τὸν δημιουργὸν *sive effectricem rationem ab Aegyptiis Cneph appellari, et configurari humana specie, colore coeruleo, eoque nigricante, cingulum ac sceptrum manu tenentem. Huic in capite regium ex penna galericulum esse, quod eiusmodi ratio abdita fere obscuraque lateat, summoque labore inueniri vix possit, eademque vitae fons ac regina cum sit, tum vero intelligente quodam ac spiritali motu creetur, quem maxime penna illa in capite sita referat.* Hunc Deum porro ouum ex ore effudisse narrant, ouum vero illud mundum interpretantur. Quod oui symbolum mundum repraesentare, ex veterum cosmogoniis constat. Negare tamen nequimus, suspectam esse Porphyrii fidem, qui Aegyptiorum veterem doctrinam rationibus Platoniceis adaptauit ^o. Loquitur enim de Demiurgo, quem summo numine inferiorem ponit theologia Platonica, ignorat Aegyptiaca vetus. Accedit, quod PLUTARCHVS ^p refert solos ex populis Aegypti Thebanos Deos nullos mortales colere, verum Deum illum Cneph, quem venerarentur, et ortus et interitus expertem ducere. Ex hoc enim Plutarchi testimonio constat, hunc Deum tantum ad Thebanos pertinere, nec ex eo posse concludi ad religionem totius Aegypti, quam in fingendis Diis insaniuisse ex hoc loco pulchre demonstratur. Hinc viris doctis qui inter Britannos *historiam uniuersalem* condere coeperunt ^q, occasio enata fuit distinguendi inter religionem superioris et inferioris Aegypti, quarum regionum haec idololatria merita fuerit, illa Thebanorum ex praeceptis sobrie magis statuerit. Quod quidem ineptum non est, cum plus semel ostenderimus, variasse admodum in diuersis locis religionem Aegyptiorum, ad explicandum tamen cosmogoniae negotium nihil affert, quia non quaestio est, quis Aegypti populus abiecto πολυθεΐτης praeiudicio melius de Deo senserit, sed quid religio theologorum siue philosophantium de ortu rerum statuerit, a quo argumen-

^m) §. 14. 15.

ⁿ) De praepar. eu. L. III. c. II.

^o) Conf. IDEM L. I. c. 10. et quae de hoc Deo habet THOMAS GALEVS ad IAM-

BLICHVUM de myster. Aegypt. pag. 301.

^p) loc. cit.

^q) p. 61. Praeuiit CUMBERLAND. in Cosmogon. Sanchuniath. p. 12 seq.

gumento Cneph ille tutissime reicitur, quia, pulchre monente MOSHE-
MIO*, incertum est, num summum per illum numen Thebani intellexe-
rint, cum plures aeternos Deos statuere potuerint.

§. XX. III. Ex connubio vero Isidis et Osiridis mundum genitum esse *Mundi pro-*
et productum, Aegyptiorum theologis placuit. Num is Orus filius sit^s, *ductio.*
nec ne? in incerta et obscura re non disputabimus. Mundum certe
Dei filium esse antiquissima omnium fere gentium traditio fuit^t. Nec
desunt veterum testimonia, ex quibus id probatur, inter quae, ne nimis
simus, vel vnum SIMPLICII^u locum notari velimus, in quo philo-
sophus pro aeternitate mundi contra Ioannem Philoponum disputans,
Mosaicam de natura rerum a Deo producta historiam fabulosam traditio-
nem ex Aegyptiorum commentis natam vocat. Obseruatque CVD-
WORTHVS^w eadem ex causa illum, qui Ptolomaeum scholiis illustra-
uit, ideo Aegyptios perstrinxisse, quod soleant perpetuo de mundi ge-
neratione et ortu verba facere. Quare etiam thema astrologicum natalis
mundi ex opinione Aegyptiorum exposuit IVLIVS FIRMICVS^x.
Non dissimulabimus tamen, quod ex DIODORO^y obiici potest, eum
diis coelestibus, soli, lunae, stellis αἰδίων γένεσιν aeternam generationem
tribuere. Quod tamen relatiue tantum, ad Deos illos mortales, de qui-
bus postea differit, intelligendum est, quibus ea numina opponit, quae
cum ipso mundo sunt orta et genita: quibus generationem tamen ad in-
dicandum eorum ortum adscribit. IV. Qua ratione vero mundum ge- *Modus gene-*
nitum crediderint, omnium optime ex DIODORO^z discere est, qui ab *rationis re-*
Aegyptiis id accepit. Etsi enim expressis verbis hanc cosmogoniam Ae- *rum.*
gyptiis non tribuit, et EVSEBIUS quoque, ubi eam ex Diodoro repe-
tit, Graecis eam asserit, apparet tamen ex serie historiae Diodori, il-
lum hanc cosmogoniam tanquam ab Aegyptiis ad reliquas gentes et Grae-
cos quoque translatam considerasse; vnde eum recte audiendum puta-
mus. Ita vero ille: *Cum primum res vniuersae existere coepere, vnius vul-*
tus fuisse coelum ac terram, permixta eorum natura. Posteaquam discessissent a
se ista corpora, mundo contigisse eum, quem nunc videmus, ordinem, aërem
autem perpetui motus factum compotem. Huius quod maxime erat igneum ad
sublimia loca euectum, quippe cum sursum tendat ob leuitatem talis natura: ea-
demque de causa solem et caeteram siderum multitudinem mansisse in perenni ver-
tigine: quod vero coenosum et turbidum, cum humida concretione vno subsidis-
se in loco vi grauitatis. Sed hoc quoque cum volutaretur in se versaretur-
que continuo, ex humidis mare, ex solidioribus edidisse terram, sed lutosam
mollemque valde. Hanc vero, ut primum, qui soli adest, ignis collucere coe-

Pp. 3. *perit,*

*) Ad CVDWORTH. p. 567. n. 8. 9.

†) KIRCHER. Oedip. Aegypt. et alii conf. CVDWORTH. p. 364.

‡) IDEM passim, vid. p. 627.

§) In Aristot. Physic. L. I. f. 268.

¶) Syst. intell. cl. IV. §. 18. p. 411.

x) Praef. L. III. Astronomic. Diuini illi viri atque omni admiratione digni Petosiris Necepsaque, quorum prudentia ad ipsa secreta diuinitatis accessit, etiam mundi genituram diuino nobis scientiae magisterio tradiderunt conf. ib. c. I.

y) Lib. I. c. 13.

z) Ibid.

perit, coaluisse, tum vero cum fermentaretur summa facies, intumuisse pluribus in locis humentia, inque iis putredines extitisse, tenuibus pelliculis circumdatas. Cumque ad eum modum ex calore foeta impleta essent, quae maderant, iis foetibus aduenisse alimentum noctibus ex circumfusa nebula, diebus vero eos ab aestu consolidatos. Postremo cum ad sui plenitudinem venissent ii foetus perustaque atque rupta ita essent membranarum inuolucra, enatas apparuisse omnimodas animantium formas. Horum alia plurimum sortita caloris ad loca supera abiisse, facta volucra. At quae de humente natura traherent plurimum, ea quoque ad locum perlata cognatum sibi dicitur natantia. At tellurem, cum et ab aestu solis et a ventis magis magisque induruiisset, ad postremum non suffecisse gignendis maioribus animantium, sed ea ex mutuo coitu coepisse gigni. Haec Diodorus, cui succinit MACROBIUS^a. V. Non vero mundum tantum genitum affirmabant Aegyptii, sed et corruptioni obnoxium esse, testibus Hecataeo et Aristagora apud LAERTIUM^b. Quod qua ratione futurum sit, sacerdos Aegyptius apud PLATONEM^c exponit, exitum rerum duplicem statuens, per aquam et ignem, ex veteri, ut videtur traditione, quae per multas gentes cataclysmos et incendia praedicens peruagata est^d. Periodica tamen ea rerum omnium destructio Aegyptiis visa est, ita ut post certas temporum vices conflagratio huius uniuersi fiat, eamque mox consequatur instauratio omnia restituens discreta similitudine nihil a prioribus differentia, quam Stoicorum sententiam, Aegyptiorum quoque doctrinam fuisse ORIGENES^e inter Aegyptios studiis innutritus asserit. Qui rerum omnium exitus, Stoicis placitis conformis mire confirmat ideam theologiae Aegyptiacae, qualem exhibuimus, cum ex ista Dei et materiae vnione, qua vniuersum siue rerum naturam constituunt, isti cataclysmi, incendia et restorationes mundi periodicae consequantur.

*Mundi figura
et partes.*

§. XXI. Reliqua iam Aegyptiorum de natura huius uniuersi placita enarraturi VI. obseruamus, statuisse eos: Mundum ad sphaerae similitudinem esse rotundum, stellas ignem esse, quarum temperata commistione cuncta in terris nascantur. Lunam deficere, cum in terrae incidit umbram; Esse eam aetheream terram. Priora veteres secutus Aegyptiis LAERTIUS^f, posterius PROCLUS^g tribuit: nec probabilitate ea carent, eadem enim doctrinae ad eos transferunt, qui apud Aegyptios philosophiam didicerunt, praecipue ad Pythagoram, quos tamen proprio Marte atque suomet ingenio has veritates postea excoluisse, et ita rudimenta disciplinae Aegyptiacae perfecisse, dubium non est. In inuestigatione enim caussarum rerum naturalium Aegyptios adeo felices, ut Graecos, non fuisse, vel hoc argumento constat, quod sacerdotes Aegypti tempore Hero-

^a) Saturn. L. VII. c. 16. conf. GROTIUS de Ver. R. C. L. I. §. 16. p. m. 43 seq.

^b) Lib. I. c. 10.

^c) In Timaeo.

^d) Vid. BURNET. theor. tellur. L. III. p. 175 seqq.

HÆTIVS Qq. Alnet. L. II. c. 21. p. m. 228 seqq.

^e) Contra Celsum L. V. p. m. 252.

^f) loc. cit.

^g) In Timaeum Plat. L. I. p. 45.

Herodoti, quo tamen eruditio Aegyptiaca valde adoleuit, de causis incrementi Nili nihil rescuerint, id quod etiam STRABO^b refert, id non sine ratione miratus, cum sacerdotes curiosius referrent in sacros libros et confirmarent, quae subtilioris aliquid haberent cognitionis. Alia ineptientis physicae cognitionis apud Aegyptios specimina praeterimus notata CONRINGIO^c. Causam vero exiguum in scientia naturali profectuum, praeter disciplinam illam arcanam, quae quam maxime studiis naturalibus obest, merito retuleris in superstitionem, quae Aegyptum tenuit, quaeque opinionibus magicis et astrologicis impedimento fuit, quo minus causae naturales verae detegerentur. Magicas enim et astrologicas vires supernaturales rebus naturalibus Aegyptios adscripsisse, supra iam demonstrauimus et indubitatis exemplis euicit CONRINGIVS^d. Haec cum sacerdotum emolumentis quam maxime possent accommodari, sanctissime seruata sunt, et retentus a causarum naturalium inspectione populus, vt eo fortius atque efficacius superstitionis freno regeretur.

§. XXII. Ex terra ad coelum eiusque sidera transeuntes, doctiora et *Astronomia.* φιλοσοφικώτερα apud Aegyptios non inuenimus. Astronomiam excoluisse, supra concessimus, rudimentis tamen initiatos tantum fuisse, probauimus. Demonstrant id placita astronomica et astrologica Aegyptiorum, hodie apud veteres passim obuia. In his est: septem stellarum praecipuas esse solem atque lunam; minorem autem his vim habere ad euenturos effectus quinque reliquas. Quam ob causam Aegyptii regi quidem et dextro oculo solem assimilant, reginae autem atque sinistro oculo lunam: lictoribus ac satellitibus quinque stellas, reliquo autem populo alias inerrantes^e. Quae quam misera sint, et plebis ingeniis aptiora quam philosophorum,

Et pueris notum et qui nondum aere lauantur.

Maxime vero versabatur astronomia Aegyptiorum in distributione stellarum inerrantium et praecipue zodiaci. Quam cum enarrauerit IULIVS FIRMICVS^m lectorem has nugas sciendi cupidum ad eum ablegamus. Singulis scilicet zodiaci signis tres decanos praefecerunt; Sunt autem decani magni numinis et potestatis, per ipsosque prospera omnia ac infortunia decernuntur. Addit idem: Necepsio Aegypti potentissimus imperator, optimus quoque astronomus per ipsos decanos omnia vitia valetudinesque collegit, ostendens, quam valetudinem quis decanus efficeret, quia una natura ab alia vincitur, vnusque Deus ab altero. Ex contrariis itaque naturis contrariisque potestatibus, omnium aegritudinum medelas, diuinae rationis magisteriis adinuenit. XXXVI. itaque decani omnem zodiaci circulum possident, ac per XII. signorum numerum Deorum seu decanorum haec multitudo diuiditur. Sed et reliqua apud eum legenda sunt,

^a) Lib. XVII.

^b) De Hermet. Medicina c. XII. p. 132.

^c) Ibid. c. XI. p. 104 seqq.

^d) SEXT. EMPIRIC. adu. math. L.V. f. 31. p. 343.

^m) Vid. praef. libri IV. vbi se omnia Aegyptiorum mysteria perquisuisse gloriatur.

sunt, ex quibus manifestum est, hypothesin, sidera a Diis numineque peculiari habitari regique, fundamentum fuisse totius astrologiae apotelesmaticae; illam vero niti principio de anima mundi per vniuersas eius partes diffuso et permeante. Hincque ratio petenda est, cur astrologiae iudicariae pretium tantum statuerint Aegyptii, cuius summam cum supra de Chaldaeis verba facientes retulerimus, hic vbi eadem vere dicenda sunt, actum non agimus, sed lectorem ad MANETHONIS apotelesmatica remittimus. Eadem quoque ratio fuit iatromathematicorum, vt ex iis videre est, quae Hermetis nomine sub hoc titulo supposita sunt, hodieque extant. Ex quibus conficitur nullas obseruationes astronomicas, nullos calculos, nullas hypotheses ingeniose excogitatas apud Aegyptios quaerendas esse. Qua de re supra quantum satis est diximus. An vero genethliacam, et apotelesmaticam artem Chaldaei ab Aegyptiis acceperint, ex iis, quae in genere de hac quaestione diximus, diiudicandum est: Hoc vero notandum, Chaldaeorum rationes, ΠΤΟΛΟΜΑΕΟ *περὶ τῶν ἐρίων* differenti, id est, de finibus planetarum ad vtriusque gentis disciplinam terminatis, simpliciores esse et magis persuasibiles.

*Philosophia
moralis Aegy-
ptiorum.*

§. XXIII. Tandem ad moralem quoque Aegyptiorum philosophiam accedendum est, et dispiciendum, quid de ea docuerint? Illam duplicem fuisse, vnam vulgarem, alteram mysticam et arcanam, ex supra dictis constat. Cum enim inter libros Mercurio tributos, quos sacros custodiebat sacerdotum turba, fuerint, qui de legibus, de Deorum cultu, et de vniuersa sacerdotum disciplina egere, dubium non est, quod de moribus et disciplina sacerdotum ea continuerint, quae ad eorum *θεοτέβειαν*, quam iis tribuit Herodotus requirebantur. Verum ea nobis inuidit mysteria sua occultans sacerdotum superbia. Idem iudicium esto, de *ἐκλογισμῶ βασιλικῶ* *βίῳ*, qui liber in sacra processione solebat praeferrri, et qua ratione Moisen regias disciplinas edoctum fuisse, capite primo notauimus. Nam et hunc nobis inuidia huius gentis librum eiusque notitiam eripuit, vt non habeamus, quae de arcana morum doctrina dicenda sint. Quod ad vulgarem doctrinam de moribus attinet, ea apud Aegyptios ieiuna quoque fuit, et generalibus tantum notitiis, omnibus fere populis communibus constans. Eos enim, vt ex oratione defuncti ad Deos ΠΟΡΦΥΡΙΟΥS^p notat, diuino atque coelesti consortio dignos iudicarunt, qui Deos eos, quos sibi parentes commonstrarunt, pie coluerunt, quam diu in hoc seculo vixerunt; et illos, qui corpus eorum genuerunt, semper honorauerunt; aliorum hominum occiderunt neminem; neque eos deposito defraudarunt, nec aliud quippiam inexpressibile malum admiserunt. Addit: quae edendo vel bibendo vel alio modo ventre peccauit, in ventrem culpam coniectam, eumque corpore exemptum in fluuium ideo proiectum esse. His adiici possunt alia: exponere infantes, habitum nefas^q, mulierem violare liberam grauius puni-

ⁿ) Conf. BURNET. Archaeol. c. VIII. p. 330.

^o) Conf. MARSHAM. Canon. chron. p. 480.

^p) De abstinent. L. VI. c. 10.

^q) PHILŌ de legibus special. p. 794.

punitum, vt et adulterium^r; lege cautum, vtramque manum praecidi illis, qui monetam adulterarent, aut noua pondera substituerent, aut sigilla simularent, etiam scribis, qui falsas tabulas exararent, aut ementitas syngraphas obtruderent. Vt scilicet quisque ea corporis parte lueret, qua in legem peccasset, et damno irreparabili commonefactos alios ab eiusmodi facinore deterreret^s. Quae omnia, si quoque ita obseruata sunt, ac relatum de Aegyptiis est Graecis scriptoribus^t, communia tantum naturalis iuris officia exhibent. Nec pauca sunt, quae maculam Aegyptiorum doctrinae morali contrahunt: permessa licentia ducendi sorores, siue per alterutrum parentem, siue per vtrumque cognatas, maiores pariter et minores aequalesue; ne gemellis quidem exceptis^u. Furta si non permessa^x, certe leui poena punita; quarta parte furi relictâ ex furto^y, et quae his sunt similia. Ex quibus omnibus de tota Aegyptiorum sapientia tantopere omni tempore iactata disputatis, quam exigua ea fuerit, veroque philosophiae nomine indigna, antiquitatis praeiudicio non impeditus facillime iudicio colliget.



CAPVT OCTAVVM.

DE PHILOSOPHIA AETHIOPV M.

§. I.

Post Aegyptios circa meridiem contemplandi nobis occurrunt Aethiopes, vicini Aegypto, et si veteres quosdam audimus, sapientiae quoque studio inclyti. Exigua tamen vt in genere regionum illarum, quae Aethiopiae atque Libyae nomine comprehenduntur, historia est, deficientibus monumentis historicis fide dignis^a; ita etiam de philosophia Aethiopum pauca constant, eaque omnia ita comparata sunt, vt non leuem dubitationis causam excitent, an non omnia ea, quae de Aethiopum philosophis narrantur, conficta sint, et in ingenio eorum, qui Apollonii Tyanensis vitam consarcinauerunt, nata? cuius suspicionis causas satis graues postea enarrabimus. Accedit, paucas istas narrationes, a Graecis, quibus eas debemus, more suo vehementer confundi et misceri cum Aegyptiacis, tum propter vicinitatem, tum propter institutorum similitudinem, tum propter vsum nominis. Notum enim est iis, qui veterum monumenta excusserunt, Aegyptum nominatum esse, quicquid terrarum, a Nili fontibus ad ostia eius iacet^b, qua ratione et Aethiopes hoc nomine com-

Historia philosophiae Aethiopiae obscura et incerta.

pre-

^r) DIODORVS L. I.

^s) Ibid.

^a) Deficiunt ex DIODORI SICVLII historia illi libri, quibus res Aethiopum tetigit.

^t) Conf. omnino WITSIVS Aegyptiac. L. II.

^b) Vid. PHILOSTRATVS vit. Apollon L. III.

^u) PHILO I. c.

^x) GELLIVS L. XI. c. 18.

c. 20. p. 110. et quae ad hunc locum notauit, doctissimus OLEARIVS.

^y) DIODOR. L. I. p. 50.

prehenſi ſunt. Eſſi enim vtrique populo, more veterum, magna fuit de antiquitate controuerſia, cum Aegyptii ſe primos mortalium aſſerent, e contrario Aethiopes contenderent, eos, qui ſub meridie habitant, primos a terra fuiſſe editos, quia ibi calor ſolis intenſior efficaciſſe operatur ad naturalium generationem, ſi rationes tamen et auctoritatem veterum conſulas, Aegyptiorum coloniae in Aethiopiam egreſſae ſunt. Id quod magnus BOCHARTVS^c ex ipſius MOſIS^d teſtimonio probat, referentis, Miſraim, Aegypti conditorem genuiſſe Ludim, Aethiopas, additque: multa vtrique genti fuiſſe communia, circumciſionem^e, ſtudium circa ſepulchra plurimum, habitumque et ceremonias,^f colorem natium et criſpos capillos^g, et ſimilia. Nec aliter veteres, qui non raro Aegyptum vocantes Aethiopiam intellexerunt vnde Aethiopes, quoque *Aegyptini* vocantur apud FESTVM, id eſt, Aegyptiacae originis. Certe Aethiopas qui ex Aegypto aduenere *Automolas* vocari, teſtis eſt POMPONIVS MELA^h. Ethaec ratio eſt, cur ſapientes Aethiopum Aegyptiorum γυμνῆ vocentur, EVSEBIOⁱ et PHILOSTRATO^k quod male notat eruditiffimus SCHEFFERVVS^l, non Gymnoſophiſtas, ſed philoſophos alios Aegyptiorum intelligi contendens, cum de nudis Aethiopum philoſophis laudatis auctoribus omnino ſermo ſit. Sunt tamen, quod hic non ἀρόρας obſeruamus, qui Aethiopas Indorum coloniam putant, inter quos ex veteribus ſunt EVSEBIVS^m et PHILOSTRATVSⁿ. Inter fabulas vero eam traditionem recte reponit vir magnus, et de rerum Aethiopicarum hiſtoria meritiffimus IOBVS LVDOLEVS^o quam inde enatam putat, quod ab Arabibus audiuiſſent Graeci, Aethiopas a mari Indiae, hoc eſt, rubri maris partibus Aethiopiae proximis in ſedes iſtas veniſſe, quod verum ſit, de Abyſſinis. Nempe mare Indiae cum fluuio Indo, ob magnitudinem, mare vocato, confuſiſſe. Quae obſeruatio inde confirmatur, quod Indiae populi longe veriſimilius credantur fuiſſe coloniae Aegyptiorum quam quod ex India in meridiem populi deſcenderint, id quod ſupra iam obſeruauimus. Quod ideo notandum eſt, vt de origine philoſophiae Aethiopum accuratum iudicium fieri queat.

*Origines
Aethiopicae
eruditionis et
philoſophiae.*

§. II. Indis enim non coloniam tantum Aethiopum, ſed et ſapientiam originem debere, Iarchas Gymnoſophiſtarum apud Indos antiſtes Apollonio diſerte tradidit^p narrauitque, Aethiopas Gangi regi obnoxios fuiſſe, poſtea vero, quam regem iſtum interfecerint, nec ceteris Indis pueros fuiſſe habitos, neque terram iſtis, vt ſubliſterent conceſſiſſe, inde coloniam exiſſe. Fabulam vero eſſe, quam vel ipſe Apollonius inſtruſtauit, vt ſomniorum ſuorum et iactantiae patrociniū inueniret, quod AENEAS

GAZAE-

c) Geogr. S. P. I. L. IV. c. 26. p. 307.

d) Genef. X, 13.

e) HERODOTVS L. II. c. 104.

f) DIODORVS L. III.

g) STRABO L. XVII.

h) De ſitu orbis L. III. c. 10.

i) Adu. Hieroclem. c. 31. p. 453. ed. Olear.

k) L. VI. c. 5 ſeqq.

l) De philoſ. Ital. c. IV. p. 17.

m) In Iſironico n. CCCII.

n) Vit. poll. L. IV. c. II. p. 246. c. 16. p. 254

o) Comment. ad hiſtor. Aethiop. p. 63.

p) PHILOSTRATVS L. III. c. 20.

GAZAEVS⁷ ei obiecit, vel PHILOSTRATVS, quique ei auctores fue-
re, vitae Apollonii consarcinandae inuenerunt, male cohaerens, dignis-
que testimoniis destituta satis prodit narratio. Rectius illi, qui Aegyptios
coloniarum in Aethiopia parentes faciunt, et cum illis Aegyptiaca quo-
que instituta atque eruditionem ad Aethiopas transiisse tradunt. Narrat
enim DIODORVS⁷, plurima utrique genti fuisse communia: reges pro Diis
habere, statuarum formas et literarum characteres, coetum sacerdotum similli-
mum habere ordinem apud utramque gentem. Pare se gerere omnes, qui ad
Deorum cultum accedunt, et pariter tonderi, et similes ferre tunicas, eiusdem-
que figurae sceptrum in aratri formam, quo etiam utuntur reges: et pileos ob-
longos etc. Addi possent communes Dii Iupiter Hammon, Hercules,
Pan, Isis, Meroë referente PLINIO⁸ et STRABONE⁹, nisi constaret,
admodum confuse et sine accuratatione versatos fuisse Graecos et Ro-
manos in describendis numinibus peregrinis, nominibus Deorum suo-
rum. Hoc certum est, pleraque tum religionis tum eruditionis capita
Aethiopas cum Aegyptiis habuisse communia, et sapientiae antistites,
aeque ut in Aegypto sacerdotes fuisse eandemque docendi methodum
hieroglyphicam tenuisse. Vnde sequitur, vel Aegyptios ab Aethiopibus
eruditionis semina accepisse, id quod contendit LVCIANVS¹⁰, qui
magnam huic genti sapientiam tribuit, vel Aegyptiis illos sapientiam de-
bere, quod verisimilitudini propius est, cum eruditionem Aegyptiorum
antiquissimam et domesticam fuisse, praecedenti capite demonstratum sit.
Quisquis igitur sapientiae Aethiopicae historiam nosse cupit, ad Aegyptia-
cam attendat necesse est, in quibus magnam deprehendet conuenientiam,
quam ipse Apollonius, vel potius vitae et fabulae eius architecti, sui im-
memores ipsi alicubi prodiderunt¹¹.

§. III. Audiendi tamen hi homines sunt, et cognoscendum, quid de Facies philo-
Aethiopum sapientibus nobis narrent. Hos enim, etsi sapientia superentur sophiae Ae-
ab Indis, superare tamen eruditione Aegyptios contendunt. De his vero thiopticae,
ita¹²: habitare Gymnosophistas, modicum aliquem collem, non longe a Nili ripis. et quidem
Vestitu vero eodem fere uti, quo apricantes Athenienses. Arbores in illa prae- ratione philo-
fectura perpaucas esse, lucumque non adeo magnum, in quo de rebus communi- sophorum.
bus acturi conueniant. Sacella vero non unum illis, ut Indis, sed aliud in alia
collis parte, atque ea omnino cura adornata, qua apud Aegyptios esse feruntur.
Colere autem maxime Nilum, quem fluiuium terram simul et aquam esse arbitren-
tur. Et tugurio quidem aut domo nihil indigere sub dio degentes. Tantaе au-
ditoritatis fuisse, ut homicidae non nisi ab iis expiato in patriam reuerti licuerit¹³,
aduersus quos homines satis duri fuerint. Habuisse eos praefectum principemue,

Qq 2

natu

7) In Theophrasto p. 23.

7) l. c.

8) Lib. VI. c. 29.

9) Lib. XVII.

10) De Astrolog. T. III. p. m. 254 seq.

11) Lib. VI. c. 19. vbi Apollonius Gymnosophi-

istas Aethiopum reprehendit, quod Deorum simu-
lakra ridicula et absurda faciant. Id vero non In-
dicum sed Aegyptiacum est.

y) l. c. c. 6. 7. p. 235.

z) Ibid. c. 5. p. 234.

natu inter eos maximum^a: *egisse arbitros, inter viros prudentes*^b; *sacris tempus meridianum impendisse*^c. Haec PHILOSTRATUS, qui adeo contemtim de iis loquitur, ut satis appareat, qua fini totam istam dissertationem instituerit, scilicet, ut heroi suo, cuius gratia fabulam instituit, auctoritatem conciliaret. Ita vero imprudens sophistarum more, in omni illa oratione et descriptione veterum apud Aethiopas sapientum versatur, ut si non omnia ex nugaci ingenio fluxisse censenda sint, certe pleraque ad inanem eloquentiam scholae magis quam historiae et veritati adaptatam ostentandam, et ad incrustandam iactantiam Platoniorum ex Apollonio heroem sibi fingentium, qui Iesu Nazareno Christianorum Deo possit opponi, scripta et conficta esse appareat; adeo nihil in tota orationis serie cohaeret, et ita verisimilitudinis leges in fingendo violatae sunt, ut fraus quoque palpetur manibus, et merito rideatur^d. Fatemur itaque, parum nos omnibus istis relationibus tribuere, nec inde aliud posse colligi, nisi sapientes Aethiopiae, nudo fere corpore ob intensissimum caloris aestum vixisse, sacerdotio more Aegyptiorum fuisse functos, peculiaria collegia aluisse; habuisse discipulos; magnaue auctoritate inter suos valuisse. Haec enim ceteris quae ab aliis auctoribus narrantur, consona sunt. Astrologiae quoque operam posuisse inque eo studio excelluisse LVCIANVS^e auctor est. Refert etiam LAERTIVS^f: *Gymnosophistas ac Druidas obscure ac per sententias philosophatos esse; illos mortis quoque esse contemptores*. Quod, etsi non additum sit, an de Indorum vel Aethiopum Gymnosophistis intelligendum sit, videtur tamen aenigmatica atque hieroglyphica docendi methodus, quae a Laërtio tangitur, prodere, de Gymnosophistis meridiei, id est, Aegypti siue potius Aethiopiae, esse intelligendum. Refert enim de Aethiopibus SEXTVS EMPIRICVS^{ff}. Ichthyophagos inter eos defunctos in paludes abiicere, piscibus escam futuros.

Ratione doctrinae.

De Diis.

§. IV. Pluscula, quam haec sunt, de Aethiopum quoque philosophia haud extant, eaque, nisi fallimur, incerta et obscura omnia, cuius causa partim in docendi ratione hieroglyphica ab Aegyptiis transumpta, partim in regionis situ paucissimis accessae quaerenda est. Et I. de Diis rebusque diuinis ita statuuisse dicuntur, ut quidam, qui ad zonam torridam habitant, nonnullis existimentur athei. Ita scilicet STRABO^g. Non tamen haec ita intelligenda sunt, quasi nullius numinis sensu tacti fuerint: sed opponitur id moribus ceterorum Aethiopum, quos Deorum numina Aegyptiaco more sub variis imaginibus coluisse, supra monuimus^h. Et magis haec nobis arridet coniectura, quae G. I. VOSSIOⁱ placuit, quam ea, quam suam fecit Io. ALB. FABRICIVS^k, ideo atheos vocatos, quod *solem fuerint execrati, et dum oritur et dum occidit, ut ipsis agrisque pestiferum*, refe-

a) Ibid. c. 10. p. 238.

b) Ibid. c. 13. p. 251.

ff) Pyrrh. Hypotyp. L. III. c. 24. f. 227. p. 184.

c) Ibid. c. 14. p. 252.

g) L. XVIII. p. 779.

d) Tale illud est: arborem voce virginea iussu Thespionis Gymnosophistae Apollonium salutasse. c. 10. p. 239.

h) Idem de Thebanis Aegyptiorum supra obseruauimus.

i) De idololatria gent. L. I. c. 1. p. 6.

e) L. c.

f) L. I. f. 6.

k) Bibliograph. antiqu. c. 8. §. 3. p. 229.

referente STRABONE. Videturque notitia de iis adeo manca et imperfecta fuisse, ut proprie, quid de Deo senserint, peregrini cognoscere non potuerint. Alios, refert idem STRABO¹, putare Deum esse unum immortalem, aliterum mortalem, immortalem quidem eum, qui rerum omnium causa sit, mortalem vero apud eos incertum esse, et nomine carere, sed frequentius eos, a quibus beneficium acceperunt, et reges pro Diis habere. Quo sensu vero haec dicta voluerint, in tanta rei obscuritate, dici quidem non potest, videtur tamen haec theologia ab Aegyptiis accepta esse, qui et immortalem et mortales Deos coluerunt. Et fortasse Deus ille mortalis ille ipse est, quem sub Typhonis nomine Aegyptii reformidauerunt, principium mali, quod cum tandem a bono et immortalis principio vincendum sit, mortale omnino dici potuit. Quicquid vero illud est, hoc dubitari nequit, Aethiopus in colendis Diis fuisse religiosissimos, adeoque ab atheismo remotiores: unde HOMERO^m Iupiter cum vniuersis Diis eorum conuiuio interfuisse dictus est:

*Zeῦς γὰρ ἐπ' Ὀκεανὸν μετ' ἀμύμονας Αἰθιοπῆας
Χθρὸς ἔβη μετὰ δαῖτα, θεοὶ δ' ἅμα πάντες ἔποντο.*

Quod si Iudaeis fides danda, magna Aethiopibus se exhibuit occasio de Deo rebusque diuinis magis sobrie philosophandi: Refert enim Artapanus apud EVSEBIUMⁿ: Palmenothen Aegypti regem male erga Iudaeos affectum, filiam suam superioris Aegypti regi despondisse, eam sterilem, Mosem Iudaeum adoptasse, hunc optimis institutis virili in aetate imperium fundasse; unde ei Aegyptii sub Mercurii nomine diuinos honores designauerint: Regem vero, Chenephrem virtuti Mosis invidentem bellatum mississe aduersus Aethiopes, tanquam in certissimum interitum; verum rem aliter cecidisse, gloriamque ex illo bello retulisse; terrae cultum per boues Nache-roti ostendisse, immissoque ficario interemto ad Arabiae toparcham aufugisse. Similia habet IOSEPHVS, ex quibus GEORGIUS HORNIVS coniicit: eos a Mose sanioris sapientiae aliquid hausisse. Verum haec aperte Iudaeorum somnia redolent, silentio ab ipso viro sancto in historia sua praetermissa, adeoque etiam a nobis silentio praetereunda.

§. V. II. Post Deum de anima quoque philosophatos esse PHILOSTRATVS^o narrat, quod immortalis sit: qua in re, si vera sunt, quae ille tradit, ab Aegyptiorum doctrina non discefferunt. Unde etiam transmigrationis animarum eis placuisse dicitur PHILOSTRATO^p. Qui quidem, ut hypothesi inferuiat. Indum philosophum afferentem inducit, dogma hoc accepisse Aegyptios, vel Aethiopus ab Indis. Frustra tamen et contra veteris historiae fidem, quae Aegyptios aetate Indis praeponit: nisi velis haec intelligere de temporibus illis, quibus Aethiopes Asiatici in Aegyptum irruerunt, et Sabacon Aethiops reges Aegypti pepulit^q. Quo

De anima.

tamen

Qq 3

1) l. c. p. 822. conf. STOBÆVS Serm. 42.

m) Iliad. α.

n) Praep. Eu. L. IX. c. 18. 23. 27.

o) loc. cit.

p) Lib. III. c. 19. p. 109.

q) EVSEB. in Chron. n. CCCCII.

De natura.

De sideribus.

De moribus.

tamen tempore demum dogma istud in Aegypto inualuisse, nunquam probabitur. Vnde miramur acutissimum MARSHAMVM^r nugaci et fabuloso Philostrati testimonio usum esse pro adstruenda Aethiopum ex India origine. III. De natura quoque idem PHILOSTRATVS^s refert, Gymnosophistas Aethiopum philosophatos esse, non multum a Platoniceis in Timaeo sententiis diuersa. Verum et ea fides Philostrati incerta facit, licet verisimile sit, in delineanda rerum generatione eos vestigia Aegyptiorum pressisse. IV. Praecipue vero ob astrologiae atque astronomiae studium inuentum laudantur. Refert enim LUCIANVS^t. *Primum Aethiopes huius artis rationem mortalibus tradidisse: in causa vero fuisse partim gentis eius sapientiam, nam ceteris quoque in rebus Aethiopes reliquos homines sapientia antecellere, partim regionis quam incolunt, opportunitatem; propterea quod apud eos perpetua sit coeli serenitas, tranquillitasque; neque patiantur anni mutationes, sed eadem temperie viuant. Itaque cum primum vidissent lunam non semper eodem vultu apparentem, sed varia subinde specie et in aliam atque aliam verti formam, visam esse illis eam rem admiratione atque disquisitione dignam. Deinde cum inquisissent, reperisse hanc esse earum rerum causam, quod lunae non esset lumen proprium, sed a sole mutuatum. Inuenisse autem et reliquarum stellarum motus, harum, quas nos erroneas appellamus, naturamque earum ac potestatem, et effectus quos unaquaeque praestet, nominibus quoque inditis, non illis utcumque visum esset, confictis, sed qua notae rerum essent. Haec in coelo perspexisse Aethiopes; mox Aegyptiis finitimis artem imperfectam tradidisse. Aegyptios vero diuinandi rationem, quam ab illis dimidiatam acceperant, in maius prouexisse. Ac non multo post Libyos quoque hanc artem esse aggressos. Parum tamen istis tribuit G. I. VOSSIVS^u, quia tot ante Lucianum seculis aliter traditum fuit. Nobis frustra haec disputari videntur; cum probabile sit, gentem non vnam, sed plures inter veteres obseruatorum suomet ingenio et industria siderum gloriam sibi vindicare posse: adeoque neque Babylonios, neque Aegyptios, neque Aethiopes laude sua esse priuandos. Nam quod Vossius regerit, non omni ex parte recte se habet. Veteres enim ante Lucianum Africae incolis astronomiae inuentionem tribuisse, ea quae de Atlante rege fabulae narrant, luculenter euincunt^x. V. Tandem et moralem philosophiam sapientes Aethiopum excoluisse dicuntur. Refert enim LAERTIVS^y eos per aenigmata atque symbola docuisse: colendos Deos nihil mali faciendum et exercendam fortitudinem; mortem quoque contemnendam esse. Verum haec ἐξωτερικὰς ab iis dicta sunt, et ad populum: quae inter se de rebus moralibus differuerint, ignota sunt. Habet quidem PHILOSTRATVS^z non inelegantem Thespesionis Gymnosophistarum prin-*

^r) Canon. chron. Sec. XIII. p. 335.^s) Lib. VI. c. 22. p. 264.^u) De Scientiis mathem. c. XXX. §. 15. p. 134.^x) Ideo Aethiopibus Lucianum inuentionem^t) l. c.

astronomiae tribuisse iam notauit FABER. in Lexic. v. Atlas.

^y) Lib. I. c. 6.^z) Lib. VI. c. 10. p. 239 seq.

principis orationem, in qua de philosophia morum aliqua multa, eaque egregia occurrunt: Miraculorum aut artium magicarum ostentatione nihil opus esse ad veritatem; frugalitatem esse magistram sapientiae et veritatis, philosophiam inculcare, quod squalidum humi iacere oporteat, nudumque; id quod ex labore non veniat, neque carum neque iucundum putandum esse, iactantiae fastuique non indulgendum, a somniorum visionibus abstinendum, quae e terra sublatis extollunt etc. Verum si fatendum, quod res est, omnis ea oratio in schola Sophistae efficta, calamistratam et affectatam Graecorum rhetorum artem adeo redolet, ut in testimonium adduci non mereatur.

Atlas.

§. VI. Ceterum Atlantem Libyae populos ob inuentionem culturamue scientiae, quae circa sidera contemplanda versatur, maxime celebres fecisse, iam innuimus; qui cum coelestem hanc philosophiam maxima industria excoluisse dicatur, inter Africae primarios et celeberrimos philosophos numeratus est^a. Tanta vero Atlantis antiquitas est, ut, quando vixerit, incertissimi haereant, qui Graecae mythologiae reconditos explorare sensus fatagunt. Notat enim EVSEBIVS in *Chronicis*, Atlantem Promethei fratrem Astrologum, oberuditionem disciplinae coelum sustinere dictum circa annum CCCLXXIX Abrahae, secundum alios circa annum CCCCXXX. floruisse, quo pacto Iosepho posteriorem et Mosis temporibus supparem fuisse consequitur. Addit tamen; alios dicere, fuisse aetate Cecropis, nonnullos ante Cecropem annis LX vel XC. quae nec ipsa satis constant, cum Atlas Antaei pater fuisse dicatur, qui Herculi aequalis fuit, is vero multo posterior Cecrope. Longe antiquiorem faciunt qui Atlantem cum Enocho eundem putant, eundemque parentem et inuentorem sideralis scientiae faciunt. Id quod iam e veteribus factum est, EVSEBIVS^b enim ex EVPOLEMON^c de Iudaeis refert: Abrahamum, cum astronomiam et alias scientias doceret Heliopoli, affirmasse, Babylonios eorum inuentionem Ericho tribuisse, et illum Astrologiae primum inuentorem fuisse; Graecos Atlanti tribuere inuentionem astrologiae; eundem autem esse Atlantem cum Enocho. Putatque eruditissimus BOCHARTVS^d; factum forte inde esse, ut a Poenis Atlas dictus sit Duris vel Dyris, ab Arabibus Enoch Idris, cognata voce. Concesserunt in hanc sententiam recentiores alii, et inter hos DRVSIUS^e. Quod quidem propter rationes chronologicas reiicit VOSSIUS^f, et LAMBECIUS^f, non tamen ita rem ipsam refellentes, cum mythologiarum apud Graecos scriptores tempora maxime confuderint, varias personas miscuerint, sicque insolubiles in explicandis fabulis nodos nexuerint, quod cum in Atlantis quoque fabula factum sit, mirum non est, chronologiam huius viri dissidere. Neque tamen Atlantem Henochum fuisse inde concludi potest. Quaecunque enim de Henoch mathematicarum disciplinarum, imprimis vero astro-

a) AUGUSTIN. de C. D. L. VIII. c. 9.

b) Lib. IX. Praep. euang. c. 4.

c) Geograph. S. P. I. L. II. c. 13. p. 101.

d) Diff. de Enocho §. XVII.

e) De scient. mathemat. c. 31. §. 19. p. 135 seq.

f) Prodom. hist. literar. p. 133.

astrologiae, inuentore dicuntur, et recentioribus occasionem dedere, eum cum Mercurio quoque vel Osiride, comparandi^g, Arabum potissimum fabulis debentur, quae parum fidei merentur. Et si exploratum esset, Enochum primum astrorum contemplationem homines docuisse, quod tamen praeiudicium de patriarcharum eruditione profana et Graecis simili, quod supra fugulauimus, supponit; non tamen hoc, recte iudicante B. FABRICIO^h, impedit, quod minus apud Phryges postea Cannacus et apud Mauritanos Atlas idem facere, atque hic exinde merere potuerit, ut coelum humeris ferre diceretur. Non errabimus itaque, si Atlantem ab aliis in fiderali scientia celebribus viris distinguimus. Fabulam vero de Atlante Promethei fratre ac filio Iapeti, qui uxorem Pleionem Oceani filiam habuit, septemque ex ea filias suscepit, a Ioue, ut contra insidias Orionis tutae essent, inter sidera receptas, Pleiades hodie quoque cognominatas, quique ob denegatum hospitium obuerso Medusae capite in montem huius nominis mutatus obriguit, prolixè hic enarrare, instituti nostri non est, consulendique mythologiae Graecae scriptores, et in his, qui diligenter res Atlantis collegit NATALIS COMESⁱ. Illud modo de hac fabula monemus, videri omnino verisimile, fuisse inter Libykos populos, rudies alios et adeo ferros^k, ut nulla arte mitescere potuerint, regem Atlantem ad confinia maris litora late regnantem, qui in excelsis Mauritaniae montibus, qui hodiernum Atlantis nomen gerunt, et adeo excelsi sunt, ut de iis cecinerit VIRGILIUS^l:

Oceani finem iuxta, solemque cadentem

Vltimus Aethiopum locus est, ubi maximus Atlas

Axem humero torquet stellis ardentibus aptum:

fideribus obseruandis vacauerit, filiasque forte habuerit, eidem studio innutritas. Atlanti enim astrorum scientiam inuentam et excultam Graeci et Latini constanter tribuunt, ut videre est ex Phrygum theologia apud EVSEBIUM^m et VIRGILIUMⁿ, qui eleganter:

Cithara crinitus Iopas

Personat aurata, docuit, quae maximus Atlas,

Hic canit errantem lunam, solisque labores,

Vnde hominum genus et pecudes vnde imber et ignes.

Et probabile quoque est, ob insignem, prout in tam rudi populo et nascentis artis rudimentis facile esse licuit, peritiam, dictum fuisse baiulum coeli, quod coelum quasi fulcro sustineat, vnde et in architectonica arte telamonum nomen ortum obiicit VOSSIVS^o: etsi haec omnia a monte Atlante potuerint deriuari. Nec adeo improbabile, Atlantem, Pleiadibus in nauigationibus maxime attendi solitis a se primum obseruatis filiarum nomen indidisse, quas postea Graeci amplius sapere volentes, in rationes astronomicas mutauerunt. Sed in re incerta coniecturarum satis est.

^g) KIRCHER. Oedip. T. I. p. 67.

^h) Cod. Pseudepigr. V. T. T. I. p. 217 seqq.

ⁱ) Mytholog. L. IV. c. 7. p. 329 seqq.

^k) STRABO L. XVII.

^l) Aeneid. L. IV.

^m) De praepar. L. III. c. 2.

ⁿ) Aeneid. L. I.

^o) l. c. §. 18. p. 135.

CAPVT NONVM.

DE PHILOSOPHIA CELTARVM, SIVE GAL-
LORVM, BRITANNORVM, GERMANORVM ET
SEPTENTRIONALIVM GENTIVM.

§. I.

Perlustratis Asiae atque Africae regionibus atque populis, et explorato *Ordo tracta-*
eo philosophiae genere, quod iis tribui plerumque solet, in Europam *tionis.*
tandem pedem promouemus, exploraturi, quae antiquissimis, qui Euro-
pam inhabitauerunt, populis placuerit, sapientia, quae eruditionis rerum-
que ad Deum, naturam rerum, atque homines pertinentium, notitiae fa-
cies, qui sapientiae antistites fuerint. In hac vero nobilissima mundi par-
te praeter Romanos alienigenas, Graecosque, de quibus postea dicendum,
Celtarum gens plerasque terras occupauit, et ab extremis septentrionis
angulis ad occidentem versus colonias emisit, iisdem fere vitae institutis,
et religionis quoque haud dispari facie notabiles. Vnde Celtarum nomi-
ne non Scythiae tantum populi, quidam, quique ad Danubium et in Pan-
nonia habitauerunt, sed Germani quoque, Galli, Britannique, immo et
Hispaniae populi comprehendi solent ^a. Qui tamen, postquam in pecu-
liares nationes regionibus occupatis distincti fuerunt, institutis quoque ma-
gis facti sunt dissimilis ^b. Vt igitur ordini consulamus, hoc quidem capite
Britannorum, Gallorum atque Germanorum, iisque ad septentrionem vi-
cinas nationes, similitudine eruditionis inter se magis iunctas contempla-
bimur, in sequentibus de populis magis sub septentrione fitis acturi.

§. II. Tantis vero difficultatibus et insuperabili fere obscuritate et *Incertitudo*
incertitudine laborat Celtarum historia, vt, quid inde certi et supra exi- *historiae phi-*
guum verisimilitudinis gradum ex nostra tractatione promittere queamus, *los. Celta-*
non habeamus: quae malumus modeste fateri, quam incertas more solenni *rum.*
coniecturas pro certis veritatibus lectori obtrudere. Nec miranda quoque
est haec obscuritas atque incertitudo, rebus vetustissimorum horum popu-
lorum adeo a nostris et Romanorum quoque temporibus remotis, vt non
leuis inde difficultas exoriatur, vel a nostris moribus vel a Romanorum te-
stimoniis notitiam certam hauriendi. Non consuli possunt, quod tamen
ad certam rerum Celticarum notitiam et pernoscentiam gentis historiam
sacram et literariam quam maxime requiritur, monumenta gentis amplissi-
ma

^a) Vid. RYDBECK. atlant. p. 62. Bibl. Germa-
nique T. XXVII. p. 34. et quae docte ibi hac de re
monentur. Graeci tamen Celtarum nomine Gallos
tantum Germanos et Britannos intelligunt.

^b) Celtas Germanos quoque atque Britannos
veteribus Graecis significasse MENAGIVS ad
LAERT. L. I. §. 3. ex veteribus recte notauit. Conf.
DIO CASSIVS L. XXXIX. quique de Celtarum
philosophia egerunt.

ma domestica, quae non tam temporis iniuria, ut apud alias gentes factum, nobis eripuit, quam populorum horum studium sua celandi inuidit. Non inuentus enim inter Gallorum Germanorumque eruditos, qui gentis suae historiam, instituta et opiniones scripto consignaret, cum omnia ita celauerint, ut scribendi res suas consilium omni, qua poterant, arte supprimerent. Refertque, qui Gallorum eruditos ipse vidit IULIUS CAESAR^c, *apud eos non fas esse, res et doctrinas suas literis mandare, cum in reliquis fere rebus publicis priuatisque rationibus Graecis literis utantur*: id quod de temporibus suis Caesar intellexit, cum in antiquioribus nullum artis scribendi usum habuerint. Additque, *id sibi duabus de causis instituisse videri*; quod neque in vulgus disciplinam efferre velint, neque eos, qui discunt, literis confisos minus memoriae studere. Forte id omne ad gentium harum indolem referendum est, quae cum armis tantum studerent, scribendi artem parum ad vitae suae instituta facientem neglexerunt. Galli enim literas pingendique artem teste STRABONE^d circa annum demum ab V. C. 165. a colonia Graecorum Massiliensi didicerunt. Multo vero serius hanc artem acceperunt Germani, qui TACITI^e tempore *literarum secreta viri pariter atque foeminae ignorarunt*; quod licet de literis amatoriis forte intelligendum viris doctis largiamur, ignotum tamen simul literarum in scribendo usum inuoluit. Nec enim literis atque annalibus rerum a maioribus gestarum memoriam conseruauerunt, sed Bardorum carminibus, quibus gesta maiorum fortia celebrarunt^f. Cum itaque non historiam tantum gentis, sed et doctrinam sapientum memoria tantum tenuerint, facile, quam parum ad exterorum aures peruenerit, inde colligi potest. Nec verisimile, illos, qui memoriae mandarunt doctrinas a sapientibus acceptas, Latinis Graecisque eas narrauisse, cum sacrum silentium omnibus iniunxerint, maledictionibus sine dubio et malis ominibus superstitioni, ut fileret, imperantes. Ex his iam iudicandum est, quid de istis monumentis Graecorum et Latinorum tenendum atque iudicandum sit, quorum testimoniis in describendis Celtarum rebus atque philosophia standum est. Illi enim, qui nobis res eorum, praecipue quae religionem et eruditionem concernebant, narrarunt, incertis tantum rumoribus usi, militum, qui cum iis bella gesserunt, vel ad fines cum illis conuersati sunt, vagis traditionibus narrationes suas plerasque superstruxerunt, nec nisi vulgaria et communia cognouerunt. Ipse Iulius Caesar, etsi Gallorum victor, et curiosus rerum inter populos victos explorator, de dogmatibus Gallorum pauca et praeter exoterica quaedam, fere nihil comperit, et quod in commentaria sua referat, habuit. Mirandum itaque non est, eos, qui ex Graecis et Latinis de rebus, dogmatibus, moribusque Gallorum Germanorumque scripserunt, aniles fabulas et nugacissima commenta pro veritatibus exploratis venditasse. Cuius rei fidem facient, quae SOLINVS^g,
PLI-

^c) De bello Gallico L. VI. c. 13.^d) Lib IV. p. 181.^e) De Morib. Germ. c. 19.^f) STRABO l. c. p. 190. ATHENAEVS L. VI.

p. 154.

^g) Cap. XXV.

PLINIUS ^h, POMPONIVS MELA ⁱ, GELLIUS ^k ex Latinis, HERODOTVS ^l,
atque STRABO ^m ex Graecis de Celtis fabulas retulerunt, quas concinne
et luculenter comprehendit vir doctissimus, qui *de Celtis* eruditam episto-
lam Ephimeridibus *Bibliothecam Germanicam* exhibentibus inseruit ⁿ, di-
gnus, qui legatur. Immo ipsi Caesari id euenisse, vt vagis et incredibili-
bus rumoribus deceptus fabulas commentariis suis intersereret ^o, merito
mirandum. Accedit his omnibus, populos Celtarum, qui praeter Gallos,
Germanos atque Britannos, Thraces quoque Bastarnas, Getas, Dacos,
Illyrios, Ligures, aliasque Scythiae nationes comprehenderunt, et initio
vnam linguam, eosdem mores, vnam religionem habuerunt, postea, in-
uicem dissensisse, et in varios mores atque opiniones abiisse, ex quo cum
vicinis gentibus vel bellis vel negotiis mixti, earum consuetudinibus ac
opinionibus ex parte se attemperauerunt. Id quod vel vno Gallorum at-
que Germanorum exemplo probari potest, qui Caesaris Tacitique tempo-
ribus valde inter se differebant, Gallis a Graecis cultiorem vitae morumque
habitum accipientibus. *A Graecis enim Massiliensibus Gallos et usum vitae*
cultioris, deposita et mansuesacta barbarie, et agrorum cultus, et urbes moenibus
cingere didicisse: tunc et legibus, non armis viuere, tunc et vitem putare, tunc oli-
uam serere consueuisse, adeoque magnum et hominibus et rebus impositum fuisse
nitorem, vt non Graecia in Galliam emigrasse, sed Gallia in Graeciam translata
videretur, IUSTINVS ^p ex Trogo refert. Ita vero non parum res, doctri-
nae, opiniones Celtarum mutatae sunt, et recentiora illa tantum Graecis
et Latinis innotuerunt, vnde non potest non maxima vetustiore Celta-
rum historiam caligo premere. In qua si incedere non licet, palpandum
nobis est, et cum cura examinandi testes, nec aliter illis danda fides, quam
prout criticae historicae fidei regulae patiuntur. Quod si fecissent, qui
de rebus Celtarum, Gallorum Germanorumque atque Scytharum scripse-
runt, vel qui eruditam quoque Celtarum historiam enarrauerunt ^q, tot fa-
bulis, totque incertis narrationibus de maioribus nostris non premeretur
historia gentium harum. Verum neglecto critico examine, veritas quo-
que neglecta est saepiuscule, nec ii quoque, qui antiquitates veteres, Lati-
nas, Hetruscas, Gallicasque ad illustrandam Gallorum veterum religio-
nem attulere, inoffenso pede et sine lapsu incesse-^runt. Optandum itaque
est, vt, qui cautam et ad artis criticae regulas exactam Celtarum historiam
nobis promisit ^s, eruditissimus, PELLOVTIERIVS, quem honoris et ami-
citiae causa nominamus, nobis tandem, quae diu doctissime collegit et
digessit, liberaliter exhibeat.

Rr 2

§. III.

^h) Lib. VI. c. 17. L. VII. c. 2. L. IV. c. 12.

ⁱ) Lib. II. c. 1. 2. L. III. c. 3. ^k) Lib. IX. c. 4.

^l) Lib. I. c. 216. L. IV. c. 26.

^m) Lib. IV. p. 198. 200. L. VII. p. 298. L. XI. p. 513.

ⁿ) Tom. XXVII. p. 38 seqq.

^o) Vid. L. VI. c. 26 seqq.

^p) Lib. XLIII. c. 4.

^q) Enarrantur in Collectaneis criticis historiae

Germanicae linguae inseruiantibus Vol. I. p. 323
seqq. adici vero possunt, quos laudauimus in
supplementis ad hist. phil. Germanico idiomate
editam p. 95.

^r) Iudicium hoc valet de erudito MARTINII
opere de la religion des Gaulois.

^s) Vid. *Bibliothèque Germanique* T. XXIX.
pag. 236.

*Celtae erudi-
tos habuere.*

§. III. Tentabimus tamen, an vadam inuenire queamus, quo consistere, et aliquid, quod veritatis studioso aliquo modo faciat satis, detegere nobis liceat. Nam barbararum quidem gentium instituta et doctrinam quaerimus, quae scientiis et artibus neglectis, in bellandi et venandi exercitio maximam partem consenuerunt: iudicio tamen sensuque, praesertim circa res morales, vti sunt egregio, praeferendi in multis nugantibus Graecis et Latinis. Nec adeo ab eruditione imparati fuere, vt non sui generis et modi sapientes aluerint, scholas instituerint, atque eruditionem Celticam propagauerint, licet alia ea facie enituerit, quam Graeca atque Romana. Sapientium enim virorum, qui religioni, moribusque populi praefuerunt, et eruditionis inter has gentes cultae promicondi fuerunt collegia inter Gallos, Britannos et Germanos fuisse, Graeci et Romani, qui eos viderunt, rerumque harum gentium curiosi circumstantias eorum explorauerunt, testantur[†]. Qui licet diuersam a Graecis et Romanis sapientiam excoluerint, digni tamen sunt, qui amplius considerentur, et quae ratio eruditionis, morum, atque doctrinae horum hominum fuerit, exploretur. Modo nos hic philosophiam proprie dictam non venari, accurate teneatur.

*Druidae Cel-
tarum philo-
sophi, vel po-
tius, eruditi.*

§. IV. Vocantur vero, Gallorum, Britannorum atque Germanorum eruditi Druidae, nomine quidem famoso, sed incertae dubiaeque originis. Alii enim a quercu, Graecis *δρυς* nominata, deducunt[‡], incommoda et improbabili etymologiae ratione, ex aliena lingua deriuatae; alii a Saxonico Dry, vel Germanico substantiuo Druhtin[§], quod Dominum notat, sic vt virum diuini cultus supremique Domini studiosum indicet, deductum no-

Nomen unde?

men cupiunt. Quae omnia sunt incertissima, illa tamen prae reliquis se commendat opinio, quae Druidarum nomen ab antiquissimo apud Celtas et Britannos vocabulo, Deru, quod quercum denotat, deriuatum contendit[§].

Antiquitas.

Ad querceta enim Gallorum atque Germanorum Druidas conuentus sacros habuisse, roboraque tanquam sacra et diuina coluisse, veteres vno ore testantur. Vetustissimum vero inter Celtas omnes Druidarum institutum ordinemque fuisse, veterum testimoniis, qui eorum, tanquam rei vetustissimae meminerunt, euincitur: inter quae maxime notabile est Aristotelis et Sotionis apud DIOGENEM LAERTIVM[¶], quod Celtarum atque Galatarum Druidas Persarum Magis, Babyloniorum Chaldaeis, Indorumque Gymnosophistis iungit. Cum enim Celtarum gens antiquissima fuerit, dubium non est, quin semper sacerdotes atque eruditos inter se habuerint: Ex quo vero Celtarum populo originem duxerint, difficile dictu putamus, cum monumenta nobis horum populorum desint. Quod si tamen conie-

cturis

†) Conf. CHR. CELLARIUS diss. de initiis cultioris Germaniae §. XVIII seqq. p. 14 seqq. et quae erudite dixit ven. PELLOUTIERUS Lettre II. sur les Celtes Bibl. Germ. T. XXIX. art. 13. p. 206 sqq.

§) IULIUS CAESAR, TACITUS, STRABO, alii.

x) PLINIUS L. XVI. c. 44. conf. quos laudat ven. WOLF. ad PSEUDO-ORIGENES philosophum. p. 169.

y) Vid. PALTENIUS in SCHILTERI Glossario Teut. p. 212.

z) DICKINSON. Delph. phoeniciss. p. 188. MARTIN. l. c. T. I. p. 176. quanquam, si audiendus est cl. KEYSLERUS Antiq. sel. Sept. et Cel. t. p. 37. Hiberni dicant Draoi the. magum, incantatorem; unde vocem formatam esse V. C. contendit.

¶) Lib. I. l. 2. conf. ORIGEN. adu. Celsum. L. I. p. 14.

Æturis locus est, Germanos a Gallis Britannisque distinguendos putamus. Ex septentrione enim cum versus occidentem Celtarum nationes colonias dimiserint, Germani ante Gallos obtinuisse merito creduntur. Qui cum semper sacerdotes suos eruditosque habuerint, illi cum Gallorum atque Britannorum eruditis non confundendi sunt. Verum de his postea agendum erit. De Gallorum vero atque Britannorum Druidis, qui priores fuerint, et alterius gentis eruditis originem præstiterint, quaestionem a viris doctis diuersis sententiis agitatam dirimere non audemus. Pro Britannis enim disertum stat testimonium CAESARIS^b afferentis: *Disciplinam in Britannia repertam atque inde in Galliam translatam esse existimari, et nunc, qui diligentius eam rem cognoscere velint, plerumque illo, discendi causa proficisci.* Huic testimonio suffultae variae narratiunculæ de fundatore et successione Druidum apud Britannos, quas cum institutum nostrum excedant, recensere supersedemus^c. Et hoc potissimum fundamento nixi viri doctissimi inter Anglos multa de Britannorum Druidibus, in insula Mona sedem primariam habentibus disseruerunt^d, quæ curatius excutere huius loci non est. Pro Gallis vero TACITVS^e, Britannos ex Galliis deriuans et PLINIVS^f faciunt. Quam vtramque sententiam ita conciliare conatur IACOBVS MARTINVS^g, vt statuatur, Druidarum institutum cum Gallorum colonia in Britanniam quidem transmigravisse, obsoletum tamen multis mutationibus inter Gallos, ex Britannorum, vbi purum seruatum erat, moribus inter eos fuisse reparatum. Quæ omnia meras coniecturas, exigua probabilitate nixas sapiunt, nec certiora quoque expectanda, immo ne postulanda quidem sunt, cum Britannorum origines incompertas esse, candide iam fassus sit TACITVS^h. Ante Caesarem enim nihil de Britannorum rebus innotuit, nouusque is orbis quasi visus estⁱ. Vidit tamen coniectura aliquid TACITVS, qui Germanicam originem ex corporis habitu concludit; nam a septentrione progressos esse omnes illas gentes iis notum est, qui gentium origines scrutati sunt. Vnde, si quid in re obscurissima et incertissima coniiciendum est, verisimile videtur, ex vna potissimum origine et Germanorum et Britannorum et Gallorum Druidas fluxisse, et vnâquamque harum gentium peculiare suos eruditos sacerdotesque habuisse, instituto eorum a maioribus, quibus originem debebant, accepto. Certe qui Caesaris testimonio militant, non expendunt, vagum rumorem incertamque famam atque traditionem apud ipsum imperatorem diserte innui, qui disciplinam ait Druidarum in Britannia repertam existimari. Facile tamen largimur, Britannos hac in re nihil a Gallis accepisse, cum ad Iulii Caesaris tempora sibi solis vixerint.

Rr 3

rint.

b) Lib. VI. c. 14.
c) Consulendus, qui eruditè de Druidis disseruit cl. Io. GEORGIUS FRICKIUS pec. dissert. Vlmae 1731. 4. edita: qui copiose scriptores enumerat.
d) Io. SELDENVS in Analectis Anglo-Britann. Opp. Vol. II. T. II. p. 361 seqq. Io. TOLANDVS Spec. crit. de religione atque eruditione Celtarum;

HENR. ROWLANDS de antiquit. nat. et hist. insulae Anglesegae s. Monae priscae sedis Druidarum vid. A. E. T. IX. suppl. p. 412 seqq.

e) In Agricola c. XI.

f) Lib. XXX. c. 1.

ff) l. c. T. I. p. 12.

h) FLORVS L. III. c. 10.

g) l. c.

An ex Pythagorae disciplina.

rint. Quicquid vero illud est, quod de origine Druidarum ancipiti alea disceptatur, illi certe turpiter falluntur, qui a Pythagora Druidarum institutum deriuant. Quod e veteribus DIODORO SICULOⁱ, AMMIANO MARCELLINO^k, VALERIO MAXIMO^l, PSEUDO-ORIGENI^m placuit, quos magnus recentiorum numerus secutus estⁿ, qui si aetatem Pythagorae expendissent, et cogitauissent, non sufficere leuem aliquam huius vel illius doctrinae concordiam et similitudinem ad probandam vnus ab altera originem, antiquissimum Druidum institutum non ad multum recentiora Pythagorae tempora retulissent: vt taceamus, dogma illud de animarum migratione, et arcanam disciplinam, quorum vtrumque apud Druidas viguit, et aliis quoque gentibus in vfu fuisse, et longe abesse a placitis Pythagoreis. Forte addent alii, probabilius videri, quod ex Alexandro Polyhistoro CLEMENS ALEXANDRINVS^o refert: Pythagoram Gallos potius audiuisse, et Druidarum discipulum fuisse, quod et BURNETIO^p, placuit. Nobis id probabile non est, cum ex Caesare discamus, Druidas externos in disciplinam non admisisse, sed arcanam suis seruauisse; et ipsa opinio ex falso intellecta Druidarum hypothese tantum orta sit. Sed de hac re suo loco dicetur ex instituto.

Druidum munus et auctoritas.

§. V. Quale vero munus, quae auctoritas, quae docendi ratio et quae his sunt similia, apud Druidas viguerint, nemo luculentius explicuit, maioremque etiam ob enatam res has cognoscendi occasionem, spectatamque veritatem et dexteritatem, fidem meruit, quam IULIVS CAESAR^q, quem ipsum loquentem lectori exhibere, quam nostris verbis eius narrationem referre, malumus. Ita vero disertissimus imperator: *Druidae rebus diuinis intersunt, sacrificia publica ac priuata procurant, religiones interpretantur: ad hos magnus adolescentium numerus disciplinae causa concurrit: magnoque ii sunt apud eos honore. Nam fere de omnibus controuersis publicis priuatisque constituunt, et si quod est admissum facinus, si caedes facta, si de hereditate, de finibus controuersa est, iidem decernunt, praemia poenasque constituunt^r; si quis aut priuatus aut publicus eorum decreto non stetit, sacrificiis interdicunt. Haec poena apud eos est grauissima; quibus ita est interdictum, ii numero impiorum atque sceleratorum habentur; iis omnes decedunt, aditum eorum sermonemque defugiunt, ne quid ex contagione incommodi accipiant, neque iis petentibus ius redditur, neque honos ullus communicatur. His autem omnibus Druidibus praeest vnus, qui summam inter eos habet auctoritatem. Hoc mortuo, si quis ex reliquis excellit dignitate, succedit; at, si sunt plures partes, suffragio Druidum adlegitur: nonnunquam etiam de principatu armis contendunt. Li certo anni tempore in finibus Carnutum, quae regio totius*

i) Lib. V.

k) Lib. XV. c. 9.

o) Stromat. L. I. p. 304.

l) Lib. II. c. 6.

p) Archaeol. philos. p. 341. MARTINVS ita quoque l. c. p. 184. et FRICKIVS l. c.

m) Philosophum c. XXV. p. 170.

q) De B. G. L. VI. c. 13. 14.

n) Nominatos lege apud WOLFIVM ad l. c. Orig. et imprimis apud doctissimum FRICKIVM l. c. 6. 15. p. 18.

r) Paria fere habet STRABO L. IV. p. 302. qui cum Caesare conferendus.

tius Galliae media habetur, confidunt, in loco consecrato. Huc omnes undique, qui controuersias habent, conueniunt, eorumque iudiciis decretisque parent. Druides a bello abesse consueuerunt, neque tributa una cum reliquis pendunt, militiae vacationem, omniumque rerum habent immunitatem. Tantis excitati praemiis et sua sponte multi in disciplinam conueniunt, et a propinquis parentibusque mittuntur. Magnum ibi numerum versuum ediscere dicuntur: itaque nonnulli annos vicanos in disciplina permanent; neque fas esse existimant, ea literis mandare, quum in reliquis fere rebus publicis priuatisque rationibus (Graecis) literis utantur. Haec de Gallorum Druidibus Caesar, fide omnino dignus, qui hos homines ipse vidit et conuenit, subacta victoriis Gallia. Non addimus, quae de Germanorum Druidibus alii scriptores referunt, quoniam distinguendos eos suo modo putamus, de iis postea dicturi. Id potius lectori expendendum commendamus, eadem fere, quae apud *Pseudo-philosophi*, barbaras hactenus gentes de sacerdotibus eorum arcanisque huius hominum generis obseruauimus, apud Druidas quoque reperiri. Auctoritas maxima, atque tanta, ut de eo quod ius atque fas sit, soli iudicare potuerint; controuersiis arbitri adhibiti, decreta et iudicia tanquam diuina habita, praemia poenaeque ex eorum arbitrio constitutae, adeoque totius reipublicae forma, si bellum excipis, ab iis gubernata. Ad haec sacrificia ab illis peracta, et publica et priuata, discipulorum animi disciplina arcana innutriti, eruditio omnis iis solis seruata: fas iusque interpretandi religiones penes eos solos. Quis non hic sacerdotum artificia ad imperii arcana attemperata et artificiose adhibita, manibus palpet? Finge ducem gentis vel imperatorem, ad horum hominum nutum consilia sua non formantem; an non is et sacrificiis interdictis, et religionum superstitiosa malisque omnibus mentem plebis excitante interpretatione, et irarum Deorum comminatione, et discipulorum quorum animis imperabant, rebellionem ab his hominibus superabatur? Vnde non inuiti in hanc descendimus sententiam, Druides magnos potius fuisse impostores, quam philosophos, qui dum omnem reliquam gentis suae turbam sub ignorantiae iugo artibus suis continuerunt, suo honori, existimationi, commodoque vnice litauerunt. Torquibus enim auratis vestitos fuisse, magnaue superbia animum corpusque extulisse veteres^{s)} referunt, testanturque, hac via ad summam inter Gallos dignitatem et existimationem peruenisse. Quae ut verae philosophiae characteribus e diametro sunt contraria, ita, quid de eorum philosophia in genere iudicandum sit, produnt. Verum de eo postea vberius, ubi de methodo, dogmatibus et philosophia Druidum dicendum erit. Ceterum hoc addendum quoque est, non viros tantum, sed et feminas habuisse,

s) In alia omnia abit MARTINVS l. c. T. I. p. 182. et cl. FRICKIUS l. c. p. 29. Miramur tamen viros doctos magnifice de philosophia Druidum sentire potuisse, quae tamen, qualis fuerit ignoratur.

t) STRABO L. IV. p. 302. imagines Druidum ex operibus anaglyphis ex agris erutis depingit MARTINVS l. c. T. I. p. 212. 217. et ex eo cl. FRICKIUS l. c. p. 25.

Druidum
classes.

buisse, disciplinae suae focias, quae vaticinandi potissimum et diris deuouendi^u arte inclaruerunt.

§. VI. Non vnus tamen generis Druides fuere, si Graecos porro et Latinos audimus, sed in tres classes inter se diuisi sunt, quos ita describit AMMIANVS MARCELLINVS^w: *Studia laudabilium doctrinarum inchoata per Bardos et Eubages, et Druidas. Et Bardi quidem fortia virorum illustrium facta heroicis composita versibus cum dulcibus lyrae modulis cantitarunt: Eubages vero scrutantes summa et sublimia naturae pandere conabantur. Inter hos Druidae ingeniis celsiores, ut auctoritas Pythagorae decreuit, sodalitiis adstricti consortiis, quaestionibus occultarum rerum altarumque erecti sunt, et despectantes humana pronuntiarunt animos immortales.* Eadem fere habet STRABO^x, qui trium quoque harum classium meminit, quos vero Ammianus Eubages vocat, Vates nominat, sacrificiorumque et cultus diuini curam iis commissam fuisse, et causas naturales curae habuisse narrat. Vnum enim nomen esse, quod Romanorum forte pronuntiatione corruptum fuit, recte coniicit CLYVERIVS^y Druidae vero vniuersae eruditionis Celticae promicondi habiti sunt. Videnturque hae Gallorum eruditorum classes, quadam subordinatione sibi inuicem successisse, vt Bardi infimo eruditionis generi dediti, Vates sacrificiis et diuinationibus ex rebus naturalibus^z (quod DIODORVS^a asserit, et verba Ammiani volunt) praefecti, Druidae vero gubernandis totius gentis conciliis, administrandae iustitiae, erudiendae iuuentuti, arcanisque imperii moderandis destinati fuisse videantur. Ex quibus patet, Druidum nomen mox generale fuisse, omnemque eruditorum inter Gallos atque ceteros Celtas ordinem fuisse complexum, mox vero speciali significatione peculiarem classem indicauisse. Praeter hos Semnotheorum meminit DIOGENES LAERTIVS^b, quod nomen tamen apud alios scriptores non inuenitur, nisi quod Indorum Brachmanes, vt supra innuimus, Semni quoque CLEMENTI ALEXANDRINO dicti sint. Vnde coniecerunt viri docti, et in his Io. GALESIUS in erudita obseruatione ad Laërtii locum^c, vocem corruptam esse a librariis, textum Laërtii non intelligentibus, positumque Semnotheorum nomen loco Samnitarum. Memorari enim apud STRABONEM^d mulieres Samnitas, sapientiae nomine celebres, et Baccho sacras, quae in insula Galliae vicina apud Deum sacrificiis aliisque cultus diuini ceremoniis expleant homines. Audacior tamen haec videtur obseruatio, quamuis eruditione et ingenio non destituta; tum quod mulieres sacrificia curantes Druidum choris immiscet,

^w) Legenda, quae de insula Mona a Romanis oppugnata et Druidarum diris defensa habet TACITVS Annal. L. XIV. c. 30. qui recte fanaticum agmen vocat. conf. LAMERIDIVS in Alexandro p. m. 324.

^x) Lib. XV. c. 9.

^y) loc. cit.

^z) German. antiq. p. 163.

^a) Morum censores fuisse notat MARTIN. l. c. p. 173 seq.

^b) Lib. V. Sunt vates magnae apud eos existimationis; hi ab auspiciis et victimarum extis de futuris praedicunt, omnemque plebem dicto audientem habent.

^c) Lib. I. c. 2.

^d) Eam MENAGIVS suo comm. inseruit.

^e) loc. cit.

miscet, vbi de viris philosophis Laërtio sermo est, tum quod duram admodum emendationem textus supponit. Vnde facilius in eam descendimus sententiam, Laërtium Eubagum, siue potius Vatum nomen, quod diuini cultus ministros indicauit, significatione Graeca et communiori exprimere voluisse. Illud certe a probabilitate abhorret, nomen Graecum vetustissimo Gallorum instituto datum esse. Cum Druidae inter eos viguerint, antequam Graeca lingua per Massilienses inter eos nota facta est. Quae hic habet MARTINVS^f, ex dictis lucem capiunt. Refert quoque DIODORVS^g, Saronidas theologos et philosophos Gallorum vocari. Non tamen hoc peculiaris classis nomen esse videtur, sed idem dicere, quod Druides, quos a quercubus nominatos supra monuimus. Σαρκωνίς enim, interprete HESYCHIO quercum notat, cuius cortex hians et conuolutus est. Drysidarum vero nomen apud AMMIANVM cum Druidum voce coincidit.

§. VII. Qua docendi methodo vsi sint Druides, ex Caesaris narratione supra iam ex parte audiuius. Ita scilicet docendi modum instituerunt, vt arcanis, quas sibi et imperantibus fouebant, rationibus attemperetur. Duplex scilicet ille fuit, publicus vulgarisque, atque arcanus. In publica quidem docendi via populum duxerunt, sacrificiorum rationes explicuerunt, religiones, cultusque diuini modum interpretati sunt, diuinationes ediderunt, et imprimis in conciliis populi publicis ius disceptantibus reddiderunt. Ex doctrinis suis eas tantum propalantes, quae ad virtutem excitandam, metumque mortis superandum facere credebant. Aliter tamen in arcana methodo, qua iuuentus et ipsa concurrens, ac in disciplinam conueniens, et a propinquis parentibusque missa erudiebatur. Ibi nefas, aliquid ex disciplina in vulgus efferre, vel literis mandare; et iuuentus sacro silentio per multos annos in disciplina arcana detenta, ne mysteria propalarentur^h. Attemperatae quoque arcanae disciplinae reliquae circumstantiae. Proposita doctrina in versibus, quos iuuentus magno numero ediscere tenebaturⁱ. Nihil hic apertis verbis, sed allegoriarum velo obducto expositum, vnde Δρυΐδας αἰνιγματῶδῶς ἀποφθεγγόμεναις φιλοσοφῆσαι, scripsit LAERTIVS^k, innuens, tantis allegoriarum inuolucris et sententiarum obscurissima breuitate doctrinam propositam esse, vt vix solui aenigmata haec nisi ab initiatis possent. Et vt sacer quoque doctrinae horror accederet, non in triuiis scholae habitae, non in campis et comitiis philosophati, sed, quod refert POMPONIVS MELA^l, *clam et diu vicens annis in specu aut in abditis saltibus*. Hinc ignota aliis, qui non ad interiora admittebantur, Druidum dogmata, qua de re eleganter poeta^m:

*Solis nosse deos, et coeli numina vobis
Aut solis nescire datum: nemora alta remotis
Incolitis lucis.*

Mirum

e) Conf. Kuhnivs ad l. c. Laert.

f) L. c. T. I. p. 177.

g) L. V. p. 308.

h) L. VI. c. 14.

i) Ibid.

k) L. I. f. 6.

l) L. III. c. 2.

m) LUCANVS L. I. Pharsalic. v. 427 seqq.

Mirum itaque non est, Romanos atque Graecos candide fateri, sibi ignorari, quae eorum doctrinae sint. Fassus id est MELA, clam nobilissimos gentis ab iis doceri multa in specubus et abditis saltibus: vnum ex iis quae praecipiant, in vulgus effluxisse. Idem LVCANVS loco adducto, nec CAESAR, qui propius homines cognouit, aliud, praeter immortalitatis dogma, de illis retulit, etsi fateatur, quod et reliqui referuntⁿ⁾, multa de mundi ac terrarum magnitudine, de rerum natura, de deorum immortalium vi ac potestate disputare et iuventuti transdare. Quae omnia probe ponderari, et cum iis, quae de aliarum gentium barbararum sapientibus et sacerdotibus, et arcanis doctrinae eorum rationibus in antecedentibus diximus, accurate comparari cupimus; ita enim sine praeiudicio attendentibus manifestum erit, ad fraudes et imposturam totam horum philosophorum, (si hoc nomine appellandi, qui ἀφιλοσόφως docuerunt) disciplinam comparatam fuisse, et sapere ideo antiquitatis praeiudicium laudes, quae his hominibus tribui plerumque solent. Viderunt hoc Romani, qui imprimis sacrificiis^{o)}.

- quibus immitis placatur sanguine diro
Teutates, horrensque feris altaribus Hesus,
Et Taranis Scythiae non mitior ara Dianae

quae apud Druidas vigeant, offendeantur. Teutati enim, quem suum Mercurium esse dixere Romani, Heso, quem cum Marte comparant, et Tarani, quem Iouem, quasi tonantem, esse volebant, humanis hostiis litatum esse apud Gallos, veteres testantur^{p)}. SVETONIO^{q)} enim teste, Augustus religionem apud Gallos immanitatis dirae ciuibus interdixit, et Tiberii Caesaris principatus^{r)} Druidas Gallorum, et hoc genus vatium medicorumque sustulit, et Claudius^{s)}, quod reliquum erat, penitus aboleuit. Quae omnia, quantum sapientiam apud eos tandem Romani deprehenderint, euincunt.

Druides sub-
lati.

Reliquorum
Celtarum
philosophi.

§. VIII. Celtarum nomine non Gallos tantum, sed Germanos quoque, aliosque populos septentrionem versus habitantes comprehensos fuisse, supra monuimus, notauimusque, ex his demum regionibus Galatas, Gallosque et Britannos etiam progressos fuisse, qua de re antiquitatum patriarum studiosi passim; et in his imprimis, qui ex septentrione omnis fere terrae habitationem, religionem, imperiumque exiuisse multo labore et ingenti volumine contendit OLAVS RVDBECKIVS^{t)} differunt, nos vero rem notam demonstrare superfedemus. Pertinet itaque Germanorum reliquarumque per Cimbriam, Daniam, Sueciam, Norwegiam habitantium gentium communi fere, linguae, religionis et traditionis vinculo inter se colligatarum historia quoque ad nostrum institutum. Eos vero cum Gallis valde

n) STRABO, MELA, AMMIANVS II. cc.

o) LVCANVS I. c.

p) Dicitur hac de re prolixius infra, ubi de theologia Gallorum sermo instituetur.

q) In Claudio c. 25. SENECA in Apocolocyntosis. VICTOR in Claudio. CASAVBONVS ad I. c. Suetonii.

r) PLINIVS L. XXX. c. 4.

s) SVETONIUS I. c. Lucius idem, Sec. II. in Anglia tentauit. Manserunt tamen immanitatis vestigia ad media secula vsque, Vid. cl. FRICKIVS I. c. p. 54 et quos laudat.

t) In ingenti Atlantidis suae Mannheim opere, p. 60.

de conspirare, et eiusdem generis philosophos atque theologos habuisse, nemo rerum Celticarum paulo peritus inficiabitur. Nec obstat CAESARⁿ, qui asserit: *Germanos multum a consuetudine Gallorum differre, nam neque Druides habere, qui rebus diuinis praesint, neque sacrificiis studere, deorum numero eos solos ducere, quos cernunt, et quorum opibus aperte iuuantur, Solem et Vulcanum et Lunam.* Quo Caesaris testimonio inductus SAM. SCHVRZFLEISCHIVS^x, Druides Germanis et vicinis Germaniae populis fuisse negavit. Nam Caesarem deceptum fuisse, relatione eorum, quorum fide ista in commentarios suos referebat, dubium non est, cum reliqui scriptores, qui de rebus Germanorum retulerunt, eos paris generis, potestatis et dignitatis sacerdotes habuisse, vnanimi fere ore testentur, vnusque TACITVS^y atque STRABO ex Latinis et Graecis ad refutandam falsam opinionem sufficiant. Nec ita defendi potest Caesar^z quod nomen Druidum Germani quidem non habuerint, rem tamen ipsam, sacerdotes scilicet pari auctoritate, munere atque officiis functos inter se fouerint, quia non tantum Druides, sed omne sacerdotium Germanis denegavit. Vnde recte Caesari hac in re fidem derogari, instituta inter Gallorum et Germanorum comparatione docte demonstrarunt cl. HECHTIVS^a, et CHRIST. AVGVSTVS FABRETTVS^b. Quorum argumenta, ne nimii simus, non repetimus, hoc vero adiicimus, inter has gentes Celticas, praesertim eas, quae versus septentrionem habitauerunt, tres classes eruditorum fuisse, quemadmodum apud Gallos: Quarum prima continuit eos, qui Diar, Drottar, vel Drotnar, etiam Trulindur vocabantur, qui populo ius dicebant, religiones interpretabantur, sacrificiis praeerant, et ita sacram atque profanam rem publicam curabant: horum duodecim peculiare collegium constituerunt, quod dignitate proximum rege vel duce fuit. Altera classis vates comprehendit, Wisendammen, Spaemann vel Tyrspakur vocatos, genus hominum fatidicum, inter quos et mulieres receptae sunt. Hi populum de futuris fati edocebant, et euentus rerum bonos, vel malos interpretabantur: qui plus valebant apud populum, quam inter procures, forte ob ancipitem dubiamque artem et fallendi studium. Tertia classis comprehendit Scaldos, qui poetae erant Celtarum, regique in conuiujs, in militia, in pugna aderant, cantibusque magnorum heroum facinora depraeedicabant, quae Carmina postmodum memoriae tradebantur, sicque historia patria sine scriptis conseruabatur: vnde etiam admodum gratiosi et in magna auctoritate apud reges fuerunt. Quae omnia, vt ex testimonijs domesticis probauit Vir eruditissimus, FABIANVS TOERNERVS^c, eloquentiae publicus apud Vpsalenses doctor, ita mire confirmant senten-

SS 2

tiam

ⁿ) L. VI. c. 21.

^x) De veterum institutis Druidum Opp. histor. polit. p. 832.

^y) De moribus Germanorum, c. 6 seqq.

^z) Cl. FRICKIVS de Druidibus p. 23.

^a) German. sacr. et liter. p. 38.

^b) Disquis. an Germani Caesaris Tacitique temporibus Druides habuerint, Biblioth. Lubec. T. III. p. 24 seqq.

^c) Diss. de Poësi Skaldorum Septentrionalium Vpsal. 1717. 8. Conf. Critische Beytraege zur Historie der deutschen Sprache Vol. I. p. 105 seqq.

tiam, Druidum institutum atque classes a Celtis septentrionalibus ad eos, qui versus occidentem discesserunt, demum transiisse, et falli Caesarem, qui Germanis Druidas fuisse negat. Nec ignota haec TACITO,^d qui de Germanorum, ipsi satis notorum, sacerdotibus refert: *Neque animadvertere, neque vincere, neque verberare quidem, nisi a sacerdotibus permixtum: non quasi in poenam vel ducis iussu, sed velut Deo imperante, quem adesse bellantibus credunt. Sortes publicas curare sacerdotem civitatis, precatum Deum, coelumque suspicientem; sic ex equis sacerdotem cum rege vel principe civitatis auspiciis capere; Silentium in conciliis gentis imperari per sacerdotes, quibus et coercendi ius sit.* Haec et alia TACITVS, apud ipsum quaerenda, quae consona sunt institutis Druidum apud Gallos. Ex his enim patet, apud Germanos eandem iuris exercendi auctoritatem habuisse sacerdotes, quam Druidae apud Gallos habuerunt. Non vero iuris tantum dicendi populique in religione cultuue deorum erudiendi auctoritatem habuisse, sed et de vaticiniis disposuisse, religionesque interpretatos fuisse, tot fatidici atque fatidicae inter Germanos et septentrionales populos probant. De quibus cum singulari dissertatione lectu dignissima multa, et alibi vix obuia collegerit eruditissimus et de antiquitatibus patriis meritissimus vir IO. GEORGIUS KEYSLERVS^e, merito lectorem in re ad nostram tractationem proprie non pertinente ad eum ablegamus. Nec de Scaldis^f atque Bardis, siue poetis gentium Celticarum^g plura dicere instituti ratio patitur, quaerenda apud eos, qui artis poëticae historiam critice exposuerunt^h. Illud vero propius scopum nostrum ferit, sacerdotes Germanorum atque reliquorum Celtarum religionem quam maxime curasse, cultui diuino praefuisse, et allegorico dicendi et fingendi genere theogonias Deorum explicuisse. Quae vt exacte cum Gallorum Druidibus, eandem officii rationem et methodum arcanam atque allegoricam tenentibus conueniunt, ita hos ab illis aetate et origine maioribus ea accepisse persuadent. Referunt enim, qui de moribus Celtarum egerunt, in lucis sacra eos fecisse, filuas quaesiuisseⁱ, et imprimis quercubus praecipuum cultum exhibuisse, quod eas praesentia sua Deos dignari crederent^k: vnde ingentia adhuc inter nos robora pristinae superstitionis monumenta ostenduntur. Sed de his curiosius disquirere alterius loci est. Alterum sacerdotum apud Celtas, siue Druidum munus fuisse, fabularum diuinarum explicationem, elegantia, quae hodiernum supersunt, Eddarum monumenta probant. Est enim Edda apud Hyperboreos veteres,

d) C. 5. 6. 7. 10. 11.

e) Edidit elegantissimam diss. de mulieribus fatidicis veterum Celtarum gentiumque septentrionalium, speciatim de Druidibus focminis, volis, genis, alrunis etc. insertam selectis antiquitatibus septentrionalibus atque Celticis p. 571 seqq.

f) Praeter Toernerum cl. DAV. KOELERVS peculiarem de Scaldis dissertationem dedit.

g) Bardos parasitas non fuisse, quod vult VA-

LESIVS ad AMMIAN. L. XV. c. 10. recte docet GYNDLINGIVS Hist. phil. mor. c. 6. p. 49. quem vide.

h) Conf. MORHOF. Vnterricht von der deutschen Sprache p. 256 seqq. 272.

i) TACITVS de mor. Germ. c. 9. CLAVDIANVS de Stilic. L. I. v. 228. Multa ex veteribus loca huc facientia adducit cl. KEYSLERVS antiq. Celt. p. 60 seqq.

k) IDEM l. c. p. 65.

res, mythologia, hoc est theologiae vetustissimae Celticae systema et complexus, quo illarum gentium de Diis, creatione, statuque hominum post mortem opiniones variis fabulis, theogoniis et fictionibus in usum poetarum depinguntur *. Cuiuspostea specimina lectori curioso exhibebimus, ubi de theologia harum gentium dicendum erit. Non itaque, ut ex deductis satis luculenter patet, Druidum institutum ad solos Gallos vel Britannos restringendum est, sed Germanis gentibusque hyperboreis, qui versus septentrionem, ad Scythiam usque extendebantur, indeque quibusdam Celto-Scythae dictae sunt ¹, vindicandum, a quibus cum coloniis Celta- rum, qui versus occidentem digressi sunt, sine dubio ad Galatas et toto diuisos orbe Britannos dimanauit. Conradum enim Celtem frustra esse, quando asserit ^m: pulsos a Tiberio Druidas in Germaniam concessisse, atque sub Carolis, Arnolphis et Ottonibus Christianam religionem interpretantes totam Hercyniam occupasse, dicta haecenus manifeste euincunt.

* Eddae nomen atque titulus cum antiquitatem rei iam innuat, ea vero plerisque scriptoribus, Celticarum atque hyperborearum rerum profundiori cognitione destitutis indicta et ignorata sit, pauca de illa eo magis hic adiicienda sunt, quo magis Eddae istae maxime notabile monumentum philosophiae vel theologiae potius gentium septentrionalium sunt, unde veterum populorum in his sedibus commorantium opiniones et placita cognosci possunt. Est vero Edda, desiniente STEPHANO STEPHANIO * fons et fundamentum fabulosum, unde veteres gentis Islandicae Rythmistae obscuras rerum appellationes et copiosos poeticae elegantiae modos exstruxerunt. Differt vero a Scalda, quae elegantiam constructionis poeticae atque rythmum et genera carminum prosequitur, cum e contrario Edda mythologiam septentrionalium populorum, ex qua veteres Rythmistae, quorum in gratiam Edda conscripta fuit, fabulas, inuentiones, verba copiamque dicendi, tanquam ex thesauro Mythologico, vel cornu copiae quodam poeticae hauserunt. Unde recte eam cum Natalis Comitum Mythologia comparauit OLAVS WORMIVS in *Ep. ad THOMAM BARTHOLINVM* **. Poësis enim horum populorum non minus, quam Asiaticorum tota allegorica, fabularis, atque figurata est. Quod satis prodit, recte eos conicere, qui has gentes ex Asiae prouinciis septentrionalibus ad has sedes delatas esse, et orientalia Asiae placita, qualia imprimis inter veteres Persas, Scythas, Hyperboreosque deprehenduntur, his regionibus intulisse statuunt. Id quod egregio SNORRONIS, de quo dicendum est, in *prologo Eddae recentioris* loco, c. 3. probauit cl. ARNKIEL *** ubi ait: *Odinum, cui tota fere borealis theologia debetur, ex Asia in terram aquilonis, quae nunc Saxonia appellatur,*

Ss 3 ubi dicitur? p. 101. (Cher-

1) Conf. RVDBECKIVS in *Atlantide* p. 62 seqq.

*) In not. ad Sax. p. 17.

**) vid. epp. Medic. Barthol. Cent. I. ep. 90.

m) Vid. Io. RELICANVS not. in Caesar. p. 40.

p. 376.

*** in relig. gentili Cimbrorum c. 2, §. 13.

Dicitur id sine testibus.

(Cherfonesum Saxo-Cimbricam, intelligit) profectum, illic per annos multos vixisse, deinde in Reidgotolandiam (Iutiam siue Dania) migrasse, illique filium suum Skioldum praefecisse, ac inde tandem in Suithiold, id est, Sueciam, cui rex Gylfus tunc praeerat, progressum esse. Quae recte VERELIO, RYDBECKIO aliisque ex Suecorum eruditis opponuntur, qui cum gentibus omnem quoque literaturam ac religionem gentilem, ex Suecia in ceteras regiones dimanasse operose contendunt. Sed ut ad Eddam, de qua nostra oratio digressa est, redeamus, de eius vocis etymologia, ipsis septentrionis criticis, MAGNO OLAVO, GUDMUNDO ANDRAE, PAVLO PETROQUE RESENIIS, IOH. MOLLERO, incerta nihil mouemus, hoc vnum adilcientes, vocabulum hoc matricem, atauiam, profapiamue probabiliter significare, eo quod vel mater et atauia sit verborum rerumque copia; vel quod auiae et atauiae fabulis eiusmodi solari nepotes soleant. Vnde errarunt, qui Eddam, quae in aliquibus locis nomen mulieris est, feminae alicuius scriptis illustris, chemiaeque peritissimae, et in philosophantibus numerandae adeptis nomen esse contendunt, quem errorem in Ioh. Lud. Hanemannio notauit IOH. MOLLERVS *. Libri enim mythologici titulus est, et collectionem fabularum Septentrionis exhibet, paucarum quidem ex ingenti deperditarum numero conseruatarum, quae vero antiquitatis vetustissimae vestigia aperte prae se ferunt. Duplex vero hodie extat inter Danos, Suecosque Edda, vetus et recentior. Illa adeo obscura et coniecturis diuersissimis subiecta est, ut recentiores poetae Islandici eam ipsi non satis intelligant. Cuius causam praeter ipsam fabularum antiquitatem, et historiae in iis comprehensae obscuritatem, in linguae veteris Runicae ignorantiam et disiecta tempore exorientis Christianae religionis monumenta ista vetera, ex quibus laciniae tantum quaedam supersunt, non inepte retuleris, certe Codices inter se varie differre, et non satis cohaerere, ex iis, quae edita sunt a RESENIO, patet, si comparentur cum illis, quae ex Codd. Msc. Sueciae excerpfit et Atlantidi suae inseruit OLAVVS RYDBECKIVS. Adscribitur vero Edda ista vetustior SAEMUNDO SIGFVSONIO, gente Islando, pastori quondam paroeciae Odde, in parte Islandiae meridionali, qui circa annum 1114. scripsisse, et anno 1133. obiisse quibusdam dicitur. Is ab eruditionis fama, frode, id est, sapiens, eruditus, polyhistor dictus est. In illustrissimis enim Germaniae et Italiae scholis et academiis a puero innutritus omnium seculorum monumenta historica, regnorum Daniae, Sueciae, Norwegiae, immo Germaniae quoque atque Angliae excussit, et inde Eddam suam congeffit. Qua de re conferri possunt, ubi occasio fert, quae RESENIUS et GUDMUNDVS ANDRAE locis infra laudandis de hoc viro afferunt. Patet vero ex dictis: odas has in Edda antiquiore comprehensas non ipsum Saemundum confinxisse, quod visum fuit HVETIO ** sed ex monumentis vetustissimis collegisse, adeoque ea theologiam borealium gentium antiquissimam exhibere: et verisimile est, Saemundum traditiones

atque

*) In homonym. P. I. c. I. §. 5. p. II.

**) de fab. Romanens. p. 98.

atque narrationes *πατροπαράδοτες* simul consuluisse, ita enim memoriam veterum odas istas nobis apud Celtas conseruauisse supra obseruauimus, et ab ipso Snorrone, recentioris Eddae auctore notatum est. Constat vero vetustior illa Edda tribus partibus, Voluspa, quod mulieris fatidicae nomen est, et gentium borealium philosophiam complectitur antiquissimam, vt RESENIUS inscripsit: Hauamaal, id est, ethica Odini, et Runa Capitula, seu Magia Odini. De quibus tamen, cum prolixioribus nobis esse non liceat, consuli velimus, viros doctissimos, qui ex septentrione Eddae huius memoriam conseruarunt, postea laudandos. Altera Edda, recentior, congesta ex antiquiore a SNORRONE STVRLAESONIO Islandiae Nomophylace, A. C. 1215. sermone patrio et in duas partes distincta est, quarum prima fabulas theologiae borealis myticae septuaginta et octo, altera autem onomasticon alphabetico poëticum complectitur. Vtraque inter libros manu exaratos cum diu iacuisset, PETRVS IOH. RESENIUS I. V. D. Ethices Prof. Publ. Praefesque vrbis Hafniae regius, tandem nobile antiquitatis borealis monumentum cum orbe erudito communicauit: et tum Eddam antiquam, cum versione Latina STEPHANI OLAI Parochi in Islandia orientali eiusque ac GVDMVNDI ANDREAE scholiis, tum Snorronis recentiore, cum versione Danica, et Latina, a MAGNO OLAI confecta, additis variis lectionibus et notis exegeticis, edidit *Hafniae 1665. 4.* vbi etiam, quae hic paucis diximus, prolixius in praefatione exposuit. Quoniam vero liber inter externos rarissimus est, consuli possunt, qui in compendio de eo egerunt, Io. MOLLERVS, et MAGNVS BERONIVS *. Ceterum notauit cel. RVDBECKIVS **, Snorronem in compluribus locis verum poëticarum fabularum sensum fugisse, id quod non miramur quidem, cum in omni fabulosa theologia veterum id eueniat, vt veros sensus interpretes non vbique affecuti sint, valde tamen veremur, vt Rudbeckius hypotheseos amore corruptus vbique veros sensus affecutus fuerit; et certe non exiguam fidem Islandici scriptores merentur, qui non solo ingenio ducti, sed traditionibus maiorum adiuti, mythologiam Septentrionis explicuerunt. Mancam tamen editionem Resenianam esse, ex Codd. msc. patet, vnde nouam editionem merito optat cl. KEYSLERVS ***, quem haud ita pridem sperare nos iusserunt annales literarii.

§. IX. Verum properandum tandem est ad ipsam philosophiam Celticarum, qualis apud Gallos, Germanos atque septentrionales populos viguit, enarrandam. Quae res quam difficilis sit, ex iis, quae supra de monumentorum Celticorum defectu deque doctrinae methodo apud Druidas arcana diximus, abunde colligi potest. Nam refert quidem CAESAR *:

Multa

*) vid. Io. MOLLERVS in Isagog. ad histor. Chersonesi Cimbricae P. II. c. 1. §. 4. p. 5 seq. et in Hypomnem. ad ALB. BARTHOLINI librum de scriptis Danorum p. 405 seqq. et imprimis cl. MAGNVS BERONIVS Vpsaliensis Professor, in eruditiss. dissertationibus, de Eddis Islandicis seu ve-

terum Septentrionalium Mythologiis Vpsal. 1735. 4. editis.

**) in Atlantide c. 2. §. 22. p. 540.

***) Antiq. Sept. et Celtic. p. 20.

n) L. VI. c. 14.

Multa de sideribus atque eorum motu, de mundi ac terrarum magnitudine, de rerum natura, de Deorum immortalium vi ac potestate disputare, et iuventuti tradere, nihil tamen harum doctrinarum, quod compererit, refert, cuius causam explicat POMPONIVS MELA^o: clam eos docere mundi terraeque magnitudinem et formam, motus coeli ac siderum, ac quid Dii velint; unum ex iis, quae praecipiant in vulgus effluxisse, aeternas esse animas, vitamque alteram ad manes. Vtrumque dogma ideo tantum vulgauisse, ut forent ad bella meliores, et ad virtutem excitarentur metu mortis neglecto. Explorabimus itaque, quantum licebit, Celtarum mysteria, contenti futuri, si quaedam aliqua verisimilitudine eruere queamus.

*Doctrina de
Deo.*

§. X. De theologia vero Celtarum, et quae ista nitebatur, religione Gallorum, Germanorum, atque septentrionalium populorum acturis I. vulgi religio ab eruditorum placitis distinguenda est. Quos, etsi populum in idololatria quam maxime confirmarunt, paulo tamen melius sapuisse, et in arcana doctrina ea tradidisse, quae a crassissimis populi erroribus dissidebant, omnino iudicandum est. Quod vero popularem Gallorum religionem attinet, multum eam nobis deformarunt Graeci et Latini, inepto numina peregrina cum domesticis suis Diis comparandi et conciliandi studio, quod veram rationem Gallicorum numinum vehementer corrumpit. Quod non satis cogitarunt, qui recentiori aetate ex monumentis Romanis inter Gallos inuentis nobis religionem veterum Gallorum describere conati sunt^o. Quod si tamen Latinos atque Graecos scriptores, cum de Gallis nobis alii non suppetant, consulimus, Theutates, Hesus et Taranes ab iis culti sunt, et humano sanguine illis litatum est. Id quod supra LVCANVM referentem audiuius, et LACTANTIUS^o quoque confirmat. Theutatem vero Mercurium esse, Hesium Martem, Taranem Iouem, Latini nobis persuadent, quorum loca congeffit GER. IO. VOSSIVS^o, frustraneo tamen conatu, cum cuilibet genti propria numina fuerint. Et persuasit quidem sibi ELIAS SCHEDIVS^o, persuasitque etiam CVDWORTH^o, Theutatem summum Celtarum numen fuisse, et supremum Deum indigitasse: nihil tamen affert, quod coniecturam vel mediocriter fulciat, et eadem probabilitate vel maiori etiam Romanorum opinio admitti posset, Mercurium suum vnanimi fere ore Theutatem esse, pronuntiantium, vel MARTINI^o Plutonium inde exsculpentis: quae omnia incertissima esse, vel ex eo colligitur, quod propria et domestica conditio Deorum Gallorum nobis ignoretur. Idem fere de Heso siue Aesar Gallorum Deo tenendum est, quem laudatum Benedictini inter Gallos sodalitiū membrum summum omnium Deum significasse^o, contendit. Cuius rationes friuolas et exiles cum merito exploserit cel. MOSHEMIVS^o, lectorem ad eum dimittimus. Nihil enim eorum, quae affert,

^o) L. III. c. 2.

^p) IAC. MARTIN. religion de Gaulois. T. I.

^q) L. I. c. 21. ^r) De idololatr. L. I. c. 35. p. 262.

^s) De Diis German. Synt. I. c. 12. p. 291.

^t) System. intell. c. IV. §. 27. p. 545.

^u) l. c. L. III. c. 3. p. 15 seqq.

^w) Ibid. L. II. c. 2 p. 257.

^x) Ad CVDWORTHII Synt. intell. p. 546 seq. n. 37.

affert, vel mediocrem verisimilitudinis umbram habet. Aliter certe CAESAR ^y, aliique qui Martem hoc nomine coli putarunt, qui summus DEVS esse nequit. Nec certiora nos dare audemus, candide fassi, frustraneum nobis laborem suscipere eos videri, qui veram Gallorum mentem de Diis detegere se posse iactant. Erat enim teste CAESARE, theologia haec in arcanis, nec ad vulgus efferebatur. Vnde et falsae Druidas hoc nomine ridet LVCANVS ^z, cuius versiculos hac de re supra adduximus. Quod si tamen coniecturae locus est, videtur opinio de Deo, tanquam anima mundi, per totum mundum omnesque eius partes diffuso, quae totum fere orbem antiquum fascinauit, Gallos quoque occupasse. Magnis enim mundi partibus, tum sideribus, tum lucis, arboribus, saxis numina praesse cum crediderint Germani, de Gallis facile idem conii-ciendum est, apud quos tot statuae, tot arae, tot luci religione verendi colebantur, ut in hac haerese fuisse, facile persuadeant. Laterem itaque lauant, qui Gallos veteres puriorem de Deo opinionem prius tenuisse, sibi aliisque persuadere satagunt, et tum demum religionem corrupisse volunt, ubi cum aliis gentibus consuetudine uti coeperunt ^a. Nihil enim solidi argumenti a viris doctis affertur, quo sententiam roborent. Quod ad Celtas Germanos attinet, quibus boreales nationes merito iungimus, CAESAR ^v quidem de iis ita: *Germani neque Druides habent, qui rebus diuinis praesint, neque sacrificiis student, Deorum numero eos solos ducunt, quos cernunt, et quorum opibus aperte iuuantur, solem et Vulcanum et lunam, reliquos ne fama quidem acceperunt.* Verum hoc comparate tantum, et ex parte forte de quibusdam Celtarum Germanorum populis intelligendum esse ^c, supra iam monuimus, nisi plane incerta dubiaque relatione deceptus est. Refert enim TACITVS ^d: *Germanos nec cohibere parietibus Deos, neque in ullam humani oris speciem assimilare, ex magnitudine coelestium arbitrari: lucos ac nemora consecrare, deorumque nominibus appellare secretum illud quod sola reuerentia vident.* Et addit quidem: *Deorum maxime Mercurium colere, cui certis diebus, humanis quoque hostiis litare fas habent. Herculem ac Martem concessis animalibus placare, partem Sueuorum et Isidi sacrificare;* monet vero ipse, peregrina sacra esse, et signa habere, aduectae religionis; vnde recte concluditur, ad fines tantum Germaniae a vicinis populis quibusdam Germanorum peregrina haec numina adhaesisse. Neque tamen audiendos putamus, qui Celtas in doctrina de Deo adeo purae mentis sensusque fuisse existimant, ut πολυθεότης inter populi tantum errores numeranda sit ^e. Aliud enim magna Deorum caterua apud Germanos et septentrionales populos suadet, cui non plebs tantum, sed imprimis sacer-

y) Lib. VI. c. 17.

z) L. I. v. 406.

med. diff. VIII. p. 178. et cl. GOD. HECHTIVS German. S. P. I. c. 3. 4. p. 3 seq.

a) Vid. cl. FRICKIUS I. c. p. 35 seq.

b) Lib. VI. c. 21.

d) De mor. German. c. 9.

c) Ita quidem P. HACHENBERGIUS German.

e) Vid. FRICKIUS I. c. et quos laudat.

sacerdotes religionibus seruiuerunt ^f. Non enim solem tantum et lunam, sed Odinum quoque, Thoronem, Tuiskonem, Mannum, Fream, Hesones, Deasque Ardoinam, Auentiam, Nehalenniam et magnum praeterea numerum aliorum Deorum topicorum cultum esse inter Germanos et Hyperboreos, ex Eddis, earumque commentariis constat, et a viris doctis, qui de harum gentium Diis egerunt, prolixè ostensum est ^g. Cuius cultus ratio duplex notanda est. Nam primos gentium harum conditores atque reges in Deorum numerum relatos esse, mythologiae luculenter docent, quod eo facilius fieri potuit, quod magni reges viui adhuc dii haberentur, id est, vulgaribus hominibus praestantiores et excelsiores, cuius specimina passim RVDBECKIVS ^h produxit. Altera verò ratio inde deriuanda est, quod vniuersum hoc diuino annumine imari, et animae huius diuinae partes siue daemonia maxima grandibus potissimum mundi partibus adesse easque inhabitare crederent. Id quod vel ex solo coelestium luminum cultu, in mo ex reuerentia quoque, quam lucis atque faxis praegrandibus exhibuerunt, concludi potest. Quod latius demonstrare proclive esset, nisi limites nostrae tractationis migraret. Vno tamen eoque luculento loco rem illustrare, non abs re erit, adducto a cel. KEYSLERO ⁱ, ex legibus Canuti regis Daniae et Angliae potentissimi. Ita enim inter alia: *Adorationem barbaram plenissime vetamus. Barbara est autem adoratio, siue quis idola (puta gentium diuos) solem, lunam, ignem, profluentem, fontes, saxa, cuiusque generis arbores lignaque coluerit.* Videmus enim ex his, quae potissimum Germanis et septentrionalibus populis numina fuerint, et cur idola siue imagines non habuerint, quia non in statuis, sed in mundi illis partibus diuinitatem habitare putabant. Daemonia enim robor, lucos, saxa inhabitare, ex mythologia LXX. SNORRONIS patet. Nec alia ratio est, cur oracula a faxis edi posse somniarent, quam quod diuinitatis aliquam partem iis inesse crederent ^k. Quae si, vt magna verisimilitudinis specie nituntur, admittantur, facile Caesar atque Tacitus in concordiam redigi possunt ^l, et religio Celtarum septentrionalium, Germanorum, et Gallorum, quae priscis temporibus vna fuit, amice inter se conspirat; quae enim apud Gallos numina, eorumque statuae, arae, templaque detecta sunt, peregrinis religionibus aduectis debentur. Habebant enim Celtae aras quoque; sed diuersissimas ab iis, quae ante idola stabant, intra muros templorum: sed in lucis apertisque campis erectae saxeis tantum molibus constabant, quales hodiernum in nostra Germania passim videntur ^m. Verum de his prolixius dispu-

^f) Se ministros Deorum et eorum conscios iastasse refert TACITVS l. c. c. 10.

^g) Scriptores, qui de Diis Celtarum, Germanorum et gentium arctoarum scripsere, magna copia nominat Io. MOLLERVS in Isag. in hist. Chers. Cimbr. P. II. c. 1. §. 4. p. 5 seqq. cl. KEYSLERVS quoque conspectum operis de Diis veterum

Celtarum gentiumque septentrionalium inseruit Antiqu Celt. p. 297 seqq.

^h) In Atlantide.

ⁱ) l. c. p. 18.

^k) Conf. IDEM l. c. p. 21.

^l) Videndus MARTINVS libro citato, qui tamen ad hanc temporum religionis Gallorum distinctionem non satis attendit.

^m) Vid. KEYSLERVS l. c. p. 44.

disputare, huius loci non est. Ex his iam facili negotio iudicari potest de quaestione: an Celtae veteres atheismi rei sint? id quod ex CICERONIS oratione pro M. Fonteio IVSTINOⁿ⁾, et PAUSANIAE^{o)} quoque testimonio adstrui tentatum est. Nam has gentes religionibus potius, quae CAESARIS^{p)} vox est, siue superstitionibus^{q)} quam atheismo deditas fuisse, ex adductis liquet, nec citati auctores Gallos, de quibus proprie loquuntur, hostes deorum aliter vocant, quam quod modum Deos in statuis colendi, a quo Celtae abhorrebant, spernerent, et religionem Romanam contemnerent, cui tamen post colonias Graecas inter Gallos habitantes, et victorias Romanas manus quoque dederunt. Absoluenda itaque ab hac macula est gentium antiquissima^{r)}, nec tamen adeo in vindicanda eius religione insaniendum, vt solis, lunae et ignis numine atque cultu trinitatis adorandae vestigia coluisse cum PHILIPPO CLYVERIO^{s)} nugemur.

§. XI. II. Ad theologiam Celtarum vaticinandi quoque studium referendum est, quod Druidibus curae fuisse, praesertim iis, qui Vates dicti sunt, supra demonstraui. Qua in arte imprimis inter Gallos mulieres Samnitas, siue insulae Senae in mari Britannico celebres fuisse, supra quoque, vbi de Semnotheis dictum est, obiter notauimus^{t)}. Inter Germanos eandem diuinandi artem quam maxime viguisse, locuples testis TACITVS^{u)} est, referens, auspiciorum et sortium obseruantissimos fuisse Germanos, apud quos ministros Deorum, et voluntatis eorum conscios se ideo sacerdotes iactauerint. Praecipue autem notabile est, sequiorem sexum apud Germanos vaticinandi habitu pollere, creditum fuisse; quem ideo numinis instar venerati sunt. Narrat ipse TACITVS^{v)}: ex mente Germanorum, *inesse aliquid sanctum et prouidum feminis Druidis, et vidisse se Velledam, diu apud plerosque numinis loco habitam, sed et olim Auriniam et complures alias veneratos esse, non adulatione, nec tanquam facerent Deas.* Magnam vero mulierum fatidicarum apud Germanos copiam et existimationem fuisse, ea probant, quae de Halirunis, (qualem Velledam modo dictam fuisse, quae inter Druidas feminas valde celebrata fuit, maximaque auctoritate inter Germanos floruit, TACITVS alio loco^{w)} luculenter innuit,) apud veteres occurrunt, quaeque doctissimus KEYSLERVS erudita commentatione illustravit^{x)}. Hanc vaticinandi facultatem ex variis rebus, praecipue vero ex sanguine captiuorum interfectorum ex eadem doctrina de Deo, siue numinibus potius per naturam rerum diffusis deriuandam esse, non inepte coniicitur. Ita enim se magno numine ferri Deoque repleti,

T t 2

Deo-

n) Lib. XXIV. c. 6. o) Lib. X. p. 648.
p) Lib. VI. c. 16. conf. MARTIN. l. c. Tom. I. pag. 7^m seqq.
q) Conf. v. c. CHR. FRID. AYRMANNI diss. de cultus idololatrii apud veteres Germanos origine et incremento.
r) Conf. ven. REIMANN. Hist. atheismi c. XLIII p. 304.
s) German. antiq. L. I. c. 29.

t) Conferri de iis merentur, quae disputat KEYSLERVS l. c. p. 450.
u) l. c. c. 10. conf. ORIG. philosoph. c. XXV. p. 170. qui tamen diuinationem Pythagoream ex numeris illis tribuendo fallitur.
v) l. c. c. 8.
w) Lib. IV. c. 61. 64. conf. KEYSLERVS l. c. p. 473 seqq.
x) l. c. p. 456 seqq.

De fato.

Deorum confilia nouisse, sicque commercium cum Diis siue daemonibus lucos, quercus, saxa inhabitantibus habere iactabant ^a. Et huc omnis magia veterum Celtarum referenda est, et deriuandae inde aniles fabulae, quae de sagis fascinantibus, de conuentu earum in monte Bructerorum, de ephialte et quae alia veterem superstitionem redolent, credulam plebeculam haecenus terruerunt. In quarum origines cum eleganti eruditione inquisiuerit saepius ex merito nobis laudatus KEYSLERVS ^b, eius obseruationes eo magis lectori legendas commendamus, quod non exigua inde historiae Druidum, et religioni Celtarum lux affulgeat, quaeque uestigia reliquerit, non sine voluptate cognoscatur. Ceterum ex admissis his diuinationibus sequitur, Celtas credidisse, numina rerum humanarum cura tangi, vel quod magis cum ipsorum doctrina de Deo cohaeret, per numen illud per vniuersum diffusum ita omnia coordinari et disponi, ut eius ratio et leges, quas sequitur, amici illi Deorum, Druides, cognoscere queant. Vnde fatum magis aliquod, quam prouidentiam, eis placuisse, non sine ratione coniicimus. Sicque egregie arma imposturae subministrabat religio, ita enim superstitionissimae genti, quae sacerdotes et vates numinis initar esse, Deoque repleti, teste TACITO ^c credidit, uaserrimi homines, quicquid volebant, persuadebant facillime ^d, inde vero dona et emolumenta maxima reportabant, qua ratione Velledam honoratam fuisse idem historicus notat. Quae coniectura, fatum aliquod necessarium veteribus Celtis placuisse, confirmatur egregie iis, quae rerum antiquarum septentrionalium periti hac de re memorant. Refert enim verba Brynolfi STEPHANIVS ^e: *Fatum uniuersus septentrio et stoicam de necessitate opinionem magno affirmavit consensu; contra quam nec res, nec consilium nec humana virtus vlla quicquam posset. Hinc adeo omnium heroum in extremis vitae periculis unanimis vox, qua praesentem statum colarentur; nec qui morti destinatus est, fugere, nec non destinatus morti addici potest.* Et hanc cuilibet praescriptam ex consilio Deorum vel naturae potius necessitate sortem legemque cum altera de immortalitate animae et vita reditura felicique apud manes conditione praecipuum contemnendae mortis incitamentum habuisse pulchre demonstrauit BARTHOLINVS ^f.

De daemonibus.

§. XII. III. Ex hac de Deo doctrina porro colligitur: Celtas daemonas admisisse, eosque spiritualis naturae statuisset, atque praefecisse mundi partibus. Nam et hoc necessario sequitur, ubi De us pro mundi anima habetur: et supra audiuius, eos roboribus, saxis, lucis, cauernis et his similibus numina praefecisse. Nec ex alia doctrina tot superstitiones veterum Celtarum, imprimis inter septentrionales populos, deriuandae sunt. Quas cum

^a) Ita Voluspae, siue Voluae apud Danos numinum commercia, et futurorum praescientiam iactabant, de quibus consulendus BARTHOLIN. Antiq. Dan. p. 685 seqq. et OL. BERONIVS de Ed-
dis, p. 27 seq.

^b) l. c. p. 490 seqq.

^c) ll. cc.

^d) Conf. CICERO de diuinat. L. I.

^e) In notis ad Saxon. L. I. p. 53.

^f) De causis contemptae a Danis adhuc gentilibus mortis L. III c. 1. conf. ARNKIEL Cimbrisch. Heidenthum. p. 249.

cum interdixerint veteres ecclesiae Christianae leges apud septentrionales, recte inde inferitur, tales de daemonibus opiniones veteribus Celtis infedisse. Ita enim, referente in his rebus eruditissimo KEYSLERO^{g)}: *Omni diligentia inquirat rex et episcopus, ne exerceantur errores, et superstitio ethnica, uti sunt incantationes et artes magicae, item si quis per aërem daemoinco itinere feratur, si in genios locorum credat, quod tumulos aut flumina inhabitent, excubiae nocturnae ad exploranda fata, abiuratio Dei et sanctae ecclesiae, ut in tumultis opes inueniant, aut alio modo ditescant, vel quaesita resciscant. Item si quis tentet lemures et tumulicolas excitare.* Haec maleficia cum inter Obotomal referantur, id est, crimina capitis supplicio luenda, non immerito credimus, satis profunde in animos veterum horum populorum penetrasse. Pertinet et huc, quod in concilio Rotomagensi^s interdictum est, cum daemonum turba, in similitudine mulierum transformata certis noctibus equitare super quasdam bestias, et in eorum consortio esse. Quae etsi medio potius aevo, quam vetustissimis temporibus conuenire, ex testimoniis his queat colligi, recte tamen concilium Anquirense monuit, hanc suorum temporum superstitionem, veterem paganorum errorem esse, cum aliquid diuinitatis aut numinis extra vnum esse Deum arbitrentur^{h)}. Nec ablu- dit ab his mythologia borealis, vbi in *Edda antiquiori*ⁱ⁾ Voluspa

*Tunc denuo occuparunt Dii omnes tribunalia
Sanctuli deastri, considerantes
Quinam deberet nanos dominus creare
Ex Brimeri sanguine et blauis cruribus.*

Nanos enim hos non homines pusillae staturae, sed certum geniorum genus esse, ex his viri docti colligunt, quod Parcae, Norner dictae, quas numina de vita hominis disponentia esse credidere, partim ex Alforum, qui genii certi generis sunt, partim ex Dwergorum, id est, nanorum stirpe oriundi dicantur^{k)}. Recenset quoque Voluspa^{l)}, varia geniorum genera:

*Noër et Nidi, Nordri et Sudri,
Austre et Vestre, Althiofur Dualin.*

Quae classes daemonum etsi subobscurae sint, ad varias tamen praefecturas mundi, quae iis creditae putabantur, referendas esse, recte statuitur^{m)}.

*Quicquid humus, pelagus, coelum mirabile gignit,
Id duxere Deos, colles, freta, flumina, flammās.*

Noër et Nidi enim a nouilunio et decresciente luna, reliquos a quatuor mundi cardinibus denominatos fuisse STEPHANVS OLAI notauit,

Tt 3

quo-

f) l. c. p. 89.
g) Apud BURCHARDVM L. I. c. 94. §. 44.
conf. IDEM l. c. p. 90
h) Citati REGINO c. 364. p. 345.
i) Stroph. IX.

k) Conf. ARNKIEL. Cimbr. Heidenthum c. XVI.
§. 2. p. 94. BERONIVS de Eddis §. IX. p. 39.
l) Stroph. h. XI.
m) PRVDENTIVS adu. Symmach.

quocum GYDMVNDVS ANDREAE ad hunc Eddae locum conferendus est. Daemones vero in bonos malosque distinxisse, ex SNORRONIS *Edda* quoque colligitur, quae bonos genios Luifalfor, id est, candidos, malos Daukalfor nigros vocat. Quae opinio inter Saxones quoque obtinuit, qui ante Caroli M. tempora praeter Finnum et Sibam, bonos genios, alium quoque atrum victimis placauerunt, quem Tyhilenum vocatum fuisse, GEORGIUS FABRICIUS ⁿ obseruat. Slaui quoque malum deum sua lingua Diabol siue Zeerneboch, id est, nigrum deum appellant, vt alios Celtarum populos, malum daemonem colentes, ne noceat, praetereamus, indicatos a cel. WOLFIO ^o. Ex his qualis potissimum doctrina de spiritibus Celtis placuerit, quae fundamenta superstitionis aegre per Christianam religionem deletae, posuerint, perspicitur.

De ortu mundi
et hominum.

§. XIII. IV. Theologiae barbaricae nobile prorsus caput est cosmogonia, quae plerumque in theogoniam a priscis theologis mutata est. Idem quoque apud Celtas factum, vnde doctrina eorum de ortu mundi non nisi ex mythologia Celtica et septentrionali disci potest. Et Galli quidem Druides quid de mundi origine censuerint, incertum est. Refert quidem multa PLINIUS ^o de ouorum anguinorum genere, inter Gallos Druidis propter incantamenta celebri, quae non ex cortice tantum aestimanda, sed mundi potius ortum ex ovo in iis quaerendum esse, qualem Aegyptios aliosque populos significauisse supra indicauimus, contendit IACOBVS MARTINVS ^o. Sed in gente tam vetusta peregrinarum gentium placita frustra ad explicationem doctrinae eius domesticae afferri ipsa nos conuincit ratio: nec haec vilo testimonio constant, vnde iis non inhaeremus. Accedamus itaque ad mythologias veteres Celtarum et Septentrionalium, quae multa de mundi hominumque origine fabulantur ^r. Vbi tamen non levis difficultas atque incertitudo inde oritur, quod cosmogonia cum theogonia confundatur, id quod recte obseruauit OLAVS RYDBECKIUS ^s, vel potius, quod cosmogonia per modum theogoniae exprimatur. Verum haec communis omnium theogoniarum proprietas, vel vitium potius est, ideo admissum, vt origines rerum maiores viderentur. Afferemus tamen ea, quae ad hanc potissimum doctrinam pertinentia in *Edda* dicuntur, vt antiquarum inter maiores nostros doctrinarum facies vel aliquo modo appareat. Supponebant vero Ymerum ante secula viuente, et nihil cum eo praeter ingens spatium. Ita enim Voluspa ^t:

*Mane erat seculorum, cum Ymerus habitauit,
Erat nec arena, nec mare, nec refrigerantes aurulae
Terra reperta est nusquam, nec in alto coelum.
Hiatus ingens erat spatii, et gramen nullibi.*

Ex

ⁿ) Origin. Saxon. L. I. p. 62. conf. HACHENBERG. German. med. diff. VIII. conf. quae affert VOSSIUS de idololatr. gent. L. I. c. 35. p. 280 seq.

^o) De manichaeismo ante manichaeos §. XXV. p. 100 seqq.

^p) Lib. XXIX. c. 3.

^q) La religion des Gaulois T. II. p. 107. quem sequitur FRICKIUS l. c. p. 47 seq.

^r) Audiuit horum aliquid TACITVS de mor. Germ. c. 2.

^s) Atlantid. c. XXII. §. 2. p. 541.

^t) Stroph. III.

Ex quibus verbis patet, et Deum ante secula condita et mundi originem credidisse veteres septentrionales, Deoque adiunxisse chaos, quod Ginnunga gap vocant, id est profundum". Tum solem et lunam et stellas conditas, et tum terram atque gramen producta *Edda* canit¹⁾. Ita tamen, ut in personas mundi partes, more theogoniarum conditoribus communi, mutantur. His hominis creatio subiungitur, narrando: Cum ad littus oceani ambularent filii Borei, inuenisse ligna duo, ex quibus creauerunt Mannum; primus ei spiritum indidit, alter vitam, tertius auditum et visum, et vocatus fuit Mannus iste Aschus, mulier autem Emla. Inde sexus masculinus ortum traxit. Habitatio autem iis tributa fuit sub terra in eius meditullio. Hi autem in medio terrae Asgardiam exaedificarunt, eam incoluit Atinus cum stirpe sua, ex qua stirpes nostrae ortum suum trahunt. Et refert quidem haec R V D B E C K I V S²⁾ ad tertium mundi seculum, quo deletio humano generi succedere Noachidum filii; primo enim Ymo dormienti, ex *Eddae* fabula, quendam ex eius corpore sudorem manasse, et sub axilla sinistra marem atque foeminam prodiisse; seculo secundo, in sanguine occisi gigantis genus humanum submersum fuisse, excepto Bergelmero, cum vxore in naui periculum euadente. Tertio itaque seculo istam creationem Manni et Emlae, a tribus Noachi filiis factam, id est, electionem regis, per Mannum indicati, vindicandam esse. Multum tamen veremur, ut R V D B E C K I V S, qui manifeste τῇ ὑποθέσει δέλεται, sensum fabulae recte interpretatus sit. Mannum enim apud Germanos primum hominum significasse, T A C I T U S³⁾ auctor est, referens: *Celebrare Germanos carminibus antiquis*, (mythologias has tangit) *Tuistonem Deum terra editum, et filium Mannum originem gentis conditoresque*. Et ipsa quoque Voluspa⁴⁾ ex Asko et Emla totum genus humanum deriuat, et qua ratione vitam animamque et rationem acceperint, enarrat:

*Donec tres venerunt ex illo agmine
Praepotentes et amabiles Asae ad domum quendani,
Offenderunt in littore miseros,
Askum et Emlam omni conatu destitutos,
Animam nec possidebant, rationem nec habebant,
Nec sanguinem, nec sermonem, nec faciem venustam,
Animam dedit Odinus, rationem indidit Hoenerus,
Loedur sanguinem addidit et faciem venustam.*

§. XIV. Cognoscimus ex adductis Celticae theologiae reliquiis, quae gen- *De animae*
tibus hisce de mundi et humani quoque generis origine, sententia animis *immortali-*
infederit. Eodem vero labore simul V. opinionem eorum de anima homi- *tate.*
nis intelligimus, quam ab Odino accepisse, rationem vero indidisse Hoene-
rum ex allatis *Eddae* verbis apparet. Sequitur inde, animam ab iis habi-
tam fuisse diuinae originis, rationalem atque immortalem. Et hoc καὶ πάντων
omnium

1) Conf. BERONIVS l. c. p. 37.
2) Stroph. IV. et V.

3) loc. cit. p. 542.
4) loc. cit. 2) Stroph. XVII. XVIII.

omnium Celtarum, cum Gallorum, tum Germanorum et septentrionalium populorum fuisse, et Graeci et Latini et vetera hyperborea monumenta testantur. CAESAR enim diserte ^b: *Hoc imprimis volunt persuadere: non interire animas.* Eadem de Gallis MELA ^c: *Vnum ex iis quae praecipiant, in vulgus effluxit, videlicet, ut forent ad bella meliores, aeternas esse animas.* Idem etiam VALERIUS MAXIMUS ^d et STRABO ^e asserunt. Et id fabulae omnes septentrionales de vita futura, de quibus postea dicemus, euincunt. Immo de vita sensuque animae, supra ingenia barbara philosophatos interdum esse, ex historia a cl. KEYSLERO adducta ^f colligitur. Et haec quidem dubio carent, nec ambigendum quoque est, an aeternum duraturas animas statuerint. Illud enim adducti testes omnes vno ore loquuntur, testanturque ideo Celtas, Gallos, Germanos, atque septentrionales hanc de immortalitate animae doctrinam in vulgus exire passos esse, ut ad virtutem metu mortis neglecto incitaret, et forent populi ad bella meliores. Id quod tanto quoque cum fructu factum est, ut non aliae gentes inueniantur, qui maiori animo mortem contemserint, quam Galli, Germani, ceteraeque Celticae originis nationes. Nam non solum de Gallis memorat VALERIUS MAXIMUS ^g, pecunias eos mutuas, quae apud inferos redderentur, dare solitos, quia persuasum habuerint, animas hominum immortales esse: sed et alacrem et fortem Cimbrorum et Celtiberorum philosophiam laudat, qui in acie exultarent, tanquam gloriose et feliciter vita excessuri; Thracum item nationem, quae natales hominum flebiliter, exequias cum hilaritate celebrat, eo quod feliciorum ac beatiorum finem vitae reperit. Id quod de Hispanis, qui et ipsi Celtarum colonia fuere, praedicat SILIUS ITALICUS ^h

*Prodiga gens animae, et properare facillima mortem;
Namque ubi transcendit florentes viribus annos
Impatiens aevi spernit nouisse senectam,
Et fati modus in dextra est.*

Talem mortis contemptum miranda fortitudine, quae exemplum vix inter alias gentes inuenit, demonstratum plurimae historiae veterum Germanorum, Cimbrorum, Danorum, Sueonum, loquuntur, quorum aliquas notatu dignissimas adduxit cl. KEYSLERVS ⁱ, sed et plures attulit, causasque has, quas adduximus scrutatus est BARTHOLINVS ^k, qui de ea re consulendus est. Eo vero usque mortis contemptum vrgebant, ut soluto in risum ore, per summam doloris dissimulationem spiritum redderent, quae exempla laudatus KEYSLERVS ^l collegit. Quae vero ratio fuerit, qua de immortalitate animae persuasi mortem adeo laeti oppeterent, non eodem modo scriptores tradunt. Nam, CAESARE ^m narrante credidere

non

^b) Lib. VI. c. 14.

^c) Lib. III. c. 2.

^d) Lib. II. c. 6.

^e) Lib. IV.

^f) Antiq. Sept. et Celtic. p. 129.

^g) Lib. II. c. 6.

^h) L. I.

ⁱ) Antiq. Celtic. et Septentr. p. 129 seqq.

^k) De causis contemptae apud Danos mortis.

^l) l. c. p. 131.

^m) Lib. VI. c. 14. ita etiam DIODORVS L. V.

non interire animas, sed ab aliis post mortem transire ad alios: Quibus ver- *An metem-*
bis aperte Gallis metempsychosis dogma tribuitur. Nec aliter LVCANVS *psychosin cre-*
qui eleganter: *diderint?*

Vobis auctoribus umbrae

*Non tacitas Erebi sedes Ditisque profundi
Pallida regna petunt; regit idem spiritus artus
Orbe alio longae, canitis si cognita, vitae
Mors media est. Certe populi quos despicit Arctos,
Felices errore suo, quos ille timorum
Maximus, haud urget leti metus: inde ruendi
In ferrum meus prona viris, animaeque capaces
Mortis: et ignauum rediturae parcere vitae.*

Alii tamen non in alia corpora migrationem, sed vitam potius post mor-
tem, ad manes, quae POMPONII MELAE^o ea de re vox est, Celtas
statuisse, et inepte eam explicuisse Romanos contendunt, vel deceptos
quoque volunt falsa hypothesi, Gallos accepisse metempsychosin per Za-
molxin a Pythagora, quem errorem AMMIANVS^p et auctor philoso-
phum^q ORIGENIS errauerunt, in eo vehementer decepti, quod
Pythagorae Druidum antiquorum aetatem tribuant, et eandem animarum
migrationem iis placuisse asserant; quod tamen falsum esse; ex compara-
tione vtriusque doctrinae patet^r. Vt igitur migrationis animarum ab-
surditatem a Celtis remoueat, omnibus viribus agunt, viri doctissimi,
PHILIPPVS CLUVERIVS^s ESAIAS PVFENDORFIVS^t, et ex
nostrae aetatis viris eruditis IACOBVS MARTINVS^u IOH. GEOR-
GIUS FRICKIVS^v, SIMON PELLOVTIERIVS^w. Argumentorum, quae
pro sua sententia asserunt, summa haec est: 1. asserere MELAM, Gallos
credidisse vitam ad manes, id est, apud vita functos, non vero meminisse
transmigrationis, quam DIODORVS, CAESAR, LVCANVS ex male intelle-
cta et confusa cum Graecorum placitis immortalitate animorum demum
effinxerint. 2. Referre, quod et nos supra retulimus, VALERIVM MAXI-
MVM^x, mutuum dedisse Gallos pecuniam, quae in altera vita redderetur,
id quod in migratione animarum locum non habet. Addi 3. his possunt
ceremoniae, quae apud Gallos, Germanos et arctoas gentes in sepelien-
dis cadaueribus obseruabantur. Refert enim de Gallis CAESAR^y: omnia
quae viuis cordi fuisse arbitrantur in ignem inferre, etiam animalia, id quod
etiam POMPONIVS MELA^z HERODOTVS^a, TACITVS^b et
VALERIVS MAXIMVS^c narrant, omnia quae in viuis cara fuere, fuisse
simul

n) Loc. supra cit. v. 457. o) l. c.
p) l. XV. c. 9. q) e. XXV. p. 170.
r) Conf. OBRECHT. de philos. Celt. §. II. Es.
PVFENDORF. de Druid. c. 6.
s) German. antiq. p. 219.
t) l. c. p. 61. 62.

u) La religion des Gaulois T. II. p. 220.
v) De Druidibus §. 21. p. 45.
w) Biblioth. Germanique T. XXIX. p. 221.
x) l. II. c. 6. n. 10. a) l. VI. c. 21.
b) l. c. c) l. IV. c. 93.
d) c. 27. e) l. c.

simul vel combusta vel sepulta. Id quod inter Danos quoque teste SAXONE GRAMMATICO ^f, et inter Scythas, referente HERODOTO ^g obtinuit. Cuius causa alia non fuit, quam quod ad manes, id est, inter defunctorum animas et in altera vita usum iuxta eos illae res praestent. Nos in dubia controuersia, imprimis in tanta veterum Celticarum rerum obscuritate, arbitri iudicisque quidem partes nobis non sumimus, dirimi tamen facile litem posse putamus, si id mente recolamus, quod in simili quaestione: an Aegyptii transmigrationem statuerint, supra exposuimus. Iisdem enim argumentis quaestio oppugnata et negata est, iisdem responderi posse putamus. Notum enim ex vniuersali metempsychoseos historia, eos, qui animarum transmigrationem statuerunt, vitam tamen ad manes simul statuuisse, et in αἴδη animas collocasse, vnde in animas deinde redierint, donec per plures migrationis periodos purgati ad Deorum prorsus concilia et beatas sedes admitterentur. Et eadem sine dubio multorum Celtarum opinio fuit, qui defunctis et a corpore separatis animabus sedem quidem atque vitam apud manes assignabant, redire vero aliquando in vitam et alia corpora putabant ^h. Id quod ex Eddae antiquioris testimonio apposite probat cel. KEYSLERVS ⁱ, vbi Sigrunda Helgonis vxor dolore extincta, cum marito iterum nata fuisse dicitur. Ad quod argumentum retundendum frustra obiicit cl. FRICKIUS ^k. Eddam vtramque friuolis nugis scatere. De hoc enim quaestio non est, nec id quisquam negabit, nugari mythologiam in istis Eddis comprehensam; sed id tamen, de quo quaeritur, inde euincitur, inter dogmata, quae istae fabulae supponunt, et quae veteribus placuisse inde fluit, etiam istam animarum migrationem fuisse. Addendum vero et hoc, quod supra quoque de Aegyptiis monuimus, verisimillimum esse, non idem omnibus Celtarum populis de statu animarum post mortem placuisse, sed alios animarum in alia corpora post certa tempora reditum admisisse, alios illis alienas sedes apud manes assignauisse: quam sententiam eruditissimo quoque KEYSLERO ^l placuisse videmus. Quod ne sola coniectura ducti asseruisse videamur, ipse POMPONIVS MELAS ^m, quem altera, quae haec negat, pars potissimum arbitrum constituit, audiendus est, qui de Getis quidem scribens, sed ob communes per tractus omnes Hyperboreos doctrinae et habitationis successionem de Celtis quoque, Cimbris, Danis, Sueonibus aliisque arctois gentibus intelligendus scribit: *Getae ad mortem paratissimi: id varia opinio perficit; alii redituras putant animas obeuntium: alii, etsi non redeant, non extinguunt tamen, sed ad beatiora transire: alii, emori quidem, sed id melius esse quam viuere.* Quam Melae relationem optime in Celtas quadrare, sicque facile dissentientes opiniones conciliari posse, non immerito putamus, certe iis facili labore

f) L. VIII.

g) Ibid. c. 71.

i) l. c. p. 117.

k) l. c. p. 45.

h) In eandem sententiam concedit doctissimus PELLOVTIERIVS Bibl. Germ. T. XXIX. p. 222.

l) l. c. p. 116 seqq.

m) L. II. c. 2.

bore persuadebimus, qui Celtarum atque Scytharum res plerumque con-
uenire norunt.

§. XV. Sed vt Celtarum porro theologiam VI. de statu animarum *De conditio-*
post mortem excutiamus, obseruandum est, geminum fecisse statum defun- *ne animarum*
torum, flagitiis (inter quae periuria, assassinia et adulteria maxima repu- *defunctorum*
tata sunt) deditorum, et fortiter atque cum virtute obeuntium. Illis abi- *hominum.*
tum ad tartara decreuerunt, vbi venenati fluminis Nastrand fluctibus ob-
ruendi et Stygii draconis Nidhuggeri, viperinis moribus dilaniandi forent.
Quae in *Edda antiquiori* miris fictionibus depinguntur, et exornantur, et
cruciatu a dracone Nidhoggur, qua voce genium malum, damnatos lace-
rantem, designasse videntur, perferendi exponuntur. Beatorum sedes du-
plex illis erat, pie enim, iuste ac temperanter vitam traducentibus, curiam
et palatium in Gimle paratum esse, sole clarius, auro tectum, voluptatibus
plenum tradebant. Illi vero qui in bello fortiter occubuerunt, locum
capere dicebantur in Valhalla, hoc est aula caesorum: ibi ludebant, pocu-
lis indulgebant, palaestram exercebant, iisque voluptatibus exsatiabantur,
quibus in vita delectati erant: vnde tantus ruendi in mortem furor,
tanta genti armis tantum vacanti, ferocia mortisque contemptus. Vt vero
religio opinioni accederet, fabulabantur, in Valhalla Odinum bellatorem
Deum adesse, et cum eo defunctos in bello viuere. Odini enim Dei
summa veneratio apud septentrionales fuit, quem ideo non plane inepte
cum Marte comparauerunt, et generali quoque nomine Hefum vocauere.
Ceterum in hac Valhalla voluntaria morte defunctis locum assignabant,
ad euitandam enim turpem captiuitatem, vel senium torpens de scopulo
se praecipitasse Hyperboreos, SOLINVS, MELA aliique referunt. Et
in hac Valhalla variis deliciis defunctos frui nugabantur, non dissimili
figmento, quale Muhammedani de paradiso fouent. Quae tamen, cum
institutum nostrum non tangant, prolixius exponere non licet, vbertim
tamen haurire potest lector ex iis, quae KEYSLERVS de hac re copiose
et erudite collegit.

§. XVI. VII. Durare vero hanc beatorum vitam statuebant vsque ad *De mundi*
Ragnarockur, siue Deorum crepusculum. Illud vero nihil aliud significat, *interitu.*
quam exitium deorum et exuisionem mundi. De interitu itaque mundi,
quid placuerit Celtis iam expendendum est. Vidit vel audiuit potius de
eo aliquid STRABO, qui refert, Druidas animas interitus expertes statue-
re, item et mundum, aliquando tamen ignem et aquam superatura: mi-
nus recte tamen mentem Celtarum percepisse, vel ex ipsis eius verbis po-
test colligi, quae incendia et eluiones absurdo sensu ad mundi interitum
simul iungunt. Mirum vero est, ex Graecis et Romanis neminem praeter
Strabonem aliquid huius doctrinae retulisse, cum tamen mythologia harum

V V 2

gen-

n) Stroph. XXXVI. XXXVII. conf. BERONIVS
l. c. §. 13. p. 44 seqq.

o) Ib. Stroph. LVIII. BERONIVS l. c. p. 46.

p) Edda P. I. Myth. XXXIII. XXXVII.

q) c. 16.

r) L. II. c. 12.

s) l. c. p. 127 seqq. qui etiam prolixè de Odino.

t) Loco supra laudato.

gentium prodat, celebre ipsis hoc dogma fuisse: quod fuisse mythologia Eddae persequitur, et in historia theologiae Celticae omnino expendi meretur. Statuebant scilicet, canente Sibylla: solem tunc nigrescere, tellurem in mari submersum iri, disparituras stellas, ignemque in totam orbis machinam defaecituram. Verba Voluspae ipsa afferemus, ut cum Graecorum placitis et traditionibus queant conferri:

*Nigrescit sol,
Immergitur mari tellus,
Disparescunt e coelo
Serenae stellae,
Saeuit ignis
Sub seculi extremitatem,
Lambit ascendens flamma
Ipsam coelum.*

Haec non sine ingenti fragore fatiscentis machinae esse euentura, eodem cantu Sibylla monet, additque signa praeitura: Fenrin lupum lunam deuoraturum, conuolutum iri anguem midgardicum, quo circulos coeli intelligunt; auditum iri latratus canis infernalis; Tunc quidem Deos et imprimis Odinum cum his monstris, sed infelicitèr pugnaturumⁿ⁾, ingentem vero malorum pestem, bella, parricidia, incestus, et immanissima flagitia praeceffura, aetatemque talem, quam poëta^{x)} barbaram, enseam, ventosam, ferinam vocat. Nihil vero magis notandum in hac mundi *ἐκπύρεσις*, quam quod Deos ipsos haec ruina inuoluet. Ita enim Voluspa^{a)}:

*Tum euenit Hlinae
Dolor secundus,
Quando Odinus prodit
Ad dimicandum cum lupo
Occisorque Belae
Candidus cum Surdo;
Tum Triggae
Cadet maritus.*

Alia ibi occurrentia tacemus^{b)}. Haec vero accurate consideranda et cum Stoicis doctrinis comparanda esse, rerum peritus facile intelliget. Non enim ouum ouo similius est. Ita enim SENECA^{c)} Tragoedus:

*Coeli regia concidit,
Certos atque obitus trahet
Atque omnes pariter Deos
Perdet mors aliqua et chaos.*

Ex his enim rite expensis manifestum esse putamus, principium illud de Deo per totum mundum diffuso, cuius partes daemones sint, in toto mundo

n) Stroph. LII.

x) Stroph. XXXVIII. XXXIX. XLV.

y) Stroph. XLIX.

z) Stroph. XLIII.

a) Stroph. XLIX.

b) Conf. BERONIVS l. c. p. 49.

c) In Herc. furente:

do habitantes quod supra theologiae Celticae fundamentum esse asseruimus, recte a nobis ad explicandas doctrinas Celtarum sacras esse adhibitum; adeoque eundem in modum, vt de Stoicis, debere intelligi, vt omnia, etiam Dii in Deum redeant. Hinc noua quoque prout et in Stoa, mundi renascentis post incendium facies asserta, agri sua sponte dabunt frumenta, nec satione opus erit, duo homines Leichtrafer et Lif, mas et foemina, e tanta clade reliqui, nouum mundum nouis iterum coloniis ditabunt, Solis filia viam repetet matris, Dii tantis malis superstites, conuenient in Ida-Campo, beati innumeris fruuntur gaudiis ^d. Afferuntur etiam de iudicio extremo quaedam ^e, sed ea tempore nascentis Christianismi supposita non sine ratione suspicatur cl. KEYSLERVS ^f. Plura de hac septentrionis cosmogonia facile dici possent, sed vela contrahenda sunt, ne nimii simus, dicta enim abunde sufficiunt, vt haec cum Orientalium et Graecorum cosmogoniis comparari queant. Quae omnia dum profundiori meditatione expendimus, atque recordamur, quod supra iam notauimus, Odinum ex Asia in septentrionis partes digressum hanc religionis traditionem attulisse, confirmamur vehementer in ea sententia, totam hanc mythologiam deberi traditionibus orientalibus, quae cum primis gentium versus septentrionem migrationibus, quicquid etiam contendat RVDBECKIVS, in arctoas, et ex his in Germanicas aliasque occidentales terras delatae sunt.

§. XVII. Satis diu prolixèque de theologia Celtarum dispicientes nos *Astronomia* detinuere fabulae septentrionales; quae de philosophiae Celticae partibus *Druidum* reliquis supersunt, breuiora sunt et paucis absoluentur. Nam *de sideribus atque eorum motu, de mundi ac terrarum magnitudine, deque rerum natura* Gallorum Druidas philosophatos esse CAESAR ^g, refert, quid vero tradiderint, incertum est, atque cum ipsi condiderint, nos latet, et iam PLINII ^h aetate desiderabantur, qui inter Gallos et Hispanos de siderum exortu aliquid tradidissent. Vnum hoc CAESAR ⁱ notauit, *spatia eos omnis temporis non numeris dierum, sed noctium finire, et dies natales et mensum et annorum initia sic obseruare, vt noctem dies subsequatur*. Id quod etiam in antiquis Germanorum, et Anglorum monumentis passim obseruatur ^k. Referri quoque ad philosophiam Celtarum potest, quod Druidas medicos dixerit PLINIUS ^l, qui tamen medicinam magicam magis, *Medicina* quam physicam excoluisse videntur. Certe hoc suadent ea, quae PLINIVS alio loco ^m de visco a Druidis non sine magna superstitione adhibito narrat. Illud enim remedium vniuersale illis fuisse, et ad foecunditatem adhibitum, immo contra venenum quoque datum testatur, et alibi etiam contra comitalem morbum, et vlcera exhibitum esse, ait. Id quod in superstitionem vsque ad recentiora tempora abiisse eleganti episto-

Vv 3

la

^d) KEYSLERVS l. c. p. 121.
^e) Vid. BERONIUS l. c. s. XVI. p. 51.
^f) Ibid. p. 126. ^g) L. VI. c. 14.
^h) L. XVIII. c. 25. conf. HOTTOMANNVS ad l. c. Caesaris.

ⁱ) L. VI. c. 18.
^k) Conf. KEYSLERVS l. c. p. 197.
^l) L. XXX. c. 1.
^m) L. XVI. c. 44. L. XXIV. c. 4.

la docuit KEYSLERVS ⁿ. Meminit quoque alius medicaminis a Druidis in usum vocati PLINIUS ^o, cuius nomen, selago, quamque herbam fabinae similem esse monet; et ab iis superstitiosis ceremoniis collectam contra omnem perniciem usurpatam, ait. Certe ex his, quae arcanam istam naturalis scientiae Druidum custodiam effugerunt, manifeste apparet, quam misera totaque superstitione et magicis opinionibus corrupta fuerit. Recte itaque cum Melampodis medicina eam comparauit DANIEL CLERICVS ^p, et hoc quoque nomine Druides e philosophorum albo delentur, anicularum et medicastrorum choris inferendi.

*Philosophia
moralis
Celtarum.*

§. XVIII. Tandem et philosophiam moralem Druidas excoluisse STRABO ^q disertè testatur, exotericas tamen atque paraeneticas tantum dissertationes fuisse non est, quod dubitemus. Vnde ex vita eorum de morali doctrina iudicandum esse existimamus, cuius summam hanc tradit LAERTIUS ^r: *Deos esse colendos, nihil mali faciendum, fortitudinem exercendam.* Nec fortasse plura requisita sunt a gentibus, quae totam vitam suam in armis consumserunt: Vnum notasse iuuat, immortalitatis animae dogma totam fere vitae durae, et voluptatibus aduersae, qua Celtæ eminuerunt, rationem peperisse. Hinc enim non fortitudo tantum et contemptus mortis, sed armorum etiam studium, huic vero inferuendo parata reliqua omnia: iuuentutis exercitatio, fera venus, proscriptae voluptates, matrimonia casta, victus agrestis, vestitus incomtus, domicilia humilia, venatio in pace ^s. Tantum potest spes futurae vitae ad roborandos animos et firmanda corpora.



CAPVT DECIMVM.

DE PHILOSOPHIA ETRVSCORVM ET ROMANORVM VETERVM.

§. I.

*Etruscorum
philosophia.*

Post Gallos Etrusci et Romani nos inuitant, homines magna nominis celebritate incluti, quos in philosophorum albo inter gentes barbaras numerari hinc inde videas. Eorum itaque populorum dogmata, quae ad philosophiam barbaricam referri possunt, expendenda sunt. Etruscorum vero res, quatenus Romanorum historiam aetate supergrediuntur, incertissimae sunt, parumque quod veri sitientem satiet, deprehenditur. Perlustrandae tamen exiguae reliquiae sunt, quae passim occurrunt. Et DIODORVS SICVLVS quidem testis est ^a, Tuscos naturae cognoscendae diligenter studuisse; nihil tamen, quod specimen eius nobis exhibeat, affert, viden-

ⁿ) Pec. diff. de Visco Druidum l. c. p. 304.

^o) L. XXXIV. c. II.

^p) Hist. de la Medecine L. I. ch. 9. p. 29.

^q) l. c.

^r) L. I. f. 10.

^s) Proluxe de his TACITVS de mor. German.

^a) L. V. φυσιολογίαν ἐξεπόνησαν ἐπὶ πλείον.

denturque ea, quae de antiqua hac gente apud historicos supersunt, de superstitione magis et leuitate, quam rerum naturalium cognitione testari. Celebrantur enim Etrusci imprimis propter inuenta auguria, quae se ad Romanos transmisisse gloriabantur ^b. Cuius disciplinae Tagen quendam monstratorem in Etruriae partibus emeruisse subito visum e terra, eos fabulari, monuit AMMIANVS MARCELLINVS ^c, quod et OVIDIVS ^d tangit his versibus:

Indigenae dixere Tagen, qui primus Etruscum

Edocuit gentem casus aperire futuros.

Qualis vero ars ea fuerit, ex Romanorum auguriis disci potest ab Etruscis transsumtis, ex quibus quinaso non caret, facile subolfaciet, ad imposturas fraudesque omnem vatum Etruscorum artem rediisse. Id quod ipsis Romanorum legatis, de inuento in Tarpeio colle humano capite Etruriae celeberrimum vatem Olerium Calenum consulentibus egregie patuisse narrat PLINIVS ^e. Ex quibus recte, nisi fallimur, colligitur, notitiam illam naturalium, quae Etruscis tribuitur, in diuinandi ex rebus naturalibus peritia constituisse, meramque fuisse imposturam et superstitionem, vnde iam ARNOBIO ^f *genitrix et mater superstitionis Etruria dicta est.*

§. II. Etsi vero hoc negari non posse videtur, sapuisse tamen Tuscos populos in doctrina de Deo rerum conditore mundique ab eo origine, quibusdam visum est ^g. Et de Deo quidem satis orthodoxe statuuisse videntur CVDWORTHIO ^h. Cuius sententiae praesidium potissimum ex SENECA ⁱ arcessit, qui postquam de coloribus fulminum, (in quorum interpretatione Etruscos excelluisse DIODORVS ^j auctor est) quaedam dixisset, Etruscos quidem a philosophis distinguit, quos de natura rerum non philosophare, sed superstitiones neectere probe norat, illorum vero ita mentem explicat: *Fulmina, dicunt, a Ioue mitti, et tres illi manubias dant. Prima, ut aiunt, monet et placata est, et ipsius consilio Iouis mittitur. Secundam mittit quidem Iupiter, sed ex consilii sententia. Duodecim enim Deos aduocat. Tertiam manum idem Iupiter mittit, sed adhibitis in consilium diis, quos superiores et inuolutos vocant, quae vastat et includit etc.* Quae ubi, prima specie erronea videri, monuisset, addit: *hoc secutos esse: ad coercendos animos imperitorum sapientissimos viros iudicasse ineuitabilem metum, ut supra nos aliquid timeretur. Vtile fuisse in tanta audacia scelerum aliquid esse, aduersum quod nemo sibi satis potens videretur. Ad conterrendos itaque eos, quibus innocentia nisi metu non placet, posuisse super caput vindicem, et quidem armatum.* Postea et hoc addit: *Ne hoc quidem crediderunt, Iouem, qualem in Capitolio et in caeteris aedibus colimus, mittere manu fulmina, sed eundem, quem nos, Iouem intelligunt, custodem rectoremque vniuersi, animum ac spiritum, mundani huius operis dominum et artificem.* Non negamus haec

^b) Conf. THOM DEMPSTERVS ad ROSINI Antiq. Roman. L. III. c. 8 9. II. p. m. 276.

^c) L. XXI. ^d) Metamorph. L. XV. v. 558.

^e) L. XXVIII. 2.

^f) L. II. edu. gentes.

^g) AVTEVRS de l'histoire vniuerselle p. 139.

^h) System. intellectu. c. I. §. 25. p. 538 seq.

ⁱ) Nat. Quaest. L. II. c. 41.

^j) l. c.

haec pro asserenda recta de Deo opinione apud Etruscos militare, prima fronte; propius tamen considerata non multum hanc viri docti sententiam iuuare fatendum est. Nam vt taceamus, non obscure prodere Senecam, ad incutiendum malis metum hanc de Iouis consilio immixtis fulminibus doctrinam altute excogitatam esse, cum naturae necessitate et legibus non consilio eueniant; Dei ideam is Etruscis attribuit stoicam: addit enim: *nomen ei omne conuenire; Fati, providentiae, naturae, mundi.* Sic vt Deus hic nihil aliud sit, nisi *totum quod videmus, totum suis partibus inditum et se sustinens vi sua*, vt ipse fatetur. Idem Etruscis quoque visum esse, asserit. Vnde pestilentissimus error merito Etruscis transcribendus est. Modo SENECA hypothesi scholae suae non inseruiuerit, eiusque opiniones veteribus Etruscis sine fundamento non tribuerit. Quod hodie discernere impossibile, postquam Tagetis, Labeonis Antistii atque Terquiti libri de disciplina Etruscorum * perierunt, sicque ex ipsis gentis fontibus sapere et iudicare nobis non licet.

*Quo sensu
Deum cre-
diderint?*

§. III. Quod si tamen, vt in gentium vetustissimarum rebus aliter fieri nequit, coniecturis locus est, non a vero abhorre nobis videtur: de Deo ad mentem Stoeae Etruscos sensisse, eumque pro anima mundum penetrante, spirituque, ex quo sunt nata omnia, parteque vniuersi habuisse; nam hic error omnem fere septentrionalem et occidentalem terram peruasit. Et persuadent hoc quoque ea, de generatione ortuque mundi eiusque interitu docuisse dicuntur. Seruauit enim SVIDAS¹ nobis anonymi Tyrreni siue Tusci cosmogoniam, in qua ait: *opificem rerum omnium Deum duodecim annorum millia vniuersi huius creationi impendisse, resque omnes in duodecim domos ita dictas distribuisse: ac primo millenario fecisse coelum et terram, altero fecisse firmamentum illud, quod appareat, idque coelum vocasse; tertio mare et aquas omnes, quae sunt in terra; quarto luminaria magna solem et lunam, itemque stellas: quinto omnem animam volucrum, et reptilium et quadrupedum, in aëre, terra, et aqua degentium. Videri itaque primos sex millenarios ante formationem hominis praeteriisse, et reliquos sex millenarios duraturum esse genus hominum, vt sit vniuersum consummationis tempus duodecim millium annorum.* Quae satis quidem cum Mosaica historia creationis, si temporis durationem demas, congruere videntur², intus tamen considerata, nihil aliud dicunt, quam quod Stoa praecepit, quae mundum successiuis periodis ortum esse statuit. Vnde acute collegit cel. MOSHEMVS³ materiam hic, quae Demiurgo formandam se praeberet, supponi, sicque creationem ex nihilo, ex hac cosmogonia non posse exculpi. Id quod vel ex supra dictis necessario consequitur, vbi ex Seneca demonstraui-
uimus, stoicam de Deo sententiam Etruscis placuisse, quae omnino ma-
teriam

k) Conf. DEMPSTERVS I. C. TH. BURNETIVS Archaeolog. philos. c. II. p. 342.

l) V. Τυρρηνία T. III. p. 519.

ll) Forte tamen inde *voctelas* suspicionem quis foueat.

iii) Diff. de creat. ex nihilo §. 28. Syst. int. CUDWORTH p. 995.

eriam Deo coaeuam supponit. Mirandum itaque non est, easdem mundi *Mundi in-*
conuerfiones, in anno magno futuras, a Tuscis tributas esse mundo, quae *seritus.*
placuerunt quoque Stoicis. Refert enim PLVTARCHVS: *cum tempore*
Marii mirabile in coelo prodigium euenisset, nempe claro et sereno coelo vox tu-
dae acutae et lugubris, ut obstupescerent et cohorrerent eius magnitudine omnes:
Etruscos sapientes mutationes in aliam aetatem et genus hominum, mundi que
quandam conuerfionem portendi hoc ostento, praedicauiſſe. Eſſe enim iis octo
minuſſim genera, vita et moribus inter ſe diuerſa; unicuique autem praefinitum
ſſe a Deo certum temporum numerum, qui magni anni periodo limitatur. Quae
omnia ſi inter ſe debito iungantur nexu, mundi ſyſtema Stoico non abſi-
mile, etſi barbarum adeoque rationibus philoſophicis non politum et exor-
atum, ad quae gens ſuperſtitioni dedita parum attendiſſe videtur, Etru-
ſcis arruſſe, ſit veriſimillimum. His iam praſuppoſitis lux aliqua afferri *An Etruſcis*
potest controuerſiae recentiſſime inter πολυμαθές αὐτον *Iſis et Oſiris*
noti.
LVDOVICVM BOVR-
VETVM, Profeſſorem Neocomenſem, cuius eruditioni, tot veterum rerum
umina debemus, et elegantiffimum ANNIBALEM OLIVIERIVM multa do-
ctrina et humanitate de ſenſu monumentorum aliquot Etruſcorum agita-
tae. Dederat enim vir in deperditis linguis eruendis feliciffimus expli-
cationem duorum monumentorum, pro Etruſcis haecenus habitorum, ad
luſtriſſimum SCIPIONEM MAFFEIUM Veronenſem, inque ea interpreta-
tionem quoque tentauerat figurarum et inſcriptionis aenei monumenti,
quod SPONIUS et MONTEAUCONIVS iam attulerunt. In eo Oſiri-
dem et Iſidem, ſiue ſolem et lunam, Apollinem et Cybelem foecunditati
granorum praefides exprimi ex habitu figurarum, ſignisque fruſtum ad-
lectorum collegerat: et iuxta hanc interpretationem ex lingua non Etru-
ſca, ſed Pelasga, inſcriptionem explicuerat, quae alia eiſmodi poſtea ſe-
cuta ſunt. Haec lecta et laudata cl. OLIVIERIVS ſibi dubia videri faſ-
sus eſt, non ſolum ob monumentum aeneum, eo tempore, quo hoc ſcri-
ptum eſſe BOVRGETVS contenderat, nondum uſitatum, ſed ex ea quoque
cauſa, quod Romuli tempore numina Aegyptiorum Romae nota et culta
uiſſe, difficulter aegreque probari queat, cum Romani admodum pere-
grinos Deos abhorrerint, et imprimis Aegyptiaca numina vetuerint.
Nos hanc quidem litem, ubi difficillius eſſe putamus, interpretationem
dare, quam oppugnare, noſtram non facimus, nec negamus, dubium ad-
huc nobis videri, num Pelasga ſiue veteri Latina, an Etruſca ſit inſcriptio?
Quicquid tamen illud eſt, de quo viris doctiſſimis et in his literis verſatiſ-
ſimis ſcrupulum non mouebimus, certum tamen putamus eſſe Iſidem et
Oſiri-

n) In Sylla T. IV. p. m. 126. ubi ſet reliqua le-
genda ſunt.

o) Bibliothecae Italicae T. III. art. 8. p. 174 ſeqq.

p) Miſcell. Er. ant. p. 87.

q) T. I. P. I. p. 105. Tab. LIII.

r) Biblioth. Italicae T. XIV. art. 1.

s) Pec. ſcripto: Spiegazione di alcuni monu-
menti degli antichi Pelasgi, traſportata dal Fran-
ceſe con alcune oſſervazioni ſovra i medefimi
Piſaur. 1735. 4.

Osiridem exhiberi, hoc enim modius et sistrum et flos loti manifeste docent. Vnde coniicimus, paulo serius, et quidem circa ea tempora, quibus Aegyptus Magis peregrinis patuit, vel eius quoque coloniae varie dissipatae sunt, Osiridis et Isidis notitiam atque doctrinam ad gentes Hetruscas et Pelasgas peruenisse. Ea vero cum, vt in antecedentibus probauimus, hypothesein hanc adumbrauerit, esse Deum spiritum mundi, materiamque ab eo penetrari, mirandum non est, huius hypotheseis symbola in his terris inuenta esse, cum, quod in praecedentibus vidimus, ea Etruscis placuerit sententia, quam Aegyptii sub Isidis et Osiridis aenigmate fouebant.

*Romanorum
veterum phi-
losophia.*

§. IV. Praeter Etruscos Romani, non solum imperii magnitudine immortalem post reipublicae incrementa feliciter promota famam consecuti sunt, sed in ipsa quoque nascentis imperii origine sapientiae laudem sunt adepti. Ita enim constituta fuit respublica, vt philosophiae ope id factum esse, quidam sibi persuaderent. Cum enim initia tanto imperio darent homines multi quidem, sed viles et generis agrestis, non diffitente Romanae historiae parente LIVIO^t, fundamentum tum in armis et virium robore quaesitum est. Quod cum diu sustineri ita non posset, nisi legibus vinculum accederet, alter post Romulum rex Numa Pompilius creatus est, quem inclyta iustitia religioneque ea tempestate celebrem, et consultissimum virum, vt in illa quisquam aetate esse poterat, omnes diuini atque humani iuris fuisse, historia Romana testatur^u. Is ex tot hominum ingenio, moribus, religione, cupiditatumque inclinatione diuersissimorum multitudine conflata temere ciuitatem legibus instruxit, religionem docuit, mores emendauit, sicque animos in vnum vinculum tanta arte sociauit, vt inde dignus habitus fuerit^x, qui inter philosophos numeraretur, et magni philosophi discipulus crederetur, instituta quoque eius atque disciplina philosophica fuisse viderentur. Quae opinio cum momentum aliquod in historia philosophica trahat, expendenda est, et num philosophia fundamenta tanto imperio iecerit expendendum. De philosophiae vero apud Romanos studio, quod post aliquot demum secula radices apud Romanos fixit, suo, vbi debemus, loco, accuratam instituemus tractationem, hic enim origines tantum philosophiae barbaricae, quae Graecae scilicet opponitur, inter gentes Italas quaerimus. Quae enim de Sabinorum, Aboriginum Latinorum philosophia, et translatis a Graecis ad has gentes per Aeneam philosophiae studiis HORNIUS^y dixit, ea ita comparata sunt, vt ne leuem quidem verisimilitudinem habeant, et refutationem non requirant, adeo philosophiae nomine scriptor minus accuratus abutitur.

§. V.

^t) Lib. I. c. 8.

^u) LIVIUS L. I. c. 18. PLUTARCHVS in Numa T. IV. Opp. p. m. III. reliquique historiae Romanae scriptores fere omnes. OVIDIUS de Ponto L. III. eleg. 3.

^x) Praeter Romanos veteres, quorum meminit LIVIUS et PLUTARCHVS huic opinioni adsti-

pulati sunt HORNIUS Hist. phil. L. IV. c. 3. p. 232. et IAC. WINDETVS de vita funct. statu sect. V. p. m. 92. etsi ille dubius haereat. CLEMENS quoque ALEXANDRINVS apud EVSEBIUM praep. eu. L. IX c. 3. Pythagoricum fuisse et Moisaica doctrina nixum leges Romanis dedisse asserit.

^y) l. c. p. 234 seq.

§. V. Vt vero inter philosophos numeraretur Numa, praeter disciplinam religionis atque legum, quam apud Romanos introduxit, effecit potissimum similitudo institutorum cum disciplina Pythagorae. Cum enim celeberrimus iste philosophus in inferiori Italiae parte scholam erexisset, ab eo ad Numam tantam disciplinae sapientiam dimanasse ipsis Romanis persuasum fuit, eo quod Numae sapientiam non alio fonte, nisi hoc, ad Sabinos et Latinos peruenire potuisse crederent. Quae tamen opinio non vno nomine ipsis rerum Romanarum scriptoribus absurda recte visa est. Et eleganter quidem LIVIVS²: *Auctorem doctrinae eius, quia non extat alius, falso Samium Pythagoram edunt: quem Seruio Tullio regnante Romae, centum amplius post annos, (et forte post plures, incerta enim Pythagorae aetas est,)* in ultima Italiae ora circa Metapontum Heraclaeamque et Crotona iuuenum aemulantium studia coetus habuisse constat. Ex quibus locis, etsi eiusdem aetatis fuisset, qua fama in Sabinos aut quo linguae commercio quemquam ad cupiditatem discendi exciuisset? quoue praesidio unus per tot gentes dissonas sermone moribusque peruenisset?* Quod accuratum Liuii iudicium apud eos tanto maius pondus habet, qui Italiae veteris in tot diuersissimos populos diuisae conditionem norunt. Putat vero PLVTARCHVS, Pythagorae nomen, quod pluribus commune fuisse suo loco probabimus³, confundendae praeceptoris Numae personae cum Samio philosopho occasionem dedisse, et videri regis institutionem aut barbaro cuidam Pythagorae praestantiori assignandam, aut non Pythagoram philosophum quinque aetatibus Numa posteriorem, sed Pythagoram Lacedaemonium intelligendum esse, qui in Olympico certamine Olympiade decima sexta, cuius anno tertio Numa rex constitutus fuit, stadium vicerit, et in Italia oberans atque cum Numa congressus, ei in constituendo regno socius fuerit, cuius Pythagorae doctrina effectum sit, vt Romanorum institutis multa Spartana sint admixta. Non tamen probabilitate multa se haec opinio commendat, cum prius euincendum sit, Pythagoram istum, quem pugilem fuisse veteres tradunt, humani diuinique iuris cuius scientia eminebat Numa, fuisse consultissimum, illumque in Italia oberrasse, et tandem Numae se in regno constituendo socium praeuisse. Quod vt historia tacet, ita quam exigua huius traditionis fides sit, prodit. Multo itaque propius ad veritatem accedit LIVII iudicium, a quo ipse PLVTARCHVS discedere non audet: *Numam suoapte ingenio temperatum virtutibus animum habuisse, instructumque non tam peregrinis artibus quam disciplina tetrica et tristi veterum Sabinorum, quo genere nullum quondam incorruptius fuit. Sed vt ipsam Numae philosophiam pernoscamus, in quo eam sitam fuisse traditio referat, expendendum est, et examinandum, quibus rationibus Numam philosophum fuisse, probare, qui haec contendunt, audeant?*

XX 2

§. VI.

2) loc. cit.

piad. Pythagoram natum non fuisse suo loco demonstrabitur.

3) Ante XLIII. Olympiad. et post LIV. Olym-

b) Vbi de Pythagorae historia agendum erit.

*Numae philo-
sophia asser-
ta.*

§. VI. Argumentis vero, si Romanos audimus, his potissimum vtuntur, vt I. ad religionem a Numa inter Romanos introductam prouocent. Prudentissimus enim rex exasperatum populum ad pacem traducere, negotium non parui laboris esse intelligens, a religione auxilium petit, et ferocem bellicue cupidam multitudinem sacrificiis, pompis et choreis, quae maiestati delectationem adderent, deliniuit; nonnunquam terrores a Diis oblatos, spectraque geniorum prodigiosa renuncians animos superstitione captos deiecit. Quae res, monente PLVTARCHO cum primis effecit, vt sapientiam disciplinamque suam Numa Pythagorae consuetudine parasse videretur. Nam et huius philosophiae magna pars in congressu cum Diis et studio religionis consumebatur. Sed II. artes quoque easdem, ad conciliandam sibi auctoritatem, adhibuisse, quas Pythagoras adhibuit, monent; Vt enim ille femur aureum ostendit, aliisque portentis vsus dicitur, ita et Numam Deae cuiusdam, seu Nymphae, amorem, congressusque secum occultos, et cum Musis consuetudinem praetendisse, et pleraque vaticinia Camoenis accepta retulisse aiunt. III. Docuisse Romanos vnam summo cultu venerari Tacitae nomine; vt Pythagoricum silentium referret, atque commendaret. IV. Praeterea leges de simulachris positas germanas esse Pythagoreis placitis: Pythagoram enim principium rerum non sensile, aut motui obnoxium, sed inuisibile, interitus expers, soloque intellectu perspicui quod posset, esse statuisse: Numam Romanis vsu effigiei alicuius Diuum, quae hominis aut animalis cuiuscunque formam haberet, interdixisse: neque priscis illis temporibus fuisse apud illos vel pictam vllam Dei imaginem vel fictam; sed primis centum atque septuaginta annis, etsi templa aedificassent, atque sacras aedes exstruxissent, nullum tamen omnino simulacrum efformauisse; nempe eo, quod et nefas esset praestantiora deterioribus assimilare, neque Deum aliter quam ingenio attingi posse censerent. V. Sacrificiorum quoque ritus Pythagoricae religioni proxime accedere; facta enim esse sine sanguine, et plerumque farina, libatione, rebusque vilissimis constituisse. Adduntur his alia: VI. Sacerdotii Vestalium, totiusque de igne perpetuo, quem eae custodiebant, ritus auctorem Numam esse, eumque custodiae causa perenni igni Vestae templum circumdedit, quod rotundum ab eo instructum sit, non vt terrae, quasi ea Vesta esset, sed vt vniuersi figuram exprimeret, in cuius medio ignem collocatum Pythagorei censent, eumque Vestam et vnitatem appellant, terramque neque immobilem neque in medio circumferentiae sitam autumant, sed in orbem circum ignem ferri. VII. Adiicitur his, Numam coelestia attigisse, temporumque rationes emendasse, mensesque ad cursum solis pariter et lunae correxisse. VIII. Philosophiam quoque moralem Pythagoreorum instar sobriam com-

c) Adducimus rationes a PLVTARCHO l. c. allatas, vtinur vero versione XYLANDRI.

d) Refutauit hanc explicationem E Z E C H. STANBEMIVS de Vesta et Prytan. Graec. T. V.

thes. Graeu. p. 688. contendens, Vestam significare terram, in cuius centro ignis contingatur, eonf. CHERBVRI de relig. gent. c. X. p. 97 qui ignem omnia viuificantem denotare contendit.

mendasse: et quemadmodum Pythagorici noluerint, vt obiter quisquam in transitu Diis supplicaret: sed vt domi prius mente ad hoc praeparatus adoratum veniret; ita Numam censuisse: debere ciues nihil rerum sacrarum vel videre, vel audire obiter et neglectim: sed vacantes ab omnibus aliis rebus, cultui Deorum, tanquam maximo negotio animum intendere. Et ne quid philosophiae Numae desit, IX. praecepta quoque Numae Pythagoricis multis fuisse germana atque symbolica affirmantur. Nam vt ille iussit supra choenicem non sedere, ignem gladio non prorutare, peregre abeuntes non retrospicere, Diis superis impari numero sacrificare, inferis pari; quorum omnium sensum clam vulgo habuit: ita et Numae quaedam instituta rationem habere arcanam: cuius generis sint: Diis non libandum ex vite non putata, neque litandum sine farina, adorantem in orbem se circumagere, et sedere peractis precibus debere. Horum priorum duo enim videri docere, aliquam pietatis partem in moribus cicurandis quasi, et ad mansuetudinem componendis positam esse. Conuersionem autem inter precandum, motum vniuersi exprimere, vel quod vero propius est, quoniam Deum templa ad solem orientem spectant, eum, qui precatur, inde se in orbem conuertere, dum ad Deum redeat, eoque voti sui perfectionem indicare. Quod autem precibus peractis sedere iussit, augurii vim habere, quia bonorum vota certa sint ac firma futura, etc. Satis haec poterant videri ad efformandam ideam aliquam philosophiae Numae; sed ne quid demonstrationi desit, additur his X. quemadmodum Pythagorici nihil scriptis mandauerint, sed suam doctrinam memoria et institutione iis, quos dignos iudicarent, absque literarum officio tradiderint: ita et Numam libros sacrorum, viuum quidem docuisse, et eorum intelligentiam ac vsum sacerdotibus tradidisse, secum vero sepeliri iussisse, existimantem, non recte arcana inanimata literis committi. Et fuisse Valerium Antiatem auctorem, duodecim libros de ceremoniis, totidemque alios Graeco sermone de philosophia conscriptos cum Numa terrae mandatos fuisse. Qui cum quadringentis abhinc annis elapsis vehementibus imbribus tumulto aperto vi inundationis eiicerentur, librique eiectione a Paetilio praetore legerentur, apparuisse, quod fuerint Pythagorici, nefasque putatum, vt ea, quae in libris continerentur, multitudini innotescerent, ita factum, vt libri in comitium allati ac combusti sint. XI. Tandem vt nihil ad philosophiam Numae requiri posse amplius censeatur, ad ingenium quoque atque mores Numae prouocatur; fuisse enim cum natura compositis ad omnem virtutem moribus, tum vero disciplina tolerantia, studioque sapientiae adhuc mansuetiorem redditum, eiectionis ex animo non iis modo, quae apud omnes pro vitiis habentur, prauis animi affectionibus, sed vi etiam et cupiditate, quae apud barbaros laudi dantur: eam fortitudinem veram esse iudicantem, qua appetitus ratione coercentur. Et ne temporis rationes obstant, XII. contendunt tandem philosophiae Romanae pa-

X x 3

troni

e) LIVIUS L. XL. c. 29. PLINIUS L. XIII. c. 13. LACTANTIUS L. I. c. 22. AUGUSTI DE C. D. L. VIII. c. 5. PLUTARCHVS L. c.

f) HELLER Critique de la philosophie T. III. p. 7.

troni, Numam non modo sed et Pythagoram optimam disciplinam a Sabinis hausisse, indeque etsi dispari tempore vixerint, parem tamen et ex vno fonte hausitam disciplinam suis commendauisse.

Negata.

§. VII. Ingenio haec quidem non destitui, veritate tamen, quilibet rem recte ponderans, facile comprehendit. Quemadmodum enim in ostendendis doctrinarum fontibus non ad solam aliquam earum conuenientiam respiciendum est, sed demonstrari debet, qua ratione ortum suum ex aliis dogmatibus habuerint: ita nunquam probari potest, Pythagoram cum Numa ex eodem fonte hausisse, et Sabinae disciplinae alumnum vtrumque fuisse. Et Numam quidem partem eorum, quae de religionibus constituit, a Sabinis, inter quos vixerat, quique hac in re celebres erant, hausisse, eaque optimo ingenio vsum ad rempublicam ordinandam et emendandam feliciter applicuisse, non negabimus: Pythagoram vero ad Sabinos penetrasse, ne illi quidem affirmant, qui tamen nullum fere angulum orbis habitabilis omittunt, quem Pythagoram religionis causa non perreptasse contendunt. Reliqua vero conformitas inter Numae et Pythagorae instituta vel aperte sapit hypothesein, et tanta violentia ad partes ea trahit, vt praeiudicio non impedito se statim prodant: vel communis ea est et cuius ratiocinanti facile obuia, nec singulari fonte opus habet. Religione enim populum mansuefacere omnium fere legislatorum ars fuit, quemadmodum et diuina portentis iactata auctoritas non Pythagoram solum, sed plerosque veteris orbis magnos viros, qui imperia et respublicas fundarunt, in partes traxit. De Deo sileri eo magis Numae imperandum erat, quo magis nouae religioni conducebat, in rationes eius politicas non inquirere. Nullis vero simulacris Deum colere, non Pythagorae, sed Persarum quoque institutum fuit, idque paulo altius ratione vtenti per se obuium: quae ratio etiam de sacrificiis valet. Quae vero de Vestae templo deque symbolis Numae afferuntur Pythagoricis similia, apertae nugae sunt, ab iis effictae, qui fabulae veteri fidem conciliare satagebant, eadem enim facilitate, qua afferuntur, negantur quoque. Scripta vero sua abscondere non alia ratio, quam arcana disciplina, imperio quam maxime inferitura, quae per omnem orbem apud veteres gentes percrebuit, Numam iussit, inque eo non solum Pythagoram, sed plures magnos viros socios habuit. Interim magnum virum, et legislatorem prudentissimum, Numam fuisse ^g adeo non negamus, vt facile in PLUTARCHI sententiam concedamus, praeferendum esse Lycurgo legislatorum fere principi. Verum haec virum quidem prudentem constituunt, quae ex causa quoque CICERO ^h ei sapientiam constituendae patriae, et PLUTARCHVS ⁱ prudentiam ciuilem recte tribuunt; non vero philosophum faciunt. Nec hic scopus erat Numae, qui magno ingenio, disciplina et miris artibus multitudini apte non cohaerenti vniendae se accommodans,

^g) Conf. CICERO de orat. L. III. p. m. 287. qui eum, de Orat. II. Pythagorae recte praefert.

^h) loc. cit.
ⁱ) loc. cit.

nodans, practica magis disciplina, quam theoreticis meditationibus fundamenta religionis et imperii iaciendo ita reipublicae se attemperauit, vt quod fortuito concursu coaluerat, ratione et arte compositum, et firmis coaptatum vinculis perpetuum duraret. Ex quibus, quid de Romanorum vetustissimorum philosophia censendum sit, colligere quiuis potest. Nec iu quoque Numae disciplina vixit, animis Romanorum ferocibus aptis magis ad arma atque bella, quam ad pacis et religionis artes; sed sub Tullo Hostilio ab optimis institutis recedi coeptum est. Qui Romanorum genius tantas radices egit, vt post aliquot secula cum Graeci philosophi legati Romam venirent, et de philosophia differerent, illi corrumpendis uenenum animis nati viderentur, matureque domum remitterentur: quale re historiam philosophiae apud Romanos persequuturi suo loco, quantum par est, fusius dicemus.



CAPVT VNDECIMVM.

DE PHILOSOPHIA SCYTHARVM, THRACVM ET GETARVM.

§. I.

Perlustrauimus haecenus vniuersum pene mundum habitatum, gentesque *Philosophia* omnes, quae barbarae Graecis dictae sunt, qualis philosophia, quaeque *Scytharum*, doctrina de rebus diuinis et humanis apud eos fuerit, exquirentes. Sola nobis restat Scythia, quae olim generali nomine, quicquid terrarum versus septentrionem continebatur designauit; postea vero vbi Celtia a Scythia distincta est, gentes tantum hyperboreas ad extremos Europae angulos sitas, et tum huius tum Asiae partem incolentes indicauit. Cum itaque capite nono, vbi de Celtica philosophia egimus, eos quoque populos considerauerimus, qui terras septentrionales versus occasum Celtiamque vergentes occuparunt ^a, atque Celto-Scythae dicti sunt, quod eandem cum Celtis doctrinae originem et traditionem habuerunt; restant nobis Scythae hyperborei, Europae atque Asiae limites occupantes ^b, de quorum philosophia dispiciendi necessitatem ordinis ratio nobis imponit.

§. II. Fuisse vero Scythas, quique generali hoc nomine continetur *indole natu-* populos septentrionales ingenio quidem rudes et arte atque discipli- *rae potius* nis vere barbaros, vitae tamen innocentia atque moribus integerrimis *quam ingenio* cum paucis comparandos, omnes vno ore scriptores testantur. Ita enim *et arte conspi-* elegans quidam inter Romanos historicus ^c. Nullum scelus apud eos furto *cua.* grauius; quippe sine tecti munimento pecora et armenta habentibus quid saluum

^a) Conf. quae obseruat OL. RYDBECKIUS in Adiantide p. 62, 63. Alique passim.

^b) Conf. STRABO L. VII. POMPONIVS MELA L. II. c. 1.

^c) IUSTINVS L. II. c. 2.

saluum esset, si furari liceret? Aurum et argentum non perinde ac reliqui mortales appetunt. Lacte et melle vescuntur; lanae iis usus ac vestium ignotus: et quanquam continuis frigoribus urantur, pellibus tamen ferinis aut murinis utuntur: Haec continentia illis morum quoque iustitiam edidit, nihil alienum cupientibus. Paria LVCIANVS ^d, CVRTIVS ^e, STRABO ^f, HERODOTVS ^g, ARRIANVS ^h, quique alii morum apud Scythas meminere, testantur. Quod quidem facile concedi potest, cum defuerit nationibus his, durum atque pauper vitae genus excolentibus, occasio vitiorum, quae luxuriam et avaritiam gignere plerumque solent. Nihil tamen omne illud ad faciendum Scythis locum in historia philosophica affert. Nam non philosophiae beneficio, sed naturae quadam bonitate et occasionis ad scelera defectu haec morum apud eos integritas inualuit. Id quod probe notauit IUSTINVS ⁱ qui supra adductis haec addit: *prorsus ut admirabile videatur, hoc illis naturam dare, quod Graeci longa sapientium doctrina praeceptisque philosophorum consequi nequeunt; cultosque mores incultae barbariae collatione superari. Tanto plus in illis proficit vitiorum ignorantia, quam in his cognitio virtutis.* Forte tamen in his testimoniis admirationi peregrinarum rerum aliquid datum, et Scytharum virtus nimis laudibus elata est. Feritatem enim populorum horum cum bella cruenta ab iis gesta testentur, et immanis mos, sacrificia hostiis humanis peragendi prodat; recte inde intelligitur, nondum ibi habitauisse virtutem, ubi ignorata illis gentium aliarum scelera exulauerunt ^k. Quicquid tamen horum est, certe philosophos ex Scythis exsculpere, idem est, ac informe saxum mutare in statuam. Audiendus itaque non est ALEXANDER AB ALEXANDRO ^l, qui apud Scythas Agrippeos, Abios et Caluos philosophos enumerat, qui sacri habiti sint. Nationes enim cum philosophorum sectis vel theologorum collegiis confunduntur, Abios enim nomadicum hominum genus inter Scythas esse, STRABO ^m et TERTULLIANVS ⁿ nos docent. A quibus diuersi qui a Strabone *πολιταὶ καὶ κλίται* dicti sunt, quoniam vicatim et oppidatim coeperunt habitare, quos tamen ideo *φιλοσοφῶντας* dici a SCALIGERO ^o, merito mireris. Nihil enim, quod philosophiam referat, praeter vitae innocentiam, quam STRABO in iis laudat, habuerunt; et a recta vocis significatione recedunt, qui ob hanc morum integritatem magnos ex Scythis philosophos exsculpunt ^p. Nam et illi Scytharum, qui apud Graecos in magna fuerunt existimatione, id quod Anacharsidi, Abaridi et aliis contigit, non propter philosophiam atque eruditionem famam atque nomen consecuti sunt, sed *ὅτι ἐθνικόντινα χαρακλήρα, ἐπέφαινον εὐκολίας, καὶ τε-*

λεό-

^d) In Toxari T. I. p. m. 590 seqq.

^e) L. VII. c. 8.

^f) l. c.

^g) L. IV.

^h) L. IV.

ⁱ) l. c.

^k) Conferenda cum his quae eleganter differit

^l) PELLOUTIERVS Bibl. Germ. T. XXIX.

p. 224 seqq.

^l) Genial. dier. L. IV. c. 13. p. m. 214.

^m) l. c.

ⁿ) De praescriptionibus c. 42.

^o) In Elencho Trihaeresii c. XX. p. m. 149. 150.

^p) Histoire critique de la philosophie T. I. L. I.

c. 2. §. 2. pag. 38 seqq.

καὶ δικαιοσύνης⁹, quod gentilitium quendam characterem facilitatis, perfectionis ac iustitiae prae se ferrent.

§. III. Etfi vero philosophos ex Scythis effingere non licet, meretur *Theologia Scytharum.* tamen theologia harum gentium attentionem, quae quo magis canam antiquitatem sapit, eo maius quoque momentum trahit. Non enim expertes fuisse notitiae de Deo, deque creatione mundi, inde concludi potest, quod ABARIM oracula Scythica et theogoniam scripsisse, et ICESIVM de mytheriis librum reliquisse veteres memorent^r. Nihil tamen eorum ad nos pervenit, coniici tamen ex iis, quae capite nono de theogoniis et mythologia septentrionalium populorum versus occidentem diuertentium diximus, potest, similia quoque apud Scythas orientem versus habitantes obtinuisse. Ex Asiatica enim Scythia istos populos occidentem versus exisse supra probauimus. Mature vitae ratio vaga et incertum viuendi genus haec extinxisse videntur, unde et tam pauca de harum gentium religione apud scriptores reperiuntur^s. Illud vero admodum simile, religionem cultumque Dei apud Scythas ab orientalium placitis et dogmatibus valde fuisse diuersum, quem cum tandem relinquerent, et orientalium religioni accederent Scythae, qui in Asiam irruptionem fecere, ἐκ τὸ αὐτῶν ἐκλιναν σέβας τὴν πάτριον ἀθεΐαν ἀφέντες, ad cultum eorum inclinarunt, patrio numinis contemptu relicto, vt habet NICEPHORVS GREGORAS^t. Quod non ita intelligendum est, vt nonnulli acceperunt^u, Scythas fuisse atheos, nullumque Deum agnouisse: sed vultid tantum historicus, eos, relicto contemptu religionis, qualis apud orientales vigeat, tandem mutatis moribus Assyriorum numina recepisse. Deos enim admisisse Scythas, graui oratione Anacharsis apud PLVTARCHVM testatus est^x. Praeter Deum animae quoque immortalitatem credidisse Scythas, inque eo consensisse cum Celtis et reliquis versus septentrionem habitantibus populis, supra iam ex parte dictum est. Spes enim vitae post mortem, et altera vitae sedes bellicosissimas has gentes faciebat. Qua de re ex ore Traiani eleganter IULIANVS imperator^y: *Sunt Getae omnium, qui usquam sunt bellicosissimi, non tantum ob corporis robur, sed propter eam, quam eorum animis defixit opinionem, qui apud ipsos colitur, Zamolxis. Non enim se mori, sed in alias sedes transferri existimantes paratius id faciunt, quam cum iter aut peregrinationem suscipiunt.* Id quod etiam confirmat HERODOTVS^z referens, sperare moribundos, peruenturos se ad Zamolxin. Ex quibus patet, vitam alteram Scythas post mortem credidisse. An vero animarum migrationem statuerint, ex obscuris

ris

⁹) STRABO l. c.
^r) CLEMENS ALEX. adm. ad gent. p. 42. f. an vero, quod hic traditur, Sauromatae Scytharum populus, ensi sacrificauerint? doctissime exponit PELLOUTIERVS Bibl. Germ. T. XXIX. p. 215.
^s) Conf. BURNET. archaeol. phil. c. II. p. 341.

^t) L. II. Hist. Rom. p. m. 18. ed. Wolf.
^u) REIMMANN. Histor. Atheismi c. VIII. §. 5. p. 80.
^x) In conuiuio T. I. p. m. 286.
^y) In Caesaribus.
^z) L. IV. p. 280.

ris veterum relationibus satis certo definiri nequit. Nobis verisimillima videtur POMPONII MELAE relatio ^a, qui luculenter: *Quidam feri sunt, et ad mortem paratissimi, Getae utique. Id varia opinio perficit: alii redituras putant animas obeuntium; alii, etsi non redeant, non extinguere tamen, sed ad beatiora transire; alii, emori quidem, sed id melius esse quam vivere.* Ex his vero opinionibus contemptus mortis et gaudia ad sepulchra quae et ME-
LA et VALERIUS MAXIMVS ^b de Thracibus Getisque referunt. Ita enim apud populos bellicosos doceri intererat.

*Abaris Phi-
losophus.*

§. IV. Inter Scythas hyperboreos magnum apud Graecos nomen sibi peperit ABARIS, inter sapientes, siue philosophos tanto consensu numeratus, ut inter celeberrimos Pythagorae discipulos referretur. Quod tamen Pythagoreorum studium in Abarim mire historiam eius turbavit. Fatetur enim ipse ex horum hominum numero IAMBlichVS ^c, quod Pythagorei proni sint ad fidem adhibendam talibus, qualia de Aristato Proconnesio et Abaride hyperboreo μυθολογούμενα, per fabulas atque commenta referuntur: et quotquot alia sunt generis eiusdem. Omnibus enim huiusmodi adhibere assensum: multa quoque et ipsos comminisci, saepeque talium, quae fabulosa videntur, mentionem facere, tanquam nihil non credentes, quod ad Deum refertur. Ex qua candida confessione, quam sublesta fides horum hominum sit, manifestum est, qui dum fundamentale quasi dogma a magistro constitutum receperunt, περὶ θεῶν μηδὲν θαυμαστὸν ἀπιστεῖν, μηδὲ περὶ θείῳ δογματῶν, nulli diuino vel operi mirando vel dogmati fidem denegandam esse ^d; fraude, fallaciis, et mendaciis philosophicam historiam misere conspurcarunt. Fuisse vero fertur Abaris Scythia hyperboreus, filius Scuthi ^e, Apollinis hyperborei sacerdos, θαυματουργός. Mirabilia enim multa de eo memorantur. Quod si enim, si Diis placet, fides est mythologis, accepit ab Apolline sagittam ^f, mirabilem, in templo Apollinis repositam, ut ea ad superandas in longa peregrinatione itineris difficultates vteretur. Vectus itaque ea per inuia quaeque flumina, lacus, paludes, montes, et alia id genus, ac praeterea eadem sagitta, lustrationes peregit, pestemque depulit, atque arcuit ventos ab urbibus, quae opem eius implorabant, id quod Lacedaemone et Cnossi factum esse contendunt ^g. Et hac quoque sagitta, per aëra in Graeciam delatum esse mentiuntur ^h. Cum enim, referente HARPOCRATIONE ⁱ, et SVIDA ^k lues vniuersum popularetur orbem, Apollo consulentibus oraculum Graecis barbarisque respondit, Athenienses omnium nomine vota facturos. Multis vero gentibus ad eos legatos mittentibus, etiam Abaris hyperboreus legatus

^a) L. II. c. 1.

^b) L. II. c. 6.

^c) In vita Pythag. n. 138. p. 116. f. edit. Kusteri.

^d) IDEM l. c. n. 148. p. 125. et in Protreptico Symb. IV.

^e) SVIDAS in Abaris T. I. p. 3 seq.

^f) Hanc sagittam, referunt mythologi, Apollinem in hyperboreo monte defodisse, cum Cyclopes interfecisset, qui fulmen Ioui fecerant, quo Aesculapius erat interfectus. Sed postquam lu-

piter ignouisset filio, sagittam ipsam vento ad Apollinem perlatam cum frugibus, quae eo tempore nascebantur. vid. HYG. Poët. Altron. VALESIVS ad Harpocrat. p. 83.

^g) IAMBlichVS l. c. n. 91. PORPHYR. vit. Pythag. n. 29. p. 35. ed. Kust.

^h) SVIDAS l. c.

ⁱ) In Abaris, p. 5.

^k) l. c.

atus venisse traditur: Sagitta diuina vero vecto nomen peperit, vt αἰθρῶν, *aërambulus* vocaretur^l. Ad Graecos itaque delatus, mirabilibus suis, cum et sacrorum esset peritissimus, et ariolus celebris^m, magnam auri ummam corrogauit, quam Deo Apollini, in hyperboreo templo consecraret. Transeunti autem, narrant, per Italiam, visum esse Pythagoram Deo, cuius erat sacerdos simillimum, et propterea sagittam Pythagorae eddidisse, quam iter ingressurus e templo sumserat, vt ea ad superandas in am longinqua peregrinatione itineris difficultates vteretur. Pythagoram autem rei insolentia minime commotum, nec causam, cur daretur, percontatum, Abaridi seorsim ab arbitris abducto, aureum suum femur ostendisse, et ita fidem fecisse, quod non male fecisset; hortatumque esse, vt illic loci maneret, et emendandis, qui se ipsis oblaturi erant, sociam sibi praestaret operam, aurum vero, quod collegerat, communicaret cum familiaribus. Cum itaque apud ipsum maneret, physicam et theologiam in compendium edactas illi tradidisse, et loco extispicii, quod per sacrificia fieri solet, diuinationem per numeros docuisse, immo et alia studia Abaridi conuenientia cum illo communicauisse. Haec IAMBlichVSⁿ, qui et alio loco, cui quasi immemor, tradit^o, Abarim congressum cum Pythagora, cum hic Phalaride captiuus detineretur, plures ei quaestiones maxime sacras proposuisse, de simulacris, de religiosiore Dei cultu, de prouidentia, de rebus tum quae coelo continentur, tum quae in terris passim versantur, et similibus aliis. Phalarim vero in vtrumque ira exardescentem acerbè inuectum esse, Abarim autem Pythagorae gratias egisse, et edoctum ab eo, quod a coelo pendeant reganturque omnia, ex iis, quae Daemonum quorundam operatione immittuntur, Phalaridi persuadere conatum esse, dari diuinam prouidentiam, quae omnem hominum expectationem et vim longe superet. Reliqua quae de dissertationibus Pythagorae philosophicis coram Phalaride et Abaride narrat, cum prolixiora sint, apud ipsum IAMBlichVM legenda sunt. Quod si porro Abarideae fabulae incrustatoribus fides danda, ad Troianos quoque discessit, et paratum ex ossibus Pelopis, Palladii simulacrum eis vendidit^p: tandemque ad suos rediens, quod SVIDAS^r habet, sagitta mirabili ex Graecia in Scythiam reductus est, postquam candore, sinceritateque atque bonitate animi Graecos sibi deuinxisset^s. Et haec quidem nobis tanquam certissima historiae facta narrant, Abaridis fabulae commentatores: adeo se tamen turpiter dant, vt mentiendi et fingendi audacia manibus palpari queat. Id quod vel ex solis temporum rationibus demonstrari potest, quae adeo male in Abaridis historia cohaerent, vt vel hoc solo argumento tota narratio suspecta fiat. Accidisse enim luem illam, cuius occasione Abaris in Graeciam missus est, Olympiade tertia, non solum HIPPOSTRATVS apud HARPOCRATIONEM^t et SVIDAS^u auctores

Yy 2

res

l) IAMBlichVS et PORPHYR. II. cc.

m) EVSEBIVS Chron. n. MDLXVIII.

n) I. c. n. 92. et PORPHYRIVS quoque I. c.

o) n. 215 seq. p. 175 seqq.

p) FIRMICVS MATERNVS de errore profanar. relig. SCALIGER. ad EVSEB. chron. n. MCDLIV.

q) I. c.

r) STRABO L. VII.

s) I. c.

t) I. c.

res sunt, sed et festum Proërosiarum euincere videtur, quod ante arationem pro vniuersis Graecis aliisque populis ab Atheniensibus propter auertendam famem et luem fieri suetum Olympiade V. obseruatum iam est ¹. Alii tamen serius, et Pindarus quidem temporibus Croeli Lydorum regis², alii Olympiade vigesima tertia vixisse Abarim contendunt, alii IAMBlicHI et PORPHYRII narrationibus fidem habentes, qui cum Phalaride congressum referunt, in huius tyranni tempora Abarim reponunt³, vbi tamen, cum Pythagoram quoque conuenisse in aula Phalaridis narretur, difficilis inde de aetate Phalaridis et Abaridis quaestio atque controuersia inter doctos Britannos enata est⁴; quam discutere huius quidem loci non est, illud tamen inde notandum e re praesenti est, Phalarim tyrannidem non exercuisse vltra 28. annos, nec minus annis 16. caedemque eius non priorem fuisse Olymp. LVII. 4. quae BENTLEII sententia est, nec posteriorem Olymp. LXIX. 1. quod DODWELLO placuit. Quamcunque sententiam eligas, quae potissimum Pythagoreorum relationibus nitatur, non constabit illa, cum occasione, quam mittendi Athenas Abarim causam Scythis fuisse veteres tradunt. Ita vero corrui etiam traditio FIRMICI, qui eum Palladii fabricatorem ponit, et ita temporibus longe vetustioribus asserit: corruunt etiam temporum notationes apud EVSEBIUM, qui cum Pindaro quidem regni Croeli initiis adscribit, mox tamen ad Olympiadem LXXXII. 4. refert. Nec in tanto dissensu certi quid definiri posse putamus, miramur tamen viros doctissimos, qui de Phalaridis et Abaridis temporibus acerbè inter se contenderunt, tantum fidei commentis IamblicHI et Porphyrii, et his similium dare potuisse, cum non tantum ipsi Platonici fateantur, scholam suam a commentis in hoc argumenti genere non abhorreere, sed et manifestum sit, nihil in tota narratione cohaerere, cum ipse Iamblichus mox⁵ Agrigenti, in aula Phalaridis Abarim cum Pythagora congressum narret, mox⁶ in eo loco, vbi scholam instituit, ab eo edoctum esse tradat. Et cum horum hominum studium, omnes antiquitatis canae viros mirabiles, hariolos, sacerdotes, magos in disciplinam Pythagorae trahendi, sicque herois sui famam et auctoritatem augendi in vulgus notum sit, facile omnes, qui rem rectè ponderant, exigui et vere nullius momenti eorum fidem esse, concedent. Verisimiliter itaque ad tertiam Olympiadem Abaridis aetas nobis referri videtur, quod si admittamus, vera eius historia a nugis et fabulis, quibus ea referta est, facili negotio discerni potest. Hae enim tam inconditae et insulsae sunt, vt nec HERODOTVS⁷ eas pro veris nar-

¹) Scholiast. ARISTOPHAN. in equit. p. 331. SVIDAS in προηροσία T. III. p. 183. et in εἰρησιών. T. II. p. 29.

²) Apud HARPOCRAT. l. c. POTTER archaeol. Graec. p. 389.

³) Conf. BAYLE Dict. v. Abaris not. D. E. T. I. p. 4 seq.

⁴) Inter celeberrimos viros RICHARDUM BENTLEY, CAROLVM BOYLE, HENRICVM

DODWELLVM, WOTTONVM aliosque quorum scripta enumerat FABRICIVS Bibl. Graec. L. II. c. 10. Vol. I. p. 405. Eminent inter haec dissertationes BENTLEII et DODWELLII de Phalaridis epistolis. Potiora momenta quoque congeffit BAYLE l. c. qui quosdam recentiorum errores de aetate Abaridis detegit.

⁵) n. 216.

⁶) n. 92. 93.

⁷) L. IV. c. 36.

narrare, nec IAMBlichVS sine praefamine licentiae mentiendi orbi obtrudere ausus fuerit. Nec difficile est, fontes eiusmodi fabularum detegere, si modo ad ea tempora attendamus, quibus verisimiliter Abaris vixit. Cum enim istis temporibus superstitio philosophiae cultu nondum expugnaretur, inuenti sunt impostores plurimi, qui diuina oracula, atque inspirationem praetendebant, peculiaria cultus diuini genera instituere satagebant, et miracula se edere posse iactantes, regiones atque vrbes a peste, fame aliisque naturalis lustrationibus et incantationibus liberare promittebant, callidissimis praeterea praestigiis superstitiosae plebi illudentes. Quem in finem per orbem vagabundi oberrabant, homines auro emungebant, et nescio quam diuiniorum sapientiam carissime vendebant. Testes ex multis erunt atque exemplum dabunt, quos Abaridi iungit IAMBlichVS^c Empedocles Agrigeninus, Epimenides Cretensis, et ipse, qui tantopere extollitur Pythagoras, id quod ad horum virorum historiam delapsi ex instituto probabimus, et vel sola cognomina probant; Empedocles enim ἀλεξάνεμος, ventorum depulsor, Epimenides Catarthēs, siue expiator dictus est: nec ineleganter obseruat ARTEMIDORVS^d, somnium vaticinandi facultatem obiciens animo, praedicere vitam vagabundam et itinera, διὰ τὸ τὰς μάντις περινοσῆν, eo quod vates vitam errabundam agant. Talem vero Abarim fuisse omnes vitae eius circumstantiae, quae vlla probabilitate verae videntur, suadent. Percurrit enim non Graeciam tantum, sed Italiam quoque, et vaticinandi facultatem iactauit^e, lustratisque regionibus et urbibus oracula praescripsit^f, morbis verbis et incantationibus mederi promisit^g, et miris praestigiis artibusque illusoriis popellum ad corradendum aurum detinuit. Et huc ipsam eius sagittam referimus, nisi potius omnis illa narratio, quod multi veterum^h contendunt, inter fabulas referenda sit. Non enim sine omni verisimilitudine credi potest, praestigiatores hunc eiusmodi sagittam populo ostendisse, qua opinione vulgi maiora et mirabilia effecit, sicque diuina iactauit et impudenter mentitus est: qualia saepius et apud veteres et nostris temporibus facta esse, multis exemplis probari possetⁱ, et Iacobi Aymari virga diuinaria egregie illustrauit PETRVS BAYLE^k. Haec cum fabulis postea augerentur, tota Abaridis historia in mythologiam et inanes nugas mutata est, adeo vt Heraclides, teste PLVTARCHO^l integrum libellum de eiusmodi μυθολογημένοις Abaridis conscripserit. Haec Herodoti iam tempore ad fallendos magis pueros quam delectandos viros narrabantur. Postquam vero Platonici recentiores alique huius furfuris homines inter gentiles philosophos e re sua et gentilis superstitionis esse rati sunt, Pythagoram aliosque veteres huius generis philosophos, theologos, hariolos, praestigiatores diuinis IESV CHRISTI discipulis, θαυμα-
τῆς γοις

Yy 3

τῆς γοις

c) n. 136. PORPHYR. l. c. n. 29.
d) OBERROTH. l. III. c. 21.
e) CLEM. ALEXANDRIN. Strom. l. I.
f) APOLLON. mirabil. histor. c. 4.

g) PLATO in Charmide.
h) vid. imprimis HERODOTVS l. c.
i) Conf. BAYLE l. c. not. B.
k) l. c. not. H. l) nomodo aud. poetar.

τέργους opponere, et miracula eorum ad deprimendam gloriam miraculo-
rum Christianorum iactare, vt vel paria et maiora etiam gentiles theolo-
gos potuisse edere vulgus crederet, vel Christiana quoque, vt ista gentilium
theologorum mendacia et fraudes esse prudentiores putarent, Abarideae
quoque fabulae ornatae multumque auctae et ad excitandam imprimis Py-
thagoreo-Platonicis auctoritatem imprudentissimis mendaciis excultae sunt.
Id quod recte Celso obiecit ORIGENES ^m hac de re legendus, qui quam
insipide Abaris Iesu nostro opponatur, eleganter ostendit. Ex dictis ha-
ctenus colligi quoque potest, qualia scripta fuerint, quae Abaris conscrip-
sisse dicitur; inter quae *oracula*, *Scythica* inde dicta, nominat SVIDAS, et lau-
dat APOLLONIVS ⁿ, item καθαέρως, et nuptias fluminis Hebri, et Apollinis ad-
uentum ad Hyperboreos, denique theogoniam quoque. Quorum tamen omnium
nihil nostram aetatem attigit, et sine iactura omnia desiderantur *. Patet
enim ex iis, quae de Abaride differuimus, indignum esse, qui, inter phi-
losophos veri nominis referatur, cum impostor potius dicendus sit. Ex
hoc vno vero de pluribus huius generis, qui adhuc in historia philoso-
phica occurrent, iudicium fieri cupimus.

Anacharsis.

§. V. Meliori ingenii animique charactere enituit, Scytharumque gen-
tem sapientiae nomen dedisse euincit ANACHARSIS itidem Scytha, Gnuri ^p
filius, Caduitae, quem alii Saulium vocant, Scytharum regis frater, matre
Graeca natus, ex illorum Scytharum genere, qui Nomadici ob vitam va-
gam, et errabundam dicuntur ^q. Is sapientiae studium tyrannidi praeferens,
ad Graecos, quod eorum linguam calleret ^r, a rege missus Athenas venit
Olymp. XLVII. anno primo, et in Toxarim contrerraneum incidit, qui
eum ad Solonem adduxit, hominem, tunc quidem, Graecorum praefer-
tim Atheniensium sapientissimum, a quo totius Graeciae sapientiam disce-
re posset ^s. Ad cuius aedes cum venisset, teste Hermippo vnum ex fami-
liaribus iussit nuntiare Soloni, Anacharsin adesse prae foribus, vt illius con-
spectu et hospitio, si fieri posset, frueretur ^t. Puer haec intus Soloni re-
nuncians, hoc responsum retulit: in propriis regionibus atque patria ho-
spites fieri. Anacharsis vero introgressus, dixit: modo se esse in patria, de-
cere itaque eum, hospites facere. Quam mentis sagacitatem et dexterita-
tem adeo Solon admiratus est, vt non continuo tantum illum admiserit, sed
et maximae amicitiae vinculis sibi deuinxerit: sensitque Solon, qui tum
legibus ciuitatem moderabatur, nec sapientiae cognitionem, nec virtutis
sensum Scythae deesse. Quare optimis eum artibus instituit, nobilissimo-
rum hominum amicitias ei conciliauit, tantamque ei comparauit auctori-
tatem, vt notante Theoxeno, solus ex barbaris iure ciuitatis ab Athe-
nien-

^m) Adu. Cels. L. III. p. m. 131.

ⁿ) Il. cc.

^o) Conf. FABRICIVS Bibl. Graec. Vol. I. p. 10 seqq.

^p) Daucetiae, apud LVCIAN. in Scytha T. I. p. m. 347.

^q) LAERT. L. I. f. 102. SVIDAS in Anacharsis T. I. p. 186.

^r) LAERT. l. c. aliter tamen LVCIANVS l. c. qui, barbarum ob sermonem a nemine intelle-
ctum domum remigrare constituisse, narrat.

^s) IDEM l. c. p. 350.

^t) LAERTIVS l. c. paulo aliter LVCIANVS l. c. qui a Toxari adductum esse refert.

lenfibus donaretur". Anacharfis vero Solonis admiratione et amore captus, nunquam ab eius latere discessit, et omni sapientia practica et ciuili, qua pollebat Solon, ab eo imbutus est^x. Quam cum more gentis suae virtute consummata temperantia, iustitiaque perfecisset^y, mirum non est, barbarum hominem Graecis non displicuisse. Alebat enim et animum mortem, atque virtute subactum, et ingenium elegans, quod pulcherrimis pophthegmatibus et praeceptis, quae LAERTIVS^z recitat, demonstrauit, signis quae legantur, cum nobis non liceat esse tam prolixis, vt ea exponamus omnia. Vnum attulisse sufficiat atque alterum: Vitem, dixit, vuas res ferre, primam voluptatis, secundam ebrietatis, tertiam moeroris. Rogatus, quomodo quis abstemius fieret, si turpes, inquit, ebriosorum motus sibi ante oculos ponat. Mirari se dixit, qui fiat, vt qui mentiri vetant, in cauponum tabernis mentiantur etc. Quae cum viri huius sobrietatem, prudentiam atque ceteras virtutes natiuo colore referant, inter fabulas Graecas merito numerandum est, quod Graeci narrant^a a, Periandro ad conuiuium septem sapientum inuitatum, corona ex floribus, hedera et lauru accessisse, et more Scytharum plurimum bibisse, praemiumque bibendi sibi poposcisse, quod primus esset inebriatus. Tales enim fabellas Graeci, Athenienses imprimis, ad excusandam vitae licentiam et voluptates affatim excogitarunt. Athenis vero relictis^b, magnam orbis partem Anacharfis peragravit, et sapientiae studio indefesso animi auxit diuitias, tandemque in patriam, suo tamen malo remeauit. Cum enim Cyzici, Hellepontum transfretans, festum matris Deorum celebrari vidisset, eadem sacrificia, si saluus domum peruenisset, se in patria instituturum, professus est. Redux itaque Hylleam se subduxit, et sacra haec peregrino habitu atque ceremoniis perfecit^c. Id quod Scythis, peregrina sacra et ceremonias abhorrentibus ita displicuit, vt a rege Saulio sagitta confoderetur, quem fratrem fuisse, quidam suspicantur^d. Alii in venatione hanc caedem factam contendunt, quod Graecorum mores, ritus et instituta in patria introducere molientem Scythae ferre non potuerint. Qui cum animam efflaret, dixisse dicitur: sese sapientiae et disciplinae causa tutum in Graecia, eius inuidia in patria iam perire^e. Laudatur vero non tantum ob ingenii elegantiam et virtutem animi, sed et dicendi genus forte atque masculum, vnde prouerbio occasionem dedit: Scythicus sermo^f. Nec medicinae cognitione destitu-

^z) LVCIANVS I. c. p. 354.
^x) Conf. PLVTARCH. in Solone. LVCIAN. in Anacharf. T. I. p. 722 seq.
^y) STRABO L. VII. p. 301. CLEM. ALEXAN. Strom. L. I. p. 308. qui barbarae philosophiae summam in his eius verbis ponit: mihi indumentum est lana, coena autem lac et caseus.
^a) I. c. p. 103. et Commentatores ad h. l.
^b) PLVTARCHVS in conuiuiis sept. sapientum. AELIANVS V. H. L. II. c. 41. ATHENAEVS L. X. p. 437. tota enim fabula de conuiuiis istis a Graecis confecta est: ad quod attendendum in

Hist. crit. philos. T. I. p. 341. ne aliena affigantur viro sapienti.

^b) Id post Solonis mortem factum esse LVCIANVS in Scyth. l. c. coniicit.

^c) CLEMENS ALEXANDRINVS admon. ad gent. p. 14.

^d) Conf. HERODOT. LAERT. LVCIANVS I. c. STANLEIVS Hist. philosoph. P. I. p. 89.

^e) LAERTIVS L. I. c. 102.

^f) Ita quidem IDEM l. c. f. 101. aliam tamen prouerbio significationem vindicant SVIDAS et ATHENAEVS, quorum, cum aliorum explicatio-

stitutum fuisse, testatur, quod de Scytharum diaeta ac medicina multa liberaliter fertur differuisse^g. Ex quibus omnibus recte tandem colligimus, non philosophum quidem, sapientem tamen atque eruditum virum Anacharsim fuisse, et practicam magis atque civilem quam theoreticam sapientiam, cultumque Deorum, ad feliciter capeffendas forte imperii, quod sperabat habenas, a Graecis didicisse, et exercuisse. Scripsit more seculi sui carmine heroico, *de legibus Scytharum*, item *de victus frugalitate*, et *de re bellica*^h, quae tamen omnia temporis iniuria intercideruntⁱ. Dicitur etiam inuenisse fomites, anchoram item et figuli rotam^k, quod tamen alii rectius negant^l, et fortasse ad introductum tantum inter Scythas usum referendum est. Imagines eius passim occurrunt^m. Epistolae vero, quae eidem tribuuntur, Sophistarum scholam redolentⁿ.

Toxaris.

§. VI. Eodem, quo Anacharsis tempore floruit, vixitque Athenis TOXARIS Scytha, non claris quidem parentibus, ut ille, ortus, sed tanto tamen sapientiae discendae studio inflammatus, ut deliderio visendae Graeciae relictis domi uxore, et filiis infantibus, Athenas concefferit. Vbi cum Solonem sapientiae laude inclutum offenderet, ei adhaesit, tantoque eius amore captus est, ut perpetuo illi ad latus esset, omnique disciplinarum, quales ab Archonte hoc excolebantur, genere erudiretur. Tanta autem virtutis eius, et imprimis candoris atque amicitiae commendatio apud Solonem fuit, ut cariores haberet neminem: erat enim *φιλικαὸς ἀνὴρ, καὶ ἐπιτηδευμάτων φιλομαθὴς τῶν ἀρίστων*, quo elogio elegantissimarum scientiarum atque optimarum artium studium in eo laudat LVCIANVS^o qui etiam eius in colenda amicitia fidem vehementer extulit^p. Non tamen cum Anacharsi in Scythiam rediit, sed Athenis commoratus ibi viuere desuit, postquam experti medici nomen atque famam consecutus esset. Quae tanta inter Athenienses fuit, ut, referente LVCIANO^q inter heroas Aesculapianos post mortem referretur; quoniam is feminae cuidam tempore pestis in somnio adstitisse visus fuit, et consuluisse, ut angiportus vino conspergerent, a contagio liberandi, et effectus somnio quoque respondit liberatis a pestilentia Athenis^r. In cuius rei memoriam niuei coloris equus ad eius monumentum quotannis immolatus est, ferebaturque nonnullos febre labo-

ne, sententiam refert MENAGIVS ad h. l. ERAS-
MVS Chiliad. III. p. m. 432.

g) PLVT. in conuiu. sept. Sapientum T. I. p. m. 291. 301. fatemur tamen non exigua specie coniecturam hanc se commendare, quae putat, omnes hos sermones Plutarchum effinxisse. Quod etsi concedimus, hoc tamen certum est, ad personarum characterem attendere debuisse, unde hoc saltem sequitur, Anacharsin medicinae non fuisse imperitum. Vnde medicis veteribus a FABRICIO Bibl. Graec. Vol. XIII. enumeratis adijci potest.

h) LAERT. L. I. c. 101.

i) conf. FABRICIVS Bibl. Graec. Vol. I. p. 771.

k) LAERTIVS, SVIDAS II. cc. STRABO L. VII. p. 303.

l) Rota enim figuli HOMERO iam memoratur, et anchora iam Argonautae vsi sunt, vid. STRABO l. c. SENECA ep. 90. et quae ex veteribus affert MENAGIVS ad l. c. Laërtii.

m) In LAERTIO Weststienii, et in IAC. GRONOVII thesauro Graec. antiq. T. II. tab. XXXV.

n) Edidit EILHARDVS LVBINVS Bas. 1660. §. conf. FABRICIVS Bibl. Gr. Vol. I. p. 418.

o) In Scytha T. I. p. 343 seqq. cui notitiam huius viri debemus.

p) In Toxari T. I. p. 590 seqq.

q) l. c. in Scytha.

r) Conf. FABRICIVS Bibl. Gr. Vol. XIII. p. 438. DAN. LE CLERC Hist. de la Medecine L. II. c. 4. p. 90.

laborantes ab eo subleuatos esse. Tantum valuit persuasio de medici huius peritia, ut superstitio post mortem illum mederi putaretur. Statua vero et monumento atque coronis sepulchrum eius honoratum est.

§. VII. Omnes tamen celebritate atque auctoritate apud Scythas vicit *Zamolxis*. ZAMOLXIS, Geta, quem philosophiae apud Scythas atque Thraces conditorem faciunt¹, et ex huius disciplina non Druidas tantum², sed et Pythagoram multa hausisse, et imprimis animorum immortalitatem et migrationem didicisse quidam contendunt³. Aliter tamen Pythagorae asseclae, et in his eius vitae consarcinatores IAMBlichVS⁴ atque PORPHYRIUS⁵, quibus adstipulatur PSEUDO-ORIGENES⁶, qui contendunt, Zamolxin fuisse Pythagorae seruum⁷, et cum eo in Aegyptum profectum, postquam sermones Pythagorae percepisset, manumissum, atque ad Getas reuersum leges ipsis tulisse, et ad fortitudinem suos populares fuisse hortatum, dum iis animae immortalitatem persuasit. Hincque etiam Galatas omnes et Thraces et alios multos barbarorum liberos suos sic instituere, ut credant, animam interitus expertem esse, mortuisque superstitem manere; adeoque mortem iis non esse pertimescendam, sed firmato animo periculis occurrendum. Cum itaque Getas haec docuisset, legesque illis praescripisset, maximum Deorum apud eos habitum esse. Quae narratio vel hac sola ex causa suspecta est, quod doctrina de immortalitate animae, et vita eius post obitum apud septentrionales gentes longe vetustior sit temporibus Pythagorae, ut in praecedentibus euicimus, adeoque a Pythagora per Zamolxin ad Getas peruenire non potuerit. Et obseruauit iam HERODOTVS⁸ Zamolxin Pythagora longe antiquiorem videri, id quod etiam ETYMOLOGVS⁹ atque SVIDAS¹⁰ sequuntur; mirandumque Zamolxin tamen HERODOTO Pythagoreum vocari¹¹. Nec nos multum hic mouet Graecorum assertio, Zamolxin Pythagorae seruum faciens: ea enim a Pythagorae admiratoribus orta STRABONEM, LAERTIUM et PSEUDO-ORIGENEM securius fidentes in assensum traxit. *Illos vero Zamolxin vindicare Pythagorae, quid mirum, recte ait, VOSSIUS¹², cum id ad Pythagorae laudem pertineat?* Supra enim iam obseruauimus, hos nugiuendulos omnes magnos antiquorum seculorum viros diuinitate donatos Pythagorae vel doctores vel discipulos fecisse, ut heroi suo laudem atque gloriam conciliarent. Vnde quoque sine necessitate duos Zamolxas exsculpendos non esse putamus, quorum vnus antiquissimus Thracum legislator et

¹) LAERT. L. I. c. I. VOSSIUS de sectis philos. c. III. §. 1. p. 19.

²) ORIGENIS philosophum. c. XXV. p. 170.

³) Ita quidem Hermippus apud IOSEPHVM L. I. contra Apionem, cuius tamen fidem recte suspectam facit Io. SCHEFFERVS de phil. Italica c. IV. p. 15.

⁴) n. 173. p. 146. ⁵) n. 14. p. 16.

⁶) l. c. Consentiant STRABO L. VII. LAERT.

Hist. philos. Tom. I.

TIVS Lib. VIII. c. 2. SVIDAS in Zamolxis Tom. II. pag. 2.

^a) Stigmatibus notarum serui indicia habuisse refert PORPHYRIUS l. c.

^b) Lib. IV. c. 95.

^c) Vid. MENAG ad l. c. Laert. ^d) loc. cit.

^e) Loquitur nempe ex communi traditione, quae etiam v. WOLFIO ad l. c. Pseudo-Orig. placuit.

^f) loc. cit.

et theologus, alter Pythagorae feruus fuerit^g, quae veterum testimonio destituuntur. HELLANICVS vero in barbaricis institutis, tradit^h, fuisse quendam Graecum, qui Getis in Thracia degentibus τὰς τελετὰς, arcanum Deorum cultum ostenderit, dixeritque, neque se moriturum, neque suos affeclas, sed omnia bona habiturum. Cum haec dixisset, domum subterraneam exstruxisse, et ex Thracum oculis se subduxisse, ibique vixisse; a Getis vehementer desideratum. Quarto autem anno subito iterum apparuisse, sicque summam apud Getas fidem inuenisse. In qua narratione falsum omnino est, Zamolxin Graecum fuisse, et teletas ex Graecia ad Thraces pertulisse, nam Zamolxin Getam omnes fere veteres faciunt, et ex Thracia arcanum cultum atque mysteria ad Graecos pertulit Orpheus. Qua ratione vero immortalitati et reuiuiscendi spei fidem fecerit, verisimilitudine non caret, et paria fraudis specimina passim vetus historia nobis enarrat, qualem etiam in Pythagorae historia deprehendimus. Illud dubio caret, doctrinam hanc, animas non interire, sed post vitam apud manes feliciter actam redire in corpora, auctore potissimum Zamolxi inuauisse, quem in ea cum Pythagora ἐμόψηφον laudat IULIANVSⁱ. Et haec forte causa fuit, cur Zamolxin inter summa numina Scythae retulerint. Alii^k enim, eos Saturnum in Zamolxi coluisse, alii^l Herculem coniiciunt, eumque per Gebeizin indicatum esse putant^m. Mortuos vero ad Zamolxin transire Getae credebant, eosque redituros perhibebant, et ideo in funeribus propinquorum conuiuabantur, more per totum ferè septentrionem communiⁿ. Certis quoque festorum solennitatibus legatos per sortem electos qui ad Zamolxin irent, in aërem proiectos et hastarum cuspidibus exceptos atque ita trucidatos fuisse, HERODOTVS tradit, quod a barbaro Scytharum atque Thracum more sacrificia humana peragendi non abhorret. Ceterum Druidas ex Zamolxidis disciplina prodiisse, quod PSEUDO-ORIGÈNES affirmat^o, verisimile non est, nisi forte id de sacerdotibus septentrionalium intelligatur. Qualem vero philosophiam tradiderit Zamolxis Getis suis, haud facile dixeris, si negetur, fuisse ex disciplina Pythagorae. Quanquam enim IORNANDES^p eum mirae eruditionis philosophicae fuisse dicat, et Gothos sapientiores semper extitisse Graecisque pene confimiles asserit, inepte tamen inde concluditur, Thracum et Getarum philosophiam fuisse Graecanicae similem. Ex iis enim quae de Anacharsi atque Toxari diximus, patet, moralem magis partem viuendo quam meditando eos expressisse: reliqua dogmata vero ad vitae institutum, quod arma et vitam duram atque pauperem exhibebat, fuisse attemperata.

Dicemus.

§. VIII. Praeter hos alii quoque apud Scythas celebrantur viri sapientiae et philosophiae laude incluti, inter quos praeter ZERBAM a IORNANDE

^g) Ita VOSSIVS l. c.

^h) Apud Etymologum et SVIDAM ll. cc.

ⁱ) In Caesaribus.

^k) HERODOTVS l. c. conf. MENAG. ad l. c. Laert.

^l) PORPHYR., l. c.

^m) Conf. MENAGIVS l. c. Biblioth. Germanique T. XXIX. p. 221.

ⁿ) SVIDAS l. c.

^o) loc. cit.

^p) De rebus Geticis l. II. p. 26. ed. Lindenbrog.

NANDÉ^q imprimis commendatur DICENEVS, qui non tantum ingenio philosophico valuit, sed et populares suos philosophiam rationalem, naturalem et moralem docuit, et fideralis quoque atque ciuilis scientiae praecepta eis tradidit. Fuit vero ille coaeuus regi Boerebistae, qui Syllae atque Iulii Caesaris temporibus vixit: vnde conici potest, eum Graecam philosophiam sero in his regionibus introduxisse. Licet enim gentibus his rudis plerumque sensus tribuatur, recte tamen monuit CVRTIVS^r: *quosdam eorum sapientiam cepisse, quantamcunque gens capit semper armata.*

§. IX. Peragrauimus ita totum terrarum orbem, omnesque gentes barbaras, et, quae apud eas philosophia viguerit, quantum in obscuro argumento et monumentorum defectu licuit, dispiciendi studium atque diligentiam adhibuimus. Ex omnibus vero, dictis haecenus, constare putamus, philosophiam barbaricam a Graeca et a vera definitione philosophiae longe abire. Versata est ea enim praecipue in doctrina de Deo et diuinis, de anima humana, de mundi generatione et ortu, de fiderum contemplatione, reliqua ad vitam magis, quam meditationem referebantur. Nec philosophandi ratio ea fuit, quae a Graecis adhibita est, et quam adhiberi res postulat, vt deductis ex principiis conclusionibus veritas eruat, sed traditio omnem paginam absoluit, et quae maioribus, vel magnis in his gentibus viris placuerunt, simplici fide admissa, et a sacerdotibus transmissa ad posteros sunt. Qui cum imposturam, fraudes, artesque alias ad fulciendam suam et imperii auctoritatem adhibuerint; patet ex his omnibus, recte a nobis ea dicta esse, quae initio huius tractationis de philosophia barbarica pronunciauimus. *Epilogus libri.*

q) loc. cit.

r) Lib. VII. c. 8.





HISTORIAE PHILOSOPHICAE PERIODI PRIMAE,

*A mundi nascentis origine ad initia monar-
chiae Romanae,*

PARS SECVNDA, DE PHILOSOPHIA GRAECORVM. LIBER PRIMVS, DE INFANTIA PHILOSOPHIAE GRAECAE.

CAPVT PRIMVM. DE PHILOSOPHIA GRAECORVM FABVLARI.

§. I.

*Origines phi-
losophiae
Graecae.*

Nunc ad Graecos accedendum est, populum sapientiae atque artium studio ab ipsis fere gentis incunabulis inclytum, et apud quem sedem tandem philosophia inuenit exoptatissimam, postquam cognitionis diuinarum et humanarum rerum a barbaris ad eum semina delata essent. Confluebat enim Graecorum natio antiquissimis istis temporibus ex variis coloniis, Aegypti, Phoeniciae, Thraciae, aliarumque gentium, quibus viri prudentes praeerant, qui non solum agrestem hominum vitam politicis institutis emolliebant, sed et religionis ac cultus Deorum vinculo quasi cicurabant, et quae in patria de rebus diuinis et humanis audiuerant, ita nouis populis tradebant, vt sacrarum potissimum doctrinarum freno in ordinem redigerentur. Vnde dispar initio philosophiae Graecorum antiquorum sacrae facies fuit. Cum enim Danaus et Cecrops Aegyptii essent, Cadmus ex Phoenicia coloniam deduceret, Orpheus Thraciam patriam haberet, non aliter euenire potuit, quam vt theologia istarum gentium ad Graecos perferretur; quae cum potiore et praestantior barbaricae omnisque antiquae philosophiae partem constituerit, ferius ad rerum humanarum et naturalium contemplationem hominibus delapsis, necessario in diuersas opiniones excreuit. Ad quod in antiquissimae philosophiae Graecae historia quae mythologica fuit, ante omnia attendendum esse censemus, nam inde de sensu fabularum et theogoniarum

varie

varie iudicandum, et ad hoc momentum quam maxime respiciendum esse, quilibet videt, et res ipsa atque Graecorum origines loquuntur. Aegyptium enim hominem, Phoroneum, apud Graecos cultum Deorum instituisse, notant CLEMENS ALEXANDRINVS ^a et ARNOBIUS ^b, et religionem ab Aegyptiis ad Graecos translata fuisse HERODOTVS ^c tradidit: Cecrops quoque Athenarum conditor, homo Aegyptius, teste PAVSANIA ^d, et EVSEBIO ^e primus de Ioue summo philosophatus est. Orpheus vero religionem Graecam cultus diuini ceremoniis et praeceptis formauit, vnde eius initia ad eum ab ARISTOPHANE ^f et EVRIPIDE ^g referuntur; qui cum Thrax esset, idcirco religio, referente NONNO ^h *Θρηναία* nominata est. Cadmus vero Phoeniciis traditionibus vsus, Thebanos iisdem fere sacris innutrit. Ex quibus iam sequitur, in eruenda philosophiae mythologicae historia ad conditorum patriam quam maxime respiciendum esse, et laterem lauare, qui de vno doctrinarum sacrarum apud Graecos systemate in fabulari philosophia comprehenso cogitant, vel theologiam gentium, vnde istae coloniae deductae sunt, negligunt. Et hanc quoque causam fuisse probabile est, cur viri ingenii altioris et excitatoris, ad capeſſenda sapientiae praecepta ad barbaros, praecipue ad Aegyptios excurrerint ⁱ, quoniam hos fontes in Graecorum arua deriuatos, et mythologico sensu obscuratos consulendos esse iudicabant: qui tamen, cum leuem inde eruditionem reportassent, suomet ingenio et proprio marte philosophari incipientes tandem ad veras philosophiae rationes peruenerunt: adiuti libertate Graecae nationis et curiositate gentis innata, ipsa regiminis forma istam libertatem, quam apud barbaros seruitus populorum et sacerdotum auctoritas suppreſſerat, fouente. Et ex his iam de initiis philosophiae apud Graecos iudicandum, et quaestio quoque, supra iam excussa illustranda est, an et quo sensu Graeci barbaris philosophiam debeant? id quod de initiis tantum philosophiae, quae potissimum res diuinas continuit, intelligendum est: vnde theogoniae quoque potiore fabularis philosophiae partem apud Graecos constituunt. Accessere postea ad animos religione emollitos prudentiae politicae praecepta, magnis viris in id incumbenſibus, vt legibus rempublicam ordinarent, et prudentissimis monitis populum simul instituerent. Et sic philosophia politica inter Graecos exorta est, quae cum fabulari infantiam Graecae philosophiae constituit.

§. II. Ex his vero, quae de initiis philosophiae Graecae diximus, prima *Initio Grae-* fronte apparet, non nuda facie exposita dogmata populo rudi et ad medi- *ca philoso-* tationes atque capiendas doctrinas, praecipue sacras minus apto, sed fabu- *pha fabula-* lis *ris fuit.*

Zz 3

a) Admonit. ad gentes p. m. 28.

b) Lib. VI. adu. gentes p. m. 137. ed. Canteri.

c) Lib. II.

d) In Arcadicis.

e) In Chronico.

g) In Rhoeſo.

f) In ranis.

h) In Collect. et exegesi. histor. St. I. ad calc. Nazianzeni.

i) Conferendus, qui luculenter per omnes fere artes et disciplinas haec ostendit DIODORVS SICVLVS Hist. L. I. cuius locum exhibet EVSEBIVS Praep. Eu. L. X. p. 480 seqq.

lis obuelata et ita obscurissime proposita fuisse. Cuius consilii rationes ex circumstantiis Graecorum, originem capiente tunc populo, deriuandae sunt. Ex diuersis enim coloniis Graecos coaluisse monuimus: omnes vero illae ex eiusmodi regionibus ortae erant, ubi arcana docendi methodus, imprimis circa sacras doctrinas obtinuit. In Aegypto enim prae reliquis regionibus hanc consuetudinem viguisse, nec Thraces vel Phoenices ab ea alienos fuisse, immo per omnes fere gentes barbaras fuisse admissam, ex historia philosophiae barbaricae fuse a nobis enarrata palam est. Transit itaque ad Graecos eadem tegendi doctrinas sacras consuetudo, praecipue cum rationes validissimas gentis conditores haberent, arcanam hanc per fabulas docendi methodum conseruandi, et quae domi ἀλληγορικῶς didicerant, eodem modo tradendi et propagandi. Scilicet res eis erat cum populo rudi, agresti, fero, rationum philosophicarum ad mitigandum animum, et emolliendos mores incapaci et impatienti. Vt itaque respublica suis vinculis cohaereret, animique mitescerent; id quod domi maiores feliciter adhibuisse nouerant, in consilium verterunt, et doctrinas sacras atque religionem fabulis complexi sunt. Quia de re eleganter STRABO ^k: *fieri non potest, ut mulierum et promiscuae turbae multitudo philosophica oratione excitetur ducaturque ad religionem, pietatem et fidem: sed superstitione ad hoc praeterea opus est; quae incuti sine fabularum portentis nequit. Etenim fulmen, aegis, tridens, faces, angues, hastaeque Deorum thyrsis praefixae fabulae sunt atque tota theologia prisca. Haec autem recepta fuerunt a ciuitatum auctoribus, quibus veluti laruis insipientium animos terrerent.* Id et alio loco, quem breuitatis causa non exscribimus, monet, legislatorum et moderatorum ciuitatum hunc fuisse morem vtilitatis causa, vt voluptatem fabula excita- ret, voluptas discendi cupiditatem. Alia tum veterum ^l tum recentiorum ^m imprimis magni VERVLAMII ⁿ testimonia tacemus. Ratio itaque ex his manifesta est, cur in mythologica Graecorum theologia infantiam philosophiae in hoc populo ponamus. In his enim fabulis sapientiam a primis fabularum conditoribus, (a quibus inania poetarum figmenta separanda sunt) propositam fuisse dubitabit, qui rem recte expendit, nemo. Quos vero sensus et significationes habuerint, id profecto dicere opus arduum et difficile, et in quo exitum non speraueris; adeo obscura sunt, vt tota mythologia est, omnia, nec nos post tot virorum doctorum coniecturas hic, ubi alia agimus, non repetendas ^o, certiora promittere atque dare audemus. Afferemus tamen coniecturas nostras, vt altius hac de re cogitandi inde lectori subnascatur occasio. Et I. quidem certa

^k) Lib. I.

^l) PLUTARCHI de audiendis poetis, ARISTOT. Met. L. I. c. 2.

^m) BURNET. Archaeol. philos. c. IX. p. 408. et quos laudant BVDDEVS Anal. philos. diss. II. p. 46 seqq. et CHR. ESCHENBACH. diss. Academ. I. §. 3. p. 3 seqq.

ⁿ) Praef. libri de sapientia veterum.

^o) Conferenda sunt, quae de fabularum sensu differunt B. BVDDEVS l. c. et in praefat. et P. TOURNEMINE memoires de Trevoux Tom. VI. p. 83 seqq.

*Observatio-
nes generales
circa inter-
pretationem
fabularis phi-
losophiae.*

certa atque indubitata dare impossibile est, cum veterum historiarum, doctrinarum, morum, aliarumque circumstantiarum, quibus tota Graecorum mythologia nititur, ignorantia nos teneat, sicque clavis ad referenda haec adyta perierit. II. Fabulas Graecas non vnā omnes originem habere, vnāque doctrinam respicere, sed ex variis populis ad Graecos delatas variā quoque e diuersa origine significationem accepisse ex dictis clarum est. Campus hic se nobis aperiret amplissimus, ostendendi, qua ratione fabularum Graecarum aliae Phoeniciam, aliae Aegyptiacam, aliae orientalem originem referant, si id ageremus, etliceret nobis esse prolixis: Satiabunt vero desiderium, qui haec nosse cupiunt iis, quae viri docti passim, et imprimis vir summus SAMVEL BOCHARTVS^p et IOANNES CLERICVS^q speciminis loco protulerunt. III. Probabile est, fabularum Graecarum primam originem et significationes ad gentium vnde Graecae coloniae exortae sunt, historiam pertinere, id enim collatio eius cum mythologia Graeca attentum facile potest conuincere. IV. Vti vero ab antiquissimo tempore mos fuit, recte monente PLINIO^r, *referendi bene monentibus gratiam, ut tales numinibus adscribamus*; ita dubium quoque non est, id quod in barbarica mythologia accidisse supra saepius vidimus, etiam in Graecorum mythologia euenisse, vt magni heroēs, summorum beneficiorum meritis incluti, daemone peculiari vique numinis obsessos se esse hominum agrestium atque rudium turbae persuadentes, inter Deos referrentur, eorumque historiae fabularum inuolucris tegerentur, augustiori habitu ita incrustatae, vt veneratio populi eo facilius sequeretur. Quod vt accurate attendenti miram lucem accendit, ita tamen ad natales fabularum respiciendum quoque est, nec ad vnā hypothesein, vniusque sorte gentis historiam trahenda sunt omnia. Qua in re a magnis viris peccatum est, qui omnem fabularum sensum obtorto plerumque collo ad historiam sacram referunt^s, non feliciores RVDBECKIO^t qui non minore ingenii foecunditate vsus omnem mythologiae Graecae significationem in Sueciae theologia atque historia inuenit. V. Non diu tamen hanc fabularum inter Graecos significationem durare potuisse, populi ingenium curiosum et indagandis arcanis significationibus inhians, persuadet: cui cum arcana cultus diuini ratio et τελετα^u ab Orpheo potissimum institutae, ac reliqua mysteria introducta, quae diu inter Graecos viguerunt, resistere fatis non possent, vt non superstitio tandem detegeretur, et euilesceret, ingeniis libere philosophari incipientibus: aliam rei medelam attulere philosophi, et ad res naturales fabulas applicuerunt; vnde iam DIONYSIVS HALICARNASSENSISⁿ monuit, Graecorum fabulas quasdam vtilis hominibus esse, *ἐπεὶ οἱ μὲν ἐπιδοκνύμενοι τὰ τῶν φύσεως ἔργα δι' ἀλληγορίας, quod aliquae opera naturae sub allegoriis contineant*. Et in eo non tantum Stoicorum industria valuit, vt ex eorum scri-

^p) In immortali Geographiae. S. opere.

^q) in notis ad Hesiodum.

^r) Lib. II. c. 17.

^s) Cuius memorabile exemplum est illustris Huetius in demonstratione Evangelica.

^t) In Atlantide.

^u) Lib. I. antiq.

scriptis ad nos delatis videre est ^x, sed antiquissimorum quoque theologorum labor praecipuus fuit, ut mundi ortum atque generationem allegorico sensu obuelarent, quae docendi ratio nobis theogonias Graecorum peperit, ab Aegyptiis, Phoenicibus, Thracibus, aliisque orientis quoque populis ad Graecos delatas et imitatione expressas ^y. VI. Quoniam vero more omnibus fere antiquis populis communi; doctrinae mythologicae omnisque eruditio carminibus comprehendebatur, et ita poësis custos erat totius fabularis sapientiae ^z: accidit inde, ut poëtae audendi fingendique licentia usi, fabulas pro ingenii foecundioris et saepe luxuriantis modulo expolirent, mutarentque, sicque postea non modo fabulae in infinitum augerentur, sed et antiquae mutatae, tantis atque tot circumstantiis deformarentur, ut prima vestigia aegre appareant. Et tunc variae significationes accesserunt, et vel morum habita ratio, vel calamitatum solatia quaefita, vel etiam delectationi et ingenio ostentando multa scripta atque ficta sunt. Id quod vidit, quem supra laudauimus DIONYSIUS HALICARNASSEVS, qui de fabulis Graecorum ait, *quasdam humanarum calamitatum habere rationes, alias terrores animarumque perturbationes a nobis depellere, opinionesque parum honestas destruere; alias alterius cuiuspiam utilitatis causa fuisse institutas*. Et has potiores causas mythologiae Graecae esse, nemo in his rebus versatus temere negabit. Dedit earum plures eruditissimus TOURNEMINIUS ^a, nec reiicimus eas, ad constituenda tamen doctrinarum systemata parum eae faciunt, et ferius quoque mythologiae veterum accesserunt: unde eas non moramur, sed lectorem ad elegantissimae eruditionis virum dimittimus. Haec enim sufficiunt, ut demonstrari queat, obscurissimam esse et insuperabili difficultate laborare philosophiam Graecorum fabularem. Quare ad certiora et planiora properantibus longa in iis et inutilis mora trahenda non est, et ingeniorum felicitati atque imaginationis fertilitati haec aenigmata, quae tot viros doctos nostra aetate in diuersissimas ire sententias coegerunt, relinquenda sunt.

Prometheus.

§. III. Primus inter Graecos, qui philosophiam, reliquasque artes et scientias tradidisse fertur, et in fabulari historia commendatur PROMETHEVS est, Iapeti filius, de cuius rebus magna inter mythologiae Graecae scriptores dissensio, maior inter viros eruditos de sensu fabulae contentio et opinionum diuersitas est. Et fabulam quidem de Prometheo omnem enarrare, nostri instituti non est; legi illa potest, apud veteres HESIODUM ^b, OVIDIUM ^c aliosque, ex quibus pleraque recentiores mythologiae Graecae interpretes collegerunt, et in his quoque illustris HVETIVS ^d, et ante eum NATALIS COMES ^e. Nos, quae scopum nostrum

^x) SALLVSTIVS de Diis, PHVRNVTVS de natura Deorum, in TH. GALEI opusculis mythologicis, quos ex recentioribus magno ingenio secutus est BACO DE VERVLAMIO.

^y) Legendus hic prae reliquis BVRNETIVS l. c.

^z) Hinc poësis philosophica, cuius fragmenta

collegit HENRICVS STEPHANVS:

^a) loc. cit.

^b) Op. et Mer. v. 46 seqq.

^c) Metamorphos. L. I.

^d) Demonstr. Eu. Prop. IV. c. 8 §. 7. p. 114 seqq.

^e) Mytholog. L. IV. c. 6. p. m. 313 seqq.

strum propius tangunt, tantum consideramus, et ea expendenda sumimus, quibus inter primos sapientiae conditores Prometheus refertur. Narrat vero fabula, Promethea hominem finxisse, et portiones ex elementis singulis captas suo operi admiscuisse: atque pro ipsorum elementorum temperamenti non solum vires singulis corporibus addidisse, sed etiam motus animorum et mores. In quo tamen opere effingendo, Iouis, quem sacrificio decepisse dicitur, ira, igne priuatus est, quem mortalibus eripuit; Prometheus vero Mineruae auxilio ascendit in coelum, ibique ferula ad currum solis accensa, ignem in terras reduxit. Quod furtum cum Iupiter punire vellet, Pandoram e luto compositam cum vasculo omnibus malis inclusis graui munus Prometheo misit, qui cum reiiceret, a Mercurio Iouis iussu ad Caucasum montem adductus, et in spelunca vinctus, addita quoque aquila, quae iecur illius assidue renascens laniaret ac deglutiret: tandem ab Hercule ex vinculis liberatus est. Haecenus fabula; in cuius vero sensu atque significatione eruenda multum se torserunt interpretes, incerti, quis ille Prometheus fuerit. Quidam ^f enim nullum vnquam huius nominis hominem extitisse contendunt, sed, vi nominis, ingenii humani vim et solertiam a Deo hominibus concessam ad inueniendas artes et leuandam vitae primorum hominum agrestis miserae et inopis molestiam intelligi contendunt. Alii certum quidem hominem denotari non negant, sed quem magnum antiquitatis virum significet, incerti sunt, Adamum enim, quidam hic deprehendisse sibi visi sunt, alii Noachum ^g, et Magogum πολυμαθής Bochartus ^h. Moysi vero historiam etsi satis corruptam, in Promethei fabula latere, more suo contendit Huetius ⁱ. Qui tamen omnes non alias rationes afferunt, quam quae pluribus scientiarum conditoribus communes sunt, et tanta arte fabulae circumstantias trahunt, fingunt, reducuntque ad hypothesein, vt eodem negotio atque labore Fohium Sinensium literarum parentem, vel alium magnum antiquitatis virum quam Noachum vel Moysen exsculpas. Nec nos fabulae sensum recludere posse contendimus, dicemus tamen, quae non sine veri aliqua specie afferri posse nobis videntur. Supponimus nempe sensum atque significationem fabularum primum pertinuisse ad historiam, et tum demum a philosophis ad philosophica argumenta eas fuisse applicatas: idque etiam in Promethei fabula euenisse, coniecimus: cuius historia ad rationes philosophicas attemperata, multum ita obscurata fuit. Quidam enim ex veteribus tradunt, Prometheum Deucalionis patrem ex Aegypto fuisse oriundum, et Osiridis regis consiliarium ^k:

eum

f) Ex veteribus Iulianus Orat. VI. p. 182. Plotinus Enn. IV. L. 3. c. 14. p. 383. Nicephorus ad Synes. de insomniis p. 403. Ex recentioribus Rhodigin. antiq. lect. L. VII. c. 19. p. 253. Aug. Steuchus Evgubinus de perenni phil. L. IX. c. 4. Natalis Comes l. c. p. 321. qui Tzezem laudat.

g) Prius Madero de Biblioth. antediluu. posterius Erasmo Francisci ad L. V. Carniolae Valvassoris placuit. Conf. Fabricius Cod. Pseudepigr. V. T. T. I. p. 8. 261. idem coniecerunt Keckermannus et Chytraeus.

h) Geograph. S. P. I. L. I. c. 2. p. 13. i) loc. cit.

k) Conf. Bvddeus H. E. V. T. T. I. p. 476.

eum vero eruditionis, istis quidem temporibus rarissimae, fama celebrem fuisse, recte monet CICERO¹, qui scribit: *Nec vero Atlas sustinere coelum, nec Prometheus affixus Caucaſo, nec ſtellatus Cepheus cum uxore, genere, filio traderetur, niſi diuina cognitio nomen eorum ad errorem fabulae traduxiſſet.* Mittimus ea, quae de Prometheo Scytharum rege, in vincula coniecto a Scythis, quod Aquilae fluuii inundationibus, quibus populi victus inopia obruebantur, mederi non potuerit, Hercule poſtea detorquente fluuium in mare, et Prometheus liberante, ſcripſit HERODOTVS, id quod alii ad Aegyptum referunt^m. Non itaque absque verifiſimilitudine hinc colligimus, virum quendam mentis exceſſae ingeniiſque ſupra vulgus elati, ex Aegypto, vel quod alii volunt, ex Scythia ad Graecos delapſum, artium et diſciplinarum rudimenta iis tradidiſſe, bellorum vero fato in captiuitatem ductum aegre fuiſſe liberatum, et curis cor exedentibus ereptum. Falluntur enim ſine dubio viri eruditi, qui Prometheus pro inuentore primo omnium ſcientiarum habent, cum id ad Graecos tantum referendum ſit. Ad hos enim ſine dubio pertinent, quae de inuentis Promethei habet elegantiffimus tragoedus AESCHYLVSⁿ:

*Commiſſiones pharmacorum protuli,
Omnes quibus leuantur aegritudines,
Modosque multos vaticinandi reperi:
Quae ſint putanda vera dixi ſomnia,
Quae ſint viarum ſigna, quae ſint omina:
Tum diligenter, qui volatus dexteri
Sint, quae ſiniſtrae nominentur alites,
Quis ſingulorum victus et benignitas
Inter ſe, odiumue primus ipſe reperi.
Tum qualia exta ſint, colores qui Deis
Grati magis videntur immortalibus.
Bili decora forma, quae fibrisue ſit.
Oſtendi ego quo ſacra ritu conuenit
Imponere aris, vrere atque victimas
Artemque feci ex his ego mortalibus.
Haec nota feci, quae fuere incognita,
Haec ſic habent: quid proferam quod commoda
Educta per me ſunt humi latentia
Ferrum vel argentum, vel aurum vel quis aes,
Ni mentiatur, repperit? quis me prior?
Nemo proſecto ni velit mentirier.
Vt cuncta dicam, pluribus ne te morer,
Artes repertae quaeque ſunt Promethei.*

Et, paulo poſt literarum quoque elementa componere homines docuiſſe domos-

¹) Tuſc. Qq. L. V.

^m) Conf. NAT. COMES l. c. p. 328.

ⁿ) In Prometheo victo.

domosque aedificare misellam turbam aſtrorumque ortus et occaſus, et numerum ſophiſmatum tradidiſſe canit:

ἐς τε δὴ σφὶν ἀντολὰς ἐγὼ
 Ἄσρων ἔδειξα πᾶς τε δυσκρίτης δύσεως.
 Καὶ μὲν ἀριθμὸν ἔξοχον ſοφισμάτων
 Ἐξεῦρον αὐτοῖς, γραμμάτων τὲ συνθέσεις,
 Μνήμην δ' ἀπάντων μεσομήτορ' ἐργάτιν.

Alias inuentiones, quas porro refert, tacemus. Ex his vero fatiſ patere putamus, Prometheum varias artes ad vitae humanae ſocietatem colendam perquam neceſſarias Graecis tradidiſſe, literas a Cadmo inuentas introduxiſſe, et forte metallorum conſlandorum modum ignisque in hunc finem uſum maniſtauiſſe °; praeterea vero rationem obſeruandorum ſiderum ad vaticinia inde haurienda edocuiffe, et religionem primum ordinariſſe: et ita animos rudiffimorum hominum formauiffe, vt alter hominum conditor dici meruerit. Nihil enim horum eſt, quod non fabulae fatiſ reſpondeat: Reliquae vero eius circumſtantiae, quid ſignificent, difficulter coniecturis exponi poteſt. Dicemus tamen, quod nobiſ hac de re in mentem venerit. Supra audiuiſmus, veterum quosdam referre, Prometheum ex Aegypto in occidentem delatum Oſiridis regiſ conſiliarium fuiſſe. Oſiridem vero non modo per Hermetem artes et diſciplinās reperiſſe, ſed et ob magna beneficia inter coelites relatum Deum habitum eſſe, Iouemque ſaepe veteribus designare, ſuo quoque loco, vbi de Aegyptiorum philoſophia actum eſt, demonſtratum dedimus. Cum itaque fabula dicat, Iouem ob igniſ furtum et doſoſa munera Mercurium iuſſiſſe vinculiſ ligare Prometheum; coniectimus inde, Prometheum ab Oſiride inuentionum, quas mire occultaffe ſupra docuiſmus, factum participem, cum praeter rationem atque vtilitatem Aegyptiorum regiſ peregrinum populum nouiſ artibus et ſcientiis erudiret, per Mercurium, (quem Oſiridis quoque ſummum conſiliarium fuiſſe ſupra quoque oſtendimus) captum, cum doſoſiſ et contemtiſ muneribus fruſtra regem placere tentaffet, in carcerem durum coniectum, miriſque aerumnis atque cruciatibus dieſ nocteſque vexatum fuiſſe, cuſtoditum forte a potenti quodam miniſtro vel praefecto regiſ Aegyptii, quo interfecto ab Hercule ex vinculiſ tandem liberatus eſt. Nihil horum eſt, quod non fabulae circumſtantiis exacte reſpondeat °, et priſcorum temporum conditioni congruat: pro coniectura tamen hanc explicationem fabulae Promethei tantum venditam, et lubenter quemuiſ ſuo ſenſu abundare patimur: id vnum certum exiſtimamus, explicationeſ philoſophicaſ

Aaa 2

fabulae

°) Ignem primum ex ſilice prouocandi modum homineſ Prometheum docuiſſe, vel oſtendiſſe, qua ratione ex ſoliſ radiiſ accendi queat, vix credibile. Priuſ enim ante Prometheum in uſu fuiſſe, neceſſitaſ hominum igne non carentium ſuadet, alterum iſtiſ temporib긯 nondum notum fuiſſe, credibile eſt. Vnde probabilior ſententia BOCHARTI et HVTETII igniſ uſum in metallur-

gia denotari: eum enim in Aegypto notum fuiſſe conſtat.

p) Quadaſ fabulae circumſtantiāſ diſſonare, quācunq긯 de ſignificatione ei긯 opinionem elegeriſ, eo minus mirandum, quoniam Titanum, Vulcani, Prometheique reſ inter ſe conſuſae et commixtae ſunt.

fabulae huius serius fuisse excogitatas, ita enim cum omnibus fere fabulis euenisse, prudentes mythologiae veteris exploratores facile concipient, cum tanta acumina phylica et metaphylica in prisco orbe, in quo hae fabulae primum enatae sunt, quaeri non debeant. Vnde quae Platonici de Promethei atque Epimethei fabulis garriunt, ineptae nugae misere fabulae accommodatae esse recte censentur.

Linus.

§. IV. Post Prometheum Theologiae inter Graecos introductae praecipuus auctor celebratur LINVS. Tres vero huius nominis apud veteres celebres sunt, vnus Chalcidensis, Psamates et Mercurii vel Apollinis et Terpsichores siue Vranies et Amphimari filius^q; alter Ismenii Thebanus, quem philosophum nominat SVIDAS^r, et tertius Linus Narcissus^s. Primus vero hic considerandus est, qui inuentionibus non tantum musicis, sed et meditationibus philosophicis, si veterum dictis fides est, inclaruit. Is enim primus chordae vsum vice filorum e lino in cithara inuenit, ideoque ab Apolline interemtus ac Thebis sepultus dicitur, vnde threnodia illa, qua mors eius deflebatur, λίνος dicta est, solennis Aegyptiis, Phoenicibus, Cypriis, aliisque^t. Inter theologos vero Graecos eum referendum esse, non ex eo tantum constat, quod cultum, qui Saturno deferebatur, ex quorundam opinione^u introduxit, sed potissimum ideo, quia, referente LAERTIO^w, scripsit κοσμογονίαν, ἡλίου καὶ σελήνης πορείαν, καὶ ζώων καὶ καρπῶν γενέσεις, de mundi generatione, solis item et lunae cursibus, animalium quoque et fructuum generationibus, qui et initium operis Lini affert hoc versu:

Ἦν ποτὲ τοι χρόνος οὗτος, ἐν ᾧ ἅμαπαντ' ἐπεφύκει,
Tempus erat, quo cuncta simul sunt condita quondam.

Id quod tamen PAVSANIAS^x negat, qui contendit, neque hunc Linum, neque alterum Ismenii filium aliquid scripsisse, saltem nihil aetatem tulisse: in quo vero alii veterum et in his SEXTVS EMPIRICVS^y dissentiunt, qui Linum inter eos referunt, qui ante Homerum versibus scripserunt. Laudatur vero hic Linus tum propter inuentos ῥυθμὸς καὶ μέλει^z, tum propter adplicatas literas a Cadmo ex Phoenicia allatas, dialecto et impositis nominibus; tum propter inuentum carmen lyricum^a. Tanta certe eius in poësi atque cantu peritia enituit, vt plurimos haberet discipulos, et inter eos celeberrimos totius antiquitatis homines Herculem, Thamyryn et Orpheum; quorum Hercules, cum cythara canere disceret, et ingenii tarditate disciplinam non assequeretur, Linum plagis castigantem, cithara magistrum interfecit, referente DIODORO et PAV-

SA-

q) SVIDAS T. I. v. Linus. p. 449. PAVSANIAS in Boeoticis. conf. MENAG. ad LAERT. L. I. f. 4. NAT. COMES Mytholog. L. IV. c. 10. p. 351.

r) loc. cit. v. Linon.

s) EVSTATHIUS ad Iliad. 6. p. 1223.

t) Conf. quos ex veteribus laudat FABRICIUS Bibl. Graec. Vol. I. p. 96. distinguit vero hunc,

quem carminis elegiaci auctorem facit, a nostro NAT. COMES l. c.

u) THEOPHILVS ad Autolyc. L. III. p. 397. vbi tamen de eo dubitat ven. WOLFIUS h. l.

w) Lib. I. f. 4.

x) loc. cit. pag. 767.

y) Adu. mathem. L. I. f. 204.

z) DIODORVS SICVLVS L. III. p. 140.

a) SVIDAS loc. cit.

SANIA ^b, quod vero, quoniam iis non consentit, quae de Lino ab Apolline interfecto veteres tradunt, alii de Lino Ismenii intelligunt. Quia vero Linus non carmine tantum more seculi res Deorum scripsit, sed et cosmogoniam, quae praecipuam philosophiae vel theologiae potius partem tum absoluebat, tradidit, ideo, teste LAERTIO ^c inter septem Graeciae sapientes numeratus est ab Hippoboto. Quam vero theologiae rationem tenuerit Linus, hodie, deficientibus eius scriptis definiri nequit, quae enim DAMASCIVS ^d et Platonici forte alii ^e illi tribuerunt, ob hominum audaciam, sua dogmata veteribus supponendi, suspecta sunt. Ceterum neque VOSIVM ^f audiendum esse, qui nullum vnquam Linum fuisse putat, nec CLVVERIVM ^g, qui Adamum, Zoroastrem et Linum eundem esse coniicit, veterum de Lino consentiens traditio docet.

§. V. Lini discipulus fuisse fertur ORPHEVS, sapientum inter Graecorum antiquos virorum celeberrimus, et praecipuus eruditionis atque religionis Graecorum auctor. Qui eo magis enarrandus nobis est, quo magis eundem fere apud Graecos locum obtinet, quem apud Chaldaeos Persasque Zoroaster, apud Indos Buddas, apud Aegyptios Thootus siue Hermes obtinuit. Quicquid enim sacrae atque profanae eruditionis apud Graecos veteres effloruit, id vel ab Orpheo inuentum, vel ab eo introductum inter Graecos esse, veteres communi voce tradunt. Cum quoque theologiam non ritibus tantum et ceremoniis condidisse, sed et philosophico systemate delineauisse feratur, omnino tanquam praecipuus mythologicae philosophiae inter Graecos doctor reputandus est. Etsi vero veteres fatis diligentes fuerunt, in enarrandis Orphei rebus atque dogmatibus, dolendum tamen est, ea omnia hodie desiderari, nec superesse, quae Herodotus, Epigenes, Sando Hellanici filius, Apollonius Aphrodisiensis, Pherecydes Atheniensis, et ex Platoniciis recentioribus Serapion Alexandrinus, Syrianus et Proclus in Orphei dogmata commentati sunt ^h. Nec quae temporis iniuriae erepta ad nos peruenerunt, talia sunt, ut fides secure iis dari queat. Accidisse enim Orpheo, quod omnibus sapientiae atque eruditionis gentilis conditoribus accidit, ut multa eius nomini supponerentur, et doctrinae a variis hominibus ex diuersis sectis atque opinionibus oriundis excogitatae ad eum auctoritatis et fidei conciliandae gratia referrentur, in sequentibus demonstrabimus. Quam itaque in rebus doctrinisque Zoroastris, Mercurii et similium virorum celebratissimorum enarrandis adhibuimus prouidentiam atque cautionem, ea nec in excutiendis Orphicis negligenda est, nisi turpiter falli vel fallere velimus.

Aaa 3

§. VI.

^b) Il. cc.

^c) L. I. f. 42.

^d) DAMASCIVS περί ἀρχῶν, cuius excerpta debemus ven. WOLFIO T. III. Anecdor. Graecor. Is vero: ὁ γὰρ ἐστὶν ἐν τῇ, ἀλλὰ πάντα ἐν, ὡς Ἄϊνος τε ἔλεγε καὶ Πυθαγόρας.

^e) Vid. IAMBlichVS de vit. Pyth. c. 28. n. 139. p. 118.

^f) De arte poetica p. 78.

^{ff}) German. antiq. L. I. c. 24. p. 206.

^g) Conferendus de his omnibus diligentissimus FABRICIVS Bibl. Gr. Vol. I. p. 110 seq.

An Orpheus
extiterit?

§. VI. Antequam vero ipsam Orphei historiam atque dogmata exponimus, excutienda quaestio est, an unquam Orpheus quidam fuerit nec ne? Primus, qui quaestionem negavit, CICERO^{b)} est, qui tamen Aristotelis auctoritate utitur: hunc secuti sunt ex recentioribus GERARDVS IOANNES VOSSIVSⁱ⁾, PETRVS DANIEL HVETIVS^{k)}, et NATALIS ALEXANDER^{l)}, a quibus non multum alienus est IO. CLERICVS^{m)} et IO. HENR. VRSINVSⁿ⁾, qui Dauidem regem sub Orpheo latere putat. Quos tamen viros doctos audiendos non esse recte iudicarunt alii^{o)}: ita enim rationes subductae nobis persuadent, omnino fuisse Orpheum Graecanae theologiae atque religionis parentem. Et quod quidem Ciceronis testimonium ab Aristotele petatum concernit, id quidem ita viri docti enervant, ut contendat, Aristotelem non negasse, fuisse Orpheum, sed tantummodo, fuisse poetam: nobis vero, id inuitis Ciceronis verbis fieri, manifestissimum videtur. Ait enim Romanae eloquentiae parens: *Orpheum poetam docet Aristoteles nunquam fuisse, et hoc Orphicum carmen Pythagorici ferunt cuiusdam fuisse Cecropis. At Orpheus, id est, imago eius, ut vos vultis saepe in animum meum incurrit.* Quibus verbis Epicureos refutat, facta ab exemplo inductione, qui ab anticipata DEI notione, et imagine menti obuersante, argumentum pro eius existentia accersebant, iisque opponit exemplum Orphei, qui nunquam fuit, et cuius tamen imago in mentem saepe incurrit^{p)}. Quamuis vero, Aristotelem (in cuius scriptis tamen hodie frustra quaeritur) et Ciceronem in ea fuisse sententia negandum non sit, parum tamen id facit ad destruendum totius pene antiquitatis consensum, quae in eo concordat, fuisse Orpheum Thracem, et vixisse in Graecia. Hoc Graeci et Latini, poetae, historici, philosophi testantur, PLATO^{q)}, DIODORVS SICVLVS^{r)}, et post hos magna, etiam ex doctoribus Christianis, et ex schola Pythagorae et Platonis caterua. Immo Aegyptii, si DIODORO^{s)} fides est, in sacris commentariis Orphei nomen retinuerunt, eum ducem constituentes illorum, qui doctrinae addiscendae causa ex Graecia in Aegyptum profecti sunt. Nec ORIGENES^{t)}, cui Celsus Orpheum, tanquam virum sine controuersia sancto afflatum spiritu, obiecit, et Saluatori praetulit, Orpheum extitisse negat, sed criminatur, quod Deos fecerit *ἀνθρωποπαθεῖς*. Immo ipsa doctrina Orphica, mysteria in Graecia introducta, et ipsi libri Orpheo suppositi locum non habuissent, si nunquam vixisset Orpheus, cui supponi potuissent. Alia in re manifesta non cumulamur: sed id modo monemus, ficulneum esse, quod VOSSIVS addit; nomen Orphei esse ab Arabico Arifa, quod scire notat,

b) De nat. Deor. L. I.

i) De poetica arte c. 13.

k) Dem. Euang. Prop. IV. c. 7. §. 19. p. 129.

l) H. E. V. T. c. 8. p. 357.

m) Bibl. select. T. XXVII. P. II. art. 4. p. 434.

n) Analect. SS. L. IV. p. 219 seqq.

o) BURNET Archaeol. philol. L. I. c. 9. p. 414 sqq.
CUDWORTH. Syst. intell. c. IV. §. 14. p. 341 seqq. et

cel MOSHEMIVS ad h. l. BVDDEVS Obs. Hal. T. VI. obs. 29. §. 4. p. 307 seq. OLAVS BORRICHIVS de poetis diss. I. §. 17. FABRICIVS l. c. alii.

p) IDEM obseruat MOSHEMIVS l. c. n. 7.

q) De Rep. L. X. p. 521.

r) Lib. IV. c. 25. p. 221.

s) Lib. I.

t) Adu. Celsum passim. vid. L. VII. p. m. 370. 378. edit. Hoefch.

tat, vnde Arif, fiue Orpheus, fciens, eruditus. Haec enim concludendi ratio fi valet, omnes celebres antiquitatis viros facile e rerum natura tollere quiuus mediocri ingenio et linguarum peritia praeditus poterit.

§. VII. Dubio itaque carere exiftimamus, vixiffe Orpheum: quis ve- *Orpheus quis* ro fuerit, quam originem agnouerit, quaeque perpetrauerit, adeo fabulis *fuerit?* more veterum inuolutum eft, vt quid certi afferamus, vix habeamus. Recitabimus vero mythologiae narrationem, vt, quid veritatis fubfit, coniecturis aflequi tentare poffimus, monentes ante omnia, Orpheum hunc Thracem, cum aliis huius nominis non confundendum effe^x. Ex Thracia oriundum fuiſſe, plerique veterum referunt, de parentibus diſſentiunt, aliis enim Apollinis et Calliopes filius, plerisque Oeagro patre natus dicitur, et ad tempora ante-Troiana refertur, quae in Iofuae atque Iudicum aetatem incidunt^y. Is patriis ceremoniis cultui et theologiae innutritus, tradente DIODORO SICVLO^z in Aegyptum profectus eft, et multa ibi didicit, ita, vt tum initiationum et theologiae peritia, tum poëmatum et melodiarum artificio praefantiffimus haberetur. Ita ſcientiis et religionis notitia auctus ad Graecos peruenit, rudemque et incompoſitam multitudinem triplici artis et ingenii ſubſidio in ordinem, et ad rationem redire coëgit. Tanta enim canendi peritia excelluiſſe, dicunt, vt fluuii ad eius cantum firmarentur, aues aduolarent, ſaxa, ſyluae et venti auſcultarent, mare ſedaretur, omneque rerum anima deſtitutarum genus in admirationem et amorem raperetur. Id quod eleganter expreſſit HORATIVS^a:

*Aut in umbroſis Heliconis oris
Aut ſuper Pindo gelidoue in Haemo
Vnde vocalem temere inſecutae
Orphea ſyluae.
Arte materna rapidos morantem
Fluminum curſus celeresque ventos
Blandum et auritas fidibus canoris
Ducere ſyluas.*

Et in hunc finem lyram ſeptem chordarum quoque inuenit et adhibuit. Quae fabulae tegumenta nihil aliud volunt, quam feros et indomitos Graecorum animos ab Orpheo, vt audirent et attenderent, emollitos fuiſſe, et in obſequium tractos. Quem in finem fabularum quoque dulcedinem more antiquo adhibuit, ſicque muſica harmonia conuocatos et audiendi auidos iucundis narrationibus paut, vt in admirationem cultumque verſa attentio prudentiſſimo viro occaſionem dederit, fabularum delinimentis legum atque religionis cultum introducendi. Deos enim tum colere, eorum iram fabulis enarra-

^a) Conferendi mythologi paſſim, et ex iis NAT. COMES mythol. L. VII. c. 14. p. 764 ſeqq. pleraque de eo quoque collegit et inſtituto ſuo aptauit HVE- TIVS l. c. add. LAMBEIVS prodr. hiſt. lit. p. 168 ſqq.

^x) Fuit alius Crotoniates, vid. SVIDAS T. II. v. Orpheus Crot. p. 719. qui auctor carminis de argo-

nautis dicitur: vnde Orpheus Argonautis adau- meratur; ſed male.

^y) Conf. HVEIVS l. c. qui tamen, vt hypotheſi inferuiat, mire omnia torquet et confundit.

^z) Lib. IV. c. 25.

^a) Carmin. L. I. Od. XII.

enarrare, et felicitatem eorum, qui Deorum amicitia fruerentur, depraedicare coepit, sicque musica, fabulis et religionis arcano cultu feros homines ratione vti docuit, et ad id quod ius fasque est, tenendum atque obseruandum adegit. Id quod HORATIVS iam vidit, qui de hac theologorum veterum prudentia luculenter ^b:

*Sylvestres homines facer interpretsque Deorum
Caedibus et victu foedo deterruit Orpheus,
Dicitur ob hoc leuire tigris rapidosque leones.
Dicitur et Amphion Thebanæ conditor urbis
Saxa mouere sono testudinis et prece blanda
Ducere quo vellet. Fuit hæc sapientia quondam
Publica priuatis secernere, sacra profanis
Concubitu prohibere vago, dare iura maritis
Oppida moliri, leges incidere ligno.*

Praeter hanc animos sibi conciliandi moresque ita fingendi artem scientiae medicae peritia effloruisse ^c non ex eo tantum verisimile est, quod plerique magni viri canae vetustatis artis salutaris beneficio, docente artis medicae historia, sibi homines deuinxerint, sed Orpheus quoque disciplinas in Aegypto didicerit, vbi ista ars inter arcanas scientias relata fuit, vt supra vidimus. Ex hac vero artis medicae peritia omnium optime ea explicanda sunt, quae de mirabili musicae Orphicae peritia fabula narrat ^d: eum mortua, quam impense deperibat, Eurydice, ad inferos cum cithara descendisse, et mirificam lamentationem cecinisse, ita vt excitaret

Et Diti lacrymas, et morti denique finem ^e

faceret. Plutone enim placato ac Proserpina, obtinuisse, vt Eurydice cum ipso in lucem rediret, ea tamen lege, ne prius respiceret, quam ad superos peruenisset. Quod cum non obseruaret, vxorem amisisse. Si quis enim fabulae sensus est, nimium non torquendus ^f, illud innuere videtur, Orpheum tanta medendi peritia instructum fuisse, vt deploratae sanitatis homines ipsamque carissimam vxorem iam cum morte luctantem reuocaret in vitam. Mortis vero, qua viuus ereptus est genus, varie veteres narrant ^g: quidam enim fulmine tactum periisse perhibent, quod ideo excogitatum videtur, quia fulmine tacti credebantur diuinitatis participes facti ^h. Alii post mortem Eurydices caeterarum mulierum coniugium spreuisse, narrant, multisque hominibus dissuasisse mulierum connubium, quod cum aegre illae ferrent, ab illis per simulata Liberi patris sacrificia fuisse discerptum. PAVSANIAS ⁱ ob abductos ex Thracia secum viros multos indignatas Thracum feminas eum discerpisse refert; alii a Baccho, cuius laudes canere neglexe-

^b) De arte poët.

^c) Pluribus id probat DAN. CLERICVS Hist. medic. L. I. c. 10. p. 33 seqq. qui tamen non satis accurate homines et tempora distinguit.

^d) Mythologi passim. vid. OVIDIVS Metamorph. L. X.

^e) MANILIUS Astronom. L. V.

^f) Quod faciunt, qui per Euridicen iustitiam, per inferos placatos, perturbationes animae sedatas intelligi cum NATALI COMITE l. c. p. 771. contendunt.

^g) Collegit ea NAT. COMES l. c.

^h) Hac de re supra, vbi de Zoroastre.

ⁱ) in Boeoticis.

neglexerit, furorem immisum mulieribus; alii, a Venere amore feminis immisso, dum de Orpheo certarent, eum laniatum tradunt; alii vero ex doloris de amissa vxore impatientia violentas sibi intulisse manus perhibent. Quae incertae narrationes illud certum habere videntur, Orpheum violenta morte sublatum fuisse; quod si coniecturae locus est, positos effrenae licentiae limites, et imprimis cohibitos vagos concubitus irarum tantarum causam fuisse, non absurde colligi potest. Post mortem caput in fluuium Hebrum deiectum cum lyra in Lesbum delatum esse, ibique oracula fudisse^k, atque statua et vrna posita honoratum^l, lyram inter sidera relatum mythologi narrant, quae id docent, magnam auctoritatem atque famam Orphei tantopere de humano genere meriti, etiam post funera extitisse. Quae tamen non obstat, vt non tantum παιδεραστίας^m, sed et magiae, immo atheismi accusaretur: quibus tamen sceleribus non polluisse se Orpheum, admodum verisimile est. Nam concubitu vago aliisque feris moribus abrogandis et emendandis eum inuigilasse, supra iam ostendimus. Eum vero fuisse μαγεῦσαι δεινόν, quod Aegyptius aliquis apud PAVSANIAMⁿ de eo et Amphione praedicat, et de magiae crimine siue goëtia intelligendum esse recentiores quidam^o contendunt, vel ad theologiae Orphicae rationem et cultum Deorum arcanum referendum est, qui magiae nomine apud veteres, vt supra demonstratum est, insigniebatur: vel ad sanandi modum iunctis incantamentis, carminibusque pertinet, quem veteres Medici ad augendam admirationem et superstitionem plebis adhibuere, et Orpheum quoque in vsum vertisse, vel sola fabula de vxore carminibus in vitam reuocata persuadet: vt alias rationes praetereamus, fuse a NAV-DAEO^p allatas. Caput enim eius post mortem diuinasse, inter splendida antiquitatis de viris magnis mendacia referendum est^q. Vtrum vero spinosissimo vel atheismo fauerit Orpheus, postea, vbi de theologia Orphei dicemus, commodus magis dispiciendi locus erit.

§. VIII. Non vero suo tantum nomine per omnium ora volitauit Orpheus, sed imprimis propter insignia in Graecos merita, introductis religionem, artibus et disciplinis, quibus mores feros ad humanitatem reduxit, immortalem famam honoremque consecutus est. Quod si enim Graecos audimus, nulla fere scientia est, quam Graeci Orpheo non debeant, adeo vt γράμματα καὶ σοφίην inuenta ei tribuat epigramma vetus^r: quod tamen non ita intelligendum est, quasi literarum apud Graecos conditor fuerit;

Inuenta ab Orpheo.

k) PHILOSTRAT. Heroic. c. V. §. 3. p. 703. et vit. Apollon. L. IV. c. 14.

l) PAVSAN. in Boeot. p. 586 sq. conf. quae diximus in Otio Vindelico Melet. III. p. 241.

m) OVIDIVS Metamorph. L. X. v. 83.

n) In Eliacis poster. p. 505.

o) MART. SCHOOCKIVS apud FABRIC. Bibl. Graec. Vol. I. p. 131.

p) Apologie pour les grands hommes supponer de magie c. IX. p. m. 110 seqq.

q) Pertinet hoc ad oraculorum fraudes, quas in hoc oraculo Lesbico adhibitas fuisse ostendit ANT. VAN DALE diss. II. de Orac. gent. p. m. 293. ad quae, quod respondit BALTVS in historia de silent. Oraculorum paganisimi P. II. c. 7. p. m. 78 vers. Lat. leue est, et testimoniis veterum contrarium. Non enim sacerdotes oraculi, sed caput Orphei vaticinatum esse PHILOSTRATVS testatur.

r) Apud FABRICIVM Bibl. Graec. Vol. I. p. 130.

erit; illas enim Graecos Cadmo debere, supra ostendimus; sed vult poeta, omnis generis eruditionem Orpheum apud Graecos introduxisse: licet haec quoque ad sapientiam carminibus expressam extendi queant. Certe poëseos praestantia Orpheum celeberrimum inter Graecos nomen consecutum esse DIODORVS SICVLVS^r notauit. Musicae praestantia non habuisse parem, iam dictum est; addendum hoc, lyram siue citharam septem chordis instruxisse, qui enim quatuor chordarum lyram ei tribuunt, veterum testimoniis refutantur^s. Cum musica carminis pangendi peritiam non possedit tantum, sed et carmen hexametron, teste ANTIPATRO SIDONIO^t inuenit, et in epopoeia omnes ante eum, referente PAVSANIA^u superauit. Sideralem porro artem ad Graecos transtulit et doctrinam vetustissimis verisimiliter theologis non inauditam ex Aegypto in Graeciam attulit, stellas perinde vt nostram terram inhabitari, de quo dogmate Orphico infra dicemus. Medicinam non tantum exercuisse, sed ita quoque perdidicisse, vt desperatos morbos curaret, in antecedentibus monuimus: his adiiciendum est, verisimillimum esse, adiunxisse medicinam Orpheum sacris ceremoniis, et herbis, more Orientalium, vim quandam magicam inscribendo, et musicae quoque vim salutaris arti coniungendo, illud medicinae genus inter Graecos introduxisse, quod diu ante ipsum in Oriente viguisse superiori libro demonstrauius, quodque magicum fuit: Eius nos satis conuincit PAVSANIAS^x, qui refert, in summa auctoritate Orpheum fuisse οἷον πιστευόμενος ἐνρηκέναι ἔργων αἰοσιῶν καὶ θαρμύους, νόσων τε ἰάματα, καὶ τροπὰς μνημάτων θεῶν, quod crederetur malarum actionum expiationes, morborum curationes, et irae diuinæ placationes inuenisse: vbi curationes morborum, et καὶ θαρμοὶ ideo iunguntur, quod illae sine his fieri nequibant. Et huc referendum quoque est, quod PLINIVS^y habet, primum eum de herbis aliquid curiosus prodidisse. Eadem de astrologia inter Graecos per Orpheum introducta iudicanda esse existimamus. Quemadmodum enim diuinationes ex sideribus cum theologia et arcanis ritibus atque cultu Deorum coniunxere orientales gentes, et Aegyptii quoque, vt supra dictum est; ita Orpheus quoque ex Aegyptiorum disciplina sacris suis arcanis hanc partem addidit, et Graecos astrologiam docuit, siderum cognitione, quod modo monuimus, instructus. : Qua de re notabilis apud LVCIANVM^z locus occurrit, qui ita: *Graeci nec ab Aethiopibus, nec ab Aegyptiis, de astrologia quicquam inaudiuerunt, verum illis Orpheus Aeagro Calliopeque prognatus primus ista monstrauit: non ille quidem admodum dilucide neque rem clare docuit, sed ἐῖς γόντιν καὶ ἰερολογίην^a, ad artem goëticam siue magicam et sacros ritus cultumque, qui eius scopus erat (διανοῖν). Nam constituta lyra orgia instituit, sacras-*

^r) L. IV. c. 25. p. 221.

^s) Vid HVMFRED. PRIDEAUX ad Epoch. maior. p. 198 seq.

^t) Anthol. L. III. p. 383.

^u) l. c. p. 768.

^x) l. c.

^y) L. XXV. c. 2. conf. DAN. CLERICVS loco supra laudato.

^z) De Astrologia T. III. p. m. 257 seq.

^a) Graeca ipsa inspicienda sunt, incommode enim haec verba transtulit ERASMVS.

crasque cantiones decantauit. Sed et reliqua legenda sunt, etsi sophisticam scholam argumento colorem quaerentem sapiant. Nec videmus, quo argumento hoc neget VOSSIVS ^b, LAERTII auctoritate motus, qui narrat, plerisque videri primum Thaletem astrologiae vacasse, et solis defectus conuersionesque praedixisse ^c. Nam quod putat, quia orgia obscura sunt, et incertum, qualia fuerint, ideo hoc falsum esse, nihil ad rem facit; cum hoc sufficiat, diuinationes ex astris, partem orgiorum ab Orpheo institutorum fuisse: Laërtii vero testimonium non obstat, qui de rationibus astronomicis et obseruationibus sideralibus a Thalete in Graecia introductis, non de diuinatione ex astris, qualis in Orphicis sacris viguit, intelligendus est, quam Orpheus ex Oriente vel Aegypto in Graeciam transtulit ^d. Omnium tamen maxime celebritatem inter Graecos consecutus est Orpheus introductis mysteriis et theologia: quam cum ita ordinaret, vt populo superstitionis freno subacto miranda videretur, et arcanis ceremoniis magna et diuina sponderet, vehementer Graecos in admirationem rapuit, quae tantopere animos occupauit, vt sacra illa arcana atque mysteria diu apud Graecos vigerent, magnisque solemnitatibus, sacra Bacchi, Hecates, Eleusinia, Panathaenea, Thesmophoria eiusque generis alia celebrarentur, de quibus, quia extra oleas vagari non licet, consulendi sunt, qui Graecorum sacrorum historiam enarrarunt ^e. Quorum tamen non arcanas tantum circumstantias, sed et significationes enarrare, opus arduum et difficile est, nec ad magnam verisimilitudinem coniecturae perducere possunt, quoniam et initiatos tantum sacroque silentio impeditos ad ἐποπτίαν admiserunt, et arcana quoque dogmata, non nisi sacerdotibus patuerunt, qui, vt erant homines astutissimi, ita sacris istis explicationem tribuerunt, vt ratio circumstantiarum postulabat variam. Vnde laterem lauare nobis videntur, qui Platoniorum recentiorum explicationibus fidem tribuentes, eorum interpretationes pro veris horum sacrificiorum significationibus nobis obtrudunt. Quam mala enim horum hominum omnia ad sua dogmata roboranda et syncretismum stabiliendum rapiendum fides sit, nemo est, qui ignorat.

§. IX. Vfus vero est, vt ex dictis colligere est, Orpheus modo docendi arcano, fabulisque et allego- *Disciplina*
riarum velo obscurato. Cuius rei ratio *arcana*
ex eius circumstantiis haecenus enarratis facile peti potest. Erat enim ex *Orphei.*
Thracia oriundus; Hyperboreorum vero sacra allegoricis traditionibus constituisse, et arcana methodo fuisse propagata, suo loco audiui-
mus ^f. In

Bbb 2

Aegy-

^b) De scient. mathem. c. XXXII. §. 8. p. 145.

^c) Dicitur hac de re suo loco, vbi de Thalete.

^d) Chemiae peritiam Orpheo tribuit OR. BORRICHIVS de orig. et progressu Chemiae p. 84. qui vero Argonauticam expeditionem eam artem indicare, illique Orpheum interfuisse putat, quod vtrumque falsum est, meritoque exploditur.

^e) Inter eos imprimis consulendus est MEVSIVS in Graecia feriat et IOH. POTTERVS

Archaeolog. Graec. L. II. p. 246 seqq. alios nominat IOH. ALB. FABRICIVS Bibliograph. antiq. c. X. §. 9. p. 320 seqq.

^f) Inter Pythagorae affectas tales explicationes iam tentauit Arignote, vid. SVIDAS T. I. v. Arignote p. 320. FABRICIVS Bibl. Graec. Vol. I. p. 509.

^{ff}) Conferendus, qui haec probat CLEMENS ALEXANDRINVS Stromatum L. V. p. 567 seqq. nec

Aegyptum postea delatus τὰ μυθολογούμενα, quod DIODORVS^g testatur, didicit, arcanaeque sapientiae atque imprimis dogmatum sacrorum factus particeps, modum occultandi dogmata fabulis, et hieroglyphicis literis, et obscurando mysteriorum recondito sensu populum ab interiori ἐποπτίᾳ arcendi affecutus est: et disciplinam sacerdotum arcanam inspexit. Hanc ut ad Graecos delatus religionis cultu introducto adhiberet, non vno argumento commotus est. Res ei erat cum hominibus feris, religionis morumque seueriorum disciplina nondum subactis, cum populo ad eas doctrinarum veritates, quibus imbuiere eos cupiebat, capiendas nec disposito satis, nec disciplinae quoque patiente. Eum itaque ad commodandas aures allicere, et fabularum dulcedine illaqueare atque quasi capere oportuit. Ne vero religio conculcaretur et quod omnibus patuisset, euilesce- ret, arcana sacra instituit, teletasque suas commendauit, et seuerioris disciplinae atque praeparationis saepe ita muniuit, ut non nisi erectiora et idonea admitterentur ingenia. Et hinc tota disciplina Orphei arcana deriuanda est, quae totius theologiae systema allegorico habitu more theogoniarum scriptoribus communi proposuit, et sacra dogmata de Deo et mundi origine hieroglyphico sermone recondidit. Cuius exempla plusscula protulit CLEMENS ALEXANDRINVS^h ut probaret, sapienter Orpheum symbolicae interpretationis genus instituisse, ut conferat, ad rectam theologiam, et pietatem, et iudicandam ingenii solertiam, et veritatis exercitationem. et ad ostendendam sapientiam: docuitque sacra lingua vocatam fuisse aquam bedy, mare zaps, terram chthon, solem plectrum, animam omnia continentem sphinx, morbum cnaxzbi, et alia, quae ibi affert multa, qualia EPIGENES in libro de poësi Orphica, τὰ ἰδιάζοντα παρ' Ὀρφεῖ, ea quae propria fuerunt Orpheo, exponens collegit et exposuit. Haec ut rite adhiberentur, mysteria instituit, initia tradidit, orgia atque τελέτας inter Graecos introduxit, iisque per multos gradus sapientiae sacrae candidatum praeparauit, donec perficeretur, sacro silentio vehementer iniuncto. Sacra scilicet ista dicta sunt mysteria, sacrorum operatio μύησις, cuius finis, (vnde τελέται dicta sunt), perductio animae ad inspectionem primarum veritatumⁱ. Horum, si Platonicos audimus, quinque gradus erant, quos ita OLYMPIODORVS enumerat: ἐν τοῖς ἱεροῖς ἡγᾶντο μὲν αἱ πάνδημοι καθάρσεις; εἶτα ἐπὶ ταύταις αἱ ἀποβρότεραι· μετὰ ταύτας, συστάσεις, καὶ ἐπὶ ταύταις μύησεις· ἐν τέλει δὲ ἐποπτεία. In sacris praecedebant publicae purgationes; deinde has excipiebant aliae reconditiones; post has aggregationes; tum sequebantur initiationes; ad extremum inspectiones. In quibus gradibus explicandis diligens fuit Plotini schola, ita tamen, ut non omnia ad Orphei aetatem referri debere constet. Hoc indubium est, ad eluendam a peccati sordibus et purgandam ani-

nec ad Orpheum referri debent mysteria Thracum, quae Zamolxidi deberi supra demonstrauimus. Quem cum pro seruo Pythagorae habeat sine ratione CUDWORTHVS Syst. int. c. IV. §. 18. p. 341. frustra nodos quaerit in scirpo.

g) l. c.

h) l. c. p. 569 seqq.

i) Aliter Platonici, qui τὸ τέλος statuunt, perductionem animae ad illum statum, in quo fuit, antequam corpus ingrederetur. Sed haec scholam Alexandrinam sapiunt, non Orphei adyta.

animam, antequam ad mysteria inspicienda admitteretur, varias purgationes fuisse adhibitas, hinc requisita prius peccatorum confessio, et exclusi profani atque ἄλτριοι publica praeconis voce *: castimonia ad certum tempus indicta, humicubitiones exercitae, abstinentia a cibo imperata, et alia σκληραγωγίαις, atque seuerissimae disciplinae instituta rigidissime exacta, et imprimis diligentissime cauere solitum, ne arcana haec τοῖς ἀμύητοις siue profanis innotescerent: vnde, qui hoc silentium violaret, vel curiosos in haec sacra oculos contorqueret, impune non tulit'. Per hos vero gradus purgatus et praeparatus ab hierophantis, mystisque epoptes factus, et interiori doctrina initiatus est. Cuius disciplinae arcanae, quae originem inter Graecos ad Orpheum refert, vestigia apud veteres scriptores plurima occurrunt, et imprimis Platonici recentiores diligenter de ea commentati sunt, quorum loca, ne prolixè afferamus, otium nobis fecit eruditissimus ISAACVS CASAVBONVS **, qui praeter alios hac de re consulendus est. Nec vna mysteriorum ratio, sed varia, sine dubio ab Orpheo et discipulis instituta est, probantibus id tot sacris arcanis inter Graecos et finitimos populos introductis, inter quae Cereris atque Bacchi solennitate reliquis nobiliora fuerunt. Qualia vero illa omnia fuerint, quas significationes et doctrinas obuelauerint, incertissimum esse putamus. Quae enim ad detegendos Orphicorum sacrorum sensus arcanos erudite et copiose congescit ANDREAS CHRISTIANVS ESCHENBACHIVS **, omnia fere Platonici recentioribus accepta debet, qui tamen, cum non tam veteres philosophos interpretati sint, quam iis sua cogitata et philosophemata supposuerint, indigni et inepti in hac re arbitri sunt'. Verbo, idem de Orphei arcana doctrina tenendum est, quod de Aegyptiorum disciplina hieroglyphica supra monuimus; haec enim illius parens fuit. Vtrum vere arcana haec docendi methodus non per fabulas modo et allegorias rudem plebem ad formandos mores ducens, sed totius religionis summam oculis hominum non initiatorum subducens, philosopho digna sit, nec ne? prolixius disputare loci huius non est, et ex iis, quae de Orientalium arcana disciplina supra diximus, iudicium hac de quaestione sanum facile fieri potest. Et laudant quidem non veteres modo, et inter hos Patres quoque plerique, in hac disciplina arcana etiam in ecclesia innutriti, praecipue CLEMENS ALEXANDRINVS †, hanc docendi rationem, sed et recentiores ideo magnopere Orpheum extollunt, inter quos vehementer eum commendat THOMAS BURNETIVS †. Nos Orpheo prudentiae et eruditionis laudem non denegamus, nec inter feros et inconditi sensus homines allegoricam methodum vsu caruisse putamus, sacrorum tamen arcanorum rationes, non

Bbb 3

tam

k) Neronem ideo post caedem matris ad sacra Eleusinia accedere non ausum refert SVETONIUS in Ner. c. 34.

l) Exemplum habes apud LIVIUM L. XXXI. Ideo etiam noctu peragebantur haec mysteria pleuraque.

m) Exercit. Antibar. XVI. n. 43. p.m. 391 seqq.

n) In Epigane de Poësi Orphica, siue in priscas Orphicorum carminum memorias libro commentario Norimbergae 1702. 4.

o) Consentit cum his vir summus ION. LAVR. MOSHEMIVS ad CVDWORTHII Syst. intell. c. IV. §. 17. p. 349. n. 40.

p) l. c.

q) Archaeol. philos. c. IX. p. 407 seqq.

tam ad excitanda altiora ingenia, quod contendit CICERO, quam ad ducendos populi animos, firmandam superstitionem, et fouendam impietatem respexisse, consideratis omnibus eorum circumstantiis probabile iudicamus: et multiplices quoque fraudes in iis adhiberi solitae suspicari id iuvent. Nec nos multum iuuant ea, quae de veritatibus metaphysicis, theologicis et naturalibus in iis reconditis philosophi imprimis Platonici afferunt: quo loco enim ea habenda sint, in simili argumento aliquoties iam diximus, et has accommodationes fuisse, ut tolerabilior fieret superstitio, euicimus, sic ut otiose ea repetere opus haud sit. Immo ea talia esse, ut magnifice de Orphei religione sentiri nemo aequus debeat, postea, ubi de dogmatibus Orphei agemus, demonstrabimus.

Scripta Orphei.

§. X. Effecit magna haec, quam consecutus est Orpheus, fama, ut carmina complura Orphicorum nomine ad eum referrentur, eique tanquam auctori tribuerentur: quorum pleraque quidem, praeter exigua fragmenta passim apud veteres scriptores, qui ea excerpere, suisque scriptis inseruere, occurrentia, intercidere, quaedam ad nos peruenerunt, inter quae sunt *Argonautica*, *carmen epicum*, *hymni LXXXVI.* et *de lapidibus eorumque virtutibus praecepta*, quae iunctim edidit vir doctissimus ANDREAS CHRISTIANVS ESCHENBACHIUS; quorum historiam cum more suo diligenter enarrauerit nunquam sine acerbo luctu nobis memorandus praestantissimus FABRICIUS, hauriet lector ex libro in historia philosophiae literaria maxime necessario, quantum satis erit. De his omnibus vero magna inter eruditos controuersia est, an ad Orpheum, tanquam auctorem, referri queant? Quidam enim Orpheum plane nihil scripsisse affirmant, contenduntque, auctoritatis gratia et ad faciendam suis scriptis fidem Orphicorum nomen praefixisse veteres, eodem stratagemate usos, quod in Zoroastris et praecipue in Hermetis scriptis supponendis adhibitum fuisse supra obseruauimus. Nec argumentis quoque destituuntur, qui ita rationes subducunt: prouocant ad HERODOTVM, Homerum atque Hesiodum omnium antiquissimos poetas statuentem, et ad ARISTOTELEM, Orphica carmina in dubium vocantem: imprimis vero veteres testantur, fatentes, Pythagorae eiusque discipulis omnia illa carmina deberi, quae sub Orphei nomine inter veteres celebratissima fuerunt. Cecropi enim Pythagoreo homini tributa fuisse CICERO auctor est, alique Onomacrito eiusdem familiae philosopho tribuunt, SVIDAS quaedam ad Theognetum, Thessalum, alia ad Timoclem, Syracusanum, quae-

r) Multa ex Orphicis occurrunt apud PROCLVM, TZEZEM, aliosque, quorum quaedam collegit HENRICVS STEPHANVS in Poesi philosoph. p. 78 sq. pauciora Orphicorum editioni inseruit ESCHENBACHIUS.

s) Eorum titulos enarrat FABRICIUS l. c. Vol. I. p. 120. et peculiari scripto ESCHENBACHIUS, titulo: Epigenes de poesi Orphica, de

quo supra. Qui tamen meras saepe coniecturas sequitur.

r) Traiect. 1689. 12. adiecit editor H. STEPHANI notas et suum commentarium.

u) l. c. p. 112 seqq.

x) c. LIII. p. 109.

y) De anima.

z) Loco supra laudato.

a) Vid. FABRICIUS l. c. p. 129.

quaedam ad Zopyrum Heracleota refert ^b. Alios ex Pythagoreorum scho-
la, in qua Arignote quoque Pythagorica, duoque Orphei iuniores memo-
rantur, Camarinaeus et Crotoniates, enarrat ὁ πᾶν FABRICIVS ^c. Dissen-
tiant tamen ab his, qui veterum auctoritate, et in his CLEMENTIS ALE-
XANDRINI, ATHENAGORAE, IVSTINI et doctorum ecclesiae aliorum, item
DIODORI SICVLII, ipsiusque CICERONIS, Orpheum quaedam scripsisse
contendunt ^d, et ad constantem Pythagoreorum traditionem prouocant,
quae asserit, Pythagoram ex Orphei libris, libellum celebrem, cui titulus:
ἱερὸς λόγος fuit, concinnauisse: certe, si quoque statuatur, Pythagoram ni-
hil scripsisse, referendum esse librum hunc sacrum vel ad Cecropem vel
ad Thelaugen Pythagorae filium, antiquissimos homines, qui ex Orphicis
sua transsumserint. Perquam vero difficile est, in hac controuersia arbitri
partes sumere; et tamen ab ea quaestione et lite rite diremta, totum, quod
de Orphei dogmatibus ferendum est, iudicium dependet. Nec hic certitu-
dine infallibili pugnari potest, ut sunt vetustissima omnia, sed ad coniectu-
ras cuncta quidem redeunt, non tamen fallaces et nudas, sed magno veri-
similitudinis gradu nixas. Scilicet consideratis non iis tantum, quae in-
tegra habemus, sed imprimis reliquiis ac fragmentis illis Orphicis, quae
passim apud veteres, tanquam residuae ex naufragio tabulae reperiuntur,
non vnus omnia atque eiusdem generis esse, fatebitur, quisquis sobrie at-
que caute attendit et rem probe ponderat. Quaedam enim, quae pro
Orphicis ab antiquis ecclesiae doctoribus adducuntur, ita comparata sunt,
ut fraudem atque suppositionem, saltem interpolationem, manifeste pro-
dant, et recte monente CUDWORTHIO ^e, qui exemplum quoque attulit, he-
betis ingenii et obtusi homo vocandus sit, qui ea Orphei esse cogitauerit.
Nec improbanda coniectura VV. cll. C. A. ESCHENBACHII ^f et IO. LAVR.
MOSHEMII ^g, qui a Iudaeo quodam, forte ab ipso Aristobulo quaedam
profecta esse coniiciunt. Is enim Iudaeorum, eorum imprimis, qui in
Aegypto gentilem philosophiam didicerunt, mos fuit, ut eiusmodi fraude
rebus gentis suae apud gentiles auctoritatem conciliarent, et credibile est,
Aristobulum, qui huiusmodi oraculum aliquod Orphei in opere ad Ptole-
maeum Aegypti regem exarato, affert ^h, ita apud regem rebus populi sui
consulere voluisse. Nec minus suspecta sunt, quae ex Orphicis referunt
Platonici recentiores. Illorum enim institutum, suo loco accurate pro-
bandum, fuit, non tantum totius fere terrarum orbis religiones et dogma-
ta corradere, et malesano consilio in vnam religionem confundere, sed
et nugis suis, fraude ac suppositione fidem conciliare, et hunc in finem
omnes magnos antiquitatis viros suis subselliis vindicare. Quod con-
siliium tot nobis ex hac officina libros spurios peperit, ut non possit non
cauto lectori suspectum esse, quicquid veteribus hi homines tribuunt.

Vnde

^b) Conf. ib. CUDWORTH. System. intell. c. IV.

^c) l. c.

^d) Loca indicat CUDWORTHVS l. c.

^e) l. c. p. 318.

^f) In Epigene de poësi Orphica p. 148.

^g) Ad l. c. Cudworthi, n. 37.

^h) Apud EUSEBIUM praepar. euang. L. XIII.
c. 12.

Vnde parum auctoritatis deferendum esse, patet, Orphicis a Platonicis passim iactatis, quibus ea in deliciis fuisse, MARINVS¹ refert. Et si vero ex Iudaeorum, Platonicorum, Christianorum et haereticorum officinis talia multa prodiisse nemo temere negauerit; inficiandum tamen haud est, Platonis, Diodori aliorumque veterum temporibus lecta esse quaedam, quae iam tum temporis ad Orpheum relata sint, et ex quibus illi sua, quae ex istis referunt, hauserint. An vero ad ipsum Orpheum referri queant, difficile defini quidem potest, maiori tamen verisimilitudine negari, quam affirmari posse censemus. Non enim antiquissimis tantum istis temporibus scribendi sapientiae praecepta mos nondum inualuit, sed et, quod probe notandum esse existimamus, methodus ἀπόρρητος Orphei obstitit, quo minus scriptis sacra sua traderet^k. Quantam enim industriam in occultandis sacris dogmatibus posuerit, supra satis luculenter demonstratum est. Probabile tamen est, quaedam, quae pro Orphicis inter veteres venditabantur, Orphica dogmata continuisse, et ab hierophantis atque epoptis, ad quos orali traditione peruenerant, fuisse scriptis consignata, eaque Orphicorum nomine insignita, quod Orphei doctrinam referrent. Haec postea propter doctrinae Orphicae celebritatem, quam inter Graecos consecuta est, variis scriptis ab eius disciplinae hominibus fuisse aucta, non est, quod dubitemus, cum semper magistri praecepta illi iactauerint. Cuius luculentum testimonium est, quod ea dogmata, quae in poësi hac Orphica, etiam, ubi indubitata aetate supra Saluatoris tempora ascendit continentur, adeo inter se discrepant, ut impossibile sit, ea ex vno praecipientis ore calamoue, vel ab vnius systematis affectis fuisse profecta, et haec dogmatum discordia necessario plures auctores atque conditores Orphicorum fuisse, euincat. Noster hic est acutissimus MOSHEMIVS^l.

*Incertitudo
doctrinae
Orphicae.*

§. XI. Colligi ex dictis potest, quam difficile sit, de dogmatibus Orphei, et imprimis de totius doctrinae eius systemate aliquid tradere, quod verum sitienti faciat satis. Cum enim non doctrinam ἀπαράδην, sed ἀπόρρητον Orphei cognoscere, tractatio nostra postulet, tam densum illa velum obducta habet, ut non facile quis penetrare queat. Et cum, quod satis diximus, Orphei scriptum genuinum nullum super sit, quaeque feruntur, Orphica ob dictas causas adeo incerta sint, et dubia, ut ad quem potissimum referri debeant, anceps haereat iudicium, sperari quoque et promitti certa non possunt, nec aliud dari, quam quod sub Orphei nomine olim circumferebatur. Ut tamen verisimilitudinem et fidei historicae leges, quantum licet, sectemur, ea potissimum consulemus, quae scriptores veteres Orpheo propiores illi tribuerunt, quemadmodum Thaletis, Anaxagorae, Pythagorae aliorumque virorum in philosophiae theatro maxime conspicuorum dogmata ea esse, probabili ratione nixi credimus, quae a veteribus iis tribuuntur, etsi scripta eorum interciderint, vel plane nihil de suis dogmatibus in lite-

ras

¹⁾ In vita Procli c. XXVI. p. 61.

^{k)} Eandem causam fuisse, cur Pythagoras ni-

hil scripserit, suo loco probabimus.

^{l)} l. c. p. 344. not. 20.

ras retulerint. Platonici tamen recentiores, philosophique illi, qui ex Aegypti scholis prodierunt, suspecti quam maxime sunt, quod vel sua Orpheo supposuerint, vel saltem somniis suis Orphica ab antiquis accepta adulterauerint et interpolauerint: vnde non nisi sobrie atque caute audiendi sunt. Id quod etiam de cl. ESCHENBACHIO, qui in interpretandis Orphicis hos homines nimia fiducia secutus est, aliisque huius generis, qui eadem via incesse-^m runt, tenendum est. Immo, cum probatum dederimus, a variis hominibus Orphica carmina compilata esse, sequitur inde, impossibile esse, eiusmodi systema doctrinae Orphicae exhibere, quod ubique cohaereat.

§. XII. Duo vero primaria doctrinae Orphicae fuisse capita, veteres *Theologia* tradunt, quorum vnum theologiam siue doctrinam de Deo et diuinis tra-*Orphica.* didit, alterum physiologiam et cosmogoniam exhibuit. Multa vero Orpheum de Diis docuisse, tota Graecorum religio, quae ex huius viri fontibus omnis fere dimanauit, testatur: quicquid enim fabularum de Diis Graecia mentitur, quicquid rituum sacrorum et mysteriorum instituit, illud omne ad Orpheum olim referebatur. Nec negarunt hoc veteres philosophi, sed indignati sunt potius, doctrinam de Deo fabulis Orphicis corruptam fuisse, quam ob rem a Nemese diuina punitum, discerptum obisse putat ISOCRATESⁿ. LAERTIVS^o vero memorabili sententia, postquam Orpheum Thracem inter philosophos antiquissimos relatum a quibusdam esse dixerat, addit: *Equidem is, qui de Diis talia commentus est, an philosophus appellandus sit, nescio. Quo enim nomine appellandus is est, qui Diis omnem humanam perturbationem et affectus adfricando, non pepercerit; eaque, quae raro a quibusdam hominibus turpiter perpetrantur. Patres, qui πολυθεότητος auctorem Orpheum faciunt, praeterimus^p, ne iusto simus prolixiores. Negari itaque nequit, in theologia exoterica polytheismum Orpheum introduxisse, et idololatriae inter Graecos turpissimae occasionem dedisse. Neque tamen Orpheus tam exiguae doctrinae atque iudicii fuisse censendus est, vt adeo desipuerit in tradenda doctrina diuiniore; sed πολυθεότης illa ad fabularem istam, qua rudem populum deliniebat, methodum referenda est. Cum enim, omnia ex Deo emanasse, pro primo rerum ortarum principio adhibuerit, vt in sequentibus probabimus, et ita rebus omnibus diuinam originem adscripserit, mutauit spiritus, partesque mundi naturales mythologica methodo vsus, in Deos, eosque colendos populo commendauit, cum summum DEVM ab illis attingi posse desperaret. Qua ratione non meruisse, vt diuino afflatus spiri-*

^m) Inter hos etiam CVDWORTHVS l. c. est: et hac fere via etiam B. BYDNVS obs. de phil. Orphica, Obs. Hal. Lat. T. VI. Obs. 29. et ex parte quoque BURNETIVS l. c. incesse-^m runt. Num ad hunc lapidem quoque offenderint EBELINGVS in Archaeologiis Orphicis et SYMPHORIANS CAMPEIVS, in Theologia Orphica, iudicent, qui legerunt.

Hist. philos. Tom. I.

ⁿ) In laudat. Busirid. p. m. 343. edit. H. Wolfii.

^o) Lib. I. f. 5. Eandem absurditatem et impietatem eodem argumento Orpheo obiicit ORIGENES contra Cels. L. I. p. m. 14.

^p) Loca quaedam eorum adduxit CVDWORTHVS l. c. p. 345.

spiritu Celso dicatur, nemo quidem negauerit, an vero excusandus sit, *di-*
bius haeret, et in mitiorem partem inclinat BURNETIVS⁹. Monet is, aliter
 fieri non potuisse illo, quo vixit aevo, eoque cum populo: a rudimentis
 incipiendum fuisse in omni disciplina; a superstitione ad castam religio-
 nem progrediendum fuisse. Neque tamen Deorum aras humanis sacrifi-
 ciis, neque animalium sanguine conspersisse; non finxisse Deos forma
 humana; referre IUSTINVM¹⁰, poenituisse erroris Orpheum ante vitae fi-
 nem, omnisque in Deum aut homines contumeliae; mores impuros ei
 tributos esse, ex opprobriis Christianorum leui fama accepta gentilibus in
 vituperiis suis obiiicientium. Quas tamen rationes leues admodum esse,
 vel mediocriter ad rem ipsam, de qua quaeritur, attentus, intelligit. Cur
 non enim castam populo facile sequaci et in admirationem laudemque
 viri atque obsequium inde praestandum raptō de Deo religionem propo-
 suit? cur diuinitatem in tot partes dispescuit? cur non mente sola, quod
 simplicissimum et naturae humanae conuenientissimum esse, ipsa ratio di-
 ctitat, numen colendum esse docuit, et tot mysteriorum superstitiones
 tradidit? cur remouit arcana methodo populum a veritate, cuius tamen
 intererat, rectius doceri? et, si profani essent, philosophicis rationibus,
 non vero inanibus ceremoniis purgari? Verum non attendit BURNETIVS,
 aliam fuisse superstitionis ab Orpheo introductae rationem, quod ita syste-
 ma emanatuum ad fingendum Deorum cultum talem sufficere pulchre
 videbat, qualem quaesita et obtenta auctoritas conditoris, et conseruatio
 politica sacrorum ab eo institutorum postulabat. Quare e re sanctissimae
 religionis nostrae esse putamus, vt arcana gentilis religionis, eiusque
Βδελύγματα recte cognoscantur, quae excusare, tenebras est comparare
 cum luce. Orpheum erroris poenituisse, fide caret, nec incerta et suspe-
 cta Iustini traditio sufficit¹¹. Mores tam malos non fuisse, quales ei obii-
 ciuntur, credibile quidem est, nec tamen hoc vituperium Christianis im-
 putandum est, cum paederastiae culpam ipsi, quod supra retulimus, gen-
 tiles scriptores ei exprobrent.

*Capita potio-
 ra theologiae
 Orphicae.*

*De natura
 Dei.*

§. XIII. Propius vero atque intus respicienda est theologia Orphei,
 vt quid celeberrimo primoque fere inter Graecos theologo placuerit, disca-
 mus. Vtemur vero, vbi alia non suppetunt, Orphicis carminibus, quae
 passim apud veteres supersunt. His, reliquisque veterum testimoniis con-
 sultis, is, qui Orphicorum auctor fuisse dicitur, I. Deum summum esse,
 qui omnium rerum auctor est, omnia in se continet, omnibus prouidet, et
 quoad naturam vniuerso similis figura est, quam ei mentem de Deo tribuit
 IAMBlichVS¹². Qui cum Pythagorae et sequacium de Deo doctrinam
 Orphicae simillimam fuisse tradit, totam scholae suae cateruam sibi consen-
 tien-

⁹) I. c. p. 411.

¹¹) De Monarchia Dei p. 103 seq. Vbi tamen sup-
 positionem facile odorari quis potest, pars enim est
 libri sacri a Pythagoreis suppositi, et quidem a lu-
 daeo quodam interpolati, quod docte obseruat

ESCHENBACHIVS de Poësi Orphica pag. 143 seqq.

¹²) EUSEBIUS de praep. L. XIII. conf. HVGIVS
 DEMONSTR. Eu. Pr. IV. c. 8. §. 19. p. 130. ESCHEN-
 BACH I. c.

¹³) De vita Pythag. c. 28. n. 151. p. 127.

tientem habet. Ita enim SYRIANVS^x, PROCLVS huiusque furfuris alii^x. Nec negandum, PLATONEM^y ipsum in ea fuisse sententia, alludere Pythagoreas opiniones ad placita Orphica. Parum tamen, si fatendum, quod res est, pro Orpheo ita lucrabimur, cum scholae Pythagoreae mos sua veteribus philosophis supponendi, et veneranda antiquorum nomina sibi praeter rem vindicandi, in vulgus notus sit. Ad aliud itaque testimonium prouocat, qui Orphei causam magna industria tuetur, doctissimus, CVDWORTHVS^z, nempe TIMOTHEI chronographi, qui breuem Orphicae disciplinae summam, in *Cosmopoeia sua* olim exhibuit, quam CEDRENVVS^a et EVSEBIVS^b integram, et ex his alii^c, exposuerunt, in qua apertam DEI conditoris mentionem facit, eiusque nomen, consilium, lucem, vitae largitorem esse, ens eum summum inuisibile esse statuit, ex cuius potentia, quam nemo concipere potest, omnia incorporea et corporea facta sint. Addit: Ὁ δὲ αὐτὸς Ὀρφεὺς ἐν τῇ αὐτῇ, εἰς τὴν συντάξιν, ὅτι, διὰ τῶν αὐτῶν τριῶν ὀνομάτων μιᾷς θεότητος τὰ πάντα ἐγένετο καὶ αὐτὸς ἐστὶ τὰ πάντα. Idem Orpheus in eodem libro scripsit, a tribus istis nominibus, una vero natura diuina omnia facta esse, Deumque ipsum esse omnia. Bene vero nobiscum egisset Timotheus, si totum carmen Orphicum, vel fragmentum saltem illud, ad quod prouocat, integrum descripsisset, vt quis verborum sensus sit, quis auctoris scopus, quae verborum integritas, facilius iudicari posset. Verum obseruauit accurate ESCHENBACHIVS, Timotheum ordinem, quem auctor huius theogoniae tenuerat, non fideliter seruauisse, et non alium in finem haec consignauisse, quam vt persuaderet lectoribus suis, Orpheum iam docuisse, trinitatem in vna essentia creasse omnia, quod CEDRENVVS sub finem indicat; tum etiam, vt ostenderet, Orpheum, dum mundi creationem doceret, a Mosaicis traditionibus parum, aut nihil discrepare; ideoque ea tantum ex Orphica theogonia hic inde decerpisse, quae aliquo modo huic fini seruire poterant, ceteris, et rem ipsam concernentibus, neglectis. Parum itaque fidei, immo plane nihil,tribuendum est homini veterum dicta ad firmanda sua detorquenti, qui inter Graecos recentiores, leuissimi ingenti homines mos receptus, semper tamen historiae philosophicae exitialis fuit. Consulenda itaque sunt ipsa, quae restant, Orphicorum carminum λεῖψανα, inter quae quod PROCLVS^d seruauit, quia insigne est, et de ortu rerum ex mente Orphei disserturis lucem accendet, ex STEVCHI EVGVBINI versione hic apponemus, Graeca vero apud PROCLVM et ex eo apud recentiores quosdam^e legenda lectori commendamus. Ita vero:

Fuerunt intra Iouem cum vniuerso

Aetherea vastitas, et coeli praeclara sublimitas,

CCC 2

Immen-

^x) SVIDAS in Syrianus T. III. p. 410.

^y) Afferit eorum testimonia CVDWORTH. Sytem. intell. l. c. p. 346.

^z) In Cratylo p. 264.

^a) In Chronographia p. 46.

^z) loc. cit.

^b) In Chronicis.

^c) ESCHENBACH. l. c. p. 87 seqq. CVDWORTHVS l. c. p. 346 seq.

^d) Comm. in Timaeum p. 95. conf. ESCHENBACH. l. c. p. 71.

^e) EVNDEN l. c. CVDWORTH. l. c. p. 348.

*Immensique maris et telluris inclytæ latitudo
Oceanusque ingens, depressaque tartara terræ,
Fluminaque et pontus sine fine, et cetera cuncta.
Immortales omnes beati diique de aequæ,
Quæ fuerint exorta, et quæ ventura sequuntur,
Hæc in ventre Iouis rerum compage manebant.*

Aliud non minus memorabile fragmentum nobis seruauit auctor libri *de mundo*, et eius interpretæ APVLEIVS, dignum, quod hic quoque apponatur:

*Primus cunctorum est, et Iupiter ultimus idem.
Iupiter et caput, et medium est, sunt ex Ioue cuncta,
Iupiter est terræ basis et stellantis Olympi.
Iupiter et mas est, estque idem nymphea perennis.
Spiritus est cunctis: validusque est Iupiter ignis.
Iupiter est pelagi radix; est lunaque solque.
Cunctorum rex est; princepsque et originis auctor.
Namque sinu occultans, dulces in luminis auras
Cuncta tulit, sacro versans sub pectore curas.*

Paria fere leguntur apud EVSEBIVM^f et CLEMENTEM ALEXANDRINVM^g, ex quibus patet, varie istas reliquias et fragmenta a veteribus congesta fuisse; res tamen omnis eo redit: Continuisse Iouem siue summum Deum in se omnia, omnibus ortum ex se dedisse; et tanquam hermaphroditum omnia ex se genuisse, et ex sua produxisse essentia; Spiritum esse vniuersi, qui omnia regit, viuificat, estque

*Vnica vis, daemonque vnus, qui cuncta gubernat.
Omniaque hæc vnus regali in corpore claudit.*

Ex quibus necessario sequitur omnia in eum reditura. Hæc Orphica fragmenta vbique loquuntur, nec aliud voluerunt Orphicorum dogmatum ostentatores, quando magna confidentia Deum τὸ πᾶν^h, vocarunt. Et ex his de theologia Orphica iudicium formandum est. De qua vt mentem quoque nostram modeste exponamus, primo, non negamus, valde nobis hæc quoque carmina suspecta esse propter illos, qui eorum fragmenta nobis conseruauerunt. Hos Platonicos recentiores, siue Alexandrinos fuisse, loca eorum adducta testantur. Demonstrabimus autem suo loco luculenter, inter alia, quæ veteribus, imprimis Pythagoræ et Platoni frustra et inuita Minerua affinxerunt, fuisse quoque dogma, de producta materia ex ipso DEI gremio, quod ideo assumerunt, vt propius ad Christianos accederent, et absurditatem duplicis principii euitarent. Quis itaque nobis testis erit, non ab huius systematis fautoribus pleraque carminum horum fragmen-

^f) De præpar. L. III. c. 9.

^g) Stromat. L. V.

^h) Conf. CUDWORTH. l. c. p. 355 seqq. cuius

vestigia secuti sunt auctores Historiæ vniuersalis. p. 73 seqq.

fragmenta fuisse conficta et supposita? quis interpolatoris manus passa non esse, cum multa in iis tam egregie cum Platonice sequioribus conspirent, nos faciet indubios? Fatemur itaque non inuiti, valde nobis in definienda Orphici de Deo dogmatis summa aquam ex hac causa haerere. Non tamen, secundo, inficiamur, verisimile non esse, omnia ista carmina plane nihil quod ad Orphica tempora et doctrinam referri queat, continere, sed omnino probabile est, si non ipsum Orpheum, certe Orphicam doctrinam eo collineasse, vt Deum esse omnia, inque eo omnia contineri, exque eius essentia omnia orta esse, et naturam atque vitam accepisse, eius quoque spiritu moueri, formari et gubernari omnia traderet. In hoc enim *κρίαν δόγματι* conspirant omnia, quaecunque de Orpheo apud veteres traduntur. Nec putamus temere hoc quenquam inficiari posse, nisi luculentioribus in contrarium argumentis instructum, quae forte frustra conquiruntur. Nondum tamen ita de mente Orphicorum de Deo satis certi sumus, cum variam celebre istud dogma significationem admittat, quae quoque in causa fuit, cur Platonice sequiorum in modum illud explicuerit, et saniores ei adstruere sensum magna industria laborauerit CVDWORTHVSⁱ⁾, alii vero, et inter hos Io. FR. BVDDEVS^{k)} Orpheum inter Spinozistas ante Spinozam retulerint, putantes, eum Deum atque mundum confudisse, et per Deum non intellexisse aliud, nisi mundum hunc totum, Deumque quasi modificatum; alii tandem, inter quos eminet celeberrimus MOSHEMVS^{l)} media via incedentes, a Spinozae quidem impietate Orphicam theologiam liberent, emanatium vero fuisse, et res omnes ex sinu DEI ita deduxisse, vt essentiam, naturam, ortum ex eo acceperint, sicque membra DEI sint, contendunt. Etsi vero difficile est in tam incertis rei monumentis et testimoniis certum aliquid statuere, vltimam tamen systematis Orphici explicationem reliquis praeferendam esse, non vna ratione adducti fatemur. Quemadmodum enim saniori interpretationi, quam coëgit in ordinem ingeniosissimus CVDWORTHVS, repugnant ipsa fragmenta, si sine commentariis Platonice, mire ea detorquentium, considerentur; ita a Spinozae systemate mundi origo et productio atque formatio talis, qualis in theogonia Orphica describitur, quaeque cum Spinozae hypothesi, vnicam tantum esse substantiam, eiusque duas modificationes aeternas, consistere non potest, Orphicam theologiam satis manifeste, nisi fallimur, distinguit: sicque systema emanatium remanet, quod eo tutius atque probabilius Orpheo tribui potest; quo magis id per omnem fere Orientem veterem peruagatum fuisse, superiori libro vidimus^{m)}. Ex Oriente vero ad septentrionales peruenisse suo quoque loco docuimus. Vnde fons quoque patet, ex quo Orpheus hanc de Deo doctrinam hausserit? domi enim sacris iam innutritum fuisse, supra ostendimus. Quia ve-

Ccc 3

ro

i) l. c. p. 353.

k) Hist. eccl. V. T. T. I. p. 1077. thes. de atheismo c. I. §. 9. add. LÖESCHER praenot. contra atheismum §. 5. p. 4.

l) Ad l. c. CVDWORTHII n. 58. p. 357.

m) Conf. ABR. HINCKELMANNVS in detectio-
ne fundamenti Boehm. p. 84 seqq.

ro in Aegyptum descendit Orpheus, vbi ista doctrina, Deum et chaos in principio vnum fuisse, Deumque ex se mundum produxisse, eumque tanquam animam informare, regere, et viuificare, recepta fuit, (id quod supra quoque demonstrasse meminimus) patet ex eo, qua ratione ad iustam formam habitumque Orpheus theologiam suam isto modo perduxerit. Verisimillimum itaque putamus, tradidisse Orpheum, vel Orphicam theologiam potius, cum ab ipso Orpheo nihil, quod indubitatum sit, nobis restet, de Deo sequentia:

Systema Orphicum de Deo et mundi origine.

I. Deum ante mundum conditum cum chao infinite copulatum fuisse et ita coniunctum, vt omnia continuerit, quaeque fuerunt, sunt, et futura sunt, in eo fuerint recondita, sicque omnes naturas ab aeterno in eo latuisse.

II. Expulisse vero Deum hunc ex sinu suo materiam, resque omnes, certo tempore, et sic Deos Deasque solem, lunam, stellas, omniaque quae sunt, ex eo effluxisse.

III. Participare itaque omnia, per emanationis leges ex DEI essentia, esseque DEI partes et membra, et nihil esse, quod diuinitatis expers sit.

IV. Inesse itaque partibus mundi diuinitatis quoque partem, easque pro Diis merito haberi.

V. Esse Dei essentiam, quae ex eo effluxit, in omnibus rebus praesentem, eamque vim vnicam et praesidem esse mundi, quae omnia gubernat.

VI. Cum itaque omnia non tantum ex Deo sint, sed et in Deo, infinitos dari Deos.

VII. Hos Deos colendos esse, quia ad summum Deum latentem, inuisibilem et cognitu impossibilem humana natura pertingere non potest.

VIII. Non tamen fingendam esse Dei formam aut imaginem, cum per vniuersum diffusus, imaginem eius vniuersum tantum referat.

IX. Quia ex Deo omnia sunt, ideo cuncta, quae ex eo emanauerunt, in eum reditura esse, hancque fore beatitudinis summam, quam post mortem Dei cultores consecuturi sint.

X. Dari vero multas purgationes, lustrationesque, vt purior reddita anima ad fontem suum, vnde emanauit, redire queat. Hisque inseruire mysteria, et Ὀρφεωτελέτας.

Hanc systematis Orphici de Deo rationem si admittimus, fragmenta illa, si Platonicas *παρερμηνείας* tollimus, mire inter se concordant, et de tota theologia et systemate sacro Orphei verisimilis reddi potest ratio, sicque differentes veterum relationes conciliari. Reliqua, quae dissentiunt, ex iis esse, cogitandum est, quae a diuersi temporis, opinionis et sectae hominibus Orphicis doctrinis affuta fuisse supra monuimus. Sed tempus est, vt reliqua quoque theologiae Orphicae capita excutiamus.

Trinitas Orphica.

§. XIV. II. Non vnum vero tantum numen agnouisse Orpheum, contendunt theologiae Orphicae interpretes, sed et hanc Dei vnitatem non obstitisse, quo minus trinam esse simul iudicaret diuinitatem, tresque in vno

vno numine naturas reuereretur. Id quidem asserunt, et religioni Christianae non leue praesidium inuenisse sibi videntur, recentiorum multi ⁿ et inter hos imprimis ATHANASIUS KIRCHERVS ⁿ et PETRVS DANIEL HVERTIVS ⁿ, quibus haud obscure pollicem premit CVDWORTHVS ⁿ. Praeuiisse his TIMOTHEVM chronographum et CEDRENVN supra iam diximus. Non aliis tamen argumentis pugnant viri docti, quam quae ex Platonico-
rum recentiorum scholis desumpta sunt. Prouocant ad Amelium, qui teste PROCLUS ⁿ tres opifices rerum omnium, mentesque in diuinitate per Orphei Phanen, Vranum et Cronum intelligi contendit: et ad DAMASCIVM, qui retulit ⁿ, Orpheum fecisse Deum *τρίμορφον*, triplicis formae. Id vidisse putant Timotheum, qui trinitatis mysterium in Orphica theologia deprehendit. Haec vero quam leuia sint, et ab omni verisimilitudine aliena, ignotum ei esse non potest, qui paulo attentius adducta testimonia considerat. Quae ex Platonico-
rum schola profecta cum sint, et Platonica trinitatem post C. N. demum hunc in modum habitumque, qualis illis placuit, excogitatam, innuant, aperte recentiorum temporum inuenta antiquissimo Orphei seculo supponunt: immo potius Orphicis contraria sunt, cum iuxta Orphica carmina Deus *δημιῦργος* rerumque conditor a Deo summo non differat, id quod ipse agnouit Amelius: in trinitate vero Platonica creatio vniuersi menti *δημιῦργω* summo Deo minori tribuatur: ex quo, quam parum Platonica testimonia et interpretationes hanc opinionem iuuent, manifestum est. Patebit vero ex iis, quae de cosmogonia Orphica dicturi sumus, Phanen, Vranum et Cronum ad summum DEVM referri non posse. Quae vero nugatur Timotheus, consilium, lucem, vitam, quae Orphica in Deo ponunt, trinitatem personarum siue naturarum diuinarum innuere, ineptienti Graeculo condonanda sunt, a viris vero prudentibus et doctis sequenda non item ⁿ.

§. XV. III. Praeter Deum alios quoque spiritus, daemones et heroas *De spiritibus.* Orpheum statuisse, illisque mundum repleuisse, Platonici asserunt. Inter quos imprimis PROCLUS ⁿ certos numeros angelorum, heroum et daemorum stipatores Dei enumerat. Nec sexum in spiritibus his displicuisse Orpheo, ex eo probare satagunt, quod *ἰερεὶ γάμοι* non vltimum theologiae Orphicae caput constituerint. Et describenda esset tota horum philosophorum daemonologia, si ea omnia enarranda essent, quae ab iis Orpheo tribuuntur ⁿ. Parum vero in his omnibus verisimilitudinis inuenitur. Quam mali enim testes in tali causa sint, saepius iam monuimus, nec moneri satis potest, adeo sub antiquitatis praetextu incautis imponunt. Et spiritibus quidem mundum repleuisse Orpheum, ab eius theologia et admif-

ⁿ) Conf. quos laudat NAUDAIVS Apol. pro magiae accusatis c. 9. p. m. 115.

^o) Oedip. Aegypt. p. 150. 194.

^p) Qq. Alnetan. L. II. c. 3.

^q) l. c. p. 353.

^r) in Tim. p. 95.

^s) Vid. WOLF. Anecd. Graec. T. III. p. 252. 253.

^t) Conf. MOSHEM. l. c. p. 360. n. 51.

^u) Lib. V. in Tim. Plat.

^w) Conferri potest, qui potiora collegit ESCHENBACHIVS l. c. p. 57 seqq. qui tamen incautus ab his hominibus decipitur.

admisso semel principio: Deum esse omnia, et ex Deo omnia, Deum inesse omnibus, non abhorret, et supra iam obseruauimus, hanc causam πολυθεότητος ab Orpheo introductae fuisse. Verum haec vetustissima doctrina, quae daemonum omnia plena esse statuit, quamque inter barbaros didicerunt Graeci Thales, et Democritus; cum Platoniorum doctrina de daemonibus confundenda non est, quae tot gradus, ministeria et ordines otioso effinxit ingenio, ut haberet, quod Christianis opponeret. Replere vero hos spiritus mundum, et adesse potioribus mundi partibus tanquam praesides, uti Hyperboreis, ex quibus oriundus fuit Orpheus, placuit, ita Orpheo quoque non displicuisse, tota eius theogonia innuit, quae non magis commodam interpretationem admittit, quam si naturae partibus spiritus praesides adiunxisse statuatur^x. Quicquid vero illud est, quod, deficientibus monumentis et indubitatis testimoniis, nudis coniecturis definiri satis non potest, sacrae illae nuptiae frustra, nisi fallimur, ad Platoniorum sequiorum placita adplicantur, et per mares intelliguntur spiritus ἐνιάιως, per feminas, δευτέρως καὶ ὑφημένως agentes. Hae enim nugae ideo tantum inuentae sunt, ut popularis religio, quae sexum in diuinis admittebat, quaeque a prudentioribus, praesertim post exortam Evangelii lucem ridebatur, in tolerabiliorem et magis philosophicum sensum detorqueretur, et sic absurdissimo dogmati color induceretur philosophicus: qua in re non Stoici tantum mire arguti fuerunt, sed inter barbaros iam inuenti sunt, qui ita religioni populari apud prudentiores subuenirent^y. Quae tamen argutiae Orphico systemati non conueniunt, in quo nuptiae illae potius ad principia naturalia, eorumque coniunctiones a Deo Demiurgo factas; forte etiam ad emanatarum rerum copulationem et conspirationem in producendis aliis ex se emanatiuis trahenda sunt. Hanc enim sexus significationem in systemate emanatiuo esse ea probant, quae suo loco de systemate Cabbalistico, quod emanationis doctrinam omnium optime et clarissime exhibet, dicentur. Et ex his etiam iudicari potest, num verisimile sit, quod in carminibus quibusdam Orphicis Deo tribuitur, esse eum ἀρρενοθύλην marem atque feminam. Et si enim systemati Orphico consentaneum est, Deum non tantum causae efficientis locum atque parentis personam in condendo mundo sustinuisse, sed et ex se ipso et ex suo quasi ventre, (quo simili carmina vtuntur) res omnes tanquam matrem genuisse; ipsa tamen denominatio atque philosophandi modus tam aperte Alexandrinas cathedras Platoniorum, sapit, ut verisimile non sit, haec ab ipso Orpheo fuisse profecta, sed Platonica magis esse: id quod eleganter quoque confirmat cl. MOSHEMVS^z.

§. XVI.

x) Hanc philosophandi rationem plerasque barbaras theogonias tenere, ex iis, quae de barbarica philosophia disseruimus, manifestum est.

y) Dictum hac de re supra, ubi de Aegyptiorum theologia actum, conf. Amoenit. lit. Tom. VIII. p. 336 seqq.

z) I. c. p. 350. n. 43. Ex dictis vero manifestum quoque est, falli CLEMENTEM ALEXANDRINUM Strom. L. V. p. 724. qui ex hac Dei appellatione concludit, Orpheo placuisse creationem ex nihilo.

§. XVI. Alterum, quod philosophiam Orphicam absoluit caput, in explicanda origine et natura rerum conditarum, versatur et physiologiam Orphicam continet. Eam Orpheus, vel quisquis auctor fuit philosophiae Orphicae, allegorico theogoniae velo obduxit, vt impossibile sit, totam allegoriam denudare, et claram doctrinae Orphicae exhibere notitiam. Accedit, quod sub manibus Platoniorum et Christianorum quoque theogonia Orphica, accommodationes ad doctrinas eorum proprias passa, ita adulterata fuerit, vt sincerum a falso, genuinum atque natium ab adscititio distinguere vix queat. Id quod imprimis de illa theogoniae Orphicae interpretatione intelligendum est, quam TIMOTHEVS chronographus ex Orpheo dedit, et seruauit CEDRENVS^a, quippe quae adeo Mosaicae cosmogoniae accommodata est, vt auctoris scopum manibus palpes. Conferendus itaque est ATHENAGORAS^b, qui non contemnendum nobis fragmentum theogoniae Orphicae reliquit, ex quibus veterum relationibus ita se habuisse theogonia Orphica videtur:

Theogonia Orphica, verum ortum tradens.

I. Incomprehensibilis quidam et summus omnium rerum priorque et creator omnium, ipsius etiam aetheris et omnium quae in aethere sunt, conditor fuit. Haec Timotheus Orphica esse, ex illis quae suo tempore circumferebantur carminibus collegit: manifeste tamen Orphicam sententiam Mosaicae doctrinae ita attemperauit, vt, Deus ante materiam fuisse, haecque ab eo ex nihilo producta esse, videretur. Id quod Orphicae doctrinae de Deo aduersum esse, ex iis, quae supra de theologia Orphica diximus, manifestum est. Secundum eam enim Deus quidem ab omni aeternitate fuit, verum, vt ita dicamus, materia grauidus, quam in se continebat. Ex quo patet, Deum et materiam, iuxta Orpheum ita vnum constituisse, vt haec in illo tamdiu lateret, donec ex sinu eius expelleretur: quo posteriori effluxu a Stoico quidem systemate Orphicum distinguitur, quod emanationem materiae ex essentia Dei supponit, illo tamen multo non est melius, Deumque et materiam certo modo confundit, etsi distinguere videatur.

II. In rerum initio primum exhibitus est aether, a Deo factus et dispositus (δημιουργηθεῖς). Huic adiacebat hinc et illinc chaos, et nox dira tenuit omnia, et occultauit, quae sub aethere erant. Ita SVIDAS^c prima rerum oriundarum principia ex Orphicis refert, quocum et alii consentiunt, aethera et chaos, pro principiis ab Orpheo habita fuisse. Adiungit tamen, vel praemittit his, ex mente Orphei, tempus SIMPLICIUS^d, post quod aethera et ingens chaos productum esse asserit; quo videtur intelligi, aethera et chaos fuisse simul: Id quod BVRNETIO quidem non placet, qui sublu-
uer-

^a) loco supra citato.

^b) In legat. pro Christianis p. m. 18. ed. Paris.

^c) In Orpheus T. II. p. 719. qui ex libro περὶ θεογονίας se desumisse refert. Theogoniam

vero intelligendam esse ex CEDRENO l. c. et MALALA Hist. Chron. p. 88. vbi eadem excerptunt, patet, conf. KVSTER. ad h. l.

^d) In L. IV. physic. auscult.

uerfitate confundi putat: nobis tamen aliter videtur, quia mundi huius uifibilis, et imprimis terrae productionem ex aqua vel limo in fequentibus demum theogonia Orphica refert. Vnde per tempus hoc, faluo Orphico fystemate, nihil aliud intelligi poteft, quam in Deo et aethera et chaos tanquam duo rerum conditarum principia abdita latuiffe, et ex eo demum producta fuiiffe: qua ratione tempus atque Deus in rationis tantum figno differunt, modo philofophandi veteribus non ignoto.

III. Ex duplici hoc principio, aethere et chao, eorumque complexu ingens quoddam ouum productum eft, quod nocti, tertio principio Demiurgus excludendum tradidit. Et in hoc theogoniae Orphicae narratores, etiam Platonici, PROCLUS aliique, confentiunt^e, nec abludit a vero, Orpheo placuiiffe, ortum omnium rerum efle ex ouo. Vetuftiffima enim doctrina fuit, mundum ouo affimilari, eundemque generationis atque ortus modum efle. Qua de opinione imprimis audiendus eft PLUTARCHVS, qui ait^f, *doctrinam facram et Orphicam non tantum ouum gallina facere antiquius, fed velle etiam, vt omnium rerum ortum et antiquitatem complectatur; addit quoque paulo infra, in Orgiis, Bacchicis, ideo confecratum ouum fuiiffe, ὡς μίμημα τῶ τὰ πάντα γεννῶντος καὶ περιέχοντος ἐν ἑαυτῷ, quod fymbolum et imitatio effet eius, quod omnia genuiffet, et in fe contineret^g. Num vero ouum hoc tantum terram noftram delignet, cuius tefta coeli a veteribus habiti fint, quod operofe contendit, hypothefi fuae inferuiens THOMAS BURNETIVS^g, difquirere praefentis loci non eft; fufficit enim nobis, in theogonia Orphica ouum altius relatum fuiiffe, ad ipfa naſcentis mundi vniuerfi initia, niſi concordis antiquitatis teftimonium leuibus coniecturis detorquere velimus.*

IV. Excluſo ouo, cum in duas partes diſcerperetur, leuior atque aetherea pars furſum lata eft, craſſiore ſubſidente; quae cum diuerſae naturae eſſent, Demiurgus vim diuinam addidit vinculumque, quibus iſta iungerentur. Miris haec theſis obſcuritatibus inuoluta eft, cum quia Orphicae diſciplinæ conditor, allegoria ſatis obſcura et abſurda haec prodidit, tum quia Platonici recentiores mundum ſuum intelligibilem et ſenſibilem inſerunt, et allegoricam Orphei theogoniam ita ſuis philoſophumenis adplicarunt, vt videretur idem dicere voluiſſe, quod ſcholae Alexandrinae inter Platonicos placuit. Scilicet, ex diſrupto ouo ortum fuiſſe animal monſtroſum, Orphica theogonia refert, draconis imaginem referens, quod adnatum ſibi habebat caput alterum leonis, et inter haec duo, medium Dei vultum. Hocque Herculem et Chronum dictum fuiſſe, humanum vero vultum, Phanetem. Mirifice hic tum in ipſa doctrina Orphica referenda, tum in ea explicanda veteres atque recentiores ſe torquent. Proclus enim, reliquique Platonici ex ouo demum prodiſſe animal hoc monſtroſum, diuina

^e) Conf. omnino, quae aſſert ESCHENBACHIVS l. c. p. 93 ſeqq.

^f) Qq. Conuiu. l. II.

^{ff}) conf. MACROBIUS Saturn. l. VII. c. 16. ATHENAGORAS: l. c.

^g) Theor. tellur. l. II. c. 10. p. 156.

uina virtute praeditum tradunt, eiusque parentes aethera et chaos agnoscunt. ATHENAGORAS vero aliter refert, statuisse Orpheum: aquam esse principium omnium rerum, ex aqua ortum accepisse Ilyn, siue lutum, his parentibus ortum esse animal draconem, cui adnatum erat caput leonis, corpus vero medium continebat faciem Dei, Herculis aut Chroni dicti; ab Hercule natum esse ouum immensae magnitudinis, quod dum foueretur, vim passum a genitore suo ex attritione in duas partes dissiluisse, et superiorem quidem in coeli formam perfectam esse, inferiorem delapsam terram constituisse. Haecenus Athenagoras. Quem veterum dissensum vt tollat cl. ESCHENBACHIVS ^h, vtramque relationem admittit, et ita locum habere putat, vt adhibita Platoniorum distinctione inter mundum intelligibilem et sensibilem, vtrumque ab Orpheo, ex ouo deductum fuisse statuatur. Scilicet *γονητὸν κόσμον*, qui complexus est idearum omnium demiurgicarum, a mente illa diuina summa profectarum Phaneta Orphei esse; hunc vt produceret, ouum finxisse Orpheum, ex abstractis causis et principiis ortum et exclusum; aethere, chao et nocte; et ita ortum habuisse Phaneta, siue mundum intelligibilem: *αἰσθητὸν κόσμον*, ad exemplum verae *εἰκῶνος* etiam ex ouo producendum fuisse, sed alio parente, nempe ipso Phanete, siue mundo intelligibili, ideis demiurgicis a summa mente instructo; ad id adumbrandum hunc Deum variis animalium capitibus insignitum finxisse Orpheum, secundum Athenagoram draconis, leonis et ipsius Dei, secundum Proclum:

Κρεῖττον καὶ ταύτῃς ὅφιος χαροπῆτε λέοντας.

Ei duplex nomen dedisse, Herculis et Chroni, vt virtutem viuificam, et principium operans, ex quo omnia, indicaret, sicque mundus sensibilis intelligibili, duobus quoque principiis ortum suum debenti, responderet, et ita patrem atque matrem illa principia in vtroque mundo referrent. Sicque Proclum de *γονητῷ*, et Athenagoram de *αἰσθητῷ κόσμῳ* differentes amice inter se conspirare, et eandem Orphei doctrinam genuinam referre. Adeo vero a cosmogonia veterum haec differt explicatio, adeo contorta et ad Platoniorum recentiorum *ἐνρήματα* inuito Orpheo accommodata est, vt assensum plane non mereatur. Quicquid enim tradit, nugas olet scholae Eclecticae, supra veterum ingenium sapientis, et eiusmodi mundum intelligibilem, in otioso cerebro enatum Orpheo supponentis. Nec consistere potest haec explicatio cum doctrinae systemate, quod tradunt Orphica carmina, quia illud, Deum non omnibus tantum ex se ortum dedisse, sed ea quoque vi sua atque diuina virtute continere, statuit, et summo Deo dispositionem omnium rerum demiurgicam tribuit: vt cuncta ex Ioue et in Ioue sint. Ad quod cum Platonici interuentum alterius ex diuinis principii, *κόσμος γονητῆς*, siue mentis ideis diuinis plenae requirant, sicque a summo Deo hoc principium quo mundus sensibilis animatur, remoueant, interpretationem Platoniam Orphica cosmogonia recipere nequit. Absurdum quoque est, aethera et chaos ad mundum intelligibilem referre: tantumque ab-

Ddd 2

est,

^h) l. c. p. 95 seqq.

est, vt ouum ex abstractis causis ortum et exclusum, mira ingenii luxuriantis intemperie sibi effluerint, et in metaphysicis notionibus praesidium quaesierint veteres, vt potius de mundo illo intelligibili nihil dixisse censendi sint. Certe vt theogonias omnes, ita Orphicam quoque ad rerum conditarum ortum pertinere, vniuersalis earum harmonia satis prodit. Mittamus itaque nugas Platoniorum, cum tota theogoniae Orphicae ratio iubeat, illam de ortu rerum, quae ex Deo emanarunt, omnium intelligere. Et si vero difficile est, ex dissentientibus veterum relationibus certum quid haurire et eruere, aliqua tamen ita comparata sunt, vt non omnis verisimilitudo desit, mentem Orphicorum ita explicari posse. Qua de re vt coniecturas quoque nostras explicemus, 1. praesupponimus, de rerum vniuersi origine in hac theogonia sermonem quidem esse, ita tamen, vt ad ortum rerum visibilium, terraeque, oceani atque coelorum quam maxime respiciatur. 2. Monemus theologum hunc non tam de tempore, quam de modo ortus rerum omnium in vniuerso mundo sollicitum fuisse, vnde non nimis premenda existimamus, quae de animalis *τεμνέρεσ* ex ouo, vel oui ex animali origine diuerso traduntur, cum haec diuersis auctorum interpretationibus nitantur. 3. Ex allatis certum esse putamus, ex mente Orphei duo rerum omnium, in vniuersitate comprehensarum ex sinu DEI prodiisse principia, actiuum vnum, alterum passiuum, aethera et chaos. Illi lucis, huic tenebrarum naturam tribuisse Orphica, ex Timotheo colligi potest, qui ex Orphica theogonia refert: terram sub tenebris inuisibilem iacuisse, lucemque, quae aethera perruperit, illustrasse vniuersum mundum. Lux itaque illa, qua aether turgebat, principium illud actiuum atque formatiuum fuit, quod Demiurgus ex se materiae crassiori indidit, vt mundus formaretur. 4. Grauidam itaque tanto DEI molimine rerum vniuersitatem, quam propter generationis modum, et agitationem animae mundanae cum veteribus fere omnibus ouo assimilauit, tandem per leges motus agitatum, duplicem vim sustinuisse, agitantis diuinae virtutis, quam Herculem nominauit, et temporis, iuxta motus leges materiam formare iuuantis, quod Chronon dixit; sicque separatas esse partes aethereas et leuiores, vnde coeli formarentur, a crassioribus, ex quibus terra subsedit. 5. Materiam vero ex qua ab istis principiis cuncta formata fuerint, dictum in modum, fuisse aquam, et enatantem ex ea limum. 6. Deum vero his intime praesentem, quae ex eo effluerunt, ita continuisse vi atque essentia sua, vt inde aspectabilis mundus eniteret, vnde et Phanes dictus est, non quod, quum adhuc nihil esset, primum ex infinito apparuerit; sed quod ita mundum in aspectum produxerit, et ei formam visibilem dederit. 7. Esse itaque, quia et coeli et terra, et omnes vniuersi partes ex Deo isto modo effluerunt, et partes DEI sunt, diuinae essentiae particulam in illis, adeoque Deos illas esse. Nihil in hac cosmogoniae interpretatione est, quod non principio, quod Orpheo tribuitur, ex Deo emanasse omnia, exacte conueniat, et theo-

1) Ideo Deum Phanes dictum esse LACTANTIUS iudicat diu. instit. L. I. c. 5.

theogoniam Orphicam exhauriat, eamque in luce clara ponat: vnde illam tamdiu amplectendam esse putamus, quousque certiora nobis ex fontibus non suspectis exhibeant, qui ab his dissentiunt.

V. Vt vero generationem rerum porro explicet theogonia Orphica, addit *: Terrae, quae iam Dea prodierit, mistum coelum, et genuisse ex ea foeminas, Clothon, Lachesis, Atropos, mares vero centimanos, Cottum, Gygen, Briareonta, et Cyclopes Brontem, Steropem, Argum, quos etiam victos in tartarum praecipitauerit, quum se regno pellendum a filiis intellexisset. Intelligi per hos coeli terraeque liberos partes mundi, elementa, reliquaque, quae hunc mundum constituunt, dubio caret, ordine cosmogoniae ita requirente; vnde audiendi Platonici non sunt, qui nescio quos daemones ex iis fingunt, ex mundo intelligibili productos; licet verisimile sit, vim illam animamue diuinam, quae partibus mundi ex Orphei sententia inest, quaeque Iupiter ipse est, iunxisse illis theogoniae auctorem, vnde Phantem atque Herculem ad indicandam lucis, virtutisque diuinae efficaciam et operationem vocauit. Quid vero tota illa Deorum progenies significauerit, admodum difficulter, et non nisi leuibus ex coniecturis dici potest, et a theogoniarum scriptoribus varie intellectum fuisse, ex earum consideratione manifestum est, vnde lectoris potius ingenio eorum interpretationem relinquimus, hoc vnum clauis instar addentes, miscuisse veterum theogoniarum scriptores historias veteres cum confusa admodum, vt res erant ingenii isto tempore in incunabulis quasi versantis, rerum naturalium genitarum notitia, quod nomina ex vetustissimis historiis transumpta luculenter produnt. Id quod ab Orpheo quoque, vel quisquis est, Orphicae theogoniae conditor, factum est; etsi praestare nolumus, quod PAVLVS PEZRONIVS ^l contendit, et ad labefactandam quoque Cudworthi hypothesein admisit eruditissimus BASNAGIVS ^m, tres illos Deos Orphei, tres Celtarum siue Gallorum reges fuisse, quorum Vranus a coelestium obseruationum studio ita vocatus sit, qui nupserit sorori Titaeae, quae terram apud Celtas significat; et per Bosphorum in Thraciam delatus, terram istam sibi subiecerit, indeque in Graeciam et insulam Cretam excurrerit, relictoque imperio fratri vsque ad Hispanos et Afros pertigerit, diuino post mortem a Graecis quoque honore maectatus. Saturnum vero filium eius Chronum dictum, primum ex Titanibus regem fuisse, qui vxore Rhea in matrimonium accepta parenti bellum intulerit, imperiumque sublato patre obtinuerit, superato quoque Titane, Vranii filio natu maiore. Credant haec, qui velint, et fidem, quam possunt, adiiciant, vel respuant; nobis perinde est; cum satis sit, annotasse, antiquissimas historias theogoniis, etiam Orphei, immistas insuperabiles obscuritates peperisse.

§. XVII. Reliqua, quae de naturalibus rebus Orpheo tribuuntur *De fine mundi.* dogmata, clariora sunt, et explicatione prolixa non egent. Placuit scilicet,

Ddd 3

cet,

k) ATHENAGORAS l. c.

l) Antiquité de la nation et de la langue des

Celtes pag. 50.

m) Hist. des Juifs T. IV. c. 4. p. 50 seqq.

cet, teste PLVTARCHO ⁿ, CLEMENTE ALEXANDRINO ^o et PROCLIO ^r, conflagraturum mundum et nouum ex hoc incendio exorturum. Quod dogma vti toti fere antiquitati praesertim orientalibus et septentrionalibus populis arrisit, ita ab Orpheo quoque a Thracibus suis et Aegyptiis transsumtum est, et necessaria consequentia ex emanatio systemate fluit, quod per eiusmodi ἐκπύρωση materiam ita exurit et purgat, vt redire ad suum fontem queat; ex quo postea alius iterum mundus oritur. Ita enim carmen Orphicum ^q:

Πάντα τὰ δὲ κρύψας, καὶ θύεις ἐς πολυγηθὲς
Μέλλεν ἀπὸ κραδῆς, πολυθέσκελα ῥέζων.
*Quae prius occuluit dulces in luminis oras,
Diuino deprompta sinu sermone reducet.*

Qui versus magnam cum Stoico dogmate similitudinem habent, siue enim mundum Dei partem cum Stoicis facias, siue emanationem ex Deo cum Orphicis, periodica semper occurret ista conflagratio et restauratio, reconditis rebus omnibus in sinum DEI, et noua generatione ex eo iterum expulsis.

De sideribus.

§. XVIII. Astronomiae non tantum gnarum fuisse Orpheum, sed tradidisse quoque Graecis, supra ex LVCIANO notauimus, refertque SVIDAS ^r, fuisse carmen inter Orphica, quod de astronomia cecinerit. Nihil tamen eius superest. Seruauerunt tamen veteres nobis memoriam duorum dogmatum Orphicorum maxime memorabilium, quae, Orpheum non ex triuio philosophum fuisse, testibus recentiorum astronomorum, virorum magnorum, obseruationibus, docent. Narrat scilicet PLVTARCHVS ^s, ex mente Pythagoreorum *quamlibet stellam esse mundum, et esse hoc inter dogmata Orphica, quae quodlibet sidus mundum faciunt*. Quod vtrum ad omnes stellas ex mente Orphei referendum sit, an ad solas errantes, dubium est: et BVRNETIO ^r quidem posteriore placet, nec, si quid iudicamus, immerito. Πύρινα τὰ ἄστρα enim cum Pythagorei statuerint, qui doctrinas has astronomicas ex Orphicis acceperunt, fieri non potuit, vt totum ex qualibet stella fixa mundum facerent, quem solis instar igneum dixere. Animatas tamen stellas omnes esse, ex systemate Orphico necessario sequitur, et commune eo tempore dogma fuit. Placuisse vero Orphicae astronomiae conditori: istum errantium stellarum mundum terram in se continere, cum aëre in infinito aethere suspensam, quod Heraclides et Pythagorei alii quoque tenuerunt, tum PLVTARCHVS ^u atque STOBÆVS ^x testantur, tum dogma inter Orphica receptum de luna habitabili et instructa supellectile tam naturali quam artificiali euincit. Ita enim carmen Orphicum, quod nobis seruauit PROCLVS ^y:

Μήσα

ⁿ) De defectu Oraculorum.

^o) Stromat. L. V. p. 549.

^p) In Timaeum L. II. p. 99.

^r) l. c.

^s) De placitis philosoph. L. II. c. 13.

^t) l. c. p. 412.

^u) l. c.

^x) Eclog. physic. L. I. p. 54. ed. Cant.

^y) In Tim. L. IV. p. 283.

Μήσατο δ' ἄλλην γαῖαν ἀπέειρατον, ἣν τε σελήνην
Ἀθάιατοι κλήζουσιν ἐπιχθόνιοι δέ τε μήνην
Ἥ πολλὰ ἔρε' ἔχει, πολλὰ ἄερα, πολλὰ μέλαθρα.

*Altera terra vaga est, quam struxit, quamque Selenem
Dii vocitant, nobis nota est sub nomine lunae;
Haec montes habet, ac urbes, aedesque superbas.*

Et ex hac Orphei schola celeberrima doctrina ad Pythagoreos et Ionicos, Eleaticos, Platonicos aliosque magnos philosophos dimanauit, donec haereseos stigmatem notaretur, quod tamen non obstitit, quo minus nostra aetate a magnis in scientia fiderali viris reuocaretur, qua de re dicendum est alibi ^z.

§. XIX. Quae de anima docuerit philosophia Orphica, ex dictis colligi potest. Animam enim cum Thraces pariter atque Aegyptii immortalē, et post mortem corpori superstitem fecerint, idem Orpheo arrisisse, qui ex Thracia et Aegypto philosophiam suam in Graeciam attulit, recte infertur. Probat vero id quoque, quod DIODORVS SICVLVS refert ^a, fuisse Orpheum primum, qui impiorum in inferno poenas, et plorum in pratis Elysiis felicitatem introduxerit. Etsi enim haec ad fabulas Graecas de statu animarum post mortem ἐν ᾧ respiciunt, quas in Graecia Orpheum introduxisse Diodorus vult, supponunt tamen illae animae immortalitatem. Vnde risit olim ^b Philippus Orphei sacerdotem, admodum pauperem, iactantem, beatos fore post mortem omnes, qui ipsius sacris initiati essent, obiiciendo: *Cur igitur, fatue non statim moreris? ut paupertatem tuam et miseriam tandem desinas plorare?* Nihil tamen noui in eo inuenit Orpheus, sed quod domi et in Aegypto didicerat, Graecis ita tradidit, ut cum admissio semel systemate conspiraret. Quod si enim omnia, et animae quoque, ex Deo emanarunt, necessario inde sequitur, eas non interire, donec in Deum fontem suum resorbeantur. Et hanc quoque animae immortalitatem atque beatam post mortem conditionem posuisse Orpheum fundamentum philosophiae moralis, non est quod dubitemus. Qualis ta-
De moribus.

§. XX.

^z) Conf. FABRICIVS Bibl. Graec. Vol. I. p. 132

seqq. ^a) L. I. p. 86.

^b) In Laconicis apophthegm. T. I. p. m. 394.

^c) In Phaedro.

^d) Conf. FICINVS in argum. ad L. IX. PLOTINI, ESCHENBACHIVS l. c. p. 185.

Musaeus.

§. XX. Inter discipulos Orphei celebritate nominis alios superauit MUSAEVS Philosophus et ἐπεποιοῖς Atheniensis, Eumolpi secundi atque Selenes filius *. Filius quidem Orphei veteribus quibusdam dicitur^f, verum id de intima admissione discipuli supra modum dilecti intelligendum esse, IUSTINVS MARTYR^g prodit, qui scripsisse ait, ad filium suum Musaeum, et reliquos genuinos auditores. Vnde audiendus non est SVIDAS, qui Orpheo antiquiorem fuisse contendit^h: ad eum enim carmen Orpheum scripsisse veteres traduntⁱ. Disciplinae Orphicae innutritum fuisse, inde constat, quod arcanum deorum cultum ab Orpheo inuentum ad perfectionem, quam postulabant illa mysteria, perduxerit, teletasque ita commendauerit, ut inter Graecos maxime colerentur, vrbesque et regiones totae expiari sic posse crederetur^k. Certe Eleusinia sacra Cereris eum auctorem agnouisse, veterum traditio fuit^l. Praeceptoris enim vestigiis insistendo non tantum vaticinatum fuisse, sed et theogoniam scripsisse, χρησμοὶ ei tributi, et theogonia LAERTIO^m laudata innuunt: quanquam minus accurate ab eo primus dicatur fuisse, qui theogoniam scripserit; nisi hoc de carmine forte intelligas, quo Orphei theogoniam primus complexus est. Astro-nomiae vero peritum idem facit LAERTIVS, qui eum ποιῆσαι σφαῖραν πρῶτον ait; id quod vel ita intelligi potest, quod primus sphaeram coelestem composuerit, vel quod primus carmine sphaeram exposuerit; quod tamen vtrumque incertum est; Atlantem enim sphaeram primum reperisse tradit DIODORVS SICVLVSⁿ, alii vero Anaximandro tribuunt^o. Forte Laërtius carminis titulo deceptus est, quod de Sphaera sub Musaei nomine olim circumferebatur, eique suppositum fuit. Idem forte dicendum est, de praeceptis curandorum morborum, quae Musaeo adscribuntur, quanquam ARISTOPHANES^p iam eorum meminerit: illud vero recte inde colligitur, Musaeum more theologorum et philosophorum veterum medicinam quoque exercuisse^q: quae qualis fuerit, supra, quantum satis, declaratum est^r. Scripta vero quae Musaeo a veteribus tribuuntur, praeter vnum hymnum in Cererem in Lycomidarum gratiam concinnatum spuria esse, et tanto afflicta viro, obseruauit PAVSANIAS^s, cuius fraudis Onomacritus reus agitur, quem effingentem oracula Musaei ἐν ἐπ' αὐτοφάσῳ a Lafo Hermioneo, primo musices scriptore^t, deprehensum eiecit Athenis Pisistratus. Idem de epico carmine de amoribus Heri et Leandri dicen-

dum

e) SVIDAS in Musaeus T. II. p. 578. qui tamen filium Euphemi facit, dissentientibus de parentibus Musaei veteribus, vid. MENAG. ad LAERT. L. I. f. 3.

f) Vid. quos laudat FABRICIVS Bibl. Graec. Vol. I. pag. 102.

g) Cohort. ad Graecos p. 15. conf. SERVIVS ad L. VI. Aeneid. v. 667.

h) Idem de CLEMENTE ALEXANDRINO iudicandum, qui Orpheum Musaei discipulum fuisse ait. Strom. L. I. p. 332.

i) IUSTINVS l. c. EVSEB. praep. L. XIII. εὐχῇ quoque Orphei πρὸς Μουσάιον.

k) Vid. Scholiastes ARISTOPHAN. in ran. p. 171.

l) Conf. MEVRSIVS de sacris Eleusin. c. 2.

m) L. I. f. 3.

n) L. III. p. 193. L. IV. p. 283.

o) PLINIVS L. VII. c. 56.

p) l. c. Act. IV. Sc. 2.

q) Alias supponi in fraudem non potuisset.

r) Conf. LE CLERC. Histoire de la Medecine L. I. ch. 10. p. 34.

s) In Atticis, p. 47. et in Messeniis p. 287.

t) Videndi de eo quos laudat FABRICIVS l. c. p. 102. in nota.

dum est, nisi alius Musaeus, multo recentior auctor sit ^a. Certe antiqui illius Musaei non esse, nemo criticorum hodie dubitat ^x. Nihil vero magis Musaeum Orphicae disciplinae alumnum prodit, quam, quod LAERTIVS de eo refert, docuisse: ἐξ ἐνός τὰ πάντα γενέσθαι, καὶ εἰς ταυτὸν ἀναλύεσθαι; *ex uno omnia facta esse, et in idem resolui.* Panditur enim isto dogmate verum systematis emanatiui principium, et fundamentum quoque omnium theogoniarum; quod Orpheo placuisse in antecedentibus demonstraui, et ex hac discipuli eius doctrina recte quoque probatur. Ceterum quatuor ex vno Musaeos nobis confingit Io. MEVRIVS ^y sine necessitate, cum omnia, quae de eo traduntur, commode ad vnum queant referri. Musaeum vero plane non extitisse, sed nomen esse mythologicum dum contendit GERARDVS IOANNIS VOSSIVS ^z mera coniectura, vt in Lino et Orpheo, ductus, antiquitatis testimonio contradicit; quemadmodum et illustris HVERTIVS adeo nulla probabilitate sub Musaei persona Mosis historiam latere contendit ^a, vt sententiam eius recitasse, sit refutasse. Facile enim ita tota historia antiqua peruertetur, miscebunturque ima summis et quadrata rotundis. Obiit Phaleris honoratus ab Atheniensibus inscripto in tumulo epigrammate, quod refert LAERTIVS. Filium habuisse dicitur, EVMOLPVM, *Eumolpus.* quem et iam ante Homerum ἐποποιὸν fuisse, et patris vestigia secutum *teletas Cereris et explicationem mysteriorum* scripsisse SVIDAS testatur ^b: quae tamen alii Eumolpo alicui seniori adscribunt ^c: Ea ab *Eumolpicis* Musaei, siue *praeceptis ad Eumolpum tertium filium suum*, SVIDAE quoque memoratis distinguenda esse recte monuit ὁ πᾶν FABRICIVS ^d.

§. XXI. Post triumuiros hos, de quibus haecenus dictum est, celebratur quoque inter Graeciae theologos THAMYRIS, Odrysis Thraciae ab *Thamyris.* Arfia vel Arsinoa, vel potius Agriopa nympa natus, postquam ex Philammone grauida, vbi frustra eius connubium appetiisset, ex Graecia in Thraciam confugerat ^e. Is vbi adoleuisset, non corporis tantum forma praestantissimus, sed ingenii quoque dotibus mirum in modum ita exornatus fuit, vt omnium admirationem consequeretur. Praecipue vero musices atque carminum peritia ita excelluit, vt eum, licet peregrinum, Scythae regem facerent, si modo Cononi apud PHOTIVM ^f haec narranti fides est. Ingenii itaque praestantia elatus, cum in ludis quoque Pythicis victoriam reportasset, ausus est ipsas Musas prouocare in certamen, et conuitiis proscindere, proposita conditione, si vicisset, se velle cum omnibus congredi, sin victus fuisset, se illorum arbitratu poenas subiturum ^g. Congressae

^a) Praeter hunc enim Atheniensium vatem, Musaeum quoque Thebanum, et alium Ephesium memorat SVIDAS l. c. et Grammaticum iuniorem alii.

^x) Vid. CASAVB. ad Laert. l. c. et quos excitat FABRICIVS l. c. p. 105.

^y) In Bibl. Attic. et Attic. Lect. l. II. c. 19.

^z) De Poët. c. XIII.

^a) Dem. Eu. Pr. IV. c. 8. §. 18. p. 128.

^b) In Eumolpus T. I. p. 897.

^c) Vid. FABRICIVS l. c. p. 38.

^d) Ib. p. 103.

^e) APOLLODORVS L. I. p. 10. DIODORVS L. III. p. 201. EVSTATHIVS in Homer. Iliad. β. Conon apud PHOTIVM Cod. CLXXXVI. p. 221. ed. Hoersch. NATALIS COMES Mythol. L. VI. c. 14. p. m. 619 seqq.

^f) l. c. reliqui enim veteres hoc tacent.

^g) PAVSANIAS in Messenicis p. 322.

gressae itaque cum illo Musae cum facile cantu atque carmine vicissent, visum eripuerunt,

Et cantum, citharamque viro rapuere superbo^g.

Addunt alii, eum temeritatis poenas apud inferos dedisse^h. Fabulae verum sensum hominis in canendi lyra et pangendi carminis peritia alios superantis superbiam et contemptum aliorum male postea punitum indicare, facile largimur. An vero cum aliis certauerit, et visum ideo amiserit, quod superatus hanc temeritatis poenam subierit, merito ambigitur, oculis enim morbi vitio captum fuisse verisimiliter narrat PAVSANIASⁱ. Nec tamen fabulae sensum exhaurit, quod TZETZES tradit^k, poemata eius periisse, ideoque a Musis excoecatum tradi: certauisse enim cum Musis et inferiorem discessisse, omnes veteres, quotquot fabulae meminerunt, asserunt, notumque est apud veteres poetas et musicos eiusmodi certamina publica fuisse vstitutissima^l; forte, si coniiciendum aliquid est, Thamyri in eiusmodi certamine victo publico arbitrorum iudicio facultas canendi sublata, isque obscurae vitae generi addictus fuit, cum prius in omnium oculis versaretur. Sunt quoque, qui veneris masculae impietatem Thamyrim inuenisse tradunt^m. Scripsit vero teste TZETZA cosmogoniam, quam a theogonia, siue theologia, quam SVIDASⁿ narrat, non diuersam fuisse, recte BAYLIVS^o coniecit, cum mundi generationem ficta Deorum genealogia tradere veteres poetae soliti fuerint. Tradit quoque PLVTARCHVS^p, Thamyrim bellum a Titanibus aduersus Deos gestum tanta orationis concinnitate, tantaque modulationis suauitate composuisse, ut nullum poema videri potuisset praestantius^q. Sed et hoc poema quod a theogonia diuersum omnes^r faciunt, ab ea non distinguendum esse, ipsum argumentum suadet. Bellum enim Titanum nobilem partem theogoniarum constituisse, ex fragmentis illarum passim extantibus et ab HENRICO STEPHANO^s collectis, et ex ipso quoque HESIO DO notum est; unde hoc de bello Titanum carmen pars theogoniae fuisse merito creditur. Quod certius et facilius iudicaremus, nisi omnia celeberrimi poetae et theologi tempus nobis eripuisset.

Amphion.

§. XXII. Eundem in censum referendus esse videtur AMPHION in mythologia^t Graecorum propter canendi artem celebratissimus, Iouis et Antiopes filius, qui ob affinitatem cum Tantalo modulos a Lydio edoctus fuit, primusque tres chordas addidit tetrachordo a superioribus musicis inuento.

^g) HOMERVS I. c. v. 565.

^h) PAVSANIAS I. c. p. 362.

ⁱ) Lib. IV. p. 363.

^k) Chiliad. VII. hist. 103. cuius versus quoque exhibuit FABRICIVS Bibl. Gr. Vol. I. p. 240. et vehementer reprehendit NATALIS COMES I. c. p. 620.

^l) Exemplo esse possunt certamina Homeri et Hesiodi, Cercopis et Hesiodi, Aeschyli et Sophoclis.

^m) APOLLODORVS I. c. BAYLE Dict. T. IV. art. Thamyris. not. B. p. 342. Ad Orpheum hanc infamiam quosdam retulisse supra diximus. Alios;

qui auctores nefandi criminis habiti sunt, nominat SVIDAS in Thamyris, T. II. p. 164.

ⁿ) I. c.

^o) I. c.

^p) De musica T. II. p. m. 551.

^q) Ita NATALIS COMES I. c. quem male Plutarchi testimonium adducere, praeter rem reprehendit PETR. BAYLE I. c. modo antecedentia Plutarchi verba expendantur.

^r) Vid. FABRICIVS I. c.

^s) In Poësi philosophica.

^t) Vid. NAT. COMES Mythol. L. VIII. c. 15. p. 889 seqq.

uento¹. Vnde lyram a Mercurio accepisse septem nervis instructam mythologi tradiderunt, alii quoque musices antiquae inuentorem faciunt, tantaque artis peritia excelluisse narrant, vt non tantum homines, sed et saxa ac feras cantu mouerit², immo musices efficacia murum excitauisse, quo Thebae munirentur³: tandem vero ob contumelias in Deos immissa peste vna cum tota domo extinctum fuisse. Cui fabulae vix alius sensus subest, quam Amphionem non canendi tantum arte et musices praestantia, sed ingenii quoque amoenitate et sapientia ita excelluisse, vt rudes Thebanorum animos, artis suauitate et eloquentiae atque prudentiae praestantia coegerit in vnum coire, moenibus urbem cingere, et in officio persistere. Eadem enim via, qua Orpheus, inter Graecos versatum in Aegyptum descendisse, magiamque edoctum ad Graecos rediisse narrat PAVSANIAS⁴: vnde in eandem philosophorum vetustissimorum classem referendus est, qui introducta religione, (quae ad magiam referri solita fuit vetustissimis temporibus⁵) et in vsum quoque vocata arte musica, feroces animos ad ciuiles mores reuocarunt. Id quod pulchre vidit IULIANVS imperator, qui in epistola quadam, cuius partem nobis seruauit SVIDAS⁶, tria laudat, quae eum musicae inuentorem effecerunt: tempus siue otium, Dei spiritum siue diuinas ingenii dotes, et amorem ὑμνωδίας, id est, vt ipse explicat, philosophandi per hymnos. Addit enim: Veterum plerosque haec tria consequi studentes, nec quicquam aliud requirentes non simulate philosophatos fuisse. Dubium itaque non est, Amphionem seueritatis antiquae et philosophiae, quam inter Thebanos cultam veteres⁷ extollunt, auctorem fuisse. Mo- sen vero sub Amphionis fabula latere, mirabili perspicacitate vidit HETIVS⁸, sibi in tanta veterum res detorquendi audacia et licentia relinquendus.

§. XXIII. Tandem et MELAMPVS inter veteres Graeciae theologos et philosophos nobis enarrandus est, non minori inter veteres magnos viros, Troiani belli tempora superantes⁹ fama illustris¹⁰. Is Amythaonis et Aglaiae filius Arguius, tanta ingenii solertia et acumine polluit, vt prouerbio locum dederit. Hae animi excellentissimi dotes mature a Melampode studio et industria auctae sunt. Cum Phoenicibus enim, qui in Graeciam delati nouas sedes quaerebant, conuersatus, theologiam illam

Eee 2

siue

1) ARISTOCLES de musica L. I. Ita vero in concordiam redigi possunt veteres, qui lyram Mercurii quatuor chordas habuisse tradunt, cum Amphioni donaretur. Adiecit enim reliquas, et septem chordis cecinit, vid. HORATIVS L. III. Od. II. conf. cel. GOB. OLEARIVS ad PHILOSTRATI icones L. I. c. XI. p. 779.

2) HORATIVS in arte v. 394. PHILOSTRATVS l. c.

3) lb. CLEMENS ALEXANDR. Protrept. p. 1.

4) In Eliacis posterioribus.

5) Inter theologos quoque referendum Amphionem esse, praeter mitram, qua ornatum veteres pingebant, vt Orpheum tiara, prodit etiam quod

PHILOSTRATVS addit: ἔδει τὴν γῆν, ὅτι πάντων γενέτειρα καὶ μήτηρ. Hoc vero argumentum erat cosmogoniarum.

a) In Amphion. T. I. p. 153.

b) IUSTINVS L. VII. c. 5. qui ideo Epaminondam summum philosophum vocat.

c) Dem. Eu. Prop. IV. c. 8. §. 21. p. 134.

d) Vid. BAYLE Dict. T. III. art. Melampus p. 367 seq. not. H.

e) Melampode et Pollere indiget; de re perceptu difficili, vid. MARINVS vit. Praecli c. 10. SVIDAS in Melampus T. II. p. 520. SYNESIVS de insomniis pag. 154.

sive theogoniam didicit, arcanaque dogmata edoctus, et mysteriis tum institui solitis initiatus est^f, quae postea Graecos iterum docuit, quae causa est, cur mysteria Cereris ad eum auctorem a quibusdam referantur. Alii tamen ab Aegyptiis in Graeciam transtulisse sancita Baccho sacra, fabulosas de Saturno et praeliis gigantum narrationes, et vniuersam fabularem historiam de amoribus Deorum, tradunt^g, ex quibus manifestum fit, Melampodem allegoricum theologiae et cosmogoniae tradendi ritum a barbaris sive Phoenicibus, sive Aegyptiis, forte ab vtrisque acceptum ad Graecos transtulisse, idque praestitisse, quod in alio Graeciae populo et loco Orpheum fecisse supra tradidimus^h. Ex iis enim de Melampode quoque iudicium fieri debet. Accessit ad hanc theologiam vaticinandi donum, quo ita polluisse dicitur, ut auium cantus intelligeret, et inde futura praediceretⁱ; augurem enim atque vatem, quae duo iungi olim solebant^k, exhibuit, et inter primos veterum relatus est, qui vaticinandi facultate excelluerunt^l. Denique et artis medicae cognitionem mirabilem, more istis temporibus solenni theologiae et vaticinandi arti iunxit^m, et ex consuetudine theologorum atque medicorum veterum remediis non tantum naturalibus, sed et magicis, incantationibus, atque expiationibus sacrisⁿ, usus est, ut ita ex remediorum naturalium effectibus religioni atque mysteriis introductis auctoritas atque veneratio accederet^o. Quam medendi artem in curandis Proeti Argiuorum regis filiabus, furore vterino^p correptis, (quod tamen alii de foeminis Argiuorum narrant) ita feliciter exercuit, ut eis purgatis tum sacra mysteriorum expiatione tum naturali ellebori usu, (quod inde melampodium dictum est)^q rationis et sanitatis atque pudoris quoque et castitatis usum redderet, pactus ideo sibi et fratri partem regni, quam quoque accepisse dicitur. Tanta vero ob hanc eius eruditionem et beneficia, quibus Argiuos suos sibi deuinxit, eius fama fuit, ut post mortem templo, sacrificiis et festo anniuersario eius memoria celebraretur^r. Extat hodie scriptum Melampodis de *diuinatione ex palpitationibus membrorum*, sed id recentioris hominis est^s.

Theogoniarum scriptores.

§. XXIV. Praeter enumeratos cosmogoniarum scriptores, qui figurato dicendi genere rerum ortum et theologiam quoque gentis suae enarrarunt,

f) HERODOTVS L. II. c. 49. quem tamen ideo carpit PLVT. de mal. Her. T. III. p. m. 512.

g) DIODOR. SIC. L. I. c. 96. p. 61. CLEMENS ALEXANDRIN. prolept. p. 10.

h) Reſte TERTVLLIANVS in Apologetico: Orpheus Pieriae, Musaeus Athenis, Melampus Argis, Trophonius Boeoriae, initiationibus homines obligauerunt. Ita enim omnia constant, quae de mysteriorum auctoribus dicuntur.

i) Qua ratione linctus a serpentibus quos viuos seruauerat, hanc facultatem acquisuerit, narrat APOLLODORVS L. I. p. 47. cuius verba leguntur quoque apud BAYLE l. c. not. E.

k) EUSTATHIVS ad Iliad. α. p. 36.

l) Vid. CICERO de legibus L. II.

m) Conf. LE CLERC. Hist. de la medecine P. I.

L. I. c. 9. p. 27 seq. cl. SCHVLZIVS Histor. medic. Per. I. sect. I. c. 1. §. 22. p. 88.

n) Sacrificiis, versuum incantamentis, herbarum magicarum usu, balneis sacris et his similibus purgationes istae fiebant, conf. CLERIC. et ita quoque Melampodem instituisse refert PAVSANIAS L. VIII. p. 253.

o) Varie res refertur ab APOLLODORO L. II. p. 85. SERVIO in Eclog. VI. 48. PAVSANIA l. c. aliis.

p) Huic enim morbo narrationes veterum optime conueniunt, vid. VIRGIL. l. c.

q) DIOSCORID. parabil. L. IV. c. 181. CLERIC. l. c.

r) PAVSANIAS L. I. in fine.

s) FABRICIVS Bibl. Graec. Vol. I. p. 98. CLERIC. loc. cit.

rarunt, plures inter veteres poëtas fuere, qui in hunc censum referendi sunt. Scripserunt enim theogonias Pherecydes, et Epimenides, de quibus poëta dicendum, item Antiphon¹, Dromocrides² aliique³, quorum tamen scripta cum interciderint, dici non potest, qua ratione seriem ortarum rerum, quam istis carminibus describebant, ordinauerint. Seruauit tamen nobis ARISTOPHANES⁴ eiusmodi cosmogoniae descriptionem, Aristophanes. quam ab antiquis theologis mutuam accepisse dubium non est. Eam, quia cum reliquis conferri meretur, lucemque dicendis affert, hic Romano sermone, breuitatis causa, tantum apponemus. Ita vero:

*Chaos erat primum, et nox, Erebusque niger et Tartarus ingens:
Neque terra, neque aër erat, neque coelum, in immensis sinibus Erebi
Nox alis nigris primum parit ouum subuentaneum;
Ex quo reuoluto aliquo tempore, emerfit gratus amor,
Radians tergo aureis alis, similis aëris turbine.
Hic autem mistus atro chao, qua erat Tartarus,
Edidit genus nostrum, et primum adduxit in lucem.
Neque enim Deorum genus ante fuit, quam commiscuit omnia amor,
Commisique vnis aliis prodiit coelum et oceanus
Et terra, omniumque Deorum beatorum genus immortale.*

Perplacet haec theogonia THOMAE BURNETIO⁵, quae omnium ei videtur ordinatissima et consummatissima; ex chao enim noctem et tartara, ex his coelum et aether, terram Deos hominesque deriuari, quae suae de rerum ortu hypothese ita applicat, vt haec vetustissimorum philosophorum mentem exprimere videatur. Chaos nempe primum diuisum fuisse in duo corpora, aut duos orbes; corpus superius fuisse noctem, scilicet aërem caliginosum et turbidum radiis solis impenetrabilem; inferius fuisse tartarum et abyssum; noctem grauidam itidem peperisse geminos, ex vna parte terram, ex altera coelum siue aethera; nempe aërem illum turbidum et caliginosum; cum actione subtilioris alicuius spiritus, qui totum permeabat, purgatus fuisset, sedimentum deposuisse infra in superficie tartari, vbi terram constituerit; et tenuiores ipsius partes sursum enitentes aethera constituisse, siue coelum sublunare: hoc est purioris aëris regionem illam, quam vapores et atmosphaera terrae non attingunt: et denique in hac terra genus hominumque deumque ethnicorum promicuisse. Verum, vt nihil dicamus, de ipso, quem sibi vir acutissimus finxit, rerum genitarum ordine, et ortu, nec exhaurit ille hanc antiquam cosmogoniam, in qua aui illi, cuius gratia Aristophanes serium hoc argumentum comoediae immiscuit, quamque ex ouo exclusam atro chao mistam omnia formasse dicit, potiores cosmogoniae partes adscribuntur⁶: nec in hac cosmogonia,

Eee 3

ignis,

¹) IRENAEVS L. II. c. 19.

²) EVLGENTIVS Mythol. L. II. c. 17.

³) Conf. FABRICIVS Bibl. Gr. Vol. I. p. 378.

⁴) In auibus v. 694 p. m. 384.

⁵) Theor. tellur. L. II. c. 7. p. 130 seq.

⁶) Aristophanem ideo vetustissimorum atheorum systema recitasse, qui chaos sine lege et ordine commotum principium rerum fuisse statuunt, contendit CUDWORTH. System. int. c. III. §. 17. p. 117, 118.

ignis, hominum, bestiarum ortus indicatur, et aues diuinae originis esse dicuntur, et ante omnia conditae: quae omnia satis produnt, Aristophanem^b veterem cosmogoniam, vndeunque eam acceperit, scenae adaptasse, et ioci ludique causa, ut aues de ortus sui atque natalium origine iactantes lepide loquentes introduceret, ea confinxisse, quae ad cosmogoniam hanc proprie non pertinent, certe mancā atque mutilam esse, hanc cosmogoniam, ex aliis theogoniis, quae integrae ad nos peruenerunt, manifestum est. Inter has nobilissima sine dubio est, quam elegantissimo Graecorum poetae Hesiodo debemus, quippe quae integra ad nos delata est: quare ei inter veteres theologos et physiologos locum denegari non posse existimamus.

Hesiodus.

§. XXV. HESIODI vitam atque fata prolixè describere, instituti nostri non est, faciunt id, qui poetarum veterum historiam excutunt, et nobilissimi poetae vitam describunt, quorum narrationes^c non ineleganter collegit et vitam Hesiodi exposuit LILIVS GYRALDVS^d, qui videndus. Aetatem eius curiose excutere huius loci non est, aliis eum Homero anteponentibus, aliis statuentibus, Homero fuisse supparem, annis tamen aliquanto iuniorem. Certe vno tempore floruisse, inde euincitur, quod ex vnanimi fere veterum traditione cum Homero de principatu in arte poetica contendisse^e, et obtenta victoria tripodem in monte Helicone posuisse dicitur^f, quanquam certamen illud, quod hodie fertur, totum forte confictum esse viris doctis negandum non esse putemus^g. Inter huius vero poetae poemata; quorum nitidam editionem cl. Io. CLERICO^h debemus, celebratissimum *Θεογονίας* carmen est, in quo originem Deorum γεννητῶν, siue potius partium mundi magnorumque virorum ortus et natales allegorico generationis Deorum habitu exponit, laudatus ideo multis veterum, a quibusdam vero ideo vituperatus. Narrat enim LAERTIVSⁱ finxisse Pythagoram: vidisse se animam Hesiodi apud inferos vinculis adstrictam columnae aerae, stridentemque propter ea, quae de Diis finxerit; itemque^j, Xenophanem Colophonium in elegiis suis et Iambis perstrinxisse ea, quae Hesiodus de Diis scripserat: cum e contrario Stoici, et in his principes sectae Zeno atque Chrysippus hanc theogoniam interpretati fuerint, eamque, ut et Orphei, Musaei aliorumque fabulas ad rerum naturam, teste CICERONE^k accommodauerint. Alios theogoniae interpretes recenset FABRICIVS^l, qui historiam literariam poetae celeberrimi diligenter enarrat, qui etiam de astrologia, quam Hesiodo quidam veterum tribuunt^m, videndus est. Quae vero de medica Hesiodi eruditione . . . apud

^b) Conf. cel. MOSHEIM ad h. l. Cudworthi not. 5.

^c) Conf. SVIDAS in Hesiodus T. II. p. 18. TAN. FABER abregé de la vie de Hesiode.

^d) De poetar. hist. dialog. II.

^e) Vid. HENRIC. DODWELLVS de cyclis Graecorum diss. III. qui certamen ad Olymp. XXIX. refert.

^f) GELLIVS L. III. c. II.

^g) Conf. FABRICIVS Bibl. Graec. Vol. I. p. 371.

^g) Amstelod. 1701. 8.

^h) Lib. VIII. f. 21.

ⁱ) Lib. IX. f. 18. SEXT. EMPIRICVS adu. Mathematicat. L. I. f. 289.

^j) De nat. L. I. c. 36. et L. II.

^k) l. c. p. 378.

^l) PLINIVS L. XVIII. c. 25. Scholiastes ARATI ad. v. 255. Supposita esse ATHENAEVS quoque L. XIII. v. 491. innot. Recte veteres ἀστρονομίας καὶ Ἡσιόδου mathematicis opponunt.

apud PLVTARCHVM " dicuntur, nihil aliud euincunt, quam Hesiodum ab ea cognitionis physicae parte non imparatum fuisse, quae victus et diaetae rationes exponit: cuius vestigia passim in eius carminibus deprehenduntur. Qui etiam ex poemate, quod *opera et dies* inscribitur, perfectum ethicae atque oeconomicae opus exsculpunt ^o, antiquitatis praeiudicio impediti, quid ad philosophiam moralem et oeconomiam pertineat, non expendisse videntur.

§. XXVI. Theogoniae itaque Hesiodeae potissimum ratio habenda *Theogonia Hesiodea.* eiusque argumentum excutiendum est. In quo tamen difficillimus labor ponitur. Nam et ipsa genealogiarum istarum conditio admodum obscura est atque impedita, et dum ab aliis abit Hesiodus, vix intelligi potest, quid ista Deorum generatione sibi velit. Deinde recte quoque reprehendit in Hesiodo BURNETIVS ^p, eius theogoniam admodum confusam esse, quoniam bis orditur a chaos, prosequiturque rerum familiam ordine poetico magis, quam philosophico: nempe recenset primo res inferiores, chaos, terram, tartara; deinde res superiores chaos, noctem, aethera, et amorem vtrisque communem. Multa quoque fictionis causa addidit, ex solo poetae ingenio, res poetica elegantia exornante profecta, quae ad ipsum theogonias systema, vel mundi ortum atque historiam non pertinent; et videtur quoque Hesiodus diuersos theogoniarum auctores secutus talia conflauisse in vnum, quae ex mente auctorum suorum diuersa sunt, nec satis inter se cohaerent. Desinemus itaque mirari, si in explicanda theogonia Hesiodea aqua nobis haereat, nec talis obscuro argumento lux queat affundi, quae omnes tenebras dispellat. Ita vero theogoniam suam ordinat Hesiodus, abiectis iis, quae ornatus causa adiecisse recte putatur, et inter figmenta poetica recensenda sunt ¹:

I. Initio et ante omnia chaos fuit ^r.

II. Postea tellus extitit, et tartara tenebricosa in recessu terrae spatiosae.

III. His adfuit amor, pulcherrimus inter immortales Deos.

IV. Ex chaos erebus, nigraque nox editae sunt.

V. Ex nocte porro aether et dies prognati sunt, quos peperit, ubi concepisset, crebro amore mixta.

VI. Tellus primum genuit parem sibi, coelum stelliferum, montes altos, atque pelagus.

VII. Postea cum coelo concumbens, peperit oceanum.

VIII.

n) In conuiuio septem sapientum.

o) HEINSIVS in Introd. in Hesiodi opera et dies, quem secutus est BORRICHIVS, recte virumque notante et ad *αὐτοψίαν* prouocante celeberrimo STOLLIO Intr. in Hist. lit. P. II. c. 5. §. 66. P. III c. 6.

p) Theor. tellur. L. II. c. 7. p. 129. conf. Histoire vniuerselle p. 79. MOSHEIM ad CUDWORTHVM p. 281. n. 57.

q) Haud obscure prodit. id ipse HESIODVS, v. 26 seq. canens:

Ποιμένες ἀγραυλοί, κατ' ἐλέγχεα, γαστέρες οἶον

Ἴδμεν ψεύδεα πολλὰ λέγειν ἐτύμοισιν ὁμοῖα

Ἴδμεν δ' εὖτ' ἐθέλωμεν ἀληθέα μυθήσασθαι.

Pastores in agris pernoctantes, mala probra, ventres
solum

Scimus mendacia multa dicere veris similia

Scimus etiam, quando voluerimus, vera loqui.

r) v. 115, seqq.

VIII. Filios porro et filias; et post hos natu minimum Saturnum.

IX. Porro genuit et Cyclopes superbum cor habentes Bronten, Steropen et Argen, fulminum fabricatores.

X. Alii rursus e tellure et coelo prognati sunt tres filii magni, Cotus, Briareus, Gygesque.

XI. Filii vero ex tellure et coelo prognati suo parenti ab initio infensi erant, et occultabantur in terrae latebris.

XII. Terra filios contra patrem animans Saturnum ad vlciscendam parentis contumeliam commouit.

XIII. Saturnus insidiatus patri falce demessuit genitalia, et abiecit pone.

XIV. Guttas cruentas suscepit terra, et circumuolutis annis produxit Errinnyas et gigantes et nymphas.

XV. Ex reliquis proiectis in pontum, spuma alba orta in qua puella innutrita, quae in Cypro tandem prodiit, hanc homines Aphroditen, i. e. Venerem nominant.

XVI. Venerem comitatus est amor, et Cupido.

XVII. Coelus obiurgans filios Titanas vocauit, et proterviae ultionem praedixit.

XVIII. Nox peperit fatum, Parcam, et mortem, et somnum et agmen somniorum, postea quoque Momum et aerumnam, Hesperidesque et Parcas tres, et Nemefin.

XIX. Postea fraudem enixa est, et amicitiam et inimicitiam, senium et contentionem.

XX. Contentio peperit laborem molestum, obliuionem, praelia, strages, mendacia, periuria.

XXI. Pontus genuit Nereum veracem et iustum, aliosque filios et filias, ex quibus tota tandem Deorum fabularium generatio orta est.

XXII. Ter mille vero sunt Oceani et Tethydos filiae totidemque filii.

XXIII. Thea solem magnum, lunam, auroramque peperit.

XXIV. Styx peperit, Oceani filia, Zelum et Nicen, et robur, atque vim, qui semper apud Iouem sedem habent.

XXV. Phoebe ex Coei lecto peperit Latonam, Asteriamque et haec Hecaten, quam Iupiter Saturnius super omnes honorauit, quae et honores distribuit.

XXVI. Rhea compressa a Saturno peperit Vestam, Cererem, et Plutonem, Neptunum et Iouem Deorum patrem atque hominum.

XXVII. Saturnus vero istos deglutiebat, quod audierat sibi fatale esse, a filio proprio domari.

XXVIII. Rhea vero Iouem filium natu minimum enixa, ex consilio parentum terrae coelique eum recondit in Creta insula, in antro.

His vestigiis tota Hesiodi incedit theogonia, cui plerasque Mythologiae Graecae

Graecae fabulas immiscuit, totumque Deorum et Dearum atque heroum chorum in theatrum quasi produxit.

§. XXVII. Secutum fuisse in hac theogonia condenda Hesiodum *Observationes generales de Theogoniis.* veteres theogoniarum scriptores dubium non est, et facile ex collatis Phoenicum et Aegyptiorum itemque Orphei, Musaei aliorumque vetustissimorum theologorum inter Graecos theogoniis euincitur^s; Ordinem tamen eum instituisse, manifestum est, quem carminis decor requirebat, scopusque in eo totam fabularem Deorum historiam enarrandi patiebatur: quae causa sine dubio est, cur admodum confusa atque obscura sit ista theogonia, et ab aliis dissentiat, ut peruertisse magis veterum de ortu rerum narrationes, quam exornasse merito censeatur. Itaque ipsi Hesiodeae theogoniae lucem accendere tentaturi, necessarium putamus de theogoniarum interpretationibus obseruationes quasdam generales hic afferre, eaque quae passim viri docti, et in his, qui theogoniis intelligendis maximam lucem accenderunt, Viri summi THOMAS BYRNETIVS^t et IOH. LAVRENTIVS MOSHEMIVS^u attulerunt ita vocare in subsidium, ut nobilissima vetustissimae philosophiae pars ex tenebris, si non omnibus, densissimis tamen, extrahatur, et veterum de rerum ortu philosophemata clara fiant. Obseruanda itaque esse non praeter rem censemus sequentia:

I. Theogoniarum scopus et ratio, quam veteres theogoniarum conditores secuti sunt, ante omnia attendenda est. Illi enim cum inter barbaras gentes vetustissima traditione de rerum generatione atque ortu quaedam inaudiuissent, et metaphorico dicendi genere traditiones patrum subobscuras acceperant, cosmogoniam mundi clarius, quam acceperant, enarrare non potuerunt, et accedentibus ingenii proprii fictionibus, cum ad commendandas traditiones *πατροπαράδοτος* plura addidissent, rem in se obscuram et supra captum ingenii humani in scientiarum pueritia versantis, ita reddiderunt implicitam et difficilem, ut dubium non sit, theogoniarum scriptores ipsos non omnia intellexisse, quae de hac re tradiderunt. Hoc qui negat, eum theogoniarum veterum reliquias nunquam inspexisse oportet, adeo enim intricata, confusa et obscura sunt omnia, ut Oedipo opus habeant. *Obscurae sunt.*

II. Ex collatis tamen veterum theogoniis illud dubio omni caret, *Cosmogoniam describunt.* prima earum principia eo tendere, ut rerum naturalium generationem et ortum describant. Habuerunt scilicet vetustissimi philosophi et theologi mundum hunc pro Deo, eiusque partes inter Deos retulerunt. Quod enim PLATO^x olim dixit, *στέρα θεῶν ὁρατὰς καὶ γέννητὰς Deos natos et*

^s) Primos quidem Hesiodum et Homerum fuisse, qui Graecis theogoniam fecerunt, et Diis cognomina dederunt, affirmat HERODOTVS L. II. c. 53. cui recte Orpheum et Musaeum opponit EVERARD. FEITHIVS in Antiq. Homer. L. I. c. 1.

p. 3. et CLERICVS ad Hesiod. p. 3. 37 seq. non dissentiente MOSHEMIO ad Cudw. p. 281.

^t) Theor. tellur. L. II. c. 7.

^u) l. c. p. 226. 281. 599. et passim.

^x) In Timaeo c. 18.

et aspectabiles esse, terramque, interprete CHALCIDIO ^y antiquissimam et eximiae dignitatis Deam, ex eorum numero, qui intra mundi ambitum continentur, Deorum; id inter barbaros quoque obtinuisse supra ostendimus. Ab Aegyptiis vero atque Phoenicibus id ad Graecos delatum, occasionem dedit cosmogoniam in theogoniam mutandi, et initia nascentis mundi, ficta deorum generatione adumbrandi. Id quod recte obseruatum est, viris doctis ^z, cosmogoniae historiam inter theogoniarum fabulas quaerentibus; modus tamen hic adhibendus, nec omne illud, quod in theogoniis occurrit, ad hunc vnum scopum rapiendum est. Hoc enim ubi fit, contortis vbique veterum opinionibus et astutis ingenii interpretamentis veram theogoniarum rationem corrumpi necesse est.

Ortum rerum omnium, et huius mundi confundunt.

III. Intelligi hoc melius potest, animusque ea de re certius conuinci, si probe obseruetur, antiquos theogoniarum scriptores, vniuersitatis rerum historiam cum ortu mundi huius haud semel confudisse, et admissis primis rerum omnium principiis, earumque posito ortu ad nascentis terrae et quae adiacent mundi partium historiam digressos fuisse; qua ratione non potuit non hiatus in describenda vniuersitatis origine oriri; vnde sequitur, non omnia nimis premenda, et ad leges mechanismi, quas hodie ad magnam accuratationem perduxit naturae interpretum solertia, tanta subtilitate expendenda esse, quanta solent, qui inter veteres ingenii sui inuentis gloriam quaerunt, vel hypothesi semel deamatae et admissae inferuire cupiunt. Qua in re varie a viris doctissimis peccatum est, suas inuentiones vetustissimis philosophis nimis confidenter obtrudentibus, cuius exemplum esse potest, qui tamen magna cum eruditione in hoc argumento versatus est, THOMAS BURNETIVS.

Religionem vulgi cum placitis philosophicis conciliant.

IV. Magis adhuc attendendum est sedulo, theogoniarum scriptores vetustissima quidem philosophorum placita physica de rerum initiis atque generatione in sua arua deriuauisse, et pro suis adsciuisse, sed religionem quoque vulgi cum hac theologia naturali siue physiologia in vnum quasi corpus redegisse, et ita conciliaffe, vt fabulas de antiquis heroibus siue Diis gentium veterum imprimis Graecorum, cum physicis temporum illorum scitis componerent, et ita religionem vulgi, cum religione philosophica in concordiam redigerent. Non attendisse ad ea censendus est, quae supra de antiquissimorum inter Graecos philosophorum et theologorum, Orphei, Musaei, Lini et similium docendi et religionem propagandi ratione diximus, qui haec negat. Ea enim dicta mirifice illustrent et comprobant.

Dissentiunt inter se.

V. Factum vero ex hac ipsa causa est, vt theogoniarum conditores inter se dissentirent. Cum enim de rerum naturalium placitis praesertim ista aetate, ubi philosophia adhuc in cunis quasi vagiebat, variae essent sententiae, et vetustissimae traditiones variis interpretationibus explicarentur, non

^y) In Comm. in Timaeum p. 248. Plura huc pertinentia attulit CUDWORTHVS Syst. intell. c. IV. §. 14. p. 263 seqq. et MOSHEMVS ad h. l. not. 7.

^z) BURNET. l. c. p. 128. CUDWORTH. Syst. intell. c. IV. §. 14. p. 260 seqq. §. 32. p. 599 Hist. vniuerselle p. 75. MOSHEM. ad l. c. Cudworthi.

non potuere non, quae illis inaedificabantur theogoniae inter se diuersae esse, et varie rerum ortum referre. Idem de vetustissimis carminibus, quae antiquissimorum heroum res canebant, credendum est; quae varia fuisse, et deorum istorum acta varie retulisse, fragmenta hodie obuia satis docent. Cum itaque et haec cum naturae interpretatione coniungerent theogoniarum auctores, necessario accidit, vt illi inter se varie dissentirent. Qua de re qui conuinci cupit, fragmenta veterum theogoniarum inter se componat, et luculenta obseruationis huius exempla inueniet. Quae cum ita se habeant, palam est, frustra agere, qui theogonias veteres ad vnum tantum systema physiologicum adplicant, et iisdem vbique fundamentis inniti putant, sed excutiendum est prius, quibus dogmatibus physicis illi adhaeserint, vel saltem quae in ea gente physiologia fuerit recepta. Aliter enim doctrinam de natura rerum Persas, aliter Aegyptios, aliter Phoenices, aliter Graecos instituisse, neminem latere potest, qui mediocri attentione ea, quae hucusque discussimus, legerit.

VI. Nec vero illud quoque sine attentione praetereundum est, scrip- *Multa fin-*
se theogoniarum auctores omnes oratione ligata, et carminibus argumen- *gunt licentia*
tum nobile exposuisse. Cuius potissima ratio fuit, quod antiquissimi theo- *poëtica.*
logi ad commendandam vulgo religionem et sapientiam diuinae poëseos elegantia vterentur, quo scilicet verborum dulcedine, et fabularum iucunditate animi, a tristioribus et seuerioribus sapientiae praeceptis abhorrentes caperentur, et imprimis allegoriarum beneficio, reconditae doctrinae ita propagarentur, vti res illorum temporum atque circumstantiae postulabant. Cuius rei vel vnus Orpheus, et quae de eo dicta sunt, satis nobis testimonio esse potest. Effecit vero hic scribendi modus, vt multa ab auctoribus theogoniarum immiscerentur, quae ad fictionem tantum carminis pertinebant, et magnificum quendam decorem fabulae acquirebant. Quo imprimis referendae sunt prosopopoeiae frequentes in theogoniarum carminibus occurrentes, affectus, qualitates animi et his similia in personas mutata, et actiones inanimatis rebus adscriptae^a. Quae omnia nisi ab ipso theogoniae vel cosmogoniae potius argumento separentur, miram obscuritatem et confusionem pariunt, nec facile sensus theogoniarum, et nati mundi systema erui potest.

VII. Manifestum ex his omnibus est, certitudinem in explicandis theogoniarum veterum significationibus et quae inde confici solent systemati- *Difficiles et*
bus promitti non posse, et maiores esse difficultates, quam quae, adhibita li- *incertae sunt*
cet non mediocri attentione et industria, tolli omnino queant. Id quod *earum inter-*
probe expendendum est, vt non tantum modestiam adhibeamus, et dissen- *pretationes.*
sientium in tam obscuro argumento opiniones et interpretationes, nimis nostris confisi, non contemnamus, sed maiorem quoque verisimilitudinis

Fff 2

gradum

^a) Exemplum exhibent, v. 223 seqq. theogoniae Hesiodae, vbi nox fraudem, amicitiam senium, litem, laborem, obliuionem etc. peperisse dicitur. Quos animi affectus in nascentis mundi

initii inter personas refert Hesiodus, cum non nisi mali originem inter homines primigenios sefferentis et ex materiae qualitate oriundi indicent. Talia inter Orphica etiam occurrunt.

gradum non quaeramus, quam res ipsa patitur. In qua ad quandam rei notitiam suis verisimilitudinis gradibus nixam ut perueniamus, ea in Graecorum theogoniis probe excutienda esse putamus, quae 1. ad vniuersitatis rerum ortum et prima rerum omnium exordia, 2. ad nascentis mundi siue globi potius terraquei, coelique ortum, 3. ad origines magnorum heroum, inter Deos relatorum, quorum acta theogoniis illata religionem popularem cum placitis philosophorum conciliandi occasionem dederunt, referenda sunt, et quae 4. a poetis addita sunt ingenii fabulaeue causa. Ex his enim theogonias constare, vel vna, quae nobis integra superest, Hesiodi fabula de Deorum ortu docet. Respiciemus itaque ad systema physiologicum inter Graecos veteres receptum, et quae historia vetus suggerit, vocabimus in subsidium, tentaturi, an afferre aliquid queamus, quod obscurissimo theogoniarum argumento lucem aliquam foeneretur, saltem doctioribus ansam exhibeat, luculentiora et meliora afferendi.

*Principia earum genera-
lia.*

Chaos et nox.

VIII. Faciunt rerum omnium ortum chaos et noctem omnes fere theogoniarum scriptores: id quod longa inductione probari posset, nisi ex supra dictis esset euentissimum. Cum enim omnium per vniuersum orbem philosophorum sententia, ex nihilo nihil fieri posse ratione ipsa dictante, pro certo statueret, nec principium in se luculentum et verissimum, recte applicaret, ad materiam scilicet rerum magis, quam ad causam efficientem respiciens, chaos aeternam et materialem quasi causam omnium rerum fecerunt. Chaos vero quid illis sit, nemo elegantius expressit OVIDIO, qui luculenter ^b:

*Ante mare et terras et quod tegit omnia, coelum,
Vnus erat toto naturae vultus in orbe,
Quem dixere chaos, rudis indigestaque moles,
Nec quicquam nisi pondus iners, congestaque eodem
Non bene iunctarum discordia semina rerum.*

*An ex nihilo
creatum?*

Sunt ^c, qui per chaos aquam intellexisse, eique rerum omnium ortum adscripsisse theogoniarum scriptores contendunt; sed hoc accurate intelligendum, nec de oceano, siue aqua, quam elementum quartum constituerunt, accipiendum est, sed de aquosa et limosa, siue turbida materiae, omnes seminales rationes in se continentis, congerie, qualem Phoenices descripsisse supra ostendimus. Ab iis enim Graecos vetustissimos theogoniam atque cosmogoniam accepisse, suo loco probauimus. Ex his vero recte inferitur, licet rerum omnium ortum theogoniae describant ad vnam omnes, creationem tamen ex nihilo ignorauisse, chaosque aeternum sibi finxisse. Id quod negat quidem EDMUNDVS DICKINSONVS ^d, qui Hesiodum inter creationis ex nihilo assertores numerat, contendens: Ab Aegyptiis eruditum antiquissimum illum cosmologum Hesiodum, itidem chaos, quo nomine

^b) Metam. L. I. v. 5. conf. GROTIUS l. citando, qui potiores veterum de chaos sententias congestit.

^c) GROTIUS de verit. relig. Christ. L. I. §. 16.

CYD WORTH. Syst. intell. c. I. §. 22. p. 27. quibus praenit Zeno, theogoniae Hesiodicae interpres, teste Scholiaste APOLLONII Argon. L. IV. v. 676.

^d) Physic. vet. et ver. c. XII. p. 199.

mine mundi materiam primam nuncupabat, non aeternam, sed genitam esse tradidisse his verbis:

Ἦτοι μὲν πρῶτις αὖ χάος γέινετ'

Principio quidem factum est chaos.

In consensum vocare potuisset, omnes theogoniarum conditores, qui idem dicunt. Verum inepte ex his verbis infertur creatio ex nihilo; nam nec dicunt, ex nihilo chaos extitisse, nec a causa quadam efficiente fuisse productum affirmant, sed id solum innuunt, ante mundi ortum fuisse chaos, quod contrariam potius opinionem commendat^e. Noctem vero, quam *Quid nox?* adiiciunt theogoniarum scriptores, materiae primariam qualitatem indicare dubium non est, quod lumine omni eam priuatam putarent, et vita quoque atque motu ordinato caruisse censerent. Tenebras enim luce antiquiores esse, non in thegoniis tantum receptissimum est, sed Aegyptios quoque tradidisse, PLVTARCHVS auctor est, referens murem araneum diuinos reperisse honores apud Aegyptios, propter coecitatem, quod tenebras luce antiquiores iis arbitrentur^f. Praeter principia haec passiuam, actiuam quoque, quod chaos mouet, ordinat, disponit, et quae coniungenda sunt coordinat, separatis iis, quae non cohaerent, requiri ad formationem rerum omnium, quilibet, qui primas motus leges intelligit, facile comprehendit. Quale an theogoniarum scriptores admiserint, et formandae ex chao siue materia prima rerum vniuersitati principium actiuum infinitum, intelligens, id est *An Deum admittant?* Deum praefecerint, magna inter viros celeberrimos, nostrae aetatis, qui opiniones veterum rimati sunt, et historiam atheismi condiderunt, controuersia est. Quidam enim, venerando dogmati, de existentia DEI fauentes, non fuisse, contendunt, inter veteres ante condita rerum physicarum inter Graecos systemata, qui Deum, siue mentem summam atque infinitam a formatione mundi excluderent, et scriptores theogoniarum putant, non tam Deum summum negasse, quam supposuisse et de eo, tanquam ente ineffabili, sacrum silentium tenuisse, tradidisse vero, rerum ortum, semel a summo rerum omnium arbitro commota materia, secundum leges motus initium accepisse^g. His quia opponitur^h, Iouem patrem hominumque Deumque ex chao et nocte progenitum, immo totam Deorum generationem ex chao et nocte natam, in thegoniis asseri; rege- runt, hoc, non de summo Deo, sed vel de partibus mundi potioribus et elementis in Deos fabula mutatis, vel de Diis fictitiis et mortalibus, licet immortales sensu certo vocentur, intelligendum esse. Alii veroⁱ in con-

Fff 3

tra-

^e) Conf. MOSHEMVS Diff. de creatione ex nihilo §. II. inserta CVDWORTHII Syst. int. p. 970.

^f) Quaest. conuiu. L. IV. q. 5. Non vero haec sola Aegyptiorum sententia fuit, sed vulgaris quoque complurium gentium traditio, noctem fuisse die priorem, vid. S. R. WOLFVS ad Originis philosoph. p. 180. GROTIUS de verit. relig. Christ. L. I.

^g) CVDWORTH. System. intell. c. IV. §. 14.

p. 276 seqq. Cel. I. IAC. SYRBIUS diff. de origine atheismi. Nec alius sensus videtur esse verborum LACTANTII L. I. c. 5. Hesiodum notantis, quod in explananda rerum generatione non a conditore sumserit exordium, et incognitam veritatem horruerit.

^h) BAYLE Dict. T. II. art. Iupiter not. G.

ⁱ) Conf. quos nominat Ven. REIMANNVS Histor. atheismi. c. XVI. p. 115 seqq.

trariam sententiam concedentes, theogoniarum scriptores inter atheos et impietatis patronos referunt, nec alia rerum ortuum principia ab iis agnita contendunt, quam materiam, et certam quandam eius vim genitricem, motumque nescio quem, materiae insitum, qui homogenea coniunxerit, heterogenea separauerit, sicque vel fortuito materiae motu, vel necessaria agitatione visibilium rerum ortum effecerit, quem amoris et litis siue amicitiae et inimicitiae nomine indigitari contendunt. Admodum vero difficile est, in quaestione magni momenti arbitri partes sumere, et de impietate vel vera vel ficta theogoniae scriptorum sententiam dicere, non solum propter theogoniarum obscuritatem, fere insuperabilem, et dissentientes earum opiniones, quas vno modulo metiri, vniueque pedi adaptare et absurdum et impossibile est: sed et propter verba theogoniarum variam interpretationem admittentia. Sine praeiudicio enim theogoniarum Graecarum, immo barbararum quoque, systemata euoluentes, primo quidem intuitu videbunt, summum rerum omnium creatorem, Deum non exprimi; vtrum vero negetur atque remoueatur, et ex legibus motae materiae cuncta deriuentur? an supponatur, et materiae vim addidisse credatur, nihil certi statui, et diuersas interpretationes admitti posse. Vnde varios quoque quaestionem, de qua disceptatur, sensus admittere posse nemo non videt, quos nisi sedulo et accurate distinguamus, palpabimus magis in tenebris, quam lucem sectabimur. Scilicet de eo accurate dispiciendum est, num 1. vel Deum posuerint ante chaos, eumque auctorem huius fecerint, vel 2. Deum statuerint ex chaos ortum, hocque illo prius et antiquius; vel 3. an Deum et chaos simul admittentes duo in crustauerint principia coaequalia, et independentia, Deum et materiam? 4. vel an Deum fecerint animam materiam et chaos informantem, 5. vel an Deus ex se chaos tanquam ex gremio effuderit, et vel ab aeterno vel in tempore chaos ex Deo emanauerit, necessario fato vel libero voluntatis actu? 6. Expendendum porro est, vtrum formationi mundi ex materia illa prima rudique et indigesta mole intercesserit, ex theogoniarum sententia, mens diuina, an remota ea legibus motus, homogeneorum et heterogeneorum, litique atque amicitiae totum opus adscripserint? vel, si hoc quoque factum, an Deus ideo ab iis negatus fuerit nec ne? et annon abstractione sola, physica mundi formatio secundum leges motus a conditore materiae semel impressas istis cosmogoniis explicata sit? Ad haec enim momenta attendendum eo magis est, in iudicanda theogoniarum doctrina de Deo, quo magis ex singulis diuersissima vnius eiusdemque thesisi sequuntur dogmata. Vt vero istis circumstantiis prolixè theogonias iam adplicemus, instituti nostri ratio non permittit, sed ad peculiarem atheismi historiam referendum est. Vt tamen paucis, quid nobis videatur verisimillimum, explicemus, et quid sequendum putemus, modeste indicemus, sequentia non abs re erit annotasse. I. Adeo Deum materiae siue chaos non praetulisse, et ante illud posuisse

*Explicatio
quaestionis.*

fuisse theogoniarum auctores, vt plane de eo fileant, et chaos tanquam aeternam rerum omnium materiam considerent. Cuius quidem contrariam opinionem tuentur Iudaeus ἐλλήϊζον PHILO ^k, et qui eandem tibiam inflat, auctor Clementinorum ^l, SIMPLICIVS ^m item, et nostra aetate PETRVS PETITVS ⁿ, atque illustris GVNDLINGIVS ^o; contendentes veteres theologos Deum chao praefecisse auctorem atque conditorem, nihil tamen horum persuadebunt cauto lectori, hypothesin virorum laudatorum intrudi veterum placitis, et contorta ingenii acie accommodari obseruanti. Quae enim pro ea sententia afferunt, si admitti debent, emanationem magis vel Stoicam informationem mundi ex Deo et in Deo, quam productionem liberam innuunt, id quod de Hesiodo ipse concessit GVNDLINGIVS. II. Neque tamen in contrarium ruendum atque statuendum est, veteres Graeciae theologos et physiologos Deum summum ex ipso chao deriuauisse. Non negamus, Hesiodum aliosque theogoniarum scriptores Deos ex chao formauisse, eandemque cum hominibus originem iis adscripsisse, nec pollicem premendum putamus CVDWORTHIO ^p qui Iouem apud Hesiodum ex horum numero eximendum putat, eo quod omnium rerum et immortalium dominus vocatur; satis enim diserte innuitur, Rheam compressam a Saturno, Iouem Deorum patrem hominumque peperisse. Verum ad summum ista Deum referri non debent, nec is Iouis nomine insignitur, sed inferiores illi Dii vel partes mundi sunt diuina anima informatae, et inhabitatae, vel magni viri et heroës quos αὐτοχθόνιας crediderunt, et animam diuinam in iis habitasse censuerunt veteres Achiui: qualem fuisse quoque Iouem illum, quem Hesiodus describit, dubium non est, magnum scilicet lateque dominantem regem, quod quia eleganter demonstrauit ^q cel. MOSHEMIVS, ad acutissimum hunc virum lectorem breuitatis causa ablegamus. Ex quibus iudicandum est, quid subtilissimi iudicii viro PETRO BAYLE ^r respondendum sit, theogoniarum scriptores exagitant, quod Diis ortum ex chao et oceano tribuerint, id quod etiam cl. CLERICVM induxit, vt theogoniarum scriptores materialistis, sit venia verbo, accenseat, non procul discedente ven. WOLFIO. A cuius tamen sententia ^s III. discedendum quoque esse putamus, coniicientis, latere in theogoniis, maxime Orphei et Hesiodi, vestigia duplicis principii. Ex chao quidem mali originem, bella, lites, morbos, et his similia deriuare Hesiodum, ex adducto theogoniae eius specimine negari nequit: non tamen inde inferri potest, independens et absolutum principium, Deo contra distinctum theogonias ponere, materiam enim ex Deo originem accepisse, et tamen malo originem dedisse philosophis quibusdam non absurdum visum fuit: qua in re exemplo esse possunt Platonici iuniores, qui non ob-

stante

k) De mundo incorruptibili p. 941.

l) Homil. VI. § 3 T. I. PP. Apoll. p. 671.

m) In Physic. Arist. L. IV.

n) Obseruat. miscellan. c. XII. p. 52.

o) Gundlingian. P. XXXII. Obl. 5. p. 193.

p) Il. cc.

q) Ad CVDWORTHII Syft. int. c. IV. §. 19. p. 430. n. 19.

r) l. c.

s) De Manichaeismo ante Manichaeos §. XXVII. p. 108.

stante materiae imperfectione, materialitatem ex Dei gremio deriuauerunt, itemque Cabbalistsae, quibus mali daemones, spiritusque materiales, cortices Dei, ex quo eos effluxisse putant, vocantur. IV. Nec eorum quoque sententiam verisimilitudinem gignere putamus, qui amorem, quem chaos formasse veteres theologi dicunt, Deum summum, siue mentem diuinam indicare contendunt. Multum ingenii et eruditionis in ornanda hac opinione adhibuit doctissimus CVDWORTHVS⁷⁾, ita tamen, vt attento lectori eam non facile commendet. Quod si enim recordamur, poëtas fuisse, qui istas theogonias scripserunt, eosque, (quod supra iam monuimus) rerum naturalium principia, ex quibus omnia orta sunt, in Deos transmutasse, cadent omnia, quae vir eruditus affert, argumenta, quibus sapientiam, consilium, rationem, vim diuinam aliaque diuinitatis attributa amoris huic tributa esse monens, ex iis euinci posse putat, ad mentem diuinam eum esse referendum. Accedit, quod vnum ad euertendam hanc opinionem sufficere putamus, amorem non magis, quam reliqua rerum naturalium principia, Orpheum, vel quisquis est theogoniae Orphicae conditor, Hesiodum, Aristophanem aliosque theogoniarum auctores, ex chaos deriuare, licet generationem horum principiorum alii aliter ordinent. Ex quibus omnibus non inuita veritate necessario inferendum est, amorem illum inter principia naturalia relatum nihil aliud esse, quam motum illum materiae impressum, quo partes homogeneae inter se iungebantur, expulsis atque separatis iis, quae aliam naturam erant consecuta, id quod litem quoque atque amicitiam veterum philosophorum significare, suo loco probabimus. Et hunc motum ad generationem rerum summe necessarium ideo exornabant tantis sapientiae, consilii, rationis elogiis, vt cuncta sua lege atque harmonia in gignendis et formandis rebus constituisse, indicarent. Pone vero, amorem principium aliquod intelligens ipsis esse, et vim istam genetricem non sine ratione fuisse, asseruisse; vnde probabimus, quod per eam vim substantiam quandam rationalem summam et a qua reliqua omnia dependeant, indicauerint? Vnde et hanc opinionem relinquendam esse, recte toties nobis laudatus MOSHEMIVS⁸⁾ monuit. V. Vbi vero propius de mente theogoniarum circa doctrinam de Deo nobis sententia nostra enarranda est, id prae reliquis monemus, non esse vero multum dissimile, non omnium eorum, qui theogonias scripserunt, sententiam fuisse eandem, et facile potuisse euenire, vt quidam rerum omnium ortum, vi alicui genetrici materiae inhaerenti, et ab ipsa materia essentia non diuersae, siue spiritui alicui bruto, et chaotico adscripserint, nec alium Deum admiserint. Qualem sententiam hodiernum arridere Iapanensium philosophis narrat ENGELBERTVS KAEMPFERVS⁹⁾. Neque tamen ad multos, vel potiore partem eorum, qui cosmogoniam delinearunt, hoc trahendum existimamus, sed iuxta monitum supra inculcatum physiologia gentium, inter quas theogoniae receptae

7) l. c. p. 281 seqq

8) l. c. p. 283.

9) Hist. Iapan. L. III. c. 1. cuius verba excerptur MOSHEMIVS l. c. p. 116. n. 3.

ptae fuerunt, in consilium vocanda est, eaque repetenda, quae de Aegyptiorum, Phoenicum et Graecorum quoque systemate physiologico supra copiose disputauimus. Ibi vero, nisi fallimur, luculenter demonstraui-
mus, systema emanatium, quod, ex Deo materiam siue chaos ab aeterno emanasse, certoque tum tempore a vi illa diuina, Ioueque ipso, qui in eo fuit, in mundi ornatum formatum fuisse statuit, his gentibus arrisisse. Cum vero ex Aegypto et Phoenicia theogoniae ad Graecos delatae sint, et Orphica theogonia, eundem habitum prae se ferat, rationem non vide-
mus, cur non reliquis theogoniarum scriptoribus eadem sententia placue-
rit? Admisso vero hoc principio, totum theogoniarum systema apte co-
haeret, et ratio dari potest praecipuorum, quae in illis theogoniis latent,
dogmatum, ita vt obscura omnia lucem fortiantur, modo ad eas obserua-
tiones attendamus, quas modo inculcauimus.

§. XXVIII. Quod si itaque, eodem fere modo, quo apud Orpheum, *Systema phy-*
veterum theogoniarum mentem explicamus, I. Chaos statuendum est vel *siologicum*
ab aeterno cum Deo et in Deo fuisse, vel Deo tanquam pars eius, adiecisse, *Theogonia-*
sicque praeter istud chaos Deo quasi grauidum, fuisse nihil. II. Antequam *rum.*
vis illa diuina, vel Deus potius ipse se expanderet, materiamque ex se ema-
nantem, sibiue proximam nouo motu propelleret, cuncta in eo latuisse,
aeternamque rerum omnium noctem chaos pressisse. III. Vbi vero noua
agitatione chaos a Deo commotum fuit, impressum fuisse amorem, siue
motum rerum omnium, et rationum seminalium in chao comprehen-
sum, quo res homogeneae inter se coniunctionem appetere diffociarent
se, quae hactenus confusae latuerant partes heterogeneae. IV. Hunc mo-
tum a Deo materiae ex sinu Dei perpetuo prodeunti impressum ideo ne-
cessario rationalem, atque sapientia et consilio fuisse plenum. V. Ita agi-
tatis et commotis infiniti chaos particulis leuiore ascendisse, descendisse in
infimum fundum, tartaraque grauiore. VI. Dispulsa ita nocte, quae aeter-
na caligine chaos prefferat, ex partibus leuioribus emicuisse aetherem, lu-
cemque, et VII. ex his demum genitum fuisse coelum: VIII. Ex particulis
vero grauioribus mediante motu vique genitrice impressa prodiisse tellu-
rem, quique in terra conspiciuntur montes. IX. Terram vero iunctam
coelo, genuisse pelagus, tum exhalationibus sursum elatis et imbribus inde
demissis, tum defluente, quae terram tegebat aqua, quae in cauitates et con-
uallia montium congregata fuit. Quoniam vero X. hae partes mundi ex
Deo effluxerunt, ideo in se comprehensam aluerunt vim illam diuinam,
quae originis testis esset atque specimen. Hinc XI. enata ex coeli terrae-
que connubio, et aetheris coelestis cum terra coniunctione animalia ratio-
nalia, hominesque. XII. Horum primos atque maximos ex his coeli ter-
raeque filiis magnam insidentis numinis vim possedisse, eiusque diuino in-
stinctu ad magna facinora se accinxisse, beneficiis reliquos homines affecisse
se plurimis, et specimina diuinae originis edidisse egregia. XIII. Eos ita-
que non tantum inter suos magnum nomen et auctoritatem adeptos regna

diuersa erexisse, sed tandem quoque depositis mortalitatis exuviis ad sedes deitatis, vnde effluerunt, quoad partem istam, quae infedit, diuinam et rationalem, fuisse euectos, et immortalitate donatos. XIV. Hosque esse Deos illos, quos populus reueretur. XV. Inita ita societate et excitatis imperiis, affectuum simul cum hominibus ex terra natis prodeuntium tumultu exortum fuisse malum, bella, lites, contentiones, et quaecunque vetustissima historia nobis enarrat. Nihil, quantum coniectura nobis affe- qui licet, in hac tota theogoniarum explicatione est, quod non admissis semel principiis, si non satis apte, (id enim a conditorum theogoniarum ingeniis ruditati nondum penitus ereptis postulandum non est,) verisimiliter tamen cohaereat: nisi hoc vnum veteris physiologiae non satis gnaros offendat, Deos ex terra et aqua, coeli vi foecundante fuisse ortos, heroasque ita, vt fungos natos fuisse. Absurditas quidem opinionis negari nequit, ita vero statuisse veteres, etiam Graecos, dubio caret. Non enim DIO- DORVS SICVLVS modo refert ^y, ex mente Graecorum, qui id ab Aegyptiis didicerunt, terram calore solis ita intumuisse, in extremitate, vt foetus conciperet varios, quorum pelliculis disruptis animi antia prodiisse: sed et variarum gentium iactantia *αὐτοχθόνες* se et ex suae terrae gremio prognatos ostentans satis confirmat, credidisse vetustissimas gentes, homines primum ex terra natos fuisse. Vnde et Graecis *γῆγενής ἄνθρωπος*, et Latinis terrae filius dictus est, obscuro genere natus, quique originem ad natiuitatem e terra referre debet ^z. Gigantes vero ex terra prognatos fabula satis indicat. Non vero obscuri tantum homines terrae filii dicti sunt, sed magni quoque viri, subito et cum virtute apparentes coeli filii vocati, et e coelo delapsi; eo quod vim diuinam in hos homines ex coelo demissam crederent. Et sic Tagen apud Etruscos auguriorum conditorem ex terra subito prodiisse supra docuimus ^a. Alia in re nota non cumulamus. Patet itaque ex haecenus dictis ratio, quomodo heroum vetustissimorum res inter theogonias receptae fuerint, et qua via principia physica nascentis mundi cum religione populari veteres theologi in concordiam redege- rint. Quae cum fictionibus suis ornarent poëtae, et superstitione in Deos verteret, quos theologorum, philosophorum et poëtarum ingenia effinxe- rant, tota ita theogoniarum scena instructa est, quae nisi toti fallimur, ita, quantum in re obscurissima lucis expectari potest, accipit. Caetera quae Hesiodus aliique poëtae habent, veteres historias sine dubio attingunt, quae alibi enarrantur. Noster hac ex parte est *πολυμαθέστατος* MOSHE- MVS ^b, qui cum ad hunc modum theogoniam Hesiodeam in luce posue- rit, adeundus ab iis est, qui magis specialia cupiunt: nobis enim non licet esse tam prolixis.

§. XXIX.

^y) Lib. I. c. 10. p. 18.^z) Conf. ERASMVVS Adag. chil. VIII. p. m. 288. Prou. terrae filius.^a) Germanos quoque ita Deos suos id est heroas ex terra accersuisse, supra dictum est.^b) Ad CΥΠΩΝΤΗ Syll. intell. p. 281 seqq. et alibi passim.

§. XXIX. Nondum absoluius poëtas Graecorum omnes, qui inter *Epimenides*, theologos et philosophos huius aetatis referri solent, sed dicendum adhuc est de EPIMENIDE atque Homero magna nominis fama inter Graecos celebribus. Is Cretensis fuit genere^c, quamuis promissa coma, vultum a patrio more alienum mutaret; patriam alii Cnossum^d, STRABO^e Phaestum faciunt. De parente aequae incerta traditio est; aliis patrem Phaestium, aliis Dosiadem, aliis Agefarcum, aliis Bolum, matrem vero Blastam vel Baltam vocantibus^f. Mira de eius iuuentute referunt veteres^g. Quem rure domum afferre iussu, inuestigando defatigatum ex itinere in speluncam quietis causa diuertisse, et obrepente graui somno, LVII. annos, (alii^h L. vel XL.ⁱ ponunt) obdormiuisse, quo temporis spatio plerique cognatorum morte decesserint. Dehinc expergesactum ad quaerendam ouem denuo profectum, cum eam non inueniret, reuersum esse in agrum, et mutatam rerum faciem attonitum mirantem in oppidum domum parentis rediisse, ibique vix a fratre natu minore iamque vetulo agnitum fuisse atque admissum. Neque hoc vnum mirabile de eo narratur, sed et alia plurima, tanquam de viro Diis proximo et familiari, et supra conditionem hominum posito^k: nihil plane comedisse^l, vel, quod alii tradunt, a nymphis cibum accipere solitum intra bouis vngulam conditum seruauisse, paulumque inde sumfisse^m: exiisse animam e corpore quoties vellet, et rediisse, simulasse ideo eum, quasi saepius reuixeritⁿ. Imprimis vero vaticiniis, non de praeteritis tantum, sed et de futuris fuisse clarissimum, veteresarrant, et varia vaticiniorum exempla referunt^o. Addunt purgasse totas regiones et vrbes, expiatis sceleribus, sicque Athenienses eum magno cum honore Creta aduocantes, peste liberauiss^p, qua occasione aras ignotis Diis positas apud Athenienses originem cepisse, tradit LAERTIVS^q. Inde vero καθαρῆς id est, purgator, dictus est^r. Ideo magni ei honores ab Atheniensibus delati sunt, variaque dona exhibita, decretum talentum et naus, qua in patriam reueheretur: ille vero pecuniam non accepit^s, et paulo post reditum e viuis excessit, vitae annis ad CLVII, vel vt alii CL^t, Cretenses vero mendaces si sequamur CCXCIX, productis. Corpus eius Lacedaemone sepultum volunt; Spartanos enim bello contra Cnossios viuum Epimenidem cepisse, et occidisse quoque captum, quod minime laeta

Ggg 2

prae-

c) LAERT. L. I. c. 109. et MENAG. ad h. l. quosque laudat, et veteres fere omnes, interque eos D. PAVLVS ad Tit. I, 12.

d) LAERT. l. c. VAL. MAX. L. VIII. c. 13. SVIDAS in Epimenides T. I. p. 821. PLINIVS L. VII. c. 52. PAVSANIAS in Atticis p. 35.

e) Lib. X. p. 479.

f) Vid. LAERT. l. c. STANLEIVS Hist. phil. pag. 91. Io. MEYRSIVS in Creta c. IX. p. 236 seqq.

g) Citati PLVTARCHVS an seni ger. resp. conf. MENAG. ad l. c. Laërt.

h) VARRO de L. L. L. VI. p. 65. ed. Steph. TERTVLLIANVS de anima c. 44.

i) PAVSANIAS l. c.

k) PLATO de legib. L. II. p. 642. LAERT. l. c. PLVTARCH. in Solone.

l) Ibid.

m) Ibid. PLVT. in Conuiuio sept. Sap. inde et naturam nihil reddidisse LAERTIVS auctor est.

n) SVIDAS l. c. idem de Aristeia Proconnesio narratur.

o) LAERTIVS, PLVTARCHVS ll. cc. APVLEIVS florid. L. I.

p) LAERTIVS l. c. f. 110. STRABO L. X. p. 479. PLVTACH. l. c.

q) Conf. MENAG. ad l. c. Laërt. r) IAMBlich. vit. Pythag. n. 136. p. 114. PORPHYR. vit. Pyth. n. 29. p. 35.

s) LAERT. l. c. f. 111. PLVT. l. c.

t) Ita varias veterum sententias de annis Epimenidis recenset LAERTIVS l. c.

praediceret, refert PAVSANIAS ⁿ, adiiciuntque alii ^{*}, post mortem pellem literatam, compunctamue literis inuentam esse, ideoque sepositam a Lacedaemoniis, vnde prouerbio locus: *Epimenidea pellis* ⁿ. Multum in hac Epimenidis historia mendacissimis Cretensibus deberi, forte non pauciora astuto et fraudi aptissimo Epimenidis ingenio, et ipsae circumstantiae loquuntur, et ex veteribus viri critico acumine vsi perspexerunt, quemadmodum totam eius historiam incertam esse, ex dissentientibus veterum testimoniis colligitur. Cretenses enim mendaciorum plaustra credulis ingessisse, et portenta finxisse, in vulgus notum est ^z, et veteres fere omnes obiiciunt: vnde quid de eorum fabellis censendum sit, facile iudicari potest. Neque tamen Epimenides ab isto populi sui vitio immunis fuisse recte iudicatur; vitae genere, quod sequebatur, istas imposturas postulante. Fuit enim ex illo hominum numero, qui lustrationibus, incantationibus, carminibus sacris, diuinique cultus peculiari instituto famam atque honores sibi quaerebant ^a, quod sine istis artibus, quae vulgo commercium et familiaritatem cum Diis illis intercedere, persuadebant, et maiora hominibus reliquis eos posse indicabant, fieri non potuit. Hinc somnus plane insolitus et supra omnem fidem excogitatus, nec a vero abludit, quod quibusdam iam suboluisse narrat LAERTIVS ^b, abscondisse se Epimenidem, et in solitudine vixisse, radicibus vitam sustentantem. Eiusmodi enim imposturas non infrequentes fuisse apud veteres, vt inde sibi auctoritatem conciliarent, Zamolxis exemplum supra indicatum probat, et ex iis patet, quae de Pythagora suo loco narrabuntur. Vixisse Epimenidem maxime sobrie, non ab omni verisimilitudinis specie abludit, solebant enim, qui cum Diis familiaritatem iactabant, ieiuniis se ad speciem pietati conciliandam praeparare; fortasse etiam ad ecstases et enthusiasmum promouendum ieiuniis se praeparauit: vix enim aliud, (nisi fabula sit tota relatio) significat, quod tradunt animam ex eius corpore exiisse; idque non obscure PLVTARCHVS ^c prodit, qui de eo: *ἐδύκει δὲ τις εἶναι θεοφιλὴς καὶ σοφὴς περὶ τὰ θεῖα, καὶ ἐιθεσιαστικὴν καὶ τελεστικὴν σοφίαν*, *Habebatur vir religiosus, ac rerum diuinarum peritus, item scientia fanatica ac mystica*; nec negat CICERO ^d vaticinatum eum esse per furorem; vnde, quale illud ieiunium fuerit, facile coniici potest; et probabile est, ad excitandum furorem diuinum fuisse adhibitum: asphodelo vero et malua edulii genus confecisse, et id ori adhibentem totam diem exegisse, idem PLVTARCHVS ^e tradit,

ⁿ) In Corinthiacis.

^{*}) Citati. HESYCHIVS MILESIUS, et SVIDAS in Epimenides l. c.

^y) Oraculi enim monitu seposita fuit, vnde Epimenidea pellis, de rebus sepositis et latentibus conf. MEVRSIVS in Creta L. III. c. 11. p. 238. ERASMVS Chiliad. IV. Cent. II. p. m. 892.

^z) Hinc prouerbiū: Cretissa cum Cretensi; vnde PSELLVS de oper. daem. eis τὸ τεγατέυεσθαι obiicit. conf. MEVRSIVS l. c. p. 233. notum illud, quod ad Epimenidem quoque refertur: Κρήτες αἰὲς ψεύσαι. Tit. I, 12.

^a) Conferenda quae supra de Abari diximus, et LAERT. l. c. f. 112.

^b) l. c. qui non tot annos. sed tempus aliquod eum absuisse ait. SVIDAS verba Laërtii peruertit.

^c) l. c.

^d) De diuinat. L. I. Hinc Curetem nouum vocatum fuisse refert. PLVT. l. c. De Curetibus vero vid. MEVRS. l. c. p. 12. 13.

^e) PLVTARCHVS in conuiu. sept. sap. qui monet Solonem obseruasse, didicisse asphodeli et maluae vsum ab HESIONE; vid. Op. v. 40. et PROCLVS ad h. l. apud MEVRS. l. c. p. 238. 239.

dit, quam viuendi rationem in montana solitudine degens didicisse videtur. Nec vaticinandi rationem magnopere in eo mirandam fuisse, si a mentis sagacitate discedas, vidit ARISTOTELES, qui *non futura eum, sed praeterita tantum, quae obscura essent, patefecisse* affirmat^f. Purgationes vero Epimenidis inter superstitiones Graeciae, quibus vulgus decipi fuevit, referendas esse, nemo dubitauerit, qui legerit, procurationibus, expiationibus ac signis dedicandis vrbes lustrare consueuisse vel ouibus candidis et nigris loco fortuito cum irent, quo vellent, mactatis pestem compescuisse^g; quamquam alii^h Cylonio scelere, sublatis facinoris auctoribus, lustrasse Athenas referant. Certe cum Solon, vir prudentissimus et acerrimi iudicii, etsi cum Epimenide familiaritatem contraxerit, et ab eo legum condendarum rationem edoctus fuisse feraturⁱ, hanc vrbis lustrationem reprehendisse dicatur^k, iustam mouet suspicionem, non fecisse ista superstitione viris prudentibus, nec tam facile decipiendis satis. Praestigiatoribus itaque adscribendus magis esse videtur Epimenides, quam philosophis, qui non ratiocinationis virtute, sed fanatica ingenii astutia nomen sibi maximum comparauit, ita, vt a quibusdam inter septem sapientes Graeciae referretur^l: vnde inter prophetas magis, quam philosophos, praeunte D. PAVLO^m numerandus estⁿ. Scripsit tamen Curetum et Corybantum generationem atque theogoniam^o, vnde colligi potest, physiologiae veteris, in quo argumento theogonias occupatas fuisse, supra meminimus, non fuisse ignarum. Illud sane frustra ad tuendam philosophiae Epimenideae famam afferitur, fuisse Pythagorae vel praeceptorem, vel discipulum^p; neutrum enim, praecipue posterius temporibus quibus vixit atque floruit Epimenides satis congruit^q. Viri tamen docti personam sustinuisse, et eam quidem, quae tum a theologis maxime excolebatur, eruditionem tenuisse scripta eius, quae ei apud veteres tribuuntur, testimonium perhibent; carmine epico enim ea consignauit, et *mysteria atque lustrationes*^r et alia *aenigmatica*,

Ggg 3

et

f) Rhetor. L. III. c. 17. Nec, quae afferuntur futurum vaticinia, praeter aliquam coniciendi sagacitatem aliquid peculiare habent, et ingeniis hominum in historia sequentium temporum complementum quaerentium debentur.

g) LAERT. l. c.

h) Ib. conf. ALDOBRANDINVS ad h. l. et quos laudat.

i) PLUTARCHVS in Solone.

k) SVIDAS l. c.

l) Citati. Alios ex recentioribus laudat FABRICIUS Bibl. Graec. Vol. I. p. 36.

m) Tit. I, 12. conf. GROT. ad h. l. et Intrepretres alii, quos fuscè nominat cel. WOLFIVS Cur. exeg. ad h. l. T. III. p. 555.

n) Medicum quidam faciunt, conf. cl. SCHVLZE Hist. med. Per. I. sect. 2. c. 7. §. 17. p. 167. sed perperam, lustrationibus enim et incantationibus herbisque sacris medelam adhibuit, vnde eum ex medicorum albo rectè elicit CLERICVS Hist. med. P. I. L. II. c. 4. p. 90. hinc scilla Epimenidea, qua vsus in

lustrationibus apud THEOPHRASTVM hist. plant. L. VII. c. II.

o) LAERT. l. c.

p) Prius placuit APVLEIO florid. L. II. p. 358. alterum IAMBlichO vit. Pyth. l. c. et PORPHYRIO vit. Pythag. n. 29. p. 35.

q) Aetas Epimenidis ex lustratis Athenis colligi potest, quod euenisse Olymp. XLIV. SVIDAS XLV. conf. MEVRSIVS in Solone c. 9. EVSEBIUS XLVI. vel XLVII. quidam Laërtii Codices tradunt: Postea enim ad suos redux non diu superfuit viuus, teste LAERTIO l. c. f. III. Pythagoram vero ante Olymp. XLIII. vel potius XLVIII. natum non fuisse, suo loco demonstrabitur; quo vno argumento Platoniorum iactantia, Pythagorae omnes viros celebres vindicantium, confunditur, vnde mirandum cel. FABRICIVM l. c. eis fidem habuisse.

r) Eas in pluribus vrbibus adhibuisse testis est PAUSANIAS in Atticis p. 35. conf. Io. LOMEIERVS de lustrationibus veterum.

et theogoniam, Argus fabricam et Iasonis in Colchos expeditionem^s, quae argumenta ex arcana veterum Graecorum theologorum disciplina ab eo explicata fuisse, omnino verisimile est. Ait etiam LAERTIVS, scripsisse prosa de sacrificiis, de republica Cretensium, et Minoë et Rhadamanto, unde coniiciendum est, a civili atque legislatoria prudentia non fuisse imparatum. Post mortem diuinis honoribus et sacrificiis a Cretensibus cultus est^t, quod in Cretensibus, superstitione alias gentes superantibus^u mirandum non est.

Homerus.

§. XXX. Tandem et HOMERVS in censum vocandus est, qui licet non inter theologos vel philosophos numerandus sit, sed carmine potius epico immortalem famam acquisiuerit, tanta tamen olim eruditionis gloria enituit, ut omnis sapientiae auctor haberetur, omnesque philosophorum sectae ad eum prouocarent, et in partes eum traherent. Ne itaque tantum, quantum iactabatur olim, sapientiae horreum sicco praeteriisse nos pede insalutatum obiici nobis queat, de philosophia quoque Homeri dispiciendum est. Et vitam quidem poëtae prolixè describere nec instituti nostri est, nec labor adeo facilis. Ipse enim nihil, quod ad se pertineret, carminibus suis intertexuit^v; nec, quae hodie extant, vitae Homeri descriptiones, quarum una ad HERODOTVM altera ad PLVTARCHVM, tanquam auctorem, refertur, *νοθείας* suspicionem effugere potuerunt^w. Tantum quoque ea, quae de Homero referunt veteres, quaeque post plurimos alios, qui celeberrimi nominis poëtam intactum non praetermiserunt, elegantiori doctrina vti collegere illustris GISBERTVS CUPERVS^x et diligentissimus LVDOLPHVS KVSTERVS^y, inter se dissentiunt, ut, quid certi de eo statui debeat, vix inueniatur. Temporis enim, quo vixit epocha incerta et vehementer disputata est viris doctis, nec veteres certi quid ea de re afferunt^z: probabile tamen, annis circiter nongentis ante restitutam per Christum orbis salutem floruisse, certe omnibus, qui hodie extant poëtis antiquiorem esse, in dubium vocari nequit. Eadem incertitudine de patria Homeri inter veteres disputatum est, non enim inter Graecos tantum variae vrbes et regiones Homerum sibi vindicarunt, quas VARRO apud GELLIUM hoc versiculo comprehendit:

Smyrna, Rhodus, Colophon, Salamin, Ius (Chius) Argus, Athenae.

inter quas Chius et Smyrna quam maxime de ea re decertarunt, unde et poëta Melesigenes dictus est: sed et exteri hanc sibi gloriam vindicarunt, nec,

^s) Multa de his Epimenidis scriptis egregia attulit FABRICIVS l. c. qui videndus.

^t) LAERT. l. c.

^u) Vid. MEVRSIVS in Creta l. IV. c. 2. p. 197.

^v) Conf. quae notat FABRICIVS Bibl. Graec. Vol. I. p. 253 seqq. qui multa ad historiam Homeri literariam pertinentia affert, et eos quoque nominat, qui celebratissimi poëtae vitam descripserunt.

^w) Ibid. DIONYSIO HALICARNASSEO alteram vindicat TH. GALEVS praef. opusc. mythol.

^x) In eruditissimo coinm. quo consecrationem

Homeri lapidi insculptam illustravit Amst. 1683. 8.

^y) In Historia critica Homeri Franc. ad Viadr. 1696. 8.

^z) Vid. TATIANVS or. ad Graec. §. 49. CLEM. ALEX. Strom. l. I. §. 327. GELLIUS l. III. c. II. l. XVII. c. 21. SVIDAS voce Homerus t. II. p. 692. alique laudati KVSTERO et FABRICIO ll. cc. Ex recentioribus prae aliis videndi VESSIVS de poët. Graec. c. II. p. 8. PETAVIVS Doctr. temp. l. IX. c. 32. MARSHAM. Can. chron. p. 437. DODWELLVS de Cyclis Graec. diff. III.

nec, si verum fatendum, certi quid de patria Homeri statui potest ^a. Parentes incertos esse, vel ipsa poëtae antiquitas, quae subobscuram dubiamque totam eius historiam reddidit, satis innuit ^b: Maeonium senem qui vocant, patrem Maeonem fuisse contendunt ^c. Homeri vero nomen a coecitate datum fuisse, vetus traditio est ^d, etsi alii aliam nominis originem quaerant, coecitatemque eius negent ^e. Vitam eius vagam et in decantandis inter Graeciae celebritates et conuiuia carminibus occupatam ^f, quam tandem apud Ium morbo finiit, enarrare loci et instituti nostri non est; ea enim ad poëtarum historiam pertinet ^g.

§. XXXI. Effecit vero ingens, quam per omne fere tempus consecutus est, Homerus, admiratio, vt inuidiae temporum carmina eius eriperentur, et ad nos integra transmitterentur, quod paucis ex Homeri aeuo, et ante eum nulli datum fuit. Leguntur enim hodie eius *batrachomyomachia*, siue pugna ranarum et murium, licet olim iam de auctore lepidissimi carminis dubitatum sit ^h. *Hymni triginta et duo*, in honorem Deorum, *epigrammata et poëmata varia sedecim*, quorum tamen vtraque, an genuina sint, et Homero tribuenda, olim iam in dubium vocatum est ⁱ: *Ilias* etiam siue poëma celeberrimum de bello Graecorum ad Troiam et rebus gestis heroum Graecorum, Hectoris, Aiakis, Achillis aliorumque, denique *Odyssaea*, siue poëma de erroribus et peregrinationibus Vlyssis ex bello Troiano Ithacam repetentis. In his poëmatibus ordinandis, emendandis, distinguendis plurima fuit veterum diligentia, qua de re, cum ab argumento nostro longius abeat, dicere, superuacaneum existimamus, consulenda vero commendamus, quae plenis cyathis attulerunt CUPERVS ^j, KVSTERVS ^k, FABRICIVS ^l, qui historiam scriptorum Homeri literariam eleganter et diligentissime enarrarunt. Vnum notasse non abs re erit: fuisse inter Graecos, qui veterum poëtarum, praecipue vero Homeri, carmina vel in conuiuiis, vel theatri, cantabant, qui quoniam variis modis carmina Homeri confarcinarent, rhapsodi atque Homeristae dicti sunt, virgamque lauream manu tenuerunt ^m. Hi postea carminibus istis

*Eius gloria
et admiratio.*

a) Integro de patria Homeri libro egit LEO ALATIUS, patriae suae Chio insulae eum vindicaturus: conf. GELLIVS l. c. SENECA ep. 83. KVSTERVS l. c. p. 2. qua ratione numis in Homeri honorem cufis ciuitates certarint, exponit CUPERVS l. c. p. 7.

b) Meles fluvius Smyrnam praeterfluens pater eius dictus, quia natalem locum dedisse putabatur. vid. SVIDAS. l. c. CUPER. l. c. FABRICIVS l. c. p. 258. et quos laudat.

c) SVIDAS l. c.

d) Vid. MEVSIVS ad Hesych. illustr. p. 178.

e) Negarunt coecitatem Homeri ex veteribus CICERO Tusc. Qq. L. V. et ex recentioribus ANDR. WILCKIVS in curatione coeci Homeri, CUPERVS l. c. p. 129.

f) Vid. Vita Homeri HERODOTO tributa c. 9. 12. DIO CHRYSOST. de Ilio non capto p. 143. et ex eo

Io. GEORG. PASCHIVS de var. modis tradendi moralia c. II. §. 9. p. 109. et quos laudat cel. STOLLE Hist. lit. P. I. c. 5. §. 25.

g) Consulendus LIL. GYRALDVVS dial. de poëtis, qui vitam Homeri enarrauerunt GVARINVS, POLITIANVS, CAMERARIUS multique alii.

h) FABRICIVS l. c. p. 263 seq. et quos laudat.

i) Vita Homeri PLVTARCHO tributa conf. IDEM l. c. p. 265.

j) loc. cit.

k) l. c. P. II. sect. I. p. 62 seqq.

l) loc. cit.

m) Conf. omnino KVSTERVS l. c. sect. 4. p. 86 seq. a virgis, quas manu tenuerunt sic vocatos ait SVIDAS in Rhapsodus T. III. p. 254. sed a *ῥαψῳδία*, et confutis poëmatibus dictos fuisse veteres plerique testantur, et ipsa vocis etymologia innuit.

istis cantatis de praemio certarunt^m, sicque Homeri poemata usque ad Indos delata sunt, ubi in lingua vernacula cantata esse refert AELIANVSⁿ. Non vero delectationis causa et ob animi tantum iucunditatem tantam celebritatem consecuta sunt, sed et ad formandos mores, et discendam sapientiam publice commendata maximam auctoritatem sunt nacta. Celeberrimi enim legislatores Lycurgus et Solon publicam eorum lectionem commendarunt^o, bibliothecis vero publicis et priuatis scripta et imagines Homeri, pretiosissimo saepe habitu illatae^p, gentibus extra Graeciam barbaris illa facta acceptissima^q, regibus et principibus in deliciis habita^r, iuuentuti scholasticae tanquam fons omnis eruditionis tradita^s, ipse vero Homerus statuis, numis, sacrificiis, et diuino quoque cultu honoratus est^t, omnibus fere in deferendis poetae honoribus insanientibus; quae dementia nec nostra quidem aetate tota cessauit, quid enim de Homeri super omnes scriptores praestantia inter Gallos acriter nostris temporibus disputatum sit, neminem latet, qui recentiore calleat historiam literariam^u. Nos de eruditione^v, elegantiaque carminum Homericorum non disputamus, ea enim alieni fori sunt, nec an praeferendus sit omnibus poetis, disquirimus^x; sed qua ratione Homerus omnis philosophiae parens dictus sit, expendemus.

Eius philosophia.

§. XXXII. Consentit scilicet totus fere veterum chorus, paucis, qui saniora viderunt, exceptis, Homerum non σοφὸν tantum, sed et ἀρχηγὸν πάσης βαρβάρης σοφίας, ducem atque principem esse omnis barbarae philosophiae, fatente, TATIANO^y; immo omnem, iudice DIONYSIO HALICARNASSENSI^z, eruditionem introductam esse in vitam, καὶ τελευτᾶσαν φιλοσοφίαν, et perfectissimam philosophiam exhibitam esse ab Homero. Eodem modo PHILOSTRATO^a pater et vox sophistarum; STRABONI^b eius ποιησὶς φιλοσόφημα, scriptum philosophicum, audit, et MAXIMVS TYRIVS^c sine haesitatione affirmat, errare eos, qui aut Homerum aut Hesio-

^m) Ibid. p. 93.

ⁿ) AELIANVS L. XII. c. 48. DIO CHRYSOST. Orat. LIII. KVSTER. l. c. p. 93. CVPER. l. c. p. 135. 199.

^o) KVSTER. l. c. sect. II. §. 1. p. 13 seqq.

^p) Ibid. §. 5. p. 21. et ex veteribus PLINIVS L. XXXV. c. 2.

^q) Vid. laudatos not. (u) et de Romanis KVSTER. l. c. sect. IV. p. 32.

^r) Exemplo est Alexander M. qui scripta Homeri sub puluillo semper reposita habebat, et in pretiosissimo scrinio seruabat, vid. STRABO L. XIII. PLINIVS Hist. nat. L. VII. c. 29. de Ptolomaeo Philopatore vid. AELIAN. L. XIII. c. 22. de Augusto SVETONIUS in Aug. c. 84.

^s) ISOCRATES in panegyri. PLVTARCH. in Alcibiad. FABRICIVS l. c. p. 277.

^t) Omnino hic consulenda CVPERI et KVSTERI diligentia, et quae nos diximus in Otio Vindel. Mel. III. §. 6. p. 251. ibique laudati.

^u) Videndi quos laudauimus in Otio Vindelico Mel. III. p. 244 seqq. et plerique historiae literariae recentiores enarratores.

^v) Insana elogia veterum data Homero collegit Io. DVPORTIVS in app. ad gnomologiam Homeri, quorum KVSTERVS l. c. sect. II. III. IV. CVPERVS l. c. p. 1 seqq. BVDDEVS Hist. eccl. V. T. T. II. p. 673. FABRICIVS Bibl. Graec. Vol. I. p. 347 seqq. et quos laudant, conferendi.

^x) Consulendi RAPINVS Comparaison de Virgile et d'Homere. PERRAVLT parallele des anciens et des modernes T. III. p. 329. LA MOTHE discours sur Homere, praefixo versioni Iliadis alique, qui in hac controuersia scripsere.

^y) Orat. contra Graec. p. m. 166. vbi eum Mosi quoque iungit.

^z) Ep. ad Pom.

^a) Vit. Soph. L. II. n. 27. §. 6. p. 620. Ita vero Maximus Tyrius quoque, Hermogenes et Eustathius, quorum loca vide apud CRESOLLIVM theatr. Rhetor. L. III. c. 2. Sophistas vero non nudos oratores, sed et philosophos hic intelligi recte monuit CVPERVS l. c. p. 119.

^b) Geogr. L. I.

^c) Dissert. XIX.

Hesiodum minus, quam Aristotelem Stagiritam, vel Cilicem Chrysippum vel Libycum Clitomachum aliosque σοφόν esse existiment, aut minus in rerum contemplatione excelluisse. Hinc certatim veteres de philosophia HomERICA commentati sunt, inter quos Oenomaus Gadarensis, Porphyrius et Phauorinus, Maximus Tyrius, Aristocles Messenius, Cassius Longinus alique eminuerunt^d; et ex ea quoque causa THEMISTIO dictus προπάτωρ καὶ ἀρχηγὸς τῆς Πλάτωνος καὶ Ἀριστοτέλους λόγων, primus parens auctorque sermonum Platonis et Aristotelis, et MAXIMO TYRIO^e, Plato dictus alumnus Musae Homericæ, licet hunc xraeceptorem recuset. Eadem ratione Soerates Homeri discipulus, non Archelai, dicitur DIONI CHRYSOSTOMO^f, vt alia taceamus. Rem omnem in luce ponit SENECA^g, qui, vt erat acuto ingenio, rem ita eleganter expressit: *Vis scire, quam non ad docendam virtutem considerint? adspice quam dissimilia inter se omnium studia sint; atque similitudo esset idem docentium. Nisi forte tibi Homerum philosophum fuisse persuadent, cum his ipsis, quibus colligunt, negent. Nam modo Stoicum eum faciunt, virtutem solam probantem; modo Epicureum, laudantem statum quietæ ciuitatis, et inter conuiuia cantusque vitam exigentis: modo Peripateticum, bonorum tria genera inducentem: modo Academicum, incerta omnia dicentem. Apparet nihil horum esse in illo, quia omnia sunt, ista enim inter se dissident. Demus illis, Homerum philosophum fuisse; nempe sapiens factus est, antequam carmina vlla cognosceret, ergo illa discamus, quæ Homerum fecere sapientem. Quæ etli insanos philosophiæ Homericæ admiratores potuissent ad maturum aliquod iudicium ducere, tantum tamen abest, vt Platonica Alexandrinorum philosophorum schola philosophiam Homericam reliquerit, vt potius ex eadem disciplina MAXIMVS TYRIVS^h doluerit, philosophiam olim mysteriis et occultis sacris, fabulis item, musica et diuinatione traditam, amictu magnifico postea spoliata, et cuius tanquam scortum prostitutam fuisse, et solum nomen relictum; eoque deuentum fuisse, vt Homeri Hesiodique carmina, totaque antiqua illa Musa pro fabulis habeatur, quæ admiratione in ea digna, negligentur, et Homerus e philosophorum numero eiiciatur ὁ ἡγεμὼν τῆς γένους, philosophorum princeps. Adderemus hic multa, quæ illustris munere et eruditione CVPERVS pro ornanda Homeri philosophia ex veteribus refertⁱ, fabularem eruditionem peculiarem philosophiæ speciem facientibus, nisi ea, quæ hoc capite*

d) Videndus de iis Io. Ionsivs de Script. Hist. philosoph. L. III. c. 7. p. 244.

e) dissert. XVI.

f) Orat. LV. conf. CVPERVS l. c. p. 121. qui absurditatem sententiæ collectis veterum auctoritatibus emollit, eos, qui aliorum ante se mentem egregie percepissent, discipulos et familiares vocantium.

g) Epist. 88. quas vero doctrinas sectæ Graeca-

nicae in Homero quaesuerint, enumerat CVPERVS l. c. p. 126. quem vide.

h) Prooem. Diss. XVI. Ceterum notabilis hic locus vel ideo est, quoniam maxime ea illustrat et confirmat, quæ hoc capite de fabulari Graecorum vetustissimorum theologia et philosophia diximus.

i) l. c. p. 123 seqq. quæcum superioribus a nobis dictis contulisse neminem poenitebit.

capite fufe hac de re attulimus, fatis lectorem conuincere apta effent, qui tamen doctiffimam tractationem lecturus, multa egregia, ethi non fatis ad rem facientia, offendet, vnde ad iucundiffimum librum merito eum remittimus. Nec hoc fufficiebat Homericae philofophiae patronis, in genere tantum ei philofophiam tribuiffe; heros quoque in potioribus philofophiae partibus conftituendus erat. Itaque naturae interpres feliciffimus et MACROBII VOCE ^k, *folus naturae confcius* vocatus eft, licet pulchre viderint, omnia quae de phyfica Homeri eruditione dicuntur, allegoriarum explicationi, faepe frigidiffimae, deberi ^l. Qua arte vfi philofophi, cum Homerum omnis fapientiae auctorem atque conditorem fieri cernerent, allegoriae beneficio doctinarum fuarum praefidia in Homero quaefiuerunt; id quod primum feciffe Metrodorum Lampfacenum, et in his, quae ad naturalem philofophiam pertinent, poëtae studiosum fuiiffe, tradit LAERTIVS ^m. Afferunt hac de re, vt phyficae cognitionis fpecimina edant, varia epitheta, quibus naturam rerum expreffiffe ipsis vifus eft; adeo vero infirma et emendicata funt omnia, vt itis taedium lectori afferre merito nefas ducamus ⁿ. Scilicet facile fabularum explicatione quiduis ex quouis exfculpi poteft, qua in re Eclectica Alexandrinorum philofophorum fchola alios anteuertit, et abfurditate vicit, vnde quae pro phyfica et aftronomica eius eruditione afferuntur, lubentes praeterimus, alibi legenda ^o. Nec virtutis docendae et morum formandorum praeceptorem fuiiffe negant, qui Homerum admirantur ^p, fed praecepta virtutis tanta felicitate inculcasse volunt ^q, vt δαίμωνιον καὶ θεῖον τῷ ὄντι κήρυκα τῆς ἀρετῆς diuinum et a daemone profectum praeconem virtutis vocare non erubuerint: vnde et non priuatae tantum fortis hominibus Homerus magifter morum commendatus eft ^r, fed et regibus magifter datus, vnde PORPHYRIO enata tractatio, *de utilitate, quam reges ex Homero capere poffunt* ^s; inde nullum morum praeceptum, quod non omnium fectarum philofophi in Homero fe vidiffe putauerint ^t. Et vt nihil ad perfectionem philofophiae Homericae defideretur, theologia eius vehementer laudata eft. *Nulla in eius poematibus pars*

k) Saturnal. L. I. c. 12.

l) Videndus PLATO de Republ. L. X. quod negare non potuit CUPERVS l. c. p. 87.

m) L. II. f. II. Ridet hanc infaniam TATIANVS l. c. p. 160. cuius locus dignus eft, qui hic legatur. Ita vero: Certe Lampfacenus ille Metrodorus in libro de Homero prorsus ftolide differuit, nihil non ad allegoriam referens. Nam neque Iunonem neque Mineruam, neque Iouem id effe fatetur, quod exiftimant, qui aedes et lucos illis conftituerunt, fed res quasdam in natura et elementorum digeftiones.

n) Vt exempla habeas fapientiae phyficae in Homero, ecce: columbas vocat timidus, aquilam acerrimam auium, draconem herbas mortiferas edere, cygnos longo collo ornatos, ceruas imbelles, perdicem velocem, mulos fortibus vngulis praeditos, tauros latae frontis, fed piger plura adfcribere, adeo puerilia funt, et indigna viris

doctis. Scilicet ex epithetis aptis, quae Homero non deneganda, phyficam fcientiam colligere infufum eft.

o) CUPERVS l. c. p. 90. qui haec magis pro exonerandis eruditionis et lectionis infinitae thefauris, quam adftruenda rei veritate attuliffe videtur.

p) Ita iam Anaxagoras apud LAERT. L. II. f. II. conf. MENAG. ad h. l.

q) DIO CHRYSOSTOM. Orat. II. de regn.

r) CUPERVS l. c. p. 94. 99. conf. SVIDAS in Homerus T. II. p. 683. et quae ibi ex DIOSCORIDE de Homericis legibus affert.

s) SVIDAS in Porphyri. T. III. p. 158.

t) Imprimis id fecere Platonici recentiores, MAXIMVS TYRIVS, THEMISTIVS, PORPHYRIVS, MACROBIVS. Rationem eius rei ex conditione philofophiae eorum fuo loco explicabimus.

pars absque Diis, sine praefecto, sine imperio, sed omnia diuinis nominibus, omnia diuinis sermonibus, omnia diuinis abundant artibus, si MAXIMO TYRIO ^x fides est: immo talia Deo Ioui tribuisse visum illustri CVPERO ^z, quae a Christiano aliena esse nequeunt: esse potentior omnibus aliis, distribuere diuitias pro sua voluntate; dare sceptrum et iura, impios punire, et *ταρταρωσαι*, frustra esse, sine eo, hominum labores; immo, quod visum quoque IUSTINO MARTYRI ^y, multa ex Mose in opera sua transtulisse; expressisse creationem ex nihilo, paradisum ^z, turrem Babylonicam ^a, deturbatum e coelo diabolum ^b; post inspectos in Aegypto libros sacros vnum solum Deum cecinisse, illumque vocare *θεὸν αὐτὸν*. Habitum denique a veteribus Homerum fuisse theologum antiquissimum, nemine contradicente, eo quod mythice de diis differuerit ^c. Tandem ne quid artium et scientiarum, etiam philosophicarum ei desit, Medicum quoque faciunt, naturamque vulnerum, morborum curationes, herbarumque virtutes intellexisse, eiusque vestigia in carminibus suis reliquisse acriter contendunt ^d. Tantam itaque cum in eo sapientiam et philosophiae scientiam non veteres modo sed et recentiores admirati sint, ignoscendum forte IOSVAE BARNESIO Salomonis sapientiam in Homero deprehendisse sibi viso ^e. Alia exorbitantis in hoc argumento ingenii humani specimina, ne nimis simus, tacemus.

§. XXXIII. Quamuis vero maxima fuerit Homeri gloria, tantaque, *Reprehensio.* quantam inter homines pauci sperari queant, inuenti tamen sunt, qui auctoritatis praeiudicio fascinari se non passi, longe aliter de Homero iudicarunt, et eius laudibus valde detraxerunt ^f. Inter hos Zoilus Ephesius ^g primas partes tenet, quem inter Homeromastigas acerrimum fuisse veteres tradunt. Nec hoc rhetores soli fecerunt, sed et philosophi; Xenophanem enim contra Homerum scripsisse narrat LAERTIVS ^h, qui et de Heraclito ⁱ refert, iudicasse dignum, qui ex theatris eiiceretur, et colaphis caederetur. Maxime vero gloriae Homeri obstat, quod PLATO ^k eum cum reliquis poetis e republica sua eiecerit, fabulasque eorum legi vetuerit. Id quod Platonici sequiores mire, ne Homero noceat, torquent, misere vero et praeter rem; quemadmodum et ea non faciunt satis, quae recentiores in hanc rem frigide afferunt ^l. Respexit enim Plato ad fabulas de Diis, quas tanquam impias reiciebat, etsi carminis elegantiam et antiquam quoque, ad quam pas-

Hhh 2

sim

x) Diff. XVI.

z) l. c. p. 106.

y) In cohort. ad Graecos p. 27.

a) Introductis Alcinoi hortis.

b) Per gigantum pugnam.

c) Per deiectionem noxae vel *ατης*.

d) Pertinent huc, qui orthodoxe de Deo locutum fuisse Platonem censent, de quibus postea.

e) Vid. cel. D. CLERICI Hist. Medic. P. I. L. II. c. 4. p. 88. qui recte dubitat: et quos nominat FABRICIVS l. c. p. 349 350.

f) Vid. CLERIC. Bibl. chois. T. XXII. p. 244.

g) De Homeromastigibus consulendus KVSTERVS l. c. sect. 6. p. 45 sqq. et FABRICIVS l. c. p. 364 sqq.

h) Alii Amphiboliten Macedonium dicunt. Diligenter de hoc Zoilo, more suo differit FABRIC. l. c.

i) L. II. f. 18. SEXT. EMPIR. adu. Math. L. I. f. 289.

k) De rep. L. II. p. 378.

l) KVSTERVS l. c. conf. ad DION. CHRYSOSTOMI diff. LIII. et MAX. TYRII diff. VIII. CASAV. BONVS et HEINSIVS.

sim respexit Homerus theologiam in istis fabulis latentem non prorsus reiecerit. Nec hoc solius Platonis iudicium fuit, sed et LONGINVS ^m, PHILOSTRATVS ⁿ, et Hieronymus philosophus apud LAERTIVM ^o aperte indecoram de Diis fictionem, e medio quippe vulgo desumptam, improbauerunt. De philosophia vero Homeri recte et acute iudicantem SENECA ^p supra audiuius, nullam in eo esse, ubi omnes sectae patrocinium partium suarum quaerunt. Notumque est, non Athenienses tantum quodam tempore multatum Homerum tanquam insanientem, quinquaginta drachmis contempsisse, referente Heraclide apud LAERTIVM ^q, sed et Adrianum atque Caium Romanorum imperatores contemtim de Homero iudicasse et de abolendo eo cogitasse ^r. Recentiori vero, et nostro potissimum tempore, quid viri docti C. PERRALTIVS ^s et ante eum IULIVS CAESAR SCALIGER ^t, DAVID et IOANNES CLERICVS ^u, CHRISTIANVS THOMASIVS ^x aliique ^y in Homero reprehenderint, historiae literariae veteris gnaros non latet.

*Iudicium de
philosophia ei
tributa.*

§. XXXIV. In hac veterum et recentiorum discordia, vt, quid de eruditione Homeri philosophica statuendum sit, quaeque sententia amplectenda, pateat, sequentia probe ponderanda et expendenda sunt, et abiiciendum auctoritatis atque antiquitatis praeiudicium, quod plerosque, viros eruditos, qui in laudando et inter numina referendo Homero tantopere insaniuerunt, in transuersum egit.

I. Aetas Homeri probe consideranda est, quae quamuis incerta et dubia sit, multumque controuersa inter eruditos, certum tamen est, ante Olympiadem vigesimam tertiam, quo tempore eam ponit cl. DODWELLVS ^z, vixisse, nec verisimilitudine ea sententia destituitur, quae Olympia ipsa aetate anteuertisse contendit. Eo vero tempore in incunabulis quasi vagiebant, non eruditio tantum fere omnis, sed maxime quoque philosophia artesque mathematicae; quaeque tunc tradebantur, ad cosmogoniam a parentibus et maioribus acceptam, vti haecenus vidimus, et ad theologiam referebantur. Alia itaque et comitior multo philosophiae facies sequentibus demum temporibus introducta est, artesque et scientiae, imprimis philosophicae, improbo labore, industria, experientia et meditatione plurimorum annorum ad iuuenilem quendam vigorem et maturitatem perductae sunt. Quod etsi de diuino Homeri ingenio, quod ei denegandum non esse, nec tam contemtim de eo iudicandum, quemadmodum Homeromastiges solent, existimamus, satis testatur, qui in rudi illo seculo elegantiam sermonis artisque poëticae, duris licet vitae necessitatibus et circumforaneo vitae genere pressus, in carminibus suis luculenter expressit; conuincit nos ta-

men,

^m) περί ψφους c. 7.

ⁿ) In Heroicis c. II. §. 20.

^o) L. VIII. f. 21. Plura hac de re doctissima tractatione collegit b. OLEARIVS in praef. ad PHILOSTRATI Heroica.

^p) ep. 88.

^q) L. II. f. 43.

^r) PLUTARCHVS et XIPHILINVS in Hadr. SEXTON. in Caio.

^s) loco supra laudato. ^t) Poët. L. V. c. 2.

^u) Ille Orat. IV. hic Art. Crit. T. I. p. 100.

^x) diss. de contentione morum cum iure scripto §. 15. ^y) FONTANELLE dial. des morts dial. V.

^z) l. c.

men, praepostere agere, qui earum scientiarum perfectam cognitionem Homero tribuunt, quae tum infantiam vix egressae erant, et per multos demum annos excultae inter Graecos postea enituerunt.

II. Attendendum porro est ad vitae genus, quod Homerus sectatus est. Illud enim vagum fuisse, atque poetam regiones varias obiisse, et in conuiujs regum atque opulentiorum, et solennitatibus Graecorum quaestus causa carmina sua decantasse, veteres non negant, qui eius vitam descripserunt. Quis in hoc vitae genere, et musae Homericæ scopo quaerat philosophum? quis tantum in eo temporis et otii deprehendat, quantum ad eum scientiae philosophicae gradum acquirendum requiritur, quem Maeonium senem attigisse, Homeri cultores contendunt? Praecipue cum hae scientiae, non natiua tantum elegantissimi ingenii felicitate enascantur, quod arti poeticae accidit, cuius praestantiam ingenio temporique hanc artem diligenter iam propter vsum sacrum excolenti Homerum debuisse fatendum est; sed otium ad meditandum et experientiam quoque consulendam, et multorum annorum studium parentes habeant, quae Homero defuisse, sicque philosophiae discendae occasione fuisse destitutum, quilibet, vel Homero ipso coecior, manibus palpat.

III. Attento quoque oculo ad eos respiciendum est, qui vniuersae eruditionis Graecanicae vestigia in Homero se deprehendisse luculenta sibi visi sunt. Illi enim ad allegoriam confugientes, omnia inuenerunt in Homericis poematibus, quaecunque inuenire cupiebant. Prout enim quis hypothese instructus et ingenio ornatus fuit, ita Homerica quoque carmina arcanum et allegoricum sensum fundere non credidit solum, sed et aliis persuadere conatus fuit. Cuius *Ὅμηρου μανείας* non luculentius specimen dare possumus, quam diuersissimas celeberrimorum Homeri carminum expositiones. Si enim FRANCISCVM BLANCHINVM virum eruditissimum et ingeniosissimum audimus ^a, tota Homeri poësis historicum sensum habet, fictaque fabula, sub Iouis nomine describit regem Aethiopum vel Arabiae, quae tunc Aethiopia orientalis habebatur, atque Aegypti, sub nomine Iunonis regnum Syriae, Neptuni Cariae, Apollinis Assyriae. Qua ratione quoque GERARDVS CROESIVS ^b in *Homeri poësi* sacram oraculorum diuinorum historiam deprehendisse sibi visus est. Alii vero, praecipue philosophi veteres, vt in omnium calculo probato poeta systematum suorum patrocina inuenirent, opiniones suas in eo deprehendunt, et omnium sectarum parens Homerus, ne per somnium quidem de iis cogitans factus est. Id vero omne non aliis machinis, quam allegoriarum contortis explanationibus factum est; cuius, vt exemplum non desit, seruauit nobis tempus HERACLIDIS PONTICI allegorias in Homericas de Deo sententias ^c, quae

Hhh 3 lu-

^a) In historia vniuersali ex antiquis monumentis illustrata, quam Italico sermone edidit, c. 30.

^b) In Homero, Hebraeo, siue historia Hebraeorum ab Homero, Dordraci 1704, 8.

^c) SENECA l. c. et quae supra monuimus. conf. FABRICIVS l. c. p. 348.

^d) Ita quidem inscribitur, sed Heraclidis Pontici Platonici philosophi non esse, et ipsa tractatio

1 Pla-

luculentum specimen exhibent, qua ratione obtorto collo ad omnia, quaecunque modo placuerunt philosophis, Homerus raptus fuerit. Illus enim scriptoris scopus fuit, ea, quae in Homero de Diis improbe conficta videntur, allegoriae excusatione mitigare. Hoc ut obtineat, v. g. solem facit Apollinem, eiusque sagittas in Graecos emissas pestilentes morbos ex sole et a solis calore ortos putat, et futili dissertatione, ut aestate haec contigisse euincat, omnia corradit, tanta cum violentia, ut ad Ilium non totum decennium defedis Graecos, contra Homeri narrationem, contendat, et armorum, quem ille tribuit, sonum, coelestem stellarum harmoniam, et harmonicos radiorum solis sonos interpretetur. Et hac via in aliis quoque Homeri locis exponendis incedit, et Platoni Homerum ex ciuitate philosophica vnguentis delibutum dimittenti succensens alia philosophumena in Homero acute videt. Quae an non quadrata misceant rotundis, Homerumque nobis eripiant, dum in philosophum eum conuertunt, prudentis lectoris iudicium esto. Et hac quoque ratione incessisse Metrodorum Lampfacenum supra obseruauimus, notatque EUSTATHIUS ^e, fuisse, qui non fabulosa tantum, sed ea quoque, quae omnium confessione historica sunt, in allegorias mutarent, quo modo et Platonici recentiores ^f, et IO. BAPT. PERSONA ^g desipuerunt. Certe, si vnquam, in his verum est, quod dici solet, nihil videre, qui nimium videt, vel, quod SENECA dicentem supra audiuius: nihil horum esse in illo, quia omnia sunt; ista enim inter se dissident.

IV. His, ut debent praemissis, iudicium de eruditione Homeri, praecipue philosophica, facile fieri potest. Nam quia incertum est, an historiam narrauerit Homerus, vel totam fabulam poëtica licentia excogitauerit, qua de re Hestiaeae Alexandrina olim disputauit ^h, et qui cetera magnifice de Homero sentit, DIO CHRYSOSTOMVS ⁱ Ilium captum esse negauit, et idcirco Homerus haud semel mendacii reus actus fuit, quique historiam cecinisse credunt, tempus eius *μυθικόν* nominare coguntur, ob fabulas plurimas ^k; sequitur inde, de toto poematum Homericorum scopo incertam esse rationationem; et aequè dubium esse, num allegoriae Metrodori, Procli, Diadochi, Numenii, Heracliti et similium mentem Homeri exprimant, quam, an historiae veteris parens sit. Si quoque ipsa totius carminis oeconomia spectetur, videtur Homerus potissimum argumentum aliquod nobile elegisse, in quo virtutem poëticam, ingeniumque demonstraret, sicque sibi victum et applausum conciliaret, non cogitans, ut vel pietatis, vel philosophiae

^a Platonica philosophia abluens prodit, et Msc. probant Heraclito alicui tribuentes, ut monuit, qui eruditum libellum Opusc. mytholog. inseruit TH. GALE in praef. conf. FABRIC. Bibl. Gr. Vol. I. p. 143. Facit quoque mentionem auctorum multo, quam Heraclides, iuniorum.

^e In prolegom. in Iliada.

^f Conf. HOLSTENIUS in vita Porphyrii. p. 44.

exemplo sint eius Qq. Homericae, et liber de antro nympharum.

^g In noctibus solitariis, s. de iis, quae scientifice in Odyssaea scripta sunt Ven. 1613. 4.

^h STRABO L. XIII.

ⁱ Orat. XI. cui Ilium captum opposuit G. HENR. VRSINVS.

^k Conf. CUPERVS l. c. p. 167. EUSTATHIUS prooem. FABRICIUS l. c. p. 343.

phiae, vel artium praecepta, nisi id *ὡς ἐν παρόδῳ* fiat, inspergat. Vnde magnopere a scopo eius abludunt, qui poëtam, longe aliam gloriam quaerentem, et de ea laurea cum Hesiodo certantem, philosophorum principibus anteponunt.

V. Sit itaque poëtarum omnium coryphaeus Homerus, quod tamen emunctae naris viri negant^l, excludendus sane est ex philosophorum grege, eorumque albo eximendus. Quicquid enim pro demonstranda eius philosophica eruditione affertur, pondus plane nullum habet, cum allegoriarum machina illatum potius sit carminibus Homeri, quam innatum. Mirum itaque non est, sectas Graecorum sibi e diametro contrarias in iis patrocinium inuenisse, et non minus Epicureos quam Stoicos, dogmaticosque quam scepticos Homerum sibi vindicasse: vbi enim semel eiusmodi interpretandi ratio admittitur, facile quiduis ex quouis exsculpitur, et Homerus non minori verisimilitudine cum BORRICHIO et TOLLIO^m in chemicum, quam cum Platonicis in metaphysicum, physicum, ethicum et theologum mutatur. Adeo quoque contorta ea sunt, quae pro incrustando hoc argumento afferri solent, vt apud eos, qui insano antiquitatis et auctoritatis praeiudicio occupati non sunt, eiusmodi difficiles, licet eruditas, nugae recitasse, sit refutasse. Quod ne sine teste atque argumento exemplo dictum sit, speciminis loco vnum alterumue philosophiae Homericæ exemplum adducemus, quod vetus auctor vitae Homeriⁿ, qui ad demonstrandam omniuariam Homeri eruditionem omnes nervos ingenii atque eruditionis adhibuit, attulit, eoque rem egregie demonstrauisse sibi visus est^o. Is vt probet physicam scientiam exacte tenuisse Homerum, contendit: didicisse non Xenophanem tantum Colophonium, sed Thaletem quoque ab Homero: aquam esse rerum omnium principium, quia cecinit:

Oceanus qui cuncta creat, gignitque creata,

addit tamen, terram et aquam principium ponentem Xenophanem magistrum habuisse Homerum dicentem:

Sed vos in terram lymphamque resolver omnes.

Quasi vtraque opinio eadem sit, et significet, in genitalia elementa vniuersitatis cuncta resolui. Quatuor vulgaria elementa statuisset Homerum, inde demonstrat, quod in multis vniuscuiusque eorum mentionem faciat: Qua serie elementa constituta sint, sciuisse, quia terram in inferiore, aethera in superiore loco atque Olympum supra ponat. Iunonis cum Ioue consuetudinem indicare coniunctionem humidæ substantiæ siue aëris, cum ignea siue aethere; diuisione regni inter fratres Neptunum, Iouem, Plutem, aquae, ignis, aëris elementa distributa significare. Terram vero ideo relictam, quamuis quarta pars sit, quod trium elementorum essentia assidue

^l) Virgilium Homero anteponendum esse demonstrauit instituta comparatione RAPINVS conf. PERRAVLT parall. T. III. p. 329.

^m) In fortuitis.

ⁿ) In opusc. mythol. GALEI p. 283 seqq.

^o) Alia ex aliis philosophis exempla interpretationum physicarum Homero tributarum legi possunt apud CUPERVM de apotheosi Homeri p. 89 seqq.

due moueatur, terra maneat immobilis: Olympi vero lucidissimam partem quintam essentiam innuere. Empedoclis amicitiam et discordiam iam statuisse Homerum, canendo de lunone:

*Vado videre feracis latibula terrae
Oceanumque patrem diuorum Thetidaque ipsam,
Magnas inter eos valeam an componere lites.*

Sic et Venerem amicitiam, Martem inimicitiam elementorum naturalium docere; Mundum statuisse vnum, quia dixit, fines terrae esse; Solis naturam intellexisse, quia quaerit; *quis norit aurorae ortum domumque, et radii Hyperionis vnde?* Fuisse gnarum scientiae astrorum, inde probat, quia nominat vergilias, fuculas, nec non magnum Oriona, describit vrsam horizontem non attingentem, Bootem tarde occidentem; neque tamen, fateatur, eius institutum fuisse exponere ea, quae ad siderum contemplationem pertinent ^p. Neptunum porro terrae motorem dicendo, sciuisse causas terrae motuum, quae ex mari deriuandae sint; Ventorum causam intellexisse vocantem vim humectantem spirantium; sciuisse eorum dispositionem, canendo:

*Vna eurusque, notusque ruunt, zephyrusque procellas
Excitat, et boreas fluctus ad sidera tollit.*

Et sic in ceteris quoque instituit, et quaecunque Graecorum schola dogmata physica inuexit, in Homeroprehendit. Quae physicae Homericae demonstratio, an risu vel misericordia digna magis sit, lectori expendendum relinquimus.

VI. Iudicium ex dictis de philosophia morali, quae ex Homeri poematibus exsculpitur, facile fieri potest. Inseruisse passim Homerum carminibus suis sententias ad formandos mores spectantes ^q, virtutumque et vitiorum characteres et exempla non inelegantia expressisse, negari quidem nequit, verum haec philosophum non faciunt, et aliis quoque scriptoribus atque poetis communia sunt, sensuque honestatis naturali enascuntur. Nec adeo sanam esse morum doctrinam, quam sequitur Homerus ^r ex theologia eius Deorumque descriptione, bellis, iurgiis, inuidia, aliisque, quae illis more hominum tribuit vitiis, manifestum est, vnde eum philosophos seuerius philosophantes e coetu suo eiecisse, supra monuimus. Allegoriae vero machinis et contortis verborum captationibus, Aristotelicas et Platonicas, de philosophia morali doctrinas in Homero videre, quod Platonici sequiores, et laudatus quoque vitae Homericae auctor faciunt, ad eum lapidem impingit, ad quem toties lapsa sunt magna ceteroquin veterum et recentiorum ingenia.

VII.

^p) Magis adhuc ineptit PORPHYRIUS qui de antro Nympharum apud Homerum, duo ostia ait esse tropicum vtrumque ascensui et descensui animarum dicatum. Alia huius furfuris vide apud MACROB. L. II. c. 10. et CUPERVM l. c. p. 91.

^q) Collegit eas DYOPORTVS in Gnomologia Homerica.

^r) Conf. cel. STOLLIVS diss. an Homerus fuerit philosophus moralis?

VII. Homeri theologiam valde in suspicionem adductam fuisse, et vapulasse acute cernentibus philosophis, quod impie de Diis locutus sit, supra monuimus. In omnia tamen alia abeunt Homeri admiratores, tum veteres et in his memoratus vitae eius auctor, tum recentiores, inter quos eruditione alios facile vincit CUDWORTHVS, et in id omnes neruos intendunt, vt probent, recte pieque de Deo sensisse Homerum. Non adducemus contorta veterum et imbecillia argumenta, fortius instat Cudworthus, et non tantum testimoniis PLUTARCHI et PROCLI* sed exemplis quoque ex ipso Homero collectis probare conatur, admisisse eum, omnium gubernatorum principem et patrem Deumque hominumque, omnesque ei tribuere notiones demiurgicas: vnde sequi putat, omnium omnino rerum primum creatorem fuisse. Non negabimus viro docto, multa tribuisse Homerum Ioui suo, quae potentiam, auctoritatem, sapientiam indicant, praefecisse eum reliquorum Deorum agmini, locutum fuisse de eo magnifice; vrserunt haec veteres quoque, qui pro pietate Homeri causam perorarunt: attendendum vero esse monemus, ad totam Iouis fabulam, qualem inducit Homerus. Hanc si, prout par est, sequimur, Iupiter patre Saturno ex Oceano genitus est, connubioque Iunoni iunctus. Quae si ad ea exigantur, quae supra de theogoniis vetustissimorum Graecorum diximus, palam est, Homerum se religioni populari accommodauisse, et cum alia omnia, quam Deorum doctrinam, canere instituisset, ea ex vulgi religione et poetarum veterum theogoniis in carmina sua transtulisse, quae poëmatibus rationem postulare credebat. Cum vero magnos viros regesque primos Deos fecerit popularis religio, qualem Iouem quoque in Thessalia monteque Olympo late regnantem fuisse verisimile est, et historia vetus omnem illam Deorum familiam, quam inducit Homerus, genuerit, id quod supra euictum est, concidit omnis de theologia Homeri disputatio, nec religio eius ex poëmate illius potest erui, cum sensus veros de Deo in eo tradere non instituerit, sed se populo, cui canebat, et cuius applausum gratiamque quaerebat, accommodauerit: et quae natura de Deo animo in seuit, vel apud veteres quoque theologos Graeciae dicta erant, cum populari religione tam foede commiscuerit, vt systema doctrinae de Deo cohaerens erui non queat. Quod qui negat, eum talem de Deo cohaerentem doctrinam ex Homero ostendere debere, recte postulat, idque impossibile iudicat cel. MOSHEMIVS. Subductis itaque rationibus, quae allatae sunt, omnibus, non dubitamus Homerum e philosophorum numero excludere, non obstante veterum auctoritate et constanti traditione, quae luculentum exemplum exhibet, ad quae sententiarum et opinionum monstra seducat auctoritatis et antiquitatis praeiudicium.

s) Theologiam Homeri singulari quoque libello persecutus est PETR. LESCALOPIERVS ad calcem Comm. in Cic. de N. D. et b. RECHENBERGIUS pec. diff. Lips. 1679.

t) System. intell. c. IV. §. 19. p. 428 seqq. add. cl. IOH. LAMIVS de S. Trinit. L. I. c. 14. p. 56.

u) Qq. Platon.

Hist. philos. Tom. I.

x) L. III. in Timaeum Platonis p. 96.

y) Vid. Iliad. §. v. 243 seqq. Mirum vero non recordari Homeri admiratores interpretationum suarum per Iouem aetherem explicantium, qua ratione enim, saluis his interpretamentis Homerus orthodoxus esse queat, non videmus.

z) Ad l. c. CUDWORTHII p. 430.



CAPVT SECVNDVM.

DE PHILOSOPHIA GRAECORVM
POLITICA.

§. I.

*Philosophia
Graecorum
politica.*

Quem in modum rudem et inconditi sensus populum Graecorum optimis institutis, et imprimis religione introducta ad rationis vsum, et humanam societatem traduxerint magni viri, quos theologorum nomine honorauit antiquitas, in praecedenti capite ostensum est. Non sufficebat vero musices et artis poëticae dulcedine populum allicere, sicque feros et ad disciplinam ferendam ineptos animos emollire; nec religionis quoque reconditos sensus omnibus patere consultum videbatur; sicque non satis societati, quam instituebant, ciuili prospectum erat, sed legibus quoque, et prudenter constituta republica salus ciuitatis erat promouenda. Huic rei initio ipsi quoque rituum sacrorum auctores se adplicabant, legesque simul et morum moderationem curabant, vnde eleganter HORATIUS^a vtrumque iungit:

*Syluestres homines sacer interpresque Deorum
Caedibus et victu foedo deterruit Orpheus;
Dictus ob haec lenire tigres rabidosque leones;
Dictus et Amphyon Thebae conditor arcis
Saxa mouere sono testudinis, et prece blanda
Ducere, quo vellet. Fuit haec sapientia quondam,
Publica priuatis secernere, sacra profanis
Concubitu prohibere vago, dare iura maritis
Oppida moliri, leges incidere ligno.*

Postea constituta melius societate et ordinata republica, sacra a profanis, et mysteria recondita a publicis ciuitatis regulis atque legibus separata sunt, sicque religionis custodia tradita sacerdotibus, quique arcanis ritibus praefecti erant epoptis, atque hierophantis, leges vero ordinatae a viris prudentibus, et publicae salutis intelligentissimis; qui vbi moderandis rerum publicarum gubernaculis manum admouerunt, non saluberrimis tantum constitutionibus felicitatis publicae viam aperuerunt, sed et prudentissimo moderamine, exemplo recto, vitaeque atque morum innocentia, dictis item factisque prudentiam politicam singularem monstrantibus sapientiae laudem ante alios commeriti sunt. Et haec sapientia Graecorum politica est, quam legibus conditis, et politica prudentia exhibuerunt: inter quos cum viri quidam ingenio acutissimo et imprimis practico pollentes essent, illi sapien-

^{a)} In arte poët.

piantum Graecorum nomen κατ' ἐξοχὴν consecuti sunt ^b. De philosophia itaque Graecorum politica differtaturi, nondum ad philosophiam iusto nomine exornatam et insignitam respicere possumus, sed sapientia Graecorum politica et legislatoria expendenda, et de septem sapientibus Graeciae ea dicenda sunt, quae magnos viros e communi sorte hominum eximerunt, et honorificentissimum nomen acquisiuerunt.

§. II. Inter legistatores Graeciae, (quae etiam propter colonias Graecas ad Italiae inferiorem partem extendi, eoque magna Graecia vocari solet) quorum haud exiguus est numerus ^c, sapientia, auctoritate, legumque austeritate ante omnes alios eminuerunt ZALEVCVS et CHARONDAS. Zaleucus Locrenses Epizephyrios primus omnium legibus instituit ^d, et seuerissima disciplina rempublicam ordinauit, inter vetustissimos Graeciae legistatores atque sapientes numerandus. Is origine obscura natus, et vitam pastoritiam agens seruus quidem fuit, sed ob ingenii acerrimi praestantiam et insignia merita libertatem consecutus ^e, Locrensi rempublicam ita legibus ornauit ^f, vt licet tristiori et seueriori habitu essent introductae, respublica tamen Locrensi gloriam εὐνοματίας adipisceretur ^g. Hanc legislatoriam prudentiam a Pythagora in his terris scholam aperiente didicisse veterum quidam, imprimis Platonici ^h asserunt, sed contra omnem veri speciem, cum non tantum ab aliis aetas Zaleuci supra Pythagoram longius extollatur ⁱ, sed et ante Pythagoram Locrenses legum gloria celebres fuerint ^k. Fecitque sine dubio fabulae auctoritatem, quod moderatores rerumpublicarum in magna Graecia, qui ex disciplina Pythagorae prodierant, legibus ita constitutis ex Pythagorae fama atque celebritate auctoritatem quaererent, et similitudinem institutorum iactarent, qua ratione etiam Numam Romanorum regem inter Pythagorae discipulos foedo ἀναρχονισμῷ numeratum fuisse, supra dictum est. Non itaque disciplinae Pythagoricae, quam aetate, ipso PORPHYRIO ^l prodente, anteuertit, sed proprii ingenii acumini et industriae suae debuit, quas ex consuetudinibus legibusque non scriptis, Cretensium, Atheniensium et Spartanorum, optimas leges praescripsit, et poenas arbitrio iudicum antea permissas, lege definiuit ^m. Adeo vero seueram disciplina fuit Zaleuci, vt non tantum vinum extra medici praescriptum bibere vetaret ⁿ, sed et adulteros oculorum effossione puniendos

Legistatores.

Zaleucus.

lii 2

consti-

b) Repetenda hic sunt, quae in prolegomenis de significatione vocis σοφός, apud veteres, diximus.

c) Catalogum praecipuorum legistorum in scriptis veterum memoratorum exhibet diligentissimus FABRICIUS Bibl. Gr. Vol. I. p. 528 seqq.

d) CLEM. ALEXANDR. Strom. L. I. p. 309.

e) SVIDAS in Ζάλευκος T. II. p. I.

f) A Minerua sepe infomnium accepisse more veterum legistorum iactabat CLEM. ALEXANDRIN. l. c. p. 352. VAL. MAX. L. 2.

g) Vid. laudati FABRICIO l. c. p. 515.

h) DIODOR. L. XII. p. 84. SENECA ep. 90. LAERT. L. VIII. c. 16. PORPHYR. vit. Pythag.

n. 21. p. 30. IAMBlich. vit. Pythag. c. VII. n. 32. pag. 25.

i) DEMOSTHEN. Orat. adu. Timocrat. p. 469. EVSEB. in Chron. qui ad Olymp. XXIX. refert. vid. BENTLEIUS ap. diss. de epist. Phalarid. p. 339 seqq.

k) Conf. STRABO L. VI. p. 259.

l) Vid. l. c. n. 56. vbi refert, Locrenses Pythagoram reiecisse, quia nihil haberent in legibus suis quod reprehendi possit. Vnde non demum a Pythagora datas esse constat.

m) STRABO l. c. p. 260.

n) ATHENAEVS L. X. p. 429. AELIANVS L. II. c. 37.

constitueret, cui legi cum ipse filius obnoxius fieret, is sibi, ut filio aliquo modo sine legis fraude parceret, oculum unum, et illi alterum erui passus esse dicitur^o. Tanta quoque seueritate auctoritatem legibus suis conciliavit, ut sanciret^p, qui de legis alicuius sententia differere vellent, hoc facerent in confessu mille virorum, laqueis de collo pendentibus, sicque laqueo gula frangeretur illi, qui male legem explicasse iudicaretur. Ipsum se ferro interfecisse, cum forte belli tempore armatus in concionem prodiisset, quod legibus ipsius capitali supplicio interdictum erat, narrat EUSTATHIUS^q, alii tamen Charondae, alii Diocli Syracusanorum legislatori tribuunt, vixque veri speciem tuetur, videnturque eiusmodi fabellae ad conciliandam tantum legibus auctoritatem apud posteros excogitatae fuisse. Leges eius passim allegari videas, quas tamen supposititias esse non sine acumine contendit RICHARDVS BENTLEIUS^r, vir celeberrimus.

Charondas.

CHARONDAS Catanaeus^s, etiam Pythagorae discipulus fuisse, veteribus traditur^t, etsi aetate superiorem facile alia euincant^u: isque non solum Catanensibus suis, sed et aliis Italiae ciuitatibus per Italiam atque Siciliam leges scripsit, tanto cum applausu, ut numis honoratam fuisse eius effigiem contendat RAPHAEL TRICHETVS DV FRESNE^x, qui diligenter de hoc legislatore egit: contrarium tamen sentiente et aliam numo Catanensi interpretationem adplicante illustri SEAMHEMIO^y. Inter Athenienses primus legibus ciuitatem instituit, post leges a Cerere datas vel a conditore

Triptolemus.

ad Cererem potius relatas, TRIPTOLEMVS, quarum tres Eleusine asseruatas easque antiquissimas refert PORPHYRIUS^z; parentes honorandos, Deos fructibus colendos, animalia non laedenda esse. Eas postea seu nimia vetustate obsoletas, seu reipublicae gubernandae moribusque ciuium formandis non sufficientes DRACO instaurauit et auxit circa Olymp. XXXIX. ciuitate iam constituta^a, quas tanta asperitate atque seueritate tulit, ut Herodicus apud ARISTOTELEM^b dixerit, leges esse non hominis, sed draconis, itemque Demas apud PLVTARCHVM^c, quod sanguine, non atramento leges scripserit. Vnde tristem postea disciplinam magna

Draco.

Solon.

ex parte abrogauit SOLON et mitiores leges posuit, Epimenidis, quod supra vidimus, consilio vsus, consultis quoque Aegyptiorum atque Creten- sium legibus^d, vnde tota Atheniensium Themis a viris doctis passim illustrata^e originem cepit, quam auxerunt postea Clisthenes, Demetrius Pha-

^o) IDEM L. XIII. c. 24. VALER. MAXIMVS L. VI. c. 5.

^p) POLYB. in Eclog. L. XII. p. 920. STOBAEVS Sermon. XXXIX.

^q) Ad Iliad. α. p. 62.

^r) I. c. p. 343 seq. Eius leges Latino sermone collegit Io. WILH. ENGELBRECHT. Lips. 1699. 4.

^s) Vid. laudati FABRICIO I. c. p. 519. not.

^t) IAMBlichVS I. c. SENECA I. c. PORPHYR. I. c.

^u) Pertinent huc dicta de Zaleuci aetate.

^x) In epistola de Charondae effigie in numo

Catanensi expressa. Paris. 1658. 8. et in T. X. thes. Gronou. p. 574. cuius compendium dedit V. cl. PETR. ZORNIVS Biblioth. antiquar. exeg. T. I. p. 105.

^y) De vsu et praestant. numismat. T. I. diff. VII. p. 401. qui imaginem de Sileno explicat.

^z) De abstinentia L. IV. p. 431.

^a) ARISTOT. Politic. L. II. c. 10.

^b) Rhetor. L. II. c. 23.

^c) In Solone.

^d) Olymp. XLVI. AELIAN. L. VIII. c. 10.

PLVTARCHVS et LAERTIVS in Solone.

^e) MEVSIVS in Themide Attica, recusa T. V.

Phalereus, Hipparchus, Pericles, Pisistratus, Sophocles, Theseus, aliique. Lacedaemonios vero salutaribus legibus instruxit LYCVRGVS, nobilissimum inter nomothetas nomen, atque antiquum, quod circa initium Olympiadum effloruit ¹. Is Thaletem Cretensem ², celebrem theologum poetam atque legumlatorem audiuit ³, et Aegyptiorum, atque Cretenfium constitutiones imitatus nouis legibus Spartanorum ciuitatem muniuit, et vt auctoritatem iis conciliaret, eas ad Apollinem retulit ⁴, ita tamen vt nihil vlla lege in alios sanciret, cuius non ipse primus in se documenta daret ⁵, vnde non tantum Lycurgi nomen in prouerbum abiit pro viro honestatis et virtutis tenacissimo, sed et ipsa Spartanorum disciplina tanquam parens masculae virtutis commendaretur. Negandum tamen non est, varia in Lycurgi legibus reprehendisse viros doctos, in quibus plus fortitudinis quam modestiae et iustitiae tributum fuit ⁶. Peculiare est, quod veteres notant, leges suas scripto non edidisse, sed tanquam *ἐντολὰς* Apollinis et sacra oracula Delphis allata memoriae tradendas regumque sub custodia seruandas constituisse ⁷, id quod non ad augendam tantum opinionem de origine diuina et auctoritatem stabiliendam, sed et ad rationem status reipublicae iuuandam comparatum fuit, vt ita integrum reipublicae moderatoribus esset, addere, quaecunque e re publica esse, cognouissent ⁸, sicque notabile hoc exemplum est methodi arcanae, etiam circa philosophiam politicam adhibitae. Solebant autem leges illae decantari, modulos musicos iis adaptantibus Thalete Cretenfi, Tyrtaeo, Terpandro aliisque ⁹. Tandem magna fama celebratae quoque sunt leges Cretenfium, quas Solonem et Lycurgum consuluisse diximus. Eas a RHADAMANTO acceperunt, qui a Ioue se tulisse professus est ¹⁰, moreque vetustissimorum theologorum deos ita reuerenter haberi, et sacro silentio de iis cogitari iussit, vt lege constituerit, ne in iureiurando Deos nominare fas esset ¹¹. Hunc inter Cretenfes imitatus est MINOS, nomotheta itidem inclytus, qui et ipse legum suarum auctorem Iouem esse dixit: et memorabile, quod antrum Idaeum Ioui sacrum extra urbem habuit, quod frequentaret; istis enim antris peculiaria numina praeesse, inque iis Deos peculiari reuelatione voluntatem patefacere multis veterum legislatorum et theologorum iactatum fuit:

Lycurgus.

*Rhadaman-
thus.*

Minos.

l ii 3

fuit:

Theauri Gronouiani, quem tamen fictas Rhetorum leges interdum pro veris accepisse obseruat S. PETITVS Comma. ad leges Atticas. Alios nominat FABRICIVS l. c. p. 527.

f) Conf. IDEM l. c. p. 523. et p. 236 seqq.

g) Distinguendus hic Thales a Milesio de quo suo loco; videndus de eo FABRICIVS l. c.

h) PLVTARCHVS in Lycurgo. STRABO L. X. p. 480.

i) DIOD. SIC. L. I. p. 48. LEBANIVS T. II. p. 497. quem in finem oraculum Delphicum a Lycurgo corruptum fuisse refert POLYAENVS Stratag. L. I. pag. 16. cuius oraculum exhibet THEODORIT. L. X. de cur. Graec. affect. p. 140.

k) IUSTINVS L. III. c. 2.

l) PLATO de legibus L. I. ARISTOT. Polit. L. II. c. 7. PLVTARCH. in Lycurgo, ex recentioribus BAYLE Dict. T. III. art. Lycurgus p. 109 seqq. Hinc effrenis iudicanda licentia ALB. comitis PASSERANI, qui Lycurgum cum Iesu Nazareno comparare non erubuit, quam luculenter detexit, et accurate atque prolixè de Lycurgi legibus disputauit S. Reu. MOSHEM. Theol. mor. P. II. p. 313 seqq.

m) PLVT. l. c. HERODOT. L. VI. c. 57.

n) Conf. ANT. VAN DALE de orig. idololatr. pag. 314.

o) Conf. FABRIC. l. c. p. 524. et quos laudat.

p) STRABO L. X. p. 467.

q) SVIDAS in Δάμπων. T. II.

fuit: quae causa quoque fuit, cur Pythagoras in eo Minoem imitaretur. Qui cum ex hoc profecisse IAMBlichO¹ dicatur, nouum nobis exemplum est, quam impudenter Platonici hi omnes magnos antiquitatis viros ad heroem suum rapuerint. Fuisse enim Cretensium leges ante Lycurgum Pythagora longe antiquiorem, modo audiuius.

Septem sapientes Graeciae.

§. III. Post legislatores Graecorum ciuilis sapientiae et moralis quoque eruditionis laudem SEPTEM VIRI graues et magistratus muneribus inclyti retulerunt, qui solenniori et eminentiori quadam significatione SAPIENTES dicti sunt. Eorum historiam ex veteribus multi tradiderunt, quorum narrationes collegit DIOGENES LAERTIUS², et commentatores eius, inter quos est MENAGIUS, cui STANLEIUS³ suo modo adiiciendus est. PLUTARCHUS quoque conuiuium septem sapientum " nobis reliquit, in quo tamen fabulas veteres de septem sapientibus Graeciae nouis, ut placerent auxit: sic ut libellus, longe alio scopo scriptus⁴, quam ut historiam enarraret, non nisi cautissime sequendus sit. Hos secuti sunt recentiores scriptores plurimi, de quibus quia non sine eleganti eruditione et iudicio exposuit cel. CHRISTOPHORUS AVGVSTVS HEVMANNVS, qui et ipse ἀκριβῶς καὶ πολυμαθεστάτως de his sapientibus egit⁵, lectorem breuitatis causa ad eum remittimus, idque tantum obseruamus, accidisse historiae septem sapientum Graeciae, quod plerisque veterum traditionibus accidere videmus, quae initio simplices atque nudaе, ubi ad posteros propagantur, nouis semper circumstantiis ornantur, comuntur, emendanturque, sicque per aliquot secula propagatae mutantur, ut primam et natiuam faciem aegre agnoscas. Ita enim veterum narrationibus affuta sunt pluri-
ma, ut difficile sit, id, quod verisimillimum est, ex iis omnibus eruere. Occasionem vero enati sapientum Graeciae tituli, quae Damasia Atheniensium archonte Olymp. XLIX. 3.⁶ accidisse dicitur, ita veteres, interprete LAERTIO⁷ atque VALERIO MAXIMO⁸ plerumque referunt. Ionici adolescentes quidam a piscatoribus Milesiis iactum retis emerunt, reti educto, tripus aureus magni pretii extractus est: orta inde contentione, illis piscium se capturam vendidisse affirmantibus, his, fortunam tractus se emis-
se, dicentibus, controuersia demum propter nouitatem rei et magnitudinem pecuniae ad vniuersum eius ciuitatis populum delata est atque placuit Apollinem Delphicum consuli, cuinam adiudicari deberet. Deus respondit:

Occasio enati tituli.

De

¹) De vir. Pyth. c. V. n. 27. p. 21. conf. MEVSIVS in Creta L. II. c. 3. p. 21. L. III. c. 8. p. 161 seqq.

²) Integro L. I.

³) Hist. philos. P. I. qui plerosque veterum locos congeffit, ut Laërtium, quem potissimum sequitur, illustraret.

⁴) T. I. Opp. p. m. 284 seqq.

⁵) Totum enim conuiuium hoc ad inuentiones Rhetorum pertinere, suo loco probabimus, Sym-

positorum enim forma sermones morales eleganter tradidisse Graecos, PLATO, ARISTOTELES, EPICVRVS, ATHENAEVS exemplo sunt.

⁶) Act. Phil. Vol. II. p. 494 seqq.

⁷) Sub eo enim Thaletem hunc titulum accepisse nomenque sortitum refert LAERT. L. I. f. 22. Is vero Damasia alter fuit, qui eo tempore floruit.

⁸) Lib. I. f. 27.

⁹) Lib. VIII. c. 1.

*De tripode ex Phoebō quaeris Milesia proles;
Huic tripodem addico, cui sit sapientia prima.*

Tum Milesii communi consensu Thaleti tripodem dederunt, ille cessit Bianti, Bias Pittaco, is protinus alii, deincepsque per omnem septem sapientum circulum ad vltimum ad Solonem peruenit. Qui et titulum amplissimae sapientiae et praemium ad ipsum Apollinem transtulit. Sapere narrationem hanc fabulam, ideo excogitatam, vt iucunditate circumstantiarum auribus placeret, quilibet haud obesae naris facile subolfacit. Ita enim rebus vetustissimis saepissime accidit, vt mirabilior atque augustior eis facies affingeretur, quo magis veterum ruditas curiosis oculis probaretur. Mirum itaque non est, in referendis historiae circumstantiis vehementer inter se dissentire veteres. Non enim inter eos certa ratione constat, de qua potissimum re disceptatum fuerit? Aureum tripodem fuisse plerique tradunt, VALERIUS MAXIMUS auream mensam vocat, ideo notatus ab OLEARIO et HEVMANNO^d, qui tamen non vulgarem mensam, sed Delphicam, quae tripus dicta fuit, intellexit. Alii apud LAERTIVM^e Φιάλην vocant, et poculum aureum^f. Conciliari tamen possunt ita, vt dicatur, tripodem fuisse craterem, siue poculum tribus pedibus instructum, crateres enim eiusmodi tripodas in certaminibus Bacchi praemium plerumque fuisse, refert ATHENAEVS^g et Hesiodum, in certamine cum Homero eiusmodi tripodem ὠτῶντα auribus vel ansis potius cinctum accepisse, historia certaminis eius narrat. Aureus vero vel aereus fuerit, inter dissentientes veteres^h definiri non potest: certe, si aereus fuit, auratum fuisse, dubium non est, nisi veterum narrationes plerasque reuicere velimus. Occasio porro traditi sapientissimo praemii longe aliter ab aliis, maiorique cum verisimilitudine narratur. Eudoxus enim Cnidius apud LAERTIVMⁱ Euandesque Milesius tradunt, Croesi amicum quendam poculum aureum a rege accepisse, vt illud sapientissimo Graecorum daret, eumque obtulisse Thaleti: alii Anacharsin missum vt cui tradendus sit rogaret; alii a rege ad Pittacum missum tradunt. Sunt, qui dicant, a Periandro ad Thrasibulum Milesiorum tyrannum onustam nauim missam fuisse, eaque cum naufragium fecisset inuentum tripodem a piscatoribus. Alii, vt miscendo humana diuinis augustiorem fabulam redderent, a Vulcano fabrefactum ac pro munere Pelopi datum, cum ille vxorem duceret, demum ad Menelaum peruenisse, raptumque cum Helena ab Alexandro in Coum mare fuisse coniectum, sicque a piscatoribus extractum fabulantur. Inter dissentientes has veteres traditiones ea vero accedit proxime, quam Androni debemus, scriptori graui^k, qui librum de tripode scripsit,

r) Ad STANLEIVM p. 6.

d) l. c. p. 503.

e) l. 28.

f) lb. l. 29.

g) Lib. II. p. 37 seqq. conf. Hist. crit. de la republ.

des lettres T. XII. art. II. p. 273 seqq. HEVMANN. l. c.

h) Conf. MENAGIVS ad Laërt. L. I. f. 82.

i) l. c. f. 28 seq.

k) Videndus de eo IOWSIVS de script. hist.

philos. L. I. c. 8. p. 40.

scripsit^l, in quo refert: Argiuos ἀρετῆς, virtutis praemium tripodam constituisse sapientissimo Graecorum, eumque Aristodemum Spartanum fuisse iudicatum, qui eum concesserit Chiloni. Haec enim mori Graecorum de eruditione propositis praemiis disceptandi sunt consentanea, et simplicem rei historiam, miris postea fabulis auctam et adulteratam nobis exponunt. Cui vero praemium tantum destinatum fuit? plerique adfirmant quidem, σοφιάτω deberi, obscurum tamen est, quid per sapientem tum temporis intellexerint, qui praemium certantibus proposuerunt? Sapientiae enim nomen non philosophis tantum datum esse, sed et omnem eruditionem indicauisse, in prolegomenis pluribus demonstrauius; unde hic per sapientem intelligi virum sententiis ad mores pertinentibus et vitae innocentia excellentem contendit AUGUSTINVS^m. Alii vero et in his Dicaearchusⁿ, neque sapientes, neque philosophos fuisse contenderunt, sed viros συνετὸς δὲ τινὰς καὶ νομοθετικὸς, prudentes atque legislatoria eruditione excellentes. Anaximenes autem poetica facultate eximios fuisse putauit^o. Quod veterum sententiae diuortium satis prodit, ambiguum esse sapientiae nominis hac in re significationem. Vt vero certi quid definiamus in re incerta, illud ex Andronis narratione tenendum est, ἄθλον ἀρετῆς σοφιάτω destinatum fuisse. Ἀρετὴν vero Graeci non virtutem tantum moralem dicunt, sed omnem omnino perfectionem, qua quis excellit^p. Qualis vero ea virtus fuerit, nemo, nisi fallimur, melius vidit Dicaearcho, qui ad eam eruditionem atque sapientiam, qualis eo tempore apud Graecos summa in laude posita erat, et in Aristocratica reipublicae forma eminebat, retulit, et prudentiam legislatariam intellexit. Eiusmodi enim viri prudentissimi, qui cum laude reipublicae praeerant, omnes, praeter vnum Thaletem philosophiae laude inclytum, fuerunt, ne Periandro quidem excepto, etsi Graecis monarchicum imperium vehementer abhorrentibus, valde vapulet et pessime audiat. Qua in re confirmamur PLUTARCHI^q auctoritate, qui πολιτικὴν ἀρετὴν eis tribuit, quemadmodum et Chilon^r, qui ex numero illorum fuit, hanc viri prudentis et rebus publicis admoti virtutem esse dixit, ut ratiocinatione ea praeuideat et comprehendat, quae futura sunt, quae πρόνοια siue prudentia virtutem politicam constituit. Neque vero regulae morum excludendae sunt, in quibus eos Laconica sapientia excelluisse, dicta, quae ipsis tribuuntur, et praecepta morum suadent. Quia vero tripodem certaminis praemium propositum fuisse veteres tradunt, ad certaminum gloriam eo tempore quaesitam omnino respiciendum est. Ea vero in poeticae facultatis praestantia posita fuit, id quod

^l) Apud LAERTIUM l. c.

^m) De Ciui. Dei l. XVIII. c. 25.

ⁿ) LAERT. l. c. f. 40.

^o) Ibid.

^p) Exemplum significationis huius vide apud PLUTARCH. de educ. Lib. c. IV. et Lexicographos passim.

^q) In Solone T. IV. p. m. 147. ubi de iis: Omnino verisimile est, solam tunc Thaletis philosophiam ultra usum se ad contemplandum extulisse, reliquos sapientis nomen a ciuili virtute inuenisse. conf. CICERO de Orat. l. III. c. 34.

^r) LAERT. l. I. f. 68.

quod de certamine Homeri et Hesiodi, Menandris et Euripidis aliorumque poetarum veteribus memorata testantur. Excelluisse verò viros hos sapientes non politica tantum, sed et poetica eruditione, carmina eorum, siue ἀδόμενα, decantari solita, quae eis tribuit LAERTIVS, luculenter euincunt, vnde inter poetas Graecos recte illos retulit VOSSIVS. Nec hoc a more rectorum ciuitatum alienum, quos leges suas carminibus scripsisse et decantando proposuisse, praecedente paragrapho Lycurgi exemplo probauimus. Ex dictis iam, quid de septem sapientibus Graeciae statuendum sit, verisimili inductione facile colligi potest. Nempe, fuisse viros celebres, prudentia ciuili et potissimum legislatoria inter suos nomen atque famam ingentem consecutos, qui vt in omni eruditione ad mores ciuium pertinente excelluerunt, ita arte quoque poetica inclarescentes, de eruditionis gloria dictis atque praeceptis prudentiam moralem atque ciuilem respicientibus proposito tripodis inaurati praemio carminibus decertarunt. Ita enim non temporis tantum illius consuetudo, sed et veterum diuersae narrationes in concordiam facile atque sine violentia redigi possunt. Imprimis vero et hoc ex illius temporis consuetudine repetendum est, morem Graecorum dictis moralibus atque praeceptis ad vitam potissimum ciuilem spectantibus, breui acumine ingenii aciem demonstrandi, non inter Spartanos tantum^w sed in omni fere Graecia, maximam admirationem meruisse. Qualia cum ea fuerint, quae viris his apud veteres dicta tribuuntur, patet non errasse PLATONEM, qui eam ob causam sapientum nomine illos dignos habitos fuisse tradit, refertque eos interdum conuenisse, et Apollini praecepta sua dedicauisse, quae postea in templo eius Delphis inscripta fuerint. Quod si verum est, facile, nos conuincit, fieri potuisse, vt tantam sapientiae celebritatem consequerentur, licet ex triuio petita haec sapientia oculatioribus videri queat. Concurrebant enim ad hanc famam sapientiae tuendam, ingenii praestantia, politica prudentia, dicta atque praecepta ciuilia, et Laconica eloquentia, atque poeticae facultatis praestantia: quibus partibus, si vnam theologiam excipias, philosophiam, siue eruditionem potius Graecorum politicam tum temporis constituisse, tanquam verisimillimum nulli dubitamus asserere. Mirum itaque non est, cum hoc viderint, recteque obseruaerint veterum quidam, deletos ab iis ex Sapientum albo fuisse hos sapientes

s) Plura hac de re memoratu digna congeffit diligentissimus IONSIVS descript. Hist. phil. L. I. c. 16. p. 85. alibi adhuc erit dicendi locus. Conf. GELLIVS L. XVII. c. 4. Obs. Hal. T. III. obs. I. §. 15.

t) L. c. f. 35. 61. 89. conf. ATHENAEVS L. XV. p. 678. et CASAVBONVS ad II. cc. viriusque scriptoris.

u) De poet. Graec. c. 3. w) Vid. PLATO de leg. L. I. p. 519. PLVTARCH. in Apophthegm. Lacon. T. I. p. m. 371 seqq. pluresque alii, qui Laconismum sermonis exposuerunt.

x) Conf. NIC. CAVSIN. pal. eloq. Rom. L. II. c. 14. p. 102 seqq.

y) In Protagora p. 343. conf. PLVTARCH. in Sol. I. c.

z) Singularibus tamen dissertationibus id quod φιλοσοφίας dictum videri potest, explicauit B. BVDDEVS in Sapientia Veterum, s. dictis illustrioribus septem sapientum Graeciae.

a) Aliter visum cel. HEVMANN'o l. c. p. 512. seq. cuius rationes cum nostris lector ipse expendat, atque conferat. Cogitanda temporum ruditas, quibus licebat mediocri eruditione excellere.

b) Vid. laudati LAERTIO L. I. f. 40. CICERO de amic. c. 3. PLVTARCH. l. c. et quae supra hac de re dicta sunt.

Nomina sapientum Graeciae. Myson.

tes Graeciae, quippe qui philosophari eo modo non instituerunt, quemadmodum Thales inter eos coepit, qui quod practicae scientiae speculatiuam iunxisset, maximus et celeberrimus inter eos a multis habitus est. Septem vero, numero viros hos fuisse, constantissima veterum traditio est, varie tamen nomina istorum virorum afferuntur. Et plerumque quidem enumerantur, Thales, Solon, Chilon, Pittacus, Bias, Cleobulus, Periander, vltimus vero a multis Graecis monarchico, quod affectabat, imperio inuis hoc numero excluditur, eiusque in locum MYSON Chenaeus, vel Anacharsis quoque Scytha inferitur. De hoc supra iam actum, ille vero non ex vrbe, sed ex vico, eoque obscuro natus^d, aratro potius curando, quam sapientiae tradendae intentus, Timonis et Apemanti mores solitarios imitatus est, et a vanitate Graecorum mentem conseruauit puram, longe alio sensu sapiens vocandus. Vnde a plerisque, quae ei tribuuntur, dicta Pisistrato adscribuntur, primusque forte PLATO est, qui eiecta ex septem sapientum Graeciae numero Periandro substituit Mysonem^e. Ordine itaque historiam virorum diuerso animi et eruditionis caractere memorabilium expendemus, Thalete ad considerationem sectae Ionicae, cuius auctor et philosophiae Graecae quasi parens fuit, seruato.

Solon.

§. IV. Primus atque prudentia ciuili clarissimus post Thaletem fuit SOLON^f Atheniensis, patre Execestide natus, homine tenuis quidem fortunae, nec magnae inter ciues auctoritatis, nobilissimi tamen generis, quippe qui eius origines a Codro ducebat. Salamine, teste LAERTIO natus est, vbi et sepeliri voluit, a parentibus tamen et domicilii loco Atheniensis dictus fuit^g. Patre, quod PLVTARCHVS refert, nimia liberalitate opibus ita exhausto, vt necessariis etiam destitueretur, mercaturam Solon ad quaerendas vitae necessitates exercuit, ita tamen, vt itineribus negotiorum causa susceptis, ad augendas quoque animi diuitias et experientiam firmandam vteretur. Erat enim in eo insatiabilis discendi et sciendi ardor, sic vt moribundus quoque amicos colloquentes audire et sermones eorum morti proximus intelligere desiderauerit^h. Neque diuitiarum tanta cura, quam discendi, in qua consenescere se dixitⁱ. Prudentiae vero ciuili artique poëticae animum applicuit, versibus condendis adeo iucundus, vt magis, quam philosophum deceat, luxuriatum fuisse obiectum sit^k; in quo tamen ad vitae institutum, quod Solon sequebatur, non respexerunt, qui Solonem ideo reprehenderunt, qui non scholae, sed vitae philosophatus est, et ad ciuitatis, in qua eminebat, mores, et decori rationem se attemperabat, vnde et vitam profusam et mollem ei obiectam fuisse, mirum non est, et si hoc cum

fa-

^e) Inde prouerbiū Thalete sapientior, vid. PLAVTVS Bacch. I. 2. 13. Capt. II. 2. 24. ARISTOTEL. Nub. act. I. sc. 2. CICERO de leg. I. II.

^d) LAERT. L. I. f. 106 seqq. MAX. TYR. diff. XV.

^e) In Protagora conf. Excerpt. Peiresc. p. 235.

^f) Res Solonis ex veteribus imprimis illustrauerunt PLVTARCHVS in Solone T. IV. p. m. 144

seqq. et LAERT. L. I. f. 45 seqq. quae cum aliis veterum locis contulit STANLEIVS Hist. Phil. P. I. p. 28 seqq. qui consulendus est.

^g) Conf. IOH. MEYRSIVS in Solone c. 3. p. 7. qui diligenter res archontis huius collegit.

^h) VALERIVS MAXIMVS L. VIII. c. 1.

ⁱ) PLVTARCH. l. c.

^k) Ibid.

facultatibus, quae ei tribuuntur, modicis vix cohaereat ^l. Hac pangendi carminis felicitate viam sibi ad summam, quam inter Athenienses consecutus est, gloriam inuinit. Cum enim Athenienses, pro recuperanda, quae ad Megarense defecerat, Salamina complurium annorum bellum molestissimum gessissent, adeo eius postremo pertaesum est, ut legem scripserint, capitis poena, ne quis rogationem ferret ad populum de Salamine recuperanda. Haec quia Solon videbat et patriae ignominiosa, et iuuentuti arma mouere cupienti exitiosa, dementiam simulauit; cuius fama cum per urbem emanasset, compositos a se, quos edidicerat, elegos in forum se rapiens, pileatus et coronatus in suggestu praeconis recitauit: tanto cum applausu, ut, incitante populum Pisistrato, ut consilium eius de renouando bello sequerentur, lex abrogaretur, bellumque recrudesceret ^m, quod ducibus Pisistrato atque Solone non sine stratagemate ⁿ ita confectum fuit, ut Athenienses Megarense delerent, Salamina recuperarent, iusque eorum a Solone apud reliquas Graeciae ciuitates, praecipue Lacedaemonios euidenter demonstraretur ^o. Hac via ingentem sibi gloriam comparauit, quam insigniter auxit, postquam bellum ab Atheniensibus contra Cirrhaeos Delphici templi religionem profanantes arte et marte feliciter confecisset ^p. Cyloniumque tumultum extirpatis eius sceleris ministris composuisset ^q. Cum vero ^r ciues in veterem quoque de republica constituenda dissensionem relaberentur, quibusdam democratiae fauentibus, aliis paucorum dominatum praeferebantibus, quibusdam mixtam reipublicae formam probantibus; et imprimis pauperes a foeneratoribus libertate, facultatibus et liberis quoque exuerentur ^s atque opprimerentur, Solonem rei afflictae medicinam afferre posse rati, eum rogauerunt, ut rempublicam capefferet, et ciuium controversias componeret: qua in re etsi anceps haerebat Solon, patriae tamen necessitati se non subtraxit, creatusque fuit archon Ol. XLVI. 3. Hic magno imprimis negotio se applicans, non concordiam tantum inter opulentiores et pauperes restituit, sed ciuitatem quoque a vetere disciplina totam solutam, Epimenide, qui tum urbem scelere Cylonio pollutam expiabat ^t, instigante et consiliis adiuvante, nouis constitutionibus ordinauit, et ubi res tolerabilis erat, nihil mouit, ne respublica misceretur, viresque amitteret omnes, lege publica contractum aes remisit, sicque corpora seruientium per inopiam redemit ^u, populum in classes diuisit,

Kkk 2

^l) Vid. STANLEY I. c. p. 29. versus tamen, quos ex PLUTARCHO I. c. adducit, contemptum magis diuitiarum, quam inopiam innuunt.

^m) Narrant historiam DEMOSTHENES de falsa leg. p. 233. PAVSANIAS in Atticis, PLUTARCHVS I. c.

ⁿ) Vid. POLYAEN. Stratagem. L. 20. PLUTARCHVS I. c. AELIANVS L. VII. c. 9.

^o) LAERTIUS L. I. s. 49.

^p) Omnibus tamen Graecorum copiis praefectus Clisthenes, Sicyoniae tyrannus, cui ut consiliis adesset, iunctus est Solon. PAVSANIAS in Phocicis c. 37.

^q) PLUTARCH. I. c.

^r) IDEM I. c.

^s) Vel rusticas enim praestabant operas, sextantem fructuum pensitantes, unde Hectemorii et Theres appellabantur, vel corporibus oppignoratis duci, ut vellent, a creditoribus poterant.

^t) Haec melius cohaerent, quam EVSEBII, qui in Chron. expiationem urbis Ol. XLVII. 2. et SYLDAE qui XLIV. Ol. accidisse, tradit. Factam esse Olymp. XLVI. refert. LAERT. I. c. De ipsa expiatione urbis supra in Epimenide dictum.

^u) Eius rei memoria peculiari festo celebrata Athenis, quod Σεραγεία, id est, oneris ex-

cussio

fit, et iudicia instituit^x, et optimis legibus rempublicam firmavit, quarum tanta apud ceteros quoque fama percrebuit, ut Romani, teste LIVIO^z mitterent Athenas, qui inclytas Solonis leges describerent. Plurima quoque in iis egregia, laudeque dignissima, etsi sunt quoque aliqua, quae viris legislatoriae prudentiae peritis displicuerunt^a, inter quae immerito refertur^b, quod de Diis nihil sanxerit, eorum enim cultui a Triptolemo iam prospectum fuisse supra vidimus. Accessere et alia instituta, ad dandum legibus robur introducta^c; quae omnia non vi et tyrannide, sed rationibus, obtestationibus, precibus, blanditiisque populo persuasit. Tantumque hac sapientia civili nomen et famam consecutus est, ut ab ultima Scythia Anacharsis atque Toxaris, ut suo loco dictum est, ad eum accederent, amicitiam iungerent, disciplinam eius discerent. Perlatis legibus cum indies adirent, qui de legum sensu et usu moleste eum percunctarentur, ut carpendi licentiam et civium importunitatem euitaret, impetrata venia, ut abesse sibi decennio liceret, conscensa naui primum in Aegyptum delapsus est, ibique cum Psenophe Helio-polita, inter sacerdotes, literatissimo iuncta amicitia Aegyptiacam eruditionem didicit^d, cui Aegyptii Graecam magnopere postponebant^e. Inde in Cyprum nauigavit, regi Philocypro consiliis utilis indeque honoratus, Thaletem quoque inuisit, et reliquos quoque sapientes Delphis et apud Perian-drum conuenisse dicitur, nisi tota illa Sapientum congregatio fabulis adnu-merari mereatur: inter quas et colloquium cum Croeso referendum est^f. Obiit in insula Cypro anno aetatis octogesimo, et, ut iusserat, in patria Salami-ne sepultus, eiusque memoria tum Salamine tum Athenis statua ei posita ho-norata est^g. Inter apophthegmata eius sunt, quae ingenii acumen atque modestam philosophiam omnino sapiunt; carminibus enim sententias infe-ruisse philosophicas, et intexuisse praecepta civilis sapientiae, non ut eam memoriae traderet, sed ut rationes actionum ita traderet, PLVTARCHVS re-fert. Inter istas enim sententias eminent: rationem ducem sequendam, cum malis non congrediendum, praeclara studiose meditanda, mendacium fugiendum, amicitiam seruandam, et quae alia iuris naturalis praecepta sunt, quae tamen philosophum proprie dictum non faciunt. Celeberrimum eius dictum est: Respice finem.

§. V.

cussio vocata, vid. PLVT. I. c. Reuerendissimus POTTERVS arch. Graec. L. II. c. 20. p. 399.

x) Citati. POTTER. L. I. c. 4. p. II. MEYRSIVS in Sol. c. 13. p. 44. STANLEIVS l. c. p. 36.

z) L. III. c. 31.

a) THOMASIVS de Iurispr. iudic. p. 40 seq. conf. Scriptores de legibus Solonis laudati FABRICIO Bibl. Graec. Vol. I. p. 544 seqq.

b) MAXIMVS TYRIVS diff. XXXIX.

c) PLVT. I. c. GELLIVS L. II. c. 12.

d) PLVTARCH. I. c. 10.

e) Notum illud: O Solon Solon, vos Graeci semper estis pueri, Senex vero Graecorum nullus. I. c. Ibi vero legislatoriam prudentiam ex Mosis lege didicisse somnium est HVEYII Dem. Eu. Prop. IV.

c. II. §. 6. p. 52 seqq. iam enim leges condiderat, cum in Aegyptum proficisceretur.

f) Nota historiola, quae Solonem Croesum diuitiis se iactantem felicem reprehendisse narrat, mo-nentem ante mortem neminem beatum dicendum. Quam sententiam in rogo constitutum recordatum ex clamauisse: o Solon Solon, et ita ignem euasisse. HERODOT. L. I. c. 86. NIC. DAMASCENVS in exc. Peiresc. p. 456. et DIONORVS ib. p. 240. Temporis vero rationes non conspirare iam norauit PLVT. in Solone. nec IUSTINVS illa refert L. I. c. 7. Chronologiae tamen difficultatibus mederi studuit MARSHAMVS Can. Chron. Sec. XVIII. p. 625.

g) LAERT. L. I. §. 62. PAVSANIAS in Att. c. 16. AELIAN. L. XIII. c. 16.

§. V. Post Solonem CHILON Lacedaemonius, filius Damageti, famam inter sapientes Graeciae nactus est ^h. Temporis, quo floruit, ratio incerta quidem est; LII. Olymp. enim senem iam fuisse, ait LAERTIVS, ephorumque fuisse Olymp. LV. Pamphila vero apud eundem, circa sextam, ait, ephorum fuisse, primumque instituisse, vt ephori regibus iungerentur, asserit; quae cum duorum seculorum spatium anteuertant, admodum dubiam faciunt Chilonis aetatem. Quam temporum confusionem vt tollant chronologi, subtilem magis quam verisimilem rationem ineunt ⁱ. Nos cum negari non queat, Olymp. VI. ephoros primum creatos fuisse sub Theopompo et Polydoro regibus, CXXX. post Lycurgum annis, et certum quoque sit, Eythydemo apud Athenienses archonte, qui hunc magistratum Olymp. LVI. gessit, Chilonem apud Lacedaemones ephorum fuisse ^k, maiorem numerum in Pamphilaie verbis excidisse suspicamur, et sequentia; καὶ πρῶτον ἐφῶρον γειέσθαι ἐπὶ Εὐθυδήμῳ non ad ordinem ephoriae trahenda esse putamus, sed ita vertenda: fuisse vero prius ephorum constitutum sub Eythydemo, primum vero instituisse vt regibus ephori iungerentur Lycurgum ^l. Duplici vero nomine sapientiae titulum famamque meruit. In magistratu enim eo adeo in omnibus coluit iustitiam, vt cum iam senex esset, dixerit aliquando ^m: sibi esse haud conscius, quod in tota vita praeter rationem fecerit quicquam; praeter vnum, quo amico, quem iuxta legis rigorem condemnauit, auctor fuit vt a se prouocaret, amicum ita seruaturus. Tolerandis quoque iniuriis animum adplicabat patientissimum; unde fratri, quod ipse ephorus factus haud esset indignanti, respondit: Ego pati iniurias scio, non tu ⁿ. Alterum, quod nominis gloriam Chiloni comparauit fuit, quod duae praedictiones ab eo euentum, quem praeuiderat, sortitae fuerint. Quarum vna Hippocrati Pisistrati parenti ob portentum, filium si suscepisset, fatalem fore praedixit: altera insulam Cythera Laconiae Graeciae exitialem fore indicauit ^o. Quae tamen non tam fuisse vaticinia, quam acutissimae mentis insolentem εὐστοχίαν, vel inde patet, quod vtrumque ex circumstantiis tam Hippocratis, quam situs insulae colligere potuit ^p. In eo enim vir prudentissimus summam viri sapientis virtutem ponebat, vt futurorum prouidentiam iustis rationibus colligeret ^q. Lacedaemonius ^r vero cum fuerit, dicta eius acumen breue et Laconicum spirare, mirum non est ^s: inter quae maxime nota illa: De mortuis non nisi bene; Comitem

Kkk 3

aeris

^h) LAERT. L. I. f. 68 seqq. STANLEIVS l. c. p. 62. BVDDEVS de Ethica Chilonis.

ⁱ) Vid. SCALIGER ad EYSEB. p. 67. ALDOBRAND. et MENAGIVS. ad l. c. Laerti. MEYRSIVS in Laconicis L. II. c. 4. p. 110.

^k) Vid. AVCTOR Olympiad. ad Ol. LVI. l. Marmor Arundellian. MENAG. ad h. l.

^l) Air scilicet Laertius: fuisse Ephorum Chilonem Olymp. LV. vt recte emendauit Is. CASABONVS. Pamphilam vero LVI. nominare. Socratem dicere, prius constitutum ephorum, archonte Eythydemo. Primum vero ephoros iunxisse regibus Lycurgum, teste Satyro. Sic

omnia plana esse putamus. Cum enim inter sapientes Graeciae Chilo numeratus fuerit, palam est, ad origines ephorum referri non posse. Omnes enim hos sapientes vno tempore vixisse recte monet CICERO de Orat. L. III.

^m) LAERT. L. I. f. 71. GELLIVS N. Att. L. I. c. 3.

ⁿ) LAERT. l. c.

^o) IDEM l. c. HERODOT. L. I. p. 44.

^p) Citati.

^q) Vid. HERODOT. L. VII. p. 292.

^r) LAERT. L. I. f. 68.

^s) Ideo vocatus βραχύλογος ib. l. 72. De qua re

aeris alieni miseriam, itemque, Nosce te ipsum; et: Ne quid nimis ¹. Quod vero Chiloni maximam apud rerum intelligentes laudem tribuit, eximium est, quod DIODORVS de eo habet testimonium ². Ita enim de eo: *Chilo consentientem cum sermonibus suis vitam agebat, quod raro admodum reperias. Plerosque enim aetatis nostrae philosophos videre est, pulcherrimis quidem utentes sententiis, moribus vero turpissimis, qui gravitatem ac prudentiam, quam aspectu verbisque promittunt, factis suis refutant. At Chilo praeter constantem in omni vita virtutem multa et cogitavit, et dixit praeclare, quae memoria imprimis digna sunt.* Scripsit et ipse ἀδόμεια more illius temporis, cuius praestantissimum fuisse hoc refert LAERTIVS ³:

Aurum probare Lydius solet lapis,

Mentis vicissim aurum probat praestantiam.

Mortuus est iuxta Hermippum, Pisae, amplexus filium, qui ludis Olympiacis in caestuum certamine vicerat, senii imbecillitatem immodica laetitia opprimente ⁴. Omnes autem, qui ad istam panegyrim confluerant, viro integerrimo iusta perfoluerunt. Epistolam eius, quam habet LAERTIVS ⁵ suspectam facit sophistarum Graecorum in iis fingendis industria ⁶, et correpta, quam supponit, Periandri tyrannis, quam iniuste Periandro exprobrari, postea demonstrabimus.

Pittacus.

§. VI. Quartum in Sapientum Graeciae numero laudant veteres PITTACVM Mitylenaeum, in metropoli insulae Lesbi natum, patre Cýrrhadio Thrace, matre Lesbia ⁷. Natus Olymp. XXXII. ⁸ virili aetate Olymp. XLII. magno animo patriae amore incitatus et a fratribus poëtae Alcaei adiutus, Melanchrum Lesbi et Mitylenes tyrannum interemit; eo-que facinore illustrior a Mitylenaeis factus imperator, cum classe aduersus Athenienses missus est ⁹. Variam in hoc bello fortunam expertus, Atheniensium ducem Phrynonem, corporis mole roboreque conspicuum ad singulare certamen prouocauit, eique piscatoriis armis instructus occurrit, rete clypeo tegens, quo Phrynonem nihil tale expectantem inuoluit ac tridente hastaque peremit, sicque victoriam reportauit ¹⁰. Ab eo tempore magno in honore fuit Pittacus apud Mitylenaeos, adeo vt tyrannidem ei inter ingentes plausus et laeta populi suffragia deferrent, dona ei offerrent amplissima, tantumque adicerent agri recuperati, quantum vellet ¹¹; ille vero tantum accepit, quantum hasta eiecta esset emensa, quod Apollini dicatum

resupra diximus. Conf. ERASMVVS Chil. p. 771. RHODIGIN. antiq. lect. L. X. c. 4.

1) Aureis literis Delphis dedicanda haec dicta Graecos sanxisse refert PLINIVS Histor. nat. L. VII. c. 32.

2) In excerptis Peiresc. p. 235.

3) l. c. f. 71. poëticam artem calluisse testis est LAERTIVS l. c. f. 68. qui ait: elegiam scripsisse.

4) IDEM l. c. f. 72. PLINIVS l. c.

5) f. 74.

6) Id in genere de epistolis philosophorum observandum est.

7) LAERT. L. I. f. 74. SVIDAS in Pittacus T. III. p. 120.

8) Croesi Lydiae regis temporibus iungit HERODOTVS L. I. c. 3.

9) STRABO L. XIII. p. 599. HERODOT. L. V. p. 204.

10) FESTVS v. retarius POLYAEN. Stratagem. L. 25. qui observant, Romanorum gladiatores, qui retarii appellabantur, ab hac Pittaci pugna exemplum accepisse. conf. LIPSIVS Sarnal. L. II. c. 8.

11) VALER. MAXIMVS L. VI. c. 5. PLVT. amat. LAERT. L. I. f. 78.

catum Pittacium postea nomen seruauit, partem sibi seruauit, dimidium plus toto esse dicens^g. Et meruit sane honorem atque famam, et sapientis politici titulum; etsi enim magna tum auctoritate erat instructus, ea tamen tanta animi moderatione usus est, ut Alcaeum poetam^h, ipsi vehementer aduersantem et proscindentem, tantummodo, quid in opprimendo posset, admoneret. Legibus quoque rempublicam instruxit saluberrimis, inter quas duplicem potissimum poenam ebrio peccanti constituit, quod hoc vitio maxime Lesbi incolae laborarentⁱ, Croesum quoque salutari monito astuque ab expeditione nauali contra insulanos Graecos deterruisse dicitur, corpus vero tritico molendo exercuit, unde postea cantilena confecta est, ἐπιμύλιον dicta^k? Decem vero annos principatum tenuit, pace vero parta et republica ordinata reclamantibus ciuibus eum deposuit, decemque annos priuatam vitam egit. Vixit LXX. amplius annis, Olymp. LII. 3. vita functus^l. Moderationem animi non in recusata tantum Croesi regis pecunia, sed in ferendis quoque uxoris superbae et imperiosae iniuriis^m et aeque accepta filii morte casu interfecti monstrauit: Vnde facile ei fuit, eleganter de moribus et ciuili virtute differere, quo sententiae atque apophthegmata referenda sunt, quae passim apud veteresⁿ ei tribuuntur, quaeque animum bonum, temperantem, prouidum futuri, proximi amantem, iniurias tolerantem, honestatis studiosum, disciplinae patientem, veritatem, fidem, experientiam, dexteritatem, societatem, diligentiam, oeconomiam, artem, pietatem sectantem commendant. Scripsit more seculi ἀδόκιμα et elegiam^o. Necessitati ne Deos quidem reluctari ex recepta sine dubio tum inter plerasque gentes de fato sententia dixit^p. Symbolum vero ei tribuitur: Nosce tempus opportunum. Fuit vero et alius Pittacus legislator^q.

§. VII. BIANTEM Prienaeum, quod Ioniae oppidum fuit, Teutamii filium^r, non inter septem tantum Graeciae sapientes retulerunt veteres, Bias.

g) Deforme nempe iudicans virtutis gloriam magnitudine praedae minuere LAERT. I. c. Hesiodi vero haec sententia est, qui ἐργ. v. 40.

Πλέον ἡμῖν πάντος.

Varia vero prouerbi huius significationes enucleare huius loci non est. Conferendi vero ALDOBRANDIN ad. I. c. LAERT. ERASMVS in Adag. Chil. I. c. 9. Acta Philos. Vol. II. p. 535.

h) Vicbatur celebris hic poeta lyricus arte sua ad excitandos exules contra patriam, v. HERODOT. L. V. STRABO L. XIII. VAL. MAXIM. LIV. c. 1. De odis eius deperditis earumque fragmentis vid. FABRICIUS Bibl. Graec. Vol. I. p. 541 seqq.

i) LAERT. L. I. f. 76. Vapular haec lex celeberrimo HEVMANNO Aët. Phil. Vol. II. p. 533 seqq. cuius rationes excutere, instituti nostri non est. Hoc vnum monemus, respiciendum esse ad circumstantias Lesbiorum, qui cum vinum generosissimum insula produceret, ebrietas se ceden-tes malis plurimis rempublicam affecerunt, ebrii-que discordiarum sparserunt semina. Cuius rei testis est ipse Alcaeus poeta rebellium ciuium princeps, ebrietas vitio famosus. Quoniam

itaque ebrietas reipublicae Lesbiorum exitialis erat, recte fecisse censendus est Pittacus, qui graui poena eam, ne noceret, coërcuit.

k) AELIANVS L. VII. c. 4. PLVT. Sympos. sept. Sapient.

l) VAL. MAX. I. c. LAERT. I. c.

m) PLVTARCH. de animi tranq. LAERT. I. c. f. 81.

n) LAERTIVM L. I. f. 77. PLVTARCHVM in conuiuio VII. Sap. STOBÆVM Serin. III. ed. Græc. XXVIII. p. 86. ed. Wechel. quam in seqq. sequemur. AVSON. Sent. VII. Sap. p. 110.

o) LAERT. L. I. f. 78.

p) Occurrit enim eadem sententia apud EVRIPIDEM in Helena, et PHILEMONEM, immo in theogoniis quoque veterum, et ex earum quoque systemate, quale supra adumbrauimus, necessario fluit.

q) LAERT. L. I. f. 79. Addi is potest legislatoribus veterum a FABRICIO memoratis B. Gr. Vol. I. p. 529.

r) LAERT. L. I. f. 82 seqq. STANLEIUS p. 69 seqq.

res, eiusque sapientiam extollunt, sed et reliquis sapientibus omnibus praetulit Satyrus. Ipse quoque Bias viaticum ab adolescentia ad senectutem sapientiam comparandam esse suavit, quippe quae sola sit certa veraque possessio. Nomen tamen atque honores sapientis viri non tam eruditionis elegantia, quam animi generositate amoreque civium et virtutis praestantia sibi comparavit, si vera sunt, quae veteres, Satyrus, Phanodicus, alii-que narrant: Captivas redemisse puellas Messenias, sibi-que filiarum loco enutritas tandemque dotatas Messaniam parentibus remisisse. Breui post, cum de tradendo sapientissimo inter Graecos viro tripode aureo controversia esset, vel puellae, quod Satyrus ait, vel, quod alii volunt, illarum pater in concionem venit, et expositis quae sibi fecisset, Biantem sapientem nominavit, sequente concionis consensu, quae tripodem ad eum misit, ipse Deo Apollini, vel Herculi Thebano, ut alii referunt, tradendum iudicavit. Quae Biantis gloria virtutem moralem et civilem eius laudat, satisque probat ea, quae de significatione nominis sapientis his viris tributi supra diximus. Fuit vero in Biante non privata tantum virtus, sed publica quoque in patriam pietas, quam miro et ingenioso stratagemate ab obsidione liberauisse narrat LAERTIUS. Scilicet in id maxime connitebatur vir optimus, ut animi diuitias virtute colligeret, et intemeratas servaret, quae nec Deorum nec mortalium manibus labefactari queunt. Vnde cum patriam Prienen hostes inuasissent, omnibus pretiosa, quae habebant, corradentibus, ut aufererent, ipse solus nihil collegit; et rei insolentiam mirantibus reliquis, rogatus causam respondit: Omnia mea mecum porto. Prodeunt hanc animi virtutem sapientiae praecepta ab eo prolata, quae nobis servauere, PLUTARCHVS, LAERTIUS, STOBÆVS, AVSONIUS, quae conscientiae bonitatem, et rectitudinem, animum nihil cupientem; auaritiae fugam, pudicitiam, innocentiam, animique moderationem, etiam in legum obseruantia proditam commendant. Non vero animi tantum virtute enituit, sed ingenii quoque praestantia, et civili, quae apud viros principes et reipublicae gubernaculis admotos, floruit, eruditione; cuius specimen non solum feliciter solutum regis Amasis aenigma est, incertum enim an non totam historiam iucunditatis causa effingendam sibi statuerint, qui conuiuium septem sapientum nobis narrant, sed et illud, quod veteres de eo testantur, neminem causas melius perorasse Biantem. Virtute quoque poetica excelluisse ἀδόμεινα testantur, quae nobis servauit LAERTIUS.

Quam

1) VAL. MAX. L. III. c. 3. CICERO de amic. c. 60. AUGUSTIN. de C. D. L. XVIII.

2) GELLIVS N. A. L. V. c. II.

3) Apud LAERT. l. c.

4) l. c. f. 82. Satyri vero, peripatetici philosophi fidem veteres laudarunt, vid. IONSIUS de S. H. P. L. II. c. II. p. 169 seqq.

5) f. 84.

6) VALER. MAXIM. VII. c. 2.

7) Locis praec. §. not. (n.) nominatis.

8) PLUTARCH. l. c. Postulauerat scilicet rex Ae-

thiopum ab Amasi, Aegypti rege, ut mare ebibat. Is consulto de sensu aenigmati Biantem, responsum tulit: Iubendum Aethiopem fluuios in mare decurrentes detinere, quousque mare ebiberit.

9) Talia enim multa in hoc conuiuium narraffe PLUTARCHVM quilibet palpat. Non abludit tamen historiola a more regum veterum, aenigmatibus inter se certandi.

10) LAERT. L. I. f. 84.

11) f. 86. qui et refert, scripsisse de Ionia ad duo millia versuum.

Quam eruditionis praestantiam cum iungeret cum sapientia, nunquam ad malam causam ea abusus est, virtutemque sapientiae comitem adsciscens, sapientis nomine dignum se reddidit. Erat enim in ea sententia, quam auream merito dixeris: Qui sapientiae vacant inani, eos noctuae similes oculis esse. Huius enim oculos nocte quidem valere, sole autem splendente coecutire; sic etiam talium quidem mentem acutissimam esse in vanis contemplandis, ad veri autem luminis obiectum motum caligare. Obiit vir optimus admodum senex, cum bonam causam perorasset et vicisset, reclinato in gremium nepotis capite animam efflans, et ob insignia in patriam merita magnifice sepultus, et sacello, quod Teutamium appellatum est, honoratus^f. Symbolum fuisse dicitur: Plurimi mali sunt, vnde ita amare iussit, tanquam osurum^g.

§. VIII. CLEOBVLVS Lindo ortus, quod oppidum est Rhodi, quamquam alii ex Caria fuisse dicunt^g, Euagorae filius et genere, quod ab Hercule duxit, corporis viribus atque forma, immo et robore omnes sui temporis antecelluit. Sapientiae vero discendae avidissimus in Aegyptum profectus est, ut sacerdotum eruditionem^h et theologiam disceret. Et ex hac quoque Aegyptiorum disciplina arcessendum est, quod non *ἄσματα* tantum sed et *γρίφες*, id est aenigmata et obscuras quaestiones scripseritⁱ, quod eruditionis genus in Aegypto, Aethiopia, Arabia, aliisque orientis regionibus obtinuit. Tanta vero in his griphis struendis facilitate utebatur, ut ad Aegyptum vsque quaestiones nonnullae ab eo et filia propositae dimanarent. Habebat enim filiam, cui nomen Eumetidis erat, quae vero vulgo de patris nomine Cleobulina vocabatur, quae parentis disciplina enutrita, et carmina feliciter canebat, et aenigmata componebat, ob sapientiae acumen celeberrima^k. Parentem vero atque filiam non eleganti tantum, sed et civili eruditione eminuisse, animumque habuisse civili prudentia aeque ac humanitate conspicuum^l: Cleobulum quoque, qui Lindiorum tyrannus fuit, ciuibz humaniter et populariter imperasse, veteres tradunt. Sententiae eius, quas refert Demetrius Phalereus apud STOBAEVM, eo

Cleobulus.

e) Apud Demetrium Phalereum de distis VII. sapientum, quem seruauit nobis STOBAEVS ferm. XXVIII. p. 87.

f) LAERT. L. I. §. 88.

ff) Recte ita sententiam explicari secus, quam ARISTOTELES fecit, Rhetor. L. II. c. 13. ratio addita euincit, vnde patet et CICERONEM de amicitia c. 16. male eam interpretari. conf. Aët. philos. Vol. II. p. 530.

g) LAERTIVS L. I. §. 89. STANLEIVS P. I. p. 73.

h) Theologiam potissimum et religionem fuisse supra docuimus: vnde mirum non est, templum Mineruae. a Danao olim fundatum eum restaurauisse.

i) LAERT. l. c. sunt autem griphi quaestiones aenigmaticae, quae in conuiujs proponuntur. vid.

Hist. philos. Tom. I.

ATHENAEVS Deipnos. L. X. ALDOBRANDINVS ad l. c. Laert.

k) Plura de ea PLVT. in Conuiu. qui tamen, ubi *σοφίην* vocat, non ad philosophiam, sed ad eruditionem eius temporis, quae aenigmatibus et poëtica virtute eminebat, respexit, ut sequentia clare doceant. Delenda est itaque ex numero mulierum philosophantium, cui eam inseruit MENAGIVS Hist. mul. phil. ad calc. Comm. in Laert. p. 487. Laudanda vero, quod, etsi magna fama celebraretur, tamen animum non extulerit, cuius specimen est, quod refert CLEM. ALEX. Strom. L. IV. p. 523. eam hospitibus patris pedes lauisse. Exemplum griphi ab ea conditi est, de patre duodecim liberorum, nepotum triginta, quod imagine explicat MEIBOMIVS ad LAERT. p. 56. in quo tamen acumen desideratur.

l) PLVT. l. c.

eo tendunt, vt parentum reuerentiam, animae cum corpore sanitatem, discendi industriam, linguae moderationem, pietatem et iustitiam, amorem etiam erga inimicos, prudentiam in coniugio, moderationem in diuitiis et paupertate commendunt, et in malos bonum ciuem sapientiae praeceptis arment^m. Symbolum vero ei tribuitur: Modus optimus^s. Obiit senex annorum LXX.

Periander.

§. IX. Tandem et PERIANDER nobis dicendus est, cuius historiam tanto odio fabulisque ex inuidia conflatis onerarunt Graeci, vt infamius dicendi essent, qui monstrum hominis et foedissimum tyrannum inter sapientes Graeciae numerauerunt, si ista vera essent^o. Supra enim obseruauimus, non artis tantum poëticae praestantiam, sed et ἀρετὴν πολιτικὴν sapientis titulum viris his conciliaffe. Quae causa fuit, vt quidam veterum duos Periandros comminiscerentur, vnum Corinthi tyrannum sceleribus et tyrannide abominabilem, alterum Ambraciotem, virum bonum et sapientem, qui inter sapientes Graeciae numeratus sit^r; cui opinioni veterum relationes et innumerae, quae de Periandri conuiuio septem sapientum narrantur historiologiae contradicunt^q. Non detinebimus lectorem proluxa narratione, qua ratione Periander Cypseli filius illustri stemmate natus ad imperium peruenerit, illudque mille saeuitiarum modis exercuerit. Legenda haec sunt, quia longiora sunt, vt hic locum capiant, apud HERODOTVM^r LAERTIVM^s, PLUTARCHVM^t, SVIDAM^u aliosque his similes, qui veterum fabulas haud raro exiguo iudicio fideque consarcinauerunt. Sufficit indicasse, obiici Periandro^v, introduxisse apud Corinthios saeuissimam tyrannidem, consilio Thrasyluli Mileti tyranni, optimates e medio sustulisse, satellitibus stipatum incessisse, vxorem gravidam calce petiisse, vt moreretur, et cum ea defuncta concubuisse, pellices caedis huius auctores viuicomburio deleuisse, et flagitiorum eiusmodi sexcenta alia exercuisse. Admodum vero suspecti Graeci sunt, qui eiusmodi historias nobis narrant, tum quod satis prodant, cur tanta Periandro conflata sit inuidia, tum quod non tam malum fuisse virum circumstantiae luculenter loquantur. Lachrymarum vero et indignationis causa non alia fuit, quam quod suppressa optimatum potentia monarchicum imperium introduxit. Nihil enim Graecis intolerabile magis fuisse, quam vnus imperium, tot pro libertate gesta cruenta bella, toties effusus contra reges finitimos libertatis Graeciae oppressores sanguis, tot ob Pisistrati aliorumque, qui cetera clementer imperauerunt, potentiam congestae querelae, lachrymaeque ostensae, tot disertissimo-

m) Sui ipsius explorationem quotidianam commendauit LAERT. l. c. et MENAG. ad h. l.

n) Male hoc dictum explicat GRACIANVS vid. Aët. phil. Vol. II. p. 528.

o) Ita etiam BAYLE Dict. T. III. art. Periandre p. 662. qui tamen criticum acumen, quo polebat, non satis adhibuit.

p) LAERT. L. I. c. 98. AELIAN. L. XII. c. 35.

q) Conf. PLATO in Protag. T. I. p. 343. et post eum plures, imprimis PLUT. l. c.

r) Lib. I. p. 3. L. V. p. 202. Qualis vero Herodoti fides sit, qui fabularum parens audit, notum est.

s) l. c. Et hic quae bona, mala, omnia corradit.

t) l. c. De eo infra dicendum.

u) In Periander.

x) Differit de his BAYLE l. c.

tissimorum virorum inuectiuae, et in his imprimis DEMOSTHENIS¹⁾, manifeste loquuntur, Graecosque in monarchomachorum albo loco eximio ponunt. Nec potuit absolutum Periandri imperium gratum esse Corinthiis, qui licentiam Graecae nationis sequentes, aristocratiam vehementer deperibant, id quod fabulae de conuiuio septem sapientum apud Periandrum architecti ipsi produnt, qui tales dictis viris sermones tribuunt, qui ad execrandam monarchiam et commendandam aristocratiam vnice collineant²⁾. His accedit, Periandrum imperium ciuili potentia muniuisse, bella gessisse studiose, remigiisque et triremibus aedificatis late vtrumque tenuisse mare³⁾, quae non poterant non Graecis otio et pace alte sopitis accidere molestissima. Maxime tamen omnium inuidiam ei conflauit seuerissima disciplina. Ciues enim mancipiis nolebat abundare, nec otio vacare patiebatur, ingeniosus ad ea inuenienda, quibus eos occupatos redderet, negotia. Si in foro desidens quispiam fuisset, multa ei erat subeunda, recte enim et prudenter conspersionem, rebus sic stantibus, timebat⁴⁾. Admisit quidem ciuium concilium, sed potestatem ademit. Mulieribus in panegyri mundum detraxit, vt modestiam discerent. Seruos haberi vetuit, luxuriam sustulit, ebrietati et gulae multam dixit, homines nequam et facinorosorum fecem mari merisit, sicque luxuriam Graecorum modestia, labore, continentia, frugalitate emendare conatus fuit. Haec non poterant non esse Corinthiis intolerabilia, qui more Graecorum conuiuuiis, commensationibus, otio, luxuriae, vitaeque solutae et disciplinae seuerioris impatienti adeo litabant, vt pro hac licentia verius, quam libertate, tanquam pro aris et focis pugnarent. Annon haec omnia suffecerint, ad ipsam quoque virtutem inuidiosis fabulis traducendam, et tyrannidis scelera illi affligenda? Detrahunt his, quae Periandro obiciuntur, magis adhuc fidem, quae HERACLIDES⁵⁾ de eo refert; tributis ciues non onerasse, contentumque fuisse vectigali mercium et certis prouentibus; vehementer odio habuisse malos, dilexisse sudorem atque diligentiam⁶⁾. An hae vero tyranni adeo mali artes sunt? Quid quod ipsi fabularum Periandrearum architecti suas narrationes suspectas reddunt, propria vineta laedentes. Narrant enim, Periandrum, tyrannide tanquam paterno morbo correptum, conatum fuisse, eo emergere, quantum potuerit fieri, salutaribus vtendo hominum sapientum colloquiis, eosque ad se inuitando⁷⁾. Etsi vero multis argumentis tota de isto septem sapientum apud Periandrum conuiuio

LII 2

tradi-

1) In Philippicis.

2) Dixisse enim fertur Solon: Ita gloriam consecuturum tyrannum, si vnus imperium in popularem reipublicae statum conuertat. PLUT. l. c. p. 293. Paria et ceteri proferunt. Bene vero est, quod ipse PLUTARCHVS sub Niloxeni persona fateatur, multa falso credi, multosque esse, qui sinistris rumoribus de sapientibus viris delectentur, quos vel ipsi sibi confingunt, vel ab aliis promte accipiunt. Quibus habes clauem totius rei.

3) LAERT. et SYD. II. cc.

4) NICOL. DAMASCENVS in Excerpt. Peiresc. p. 450. et ex eo SVIDAS l. c. Praedixit haec Pythia, quae de eius natiuitate:

Conceptum pariet saxum graue, Labda, monarcha
Qui cadet in ciner, emendabitque Corinthum.

5) De Politicis p. 17.

6) Mitem initio, benignumque fuisse fatentur apud LAERT. L. I. f. 96. et tamen de crudeliter occupata Corinthe queruntur, parenti quoque successisse tradunt. Ita male omnia cohaereant.

7) Ita PLUT. l. c.

traditio suspecta admodum est ^f, concedunt tamen Graeci mendaces, sed mendacii non satis memores, amorem sapientiae pectus Periandri infedisse. Nec ubique inter se fabularum harum artifices consentiunt, mendaciumque saepe non cohaeret, tamque aperte verisimilitudinem laedunt; ut insaniendum sit, si iis fides danda: cuius exemplum lepida de morte Periandri traditio esse potest, quam ad puerorum magis fabulas, quam virorum historias relegendam esse, quilibet, qui vel mediocri sensu veri gaudet, sentiet ^g. Addimus his merito, non tantum fidem sublestatam fabularum Periandrearum narratores prodere, ubi ad incertas traditiones, et vulgi rumores prouocant, sed et cenotaphium, quod ei Corinthii posuerunt contrarium euincere, totum in eius laudes excurrere. Ita enim se habuit inscriptio ^h:

*Et sophia et numis Periandrum terra Corinthus
Clarum littoreo continet alma sinu.*

Quis execrabilem tyrannum post mortem, ubi metui desiit, tantopere laudari crediderit? Longe quoque alia sunt, quae sententiae eia Demetrio tributae postulant ⁱ: Rem omnem considerandam; temeritatem periculosam esse, voluptates esse mortales, virtutes immortales, in secundis moderationem, in aduersis prudentiam adhibendam. Amicis in secundis et aduersis eundem praebendum; et quae refert LAERTIVS ^k: nihil pecuniarium causa agendum; his qui tuto regnare volunt nitendum, ut beneuolentia non armis stipentur, secreta non prodenda, promissa seruanda, et alia, egregiam moralis atque ciuilis sapientiae eruditionem spirantia ^l. Quae cum ita sint, ex sapientum Graeciae numero, non excludendus est Periander, licet certamini de tripode dando sapientissimo non interesse potuerit. Quod si vero concedamus, tyrannidem exercuisse, certum tamen est, politica prudentia et artis poeticae facultate excelluisse ^m; quod sapientis tum titulum

^f) Ad euertendam narrationis de isto conuiuio fidem sufficeret prudentis lectoris attentio, quae frigida saepe acumina, fabellas manibus palandas, narrationem quos Periandri non sequentem, et alia eiusmodi facile sentiet, et coniiciet incertis vulgi rumoribus, et studiis sophistarum in eiusmodi argumentis eloquentiam quaerentium totam fabulam deberi. Quin et ipsa PLUTARCHI praefatio satis prodit, quam difficile sit his narratiunculis fidem dare: solebantque ex instituto, uti supra obseruauimus, fictis eiusmodi conuiuiis ludere veteres. Sed ut manifesta fiat fabula, ex rationibus temporum ostendi meretur, quam male haec cohaereant. Ante missum scilicet ad Graeciae sapientes viros tripoda, illud septem sapientum collegium Graecorum ore non celebratum fuisse, nec extitisse, in confesso est. Accidisse vero illud certamen Olymp. XLIX. 3. ex LAERT. L. I. c. 22. supra probauimus. Obiit vero Periander Olymp. XLVIII. 4. et quidem octogenarius, adeoque annos tres prius quam ista contigerant. Quomodo itaque sapientes Graeciae conuocare potuit, qui tum

nondum celebrarentur, et, qua tales, nondum essent. Annon hic mendaces Graecos oportebat esse memores. Alia fabulae argumenta tacemus.

^g) Narrat LAERT. l. c. f. 96. moerore confectum excessisse e vita, cum autem sepulchrum ignorari vellet, duos iuuenes iussisse noctu certa via, primum, qui occurrisset interficere, ac sepelire. His alios ita immisisse quatuor, et his ita plures, qui priores occiderent. Primis vero se occurrisse, sicque interfectum et sepultum esse. At si haec vera sunt, unde nota? si omnes interfecti, quis historiam rei gestae enarrauit? Si enarrata fuit, cur non notum sepulchrum? Verum de fide historica non cogitabant, qui ingenii causa talia excogitabant, sophistae et eloquentiae magistri. Talis etiam Arionis historia est.

^h) LAERT. L. I. c. 96.

ⁱ) Apud STOBAEVM Serm. XXVIII. p. 87. 88.

^k) f. 97. 98.

^l) Conf. AVSON. l. c. p. 100.

^m) Scripsit enim duo millia versuum, admonitiones exhibentium LAERT. L. I. c. 97.

lum meruisse, supra demonstrauius. Obiit admodum senex aetatis LXXX. anno, Olymp. XLVIII. 4.

§. X. Etsi vero septem hi viri singulari prorsus titulo sapientes dicti fuerint, putandum tamen non est, omnibus illius aetatis hominibus inter Graecos naturam nouercam fuisse, ingeniumque atque sapientiam dene- gasse: quoniam vero Thales sapientiam meditatione et ratiocinatione iusta tum demum coepit in artis formam redigere, et potissima eruditionis laus poëtis et nomothetis, siue principibus ciuitatum concedebat, alii, quibus ad hunc honoris gradum pertingere non licebat, sapientiae famam licet eam meruissent, non consecuti sunt. Extulit tamen circa haec tempora inter Graecos ingenium ad veritates morales elegantissimo habitu traden- das aptissimum, A E S O P V S

Aesopus.

et pueris notus et qui nondum aere lauantur.

Eius enim fabulae et apologi nunquam non non puerorum tantum iucundae oblectationi, sed et virorum amor et animorum emendationi inseruiue- runt, vnde indictum eum abire institutum nostrum, atque capitis huius argumentum non finit.

§. XI. Aesopi vitam satis prolixam debemus Maximo Planudi, mo- nacho Constantinopolitano, ex cuius scriniis circa Sec. XIV. primum prodiit *. Tantis vero fabularum non cohaerentium, sibi que contradi- centium plaustris, tot absurdis historiis, tot ἀναρχοισμοῖς et apertis men- daciis ista vita scatet, vt mendacem Graecum auctorem facile sentire li- ceat †; eaque magis ad sopiendos infantes, et anus occupandas, quam ad iuuandam historiam veterum literariam conscripta videatur. Vnde bene de historia veteri post alios meruit G A S P A R B A C H E T V S M E Z I R I A - C V S, quod paulo accuratiorem vitae Aesopi descriptionem ex veteribus collegerit ‡. Immo vbi hos quoque sequimur, fatendum est, tam incertas esse atque confusas de Aesopo veterum scriptorum traditiones, vt, quid cer- ti statuendum sit, vix liqueat, indeque occasio viris doctis enata sit statuendi, Aesopum non alium fuisse, quam Affaphum poëtam Israëlitam §, vel pla- ne negandi, quod vnquam Aesopus in rerum natura extiterit ‖. Primus enim, qui Aesopi meminit est H E R O D O T V S §, qui et sesquiseculo iu- nior est Aesopo, et fidem apud rerum intelligentes tantum non omnem amisit, qui tamen, cum et ipse fabulas iam suo tempore in historia Aeso- pi detexerit, facile inde colligi potest, quam incerto fundamento ea nita-

Vita eius.

LII 3

tur.

*) Vid. F A B R I C I V S Bibl. Graec. Vol. I. p. 389. Vol. X. p. 533. De auctore vero C A S I M. O V D I N V S de S. B. T. III. p. 720 seqq.

*) Conf. B A Y L E Dict. T. II. art. Esope. F A - B R I C I V S l. c. et quos laudat. Acta philos. Vol. I. p. 969. et qui in compendio eius mendacia expo- nit F R. V A V A S S O R. in dectissima exerc. de di- ctione ludicra Opp. p. 4.

p) Prodiit Burgis 1632. 8. quia vero rarius occur- rebat, repetita editio in Mem. de literat. Tom. I.

p. 90 seqq. et in Opusculis eius Hag. 1716. conf. Acta Erud. 1716. p. 449. Latine versa praeiussa est Aesopi fabulis Oxon. 1716. et germanice inserta Actis phil. Vol. II. p. 253 seqq.

q) Vide laudatos Act. phil. Vol. I. p. 948.

r) Ibid. p. 951 seqq. qui hanc sententiam de Ae- sopo probabilissimam esse multa eruditione con- tendit, dignus qui expendatur.

s) Lib. II. c. 134.

tur. Verum haec plerumque rerum vetustissimarum conditio est, ut tot difficultatibus earum historia prematur, quae prudentioribus pyrrhonismum suadent historicum. Ob magnum tamen veterum consensum, qui de Aesopi existentia nunquam dubitarunt, verisimili ratione credi posse existimamus, fuisse Aesopum, et inter Graecos apologis atque fabulis prolatis nomen esse consecutum, licet non inuiti fateamur, nec scripsisse fabulas Aesopum, nec eas, quae hodie sub eius nomine feruntur, esse genuinos eius foetus. Non vero certiora sunt, quae de rebus atque historia eius passim narrantur. Patriam detegere, impossibile fere est, adeo veteres de ea dissentiunt ¹. Quibusdam enim Lydia eum genuisse, Sardesque metropolis patria fuisse dicitur, alii insulam Samum ponunt ², Mesembriam Thraciae alii ³. Plerique tamen Phrygem vocant, Armorii vel Cotyaei oppidi ciuem ⁴. Quibus tantisper accedere licebit, donec certiora edoceat alius ⁵. Seruum fuisse dubio caret, deformem vero, lingua balbum, gibbosum voracissimumque, qualem depingit PLANVDES, inter fabulas Graeculi numerandum est, recte a viris doctis reiectas ⁶; nihil enim tale Aesopo scriptores veteres tribuunt, tradit vero anonymus vetus ⁷, ingenio fuisse natura eleganti et naturali inclinatione artium musicae adhaesisse. Primam seruitutem, si eidem credendum, Athenis apud Demarchum, cognomine Carasiam, seruiuit, ubi ingenium, quantum seruilis conditio sinebat, excoluisse, probabile est; licet naturali magis ingenii bonitati, quam arti sapientiam moralem debuisset certum sit. Post Atheniensem dominum, Xanthum Samium et post hunc Samium philosophum Idmonem vel Iadmonem nactus est ⁸, et apud hunc una cum Rhodope celeberrimi nominis et pulchritudinis scorto seruiuisse dicitur: tantopere illi quoque carus, ut eum deperierit, quod tamen cum aliis, quae in Rhodopes historia occurrunt fabulis, inter Graecorum mendacia referendum est ⁹. Quoniam vero ingenii elegantiam, animique probitatem domino haud vno specimine probauerat, liber ab eo dimissus est. Ex Samo in Graeciam postea delatum ingenii acumine et fabularum lepore adeo innotuisse contendunt, ut non solum ad conuiuium septem sapientum a Periandro adhiheretur, missus a Croeso, sed et regi huic esset charissimus, cuius gratiam aucupatum fuisse prudenti sermone, cum Solon eius diuitias et felicitatem contemneret, ferunt, qui Croesum Aesopi rogatu septem sapientes ad se vocauisse cum PLUTARCHO ¹⁰ asserunt. Verum in tota hac historia tot temporum rationes sibi inuicem contradicunt, ut quod supra iam euicimus, nouo argumento hinc pateat, Plutarchum posthabita fide historica et verisimilitudinis legibus, ex rumu-

sculis

¹) MAXIMVS TYRIVS diff. XX. qui tamen diff. XXXIII. Phrygem vocat.

²) Scholiastes ARISTOPHANIS.

³) Apud SVIDAM in Aesopus T. I. p. 660.

⁴) AELIANVS L. X. c. 5. PHAEDRVS L. III. prol. v. 52. SVID. l. c.

⁵) Samum quidem praefert Meziriacus, quia in hac insula seruiuit. Non vero inde sequitur, pa-

triam fuisse, seruiuerat enim antea Athenis: unde in insulam demum translatus fuisse, sequitur.

⁶) Vid. laudati FABR. Bibl. Graec. Vol. I. p. 389.

⁷) Is extat inter APHTHONII opera.

⁸) SVIDAS l. c.

⁹) Peculiari articulo: Rhodope, de hoc scorto egit P. BAYLE Dict. T. III.

¹⁰) PLUT. in conu. sept. sap. et ex hoc alii.

sculis tantum vulgi et communi traditione, suoque ingenio conuiuium suum more veterum conscripisse, vt lectorem delectaret. Vnde et omnes eiusmodi de Aesopo fabulae merito reiciuntur, nec certius est, quod de Atheniensibus, ab Aesopo, vt Pisistrati dominatum patienter ferant, fabula de ranarum rege edoctis PHAEDRVS^s tradit, nam et hic tempus repugnat^h. Inde vero sequitur, nec verum esse, quod refert LAERTIVSⁱ, respondisse Chiloni, quaerenti: quid Iupiter faciat? excelsa humiliat, humilia exaltat^k. Post haec in Aegyptum et Babyloniam excurrisse, et mira praestitisse nugatur Planudes. Regem enim Babyloniae Lyceum, quem Aesopum conuenisse fingit, ignorant monumenta vetera: Neetanebus vero Ol. CIV. Aegypto imperauit, ducentis post Aesopum annis^l. Mortem non magis verisimiliter narrant veteres^m et in his PLUTARCHVSⁿ: Aesopum Delphos aduenisse allato a Croeso auro, vt et magnifico sacrificio Apollinem veneraretur, et Delphis viritim quaternas minas distribueret. Cum vero ei contentio et discordia quaedam cum Delphicis esset oborta, sacris quidem fuisse operatum, sed pecuniam Sardes remisisse, vt qui homines istos beneficio indignos iudicaret. Delphos e composito sacrilegii insimulatum^o eum interfecisse praecipitatum e saxo. Ex eo Deum iras in eos exercuisse, et cum solo sterilitatem, tum hominibus omnis generis tetros morbos immisisse, ita vt Delphi singulis Graecorum conuentibus edixerint, separatos esse, si quis Aesopi gratia poenas ab ipsis exigere vellet. Tertia demum aetate venisse admonem, prognatum ab eis, qui Aesopum Sami emissent, huicque pro delicto satisfacisse Delphos atque ita malis eos liberatos fuisse. Mira hic se iterum exserit contradictio. Missum enim tradunt ad Periandrum simul et ad oraculum: id vero qui fieri potuit, Aesopo Ol. LIV. Periandro XLVIII. fati concedente? Eo quoque tempore, quo Aesopus obiit, Croesus nondum regnauit, qui igitur ad Delphos eum mittere potuit? Incerta itaque non minus Herodoti et Plutarchi fides est, quam eorum, qui Aesopo librum de iis, quae ipsi Delphis acciderunt, ausi supponere^p, vel eum reuixisse mentiti sunt, et apud

Aesopum a Croeso ad Periandrum Corinthum missum fuisse, narrat quidem PLUTARCHVS, Periander autem, quod supra ex Socrate apud LAERT. L. I. f. 95. vidimus, octogenarius obiit Olymp. XLVIII. 4. Croesus vero Olymp. LVIII. vietus a Cyro, postquam XIV. annos regnauerat, regnum auspicatus est Olymp. LV. 2. qui potuit itaque Aesopus mitti ad Periandrum, diu iam fato functum. Inde vero sequitur quoque Aesopum Croeso prorsus non innotuisse: obiisse enim Olymp. LIV. apud Delphos tradunt EVSEBIUS in Chron. et SVIDAS. Tum vero temporis nondum regnabat Croesus. Nec hic Plutarchi fides magnopere, quod vult BAEIVS l. c. iuuat, eum enim ad temporum rationes non attendisse supra quoque euictum est. Tacemus, asserere SVIDAM, vixisse Aesopum Olymp. XL. Ex qua annorum serie patet, fabulas esse, quaecunque de Croeso, Periandro, Aesopo aliisque narrantur. g) L. I. fab. 2.

h) Pisistratus enim Athenis arcem occupauit Olymp. LV. 1. quo tempore iam fati concesserat Aesopus. Ait quidem PHAEDRVS statuam Aesopo ab Atheniensibus positam fuisse, verum ex eo non sequitur, Aesopum fuisse Athenis. Statuae enim absentibus quoque ob nominis celebritatem ponebantur, quemadmodum Pythagorae Romae factum est, qui ramen nunquam Romae fuit.

i) Lib. I. c. 69.

k) Chilonem enim Olymp. LVI. fuisse, supra ostendimus, Aesopus Ol. LIV. ad plures abiit.

l) Conf. MEZIRIAC. l. c.

m) HERODOTVS L. II. c. 134. conf. ARIST. Scholiast. in vesp. p. 534.

n) De sera numinis vindicta.

o) Phylam auream eius supellestili immiscuerant. HERACLIDES in Polit. quem dolum saepius commisisse Delphos notat AELIANVS L. XI. c. 5.

p) SVIDAS l. c. conf. FABRICIVS l. c. p. 390.

apud Thermopylas pugnavisse contenderunt¹. Sapientiae hunc Aesopum moralis, quae per apologos traditur, auctorem fuisse atque inventorem, veteres plerique et recentiorum quoque multi contendunt², licet ex Iudicium Israëlitarum historia³ pateat, longe antiquiorem esse hanc docendi methodum: nec inter poëtas Aesopo vetustiores exempla defint⁴. Facile tamen credi potest, primum fuisse, qui ex inituto, recitatis apologis, ad emendandum populi animum industriam animumque adhibuit; unde veteres quoque *λογοποιόν* dixere, non *λογόγραφον*, ex quo recte conicitur, fabulas eum non scripsisse⁵, sed diu recitantium ore frequentatas collectas tandem⁶, variisque augmentis assutis editas fuisse: certe quas a Planude habemus, tales esse constat. De fabularum vero, siue, quo nomine veteres insigniebant, *λόγων* Aesopiorum ingenti apud veteres pretio plura in veteri historia extant documenta: quarum venustatem adeo admirabantur, ut a Mercurio votis eas obtinuisse⁷ crederetur.

Gnomographi.

Theognis.

Phocylides.

§. XII. Praeter enumeratos sapientiae moralis doctores non defuere quoque, qui doctrinam moralem ex more seculi carminibus suis interferebant, et non quidem systematico ordine, paraenetico tamen sententias morales edebant. Hueque omnes fere poëtae Graeci et imprimis Tragoediarum scriptores referri possunt, meliori vero iure Gnomographi, quorum notitiam debemus cel. FABRICIO². Inter hos THEOGNIS Megarensis et PHOCYLIDES Milesius imprimis notari merentur³. Ille familia nobili natus⁴ civium invidia in exilium actus est, gnomasque siue sententias morales reliquit: quas hodie quidem legimus, ita tamen, ut multa accessisse, multa deprauata et mutilata, atque insignem mutationem passa esse appareat⁵. Alteri⁶ egregium carmen admonitorium debemus, cuius saepe veteres mentionem faciunt. Quale vero hodie manibus terimus, ea loca non habet, quae veteres laudant: alia vero sunt, quae cum dictis atque sententiis V. et N. Testamenti plane quoad verba quoque conveniunt⁷. Unde suspicio enata viris doctis, Phocylidis carmen, quale hodie habemus, vel Iudaeum vel Christianum auctorem agnoscere⁸. Certe insignem interpolationem passum fuisse, nemo non videt.

q) SVIDAS l. c. et in *ἀναβιβάζει* p. 158. Ptolom. Hephaestio apud PHOTIVM p. 252. ed. Hoesch.

r) Vid. PHAEDR. proem. L. I. et L. III. SVIDAS in *λογοποιός* T. II. alii que.

s) Indic. IX, 7.

t) QUINTILIAN. Instit. Orat. L. V. c. II. exemplum vide in HESIODI *ἐργ.* v. 200 seqq.

u) Prolixè id, praecipue ex silentio veterum scriptorum probat cel. HEYMANNVS Act. philos. Vol. I. p. 960. quem vide.

x) Diagoram Melium Ol. XCI. clarum collectionem eiusmodi instituisse conicit FABRICIVS l. c. p. 303. scripto tamen fabulas consignasse affirmat APHTHONIVS, sed praeter verisimilitudinem. Socratem eas tenuisse ait PLATO in Phaedone.

y) PHILOSTR. vit. Apoll. L. V. c. 5.

z) Bibl. Graec. Vol. I. p. 439 seqq. poriora eclogis suis ethicis inseruit STOBÆVS, alias gnomologiarum Graecorum collect. enarrat FABRIC. l. c.

a) De utroque IDEM l. c. p. 432.

b) Floruisse Ol. LVIII. EVSEBIVS in chron. SVIDAS in *Θεόγνης* T. II. p. 172. notant.

c) Quod ex iis patet, quae SVIDAS habet, si cum eis, quae hodie legimus, comparentur.

d) Aequalem Theognidi fuisse veteres omnes docent. vid. SVID. l. c. et in Phocylides.

e) Nec tamen ea loca scriptores Christiani veteres laudant, quod argumento est, illos ea non vidisse.

f) Conf. quos laudat FABRICIVS l. c. p. 430.

LIBER SECVNDVS,
DE PHILOSOPHIA GRAECORVM
SECTARIA.

CAPVT PRIMVM.
DE SECTA IONICA.

§. I.

Vagientem haftenus in cunis, vel puerascentem etiam Graeco-
rum considerauius philosophiam, ad illud tandem tempus de-
lapsi, quo ingenium humanum iusto habitu philosophari et
meditationibus atque ratiocinationibus de veritate rerum di-
uinarum et humanarum sollicitum esse coepit; quem honorem Graecorum
industriae deberi, in limine historiae nostrae, vbi de originibus philosophiae
disquisiuius, demonstratum est. Duo vero quasi fontes sunt, ex quibus
non per Graeciam tantum, verum etiam per alios terrae tractus Graece
loquentes philosophia omnis dimanauit, et peculiare philosophandi modi
orti sunt, quos, quia methodum vnius philosophi, reiectis aliis sequeban-
tur, sectas dicere solenne est. Vnus Thales, quem inter sapientes Grae-
ciae numeratum esse, supra diximus, qui in Ionia Mileti philosophari coe-
pit, et ex cuius schola non Ionici tantum, sed et Socrates eiusque discipuli
prodire, quibus sectam academicam, Cyrenaicam, Eristicam aliasque mino-
res, Peripateticam, Cynicam et Stoicam debemus. Alter Pythagoras, Sa-
mius, qui non scholam tantum Pythagoricam, philosophiae cultura olim ce-
leberrimam in magna Graecia^a condidit, sed et occasionem dedit conden-
di reliquas sectas, Eleaticam, Heracliteam, Epicuream, Pyrrhonicam. Sunt
quidem inter veteres, qui primarias philosophorum sectas in tres classes
diuidunt, Ionicam, Italicam, Eleaticam, nomen iis ex locis, vbi floruerunt,
tribuentes^b; verum id cum praeter morem veterum^c, atque necessitatem
factum sit, veterem sectarum diuisionem merito retinemus^d.

§. II.

a) Ea vero pars est Italiae inferior, a coloniis
Graecis ita cognominata, quam subcisiuam Grae-
ciam vocat APVLEIVS Apol. I. Inde vero
caussa enata quibusdam, et inter hos cel. BVD-
DEO Hist. phil. c. III. §. 36. p. 90. Itali-
cam philosophiam ad barbaricam referendi.

b) CLEMENS ALEXANDR. Strom. L. I. p. 300.

et THEMISTIVS Orat. XV. qui locus tamen in
mendo cubat, conf. MENAG. ad Laërt. L. I. c. 13.

c) Vid. LAERT. l. c. AVGVSTIN. de C.
D. L. VIII. c. 2.

d) Commode enim Eleatica, etsi philosophando,
ab Italica secta recesserit, ab ea deriuari potest. Ha-
buit enim Zeno Eleates praeceptores Italicos.

*Primus phi-
losophiae
Graecae pa-
rens Tha-
les.*

§. II. Debetur itaque gloria introductae methodo scientifica et exornatae iusta facie habituque philosophiae inter Graecos Thaleti Milesio, Ionicae sectae conditori, qui laboris et industriae suae cum hanc sibi mercedem poposcerit, ut philosophiae inuentor praedicaretur^e, gloria ista fraudandus non est, quam veteres ei vnanimi fere consensu^f tribuerunt, ut primus diceretur, qui philosophiam, imprimis de rebus naturalibus tractauerit, et de causis rerum quaesierit. Audiendus itaque non est DIOGENES LAERTIVS^g, qui, ubi duas ponit philosophiae successiones, vnam quidem a Pythagora deriuat, alteram vero ab Anaximandro Thaletis auditore. Nisi hoc ita intellexisse censendus sit, ut Anaximander primus dicatur, qui literis atque scripto philosophatus est, cum Thales nihil de philosophia scripserit^h. Thaletem enim ante Anaximandrum philosophatum fuisse, non veteres tantum vnanimi ore fatentur, sed et ipse LAERTIVS ultro concedit, qui non tantum Anaximandrum audiuisse Thaletem narrat, huncque inter sapientes Graeciae refert, sed et monet, sectam hanc vocatam fuisse Ionicam, eo quod Thales, qui eam instituit, ex Ionia fuerit. Ea vero ex causa, quod nihil scripsit, honore hoc conditae philosophandi verae methodi non magis priuandus est, quam Pythagoras, quem nihil scripsisse suo loco probabimus. Forte LAERTIVS Thaletem inter sapientes magis viros, quam philosophiae doctores numeravit, quanquam et hoc inepte fatis, cum ipse narret, eum Anaximandrum instituisseⁱ: non enim de praeceptoribus siue doctoribus philosophiae quaestio est, sed de successione philosophorum, per quos peculiaris philosophandi ratio manibus quasi tradita et propagata fuit, quod a Thalete initium coepisse, tractatio secutura euincet. Successit vero sectae Ionicae conditori Thaleti Anaximander, et hunc secutus est Anaximenes, Anaximenem Anaxagoras, et post eum Diogenes Apolloniates atque Archelaus. Qui omnes naturalem tantum philosophiam excoluerunt, donec Socrates, Archelai auditor, philosophiam e coelo in terram deduceret, et de moribus philosophando nouam sectam conderet, quae Socratica dicta fuit^j.

*Thaletis vi-
ta.*

§. III. Quamuis vero Thaleti introductae inter Graecos philosophiae atque naturalis imprimis et mathematicarum scientiarum gloria debeatur, parciore tamen in recensendis viri magni circumstantiis fuerunt, quam me-

e) Recens a se inuentum Thales memoratur edocuisse Mandraytum Priensem, qui noua et inopinata cognitione impendio delectatus, optare iussit, quantam veller, mercedem sibi pro tanto documento rependi. Satis inquit, mihi fuerit mercedis, Thales sapiens, si id, quod a me didicisti, cum proferri ad quospiam coeperis, tibi non adiciueris, sed eius inuenti me potius repertorem praedicaueris. Ita APVLEIVS Florid. L. IV. p. m. 368. ed. Seriu.

f) APVLEIVS l. c. ORIG. philosophum. c. I. CICERO de N. D. L. I. c. 10. PLYT. de placit. phil. L. I. c. 3. STRABO L. XIV. p. 635. alii nominantur in Act. phil. Vol. III. p. 161 seqq.

g) Lib. I. f. 13.

h) Addendum, quod ex instituto sectatores quaesierit, si audiendus SCHEFFERVUS de phil. Ital. c. VI. p. 33. quem sequitur cel. HEVMANNVS l. c. p. 180 seq.

i) Hoc videntur suadere antecedentia, ubi Thales inter sapientes Graeciae refertur.

k) Vnderatio, quam ex Ep. Thaletis ad Pherecydem apud LAERT. L. I. f. 43. affert SCHEFFERVUS l. c. concidit; nam nec epistola id dicit, nec eius tanquam suspectae fides aliqua est.

l) A conditore. Variis enim ex causis nomina data fuisse sectis monet LAERT. L. I. f. 11. quae de re prolixius diximus in diff. de secta Elpistica, quae inserta est Miscell. Berolinens. T. V. obs. ult.

meritis eius debebant veteres. Immo tota sectae Ionicae historia obscura est atque manca, nec ea apud veteres deprehendimus, quae nosse tamen intereat. Colligendum itaque, ex veterum scriptis, quantum vel eorum negligentia permittit, vel temporis iniuria nobis reliquit. Thales patre Examio, matre Cleobulina natus est, ex Thelidarum familia, quae inter Phoenices clarissima fuit ^m. Quae maiorum patria seduxit veterum et recentiorum aliquos ⁿ, ut ipsum Thaletem Phoenicem fuisse dicerent: Miletum enim ex familia Phoenicia, quae ius ciuitatis indepta erat, genitum, patriam Ioniam habuisse, indubitatis veterum testimoniis constat, suntque, qui familia quoque indigenam fuisse, id est Graeco sanguine natum asserunt ^o. Ortum primo anno tricesimae quintae Olympiadis tradit Apollodorus in chronicis ^p, quod natiuitatis tempus praeter rem viri, quidam docti sollicitarunt ^q. Parentum vero opibus et cura atque ingenii magni et ad optima quaeque nati praestantia ita emicuit, ut reipublicae gubernaculis ad-moueretur. Et initio quidem priuatam vitam instituisse, et Thrasybuli magni ingenii et consummatae prudentiae viri conuictu usum fuisse, contendunt. Certe rectius illi sentiunt, qui coelibem egisse vitam tradunt, suumque ex sorore nepotem haeredem scripsisse asserunt ^r, quam qui uxorem duxisse, et filium genuisse aiunt ^s. Et si enim infantium amore vehementer tangebatur, noluit tamen ultro curis, quas liberorum saepe fata concitare solent, vitam obnoxiam reddere, eiusque tranquillitatem turbare ^t; unde rogatus; cur liberis operam non daret, διὰ φιλοτεκνίαν respondit ^u: eiusque specimen Soloni coelibatum eius miranti mira iucunditate fecit ^v: Alii tamen prima eius studia ad rempublicam gerendam spectauisse, inque magna fuisse auctoritate, contendunt ^w: infensissimum tamen tyrannidi, siue vnus principatui fuisse tradunt ^x, cum reliqui e VII. sapientibus Graeciae

Mmm 2

ciae

^m) LAERT. L. I. f. 22. qui ad Herodotum, Thuri et Democritum prouocat, conf. MENAG. ad l. c. Laert.

ⁿ) CLEM. ALEX. Strom. L. I. p. 300. HYGIN. astron. L. II. c. 2. quos sequuntur CUDWORTHVS Syst. int. c. I. §. 22. p. 27. et ven. WOLF. ad philosophum. PSEUDO-ORIG. c. I. p. 21. ita tamen, ut Phoenicem quidem dicant, sed genere non patria, de hac vero quaeritur, non de illo.

^o) Hermippus apud LAERT. L. I. f. 38. PLUT. de Herodoti malignitate.

^p) LAERT. L. I. f. 37.

^q) Annum enim serius natum fuisse Thaletem vult VOSSIVS de scient. math. c. XXXII. §. 6. p. 146. qui etiam, seductus a LAERTIO, dum cum Neleo Miletum peruenisse ait, Thaletem CCCC annis facit maiorem, insigni anachronismo. Olymp. XXXV. 1. quidem ponit SCALIG. ad Euseb. p. 83. MEVS. de archont. L. I. c. 10. PETAV. rat. temp. L. II. c. 12. p. m. 122. sequuntur tamen eos, qui Damasia archonte natum asserunt, quod in Olymp. XXXV. 2. incidit, adeoque eius tempus ad a. i. retrahunt. Perperam vtrumque, Damasiam enim non Olymp. XXXV. 2. tantum sed et XLVIII. 4. archontem

fuisse, quo anno sapientis nomen nactus est Thales, supra ex Marm. Arundellianis obseruauimus; Hi enim duo archontes non sunt confundendi. conf. STANLEII Hist. phil. P. I. p. 4.

^r) LAERT. L. I. f. 27. confuse publica et priuata Thaletis vita a veteribus refertur, quam tamen hac ratione in ordinem redigi posse putamus.

^s) LAERT. L. I. f. 26. SVID. in Θαλῆς Tom. II. p. 163. PLUT. in Solone.

^t) Apud LAERT. L. I. f. 25.

^u) STOBÆVS serm. CLXXXV. p. 641.

^x) LAERT. l. c. διὰ φιλοτεκνίαν legit CASAVBON. ad h. l. sed ut ex citato Stobaei loco patet, contra mentem Thaletis: qui eam Soloni egregie prodidit.

^y) PLUT. in Solone. Subornauit enim nuntium, qui Soloni indicaret, mortuum filium. Solone moerore oppresso et dolente, hanc ipsam rationem, ait, esse, cur liberos non gigneret; scilicet necura et dolor propter eos animum frangeret.

^z) LAERT. l. c.

^a) PLUT. in conu. VII. sap. Repetendum vero quod supra demonstraui, totum hoc conuiuium confictum esse: unde quae Thaleti tribuuntur, fidem exiguum habent.

ciae omnes in ciuitatibus suis principatum obtinuerint ^b. In eo vero eius fidem et dexteritatem excelluisse, vt optimis consiliis patriam iuaret, cuius exemplum vnum atque alterum nobis seruauit LAERTIVS et HERODOTVS ^c. Quicquid tamen illud est, hoc indubium videtur, mature se publicis muneribus subtraxisse, et eruditionis, imprimis vero philosophiae naturalis atque scientiarum mathematicarum studio se totum addixisse. Quem ingenii ad magna quaeque tendentis scopum vt attingeret, iter literarium ingressus est, et florentibus annis in Cretam primum abiit ^d, religionis atque mysteriorum, quae in ista insula tum temporis maxime celebrabantur ^e, discendorum cupidus, quod mirum videri queat, ingenio Thaletis a superstitione admodum abhorrente. Verum cum rerum naturalium studio vehementer flagraret, rerumque ortum et cosmogoniam istis mysteriis et theogoniis tradi sciret, ad explorandas veterum de mundi ortu atque natalibus opiniones illud iter suscepisse, est verisimillimum. In Asiam quoque abiisse, epistola quaedam ei tributa ait, vnde nonnulli putant, familiae origine, et astronomiae in hac gente cultae fama permotum ad Phoenices excurrisse, ibique sideralem scientiam, qua Phoenices excellebant, didicisse: vrsae quoque minoris sidus primum obseruasse ^f. Verum haec incerta sunt, nec probari testimoniis satis possunt. Certius vero et indubitatum, iam senem in Aegyptum profectum fuisse, eo animo, vt cum sacerdotibus astronomisque ibi versari sibi liceret. Institutum ibi fuisse a sacerdotibus Memphiticis, totamque philosophiam artesque mathematicas didicisse, imprimis geometriam, LAERTIVS, PLVTARCHVS et IAMBlichVS tradunt ^g: quos tamen praeiudicio de philosophia Aegyptiaca impletos plura affinxisse illi, quae Aegyptiis debuerit, quam verum est, denudata suo loco Aegyptiorum eruditio satis probat; certumque est, plus ingenio vere philosophico, quam Aegyptiorum institutioni in inueniendis veritatibus naturalibus debuisse Thaletem: cuius testimonium omni exceptione maius est, quod Aegyptios non sine eorum admiratione docuerat pyramidem metiri ^h. Scipione enim ad vmbrae, quam iaciebat pyramis, finem erecto, ac tactu radiorum solis duo triangula constituyente, demonstrabat, altitudinem pyramidis ad scipionis altitudinem ea esse proportionem, quam vmbra illius ad huius vmbrae haberet ⁱ. Haec vero cum ignorauerint magni illi Aegypti geometrae, quis in istis scientiis egregia multa ab iis didicisse Thaletem cre-

b) CICERO de Oratore L. III. c. 34.

c) Ille L. I. f. 25. hic L. I. p. 43.

d) LAERT. L. I. f. 43.

e) De iis videndus MEVSIVS in Creta L. IV. c. 2. p. 197 seqq.

f) Ibid. conf. VOSSIVS l. c. vix vero alio fundamento nititur, quam hoc: Astronomiam a Phoenicibus ad Graecos peruenisse, Thaletemque genere fuisse Phoenicium, id quod vehementer impingit in leges consequentiae Logicae. Thaletem Pythagorae suasse, vt Phoeniciam inuiferet, ait qui-

dem IAMBlichVS de vit. Pyth. c. III. n. 14. p. II. verum is parum fidei meretur, homo in historia Pythagorae nugiuendus.

g) LAERT. L. I. f. 24. PLVT. de plac. phil. L. I. c. 3. IAMB. l. c. c. I. n. 2. Quae vero PLVT. in Symposio de sermonibus ad Amasin regem habitis refert, fabulas Graecorum monarchico regimini inuisorum sapiunt.

h) Hieronym. apud LAERT. L. I. f. 27. PLIN. L. XXXVIII. c. 17.

i) Ita PLVT. l. c.

crediderit? Ex itineribus redux ^k ob ingenii diuitias et philosophiam, cuius exorientis iubar vehementer omnium oculos, qui hactenus in diluculo tantum quasi viderant, perstringebat, omnium admirationem meritis, eiusque familiaritas a multis praestantissimis viris expetita est, quam tamen otii philosophici, ad fouendas meditationes, amantissimus studiose declinauit ^l, et inueniendis veritatibus physicis, geometricis atque astronomicis ^m vitam omnem impendit: quae etsi exigua videri queant, si cum nostrorum temporum eruditione naturali et mathematica comparentur, et incertum sit, an omnia illi debeantur ⁿ, quae solent ei adscribi; cogitandum tamen est, in veritatibus primis inueniendis occupato, mediocria quoque magna et eximia fuisse. Tanto vero animi feruore atque contentione in philosophiae studia incubuit, vt ex sorore nepoti facultatum suarum curam relinqueret ^o, totumque se studiis traderet; a qua vehementi animi contentione narratiunculae forte ortae sunt, quae de illo non incertatantum, sed et explosa fide feruntur, astris contemplandis intentum, cum in foueam decidisset, ab ancilla, quae eum viderat, derisum fuisse, qui coelestibus scrutandis occupatus, ea non vidisset, quae ante pedes essent ^p, vel quod Anaximenis epistola apud LAERTIVM ^q narrat, vna cum ancillula sidera inspecturum atrio domus matutinum egressum, immemorem, vt sese situs loci haberet, dum aethera securius exploraret, in praeruptum locum ingressum decidisse, sicque vitae finem fecisse. Palpatur enim fabula manibus, ideo excogitata, vt haberent sophistarum discipuli, quo acumen dictionis venarentur: testaturque PAVSANIAS ^r et LAERTIVS ^s ad summam aetatem (quam nonaginta annorum numerum superasse certum est) cum peruixisset, Olymp. LVIII. 1. ^t dum Olympicos ludos spectaret, aestu, siti, grauisque senectae oppressum onere obiisse. Nec fortasse maiorem fidem meretur, quod veteres referunt ^u praesensisse eum astrologiae beneficio vberriam fore olearum messem, antequam florere coepissent: datoque adeo pignore cum exiguae essent eius facultates, omnia Mileti et Chii paruo pretio redemisse oliueta, nemine alio licitante. Tempore vero, quo maturescunt, aduentante, cum multi oleas quaererent auide et festinanter, quo vellet pretio diuendisse, et magnam pecuniae vim collegisse, ostendentem, quam opes parare philosophis, si velint, sit facile. Nam non solum

Mmm 3

tam

k) CYRILL. contr. Iul. L. I. p. 15.

l) PLUT. l. c.

m) Dicendum de iis in seqq.

n) Quae enim illi tribuuntur, apud alios ex parte adscribuntur aliis.

o) LAERT. L. I. f. 25.

p) PLATO in Thaeet. T. I. p. 174.

q) Lib. II. f. 4.

r) In Phocicis c. V. p. 811.

s) LAERT. L. I. f. 38.

t) LAERT. l. c. LXXXVII. ei tantum tribuit annos, quem tamen Olymp. XXXV. 1. natum et Ol. LVIII. 1. denatum dixerat: inde enim XXIII.

Olympiadum numerus, quo vixit, exsurgit, qui XCII. annos comprehendit. Quos tamen PETAVIVS ration. temp. L. H. c. 12. p. 122. minus recte XCVI. numerat, non enim Olymp. LVIII. 4. sed primo anno, quo ludi instituebantur obiit. LVCIANVS vero de longaeuis T. II. sp. m. 892. dum illum inter eos, centenarii qui obierunt refert, numero rotundo locutus fuisse videtur. Sepultus vero fuit in obscuro Mileti agello, vti praescripserat; honori vero et memoriae eius statua posita LAERT. L. I. f. 34. 39.

u) ARISTOT. Polit. L. I. c. 11. PLIN. L. XVIII. c. 20. LAERT. L. I. f. 25.

tam aperte denudata hodie est astrologicae artis vanitas et incertitudo, ut haec fieri non potuisse, sanus quilibet fateri necesse habeat *, sed et veteres incerto rumori deberi non negant, aliique longe aliis adscribunt: unde recte et hanc fabulam ex historia Thaletis viri eruditi proscripserunt †. Fuit vero Thales non philosophiae tantum naturalis et artium mathematicarum scientia clarissimus, sed ex consuetudine quoque temporis illius atque seculi cum poetica facultate, tum dictorum moralium, acumen et sapientiam moralem, atque politicam spirantium, felicitate praestantissimus, quae eruditione sapientis locum titulumque inervisse, supra indicauimus. Incertum tamen est, num apophthegmata, dicta et sententiae, quae ei tribuuntur ‡, omnes eum auctorem agnoscant? cum multa viris his sapientibus a sequioris temporis sophistis, eloquentiae et acuminis laudem in eiusmodi fictionibus quaerentibus, sint supposita. Quae ratio quoque prohibet, ea pro Thaletis agnoscere sententiis, quas PLUTARCHVS ei tribuit. Vtrum scripserit aliquid, veteres dissentiunt, et alii quidem, atque inter hos AVGVSTINVS §, disputationes de rerum natura literis mandauisse aiunt, librosque de astrologia nautica, et de punctis tropicis et aequinoctialibus, itemque metricum opus de meteoris, tribuunt: alii vero scripsisse quicquam, praeter ἀδ' μένα, negant ¶: a quorum partibus verisimilitudo omnino stat maior. Epistolae enim, quas nobis seruauit LAERTIVS suspectae sunt †, et scholam rhetoris olent, id quod de plerisque philosophorum veterum epistolis asserere nulli dubitamus §. Tandem moneamus, Thaletem Milesium cum Creteni poëta ac legislatore confundendum non esse †. Discipulum habuit Anaximandrum ‡, incertum vero, an Anaximenem vel Pythagoram §?

§. IV.

x) Conf. FRANC. VALLESIVS philos. S. c. XXXI. p. 232. Vnde mirum CAROL. OWENVM in theatro impostur. p. 66. vers. Germ. hanc praedictionem reuelationi diabolicae adscripsisse.

y) Vid. Aët. philos. Vol. I. p. 16. Vol. III. p. 174. Videtur tota fabula ad conciliandam nugacissimae arti fidem aliquam excogitata fuisse. Hinc aliis quoque philosophis imprimis Democrito adscribitur apud PLIN. l. c. quod satis prodit, vulgi incertum rumorem fuisse.

z) Vid. Demetr. Phaler. apud STOBÆVM Serm. XXVIII. p. 86. AVSON. p. 112. LAERT. L. I. f. 34. STANLEIVS P. I. c. 9. p. 22 seqq. Quae vero PLUTARCHVS in Conuiuio habet, suspecta et tantum non omnia conficta esse, ex supra dictis est manifestum.

a) De C. D. L. VIII. c. II. SIMPLIC. ad Arist. Phys. L. I. p. 6. LAERT. L. I. f. 23. SVIDAS l. c.

b) LAERT. L. I. f. 23. THEMIST. Orat. XXVI. p. 317. conf. FABRICIVS Biblioth. Graec. Vol. I. pag. 238 seqq. PLUTARCHVS vero in libro: quare Pythia oracula fundere desierit, iungit eum Orpheo, Hesiodo Parmenidi, qui carminibus philosophiam tradiderunt, quod et SVIDAS innuit.

Cum vero nihil scripsisse, et Anaximandrum primum fuisse, qui philosophiam scripto comprehenderit, tradant veteres, fide digni, eos, nimis aetate a Thalete remotos, non sequendos putamus, licet id faciat doctissimus OLEARIVS ad STANLEIVM. p. 26. ἀδ' μένα quoque non omnis philosophia metro comprehensa sunt, sed dicta moralia laxiori metro expressa et liberiori carmine.

c) Ita etiam HVET. Dem. Eu. Pr. IV. c. 2. §. 1. p. 52. BENTLEIVS de Phalarid. HEVMANN. Aët. phil. Vol. III. p. 173. FABRICIVS Bibl. Graec. l. c. p. 239.

d) Consentiant magni iudicii viri, IOSEPH. SCALIGER. ep. 306. quosque nominat FABRIC. l. c. p. 406 seqq.

e) Dictum de eo supra: Alios huius nominis enumerat LAERT. f. 38.

f) LAERT. L. II. f. 1. EVSEB. Praep. L. X. c. ult. SVIDAS in Anaxim.

g) Asserit id STANLEIVS P. I. c. 12. p. 26. vsus auctoritate epistolae Anaximenis ad Pythagoram. Verum neque eius fides magna est, nec ea id dicit, recte monente OLEARIO ad h. l. quod vero JAMBL. in vit. Pyth. c. l. n. II. p. 7. asserit, ad eius nugas referendum esse, suo loco demonstrabimus.

§. IV. Philosophicarum vero doctrinarum, a Thalete expositarum *Philosophia Ionicorum.* systema omnium maxime attentionem meretur, quia primus quasi accuratius philosophantis humani ingenii conatus atque tentamen fuit. Illud vero ita exponere, quemadmodum res poscit, et requiritur, ut solidum atque accuratum iudicium de eo fieri queat, impossibile est, multisque difficultatibus obseptum, quas superare non licet. Cuius causas sequentes probe ponderandas esse, quilibet, qui praecipitanter agere in iudicandis veterum opinionibus non vult, concedet facile.

I. Non habemus scripta philosophorum Ionicorum, quibus de systemate suo mentem explicuere; sed mature, quicquid ea de re tradiderunt, periit; siue quod paucissimis tantum discipulorum id crederent, rati, indignum esse noua scientia, quae tum singulari habitu iustae facie, primum quasi apparebat, eam cum vulgo communicare, et quasi prostituere^b; siue quod speculationes supra Graecorum tum temporis captum surgentes contemnerentur, longe aliter inclinantibus plerorumque ingeniis, quae philosophiam hactenus in poetarum atque theologorum fabulis latere, nec esse rem cuiuslibet, crediderant; siue quod arcana docendi methodus, quam illi, qui supra vulgus sapere, et de rebus vniuersi aliquid scire se iactabant, seruauerant, viris istis ex Ionica secta persuaferit, sua ad excitandum philosophiae atque conseruandum honorem occultare; siue denique, quod introducta per Socratem philosophia morali, physica Ionicorum doctrina contempta euiluerit, sicque scripta eorum neglecta fuerint, vel omnes quoque hae causae concurrerint. Deficientibus vero in tam cana antiquitate fontibus primariis, cum ex impuris tantum riuulis hauriendum sit, quis certam iustamque philosophiae Ionicae sibi promittet historiam atque notitiamⁱ.

II. Deficientibus itaque monumentis Ionicorum, ad eos recurrendum est, qui tempore et aetate illis proximi fuerunt, et de dogmatibus eorum retulerunt aliquid: Verum et hic difficultates haud leues atque impedimenta magna se offerunt, quo minus ad certam aliquam philosophiae Ionicae notitiam peruenire nobis liceat. Ex schola enim Ionicorum vnus, qui philosophiam ad posteros propagauit egressus est Socrates, qui cum exiguum in emendando animo et firmanda hominis felicitate usum habere speculationes physicorum Ionicorum philosophicas cerneret, non ipse tantum eas missas fecit, sed et discipulos ab iis auocauit: vnde tam pauci sunt ex isto tempore, qui Ionica dogmata nobis tradidere. Vnus Plato inuentus est, qui naturalem philosophiae partem, a Socrate neglectam, morali iungeret, ex cuius postea disciplina exiit Aristoteles, nouamque philosophiam condidit. Vterque de veterum, imprimis Ionicorum doctrinis passim egit,

^b) Egregie id animaduersum de Thalete aliisque
a THEMISTIO Or. XXVI. p. 317. ait inter alia:
Πρὶν (ante Anaximandrum) εἰς ὁνειδὺς καθεύδουσαν

τὸ λόγους συγγράφειν ἀλλ' ἔκ ἐνομιζέτο τοῖς
προσθὲν Ἑλλήσι sed totus locus legendus est.

ⁱ) Conf. Act. philosoph. Vol. III. p. 165 seqq.

egit^k, et posterior imprimis, qui id sibi constituendum putavit, ut veterum physicorum sententias enarraret et refelleret. Vtrique tamen in hac re fidendum non esse, ex iis, quae suo loco de ambobus philosophis dicentur, erit manifestissimum. Plato enim syncretistica philosophandi ratione abreptus, veterum plerumque sententias ita detorsit, ut in harmoniam abirent doctrinae inter se toto coelo diuersae, sicque veterum placita foede saepe numero inter sese permiscuit^l. Aristoteles vero fideliter in recensendis veterum systematibus non versatus est, sed doctrinas earum valde corrumpit, parte nonnunquam necessaria truncauit, et ita exposuit, ut non possint non a lectoribus suis reiici, suisque poltrponi: surreptis tamen iis, quae sibi inferuire posse putauerat. Quem in finem etiam breuitatem, quam alias quoque sectabatur, et obscuritatem ita adhibuit, ut laterem lauent, qui notitiam claram atque certam de placitis physicorum veterum ex Aristotele haurire se posse putant. Quam malam Aristotelis fidem et veteres et recentiores philosophi agnouerunt^m, deque ea questi sunt. Post hos Platonici, quos vocant recentiores, de hac historiae philosophicae parte sibi visi sunt meruisse, quibus adiiciendus est PLUTARCHVS. Illi vero quam incerti atque infidi hac in re testes sint, vel solum, quod tam anxie sequebantur studium omnium philosophorum systemata conciliandi, suoque iungendi, in apico ponit. Accedit, quod imprimis apud Plutarchum notandum estⁿ, adeo remotos ab Ionicorum temporibus esse hos philosophos, ut sine propiore, quem secuti sunt, teste nominato fides omnino vacillet; quem tamen indicare nobis, plerumque obliti sunt. Id quod magnam incertitudinem gignere, quilibet, qui accuratiora sequi nouit, videt.

III. Non defuerunt quidem inter recentiores, qui ut physicorum, fere omnium, qui ante Aristotelem vixerunt, ita et Ionicorum praecepta de natura rerum explicauerunt, inter quos imprimis nominandi sunt SCIPIO AQUILIANVS^o et THOMAS BURNETIVS^p, alique. Verum non habemus certius atque accuratius aliquid, quod lectori inde promittamus. Cum enim incertis et deficientibus veterum relationibus, imprimis Aristotelis, quem diligenter et cum cura secutus est AQUILIANVS, uti necesse haberent, ad coniecturas confugiendum fuit viris doctissimis, et consequentiarum tantum adminiculo ea eruenda, quae virisimili aliqua ratione aliquod physicae Ionicae systema exhiberent. In quo quidem ingenium, eruditionem et industriam virorum doctissimorum

k) Loca eorum in sequentibus allegabimus. Apud Platonem id interdum non nominatis sit Ionicis.

l) Hoc imprimis factum in mixtis et confusis inter se principiis Heracliti et Ionicorum et Eleaticorum.

m) Videndus ex veteribus PORPHYRIUS de vita Pythag. n. 51. et quae hac de re dicimus suo loco. Ex recentioribus cel. MOS-

HEMIVS ad CUDWORTH. pag. III. not. 2.

n) Idem de CICERONE quoque valet, qui passim de doctrinis Ionicorum disseruit: itemque de CLEM. ALEX. aliisque.

o) In libello rarissimo de placitis physicis veterum philosophorum ante Aristotelem Vener. 1604. 4. edito.

p) Archaeol. philos. L. I. c. 10. add. MORHOF. Polyhist. T. II. L. II. c. 20. BAYLE Dict. v. Thales, Anaxagoras.

rum vehementer laudamus, dolemus vero, certi sitienti lectori ita non fieri satis, et saepe numero ea tribui Ionicis philosophis, de quibus ne per somnium quidem cogitarunt, et interpretum magis ingenio, quam illorum philosophiae debentur. Inde factum quoque est, quod nouam nobis difficultatem parit, vt in diuersas atque oppositas saepe partes discederent Ionicae philosophiae explanatores, sibi que contradicerent, et vehementer pugnarent: quod imprimis proditum est, vbi de atheismo sectae Ionicae disputatum, et in diuersas partes itum est, aliis eos accusantibus, aliis causam eorum agentibus¹, tanta rei incertitudine, vt vicisse, vbi aduersarium aggreduuntur, victi vbi causam suam defendunt saepe numero videantur.

IV. Non parum vero in eo ab his peccatum esse *ἀντιψία* docet, quod maiora, plura et claria in Ionicae philosophiae systemate quaesuerint, quam reuera in eo inueniuntur. Versabatur tum in ipsis philosophandi *συζηματικῶς* initiis humanum ingenium, videratque veritates aliquas, easque ex principiis suis deduxerat, sed nec plene nec accurate satis, vt in initiis scientiarum plerumque fieri solet, quae non nisi multorum seculorum labore et meditatione ad iustam perfectionem perducuntur. Hoc qui non attendunt, eos necesse est, veterum laciniis multa assuere, et de suo complere, de quibus illi nunquam cogitarunt². Haec itaque cum ita se habeant, modestiam in excutienda philosophia Ionica sequendam et aliis commendamus, et nobis legem ponimus, sperantes, lectorem istis, quas adduximus, rationibus adductum iri, vt aequae ferat, si non integra atque plena eorum systemata adducamus³, coniecturasque nostras vltra verisimilitudinis aliquem gradum non euehamus, vel modestum quoque seruemus silentium.

§. V. His praemissis iam philosophiam Thaletis considerabimus. Ea *Thaletis philosophia.* vero potissimum circa rerum naturalium contemplationem versata est, licet de incorporeis quoque rebus et scientiis mathematicis sollicitus fuerit: moralem vero philosophiam non nisi *ἐξωτερικῶς* attigit, et ex more seculi sui sententiis atque apophthegmatibus illustrauit. Et haec quoque causa est, cur Ionici vocari soleant physici, eo quod de natura mundi philosophati fuerint, curque Thales dicatur princeps physicorum apud TERTULLIANVM⁴, primusque audiat CICERONI⁵ qui de rebus naturalibus quaesuerit. Physicarum vero doctrinarum eius summam his potissimum positionibus constituisse veteres tradunt:

I. Aquam primum corporum naturalium principium esse, ex quo *De ortu rerum.* existant primo, et in quod postremo resoluantur. pium

¹) Dicitur hac de re in sequentibus.

²) Obseruatum hoc docto viro qui Obs. Hal. Germ. P. V. obs. I. ea de re egit. Add. CONRING. de Herm. medic. c. XIV. MORHOF. I. c. Acta phil. Vol. III. p. 166. 167.

³) Conf. cel. MOSHEMIVS ad CUDWORTHVM Syst. intell. c. III. §. 21. n. 8. p. 123. qui et ipse monet in tanta veterum auctorum inconstantia

et testimoniorum paucitate nihil certi de placitis Ionicorum dici posse.

²) Apolog. c. 26.

⁴) De diuinat. L. I. c. 10. quibus addendi LACTANT. de falsa rel. L. I. p. 18. STRABO L. XIV. p. 635. LAERTIVS L. I. f. 24. et MENAG. ad h. l. PLUTARCH. de plac. phil. L. 3.

pium totius naturalis philosophiae Thaletis, consensu veterum Thaleti tribuitur, quemadmodum ex ARISTOTELE^x, LAERTIO^y, PLUTARCHO^z, CICERONE^a multisque aliis ex veterum numero videre est, nec negatum quoque esse a quopiam meminimus. Ut vero recte intelligatur, monenda quaedam sunt, sine quibus frustra generale hoc principium considerabitur. Scilicet notandum 1. mundi hoc initium posuisse Thaletem, non rerum omnium siue vniuersitatis. Supra enim obseruauimus, veterum theogoniarum conditores ortum vniuersitatis rerum haud raro cum natalibus mundi nostratis commiscuisse, et primo quidem generalia principia posuisse, mox vero ad mundi huius fabricam fuisse delapsos. Haec ut euitaret Thales, meliori ordine philosophaturus, aquam primum principium omnium, quae in mundo sunt, rerum constituit, de reliquis non sollicitus^b. Qua in re cum Indis sensisse videtur, de quibus Megasthenem, referentem supra^c audiuius, statuuisse eos: vniuersarum rerum primordia diuersa esse, mundi autem aquam. 2. Aquam vero dum Thales omnium, quae in mundo sunt, rerum principium dixit, non tam causam effectricem a qua orta sunt omnia, quam materiam potius, ex qua formata sunt, intellexisse, verisimile est. Cum enim vox ἀρχή vtrumque notet, et principium a quo, et initium siue materiam ex qua res sunt, dubius ita sensus oritur, num praeter aquam causam quoque effectricem aliam rerum omnium Thales admiserit, qua de re postea ex instituto tractabimus. In praesentia, hoc monuisse sufficiat, videri Thaletem veterum cosmogoniarum, quas cum ex traditionibus Phoenicum, quibus genus et maiores debebat, tum in insula Creta, et in Aegypto didicerat, auctores in eo secutum fuisse, qui posthabita causa effectrice prima ad materiale potissimum respexerunt, et de ortu rerum naturalium ex chaos philosophati sunt. Certe ARISTOTELEM atque PLUTARCHVM^d ita Thaletem interpretatos fuisse, aperta vtriusque verba, et quae inde formauere, ratiocinia probant. Prior enim principium hoc, ex quo res fiant, explicat, putatque ideo Thaletem in hunc modum de initiis rerum omnium fuisse philosophatum, quoniam cunctorum semina humidam naturam sortita sint: aqua vero naturae principium humidis sit: alter vero Thaletem reprehendit, quod principium cum elemento confundat, aquam enim esse elementum, esseque materiam aqua et terra priorem, forma carentem, ex qua omnia. Recte itaque et clarius CICERO^e, aquam esse dixit ex mente Thaletis non principium sed initium rerum omnium. 3. Nihil tamen noui videtur Thales hoc principio statuuisse, sed explicuisse tantum clariori voce, quid veteres physiologi ante sua tempora per chaos intellexerint^f. Probauisse enim Tha-

x) Metaphys. L. I. c. 3.

y) L. I. f. 27.

z) loc. cit.

a) De nat. Deor. L. I. c. 10.

b) Ordo hoc totius systematis. Thaletis postulat, et imprimis quae ARISTOTELES et PLUTAR-

CHVS I. c. de eo referunt. conf. PSEUDO-ORIGEN. Philosoph. c. II. p. 22.

c) STRABO L. XV. p. 713. conf. BURNETTUS Archaeolog. philos. L. I. c. 10. p. 417.

d) II. cc.

e) I. c.

f) Veterum hac de re mentem discere licet ex IVST.

Thaletem suam de aqua rerum omnium initio opinionem ex Homero IUSTINVS MARTYR² atque PLVTARCHVSⁿ referunt; et ex iis, quae de theologia et physiologia veterum Graecorum supra dicta sunt, notum est, fuisse inter veteres, qui chaos aquam turbidam atque limosam dixerint. Differt tamen Thaletis dogma a Phoenicio, quod αἶρα ζοφώδη καὶ πνευματώδης aërem spiritu foetum et tenebricosum requirebatⁱ. Videturque Thales, cum clarius de rerum initiis philosophari vellet, incertas vagasque veterum de chao notiones clariori voce exposuisse, et quid intelligi posset, per chaos significasse. 4. Quo vero fundamento, quibusue rationibus Thales permotus aquam inter primordia rerum posuerit, cum ipsius et genuinorum discipulorum scripta nulla extent, definiri non posse putamus. Afferunt quidem diligentes doctrinarum veterum collectores PLVTARCHVS² atque STOBÆVS^l rationes varias, quas Thaleti tribuunt: semen omnium animalium humidum esse, omnes stirpes humido ali, solis stellarumque ignes et totum mundum aquae exhalationibus nutriri, quibus ARISTOTELES^m adiicit, infimum eum aquae locum assignauisse, et SENECAⁿ, terram toto subiectam humore portari et innatare. Verum has rationes ab ingenio Thaletis non fuisse profectas, verisimile est, et excogitatae videntur, vt ratio philosophica daretur admissa Thalete principii. Vnde in iis explicandis vel refutandis tempus consumere nolumus, nec anxie quaeremus, an possibile Thales putauerit, quod ex rarefactione et condensatione exhalantis aquae reliquorum elementorum ortus extiterit, nec ne? Legant, qui in his otium suum consumere cupiunt, quae veteris philosophiae gnarissimus IACOBVS THOMASIVS aliquot de principiis philosophiae Ionicae observationibus^o et PETRVS BAYLE^p acute disputarunt. Nos enim frustra haec fieri putamus, cum vera, quae impulerit Thaletem, ratio, vt hoc principium admitteret, nobis ignota sit, nec a verisimilitudine abludat, Thaletem ex traditione magis, quam ratiocinationibus ad principium hoc fuisse delapsum.

II. Mundum esse vnicum, eumque esse opus Dei, atque ideo pulcherrimum esse. Prius Thaleti tribuit PLVTARCHVS^q, posterius LAERTIVS^r. Valde tamen hic in diuersas easque sibimet contrarias sententias demente Thaletis circa principia rerum genitarum abeunt viri docti, contententibus aliis, Thaletem adiunxisse causae materiali, quam aquam constituisse probauimus, causam effectricem rationalem, Deum, aliis negantibus,

*De Deo eius-
que opere,
mundo.*

Nnn 2

bus,

IUST. LIPSI Physilog. Stoic. L. II. diff. VIII. p. m. 169 seqq. et STANLEI Hist. philos. P. I. c. 6. f. 1. p. 9. qui tamen non satis accurate in hoc argumento versati sunt.

2) Cohort. ad Graec. p. m. 7. ed. Paris.

3) PLVT. l. c. T. II. p. 4. qui in tr. ignis an aqua vtilior, etiam ad Hesiodum prouocat.

4) Conf. ven. MOSHEMIVS ad CVDW. c. I. §. 22. p. 27. not. 7.

5) loc. cit.

6) Eclog. phys. L. I. c. 13. p. 25. ed. Cant.

m) loc. cit.

n) Natur. Qq. L. VI. c. 6.

o) Obs. Hal. T. II. obs. 18 seqq. p. 417 seqq.

p) Dict. T. IV. art. Thales not. D. add. SCIPIO AQUILIAN. l. c. c. XIX. p. 84 seqq. B. RECHENBERGIVS de eo, an aqua sit omnium corporum materia et principium. Io. HENR. MULLERVS de aqua principio rerum ex mente Thaletis, Altdorf. 1718. conf. Biblioth. Academ. p. 390 seqq.

q) De placit. philosoph. L. II. c. i.

r) L. I. f. 35.

bus, et Thaletem in eorum album referentibus, qui Deum ex mundo re-
legarunt, et atheisimum professi sunt. Prior sententia non adducto tan-
tum LAERTII loco confirmatur, sed iis quoque, quae de Deo alibi ^s di-
xit; esse antiquissimum omnium, non habere principium neque finem,
nec cogitationes latere ^r: plena esse Deorum omnia ^a. Imprimis vero
luculentum est testimonium CICERONIS ^x qui disertè: *Thales Milesius,*
qui primus de talibus rebus quaesivit, aquam dixit esse initium rerum: Deum au-
tem eam mentem, quae ex aqua cuncta fingeret. Si Dii possunt esse sine sensu et
mente, cur aquae adiunxit, si ipsa mens constare potest, vacans corpore? Ex qui-
bus verbis patet, non tantum Deum Thaletem asseruisse, sed neque otio-
sum spectatorem fecisse, sed rebus formandis praeposuisse ^y. Habet ta-
men, quod his opponat altera quoque sententia, quae Thaletem vult Deum
ex rerum oriundarum proscriptisse negotio. Ea imprimis vrget, quod
veteres vnanimi fere ore fatentur, Anaxagoram primum fuisse, qui men-
tem materiae adiunxerit, id est Deum causam fecerit efficientem mundi ^z.
Inde enim sequitur, eos, qui ante Anaxagoram fuerunt, aliter sensisse,
Deique nullam fecisse mentionem inter principia naturalia: id imprimis
confirmatur inde quoque, quod Thales aquam non ἀρχὴν tantum, sed
μὴν quoque ἀρχὴν vnicum principium faciat ^a, nec in toto eius systemate
physiologico vlla Dei mentio, immo nec vestigium causae rationalis ap-
pareat ^b. Nec ea, quae pro Thaletis pietate afferuntur testimonia fide digna
putant, utpote quae incerto rumorì debeantur, hisque auctoritatem A V-
GUSTINI ^c, cui et CLEMENS ALEXANDRINVS ^d et EVSEBIVS ^e ad-
iici possunt, opponunt. Ad quae tamen ita respondent, qui Thaleti bene
cupiunt ^f: Thaletem de mundi γενέσει philosophantem non sustulisse ex re-
rum vniuersitate Deum, sed supposuisse, et abstrahendo a summo rerum opi-
fice, tanquam causa ab omni fere antiquitate concessa, tantum de principiis
materialibus atque physicis, non metaphysicis, agere instituisse: id cum non
satis procedere videret Anaxagoras, mentem eum, quam Thales tacitus
quasi supponebat, adiecisse, et sic φανερός, quod disertè ARISTOTELES
addit ^g de causa efficiente fuisse philosophatum, mentemque diuinam ad de-
monstrandam mundi generationem adhibuisse. Nec Patrum quoque au-
ctori-

^s) IDEM l. c.

^t) CLEMENS ALEX. Strom. L. V. p. 594.

^x) Qua de re in seqq. dicitur.

^y) De nat. Deor. L. I. c. 10.

^z) Ita Thaletis causam agunt CUDWORTH. L. c. p. 27. 122. et MOSHEM. ad h. l. AQUILIA-
NVS l. c. SAM. PARCKER. disp. de Deo et pro-
uid. Diu. disp. I. sect. 5. 6. p. 13 seqq. 10. CHR.
WOLF. de atheismi falso suspectis §. 9. BYD-
DEVS thes. de atheismo, c. I. §. 10. alique laudati
REIMMANNO Hist. ath. c. XIX. §. 2. p. 129.
STANLEY. Hist. Phil. P. I. c. 9. 10. POTTER.
ad CLEM. ALEX. Protr. p. 56.

^a) ARIST. Metaph. L. I. c. 3.

^b) Conf. OLEAR. ad l. c. STANLEY.

^c) Ita IAC. THOMAS. Obs. Hal. Lat. T. II.

obs. XXI. et BAYLE Dict. art. Anaxagoras T. I.
not. D. art. Thales not. C. Auctor Hist. crit. Phil.
T. II. L. III. c. 11. §. 5. 6. p. 11 seqq. qui tamen sa-
tis confuse in hoc argumento versatur, sibi que
contradicit.

^c) De C. D. L. VIII. c. 2.

^d) Strom. L. II. p. 364.

^e) Praep. euang. L. I. c. 7. p. 21. 22.

^f) PARCKERVS, OLEARIVS, MOSHEMIVS ll. cc.

^g) l. c. T. II. Opp. p. 646. ed. Casaub. quod
totum caput diligenter inspectum, recte haec ita
dici, luculenter confirmat. Non enim Thale-
tem et alios illo antiquiores ait solam causam
materiam agnouisse, negasse efficientem, sed ad
hanc non respexisse, illa contentos, Anaxagoram
vero aperte aduocasse.

toritatem tantam esse putant, vt ideo Thaletis caussa deferenda sit: eos enim ex praeiudicio temporis sui hac de re locutos, quaesiuisset quamcunque occasionem philosophis gentilibus aegre faciendi, iisque impietatem obii- ciendi. Nobis, si in re obscura, et difficili aliquid dicendum est, distincte re- spondendum et de hac quaestione statuendum videtur. Nempe 1. repeten- da ea sunt, quae in antecedentibus de incertitudine historiae huius sectae eiusque dogmatibus diximus et ad Thaletem applicanda. Qui cum doctrina- rum suarum interpretem ipse non egerit, nobisque deficient monumenta ge- nuina, vnde de vera eius mente, quam in contrarias partes trahi videmus, iu- dicari queat, impossibile existimamus, in tanta rei incertitudine, certi quid de atheismo Thaletis dicere, eo quod ad coniecturas omnia fideunt. Quae etsi in vtramque partem controuersiam admittunt, verisimilitudine ta- men inter se differunt, et vna altera est potior. Has itaque sequentes 2. mo- nemus, nihil esse in systemate Thaletis, quod necessario impietatem inuol- uat. Etsi enim causssae rationalis non meminit, mentemque effectricem non adiecit, non tamen ideo exclusisse eam inde sequitur, sed more veterum, quos secutus est, supposuisse, et in enucleandis principiis physicis et materia- libus ad ea tantum respexisse, quae materiae motu semel concepto propria sunt, et generationem rerum φυσικῶς non vero μεταφυσικῶς explicare apta. Admodum enim verisimile est, Thaletem veterem cosmogoniam, quam inter barbaros didicerat, retinuisse^g, et in id tantum incubuisse, vt, quod illi simplici traditione exponebant, de eo ipse, redditus et expositis rerum causis, quaereret, vt luculenter ait C I C E R O. Theologos vero sine phy- siologos veteres in explicanda mundi generatione, Deum quidem non ne- gasse, sed obscurissime supposuisse, principia vero thegonica chaos, no- ctem, litem et amicitiam, siue amorem pro principiis adhibuisse, sicque rerum γένεσιν explicuisse in superioribus luculenter, nisi fallimur, demon- strauimus. Ex quibus sequitur, nec Thaletem, Deum prorsus proscri- psisse e mundo, nec tamen ad describendos mundi natales adhibuisse, sed materiae tantum motum et modificationem explicuisse, vt eorum ratio- nem philosophicam redderet, quae nuda assertione theologi vetustissimi tradebant. 3. Quoniam vero solis coniecturis de systematis Thaletis prin- cipiis eorumque constitutione dispiciendum est, non ad vnam tantum al- teramue veterum de Thaletis doctrina relationem attendendum est, sed cuncta, quae propiorem fidem merentur, coniungenda sunt, vt inde quan- tum fieri potest, cohaerens aliquod doctrinae aedificium exstruatur. Hoc etsi ob deficientia genuina Ionicorum monumenta exacta ratione fieri posse sperandum non est, licebit tamen non inconcinnum et improbabilem do- ctrinae naturalis Thaletis ordinem instituere, et ex eo iudicare, qua ra- tione de Deo respectu ad mundum habito senserit. Hoc vt pro virium

Nnn 3

mo-

^g) Certe ita visum ARISTOTELI l. c. qui vbi Thaletis principium exposuit, addit: εἰσὶ δὲ τινὲς οἱ καὶ τὰς πεμπλααῖδαι καὶ πολλοὶ πρὸ τῆς νῦν γενέσεως καὶ πρώτης θεωλοῦντας ὥτας οἶοντα

περὶ τῆς φύσεως διαλαβεῖν. Sunt quidam, qui putant; vetustissimos a praesenti seculo remo- tos admodum, primosque theologos eundem in modum de natura sensisse.

Thaletis doctrina de Deo.

modulo facere tentemus, supponimus, Thaletem asseruisse, mundi mentem esse Deum. Non hoc nuda coniectura Thaleti affingimus, sed veterum consensu affirmamus. Tribuunt enim id Thaleti ARISTOTELES^h, PLUTARCHVSⁱ, EVSEBIVS^k, LAERTIVS^l, STOBÆVS^m. Nec ignorare potest, qui ea legit, quae supra de theologia Aegyptiorum atque theogonia scriptorum Graecorum, fuisse diximus, in ea sententia omnes hos fuisse, esse Deum animam mundi, huncque peculiari ratione ex Deo emanasse, sicque ex Deo producta materia illo animante motumque largiente cuncta generata esse. Haec vero apud Aegyptios, Creteneses et in Asia forte didicerat Thales; quis non verisimili ratione concludat, eodem sensu hoc principium eum in systema suum recepiſſe, vel potius in eo supposuisse? Hoc vnum certe non improbabilem hanc esse opinionem satis commonſtrat, ſimulque eos in excuſando Thalete nimios eſſe oſtendit, qui hoc ita explicant, docuiſſe Thaletem, Deum eſſe ſpiritum, qui mundum feceritⁿ. Verum non verisimilis tantum coniectura haec ſuadet, ſed et tota Thaletis de Deo et diuinis doctrina poſtulat. Quod vt manifeſtum faciamus 4. porro obſeruamus ſtatuiffe Thaletem, omnia, quae cernuntur Deorum eſſe plena^o. Quod dogma ex ſyſtemate emanatio ſequi, et Deum eſſe animam mundi, inferre, veterum conſenſus, et variarum gentium theologia, in quam receptum fuit, probat: quod quoniam alibi^p fuſe, et niſi fallimur, luculenter demonſtrauiſmus, non hic repetemus, actumque iterum agemus, ſed lectoris patientiam exoramus ad expendenda ea, quae ibi dicta ſunt. Immo ſola, quam ſupra inſtituimus tractatio de ſyſtemate emanatio theogoniarum lucem claram huic rei accendit. Haec cum ita ſint, patet 5. cur Thales mundum dixerit *ἐμψυχον*, ſiue animatum, quod ait LAERTIVS^q, qui mox adiicit *καὶ δαιμόνων πλήρη εἶναι*, vt oſtenderet, animum iſtum nihil aliud eſſe, quam mentem diuinam omnes daemones in ſe comprehendentem, qua ratione et Platonici ſuo modo, propius vero Stoici de Deo diſſeruerunt. Haec ſi, vt ſua probabilitate nituntur, admittimus, ratio dari poteſt omnium eorum, quae de Deo et diuinis Thales tradidit atque diſputauit. Deum hominem male agentem ne cogitando quidem latere poſſe, ex hac hypotheſi ſemel admiſſa neceſſario ſequitur, cum et ipſius animus ex anima hac mundana ſiue Deo emanauerit, eaque ipſi intime praeſens ſit. Deum antiquiſſimum eſſe recte aſſeritur, quia ſons riuulis, et principium emanationis, emanatio ſiue prius et antiquius eſt. Mundus apte dicitur Dei opus, ex cuius ſinu effluxit. Immo Ciceronis quoque relatio locum habet, Deum eſſe mentem, ſed inhabitantem, quae ex aqua cuncta fingeret. Porro ex hac hypotheſi prono quoque alueo fluit, quod Thales interrogatus, *quid for-*

tiffi-

^h) De anima L. I. c. 5.

ⁱ) De plac. phil. L. I. c. 7.

^k) Praep. euang. L. XIV. c. 6.

^l) L. I. f. 27.

^m) Eclog. phyſ. c. I. p. 2.

ⁿ) Ita auctor *Historiae philoſ. gentilis* T. I. p. 49.

^o conf. BVDÆVS de phil. mor. Thaletis §. 10. H. E.

^p) V. T. T. I. p. 691. 692. Quod de ſpiritu a materia ſeiuncto intelligi volunt, ſed inuito Thalete, vt ex dictis patet.

^q) LAERT. l. c. ARIST. l. c. CICERO de leg. L. II. c. 11.

^r) In Otio Vindelico Exerc. II. §. 2. p. 129 ſeqq.

^s) loc. cit.

tissimum sit? respondit: *esse necessitatem, siue fatum, omnem enim mundum gubernare. Esse vero necessitatem providentiae constans iudicium et immutabilem potestatem*. Haec enim necessaria series rerum ex anima mundi, Deo, emanantium est, quae uti in ipsa DEI natura fundatur, ita immutabilis est, et diuina, resque omnes conseruat, et quia ex suo fonte diuinitatem, quasi communicat, omnia gubernat. Tandem his admissis 6. facile ad obiectiones responderi potest, quae contra Thaletem formantur. Nam quod ab Anaxagora, mentem prius adiiciente materiae, desumitur argumentum, dicta non refellit, longe aliter enim Anaxagoras mentem materiae adiecit, quam Thales, nec ei immerfit, sed adiunxit, sicque *Φανερός* de Deo, quem Thales abscondebatur, philosophatus est. Patet quoque ex dictis unde aqua vim, motumque ad generationem rerum acceperit, etsi *μὴν ἀρχὴν*, sed in ordine tantum rerum materialium eam dixerit. Constat vero ex iis quoque 7. quousque ab impietate absoluendus sit Thales, qui in atheorum quidem classem referendus non est, indignam tamen de Deo fuit sententiam, cum plerisque barbarorum et Graecorum theologorum, quibus systema emanatum placuit, in vnam classem referendus. Non negamus, hanc theologiae Thaletis explicationem omnibus dubiis non carere, quod virum summum I. L. MOSHEMIVM de hac nostra sententia pronunciasse probe meminimus. Sed quis in tam obscuro atque incerto argumento certas omnique dubio carentes demonstrationes vel promittet, vel etiam postulabit? Dabimus itaque, qua decet esse modestia, cuilibet veniam, haec refutanti, modo certiora in argumento incertissimo nos edoceat.

§. VI. Sed pergendum est in explicatione naturalis philosophiae Thaletis, atque ostendendum, qua ratione expositis semel principiis: materialem causam mundi esse aquam, Deumque esse mundi animum, huncque ideo animatum, rerum naturalium ortum atque generationem deriuauerit. Concludebat vero, quod prona consequentia inde fuit, porro

De generatione rerum naturalium.

III. Locum continere mundum. Rogatus enim Thales, quid maximum? respondit, locus; reliqua enim mundus continet, ab hoc continetur. Ita PLUTARCHVS, quem sequitur LAERTIVS. Etsi vero in conuiuio VII. sapientum ille hoc Thaletis esse dicit, in quo acumina his viris tributa pleraque figmentum scholae vel traditionem quoque incertam sapere, supra ostendimus, ipsa tamen haec doctrina ex admissis semel principiis Thaletis necessario fuit. Cum enim mundus sit *ἐμψυχος*, Deusque mundi animus, necessario quoque Deus locus est, qui mundum continet: quem peruatit et vi sua comprehendit. Nec haec sola Thaletis doctrina est, sed veteribus quoque pluribus placuit, immo placere debuit omnibus, qui

r) STOBÆVS Eclog. phys. c. VIII. p. 10. conf. LAERT. L. I. f. 36.

isim habitum est systema emanatum; sed minus accurate.

s) Ducit enim ad entusiasmum et pantheismum, unde a multis pro specie, quadam athe-

1) Ad EVDWORTH. c. III. § 21. n. 8. p. 123.

u) In conu. sept. sap. T. I. p. m. 293.

w) L. I. f. 35.

qui Deum ita per omnem mundum diffusum statuerunt*. Subtilius tamen hac de re cogitasse Thaletem verisimile non est, tota enim disputatio de loco, spatio atque vacuo tum demum percrebuit, vbi ingenia philosophorum notiones metaphysicas physicis considerationibus immiscuerunt, quod ab antiquissimis physiologis, quos secutus est Thales, factum non est, qui magis simpliciter philosophabantur. Eodem ex fonte sequitur

IV. Non dari vacuum: quod dogma philosophis a Thalete ad Platonem vsque naturam scrutantibus placuisse tradit PLUTARCHVS⁹. Nec aliter patiuntur principia Thaletis semel admissa, mundum loco contineri, Deumque esse mundi animum: quicquid enim in mundo est, ita a diuina ista anima peruaditur, vt vacuum existeret nequeat. Sequitur porro ex Thaletis principio:

V. Materiam, quae est primum ortus interitusque subiectum, aliarumque mutationum, mutabilem fluxamque totam suapte natura per vniuersum esse²? Cum enim aquam rerum omnium principium esse assereret, et ex ea omnia formari, inque eam resolui putaret, necessario semper fluxam et in motu versantem asserere debuit. Nec hoc nouum dogma fuit, sed theologis ante Thaletem iam probatum et per diuersas postea inter Graecos scholas philosophorum, Ionicorum, Heracliti, Pythagorae, Platonis, Stoicorum aliorumque propagatum est, vt alibi³ docuimus.

VI. Materiae vero fluxae atque diuisibilis in infinitum non progredi sectionem, sed subsistere in iis quae indiuidua sunt, et atomi dicuntur; non sine ratione quoque systemati Thaletis tribuit PLUTARCHVS⁴. Qui tamen recte dicit, visum hoc fuisse Thaletis atque Pythagorae sectatoribus, non enim curiose de atomis, vel particulis indiuiduis materiae primae disputauit ipse Thales, sed simpliciter aquam materiam rerum statuit: discipuli vero, eius principiis vsi, hanc systemati eius doctrinam adiecerunt. Quod eam non potuit non admittere, alias, si materia in infinitum posset diuidi, Deus nec locus nec anima mundi esse posset.

*Doctrinae
Thaletis physicae speciales.*

§. VII. Constitutis ita principiis doctrinae naturalis generalibus, ad speciales conclusiones ita digressum fuisse, veteres referunt:

VII. Noctem extitisse prius vna die. Accepit hoc dogma Thales sine dubio ex barbarica et Graeca theologia, quae noctem inter principia rerum retulit, et luci anteposuit, vti suo loco exposuimus: vbi etiam obseruauimus, multis inde populis consuetudinem enatam fuisse, per noctes temporum rationes computandi⁵, quam etiam apud Athenienses obtinuisse, auctor

* Videndus, qui erudite in hoc argumento versatus est PAVLVS SLEVOGTIVS dissert. philosoph. p. 386 seqq. Sed in sequenti quoque tractatione passim ad hoc dogma attendetur.

y) l. c. L. I. c. 18. p. 16.

z) l. c. c. 9. p. 14.

a) Amoenit. liter. T. VIII. p. 312 seqq. Hist. de ideis Sect. I. §. 8. p. 128 seqq.

b) l. c. c. 16. p. 16. conf. S. Reu. MOSHEMVS ad CUDWORTH. syst. intell. c. I. §. 22. p. 28. not. 9. In STANLEII Hist. philos. P. I. c. 6. p. 14. contraria sententia Thaleti tribuitur, inuito Plutarcho.

c) Conf. GROTIVS de V. R. C. L. I. p. 59. WOLF, ad ORIGEN. philosophum. p. 180. Vi- de de Germanis TACIT. de mor. Germ. c. II. de Gallis CAES. B. G. L. VIII.

auctor est CENSORINVS^d. Vnde hanc thesin recte Thaleti tribui, omnino verisimile est.

VIII. Miltionem fieri elementorum compositione.

IX. Terrestris substantiae esse stellas, sed tamen ignitas^e.

X. Lunam terrestris esse naturae^f, et a sole lucem accipere^g. Ita etiam Orpheus, vt suo loco probauimus, vnde patet, Thaletem non primum hoc dogma inuenisse. Anaximandri opinionem cum Thaletis hic confundit STANLEIUS^h.

XI. Solem deficere, quando luna ad lineam infra eum fertur, quae natura est terrestri. Primum hoc docuisse Thaletem, asserit PLVTARCHVSⁱ. Didicit tamen illud in Aegypto, vbi paria statuisset sacerdotes, suo loco docuimus.

XII. Vnicam esse terram, figurae rotundae, quae globi instar se habeat, in medio positam mundi^k. Cleodemus apud PLVTARCHVM^l ei tribuit: confusionem id parituram vniuersalem, si terra ex mundo tollatur. Sed id a sectatoribus tantum, vel per consequentiam Thaleti adiectum esse, ipsa ratio suadet, locusque Plutarchi, vbi hoc refert.

XIII. Ventis ethesiis deberi Nili exundationem, qui aduersa fronte irruentes, vt intumescant aquae efficiunt, ita vt mare ventis excitatum ostia fluuii subire necesse habeat, qui ita retrocedere cogatur^m. In Aegypto de caussa intumescantis Nili valde, sed inutiliter, et sine veri specie, disputatum fuisse, supra diximus, vnde sine dubio Thaleti occasio enata est, de hoc problemate disquirendi. Quem tamen rem acu non tetigisse, pulchre DIODORVS SICVLVSⁿ monet; vera si ea essent, omnes fluuios in mare desinentes ethesiis oppositis ventis simili modo exundare oportere, quod tamen secus habet: vnde ipse Nili exundationem mauult a pluuiis ex Aethiopiae montibus delabentibus arcessere.

§. VIII. Praeter materialem mundum de intelligibili quoque cogitasse Thaletem, quatenus scilicet Deus atque spiritus cum mundo coniuncti sunt, ex eo manifestum est, quod §. V. de theologia Thaletis et asserta DEI existentia atque concursu in formando mundo differuimus. Ibi enim, vt rei lux necessaria accresceret, potiores Thaletis de Deo sententias attulimus, quas, quia ibi lucis, quantum licebat, attulimus, hic breui tantum explicatione repetemus, vt vno fasce comprehensa appareat Thaletis doctrina de spiritibus. Dixit scilicet

De rebus spiritualibus.

I. Esse Deum, omnium antiquissimum: illudque quod neque principium

^d) de die nat. c. 21.

^e) PLVTARCH. l. c. L. II. c. 13. p. 22.

^f) ib. c. 24.

^g) ib. c. 28.

^h) l. c. p. 14. vbi ita Thaletis mentem exprimit, lunam eiusdem cum sole esse naturae, quod tamen non Thaleti sed Anaximandro placuit, PLVT. l. c. p. 25. mirumque non est, hoc in loco Plutarchi et Strobai allegato non inuenisse doctissimum interpretem. Habuit hanc quoque sententiam

Thales sine dubio ex Aegypto.

ⁱ) ib. c. 24.

^k) ib. L. III. c. 9.

^l) In conuiu. VII. Sap. l. c. rationes vero in eo conuiuio attatas a posteriorum temporum philosophis, illis sapientibus tributas esse ex dictis supra liquet.

^m) LAERT. L. I. c. 37.

ⁿ) L. I. p. 35.

pium habet neque finem". Ambiguam hanc definitionem Dei esse nemo non videt, aequae enim aeternae et infinitae materiae, quam Deo conuenit, vnde ex aliis Thaletis dogmatibus, quomodo hoc intellexerit, iudicandum est. Illud vero supra exposuimus. Nempe, Deum dixisse mentem, C I C E R O ^o disertè testatur, eamque materiae opponit. Et si vero in referendo hoc Thaletis dogmate verbis variant veteres, eorum tamen de re ipsa testimonium reiici non potest, quod tamen contendit P. BAYLE ^p.

II. Deum hunc effari, impossibile esse. Croeso enim sciscitanti, quid de Diis arbitraretur, post aliquot deliberandi commeatus, referente T E R T V L L I A N O ^q, nihil renuntiavit Thales. Paria vel eadem quoque Simoni tribuunt veteres, quocum facile confundi potuit Thales. Nihil tamen hoc a more theologiae barbaricae alienum, quae de Deo summo sacrum silentium tenuit, eumque ἀσέβητον esse docuit, sequente hanc silentii rationem Orpheo aliisque theologis Graecis, et ex philosophis quoque P L A T O N E et Pythagoreis passim, vt suo loco demonstrabitur.

III. Deum latere posse nihil, ne cogitationes quidem. Fundamentum atque sensum huius dogmatis supra quoque explicuimus.

IV. Mundum esse plenum daemonum: vel, quod C I C E R O ait, *homines existimare oportere, omnia quae cernuntur, Deorum esse plena* ^r. Quam doctrinam ex Aegypto Thales in Graeciam attulit, et animae mundanae iuxta systematis emanatiui tenorem atque sensum inaedificauit, vt supra monuimus.

V. Genios siue daemones esse substantias anima praeditas, heroas quoque esse animas a corporibus separatas, bonos si bonae, malos si malae. Ita quidem P L U T A R C H V S ^s: quod et L A E R T I V S ^{ff} confirmat, mundum ex mente Thaletis plenum daemonum, sicque animatum esse, referens. Dubium tamen an Thales, qui de naturalibus tantum et materialibus rebus philosophatus est, istos spirituum ordines ipse agnouerit, et annon sequentium temporum philosophi, cum vidissent, a Pythagoricis et Platoniceis affirmari, accepisse suum istud dogma praeceptorem ex Aegypto, inde concluderint, Thaleti quoque Aegyptiacam philosophiam edocto, ibi innotuisse? Et si enim in Aegypto inter daemones et animas heroum distinctio facta fuerit, eamque Graeci quoque theologi et imprimis theogoniarum scriptores admiserint, longe alio tamen, quam Thaletis, ea nititur fundamento, quod supra exposuimus. Vnde, an Thales, qui de hominibus inter Deos post fata relatis non cogitauisse videtur, systematis ratione id non poscente, eiusmodi heroas statuerit, incertum admodum est atque dubium.

VI. Animam semper, et per se mouere sese; esse scilicet non tantum

αὐτῇ

ⁿ) Vide supra §. V. laudatos.

^o) loc. cit.

^p) l. c. not. A. p. 340.

^q) Ad nation. L. II. c. 2.

^r) De legib. L. II. c. 11.

^s) De plac. phil. L. I. c. 8.

^{ff}) l. c. Addendus, ATHENAGORAS qui in leg.

pro Christ. p. m. 25. ed. Par. ita: Thales triplici diuisione, Deum, daemones, et heroës, nuncupat, Deum autem definit mentem mundi, daemones essentias ψυχικάς animales, heroës separatas hominum animas: bonos nimirum bonas, malos vero improbas.

κίνητικόν τι quod ait ARISTOTELES¹, sed et ἀεὶ κινητὸν quod tradit PLUTARCHVS² et αὐτοκίνητον, quod refert STOBÆVS³. Aristoteles tamen, motum magis aliquem brutum, quam rationalem, Thaletem animae adscripsisse, innuere videtur; addit enim: dixisse Thaletem, lapidem magnetem, habere animam, quia mouet trahitque ferrum. Verum solet Aristoteles studio veterum dogmata obscure enarrare. Quod si ad systema Thaletis respicitur, iuxta quod anima ex mundi anima emanauit, necessario istud motus principium, quod omnia emanatiua habent, animae quoque tribuendum est. Nec hoc solus habuit Thales, sed et Anaxagoras, Pythagoras, Socrates atque Plato in eadem fuere sententia, quam postea ARISTOTELES⁴ conuellere omni studio conatus est, vt veteribus contradiceret. Inter motus vero animae genera cogitationes quoque Thales retulit, si vera sunt, quae tradunt PLUTARCHVS et LAERTIVS⁵; interrogatum, quid esset velocissimum? respondisse, mentem, quia per vniuersa discurrit. Non vero animae tantum facultatem mouendi sese tribuit Thales, sed et alia, vnde κίνητικόν vocauit ARISTOTELES. Is vero vt et HIPPIAS apud LAERTIVM⁶ narrant, putauisse Thaletem

VII. Inanimatis quoque animas inesse, quod ex magnete atque succino corpora attrahentibus coniecisse contendunt. Neque id absurdum est, admissio semel systemate Thaletis, anima enim mundi in omnibus eius partibus se exerit, easque permeat.

VIII. Animum esse immortalem, primum dixisse Thaletem asseruit Choerilus poëta⁷. Nec dubium est, Thaletem dogma per omnem antiquitatem celeberrimum et inter Aegyptios sacrum ex Aegypto retulisse, Graeciaeque non tam intulisse primum, quam adiecisse systemati philosophico, quod immortalitatem animae postulabat. Vnde frustra disceptari putamus, an Thales vel Pherecydes primus fuerit, qui inter Graecos immortalitatem animae docuerit? Ante vtrumque enim inter Graecos dogma hoc a barbaris, Thrace Orpheo, et ex Aegypto allatum viguisse, theogoniae fidem faciunt, qui illud inuoluunt. Ab his edoctus philosophorum vterque nobilissimam doctrinam seruauerunt, et de ea philosophati sunt Pherecydes in Syro insula, Thales Mileti in Ionia.

IX. Mundum gubernari necessitate; esse vero eam necessitatem prouidentiae constans iudicium et immutabilem potestatem. Dogma hoc de fato, quod tribuunt Thaleti PLUTARCHVS⁸, LAERTIVS⁹ et STOBÆVS¹⁰, ex principio: Deum esse mentem mundi, necessario fluere supra monuimus. Nec hoc ab Aegyptiorum et theogoniarum sententia ablu- dit, vnde Thales in sua arua deriuauit. Forte et huc referendum, quod

O o o 2

STO-

1) De anima L. I. c. 2. T. I. p. 478.

2) l. c. L. IV. c. 2. p. 36.

3) Eclog. physic. c. XL. p. 93.

4) l. c. c. 3. p. 480. Conf. ven. IOACH. ORO-
BINVS in doctissima tractatione de immortalita-
te mortalium.

5) In conuiu. et L. I. f. 35.

6) Lib. I. f. 24.

7) LAERT. l. c.

8) De placit. phil. L. I. c. 25.

9) Lib. I. f. 36.

10) Eclog. phys. c. VIII. p. 10.

STOBAEVS Thaleti tribuit, primum motorem immobilem esse, quod postea Aristoteles asseruit: desideramus tamen propiorem testem^e.

*Mathesis
Thaletis.*

§. IX. Pertinent ad naturalem philosophiam etiam suo modo disciplinae mathematicae, quae inter Graecos Thaletem primum fere parentem agnoscunt. In Aegypto quidem eas didicisse, magno vero ingenio adiutum Aegyptios philosophos mature superasse, supra luculento exemplo demonstrauius. Nec videtur vero absimile, Thaletem primum fuisse, qui geometriam Graecos docuerit, quod de eo celebrat APVLEIVS^f: licet alii vel Moeridi vel Pythagorae hanc gloriam vindicent. Vtrumque enim admitti potest, Thalete in Ionia, Pythagora in Italia philosophante. Quanquam, si verum esset, Pythagoram habuisse in iuuentute Thaletem in his disciplinis praeceptorem, non haberent eius affeculae, quo magnopere gloriarentur. Verum hoc incertum esse, supra iam monuimus. Alit vero PROCLVS^g: *Thaletem in Aegyptum delatum, primum inde hanc scientiam in Graeciam deriuauisse, multa ipsum inuenisse et discipulos docuisse, generalius alia, alia specialius explicantem.* Quod confirmat LAERTIVS^h, qui et hoc refert: *eum maxime promouisse, quae Callimachus in Iambis Euphorbum Phrygem inuenisse ait.* Huius problemata a sequentium temporum mathematicis aucta et collecta tandem EVCLIDES elementis suis inferuit. Sunt vero, prout a PROCLUS indicantur, sequentia quae Thaleti debentur:

- I. Quemuis diametrum circulum bifariam secare.
- II. Triangulorum isoscelium angulos ad basin esse inter se aequales.
- III. Si duae rectae mutuo se secent, angulos ad verticem facere inter se aequales.

IV. Primus, teste Pamphila^k apud LAERTIVM^l descripsit in dimidio circulo triangulum recto angulo, cuius tamen fidem laceffit STANLEYVS^m, vel textum potius Laërtii; et Pythagoricum potius trigonum orthogonium respici putat; quae enim hic tribuuntur Thaleti, alii, teste eodem LAERTIOⁿ Pythagorae dant, propter inuentionem huius theorematis hecatomben immolasse asserentes.

Sideralis scientia Thaletis.

§. X. Tandem et iustum atque clarum lumen siderali scientiae inter Graecos accendit Thales. Exigua enim fuere, et non ultra ortus et occasus maiorum stellarum procedentia, quae ante Thaletem Graeci obseruauerant, ut ex HESIODI carmine patet, unde in prouerbum abiisse Hesiodi astronomiam supra iam indicauimus. Nec Orphei inuenta maiora fuisse, et initia scientiae nondum excultae comprehendisse, suo quoque

e) Aristoteles enim nihil de eo.

f) Florid. L. IV.

g) In Euclid. L. I. d. I. p. 19. locum integrum exhibet STANLEYVS Hist. philos. P. I. c. 7. p. 15. conf. VOSSIVS de scientiis mathemat. c. 13. §. 3. 4. p. 49.

h) Lib. I. f. 25.

i) loc. cit.

k) Videndus de erudita hac foemina MENAG. ad l. c. Laërt.

l) Lib. I. f. 24.

m) l. c. p. 16.

n) Lib. VIII. f. 12.

que loco vidimusⁿ. Non deneganda itaque Thaleti gloria introductae inter Graecos astronomiae^o, quam ab Aegyptiis didicerat. Egregiae quoque sunt, si istorum temporum conditionem respexeris, quibus astronomiam auxit, inuentiones: Diuisit^p enim coelum in circulos siue zonas quinque, arcticum, antarcticum, tropicum aestiuum et brumalem, et aequinoctialem, conuersionesque soliseiusque punctum primus annotauit^q, sicque aequinoctia et tempora diuisit^r. Primus quoque, vti supra quoque notatum est, vrsae minoris sidus designasse dicitur Callimacho^s. Primum non eclipses solis tantum obseruasse, veteres testantur^t, sed praedixisse quoque memorabili euentu narrant HERODOTVS^u atque LAERTIVS^x. Sed vt vtilem quoque redderet astronomiam, et obseruationes ad emolumentum ciuium referret, anni quoque tempestates emendauit, meliusque diuisit, et Aegyptii anni in CCCLXV. dies diuisionem introduxit inter Graecos^y.

§. XI. Sufficit breuis haec naturalis scientiae delineatio, ad conuincendos nos, multum debere physicas atque mathematicas disciplinas Thaleti, qui cum primus de istis quaereret, id est, philosophica methodo exquireret, magnam merito gloriam meruisse censendus est, etsi illa, si cum nostris comparentur, exigua fuerint. Versabatur enim tum naturalis scientia in pueritia, et non nisi multorum seculorum maturitate ad virilem vigorem perducta est. Neque tamen hebes fuit Thaletis in morum quoque disciplina animus, sed moralem quoque sapientiam haud proleterie inspexit, philosophica vero ratione non exposuit, sed ἐξωτερικῶς quasi et ad vulgus, eodem, quo ceteri viri prudentes, modo, qui cum eo septem Graeciae sapientum numerum constituunt. Frustraneus itaque esset labor, si systema aliquod morale corradere ex dictis et sententiis Thaletis institueremus^z. Sed nec omnia Thaletis esse videntur, quae illi tribuuntur, apophthegmata, cuius causam supra, vbi de septem sapientum historia tractauimus, luculenter, nisi nos omnia fallunt, exposuimus: vnde PLUTARCHO complura de Thalete referenti fides non semper habenda est. Ex iis, quae Demetrius Phalereus de eo congeffit^a, notari potissimum merentur sequentia: Amicorum recordandum etiam absentium; emendandam mentem non faciem; parentibus blandum esse deberi, talia enim a liberis expectanda, qualia in parentes conferuntur. Intemperantiam noxiam esse; imperitiam intolerabilem; meliora docenda et

Ethica Thaletis.

O o o 3

discen-

ⁿ) Conf. VOSSIVS de scient. mathem. c. XXXII. §. 7. 8. p. 145.

^o) Eudemus apud LAERT. L. I. f. 23.

^p) PLUT. de plac. phil. L. II. c. 12. p. m. 22.

^q) LAERT. L. I. f. 24.

^r) Ibid. f. 23.

^s) Ibid.

^t) PLIN. L. II. c. 9. PLUT. l. c. L. II. c. 24. 28. conf. VOSSIVS l. c.

^u) Lib. I. p. 19.

^x) l. c. tempus eius eclipseos, quam praedixit

Thales, varie definiunt chronologi. Vid. SCALIG. ad Euseb. p. 89 STANLEY. l. c. p. 19.

^y) LAERT. L. I. f. 27. Graeci enim tertio anno mensem intercalabant, Aegyptii singulis annis V. dies adiciebant. Non tamen apud omnes id Graecos obtinuisse, ex loco aliquo Varronis infra c. VII. vbi de Demetrio Phalereo dicitur, constat.

^z) Tentauit aliquem ordinem philosophicum illis tribuere B. BVDDEVS diff. de philosophia morali Thaletis.

^a) Apud STOBAEVM loco supra laudato.

discenda; modum adhibendum esse; non omnibus credendum: Pleraque habet quoque LAERTIVS ^b, qui addit: interrogatum: quomodo optime atque iustissime vitam acturi simus? respondisse: Si quae in aliis reprehendimus, ipsi non faciamus: itemque, eum felicem praedicauisse, qui corpore sanus, fortuna locuples, animo non ignauus sit. Impri-
mis vero notabilis est sententia, quae Thaleti tribuitur apud ANTON.
et MAXIMUM ^c: difficile esse, sed bonum, sese noscere ipsum, hoc enim esse naturae consentaneam vitam agere. Plura desideranti exhibebunt LAERTIVS atque STOBÆVS ^d, quos ex recentioribus secuti sunt celeberrimi viri IO. FR. BVDDÆVS ^e et THEOPHILVS STOLLIVS ^f.

Anaximander.

§. XII. Initia philosophiae naturalis inter Graecos felici auspicio facta continuauit et auxit Anaximander; qui priuatam Thaletis doctrinam disciplina publica exposuit, sicque sectam in cathedra quasi formauit et constituit ^g. Thaletis popularem et sodalem vocat CICERO ^h, vnde sequitur Mileti natum fuisse; id quod factum Olymp. XLII. 3. patre Praxiada ⁱ. Pauca vero de eius historia consignauerunt veteres, nec videtur ultra scholam habendam iuuentutemque erudiendam publice occupatus fuisse. Instituisse vero pueros, non sine ingenio ex eo conicitur cel. HEVMANNVS ^j, quod refert LAERTIVS ^k: Anaximandrum canentem a pueris irrisum esse, eoque comperto dixisse, canendum ergo puerorum causa modulate magis. Cum enim haec de cantu aliquo mulico apte vix queant intelligi, recurrendum putat ad morem illius seculi, quo eruditi libros non prosa sed ligata oratione scribebant, eosque adstricto ita versibus numero recitabant, quod Graecis ᾄδων Latinis canere dicitur, vnde et ᾄδόμενα et ᾄσματα versiculi liberiori numero compositi, qui sapientiam virorum doctorum eius temporis continebant, dicti sunt, quorum supra in historia VII. sapientum Graeciae mentio facta est. Anaximandrum itaque obscurius discipulis librum forte, quem de philosophia naturali scripisset, explicantem, vel alia recitantem derisum, accuratius iuuenum causa post-hac in eo se versaturum, promississe vir doctissimus putat. Illud certum est, quod et supra ex THEMISTIO ^m annotauimus, Anaximandrum primum fuisse, qui contra morem seculi philosophiae naturalis, quam tradebat, praecepta scripto consignauit, sicque methodum arcanam, ab omnibus hactenus sapientibus sancte custoditam abiecit. Scripssisse enim compendiarium expositionem placitorum suorum de rebus naturalibus, siue, qui idem liber esse videtur, de natura; de stellis fixis; de sphaera et alia, testan-

^b) Lib. I. f. 35.

^c) Serm. CCIII. p. 346. ed. Wech. Stob.

^d) II. cc.

^e) loc. cit.

^f) Hist. phil. mor. gentil. §. 30. p. 33.

^g) Quae sine dubio causa est, cur ab Anaximandro Ionicae sectae philosophiam deriuaret LAZARUS. I. II. f. 1.

^h) Acad. Qq. L. IV. c. 37. Thaletis sanguineum vocat SVIDAS in Anaximander T. I. p. 173.

ⁱ) LAERT. l. c. SIMPLIC. in phys. Arist.

^k) Act. philos. Vol. III. p. 183 seqq.

^l) l. c. f. 2.

^m) Orat. XX.

stantur veteres". Non vero in mathesi tantum inuentionibus, sed in naturali quoque scientia obseruationibus excelluisse, inde colligi potest, quod periculosum terrae motum Lacedaemoniis praedixit, et vt in agros secederent, monuit, eo quoque sequente, ita vt urbs et pars montis Taygeti corrueret. Tempus mortis silent veteres; Olymp. LVIII. 2. vero annum aetatis LXIV. egisse, Apollodorus ait. Non confundendus vero est cum alio Anaximandro Milefio, cui *expositionem symbolorum Pythagoreorum* debemus.

§. XIII. Egregie vero de mathematicis disciplinis meruisse Anaximandrum, inuentiones testantur, quae a plerisque ei tribuuntur. Nam *Eius inuentiones mathematicae.*

I. *Geometriae hypotyposin* ostendisse, vel exposuisse refert SVIDAS, id quod non de orali aliqua explicatione intelligendum est, qualem Thaletem quoque dedisse, ex antecedentibus est manifestum, sed vel totius geometriae cohaerentem delineationem discipulis expressam indicat, vel scriptum de geometria compendium.

II. Primum terrae marisque circuitum descripsisse refert LAERTIVS, quod et alii testantur. Laërtii verba male intellexit SVIDAS, quem secutus est STANLEIVS, dum librum ei tribuit, periodum terrae; non enim libro terrae descriptionem geographicam comprehendit, quod Hecataeus, teste STRABONE primus fecit, sed tabula geographica terrae marisque circuitum primus delineauit.

III. Primum gnomonem inuenisse, ipsumque Lacedaemone in solariis statuuisse, tradit LAERTIVS, SVIDAS et EVSEBIUS. Alii tamen aliter. PLINIVS enim Anaximandri successori, Anaximeni tribuit, atque HERODOTVS Babyloniis. Recentiores vero quidam, et in his SALMASIVS gnomonis in solariis vsum longe recentiore putant, argumentumque inde petunt, quod Anaximandri aevo diei in horas duodecim distributio nondum vsitata fuerit. Vnde veterum relationem tantum de vfu gnomonis in inueniendo meridiano et definiendis solstitiis expli- cant. Verum probandum prius erat, horarum distributionem ante Alexandri M. tempora non in vfu fuisse, etiamsi concederetur, vocem hanc ante huius tempora non inueniri; verisimile enim non est, tanta vitae commoditate tamdiu caruisse homines, in siderum cursu obseruando et dime- tiendo non indiligentes. Horae vero vocem Anacreon iam et Xeno- phon

n) LAERT. I. c. cuius verba: τῶν ἀρεσκόντων αὐτῷ πεποίηται κεφαλαιώδη τὴν ἐκθεσιν, eiusmodi compendium vel summam indicant. De natura rerum scripsisse testatur etiam SVIDAS I. c.

o) PLIN. L. II. c. 79. conf. VOSSIVS de scient. mathem. c. XXXIII. §. 1. p. 147. modo hoc non fictum sit: vix enim infantia naturalis scientiae hoc permittit conf. AG. philos. Vol. III. p. 190.

p) LAERT. I. c.

q) Fuit is historicus Ionicus, vid. LAERT. et SVIDAS I. c. VOSSIVS de Hist. Graec. L. I. c. 6. p. 25. IONIVS de Script. hist. phil. L. I. c. 7. p. 35.

r) Hoc verisimile fit ex not. (n).

s) Loc. cit.

t) STRABO L. I. AGATHEM. L. I. c. K. PLIN. L. VII. c. 56.

u) Loc. cit.

x) Hist. Phil. P. I. c. 1. p. 96.

y) II. cc. et T. II. p. 55.

a) Praep. Euang. L. X. c. ult.

b) Lib. II. c. 76.

c) Lib. II. c. 32.

d) Nominat eos MENAGIVS ad I. c. Laërt.

e) In exerc. Plin. p. 632.

f) Babyloniis iam in vfu fuisse, ex HERODOTO iam notauimus.

phon adhibuit^g. Recte itaque Salmasii sententiam reiecit PETAVIVS^h.

IV. Aequinoctiorum atque solstitiorum puncta primum definiuisse, iidem referunt: id quod tamen Thaleti tribui supra iam annotauimus: forte hic publicum eorum usum demonstrauit. Ait etiam PLINIVSⁱ, obliquitatem zodiaci primum designauisse; id quod tamen eo refutatur, quod Thales solis eclipses praedixerit^k. Id enim sine zodiaci cognitione fieri non posse, notum est.

V. Tandem et sphaeram construxisse refert LAERTIVS^l, quod tamen Atlant regi a PLINIO^m tribui supra indicauimus. Scripsisse *de sphaera* librum, ait SVIDAS, forte tamen quae de sphaerae machina ab Anaximandro confecta refert LAERTIVS, male Suidas intellexit, vnde hoc dubium est. Concedi tamen potest, nec improbabile est, plerarumque inuentionum summam designauisse Anaximandrum scripto: nam in eo diligentem fuisse, ex supra dictis liquet.

*Physiologia
Anaximandri.*

§. XIV. Non vero de mathematicis tantum scientiis, sed et de naturali augenda sollicitus fuit Anaximander: de cuius tamen placitis physicis tam obscurae et incertae sunt veterum memoriae, vt, quid senserit, accurate definiri vix queat. Quod vel a monumentorum in historia philosophiae Ionicae defectu, vel a more Anaximandri, breuiter et summatim tantum sua conscribendi placita, vel a studio quaesita obscuritate, philosophis veteribus deamata originem habuit: vnde de sensu dogmatum Anaximandri varia disputatio, eorumque diuersa interpretatio est. Nos quod verisimili ratione assequi nos posse speramus, inquirendo sciscitabimur. Placuit vero in naturali scientia Anaximandro:

*Generale eius
principium.*

I. Ἀρχὴν καὶ στοιχεῖον ἄπειρον. Principium et elementum omnium rerum esse infinitumⁿ, seu, vt CICERO^o refert: infinitatem naturae, a qua omnia gignerentur.

II. Infinitum hoc vnum esse, non numero sed magnitudine^p et partes quidem eius mutari, totum vero immutabile^q esse, ex eo omnia gigni et in id definere omnia^r. Satis luculenter animum expressisset Anaximander, si definiuisset, quid per illud infinitum, siue natura infinitatem intellexerit? verum non indicauit, an vel aërem, vel aquam, vel aliud quidpiam intelligendum sit^s. Inde vero veteris philosophiae interpretibus occasio enata est, de mente Anaximandri disputandi, et quaerendi, quomodo illud naturae infinitum explicandum sit. Quam cum meris iisque incer-

g) Conf. MENAG. l. c.

h) App. doctrin. temp. conf. LEO ALLATIVS de mensura temp. antiquor. c. IV. p. 31 seqq.

i) Lib. II. c. 8.

k) Alii hanc inuentionem Pythagorae, alii Oenopidae Chio tribuunt. vid. DIOD. L. I. PLVT. de plac. phil. L. II. c. 12. CENSORINVS de die nat. c. 19. conf. VOSSIVS l. c.

l) loc. cit.

m) Lib. II. c. 8. Facit tamen fabulosa Atlantis

historia iis fidem, qui inuentionem, certe inter Graecos, Anaximandro tribuunt.

n) LAERT. L. II. f. I. PLVT. de placit. philos. L. I. c. 3. IVSTIN. MARTYR. cohort. ad Graec. p. m. 4.

o) Academ. Quaest. L. IV. c. 37.

p) SIMPLICIVS in Phys. Arist. L. I. c. 2.

q) LAERT. l. c.

r) PLVT. l. c.

s) LAERT. l. c.

incertissimis coniecturis disceptando perquisiuerint viri docti^a, mirum non est, alios mediam naturam inter ignem et aquam, alios atomos cum DICKINSONO^a, alios materiam generatim spectatam, denique alios mentem diuinam in hac infinitate inuenisse sibi visos esse. Nec certiora nos promittere audemus, omnemque de significatione huius principii disputationem incertam et dubiam esse existimamus, cum plane hic mentem suam Anaximander non explicuerit. Illud ex sequentibus patebit, Anaximandrem Anaximandri discipulum hoc infinitum aërem dixisse, siue id a praeceptore acceperit, siue vagam et indefinitam vocem certo subiecto accommodauerit. Hoc infinitum primum esse principium dixit, vocemque ἀρχὴν primus in hoc sensu accepisse, ut causam rerum indicaret, refert PSEUDO-ORIGENES^x. Elementum tamen ipsum vocauisse dum laudati scriptores referunt, id de confuso elementi conceptu intelligendum est^y, propriam enim τῶν στοιχείων significationem a Platone esse LAERTIVS^z notat: ille enim, ut et Stoici et Aristotelici ἀρχὰς καὶ στοιχεία inter se distinxerunt^a. Quia vero Anaximander non explicuit, quid per τὸ ἀπειρον intelligat? an causam tantum materialem, vel etiam effectricem, et an infinito naturae iunxerit infinitam mentem? nata est inde controuersia, an Anaximander in atheorum classem referendus sit, nec ne? Quorum prius *An atheus?* post eruditum obseruatorem Halensem^b, cui ex veteribus exemplum praeiuit AVGVSTINVS^c, contenderunt IENKINVS, THOMASIVS^d, IO. CLERICVS^e, RADVLPHVS CVDWORTHVS^f, Anglique historiae vniuersalis auctores^g; posterius asseruerunt eruditissimus SAM. PARCKERS^h, et venerandi viri IO. FR. BYDDEVSⁱ atque IAC. FRID. REIMANNVS^k. Qua in re ut appareat, quid affirmandum sit, quid negandum, quid in medio relinquendum, excutiendae sunt rationes, quibus impie sensisse de Deo Anaximandrum viri docti contendunt. Quas ita omnium acutissime ordinauit CVDWORTHVS, ut moneat, finxisse sibi hominem animo materiam, certis formis et qualitatibus praeditam, eamque infinitam, non ignem, non aquam, non aërem, verum ad haec et reliqua aptam, aut ex omnibus temperatam et mixtam, ex eaque nata ac facta dixisse omnia. Nec, quae patroni Anaximandri pro eius causa ex ARISTOTELE^l afferunt; vocasse hoc infinitum numen, esse enim immortale, et perire non posse; eum iuuare, haec enim de materia infinita, ab omni mente fingendique

t) Vid. Obs. Hal. T. II. obs. 19. GASSEN-
DVS T. I. Opp. p. 236.

u) Physic. vet. et vera c. IV. §. 10.

x) Philosophum. c. VI. p. 57.

y) Ob quam rem veteres physicos vituperat
PLVT. de pl. phil. L. I. c. 2.

z) Lib. III. f. 24.

a) IDEM L. VII. f. 134. PLVT. l. c.

b) Qui IACOBVS THOMASIVS est. Obs.
21. l. c.

c) De C. D. L. VII. c. 2.

Hist. philos. Tom. I.

d) Hist. atheismi c. IV. §. 3. p. 18.

e) Bibl. choisie T. II. art. 1. p. 50 seqq.

f) Syst. intell. c. III. §. 21. p. 122 seqq.

g) p. 82 seqq.

h) De Deo et prouid. diu. disp. I. f. VI. p. 15.

i) Thes. de atheismo c. I. §. 10. p. 22.

k) Hist. atheismi c. XIX. §. 3. p. 143 seqq. add.

I. CHR. WOLF de atheismi falso suspectis §. IX.

p. 33. IAC. HASAEVS de vet. philosoph. athei-
smo c. V. §. I. p. 19.

l) Physic. auscult. L. III. c. 4.

dique facultate relicta intelligenda esse, quod vnicum infinitumque Anaximandri principium atque numen sit: immortale quoque non alio sensu vocauisse, quam quod corruptionis expertus sit. Nec moderamen et gubernationem illam aliud significare, quam res omnes ab ea infinita materia proficisci, ex eaque tanquam primo principio pendere. Prouocat vero, ut haec roboret, vir acutissimus porro ad PLUTARCHVM^{m)}, qui Anaximandrum ideo vituperat, quod materiam vnice laudando, causam effectricem deleat, et illi nihil infinitum sit, nisi materia. Deriuauisse itaque omnes rerum generationes atque mutationes, ex mixtionibus earumque secretionibus, contrarietatum in materia existentiumⁿ⁾, etc. Grauius satis ἐγκλίματα, et acute excogitata, quae causam Anaximandri satis aggrauant. Expendendum tamen esse putamus: Aristotelem, uti supra de Thalete monuimus, non hoc dicere, de Ionicis, quod omnem plane mentem reiecerint, sed quod de ea non manifeste cogitauerint, rerum naturalium systema explanantes; sicque tandem necessitate coacti fuerint, eam postliminio quasi reuocare, et ad explicandas rerum naturalium rationes adhibere. Notandum porro, quod cel. MOSHEMIVS^{o)} attulit, dicere TATIANVM^{p)}, Anaximandrum posuisse principium aliquod humido vetustius, nempe aeternam motionem, eaque alia oriri, alia interire: ea enim innuere videntur, motum ab aeterno accessisse materiae ex alia causa. Nec sine attentione dimittendum, quod laudatissimus vir porro considerare iubet^{q)}, Anaximandrum fuisse Thaletis discipulum, et, quod non sine ratione addimus, principium quidem Thaletis correxisse, non vero sustulisse. Quod vero omnium maxime expendendum esse putamus, illud quidem est, quod omnes hae accusationes ex interpretamentis eorum desumtae sunt, qui, cum deficientibus scriptis Anaximandri, nescirent, quid per infinitum, ex quo omnia sunt, intellexerit, materiam nescio quam omni elemento priorem abstrahendo finxerunt, eamque Anaximandri infinito adaptarunt. Qua ratione quidem scimus, quomodo Eusebius, Plutarchus, Simplicius, Philoponus^{r)}, et his similes Anaximandri principium intellexerint, non vero, qua ratione ipse intelligi voluerit, cum nec monumentis fide dignis ad discendam eius sententiam usi fuerint, nec tempore eo vixerint, quo puriore aliqua traditione de vero eius systemate aliquid certi inaudire potuerunt. Nec negamus, non videri nobis doctissimos hos veterum dogmatum narratores acutissime mentem Anaximandri; ad abstractionem enim metaphysicam confugiunt, ut, quod non intelligebant, τὸ ἀπειρον Anaximandri explicarent. Eiusmodi vero principia metaphysica non sapiunt indolem veteris scholae physicae, et Aristotelis aetate vel etiam Platonis, non sunt antiquiora. Aristoteles certe hanc rebus physicis confusionem maxime attulit, ut metaphysicas notiones pro physicis principiis, inter quae et materia

teria

m) L. I. c. 3. de plac. phil.

n) ARISTOT. I. c. L. I. c. 5.

o) Ad I. c. CUDWORTHII p. 128. n. 5.

p) In irrif. gentil. §. 10. p. 221. ed. Worthii.

q) Putat tamen vir celeberrimus, virtutis et vis genitricis aliquid dedisse Anaximandrum infinitae naturae suae.

r) Ad hos enim prouocat CUDWORTHIVS.

teria prima est, obtruderet. Quod si cogitamus, Anaximandrum Thaletis fuisse discipulum, eiusque systema non tam mutauisse, quam emendauisse et explicuisse, suppetit alia via, a vero non plane abhorrens, τὸ ἀπειρον Anaximandreum explicandi. Scilicet cum videret Deum aquae mixtum quasi et tanquam animam perfusum, peruadentemque omnia, a praeceptore in systema suum recipi, absurdum credebatur, aquam ponere pro rerum omnium principio, quippe quae conditionem illius materiae Deo quasi grauidae, et cui Deus tanquam anima inhabitaret, quam chaos veteres theologi dixere, non exhauriret. Totum itaque illud, ex quo omnia facta sunt, siue materiam humidam, cui anima diuina inhabitat, eamque peruadit, dixit τὸ ἀπειρον esse, siue principium aliquod infinitum, immortale, quod omnibus causa existentiae, vitae ac generationis sit, quodque omnia gubernet. Vt hanc infiniti Anaximandrei explicationem a vero non abludere demonstremus, plures rationes suppetunt; Et 1. quidem nusquam Anaximander dicitur, praeceptoris systema reiecisse, aliudque introduxisse, quemadmodum Anaxagoram fecisse, ab omnibus conceditur: formauit enim homines et animalia ex humido; sed tantum dixisse esse principium, quod Thales aquam dixit, infinitatem rerum. Ex quibus, nisi fallimur, sequitur, eum Thaletis principium vnum ex mente diuina et materia constans, siue chaos Deo grauidum non reiecisse, sed populari notione abiecta, magis philosophice explicauisse, et infinitam esse naturam dixisse, quam postea eius discipulus Anaximenes de aëre interpretatus est, id est aetherae naturae esse dixit, Anaxagoras vero, mentem, quam triumuiui hi materiae incluserant, separauit, et formationi materiae adiecit. 2. Nec silentium Anaximandri de mente obici posse putamus, cum nobis non suppetant eius scripta, et is vestigiis magistri instituisse censendus sit, ubi dissensum non aperte fatetur. Quod si vero concedamus, tacuisse eum de mente materiam peruadente et mouente; illud tamen nondum euincit, reiecisse eum mentem et proscripsisse ex sinu materiae; sed tantummodo id innuit, Anaximandrum, causarum tantum materialium rationem redditurum, naturae φαινόμενα ex materia a mente semel mota primum deriuasse. 3. Magnum huic sententiae robur tribuere videtur Tatianus, aeternum motorem siue causam motus ante τὸ ὕγρον ab Anaximandro constitui asserens. Quemadmodum enim materia motus causam vel extra vel intra se necessario habuit, sine qua nunquam mota fuisset; extra eam vero nulla causa fuit, quae eam moueret, quod ultro viris doctis, qui Anaximandrum culpant, largimur; ita intra se habuisse eiusmodi mouentem animam necesse est, quae ex se materiam expelleret, et ab aeterno emanare pateretur; istaque emanatione eiusque perpetua continuatione, qua infinite materiam peruadit, cuncta dirigeret, et formaret, sicque motus causa esset. Certe si vera sunt, quae Tatianus, diligens veteris philosophiae cultor hoc loco tradit, nihil aliud dixit Anaximander, infinitum esse humido antiquius asserens, quam quod praeceptor eius Thales asseruit:

Ppp 2

Deum

Deum esse omnium rerum antiquissimum. 4. Nihil vero magis hanc infinitatis Anaximandreae explicationem confirmat, quam quod teste A R I S T O T E L E ²⁾ dixit, περιέχειν ἅπαντα, καὶ πάντα κυβερνᾶν, omnia continere, et gubernare omnia. Et si enim lubenter largimur, de directione libera haec intelligi non debere, cum ipsum illud principium omnia gubernans ita cum materia coniungatur, ut vnum infinitum constituat, plus tamen dicit, quam quod volunt Simplicius et Philoponus Aristotelicis notionibus in pervidenda Anaximandri mente impediti: nec id principium omnia gubernare dici potest, quod tantum ex se materiam rebus et dependentiam largitur. Quod si vero infinitum est vnum illud quod Deum et materiam ex sinu D E I perpetuo emanantem ipseque intime iunctam constituit, recte non omnibus tantum existentiam et dependentiam quasi communicare dicitur, sed perpetuo aeterni emanationis motus legibus conuenienter omnia gubernare: id quod non absimili quoque ratione Pythagoras et Stoici, licet differenti systematis modificatione asseruerunt. 5. Nec haec explicatio partem tantum disciplinae Anaximandri considerat, et totam suisque membris cohaerentem negligit, quod in defensoribus Anaximandri culpateruditissimus M O S H E M I V S ³⁾, sed omnibus eius φαινόμεναις soluendis facit satis: licet ad ea cum hoc principio concilianda non teneremur, quae veteres tradunt, quia verisimile est, non ex Anaximandri ingenio, sed eorum profluxisse, qui systema eius physicum explicare conati sunt. Esto tamen, omnia dicta esse ei conuenienter; cohaerent illa recte cum hac infiniti explicatione. Partes infiniti mutari posse, totum immutabile esse, ait L A E R T I V S, recte, quoniam ex emanationis continuatione, et materiae varia modificatione per inhabitantem diuinam animam partes semper mutantur, totum, siue vnum illud infinitum semper idem manet. Infinitos generari mundos qui corrupti in infinitum redeant, dicit P L V T A R C H V S et I V S T I N V S M A R T Y R ⁴⁾: Non incommode, quia et causa effectrix et materialis vnum infinitum sunt, et infinitus utriusque modus inest, illi actiuus, huic passiuus. Natiuos esse Deos, longis interuallis orientes occidentesque eosque innumerabiles esse mundos Anaximandro tribuit C I C E R O ⁵⁾. Non sine veri specie; cum enim ex ista anima diuina quaedam partes in materiae illas particulas, ex quibus infiniti mundi constantur, deriuentur, et emanent, et sic diuina ista mens omnibus istis mundis intime praesens sit, nascuntur certe per emanationem, nascente nouo mundo, Dii illi, eo destructo ad fontem redeunt, quemadmodum ex eodem fundamento et eodem quoque sensu Stoici Deos nasci et mori, id est ex Deo, anima mundi, oriri et in eum reduci asseruerunt, uti suo loco demonstrabimus. Quod si etiam haec ad coelum et stellas referenda esse P L V T A R C H O ⁶⁾ largimur: non tamen hoc contradicit infinito, prout explicuimus. Sunt enim coelum et stellae Dii, non ex parte materiae, cuius respectu calido et frigido mi-

stum

²⁾ loco supra laudato.

³⁾ l. c.

⁴⁾ ll. cc.

⁵⁾ De nat. Deor. L. I, c. 10.

⁶⁾ l. c. L. I. c. 7.

stum coelum, stellasque centones aëris globosos ignis plenos Anaximander dixit^a, sed ex parte inhabitantis animae diuinæ, cuius pars eas animat; regitque. Poteramus pluribus hanc nostram infiniti Anaximandri explicationem rationibus fulcire, nisi nos pudor prohiberet patientia lectoris abuti, vel eius quoque iudicio et acumini dissidere; ea enim, quae diximus, ita comparata sunt, ut auctoritatis vel sententiae semel electae praeiudicio non impeditus facile concedere debeat, a verisimilitudine non esse aliena. Quae tamen licet ita se habeant, stultum tamen esset et insipidum, pro certo et indubitato asserere, hanc fuisse Anaximandri, opinionem. Coniecturas afferimus, vero sectamur similia, habitum et constitutionem systematis expendimus, praeceptorem cum discipulo comparamus, effata veterum inter se rationali sensu iungimus; quae omnia probabilitatis quidem gradum aliquem constituunt: alium tamen sensum cuncta pati, ire in contraria veteres et recentiores nostro ingenio multum acutiores, desiderari scripta Anaximandri, fontesque atque testes omni exceptione maiores, ineluctabilem in plerisque obuersari animo obscuritatem ultro fatemur, et hinc rationibus ex utraque parte expensis hoc vnum de mente et sensu, principii Anaximandri dici posse certum putamus, incerta, obscura et dubia pleraque esse, illosque tutissima via incedere, qui de atheismo Anaximandri rogati sententiam dicunt: Non liquet.

§. XV. Sed progrediendum est in enarratione placitorum physicorum Anaximandri, quem de rebus coelestibus porro statuuisse veteres referunt, *Specialia eius de rebus naturalibus dogmata.*

III. Coelum de calido et frigido mistum esse^b.

IV. Esse infinitos mundos, qui generentur, et corrupti in infinitum redeant^c. Sensum, quem ex coniectura habere potest hoc dogma, in antecedentibus, tetigimus.

V. Stellas centones esse aëris globosos, et flammæ, quadam parte expirantes, agitari autem eas a circulis et sphaeris, quibus inhaerent; ut refert STOBÆVS^d, vel quod habet PSEUDO-ORIGENES^e, astra esse circulum ignis discretum ex igne mundi circumdatum ab aëre; quod dogma non nouum fuit, sed veteribus iam admissum, qui ex igne coelesti sideralem ignem deriuauerunt.

VI. Stellas esse Deos. Quo sensu hoc admitti queat, supra diximus. Male itaque id acceperunt CICERO^f, AUGUSTINVS aliique, qui indigne tulerunt, aliquid, quod corruptibile et mortale est, in Deorum numerum referre, non enim de aeternis Diis sermo est, sed de sedibus animae diuinæ. Id quod rectius responderi posse putamus ad Ciceronis obiectiones, quam, nodum secando potius quam soluendo, cum SAM. PARCKERO^g, Velleium Ciceronis, qui haec obiicit, mendacii arguere.

Ppp 3

VII.

^a) STOBÆVS Eclog. phys. c. XXV. p. 53. PLUTARCH. l. c.

^b) STOBÆVS eclog. phys. L. I. c. XXV. p. 53.

^c) THEODOR. decur. Graec. aff. L. I. p. 17.

^d) loc. cit.

^e) c. VI. p. 59.

^f) De nat. deor. L. I. c. 10.

^g) De Deo et prou. disp. l. sect. 6. p. 15. 16.

VII. Supremo loco situm esse solem, deinde lunam, tum denique fixas et inerrantes stellas ^a.

VIII. Circulum solis vicies et octies ^b terra esse maiorem; orbita praeditum, qualis fere sit rota curruum, ignis plena: qui quadam ex parte eius per orificium effulgeat, tanquam per fistulae foramen, eumque ignem esse solem terram mole exaequantem ^c.

IX. Lunae circulum esse nouendecuplum proportionem terrae, similem rotae currus, quae habeat concavam orbitam igne impletam, perinde ac sol, et obliquam, una parte ignem, velut per guttur expirantem ^d. Probat utraque haec thesis, quam puerascens illo adhuc tempore fuerit scientia naturalis: quamvis incertum sit, an tam crasso conceptu de sole et luna philosophatus fuerit Anaximander, et annon posteriora tempora ei talia affinixerint?

X. Eclipses oriri ex obturationibus orificiorum, ex quibus exhalat ignis solis lunaeque ^e.

XI. Lunae lucem vel plenam vel deficientem videri, prout orificium per quod transit, vel obturatur, vel dilatatur ^f.

XII. Ventum esse aeris fluxionem, motis in eo aut colliquatis partibus tenuissimis et fluidissimis ^g.

XIII. Tonitrua et fulmina gigni a vento in densa comprehenso nube, e qua ob partium tenuitatem et leuitatem erumpat vi maxima ^h.

XIV. Durare medio loco terram, centri instar constitutam, globosamque esse et rotundam, eamque a nulla re suffultam pendere, loco subsistentem suo propter aequalem omnium distantiam. Prius Anaximandro tribuit LAERTIVS ⁱ posterius PSEUDO-ORIGENES ^j, PLUTARCHVS ^k vero Thaletis opinioni, terram esse rotundam opponit sententiam Anaximandri, habere terram formam planae columnae lapideae; quod fere collineant, quae EVSEBIVS ^l habet, qui formam cylindri ei placuisse tradit. Addunt *philosophumena* ORIGENI tributa, docuisse: alteram superficiem calcari, alteram oppositam esse; ex quibus verbis suspicatur cel. WOLFIVS ^m, antipodas credidisse, licet Platoni nomen hoc debeatur ⁿ: quod tamen mera, et incerta quidem coniectura nititur. Eadem philosophumena hanc quoque de terra opinionem Anaximandro tribuunt: pendentem manere suo loco subsistentem; μένσαν διὰ τὴν ἐμείαν πάντων ἀπόστασιν; aliter tamen LAERTIVS, qui mundum quidem in medio posuisse, ait,

^a) STOBÆVS I. c. ORIG. phil. I. c. p. 60.

ⁱ) PLVT. L. II. c. 20. THEODORETVS I. c. ponit XXVI. et Philosophum. ORIGENIS I. c. non ad terram, sed ad lunam referunt.

^k) LAERT. I. c. male cohaerentia et inepta in his quaedam sunt, ex quibus coniectura nascitur, non semper intellectum fuisse Anaximandrum, vel sententias eius et dogmata indiligenter et negligenter consarcinata.

^l) PLVTARCH. L. II. c. 25. STOBÆVS I. c. p. 59.

^m) Philosophumena p. 59.

ⁿ) Ibid. vocant vero orificium hoc ἐκπνοήν, quam recte ita explicari ex PLVT. et STOBÆO patet.

^o) PLVT. I. c. L. III. c. 7. Philosophum. p. 60.
^p) IDEM II. cc. et clarius SENECA Qq. nat. L. II. c. 18.

^q) I. c. f. I.

^r) I. c.

^s) De plac. phil. L. III. c. 10.

^t) De praep. L. I. c. 8.

^u) Ad h. l. not. 9.

^x) LAERTIVS L. III. f. 24.

ait, sed ita, vt moueri apta; siquidem certa est THEONIS explicatio, terram ex mente Anaximandri in sublimi pendere, et moueri circa mundi medium³: quae opinio non illo demum tempore nata est, sed veteribus debetur, vnde Pythagorici etiam acceperunt: nonnulla inde urgente verisimilitudine, Anaximandrum hoc quoque dogma recepisse, id quod etiam contendit TH. BURNETIVS⁴. Quia tamen vterque testis nimis a philosophi huius aetate remotus est, contradicente testimoniorum fide certi nihil definiri potest.

XV. Formationem mundi, et partium eius ita delineauisse tradit EUSEBIUS⁵: Ex infinito coelestes orbes et infinitos mundos eductos et secre- *Cosmogonia Anaximandri.* tos esse: corruptionem autem multoque ante generationem ipsam ex eo fieri, quod mundi ipsi omnes ab immenso quodam aeuo perpetua discretione voluerentur; terram vero figuram cylindri imitari, eiusque altitudinis esse, quae, si cum latitudine conferatur, tertiam illius partem constituat. Ceterum foecundas calidi frigidique partes genitales circa mundi huius procreationem ab omni aeternitate sepositas fuisse, ex quibus conflata sphaera quadam ignea circumfusum terrae aërem, veluti cortex arborem, inuolueret, ea disrupta cum esset, ac circulis quibusdam interclusa, solem inde, lucem ac stellas extitisse. Descripsit haec Eusebius ex PLUTARCHI *Stromatibus* deperditis, vixque credi potest, ipsum Anaximandrum ita rationes subduxisse, sed videntur sequentium temporum philosophi ita consentanea principiis Anaximandri ex iis elicuisse. Nihil tamen in hac cosmogoniae descriptione est, quod explicationi systematis physiologici Anaximandri, quam supra dedimus, refragetur, sunt, quae eam mirifice confirmant. Ait enim: ex infinito coelos et vniuersos mundos ἀποκεκρίσθαι, eductos et secretos esse, palpabili indicio, emanationem ex infinito, id est materia ex sinu DEI egressa et cum eo arctissime iuncta, causam esse existentium mundorum: quae emanatio necessario id, quod porro dicit, postulat, eos mundos ex infinito tempore circulo atque periodo, et conuersione volui, ἀνακυκλωμένων πάντων, quae Eusebii verba sunt. Immo γόνιμον θερμοῦ καὶ ψυχροῦ κατὰ τὴν γένεσιν τούτου τοῦ κόσμου ἀποκριθῆναι dicitur, vt non tantum vis genitalis, actiua, penetrans, vna cum calido et frigido, a quo disterte distinguitur, in isto infinito fuisse, appareat, sed et educta et secreta, id quod per emanationem talem fit, dicatur. Quae omnia haud leuiter coniecturas nostras de significatione infiniti Anaximandrei confirmant: dolendumque est, haec non ab ipso Anaximandro profecta, sed a viris longo temporis interuallo ab eo remotis, vnde haec quoque in tam incerta re in medio relinquimus. Eductum ex sinu infiniti mundum motus legibus semel a causa actiua ex genituali interna impressis reliquit, hinc de animantium origine porro praecepisse dicitur.

XVI. Animalia prima in humore nata, corticibus spinosis munita fuisse, adultiora vero facta, ad siccitatem magis desciscuisse, ruptoque cor-
tice

3) Conf. MENAG. ad I. c. Laërt.

4) Archaeol. philos. L. I. c. 10. p. 421.

5) I. c.

tice non multum temporis superuixisse^b. Homines prius in piscium ventribus genitos ibique nutritos fuisse, donec vires acquirerent maiores, idoneique fierent, qui suis prospicere necessitatibus possent, exclusos fuisse atque terra potitos^c. Quae hominum generatio heterogenea exiguam quidem prodit Anaximandri eruditionem in naturalibus, condonanda tamen illi eo magis est, quoniam plerique gentiles philosophi tam inepte de humani generis ortu philosophati sunt, ut ex iis videre est, quae PLUTARCHVS^d hac de re collegit. Cum enim semel hypothesin istam; generationem aequiuocorum esse possibilem, admitterent, facile inde erat, humano generi eiusmodi adscribere ortum, cum veram hominis originem, cuius notitia reuelationem supponit^e, ignorauerint. Verum hoc ὡς ἐν παρρησίᾳ, et de Anaximandro satis.

Anaximenes.

§. XVI. Anaximandri auditor^f et sodalis^g fuit ANAXIMENES, Euristrati filius, Milesius. Vitae tempus varie definitur, alii enim Olymp. LV. alii LVI iterumque alii LVIII. ponunt^h, et Apollodorus Olymp. LXIII. quod tamen falsum esse inde probari potest, quod Anaximander eius praeceptor, non diu post Ol. LVIII. satis concesserit, unde Anaximenes Ol. LXIII. demum natus esse non potuit. Repugnat et ipse Apollodorus, tradens, obiisse eo anno, quo Sardes expugnatae sunt a Cyro. Illud vero Ol. LVIII. si SIGONIVM sequerisⁱ, sin accuratiores PETAVII^k calculi probentur Ol. LIX. i. accidit, sic ut mortuum esse oporteat antequam natus fuerit. Vnde suspicamur, apud Apollodorum numerum corruptum et tempus quoque mortis falsum esse, et Ol. LIII. ponendum^l, pro LXIII. tam turpiter enim sibi contradixisse non verisimile est, neque tamen ita tempus cohaeret, uti infra, ubi de Anaxagora dicendum, demonstrabimus. Volunt aliqui, audiuisse Anaximenem etiam Parmenidem, cui et auctor epistolarum illi tributarum Pythagoram iungit, quem tamen omni fide carere supra in Thalete ostendimus. Docuit vero et ipse naturalem scientiam, et in ea Anaxagoram atque Diogenem Apolloniatem discipulos habuit^m.

*Physiologia
Anaximenis.*

§. XVII. Institit vero vestigiis praeceptoris in scrutanda rerum natura Anaximenes, ita tamen ut eius systema clariore luce perfunderet, in quibusdam vero proprium iudicium sequeretur. Docuisse vero veteres referunt:

I. Prin-

^b) PLUTARCH. L. V. c. 19.

^c) Symposiac. c. VIII. q. 8. ^d) l. c.

^e) Propius tamen ad rem PLATO, etsi ille quoque errore de praesistentia et lapsu animarum corruptus. De quo suo loco.

^f) LAERT. L. II. l. 3. CICERO Acad. Q. q. L. IV. c. 37. PLIN. hist. nat. L. II. c. 76.

^g) SIMPLICIUS ad Physic. L. I. c. 2. quod quidem cum eo non constare putat ALDOBRANDINVS, ad l. c. Laert. quod Anaximandri discipulus dicatur: nihil tamen obstat, quo minus contubernio et consortio familiari iuncti fuerint.

^h) Olymp. LV. ponit SVIDAS in Anaxim. T. I. p. 173. LVI. EVSEB. praep. euang. L. X. c. ult. LVIII. vero PSEUDO-ORIGENES philosoph. c. VII. p. 66. qui admitti potest, si intelligatur de tempore successionis in cathedra.

ⁱ) De temporibus Atheniensium.

^k) Doctrin. temp. L. XIII. ration. temp. P. I. L. II. c. 12. p. 124.

^l) LV. Emendat S. PETITVS Obs. L. II. c. 1.

^m) Alios Anaximenes, cum hoc non confundendos recensent LAERT. l. c. MENAG. ad h. IONSIVS de S. H. P. L. I. c. 10. p. 50. MEYRS.

I. Principium rerum vniuersarum esse aërem, ex quo omnia nascantur, suoque in eum redeant interitu *.

II. Hoc principium, aërem scilicet, id ipsum infinitum esse, id est immensum, et semper in motu. Duo haec principia sunt, vel si accurate dicendum primum rerum naturalium principium vnum, quod admisit Anaximenes. Nam quae apud LAERTIVM^p dicuntur, posuisse ἀρχὴν αἶρα καὶ τὸ ἀπειρον, non tam, duo principia adhibuisse Anaximenem, volunt, quam potius, rerum omnium causam existimasse aërem, eumque infinitum. Scilicet ab Anaximandri praeceptoris^q systemate non recessit Anaximenes, sed, quae ille incerta determinatione obscurius dixit, hic clarius explicuit. Nihil aliud itaque dicit, nisi infinitum illud, ex quo iuxta Anaximandrum res omnes conditae sunt, esse aërem, adeoque vniuersum hoc isto principio contineri: nec multum ponderis habent difficultates, quas hic mouit ISAACVS CASAVBONVS, qui non attendit, recte dixisse ARISTOTELIS physicarum lectionum interpretes, Anaximenem inter eos esse, qui vnicum principium rerum ponunt, saluo textu LAERTII, qui idem fere ait, quod SIMPLICIVS: Ille enim satis luculenter: *Anaximenes Eurystrati filius, sodalis factus Anaximandri, materiam siue subiectum ait vnum esse, ideque infinitum, ut ille etiam, sed non indefinite sicut Anaximander, sed ut definiat esse aërem*: quo loco obscura et dubia Laërtii verba illustrantur.

III. Aëra Deum esse eumque gigni, esseque infinitum, et semper in motu, ea vero quae ex eo oriuntur definita esse: accipiendum vero hoc esse de facultatibus, quae corpora siue elementa penetrant, tradit STOBÆVS^r. Huius si explicationem sequimur, aëra Deum dixit, quia virtute diuina animatur, et per omnia funditur: nec videtur haec Stobaei explicatio relinquenda esse, si statuamus, quod verisimilitudine non caret, non deseruisse Anaximenem praeceptoris placita, sed clarius exposuisse et illustrasse, ut ita τὸ ἀπειρον Anaximandri ex eius interpretatione sit aether subtilissimus diuina vi foecundus, siue a spiritu diuino inhabitatus et animatus, cuius agitatione vbique diffunditur, ut omnia ex eo generentur. Sicque intellexisse quoque videtur LACTANTIUS^s, qui, ubi dixerat, Cleanthem et Anaximenem aethera dixisse summum Deum, addit, poetam assentiri, canentem:

*Tum pater omnipotens, foecundis imbribus aether
Coniugis in gremium laetae descendit, et omnes
Magnus alit magno permixtus corpore foetus.*

Cleanthes vero cum Stoicus philosophus fuerit, apertum est Lactantium
Anaxi-

^u) PLUTARCH. de plac. L. I. c. 3.

^o) CICERO de natura Deor. L. I. c. 10.

^p) L. II. f. 3. STOBÆVSECL. phys. c. I. ORIGEN. philosoph. c. VII. p. 61. Scripsisse quidem Theophrastum de decretis Anaximenis librum refert LAERT. L. V. f. 42. sed is periit. E recent-

tioribus videndus SCIPIO AQUILIANVS de placit. philos. ante Arist. c. XXI. p. 99 seqq.

^q) CICERO l. c. et Acad. Qq. L. IV. c. 37.

^r) Eclog. phys. L. I. c. I. p. 21.

^s) Lib. I. c. 5. conf. MINVC. FELIX in Octau. c. 19. p. 61.

*Atheismus
Anaximenis.*

Anaximenis opinionem sensu accepisse Stoico, cui eam iungit, qua in schola aether siue ignis subtilissimus, vel Deus potius materiam inhabitat, peruat, animat. Quod melius quoque mentem Stobaei exprimit, quam quod STANLEIO^e placuit, aëra diuinum esse facultates diuinas elementa penetrantes, adeoque improprie accipi, quod contra mentem Anaximenis dici, recte ad hunc locum notauit G. OLEARIVS^f. Quod vero omnium maxime hanc principii Anaximenis explicationem firmat, illud est, quod aëra Deum quidem esse, sed gigni, teste CICERONE^g asserit, cum diuina gigni nequeant: vnde sine sensu et absurde locutus esset Anaximenes, si aliud nihil, nisi aëra infinitum pro Deo accepisset; non incommode vero et inconuenienter suo principio et magistri menti, si aërem, mutabilem et mobilem intellexit, ab Inhabitante virtute diuina animaue commotum, cuius motu gignuntur omnia: qua ratione et Diogenem Apolloniatem explicuisse hoc principium in sequentibus docebimus^h. Ex dictis vero de atheismo Anaximenis iudicandum est, cuius grauem illi dicam scribunt IACOBVS THOMASIVSⁱ, NICOL. HIERONYMVS GUNDLINGIVS^a, IENKINVS THOMASIVS^b, RAD. CUDWORTHVS^c, PETRVS BAYLE^d, et qui parum causae Anaximenis tribuunt, IO. FR. BVDDEVS^e et GODOFR. OLEARIVS^f, contrariam partem tuentibus IO. ANDR. SCHMIDIO^g, IAC. FRID. REIMMANNO^h, SAM. PARCKEROⁱ, qui ab hac infamia Anaximenem liberarunt. Scilicet adeo inter se de sensu principii Anaximenei dissentiant veteres, tamque obscurae sunt eorum relationes, vt vtraque pars non contemnenda opinionis suae inueniat argumenta, quae prolixè enarrare, non nostri instituti est, sed ad historiam singularem atheismi pertinet. Nos computatis vtriusque partis rationibus in ea confirmamur modestia, quam apud Anaximandrum commendauimus: in tanto genuinorum testimoniorum defectu, et incerta veterum relatione tutissimum esse, ad pyrrhonismum historicum confugere, et modeste retinere iudicium. Quod si vero coniecturis aliquid dandum est, idem putamus de Anaximene dicendum esse, quod de Anaximandro, vtriusque enim causam eodem loco stare recte iudicauit OLEARIVS^k: hoc vno discrimine, quod infiniti a praeceptore pro principio admissi naturam enarrauerit, quam in aethere, diuina anima foecundo, posuit, sicque Deum nominauit: tacens tamen more scholae suae de natura mentis diuinae, cum ad solam causam materiale respiceret. Fecisse vero cum Anaximandro in

i) Hist. phil. P. II. c. 2. f. 1. p. 99.

a) In not. ad h. l.

x) loc. cit.

y) Vtrumque ideo recte iungit MINVC. FELIX l.c.

z) Obs. Hal. Lat. T. II. obs. 21. p. 450.

a) In Otis P. II. c. III. §. 8. p. 108

b) Hist. atheismi c. IV. §. 4. p. 29.

c) Syst. intellect. c. III. §. 20. p. 123.

d) Dict. T. I. art. Diog. Apoll. not. C. p. 296.

e) Thes. de ath. c. I. §. 10. licet excusari eum posse putet.

f) Ad l. c. Stanleii. Addi his possunt historiae vniuersalis auctores Angli p. 84.

g) Diss. De Anaximene vita et physiologia sect. II. §. 5. p. 24.

h) Hist. atheismi c. XIX. §. 4. p. 144 seqq.

i) De Deo disp. I. sect. 6. p. 15 seqq.

k) loc. cit.

in doctrina de Deo inde quoque patet, quod dixerit, teste A V G V-
S T I N O ¹.

IV. Esse quidem Deos, non tamen ab iis aërem factum, sed ipsos ex aëre ortos esse. Eadem enim praeceptoris quoque doctrina fuit, cui in antecedentibus lucem foenerati sumus, quae et huc afferenda est. Et eodem modo intelligendum est, quod P S E V D O - O R I G E N E S refert ²: Deos et diuina existere ex progenie aëris infiniti.

V. Ut vero ex aëre hoc infinito et diuino rerum ortum delinearet, tradidit porro Anaximenes ³: hanc aëris maxime aequabilis speciem effugere oculorum sensum; manifestari autem frigido et calido, tum humiditate et motu; sed moueri perpetuo, nec enim, quas recipit, admissurum mutationes, nisi moueretur. Densatum namque atque extenuatum aliam atque aliam induere faciem.

VI. Cum dissolutus ad altiorem peruenerit gradum producere ignem, ad mediocrem vero, cum ad aërem densiorem ex aëre effici nubem; cum adhuc magis aquam, aucta vero hac constipatione, terram; et, quam fieri potest densissima compage constituta, lapides: adeo ut primaria generationis instrumenta reperiantur opposita, calidum videlicet et frigidum. Eundem fere in modum mutationem elementorum instituit Heraclitus, cuius ignis ab aëre Anaximenis, parum differt ⁴.

VII. Exteriores coeli superficiem esse terrestrem ⁵.

VIII. Terram esse tabellam planam incumbentem aëri ⁶.

IX. Ad eandem rationem et solem, et lunam, et reliqua sidera. Haec enim omnia cum sint ignea superfundi aëri per latitudinem ⁷.

X. Siderum ortum ex terra venisse, ex qua attollitur halitus, quo extenuato, ignis emicet ⁸.

XI. Porro ex eleuato sursum igne componi stellas, terrestres etiam esse naturas in stellarum sede, quae cum iisdem deferuntur ⁹. Ista terrestres naturas non conspici, stellasque velut clauos crystallo inhaerere ¹⁰.

XII. Sidera non commoueri subter terram, sed circa terram verti, perinde ac circa caput nostrum vertitur pileus ¹¹.

XIII. Itaque solem etiam non ideo abscondi, quod versetur sub terra ¹², sed quod altioribus terrae partibus tegatur, et quod longioribus a nobis interuallis distet.

XIV. Astra moueri et impelli a condensato et renitente aëre.

XV. Laminae instar latum esse solem igneaeque substantiae.

Qq q 2

XVI.

1) De C. D. L. VIII. c. 2.

m) l. c. c. VII. p. 61. Sermo itaque non est de Deo summo, sed de corporibus coelestibus, quibus anima diuina praeest, vel daemon quidam inhabitat. Quapropter censura BAEII l. c. fundamento caret.

n) ORIGEN. l. c.

o) Ex hac physiologia sequitur etiam, animam esse ex aethere, siue aëre illo subtiliore vid. PLVT. de plac. phil. L. I. c. 7.

p) PLVT. l. c. L. II. c. II.

q) EVSEB. praep. L. I. c. 5. ORIG. l. c. p. 63.

r) PLVT. l. c. L. III. c. 10.

s) ORIGEN. l. c.

t) Ibid.

u) Ibid.

v) STOBÆVS eclog. phys. c. XXV. p. 53.

x) ORIG. et STO B. II. cc. LAERT. L. II. f. 3.

y) PLVT. l. c. L. II. c. 16. qui paulisper variat.

z) ORIGEN. l. c.

XVI. Eclipsin pati solem et lunam obturato foramine per quod ignem spirant.

XVII. Lunam itidem esse igneam ^z.

XVIII. De meteoris eundem fere in modum, ut Anaximander, docuit, ut ex iis videre est, quae PLUTARCHVS, PSEUDO-ORIGENES et STOBÆVS ^a hac de re habent; quos, ne nimii sumus, a lectore consuli velimus, nihil enim difficultatis habent, quae atterunt, et ex dictis facile intelliguntur.

*Philosophia
moralis Ana-
ximenis.*

§. XVIII. De philosophia morali Anaximenis, non habemus, quod dicamus. Refert quidem de eo STOBÆVS varias sententias et dicta moralia, quae vero paraenetice magis quam philosophice proposita ab eo fuere. Sunt inter ea duo, quae attentionem mereri visa sunt cel. STOILIO ^b. Vnum monet ^c: Senibus urbanitate elegantiore ornatis quantum corporeae voluptates marcescunt, tantum rursus eruditionis desiderium augeri, et tanto firmitus docere posse alios, quid factu sit utile, ac ipsi vicissim ab aliis audiri. Siquidem voluptates, quas cibi, potus et venerea pariunt, non tam in praesentia exhilarare, quam postea molestare videri. Voluptatem autem et disciplinam circa literas tum in praesenti tempore oblectare, tum ad reliquam vitam sui studiosos suauiter degendam praeparare. Alterum praecipit ^d: Diuites non similiter misereri solere infelicitium ut pauperes, nam suis rebus metuentes interim aliorum calamitatis misereri. Paupertatem namque homines et in artibus praestantiores, et in rebus ad vitam pertinentibus prudentiores reddere, et grauem esse sapientiae magistratam. In quibus *παροιμίας* Anaximenes, propria experientia duce visus est viro clarissimo scripsisse, atque coniecit, voluptatis causa ducta vxore, et liberis genitis curarum et paupertatis mare ingressum fuisse, sicque voluptatis stultitia expertum ex disciplinarum studio voluptatem postea in senio atque sustentationem vitae quaesivisse et inuenisse. Quae, quia circumstantias vitae Anaximenis nobis tacuerunt veteres, in medio relinquimus.

Anaxagoras.

§. XIX. Anaximenes non auditor tantum fuit, sed disciplinam quoque ab eo accepit ^e ANAXAGORAS Clazomenius, ex Ionia, natus OL.LXX.I. ^f Parentem nactus genere, opibusque clarum, Hegesibulum siue Eubulum, diuitias ac nobilitatem ab eo quidem accepit, magnis tamen animi opibus, quas insatiabili desiderio augere studebat, multo magis enituit. Agros vero et patrimonium reliquit ^g, teste CICERONE ^h, *discendi quaerendique diuinae delectationi toto se animo ut dederet*: vel ut narrat VALERIUS MAXI-

^z) STOBÆVS I. c. p. 59.

^a) II. cc. et ex primo et tercio STANLEIUS I. c. p. 100. qui vero ORIGENIS philosophumena non consuluit.

^b) Hist. phil. mor. gentil. §. 38. p. 40. 41.

^c) STOBÆVS Serm. CCLXIX. p. 870.

^d) Ibid. Serm. CCXXXVII. p. 778.

^e) CICERO de nat. Deor. L. I. c. 11.

^f) Apollodor. apud LAERT. Lib. II. f. 7. quibus tamen prematur difficultatibus infra docebitur.

^g) PLUT. de vitando aere alieno.

^h) Tuscul. Qq. L. V. c. 39. PLATO in Hippia mai. T. III. p. 382 PHILOSTRAT. vit. Apollon. L. I. c. 13. p. 15. PLUT. in Pericle, SVIDAS in Anaxagoras T. I. p. 172.

MAXIMVSⁱ, e diutina peregrinatione patriam repetens, cum possessiones desertas vidisset, *non essent*, inquit, *ego saluus, nisi istae periiissent*. Eodem animo a regendis ciuitatibus, cuius muneris spes opes animi atque facultates et generis nobilitas facere poterant, totum se, quod ait CICERO^k, ad cogitationem rerum transtulit. Quod cum aegre nonnemo ferret, ei, ita compellanti, *nullane tibi patriae cura est?* pulchre respondit: *mihi vero patriae cura, et quidem summa est*, digitum in coelum intendens^l. Vt itaque insatiabili discendi desiderio faceret satis, vicesimo aetatis anno Athenas concessit^m, ut ibi philosopharetur, id est totum eruditionis, qualis tunc in hoc ingeniorum et Musarum emporio florebat, circulum emetiretur. Eo enim tempore Athenis philosophiam stricto sensu sumtam nondum floruisse, ex dicendis patebit, constabatque tunc temporis Atheniensium eruditio praeter elegantiam et prudentiam ciuilem, in dicendi copia et artis poeticae praestantiaⁿ. Vnde Anaxagoras non tantum Homerum diligenter legendo excoluit, quem virtutis et iustitiae praeceptorem fuisse putabat^o, sed et suauis ac magnifica oratione usus est^p. Non tamen eloquentia verborum et fingendi ars exsatiavit Anaxagorae animum, sed rerum naturalium et coelestium studio occupatus, cum Athenis philosophi non essent, ad Anaximenem concessit, eumque rerum physicarum principia atque causas enarrantem audiuit^q, tanto quidem feruore et contentione animi, ut inspiciendi coeli, et solis, et lunae causa se natum fuisse, magno animo diceret. Nec defuit successus diligentiae Anaxagorae, qui in rerum naturalium studio tantum profecit, ut Anaximenes dignum iudicaret, cui cathedram traderet, et disciplinam relinqueret. Non tamen solo Anaximene contentus fuit, sed ut magis in rerum naturalium studio proficeret, ex Hermotimi quoque, ciuis sui, philosophia notitiam naturalem auxit, et ex ea praeceptoris systema emendauit^r. Quoniam tamen tantam viri acu-

Qq q 3

tissimi

i) L. VIII. c. 7. qui tamen a reliquorum scriptorum narratione deseritur. conf. MERIC. CASAVBON. ad l. c. Laert. Platonem l. c. risisse Anaxagoram ait STANLEIVS Hist. phil. P. I. p. 100. sed is locum Platonis perperam intellexit; non enim ridet Anaxagoram sed sophistas, conf. BAYLE Dict. T. I. art. Anaxagoras not. A. p. 205.

k) De oratore L. III. c. 15.

l) LAERT. L. II. f. 6.

m) Ibid. archonte Calliada: qui erat Olymp. LXXV. i. si Apollodorum sequimur.

n) Dignus qui hic legatur cel. HEVMANNVS Act. philos. Vol. III. p. 195.

o) LAERT. L. II. f. 11. Inde sine dubio enata suspicio, defuisse duplex principium Anaxagoram ex fabula Homeri de Prodeco et Eidothea, quod asserit SEXTVS EMPIR. adu. math. L. IX. f. 8. p. 546. quae vero ex h. l. facile refutatur non enim physica sed moralia praecepta in Homero quaesivit Anaxagoras.

p) LAERT. l. c. f. 6.

q) Fuisse discipulum Anaximenis ex adductis

testibus patet; cum vero hoc ante annum 20 fieri non facile potuerit, patet inde dictorum ratio, sine qua obscuritatem inextricabilem in historia Anaxagorae non euitabimus. Conf. BAYLE Dict. T. I. art. Archelaus not. A.

r) Prouocat SEXTVS l. c. non ad Hesiodum et Parmenidem tantum, qui ante Anaxagoram mentem suae principum actuum materiam adiecerint, sed et ad Hermotimum Clazomenium, a quo Anaxagoras acceperit. Et in duobus prioribus quidem eum falli, ex eo patet, quia amor Hesiodi et Parmenidis longe differt a mente Anaxagorae, et certam materiae semel motae affectionem denotat. Verisimilius itaque est, accepisse ab Hermotimo Clazomenio, quem prius mentem causam dixisse tradit ARISTOT. Metaph. L. I. c. 3. T. II. p. m. 646. id quod etiam affirmant, et Anaxagoram Hermotimum secutum esse tradunt PHILOPOM. ad l. c. Arist. et Alex. Aphrodisaeus apud SIMPLIC. in L. VIII. physic. p. 321. de hoc Hermotimo videndi veteres, quos laudat MEVSIVS ad Apollon. Dylcol. hist. comment. c. 3. animam eius, quoties voluisset,

issimi eruditionem non satis capiebat Miletus, rediit Athenas, ut ibi philosophiam, quae nondum illic docebatur, profiteretur. Certe bis Athenis commoratum primo discendi, posteaque docendi causa, necessaria rationum chronologicarum vitae Anaxagorae series euincit, licet et hic difficultates haud leues oriantur, quas ad finem huius paragraphi enarrabimus, quemadmodum tota temporum ratio in Anaxagorae historia impedita est. Ibi magno, etsi tantum priuatim doceret, applausu auditus, et celebrem famam nactus discipulos habuit praestantissimos, et nominis postea nobilitate atque gloria immortales, Periclem istius aetatis fere eloquentissimum¹, Euripidem tragoedum²; quibus aliqui iungunt Socratem³ atque Themistoclem⁴. Inuidiam vero gloriae comitem esse tandem sentit, persecutione graui virum de Atheniensibus et optimis literis immortaliter meritum premente. In carcerem enim detrusum fuisse, sibi que de vita metuisse, veteres scriptores vnanimi fere consensu testantur, causam vero et accusationem varie referunt. Sotion enim apud LAERTIVM⁵ a Cleone impietatis accusatum tradit, quod solem candentem dixisset laminam, defensum autem esse a Pericle, discipulo, et quinque talentis mulctatum exilioque damnatum fuisse. Satyrus, a Thucydide in ius vocatum, qui contraria Periclis factioni sentiebat, neque ut impium modo, verum et ut urbis apud Persas proditorem accusatum absentemque damnatum, testatur. Hermippus carcere inclusum mortique addictum ait, Periclem vero apud iudices comparuisse, et testatum de vitae eius innocentia, effecisse, ut liber dimitteretur, eum tamen dimissum iniuriam aegre tulisse, et sponte e vita excessisse. Hieronymus, macie et aegritudine confectum in iudicium adductum misericordia magis, quam iustitia dimissum narrat; nihil tamen horum, quae refert LAERTIVS magna nititur verisimilitudine, cui magis accedit, quod tradit SVIDAS⁶ et IOSEPHVS⁷ quoque, in carcerem coniectum, quod nouam de Diis sententiam inuexisset, solemque sensus et rationis expertem dixisset, ideoque ad mortem condemnatum, et tandem exilio mulctatum esse, quanquam et hoc negat PLUTARCHVS⁸, qui nec accusatum nec damnatum fuisse tradit, sed a Pericle ex urbe eductum, quod Diophitae rogationem metueret, ut deferrentur nomina eorum, qui sermones de rebus coelestibus, vel alios profanos

voluisset, egressam esse, pro fabula habet et rider. LVCIANVS T. I. in muscae encom. p. m. 829. Clazomenios ei templum excitauisse veteres passim testantur, conf. FABRIC. ad I. c. Sexti. Testatur vero Phauorinus apud LAERT. L. IX. f. 34. Democritum ab Anaxagora non admissum, eique inimicum factum dixisse: non illius esse, quas scriptis mandauerit de sole ac luna sententias, verum antiquas, ipsumque eas suffuratum esse, pariter ac quae de mundi compositione et mente dixisset.

5) CICERO in Bruto c. II. de Orat. c. 3. PLUT. in Pericle, BAYLE Dict. T. III. art. Pericles not. A. qui etiam loco supra citato inde colligit, Anaxa-

goram, qui discipulum hunc in civili prudentia summam laudem adeptum, formauit, etiam in ciuili disciplina eruditum fuisse.

1) Conf. Ios. BARNESIVS in vita Euripid. sect. 13.

2) Qui tamen postea ad Archelaum secessit LAERT. L. II. f. 19. qui his addit Democritum, quem tamen is ferre non potuit.

3) PLUT. in Themist. T. III. p. m. 104. qui obseruat contradicere tempora.

4) Lib. II. f. 14. et ex eo STANLEIVS l. c. P. II. c. V. p. 137.

5) loc. cit.

6) Contra Apion. L. II. p. 1079.

7) In Pericle.

fanos fererent. Hoc enim omnino credi debet, Anaxagoram in rerum naturalium causis scrutandis indefessum, contradixisse vulgi et sacerdotum superstitioni, quale exemplum PLUTARCHVS^c refert: ostendisse aliquando caput arietis, vnico tantum cornu insigne, quod futurorum malorum praesagium vates iactauerint, dissectum nihil habere, quod naturale non esset. Hanc vero philosophiae libertatem aegerrime genus irritabile vatum tulisse, et philosophos ideo impietatis accusauisse, tot exempla, quae historia philosophica suppetit, et in his maxime notabile Socratis, testantur: dubium itaque non est, aegre Anaxagoram vitam atque caput periculo eripuisse. An vero exilio et pecunia multatus sit, vel ipse sponte sua Athenas reliquerit, in tanto veterum dissensu et incertitudine definiri nequit. Illud vero non praetermittendum est, adeo non animo excidisse, quod vult Hieronymus apud LAERTIVM^d, vt potius veteres referant^e, cum eodem tempore ipsi renuntiata esset et damnatio sua, et filiorum mors, quos duos habuit solos, de iniuria sibi illata dixisse: *Iampridem aduersus illos atque se ex aequo naturam tulisse sententiam: de filiorum autem morte placido simul et magno animo^f: nihil mihi inexpectatum aut nouum nuncias: ego enim illos ex me natos sciebam mortales^g.* Abiit itaque Athenis, vbi XXX. annos commoratum fuisse, quidam tradunt. Non tamen patriam Clazomenen petiit, quam nec sepulturae locum voluit^h, sed Lampfacum discessit, illicque, quod vitae supererat, exegitⁱ, et, quod facile conici potest^k, discipulis in naturae mysteriis erudiendis vacauit, magnam apud magistratum loci atque ciues auctoritatem nactus. Cum enim diuitiis corradendis, non inhiaret, sed paucis contentus, naturae stupendis operibus contemplandis totus inhaereret, sicque coelestia, vnde se oriundum esse tenebat, adspiraret^l, verum egit philosophum, et tranquillitatem animi etiam in aduer-

sis

c) loc. cit.

d) Lib. II. c. 14.

e) Ibid. CICERO Tusc. Qq. L. III. cap. 24. PLUT. de animi tranq.

f) PLUT. consol. ad Apoll. DIO CHRYSOST. Orat. XXXVII. SIMPLIC. ad Epiet. c. 22. VAL. MAXIMVS L. V. c. 10.

g) Non tacendum tamen: haec quoque aliis tribui, et prius quidem Socrati, posteriori Xenophonati, vt auctor est LAERTIVS.

h) Rogatus enim ab amicis, cum Lampfaci moreretur, vellent Clazomenas in patriam, si quid ei humani accidisset, deportari? Nihil necesse est, inquit, vndique enim ad inferos tantundem est viae.

i) XXII. annos computat STANLEIVS l. c. p. 107. quia XX. aetatis anno ibi philosophiam docere coepisse credit, XXX. ibi vixit, LXXII. anno obiit. Monuimus vero supra, euincere seriem historiae Anaxagorae, quod Athenis in patriam ad Anaximenem reuersus sit, et postea demum Athenas docendi causa concesserit, vnde tam longam

moram Lampfaci trahere non potuit. Nec id conspirat cum relationibus veterum, quorum plerique breui post exilium tempore, obiisse volunt. Refertque PLUT. in Pericle, paulo post discessum aetate decrepitum atque neglectum, aegerrime eam rem ferentem obuoluto capite vitae finem inedia facere voluisse, Periclem vero id audientem aduolasse, eumque impediuisse. Ex quo loco manifestum est, senem iam fuisse Anaxagoram cum Athenis discessisset. Verum eiusmodi nodorum plena est Athenagorae historia, quos negligentiae veterum scriptorum debemus, incertos rumores saepe sequentium.

k) Facit coniecturae fidem, quod antequam moreretur rogatus a senatu vrbs, si quid in sui gratiam fieri cuperet, postulauit, vt ea, qua decessisset die, pueris vacatio scholarum concederetur; quam consuetudinem suo tempore adhuc seruata esse, testatur LAERT. l. c.

l) Cuius causa se natum esse dixisse supra notauimus. Quod vehementer vituperauit LACTANTIUS L. III. c. 9. quod creatorem neglexerit: non tamen

lis constantis atque sereni, et a vana ingeniorum ambitione remoti^m prodidit, dignus, qui in summo honore haberetur. Quem etiam ei contigisse veteres scriptiores tradunt, postquam fatis vel naturae debito, vel quod alii asserunt, fame voluntaria enecatusⁿ concesserat. Defuncto enim Lampfaceni iusta persoluerunt, epitaphio posito, quod insignia eius in scientiam naturalem merita panderet, hoc versu^o:

*Hic situs ille, cui rerum patuere recessus,
Atque arcana poli magnus Anaxagoras.*

AELIANVS^p vero duas illi aras positas fuisse memorat, alteram menti, alteram veritati inscriptam. Tantam vero rerum naturalium scientiam de eo iactant veteres, ut multa eum praedixisse contendant: quorum tamen duo tantum exempla ad memoriam nostram peruenerunt. Vnum PLINIVS commemorat his verbis^q: Celebrant Graeci Anaxagoram Clazomenium, Olymp. LXXVIII. 2. praedixisse coelestium literarum scientia, quibus diebus saxum casurum esset a sole. Idque factum interdum in Thraciae parte ad Aegos flumen, qui lapis etiam nunc ostendatur, magnitudine vehis, colore adusto, comete quoque illis noctibus flagrante. Eiusdem prodigii meminere etiam EVSEBIUS, qui in Olymp. LXXVIII. 4. quemadmodum marmor Arundellianum Olymp. LXXVII. 4. ponit, et Silenus apud LAERTIVM Olymp. LXXXIV. 1. quae auctorum varietas, si cum re ipsa confertur, satis prodit, incerto rumori casuique fortuito adscribendum fuisse, ad Anaxagoram vero relatum ab iis, qui cladem Atheniensium quam a Lyfandro passi erant, Olymp. XCIII. 4. isto portento significari absurde contendebant. Cum enim Anaxagoras stellas lapides candentes dixerit, facile inde colorem rei philosophicum inducebant^r; ita vero, quam friuola et inepta tota narratio sit, luculenter manifestatur^s, et ARISTOTELES iam subolfecit^{ff}, nec PLVTARCHVS satis excusare potuit. Verisimilius est alterum praedictionis exemplum, qua tempestatem praedixit, ad Olympicos ludos accedens sereno coelo cum pellicea veste^t. Pluuia itaque ingruente, Graeci vniuersi, auctore AELIANO^u, percipiebant, et vnanimi voce celebrabant, diuinam magis eius scientiam esse,

tamen intellexisse Laetantium sensum dicti pulchre ostendit IAC. THOMASIVS Obs. Hal. Lat. T. II. obs. XIV. p. 306. conf. quae probe mementur Aët. philos. Vol. III. p. 206.

m) Ambitiosius dictum videtur, quod dicenti cuipiam: Atheniensibus priuatus es; respondit: non ego illis, se illi me, apud LAERT. L. II. f. 10. Sed ut hoc animi ad utrumque parati luculentum testimonium est, ita videtur respexisse ad amicitiam Periclis, qui totus ab eius consiliis pendebar, quemque praefens ad emolumentum rei publicae formabat, et rationes eius dirigebat. Conf. Aët. philos. Vol. II. p. 208 seq. conf. VAL. MAX. L. VII. c. 2. qui illius egregiam de vita eius in secessu beatiore quam in fronte sententiam recitat, et doctrinam non ambitiosam laudat.

n) Vid. not. (h).

o) LAERT. l. c. ARIST. Rhetor. L. II. c. 23. T. II. p. 245.

p) Lib. VII. c. 19. conf. KVHNIVS ad h. l. tantos honores alii, qui tamen aliis quoque philosophis obtigere. Conf. Otium Vindel. Ex. III. p. 268 seqq.

q) Hist. nat. L. II. c. 58. Conf. LAERT. L. II. f. 11. PHILOSTRAT. in vita Apollon. L. I. c. 2. p. 4. PLVT. in Lyfandro (T. V. p. m. 96. conf. MENAG. ad l. c. Laert.

r) Probant hoc misellae ratiunculae a PLVT. l. c. relatae.

s) Conf. BAYLE. Dict. l. c. not. (I.)

ff) De meteor. L. I. c. 7.

t) SVIDAS, PHILOSTRATVS, LAERT. II. cc.

u) De animal. L. VII. c. 8.

esse, quam ut humanae solertiae tribui posset. Non diuinam enim hoc reuelationem requirere, sed mediocrem solertiam hodie nemo non nouit, in tanta vero illorum temporum inscitia circa res naturales facile potuit esse miraculo. Non vero viua tantum voce, sed et scriptis de philosophia meruisse tradunt veteres, contenduntque LAERTIVS^w atque CLEMENS ALEXANDRINVS* eum primum fuisse, qui librum (nempe de philosophia naturali) conscripserit, quod tamen Anaximandro ab aliis tribui supra dictum est^y. Scripsit vero *de naturali philosophia* librum lectum PLATONI^z et ARISTOTELI^{zz}, et *de circuli quadratura*^a. Obiit aetatis anno LXXII. quem ad Ol. LXXVIII. refert LAERTIVS^{aa}, apud quem tamen numerum corruptum esse, et Ol. LXXXVIII. poni debere recte commentatores monuerunt. Fuerunt Anaxagorae quoque alii^b, quos cum nostro confundi non patitur, nominis celebritas, quae ei inter praestantissimos Graeciae philosophos locum fecit, quem ei quoque deberi, tota vitae historia loquitur.

Tantae in supputatione temporis, quo floruit Anaxagoras, tenebrae, *Chronologia* tam difficiles labyrinthi et insolubiles nodi occurrunt, ut Oedipo opus habeat et Ariadæ filo, qui his difficultatibus, si non totis, quod impossibile putamus, ex parte tamen se expedire voluerit. Quod veterum scriptorum negligentiae et confusio, quam deperdita eorum scripta pepererunt, adscribendum est. Nam et ipsi, in annotandis temporum rationibus, tam turpiter lapsi interdum sunt, ut miris anachronismis sibi ipsis haud semel contradixerint: Vbi vero ab aliis haud magnae diligentiae hominibus eorum scripta excerpta sunt, multo magis temporum notationes corruptae, numeri mutati, et ad loca inepta relati, sicque nobis tot errores geniti sunt, ut nihil incertius sit in historia philosophica, quam temporum indicia. Cuius rei locuples testis est historia Anaxagorae, in qua, qui plana et luculenta via contradictiones veterum in notandis eius temporibus sustulerit, magnus erit merito omnibus Apollo. Non tangemus in praesentia omnes hos errores et labyrinthos, quos nobis veteres struxerunt, adeant, qui spinosum argumentum non perhorrescunt P. BAYLE^c, qui ut erat in excogitandis difficultatibus summa ingenii vi praeditus, ita mirum temporum chaos et insolubiles chronologiae Anaxagoreae nodos exponit: nobis enim in tam amplissimo, quod emetiendum habemus, campo tam prolixis esse non licet; sed exponemus tantummodo, quae aliqualem chronologiae sectae Ionicae lucem foenerari apta sunt. Et primum quidem non exiguam difficultatem habent anni Anaximenis, quam supra ex parte tetigimus, et huc

retu-

w) L. II. f. II.

x) Strom. L. I. p. 308.

y) Ipse LAERTIVS L. VIII. f. 83. Alcmaeon tribuit.

z) Phaeton. T. I. p. 72. conf. LAERTIVS f. 6.

zz) Physic. L. I. c. 4.

a) PLUTARCH. de exilio conf. FABRIC. Bibl. Graec. Vol. I. p. 772 seq.

aa) L. II. f. 7. conf. PETAV. rat. teinp. L. III. c. 8. p. 147.

b) LAERTIVS et FABRICIVS ll. cc.

c) Diät. T. I. art. Archelaus not. A. p. 289.

retulimus, quoniam arcte cum temporibus Anaxagorae cohaerent. Hunc illius non fuisse tantum discipulum, sed et in disciplina tradenda successor-em, supra luculentis veterum testimoniis euicimus, nec est forte veterum quispiam qui hoc neget. Anaxagoram vero natum fuisse Olymp. LXX. i. adducto Apollodori testimonio probauimus. Supra vero §. XVI. eundem Apollodorum, annotauimus, vitae finem, quem fecit Anaximenes, ponere Ol. LIX. i. fuerit itaque, necesse est, discipulus Anaximenis Anaxagoras antequam natus fuit, XLIV. annis, quod est ridiculum. Hunc nodum vt soluamus, relicto Apollodoro, Anaximenes vitam vltra Olymp. LXXV. produxisse censendus est. Cum enim vita Anaxagorae testetur, eum XX. aetatis anno Athenas concessisse, credibile non est, iuuenem viginti annis minorem, quique multos iuuentutis annos peregrinatione consumsit, aetate ista tantos in scientia naturali fecisse profectus, vt celebri praeceptor in cathedra succederet. Vidit hoc pulchre Baelius, qui ideo verisimile iudicat, Anaximenem post discessum Anaxagorae scholam Ionicam continuasse, id quod tamen incertum esse, facile largientur, qui seriem rerum ab Anaxagora gestarum, prout eam enarrauimus, expendent. Vnde coniiciendum est, Anaximenem circa Olymp. LXXVI. i. Anaxagorae disciplina tradita, eadem Olympiade decedentem Anaxagoram successorem factum esse, cui Athenas Ol. LXXVII. concedenti in Ionia successit Diogenes Appolloniates, ipse quoque discipulus Anaximenis: Sicque Anaximenem Ol. LVI. natum LXXX. annos fere expleuisse. Haec de Anaximenis chronologia. Altera Anaxagorae, adhuc impeditior est, cum incerti haereant scriptores, quem in annum referendum sit exilium Anaxagorae. DIODORVS SICVLVS equidem diserite indicat O'lymp. LXXXVII. 2. cum vero XXX. annos, Athenis egerit Anaxagoras, sequeretur inde, Olymp. LXXX. initio demum Athenas venisse. Tradit vero Laërtius veteres secutus: anno aetatis XX. qui erat Ol. LXXV. Athenas delatum esse; quod repugnat temporis a Diodoro indicato. Alias difficultates non minores affert BAYLE^{d)} quae apud ipsum videndae sunt: nos vno argumento ab eo praetermisso euinci posse putamus, Diodorum erroneos calculos secutum fuisse. Accidit enim exilium Anaxagorae eo tempore, quo Pericles, quam maxime Athenis florebat, et cum Anaxagora conuersabatur; tantum quoque otii nactus, vt qui prius eloquentiam et prudentiam ciuilem hoc magistro didicerat, philosophiam quoque postea naturalem ab eo disceret. Id quod luculenter asserit MARCELLVS^{e)}, addens, *audiuisse in philosophia quidem Anaxagoram, et atheum paulisper haberi coepisse, quod illius philosophiae disciplinam paulo auidius hausisset*: quae confirmat quoque DIODOR. SICVLVS^{f)}. Pericles autem Peloponnesiaco bello materiam et occasionem suppeditauit, quod Olymp. LXXXVII. i. incepit, et post biennium et sex menses pestilentia moritur. Impossibile itaque est, Periclem tunc Athenis praesentem Anaxagoram iu-

uisse,

d) l. c.

e) In vita Thucydidis.

f) L. XII. c. 39. p. 433. conf. BAYLE in Pericles T. III. p. 665. not. C.

uisse, morti eripuisse, et postea Lampfaci, cum inedia vitam finire vellet, inuuisse. Cadentibus itaque rationibus Diodori Siculi, vt tandem aliquando in computandis Anaxagorae annis pedem figamus, supponendum putamus, verum esse, quod tradit Apollodorus, natum Olymp. LXX. 1. et denatum annos habentem LXXII. Sic vt vitae eius finis incidat in Olymp. LXXXVIII. 1. Cum his terminis vitae Anaxagorae conciliandae sunt reliquae veterum narrationes. Et quidem primum eius aduentum Athenis factum esse tempore expeditionis Xerxis, quo annum XX. agebat Anaxagoras, testatur LAERTIVS^g archonte Calliada, qui annus fuit Olymp. LXXV. 1. sic vt ex hoc calculo appareat, recte natiuitatis annum poni Olymp. LXX. 1. Vnde et hunc temporis terminum pro vero admiserunt magni viri Ios. SCALIGER^h, PETAVIVSⁱ et VOSSIVS^k. Ab hoc vero aduentu computant laudati viri triginta annos, quos teste Laërtio Athenis exegit, sicque exilium Anaxagorae in Olymp. LXXX. 2. ponunt. Verum si haec admittimus, ratio dari non potest, quando Anaximeni in cathedra successerit? quod ante aetatis annum XX. fieri non potuit. Vt itaque et hunc nodum fecet magis quam soluat, et reliquis difficultatibus faciat satis, Baelius duplicem accusationem, et duplex exilium Anaxagorae comminiscitur; qua in re veteres habet contradicentes, parumque pro coniectura sua praelidii et verisimilitudinis. Quare et haec via derelinquenda est, et hoc modo occurrendum difficultatibus, vt statuamus, bis Athenas concessisse Athenagoram, primum anno aetatis XX. ad discendam eruditionis encyclopaediam, quam philosophiae nomine indicatam fuisse in prolegomenis probauimus, tumque eloquentiam et poësin didicisse; mature vero, et post exiguum tempus in Ioniam rediisse, vt praeceptor in cathedra succederet; ibique decedente magistro, rursus Athenas commigrauisse, circa Olymp. LXXVI. finem, ibique philosophiam non tam publica, quam priuata disciplina professum fuisse, circa Olymp. LXXXI. habuisse discipulum Socratem, qui Olymp. LXXXI. 2. ad Archelaum concessit; Olymp. LXXXIII. exeunte vel ineunte sequente proscriptum Lampfacum exulauisse, ibique ad Olymp. LXXXVIII. 1. vixisse. Nihil est in his rationibus, quantum nos videmus, et diligenti rationum chronologicarum collatione perspicimus, quod non verisimilitudini et circumstantiarum seriei respondeat. Vnde quae his rationibus temporis contradicunt apud veteres tuto relinquenda esse putamus, si velimus ex hoc labyrintho tandem egredi. Nondum tamen omnes sentes superauimus, sed et alia tollenda difficultas, quam nequit LAERTIVS^l, qui testatur, Archelaum primum fuisse, qui physicam philosophiam ex Ionia Athenas inuexerit. Hoc etiam SVIDAS repetit^m. Contrarium vero hoc historiae Anaxagorae, quae testibus supra adductis et CLEMENTE quoque ALEXANDRINOⁿ, Anaxagoram philosophiam Athenis docuisse,

Rrr 2

et

g) L. II. f. 7.
 h) Ad EUSEBIUM n. MDLIV. p. 103.
 i) Ration. temp. L. III. c. 8. p. m. 147.

k) De Scient. mathem. c. XXXIII. §. 4. p. 148.
 l) L. II. f. 16. m) v. Archelaus T. I. p. 342.
 n) Strom. L. I. p. 301.

et Periclem discipulum in ea habuisse testatur. Qua ratione nodum hunc soluant, cum non videant, Is. CASAVBONVS et MENAGIVS^o, secant, et Laërtium vel memoria deceptum, vel locum ex f. 3. in f. 16. et ex margine in textum translatum fuisse praepostere, colligunt. Nec leuiter hanc Laërtii relationem turbat, quod teste CICCERONE^p. Archelaus Anaxagorae discipulus fuerit, quem itaque Athenis audiuisse oportuit: Alias difficultates tacemus. Quod si itaque Laërtius non deferendus videtur, saluari eius narratio potest, si dicamus: Anaxagoram non publicas quidem lectiones philosophicas instituisse, sed priuatis tantum et selectis discipulis, qualis erat Pericles, Socrates, Archelaus philosophiam tradidisse; id quod ex ea quoque ratione redditur verisimile, quia naturalis philosophia Anaxagorae admodum suspecta fuit, et vates atque populus eius discipulos tanquam atheos criminati fuerunt, vti supra vidimus, quae ratio omnino Anaxagoram compulisse videtur, vt publice ea sapientiae naturalis praecepta reticeret, quae Atheniensium ferre non posse superstitionem nouerat. Ita Archelaus vero primus fuit, qui Ionicam philosophiam, aperta publica schola tradidit, quae tamen mature deliit, Socrate moralem philosophiam introducente. Et ita quidem tantisper in obscurissimo argumento palpare nobis liceat, donec certiora et meliora detegant, qui acutioribus, quam nos, utuntur oculis.

*Philosophia
Anaxagorae.*

*De principiis
naturalibus.*

§. XX. Philosophiae vero naturalis aedificium ita construxit Anaxagoras, si veterum narrata sequimur:

I. Ex nihilo nihil fit.

II. Omnia itaque erant initio simul, inter se confusa et sine motu. Primum hoc fundamentum totius systematis, quod omnem antiquorum philosophorum chorum agnouisse, alio loco ostendimus, Anaxagorae recte tribuit ARISTOTELES^q: alterum ipsa eius verba exhibet, quibus magnificum opus suum de natura, teste LAERTIO^r exorsus est, quodque ita ad mentem eius referunt ARISTOTELES^s, qui addit, quieuisse ab infinito tempore, omnia, quemadmodum CICCERO quoque testatur^t, particulas statuisset initio confusas. Hoc vniuersum, veteres ante Anaxagoram chaos dixere, ὕλην siue materiam Graeci, de cuius natura ita porro philosophatus est:

III. Est vero principium materiale omnium rerum vnum et multiplex, nempe ὁμοιομερείαι, partes infinitae, similes, contrariae, tactu continuae se mutuo sustinentes, neque alio contentae. Ita sententiam Anaxagorae ARISTOTELES^u et PLVTARCHVS^v delineant, magno aliorum quoque ex veterum cohorte auctorum consensu^w, inter quos eleganter has ὁμοιομερείας, (Latino enim vocabulo difficulter exprimuntur, partes simila-

res

^o) Ad l. c. Laërtii.

^p) Tusc. Qq. L. V.

^q) Metaphys. L. I. c. 4. T. II. p. 645.

^r) L. II. f. 6.

^s) Physic. L. III. c. 4. et L. IX. c. 1.

^t) Academ. Qq. L. IV. conf. PLVTARCH. plac. phil. L. I. c. 3.

^u) II. cc.

^v) l. c.

^w) Conf. Comm. ad LAERT. I. c. STANLEY. Hist. Phil. P. I. c. 2. sect. 1. p. 101 seqq.

res tamen dixit C I C E R O) descripsit L V C R E T I V S ². Vt ad hanc systematis Ionici modificationem deueniret Anaxagoras, accuratior materiae consideratio effecit. Scilicet a praeceptoribus didicerat, quod supra Ionicae scholae placuisse probauimus: materiam non esse in infinitum diuiduam; subsistendum itaque erat in particulis indiuiduis et minutissimis, quas ab infinito tempore semper confusas et sine motu iacuisse supposebat. Obseruabat ^a vero profundi ingenii philosophus, inesse rebus ipsis ex istis particulis compositis et formatis formas atque qualitates diuersissimas, atque saepe sibi contrarias, quas cum naturas peculiares et per se subsistentes non esse perspiceret, nec ex nihilo eas oriri posse ex admissio semel principio concluderet, eo tandem deueniebat, vt colligeret, ἐκ πρῶταρχόντων καὶ ἐνοπαρχόντων, ex rebus antea existentibus, et inexistentibus produci; atque antea in materia esse, quamuis ob exiguitatem suam percipi a nobis haud possint, resque visibiles, in quibus quodlibet cuiuslibet admistum est, illud tantum nobis videantur esse, et ab aliis distingui, quod in mistione infinitorum abundet. Ita totum nec album nec nigrum, nec os nec carnem esse, sed cuius plurimum habet illius quoque naturae esse videri. Separabat itaque particulas, ex quibus res mixtae et compositae consistunt, et iungebat partes homogeneas sibiue similes, quarum quaelibet peculiarem naturam, alteri cui iungitur similem, haberet. Ossa igitur ex particulis osseis, carnem ex carneis, aurum ex aureis, res calidas ex calidis, frigidas ex frigidis, et sic porro, nihil autem ex nihilo, sed omnia ex particulis similibus iam antea existentibus generari, tuebatur, et ita demonstrari posse putabat, qua ratione rerum essentiae et qualitates inter se differrent. Vehementer hoc systema particularum materiae, quod cum atomistico confundendum non est, veteribus et recentioribus displicuit, vt videre est ex illis, quae contra illud disputant A R I S T O T E L E S et L V C R E T I V S ^b quorum rationes ex recentioribus illustrant S C I P I O A Q V I L I A N V S ^c et P E T R V S B A Y L E ^d. Nec dissimulandum est, magnis premi difficultatibus, et sibi contradicere; cum enim res compositas non tantum solui et perire cernamus, sed et illud non amplius esse, quod fuerunt, necessario sequitur, etiam particulas illas, ex quibus earum natura componitur, perire, cum eandem naturam referant, et ita auri massa soluta, perire etiam particulas aureas, osse contrito, conteri ossicula minima ex quibus componitur, et sic porro, quia

Rrr 3

desinet

^a) L. I. v. 330 seqq. his versibus:

Nunc et Anaxagorae scrutemur homoeomeriam.

Quam Graeci memorant, nec nostra dicere lingua

Concedit nobis patrii sermonis egestas:

Sed tamen ipsam rem facile est exponere verbis,

Principium rerum, quoniam dicit homoeomeriam.

Ossa videlicet e pauculis atque minutis

Ossibus, sic et de pauculis atque minutis

Visceribus visus gigni: sanguinemque creati

Sanguinis inter se multis coeuntibus guttis:

Ex antiqua putat micis consistere posse

Aurum, et de terris terram concrevere paruis:

Ignibus ex ignem: humorem ex humoribus esse,

Cetera consimili fingit ratione putatque.

Nec tamen esse vlla parte idem in rebus inane

Concedit, neque corporibus finem esse secundis.

a) Legendus A R I S T O T E L E S Phys. auscult. L. I.

c. Vt et L V C R E T I V S l. c. qui porro:

Id quod Anaxagoras sibi sumit, vt omnibus omnes

Res putet inmixtas rebus latitare: sed illud

Apparere vnum, quo ius sunt plura mista

Et magis in promta primaque in fronte locata.

b) Il. ac.

c) De placit. philos. ante Arist. L. I. c. 3. p. 8 seq.

d) Dict. F. I. art. Anaxagoras not. C. p. 208 seqq.

et not. G. p. 212.

definet res illud esse, quod sunt particulae, ex quibus constat. Ita vero non illud tantum, quod principii naturam habere debet, eam amittit, et fit corruptibile, sed contradicit quoque principio primo ab Anaxagora admissio, ex nihilo non solum nihil fieri, sed in nihil quoque non resolui. Hoc tamen non obstante ingenii acumen et magna in re naturali eruditio Anaxagorae deneganda non est, quemadmodum facit CVDWORTHVS^e, qui iudicii paupertate seductum putat Anaxagoram, ut systema atomisticum in ἐμοιομερείας mutaret, quia comprehendere nequiverit, qua ratione ex sola modificatione, magnitudine, situ, et figura particularum rerum diuersarum et contrariarum quoque origo queat explicari. Non enim leges motus adeo ignotas fuisse Anaxagorae verisimile est, qui ob ingenii praestantiam mentisque aciem tantopere laudatur veteribus: sed causa sine dubio ea fuit, quod in systemate atomistico difficultates haud leues viderat, quae superari vix possunt, quas ut eultaret, ad homoeomeriarum inuentionem confugit. Interim et rationi et experientiae illam contrariam esse, quilibet facile deprehendit, qui mediocri attentione ad rerum omnium naturam attendit.

IV. Quia vero particulae materiae similes sunt sine motu atque vita, ideo necesse est, fuisse ab omni aeternitate principium aliud infinitum, intelligens^f, siue mentem infinitam, corpori non inclusam, adeoque incorpoream, et ab omni compositione separatam^g, quae per se ipsa moueatur^h, motumque particulis illis homogeneis in hyle latentibus et confuse mixtis primum indideritⁱ, siue et infinita materia, quae constaret dissimilibus inter se particulis, rerum omnium genera, homogeneis inter se iunctis, pro modulis et speciebus suis, condiderit^k. Multa hic cumulantur, quae ne copia diuersarum materiarum obruamur, singulatim expendere necesse est. Et 1. quidem Anaxagoram mentem infinitam motus et vitae auctorem afferuisse, eiusque dispositioni, ordinationi et operationi totius mundi ornatum, rerumque visibilium omnium generationem tribuisse, totus testatur, veterum scriptorum chorus, videndique quos magno numero laudant MENAGIVS^l et BAYLIUS^m. Vnum ARISTOTELIS, qui aetate priorior fuit, testimonium sufficiat, qui eum posuisse, traditⁿ: ἀρχήν γε τὸν νῦν μάλιστα πάντων, μόνον γένεσιν φησὶν αὐτὸν τῶν ὄντων ἀπλῶς εἶναι, καὶ ἀμειγῆ τε καὶ καθαρὸν ἀποδίδωσι δι' ἑμῶς τῇ αὐτῇ ἀρχῇ τὸ τε γινώσκειν καὶ τὸ κινεῖν, λέγων νῦν κινήσασθαι τὸ πᾶν, mentem principium esse omnium, solam namque rerum omnium ipsam simplicem et non permixtam, et puram esse atque sinceram. Atque eidem principio haec utraque tribuisse, cognitionem

nem

e) System. intell. c. I. §. 15. p. 21. §. 28. p. 44. conf. MOSHEM. ad h. l.

f) ARISTOT. Metaph. L. I. c. 3.

g) CICERO de nat. Deor. L. I. c. II. conf. AVGVSTIN. de C. D. L. IIX. c. 2.

h) LACTANTIUS L. I. c. 5.

i) ARISTOTEL. L. IIX. Phys. ausc. c. I. T. I. p. 219.

k) CICERO Acad. Qq. L. II. Anaxagoras

materiam infinitam, sed eas particulas similes inter se minutas, eas primas confusas, postea in ordinem adductas mente diuina.

l) Ad l. c. Laërt.

m) l. c. not. D. p. 211. Addi merentur, quae adducit CVDWORTHVS Syst. intell. c. IV. §. 20. p. 459. vbi imprimis luculentus SIMPLICII locus legi meretur in ARIST. Physic. L. I. p. 33.

n) De anima L. I. c. 2. T. I. p. 479.

nem et motum, dicentem, vniuersum mentem mouisse. 2. Hanc mentem ad mundi ortum et rerum generationem necessariam fuisse, inde conclusit Anaxagoras, quod motum proprium inesse particulis materiae negaret, vnde mentem *κίνησις ἀρχή* motus principium dixit, eamque formandae et ornandae materiae praefecit. Qua de re PLUTARCHVS^o, vt quara-
 tione ab antecessoribus discesserit Anaxagoras, ostenderet, ait: *Reliqui philosophi Ionici ante Anaxagoram fortunam caecamque necessitatem, id est motus materiae vel fortuitos vel necessarios, vnum rerum principium esse professi sunt: primus autem Anaxagoras affirmavit, mentem puram et omnis concretionis nesciam rebus omnibus praesidere.* Ex quibus Plutarchi verbis
 3. clarum est, fuisse in Ionica schola Anaxagoram primum, qui aeternae materiae mentem adiungeret. Id quod etiam testantur CICERO, TERTULLIANVS, THEMISTIUS, et ex PP. numero alii, laudati MENAGIO et BAYLIO^p. Inter quos primus notabiliter: *Inde Anaxagoras, qui accepit ab Anaximene disciplinam, primus omnium rerum descriptionem et modum mentis infinitae vi ac ratione designari ac confici voluit. In quo non vidit neque motum sensui iunctum et continentem in infinito vllum esse posse, neque sensum omnino, quo non ipsa natura pulsa sentiret. Deinde si mentem istam, quasi animal aliquod esse voluit, erit aliquod interius ex quo illud animal nominetur. Quid autem interius mente? Cingitur itaque corpore externo. Quod quoniam non placet, aperta simplexque mens, nulla re adiuncta quae sentire possit, fugere intelligentiae nostrae vim et notionem videtur.* Mirantur hic cum Baelio alii quoque viri docti, qui haec consentire cum veterum narratis vident, Ciceronem primum Anaxagoram constituere, qui mentem materiae adiecerit, oblitum, quae paulo ante dixerat: *Thales Milesius, qui primus de talibus rebus quaesuit, aquam dixit esse initium rerum: Deum autem mentem eam, quae ex aqua cuncta fingeret.* Quae adeo sibi contradicere videntur magno et in veterum doctrinis perspicendis acutissimo viro, vt malit textum esse corruptum, quam Ciceronem aliis scriptoribus, qui diserte omnes fere Anaxagoram primum mentis materiae adiunctae auctorem faciunt praeferre. Cui tamen critici perspicacissimi sententiae merito opponimus, non solum Ciceronem dixisse: *Thauletem mentem materiae formandae praefixisse, sed aliorum quoque testimoniis supra a nobis allatis id confirmari.* Neque tamen veteres deferendos, neque Ciceronem secum committendum, neque eam, quam haecenus dedimus, systematis Ionici explicationem derelinquendam putamus, cum omnia sibi recte consent, et eleganter cohaereant, modo falsa, quae ple-
 rosque

^o) PLUTARCHVS in Pericle T. IV. p. m. 278.

^p) Il. cc. vid. m. IV.

^q) De nat. Deor. L. I. c. 10. 11.

^r) Aliam conciliandi haec inter se viam ingressus est LESCALOPERIUS in CICERON. de nat. Deor. p. 40. qui putat Anaxagoram primum fuisse, qui in sectionibus suis non solum haec do-

cuerit, sed scripto quoque publicauerit, cum eius antecessores solis hoc dogma discipulis tradiderint. Sed hoc apertae narrationi veterum contradicit.

^s) STOBAEVM non solum, sed et PLUTARCHVM concordare cum CICERONE, initio capitis iam docuimus.

rosque occupavit systematis Ionici, quale illud Thales, Anaximander, et Anaximenes, docuerunt interpretatio, ex sola materia sine omni mentis diuinae concursu extitisse omnia, dimittatur, rationibus a nobis supra iam allatis confutata. Hoc ut luculenter 4. demonstremus, repetendum ex superioribus est, statuuisse triumuiros illos Anaxagorae antecessores, materiam vnicum esse principium, nec extra eam dari aliud: esse vero in materia mentem, eam intime penetrantem et mouentem, et cum ea ita arcte unitam, ut vnum principium constituent: et esse vero admodum simile, intellexisse eos hoc ita, ut materiam ab aeterno ex Deo emanasse, et quotidie nouo motu ex sinu eius intime illi praelentis moueri et emanare dicerent. Vidit hoc Anaxagoras, et palpauit, in isto emanatiuo systemate tum includi infinitum infinito, et mentem infinitam corpori quasi, certe materiae; tum confundi re ipsa cum materia, cum qua vnum constituere dicitur; manifesta principiorum commixtione et absurditate non parua: aliter itaque rem instituit, et cum materiam infinitam ab omni aeternitate constituisse, cum antecessoribus statueret, eam non tantum ab elementorum naturalium sorte et conditione semouit, et homoeomerias introducendo, talem ei naturam adscripsit, qualem ad producendas rerum diuersissimas naturas atque essentias sufficere putabat: sed et Deum siue mentem infinitam, quam antecessores ita materiae immerferunt, ut ex eo atque materia vnum existeret principium, quemadmodum fere corpus et anima vnum hominem constituunt, a materia separauit, nec ei inesse, sed adistere tantum extra docuit, sicque primus fuit, qui Deum materiae, tanquam mentem corpori, oppositam introduceret, et ab ea distingueret. Vnde etiam aliam et distinctam prorsus, immo materiae contrariam Deo naturam tribuit; esse eum mentem purissimam, constare intellectu omnia mouente, et dirigente, nihil esse in eo mixti, cum e contrario materia, nec ipsa intelligere atque se mouere queat, et innumeris ex particulis diuersissimae naturae mixta sit. Sic itaque primus Anaxagoras fuit, qui duo distincta et sibi met opposita principia introduxit, eaque inuicem separauit: primus, qui Deum ideam inter Graecos (nam et theologos Graecorum Ionicis vetustiores in eadem fuisse sententia, qua Thales fuit, supra demonstratum est,) a materialitate quasi purificauit; primus, qui motus materiae causam apertam constituit, et ad naturae systema explicandum mentionem mentis purissimae et immaterialis necessario requisiiuit; cum praeceptores antea motum quidem a Deo materiae interna agitatione dari statuerent, verum quia de externis tantum rerum naturalium causis quaesiuissent, eum in systemate suo physiologico manifesta conclusionum necessitate non ponerent, sed tacite quasi praesupponerent. Nihil, speramus, in hac explicatione esse, quod non rem clare satis explicet, et qua ratione systemata Ionicorum vel discor-

†) Ita enim opus suum de natura exorsus est
 Πάντα χεῖματα ἢν ὁμοῦ. LAERT. L. II. f. 6. conf.
 MOSHEM. ad CUDWORTH. C. IV. §. 6. p. 210.

*) Adeoque materiam non aquam dixit, sicut
 Thales, neque aërem infinitum ut Anaximenes.

discordent, vel concordent, demonstret, vnde in se probabilem esse, et veterum contradictionibus tollendis aptam, nemo pertinaciter negauerit. Vt vero haec non ex coniectura tantum dicta videantur, indubitatis quoque veterum testimoniis, et ipsa Anaxagorei systematis constitutione et natura probabimus. Adducimus itaque 5. testem imprimis ARISTOTELEM*, et eo quidem loco, qui quam maxime Anaxagorae principatum in adducenda ad rerum naturalium systema menti tribuere plerisque visus est: Ibi Stagiritis, postquam ostenderat, eos, qui principia materialia vel vnum vel plura constituerunt, tandem necessitate coactos fuisse, de causa alia, actiua, motus auctore, disquirere, addit: *Quare qui, ut animalibus, ita in natura mentem inejse causam mundi, totiusque ordinis dixerat, quasi sobrius, comparatus ad antiquiores vana dicentes, apparuit. Ista autem rationes, qui φαεινῶς, palam attigit. Anaxagoram fuisse scimus.* Ex quo Aristotelis loco manifestum est, fuisse tum, vbi Graecia accuratius, de Deo et rerum natura, quam theologi et poëtae, philosophari coepit, qui ad assignandam motus causam in formando mundo mentem aduocauerint: Anaxagoram vero primum fuisse, qui ΠΑΛΑΜ, ex expresso hoc intellectuali principio, de eo philosophatus fuerit; vnde sequitur, antecessores eam mentem non clare in suis φιλοσοφούμεναις expressisse⁷. Quid hoc, quaeso, aliud est, quam quod supra de discrimine inter Thaletis et Anaxagorae systemata diximus? Alterum testem itidem talem volumus, qui a contrariis partibus stare plerisque visus est CICERONEM, qui in adducto loco a contradictionis absurditate liberari non potest, nisi Thaletis et Anaxagorae principia physiologica eo modo, quo diximus, inter se discernantur. Peruidisse vero id ipsum Ciceronem, nec aliter intellexisse, ex obiectionibus, quas contra philosophemata Anaxagorae format, est euidentissimum. Premit enim Ionicum philosophum iis potissimum difficultatibus, quae, illius systema ad eundem sensum relabi, euincere videntur, cui tamen illud opposuit. Nempe monet Romanae eloquentiae parens: si sensus isti menti ex Anaxagorae opinione tribuendus sit, sequi, naturam et mentem vnum constituere, cum alias sensus naturae ineffere nequeat: sequi, mentem istam corpore, id est materia vestiri et circumdari; nec posse intelligi, qua ratione ista mens sensum habeat, nisi materia tanquam corpori arctissime et ita iuncta sit, vt vnum animal sentiens constituat. Hoc vero non placere Anaxagorae, qui hanc Thaletis sententiam reiecit; comprehendere itaque non posse, qua ratione, si haec neget, et contraria tueatur, eius systema consistere queat. Luculenter scilicet Ionicorum primorum systema ab Anaxagora reiectum, quod Deum naturae siue materiae inditum, vt anima in corpore, vnum cum ea constituere dixit, adhibet Cicero, vt ex eo ab absurdo argumentum ducendo ostenderet, ex Anaxagorae hypothese, sensum

et

*) Metaph. L. I. c. 3. p. 644.

7) Conf. MOSHEM. ad CUDWORTH. Syst. int. c. III. §. 20. not. 8. p. 122.

et motum menti tribuenti idem sequi, quod tamen in antecessoribus reiecerat. Tertium hac in re testem excitamus *PLUTARCHVM*, qui loco eo, quo maxime Anaxagoram primum fuisse ait, qui mentem materiae praefecit, haud obscure innuit, eum illo sensu atque ratione, prout diximus, id fecisse. Ait enim ^z: *Quem Anaxagoram illius temporis aequales mentem appellauere, vel quod perspicaciam eius singularem in natura perscrutanda, excellentemque admirarentur, vel quod vniuersitati non fortunam neque fatum ordinatae discretionis principium, sed mentem princeps puram ac sinceram praefecerit, cum omnibus confusas aliis secernentem particulas similares.* Quibus verbis primo quidem Thaletis et discipulorum hypothesein tangit, quae necessariis emanationis legibus rerum ortum tribuit, et ita Deum materiae immergit, vel materiam quoque ex Deo educit, ut inde impurus, et materialis quasi videatur, sicque omnis ille materiae motus ex Deo summe necessarius sit; deinde vero Anaxagoram laudat, qui mentem diuinam ab hac materialitatis impuritate quasi liberauit, eamque puram ac sinceram materiae particulis praefecit, sicque et fortunae, id est casui fortuito, et fato, siue necessitati motum causae rationalis, eiusque consilium opposuit. Sufficere haec testimonia eo magis merito videntur, quo magis causam perorare plerisque videri debent, quoque magis luculenter inter Thaletis et Anaxagorae systema discrimen explicant, nostramque explicationem tuentur, et contradictiones veterum tollunt. Faciunt vero ad roborandam hanc systematis Anaxagorae explicationem egregie ea quoque, quae de fato dixit: qui illud tanquam inane nomen reiecit, uti infra docebimus. Nam non sensu hoc Epicureo fecit, ut omnem consilii rationem in ordinandis particulis homogeneis reiiceret, cum potius mentem intellectu et consilio praeditam statueret, sed opposuit se necessitati mentis diuinae mundum necessaria naturae suae lege eiusque sequela formantis, et continentis, quam necessitatem a Thalete agnitam ad systema emanatiuum pertinere, supra notauimus. Ut itaque dicta contrahamus, non eo nomine Anaxagoras primus mentem materiae praefecisse dicitur, quasi mentem ex materia prorsus eiecerint antecessores; sed quod reiecto systemate emanatiuo, systema dualisticum receperit, mentemque diuinam non informantem, sed adstantem mundi causam (liceat hic barbare loqui) introduxerit, sicque mentem ab omni materiae mistione et impuritate separauerit: quo philosophandi modo Anaxagoram recte meruisse, ut mens diceretur, nemo inficiabitur, licet non exiguis eius quoque systema prematur difficultatibus ^a. 6. Non tacendum tamen est, quod haecenus non sine verisimilitudine dictis potissimum queat obuerti: tradit nempe *PLATO* ^b, Anaxagoram dixisse: *τὴν τῶν ἄλλων ἀπάντων φύσιν εἶναι καὶ ψυχὴν εἶναι τὴν διοικῶσαν καὶ ἔχουσαν*, animam rerum omnium naturam per-

^z) In Pericle l. c.

^a) Acute et erudite hac de re, et imprimis de Anaxagorae reliquorumque Ionicorum systematis commodis et incommotis differit *CLAVDIVS*

BERIGARDVS in *Circulis Pisani* P. I. pag. 10 seqq. qui, ubi libri rarissimi copia datur, meretur legi.

^b) In *Cratylo* T. I. p. 53.

peruadere et continere. Hoc enim cum placuisse dixerimus, Thaleti, Anaximandro, Anaximeni, non potest perspicui, verum esse, quod Anaxagoras, idem cum iis sentiens, dicto tamen modo systema mutauerit, Deumque animam mundi informantem esse negauerit. Recte tamen, nisi fallimur, respondit CUDWORTHVS^c: afferuisse Anaxagoram pariter et Platonem, Deum πάντα κοσμεῖν τὰ πράγματα, διὰ πάντων ὄντα, Deum exornare omnia per omnia peruadentem: non tamen vt Deum mixtum esse naturae censeret, sed vt mundum prorsus a Deo secerneret. Qua sententia proxime ad Christianorum dogma accefferit, quo Deum docent per res omnes commeari, vt cum nulla tamen vlllo modo permisceatur^d: Id quod recte dici ex dictis est manifestissimum; Deum enim rebus omnibus adstantem, praesentem et operantem adiecit, sed mixtum materiae negauit, secus ac fecerunt Ionicae scholae ante eum doctores. 7. Et si vero haec Anaxagorae gloria tribuitur, quod primus fuerit, qui magis sobria ratione mentem in naturam introduxerit, fuerunt tamen, qui hanc gloriam ei denegarent. Nam et Hermotimum Clazomenium Anaxagorae de hac re cogitandi dedisse occasionem refert ARISTOTELES^e, quod et supra monuimus, et accepisse haec a Lino contendit LAERTIVS^f. In quo tamen hic falsus esse videtur, cum non statum quidem chaoticum, vbi omnia simul, et ipsa quoque mens diuina erat, nesciuerit Linus, mentem tamen a materia non discreuerit, quemadmodum veteres Graeci theologi plerique omnes. 8. Concedenda itaque gloria haec Anaxagorae, quam tamen non leuiter maculant ea, quae ex libro Anaxagorae ὡς νῦν ἐστὶν ὁ διακοσμών τε καὶ πάντων αἴτιος, quomodo mens omnia exornet, eorumque causa sit, PLATO^g obiicit, ponere quidem hominem, mentem omnia exornantem et formantem, postea vero causam nullam ad ipsum rerum ornatum referre, sed aëreas naturas, et aethereas aqueasque et talia multa incredibilia pro rerum causis assignare^h. Qua in re tamen excusari potest Anaxagoras: qui cum Deum ex machina prouocare ad explicanda naturae φαινόμενα non vellet, posita semel Dei mouentis et ornantis commotione et actione in materiam, vltra non ad eam prouocauit, sed ex legibus homoeomerias cuiusque rei essentiam ortam esse ostendit. Eandem cantilenam repetiit ARISTOTELESⁱ, eadem responsione dimittendus, conquestus, Anaxagoram mentem quidem, tanquam machinam, adhibuisse ad mundi generationem, et tum etiam, vbi de alia causa dubitabat. In caeteris vero omnia alia magis, quam mentem causam posuisse. Nec esse aliud videntur, amentes illae reuolutiones, cum mentis ab agendo cessatione et amentia, quas obiicit Anaxagorae, CLEMENS ALEXANDRINVS^k, et in quibus ei dignitatem causae effici-

SSS 2

cien-

c) System. intellect. c. IV. §. 32. p. 593.

d) Sensum ita expressit LACTANTIUS L. VII.

c. 3. Non perspexerunt Stoici, diuinum spiritum quidem vbique esse diffusum, eoque omnia contineri, non tamen ita, vt Deus ipse qui est incorruptus grauib. et corruptibilibus elementis permisceatur. Conf. MOSHEM. ad l. c. Cudworthi.

e) Metaph. L. I. c. 4. dictum hac de re §. praeced.

f) Lib. I. f. 4.

g) In Phaedone T. II. p. 97.

h) Conf. CUDWORTH. l. c. c. IV. §. 20. p. 461.

i) l. c. p. 646.

k) Stromat. L. II. p. 364. δὲναι τινὰς ἀνοήτους ἀναγωγὰς οὐκ ἐν τῇ τῷ νῦ ἀπράξια τε καὶ ἀνοία.

cientis non seruauisse videtur, quam motus mechanicus, a causa rationali summa et infinita, siue mente, particulis homogeneis impressus, quo semper per omnem rerum generationem iunguntur similibus similia, partesque homogeneae homogeneis. Immo et sic intelligendum esse patet, quod EUSEBIUS obiicit¹⁾: ἐκέτι κατὰ τὴν καὶ λογισμὸν τὴν περὶ τῶν ὄντων ἀποδῶναι τὴν Φυσιολογίαν, eum ex mentis rationisque hypothese de rerum natura non disputauisse. Scilicet, semel inducto in materiam a mente motu, sufficere putauit Anaxagoras, iuxta leges naturae motusque rerum ortum describere: secus vero faciebant Pythagorici, ad quos respicere videtur Eusebius, qui rebus omnibus certa entia quasi praefigebant, numeros scilicet, ex mente siue ratione diuina oriundos, eosque pro causis rerum essentialibus venditabant, a quo philosophandi more omnino abfuit Anaxagoras.

*Atheismus
Anaxagorae.*

9. Ex his vero de theologia atque pietate Anaxagorae iudicium fieri debet, quam veteres nonnulli in suspicionem adduxerunt^{m)}, multi vero ex recentioribus virilongē doctissimi magnaeque eruditionis laude inclyti vindicarunt, quos nominauit cel. REIMANNVSⁿ⁾. Scilicet distinguendum est, inter systema atheum, atque inter tale, quod de Deo quidem luculenter testatur, eiusmodi tamen principia admittit, quibus Dei quasi natura tollitur. Prius quidem Anaxagorae tribui nequit, posterius tamen, quia aeternam et infinitam materiam menti infinitae adiungit, hancque ab illa quidem separat, sed nihil tamen ab aeterno in illud operatam fuisse ponit. Duo enim sic manent infinita et aeterna rerum principia, quae se necessario inuicem tollunt, vnde non possunt non aeternae illae materiae particulae in ipsam Dei naturam esse iniuriae^{o)}. Verum ad haec non curiose attendisse videtur Anaxagoras, vt et veteres multi, quibus sufficebat, Deum dicere principium rationale, se ipsum mouens, motusque auctorem, quique putabant, satis prospectum esse diuinae naturae, si materiam, etsi infinitam, ratione, motu, vita et consilio priuarent, sine quibus Deum esse non posse crediderunt. Id quod ad soluendam quaestionem, an Anaxagoras duos Deos supremos statuerit, et ob hanc causam inter eos referendus sit, qui manichaeismum ante Manichaeos in crustauerunt^{p)}, probe obseruandum est.

*De ortu et
natura re-
rum natura-
lium.*

§. XXI. Expofitis ita principiis Anaxagorae physiologicis, pergendum est minus impedito pede in delineanda doctrinae naturalis secundum Anaxagoram, historia. Ita vero porro ratiocinari instituit Clazomenius philosophus:

V. Res omnes a mente semel commotas fieri participes motus, et coire similia. Et coelestia quidem fuisse exornata a circulari motu: ideo medio

1) Praep. euang. L. XIV. c. 14.

m) IRENAEVS adu. haeres. Lib. II. c. 19.
IUSTIN. MARTYR cohort. ad Graec. p. 4.
conf. VOSSIVS de orig. idololatr. L. I. c. I. p. 5.
et ex recentioribus IACOB. THOMASIVS Obs.
Hal. T. II. obs. 21.

n) Hist. atheismi c. XIX. §. 5. p. 146.

o) Vnde duos Deos vnum boni alterum mali auctorem eum statuisse putat PLUT. de Isid. et Osir. quem sequitur CUDWORTH. l. c. c. IV. §. 13 p. 246.

p) Conf. ven. WOLFIUS de Manich. ante Manich. p. 114. qui explicationem nostram systematis Anaxagorei paucis verbis, sed luculentis affirmat.

medio loco, quodcunque crassum et humidum et obscurum et frigidum atque omnia graua confociata fuisse; et sic graua locum inferiorem petiisse, vt terram, leuia superiorem, vt ignem, quae media sint, medium quoque obtinuisse locum, vt aërem et aquam. Prius Anaxagorae tribuunt philosophumena PSEUDO-ORIGENIS^{q)}, posterius LAERTIVS^{r)}. Mixta tamen haec corpora sunt ex variis partibus, quae suis similibus particulis constant, et denominationem habent a potiori parte, vt ex iis notum est, quae in praecedentibus disputauimus.

VI. Superas mundi partes igne plenas esse, et vim quae ibi esset, aethera vocari, id est, aërem longe purissimum, qui celerrime moueatur, et diuinus natura concipiatur^{s)}.

VII. Aetherem circumfusus igneae esse naturae, et circumuolutionis vehementia lapides e terra abripiisse, qui ignis eius vehementia candentes in stellas conuersi fuerint: omnesque ab ortu versus occasum ferri^{t)}.

VIII. Impelli astra aëris, qui ad polos est, impulsione ad diuersam partem, cui aëri ipse sol, comprimendo vires addat^{u)}.

IX. Massam aut lapidem esse solem, igni candentem Peloponneso maiorem^{x)}, cuius conuersionum causa sit polaris aëris impulsus, cui ipse sol compressione sua vires addat. Esse sidera corpora terrestria, sed candentia dubium non est, quin statuerit Anaxagoras, veteribus in eo satis concordibus: qua ratione tamen naturam solis explicuerit, vt inde meruerit, tanquam atheus proscribi, varie a veteribus traditur: LAERTIVS^{y)} *μύδρον διάπυρον* dixisse refert, quid vero per *μύδρον* intelligendum sit, de eo inter interpretes et commentatores LAERTII non constat. AMBROSIO ferrum est candens, CASAVBONO^{z)} globus ignis, neque lapis. neque ferrum; Illi omnium proxime mentem Anaxagorae afsecuti videntur, qui lapideam massam igne candentem non modo, sed splendentem quoque intelligunt. Habet enim haec explicatio consensum totius fere antiquitatis a suis partibus; cuius testimonia omni exceptione maiora collegit P. BAYLE^{a)}. Nos hoc vnum addimus: praedictionem, quae Anaxagorae tribuitur, de casuro ex sole lapide, manifesto argumento euincere, habuisse Anaxagoram solem instar massae alicuius lapideae, ex qua pars deciderit.

X. Sideribus inferiorem esse solem et lunam, duo simul circumlabentia oculisque nostris impenetrabilia corpora. Siderum vero calorem non sentiri, tum quod illa longinqua sint, tum propter recessum (*ἀπόστασις*) terrae^{b)}.

Sss 3

XI.

q) Cap. VIII. p. 68 seq.

r) Lib. II. f. 8.

s) ARISTOT. Meteor. L. I. c. 3.

t) PSEUDO-ORIG. l. c. PLVT. pl. phil. L. II c. 13. 16. et in Lyfandro.

u) Ibid. c. 23.

x) lb. c. 20. LAERT. l. c.

y) Lib. II. f. 8. et MENAGIVS ad h. l.

z) Ad h. l. Idem placuit BURNETIO theor. tellur. c. IX. p. 418.

a) loc. cit. not. B. vbi imprimis testimonia PLATONIS et XENOPHONTIS expendi merentur.

b) PSEUDO-ORIGENES l. c.

XI. Lunam esse corpus opacum ignitum, a sole illustratum, adeoque terrae simile, habitabile, collibus, vallibus, atque aquis distinctum^c. Quod si verum est, quod PLATO refert, propter ea Anaxagoras plagii accusatus est, quod iactauerit, se alienam lunae lucem primum detexisse. Tota enim haec thesis antiqua valde est.

XII. Lacteam viam esse reflexum solaris luminis, non intermicantibus astris. Ita LAERTIVS^d, melius ARISTOTELES^e: esse lumen siderum, quod conspici potest, sole sub terra, sidera quaedam non adspiciente: ita enim PSEUDO-ORIGENES quoque: vnde non audiendus est PLUTARCHVS^f, qui Anaxagoram statuisse ait: esse umbram terrae in parte coeli, cum sol infra terram delatus totum haut illuminat.

XIII. Cometas esse stellas errantes plures vna apparentes, vel errantium stellarum concursum, flammam ex se emittentium^g.

XIV. Solem, lunam et reliqua sidera non esse mentes diuinas siue Deos, sed terram et lapides adeoque nullam hominum curam habere posse, et hinc neque pro Diis habendos neque colendos esse. Dogma hoc non solum Anaxagorae tribuunt, et, quod tantum non mireris, improbant SOCRATES atque PLATO^h, sed et ex toto systemate physiologico Anaxagorae sequitur. Ille enim proscripserat animam mundi inhabitantem et suam naturam materiae quasi participantem, ex qua stellas Deos esse concluderant Thales et Anaximander; vnamque mentem praesidere materiae, non tamen illi misceri, dixerat. Cum itaque stellas et sidera omnia corpora terrestria esse statueret, nec haberet, quibus eas habitatas non tantum, sed animatas et diuino numine indutas diceret, mentes siue spiritus diuinos, omnino hos Deos esse negare debuit. Et haec illa ἀθεΐτης est, quae non tantum ei et discipulis odium sacerdotum et infamiam, verum denique exilium, quoque peperit. Vtrum vero alios praeter Deum spiritus admiseritⁱ, tacentibus veteribus incertum est, et videtur de iis plane non cogitasse, rebus naturalibus intentus.

XV. Niuem esse nigram non albam, sibi quae, quia sciret, aquam nigram esse, vnde illa concreta esset, albam ipsam esse, ne videri quidem. Paradoxum dogma his verbis Anaxagorae tribuit CICERO^k, LACTANTIUS^l, GALENVS^m, SEXTVS EMPIRICVSⁿ: qua ratione vero intellexerit, cum primus eius sensus nimium absurdus videatur, deficientibus Anaxagorae scriptis difficulter intelligi potest^o. Nec omni probabilitate destituitur sententia illa, quae hoc dogma non tam ipsi Anaxa-

c) Ibid. PLUT. de plac. phil. L. II. c. 25.

d) Lib. II. f. 9.

e) Meteor. L. I. c. 8.

f) l. c. L. III. c. 1.

g) ARIST. l. c. c. 6. LAERT. l. c.

h) Ille in Apolog. hic de legibus L. X. p. 886.

i) Disputat de eo, sed non definit CUDWORTH. l. c. p. 460. conf. MOSHEM. ad h. l.

k) Academ. Qq. Lib. IV. c. 23. 31. Lucul. c. 31.

l) Lib. V. c. 31. L. III. c. 23.

m) De simplic. medicam. L. II. c. 1.

n) Pyrrhon hypotypof. L. I. c. 43. f. 33.

o) Ex instituto de hoc dogmate eiusque variis explicationibus actum OBS. Hal. Lat. T. II. obs. 15. p. 328 seqq.

Anaxagorae tribuit, quam eius potius aduersariis, qui ex homoeomerias hypothesei absurdam hanc doctrinam per conclusiones aliquas deriuauerint, vt ridiculam illam facerent, et sensuum testimonio repugnare ostenderent^p. Nam si verum est, quod homoeomerias systema postulat et supponit, rerum omnium qualitates in particulis homogeneis latitare, et congregari partes similes, necessario inde sequitur, niuem talem esse, quales sunt particulae homogeneae, ex quibus componitur. Quia vero nix ex aqua concrefcit, intulerunt, niuem quoque albam non esse debere, sed aquae instar nigram. Aliam tamen viam ingreditur SEXTVS^q vt hanc non solum Anaxagorae, sed et totius scholae Ionicae doctrinam fuisse, demonstret. Afferit enim eruditissimus Scepticus: *Physicos, qui a Thalete prodire, sensuum iudicio reiecto, vt qui in multis non essent fide digni, veritatis in rebus iudicem constituere rationem, ex quo progressi statuerint de principiis et elementis, et aliis. Id in physicis diligentissimum Anaxagoram tenuisse, dicendo: propter sensuum imbecillitatem non posse nos verum iudicare. Eius rei fidem fecisse, ex eo quod paulatim colores mutantur. Nam si duos acceperimus colores, nigrum et album, et deinde ex altero in alterum guttatim effuderimus, non posse visum discernere, quae paulatim fiant mutationes, etiamsi sint re ipsa subiectae. Et ideo Anaxagoram dixisse communiter esse rationem veritatis criterium.* Haec si vera sunt, sequitur Anaxagoram ideo niuem dixisse atram, quia ratiocinando concludit, ex homoeomerias conditione niuis particulas eiusdem coloris esse debere, quo sunt aquae, ex quibus concrefcit, nec infido sensus testimonio credendum esse. Quae ratio ita iam HORNIO^r placuit, vt Anaxagoram Scepticis annumeraret; nec aliam rationem paradoxae thesisi dari posse putauit P. BAYLE^s, quam quod Anaxagoras sensuum testimonium reiecerit. Vt tamen SEXTO plane assentiamur, ipse nobis obstat, tradens^t, statuisse Anaxagoram, propterea a Democrito laudatum: *τῆς τῶν ἀδήλων καταλήψεως τὰ φαινόμενα εἶναι κριτήριον; eorum quae non sunt euidentia criterium siue comprehensionem esse, ea quae videntur.* Ex hoc enim manifestum est, Anaxagoram sensuum testimonium non reiecisse, licet forte ad rem ipsam cognoscendam, suisque e fundamentis eruendam, et naturam rerum detegendam ratiocinationem requisierit^u. Nisi itaque totus est deferendus Sextus, et Anaxagorae dogma in tenebris relinquendum, statuendum est, Anaxagoram non de *Φαινομένῳ*, sed de natura niuis locutum esse, quibus potissimum particulis constet. Cum enim aquam et niuem iisdem consistere partibus negare non posset, et eandem vbique esse naturam easdemque qualitates concedere cogeretur, systemate homoeomerias ita postulante; necessario ad ratiocinationem confugere et ex rationis iudicio statuere debuit, niuem, si natura, non vero ea, quae sensibus apparent, consideretur, nigram esse, vt

aquam.

^p) Ibid.

^q) Adu. Mathem. L. VII. f. 89 seqq.

^r) Hist. philos. L. III. c. 18. p. 210.

^s) loc. cit.

^t) Lib. VII. f. 140.

^u) Id quod SEXTVS l. c. Democrito tribuit, Anaxagoram in doctrina de criteriis sequenti.

aquam. Siue, quod minus habet absurditatis, etiamsi idem dicat: niuem atque aquam iisdem particulis eisdemque qualitatibus et affectionibus praeditam esse, nec natura differre. Quo sensu tolerabilior quidem ista thesis euadit, simul vero prodit, quam ineptum homoeomerias inuentum sit.

XVI. Terram planam esse, et super eius latitudinem mare subsistere, humoribus a sole rarefactis. Ita quidem LAERTIVS^x. Cuius tamen verba corrupta esse conicit THOMAS BURNETIVS^y; eo quod ad subsidentiam maris latitudo terrae nihil conferat; melius, si profunditas vel cauitas allegetur. Putat itaque loco πλατείας, scribendum esse βαθείας, ita vt sensu eo recidat, quemadmodum discipulus Anaxagorae Archelaus dixit: τὴν τε θάλασσαν ἐν τοῖς κοίλοις διὰ τῆς γῆς ἡθρομένην συνέσαναι. ARISTOTELES^z enim et SENECA^a testes sunt, tribuisse Anaxagoram terrae τὰ κοῖλα, cauernas. Nec a scopo et veritate abluere BURNETIVM ex diserto PSEUDO-ORIGENIS^b testimonio patet, statuisse Anaxagoram τὴν γῆν εἶναι κοίλην, καὶ ἔχειν ὕδωρ ἐν ταῖς κοιλύμασιν, *terram cauam esse et continere in cauernis aquas*. Neque tamen in Laërtii textu aliquid mutandum est; nam et PSEUDO-ORIGENES hanc Anaxagorae opinionem tribuit: τὴν τε γῆν τῷ σχήματι πλατείαν εἶναι καὶ μένειν μετέωρον *terram forma planam esse, et commorari sublimem partim ob molem, partim ob sustentem aërem*. Vt vero maris originem exponeret, ita, si philosophumenorum relationem sequimur, ratiocinatus est Anaxagoras: *Aquas in mari contentas primordium quidem accepisse e humoribus terrestribus, et cum ex exhalationibus illic se congregantibus, tum ex amnium defluxibus constitisse. Ipsorum amnium scaturiginem vero deberi partim imbris, partim ipsis comprehensis in terrae gremio, quod cauum sit, et aquas in cauernis contineat*. Facit itaque latitudo terrae, ex mente Anaxagorae illud ad congregationem aquarum, vt stagnantibus super plana terra humoribus ii potuerint exhalationibus in sublime efferri, et imbris iterum demitti: quod cum non sufficere videret, aquas subterraneas aduocauit. Qua tamen ratione non leues reliquisse difficultates pulchre ostendit BURNETIVS^c, qui consulendus est.

XVII. Sidera principio quidem ad tholi formam constituto coelo, ferri solita, ita vt in terrae vertice is, qui semper apparet, polus videretur, postea vero inclinationem accepisse^d. Notabilem doctrinam hanc de mutato sphaerae mundanae situ e recto in obliquum fecit BURNETIVS, non sine eruditione contendens^e, eiusmodi mutationem diluuii tempore accidisse. Qui et Anaxagoram explicat^f, et alios quoque Graecorum philosophos in partes vocat.

XVIII.

x) Lib. II. f. 8.

y) Archaeol. philos. L. I. c. 10. p. 418.

z) Meteor. L. II. c. 7. T. I. p. 438.

a) Qq. nat. L. VI. c. 9.

b) Philosophum. c. VIII. p. 69.

c) loc. cit.

d) LAERT. L. II. f. 8. quid vero ὁλοαδὲς sit, explicant CASAVBONVS ad h. l. et BURNET. l. citando.

e) Theor. tellur. L. II. c. 10. p. 151 seqq.

f) Ibid. p. 161.

XVIII. Non dari vacuum. Tribuit hanc thesin philosophis omnibus naturam scrutantibus a Thalete ad Platonem vsque PLUTARCHVS^f. Nec in antecessoribus Anaxagorae id difficultatem habet, quos animam mundanam pro loco materiae habuisse, sicque vacuum proscripsisse supra obseruauimus. Aliter tamen Anaxagoras, qui Deum nullo modo cum materia miscuit, vnde omnia potius particulis infinitis repleri, sicque non dari vacuum statuisset censendus est. Τὰς γὰρ ὑλικὰς ἀρχὰς ἀπείρους ὑπάρχειν, principia materialia enim infinita esse, ei tribuit PSEUDO-ORIGENES^g.

XIX. Animantes primo ex humore et calore terraque manasse, postea ex inuicem natas esse, mares a dextris feminas a sinistris^h. Scilicet aërem omnium semina in se habere, statuebat Anaxagoras, teste THEOPHRASTOⁱ, quae cum aqua siue humore et calore delata excludantur, sicque et arbores gigni^k. Opinionem vero de maribus a dextris, feminis a sinistris conceptis, nec primus, nec solus habuit Anaxagoras, placuit enim Empedocli quoque, atque Parmenidi, nec Hippocrates reiecit^l, et post eum medici alii, recentiores quoque inter quos est CARDANVS.

XX. Mentem esse initium motus, aëreamque esse, et corpus habere aëreae naturae. Prius Anaxagorae tribuit LAERTIUS^m, vbi tamen dubius textus videtur; loquitur enim de prima generationis origine, quam ex similaribus particulis fuisse docet, motum vero esse ex mente monet: vnde, nisi fallimur, haec non ad animum humanum, prout fecit STANLEYⁿ, sed ad mentem infinitam siue Deum omnia mouentem referenda esse videntur. Probabile tamen est, Anaxagoram mentem humanam ex mente diuina deriuauisse, et ideo quoque motum tribuisse, ab anima vero eam distinxisse, et hanc aëreae naturae fecisse: Quanquam fatetur ARISTOTELESⁿⁿ, Anaxagoram non perspicue suam explicuisse sententiam de mentis atque animae discrimine, quibusdam enim in locis mentem et animam idem facere, multis vero aliis dicere, mentem causam omnis boni rectique. Nam quicquid sit de vocatione mentis, et animae usu, apud Anaxagoram, hoc non negat Aristoteles, dixisse: animam esse, id quod mouet, quemadmodum mens omnia mouit: vnde, quam illi originem menti humanae tribuerit, facile colligi potest. Quia vero Anaxagorei, teste PLUTARCHO^o, animam corpus esse voluerunt, idque aëreae naturae, inferri inde recte potest, animam aëream a mente distinxisse. Et sic intelligi quoque potest, quod alio loco Anaxagorae tribuit PLUTARCHVS^p, omnia animalia habere animam siue mentem agentem, non item patientem, qui est mentis quasi interpres: Aëreae enim naturae cum animam faceret, animalibus eam tribuere

f) De plac. philos. L. I. c. 18.

g) l. c. p. 68.

h) LAERT. et ORIGEN. ll. cc.

i) Hist. plant. L. III. c. 2.

k) Qua ratione vero alterationem et motum particularum in generatione exposuerit, videbis ex-

plicantem SCIP. AQUILIANVM de plac. phys. c. IV. p. 17 seqq.

l) Vid. MENAG. ad l. c. Laërtii.

m) loc. cit.

nn) l. c. p. 104.

o) l. c. L. IV. c. 3.

nn) l. c.

p) l. c. L. V. c. 25.

buere facile potuit, mentem siue rationem negauit, quoniam ex summa mente esse statuebat.

XXI. Somnum accidere functionibus corporis, non enim animae esse affectionem, sed corporis, mortem vero animae quoque diuulsionem esse. Intelligit haec verba PLUTARCHI^p STANLEIUS^q ita, vt mortem dixerit separationem corporis ab anima: si vero recte ponderantur verba Plutarchi, solutionem magis animae ex aethereis particulis constantis indicare videntur, quam opponit somno, qui ad corpus tantum pertineat, secus ac fecit Aristoteles.

XXII. Ventos fieri, cum aër a sole tenuatur^r

XXIII. Terrae motuum causam esse aërem in terrae cauernis conditum, qui cum difficilem inueniat exitum, agitationem illam causetur^s. Qua ratione vero spiritum hunc in terrae recessus penetrari statuerit Anaxagoras, explicat SENECA^t, qui videndus.

XXIV. Iridem nasci ex refractione lucis solaris in nube densa, e regione astri speculi ad instar posita^u.

XXV. Lunam intercludente eam terra, nonnunquam et aliis terra inferioribus, idem facientibus, deficere. Hoc quoque per nouilunia, luna obsepiente, contingere soli. Ceterum, quod addit PSEUDO-ORIGENES^v, Anaxagoram ἀφωρίσασθαι πρῶτον τὰ περὶ τὰς ἐκλείψεις καὶ φωτισμούς, vel falsum est, vel ad accuratas definitiones et temporum determinationes referendum. Primum enim Thaletem praedixisse eclipsin supra obseruauimus^w. Didicit hanc praedictionis astronomicae artem ab Anaxagora Pericles magno Atheniensium commodo^z.

XXVI. Sole et luna per aërem abactis, prouenire tum solstitia, lunam vero quia nequit superare frigus, frequentius conuertere^a.

XXVII. A calidi in nubes illapsu tonitrua et fulgura oriri; calido scilicet in frigidum cadente et fragorem edente: fulmen esse ab igne spissiore^b.

Diogenes
Apolloniates.

§. XXII. Anaxagorae successisse in cathedra Ionica, DIOGENEM supra probabilibus rationibus euicimus. Certe fuisse Anaxagorae collegam, tradit SIDONIVS APOLLINARIS^c, et Anaximenis fuisse discipulum, refert LAERTIVS^d, qui quoque Apollonem filium, Cretensem, Apolloniae^e ortum fuisse narrat. Praeceptoris vero vestigiis insistentis,

p) Loc. cit.

q) l. c. p. 104.

r) LAERT. L. II. f. 9. ORIG. philos. l. c. p. 76.

s) IDEM l. c. ARIST. Met. L. II. c. 7. PLUT. l. c. L. III. c. 15.

t) N. Q. L. VI. c. 9.

u) PLUTARCH. l. c. L. III. c. 5.

x) l. c.

y) Conf. GASSEND. phil. Epic. T. I. Opp. p. 461 seq.

z) PLUT. in Pericle VALER. MAX. L. VII. c. II. QUINTIL. L. I. Inst. Or. c. 10. BAYLE Dict. art. Pericles not. C.

a) ORIGEN. l. c.

b) LAERT. l. c. PLUT. Pl. phil. L. III. c. 2. ORIG. l. c.

c) Carm. XV. v. 89.

Iunior huic, (Anaxagorae) iunctus residet collega -- Conf. BAYLE Dict. T. I. art. Archelaus, not. A. p. 289. qui non inepte conicit, Anaxagorae Athenas concedenti successisse, licet in successione scholae Ionicae hic Diogenes non numeretur, quia Archelai, Anaxagorae discipuli, maior fama esset. Recte vero de Diogene Apolloniате intelligendum esse, non de Archelao, luculenrer euicit IUST. LIPSIVS Manud. ad philos. Stoic. L. I. diff. VIII. p. m. 44 seqq. d) L. IX. f. 57.

e) Apolloniatem vocat LAERTIVS, l. c. cum vero XXV. vrbes fuerint, hoc nomine insignitae, incerti essemus, cuias fuisset Diogenes, nisi

stens, rerum naturalium contemplationi se dedit, sed seueriori disciplinae eloquentiae studium iunxit, in quo magnam nominis celebritatem consecutus est ^f. Ex quo conici potest, doctoris munus ipsum non fideliter tantum, verum etiam feliciter expleuisse. Rectam enim non meditandi tantum, sed docendi quoque viam iniisse, et philosophiae leges eloquentiae adaptasse, initium operis alicuius, quod nobis seruauit LAERTIVS, probat, quod eleganter ita exorsus est: *Qui docere aliquid instituit, ei, mea quidem sententia, operae pretium est certum et indubitatum praestare principium, et oratione uti simplici ac graui.* Ex Ionia Athenas delatus gloriam quidem atque famam philosophiae atque eloquentiae studio consecutus est haud exiguam, inuidiam vero comitem ita sensit, vt Athenis, teste Demetrio Phalereo, prae inuidia de vita fere periclitaretur. Quibus tamen postea fatis vsus fuerit, veteres tacent, nec qua ratione, quoque tempore decesserit, exponunt.

§. XXIII. Spirat quoque totum, quod de rebus naturalibus construxit Diogenes Apolloniates, aedificium Anaximenis disciplinam. Nam et ipse cum praeceptore aërem primum rerum omnium elementum siue principium posuit, sed virtutem diuinam ad eum requisit, sine qua nihil ex eo fieri posset. Tradunt id CICERO^g, CLEMENS ALEXANDRINVS^h, SIDONIVS APOLLINARISⁱ et AVGVSTINVS^k, qui prae caeteris luculentus. Ait enim: *Diogenes quoque Anaximenis alter auditor, aërem quidem dixit, rerum esse materiam, de qua omnia fierent; sed eum esse competentem diuinae rationis, sine qua nihil ex eo fieri posset.* Duplicem vero sensum ista patiuntur, siue, vt Diogenes statuisset dicatur, praeter aërem, quae causa rerum omnium materialis sit, requiri causam quoque efficientem rationalem et diuinam, quae materiali intime iuncta sit: siue, vt docuisse credatur: aërem non nudam tantum materiam esse, sed habere virtutem et attributum diuinum, rationale, sese mouere aptum: quo sensu vnicum tantum principium admisit Diogenes, verum id diuina virtute, tanquam attributo quodam vestitum. Ita CICERONEM intellexisse ex verbis eius patet, dicentis: *Quid? aër, quo Diogenes Apolloniates utitur Deo, quem sensum habere potest aut quam formam Dei?* quem ideo frigidis licet rationibus

Eius philosophia naturalis.

Ttt 2

repre-

STEPHANVS nobis narrasset ex Creta insula oriundum fuisse. Quem tamen inter illustres Cretenses nominare omisit MEVSIVS in Cretae descriptione. Aliter tamen MENAGIVS ad LAERT. L. IX. f. 58. qui isto loco non modo pro: Diomene Smyrnaeo, Diogenem Smyrnaeum legendum esse contendit, nixus auctoritate EUSEBII de praep. L. XIV. c. 17. CLEM. ALEX. Strom. L. I. EPIPH. haeres. III. sed hunc quoque Diogenem Smyrnaeum, Anaxarchi praeceptorem, Metrodori Chii discipulum, cum Apolloniatis eundem censet. Verum vt taceamus illum Diogenem ex Eleaticorum secta fuisse, cui doctrinae Apolloniatis tribui nequeunt: tempora adeo male cohaerent, vt facile intelligere potuisset Menagius, differre eos, inter se, si mediocriter ad tem-

porum rationes attendisset. Diogenes enim Smyrnaeus, Metrodori et Protagorae quoque discipulus fuit, hisque successit; illi Democritum praeceptorem habuerunt: qui Ol. LXXX. natus vix audire potuit Anaxagoram, cuius tam σύγχρονος teste Laërtio fuit Diogenes Apolloniates. Qui adeo multo antiquior fuit isto Smyrnaeo, cuius discipulus Anaxarchus vixit cum Alexandro M. Alias rationes legas apud BAYLE Dict. T. II. art. Diog. Apoll. not. H. p. 295. conf. FABRIC. Bibl. Graec. Vol. I. p. 776. Idem notandum apud MEVSIVM ad Hesych. p. 146. quem secutus est Menagius.

f) LAERT. l. c.

g) De nat. Deor. L. I. c. 14.

h) In protrept. p. 42.

i) l. c.

k) De C. D. L. VIII. c. 2.

reprehendit L E S C A L O P I E R I V S¹. Et hunc quoque sensum praeferendum esse iudicat P. B A Y L E^m, eo quod A R I S T O T E L E Sⁿ refert: *Diogenem cum aliis Ionicis aërem primum rerum omnium principium posuisse, et subtilissimae substantiae putauisse. Dixisse ideo cognoscere atque mouere animam, hoc quidem cognoscere, quo primum est, et ex hoc ipso caetera constant, hoc autem esse motuum, quod subtilissimum est.* Putat enim vir acutissimus, ex his Stagiritae verbis sequi: iuxta Diogenem esse aërem non principium tantum rerum materiale, sed cognitionis quoque atque motus, adeoque diuinam istam rationem pro attributo tantum vel modo quodam aëris habendam esse. Et hanc quoque Diogenianae opinionis interpretationem sequuntur, qui Diogenem inter Dei hostes numerant^o. Priorem vero dogmatis Diogenis explicationem sequitur Augustinus, qui, recte obseruante Baelio, duas statuisset Diogenem dicit, res, materiam, nempe aërem, et virtutem diuinam, quae ex materia cuncta efficeret, illi vero, quemadmodum anima corpori, iuncta sit, et formam eius exhibeat. Nec haec repugnare Ciceronis verbis, idem probe obseruat. Eundem in modum S I D O N I V S intellexit, ait enim:

- - - sed idem
*Materiam cunctis creaturis aëra credens
 Iudicat, inde Deum, faceret, quo cuncta, tulisse.*

Etsi vero deficiente opere physiologico, quod Diogenes conscripisse dicitur, certa de eius mente sententia definiri nequit, ad verisimilitudinis tamen gradus attendentibus posteriori praeferenda omnino videtur prior sententia. In antecedentibus enim, luculenter, nisi fallimur, exposuimus: Ionicos priores Thaletem et Anaximandrum, praeter materiam infinitam, mentem quidem admisisse diuinam, eam vero ita materiae immerfisse, vt vnum inde principium emergeret, mensque forma atque anima vniuersi esset: Anaximem nihil in hoc systemate mutauisse, nisi quod aërem distincte materiam constitueret. Quia vero Diogenes Apolloniates vestigiis praeceptoris preesse institit^o, omnino verisimilius est, eum clarius loquendo, Ionicorum ita expressisse sententiam, vt aërem infinitum inhabitantis et informantis mentis diuinae virtute animatum et Deum diceret, et ex hoc vno, licet composito principio, aëre diuino cuncta formata esse assereret. Sicque, quam supra dedimus, systematis Ionici explicatio nouo confirmatur argumento. His praesuppositis, si veteres consulimus, ita de natura rerum ratiocinatus est Diogenes:

- I. Nihil ex eo, quod non sit, fieri, neque in id, quod non sit, corrumpi^o.
- II. Esse itaque elementum aërem, ex quo omnia, eumque virtute mentis diuinae animari, et ab ea cuncta formari.

III.

1) In C I C E R O N. de nat. Deor. Lib. I. pag. 46. cuius rationibus respondit B A Y L E loc. cit.

m) l. c. not. B.

n) De anima L. I. c. 2. T. I. p. 479.

o) Conf. Obs. Hal. Lat. T. II. obs. XXI. §. 16. p. 453. B V D D E V S thes. de atheismo c. I. §. 10.

R E I M M A N N. Hist. Atheismi c. XIX. §. 7. p. 148. Hist. universelle p. 86.

p) C L E M E N S A L E X. l. c.

q) L A E R T l. c. Id primum physicorum Ionicorum fundamentum fuisse, supra demonstrauimus. Non itaque habuit a Democrito, quod vult M E N A G I V S h. l.

III. Esse vero aërem semper in motu et infinitos mundos ^r. Iungit his LAERTIVS ^s, dixisse: dari inane infinitum; verum hoc neque cum systemate Ionico cohaeret ^t, et PLUTARCHVS de tota secta Ionica negat ^u.

IV. Densum aërem ac rarefcentem, mundos gignere ^x. Id quod EVSEBIVS ^y ita explicat: Cum vniuersum ita moueretur, vt rarius hic, alibi densius fieret, vbicunque maior densitas contingeret, ibi conuolutionem quandam effecisse, tum similem in modum cetera: quae autem omnium leuissimae partes essent, eas regione superiori occupata solem produxisse.

V. Terram oblonge esse rotundam, atque in medio stabilitam, eamque cepisse consistentiam, secundum illam quae ex calido est, circumferentiam, ex frigido concretionem ac soliditatem accepisse ^z.

VI. Praeter ista Diogeni quoque tribuit PLUTARCHVS ^a; mundum constitutum, vbi produxerit animalia, quodammodo inclinatum fortuito in austrinas partes: fortassis prouidentia sic satagente, vt mundi partes quaedam habitari, aliae non possent, ratione gelu ardoris, commodae temperiei: quod etiam Anaxagorae placuisse supra diximus.

VII. Pumicum instar esse stellas exspirationes mundi exhalantis: vel lapides quosdam, qui nusquam appareant, et saepe in terram delapsi extinguantur ^b. Eodem vero modo idem ratiocinatus est Anaxagoras.

VIII. Animam habitare in arteriosa cordis cauea, quae est spiritualis ^c. Cuius fundamentum videtur esse, quod animam cum reliquis Ionicis aëreae naturae esse dixerit, vti supra ex Aristotele obseruatum est.

IX. Auditum esse ab aëre, qui in capite continetur icto et moto a sono ^d.

X. Inanimata nasci animalia, sed cum calore: atque insitum calorem simul, atque natum est animal, animam in pulmones attrahere ^e.

XI. Bruta animalia rationis et aëris partem percipere, sed vel ob crassitiem, vel ob abundantiam humorum neque intelligere, neque sentire: ac fere affecta esse eo modo, quo sunt insanientes ^f.

XII. Si vniuersus sanguis in venas diffusus contentum in eis aërem in pectus subiectumque ei ventrem detrudat, somnum fieri, ac thoracem incallescere; quod si vniuersus aër venas deserat, mortem consequi.

Non dubitamus vero, haec esse Diogenis Apolloniatae dogmata, licet patriam viri non addiderit Plutarchus, et incertos ita nos reliquerit, cui, inter plures Diogenes philosophos, tribuenda sint? Nam et physici argumenti sunt, quod Cynicus non curauit, et a Stoicorum atque Eleaticorum physiologia diffident, ideo nec Smyrnaeo nec Stoico tribuenda: et cum

Ttt 3

Ionicis.

^r) EVSEBIVS Praep. Eu. L. I. c. 8.

^s) loc. cit.

^t) In eo enim anima mundi tenet locum vacui, in quo res sunt, vt supra obseruauimus.

^u) De placit. phil. L. I. c. 8. Accipit haec coniectura inde quoque robur, quod aliter nec antecessores Diogenis statuerint, quos tamen preesse sequitur.

^x) LAERT. I. c.

^y) l. c.

^z) LAERT. I. c.

^a) De placit. philos. L. II. c. 8.

^b) l. c. c. 13.

^c) Ibid. L. IV. c. 5.

^d) Ibid. c. 16.

^e) L. V. c. 15. Dicitur de hac re infra c. XIX. §. 6.

^f) Ibid. c. 20.

Ionicis doctrinis, et principiis Apolloniatis egregie concordant. Idem iudicat P. BAYLE ^g.

Archelaus.

§. XXIV. Anaxagorae successit Archelaus, Milefius, qui tamen alius Atheniensis audit ^h. Patrem habuit Apollodorum, quem alii Mydonem vocant. Anaxagorae discipulum fuisse, supra diximusⁱ; et ab eo quoque placita physica didicit, qui cum decederet, rerum circumstantiis, quae physicos, Anaxagoram, Diogenem, Periclem graui inuidia prefferant, mutatis, tandem Ionicam philosophiam, priuato hactenus habitu Athenis cultam, ex Ionia Athenas inuexit, et publice docuit. Qua ratione conciliari haec possunt, cum iis, qui dicunt, Anaxagorae hanc gloriam deberi; qua neuter ex nostra quidem sententia priuandus est ^k. Inde vero physicus eminenti significatione vocatus est ^l. Etsi vero discipulos acquirebat summa iudicii laude conspicuos, inter quos maximum nomen tulit Socrates ^m, cui etiam aliqui ⁿ Euripidem adiiciunt: desuit tamen schola physica in hoc viro ^o, Socrate moralem sapientiam potissimum excolente et in scholis philosophorum introducente, quam tamen neque Archelaus totam neglexit, et de legibus atque aequo et honesto philosophatus est ^p. Scripsisse dicitur physiologiam et alia, quorum tamen obscura est historia ^q. Pauca enim de eo referunt veteres: fueruntque multi Archelai apud veteres celebres ^r, qui vbi inter se confunduntur, valde historiam reddunt difficilem et implicitam.

Eius philosophia naturalis.

§. XXV. Anaxagorae vero discipulus cum Archelaus fuerit, mirum non est, principia rerum naturalium eadem fere illi placuisse, quae magistro ^s: licet negari nequeat, veterum narrationes de placitis Archelai incertas esse, et non semper conspirare. Traditur vero de rerum natura ita praecepisse:

I. Prin-

^g) Ibid. qui etiam obseruat, physiologiam Diogenis, licet crassiorum aliquando non procul abluere a Cartesiana. Idem obseruarunt anonymi auctores Historiae vniuersalis p. 86. Verum hoc forte de tota schola Ionica dici posset, praecipue Archelao, eiusque praeceptore Anaxagora, qui omnium accuratissime inter mentem et materiam distinxit, prout fecit Cartesius.

^h) LAERT. L. II. f. 17. CICERO Tusc. Qq. L. V. c. 4. SVIDAS in Archelaus T. I. p. 342. ORIG. Philosophum. c. IX. p. 78.

ⁱ) LAERT. l. c.

^k) Dictum hac de re supra in Anaxagoras. Quod si hoc non placet, deferendus est Laërtius; Athenis enim Ionicam philosophiam docuisse Anaxagoram apud omnes constat. Baelii-soluenti hunc nodum ratio obtorta est, et caret verisimilitudine.

^l) LAERT. l. c.

^m) Ibid. CICERO l. c.

ⁿ) SVIDAS l. c. id quod melius aetati Euripidis conuenit, quam qui Socratem annis minorem eius praeceptorem faciunt, quod reprehendit post BARNESIVM in vita Eurip. n. 13.

BAYLE Dict. T. II. art. Euripide not. D. p. 427. qui tamen hunc locum Suidae praetermisit, nec de Archelao Euripidis praeceptore aliquid notauit. Modo SVIDAS regem Macedoniae Archelaum, qui Euripidem summo loco in aula habuit non confuderit cum Archelao philosopho.

^o) Definere ait quidem LAERT. L. I. f. 14. Ionicum philosophiae genus in Clitomacho, Chrysippo et Theophrasto; verum hoc non de schola Ionica, sed de successione Sectarum ex Ionica prodeuntium intelligendum: illam enim Thalerem, Anaximandrum, Anaximenem, Anaxagoram, Archelaum successores habuisse diserte testatur LAERTIVS l. c. quem recte sequitur STANLEIVS Hist. phil. P. II. c. 5. p. 109. quem ideo praeter rem reprehendit OLARIVS.

^p) LAERT. l. c.

^q) SVIDAS l. c. FABRICIVS Bibl. Graec. Vol. I. p. 774. BAYLE l. c.

^r) Enumerant Archelaos MENAG. ad Laert. l. c. VOSSIVS de H. G. MEVSIVS in B. G. FABRICIVS l. c. BAYLE Dict. l. c.

^s) Ita quidem PSEUDO-ORIG. l. c. et SIMPLICIVS in L. I. Phys. p. 7.

I. Principia rerum gemina esse, aërem, et infinitum. Ita quidem PLUTARCHVS¹, qui aëri, tanquam principio corporeo et dissimilari addidisse raritatem et condensationem tradit. Quid vero per infinitum intellexerit, admodum obscurum est. Si enim SIMPLICIO² fides est, eandem cum Anaxagora praeceptore tenuit sententiam, mentemque infinitam intellexit: verum cum et nimis remotus ab his temporibus testis sit, et raro soleant esse fideles in referendis veterum dogmatibus, Platonici recentiores, ex quorum numero fuit, eius testimonio tuto credi non potest³. STOBÆVS⁴ veterum memoriis usus: aërem ac mentem posuisse tradit, *ὃ μὲν τοι κοσμοποιῶν τὸν νῦν, sed mentem mundi effectricem non fecit.* Quod si verum est, non dereliquisset tantum praeceptoris systema, sed et ex principiorum rerum naturalium numero mentem exclusisset, solamque posuisset materialem causam infinitum aërem, eiusque densitatem atque raritatem, siue aquam et ignem, quod alio loco⁵ STOBÆVS habet. Auctor vero philosophumenorum ORIGENI tributorem, qui de mixtura materiae Archelaum idem tenuisse, quod Anaxagoras, dixerat, addit⁶: *Οὗτος δὲ τῷ νῶ ἐνυπαρχεῖντι ἐνθάδε μίγμα, inhaerere menti statim aliquam mixturam.* Quod ut manifeste recedit ab Anaxagorae sententia, cui mens ab omni mistione separata visa est; ita propius ad reliquos Ionicos accedit, qui mentem et materiam ita miscuerunt, ut vnum vniuersum idque infinitum constitueretur. Quod non leui argumento probat LAERTIVS⁷, referens, placuisse Archelao *τὸ πᾶν ἄπειρον, vniuersum esse infinitum.* Sed in tam obscuris et incertis veterum traditionibus omnium tutissimum putamus *τὸ ἐπεῖχεν*, et de sententia Archelai plane nihil definire. Illud certum esse ex veterum consensu concludimus, quod in generatione rerum explicanda ad mentis opus non recurrerit, sed legibus tantum mechanicis eam reliquerit. Ita enim de ea statuisset, ait PSEUDO-ORIGENES⁸.

II. Esse motus principia, secedere calidum et frigidum ab se inuicem, et calidum quidem moueri, frigidum vero quiescere. Colliquefactam aquam in medium fluere, vbi etiam exustam fieri aquam et terram. Illum sursum attolli, hanc deorsum subsidere: quiescere proinde terram et trahere ex his originem, et quia nulla pars vniuersi (sine dubio ob paruitatem) censenda sit, proditam ab inflammatione esse sitam in medio.

III. Ex illo primum deusto existere naturam stellarum, quas terreas laminas candentes dixisse STOBÆVS⁹ refert.

IV.

1) De plac. Phil. L. I. c. 3.

2) I. c. Dabimus eius verba integra: *Ἀρχελαός ἐν τῇ μὲν γενέσει τῷ κόσμῳ καὶ τοῖς ἄλλοις πειρᾶσαι τι φέρειν ἴδιον, τὰς ἀρχὰς δὲ τὰς αὐτὰς δίδωσιν ὡς περ Ἀναξαγόρας. οὗτοι μὲν ἂν ἀπέχουσι τῷ πληθεῖ καὶ ἀνομοιογενεῖς τὰς ἀρχὰς λέγουσι.*

3) Ita etiam Ven. MOSHEMIVS ad CUDW. p. 216.

4) Eclog. Phys. L. I. c. I. [p. 2.

5) I. c. c. 12. p. 26.

6) I. c. p. 79.

7) I. c. f. 17.

8) I. c. p. 80. Conferendi vero PLUTARCHVS, LAERTIVS et STOBÆVS II. cc. qui tamen paulisper a Pseudo-Origene dissentiunt. Nam Laërtius terram tantum, dixisse refert, ex aqua, vi ignis constipata, constituisse.

9) I. c. c. XXV. p. 53.

IV. Solem vero stellarum maximum, proximam magnitudine lunam, minora de ceteris esse alia, alia maiora^e.

V. Desuper incumbere coelum et hac ratione illuminatam a sole terram, pellucidum quoque aërem factum, et terram aridam euasisse^f.

VI. Terram initio paludem fuisse, et in ambitu eleuatam in medio vero concuam^g. Putat hic cel. WOLFIVS^h, Archelaum semper terram pro palude habuisse, intellexisse vero voce λυμνός, idem, quod alias νῆσος dicitur, eo quod totam terram aqua circumseptam crederet, tanquam insulam, sicque τὸ, πρῶτον apud PSEUDO-ORIGENEM non de tempore sed de ordine sententiarum Archelai accipiendum esse. Quemadmodum vero λυμνὲν pro νῆσος vsurpari, exemplis roborandum erat, ita genesis rerum ab Archelao tradita hanc explicationem respuit. Secundum eam enim, docente LAERTIOⁱ liquens calore aqua, qua in igneam naturam consistit, terram constituit, qua vero circumfluit, aërem gignit. Immo ipse Pseudo-Origenes reclamationem, qui paulo ante Archelaum docuisse ait, αἴερα ποιεῖσαι διαφανῆ, καὶ τὴν γῆν ξηράν, aërem euasisse pellucidum et terram aridam, quod cum palude consistere nequit. Nec aliud dixit, si rem ipsam spectes, quam quod praeceptor Anaxagoras docuit: terram ita apparuisse, ut stagnantes initio humores et in concavis terrae congregarentur, et a sole rarefacti ascenderent, et per imbres demissi mare efficerent^k. Initio enim chaos produxisse terram humidam, et stagnantem non Archelai tantum temporibus traditum fuit, sed antiquissimis cosmogoniae auctoribus placuit, et forte ex primaeva traditione aliquid hac de re inter gentes disseminatum est.

VII. Terram esse oui vel pili figura rotundam, non aequalem et planam, quod inde probabat, quia sol non omnibus oriatur et occidat simul^l. Qua in re contradixit Anaxagorae.

VIII. Gigni animalia ex terrae calore, quae limum lacti simillimum velut escam eliquauerit: sic et homines natos. Ita breuiter LAERTIUS^m, quod paulo prolixius exponit PSEUDO-ORIGENESⁿ: calefacta primum terra; in particulari sede, ubi calidum et frigidum commiscebantur, copiosa inter se dissimilium sed omnium eodem utentium victu coenoque nutritorum simul apparuisse turbam aliorum quoque animalium. Eam brevis temporis fuisse turbam: mox ex se inuicem ipsis quoque progeniem excitatam esse; discretos a ceteris homines. Nec vero in hoc quoque dogmate a scholae suae placitis recessit Archelaus. Quemadmodum et hoc inde hausit:

IX. Ingenitam vniuersis animalibus pari modo mentem, nam vnumquodque etiam ex corporibus eo uti, quod vel tradius vel expeditius vsum rationis^o

e) citati.

f) ORIG. l. c. LAERT. l. c.

g) Ibid. Et hoc quoque habuit ab antecessoribus: vti supra dictum.

h) Ad. l. c. Orig.

i) l. c. f. 17.

k) Mare in concavis per humum veluti colatum consistere, tradebat Archelaus, LAERT. l. c. hinc ratio, quomodo ex palude arida facta sit.

l) PSEUDO-ORIG. l. c.

m) l. c.

n) l. c. p. 82.

rationis admittat. Quem sensum esse verborum PSEUDO-ORIGENIS^o ab interprete corruptorum, et non intellectorum, vel sola de hac re Diogenis Apolloniatis doctrina probat, cui eadem placuisse, in antecedentibus ex Aristotele notauimus; quemadmodum et Anaxagoras idem docuit.

X. Ventos in concaua terrarum deferri; deinde vbi iam omnia spatia plena sunt, aërq̃ue, in quantum potuit, densatus est, eum, qui superuenit, spiritum priorem premere atque elidere, ac frequentibus plagis primo cogere, deinde perturbare. Tunc illum quaerentem locum omnes angustias dimouere, et claustra sua conari effringere. Sic euenire, vt terrae, spiritu luctante, et fugam quaerente, moueantur^p.

XI. Vocem esse aëris percussum. Hanc vocis definitionem Archelao tribuit LAERTIVS^q, Anaxagorae PLUTARCHVS^r, forte vtrique communis fuit, vt et alia multa.

XII. Iustum et turpe non natura, sed lege fieri^s. Pessime ob hoc dogma audit Archelaus, et impietatis patronum egisse accusatur. Neque tamen solius Archelai fuit, sed et toti scepticorum cohorti placuit: cumque sanum quoque sensum possit ferre, vt scilicet id tantum neget, iusti et turpis naturam non in essentis rerum antecederet ad legem (quemadmodum hac de re locuti sunt scholastici doctores) sitam esse, sed recurrendum ad legislatoris voluntatem, qui rebus naturalibus moralitatem addidit; qua ratione recentissimo tempore PVFENDORFII sequaces hac de re differuerunt; difficile est, de mente Archelai certum definire, eumque vel damnare, vel absolvere^t. Quantum tamen coniecturis assequi licet, ad Deum boni et honesti auctorem non respexisse videtur Archelaus, qui numen vel plane neglexisse, vel e rerum tamen humanarum sphaera proscriptis videtur. Certe legum, artium et ciuitatum instituta ab hominibus e terra cum reliquis animantibus natis et ab iis postea discretis introducta statuuisse, diserte ei tribuunt philosophumena^u. Quod, quantum ad atheismi impietatem constituendam vel augendam momentum habeat, et ad affricandam sententiae huius auctoribus et patronis atheismi maculam sufficiat, huius loci non est expendere, sed ad specialem atheismi historiam pertinet. Et haec quidem de schola et philosophia Ionica.

o) Νῦν λέγει πᾶσιν ἐμφύεσθαι ζώοις ὁμοίως. Χρητάσαι γὰρ ἕκαστον καὶ τῶν σωματίων, ὅσῳ τὸ μὲν βραδυτέρως, τὸ δὲ ταχυτέρως. Quae ita obscure reddit interpret: Ingenitam vniuersis animalibus statuit pari modo mentem; nam vnumquodque etiam ex corporibus ea vti prout alterum quidem tardius, alterum vero expeditius. Vult docere Archelaus, causam, cur animalia ratione magis minusue vtantur, sitam esse in corporum dispositione. Doctrinam late vagantem hanc amplexos nominat WOLF. h. l.

p) SENECA Q. nat. L. VI. c. 12.

q) loc. cit.

r) De placit. philos. L. IV. c. 19.

s) LAERT. l. c.

t) Prius faciunt Obs. Hal. Lat. T. II. Obs. 21. §. 17. p. 453. cel. I. IAC. SYRBIUS diff. de origine atheismi §. 25. p. 48. posterius ven. I. C. WOLF. diff. de atheismi falso suspectis S. II. §. 10. p. 36. conf. cel. REIMANNVS Hist. atheismi c. XIX. §. 8. p. 149 seq.

u) l. c. p. 83.



CAPVT SECVNDVM.

DE SCHOLA SOCRATICA.

§. I.

*Schola
Socratica.*

Hactenus de natura rerum solliciti quaerentes vidimus philosophos, qui, quod tenui theologorum veterum traditione acceperant, non tantum exquisitis curiose causis rerum expenderunt, sed systema quoque rerum naturalium condentes, iustam philosophiae faciem induxerunt. De morali vero doctrina exigua eis cura fuit; et tamen virtutem animi vehementer commendabant, laudare tamen, quod omnibus ingenitum putabant, contenti, de tradendis philosophiae moralis praeceptis eum in modum, ut in naturali philosophia inceperant, non cogitarunt, et, ferente tantum occasione, paraenetica methodo dicta moralia atque sententias, more in Graecia tum recepto, pronunciarunt. Vnus Archelaus de moribus in scholis philosophicis praecipere incepit, infeliciter tamen, si veteribus credimus, quod principiis physicis a vero doctrinae moralis fundamento arceretur. Eius cum discipulus esset Socrates, isque, quo erat ingenti animo magnoque iudicii acumine praeditus, videret, de coelestibus curiose quaerere philosophos, iis, quae domi sunt et ante pedes, neglectis, sicque nec voluntatem emendari, nec felicitatem animi inter inutiles speculationes consenescentis promoueri; philosophiam a coelo in terram deduxit, et de rebus ad mentem humanam, societatem civilem, moresque hominum pertinentibus, quibus felicitas mortalium reapse promouetur, philosophari coepit. Quod cum insolito iudicio, excelsio animo, summa libertate, et quod omnium maxime laude dignum, experientia animi propria faceret, tantam inde laudem meruit, ut non veteribus tantum sapientissimus haberetur, sed et nostro tempore unus esse iudicaretur, qui ex tota philosophorum Graecorum cohorte veri philosophi nomine dignus haberetur, et exemplum viri vere sapientis commendaretur: facile vitae innocentia, philosophiae laude, et morum integritate omnibus superior, qui idem nomen gestarunt, ita ut confundi eius historia atque misceri cum aliis non facile queat^a. Operae itaque pretium se facturos non praeter rem ex veteribus crediderunt multi, si historiam vitae et doctrinae tanti viri, cui totus fere orbis affurrexit, describerent, et posteritati maximum philosophi genuini et viri vere sapientis exemplum enarrarent. In qua palaestra ex Socratis discipulis desudarunt XENOPHON atque PLATO: qui cum arcte illi adhaerent, et quotidiana conuersatione eius fruerentur, prae reliquis in historia vitae et phi-

^a) Multi apud veteres laudantur Socrates, probe inter se distinguendi; quorum catalogum exhibuit Io. IONSIUS de Script. hist. philos. L. I. c. 2. p. 12. I. A. FABRICIUS Bibl. Graec. Vol. I. p. 784.

et MENAG. ad LAERT. L. II. c. 47. Inter hos vnum Peripateticum philosophum nominat LAERTIUS l. c. de quo tamen apud veteres alios altum est silentium.

philosophiae Socratis attendendi sunt, tanquam testes *αὐτόπτοι*. De quorum tamen fide diuerse statuendum est. XENOPHON enim, quia a praeceptore non eruditionem tantum moralem, sed et vitae integritatem nactus erat, cum vni praeceptori adhaereret, non solum res Socratis scire potuit, sed et alienis placitis et fictis rerum circumstantiis historiam Socratis, quam nobis enarrauit^b, non contaminauit. PLATO vero, qui magistrum Socratem toties in dialogis suis loquentem introduxit, et imprimis Socraticam philosophiam integram et incorruptam nobis tradidisse videri voluit, cum variarum doctrinarum syncretismo occupatus esset, captata fingendi licentia, toties Socrati cogitationes tribuit suas, vt hic, cum eius Lyfidem audiret recitari, dixerit: prohdii immortales, quam multa de me mentitur adolescens^c. Cuius rei caussam Xenophontem detexisse narrat GELLIVS^d, qui videndus. Post hos Aristoxenus^e, Demetrius Phalereus^f, Panaetius^g, Callisthenes, Satyrus atque alii, Socratis vitam descripserunt^h, quorum tamen scripta nobis inuidit temporis iniuria: quemadmodum etiam, quae de Socrate scripsit Porphyrius desiderantur; quem tamen non semper veritati litasse, et Socratem multis consultiis onerasse refert NICEPHORVSⁱ: et ex paucis quoque, quae supersunt fragmentis^k patet. Ex recentioribus Socraticae historiae, qua erat in rebus et historia veterum peritia, Io. IONSVS, multam lucem accendisset, si, quam promisit^l, historiam Socraticam, edidisset; verum et hoc quoque labore destituimur: sicque accurata Socratis historia adhuc desideratur^m. Ea enim quae diligenter collegit STANLEIVSⁿ, syluam potius exhibent, conscribendae Socratis historiae valde inferuientem, quam iusti corporis historiam. Nos instituti memores, ea colligemus, et ad criticae lapidem Lydium exigemus, quae in historia philosophica vniuersali ignorari non debent.

§. II. Fuit vero Socrates Atheniensis patria, pago Alopecensis^o Socratis natalis Olymp. LXXVII. 4. Thargelionis mensis die 6. ^p qui Atheniensibus^q Socratis natalis et educationis.

VVV 2

bus

b) Habemus enim ab eo: memorabilia Socratis, siue de dictis et factis eius libros quatuor: quibus *ὑποσημειωσάμενος τὰ λεγόμενα αἰς ἀνδρώπυς*, vt ait LAERTIVS L. II. c. 48. quae ex colloquiis Socratis notauerat, congeffit. Dicemus vero de Xenophonte infra, vbi de discipulis Socratis agitur. Horum memorabilium elegantem versionem Gallicam debemus FRANC. CARPENTIERO, quam Germanica veste induit CHR. THOMASIVS Hal. 1693. 8. conf. cel. STOLLE Hist. lit. P. II. c. 1. §. 31. FABRICIVS Biblioth. Graec. Vol. II. p. 74 seq. Vtinur vero editione LEYNCLAVII.

c) LAERT. L. III. c. 35.

d) Noët. att. L. XIV. c. 3.

e) Vid. IONSVS de S. Hist. philos. Lib. I. c. XIV. pag. 75.

f) Ibid. XVIII. p. 102.

g) Ibid. L. II. c. XIII. p. 179.

h) Conf. FABRICIVS Bibl. Graec. Vol. I. p. 785.

i) Hist. Eccles. L. X. c. 36.

k) Collegit ea L. HOLSTENIVS in vita Porphyrii c. VIII. p. 253 seqq. vnde iniqua eius in Socratem mens satis colligi potest. Aliam enim instituebat philosophiam, quam quae placebat Porphyrio, homini fanatico.

l) l. c. L. I. c. 7. p. 37.

m) Quae enim habent D. HEINSIVS Orat. p. m. 233 seqq. Io. CLERICVS syu. phil. c. 3 S. Reu. BOERNERVS Or. de Socrate ceu perfectissimo boni ethici exemplo. FRID. MENZIVS diff. de Socrate nec officioformarito, nec bono patre familias, alique historiam Socratis non exhaustiunt.

n) Hist. philos. P. III. p. 110 f. qq.

o) LAERT. L. II. c. 18. et ALDOBRAND. ad h. l. MEYRSIVS de pagis Atticis, reuerendiss. POTTERVS arch. Gr. L. I. c. 9. p. 44. 45.

p) LAERTIVS l. c. SVIDAS in Socrates. Marmor. Arundellianum apud STANLEY. l. c. qui hoc tempus 30. Maii A. C. N. 467. esse, computat. Conf. PETAV. ration. temp. P. I. L. III. c. 8. p. m. 147.

bus plus vna vice faustus fuit ^q: maxime vero ob Socratis natales celebris ^r: Parentibus ortus est tenuis fortunae, patre Sophronisco Atheniensi lapidario, matre Phaenareta obstetrice ^s, quam tamen generosam admodum et acrem nominat PLATO ^{ff}, quod ad imperterritam potius et non hebetis ingenii indolem, quam sanguinis conditionem referendum est. Hunc cum magnis ingenii dotibus a natura instructum videret parens, illum oraculum de eo consuluisse, refert PLUTARCHVS ^t, responsumque tulisse: vt finiret eum agere, quicquid in mentem venisset, et neque vim faceret, neque alio abduceret, quam quo ille tenderet, ac pro eo vota faceret Ioui forensi et Musis, neque anxie Socratis curam gereret, qui ducem in se habeat vitae, sexcentis magistris praestantiorum. Quae tamen narratiuncula valde redolet ingenium Graecum, fingendi licentia semper famosum; nam haud obscure prodit, ideo esse excogitatam, vt fides traditioni de genio Socratis haberetur: nec verisimile, Sophroniscum adeo immemorem fuisse diuini moniti, vt contra ingenii sponte in alia se ferentis naturam filium arti statuariae applicaret, cum non defuerint illi facultates, vt Ioui forensi atque Musis eum dicare potuerit. Quomocunque vero se ista habeant, illud extra dubitationis aleam ponunt veteres, parentem Socratis eum ad artem suam compulisse; quam, etsi repugnantem et ad maiora tendentem atque in diuersa propensum animum saepius ostenderet, non tamen infelicititer exercuisse, veteres quidam tradunt, et statuarum opus aliquod ab eo effectum passim ostensum est ^u. Parente tamen viuis erepto XXC. minarum haeres relictus, cum cognati cuiusdam fidei commisisset, vt iis foenus faceret, iacturam earum passus est ^x, quare necessitate compulsus non Athenis tantum, sed et Duris statuariam exercuit; ita tamen, vt non nisi ad corradendos aliquos nummos, quantum ad victum parandum requirebatur, ea vteretur ^y, reliquum vero tempus, quod ab eiusmodi opere vacabat, philosophiae consecraret, ad quam toto animo propendebat; quaque mentem emendare se posse sperabat. Quod cum Critoni obseruatum esset, philosopho opibus affluentem, eum ille ingenii praestantia, et candore eius atque ingenua indole delectatus, ad philosophiam traduxit, in disciplinam ^z tradidit ^a, et optimis praeceptoribus instituendum commisit: suppeditatis vitae necessariis, et liberos suos ei instituendos dedit ^b. Quod cum animum Socra-

q) AELIAN. Var. hist. L. II. c. 25.

r) Hunc Socratis natalem, vna cum Platonis, qui dies insequens fuit, conuiuiis a philosophis celebratum refert PLUT. Symposiac. L. VIII. c. 1. qui mos ad Plotinum vsque seruatus fuit, vid. PLOT. vitap 9. Conf. quia de hoc more erudite commentatur CHR. ESCHENBACH. diss. de Symposiis sapientum diss. acad. V. §. 10. p. 316 seqq.

s) PLATO in Alcib. I. p. 131. et Theaetet. p. 149. LAERT. l. c. VAL. MAX. L. III. c. 4. aliique.

ff) Μάλα γενναῖαν καὶ βλοσυρὰν l. c. conf. tamen ATHENAEVS Deipnos. L. V. p. 219.

t) De genio Socratis T. III. p. m. 496.

u) LAERT. L. II. f. 19. PAUSAN. L. I. c. 22. L. IX. c. 35. Scholiastes ARISTOPH. ad nubes p. 170. risiteum ideo Timon LAERT. l. c.

x) LIBANIUS Apol. T. I. p. 640.

y) LAERT. L. II. f. 20. Posita scilicet arcula collegit pecuniam, quae daretur, consumpta ea, iterum posuit.

z) LAERT. l. c. τῆς κατὰ ψυχὴν χάριτος ait amauisse. Conf. SVIDAS T. II. v. Crito p. 377.

a) Ita τὸ παιδεύσαι apud LAERT. l. c. accipiendum est, nihil enim veteres de Critone, quod praeceptor Socratis fuerit, habent. vid. l. c. f. 121. MAX. TYRIVS Diss. XXII.

b) LAERT. L. II. f. 121.

Socratis, sordidis artibus opes acquirere dedignatum, vehementer ad sequendam indolem impelleret, et in emendando animo studium omne ut poneret, excitaret^c; effecit, ut voluptates et emolumenta quaeuis negligeret, et paupertatem, cum qua initio conflixerat^d, patienter ferret. Omnium itaque fere artium et scientiarum magistros, quos nouerat, optimos, adiit, et imprimis philosophiae discendae causa audiuit Anaxagoram, eoque Athenis excedente, Archelaum, quo tempore annum aetatis agebat septimum atque decimum^e; nec potuit non insatiabile Socratis discendi desiderium Archelao esse acceptissimum; quare eum in deliciis habuit, et in itinere Samum, Pythonem atque ad Isthmum comitem^f. In arte musica Damonem, eius peritia clarum, praeceptorem nactus est^g, lyra tamen canere paulo ante obitum demum a Lampone senex didicit^h, qua ratione veterum hac in re dissensus, omnium facillime tolli potest, et dicta conciliari. In eloquentiae vero praeceptis addiscendis Prodicus Sophistae institutione usus estⁱ, cuius tum in dicendo praestantia in admiratione fuit^k. In arte poetica Eueni^l poetae industriam expertus est, in geometria Theodori^m: Aristagoram Melium quoque quidam inter Socratis praeceptores numeratⁿ; et fatetur ipse, didicisse se a Diotima, singularis eruditionis femina

V V V 3

doctri-

c) LIBANIUS l. c.

d) AELIAN. Var. hist. L. II. c. 43. Domum tamen comparasse, et XXC. minas a Critone fœnori datas, ait Demetrius Phalereus.

e) Dictum hac de re supra. Eleuat huius rei fidem BAYLE Dict. T. I. art. Archelaus not. A. p. 289. verum argumentum hoc a silentio Platonis et Xenophontis, et accusatorum Socratis, parum probare, quilibet videt. Videturque causa silentii, quia Socrates exiguo tempore Anaxagoram audiuit, concedens mox ad Archelaum, ut ex rationibus temporum supra constitutis videri potest. Ideo quoque impietatem ab Anaxagora didicisse, obiici non potuit, praecipue cum non ob speculationes physicas ei atheismus obiiceretur.

f) LAERT. L. II. f. 22. cuius tamen textus ambiguus est, et indicare etiam videtur, Samum tantum cum Archelao profectum, alio tempore Pythonem et in Isthmum iter suscepisse. vid. OLEAR. ad l. c. STANLEY p. 113.

g) LAERT. L. II. f. 19. SVIDAS in Socrate T. III. p. 351. salrationem quoque didicisse ait LVCIANVS de salt. T. IV. p. m. III.

h) SEXT. EMPIR. L. VI. f. 14. Alii veterum Lamprium dixere, quorum loca indicat FABRIC. ad h. l. Alii Connum in senectute magistrum Socratis canendis fidibus fuisse tradunt, vid. PLATO in Menox. T. III. p. 235. cumque ideo γεροντοδιδάσκαλον vocatum ait CICERO L. IX. ep. fam. 22. conf. ALLATIUS ad Epp. Socraticas p. 186. conf. VAL. MAX. L. VIII. c. 7. AMMIAN. MARC. L. XXVII. c. 4. distinguendum itaque inter adolescentiam, qua canendi, et senectutem qua lyra canendi peritiam Socrates acquirit. Hanc vero in senectute didicisse, tradunt LAERT. L. II. f. 31. QVINTIL. Inst. Orat. L. I. c. 17. Sextus quoque

κιδαντήν vocat. De Damonis vero peritia in musica vid. PLATO de rep. L. IV. p. 400.

i) PLATO in Menone T. II. p. 90.

k) Prodicus ex insula Ceio, et philosophiae nomine celebris fuit, vid. Scholiastes ARISTOPH. ad nub. p. 147. et eloquentiae laude tanta, ut primus L. drachmis declamauerit, vid. SVIDAS in Prodicus T. III. p. 178. Illud vero sapientiae culmen attingisse credebatur, ut inde prouerbum enarum sit; Prodicus sapientior. In tanta tamen eloquentia grauis fuit auribus et iniucunda pronuntiatio. Iuuenum nobilissimos venatum esse adeo, ut et pararios eius rei aleret, tradit PHILOSTRAT. de vit. Sophist. L. I. c. 12. p. 496. qui addit, tantum eius eruditionis fuisse nomen, ut Xenophon quoque in Boeotio carcere detentus, differenti auscultarit corporis vade constituto. Pecuniis vero obnoxium et voluptati deditum fuisse IDEM notat. Nota eius orationis Horaetitulo argumentum de Herculis optione, quod enarrat XENOPHON Memorab. Socr. L. II. p. 737. σοφίαν καὶ γνῶμην huic soli inter meteorosophistas tribuit acerrimus philosophorum irrisor ARISTOPHANES, in Nub. conf. BAYLE Dict. T. III. art. Prodicus p. 320. FABRIC. Bibl. Gr. Vol. I. p. 793.

l) Videndus de hoc poeta Elegiaco VOSSII de Poëtis c. VI. p. 39. qui eum in Ol. XCI. ponit, eo quod Philistus discipulus eius floruerit Ol. XCIII. id quod cum testimonio PLATONIS in Menox. T. III. p. 235. ARIST. Nicomach. L. VII. c. II. MAX. TYRII diff. XVII. qui Socratem Eueni discipulum fuisse, perhibent, stare non potest. Incidit enim hoc in Ol. LXXXII. conf. SVIDAS in Philist. T. III. p. 604. FABRIC. l. c. p. 422.

m) PLATO in Theaetere T. I. p. 143.

n) Scholiastes ARIST. l. c. p. 173.

doctrinam de amore^o. Quemadmodum et Aspasiā, eruditione illustrem feminā, Mileto oriundā, quae non eloquentiae tantum laude excellebat, sed et discipulos haud paucos eosque clarissimos formauerat, magistram habuit^p. Sicque domi praeceptores nactus egregios, sapientiam atque eruditionem, quam hactenus Graeci apud barbaros quaesuerant, didicit, nulla peregrinatione literaria suscepta; sine dubio experientia edoctus, magnos viros, qui ad barbaras gentes sapientiae discendae causa profecti sunt, plus ingenio et industriae suae, quam Orientalium vel Aegyptiorum sacerdotum institutioni debuisse. Ita vero doctissimus euasit, adeo, ut non tantum XENOPHONTE teste^q, omni genere literarum animum cultum haberet, sed et CICERONE obseruante^r: *omnium eruditorum testimonio, totiusque iudicio Graeciae eum prudentia et acumine et venustate et subtilitate; tum vero eloquentia, varietate, copia, quam se cunque in partem dedisset, omnium esset facile princeps*: quam laudem ex recentioribus cordatus quilibet ei tribuit. Quare audiendus non est PORPHYRIUS^s, qui eum, affirmauit, nulla re ingenio valuisse, indoctum rerum omnium, qui elementa literarum aegre pingere posset, quod ubi faceret, risu merito spectantibus fuerit: immo vix eum legendo habuitentem abedarium fuisse. Huic enim viro quantum fidei tribuendum sit, iam notauimus.

*Militia So-
cratis.*

§. III. Ita artium, et imprimis philosophiae opera formatus, et egregium philosophum, et bonum ciuem se praeuit. Etsi enim multitudinis strepitum fugiebat, sibi et amicis viuere gestiebat, patriae tamen haud vno nomine vtilissimum se praestitit: Militiam enim ex lege patriae secutus, cum bellum inter Athenienses et Lacedaemonios exortum fuisset atrocissimum, tribus in eo bello vicibus militis munia obiuit. Prima vice post annum secundum Olymp. LXXXVI.^o in obsidione Potidaeae, ubi Alcibiadem commilitonem habuit: qui de eo testatus est^t, omnes alios laboris patientia superauisse, famem sitimque super omnes tolerasse, et quamuis in conuiujs esset hilarissimus, nunquam tamen ebrium visum fuisse: gelu pertulisse dirissimum, ita ut nudis etiam pedibus per glaciem incederet. Amicum quoque Alcibiadem inter conferta hostium agmina grauiter vulneratum videns, nunquam deserere voluit, sed praecedens eum, ipsum et arma eius fortiter conseruauit^u: tanta insuper modestia usus, ut cum praemia a ducibus illi tribuerentur, qui primas in praelio tulisset, eique iudices addicerent, ille deprecatus, ut Alcibiadi darentur, precibus suis obtineret. Et eodem quoque bello cogitationi-

bus

^o) Vid. PLATO in conuiu. T. III. p. 201. MENAGIVS Hist. mul. phil. n. II. p. 489. Comm. Laert. Artem amandi ab ea didicisse ait PLATO in Phaedro T. III. p. 201. de qua eleganter dixit HEINSIVS Orat. de Socr. p. m. 243. sed philosophicam hanc doctrinam fuisse, ex iis discere licet, quae in Otio Vindelico Ex. I. p. 42 seqq. diximus.

^p) PLATO in Menexeno T. III. p. 235. De Aspasia Periclis magistra, scorto dein, infaustis pa-

triae auib. vxore, videndi quos laudat MENAG. l. c. §. 6. et in his praecipue PLUT. in Pericle.

^q) Memorab. Socrat. L. IV. p. 814. conf. PLATO in Apolog. LAERT. L. II. c. 19. 45.

^r) De Orat. L. III. c. 16.

^s) Apud THEODORET. Therap. L. I. p. 8.

^t) LAERT. L. II. f. 22. THUCYDID. L. I. p. 39 seqq.

^u) PLATO in conu. p. 220.

^v) Citati PLUT. in Alcibiade.

bus demersus in eodem vestigio a matutino tempore immotus constitit, donec altera die sol illucesceret, cuiusmodi raptus ei frequentes fuisse, testatur GELLIVS^a. Secunda vice fortiter bello rem gessit ad Delium Boeotiae oppidum Olymp. XXCIX. I^b. Cum enim in praelio infeliciter rem egissent Athenienses, Socrates Xenophontem in fuga, equo amisso, humistratum videns, ipse pedibus pugnans, humeris susceptum per aliquot stadia deportauit, eumque defendit, donec insequi hostes desuissent^c. In ipsa vero fuga non aliter incedens, quam si in vrbe ambularet, animi robur, oculis omnia circumlustrans, prae se tulit, ita vt nemo aggredi auderet. Daemonis quoque voce in biulo constitutos de periculo monuisse, et obsequentes Alcibiadem et Lachetem periculo vitae eripuisse, quod reliqui incurrerunt, narrat PLUTARCHVS^d. Postremo militiam secutus fuit eodem anno ad Amphibolin^e. Quamuis vero nullo in republica munere fungi vellet, *Senatorium munus.* quam tyrannis et innumera vitia inuasent; siue quod tyrannidis odio duceretur, siue quod genii monitu a publicis negotiis arceretur, vt ipse est factus; et sic incolumem atque saluum se praestaret, vt qui consentire in ea, quae contra ius fasque fiebant, non posset, nec se tamen sine maximo periculo opponere valeret: prouecta tamen iam aetate in senatum lectus est, nomine Antiochidis tribus, ad quam Alopece pagus, qui ei natales praebuit, spectabat^f. In hoc munere tantam animi moderationem et inuictam fortitudinem exhibuit; vt cum decretum contra ius fasque conscribere iuberetur, imperitiam scribendi cauflaretur^g; triginta vero tyrannorum iniurias reprehendere non cessabat, et odio atque indignationi eorum fortem et imperterritum obiciebat animum, et tanta cum libertate loquebatur, vt nec mortem, nec insidias timeret, qua de re, digna lectu sunt, quae praeter alios XENOPHON^e commemorauit. Nec aliter in vita priuata se gessit, *Vitae priuatae ratio.* quam tantum sapientiae doctorem decebat. Erat enim teste XENOPHON^e TE rerum primo venerarum ac gulae supra omnes homines continentissimus: deinde hyemis, aestatis, laborum omnium tolerantissimus: atque etiam sic ad frugalitatem institutus, vt quum valde modicum possideret, facillime contentus iis esset, quae habebat. Id quod alibi latius confirmat Socraticae historiae auctor, memorabili sententia ita locutus^f: *Mihi quidem, cum talis esset, qualem commemoravi, nimirum adeo religiosus, vt sine Deum consilio nihil ageret, adeo iustus, vt nemini, ne quidem exigua in re noceret, prodesset autem iis maxime, qui eo uterentur: adeo temperans, vt nunquam id, quod iucundius esset, meliori anteponeret, adeo prudens, vt in melioribus ac peioribus diiudicandis non erraret, neque alterius ad hoc opera egeret,* sed

a) Noct. Att. L. II. c. 1. Similem ecstasin supra in Gymnosophistis notauimus, et hodie quoque dari inter Indos et Sinas monuimus.

b) THUCID. L. IV. p. 316.

c) LAERT. L. II. f. 23. STRABO L. IX. p. 402.

d) De genio Socratis.

e) Hanc quidem Socratis militiam mendacii arguere satagit ATHENAEVS L. V. p. 215. eius vero

argutiis allata testimonia recte opponuntur, quibus satisfecit CARPENTARIUS in Gallica vitae Socratis enarratione.

f) PLATO in apologia p. 31. 32.

g) Rem narrat XENOPHON. L. I. Hist. Graec. p. 4:6. mem. L. I. p. 711. LAERT. L. II. f. 24.

e) Ibidem, AELIAN. Var. Hist. L. II. c. 11.

f) Lib. IV. Memor. fin.

sed ipse sibi ad cognitionem horum sufficeret, et oratione proferre atque definire huiusmodi posset, atque etiam alios explorare, delinquentes arguere, ad virtutem et honestatem hortari: eiusmodi vir esse visus est, qualis posset esse optimus et felicissimus. Talis cum fuerit Socrates, patrem familias non malum fuisse, facile colligi potest. Certe, quae de constituenda re oeconomica deque officiis patris et matris familias differuisse XENOPHON^g tradit, ita comparata sunt, ut facile in iis quoque summum philosophum deprehendas: Socratem vero, qui dicendo non magis quam agendo philosophatus est, ea expressisse iudices. Dignum huius testimonium exhibent, si vera sunt, quae de Socratis coniugio veteres perhibent. Cum enim occasione pestis, quae ciuitatem tempore Socratis grauius affligerat, Athenienses, apud quos antea monogamia obseruabatur, bigamiam permitterent^h, duas quoque uxores duxit Socrates; vnam Myrtum, filiam Aristidis, non iusti, quod ait LAERTIUS et SVIDASⁱ, sed alterius cuiusdam, tertii ab illo^j, quam misericordia ductum sibi connubio iunxisse quod vidua esset, et summa inopia laboraret, tradit PLUTARCHVS^k. Alteram Xantippen, ciuis Atheniensis filiam, de cuius malis moribus, morositate atque iurgiis, et irarum atque molestiarum muliebrium importunitate pleni sunt veterum scriptorum commentarii, quorum loca diligenter digesserunt post LAERTIUM^l, MENAGIUS^m et STANLEIUSⁿ. Non sine multo tamen ingenio de narratiuncularum harum veritate atque fide dubitauit C. V. CHRIST. AVGVSTVS HEVMANNVS, qui mulieris per tot secula famosae apologiam meditatus est^o. Is primo quidem loco ad Platonem et Aristotelem prouocat, qui cum Socrati aetate proximi fuerint, et de mulierum virtutibus et vitiis haud vno loco differuerint, Xantippen tamen tacent; id non facturi, si malos mulieris mores nouissent: Addit, Aristophanem, iuratum Socratis hostem, qui in Nubibus tanta amarulentia Socratem traduxit, Xantippen non oblicere. Tum melioris famae testimonia de Xantippe enarrat, eamque monet, PLATONE^p, LAERTIO^q et VALERIO MAXIMO^r testibus pietatem coniugalem et amorem mariti in vltimis eius fati, plorantem et ad extremum halitum perseuerantem apud eum demonstrauisse; et teste AELIANO^s de marito optime sensisse: Quae vero refert ANTONINVS^t: eam vestem sumfisse, cum praecingeretur ille pelli, indicare, Xantippen mariti vestes induisse, cum vnam tantum in paupere domo haberent, et vtrique sexui eadem vestiendi ratio esset; sicque spectaculum aditurae dixisse Socratem, vide, ne non spectandi causa, sed ut ipsa specteris, abeas, ut refert AELIANVS,

g) l. c. L. V. qui Oeconomicus ideo inscribitur.
 h) LAERT. L. II. f. 26. GELLIUS L. XV. c. 20.
 conf. JONS. de script. hist. phil. L. I. c. 14. p. 75. c.
 18. p. 202. PRIDEAUX Hist. V. T. T. I. p. 511.
 i) ll. cc.
 k) ATHENAEVS L. XIII. p. 555.
 l) In vita Aristidis, cuius neptem dicit, temporum rationibus ita magis satisfaciens.

m) Lib. II. f. 36 seqq.
 n) ad l. c. Laert.
 o) l. c. c. XVI. p. 186.
 p) Act. philos. T. I. p. 103 seqq.
 q) In Phaedone p. 60.
 r) loc. cit.
 s) Lib. VII. c. 2.
 t) Lib. IX. c. 7.
 u) De se ipso L. XI. §. 28.

ANVS^x, communi igitur sexus sequioris vitio φιλοκατρίαν fouisse, quae in tantum eius dedecus verti non queat. Et, ne contraria asserentes testes obstant, eorum fidem eleuat, monetque PLUTARCHVM^y ea, quae de Xantippe mensam Socratis euertente narrat, alio loco^z Pittaci coniugi tribuisse, sicque traditionis fontem aperuisse: impudicam vitam, quam THEODORITVS^a et ATHENAEVS^b affirmant, esse calumniam a STANLEIO^c deterfam: nec secum AELIANVM^d concordare, qui prius bene de ea locutus, fabulam de conculcata placenta ab Alcibiade protulerit. GELLIVM^e morositatem et iurgia eius culpantem, SYNESIVM^f que^g contemptus mariti insimulantem incertam famam ipsos prodidisse. Nec meliora esse quae LAERTIVS^h narrat, qui solitus sit incertas narratiunculas sine teste historiae suae infarcire. Nos haec lectoris iudicio relinquimus, nec vel confirmandis vel refutandis iis inhaeremus, id modo, quod legibus fidei historicae conuenit, tanquam vero simillimum asserentes. In qua XENOPHONTIⁱ primum locum deberi, nemo, credo, temere negauerit. Tradit is, Socrati in conuiuio monenti, ut uxorem quis doceat, quicquid tandem sit, in quo illam peritam habere cupiat, obiecisse Antisthenem: Cur igitur, qui in ea sis sententia, non tu quoque Xantippen iustituis; quam uxorem habes omnium, quae sunt, et fuerunt, ut arbitror et deinceps erunt, acerbissimam? (χαλεπωτάτη) Ei vero respondisse Socratem: Quod eos quoque video, qui equestris rei peritissimi fieri volunt, non illos sibi equos comparare, qui lubentissime pareant, sed valde animosos, existimant enim se, si tales cohibere possint, facile alios etiam equos tractaturos: Itaque et ipse, quum uti hominum consuetudine cuperem, hanc mihi quaesui, quod futurum scirem, ut si eam tolerare possem, facile cum vniuersis hominibus ceteris versarer. Ex quo luculento Xenophontis loco patet, difficilissimam fuisse, et vix tractabilem Xantippen, quaeque moribus intolerabilibus alias anteuertit: hanc sibi elegisse Socratem, spe emendandae vel regendae saltem et tolerandae ope philosophiae. Quousque profecerit tanto magistro Xantippe, tacent quidem testes Socratis domestici; ex fide et amore tamen, quam marito vltima fata subeuntipraestitit, facile coniicias, si non moderatum et tranquilum mariti animum didicit, eius tamen bonitatem animi et fidem agnouisse. Et videtur GELLIVS, qui eam morosam admodum et iurgiosam dixerat, ad eundem Socratis animum respicere; narrat enim^h: Alcibiadem demiratum interrogasse Socratem, quatenam ratio esset, cur mulierem tam acerbam domo non exigeret? dixisse vero illum: Quoniam cum illam domi

x) Lib. VII. c. 10.

y) De ira cohibenda.

z) De tranquill. animi.

a) Therap. XII. p. 174.

b) Lib. V. p. 219.

d) Lib. XI. c. 12.

e) Lib. I. c. 17.

f) In Dione p. 58.

g) In Sympol. p. 876.

h) I. c. Socratem vero a petulantibus quibusque impetum fuisse, narrant LAERT. L. II. f. 26. 36. PLUTARCH. de liberor. educatione; SENECA de ira L. III. c. II. BASILIUS quomodo legendi Graecorum libri p. 94.

domi talem perpetior, infuesco et exerceor, ut caeterorum quoque foris petulantiam et iniuriam facilius feram. Nihil enim hic dicit Gellius, quod non testis oculatus et auritus Xenophon dixerat; unde eius testimonium reici, et Xantippe e mulierum moribus intolerabilibus et morosis molestissimarum numero eximi nequit. Verisimile vero est, plerasque historiolas, quae de ea narrantur, otiosa Graecorum ingenia confinxisse, ut de malis mulieribus plerumque centum fabellae solent narrari, quae ad posteros propagatae nouisque plerumque additamenti auctae, traditionis serie fidem tandem emendicarunt. Factum id esse, vel ex eo non obsoletae naris lector subolere potest, quod apud **THEODORITVM**ⁱ narrat Porphyrius: *Xantippes et Myrtus altercationes plerumque desisse in verbera, quae coniunctis manibus Socrati intulerint, quod ille praesens earum pugnam intueretur, neque ei unquam intercederet, sed rideret effuse, quod et fecerit, ubi ipsum pugnis impeterent suis.* Quemadmodum enim haec ab indole Socratis scopoque, quem sibi in ducenda coniuge fixerat, sunt alienissima, et calumniam prima fronte produnt: ita alio eoque luculento **XENOPHONTIS**^k loco refutari possunt; ex quo, quam molestiam excitauerit Xantippes morositas, luculenter pateat, recteque colligitur, mulierem, etsi intemperantissimae et vehementis linguae, nec animo bono destitutam fuisse, nec verberibus suos petiisse, nec officiis matrisfamilias defuisse^l: quem, quia praetermisit doctissimus Heumannus, integrum apponemus. Exposuerat scilicet Socrates filio Lamprocli, quem ex Xantippe susceperat, innumera beneficia, quae a parentibus profisciscuntur in liberos, et imprimis graui et diserta oratione, pericula, curam, labores, fidem matris cum gestantis, parientis, nutrientis, educantis enarrauerat, ut, quantum ei amorem deberet, conuinceret. Ad ea subiicit adolescens: *tametsi haec omnia fecerit, aliaque his multo plura, nemo tamen eius asperitatem perferre possit: et Socrates, Vtrum existimas, inquit, toleratu esse difficilius ferae saeuitiam an matris? equidem, inquit, matris arbitror, quae sane talis sit. Ergone unquam vel mordendo, vel calcitrando te laesit? cuiusmodi a belluis multi perpassi sunt. At enim, inquit, ea loquitur, quae quis audire vel omnem hanc vitam nolit. Tu vero quam multa, subiecit Socrates, intoleranda te huic negotia tum facto, tum interdiu, tum noctu a prima usque aetate molestando putas exhibuisse? quantum doloris attulisse, quoties aegrotares? Et paulo post: Tu vero cum plane scias matrem, quae dicit, non modo nihil mali cogitantem dicere, sed etiam optantem tibi tantum boni, quantum alii nulli, nihilominus iniquo*

i) Therapeut. L. XII. p. 174. qui cum id a Porphyrio relatum referat, quo loco tota narratio habenda sit, facile ex supra dictis colligi potest.

k) Memorabil. L. II. p. 741.

l) Pro fabula itaque habendam etiam est, quod **SALVIANVS** de gub. Dei L. VII. p. 299. ed. Rittersh. tradit: uxores iussisse esse communes, omnibusque viris misceri: nec suffecisse ei docere hoc,

nisi ipse fecisset. Vxorem enim alteri viro tradidisse. Tacent hoc omnes scriptores vitae Socratis, proditque fabulam Saluianus qui addit: Vixit Socrates, qui de hac re et libros condidit, et memoriae haec pudenda mandauit. Nihil enim tale scripsisse Socratem, in confesso est. Idem vero cum tradat **TERTULLIANVS** in Apolog. idem quoque ei dictum esto.

iniquo, in eam es animo? an existimas, male tibi matrem velle? non equidem, inquit, hoc arbitror. Et Socrates: Ergone tu hanc, ait, quae tui studiosa est, ac aegrotantis curam gerit, quantum maximam potest, ut valetudinem recuperes, ac re necessaria nulla egeas, praeterque haec multa Diis bona pro te vouet, ac vota reddit, saeuam esse dicis? Equidem ita statuo, si matrem eiusmodi ferre non possis, non posse te, quae bona sunt, ferre. Quo loco nihil elegantius est, ad faciendam Xantippes apologiam; etsi enim linguae intemperiem illi manifeste tribuat, moresque morosos et acerbos, bonam tamen fuisse matrem, suorum amantissimam, et officii obseruantissimam, ipse testatur Socrates, testis omni exceptione maior, qui satis prodit, quo loco eam habuerit, et quantum in schola sua profecerit. Quod si itaque inter animi et linguae malitiam distinguamus, facile responderi poterit quaerenti: an Xantippe mala fuerit mulier? Praeter hunc Lamprodem vero, quem oppido iuuenem obiisse ex PLUTARCHO^m colligi potest, alios genuisse liberos Socratem, PLATO^s innuit, tres commemorans, quorum natu minimum, eo die quo extinctus est Socrates, in sinu gestatum mater in carcerem asportauit. Ex Myrtone, is quoque testatur, filios suscepisse duos, Sophroniscum et Menexenum, quem tamen alii Xantippe prognatum volunt^o.

§. IV. Quemadmodum vero de familia bene mereri cupiebat Socrates, et bonum se praestabat patremfamilias, ita nec sibi soli nec suis tantum natum se existimauit, sed et hominibus aliis et imprimis iuuentuti se utilissimum praestitit. Eum scilicet sibi philosophandi finem praefixerat, non ut argutis disputationibus, vel curiosa rerum coelestium explicatione eruditionem ostentaret, quorum prius sophistae faciebant, posterius physici^o, sed ut animos ab errore liberaret, veritatem commendaret, virtutis amorem excitaret, sicque corruptas vitiis mentes emendaret, et ad veram, quae hominem satiare apta est, felicitatem viam sterneret. Id quod eleganter multis in locis indicauit XENOPHON^o, dignus, qui totus legatur, cum meliorem semper dimittat lectorem. Huic vero scopo ut faciat satis, non tam scholam aperuit^r, etsi Socratis phrontisterium acerbè traducat ARISTOPHANES^s, quam, totam potius ciuitatem sibi docendi locum esse, constituit. Erat enim, teste XENOPHONTE^e semper in hominum oculis: nam mane ad loca deambulationibus et exercitiis destinata (qualia erant Academia, Lyceum, pratum item amoenissimum extra urbem, in Ilissi fluminis ripaⁿ) pergebat, et cum frequens erat forum, id quod circa meridiem, XXX 2 fiebat,

Modus docendi philosophiam Socraticus.

m) De genio Socratis. Conf. STANLEY. l. c. p. 187.

n) In apologia p. 34.

o) LAERT. L. II. c. 26.

p) XENOPHON, ἀπομνημον. L. I. p. 710.

q) Vid. imprimis l. c. p. 711.

r) PLUT. utrum seni gerenda respubl.

s) Aët. I. Sc. I. v. 94. qui tamen locus magis inimicum Aristophanis in Socratem animum pro-

bat, quo domum eius, ad quam iuuenes et amici interdum conuolabant, ut ex XENOPHONTE colligere est, L. I. p. 719. inuidioso nomine traduxit. Peculiarem enim scholam Socratem aperuisse, nec Plato nec Xenophon tradunt, nec ratio viuendi et conuersandi Socratis patiebatur.

t) l. c. p. 709.

u) Haec loca conuersationi Socratis inseruiuisse ait AUCTOR Epist. Socratis, ep. XXV.

sebat, conspiciebatur in publico, reliquumque diei degebat istic, ubi versaturus inter plurimos esset. Differebat autem plerumque sic tamen, ut ipsum audiendi facultas esset iis, qui vellent. Nec, quod porro monet PLUTARCHVS^x, tum demum docebat, ubi posita subsellia essent, aut cathedra conscensa, aut discipulis deambulationis aut scholae constituta hora: sed cum aliis ludens, cum aliis, ut occasio ferebat, bibens, militans, in foro versans ad extremum etiam in carcere agens et venenum bibens philosophabatur. Nec magnos tantum viros nobilissimosque iuvenes, qualis Critias et Alcibiades, sectabatur, sed et per officinas^y sapientiae discipulos quaerebat, cuius exemplum in Simone postea dabimus. Methodo vero utebatur admirabili, ita ut non solum in dicendo esset acerrimus, sed et summa arte homines caperet et circumueniret. Constitit vero Socratica methodus ironia et inductione, quarum illa, definiente QUINTILIANO^z, totius voluntatis fictio est apparens magis, quam confessa; ut illinc verba sint verbis diuersa, hic sensus sermonis, et ioci, et tota interim causae confirmatio, tum etiam vita vniuersa ironiam habere videatur. Hoc artificio vltus, de se ipso detrahens in disputatione, plus tribuebat illis, quos nolebat refellere, ut ait CICERO^a, donec eos propriis verbis conuicisset. Inductione vero, eodem CICERONE definiente^b, rebus non dubiis captabat assensionem eius, quicum disputare instituerat: illisque assensionibus faciebat, ut illi dubia etiam res, propter similitudinem earum rerum, quibus assensit probaretur, sicque nihil ipse asserebat ad persuadendum, sed ex eo, quod sibi ille dederat, quicum disputabat, aliquid conficere malebat, quod ille ex eo, quod iam concessisset, necessario approbare deberet. Hacque methodo, quemcunque aggressus erat, vndecunque etiam disputationis fecisset initium, postremo sese circumagisentiebat, semelque adactus non prius dimittebatur, quam omnia essent discussa, sicque coacti propriis argumentis ad se ipsos redire compellerentur. Nec grauem et morosum ea in re se Socrates exhibuit, sed, ut erat omnium iucundissimus, lepore et humanitate omnibus praestitit^c. Cuius disputandi methodi exempla nobis discipuli ipsius Xenophon atque Plato plurima reliquerunt, tanto artificio contexta^d, ut non defuerint, qui hanc disputandi rationem omnibus aliis praeferrent^e: id quod tamen in morali potius, quam naturali argumento^f, quemadmodum Socrates instituebat, valet. Sic itaque modestissimus Socrates nullius se magistrum iactabat, nec minerval accipiebat^g, sed matri obstetrici se similem praedicabat, quae parum

x) loc. cit.

y) LAERT. L. II. f. 21.

z) Institut. Orat. L. IX. c. 2.

a) Academ. Qq. L. IV. c. 5.

b) De Inuent. L. I. c. 31.

c) IDEM de Oratore L. II. c. 67.

d) Conf. CLERICVS ad Aeschim. Dial. II.

p. 54. Bibl. Choise T. XXII. p. 426 seqq.

e) CLERICVS Log. P. IV. c. 9. p. 217 seq. DE

CROVSAZ Log. P. IV. ch. 7. p. 1437 seqq. et re-

centiores Logici alii: Reprehendit tamen eum Cel. ZIMMERMANNVS am. liter. T. XI. p. III seqq.

f) Exemplum tamen ex naturali philosophia exhibuit CROVSAZIVS: verum ex quo cognosci queat, non tam perspicuam gignere notitiam, quam in argumento morali, cui soli Socrates adhibuit.

g) Improbasse hunc morem, quem Sophistae sequebantur, refert XENOPHON L. I. p. 712. Schol. ARIST. p. 129.

rum foecunda, ipsa tamen singulari aliis opitulandi dexteritate praedita, earum foetus in lucem educere laboret ^k. Et hac quidem via tum ad formandos et emendandos humanos animos, tum ad confundendam stultitiam impigre grassatus est. Iuuenum enim ita sibi deuinxit artibus istis mentes, ut hunc sibi potissimum sapientiae doctorem non audiendum tantum, sed sequendum etiam proponerent: sophistarum vero inanem loquacitatem et falsas artes, quibus Athenae tum temporis fascinabantur, in ruborem dedit, et denudatas omnium contemptui exposuit. Quae res ei multas calumnias concitauit, vitaeque tandem conflauit periculum. Cum enim loquaces sophistas quam maxime pungeret, et simulatione humanissima circumuentos non dimitteret, donec conuicti in pudorem darentur, adeo crabrones irritauit istos, ut eum tanquam hominem bilinguem, derisorem, mendacem traducerent, unde occasionem arripuit Timon, acerba satyra ^l illum vocandi *loquacem, imposturae magistrum, derisorem, rhetorem, subatticum et simulatorem*: ARISTOPHANES vero hoc eum nomine in theatro publice traduxit ^k. Immo fuit, quod mireris, inter recentiores vir non indoctus ^l, sed placitorum suorum nimis amans, qui hanc Socratis ironiam superblam subtiliorem et elatioris animi laruam affabre effictam continuisse putaret. Qui si miseris ratiunculis, quibus veram animi modestiam, quam humilitatem vocant, exulauisse ex Socratis ironia probare voluit, veram huius methodi naturam opposuisset, et expendisset, Socratem non animi malignitate et ad deridendos alios vera animi sententia simulata, alia prorsus finxisse, sed ut captis et illaqueatis animis eos inuitos ad virtutem adduceret et emendaret, nec hanc fuisse apud Socratem, testibus iis, qui illum audiuerunt, animi stultitiam, ut qui se nescire omnia diceret, omnia se nosse crederet, abstinuisset ab optimi viri vituperatione, verba magis, quam rationum pondus prae se ferente, certe eam humilitatem, quam ex diuiniore spiritus schola profectam Christi discipuli exercent, cum naturali animi sobrii et modesti, et elatos sensus fugientis virtute ^m non confudisset.

§. V. Non vero aliis tantum, sed sibi quoque philosophatus est Socrates, inque id omnibus contendit neruis, ut quod alios doceret, ipse faceret, et, quam apud alios quaerebat animi emendationem, ipse possideret. Quo factum est, ut, cum is egregie practica philosophandi rationem excoluisset, reliquos non sui tantum, sed omnis fere temporis vetustioris philosophos, sanctiori lumine non collustratos antecelleret. Erant enim in eo et dotes animi praestantissimae, et disciplina philosophiae, quae mores format, exactissima ⁿ, et experientia longo usu perfectissima, quibus recte me-

XXX 3

ruit

Dotes et virtutes ingeniti.

^k) PLATO in Theaet. p. 149.

ⁱ) In Sillis apud LAERT. L. II. c. 12.

^k) In nubibus, ex quibus quaedam affert LAERTIVS l. c.

^l) FRANC. BALTVS in Apologia PP. Platoni accusatorum L. III. c. 14. p. 367.

^m) Eam vero Socratem coluisse, ex §. seq. erit manifestum. Idem reponendum PERRALTIO Parall. Des anc. et des modernes T. IV. p. 139.

ⁿ) Omnium vero disciplinarum callentem fuisse, supra obseruatum est et innuit XENOPHON saepius, vid. L. IV. p. 814.

ruit omnibus anteponi, talisque videri, qui ad virtutem diuino instinctu, ut ait PLUTARCHVS^o, incitaretur. Tanta utebatur iudicii acie, et quam experientia genuerat, prudentia, ut in melioribus ac peioribus diiudicandis non erraret, neque alterius ad hoc opera indigeret, sed ipse sibi ad cognitionem horum sufficeret, et oratione definire posset atque etiam explorare alios^p. Ingenium ei erat elegans, et foecunditatis mirae, quod ita callidam eius eloquentiam fecerat, ut quamcunque vellet, quaestionis partem, affirmantem negantemue, posset defendere. Quod et si in eo carpebant inimici, et imprimis poëtae^r, qui pessime eum traducebant, tanquam bilinguem, nunquam tamen in veritatis et virtutis detrimentum usus est. Memoria utebatur fideli, et experientiam habebat multorum annorum, qua, quid honestum, quid turpe, quid laude vel vituperio dignum, certissimis argumentis cognosceret. Mirum itaque non est, omnium fere totius antiquitatis auctorum, qui odio Socratis iniquo ducti non sunt, consensu maximum virum iudicatum esse^r. Et haec quoque praestantiae sapientiae Socraticae admiratio traditionem peperit, quam veteres vnanimi tantum non ore sequuntur, Apollinem de sapientissimo sui temporis viro interrogatum respondisse:

Σοφὸς Σοφοκλῆς, σοφώτερος δ' Εὐριπίδης
Ἀνδρῶν δὲ πάντων Σωκράτης σοφώτατος.

Sapit, Sophocles, et magis Euripides

Sapit: sed omnes antecellit Socrates^s.

Quod oraculum tam certum habuere veteres, ut de eo nulli dubitarent, et Christianorum doctores illud daemonis vocem fuisse contenderent^t, deridentes eius imprudentiam, qui sapientissimum diceret eum, qui Deos tolleretur, sicque propriae familiae ruinam commendaret. Aliter tamen, nam et hoc negandum non est, Epicurei; qui, ut omnia oracula tanquam hominum fraudes et imposturas ridebant, ita et hanc narrationem *sophisticam, et prae fastu odiosam*, quemadmodum ait Colotes Epicureus^u, iudicauerunt, a qua sententia nec ATHENAEVS quoque discessit, quorum vestigiis institit doctissimus VAN DALEN^x, ita ut veritatem narrationis eo potissimum argumento in dubium vocaret, quod diuerse eam narrent Xenophon et Plutarchus, nec Pythia Iambico carmine, sed hexametro respondere semper solita sit. Quamuis vero haec tanti roboris non sint, ut tantum in hac re veterum consensum euertere posse, videri queant^y, negandum tamen non est, esse in tota narratione iustam fraudis suspicionem: non enim vrgebimus, referre hanc traditionem Socratis amicos, in longo post discessum Socratis tempore conscriptis apologiis, quibus facile erat ad augendam con-

^o) Adu. Coloten T. III. p. m. 421.

^p) XENOPHON L. I. p. 718.

^q) Vid. not. (i) ARISTOPHANES in nub. Act. I. v. 52.

^r) Conf. collecta Act. Philos. Vol. I. p. 55. 101. 473 seqq.

^s) Ita totum exponit SVIBAS V. σοφὸς T. III.

^t) SALVIANVS de gubern. p. 260. TERTVL. in apologet.

^u) Apud PLUTARCH. l. c.

^x) De oraculis gentil. diff. II. p. m. 194.

^y) Conf. Jos. BARNESIUS in vita Euripidis p. 20.

contra persecutores Socratis inuidiam talia comminisci, nec Platonis in praeceptoris historia narranda fidem tantam esse, ut is nihil finxisse, vel fictum admisisse credi queat; nec monebimus prolixè, praetermissum esse hoc de Socrate testimonium a Xenophonte in memorabilibus, quod non facturus fuisset, si iam tum inter homines percrebuisse: illud potissimum, praetermissa iam de fide oraculorum disputatione, qua facile tota historia conuelli potest, notandum, totam narrationem niti Chaerephontis, qui Delphicum oraculum interrogauit, testimonio, ad cuius fratris conscientiam PLATO², ubi Socratis personam mentitus haec refert, prouocat. Et si enim reuera a Chaerephonte eiusmodi traditionem profectam verisimile sit, ita ut non necessarium sit, fidem non solum Platonis, sed et Xenophontis, probatam alias, in dubium vocare; manifestum tamen est, ab unico homine editam, et tali quidem, quem vehementem fuisse, quamcunque ad rem se conuertisset, ipse PLATO tradit, quique adeo affectu in Socratem nimio occupatus fuit, fidem non mereri. Quam vehementer quoque minuunt, et exempla eiusmodi oraculorum de philosophis edita^a, quae manifestam fraudem sapiunt, et silentium ea de re, quamdiu Soerates vixit: eo demum tempore re prolata, ubi et Socrates et Chaerephon viuere desierunt. Probabile itaque est, amicum Socratis more istis temporibus recepto, cum humana sorte maiorem praeceptorem crederet, et imprimis opinione de genio diuino ei praesidente occupatus esset, eiusmodi fabulam confinxisse, quae cum publicam lucem initio subterfugeret, tandem animis Socraticorum discipulorum post grauem magistri persecutionem redeuntibus et crescentibus, cum in misericordiam versa esset populi Atheniensis erga Socratem inuidia, in publicam notitiam ideo traducta est, ut odium in auctores necis Socratis, quam omnes boni indignam credebant, et aegerrime ferebant, augeretur, et fama praeceptoris, quem pro prudentissimo et optimo viro plerique, qui iudicio et virtute eminebant, habuere, diuino quoque testimonio fulciretur. Alia argumenta, quae haec roborant, ne nimii simus, praetermittimus, legenda apud eruditissimum HEYMANNUM^b, qui ingenium et doctrinam in hoc argumento comprobauit. Etiam si vero hoc oraculi testimonium falsum et mentitum merito iudicatur, recte tamen inde publicum de doctrina et virtute Socratis colligitur testimonium, cum bonus atque prudens quilibet illud, tanquam veritati consentaneum receperit, nec vel veteres, vel recentiores de hac existimatione Socratis, si paucos excipias, in tanta testium nube non audiendos, quicquam detraxerint^c. Quantacunque tamen doctrina et sapientia atque prudentia Socratis fuerit, maior tamen fuit animi eius modestia, qua nec sibi arrogauit quicquam, nec se aliis praetulit, nec de se ambitiose locutus est,

nec

²) In Apologia p. 27.

^a) Varia huius rei exempla suo loco occurrent, de Platone Apollonio, Porino.

^b) Aët. Philof. Vol. I. p. 473.

^c) Recentiorum gloria innumera sunt. Ex plurimis vide M. AELIUM Gell. p. 381. Lr.

PSYCH. Manud. phil. Stoic. diff. XVII. ERASMI. in Colloq. p. 651. PARKER. de Deo disp. IV. s. 25. 26. et passim. CASAVEON. de enthuf. c. I. p. 4. c. II. p. 18. et imprimis qui luculentè Socratis virtutes laudat. DAN. HEINSIUS. M. Lc.

nec honores publicos ambiit, sed studiose potius euitauit: quam animi moderationem tot exemplis probauit Xenophon, vt plane audiendus non sit BALTVS^d, qui latentem animi superbiam tacito animi iudicio se aliis omnibus prudentia et eruditione anteponentem in eo latuisse, confidentius, et inuitis veterum testimoniis, pronuntiat. Inde notissima Socratis vox: *nihil se scire, nisi hoc, quod nihil sciat*, quam maximam et potissimam Apollini causam fuisse, cur eum sapientissimum iudicaret, existimauit CICERO^e duplici vero nomine hoc de se pronunciaſſe videtur Socrates. Nam poscebat hoc methodus, qua utebatur, quaeque simulationem ideo commendabat, vt eo certius inanes sophistas scientiae vniuersalis opinione turgentes, nec vlli tamen, quod solidum esset fundamento sua superstruentes, confoderet; qui cum nihil is se scire profiteretur, de causis et rationibus assertionum suarum interrogatis, cum solidis argumentis destituerentur, facile confusi sunt. Deinde et tanta erat Socratis prudentia, vt non tantum multa esse, sciret, quae humanae scientiae terminos fugerent, et quorum vel tenuis, vel nulla prorsus esset scientia; sed et σοφόν hoc esse φάρμακον cognosceret, ad eiicienda animi praeiudicia et errores. Ignorantiam itaque hanc doctam et philosophicam merito vocaueris, quae non omnium sibi rerum incertitudinem, finem philosophandi proposuit, sed prudentem et modestam terminorum, quibus circumscriptus est humanus intellectus, agnitionem adhibuit ad inquirendam veritatem, et consequendam scientiam. Quem sibi philosophiae finem proposuisse Socratem, vel ex eo patet, quod sapientiam et scientiam summum bonum dixerit, eamque philosophiae suae finem posuerit, teste LAERTIO^f. Qui itaque cum HVETIO^g, Socratem inter scepticismi patronos et doctores numerant, ad haec non attendunt, nec sensum scopumque verborum Socratis recte assequuntur.

Virtutes animi, pietas et religio.

§. VI. Qualis vero ingenio fuerat Socrates, talis etiam animo et voluntatis virtutibus fuit. Diuini numinis cultor adeo religiosus fuit, vt sine Deorum consilio nihil ageret^h, eumque impii quicquam aut nefandi nec patrare quisquam viderit, nec dicere audiuerit: potiusque de Diis ita locutus sit, et in eos se gesserit, vt si quis ea tum dicat, tum faciat, sit atque putari debeat religiosissimusⁱ. Nec obstat pietati et religioni Socratis, quod impietatis nomine damnatus fuerit: profectam enim fuisse hanc accusationem ex odio et inuidia sophistarum postea dicemus, et demonstrauerunt luculenter, qui magistri apologias scripserunt XENOPHON atque PLATO^k. Nam quod nubicolam fuisse, obiecere ARISTOPHA-

NES,

a) l. c.

e) Acad. Quaest. L. I. c. 4.

f) L. II. f. 31. conf. ABR. GRAVIUS Specim. philos. veteris c. III. p. 8 seqq.

g) De la foiblesse de l'esprit humain. L. I. ch. 4. p. 105 seq.

h) XENOPHON. L. IV. p. 818.

i) IDEM L. IV. p. 711.

k) Veteres et recentiores, qui Socratem ab atheismi crimine liberarunt, recenset diligentissimus REIMANNVS, Hist. ath. c. XXI. §. 4. p. 158. quibus adiici potest CUDWORTHVS Syst. intell. c. IV. §. 23. p. 482. et doctissimus Interpres ad h. l. CLERICVS in suis philolog. ad Aeschin. c. III. quod de Socrate inscripsit, p. 177 seqq.

NES et inimicorum alii, non alio sensu dici potest, quam quia supremum numen, quod templis non continetur, quodque supra nubes omnia dirigere credebat, intentis forte oculis et manibus adorabat, cum eum, qui mundum vniuersum composuit, et continet, quo pulchra et bona omnia comprehenduntur^m; quique maxima quaeque facere conspicitur, atque haec gubernare; nihilo minus cerni non posse, statueret. Neque tamen Deos inferiores reiciebat, siue mentes naturasue spirituales humana mente maiores, sed eas a summo omnium rerum conditore et rectore rebus huius mundi praefectas colebatⁿ, fabulas vero de Diis, quibus tota nitebatur religio Atheniensium, reiciebat, aliamque prorsus opinionem, quam eam, quae populo tradebatur a sacerdotibus, de Diis tenendam esse, contenderat^o. Quod cum emolumento eorum, quorum intererat, religionis publicae superstitionem integram seruari et illibatam, quam maxime repugnaret, mirum non est, accusatum fuisse, quod Atheniensium Deos pro talibus non haberet, et peregrina numina introduceret, cum tamen Diis patriis et publicis in solennitatibus et priuato cultu sacrificauerit, et Deos ex cuiusue loci consuetudine colendos esse, docuerit^p. Quanquam vt hoc dicamus *ὅς ἐν παρόδῳ*, praeter diuini creatoris et rectoris, et numinum minorum existentiam, parum de spiritualium siue intelligibilium naturarum conditione sollicitum fuisse Socratem; fit verisimillimum, nec id negat XENOPHON^q. Plato enim, quia cogitationes suas Socrati tribuit, audiendus non est, quippe qui raro, quod genuinum Socraticum spiret dogma, proponit. Vnde et ratio petenda est, cur reiectis licet superstitionis patriae nugis et traditionibus, tamen communi Deorum cultui addictus fuerit: superiora enim nos latere, et qui plurimum de his differere norint, easdem inter se opiniones fouere, sed furiosorum instar inter se comparatos esse, contendebat, et mirabatur eos non clarissime perspicere, homines haec inuenire non posse^r. Et ad haec quoque respexisse videtur LACTANTIUS^s, qui ex eo, quod Socrates dixerat, quae supra nos, nihil ad nos, inepte infert: *locutum esse, quod sensit: religioni minime seruiendum: et si publicas religiones voluerit euertere, non se improbare, quin laudare ait, si ipse, quod est melius, inuenit. Verum eundem per canem et anserem deierasse^t, adeoque fuisse hominem scurram, ineptum, perditum, desperatum, si cauillari voluerit religionem, dementem, si hoc serio fecerit, ut animal turpissimum*
pro

ⁿ) Cuius tota inde comoedia: nubes, dicta est, eum vero ab Anyto mercedem ideo conductum fuisse, vt Socrati hac ratione aegre faceret, refert LAERTIUS L. II. f. 38.

^m) XENOPHON. L. IV. p. 802.

ⁿ) Hoc totam illam cum Euthydemo disputationem apud XENOPHONTEM l. c. p. 800 seq. legenti erit apertissimum, et vel solus eius genius, quem sibi praefidere, et adesse gloriabatur, conuincit. Conf. CLERIC. l. c. CUDWORTHVS l. c. BVDDEVS H. E. V. T. T. II. p. 1064 seq.

^o) Videndus PLATO in Eutyphrone.

^p) Prolixe hac demonstrauit eruditissimus I. I. ZIMMERMANNVS Amoen. lit. T. XI. p. 122 seqq.

^q) Tota eius de Deorum cultu disputatio apud XENOPHON. l. c. eo tendit, vt, quoniam cerni et intelligi nequeunt, inspicienti eorum operarum venerari tum honore prosequi sufficiat. p. 802.

^r) IDEM L. I. p. 710.

^s) L. III. c. 20.

^t) Conf. Hist. crit. de la republ. des Lettres T. VI. p. 186.

pro Deo haberet. Quare et in sequentibus et false eum ridet, quod moribundus, licet sanus. Aesculapio gallum, quem vouerat, sacrandum familiares suos rogauerit. Quae ratiocinatio, quam parum ad scopum Lactantii collineat, quo atheismi et dementiae reum Socratem peragere voluit, quilibet, qui vel mediocriter attendit, perspicere potest. Nam inanes Graecorum non fabulae tantum de Diis reiciebat, et ideo, delirare eos, qui dicunt, Iouem esse, quod false ei obiecit ARISTOPHANES ^a, dictabat; sed et vanas esse et impias eorum sententias perhibebat, qui vel neque aram, neque rerum diuinarum quicquam in honore habent, vel lapides et ligna quaelibet et belluas colunt, vel de rerum omnium natura sollicite inquirent, cum aliis videatur, vnum quiddam esse, quod existat, aliis esse infinita ea numero: his omnia moueri semper, illis nihil vnquam etc. nec inde tamen vllomodo felicitatem suam promouent. Ipse vero parce et pie de Diis locutus, numinis existentiam et prouidentiam suspiciebat, mentesque diuinas credebat, iisque, spretis et neglectis Graecorum theologorum fabulis mente sacrificabat. Qua ratione ab omni quidem superstitione et errore liberari eiusque theologia, tamque recta dici non potest, ac quidam contendunt: licet extrema mandata hominem veneni sumti vehementia sensibus vel rationis potius vsu priuatum prodant ^x; atheismi vero notam procul ab eo abesse iubent: quam recentiores quosdam ei inuississe, merito mireris ^y. Verum hac ratione in excutienda Socratis religione saepius lapsos esse viros eruditos constat.

*Constantia
animi.*

§. VII. Post pietatem in Deum constantia animi in Socrate potissimum admirationem cunctorum meretur. Postquam enim semel virtuti animum addixerat, et mercedem in eius possessione quaesiuerat, sibi iucundissimam; ad omnia alia immotus, scopuli instar nec coeli fulmina, nec ventorum atque fluctuum insultus expauit, sed intrepidum, ac ad vtrumque paratum aequumque obiecit animum. Quam inuicta sententia fuerit, ex eo maxime constat, quod solus decem duces absoluere ausus fuerit, quod triginta tyrannis solus se opposuerit, quod sententiam mortis subridens acceperit, quod ex carcere aufugere recusauerit, et quae alia sunt, his similia. Mirum itaque non est, eum omni metu superiorem ab omni dolore remotum, vultum in pessimo, qui tunc erat, reipublicae statu semper seruauisse eundem, et Xantippen, siue domo exierit, siue redierit, neque aut hilarem magis vidisse, aut magis turbatum ^z. Et haec animi constantia effecit, vt iniurias non tantum non vlcisceretur, sed et contemneret, contemptumque se ab aliis despiceret, sua se virtute inuoluens ^a: quod vt, contra naturalem vindicandi existimationem impetum, obtineret, quoties se vehementius commotum aduersus amicorum aliquem sentiret, antequam fluctus in-

fur-

^x) Aët. I. Sc. 2. *μη ληθήσεις, ὅτι ἐστὶ θεός*, ne nugeris, non est Iupiter.

^z) Conf. MOSHEM. ad CUDWORTH. l. c. p. 482.

^y) ANT. REISERVS diff. de atheismo p. 218. Mémoires de Trevoux T. VII. p. 99, quas ideo ca-

stigmat cel. LA CROZE Entretiens p. 373.

^z) AELIAN. L. IX. c. 7.

^a) Varia huius rei exempla vide apud AELIAN. l. c. c. 29. LAERT. L. II. f. 26. PLUT. de liberor. educatione, SENECA. de ira L. III. c. II.

surgerent, maritimum quasi aliquod promontorium subiens, vocem submittere solebat, vultu renidere, et mansuetius obtueri, vergendo in diuersam partem, et contrarios illi affectui motus ciendo inuictum erectumque se seruans ^b. Temperantiam adeo excolebat, vt ad sanitatem, non ad iucunditatem solum respiceret, nec plus ederet vel biberet, quam fames sitisue poscebat ^c. Ad conuiuium inuitatus, facile, ne plus ederet, cauebat, quam conducere nosset sanitati corporis ^d, cuius sollicitam curam gerebat, quamque temperantia saluam inter pestilentes morbos conseruabat ^e. Frugalitas ei tanta fuit, vt has sibi diuitias putaret, proximumque se Dils esse crederet, quod paucissimis egeret ^f. Quare, quantulumcunque etiam possideret, contentus tamen vixit semper ^g, et ambitiosa Alcibiadis munera, frustra vt acciperet, impellente vxore, renuit ^h, et principum fauorem et diuitias generose contempsit ⁱ. Nec auarus ideo, qui ne pecuniam quidem a discipulis, more sui temporis, accipiebat, et in eis quos docebat, auaritiam vehementer increpabat ^k. Iustitiae et iurisiurandi quam tenax fuerit, supra, vbi de munere eius publico diximus, ostensum est: inque illud connitebatur, vt, quantum posset, benefaceret omnibus ^l. Assentationis inimicus, ne esuriens quidem diuitum mensas quaerebat, venustus tamen erat et facetus inter familiares ^m. Et pulchram quidem formam vehementer amabat, ita tamen, vt inuictam seruaret continentiam ⁿ. Sunt quidem inter veteres, qui ei obiecerunt, pulchritudini Alcibiadis inferiorem, et iuuenum corruptorem fuisse ^o, qua de causa Aspasia quoque eum versibus suis traduxit. Sed impudentissimam hanc esse calumniam, non solum tota vitae Socratis ratio loquitur, quem vel pueri norant, rerum venerarum gulaeque esse omnium continentissimum, sed et Aristophanis silentium probat, qui, licet mercede conductus, omne impietatis genus Socrati obiecerat, *παυδεραστίας* crimen tamen ei non exprobrauit ^p. Occasionem vero atrox ei crimen imputandi obtulit inimicis Socratis, quod non tantum Alcibiades, qui formosissimus eius temporis iuuenis erat, cum eo esset frequentissimus ^q, sed et homines corporis pulchritudine notabiles amaret, quod scilicet crederet, formosum domicilium inhabitari a formosa mente: vnde et suis, quos passim docebat, discipulis pulchritudinem commendabat, deque amore multa differebat, quo non tam corporis, quam animorum coniunctionem extulit ^r: qua de re prolixè dixerunt

Temperantia.

Frugalitas.

Iustitia.

Castitas.

Yyy 2

XENO-

b) PLVT. de cohibenda ira.

c) XENOPH. I. c. L. IV. p. 818.

d) IDEM I. c. p. 723.

e) LAERT. L. II. f. 25.

f) loc. cit.

g) XENOPH. L. I. p. 711.

h) AELIAN. Var. hist. L. IX. c. 29.

i) XENOPH. I. c. p. 712.

k) LAERT. L. II. f. 15. SENEC. de benef.

L. V. c. 6. imprimis Archelaus Macedo eum ad se vocabat, qui doctissimos eius aetatis viros accersuerat ad se. Conf. BAYLE Dict. Tom. I. art. Archelaus roi de Maced.

l) XENOPH. I. c. p. 818.

m) LAERT. L. II. f. 28.

n) QVINT. L. VIII. c. 4. XENOPH. L. III. p. 783. AELIAN. L. XIII. c. 32.

o) ATHENAEVS L. V. p. 209. et L. XIII. p. 565. Conf. MENAG. ad LAERT. L. II. f. 23. CICERO Tusc. L. III. c. 32.

p) Conf. FR. VAVASSOR de ludicra dictione Opp. p. 8. qui quoque de iocandi et ridendi consuetudine Socratis multa docte et eleganter affert.

q) XENOPH. L. I. p. 713.

r) MAX. TYRIVS diss. VII. seqq.

*Salus eius
aeterna.*

*An ex He-
braeis profe-
cerit?*

XENOPHON atque PLATO in apologiis. Hoc cum viderent inimici, commodam accusandi Socratem occasionem nactos se rati, in hoc quasi consensere opprobrium, tam exigua tamen verisimilitudine, ut non Bion tantum Socratem reprehenderet, et stultum eum diceret, quod Alcibiade abstinuisset, si opus habuisset¹, sed et LVCIANVS², philosophorum acer derisor, Socratem animorum amorem sectantem excusaret. Audiendus itaque non est Porphyrius, vel qui iisdem vestigiis insistant, doctores ecclesiae veteris THEODORITVS³, CYRILLVS ALEXANDRINVS⁴, GREGORIUS NAZIANZENSIS alique, qui veterum calumniam, cui tota obloquitur Socratis historia, refricant⁵. Quam a doctis viris nostro tempore, ubi integerrimi philosophi historia a fabulis toties purgata est, recoctam fuisse⁶, miretur quis, qui ignorat, interesse certi hominum generis omnia miscere, ut, quotendunt, id obtineant. Alia, quae Socrati obiecere LVCIANVS⁷ et alii, e. g. saltauisse, totum diem per compita et tabernas obambulauisse, caruisse fortitudine, vix digna sunt, quae refutentur. Hoc vnum notasse sufficiat, non confundendam esse virtutem philosophicam cum christiana, naturalem cum diuina, qua caruit Socrates, et ad quam respiciunt, qui Socratem verae virtutis alumnum fuisse negant⁸: neque tamen in contraria currendum esse, et Socratem iis aequiparandum, si non praeferendum, qui coelesti lumine collustrati Spiritu diuino duce in verae aeternaeque virtutis stadio ad metam impigre cucurrerunt. Eo usque enim, non inter veteres tantum ecclesiae Doctores quidam progressi sunt, ut Socratem ex cognitione τῆς λόγῃς, saluatum fuisse assererent⁹, cuius opinionis causam et sensum, ubi de philosophia primorum Christianorum dicendi campus se aperiet, prolixius exponemus: sed et inter recentiores, constat, placuisse Marsilio Ficino et Symphoriano Champerio, fuisse Socratem typum et praecursorem Christi¹⁰. Immo, quod tantum non mireris, P. POIRETVS, vir acutus, sed miris hypothesebus rationis et reuelationis vestigia relinquens, daemonium Socratis pro Spiritu S. inhabitante habuit¹¹. Imprimis vero Iudaeorum commentum fuit, Socratem ex Hebraeis pro-

¹) LAERT. L. IV. c. 49.

²) In vitar. auct. T. III. p. m. 115 seqq. conf. amores T. IV. p. 233 seqq.

³) Therap. L. XII. p. 673.

⁴) Contra Iulian. L. VI. p. 185.

⁵) Porphyrium ideo notauit SOCRATES Hist. Eccl. L. III. c. 24. p. 194. qui recte addit, ea obiecisse Socrati, quae nec Melitus vnquam nec Anytus ei exprobrauerint.

⁶) BALTVS de fide de SS. Peres accuser de Platonisme L. III. ch. 2. p. 257.

⁷) Menipp. et Cereb. T. II. p. 77. ubi fractum in morte animum ei exprobrat. Parasit. T. III. p. 516. ubi fugam in bello ridet: et in vit. auctiore p. 116. ubi communionem vxorum docuisse, nugatur saltaque ridet Platonis dogmata, quae Socrati supponuerat. De saltatione p. 111. eum exhibet, quod saltationem didicerit. Ubique enim irrisorem se

praestat, ut solebant Epicurei. Respondet his auctor Hist. cr. phil. T. II. p. 117 seqq.

⁸) Cel. G. STOLLE Hist. phil. mor. gent. §. 42. p. 47. Hist. lit. P. III. c. 1. §. 26. p. 590. qui etiam in Socrate reprehendit, quod nudis pedibus incesse- rit. Verum Socratem decori in vestitu non negligentem fuisse, neque vero ostentandi cupidum, siue vestitu siue ὑποδήσει, testatur ipse XENOPHON, ex quo loco patet, subligacula ad superbiam vestitus pertinuisse, quam Socrates vitabat.

⁹) Loca eorum expressit Is. CASABEON. Ex. Antibarbarat. I. §. 1. p. 12. Secuti sunt hos PP. Dominicus a Soto, et Huldricus Zwinglius, conf. IAC. CAPELLEVS Vind. adu. H. Rosweyd. c. I. p. 22 seqq.

¹⁰) Conf. CHR. THOMAS praef. ad CARPENTARIJ vitam Socratis.

¹¹) Oecon. diu. L. III. c. 3. p. 750.

profecisse, et sapientiam hanc didicisse ab Achitophele et filiis Core: dixisse quoque ad sapientes Israelis: sapientiam vestram diuinam non reiicio, sed fateor, me eam nescire: humanam enim tantum sapientiam calleo. Quae quoque traditio in caussa fuit, vt Socratis apophthegmata et sententiae morales a R. CHANANIA BEN ISAAC ex Graeco Arabice conuersae et hinc in Hebraeam linguam translatae ederentur. Id quod ineptientibus Iudaeorum magistris, omnem gentiliū sapientiam ex scholis suis deriuatam esse inepte somniantibus condonandum forte est, ferri autem vix potest, SCIPIONEM SGAMBATVM^f eadem chorda oberrare, statuentem, Socratem inter eos referendum esse, qui ex Hebraeis profecerint. Nec meliora sunt, quae ad extollendam Socratis notitiam supernaturalem vir doctus, sed praeiudicio, deriuandi ab Hebraeis gentilem philosophiam tantum non omnem, impeditus THEOPHILVS GALEVS vrget^g: nouisse eum veritates maximas, et momenti ingentis; esse Deum vnum, perfectissimum, rectorem vniuersi, eumque solum hac gloria coruscare, hanc veritatem morte sua obsignauisse. Intellexisse corruptionem hominum, agnoscendo κακὸν ἐμφυτον connatum malum. Admisisse necessitatem inspirationis diuinæ ad cognoscendum Deum et facienda ea, quae bona sunt. Accepisse a Iudaeis modum disputandi, quaerendo et subuertendo potius opiniones discipulorum, quam proprias explicando, quae tempore versantis inter Iudaeos Saluatoris vsu adhuc recepta fuerit: neque methodum allegoricam reiecisse, modo facilis intellectu sit. Confunduntur enim, quae naturalis luminis ductu et experientia docente cognosci possunt, cum supernaturalibus et reuelatis veritatibus; nec, quae de connato malo dixisse dicitur, ea sunt, quae sacrae paginae docent, sed quae tristissima suggerit omnium mortalium experientia^h. Quae vero a genio Socratis petuntur, eo magis inepta sunt ad probanda ea, quae afferuntur, vt potius ea destruant: nam nec Socrates genium ad scientiam veritatis necessarium aduocauit, nec ordinarium hoc cognoscendi veri medium commendauit, vt taceamus, incertum esse, quicquid de eo traditur. Nec ostendi potest, qua ratione Iudaei Socrati innotuerint, cum praeter aliquot intra Graeciam itinera, nunquam peregrinas terras inuiserit. Quare abiiciendum absurdum praeiudicium et rationis lumini relinquendus Socrates, qui laudem eo solo nomine meruit, quod illo rectius, quam ante et post eum fecere plurimi, vsus est.

§. VIII. Corpore Socrates vtebatur perpeffitio, vt vocat, SENECAⁱ, Corporis qualitas facies et statura. et molestiarum, famis, sitis, frigoris impetui non facile cedenti^k, quod etiam

Yyy 3

e) Conf. S. Reu. WOLFIUS Bibl. Hebr. T. I. p. 979. 930. qui haec ex R. GEDALIAE Schalscheleth Hakkabbala obseruat.

f) Archiu V. T. p. 455.

g) Court. of the gentiles L. III. c. 1. p. 216. cuius summam exhibet IAC. BASNAGE Hist. des Juifs T. III. ch. 20. p. 544 seqq.

h) Hinc et ARISTOT. τὸ συγγενὲς τῷ κακῷ agnouit, et multi alii confusi sunt. vid. PFANNER. Syst. theol. gent. pur. c. IX. §. 7. p. 259. HVEIIVS Qq. Alner. L. II. c. 9. p. m. 131 seqq.

i) Epill. 104.

k) XENOPHON. I. c. p. 730. vinum etiam, vbi occasio ferebat largius haustum, sine molestia tulisse refert PLATO Sympol. not. A.

etiam diligenter curabat, et valetudinem conseruabat ^l, quod eam ad bonum animum multa conferre crederet. Temperantia tamen, continentia, frugalitate, etiam in vestibus ^m, illam maxime tuebatur, et Atticam luxuriam atque voluptates, animum pariter atque corpus eneruantes, fugiebat. Formam faciei, passim, ut tetricam et deformem, describunt veteres, et ex his STANLEIVS ⁿ quoque; nec iucundam visuque gratam delineant vetustae, quae passim extant, imagines. Narrantque CICERO ^o, et ALEXANDER APHRODISAENS ^p Zopyrum physiognomonem, qui se profitebatur, hominum mores naturasque ex corpore, oculis, cultu, fronte pernoscere, stupidum esse dixisse Socratem et bardum, quod iugula concaua non haberet; obstructas eas partes, et obturatas esse, dixisse; addidisse etiam, mulierosum; in quo dicatur Alcibiades cachinnum sustulisse. Aliter tamen ex veteribus EPICTETVS ^q, qui Socrati σώμα ἐπιχαρὶ καὶ ἡδὺ, corpus gratia et dulcedine plenum tribuit, adeo ut eum pulcherrimi et nobilissimi quique adamarent, et cum illo potius, quam cum formosissimis cubare vellent. Reiecto autem ARISTOPHANIS vituperio, qui eum τὸν ὀχρεῖαντα, pallentem vocauerat, omnes, ait, qui de Socrate Scripserunt, contraria omnia afferuisse, fuisse illum non modo auditu iucundum, sed etiam suauem aspectu. Epicteti vestigiis insistent celeberrimi viri I. A. FABRICIVS ^r et C. A. HEVMANNVS ^s, qui de forma Socratis non deformi et foeda, quemadmodum vulgo traditur, docte commentatus est, putatque ex male intellecto Zopyri, insulsi hominis et ab Alcibiade derisi, iudicio, et ex confuso Cratete, deformi specie noto, cum Socrate, fabulam fuisse natam. Nos coniecturis hic non indulgendum esse putamus, sed exquirendos testes de Socratis facie, qui hominem viderunt, et alieni ab odio non turpiorem, quam erat, delinearunt. Hos vero PLATONEM et XENOPHONTEM ante omnes esse posse, nemo negauerit, qui fontes historiae Socraticae supra enarratos nouit: illi itaque audiendi sunt. Et quod ad PLATONEM quidem attinet, ad quem iam prouocauit STANLEIVS ^t, duobus in locis de forma Socratis testatur; semel in Theaeteto ^u, ubi ait; Theaetetum iuuenem Socrati similem esse, non pulchrum, fimo naso et prominentibus oculis, quamuis minus ille, quam Socrates, in his modum excedat; et deinde, in conuiuio ^x, ubi Alcibiades Socratem collaudans, eum, asserit, similem esse Silenis istis, qui sedentes inter alias imagines a sculptoribus figurantur, ita ut fistulas tibiasue teneant, qui si bifariam diuidantur, reperiantur intus habere imaginem Deorum. Satyro quoque

Marfyae

l) LAERT. L. II. f. 32. XENOPH. p. 815.

m) Unica enim per annum veste contentus erat XENOPHON. p. 730.

n) Hist. philos. P. III. c. 13. p. 182. ita et FICIN. in argum. Conuiuii. Plat. p. m. 279.

o) De fato c. 5.

p) De fato p. 30. ed. Londin. qui addit: Socratem factum, se natura talem fuisse, sed philosophiae studio naturam in melius mutasse.

q) Apud ARRIAN. Diss. Epict. L. IV. c. 11.

r) Bibl. Graec. Vol. I. p. 785.

s) Act. philos. Vol. I. p. 126 seqq.

t) l. c. p. 183.

u) T. II. p. 432. conf. Scholiast. Aristophanis pag. 136.

x) T. III. p. 216.

Marfyae similem se esse, nec ipsum negaturum Socratem. Alter testis XENOPHON⁹ est, quem in hoc argumento praetermissum esse a viris doctis merito miramur. Is narrato amicorum Socratis colloquio, in conuiuio habito, Critobulum, refert, cum Socrate in certamen commissum fuisse de pulchritudine, huncque suscepisse probandum, esse se illo pulchriorem: hoc methodo sibi consueta per inductionem ita probasse, ut ostenderet, pulchritudinem in eo consistere, ut partes ad ea, quorum causa nos eas comparauimus, bene fuerint elaboratae, vel aptae satis a natura illis vribus, quibus seruiunt; hocque a Critobulo concessio, ita porro fuisse argumentatum: oculos suos pulchriores esse, illius; cuius tantum directe aspiciant, sui etiam transuersim, propterea, quod exterius promineant; pulchriorem nasum suum esse, quam illius, suum enim nasum finem esse, nihilque, quod obsepiat, habere, sed permittere, ut oculi mox, quo velint, videant. Et obliuienti Critobulo, ore illi cedendum esse, quod longe maius acceperit, labra vero crassiora accepisse, respondet iocaturus Socrates: videor, ut tu quidem praedicas, etiam os asinis habere turpius. Sed enim non existimas argumentum illud esse satis magnum, me pulchritudine te superare, quod et Naidēs, quae diuāe sunt, Silenos pariant, mihi quam tibi similiores. Quibus dictis et admota lucerna electis calculis iudices omnes pro Critobulo fecisse, addit. Adici his potest, caluitiem contraxisse Socratem senem. Ex utraque testium relatione iam facies atque forma Socratis, recte describitur, quod fuerit oculis vehementer prominentibus, naso simo, ore magno, labris crassioribus, Silenosque et Marfyam similitudine expressisse, quam faciem pulchram non esse, et ipse fatetur dicto loco Plato, et affirmabunt cum eo, quicumque ex vero magis, quam ex coniectura de hac re iudicare cupiunt. Silenorum enim faciem, quam et Plato et Xenophon ei tribuunt, parum decori habere et elegantiae nemo facile negauerit. Non tamen reiiciendum putamus totum, quod Epictetus exhibet, testimonium, sed inhabitasse tamen faciem vultumque Socratis gratiam et leporem, quibus iis, qui ei affueuerant, et cum eo conuersabantur, fuit longe iucundissimus, animi hilaritate et tranquillitate vultus quoque gratiam comparante, ex iis coniicimus, quae Xenophon de eo retulit in literas.

§. IX. Non vero naturalibus tantum animi excellentissimi dotibus *Genius Socratis.* longoque philosophiae usu et experientia alios longe superauit Socrates, sed et extraordinario et diuino praesidio munitus, a veri et boni femita a daemone quodam discedere semper prohibitus, et, quid faciendum sit fugiendumue monitus est, si vera sunt quae de eo amici in literas retulerunt, et ex eorum ore omnes fere veteres scriptores acceperunt. Etsi enim, teste PLUTARCHO^a, cum laruis et fabulis, et superstitiosis daem-

nio-

⁹) In conuiuio p. 891.

^a) Ex hac descriptione diiudicandae imagines Socratis, quae passim occurrunt, apud CHIFFLETIVM libello de gemmis Socratem referentibus,

ANT. AVGVSTINVM, vnde imaginem LAERTIO inseruit M. MEIBOMIVS, GRONOVIVM T. II. Thes. Graec. tab. LXVI. aliosque.

^a) De genio Socratis T. III. p. m. 482.

morum cultibus plenam a Pythagora atque Empedocle (rectius forte a Thalete et sequacibus, aërem plenum daemoniorum statuentibus, nam Pythagorae et Empedoclis philosophiam Socratem didicisse, ut Platonem, non constat) philosophiam accepisset, eam adeo lymphaticam, ipse, uti ad rem rectam intelligentiam, ita orationis quoque in veritate proponenda sobrietatem reduxit: Dicebat tamen, numen sibi omnia significare, et quod refert XENOPHON^b, multis familiaribus denuntiabat, ut haec facerent, omitterent illa, tanquam numine sibi ea praedicente. Quod si, qui parerent ei, sentiebant id sibi ex usu esse; alios, qui non paruissent, facti poenitebat. Addit laudatus scriptor: Quis vero non fateatur, noluisse Socratem vel stolidum vel arrogantem apud eos videri, qui consuetudine eius utebantur? utrumque videbatur certe in eum cadere, si denuntiabat, ea sibi diuinitus indicari, et palam mentiebatur. Paria tradunt PLATO^c, et post eum alii, quorum narrationes contexit erudito libello PLUTARCHVS^d, et qui nostra aetate omnium prolixissime et doctissime in hoc argumento versatus est, B. GOTTERIDVS OLEARIVS^e: quos adire oportet eum, qui ex instituto de genio Socratis veterum et recentiorum opiniones nosse cupit: nobis enim in immensae fere latitudinis campo angulos hos omnes historiae philosophicae tam curiose exquirere non licet: sed sufficit paucis et veterum et recentiorum opiniones collegisse, et nostram quoque, saluo meliora sentientium iudicio apponere. Eo vero, si in summam colligantur, quae veteres de Socratis genio referunt, redeunt: a pueris illum ei adfuisse, idque praedixisse, oraculum: accidisse ei hanc praerogatiuam *Δεία μοίρα*, ut ait PLATO; exseruisse autem se hoc daemonium in iis tantum rebus, ubi praesagio, non autem, ubi consilio opus erat, *lumenque tantum rebus obscuris, et quae humana prudentia attingi nequeunt, accendisse*, ut ait PLUTARCHVS^f. Vnde in diuinatione potius futurorum, quam in ratiocinationum determinationibus valuisse, colligendum est. Indicauisse vero daemonium Socratis, non tantum ubi ipsi, sed etiam, ubi amicis aliquid cauendum esset: nam impulisse unquam Socratem, non legitur. Et haec quidem amici Socratis, et post eum innumera veterum caterua, et imprimis Platonici in hoc argumento admodum ingeniosi. Tanta tamen obscuritate obsepta sunt omnia, ut non vna inde enasceretur eruditae disceptatio, quid per illum Socratis genium intelligendum sit? Non defuere quidem inter Socraticos, qui de ea re certiores fieri cupientes, ipsum magistrum de hoc suo daemonio interrogarent: verum non accepisse ab eo responsum, et incertitudo opinionis eorum, quid per illum genium intelligendum sit, prodit, et aperte testatur Simmias apud PLUTARCHVM, qui addit, nunquam se istam interrogationem repetere ausum. Illud tamen Socraticorum scripta legenti non

^b) Lib. I. p. 702.

^c) In Eutyphrone T. I. p. 3. et passim.

^d) loc. cit.

^e) Pec. diff. de genio Socratis, inserta STAN-

LEII Hist. phil. P. III. c. 6. p. 130 seqq.

^f) loc. cit.

non erit dubium, habuisse eos hunc genium pro media inter deos hominesque natura, siue spiritu aliquo, qui regendo & Socrati praefectus fuerit, et diuinam virtutem diuinationibus ostenderit, vnde et Socratis Deum nonnunquam vocauerunt^b. Notum enim est, tum ex iis, quae de Graecorum vetustissimorum placitis supra dicta sunt, tum ex Thaletis et sequacium doctrina, hanc de spiritibus intermediis rebus hominum dirigendis praefectis opinionem ex Aegypto in Graeciam descendisse, nec improbabile esse, Socratem eiusmodi medias naturas siue intelligentias statuisse. Accedit, in magna Graecia eandem philosophiam in scholis Pythagorae et Empedoclis regnauisse, et inde tempore Socratis Graeciae quoque partibus iis, quas Attici incolebant, illatam esse. Quam cum sequerentur plerique Socratis discipuli, facile cogitari potest, quid de genio Socratis statuerint. De Platone certe in Aegyptiorum, et Italicorum scholis hanc philosophiam edocto ex iis dubitare non licet, ita sensisse, quae de hoc daemonio magistri passim scriptis suis inseruit. Et hunc quoque praeceptorem ex recentioribus Platoniceis tota fere sequitur philosophorum caterua, qui cum in describendis variis daemonum generibus et classibus multum sibi sapere viderentur, vt ex iis videre est, quae ingeniose de iis nugatur IAMBlichVSⁱ, in hoc Socratis genio inuenisse se putant, non, quod pueri in faba, vt est in prouerbio, ad stabiliendam sententiam suam; mediatores esse hos spiritus inter Deum hominesque, et catenam efficere: quam, mature inter Platonicos post C. N. opinionem fusa exposuit APVLEIVS^k, et qui huc fere inclinat, PLVTARCHVS^l, licet varias de genio hoc opiniones malit ΤΡΕΠΤΙΚΩΣ exponere, quam fixam sententiam sequi. Inter recentiores vero eadem vestigia pressit MARSILIVS FICINVS, diligens Alexandrinorum philosophorum sectator, qui copiose ex huius scholae mente de hoc genio differuit^m. Nec alienus ab ea opinione ANDREAS DACIERIVSⁿ, qui hoc genii Socratici exemplum veritatis diuinae in scripturis sacris manifestatae radium esse putat, eamque dogmatis sacri partem exhibere censet, quae, hominibus angelos praefides et custodes dari, asserit. Non dubitat itaque angelum, eumque bonum fuisse, eo quod Socrates in tota vita sua pietatem, temperantiam atque iustitiam fuerit sectatus, quod meliorem semper partem fuerit secutus, quod vitiis bellum indixerit, et emendandis hominum animis totam vitam suam impenderit. Fuerunt tamen inter veteris ecclesiae doctores nonnulli, qui, cum ipsi quoque angelum fuisse, spiritumue medium hunc daemonem statuerent, ex malorum classe fuisse, crede-

g) Spiritus eiusmodi paredros vocat TERTULLIANVS de anima c. 28. et IUSTINVS MARTYR. Apol. II. p. 65. MINVCIVS FELIX in Octauio. c. XXVI. 8. Socratem ad nutum et arbitrium adsidentis sibi daemoneis vel declinasse negotia vel petiisse. Posterius tacent Socratici.

h) Conf. FICINVS ad PLOTIN. Enn. IV. L. II. p. 278. OLEARIVS l. c. p. 132.

i) De mysteriis Aegyptior. L. I.

k) De genio Socratis.

l) loc. cit.

m) Comm. ad PLATONIS Apologiam Socratis p. m. 317.

n) In argumento praefixo vers. Gall. Apologiae Socratis a PLATONE scriptae.

crederent, qui Socrati πάρεδρος fuerit. Ita enim TERTULLIANVS, *peffimum paedagogum* vocat, et MINVTIVS FELIX^p, *spiritum infincerum, vagum a coelesti vigore, terrenis cupiditatibus degrauatum*; cuius sententiam et verba retinuit CYPRIANVS^q. Idem placuit LACTANTIO^r et AVGVSTINO^s. Id quod tamen improbat vitae Socratis enarrator Gallus CARPENTARIVS, qui in hanc sententiam non facile quempiam peruenire posse putat, si morum probitatem, et diuinam philosophiam, quam Graeciae intulit, considerauerit. Nec hoc admittere potuerunt, ex patrum ecclesiae numero illi, qui Socratem μετὰ λόγῳ vixisse, sicque aeternam perniciem euitauisse statuerunt; vnde a bono angelo eiusmodi doctrinas proficisci debuisse, necessario fuit, quas aeternae rationis per filium DEI patefactae scintillas fuisse illi crediderunt. In alia omnia tamen iuit viro- rum quorundam maxime recentiorum sententia, qui ipsam animam Socra- tis eiusque ἡγεμονικὸν siue partem nobiliorem, rationem, maximo virtutis suae gradu excitatam intelligendam esse statuit; quo tendunt VAYERIVS^t, RICH. SIMONIVS^u, SOVERAINIVS^v, CARPENTARIVS^w, PETR. CHAVVINVS^x aliique^y. Nec hodie demum enata est haec sententia, sed a PLVTARCHO iam proposita^b, quemadmodum etiam fuerunt, qui mentis diuinae particulam in anima Socratis residentem per istum genium intelligi censuerunt^c. Neutri sententiae suae rationes desunt, quas tamen enarrare, angustia loci et limitum, quibus circumscribimur, prohibet, ele- ganter vero eas enarrauit praestantissimus OLEARIVS, qui plura sitienti affatim dabit, quae hauriat. Nos instituti memores, quae omnes has opi- niones, premant difficultates, paucis enarrabimus. Et quod ad eam quidem sententiam attinet, quae peculiarem aliquem spiritum mediae inter Deum et homines naturae Socrati adsedisse statuit, obici illi non sine ratione potest, Socratem, tametsi eiusmodi naturas dari non negauerit, ad eorum tamen operationes non respexisse, sed liberaffe potius, prout ex PLVTAR- CHO supra diximus, philosophiam a superstitione et lymphatis his opinio- nibus. Cum itaque philosophiam e coelo in terram, vt ait CICERO, de- duxisset, id est, missis principiis supernaturalibus, ad humana et animo in- sita principia cuncta redegisset, credi non potest, virum tantae sapientiae, in actionibus suis aliud principium sibi arrogasse. Accedit, quod illi mo- ment, quibus alia opinio placet, ortam videri totam fabulam ex male intel- lecto sermone veterum philosophorum, quibus daemon et ratio, in summa ἀκμῇ posita, idem sunt, non negantibus id ipsis Platonicis^d. Socratem itaque, de vi quadam diuina animi siue rationis metaphorice loquentem, disci-

o) De anima c. I.

p) loc. cit.

q) De idolor. vanit. p. 13 seq. ed. Oxon.

r) Lib. II. c. 15.

s) De C. D. L. VIII. c. 14.

t) T. III. Opp.

u) Hist. cr. V. T. L. I. c. 14. p. 85.

x) Platonisme dévoilé P. II. c. 6. p. 56.

y) In vita Socratis.

z) De religione naturali c. XIV. p. 160 seqq.

a) Reflexions historiques et morales p. 666. Hist. crit. de la philosophie T. II. p. 122 seqq. NA-
VDAEVVS Apolog. mag. accusatorum c. XIII. p. 219.

b) loc. cit.

c) Conf. OLEARIVS p. 157.

d) Vid. FICINVS l. c. conf. NAVDAEVVS
Apolog. mag. accusat. c. XIII. p. m. 217 seqq.

discipulos Pythagoricis et huius generis aliis opinionibus de spiritibus occupatos, de media quadam natura spirituali intellexisse. Nec tuto satis, quod tamen quam maxime vrget O L E A R I V S, ad Socraticorum fidem et relationem recurrendum esse, admodum verisimile est; eorum enim circumstantiae tales fuere, vt nec satis potuerint, nec satis voluerint, veritatem hac in re prodere. De Platone opus non est, vt id probemus, cuius fidem in Socratica historia supra iam haud leuibus rationibus inducti reiecimus; Xenophontem, etsi alias probatae fidei scriptorem, eum reliquis Socraticis discipulis eximere, suo modo non licet. Vnius enim Socratis asserto tota eorum nititur relatio, reliqua quae narrant, effectus potius sunt, quam indicia dirigentis genii, de quorum causa quaeritur, quique inter argumenta probantia vitioso circulo misceri non debent. Ipsum vero Socratem nunquam explicuisse discipulis, quis ille daemon suus esset, nec ausum quoque quemquam, eum hac de re interrogare, supra ex Plutarcho audiuius. Qui quaeso potuerunt itaque Socratici de daemone Socratis testimonium rectum et sufficiens dicere, quem ignorauerunt, quis sit, ater, an albus? Suspectos vero esse, quod noluerint etiam, vbi potuissent, rectam ea de re sententiam dicere, inde verisimiliter coniicitur, quod in apologiis maxime, hanc traditionem vrserint, postquam, quod refert P L A T O ^e, Melitus in accusationis libello hoc daemonium ἐπιχωμαδεῖν instituisse. Cum enim ex eo Socratis impietas probaretur, quod aliena numina introducere et obtrudere Atheniensibus vellet, incumbibat omnino defensoribus eius, vt probarent, numen illud verum fuisse, et ex eodem genere, ac sunt illi spiritus, quorum auxilio diuinationes fiunt, id quod X E N O P H O N ^f in limine ὑπομνημονευμάτων vehementer vrget, ostensurus, eadem de Diis praeceptorem docuisse, quae religio publica iniungit. Quibus omnibus addendum est, adeo inter se dissensisse ipsos Socraticos de hoc praeceptoris daemone, quod ex diuersis opinionibus eorum, quas narrat P L U T A R C H V S videre est ^g, vt palpari inde queat, eos ipsos nesciuisse, quid de isto genio statuendum sit. Cadente ita Socraticorum fide, apud quos admiratio tanti magistri facile rem in se mirabilem, insignem in modum augere, et augustiorem ita facere potuit, id quod in eiusmodi rebus saepissime factum esse, tota loquitur philosophica historia; reliqua quae superstruuntur, testimonia, facile nutant. Quod si vero supponamus, quod Socratici et Platonici contendunt, fuisse mediae naturae spiritum aliquem; difficile et ambiguum prorsus dictu, bonus, an malus fuerit? Quod si enim bonum genium ei adstitisse credamus, non tantum indignum puro et sancto genio videtur, de rebus ludicris, leuibusque etiam amicorum monere; quale fuit illud, quod Theocritus apud P L U T A R C H V M ^h se praesente factum esse, dicit, vt Socratem cum comitibus, per alium, quam instituerat, vicum ire iuberet, ne a porcorum grege commacula-

Z z z 2

cula-

e) In apologia.

g) Conf. N A V D A E V S in Apolog. magiae accusatorum c. XIII. p. 218.

f) p. 708.

h) loc. cit.

cularentur, quod negligentibus hoc monitum accidit; sed et concipi non potest, bonum genium tantum virum, cui ad excitandam ex idololatriae et vitiorum somno Graeciam datum esse, eius patroni statuunt, passum fuisse, ut palam sacrificaret, saepe quidem domi suae; saepe communibus in aris totius ciuitatis, ut testatur XENOPHONⁱ. Ita enim nefandam superstitionem et idololatriam iuuisset, bonus ille genius. Nec verisimile vlllo modo est, angelum tutelarem, siue, ut philosophorum sermone utamur, daemonem πάρεδρον, qui toties salutem Socratis curasse dicitur, eum in ultimo vitae periculo deseruisse, commissaeque tutelae immemorem, eum de instanti fato ne verbo quidem vel signo monuisse: id quod tamen non factum esse Socratici non negant. Malum vero genium fuisse, quis dixerit, qui nouit non rectam tantum virtutis viam calcasse Socratem, sed et ad emendandos a vitiorum squalore animos eum vehementer incitatum genium confirmasse, et impedimenta remouisse. Ita enim nialus ille genius propria vineta caecidisset. Alias rationes, quae hanc opinionem verisimilitudine spoliant, quia prolixis nobis esse non licet, praeterimus. Nec tamen alteram quoque sententiam, quae per genium illum τὸ ἡγεμονικὸν τῆς ψυχῆς, summumque acumen rationis intelligit, minoribus difficultatibus, quam priorem premi, diffitemur. Ea enim si admittenda est, tota corruiat fides vniuersae scholae Socraticae, quae non de rationis usu excellenti, sed de singulari numine semper intellexit, et eiusmodi historias narrauit, quae cum omni naturalis rationis acumine et ἀγχινοία, tamen accidisse non potuerunt. Quale illud fuit, cum Socrates in fugā ad biuium venisset, et comites dextrorsum instituerent, ille sinistram viam, monitus a daemone eligeret, sicque hostium manus euaderet, in quas inciderunt, qui eum, moniti ab illo, sequi noluerunt. Alia sunt, quae veteres narrant praefagae virtutis in hoc daemone specimina, quae nulla ratione praedici ex coniectura etiam acutissimi hominis possunt. Ipse quoque Socrates inter ea distinguebat, quae homines ratione et doctrina possent consequi, et ex suo arbitratu eligere, et inter illa, quae euentum respiciunt, quaeque Deos sibi, aiebat, reseruare, quorum nihil non hominibus obscurum sit: id quod XENOPHON^k luculenter et prolixè prosequitur, tandemque adiicit: *Dixisse Socratem, furere illos, qui per diuinationem explorarent ea, quae hominibus discendo diiudicandi potestas diuinitus esset concessa.* Vnde, si haec vera sunt et ab ipso profecta, ut testatur XENOPHON, grauis scriptor, cogitari non potest, Socratem genii sui diuinationem ad animi iudicium vel naturale aliquod praesagium retulisse: Alia quae contra Carpentarium urget OLEARIVS, praetermittimus, apud ipsum legenda. In tanta itaque rei obscuritate et difficultatum ex vtraque parte ancipiti et graui numero, certi quid definire tantum non impossibile est: nec ferendum aegre est, si cauti et ad regulas fidei historicae attenti lectores historiae Socraticae, iudicium prorsus suspendant, et hoc vnum pronuntient: non liquere. Certe,

fi

i) loc. cit.

k) loc. cit. p. 710.

si vlla historiae veteris particula est, quae, quam incerta veterum facta et fata sint, quamque dubiam vetus historia legentibus se offerat, demonstrat, hoc de genio Socratis argumentum est, vnde quam necessarius sit Pyrrhonismus historicus, sobria ratione institutus, quilibet, nemine mone, intelligit. Vnum hoc certum satis putamus esse, Socratem, praeter naturalem mentis perspicacitatem, vsu et experientia multorum annorum auctam, gauisum fuisse facultate aliqua praesentiente et diuinante, quam genium suum vocauit, quamque pro spiritu mediae naturae habere eius discipuli. Nam licet libenter concedamus, caute audiendos esse, qui de eiusmodi extraordinariis animi facultatibus, sibi concessis multa garriunt, nec facile fidem adhibendam iis, qui peculiare sibi genios adfingere iactarunt, id quod de Cardano suo loco monebimus: obstat tamen Socratis sinceritas et in consuetudine cum amicis obseruata semper simplicitas, quo minus eum *τετρατελογῆσαι*, eaque extraordinaria et supra naturam surgentia sibi arrogasse credamus, quae natura et vsu ipsi contigerunt. Totam vero de hoc Socratis genio narrationem inter figmenta seculi illius referre, ex nostro iudicio nimis temerarium est, omnemque prorsus fidem historiae veteris conuellere aptum. Vnde malumus *ἐπέχειν*, quam vel ex vna vel altera parte audacius coniiciendo veritatis et verisimilitudinis transmigrare limites: rati et hoc in veteri historia prodesse, vt noscamus, quae sciri nequeant.

§. X. Pergendum vero ad reliqua fata Socratis enarranda, quae violentam tandem ei mortem concitarunt. Cuius rei historia haec est. Erant *Mors Socratis.* tum temporis Athenis Sophistae, magistri dicendi, quales Leontinus Gorgias, Thrasymachus, Protagoras Abderites, Prodicus Ceius, Hippias Eleus alique¹, qui in eo potissimum artem consistere arrogantibus verbis iactabant, quemadmodum causa inferior, dicendo superior euadere posset; id quod, docente CICERONE^m sententiarum magis concinnitate argutoque et circumscripto verborum ambitu, quam eorum pondere efficere tentabant. Hinc homines vani, ambitiosi, auari, quique soli sibi sapere videbantur, et omnium disciplinarum cognitionem sibi arrogabant, non tantum hanc in vtramque partem de quauis re proposita inuictis argumentis disputandi artem publice exercebant, sed et magnificis eam promissis nobilem iuuentutem breui tempore se docturos pollicebanturⁿ. Quae eo ardentius ad hos nugatores deproperabat, quod ita se vtilissimam rationem discere posse speraret, populum in suas partes trahendi, et ex ciuium, ad quos loquendum erat, iudicio, et calculo summam rerum ad se trahendi, vel etiam in potestate semel acquisita, flexo populi per istam eloquentiam, obsequio se confirmandi. Hinc tantus discipulorum nobilissimorum numerus, quos magno minervali statuto docebant: Ideo constituta magna sala-

Zzz 3

ria

1) Eorum vitas descripsit PHILOSTRATUS de vitis Sophist. L. I. sect. II. p. 492 seqq.

m) De oratore c. 12.

n) Conf. G. NIC. KRIEGER. V. C. luculenta et erudita diss. de eloquentia Sophistarum Jen. 1702.

ria, honorum titulis ornati summis, coronis atque statuis ornati, legationibus et magistratibus adhibiti, victu publico sustentati, et tantum non omne honoris genus in eos collatum *. Grauia haec fuisse, vti viris, qui sincerum patriaeque amans pectus seruabant, omnibus, ita imprimis Socrati inanes vocum strepitus et litigiosam eruditionem perhorrescenti, et a solida scientia, veraque salutis patriae ratione sic auocari nobilem iuuentutem, quae valedicendo omni alii commercio, eos solos sequebatur, dolenti^p; animus magni viri rectus et patriae studiosus innuit, et P L A T O atque X E N O P H O N testatur^q. Vt igitur magno et pernicioso errore iuuentutem liberaret, quae questionibus eos more suo vexabat, et quam parum solidae eruditionis iis subesset, demonstrabat, vanos esse verborum ostentatores, ignorantes eorum, quae profiterentur, publicis speciminibus comprobabat, sicque, probata eius ab Atheniensibus sententia, iuuentutem a noxio Sophistarum studio ad sobriam eruditionis et sapientiae faciem reuocabat. Quae contentio Atheniensibus saluti cessit, Socrati exitio. Cum enim fama, existimatione et lucro deteriores fierent, magna horum hominum inuidia et odium in Socratem exarsit; quae eo grauius ei cecidere, quo magis vir optimus, iustique ac recti studiosissimus in perditissimo reipublicae statu inimicos nactus erat potentes et summos, quos maximo semper animo contemserat. Inde factum, vt omnes in eius perniciem quasi coniurarent, nec occasionem vllam praetermitterent, qua Socratem vel iniuria afficere, vel in suspicionem facinorum et impietatis adducere possent. Ita flagrantibus odio animis accessit aliud, quod fatum Socratis tandem maturabat. Anytus nempe professione rhetor, sed qui priuatim coriariam mercaturam exercebat, indeque ditescerebat, filios duos Socrati in disciplinam tradiderat^r, putans fore, vt diuitias et honores exiguo tempore ex caussis dicendis sibi possent comparare. Quae spes cum eum falleret, offensus pueros a Socrate abductos operae coriariae addixit. Id quod aegre ferens Socrates, salutis iuuenum cupidus, Anytum ideo subinde reprehendebat, quod indignae operae filios adhibuisset, eosque ex coriis sic sibi victum quaerere docuisset, non ex sapientia. Vehementer hac re commotus Anytus, nihil intermittebat, quo illud vlceretur opprobrium. Quia vero Athenienses metuebat, apud quos magna tunc erat existimatio atque nomen Socratis, quod Sophistas probe depexos dabat, tentaturus, quo animo accusationem essent laturi, quoque simul contra amicos Socratis eiusque innocentiam et gloriam tutum se et immunem redderet, cum Melito, iuvene rhetore, qui ad quamcunque rem drachma posset impelli, iungebat consilia^s: Hi Aristophanem poetam comicum, qui risum apte mouere no-

rat,

o) Legenda quae copiose et doctissime more suo de hac re affert S. Reu. Io. GE. WALCHIVS, in diatriba, de praemiis veterum sophistarum, rhetorum atque philosophorum, quae extat, secundo loco, differt. siue Parergor. Academ. p. 104 seqq. conf. MENAG. ad LAERT. L. I. f. 12. Orum Vindel. Mel. III. p. 212.

p) CICERO Brut. c. 8. LIBANIUS in Apol. Soc. T. I. p. 642.

q) II. cc.

r) XENOPHON. Apolog. p. 707. vbi etiam mala Anyti educatio finiorum notatur.

s) Prolixè haec narrat AELIANVS Var. hist. L. II.

rat, excitant, ut in comoedia Socratem ille, quae plerique de eo ficta norant, malis incederet: esse nugatorem, et dicendo efficere, ut malae causae bonae videantur; introducere novos et inusitados daemones, quum neque nosset interim, neque reuerenter haberet, Deos: atque haec etiam ipsa in eos, qui eius opera vterentur, transfundere, eosque in falsam opinionem deducere. Aristophanes, arrepto argumento, strenue risum interposuit, et in comoedia, cui: *Nubes*, titulus, quaeque hodie inter eius dramata legitur, Socratem false perstrinxit. Quam insolentiam primum Athenienses stupentes, deinde, ut erant ad invidiam proclives et ad obrectandum proni, illas nubes libentissime audierunt, et actorem, qui Socratis personam gerebat, maximo plausu sunt persecuti. Socrates vero, etsi comicos non magni pendebat, sed contemnebat, tanquam homines mordaces, iniuriosos et sani nihil dicentes (quod ipsos male habuit) et idcirco etiam raro in theatrum veniebat, tunc tamen, sciens ipsum derisum iri, in comoediam venerat, sedebatque in opportuno loco theatri: et quoniam tum Bacchanaliorum festum celebrabatur, magna peregrinorum copia spectandi causa confluxerat. Quum ergo in scena iactaretur Socrates, et crebro nominaretur, peregrini de eo, qui traduceretur, percontantes, susurrum excitarunt. Quod cum animaduertisset Socrates, ad tollendam dubitationem ex animis peregrinorum surrexit, ut stans per totum drama cerneretur. Quam animi constantiam cum non nemo praesentium obstupesceret, roganti: annon moleste ferret? respondit: nequaquam; nam in hoc theatro velut in conuiuium magno oblectandis pluribus in seruium. Eadem ratione Amipsiam quoque alium comicum, eum traduxisse, *LAERTIUS* auctor est. Sparsis ita obrectationum seminibus, clandestinis insidiis Socratem impetebat Anytus, donec postremum opportunitatem nactus, efficeret, ut apud Senatum accusationem institueret, et Socratem deferret Melitus, quod praeter ius et aequum Deos, quos ciuitas esse censuit, ipse non censeret, nouaque Deorum numina introduceret atque iuuentutem corrumpere, morte ita plectendus. Hoc libello, intercedente iureiurando oblato, Critias vas eius sistendi factus est. Anytus vero clanculum ad eum misit, precatus, ne in posterum coriariae abs se exercitae mentionem facere vellet, quo pacto se quoque actioni vicissim renunciaturum. Id quod tamen Socrates renuit, fassus, se veritatem, quoad viueret, non dissimulaturum, nec aliter locuturum, quam officii ratio postulet. Tempus vero omne ab accusatione usque ad iudicium philosophando consumpsit, et de quauis alia re potius, quam de sua differuit, et mirante id Hermogene, familiari eius, quod defensionem non meditetur? respondit: quod nihil vnquam in

vita

L. II. c. 13. quem sequimur. Conferendi vero *PLATO* in *Eutyphrone* T. I. p. 2. *LIBAN.* l. c. p. 644. Latius omnia persequitur *STANLEIUS* l. c. c. 9. p. 166 seqq.

1) Euripidem tamen cum nouis tragicis certantem; propter eruditionem et elegantiam semper audiuit *AEELIAN.* l. c.

2) *PLUT.* de puer. ed. *AEELIAN.* l. c. et L. V. c. 8.

3) Lib. II. f. 28.

4) Hanc libelli summam habes apud *LAERT.* L. II. f. 40.

5) *PLATO* in *Apologia* p. 19. *LIBAN.* l. c. pag. 644.

vita fecerit iniqui; numen etiam in eo sibi aduersari dixit^a. Quin nec amicorum, et inter eos Lyfiae oratoris disertissimi orationes pro se conscriptas adhibere voluit, falsus, sibi non viriles et fortes, licet disertae sint, videri^b. Cum iudicii dies adesset, orationes aduersus eum habuerunt Melitus puerilem atque ieiunam, Anytus prolixam et inuidiosam, Lyco arte oratoria comtam: in quibus accusauerunt Socratem, contempsisse suffragia per fabas; esse ex Critiae et Alcibiadis necessariis, quorum ille oligarchiam, hic tyrannidem affectaret; impulsisse discipulos, ut parentum detrectarent obsequium; effecisse, ut reliquis cognatis omnibus parum honoris exhiberent: corrupisse poetarum loca, et quae his erant similia^c. Ad quae Socrates nihil praemeditatus acerrime et risu subamaro respondit, pietatem erga Deos probauit, daemonium suum nihil impii habere demonstrauit, et neminem a se ex religioso impium, vel ex modesto petulantem, vel ex frugali prodigum, vel ex laborum tolerante mollem vel alias deteriore factum esse, ad publicum testimonium prouocauit^d. Quam apologiam tanta iudicum inuidia secuta est, ut non tantum Platonem apologiam pro Socrate exordientem interpellarent, et descendere e suggestu iuberent^e, sed etiam CCXXCI. sententiis damnarent; cumque more Atheniensium poenae aestimatio fieret^f, Socrates vero et amicos quidquam pro se conferre non pateretur, et se potius amplissimis honoribus et praemiis dignum pronunciaret, eo responso ita iudices exarserunt, ut adiectis XXC. suffragiis aliis, capitis eum damnarent^g. Sententia lata a risu se haud continuit, et quam parum ea re commoueretur, licet iniustissime esset damnatus, nec conuictus eorum, ob quae illi ipsum accusauerant, publice demonstrauit. Tum magno animo et vultu^h carcerem intrauit et ab XI. viris vinctus, XXX. diebus post latam sententiam ibi fuit, quoniam ridens naus prius expectanda erat, quam quotannis Delum cum muneribus mittere solebant Athenienses, ex voto Theseiⁱ, intra quod tempus neminem publico decreto capite mulctari fas erat. Tempus hoc amiei, eum frequentissime conuenientes et cum eo more suo disputantes consumserunt, sollicitantibus nonnullis ut vel elabi conaretur, vel vi abduci se pateretur: quod vtrumque tamen renuit, ridendo interrogans; an locum extra Atticam nossent, quo mors non penetraret^j? immo aduentum naus nuntiatum cum gaudio excepit, frustra alia suadente Critone^k: quoniam persuasum

a) XENOPH. Apol. p. 701. Mem. L. IV. p. 816.

b) CICERO de Orat. L. I. c. 54. LAERT. L. I. f. 41.

c) Conf. de obiectis Socrati criminibus NAV-
DAEVS l. c. CLERICVS Sylu. phil. l. c. MOR-
NAEVS de ver. R. C. c. XXXIII.

d) Exhibet hanc Socratis orationem XENOPHON
p. 713. verum eum argumentum tantum, non verba
eius retulisse, ex eo patet, quia diu post mortem
hanc apologiam edidit. Nec verisimile, Socratem,
tanta modestiae virum, tanta iactantia et insolentia
animi se extulisse. Alias apologias Socratis
ab oratoribus concinnatas enarrat FABRIC,

Biblioth. Graec. Vol. II. pag. 7. 8. n. II.

e) LAERT. L. II. f. 41.

f) CICERO de orat. L. I. c. 54. illustr. POT-
TERVS Archaeol. Graec. L. I. c. 21. p. 104.

g) XENOPH. l. c. LAERT. L. II. f. 42.

h) SENECA Consol. ad Helu. c. XIV.

i) De hoc Atheniensium festo Ambarualia sin-
gulis annis in Delo insula celebrantium eiusque
occasione et modo vid. POTTERVS l. c. L. II.
c. 9. p. 284 seqq.

k) PLATO, XENOPHON. II. cc.

l) PLATO in Critone p. 43.

suasum habebat, Deum hoc modo praeire et iter commonstrare. Appropinquante itaque fatali luce, et Xantippe cum infante, et amici ei adfuerunt, quos ut non minus quam semet, ad insignem hanc mutationem et quam sperabat immortalitatem felicissimam praepararet, elegantissimum cum iis colloquium habuit, cuius summam nobis PLATO in *Phaedone* exhibuit, quoque potissimum de immortalitate animae et futurae vitae spe egregie differuit, unde magna semper eius fuit existimatio^m: licet negandum non sit, non tam firmam certamque Socratis spem fuisse, ut omnem oppositi formidinem eieceritⁿ. Tum commendata sui et virtutis cura, valedicens vxoribus et liberis, exhibitum venenum, Deos precatus, ut ista transmigrationis felix faustaque esset, pacato animo, nihil tremens, nec vultu nec colore mutato, bibit, et lachrymantes amicos bono animo esse iussit, et obrigentibus tandem praecordiis magnam animam efflauit, anno aetatis LXX. quem absoluerat, Ol. XCIV. 1^o.

§. XI. Aegerrime tulerunt hanc magistri optimi mortem amici, ita ut iusta ipsi cum lacrymis persoluerent, quamuis id sibi displicere fuerit testatus. In quo funebri apparatu Isocrates immodico dolore victus pullatus incessit^r. Defuncti hoc officio cum tyrannorum metuerent saeuitiam, clanculum ex vrbe dilapsi in diuersas partes abierunt, plerique Megaram ad Euclidem discesserunt, a quo benigne suscepti sunt^o. Peruulgatam vero de Socratis violenta morte famam per Graeciam, dici vix potest, quanta indignatio bonorum omnium secuta sit, deplorantibus cunctis, eum ab Atheniensibus e viuis sublatum, cuius videndi et audiendi causa ipsi filios suos Athenas ablegassent^r. Et Athenienses quoque ipsos mature grauis actionis praeposteræ poenitentia subiit, qui indignationem et pudorem non ferentes, iram in Socratis inimicos conuerterunt, quos tanquam extreme malos ita Atheniensibus in odio fuisse, tradit PLUTARCHVS^p, ut neque ignem eis accenderent, neque interrogantibus responderent, neque in balneo aqua vterentur eadem, sed qua illi lauissent, eam tanquam pollutam a ministris iuberent effundi donec impatientia odii suffocarentur. Melitus vero damnatus capitisque affectus supplicio fuit, Anytus, lepido Antisthenis inuento^q ciuitate eiectus, Heracleam abiit, ibique simili ratione expulsus, vel, ut alii volunt, lapidibus necatus est^r. Et ut poenitentiam vberius declararent Athenienses, amicos Socratis exules in patriam reuocarunt, et

Honores extincto Socrati exhibiti.

con-

m) CICERO de nat. Deor. L. III. c. 33. nunquam se sine lacrymis hunc dialogum legere fatetur, eo vero lecto Cleombrotus de muro se praecipitavit, celebrato apud veteres facinore. Cato vero antequam mortem sibi conscisceret, lecto noctu prius *Phaedone* animum communiuit. Vid. FLORES L. IV. c. 2. et viri docti ad h. l. Qui vero errores in hac animi immortalitate notentur a viris eruditis indicat FABRICIUS Bibl. Gr. Vol. II. p. 10. nutasse in spe immortalitatis, ipse prodit.

n) Vid. diss. nostram de secta Elpist. Misc. Ber. T. V. art. ult.

o) Roborat hoc tempus contra L. ALLATIUM de Script. Socr. p. 113 seq. STANLEIVS C. XI. p. 174. 175.

p) PLUTARCH. vita Socratis p. 1033. ed. Wolf.

q) LIBANIUS l. c. p. 686.

r) Ibid. SVIDAS in Socrate l. c.

s) De inuidia et odio.

ff) LAERT. L. II. f. 43. DIODOR. L. XIV. p. 266.

t) IDEM L. VI. f. 10.

conuentus agendi libertatem eis permiserunt, gymnasia et palaestras clausurunt, statuam Socrati ex aere in Pompeo posuerunt^u: et ne inuidia sequeretur maior, decretum publicarunt, ne quis Socratis publice vel in theatro mentionem faceret, vt ita facti indignissimi obliuio induceretur. Et non pestem tantum, quae paulo post secuta est, omnes poenam esse Socratis iniusta nece sublati fatebantur, sed et res Atheniensium, quod opportune obseruat EVNAPIVS^v, ab eo tempore semper deteriores factae, multis magnisque rempublicam calamitatibus inuoluerunt, vrbis flore indies magis marcescente.

Scripta Socratis an extiterint?

§. XII. Extiteritne vnquam aliquid Socraticorum scriptorum, veteres dissentiunt. Et nihil quidem vnquam literis exarasse, multi veterum testantur, inter quos legi merentur CICERO^w, PLUTARCHVS^x, ARISTIDES, DIO CHRYSOSTOMVS^y, LAERTIVS^z, PSEUDO-ORIGENES^a, AVGVSTINVS^b: praecipue Plutarchi locus notabilis est, eos enim philosophos enumerat, qui scriptis non inclaruerunt. Ita vero: *neque etiam Pythagoras scripsit quicquam, neque Socrates, neque Arcefilaus, neque Carneades, qui spectatissimi inter philosophos fuerunt.* Alii vero varia ei scripta tribuunt. Paeanis enim in Apollinem meminit PLATO in Phaedone et THEMISTIVS^c atque SVIDAS^d; quorum primus eodem loco testatur, Socratem *Aesopi fabulas*, quoque a daemone ad scribendum carmen excitatum *versibus* complexum fuisse, quas memoria repetere potuerit^e. Sunt et alia, quae passim Socrati tribuuntur, recensita immensae lectionis viro Io. ALB. FABRICIO^f, in quibus tamen nomen corruptum esse facili negotio perspicui potest^g. Adiciunt his, qui pro Socratis scriptis pugnant, Aeschinem Socraticum in suspitione fuisse, quod dialogos, qui reuera Socratis essent, a Xantippe acceperit, et pro suis ediderit^h: quemadmodum et Euripidem in scribendis comoediis a Socrate adiutum iactabant eius temporis Comiciⁱ. Denique, Platonem scripta sua pro Socraticis vendidisse, notius est, quam vt prolixè probari opus habeat. Quibus potissimum argumentis vsus LEO ALLATIVS septem epistolas Socratis, cum XXVIII. Socraticorum, genuinas esse, euincere voluit, cum illas superiori seculo ederet^j. Quod si vero circumstantias omnes rite ponderamus, suspecta sunt omnia, quae pro Socraticis scriptis afferuntur. Et Paeana quidem in Apollinem olim iam Socrati abiudicasse Dionysodorum, testatur LAERTIVS^k, nec Platonis in historia Socratis fides tanta est, vt ea sola Socrati vindicari queat, qui

^u) LAERT. L. II. f. 43. 44. Otium Vindel. Mel. III. p. 260 seqq. vbi etiam de Pompeo.

^v) In Aedefio p. 37.

^w) De Orat. L. III.

^x) De fortuna Alexandri.

^y) Diff. LIV.

^z) L. I. f. 16.

^a) p. 279.

^b) De Conf. Euangelist. L. I. c. 7.

^c) Or. XIV.

^d) In ὁμιλίαις.

^e) Conf. LAERT. L. II. f. 42.

^f) Bibl. Graec. Vol. I. p. 783.

^g) Encomium Grylli apud LAERT. L. II. f. 55. vbi pro, Socrates legendum Naucrates; ἐν τῷ δὲ Πρωτῷ apud ARISTOT. Rhet. L. III. c. 14. vbi Isocrates legendum, pro, Socrates.

^h) Vid. Comm. ad LAERT. L. II. f. 60. ALLATIVS de scriptis Socratis p. 103. 108.

ⁱ) LAERT. L. II. f. 28. 42.

^j) Paris. 1637. 4. Gr. Lat. cum notis suis.

^k) l. c. f. 42.

qui haec commentus esse videtur, ut impietatis opprobrium magistro obiectum eo melius dilueret; Socratem vero ad poetice ineptum fere fuisse haud vno loco innuit ipse PLATO. Idem de Aesopiis fabulis iudicium esto. Quamuis concedi facile possit, Socratem tale quippiam tentasse, inuita forte Minerua¹; nam haec parua auctorem nondum constituunt. Aeschini vero sua relinquenda esse, leue admodum et inane suspicionis fundamentum prodit. Nec quae Euripidi obiecta sunt aliter habenda, quam inuidorum obrectationes, cum ipse sibi Euripides suffecerit, quem tamen, prout familiari erat consuetudine Socrati iunctus, huius interdum consilio fuisse vsum vero non est prorsus absimile². Platonis vero dialogos Socratis opus esse, mirum est, placere potuisse ALLATIO viro acuto, nisi eum duo PLATONIS³ loca seduxissent, quae innuere videntur, dialogos Platonis, non eius esse, sed Socratis. Verum et ista Platonis loca non aliud dicunt, nisi summam et doctrinam dialogorum suorum non suae esse inuentionis, sed Socratis; notumque, Platonem in supponendis magistro scriptis suis fuisse admodum sedulum, et ideo a praeceptore reprehensum. Cum etiam Plato doctrinam et tradendi methodum Socrati vsurpatam sequutus fuisse videri voluerit, ratio luculenter patet, cur veteres quidam Platonis dialogos Σωκρατικὲς λόγους vocitauerint: totque sunt in his dialogis aliena a Socratis mente et sermone vestigia, ut mirum videri queat, ineptam opinionem docto viro arrisisse⁴. Quod vero ad epistolas attinet, earum auctoritas vel ex solo veterum silentio, si vnicum LIBANIVM⁵ excipias, conuelli potest: ignorauerunt enim eas et Plato et Xenophon, et Socratici alii, nec Plutarchus, nec Maximus Tyrius, vel alius quispiam earum meminit, qui, occasione incitante, saepius id facere debuissent, si eas vidissent, vel e spuriarum numero non esse iudicassent. Et mediocriter exercitatum in dicendi genere veterum sophistico lectorem requirit, ut ex affectata elegantia et tumore, simplicitati, Socratis in dicendo e diametro contrario earum νοθήα demonstretur, et declamatoria scribendi ratio scholam prodat, ex qua prodierunt. Nec historica epistolarum illarum fides satis tuta est, quam palpabiles anachronismi eleuant⁶, et alia, quae historiae Socraticae repugnant⁷, euertunt. Ex quibus omnibus, nihil, quod ad Socratem referri queat, hodie superesse, recte et satis certo indicio colligimus.

§. XIII. Non potuisse non a tanto philosopho, sapientiam tradi optimam, quilibet fatebitur, qui attento oculo, quam hucusque enarrauimus, Socratis historiam perlustrauerit. Quid vero magno viro in philosophia placuerit, porro iam exponendum est. Quod priusquam fecerimus, pauca

Aaa a 2

quae-

*Philosophia
Socratica,*

1) Conf. STANLEIVS c. XVIII. p. 191.

2) Conf. BAYLÉ Dict. T. II. art. Euripides not. D.

3) Epist. II. et VII. ad Dionysium.

4) Ipse Phaedo, qui tamen vltimum, colloquium Socratis exhibet, argumentum quidem et materiam a Socrate accepisse videtur, formam vero et ascititia plurima a Platone. Conf. B. OLEA-

RIVS diff. de Scriptis Socratis, inserta STANLEIO l. c. p. 198. qui rem totam docte confecit.

5) l. c. T. I. p. 682.

6) Conf. Io. PEARSON, Vindic. Ignat. P. II. p. 12. et quos laudat MENAGIVS ad l. c. Laërt. FABRICIVS Bibl. Graec. Vol. I. p. 425. WOLF. ad philosoph. l. c.

7) OLEARIVS l. c.

quaedam de Socratis philosophia et philosophandi ratione praemonenda sunt, sine quibus in excutiendis Xenophontis et Platonis forulis, inoffenso pede progredi non licet. Et

*Considerata
in genere.*

Primo quidem cum Socrates scripta non reliquerit, ex quibus, tanquam puris fontibus, doctrina Socratica hauriri queat, ad discipulos recurrendum est, qui nobis sermones atque monita praeceptoris scriptis consignarunt. Inter hos vtramque fere paginam faciunt PLATO atque XENOPHON. Et Plato quidem, quanquam Socratis mentem non tantum optime affecutus, sed et fideliter in literas retulisse videri voluit, ita ut sermones siue dialogos suos, ut modo diximus, pro Socraticis venditauerit, sua tamen non solum Socraticis vbique intertexuit, sed ex scholis quoque Pythagoreorum, Eleaticorum et Heracliti, uti suo loco demonstrabimus, tot aliena intersperlit, ut neque Socratica genuina a supposititiis distingui fatis queant, neque purum fere quicquam et non adulteratum appareat. Vnde incaute egerunt, qui in describenda philosophia Socratis, Platonis auctoritatem ante alios secuti sunt, dogmata ita nobis Socratica construentes, de quibus Socrates nunquam cogitavit. Nos ad Xenophontem potissimum recurremus, quem sinceram nobis ex fontibus Socraticis aquas propinauisse, praeter unum Platonem, invidia commilitonis ductum, concedunt veteres tantum non omnes: cui si concordat Plato, vel recentioris temporis alius, eo certius aliquid Socrati adscribi potest.

II. Supra porro testimoniis non reiiciendis probauimus, putidam fuisse calumniam Porphyrii, negantis Socratem nulla in re ingenio valuisse: quemcunque enim ex eius discipulis consulimus, talem eum nobis omnes depingunt, qui in arithmetica, geometria, astrologia, rhetorica, et physica quoque scientia non leuiter eruditus fuerit. Nam Ionicos philosophos audiuit praestantissimos, Anaxagoram et Archelaum, et in reliquis disciplinis magistros habuit optimos, quippe qui semper disceret: et teste PLATONE in omnes artes atque scientias penitus inquisiuit. Cui cum accederet, iudicii summus vigor, et multorum annorum experientia, prae aliis Socrates iis viribus instructus fuit, ut de omnium disciplinarum pretio atque dignitate ex vero iudicare valeret. Animus vero recti atque virtutis amans, et ad veram hominis felicitatem vnice respiciens effecit, ut hunc sibi philosophiae et eruditionis omnis finem proponeret, qui reuera hominem redderet felicissimum, animumque tranquillum pariter atque beatum: non neglecto tamen penitus corpore, cuius curam ad mentis tranquillitatem conseruandam necessariam esse pulchre peruidebat, eique certas quoque destinabat scientias.

III. Cum itaque non scholae, sed vitae philosophandum esse censeret, ad eam philosophiae rationem respiciens, quam ante se Ionica schola, immo

totus

*) Hanc viam sibi elegit STANLEIVS Hist. Philos. P. III. c. V seqq. p. 115. vnde et passim Platonica Socraticis immiscuit. Id quod etiam de dissertatione notandum, quam de philosophia mo-

rali Socratis, systematico nexu exhibita edidit GODOFR. WILH. PAULI Halae 1714. 4.

5) Conf. VOSSIVS de Hist. Graec. L. I. c. V. p. 19 seqq. 7) In Apolog. p. 21.

totus theologorum Graecorum chorus tenuerat, vehementer improbat phylicorum laborem, qui rerum naturalium contemplationi omne tempus impendentes, exiguam fereque nullam humano generi praestabant vtilitatem. Primus itaque, teste C I C E R O N E ¹⁾ a rebus occultis et ab ipsa natura inuolutis, in quibus omnes ante eum philosophi occupati fuerunt, auocauit philosophiam, et ad vitam communem adduxit, ut de virtutibus et vitiis, omninoque de bonis rebus et malis quaereret. Ex quibus manifestum est, recte eum primum philosophiae moralis auctorem inter Graecos dici: et si enim ad mores pertinentia philosophi ante eum dixere non pauca; de iis tamen non quaesierunt, sed sententias tantum viles protulerunt, ex quibus philosophia nondum conficitur: id quod etiam de septem sapientibus Graeciae tenendum esse, suo loco demonstrauius. Archelaus vero, qui de moribus dicere instituerat, pauca eaque non feliciter, docuisse videtur, certe Socrati deductae a coelo in terram philosophiae gloria ab omnibus tribuitur.

IV. Ex dictis hactenus nullo negotio colligitur, longe alium eruditionis partium circulum Socratem constituisse, et de ipsis quoque, quae inualuerant, scientiis philosophicis aliter instituisse, quam tum inter Graecos erat receptum, multasque subtilitates ingeniorum otiosorum, vanam inde gloriam sine mentis emendatione quaerentium, reiecisse, admissis tantum iis, vnde mores emendari et humani animi felicitas confirmari possent. Hincque iudicanda sunt, quae de pretio scientiis philosophicis, quales Graecia Socratis tempore exhibuit, statuendo magistrum dixisse discipuli referunt, qui ut erant animo et disciplina diuersi, ita variam quoque et dissentientem inter ipsos sententiam praeceptoris tribuerunt: qua de re erudite commentatus est SEXTVS EMPIRICVS²⁾. Refert is, testimonium perhibentibus Xenophontis et Platonis scriptis, Socratem, quae in moribus versatur, philosophiae solius curam gessisse; si familiares eius quidam audiendi sint, Xenophontem enim in suis memorabilibus disertis verbis dicere, abnegasse eum τὸ Φυσικὸν, naturae contemplationem, ut quae sit supra nos: soli autem vacasse morum inquisitioni, τῷ ἠθικῷ, ut quae ad nos pertineat. Ideo dixisse Timonem: lapicidam legiferum a physicis recessisse: et legiferi nomen imposuisse, quod ad mores pertineret, de legibus differe-
re. At Platonem quidem Socrati tribuisse omnem partem philosophiae: Logicae quidem, quoniam ab eo introductus est, quaerens de definitionibus et diuisionibus et etymologia, quae quidem sunt Logica: eius autem partis, quae versatur in moribus, quoniam disceptat de virtute et reipublicae administratione et legibus. Naturae autem contemplationis, quoniam et de mundo, et de ortu animalium et de anima est philosophatus. In qua controuersia Xenophontis partes superiores esse, veteres iam iudicarunt. Inter quos Timon, ut erat ingenio satyrico, ideo acerbe Platonem reprehendit, quod Socra-

Aaa a 3

tem

1) Tusc. Qq. L. I. c. 5.

2) Aduersus mathematicos. L. VII. f. 8.

tem ita multis ornet disciplinis, et non manere voluerit morum effectorem: addit etiam; finxisse mira plurima ^u. Idem ATHENAEVS ^w Platoni obiicit. Nec id praeter rem. Cum enim Plato nouam philosophiam ex variis sectis conflasset, vti suo loco ex instituto docebimus, eiusque auctoritatem atque sapientiam Socraticorum sermonum titulo commendare voluisset, quicquid ex ingenio ipsi nascebatur, plerumque ad Socratem retulit: id quod Socratem ipsum reprehendisse, et in historia Socratica probe obseruandum esse, supra iam monuimus. Neque tamen id ἀπλῶς et absolute intelligendum est, reiecisse Socratem praeter moralem philosophiam omnem reliquam eruditionem, sed ad illas tantum disciplinarum partes referendum est, quas vsu in humana vita carere, et nec certo fundamento niti, nec ad emendandum animum et felicitatem hominis quicquam conferre iudicabat. Ita, docente XENOPHONTE ^x, geometriam eo usque discendam, aiebat, donec quis posset, si usus ferret, terram vel recta metiendi ratione accipere, vel tradere, vel distribuere, vel opus designare. Atque hoc tam posse disci facile, ut qui animum ad dimensionem aduertat, is et scire possit, quanta sit ipsa terra, et cognita metiendi ratione discedat. Verum in geometria discenda progressum ad descriptiones usque intellectu difficiles, improbabat. Nec enim, quid eae res usus haberent, videre se aiebat, licet illarum minime rudis esset: posse vero, dicebat, eas omnem hominis vitam absumere, ac ab aliis multis utilibusque disciplinis auocare. Hortabatur etiam, ut in astrorum doctrina se exercerent eo usque, donec et noctis, et mensis et anni tempora cognoscere possent, tum itineris ac navigationis causa, tum excubiarum aliarumque rerum quaecunque vel per noctem, vel in mense, vel in anno geruntur: ut ad ea certis indiciis uti possent, quibus illorum tempora dignoscerent. Atque haec aiebat, facile disci posse ab iis, qui noctu feras venantur, et a nauium gubernatoribus, aliisque multis, quibus est curae, ut haec sciant. At vero in astronomia discenda eo progredi, donec et illa cognoscantur, quae in eodem non sunt ambitu, et errantia vagaque sidera, et eorum a terra interualla, et circuitus, eorumque causas inquirendo diu se macerare, id vero ne facerent, vehementer dehortabatur. Quippe ne in his quidem ullam se utilitatem videre dicebat, quamquam eorum rudis non esset: atque etiam addebat, haec quoque absumere posse vitam hominis et a multis et utilibus eum arcere. Denique in vniuersum dehortabatur, ne quis studium et operam in res coelestes impenderet ^y, quo scilicet artificio Deus omnia moliatur. Nec enim illa posse ab hominibus inueniri putabat, nec Diis eum rem facere gratam arbitrabatur, qui, quae illa manifesta esse noluisent, inquireret. Hortabatur etiam ut numerorum rationes discerent, et in hac perinde ac in aliis monebat, ut ab inani occupatione sibi cauere: atque adeo tum ipse hanc eatenus peruestigabat, quatenus esset utilis, tum una cum familiaribus perquirebat

^v) LAERT. L. III. f. 25. ὡς ἀνέπλασσε Πλάτων
πεπλασμένα θάυματα εἰδώς. conf. HESYCH.

^w) L. XI. p. 505.

^x) L. IV. p. 814 seq.

^y) Conf. L. I. p. 710 seq.

bat. Vehementer etiam familiares suos hortabatur, ut valetudinis curam haberent, ac partim a peritis, quae possent, discerent, partim singuli, per omnem vitam se ipsos obseruarent, quinam cibus, qui potus, qui labor eis conduceret, et quo pacto his utendo quam optima valetudine frui possent. Nam si quis sui rationem ita haberet, difficile, aiebat, esse, ut medicum aliquis inueniret, qui ad valetudinem conducentia facilius ipso, iudicaret. Si quis maiora, quam pro sapientia humana, vellet adsequi, ei dabat hoc consilii, ut diuinationi operam daret. Quem luculentum Xenophontis locum, etsi longiusculum, ideo adduximus, quod non tantum ea in compendio exhibet, quae passim in his memorabilibus de Socratis iudicio de philosophiae partibus et usu traduntur, sed quod etiam manifestum facit, quam sobrie de hoc argumento Socrates philosophatus fuerit. Et ex his explicanda sunt, quae tradit GELLIVS², vbi de aemulatione Platonis et Xenophontis agit: Xenophontem in libris, quos dictorum atque factorum Socratis commentarios composuit, negare Socratem de coeli atque naturae causis rationibusque unquam disputauisse, ac ne disciplinas quidem caeteras, quas μαθήματα Graeci appellant, quae ad bene beateque viuendum non pertinerent, aut attigisse, aut comprobasse, et eos mentiri, qui dissertationes eiusmodi Socrati tribuerent. Ex quibus etiam sensus illius dicti manifestus est: quae supra nos, nihil ad nos^a, de quo iam diximus. Quae admodum itaque Physici, rerum sublimium consideratione occupati μετεωρολόσται cognominati sunt, quo nomine malitiose tamen Socratem traduxit Aristophanes, ita Socrates vocatus est a Timone ἐνομολόσταις, teste CLEMENTE ALEXANDRINO^b. Ex his vero, quid de Logicae pretio statuendo censuerit Socrates, facile iudicari potest. Sanum enim eius usum non reiecit^c, ipsa quam adhibuit, disputandi methodus nos conuincit: subtilitates vero, quas circa ea tempora Zeno et sequaces in Eleatica schola excolebant, et Euclides postea insanum in modum auxit, reiecit^d, dubitari propter ea, quae dicta sunt, nequit. Idem de dialectica, quam ei Plato tribuit, iudicium esto.

V. Repetendum quoque hic, vbi de Socratis philosophia agimus, quod supra §. V. iam exposuimus: scientiae sibi modum posuisse Socratem, et angustorum humani ingenii limitum memorem dixisse: nihil se scire, nisi hoc, quod nihil sciat. Cuius effati sensum non ad scepticam incertitudinem trahendum esse, dicto loco iam probauimus, quemadmodum nec SEXTVS EMPIRICVS^d, eum in discipulo Platone totum scepticum esse affirmare ausus est. Vnam nos dictis adiicimus obseruationem. Verisimile videri, Socratem isto potissimum effato, se physicis atque sophistis etiam apposuisse: quorum vtrorumque decreta incertissima esse nouerat, et ad eos

²) Noct. attic. L. XIV. c. 3.

^a) Hinc et illud Homeri semper in ore habuit: Quaeuendum

Aedibus in nostris, quae praua aut recta gerantur.

conf. IAC. DVPORTVS Gnomol. Hom. p. 169.

SEXT. EMP. adu. Math. L. XI. f. 2.

^b) Strom. L. II. p. 301. conf. FR. MENZ. de Aristippo Socratico p. 91.

^c) Ita RAPIN. reflex. sur la Log. p. 373.

^d) Pyrrh. hypotypof. L. II. c. XXXII. 1. 222.

eos confundendos hanc incomprehensibilitatem eis opponebat. Physicis enim, praecipue qui veterem scholam sequebantur, statuebant, totam materiam instar fluminis semper moueri, mutarique, necesse in ea stabile quicquam: Sophistae, de quavis re in utramque partem disputari posse contendebant, et nihil magis, hoc, quam aliud esse, docebant, ut ex doctrina Protagorae potest disci. Vtrumque dogma cum scepticismo viam sternere videret Socrates, ut homines incertissimis nugis tempus melioribus et utilioribus disciplinis praeripientes, in ruborem daret, et propriis telis confoderet, arrepto axioma, quod ad amicos dictabat modestia aduersus inimicos, suggerebat prudentia, hanc ignorantiam, quam propria principia confirmabant, non opposuit, et, adhibita ita feliciter ironia, eos in ruborem dedit. De rebus enim moralibus non dubitasse, nec dubie quoque locutum XENOPHONTIS commentarii docent.

VI. Tandem et hoc praemonendum, Socratem philosophiae moralis systema non condidisse, nec hac de re scripsisse quicquam, sed sermones eius retulisse in commentarios discipulos, ex quorum fide de philosophia Socratis vnice iudicandum est. Detrahunt vero sibi inuicem Plato et Xenophon, sicque incertam nobis faciunt historiam Socratis. Quia vero maiorem fidem mereri posteriorem priori demonstrauius, reiecto, nisi concordet, Platone, ad hunc potissimum quidem in delineanda philosophia respiciemus, ita tamen, ut memorem velimus esse lectorem, Xenophontis potissimum ea fide narrari. Praemittemus vero, quae de Deo et anima statuit Socrates, et morum tum praecepta, et prudentiae ciuilis et oeconomicae regulas ex mente Socratis delineabimus.

*Theologia
Socratis.*

§. XIV. Theologiae haec dogmata agnouit Socrates:

I. Deus, inspicienti opera eius, licet cerni nequeat, tamen deprehendi potest. Prolixa et elegantissima disputatione cum Euthydemus apud XENOPHONT^f hoc demonstrauit Socrates, et pulcherrima diuinae sapientiae, prouidentiae, et benignitatis vestigia ita eruit, ut conuincat, quae ratione sui notitiam diuinis rerum conditor animis hominum imprefferit.

II. Deus mundum vniuersum composuit, et continet, quo bona et pulchra omnia comprehenduntur, quique utentibus eo semper expertem detrimenti, et morbi et senectutis exhibet, atque etiam cogitatione celerius obsequentem sine vlllo errore^g.

III. Deus vero, non casus, huius mundi causa est: idque demonstrari potest ex arte, quae in sapientissima partium omnium coniunctione apparet, utilitati pariter atque tutulae inseruiente, ex omnium item in conseruationem suam et generis propagationem studio. Eleganter haec contra Aristodemum, cognomento, paruum, omnem Dei cultum ridentem, demonstrauit Socrates^g, et prouidentiae diuinae assertionem dedit pulcherrimam: ad quam respexit quoque CICERO^h.

IV.

e) Conf. VOSSIVS de Hist. Graec. L. I. c. 5. p. 22. et quae XENOPHONTI tribuitur epistola ad Aeschinam p. 1000.

f) Memorab. L. IV. p. 800 seqq. g) ib. p. 802.

g) ib. L. I. p. 725 seqq.

h) L. II. de Nat. Deor.

IV. Deus hominis imprimis curam gerit, siue corpus spectes, siue animum, siue vtrumque, quod diuinationes et periculorum imminentium praesagia suadent. Immo rerum particularium cura ei est, vt ex cuiusuis generis rerum conseruatione patetⁱ.

V. Deus temporis momento mentis acie cognoscit omnia, id quod colligitur ex humani oculi celeritate, mentisque ipsius, quae locis maxime distitis gesta nulla interposita mora considerat^k.

VI. Talis Deus est tantus, vt vno actu omnia videat, audiat omnia, vbique existat, omnia gubernet^l.

VII. Quia leges non scriptae dantur, quae vbiuis locorum eodem modo seruantur, nec eae ab hominibus latae esse dici queunt, quia homines vniuersi conuenire non potuerunt, sequitur, Deum istas leges hominibus tulisse, qui poenas ipsas delinquentium legibus addidit: id quod homo facere non potest^m.

VIII. Praemia manent apud Deum illos, qui placuerunt ipsi, displicentibus poenae decernuntur, idque probat eius faciendi potentia, humanique animi conscientia ei diuinitus indita, quae id facturum esse Deum, persuadet, et quam nulla non aetas, nulla non ciuitas paulo cultior proditⁿ.

Haec de Deo Socrates; quae si probe considerentur, et cum iis comparentur, quae vetusti Graeci theologi, vel etiam schola Ionica de Deo tradidere, iucundo exemplo ostendunt, quantum magis sapuerit Socrates in doctrina de Deo, quam omnis Graecia ante eum. Plura de Deo tradit PLATO^o, quae, Socratem dixisse, vult, esse Deum τὸ ὄν, αὐτὸ ἑκάστων, αὐτὸ τὸ καλὸν, αὐτὸ τὸ ζῶν ἕδος, omnibus creaturis et vt sint, et vt bene sit iis, largitur: illum quis sit, se quidem nescire, hoc tamen, quid non sit, scire. Sed cur Platoni non fidendum sit, supra iam attigimus, suntque haec manifeste Pythagorica; Socrates enim sermonem istum metaphysicum, quem adhibebat schola Italica respuebat^p. Itaque Platonis theologia cum Socratis non confundenda est. Audiendus itaque non est PLUTARCHVS^q, qui contendit, Socratem et Platonem idem de vniuerso sensisse, et tria statuuisse principia, Deum, materiam, ideam. Mentem esse, quod Deum nominant; materiam primum rebus orientibus et intereuntibus subiectum; ideam naturam corporis expertem, in conceptibus mentis et imaginationibus Dei; Deum autem mentem esse mundi. Nam licet haec Platonica sint, a Socrate tamen eum illa non accepisse inde liquido demonstrari potest, quod non tantum ideae vocem et vsum in rerum naturalium huius vniuersi contemplationem primus Plato introduxit, vt alio loco a nobis demonstratum est^r, sed et totam de istis causis exemplaribus doctrinam a Pytha-

*Theologica
Socrati mi-
nus recte tri-
buta.*

i) ibid.

k) ibid. et L. I. p. 711.

l) ib. p. 726.

m) ib. p. 807. 808.

n) ibid. p. 726.

o) In Phaedone p. 76. 78. 106.

p) Hinc ex Socratis iudicio philosophia Pythagorica vocatur *τεταμένη* in XENOPH. Ep. ad Aeschinem l. c.

q) De placit. philos. L. I. c. 3.

r) Hist. de ideis Sect. I. §. 2. §. 10.

Pythagorae numeris transsumsit, quod quia non contemnendis rationibus alibi^s euictum dedimus, suoque loco prolixius docebitur, hic longius deducendo non corroborabimus. Quod vero porro addit Plutarchus, Socratem docuisse: Deum esse mentem mundi, hoc ita placuit acutissimo CUDWORTH^o, ut hanc de Deo mundi anima sententiam ex Socratis schola ad Platonem et Aristotelem deriuatam fuisse contendat. Qui tamen dum Aristotelis auctoritate utitur, mire omnia confundit et miscet, adeo, ut alienum plane sensum Socraticis discipulis ipsique Socrati affingat. Recte itaque eruditissimus interpres: Socratem quidem in Timaeo eius rationibus de anima mundi applaudere, immo passim apud Platonem ita differere, ac si hanc sententiam secutus esset: notum vero esse toto animo ab huiusmodi quaestionibus abhorruisse Socratem, atque ideo risisse Anaxagoram atque reliquos phisicos: Platonem vero sua, quae a Pythagora acceperat, ut auctoritatem consequerentur, Socrati tribuisse. Nec tanti, ad quam tamen non prouocauit Cudworthus, est Plutarchi auctoritas in hac re, ut Socrati tuto hoc dogma adscribi queat, cum ex antecedentibus pateat, eum Platonem cum Socrate confudisse. Dixit quidem apud XENOPHONT^{em} de Deo, quod sit ὁ πᾶν ὅλον κόσμον συντάττων καὶ συνέχων, qua phrasi Ionicos vfos esse ex dictis praecedenti capite constat, cum animam diuinam affererent. Verum tota sermonis series satis innuit, hoc non ita intelligere Socratem, ac si interna forma Deus mundum contineat, sed quod potentia et sapientia sua eum dirigat, et naturam eius conseruet: id quod ab Anaxagora, a quo prima philosophiae rudimenta acceperat, didicit, quem paria dixisse supra notauimus.

Doctrina Socratis de spiritibus.

Ceterum praeter vnum illum summum Deum, qui res omnes in vniuerso ordinauit et continet, plures Deos, siue spiritus inter naturam Dei et hominis medios admisisse, et supra iam tetigimus, et attenta eorum locorum consideratio apud XENOPHONT^{em} probat, vbi de Diis agit. Ita enim satis luculenter^s: *Verum me dicere, etiam tu intelliges, si non expectaueris, donec Deorum formas intuearis, sed suffecerit inspicienti eorum opera, tum venerari tum honore prosequi Deos. Velim etiam cogites, Deos ipsos ita se nobis ostendere: nam et Dii ceteri, quum bona nobis largiantur, nihil tamen horum largiuntur, ut in apertum prodant: et is qui mundum vniuersum composuit et continet cerni non potest.* Quibus verbis manifeste, Deos reliquos a Deo summo mundi auctore et rectore distinguit, et quid de his numinibus sperandum sit, docet. Hominum enim saluti inuigilare, et rerum vniuersi naturalium directioni praepositos esse, haud obscure innuit, quando fulmen, ventosque et his similia Deorum ministros vocat. Et ideo Socrates quoque cuiusuis loci numen venerabatur, quod cuilibet loco eiusmodi nobilissimam mentem siue spiritum a Deo praepositum crederet, qui ei regendo destinatus esset: Ait enim^v:

^s) Diff. de conuenientia numerorum Pythagorae cum ideis Platonis, Amoen. lit. T. VII. p. 177 seq.

^r) System. intellect. p. 184.
ⁿ) l. c. p. 802.

^x) l. c.

enim ^y: *Penes Deos nihil minus potestatem rusticis in operibus esse, quam in bellicis etc.* Et ex hac quoque ratione diuinationem commendabat, quod Deos hominibus rerum euentus interdum praedicant ^z. Ita, quae Graecorum theologia miris superstitionibus foedauerat, ad sensum philosophicum reuocauit et emendauit ^a. Ex quibus iam conciliari possunt ea inter se, quae de Socratis religione diuerse disputantur, et intelligi, qua ratione Diis supplicare potuerit Socrates, licet vnum sumum numen agnouerit.

§. XV. Ad theologiam Socratis naturalem merito referimus quoque *De anima.* doctrinam de anima: de qua multa quidem pro Socraticis nobis vendidit PLATO ^b: *existere ante corpus, aeternarum idearum cognitione imbutam, quam tamen, dum huic coniungitur corpori, stupefacta quasi amittat, donec ex stupore suo excitetur per ratiocinationem, a rebus sensibilibus initium ducentem.* Atque adeo, quicquid discit, reminiscantiam tantum esse, atque olim amissae scientiae recuperationem. Animam esse immortalem, quia semper mouetur; animam in aliam vitam commigrare, nulli obnoxiam corruptioni; bonorum post mortem animos beatitudine frui, cum Deo in loco iucundo, et ad quem accessus mortalium nemini pateat, coniunctos, malos in locis conuenientibus poenis promeritis affici. Verum et hic quoque Pythagorica cum Socraticis mire commiscuit, et conturbauit omnia Plato. Nam quae de praexistentia animarum, ideis, et amissa ante coniunctionem cum corpore scientia in Phaedone disputat, Italicæ scholæ decreta sunt, non Socraticæ, quae in his nugis non consenuit. XENOPHON itaque, Socraticas doctrinas referens audiendus est iterum. Hunc si sequimur, de anima ita statuit Socrates:

IX. Si quid rerum humanarum aliud, animus hominis certe τῷ θεῷ μετέχει ^c, quod recte LEVNCLAVIVS vertit, quiddam cum natura diuina commune habet: nam non de essentiae naturaeue communione, sed de proprietatum similitudine sermonem esse, addita euincit ratio: eum in nobis imperare, quamquam non cernatur. Ex quibus sequitur, non esse animam Dei particulam, vel quemadmodum Plato Socrati affinxit, esse decerptam ex anima mundi.

X. Deus praestantissimum animum hominis naturae dedit, qui et Deum rerum conditorem agnoscere, et eum colere potest, et malis praecauere, morbis mederi, amplioremque doctrinam comparare intelligit, et in memoria, quae didicit, retinet ^d. Etiam ex hoc asserto intelligere est, animos ideo diuinitatis participes dixisse Socratem, quod excellentissima a Deo dona acceperint: quod in sequentibus luculenter innuit, dicens, homines inter animalia cetera quasi Deos quosdam viuere, longe ab ipsa natura tum corpore tum animo ceteris praestantes. Et ex his explicanda

Bbb b 2

sunt,

y) Ibid. p. 833.

z) Ibid. L. I. p. 710.

a) Conf. cel. MOSHEM. ad Cudw. p. 481.

b) In Phaedone p. 72. 80. 106.

c) Ibid. p. 803.

d) Ibid. p. 727.

sunt, quae Socrati tribuit C I C E R O ^e: *animos hominum diuinos esse, iisque, cum e corpore excessissent, reditum in coelum patere, optimoque et iustissimo cuique expeditissimum.*

XI. Sequitur ex his nobile Socraticae scholae dogma: animum esse immortalem, et habere post mortem praemia virtutis: quod morte sua obsignauit et confirmauit Socrates. Incertum tamen inter fabulas theologorum Graecorum de statu animarum post hanc vitam, et praecepta philosophiae fluctuasse, ea, quae Plato in *Phaedone* affert, subinnuunt: etsi propenderit in affirmatiuam sententiam ^f. Quo et argumenta dirigebat, quibus virtutis actionem saepissime commendabat. Videtur itaque non tam de animorum post hanc vitam felicitate dubitasse, quam de eius conditione et loco. Quo referenda sunt, si vere sunt Socratis, quae apud A N T O N I V M et M A X I M V M ^g ei tribuuntur: interrogatum, quaenam in altero mundo sint obula? respondisse: se neque ipsum ibi vnquam fuisse, neque cum villo eorum, qui inde redissent, colloquutum esse.

*Philosophia
moralis So-
cratis.*

§. XVI. His diuinae prouidentiae et immortalitatis animorum doctrinis tanquam fundamento inaedificauit prudentissimus morum magister, totam philosophiam moralem, eiusque praemia futuram felicitatem, constituit: quo nomine non potuit non largissima elegantissimarum doctrinarum moralium seges efflorescere. Quarum potiores iam lectoris subiiciemus oculis. Docuit enim:

I. Verum bonum non quaerendum esse in vitae huius felicitate bonisque, quae ad eam referuntur caducis, vnde magna saepe homini enascitur infelicitas.

II. Vnicum bonum scientiam, malum contra vnicum inscitiam esse; opes vero ac nobilitatem non solum nihil in se habere honestatis, verum et omne malum ex iis oboriri ^h: Vapulat passim ⁱ propter hoc dogma Socrates, quod in theoretica hominis perfectione felicitatis rationem, quae ad voluntatem pertinet, quaesiuert. Verum ex toto philosophiae Socraticae habitu sole meridiano clarius est, Socratem, neglecta et reiecta inani scientia, sapientiam ex veri cognitione ortam, et ad animi emendationem applicatam, per istam scientiam intellexisse, sicque virtutem a sapientia non distinxisse ^k, respectu tantum habito ad id, quo virtus niti, atque formari debet, quod sine practica cognitione fieri non potest. Vnde ad logomachiam totum, qui circa hoc dogma obseruatur, inter philosophos de bono vnico et summo, dissensum redire recte notauit cel. HEVMANNVS ^l. Quae si recte teneantur, facile P L A T O, hic, vt alibi, sua placita magistro sup-

^e) In Laelio c. 4.

^f) Conf. diff. de secta Elpistica, Misc. Berolinens. T. V. art. ult.

^g) Serin. CCLXXI. p. 879. ed. Wechel. Et hinc quoque diiudicanda loca PP. quae affert FR. BALT. iugem. des SS. Peres sur la morale de la philosophie payenne L. I. ch. 10. p. 129 seqq. et

ex quibus euincere cupit, Socratem ignorasse immortalitatem animae.

^h) LAERT. L. II. f. 31.

ⁱ) Vid. cel. STOLLE Hist. phil. mor. gentil.

§. XLII. p. 47.

^k) XENOPH. L. III. p. 812.

^l) Act. phil. Vol. II. p. 148.

supponens, cum reliquis Socraticis in doctrina de bono, quam in Philebo ^m proponit, in concordiam redigi potest: quamvis tam proluxa disputatione de summo bono differat, ancipitemque sententiam more suo, obscuraret potius, quam explicet, ut non accurate attento facile suspicio oriri possit, nesciuisse Socratem, cuius nomine ista proponit, quid summum bonum sit. Id quod AUGUSTINOⁿ euenit, qui ideo discipulos eum non affecutos autumat. *In Socratis, inquit, disputationibus, dum mouet, asserit, destruit, quoniam non euidenter apparuit, quod cuique placuit, inde sumserunt, et ubicunque visum est, constituerunt finem boni. Ita ut quidam ex discipulis dicerent, voluptatem esse summum bonum, quidam virtutem, sicut Antisthenes, alii aliud quodque opinarentur.*

III. Sapientiam et sanitatem mentis non differre, sed sapientis ac sani esse, uti aliquem eis, quae bona honestaque esse cognosceret, ac vitare, quae sciret esse turpia: eos vero qui scirent, quid agere oporteat, et his contraria facerent, insipientes ac stupidos esse^o.

IV. Et iustitiam et omnem aliam virtutem esse sapientiam. Nam omnia quae iusta sunt, et ex praescripto virtutis aguntur, honesta et bona esse; neque eos, qui haec sciant, aliud quidpiam his praeferre, sed sapientes, quae honesta bonaque sint, facere; quae quia cum virtute efficiantur, manifestum esse, omnem virtutem esse sapientiam^p.

V. Ex disciplina rerum honestarum et egregiarum, id est, virtutis, maximas non utilitates tantum, sed etiam voluptates existere, easque esse maxime necessarias ac continuas^q. Non vero hoc intelligendum esse, de voluptatibus corporis, quae virtutem potius distrahunt, quam sibi iungunt.

VI. Pertinere vero et hoc ad sapientiam, ut homo ea, quae nesciat, neque scire se putet^r.

VII. Eundem esse virum iustum et beatum^s, eumque execrandum esse, qui primus iustum ab utili diuisit, res sua natura coniunctissimas^t.

VIII. Virtutem vero et sapientiam esse animi pulchritudinem, turpitudinem eius vitium esse^u.

IX. Pulchritudinem corporis pulchrae animae esse indicium^x: inque vita, ut in simulachro, omnes partes pulchras esse oportere^y.

X. Qui ita virtutem sequuntur, nec ullius criminis sibi conscii sunt, eos tranquille viuere^z: hincque esse ex virtute voluptatem et utilitatem.

XI. Ut vero haec homo consequatur, animum exploret, et se noscat,

Bbb b 3

neceffe

^m) Solet Plato metaphysicos plerumque conceptus sequi, et anfractuosa disputatione eos obscurare, id quod etiam in hoc dialogo facit, unde mirum non est, dubiam eius videri mentem. Hoc vero a Socratis. methodo alienum, qui metaphysicas notiones fugerat.

ⁿ) De C. D. L. VIII. c. 33.

^o) XENOPHON. Mem. L. III. p. 780.

^p) Ibid. p. 781.

^q) XENOPH. l. c. p. 810.

^r) PLATO Apol. init. Proluxae huius rei conuincit Euthydemum apud XENOPHONTEM L. IV. p. 798 seq.

^s) CLEM. ALEX. Strom. L. I. p. 417.

^t) CICERO offic. L. I. c. 3.

^u) CLEM. ALEX. l. c. L. V. p. 594.

^x) MAX. TYRIVS diff. XI. p. 142.

^y) STOBÆVS Serm. I. p. 4.

^z) STOB. Serm. CVI. p. 350.

neceffe esse, quoniam, qui se norint, maxima bona consequantur, qui se ignorent, in mala incidant et bonis priuentur ^a.

XII. Hanc animi sui cognitionem facile conuicturum hominem, quod nihil sciat, ut tandem discat sapientiam.

XIII. Bene vero incipere, paruum non esse, sed paruo proximum ^b.

XIV. Vnam tantum esse sapientiam, vnamque virtutem.

XV. Prudentiam esse animi concinnitatem; prudentesque qui non facili aberrant ^c.

XVI. Deos religiosius et rectius coli non posse, quam ea, quae iubent, faciendo ^d.

XVII. Precari nos id solum oportere, ut bona Dii largiantur: quae enim bona nobis sint, optime nosse ipsos Deos ^e.

XVIII. Deos colendos esse, iuxta ciuitatis, in qua quis degat, instituta, secus agentes superstitionis et vanitatis reos esse ^f.

XIX. Sacrificia facultates nostras non debere excedere, quandoquidem Dii animi magis integritatem, quam munera, respiciant ^g.

XX. Res iustissimas Deos lege mandare, idemque apud eos iustum esse et legitimum.

XXI. Esse leges non scriptas, ab hominibus non conditas, quae a Deo latae sint. Tales esse: Deos esse colendos, parentes honore prosequendos, parentibus non cum liberis consuescendum, de bene facientibus bene merendum.

XXII. Leges has diuinas esse, quia ipsas delinquentium poenas contineant, id quod cuiusdam praestantioris legislatoris videatur, quam ut in hominem cadat ^h.

XXIII. Patri, quamuis aspero, sicuti legi duriori, morem tamen esse gerendum ⁱ.

XXIV. Maximum esse vitium, ingratum se beneficiis praebere, beneficiorum maximum a parentibus nos habere. Filio vero immorigero et ingrato, nec Dei bonam voluntatem nec hominum fauorem esse expectandum, quibus verendum sit, ne male gratiam referat, quam non referre sciat illis, quibus cum maxime debeatur ^k.

XXV. Sapientiam eos, qui pecuniam accipiant, eius communicandae causa, prostituere non minus, quam qui formam prostituunt ^l.

XXVI. Neque equo sine freno, neque diuitiis sine ratione tuto uti quempiam posse ^m.

XXVII.

a) XENOPH. I. c. p. 779. 776. ORIG. philos. c. XVIII. p. 106.

b) LAERT. L. II. c. 32. et ALDOBRAND. et MER. CASAB. ad h. l. sensus est: a paruo et leui erroris initio, cum magna pendeant, facile principium suscipiendum, quod leue quidem et paruum re tamen ipsa magnum quid sit.

c) STOBÆVS Serm. III. p. 39.

d) XENOPH. L. IV. p. 803.

e) Ibid. L. I. p. 722.

f) Ibid. p. 803. id ipsum fecisse Socratem supra monuimus.

g) Ibid. p. 722.

h) Ita de lege naturali I. c. p. 808. 809.

i) STOBÆVS Serm. CXCVIII. p. 676.

k) XENOPH. L. II. p. 741.

l) Plagiarios suimet dixisse, ait XENOPH. L. I. p. 712. Ideo doctrinae mercedem non accepit.

m) STOBÆVS Serm. XXVIII. p. 90.

XXVII. Auarorum diuitias, vt sol, post occasum, neminem mortaliū oblectareⁿ.

XXVIII. Auaros et pecuniae studiosos esse, qui turpia lucra venentur, et necessarios amicos contemnant^o.

XXIX. Prodigorum bona non nisi scortis et adulatoribus prodesse^p.

XXX. Omnium bonorum fertilissimum esse amicum moderatum, et virtutis amantem^q.

XXXI. Improbos amicos esse non posse, siue inuicem sibi, siue bonis^r.

XXXII. Comparandi amicos viam hanc esse, vt primo quis studeat esse bonus in iis, in quibus talis cupiat videri: omnes vero virtutes studio et doctrina incrementa posse capere^s.

XXXIII. Virum bonum et amicum beneuolum iudicandum, non qui genere clarus, sed qui moribus egregiis fuerit^t.

XXXIV. Ignem quidem vento, amorem autem conuersatione accendi^u.

XXXV. Arrogantiae esse, omnia dicere, nihil autem audire velle.

XXXVI. Oportere virum obfirmare se ipsum, ad labores et aerumnas libenter sustinendas, ita vt, quod necessitas imposuerit, non inuito, sed lubenti, euenire videatur^x.

XXXVII. Mortem non esse extimescendam; siue enim profundissimo somno similis sit, vel peregrinationi longinquae, vel extinctioni animi iuxta ac corporis, malam non esse, sed exoptandam^y.

XXXVIII. Melius esse, honeste mori, quam turpiter viuere^z.

XXXIX. Omnem occasionem incontinentiae vitandam esse, eum enim non facile illam tueri posse, qui multum cum formosis conuersaretur^a.

XL. Non consistere in luxu et superbia felicitatem, sed, nulla re indigere, diuinum, quam paucissimis, diuinae naturae proximum esse^b.

XLI. Diligenter tuendam esse corporis sanitatem, ab ea enim animae quoque salutem pendere^c.

XLII. Quietem et otium possessionum omnium pulcherrimam esse^d.

XLIII. Iuuenis virtutem esse: ne quid nimis^e.

XLIV. Continentiam esse: coërcere et vincere corporis voluptates^f.

XLV. Homines viuere, vt edant, bonos edere vt viuant^g.

XLVI. Idem esse in secunda fortuna altum sapere et, in lubrica via cursu contendere^h.

XLVII. Viam ad gloriam meliorem nullam esse, quam vt quis bonus sit, videri nolitⁱ.

XLVIII.

n) IDEM Serm. CXLVI.

o) ANT. et MAX. Serm. CXL.

p) Ibid.

q) XENOPH. L. II. p. 746.

r) Ib. p. 784.

s) Ibid.

t) STOBÆVS Serm. CCXVIII. p. 728.

u) IDEM Serm. XXXVIII. p. 129.

x) XENOPH. L. II. p. 733.

y) PLUT. Consol. ad Apoll.

z) MAXIM. Serm. CV.

a) XENOPH. L. I. p. 723.

b) Ibid. p. 731. STOBÆVS Serm. XXXVII. p. 114.

c) XENOPH. L. III. p. 786.

d) LAERT. L. II. f. 31.

e) Ibid. f. 32.

f) ANT. et MAX. Serm. LXIV.

g) LAERT. l. c.

h) MAXIM. Serm. CXLVII.

i) XENOPH. L. I. p. 732.

XLVIII. Bonos viros iis oportere moribus esse, ut maior sit iis, quam iuriurando fides^a.

XLIX. Loquacem et calumniatorem non attendendum, eos enim non beneuolentia ductos agere, quod agant; similiterque, quae quis dixerit aliis exposituros^l.

*Doctrina So-
cratis de pru-
dentia dome-
stica.*

§. XVII. Quemadmodum vero Socrates ad vitam quoque civilem philosophiam retulit, et eo respicere iussit, ut bonos redderet ciues patresque familias: ita et hanc practicae philosophiae partem saluberrimis praeceptis ornauit. Et quod ad oeconomiam quidem pertinet, prolixè illud XENOPHON integro libro prosecutus est, digno, qui totus legatur. Nos instituti memores pauca, speciminis gratia, ex multis deligimus.

I. Est boni administratoris rei domesticae, omnibus rebus et hostibus etiam, uti scire, quo fructum ex iis capiat.

II. Sunt quaedam fraudulentae dominae, quae se pro voluptatibus venditant, et valde rei domesticae nocent, ignauia, mollities animi, et negligentia; aleae lusus, et inutiles hominum inter se conuersationes, quae ab operibus vtilibus auocant: Suntque molesti domini, luxus, libidines, temulentia, stultae et sumtuosae ambitiones, quae adeo grauiter in hos homines, quos occuparunt, imperium exercent, ut quamdiu cernunt, vegetos esse, et quaestum facere posse, quicquid lucri fecerint, ad se deferri cogant, ac suas in cupiditates impendere: ubi vident propter senectutem nihil amplius eos comparare posse, relinquunt eos, misere senium exacturos.

III. Contra hos dominos et tyrannos oportet de libertate dimicare, tanquam aduersus hostes.

IV. Qui occupationes suas agunt temere, suo cum damno faciunt; at qui contento animo curam adhibent, tum celerius faciliusque, tum maiori cum lucro sua faciunt.

V. In cura rei domesticae agriculturae magna habenda est ratio.

VI. Administratio domestica nomen est scientiae, qua domos amplificare homines possint, id est facultates augere. Facultates vero sunt, id quod cuique est vtile. Vtilia vero sunt, quibuscunque uti quis scit.

VII. Artes fordidae homini ingenuo improbandae sunt, quia et corpora laedunt, et animos frangunt.

VIII. Vxor docenda est, quae utrique coniugum sint optima, id vero non nisi sacrificiis et precibus prius peractis.

IX. In coniugio cuncta in medium exhibenda sunt, et in commune deponenda.

X. Frugi viri mulierisque munus est, ita se gerere, ut et facultates, quae adsunt, optimo sint loco, et aliae quam plurimae honestis iustisque rationibus accedant.

XI. Enitendum itaque ut illa quam optime efficiantur, quae a natura dii tribuerunt, et lex comprobat.

XII.

^a) A N T. et M A X. Serm. LXXXV.

^l) I D E M Serm. LIII.

XII. Deus naturam foeminae praeparauit ad curas domus interiores, maris ad exteriores.

XIII. Maiorem ideo erga liberos amorem Deus indidit foeminae, ut ea recens natos liberos educaret.

XIV. Enixe opera danda est, ut uterque coniugum ea, quae sui officii ratio postulat, quam rectissime praestet.

XV. Est foeminae pulchrius, intra aedes se continere, quam foris agere; viro contra turpius intra manere, quam res externas curare.

XVI. Qui aliud agit, quam ipsius naturae Deus indidit, occultum id Deo esse nequit, ordinem ab ipso perturbari, atque poenas dat.

Ex breui hoc specimine, qua ratione oeconomiae prospici velit Socrates satis intelligitur, quod in elegantissimo, quod Critobulo narrat, colloquio cum Ischomacho prolixius exequitur: in quo tamen multa sunt, quae ad Athenientium mores, leges, institutaque respiciunt, non ubiuis locorum applicanda. Legisse vero et probe expendisse poenitebit neminem.

§. XVIII. Sed ne regularum quoque politicarum exemplum desideretur, en Socratem ita praecipientem: *Politica doctrina Socraticis.*

I. Reges et principes non eos esse, qui sceptrum teneant, nec illos, qui vel a promiscua multitudine sint delecti, vel sorte, vi, fraudibus, eo peruenierint, sed quotquot imperandi artibus sint instructi.

II. Regem esse, qui volentibus imperet; qui inuitis praesit, non ex lege, sed ex arbitrio, tyrannum.

III. Boni ciuis officium esse, opulentiores reddere rempublicam tempore pacis, victricem tempore belli, hostes ei concillare in legationibus, in seditionibus plebem concionibus coercere.

IV. Legem non fuisse factam propter bonos.

V. Munitissimam ciuitatem esse, quae viros bonos habet; rectissime constitutam, in qua magistratus coniunctis sint animis; optimam, in qua plurima virtuti proposita sunt praemia: in ea optimum esse habitare, ubi secundum leges viuatur, et iniusti puniantur.

Ceterum Plato quoque politica sua Socrati tribuit, verum ita imaginariis notionibus corrumpit, ut difficulter Socratica a Platonice distinguas.

§. XIX. Tantus atque talis cum vir fuerit Socrates, mirum non est, tantum eum fuisse discipulos plurimos, vitae tamen atque doctrinae ratione inter se longe diuersos: unde multae philosophorum sectae atque familiae ortae sunt, quarum nulla non haberi voluit Socratica. Cum enim, egregie monente Cicerone, plures fere essent orti a Socrate, quod ex illius variis et diuersis in omnem partem diffusis disputationibus alius aliud appre-

m) XENOPH. Mem. L. III. p. 779. i

n) IDEM L. IV. p. 813.

o) Ibid.

p) CLEM. ALEX. Strom. L. III. p. 478.

q) STOBÆVS Serm. CXLI.

v) Phanae de Socraticis liber perit, vid. JON-
SIVS de Script. hist. phil. L. I. c. 16. p. 84. FA-
BRIC. Bibl. Gr. Vol. II. p. 308. nec JONSI de
Socraticis liber editus est.

r) De oratore L. III. c. 16.

apprehenderat, profeminatae sunt quasi familiae dissentientes inter se, et multum disiunctae et dispares, cum tamen omnes se philosophos Socraticos et dici vellent, et esse arbitrarentur. In tres vero classes discipuli Socratis dispesci possunt. Quidam nec philosophi fuerunt, nec philosophiae studio se manciparunt, cum Socratis disciplinae se traderent; sed vel emendandi et erudiendi animi, vel formandi ad maiora et excelsa, quae anhelabant, causa tantum sibi praeceptorem elegerunt. Inter hos illi potissimum numerandi sunt, quos in Socraticis dialogis loquentes introducunt XENOPHON et ex parte quoque PLATO. Habuit enim Crito philosophus filios quatuor^{f)} disciplinae Socratis commissos, inter quos Critobuli famosae pulchritudinis opumque amplissimarum hominis colloquium cum Socrate refert XENOPHON^{g)}, et Hermogenis quoque mentionem facit^{h)}, atque Epigenisⁱ⁾, cui valetudinis curam commendavit Socrates. Ex oratoribus Lysias, ex poetis Euenus atque Euripides nobilissimi in hac arte viri Socratem magistrum habuerunt, et hunc quidem a Socrate adiutum fuisse, immo in suspitione versatum, quod Socratis vitulo arauerit, supra tetigimus^{j)}. Quin et illi suo modo huc pertinent, aduersus quos disputavit Socrates, quosque ad meliorem mentem adduxit, quales fuere Diodorus^{k)}, Euthydemus^{l)}, Eutherus^{m)}, Aristarchusⁿ⁾, alique. Audiuerunt quoque Socratem eiusque consuetudine vsi sunt Critias et Alcibiades, iuvenes nobilitate et potentia illustres, quorum ille^{o)} in paucorum dominatu longe omnium avarissimus et violentissimus fuit; hic autem longe omnium in statu populari intemperantissimus, et petulantissimus, et violentia intolerabilis. Quorum cum vterque omnium esset ambitiosissimus, quippe qui vellent omnia per ipsos geri, viderentque validissimum esse in dicendo Socratem, quique, quibuscumque differeret, in colloquiis eos ita flecteret, prout ipse vellet, existimarunt se, si cum ipso versarentur, futuros et ad dicendum et ad gerendas res promptissimos. Socrates vero, in iis emendandis nihil omisit, et moderationem, modestiamque atque virtutem vehementer eis commendavit^{p)}: nec illi, quamdiu Socrates vixit, intermiserunt ad Socratis ingenium se simulate componere, vbi vero magna moliri coeperunt, a Socratis moribus et amicitia defecerunt. Altera philosophorum Socraticorum, qui eius discipuli fuerunt, classis eos comprehendit, qui postquam a magistro disciplinam hauserant, post eius ex vita discessum peculiare sectas condiderunt^{q)}. Qui licet vehementer doctrina a se inuicem abirent, omnes tamen Socratici philosophi dici adamaue-

f) LAERT. L. II. c. 121.

g) L. V. p. 822.

h) L. II. p. 760.

i) L. IV. p. 786.

j) Conf. BAYLE Dict. Tom. II. art. Euripides.

k) XENOPH. mem. L. II. p. 760.

l) Lib. IV. p. 791.

m) Ibid. p. 757.

n) Lib. II. p. 755.

o) Itaque characterem eorum depingit XENOPH. l. c. p. 713.

p) Vid. praeter XENOPHON. II. cc. AELIANVS L. III. c. 28. L. II. c. 1.

q) Vid. LAERT. L. II. c. 41. Histor. philos. GALENO tributa c. 2. APULEIUS in flor. circa fin. Hinc et omnes ab illis enatae sectae hanc gloriam iactarunt.

amauerunt. Et hi quidem fuere Aristippus Cyrenaeae, Phaedo Eliacae, Euclides Megaricae, Plato Academicae, Antisthenes Cynicae sectae conditores, quarum historiam in sequentibus enarrabimus. Tertia post hos classis discipulos nobis eos Socratis exhibet, qui in philosophorum quidem albo apparent, sectas tamen non condiderunt, inter quos cum Xenophon, Aeschines, Crito, Simon atque Cebes celebre in historia scholae Socraticae nomen retulerint, de iis notitia prius exhibenda est, quam ad sectas a Socraticis discipulis conditas enarrandas pergimus.

§. XX. Socraticorum discipulorum si non optimus inter meliores tamen et maxime genuinos fuit XENOPHON, quippe qui non ad eruditionis ostentationem, sed ad animi emendationem et virtutis culturam Socrate praeceptore usus est, et, quo encomio recte eum laudavit EVNAPIVS^{g)}, *ex omnibus philosophis solus non doctrina tantum et verbis, sed et factis philosophiam ornauit.* Natum fuisse Olymp. LXXXII. ex vitae, quos exegit, annis, supra nonaginta surgentibus^{h)}, et mortis tempore, quam Olymp. CV. i. euenisse tradit Stesiclides apud LAERTIVMⁱ⁾, recte concluditur; sicque rationes temporum^{j)}, quibus inter Socraticos vixit, et post praeceptoris mortem quoque fortissimis facinoribus egregie meruit, concordant. Athenis editus, patre Gryllo, ex pago Erchieo oriundo^{k)}, a natura pulchrum corpus et verecundam faciem apertamque frontem accepit^{l)}: qui externus vultus ita Socrati placuit, ut erat formosorum adolescentum amator, in quibus venustam quoque habitare mentem coniciebat, ut eum discipulum sibi conciliaret. Cum enim eum Socrates in angiportu quodam obuium habuisset, porrecto baculo transire prohibuit, eumque interrogauit, ubi vaenirent, quae humanis visibus sint necessaria: datoque a Xenophonte responso serio, interrogando perrexit: ubinam probi ac boni homines fierent? Quo audito cum haereret Xenophon, dixit Socrates: sequere ergo et disce, ex quo tempore Socratis discipulus factus est^{m)}. Sub hoc moderatore non in eruditionis tantum et philosophiae, sed virtutis quoque stadio impiger cucurrit, et, eo duce, ad exercenda atque adaptanda vitae praecepta morum, quae a praeceptore fidelissime magna copia hauriebat, diligentiam adhibuit. Illo enim comite in bello Peloponnesiacoⁿ⁾, cum suo ingenio esset promptus, eius exemplo insuper accensus pro patria fortiter pugnauit, et in Deliacapugna Atheniensibus inferioribus, in fuga equo amisso, et humi proiectus a Socrate seruatus fuit^{o)}. A Proxeno vero, ut Cyri partes sequeretur, maiori apud eum, quam in patria, honore futurus, inuitatus, literas eius cum Socrate communicauit, qui anceps consilii, quia

Xenophon.

Ccc c 2 Athe-

g) De aliis videndus STANLEIUS Hist. phil. P. III. c. XVII. p. 190.

h) De vitis philosophorum ex Sophist. p. m. 2.

i) LUCIANVS in Macrobiis T. II. p. m. 830.

k) L. II. f. 26.

l) Olymp. XCIV. 4. floruisse ait LAERT. L. II. f. 59. SVIDAS XCIX. Ol. XXCHX. alii, qui Socraticae scholae tempora sequuntur.

m) LAERT. L. II. f. 48.

n) Ibid.

o) Ib. Vbi tamen narratio confunditur, et Xenophonti tribuuntur, quae Socrati tribuenda erant, conf. HENR. STEPH. et MENAG. h. l.

p) STRABO L. X. p. 402. LAERT. L. II. f. 23.

q) Dictum hac de re supra.

Athenienses Cyri partibus aduersabantur, auctor ei fuit, ut oraculum confuleret ¹: incertusque obscuri responsi non inuito Socrate nauem conscendit, Sardesque delatus Proxenum iuxta cum Cyro ad expeditionem in Asiam paratos inuenit, et ab illo huic commendatus in voluntariorum censu manlit, nullo suscepto militari magistratu. Cyro postea Ol. XCIV. cum fratre Artaxerxe infestis signis concurrente, et ipse cecidit, et exercitus fugatus est, quamuis Graeci, Tissapherne fuissent superiores. Ad quos cum insequenti die Artaxerxes Phalinum misisset, ut arma redderent, Xenophon id negauit, nec iis artibus, quibus Clearchus alique duces a Tissapherne capti erant, circumueniri potuit ². Immo cum Graeci de deditioe cogitarent, memorata ducum, qui arma posuerant, nece, auctor eis fuit, ut virtuti se suae crederent; duxque in locum Proxeni electus, cum Cherisopho primam aciem ducente, reditum tentauit ³, et post mille labores et difficultates non itineris tantum, sed et belli, post exantlata innumera pericula, et complures pugnas, magna prudentia et fortitudine Graecorum copias in patriam reduxit, iter stationum CXXII. parasangarum DCXX. quae stadia XVIIIIM. et XX. conficiunt, octo mensium tempore emensus, sic ut totum Graecorum iter, quum ascendendo, tum descendendo castris confectum CCXV. parasangas haberet clocL. stadia XXXIII cloc et CCLV. temporisque interuallo constaret mensibus tredecim ⁴. Postea ad Agesilaum Laedaemoniorum regem in Asiam se contulit, Cyrique milites illi, mercede accepta concessit ⁵, et arctissimam cum eo amicitiam iunxit ⁶, id quod factum Ol. XCVI. i. anno altero vero, Agesilaum, cum in patriam contra Thebanos pugnaturus reuocatus esset, secutus in pugna ad Coroneam, ubi vehementer Thebanos afflixit Agesilaus, fortiter pugnavit. Quam rem cum aegre ferrent Athenienses, causati, quod Cyri partes esset secutus, Eubulo auctore, Xenophontem ex decreto exilio multarunt ⁷, reuera, commoti, quod Agesilaum sequens Laconum partibus studere videretur. Lacedaemonii vero, ut tantum virum ob iniuriam acceptam recrearent, cum ipsorum causa in patria inuisus esset, et publicis sumtibus eum aluerunt, et ad Scillunta domum agrumque dedere Xenophonti ⁸. Eo igitur cum vxore et filiis duobus concedens, cum aurum, quod apud amicum deposuerat, recepisset, agrum redemit, quem Dianae sacrum esse voluit, loco peramoeno, templum etiam cum ara de pecunia sua extruxit ⁹, ac post id temporis semper consecratis agri fructuum decimis sacra Dianae peregit, et venationes cum finitimis instituit, amicorumque congressibus, et scribendis historiis tempus triuit ¹⁰. Orto paulo post inter Eleos et Lacedaemones bello, Elien-

fes

¹) XENOPHON ἀναβ. κύρ. L. III. p. 294 seq. LAERT. L. II. f. 49.

²) IDEM L. II. p. 273.

³) Ibid. L. III. p. 295.

⁴) Prolixè haec ipse narrat l. c. L. VI. vnde ea in compendium misit STANLEIUS Hist. phil. P. III. p. 211.

⁵) LAERT. L. II. f. 52.

⁶) CORN. NEPOS in Agesilao c. I. PLUT. in Agesilao. CICERO de orat. L. III. c. 53. XENOPHON in Agesilao.

⁷) LAERT. l. c. f. 59.

⁸) Ibid. f. 52.

⁹) Ibid. STRABO L. VIII. p. 387.

¹⁰) LAERT. l. c.

ses agrum Xenophontis occupauerunt, ipse Elida primum, inde Lepreum, quo filii migrauerant, postremo Corinthum se contulit, ubi domum conduxit, et reliquam vitae partem exegit, vita defunctus Olymp. CV. 1. Verecundus erat, barba promissa, et supra modum formosus^g, animo vero praestantissimus ac bonus, qua laude eum mactat LAERTIVS^h, et equorum venerationisque, atque instruendi exercitus imprimis studiosus ac peritus: religiosus insuper et sacrificiis intentus, quique hostias probe dignosceret, et Socratem ad vnguem imitatus esset. Addit paulo post: tanta fuisse modestia, ut Thucydidis libros latentes cum subducere posset, ipse primus in eius viri gloriam illos in lucem dederit. Rebus vero non tantum gerendis incomparabilis, sed virtuti quoque docendae aptissimus, quod in historis suis multis exemplis prodidit. Qui cum Socrati esset acceptissimus, dignum se eius amore fecit pietate, fide, modestia, fortitudine, ceterisque virtutibus: quibus maculam quidem inussit Aristippus, incusansⁱ eum *παιδεργασίας* criminis, sed invidia, quae passim Socraticos discipulos vrebatur, ductum ea obiecisse, dubium non est: improbavit enim Aristippeam voluptatem Xenophon, et singulari dialogo oppugnavit^k. Nec, quae ei obiicitur^l ambitio reprehendi potest aliter, quam in omnibus culpari potest, qui diuina virtute animum non emendarunt. Non vero militaribus tantum facinoribus, sed et elegantissimis scriptis immortale sibi nomen peperit, oratione vsus CICERONIS^m iudicio, leniore et melle dulciore, et a forensi strepitu remotissima, unde eius ore Musas locutas ferri ait; ipseque Musa Attica dici meruitⁿ. Vitam vero philosophicam et Socrate praeceptore dignam laudant veteres ad vnum fere omnes^o, si paucos ex condiscipulis aemulos excipias, inter quos imprimis Platoni cum Xenophonte minus bene conuenit^p. Vxorem habuit Phitesiam, filios Gryllum et Diodorum, quorum alterum apud Mantineam fortiter pugnans occidisse cum ipsi coronato inter sacrificia referretur, fortissimo et philosopho digno animo tulisse dicitur^q. Scripsit libros ut quidam diuidunt, quadraginta^r, quorum editiones nobis integras^s dedere LEVNCLAVIVS^t et EDVARDVS WELLS^u, in quibus historicos hic referre, alibi enarratos, nihil attinet. Philosophici vero argumenti sunt: 1. *Paedia Cyri*, id est, de institutione et disciplina Cyri, ut CICERO vocat^v, *scripta non ad historiae fidem, sed ad effigiem iusti imperii:*

Ccc c 3

imperii:

f) IDEM f. 53.

g) *Ευειδέστατος αἰς ὑπερβολήν*, LAERT. L. II. f. 48.

h) f. 48.

i) L. II. f. 57.

k) Ib. f. 65.

l) Conf. STOLLIVS Hist. philos. moral. gentil.

s. XLVII. p. 48.

m) De Orat. c. 19.

n) LAERT. L. II. f. 57.

o) LAERT. L. II. f. 56. EVSEB. Praep. L. XV.

c. 61. EVNAPIVS l. c.

p) GELLIVS L. XIV. c. 3. ATHENAEVS L. XI. p. 504. et Epist. ad Aeschinem, qua de re supra dictum.

q) LAERT. l. c. AELIAN. V. H. L. III. c. 7.

videntur tamen Anaxagoras et Xenophon confundi.

r) Ib. id vero de singulis libris, quorum aliquot vnus titulus continet, intelligendum est. Conf. SVID. l. c. XENOPHON T. II. p. 645. et ex hoc emendandus est MENAGIVS ad l. c. Laert.

s) Conf. FABRICIVS Bibl. Graec. Vol. II. p. 72. qui notatu digna complura de iis more suo doctissime enarrat.

t) Franc. 1594. fol. qua editione nos vtimur. Conf. Hist. Biblioth. Fabric. P. III. p. 58 seqq.

u) Oxon. 1703. 8. addita DODWELLI Chronologia Xenophontea.

v) In Bruto c. 29.

imperii: quamvis quidam eam pro vera historia habeant *, qui tamen veterum narrationibus facile refutantur. 2. *De dictis et factis Socratis memorabilium libri IV.* 3. *Apologia Socratis ad iudices*, quae tamen multis post necem praeceptoris annis conscripta fuit, uti supra memoratum. Eo enim tempore, quo Socrates e viuis sublatus est, extra patriam Xenophon verfabatur: scripsitque hanc apologiam, more aliorum Socraticorum, ut inluriam ingratis ciuibus exprobraret. 4. *Conuiuium philosophicum*, more Graecorum elegantissimis philosophorum sermonibus intertextum ⁹. 5. *Liber oeconomicus*, de quo supra in Socrate diximus ². 6. *Dialogus de tyrannide*. Nec immerito quis huc retulerit, librum *de republica Atheniensium et Lacedaemoniorum*, et *Agefilai imaginem atque encomium*; ubique enim ingenium philosophicum prodidit. Ait etiam LAERTIUS ^a, primum eum philosophorum historiam scripsisse, unde SVIDAS primum philosophicae historiae auctorem vocat: cuius auctoritate motus STANLEYUS, ad memorabilia Socratis a Laërtio respici statuit. Quod tamen nec eius verbis satisfacit, nec veritati. Nihil enim aliud vult Laërtius, quam fuisse Xenophontem philosophorum primum, qui historiam scripserit ^b. Extant et epistolae Xenophontis, quid vero de iis statuendum sit, ex iis, quae supra de epistolis philosophorum diximus liquet; nec alio loco habendae, quam quae Socrati tribuuntur ^c. Inter Xenophontes multos hic vita, factis scriptisque fuit celeberrimus, nec facile confundendus ^d.

Aeschines.

§. XXI. AESCHINES, Charini, factoris lucanicarum, siue Lyfaniae, ut volunt, filius ^e, Athenientis ^f, post Xenophontem inter Socraticos discipulos memorari meretur. Is praeter ingenium satis felix et cupiditatem discendi ardentissimam, a pueris insolitam laboris patientiam accepit ^g, qua durissimam, qua premebatur, paupertatem aequo tulit animo. Socratis vero praestantia excitatus, cum eum sequi constituisset, videretque, multa multos pro suis quemque facultatibus ei offerre, pauper ille auditor, nihil, inquit, dignum te, quod dare tibi possim, inuenio, et hoc modo pauperem me esse sentio. Itaque dono tibi, quod vnum habeo: Me ipsum. Hoc munus, rogo, qualecunque est, boni consulas, cogitesque, alios, cum multum tibi darent, plus sibi reliquisse. Cui Socrates: Quidni tu, inquit, mihi magnum munus dederis, nisi forte paruo te aestimas? habebo itaque curae, ut te tibi melio-

* Conf. VOSSIVS de Hist. Gr. c. I. p. 23.
10 FABRICIVS l. c.

⁹) Conficto tamen conuiuium, unde quaedam contra temporum rationes finxisse arguitur. conf. ATHEN. L. V. p. 187. CASAB. ad eum L. V. p. 216.

²) A se iuvene translatus ait CICERO Offic. L. II. c. 24.

^a) L. II. f. 48. SVIDAS l. c.

^b) Conf. IONSIUS de S. H. P. L. l. c. 7. p. 37.

^c) Quaedam earum fragmenta Xenophontis operibus adiecit LEVNCLAVIVS, plures attulit ALLATIVS de Script. Socratis p. 37 seqq. et inde OLEARIUS inseruit STANLEYUS Hist. phil. p. 221 seqq.

^d) Septem nominat LAERTIUS L. II. f. 59. septem alios addit MENAGIVS ad h. l. vnum FABRICIVS Bibl. Graec. Vol. II. p. 70.

^e) LAERTIUS L. II. f. 60. cuius vitae Aeschinis descriptionem cum notis virorum doctorum praemisit eius dialogis 10. CLERICVS.

^f) Spettius ex tribu Acamandite SVID. in Aesch. T. I. p. 601. HESYCHIVS in Aeschines, alii. Acamantis, una ex decem tribubus Atheniensium, vid. HARPOCRAT. v. Acamantis p. 18. illustrissimus POTTERVS arch. Gr. L. I. c. IX. p. 44.

^g) LAERT. L. II. f. 32.

meliolem reddam quam accepi^b. Affidebat autem Socrati omnium discipulorum diligentissimus, nec vnquam ab eius latere discessit, quo amorem Socratis ita meruit, vt dicere solitus sit: Solus nos colere nouit factoris filiusⁱ. Propter hunc vero, quo eum Socrates prosequabatur amorem, inuidia commilitonum premebatur, et imprimis a Platone contemptus dicitur, cum vna essent in Sicilia^k. Quod, nisi oppido falsum est, ita intelligendum videtur, Platonem regis Dionysii fauore et beneficiis vsum initio quidem parum Aeschinem curasse; postea enim Dionysio Aeschinem tanquam moribus probum, aptumque ad castigandum verbis eos, quibuscum agit, commendasse, refert PLUTARCHVS^l. Pauperrimus cum esset, suasisit Socrates, vt a se ipso vsuras acciperet, sibi subducendo cibaria^m. Eadem vero inopia virum bonum atque frugi, sed nimis pauperem adegitⁿ, vt in Siciliam ad Dionysium tyrannum abiret, ad quem, virorum doctorum et imprimis philosophorum consuetudinem ad emolliendam inuidiam magnis praemiis affectantem, alii quoque Socratici concesserant. Et initio quidem cum dialogos Socratico more conscriptos attulisset, sine dubio ob pauperiem contemptus fuit^o; a Platone denique, vel, quod alii contendunt, Aristippo^p commendatus, honeste exceptus a Dionysio ac magnifice eius ratio habita est^q; qui et dialogos quosdam cum eo communicatos liberaliter remuneratus est, Aeschinemque apud se retinuit, donec tyranno depulso succederet Dion. Postea Athenas reuersus, cum publice philosophiam docere non auderet, eo quod magna fama et discipulorum concursu ibi scholam aperuissent Plato et Aristippus, priuatim mercede accepta docuit^r. Postremo, vt de necessariis sibi certius prospiceret, foro se applicuit, causisque dicendis vacauit, in quo orationis genere eius summam facultatem fuisse Timon prodidit^s. Nec aliunde forte deriuanda causa est, quod Lysias orator male de Aeschine locutus, varia eum peculiari oratione labe asperferit, nempe causas iniustas defendisse, mutuum, quod acceperat, restituere noluisse, et quae alia sunt, quae narrat ATHENAEVS^t: quae fidem non mereri, aemulatio et inuidia, quibus ista obiecta sunt, probant. Scripsit^u praeter orationes et epistolas quoque dialogos Socraticos, septem, in quibus iucunditatem sermonisque nitorem laudauit LVCIANVS^v, quo-

^b) Ita quidem narrat SENECA de beneficiis L. I. c. 8. nec res ipsa probabilitate caret, circumstantiis tamen, vt ingenium magis saperet historia, ornasse Senecam, inde conici potest, quod Socrates a nemine, ne ab Alcibiade quidem munera accepit, quod tamen innuit Seneca.

ⁱ) l. c.

^k) ibid. Aristippum quoque frigidum illi se praebuisse, restituisse tamen amicitiam testatur PLUTARCHVS de cohib. ira.

^l) De diferim. adul. et amici.

^m) LAERT. l. c. id de dialogis vendendis male accepit STANLEIVS l. c.

ⁿ) LAERT. l. c. LVCIANVS in Parasit. T. III.

p. m. 507 seq. PHILOSTRATVS in vit. Apoll.

L. I. c. 35. p. 43. quem exscripsit SVIDAS l. c.

^o) PLUTARCHVS l. c. ^p) LAERT. l. c.

^q) Assentationem tamen, et seruilem propter pecuniam animum in aula tyranni fouisse obiciunt PHILOSTRATVS et LVCIANVS III. cc.

^r) LAERTIVS l. c. f. 62. et ex eo HESYCHIVS.

^s) ibid. f. 63. imitatus vero est Gorgiam Leonatinum. conf. PHOT. Cod. XXXVI. p. 173.

^t) E. XIII. p. 611.

^u) LAERT. l. c. STANLEIVS l. c. p. 226. ff. FABRICIVS Bibl. Gracc. Vol. I. p. 785. conf. SVIDAS in Aesch. T. I. p. 601. et MENAGIVS atque KUSTERVS ad l. c. Laerti. et Suidae. ^v) l. c.

quorumque argumento, ut *ATHENAEVS*^y auctor est, magnam temperantiae, humanitatis et integritatis laudem est consecutus. Ex his tres tantum supersunt, quos nitide excusos cl. *CLERICI* curae debemus^z. Fecit tamen optimi viri paupertas, et aemulorum invidia, ut ingenium eius contemneretur, nec dialogi isti ab eo profecti crederentur. Menedemus enim eum accusavit, quod multos sibi arrogauerit Socratis dialogos^a, acceptos a Xantippe, id quod ex eo falsum esse conuincitur, quod supra probatum dedimus, nihil scripsisse, Socratem. Alii Antistheni surreptos, alii Paphontis, philosophi Eretriaci esse iudicarunt, qui Aeschini eos supposuerit^b. Nihil tamen horum fidem meretur, satisque prodidit *LAERTIUS*^c, hanc plagii suspicionem profectam esse ex invidia Aristippi, a qua argumentum male petitur. Fuerunt et alii Aeschines^d, et inter eos orator Atheniensis celeberrimus, qui cum nostro confundi non debent, ut accidit *M. MEIBOMIO*^e.

*Philosophia
moralis
Aeschinis.*

§. XXII. Philosophiae moralis, quam secutus est Aeschines, faciem ex Socratica facile diiudices: nam quae a praeceptore audiuit, vel eis proxima et similia^f in dialogis comprehendit; cuius vel ex eo argumentum sumi potest, quod Socrati ipsi aduersarii Aeschinis dialogos tribuerint. Eundemque vultum is quoque seruat in dialogis, quos superstites habemus. In iis enim, Socratis doctrinam tuetur, metiendas esse diuitias non ex rerum pretio, sed ex usu; sic ut aegrotum omnium rerum abundantia superfluentem diuitiis superet sanus, cui adest, quantum requiritur. Nec esse maiorem thesaurum, sapientia. Virtutem doceri non posse, neque tamen a natura homines habere, sed a Deo donari. Eum esse felicissimum et ditissimum, qui paucissimis eget, et contentus est paruo: diuitiis abundantes plerumque esse infelicissimos, qui pluribus indigeant, quam alii: Non corpus sed animam hominis esse, quae, postquam in hac vita bene vixit, e corpore discedens in ea loca deferatur, ubi a molestia vacua, veritatis plena imbuitur cognitione. Nihil enim horum est, quod non inter Socratica colloquia a discipulis notata inueniatur^g. Feruntur et alia eius dicta^h, quorum tamen aliqua ad eum non pertinentⁱ.

Crito.

§. XXIII. *CRITONIS* in Socratis vita mentio facta est. Is enim cum opibus polleret, hunc ad philosophiam traduxit, tantoque eum affectu prosecutus est, ut nunquam eum necessariis carere pateretur^k. Eius filios quoque quatuor disciplinae Socratis addictos fuisse, supra narrauimus. Di-

gnum

y) I. XIII. p. 611.

z) Amstelod. 1711. 8.

a) *LAERT.* L. II. f. 60.

b) Conf. *FABRICIUS* l. c. Aliter tamen *PHOTIUS* Cod. CCXLVII. p. 700. ed. Hoefsch. qui eum laudat, quod ea tradat, quae a praeceptore audiuerit, secus ac Plato fecit.

c) l. c. f. 62.

d) Vid. *LAERT.* l. c. f. 64. *MENAG.* ad h. l. *FABRICIUS* l. c. p. 872. inter hos est etiam Aeschines philosophus Academicus.

e) Is Laërtio a se edito Oratoris Aeschinis imaginem pro philosophi vultu inseruit, acerbe idem notatus *GRONOVIO* T. II. thes. antiq. Gr. ad tab. XCIV.

f) *PHOTIUS* l. c.

g) Vid. *XENOPH.* opp. p. 1002.

h) Apud *PLUT.* de aud. et de Stoicorum repugnantis.

i) Apud *STOBAEVM* Serm. XXIX. CXLV. pertinent enim ad Oratorem Aeschinem.

k) *LAERT.* L. II. f. 121.

gnum memoria est, quod XENOPHON¹ refert: ei cum multum negotii facefferent, et multi obruerent, quos minime omnium offendisset, eius quippe ingenio ab altercandi studio alienissimo abusi, quod sequens iure suo potius cedebat, quam ut foro illud committeret: a Socrate consilium accepisse, ut similis cum aduersariis ingenii hominem turbulentum atque irrequietum sibi adiungeret, cuius ope aliorum iniurias depelleret. Dicto itaque audientem Critonem Archidamum elegisse, iuris consultissimum, sed pauperem, qui donis eius atque liberalitate deuinctus acerrime omnes insectatus sit, qui vel ipsi, vel familiaribus ipsius vlla re aegre facerent. Scripsit etiam hic dialogos XVII. more Socratico^m, quos enumerant LAERTIVS² et SVIDAS³, qui tamen temporis iniuria interciderunt. PLATONIS Crito autem, et EVCLIDIS, titulum tantum atque nomen ad eum retulerunt. Fuerunt et alii huius nominis, historicis monumentis non incelebres⁴, a philosopho Socratico probe distinguendi⁵.

§. XXIV. SIMON, Atheniensis fuit, coriarius, cuius in officinam cum saepius veniret Socrates, et de moribus differeret, omnia, quae poterat, notabat, et ita Socraticam discebat philosophiam, quam et postea literis iterum exarabat, Socraticosque dialogos concinnabat⁶. Primusque dicitur inter Socraticos fuisse, qui sermones Socratis in dialogis retulit⁷. Edidit vero dialogos triginta tres, de argumentis moralibus, quos tamen omnes tempus nobis inuidit, nec eorum quicquam superest, quae in literas retulit⁸. Epistola enim, ad Aristippum quae inter Socraticas ei tribuitur, sine dubio conficta est⁹. Tanti vero dicendi et philosophandi libertatem fecit, ut cum eum Pericles inuitasset, ut ad se veniret, omnium rerum copiam pollicitus, ille negaret, fassus, libertatem se in dicendo vendere nolle. Simones plures cum hoc non commiscendos notauerunt ALLATIVS¹⁰ et FABRICIVS¹¹.

§. XXV. Tandem et praeter Glauconem¹² et Simmiam¹³ dialogis Socraticis celebres, CEBES memorandus est, Thebanus, diligens Socratis discipulus¹⁴, qui quaerendo ex tanto magistro, moralem doctrinam egregie

1) Memorab. L. II. p. 759.

m) Paret hoc ex argumento morali, quod erat: non ex disciplinis constare probitatem? quid sit abundare? quid idoneum? de honesto; de maleficio; de felicitate; de lege; de diuino; de artibus; de reuenera; de sapientia; de ciuili re; de literis; de poetica; de pulchro; de disciplina; quid sit scire.

n) loc. cit.

o) In Crito T. II. p. 377. qui etiam refert: scripsisse Apologiam Socratis.

p) Fuit vnus etiam Pythagoricus philosophus, et medici duo.

q) Vid. SVIDAS l. c. FABRICIVS Biblioth. Graec. Vol. I. p. 791.

r) LAERT. L. II. f. 122.

s) Ibid. cuius verba tamen hunc quoque sensum patiuntur, fuisse primum, qui more Socratis, methodoque eius dialogos conscripserit.

t) Ib. Conf. FABRIC. Bibl. Gr. Vol. I. p. 794. §. 42. coriarios a quibusdam vocatos tradit LAERT. l. c.

u) Vid. OLEAR. de Scriptis Socratis. FABRIC. l. c. p. 425. ex hac epistola finem repetit. STOBÆVS Sermon. XXXIX. p. 136.

x) De Simonibus.

y) Bibl. Gr. Vol. X. p. 298.

z) Is Platonis frater fuit, conf. LAERT. L. II. f. 174. FABRIC. l. c. p. 792.

a) Citati, meminit eius etiam AELIAN. Var. Hist. L. I. c. 16.

b) LAERTIVS L. II. f. 125. SVIDAS in Cebes T. II. p. 388.

gie didicit ^c: eiusque specimina tribus dialogis tradidit ^d: ex his, deperditis duobus tertius ad nos peruenit, exhibens elegantissimam picturam vitae humanae ^e. Enarrantur enim in hac tabula; ita enim nomen ei Cebes indidit, quae animis contingant, antequam in corpora immittantur, unde SVIDA E τῶν ἐν αἵδε διήγησις vocatur; deinde varii hominum in hac vita mores, praeiudicia, studia, et scopus, quique maneat exitus, cum per angustam virtutis semitam penetrantibus, tum in lata voluptatis ac vitiorum via grassantibus. Non vero sui ingenii opus esse Cebes innuit, sed expressam fuisse istam imaginem in tabula quadam, quam Athenis in templo Saturni dedicauerat aliquis Πυθαγόρειον τινα καὶ Παρμενίδειον ἐχέλακός βίον, Pythagoreum et Parmenideum vitae genus quoddam imitatus. Et si vero dialogum hunc Cebetis Socratico tribuunt veterum plurimi, LAERTIVS ^f, LUCIANVS ^g, IULIUS POLLUX ^h, TERTULLIANVS ⁱ, CHALCIDIVS ^j, SVIDAS ^k, quorum loca adduxit, cui elegantem tabulae huius editionem debemus, V. C. IACOB. GRONOVIVS: visus tamen fuit HIERONYMO WOLFIO ^l aliisque ^m, ad alium potius, et iuniorem quidem, Cebes referendus esse. Cuius suspicionis argumenta potissimum tria afferuntur, 1. quod Plato in hac tabula allegetur, qui iunior sit Cebete; 2. quod inter diuersa falsae eruditionis genera nominentur, poëtae, rhetores, dialectici, musici, arithmetici, geometrae, astrologi, Hedonici, Peripatetici, Critici; Dialectici vero Socratis tempore nondum male audierint, Hedonici et Peripatetici nondum fuerint; 3. quod occurrant vestigia Platonismi et Stoicismi. Neque tamen, quae reponant, desunt, viris doctis, inter quos imprimis celeberrimus IAC. GVILIELM. FEVRLINVS elegantissimum dialogum, ex instituto Cebetis Socratico vindicauit ⁿ. Obseruat is non sine ingenio et doctrina: falso supponi, Platonis dialogos non potuisse videre et ad eos prouocare Cebetem, cum mature is post praeceptoris mortem eos scripserit; potuisse quoque, si non scriptos legere Cebetem, audire tamen ex ore Platonis ea, ad quae respicit, cum mature magna celebritate innotuerit Plato, etsi iunior aliis Socraticis discipulis fuerit. Nec locum illum eripere Cebetis Thebano tabulam: manifestum enim esse ex memorabili CHALCIDII loco (quod et FABRICIVS ^o notauit) aliter eum hunc locum legisse, et mentionem ibi tantum fieri, geometriae, musicae, arithmeticae et astrologiae, unde recte coniciatur, locum interpolatum fuisse. Neque argumentum etiam validum ex hoc loco, ubi etiam pro genuino admittatur, necti posse, non referendam esse hanc tabulam ad Socratis discipulum. Etsi enim dialectica in magno habita fue-

rit

c) PLATO in Phaed. T. I. p. 60 seqq.

d) Citati. FABRIC. l. c. p. 787 seqq.

e) Versiones et editiones enumerat FABR. l. c. inter hos elegantissimae sunt IAC. GRONOVII et HADRIANI RELANDI.

f) loc. cit.

ff) De mercede conductis.

g) Lib. III. c. 16.

h) De praescript. c. 29.

i) In fine Comm. in Timaeum.

k) loc. cit.

l) In annot. ad Epiq. et Cebet. p. m. 109.

m) BERKELIVS in not. ad Cebet. CLERICVS Sylu. phil. c. VIII. AVG. MASCARDVS diff. mor. in Cebet. P. III. diff. I.

n) Miscell. Lipsiens. T. III. obs. LV. p. 14 seqq.

o) loc. cit.

rit honore a Platone, aliter tamen sensisse Socratem et discipulos, qui omnem dialecticæ artem, qualem Sophistæ exercebant^{p)}, reiecerunt, nec aliter admiserunt, quam equum intra terminos freno coercendum, qua ratione et Cebes philosophari instituat. Hedonicos non Epicureos, sed Aristippi sequaces intelligi; ex XENOPHONTE^{q)} enim constare, quam vehementer Socrates Aristippum ceu voluptuarium perstrinxerit. Criticorum nomen occurrere etiam apud AESCHINEM^{r)}, falsumque esse, quod non sit antiquius Aristotele^{s)}. Nec tantopere vrgeri posse rationes chronologicas de tempore conditæ sectæ Peripateticæ, ut Cebet dialogus abiudicari queat, cum pleraque chronologica in historia philosophica sint incertissima, et scriptores vera tempora plerumque ignorarint: vel si etiam hoc non placeat, illud obseruandum esse, fuisse ante Aristotelicos, alios philosophos, quibus Peripateticorum nomen fuerit impositum, vel potius, qui Peripatetici dicti fuerint, id est, doctores in loco publico, id est περιπάτω docentes^{t)}, ex quibus incuria scriptorum exsculpi postea sint Peripatetici. Neque Pythagoreismi et Platonismi vestigia certa in hac tabula deprehendi. Auctorem enim tabulae non Pythagoream sectam secutum fuisse, sed simile quid instituti Pythagorici: nec Socratem omnem Pythagoricam disciplinam reiecisse, sed inutiles speculationes et arcanas doctrinas: earumque sententiarum, quas Pythagoricas iudicent viri docti, complures inueniri apud Xenophontem, nec Socrati displicuisse doctrinam de purgandis animis: extare praeterea non obscura in hac tabula loca Socraticæ disciplinae, quae Platoniciis et Stoicis contraria sunt. Nos haec lectori examinanda relinquimus, fatemur tamen, ea quae de Peripateticis, siue Peripateticis dicuntur, nobis non satisfacere, et videri obtorto huc collo trahi: nec negari quoque posse putamus, vestigia Pythagoricae disciplinae, quam se sequi et auctor fatetur in initio, et dogmata diuersa euincunt: id quod recte iam notauit SVIDAS, memorari ea quae animae ἐν ᾧδῃ contigerint^{u)}, quales disputationes Socratem tanquam inutiles et in deos iniurias proscripsisse, supra ex Xenophonte probauimus. Neque tamen iucundissimam et optima doctrina refertam fabulam, Socratica schola omnino dignam Cebet abiudicandam putamus, cum vnanimi fere veterum consensu Cebet πινάξ tribuatur, eundemque dialogum, quem hodie habemus, obseruante GRONOVIO^{x)} legerint non Chalcidius tantum, sed et DIO CHRYSOSTOMVS^{y)} et ARISTAENETVS^{z)}; quorum omnium auctoritatem ob aliquas difficultates reicere temerarium est, et omni fidei historiae veteris euertendae aptum. Nec quae obliciuntur, tanti esse nobis videntur, ut magnum no-

Ddd d 2

bis

p) Dictum hac de re supra.

q) Memorab. L. II. init.

r) Dial. III. c. 7. et CLERIC. ad h. l.

s) Ita HORNIVS Hist. phil. L. III. c. 19.

t) Vid. Io. FRID. GRONOVIVS de museo Alexandrino T. VIII. Antiq. Graec.

u) Id in tabula non inueniri iam notauit WOLF, l. c. et post eum P. PETITVS Misc.

L. IV. c. 4. vnde aliam legisse tabulam quam nos habemus, conicit KVSTERVS ad h. l. sed haec conuenienter instituto tabulae dici §. seq. ostendimus. Quare nec cum WOLFIO et STANLEIO ll. cc. diuersus liber inde exsculpi debet.

x) In not. p. 108. 110.

y) Orat. II. de regno.

z) Lib. I. ep. 2.

bis moueant scrupulum. Platonem enim allegari, tantopere inter Athenienses post Socratis fata eminentem, quid quaeso habet absurdi? praesertim cum non sine ratione Cebes ad Platonis consensum eo loco prouocet, quia is a Socraticis vituperabatur, quod eas scientias in philosophiae circulum iterum intruserit, quas eiecit communis praeceptor Socrates: unde eo rectius ab eo argumentum peti poterat. Hedonicos vero, Criticos et Dialecticos et Peripateticos intrusos fuisse in textum Cebetis nulli dubitamus, cum negari nequeat, haec nomina, tanquam sectarum, ignota fuisse tempore Socratis, quaeque in contrarium afferuntur, nimis esse longe petita et frigida. Certe Chalcedonii lectio satis id suadet: videturque nobis eiusmodi interpolatio ex margine in textum irrepsisse, qua ratione scripta veterum innumeris modis corrupta fuisse, artis criticae gnaris ignotum esse nequit^a: id quod eo magis verisimile est, quo pauciores tabulae Cebetis codices manuscripti extant, et ita decerni non queat, qui lectionis codd. msc. sit consensus vel dissensus. Aliter certe legisse Chalcedonium, negari nequit^b. Nec vestigia Pythagoricae disciplinae quaedam apparere negamus^c, sed non inde sequi putamus, ea non esse a Cebete Socratico: etsi enim Socrates dogmata Pythagorae τερατάδῃ reiciebat, potuerunt tamen ea placuisse discipulis: quorum plerique magistrum deseruerunt, et ad alia dilapsi sunt. Plato sane in multis secutus est Pythagoram, cur non itaque Cebes, praesertim in argumento morali, quo non minor videbatur schola Italica Socratica? quod si etiam concedi nolimus, Cebetem, tanquam γνήσιον Socratis discipulum alias opiniones et placita elegisse, sufficere tamen putamus, quod Pythagoricam picturam Socraticis sententiis illustrandam elegerit, quod propositum atque scopus eum necessario coëgit, illud philosophiae moralis initium eumque finem ponere, quem figere sibi Pythagoras iussit. Quibus omnibus vno fasce comprehendendis nullum superesse dubium existimamus, quod verisimili ratione Cebetis πίναξ deneget.

*Philosophia
moralis Cebetis.*

§. XXVI. Etsi vero in omnium manibus versatur elegantissimus dialogus, instituti tamen memores, potiora quaedam ex eo degustabimus, ut specimen exhibeant philosophiae Cebetis. Eo vero pictura elegantissima tendit:

I. Existere animas antequam in hanc vitam et corpus immittantur, iisque futura fata decerni.

II. Adstare animis vitam hanc ingressuris genium, qui iis exponit, quid vitam ingressuris faciendum, quaeque via eligenda sit. Vtraque thesis Pythagoream scholam manifeste sapit, ut ex iis videre est, quae de doctrina Pythagoricorum aliorumque philosophorum de daemonibus erudite disse-

ruit

^a) Conf. Io. CLERIC. Art. Crit. P. III. f. 1. c. 7. p. 79. qui plura exempla offert. Idem placuit PETITO et FABRICIO II. cc.

^b) Conf. SALMAS. ad paraph. arab. tab. Cebet. pag. 79.

^c) Quia Cebes Thebanus fuit, haec Thebis gesta fingi putat WOLFIVS, et per Pythagoricum istum intelligi Lyfidem, Epaminondae praeceptorem: exigua verisimilitudine.

ruit GODOFR. OLEARIVS ^d. Et haud obscure tota fabula *πρεσβια* Pythagoricam supponit, fatique de futuris hominum euentibus dispositionem, quam Adrasteae legem Plato vocauit. Hanc inter Socraticos inualuisse, Plato luculento exemplo est, vnde et Cebeti placere potuit: certe Pythagoricam imaginem explicituro ab hac animarum praeeexistentia incipiendum erat. Vnde Suidam recte vocasse explicationem eorum, quae in loco animarum designata quasi et destinata sunt, supra iam innuimus.

III. Animabus vitam ingredientibus imposturam, errorem et ignorantiam propinare, hacque pota omnes vitam ingredi, sed aliae plus, aliae minus. Prodit et haec thesis luculenter Pythagoricae scholae lapsum animae, ignorantiam et errores antequam in mundum veniunt, quod Plato quoque ex Italia Academiae intulit.

IV. Hinc oriri opiniones, cupiditates et voluptates, quae turbam hominum partim ad salutem, partim ad interitum ducunt, licet omnes vitam beatam polliceantur.

V. Inconsideratos inter homines volubilis et incertae fortunae muneribus inhiantes, diuitias, gloriam, nobilitatem, liberos, regna appetere, et misere decipi.

VI. Fortunae muneribus ornatis insidiari incontinentiam, luxuriam, auaritiam, assentationem, iisque adulari vitamque polliceri beatam et sine molestia.

VII. His qui morem gerit, ei iucundam ad tempus videri vitam; consumptis vero, quae a fortuna acceperat, istis seruire cogi et omnia perpeti et perniciofa quaeque admittere fraudes, spolia, latrocinia, periuria exsequi.

VIII. Haec sequi poenam, moestitiam, aerumnam, luctum et desperationem.

IX. Ita infelicitate consumi malos, nisi poenitentia subeat, quae opinionem aliam, et cupiditatem ad veram eruditionem perducturam excitet.

X. Duplicem vero esse eruditionem veram et falsam; ad veram pertingentem purgari, et ab omni calamitate immunem seruari: ad falsam diuertentem denuo seduci.

XI. Diuertere vero plerosque homines primo ad falsam eruditionem, quam exhibent poëtae, oratores, musici, dialectici, arithmetici, geometrae, astrologi.

XII. Nec recedere a falsa eruditione amentiam, opiniones et vitia: donec reiecta falsa eruditione, purgatrice vi (*καθαρτικὴ δύναμις*, celeberrimum Italicae scholae dogma) opiniones, ignorantiam et vitia eiecerint.

XIII. Viam vero ad veram eruditionem et minime tritam et asperam et praeruptam, ianuamque ad eius domicilium paruam esse.

XIV. Ingressos hanc viam, continentiam et tolerantiam excitare et hortari homines, ne per ignauiam desperent.

Ddd d 3 XV.

^d) Diff. de genio Socratis inserta STANLEII Hist. phil. P. III.

XV. Has virtutes connitentibus in excelsas sedes dare robur et fiduciam, et amoenas sapientiae et eruditionis verae sedes ostendere.

XVI. Huc grassantibus contingere adire domicilium beatorum, ducentibus veritate, suadela, et vera eruditione.

XVII. Accipere eos munera fructumque securum; fiduciam, securitatem, et purgatrice potentia potari.

XVIII. Purgatos ad virtutes adduci, et ad scientiam immitti, et fortitudini, iustitiae, vitae integritati, temperantiae, modestiae, liberalitati, continentiae, clementiae iungi.

XIX. Ita certaminibus maximis defunctos a beatitudine tandem coronari, et sui iuris factos belluis, ignorantiae, errori, cupiditatibus, vitiis imperare: et malorum omnium expertes fieri, spemque felicitatis repositam habere in semet ipsis.

XX. Beatos hos homines tum demum miseriam hominum intueri et recte perspicere, et ubique honeste et tuto et sine molestia vivere, nec villo malo vexari, sed omnibus dominari.

XXI. Eos vero, qui a tolerantia recefferunt, nullo certo itinere oberantes tandem in aerumnas, molestias et desperationem incidere, et pristinum luxum et incontinentiam repetere, et pecudum more gulae servire.

XXII. Fortunae itaque non fidendum, nec firmum putandum, quicquid contulerit.

XXIII. Accipiendas tamen esse a falsa eruditione literas et ceteras disciplinas, ne aliis rebus animi distrahantur: neque tamen eas ad incrementa virtutis quicquam accipere, quippe sine quibus liceat fieri meliorem.

XXIV. Eos, qui putant se scire, quae nesciunt, impediri quo minus meliores fiant, et ad veram eruditionem pertingant.

XXV. Viros bonos non fieri diuitiis, sed eruditione vera, qua diuitiis recte uti discunt.

*Timon mi-
santhropus.*

§. XXVII. Et haec quidem brevis Socraticae scholae historia est, cui ex adductis veterum memoriis facile plura addere poterit, qui prolixioribus delectatur. Fuerunt quidem circa ista tempora alii quoque inter Graecos philosophi, nulli sectae addicti, sed tam exiguae famae atque nominis, ut eorum memoria tantum non penitus interciderit. Vnus TIMON Echecratidis filius, Atheniensis, ex pago Colytto^e; qui Socrati aequalis circa belli Peloponnesiaci tempora vixit, non tam philosophica eruditione, quam morum singularitate et solitariae vitae amore nomen obliuioni eripuit, licet philosophum fuisse, veteres testentur^f. Si tamen SVIDAE^g fides habenda, ab omni secta abhorruit, quod tamen ad Timonem Phliasium Scepticis adhaerentem pertinere, non sine veri specie coniicit MENAGIVS^h. Nec de eius placitis quicquam annotarunt veteres, obscurissimae vitae ho- mine

^e) LUCIANVS in Timone T. I. p. m. 93.

^f) LVC. I. C. SVIDAS in Timon Tom. III. p. 476. LAERT. L. IX. c. 112.

^g) loc. cit.

^h) Ad I. c. Laert.

mīne in id connitente, ne aliis innotesceret. Vna morum difficultas et morositas, et, quo erga omnes fere homines ducebatur, odium, famam ei immortalem peperit, quo nomine eum ab Aristophane et Platone traductum fuisse refert PLVTARCHVSⁱ. Cuius rei exemplum affert^k: Timonem hunc, cum omnium hominum congressum vitaret atque aspernaretur, solum Alcibiadem, iuuenem tum ferocientem benigne salutasse, et Apemanti miranti, causamque percontanti, ideo, respondisse, eum amore complecti, quod sciret, Atheniensibus multorum malorum causam fore. Proditque is alio loco^l, excitatum ad hoc odium, eo quod ab amicis malam gratiam referentibus, iniuriis affectus fuisset. Vnum vero Apemantem similem sui et eiusdem vitae sectatorem aliquando ad se admisit, et semel cum eo coenauit. Plura huius generis idem PLVTARCHVS memorat, vnde paradoxum et malignum animum discere licet, et recte eum *μισάνθρωπον* vocatum esse, perspicitur. Mortui corpus Halis sepultum est iuxta mare, fluctibus tamen littus subsidens inaccessum hominis sepulchrum fecit, vt qui viuus hominum consortium vitauerat, nec mortuus cum iis esset. Plura de eo LVCIANVS^m, quem tamen multa ridendi causa finxisse probauit eruditissimus STOLLIVSⁿ, qui recte quoque TANAVILLVM FABRVM^o notat, ideo Timonem excusantem, quod non homines ille, sed feras oderit, quibus aetas illa scatebat. Fuisse enim non homines tantum, sed viros quoque bonos tum Athenis, schola Socratica cum magistro suo fatis probat. Magis itaque feueritati morum in infaniam quandam toruitatemque naturae duram et inflexilem, humanitatem omnem eiurantem degeneranti causa adscribenda est^p: quae ingenii tristitia cum auaritia quoque et mala amicorum fide augeretur, in humani generis odium transit: quod, si SVIDAE^q fides est, ipsi Timoni exitio fuit, de pyraastro enim lapsus claudus redditus, cum medicum non admitteret, putrescens obiisse dicitur.

i) In Anton. T. III. p. m. 158. conf. CICER. Tusc. Q. L. IV. c. 2.

k) In Alcibiade.

l) In Anton. l. c.

m) Refert enim, eum ab initio diuitem fuisse, sed ob liberalitatem, et quod absque iudicio in quousuis fuisset benignus, ad paupertatem redactum.

n) Peculiari obseruatione de Timone misanthropo, Miscell. Lips. T. III. obs. LVII. §. 21 seqq. p. 81 seqq.

o) In animaduers. ad LVCIANVM.

p) Ita recte PLIN. Hist. nat. L. VII. c. 19.

q) loc. cit.





CAPVT TERTIVM.

DE SECTA CYRENAICA, ALIISQVE,
QVAE HVIC DEBENT ORIGINEM.

§. I.

*Sectae Cyre-
naicae origo.*

Ex schola Socratis, tanquam ex equo Troiano, magna prodiit philosophorum multitudo, qua Graecia tantum non omnis repleta est. Cum enim multiplices Socratis sermones per omnia fere scientiarum argumenta discurrent, et discipulos ingenio, moribus et animi affectionibus diuersissimos, de variis rebus docerent, factum inde est, vt diuersae quoque ab iis conderentur sectae, quarum quaelibet Socratem magistrum iactabat ^a: quae cum magna celebritate et ingenti sequacium numero efflorescerent, virosque gignerent, qui praeceptorum philosophia non contenti noua condebant systemata, nouasque sectas, innumera inde philosophorum seges per plurimas sectas enata est, inter quas tamen Cyrenaica, Academica, atque Cynica reliquis praecelluerunt, et Peripateticam atque Stoicam sectam produxerunt. Quae genealogiae, vt ita loqui liceat, ratio in causa fuit, vt Ionicam, non tam sectam, quam successionem per Socratem ad sequentes sectas deriuatam, in Clitomacho Academico, Chrysippo Stoico, et Theophrasto Peripatetico finiri diceret LAERTIVS ^b. Absoluta itaque Socraticae scholae historia, iam ad eos pergendum est, qui ex illa prodeuntes nouarum sectarum auctores atque conditores facti sunt; inter quos cum Aristippus Cyrenaicam, Euclides Megaricam, Phaedo Eliacam, Plato Academicam, Antisthenes, Cynicam sectam condiderint, prolixius de iis in sequentibus erit tradendum ^c.

*Auctor sectae
Aristippus
Cyrenaicus.*

§. II. Cyrenaicae sectae non ab auctore sed loco, vt pluribus aliis ^d, nomen haesit, ex quo ille oriundus fuit. ARISTIPPVS enim, ad quem eius origines referuntur, Cyrene Africae vrbe erat editus, patre Aritada Cyrenaeo ^e. Cuius viri notitiam memorabilem fecit condiscipulorum inuidia, quibus vehementer vapulauit, eiusque philosophandi ratio in suspicionem voluptatis foedae adducta est. Neque tamen historia eius adeo certa est, vt non magnis passim laboret difficultatibus et incertitudine. Cum enim

^a) CICERO de Orat. L. III. c. 16.

^b) Lib. I. c. 14. Opponitur itaque Ionica philosophia non Socraticae, Academicae, Cynicae, Stoicae, sed Italicae, ex qua Eleatici, Heraclitici, Epicurei, Sceptici.

^c) Non omissis tamen iis, quibus breuissimi temporis aetas concessa fuit, vel quod reliquarum sectarum vi et disputationibus fractae et extinctae sint, vt putat CICERO de Or. l. c. c. 17. vel quod in obcurioribus orbis partibus plantatae eam aetatem attingere non potuerint, quam illae, quae

Athenis radices egerunt, quod non inepte iudicat STANLEIVS Hist. phil. P. III. p. 241.

^d) E. g. Eliacae, Eleaticae, Eretriacae, Megaricae, Italicae, vid. LAERT. L. I. f. 17. et AMMONIVM, cuius locum affert MENAGIVS l. c. Vide sis diss. nostram de secta Elpistica Misc. Berol. T. V. art. vlt. Aristippicos tamen interdum quoque vocatos esse, innuere videtur auctor Hist. phil. GALENO tributae c. 3. sed id rarissime factum esse oportet, quia inusitatum veteribus hoc nomen est.

^e) SVIDAS in Aristippus T. I. p. 324.

enim Aristippus nec Socraticam frugalitatem et paupertatem coleret, nec condiscipulos gloria et fama anteire intermitteret, nec vellicare subinde aemulos defineret, tanta illi conflata est invidia, ut pessime passim et vita eius et philosophandi institutum describeretur ³. Deficientibus vero ipsius Aristippi scriptis, cum ex solis istis veterum memoriis iudicandum sit, quas LAERTIVS ⁴, et ex recentioribus PAULVS LEOPARDVS ⁵, atque STANLEYVS ⁶, sine magno iudicio collegerunt, omnino critico examine opus est, ut quae vero sint similia, quae conficta sint vel suspecta malae fidei, inter se discernantur. Quam criticam rationem excutiendi Aristippi historiam cum secutus sit vir doctus FRIDERICVS MENZIVS ⁷, eius historiam Aristippi omnino consulendam commendamus, ita tamen, ut illae nunquam ex oculis dimittantur regulae, quas sub initium operis constituimus.

§. III. Barbarus vero cum Aristippus fuerit, mirum non est, de eius educatione nihil nobis apud veteres tradi: cum enim Graeci barbaros, tanquam ineptos rudesque contemnerent, credi omnino potest, invidiam gentis etiam Aristippum pressisse, ut eum in iuuentute illiteratum fuisse, et eruditionem atque philosophiam a Graecis tantum accepisse putarent, sicque nihil de eius institutione literis consignarent. Parentem nec honoribus, nec diuitiis caruisse, ex eo conici potest, quod non tantum magno satis itinere ad Olympicos ludos filium misit, iisque sumtibus instruxit, quibus Athenas quoque ad audiendum Socratem concedere posset; sed quod Aristippus etiam, canente HORATIO ⁸,

*Educatio,
studia, vita-
que reliqua
Aristippi.*

*seruos proicere aurum
In media iussit Libya: quia tardius irent
Propter onus segnes.*

Et si enim hoc scomma aemulorum Aristippi videri queat ⁹, supponit tamen censum parentis, ipsiusque Aristippi locupletem: certe a puero elegantiae non morum tantum, sed et vestium totiusque habitus studuisse, reprehensiones Socratis, et discipulorum ¹⁰ produnt. Ingenio fuisse non tantum docili, sed et egregio, ea, quam Socrati probauit, industria, magistri praecepta, non feliciter tantum, sed et promte assequens, satis innuit, et a naturali discendae

fg) Causis his inuidiae in Aristippum excitatae, de quibus postea, addi possunt; contemptus barbarorum apud Graecos in gloriam suam effusissimos, uti vocat PLINIVS H. N. L. III. c. 5. et invidia in laudes eruditionis iisdem tributas, vid. IDEM L. XXIX. c. 1. morum diuersitas; Athenientium amor erga hominem, omnis generis moribus se prudenter attemperantem: quod ipse Socrates aegre tulit. conf. MENZ. l. citando praef.

b) L. II. f. 65 seqq. quem lingua Gallica expressit T. FABER

i) In vita Aristippi. conf. STOLLIVS Hist. lit. P. II. c. 1. §. 41.

k) loc. cit.

l) In vita Aristippi Hal. 1719. 4. conf. Hist. Bibl. Fabr. T. V. p. 472.

m) L. II. Sat. III. v. 99. eadem refert LAERTIVS L. II. f. 77. pertinere vero haec ad primum eius iter ex patria, inde conici potest, quod reliquo vitae tempore non tam bonis abundauerit, sic ut mercedem a discipulis exegerit.

n) Abieciisse enim aurum, quod seruo molestum esset in itinere, quis ab homine, aurum ad vitae splendorem adhibente crediderit? Verum in eo diligentes fuere eius aemuli, ut eum luxuriae suspectum redderent, tanquam insanae voluptatis seruum, hinc illae fabellae.

o) Vid. XENOPHON memor. L. II. init. et quae postea dicuntur.

scendae veritatis desiderio non destitutum fuisse, et ex parvis vestigiis maiora colligendi facultate instructum^p, testis est occasio, qua ad Socratem delatus est, quam ita narrat PLUTARCHVS^q: Inciderat in Ischomachum Aristippus ludis Olympicis, et quaesiverat, quibusnam disputationibus Socrates ita adolescentum animos deuinciret? atque cum exigua sermonum eius semina et documenta accepisset, ita vehementem sensit animi ardorem, ut et corpus marcesceret, et plane pallidus gracilisque fieret, donec sitibundus flagransque desiderio Athenas nauigaret, et ex ipso fonte hauriret, Socratis et facie visa, et disputationibus auditis, quae ad considerationem malorum hominis, et liberationem ab iis lem pertinebant. Ut itaque tanti praeceptoris doctrina et institutione frueretur, pecuniam ei, quam exitinere secum habebat, obtulit^r, reiiciente eam tamen, more suo Socrate: cuius in disciplinam admissus tantam diligentiam et acumen ingenii probauit, ut non tantum in philosophia morali egregie proficeret, sed et magnis profectibus aemuli condiscipuli in inuidiam accenderentur. Ita certe in philosophia morali eminebat, ut inter praecipua Socraticae scholae ornamenta, et praestantissimos tanti praeceptoris discipulos numeraretur^s. Non tamen ita arrisere vel Socrati vel eius familiaribus vita moresque Aristippi, ut eum ferre in omnibus possent. Cum enim Socrates munditiem Atheniensium sperneret, et ab omni luxus, qui tum Athenis regnabat, specie esset alienissimus, uti suo loco demonstrauius, Aristippus contra cultui corporis et elegantiae atque decori quam maxime studeret, ita ut non tantum, ubi res ferebat, elegantissimis amiciretur vestimentis, et ad splendidos iret splendidus^t, sed et vili pallio et Milesia lana tectus, ingenium decoris obseruantissimum ostenderet^u, uti postea probatum dabimus; de voluptate autem, quam praesentem ubique, etsi philosophico sensu, requirebat, differeret vehementius, quam dissentiens Socratis schola ferre poterat, et in reliqua quoque vita suspicionem voluptatis fecisset, Socratis et potissimum commilitonum reprehensiones incurrit^v. Didactro quoque postulato philosophiam docens indignationem eorum commouit^w. Quam cum negligeret, sicque

p) Coniicit ex his etiam cl. MENZIVS l. c. p. 10. domi iam degustasse philosophiam, cum talia, quae narrat PLUTARCHVS in puerum ignarum non cadant in literarum Graecarum institutione non fuisse rudem, Cyrenes studia ad Graeciae morem conformata fuissent. q) De curiositate.

r) LAERT. l. c. qui tamen tempora confundit; Ait enim: ὅτος σοφιστεύσας πρῶτος τῶν Σωκρατικῶν μισθὸς εἰσπραχθεὶ καὶ ἀπέειλε χρήματα τῷ διδασκάλῳ. Eo enim tempore, quo ipse mercede philosophiam docebat, didactrum praeceptorum tantam quam discipulus mittere non opus erat. Nisi velis τὸ σοφιστεύειν idem esse, ac philosophiae operam dare, ubi tamen, introductae mercedis ratio non tam facile locum inuenit. Recte vero cl. MENZIVS l. c. p. 11. pecuniam hanc Socrati initio oblatam coniicit, cum ex auro patrio Aristippo satis superesset. Reiecit id Socrates cau-

fatus, daemonem prohibere, ut acciperet, displicuisse vero ei et monet LAERTIVS l. c. et ex XENOPHONTE supra notauimus.

s) Vid. LAERT. l. II. f. 47. MENZ. l. c. not. B. p. 2 seqq.

t) Interdum quidem se comitius ornabat Socrates, sed ut a luxu Atheniensium tamen maxime differret, vid. LAERT. l. II. f. 28. ornatus eius erat, ut calceos indueret, et lautus incederet: quae cum moribus Aristippi queant comparari, ut facit MENZIVS l. c. p. 69. excusando philosopho, nimis, quam par est intentus, vehementer dubitamus.

u) PLUTARCHVS de fortitud. Alexandri.

v) Vid. XENOPHON mem. l. II. quem tamen suspectum facit LAERT. l. II. f. 54. quod aemulatione ductus hoc colloquium Socratis finxerit.

w) Vid. not. (r).

ficque cum Socratis schola ei non bene conueniret, locum, vt inuidiae cederet, mutandum ratus, varias peregrinationes suscepit, quarum duae potissimum veteribus memorantur. Primam in Aeginam insulam suscepit, vbi plurimum versatum fuisse Aristippum luxu dissolutum, vt liberiores, quam antea, vitam agere posset, a Socrate vero hortando ad meliorem frugem frustra reuocatum tradit *ATHENAEVS*^a, qui ad *XENOPHONTEM*^b prouocat, Socratis cum Aristippo de voluptate colloquium describentem. Quamuis vero nec in omnibus Xenophontis fidem laudet *ATHENAEVS*^c, et infesto in Aristippum animo hunc de voluptate sermonem Socrati imposuisse fateatur *LAERTIVS*^d, veri tamen simile omnino est, Aristippum plerumque in Aegina insula commoratum philosophiae operam impendisse, subinde tamen Athenas excurrentem. Certe ibi tum fuisse, cum cicutam biberet Socrates, *PLATO*^e testatur. Male vero de hac eius Aeginae mora loquitur *ATHENAEVS*, qui narrat, ibi in Laidis, famosissimi scorti, apud Corinthios familiaritatem peruenisse, quae Aeginam quotannis venerit, festo Neptuni, assidentemque tum sibi diligentissime Aristippum habuisse^f; addit *LAERTIVS*^g: fugillatum ob Laidis amores dixisse: habere se Laidem, non haberi; et *ATHENAEVS*^h; reprehensum a seruo ob nimiam liberalitatem in eam, quae gratis Diogeni Cynico se substerneret, pecuniam, dixisse, ei se dare, vt ipse fruatur, non vt alii non fruantur; vt alia huius generis mittamus. Sed caute audiendas esse eiusmodi narratiunculas de viro, qui inuidia sodalium vehementer premebatur, et ob male intellectam de voluptate doctrinam pessime audiebat, et tristitiae philosophorum sui temporis nuntium mittebat, laetiori vultu et vitae decus sectans et animi tranquillitatem quaerens, supra iam monuimus. Luxu enim diffuisse Aeginae, loco et paupere et multarum inopia rerum pressoⁱ, qui cultum elegantiores vix admittebat, cum venerum et gratiarum sedem, Athenas, sponte reliquisset, non videtur verisimile, licet decoris et commoditatis rationem Aristippum habuisse, subductum iniuriae commilitonum, negari nequeat. Nec quae de impura cum Laide conuersatione dicuntur, extra omnem dubitationis aleam posita sunt, quemadmodum tota Laidis historia

E e e 2

mul-

z) Alias causas susceptae peregrinationis affert doctissimus *MENZIVS*, nempe; noluisse, praesente et docente tanto magistro scholam aperire Aristippum, verecundia praeceptoris: nupiam enim legi, Aristippum, viuo Socrate docendo vel disputando nomen indeptum esse. Solennem quoque philosophorum morem, vt peregrinaretur, secutum fuisse. Neutrum extra dubium positum videtur. Nam philosophiam viuo praeceptore docuisse *LAERTIVS* auctor est, nec, id Aeginae factum, vt vult v. c. dicit: sed improbaesse praesentem. Peregrinationes vero philosophiae causa susceptas reiciebant cum magistro Socratici, nec exemplum Platonis rem iuuat, quem ideo reprehensionem sodalium incurrisse supra indicauimus.

a) L. XII. p. 544.

b) Memorab. L. II. p. 733. Eam vero disputationem Athenis institutam fuisse, Xenophon innuit, quod nisi totum fictum est, vt vult cl. *MENZIVS* p. 15. supponendum est; Aristippum saepius Athenas remigrasse.

c) L. V. pag. 216. vbi tamen Xenophontem *χαλόν* nominat.

d) L. II. f. 65.

e) In Phaedone p. 54. quod vero ex Ep. Secr. XVI. affert testimonium, fidem ob supra dicta non meretur.

f) Quam in rem L. XIII. p. 599. ad Hermesianactem prouocat, et epigramma in Aristippum Laidis voluptatibus succumbentem affert.

g) L. II. f. 75.

h) L. XII. p. 544.

i) Conf. *STRABO* L. VIII. p. 259.

multis obsepta est difficultatibus ^k, nec cohaerent, quae de ea referuntur, temporum quoque rationes non concordant. Nam si Athenaeo credendum est, qui plerasque istas narratiunculas congeffit, cum Cynico Diogene vno eodemque tempore congressus est cum Laide Aristippus: Diogenes vero, ut suo loco probabimus, Ol. XCI. demum natus CXIV. denatus est, adeoque ante Ol. XCVI. cum Laide consuescere, si modo verus est rumor, vix potuit. Aristippus vero ante et circa tempus mortis Socratis Aeginae et Corinthi versatus est, id est, ante et circa Ol. XCIV. et post praeceptoris mortem in Asiam et Siciliam abiit. Impossibile itaque est, Diogenem et Aristippum vna cum Laide simul fuisse conuersatos; et suspectae sunt historiologiae, quae de utroque narrantur. Nec dubium est, eas vel ab inuidis Aristippi, vel ab irrisoribus philosophorum excogitatas, et ab eiusdem farinae hominibus, qualis Athenaeus et Lucianus fuere ^l, collectas fuisse, ut fabellarum iucunditate otiosae Graecorum aures demulcerentur. Nec quae hac de re narrantur simul recte consistunt. Aeginae enim Laidi adhaesisse Aristippus dicitur; Diogenes Corinthi, quo semel tantum ille nauigauit, et tamen fertur Diogenes aemulatione ductus frequentissimum cum scorto consortium ei exprobrauisse: qui id fieri potuit, cum semel tantum in anno Aeginam Lais diuerteret, et mature Aegina discederet Aristippus? Neque tamen haec omnia ficta putanda sunt, quae de Aristippi cum Laide familiaritate dicuntur; fontem enim calumniae attendentibus aperit LAERTIVS ^m, qui in recensione scriptorum Aristippi vnus meminit ad Laidem. Scortum vero hoc ex earum meretricularum numero fuisse, quae humanioribus disciplinis et mathematicis scientiis operam se dedisse gloriatae sint, refert ATHENAEVS ⁿ. Probabilissimum itaque est, Laidem, quae isto tempore, quo Aeginae viuebat Aristippus, non corporis tantum sed et ingenii vigore et elegantia valebat ^o, Aristippum philosophiae et literarum causa conuenisse, et, quam gloriam tunc huius generis puellae quaerebant, eruditionem a tam studioso decori magistro et voluptatis doctore, vel didicisse, vel saltem de eiusmodi rebus sermones miscuisse, eiusque encomia affectasse ^p. Nam nisi haec statuamus, ratio dari nequit, cur librum philosophicum ^q ad eam scripserit. Nec haec Aristippi cum nobili scorto conuersatio fraudi philosopho esse debet, qui a moribus reliquorum philosophorum, meretrices inter discipulos admittentium ^r, non discessit, nec fecit aliud,

quam

k) Consulendus omnino P. BAYLE Dict. T. III. art. Lais T. III. not. K.

l) Dignus qui legatur MENZIVS in praef. Aristippi.

m) L. II. f. 84 85.

n) L. XIII. p. 583. vnde MENAGIUS quoque historiae mulierum philosophantium addi debet.

o) A Nicia enim, Atheniensium imperatore, capta in Sicilia Ol. XCI. 2. annum aetatis agebat septimum, vid. BAYLE Dict. l. c. vnde supra decem atque septem vel octo annos aetas eius tum surgere non potuit.

p) Auger hanc coniecturam, quod et alii virorum doctorum lusus et epigrammata in Laidem

superfint, vide, quae avert MENAGIVS ad LAERT. L. II. f. 84.

q) Etiam de speculo Laidis scripsisse, refert LAERT. l. c. sed et libri siue dialogi ad Laidem meminit ab eo distincti.

r) Quod si admitti tanquam certum deberet Aristippum cum Laide congressus impuros fouisse, excusarent eum, non quidem totum, sed tamen ex parte mores Atheniensium et aliorum Graecorum haec inter turpia non referentium, praesertim cum naturae quasi exonerandae causa cum ea consueuisse ipsi fateantur accusatores. Vide, quae affert

quam quod vidit in Socrate Aspasiae domum eloquentiae causa frequen-
tante, licet ea scortum esset pessimi nominis. Quae vero amicitia cum Laide
etsi honesta, eo magis occasionem inimicis Aristippi exhibuit, eum in suspi-
cionem consuetudinis deterioris adducendi, quo magis et vita lautior et
nitida, et doctrina de voluptate, sine philosophiae, apud rei imperitos spe-
ciem veritatis exhibebat. Quae cum ita sint, si neganda non est tota tra-
ditio, certe cohibenda sententia, ne fabulas amplectamur pro vero. Un-
de merito miramur, eruditissimum MENZIVM^a, qui nihil non, quod
Aristippo non favere intelligebat, vel negavit, vel aliter se habere ostende-
re conatus est, maluisse haec frigide excusare, quam, quo ficulneo nitantur
fundamento, ostendere. Aegina Corinthum nauigans naufragium tantum
non vehementi tempestate passus est, et obiicientem, quod trepidasset, phi-
losophus qui esset, argute repressit^b. In Asiam porro perrecturus forte
ad Rhodum naufragium fecit, et ab Artapherne captus fuit^c, quo in nau-
fragio ad littus eiectus, cum geometrica schemata descripta offendisset,
bono animo comites esse iussisse VITRUVIO^x dicitur, vestigia enim
hominum se videre, et profectum Rhodum ad gymnasium ita de philoso-
phia disputavisse, ut muneribus ornaretur, quibus et sibi et comitibus ne-
cessaria parauerit. Tandem in aulam regis Dionysii Syracusas delatus est,
quae res non exiguas ei criminationes excitavit. Regis enim adulatorem se
praebuisse^y, luxuque atque superbia aulae captum divitiis et voluptatibus
se ita immerfisse, ut auelli non potuerit^z, vitam quoque Socratico disci-
pulo indignam vixisse, potando vicisse^a, purpureaeque veste indutum sal-
tauisse, et quae alia fuere opprobria, veteres unanimi fere ore clamita-
runt: rei vero circumstantias ita confuderunt, ut, nisi recte et diligenter
attendatur, quid pro vero admittendum sit, perspicere nequeat. Vocandi
vero philosophos in aulam Dionysii occasio nulla alia videtur fuisse, quam
quod turpiter se dederit Tyrannus, Platonem Dionis precibus in Siciliam
vocatam, cum iniuria et offensione dimittens, ut suo loco plenius enarra-
bitur. Invidiam itaque ut leniret, magna ambitione eruditos, et impri-
mis philosophos, in aulam aduocavit, et cum iis de variis argumentis
contentiose disputavit, ut PLUTARCHVS^b auctor est. Et in horum
quoque numero fuisse Aristippum vel vocatum vel sponte venientem,

Eee e 3

omnino

fert MENZIVS l. c. p. 64 seq. Aliter tamen accipien-
dum esse, ipse Aristippus haud obscure prodidit,
asserens, habere se Laidem, non haberi, id quod re-
ctum et philosophicum usum feminae indicare, Ci-
CERO Epist. fam. l. IX. ep. 26. innuit, qui se eo-
dem modo ac Aristippum excusari ait, quod Cythe-
ris iuxta se accubuerit, etsi nihil innocentia sua et
gravitate indignum passa fuerit.

^a) LAERT. l. II. c. 71. AELIANVS l. IX. c. 20.
GELLIVS l. XIX. c. I. varie enim res narra-
tur, ut solent incerti rumusculi, et acute dicta
virorum celebrium.

^z) LAERTIVS l. II. c. 79. Quis ille Artaphernes
fuerit, curiose disquirat MENZIVS l. c. p. 17.

not. P. putatque eum fuisse, qui sub Artaxerxe II.
Persiae rege, simul cum Pharnabazo exercitui prae-
fuit, Spartanisque ex Rhodo insula eiecit, quod
teste DIONDORO l. XIV. p. 298. Ol. XCVI. i. fa-
ctum est. Hoc si recte statuitur, iter hoc post So-
cratis mortem accidisse necesse est.

^x) Archit. l. VI. GALEN. in prorept. c. 5.
T. II. opp. p. 5: ed. Charterii.

^y) Hinc Diogeni dictus canis regius LAERT.
l. II. c. 66.

^z) PHILOSTRAT. vit. Apoll. l. I. c. 35. p. 43.

^a) SVIDAS in Aristippo l. c. LVCIANVS in
Parasito.

^b) In Dione.

omnino verisimile est ^c; certe ante tertium Platonis in Siciliam aduentum adfuisse PLVTARCHVS haud obscure innuit. Vtebatur vero Aristippus ingenio, ad vitam aulicam aptissimo; tantaque, quam in eo notat LAERTIVS ^d, facilitate, vt se accommodaret et loco et tempori, et personae καὶ πᾶσαν περιστάσιν ἀρμονίως ὑποκρίνεσθαι, quae ita expressit HORATIVS ^e:

Omnis Aristippum decuit color, et status, et res.

Addit Laërtius: ideo Dionysio fuisse gratum, quod ea, quae acciderent, probe disponere nouisset, atque diiudicare. Aristippus itaque aulae magis, quam scholae natus, iis se circumstantiis adaptauit, quas e re esse iudicauit, et procul abesse iussu aliorum philosophorum cathedrario fastu et singulari vultu atque vitae modo, et festis diebus purpuram induit atque stolam, et saltauit, fictamque grauitatem Platonis ^f et Diogenis risit, tyrannique impetus vel sustinendo fortiter vel declinando prudenter, eius mores non tantum praeceptis philosophicis leniuit, sed amicis quoque non parum profuit, gratiamque Dionysii sibi et amicis conseruauit, cuius in Aeschine supra exemplum habuimus. Qua in re et prudentiam et ingenium et libertatem quoque haud semel philosophicam probauit. Quae cum indignantes viderent reliqui philosophi, qui ad scholae suae praecepta formare contendunt asperum tyranni animum, scopoque atque fine plerumque exciderant, inuidiam pressere, quem eicere ex regis animo non potuerunt, et aulicam prudentiam a moribus scholae maximopere abhorrentem exagitant, istas narratiunculas posteritati tradiderunt, quas lubenter exceperunt ii, quibus nihil dulcius fuit, quam philosophos traducere. Quae si absque partis praeiudicio expendimus, mirari desinemus, tantis opprobriis Aristippum onerari: quid enim non potest inuidia? praecipue vbi se contemptam videt, vel alterius felicitati inolet, vel, quod Aristippus solebat, aculeo sermonis pungitur? Ante Dionysii vero expulsionem cum aliis philosophis Syracusis abiisse non est, quod dubitemus. Aeschines certe, qui vsque ad tyranni exilium in Sicilia manserat, Athenas redux factus, Aristippum in hac Musarum sede docentem inuenit ^g; refertque PLVTARCHVS ^h, Aristippi sagacitatem extrema, quae populus tyranno eiusque amicis minabatur, opperiri non voluisse. Quamdiu vero in Graecia manserit, et an vnquam in patriam redierit, ibique philosophiam docuerit, a nemine veterum fide digno traditur, etsi id asserat STANLEIVS ⁱ. Nec quae ille ex epistola ad Aretem filiam hac de re assert ^k, vocatum ^l ab illa in patriam, vt oppressae succurreret, cum itineri se accinxisset, in morbum incidisse in Lipara insula, ibique mortuum esse, fidem merentur; cum supra iam non infici-

c) Res et sua luce radiat, et pluribus a MEN-
ZIO l. c. p. 32. not. CC. probatur.

d) L. II. f. 66.

e) L. I. ep. XVII.

f) Ipse Plato laudauit Aristippum, dicens: σοὶ μόνῳ δέδοται καὶ χλαμύδα φορεῖν, καὶ ῥάκος, sibi soli datum et chlamydem et pannum ferre. LAERT. L. II. f. 67. conf. CASAB. et MENAG. ad h. l.

g) LAERT. L. II. f. 62.

h) l. c.

i) Hist. Phil. P. III. p. 243. nam quae ad probandam hanc assertionem assert: Cyrenaicam sectam dictam a loco vbi fundata est; fundamento carent: ita enim secta dicta est, quod auctor sectae erat Cyrenaicus.

k) l. c. c. IX. p. 254.

l) Ep. Socrat. XXVII.

ficiendis argumentis has epistolas reiecerimus. Mortis itaque nec genus, nec tempus, nec locus a Graecis notatus est, ut fuere in rebus barbarorum negligendis satis supini. Duorum liberorum pater factus est, filii unius generis, quem ideo contempsit et reiecit ^m; et filiae paternae eruditionis haereditis, de qua in sequentibus dicemus. Satis, nisi fallimur, ex dictis de ingenio moribusque Aristippi iudicium fieri potest, in quo, si non laudanda sunt omnia, si naturali animi ad voluptates proclivis inclinationi aliquid dedit ⁿ, si severos Socratis mores non expressit ^o; magnas tamen ei dotes fuisse, et eruditionem atque prudentiam in scholis philosophorum Graecorum raro occurrentem, ea quae adducta sunt, satis loquuntur. Vehementi enim animi ardore discendi usus ad Socratem delapsus est, cui ingenii alacritatem et promptitudinem egregie probavit. Quae etsi aemulos ei concitarent plurimos ^p, animum tamen iis exhibuit non ingenuum tantum, sed et reconciliabilem: duros et caillatores argutis responsionibus ^q, qua arte mire pollebat, excepit. Nec pauca praesentis et ad omnes circumstantias attentum animi specimina exhibent itinera, quibus et prudentiam, et facilitatem morum omnibus probavit. Etsi vero voluptates corporis non reiiciebat, eas tamen nec anxie quaesivit, nec iis unquam ad foeditatem abusus fuisse legitur ^r. Et ita quoque in vestitu, reliquoque cultu corporis versatus est, ut sorditiem vitaret, decoris rationem haberet, et circumstantiis flagitantibus elegantiam quoque et splendorem quaereret; cui rei fortunae satis affluentes sumtus abunde suppeditabant ^s. Certe elegantissimi inter Graecos philosophi titulum nomenque meruisse, dicta hactenus abunde demonstrant, et assertae virtutis doctrinae probant: philosophum id eximii habere, ut, si omnes leges tollerentur, aequabiliter vivant; philosophiae hunc fructum esse, cum omnibus fidenter conuersari; differre doctos ab indoctis, ut domiti equi ab indomitis; melius esse mendicum euadere, quam indoctum, illic enim pecuniis, hic humanitate indigeri: diuitum fores obsidendas a philosophis, tanquam aegrotorum a medicis; non qui plurima, sed qui vtilia legerunt, studiosos habendos esse, et eruditos; pecuniam se ab amicis accipere, non ut ipse vteretur, sed ut scirent illi, quas ad res pecuniis uti conueniat; honestos pueros ea oportere discere, quae viris vsui futura sint; amicum iratum primum conueniendum et delirandum inimicitia non esse. Ex his enim et similibus, quae collegit

Ingenium et mores.

LAERT-

^m) Recte id ex LAERT. L. II. f. 81. colligitur.

ⁿ) Voluptatibus non misisse nuntium, etsi eas, ubi habere non posset, anxie non quaereret, ipse falsus est, et splendidae vitae cura, satis loquitur.

^o) Erat enim Socrates paucis contentus, et ab omni corporis nitida atque sollicita cura alienus; luxuque Graecorum insensibilis, quae non aduersabatur Aristippus.

^p) Praeter Xenophontem, male ei cupisse Platonem patet ex LAERT. L. II. f. 69. et Phaedonem ib. f. 76. SENEC. de benef. L. VII. c. 125. Aeschinem ib. f. 82. Diogenem, quem qua ratione represserit eleganter narrat HORATIVS

Ep. L. I. ep. XVII. Antisthenem adiicit Ep. Socrar. IX.

^q) Plura eiusmodi narrat LAERTIVS L. II. f. 71 seqq. et ex eo STANLEYVS c. VI. p. 230 seqq.

^r) Hoc intelligendum de iis, quae certa vel verisimilia sunt: nam criminationes hostium attendendae non sunt; qualis et illa Theodori in libro de festis apud LAERT. L. II. f. 65. est.

^s) LAERT. L. II. f. 80. ex quo loco patet, cum vivo Socrate iam pecunia abundauisse. Cum itaque diues esset, mirum non est, et in vestitu et in victu splendidum et delicatum fuisse, et aurum negligere potuisse.

Scripta. LAERTIVS ' Socraticae scholae alumnus, vt ex vngue leo, cognoscitur. Scripsit " et historica quaedam, et dialogos, de quibus tamen incerti sunt veteres, an sint genuini: librum item de physiologis ' et alia memorata LAERTIO " ex quibus patet, non philosophiae tantum studiis, sed et elegantioribus disciplinis fuisse haud leuiter imbutum: Quaedam ei supposuisse audaces manus, vt tanti viri nomine impudentes mores tegerent, liber *de veterum luxu*, illi tributus z, ostendit. Fuerunt et alii Aristippi ", cum hoc non confundendi, interque eos memorabilis Aristippus hostis mathematicae disciplinae, ARISTOTELI b nominatus, et alius Pythagoricus philosophus c.

Doctrina Aristippi,

Sectaeque Cyrenaicae,

valde eius historia incerta.

§. IV. Iam vt in enarranda Aristippi historia ad doctrinam et philosophiam eius digrediamur, praemonendum existimamus, non adeo certam esse notitiam, quam de eius placitis reliquerunt nobis veteres. Scripta enim Aristippi temporis iniuria nobis erepta esse, modo meminimus, et ita ex verbis conditoris sectae de eius mente certa ratione iudicari non potest: Nec coaeuorum hac in re testimoniis multum fidendum esse, ex iis quae supra de inuidia condiscipulorum differuimus, recte concluditur. Ad sequacium itaque philosophemata recurrendum est, et quid Cyrenaicae scholae placuerit, disquirendum, vt inde coniecturis assequamur, quae Aristippo tribuenda sint, nec ne. Vbi tamen non leuiiores occurrunt difficultates: patebit enim ex Cyrenaicae sectae historia, successores Aristippi ita conditoris placitis non inhaesisse, vt non multa mutarent, et eiusmodi doctrinas admitterent, quae vel Aristippo plane sunt contrariae, velsaltem fuere ignotae d. Cuius rei ratio non ex innouandi tantum, quod plerosque occupauit studio, et cupiditate peculiare sectas instituendi deriuanda est, sed et ex diuersis, quos audierunt praeceptoribus. Aristippi enim philosophematis non contenti ad alios quoque dilapsi sunt, sicque e. g. Theodorus ad Zenonem Cittiaeum et Pyrrhonem, longe alia tradentes diuertit; quo factum est, vt diuersa dogmata systemati Cyrenaico, quale illud condidit Aristippus, adderentur, quae ab illo profecta non sunt. Contulit quoque multum ad incertitudinem historiae philosophiae Cyrenaicae, quod Epicureum systema cum illa confusum saepiuscule fuerit; cum vtraque schola voluptatem, diuersa tamen significatione, fine et modo commendauerit e. Vt itaque

r) L. II. f. 76 seq.

u) Socrates tamen apud LAERT. L. II. f. 84. auctor est, Aristippum nihil scripsisse.

x) Allegat LAERTIVS L. II. f. 21.

y) Lib. II. f. 84. Conf. FABRICIVS Bibl. Graec. Vol. I. pag. 787. LEOPARDVS loc. cit.

z) Passim citatur LAERTIO, qui tamen, cum et Xenocratis et Aristotelis amores ibi adductos dicat L. IV. f. 19. L. V. f. 3. fraus facile se ipsam prodit, vt forex. De epistolis Aristippo tributis idem iudicium esto.

a) Quatuor Aristippos nominat LAERTIVS L. II. f. 83. quibus quinque addit MENAGIVS. Apud PLINIVM tamen L. XXXV. c. 10. pro Ari-

stippo HARDVINVS legit Aristo. Inter hos Aristippos vnus etiam Cyrenis oriundus fuit, Lacydae discipulus, cum nostro non miscendus, apud EVSEB. praep. L. XVI. p. 736.

b) Metaphys. L. II. c. 2. T. II. p. m. 658.

c) IAMBlich. de vit. Pyth. n. 267.

d) Hoc ex dicendis patebit; interim legi potest MENZIVS l. c. p. 80. not. TTT

e) Et si voluptatem finem philosophiae constituit et Cyrenaica et Epicurea secta, diuerso tamen id factum est respectu, Aristippus enim voluptatem in motu, Epicurus in statu finem philosophiae moralis posuit. Vnde et hic aliquot inter ratas sententias Cyrenais opposuit, quae ex horum schola lucem accipiunt, quae de re prolixius suo loco.

itaque leges historiae sequamur, ea primum expendenda sunt, quae Cyrenicae scholae tanquam *κυρία δόξαι*, et domestica dogmata tribuuntur; et enarranda deinde ea, quae adiecisse sectatores constat.

§. V. Secutus vero est Aristippus et sequaces Socratis philosophandi rationem, et de morali potissimum philosophia sollicitus fuit, de reliquis, eruditionis tam encyclicae ^{f)}, quam philosophicae partibus, idem sensisse videtur, quod Socrates sensit, cuius hac de re mentem supra declarauimus. Quemadmodum enim prudentissimus ille morum magister omnia ad vitam referebat, nec plus in iis admittendum esse suadebat, quam ad felicitatem animi vitamque rectam conferre aliquid posset; ita nec in superfluis animos detineri voluit Aristippus, neque tamen ab iis artibus imparatos philosophiae studiosos esse debere, quae ad feliciter et iucunde viuendum pertinerent, statuit ^{g)}. Vehementer itaque improbat illos, qui encyclicam quidem eruditionem tenerent, philosophiam vero negligerent, eosque similes esse Penelopes procis, aiebat, qui ancillas domina priores habuerint ^{h)}. Ex quo eius iudicio manifestum est, liberalium artium cultum ita admisisse, ut essent ancillae philosophiae, quemadmodum ipsum Aristippum elegantioribus humanitatis literis non destitutum fuisse, supra innuimus, et a viro in vrbe quidem barbara, sed ad Graecorum elegantiam et instituta composita educato, omnino coniici potest, et ex argumento librorum qui ei tribuuntur, manifeste colligitur, cum in iis non tantum sint philosophici argumenti scripta, sed et alia, quae ad humanitatem pertinent ⁱ⁾. Et ex his diiudicanda sunt, quae habet ARISTOTELES ^{k)}, parum tribuisse disciplinis mathematicis. Cum enim earum non ignarum fuisse, illa persuadeant, quae in naufragio ad littus eiectus de figuris geometricis, quas de-

Partes philosophiae quas coluerit?

scri-

f) *Ἐγκυκλία παιδείματα*, quid sint, dubius haeret ALDOBRANDINVS ad h. l. inductus loco SENECAE ep. LXXXVIII. vbi praeunte Posidonio quatuor artium genera statuit: nempe esse vulgares, ludicras, pueriles et liberales, quas Graeci *ἐγκυκλίας* nominant; solas autem liberales esse, quibus curae animae virtus est. Si enim ipsa philosophia moralis ad liberales artes pertineat, eas non posse philosophiae opponi. Nodum vir doctus quaerit in seipso; Posidonius enim non de recepta τῶν ἐγκυκλίων significatione loquitur, sed quibus proprie nomen liberalium artium dandum sit, quia liberum hominem faciunt. Encyclicas Graecorum, Latinos liberales vocare non negat, ipse, pueriles nominat. Si itaque ex usu vocis statuendum est, qui in hoc Laërtii loco ab Aristippo respiciebatur, encyclicae disciplinae siue liberales artes sunt, quas liberum scire aequum est, ut ait TERENCE. Eunuch. Act. III. Sc. 2. quaeque προπαιδείματα sunt et praeparatio ad philosophiam, non quia virtutem dare possint, sed quia animos ad accipiendam eam praeparent, ut ipse ait, SENECA l. c. itaque τὰ ἐγκυκλία μαθήματα συμβάλλουσιν πρὸς φιλοσο-

φίαν dixit CLEM. ALEX. Strom. L. I. p. 284. conf. VOSSIVS de Philologia c. I. §. 4. p. 7. qui et libro de philosophia c. I. §. 1. p. 1. loca veterum affert, quibus in his non senescendum esse monent.

g) Idco rogatus, quid honestos pueros discere oporteat? respondit, quae viris vsui futura sunt, LAERT. L. II. c. 80.

h) Ib. c. 79. Dictum hoc Bioni tribuit PLUT. de educandis liberis. Sententiam tamen nobilissimam plures, si non iisdem verbis, eodem tamen sensu dicere potuerunt, estque vere Socratica.

i) Certius de hoc iudicemus, si Aristippi dialogus de paedia, quem ei tribuit Laërtius, non periisset.

k) Lib. II. Metaph. c. 21. T. II. p. 658. contumelia affecisse mathematicas disciplinas; cuius ratio est; quia coriariam et fabrilem eis praetulit, vbi de meliori vel deteriori agatur, cum e contrario artes mathematicae nullam boni vel mali rationem habeant. Ex quibus sensu Socratico eum has artes popularibus postposuisse, parer, id est, quatenus ad bene viuendum nihil conferunt: namque ita Socratem praecipientem audiuerat.

scriptas forte viderat, dixit, nec coniectura cl. MENZII ¹ omni verisimilitudine careat: audiuisse in iuuentute Theodorum maxima nominis fama artes mathematicas in Aristippi patria tum docentem; intelligenda illa sunt, quae refert Aristoteles in sensu Socratico, qui subtilitates ad vitae usum et commoditatem nihil facientes reiciebat. De naturalis philosophiae studio idem cum Socrate statuisse, eo minus mirandum est, quo magis ad hunc finem omnem philosophiae laborem referebat, ut feliciter homines viverent ^m. De rationalis vero philosophiae pretio ab Aristippo et sequacibus statuto veteres dissentiunt: quidam enim ⁿ naturalium quidem rerum inquisitionem Cyrenaicos omisisse, reterunt, quod comprehendere non posse manifeste colligerent, logicen vero propter summum eius usum attigisse. Melager vero atque Clitomachus apud LAERTIUM ^o, eos et physicam et dialecticam aequè alternatos fuisse tradunt. Quae ita tamen conciliari possunt, ut dicatur, Aristippum et sequaces reiecisse dialecticas contentiones, quales et Eleatici et Megarici circa illa tempora introducebant, non tamen continuisse omnem ratiocinandi artem, sed eam potissimum excoluisse partem, quae de sensationum natura, animique ex his affectionibus, iudicio, et criterio doloris et voluptatis, bonique et mali discrimine agit, quippe quam solam ad moralem philosophiam aliquid conferre iudicabant. Quam rationem postea alia et peregrina auxit Theodorus, Aristippi iunioris discipulus, qui Pyrrhonem audiuit, et ἀκαταληψίας doctrinam ab eo didicit; ex quo tempore dogma illud in Cyrenaicorum schola inualuisse videtur, μία τὰ πάντα καταληπτά, sola ea, quibus afficimur comprehensibilia esse ^p. Quod qua ratione intellexerint, si non ipse Aristippus, de cuius hac in re niente non constat, certe Cyrenaici Aristippi sequaces, luculenter edisserit SEXTVS EMPIRICVS ^q, qui ipse audiendus, et cum aliis veterum conferendus est, ut de rationali philosophia Cyrenaicorum constet.

Canones logi-
ci Cyrenaico-
rum.

§. VI. Ita vero Cyrenaicorum canones logicos eruditissimus Scepticus enumerat:

I. Criteria siue iudices veri falsique esse affectiones, solasque comprehendere, et non esse fallaces: eorum autem, quae mouent et efficiunt affectiones, nihil esse, quod possit comprehendere, neque quod possit non fallere. Eadem tradit CICERO ^r; in tactu doloris aut voluptatis Cyrenaicos solo putare veri esse iudicium, quia sentiatur. Idem visum quoque Epicureis ^s, quod itaque Cyrenaici teste LAERTIO ^t, sustulerunt τὰς αἰσθήσεις ἐκ ἀκριβοῦς τὴν ἐπίγνωσιν, sensus, quod certam non inferant cognitionem, non de sensibus ipsis accipiendum est, quatenus afficiuntur, sed de opinio-

ne

¹) I. c. not. BBBB. p. 90.

^m) Scripsisse tamen librum περὶ φιλοσοφῶν refert LAERT.

ⁿ) LAERT. L. II. f. 92.

^o) Ibid.

^p) Aristocles apud EVSEBIUM L. XIV. c. 7.

LAERT. L. II. f. 92. PLUT. adu. Coloten SEXT. EMPIR. Pyrrh. hypot. L. I. c. 31. f. 55.

^q) Aduers. mathemat. L. VII. f. 191 seqq.

^r) In Lucullo c. 7. Acad. Qq. L. IV. c. 7.

^s) Vid. LUCKET. L. IV. v. 480 seqq.

^t) L. II. f. 95.

ne et iudicio ex eorum perceptione ferendo, quod erroribus obnoxium est^u.

II. Si itaque apparentia dicantur affectiones, fatendum esse omnia, quae apparent, esse vera, et eiusmodi, ut possint comprehendi: sin autem ea, quae caussae sunt commotarum affectionum appellentur, apparentium nomine; omnia apparentia esse fallacia, nec comprehendi posse. Solamen enim affectionem esse, quae nobis apparet, non rem, quae eam efficit.

III. Quod est extrinsecus mouetque ac efficit nostram affectionem, fortasse quidem rem esse, nobis autem non apparere.

IV. Ea ratione nos in propriis quidem affectionibus minime errare, illasque posse comprehendi.

V. In subiecto externo autem errare omnes, nec posse comprehendere, cum ad id discernendum anima prorsus sit imbecilla propter loca, propter interualla, propter motus, propter mutationes, propter alias plurimas causas.

VI. Inde nec criterium dari omnibus hominibus commune, poni autem nomina communia iudiciis: nam affectiones quidem communi nomine vocari, an autem eodem modo proximus afficiatur, neminem posse dicere, ut qui eius affectionem non percipiat.

VII. Cum itaque nulla sit in nobis communis affectio, temerarium esse, dicere, id, quod mihi videtur, videri etiam vicino.

VIII. Quod autem reuera propter diuersas sensuum constitutiones, non eodem modo et similiter afficiamur, et moueamur, perspicuum esse in iis, qui regio morbo vel ophthalmia laborant, et in iis, qui affecti sunt secundum naturam, illis enim lurida et rubra apparere, quae aliis sunt alba.

IX. Affectiones etiam ad fines peruadere^x.

X. Ex affectionibus alias quidem esse iucundas, alias vero molestas, alias vero intermedias.

XI. Molestas esse malas, quarum finis est dolor, iucundas autem bonas, quarum finis, qui falli non potest, est voluptas. Quae autem sunt intermediae, nec bonas esse nec malas, affectione inter dolorem et voluptatem media.

XII. Affectiones ergo esse omnium iudices et fines; has in vita nos sequi, attendentes euentiam et iucunditatem: euentiam quidem in aliis affectionibus, iucunditatem autem in voluptate^y.

Patet ex hac logicae Cyrenaicae delineatione, medios eos incesse inter Scepticos et Academicos primos, et ad sensationes potissimum nostras, et earum afficiendi modum respexisse, qua de re recentiores quoque phi-

Fff f 2

loso-

^u) Conf. FABRIC. ad l. c. Sexti p. 409. not. R.

^x) Haec ex morali philosophia Cyrenaicorum, de qua in sequentibus explicanda sunt. Illi enim duas passiones posuerunt, dolorem et voluptatem, ad quas referuntur sensationes omnes, in quibus

vel dolor vel voluptas afficit, et de fugiendis atque appetendis monet.

^y) LOCKE de l'entendement L. II. ch. 8. §. 12 seqq. p. m. 137 seqq. DE CROVSZ Logiques P. I. Sect. I. ch. 2. §. 2 seq. p. 15 seqq.

losophiae rationalis doctores praeceperunt, inter quos Cyrenaicam hanc logicam examinavit vir summus CHRISTIANVS THOMASIVS^z.

*Philosophia
moralis Cyre-
naicorum.*

§. VII. His naturalis sensationis regulis inaedificauit schola Cyrenaica systema morale, quod voluptatem finem philosophiae constituit, vnde nomen quoque Hedonicorum acceperunt, qui illud secuti sunt. Ceterum et hic praemonendum est, nec omnia imputanda Aristippo, quae sequacibus placuerunt, nec cuncta ad turpes rationes reuocanda esse, sed ad naturam potius voluntatis humanae, animae et corporis felicitatem quaerentis esse examinanda, id quod ipsa Cyrenaicae scholae dogmata euincunt. Pleraque vero, amissis Cyrenaicorum scriptis LAERTIO^a debemus, quocum conferenda sunt veterum testimonia passim dispersa, ex quibus haec statuuisse Cyrenaicos, colligitur.

I. Duas esse perturbationes siue passiones dolorem et voluptatem, voluptatem lenem motum esse, dolorem motum asperum.

II. Nihil differre a voluptate voluptatem, neque aliud alio magis volupe esse, atque illam quidem cuncta animantia appetere, dolorem vero reformidare. Maxime notanda haec propositio est in diiudicando systemate Cyrenaico; patet enim ex ea, de naturali voluntatis humanae ex sensationibus oriundae sensu atque inde percepta voluptate et dolore sermonem esse, qualem sensum etiam reliqua animantia suo modo et gradu possident^b: et in hac sola significatione vna voluptas ab altera non differt, licet natura modoque, etsi gradu, obiecto, fineque differat.

III. Voluptatem vero hic intelligi non stantem, id est, quae in tranquillitate et indolentia consistit, qualem Epicurei pro fine habent, sed mouentem, quae animum atque corpus leniter et dulci ratione commoueat.

IV. Voluptatem corporis vltimum finem hominis esse Hoc quidem non LAERTIVS tantum, sed et plerique veterum Cyrenaicis tribuunt, vtrum vero tam crassum et philosopho indignum dogma nude admiserint, recte quis dubitet. Aristippus certe, etsi corporis voluptatibus locum reliquit, ratione tamen eas moderandas esse, nec iis cedendum imperium monuit. Quod cum animae in voluptatem imperium concedat, sequitur inde, potio-rem animae, quam corporis, rationem in voluptatibus Aristippum habuisse. Notatque EVSEBIUS^c Aristippum non dixisse ipsum quidem, voluptatem esse finem, sed ex eo id collegisse sectatores, quod semper de voluptate differuerit.

V. Finem a vita beata differre, finem quippe esse particularem voluptatem, beatam autem vitam ex collectione huiusmodi particularium voluptatum existere, quibus et praeteritae connumerentur et futurae. Particularem quoque voluptatem propter se eligendam, beatitudinem non propter se, sed propter particulares voluptates.

VI.

^z) Introd. in phil. ration. c. VI. §. 60 seqq p. 78 seqq.

^a) Lib. II. f. 92 seqq.

^b) Conf. CICERO de fin. L. V. c. 128. L. II. c. 71. et ALDOBRAND. ad l. c. Laërt.

^c) De praep. loco supra laudato.

VI. Voluptatem bonam esse, etsi a turpissimis rebus proueniat: licet enim actio in se sit inhonesta, voluptatem tamen in se spectatam et bonam esse et expetendam. Magnam haec thesis Cyrenaicis conflauit inuidiam, quae tamen luculenter explicat, eos non de eo, quod morale, sed quod naturale est in voluptatibus, locutos esse: hinc ex eo quoque voluptatem finem esse probabant, quod natura hanc nobis a pueris sine institutione conciliauerit, et, cum illa fruimur, nihil amplius quaeramus. Naturale vero in homine malum non esse, concludebant.

VII. Indolentiam non esse voluptatem, sed hominis dormientis conditionem, carereque motu, quo tamen voluptas et dolor absoluitur.

VIII. Neque tamen omnes animi voluptates atque dolores ex corporis voluptatibus atque doloribus existere, solam enim patriae et nostrummet ipsorum prosperitatem voluptatem animis nostris posse afferre. Luculenter haec quoque demonstrant, non ad solam corporis voluptatem omnia retulisse Cyrenaicos; licet omnino verisimile sit, nullam eos voluptatem admisisse, quae non in corpore propter arctissimum animae et corporis connubium sentiatur: vnde et ad corporis potissimum sensum in voluptatibus respexisse videntur, quando voluptatem corporis commendarunt. Sed deficientibus sectae monumentis, aegre certi quid definiri potest, et incertum, an non Epicurei plus Cyrenaicis tribuerint, ut illis eo fortius aduersarentur, quam ipsi admiserunt.

IX. Nec tamen ex memoria praeteritorum aut expectatione futurorum bonorum perfectam voluptatem existere posse; motum animi enim solui tempore atque dilabi. Consistere itaque voluptatem tempore praesenti, et esse *μὲν ὄντων*, ut est apud *ATHENAEVM*^d. Itaque praecipiebant, quod refert *AELIANVS*^e, sollicitos mortales neque de praesenti neque de futuro esse debere, constantisque et serenae mentis argumentum esse, si quis talibus se minus perturbari patiat. Praesentia enim tantum nostra esse, non vero praeterita, quae iam elapsa, neque futura, quae incerta sint.

X. Longe praestantiores esse corporis, quam animi voluptates, deterioresque corporis quam animi dolores, quo circa et hi peccantes crudelissime exerceantur. Ita quidem, ut et reliqua *LAERTIVS*^f, qui tamen, nisi totus falsus est, ea, quae de sensu voluptatum dixere, ad ipsam voluptatum naturam traxit. Videntur enim nihil aliud voluisse dicere, quam: exquisitiorem sensum habere corporis voluptates, quam animi, magisque afficere corporis dolores, quam animi, propter naturalem animi propensionem in corpus. Proditque Laërtius, ex malo in Cyrenaicos animo haec profecta esse; addit enim: inde corporis magis quam animae curam habuisse^g, quod Aristippi et sequacium historia multis exemplis refutat.

Fff f 3

XI.

d) Lib. XII. p. 544.

e) V. H. L. XIV. 6.

f) Lib. II. f. 90.

g) Aliter tamen verba Laërtii interpretatur

OLEARIUS ad STANLEIVM p. 246. Patiuntur tamen eius verba hunc quoque sensum, maius regimen in gubernandis voluptatibus quam doloribus requisuisse. Ipsa verba aliquantum obscura sunt.

XI. Dolorem naturae nostrae grauem esse, et abhorrere, cui quam maxime conueniat voluptas.

XII. Quandoque repudiandas res voluptati inferuientes, tanquam quae molestiam afferant, vt res difficillima sit coniunctio voluptatum, quae beata vita absoluator.

XIII. Sapientem minime semper viuere in voluptate, nec semper dolere insipientem, ita tamen plerumque se rem habere. Satis autem esse, si quis vel per vnicam incidentem voluptatem suauiter afficiatur ^h.

XIV. Dolorem summu[m] malum esse, nec omni tamen malo eum excitari, sed insperato nec opinato: maioremque penes hos, quam penes alios dolorem esse ⁱ.

XV. Animam simul cum corpore pati et vna turbari ^k.

XVI. Vitam aequae ac mortem eligendam, et vtrumque sapienti indifferens esse ^l.

XVII. Natura suaue vel insuaue nihil esse: caeterum propter rerum vel raritatem vel nouitatem, vel satietatem laetari alios, alios angere.

XVIII. Paupertatem vel diuitias nihil ad voluptatis rationem afferre, neque enim exquisitiore voluptate diuites quam pauperes affici. Contradicere sibi hic videtur LAERTIVS, paulo supra Cyrenaicis tribuens: diuitias effectrices tantum esse voluptatum, non propter se expetendas. Sed vt in istis, de ipsa voluptatis ratione vel potius sensu locutus est, ita in his causam tantum efficientem notat: et vtraque propositione diuitias a formali voluptatum conceptu remouet.

XIX. Omne bonum in voluptate positum esse, virtutemque ob eam rem esse laudandam, quod voluptatem efficiat ^m.

XX. Sapientem sui ipsius gratia omnia facturum; alium quippe neminem, aequae ac se, dignum arbitrari: etsi enim magna ab eo videatur consecutus, non tamen sua merita aequare ⁿ.

XXI. Peccata veniam promereri, neque enim peccare sponte ququam, sed aliqua passione coactum, neque odio peccantem prosequendum, sed emendandum esse.

XXII. Sapientem non adeo in bonorum electione inhaesurum, vt in malorum fuga; finem constituendo, vt neque in molestia neque in dolore viuatur.

XXIII. Prudentiam quidem bonum esse, non autem propter se ipsam appetendam, sed eorum gratia, quae nobis ex ea proueniunt.

XXIV. Virtutes quasdam et imprudentibus communes esse.

XXV.

^h) LAERT. L. II. f. 91.

ⁱ) CICERO Tusc. Qq. L. II. c. 6. L. III. c. 13. LAERT. f. 93.

^k) LAERT. L. II. f. 94. Patet ex his, Cyrenaios ad animae cum corpore vniionem inuicemque

consortium in describenda voluptatis natura respexisse.

^l) Ibid. f. 95.

^m) CICERO Off. L. III. c. 33.

ⁿ) LAERT. L. II. f. 95.

XXV. Sapientem nunquam inuidia laboraturum, neque cupiditati neque superstitioni vnquam cessurum, ista enim ex inani opinione existere. Dolori et metui obnoxium esse, hoc enim naturae legem postulare.

XXVI. Amicum necessitatis causa amplectendum.

XXVII. Corporis exercitationem virtuti acquirendae conducere °.

XXVIII. Nihil natura iustum esse, aut honestum ac turpe, sed consuetudine ac lege: virum tamen bonum nihil agere perperam ob imminetia damna, opinionesque sinistras euitandas °. Pessime ob hoc dogma plerumque audit ° secta Cyrenaica, quae crasso isto scepticismo morali ad impietatem viam muniuisse visa est. Nihil tamen hic secure definendum, cum incertum sit, quam legem intellexerint, an naturae vel hominum? certe a naturae instinctu cuncta ad voluptatem referente eoque rationali sapientis actiones regi statuebant, quae ipsis φυσικὰς γήεθαι ° ex naturae lege fieri credebantur. Praeter πᾶθῃ vero et voluptatis atque doloris sensum regulam nullam admisisse ex logicis canonibus supra adductis est manifestum.

§. VIII. Praeter eruditionis vitaeque elegantiam famae quoque celebritatem Aristippo conciliauit ARETE filia, femina eruditissima, et inter mulieres philosophantes ° notatu digna. Eam enim parentem, philosophiam tradentem audiuisse testis est LAERTIVS ° atque CLEMENS ALEXANDRINVS °, qui eam albo celeberrimarum doctrina, imprimis philosophica, feminarum adscripsit. Aristippi quidem sororem fuisse tradit AELIANVS °, sed vel errore deceptum fuisse, vel locum in mendo cubare, vnanimis veterum consensus euincit, qui omnes filiam Aristippi faciunt. Optime vero a parente institutam fuisse, LAERTIVS ° refert, testatus, ita ab eo exercitio iugi eruditam fuisse, vt contemneret, quod esset nimium: quae sine dubio respexit auctor epistolae ad Areten °, quae Aristippo falso adscribitur, vbi rerum superuacanearum contemptus ei vehementer commendatur, et philosophiae seruandae amor accenditur. Quem muliere philosophante dignum vitae cursum recte tenuisse, inde colligi potest, quod filium, aui nomine, Aristippum cognominatum in philosophia ita instituit sola, vt non solum inde μητροδῶκτος ° vocaretur, maternique amoris ac studii vestigia exprimeret °, sed et Theodorum, non ignobile, in schola Cyrenaica nomen, discipulum haberet °. Praeter filiam Synallum quendam ° et Antipatrum Cyrenaicum discipulos habuit Aristip-

Arete.

o) lb. f. 91. 94. vbi haec afferuntur.

p) Ibid. f. 92.

q) Vid. PARCKER. diff. I. de Deo fest. 8. p. 20. BUDDEVS de Scepticismo morali §. 9. Anal. H P p. 218. thes. de ath. c. 1. §. 6.

r) LAERT. L. II. f. 91.

s) MENAG. Hist. mul. philos. §. 61. qui tamen de ea est parcissimus.

t) Lib. II. f. 86.

u) Lib. IV. p. 523.

x) Hist. anim. L. III. c. 40.

y) Τα ἄριστα ὑπετίθετο τῇ θυγατρὶ Ἀρετῇ συναλλὰν αὐτὴν ὑπεροπτικὴν τῷ πλείονος εἶναι. lb. f. 72.

z) Epist. Socrat. XXVII.

a) Citati. conf. MENAG. l. c. vbi plures a matre instituti nominantur.

b) THEMISTIVS Orat. XXI.

c) LAERT. L. II. f. 86.

d) EVSEB. praep. L. XIV. c. 18. Aethiopem ex Ptoloma de discipulum eius nominat LAERT. l. c. Antipatrum caecum fuisse CICERO Tusc. Qq. L. I. innuit.

Aristippus: Antipater Epitimidi, Epitimides Paraebatae, Paraebates Hegesiae et Anniceridi disciplinam Cyrenaicam tradidit, qui sectam Hegesiacam et Anniceriam condiderunt, de quibus iam porro tradendum est.

Hegesias.

§. IX. HEGESIAS, quis fuerit, veteres tacent, Paraebatae in Cyrenaica secta discipulum fuisse, tradit LAERTIVS^e. Is πεσιθάνατος cognominatus est, cuius causam nobis ita enarrat CICERO^f: scripsisse librum, qui ἀποκαρτερών dicebatur, quod in eo a vita quidam per inedia[m] discedens, reuocatur ab amicis, quibus respondens, vitae humanae enumerat incommoda, docetque multis mortem nos subducere malis, non bonis. Refertque non TVLLIVS tantum, sed et VALERIVS MAXIMVS^g: tanta eloquentia valuisse, et mala vitae repraesentasse, ut eorum miseranda imagine audientium pectoribus inserta, multis voluntariae mortis oppotendae cupiditatem ingeneraret: ideoque a rege Ptolomaeo ulterius hac de re differere fuerit prohibitus. Et in hoc quoque vno ab Aristippo et aliis Cyrenaicis discessisse videtur, quod mortem vitae praeferre docuerit: unde et maluimus Diogenem Laërtium, quam STANLEIVM^h sequi, reliqua dogmata Hegesiaca[e] sectae adscribentem, cum Cyrenaicis communia fuerint. In eo vero alia mens fuit Hegesiae. Cum enim Aristippus voluptatis quam doloris maiorem rationem haberi vellet, et particularem quoque voluptatem sectandam praeciperet, quia difficillimum esset, totam, quae ad vitam beatam pertineret, voluptatum congeriem consequi: Hegesias ad dolorem magis remouendum, quam voluptatem consequendam respiciens, mortem vitae praeferre non dubitavit, secus ac reliqui Cyrenaici faciebant, qui sapientiam indifferentem esseⁱ, aiebant. Cuius rei argumentum ille ex ipsis Aristippi rationibus petebat: namque is quoque cum sequacibus non negabat, esse impossibile cumulate contingere beatam vitam, corpus quippe multis morbis et passionibus affligi, animam simul cum corpore pati et turbari: Hegesias vero inde contrarium illi, quod reliqui concludebant, particularem voluptatem sectandam esse inferebat: cum propter ea vita beata non possit obtineri, mortem esse eligendam. Mire hic omnia turbata sunt apud LAERTIVM^k, qui non solum Cyrenaicorum omnium placita cum Hegesiacis miscuit^l, et vno fasce comprehensas exhibuit, sed apud quem quoque textus manifeste corruptus est, τὴν τε ζῶν τε, καὶ τὸν θάνατον αἰρετόν, vitam aequae ac mortem exoptabilem et eligendam esse. Haec enim cum antecedentibus non cohaerent, quibus vitae miseria describitur et felicitas atque beatitudo obtineri posse negatur. Unde recte et acute MERICVS CABANBONVS^m monuit, priora verba τὴν τε ζῶν, ad superiora pertinere: ὥστε ἀνύπαρκτον εἶναι τὴν εὐδαιμονίαν τὴν δε ζῶν τὸν δε θάνατον αἰρετόν. Cum vitae felicitas nulla reuera sit, eligendam esse mortem, nec indifferenter habendam. Quae expli-

e) loc. cit.

f) Tusc. Qq. L. I. c. 34.

g) Segm. 94.

g) Lib. VIII. c. 9.

l) Passim ideo doctrinae Cyrenaicis adscriptae sibi contradicunt.

h) Hist. phil. P. III. p. 256.

m) Ad h. l.

i) LAERT. f. 95.

explicatio non ingenio soli debetur, sed ipsam Hegesiae doctrinam pro fundamento habet, quem ideo mortem vitae praeterendam efficacissima eloquentia suasisse, modo diximus, quod innumeris miseriis et aerumnis eam undique obseptam quilibet experiretur. Quare discedendum a viris doctis estⁿ, qui communem verborum Laërtii interpretationem sequuntur.

§. X. Paraebatae porro discipulus fuit ANNICERIS Cyrenaeus, cuius tamen notitia apud veteres, imprimis LAERTIUM et SUIDAM, non satis diligentes et accuratos scriptores, valde obscurata est. Anniceridem enim Cyrenaicum Platonem Dionysii iussu Aeginae inter mancipia vendi iussu, redemisse et amicis restituisse refert LAERTIVS^o, eumque in regendo curru fuisse exercitatissimum, ideo tamen correptum a Platone tradit AELIANVS^p, quem cum sectatore Paraebatae eundem esse diserte tradit LAERTIVS^o, et hunc exscribens SUIDAS^r. Temporum vero rationes aperte repugnant. Platoni enim Aristippus coaeuus fuit, adeoque et Anniceridi huic; Aristippum, filia, hanc nepos Aristippus, eumque Antipater, Antipatrum Epitimes, et hunc Paraebates, Paraebatam demum Anniceris audiuit; ex qua scholae Cyrenaicae successionem luce meridiana clarius est, multis annis iuniorem hunc illo esse, recteque duos Anniceridas statui: siue corruptus textus fuerit, et a sciolo ex margine in textum additum illud glossema apud Laërtium et Suidam, ut vult MENAGIVS^s, siue ipsum Laërtium memoria deceperit, id quod saepius ei contigit: quem secutum esse Suidam nemo mirabitur, cui negligentia eius nota est. De hoc iuniore vero Anniceride ita SUIDAS^r: fuisse Epicureum philosophum, quamvis esset discipulus Paraebatae, qui Aristippum audiuit. Habuisse fratrem Nicotelem philosophum: ipsius vero discipulum fuisse illustrem Posidonium. Ab eo sectam Anniceriam nomen tulisse, et vixisse sub Alexandro. Nec valde dissimilia sunt Epicureis ea, quae sectae Anniceriae tribuit LAERTIVS^o: amicitiam relinquendam in vita et gratiam, honoremque aduersus parentes, praeclaraque pro patria facinora: Sapientem, quamvis molestias subeat, atque labores, beate victurum nihilo minus, etsi minimum ei fuerit voluptatis: Amici felicitatem non per se expetendam, sed assuefaciendum animum propter congenitam ei prauam dispositionem, ut ne propter emolumenta tantum nostra amicum suscipiamus, iisque deficientibus ab ipso discedamus, sed ex benevolentia quadam, ob quam labores quoque non vereamur, eius causa suscipiendos. Quamvis enim ultimus finis in voluptate constituendus sit^t, eaque privati doleamus, amicorum tamen gratia labores, quibus carere alias possemus, subeundos esse. Ex quibus patet, ad animi potius voluptatem, quam corporis respexisse, et tranquillitatem

Anniceris.

ⁿ) STANLEY. I. c. STOLL. Hist. phil. mor. gent. §. LIII. p. 64. ^o) L. III. f. 20. ^p) V. H. L. II. c. 27. ^q) L. II. f. 87. ^r) In Aristippus T. I. p. 324. Hos sequitur STANLEYVS P. III. p. 256. 257.

^s) Ad I. c. Laërtii, quem sequitur KÜSTERVS ad I. c. Suidae. ^t) In Anniceris T. I. p. 209. ^u) L. II. f. 96. ^x) Conf. CICERO de Offic. L. III. c. 33.

tatem eius potius, quam iucundum voluptatis sensum, more Epicureo eum respexisse. Ceterum Suidae ἀνισορροσίαν merito mireris; qui sub Alexandro vixisse et tamen Posidonium habuisse discipulum, Epicureum quoque fuisse Annicerin ait. Nam neque Epicurus ante Alexandri M. mortem scholam erexit, et Posidonius, vltimus ex Stoica schola plurimis annis his inferior Ciceronis praeceptor fuit, vti suo loco dicitur. Vnde coniiciendum est, Suidam indiligentissimum scriptorem, deceptum similitudine dogmatum Anniceridis et Epicuri et more suo de temporum rationibus non cogitantem haec inter se confudisse ^γ.

Theodorus
athens.

§. XI. Magnam vero ignominiam scholae Cyrenaicae contraxit THEODORVS, dictus ATHEVS, qui peculiarem sectam condidit, quae Theodoria ab illo appellata est ^z. Audiuit is Anniceridem, et Dionysium dialecticum, Zenonem Cittieum, et Pyrrhonem ephecticum; immo Aristippum quoque iuniorem, et Brysonem inter eius praeceptores refert SVIPAS ^a, e quorum tamen numero Socratem, quem alio loco addit ^b, eximendum esse, temporum rationes euincunt. Calluisse itaque philosophorum doctrinas Theodorum dubium non est, qui cum Pyrrhonem quoque magistrum adhibuisset, de theologia Graecorum et philosophorum quoque dubitare coepit; librumque scripsit, in aliquot volumina diuisum ^c, quibus omnia, quae contra vrgeri solent, refutauit. Et haec ei ratio ignominiosum athei nomen peperit, quod postea, arguto quodam Stilponis sophismate occasionem praebente, in Θεός mutatum est ^d. Pessimam vero ista libertate dicendi et philosophandi scenam sibi instruxit. Cyrenaei enim eum relegarunt, quos amare risit, ex Libyae desertis in Graeciam cultissimam expellentem ^e. Inde Athenas delatus Areopagi iudicio obnoxius ad mortem damnatus fuisset, nisi Demetrii Phalerei, tum inter Athenienses potentissimi, auxilio euasisset. Inde quoque eiectus ad Ptolomaeum Lagi se contulit, apud quem moratus, legatique munus ad Lysimachum defunctus est, quem oris libertate iratum secure et cum risu contempsit ^f. Tandem lege eum damnatum ob atheismum hausto veneno periisse Amphicrates apud LAERTIVM ^g auctor est. Fecere haec viri fata, vt recentior aetate de atheismo Theodori disputaretur. Etsi enim certum est, atheismi eum non accusatum tantum, sed et damnatum esse, quod contra Deos disputauerit, et argumenta pro eorum existentia refutauerit; nondum tamen inde sequitur, eum re ipsa fuisse atheum. Socratis enim exemplo constat, habitos fuisse pro atheis inter Graecos omnes illos, qui a dominante, quod aiunt, religione dissentirent, et nugiuendulam Graecorum sacerdotum theologiam improbarent. Et talem quoque Theodorum fuisse, viris quibusdam doctissimi-
mis

^γ) Quod si sub Alexandro vixit, Aristoteli co-aeuus fuit, quod tamen temporis series et successio scholae Cyrenaicae vix patitur. Vnde quam exigua fides Suidae sit, patet.

^z) LAERT. L. II. f. 98. SVIPAS v. Theodorus T. II. p. 175.

^a) loc. cit.

^b) In Socrates T. III. p. 353.

^c) Librum nominat Laërtius, libros Suidas, qui ita facile conciliari possunt.

^d) LAERT. L. II. f. 102.

^e) Ibid. f. 101.

^f) Ibid. f. 102.

^g) Ibid. f. 101.

mis placuit, qui Deos eum tantum Graecorum oppugnasse contendunt^h; quibus tamen aduersantur alii, qui Theodorum apertae impietatis reum agere non dubitantⁱ. Et difficile quoque est in hac quaestione sententiam dicere; cum non tantum humani ingenii inter luxuriantes Graecos proterua et audacia etiam aduersus Deos pluribus exemplis constet; sed et zelus sacerdotum contra philosophos, superstitionem et idololatriam absurdissimam publice et incaute reiicientes plurima nobis specimina persecutionum exhibuerit: ipsa vero Theodori scripta hodie non extent; unde tutissimum putamus, in hac quaestione vel affirmanda vel neganda cohibere iudicium. Neque tamen tacendum est, si coniecturis rem agere liceat, militare quaedam pro Theodoro, quae verisimiliter persuadent, non tam ipsam numinis existentiam illum negasse, quam gentilium Deos risisse atque oppugnasse: forte etiam prouidentiam Dei sustulisse, eumque ex mundi huius sphaera quasi remouisse. Cuius coniecturae fundamentum exhibet LAERTIVS^k, qui omnes quidem generis de Diis opiniones reiecisse fatetur, ait vero, librum eius de Diis offendisse non contemnendum, ex quo Epicurus pleraque desumerit. Epicurus vero Graecanicam quidem theologiam susque deque habuit, et prouidentiam quoque negauit, relegatis quasi Diis in extramundana spatia: Dei tamen existentiam adeo non negauit, ut eam ex anticipata potius omnium hominum notione demonstraret, longeque felicissimam et tranquillissimam Deorum vitam esse assereret, iisque pura mente feruiendum esse praeciperet. Talia cum ex Theodori libro sumserit, atheus is dici non potest, qui omnem numinis existentiam negauerit. Frigidumque prorsus est, quod excipiunt viri magni ISAACVS CASAVBONVS^l, et IO. FRANCISCVS BVDDEVS^m, Epicureum hominem, qualem Laërtium putant, ex affectu in magistrum beneuolo ita iudicasse; non contemnendum Theodorum librum de Diis scripsisse, quoniam ille liber fons fuerit, unde scaturierit, quicquid Epicurus de Diis blaterauit. Non enim hic de Laërtii iudicio agiturⁿ, sed, an Theodorus omnem numinis existentiam negauerit, cum tamen theologiae Epicureae fons eius liber fuerit, quod aegre quemquam affirmaturum esse putamus, nisi voce atheismi ludat. Auget hanc coniecturam et mirifice confirmat non SEXTVS tantum EMPIRICVS^o, qui Theodorum iungit Euemero, aliisque, qui asseruerunt, τὰς νομίζομενὰς θεὰς δυνατὰς τινὰς γεγονέναι ἀ θρώπων, eos, qui pro Diis habeantur, potentes fuisse homines, ex quo loco recte id conficitur, Deos eum inter Graecos receptos, quique pro Diis haberentur, verissima sententia pro magnis et potentissimis antiquissimi temporis viris habuisse, et de Graecorum tantum numinibus disputauisse^p;

Ggg g 2

se p;

^h) VOSSIVS de idolol. gent. L. I. c. 1. p. 2.
ⁱ) MICH. MOVRGES Plan de Pythagor. T. I. ep. 3.
 p. 96. REIMMANN. Hist. Atheismi c. XXIV.
 §. 3. p. 174 seq.

^k) PARCKER. de Deo disp. I. §. 7. p. 19. GASSENDVS Synt. phil. Epic. P. II. §. 4. c. 3. p. 173.
 BAYLE Dict. T. I. art. Bion. BVDDEVS thes.

de atheismo c. I. §. 17. STOLLIVS Hist. phil. mor.
 gent. §. LV. p. 65.

^l) L. II. c. 97.

^m) Ad I. c. Laërt.

ⁿ) I. c.

^o) Neque certum est Laërtium fuisse Epicureum, uti suo loco demonstrabitur. neque beneuolo satis animo is in Theodorum fuit, uti videre est L. IV. §. 52.

^p) L. IX. adu. mathematic. §. 51.

se^r; sed et CLEMENS ALEXANDRINVS^q, qui se valde mirari, ait, quonam modo Euemerum Agrigentinum et Nicanorem Cyprium et Diagorum, et Hipponem Melium et illum post hos Cyrenaeum, cui nomen erat Theodorus et multos alios, qui moderate ac continenter vixerunt, et reliquis hominibus acrius hunc de Diis istis (gentilium), errorem perspexerunt, impios et ἀδῆς cognominarint, etiamsi veritatem ipsam non considerauerint, sed errorem tamen certe suspicati fuerint. Ex utroque enim loco satis apparet, Theodorum gentili theologiae bellum indixisse, licet, quae de Diis sentienda sint, ipse non definiuerit, id quod et STRABO testatur, *sectam Theodoriam res grauiores tractare, quam ut vellet ipse de Diis ullam in partem pronuntiare*^r. Quae si rite teneantur, parum ponderis habent, quae pro accusando Theodoro afferuntur EPIPHANII^s, LACTANTII^{ll}, et MINVCII FELICIS^t, testimonia, quos viros laudatissimos in eiusmodi argumenti genere non semper versatos fuisse accurate, satis notum esse putamus. Quod si haec ad excusandum Theodorum non sufficiunt, quia de genuina eius de Diis sententia non constat, confirmant tamen eam sententiam, quae τὸ ἐπέχειν commendat. Scripsit varia tum de suis dogmatibus, tum de aliis. Theodoros vero alios et in his Cyrenaicum geometram, Platonis praeceptorem, vel Byzantinum, oratorem celebrem, caue, cum nostro confundas^u.

Euemerus.

EVEMERVS ille, veteribus passim memoratus patria quis fuerit, incertum, alii enim ex Sicilia Messenium, alii Agrigentinum, alii Tegeaten faciunt. Floruisse temporibus Cassandri F. Macedoniae regis, ex eo patet, quod gratissimus ei fuit, eiusque auspiciis et voluntate itinera longinqua in Oceanum meridianum suscepit, insulam praecipue Panchaiam perlustravit, ibique Iouis Triphyliae columnam vidit, et inscriptas ei res illius DEI gestas legit^x, et quae afferunt VOSSIVS^y, HIER. COLUMNA^z, BENTLEIVS^a, et FABRICIVS^b. Scripsit is libros *ἱερὰς ἀναγραφῆς* siue sacrae historiae, veteribus, imprimis priscae ecclesiae doctoribus valde memoratos, sed iniuria temporis deperditos, praeter fragmenta quaedam ab Ennio versa, quae collegit illustrissimus COLUMNA^c. Argumentum libri ita enarrat TVLLIVS^d: Quid? qui aut fortes et claros aut potentes viros tradunt post mortem ad Deos peruenisse, eosque esse ipsos, quos nos colere, precari, venerarique soleamus, nonne expertes sunt religionum omnium? quae ratio maxime tractata ab Euemero est, quem noster et interpretatus et secutus est, praeter ceteros, Ennius. Ab Euemero autem et mortes et sepulturae de-

mon-

p) Diserte idf. 55. ait SEXTVS eum τὰ παρὰ τοῖς Ἑλλήσι θεολογούμενα ποικίλως ἀνασκευάζει.

q) Prot rept. p. 27.

r) Conf. CASAVBON. l. c.

s) Expof. fid. Op. T. I. p. 1089.

ll) L. I. c. 12.

t) In Octauio c. VIII. addendi CICERO de nat. Deor. L. I. c. 14. PLVTARCH. de plac. philosoph. L. I. c. 7.

u) LAERT. L. II. f. 104. viginti nominat de oratore vid. FABRIC. Bibl. Graec. Vol. IV. p. 484.

x) Vid. EUSEB. praep. L. II.

y) De Hist. Graec. L. I. c. 11. p. 70.

z) In fragmentis Ennii p. 312 seq.

a) Ad Callimachum p. 340.

b) Ad Sext. Emp. p. 552.

c) loc. cit.

d) De nat. Deor. L. I. c. 42.

monstrantur Deorum. Idem fere repetit PLUTARCHVS * eum illos, qui Diis existimantur uniuersos aequaliter expunxisse, et ad nomina priscorum imperatorum, et regum detorxisse descripta aureis literis in Panchaea. Offendisse hunc Euemeri librum gentiles, nemo mirabitur, iugulum enim petebat totius theologiae gentilis, quae ita ad abominabilem superstitionem excreuit, ut supra in historia theologiae barbaricae atque Graecae demonstraui-
mus. Inde variis modis in Euemerum insurrexerunt scriptores veteres. Quidam enim et in his PLUTARCHVS / fidem eius in dubium vocant, et Panchaeam insulam non esse contendunt; vel cum CALLIMACHO ff negant Iouis sepulchrum, ad quod prouocat, Cretae eum vidisse. Plerique vero omnis religionis et pietatis hostem audacissimum esse, clamitant, et inter atheos primi nominis referunt, quae de re ne longissimus, praeter loca a COLVMNA s praefixa, videndi SEXTVS EMPIRICVS et CLEMENS ALEXANDRINVS h. Ad quorum tamen argumenta facile responderi potest, si hoc vnum obseruetur, non ideo omnis religionis et pietatis hostem eum dici posse, qui origines idololatriae detegit, praecipue cum historiae veritas Euemeri partes iuuat. Gentiles vero scriptores ita de Euemero iudicasse nec mirum est, et quam misere et sine fundamento id factum, facile intelligi potest i. Nos, qui historiam atheismi non scribimus, in adducendis veterum de Euemero testimoniis et excutienda eorum fide non commoramur; illud modo addimus, quod a cl. Zimmermanno praetermissum est, AELIANVM k. Euemerum inter eos numerare, qui in dubium vocauerint: sintne dii nec ne? et curentne res humanas, an non? Et confirmare id THEOPHILVM ANTIOCHENVM l. Impurissimum Euemerum cum plurima de Diis ausus fuisset proponere, postremo Deos prorsus e rerum natura sustulisse, et omnia αὐτοματισμῶν per motum sibi instum administrari. Haec si vera sint, conclamatum omnino esset, de Euemero ab atheismi crimine purgando. Sed non sine causa suspecta sunt haec testimonia. Patet enim ex CLEMENTE ALEXANDRINO m. Euemerum inter eos fuisse, qui ob reiectam superstitionem et idololatriam sine ratione inter atheos relati sunt. Quod non scripsisset eruditissimus doctor, si ad tam apertam impietatem Euemerus processisset. Idem de LACTANTIO n MINVCIO FELICE o aliisque Ecclesiae veteris doctoribus iudicium esto. Vnde non iniusta nascitur suspicio, gentiles sacerdotes, quorum vineta caedebat Euemerus, irritatos, cum religionem publicam ab eo traduci et ad figmenta humani ingenii referri viderent, hoc quasi consequens ex eius libro deriuauisse, et accusauisse eum, quod omnem nu-

Ggg g 3

minis

e) De Iside et Osir.

f) loc. cit.

ff) loc. cit.

g) loc. cit.

h) Il. supra citatis.

i) Quae de re consuli velimus, eruditissimi Io.

Iac. ZIMMERMANNI amici nostri elegantissimam epistolam ad Nic. Nonnium, qua Euemerum Mestanium et Diagoram Melium ab atheismo contra

Plutarchum aliosque defendit, quae inserta est Museo Hist. Phil. Brem. Vol. I P. IV. art. 3. p. 71 seqq. quaeque specimen est apologiae virorum doctorum atheismi accusatorum, quam diu iam molitur.

k) V. H. L. II. c. 31.

l) Ad Autolyc. L. III. p. 292 seq. ed. Wolf.

m) loc. saepius citato.

n) L. I. c. II. 13.

o) c. XI.

minis existentiam et providentiam negauisset. Reiectis enim numinibus suis relici religionem ipsam et negari diuinam providentiam credebant, et credi ab aliis illorum intererat. In eiusmodi accusationes incidens Theophilus, ut fuere PP. in examinanda Graecorum fide satis negligentes, magnam impietatem detexisse ratus, Euemerum inter apertos numinis hostes collocare non erubuit. Quod certius liceret definire, si utilissimus in philosophiae historia liber extaret. Quod dum caremus, coniecturis agendum est: quas qui reiicit, hoc sane concedat, oportet, in decernenda de Euemeri atheismo sententia, iudicium esse cohibendum.

*Philosophia
Theodori.*

§. XII. Philosophiae moralis, qualem tradidit Theodorus, haec nobis praecepta seruauerunt veteres^a:

I. Finem esse gaudium et moerorem, alterum ob prudentiam, alterum vero ob imprudentiam.

II. Bonam esse prudentiam atque iustitiam, malos vero contrarios habitus, media voluptatem atque dolorem.

III. Amicitiam neque in sapientes neque in insipientes cadere; in his enim amicitiam perire, cum ea uti nesciant; illos vero, cum sibi ipsis sufficient, amicitia non indigere.

IV. Rationi consentaneum esse, prudens vir ut ne sibi mortem propria arceffat; neque enim fas esse, perire sapientiam, ut stultis bene sit.

V. Patriam esse mundum.

VI. Nihil natura turpe esse, si auferatur vulgaris opinio, quae ad continendos stultos conflata est, hincque furto quoque et adulterio et sacrilegio, cum tempestiuum sit, daturum operam sapientem, publice quoque absque ullo pudore scortis congressurum. Ita quidem LAERTIVS^p, qui etiam addit, absurdis quibusdam argutiis, in quibus multum valuisset dicitur, propudiosam hanc licentiam defendisse. Putatque MENAGIVS^q, ipso facto hanc doctrinam exposuisse Theodorum, cum apud Lyfimachum ab Hipparchia Cratetis vxore sophismate impetitus pallium ei detraheret, ut, qua parte mulier erat, conspiceretur, ut est apud LAERTIVM^r. Neque tamen haec quoque extra dubitationem ita posita sunt, ut non iusta enascatur suspicio, Theodoro atheismi impietate infami ex doctrinis moralibus, quas profitebatur, haec quasi consecraria affricuisse genus irritabile vatum, et ut speciem accusationi conciliaret, quod inuidiae argumentum erat philosopho tribuisse. Quod ne sola coniectura ducti dicere videamur, etsi illa cauto cuilibet ex solis omnis fere aetatis exemplis in eiusmodi re enascitur; cogitari volumus, diuersissima veterum narrata, de mente Theodori circa rerum, quam dicunt moralitatem. SVIDAS^s enim ei tribuit, indifferenter eum res omnes habuisse, LAERTIVS^t vero ad δόξαν, siue opinionem (ens morale, Scholasticorum more, diceret, τῇ φύσει enim opponitur) cuncta

^a) LAERT. L. II. f. 98.

^p) Ibid. f. 99.

^q) Ad l. c. Laert.

^r) L. VI. f. 97.

^s) In Socrat. l. c.

^t) loc. cit.

cuncta reduxisse, quae opinio ab Archelai et Aristippi mente, omnem moralitatem ad legem et instituta referente, prope abest; nec prudentia atque iustitia sine his constare possunt, quas tamen solas bonas esse Theodorus affirmavit; Phauorinus autem apud STOBAEVM " honestum habuisse, ait, Theodorum, pro solo bono, turpe pro solo malo, reliqua sapienti indifferencia esse. Ex quibus si non certa consequentia deduci potest, rerum moralium honestatem atque turpitudinem, quacunque ex norma ea proueniat, Theodorum agnouisse, illud tamen non sine verisimilitudine infertur, non omne honesti atque turpis discrimen sustulisse, et inter criminationes inimicorum referenda esse, quae illi tribuuntur, extremae impudentiae dogmata. Nec quae apud Lyfimachum inter Theodorum et Cratetis uxorem facta sunt, pudoris oblitum impudicumque animum prodidisse innunt. Nihil enim aliud narrat Laërtius, nisi hoc, virilem habitum, quem philosophorum more gestabat Hipparchia, ei detraxisse, et ad telas eam remisisse, atque ostendisse ita, esse mulierem. Nihil hic de nuditate reuelata, quam si ostendisset, Theodorus, addidisset Laërtius, vt alibi ^x solet, ἀνεσπράμενος δ' αὐτῆς δοιμάτιον, εδεῖξεν πότερον γυνή ἐστιν ἢ ἀνὴρ. Sed ponamus, sublato pallio nudam ostendisse mulierem philosopham, non hoc fecit ad fouendos impudici animi ignes, sed vt mulierem Cynicam, moribus eius non repugnante ratione confunderet, et in ruborem daret. Pleraeque vero eiusmodi narratiunculae caute audiendae et legendae sunt, cum solennis olim mos fuerit, philosophos eiusmodi fabulis traducendi et vulgus risui exponendi: cuius rei exempla pluscula in historia Cynicorum deprehendemus, et specimina eius rei haud pauca nobis exhibent Athenaeus et Lucianus, acerbis philosophorum irrisores.

§. XIII. Inter sectatores Theodori BION, patria BORYSTHENITA ^{Bion Borysthenites} ingenii optimi, religionis atque pietatis pessimae famam consecutus est ^y. Parentibus ortus ignobilibus, patre liberto, matre ex lupanari, familia ob facinus venundata; ab oratore quodam emptus post fata haeres institutus est, cuius ille libris crematis atque discerptis Athenas concessit, ibique ad philosophiam animum applicuit, quae de se ipso narrat apud LAERTIUM ^z. Cratetem initio audiuit Academicum, hac vero repudiata secta, pallium et peram arripuit et Cynismo se addixit; postea, cum Theodorum videret omnis generis eruditionem discipulos docentem, eum secutus est, sectaeque Theodoricae nomen dedit. Postremo Theophrastum quoque Peripateticum audiuit ^a. Et ex diuersis his sectarum studiis variae quoque animae qualitates exortae sunt. Ingenium enim versatile, et callidum, quo philosophiam exagitantibus ^b plurimum adiumenti attulisse LAERTIVS ait, Academicis

^y) Conf. cel. STOLLIVS Hist. phil. mor. §. IV. p. 66.

^z) L. II. c. 116. qui locus ad Theodorum quoque nostrum pertinet L. VI. f. 46. et MENAGIVS ad haec loca.

^y) Vid. LAERT. L. IV. f. 46 sqq. ex recentioribus

STANLEIVS Hist. phil. P. III. p. 260 seqq. BAYLE Dict. T. I. art. Bion p. 566. qui prolixus satis est.

^z) loc. cit.

^a) Ibid. f. 51.

^b) Male apud STANLEIVM l. c. est excolentibus, Laërtius κατηπλάζεσθαι τῆς φιλοσοφίας habet.

cis disputationibus acuisse: constantiam vero mentis omnis passionis expertem Cynismo deberi; morum et habitus quoque magnificentiam, quam abiecta Cynicorum sorditie sequebatur, Theodoriis acceptam referendam esse dubium non est. Et ex Academia quoque secta sophisticum disputandi artificium, acuta vero et multo sale satyrico condita dicta^c, ex Cynosarge deducenda sunt. Apud Antigonom Macedoniae regem in gratia tuit, cui genus et patriam, atque parentes magna cum libertate et sine pudore enarrauit: unde colligitur, circa Olymp. CXX. vixisse. Eleganter non tantum et acute, sed et prudenter multa dixit, unde de eius philosophia morali iudicium aliquo modo fieri potest. Inter multa enim, quae notauit LAERTIVS^d, haec quoque sunt: pulchritudinem esse alienum bonum; magnum malum esse, ferre non posse malum; animi elationem profectus in virtute esse impedimentum; avarum nummos non habere, sed ab iis haberi; fortitudinem iuvenes, prudentiam senes exercere, tantum vero a ceteris virtutibus prudentiam differre, quantum visum a reliquis sensibus. Impietatem^e fiduciae esse sociam. Amentiam esse proficiendi impedimentum; seruos bonos liberos esse, at ingenuos, mali qui sint, seruos esse cupiditatum maximos; avaritiam omnis mali esse metropolin: ridiculos esse qui diuitiis studeant, eas enim porrigere fortunam, avaritiam seruare, benignitatem dissipare^f. Maculam tamen haud leuem adspexit famae, non tantum reprehendendo Socratem, quod Alcibiade abstineret, quo opus tamen haberet^g, sed etiam impietate et atheismo praeceptorem Theodorum superando, in quo tamen inconstantiam miram in morbo, quem mors eius Chalcide secuta est, prodidisse dicitur. Cum enim summa inopia eorum, quibus opus esset aegrotis, premeretur, donec ex familia sua duos seruulos mitteret Antigonus, ipseque in lectica sequeretur; in anilem superstitionem aiunt delapsum ligaturas sibi passum esse applicari, et impietatis in Deos poenitentiam egisse, quam in rem eleganti epigrammate in eum tulit LAERTIVS^h, quo inter alia ita:

*Tellus Scytharum quem dedit Bion Borysthenita
Dixisse fertur quod Dei sint umbra sintque fumus.*

Neque tamen et haec suspicione carent inuidiae, qua Theodoria secta pressa est; non enim ea tantum, quae de virtute praecepit, talia sunt, ut cum laudato puerorum amore non consistent, et fortasse ex Cynismo ei macula illa haeret, quem isto potissimum opprobrio, quod masculam venerem permetteret, exagitatum fuisse, suo loco docebitur: sed et atheismus ille aliis argumentis, quam vulgi rumoribus, quibus tribuit LAERTIVS, probandus est:

faci-

c) *Hic delectatur Iambis
Ille Bioneis sermonibus et sale nigro*
HORAT. L. I. ep. II. v. 59.

d) l. c. f. 47 seqq.

e) MENAGIVS ex PLVT. de instit. puer. re-
ponit *δυσγένειαν* quod placet quoque OLEARIO

ad STANLEIVM l. c. p. 261. Lectionem tamen
receptam ferri quoque posse, ostendit MER. CA-
SAVON. ad h. l. qui videndus.

f) STOBÆVS Serin. CCXXXIII. p. 769.

g) LAERT. l. c.

h) Ibid.

facileque ex eo, quod coram imperitis de Diis loqui noluit ⁱ, exsculpi potuit, quam ei prudentiam Theodori praeceptoris exemplum commendauit; Vnde et hic quoque de atheismo Bionis malumus ἐπ' ἐχεν, quam fidentius pronuntiare, licet exemplis non careat, atheos impudentissimos morti proximos ad similem superstitionem fuisse delapsos ^k. Plures inter veteres memorantur huius nominis ^l, inter se non confundendi, inter quos vnus fuit ex Democriti familia, Abderita mathematicis artibus deditus, qui Attica pariter dialecto scripsit et Ionica, primusque dixit esse partes orbis habitabiles, in quibus sex mensibus dies, totidemque nox perpetua obtineat. Sic et Bias cum Bione miscendus non est; illius enim, non huius dilemma istud est, de non ducenda vxore siue pulchra sit, siue deformi, licet Bioni tribuat PLUTARCHVS ^m.

§. XIV. Et hi quidem celebriores philosophi sunt, quos schola Cyrenaica ab Aristippo excitata tulit; dubium vero non est, alios quoque ei ^{Cyrenaicae scholae exitus.} nomen dedisse, ignobilioris famae, et hinc veteribus praetermissos. Mature tamen Cyrenaica schola desuisse videtur; cuius causam coniecimus, partim quod extra Graeciam, quae sola Musarum sedes fuit, fuerit condita; partim quod abusu doctrinae de voluptate ⁿ et atheismi imputatione infamis fieret et periculosa; partim quod Epicurea secta voluptatis doctrinam ad habitum magis philosophicum et honestiorem reuocaret, vnde et Cyrenaicorum post Epicuri tempora mentio non fit. Refert quidem LAERTIVS ^o, Dionysium Heracleoten, a mutatione sectae, Metathemenon dictum, a Stoica secta ad Cyrenaicam defecisse, quod ἀπάθεια Stoicorum falsam esse, excruciatu oculorum doloribus sensisset, ideoque voluptatem pro fine et bono summo habuisse: recte vero ex Luciano monuit MENAGIVS ^p, quocum conferendus est IONSTIVS ^q, potiori iure adscribendum esse Epicureis.

i) Interrogatus, Diine essent t? respondit:

Tu ne senex turbam a nobis propellere curas.

Id est, coram turba de his quaestionibus agi non posse. LAERT. L. II. f. 117.

k) Conf. BAYLE l.c. not. F. forte et hoc accusationi huic occasionem dedit, quod de imperio Dei in sacrilegos sophismate luderet, vid. quae ex SENECA de benef. affert BAYLE l.c. not. I.

l) LAERT. l.c. MENAG. ad h. I.

m) Tribuitur etiam Aristippo, et Antistheni conf. BAYLE l.c. not. G.


n) Inde Hedonicorum nomen, quod in falsae eruditionis significationem tractum esse supra ex interpolato Cebetis tabulae loco probauimus. Idem tamen nomen Epicureis quoque datum esse ex SIMPLICII et AMMONII locis a MENAGIO ad Laert. L. I. f. 17. allatis constat.

o) L. VII. f. 167.

p) Ad l. c. et L. X. f. 25. Laert.

q) De Script. hist. philos. L. I. c. 20. pag. 112. L. III. c. 8. p. 250. conf. FABRIC. Bibl. Graec. Vol. II. p. 403.





CAPVT QVARTVM.

DE SECTA MEGARICA, SIVE ERISTICA.

§. I.

Secta Megarica vel Eristica.

Megaricae sectae initium dedit EVCLIDES Megaris, vrbe ad Isthmum posita, oriundus, cuius tamen origines alii ex Gela, vrbe Siciliae, repetunt ^a: inde enim a conditoris patria Megarica appellata est. Eristicae vero nomen a contentiosa disputandi et philosophandi ratione accepit, licet cum hac secta litigiosum hoc altercandi studium non demum ceperit, quod iam antea in secta Eleatica, auctoribus Xenophane, Parmenide et Zenone Eleate vixit, vti suo loco demonstrabimus ^b: quodque intra Graeciam demum, in qua sophistae altercandi artem iam exercebant, peculiarem scholae formam accepit: cum ex dicendis certum sit, ex Eleaticorum palaestra in hanc sectam contentiosam hanc philosophiam fuisse derivatam ^c, id quod ad designandas origines logicae contentiosae omnino notandum est. Dialectica quoque dicta est, non quod dialecticae originem dederit, sed quod interrogando ac respondendo sermones librosque componeret, quam docendi et philosophandi rationem a Socrate quidem didicit, ad contentiones vero et litigia philosophica primum applicuit, inde Dialecticorum nomen; quod primum appellauisse Dionysium Carthaginensem auctor est LAERTIVS ^d, quemadmodum Eristici ab Alexino ^e dicti sunt. Et foecunda quoque philosophis haec secta fuit, inter quos post Euclidem, Eubulides, Alexinus, Euphantus, Apollonius Cronus, Diodorus Cronus, Ichthias, Clinomachus atque Stilpo eminuerunt.

Euclides Megarenfis.

§. II. EVCLIDES a natura ingenio subtili et acri praeditus mature se ad philosophiam contulit, priusquam enim ad Socratem peruenisset, Parmenideorum librorum studiosissimum fuisse, tradit Alexander apud LAERTIVM ^f: ex cuius quoque scriptis artem contendendi didicisse, veteres volunt ^g. Socratis vero fama ad Megarenfes perlata, eius audiendi gratia Athenas non sine periculo commigravit. Decreto enim, vti narrat GELLIVS ^h, paulo post eius aduentum cauerant Athenienses, qui Megaris

^a) LAERT. L. II. c. 106.

^b) Conferendus interim cel. WALCHIVS Hist. Logic. §. III. Parerg. Acad. p. 498 seqq.

^c) Qui cum Zenonis auditor esset, vides, quantum ab eo dissenferit, et quam non multum a Platone Megarici, quorum fuit nobilis disciplina: cuius, vt scriptum video, princeps Xenophanes, quem modo nominavi, deinde eum secuti Parmenides et Zeno, post Euclides, Socratis discipulus, Megareus a quo iidem illi Megarici dicti sunt. Ita CICERO Tusc. Qq. L. II.

^d) l. c. De variis vero philosophis, qui Diale-

ctici dicti sunt, consulendus est IONSIUS de Scr. hist. phil. L. II. c. I. p. 120.

^e) IDEM l. c. c. 2. p. 121.

^f) l. c. Cuius ratio forte inde deducenda est, quod origines et familiam ad Gelam Siciliae referret; ita enim conciliandi videntur veteres, de Euclidis patria dissentientes. In his vero oris celeberrimum erat Parmenidis nomen et fama, quae tanta fuit, vt Athenas quoque eius libri deferrentur, ibique legerentur, vt ex PLATONIS Parmenide videre est.

^g) CICERO l. c. Qq. Acad. L. IV. c. 42.

^h) N. A. L. VI. c. 10.

ris ciuis esset, si intulisse Athenas pedem deprehensus esset, vt ea res ei homini capitalis esset; tanto Athenienses Megarenfium odio flagrabant ⁱ. Tum Euclides, qui Megaris erat, quique ante id decretum, et esse Athenis et audire Socratem consueuerat, postquam id decretum sanxerunt, sub noctem cum aduersperasceret, tunica longa muliebri indutus et pallio versicolore amictus et caputrica (velamen id muliebre est) velatus, e domo sua Megaris Athenas ad Socratem commeabat, vt vel noctis aliquo tempore sermonum consiliorumque eius fieret particeps. Rursusque sub lucem millia passuum paulo amplius viginti eadem veste illa tectus redibat. Non placebat tam feruido Euclidis ingenio placida quaerendi et philosophandi ratio, quam Socrates sequebatur; sed vt impetum animi Eleaticis contentionibus addictum expleret, forensibus causis diligenter se applicuit; quod quia inutile ac turpe putabat Socrates, reprehendisse eo nomine Euclidem dicitur: *O Euclide sophistis quidem uti scis, hominibus nescis* ^k. Ingenio itaque suo indulgens in patriam concessit, scholamque instituit ^l, in qua variis argumentationum generibus disceptandi artem tradidit, quam tantis bellis atque contentionum vehementia exarsisse veteres testantur, vt Diogenes, non σχολήν sed χολήν, merum fel esse dicendam, affirmaret ^m, et Timon Euclidem λύσσαν ἐρισμῶ, contentionis rabiem Megaras inuexisse diceret ⁿ; adeo a moribus Socratis discrepabat. Celeberrimum tamen in scholis fuisse PLUTARCHVS ^o ait, neque id mirandum; ex Socratis enim historia notum est, quam immensum pretium disceptandi arti Graeci tum temporis statuerint. Etsi vero acerrime disputabat Euclides, animo tamen placidissimo fuisse, et Socrate praeceptore digno ex eo manifestum est, quod narrat PLUTARCHVS ^p: cum audiuisset sibi excandescens dicere, *peream, nisi vindictam exposcam*, respondisse: *et ego peream, nisi hanc tibi iram verborum lenitate extorsero, utque me perinde, ac antea, ames effecero*. Eandem animi beneuolentiam Socraticis quoque discipulis exhibuit. Cum enim mortuo Socrate Plato cum ceteris philosophis se tyrannorum metu Megaram, ad ipsum, contulissent, hospitio eos humanissime excepit, donec secure Athenas redeundi occasio esset ^q. Scripsit tum alia, tum dialogos sex, de quorum tamen fide dubitauit Panaetius ^r. Alius et iunior multo est Euclides, geometrarum facile princeps ^s, quem cum no-

Hhh h 2

stro

i) Vid. THUCYDID. L. I. p. 92.

k) LAERT. L. II. f. 30.

l) Factum id esse viuo adhuc Socrate inde colligi potest, quod, eo fati concedente, ad eum non tantum Socratici aufugerint, Megaris degentem, sed et Plato viginti octo annos tum natus eum audierit LAERT. L. III. f. 6. vnde sequitur, scholam tum temporis aliquandiu iam habuisse. Praeter rem itaque in eo reprehendit RAPINVM BAYLE Dict. T. II. art. Euclides not. F. p. 416.

m) LAERT. L. VI. f. 24.

n) Ibid. f. 107. o) De amic. frat.

p) l. c. apud STOBAEVM Sermon. CCIX. p. 654.

Socrati tribuitur, errore facillimo, Socratici cognomine in Socratis nomen mutato. vid. STANLEY. p. 264.

q) LAERT. L. II. f. 106.

r) LAERT. L. II. f. 107. SVIDAS in Euclides T. I. p. 893. FABRIC. Bibl. Graec. Vol. I. p. 79.

s) Patria celeberrimi geometrae incerta est, plerique Alexandrinum faciunt. Claruit temporibus Ptolemaei Lagi, qui Ol. CXXIII. obiit. Alexandriae mathematicas disciplinas summa cum laude docuit, et eruditissimis scriptis illustrauit, de quibus videlicet cel. FABRICIVM Bibl. Gr. Vol. II. p. 369 seqq. Mitissimum et benignum erga omnes, praes

stro quidam confuderunt: quemadmodum noster quoque ab aliis ' distinguendus est.

Doctrina Euclidis.

§. III. De dogmatibus philosophicis Euclidis pauca nobis veteres memorant:

I. Disputationes ex similibus institutas illum penitus fustulisse. Eas nempe vel ex similibus ad similia, vel ex dissimilibus ad dissimilia procedere: si prius fiat, praestare, ut res ipsae examinentur, quibus similes quaeruntur; si posterius nullius usus esse comparationem^a.

II. In argumentationibus non assumptionibus fuisse usum, sed conclusionibus. Ita quidem LAERTIUS^x, quae cel. WALCHIVS^y id significare vult: fuisse moris apud Euclidem aliorum conclusiones et sententias confutare non per contraria principia, sed per conclusiones, quae continebant varia incommoda. Haec vero nec modum ratiocinandi Euclidean, nec vim verborum Laërtii exhaustiunt. Non enim id vult Laërtius, argumentatione ad absurdum deducta, ut in logicorum scholis loqui amant, Euclidem usum fuisse, sed, praetermissis lemmatibus, siue propositionibus assumptis, solis illationibus aduersariis instituisse. Nempe, ut GASSENDI verbis^z utamur, *quasi consecutiones forent satis perspicuae, illationes eum congeffisse, Ergo, Ergo, Ergo; quae arguendi ratio, quasi respirare non sinens est omnium urgentissima; quare cum hoc modo foret instans, premens ac vehemens, notatum fuisse a Timone, quasi quandam litigii vel contentionis rabiem Megaricis inspirauisset.*

III. Vnicum esse bonum, cuius diuersa tantum sint nomina, prudentiae scilicet, Dei, mentis et cetera. Nec esse aduersum bono quicquam in rerum natura^a. Difficilis et obscura sententia, quae ipsum acutissimum BAELEIVM incertum et suspensum tenuit^b. Ait quidem CICERO^c: *dixisse, id solum bonum esse, quod esset unum et simile et semper, et idem; sed obscurum est, qua ratione res omnes, quae bonae dicuntur, hoc nomine, hisque affectionibus gaudeant, sicque et Deus, et mens et prudentia, et reliqua bonum sint, et tale quidem, quod malum excludat.* Si tamen conlecturis locus est, videtur Euclides metaphysicis notionibus largius indulgens, et Parmenideis doctrinis de vno in vniuerso imbutus, ad generalem et abstractam boni notionem respexisse, et cum vnum tantum reale, et essentiale bonum statueret, quod in Deo situm est, illius participatione omnes res, quae sunt et existunt, bonas dixisse^d. Hoc posito, necessario sequitur, ea quae bona non sunt, quatenus mala sunt, non esse in rerum natura, id est physicam existentiam non habere, quia ex vno bono non participant, et

praefertim eos, qui mathematicas disciplinas augere possent, et nullo modo infensum, sed accuratum, non arrogante fuisse ait PAPPVS L. VI. p. 251.

^z) Vid. STANLEY. p. 265. FABRIC. l. c. Inter hos et Archon Atheniensis, ex quo natum proverbium: ante Euclidem gestorum meminisse, ob sancitam sub eo ἀμνησικακίαν.

^x) LAERT. l. c.

^x) loc. cit.

^y) l. c. p. 509.

^z) T. I. Opp. p. 40. Eadem monet BAYLE l. c. not. C.

^a) LAERT. l. c.

^b) l. c. not. B.

^c) Acad. Qq. L. IV. c. 42.

^d) Eo quoque tendunt, quae affert cel. STOLL. Hist. phil. mor. §. LVII. p. 70.

et per illud sunt, sed quicquid in illis malum est, priuationem potius boni esse, quicquid existentiae in iis est, pertinere ad vnum bonum. Haec Parmenideis doctrinis conformia ex libris eius verisimile est Euclidem hausisse; certe ex Socratis schola hausta non sunt, quae eiusmodi argutiis et abstractis notionibus non gaudebat. Quae si admittimus, cohaeret totum systema Megaricum, quod inextricabilis confusionis et obscuritatis accusauit Baelius.

IV. Praeter haec, in sermonibus ab ANTONIO et MAXIMO congestis hoc quoque Euclidi tribuitur: interrogatum a nonnemine, qualesnam sint Dii, et quibus rebus maxime delectentur? respondisse: cetera se quidem ignorare, illud vero certo scire, curiosos illis odio esse. Quod si recte ei adscribitur, videtur Euclides a praeceptore Socrate magis sobrie de Diis sentire edoctus, eius exemplo cautior redditus esse, ne mentem minus prouide explicando superstitionum in odia et persecutiones incurreret.

§. IV. Successorem Euclides habuit EUBULIDEM Milesium, quem inimico aduersus Aristotelem animo fuisse eumque data quauis occasione lacesiuisse perhibent ^f. Huius quidam discipulum Demosthenem faciunt, eumque volunt ab illo literae R pronuntiationem assiduo exercitio didicisse ^g. Immortale sibi in litigiosa hac schola nomen fecit inuentione diuersorum sophismatum, apud veteres valde celebrium, quae ita enumerat LAERTIVS *ψευδόμενος* mentiens, *διαλανθάνων* occultus, *ηλέκτρα* Electra, *ἐγκεκαλυμένος* velatus, *σωρίτης* acerualis, *κερατίνη* cornutus, *φαλακρός* caluus. Quae argumentationum captiosarum nomina quia non a forma, sed a materia nomen acceperunt, obscura sunt. Vt itaque misera Eristicae philosophiae facies nugis istis difficilibus non immorantis tantum, verum etiam immorientis plenius cognoscatur, breuiter, qualia fuerint, ad veterum mentem explicabimus, plura quaerentes ad MENAGIVM ^h, GASSENDVM ⁱ, WALCHIVM ^k ablegantes. Est itaque:

Eubulides.

I. *Mentiens*, sophisma huius argumenti: Si vera dicens, te ais mentiri, mentiris; sed dicis te mentiri dum vera dicis; ergo vera dicens mentiris ^l. Quicquid statuatur verum esse, hoc argumento falsum reperietur.

II. *Occultus*, siue fallens; hoc argumento decipit: Nosti patrem tuum? noui: nosti hominem illum, qui latet? non noui; ergo patrem tuum non nosti, nam ille pater tuus latet.

III. *Electra*, nomen habuit a praecipuo exemplo Electrae Orestis sorore, Agamemnonis filia, quae fratrem nouerat et non nouerat; scilicet nouerat Orestem esse fratrem, sed non nouerat, esse fratrem eum, qui cum ea differebat ^m.

Hhh h 3

IV.

e) Serm. XXXVII.

f) LAERT. L. II. f. 108. Inde aetas tempusque Eubulidis cognoscitur. Ideo calumniator dictus esse traditur. vid. IONS. Scr. Hist. phil. p. 350.

g) ATHENAEVS L. VIII. LAERT. loc. cit. f. 109. APVLEI. et CASAUB. ad l. c. Laërt. Incertum tamen esse satis prodit Laërtius.

h) Ad LAERT. L. II. f. 108.

i) In Logic. T. I. Opp. p. 40 seq.

k) l. c. p. 510 seq.

l) CICERO de diuin. L. II. c. 4. Acad. Qq. L. IV. c. 30.

m) LVCIAN. in vitar. auct.

IV. *Velatus*, itidem a materia nomen accepit, quam ita recitat LVCIANVSⁿ: responde mihi, nostine patrem tuum? maxime. Quid igitur, si prope te statuerem velatum quempiam atque interrogarem, nostine hunc? quid diceres? scilicet me non nosse. Atqui hic tuus erat pater, itaque si istum non nosti, palam est, te patrem tuum non nosse.

V. *Sorites*, acrualis CICERONI^o dictus, inde nomen habet, cum aliquid minutatim et gradatim additur vel demitur, ut acruus efficitur vno addito grano. Scilicet quaeritur num vnum granum vel duo sint acruus, si hoc negatur, additur vnum, et sic porro, donec alter concedat esse acruum, quo infertur: Ergo acruus efficitur vno grano^p.

VI. *Cornutus*, nomen etiam ab exemplo accepit: habes quod non amisisti; cornua non amisisti, ergo habes. Dicitur etiam cornutum argumentum dilemma ex utroque latere feriens, quale illud Biantis de vxore non ducenda; quod intellexisse videtur RAPINVS^q, quem ideo praeter rem notat P. BAYLE^r.

VII. *Caluus*: Huius exemplum apud veteres non occurrit, exhibet aliquod MENAGIVS^s ita: Qui non habet pilos in capite caluus est; Rasmus non habet pilos in capite, Ergo, rasmus caluus est.

Quam misera haec omnia sint, et sibilo potius atque naso suspenso digna quam admiratione, quilibet vel mediocriter artis ratiocinandi peritus intelligit. Et tamen sex diuersos libros de vno mentiente conscripsisse Chrysippum, testis est LAERTIVS^t; ATHENAEVS^u autem et SVIDAS^x tradunt, Philetam Couthphthi periisse, contracta studii excessu, in eo soluendo positi. Eleganter SENECA^y: *quid me detines in eo, quem tu ipse pseudomenon appellas, de quo tantum librorum compositum est? ecce tota mihi vita mentitur, hanc coargue, hanc ad verum, si acutus es, redige.*

Alexinus.

§. V. Post Ebulidem praeter Clinomachum Thurium, Euclidis discipulum, qui primus de axiomatibus et categorematibus et his similibus scripsisse dicitur LAERTIO^z, ALEXINVS, Eliensis, rixarum et litigiorum studiosissimus, innotuit, adeo ut a contradicendi studio elenxinus, contradictorius appellaretur^a, quod non auditores tantum experti sunt, sed et magni eius aetatis viri et celeberrimi philosophi, Zeno Cittieus^b, Aristoteles^c, Menedemus^d, Stilpo et ex historicis, Ephorus^e, aduersus quos litigiosa sapientia bella incruenta gessit. Superbiae animi indicium fecit non postre-

ⁿ) loc. cit.

^o) De diu. l. c. Acad. Qq. L. VI. c. 6.

^p) GELLIVS L. XVI. c. 2. SENECA ep. 45.

^q) Reflexions sur la philosophie §. 28. p. 358 seq.

^r) l. c. not. F. conf. FABRIC. ad Sext. L. II. sect. 241.

^s) l. c. GASSENDVS vero et BAYLE l. c. speciem esse putant Soritis, desumptam a quaestione: quot pili detrahendi sint, ut reddatur caluus? ubi vno, duobus, tribus detractis, cum quaeritur, num efficiatur ita caluities, cum tandem certus nume-

rus definitur, concedendum est, vnus pili detractio caluitiem induci, quod prius negabatur.

^t) Lib. VII. f. 196.

^u) Lib. IX. n. 403.

^x) In Philetas T. III. p. 600.

^y) loc. cit.

^z) Lib. II. f. 412.

^a) Ibid. f. 109.

^b) Ibidem.

^c) ATHENAEVS L. XV. c. 16. conf. ION-SIVS de Scr. Hist. phil. L. II. c. 2. p. 121.

^d) LAERT. L. II. f. 125. 135.

^e) IDEM l. c. f. 110.

postremum, quod Olympiam abiit, philosophiam ibi professurus: discipulisque interrogantibus: cur eo degeret loco? sectae se meditari institutionem dixit, eique Olympicae nomen imponere. Verum cum et rerum penuria, et loci insalubris molestia atque aëris intemperie affligerentur, discessere omnes, Alexino solo cum seruo relicto. Postea natans in Alphaeo flumine, arundinis laesus acumine, diem obiit. Scripsit non tantum aduersus Zenonem et Ephorum ^f, sed et alios libros, quos periisse nemo magnopere indignabitur: quales enim fuerint, ex auctore fieri potest iudicium.

§. VI. Alexini discipulus, vel Eubulidis potius ex disciplina EUPHANTVS fuit, Olynthius, Antigoni regis praeceptor ^g, qui non litigiosae tantum disciplinae curam habuisse videtur, sed et sapientiae, quae ad vitam pertinet ^h: scripsit enim ad Antigonom librum *de regno*, quem laudatissimum vocat LAERTIVS ⁱ. Grandaeuus is obiit, relictis quoque historia sui temporis ^k et tragoediis, quae in certaminibus tragoedorum plurimum placuerunt. Praeter hunc APOLLONIUS quoque CRONVS ex Eubulidis disciplina prodiit ^l, quem Cyrenaeum fuisse STRABO ^m auctor est, qui eum Cronum Apollonium nominat, posteriore nomine ab vrbe Apollonia deriuato: prius a cunctando accepisse, vel a morosis et difficilibus moribus et obscuritate videtur ⁿ.

Euphantus.

Apollonius
Cronus.

§. VII. Apollonii discipulus post praeceptorem inclaruit DIODORVS, et ipse CRONVS, appellatus, qui Iaso ortus est, Cariae ciuitate; patre Amenias ^o. Non Eubulidem tantum audiuisse LAERTIVS auctor est, sed et STRABO ^p, Apollonium habuisse praeceptorem, et ab eo Croni nomen haereditario quasi titulo accepisse, quod obscuritatis potissimum ratione habita praeceptorem imitaretur ^q. Ad cunctationem tamen isto nomine respexit Ptolomaei Soteris conuicium, quod exitium Diodoro attulit. Cum enim in praesentia regis a Stilpone dialecticis argutiis more scholae tentaretur, et extemplo eas nequiuisset soluere, a rege non aliis tantum obiurgationibus increpatus, sed et Cronus conuicii nomine vocatus est ^r. Quam contumeliam altissima mente reponens, cum a regis conuiuio excederet, librum de isto problemate, quo eum Stilpo vexauerat, composuit, et vitam ex moerore confectam finiit, quem recte ideo asinum appellat LAERTIVS ^s. Quamquam vero ἀδοξίαν ei tribuit STRABO, in dialecticis tamen valentissimum fuisse, et CICERO testatur et SEXTVS EMPIRICVS.

Diodorus
Cronus.

f) Male interpres Laërtii expressit ad Zenonem et Ephorum.

g) Ibid. f. 110.

h) Tragici quatuor dramatis, quae tetralogiae dicebantur, certarunt, quorum certamina pluresculi veteres memorant. Hinc tetralogias Platonis nomen habere suo loco docebitur. Conf. IONS. de Scr. Hist. phil. L. I. c. 16. p. 86 seq. Minus itaque recte et ad mentem Laërtii haec de applausu in scena reportato refert STANLEIUS Hist. Phil. P. III. pag. 268.

i) loc. cit.

k) Conf. VOSSIVS de Hist. Gr. L. I. c. 8.

l) LAERT. I. c.

m) Lib. XVII. p. 838.

n) Vid. quae mox §. seq. dicentur.

o) LAERT. L. II. f. 111.

p) loc. cit.

q) Διὰ τὴν ἀδοξίαν κατ' ἀλήθειαν Κρόνον vocat.

r) LAERT. I. c.

s) Vocat enim in adiecto epigrammate Diodorum Κρόνον, abiecto, Κ, et γ, id est ὄνον.

cvs^r. Filias habuit quinque et pudicitiae laude et dialecticae peritia celebres^a, quas dignas censuit Philo dialecticus, Carneadis magister, ut plenissimam de iis scriberet historiam, id quod testatur Hieronymus^s. Diodori vero nomen cum plurimis commune fuerit^t, noster a reliquis caute distinguendus est.

Philosophia
Diodori.

§. VIII. Consumsit vero tempus Diodorus, ut reliqui quoque Eristici in dialecticis, in quibus subtilitatem nimiam laudando, nisi fallimur, traduxit Callimachus^z. Cuius I. specimen nobis seruauit Sextus Empiricus^a, qui de Diodori, Philonis et Chrysippi dissensu circa propositiones connexas prolixè differit. Id quod paucis ita comprehendit Cicero^b: *In hoc ipso, quod in elementis dialectici docent, quomodo iudicare oporteat, verum falsumne sit, si quid ita connexum est, ut hoc: si dies est, lucet, quanta contentio est, aliter Diodoro, aliter Philoni, Chrysippo aliter placet.* Quae ut clarius intelligantur, obseruandum est, Dialecticos in propositionum conditionatarum, quas connexas vocabant, explicatione in eo conuenisse, verum esse consequens, si id vera consequentia deducatur ex antecedente; falsum, si non sequatur; in criterio vero, ex quo diiudicanda est consequentiae veritas, definiendo inter se dissensisse. Et Philo quidem veram esse propositionem connexam putabat, si et antecedens et consequens verum esset, et si antecedens atque consequens falsum esset, et si a falso incipiens in verum defineret, cuius primi exemplum est: Si dies est, lux est, secundi: si terra volat, habet alas, tertii: Si terra volat, est terra; solum vero falsum, quando incipiens a vero defineret in falsum. Diodorus autem hoc falsum interdum esse, quod contingere posset, asserens, omne quod contigit, ex consequentiae complexu remouit, sicque, quod iuxta Philonem verum est, si dies est, ego dissero, falsum esse pronunciauit, quoniam contingere possit, ut quis, si dies sit, non differat, sed fileat. Ex qua Dialecticorum disceptatione Sextus infert, incertum esse criterium propositionum hypotheticarum. Ex quibus parca, ut debet, manu prolatis, iudicium fieri potest, quam miserranda facies fuerit dialecticae eristicae, quae ad materiam magis argumentorum, quam ad formam et ad verba magis, quam ideas, quae ratiocinia constituunt respiciens, non potuit non innumeras sine modo et ratione technas et difficultates struere, facile fumi instar dissipandas, si ad ipsam ratiocinandi et ideas inter se conferendi et ex tertia iudicandi formam attendatur. Quod si enim inter veritatem consequentiae et consequentis, (liceat paulisper cum scholasticis barbare loqui) distinxissent, inanis disputatio in puluerem abiisset, et euaniisset; nam de prima Diodorus, de altera Philo, et hic quidem inepte et minus accurate loquebatur. Sed haec *ὡς ἐν παράδειγματι*. Ceterum II. in sophisma-

t) Contra Gramm. f. 309. Log. L. II. f. 115 seqq.

u) Nominat eas CLEM. ALEX. Strom. L. IV. pag. 522.

x) Contra Iouinian. L. I. conf. MENAG. ad l. c. Laërt. et Hist. phil. mul. §. 60. ubi tamen quatuor nominat, cum quinque fuerint.

y) Catalogum Diodororum satis longum exhibet FABRIC. Bibl. Graec. Vol. II. p. 775.

z) Cuius versus vide apud LAERT. et SEXT. II. cc.

a) Adu. Logic. l. c.

b) Acad. Qq. L. IV. c. 47.

phismatibus struendis Diodorum excelluisse, non id solum argumentum est, quod is quibusdam auctor argumenti, quod velatum dicitur, fuisse asseratur, sed et quod argumentum dominans inuenerit, de quo, ne his nugis lectori molestissimus, Epictetum apud *ARRIANVM*^d consuli velimus. Et ad haec quoque Dialecticae peritiae acumina referendum est argumentum, quo nihil moueri probabat. Quod ita *SEXTVS* enarrat: Si quid mouetur, aut in eo, in quo est, loco mouetur, aut in eo, in quo non est. At neque in quo est mouetur, manet enim in eo, si in eo est; nec vero, in quo non est, mouetur; ubi enim aliquid non est, ibi neque agere quidquam neque pati potest. Non ergo mouetur quicquam. Quo argumento non ideo usus est Diodorus, quod putat Sextus, ut more Eleaticorum probaret: non dari motum in rerum natura, et nec interire quicquam nec oriri; sed ut subtilitatem ingenii dialecticam ostenderet, verbisque circumueniret. Qua ratione Diodorum mire depexum dedit Herophilus medicus. Cum enim luxato humero ad eum venisset Diodorus, ut ipsum curaret, facete eum irrisit, eodem argumento probando humerum non excidisse: adeo ut precaretur sophista, omissis iis cauillationibus adhiberet ei congruens ex arte medica remedium^f.

Tandem et III. inter atomisticae philosophiae sectatores numerari solet Diodorus, eo quod ἐλάχιστα καὶ ἀμερῇ σώματα minima et indiuisibilia corpora statuerit, numero infinita, magnitudine finita, ut ex veteribus asserunt praeter *SEXTVM*^g, *EVSEBIVS*^h, *CHALCIDIUS*ⁱ, *STOBAEVS*^k alii, quibus ex recentioribus concinunt *CVDWORTHVS*^l et *FABRICIVS*^m. Quia vero veteres non addunt, an indiuisibilia et minima ista corpuscula, omnibus qualitatibus praeter figuram et situm spoliata posuerit, sine formidine oppositi inter systematis atomistici sectatores numerari non potest. Nam alii quoque philosophi eiusmodi insecabilia corpuscula admiserunt, nec tamen atomos Democriticos statuerunt. Id quod acute monuit *cel. MOSHEMIVS*ⁿ.

§. IX. Praeter hos philosophos inter Dialecticos celebres alii quoque fuerunt, minoris famae et nominis^o, et in his Ichthyas quoque; nemo tamen magis inclaruit quam *STILPO* Megarensis. Is cum praestantissimos praeceptores ad ingenium natura optimum excolendum adhibuisset, celeberrimus philosophus euasit. Refert enim *LAERTIVS*^p, audiuisse ipsum scholae auctorem Euclidem, quod tamen temporibus repugnat^q, et ex eius sequa-

Stilpo.

c) *LAERT.* L. II. c. III.

d) *Dissert. Epict.* L. II. c. 19.

e) *Pyrh. hyp.* L. II. c. 22. f. 142. et II. c.

f) *Ibid.* f. 145.

g) *Pyrh. hyp.* L. III. c. 4. f. 32. adu. *Phys.* L. I.

h) *Praep.* L. XIV. p. 773.

i) p. 291.

k) *Eclog. phys.* c. 13. p. 28.

l) *System. intell.* c. I. p. 22.

m) *Ad I. c. Sexti, not. X.*

n) *Ad I. c. CVDWORTH.*

o) *Catalogum eorum* nescit *FABRICIVS* *Bibl. Graec.* Vol. II. p. 823.

p) *I. c. f. 113.*

q) *Euclides* enim circa *Socratis* mortem et sequentia tempora scholam aperuit, *Stilpo* circa *Protonaei* *Euergetae* et *Demetrii* *Antigoni* filii tempora floruit, ubi minimum 150. anni intercesserunt,

sequacibus Thrasymachum Corinthium Ichthyaee familiarem; itemque Diogenem Cynicum, Pasiclem Thebanum, cui Dioclem Megarensensem addit **SVIDAS**^r, nisi ibi pro Diocles, Euclides, legendum est. Hac institutione tantos in philosophia profectus fecit, ut non tantum admirabili eruditione inclaresceret, sed et vitia mentis naturalia felicissime emendarentur, isque et acutus esset et probatus illis temporibus homo, quo elogio eum maectat **CICERO**^s. Erat enim in iuuentute et vinosus et mulierosus, ita vero doctrina et usu vitiosam naturam edomuerat, ut nemo illum vel violentum vel libidini litantem observauerit^t. Vnde animi in eo robur, mansuetudinem et continentiam admiratur **PLUTARCHVS**^u, **SENECA**^x vero virum fortem et strenuum salutat. Fabulae itaque simile est, quod Onetor apud **LAERTIUM**^y tradit, praeter uxorem, quam duxerat, Nicarete etiam pelli-
ce usum fuisse: id quod et vita Stilponis continentia et temperantia laudatissima refutat, et silentium potissimum **ATHENAEI**^z, philosophorum vitia non reticentis, reiiciendum monet, qui Nicareten Megarensensem non ignobilem, ait^a, et obscuram meretricem fuisse, sed et natalium splendore, et doctrina perquam amabilem; philosopho enim Stilponi operam dedisse; quibus vetitam consuetudina sine dubio adiecisset, si villo modo Stilpo eius fuisset suspectus. Nobilia vero scorta eruditionis et philosophiae laudem affectasse, ideoque contubernia philosophorum quaesuisse, supra Aristippi et Laidis, immo ipsius Socratis et Aspasiae exemplis probauimus. Sed et filiae degeneris exemplum id probat, quae cum inquinatissimam vitam duceret, eamque parenti dedecori esse non nemo diceret, Stilpo non eam, respondit, maiori sibi dedecori quam ipse sit decori ei, esse valere^b: id quod dicere non potuisset, si ipse filiae incontinentiae exemplum exhibuisset^c. Eandem animi quoque continentiam circa opes et diuitias probauit, magnumque et philosopho dignum ostendit animum. Cum enim^d magna apud Ptolomaeum Soterem gratia esset, is captis vi Megaris pecuniam ei obtulit, et ut in Aegyptum se sequeretur, inuitauit; Stilpo vero parte tantum aliqua pecuniae accepta, in Aegyptum proficisci noluit, sed Aeginam se contulit, ibique, donec Ptolomaeus Megaris discederet vitam egit. Demetrius quoque Antigoni filius, Megaris expugnatis domui eius parcere iusserat, restituere si quid ei ablatum fuerat^e. Cum itaque rerum ab eo amissarum consignatio peteretur, nihil, quod suum esse, perdidisse se respondit, doctrinam enim et eruditionem neminem ei eripuisse, eloquentiam quoque sibi esse relictam et disciplinam; simulque tanta vi humanitatem illi suavit, ut assidue eum Demetrius audire cuperet. Erat enim ei ingenium simplex, neque vlla simulatione fucatum^f, eruditio vero longe maxima,

^r) In Stilpo T. III. p. 376.

^s) De fato c. 5.

^t) Ibid.

^u) Adu. Color. T. V. p. m. 424.

^x) Ep. 9.

^y) L. II. f. 114.

^z) Is de temperantia Stilponis testatur L. X. p. 422.

^a) L. XIII. p. 496. conf. **MENAG.** hist. mul.

phil. §. 62. **BAYLE** dict. T. IV. art. Stilpo not. B. p. 283.

^b) **LAERT.** l. c.

^c) Conf. quae hac de re habet **PLUT.** de tranq. an.

^d) **LAERT.** l. c. f. 115.

^e) **PLUTARCH.** in Demetrio, et de tranq. animi. **SENECA** ep. 9. et de constant. c. 5.

^f) **LAERT.** L. II. f. 117.

xima, quae ei tantam nominis famam conciliauit, ut cum aliquando Megaris Athenas se contulisset, homines ex officinis ad eum videndum confluerent ^g. Inuentione etiam et eloquentia longissime alios antecessit ^h, ut omnem fere Graeciam ad Megaricam scholam adduceret, cuius cum princeps existeret, et, quod testatur PLUTARCHVS ⁱ, in litigioso dicendi genere potentissimus esset, doctrinae et disputationum subtilitate sibi ipsi, patriae et amicis summum decus conciliauit. Et haec quoque causa est, cur multos discipulos nactus sit, quos ab aliis philosophis ad se abstraxit, interque eos Metrodorum theoreticum ^k a Theophrasto, Clitarchum et Simmiam ab Aristotele Cyrenaeo, Paeonium ab Aristide, aliosque. Addit his LAERTIVS ^l: Phrasidemum Peripateticum, cuius in physicis maxima fuerit auctoritas, sibi adiunxisse, Alcimum item, oratorem sui aevi in Graecia maximum, Zenonem porro Phoenicium Epicureum philosophum, Cratetem et reliquos; immo Zenonem quoque Cittieum eius discipulum facit Heraclides ^m. Senem fatis functum hausto prius mero ut citius moreretur Hermippus refert ⁿ. Viginti dialogos ei tribuit SVIDAS, nouem LAERTIVS ^o, neque eos multum adeo gratiae habentes, quod, ubi cum laudatissima Stilponis eloquentia comparatur, suspicionem suggerit, fuisse foetus supposititios. Filium habuit Drysonem, quem Brysonem quoque quidam vocant, parentis vestigia in excolenda philosophia prementem ^p, quem inter Pyrrhonis praeceptores enumerat LAERTIVS ^q. Quod si verum est, recte inde conficitur, ambiguum Eristicae sectae disputandi genus, multum ad Pyrrhonis incertitudinem contulisse. Alius tamen Bryso est, cuius Aristoteles meminit ^r.

§. X. Et si vero totus erat in dialecticis Stilpo, et fama quoque propter *Stilponis phingenii artisque subtilitatem super aethera notus inelarescebat, pauca ta-* *losophemata.* men, quod mireris, de doctrina eius restant, eaque obscura et non satis expedita. Illa huc redeunt:

I. Vniuersalia eum plane sustulisse. Dicebat enim: qui hominem dicat, eum neminem dicere, quod non hunc vel illum ea vox significet, nec huic magis, quam alteri conueniat. Rursus id, quod olus videmus, haut esse, olus enim ante multos annos iam fuisse atque ita hoc olus esse non posse. Ita quidem LAERTIVS ^s, quem obscuritatis accusat I. S. CASABONVS ^t, qui tamen satis clarus est, modo obseruemus, esse et hoc vnum ex sophismatibus scholae Eristicae, quibus philosophorum ingenia acuebant et vexabant. Scilicet supponebat Stilpo, non dari hominem in abstracto, adeoque has species et genera rerum non natura existere; cum neque in hoc neque in alio homine ille homo vniuersalis queat ostendi. Inductione itaque fa-

Ili i 2

cta

g) Ibid. f. 119. vbi etiam narratur, qua ratione illudentem represserit, conf. BAYLE l. c. not. A.

h) Ib. f. 113.

i) Adu. Colet.

k) conf. MENAG. ad h. l.

l) loc. cit.

m) Ib. f. 120. conf. FABRIC. Bibl. Gr. Vol. II. p. 821 seq.

n) Ib. f. 120.

o) Ib. cc.

p) Ibid.

q) L. IX. f. 69.

r) Conf. FABRIC. ad Sext. Emp. adu. Math. L. VII. f. 13. IONSIVS de Scr. Hist. phil. p. 118.

s) LAERT. L. II. f. 119.

t) Ad h. l.

Et cum neque hunc neque illum, neque alium hominem esse colligeret, inferebat nullum esse hominem, sicque ludendo ambigua hominis in genere siue abstracto, vti Logici dicunt, et in indiuiduo siue singulari considerati notione, incautos exagitabat. Altiora tamen hic latere putat P. BAYLE ^{u)}, et non in solo verborum lusu et cauillationibus substituisse Stilponem, sed vniuersalia siue praedicabilia, qua voce designantur in Peripatetica logica, negauisse: sicque negatis vniuersalibus etiam rerum discrimina sustulisse, quam viam esse ad Spinozismum magno acumine ipsius Stilponis argutis non cedente vir subtilissimus demonstrare satagit. Nos hunc labyrinthum, ne ab itinere semel constituto seducamur, non ingredimur, hoc vnum notasse contenti, ex mente PLVTARCHI contra Coloten disputantis, qui ob haec sophismata vehementer in Stilponem insurrexerat, haec fuisse ex sententiolis, quas per lulum et iocos inter Sophistas sparsit Stilpo, scholae Megaricae indole ita requirente. Neque tamen vero prorsus esse dissimile, fuisse Stilponem inter eos, qui vniuersalia praeter nuda nomina nihil esse dicerent, quod et Cynicos fecisse et alios, alibi docuimus ^{x)}: quorum partes postea susceperunt Abaelardi sequaces et tota Nominalium secta suo loco prolixius describenda. Eiusmodi enim cauillationes reliquis sectis opponebantur, quae τὰ ἐξῶν vel extrares, vel in rebus existere iactabant, quorum prius Platonici, posterior Peripateticis placuit, quosque ita ludicro sophismate derisisse et vexasse videtur Stilpo, amoenissimi et ad ridendum facti ingenii philosophus. Plura enim et profundiora cogitasse, nulla probabilitate euinci potest. Ex hac vero vniuersalium negatione fluxit aliud dogma Stilponis, acumine Eristicae scholae dignum:

II. Vnum de alio praedicari non posse. Non enim idem esse subiectum cum praedicato, aliamque illius, aliam huius esse definitionem. Ita aliud esse hominem, aliud bonum, nec ea posse de se praedicari, cum et hominis alia essentia sit, et boni. Si enim vnum esset homo et bonum, non dici posse praedicariue, medicinam esse bonam, cibumque esse bonum. Eorum itaque quae sunt in subiecto vel de subiecto nullam dari complexionem, sed ea, nisi idem cum subiecto sint, de eo, etiam per accidens praedicari non posse. Nititur haec sententiola, vt PLVTARCHI ^{y)} voce vtamur, negatione vniuersalium, si enim ea non sint, nihil de altero recte praedicari potest. Vnde, quam misera et cauillatoria tota haec disputatio fuerit, manifestum est. Quia vero Stilponem virum grauem et eruditum fuisse constat, ideo omnino Plutarchi opinionem amplectendam esse putamus, eum tantummodo vocibus quibusdam offensum modum loquendi impugnasse, non, quod in usu haberetur abrogatum vel res ipsas sublatas serio voluisse ^{z)}. Addimus subtilitatibus eiusmodi communem loquendi modum impetentibus iuuentutem ad se traxisse, quae magnam istis cauillationibus se consecutam esse sapientiam credebat: vnde Glycera, nobile scortum, cum in conuiuio a Stilpone reprehenderetur, quod

^{u)} loc. cit.

^{x)} In Historia philos. de ideis Sect. I. §. 8.

^{y)} Adu. Coloten, qui haec quidem proposuerat, non vero dissoluerat.

^{z)} Aliter quidem Baelius, cuius vero suspiciones, antequam probentur, demonstrandae sunt.

quod iuuentutem corrumpere, respondit: eum non minus corruptae iuuentutis accusari, cuius animos inutilibus subtilitatibus et sophisticis cauillationibus repleat. Nihilque referre iis, qui sic in miseras incidunt, atque pereunt, an apud philosophum degant, an apud scortum^a.

III. Praeter haec Stilponem statuisse, refert SENECA^b: Summum bonum mentem esse nullis passionibus obnoxiam, et ita mentem Stilponis scholaeque Megaricae exponit, ut non tantum voluerint sapientem insuperabilem esse ab omni incommodo, sed ei etiam omnem sensum ademerint. In quo discrimen inter Stoicos et Dialecticos intercedere monet. Verbo: lapidem hi volunt sapientem nullius mali sensu affectum, immobilem Stoici, ratione malum vincentem: illi *rigorem quandam naturae*, ut ait PLINIVS^c, *invehant*, hi *robur inuidtum urgebant*. Plura dabit LIPSIVS^d: qui recte monet, nullibi alias Stilponi haec tribui, sed Pyrrhoni.

IV. Restat vna eaque haud levis momenti quaestio de Stilponis philosophia: quid de Diis statuerit? Impietatis enim aduersus Deos suspectum inter Athenienses fuisse, LAERTIVS^e refert, narrans: Cum solito sophismate usus, aliquem de Minerua Phidiae interrogasset: num Minerua, Iouis filia, Deus est? illi annuente dixisse: At ipsa non Iouis, sed Phidiae est: et hoc illo concedente, intulisse: Non ergo ipsa Deus. Qua de re ad Areopagum tractum nihil inficiatum esse, sed asseruisse: recte se locutum, non enim Deum, sed Deam esse. Areopagiticis vero hoc responso non placatos, eum vrbe excedere iussisse. Crateti quoque interroganti: an dii precationibus et diuinis honoribus gaudeant, respondisse: Noli me, fatue, in via de his rogare, sed solum ac seorsum. Inde MENAGIVS^f parcum Dei cultorem ac omnino ἀθεόν^g fuisse colligit, et violatae in templo matris Deum religionis, in quo comesto alio obdormiuerat, quod ATHENAEVS^h narrat, reum agit. Addere potuisset, quod refert PLVTARCHVSⁱ: somniauisse Stilponem, videre se Neptunum expostulantem secum, quod non bouem ipsi immolasset, qui mos erat sacerdotum; se vero nihil territum, quid ais, Neptune, dixisse? pueri instar venis conquesturus mecum, quod non sumta in foenus pecunia, vrbe in idore compleui, sed rem tibi sacram e re mea familiari feci? visumque sibi fuisse, Neptunum dextra porrecta subridentem polliceri, ipsius gratia magnum se aquarum prouentum Megarensisibus largiturum. Omnia haec satis quidem euincunt, Stilponem a crassa Atheniensium superstitione, statuam pro Dea colentium, fuisse remotissimum, nec implum ei visum fuisse, de Diis istis cauillari; risisse quoque sacerdotum avaritiam, et sacra fecisse pro facultatum suarum modulo. Quae philosophum omnino arguunt, turpem ἀειδαιμόνιον^j, Graecorum exagitantem; atheum vero fuisse, quo colore inde exsculpetur? Tam diu itaque ex impiorum catalogo delendus est, donec probetur, ipsam numinis existentiam negauisse.

*Atheismus
Stilponi im-
putatus.*

a) ATHENAEVS loc. supra cit.

b) Ep. IX.

c) L. VII. c. 19.

d) Manud. ad phil. Stoic. L. III. c. 7. p. m. 292.

e) l. c. f. 117.

f) Ad l. c. Laert. conf. BAYLE l. c. not. D. BVD-
DEVS thes. de ath. c. I. §. 17. REIMMANN. Hist. ath.
c. XXV. p. 179

g) L. X. p. 422.

h) De prof. virt. sentiendo T. I. p. m. 194.



CAPVT QVINTVM.

DE SCHOLA ELIACA ET ERETRIACA.

§. I.

*Eliacae scho-
lae auctor.*

Phaedo.

Eliaca schola a Socratis doctrina, quantum quidem de ea constat, non recessit, adeoque pro noua prout reliquae, quae ex Socratis disciplina prodierunt, secta non est habenda. Constituit tamen propriam scholam PHAEDO, Eliensis, a cuius patria nomen accepit. Fuit is nobili familia oriundus, quem vero fatorum series in tristem seruitutem redege- rat. Apiratis enim occupata patria, captus et quaestui turpi ac lenocinio certo pretio se addici coactus est, et in fornice prostare^a. Forte fortu- na tamen a Socrate praetereunte conspectus, cum faciem ingenuam, qua plane erat singularis, obseruauisset, Alcibiadi vel Critoni, quod tradit LAERTIVS^b, vel Cebet, ut vult GELLIVS^c persuasit, ut eum redi- merent^d. Ab eo tempore magno studio et liberali animo in philoso- phiam incubuit, et Socrati constanter adhaesit: a quo morum quoque disciplinam ita didicit, ut nouam scholam aperire posset. In qua tamen Socratica vestigia reliquisse non legitur. Scripsisse dialogos aliquot dici- tur, quos tamen aliis vindicant veteres: certe perierunt omnes^e. Phae- doni in schola Eliaca successit Plistanus, de quo praeter nomen LAER- TIO^f memoratum nihil tradunt veteres; et hunc Menedemus secutus est, qui Eliacam scholam in patriam Eretriam transtulit, unde Eretriaca vocata est. Sunt^g, qui inter Plistanum et Menedemum Stilponem repo- nant, quem audiuit Menedemus, sed praeter rem: non enim Stilponis se- ctæ adhaesit, sed ab eo ad Eliacos discessit, quorum in schola tertius phi- losophus numeratur.

*Eretriaca
schola.*

Menedemus.

§. II. Scripsit de MENEDEMO olim Antigonus Carystius^h, quemad- modum et SPHAERVSⁱ, philosophus Stoicus, librum exarauisse *de Ere- triacis philosophis* dicitur, vtriusque vero scripta temporis iniuria nobis eri-

a) LAERTIVS L. II. c. 105. GELLIVS L. II. c. 18. SVIDAS in Phaedo T. III. p. 587. ORIG. contra Cels. L. I. p. 51. L. III. p. 154.

b) l. c. male est apud STANLEIVM p. 273. pro Critoni, Platoni.

c) l. c. ita et MACROBIVS L. I. c. 11. Forte omnes huc sua contulerunt. Crito tamen et Alci- biades facultatibus potentes id facere prae Cebete poterant.

d) Fuit itaque ex numero eorum, qui ex seruis facti sunt philosophi, notante Hieronymo apud LAERT. l. c. quales fuere quoque Diogenes, Epi- ctetus, Ister, de quo vid. SVIDAS v Ister, T. H. p. 155. alique, quos nominat GELLIVS l. c. Scripsit de seruis eruditione claris HERMI- PVS Peripateticus philosophus, de historia phi- losophica meritissimus, de cuius scriptis ma- gna nostra iactura deperditis videndus ION- SIVS de Scr. Hist. phil. L. II. c. 9. pag. 163. Hunc cum Iistro confundit MENAGIVS ad l. c. Laert.

e) Conf. LAERT. loc. cit. MENAG. ad h. l. FABRICIVS Bibl. Graec. Vol. I. p. 792.

f) loc. cit. g) Conf. FABRICIVS l. c.

h) Vid. IONSIVS de Script. hist. phil. L. II. c. 4. p. 130.

i) LAERT. L. VII. c. 173. conf. IONSIVS l. c. c. 6. p. 143.

eripuit, solusque fere LAERTIVS^k memorias veterum de Menedemo nobis conseruauit. Is Eretrienſis fuit, filius Clifthenis, nobilis quidem viri ex Theopropidarum proſapia, qui tamen paupertate preſſus architectonicam exercuit; alii tabernaculorum ſartorem faciunt, et vtrumque didiciſſe Menedemum volunt, quod ei Alexinus obiecit^l. Miſſus autem ab Eretrienſibus, vt Megaris in praefidio eſſet, inde Athenas properauit, vbi tum magno applauſu in Academia docebat Plato, vt hunc audiret^m. Neque tamen eam, quam ſperauerat, doctrinam in Platonis, et eius ſucceſſoris, Xenocratis, ſchola deprehendens, ad Cyrenaeum Paraebatam diſceſſit, quem et ipſum contemſit. A neceſſario autem ſuo, Aſclepiade, ad Stilponem traductus eſt, quem magni fecit. Interrogatus enim, quid de eo ſentiret? ἐλευθέριον eſſe dixitⁿ; qua voce liberalis docendi et viuendi ratio, qua Stilpo inter elegantiffimos philoſophos numerari meruit, ſine dubio commendatur. Inde cum Aſclepiade Elidem nauigans in Anchipyllum et Moſchum incidit, Phaedonicae doctrinae alumnos, a quibus Eliacae ſcholae additus eſt. In patriam poſtea reuerſus ſcholam aperuit, et philoſophiam docuit, quae ab vrbe Eretriacae nomen accepit. A Stilpone vero ſcholaeſtici apparatus nauſeam accepiſſe videtur; in ſchola eius enim, nullus, vt tum fieri amabat, circa eum ordo, nulla ſubſellia per gyrum diſpoſita, ſed vt ſingulis aut ambulare aut ſedere contingebat, ita illum audiebant^o. Contemptui vero initio haberi coepit a ciuibus, canisque et inſipiens vocari; poſtea vero in ſumma admiratione fuit, adeo vt ſumma reipublicae ei crederetur, ducentorum talentorum in annum ſtipendio^p, ex qua tamen ſumma quartam ille partem accipere noluit: quod munus publicum quoque non intenſiſſima tantum cura^q, ſed et ſalutari effectū geſſit. Legationes enim pro patria

k) L. II. ſ. 135 ſeqq.

l) Alexineum quendam nominat LAERTIVS l. c. quod pro patrio habet cognomine STANLEYVS p. 274. Laërtius vero Alexini ſectatorem intellexiſſe videtur. Non infeliciter vero nobis conieciſſe videtur eruditiffimus OLEARIVS ad h. l. Stanlei, ipſum Alexinum intelligendum eſſe. Huius enim argutias dialecticas Menedemum acute retudiſſe narrat LAERTIVS L. II. ſ. 137. quam amarus autem Alexinus erga aduerſarios fuerit, ſupra diximus. Ceterum ex obiectione Alexini ὡς ἔτε σκηνὴν ἔτε ψήφισμα προσηύκει τῷ τόφῳ γράφειν, patet, Menedemum tum, cum philoſophiae nauaret operam, architectonicae tamen operam dediſſe: id quod ei exprobrauit Alexinus, quem quidem acriter obiurgauit, beneficiis tamen inactaſſe plurimis narrat LAERT. ſ. 136.

m) LAERT. L. II. ſ. 125. qui militiam ideo deſeruſſe dicit. Platonis quoque diſcipulum faciunt PLUTARCHVS adu. Colot. et CYRILLVS contra Iul. L. VI. Repugnare tamen hoc ait LONSVS l. c. p. 351. temporum rationibus; quia Olymp. CXXX. adhuc vixerit et LXXIV. annos tantum exegerit; Plato vero Ol. CVIII. mortuus ſit. conf. ib. L. II. c. II. p. 171. Fruſtra vero ſupponit lonſus Ol. CXXX. adhuc vixiſſe; qui LAERTIVS

L. VII. ſ. 6. ait Perſaeum hoc tempore vixiſſe: eo enim loco Laërtius non tempus, quo cum Antigono verſatus eſt Perſaeus notat, ſed illud, quo poſtea clarus fuit. Patet quoque ex h. l. c. mortis Menedemi, factam eam eſſe ſtatim poſt deuictos ab Antigono Gallos, adeoque Ol. CXXV. 3. anno ab obitu Platonis LXX. vt ex Decreto eius, in gratiam Antigoni ſcripto, apud LAERTIVM ſ. 140. recte collegi. HVMFRED. HEBY de. LXX. Interpret. diſſert. VIII. calculos eius probante MENAGIO ad l. c. Laërt. Legunt etiam Codd. Laërtii non LXXIV. ſed LXXXIV. annos natum Menedemum obiiſſe. Hoc tamen non obſtante non LXXXIV. ſed XCIV. annos attrigiſſe debuit; quia cum ad Platonem ſecederet, militiae nomen dederat, et ita XXIV. aetatis annum compleuerat.

n) LAERT. L. II. ſ. 134.

o) Ibid. ſ. 130.

p) Ib. ſ. 40. Ita quidem locum Laërtii vertit OLEARIVS apud STANLEYVM p. 276. non negamus tamen, verba h. l. c. nobis viſa eſſe melius expreſſa ab interprete: quin etiam ad Demetrium legatus, cum illi ciuitas CC. talenta quotannis ſolueret, vt L. remitterentur effectiſſe, CC. enim ſtipendio talenta ſoluere, inuſitatum.

q) Eius curae exemplum vid. ib. ſ. 131.

patria ad Ptolomaeum, Lyfimachum et Demetrium, reges Macedoniae, cum honore suscepit, tributi diminutionem obtinuit, seque principibus viris fecit commendatissimum, patriamque saepe a tyrannis liberauit, qui Demetrio eam sublicere tentabant. Imprimis vero Antigonus Macedoniae rex eius erat studiosus, qui se eius discipulum profiteri non erebuit, quae res ei magnam inuidiam conflauit. Cum enim in suspicionem prodendae Antigono urbis adduceretur, calumniante Aristodemo, tantis ciuium premebatur odiis, ut clam vrbe discederet et Oropi degeret: ibi cum aurei calices periissent, communi Boeotiorum decreto loco migrare iussus est. Moerens itaque inde egressus, in patriam clam rediit, assumptaque vxore et filiabus se ad Antigonom contulit. Aliter rem narrat Heraclides: cum suspicione proditae patriae premeretur, ad Antigonom se contulisse, et pro restituenda patriae libertate precibus eum assiduè flagitasse; obstitisse vero Persaeum¹, quo minus Eretrienfes seruituti eriperentur. Menedemum itaque non tantum inexorabile in Persaeum fouisse odium, sed, et cum precibus nihil ab Antigono impetrare putuisset, septem dies totos a cibo abstinuisset, atque ex animi dolore vitam finiisse: id quod LXXXIV. aetatis anno factum esse Heraclides quidem ait, qui vero numerus corruptus esse videtur, si verum est, quod veteres tradunt, Platonem ipsum Menedemum audiuisse². Ex Antigoni et Persaei Stoici enim temporibus patet, illum Olymp. CXXIV. adhuc vixisse³. Dotes animi corporisque a natura acceperat, longe praestantissimas, quae illum vehementer commendabant. Corporis in eo iam sene habitus et status idem perdurabat, quem habuerat iuuenis, athletae instar firmus et validus, atque adusta facie, obesus item et attritus, et mediocris proceritatis; ingenio utebatur acuto, et in dialecticis quoque argutiis versatissimo, quamuis illas mire contemneret, et risui exponeret: versatile enim cum id esset, et adesset ei orationis vis tanta, ut difficile esset, ipsi occurrere, in omnes partes se versare solebat, et vbique, quod diceret, inueniebat⁴: quare contentiosam fuisse eius eloquentiam dixit Antisthenes in *successionibus*, qui dialecticas quoque eius quaestiuunculas refert: quas tamen ad confundendos tantum Enistricos adhibuisse, ex perpetuis, quas cum Alexino fouebat, litibus non inepte colligitur⁵. Vehementem quoque in disputationibus fuisse, veteres notant⁶, adeo ut liuida saepe facie discederet. Quae tamen disputationis vehementia ad animi non penetrauit mores, quos placidissimos fuisse, talesque, ut aduersariis, quo posset modo benefaceret, LAERTIUS⁷ tradit. Morum vero sanctitate venerabilis erat, adeo ut ad-

modum

¹) Prolixius haec omnia narrat LAERT. L. II. f. 140.

²) De hoc Zenonis discipulo vid. LAERT. L. VII. f. 6. et viri docti ad hunc locum.

³) Vid. not. (m).

⁴) LAERT. l. c. f. 138.

⁵) Ib. f. 134.

⁶) Pertinere huic videtur quod IDEM f. 134. habet, fuisse *δυσχερὲς* perceptu difficilem, oratione enim copiosissimum fuisse ipse tradit. Intelligit itaque argumentorum subtilitatem, quibus ita

aciem instruebat, ut non tantum aduersarii difficulter eam assequerentur, sed et non minus difficulter contra pugnarent, addit, enim, fuisse *τῶ συνθέσει διαστατάων, καὶ ἐρηλογίᾳ*, quo ingenium nouis semper argumentis et obiectionibus inueniendis paratum et aptum indicat.

⁷) l. c. f. 136.

⁸) Ibid. Ideo fastum et cachinnos ei obiecerunt Crates et Timon. Exempla apophthegmatum habes apud LAERTIUM f. 128 seqq.

modum timeretur; in obiurgando autem summa utebatur gravitate et auctoritate, adeo, ut vel gestibus et signis vehementer corripere, et acutis dictis aculeo quasi animos confoderet. Eius vero libertatis usu, qua et principibus viris veritatem profiteri non extimuit, pene cum amico Asclepiade periisset^c. Fuit etiam amicis iucundissimus, et liberalitatis atque hospitalitatis amantissimus. Et quia parum salubris erat Eretriae aër, frequentia obibat conuiuia, quorum ordinem modumque descripsit Antigonus Carystius^d, dignus qui legatur. Eximius enim locus est, ex quo ratio conuiuiorum philosophicorum apud Graecos disci potest. Nihil ibi luxui datum, frugalitate temperata omnia: poculum cotula non malus: bellaria fabae ac lupini, interdum de fructibus, quales annus praeberet; dum biberent, variae quaestiones a Menedemo propositae; mensa secunda sermonibus expleta, quibus continentiae et temperantiae argumentum erat: tantaque id hospitum iucunditate, ut, licet ad gallicinium haud raro protraherentur, ingratis tamen eorum soluerentur. Frugalitatis enim adeo obseruantissimus fuit, ut licet ipsi et Asclepiadi amico, qui vna cum eo vivebat, opes affluerent, amicis quoque largientibus, iis tamen prudenter et sine sumtuum dispendio vteretur^e. Reprehenditur tamen in eo grauitas in fastum degenerans, quem dura licet paupertate in iuuentute pressus non potuit totum celare^f, unde et gloriae appetentior, quam philosophum decebat, fuisse dicitur. Aliquanto etiam ad superstitionem procliuiorem prodidit animum, quem tamen postea repressit^g. Poëtas amabat vehementer, summum vero studium eius ferebatur in Homerum, et post hunc in Sophoclem, quemadmodum elegantioris eruditionis laudem captasse, omnino est verisimile. Adfuisse autem in Aegypto, cum Graeca versio τῶν ὁ conficeretur^h ex temporum serie falsum esse demonstratur. Etsi vero inuidia ciuium mortis eius causa extitit, honoratus tamen postea est ab Eretrienfibus statuaⁱ. Nihil eum scripsisse ait Antigonus Carystius^k. Fuit et alius Menedemus, Cynicus philosophus, de quo suo loco; item Medicus. Successorem, quod vult LAERTIVS^l, vel socium potius non vitae tantum et fortunae, sed et philosophici studii habuit ASCLEPIADEM Phliasium, cui tanta amicitiae fide iunctus erat, ut nulla re Pyladis et Orestis amor cederet. Non enim in prima iuuentute tantum vilibus vterque operis victum simul quaerebant, et fabrum in aedificando iuuantes lutum et lapides ferebant^m, sed et philosophiae studiis se mancipantes noctu semper ad pistrinum descendebant, ibique duas drachmas merebant,

vt

Asclepiades.

c) Narrat historiam IDEM f. 129.

d) Apud ATHENAEVM L. X. p. 419. quem excerpit LAERTIVS f. 139. de hoc conuiuandi modo conf. IONSIUS L. II. c. 2. p. 124. et qui docte eum enarrauit, ESCHENBACH. diff. Acad. V. quae est, de Symposiis Sap. p. 257 seqq.

e) Εὐτελής LAERT. f. 138.

f) Exemplum narrat IDEM f. 130.

g) Ex carnibus enim morticinis comestis nauseam et pallorem contrahens, ideo ab Asclepiade correptus est ib. f. 131.

h) Id Aristaeas asserit, notatus ab HODG. l. c.

i) LAERT. L. II. f. 132.

k) Ibid. f. 136.

l) Ibid. f. 105.

m) Ibid. f. 130.

vt interdiu philosophos audire possent. Quod cum ignoraretur, ad Areopagi pertracti sunt iudicium, vt iuxta Solonis legem rationem redderent, qui fiat, vt omne tempus in philosophorum terentes disputationibus, neque labore, neque patria haereditate eis, de quo viuerent, suppeditante, subsistere tamen valeant, neque vlla re indigeant? Expistrino praefecto vero recognita attoniti Areopagitae CC. drachmarum praemium eis soluere iusseruntⁿ: alii quoque patroni liberalitate eos subleuarunt^o. Vxorem quoque vterque duxit filiam Asclepiades, matrem Menedemus; quam ille defuncta uxore secundis sibi iunxit nuptiis: ita tamen, vt Menedemus, qui in republica honoratiori loco positus nobiliorem uxorem duxerat, ei curam rei domesticae permitteret^p. Asclepiades autem aetate prouectior, cum in magnis opibus frugaliter cum Menedemo vixisset, eo prior obiit, nec tamen eius memoriam abiecit Menedemus.

*Menedemi
doctrina.*

§. III. Nullum Menedemum doctrinae philosophicae systema composuisse, asserit in eius vita Antigonus Carystius, vnde et de philosophia eius disquiri non potest^q. Refert tamen LAERTIUS^r:

I. Sustulisse propositiones negantes, solisque affirmantibus locum fecisse: et ex his simplices solum admisisse, reiectis, quae tales haud essent, coniunctis et complexis^s. Videtur vero id sophistarum causa, et imprimis ad vexandos Eristicos asseruisse: cum enim eorum sophismata propositionibus complexis atque compositis consistenterent, in quibus fallacia dictionis plerumque latebat, negatis iis tanquam ineptis, ad propositiones simplices reducebat, quo non poterat non mox tota fallacia detegi. Cuius exemplum refert LAERTIUS: sciscitanti aliquando Alexino, an patrem cadere desisset? respondisse, neque cecidi, neque desii. Vrgente vero altero, vt simpliciter vel affirmando vel negando responderet, regessisse: ridiculum est suscipere vestras leges, cum in ipso limine queant repelli.

II. Statuisse: vnum esse bonum, vnam virtutem, grauiterque in eos, qui plura assererent, animaduertisse^t.

III. Sapienti ducendam esse uxorem^u.

IV. Omni die philosophos audiendos esse^x.

V. Maximum bonum enim, ea solum, quae deceat, desiderare^y.

ⁿ) ATHENAEVS L. IV. p. 168.

^o) LAERT. f. 137. 138.

^p) Ibid.

^q) Id vox *ἐνρίξαι* hic vult apud LAERT. L. I. f. 136. quod STANLEIUS p. 275. minus accurate expressit: nihil pro certo definiuisse.

^r) Lib. II. f. 134.

^s) Hic iterum sensum obscurauit STANLEIUS. Recte enim pro *λέγω*, *λέγω* scribendum esse monuit CASAREBONVS.

^t) Ib. f. 129.

^u) Ib. f. 128.

^x) Ib. f. 129.

^y) Ib. f. 136.



CAPVT SEXTVM.
DE SECTA ACADEMICA.

SECT. I.
DE PLATONE EIVSQUE PHILOSOPHIA.

§. I.

Et hae quidem sectae fuere vt minoris famae, ita et breuioris aetatis, quae ex Socratis schola prodierunt. Multo maiorem celebritatem consecutae sunt quae restant Academica atque Cynica, quarum illa ad Platonem, haec ad Antisthenem origines suas refert, quippe quae non diutissime tantum durarunt, sed et nouas sectas genuerunt, fama et auctoritate illis non concedentes Peripateticam et Stoicam. Et Plato quidem Socraticorum discipulorum minimus ^a omnes, qui ex eadem schola prodierant, nominis fama et philosophiae laude longissime antecelluit, et caput tantum non ad aethera extulit. De cuius vita et philosophia eo diligentius dispiciendum est, quo magis ratio philosophandi Platonica non vetustis tantum ante C. N. temporibus maxime inclaruit, sed et post C. N. intercidentibus reliquis sectis Graecanicis sola cum Peripatetica inter philosophantes perstitit, et ad nostra fere tempora sectatores inuenit, vt historiae philosophicae filum per-texturis suo loco et tempore prolixè demonstrabitur. Quia vero Platonis sequaces mature eius philosophiam mutauerunt, ideo ipse prius et philosophica eius doctrina accurate consideranda est.

*Secta Acade-
mica.*

§. II. Vt vero tanti philosophi historia partium studio haud semel vehementer corrupta, quantum potest, exacta ad fidei historicae leges cognoscatur, cum attentione et prouida mente legendi sunt, qui Platonis vitam descripserunt, quo in studio et veterum et recentiorum virorum eruditissimorum diligentia versata est. Et veterum quidem plerosque aetas nobis inuidit, et desiderantur non sine magna historiae philosophicae iactura scripta Speusippi, Xenocratis, Hermodori, Aristoxeni, Clearchi, Zosimi Alexandrini, Fauorini, Porphyrii aliorumque, quorum passim mentio inter veteres hodie superstites sit, de quibus, cum ea nobis erepta doleamus, hic agere nihil attinet, consulendi vero sunt, qui historiam literariam veterum condiderunt, magni in his literis viri IOANNES IONSIVS et IOANNES ALBERTVS FABRICIVS. Ex paucis, qui commune veterum librorum naufragium euaserunt, nominandus est, qui haecenus non exiguum nobis vsum praestitit DIOGENES LAERTIVS. Etsi enim, vt meliori iudicii acumine hanc quoque Platonis historiam conscripisset, merito sit optandum; debemus ei tamen tot deperditarum de Platone memoriarum noti-

*Scriptores de
Platone.*

Kkk k 2

tiam,

a) Ita ipse in Apologia Socratis.

tiam, vt merito de seruata nobis ea gaudeamus. Praeter Laërtium APVLE-
I V S quoque in libro de Platonis dogmate celeberrimi philosophi res atque
fata saepissime tetigit, et quidem toties cum Laërtio concordat, vnusque ita
exprimit alterum, vt recte iudicasse censendus sit ISAACVS CASAVBO-
NVS ^b, aut illum ab isto pleraque transtulisse, aut vtrumque ex eodem hau-
sisse fonte. Ex Platonis sequacibus OLYMPIODORVS etiam de Platonis
vita differuit, quam *Diogeni Laërtio* a se edito adiecit MERICVS CASAV-
BONVS, et MARCVS MEIBOMIVS quoque cum annotationibus IACO-
BI WENDETI post Laërtii librum editioni suae in fine inseruit ^c. THO-
MAE MAGISTRI vltam Platonis nominat quidem cl. STOLLIVS ^d,
quam tamen nec vidimus, nec in catalogo scriptorum eius a viris doctis enar-
rato offendimus ^e. Ex recentioribus imprimis memorandus et MARSI-
LIVS FICINVS de Platone eiusque philosophia meritissimus, qui luculen-
tam vitae philosophi descriptionem *versioni dialogorum Platonis* praemisit.
Qui tamen, vt more temporis sui fontes, ex quibus sua hausit, non indicauit,
ita vel propterea caute legendus est, quod ipse non neget, amorem in Plato-
nem ingentem et nescientem tenere modum eum raptauisse, ad declaman-
dum pro Platone ^f. Ex Italis GVARINVS quoque philosophi historiam
vitae illustrium Graecorum et Romanorum inseruit. Inter Gallos vero RENA-
TVS RAPINVS *comparatione Platonis et Aristotelis*, atque ANDREAS DAC-
IERIVS *noua vitae Platonis delineatione* ^g de hac historiae philosophicae
parte egregie meriti sunt, ita tamen, vt et hic critico examine opus sit. Ex
Anglis potiora ex veteribus collegit more suo THOMAS STANLEIVS ^h.
In Germania vero praeter minora aliquot lumina communis temporis sui
praeceptor PHILIPPVS MELANCHTHON elegantem *de Platonis vita*
orationem ⁱ conscripsit. Nec errabimus, si diligentissimos Laërtii com-
mentatores ISAACVM et MERICVM CASAVBONOS, THOMAM
ALDOBRANDINVM et AEGIDIVM MENAGIVM in hunc censum
referamus: licet enim historiam Platonis non condiderint, magna tamen in-
dustria ad illustrandum Laërtii textum de Platone ea collegerunt, quae spar-
sim veteres de magno hoc philosopho dixerunt, quaeque in describendis vita
et fati Platonis omnino consulenda et inter se comparanda sunt.

*Platonis ori-
gines et nata-
las.*

§. III. Plato Atheniensis fuit; qui enim Thebanum faciunt, Cyno-
cephali ortum ^k, fundamento destituti fidem non merentur: parentes Col-
lytei pagi fuerunt, ipse vero in Aegina insula natus est, patre eo misso, vt
agros sortiretur, quo cum Athenas rediit expulsis Lacedaemoniorum colo-
nis ^l. Pater Aristo, Aristoclis filius ex Codri posteris fuit, qui ad Neptu-
num genus referebant: mater Perictione, quam alii Potonam vocant, quae
a So-

^b) Ad Laërt. L. III. f. 1.

^c) pag. 582.

^d) Hist. lit. P. II. c. 1. §. 32.

^e) Et IONSIUS de eo silet, et FABRICIVS,
qui eius scripta passim diligenter enarrauit.

^f) In dedic. ad Laur. Medices.

^g) Praemisit eam Versioni Gallicae dial. Platonis.

^h) Hist. phil. P. IV. p. 279.

ⁱ) Oration. T. II. p. 353 seqq.

^k) LAERT. L. III. f. 1. TZEZ. Chil. II. 390.

^l) LAERT. l. c. SVIDAS in Plato.

a Solone genus deriuauit, quae praeter Platonem Adiamantum quoque et Glauconem atque filiam Potonam, Speusippi matrem, peperit ^m. His parentibus natus quidem esse dicitur; sunt tamen, qui, vt ait A P V L E I V S ⁿ, *augustiore profatum conceptu*, contendant. Vulgata enim apud Athenienses fama fuit, plurimis veterum memorata ^o, fuisse eum Apollinis filium, qui in visione Perictionae, pulcherrimae formae feminae oblatus, ei se miscuerit, quae ex eo concubitu grauida facta sit, Aristonem marito interim cum ea congregari diuinitus prohibito, iustoque voce diuina decem mensibus ab vxore abstinere, donec partum edidisset. Volunt alii id a spectro apparente factum, Platonemque ex virgine natum ^p. Quae etsi multorum veterum scriptorum traditionibus nituntur, et publicum vulgi rumorem sapiunt ^q, luculenter tamen produnt, aut conciliandae Platoni auctoritatis causa a discipulis conficta esse ^r, aut Platoni illegitimo concubitu fato, dedecoris amouendae causa eiusmodi parentem a matre afflictum esse: quo stratagemate mulieres impudicas inexpectatos amoris furtiuum fructus celasse, et quos magnos futuros sperauerant, maiorem quam humana conditio patitur, ortum tribuisse, tot veterum exempla loquuntur ^s. De anno natiuitatis Platonis variant veterum relationes; plerique Olymp. LXXXIX. 1. quidam 4. alii Olymp. LXXXVII. 3. vel 2. editum volunt, qua de re viri docti ad L A E R T I V M videndi ^t. Fuerunt, qui Ieremiae prophetae temporibus vixisse dicerent, quem in Aegypto Platonem vidisse contendunt. Dudum vero ostendit A V G V S T I N V S ^u, qui olim non alienus ab hac opinione fuerat, tempora non concordare, cum plus sesquiseculo Plato iunior sit vate Hebraeo, quem ad Olymp. XXXVI. refert E V S E B I V S. Dies natalis philosopho illuxit Thargelionis septima, quam postea sacram atque festam philosophis fuisse ^x, supra in Socrate diximus. Parentes aut Aristoclis nomen ei indidisse Alexandro relatum ^y; Platonis vero nomen accepisse a Socrate vult T Z E T Z E S ^z, alii, ab Aristone Argiuo Palaestrina nactum esse contendunt; causam tamen varie referunt: alii enim ad lati-

Kkk k 3

tudi-

m) De genere Platonis et maioribus vid. LAERT. l. c. PROCLVS ad Timaeum Plat. p. 25. quaeque fuse affert STANLEY P. IV. p. 279. quorum conferendus Io. MEYERSVS, qui plura de Melanthe et Codro, de regno Atheniens. L. III. c. 10 seq. p. 204 seqq.

n) De dogm. Plat. p. m. 283.

o) Vid. LAERT. l. c. et viri docti ad h. l. PLVT. in Symp. L. VIII. c. 1. OLYMPIOD. p. 582.

p) Vid. HIERONYM. adu. Iovin. L. I. T. IV. p. 186. ed. Par.

q) Hinc et sepulchro eius inscriptos OLYMP. l. c. p. 188. hos versus refert:

Phaëbo patre Plato, atque heros Epidaurius orti

Hic nempe ut corpus seruet, et ille animam.

Hos sibi tribuit LAERT. L. III. f. 46.

r) Ita egregie ORIG. adu. Cels. L. I. p. m. 30.

Haec mirae sunt fabulae fictae in eius viri gratiam, qui multorum existimatione sapientia prae-

celluit ceteros, eoque a diuiniore quodam semine creditus est traxisse originem, quasi hoc natura humana superiorem deceat.

s) Romuli, Alexandri M. aliorumque historia hoc docet. vid. H V E T I V S Dem. Eu. Pr. IX. c. 9. §. 4. p. m. 466. conf. STANLEY. praef. act. phil. Vol. III. p. 674.

t) Conf. STANLEY l. c. p. 281. P E T A V I V S miscell. exerc. c. 7. et ration. temp. L. III. c. 13. p. m. 162. MARQ. G V D I V S apud M E N A G. ad Laërt. L. III. f. 3.

u) De Ciu. Dei L. VIII. c. 11.

x) LAERT L. III. f. 2. PLVT. Sympof. VIII. 1. Hanc cum temporum nostrorum rationibus comparat STANLEY l. c. p. 282. De Πλατωνείῳ festo hoc die a philosophis celebrari solito vid. P O R P H Y R. in vita Plotini. E V S E B. Praep. X. 3.

z) LAERT L. III. f. 4.

a) Chil. VI. hist. 51. Ch. XI. hist. 390.

tudinem humerorum vel pectoris quoque, vel frontis respexisse auctorem nominis coniiciunt; alii εὐεξίαν corporis, alii latitudinem sermonis, siue copiosum atque apertum dicendi genus isto nomine expressum esse asserunt ^b. Quorum omnium coniecturas incertissimo niti fundamento, haec sola ratio euincit, quod Platonis nomen non tum demum fictum et formatum est, cum nasceretur philosophus, sed vsu iam receptum fuit inter Athenienses et reliquos Graecos. Ut enim recentiores nostro Platonem taceamus, quos enumerat diligentissimus FABRICIVS ^c, priscae comoediae poeta ante nostrum Plato quidam inclaruit ^d, passimque nomen vsu receptum fuit. Certe Platonis imagines, quae passim occurrunt, nihil habent, quod cum hac delineatione conueniat ^e.

Elucatio.

§. IV. Hunc, quem Apollinis filium esse volebant, infantem adhuc, praefagiis ostensum esse talem, porro iactant Platonis admiratores, qui eruditionis et eloquii suauitate cunctos antecelleret. Narrant enim AELIANVS ^f, VALERIVS MAXIMVS ^g, PLINIVS ^h, CICERO ⁱ aliique ^k, infans cum esset Plato, matris sinu gestatus, patrem eius in Hymetto Atticae monte Musis ibi Nymphisque sacra fecisse, matremque, dum sacris essent intenti, in proximis myrtis opacis filium reposuisse: ei vero dormienti applicuisse sese examen apum, eumque circumuolitantes suauique circumstrepentes susurru mel paruuli labellis inseruisse: id quod futurae eloquentiae, et diuini quasi eloquii suauitatem praefagire, interpretes prodigiorum fuerint fassi. Sed id Academicorum, praeceptorem miris laudibus extollentium, commentum fuisse, desumptum a figurato et emblematico dicendi genere ^l, quo laudatissima Platonis eloquentia ^m cum melle comparabatur, non est, quod dubitemus: mire enim in id contenderunt Platonis admiratores, ut essent in eiusmodi nugis excogitandis ingeniosi. A veri tamen specie non abit, quod ex Speusippo domesticis instructo documentis refert APVLEIVS et pueri eius acre in percipiendo ingenium, et admirandae verecundiae indolem fuisse, et pubescentis primitias labore atque amore studendi imbutas habuisse. Refert idem, et LAERTIVS quoque, in prima literatura habuisse doctorem Dionysium, palaestricis exercitatum apud Aristonem Argis oriundum, tantosque progressus exercitationem eam illi contulisse, ut Pythia et Isthmia deluctata certauerit ⁿ: quae tamen solius rumoris inter vulgus sparsi traditio esse videtur. Picturae quoque studiosus

b) Loca auctorum enarrandi otium nobis fecit FABRIC. Bibl. Gr. Vol. II. p. 2. not. a.

c) l. c. qui ex Gudii et Menagii observationibus plerosque collegit.

d) Vid. IDEM Vol. I. p. 745.

e) Apud SPANHEM. in Callimach. p. 7. PATINVM pec. diss. conf. Ast. phil. Vol. III. p. 674.

f) V. H. L. X. c. 21.

g) Lib. I. c. 6.

h) Hist. nat. L. XI. c. 9.

i) De diuinat. L. I.

k) Omittit fabulam LAERTIVS, ad quem L. III. f. 5. id miratur MENAGIVS, sed suspicio est, Laertium fabulam agnouisse.

l) Conf. FABRIC. Bibl. Gr. Vol. II. p. 3. Ast. phil. Vol. I. p. 18.

m) PLUT. de plac. phil. L. I. c. 7. aliique laudati MENAG. ad l. c. Laertii. Sed is ισχνόφωνον fuisse, quod vel balbutiem vel vocis gracilitatem innuit, refert. Quod quia cum μεγαλόφωνος Platoni tributa non consistere potest, euincit, non de oris suauitate, sed elocutionis dulcedine intelligendum esse, ut recte notat OLEAR. ad STANLEY. p. 284.

n) LAERT. OLYMPIODOR. APVLEIVS II. cc. CYRILLVS contra Iul. L. VI.

diosus fuit, et imprimis multam poëticae arti industriam atque laborem impendit, plurimaeque poëmata composuit, dithyrambica primum, post epica, quae tamen postea cremauit, postquam cum Homericis comparata illis multum inferiora esse cerneret; inde, ad tragoedias scribendas se contulit, in quibus tantum se profecisse credebat, ut composita tetralogia, qua tragici Graeci in solennioribus festis certare solebant, eam mimis traderet, de praemio certaturus^o. Verum die, antequam exhibenda esset in theatro Socratem audiens, eiusque facundia captus, non tantum certamen declinauit, sed et nuntio poësi misso, quaecunque in hoc quoque genere elaborauerat, Vulcano tradidit, et ab isto tempore, XX. vero agebat aetatis annum, philosophiae studio se totum tradidit^p. Musicen quoque a Dracone Atheniensi et Metello Agrigentino didicisse, testatur PLUTARCHVS^q. Sunt, qui dicant, paupertate adactum militiam secutum fuisse, in Socratem vero incidentem diuenditis armis se ad philosophiam contulisse: quod tamen omni veterum testimonio repugnat^r: quemadmodum et illi, qui ter eum pro patria pugnasse contendunt^s, primum ad Tanagram, inde ad Corinthum, postremo ad Delium, ibique primas tulisse, temporum serie facile refutantur. Primum enim praelium Olymp. XXC. 4. secundum Olymp. XXCIX. 1. tertiumque eodem anno contigit, quo quadrimus erat Plato, recteque coniicit STANLEIVS^t Socratem cum Platone fuisse confusum, qui ter militauerat, et ad Delium primas retulerat, quas tamen Alcibiadi cessisse, suo loco monuimus.

§. V. Philosophiae vero amore captus, cum toto in Socratem ferretur animo, illi a patre Aristone commendatus est. Singulare est, quod ea de re referunt PAUSANIAS^u, LAERTIUS^x, APVLEIUS^y, OLYMPIODORVS^z. Socrate in somnio visum esse, cygni pullum ex altari, quod in Academia Cupidini consecratum est, volasse, et in suo gremio resedisse: et postea olorem illum pennis coelum petiisse, canore musico auditus hominum Deorumque mulcentem. Cum haec Socrates in conuentu hominum referret, Aristonem Platonem puerum^a oblaturum Socrati magistro commodum prosequutum fuisse, quem ubi aspexerit ille, ingeniumque intimum de exteriori conspicatus sit facie, dixisse: hic ille erat cygnus de Academia Cupidinis. Esse vero et hanc ex earum fabularum numero, quae ad augendam praeceptoris famam in vulgus spargere Platonis discipuli, ipsi qui eam referunt, non obscure produnt; illi enim

*Disciplina
Socratica.*

^o) AELIAN. V. H. L. II. c. 30.
^p) LAERT. L. III. f. 6. APVLEIUS l. c. et MENAGIUS ad l. c. STANLEIVS l. c. p. 284. et OLEARIUS ad h. l.
^q) De Musica T. V. p. m. 558.
^r) Ipse, qui haec refert, in dubium vocat AELIANVS L. III. c. 27.
^s) Aristoxenus apud LAERT. L. III. f. 8. AELIANVS L. VII. c. 14.
^t) l. c. p. 285.

^u) In Atticis.
^x) Lib. III. f. 5. et ex eo SVIDAS l. c.
^y) l. c. init. ^z) l. c.
^a) Itaque idem APVLEIUS, cuius verba referimus. Erat vero tunc iam XX. annos natus, teste LAERT. l. c. f. 6. et iuuenis, qui luctari posset et in palaestricis se, more Graecorum, exercere. Apuleii itaque verba nimis premenda non sunt, qui fabellam enarraturus, de accurato temporum ordine non cogitavi.

enim ad solam vulgus traditionem prouocant, et vel sola vulgaris et inepta opinio, canoras cygnos aues esse, quam inepte adstruit Pausanias, demonstrant, vulgi haec deberi rumoribus. Verisimilius est; Socratem explorata ex facie atque vultu Platonis indole, iuuenem ingenio altiora petente et exercitationibus literariis iam subacto praeditum libenter in disciplinam admisisse: ea enim methodo Socratem saepius vsum fuisse, in eius historia exemplis confirmauimus. Non tamen prorsus a philosophicis studiis erat imparatus, cum ad Socratem accederet; sed prius, Heracliti et Parmenidis disciplinis a Cratylo et Hermogene erat imbutus. Cuius quidem contrariam sententiam asserit LAERTIVS^b, contendens, decedente demum Socrate, Heracliteae atque Parmenideae philosophiae adhaesisse: aliter tamen APVLEIVS^c, qui clare: *Et antea quidem Heracliti secta fuerat imbutus; verum cum se Socrati dedisset, non solum ingenio atque doctrina caeteros Socraticos vicit, sed etiam elegantia illustrauit.* Nec probabile est, nobilem iuuenem Atheniensem, toto encyclopaedias cursu absoluto ad vicesimum aetatis annum vsque philosophiam ne a limine quidem salutasse; Apuleii vero fidem maximopere adstruit ARISTOTELES^d, dignus testis, qui diserte testatur, Platonem ἐκ νέε τε συγγενόμενον πρῶτον Κρατύλῳ καὶ ταῖς Ἡρακλειτείσις δόξαις. in iuuentute prima adhaesisse Cratylo et Heracliteis opinionibus. Et haec causa quoque est, cur aliena dogmata sibi supponi a Platone viuus adhuc Socrates conquestus sit, cum peregrina philosophia imbutus Plato, vt erat ingenio admodum syncrético, et ad confundenda systemata apto, iam tum praeceptoris doctrinam cum ista commiscuisset. Quo quoque studio componendi peregrina cum Socraticis discipulis Socratis vehementer displicuit, vti supra obseruauimus^e. Fuit vero in Socratis disciplina octo annos, eoque tempore, ea, quae de magistro audiuit, in literas retulit, magnamque condiscipulorum inuidiam sibi conflauit^f. Tanto tamen praeceptoris amore flagrabat, vt cum magno odio premeretur Socrates ipse, in senatum iam ascitus, quod Ol. XCV. 1. accidit, eius ille causam fortiter tueretur, et cum iniquo in praeceptorem animo iudices esse videret, oratoris cathedra conscensa, eum defendere conaretur, apologiam exorsus, quam tamen mox abrumpere iudicum importunitas coëgit^g. Socrate damnato Plato pecuniam obtulit, qua libertatem posset redimere, quam tamen

^b) Lib. III. f. 6. et OLYMPIODORVS p. 585.

^c) l. c. p. 284. ^d) Metaphys. L. I. c. 6.

^e) In vita Socratis. His rationibus expensis contrariam, quam in Germanico Hist. phil. opere T. I. p. 588. tenuimus, sententiam, deseruimus. Idem de STANLEYO l. c. c. IV. p. 286. notandum.

^f) De Xenophonte supra dictum. Anitthenes vero odio eius ductus librum contra eum exarauit, cui parum honestum Sathonis titulum fecit LAERTIVS L. III. f. 35.

^g) Ibid. f. 42. Magnis hic se temporum difficultatibus implicat, qui Platonem Ol. LXXXVIII. 1.

natum, vigesimo anno ad Socratem peruenisse, et octo annos in eius contubernio fuisse, XXVIII. vero Megaris concessisse cum Hermodoro asserunt. Ante XXX. aetatis annum enim iuxta leges Solonis in senatum cooptari non poterat. Si itaque Ol. XCV. 1. senator iam fuit, sequitur, eum Olymp. LXXVII. 3. natum fuisse, et vel XXII. aetatis anno ad Socratem accessisse, vel si XX. annorum iuuenis ei se tradidit, decem annos apud eum fuisse commoratum. Haec M. GVDII coniecturas de anno Platonis natali magnopere confirmant. conf. cel. LAMIUS de SS. Trin. L. II. c. 1. p. 82.

men accipere recusabat. Traditque ATHENAEVS ^h, quod ceteri silent, circa id tempus congregatis Socratis amicis, vt mortem eius vna lamentarentur, Platonem eos cohortatum esse, animos resumerent, vel se enim regendae scholae idoneum esse. Id quod inuidiae quidem tantum rumusculus videri poterat, nisi animus Platonis sectae condendae studio occupatus, ex dialogis viuo adhuc praeceptore compositis eluceret, isque nouam iam tum philosophandi rationem Socraticae supponendam fuisset molitus. Vnde mirum non est, quod ille addit, Apollodorum, cui his dictis propinauisset, dixisse, malle se cicutam a Socrate propinatam bibere, quam ea conditione propinanti accedere: ex quo, ea quae modo de adulterata, viuo magistro, philosophia Socratica diximus, mire confirmantur. Adfuit autem praeceptoris vltimis fatis, et de animorum quoque immortalitate disputantem audiuit, eiusque sermones in Phaedone in literas elegantissimo dialogo retulit ⁱ, ita tamen, vt more suo, Pythagoricis eos placitis adulteraret. Defuncto praeceptore, cum acerbissime eum luxisset ^k, timens Atheniensium saeuitiam, cum reliquis Socraticis Megaras ad Euclidem se contulit, a quo, donec serenior rerum facies rediret, hospitio humanissime exceptus fuit. Nec apud eum ignauus resedit, sed dialecticam, qua magnopere eminebat Euclides, eo magistro didicit ^l. Nec tamen istis animi diuitiis contentus, quaeliuit porro, vnde proficeret; et imprimis ad Pythagorae disciplinam animum adiecit, in qua *non rationem tantum, diligentem et magnificam, qua instructa erat, vt ait APVLEIVS ^m, sed et rerum continentiam et castitatem admirabatur.* Cumque, magnos ante se viros peregrinatione ad barbaros suscepta, philosophiae mysteriis initiatos esse animo recoleret, ad fines quasi orbis terrarum itinera suscepit. Atque Italiam primo petiit, vbi tum magna admiratione atque laude Pythagorica philosophandi ratio florebat, vt arcanam illam disciplinam addisceret, in quam etiam fuit admisus. Et didicisse quoque ibi Pythagorea omnia asserit CICERO ⁿ, et primum de animarum aeternitate non solum sensisse idem, quod Pythagoras, sed rationem etiam attulisse, ait; alioque loco monet: *adiunxisse Socraticis, Pythagoreorum disciplinam, eaque quae Socrates repudiabat, didicisse.* Quam philosophiae partem theoreticam et physicam fuisse, asserit auctor vitae Pythagorae apud PHOTIVM ^o, patebit vero infra, vbi de philosophia Platonis agetur, eum etiam philosophiam moralem Socratis Pythagoricis doctrinis adulterasse. Et haec quidem a nemine in dubium vocantur; de ordine vero itinerum veteres dissentiunt. Alii enim ante iter Aegyptia-

Studia philosophiae post Socratis mortem.

Itinera literaria.

^h) Lib. XI. p. 507.

ⁱ) Conf. CICERO de nat. Deor. L. III. c. 33.

^k) PLVT. de virt. morali T. II. p. m. 403.

^l) LAERT. L. II. f. 6. ^m) loc. cit.

ⁿ) Tusc. Qq. L. V. c. 29. Alia veterum loca excirauimus diff. de conuenientia numerorum Pythagorae cum ideis Platonis §. I. Amoen. literar. T. VII. p. 182 seqq. quibus addi possunt QVINTIL. L. I.

c. 12. AEN. GAZAEVS de immort. p. 12. et BARTH. ad h. l. LACTANT. L. IV. c. 2. IAMBlich. de vit. Pyth. n. 167. p. 142. conf. FABRICIO Bibl. Gr. Vol. II. p. 4. not. k laudatos, et biographos Platonis.

^o) Cod. CCLIX. p. 712. eum adiecit vitae Pythagorae a Porphyrio scriptae L. HOLSTENIVS p. 43. ed. Rom.

Aegyptiacum ad Italicos philosophos accessisse, alii reducem eos inuifisse contendunt: et LAERTIVS^p quoque antequam Italiam inuiferet, Cyrenas ad Theodorum celeberrimum tum temporis geometram, praeparandi animi causa discessisse, ait, quod post auditos Pythagoreos factum esse innuit APVLEIVS^q. Qui, nostro quidem iudicio, omnium aptissime itinera Platonis disponit, contendens, *primum se ad Pythagorae disciplinam contulisse; tum ad Theodorum Cyrenas, ut geometriam disceret, esse profectum; deinde astrologiam adusque Aegyptum iuisse petitem, ut inde prophetarum etiam ritus addiceret; et ad Italiam iterum venisse, et Pythagoreos fuisse sectatum*: nam haec et tempori et locorum situi omnium commodissime respondent, et diuersas scriptorum relationes in concordiam redigunt^r. Cyrenis itaque in geometriae scientia satis eruditus, in Aegyptum soluit, parum Socratis et Socraticorum sententiam curans, quae domi sapientiam quaerebat, et eiusmodi peregrinationes reiciebat, exempla potius magnorum ante se virorum secutus: Vt vero tutius lateret, olei vendendi praetextu totam eam regionem, quae tum Artaxerxi Memnoni parebat, peragrauit, *et a sacerdotibus eius gentis multiplices geometriae numeros atque coelestium observationum percepit; quoque tempore a studiosis iuuenibus, verba damus VALERII MAXIMI^s, certatim Athenae Platonem doctorem quaerentibus petebantur, ipse Nili fluminis inexplicabiles ripas, vastissimosque campos, effusam barbariem, et flexuosos fossarum ambitus Aegyptiorum senum discipulus lustrauit*. Sunt, qui Euripidem eius itineris comitem fuisse, putant^t, quos tamen tempus obitus satis refellit, quod ante Socratis mortem in Olymp. XCIII. incidit^u. Eudoxum adiungit ei STRABO^x et CICERO^y quod tamen non magis cum rationibus chronologicis concordare pulchre demonstrauit eruditissimus LAMIVS^z. Tandem in Saitico nomo confedissee, aiunt epistolae Socraticae^a, valde in his etiam suspectae: Heliopoli vero a Sechnuphide Aegyptiacam sapientiam edoctum fuisse affirmat CLEMENS ALEXANDRINVS^b. Qualis vero illa fuerit, ex iis manifestum est, quae suo loco de philosophia Aegyptiaca prolixè differuimus^c; fallunturque oppido atque fallunt, epistolae Socraticae, afferentes, *cupiisse eum a sapientibus Aegypti institui: quid de uniuerso statuunt, initiumne habeat an minus? an item de praesenti siue ex toto moueri, siue ex parte rationi consentaneum putent?* Ex iis enim quae de philosophia Aegyptiaca alio loco disputauimus, manifestum est, huiuscemodi quaestiones per Graecos demum philosophos in Aegyptum introductas fuisse. Nec melioris commatis sunt, quae habet PAVSANIAS^d, immortalitatem animorum et transmigrationem ibi didicisse; prius enim dogma

iam

^p) Lib. I. f. 6.^q) loc. cit.^r) PLVT. in Solone.^s) L. VIII. c. 7. qui tamen hic oratorem agit: nondum enim Athenis instituerat scholam Plato, ut ad eum conuolare possent iuuenes.^t) LAERT. L. III. c. 6.^u) Conf. LAMIVS I. c. BAYLE Dict. T. II. art. Euripides.^x) Lib. XVII.^y) Tusc. Qq. L. II.^z) I. c. L. II. c. 2. p. 81 seqq.^a) Epist. 26.^b) Strom. L. I. p. 303.^c) loc. cit.^d) In Messeniac. p. 360.

iam didicerat in Socratis schola, posterius in Pythagorae. Ferri magis posset, quod ait PLINIVS ^e, magiae discendae causa Platonem ad Aegyptios accessisse, cum aliunde constet, magiam partem philosophiae Aegyptiacae fuisse; nisi verisimile esset, Platonem ad eiusmodi arcana dogmata inspicenda non fuisse admissum. Quam duros enim se praebuerint aduenis sacerdotes Aegyptii, quamque inexorabiles fuerint, et vix regum mandatis compescendi, eoque adigendi, ut mysteriorum suorum adyta peregrinis recluderent, Pythagorae exemplum testatur. Quare nec audiendum esse putamus IAMBLICHVM ^f iactantem, Platonem philosophiam suam hausisse ex stelis Hermeticis, quod sine examine tanquam verum admisere, STEVCHVS EVGVBINVS ^g, P. D. HVETIVS ^h et post hos cel. G. MICH. HANSCHIVS ⁱ. Verisimile vero est, vaferrimos Aegypti sacerdotes Platonem, nec systaticis commendatum, nec diuitiis arcana recludentem, et peregrino mercatoris habitu Aegyptum obeuntem, praeter dogmata et disciplinas exotericas, miseras et tanto philosopho indignas, uti supra euicimus; nihil arcanarum et Hermeticarum doctrinarum tradidisse. Nec hic morari nos debent Platoniorum iuniorum et quorundam ecclesiae doctorum effata. Illorum enim intererat, quod suo loco probabimus, ut crederetur Plato sua ex Hermeticis accepisse: quia Platoniam philosophandi rationem, qualem degenerans a maiorum instituto Aegyptus tandem genuit, pro genuina Hermetica disciplina haberi cupiebant, et fanaticae philosophiae patrocinium ex antiquitate quaerebant. Hi vero falso et inepto de Aegyptiaca sapientia, Hebraicae filia praeiudicio occupati, et Platonem sua Hebraeis debere contendentes, rationem se commodam inuenisse, rebantur, ut gentilibus ostenderent, sua esse, quae Plato in Aegypto didicerat: qua de re, ubi de PP. ecclesiae philosophia acturi sumus, prolixius differemus.

§. VI. Hac vero Platonis gloria admiratores eius non contenti maiora quoque de eius in Aegypto profectibus praedicant; et purioribus Hebraeorum doctrinis ibi tinctum haud pauca ex sacris oraculis gentisque illius mysteriis in suam philosophiam transtulisse contendunt, sicque spoliis arcanorum diuinorum superblentem se ad tantam rerum diuinarum notitiam extulisse volunt, ad quam reliqui philosophi adspirare non poterant. Dici non potest, quanta consensione hanc opinionem amplexi fuerint veteris ecclesiae doctores, quorum loca hic adducere et nimis operosum, et a nostro instituto alienum est, legi vero possunt apud eos, qui hanc ipsam sententiam ex recentioribus ornare, et ita dogmatum quorundam Platoniorum cum diuinis consensum extruere, et imprimis doctrinae de SS. Trinitate vestigia in Platone ostendere sategerunt, e quorum magno numero potissimum videri merentur P. DAN. HVETIVS ^k, ANDR. DACIERIVS ^l,

*An Hebraeos
doctores Pla-
to habuerit?*

LIII 2

Io.

e) Lib. XXX. c. 1.

f) De myster. Aegypt. L. I. c. 2. p. 3.

g) De peregrini philos. L. I. c. 27. L. V. c. 2.

h) Demonstrat. Eu. Pr. IV. c. 2. §. 15. p. m. 56.

i) De enthus. Plat. sect. III. §. 8. p. 37.

k) loc. cit.

l) Vit. Plat. p. 68.

IO. VAN DER WAYEN ^m, REN. MASSVETVS ⁿ, THEOPHILVS GALE ^o, FRANCISCVS BALTVS ^p, et quem honoris causa nominamus IO. LAMIVS ^q vir celeberrimus, qui omnium eruditissime in hoc asserto coloribus inducendo laboravit, cuius insignis viri, armis domesticis contra IO. CLERICVM pugnantis, modestia imprimis laudanda est, qui totum, quem in hac causa attulit apparatus eruditionis ea tantum fini adhibuit, vt possibilitatem tantum, vt ita loqui liceat, quaestionis demonstraret. Non tamen ita se commendavit decantatissima opinio, vt non viri praeclari, abiecto antiquitatis praeiudicio, perspicerent clarissime, ficulneis prorsus et infirmis eam totam niti argumentis, id quod varia quoque ratione demonstraerunt, videndique praeter alios, qui docte rem confecerunt, IO. CLERICVS ^r, AEG. MENAGIVS ^s, IO. FR. BVDDEVVS ^t, et qui eleganti dissertatione cuncta complexus est mira breuitate et acumine IAC. LENFANTIVS ^u. Nobis in prolixissimo argumento pro dignitate excutiendo versari propter instituti rationem non licet, nec fas est, ad eiusmodi argumenta specialia ex instituto in historia philosophica vniuersali condenda prolixè digredi: quoniam tamen non leue momentum in historia dogmatum sacrorum haec quaestio habet, paucis ea tangemus, quae scire, lectoris interesse non abs re iudicamus. Et nititur quidem contraria et affirmans sententia, quae Platonem in Aegypto ab Hebraeis pluscula didicisse asserit I. Auctoritate Iudaeorum IOSEPHI et Aristobuli et ecclesiae doctorum Iustini Martyris, Clementis Alexandrini, Eusebii, Cyrilli Alexandrini, Theodoreti, Ambrosii et aliorum ^x. II. Opinione, quae statuit extitisse versionem legis diuinae Graecam in Aegypto, confectam ante τὸν ὁ versionem; quam viderit legitque Plato: quam Aristobuli auctoritate iam asseruerunt CLEMENS ALEXANDRINVS ^y, et EVSEBIVS ^z. III. Praesumptione, Aegyptios de Israëliitarum rebus satis curiosos haut pauca de eorum placitis didicisse, quae postea ab iis acceperit Plato, cuius rei argumentum a secessu Ieremiae et Baruchi reliquorumque Iudaeorum, qui in Aegyptum concesserunt, arcessitur. IV. Conuenientia dogmatum Platoniorum cum Hebraeis. Etsi vero haec omnia non proletaria eruditione ornent causae huius patroni, fatendum tamen est, parum apud aequos et antiquitatis praeiudicio non occupatos lectores eos promouere. Nam quod I. PP. ecclesiae auctoritatem attinet, tanta ea non est, praecipue in historico argumento, vt vel leuiter mouere debeat quemquam. Non enim monumentis vsi sunt fide dignis

iisque

^m) Diff. de λόγῳ adu. Cleric. p. 65.

ⁿ) Diff. I. in Irenaeum.

^o) Court of the gentiles.

^p) Défense des SS. Peres accusés de Platonisme L. IV. ch. 22. p. 607 seq.

^q) De recta Christianorum in eo quod mysterium diuinae Trinitatis attinet sententia Florent. 1733. 4.

^r) Epist. crit. VII. p. 177 seq.

^s) Ad LAERT. L. III. f. 6.

^t) Hist. Vet. Test. T. II. p. 1006 seqq.

^u) Bibl. Germ. T. II. art. V. p. 124 seqq. addi

possunt IAC. THOMAS. de plagio §. 523. p. 233. ipse, quod mireris HORNIVS Hist. phil. l. c. HEVMANNVS Aët. phil. Vol. I. p. 1056. IAC. BASNAGE Hist. des Juifs L. III. ch. 20. p. 550 seqq. L. IV. ch. 4. §. 2. p. 45 seqq. G. G. LEIBNIZIVS praef. ep. ad HANSCH. de enthuf. Platonico, GÜNDLING. Hist. phil. mor. c. I. §. 1. not. I. m. vt alios minoris nominis et famae taceamus.

^x) Loca prolixè asserit LAMIVS l. c. in compendio enarrat LENFANTIVS l. c.

^y) Strom. L. I. p. 342. ^z) Praep. L. IX. c. 6.

lisque testibus, qui et scire potuerunt, et causam cur mentiantur non habuerunt; sed a Platonis aetate aliquot seculis remoti, cum multum interesse sua et religionis Christianae putarent, vt Plato in Christianorum castris militare crederetur, pio quidem zelo, sed praepostera ratione Iudaeorum quorundam fastui aures praebuerunt ^a. Qui cum innata gentis superbia omnem gentilium eruditionem, et imprimis, quae eo tempore plurimi fiebat, philosophiam Graecanicam a Mose ad gentiles dilapsam esse contenderent, praetextu morae Platonis in Aegypto vsi, leui aliquo consensu Platoniorum aliquot dogmatum cum Hebraeis ementito, Platonem Hebraicae sapientiae alumnum iactauerunt. Quod ambabus, quod aiunt manibus amplexi doctores quidam ex Platonis schola sec. II. ad Christianam fidem accedentes, cum plurimi admissam semel Platonis disciplinam facerent, imprimis gentilibus opposuerunt, magnoque feruore contenderunt, ea quae Plato sacris similia dixit, Hebraeis et Christianis surrepta deberi; maiori hac in re pietate quam iudicio vsi. Hos qui sec. III. et IV. secuti sunt, eruditionis Graecanae laudem affectantes, eique magnum pretium ponentes, auide ea arripuerunt, et magnos hos viros exscripserunt: indigni quorum rationibus adiciamus calculum. Nec meliori stant talo quae II. de versione legis Graeca Alexandri M. aetatem anteuertente dicuntur. Eam enim in Aristobuli ^b tantum cerebro extitisse, infra, vbi de Iudaeorum philosophia agetur, ex instituto demonstrabitur, quo lectorem, ne nimii simus, remittimus. Nec enim auctor, nec occasio, nec ratio vlla huius versionis ostendi potest, sed ignorata ea fuit omnibus, qui et nosse eam poterant, et quorum, eam legere, omnino intererat. Tanta quoque obscuritate femota ab aliarum gentium commercio ante Alexandri M. tempora viuebat Iudaeorum natio, tantisque mysteria sua librosque sacros premebat tenebris, et a manibus gentilium remouebat ^c, vt ratio nulla pateat, qua eiusmodi Graeca versio confecta sit. Vt taceamus Graecam literaturam per Alexandrum M. demum in Aegypto inualuisse. III. Aeque vero ficulnea sunt, quae de Aegyptiorum ipsiusque Platonis cum Iudaeis conuersatione afferuntur. Confundunt enim viri docti tempora Graecorum, Aegyptum tementium, cum temporibus antecedentibus, quibus talem Iudaeorum cum Aegyptiis consuetudinem fuisse probari aegre potest. Quae enim in contrarium afferuntur, vel mercaturae vel belli rationes tangunt, quibus interdum res erat vni nationi cum altera. In religionis vero negotio maximo-pere abhorrebant Aegyptii a Iudaeis, vt Iudaei Aegyptiorum idololatriam

LIII 3

vehe-

^a) Nec tamen IOSEPHVS contra Appion. L. II. c. 8. ait, desumisse Platonem sua ex Mose, sed tantum id vult, imitatum eum fuisse Moysen in condenda republica.

^b) De scriptore hoc videndi celeberrimi viri Io. ALB. FABRIC. Bibl. Gr. Vol. II. p. 280. et Io. CHR. WOLF. Bibl. Hebr. T. I. p. 215. suspicatur vero HYMFR. HODY de text. bibl.

orig. L. I. c. 9. p. 49. confudisse Clementem duos Aristobulos, Peripateticum alterum, alterum Iudaeum, et huius scripta sec. II. esse supposita, quod reliquunt laudati viri, admittit LENFANT. l. c. p. 134. De re ipsa ex instituto dicetur infra, in historia phil. Iud.

^c) Falsus id est ipse IOSEPHVS l. c. L. I. c. 4. conf. LENFANT. l. c. p. 136.

vehementer abominabantur. Nec verisimile villo modo est, manipulum quasi Iudaeorum, qui cum Ieremia excisis Hierosolymis in Aegyptum descendunt, tanti fuisse habitum, ut de iis tota Aegyptus esset sollicita, vel eius religionis noscendae causa in res eorum sacras inquisierit. Accedit his, Iudaeos adeo non fuisse philosophiae vel eruditionis laude celebres, talesque, quorum conuersationem curiosi Graeci appetiuerint, ut potius superstitionis et credulitatis ridendae plus vice simplici fuerint accusati. Nec quae IV. pro consensu Platoniorum et Mosaicorum dogmatum loca afferuntur, aliquid probant; nam vel ita comparata sunt, ut ex connato rationis lumine potuerint innotescere, qualia multa sunt, quae de Deo Plato praecipit; vel a Pythagoreis transumpta antiquiorem lege Mosaica traditionem per patriarchas ad barbaras gentes disseminatam, mireque corruptam respiciunt^d; qualia exigua et pauca, et, si res dicenda est, qualis est, fere nulla sunt: vel falsus iactatur consensus, et Platonis dogmata intus et in cute expensa longe alia referunt, quam sacra mysteria volunt, id quod vel solum adorandae Trinitatis mysterium luculenter illustrat, quod tamen de hac quaestione acerbè disputandi occasionem nostra aetate praebuit: illud enim uti postea videbimus, tantopere a trinitate Platonica abhorret, ut merito miremur, viros doctos, et non obesaë naris tantum hypothesei semel deamatae dare potuisse, ut intercedere concordiam vilam putauerint. Accedit his, quod a plerisque neglectum et non obseruatum est, tantopere a philosophis Platoniciis syncretistis circa nascentis Saluatoris tempora iam corruptam fuisse Platoniam philosophiam, ut faciem eam, quam a parente suo accepit, aegre referret, tuncque in Aegypto, ut aliis totius orbis religionibus, ita etiam Iudaicae et Christianae fuisse attemperatam. Hoc ex fonte ea Platoniorum dogmata emanasse, quae sacris concordare visum fuit, suo loco demonstrabimus, et historia Iudaicae et Christianae circa ea tempora philosophiae luculenter docebit. Haec Platonica dum in Aegypto didicisse Platonem, venerabiles ecclesiae doctores, et horum auctoritate inducti viri docti nostrae aetatis ei tribuunt, mire falluntur, et genuina Platonica a spuris non distinguunt. Qui si hoc vnum expendissent, Platonem systematis dualistici patronum esse, mature errorem agnouissent, et quam male ex hoc venenato fonte corrupta reliqua omnia cum doctrinis sacris cohaereant, inspexissent^e. Et his quidem generalioribus obseruationibus probe consideratis facile ad obiectiones eorum responderi potest, qui contraria tuentur, inter quos cum quadrata rotundis miscuerit Baltus, iis pro Mosaicis commendatis, quae in tota systematis Platonici harmonia et connexionè considerata toto coelo differunt, exemplum inde capi potest, quam tenuia sint, et leuia, quae pro incrustanda hac sententia solent afferri. Quare iis excutiendis et refutandis non immoramur, cum et ipse historiae philosophicae gnarus lector facile arenam ea sine calce esse deprehendere

^d) Dicitur et hæc de re in sequentibus.

^e) Luculenter hoc demonstravit BASNAGE

^e) Et hoc vult *παλαιός λόγος*, ad quem provocat alicubi Plato. Hist. des Juifs L. III. ch. 20. §. 21. p. 551.

hendere queat, et plura afferant viri doctissimi, supra laudati, qui praeiudicium hoc felicissime iugularunt. Vnum hoc obseruatis adiicimus, frustra viros doctissimos de damno religionis sibi metuere, nisi haec afferant. Melioribus enim fundamentis nititur sanctissima fides nostra, quam vt a Platone ei auctoritas vlla vel firmamentum debeat accedere. Et, si verum dicendum est, quaerit haud raro diuinae doctrinae hostis infelici ista comparatione, purissimos latices turbare, cuius exemplis plena est sacra historia.

§. VII. Sed vt post longam satis digressionem iterum in viam redeamus, post moram in Aegypto aliquam rediit in Italiam Plato Tarentum, vt ait C I C E R O ^g, cuius tamen hic notationes temporum subobscurae sunt ^h. Et habuit quidem in animo, ad Indos et magos excurrere, sine dubio Pythagorae fama; quae haec itinera ei tribuebat, excitatus; sed obstitere bella Asiatica ⁱ. Ομανοίς itaque Pythagoreis restitutus Eurytum Tarentinum et Archytam fuit sectatus ^k, reliquosque, qui tum supererant Pythagoreos, Echecratem Timaeum, Acrionem Coetumque Locris conuenit ^l, et ex horum fluentis arua sua irrigauit. Quod studium ex Pythagoreorum doctrina philosophiam suam augendi nec post haec deposuit. Nam in Siciliam postea, vt in sequentibus dicemus, delatus, Pythagoricorum libros magna pecunia redemit. Etsi enim tenuibus erat facultatibus a Dionysio tamen magno nummorum aceruo donatus, eos magno pretio suos fecit. Variant tamen admodum scriptores, de hac re; sunt enim, qui eos a Dionysii familiaribus Platonem accepisse, minarum quatuor Alexandrinarum pretio, dicant; sunt, qui Dionysium a iuvene quodam, Philolai discipulo, acceptos Platoni donasse, referunt; alii denique ad Dionem eos misisse aiunt, qui Syracusis eos emeret, a quo etiam C. minis, vel, vt G E L L I V S ^m ait, mille denariis fuerint comparati. Verissimilius quoque est, Pythagoreos iureiurando, ne quid sectae mysteriorum propalarent, et ἀμύτοις proderent ⁿ, Platoni vendidisse, quem in sectae consortium admissum supra diximus, quam profanis hominibus, qualis Dionysius et Dio erant, eos tradidisse, quod, ne facerent, religione impediebantur: cuius fuisse tenacissimos, suo loco demonstrabitur. Deinde et in eo differunt scriptores, quales libri fuerint? G E L L I V S enim Philolai Pythagorici tres libros redemptos esse, ait: L A E R T I V S ^o autem hos libros non Philolai fuisse, sed Philolaum vendidisse refert, additque I A M B L I C H V S ^p, paupertate adactum Philolaum his thesauris se priuasse. Quibus adiciendum

*Disciplina
Platonis Py-
thagorica.*

^g) Cat. mai. c. 16.

^h) Ait enim factum esse L. Camillo, Appio Claudio Coss. hi vero Coss. in fastis hodie extantibus, eo tempore, quo vixit Plato, non comparant: sed tribuni tum vrbi praefuerunt.

ⁱ) A P V L E I V S l. c.

^k) Ibid. qui tamen sine necessitate duos Archytas effingens, seniore conuenisse Platonem vult. Qua de re infra in historia scholae Pythagoricae.

^l) C I C E R O de fin. L. V. c. 29.

^m) Lib. III, c. 17.

ⁿ) Dicetur hac de re in historia philosophiae Italicae. Interim conferenda quae diximus in diff. de conuen. numeror. Pyth. cum ideis Platonis, Amoen. lit. T. VII. p. 200 seqq.

^o) Lib. III. f. 9. L. VIII. f. 84.

^p) De vita Pythagorae c. XXXI. n. 199. qui luculenter: ἐπειδὴ αὐτὸς ἦν ἀποσυγγενείας, τῶν Πυθαγορείων, μετέλαβε τῶν βιβλίων, quod ad Dionem refert Arcerius, ad Philolaum Kusterus, male vterque, de Platone enim sermo est, qui acceperat.

dum quod refert idem LAERTIVS ^q, Platonem librum vnum Philolai redemisse a necessariis Philolai XL. minis, exque eo Timacum suum confecisse. Quod si verum est, neque hunc librum Philolai ipsius opus fuisse oportet, sed Timaei Locri, ut ex Platonis Timaeo patet ^r. Vnde verba Gellii, nisi eum falsum fuisse placeat, non de auctore sed possessore intelligenda esse videntur, qua ratione cum aliis veterum narrationibus concordat, statuendumque, fuisse libros ipsi quidem Pythagorae tributos, ut sua Pythagorici magistro inscribere solebant ^s, sed ab eius sequacibus conscriptos, quos possessos a se insigni paupertate pressus Philolaus, salva sectae religione, Platoni, Pythagoricis sacris initiato, vendiderit. Fecit vero haec res, ut Platoni plagium obiiceretur, cuius etiam reum fecere veteres plures, aliis quoque philosophis surreptas esse pennas, quibus superbiuerit Plato, contententes: quod qua ratione verum sit, syncreticum Platonis systema, ex aliorum philosophorum meditationibus conflatum, abunde loquitur. Nam et Aristippo, Antistheni et Brysoni Heracleotae plurima eum furripuisse conqueritur THEOPOMPVS CHIVS libro *de institutis et exercitationibus Platonis* ^t, et pluscula quoque ex Epicharmi Comici, scriptis decerpisse prolixè exposuit ALCYMVVS ad *Amyntam* ^u; et amare propterea traduxit Platonem Timon ^v. PORPHYRIVS vero ^y immutatae et corruptae Pythagoricae disciplinae, cum eam in suamet arua deriuasset, accusat. Qui et alibi ^z ex Protagorae libro *de ente*, quaedam Platonem suffuratum esse, conqueritur. Vnde a plagii crimine eum totum absoluerè, tot testibus accusatum non ausus est IAC. THOMASIVS ^a, licet excusandum putet, quia dialogo suo Timaei nomen praefixerit. Ex dictis constare iam arbitramur, ex quibus potissimum fontibus sua hauserit Plato, quosque potissimum auctores philosophiae suae habuerit. Cum enim Euclidem audiisset, dialecticam ab eo scientiam accepit, indeque sua confarcinavit; Parmenideum vero Hermogenem et Cratylum Heracliteum praeceptores nactus, naturalis inde philosophiae praecepta ex Eleatica schola didicit ^b, iisque miro ausu ea iunxit, quae tradidit de rerum naturalium principiis Pythagoras, cuius metaphysicam suam fecit ^c. Moralis vero et ci-

Fontes philosophiae Pythagoricae.

q) Lib. VIII. f. 85. conf. cel. FR. MENZ. in Aristippo, not. yyy, p. 83. MENAG. ad II. cc. Laert.

r) Timaei enim librum ante oculos habuisse, eumque saepius verbotenus expressisse collatio docet: corrupti tamen Timaei quoque doctrinam more suo.

s) IAMBlich. l. c.

t) ATHENAEVS L. XI. p. 508.

u) Apud LAERTIVM L. III. f. 9. quae repetit STANLEIVS l. c. p. 281.

x) In Sillis apud GELL. l. c.

y) De vita Pyth. n. 59. p. 49. ed. Kust.

z) Apud EVSEB. praep. L. X. c. 3.

a) De plagio §. DXXII. p. 232.

b) PLATO in Cratylo T. I. p. 401. et quae diximus in Hist. de ideis sect. I. §. VIII. p. 121.

c) Id in laude Platonis ponit APULEIVS l. c. p. 284. quod inuenta Parmenidis et Zenonis studiosus exsecutus ita omnibus, quae admirationi sunt, suos libros expleuerit, ut primus tripartitam philosophiam copularit, sibi que inuicem necessarias partes neque pugnare inter se tantummodo, sed etiam mutuis adinuare auxiliis ostenderit. Nam quamvis de diuersis officinis haec ei essent philosophiae membra suscepta; naturalis ab Heracliteis, intellectualis a Pythagoreis, rationalis atque moralis ex ipso Socratis fonte, vnum tamen ex omnibus et quasi proprii partus corpus effecit. Quibus verbis nihil potuit elegantius dici ad turpem Platonis syncreticum demonstrandum, quem laudauit quidem Apuleius, sed ipse eiusdem fursus et ingenii philosophus. conf. LAERT. L. III. f. 8. 56. AVGVSTIN. de C. D. L. VIII. c. 4.

et ciuilis doctrinae semina a Socrate quidem hausit, cuius tamen simplicitatem speculationibus Pythagoricis corruptit. Sunt quoque ^d, qui dicant, formam reipublicae Platonem ex Protagorae *Anthologicis* delineasse; et moralis doctrinae haut exiguam partem ex Sophronis mimographi libris habuisse ^e, quos, cum diu neglecti iacuisent, sub eius demortui capite repositos Athenis primum inuexerit. Quae originum Platonicae philosophiae historia quantum in considerata eius ratione momentum habeat, postea, ubi ordo ad eam nos deuexerit, curatius explicabimus.

§. VIII. Ex peregrinatione redux Plato, ut collectas animi diuitias explicaret, studio condendae scholae a iuvene ardens, ad docendum animum applicuit, et in academia scholam aperuit ^f, quod erat gymnasium suburbani arboribus confitum ^g. Habebat enim ibi exiguum hortum, patrimonii haud ampli partem, in quo consedit. Cum vero eum locum tanquam sanitati corporis noxium, mutare iuberent Platonem medici, et in Lyceum scholam transferre ^h, noluit tamen iis morem gerere, ne in Atho quidem (ubi summa aëris salubritas erat, et ob id longaeui homines) ⁱ summitatem vitae producendae causa se commigraturum asserens. Quae loci quoque insalubritas causa fuisse dicitur, ut febri quartana laborare inciperet, quae octodecim menses perdurauit; tandem tamen animi sobrietate et prudenti sanitatis cura eam ita vicit, ut pristinis viribus recuperatis integra postea valetudine vteretur. Inscrisperat vero scholae, quam in academia habebat, limine: *ἔσθ' αἰσῶμεντες εἰσιτω*, nemini Geometriae ignaro ingredi fas esto ^k, quod a Pythagoreis mutuum transsumsit, multum in eo a Socratis consuetudine recedens, qui geometricis speculationibus vitam moralem et ciuilem, praeter exigua quaedam, opus non habere docebat. Postea si fides est Alexandro, in hortum, qui iuxta Cololum erat, se contulit ^l. Insistebat autem in docendi methodo Socraticis dialogis, quam rationem philosophandi, antea quidem praeter Socratem Zenoni quoque Eleati, Alexemeno Teio aliisque usurpatam mire perfecit ^m, et non infimas inde laudes consecutus est, quamuis non desint, qui passim aliquid in eius dialogis desiderant ⁿ. Praeter philosophiam autem tripartitam, de qua postea, mathematicas quoque disciplinas, quas inter barbaros didicerat, docuit, et ut erat ingenio methodico et geometrico, non analyticum tantum cogitandi ordinem discipulis exposuit, sed et quaedam pulchre inuenit: hanc vero methodum,

Schola a Platone condita, eiusque ratio et constitutio.

d) Aristoxenes apud LAERT. L. III. f. 37.

e) Ibid. f. 18. De Sophrone Syracusano Comico, vid. VOSSIVS Instit. poet. L. II. p. 161. VALESIVS ad AMMIAN. XXIII. §. MEYRS. ad HESYCH. illustr. p. 199. FABRIC. Bibl. Graec. Vol. I. p. 749.

f) LAERT. L. III. f. 7.

g) Conf. quos laudat MENAG. ad I. c. Laërt.

h) AELIAN. V. H. L. IX. c. 10.

i) LUCIAN. in longaeuis. MELA L. II. c. 2. PLINIVS L. VI. c. 2.

k) Tribuunt tamen alii id Pythagorae; forte Plato eum in hac quoque re imitatus est.

l) LAERT. L. III. f. 5.

m) Conf. LAERT. L. III. f. 24 48. et ATHENAEVS L. XI. c. 15. qui Alexemenum Teium priorem Platone dialogos Socraticos scripsisse ex ARISTOTELE de poetis probat.

n) Veterum de dialogis Platonis iudicia exponit I. GEORG. PASCHIVS de var. modis trad. moralia c. I. §. 9. p. 15 seqq. quem vide.

dum, qui inuenisse eum volunt ^o, non cogitant, audiuisset Platonem Theodorum Cyrenaeum, celeberrimum geometram, quem hanc rationem redu-
cendi quaestiones ad sua principia, ignorauisse, minime est verisimile: id
vero facilius credi potest, Platonem seueriorem hanc ratiocinandi legem in
Graecia, ubi in cunis adhuc vaglebat geometria, nondum cognitam vsuque
receptam introduxisse, eamque Leodamanti Thasio primum tradidisse, mul-
ta quoque eius ope inuenisse: inter quae duplicatio quoque cubi est, cuius
historia, quia ad hunc locum non spectat, apud PLVTARCHVM ^p quae-
renda est. Grammaticae quoque vim primum expendisse vult LAERTIVS ^q.
Cum vero nouum philosophiae genus condere, sectaeque auctor fieri cu-
peret, non solum omnes, qui ante eum fuere, impugnavit, sed et nouas vo-
ces excogitavit, inter quas imprimis, voces idea ^s, elementum ^t, prouiden-
tia DEI ^u, et his similes notandae sunt. Ceterum inter deambulandum
eum ante Aristotelem docuisse, veteres consentiunt ^x.

Academia.

Academiae descriptionem satis luculentam PAVSANIAE ^y debemus,
quem fusa atque more suo docte illustravit Io. MEYRSIVS ^z, quibus addi
possunt, quae praeter alios laudatos FABRICIO ^a, Reuerendissimus POTTE-
RVS ^b, b. Io. ANDR. SCHMIDIVS ^c et illustris I. P. DE LYDEWIG ^d dixerunt,
vt alios, qui antiquitates Graecas descripserunt, taceamus. Vocatur vero
Academia etiam Ceramicus, ideo quod nobilem Ceramici partem constitue-
bat. Id vero de Ceramico extra urbem intelligendum, qui ab illo huius
nominis, qui intra moenia erat, diuersus est, LAERTIVS ^e enim, et SVIDAS ^f
suburbium vocant. Nomen vero sortita est, non a Cadmo, quae falsa est
sententia FRANC. IVNII ^g, qui putat, ab hoc literarum Graecarum inuen-
tore Cadmiam primum dictam fuisse, et postea demum Academiam; sed
ab Academo, vel Hecademo, potius, vt monet LAERTIVS ^h vnde loca ve-
terum, qui Academum vocant, corrigenda esse monet MENAGIVS ⁱ. Is
Hecademos, de quo PLVTARCHVS ^k videndus, locum hunc priuatis facul-
tatibus partum publico commodo reliquit, vt inde gymnasium erigeretur.
Distabat autem locus ab vrbe sex tantum stadiis, siue DCCCL. passibus, et
gymnasio destinatus erat. Septum ibi et simulacra Dianae, templumque, in
quod Bacchi Eleutherensis imago singulis annis deportabatur, porro sepul-
chra

^o) Phauorinus apud LAERT. L. III. f. 24. PRO-
CLIVS in Euclidem L. III. p. 58.

^p) De Socratis genio. Ex eo tempore multa hu-
ius problematis mentio apud geometras.

^q) LAERT. L. III. f. 25.

^r) Ibid. qui tamen miratur, quod Democriti
mentionem non fecerit. Hoc impugnandi vete-
res studium didicit a Platone Aristoteles.

^s) Vid. Hist. phil. de ideis sect. I. §. 2.

^t) LAERT. l. c. σοιχῆα dixit, cum antea ambi-
gua voce ἀρχή pro principio et elemento philo-
sophi vterentur.

^u) Antea enim fati nomine comprehendebatur.

^x) Vid. IONSVS diff. I. de Hist. peripat. §. 3.
quam subiunxit ELSWICH. LAYNOIO de for-

tuna Aristotelis in Academia Parisiensi p. 419 seqq.
FR. PATRICIVS. discuss. Peripat. T. I. L. 10. p. 128.

^y) In Atticis.

^z) In Ceramico gemino c. XIX. seqq. p. 69 seqq.

^a) Bibliograph. antiq. c. XXI. §. 3. p. 619.

^b) Archaeol. Graec. L. I. c. 8. p. 33.

^c) Diss. de Gymnasiis literariis Atheniensium.

^d) In prima Academia, villa Platonis, cum noua
Halensium collata, Hal. Sax. 1693. 4.

^e) Lib. III. f. 7.

^f) In Academia T. I. p. 75. corrigendum itaque
apud POTTERVM l. c. quod dicitur, Ceramici
intra urbem partem fuisse.

^g) de Academiis.

ⁱ) ad h. l.

^h) loc. cit.

^k) in Theaeo.

chra heroum Thrasylbuli, Periclis, Chabriae et Phormionis, et eorum, qui pro patria ad Marathonem pugnantes occubuerant: in quorum honorem certamen quoque ibi actum instituyente Polemarcho. Sed et aliorum virorum magnorum de republica et bonis literis meritorum monumenta ibi cernebantur. Sic et ara ibi amoris a Charmo posita, et Mineruae fanum, araeque Musarum, Mercurii, Mineruae, Herculis, Iouisque *καταβάτης*. Plato vero Musis aedem dedicauit, in qua signa Gratiarum a Speusippo dedicata fuisse testis est LAERTIVS ^l. Magnam vero loco iucunditatem faciebant platani excelsae cubitorum triginta sex, quas laudat PLINIVS ^u. Locum vero initio palustrem et insalubrem ideoque desertum fuisse, hincque sanitati Platonis inimicum testatur AELIANVS ^m et post eum PORPHYRIVS ⁿ, HIERON. ^o BASILIVS ^p, AENEAS GAZAEVS ^q, aliique, quos plerique recentiorum secuti sunt. Aliter tamen PLVTARCHVS ^r, qui de Academia ita: Exornauit urbem, forum quidem platanis illic plantatis, et Academiam ex sicca squallidaque nemus efficiens, quod interlueretur aquis, ac curricula pura haberet, et umbrosa umbracula, vnde Syluae Hecademi laudantur HORATIO ^s:

Atque inter syluas Hecademi quaerere verum.

Ex quibus, quid de illa traditione, Platonem febris ex loci insalubritate correptum fuisse, statuendum sit, liquet. Tanta vero loci reuerentia erat apud Athenienses, vt non tantum, si quis cuiquam inde furto sustulisset, dum excerneretur, quod excederet drachmas decem, ex lege Solonis capite lueret, sed et, referente AELIANO ^r, ne liceret quidem in eo ridere, vt scilicet locus a socordia et iniuria liber seruaretur. In hac Academia villulam et hortulum habebat Plato, emtum tribus drachmarum millibus, vt habet PLVTARCHVS ^u. Huius vero redditus initio aureos tantum tres fuisse, ait SVIDAS ^w, auctos vero temporibus posterioribus cum homines *ιστοὶ καὶ φιλόλογοι* (philosophos sine dubio posteriorum temporum ex secta Platonis, restituta inter Athenienses per Nestorium intelligit) morientes testamento relinquerent philosophiae studiosis facultates ad vitae philosophicae otium et tranquillitatem. Et in hoc Ceramico licet extra Academiam sepultum fuisse Platonem LAERTIVS testatur, cui et statuam in ea dedicauit Mithridates. Peramoenum locum excidit Sylla confectis ex arboribus machinis ad expugnandam urbem adhibitis. Ex dictis patet, Platonem quidem in loco publico habitasse, docuisse tamen in villa propria ibi sita. Ab hoc loco non sectae tantum Platonicae ante C. N. Academiae primae, secundae et tertiae nomen adhaesit, sed et Cicero villam suam ita vocauit, quod imitata societas platonizantium Florentina, duce Ficino, vt suo loco dicetur. Scholas vero publicas disciplinis grauioribus destinatas inde Academicarum nomen accepisse,

M m m m 2

l) L. IV. c. 1.

u) L. XII. c. 1.

n) Περὶ ἀποχῆς L. I.

o) Adu. Iouin. L. II. T. II. p. 35.

p) De leg. libris gentil. p. 150.

q) In Theophrasto p. 25.

r) In Cimone.

s) L. II. ep. 2.

w) De exil.

x) In Plato T. III. p. 123.

t) L. III. c. 35.

pisse, et societatibus quoque literariis hanc inde appellationem datam esse, notius est, quam ut moneri opus habeat *.

*Discipuli et
sectatores
Platonis.*

§. IX. Tanta vero nouae scholae mox fuit celebritas, ut multi ad eum discipuli confluerent, Platoque inter summos philosophos haberetur. Cuius causa varia fuisse videtur. Nam et peregrinatione ad Pythagoreos et Aegyptios, ringentibus ceteris Socraticis, magnam sibi exultationem pepererat, et nemo ex Socratis discipulis erat, qui in ipsa Athenarum vrbe, mox post sedatam, quae in Socratem surrexerat tempestatem, publice doceret praeter Aristippum et Platonem ^u; reliqui enim vel extra Athenas scholas erexerant, vel serius accesserant, vel scholas habere plane neglexerant. Aristippus autem soli morali doctrinae intentus reliquas disciplinas non curabat, matureque voluptatis foedae opprobrio euilescerat. Solus itaque Plato supererat, qui multifariae doctrinae ornatu conspicuus, insignem, quem Socrates deferuescente inuidia reliquerat, fauorem haereditate quasi acciperet, et philosophiae studium a Socrate angustis satis cancellis inclusum, amplificaret. Ad eum itaque non iuuenes tantum confluebant undique, sed et viri erant doctrinae Platonicae summi admiratores. Et de Speusippo quidem Platonis ex forore nepote, Xenocrate et Aristotele, in sequentibus latissime dicendi dabitur copia: Dionem vero Syracusanum inter eos fuisse, qui summo amore Platonem complecterentur, quem et Plato summo affectu persecutus est, PLVTARCHVS ^z narrat, et patebit ex iis, quae in sequentibus dicentur. Nec paruam Platoni gloriam conciliat, quod insignes oratores Hyperidem, Lycurgum, Demosthenem et Isocratem ^a discipulos habuerit, magnis non ad loquendum tantum sed ad faciendum quoque animi viribus ex disciplina Platonis instructos ^b. Ex his cum Isocrate vixit coniunctissimus, cuius amicitiae specimen exhibuit olim dialogus in agro Platonis ab iis habitus, cum hospitem apud eum ageret Isocrates ^c. Imprimis vero iuuenes morum et formae elegantia immo et nobilitate illustres plurimi ad eum conuolabant, quorum multos nominat LAERTIVS ^d, id quod occasionem exhibuit Platonis castitatem ducendi in suspicionem. Nec ex sequiori quoque sexu defuerunt, quae Platonem auditurae in Academiam secederent; inter quas imprimis notabiles se fecere Lashenia Mantinea Arcadiae nata, nobile scortum, quae more seculi eruditionis et philosophiae laudem formae elegantiae iungere cupiebat, et Axiothea Phlasiensis, quae virili veste incedebat ^e. Qui mos postea in hac secta ^f diu obtinuit, ut feminae quoque Academicae philosophiae operam darent. Et ab his Platonis

* Videndus, qui prolixius de hoc nomine eiusque usu vario docte disputauit, HERMANVS CONRINGIVS Antiqq. Academ. p. 197. 222 seqq.

y) Dictum hac de re supra in Aristippo.

z) In Dione.

a) LAERT. L. III. f. 8. et Comm. ad h. l.

b) Vid. quae de Demosthene habet LVCIVS in eius eleg. circa fin.

c) LAERT. l. c.

d) L. III. f. 37. 46.

e) Illam amabat Speusippus, vid. ATHEN. L. VII. p. 279. L. XI. p. 546. De Axiothea vid. LAERT. L. III. f. 46. L. IV. f. 2. THEMIST. Orat. XXIII. OLYMP. p. 588. MENAGIVS Hist. mul. phil. §. 46.

f) Feminas Platonicas enumerat MENAGIVS l. c. et FABRICIVS Bibl. Gr. Vol. II. p. 69.

nis discipulis secta, per varios casus et discrimina multasque vicissitudines ad recentiora vsque tempora durauit, et innumeros fere sectatores naeta est^g. Tanta cum gloria emerit Plato, mirum non est, aemulationem atque inuidiam, certam semper eius comitem, aduersarios ei multos atque obrectatores excitauisse. Quam alieno enim ab eo fuerint animo reliqui Socratis discipuli Xenophon, Antisthenes, Aristippus, Aeschines, Phaedo, supra iam ex parte meminimus, tangitque hanc inimicitiam LAERTIVS^h. Neque tamen par pari referre desistebat Plato, quem non minori aemulatione pressisse Xenophontem, vel ex eo satis manifestum est, quod inter tot collocutores Dialogorum ne semel quidem Xenophontis nomen expresse-rit, scripseritque sicut Xenophon, symposium, Socratis apologiam et commentarios morales. Quod si ATHENAEOⁱ fides habenda esset, malignum prorsus erga Phaedonem probauisset animum; ait enim, coram iudicibus egisse Platonem, vt eum in seruilem conditionem detruderet iterum, ex qua Socratis beneficio liberatus fuerat: fraude tamen patefacta consilium mutauisse. Verum quam suspectus in eiusmodi obrectationibus philosophorum referendis Athenaeus sit, saepius iam monuimus, nec haec cum laudata aliis probitate Platonis conueniunt. Ex Antisthenis vero discipulis, grauem obrectatorem naetus est Diogenem Cynicum; qui vt erat oris audacissimi, et allatrando virtute nemini secundus, Platonem speculatiuis disciplinis operam nauantem acerbè irritit, et de ideis differenti amare illudit^k. Mirum itaque non est, graues inde Platoni enatas fuisse calumnias, et imputationes odiosas, de quibus sequenti paragrapho dicemus: nam nec Comici ei parcebant, quorum satyrarum in Platonem specimina conseruauit LAERTIVS^l, vt ab ATHENAEO^m notata taceamus. Quosdam ex aduersariis Platonis indicauit etiam IONSIUSⁿ.

*Inimici et
aemuli.*

§. X. Ex dictis sponte patescit, magnam fuisse Platonis gloriam, *Virtutes et
multamque eum laudem fuisse consecutum, cuius argumentum esse potest, vitia obiecta.* quod SPEVSIPPVS librum scripserit de laudibus Platonis^o. Et nec instituti nostri limites nec scriptionis modus patiuntur, ea afferre elogia, quae apud veteres et recentiores innumeris in locis ei tribuuntur, et in quibus supra modum eum euexit ad superstitionem vsque excrescens veneratio^p. Nec negandum, fuisse Platoni cum ingenii tum animi dotes praestantissimas, quas vero tantopere euehi, quantum encomiastae Platonis solent, absurdum est, et veritati contrarium. Et continentiam quidem atque castitatem maximopere laudant, quod coelibatum ad vitae finem sobrie casteque co-

Mmm 3

luerit:

g) Catalogum Platoniorum et Academicorum contexuit FABRICIVS l. c. p. 92. LEON. COZZANDVS de magist. antiq. philof. L. I. c. 9. quibus aliquos addidit cel. HEVMANNVS Act. Phil. Vol. III. p. 903 seqq. ex quorum tamen numero delendus est Euclides geometra, quem Platonium facit VALERIVS MAXIMVS.

h) L. III. f. 33 seqq.

i) L. XI. p. 507.

k) L. VI. f. 53. conf. Hist. de ideis sect. I. §. 9.

l) L. III. f. 26.

m) L. X. XI. XII.

n) Hist. philof. L. I. c. 10. p. 43. 46. c. 13. p. 68.

o) IDEM l. c. p. 48.

p) Vid. quae collegit THOM. POPE-BLOUNT, Cens. celebr. vir. p. 26. TOB. MAGIR. Eponymol. crit. p. 670. Vna FICINI dedicatio operum Platonis ad Laur. Mediceum luculentum exemplum est Platomaniae.

luerit^q; cibum, aiunt, in die semel cepisse, et si bis caperet, parcissime id fecisse: dormiuisse solum, plurimumque contrariam isti viuendi rationem improbauisse. Grauitatis adeo sibi semper aequalis fuisse dicitur, vt, narrante SENECA^r, iuuenis ex eius disciplina, vbi patriae redditus parentem concitatori voce loquentem audiuiisset, nunquam se hoc apud Platonem vidisse affirmaret. Iram ita cohibuit, vt cum seruo iratus tunicam ponere et scapulas praebere iussisset, et irasci se sensisset, manum suspensam detinuerit, percussuro similis, vt poenas a se exigeret^s; qua propter paulo ira commotior, a poena seruis irroganda abstinuit, ne modum excederet^t. Humanitatis iucundum exemplum narrat AELIANVS^u, in Olympico certamine in ignotos incidentem mira affabilitate eos cepisse, eosque etiam Athenas venientes humanissime excepisse: qui cum ab eo peterent, vt ad Platonem in Academiam ipsos duceret, tantum virum vt cognoscerent, tum demum, se eum esse, affirmauisse, et ita insolitae humanitatis exemplo maximam illis admirationem excitauisse. Sed et alia, quae in laudem cedunt Platonis, veterum nixi testimoniis PLVTARCHVS^x et LAERTIUS^y memorat: Monuisse discipulos e schola discedentes, vt otio ad res honestas uterentur, improbauisse ludentes tesseras, ebrios et iracundos et monuisse, ne quis vnquam vsque ad ebrietatem potaret; somnum immodicum ei displicuisse, veritatem iucundior omnibus fabulis habuisse, laborem otio praetulisse, philosophiam verum animi firmamentum habuisse, cetera ornatus causa tantum addita; conuiuia instituisse frugalia, et philosophica, et a luxu iuuenum nobiliorum animos reuocauisse. Et vt verbo dicamus, effecisse, vt saniori iudicio praeditis solus omnium instar Athenientium esset. His animi praestantissimi moribus ingenii diuini et humanam conditionem superantis magnitudinem admiratores Platonis adiiciunt, eumque reliquis omnibus philosophis post se relictis, propius ad diuinitatem cognoscendam euolasse contendunt, quod ei gloriosum nomen peperit, vt diuinus diceretur^z. Neque defuerunt autem, qui multis quoque nominibus eum reprehenderent. Refert enim SENECA^a: obiectum Platoni esse, quod aliter loqueretur, aliter viueret; quod licet, per malignissima capita et optimo cuique inimicissima factum esse, dicat, non audet tamen totum negare, sed eo tantum excusat, dixisse, non quemadmodum ipse viueret, sed quemadmodum viuendum esset. Tristitiam vultus et affectatam grauitatem obiecere ei Comici, inter quos Amphisc^b:

*Aliud nil potes quam moerere, mi Plato,
Et fronte semper corrugata ut cochlea.*

Nec

s) SVIDAS in Plato T. III. p. 124. qui ne semel quidem corporis coniunctionem veneream tentasse scribit. Ceterum quae hic habet STANLEYVS p. 309. nec se inuenire potuisse citatis ab eo locis monet OLEARIUS ex FICINI vita Platonis desumpta sunt.

r) De ira L. II. c. 22. s) Ibid. L. III. c. 12.

t) Ib. LAERT. L. III. f. 38. 39. VAL. MAXIM. L. IV. c. 1.

u) L. IV. c. 9. x) De fort. et in Sympol.

y) L. III. f. 38. 39. 40.

z) AVGVSTIN. de Ciu. Dei L. VIII. c. 12.

a) De vita beata c. 18.

b) LAERT. L. III. f. 26.

Nec id negant sectatores, sed in laudē ponunt, eum in vita nunquam risisse ^c. Calumniarum et perfidiae eum insinulasse Athenaeum, ex iis quae de Phaedone ex illo retulimus, patet. Iungit is factum atque superbiam, quam illi quoque exprobrauit Diogenes. Imprimis vero castitas Platonis in suspicionem adducta est. Culpabant enim eum inimici, et obiiciebant, quod amore praepostero Astera, Dionem, Phaedrum Alexidem, Agathonem et Archaeanaßam Colophoniam meretricem amplexus fuerit ^d; quae causa quoque fuit, cur Antisthenes, contemptu Platonis irritatus, dialogum in eum componeret, quem turpi Sathonis nomine, allusione ad Platonis nomen facta, insigniuit ^e. Cuius criminationis causa arcessenda est, partim a conuersatione Platonis cum iuuenibus animi elegantia et corporis venustate conspicuis, quam, more Socratico, quaerebat; partim, ab epigrammatis variis, quae ei tribuuntur, et quibus in pueros et puellas parum caste lusisse dicitur, quorum aliqua nobis seruauit LAERTIVS ^f. Quae si genuina sunt ^g, id saltem probant, multum a philosophi grauitate recessisse Platonem, cum haec scriberet ^h. Vnde et a Dicaearcho grauitate ideo reprehensus dicitur TVLLIO ⁱ. Idem conuicium ob Symposium eius, ubi de amore agit, recte in Platonem conluci, vrget PHILO ^k, qui totum illud conuiuium impendi monet *amori, non illi, quo viri in mulieres insanunt, aut hae in viros, sed quo viri in masculos aetate tantum minores. Addit his: Si quid ibi de amore venereque coelesti dictum videtur elegantius, pro condimento modo est additum, caeterum maiorem partem vulgaris et promiscuus amor occupat, fortitudinem, virtutem bello paceque utilissimam tollens e medio, et pro hac morbum muliebrem inducens in animum, et homines reddens androgynos, quos oportebat potius exerceri omni contentione ad confirmandum robur tam corporis quam animi.* Quae postea latissime exequitur, et damna amoris masculi prolixè enarrat. Haec Philo alter Plato habitus, totusque eius in aliis capitibus amore captus. Quod iis Platonis potest opponi, qui, quaecunque de amore Plato dixit, cum FICINO ^l de amore puro et coelesti explicant ^m. Certe ita haec visa sunt comparata magno VOSSIO ⁿ in laudes licet Platonis alias satis effuso, vt specimen sint gentilium iusto Dei iudicio caecorum, cupiditatibusque suis relictorum, vt in omne libidinis genus irruerent. Quod itaque pro excusando Platone dici potest, eo redit: epigrammata non fuisse ab eo scripta, sed a petulanti Aristippi, vel quisquis auctor fuit, libelli, *de luxu veterum*, calamo profecta ^o. Accommodasse se more Socratico Platonem indoli Athe-

c) OLYMPIOD. l. c.

d) ATHENAEVS L. XI. p. 507. LAERT. L. III. f. 26. TZEZES Chil. X. hist. 356 seqq.

e) LAERT. L. III. f. 35. ad quem locum videndus MENAGIVS.

f) Lib. III. f. 29.

g) De eo vero non dubitabat APVLEIVS, qui Latina quaedam fecit l. c.

h) Certe hoc inde sequitur, peius scripsisse quam vixisse.

i) Tusc. Qq. L. IV.

k) De vita contemplatiua Opp. p. 898.

l) In argumento Sympotii.

m) Ita BESSARIO contra Trapezuntium, calumniatorem Platonis.

n) De idololatria gentili L. I. c. 4. p. 25.

o) Ita quidem FICINVS in vita Platonis, qui Aristippum inculcat; sed non posse hunc librum Aristippum auctorem habuisse, supra probauimus.

Atheniensium amore puerorum infanientium, et ita licentiosius scribendo traduxisse ad meditationes philosophicas, eandemque eius cum iuuenibus conuersationem mereri apologiam, quae pro Socratis innocentia fieri solet. Nec temperamentum quoque tetricum atque austerum Platonis pati, ut verisimile credatur, eum in hac re peccasse. Non negamus, nobis hac in re Platonis innocentiam non valde esse suspectam, fatemur tamen, ita argumenta eorum, qui Platonem insimulant, instructa esse, ut non omni veri specie careant. Quia vero incerta pro certis sequi in infamia magni viri asserenda et impium et inconsultum est, praestat saltem iudicium cohibere, quam calumnia onerare philosophum. Ceterum quod ad ingenii vires atque facultates attinet, valde veremur, ut acuti iudices inueniant, quod in eo laudant, qui caeca eius admiratione ducuntur. Iudicii enim defectum passim regnare, et imaginationis vim, sine iustis limitibus se passim efferre, animum vero ad superstitionem inclinasse, totus philosophiae Platonicae habitus, et regnans in ea fanaticismus luculenter confirmat; et vel hoc solum argumento rei est, quod deserta sobria Socratis philosophandi ratione ad *τερητολογίας* Pythagoricas, et nugae ingenii, abstractionibus et distinctionibus soliditatem quaerentes et ostentantes defecerit, et systematum toto coelo inter se diuersorum harmoniam instituerit. Qui characteres ^p ut mediocre iudicium produnt, ita diuinitati ingenii, quam tanta confidentia ei tribuere affectae, contradicunt, et ex albo maximorum philosophorum Platonem delent ^q.

*Auctoritas in
republica et
apud Principes.*

§. XI. In illud vero omnes eruditionis vires conferebat Plato, ut iuuenes formaret philosophiae beneficio eximios atque doctos, et reipublicae olim administrandae futuros idoneos: quem in finem dialogos quoque suos conscripsit. Ab ipsa vero gerenda republica prudens abstinuit, maxime quod Draconis et Solonis leges, quibus vivebant Athenienses, improbareret: id quod ab utroque sancita ^r cum Platonis republica conferenti mirum non videbitur. Plato enim ad naturalem potius statum, quam civilem, qualem leges Solonis temperauerant, respexit, animumque notionibus Pythagoricis, et idea reipublicae philosophica imbutum habuit. Vnde etiam aequalitatem in ea quam maxime requirebat: quod Arcadibus et Thebanis luculenter probauit ^s. Cum enim fama eius indies incrementa caperet, et ad eorum quoque aures pertigisset, legatos ad eum miserunt, qui orarent, ut ad instituendos philosophiae praeceptis iuuenes, et ordinandam legibus rempublicam, quam nuper condiderant, ad ipsos accederet. Valde vero delectatus

mus, etsi certum sit, in eo non Platonem tantum, sed et Socratem. Xenocratem aliosque philosophos amoris puerorum insimulatos esse. Sed vericulos, qui sub Platonis nomine occurrunt, inde desumptos esse prius probandum est.

^p) Conf. Act. philos. Vol. I. p. 196. Amoenit. lit. T. VII. p. 513.

^q) Praeter adducta culpae etiam auctor. hist. erit. philos. P. II. c. 20. p. 197. ingratitudinem er-

ga praeceptores, laudum cupiditatem, voluptatis et commoditatis inter Siculos studium, et diligentiam in obscurandis suis. Valde vero timeamus, ut haec omnia probari queant, si laudis studium et obscuritatem quaesitam excipias: quam tamen a Socrate et Pythagora accepit, et ad securitatem systematis quasi sui, adhibuit.

^r) Conf. MEYERSSII Themis Attica.

^s) LAERT. L. III. f. 23. AELIAN. L. II. c. 42.

lectatus fuit Plato ista inuitatione, sic vt obsequi vellet; cum vero legatos interrogasset, quemadmodum ad aequabilem partitionem omnium rerum essent affecti, et comperisset eos ab ea vehementer abhorrere, neque, vt hanc susciperent, persuaderi posse, noluit eo proficisci, sed familiarem suum Aristonymum, misit. Idem fere cum Cyrenaeis factum esse (hoc enim a priori distinguendum esse, secus ac putat MENAGIVS ¹, diuersae circumstantiae iubent) narrat PLVTARCHVS ²: leges a Platone ciuitati suae praescribendas postulantes, repulsam tulisse; dicente, difficile esse leges praescribere hominibus rebus laetis ac prosperis vtentibus, ac nihil esse tam petulans atque ferox et imperio reluctans, quam hominem rebus secundis fruentem. Probe enim videbat Plato, imaginariae reipublicae intentus, istam rerum omnium communionem, quam omnibus ciuitatum malis mederi posse credebat, inter homines rerum affluentia potentes, et maxime inaequales introduci non posse. Aliam itaque ordinandi ciuitatem rationem Platonem iniisse oportet, si vera sunt, quae alibi PLVTARCHVS ³ refert, Syraculsiis, eiecto tyranno, leges condidisse, vt et Cretensibus leges, Magnesia condita, libris duodecim digestas misisse; Eleis vero Phormionem, Pyrrhaeis Menedemum familiares suos misisse, ordinandae reipublicae causa. Forte et hoc politicae Platonicae adscribendum est, quod discipuli eius Dio Siciliam, Pytho et Heraclides Coty interfecto Thraciam a tyrannide liberauerint, nam id diserte Platonis doctrinae de republica atque de legibus adscribit PLVTARCHVS ⁴. Gratosus tamen apud principes quoque viros, ipsosque reges fuit, imprimis apud Archelaum regem Macedoniae et Perdiccam, cui Philippum Macedonem commendauit, eumque consiliis ita instruxit, vt firmando postea imperio par esse posset ⁵. Imprimis autem Dionysio Siciliae tyranno se commendauit, maximaque apud eum auctoritate viguit, ter in Siciliam profectus. Quae itinera et mora Sicula cum non leuis historiae philosophi pars sint, ex qua animi eius character potest disci, paucis eam, prout ipse in epistolis ⁶, et post eum PLVTARCHVS ⁷ et LAERTIVS narrauerunt, exponemus. Ter vero in Siciliam Plato nauigauit, primo vt insulam et Aetnae craterem videret, quod iter in quadragimum aetatis eius annum incidit: ad quod suscipiendum nullo humano consilio, sed diuina fortuna, Deo tyrannidis euerfionem moliente, excitatum fuisse, scribit PLVTARCHVS ⁸, quia Dioni Plato eiiciendi tyranni et liberandae patriae occasionem subministravit. Regnabat autem tum Syracusis Dionysius maior, Hermocratis filius, qui Dionem iuuenem ingenii ad discendum aptissimi et ad virtutis praecepta accipienda celerrimi assuefactum ad vitam incertam et obnoxiam metui, abiectis moribus, luxuque et voluptatibus, educari curauerat. In hunc incidens Plato, cum vrbis Syracu-

¹) Ad l. c. LAERTII.

²) Ad princip. inerud. init.

³) Aduersus Coloten L. III. p. m. 415. AELIAM.

L. II. c. 42. LAERT. L. III. f. 23.

⁴) l. c. conf. MENAG. ad LAERT. L. III. f. 16.

⁵) ATHENAEVS L. XI.

⁶) Ep. VII. Tom. II. p. 323.

⁷) In Dione T. V. p. m. 648.

⁸) l. c.

racufanae luxum, voluptates, commestationes et peruigilia vehementer ei displicerent ^d, nactus eum est discipulum a prauis Siculorum moribus reuocandum. Neque Dio praeceptoris spem fefellit, quamprimum enim philosophiam ad virtutem ducentem degustauit, celeriter animo flammam concepit; cumque eodem modo affici Dionysium posse, speraret, magno studio effecit, ut is cum Platone colloqueretur. Quo in colloquio cum Platone de virtute et tyrannide differuisset, et quam misera iniustorum vita esset, ostendisset, tyrannus sua vitia perstringi intelligens ^e, vehementer ira in eum exarsit, adeo ut inconsulta Platonis loquendi libertate offensus, de eo necando cogitaret. Dio itaque, qui male ita consultum Platoni esse obseruabat, maturauit eius in Graeciam reditum, eumque in triremi, qua Pollis Lacedaemonius dux, legatus ad Dionysium in patriam remeabat, dimisit. Dionysius autem occulte cum Pollide egit, ut inter nauigandum Platonem vel interficeret, vel venderet: id quod etiam ab illo in Aegina insula, cuius incolis bellum tum erat cum Atheniensibus, factum est ^f: idque peculiari Aeginetarum decreto euenisse, quidam volunt, quod nemini Atheniensium insulam adire permitteret. Alii aliter narrant, et iocos quoque referunt, ut solent huius generis historiae eiusmodi confictis circumstantiis ornari, ut iucundiores euadant ^g. Plato itaque ab Anniceride Cyrenalco ^h philosopho XX. vel, ut alii tradunt, XXX. minis redemptus, liberque domum dimissus est ad necessarios, nec ab his pecuniam statim reddere paratis, accepit, non eos solos esse, inquit, ad quos Platonis salus pertineat. Narrant Pollidem a Chabria victum et paulo post prope Helicem submersum, a daemone irato fuisse euersum, ob illatam philosopho iniuriam ⁱ. Dionysius autem, re cognita literis Platonem orauit, ut famae suae parceret, cui respondit Plato, sibi quidem id otii philosophiam non indulgere, ut Dionysii possit meminisse. Dio vero Platonis stimulis et praeceptis ad virtutem vehementer instigatus, luxu et voluptatibus reiectis, cum secundum virtutem viuere instituisset, alios quoque, qui in perditissima Dionysii familia vivebant, ad idem virtutis studium excitauit. Spe itaque nixus, fore, ut et iunioris Dionysii animum caperet, virtutem ei assidue commendauit, et Platonicas subinde sententias admiscuit. Qua re factum, ut magno is incenderetur desiderio, noscendi Platonem. Quare sollicitatus vehementer Plato literis tum a Dionysio, tum a Pythagoreis in Sicilia degentibus perscriptis, ut Syracusas veniret, et principem ad luxuriam opibus suis inclinatum regeret, tandem expugnatus, metuens, si recusaret, ne ignaua opera, verbis tantum philosophari videretur, speransque praecipua parte perpurgata afflictis Siciliae rebus medelam allaturum se esse, tandem cessit. Inductum, ait LAERTIUS ^k, Platonem pollicitationibus

DIOSCORIDIS

d) Ep. III. VII. 1. c.

e) LAERT. L. III. f. 18. PLUT. 1. c.

f) LAERT. 1. c. f. 19.

g) Ibid.

h) Distinguendum hunc a iuniore Anniceride, supra euicimus.

i) Ita sine dubio Platonis discipuli, ut inuidiam Dionysio et Pollidi conflarent.

k) Lib. III. f. 21.

Dionysii, quibus locum et populum ei obtulerat, ut nouam; quam meditabatur, politiam, instituere posset, ob quam quoque ei causam ambitionis crimen obiecit *ATHENAEVS* ¹. Nec id veri specie carere, ea, quae supra de consilio eius in condendis legibus diximus, suadent. Interea vero Dionis aduersarii Philistum exulem, tyrannicis sententiis imbutum reuocare in patriam Dionysio suadebant, ut haberent, quem Platonis philosophiae apud principem opponerent. Delatus in Siciliam Plato magno honore, regioque curru exceptus est, rege ipso sacrificia pro aduentu eius obeunte. Et mutata repente in aula omnia; modestia in conuiuio regnans; regis benignitas, philosophia ab aulicis coli coepta, magnam emendationis spem promittebant. Philistus vero, et qui ei adhaerebant, ne Platonis nimia apud regem fieret auctoritas, metuentes, ad accusandum Platonem et Dionem conspirauere, et ita in Dionem Dionysii animum accenderunt, ut eum lembo iniectum ad triremem deduci et in Italia exponi iuberet: qua sententia Plato cum reliquis Dionis amicis vehementer perturbatus est, veritus, quod fama quoque ferebat, ne et ipse de capite periclitaretur. Dionysius vero, humanissime eos tractabat, Platonem confirmabat, et, ut apud se maneret, rogabat, amicitiae vero specie in ipso palatio adeo arte eum custodiebat, ut nemo ad illum, ipso nesciente, accedere posset: multum vero interim sermonibus Platonis capiebatur. Tandem exorto bello Platonem in patriam dimisit, reuocandum, uti promiserat, cum Dione, quam primum pax subsequuta fuisset. Plato interim Dionem Athenis philosophiae praeceptis imbuuit, effecitque, ut nihil aduersus Dionysium moliretur. Qui Athenis comparata domo et Platonem diligenter audiebat, et amoeno Speusippi ingenio, quod ei Plato commendauerat, oblectabatur, ludisque publicis suis sumtibus institutis sibi gloriam Platonique fauorem populi parabat. Dionysius vero pulsi Platonis ignominia motus undiquaque philosophos ad se vocauerat; et cum iis disceptando sapientiam iactauerat; istis vero non exsatiatus subito desiderio correptus est, reddi sibi Platonem, pace interim facta. Tum vero recusare Plato, et senectam excusare, obicere etiam promissum de Dione restituendo falsum. Archytas vero Tarentinus et Pythagorici alii, instigante tyranno, eo tandem animum compelli passi sunt, ut Platoni scriberent, venire tuto eum posse; seque fidem interponere. Ipse Dionysius scriptis literis eum inuitauit, et triremem vittatam cum Archidemo Platoni amicissimo, qui eum arcesseret, misit: vxore et sorore Dionis idem cum ipso Dione urgente. Victus itaque tot amicorum precibus, tertia vice Syracusas petiit, quem aduenientem albis quadrigis Dionysius excepit, aurigamque ipse egit ^m. Et laetus quoque Siculis aduentus Platonis fuit, qui Philisti odio Dionet Platoni magnopere fauebant, magnamque spem conceperant fore, ut de tyranno philosophia Platonis triumpharet. Ipse Dionysius, omne, quod contra quosuis conceperat, odium metumque exuit, Platonique magnam vim auri obtulit, ex quo *XXC.* talenta accepisse, supra

Nnn n 2

narra-

¹) Lib. XI. p. 507.

^m) Citati.

narrauimusⁿ. Magna ibi in auctoritate vixit Plato, et cum aulae moribus se attemperaret Aristippus, libertatem dicendi sequeretur Diogenes, pecunias appeteret Aeschines, ipse philosophi vultum grauitatemque retinuit, et a moribus aulae abhorruit; quod magnae ei laudi esse iactabant amici et discipuli, Aristippus cathedrarium factum interpretatus est. Neque tamen a Dionysio Plato, ut vel ciuitatem legibus Platoniceis conderet, vel Dionem reuocaret, obtinere potuit, sed dissidere sibi mutuo coepere, clandestinis tamen motibus, omnique ab utroque prudentia adhibita, ne quid suspicionis alteri ciceretur, unde et honoribus Dionysius Platonem, et fiduciae specie Plato Dionysium decipere conatus est: Aristippo tamen, ut erat ingenio versatili, instantem *σύγχεζιν* praedicente, quae etiam euenit. Cum enim reditus Dionis a Dionysio retinerentur, male id habens Plato, mitti petebat, Dionysio, ut maneret, rogante. Quod cum obtinere ab eo non posset, itineris necessarii apparatus ei promisit, Dionis reditus reddere pollicitus, modo maneret. Vix vero portu egressae naues erant, cum promissorum immemor, Dionis bona venderet, Platoni euadendi occasione subtracta. Mox ob intercessionem pro Heraclide ex familiaribus Platonis, qui seditionis militaris auctor ferebatur^o, et libertatem in reprehendendo adhibitam infensissimus ei factus Dionysius, ab aula eum remouit, et extra arcem versantem militibus ei inimicis exposuit, qui falsis rumoribus in eum accendebantur. Coepit itaque de fuga cogitare Plato, et amicis Pythagoreis periculum, in quo versabatur, iadicare: qui legatum Lamiscum cum triremi miserunt, ut Platonem reposceret, quod, Archyta sponse, Plato ad suscipiendam in Siciliam profectionem inductus esset. Dionysius itaque, ut se ipsum excusaret, conuiuio magnifice Platonem excepit, multisque auctum testimoniis beneuolentiae domum remisit. In Peloponnesum itaque Olympicorum ludorum tempore delatus, totius Graeciae in se oculos conuertit: Athenasque redux Dionis, quae gesta erant, narrauit, et ad Dionysium scripsit rationem omnium luculentam reddens. Dio vero vindictam tot iniuriarum, erepta tandem a tyranno vxore animo concipiens, bello experiri in eum statuit, siue Platonis, quod quidam volunt, instigatione^p, quod tamen alii negant^q, siue Speusippi exhortatione compulsus, quod tyranno tandem exitium peperit. Ex dictis iam liquet, Platonem, etli virum magnum et eruditissimum, ingenio tempori aulaeque inseruiente et commodas occasiones captante non fuisse usum, et iuuenibus magis quam viris philosophatum, academiae magis quam Syracusis, scholaeque, quam aulae, seruire potuisse: vnamque, qua pollebat, famam et Dionysii ambitionem, qua philosophiae vindex videri et tyrannidis ignominiam delere cupiebat effecisse, ut tantis honoribus afficeretur.

Obitus.

§. XII. Restitutus itaque et patriae et scholae Plato, sibi Musisque vixit, et in erudienda iuuentute ad senectutem vsque occupatus fuit, quae

fera

ⁿ) Magno aere redemisse tum libros Pythagoricos supra monuimus.

^o) PLATO ep. VII. p. 348.

^p) AELIANVS L. III. c. 17.

^q) PLVT. l. c.

fera ipsi obtigit. Cum enim temperantissime viueret, et natura quoque vires accepisset satis valentes, facile sine morbo ad extremam senectam peruenit, canosque frugalitatis praemium habuit. Senio enim solo extinctum, veteres vnanimi consensu testantur^r. Hermippus apud LAERTIVM^s in nuptiali conuiuio diem obiisse refert, scribentem mortem oppressisse vult CICERO^o. Audiendi itaque non sunt, qui morbo pediculari eum obiisse dicunt^t. Mortuus vero est tertio decimo Philippi regis Macedonum anno, Olymp. CVIII. 1. aetatis vt plerique veterum numerant^u LXXXI. quem tamen numerum illi mutant, qui triennio prius natum Platonem contendunt^w. Et memorabile etiam est, in ipso natali vitae tempus expleuisse, vnde qui LXXXI. annos vixisse tradunt, diuini quid in eo quaesierunt, quod anni climacterici magni mensuram exaequasset. Narratque SENECA^x: *Platoni diligentiae suae beneficio contigisse, quod natali suo decesserit, et annum vnum atque octogesimum impleuerit sine vlla deductione: ideo magos, qui forte Athenis erant, immolauisse defuncto, amplioris fuisse sortis, quam humanae, ratos, quia consummasset perfectissimum numerum, quem nouem nouies multiplicata componunt*^y. Coelibatum quia ad vitae finem accurate tenuit, haeredes quoque non reliquit, sed Adiamantum haeredem testamento scripsit. Produxit illud LAERTIVS^z: quod tamen an genuinum sit, merito dubitauit Is. CASAVBONVS^a; quam ingeniosa enim fuerit in eiusmodi rebus comminiscendis veterum rhetorum diligentia, satis notum esse existimamus. Neque tamen verum videtur, quod APVLEIVS^b vult: *patrimonium in hortulo, qui Academiae iunctus fuit, et in duobus ministris, et in patera, qua diis supplicabat, reliquisse. Auri tantum, quantum puer nobilitatis insigne in auricula gestauit*. Supra enim veterum testimonio accepimus XXC. talenta a Dionysio eum accepisse, magnamque auri summam in quatuor libros Pythagoricos impendere potuisse. Nec probabile est, Dionem, qui in exilio apud eum vixerat, et ex redditibus Siciliae magnos in Athenienses sumtus fecerat^c, Speusippumque bonis auxerat, Platonem reliquisse vacuum, vel ab eo hunc nihil accepisse. Sepultus autem est, non procul ab Academia, vt ait PAVSANIAS^d, vnde LAERTIVS sensu latiori totum Ceramicum Academiam dixisse censendus est,

Nnn n 3

quan-

^r) SENECA ep. 58.

^s) Lib. III. f. 2.

^o) CICERO de senect. c. 5. Hieron. ad Nepot. de vita Cler.

^t) Apud LAERT. L. III. f. 40. conf. MENAG. h. l.

^u) Citati.

^w) Dictum hac de re §. II.

^x) l. c. Esse vero fabulam ex iis conuincitur, quae de incertis rationibus natalis anni Platonis supra dicta sunt; videturque ideo conficta, vt non minus mors, quam natiuitas humanam conditionem superare videretur. Ceterum audiendi non sunt, qui cum EVSEBIO Ol. CVIII. 4. obiisse, vel cum EUTYCHIO Alex. T. I. ann. p. 288. Alexan-

dro M. superuixisse dicunt. Id ipse EUTYCHIVS p. 267. refutat, vbi eum vixisse dicit tempore Philippi Macedonis.

^y) Produnt ipsae hae rationes, fabellam excudisse Pythagoreos et Platonicos, quorum somnia de anno climacterico vid. apud SALMASIVM pec. libro. TENNVL. ad IAMBlich. in Nicom. p. 129. Voss. de idolol. gent. L. III. c. 20. p. 816. ex veteribus CENSORIN. de die natali c. XV.

^z) Lib. III. f. 41.

^a) Ad h. l.

^b) loc. cit.

^c) P. I. V. T. in Dione.

^d) In Atticis, conf. MEYERSIVS in Ceramico l. e.

Honores post
fata exhibiti.

quando tradit: Platonem in Academia sepultum esse, vbi plurimum temporis philosophando exegerat, videturque hortus ipse, quem possederat in Ceramico ei sepulchrum praeuisse. Quemadmodum vero viuus magnus Plato habitus est, ita post fata adeo non imminuta est eius existimatio, vt potius insolitis honoribus cumlaretur. Statuam ei in Academia posuit Mithridates Persa^e, aram Aristoteles; dies natalis, quod supra tetigimus, a sectatoribus conuiuio celebrabatur^f. Effigies impressa numis, atque ita immortalitati commendata^{ff}. Tanta vero non inter gentes tantum a purioris fidei reuelatione destitutis, sed inter Christicolas quoque Platoniam fuit, vt non deessent, qui locum ei inter beatos assignarent, id quod praeter alios NICOLAVM SECVRV^g et DOMINICVM A SOTO^h fecisse constat, vel primum fuisse, nugarentur, qui apud inferos Christo praedicanti fidem habuerit, atque ab eo ex inferis fuerit liberatusⁱ. Cuius generis nugae quoque sunt Graeca fide omnino dignae, quae audacissimi in struendis mendaciis Graeci confinxerunt, repertum tempore Constantini M. et Irenes cadauer Platonis cum tabula aurea in pectore, cum inscriptione: *Christus ex virgine nascetur, in quem ego credo; at sol tu me iterum aspicias sub Constantini imperio et Irenes*^k. Fuere vero Platonēs, vti supra dictum^l plures; a quibus tamen noster nominis et eruditionis celebritate facile distinguitur.

Scripta et
scribendi ratio.

§. XIII. Scripsisse in iuuentute Platonem dithyrambica, melica, heroica et tragoedias, et epigrammata quoque nonnulla, supra memorauimus, hoc vero loco ideo notandum est, quoniam ex eo ratio stili Platonis et natura dictionis, quam adhibuit, intelligi potest. Eam vbique apud veteres et recentiores laudar^m videas, et imprimis apud CICERONEMⁿ, qui tantopere non eruditionem modo, sed et orationem eius extollit, vt omnibus anteponendum et non satis laudandum contendat. Notumque illud veterum de Platonis dictione iudicium, Iouem, si Attice loqui vellet, non alio, nisi Platonis sermone vsurum^o. Ideam vero dictionis eius inter prosam et poëticam mediam esse, iam Aristoteles, accuratus iudex notauit^p. Et si enim abest a versu, incitatus tamen fertur, et magnis sermonis vtitur luminibus, ideo non procul abesse a versus ratione et structura veteribus visus^q. Et haec ratio est, cur grauitatem Platonis, ad magnificentiam quandam, et plus quam poëtarum progredientem, comite praeterea vbertate et copia, et, qua reliquis omnibus antecellit, suauitate atque gratia, maximopere dicendi

e) Phauorinus apud LAERT. l. c. MEVS. l. c. dedicata autem erat Musis, vt solebant.

f) Auctor vitae Aristot. conf. Otium Vindel. Mel. III. §. 8. p. 268.

ff) Talem numum ex vna parte Platonis, altera Augusti effigie insignem pec. diff. explicuit CAR. PATINVS.

g) Plato beatus, siue de salute Platonis pia contemplatio, Ven. 1666. 12. conf. Act. philosoph. Vol. III. p. 243 seqq.

h) De iustitia et iure Lib. II. q. 3. art. 5.

i) Conf. LEO ALLATIVS de libris eccles. Gr. p. 259. 274. BARTHIVS ad AENEAE GAZ. Theophrast. p. 153.

k) Vid. FABRICIVS Bibl. Gr. Vol. II. p. 40.

l) §. III.

m) Passim, vid. Orat. c. 3. de officiis L. I. de legibus Lib. II. III.

n) Conf. VALESIVS ad AMMIANVM Lib. XXII. c. ult.

o) Apud LAERT. Lib. III. §. 37.

p) CICERO Orat. c. 20, THEMIST. p. 319. Orat.

cendi artis iudices extollant ^p. Et negari quoque nequit, Platonem, vbi dialogi vestigiis insistit, plane incomparabilem esse, et iucundissimum; cuncta ibi ad characteres personarum exacta, prooemia apta et iucunda, series et corpus totum disputationum belle attemperatum, suus cuique locus et decor, et mores tributi, descriptiones locorum elegantissimae, viuisque quasi coloribus depictae, quae omnia dialogorum iucunditas, cuncta minutis et elegantibus particulis atque membris, partiens, et interrogationibus atque responsionibus efferens, admirabili artificio ornat. Dictio insuper satis clara, quantum argumentum, saepe metaphysicum et mathematicum patitur, et instar aquae profluentis pellucens. Flos ideae sermonis et dicendi generi accommodatus, tempestiuusque, et imprimis, vbi violarum in morem humi quasi repit, et tenue atque simplex orationis genus sectatur, fragrantissimus: compositio locutionis simplex et dulcedo, neque loquacitatem neque pompam redolens. Quam dicendi temperiem et artem partim a Lyfia, partim a Socrate habuisse, non inepte critici ^q coniiciunt. Alius tamen Plato a semetipso, sibi prorsus dissimilis, vbi sublime dicendi genus sectatur, et ornatiùs atque vberius loqui magno impetu conatur, vbi ingenium poetica licentia turgidum, dithyrambicum ^r et tragoediam spirans adeo redolet, vt hoc ipsi vitium a iuuentutis institutione et studiis adhaesisse manifeste appareat. Quapropter erudite quidem, ast acerbe eum notauit nobilis et eruditus veterum criticus DIONYSIVS HALICARNASSEVS ^s, et ante eum Demetrius Phalereus, qui sumtuosiorẽ istam et insolentiorẽ magnificentiam ferre non potuerunt, et in eo reprehenderunt, quod in vertenda et mutanda dictione, quasi tempestate quadam iactetur, in fingendis vocabulis ineptus, durus in translationibus, nec satis retinens similitudinis appareat, nec in allegoriis modum feruet vel rationem temporis et loci. Addit iudicii laude insignis rhetor: *nunquam sibi probatam esse eius adiectorum nominum inconcinnitatem, minimeque eum placere, cum se politicis rebus interposuit, laudationesque et inuectiuas, accusationes et defensiones conscripsit. Tunc enim fieri alium a se ipso, et dedecori esse philosophiae, valereque de his Platonis scriptis illud, quod apud Homerum Veneri Iupiter dixit:*

Ἦν τοι, τέκνον ἐμὸν δέδοται πολεμῆϊα ἔργα
Ἀλλὰ σύ γ' ἡμερόεντα μετέρχεις ἔργα γάμοιο.
*Non tibi, nata datum tractare negotia belli,
Sed dulces thalami res, et connubia capta.*

Haec Dionysius, qui ea postea Phaedri exemplo probat, ibique alia neque
accura-

^p) Ex multis videndi FR. VAVASSOR in eleganti tract. de dictione ludica c. III. p. 9. Opp. et NIC. CAVSSINVS de eloq. S. et hum. L. I. c. 69. p. m. 67. qui etiam Platonem cum Cicero-
ne comparat.

^q) Citati.

^r) Hoc nec ipse negauit Plato, sed veniam exorauit, et honesto nomine praetexit culpam, cum se afflatum diuinitus dithyrambos fundere diceret.

^s) In Epist. ad Pompeium T. II. Opp. p. 229 seq. ed. Wechel.

accurate neque presse et subtiliter dicta, alia puerilia et frigida, alia inania; nulla re subiecta utili et suavi, alia dithyrambica et audaciora et licentiora dicta esse demonstrat^{d)}. Quae ideo paulo prolixius adducenda fuerunt, ut de Platonis ingenio, cuius plerumque sermo index est, rectius queant iudicare, qui non ex vnius Ciceronis auctoritate, Platonis amore et admiratione nimis saepe ducti, sed ex ipsa Platonicae dictionis ratione illud nosse cupiunt. Vti enim in sermone se exhibuit, ita quoque in doctrina; multo melior futurus, si cum Socrate intra officinas, et in conuiujs, et rure de rebus moralibus differuisset, quam ubi cum Pythagora de rebus naturam et intellectum hominis transcendentibus sublimis fertur, seque ipsum fere amittit. Methodo vero dialogistica scripta sua Plato concepit, quam a Socrate, vel etiam ab Eleaticis, uti supra memoratum est, mutuum accepit. Est vero dialogus, definiente ALBINO in *introductione in dialogos Platonis*: *sermo constans ex quaestione et responsione de rebus civilibus vel philosophicis, ita ut mores decentes tribuantur personis assumtis et congruent adhibeatur orationis compositio*. Quemadmodum vero argumenta istorum colloquiorum diuersa sunt, ita variis quoque generibus et characteribus inter se dialogos distinxerunt veteres, et alios phyllicos, alios logicos, alios ethicos, alios politicos, alios elenchticos, alios pirasticos, alios maeuticos^{e)}, alios anatrepticos esse notarunt, prout vel naturalem, vel moralem, vel rationalem, vel civilem disciplinam tangunt, et vel conuincunt, vel tentant, vel instituunt, vel confutant, qua de re praeter Albinum audiendus est LAERTIVS. Sunt vero Platonis dialogi, qui extant et genuini sunt, (deperditos enim et dubiae fidei, de quibus consulendus est FABRICIVS^{w)} non moramur,) XXXV. quibus XIII. epistolae Platonis addi solent, quos variis modis disposuerunt veteres. Et Thrasyllus quidem apud LAERTIVM^{x)}, Platonem tetralogias dialogorum, ut Tragici dramatum suorum, edidisse auctor est, qui et ipse in IX. Tetralogias scripta Platonis distribuit, ita ut libri de legibus, itemque de republica, singuli vnum dialogum exhibeant. Aristophanes vero Grammaticus ad trialogias reduxit^{y)}. In his eam Plato methodum adhibuit^{z)}, ut primo declararet, quid sit eorum quiduis, de quo dicitur: deinde cuius rei causa dicatur, an tanquam ad rem primario spectans, an quod simile sit, an ad sententiam defendendam, an aduersam impugnandam? tertio, ut, quod recte dictum sit, demonstraret. Qua in

f) Obseruauit etiam Dicaearchus apud LAERTIVM L. III. f. 38. scribendi characterem in hoc Dialogo nimis esse *φωτεινόν*, id quod OLYMPIODORVS l. c. eo excusat, quod hunc in iuuentute primum Plato scripserit, unde character dithyrambicus in eo obseruetur, conf. MENAG. ad l. c. Laërt. FABRICIVS Biblioth. Graec. Vol. II. p. 13.

g) Eam primus edidit FABRICIVS Bibl. Gr. L. III. c. 2. Vol. II. p. 42 seqq. cum Albini definitione conuenit LAERT. L. III. f. 48.

h) Vox ab obstetricibus et nutricibus desumpta, quae infantem curant, partum promouent, editum curant: hinc dialogi maeutici, quibus ingenia formantur, nutricanturque et fouentur. conf. ALDOB. et MENAG. ad LAERT. L. III. f. 49.

w) l. c. p. 28.

x) Lib. III. f. 56.

y) Conf. STANLEY, P. IV. c. 15. p. 319 f.

z) LAERT. L. III. f. 65.

in methodo tamen magnam attentionem postulat, non tantum ob inductionis, quam plerumque adhibet, difficultatem, sed etiam ob voces atque nomina plurima, quibus longe aliam, quam apud alios scriptores Graecos solet, significationem imposuit, quae qui ignorat, vel negligit, in tenebris magis apud Platonem palpat, quam luce collustratur. Quae causa fuit, ut ex veteribus Boëthius, Harpocratio Argivus et Timaeus iunior, Platonici Lexica Platonica conscriberent ^a, singulares nominum significationes vel etiam diuersa adhibita nomina ad significandam rem eandem, explicantes. Ceterum et ordinem in legendis his dialogis philosophiae Platonicae studiose obseruandum esse contenderunt huius philosophiae doctores, quem tamen, prout vel ipsi, vel discipuli erant affecti varie disposuerunt ^b: ille vero, quem Thrasyllus secundum tetralogias instituit, ab Eutyphrone orditur. Nec ordinis magnopere Plato videtur fuisse studiosus in iis disponendis, passim enim ita eos effinxit, ut temporum rationem nullam haberet, multosque anachronismos committeret. Ita in *apologia Socratis* mentionem facit murorum a Conone instauratorum, post Socratis mortem ^c. In *Parmenide*, hunc philosophum inducit loquentem cum Socrate, quod temporum rationi aduersari iam notauerunt ATHENAEVS ^d et MACROBIUS ^e. In *conuiuio* quoque anachronismos multos obseruauere ARISTIDES ^f et ATHENAEVS ^g. *Phaedrus* autem, qui in dialogo huius nominis cum Socrate confabulatur, huius aetate uiuus esse non potuit, nedum ab illo amari, ut ATHENAEVS ^h quoque notatum est. Idem de *Timaeo* notandum, ut alia taceamus. Quin non solum ad veritatem temporis non attendit Plato, sed nec personarum, quas loquentes inducit; quibus ea assignat, de quibus nunquam cogitarunt. Id de Socrate supra obseruatum est, dixisse illum, cum Lysidem recitari audisset; *proh Di immortales, quam multa de me mentitur adolescens* ⁱ! Idem de Phaedone, Protagora et de Gorgia narrat ATHENAEVS ^j, illum dixisse lecto hoc dialogo: *Platonem optime nouisse ἰαμίζειν, id est, criminari, hunc, recitato Gorgia se nihil eiusmodi vel audiuisse a Socrate, vel ad Socratem locutum esse, eumque vocasse νέον ἀρχιλόχον*. Idem de Parmenide statuendum esse, suo loco docebimus. Magnorum enim istorum virorum nominibus suae philosophiae auctoritatem conciliare voluisse, non est, quod dubitemus: certe victos fuisse omnes, et vel erroris conuictos, vel melius instructos a Socrate, id est, Platone Socratico, ubique videri voluit; vnde si non expressis semper nominibus tacite tamen philosophos refutat, id quod Anaxagorae, Gorgiae,

a) Conf. FABRIC. l. c. p. 41. MENAG. ad LAERT. L. III. f. 63.

b) Vid. ALBINVS et LAERTIVS ll. c.

c) Ol. XCVI. 1. Socrates autem obiit Ol. XCV. 1. Conf. IONSIUS de Scr. Hist. phil. L. I. c. 6. p. 36. 37. L. II. c. 13. p. 281.

d) L. XI. p. 505.

e) Saturnal. L. I. c. 1.

f) Orat. Plat. II. T. III. p. 475 seq. conf. MENAG. ad Laert. L. III. f. 35.

ff) L. V. p. 187. 192. 216. g) L. XI. p. 505.

h) LAERT. L. III. f. 35.

i) l. c. Inde I. C. SCALIGER poëm. p. 13. Vix unum verbum multis e millibus aiunt Quae posuit, de Socraticis exisse fauillis.

Exemplum
dialogorum
Phaedo, et de
eo iudicium.

Editiones
scriptorum
Platonis.

giae, Protagorae multisque aliis factum esse, veteres notant, et alios quoque a Platone traductos esse, e. g. Aristophanem in Symposio, Cimonem, Miltiadem, Themistoclem et Periclem in Gorgia, obseruant: quod occasionem dedit Aristidi rhetori in orationibus Platonice rhetorices, et quatuor horum virorum apologiam scribendi. De ipsa argumenti vero, quod in quolibet dialogo absoluitur, tractatione prolixè agere, institutum nostrum non patitur, paucis multa complexus est FABRICIUS ^k, qui Commentatores quoque nominat, eosque indicat, qui Platoni contradixerunt. Ne tamen prorsus sine symbola abeamus, de *Phaedone*, quem reliquis fere praestantiorē veteres habuerunt, quoque de immortalitate animorum Plato differit, obseruamus, tanti quidem visum fuisse veteribus, vt non tantum Cleombrotus, decantatissimo apud priscos scriptores ^l facinore, de muro se, lecto hoc dialogo, in mare praecipitauerit, sed et Cato Uticensis, antequam mortem sibi conscisceret, ad roborandum animum Platonis prius *Phaedonem* ad lucernam legerit ^m: si tamen recte examinetur, inter pulchre et recte dicta complura, ea quae potissimum argumenti neruum constituunt, satis infelicitè et improbabiler disputari. Nam Pythagoricas hypotheses de animarum praexistētia, migratione, et *ἀυτοκινήσις* supponit, quas qui negat, totam simul disputationem euertit. Vnde nec Aristoteli persuasisse notauit THEODORITVS ⁿ, nec ipse *Phaedo* eum probauit. Primus vero, qui haec Platonis scripta diulgauit, fuit Hermodorus, Platonis auditor, qui ea in Siciliam delata vendidit, vnde prouerbiū enatum: *λόγους Ἐρμόδωρος ἐμπορεύεται* ^o, ad quod alludit CICERO ^p, ex cuius verbis tamen concluditur, vel id non inuito Platone, vel post mortem demum factum esse. Siculi vero isto prouerbio Platonice ingenii diuitiis, diu apud ipsos iactatis illudebant: vnde coniicimus, Hermodorum, fama et fortuna, quibus Plato apud Dionysium et Dionem vsus fuerat, permotum, eo fine scripta eius in Siciliam attulisse, vt iis numos sibi corraderet, sperantem fore, vt non minoris aestimarentur, quam Pythagorici libri a Platone in Sicilia redempti. Post restitutum vero literis nitorem, Graece Platonis scripta collegit et edidit ALDVS MANVTIVS *Ven. 1513. fol.* obstetricante, prout videtur Marco Musuro ^q, qui et in vertendis Platonis dialogis MARSILIO FICINO, Mediceorum hortatu ad hunc laborem excitato ^r iudicium suum interposuit ^s. De cuius versione cum suo loco, ad Platonicos nostri aevi delatis dicendum sit, hic nihil addimus: videndi interim clarissimi viri IO. ALB. FABRICIUS ^t et IO. GEORGIUS SCHELHORNIVS ^u. Alteram versionem debe-

^k) l. c. p. 7 seqq.

^l) Conf. quos fuscè nominat FABRICIUS ad SEXT. EMP. adu. math. L. I. f. 48. et Bibl. Graec. Vol. II. p. 9.

^m) FLORVS L. IV. c. 2.

ⁿ) Therapeut. L. V.

^o) SVIDAS h. v. T. II. p. 458. conf. ERASMVVS Adag. Chil. II. 600. p. m. 539.

^p) Ad Attic. L. XIII. ep. 21.

^q) Is enim elegans carmen in laudem Platonis

praemissit, quod ita Leoni X. placuisse dicitur, vt ab eo non aliam ob causam Archiepiscopus Epidaurensis crearetur. vid. VOSSIVS de poetis p. 84.

^r) Vid. Dedicatio FICINI ad Laurentium Medices.

^s) Primum enim specimen versionis a Ficino sibi exhibitum digitis atramento immerfis, vna litura totum deleuit, indicans, alia opus esse, vid. MENAG. Anti-Baill. p. 157.

^t) l. c. p. 33.

^u) Amoenit. liter. T. I. p. 95.

debemus IANO CORNARIO, tertiam IOANNI SERRANO, qui Platonis scripta ex H. STEPHANI officina nobis exhibuit *Parisiis 1518. fol. III. Vol.* quartam plerorumque dialogorum Gallicam ANDREAE DACIERIO *. Aut multum vero fallimur, aut desideratur adhuc idoneus, tantoque scriptore par interpres. Ficinus enim, qui omnem vitam in Platonica philosophia discenda consumserat, iisque ad hoc opus praesidiis erat instructus, quibus plerique carent, falsis interpretamentis Alexandrinae sectae, quae Platonismum genuinum mentiebatur deceptus, cum a Graecis in Italiam confugientibus non tam Platoniam, quam Plotinianam didicisset philosophiam, et eam quidem Christianae religioni adaptatam non in argumentis tantum dialogorum Platonis mentem deprauavit, sed et in ipsa versione saepiuscule infelicitate expressit, et allegoriarum recentiorum Platoniorum more, mire omnia detorsit: unde, qui Ficini versionem meliorem vocant **, aut falluntur, aut tantum, respectu ad alias minus doctas et fideles habito, intelligendi sunt. Serranus autem, cum Platonem non satis intelligeret, sententiam magis suam, quam Platonis expressit, eiusque verba contempsit, et analysi scholastica peregrinam Platoni faciem induxit ***. Dacierius autem et ipse falso pro Platonis philosophia praedudicio occupatus, expressit, non quod apud Platonem vidit, sed videre cupiit. Sed et dialogos Platonis Persice Chosroës Persarum regis iussu **, et libros de republica Hebraice translatos esse * constat.

Versiones.

§. XIV. Magnum habent enarratae hactenus historiae vitae Platonis circumstantiae influxum in ipsam naturam et constitutionem philosophiae Platonicae, ad quam, quantum instituti ratio permittit, delineandam iam nos ordo deducit. Quod ut accurate fiat, et causas arcanas atque rationes proprias huius philosophiae cognoscamus, simulque conuincamur, quam difficile sit, veros Platonis sensus assequi, generales quasdam observationes, ex praemissa potissimum vitae eius historia fluentes lectori probe perpendendas exhibemus, eumque ad sequentia accurato examine attentum esse iubemus.

Observationes generales de philosophia Platonis, et causis obscuritatis eius.

I. Fastidians Plato sobriam philosophandi rationem, quam Socrates introduxerat, sublato magistro ad alios praeceptores diuertit, et imprimis tum naturali ingenii propensione tractus, tum magna scholae Italicae, eiusque conditoris Pythagorae fama excitatus, ad Pythagoreos, nec sic quidem contentus, tandem ad hierophantas Aegyptios accessit, et eorum philosophandi rationem didicit, inque rem suam vertit, et Academiae intulit. Quod, quo potissimum modo alio longe tramite, quam Socrates solebat, incedere coegerit, postea dicemus. Hic id potissimum in limine monemus, Platonem, cum reliquis, quae, nemine veterum contradicente,

I. Arcana methodus admissa.

O O O O 2

ex

r) De vtraque editione vid. FABRIC. l. c. w) CL. FLEURY diff. de Platon. adiecta libello de studiis instituendis p. 289.
 u) Vnde lepor ille atque gratia summa, qua Graeca nitent, frustra in hac versione quaeruntur. x) AGATHIAS L. II.
 v) LEO ALLATIVS de script. Socratis p. 119. y) Conf. cel. WOLF. Bibl. Hebraeae Vol. I. HET. de claris interpret. p. 289. pag. 984.

Causae eius
rei.

ex peregrina hac philosophia in suam inuexit², arcanam quoque methodum studiumque veram mentis sententiam occultandi transtulisse. Hospes fit, in historia Platonis, necesse est, qui haec ignorat, vel negat pertinacius: nam esse in sua philosophia *λέγας ἀπορρήτους*, quo nomine doctrinam de Deo Platoniam *Προκλῦς* nominat, ipse fatetur. Ait enim in *Timaeo*^a difficile esse inuenire conditorem huius vniuersi, et inuentum euulgare impossibile nefasque esse. Clarius in *Epistolis*^b: *studium in suis philosophematibus edendis utile non esse hominibus, nisi paucis admodum, qui videlicet exiguis ante vestigiis demonstratis, ad inueniendum insi sagaces sint.* Nec id ignotum discipulis et sectatoribus, quos ideo mutauisse callido consilio rationem philosophandi Academicam, et incertitudinem introduxisse de omnibus in vtramque partem disputantem, ut eo magis magistri dogmata celarentur, in sequentibus exponemus. Nec alia mens Platonis post C. N. qui hanc arcanam docendi rationem, uti suo loco demonstrabitur, sacro sanctam custodientes, se Pythagorae atque Platonis moribus et praeceptis prudenter accommodare credebant: unde *Nymenios* Platonico, librum euulgandi occasio enata fuit, *de arcanis et non vulgandis Platonis dogmatibus*^c. Nec obstant his, quae *Olympiodorus* monet^d, et, ex parte vera esse, negari nequit: *Detrectasse Platonem solenne Pythagoreorum iusiurandum, et clausas fores, et: Ipse dixit, volentem se urbanus erga homines praebere.* Nam haec ad strictam tantum Pythagoreorum regulam et sacri silentii peculiares circumstantias pertinent, quibus publico quasi sigillo arcana sua muniuit Pythagoras. Ea vero imitari non consultum erat Platoni, qui si absconditis istis mysteriis haec addidisset claustra, maximam in suspicionem adulteratae religionis publicae apud Athenienses, ad Socratis praecipue discipulos curiose attentos, venisset. Non itaque iuramentum exigebat, non arcebat ab Academia quemquam, non fores claudebat; sed arcana potius ratione dogmata sua celabat, et quaecunque docere et plenius tradere volebat, ita manifestabat, ut non nisi interiori admissione digni habiti possent intelligere. Neque difficile est, causas detegere, quae Platonem ad hanc arcanam philosophandi rationem impulerint. Non enim noua ea erat, sed a multis iam seculis inter philosophantes obseruata, quod prolixè probare eo minus opus habemus, quo magis in iis, quae supra de philosophia et theologia barbararum gentium et Graecorum vetustissimorum fuisse differuimus, hanc arcanam disciplinam ubique accurate annotauimus. Immo nec Ionicos, de causis et effectibus quaerere incipientes, ab hoc occultandi sententias suas studio plane alienos fuisse,

²) Vid. *Porphyrius* vit. Pythag. n. 59. p. 49. *Apuleius* Florid. c. 15. p. m. 350. *Cicero* Tusc. Qq. L. I de fin. L. V. aliique, quorum testimonia adduximus in diss. de convenientia numerorum Pythagorae cum ideis Platonis §. I. *Amoenit. liter.* VII. p. 181 seqq.

^a) T. III. p. 28.

^b) Ep. VII. T. III. p. 341. conf. Ep. II. ad Dio-

nysum, ubi iubet epistolam comburere, quia quae scribuntur, contineri nequeant.

^c) Vid. *Ionsius* de Script. hist. phil. L. III. c. 10. p. 164.

^d) In vita Platonis p. 589. ubi tamen ratio addita notanda est, quae haud obscure innuitur, Platonem se quodammodo ad mores Athenienses seueram vitam rationem exosos composuisse.

fuisse, supra demonstrauius. Et habuit quoque Socrates, in omnia alia quidem cetera in philosophando abiens, quo sua non omnibus propalam enarraret, modum: utebatur enim ironia^e, uti supra diximus, et ad amicos tantum liberius loquebatur: et dialogistica usus methodo disputabat magis contra falsas aliorum opiniones, quam suas confirmabat; nec alio forte fine, se quicquam scire nisi hoc, quod sciret nihil, profitebatur, quam ut securius sua placita laterent. His exemplis usus Plato, Heraclitique philosophandi quoque mori innutritus, quo et ipse adeo cuncta abscondit, ut inde obscurus et tenebrosus diceretur, ad Pythagoreos et Aegyptios accessit, ubi summo in loco arcani disciplina habebatur. Quos cum admiraretur vehementer Plato, ut solent peregrina plerumque videri domesticis meliora et praestantiora, redux domum eandem philosophandi rationem, suis tantum locique et hominum, inter quos vixit, circumstantiis attemperatam, tenuit. Ad quam non exemplo tantum magnorum virorum excitabatur, sed et naturali quoque animi propensione, et imprimis necessitate atque utilitate compellebatur. Tristi enim Anaxagorae, et imprimis carissimi praeceptoris, Socratis, exemplo didicerat, quam periculosum esset, arcana dogmata propalari, et quam caro vitae libertatisque pretio illis constiterit, quod in occultandis placitis suis non cauti satis atque attenti fuerint: cumque nouam de Deo et diuinis philosophiam ex Italia atque Oriente aduexisset, timebat iure meritoque, ne, si ea in vulgus propalam emanaret, aequae tristitia experiretur fata. Tandem et suo exemplo non Pythagorei tantum, sed imprimis etiam Aegyptii sacerdotes Platonem docuerant^f, hac potissimum arte, sua occultandi ad maximam apud non initiatos opinionem eos peruenisse summamque laudem atque existimationem consecutos esse apud vulgum, ea plerumque, quae non intelligit, quaeque latentia magnum quiddam promittunt, humanis maiora putantem. Quibus artibus ut et ipse ad gloriam, quam vehementer appetebat, grassaretur, facile istis exemplis excitari se passus est. Quae cum ita se habeant, mirandum non est, studio magno et singulari industria Platonem suam philosophandi rationem instituisse, ut verae eius opiniones atque placita non cuius paterent, et obscurus esset iis, a quibus intelligi non vellet. Quod cum more Pythagoreo clausis foribus sacrique silentii sigillo facere non posset, alia et quidem magis philosophica ratione exsecutus est, ad quam ipsae temporum quibus viuebat, hominumque, quibuscum conuersabatur, circumstantiae eum inuitabant.

II. Multum nempe tum temporis philosophis ex Socratis schola negotii cum sophistis fuisse, ipsumque hunc praestantissimum virum institutis

O o o o 3

II. Modus occultandi suas
collo-
opiniones.

e) Dissimulandi hanc artem a praeceptore Socrate Platonem accepisse, indeque obscuram et incertam doctrinam suam fuisse, iam obseruauit A V G V S T I N V S de C. D. L. VIII. c. 4.

f) Methodum arcanam a sacerdotibus barbararum gentium callidissimis consiliis adhibitam

fuisse, ut magni apud vulgus fierent, et sapientiae laudem soli tuerentur, Babyloniorum, Persarum, Aegyptiorumque exemplis supra roborauimus, et ad Machiavellicum literarium recte retulit cl. MICH. LILIENTHAL, de Mach. liter. §. XVII. p. 102. conf. Otium Viandel. Mel. I. §. 9. pag. 101.

*Per dialogi-
stam me-
thodum.*

colloquiis eos adortum in ruborem dedisse, in eius historia dictum, hisque in sequentibus additum est, mox post eius mortem scholam dialecticam caput in Graecia extulisse, et magnam sibi famam conciliaffe: reliquos etiam Socratis discipulos dialogis philosophiam a praeceptore acceptam proposuisse. Haec cum eo minus deferenda essent Platoni, quo magis iam, viuo Socrate, eiusmodi dialogos conscripserat, quoue gratiora erant apud Athenienses, et philosophis Socraticis summam laudem comparauerant; in rem suam vertens Plato, ita methodum philosophandi dialogis accommodauit, ut egregie omnia laterent, quae in vulgus emanare nolebat. Id quod periculum rei facere cupienti vel vnus dialogi Platonici instituta lectio abunde probabit. Nunquam enim aperte sententiam, quam tenet, declarat, sed in refutandis potius aliis, quam adstruendis propriis versatur, idque non solum in dialogis, qui gymnastici, et agonistici dici solent, sed in theoreticis quoque et practicis^f. Committit inuicem colloquentes, nec affirmat quicquam, sed verisimilitudinem mox huic, mox illi parti adiudicat, in inductionibus tantopere euagatur, ut tot colloquentium interpellationibus turbatus lector, ignoret fere, quid inferatur. Definitiones vero ex aduersario magis capit, refutandas, quam proprias adstruit, et diuisionibus saepe minutis oculis quasi se subducit^g. Subinde Aegyptiacorum dogmatum memor, fabulas condit, et arcanos sensus sub iis occultat^h, idque agit, quod in epistola ad Dionysium profitetur, ut maxima philosophiae suae custodia sit, nihil scribere sed addiscere; id est docendo potius, quam scribendo suis tradere. Quam incertitudinem late in scriptis Platonis regnantem, pulchre obseruauit CICEROⁱ, qui luculenter: *in Platonis scriptis nihil affirmatur, et in utramque partem multa differuntur, de omnibus quaeritur, nihil certi dicitur.* Id quod nemo mirabitur, qui anfractuosas disputationum ambages artificio singulari sibi inuicem implicatas et innexas, in immensum protracta dissertationis serie cogitat, quae ratio fuit, cur in Scepticorum numero Platonem viri docti referrent^k, et non nudius tertius, sed iam olim de quaestione hac disputaretur: an Plato dogmaticus sit nec ne? qua de re magnum dissensum suo iam tempore fuisse, fassus est LAERTIVS^l. Qui, etsi non inepte monet^m, tum affirmantem videri Platonem, quando ex his quatuor vnum loquentem inducit, Socratem, Timaeum, hospitem Atheniensem, et peregrinum Eleatem, errorem vero refutantem uti Thrasymacho, Callicle, Polo, Gorgia, Protagora, Hippia, Euthydemo et similibus; manifestum tamen est ex ipsis dialogis Socratis personam mentientibus, studiose sua celare Platonem, nec facile eius sententiam deprehendi posse.

III.

^f) Vid. de hac distinctione LAERT. L. III. f. 49.

^g) Potiores Platonis distinctiones enumerat LAERT. L. III. f. 81. et ex eo STANLEIVS P. IV. c. 8. p. 295 seqq.

^h) Hinc diiudicanda, quae Platoni obicit auctor Historiae criticae philosophiae T. II. p. 202. qui ad hos arcanos sensus non attendit.

ⁱ) Acad. Q. q. L. I. conf. Huetiana p. 218. BASNAGE Hist. des Iuifs, T. IV. p. 54.

^k) Ita ex veteribus SEXTVS EMPIR. Pyrrh. hyp. L. I. c. 23. ex recentioribus maxime HVETIVS de la foiblesse de l'esprit humain L. I. c. 14. §. 16. p. 107. conf. ALDOBRAND. ad LAERT. L. III. f. 56.

^l) L. III. f. 51. ^m) Conf. Hist. de ideis Sect. I. p. 30.

III. Vt vero eo occultius lateret Plato, cum solis dialogorum latebris non confideret, alias quoque occultandi sese artes adhibuit. Vt enim taceamus dictionem ad poëticam declinantem, audaciorē et sublimiorem, adeoque non tam perspicuam, vt non difficulter mens queat assequi, quid impropria dicendi ratione in argumento saepe subtilissimo et abstractionibus metaphysicis plerumque constante, Plato sibi velit: ambigue quoque, ex industria saepe numero loquitur, et, quod pulchre obseruat LAERTIVS^m: *nomini- bus utitur variis, vt ne illius opera imperitis et rudibus conspicua sint: et rursus: diuersis utitur saepe significationibus, iisdem nominibus: immo contrarias saepe voces adhibet, ad idem significandum. Id quod in antecedentibus iam tetigimus, et alio loco exemplo memorabili in doctrina de ideis illustrauimus.*

III. *Diffi-
culta ambi-
gua et aliena.*

IV. Accedit his omnibus geometriae studium, quod, modo a Socratis disciplina plane alieno, Plato in Academiam introduxit. Cum enim apud Pythagoreos discipulos mathematicis disciplinis ad philosophiam praeparari obseruauisset, et ipse quoque non sine molestia et labore Cyrenas abiisset ad Theodorum, vt geometriam addisceret, rediens ad Athenienses non aliam scholae formam esse passus est, quam eam, qualem in Italia, et in Aegypto quoque, vbi simile institutum viguisse, supra libro primo probauimus, viderat. Hinc mathematicas scientias, ad philosophiae studium necessarias dixit, vt in sequentibus probabimus, et eos, qui se disciplinae suae tradiderant, istis praeparari voluit. Quod si intra *περοπαίδευμάτων* terminos reliquisset, egregie forte fecisset, laudem reportaturus. Ast ille vitio Pythagorico infectus res physicas et rationes philosophicas in mathematicas, proportionē et figuras, vt Pythagoras in numeros, resoluit, sicque nimia subtilitate effecit, vt abstractiones quaerendo et altius, quam naturae ferebantur, limites, assurgendo et euolando, conspectui tandem se subduceret, et difficillime intelligeretur: qua de re non iniuste conquestus est BURNETIVS^o, et exemplum nobis exhibebit naturalis philosophia Platonis infra delineanda, quae tota proportionibus et figuris geometricis absoluitur. Qua ratione non solum mire philosophiam naturalem corrumpit, sed nouam obscuritatis causam philosophiae suae addidit.

IV. *Mathe-
matica et
imprimis geo-
metrica phi-
losophiae ad-
aptata.*

V. Talis cum fuerit Plato, hancque philosophandi rationem cum sequeretur, mirum non est, eum nimiam subtilitatem sectantem, sibi ipsi tandem obscurum factum esse. Ita enim saepe rationes inducit, vt nimium abstractionibus et notionibus generalissimis insistendo, non intellexisse satis, quid dicere velit, videatur. Cuius rei quidem vitium in legentium iudicium hebes, tantisque acuminibus impar reicient admiratores Platonis; aliter tamen statuent^p, quicunque origines philosophiae Platonicae inspe-

V. *Subtilitas
nimia sibi ipsi
obscura et
non satis con-
sistens.*

^m) l. 63. 64. SVIDAS in *Φαῖλος*.

ⁿ) Hist. de ideis l. c. p. 27.

^o) Archæolog. philos. L. I. c. II. p. 429. c. 13. p. 438. Idem ipsi Platoni obiecerat Dionysius: conf. luculentum locum PROCLI ex L. II. ad Euclid.

quem alibi praetermissum exhibet FABRICIVS Bibl. Graec. Vol. II. p. 385.

^p) Ita etiam PERRAULT paralleles T. III. p. 29. 30. et egregie imprimis BURNETIVS L. c. p. 439. dignus qui legatur.

xerunt. quae ex Pythagoricis magnam partem haustae sunt. Illa enim vagas ideas, et incertas, et subtilitates nullius vel fundamenti vel usus fouere, ad Pythagoream philosophiam delati demonstrabimus, ostendemusque, Pythagoram naturae modulo non contentum, mera diuina et miraculosa quasi sectatum fuisse: quem imitatus Plato, dum ad diuinum intellectum adscendit, et principia mere diuina somniat, eodem morbo correptus, sibi aliisque subtilitate non necessaria defuit: dignus qui a XENOPHONTE ^q, vel quisquis alius auctor est *epistolae ad Aeschinem* culpatus sit, *quod curiosus, neglecta sobria Socratis philosophia, de Diis quaerendo, gloriam de multis intempestiuis ac vanis rebus affectauerit, et Aegypti ac Pythagorae τερατολογίας ac prodigiosae sapientiae amore captus, ad ridicula superciliosus sapientiae professor delapsus fuerit.* Quae ei non ex inuidia, sed ipsa veritate comprobante obiici, totus philosophiae Platonicae habitus atque constitutio euincunt. Tota enim philosophia Platonis, Pythagorae in eo similis tandem ad entusiasmum degenerat ^r, hominemque sibi et naturae suae ereptum, principiis diuinis nullibi nisi in cerebro morosi Platonis, somnia in Italia concepta philosophicis fabulis exornantis exstantibus iungit, et per varia emanatiuorum genera et ordines, fontesque atque formas sensibilibum et intellectualium deducit ad summum ens, eaque τερετίσματα, qua voce ARISTOTELES ^s eius doctrinam de ideis pungit, pro summis sapientiae principiis venditat, quae nec intelligi satis possunt, nec satis intellexit ipse. Qualia inania pariter et obscura somnia cur nobis tanta ingenii subtilitate propinauerit Plato, eleganter nonnemo enarrauit ^t, monendo: *ideo suam sententiam Platonem miris implicuisse ambagibus, quas nec discipuli, nec acutissimus Aristoteles affecuti sint, ut illum propterea miremur, suspiciamusque et reuerreamur, tanquam insigne mysterium, opinemurque, nisi eam perfecte noscamus, causam esse, quod non in mentem diuini viri penetremus; nobisque imputemus, quod homunciones cum simus, tantum assequi heroem non possimus: et cum nobis oculi noctuae, illi aquilae, fuerint, ad illud iubar caligemus, quod ipse clare perspexerit.* Quae ut longe sunt verissima, ita ad cognoscendas inanes obscuritatis Platonicae causas, et exuendum absurdum auctoritatis praeiudicium omnino expendi merentur.

VI. Incerta
ratio aliorum
opinionum ad-
ducendi, et
inuicem con-
ciliandi.

VI. Satis, nisi fallimur, dicta haecenus probant, quam difficilem se nobis Plato praebeat, ubi eius philosophia discenda, et ad mentem eius philosophandum est. Addemus his alia, quae ex accidenti obscuritatem philosophi inextricabilem auxerunt. Scilicet summo studio contradicendi magni ante se ingenii philosophis, passim eorum placita affert et enarrat, ita tamen, ut haud raro ea adulteret ^u, et ineluctabili dialogi anfractuosi labyrintho

^q) Opp. p. 1001.

^r) Conf. CASAVBON. de enthuf. c. I. p. 6. c. III. p. 38. Ad philof. Vol. I. p. 599. cel. HANSCHIVS de enthufasmo Platonico, et quae nos de enthufasmo Platonicae philosophiae diximus Amoen. liter. T. VII. p. 213.

^s) Anal. poster. L. I. c. 19. Alio loco Met. L. I. c. 7. hoc vitium grauiter suggillat in Platone: conf. Hist. de ideis sect. I. §. 8. p. 130.

^t) Apud BURNETIUM l. c.

^u) PORPHYRIUM hac de re in vita Pyth. querentem supra iam adduximus.

rintho lectorem ita diducit, vt quid suum, quid aliorum sit, deprehendere vix queat. Id quod summam quidem obscuritatem in se parare aptum satis est, alio tamen, et longe maiori Platonis vitio rem in se malam longe deteriore reddidit. Erat scilicet Plato magna quidem cupiditate accensus condendi nouam sectam, quae Socraticam gloria si non antecelleret, certe aequaret. Ad magna vero haec molimina et ingens opus iis destituebatur mentis, et imprimis iudicii viribus, sine quibus frustra quis nouum philosophiae systema condet. Cum itaque domi non haberet, vnde nouam disciplinam exsculperet, a praeceptoribus, quos audiuit transumpta, quae sibi videbantur, vt erat ingenio syncretistico, et conflandis in vnum diuersissimis opinionibus apto, adhibuit, nouumque inde coaptauit philosophiae systema; quod a Socrate, Eristicis, Pythagoricis, Heracliticis et Parmenideis mutuasce, supra indubitatis veterum scriptorum testimoniis probauimus. Inde vero non potuit non chaos oriri non minus tenebricosum ac prima rerum omnium confusarum fuit facies. Toto enim coelo inter se differebant istorum philosophorum placita, seque mutuo quasi euerdebant, nullaue ratione, sanoque sensu, iungi inter se apte poterant: et tamen, cum ad haec non attenderet Plato, in eius systemate inter lucem et tenebras, concordia non tantum tentata, sed et inita est. Quae res postea effecit, vt non tantum veram philosophorum, quos sequebatur, sententiam corrumpere et adulteraret, sed et male confarcinata, male quoque cohaerent, et quae vno loco tradidit, altero conuellerentur. Id quod plus semel obiecerunt Platoni viri docti, inconstantiam magnam apud eum inueniri, et contradictiones eiusmodi, vt quid demum statuendum sit, ignores. Id quod frigide satis excusat AENEAS GAZAEVS * quod Plato non sua tantum Graeciam docere, sed et iunctim omnem Chaldaeorum, Aegyptiorumque sapientiam ei inferre, et referre atque declarare voluerit, quae Pythagoras, Heraclitus, et Empedocles docenda putauerint: Quo factum sit, vt cum omnium sectis instruere Academicos suos contenderit, contrariantia loqui ineruditus videatur. Nam haec plane ad rhombum, vt putat vir quidam doctus, non sunt. Non enim historiam philosophicam suos docere voluisse et tradere, quid viri magni ante se de natura rerum humanarum et diuinarum dixerint, sed systema suum ex diuersissimis hypothesebus conflauisse, sicque pro noua philosophia vendidisse, ipsa Platonicae philosophiae ratio demonstrat, et principia, quae adhibuit inter se diuersa loquuntur. Quod vt recte intelligatur, et de Platonis philosophia iusta feratur sententia, electo turpi, quod per tot secula animos occupauit, auctoritatis praeiudicio; illud expendi a cauto sobrioque lectore volumus, constare ex supra dictis, philosophiam naturalem et diuinam Platonem confarci-

* Vid. BAYLE contin. des pensées sur les com-
§. 106. p. 508. CLERIC. in not. ad PETAV. dogm.
theol. T. I. p. 190. Obs. Hal. T. IX. p. 195. et im-
primis qui ex instituto hoc demonstrare aggressus

est IO. BAPT. CRISPVS Gallipolitanus, in
rariori libro, de Platone caute legendo.

x) In Theophrasto p. 16.

y) REIMMANN. hist. atheism. c. XXXII. §. 5. p. 165.

Systema Platonis ex variis aliorum systematibus conflatum, saepe contrariis.

farcinasse ex Pythagorae et Heracliti systematibus. Ea vero non tantum diuersa inter se fuisse, sed plane quoque contraria, ex iis patefcet, quae in sequentibus de utroque dicentur. Falsi enim Heraclitus partem physiologiae suae Pythagoreis debuit, ut erant hi homines in rerum naturalium causis inter se dissentientes, ita tamen Pythagoream philosophandi viam reliquit, ut nouam plane ingrederetur. E. g. Cum Plato Deum quidem ignem esse diceret, sed intellectualem, ex quo principia alia intellectualia et spiritualia orta sunt, quae numeros vocauit, quacque rebus omnibus immutabilem essentiam largiri, statuit: Heraclitus, Deum quidem ignem esse professus, totus ad materiam declinauit; et hunc ignem ex subtilissimis particulis, quae semper in celerrimo essent motu, constare arbitratus est, cunctaque, ne anima quidem excepta fluxa, mutabilia, aliaque ex aliis esse, nec eandem tenere rationem et essentiam, professus est, sicque ignem suum semper mutabilem, et in fluxu versantem, igni aeterno, immutabili, et numeris Pythagorae per se subsistentibus opposuit. Quid ad ea Plato? Is a Cratylo Heracliteo iuuenis edoctus, materiam semper esse in motu, semper mutari, nec esse idem, sed aliud semper, hanc doctrinam quidem retinuit, sed adiunxit simul numeros Pythagorae, id est, ideas suas, et aeterna illa atque immutabilia principia, sicque quod Heraclito natura sua semper in motu est, fixum et stabile, quodque illi semper est aliud, idem esse ac manere dixit. Hinc de diuiduo et indiuiduo, eodem et diuerso, et natura animae mundanae, quae ex eodem et diuerso conflata est, obscurissima et vere Heraclitea disputatio. Quam nec Platonem ipsum in concinnum ordinem et harmoniam potuisse redigere, ex Timaeo eius, ineptissimo syncretismo confarcinata dogmata exhibente, est in propatulo, nec sectatores eius intelligere et apte inter se conciliare potuisse, inania somnia et emendicatae hypotheses, ad quas confugiunt, demonstrant, et vel sola Plutarchi de generatione mundi ex mente Timaei disputatio loquitur. Falsi id sunt inter veteres viri magni, qui Platonis philosophiam ideo inextricabilis obscuritatis accusauerunt; inter quos CICERO^a rem obscurissimam Platonis numeris comparat, SEXTVS EMPIRICVS autem, luculenter, et prorsus ad rem nostram^a: *Vbi est ex superciliosis grammaticis, qui Heraclitum possit intelligere; vel Platonem assequi, qui dicit: Ex indiuidua et quae semper, similiter et eodem modo se habet essentia, et ex ea quae est in corporibus diuidua, tertiam ex utrisque speciem constitui essentiae, nempe et naturae eius, quod est idem, et naturae eius, quod est alterum, et seq. quae quidem omnes Platonis interpretes silentio praeterierunt.* Licet enim in eo nimius sit Sextus, quod putat, neminem interpretum hunc Platonis locum, qui in Timaeo extat, tetigisse^b, patet tamen ex interpretamentis Platoniorum, qualis ipsis in eo crux fixa fuerit, quam felicius reflexissent, si Platonem in veram concordiam redigere et ea sano sensu inter se conciliare non tentassent, quae inter se misere cohaerent, et coniuncta in vnum ineluctabiles tenebras pariunt.

VII.

^a) Ad Attic. L. VII. ep. 13. ^b) Adn. Mathem. L. I. c. 13. f. 301. ^c) Contrarium euicit FABR. ad b. l.

VII. Talis cum fuerit Plato, mirum non est, semper illum obscurum VII. *Academicae mutatio doctrinae.* mansisse, nec sectatores eius veram semper eius mentem detexisse. Cui rei multum addidit virium noua Academiae mutatio, quam ei accidisse in sequentibus huius capituli sectionibus dicemus. Ita enim, dum noua pleraque in Academiam introducebantur, magis semper magisque vera Platonis mens oblitterata est; factumque inde, ut de vera Platonis sententia vehementer inter se digladiarentur interpretes. Id quod scripta eorum, quae supersunt, consulenti erit manifestissimum, et conquesti sunt ex ipsis Platoniciis CHALCIDIVS^c atque AENEAS GAZAEVS^d, quorum ille, sententiis Platonis plene et diligenter elaboratis, iuniores philosophos, ut non optimos haeredes paternum censum in frustra dissipantes perfectam atque uberem sententiam in mutilas opiniunculas incidisse, dolet: alter in eo posteros et successores Platonis carpit, quod, cum politiem et varietatem doctrinarum, quibus ad Platonice doctrinam absoluendam opus erat, non caperent, eoque laborarent, ut acumine nouarum inuentionum alter alterum antecelleret, mira inter se dissidia machinati sint, ut iam neque Platoni consentiant, neque suarum ipsi opinionum certi sint. Quod posterius verissimum est, prius vero nimiam Platonis venerationem in hominibus Platonice philosophiam sectantibus prodit, cum ex dictis manifestum sit, ipsum Platonem huius interpretum dissensus causam fuisse.

VIII. Sufficere haec poterant, ad difficultates philosophiae Platonicae VIII. *Syncretismus philosophiae Platonicae noxius.* in immensum augendas. Verum nondum malorum satis; et alia ex aliis incommoda. Detestanda enim syncretismi pestis, quae nunquam non philosophiam perdidit, grauis imprimis et noxia fuit sinceræ rationi philosophandi secundum Platonem. Non enarrabimus longam mali huius historiam, quia de philosophiae fati in Aegypto sub Ptolomaeis acturi, latius ostendemus, qua ratione Platonice philosophia, quae caput in Aegypto extulit, nefando syncretismo cum aliis non Aegypti tantum sed et Orientis, et ipsorum Iudaeorum quoque religionibus et placitis in vnum quasi corpus confusa fuerit, et misere a pristina facie deformata: nec prolixè differemus, de vehementer corruptis doctrinis Platoniciis, ex quo secta eclectica hunc syncretismum ad iustum quasi et virilem habitum atque robur euexit; sed id hic modo paucis monemus, quod in altera huius historiae periodo accurate et prolixè satis demonstrabitur, religionem Christianam occasionem dedisse, vehementer Platonice philosophiam adulterandi. Cum enim diuinae lucis radii longe lateque dispergerentur, et tenebras gentilium errorum atque superstitionis dispellerent, quo non potuit non philosophorum, imprimis Platonice auctoritas minui, qui hactenus diuinam philosophiam excoluisse, et de Deo omnium optime differuisse visi erant; in id coniurauere pessimi homines, ut quam veritate vincere non possent, religionem Christianam, fraude impedirent. Quem finem atque scopum ut

P p p p 2

attin-

c) p. 340. conf. qui idem conqueritur Numenius apud EUSEBIUM praep. L. XV. c. 5. p. 729. d) loc. cit.

attingerent, multa, quae in systemate Platonico placitis Christianorum aduerſa erant, et ab edoctis meliora culpabantur, mutauerunt, et Christianis dogmatibus attemperantes, idem ſe dicere, et in ſuis cathedris non minus ſancta et egregia perſonare iactauerunt. Quae incautius admittentes ex Christianorum coetu viri praeſtantes, et doctores eximii, cum nefarium ſyncretiſmum non obſeruarent, in laqueos inciderunt et Platonicas hypotheſes pro Christianis admiferunt. Qua deteſtanda confuſione factum eſt, vt Platonismus iunior, qui Alexandriae in Aegypto et natus eſt, et adoleuit, et poſtea per totam fere Europam et Aſiam diſſeminatus eſt, nec veteri Academiae, nec ſibi ipſi, inter tot portenta ſententiarum, quibus replebatur ab otioſis et fanaticis hominibus, ſimilis eſſet, nec aliud niſi purioris doctrinae iacturam ſanaeque philoſophiae perniciem generaret. Quae vt hitoriae teſtimoniis conſtare certiſſimis ſuo tempore demonſtrabimus, et luculenter etiam docuit cel. MOSHEMIVS^e ita malos eſſe Platonicae diſciplinae interpretes hoſ homines, nos abunde conuincunt. Miramur itaque merito, doctiſſimo BASNAGIO^f aliam hac in re fuiſſe ſententiam, qui, vt Cudworthum melius refelleret, negauit, Platonicos iuniores mutauiſſe doctrinam magiſtri, eosque contendit, optimos eſſe interpretes, illo adeo obſcuro, vt intelligi nequeat, nec obſtiſſe Chriſtianam religionem, vt ſequerentur praeceptorem. Quae non excidiſſe viro praeſtantiſſimo et in hitoria veteri exercitatiſſimo vellemus. Tota enim reſclamat ſacra et philoſophica hitoria, et leuis quoque collatio Platonis ſcriptorum cum Platoniciſ ſequioribus euidentiſſime loquitur. Et conuincere hac de re potuiſſet virum celeberrimum, ea, quam ipſe adſtruit conuenientia inter ſacra dogmata et Platonicos ab his aſſerta, talia non eſſe quae hi homines aſſeruerunt, quae pro genuinis haberi debeant Platonis doctrinis. Meliusque et magis hitoriae philoſophicae conſultum eſt, Platonem plane non intelligere, vel coniecturis potius ex ipſius ſcriptis eius doctrinam colligere, quam hoſ homines ſequi, qui infinitam cladem magiſtri ſui philoſophiae intulere. Tacemus iam Chriſtianos, Platonis, amore ineptientes, qui, vt Chriſtianae religioni non obſtaret, eum totum mutauerunt, et nescio quam ſpuriam Platonis philoſophiam nobis exhibuerunt, quales fuere Picus, Ficinus et hiſ ſimiles. Eos enim, in Platonis philoſophia conſulendos non eſſe, vel mediocri attentione vſus palpabit^g.

*Accuratior
philoſophiam
Platonis con-
ſiderandi mo-
dus.*

§. XV. Ex diſputatis haecenus conſtare arbitramur, quam difficile ſit, veram Platonicae philoſophiae effigiem ita delineare, vt omnia recto atque firmo ſtent talo, et indubitata nitantur fide: clarumque eſſe, non exigua attentione et accurata ratiocinatione opus eſſe, vt probabilibus coniecturis vera Platonis mens detegatur. Id quod, optandum eſſet, obſeruauifſent accuratius, qui diſſertationes Platonicas nobis dederunt, et huius viri philo-

^e) Diſſ. de turbata per Platonicos recentiores eccleſia, quae et CUDWORTHII Syſt. intell. adiecta, et ſyllogae diſſertationum ad H. E. pertinentium inſerta eſt.

^f) Hiſt. des Juifs T. IV. ch. 4. p. 54 ſeqq.

^g) Dicetur de iis quoque ad recentiorum temporum hitoriam delatis.

philosophiam enarrarunt; tum enim suas coniecturas non pro certis demonstrationibus nobis obtrusissent, vel systema quoque Platoniorum recentiorum pro veteri Platonisque genuina doctrina nobis vendidissent. Nos dictorum memores, ad ipsum Platonem eiusque dialogos respiciemus, et quantum licet, eius verba et ratiocinia ita expendemus^g, ut nexum potissimum systematis secundum fidei historiae et artis rationalis leges eruamus, cogitemus tamen, et hominem fuisse Platonem, et in ratiocinando non nimis felicem, adeoque etiam ob causas supra dictas, praecipue ob confarcinata diuersissima philosophumena, interdum eius systema male cohaerere. Instituti tamen memoribus omnia paucis comprehendenda sunt, nam meretur quidem Platonica philosophia, per tot secula tanti habita peculiarem historiam criticam, eam vero et limites nobis constituti, et ratio operis, quod molimur, non concedit. Respiciemus tamen ad eos quoque ex veteribus, qui detestabili syncretismi peste non tantopere, ut Plotini schola, infecti, aliquanto purius Platonis dogmata enarrauissent censendi sunt. Inter quos sine controuersia C I C E R O N I primus locus debetur, qui in Academicis quaestionibus^h eleganti compendio Platonis decreta, qualia in Academia docebantur, purissimo sermonis genere enarrauit. Huic merito addimus A P V L E I V Mⁱ atque A L C I N O V M^k, qui, ut omnium optime ad ordinem nexumque philosophiae Platonicae attendit, ita dux erit nobis in itinere, quo ipsius Platonis, nullum philosophiae suae ordinem, systema nullum in scriptis suis sequentis, sed cuncta in dialogis dispersa ratione enarrantis, doctrinas ex eius colloquiis eruemus. Reliquos commentatores, quorum, si Eclecticis in hunc quoque censum referas, infinitus est numerus^l, iis caute et sine praeiudicio examinandos relinquimus, qui historiam criticam philosophiae Platonicae scribere suscipiunt, quali opere, licet ob tot rationes in historia non tantum philosophica sed ecclesiastica quoque summe notabiles, necessario, haecenus caremus^m. Qui enim hucusque in hoc stadio cucurrerunt, tentasse magis aliquid quam perfecisse, merito iudicantur. Tripartitam vero esse philosophiam et ipse Platonem haud obscure prodiditⁿ, et vnanimi ore interpretes fatentur^o; prima eius pars versatur circa ratiocinationem, secunda circa theoretica obiecta, tertia circa practica; vel ut Platonico sermone utamur, est, vel dialectica, vel physica, vel ethica. Quas philosophiae partes ut rite noscamus, pauca de philosophia in genere praelibanda sunt.

Pppp 3

§. XVI.

^g) Sequemur interpretationem F I C I N I, editionem vero S E R R A N I.

^h) Lib. I. c. 5 seqq.

ⁱ) Libris tribus, de dogmate Platonis, quorum primis de philosophia naturali, secundus de morali, tertius de rationali agit.

^k) In delineatione doctrinae Platonis, quam quoque historiae philosophicae suae inseruit S T A N L E I. P. IV. p. 326.

^l) Verustiores Platonis interpretes ante Ammonium Saccam LXV. se reperire ait P A T R I-

C I V S apud F A B R I C I V M Bibl. Gr. Vol. II. p. 31. qui plerosque enarrauit c. III.

^m) Potiores aliquos ex recentioribus enarrauit diligentissimus H E Y M A N N V S in Actis philos. Historiam philosophiae Platonicae specialem promissit cel. H A N S C H I V S praef. diss. de enthusiasmo Platonico.

ⁿ) In Amatoribus T. I. p. 137 seqq.

^o) C I C E R O, A P V L E I V S, A L C I N O V S II. cc. P S E V D O - O R I G E N E S c. XVIII. p. 108. c. XIX. p. 135.

Doctrina Platonis de philosophia in genere.

§. XVI. De philosophia itaque in genere considerata ita Plato praecipisse censendus est:

I. Sapientis nomen magnum esse, solique Deo convenire, philosophi vero, aut similis alicuius cognomen magis aptum commodumque esse^o. Accepit hoc a Pythagora Plato, quem primum sapientiam a philosophia distinxisse in eius historia pluribus declarabimus^p.

II. Sensu itaque maxime proprio sapientiam esse earum rerum, quae intelligentia comprehenduntur, quaeque vere sunt, scientiam, quae versatur circa Deum et animam a corpore separatam: minus vero proprie, appetitionem, et desiderium diuinæ sapientiae. Ita LAERTIUS^q satis luculenter Platonis mentem, quam in *Theaeteto* et *de republica* prolixius declarat, expressit. Quid vero res illae intelligentiae comprehendendae, et per se vereque existentes sint postea dicemus. Clarius, ad mentem tamen Platonis ALCINOVS^r philosophiam definiuit: *solutionem animae a corpore et conversionem quandam ad ea, quae reuera sunt, et intellectu videntur*. Nam ipse Plato hunc in modum passim philosophatus est^s.

III. Esse philosophum, qui ad hunc finem et comparatus est, a natura, et ad eum artes quoque reliquas dirigit, et proprietates habet necessarias. Esse vero illas, praeter naturalem dispositionem, discendae veritatis summum a pueritia studium, et memoriam atque acumen ingenii, et animi temperantiam, et fortitudinem. Prolixe hanc philosophi definitionem prosequitur Plato in libris *de republica*^t, quam tamen totam Pythagorica de numeris, quas ideas dixit, doctrina corruptus, ad hunc potissimum finem aptat, ut aeterna illa atque immutabilia principia, diuinæque ideae cognoscantur, vel, ut eius verbis utamur, semper notior fiat illa natura, quae semper est, neque generatione et corruptione mutatur. Et ex his quoque vetus philosophiae definitio intelligi potest, quod sit rerum diuinarum et humanarum cognitio, quae tantopere in Platonica schola celebrata fuit. Res enim diuinæ nihil aliud sunt, quam diuinæ istae ideae, et substantiae per se existentes, quae in Academia primum philosophiae obiectum constituunt, qua de re nos alibi^u; et imprimis IACOBVS THOMASIVS^v, videndus, qui multam huic philosophiae definitioni lucem affudit.

IV. Philosophiam vero versari vel circa res intelligibiles, vel circa actiuas; hincque vel theoreticam esse vel practicam, id est contemplatiuam, et actiuam.

V. Versari porro philosophiam contemplatiuam circa vitam quae in contemplatione consistit, et, ea, quae intelligibilia sunt, intelligit, quae primaria sapientia dici mereatur, esse enim similitudinem aliquam cum ipsa diuinitate, adeoque maxime expetendam esse, utpote cui nulla obsistant impedi-

^o) In *Phaedro* T. III. p. 278.

^p) Conf. *Historia de ideis* sect. I. §. 6. p. 91.

^q) L. b. III. f. 63. conf. ALDOBRAND. ad h. l.

^r) c. I. Alias Platoniorum definitiones laudauimus *Hist. de ideis* p. 9.

^s) Vid. *Protagor.* T. I. p. 313. *Phaedr.* T. III. p. 247.

^t) Potissimum L. VI. T. II. p. 484. 495.

^u) *Hist. de ideis* l. c. et diff. de numer. *Pyth.* et idearum Platonis conuenientia *Amoen. lit.* T. VII.

^v) *Schediasm. de definitione sapientiae.*

pedimenta, quo minus in nostra potestate consistat, et quae finis nobis propositi sit causa efficiens.

VI. Quae in contemplatiua vita ad emendandos hominum mores meditari philosophus solet, ea ad actionem, quoties postulet necessitas, transferre; et nonnunquam ad actiuam vitam se dimittere.

VII. Inter primarias actiuae vitae functiones esse, leges condere, rempublicam ordinare, seditiones componere, instituendae iuuentutis disciplinam tradere.

VIII. Non vero vitam philosophi in cognitione tantum eorum, quae sunt, et in actione virtutum, sed in consideratione quoque sermonis et ratiocinationis versari, vt scilicet discat ordine certo, circa vnumquodque, quid ipsum sit, inuenire, id quod dialecticae, munus est.

IX. Inde sequi, tripartitam esse philosophiam, dialecticam, theoreticam atque practicam.

X. Dialecticam solam sublati omnibus suppositionibus ad ipsum principium, vt compertum habeat, pergere, ac reuera animi oculum coeno barbarico obrutum, paulatim sursum trahere ac ducere, vtentem ministris ac adiutricibus geometria eiusque comitibus. Probe haec Platonis tenenda sunt; ex iis enim patet, dialecticam eum non solis sermonis et ratiocinandi limitibus inclusisse, sed cum vniuersalium siue intelligibilium cognitione summum philosophiae apicem absolui statueret, arte dialectica animum ad ista vniuersalia et intelligibilia, quorum vltimum Deus ipse est, comprehendenda duxisse, vt ita ratiocinando tandem ad contemplationem entium per se subsistentium perueniat. Et hoc quidem sensu dialectica Platonis philosophiam quoque contemplatiuam comprehendit, quo sensu potissimum *septimo libro de republica* de ea differit; specialiori vero significatione, contemplatiuae philosophiae opposita, sermonem ratiocinantem, complectitur.

XI. Dialecticam in diuidendi, definiendi, inducendi ac ratiocinandi modum diuidi; ratiocinationem autem esse vel necessariam, vnde apodictica, vel probabilem, vnde epichirematica, vel imperfectam enthymemate constantem, vnde rhetorica oritur; sophismata vero esse ratiocinia falsa.

XII. In philosophia contemplatiua, partem vnā, ea quae fixa et immobilia sunt, atque diuina et per se existentia, et causae sint primae rerum, inuestigare, quam theologiam vocant; alteram astrorum circuitusque coelestium ac reuerſiones corporum ad vnum idemque principium, mundi-que constitutionem, excutere, quae naturalem philosophiam absoluat; tertiam proprietates eorum considerare, esse mathematicam. Multis in eo

est

x) Ita Platonis mentem paucis complectitur ALCINOVS c. II. fuse vero explicat de Rep. L. VI. T. II. p. 485. vbi philosophum, futurum reipublicae moderatorem instruit.

y) Multa de his in libris de rep. Magna enim cum affectaret Plato, et summos viros atque philosophos, imprimis vero, quem maxime imitabatur, Pythagoram eiusque discipulos leges condidisse, et

republicas ordinasse nosset, ex disciplina Pythagorica, ad hunc potissimum finem philosophiam actiuam respicere iussit.

z) In Philebo T. II. p. 57.

a) De republica L. VII. T. II. p. 531.

b) Ibid. p. 534.

c) In Sophista T. I. p. 253 seq.

d) In Philebo T. II. p. 63.

est Plato ^e, ut hanc mathematicarum disciplinarum curam atque studium philosophiae studio commendet, ratione ista potissimum usus, quod ex huiusmodi disciplinis instrumentum quoddam existat, quo animi expurgentur, reuiuiscantque, qui ante ex aliis studiis infecti et occaecati fuerant. Id quod in sequentibus latius demonstrat, et imprimis contra obiectiones Socraticorum, a magistro talia non curata esse, clamantium, isto quidem praetextu defendit, nec honorari ea in ciuitate, et, cum difficulter inueniantur, haut ardentem perquiri, etc. Quae an sufficiant, huius loci non est disquirere.

XIII. Philosophiam actiuam versari ^f vel in formatione morum, vel in familiae administratione, vel in reipublicae conseruatione, adeoque esse vel moralem, vel domesticam, vel ciuilem.

Dialectica. §. XVII. Dialectica Platonis, quantum ex eius dialogis colligitur, huc potissimum redit:

I. Iudicium veritatis non esse a sensibus, quanquam oriretur a sensibus, sed mentem esse rerum iudicem.

II. Versari vero intellectum hominis vel circa res, quas per se comprehendat, quaeque simplices sint, et vnusmodi et tales, quales sint; vel circa res, quae sensibus subiectae videantur, quaeue sint aut ita paruae, ut sub sensum cadere non possent, aut ita mobiles et concitatae, ut nihil vnquam vnum sit constans, ne idem quidem, quia continenter laberentur et fluèrent omnia. Ex illis scientiam, ex his gigni opinionem. Ita quidem CICERO ^g breuibus, quae latius persequuntur ALCINOVS et APULEIUS ^h et ipse Plato, maxime in *Theaeteto* ⁱ, vbi sensualis cognitionis rationes late exponit. Repetenda vero hic sunt, quae praecedente paragrapho de conciliatis inter se Heracliti et Pythagorae principiis diximus; haec enim totum concordiae huius fundamentum comprehendunt.

III. Sensum esse affectionem animae per corpus primario facultatis patientis internuntiam ^j.

IV. Quando autem animo per instrumenta sensuum rerum forma sentiendo fuerit impressa, et ita quidem, ut temporis non deleatur spatium, sed diuturna conseruetur ac fixa, huius conseruationem memoriam vocari.

V. Memoriae sensusque coniunctionem, esse opinionem; quoties nempe praecedentem memoriam cum recente sensu componamus. Vbi inter se conueniant, veram opinionem esse, falsam, vbi dissonent.

VI. Esse itaque animum humanum, tabulam quasi ceream ^k.

VII. Cogitationem esse animae quasi secum agentis colloquium, sermonem autem, quod a cogitatione per os effluat vna cum voce ^l.

VIII.

^e) De rep. L. VII. T. II. p. 523.

^f) Ib. L. VIII. Mirificum vero est, in his actiuis disciplinis illum optimum esse, adeoque e. g. in rep. administranda eum potissimum eligendum esse, qui sine oculorum et aliorum sensuum ministerio ad ipsum quod vere existit potest transcendere. Ita enim enthusiasticis ingeniis cerebrum nugis repletibus et visionibus reipublica regitur.

^g) Acad. Qq. L. I. c. 5.

^h) Ib. cc.

ⁱ) T. I. p. 185. 201. Phaed. T. I. p. 74. 75.

^j) Theaet. p. 186. Phileb. T. II. p. 34.

^k) Theaet. T. I. p. 191. conf. quae prolixè satis diximus in hist. de ideis l. c. p. 109.

^l) Ibid. p. 202.

VIII. Intellectionem esse operationem intellectus prima intelligibilia contemplantis.

IX. Esse vero intellectionem duplicem, vnam animae, quae priusquam descendat in corpus, sua tum intelligibilia contueatur; alteram eiusdem postquam demersa esset in hoc corpus, quae tum vocetur notitia naturalis^{ll)}.

X. Esse itaque notitiam hanc proprie reminiscenciam eorum, quae ante descensum in corpus nouerat, hancque distinguendam esse a memoria: hanc scilicet versari circa res sensiles, illam circa intelligibilia. Prolixè in his demonstrandis est in *Phaedone* ^{m)}, vbi fundamenti loco subternit: necesse esse, nos in superiori quodam tempore ea, quorum nunc reminiscimur, didicisse, id vero fieri non potuisse, nisi prius anima nostra fuisset alicubi quam in hanc humanam speciem deueniret. Esse vero in nobis notiones generales animo impressas, quas habuisse nos necesse sit, antequam aliquid sensu perceperimus, secundum quas iudicamus. Quas cum, ante natiuitatem nos habuisse, inde sequatur, nec tamen eae nobiscum nascantur, fluere inde, quod obliuiscamur earum, et scientia nostra, vbi eas recuperamus, sit reminiscencia. Qua in ratiocinatione Pythagoram, praexistentiam animarum asserentem secutus est Plato, qua veri specie, huius loci non est dispicere. Praeferendas tamen Platonis notitias innatas, quas reminiscenciae nomine velauit, tabulae rase Aristotelis et Lockii aliorumque recentiorum iudicat vir summus G. G. LEIBNIZIVS ⁿ⁾, quod, quo fundamento dicat, non ignorant, qui maximi philosophi cogitata tenent.

XI. Intelligibilium quaedam esse prima, vt ideae, quaedam secunda, vt, quae in materia sunt, species, et ab illa separari nequeunt. Quid vero ideae sint, et quomodo tum extra materiam, tum in materia impressae species cognoscantur, in sequentibus dicendi locus erit. Interim videndus noster potissimum in *Parmenide* ^{p)}.

XII. Sic in sensibilibus quoque quaedam prima esse, ceu qualitates, vt, albedo, alia secundum accidens, vt album, et concretum, vt paries albus ^{q)}.

XIII. Prima intelligibilia iudicare intellectionem non sine ea ratione, quae scientiam gignat, per comprehensionem quandam sine discursu, secunda eandem rationem, non sine intellectione ^{r)}.

XIV. Sensibilia autem prima et secunda sensus iudicare, non sine ea ratione tamen, quae cum opinione sit coniuncta: id quod vero concretum sit, rationem eandem, non tamen sine sensu.

XV. In contemplatione quid verum et falsum, et in iis quae ad actionem pertinent, quid proprium, quid alienum rationem considerare.

XVI.

ll) In Timaeo. T. III. p. 30. m) T. I. p. 75.

n) In epist. ad HANSCHIVM praem. eius diss. de enthusiasmo Platónico. conf. hist. de ideis sect. 3. §. 3. p. 272.

o) Tim. T. III. p. 28. De republ. L. VI. T. II. p. 509. Conf. hist. de ideis Sect. I. §. IV. p. 37.

p) T. III. p. 135. De hac vero doctrina, quatenus Parmenidi tribuit Plato dicitur, in historia scholae Eleaticae.

q) Men. T. II. p. 74 seq.

r) De Rep. L. IX. T. II. p. 586. vbi notabili exemplo illustrat.

XVI. Fieri vero hoc iudicium practicum ex eo, quod infinitam pulchri nobis bonique rationem habemus, et ratione vtendo, eamque ad naturales illas notiones, velut ad definitas quasdam normas referendo bona an mala sint singula diiudicemus ¹.

XVII. In Dialectica primum essentiam rei cuiusque, deinde, quae accidunt illi, aduerti debere.

XVIII. Prius fieri definiendo, diuidendo, resoluendo, posterius inductione et ratiocinatione ².

XIX. Diuisionem esse distributionem vel generis in species, vel totius in partes, vel accidentium in subiecta, vel subiectorum in accidentia. Prima opus esse, quotiescunque rei alicuius, quae sit essentia, velimus cognoscere ³.

XX. Definitionem ita confici, vt sumatur rei definiendae genus, idque deinceps distribuatur per proximas differentias, vsque ad species descendendo ⁴.

XXI. Resolutionis tres esse species; vnā qua a sensibilibus ad intelligibilia ascendamus; aliam, qua per demonstrata, et quae medio carent, propositiones ascendamus; postremam, quae ex suppositione, ad ea, quae sine suppositione sumuntur, pergat principia. Sparsum hanc dialecticae partem tetigit Plato, et praecipue in dialogis suis vbique fere hanc methodum adhibuit, vnde Platonici, vt aliquod Platonicae dialecticae compendium conficerent, plura de propositionibus affirmantibus et negantibus, categoricis et hypotheticis, itemque de syllogismo redarguente et demonstrante collegerunt. Quae quoniam nec nobis licet esse in tam speciali argumento prolixis, nec aliter nisi ex methodo Platoni vsitata cognosci possunt, praetermittimus. Nimis subtilis vero est APVLEIVS ⁵, qui minutias Aristotelicas et Stoicas inter Platonica philosophumena miscet, quae Platoni non aliter, nisi quatenus exempla in dialogis occurrunt, possunt tribui.

XXII. Eum perfectum oratorem esse, cum quis diligenter facultates animi, variasque hominum differentias, nec non diuersas orationis perspectas habeat formas, obseruarique, quibus ad persuadendum vti possit rationibus, et occasionem nactus ad vsum accommodet suum. Ex his bene dicendi scientiam constare, prolixè probat in *Phaedro* ⁶. Et in *Gorgia* quidem acriter in rhetoricam inuehitur, et sapientiae studiosos ab oratoribus abducere satagit: ad quod prouocat SEXTVS EMPIRICVS ⁷, cum negasset, rhetoricam esse artem, causatus, non Critolaum tantum, sed et diu ante eum Platonem, eam vituperasse, vt quae magis artificium esset improbum quam ars. Nec alia ratio persuasit ARISTIDI ⁸, vt hanc sententiam operose

¹) Prolixè de eo disputat in *Phaedro* T. III. p. 266.

²) Theaet. T. I. p. 146. Polit. T. II. p. 262. *Phaedr.* T. III. p. 266.

³) Theaet. p. 147. 210.

⁴) Hunc in finem Aristoteles diuisiones ex

Platone diligenter collegit, quas fuscè enarrat LAERTIVS L. III. f. 80 seqq.

⁵) De dogm. Plat. L. III. p. 313 seqq.

⁶) T. I. p. 257 seqq.

⁷) Adu. Marhem. L. II. f. 12.

⁸) In orationibus Platoniciis.

rose refelleret. Sed obseruauit de istis erudite QVINTILIANVS ^z, *Platonem quidem in Gorgia videri in hac esse opinione, ut rhetoricen non artem, sed peritiam quandam gratiae ac voluptatis et quartam partem adulationis existimet, sed esse hunc sermonem ex iis, qui ἐλεγκτικοὶ vocantur, et coarguunt, non ex δγματικοῖς, qui praecipunt, Platonemque sub Socratis persona, eam quidem, quae tum exercebatur, (sophistarum intelligit) rhetoricen talem putasse: ad veram autem requisivisse, ut et a iusto et bono suscipiatur; in Phaedro autem adhuc manifestius facere, hanc artem consummari citra iustitiae quoque scientiam non posse: ipsumque Platonem defensionem Socratis et laudationem eorum, qui pro patria occubuerant, scripsisse: Inuectum itaque esse in illud hominum genus, quod facultate dicendi male vteretur. Sed et reliqua legenda sunt, lucem rei allatura.*

XXIII. Fallaciarum quoque, et falsorum ratiociniorum verorum specie decipientium rationem habendam esse, non in *Euthydemo* tantum ostendit, sed in *Sophista* ^a etiam sophistarum sui temporis mores, artem, fraudes eleganter delineauit, qui dialogus vel eo nomine lectu dignus est, quoniam Socraticae historiae magnam lucem foeneratur, apertumque facit, qua ratione miseris sophismatibus et nugacissima arte iuuenes deceperint, magnamque sibi auctoritatem et diuitias immensas comparauerint sophistae.

XXIV. Verborum quoque explicationem in dialectica locum habere, id est, qua de causa quaeque essent nominata; quam etymologiam appellant ^b. Et versatur imprimis, ex mente Platonis, dialecticus circa nominum origines, quoniam non linguam tantum et voces, sed et naturam rerum intelligit, et is solus vocibus uti nouit, quae rebus conueniunt ^c. Quae quoque causa fuit, cur in *Cratylō* ^d de recta nominum ratione prolixè more suo disputauerit, et etymologias quaesierit. Qua tamen in re eum infeliciter versatum fuisse, et ipsa huius dialogi docet inspectio, et recte notauit acutissimus MENAGIVS ^e.

Haec potiora sunt, quae ex Platonis sermonibus colligi possunt, eius de dialectica arte, quatenus theologiae et physicae opponitur, placita. Quae inter se saepius confudit FRANC. PATRICIVS ^f, cum dialecticam Platoniam cum Aristotelica compararet.

§. XVIII. Contemplatiuae philosophiae tres partes esse cum voluerit Plato, eam, quae circa diuina versatur, et eam, quae naturales res considerat, quibus tertiam mathematicam addidit, singulae partes seorsim excutendae sunt, et dispiciendum, quid in quauis illarum Platoni placuerit. Illud vero more suo iterum in dialogis mire occultauit philosophus, omni

Contemplati-
ua philoso-
phia et qui-
dem I. Theo-
logia.

Q q q q 2

atten-

^z) Instit. Orat. L. II. c. 15.

^a) T. I. p. 216 seqq.

^b) CICERO Acad. Q. q. L. I. c. 8.

^c) In Soph. I. c. p. 253.

^d) T. I. p. 383 seqq.

^e) Ad LAERT. L. III. f. 23.

^f) Discuss. Perip. T. III. L. IV. p. 314 seqq. LUDOVICI MORENVILLERII examen philosophiae Platonicae, Dialecticam Platoniam exhibere refert MORHOFFIVS Polyhist. T. II. L. I. c. 7. p. 479. quod non vidimus.

attentione, et, collatis eorum locis, ex latebris extrahendus. Et veteres quidematque recentiores multum in eo argumento, quod theologiam Platonis pandit, versati sunt, veremur tamen, ut multum inde Platonis theologiam sinceram nullisque additamentis et alienis coloribus corruptam discere volentibus, commodi lucisque oriatur. Nam quae Zenodotus, Grammaticus Alexandrinus *de diis contra Platonem*^d scripsit, perierunt; PROCLI vero *theologia Platonis* tantopere a genuina Platonis doctrina distat, ut aegre suam theologiam, si reuideret, Plato esset agniturus; cuius culpa tum in ipsam eclecticae philosophiae naturam cuncta miscendi, et assutis peregrinis adulterandi, tum in singulare Procli hac in re studium^e coniicienda est. Idem de FICINI *theologia Platonica*, ex Proclo et similibus sapientibus iudicandum esse, ex iis, quae supra diximus, constat. His ex recentioribus adiacere possunt alii multi^h, qui tamen vel breuitatis studio, vel cupiditate conciliandi Platonem cum Christiana religione, vel confusione cum doctrinis Aristotelicis peccauerunt. Ad ipsa itaque Platonis principia attendendum, et quae inde deduxerit, dispiciendum, nec negligendi fontes sunt, unde sua hausit Plato de diuinis praecipiens, et naturae secreta pandens. Quem nos filum secuti, quantum in Platonice tenebris palpare nobis licuit, hunc Platonicae theologiae conspectum exhibemus:

I. Ex nihilo nihil fit. Vniuersale hoc axioma haud obscure in *Timaeo*ⁱ Plato totius dissertationis de mundi generatione fundamentum posuit, quod omnes omnino physicae atque theologiae scriptores admisisse, diserte affirmant ARISTOTELES^k et CICERO^l, et inductione quoque atque exemplis probari potest^m, id non tantum de causa efficiente infinita, verum etiam de materiali intellexisse, a qua sententia nec Plato alienus fuit. Non negamus quidem, esse in Platone locaⁿ, quae suadere videntur, Academicum philosophum rerum omnium productionem ex nihilo a causa infinite bona factam statuisse, nec ignoramus eos, qui Platonem cosmogoniam suam ex Mosis libris in Aegypto furrupuisse credunt, magnamque inter vtramque concordiam somniant, id inter praecipua argumenta, quibus suam opinionem confirmant, referre, quod creationem ex nihilo statuerit. Vfusque hoc iam ratiocinio, loco celebri *Timaei* inductus, ante scholae eclecticae

An Plato creationem ex nihilo crediderit?

^{ff}) SVINAS in Zenodotus T. II. p. 8.

^g) Id de Eclecticae sectae historia tradituri demonstrabimus.

^h) Inter hos sunt ESAIAE PYFENDORFII diff. de theologia Platonis, quae inter opuscula eius extat: PAVLI BENII theologia Platonis et Aristotelis, conf. quos nominat FABRICIVS Bibl. Graec. Vol. II. p. 39. et de Scr. Ver. Rel. Christ. c. VIII. p. 304. Addi his possunt MICH. MOVRES plan. theologiae de Pythagorismo, PH. TREVNERI diff. de theologia Platonis et Aristotelis comparata, et quae fuse affert FR. PATRICIVS discuss. Peripat. T. III. L. VI. itemque viri doctissimi CUDWORTHVS Syst. intell. passim et BASNAGE Hist. des Juifs T. IV. c. 3. 4. p. 14. Pertinentque huc omnes,

qui de trinitate Platonica egerunt, quorum aliquos infra nominabimus. Conf. quos laudat BVDDEVS Introd. in histor. theol. liter. L. I. c. 4. p. 224 seqq. Institut. theol. dogm. p. 445. PFAFFIVS Introd. in hist. theol. lit. P. I. p. 305 seqq.

ⁱ) T. III. p. 28.

^k) Physic. L. I. c. 4. et 8. quod de causa materiali intelligendum esse ex Metaph. L. I. c. 3. constat.

^l) De diuinat. L. II.

^m) Conf. quae post GATAKERVUM ad Anton. L. IV. §. 4. p. in. 130. diximus Amoenit. lit. T. VIII. p. 304 seqq.

ⁿ) Exhibuit ea CUDWORTHVS Syst. int. c. V. §. 2. §. 14. p. 927 seqq.

cticae, quae passim in errorem hunc Christianos doctores induxit, originem CLEMENS ALEXANDRINVSⁿ: quem ex recentioribus secuti sunt FICINVS^o, LIVIVS GALANTES^p, PETRVS DANIEL HVETIVS^q, RADVLPHVS CVDWORTHVS^r, ANDREAS DACIERIVS^s: quorum primus loco ex *Sophista*, alter ex *Philebo* tertius ex *Hierocle*, quartus ex *Timaeo* et de legibus, quintus ex conquiritis ratiunculis disputat. Quibus omnibus vel vnus *Timaeus*, in quo tota physiologia Platonis comprehenditur, refutandis sufficit, in quo Deo materia tam manifeste iungitur, vt non inepte quis miretur, qui fieri potuerit, vt viri alias oculati in his videndis tantopere coecutiuerint, nisi praeiudicium, quo seducebantur, satis esset notum, concordare Platonem cum Mose. Certe Platonici ipsi eclecticae scholae priores nunquam aliter magistrum intellexerunt, nec CICERO^t, APVLEIVS^u, ALCINOVS^v, et ipse quoque, his iunior CHALCIDIVS^w tradiderunt, quam, admisisse Platonem principia prima duo, Deum et materiam, hanc vero esse, vt APVLEII verbis vtamur, improcreabilem incorruptamque: hisque demum adiici ideam. Nec quae loca a viris doctis afferuntur, id, quod volunt, dicunt; esto enim, parentem vniuersi Deum Plato in *Timaeo*, dixerit, an ergo filium hunc suum ex nihilo produxit, et non ex praeexistente materia? concedamus, in *Sophista* dicere Platonem: a Deo creata animata et inanimata cum prius non fuissent, an hoc ad materiam traxit philosophus? Nec quae Liuius Galantes et post eum alii ex *Philebo* afferunt, Deum τὸ ἀπείρον produxisse, et τὸ πᾶν addidisse, id est, vt volunt iuniores Platonici infinitae materiae a se productae formas adiecisse et impressisse, quicquam ad rem adducunt, cum Plato non dicat, Deum ex nihilo produxisse, sed δεῖξαι, visibile fecisse infinitum finito, quasi determinatum et configuratum, de cuius vexatissimi loci sensu in sequentibus, prolixius dicemus. Huetio vero, recentiores Platonicos secuto, qui tamen nec ipsi materiam ex nihilo creatam dicebant, ipse opponendus est, qui alio loco^x obseruat: mundi materiam προὔπαρχουσαν et aeternam statuisse Platonem, et αἰώνιον appellare, et εἶσαν πρὶν τὸ πᾶν γενέσθαι, quae fuisset, priusquam omnia fierent, nec audiendos esse iuniores Platonicos, Christianis dogmatis accommodantes materiam, dicentes, itidem, vt ideam, in Dei decreto aeternam spectasse Platonem: eos enim satis et ex theogonia Hesiodi, et ex Pythagoreorum, ex Anaxagorae et Stoicorum, ac deinde Valentinianorum et Marcionistarum^y consentiente cum Platonis decretis doctrina refelli. Quae pleraque vt rectissime dicuntur, ita miramur, illustrissimum Praesulem, hoc tamen non obstante, eodem loco veterem cantilenam de conuenientia Mo-
sis cum Platone potuisse repetere. Dacierii autem ratiunculae nihil probant;

Q q q q 3

qui,

n) Strom. L. V.

o) In Argumento in Timaeum c. 12. 13. p. m. 459 seq. vbi quidem lubitanter loquitur. Clarius in indice: v. Deus creauit omnia ex nihilo p. 136. l. m. qui locus est in *Sophista*.

p) Compar. Theol. Plat. et Christ. L. XI. p. 237.

q) Qq. Alner. L. II. c. 5.

r) l. c. et p. 485.

s) Vit. Plat. p. 178.

t) Qq. Academ. L. I. c. 6.

u) De dog. Plat. L. I. p. m. 284.

v) c. 12. STANLEY. p. 338.

w) Opp. p. 3. Comm. in Tim. c. 12. §. 305.

x) Demonstrat. Euang. Prop. IV. c. 2. §. XIV. p. m. 55. ed. rec.

qui, si materia aeterna et independens dicatur, unitatem DEI Platoni tantopere probatam tolli putat ^y. Ostendemus enim in sequentibus, materiae aeternitatem non obstitisse Platoni, ut vnum Deum statueret. Quod vel inde colligi potest, quod tot philosophi duo aeterna principia, Deum et materiam statuerint, qui tamen vnum tantum Deum professi sunt. Nec facit ad rem, quod Plato τὸ μὴ ἕντος saepius mentionem faciat, cum de materia loquitur. Planum enim postea faciemus, quod in praesentia CICE-
RONIS ^z verbis eloquimur; *Nihil Platonem putare esse, quod oriatur et intereat, idque solum esse, quod semper tale sit, qualem ideam appellet ille, nos speciem.* Quam significationem nonentis, auxerunt, et ad materiam quoque formatam traduxerunt recentiores Platonici, ut deinceps dicemus. Quos in hac quaestione ideo non audiendos esse monemus, quoniam mentem conditoris sectae turpissime adulterarunt, et ut Christianis propiores viderentur, et assertae creationi ex nihilo propinquiores, materiam ex sinu DEI emanasse, sicque ab aeterno ex se productam fuisse contenderunt, ut ad horum hominum placita delati latius demonstrabimus. Hac doctrina supposita, a qua in ecclesia praeter haereticos quosdam nec Origenes cum sequacibus alienus fuit, sequebatur, mundum esse aeternum, quem tamen abstractione mentali, et in signo rationis, ut loqui solent, considerauerunt, tamquam a Deo productum ex nullo alio praeexistente subiecto. Quae cum ita se habeant, omnino ex creationis e nihilo assertorum albo delendus est Plato, quemadmodum nullam inter gentiles sectam gentemque eam agnouisse doctissime et luculenter probauit acutissimus MOSHEMIVS ^a, qui de hac re omnino est consulendus.

II. Sunt itaque duae causae rerum omnium, vna, a qua sunt omnia, altera ex qua sunt omnia. Illa Deus est, haec materia, quae ut sibi opponuntur, ita aeternae sunt, et a se inuicem non dependentes. Primum hoc totius physiologiae Platonicae fundamentum est, quod in *Timaeo* posuit, et cui totam theologicam ac physicam considerationem inaedificauit. Quoniam vero plusscula sunt, quae circa hoc generale Platonicae philosophiae principium obseruari merentur, ordine omnia expendemus. Notamus itaque. I. Platonem Deum et materiam, resque ex illa factas aperte, et sollicitè distinguere. Loquitur id totus Timaeus ^b, cuius dissertationis mox initia eo tendunt, Deum non ex se, sed ex materia praeexistente et sine ordine iactata et commota omnia fecisse, vnde et materia semper a Platone, tamquam subiectum, ex quo architectus mundi omnia fecit, considerari solet. Id quod a Timaeo Locrensi ^c didicit, cui etiam materia est aeterna, non tamen immobilis; vnde et PLVTARCHVS ^d rectissime ex mente Pla-

^y) Addit alia longe infirmiora, animam fuisse ante corpus etc. Aliud enim materia aliud corpus apud Platonem.

^z) Tusc. Qq. L. I. c. 24.

^a) In elegantissima diss. de creatione ex nihilo, adiecta CUDWORTHII syst. intell. p. 957 seqq. qui

et de his omnibus §. 15 seqq. p. 973 seqq. latissime et doctissime disputat.

^b) T. III. p. 28 seqq.

^c) Vid. Opusc. Mythol. GALEI.

^d) De generatione animae secundum Tim. T. III. p. m. 78 seqq.

Platonis, materiam et substantiam dixit, ἡ γεγραμμένη ἀλλ' ὑποκειμένη αἰεὶ τῷ δημιουργῷ ἐς διάθεσιν καὶ τάξιν αὐτῆς παρασχεῖν, non factam vel natam, sed semper subiectam opifici et disponendam praeiussisse. Alia non addimus, videndi vero viri veterum doctrinarum peritissimi IACOBVS WINDETVS ^e, et IOH. CHRIST. WOLFIVS ^f. II. Posuisse Platonem talia duo principia, quae natura sua a se inuicem differant et separata sint planeque sint alia ^g. Ita enim de vtroque principio tradidit, vt materiam motui inordinato subiectam statueret, et ad eam Deum tum accessisse diceret, vt eam formaret. Quae ita exponit LAERTIVS ^h: *Duo omnino exposuit Plato rerum principia, Deum atque materiam, illum mentem et causam vocat; esse autem materiam informem et infinitam, ex qua concreciones fiant; ea cum aliquando temere et inordinate moueretur, a Deo ait in locum unum coactam, quod ordinem temeritati praestare censuerit.* Quae iisdem fere verbis ipse PLATO ⁱ proponit: *cum vellet Deus bona omnia facere, nihil vero, quoad natura pateretur malum, quicquid erat, quod in cernendi sensum cadere posset, assumpsisse; non tranquillum et quietum, sed temere agitatam et fluitans, idque ex inordinata iactatione redegit in ordinem.* III. Non vero diuersam, sed contrariam quoque vtrique, quod posuerat, principio, naturam Platonem adscripsisse, ex iis, quae in sequentibus dicuntur, erit manifestissimum. Materiam enim non omnis tantum formae expertem, sed et sine ordine iactatam, vique aliqua inhabitante bruta, et ordine atque bono omni vacua moueri, Deum vero summe perfectum bonumque ad hanc materiam accessisse, eamque quantum posset, in ordinem redegit, materia obstrepente, et non in omnibus obsequente, satis luculenter in *Timaeo* tradidit. IV. Ex quibus iam sponte fluit, cum vtrumque principium sit aeternum, nec vnum prius alio et materia Deo coaeva, vt recte PSEVDO-ORIGENES ^k, natura vero materiae a Dei natura contraria affectione et qualitate differat, Platonem duo principia coaeterna et tempore coequalia, licet natura inter se diuersissima posuisse: materiamque iuxta eum ab omni aeternitate vna cum Deo extitisse ^l. Nihil in eo statuit Plato, quod non toti fere antiquitati placuerit, quae materiam semper aeternam Deoque aequaevam credidit, vti ex hactenus disputatis est manifestum. Hoc tantum discrimine, vt, cum initimo nexu Aegyptii alique, quos poëtae Graeci, et Ionici ante Anaxagoram schola item Italica secuti sunt, Deum cum materia iunxerint; alii vero aeterna emanatione materiam ex Deo propullulasse somniant, vt supra in systemate Zoroastro vidimus, Plato totum Deum a materia separauerit, eumque libere ad eam accessisse tradiderit, qua fere ratione Ionicam theologiam Anaxagoram emendasse, et in

^e) De vita sanctorum statu f. III. p. m. 36.

^f) De Manich. ante Manichaeos f. II. §. 32. p. 25.

^g) Prolixè ex nexu totius theologiae Platonicae id demonstrat doctissimus ZIMMERMANNVS de Ath. Platonis, Amoen. lit. T. IX. eiusque apologia T. XII. XIII.

^h) L. III. f. 69.

ⁱ) In *Timaeo* I. c.

^k) philosophum. c. XIX. p. III.

^l) Add. PLUTARCHVS de Isid. et Osir. vbi ait, necesse, in natura boni et mali ortum peculiarem suumque principium extitisse. Confer. si lubet, quae prolixè disseruimus in Hist. de ideis Sect. I. §. 4. p. 41 seqq.

et in Perſide quoque emanationis ſyſtema corruptum et dualiſticum introductum fuiſſe ſuis locis demonſtrauiſimus. Non ignoramus, eſſe viros doctos^{m)}, qui ſuſpiciuntur, non ab omni prorsus copula cum materia Platonem Deum liberaſſe, nec tantam eam eſſe libertatem, qua ad ornandam materiam acceſſiſſe Deum Plato ſtatuit, quanta creditur; neque diſitemur, totius fere antiquitatis conſenſum, in iungendo aliquo modo Deo cum materia, non obſcure perſuadere, non plane ab hoc vniuerſali dogmate abiſſe Platonem. Quoniam tamen ſubobſcure de his locutus eſt Plato, ita vt de mente eius diſtincte ſtatueri plane impoſſibile ſit, ſufficere putamus, vt in eo certi ſimus; Platonem nec materiam cum Deo feciſſe vnum; nec ineuitabilis neceſſitatis vinculo cum eo coniunxiſſe; et tantum inter vtrumque principium diſcrimen poſuiſſe, quantum inter rationale et brutum, bonumque atque malum, ordinem item atque inordinatum intercedit. V. Ex his iam conſtare arbitramur, longiſſime receſſiſſe a genuina atque ſincera Platonis mente Platonicos recentiores, ex Aegypto prodeuntes, qui ipſam quoque materiam ex Deo educatam fuiſſe contenderunt, et ita loco ſyſtematis dualiſtici, emanatiuum Platoni tribuerunt, id quod poſt Plotinum totam eius ſcholam feciſſe, infra, vbi de his hominibus erit agendum, demonſtrabimus, et doctiſſime quoque confeſcit MOSHEMIVSⁿ⁾. Magnum tamen ſententiae ſuae praefidium inueniſſe ſibi viſi ſunt recentiores Platonici, et in his imprimis PROCLUS^{o)}, in loco Platonis in *Philebo*, cuius ſupra mentionem fecimus, quoque haud obſcure innui putant, Deum infinitam quoque materiam ex ſinu quaſi ſuo expulſiſſe et formaſſe. Qua de re noſtra aetate, ſatis acriter decertatum fuit, inter viros erudiſſimos, et veteris philoſophiae apprime gnaros NICOLAVM HIERONYMVm GVNDLINGIVm^{p)}, et IOH. IAC. ZIMMERMANNVM^{q)}, quorum ille Platoniorum Aegyptiacorum explicationem in *Philebo* manifeſte fundari non ſine feruore contendens, Spinoziſmi culpam Platoni imputauit, hic ad ipſum Platonem prouocans, doctrinam eius de Deo, et materia, a Deo diſtincta prorsus et ſeparata illi oppoſuit. Qua in controuerſia ardentius, quam par erat, agitata, arbitri quidem partes nobis non ſummimus, certi tamen ſumus, eos, qui vel ſemel *Timaeum* Platonis attente legerunt, et qua ratione Plato Deum a materia diſtinguat, perſpexerunt, manibus palpaturos, receſſiſſe in hac re a Platone Alexandrinae ſcholae philoſophos. Semper enim materiam Plato tanquam ἀρχὴν συναιδίων καὶ κεχωρισμένην exponit, nec eas nugas tangit, quas Platonici, vt propius ad Chriſtianos accederent, magiſtrumque ab abſurditate ſyſtematis dualiſtici liberarent^{r)}, commenti ſunt. Nec id vult locus *Philebi*, quod vel Proclus, vel qui Proclum ſequuntur, Liuius Galantes, Cudworthus et imprimis ce-

leber-

m) cel. MOSHEM. ad Cudw. p. 209. n. 2.

n) Diff. de creatione ex nihilo l. c. p. 994.

o) In *Timaeum* Plat. L. II. p. 17. vbi acriter in eos inſurgit, qui duo rerum principia Platoni tribuunt. Idem facit HIEROCLES de prou. et fa-

to apud PLOTINVM Cod. CCLI. p. 794 ſeq. ed. Hoefch.

p) Gundlingian. P. XLIII. XLIV.

q) Amoenit. liter. T. IX. XII. XIII.

r) Id PROCLUS et HIEROCLES II. c. ſatis prouiderunt.

leberrimus Gundlingius velle putant^s. Quod vt manifestum fiat, ecce ipsa Platonis verba^t, vt lector iudicare ipse valeat. Statuit Plato, siue Socrates, sub dialogi huius initio, Deum in rebus omnibus genitis ἀπειρίαν siue infinitum, et τὸ πέρας terminum, vel finitum, coniunxisse atque inter se sociasse, vbi inter alia Socrates: τὸν Θεὸν ἐλέγομεν πᾶ, τὸ μὲν ἀπειρον δεῖξαι τῶν ἑνῶν καὶ τὸ πέρας; Deum dicebamus, ex iis, quae sunt, alterum quidem infinitum, alterum vero terminum ostendisse. Vbi cum obscurior sit, verbi: δεῖξαι significatio, varios in sensus illud tractum est. Liuius enim Galantes, idem dicere vult, ac produxisse^u, illustri Gundlingius effundendi significatum amplectitur, alii alium, manifesto indicio, incertos haesisse viros doctos, quid Plato sibi velit, vel significationem potius Platoni intulisse, quam ex eo eruisse. Imprimis tanta confidentia tum loco hoc tum Alexandrinorum philosophorum, praecipue IAMBlichi^x et Procli explanationibus nititur Gundlingius, vt nullus dubitet, Platoni hanc de Deo doctrinam tribuere: esse igneam substantiam, vnum totum complectentem, sese denique euoluentem, fluentemque ac se ipsam diidentem et gignentem similia, quae in materiam ab vno et toto separatam sese iterum infundat, adeoque res omnes diuinitatis participes reddat, in qua sensibilia subsistant etc. Mutauisse hac ratione Academiam in Stoam virum celeberrimum, lector rei peritus satis sentiet. Aut omnia vero nos fallunt, aut id non dicit Platonis locus, quod viri eruditissimi ex eo exsculpunt. Non mouebimus iis controuersiam, an τὸ ἀπειρον ipsa sit materia, quamquam MOSHEMIVS^y contendat, ne id quidem concedendum esse, cum sit τὸ ἀπειρον notio abstracta genusque affectionum, rerum, qualitatum, quae in se et abstracte consideratae, certum modum et finem haud habent, sed vel augeri et minui, intendi et remitti possint; verbo, notionem abstractam proprietatum non determinatarum: sed concedamus, quod plerisque Platonis interpretibus^z placuit, illud infinitum esse materiam, eo quod in infinitum moueri, mutari, et infinitas formas recipere valeat; illud non inuiti concedent, τὸ πέρας siue terminum finitum esse, mensuras, modificationes, relationes, proportionem, quibus determinatur materia, vt finitum quid, id est, mundus aspectabilis, eniteret. His suppositis, luculentus, et systemati Platonico conformis sensus loci huius hic est, Deum in mundi visibilis formatione ostendisse, id est, visibilem fecisse^a, infinitis modificationibus aptam et inuisibilem materiam, dum certas et determinatas proportionem, (secundum quas Plato generationem rerum factam esse putat) ei impressit, vt inde mundus visibilis appareret. Quae si admittantur, vt

^s) Accessit etiam TH GALEVS ad IAMBlicH. de myst. Aegypt. p. 276. etsi ipse obseruet, Platonem in Timaeo materiam Demiurgo opponere, et contradiſtinguere ab eo.

^t) Phileb. T. II. p. 23.

^u) conf MOSHEM. l. c.

^x) Vtitur is voce προάγειν.

^y) l. c. p. 985.

^z) Vid. PROCLVS l. c. qui τὸ ἀπειρον, siue infinitum extremum esse materiam contendit.

^a) Ita a folita ſignificatione verbi δύκνειμι non receditur.

*Atheismus
Platonis.*

ut sunt Platonis sermoni conuenientia, plane docent, Platonem materiam non tanquam opus DEI ex se productum vel effusum, sed tanquam subiectum in quo operaretur respexisse, et ordinationem, formationem, aliaque, quae materia suscipere apta est, ei tribuisse. Sed ut in viam, a qua digressi sumus reuertamur, VI. ex dictis iam de atheismo Platonis quaestionem quoque soluendam esse monemus. Spinozismi eum reum agere GYNDLINGIVM ^b τὸν πᾶν, ex supra dictis, notum est, cui se magno labore opposuit cl. ZIMMERMANNVS, cuius tamen argumenta, ne nimii simus, non adducimus, sed lectorem ad eum remittimus. Id nos potius obseruamus, et eam, quam Platoni ille tribuit mentem, proprie Spinozismum non esse, cum concedat vir celeberrimus, materiam ex Platonis mente se ab isto igne subtilissimo, qui Deus est, separauisse, Deumque nouo actu se in illam infudisse, qua ratione ex vna substantia duae, licet arctissimo inter se vinculo nexae, ortae sint, quod ab vnica Spinozae substantia differt, etsi et hoc satis sit impium: et patere potius ex demonstratis putamus, duas substantias, Deum et materiam Platonem statuuisse, sibi inuicem contrarias. Quae sententia, quatenus impietatem ^d complectatur, et ad atheismum referri queat, hic dispicere, ab instituto nostro alienum est. Id vero mone- re ex re nostra est, Platonem ipsum in *Politico* innuere: non existiman- dum esse, duos Deos, contraria sentientes coelum vertere. Cuius ratio in natura materiae quaerenda est, de qua in sequenti thesi dispiciemus, quae nihil eorum habet, quae ad Dei naturam requiruntur, sed et ratione, et bo- nitate, et ordine caret, sine quibus Deus esse iuxta Platonem non potest. Et haec ipsa causa est, cur tot philosophi dualisticum systema admiserint, non putantes iniurium id in summum numen esse, ad cuius naturam non solam existentiam a se ipso, et infinitatem, sed et internam perfectionem, actionem, bonitatem et lucem requirebant. Sed de hac quaestione in speciali atheismi historia dispiciendum est, videndus autem CUDWORTHVS ^e, licet is non accurate eo loco contra Plutarchum pugnet.

*Natura ma-
teriae.*

§. XIX. Ut vero, quae dictae sunt de primis atque vniuersalibus Pla- tonicæ physiologiae et theologiae principiis, clarius intelligantur, expli- candum porro est, qualem esse materiae, qualemque Dei naturam Plato statuerit. Et de materia porro quidem ita praecepit:

III. Materia est aeterna atque infinita; id est, explirante CICE- RONE ^f, subiectum omnibus sine vlla specie, atque carens omni illa qualitate, ma- teria quaedam, ex qua omnia expressa atque effecta sunt: quae tota omnia accipere potest, omnibusque modis mutare, atque ex omni parte, eoque etiam

^b) Il. cc. conf. quos laudat Sum. Reu. REIM- MANNVS *Histor. atheismi* cap. XXII. pag. 159 seqq.

^c) Nostri sunt celeberrimi viri VOSSIVS de ido- lolat. gent. L. I. p. 36. IO. CHR. WOLF. de Mani- chae. sino ante Manich. §. XXXII. p. 124. BVDDEVS thes. de atheismo c. I. §. 13. H. E. V. T. T. II. p. 1076.

MOSHEM. II. cc. et qui inter Britannos historiam vniuersalem condunt p. 125.

^d) Conf. quae de impietate huius opinionis in Platone disserit BAYLE cont. des pensées sur les com. p. 351. coll. Dict. crit. v. Zoroastre not. E.

^e) I. c. p. 236 seq. et MOSHEM. ad h. l.

^f) Acad. Qq. L. I. c. 6.

etiam interire, non in nihilum, sed in suas partes, quae infinite secari ac diuidi possunt, cum sit nihil omnino in rerum natura minimum, quod diuidi nequeat, quae autem mouentur, omnia interuallis mouentur, quae interualla item infinite diuidi possunt. Et cum ita moueatur illa vis, quam qualitatem esse diximus, et cum sic ultro citroque versetur, materia ipsa tota penitus commutatur, et ita efficiuntur, quae qualia appellantur, e quibus in omni natura cohaerente et continuata cum omnibus suis partibus effectus est mundus. Ita eloquentissimus philosophus luculenter materiam Platoniam depingit, quam prolixè in *Timaeo* ipse Plato describit, et imprimis vrget, vt suscipere quidem queat omnia, nec vllam sibi formam contrahat, sed suae naturae fictioni subiecta sit; et aliter se habeat ab ingredientibus formis. Hinc vniuersi quod et genitum est, et sensibus omnibus manifestum, matrem ipsam receptaculumque, inuisibilem speciem quandam, et informem finem omnium capacem nominat, eaque in sequentibus latius deducit, et imprimis id vrget, nullam esse in materia formam eorum, quae ambigua et vix explicabili diuinae et intelligibilis naturae vi immittuntur, posse vero omnes istas formas admittere, et ita iactari atque moueri, vt similia coeant, dissimilia inter se dissipata ad eum locum discedant, quibus similia euadere possint. Qua de re ipse Plato, prolixus in ea, omnino legendus est. Ex his vero diiudicanda est quaestio, num inter atomisticos philosophos ita numerari Plato queat, vt materiam minimis particulis constare censendus sit dixisse? Id materiae quidem definitioni, quam ex illo attulimus contrarium esse, quilibet videt, quae quoque causa fuit, cur CUDWORTHVS^g, ex omni antiquitate systematis atomistici patronos conquirens, Platonem inter eos referre ausus non sit. Locutus tamen est interdum ita prorsus, vt ex minimis particulis cuncta conflata asseruisse videatur. Ait enim porro in *Timaeo*, πάντα οὖν δεῖ ταῦτα διανοεῖσθαι μικρὰ ὅπως, ὡς καὶ ἐν ἑκάστῳ εἶδέν ὁρώμενον ὑφ' ὑμῶν συναθροισθέντων δὲ πολλῶν τῆς ὅγκου αὐτῶν ὁρᾶσθαι, haec omnia ita parua et exilia, cogitandum est, vt si singula duntaxat singulorum generum capiantur, nullum eorum propter exiguitatem cerni a nobis possit, sin multa inter se congregentur, eorum moles multitudinesque cernantur. Ex quo loco GASSENDVS^h atque CUDWORTHVSⁱ, collegerunt, Platonem atomis vsu esse, ad describendam corporearum rerum originem. Et CHALCIDIVS quoque γόμφας Platonis, quibus Dii minores corpora humana conglutinauerint, minutas solidasque particulas siue corpuscula esse, defendit. Quemadmodum vero hi γόμφαι, siue cuneoli, vti Cicero vocat, non sunt particulae ex quibus corpora hominum constant, sed commissurae potius siue vincula, quibus illae quasi conglutinantur: Ita in priori loco Plato tantum de particulis loquitur, qualitate iam vestitis, ex quibus elementa corporum conflantur, e. g. particulis pyramidalis formae, ex quibus ignis constat, quae a

Plato an atomos admiserit?

Rrr r 2

primis

primis illis materiae particulis, qualitate omni destitutis, et in atomistico systemate receptis longe differunt. Nec Plato tantopere materiae iam formatae dispositionem, quam potius formantis atque formarum impressionem considerauit, relictæque physica parte metaphysicam, ut erat ingenio ad has speculationes natura se ferente, et in scholis Pythagoreis ita instituto, profecutus est, totus scilicet ideis suis atque causis exemplaribus captus, et in iis naturam atque essentiam rerum quaerens, quae a systemate atomistico longissime recedunt.

IV. Materia, quod ex his sequitur, corpus non est, sed corpora ex materia demum formantur. Id quod dicto loco ita expressit CICERO^k: *Nihil esse, quod non alicubi esse cogatur, sed quod ex utroque (causa efficiente et materia) fiat, id iam corpus et qualitatem nominauisse.* Probe id non in Platonis tantum, sed in omni fere veterum physicorum doctrina naturali tenendum est, materiam ex qua fiunt corpora, ab ipsis corporibus distinguendam esse, nec idem esse τὴν ὕλην et τὸ σῶμα. Id quod ex mente Platonis luculenter STOBÆVS^l explicuit, monens, materiam quidem corpoream esse, sed non corpus; negari autem, corpus esse materiam, non tam, quod interuallis corporeis careat, (id est, longa, lata, profunda sit,) quam quod aliis quoque multis ad corpus pertinentibus per se destituatur, ut figura, colore, gravitate, leuitate, et omni denique qualitate et quantitate; nam si haec haberet, inter quanta et qualia referretur. Nunc his cum per se careat, ut corpus non est, ita corpoream dici, quod omnibus qualitatibus, tanquam speculum subiiciatur. Ex his vero sequitur: incorporeum cum immateriali in horum hominum scholis confundendum non esse.

Vnde malum
Platoni?

V. Inest vero materiae necessaria et innata cupiditas, siue bruta et coeca vis quaedam, quae inordinate eam mouet, quaeque in causa est, ut nec optimam in omnibus formare Deus potuerit, et mala inde omnia oriantur. Grauis haec quaestio, et in Platonis scholis vehementer ventilata, vnde refractaria illa materiae vis, qua se causae efficienti ita opposuit, ut, cum optimam facere vellet, non in omnibus ea optima fieret. Quam ut distincte consideremus, et in ea soluenda, quantum licet, Platonem, mire in his quoque, ut semper solet, obscurum, assequamur, notamus: 1. Certum esse ex mente Platonis, materiam, natura et conditione sua, ita se habere, ut opifici, semper optima quaevis volenti, resistat saepius, et ab eo non in omnibus cogi queat, sed semper aliquid in ea illi contrarium sit. Id praeter morem perspicue haud vno loco professus est Plato, imprimis in *Theaeteto*^m et *Timaeo*ⁿ. Priori enim loco diserte ἀλλ' ἐτ' ἀπολέθαι τὰ κακὰ δυνατόν, ὑπεραντίον γὰρ τὸ τῷ ἀγαθῷ εἶναι ἀνάγκη, fieri non potest. ut mala tollantur, contrarium enim bono aliquid semper esse, necesse est. Qui locus non id tantum indicat, inueniri in rerum natura, aliquid bono contrarium, sed et id necessitate fieri, id est, ex naturali eius conditione ori-

ri.

^k) loc. cit.

^l) Eclog. phys. c. XIV. p. 29.

^m) T. I. p. 176.

ⁿ) T. III. p. 30,

ri. Altero vero loco non minus luculenter: βεληθεῖ ὁ Θεὸς ἀγαθὰ μὲν πάντα, φᾶνλον δὲ μηδὲν εἶναι κατὰ δυνατόν, voluisse Deum bona omnia, malum vero nullum, quantum possibile, quam restrictionem recte SERRANVS de naturae siue materiae conditione explicat; in eodem enim dialogo, ita in hanc rem: *Quum haec ordine carerent, singulis Deus, et ad sese et ad alia inuicem eatenus modum rationemque proportionis indidit, quatenus singula suscipere poterant.* Ex quibus locis luculenter apparet, esse in materia aliquid quod non tantum eam, quam Deus volebat, perfectionem recipere natura sua non poterat, sed quod etiam mala inclinatione motuque contrario se optimae causae opponat. 2. Quid vero illud sit, ita obscure indicauit Plato, vt mirum non sit, sequaces de eo vehementer inter se disputauisse. Ipse loco notabili^o de magnis naturae rerum conuersionibus, quae stasis temporibus euenire solent differens, causasque malorum naturalium, quae inde oriuntur, explanans, ait: τὸνδε, τὸν κόσμον πάλιν ἀναστρέφον ἐμαρμένη καὶ ζύμωτος ἐπιθυμία, mundum vero fatum reuoluit, iterum et innata cupiditas; quae postea ita explicat, vt defectuum istorum causam in naturam corpoream, antiquae naturae fomitem coniiciat; additque: quondam valde inordinatam et deformem naturam fuisse, antequam praesenti ornatu decoraretur, et ab hoc priori habitu incommoda et iniusta omnia, quae intra coelum nascuntur, et mundus ipse sustinet, et animantibus inserit, deriuat. Ex his quidem planum esse existimamus, in natura materiae esse illam vim, cupiditatemque deformitatis et inordinati motus, vnde mala oriri necesse est; adeoque Platonem non ad solam materiae inertiam respexisse, sed ad latens quoque aliquod in materia principium atque vim quandam, quae ordini refragaretur, bonoque esset contraria, et omnis illius inordinati et confusi in materia motus causa esset, fontem et originem imperfectionum naturae, quae mala physica solent appellari retulisse. 3. Quae vero illa naturalis et necessaria vis sit, (vnde eam fatum vocat, quod ex lege naturae materiae ineuitabilis esset) ea de re interpretes non conueniunt. Inter quos maxime notabilis est sententia PLUTARCHI^p, qui collatis inter se Platoniorum opinionibus eo tantum descendit, esse in materia animam quandam brutam, irrationalem, contrariam bono, quae et aeterni illius in materia motus auctor sit, et causa malorum, cum legibus et ordinationi causae efficientis refragetur. Quam Plutarchi explicationem, cum ea rem mirifice illustret, tanquam Platonis menti omnium maxime conformem admiserunt IUSTVS LIPSIVS^q, et PETRVS GASSENDVS^r viri magni, et in iudicandis veterum doctrinis accuratissimi, itemque his non inferiores PETRVS BAYLE^s et IO. LAUR. MOSHEMIVS^t. Quibus suo modo praeiuit CLEMENS ALEXANDRINVS, licet is ex hac

Rrr r 3

anim

^o) In Philebo.^p) De animae procreatione ex mente Timaei

T. II p. m. 155.

^q) Physiol. Stoic. L. I. diff. XIV. p. 32.^r) Physic. f. I. L. I. c. V. T. I. opp. p. 156.^s) Diät. T. IV. art. Zoroastre not. E.^t) Ad CUDWORTHVM p. 242.

anima mala diabolus scripturae memoratum exsculperit. Quam tamen sententiam reiecerunt tanquam alienam a Platonis mente eruditissimi viri RAD. CVDWORTHVS " et IO. CHRISTOPHORVS WOLFIVS *, ad cuius rationes respondit MOSHEMIVS. Nos vtriusque partis argumenta atque rationes non afferemus, cum id instituti ratio non patiatur, facileque legi queant apud viros celeberrimos, qui magna eruditione de hac re egerunt, paucis tamen, quid nobis videatur, saluo aliorum iudicio, in quos arbitri partes nobis non sumimus, exponemus. Et ita quidem obscurum incertisque et vagis verbis usum esse Platonem, ex allatis supra eius locis constat, ut satis appareat, aut timore quodam novae religionis et principiorum inter Graecos nondum auditorum noluisse sententiam aperte dicere, aut nesciuisse ipsum, quid in ancipiti argumento et difficili quaestione potissimum statuendum esset, et qua ratione, cum Deus causam optimam esse diceret, et tamen malorum originem demonstrare auderet, ex natura materiae malum esset deriuandum, ideoque, more tot philosophis recepto, ad ideas obscuras vagasque et principia non facile intelligenda confugisse. Quod si tamen, consulto Platonici systematis vniuersali nexu, aliquid pronuntiandum, vel coniiciendum nobis est, nondum illa Plutarchi, quod viri laudatissimi statuunt, probabilissima, mentique Academiae maxime conformis interpretatio nobis videtur. Et in eo quidem consentientes habemus viros praestantissimos, quaerendam esse hanc vim insitam mali in materia, siue illa in anima quadam sita sit, siue in dispositione aliqua naturali; cum vtrumque ad ipsam naturam materiae referendum sit. Nec magnopere repugnabunt viri docti nobis, totum hunc disputationis dissensum ad abstractas magis aliquas notiones, quam ad rem ipsam redire, in qua inter eos, qui brutam ac malignam aliquam in materia animam statuunt, et inter illos, qui prauam et boni contrariam materiae vim ac dispositionem naturalem afferunt, satis conuenit, materiam eiusque naturam bono ex parte contrariam et inobsequentem esse. Tandem nec hoc quoque Platonis φιλοσοφούμενων gnaros negaturos esse confidimus, Platonem ipsum, et a magistro edoctos sequaces affectiones, dispositionesque naturales, immo dico abstractionum ex geometricis in philosophiam traductarum studio tanquam entia peculiaris et singulari ratione existentia sibi ingenio efformasse. His suppositis si ad adducta Platonis loca, et simul ad ipsam eius physiologiam et metaphysicam respicimus, causam non videmus, cur, quae εἰσαζία καὶ ἐναντιότης τῷ καλῷ materiae tribuitur, daemone siue animae cuiusdam peculiari in materia residenti adscribenda sit? Nam concedendum quidem omnino est, Platonem praeter naturalem inertiam, quae materiae propria est, conatum quoque naturalem operationibus et motui causae rationalis atque bonae contrarium, motumque aliquem malum, brutum et inordinatum, ei tribuisse, verum eum a materiae natura distinxisse, nullis verborum Platonis testimoniis hactenus euictum deprehendimus: et toti quoque

*) I. c.

*) De Manichaeismo ante Manich. §. XXXII. p. 124 seq.

que systematis Platonici nexui contrarium videtur. Nam si Plutarchi sententiam sequimur, tria omnino principia statuiffe oportebat Platonem non duo, Deum et materiam, praeter Deum enim fuisset non materia solum iners sine affectione, qualitate et motu, sed et anima illa bruta, quae materiam confuse agitat atque iactat, et Deus, qui et materiam format, et animam hanc materiae quantumpotest emendat^y. Id quod et Timaeo Platonis, duo tantum, si exemplarem causam, tanquam secundi generis eximas, principia ponenti contrarium est, et toti scholae Academicæ. Nec attendisse videtur, qui hanc potissimum Platoni tribuit sententiam, Plutarchus, Platonem ex Heraclitea schola totam de materia tractationem, certe istam doctrinam, materiam semper esse in motu, et naturali necessitatis lege ferri ac iactari, transsumsisse, quod clare testatur ARISTOTELES; apud Heraclitum autem iste materiae motus non ab anima proficiscitur, sed vis ac affectio quaedam materiae est. Et vidit hoc, quod mireris, ipse Plutarchus, qui tamen eius postea oblitus est, monens, id quod Plato aliique necessitatem fati vocarunt (illa vero animae huius necessaria et aeterna commotio est) vocasse Empedoclem amicitiam et litem, Heraclitum versatilem mundi harmoniam, velut contentionem in lyra. Empedoclis vero amor et dissidium pariter non peculiaris anima, sed naturalis materiae est affectio. Nec, quantum nos intelligimus, pro anima salvis hypothesebus suis, Plato hanc *ξύμφυτον ἐπιθυμίαν τῆς ὕλης* habere potuit. Sunt enim omnes animae mouere aptae apud Platonem *ἀντοκίνητοι*, adeoque etiam eiusdem per se subsistentis et immutabilis naturae; unde quod in anima humana mobile et diuersum obseruauit, aliunde, et ex admixtione aliqua materiae deriuauit. Tales autem animae hanc *ἀνίστασαν καὶ ταυτότητα* (liceat cum philosopho loqui) a prima rerum omnium causa enteque supremo habent. Anima vera illa materiae non potest esse eiusdem naturae, cum alterationi et mutationi, quicquid est in materia, subiectum sit, nec materia iuxta sinceram Platonis doctrinam ex Deo sit, vel in eo subsistat, ut iuniores Platonici finxerunt. Cum itaque vis illa materiae, de qua quaestio est, nihil habeat, quod ad naturam et definitionem animae requiritur, anima quoque ex mente Platonis esse non potest. Vrgent vero laudatissimi viri, et qui imprimis magna eruditione, in hoc argumento versatus est, cel. MOSHEMIVS^z, hanc ipsam animae naturam, quae in eo consistit, ut motus causa sit. Duo enim is affert loca Platonis

^y) Obiecit etiam hoc Plutarcho CUDWORTHVS Syll. int. c. IV. §. 13. p. 232. cui respondit acutissimus interpres, non intelligi animam, quae naturae per se subsistentis, aut principii nomen mereatur, sed esse vim quandam motricem, in materia reconditam ac ratione vacuum, quam Deus, mundum condens subigit, emendat, corrigit, et ad suam voluntatem flectit, noua denique parte auget, ne incerto diutius impetu feratur. Rectissime, si ex Platonis mente iudicandum est, quanquam ita illa non nimis firmo ralo stant, quae p. 242. disputantur. Sed veremur valde, ut haec mens Plu-

tarchi fuerit, qui ideo animam hanc introducit, quia motum habere, et contrariari bono non putat conuenire materiae, omni qualitate expertae. Si enim pro eiusmodi vi habuisset, ita de materia non statuisset. Interim tamen errare putamus Cudworthum, qui Plutarchum duos Deos statuere arguit; nam haec ex mente scholae Platonicae nondum efficere Deum, supra iam monuimus. Deus idem est, materia, et quicquid in materia est, diuersum, adeoque Deus esse non potest: quin nec anima, quae ab eodem participat.

^z) l. c. p. 242.

tonis, quibus diserte tradit, omnem motum oriri ab anima; alterum ex libris *de legibus*, vbi PLATO^a ait, ψυχὴν ταυτὸν ὃν καὶ τὴν πρῶτον γένεσιν καὶ κίνησιν τῶν τε ὄντων, *animam idem esse, ac primam generationem, et motum rerum quae sunt. etc.* Alterum ex *Phaedro*, vbi anima, ταῖς ἄλλαις, ἔσα κινεῖται, πηγὴ καὶ ἀρχὴ κινήσεως, *omnium, quae mouentur fons et principium motus* dicitur. Quibus concinit CICERO^b, qui hunc, ait, motum Plato in *solis animis esse ponit*^c ab hisque principium motus esse dictum putat. Et certissima haec quoque sunt, sed ad rem, nostro quidem iudicio, non faciunt. Priori eum in loco loquitur Plato non de confusione et inordinato materiae motu, vel agitatione et iactatione potius (si vox motus Platonica significatione tantum de motu a causa rationali, id est anima proueniente accipi debet) materiae, sed de motu ordinato, quem Deus animae mundanae, et per hanc materiae indidit, quo motu omnia quae generantur, fiunt, et decentissime componuntur. Nam expressis verbis eum vocat motum, quo prima generatio effecta est. Quod si de illo motu intelligendum, quo conditor res omnes apte disposuit, vt generarentur, intelligi non potest motus, qui ante generationem materiae praesens fuit, quique in confusa et incerta fluctuatione magis, quam motu ordinato, consistit, et hoc nomine velut indignus est, vnde et rectissime Plutarchus agitationem fluctibus similem nominat. Et eodem quoque sensu alter ex *Phaedro* et *Ciceronis* quoque locus intelligendus est, qui vterque de motu, qui est causa existentiae rerum loquitur. Potuit itaque Plato materiae agitationem et iactationem tribuere, licet animam ei non tribuat, cum non nisi motus ordinatus, et constans animis conueniat, qui intellectum causam habet et rationem. Talis non est motus ille materiae, ex quo nunquam mundi generatio orta esset, nisi Deus assignauisset inordinatis, vt ait Plutarchus, intellectum, id est, nisi ex confusa iactatione ordinatam conformationem motumque materiae rationalem fecisset. Nec fortassis aliud vult ratio a Plutarcho allata; materiae quia sine qualitate est, non conuenire, vt motus sui auctor sit. Nam haec non rite consequuntur, quia inordinata et confusa iactatio sensu Platonico qualitas non est, quae in materia demum a causa rationali siue intellectu diuino mota et in ordinem redacta inuenitur^d. Quibus rationibus inducti eatenus deferendam putamus Plutarchi sententiam, quatenus peculiarem quasi naturam ex vi hac materiae insita exsculpit, etsi recte is sentiat, cum, praeter materiae inertiam, Platoni quoque vim naturalem bono, ordini, rationi contrariam materiae adfuisse, hincque malorum origines quaerendas esse disputat. Sed suspicamur nos, Platonem seduxisse Plutarchum, vt quae ille more suo in abstractionis et rationis signo dixerat, hic physice intelligeret, et subscribimus merito sententiae doctissimi MOSHEMII^d: *Si de rebus ipsis consensio sit, de numeris et rerum distinctionibus cum nemine certandum esse.* Ceterum quae ratio-

^a) Lib. X.^b) De nat. Deor. L. II. c. 12.^c) IDEM Qq. Acad. L. I. c. 5.^d) l. c. p. 233.

ratione de origine mali moralis in anima philosophatus sit Plato, infra dicemus.

§. XX. Alterum ex mente Platonis principium, materiae oppositum *Natura Dei*. Deus est, de quo porro Plato ita:

I. Praeter materiam causa quoque est, quae ex ea effecit omnia^e, quaeque fons est omnium rerum per se existentium, spiritualium, et naturam perfectam habentium, quae quoque causa est opifex et conditor omnium rerum^f.

II. Opificem vero et patrem inuenire difficile, et cum iam inueneris, eloqui vulgo impossibile^g. Rationes huius asserti supra, ubi de obscuritate Platonis differuimus, iam dedimus: illis hanc adiicimus, respexisse simul Platonem ad plerorumque hominum ingenia ad metaphysicas abstractiones minus apta, et hinc varios eiusmodi conceptibus errores affingentia, qui in periculum philosophos plus semel induxerunt.

III. Demonstrari tamen euidenter potest, esse summam causam rationalem, siue Deum; quod et vniuersum rerum genus et ordo, ac humana species probat. Prolixus in utroque argumento est PLATO libro decimo *de legibus*^h, et imprimis, ex elegantissimo vniuersi ordine et progressionem, quae semper eadem est, et optima, concludit, necessarium esse, mundum ab optima potentissimaque ratione disponi; cum vero vnum sit vniuersum, consequens esse, vnam quoque tantum esse summam eiusmodi rationem. Reliqua argumenta veritatis huius primariae apud ipsum Platonem quaerenda sunt.

IV. Est is Deus materiae oppositus, incorporealis ratio, sola mente et intelligentia assequenda. Ita quidem multis locisⁱ Plato de Deo, qui intelligibile et incorporeum genus, ut loquitur CHALCIDIVS^k, quod semper idem est, principaliterque subsistit, sine ortu, sine occasu, minime mutabile, nullam habens cum sensibus societatem, pura mente perceptibile, Deum scilicet, et cogitationes eius intelligibiles atque incorporeas species, rebus omnibus corporeis, qualitatem et formam recipientibus, et ex materia conflatis opponit. Etsi vero sic satis pie atque sobrie de Deo differuisse Plato videtur, fuerunt tamen viri docti, quibus Plato suspectus fuit, quod non omnem plane de Deo extensionem remouerit, etsi in eum nihil cadere crediderit, quod corporale in eius philosophia vocatur. Supra enim iam monuimus, cel. GUNDLINGIUM^l id sibi demonstrandum summis, Platonis Deum reapse materialem esse et igneum, etsi a crassiori materia maxime separatum. Cui tamen prolixè et erudite contradixit cl. ZIMMERMANNVS, fuscè probans^m, Platonem Deum cum materia prorsus non

e) Ibid.

f) Tim. T. III. p. 29. Phaed. T. I. p. 78. et passim.

g) Tim. I. c. Ep. VII. T. III. p. 341.

h) T. II. p. 885.

i) Timaeus T. III. p. 30 seq. Polit. T. II. p. 174.

Tim. Loer. T. III. p. 93. 94.

k) In Timaeum Plat. c. XIII. §. 347. p. 404. add. omnino PLUTARCHVS de plac. philos. L. I. c. 7.

l) Gundling. P. XLIII.

m) Amoenit. liter. T. XII. p. 417 seqq.

non confudisse, et maximum inter τὰ νοητὰ eorumque summum quasi apicem, Deum, et τὰ αἰσθητὰ discrimen posuisse. Idem laboriose euincere conatur CVDWORTHVSⁿ⁾, cuius tamen argumenta id non probare, quod vult, demonstrat praestantissimus interpres; qui obseruat, probari id quidem posse, quod Plato DEVM a rebus omnibus separauerit corporeis, et spatio quoque rerum corporearum exemerit; quia vero veteres et ipse Plato, longe aliam, quam nos, incorporei, materiae, simplicis, et similium notiones sibi effinxerint, nostros conceptus illi non tribui posse, et eundem diuinae immaterialitatis conceptum illi adscribi: certumque quidem esse, se Platonem ab hac crassa, et mutabili quibus omnia corpora constant, natura Deum separasse; ast tamen se vix dubitare, quin eum subtilissimae, simplicissimae, ac indiuiduae cuiusdam materiae participem fecerit. Eiusmodi enim materiam diuinam, indiuiduam, immutabilem, veteres possibilem sibi finxisse, ex Stoicorum Deo, qui eiusmodi ignis sit, posse disci, et ex anima ipsius Platonis. Nos hic certa ab incertis separanda esse putamus, et inter illa referimus, quod Deum Plato non tantum corporibus, et quicquid corpoream qualitatem habet, et mutationi est obnoxium contradistinxerit, sed et ipsi materiae, ex qua omnia fiunt, vt ex Timaeo est manifestissimum; quod porro omnia ei attributa adscripserit, quae nos immaterialibus substantiis, sensu hodie recepto, tribuimus, quod nempe et simplex sit, et loco atque spatio nostro non comprehendatur, et omnis motus auctor sit, et summe rationalis, sapiens atque bonus existat. Haec enim a nemine Platonicae theologiae gnaro negari posse, putamus. Vnde conficimus, Deum non tantum sensu Platonico immaterialem dicendum esse, sed longe abiisse quoque Platonem ab iis, qui eum materialem hodie quoque non sine impietate faciunt. Incertum vero et obscurum esse fatemur, an ita Dei notionem ab omni materialitatis subtilissimae et indiuiduae natura separauerit, vt hodie puriorem philosophiam sequentes solent. Nullibi enim paulo apertius mentem elocutus est suam Plato, sed id impossibile esse, in Timaeo candide professus est. Suspicionem vero praemittitur, non tantum, quod Heracliteam philosophandi rationem secutus est, quae Deum ignem esse dixit^{o)}, nam hunc in materia tantum considerata tenuisse videtur, sed potissimum, quod Pythagoream theologiam professus est, in qua Deum ab omni materialitate non separatum fuisse, etsi hi homines eadem, quae Plato, de Deo, intelligibilibus et incorporeis, garriant, suo loco probabimus. Nec recentiores Platonici multum nos iuuant; qui, vt redderent Platonem magis sanum, et rectiora docentem, magnopere eius decreta mutauerunt. Tutissimum itaque hac in re putamus, Platonem intra velum; quo se abscondit, latentem relinquere, quam incerta certis substituere.

V. Est

n) Syst. intell. c. V. f. 3. §. 7. p. 1009 seq.

o) IUSTINO MARTYRI cohort. ad Graec. p. 6. docuisse dicitur Plato τὸν ἀνοράτω Θεὸν ἐν τῇ πυρόδει ὅτις ἐστίν, supremum Deum in ignea essen-

tia esse. Quae tamen et hoc significare possunt, summum Deum habitare in sede ignea, quam sine colore, sine tactu, sine figura, sine essentia existere in Phaedro ait.

V. Est vero in Deo et liberrima voluntas et prouida rerum omnium cura, et potentia summa, qua in materiam agere eatenus potest, quatenus illius natura patitur ^p. Multus in his Dei attributis describendis passim est Plato, vnde et vnanimi ista ore veteres quoque et in his ALCINOVS, APVLEIVS, LAERTIVS, PSEVDO-ORIGENES, MAXIMVS TYRIVS, et tota Platoniorum recentiorum caterua ^q. Negandum vero non est, etsi splendide de Deo differat Plato, magnam tamen ex semel admissa de duplici principio hypothese fecisse diuinæ perfectioni iniuriam. Nam supra iam vidimus, non eousque penetrasse diuinam potentiam, vt refractariam naturae vim geniumque quasi rebellem reprimeret totam, sed fecisse κατὰ δύναμιν, quantum viribus suis in materiam liceret. Vnde non iniusta premit Platonem suspicio, talem eius de Dei natura infedissem notionem, quae ab omni erroris labe purgari non queat, cum ea talis iuxta Platonem sit, quae non omnia in materiam potest, vt ex quouis ligno artificii non sit Mercurius ^r.

VI. Deus ille bonus erat, bonus autem nulla vnquam aliqua inuidia tangitur. Ergo cum liuor ab eo alienissimus esset, omnia sibi, quantum fieri poterat, simillima fieri voluit, cum itaque vellet bona omnia fore, nihil autem, quoad natura pateretur, malum, quicquid erat, quod in cernendi sensum cadere posset, assumsit, non tranquillum et quietum, sed temere agitatum et fluitans, idque ex inordinata iactatione redegit in ordinem. Hoc enim iudicabat esse praestantius ^s.

§. XXI. VII. Vt vero rationali modo pulcherrimum Deus mundum conderet, aeternum exemplar secutus est, quod ratione sola et sapientia sola comprehendere potest, et immutabile permanet. Ita quidem expressis verbis PLATO ^t, qui hoc primum theologiae et physiologiae dogma vbique fere inculcauit: more tamen suo ita obscure de hoc tertio condendi mundi principio differuit, vt in varias iterum opiniones eius sequaces atque interpretes descenderint. Praecipue vero multum haec Platonis doctrina, de aeterna ratione, qua Deus mundum condidit alterata est, ex quo iuniores, qui Alexandriae sedem primariam habebant, Platonici multa de mente, altero in diuinis principio, philosophati sunt, et sermonis ac φιλοσοφούντων rationem ita instituerunt, vt Christianis, de aeterno DEI verbo magnifica multa differentibus essent, vel viderentur propiores. Qui cum nunquam magis, vt ex disputandis apparebit, quam in doctrina de tribus in essentia diuina hypostasibus, a Platone recesserint, in hoc quidem argumento consulendi non sunt, quod cum neglexerint, et aurem iis praebuerint patulam viri doctissimi, CVDWORTHVS ^u, BASNAGIVS ^v, et innumeri fere alii, mi-

Causa exemplaris.

SSSS 2

rum

^p) Polit. T. II. p. 174. de legibus L. X. T. II. p. 899. vbi prouidentiam Dei etiam circa minima asserit, conf. Amoen. liter. T. IX. p. 852 seqq.

^q) Conferendus, qui pleraque loca huc pertinentia coaceruauit, eruditissimus ZIMMER-MANNVS II. c.

^r) Conf. quae diximus in Otio Vindel. Mel. II. §. II. p. 171 seqq.

^s) Timaeus I. c. p. 29.

^t) I. c.

^u) System. intell. c. IV. §. 36. p. 638 seqq.

^v) Hist. des Juifs T. IV. c. 4. p. 67 seqq.

rum non est, multum Platonis genuinam hac de re sententiam obscuratam esse. Ne itaque ad hunc lapidem incautius nos quoque offendamus, ad eos plane non attendemus, suo loco audiendos, sed quantum licet, Platonem ipsum et Platonis interpretes ipsi propiores, audiemus. Vt vero accuratius de eius mente statui queat, distincte, quae illi circa hoc rerum omnium principium visa sint, enumerabimus. Et 1. quidem certum est, et vniuersali tum Platoniorum, tum aliorum quoque ex veteribus testimonio constat, ideam, siue λογισμὸν Dei ideas rerumque omnium exemplaria complectentem, inter principia theologiae siue metaphysicae suae, quin et inter causas physiologicas summas retulisse. Et PLATO quidem ipse in Timaeo satis clarus est. PLUTARCHVS^y autem Platonem τρεῖς ἀρχαίς, τὸν Θεόν, τὴν ὕλην, τὴν ἰδέαν tria principia, Deum, materiam et ideam posuisse, diferte testatur. Idem asserunt IUSTINVS MARTYR^z, PSEUDO-ORIGENES^a, et alii, vt Platonicos ALCINOVM, APVLEIVM et his similes taceamus, laudatos MENAGIO^b. Quod nonnullis scrupulum mouit, cum a Laërtio aliisque audirent, duo tantum posuisse Platonem principia, vnde diuersa quoque vel emendandi vel conciliandi haec inter se via inita est, de quo cum alio loco, satis quantum est, differuerimus^c, hic, ne nimis simus, nihil, praeter istud, addimus; duo statuuisse principia Platonem respectu ad primam rerum omnium originem habito, vbi non aliud erat praeter Deum et materiam: tria vero asseruisse, vti causam simul exemplarem et instrumentalem considerabat; nam duo illa absoluta sunt, vt vidimus, tertium a causa efficiendi dependet. Quo sensu iam SENECA^d dixit: *exemplar non esse causam, sed instrumentum causae necessarium*. 2. Hanc rationem vel ideam, vtroque enim nomine vocauit, cuius causam postea enarrabimus, ad Deum Plato retulit, et ita ex Deo deriuauit; Vocat^e enim hunc intellectum diuinum, λογισμὸν τῷ Θεῷ ἀεὶ ὄντως, reuera semper existentem rationem Dei; et in Epinomide^f, λόγον τῶν πάντων θεϊότατον, ὃς ἔταξε τὸν κόσμον, rationem omnium diuinissimam, mundum perficientem. Hanc rationem recentiores Platonici mentem nominant, quam appellationem tamen eo sensu, quo ipsi adhibent, vt alterum principium in diuinis, quod ex Deo emanauit, describerent, frustra in Platone requiras. Et si enim testatur LAERTIVS^g; Θεὸν νῦν προταγορεύει καὶ αἰτίον; deum mentem vocat atque causam, et ipse PLATO in Philebo^h aliquoties mentem diuinam nominet, apparet tamen ex hoc dialogo satis euidenter, illum isto quidem loco non de peculiari principio, sed de ipso Deo sapienter et cum ratione mundum disponente locutum esse. Ait enim: *Est causa minime mala coordinans annos et horas, et menses, sapientia et mens iustissimo nomine appellata*; et paulo post: *Ergo in Iouis ipsius natura regiam animam,*

y) De placit. philos. L. I. c. 10.

z) Cohort. ad Graec. p. 7.

a) Philosophum, c. XIX. p. 108.

b) Ad LAERT. L. III. f. 69.

c) Hist. de ideis Sect. I. §. 5. p. 55 seqq.

d) Ep. 65.

e) In Timaeo l. c.

f) T. II. p. 986.

g) L. III. f. 69.

h) T. II. p. 30 seqq.

animam, regiamque mentem inesse propter vim causae, confiteberis. Hinc 3. non levis controuersia oritur, an hanc rationem D E I, in qua rerum omnium exemplaria esse Plato statuit, ut habet in *Timaeo*, a Deo ita separauerit, ut peculiare principium, quod propriam ὑπέστατον habeat, constituat, quemadmodum Deus et materia per se subsistunt: an in signo tantum rationis, et per abstractionem seorsim hunc Dei intellectum, atque rationem considerauerit, re ipsa eam in Deo collocans? Prius omnes sequuntur, qui Platonicos recentiores non abiisse a sincera Platonis sententia contendunt. Illi enim hanc Dei mentem, per se subsistentem, in qua vere sunt, quae sunt, substantiam esse, quae prima pulchra sit et per se pulchra; eamque ante secula ab auctore Deo emicantem, per se genitam et sibi ipsi parentem fuisse, et procedentem ex Deo natam, asseriebant, ut haec docet Porphyrius apud CYRILLVM ⁱ, et PLOTINVS ^k, magna subtilitate demonstrare conatus est. Immo et ipse celeberrimus CLERICVS ^l, qui Platonici recentioribus exiguum alias in Platone interpretando pretium statuit, his se partibus, licet aliis rationibus ductus, iungit. Aliter tamen SOUVERAINVS ^m, notissimus famosi libri, qui *Platonismus detectus* inscribitur, architectus, qui trinitatem illam Platoniam in Platone extare negans, quicquid de tribus principiis in natura Dei dicatur, ad sola Dei attributa pertinere, quae in Deo, causa mundi, qui eius filius sit, resideant, sapientiam, potentiam et bonitatem, contendit, quaeque Plato aliter dixisse visus est, ideo ab eo ita pronuntiata existimat, ut non-initiatis πολυθεότητα souere, et a recepta de diuinis doctrina non abire videretur. Quae quo potissimum fine disputet, satis notum est, nec ad nostrum argumentum pertinet. Alios, qui in signo tantum rationis, hanc rationem a D E O separauisse Platonem contendunt, licet aliis argumentis vsos, hic non citamus ⁿ. Et difficile quoque est, de veritate inter utramque partem statuere; etsi facile esse putemus, ad Souueraenii rationes respondere, quae rem non conficiunt. Nam ita obscurus est Plato, et tam ambigue loquitur, ut facile in eam descendamus sententiam, ipsum sibi hic, ut saepius, non constituisse. In *Philebo* enim tam aperte mentem attributum Dei facit, ut laterem lauare videantur, qui ἰὺν βασιλέα ἑρᾶν καὶ γῆς, regem coeli et terrae, quod ibi dicit, peculiarem personam siue hypostasim induci a Platone contendunt. Aliis vero in locis ita de idea, siue λόγῳ loquitur, ut personam non intellexisse, vix concipi queat. Praeter multa loca ab aliis producta vnum afferimus, satis, luculentum, qui circa initia libri VII. de republica occurrit. Ibi enim cum elegantissimam similitudinem de specu, ubi umbratiles ideae videntur, exposuisset, addit: *Arbitror in ordine ipso intelligibili, boni ipsius ideam supremam existere, vixque videri: si autem visa fuerit, asserendum, eam omnibus omnium rectiorum atque bonorum causam esse; cum ipsa in loco visibili lumen creauerit, et luminis auctorem in ipso vero intelligibili regnet ipsa, veritatemque et mentem protulerit.*

Ssss 3 Vides

i) Contra Julian. L. I. p. 32.

k) Ennead. V. L. I. c. 6. p. 487.

l) Epist. critic. VII. p. 197 loq.

m) P. I. c. 7. p. 63.

n) Conf. MOSHEM. ad CUDWORTH. loc. cit.

Vides hic mundum sensibilem et intelligibilem sibi opponi, et vtrumque a summa causa deriuari, quam omnium bonorum auctorem existimat, quod in mundo visibili non lumen tantum, sed et eius auctorem solem, condidit, in mundo vero intelligibili non tantum veritatis ex se auctor est, sed et causam eius mentem, tanquam solem intelligibilem protulit. Vbi aperte, ratio siue veritas, et mens eius auctor inter se distinguuntur, et ei, vt soli, in mundo sensibili peculiaris existentia adscribitur. Alia loca non minus clara iam praeterimus. Quae si accurate perpendantur, prona via in hanc nos deducunt sententiam, nihil de Platonis hac in re mente dici posse, quia vel ipse se non satis intellexerit, sibiue constiterit, vel intelligi ab aliis noluerit.

4. Vt vero coniecturas quoque nostras afferamus, quidque nobis verisimile fiat, modeste indicemus, non negamus, eam nobis arridere sententiam, quae statuit, mentem Platonis peculiarem aliquam substantiam ex essentia Dei promanantem et generatam apud eum esse. Cuius rei argumenta quibus ad eam amplectendam ducimur, haec potissimum sunt. α) Plato ideam, mentem, rationem inter summa principia retulit, et non tantum a materia formaliter distinxit, sed et a causa efficiente, ita vt eam peculiariter in existentiam et formam rerum omnium influere credat, etsi existentiam a Deo habeat, in quo est. Principiorum vero naturam esse, vt non sint tantum, sed et per se existant, modo licet, naturae suae conuenienti, multoties declarauit. β) Ipsa quoque λογισμῶν θεοτάτης, quem Plato asserit, natura, id euincere videtur; in ea enim omnes rerum omnium essentiae et intelligibiles formae, vti postea videbimus, continentur, quae in ipsa hac ratione siue idea Dei, essentiam propriam et existentiam quoque per se habent, et idem sunt ac immutabiliter permanent, vti postea dicemus, ostensuri, eas Platonem a summo Deo separauisse. Harum idearum, quod proprium ipsorum nomen est, regionem quasi constituit Plato mentem siue rationem Dei, non tantum, quatenus obiectum intellectus diuini sunt, vt Platonicis recentioribus, Platonem comitibus ornantibus, placuit, sed quatenus per se existunt, et existentiae causam formamque essentiae rebus sensibilibus conferunt. Tales cum sint in ista idea, qui potest ea diuersae et deterius naturae esse? γ) Attendendum quoque in hac quaestione considerata putamus ad fontes, vnde Plato physiologiam et metaphysicam suam hausit. Supra enim euicimus, materiam transfussisse ab Heraclito, idearum, rerumque omnium diuinarum rationes a Pythagoricis, hasque ita illi opposuisse, vt cum materiam in perpetuo fluxu esse statueret, principium ei praeficeret, non rationale tantum et efficiens, quod inordinate iactatam materiam in ordinem redigeret, sed et exemplare, quod ex sua natura immutabili et per se existente, rebus fluxis et mutabilibus constantem formam, naturam et essentiam largiretur, vt in *Timaeo* aperte docuit. Ex quibus naturali nexu sequitur, ipsum hoc principium exemplare, essentiam per se subsistentem et peculiarem, habere debuisse. Ita enim Pythagoreos docuisse, luculentus testis TIMAEVS LOC RV S ° est, qui sta-

tuit, ἰδέαν ἀγένετον τε καὶ ἀκίνητον, καὶ μείον τε, καὶ ταῖς ταυτῷ φύσιν, νοα-
 τόν τε καὶ παράδειγμα τῶν γενομένων, ὁ κόσμος ἐν μεταβολῇ ἐντί, τοῖς τε γὰρ
 τι τὰν ἰδέαν λέγεσθαι τε καὶ νοεῖσθαι, esse quiddam ingenitum, et immobile, et
 manens, et eiusdem naturae, ac intelligibile exemplar, genitorum omnium, quae
 in mutatione sunt, tale enim quiddam ideam dici et intellectu concipi. ^{p.} δ) Nec
 quae in reliquis tum metaphysicae tum physiologicae capitibus docuit Pla-
 to, aliam videntur explicationem pati. Nam non solum Deum ipsum, sibi
 quasi relictum et in infinito diuinitatis profundo demersum Plato statuit,
 qui ut materiam ordinaret, ministro et instrumento opus haberet, sed et
 tertium principium, quod ad rerum generationem requirit, animam mun-
 danam, non in abstractione sola, sed re ipsa exstantem asseruit, unde nec,
 alterum principium ab hac αὐτοσχία καὶ ὑποστάσει, ut cum sequioribus Pla-
 tonicis loquamur, excludi posse videtur. Quae quoque in ascensu redi-
 tuque animae ad ipsam substantialem veritatem initio libri septimi de rep.
 commentatur, eo tendunt omnia, non ut ad ipsum Deitatis fontem, sed ut
 ad ideam primam, omnes ideas et essentiales formas in se continentem ani-
 mus assurgat, id quod de re, in sola animi notione exstante intelligi nequit.
 Neque ε) haec a Platonici systematis natura et indole aliena sunt, quod ema-
 nationem rerum siue entium spiritualium ex summo DEO mediante idea
 siue mente, tanquam canali, asserit, et ideas, Deos, daemones, quae pecu-
 liaria et immutabiliter per se existentia entia Platoni sunt, in hac mente
 tanquam regione idearum comprehensa affirmat: quae vero emanatio, non
 nudas notiones et abstractions, sed entia realiter existentia, siue ut Plato-
 nice loquamur, ὄντως ὄντα supponit. Nec haec ζ) a Platonis quoque inge-
 nio aliena sunt, quod ut erat enthusiasticum, ita ad largiendam principiis
 metaphysicis existentiam physicam erat pronissimum, id quod totum eius
 systema loquitur. Hae rationes, si non sufficiunt ad hanc, quam affirmant,
 opinionem, firmandam, euincunt tamen, meliora et certiora non habere
 contra sentientes, nec certi quid de Platonis hac in re mente statui posse.

§. XXII. IIX. Hoc vero exemplar rerum aeternum, haecque ratio et *Natura*
 mens diuina, omnia rerum exemplaria in se continet, quae aeterna sunt, et *idearum*,
 per se, ac vere talia, et naturam in se habent persistentem, quibus rebus flu-
 xis et mutabilibus essentiae imprimuntur. Decantatissima haec Platonis de
 ideis doctrina est, quae recte, monente Attico apud EUSEBIUM ⁷ caput et
 cardinem philosophiae Platonicae constituit: sine quibus non metaphysica
 tantum et theologia Platonis, sed et naturalis et moralis philosophia confi-
 stere non potest. Adeo vero prolixum hoc Platonis dogma est, ut summa
 tantum philosophiae veteris capita delibantibus totum enarrare sit impossi-
 bile. Praestitimus quoque singulari tractatione hanc operam, et *historiam*
de ideis ⁷ prolixè enarrauimus, quam adire oportet eos, qui haec accurate
 nosse

^p) Conf. CLERICVS l. c. qui eodem quoque
 argumento utitur.

^q) L. XV. c. 13. p. 815.

^r) Editam Augustae Vindel. 1723. 8. cuius com-

pendium enarrarunt Aët. Erud. Lat. 1723. Sept.
 p. 392 seqq. Aët. Erud. Germ. P. XCVI. p. 870 seqq.
 Bibl. Germanique T. VIII. p. 218 seqq. T. IX. p. 69
 fqq. Supplementa vero dedimus T. VIII. Amoen. lit.

nosse cupiunt. Nos instituti memores potiora tantum summatim carpe-
mus, ea adiecturi, quae illo loco nondum dicta sunt.

I. Occasionem vero introducendi ideas Platoni exhibuit Heracliteum
de materia dogma, quo iuuenis imbutus erat: teste enim ARISTOTELE^s,
*a iuvene cum Cratylo Heracliteo conuersatus Plato, et eiusmodi doctrinis in-
nutritus, omnia sensibilia semper fluere, neque dari scientiam de iis, necesse esse
concludebat, si scientia alicuius rei sit, ut aliae quoque existerent naturae per-
manentes, praeter sensibiles; non enim dari fluentium scientiam.* Hinc, vt re-
rum ipsarum essentias, quas in fluxa et semper mutabili materia, quae
quouis momento alteratur, non deprehendi putabat, declararet, ad entia
eiusmodi diuina, spiritualia, immutabilia et per se subsistentia, quae sola
mente cerni possent, ac intelligibilia sint, delapsus est, easque primus, vt
ait ARISTOTELES^s, ideas vocauit. Neque tamen rem ipsam suo in-
genio debuit, vti nomen, sed a Pythagoreis, quorum metaphysicam et
theologiam didicerat, accepit, in quorum schola nihil celebrius fuit illis
entibus vere et per se talibus. Ea entia numeros vocauisse Pythagoram,
suo tempore demonstrabimus¹⁾: et ab his numeris ideas suas mutuam ac-
cepit Plato: id quod recte viri in veterum doctrinis pernoscentis acutissi-
mi monuerunt. et nos alio loco *peculiari dissertatione* demonstratum dedi-
mus²⁾. Conferenti enim numeros Pythagoricos cum ideis Platoniceis,
planum erit, vtrumque dogma inter se amice conspirare. Eodem enim
fundamento inaedificatum, nempe emanationi rerum spiritualium ex Deo;
eadem numerorum, quae idearum, definitio, numeri distincti et ordines
eorum numerati, vt idearum; ideae ex mente diuina deriuatae vt numeri;
eadem numeris, quae ideis asserta dignitas, numeris circa animam homi-
nis idem locus, eadem dignitas, idem officium assignatum; obiectum
vtrumque philosophiae, et numeri et ideae; finis idem, per numeros, vt per
ideas Deo fieri similem, et ad intuitiuam eius cognitionem ascendere. Quae
omnia non rationibus tantum ex Pythagorica et Platonica disciplina petitis,
sed et luculentis veterum testimoniis confecimus, quae hic, cum prolixiora
sint, repetere et exponere non licet. Quae tamen opinio non arrisit acu-
tissimo MOSHEMIO³⁾ qui modeste, vt solet, sibi videri multum interesse
inter rerum notiones seu ideas, et inter numeros professus est, neque enim
satis perspicue se intelligere conuenientiam vtrorumque. Id quod nostrae
potius obscuritati et tractationi imperfectae, vt in recondito eiusmodi ar-
gumento fieri solet, et a nostri ingenii paupertate alienum non est, quam
summo, quo is pollet ingenii acumini, vel rei ipsi adscribendum esse puta-
mus. Et fortasse, vt ex alio loco, vbi de numeris Pythagorae doctissime

vir

1) Metaphys. L. I. c. 6, L. XIII. c. 4. Hist. de ideis
Sect. I. §. 2. p. 15 seqq.

2) l. c. AVGVSTIN. Oct. tr. Qq. XLVI. T. III.
p. 388.

3) Nominauimus ὁμοψύχους l. citando p. 184 seqq.

Cudworthum, Morhofium, Wolfium, Claubergium, Burnetium, Calannam.

4) Diss. de conuenientia numerorum Pythagorae cum ideis Platonis Amoen. lit. T. VII. art. 7. p. 173 seqq.

5) Ad CUDWORTHVM p. 466. n. 7.

vir incomparabilis disputat, colligere licet, aliud per numeros et ideas intellexit, quam nos intelligimus, et Pythagoram atque Platonem intellexisse credimus. Ideae enim nobis non sunt animi notiones, vel εἶδη, sed aeterna rerum omnium exemplaria, et substantiae per se subsistentes, quae ideae vocantur, non ideo, quod tantum in nostra mente existunt, sed illam potius ob causam, quod sola mente cerni atque intelligi possunt. Quam ideae definitionem ipsum Platonem secutum fuisse, vel solus eius *Parmenides*, ubi prolixè de ideis disputat, demonstrat. Numeros vero Pythagorae non rationes arithmeticas esse, sed aeterna et essentialia rerum omnium principia causasque exemplares, IAMBlichVS singulari libro ^z probavit: quae cum amice conspirent cum ideis Platonis, causam non videmus, cur Plato, qui metaphysicam Pythagorae suam fecit, hanc doctrinam ex schola Pythagorica accepisse dici nequeat. Nec aliud ARISTOTELES ^a velle videtur, quando Platonem coluisse ait, φιλοσοφίαν τὰ πολλὰ τοῖς Πυθαγορείοις ἀνακολυθίσαν, philosophiam in multis Pythagoreos sequentem.

II. Sunt vero ideae iuxta Platonem aeterna rerum sensibilibus exemplaria et formae, quae propria substantia gaudent, et ratione atque intelligentia continentur. Ita et PLATO ipse, qui in *Timaeo* ^b aeternas vocat, et κατὰ ταυτὰ καὶ ὁσάυτως ἐχέσας, eodem se semper modo et similiter se habentes; speciesque, quae semper eadem sunt, sine ortu atque interitu, quae nec accipiunt quidpiam aliunde, nec ipsae procedunt ad aliud quidpiam, sensuque corporis nullo percipiuntur, et ad solam intelligentiam pertinent, et alibi, hanc earum definitionem affert: ἐστὶ γένος τὶ ἐκάστη, καὶ εἶσα αὐτὴ κατ' αὐτήν, est genus rei uniuscuiusque, et essentia ipsa ex se ipsa. Ciceronis, Alcinoi et Laërtii loca alibi ^d adduximus, quibus ex Platoniciis multa addi possunt, ubique enim haec doctrina in eorum scholis personat: quam tamen Alexandrini Platonici, ut alia multa, deprauarunt, ut ex iis videre est, quae de iungibus, siue ideis in oraculis Zoroastri suppositis dicuntur. III. Hae ideae et exemplaria rerum a Deo ex se producta sunt, cum rationem Deus ex se educeret, inque hac mente sua ideae illae, siue entia intelligibilia existerent. Hic iterum obscurus est Plato, interdum enim ita de ideis locutus est, ac si diuini essent intellectus notiones et conceptus de rerum essentiis, quos Deus respexit, cum mundum condere vellet; plerumque vero eas describit tanquam entia sua quidem peculiari substantia gaudentia, in regione tamen idearum, siue λόγῳ Dei comprehensa. Quam tamen inconstantiam non in hac sola re ^e, sed et alibi saepius prodidit. Quod si vero nexus totius systematis metaphysici Platonis et definitiones idearum a Platone allatae considerentur, recte eas a Deo separatas credidisse statuendum est, nec audiendi sunt Platonici iuniores, qui etiam in hoc Platonem emendauerunt, ut ideas a summo Deo, vel mente potius realiter non differre, sed

in

^z) Introd. in Nicomachi Arithmetica, quam edidit SAMUEL TENNVLIVS.

^a) Metaphys. L. I. c. 6.

^b) T. III. p. 28.

Hist. philos. Tom. I.

^c) In Parmenide T. III. p. 135.

^d) Hist. de ideis sect. I. §. IV. p. 39.

^e) Notavit ideo Platonem CYRILLVS ALEX. contr. Iul. L. II. p. 66, conf. Hist. de id. l. c. p. 32.

in eo non radicaliter tantum (nam hoc neque Plato negauit) sed formaliter quoque comprehendere assererent: id quod postea interpretes Platonis in diuersam sententiam traxit, qua de re cum alio loco ^f prolixè satis egerimus, hic copiosius differere non vacat. Id nos hoc loco paucis moneamus, eos, qui ideas substantia sua ab intellectu diuino separatas constituisse Platonem asserunt, et ARISTOTELEM ^h testem habere, et eius sequaces plerosque; et definitionem idearum a sua parte. Eas enim Plato non aeterna tantum rerum exempla et notiones in intellectu diuino esse voluit, sed et substantias *ἰδέας αὐτὰς καὶ ἑαυτὰς*, ex se et per se ipsas, quae essentiam rebus fluxis largirentur, postquam semel ab intellectu diuino, in quo radices quasi suas agnoscunt, et fundamentum, ab aeterno emanarunt. Nisi enim hoc statuamus, comprehendere non potest, qui Plato sibi animo conceperit, non imaginem tantum vel notionem vniuersalem equi, sed et essentiam atque formam equi, in Deo esse ^g. Intercedit vero et hic eruditissimus MOSHEMIVS ^h, et ingeniose contra hanc sententiam disputat. Contendit is, non auctoritatibus plerumque fallentibus, sed rationibus ex systemate petitis pugnandum et iudicandum esse; non esse sententiam tam absurdam viro a iudicio et ingenio non destituito facile imputandam; non intelligi posse ideam v. g. equi, vniuersalem existentem, notionem vero equi claram esse; nec postulare nexum systematis Platonici eiusmodi ideas a Dei intellectu separatas, in quo ideo tantum ideae intellectus diuini obiectum, vt exemplar fabri, constituentur a Platone, vt eos profligaret, qui aut mundum ipsum Deum esse, aut casu et temere naturam rerum concreuisse doceret, quae vero contrario sensu ab eo dicta videantur, poetico et figurato dicendi generi adscribenda esse. Quae etsi magnam pro se speciem habent, liceat tamen pace Viri summi, cuius ingenio et eruditioni merito assurgimus, paucis ea exponere, quae nos impediunt, quo minus Aristotelicam de ideis Platonice opinionem deferamus. Dabimus, non tam auctoritatibus hic standum esse, quam rationibus, licet et hoc in obscuro argumento philosophi, qui data opera intelligi noluit, periculosum sit, cum pluribus exemplis constet, ratiocinando in varias interpretationes et significationes tandem totum Platonis systema physiologicum abiisse: Aristoteles vero, qui praeceptorem oppugnandum sumsit, plenius ac nos eius mentem intelligere potuerit. Sed rationibus Platonice nixi de hac re dispiciemus. Eas vero postulare credimus, vt ab intellectu diuino Plato ideas separaret. Non enim ille solus philosophi scopus fuit, quem affert vir longe praestantissimus; vt impietati eorum se opponeret, qui Deum e mundi fabrica excluderent, sed potissimum, docente ARISTOTELE ⁱ, vt scientiae locum faceret, cum ex schola Heracliti retinuisset, materialia omnia incerta, fluxa et in momenta mutabilia esse. Vt itaque scientiae locus esset,

addu-

^f) l. c. p. 60 seqq.

^g) Vide loca adducta l. c. p. 66.

^h) Accedit quod apposite ad rem monet IAC. THOMAS. Orat. XIII. p. 299. quae est de ideis Plato-

nis, timuisse Platonem in Deo ideas multiformes ponere, quia Deus simplex est, nec multitudo in eo locum habet vel aliquid coagmentatum.

ⁱ) l. c. p. 662.

^j) Metaphys. L. XIII. c. 4.

adducenda erant subiecta aeterna, immutabilia, vniuersalia, quorum quodlibet sui generis vniuersalem quandam naturam in se contineret, eamque materiae imprimeret, vt ita ex illa fieret, quod demiurgus intenderat. Ponamus iam, per ideas tantum aeterni intellectus diuini notiones intellexisse Platonem, quae ratione constabit physiologiae Platonicae sua veritas, essentiam et formam habere res creatas ab istis ideis? Nam si hoc ita esset, Deus ipse, eiusque essentia esset essentia equi, arboris, hominis, verbo, rerum omnium, a qua impietate tamen Platonem tota systematis eius constitutio liberat, quicquid contra dicant, qui testimoniis fide dignis destituti in Spinnozae castris militasse Platonem asserunt. Hoc vt euidentis nobis et Platonicae physiologiae consentaneum videtur, ita, non quidem verum, non tamen tam absurdum est, quam eruditissimo viro videtur: quae enim in equo, arbore, homine etc. singularia sunt ex materiae modificatione orta, Plato ideis non adscripsit, sed tantum intelligibile aliquid, existens per se, et quoad nostrum concipiendi modum abstractum a rerum sensibilibus circumstantiis per ideas intellexit, quod illi, tanquam *τερετισματα* et nugae, cum Aristotele et Diogene riserunt, qui qualitates corporeas vel materiales in abstracto v. g. equeitatem, arboreitatem, eum intellexisse putarunt^k, quae in re Platoni iniuriam fieri nulli dubitamus. Non negamus, esse in hac quoque opinione *ἀσύνετον* aliquod, sed id tam absurdum et ridiculum esse, vt eius generis philosopho, qualis Plato fuit, imaginationis foecunditate, quam iudicio valentior, tribui nequeat, non videmus. Quod vero obiicitur, ideam animi notionem, non rem per se existentem, significare, id aut scopum plane non ferit, aut falsum est. Supra enim ipsa Platonis verba attulimus, quibus ideam rem per se existentem definiuit, nec confundendae sunt *τὰ εἶδη* siue notiones animae logicae, cum ideis physicis. Nec negamus, fuisse has ideas obiectum demiurgi, siue rationis diuinae mundum condentis, vt ipse PLATO libro sexto de republica, et in *Timaeo* fuisse docuit, et exemplum fabri ideam aedificii sibi formantis illustrationis causa addidit; sed hoc nihil impedit, quo minus ideae possint separata ab intellectu diuino existentia existere. Nam quia dependent, quoad emanationis principium, ab intellectu diuino, ideo tamen cum eo arctissime connectuntur, et vnum cum eo sunt, id quod magna diligentia in *Parmenide* demonstrare philosophus sategit; adeoque etiam eius obiectum esse possunt. Simile vero a fabro desumptum hanc potius opinionem confirmat, quam destruit. Exempla enim et archetypi, quos architecti sibi formant, non in solis animi notionibus et imaginibus subsistunt, sed in charta delineantur, v. g. aedium exemplum, vel aedicula construuntur, iuxta quam aedes formentur. Haec si sua constant veritate, reliqua, quae generali tantum argumento disputantur, nostrae opinioni non officiant. Quam pluribus roborare locus quidem non patitur; addendum tamen vnum est, quod ipsa celeberrimi Cudworthiani interpretis eruditio subministrat. Obseruat is^l acutissime et

T t t t 2

elegant-

k) Hist. de ideis l. c. p. 69. 130. LAERT. I, III. c. 53.

l) l. c. p. 671. 672.

eleganter: „Platonem statuere in Timaeo: simulacrum Deorum aeternorum vivere et moueri; hocque simulacrum mundum esse, rectissime contra Chalcidum, animam mundi intelligentem, tuetur. Addit postea contra Cudworthum, per aeternos hos Deos tres in diuinis hypostases indicari contendentem, aeternos illos Deos nihil aliud esse, quam aeterna rerum omnium exempla et species, quarum ad normam mundum hunc a summo numine comparatum esse Plato censuerit. Id ex eo prabat, (liceat et hoc addere, cum doctrinam de ideis mirifice illustret) quod Plato et mundum totum, et illustriores eius partes Deos vocauerit, cui mundo cum mundus intelligibilis respondeat, necesse sit, vt et hic et eius partes ex quibus consistunt Dii sint. Fecisse itaque Platonem aeternas nescio quas species Deorum, ad quorum imaginem mundus conditus sit, et hos esse aeternos et intelligibiles Deos, in Timaeo et schola Platoniorum celeberrimos. “ Rectissime haec omnia dici et menti Platonis conformiter, nemo negabit, qui Platonem legit. Si vero ideae Dii sunt aeterni, necessario a summo Deo eiusque intellectu differunt, et quod Dii sunt, per se existunt, licet in eo, tanquam in emanationis spiritualis fonte existant. Nec hi Dii alii sunt, quam quibus rerum sensibilibus formationem Deum reliquisse Plato statuit, de quo postea dicemus ^m. Ceterum et hoc absurdum satis est, v. g. equorum ideam, siue speciem vniuersalem, vel essentiam ex qua omnes equi participant esse Deum quendam, manifesto exemplo, ridiculam aliquam opinionem Platoni placere et tribui quoque posse; quanquam adeo ἀσύντακτον, si semel emanationem omnium entium realium et spiritualium ex Deo admittas, non sit, essentiale omnium equorum a substantia spirituali aliqua ortum ac naturam habere. Sed fortasse maiorem obscurissimae et ineptae idearum hypothese lucem accendimus, quam in ipsa Platonis mente, ad absurda omnia, quae inde emergebant, vti videtur, non attendenti habuit, vnde nihil amplius addimus ⁿ, sed porro notamus: IV. Ideas Platoni constituta esse obiecta scientiae, circa quae versatur, id quod supra iam indicauimus, et ipse multoties in dialogis suis inculcauit. Rationem in antecedentibus iam exposuimus, quia eas solas veram rerum naturam pandere, et genuina veritatis luce collustrare homines putat, id quod elegantissima imagine hominis in specu deincti, et umbratiles tantum imagines videntis, soluti vero postea et per varios gradus ad intuentes res ipsas, tandemque ad aspiciendos solaris luminis radios gradientis atque ascendentes illustrat ^o, qui locus ab iis maxime legendus est, qui idearum doctrinam in se obscuram et difficilem clarius cognoscere cupiunt. V. Patet vero ex eadem imagine, totam Platonis non physiologiam tantum,

^m) Noster hic est BASNAG. Hist. Iud. T. IV. c. 4. §. 7. p. 56.

ⁿ) Ait etiam celeberrimus vir l. c. p. 695. Si ex Timaeo pateat, Platonem has aeternas species seu ideas aperte seiuuissse ab opifice mundi, constare etiam, opificem hunc non esse totam diuinitatem tribus personis consistentem, quod CUDWORTH

THVS h. l. asserit. Istud autem tam perspicuum esse ex Timaeo, vt nihil magis. Id quod ex ipso Timaeo, cuius verba CICERO quoque expressit, probat. Nec negat magnam Platoniorum partem ab ea opinione differre, quae nihil separatim hic statuit.

^o) Initio L. VII. de repub. T. II. p. 515.

tum, sed et ethicam ad idearum notitiam redire. Comparat enim animum cum homine captiuo, corpus cum carcere, ex quo ille liberandus, et ab imaginibus umbratilibus gradibus variis ad reminiscentiam eorum, quae ante descensum in corpus nouerat, et intuitionem entium vere talium, perducendus est, quod cum alibi ^p prolixè explicuerimus, sicco iam praeterimus pede, id vnum ex ALCINOO ^q adicientes, ideam, prout varias relationes habet, variis quoque nominibus apud Platonem insigniri: est enim, quoad Deum *νόησις* siue intellectio, quoad nos, primum intelligibile, quoad materiam, *μέτρον*, (formam recte dixeris, siue modum essentialem, quo fluxa materia terminatur, vt certum aliquod subiectum exhibeat) quoad mundum hunc sensibilem, exemplar, quoad se ipsam vero essentia. Quae vbi in Platonis scriptis non diligenter obseruantur, magnam caliginem et errores quoque non paucos in doctrina de ideis pariunt. VI. Ex dictis haecenus sequitur, quicquid ideis opponitur, id est, materiam omnem, quodque ex materia componitur sensile, non stabile, non essentiale, non immutabile esse, sed, cum perpetuo fluxui et mutationi obnoxium sit, scientiae obiectum esse non posse ^r, nec mereri nomen entis ^s; id quod ex Pythagoreorum schola accepit, quibus haec ontologia vehementer placuit ^t. Sequitur etiam ex eadem doctrina: quaecunque sunt super terram, veritatem non esse, sed veritatis umbras et imitationes, et ne haec quidem omnia, sed pauca tantum; caetera plane mendacium et errores, et imaginationis vanas opiniones et velut simulacra quaedam esse; vt recte refert STOBÆVS ^u. Ex qua breui doctrinae Platonicae de ideis delineatione hominis ingenium ad enthusiasum valde pronum clare patet, qui eo vsque processit, vt in deligendo magistratu reipublicae eos solos eligendos esse moneret ^x, qui ad hanc intuitionis philosophicae, et abstractionis mentalis perfectionem peruenerunt, vnde de republica eius iudicari potest.

§. XXIII. IX. Vt vero formandae materiae opus rite procederet, *Anima mundi.* mundusque ex ea formatus fieret optimus, animam quoque Deus ei indidit. Haec vt alibi, ita potissimum in *Timaeo* asserit, animamque hanc mundanam inter principia secundaria mundi geniti refert. Qualis vero anima illa sit, subobscurè expressit Plato. Ait enim dicto loco ^v: *Ille tam generatione, quam virtute priorem antiquioremque animam corpore constituit, utpote quae obedienti corpori esset imperatura, ex his videlicet, atque hoc pacto: Ex ea substantia, quae indiuidua et semper eadem similisque est, et ex ea rursus, quae circa corpora diuidua est, tertiam substantiae speciem commiscuit mediam, quae rursus esset naturae ipsius eiusdem et naturae ipsius alterius*

T t t t 3

particeps,

p) Hist. de ideis sect. I. §. 6. p. 87 seqq.

q) Cap. 9.

r) In Sophist. T. I. p. 250. LAERT. L. III. f. 9. 10. qui luculentus est.

s) In Theaetet. T. I. p. 252 seqq.

t) Conf. Io. SCHEFFER. de natura et constit. phil. Ital. c. VIII. p. 56 seqq.

u) Sermon. LIX. p. 232. ex Pseudo Mercurio homine Platónico.

x) Lib. VII. de republica T. II. p. 518.

y) T. III. p. 34.

particeps, eamque per haec mediam constituit inter indiuiduam substantiam, et eam quae circa corpus diuiditur. Ea cum tria sumisset, in vnā speciem omnia temperauit: ubi naturam eius, quod alterum diuersumque vocamus, commixtioni repugnantem, cum eo, quod idem dicitur, vi quadam conciliauit. Ita quidem Plato, qui aperte satis innuit, animam hanc mundi ex natura cum ideae, tum materiae conflata fuisse. Qua ratione vero id factum sit, longa et obscura inter Academiae discipulos disputatio est, cum more suo Plato mentem hac de re suam clare non explicuerit. Nobis, qui peculiarem Platonicae philosophiae historiam non scribimus, de hisce Platoniorum litigiis multa afferre non licet, sed explicandum nobis potius est, quid Plato ista anima mundi intellexisse videatur. Et I. quidem ex allato loco constare arbitramur, animam hanc mundi non aeternam esse, sed tum demum, a mundi architecto productam, cum mundum formaret. Id quod ARISTOTELES^z quoque tradidit, Platonem interdum afferere, animam vna cum coelo factam esse. II. Haud obscurum vero est, animam hanc mundanam praestantiorē sui parte ex Deo effluxisse: Ait enim Plato, Deum ex substantia indiuidua, quaeque semper eadem est, sumisse, ut hanc animam, quam mundo inderet, exinde formaret. Illa natura vel substantia eadem vero, mens siue ratio diuina est, et mundus idealis, uti in antecedente paragrapho demonstrauimus, isque ex Deo: unde iam colligi luculenter potest, qua ratione diuina queat dici haec anima, et ex Deo orta, quoniam emanationis spiritualis operatione ex diuina mente particulam accepit. Et si itaque tertio gradu a fonte omnium entium spiritualium differt, et dignitate longe minor est, eoque tamen diuina visa fuit Platoni, ut numen, quod tamen ἐδενὶ μεμιγμένον esse docebat, πάντα κοσμεῖν τὰ πράγματα διὰ πάντων ἰόντα, omnia exornare, omnia perueniens statuerit^a. Quo simul intelligimus, abesse haec a sensu Stoico, quando Plato Deum animam mundi permeantem vocat; Stoici enim formalem Dei naturam per vniuersum diffusam statuebant, Plato animam mundi ex mundi intelligibilis et diuini natura decerptam omnia penetrare docebat, hancque demum se in materiae finem, cum mundus conderetur, infudisse assererat, eique ex diuiduo siue materia aliquid tribuebat, quo et dignitate, et natura, et ordine reliquis facta est inferior. Hinc vero III. apertissimum est, plurimum peruertisse Platonis doctrinam, Alexandrinos Platonicos ex schola Plotini, qui duplicem animam mundi excogitarunt, vnā ὑπερκόσμιον, alteram ἐγκόσμιον, quarum illa supra mundum posita, tertiam in diuina essentia hypostasin constituat, haec ex illa deprompta mundo, ut eum animaret, indita sit. Qua de re multus est PLOTINVS^b, et qui eum sectatores secuti sunt, quorum vestigia premunt, quotquot venerandae Trinitatis dogma in Platoneprehendisse sibi visi sunt^c.

Quam

^z) Metaph. L. XIV. c. 6.

^a) Cratyl. T. III. p. 53.

^b) Ennead. III. L. V. c. 2. p. 293. Quam tamen ψευδεργασίαν Platonis videtur generasse

dogma de mundo aeterno, quod Platoni erat ignotum.

^c) Inter hos est CYNWORTHVS Syst. int. c. IV. §. 36. p. 679 seqq.

Quam tamen opinionem recte reiecerunt viri docti ^d, non, quid iuniores Platonici magistrum dicere iusserint, sed quid ipse dixerit, expendentes. Nam ea de re Plato in scriptis suis silet, quanquam mira perspicacia aliquid, quod speciem habeat, ex illis exsculpere conetur CVDWORTHVS, cuius ratiunculis satisfecit MOSHEMIVS ^e: sed anima mundi, cuius passim meminit, semper ea est, quae mundo indita est, quaeque et motus in eo causa est ordinati, et acceptam virtutem in gubernatione mundi exercet, hincque in omnibus mundi partibus, praecipue in sole, luna, sideribusque latet. Nec haec potest esse illa supramundana anima, cum non tantum indiuidui et eiusdem, sed et diuidui et diuersi particeps sit, id quod in animam supramundanam Plotini cadere non potest. Nec generauit alia ratio tertium illud diuinum, aeternum, et immutabile principium Alexandrinorum philosophorum, quam studium se assimilandi Christianae religioni, quam pro noua de diuinis philosophia habentes in systema suum syncretisticum ex parte receperant. Cum enim in SS. Trinitate tres hypostases siue personas Christianos memorantes audirent, haec non commodius suae sectae placitis accommodari posse credebant, quam si patrem, vno bono Platonis, filium vero, quem λόγον dici mundique creatorem obseruabant, rationi, quam Plato in Deo, vel ex Deo potius genitam assererat, assimilarent. Vt vero Spiritui S. suo modo locus esset, ad tertium principium, animam mundi confugerunt; quae sensu Platonico, quatenus mundum formatum inhabitat, eum non posset cum diuino spiritu componi, eo quod diuidui in ea natura, et generatio in tempore facta obstaret, animam mundanam υπερκόσμιον excogitarunt, quae in vna diuina essentia, tanquam aeterna υπέρσαςις subsisteret, et ad quam atque ex qua anima mundo immersa esset decerpta. Qua tamen ratione, vt solent systemata male combinata et ex variis dogmatibus confuta, et Christianam doctrinam corruperunt et Platoniam, id non facturi, si Platoni pressius adhaesissent, qui ex eodem et diuerso animam mundi coaluisse statuit. IV. Qua vero ratione Plato animam mundi ex diuina essentia et simul ex materia participare dixerit, id subobscurum est, et vix vera eius mens detegi potest. Quod si PLVTARCHVS ^f audiendus est, hoc ita factum est, vt Deus brutam illam et immorigeram animam inordinatae atque confusae iactationis in materia auctorem, emendauerit, et adiiciendo aliquam de essentia diuina partem, eam in ordinem concinnum redegerit, motusque eius varios per diuinam illam partem ita direxerit, vt, quantum materiae anima pateretur admirabilis rerum ordo et harmonia exoriretur. Hinc nullam animae huius mundanae partem sinceram putat, sed cum ex mala illa anima aliquid trahat, inde omnium malorum causam profluere. Nec aliter CHALCIDIUS, qui, *Deum, ait quae sine ordine et modo erant, ordinasse, et inordinatos animi*

errores

^d) MOSHEM. ad h. I. CLERICVS Ep. Crit. VII. p. 203. BASNAGE Hist. des Juifs l. c. §. 19. p. 77. GUNDELING. Ot. Fasc. II. p. 18.

^e) loc. cit. p. 681.

^f) De ψυχονομίᾳ Timaei, quam sententiam suam quoque fecit cel. MOSHEMIVS ad CVDWORTH. p. 234.

errores et agitationem fluctibus similem compescuisse, intellectu assignato, ex inordinata iactatione ad ordinem redegit: hincque ortum animae mundi, ex indiuidua una, quae intellectus fit, et alia, quae per vniuersa corpora diuiditur, et scinditur, prouenire. Indicauimus tamen supra iam, quid nobis obstare videatur, quo minus hanc de peculiari materiae anima, animae mundanae contradistincta nostram faciamus. Nos, si in tam obscuro argumento coniecturis vtendi venia est, hanc, vt supra diximus, animam materiae, in vi rebeli, immorigera, et inordinata iactatione materiae consistere supponentes, ita Platonis idem et diuersum, siue diuiduum et indiuiduum in anima mundana intelligimus: Deus cum inordinate ab omni aeternitate iactatam et fluctuantem materiam in ordinem redigere vellet, non tantum de naturis diuinis et essentiis aeternis, quae menti eius obuersabantur, cogitabat, easque emanatione spiritali ex se producendo, mundum idealem generabat, sed etiam ad materiae ordinationem et emendationem se accingens, tantum ex hoc altero diuinitatis principio materiae indebat, quantum ad formandas res et determinandam materiam, et ordinandos eius motus requirebatur, sicque ex isto mundo ideali tertium principium emanationis lege, nempe animam diuinam produxit, et materiae infudit: quae anima, vi sapientiae ex fonte suae in eam dimanantis, materiam quidem emendauit, in ordinem compescuit, et ad recipiendas formas diuinas disposuit, toti tamen illi malignae et refractariae materiae dispositioni impar, omnes eius motus inordinatos et anomalos, et contrariam bono cupiditatem vincere et emendare non potuit; vnde factum est, vt ex natura materiae anima mundi aliquid participaret, multumque illa reliquis principiis diuinis fieret deterior. Acutius qui vident, et in his tenebris clariora dare possunt, iis has nostras coniecturas non obtrudimus, quas, licet pro indubitata Platonis opinione venditare nolumus, nihil tamen, nisi fallimur, habent, quod vel verbis Platonis vel systemati eius physiologico maximopere repugnet, et non aptum sit, vt et mundi ortus, et natura materiae, et origo mali inde Platonice rationibus queant explicari. V. Ex his vero, quae fusa haecenus, postulante argumenti dignitate, differuimus, iudicari potest, quid de trinitate Platonica sentiendum sit, quam non iuniores tantum Platonici magnopere iactarunt^g, sed et post eos tot viri docti ex Christianis, a trinitate Christianorum non multum abhorreere contenderunt^h. Alii vero plane reiecerunt, quicquid in Platone huic dogmati velificare videtur, ad poëticum dicendi genus, notiones animi, vel attributa etiam DEI gentili more in personas mutans, vel personarum habitu potius inducens, retuleruntⁱ. Quo in argumento recentiores Platonicos ante

*Trinitas
Platonica.*

^g) Quorum tamen hominum, vt in aliis, sic in hoc quoque dogmate sententia variat: e. g. demiurgum siue conditorem mundi alii faciunt primum Deum, Iulianus imperator secundum, Plotinus tertium, et sic in aliis quoque; conf. MOSHEM. ad CUDWORTH. p. 686.

^h) Eos enumerandi otium nobis fecit diligen-

tia laudatissimorum virorum I. A. FABRICII Bibl. Graec. Vol. II. p. 39 seqq. I. F. BYDDEI Instit. theol. dogm. T. I. p. 445. CHR. MATH. PFAFFII Introd. in histor. theol. liter. P. I. p. 305 seqq. qui consulendi.

ⁱ) In his SOUVERAINVM esse, supra diximus.

ante omnia non audiendos esse monemus, quos ex inepto sacra Christianorum dogmata cum nugis suis conciliandi studio Platonis genuinas doctrinas de Deo et principiis diuinis misere corrupisse, plus vna vice ostendimus. Illi enim abstractione mentali vsi, tres eiusmodi *ὑποστάσεις*, in vna essentia diuina comminiscabantur, easque a mundo hoc visibili separabant. Plato vero, etsi is quoque trium principiorum mentionem faciebat, longe tamen alia ratione ea adhibuit, nec de trinitate in diuina essentia, sed de principiis rerum genitarum sollicitus, rationem Dei et animam mundi, ad hunc ipsum mundum suo modo retulit, et ideas diuinas materiae impressas et animam ei inditam statuit. Num vero attributa tantum Dei intellexerit, nec ne? in tanta obscuritate eius definiri certa ratione non potest, ex iis tamen, quae hactenus de ideis et anima mundi differuimus, patet, verisimile esse, non nudas haec principia notiones et praeuisiones animi, abstractionibus tantum existentes, esse, sed reuera Platonem sibi concepisse emanationem duorum principiorum, ex infinita D E I natura, realiter a Deo distinctorum, propter originem tamen et fontem, ex quo orta sunt, vnum certo sensu, quae cum eo sint: quae tamen principia et maxime inaequalia esse, et dignitate, immo etiam naturae diuinitate inter se diuersa et inferiora summo D E O, patet, praecipue cum non in se considerari debeant, sed quatenus circa materiam agunt, quo modo anima mundi, ex contagio materiae aliquid trahens, eo nomine vix digna est. Quae si cogitassent, et a Platonum Aegyptiacorum falsis et syncretisticis interpretationibus sibi cauissent viri illi eruditi, qui nescio quae adorandi SS. Trinitatis Christi *ἱερα* mysterii vestigia in Platone se obseruauisse, sibi visi sunt; parcius de Platone tantopere laudando cogitassent, nec ad ineptam opinionem delapsi essent, Platonem ex sacris oraculis et consuetudine cum Iudaeis haec mysteria surripuisse. Nihil enim in tota hac trinitate Platonica est, si modo nomen haec tria merentur, quae immenso gradu, natura et dignitate inter se distant, quod non ex admissis semel principiis generalibus de Deo, materia et idea, causis rerum omnium Plato sine vlllo reuelationis diuinae adminiculo poterat deducere. VI. Sequitur vero ex hac quoque de anima mundi doctrina, et mundum esse Dei filium, et omnes partes mundi, praecipue illustriores, et in his solem, lunam atque reliqua sidera Deos esse. Recte hoc notandum est, ne confundamus in theologia Platonis, quae inter se distincta sunt. Et mundum quidem simulacrum immortalis diuinitatis ipse Plato nominat ^k, et filium Dei TIMAEVS LOC RV S ^l, quem imitati sunt alii ^m, eo quod per ista principia a Deo esset genitus. Immo ipse PLATO ⁿ Deum *ὑπάρχον* existentem de futuro Deo, id est mundo condendo cogitasse asserit. Terram vero, coelum, et sidera Deos dixisse, multis testimoniis constat.

Vnde

k) In Timaeo l. c.

l) T. III. p. 95. Opp. Plat.

m) Eorum loca collegit SOUVERAIN Plato-

n) sine dévoilé P. I. ch. 9. p. 93. qui tamen male haec applicat et confundit.

n) In Timaeo.

Vnde LAERTIVS ^o hoc Platoni tribuit: terram esse antiquissimum omnium, qui in coelo essent, Deorum, et loquuntur id etiam non dialogus tantum, qui *Epinomis* inscribitur, sed et libri *de legibus*, quos tamen maturiore aetate, grauisque annis conscripisse dicitur, ubi Anaxagorae scita de sideribus reprehendit, et haec serio inculcat Atticae iuuentuti. Quae quidem ad declinandam inuidiam, quam praeceptorem Socratem e viuis sustulisse nouerat, dixisse tantum videri poterat, nisi doctrina de anima mundi, eum serio haec statuisset persuaderet. Non tamen aeterni hi Dii sunt, sed in tempore orti atque conditi, quemadmodum anima mundi, a qua animantur, et propter quam in Deorum numerum referuntur, aeterna non est, vt supra vidimus ^p.

Dii et daemones.

§. XXIV. X. Vt vero reliqua, quae ad hanc theologiam siue metaphysicam Platonis pertinent, tandem adiiciamus, monendum est, Deos quoque tum aeternos tum ortos ex his principiis deriuauisse Platonem. Et de Diis quidem aeternis §. antecedente, quantum satis est, ad noscendam Platonis doctrinam diximus, et eos species siue ideas aeternas esse, in mundo intelligibili, vti recentiores Platonis discipuli loquuntur, comprehensas; ortos vero Deos cum anima mundi originem cepisse, ex modo dictis patet. Et de daemonum quidem natura et munere occulte sententiam Plato tegit, fassus ^q ceterorum Deorum, qui cerni non possunt, et daemones vocantur, cognoscere et enuntiare ortum maius esse opus, quam ferre nostrum valeat ingenium, priscisque in hac re credendum esse viris, qui Diis geniti, vt ipsi dicebant, parentes suos optime nouerint. Verum hoc ad declinandam inuidiam dixisse, ne ignota cum Socrate numina introducere videretur, palam est. In sequentibus vero sumpta fabulae persona, ita Deum rerum conditorem loquentem ad hos Deos inducit: *esse quidem eos, quoniam generati sint, minime natura sua immortales, et indissolubiles, neque tamen unquam dissolutum iri, nec mortis fatum subituros, voluntate diuina praestantiori vinculo existente ad vitae custodiam, quam nexum illum, quibus essent tunc, cum gignerentur, colligati. Posthaec recitat, quae eis munera ab opifice iniuncta essent; vt nempe, quoniam conditorem non deceret reliqua animantia condere, ne et ipsa Dii euaderent, ipsi secundum naturam suam ad animalium generationem se accingerent, vique Dei in illis condendis imitarentur. Et animalis se quidem, quod immortale et diuinum vocandum sit, et principatum teneat, ipsum se semen et initia traditurum, cetera eos exsecuturos, vt immortalis naturae mortalem attexentes, faciant generentque animalia, et ministratis alimentis augeant, et consumpta rursus recipiant.* Haecenus Plato, qui in sequentibus animarum in his animalibus ortum describit, de quo postea. Videturque in his partim Aegyptios et Pythagoram, partim Socratem secutus fuisse. Obscurus tamen in his omnibus est, nec satis declarat, quae de daemonibus statuatur.

^o) L. III. c. 75. Vnde emendandus locus in Timaeo T. III. p. 75.

^p) Conf. CUDWORTH. System. intell. c. IV. §. 23. p. 484.

^q) In Timaeo T. III. p. 40.

statuat. Quod occasionem praebuit Platoniciis Aegyptiacis infinita de daemonum natura, gradu, officiis, expiatione hisque similibus disputandi, et maximam suae theologiae partem istis dissertationibus replendi: quas tamen, cum pleraeque in eorum demum ingenio enatae sint, tum demum tangemus, ubi temporum et historiae series ad sectam Eclecticam nos deduxerit. Nunc Platonis verbis insistentes, de iis eum loqui diis monemus, qui in anima mundi comprehensi, cum ea geniti sunt, quos formationi tum hominis, animae superioris siue rationalis parte summo rerum conditori relicta, tum reliquorum animantium praefectos fuisse satis clare innuit. Non tamen ortus tantum animalium curam habere iustos esse, sed et incrementorum reditusque in eam materiam, ex qua producta sunt, monet, unde recte colligitur, mundi huius sensibilis directioni et prouidentiae Platonem daemones praefecisse. Id quod TIMAEUS LOCRENSIS quoque placuit, quem in ineundis mundi huius rationibus physicis secutum fuisse Platonem aliquoties monuimus, qui diserte: *numinibus humanarum rerum inspectionem summum illum Deum, omnium imperatorem atque praesidem, attribuisse, iisque etiam gubernationem mundi permisisse.* Quem secutus est Plato, qui de hoc daemonum munere ita: *Tunc sane totius circuitus princeps curatorque primus Deus extitit, ut nunc per varias mundi plagas singulae ipsius partes a principibus diis distributae sunt. Animalium quoque genera gregatim distincta, daemones quidam tanquam diuini pastores sortiti sunt, quorum quisque ad munus suum obeundum sufficiens cum esset, singuli singulis, sic ut ille voluit praeficiebantur, quibus praeerat ipse.* Ita enim fabulam de regno Saturni primaeque nascentis humani generis aetate rationibus ornat philosophicis. Non vero regendo tantum mundo huic, sed et vaticiniis et patefaciendae deorum voluntati, et expiando quoque summo numini certos daemones praefecit. Notabili enim loco^o ait: *Omnis natura daemonum inter mortales deosue est media (cuius ratio petenda est ab origine eorum ex anima mundi, quae medium quasi inter diuina et materialia tenet, ex vtrisque participans) interpretatur et traiecit humana ad Deos, diuina ad homines: horum quidem preces et sacrificia, illorum praecepta sacrasque solennes institutiones et ordinem. In utroque medio constituta eorum natura totum complet, ut vniuersum secum ipso tali vinculo connectatur. Per hanc vaticinium omne procedit, sacerdotumque diligentia circa sacrificia expiationesque, et incantationes, et diuinationem omnem atque magicam. Deus quidem homini non miscetur, sed per id medium commercium omne atque colloquium inter Deos hominesque conficitur, et vigilantibus nobis et dormientibus.* Possemus hic innumera fere cumulare, quae Platonici recentiores de catena daemonum, quibus vniuersum repletur, disseruere, verum id iam non agimus, et potiora, quae hunc locum illustrare possunt alibi^o diximus. Hic

VVVV 2

vero

r) Opusc. mythol. GALERI p. 566.
s) In Politica.

ff) In conuiuio T. III. p. 201 seqq.
z) In Otio Vindelico Mel. I. §. 5. p. 42.

vero id monemus, videri hic Platonem Aegyptiacam potissimum theologiam fecutum esse, quam eiusmodi dogmatibus religionem publicam commendasse supra ostendimus. Erat enim Plato, Socratis exemplo cautior factus, in eo diligens, ut philosophiam suam religioni dominanti accommodaret. Et fauebat huic opinioni non doctrina tantum de anima mundi omnia peruadente, ex qua daemones excerptos esse statuebat, sed recepta quoque suo tempore, etiam inter Graecos, sententia: omnia Deorum esse plena, id est daemonibus cuncta repleri, unde facile hanc, quam ipsius verbis attulimus, opinionem inire illi licuit. Qua de re, ubi de daemonio Socratis agit, pluribus mentem explicat, quae ipsa videnda sunt, cum instituti nostri causa exscribere loca illa nobis non liceat. Ex his vero sequebatur, cultum publicum non reiiciendum esse, sed prosequendos daemones orationibus, muneribus, alioque cultu diuino, idque animo puro. In quo tamen daemonum cultu pro diuersis eorum generibus atque classibus, quibus mundo praeesse Plato praecipiebat^u, diuersam quoque rationem adhiberi voluit. Nam alios statuebat coelestes ciuitatique praesidentes daemones; alios terrestres, post hos illis impares, et tandem heroës, quibus qua ratione cultus exhibendus sit, in *quarto de legibus libro* constituit. Sed et in materiam potestatis aliquid esse daemonibus non negat. Ait enim^v, *homines et animalia cetera, eaque ex quibus ista gignuntur, ignem et aquam et horum germana, DEI esse opera, post haec horum simulacra sequi, daemonum quadam machinatione producta*; quae postea de phantasmatis dormientibus et viuentibus quoque occurrentibus explicat. Quae postea materiam praebuere Aegyptiacis Platonice miras de daemonum apparitionibus et phantasmatibus opiniones excogitandi, quas suo loco tangemus. Interim de iis consulendus est PSELLVS^w, ut appareat, qua ratione Platonica daemonologia ex his fundamentis ad speciosum quidem, sed paradoxum exsurrexerit aedificium. Reliqua, quae huc referri possunt, in sequentibus exponemus, ubi etiam de animae origine et natura, quae ad metaphysicam Platonis referri potest, differemus.

II. Physica.

§. XXV. His, quae explicuimus, fundamentis, usus est Plato ad explicandam rerum naturalium generationem et ordinem, quam secundum mentem eius porro describemus. Ita vero Plato statuit in physica:

I. Sine causa oriri quicquam impossibile est. Hoc idem principium est, quod supra metaphysicae Platonicae fundamentum posuimus: Ex nihilo nihil fit.

II. Quod fieri debet pulchrum, opus est ut opifex in eius constructione ad id, quod eodem modo se habet, semper aspiciat, et huiusmodi quodam usus exemplo ideam vimque in opus educat. Ratio huius axiomatis quaerenda est in hypothese de ideis. Sine mundo ideali enim mundum sensibilem gigni non potuisse, ideo Plato statuebat, quod materiam fluxam, infor-

^u) In Apologia Socratis.

^v) In Sophista circa fin.

^w) De operatione daemonum.

informemque sine accessione entium vere talium ad veram et visibilem mundi productionem adhiberi non posse credebatur.

III. Genitus autem mundus ab aliquo principio fuit exordium. Hoc ita probat Plato in *Timaeo*, ut dubium non sit, credidisse eum, mundum in tempore genitum atque factum esse^x. Ita enim rationes init: Mundus cernitur, tangiturque et corpus habet: omnia vero huiusmodi sensus mouent; quae sensus mouent, opinione per sensum percipiuntur: haec vero talia esse constat, ut gignantur et genita sint; quicquid autem gignitur, ab aliqua causa gigni necesse est. Quo ratiocinio Plato manifeste ad sensibilem mundum respicit, qui in hanc formam, ut conspici tangique posset, non enitisset, nisi informis materia formam et ordinem a conditore accepisset. Paria alibi quoque habet, nec dubitabit, qui *Timaeum* legit, mundum non aeternum esse, sed genitum in tempore. Alii tamen iuniores Platonici, qui contrariam Platoni opinionem tribuunt, et mundum quidem ab aeterno genitum concedunt, sed in signo tantum rationis, quia Deum mundum ex sinu suo expulisse credebant, unde pro mundi aeternitate, tanquam genuino Platonis dogmate strenue pugnabant. Quod ut contra manifestam Timaei sententiam facerent, plures quidem causas habuerunt, hic, ubi horum hominum decreta non delineamus, non enarrandas^y, potissima vero fuit instituta inter Platonem et Aristotelem concordia, quam aeternitatem mundi postulasse, ex placitis Lycei notum est: quo tamen syncrētismo, cum ab aeterno mundum ex Deo genitum factumue dicerent, et Platonis et Aristotelis doctrinam corruerunt, quorum ille mundum in tempore conditum, hic a nulla causa efficiente factum, sed per se aeternum asseruit. Horum itaque testimonia non moramur. Obstat vero alius, et quidem ARISTOTELIS^z locus, quo minus Platonem haec serio asseruisse credi possit. Ait enim: *Subsidium, quod quidam eorum, qui dicunt mundum incorruptibilem quidem esse, attamen factum esse, sibi met ipsis enituntur ferre, verum non esse videtur. Inquiunt enim, et se, perinde ut geometrae, qui designationes describunt, de generatione mundi dixisse, non quasi aliquando mundus esset ortus, sed institutionis gratia, quia dicentes magis recognoscunt, si ut designationem viderint factam.* Quem admodum enim haec in Platonicos dicta esse constat, ita manifeste innuunt, ordinis tantum methodique causa ita eos censuisse. Certe dubiam inde reddi veram Platonis sententiam, nemo facile inficiabitur, cum nemo melius magistri mentem inspicere potuerit, quam Aristoteles, multorum annorum discipulus. Verum hoc testimonio non obstante, non negamus, non discedendum esse ab illa opinione, quae Platoni mundum in tempore conditum tribuit. Nam et Aristotelem, aeternitatis mundi patronum ut prae-

Vvvv 3 cepto-

^x) Tria haec asserta extant in *Timaeo* T. III. p. 40. conf. Protagoras T. I. p. 320.

vero cognosce ex PROCLI Commentario in Platonis *Timaeum*.

^y) Conf. MOSHEMUS ad CUDWORTHUM p. 268. Platoniorum iuniorum philosophemata

^z) De coelo L. I. c. 10. Eadem tradit PSEUDO-ORIGENES philosophum. c. XIX. p. 112. ad quem locum vid. cel. WOLFVS.

ceptoris auctoritatem, quae ei obiciebatur, eluderet, ita scripsisse verisimile est; et quae Epicurei contra Platonem disputarunt, certissimo testimonio sunt, eum mundum conditum asseruisse. Ait enim Velleius apud C I C E R O N E M ^a: *ab utroque sciscitor, cur mundi aedificatores tam repente extiterint, innumerabilia ante secula dormierint? isto igitur tam immenso spatio, quaero cur Pronaea vestra cessauerit? Laboremne fugiebat? at iste nec attigit Deum, nec erat ullus. - - Quid autem erat, quod concupisceret Deus mundum signis et luminibus, tanquam aedilis ornare? Si, ut Deus ipse melius habitaret, antea videlicet tempore infinito in tenebris tanquam in gurgustio habitauerat.* Haec enim frustra disputassent Epicurei contra Platonicos, si his licuisset oblicere, se methodi et ordinis causa ita tantum rationes inire.

IV. Volens Deus, omnium quae intelligi possunt, pulcherrimo et vndique absoluto (mundum idealem intelligit) mundum hunc simillimum reddere, animal vnum id effecit, aspectui subiectum, animalia cuncta naturae suae convenientia intra suum limitem continens; qui vnus est, quia ad vnus similitudinem est formatus: quod enim viuientia omnia, quaecunque intelliguntur, continet, socium alterum habere non potest. Quod assertum aliis postea Plato ratiociniis munit ^b.

V. Quoniam vero corporeus, spectabilisque et tractabilis mundus erat futurus, ac sine igni videri nihil potest, sine solido nihil tangi, et solidum absque terra nihil, ideo in operis huius exordio Deus ignem primo terramque creauit. Quia vero duo sola absque tertio quodam commode cohaerere non possunt, mundique corpus non latitudinem tantum, sed et profunditatem requireret et soliditatem, solida vero non vno, sed duobus semper mediis copulenter, inter ignem et terram aërem aquamque locauit, eaque inter se inuicem, quoad fieri poterat, comparauit, ut quemadmodum ignis ad aërem, ita aër ad aquam; ut aër ad aquam, sic aqua ad terram congrue conferatur. Qua ex coniunctione ita constitutus est mundus, ut aspici tangique possit ^c.

VI. Mundum ita Deus ex perfectis partibus perfectissimum, vnum, quemque morbus et senectas non attingeret, fecit, et figuram maxime congruam, et decoram dedit, in qua reliquae figurae omnes containerentur, id est, sphaericam, lenemque hunc globum externe poliuit, et aequalem tornauit ^d. Animam autem in eius medio collocauit, perque totum tetendit, mundumque hunc vnum, et solum et circularem, voluit in circulum statuit, qui se ipsum sustinere posset, anima obediens corpori imperatura.

VII. Corpus quidem mundi spectabile factum est, anima vero oculorum effugit obtutum, rationis et modulaminis compos.

VIII. Vniuersum Deus pro virili sempiternum facere voluit, ut mundi anima sempiterna est; quod quia genito operi congruere non potuit, idcirco

^a) De nat. Deor. L. I. c. 9. conf. Histoire universelle p. 16, MOSHEM. ad CUDWORTH. p. 269.

^b) In Timaeo p. 32.

^c) loc. cit.

^d) Ibid.

circo imaginem aevi mobilem effingere decreuit, ac dum coelum exornaret, fecit aeternitatis in vnitatem manentis aeternam quandam in numero fluentem imaginem, quam nos tempus vocamus: quod aeternae et immutabili substantiae tribui non potest.

IX. Quia corpora profunditatem habent, profunda planis constant, et rectitudo planae basis ex triangulis constituitur, ideo elementa figuras acceperunt geometricas triangulis constantes. Terra cubicam speciem habet, quia maxime solida et omnium elementorum minime mobilis est: ignis pyramidis speciem nactus est, quia bases paucissimas habet, adeoque velocissimum et leuissimum elementum est: aer figura octaëdra, aqua icosaëdra constat.

X. Haec a Deo tanta ubique quoad multitudines, motus atque potentias proportionem exacte absoluta connexaque sunt, quantum necessitatis (materiae) naturae libens et persuasa capere poterat. Multus in his demonstrandis et ex rationibus geometricis deducendis est Timaeus Platonis, ad quod geometriae studium, et modus philosophandi Pythagoricus Platonem impulerunt, ut perspicuitatem naturae, eiusmodi speculationibus mathematicis, veram rerum naturam non declarantibus corrumpere. Qua de re recte conquestus est BURNETIVS^e.

XI. Mundo ita constituto motum congruum tribuit, qui ex septem motibus vnus ad mentem maximam et intelligentiam pertinet. Ideoque cum illum per eadem et in eodem et in se ipso circumduxisset, effecit, ut circulari conuersione moueretur. Ita philosophus de motu; ex quo patet, mentem vel animam potius ex mente, hac virtute accepta, motus causam esse; quam postea assertionem Aristoteles aliquantum inmutauit, motum a prima causa per intelligentiarum orbes deducens^f. Nam Platoni quoque motus prima causa Deus, proxima anima mundi. Qua de re neruose BOETHIVS^g:

*Quae quem secta duos motum glomeravit in orbes,
In semet reditura meat, mentemque profundam
Circuit et simili conuertit imagine coelum.*

Hinc CHALCIDIO motus rationalis dicitur, cui animarum proprius est circuitus^h.

XII. Durat vero aeternum mundus, quia consentaneum est, Deum summe bonum, perfectissima voluisse facere, unde et morbi et senectae expertem eum fecit. Fecit vero certas periodos, intra quas ad pristinum locum totus mundus interno animae motu redeat. Et hic annus ille magnusⁱ, de cuius tempore et annorum numero valde discrepant Platonici, quorum somnia cum eleganter enarrauerit IAC. THOMASIVS^j, plura scire cupientibus is adeundus est.

XIII.

e) Archaeol. philos. L. I. c. 13. p. 439.

f) Conf. CUDWORTH. l. c. 6. 24. p. 494.

g) De consol. phil. L. III. metr. IX.

h) Ex his sequitur, non dari vicium. Cuius locum, ut moueri mundus queat, animam mundi

occupare, ex adductis locis colligi debet.

i) Conf. FICIN. ad L. X. de Rep. p. m. 446.

Ipse PLATO l. c. T. II. p. 446.

j) De exult. mundi Stoica diff. V. p. 62. Conf. VOSSIVS de idol. gentil. L. II. c. 35. p. 596.

XIII. Deus tempus creare volens, solem et lunam et alias quinque stellas, quae erraticae vocantur, fecit, quo temporis numerus distinguitur, easque septem orbibus qui alterius ipsius diuersaeque naturae voluuntur, adhibuit. Lunam in primo supra terram circuitu posuit; in secundo solem; luciferi deinde globum, et Mercurii sacrum, ut dicitur, orbem circulis affixit, soli velocitate aequalibus, potentia vero illi contrariis, et sic porro; omnes vero hos circulos superna illa vertigo varia circuitione reuoluit, propterea quod isti duobus simul contrariis motibus agitantur ^k.

XIV. Terram autem, altricem nostram circa polum per vniuersum extensum alligatam, diei noctisque effectricem et custodem esse voluit, nec non primam antiquissimamque deorum omnium, qui intra coelum geniti sunt.

XV. Animalium vero condendorum curam inferioribus Diis, uti supra dictum, permittit, ita ut vim imitarentur suam, qua in ortu eorum esset usus, et mortalia corpora formantes faciant animalia.

Haec potiora et primaria physicae Platonicae capita sunt, in Timaeo omnia comprehensa, in quo ad specialia quoque postea descendit, et corporis etiam humani fabricam explicat; quae tamen latius hic exsequi non licet, unde lectorem ad ipsum Platonem, et qui dignus est, ut cum eo conferatur, ad eius interpretem, CICERONEM, ex cuius versione Timaei fragmenta ampla supersunt, merito remittimus.

Psychologia.

§. XXVI. Retulit vero Plato ad philosophiam naturalem doctrinam etiam de anima hominis, de qua, cum in se difficile et obscurum argumentum, quod omni tempore maxima philosophorum ingenia exercuit, tractaret, assumtis semel hypothefibus de entibus spiritualibus ex Deo emanantibus, obscure locutus est. Cum enim haud raro placitis semel cum cura receptis magis insisteret, quam experientiae, ipsiusque animae conscientiae, et quae apud Aegyptios et Italicos audierat, cum eis iungeret, multoties in incertissimarum opinionum voraginem abreptus est, ubi, cum clara et distincta non haberet, notionibus incertis, vagis et obscuris, de quibus ipsi non satis constabat, hanc philosophiae naturalis partem absoluit: ut euincunt luculenter ea, quae de ortu, natura, lapsuque et statu animi tradidit. Certiora itaque et clariora a nobis non postulanda sunt, in delineatione *ψυχολογίας* Platonicae, quam ipse auctor prodidit, ita vero philosophari pergebat:

XVI. Cum homines a diis inferioribus condi vellet Deus, illi quod in eo animali immortale diuinumque futurum esset, principatumque teneret, et iustitiam simul ac Deos coleret, semen ille et initia tradidit, et in cratere eodem, in quo mundi totius animam permiscens temperauerat, superiouis temperationis reliquias miscendo perfudit, modo quodam eodem, non tam per-

^k) Qua ratione vero astris deos praefecerit, totiusque mundi administrationem iis commiserit, supra exposuimus, ubi daemonologiam Platonicae cam considerauimus. Hinc daemones vel aetherei vel aërii, in *Epinom.* T. II. p. 985. conf. *Hist. crit. Phil.* T. II. p. 254 seq.

perfectas similiter, sed et secundo et tertio gradu a primis deficientes ^l. Mirre obscurus hic est Plato, tentabimus tamen an ex tenebris protrahere haec aenigmata et clariorem iis lucem accendere queamus. Quem in finem I. obseruamus, haud obscure ex hoc loco patere, Platoni mentem hominis nobiliori sui parte non tantum a Deo ipso conditam, sed ex Deo esse. Diferte enim non initia tantum, sed et semen se traditurum Deus in istis ad Deos minores verbis promittit. Nec aliter quoque Plato statuere vi principiorum semel admissorum poterat. Cum enim animam natura sua immortalem esse, teneret firmissime, et eandem ad aeterni boni communionem et assimilationem philosophiae suae opera adducere vellet, non vero, nisi duo rerum principia, quorum vnum materiale, alterum spirituale esset, agnosceret, necessarium erat, vt materiali parte reiecta spiritualem ei naturam adscriberet, quae cum e nullo fonte, nisi ex Deo oriri posset, necessario Deus quoque fons animorum ipsi erat constituendus. Hinc animam non tantum et γενεσὴν τῇ παντὸς αἰτίῃ ^{ll} λεχθέντες vocat, sed et συγγένειαν τινα θείαν πρὸς τὸ ζύμφυτον τιμᾶν καὶ νομίζειν εἶναι, diuinam quandam cognationem naturae, quae ad insitam diuinam naturam in Diis honorandam et agnoscendam impellit, ei tribuit ^m. II. Etsi vero hoc negari non possit, et satis clare ex Platone ipso appareat, caue tamen intelligas sensu eo, quo Alexandrini Platonici acceperunt ⁿ. Hi enim cum hypothefi de tribus hypostasibus in diuina essentia essent occupati, et in eius gratiam animam quandam mundi supramundanam excogitassent, mentis humanae originem ad ipsam diuinam essentiam, mediante ista anima, retulerunt. Aliter vero Plato, qui adducto Timaei loco diferte magnae inter Deum et animam differentiae, et gradus meminit, et ex superiori temperatura animam decerptam statuit. Quod vt intelligatur luculentius, obseruandum est, per craterem illum, cuius nomine Plato, more suo ἀλληγορικῶς vsus est, intelligi ipsam animam mundi, in quo et idem et diuersum miscuit ^o. Repete supra de anima mundi dicta, videbisque, quo modo Deus praeter decerptam ex altero principio, ratione, ipsi gradu iam inferiore, diuinam naturam, quam animae mundi indidit, aliquid quoque ex materia non tam ipse admiscuerit, quam potius ab immorigera ex parte materia admisceri passus sit, vnde multis gradibus ei inferiorem esse dicto loco monuimus. Hoc in receptaculo omnium, quae in mundo sunt, rerum spiritualium cum materia connexarum, animas hominibus inferendas decerpsit, et ex eodem, id est substantia simplici, quae in anima mundi erat, hominis generauit animam: quae, licet ita ex diuino emanationis omnis fonte originem

cepif-

l) In Timaeo T. III. p. 41.

ll) In Philebo T. II. p. 30.

m) Lib. X. de legibus. T. II. p. 899, conf. Hist. de ideis sect. I. §. VI. p. 95 seq.

n) Ad quod non satis attendit, accuratus alias veteris philosophiae interpretes IAC. THO-

MASIVS diff. XXI. de exult. mundi Stoica p. 250. Supra vero ostendimus, supramundanam hanc animam, ab ea quae mundo indita est, magnopere differre.

o) Consentunt THOMASIVS I. C. FABRICIVS Bibl. Gr. Vol. I. p. 51.

cepisset, non tamen prout reliqua entia emanatiua, sed secundo et tertio loco, ut ipse loquitur, diuina est, quia non immediate ex Deo summo, sed ex anima mundi desumpta est, adeoque non tam perfecta, et excellens est in natura eiusdem, ut ideae, siue Dii, sed infimum gradum inter entia spiritalia, quae ex Deo emanarunt, occupat. Et haec quoque causa est, cur instituta inter corpora et animas comparatione^p, has ex mundi anima decerptas esse asserat, quemadmodum corpora, ex mundi vniuersi corpore desumpta sunt. Ex quibus diiudicanda sunt ea, quae PSEUDO-ORIGENES^q de variis interpretum circa sententiam Platonis de anima eiusque natura, et origine opinionibus differit. III. Quia vero anima ex mundi anima decerpta est, sequitur eam non minus, quam fons ille, ex quo hausta est habere etiam aliquid ex diuerso, id est, ex materia. Quod qua ratione intelligendum sit, perspicue explicuit CHALCIDIVS^r, qui, *Plato, ait, animam ex omnibus initiis confluit, ut et ipsorum initiorum, et quae initia sequuntur, et prorsus omnium rerum existentium scia esset, ac de omnibus iudicaret.* Idem vrsit SIMPLICIVS^s, hoc imprimis veterum physicorum axioma usus: similia cognosci similibus, quam rationem Platoni quoque arrisisse, ait, SEXTVS EMPIRICVS^t. Ex quibus perspicuum esse existimamus, Platonem reminiscendae opinione occupatum aliter statuere non potuisse, cum alias rationem asserre non potuisset, unde animae rerum sensibilibus cognitio, per sensus reparanda innotuisset, antequam in corpus immitteretur. IV. Et hinc sine dubio opinio quoque Platonis de pluribus, vna, animis in homine deriuanda est, quam in sequentibus enarrabimus. Vtrum vero per illud, quod in anima ex diuerso est, ὄχημα illud, siue materiale animae vehiculum intelligendum sit, quod Platoni placuisse, et σῆμα αὐτοειδές, corpus splendidum esse, quibusdam eius interpretibus visum est^u, dici vix potest, cum nullibi mentem hac de re clare expresserit. Hoc vero magna doctrina et ingenio demonstrauit cel. MOSHEMIVS^v hanc de vehiculo animae opinionem non demum in iuniorum Platoniorum cerebro enatam esse, sed fuisse dogma canae antiquitatis, unde conici potest, nec Platoni ipsi ignotum intactumque mansisse, cum non inepte cum reliqua eius psychologia cohaereat. V. Ex dictis vero origo quoque mali in anima ex Platonis mente deriuari potest. Quemadmodum enim in anima mundi accidit, ut ex diuerso, id est, ex materia participans, mali in se semina habeat, etsi meliore sui parte diuinae originis, uti supra latius dictum est; ita etiam cum anima humana comparatum est, quae, cum animae mundanae naturam acceperit, propter illud, quod ex materia accepit, mali in se gerit initia, antequam in corpus demergitur. Patebitque ex iis, quae de partibus animae dicturi sumus, reuera inde originem mali deriuauisse Platonem, quod

praeter

*Origo mali
moralis.*

^p) In Philebo l. c.

^q) Philosophum. c. XIX. p. 119.

^r) In Tim. Plat. §. LI. p. 298.

^s) Vid. MOSHEM. ad CVDW. c. I. §. 24. p. 32.

^t) Lib. I. adu. Mathem. f. 203.

^u) Apud PSEUDO-ORIGENEM l. c.

^v) Ad CVDWORTH. p. 1031 seqq.

praeter rationalem partem, etiam sensualem anima acceperit *. VI. Tandem ex dictis lucem quodammodo capiunt, quae de animae facultate mouendi Platoni placuerunt. Et Plato quidem animam substantiam dixit, quae se et alia moueat *. Qua ratione vero id fiat, corporea an incorporea? distincte non expressit, forte quod in ancipiti argumento, quod hodie philosophorum maximorum et iudicandi facultate Platoni longe superiorum acies nondum totum perspexit, quo modo anima in corpus agat? aqua ipsi haeserit. Iuniores vero Platonici, quibus se iungit C V D W O R T H V S ^w, modo id tantum incorporeo fieri, id est, cogitatione, ratiocinatione, deliberatione contendunt. Verum hoc ex parte tantum verum est; quatenus enim anima a materia aliquid participat, motusque etiam sensu-
lis auctor esse creditur, id quoque corporeo modo, pulsuque materiali fieri
necesse est. Nam et ita de mundi anima statuit, quanquam fatendum sit,
Platonem sibi hic quoque non vbique constare, satisque prodere, se non sa-
tis quaestionis huius nodo, quem plerique secuerunt magis, quam solue-
runt, fuisse parem.

XVII. Cum vniuersum Deus constituisset, astris parem numerum distribuit animarum, singulis singulas adhibens, eisque tanquam vehiculo impositis monstrauit vniuersi naturam, ac leges fatales edixit: ostendens quidem primam omnibus generationem ordine quodam vnam fore; ne quis ab eo minus fortiatur. Satis autem et quasi sparsis animis per singula singulis conuenientia temporum instrumenta, fore vt animal nasceretur, quod omnium animalium maxime cultui diuino esset deditum. Esse autem naturam hominis geminam, cuius id genus fore praestantius, quod viri nomi-
ne sit appellandum. Cum vero animae corporibus necessitate quadam fuerint insertae, et corporibus earum accesserit aliquid vicissimque absces-
serit; primum vtique necessario sensum vnum omnibus intimum et natu-
rae coniunctum illic a violentis passionibus excitari, deinde voluptate et dolore mixtum amorem, posthaec metum et iram, et quaecunque vel haec ipsae sequuntur, vel ab istis vt contraria dissident. Haec qui superauerint, eos iuste victuros, iniuste vero, qui ab his fuerint superati. Atque illum, qui recte curriculum viuendi a natura datum confecerit, ad illud astrum, cui accommodatus fuerat, reuersum beatam vitam acturum; contra vero agentem cogi in ortu secundo sexu mutato fieri mulierem; et qui ne tum quidem finem peccandi faciet, quatenus deprauatur, eatenus in brutorum naturam suis moribus similem permutari, nec prius a laboribus mutationi-
busque cessare, quam illam sibi insitam eiusdem ipsius similisque naturae conuersionem securus ipse, eique subiiciens, turbulentos multiplicesque af-
fectus, postea ex igni, aqua, aëre et terra contractos, ratione sedauerit, et ad primum optimumque sui habitum iam redierit. Quae cum Diis inferio-

X x x x 2

ribus

* Eleganter de his commentatur MOSHEM. loc. cit. p. 242. hoc vno a nostra opinione diuer-
sus, quod animae meliorem partem ex ipsa Dei
conditoris natura immediate natam esse putat,

quod nos ad animae mundanae fontem retuli-
mus.

v) In Phaedro, L. X. de legibus, et alibi.

w) loc. cit. p. 1015.

ribus ita consignauisset, neque penes se futurae prauitatis causa esset, alios in terram, alios in lunam, alios in alia temporis instrumenta spargens quasi ferebat. Post huiusmodi sementem, diis iunioribus, quod reliquum erat agendum mandauit, ut corpora mortalia fingerent, quantumque esset, quod humanae naturae reliquum huic deberet accedere, id omne, et quae consequentia essent, adiungerent, regerentque, et quam optime ac pulcherrime fieri posset, mortalis animalis naturam gubernarent, nisi ipsum sibi met malorum causa esset. Describendus erat totus locus Platonis^{x)}, etsi longiusculus, quia pleraque, quae de animae humanae naturae et fati tradidit, ex eo cognoscuntur: quamuis et hic obscurus sit Plato, et quae aliis locis tradidit, non queant omnia apte cum his conciliari. Sed nos huic loco, qui in huius argumenti genere primaria sedes est, insistentes, notamus I. Praeexistentiam animarum numero sideribus parium manifeste induci, quae postea recentioribus Platoniceis occasionem dedit, multa de statu et conditione animarum, antequam in corpus ingrederentur, comminisci. Nec mirum, ad hanc opinionem dilapsus esse Platonem, cum aliam animarum originem detegere non posset. II. Leges naturae vniuersalis tanquam vincula animis fuisse iniunctas, ut scilicet motui a Deo materiae inordinatae impresso, ut ordine ferretur, et formaretur, obtemperarent. Id quod ex superioribus explicandum est, quo malignitati materiae Deus ordinem, sapientiam et bonitatem adiecit, et ut totus ita mundus, animante anima indita, optime ferretur, quantum materia patiebatur, constituit; cui conformiter anima hominis, si felix esse vellet, viuere debebat. III. Esse tamen in anima eiusque coniunctione cum corpore necessariam originem mali et infelicitatis. Et maxime quidem laborat eo loco Plato, ut Deum, quem optimum rerum conditorem parentemque esse nouerat, ab hac infamia liberaret; incidit vero in scyllam, charybdis euasurus, dum talem animae naturam datam esse asserit, quae ob id, quod ex immorigera et maligna materiae vi et nisu innato in se habebat, cupiditatum fluctibus esset obnoxia. Vnde IV. necessario fuit, omnem felicitatem animae in eo consistere, ut pars rationalis irrationali parti, ex elementis, uti supra diximus, et hoc loco perspicue asserit Plato, conflatae imperet, et ita ad principium suum eluctetur. Quod cum V. in plerisque hominibus non fieri obseruaret, excogitauit remedium assumpta animarum migratione, quae ex corporibus discedentes, si bene vixerint, ad sidera delatae nouum descensum priori non deteriorem expectarent, si male egissent, in deteriora corpora migrarent, sicque multis istis periodis tamdiu excruciantur, donec consumpta quasi, et subacta materiali animae parte, cui post mortem apud inferos varias purgationes assumptis theologiae vulgaris fabulis assignabat^{y)}, id quod diuinae immutabili et per se existenti substantiae simile est, vicerit, quo demum ad primam beatitudinis sedem

^{x)} In Timaeo loc. cit. Vbi quidem sumus ut in reliquis FICINI versione, sed meretur CICERO quoque conferri, qui ut magis Latine vertit, ita, quaedam clarius expressit.

^{y)} De legibus L. X. T. II. p. 886.

sedem migrat^z, quem locum esse supra mundum nullis sensibus comprehendendum, sed mente intelligibilem dicebat. Ita Plato, quae in Aegypto et Italia de statu animae post funera audiuerat, in rem suam vertit, et eadem fere de animarum migratione tradidit; quare, quae suo loco hac de re diximus, cum his comparari debent, multam lucem foeneratura. VI. Discimus vero ex his quoque, quicquid in homine praeter diuinam partem est, ex elementis, vti supra iam obseruatum est, Deos minores congeffisse, indeque factum esse, vt animae in corpora demersae non suo proprio motu vterentur, sed ab illis varie iactarentur. Et haec quoque causa est, cur corporis tam exigua nobilitas sit, in Platonis philosophia, quod carceri et sepulchro pluribus locis assimilat, eo quod rationalis animae pars et diuina illo quasi impeditur, et quae irrationalis est, et in corporis membris, sanguine, spiritibus habitat, eam impedit, et vincit, quo minus ad felicitatis suae originem ascendat et emergat^a. Cui fundamento, vti postea dicemus, tota philosophia moralis Platonis nititur. Reliquas subtilitates Timaei vt enarremus, locus et institutum non patitur; speramus vero eum, qui ad haec probe attenderit, reliqua sine interprete esse intellecturum.

XVIII. Sunt itaque tres in homine animae partes, quarum diuina, ne vlla mortalium contagione, nisi quantum summa necessitas cogeret, pollueretur, seorsum ab illo in alia corporis sede mortale posuerunt genus animae, atque a pectore caput ceruice et collo interiecto separauerunt: in pectore vero et thorace mortale genus animae posuerunt: partemque animae fortitudinis iracundiaeque participem contentiosamque capiti propinquiorem fecere, inter diaphragma ceruicemque mediam, vt haec obediens rationi vna cum ipsa cupiditatum genus vi illata coërceat, si quando rationis in arce capitis habitantis iussa cupiditas respuat. Postremo eam animae partem quae esculenta et poculenta cupit, et reliqua omnia, quibus corpus indiget, concupiscit, mediae regioni inter diaphragma et vmbilicum applicauerunt^b. Multus et ingeniosus quoque est Plato, in describenda hac partium animae per membra corporis distributione, ostendendo, quem in finem cuiuslibet ex tribus his animae partibus illa membra, et imprimis interna viscera inseruiant. Quam bene vel male id fecerit, et annon commenta ingenii in naturalibus non satis exercitati, quam naturam humani corporis et experientiam consuluerit, aliis dispiciendum relinquimus, qui examen philosophiae Platonicae instituent: hoc vero obseruandum esse monemus, ita loqui interdum Platonem de tribus his animae partibus, ac si tres tantum essent eiusdem animae facultates, interdum ita eas describere, ac si tres in vno homine essent animae, rationalis, cupiditati, et irae subiecta. Id quod Platonis interpretibus occasionem exhibuit, prolixè de hac

XXXX 3

re

^z) Ita vero praemia et poenas post mortem sibi non satis constare iam notauit PSEUDO-ORIGEN. c. XIX. p. 121. et prolixè ostendit IO. BAPT. CRISPVS de Platone caute legendò L. II. c. 3. conf.

BALTUS deffense de SS. Peres accuser de Platonisme L. III. c. 5 seq. p. 285 seqq.

^a) In Phaed. T. I. p. 66.

^b) In Timaeo T. III. p. 59.

re disceptandi ^c. Nos certa ab incertis distinguenda esse putamus. Qui enim ea, quae de animae origine supra secundum Platonem differuimus, probe considerat, deprehendet, rationalem ab irrationali parte essentia et natura sua differre, cum illa eiusdem et sibi similis naturae sit, haec a diuerso, diuiduo, et mutabili, adeoque ex materia quadam, etsi subtiliore, et ad similitudinem animae temperata ortum naturamque acceperit: unde supra suspicati sumus, in hac irrationali anima Platonem id constituisse, quod ὄχημα τῆς ψυχῆς sequioribus discipulis vocatum est. An vero concupiscibilem et irascibilem animam essentiali ratione et differentia inter se separauerit, nec ne? nobis quidem ex Timaeo tam clarum non est, ut tuto et sine oppositi formidine asserere vel negare audeamus ^d. Quicquid vero placuerit Platoni, hoc certum est, ipsas tamen irrationalis animae partes diuersas esse, ab ipso sanguine, neruisque, in quibus habitat et mouet, videturque illud intellexisse, quod post eum celeberrimi multi naturae interpretes spirituum animalium nomine intellexerunt, quamuis hi ad caput etiam pertineant, ad quod sensibili animae aditum ille negauit, arcemque rationalis partis constituit. Verum quis accurate inter se consonantia expectabit a viro, qui in condenda naturali philosophia animi potius abstractas notiones, et ingenii commenta, quam veritatem naturae duces habuit?

XIX. Anima est immortalis et causa motus, quia et se et alia mouet. Nam et vitae causa est, et circa res versatur, quae eadem semper sunt, sibi-que similes, et immortales; et earum rerum reminiscitur, quae ante ingressum in corpus nouerat. Summa haec est, disputationis elegantis, quam in *Phaedone* ^e Socrati morienti tribuit, cuius dialogi scopus est, animae immortalitatem demonstrare. Ita vero in hac re versatur Plato, ut partim hypothefibus ex Italica schola receptis, et a Socrate non facile admittendis, nitatur, partim inter argumentorum non satis firmorum incertitudinem vehementer fluctuet, et ad probabilitatem tantum ea reducat ^f. Ipsam vero hanc veritatem in Aegyptiorum et Italicorum scholis post Socratem acceptam non potuit non admissis semel principiis de origine animae asserere, unde etiam discimus, hoc de rationali tantum anima, quae diuinae est originis, valere. Reliquas enim animae partes a diis iunioribus conditas mortales esse, in *Timaeo* luculenter docet.

XX. Subiecit Deus animas necessitatis fatiue legibus, quas antequam eas in corpora dmitteret, edixit, ut si iis obtemperarent, felicitatem consequerentur ^g. Quae alibi ^h ita enarrat: *Quaecunque anima, Dei comes factus, id quod reuera est, perspexerit, ea usque ad alteram circuiti-
onem a supplicio erit immunis, et si possit perpetuo id facere, perpetuo erit*

^c) Prolixe hac de re actum obseru. Hal. Lat. T. IX. p. 180 seqq. conf. Мош е м. ad C v d w. p. 55. not. 24. p. 242. n. V.

^d) Interim tamen anima eatenus vna est, quatenus vna est anima mundi ex eodem et diuerso composita.

^e) T. I. p. 69 seqq.

^f) Conf. quae diximus in diss. de secta Elpistice quae T. V. Misc. Berolin. locum occupat vltimum.

^{ff}) In *Timaeo*. conf. L. X. de rep. T. II. p. 617.

^g) In *Phaedro*.

erit illaesa. Id quod concinne CHALCIDIVS^b exponit: *Legi qui pareat, sequaturque principis Dei veneranda vestigia, beatam semper vitam agit, iuxta legis perpetuae sanctionem, quod est iuxta fatum.* Quid vero fatum sit, ex supra dictis intelligi potest, quibus animae ortum delineauimus. Tum enim fati leges, id est totius naturae ordinem et combinationem motumque optimum a Deo impressum iis edixisse ostendimus. Quare non inepte FICINVS^c fatum definiuit: *immobilem quandam in anima mundi rerum mobilium dispositionem.* Ita tamen Plato animam subiecit fato, ut eius diuinam proprietatem, libertatem non tolleret. Vnde non omnia fato decreta esse PLVTARCHVS^d quoque monuit, et CHALCIDIVS; quaedam fato fieri, alia porro ex hominum arbitrio, et voluntate proficisci. Id quod inde perspicui quoque potest, quod Plato animabus facultatem adscripserit, recedendi a legibus fati, quibus tamen sequelam fati, nempe longiores periodos et labores imminere asserit. Id quod apte iterum CHALCIDIVS: *Quod praecedat, in nobis est, quod sequitur, secundum fatum.* Est itaque fatum nihil aliud, quam aeterna constitutio ordoque diuinae prouidentiae, quem ad pulcherrime et sapienter constituendum mundum Deus animae mundanae, et per eam mundo impressit; qua ratione fatum Platoniceum cum Stoico confundi non debet: hoc enim deterioris conditionis est^e. Accipiendum itaque tantum de rerum naturalium ordine et sequela, quod CICERO^f habet: *Prudentiam diuinam in terris necessitatem ab Academicis vocari, quia nihil aliter possit, atque ab ea constitutum sit, inter quasi fatalem et immutabilem continuationem ordinis sempiterni: nonnunquam quidem eandem fortunam, quod efficiat multa improuisa haec, nec opinata nobis propter obscuritatem ignoranceque causarum.*

§. XXVII. Non vero de anima solum verum etiam de corpore hominis noster differuit philosophus, quae hic expendenda essent, in describenda eius philosophia naturali nisi limites operis, quod molimur, ea excederent. Adeundus itaque eius *Timaeus* est, ubi multa, quae huc pertinent, differuntur, quaeque in historia medicinae melius, quam in hac nostra philosophicae historiae enarratione leguntur. Obscuritatis vero Platonis taedio ab hac lectione absterritos iubemus ea consulere, quae elegantissimae eruditionis medici DANIEL CLERICVS^g et IO. HENR. SCHVLZIVS^h hac de re enarrarunt. Sunt in his multa, quae falsa et commentitia esse, nostra aetas detexit, quaeque monstrant, valuisse magis Platonem in metaphysicis, quam physicis. Sunt tamen etiam quaedam, quae contemni non debent, in quibus cum Hippocrate haud raro concordat. Vnde, licet debili fundamento, suspicatur CLERICVSⁱ: Platonem, qui iisdem fere

Corpus.

^b) In Tim. Plat. p. 278.

^c) Ad L. XII. de leg. p. m. 607.

^d) De plac. phil. L. I. c. 27. conf. ALCINOVS c. 26.

^e) Conf. VOSSIVS de Idol. gent. orig. L. II. p. 46. p. 559 seqq. Orium Vindel. Mel. I. p. 86.

^f) Acad. Qq. L. I. c. 6.

^g) Hist. de la medicine P. I. L. IV. c. 3.

^h) 261 seqq.

ⁱ) Hist. medic. Per. I. sect. III. g. 6. §. 26 seqq.

^j) L. c. p. 266.

fere temporibus cum Hippocrate vixit, etsi ei paulisper ætate suppar, quique plerumque principia Hippocratica sequitur, multa ex eius scriptis in Timaeum suum transtulisse.

III. Mathe-
matica.

§. XXVIII. Tandem et mathematicarum disciplinarum chorum philosophiae theoreticae adiecit Plato, quas ad animi praeparationem, et emendationem intellectus circa ideas versaturi requirebat. Nihil vero de iis, quanquam in illis valebat, ex instituto tradidit, sed earum tantum necessitatem vsumque in philosophica republica ^p commendauit, vt homines abstractis et generalissimis notionibus assueti per disciplinas istas discerent a sensibilibus ad intellectualia se attollere, rerumque essentias ipsas contemplari, in quo summam sapientiam constituit. Laudat itaque arithmetica, si quis eam cognoscendi, non cauponandi gratia, discat, quod ea animum ad hoc inducat, vt ipsa intelligentia vtatur ad veritatem ipsam percipiendam. Ita et Geometria, ait, esse cognitionem eius, quod semper est, et attollere animum ad veritatem, atque ita ad philosophandum praeparaturam animum, vt ad supera conuertamus, quae nunc contra, quam decet, ad inferiora deiicimus. Astronomiam, contendit, animos ad superiora dirigere, et coelestium varietate vtendum esse, velut exemplo quodam ad supernarum rerum contemplationem. Idem de musica disputat. Quae omnia ita roborat, vt vehementer in eos insurgat, qui humanae utilitatis causa has disciplinas tantum excolunt: id quod in Socraticos dictum esse, ita a magistro institutos, ex eorum historia palam est. Et tamen haec differentem introducit Socratem, qui et hic, si audiuiisset, recitata dixisset: quam multa de me mentitur adolescens.

Philosophia
actiua.

I. Ethica.

§. XXIX. Tandem et philosophiae actiuae rationem habendam esse censuit Plato, cuius duas partes fecit, moralem et civilem, vtramque theoreticae philosophiae ita adaptauit, vt doctrina eius de principiis diuinis, de materiae conditione, animaeque natura fundamentum totius ethicae constituerent. Etsi vero genuinus Socraticus Plato videri voluit, nec moralem tamen philosophiae partem, vt Socrates et sinceri eius discipuli, solam tantum excoluit, nec integram, vt nec reliqua, vna tractatione edidit, sed dispersa moralia dogmata passim in dialogis disseminauit: quae in vnum recte ordinem colligere, magnam attentionem ad principia supra-explicita, postulant. Non itaque operam perdent, qui vel ALCINOVM ^q, vel APVLEIVM ^r, quorum vterque post breuem CICERONIS ^s enarrationem moralem philosophiam Platonis exposuerunt, ducem sequentur, ita tamen, vt ipsum Platonem semper respiciant, et ipsum eius systematis nexum ex oculis nunquam dimittant. Quod an semper fecerint, qui ex recentioribus hanc operam praestiterunt ^f, valde dubitamus. Sed abiicienda est

^p) Lib. VII. T. II. p. 522 seqq.

^q) Intr. in Plat. c. 27 seqq.

^r) De dogm. Plat. L. II. p. m. 295 seqq.

^s) Acad. Qq. L. I. c. 5.

^f) Inter hos sunt CHR. IAVELLI Moralis

philosophiae Platonicae dispositio Ven. 1536. 8. de qua vid. act. phil. Vol. III. p. 210. MAGNI DAN. OMEISII Ethica Platonica Altdorf. 1698. 8. Io. IOACH. ZENTGRAVII Specimen doctrinae iuris naturalis secundum disciplinam Platonieam, alique.

est nimia Platonis veneratio, qui morali hac philosophiae suae parte, si non omnibus, quibus praecipue IO. BAPTIST. CRISPVM¹, eximendum laudamus, plerisque tamen vehementer placuit. Recte enim aestimantibus, et ad vera dogmatum principia attendentibus patebit, non mancā tantum sed et absurdam esse et ineptiis otiosi ingenii magis, quam naturae humani animi, et sensus interni atque conscientiae experientia, vel iustis rationis principiis eam niti, et ex absurdo emanationis principio, quod in spiritualibus posuit, materiaeque falso et inani conceptu pleraque fluere, quibus effectum est, ut tota ethica Platonis ad entusiasmum philosophicum ducat², animumque vera emendatione non purget, quicquid etiam hac de re iactet³: ad quod virum hunc metaphysicis notionibus indulgentem Pythagorica schola, quam in plerisque expressit, seduxisse videtur. Cauendum etiam est, Platonis ethicam in ipsis eius dialogis scrutaturo, ne aliena dogmata, quae plerumque ea fini affert, ut refellat, pro Platonicis habeat, cuius exemplum esse possunt ea, quae de summo bono in Philebo⁴ differit. Verum de hac reliquisque cautionibus lectorem supra iam monuimus. Iam audiemus ipsum Platonem.

§. XXX. I. Illud quod honore maxime dignum putatur, et supremum est bonum, nec facile inuenitur, nec postquam inueneris, in omnes vulgandum est. Passim⁵ ita Plato loquitur, cuius causam partim in praesentis vitae conditionem et imbecillitatem reiicit, partim in homines umbras prae solis radiis eligentes et sequentes: qua ratione ad eos alludit, qui ideas, quae in philosophia quoque morali eius summum apicem constituunt, referunt. Ceterum cum summum bonum ipse Deus sit, mirum non est, eandem assertionem etiam supra de conditore mundi occurrere.

II. Nostrum summum bonum consistit in ipsa primi boni scientia. Primum vero bonum Deus siue mens est⁶.

III. Omnia, quae ab hominibus bona dicuntur, haecenus dici bona possunt, quatenus aliquid ab illo primo et praestantissimo bono trahunt. Prolixe de utroque tum in Philebo⁷, tum de legibus, ubi comparatione cum sole illustrat, summumque bonum describit, quod non tantum bonum, iis, quae cognoscuntur, dat, sed et esse et essentiam largitur, cum ipsum essentia non sit, sed supra essentiam, dignitate ipsam et potentia exsuperans⁸.

IV. Bonum hominis pulchrum, venerandum, diuinum, amandum, apte constitutum, ac postremo beatitudo nostra est⁹.

V. Ex iis quae in nobis sunt, mens sola atque ratio ipsius boni quandam consequitur similitudinem. Causa quaerenda est in diuina origine animae.

VI.

¹) De Platone caute legendo.

²) Conf. cel. HANSCHIVS de entusiasmo Platonico Sect. V. seqq. p. 71 seqq.

³) Conf. THOMASIVS Hist. iur. nat. c. II. §. 11.

⁴) T. II. p. 20.

⁵) In Parmenide T. III. p. 134. De republica L. VI. T. II. p. 505. 506.

⁶) loc. cit.

⁷) T. II. p. 20.

⁸) L. VI. T. II. p. 505.

⁹) In Euthyd. T. I. p. 279 seq.

VI. Eorum, quae vulgo dicuntur bona, cuiusmodi sanitas est, formaque et robur, nec non diuitiae et dignitates, nullum prorsus bonum est, nisi cum virtutis usu fuerit coniunctum. Separata enim ab ipsa virtute materiae tantum instar sunt, atque iis, qui male vtuntur, mala ^c.

VII. Philosophorum animi ingentibus quibusdam bonis referti sunt, et post corporis mortalis interitum, diuinis adhibentur epulis, veritatisque campum vna cum Diis circumlustrant, ridentque stultitiam eorum, qui umbris terrae exsatiuntur. Totus hac in re demonstranda Plato est in *sexto et septimo libro de republica*, vbi summum bonum in intuitione idearum, id est, rerum per se, et semper eodem modo persistentium collocat. Cuius fundamentum in physiologia Platonis iam deteximus. Eleganti vero hoc similitudine illustrauit ^d, quam, quia mirifice argumento difficili et obscuro lucem accendit, in lectoris gratiam, quantum potest, breuissimis verbis explicabimus. Iubet in animo repraesentare subterraneum quoddam in antro domicilium, cuius ingressus logissime pateat in vniuersum antrum ad ipsam lucem; in eo homines adesse a pueritia ita constrictos ceruices ac crura, vt ea tantum spectare possint, quae sunt ante oculos, capita vero vinculis astricta minime circumuertere queant. Sit porro, inquit, a tergo ignis splendor superne et eminus emicans, ac inter ignem et vinctos illos homines via superior adsit, et murus seorsim constructus, vt hominum visus arceatur. Post hunc murum homines iubet fingere, qui non conspiciantur, varia tamen vasa, hominumque et animantium statuas et imagines lapideas circumferant, ita vt parieti superemineant, illi vero partim loquantur, partim fileant. Iam vincti, pergit, illi homines nihil sui vel aliorum videbunt, praeter umbras, quae in speluncam ab igne in aduersam partem cadunt, quia, ita constricti sunt, caput mouere vt non valeant. Par ratio quoque erit eorum, quae circumferuntur. Quod si illi inter se possint colloqui, iisdem nominibus rerum umbras vocabunt, quibus res ipsas. Et si echo ex aduersa carceris parte resonaret, quoties praetereuntium aliquis loqueretur, nihil aliud loqui existimabunt, quam ipsam illam transeuntium umbram veritatemque rerum in istis umbris quaerent. Horum aliquis si solueretur, et cogeretur continuo exurgere, collum circumuerfare et lucem aspicere, is certe dolebit, et propter splendorem res, quarum umbras viderat, contueri non poterit, et vbi nugas prius umbrasque vidisse, nunc autem rebus ipsis propinquior esse moneretur, et quis quilibet praetereuntium sit, monstrando respondere cogeretur, dubius haerebit, arbitratus, veriora illa esse, quae antea cernebat, quam ea, quae tunc sibi primum ostenduntur, immo lucis splendore vehementer affectus doloreque compulsus, illam fugiet, ad ea se conuersurus, quae potest aspicere. Hinc, infert Plato, consuetudine opus erit, et primo quidem umbras facillime conspiciet, postea in aquis hominum animaliumque imagines, tum quae in coelo sunt, coelumque

^c) In Protag. T. I. pag. 351. In Gorg. T. I. pag. 467.

^d) T. II. p. 515 seqq. conf. ALCINOVS c. VI. Hist. de ideis Sect. I. §. 6. p. 116.

que ipsum noctu facilius contemplabitur, astrorumque et lunae lucem, quam solem eiusque lucem interdiu. Tandem ipsum solem aspiciet, non eius in aqua vel alibi imaginem, sed ipsum per se in sua propria sede, sicuti est, intueri poterit: quem deinde auctorem temporum, moderatoremque omnium rerum, quae in mundo fiunt, esse, ratiocinando colliget, hisque gradibus illum in modum ascendet, reliquorum vero in antro relictorum miseriam statumque deplorabit, et extrema potius patietur, quam ut reuertatur in priorem locum. Illis vero, ubi forte reuersus fuerit, statum ipsorum detestatus, risum mouebit, corruptorumque oculorum infimulabitur. Ita mirum in modum eleganter Plato non idearum tantum doctrinam sed potiore quoque totius moralis philosophiae partem explanauit, ut pleraque, quae momentum trahunt, in ea similitudine comprehendantur. Poteramus haec enarrare luculentius, si specum Platonis, in celebre optices artis phaenomenon, quod cameram obscuram vocant, mutarem; nam eius imagines ideas umbratiles et sensuales Platonis melius referunt; sicque totum fere philosophiae moralis Platonicae ambitum enarrando complecti. Sed limitibus tractationis nostrae a longiore excursionem arcemur, unde ad ea lectorem dimittimus, quae alibi a nobis dicta sunt, ipsumque Platonem legendum commendamus, qui dictione quoque in hac parte summe est elegans.

VIII. Bonum et pulchrum in cognitione primi boni et pulchri consistit.

IX. Bonorum duo sunt genera, humanum et diuinum.

X. Si quid separatum primique illius expers sit essentiae, hoc ab incipienti quidem appellatur bonum, maius vero possidenti malum est.

XI. Solum, quod honestum est, bonum est. Scilicet utilitatem veram in ascensu ad superiorem causam et assimilatione diuinorum quaerebat Plato, quae maxime honesta putabat. Unde utile et honestum reuera apud eum iuncta sunt, ut late disputat in *Alcibiade* ^f. Hinc sequentes assertiones fluunt:

XII. Ergo virtus per se eligenda est, et quia diuina res est, doceri non potest, sed a Deo confertur ^g.

XIII. Qui hanc scientiam consecutus est, felicissimus est, et nihilominus beatus, licet illi ea, quae vulgo mala putantur, infamiae, exilia, mors, eueniant.

XIV. Contra, homo sine hac scientia, licet cuncta, quae vulgus bona praedicat, possideat, diuitias, sanitatem, honores, beatus non est ^h.

XV. Scientiae huius finis est, Dei ipsius, quoad humanum genus id assequi potest, similem fieri ⁱ. Transtulit hunc philosophiae moralis finem Plato ex Italica philosophia in suam ethicam, sed cum aliqua mutatione. Pythagoras enim hominis animum rite purgatum tandem in Deum ipsum

Yyy y 2

redu-

e) Hist. de ideis l. c.

f) De rep. L. VI. T. II. p. 491. 505. Euthyd. T. I. p. 281.

ff) T. II. p. 116 seq.

g) In Menone T. II. p. 98. 99.

h) In Euth. l. c.

i) Passim haec iactat: in Philebo, Theaeteto, Phaedone, deleg. L. IV. T. II. p. 716.

reducebat, Plato vero, animae partem rationalem ex diuina mundi anima, quae a Deo quidem emanauit, eo tamen est deterior, deriuauit, vnde vltimum finem non alium potuit statuere, quam illum, quem humani generis conditio et animae natura pateretur ⁴.

XVI. Consistit vero illa similitudo in prudentia, iustitia, sanctitate, temperantia ¹: quas voces interdum pro synonymis accepisse videtur. Interdum enim in iustitia, alibi in temperantia, etc. hanc similitudinem ponit. Vocat id etiam, Deum sequi.

XVII. Ad haec consequenda gradibus opus est, vt primo ad boni daemonis habitum emergamus, vnde *εὐδαίμωνία* dicta est, tandemque ad ipsam DEI similitudinem accedamus ².

XVIII. Cognoscenda itaque homini miseria, et agnoscendum corpus carcer esse, ex cuius vinculis mens liberanda et ad cognoscendam veram et essentialem naturam adducenda est ³.

XIX. Ad haec consequenda opus est, vt et naturam quis nactus sit aptam, et mores ac educatio et sensus cum lege congruentes accedant, et disciplina a sapientibus tradita adhibeatur.

XX. Hac ratione homo ab humanis rebus semper magis recedit, versaturque in contemplatione earum rerum, quae intelliguntur tantum.

XXI. Ad hanc praeparationem, per mathematicas disciplinas recte initiamur ⁴.

XXII. Sed et exercendus animus in subiugandis prauis cupiditatibus, et assuefaciendus ad laborem philosophicum ⁵.

XXIII. Virtus animae affectio est perfecta, et optima, quae exornat hominem, eundemque firmum ac constantem reddit, tum vero consonum, qua in agendo, qua in dicendo, siue solus id agat, siue cum aliis ⁶.

XXIV. Ex virtutibus diuersae, diuersis animae partibus praesunt, ac rationalis quidem perfectio, prudentia, irascendi potentiae fortitudo, concupiscendi temperantia est ⁷.

XXV. Prudentia bonorum malorumque, et quae media sunt, est scientia; temperantia est apta cupiditatum atque appetituum moderatio, vt rationali parti obediat; fortitudo est legitima decreti difficilis ac non difficilis obseruatio.

XXVI. Iustitia vero est consensio quaedam horum inter se omnium, facultasue, quae efficit, vt tres animae partes inter se conueniant, vtque singulae

⁴) Conf. SCHEFFER. de Phil. Ital. c. VII. p. 42. Amoen. Lit. T. VII. p. 573. ORIG. philos. c. XIX.

¹) In Theaet. T. I. p. 176.

²) de leg. L. IV. T. II. conf. Cratyl. T. I. p. 402.

³) In Phaed. T. I. p. 66 seqq. de rep. L. VII. T. II. p. 517. Cratyl. l. c. p. 400. conf. Hist. de ideis S. I. p. 105 seqq.

⁴) Prolixè haec de rep. L. VII. T. II. p. 515 seqq. Adeo vero hoc enthusiasmo philosophico sibi placuit Plato, vt regni regisque felicitatem in hac

animi ad intelligibilia conuersione versari putaret. vid. Ep. VII. T. III. p. 341.

⁵) De legibus L. VII. p. 804. Id, vt reliqua etiam a Pythagoreis desumptum. conf. BVDDEVS Anal. hist. phil. p. 409.

⁶) In Gorgia T. I. p. 506. vbi generali tractatione de virtute differit.

⁷) In Protagora T. I. p. 329. de rep. L. IV. conf. Obs. Hal. Lat. T. IX. p. 195 seqq.

gulae in eo, quod iis proprium est, cum dignitate versentur, sicque ratio imperet, reliquae obediunt.

XXVII. Ita vero inter se cohaerent hae virtutes, ut separari nequeant: unde, qui peccat, id praeter rationem rectam ab eo fit, atque per imperitiam et imprudentiam; ut nemo possit prudens esse, qui sit aut intemperans, aut timidus. Multa talia et in hunc sensum passim de virtute disputat, ita tamen ut alibi quoque aliorum definitiones virtutis examinet et reiiciat: ad quod probe attendendum est, ne aliena Platoni affingamus. Ipse tamen sibi non semper constat, quia metaphysicae notiones, quas sequebatur, morali parti non ubique possunt apte satis et feliciter applicari. Ludit quoque, more suo, vocibus, et idem interdum virtutis nomen variis significationibus exprimit, vnaque interdum appellatione diuersas virtutes indicat, quod occasionem exhibuit viris quibusdam doctis de contradictionibus Platonis in doctrina de virtute conquerendi: quae tamen si non omnes, pleraeque tamen tolli possunt, si ad hanc obseruationem, a Laërtio iam adhibitam, et olim lexicis Platoniceis confirmatam attendatur. Ita, temperantiae nomine interdum vniuersalem virtutis rationem exprimit, totamque animarum moderationem et imperium eo innuit, sicque iustitiae iungit; interdum parti animae infimae, quae cupiditati obnoxia est, praeficit regendae: quanquam putet, nimis longe, a parte rationali hanc concupiscibilem animam (veniam verbo exoramus) distare, quam ut tota compesci queat.

XXVIII. Virtutes perfectae sunt, nec crescunt, et decrescunt, ut vitia.

XXIX. Affectus est ratione carens animae motus, ex bono aliquo excitatus aut malo: Nam a parte rationali non oriuntur, sed ab iis partibus, quae ratione carent: hinc saepe inuitis nobis nascuntur et reluctantibus.

XXX. Simples, praecipuique affectus et quasi reliquorum elementa sunt duo, voluptas et dolor, caeteri ex iis constant et formantur.

XXXI. Affectus alii agrestes, alii mansueti sunt: hi natura hominibus insunt, et si modum teneant, necessarii ac proprii sunt hominibus, sin excedant vitiosi sunt, e. c. voluptas, dolor, ira, misericordia. Agrestes sunt, qui praeter naturam sunt, et ex deprauatione aliqua vel praua consuetudine oriuntur, e. g. humani generis odium.

XXXII. Voluptas et dolor a natura in nobis concitantur.

XXXIII. Plures voluptatum species sunt, quarum aliae corporis, aliae animae: aliae intemperantes et iniustae, aliae moderatae et cum bono coniunctae. Hic occasio Platoni enata de voluptate intemperanti corporis

Yyy y. 3

ris

v) In Protag. l. c. p. 345. quae tamen limitat de legibus L. IX. p. 861.

s) In Men. T. II. p. 70 seqq.

f) Conf. Obs. Hal. T. IX. obs. VII. p. 252 seqq.

t) In Charmide T. II. p. 161.

n) In Phaed. T. III. p. 102. conf. PSEUDO-ORIG.

l. c. p. 124. hinc disci potest, qua ratione a Platone discedat Aristoteles.

v) In Phaetro T. III. p. 238.

w) In Philebo T. II. p. 47. 48.

z) De rep. L. IV. T. II. p. 431.

y) In Philebo T. II. p. 50 seqq.

doctrinis de imbecillitate humani intellectus, et cognitionis incertitudine acriter disputavit, nouamque prorsus faciem Academiae induxit¹, in qua eo tempore Arcesilaus, Lacydes, Euander, et Egesinus docuerunt. Nec hoc satis; sed variauit etiam noua Academia, auctoribus Carneade et Clitomacho; quos qui secuti sunt, non ita presse institere eius vestigiis, vt non quartam et quintam Academiam ideo memorent quidam veterum, docente in illa Philone et Charmide, in hac Antiocho. Horum itaque omnium historia et doctrina eo magis enarranda est, quo magis non exiguum philosophiae Graecanae partem Academia constituit, et Academica philosophandi ratio sub Romanis summam famam consecuta est, qua de re suo loco ex instituto dicemus.

¹) Scripsit olim teste EUSEBIO de praep. L. XIV. huius sectae afferentem, sed is, magna historiae c. 9. NYMENIVS librum, de Platonis et Academiae philosophiae iactura periit. Conf. IONSIUS eorum discrepantia, multum lucis ad historiam de Script. Hist. phil. L. III. c. 10. p. 264.



SECTIO II.

DE ACADEMIA PRIMA, SIVE VETERI.

§. I.

*Speusippus
post Platonem
Academiam
regit.*

Platonis excussa historia, discipuli restant et sectatores, quorum vita, facta atque placita iam porro enarranda sunt. Quorum primi cum genuinam magistri mentem doctrinis suis exprefferint, a reliquis secerni solent, vocarique Academia vetus atque prima, quae ex sinceræ philosophiae Platonicae asseclis constitit. Horum primus fuit, cathedramque Platonis post praeceptoris mortem occupauit SPEVSIPPVS, Atheniensis, pago Myrrhinusius, Potones, Platonis sororis ex Eurymedonte filius^a: qua sanguinis coniunctione commotus Plato Speusippum in familiam recepit suam, domesticisque instructum documentis, vt ait APVLEIVS^b, propriae vitae exemplo reformauit, et ex neptium suarum filiabus vnā ei in matrimonium tradidit, triginta tantum minarum oblata dote, quam tamen Chio talento auxit^c, Speusippus vero accipere diu recusauit, donec tandem humanitate magis viri optime ei cupientis, quam dotis magnitudine, vt acciperet, commoueretur: tantum poterat Platonis auctoritas, vt etiam consanguineis et familiaribus prodesset. Eadem quoque causa Speusippo accidit, vt Dioni post relictas Syracusas Athenis apud Platonem commoranti intima familiaritate iungeretur. Cum enim Dio natura esset seueriori indole, et tum maxime a Dionysio patria pulsus ira et indignatione haud semel excrucietur, Plato placidis Speusippi atque iucundis moribus eius seueritatem

^a) LAERT. L. IV. §. I. SVIDAS in Speusip. T. III. p. 362.

^b) De dogm. Platon. L. I. p. m. 283.

^c) CHION Ep. III. ed. Cuiac. conf. STANLEY Histor. phil. P. IV. c. I. p. 381. PLUT. ad adul. et amic.

tēm mitigari cupiens, amicitiam inter eos iunxit arctissimam, quod modum eum laetitiae tenere, temporisque atque loci momenta rite nosse intelligebat. Fuerat vero et Platonis in ultimo eius in Siciliam itinere comes ^d, familiariusque cum ciuibus Syracusanis, quam Plato, conuersabatur, eorumque sibi apte animos iungebat, adeo, vt fiducia tandem haud exigua concepta, per eum Dionem exorarent, vt omissa parandi exercitus atque classis cura, ad euertendam tyrannidem solus ad ipsos rediret, ipsisque caput ad concutiendum tyranni regnum se iungeret. Speusippus itaque Athenis redditus, multis verbis Dionem ad bellum contra Dionysium suscipiendum excitauit, Siciliaeque auxilia promisit, nec frustra. Ita enim eius exhortationibus commotus est Dion, vt copias sibi clanculum compararet, et expeditionem in Siciliam susciperet, qua de re, qui haec pluribus narrat, audiendus est PLVTARCHVS ^e. Dio vero in Siciliam rediens, cum carissimum sibi haberet Speusippum, suburbanum, quod sibi comparauerat, Athenas delatus, ei dono dedit. Post auunculi mortem, quam Olymp. CVIII. r. accidisse supra diximus, scholae Academicæ praeesse coepit, octoque annos praeceptoris philosophiam docuit ^f, didactrum vero, secus ac Plato fecerat, a discipulis exegit ^g, habuitque inter auditores Lastheniam quoque Mantineam, et Axiotheam Phliasiā ^h, quas Platonem quoque audiuisse supra memorauimus. Non tenuisse tamen se intra philosophiae cancellos familiaritatem eius cum his feminis, acriter ei exprobrauit Dionysius ⁱ. Infirmissima vero valetudine corporis cum esset, vehiculo in Academiam ferebatur ^k; quo modo vectus cum ei Diogenes obuius fieret, isque salutatus respondisset: tu vero minime salue, quem, talis cum sis, viuere haut pudet; respondit, se animo viuere ^l. Paralyti vero solutus tandem ad Xenocratem misit, et vt scholam susciperet, eum exorauit ^m. De morte eius veteres variant. TERTVLLIANVS ⁿ in adulterio periisse ait, quod tamen fractura atque impotens Speusippi corpus refutat; alii apud LAERTIVM ^o voluntariam sibi mortem moerore consciuisse tradunt; alii pediculari morbo extinctum volunt. Ingenio utebatur amoeno et ad eruditionem ornandam aptissimo; animo vero et moribus discipulum Platonis non decentibus. Voluptatis enim et avaritiae amorem amaris ei obiecit verbis Dionysius ^p; lucroque adeo intentus fuisse dicitur, vt non tantum mercedem a discipulis volentibus, nolentibus exigeret, sed et poemata quaedam sua parum probae notae mercede publice caneret ^q, nullamque turpis lucri occasionem omittet.

d) Commendauit eum Dionysio Plato, vid. Ep. I. Opp. T. III. p. 314.

e) In Dione T. IV. p. m. 648 seqq.

f) LAERT. L. IV. f. 1. SVIDAS l. c.

g) Ib. f. 2.

h) Ibid.

i) Ib. f. 3. ATHEN. L. VII. p. 279. L. XII. p. 546.

k) Timotheus apud LAERT. l. c.

l) Ib. f. 1. STOBÆVS Serm. CCLXXIII. p. 583. ita narrat: Diogenem Speusippum cruribus solu-

tum hortatum esse, vt se vita priuaret, cui illeresponderit: non cruribus nos viuere, sed animo.

m) LAERT. l. c. f. 3.

n) In Apologetico c. 46. conf. PETAV. rat. temp. L. III. c. 13. p. 162.

o) Ib. f. 3. et viri docti ad h. l.

p) loc. cit.

q) Conf. STANLEY. l. c. p. 382. qui tamen testem non adducit.

teret, modo vera sint, quae vel Dionysius, ira in Speusippum incensus, ob Dionis amicitiam ei exprobrat, vel ex eo adducit *ATHENAEVS*, in congerendis sine magna veritatis cura philosophorum opprobriis iusto liberior. Iracundus quoque fuit, adeo, ut catulum prae animi impotentia in puteum abiecisse dicant, hincque eum *αὔσηρόν τὴν γνώμην καὶ ὀξύθυμον εἰς ἄκρον* vocat *SVIDAS*^r, et *HESYCHIVS* quoque *συβάραν*, vocet, quod subulem nominat, agrestemque hominem^s prodit. Quod quia cum moribus iucundis et placidis, quos in eo diligebat Plato, et Dioni propterea commendabat, non conuenit, vel ita intelligendum est, Speusippum, etsi placidissimi ingenii hominem morumque iucundorum, ubi ira commotus esset, omni humanitate excidisse, et ad austeram et vehementissimam animi commotionem declinasse; vel ad illud vitae eius tempus referendum est, quo doloribus et morbis non corpore tantum, sed et animo fractus et moerore confectus, moribus quoque molestis et ab humanitate alienis corruptus fuisse videtur. Eruditionem vero possedisse haud vulgarem, indices librorum ab eo conscriptorum, qui apud *LAERTIVM*^t aliosque^u extant, produnt, ex quibus patet, non philosophiae tantum, sed historiae quoque philosophicae fuisse peritum: ad quam opus eius de philosophis^x pertinuisse videtur: nihil vero eorum hodie superest, praeter definitiones philosophicas^y, quae inter Platonis opera extant^z, quanquam eas ipsius Platonis esse censeat *CASAVBONVS*^a. Dignum vero memoratu est, quod veteres referunt^b, Aristotelem Speusippi libros magno aere trium talentorum redemisse: quod argumento est, vel singularem eorum eruditionem Aristotelem incitasse, ut tanto pretio suos faceret, vel invidia fuisse ductum, ut abolitis genuinae Platonicae sapientiae monumentis, ipsius philosophia caput melius extolleret, quod ab Aristotelis moribus non fuisse alienum historia vitae eius suo loco abunde docebit. Primus etiam Speusippus Isocratis arcana^c edidit, quae tamen cuius generis fuerint, inter arcana est, nec sciri satis potest. Suspicio tamen est, esse haec ipsa, quae *μυσθήκιον* *CICERONI*^d sunt appellata, artemque innuere rythmorum siue numerorum oratoriorum, quorum cognitionem artis intimae esse, sed dissimulandae, ait *IDEM*^e. Quam artem vel inuenit, vel ad magnam accurationem perduxit Isocrates, quo neminem in eo genere scientius versatum *TULLIVS* asserit. Fuit et alius Speusippus, Medicus ex Herophili secta, veteribus passim memoratus, et cum philosopho non confundendus^f.

§. II.

^r) loc. cit.^s) Conf. *MENAG.* ad l. c. *LAERT.*^t) loc. cit. f. 5.^u) *MENAG.* ad l. c. *FABRIC.* *Bibl. Gr.* Vol. II. p. 230. *MEYRS.* *Bibl. Ant.* p. 1610. *IONS.* de Script. Hist. phil. L. I. c. 10. p. 47.^x) Meminit eius *LAERT.* L. IX. f. 23. conf. *IONSIVS* l. c. quem exscribit *MENAG.* l. c.^y) Citati *FABRIC.* p. 19.^z) T. III. p. 411.^a) Conf. *MENAG.* l. c.^b) *LAERT.* l. c. *GELLIVS* N. A. L. III. f. 17.^c) τὰ ἀπόρητα, *LAERT.* l. c. qualia apud alios quoque oratores memorantur, vid. quae collegit *MENAG.* ad h. l.^d) Ad *Attic.* L. II. ep. 1.^e) De oratore conf. *M. CASAVB.* ad l. c. *Laërtii.*^f) Conf. *MENAG.* l. c. *FABRIC.* *Bibl. Graec.* Vol. XIII. p. 427.

§. II. Philosophicorum dogmatum rationem qualem Speusippus tenuerit, ex praeceptoris philosophia iudicandum est: ab ea enim illum discēfisse, nusquam legitur^g. Quod si definitiones, inter Platonis opera extantes ad eum, ut plerique volunt, referendae sunt, facile inde connexio philosophematum Speusippi erui potest, ex quibus tamen luculenter patet, desumptas esse ex Platone, siue Speusippum auctorem habeant, siue alium, pressis vestigiis Platonem sequentem. Vnum alterumque est, quod de eo narant veteres hic non praetermittendum:

I. Primus in disciplinis, quid esset commune inuestigauit, easque, quantum fieri poterat, inter se iunxit atque foederauit. Ita LAERTIVS^h ex Diodori commentariis. Qui cum μαθήματα nominet, vel de disciplinis in genere, ut recte monuit cl. OLEARIVSⁱ intelligi potest, vel de iis, quae mathematicae, significatione vocis specialiori, vocantur, quo sensu et STANLEIVS accepit, et accipiendum esse ls. CASAVBONVS^k contendit, eo quod APVLEIO^l teste, *Plato primus tripartitam philosophiam copularit, sibi que inuicem necessarias partes, neque pugnare inter se tantummodo, sed etiam mutuis adiuuare auxiliis ostenderit*. Forte Diodorus, cuius verba refert LAERTIVS, de generali encyclopaediae in Platonica schola receptae systerate atque ordine intelligendus est, ut ita ostenderit Speusippus, qua ratione vna veri et boni ratione omnes omnino disciplinae sororio quasi inter se copulentur vinculo.

II. Pythagoreorum vestigia in philosophando studiose pressit. Nam ad Siculos cum Platone profectus, praestantissimos Pythagoreorum philosophos audiendi et conueniendi occasionem nactus, et quem imitandi hos homines modum in auunculo vidit, studiose secutus est. Refertque AVCTOR *theologumenorum arithmeticonum*^m, eum tum ex aliis Pythagoricis meletematis, tum praecipue ex Philolai libris iucundum libellum *de numeris Pythagoricis* conscripisse; ex quo coniici non sine verisimilitudine potest, libros Philolai a Platone magni redemptos, successionis et haereditatis iure ad Speusippum peruenisse. Quod si ARISTOTELIⁿ fidendum, Speusippus in hoc a Platone abiit, Pythagorae propior, quod bonum ad vnum, nempe Deum tantum, non ad ideas transtulit, unde eum θεόλογον vocat EVSTRATHIVS^o; quanquam in eo quoque a Platone non tantum discessit, quantum vult Aristoteles, cum et ipse Plato bonum supremum ad vnum, Deumque, et ipsas quoque ex hac causa ideas ad hunc fontem reuocauit. Aliter tamen STOBAEVS^p, qui statuisse Speusippum, refert, *mentem neque uni, neque bono similem, sed naturae singularis esse*; qua de re, cum Speusippi libri non extent, iudicari non potest. Forte certa tantum significatione, quoad naturae scilicet diuinae excellentiam, id intellexit,

Zzzz 2

tellexit,

g) Mansisse in Platonis dogmate diserte ait LAERT. L. IV. c. 1.

h) loc. cit. f. 2.

i) Ad STANLEI. l. c. p. 381.

k) Ad l. c. LAERT.

l) loc. supra cit.

m) pag. 61.

n) Ad Nicom. Erh. L. I. c. 4. T. II. p. 6.

o) Ad h. l. Aristot.

p) Eclog. phys. L. I. c. 1. p. 2. τὸν νῦν ὅτε τῷ ἐνὶ ὅτε τῷ ἀγαθῷ τὸν αὐτὸν, ἰδιόφῃ ἢ δὲ εἰνα.

tellexit, ratione causae vero Deum cum Pythagora et Platone vnum atque bonum dixit.

III. De criterio ita statuiffe, refert **SEXTVS EMPIRICVS**⁹⁾. Quoniam ex rebus aliae sunt sensiles, aliae, quae cadunt sub intelligentiam, earum quidem, quae sub intelligentiam cadunt, esse iudicem rationem, quae est ex scientia: sensilium autem, sensum, qui est ex scientia; quo scilicet modo tibicinis aut psaltae digiti artificiosam quidem habent operationem, sed quae non in ipsis primo perficiatur, sed absoluitur ex exercitatione profecta ex ratiocinatione; sic sensum, qui est ex scientia, esse eum, qui est particeps veritatis ex ratione.

IV. Ex morali philosophia Speusippi hoc nobis dogma seruauit **CLEMENS ALEXANDRINVS**¹⁾: Beatitudinem esse perfectum habitum in iis, quae sunt secundum naturam, aut habitum bonorum, quam constitutionem omnes quidem homines appetant, coniectent autem boni ἀσχηστίαν, molestiae et conturbationis vacuitatem, virtutes autem felicitatem effecerint.

V. Ex ciuili doctrina hoc idem **CLEMENS ALEXANDRINVS**²⁾ ex Speusippi libro *aduersus Cleophontem* adducit: Si regnum res bona est, et sapiens solus est rex et princeps: lex, cum sit recta ratio, bona fuerit. Patet ex hac doctrinarum philosophicarum ternione, Speusippum non tam re ipsa a Platonis sententia discessisse, quam verbis aliter rem expressisse: Facile enim ad Platonis φιλοσοφούμενα exigere, iisque aptari cuncta possunt.

Xenocrates.

§. III. Speusippo successit **XENOCRATES**, quem ille morbo fractus ut Academiae cathedram capefferet, rogauerat, Chalcedonius patre Agathenore³⁾ natus; qui enim Carthaginensem faciunt, corrupta sine dubio lectione nituntur⁴⁾. Tempus natiuitatis eius varie veteres definiunt; **AUCTOR** enim Olympiadum natalem eius refert ad Olymp. XCI. 1. vnde sequitur, eum duos supra centum annos exegisse, id quod placuit quoque **MEVSIO**⁵⁾. Nam Olymp. CX. 2. Speusippo, ut supra dictum, successit, scholam vero XXV. annos continuos rexit, vnde sequitur eum Ol. CXVI. satis concessisse, id quod **LAERTIVS**⁶⁾ quoque confirmat, qui post bellum Lamiacum quod Olymp. CXIV. 2. finitum est, adhuc vixisse asserit⁷⁾. Annos vero aetatis ei assignant pauciores, alii veterum; et **LAERTIVS** quidem LXXXII. **LVCIANVS** LXXXIV. quae si vera sunt, ad Olymp. XCV. demum natalis referri potest, id quod **P. BAYLE**⁸⁾ quoque et **Io. IONSVS**⁹⁾ receperunt, qui Anonymum Olymp. scriptorem hic deferendum, et plurimum testimonium vnius asserto praeferendum hic esse recte iudicant: tota enim Xenocratis historia cum his temporum rationibus eleganter cohaeret.

9) Adu. mathem. L. VII. f. 145.

1) Strom. L. II. p. 418.

2) Ibid. p. 367.

3) Agathonem vocat **SVIDAS** in Xenocr. T. II. p. 644. Agathenorem **LAERT.** L. IV. f. 6.

4) Legitur enim in quibusdam Laërtii Codd. Καρχήδονιος, sed corruptum id esse ex χαλκήδονιος **Strabonis**, **Athenaei**, **Aeliani**, **Suidae** testimoniis

recte probatur, conf. viri docti ad h. l. **IONSVS** de Scr. Hist. phil. L. I. c. 10. p. 50.

5) De archont. Atheniens. L. III. c. 9. p. 113. 114. L. IV. c. 12.

6) Lib. IV. f. 14.

7) Ibid. f. 9.

8) Dict. T. IV. art. Xenocrates not. K. p. 514.

9) loc. cit. p. 51.

ret. Initio Aeschini adhaesit, ei vero subtraxit, teste ATHENAEO ^b, Plato, qui multam in formando eius ingenio posuit industriam. Erat enim ingenio hebes ac tardus, quae causa fuit, ut eum cum asino, Aristotelem vero, ignei et excitati ingenii adolescentem, cum equo Plato compararet, dicens, alterum freno, alterum egere calcaribus; itemque: quem ego asinum cui equo iungo ^c! Erat praeterea seuera fronte atque subtristi facie, unde Gratiis litandum illi esse praeceptor dicere solebat ^d; qui cum esset humanissimis moribus, mores hos inurbanos seuerius correxit, vehementer eum increpando. Aequissimo id tulit animo Xenocrates, et hortantibus, ut acrius Platoni responderet, hoc, dixit, conducit mihi magnoque mihi futurum est emolumento ^e. Credibile itaque non est, durius eum de Platone locutum fuisse, quod non nemo iurisiurandi fide Platoni affirmabat, qui hoc de homine sibi tantopere amato minime persuaderi sibi posse recte dixit ^f. Aliam enim fidem amoremque praeceptoris ipsa vita superiorem in Sicilia, ubi Platonem in aulam Dionysii comitatus erat, prodidit: tyranno enim Platoni grauius succensente, atque mox affuturum dicente, qui caput ei auferret, id fieri non posse, Xenocrates praesens dixit, nisi suum prius auferatur ^g. Animi itaque patientia naturae tarditatem superauit, nec profugit, ut ait PLUTARCHVS ^h, a discendo, sed ultro in se ipsum dictoria coniecit, vasis angusti orificii, et aereis tabulis se similem dicens, ut qui aegre doctrinam perciperet, perceptam firmiter constanterque retineret. Ita vero ex carissimis Platonis discipulis vnus euadens, magistrum viuum semper coluit, mortuum doctrina moribusque secutus est, magnum Academiae veteris ornamentum. A Speusippo morbo, uti supra memorauimus, impedito cathedram Platonis suscepit Olymp. CX. 2. indignante Aristotele, cui cum Xenocrate nunquam bene conuenit ⁱ, et ab hoc tempore per viginti atque quinquaginta annos scholam rexit, Platoniamque philosophiam voce atque scriptis propagauit. Neque vero sapientia tantum, sed virtutum quoque sanctitate clarissimus habitus fuit apud Athenienses, cuius luculentum exemplum narrant veteres ^k; cum testimonium dicere coactus, more ciuitatis, ut iuraret, se vera omnia retulisse, adigeretur, vniuersos iudices consurrexisse, proclamatumque, ne iusiurandum diceret, quodque sibimet ipsis postea dicendae sententiae loco remissuri non fuissent, sinceritati eius concedendum existimauisse. Quam morum atque fidei integritatem cum non vno specimine comprobauerit,

Z z z z 3

mirum

^b) Lib. XI. p. 507.

^c) LAERT. L. IV. f. 6. Inde asino insidens pingebatur, apud CHIFFLETIVM de geminis Socratis, T. II. thes. Gronou. tab. 41.

^d) LAERT. l. c.

^e) AELIAN. V. H. L. XIV. c. 9.

^f) VAL. MAX. L. IV. c. 1.

^g) LAERT. L. IV. f. 11.

^h) De auditione T. IV. p. m. 144.

ⁱ) Qua ratione Aristotelem, Platonis cathedram hoc adhuc viuo occupantem represserit, narrat

AELIAN. L. III. c. 19. quod tamen vero non esse simile infra in Aristotele probabimus, recteque notauit STANLEIVS p. 383. frustra defendente, ut Aristoteli aegre faciat PATRICIO discuss. Perip. T. I. L. I. p. 4. Illud veri specie se magis commendat, quod LAERT. L. IV. f. 3. tradit, Aristotelem ex Asia reducein cum Xenocratem in Academia doctorem offendisse, aemulatione ductum in Lyceo scholam aperuisse.

^k) VAL. MAX. L. II. c. 10. CICERO ad ATTIC. II. 16, LAERT. L. IV, f. 7.

mirum non est, eum talem apud Athenienses fuisse. Ad Philippum Macedoniae regem vna cum aliis legatus missus, nec muneribus se corrumpi passus est, nec in priuatum cum eo, vt ceteri, colloquium venire voluit. Quod cum apud Athenienses indignationem primo moueret, quod nulla in re ceteris vsui fuisset, edoctis ab eo, quod reliqui muneribus a rege corrupti fuerint, tantam admirationem mouit, vt eo maiore ipse honore afficeretur. Et Philippus quoque dixit postea, ex omnibus qui ad ipsum venissent, solum fuisse, qui muneribus corrumpi atque vinci nequiuisset¹. Ad Antipatrum quoque tempore Lamiaci belli missus legatus, vt capti ex Atheniensibus redderentur, ad coenam inuitatus Homericorum versuum eleganti et accommodata responsione petita statim obtinuit^m. Alia continentiae quoque exempla passim narranturⁿ; Alexandrum M. inuidia Aristotelis ductum, vt aegre huic faceret, regium Xenocrati munus L. talentorum obtulisse, ex qua pecunia XXX. minas Atticas tantum acceperit, reliquam Alexandro remisit, quod opus per totam vitam tanta nummorum summa non haberet. Hanc cum rationem vitae teneret, mirum non est, adeo pauperem fuisse, vt peregrinitatis tributum Atheniensibus soluere non posset; qui ideo tantum virum de se tantopere meritum vendiderunt. Eum vero Demetrius Phalereus emit et tributo ita reddito Xenocratem in libertatem asseruit^o, tanta erat viri optimi et integerrimae vitae apud eum existimatio. Eam vero apud omnes meruisse, plurimarum virtutum exempla demonstrant. Castitatem seruauit illibatam et incorruptibilem. Phryne enim^p, nobile Athenis scortum (alii Laidem ponunt^q) iuxta eum in peruigilio accubuit, pignore cum quibusdam iuuenibus posito, an temperantiam eius corrumpere posset; interrogantibus eam et deridentibus proximo mane adolescentibus, de homine se cum iis, non de statua pignus posuisse, respondit. Sunt quoque qui eum continentiae studio secare et vrere verenda passum, contendant^r, qui tamen continentiae fortitudinem graui iugo venereos stimulos supprimentem istis forte

¹) LAERT. L. IV. f. 8.

^m) Ibid. f. 9. PLVT. in Phoc. T. II. p. m. 579. BAYLE l. c. not. L.

ⁿ) CICERO Tusc. Qq. L. V. c. 22. LAERT. L. V. f. 10. PLVT. in Alex. T. V. p. m. 551. SVIDAS l. c. VALER. MAX. L. IV. c. 3. STOBÆVS Serm. XXXVII. p. 123. qui paulisper a reliquis abit.

^o) Quae inquilinorum, siue μετοίκων apud Athenienses ratio fuerit, quae conditio, exponunt, qui antiquitates Graecas enarrant, et inter hos illustrissimus POTTERVS archaeol. Graec. L. I. c. 10. p. 46. Inter onera ab iis ferri solita tributum quoque fuit duodecim drachinarum, quod viri soluebant, sex mulierum: qui μετοίκοι id tributum non soluerant, abducebantur ad τὰς πωλητὰς et conuicti vaenibant. Vid. HARPOCRATION. v. μετοίκιον p. 243. et quos ex veteribus laudat MENAG. ad L. IV. Laërtii f. 14. Aliter PLVTARCH. in Flaminio T. IV. p. m. 680. qui Xeno-

cratem a Lycurgo rhetore, publicanis eum ad carcerem pensionis ducentibus, ereptum esse refert, vnde diuersa facta inde exsculpit BAYLE l. c. not. H. Obrulerat autem Phocion Xenocrati ius ciuitatis, ille vero accipere noluit, vt magis Atheniensibus prodesset, vid. PLVT. in Phoc. l. c.

^p) LAERT. L. IV. f. 7. VALER. MAX. L. IV. c. 3.

^q) Conf. quos ex veteribus laudat BAYLE Dict. T. III. art. Lais, not. R. p. 36. Solent eiusmodi historiæ plerumque variis circumstantiis ornari et augeri, quo recte quoque refertur, quod VAL. MAX. l. c. ait, vino grauem, cum obdormiuisset, ita tentatum esse: hoc enim sobrietati philosophi dignis fide testimoniis probatae aduersum est, et a reliquis aliter narratur, scilicet scortum simulans ac si quidam eam insectaretur, ab eo in aediculam et lectulum admissam frustra eum tentasse.

^r) Apud LAERTIVM l. c. qui tamen obscurus est.

forte verbis depictam cum naturali corporis cruciatu confudisse videntur. Eximia etiam vultus animique grauitate tantam venerationem meruit, vt quod semel tantum in anno fiebat¹⁾, ex Academia in urbem iret, petulantium iuuenum turba eius conspectum fugeret²⁾, et Polemonem luxuriantem mira orationis efficacia ad frugem reuocaret, quod in sequentibus narrabimus. Sic et gloriae atque fastus contemtor extitit acerrimus, et quae diei quauis agenda erant parte, ita animo singula disposuit, vt longe maiorem tribueret partem meditationi, partem etiam silentio³⁾: quod etiam inter maledica aliorum colloquia seruauit, fassus, dixisse se, aliquando poenituisse, tacuisse nunquam⁴⁾. Clementiae et bonitatis animi exemplum AELIANVS⁵⁾ affert, ad bruta eam etiam extendisse, et passerem quem accipiter persequabatur, in sinum suum se recipientem magna voluptate occultauisse, praetermisso vero hoste tum demum sinu diducto dimisisse, dicentem, supplicem sese haud prodidisse. Et gulae quoque continentiam seruauit, parceque victu vsus est, adeo, vt si quando vini cadum accepisset, in vappam illud conuerteretur, antequam totum exhauriret: saepe et obsonia iam corrupta altero die proiiceret, id quod in prouerbium abiit⁶⁾ vnde quae de praemio, in certamine potatorio a Xenocrate reportato veteribus memorantur, in contrarium adduci eique obiici vix possunt, moribus populi et consuetudine philosophorum Xenocratem excusantibus⁷⁾. Certe integrum vitae scelerisque purum vixisse, et philosophum, non dicto tantum sed et facto expressisse, concors veterum testimonium loquitur, et ipse a philosopho requiri professus est⁸⁾. Scripsit multa, exhortationes et orationes magna copia, quibus et philosophiam naturalem et moralem, et historiam eius illustrauit, et tum encyclopaediam vniuersam tum mathematicas scientias explicuit⁹⁾, quae omnia tamen hodie desiderantur¹⁰⁾. Vixit vsque ad annum Olymp. CXVI. primum, quo anno aetatis

1) In festo Bacchanaliorum, vbi nouas tragodias spectabat PLVT. de exilio.

2) LAERT. L. IV. f. 6.

3) Ib. f. 11. qui tamen locus subobscurus est; BAYLE l. c. not. G. per silentium, tempus intelligit, quo a publico docendi munere quieuit. Verum ex STOBÆO Serm. CXXVI. p. 385. videre est, eum cum singulas horas certis negotiis destinasset, vnā quoque exercendo silentio tribuisse, vnde ad disciplinam magis philosophicam referendum est.

4) VALER. MAX. L. VII. c. 2.

5) Lb. XIII. c. 31.

6) Xenocratis casus STOB. Serm. XXXIX. p. 137. de rebus diu durantibus.

7) In certamine potatorio in festo Bacchi auream coronam a Dionysio propositam, qui plus bibisset, reportasse, eam vero Mercurio ante fores inposuisse referunt ATHEN. L. X. AELIAN. L. II. c. 41. LAERT. L. IV. f. 8. Id quod haud leuem sobrietati Xenocratis maculam inurere videtur. Verum et ipsa gentis consuetudo, nihil

in eo contra bonos mores peccari sibi persuadentis et eiusmodi compotationes instituentis haec mitius explicanda esse monet, conf. REU. POTTERVS Archaeol. Graec. L. IV. c. 20. p. 770. et exemplum Socratis a compotationibus non plane abhorrentis pro Xenocrate pugnat, et lex bibendi in Academia obseruanda, quae nostro debebatur, confirmat, si etiam concedamus, quod KUNNIVS ad h. l. Laert. contendit, non Syracusis, sed Athenis id factum esse. Recte vero BAYLE l. c. not. C. obseruat, si id Syracusis factum sit, admodum iuuenem fuisse Xenocratem, nec dicere historicum, quod inebriatus fuerit.

8) PLVT. de virt. mor. T. II. p. m. 399.

9) Catalogum exhibet LAERT. L. IV. f. 11. ad quem quaedam notauit FABRICIVS Bibl. Graec. Vol. II. p. 68. conf. IONS. l. c. p. 51.

10) Axiochum inter Platonis dialogos occurrentem Xenocratis esse, quem de morte conscripisse dicitur, FICINO visum est, sed rationibus destituto, conf. MENAG. ad Laert. l. c. FABRICIVS l. c.

aetatis, ut supra indicauimus LXXXII. vel LXXXIV. cum in peluim forte noctu incidisset, fronte laesa obiit, et Polemonem successorem reliquit. Fuerunt inter veteres et alii Xenocrates, quorum quinque nominat LAERTIVS octo FABRICIVS^f. Inter hos vnus Chalcedonius quoque fuit, nostro iunior.

*Dogmata
Xenocratis.*

§. IV. In philosophiae vero placitis eandem, quam Plato, viam tenuit Xenocrates, nec magnopere ab ea philosophandi ratione, quae in Academia prima obtinebat, recessit, id quod ex reliquiis philosophematum eius, quae passim apud veteres memorantur, patet. Quia vero cum Platone in Italia et Sicilia fuit, et scholas Pythagoreorum frequentauit, mirum non est, eum etiam in eo Platonis vestigia pressisse, ut Pythagoreum philosophandi modum sequeretur, ut ex iis constat, quae illi tribuuntur, quae huc redeunt:

I. Ad philosophiae disciplinam neminem admittendum esse, qui mathematicis disciplinis non praeparatus sit. Hinc ad eum, qui neque musica, neque geometria, neque astronomia instructus ad eius disciplinam admitti cupiebat, abi, inquit, ansis enim, id est, adminiculis philosophiae cares. Alii dixisse ferunt: apud me vellus non mollitur^g, quo sine dubio innuit, primam animi praeparationem et e ruditatem emollitionem non in scholis philosophorum quaerendam esse.

II. Rhetoricam esse scientiam, id est, artem bene dicendi. Hoc QUINTILIANVS^h et SEXTVS EMPIRICVSⁱ Xenocrati tribuunt, quorum hic et illud ei adscribit^k, dixisse rhetoricam opificem persuadendi. Idem dixit PLATO, et vterque ad sophistarum sine dubio artem respexit. Eundem in modum Stoici, sed diuerso sensu^l.

III. Philosophiam esse tripartitam, logicam, physicam et ethicam. Eandem diuisionem, etsi eam expressis verbis non tradiderit, secutum fuisse Platonem supra dictum est. Xenocrates vero distincto sermone, ut ait SEXTVS^m, haec exposuit. Nec inelegans est FABRICIIⁿ coniectura, egisse de hac philosophiae diuisione Xenocratem in libro *de philosophia*, quem ei tribuit LAERTIVS.

IV. In dialectica tractatione initium faciendum esse a vocis consideratione. Xenocratem hoc nomine reprehensum fuisse narrat PORPHYRIUS^o.

V. Tria esse rerum genera, aliud sensibile, aliud, quod cadit sub intelligentiam, aliud vero compositum et opinabile. Et sensibile quidem esse, quod sit infra coelum, sub intelligentiam autem cadens eorum, quae vltra coelum sunt, opinabile autem et compositum ipsum coelum: sensui enim esse aspectabilem, sub intelligentiam autem cadere per astrologiam.

VI.

e) Prius LAERT. I. c. posterior LVCIAN. de macrob. T. II. p. m. 829. tradit.

f) II. cc.

g) LAERT. L. IV. f. 16.

h) Instit. orat. L. II. c. 15.

i) Adu. Math. L. II. f. 6.

j) Vid. SEXTVS I. c.

k) IDEM L. VII. f. 16.

l) Ad h. I. Sexti.

m) Ad Mus. Ptolem. p. 193.

n) Ib. f. 61.

VI. Cum haec ita se habeant, essentiae quidem, quae est ultra coelum, et quae cadit sub intelligentiam iudicem, siue criterium esse, scientiam; eius autem, quae est infra coelum et sensibilis, sensum; mixtae autem opinionem.

VII. Ex his communiter, id quidem, quod iudicat per rationem ex scientia, esse firmum, stabile ac verum, quod autem per sensum, verum quidem, sed non ita ut quod per rationem ex scientia: compositum autem esse commune veri et falsi.

VIII. Ex opinionibus aliam esse veram, aliam falsam, unde etiam traditas tres esse Parcas, Atropon quidem esse eorum, quae cadunt sub intelligentiam, ut quae non possit transmutari: Clotho autem sensilium, Lachesis autem opinabilem. Nihil est in hac Canonica dialecticae Xenocrateae parte, quam nobis seruauit SEXTVS EMPIRICVS^o, quod non genuinum Platonis discipulum deceat, licet clarius exprefferit, quae Plato more suo subobscurè et per anfractus quasi tradidit. Vterque enim res in intelligibiles et sensibiles distribuit, et illis notitiam rerum per se existentium et essentias constituentium adscripsit, quae gignunt certam rei scientiam. Deinde nec veritatem quoque omnem rebus sub sensus cadentibus Plato denegauit, sed tantum per participationem rerum coelestium, id est intelligibilem et per se existentium, siue idearum, unde et rebus mixtis opinionem tribuit. Ipsa Parcarum comparatio cum tribus obiectorum intellectus humani generibus a Platone est. Ei enim, teste CHALCIDIO^p, Clotho planetarum perplexus motus, Atropos sphaera ἀπλανής fixarum, Lachesis denique natura, quam res sublunares fortitae sunt, significat.

IX. Monadem ac binarium Deos esse, illam quidem ut marem et patrem, ac coeli dominam, quae etiam Iupiter, impar, et mens appellatur; hunc autem ut feminam et matrem, ac sub coelo imperantem, qui vniuersi anima nuncupatur.

X. Diuinum quoque esse coelum et ignea sidera deos olympios.

XI. Subter lunam daemones esse alios inaspectabiles eosque etiam per elementa materiae penetrare; quorum qui per aërem transit, Iuno, qui per aquam Neptunus, qui per terram Ceres est. Vidit, qui haec refert STOBÆVS^q, non solum Stoicos haec accepisse a Xenocrate, sed ipsum a Platone id transsumsisse; priora enim de monade atque dyade ex Pythagoricis scholis desumpta sunt, quae non improbasse, etsi non secundum numerorum doctrinam differuerit, sed ideas eorum loco introduxerit, Platonem ex dictis superiori sectione notum esse putamus. Quae vero de diis partes mundi inhabitantibus dixit, Platonis menti conformia esse, ex anima mundi ab eo introducta, manifestum est, et iam obseruauit PLUTARCHVS^r. Cum enim dii olympici nihil aliud sint, nisi ideae, ut supra probauimus, et Timaeus loquitur, dii inferiores in anima mundi comprehenduntur et elementis, quae
ista

^o) SEXT. l. c. f. 147 seq.

^p) pag. 237.

^q) Eclog. phys. L. I. c. 3. p. 5.

^r) De Isid. et Osir. T. II. p. m. 157.

ista anima penetrat, immittuntur. Quod magno consensu postea receperunt Stoici, qui tamen omnia ad primum DEVM referebant, in eo Platonici, ipsoque Xenocrate deteriores. Sexus vero in diuinis non Xenocratis inuentum est, sed antiquissimis, vti libro primo demonstratum est, populis, et Orpheo quoque inter Graecos placuit, et ab his ad Pythagoreos venit, in quorum scholis id didicit Xenocrates, et quod de eodem et diuerso, in eundem fere sensum Plato differuit, Pythagoricis formulis expressit. Quid vero illi mares et feminae in diuinis sint, quia alibi ^s, et supra quoque diuersis locis ^{ff}, explicuimus, hic explicandum otioseque repetendum non est. Minus accurate itaque retulit sententiam Xenocratis CICERO ^t, qui ita eius doctrinam exhibet: *Nec vero eius, (Aristotelis) condiscipulus Xenocrates in hoc genere prudentior est, cuius in libris, qui sunt de natura Deorum, nulla species diuina describitur. Deos enim octo esse dicit; quinque eos, qui in stellis vagis nominantur, vnum, qui ex omnibus sideribus, quae infixae coelo sunt, ex dispersis quasi membris simplex sit putandus Deus: septimum solem adiungit, octauumque lunam, qui, quo sensu beati esse possint, intelligi non potest.* Vt enim demus, Xenocratem aequae vt Platonem se religioni *κατασκευάζει*, et superstitioni populi accommodasse; patet tamen tum ex iis, quae nobis seruauit STOBÆVS ^u, tum ex ipsa comparatione physiologiae Platonicae, quam secutus est Xenocrates, eum stellas deos ideo dixisse, non quod ipsa haec corpora coelestia dii sint, sed quod a Diis inhabitentur, et quasi ab anima regantur. Vnde regio quoque suprema Deorum coelestium siue idearum sedes est, qua simul comprehenduntur ^v, quod male intellexit Velleius, qui ex dispersis quasi membris vnum simplicem Deum statuisse Xenocrati affingit. Recte itaque cl. REIMMANNVS ^w monuit, tanti non esse Velleii apud Ciceronem testimonium, vt ei sine formidine oppositi fides haberi possit: potuisset fidem eius plane reiicere, et ad rationes a nobis adductas prouocare, quae ab hac impietate Xenocratem liberant. Id quod pulchre vidit CVDWORTHVS ^x, qui Stobaeano loco adductus Xenocratem inter numinis assertores ponit, licet putet, eum ita a Platone recessisse, vt non tria principia, Deum, ideam et animam mundi poneret, sed duo, Deum et animam. Id quod aliter nobis videtur: monada enim et dyada nominando, nihil aliud dicere voluit, quam quod Plato dixit animam mundi constare ex diuiduo et indiuiduo, ex eodem et diuerso: et diuersa esse ista emanationis principia ^y. Quicquid vero sit de numero principiorum a Xenocrate in diuinis admissorum, illud in-

^s) Amoen. liter. T. VII. p. 232 seqq. T. VIII. pag. 326 seqq.

^{ff}) Omnes fere populi sexum in diuinis in Theologia exoterica agnoscunt: quam absurditatem philosophos rationibus metaphysicis emoluisse supra dictum est.

^t) De natura deor. L. I. c. 13.

^u) I. c.

^v) Idearum regionem vocari, supra obseruauimus.

^w) Histor. Atheismi c. XXII. §. 6. p. 166. Potuisset illis, quae docte dicta sunt, addere, non recessisse a Platonis placitis Speusippum, Xenocratem, Heraclidem Ponticum; vt ex comparatione placitorum patescit.

^x) System. intell. c. IV. §. 24. p. 512.

^y) Scilicet et monas et dyas ad ordinem rerum spiritualium in schola Pythagorae, vnde sua desumit Xenocrates, hoc quidem sensu pertinent.

Indubitatum est, abfuisse eum ab illa opinione, quae non alios, nisi fidera coelestia Deos putat, quam ideo frustra magno molimine refutat P. BAYLE², qui nimis secure Velleio Ciceronis fidit: quem ideo tam absurdam Xenocrati sententiam tribuisse, ut partem, aduersus quam disputabat, eo vehementius vrgeret, vero non absumile est. Et facile potuisset veram Xenocratis mentem perspicere Baelius, si ad ea attendisset, quae postea ex PLVTARCHO^a adducit, tanquam systemati Xenocratis theologico non satis consonantia. Ait enim PLVTARCHVS: *Platonem, Pythagoram et Xenocratem et Chrysippum priscorum theologorum imitatione genios hominibus robustiores exstitisse, affirmauisse, et potentia nostram naturam longe superare, diuina autem natura non sincera aut pura praeditos, sed quae animae natura corporisque sensu comprehensa, voluptatis esset dolorisque capax, aliisque id genus obnoxia affectionibus, ac mutationibus, quibus alii magis, alii minus turbentur: nam ut in hominibus ita etiam inter daemones esse virtutum et vitiorum discrimina.* Ex hoc enim loco non solum manifestum est, Xenocratem in doctrina de daemonibus a Platone non recessisse, sed et ratio patet, quomodo ex eodem et diuerso compositi sint, ut ipsa mundi anima, in qua existunt, quidque velit dyas illa, quam Xenocratem statuisse Stobaeus dicit. Certe hi daemones a materia, siue mundi potius partibus, quas inhabitant, quasque cum illis confudit Velleius, ex Xenocratis mente distinguendi sunt.

XII. Animam esse numerum, qui a se ipso moueatur. Definitionem hanc, e Pythagoreorum quoque scholis translata in Academiam multis praestantissimis viris persuasit, teste PLVTARCHO^b, recte vero monuit P. BAYLE^c, longe aliam, quam nos de numeris habemus, notionem sibi in hoc asserto effinxisse, quam nobis esse incertissimam, cur non fateamur? Recessisse vero paulisper a Platone in eo Xenocratem, idem^d obseruat, Plato enim animam non numerum ponit, sed ordinatam ratione numeri^e.

XIII. Stellae et solem ex igne et primo denso compositas esse, lunam autem ex secundo denso, et peculiari aëre, terram ex aëre, aqua et tertio denso, omnino autem neque densum ipsum per se, neque rarum esse capax animae. Sequitur in hac quoque parte, ut recte obseruat PLVTARCHVS^f, Xenocrates Platonem, qui stellarum quoque vnamquamlibet ex terra et igni concinnatam pronuntiauit per intermedias naturas proportionem datas: nihil enim sentiri cui nihil terrae et luminis sit admixtum.

XIV. Quicquid est, aut esse bonum, aut malum, aut neque bonum neque malum. Afferit hoc Xenocratis dogma SEXTVS EMPIRICVS^g, qui et inductionem exponit, qua id demonstrare aggressus est. In libris *de felicitate*,

A a a a 2

licitate,

²) I. c. not. I. p. 513.^a) I. c.^d) loc. cit. p. 93.^b) De animae gener. ex mente Timaei T. III. p. m. 75. Scholia inedita ad Dionys. Thracem, apud^e) De Pythagorico hoc dogmate conf. dicta Am. lit. T. VII. p. 244.

FABRIC. Bibl. Graec. Vol. II. p. 68.

^f) De facie in orbe lunae T. III. p. 384.^c) loc. cit. p. 514.^g) Adu. Mathem. L. II. f. 6.

licitate, quos laudat LAERTIVS ^h, haec tradidisse verisimile est. Ceterum nec illud ab Academicis dogmatibus alienum est.

XV. Virtutem rebus omnibus esse praeferendam.

XVI. Muniendas pueris aures esse, ne corrumpantur, antequam philosophiae praeceptis animus emendetur ⁱ.

XVII. Civilem quoque philosophiae partem Xenocratem attigisse, PLVTARCHVS ^k refert, qui praecepta de regno ab eo petiisse Alexandrum M. ait, et LAERTIVS ^l, qui inter libros Xenocratis etiam *elementa de regno* ad Alexandrum memorat. Quae vero principia secutus sit, libro deperdito, ignoratur, suspicarique licet, saniora ad tantum regem retulisse, quam Plato Dionysio suggessit, imaginaria republica sua fasciatus.

Polemo.

§. V. Post Xenocratem Academiam rexit POLEMO, Atheniensis patre Philostrato, quem Philocratem nominat SVIDAS ^m, natus, qui, Antigono Carystio apud LAERTIVM ⁿ teste, ex primariis ciuibus fuit, et equos iugales aluit. Cum is esset adulescens, adeo impudicus et lubricus fuit, ut pecunias passim deponeret, et in viis ac angustis occultaret, ut ubique praesto esset, quo cupiditatum frena solueret, et voluptates exsequeretur ^o. Qua viuendi licentia et pessimam sibi famam confluxit, et in coniugis offensionem incurrit, quae ei dicam masculae veneris scripsit. Tam corruptis itaque et inquinatissimis moribus cum esset, mira animi mutatione ad frugem per Xenocratem reuocatus est: quam rem a multis veterum memoratam ^p, eleganti VALERII MAXIMI ^q narratione hic exhibemus, qui ita rem exponit: „Perditae luxuriae Athenis adolescens Polemo, neque „illecebris tantummodo, sed etiam ipsa infamia gaudens, cum e conuiuio, „non post occasum solis, sed post ortum, surrexisset, domumque repetens, „Xenocratis philosophi patentem ianuam vidisset; vino grauis, vnguentis „dilibutus, fertis capite redimito, pellucida veste amictus, refertam turba „doctorum hominum scholam eius intrauit: nec contentus tam deformi „introitu, consedit etiam, ut clarissimum eloquium et prudentissima prae- „cepta temulentiae lasciuiis eluderet. Orta deinde, ut par erat, omnium „indignatione, Xenocrates vultum in eodem habitu continuit, omissisque, „de quibus differebat, de modestia ac temperantia loqui coepit. Cuius gra- „uitate sermonis resipiscere coactus Polemo, primo coronam capite detra- „ctam proiecit, paulo post brachium intra pallium reduxit, procedente tem- „pore, oris conuiualis hilaritatem deposuit, ad vltimum totam luxuriam „exuit, vniusque orationis saluberrima medicina sanatus, ex infami ganeone „maxi-

^h) L. IV. f. 12. Qualem vero rerum ad beatitudinem pertinentium ordinem posuerit, ex CLEM. ALEX. Strom. L. II. p. 419. discere licet, ubi ait: Xenocrates definit beatitudinem propriae virtutis possessionem, et eius, quae inseruit facultatis: deinde, ut in quo quidem sit, videtur dicere animam; vnde autem a quibus, virtutes: ut ex quibus, tanquam partibus, bonas actiones et honestos habitus, et affectiones et motus et habitudines, utpote quod non sine his sint ea, quae sint corporis et externa.

ⁱ) PLVT. de audit. T. I. p. m. 130. BAYLE l. c. not. M. STOLLE Hist. phil. mor. gent. p. 78.

^k) Contra Colot. T. III. p. 634. ^l) l. c.

^m) T. II. v. Polemo p. 139.

ⁿ) L. IV. f. 16.

^o) Ibid.

^p) Laudatos habes apud MENAG. ad l. c. Laert. et FABRIC. Bibl. Graec. Vol. II. p. 64.

^q) L. VI. c. 5. Graece non minus eleganter et copiose rem exposuit LVCIANVS in bis accusato T. II. p. m. 677.

„maximus philosophus euasit. Peregrinatus est huius animus in nequitia, „non habitauit.“ Haecenus Valerius, quibus addit LAERTIUS ^q: *Ita se ipsum collegisse, ut industria et studio ceteros vinceret, tantamque inter ipsa philosophandi initia oris atque habitus assumfisse constantiam, ut idem semper maneret, neque vocem unquam mutaret.* Tantopere etiam sobrietati studuit ^r, ut a triginta annis ad mortem usque aquam biberet, animique miram fortitudinem prae se ferret, sic ut canis aliquando rabiosi morsu in sura vulneratus, tumultu hac de re exorto solus praesentium, quasi nihil ad se ea res pertineret, non expalluerit, et aliis quoque occasionibus animo non commoueretur, unde Melanthius pictor in libris *de pictura*, quandam ei in moribus contumaciam atque duritiem tribuit. Neque tamen austeritatem expressit, sed urbanitatem ingenio egregie temperatam excoluit, et morum elegantiam cum seueritate atque generositate coniunxit ^s. Adeo quoque immutauit mores, ut qui semper ante sodalitia quaereret, postea solitudine delectaretur, maximamque vitae partem in hortulo transigeret, secundum quem discipuli, casis exstructis, scholae ipsius proximi habitabant ^t. Cuius seueritatis potissima causa Xenocrates fuit, qui cum semel animum iuuenis deperditi immutauisset, ab eo tempore exemplum animo eius praeerat, quod studiose imitabatur, eiusque innocentiam morumque seueritatem ita exprimebat, ut grauitate eius tanquam Doricis modulis gressuum suorum mensuram attemperaret ^u. Quae res non Xenocratis tantum amorem ei conciliauit, sed et ciuium venerationem meruit, qui ob integritatem eum plurimi faciebant. Dignus itaque habitus est, qui decedente morte Xenocrate Ol. CXVI. 2. Academiae praeficeretur, in qua summa cum laude docuit, et plurimos discipulos habuit, ex quibus Crantor, Crates Stoicus, Zeno et Arcesilaus maxime inclaruere. Obiit senex ex phthisi. Multa scripsisse ait LAERTIUS ^v, et, qui hunc sequi solet SVIDAS ^w, qui nullum suo iam tempore, eius scriptum extitisse testatur, nec Laërtius ullius titulum affert. Librum eius *de vita secundum naturam* laudat CLEMENS ALEXANDRINUS ^x. Fuere et alii Polemones, quos praetermisere Laërtius et Menagius, in homonymis adducendis alias diligentes, quos in fine paginae adicimus ^y.

§. VI. De placitis Polemonis philosophicis pauca nobis seruauerunt veteres, sine dubio ideo, quod a magistro, et toto disciplinae Platonicae habitu non discedebat, sed Platonis philosophiam sincere exprimebat. Ferunt tamen, statuisse:

Aaa aa 3

I. In

^q) loc. cit.^r) ATHENAEVS L. II. p. 44. LVCIAN. I. c.^s) LAERT. I. c. ^t) Ib. f. 18.^u) Ex animi hac temperie quoque deriuandum, quod Sophoclis maxime studiosus esset, eaque elegantissimi tragici loca prae reliquis diligeret, ubi mitis incedit ac placidus.^v) loc. cit. ^w) loc. cit.^x) Strom. L. VII. p. 717.^y) Polemonem Stoicum, historicum et geogra-

phum nominat SVIDAS T. III. p. 139. VOSSIVS de hist. Graec. L. I. c. 18. p. 119. CASAVB. ad Athen. L. IV. IONS. de Scr. hist. phil. L. II. c. 13. p. 178. Polemo item Augusto et Antonio commendatus narratur STRABONI L. XII. et XIV. Polemonem vero Sophistam Laodicenum, eloquentia non minus quam superbia celebratissimum, prolixè describit PHILOSTRATVS vit. Soph. L. I. c. 25. p. 530 seqq. Iunioris, Commodi tempore viuentis, Polemonis meminit SVIDAS l. c. p. 140.

Placita philosophica Polemonis.

I. In rebus nos exerceri oportere, non in dialecticis speculationibus, ne exiguam quandam artem sorbentes, atque meditantes differendi subtilitate clari, moribus nobis contradicamus ^y.

II. Mundum esse Deum ^z. Quo sensu hoc intellexerit Polemo, ex Platonis philosophia disci debet, qui eandem doctrinam a Timaeo Locro accepit. Hinc patet, ab atheismi culpa absoluendum esse Polemonem. Eandem sententiam a magistro acceptam suo systemati, licet mutato sensu inferuit Zeno.

III. Summum bonum esse vivere secundum naturam ^a. Summa haec fuit libri supra de hoc argumento memorati. Notari vero meretur hoc dogma, eo quod a Zenone in nouum, quod condebat, physiologiae et ethicae systema translatum celeberrimum in Stoicorum scholis fuit. Obscurum vero est, quid per naturam Polemo intellexerit? quod ut coniecturis, illustrare tentemus, observandum est, Polemonem, Platonis sequacem de officiis animae differentem non aliud fundamentum disciplinae moralis posuisse, quam quod Plato posuerat. Ille vero animam ex anima mundi, uti supra demonstratum est, decerptam statuens, in eo virtutis officia posuit, ut anima et motibus animae mundanae conformem se reddat, et corpore soluta ad diuinitatis hoc principium suum redeat, unde sequitur, motibus finique animae mundanae conformiter vivere, sicque Deo assimilari, omnium officiorum sapientis argumentum et summam esse. Polemo vero naturam vocabat, istum animae mundanae motum, quo omnia reguntur et animantur, et sic praeceptoris ex mente, animam sapientis isto moralis philosophiae principio ad suam originem reduxit. Id quod Zeno a praeceptore quoque accepit, idemque omnium officiorum fundamentum posuit, ut sapiens secundum naturam, id est, animae mundanae motus et harmoniam viuat, hoc tantum discrimine adhibito, ut animam mundi nec inferiorem Deo, ut Plato, statueret, nec a Deo distingueret, sicque animas ex ipsa Dei essentia immediate deriuaret, et in eam reduceret.

IV. Beatitudinem esse sufficientiam (*αὐτάρκειαν*) omnium bonorum, vel plurimorum vel maximorum. Sine virtute autem non futuram ullam beatitudinem, absque bonis autem corporis et externis virtutem esse sufficientem ad beatitudinem ^b.

V. Esse inutile, quod fit per carnes, nutrimentum, iam confectum assimilatumque animis bestiarum ^c.

Crates.

§. VII. Polemoni defuncto in schola successit Crates, Atheniensis, patre natus Antigene, auditor Polemonis, in dilectissimis habitus ^d. Quocum tam arcta intercessit ei amicitia, ut non modo viuentes eadem secuti fuerint studia atque exercitationem eandem, verum et usque ad ultimum vitae habitum eosdem expresserint mores, similesque sibi inuicem esse studuerint, et mor-

^y) LAERT. L. IV. f. 18.

^z) STOBÆVS Eclog. phys. L. I. c. 3. p. 5.

^a) CICERO de fin. L. IV. c. 6.

^b) CLEM. ALEXANDRIN. Strom. L. II. p. 419.

^c) IDEM L. VII. p. 717 seq.

^d) Haec et sequentia debemus LAERTIO L. IV. f. 21 seqq. quem sequitur HESYCHIUS Milesus.

et mortui quoque eodem conderentur sepulchro. Quae fidei et amicitiae dexteritas Arcefilaum commouit, ut relicto Theophrasto, eorum disciplinam amplecteretur, deos esse, dicens, vel aureae saltem aetatis reliquias. Nam et concordēs inter se vivebant, et ingenio vsi vulgarem auram non captante, nihil vulgi laudibus dabant, sed morum integritatem seruabant et philosophiam re ipsa exprimebant. Moriens vero Crates libros a se exaratos complures reliquit, partim philosophici, partim comici argumenti, orationes item populares alias, et alias *de legationibus*. Discipulos formauit celeberrimi postea nominis, Arcefilaum, Bionem Borysthenitam Theodoriis postea adscriptum^e, de quo supra diximus. Ceterum plures Cratetes sunt, inter philosophos celeberrimi, et inter hos Cynicus, Stoicus, et Peripateticus, in sequentibus nominandi, alius quoque Academicus siue Platoniceus Tarsensis, qui probe inter se distinguendi sunt^f.

§. VIII. Iuxta Cratetem celebre nomen adeptus est in Academia CRANTOR, Solis ortus, ubi in magna suorum admiratione vixit^{ff}: concessit tamen Athenas, Xenocratis fama permotus, eique in disciplinam se tradidit. Ibi Polemonem quoque offendit, strenuum Xenocratis, uti supra dictum est, imitatore, in cuius admirationem raptus amicitiam cum eo iunxit, multumque eius constantiam animi suspexit. Tanta quoque erga illum veneratione ducebatur, ut, occupante post Xenocratis mortem cathedram Polemone, Crantor eum praeceptorem sibi deligeret. Cum enim in morbum incidisset, in Aesculapianum se contulit^g, ibique deambulauit. Huc cum multi confluxissent discipuli rati, non morbi causa eum illuc concessisse, sed ut scholam aperiret, et inter hos Arcefilaus quoque adesset, cupiens, ut Polemoni se commendaret, non tantum huic non succensuit, sed ipse quoque sanus factus se ad audiendum Polemonem contulit, id quod magnam ei admirationem peperit. Tanta autem ex hac institutione enata ei est eruditio, ut inter Academicos summo loco haberetur; in primis enim in Academia nobilem vocat CICERO^h et HORATIUSⁱ:

*Qui quid sit pulchrum, quid turpe, quid utile, quid non
Plinius et melius Chrysippo et Crantore dicit.*

Ex quo Venufini vatis testimonio patet, eum de morali potissimum doctrina summopere fuisse meritum, magnamque laudem in ea philosophiae parte consecutum. Id quod imprimis ex libello eius *de luctu* colligendum est, quem hodie desideratum multis nominibus laudant, veteres^k, et in his CICERO^l, qui in consolatione filiae se Crantorem secutum esse ingenue fatetur, alioque loco^m *non magnum, verum aureolum*, et ut Tuberoni Panaetius

e) Male hic Interpres Laërtii Theodorum quoque Cratetis discipulum facit; non enim id vult Laërtius, sed id dicit, Bionem, Theodorum postea, a secta, nominatum, eum audiuisse.

f) Decem enumerat LAERT. l. c. f. 2r.

ff) Ibid. f. 24.

g) Aegrotantes se in Aesculapii templum contulisse, ex ARISTOPHAN. Pluto aliisque notum est.

b) Tusc. Qq. L. III. c. 6.

i) Ep. L. I. ep. 2. v. 3.

k) CICERO Tusc. Qq. L. I. c. 48. PEV. de consol. T. I. p. m. 222. LAERT. L. IV. f. 27.

l) Conf. PLINIUS in praef. BAYLE Dict. T. I. art. Crantor, not. D. p. 221.

m) Academ. Qq. L. IV. c. 44.

Panaetius praecipit, *ad verbum edijcendum libellum* vocat. Non enim Stoica indolentia animo immanitatem, corpori stuporem induxit, sed argumentis et rationibus philosophiae animi vulnera sanauit ^m. Primus quoque fuit, qui Platonem, teste PROCLUS, commentariis illustravit. Sed et locum inter poetas sui temporis obtinuit, poemata enim conscripsit, eaque obfignata in patria in templo Mineruae deposuit: Homerum vero et Euripidem praecipue ob oculos habuit ^o, ex quo colligi potest, non exigua virtute fuisse in arte poetica; certe a poetis aliis vehementer laudatus est ^p. Aqua intercute cum laboraret, Arcesilaum testamento haeredem XII. talentorum scripsit, diemque suum ante Polemonem et Cratetem obiit ^q, quorum ex hac causa successor fuisse non potuit. Socrates enim quidam Crateti, et huic Arcesilaus successit.

*Praecepta
moralia
Crantoris.*

§. IX. Paucissima de dogmatibus ethicis, quae Crantori arriserunt, nobis seruauit tempus, quae et ipsa a placitis veteris Academiae non differunt. Exemplum sunt sequentia:

I. Vitam nostram multis modis laboriosam esse ac difficilem, quod si non ita sit natura comparatum, certe a nobis ipsis inuectam hanc corruptellam: et incertam istam fortunam eminus nos ac iam inde ab initio comitatam nihil sanum aut salutare nobis inferre: ipsa semina mortalia cum sint, partem huius causae sustinere, vnde prauitas ingenii, morbi, curae, aliaque fatalia incommoda mortales insequantur. Haec ex libro eius *de luctu* siue *ex consolatione ad Hippoclem* excerptit PLUTARCHVS ^r, in quibus id imprimis notandum est, causam malorum physicorum Crantorem in ipsa materiae dispositione, et seminum natura quaesiuisse, qua in re Platonis mentem accurate secutus est, idque magnum solatium in calamitate esse putauit ^s, vacare culpa, causa scilicet ad naturae necessitatem redundante.

II. Maxime proprium animae officium esse, iudicare sensilia et sub intellectum cadentia, eorumque et inter se in suo, et inuicem in diuerso genere discrimina atque similitudines ^t.

III. Animam vt omnia possit cognoscere, ex omnibus esse concretam: esse autem haec quatuor: naturam, quae mente duntaxat cernitur, semperque eodem habet modo: tum eam, quae corporibus adest mutabilem atque perpeffionibus obnoxiam: ad haec eiusdem et diuersi, quod etiam istarum vtraque particeps eiusdem et diuersi proprietatem ^u. Et hoc ex φιλοσοφούμεις Platonis esse, illa demonstrant, quae supra de psychologia Platonica diximus; non enim potuit non Platonica schola vi fundamentorum semel admissorum in anima eiusmodi compositionem diuersarum natura-

^m) PLUTARCH. l. c. CICERO Tusc. Qq. L. III. c. 6.

ⁿ) L. I. in Tim. Plat. conf. MENAG. ad LAERT. L. IV. f. 27. FARRIC. Bibl. Gr. Vol. II. p. 56.

^o) LAERT. l. c.

^p) Eorum epigrammata in Crantorem l. c. extant.

^q) Perperam id asserit FOVCHER diss. Acad. L. I. c. 5. p. 28.

^r) De consol. T. I. p. m. 224.

^s) Ibid. p. 239.

^t) IDEM de gen. animae T. III. p. m. 75.

^u) Ibid.

turarum statuere. Licet vero plures facultates vel naturas in animo numeret Crantor, quam Plato, quod etiam PLUTARCHO observatum est *, verbis tamen magis, vel conceptibus metaphysicis quam re ipsa, ab eo abit. Idem enim a natura intelligibili, diuersum a materia mutabili re ipsa iuxta Platonem non differt; sed coniunctum suo modo vtrumque in anima mundi, vnde animae hominum decerptae sunt. Crantor autem ei, quod ex Dei intellectu, siue natura intelligibili et ex materia siue corporis conditione in animam deriuatur, ab eo quod ex anima mundi participat, distinxisse videtur, quod ad meram verborum differentiam redit. Pluribus hanc Crantoris de anima opinionem illustrat, nisi obscurare verius dixeris, ex proportionum mathematicarum rationibus PLUTARCHVS **, qui videndus.


IV. Vnicuique bono suum ordinemtribuendum esse et dignitatem, et virtuti quidem deberi primas partes, sanitati secundas, tertias voluptati, vltimas diuitiis. Ita SEXTVS EMPIRICVS † Crantoris mentem exponit, qui et ipsa eius verba, eleganti simili expressa affert. Non noua vel inaudita ea in Academia veteri fuisse, ex iis, quae haecenus disse-
ruius, constat.

V. Indolentiam nec posse vllam esse, nec debere, nec aegroto etiam, nisi is, qui fuerat sensus, absit, siue secetur aliquid, siue auellatur a corpore. Nam istud, nihil dolere, non sine magna mercede contingere, immanitatis in animo, stuporis in corpore ‡. Videtur haec sensim enascenti ex Cynica philosophia Stoicismo opposuisse, licet et ad Pyrrhonis placita retundenda dictum esse videri queat, quae circa Crantoris tempora floruerunt. Qua vero ratione id Academia media receperit, sicque inter Pyrrhonis placita et Crantoris concordiam quandam inierit, in sequenti sectione dicemus.

*) Ib. p. 76. x) Ib. p. 90.
y) Adu. mathem. L. IX. f. 51 seqq.

z) PLUT. de consol. l. c. CICERO Tusc. Qq.
L. III. c. 6. conf. BAYLE l. c. not. D.





S E C T. III.

D E A C A D E M I A M E D I A.

§. I.

*Mutatio
Academiae
ab Arcesilao
facta.*

Hactenus, quod vidimus, in Platonis doctrina perstitit Academia; iam noua se facies monstrat, et classis siue tribus quasi noua, quae non plane quidem Platonem deseruit, aliam tamen philosophandi rationem iniit, quae Academia media vocari solet. Cuius auctor fuit Arcesilaus, vel, ut a C I C E R O N E ^a vocatur, Arcesilas nobilissimae famae philosophus. Is Pitanaeus ex Aeolide ^b, patrem Scuthum siue Scythum habuit, natus Olymp. CXVI. i. fratrum quatuor, quorum duos vterinos habebat, minimus. Mature et in adolescentia literis elegantioribus imbutus est. Antequam enim Athenas veniret, Autolycum mathematicum audiuit, cum quo Sardes est profectus; inde Xanthum Atheniensem musicum, et Hipponicum geometram, hominem cum magna scientiae eius peritia summam oscitantiam iungentem ^c. A fratre natu maiore, qui curam eius gerebat, oratoriae arti destinatus, rhetoricam et poësin didicit, et haud vulgariter in hac profecit, quod epigrammata testantur, quae nobis seruauit L A E R T I V S, qui et in dicendo grauissimum et in scribendo exercitatissimum fuisse, tradit. Ipse vero animo ad philosophiae studium inclinans totum se ei tradidit, primumque ad Theophrastum discessit, post Aristotelem Peripateticam philosophiam magno applausu in Lyceo docentem. Postea Crantori innotescens, postquam singulari affectu eum esset complexus ^d, ab eo, uti supra dictum est, ad Polemonem in Academiam traductus est, inuito et indignante Theophrasto, qui iuuenem egregiae indolis atque alacritatis singularis e schola discedere aegre tulit. Ibi cum Crantore, quocum coniunctissime vixit, Zenonem quoque Stoicorum parentem condiscipulum habuit. Sunt, qui tradunt ^e, ad dialecticos quoque diuertisse, et a Diodoro Eretriacam philosophiam didicisse, indeque disputandi aduersus quoscunque artem in Academiam traduxisse. Alii non Pyrrhonis tantum imitatore, sed et discipulum faciunt ^f, quod si verum est, et non de philosophia magis Pyrrhonis, quam de ipso hoc philosopho, eius praeceptore, intelligendum est, in ultimos Pyrrhonis annos cadit, ut ex rationibus temporum, quibus vixit Pyrrho, quasque suo loco explicabimus, patet. Nobis nec Eretriacos, nec Pyrrhonem audiuisse, verisimile videtur. Erat enim maximus Platonis admi-

^a) Passim, praesertim in Qq. Academicis.

^b) Duae Pitanae apud veteres, vna Aeolidis, altera Laconiae. Ex illa natum Arcesilaum praeter L A E R T. L. IV. f. 28. tradunt E V S E B. de praep. L. XIV. P O M P O N. M E L A L. I. c. 18. S T R A B O L. XIII. p. 422. Non audiendus itaque est S O L I N U S, qui Polyhist. c. 7. p. 22. eum Pitanae Laconiae ortum dixit.

^c) Inde iocatus Arcesilaus, geometriam ei hianti in os inuolasse L A E R T. l. c.

^d) Ibid. f. 28.

^e) Timonis Sillographi versus adducit hanc in rem L A E R T. L. IV. f. 33.

^f) N V M E N I V S apud E V S E B. praep. L. XIV. c. 9. p. 729.

admirator, cuius et libros ad manum habebat^g, a quo ad sectas obscuras nulliusque tum nominis eum defecisse probabile non est. Solebat etiam suos hortari^h, ut dialecticam fugerent, quia fusque deque confundat omnia, similesque sint dialectici ludentibus alea, qui decipiantur quidem, sed non sine delectatione. Nec forte volunt alia testimonia veterum, quam ex Dialecticorum scholis et Pyrrhonis philosophandi more nouam philosophiae Academicae faciem, in contrariam partem de omnibus decertantem et incertitudinem rerum omnium statuentem desumpsisseⁱ. Post Cratetis mortem, cum Sosicrates quidam in Academica cathedra successisset, ille Arcefilao ingenii et eruditionis laude incluto locum cessit^k, isque docendi munus in Academia suscepit, nouamque philosophandi rationem introduxit, magnumque non iuuentutis tantum, sed et magnorum virorum applausum meruit. Erat enim elegantioribus eruditionis partibus instructissimus, et lectione quoque veterum poetarum, inter quos Homerum et Pindarum maxime amabat, munitus, quorum versus ex improviso sermoni miscens, et argumento opportune applicans, admodum graciosus fuit^l. Praeterea sermone quoque viuo, et oratione sententiis referta atque succincta utebatur, qua valde animos commouit^m. Hinc et maxima eius in persuadendo vis fuit, quibus virtutibus plurimos sibi discipulos conciliauit, quamuis illius in reprehendendo acerbitate haut raro acrius exciperentur, quam iuuenum ferre solent animiⁿ. Liberrimus enim in reprehendendo erat, et pun gere acriter solebat eos, quos corrigere volebat, cuius aliquot exempla nobis seruauit LAERTIUS^o. Sic et obiectis acute occurrebat, atque orationem ad id, quod erat propositum, apte flectebat, omni se tempore, personae et loco accommodare peritissimus. Cetera optimus erat, multaue spe auditores suos implebat, quod magnum ei discipulorum numerum conflauit; quem tamen adeo non ambitiose quaesivit, ut potius haud raro discipulos moneret, ut alios audirent; et cum adolescens quidam Chius ex ludo suo, alium sibi plus placere dixisset, ipse manu apprehensum ad illum^p duxit, philosophoque commendauit, admonens, ut ordinis et disciplinae seruaret grauitatem. Non vero eruditionis laude tantum insignis erat, sed virtutum quoque, philosopho dignarum encomio commendatissimus. Ingenii enim amoenitatem et formae quoque elegantiam^q cum iis virtutibus coniunxit, quibus non potuit non omnibus esse acceptissimus. Erat enim in communicandis vitae necessariis liberalissimus, ad exhibenda beneficia promptissimus, quae tamen clanculum, et ut laterent,

B b b b b 2

con-

g) LAERT. l. 32.

h) STOBÆVS Serin. CXII. p. 713.

i) Hinc versus Aristonis de eo apud LAERT. l. c. Ita etiam SEXT. EMP. Pyrrh. hyp. L. I. c. 33. intelligendus.

k) Ibid. l. 32.

l) Ibid. l. 31 seqq. ubi passim exempla afferuntur, et monetur, aegerrime tulisse, si quis liberales artes in tempore non didicisset.

m) Ibid.

n) Ibid. ubi exempla quoque reprehensionis acerbæ offenduntur.

o) Faciebat hoc plerumque accommodatis poetarum versibus et parodia, de quo more vid. FABRIC. Bibl. Graec. Vol. I. p. 354.

p) Erat is autem Hieronymus Peripateticus, grauis Arcefilai obrectator. LAERT. l. c.

q) Numenius apud EUSEB. l. c.

conferebat, ab hoc iactantiae genere alienissimus, cuius exempla aliquot narrat LAERTIVS ^r, summae laudi Arcesilao cedentia. Ad mensas quoque argentariorum saepe accedebat, non differendi tantum causa, ut solebant eo tempore philosophi, sed ut etiam egenos pecunia collatitia iuaret, sumtusque exhiberet necessarios ^s. Vasaque saepe aurea amicis pauperibus commodauit, nunquam restituenda, vel donanda. Id quod eo facilius fieri ab eo poterat, quod non tantum praedia in Pitane habebat, ex quibus quantum opus habebat, frater ipsi suppeditabat, sed et Eumenes rex amplissimis eundem donis prosequabatur, cui quoque soli regum animum addixit ^t. A fastu quoque alienus extitit, quare nec eruditionem, quam tamen egregiam possidebat, iactauit, et hoc praecipue, in differendo, loquendi genere usus est: arbitror equidem, et, non assentietur istis ille, cuius nomen appellabat ^u. Audacius, quam par erat, loquentes non ferebat, et benignum ac beneuolum ubique seruabat animum, sic ut virtutis et honestatis, quam noua philosophandi ratione conuellere videbatur, stator atque vindex exemplo suo esset ^v. Quam tamen virtutis laudem voluptatis vitiis contaminauit: victu enim non minus, quam Aristippus, erat magnificus et conuiuuiis haud raro indulgebat, Theodorianam vero et Philetam, Elienses meretrices, publice adamabat, quod cum ei obiicerent aduersarii, sententiis se Aristippeis defendebat ^w. Masculo quoque amoris deditissimus improbus et nullius pudoris, iuuenumque corruptor audiebat ^x. Vinolentiam quoque ei obiicit ATHENAEVS ^a. Vnde merito mirandum est, in vehementi podagrae ardore indolentiam probauisse ^b, a Stoicis eius aduersariis, qui eam crepabant, haud facile expectandam. Maximam vitae partem in Academia vixit a publicis remotus negotiis ^c; ad Hieroclem tamen, qui Munychiam praesidio tenebat, et Piraeum, quoque familiarissime utebatur, festis diebus assidue ventitabat, quod vitio ei haud pauci vertebant ^d. Antigoni vero partes sequi, inque illius familiaritatem peruenire pertinaciter recusauit ^e. Mortuus autem est in delirio, postquam largius vino se onerasset ^f, anno aetatis LXXV. Olymp. CXXXIV. 4. quo anno ei Lacydes in schola successit ^g, testamentoque fratrem Pyladem haeredem scripsit, uxorem enim nunquam duxerat. Aduersarios ex philosophis imprimis

^r) I. c. f. 37. SENECA de benef. L. II. c. 10. PLUT. de disc. ad. et am. BAYLE I. c. not. I.

^s) LAERT. I. c. f. 34. conf. OLEAK. ad STANLEIUM p. 396. qui recte in versione obscuri textus Laërtiani SALMASIUM de foenore Trapezit. p. 547. secutus est.

^t) LAERT. I. c.

^u) Ibid. f. 38.

^v) Ita Cleanthes de eo apud LAERT. L. VII. f. 131. BAYLE I. c. not. K. p. 289. qui tamen, dum Pyrrhoniis sibi de amatis apologiam scribit, ratiocinatione desipitur.

^w) Ib. f. 40.

^x) Id ei obiecere Aristoteli et Hieronymus Peripateticus ib. Quorum tamen calumnias tau-

tum fuisse vult FOVCHER. diff. Acad. L. I. c. 5. p. 36. inuitis veterum testimoniis.

^a) Ex testimonio Phanocriti Φιλόβοτον vocantibus L. VII. p. 276.

^b) CICERO de finibus L. V. c. 31.

^c) LAERT. L. IV. f. 40.

^d) Ibid. f. 39.

^e) Ibid.

^f) Ibid. f. 45.

^g) Lacydes enim XXVI. annis scholae praefuit, et munere se abdicauit Ol. CXLI. 2. vnde sequitur, Arcesilaum obiisse Ol. CXXXIV. 4. inde et annus eius natalis supra positus patet. Ol. CXXX. floruisse ait Apollodorus.

primis expertus est Zenonem Stoicae familiae parentem, et Hieronymum Peripateticum^h; quin et Epicurum eius famae inuidisse ait PLVTARCHVSⁱ. Vtrum scripserit aliquid, in diuersam veteres abeunt sententiam, LAERTIVS^k et PLVTARCHVS^l negant. Quibus opponit P. BAYLE^m, quod Eumeni regi libros inscripisse LAERTIOⁿ dicatur. Sed decepit virum acutissimum interpres Latinus: nihil enim aliud vult Laërtius, quam ex regibus soli Eumeni se addixisse, et cum eo familiariter collocutum fuisse, quod Antigono aliisque negabat. Praeter hunc vero philosophum duo apud veteres memorantur Arcesilai, poëtae, et vnus statuarius^o.

§. II. Huic itaque, cuius vitae historiam paucis descripsimus, philosopho noua debetur philosophiae Academicae facies; quam vt rite cognoscamus, praeter eos, qui ex veteribus et recentioribus hanc potissimum philosophandi viam, eiusque historiam exposuerunt, CICERONEM^p, SEXTVM EMPIRICVM^q, FOUCHERIVM^r, HUETIVM^s, BAYLIVM^t historia quoque Socraticae et Platonicae scholae, quam hucusque excussimus, consulenda est, vt verae origines philosophiae Academicae, quatenus a Platonica abit, cognoscantur. Nos ex multis pauca sed potiora, et quae rem conficiunt, seligemus, et his potissimum obseruationibus comprehendemus:

Origo methodi philosophandi Academiae mediae receptae.

I. Ex enarrata haëtenus doctrinarum philosophicarum historia palam est, philosophos non Graecostantum, sed et barbaros rebus in sensum cadentibus, et materia constantibus certam fixamque cognitionem denegasse, materiamque tanquam incertam, fluxam, semperque et in momenta mutabilem considerasse. Longum hic adducere liceret agmen eorum, qui in hac haeresi fuerunt philosophorum antiquorum, si historiam philosophiae Academicae vel Scepticae peculiarem scriberemus: lector tamen attentus et diligens ex iis quae haëtenus dicta sunt, et dicentur^u in sequentibus, facili labore huius rei veritatem colliget. Quod non ita quidem intelligendum est, ac si omnem humano intellectui cognitionem atque certitudinem denegauerint veteres, et ἀκαταληψίας dogma ab incunabulis philosophiae triumphauerit, quod nullis veteris historiae documentis suffultus asserit, longumque huiusmodi philosophorum indicem neëtit, magnus scepticismi nostra aetate reuocati patronus, PETRVS DANIEL HUETIVS^v: eo vero omnino valet, vt inferri inde debeat, modestiam in philosophando, praeiu-

Bbb bb 3 dicio-

b) LAERT. l. c. f. 40.

i) Adu. Coloten.

k) f. 29.

l) De fort. Alex.

m) l. c. p. 286.

n) Ib. f. 38. conf. FABR. Bibl. Gr. Vol. II. p. 53.

o) LAERT. f. 45.

p) Academ. Qq. L. I.

q) Pyrrhon. hypotyp. L. I. c. 33. et adu. mathem. passim.

r) In dissertationibus de philosophia Academiae Par. 1692. 12.

s) In tr. de imbecillitate intellectus humani, Amst. 1723. 12. Foucherii et Huëti scriptorum historiam suo tempore, ad Scepticos nostri aevi delari, enarrabimus.

t) D. Et. T. I. art. Arcesilaus et Carneades. Magnum hunc virum ipsum in plerisque hoc philosophandi genere vsum fuisse suo loco exponetur.

u) Pertinere huc etiam Pythagoram, Heraclitum, Xenophanem, totamque Pythagoreorum, Heracliteorum et Eleaticorum scholam, ex dictis constabit.

v) l. c. c. 14. p. 98 seqq.

dicionum electionem, materiae ex eorum numero, circa quae scientia versatur, exclusionem, et sobriam ἐπεχὴν nunquam non magnis viris et illustribus in philosophiae coelo sideribus placuisse.

II. Consulentibus porro historiam philosophantium id manifestissimum est, habuisse barbaros primo, et ab his edoctos Graecos duplicem methodum, vulgarem et arcanam; quarum illa ἐξωτερικὴ certa quidem dogmata, tanquam cortices vulgo exponebat, veram vero haec doctrinam anxie occultabat, et non nisi esotericis et interioris admissionis discipulis explicabat. Quam apud omnes fere omnium gentium theologos et philosophos obtinuisse indubitatis haecenus testimoniis, nisi nos omnia fallunt, euicimus ^w. Ita vero indignos, quod putabant, ab his sacris arcebant, et incertos atque hiantes relinquebant, sibi vero doctrinisque suis securitatem atque auctoritatem concillabant. Quod in rem suam vertentes, qui philosophiae initia inter barbaros didicere, Graeci, eandem occultandi sua dogmata rationem imitati sunt, ut luculento Pythagorae atque Platonis exemplo ^x constat. Quod ut securius facerent, hocque praesidio fruerentur felicius, ad exotericos incerta ratione disputarunt ^y, hucque imprimis opera eorum collineauit, ut aliorum philosophorum placita conuellerent, et refutarent, de suis vel plane non, vel obscure tantum et ad initiatos suaeque familiae homines differentes. Quo factum est, ut et dogmatibus suis opinionem magnam excitarent, ut sunt humani ingenii mores, ut obscura atque latentia maiora videantur notis et apertis; et ab aduersariorum insultibus ea praestarent tutiora. Hospes sit in Platonis, ut Socraticos alios taceamus, dialogis, qui non vbiuis manifesta eius rei exempla deprehendat ^z.

III. His in circumstantiis versabatur philosophia, cum nouum ei fidus in Socrate oriretur. Is et temporum suorum apud Athenienses conditione, et ingenii atque animi modestia multum ad retinendam animi sententiam in philosophando contulit. Supra enim, vbi satis copiose eius historiam enarrauimus, demonstratum est, sophistas inanis eruditionis homines, in utramque de rebus omnibus disputantes partem, et iuuenum ita animos corrumpentes, magni huius viri diligentiam et philosophiam exercuisse, quae in eo potissimum versata est, ut ironiae beneficio, quo se eorum simulabat ignorantem, quorum falsitatem erat demonstraturus, aduersarium circumueniret, et illaquearet, ut vani homines, ab omni solido scientiae fundamento vacui propriis responsionibus caperentur, et ita necesse haberent fateri, nescire se, quae se optime scire antea iactauerant. Huic scenae ut inferiret, de se modestissime passus est, nescire se quicquam, nisi hoc, quod

^w) Repetendum hic etiam ex supra dictis est, pertinere huc omnia mysteria, cultumque arcanum, qui inter barbaros Graecosque obtinuit. Eum enim, cum plerisque veros eius sensus per noscere datum non fuerit, multum ad incertitudinem et dubitationem contulisse, dubitari nequit.

^x) Similia etiam in Ionicorum schola obseruauimus, et infra de Eleaticis et Heraclito quoque obseruabuntur.

^y) Luculentum huius rei exemplum sunt Eleatici, sensibus fidem et certitudinem denegantes.

^z) Fatetur hoc CICERO Acad. Qq. L. I. c. vii.

quod nihil sciat. Quod qui sceptico vel Academico quoque sensu capiunt^a, ac si rerum prorsus omnium incertitudinem asseruerit, illi falluntur et fallunt, totamque Socratis historiam habent repugnantem, quae de rebus moralibus optima eum praecepisse et certissima testatur. Sed id alio longe sensu professus est Socrates, et tum ironiae fulciendae causa adhibuit, et ad modestiam animi, infinitam rerum humano intellectui ignotarum seriem cogitantis retulit, et in eo ad istas potissimum disciplinas respexit, quae vana magis speculatione quam vel sensuum vel conscientiae et experientiae testimonio, nituntur: quam in classem rerum coelestium atque naturalium considerationem retulisse, suo loco euidentibus argumentis euicimus. Hac in sententia et ipse ad mortem perstitit, et discipulos quoque secundum eam formauit.

IV. Ex Socratis schola cetera sectarum philosophicarum apud Graecos turba, vti dictum supra, prodiit, vario ornata habitu. Quarum tamen quidam philosophi ad hanc disputandi in vtramque partem consuetudinem, quam in Sophistis oppugnabat Socrates, curiosius declinantes, Socratica methodo ad incertissima litigia abutebantur. Id quod in Dialecticorum, Megaricorum, Eretriacorumque scholis factum esse, hosque homines omnes iuxta se philosophos cauillationibus et litibus inanibus vexasse, supra quoque luculenter exposuimus. Aliter ex his Plato, et naturae atque ingenii indole atque institutione et disciplina ad seueriora inclinans. Is, vt modo monitum, Socratico quidem more disputabat, et philosophorum magis opiniones refutabat, quam suas explicabat incertissimo docendi et disputandi genere, et anfractuosis colloquiis incertum de sua mente auditorem lectoremque dimittens: domi tamen, vt erat a Pythagoreis et Aegyptiis innutritus, sodalibus, quos sua amicitia et institutione dignabatur, philosophiam suam exposuit^b. Eam vero ex Pythagoreo et Heraclitico systemate potissimum conflata fuisse, supra, quantum satis, demonstratum dedimus, ostendimusque, ex Heraclitea physiologia accepisse materiam semper in motu atque fluxu existentem, circa quam scientia versari nunquam queat: et ob eam causam ex Pythagoreo systemate numeros transsumsisse, mutatisque iis in ideas, entia aeterna, per se subsistentia, immutabilia rebus fluxis adiecisse, vt circa aeternas illas et essentielles rerum imagines scientia omnis versaretur: quam opinionem tota quoque Academia vetus tenuit. Quae, vt praeclare obseruat CICERO^c *duo esse rerum genera statuebat, quorum sensibus vnum, alterum intellectu percipiatur. Posterius genus scientiam fundare, prius opinionem. Solamque mentem cernere id, quod semper esset simplex, et uniusmodi, et tale, quale esset, qua ratione ideam definiebant.* Ex his prona consequentia fluebant, quae porro recte illis TULLIVS tribuit: *Sensus omnes habetes esse*

^a) H VETIVS l. c. §. 15. p. 104.

^b) Diligenter hanc quaestionem excutit, et non semper Scepticum fuisse Platonem solidis rationi-

bus demonstrat SEXTVS EMPIRICVS Pyrrh. hyp. l. I. c. 53. f. 221 seqq. qui hic legendus est.

^c) Acad. Qq. l. I. c. 8.

esse ac tardos, nec percipere ullo modo res eas, quae subiectae sensibus viderentur, quae essent aut ita parvae, ut sub sensum cadere non possent, aut ita mobiles et concitatae, ut nihil unquam unum esset constans, ne idem quidem, quia continenter laberentur et fluerent omnia. Itaque hanc partem rerum opinabilem appellauisse. Neque tamen sensuum ita vel vsum vel cognitionem negabant^d, iisque indignabantur, qui omnes Academiam sensus eripere clamabant, cum certam tantum propriamque veri notitiam eis denegarent. Et haec quidem doctrina fuit Academiae veteris vsque ad Polemonem, quem audiuit Arcefilaus.

V. Non omittendum quoque est, ex philosophiae eius temporis historia, quod occasionem quoque dedisse Arcefilao immutandae philosophiae Academicae veterum testimonia, praecedente paragrapho adducta docent, Pyrrhonem circa ea tempora, quibus florere Xenocrates, Aristoteles alique discipuli Platonis, caput extulisse, nouumque philosophandi genus introduxisse, quo asserta rerum omnium incertitudine omnia philosophorum systemata euertebat. Placuisse hanc philosophandi rationem Graecis, et ipsa animi indoles suadet et testimonia veterum loquuntur^e, in Pyrrhonis historia suo loco citanda: quae res effecit, ut ea se magnis ingeniis commendaret.

VI. Praeter Arcefilaum Polemonis institutione utebatur Zeno Citaeus, magni ingenii et seuerae indolis homo, qui Arcefilaum aetate antebat, et valde subtiliter differebat. Is cum disciplinam eam, quam Polemo tradebat, corrigere vellet, nouum philosophiae systema condidit, et in multis a Platone abiit, atque tum in morali, tum in naturali parte, multa innouauit. Quod qua ratione instituerit, dicendi nobis locus hic non est, infra enim de huius viri philosophia, quae magnam famam atque celebritatem nacta est, singulari capite differemus. Interim meretur legi, qui summam philosophiae a Zenone introductae more suo eleganter exponit, et in quibus a Platone discefferit, ostendit CICERO^f. Nam haec ad mutandum Academiae philosophandi morem plurimum contulisse^g, mox dicemus: frustra quoque intimas Arcefilai rationes in hac re explorabimus, nisi curiosus ad ea simul attendat oculus.

VII. Has philosophiae circa Arcefilai tempora circumstantias omnes ad eam philosophandi immutationem quam ille suscepit, contulisse, aliquid, et ipsa attenta earum inter se collatio suadet, et veteres luculenter testantur. Quod ut manifestum faciamus, obseruamus 1. Arcefilaum non solum Polemonem audiuisse, quem a genuino Platonis systemate non recessisse, in antecedentibus ostendimus, sed Platonicae quoque doctrinae adhae-

^d) Ibid. L. IV. c. 32.

^e) Omnium testimoniorum instar, quam accepta haec philosophandi ratio Graecis fuerit, est ap-
plausus, quem Academica secta semper habuit.
Ciceronis scripta philosophica qui legit, nihil dubitabit.

^f) Acad. Qq. L. I. c. 10.

^g) IDEM L. IV. c. 6. Vbi ait: Arcefilaum Zenoni, ut putant, obreptantem, nihil noui reperi-
enti, sed emendantem superiores immutatione verborum,
dum huius definitiones labefactare vellet, conatum
esse clarissimis rebus tenebras obducere.

adhaesisse, nec tamen ideo a mutanda externa philosophicae doctrinae facie, quam Academia haecenus tenuerat, abstinuisse ^b, quia sinceram Platonis philosophiam intimis discipulis seruabat, eamque iis, adhibita arcana methodo, tradebat. Qua in re neque a more veterum, neque ab ipsius Platonis methodo discessit. Causam eiusmodi occultatae philosophiae Platonicae non inepte detexisse videtur AVGVSTINVS ⁱ, qui obseruat, *Arcesilaum, cum Zenonis doctrinam Platonicae oppositam latius spargi sentiret, prudenter Academiae placita dissimulasse, ne Platonis mysteria publicata, et vulgi notitiae prostituta vilescerent. Indeque instituisse dedocere potius male doctos, quam docere quos dociles non arbitraretur.* Ita vero et aliud emolumentum scholae suae quaerebat Arcesilaus, quod recte notat SEXTVS EMPIRICVS ^k. Nam is veterum monumentis, ad quae prouocat, vsus refert: *Arcesilaum prima quidem fronte Pyrrhonium visum, vere autem dogmaticum fuisse, et cum in sibi familiaribus periculum faceret suis dubitationibus, an naturam aptam ad percipienda Platonis dogmata haberent, existimatum fuisse aporeticum, siue dubitorem; at familiaribus suis, qui acri ingenio praediti essent, Platonis doctrinam tradidisse: atque ideo Aristonem iactasse hoc in ipsum:*

Ante Plato, Pyrrho retro, medius Diodorus,

quod dialectica Diodori vteretur, plane tamen esset Platonicus. 2. Confirmari in hoc instituto poterat eo magis Arcesilaus, quo magis ipsa Platonis physiologia ad hanc viam ineundam inuitabat. Res enim aeternas, per se existentes cognoscere, id est idearum notitia pasci, et ita essentias rerum peruidere, paucissimis vindicabat Plato, reliquos circa sensuum obnoxia imperio fluctari, et varia opinione decipi statuit. Quid quaeso aptius ad hanc Arcesilai rationem philosophandi excogitari potuit? quae mysteria ista, captum plerorumque superantia, et a philosophis derisa, vti supra Diogenis et Aristotelis exemplo probauimus, interioris tantum disciplinae alumnis seruauit, et de rebus sensus ferientibus ita disputauit, vt ea omnia incerta esse, et sine idearum cognitione, quam illi reiiciebant, prorsus nullam dari notitiam contenderet. Ita enim non aduersarii tantum Platonicae disciplinae, et in his Zeno atque Peripatetici retundebantur ^l, sed animi quoque discipulorum praeparabantur, vt agnita incertitudine cognitionis, quae est ex sensibus, ideas cardinem atque summam omnis scientiae esse agnoscerent. 3. Multum vero in hoc philosophandi modo atque ordine Arcesilaus adiutus est exemplo Socratis, qui cum ipse obscuritatem et ignorantiam humani intellectus professus esset, et in hac modestia veteres socios habe-

^b) Fatetur LAERT. L. IV. f. 28. Arcesilaum Platonis orationis genus mouisse, et reddidisse per quaestiones et interrogationes contentiosius.

ⁱ) Contra Acad. L. III. c. 17. T. I. p. 219.

^k) Iisdem rationibus aurem praebuit FOVCHER. l. c. L. I. c. 6. p. 32. ALDOBRAND. ad Laert.

L. IV. f. 28. nec BAYLE l. c. not. H. quicquam contra mouet.

^l) Ideo Socratico more, non ipsum dixisse, quid sentiret, sed aliorum cogitationes refellere conatum contra eos disputasse passim notat CEREO. Vid. Qq. L. III. c. 18. de finibus L. II. c. 1.

haberet, ad confessionem eandem Arcesilaum adducere potuit: *Nihil sciri posse*, ut ait C I C E R O ^m, *angustos sensus, imbecillos animos, breuia curricula vitae, et in profundo veritatem esse demersam, opinionibus et institutis omnia teneri, nihil veritati relinqui, deinceps omnia tenebris circumfusa esse.* 4. Et si vero non pertinacia, ut addit C I C E R O, aut studio vincendi solo haec Arcesilaum statuiffe facile credi possit, cum animus eius ingenuus et a fastu alienus, sectaeque non valde appetens supra probatus sit: dubitari tamen nequit, cum ipse sibi omne cum Zenone certamen institueret, quod Tullius non negat, hanc potissimum philosophandi rationem Stoicae philosophiae parenti opposuisse; cum enim is non modo plurima decerneret, sed sensibus quoque eorumque notionibus veritatis regulam asferret, non potuit magis Arcesilaus eius philosophiae obicem ponere, quam ista principia negando, quibus aedificium totum Zeno superstruxerat. Quod priuata aemulatione inter hunc et Arcesilaum oborta factum esse contendit Numenius apud E V S E B I V M ⁿ, C I C E R O vero negat ^o, magisque probabile est, studium defendendi Platonem eiusque scholam in Zenonem nouatorem armasse Arcesilaum. Quicquid vero illud erit, hoc nec ipse Numenius negat, hac ratione Arcesilaum vehementer Stoicos prostrauisse. Dignus locus, qui in fine paginae legatur ^p, quoniam vis ingenii et eruditionis Arcesilai ex eo luculenter disci potest. 5. Nec obici hic potest, Arcesilaum aemulatione magnorum virorum, qui tum nouas sectas condebant, Pyrrhonis, Zenonis, Epicuri innouandi gratia et sectam condendi studio ea tradidisse. Ad haec enim respondet P L V T A R C H V S ^q: *Arcesilaum tantum absuisse ab omni nouandi aut vetera sibi arrogandi studio, ut etiam vitio ei Sophistae eius aetatis dederint, quod sententias de cohibenda attentione, et comprehensionis negatione Socrati, Platoni, Parmenidi, Heraclito acceptas ferret: nulla quidem necessitate, sed tantum eas viris nobilibus inscribendo confirmans ac commendans.* 6. Sed et alia causa fuit, quae si non excitare ad hanc rem, certe in ea confirmare, poterat Arcesilaum. Res enim tum temporis erat omnibus fere philosophis cum Dialecticis, qui cauillationibus et sophismatibus suis eos vehementer vexabant, et imprimis Academiae doctores laceffebant. Hos egregie ista noua methodo retundere, Arcesilaus poterat, dum enim ipsorum arma adhibebat, et in utramque contra eos partem disputabat, incerta quoque omnia esse asserbat, cunctas eorum ratiunculas, leuibus nominum vocumque cauillationibus nixas vno halitu difflauit. Id quod dudum vidit Diocles Gnidius, qui

^m) Acad. Qq. L. I. c. 12. vbi etiam Democritum, Anaxagoram Empedoclem omnesque pene veteres in hac classe collocat.

ⁿ) De praep. L. XIV. c. 6. p. 731.

^o) Ac. Qq. L. IV. c. 24. L. I. c. 12.

^p) Atqui hoc Stoici cum stupore audiebant. Erat enim adhuc infans eorum Musa, nec illarum faciliarum artifex, quibus Arcesilas Zenonis argumenta partim explodens, partim succidens,

partim supplantans, sic eos linguae vi obruebat, ut fidem etiam aliis faceret. Ita cum et ii, quibuscum oratione pugnabat, victi atque prostrati, et ii, quorum in concione dicebat, perculsi attonitique manerent; quasi pro comperto erat eisdem aetatis hominibus, nec vocem, nec malum, nec opus vllum vel minimum, quicquam esse, nec inane frivolumque contra visum iri quicquam, nisi quod Arcesilae Piraneo tale videretur.

^q) Adu. Coloten.

qui apud Numenium ^r ait: *Arcesilaum Theodoretum ac imprimis Bionis sophistae metu, qui philosophis infesti nullam non eos coarguendi occasionem acciperent, ita sibi, ne quid ab eis molestiae pateretur, cauisset, ut ne certi quid statueret; nam ut sepias effuso atramento, ita illum sese obiecta hac assensione retenta legere ac tueri.* Non id credit Numenius; qui vero ea, quae de Dialecticorum strophis in superioribus diximus, expendet, ei a vero non ablimile videbitur, praeter alios eosque primarios fines, ad haec quoque in assensione retinenda *Arcesilaum respexisse.* Ita enim non solum eorum retia euitabat, sed eos quoque fortiter retundebat, acumine in his ingenii et admirabili quodam lepore dicendi, ut ait C I C E R O ^s vsus.

§. III. His itaque rationibus inductus *Arcesilaus*, ita philosophatus est: *Ratio philo-
sophiae Aca-
demica.*

I. Nihil esse quicquam, quod sciri posset, ne illud quidem ipsum, quod Socrates sibi reliquisset, nihil se scire ^t.

II. Sic omnia latere in occulto, ut nihil sit, quod cerni aut intelligi possit ^u. Primum hoc totius ἀκαταληψίας fundamentum est, quod *Arcesilaus* posuit, quod, si verum dicendum est, non tam in ipsarum rerum incertitudine, quam potius in humanae cognitionis impossibilitate collocabat. Qua in re et si *Pyrrhoni* ita affinis visus est multis veterum ^x *Arcesilaus*, ut praeter nomen, nihil Academici habere crederent, magis tamen ad Carneadis, quam *Pyrrhonis* ea in re accessit sententiam ^y. Ille enim ut verbis magis sobrie philosopharetur, rebus certitudinem non denegavit inesse, ita vero latere censuit, ut nihil de iis intellectus hominis cognoscere posset, quod latius paulo post ad eum delati demonstrabimus. Nec vero hoc negare poterat *Arcesilaus*, nisi totam Academiae ipsiusque *Platonis* doctrinam conuellere voluisset, qui in ideis rerum certitudinem latere assererat. Ut itaque eius rationibus consuleret, et acatalepsian semel receptam tamen tueretur, rerum essentias atque ideas occultas latere, ut cognosci nequeant, statuit: paucis, uti supra diximus, et selectis ingeniis enarraturus, qua ratione communem hominum sortem superare, et occultas rerum ideas ascensione ad mundum idealem, vel rationem potius Dei, perspicere possent, quod omnibus aliis philosophis, contra quos ex ista hypothese admissa disputabat, denegandum esse statuebat.

III. His de causis nihil oportere neque profiteri neque affirmare quemquam, cohibereque semper et ab omni lapsu continere temeritatem, quae tum esset insignis, cum aut falsa, aut incognita res approbaretur ^z.

IV. Neque hoc quicquam esse turpius, quam cognitioni et perceptioni assertionem approbationemque praecurrere ^a.

C c c c c 2

V. Posse

^r) EVSEB. loc. cit.^s) Acad. Qq. L. IV. c. 6.^t) Ibid. L. I. c. 12.^u) Ibid.^x) Numenius apud EVSEB. l. c. SECT. EMPIR. Pyrrh. hyp. L. I. c. 33.^y) Agnoscit hoc etiam BAYLE Dict. T. II. art. Carneades not. B. p. 58. et H V E T I V S l. c. p. 133. quorum tamen neuter ad intimas *Arcesilai* rationes attendit.^z) Ibid.^a) Ibid.

V. Possit itaque philosophum contra omnes omnino philosophos, certas sententias affirmantes se armare, cum in eadem re paria contrariis momenta rationum inueniantur, faciliusque ab utraque parte assertio sustineatur. Id quod suo quoque exemplo confirmauit Arcesilaus, qui contra omnium sui temporis philosophorum sententias disputando totos dies deducebat, et, ut scribit LACTANTIUS ^b, *reprehensiones omnium inter se colligebat, confessionemque ignorantiae clarorum philosophorum* ^c; armabatque se aduersus omnes, et ita nouam non philosophandi philosophiam constituebat.

VI. Neque sensus fidem mereri, neque rationem ^d. Hoc ad scientiam tantum referendum esse, ex dictis patet, cuius neque in sensu, neque in ratione fundamentum agnoscebat: qua in re ultra progressus est, ac Plato.

VII. Valere tamen hoc non ad vitam, sed ad dogmata, sequendamque in illa ea, quae videntur, atque opinionem. Ita incertitudinis prima specie non absurdae tantum, sed et in vita atque societate hominis noxiae inuidiam et Academia et Scepticorum schola declinabat. Aiebant, ut hoc ipsorum vocibus declarem, non destitui quidem nos signo commonitorio, quod in rebus, quae sunt ad tempus obscurae, videtur valde utile esse: sed indicatorio, quod refertur ad res natura nobis obscuras ^e. Hinc quam regulam vitae Academia obseruauerit, liquet, et iudicari potest, quam bene vel male agant, qui inter atheismi patronos eos referunt ^f: qua ab impietate absoluit eos AUGUSTINUS, eo quod contra Stoicos tantum hanc ἀκαταληψίαν asseruerint. Nec Arcesilaus vitae honestatem tollere, sed philosophorum tantum assertiones conuellere studuit, et optime, uti supra vidimus, magnam partem vixit. Qua in re causam ipsius egit Cleanthes, etsi Stoicae familiae alumnus; condemnanti enim Arcesilaum, quod omne honestatis vitiique discrimen tolleretur; quiesce, inquit, neque vituperes, ille enim, etsi verbis officium tollit, operibus tamen id ponit. Verum hanc rem supra iam tetigimus.

Patet ex hac Arcesilai philosophandi ratione, quam paucis descripsimus, eum longius, quam ante se omnes, in extollenda humani intellectus imbecillitate et cognitionis incertitudine progressum fuisse, recteque ab eo nouam Academicae philosophiae periodum deriuari. Docebant eadem fere Sceptici, iisdem temporibus caput extollentes, unde etiam reliqua, quae de hoc philosophandi modo dici poterant, ad illum seruamus locum, qui considerationi Pyrrhonorum debetur: ipsi tamen ab Academicis se distinguebant, ut ex SEXTO EMPIRICO ^g videre est, et ab aliis quoque certis criteriis distinguebantur; quae cum suo loco enarraturi simus, hic in praesentia nihil dictis addimus.

§. IV.

^b) Lib. III. c. 4.

^c) Conf. locus PLUTARCH, not. (q) adductus.

^d) EVSEBIUS I. c.

^e) SEXT. EMPIR. adu. Math. L. VIII. f. 156.

^f) Conf. BVDDEVS thes. de ath. c. I. §. 14. REIMMANN. Hist. Ath. c. XXXII. p. 168.

^g) I. c. f. 352 seqq.

§. IV. Arcesilao fatis functo successit LACYDES, Cyrenaeus, Alex- *Lacydes.*

andri filius, quem paupertas, qua premebatur adolescens, non deterruit, ut non plurimum bonarum artium studiis se dederet ^h. Studiis itaque optimis cum animi iucunditatem atque vrbanitatem iungeret, gratiofus omnibus fuit. Et initio quidem aliam philosophandi viam ingressus est, lepidus vero casu commotus ad Academicos transiisse dicitur. Rem ita narrant LAERTIUS ⁱ, atque Numenius apud EVSEBIUM ^k: Rei familiaris curam gessisse tam sollicite, ut si quid ex cella depromendum fuisset, fores obli-gnaret, sigillum autem per foramen in cellam penuariam proiciendo absconderet, ne quis ipsi inuito inscioue clam auferret. Seruos vero id obseruantes, protracto et ablato clanculum sigillo, foribusque apertis, quaecunque volebant, abstulisse, sigillum vero pristinum in locum abiecisse, ita ut nunquam ab eo deprehenderentur. Hoc casu permotum incepisse de sensuum fide dubitare, ita argumentando: Quomodo certo sensus quippiam comprehendere posse existimem, qui toties his meis sensibus deceptum memorim? Domo enim si quando egredior, oculis meis videre me puto ea in cella mea relinqui, quorum rediens inuenio nihil, quod fieri haut posset, nisi fallerent sensus, atque incertitudine laborarent. Vetustam satis hanc narratiunculam esse, ex testium aetate colligitur; valde tamen ea suspecta est. Nam et testes, qui eam adducunt, non habent ex aetate propioribus, cuius fidem in ea re laudent; et LAERTIUS ⁱ haud obscure prodit, inter incertos rumusculos hanc fabulam narratam fuisse: et omni quoque caret probabilitate, virum nec indoctum nec ingenii perspicacia destitutum tam pueriliter lapsum fuisse, ut nec fraudem seruorum intelligeret, vel saltem suspicaretur, et de sensuum testimonio ita dubitare inciperet. Nec recte quoque tota narratio inter se cohaeret, ut non suspicionem vehementer augeat. Mature enim Lacydem ad Academiam peruenisse, inde recte colligitur, quia XXV. annos docendo in ea exegit, iuuenem itaque oportet in disciplinam Arcesilai peruenisse: vnde et hoc sequitur, accidisse ista Lacydi iuueni. Ast pauperi, ut erat iuuenis, vnde penuaria cella, vnde seruulus non vnus, sed plures? Praeterea qui potuit, si vera quoque illa esse ponamus, Lacydes ad Academicam philosophandi rationem ista seruorum fraude deduci, cum Academici non sensuum in externa rerum apparentia, et circumstantiis testimonium reiecerint, sed in rerum definitionibus et assertionibus propositionum, ut ait LAERTIUS ^m, nihil valere contenderint? Certe Arcesilaus Lacydem tanquam insanientem reiecisset ex schola, si ita sensuum fidem negasset, ut in vita quoque communi eos prorsus reiiciendos esse assereret. Dicamus paucis quid nobis hac de re videatur, vero non prorsus absumile. Referendam hanc fabellam putamus inter ea scommata, quibus more Graecorum, Stoici Academicis vehementer insensi, et Arcesilae cladi

Ccc cc 3

dis

^h) LAERT. L. IV. f. 59. SVIDAS in Lacydes
T. II. p. III.
ⁱ) loc. cit.

^k) L. XIV. praep. c. 7.
^l) l. c. Ferunt lepidissime circa rem oeconomi-
cam se habuisse. ^m) L. IV. f. 28.

dis memoria ad vindictam excitati excogitarunt, vt Academicam philosophiam in risum et contemptum deducerent: occasione forte captata ex furto, quod seruulus, surrepto sigillo in domini cella penuaria commisit: cui deinde, cum id Lacydi, ad res oeconomicas (vt solent esse, qui ex paupertate ad facultates aliquas eluctantur) attento graue esset, ad ignominiam philosophiae partibus, quas sequebatur, constandam, cento ille affutus est. Graeciae enim mendaci non nimis fidendum esse, multis exemplis docemur, et in vulgus notum est. Arcesilai γνάριμον, id est, non discipulum tantum, sed et familiarem fuisse veteres ⁿ tradunt, quae res effecit, vt illo decedente ipse in Academia ipsi succederet. Ornauitque grauissimum munus non eruditionis tantum laude, etsi dicendi facundia et vi Arcesilao par non esset ^o, sed et morum integritate et sanctitate, quod instituti sui haud paucos aemulos ipsi excitauit. Suscepit vero docendi munus ^p Olymp. CXXXIV. 4. docens in Attalicis hortis ^q, qui in Academia siti erant, vnde ab eo Lacydei nomen adepti sunt. Aitque LAERTIUS ^r nouam Academiam instituisse ^s, quod vel falsum prorsus est ^t, cum indubium sit, nouae Academiae auctorem fuisse Carneadem, vel ita intelligendum, vt coniicit eruditissimus FOVCHERIVS ^u, eum, quia non in Platonis horto atque villa, vnde schola eius Academiae nomine, a loco vocata est, doceret, sed in alio loco, hortis nempe Attali regis docebat, ideo nouae Academiae auctorem habitum fuisse, quo sensu Academiae nomen non sectae, sed loci esset. Ibi XXVI. annos docuit ^x, non magno tamen Academiae augmento. Nam et institutum Arcesilai non fortiter satis, et vt ille solebat, defendere potuit ^y, et quod viuo iam Arcesilao factum est ^z, multi discipulorum ex Academia ad Epicurum transibant, quod gratior erat voluptatis doctrina, quam incertitudo intellectus atque sensuum. Ille tamen studiis, et philosophiae, quam deperibat, inuigilare nec destitit, nec ab ardore discendi remisit, adeo, vt senex geometriam disceret ^a, quod ab homine Academico incertitudinem in omnibus sectante factum esse merito mireris. Regem vero Attalum ei fauisse cum ex loco, vbi docebat, colligitur, tum ex eo patet, quod illum ad se accerferet, vbi tamen dixisse fertur: regum imagines procul intuendas esse ^b. Tandem Ol. CXLI. 2. muneri se abdicauit, viuusque discipulis suis Telecli et Euandro, Phocensibus eo cessit. Circa quae tempora a morum seueritate et grauitate remisisse dicitur, et strenue potationibus cum Timone inuigilasse, qua de re parodias aliquas eius memorat ATHENAEVS ^c, et AELIANVS ^d quoque potentissimis vtrumque potatoribus adnumerat. Vini vero excessu in paralyfin incidit, ex quo morbo

ⁿ) Il. cc.

^o) Colligas id ex CICERON. Ac. Q. q. L. IV. c. 6.

^p) LAERT. l. c. f. 61.

^q) De Attali hortis conf. PLUTARCH.

^r) In Demetrio.

^s) Ibid. f. 59. quem more suo exscripsit SVIDAS loc. cit.

^t) Ita BAYLE Dict. T. II. art. Carneade not. A.

^u) Diff. de phil. Acad. L. I. c. 7. p. 41.

^x) LAERT. l. c. f. 60. male apud FOVCHER. l. c. sunt anni 24.

^y) Eo enim solo absolutum fuisse ait CICERO l. c.

^z) LAERT. L. IV. f. 43.

^a) Ibid. f. 60.

^b) Ibid.

^c) Lib. X. p. 438.

^d) Lib. II. c. 41.

morbo decessit Olymp. CXLI. 2^e. Scripsit libros philosophicos et de natura, dudum deperditos. Non tacendum quoque de eo, quod narrat PLINIVS^f: anserem ita comitem perpetuum adhaesisse Lacydi, ut nusquam ab eo, non in publico, non in balneis, non noctu, non interdiu digrederetur. In schola successorem, ut dictum, habuit Euandrum, Euander discipulum suum Egesinum Pergamenum, quem Hegesilaum vocat CLEMENS ALEXANDRINVS^g, Egesinus Carneadem, qui rationem philosophandi Academicam ab Arcesilao introductam, leuiter inflexit, nouamque Academiam condidit.

e) LAERT. l. c. apud FABRICIVM Bibl. anno scholam regere coepit.
Graec. Vol. II. p. 62. dicitur obiisse Olymp. f) Hist. nat. L. X. c. 22.
CXXXIV. 4. quod corrigendum est. Eo enim g) Strom. L. I. p. 301.



S E C T I O IV.

DE ACADEMIA NOVA, SIVE TERTIA,
QVARTA ET QVINTA.

§. I.

Quanta ingenii vi animique alacritate, quantoque eloquentiae acerrimae *Academiae*
robore incertitudinem propugnauerit Arcesilaus, quantaque felicitate *nouae origo*
dogmaticos philosophos prostrauerit, et imprimis de dialecticis et Stoicis
innumeras reportauerit victorias, praecedente sectione dictum est. Arma-
uisse se contra communem philosophiae hostem, noua non philosophandi
methodo omnem omnino scientiam euerterentem, quicquid Athenis vive-
bat, philosophorum, et sponte credi potest, et veteres testantur. Impri-
mis obiecta est infaniae ignominia, quasi omnes sensus et vitae in iis ducem,
communem omnibus hominibus rationem, eiuraret Academia, et pueriliter
in his nugaretur, cuius luculentum exemplum Lacydis historia nobis exhi-
bit. Ita vero praeter philosophicam obrectationem ciuilis quoque acces-
sit inuidia, et in suspensionem adducta Academia, quod omnem honestatem,
pietatem, cultumque etiam diuinum infano ausu proscriberet, nullam
omnino certitudinem vel cognitionem admittens, quam non contrariis ra-
tionibus euerteret. Quae res effecit, ut cum magno ad Arcesilaum nu-
mero iuuentus, conflueret, facundia atque vi dicendi, qua aduersarios mire
prosternebat, commota, post eius ex vita discessum Academiam Lacydes
vix tueretur. Ut itaque inuidiam principiis Academicis conflatam amoli-
retur, mericinam non tam re ipsa, quam cautiore loquendi modo afferen-
dam ratus Carneades, Arcesilai doctrinam paulisper inflexit. Cuius ve-
stigia

a) Obseruauit hoc iam AVGVSTINVS l. supra c. 28. atque BAYLE Dict. T. II. art. Carneade
cit. et ex eo ALDOBRAND. ad LAERT. l. IV. not. B. p. 57.

stigia non reliquit quidem Philo, propius tamen iis insistendo ad veteris Academiae semitam incescit, unde quibusdam occasio enata, quartam Academiam numerandi. Philonis vero discipulus Antiochus Ascalonita, relicto non praeceptoris tantum, sed et totius Academiae nouae systemate, non veteris tantum placita reuocauit, sed et cum Stoicis conciliare, sicque incruenta bella inter Academiam et Stoam gesta tollere, miroque syncretismo confundere in vnum doctrinas toto coelo differentes conatus est, paucis, qui eius vestigia premerent inuentis. Graecorum enim euerso imperio cum ad Romanos philosophia migraret, non istius, sed vel veteris vel mediae, siue nouae potius Academiae placita magno applausu excepta sunt. Quem historiae Academiae conspectum in sequentibus prolixius enarrabimus: Iam Carneadis, viri grauis et eloquentia imprimis Academica magnum nomen consecuti historia et vita explicanda est.

Carneadis
aetas.

§. II. Egellini itaque non discipulum tantum, sed et in Academiae cathedra successorem fuisse CARNEADEM, supra diximus. Is gente Afer, patria Cyrenaeus fuit, parente natus Epicomo, quem et Philocommum nominant ^b. Qui enim Atheniensem vocant, sine dubio ad longam in hac vrbe moram eius respiciunt ^c. Tempus eius, licet illustrem sui aevi personam egerit, veterum incuria, quae in rationibus chronologicis saepe numero magna fuit, admodum incertum et obscurum est, unde in tres potissimum partes discesserunt viri docti. LAERTIVS enim ad Apollodorum in *Chronicis* prouocat, qui eum abiisse ex hac vita tradit Olymp. CLXII. 4. cum vixisset annos LXXXV. Quod testimonium Apollodori eo magis sequendum esse videtur, quod Laërtius, qui in rebus dubiis aliorum quoque discrepantes sententias aduocare solet, hic solo Apollodori testimonio contentus sit, sicque eas rationes temporum Carneadis comprobet. Accedit, Anonymum Olympiographum etiam ad Olymp. CLXII. 4. eius mortem referre, et defectionem lunae in eius mortis tempore notare, quod etiam tradit LAERTIVS ^d: his positis natalis eius in Ol. CXXII 3. incidit. Hanc sententiam secuti sunt magni in arte critica viri IOH. IONSIUS ^e, PETRVS BAYLE ^f et IOH. ALBERT. FABRICIVS ^g. Aliter tamen DIONYSIVS PETAVIVS ^h, et THOMAS STANLEIVS ⁱ, qui contendunt, serius vixisse, inque textu Laërtiano mendum suspicantur, et Apollodorum non de die emortuali, sed de natali intelligendum esse, statuunt. Cuius causae praesidium praecipue in vno alteroue CICERONIS ^k loco quaerunt, a quo M. Crassus loquens inducitur, *venisse se Quaestorem Athenas florente Academia, ut temporibus illis ferebatur, quod eam Carneades et Clitomachus et Aeschines obtinebant, quibus alios postea iungit*

b) CICERO Tusc. Qq. L. IV. c. 6. LAERT. L. IV. f. 62. SVIDAS II. v. Καρυεαδ. p. 246.

c) Conf. IONSIUS de Script. Hist. phil. L. II. c. 14. p. 154. FABRICIVS Bibl. Graec. Vol II. p. 55. Effigies eius occurrit in LAERTIO Meibomii et GRONOV. Thes. Gr. ant. T. IV.

d) Ib. f. 65.

e) l. c. c. XIV. p. 187.

f) Dict. T. II. art. Carneade not. N. p. 63.

g) l. c. p. 55.

h) Exerc. misc. in Opp. Iuliani Apost. c. 8.

i) Hist. Philos. P. IV. p. 399. 406.

k) De orat. L. I. c. 18.

git philosophos, Athenis tum docentes; itemque M. Antonius, qui Proconsul in Ciliciam proficiscens, Athenasque delatus homines se doctissimos, interque eos Carneadem quoque secum habuisse, ait. Factum id autem anno V. C. DCL. et DCLII. Olymp. CLXII. annus quartus autem annus V. C. est DCXXIV. Vt vero Petavius infra Apollodori numeros Carneadis aetatem ponit, ita doctissimus Diuionensium Canonicus FOUCHERIVS, supra eos assurgit, Epicurique coaetaneum fuisse ratus, ad eius tempora Carneadem refert: Qua de re lis ei oborta est cum LANTINO curiae in eadem vrbe regiae consiliario^l, quam, quia longior est, enarrare hic non vacat. Vnum hoc afferendum, nisi totam Foucherii opinionem vno CICERONIS^m loco, qui Carneadem Epicuri perfamiliaris ad Arcesilaum venisse, ait, cum is arderet podagrae doloribus, et tristem abiisse, reuocatum autem ab Arcesilao pectus ostendente, et dicente, nihil huc peruenisse. Vidit iam hanc difficultatem magnus GASSENDVSⁿ, qui fieri potuerit, ut Carneades Epicuri perfamiliaris ad Arcesilaum peruenerit, cuius natiuitas Olymp. CXXXVII. non potuerit praecedere, sicque Epicuri obitum decem Olympiadibus non sequi, qui et hunc scrupulum iam mouerat, quod LAERTIVS dicat, Metrodorum Stratoniceum ab Epicuro defecisse et ad Carneadem se contulisse, ex quo sequitur, Epicurum et Carneadem vno tempore vixisse. Nos profunde in hunc chronologiae labyrinthum lectorem introducere nefas ducimus, nostraeque scriptionis fini aduersum, ipsosque laudatissimos viros consulere iubemus eum, qui haec curatius nosse cupit: Sed paucis quid excussis trium partium nobilissimarum argumentis vero nobis videatur simillimum enarrabimus, lectoris diligentiae et acumini iudicium relinquentes. Nempe quod ad Foucherii sententiam attinet, eam vel vnico argumento totam a Lantino solidissime diffatam esse, omnibus fatendum est, qui sine hypotheseos praeiudicio de re iudicant. Prouocat is ad legationem Atheniensium, quam cum Critolao et Diogene ad Romanos suscepit Carneades propter multam a Sicyoniis Romanorum auctoritate dictam Atheniensibus, quod Oropum vastassent^o. Etsi enim non adeo certas fixasque temporum istorum rationes, quibus ea suscepta est, definiri posse, in altera historiae philosophicae parte pluribus demonstraturi sumus, certum tamen est, omnique dubio caret, consulto PAVSANIA^p, direptionem Oropi factam esse post illud demum tempus, quo Macedonia in prouinciae formam a Romanis redacta est. Perseus autem vltimus Macedoniorum rex A. V. C. DLXXXV. Romam demum abductus est. Quod tempus cum longe ab Epicuri aetate distet, funditus euertit Foucherii hypothesein, qui Carneadem Epicuro coaeuum fuisse contendens, istam legationem ad A. V. C. DXXXII. refert. Vnde sequitur, quod

l) Scripta FOUCHERII et LANTINI mutua de hoc argumento exant in Ephem. erud. Paris. 1691. p. 509. 1692. p. 197. 704.

m) De finib. L. V. in fin.

n) De vita Epicuri L. IV. c. 8. p. 124 seq.

o) Qua de re postea.

p) Lib. VII. p. 216.

quod a GASSENDO ^q iam obseruatum est, Carneadem illum, quem suum vocat Arcefilaus, quique Epicuro perfamiliaris fuit, non suum dici secta, sed amore, multisque annis a Carneade Cyrenaeo differre ^r. Recteque ille Laërtium de Metrodoro quoque ita interpretatur: neminem ab Epicuro, non ipso viuo, sed in secta tantum viuento, defecisse, praeter istum. Difficiliora vero sunt, fatemur, quae vel Apollodori fidei vel Codicum Laërtii integritati a Petauio et Stanleio obiciuntur: neque tamen ita comparata esse putamus, vt Apollodorus et lectio Laërtii optimis suffulta codicibus deferenda videatur. Nam non Laërtii tantum textum talem, qualis hodie est, legit et excerpfit SVIDAS ^s, sed et Olympiographus eundem mortis annum refert, et eodem anno et die lunam defecisse ait, quod et Laërtius narrat: quae omnem corrupti textus numerorumque apud LAERTIVM suspicionem nobis quidem eximunt. Deferendum itaque Ciceronem cum viris doctis quos supra nominauimus, putamus, his potissimum rationibus nixi, quod legatio Atheniensis Romam suscepta teste CICERONE P. Scipione et M. Marcello Coss. acciderit, qui Consulatus etsi dubium tempus habeat, ante annum tamen V. C. DCVIII. necessario euenit, id est ante Olymp. CLIX. quo tamen tempore, si Stanleium sequaris, Carneades nondum natus fuit; legationem vero subire potuit, si rationes chronologicae Apollodori admittantur. Quas si sequimur, non omnia tantum cohaerent, sed optime quoque respondent aetati Critolai et Diogenis, quae Foucherii quoque subtilitates explodit. Cicero vero an memoria errauerit, quod vult Baelius, vel corruptus eius textus sit, vt et alibi in Carneadis nomine exprimendo factum esse luculenter Ionsius demonstrauit, definiri accurate nec potest, nec necesse est, cum a vero non abludat, Ciceronem istam dissertationem non re ipsa a viris illis illustribus audiuisse, sed more colloquiorum, non habita aetatis disputantium temporisque ratione eos inter se differentes ita introduxisse, vt nouerat eorum characteri conuenire. Quam colloquiorum rationem neglectam mille tenebras chronologiae veteri obduxisse, plurimis exemplis probari possemus ^f, si id ageremus. Certe haec id euincunt, magis fidem habendam esse Apollodoro, eiusdem cum Carneade aetatis chronologo, cuius fides tantopere veteribus probata fuit, quam CICERONI, qui alio loco ^r, haud obscure fatetur, se in historia legationis illius nec certum satis esse, et lucem ab vno Apollodoro se expectare. Alias rationes adductas a laudatis viris, vt breuitati consulamus, praeterimus.

Eius vita.

§. III. Sed vt ab incertis ad certiora reuertamur, Athenas delatus Carneades, a Stoico Diogene dialecticam didicit ^u; vnde inter disputandum, teste CICERONE ^x, dicebat haud raro: *si recte conclusi, teneo, si minus,*

^q) loc. cit.

^r) Conf. BAYLE I. c. fin. et art. Epicure in fine, vbi etiam not. D. de Metrodoro.

^s) loc. cit.

^f) PLVT. conuiuium septem sapientum nobile

exemplum supra nobis in historia septem sapientum Graeciae exhibuit.

^t) Ad Attic. XII. 24.

^u) CICERO Acad. Qq. L. IV. c. 6.

^x) Ibid. c. 30.

minus, minam Diogenes reddet: haec enim merces erat Dialecticorum. Postea in Academiam delatus Egesinum audiuit, rationemque disputandi aduersus quosuis, quam Arcesilaus introduxerat, didicit, et cum esset laboris patientissimus, magnam sibi studio et exercitatione eruditionem comparauit. Tanto vero applausu ea excepta est, vt dignus haberetur, qui Egesino in cathedra succederet. Quo docendi munere permotus, vt rebus Academiae a dogmaticis philosophis, praecipue Stoicis, multa passis, et detrimentum timentibus subueniret, nouam doctrinae Academicæ faciem paulisper a pristina innouatam, quam postea delineabimus, introduxit, eamque summa eloquentiae gloria ita commendauit, vt nouo flore surgeret. Quia vero dicendi vis in eo supra modum vigeat, delectus est ab Atheniensibus, vt legatus Romam mitteretur. Cuius legationis causa fuit, quod Athenienses Oropum Boeotiae ciuitatem vastassent; dicta itaque iis a Sicyoniis, auctoritate Romanorum, multa D. talentorum, cum grauiorem eam putarent, quam deceret, ad Romanos prouocarunt, legatosque miserunt, vt ex multa aliquid remitteretur, quae inauditis dicta fuerat. Electi vero ad legationem hanc suscipiendam philosophi tres summa eloquentiae et eruditionis laude florentes, Diogenes Babylonius Stoicae, Critolaus Phaselites Peripateticae, Carneades Cyrenaeus Academicæ sectae antesignani. Romam itaque profecti, cum moram ibi facere cogerentur, quisque seorsim ostentandae eruditionis et eloquentiae gratia per celeberrima vrbis loca, magno hominum confluxu orationes habuerunt, ostenderuntque Romanis auribus, Graecae eloquentiae non assuetis facundiam supra modum admirabilem, et Carneades quidem violentam et rapidam, scitam et teretem Critolaus, modestam et sobriam Diogenes. Omnium tamen maxime Carneades disputandi subtilitate et differendi copia ac vehementia omnium in se ora conuertit atque oculos. Disputauit enim de iustitia copiose audiente Galba et Catone Censorio, maximis tunc oratoribus. Idem tamen postridie, quae dixerat, contraria ratione subuertit, et iustitiam, quam pridie laudauerat, sustulit, Academiae in eo artem ostendens, vt alios, quidlibet asserentes posset subuertere. Cuius rationes tam validas fuisse prodit alicubi CICERO ^a, *propter ruinas, quas in legum et reipublicae illis administrandae argumento edere possunt, vt placari eas cupiat, submouere non audeat*. Opposuit se tamen Graecanicae philosophiae et peregrinae eloquentiae Cato, non Carneadis odio ductus, vt quibusdam tum visum, sed quod iuuentutem relictis armis et patriis institutis ambitiose Graecos philosophos sectantem corrumpi crederet, senatuique persuasit, vt de re, quam petierant, decerneretur, remitterenturque ad suas scholas, et Graecorum filios instituendos; Romana vero iuuentus ad patrias leges et instituta maiorum ob-

Ddd dd 2

fer-

y) Videndi de historia huius legationis PLUT. in vita Cat. T. I. p. m. 632. MACROB. Saturnal. L. I. c. 5. GELLIVS N. A. L. VII. c. 14. AELIAN. Var. hist. L. III. c. 17. conf. BAYLE l. c. not. F.

z) LACTANT. Inst. L. V. c. 14. QVINTIL. Inst. Orat. L. XII. c. 1.

a) De legibus L. I.

seruanda reduceretur. Qua de re, quia philosophiae apud Romanos origines et initia enarraturis adhuc dicendum est, reliqua, quae commodè magis ibi exponentur, ad alteram historiae philosophicae partem seruiamus. Ex dictis vero constare arbitramur, quantus vir Carneades fuerit. Erat enim in eo et iudicii vis summa, et ingenium supra modum foecundum, atque excogitandis argumentis aptissimum, voxque plane stentoria^{b)}, adeo ut gymnasii princeps ad eum mitteret, moniturus, ne clamaret tantopere. Acris praeterea in reprehensionibus, atque in quaestionibus insuperabilis cum esset^{c)}, mirum non est, omnes eum in hoc philosophandi genere antecelluisse, tantumque, teste LAERTIO^{d)}, in philosophia valuisse, ut oratores quoque scholis dimissis, ad eum audiendum venirent. Iungebat his insolitam φιλοπονίαν, tantamque studii assiduitatem, ut conuiuia non tantum ob eam causam vitaret^{e)}, sed et, narrante VALERIO MAXIMO^{f)} ita se mirificum doctrinae operibus addiceret, ut, cum cibi capiendi causa recubuisset, cogitationibus inhaerens, manum ad mensam porrigere obliuisceretur; et Melissa, quam uxoris loco habebat, temperato inter studia non interpellandi et inediae succurrendi officio, dexteram suam necessariis vñibus adaptaret; ipse vero cogitationibus ad studia raptis ita inhaereret, ut comae vñgiumque cura neglecta, squalorem vtraque parte contraheret^{g)}. Ceterum infensissimos hostes expertus est Stoicos, contra quos tanta animi vehementia insurgebat, ut contra Chrysippum imprimis, magnum Stoeae tunc temporis ornamentum disputaturus, elleboro animum detergeret^{h)}, ut ad inuentionem valeret, neque corrupti stomachi humores animi vim atque constantiam extinguerent. Qua contentione tamen non ita animum aduersario infensum reddidit, ut non magni Chrysippum faceret, falsus: nisi Chrysippus fuisset, non essem ego; siue ita eruditionem aduersarii extulerit, ex qua multum profecerit; siue tanto eius subtilitates, quibus mirifice valebat, acumine esse ita indicauerit, ut in excogitandis obiectionibus mire eius ingenium acuereturⁱ⁾. Aetate prouectior oculorum suffusione laborauit, exitumque ex hac vita admodum moleste tulisse dicitur, saepeque indignabundus quaesiuisset; an, quae natura composuit, ipsa dissoluet^{k)}. Tandem naturae debitum soluit annos LXXXV. natus^{l)} quos CICERO^{m)} et VALERIUS MAXIMUSⁿ⁾ ad XC. extendunt, notabilemque fecit mortem eius lunae deliquium, quasi nobilissimum sidus ereptum Academiae lumen compateretur^{o)}, successorem scholae relinquens Clito-

b) LAERT. L. IV. f. 62.

c) Ibid. f. 63.

d) f. 62.

e) Ibid. f. 63.

f) Lib. VIII. c. 7.

g) LAERT. f. 62.

h) VAL. MAX. l. c. et post eum alii, Huetius et Bayle II. cc. alii contra Zenonem disputasse, aiunt, quem Tarsentem, Chrysippi successorem esse putant, vid. Jons. l. c. L. II. c. 1. p. 117. Alii Chrysippo vñum ellebori tribuunt, nominati Menagio

anti - Baill. T. I. p. 420. cuius tamen lapsus notat Bayle l. c. not. E. qui de hac re pluribus differit.

i) Forte ita intelligendi sunt ex recentioribus, qui Carneadem Chrysippi studiosum fuisse asserunt, quos notat Bayle l. c.

k) LAERT. l. c.

l) Ibid. f. 65. LVCIAN. in Longaeu. T. II. p. m. 829.

m) Acad. Qq. L. IV. c. 6.

n) loc. cit.

o) Citati supra §. 2.

Clitomachum, Mentorem forte constituturus, nisi is pellice eius usus, eius indignationem ita meruisset, ut eum ex schola abire iuberet, illeque discederet ^p; qua in re ἀκαταληψίαν Carneadem non seruasse, sed oculis fidem habuisse, iocatur Numenius ^q. Nihil scriptum de philosophia reliquit ^r, quicquid enim eius nomen prae se tulit, a discipulis, quos varios habebat, conditum fuisse LAERTIVS ^s testatur. Nec liber de *sustinendis assensionibus*, quem ei tribuit STANLEIVS ^t, loco CICERONIS ^u male intellecto deceptus, eius est, sed Clitomachi. Neque id mirandum magnopere est: adeo enim sententiam suam celauit, ut neque Clitomachus, qui tamen eo familiarissime usus est, intelligere unquam posset, quae ei probarentur ^x. Non confundendus autem est Carneades Academicus cum alio Carneade Anaxagorae discipulo, neque cum Epicuri familiari, ut supra monitum ^y. Alios praeterea Carneades nominat FABRICIVS ^z.

§. IV. Philosophandi rationem Academicam, quam tenuit Carneades, eandem fere fuisse, quam secutus est Arcesilaus, assensus introducta suspensione, rerum nixa incertitudine, supra diximus. Eandem enim suspensionem amplexus eadem defendit acrimonia, fundamentis licet mitioribus suffultam ^a. Eam paucis CICERO ^b, prolixius SEXTVS EMPIRICVS ^c nobis descriptam reliquerunt, quorum in historia suae sectae testium fidelissimorum fidem recte sequimur. Ita vero Carneades, non solum Stoicis, sed etiam omnibus, qui eum praecefferunt, de veri falsique regula contrariam sententiam oppositurus:

*Doctrina
Carneadis.*

I. Absolute nihil est, a quo iudicetur veritas, non ratio, non sensus, non phantasia, nec vlla res alia quaecunque, haec enim omnia pariter nos fallunt.

II. Etiam si sit aliquod eiusmodi criterium, non potest tamen id consistere absque affectione animae, quae nascitur ab obiecti euidencia. (πᾶθος ἐνεργείας) Quoniam enim vi sentiendi differt animal ab inanimatis, omnino et se et externa per eum apprehendet. Sensus autem, qui manet immobilis et impatibilis, et immutabilis, nec est sensus, nec aliquid apprehendit: mutatus autem et affectus quodammodo ab incurfione euidentium, tunc demum res indicat. In affectione ergo animae, quae oritur ex obiecti euidencia, quaerendum est veri criterium.

III. Haec autem affectio debet indicare et se ipsam, et obiectum apparens, quod fecit, ut ipsa animae inesset, quae quidem affectio non est alia, quam phantasia.

Ddd dd 3

IV.

^p) LAERT. I. c. f. 64.

^q) Apud EVSEB. L. XIV. c. 7. p. 738.

^r) LAERT. I. c. f. 63. PLUT. de fortit. Alex. Tom. II. p. m. 347. conf. BAYLE I. c. not. I. FABRICIVS I. c.

^s) loc. cit.

^t) loc. cit. p. 407.

^u) Acad. Qq. L. IV. c. 31.

^x) IDEM I. c. c. 45.

^y) IONSIVS, BAYLE, FABRIC. II. cc. multum turbavit haec homonymorum confusio historiam Carneadis.

^z) Ibid. p. 55.

^a) CICERO I. c. c. 6. NUMENIVS I. c.

^b) Ibid. L. IV. c. 31.

^c) Adu. Mathem. L. VII. f. 153.

IV. Quamobrem dicendum est, etiam phantasia esse quandam in animali affectionem, quae et se et aliud ostendat, ut, cum aliquid aspeximus, visu quodammodo afficimur; nec eum sic habemus affectum, ut habebamus, priusquam afficeremur, quae alteratio duo ostendit, vnum ipsam alterationem, hoc est phantasia; secundum autem, id quod indidit alterationem, nempe aspectabile.

V. Quoniam vero phantasia non ita, ut vere est, rem semper indicat; saepe autem fallit, et instar infidelium nuntiorum, discrepat a rebus, quae eum immiserunt; necessario sequitur, quod non quaelibet phantasia potest facere, ut admittatur iudicium veritatis, sed sola illa, quae vera est.

VI. Rursus, quoniam nulla est adeo vera, ut non possit esse falsa, et cuilibet, quae videtur esse vera, inuenitur aliqua falsa similis, itaque criterium erit in phantasia communi veri et falsi.

VII. Communis autem horum phantasia non distincte comprehendit: si autem non distincte comprehendit, non erit criterium.

VIII. Si nulla autem phantasia vim habet iudicandi, nec ratio erit id, quod iudicat, ea enim deducitur a veritate et merito: nam primum quidem ei debet apparere id, quod iudicatur, nihil autem potest apparere absque sensu experte rationis.

IX. Neque ergo sensus expers rationis, neque ratio est id, quod iudicat.

X. Quoniam tamen ad vitam traducendam et ad acquirendam beatitudinem criterio aliquo opus est, ideo assumenda est probabilis phantasia, et illa, quae probabilis simul est, et dubio nullo distrahitur, quaeque evidens est, et explicata.

XI. Phantasia ergo est alicuius imaginatio, nempe eius ex quo fit, et eius in quo fit: ex quo, ut externi subiecti sensilis: in quo, ut hominis.

XII. Duplici vero respectu potest considerari: vno quidem, ad id, quod phantasia apprehenditur: altero autem, ad eum, qui utitur phantasia. Prioris respectu est vel vera, vel falsa; vera quando consonat, cum obiecto, falsa quando dissonat: posteriori alia est, quae apparet esse vera, alia, quae non apparet.

XIII. Ex quibus, quae apparet vera esse, appellatur emphasis et probabilitas et probabilis phantasia: quae autem non apparet esse vera, appellatur apemphasis^d, et improbabilitas et non probabilis phantasia.

XIV. Quod apparet ex se falsum, vel quod est quidem verum, non autem apparet, aptum natum est, ad nobis persuadendum.

XV. Phantasia, quae est aperte falsa, et quae non apparet vera esse, non potest esse criterium.

XVI. Eius autem phantasiae, quae apparet vera esse, alia quidem est minus evidens, alia vero hoc etiam habet, ut valde euidenter appareat vera.

XVII. Phantasia, remissa minusque evidens, non potest esse criterium illud, quia non aperte potest persuadere, sed ea, quae euidenter apparet vera esse.

XVIII.

^d) Ita et Stoici, quorum praecepta ad Academiam suo modo accommodat.

XVIII. Prout vero speciatim alia alii applicatur, probabiliorem etiam vehementiusque mouentem habet phantasia.

XIX. Probabile autem est, vel id quod verum est, et videtur verum, vel quod, falsum cum sit, verum esse videtur, tertio autem verum commune vtriusque.

XX. Vnde criterium erit phantasia, quae vera esse videtur, quaeque probabilis vocatur.

XXI. Fides vero non est deneganda ei, quae ut plurimum est vera, licet interdum falsa sit, quia rarius occurrit, et iudicia et actiones diriguntur, secundum id, quod plurimum fit.

XXII. Quoniam autem nunquam sola vnius generis consistit phantasia, sed catenae instar altera pendet ex altera, secundum accedit criterium, si probabilis simul sit phantasia, et nullo dubio in diuersa trahatur.

XXIII. Fit itaque iudicium veritatis, ex phantasiarum siue visorum concursu, quum per nullam ex concursu phantasiarum homo distrahitur, ut falsum se putet imaginari.

XXIV. Est tamen eiusmodi phantasia non distracta in diuersum, alia magis, alia minus talis: quarum illa magis, fide digna est, quae per singulas quoque partes est examinata.

XXV. Examini vero subiiciendum est, id quod iudicat, et id, de quo iudicatur, et id, per quod fit iudicium, distantiaque et interuallum, figura, tempus, modus, affectio, operatio; vnumquodque eorum, quale sit, curiose discernendum est.

XXVI. Si haec in vno sint omnia, criterium habemus phantasia probabilem, et probabilem simul atque indistinctam, ac per partes examinatam.

XXVII. In rebus leuibus et non magni momenti sola probabili phantasia utimur ad iudicandum, at in rebus, quae sunt alicuius momenti, indistincta: in iis autem, quae pertinent ad bene beateque viuendum, examinata per partes.

XXVIII. Probabilis phantasia attendenda est in iis, in quibus non dat nobis circumstantia satis temporis ad rem accurate considerandam: examinata in iis, in quibus datur tempus attente singula persequendi, ac tractandi res, quae nobis se examinandae offerunt.

§. V. Haecenus SEXTVS EMPIRICVS, qui luculenter et docte, ut solet, Carneadis sententiam explicuit: quam si cum dictis supra de Arcesilai opinione conferimus, et ea quoque consulimus, quae veterum alii de Carneadis hac in re mente differunt, patebit inde, *Observationes de nouae Academiae philosophia.*

I. Arcesilaum et Carneadem non reipsa tantopere inter se diffensisse; supra enim ostendimus, Arcesilaum, etsi incertitudinis causam in rerum natura latere diceret, eas tamen non in se, sed in relatione ad hominis intellectum intellexisse. Carneades autem luculentius Academiae mentem expressit, et quae Arcesilaus intimae admissionis discipulis explicabat,

cabat, apertius prodidit, rerum ipsarum naturam quidem non indifferenter prorsus et incertam esse, sed latere humanum intellectum, nec essentias rerum posse intelligi, unde sequebatur, nec scientiam dari, sed tantum opinionem. Ita statuisset, testis est Numenius^e, qui, prout in se res existit, et aliqua de ea re affirmantur et negantur, vel verum esse vel falsum quousque ad rem ipsam refertur, asseruisse tradit.

II. Incertitudinem itaque Academia noua in eo quaerebat, quod omnibus veris falsa aliqua adiuncta sint, tanta similitudine, ut in iis nulla insit certa iudicandi et assentiendi nota^f: unde et assensum cohibendum esse praecepit. Id quod ad ipsam naturam rerum animo humano obuersantem, quatenus illa ex certis et indubitatis criteriis cognosci potest, pertinere, ex dictis hactenus liquet. Non itaque de probabili ratione statuendi de re aliqua nec de opinione, sed de certo iudicio et affirmatione, qualem imprimis commendabant Stoici, sermo est, ut ex iis, quae de eo tradunt CICERO et SEXTVS^g videre est.

III. Relinquebat itaque Academica secta sapienti opinionem. Id quidem asseriebant de Carneade Philo et Metrodorus, Clitomachus autem magis ab eo disputatum, quam probatum putabat^h; sed latere in opinionis nomine aequiuocum quid, recte monuit FOVCHERIVSⁱ. Opiniones enim, si praeiudicia mentis, persuasionemque de rerum natura cognoscenda inanem, incertamque atque praecipitanter conceptam, significant, verum est, quod in Carneade laudat CICERO, *feram et immanem ut belluam Hercules, sic illum ex animis nostris assensionem et opinionem extraxisse*; id enim Academia quoque vetus, et ipse eius conditor Plato vehementer commendauerunt. Quod si opinari idem est, quam de hoc vel illo facto sententiam sequi, quae non usquequaque absurda et contradictoria est, recte idem TVLLIVS Carneadi tribuit: *licere percipere nihil, et tamen opinari*. Quamquam AVGVSTINVS^k, malit hoc vocare credere, quam opinari; ait enim: *quod concipimus, rationi debemus, quod credimus, auctoritati, quod opinamur errori*. In verbis vero eiusmodi dissensum ferre, facile; indicare vero, e re nostra et historiae Academicæ est.

IV. Ex dictis vero intelligi quoque potest, quo sensu voluerit Carneades intelligi, quando teste GALENO^l ipsam ratiocinandi formam, regulamque; quae sunt idem vni tertio, sunt idem inter se, argumentationibus oppugnauit, et concedere noluit, magnitudines vnicuiquam aequales, etiam inter se aequales esse. Non enim haec ad ipsam eum ratiocinii formam retulisse, inde colligitur, quod eodem argumentationis genere ipse omnem assensum atque certitudinem oppugnauerit, propria vineta caesus, si ipsam hanc ratiocini-

e) EVSEB. praep. L. XIV. c. 8.

f) CICERO de N. D. L. I. c. 5.

g) II. cc.

h) CICERO Acad. Qq. L. IV. c. 24.

i) Hist. Acad. L. I. c. 8. p. 44 seqq.

k) Adu. Acad. L. III.

l) De optimo dicendi genere locum adducit BAYLE l. c. not. C. p. 59.

tiocinii formam euertisset: sed pertinet hoc ad ipsam eius applicationem ad res cognoscendas, vbi nihil putabat esse, quod ita cognosceretur, vt et si videatur in tertio vno conuenire, certo tamen inde concludi queat, vel recte conuenire cum eo, vel inter se; vnde non negauit, quod inde elicit BAYLIUS; quae conueniunt vni tertio, conuenire inter se, sed quod Galenus ei tribuit: magnitudines vnicuiusque aequales, esse quoque inter sese aequales, applicatione scilicet regulae facta ad magnitudines, quas ita certo cognosci non posse putabat, vt inde ab vna magnitudine ad reliquas concludi posset. Vnde ab absurdissima totamque disputandi rationem Academicam euertente sententia Carneadem absoluendum putamus.

V. Imprimis vero ex dictis patet, quo potissimum modo ab Arcefilao discesserit Carneades, quem re ipsa cum illo consentire rationibus verisimilibus et testimoniis quoque veterum conuicti supra tradidimus. Nempe Arcefilaus, non minus atque Carneades contra dogmaticos sectariosque philosophos disputabant, arcanamque Academiae doctrinam paucis et intimae tantum familiaritatis discipulis seruabant: id quod de Carneade quoque diserte tradit Numenius ^m: *Externe eundem attulisse, abstulisse, pugnamque suam contrariis sententiis et versutis quibusdam ac subtilibus argutiis cum multiplici varietate miscuisse, affirmando simul et negando, et oppositis utrinque rationibus disputando; et tamen illum ipsum, qui Stoicos vellicandi studio cuncta miscebat, clam sodales inter suos eadem omnia fassum esse, vereque ac certe pronunciauisse, quae alius quiuisset a populo.* Quamquam enim his potissimum opponit Baylius, quod supra iam ex Cicerone attulimus, Clitomachum, ei licet familiarem, fassum, nunquam se intelligere potuisse, quae Carneadi probarentur: nihil tamen hoc obstare videtur, cum Clitomachus, non de interiori Academiae disciplina, quam ad Platonem et sequaces Carneades, Arcefilaum secutus retulit, sed de propriis Carneadis opinionibus loquatur, quas ille sine dubio discipulis non aperuit, quod nouam sectam condere non vellet. In eo itaque Carneadi cum Arcefilao conuenisse dubium non est. Ast in eo potissimum ab illo discessit, quod mitioribus fundamentis nixam ἐποχὴν Academicam protulerit. Nempe Arcefilaus, omnes omnium sectarum philosophos oppugnasse et ignorantiae atque incertitudinis conuicisse contentus, de rebus in vita humana vel sequendis vel fugiendis non dispexit, vita tamen, qua ratione sapiens agere debeat, ostendit, ita vero magnam Stoicorum, quorum phalanges prostrauerat, calumniam concitauit, quasi omne honestatis vitaeque beatae fundamentum euerneret. Carneades itaque, vt recte monet A V G V S T I N U S ⁿ, primo illam velut calumniandi impudentiam, qua videbat Arcefilaum non mediocriter infamatum, deposuit, ne contra omnia velle dicere, quasi ostentationis causa, videretur. Hinc, quod Arcefilaus non explicuerat, disertius tradidit, qua

ratio-

^m) loc. cit.ⁿ) loc. cit.

ratione visum probabile ad assequendam vitam beatam sapiens quaerere debeat. Arcefilaus enim logica et physica placita philosophorum oppugnabat, de moralibus parum curiosus: Carneades vero ad moralem philosophiam curatius attendens, regulas praescribebat, quibus salua incertitudine et assensu retento, hominum vita moresque queant regi. Quam bene vel male, et annon ita omnem morum regulam genuinam et ad veritatem facientem euerterit, huius loci non est dispicere, sufficit, multa eum probabiliter actionum humanarum fundamento admissio, ostendisse, non esse humanae societatis hostes Academicos. Quam rationem postea quoque Sceptici secuti sunt, ut suo loco trademus, et imprimis CICERO potissimum philosophiae suae fundamentum esse voluit, in incertis rerum omnium, circa quas intellectus noster versatur circumstantiis probabiles rationes esse sequendas. Distinguendum itaque illud est, quod Academici de rebus vitam humanam respicientibus dixerunt, ab iis, quae contra dogmaticos, et imprimis Stoicos disputauerunt. Id quod ex iis porro patebit, quae Carneadi placuisse veteres narrant.

*Theologia
Carneadis.*

§. VI. VI. Insistens itaque Carneades vestigiis antecessorum, adhibitaeque disputandi methodo Academica, Stoicos, ut in aliis, ita in doctrina quoque de Diis vehementer oppugnauit. Prolixe id narrat CICERO^o, cuius locus, quia longior est, quam ut adscribi queat, apud ipsum legendus est, argumentaque enarrat, fortiter satis Stoicam de Diis doctrinam euertentia. Qui tamen addit: *Haec Carneadem egisse, non ut Deos tolleretur, sed ut Stoicos, nihil de Diis explicare, conuinceret.* Aitque is alio loco^p: *Contra eos ita multa differuisse Carneadem, ut excitaret homines non socordes, ad veri inuestigandi cupiditatem.* Ex quo loco patet, Carneadem nec doctrinae de Deo se opposuisse, nec eo contendisse, ut eorum notitiam cultumque ex animis hominum euelleret, sed Stoicos imprimis aggressum fuisse, et ostendisse, absurdam ex doctrina eorum sequi de Diis sententiam. Id quod luculenter ostendit praeter CICERONEM, SEXTVS EMPIRICVS^q, qui Clitomachi memoriis usus, exquisitissimas et efficacissimas, uti vocat, argumentationes eius contra theologiam Stoicam recitat. Non negamus, totam theologiam gentilium argumentis Carneadis conuulsam simul labascere; Stoicorum enim diligentia in eo sita erat, ut vulgarem religionem rationibus philosophicis exornarent. Verum eum ex hac causa cum Clitomacho, qui scriptas eius obiectioes reliquit, inter Dei religionisque hostes transcribere^r, sine sufficienti ratione et praecipitanter fieri credimus. Assentimur tamen Balbo apud CICERONEM^s, fatenti: *Malam et impiam consuetudinem esse, contra Deos disputandi, siue animo id fiat, siue simulate.*

VII.

^o) De nat. Deor. L. III. c. 18.

^p) Lib. I. c. 2.

^q) Adu. Math. L. IX. f. 140 seqq.

^r) Ita THEOPH. ANT. ad Autolye. L. III.

p. 292. ed. Wolf. REINES. Var. lect. L. III. c. 6.

p. 445. BVDDEVs thes. de ath. c. I. §. 14. conf.

FABRIC. Bibl. Gr. Vol. I. p. 775.

^s) De N. D. L. II. c. ult.

VII. Eandem disputandi rationem contra Stoicos Carneades tenuit, *De fato.* fatum Stoicum oppugnans: Is enim assumens, aliqua esse in nostra potestate, experientia comprobante, ita conclusit: Si omnia antecedentibus causis fiunt, omnia naturali colligatione conferta contextaque fiunt, quod si ita est, necessitas omnia efficit; id si verum est, nihil est in nostra potestate: est autem aliquid in nostra potestate; at si omnia fato fiunt, omnia causis antecedentibus fiunt; non igitur fato fiunt, quaecunque fiunt. Et hoc argumento quoque ductus, dicebat, ne Apollinem quidem futura posse dicere, nisi ea, quorum causas ita natura contineret, ut ea fieri necesse esset. Cuius totius disputationis fundamentum, teste eodem, qui haec omnia tradit, C I C E R O N E ^x, in eo versabatur, quod cum Epicureis negabat, omnia, quae fierent, fieri a causis antecedentibus, voluntatis enim nostrae non esse causas externas et antecedentes. Qua de re, hodie tantopere disputata veteres iam in diuersa abiisse, doctrina de fato per omnes gentes diuersum sentiens, luculenter testatur.

VIII. Sed ut principium quoque aliquod morale Carneadis, in ethicis magis, quam physicis eminentis, asseramus, statuit, teste C I C E R O N E ^x: *De fine morali.* Ultimum finem siue extremum hominis esse frui principiis naturalibus. Obscura cum haec prima facile sint, sensum eorum ita interpretatur F O V C H E R I V S ^y, exercendam esse tum intellectus tum voluntatis perfectionem, ita ut nullo vel interno animus, vel externo impediatur obstaculo. Quae explicatio tangit quidem aliquid, non vero totum exhaustit. Recte enim C I C E R O ^z monuit, ut ex iis, quae superiori sectione differuimus, liquet: honeste vivere fruente rebus his, quas primas homini natura conciliet, et veterem Academiam censuisse, ut indicant scripta Polemonis, et Aristotelem eiusque amicos nunc maxime probare. Introduxisse vero Carneadem, non ut probaret, sed ut Stoicis opponeret, summum bonum esse frui his rebus, quas primas natura conciliauisset ^a. Quod dogma latius exsequi opus non est, cum supra id factum sit: nec negamus, haec contra Stoicos vrisse Carneadem, vtrum vero admiserit intra parietes ad γνωρίμους, uti suadet seruata Academiae arcana methodus, dici non potest. Ciceronis enim testimonium nondum rem conficit, qui coniectura ductus ita ratiocinatus est, ipseque fatetur, non exploratum esse, quae Carneadi probarentur. Vnde satis haec quoque de Carneadis philosophia dicta sunt.

§. VII. Carneadem excepit in Academiae cathedra CLITOMACHVS, *Clitomachus.* Carthaginiensis, patria lingua Asdrubal dictus ^b, patre Diogneto, quem Poeni Maharbalem dixere, prognatus. Coepit vero iam domi φιλοσοφῆν, ut ait L A E R T I V S, quod non ita intelligendum est, ut transtulit Latinus inter-

E e e e e 2

pres

1) I D E M de fato c. 14.

2) loc. cit.

fin. L. II. c. 18. conf. F O V C H E R. l. c. B A Y L E l. c.

x) I D E M de finib. L. II. c. 11.

y) loc. cit. p. 156.

z) Acad. Q. q. L. II. c. 42.

a) De fin. L. II. c. 11. L. V. c. 7. conf. B A Y L E l. c. not. K. F O V C H E R. l. c. Elegans vero morum praeceptum a Carneade profectum apud C I C E R. de

b) L A E R T. L. IV. f. 67. P L V T. de fort. Alex. T. II. p. m. 347. M E N A G. ad l. c. Laërt. et, qui docte de hoc nomine commentatur S A M. B O C H A R T V S Geogr. Sacra. L. II. c. 12. p. m. 824. Asrubaal, dominus ad pugnam cinctus, hinc mutatum nomen in Graecum Clitomachus.

pres, et accepit quoque STANLEIVS ^c, quod etiam apud suos in lingua patria philosophiam docuerit; eam enim Athenas delatus dum didicit, sed φιλοσοφῆν apud barbaros omnem literaturam, quibus ad philosophiam prae-
parabantur animi significauit ^d; licet et hoc potuit dixisse Laërtius, in patria, antequam in Graeciam veniret, philosophiae principiis fuisse imbutum. Certe tum non imparatum plane a literis fuisse, quod STEPHANVS ^e tradit, ratio illorum temporum facile euincit, quibus Graecanica eruditio in Africa passim florebat. Fuit vero, notante CICERONE ^f, homo et acutus, ut Poenus et valde studiosus ac diligens, quibus ingenii et industriae opibus diues Athenas se contulit, ut philosophiam disceret. Factum id esse, quum annum aetatis ageret XL. LAERTIVS ^g tradit; EVSTATIUS ^h vero XXVIII. ponit, quem Laërtio praefert IONSIUS ⁱ, eo potissimum argumento ductus, quod defuncto Olymp. CLXII. 2. Carneadi, apud quem usque ad senectutem fuisse dicit CICERO ^k, successerit, coeperitque eo tempore σχολαρχεῖν, Academicamque per triginta circiter annos tenuerit, eique defuncto circa Olymp. CLXX. Philo successerit, quem Cicero XII. annos post Romae audiuit. Quibus rationibus inductus suspectam Ciceronis in adducto loco fidem putat, quam tamen saluari posse putamus, si verba: usque ad senectutem, non ad Clitomachum, sed ad Carneadem, valde senem defunctum, referantur. Illud certum est, ad Carneadem se, quamprimum Athenas venit, contulisse, et studiose ab eo imbutum fuisse. Neque tamen ceterarum quoque sectarum doctrinam neglexit, sed in Peripateticorum quoque et Stoicorum dogmatibus versatus est ^l, ita tamen, ut Academicam sequeretur, quam non tantum ore, summa ingenii, ut Carneades eloquentiae, vi quam in eo laudat CICERO ^m, usus, illustrauit, sed potissimum plurimis scriptis exposuit, quibus praeceptoris, nihil in commentarios referentis, doctrinam maxime exposuit ⁿ: ad ea saepe numero prouocat Cicero, LAERTIVS vero ultra quadringenta volumina scripsisse, testatur. Interea quatuor de assensionibus sustinendis libros laudat CICERO ^o, quos male adscribere Carneadi STANLEIVM §. praecedente iam notauimus. Librum quoque de sectis laudat LAERTIVS. Singulare est, quod STOBAEVS ^p de eius morte refert: morbo correptum cum in veternum incidisset, ubi euigilauit, dixisse: nihil me fallat amor vitae, sicque violentas sibi intulisse manus. Condiscipulum habuit Aeschinem Neapolitanum philosophum Academicum, Melanthii Rhodii quoque discipulum; itemque Charmidem, qui et eius institutione usus est, de quo in sequentibus dicemus.

Placito Clitomachi.

§. VIII. In philosophiae vero Academicae placitis a magistri ore non recessit, ut ex iis videre est, quae ex libris de assensu retinendo nobis seruauit CICERO ^q, qui refert, statuisse:

I. Esse

^c) Hist. phil. P. IV. p. 407.

^d) Dictum hac de re in prolegomenis.

^e) v. Καρχιδων.

^f) Lib. IV. c. 31. Qq. Acad.

^h) Ad Dionys. περιηγ. v. 196.

ⁱ) De Script. Hist. phil. L. II. c. 14.

^g) loc. cit.

^k) loc. cit.

^l) LAERT. I. c. FABRIC. Bibl. Graec. Vol. II. p. 56. IONSI. I. c.

^m) loc. cit.

ⁿ) ib. L. IV. c. 32.

^o) Sermon. XLVIII. p. 120.

^p) CICERO Acad. Qq. L. IV. c. 32. cf. Huet. de la foiblesse de l'Esprit humain L.I. ch. 14. §. 21. p. 116 sq.

I. Esse rerum eiusmodi dissimilitudines, vt aliae probabiles videantur, aliae contra: id autem non esse satis, cur alia percipi posse dicas, alia non posse: propterea quod multa falsa probabilia sint, nihil autem falsi perceptum et cognitum possit esse.

II. Vehementer errare eos, qui dicant, ab Academia sensus eripi, a quibus nunquam dictum sit, aut colorem, aut saporem, aut sonum nullum esse: illud modo disputari, non inesse in his propriam, quae nusquam alibi esset, veri et certi notam.

III. Dupliciter dici assensum sustinere sapientem: vno modo cum hoc intelligatur, omnino eum rei nulli assentiri: altero, cum se a respondendo, vt aut adprobet aliquid, aut improbet, sustineat, vt neque neget aliquid, neque aiat.

IV. Id cum ita sit, alterum placere, vt nunquam assentiatur, alterum tenere, vt sequens probabilitatem vbicunque haec aut occurrat, aut deficiat, aut etiam aut non respondere possit; nec vt placeat, eum, qui de omnibus rebus contineat se ab assentiendo, moueri tamen, non agere aliquid, quibus relinquitur, eiusmodi visa adprobari, quibus ad actionem excitemur: item ea, ad quae interrogati in vtramque partem respondere possumus, sequentes tantummodo, quod ita visum sit, tum sine assensu: neque tamen omnia eiusmodi visa approbari, sed ea quae nulla re impedirentur.

V. Sequendam eam probabilitatem, in quam cum vehementi inclinatione ac delectu animus propendet, quaque mouetur ad consensum, vt non tantum non resistat, sed cum vehementi propensione obsequatur.

VI. In doctrina de bono voluptatem cum honestate, quod et Callipho fecit, coniunxisse, testatur C I C E R O ¹.

VII. Ceterum in doctrina de Deo Clitomachum magistri obiectiones contra theologiam Stoicorum studiose collegisse, male propterea notatum, supra in Carneade diximus, monuimusque, perperam ideo inter atheos referri Clitomachum ².

VIII. Rhetoricae porro insensissimum hostem fuisse, ait SEXTVS EMPIRICVS ³, et ex hominum societate eiiciendam statuisse.

IX. Dialecticam lunae comparabat, quae assidue siue crescat siue decrescat ⁴. Qua comparatione fortunam Academiae designare voluisse videtur, quae post maxima incrementa discipulorumque ingentem sub Arcefila numerum, decreuit, a Carneade vero resuscitata noua augmenta cepit. Prout itaque dialectica ingenio et eloquentia ornatur, ita quoque vel incrementa vel decrementa capit.

§. IX. Quartae quam nonnulli ponunt ⁵, Academiae auctor est PHILO Larissaeus, Clitomachi per complures annos discipulus ⁶, cui in cathedra ⁷ Olymp.

Philo quartae Academiae conditor.

E e e e e 3

¹) SEXT. EMP. Pyrrh. hyp. L. I. c. 33. f. 230. FARRIC. ad h. l.

²) Tusc. Qq. L. V. c. 30. vbi tamen Codd. quidam Dinomachus legunt.

³) Conf. REIMMANN. Hist. ath. c. XXXIII. §. 5. p. 172.

⁴) Adu. Rhetor. f. 20.

⁵) STOBÆVS Serm. CCXII. p. 715.

⁶) SEXT. EMPIR. Pyrrh. hyp. L. I. c. 33. f. 220. EVSEB. Praep. Eu. L. XIV. c. 9. p. 726.

⁷) C I C E R O de Orat. L. III. c. 16. Acad. Qq. L. IV. c. 6. Numenius apud EVSEBIUM l. c.

Olymp. CLXX. successit, si temporum rationes supra in Carneadis vita initas sequamur. A. V. C. DCLXII. iam celebrem fuisse ex CICERONIS *de Oratore* disputatione liquet, et A. V. C. DCLXV. bello Mithridatico profugum Cicero Romae audiuit: quae circumstantiae non parum eam sententiam iuuant, quae A. V. C. DCLIII. Philonem Academiae cathedrae admotum statuit^a. Is tanta eruditione, eloquentia morumque elegancia fuit, ut eum Romani super omnes Clitomachi discipulos admirarentur^b, quae causa quoque fuit, ut positis doctrinae rudimentis Cicero illum philosophantem audiret^c. Mirum itaque non est, quod tradit CICERO^d, viuo eo patrocinium Academiae non defuisse; nam alio tempore rhetorum praecepta, alio philosophorum tradere illi institutum erat^e. Etsi vero negauit ipse, duas Academias esse, erroremque eorum, qui ita putarent, coargueret^f; visus tamen est nonnullis aliter de incertitudine et cohibendo assensu docuisse, quam, qui ante eum scholam in Academia tenebant, et, quod AVGVSTINVS^g, ait, ad primam Academiam propius accessisse. Quod ut curatius cognoscatur, ex SEXTO EMPIRICO^h tenendum, dixisse Philonem: quantum ad Stoicum criterium, id est, phantasiā comprehensiuam, res esse incomprehensibiles, quantum autem ad naturam rerum, comprehensibiles. Statuebant enim Stoici: criterium, siue, ut Ciceronis ore loquamur, iudicium cogniti et incogniti esse τὴν καταληπτικὴν φαντασίανⁱ, unde alio loco CICERO^k; eum ita negasse, quod quicquam comprehendi posset, si illud esset, quod Zeno definiret. Plures vero Philones, philosophi quoque, cum fuerint^l, noster cum aliis, quod viris doctis accidit^m, confundendus non est. Contubernalem habuit CHARMIDAM, quem cum Philone eo tempore exornasse Academiam, veteres tradunt, quemque in vno alteroue Ciceronis loco pro Carneade ponendum esse, acute vidit IONSIVSⁿ. Laudatur is, propter memoriae fidelitatem, artificio plurima, quae legerat, comprehendentem^o. Fuisse vero, Academicos hos diligentes quoque et acutos in philosophia morali, egregius Philonis locus, quem seruauit nobis STOBAEVS^p suadet, qui cum longior sit, quam ut hic locum capiat, omnino ipse legendus est. Eo vero tendunt omnia: philosophum medico similem esse, ut scilicet primum curationem aegroto persua-
deat,

Charmidas.

a) IONSIVS de Script. hist. philos. Lib. II. c. 14. p. 185 seq.

b) PLVT. in vita Ciceron. T. VI. p. m. 18.

c) PLVT. l. c. CICERO ad famil. L. XIII. ep. I. L. IX. ep. 8. eius itaque a partibus stetit in Quaestionibus Academicis. conf. de N. D. L. I. c. 3.

d) IDEM Qq. Acad. L. IV. c. 6.

e) IDEM Tusc. Qq. L. II. c. 3.

f) IDEM Acad. Qq. L. I. c. 4.

g) Adu. Academ. L. III. c. 18. ubi eum vocat hominem circumspectissimum, qui ad Platonis auctoritatem Academiam, legesque reuocare aduersarios cedentes iam coeperit.

h) loc. cit. f. 235.

i) LAERT. L. VII. f. 54.

k) loc. cit. L. IV. c. 4.

l) Catalogum eorum habes apud IONSIUM de

Script. philos. L. III. c. 4. p. 221 seq. et FABRICIUM Bibl. Gr. Vol. III. p. 118 seqq.

m) Confundit nostrum cum Philone dialectico ALDOBRAND. ad LAERT. L. VII. f. 16. et STANLEIUS quoque Hist. phil. P. IV. p. 409. Quae enim SEXT. EMP. Pyrrh. hyp. L. II. f. 220. Adu. Math. L. VIII. f. 113. de Philonis opinione circa propositiones complexas s. conditionatas habet, ad hunc Dialecticum Stoicumque, non ad Academicum referenda sunt. Conf. FABRIC. ad h. l.

n) loc. cit. p. 185.

o) Tusc. Qq. L. I. collato PLINIO Hist. nat. L. X. c. 16.

p) Serm. CCXII. p. 715. Reuocauit hanc philosophandi methodum nostra aetate VINCENTIUS PLACCIVS, et imprimis IO. FRANC. BVDDEVS.

deat, tum vero adhibeat partim sublati morborum causis, partim sanitatis efficientibus substitutis: Ita eum hominem ad virtutem incitare, et calumniantes refellere; tum vero falsas opiniones tollere, quibus animae iudicium inficitur, verasque substituere: tertio, ut medicus ad sanitatem, sic omnia referre ad beatitudinem; quarto, ut medicus praecepta tuendae sanitatis tradit, ita philosophum vitae praecepta exponere, quibus opus est ad finem conseruandum; quae vel ad vitam communem vel ad civilem referenda sunt.

§. X. Philonis discipulus fuit ANTIOCHVS ASCALONITA, ab Academiae placitis ita recedens, ut quinta inde Academiae facies SEXTO EMPIRICO ¹ memoretur. Alia is enim incedendum via ratus, non ad oppugnandas, sed conciliandas inter se et cum Academia sectas reliquas animum applicuit ², et a Carneadis sententia deficiens vel sensum euidencia, vel ut visum quibusdam ambitione ductus atque aemulatione Clitomachi et Philonis discipulorum, vel etiam praeceptis magistri Stoici Mnesarchi, quem diligenter audiuit ³, Stoicam sectam in Academiam transtulit; unde dictum: ipsum in Academia philosophari Stoico more ⁴; et a CICERONE ⁵: quamuis Academicus appellaretur, tamen, si per pauca mutauisset, germanissimum Stoicum fuisse. Quod ita intelligendum est: eum, relicta Arcehlai et Carneadis via, ad veterem, quod testatur CICERO ⁶, Academiam rediisse, et antiquorum sententiam diligentissime prosecutum fuisse ⁷: Aristotelem vero et Xenocratem secutum ⁸, Stoicos cum Peripateticis, hos cum Academia vetere concinere, verbis discrepare ⁹, qua de re librum eum ad Balbum misisse ait CICERO. Et haec causa quoque fuit, cur praeceptorem Philonem libro refelleret ¹⁰. Etsi vero ab Academicis, quibus fauebat quoque CICERO, doctrinae, quam is inuehebat, nouitas improbaretur, audiuit tamen eum CICERO, captus eloquentia eius et linguae volubilitate, et Lucullus quoque secum habuit, cum is in Alia Quaestorem, et post aliquot annos Imperatorem ageret. Fuisse enim acutissimum et politissimum suae memoriae philosophum, CICERO ¹¹ testatur: id quod Atticum quoque ei conciliauit.

§. XI. Est haec series et successio scholae Academiae ¹², a Platonis aetate ad Olymp. CLXXV. qua Antiochus Academiae praefuit: tum enim Academiae longo tempore florentis doctores tumultibus belli dissipati et in varias terras disiecti sunt: Academica vero philosophandi ratio, quam Romani Graeciae facti domini ibi didicerunt, Romain potissimum translata est, noua ibi fortuna usa. Quam quia una serie in altera historiae philosophicae periodo enarrare historiamque sectae Platonicae, per septem fere secula inter gentiles philosophos caput extollentis, condere ordo tractationis poscit, nihil in praesentia habemus, quod capiti huic addamus ¹³.

g) loc. cit.

r) PLVT. loc. cit.

s) Numen. apud EVSEB. l. c. conf. ARGVST. l. c.

t) SEXTVS l. c. f. 235. u) Acad. Qq. L. IV. c. 43.

x) lb. L. IV. c. 22. y) IDEM de fin. L. V. c. 3. 5.

z) lb. Ac. Qq. L. IV. c. 45. a) lb. de ND. L. I. c. 7.

b) IDEM Ac. Qq. L. IV. c. 4. c) PLVT. l. c.

d) CICERO l. c. L. IV. c. 35.

e) Aliter paulo ordinat successionem Academiae

SVIDAS T. III. v. Platon p. 124. qui ita philosophos secutos esse ait: Plato, Speusippus, Xenocrates, Polemo, Crantor, Crates, Arcefilaus, Laertes, Euander, Hegesinus, Carneades, Harmadas (pro quo legendum Charmides) quae tamen non omnia accurata esse, ex dictis constat.

f) Conferendus interim HVERTVS de la foiblesse de l'Esprit humain L. I. ch. 14 seq.



CAPVT SEPTIMVM.

DE ARISTOTELE ET SECTA
PERIPATETICA.

SECTIO I.

DE ARISTOTELE EIVSQUE PHILOSOPHIA.

§. I.

Ordo tractationis.

Enarrauimus haecenus, quanta potuimus, diligentia historiam sectarum, quae ex Socratis institutione prodierunt; et imprimis Platonis scholam luculenta historiae face illustrauimus: restat, qui ex Academia prodicens considerandus nobis est, vnus Platonis discipulus, et ingenii acumine, et systematis philosophici noua excogitata facie, et famae per omnia fere ad nostra vsque tempora, secula immortalis celebritate reliquis notior, ARISTOTELES. Qui cum nouam sectam condendo, non a praeceptore tantum, sed et ab omnibus, qui ante eum floruerunt philosophis doctrina per totum philosophiae ambitum secessum facere constituisset, faciem quoque dogmatum philosophicorum mire innouauit, et affectas reliquit atque philosophorum genus, Peripateticos dictos, miris satis doctrinae successione ad patrum vsque nostrorum memoriam atque nostram etiam aetatem decurrentem, omniumque scientiarum circulis mire se implicantem. Quo cum factum sit, vt magnum in aliis quoque disciplinis momentum ea haberet, digna est cuius cum auctore historiam attento et praeiudiciis non occupato perlustremus oculo.

Scriptores de Aristotele.

§. II. Tanta vero fuit Aristotelis Stagiritae, inter multos alios, hoc nomine inter veteres non ignobiles passimque nominatos^a, existimatio, vt nulla fere aetate deessent, qui nobilissimi philosophi vitam atque historiam describerent. Ex veteribus quidem complures in hoc stadio cucurrerunt, quorum tamen ex parte scripta deperdita sunt, e. g. Apelliconis Teii, Hermippi etc.^b quae non moramur. Ex iis, quae ad nostra tempora durarunt, primus locus dandus est DIONYSIO HALICARNASSEO, nobili scriptori, qui in *epistola prima ad Ammaeum* sibi amicissimum, de *aetate scriptorum Demosthenis et Aristotelis* differens, et demonstraturus, Demosthenem artem rhetoricam non didicisse ex Aristotele, neque orationibus suis ad eius praecepta conformatis omnium oratorum praestantissimum euasisse, breue simul vitae Aristotelis compendium exhibuit, quod in Demosthenis

^a) Otto Aristoteles nominat LAERTIVS l. V. f. 35. viginri. et vnum IONSVS in diss. de histor. Peripatetica §. I. p. 402 seqq. quibus vndecim addit de Script. histor. philos. l. I. c. 12.

p. 60 seqq. quos repetit MENAGIVS ad loc. cit. Laërt.

^b) Prouocat ad eos LAERTIVS l. c. enumerat vero IONSVS l. c. passim.

mosthenis et Aristotelis operibus hodie legitur ^c. Post Dionysium proximus debetur locus DIOGENI LAERTIO, qui more suo ex plurimis veterum commentariis Aristotelis vitam consarcinavit ^d. Post hunc ex secta eclecticorum aliquis, quem alii AMMONIVM HERMEAE esse volunt, alii IOANNEM PHILOPONVM in *prolegomenis commentarii in categorias* vitam Aristotelis enarravit ^e, quae eius operibus plerumque praefigi solet. Ab hoc pleraque desumpsit, suisque auxit ANONYMVS scriptor vitae Aristotelis, quam *Latinae Operum Aristotelis versioni* ^f praefixam iterum edidit, et eruditas notas adiecit PETRVS IOANNES NVNNESIVS, suffixam *Institutionibus philosophiae Peripateticae*, auctamque oratione *de causis obscuritatis Aristotelis eiusque remediis* ^g. Praeter hos ANONYMVS quoque Graecus vitam Aristotelis exposuit, quem diu in bibliothecarum forulis latentem, passimque viris doctis laudatum in lucem protraxit, et *Commentariis in Diogenem Laërtium* inseruit AEGIDIUS MENAGIVS ^h. Taceamus SVIDAM ⁱ et HESYCHIVM illustrem qui vitam huius philosophi non praetermiserunt; illi enim veteres ante se et Suidas quidem Anonymum Graecum exscripserunt. Ex recentioribus multi enarrandi essent, si id ageremus, qui biographiam celeberrimi viri nobis dederunt, qua in re IO. BAPT. GVARINI Veronensis ^k, PETRI ARETINI ^l, HIERONYMI GEMVSAEI ^m, PHILIPPI MELANCHTHONIS ⁿ, IO. IAC. BEVRERI ^o, aliorumque minorum gentium hominum ^p diligentia laudari solet. Memorari tamen prae reliquis merentur ANDREAS SCHOTTVS, ex societatis Iesu theologis vir celeberrimus, et FRANCISCVS PATRICIVS. SCHOTTVS enim *Aristotelis ac Demosthenis vitas comparatas Olympiadibus ac praeturis Atheniensium digestas* ^q diligenter enarravit, temporisque eiusdem rebus gestis Philippi et Alexandri regum illustravit, et ad temporum quoque rationes accurate respexit, ficque et Demosthenis et Aristotelis historiae amplissimam lucem accendit, dignus, qui frequentius occurrente editione diligentius legi posset. PATRICIVS vero, dum Platonis causam contra Aristotelem integro eoque eruditissimo commentario, quem *discussionum Peripateticarum* titulo ornauit, agit, tomo primo prolixè libris

c) Post Graecam H. STEPHANI editionem, Latinam versionem dedit H. WOLFIVS inter Opera Demosthenis repetitam in Opp. Aristotelis cura Is. CASAVBONI in fronte Tomi primi ANDREAE vero SCHOTTI versio, extat in editione operum Dionysii Sylburgiana et Hudsoniana.

d) L. V. praefixit eam Opp. Aristotelis Is. CASAVBONVS, cuius commentatores simul consulendi sunt.

e) Conf. FABRICIVS Bibl. Graec. Vol. IV. p. 163.

f) Venet. 1496. fol. conf. FABRIC. loc. cit. Vol. II. p. 174.

g) Recudi fecit hanc Syllogen L. HOLSTENIVS Lugd. Bat. 1621. quae editio repetita est Helmetadii 1667. 4.

h) p. 201. ed. Wersten.

i) T. I. Aristotelis p. 327.

k) Vita Aristotelis.

l) Vita Aristotelis.

m) De vita Aristotelis, eiusque operum censura.

n) Orat. de Aristotele T. III. Declam. p. 339 seqq.

o) De vita Aristotelis Basl. 1581. 8.

p) Pertinent huc carmen antiquum et insulsum de vita et morte Aristotelis, quod exhibetur Aët. Philos. Vol. III. p. 345 seqq. et MELCH. WEINRICHII Oratio apologetica pro Aristotele, aduersus calumnias et criminationes, Francisci Patricii Lipsi. 1611. 4. de quo schediasmate curatius diximus in Germanico Hist. Phil. opere T. II. p. 977 seqq. quae, si tanti videbuntur, consulenda sunt.

q) Aug. Vind. 1603. 4. ad insigne pinus, literis Magni Welferi, cui inscriptus est liber.

libris tredecim de Aristotelis vita, moribus, libris, auditoribus, sectatoribus, expolitoribus, interpretibus, sectis, philosophandi ratione egit ^r, sicque iudice CONRINGIO ^s de historia philosophiae Peripateticae egregie meruit, licet eam, qua posset, ratione proscinderet ^t. Quod si licuisset IOANNI IONSIO diligentissimo in historia literaria veterum scrutanda viro, quam susceperat, *historiae Peripateticae* telam pertexere, dubium non est, quin reliquorum diligentiam superauisset. Eripuerunt vero praematura virum doctissimum fata humanis rebus, cum vnam tantum ex iis, quas meditabatur, dissertationem conscripisset ^u: Addi ex nostrae aetatis viris celeberrimis iure suo debent RAPINVS ^x et BAYLIVS ^y. Nos horum virorum celeberrimorum industriam non contemnemus, ubique tamen ad veros historiae Peripateticae fontes respiciemus, fidemque testium sine praeiudicio examinabimus.

*Aristotelis
natiuitas,
educatio,
studia.*

§. III. Natus est Aristoteles Stagirae ^z, Thraciae vrbe ^a, in litore sinus Strymonici, quod flumen Thraciam et Macedoniam inter se distinguit. A Philippo vero Macedone limitibus patrii regni extensis, Macedoniae adiecta, coloniisque Graecorum occupata ^b, Graecam Aristoteli patriam prae-buit. Audiendi itaque non sunt, qui Thracem faciunt, cum ante Aristotelis tempora Graecorum vrbibus adnumerata fuerit ^c. Parente genitus est Nicomacho, qui genus a Nicomacho, Machaonis filio, Aesculapii nepote deriuauit ^d: qui cum artem salutarem more Graecorum a maioribus accepisset ^e, eam quoque haud infeliciter exercuit, eaque se Philippi patri, Amyntae regi ita commendauit, vt non tantum tuendam sanitatem ei crederet, sed inter familiares quoque numeraret: Quemadmodum et inter medicos scriptis nomen meruisse veteres testantur ^f. Matrem Aristotelis Phaestiada, alii Phaestida appellant, quam et ipsam genus ab Aesculapio duxisse tradit AMMONIVS: DIONYSIVS tamen HALICARNASSENSIS Chalciden-

^r) Vtinur editione Basileensi 1571. fol.

^s) In epist. ad Rachelium.

^t) Nihil itaque a Patricio accipiendum, nisi quod testimonio fide digno munitum sit, secus ac factum in Obs. Hal. T. III. obs. 10. vbi Patricium auctor sine examine sequitur.

^u) Eam, cum disparuisset, laudabili consilio iunxit LAVNOIO de varia fortuna Aristotelis in Acad. Paris. B. HERM. AB ELSWICH.

^x) Comparaison de Platon et d'Aristote, vnde sua desumit MORERIVS.

^y) Dict. T. I. art. Aristote. Laudantur etiam GROTTIO ep. 358. H. CONRINGII Orationes de Aristotele eiusque philosophia, aliaque eiusdem argumenti IOH. BARTH. NIEMEIERI, quas non vidimus. Quae STANLEIVS habet Hist. phil. P. V. p. 410 seqq. pleraque ex SCHOTTO excerpta sunt. Iudaeorum insulas de Aristotele narrationes lege et explode apud cel. I. C. WOLF. Bibl. Hebr. P. I. p. 217. 385. et BASNAGE Hist. des Juifs Tom. III. ch. 7. §. 14. et quos infra nominabimus.

^z) LAERT. L. V. f. I.

^a) HERODOT. Polymn. p. 265. THUCYD. L. IV. V. PAVSAN. Eliac. p. 462. conf. SCHOTTVS l. c. p. 4. NVNNESIVS l. c. p. 24. SVIDAS l. c.

^b) IVSTINVS L. IIX. c. 3.

^c) Inclinat hanc in partem STANLEIVS l. c. sed male, vt ex adductis patet rationibus, quas pluribus exponit VOSSIVS de sectis c. XVII. §. I. p. 81. Colonia enim Graeca fuit.

^d) LAERTIVS, AMMONIVS, et ex his recentiores, NVNNESIVS, SCHOTTVS ll. cc.

^e) Hinc *ἰατρὸν παῖδες*, videndus vero de Nicomacho Aristotelis patre, Medico SVIDAS T. II. art. Nicomachus p. 624. alique veterum laudari SCHOTTO l. c. add. doctissimi historiae medicae scriptores DAN. CLERICVS Hist. Med. P. I. L. IV. c. 3. p. 267. IO. HENR. SCHVLZ. Hist. med. Per. I. Sect. 3. c. 6. §. 19. p. 313.

^f) SVIDAS l. c. Distinguit tamen hunc Nicomachum stagiritem, PAVSANIAE quoque in Mefseniacis memoratum, ab Aristotelis patre et filio Nicomachis FABRICIVS Bibl. Graec. Vol. XIII. p. 348. eundem putat SCHOTTVS et quieum semper fere sequitur STANLEIVS ll. cc.

cidentis feminae filium facit, ex colonia Chalcide Stagiram deducta^g. Natus vero est Aristoteles iuxta Apollodorum aliosque veteres Ol. XCIX. I.^h XLIV. post natum Platonem annoⁱ, ubi tamen AMMONIVS et SVIDAS XLII. ponunt^k. Parentibus Nicomacho et Phaestiade vita functis a Proxeno quodam Atarnensi est educatus, et mature liberalibus artibus innutritus^l, qua in re AMMONIVS ad scripta eius, quae ad rem poëticam et poëtas spectant, itemque ad quaestiones Homericas et libros rhetoricos prouocat, quae scripta tamen anno aetatis XIV. confecisse, quod inde elicit SCHOTTVS^m, nec Ammonius dicitⁿ, nec probabile est, tam maturi iudicii foetus adolescentem Aristotelem produxisse. Grato semper agnouit hanc gratiam a Proxeno exhibitam animo Aristoteles, et memoriam eius postea statuis honorauit, filiumque eius Nicanorem liberalibus artibus instruxit, adoptauit et haeredem scripsit^o. Qua ratione vero adolescentiae annos ab eo tempore, donec ad Platonem concederet, exegerit, varie tradunt veteres. Refert enim ATHENAEVS^p, ad Epicuri quandam epistolam prouocans, et AELIANVS^q Aristotelem iuuenem patriis facultatibus, quas largas accepisset, abliguritis, militiam fuisse secutum, eaque parum illi feliciter cedente pharmacopolam egisse; forte fortuna vero in Peripatum venientem auditis docentium sermonibus philosophiae se tradidisse; quod pro certo admittit PATRICIVS^r, vt habeat, quibus Aristoteli obtrectetur. Negant vero id, qui Aristoteli bene cupiunt, auctoritatem Epicuri et Athenaei, philosophorum famae more suo detrahentium eleuantes et ad AMMONIVM prouocant, testantem oraculo Pythico monitum, vt philosophiae se dederet, ad Platonem venisse^s. Nec hic certi quid definiri potest, rationibus valde ambiguis^t; neque tamen, si etiam pro verisimili admittatur, Aristoteli obiici magis potest, quam Polemoni, cui summae laudi ducitur, quod ex luxu ad modestiam et philosophiam transiuerit. Illud dubio caret, eum anno aetatis XVII. Olymp. CIII. I.^u Athenas venisse, et dedisse se in disciplinam Platoni. Qui enim cum AMMONIO et OLYMPIODORO^x eum Socratis discipulum vocant^y, huncque tribus annis audiuisse perhibent, magna se ἀνισογενείας et soloecismi chronologici labe commaculant; Socratis enim mors, quae Ol. XCV. I. accidit, quindecim annis anteuertit natalem

Fff ff 2

lem

g) II. cc.

h) LAERT. L. V. f. 9. DION. HAL. l. c.

i) ATHENAEVS L. V. p. 217.

k) Causa discriminis in anno natiuitatis Platonis quaerenda. Annos Urbis caprae, quos notat GELLIVS XVII. 24. exigunt ad rationes chron. NVNNES. et SCHOTTVS l. c. p. 28.

l) AMMONIVS l. c. m) l. c. p. 20. 21.

n) Ammonius enim ideo tantum ad hos libros prouocat, quod in iis exercitatum studiis Aristotelem fuisse demonstrant. Solebant vero disciplinae encyclicae ante philosophiam disci: vnde recte infert Ammonius, quod isto tempore his se dederit artibus.

o) LAERT. L. V. f. 12 seq.

p) L. IIX. p. 354.

q) L. V. c. 9. add. Aristocles apud EVSEB. praep. L. XV.

r) loc. cit. p. 3.

s) SCHOTTVS l. c. p. 25.

t) Epicurum enim Aristotelis aemulum etsi veritatis amantem fidem non plane mereri comparatio temporum, quibus duae hae sectae emerere probat. Tutissimum igitur nihil definire, quod facit etiam BAYLE l. c. not. A.

u) LAERT. Lib. V. f. 6. DION. HAL. l. c. AMM. loc. cit.

x) PRAX. XLII. in Gorgiam Platonis.

y) BESSARIO contra calumn. Platonis et recentissima aetate AVCTOR hist. crit. phil. T. I. p. 366.

lem Aristotelis ^z. Adeo vero iudicii, quo pollebat acumine, et ingenii elegantia se Platoni commendauit, ut charissimus ei fieret, multumque ei diligentia et eruditio eius probaretur: estque auctor I. O. PHILOPONVS ^a, Platonem illum vocauisse *mentem scholae*, ipsoque abeunte clamauisse ^b: *intellectus abest, surdum est auditorium*: ingenii etiam eius feruorem atque alacritatem cum equo frenis cohibendo comparauisse, supra in Xenocrate diximus. His donis naturalibus accessit insatiabilis discendi ardor, et vastissima lectio, qua per omnes veterum libros curiosissime pererrabat ^c; unde domum eius, domum anagnostae Plato vocare solebat ^d. Tantisque is librorum heluo fuit, ut Speusippi aliquando libros tribus talentis emeret ^e, et si STRABONI ^f fides, primus bibliothecam construeret. Lectionis autem pene infinitae exempla plurima in scriptis eius exstant, quibus tot veterum opiniones obliuioni ereptas debemus, summa cum breuitate et iudicio, utinam etiam tanta fide, quanta eruditione, expositas. Viginti vero annos, usque ad mortem Platonis in eius institutione permansisse, ait AMMONIVS et Latinus vitae eius enarrator ^g, id est, ad annum aetatis XXXVII. tamque sancte tum quoque eius memoriam coluisse, ut amoris et honoris monumentum aram ei erexerit cum ista inscriptione:

Gratus Aristoteles struit hoc altare Platoni,

Quem turbare iniustae vel celebrare nefas ^h.

Addunt et alia amoris erga praeceptorem signa; conscriptam in eius laudem orationem ⁱ, atque epigramma, et quae huius generis sunt alia. Non reticendum tamen est, quod in contrarium quidam veteres tradunt ^k: Ortam fuisse maximam animorum dissensionem inter Platonem et Aristotelem, eo quod vitam huius atque corporis habitum et ornatum ille non probaret. Aristotelem enim et vestibibus et calceamentis pretiosioribus, et tonsura, quam Plato improbabat, annulisque se exornasse, vultuque cauillationem et irrisionem prae se tulisse, intempestiua vero loquacitate Platonem offendisse. Displicuisse itaque Platoni hominem, eique praeposuisse Xenocratem, Speusippum, Amiclam, et alios, quos tum honoribus prosequeretur, tum disputationum suarum participes esse pateretur. Quum vero quodam tempore Xenocrates in patriam iter suscepisset, Aristotelem cum discipulorum suorum caterua ad Patonem adiisse, apud quem Speusippus morbo laborans non aderat: Platonem LXXX. annum agentem memoriae fere destitutum fuisse, Aristotelem itaque eum sophisticis quaestionibus

^z) Reiecerunt itaque fabulam praeter LEON. ARETINVM, et OCT. FERRARIVM laudatos SCHOTTO l. c. p. 24. NVNNESIVS et VOSSIVS ll. cc. add. BAYLE l. c. not. D. praeter rationem itaque haeret PATRICIVS l. c.

^a) 'O vñs diatqibñs, PHILOP. de mundi aeternit.

^b) Vetus interpres apud NVNNES. l. c. p. 12.

^c) LAERT. l. X. f. 27. ^d) AMMONIVS l. c.

^e) GELLIVS N. A. L. III. c. 17.

^f) l. XIII. p. 609.

^g) Prouocat is ad Aristotelis epistolam ad Phi-

lippum. Consentunt DION. HALIC. Apollodorus apud LAERTIVM l. V. f. 9.

^h) AMMONIVS l. c.

ⁱ) OLYMPIODORVS l. c. NVNNESIVS l. c. p. 64. Ceterum refert ATHENAEVS l. VIII. p. 354. et AELIANVS l. IX. c. 22. eum, donec in conuictu Platonis esset, medicinam exercuisse, atque in taberna medicamenta vendidisse, id veronec cum contentione studiorum Aristotelis conuenit, et relucit atque refutat Aristocles apud EVSEB. praep. l. XV. c. 2. ^k) AELIAN. l. III. c. 19.

bus ex infidiis adorientem, magnaue cum ambitione quaestiones nectentem, ingratum se praebuisse. Platonem itaque decessisse ex Peripato, et domi priuatim cum familiaribus discurrisse. Exactis tribus mensibus Xenocratem ex peregrinatione reducem inuenisse Aristotelem in loco Platonis, causamque absentiae rogantem responsum tulisse, Aristotelem eum ex Peripato expulisse. Xenocratem itaque Platonem accedentem eum cum viris summae existimationis differentem inuenisse, et humaniter salutasse, nullum tamen hac de re verbum cum illo collocutum, sed collectis commilitonibus suis vehementer obiurgauisse Speusippum, quod Aristoteli cecisset ex Peripato; maximisque contra Aristotelem viribus pugnauisse, eoque contentionis progressum esse, ut eum eiiceret, et Platonem in consuetum locum restitueret. Adiciunt alii ^l, Platonem, eo quod se superstite scholam ei aduersam in Lyceo erexerit, aegerrime id ferentem dixisse: Aristoteles in nos haut secus, ac in matres equorum pulli, recalcitrauit, eamque ob causam pullum plerumque Aristotelem appellasse. Multum haec narratio placet PATRICIO ^m aliisque ⁿ, qui eius in premendo dictis Aristotele, vestigiis insistant, si tamen verum fatendum est, sine magna veri specie. Refert enim Aristocles apud EVSEBIUM ^o, totius auctorem narrationis fuisse Aristoxenum: de eo vero SVIDAS ^p tradit, eum statim, postquam viuis excessisset Aristoteles, varias ei calumnias aspersisse, vindictae actum studio, quod ei Theophrastum praetulisset Aristoteles, quem scholae praeficeret, quamuis magna iam inter discipulos auctoritate et fama is uti coepisset. Fide itaque testis labante, quid de ista narratione statuendum sit, facile colligi potest. Nec male monet AMMONIUS ^q, verisimile haut esse, potuisse Aristotelem magistrum scholae eiicere, vel nouam, eo viuo, condere, cum magna ea aetate Chabriae atque Timothei extiterit auctoritas, qui imperatores Atheniensium sanguine Platoni iuncti, tantam iniuriam a viro iuvene non passi fuissent. Adiciunt his alii ^r, non parcere tantum Aristotelem Platonis nomini refutando, sed ter quoque perhonorificam eius facere mentionem. Nec dissensus scholae eius a Platone vrgeri potest. Ut enim taceamus, quod regerit AMMONIUS, Aristotelem pari iure gauisum, potiore veritatis curam habuisse omni amicitia; demonstrari non potest, Aristotelem viuo praeceptore nouum systema condidisse. Quod si coniecturis locus est, probabile est, aemulationem, quam inter Isocratem vel Xenocratem et Aristotelem intercessisse LAERTIUS ^s et CICERO ^t referunt, occasionem fabulae struendae subministrasse. Quod si concedamus, quod a iuvene feruidi ingenii summaeque alacritatis, freno quasi coercendae facile expectari potest, licentius interdum contra praeceptorem disputasse, quam Plato, cui Pythagoreorum αὐτὸς ἐφ' ὅρα tantopere placuit, ferre potuit,

F f f f f 3

et

D) IDEM L. V. c. 9. LAERT. L. V. f. 2.

m) loc. cit. p. 3.

n) Obieru. Halens. T. VIII. obs. 10. p. 230.

o) Praep. L. XV. c. 2.

p) T. I. v. Aristoxenus p. 327.

q) loc. cit.

r) FORT. LICET. de piet. Arist. conf. SCHOTTUS l. c. p. 74 seq.

s) L. V. f. 3.

t) De Orat. L. III.

et ita indignationem praeceptoris meruisse: nihil tamen hoc lucrabitur fabulae omni verisimilitudine destitutae, vnde recte ea relucitur. Noster est hac in re P. BAYLE ^u.

Comiectus
Hermias.

§. IV. Platoni Ol. CVIII. i. vita functo cum successisset Speusippus, vt supra demonstratum est, grauiter id ferens Aristoteles Athenas relinquendi consilio capto ad Hermiam eunuchum, Atarnensium in Myfia tyrannum, qui eius antea apud Platonem condiscipulus fuit, se contulit ^x, quocum amicitiam prius cum Athenis simul essent, inierat. Excepit eum Hermias non sine magna honoris et beneuolentiae testificatione, et hospitium aliaque amicitiae beneficia lubens ei exhibuit; Aristoteles autem, qui magno eum amore erat complexus, triennii spatio quod apud eum exegit, philosophiae praeceptis eum imbuuit. Aegerrime itaque ferebat, quod tertio anno ad finem vergente accidisse STRABO ^y auctor est, cum victus a Memnone Rhodio Hermias ad Artaxerxem Persarum regem mitteretur, a quo capitis supplicio affectus est ^z. Nam et hymnum in virtutem scripsit, vt illius amici sui memoriam celebraret, quo integritatem, virtutem, hospitalitatem eius laudibus extollit; eique in Delphico templo statuam posuit ^a, et Pythiada, (quam filiam eius fuisse LAERTIVS et post eum ANONYMVS apud MENAGIVM atque SVIDAS ^b aiunt, rectius autem vel adoptiua habetur, vt AVCTOR Etymologici, et alio loco ipse SVIDAS ^c habet, vel ἀδελφιδή, siue ex fratre filia intelligitur) commendatissimae virtutis feminam, quam liberis destitutus Hermias haeredem scripserat ^d, his illius fatis in summis angustiis constitutam pia amici optimi memoria, vt ipse scribit in *epistola ad Antipatrum* ^e, in uxorem duxit, et eam integerrime amauit. Magnum vero hic quoque campum inueniunt ^f Aristotelis obtrectatores, vitam moresque eius accusandi. Amicitiam enim arctissimam inter eum et Hermiam inhonesta causa nixam pudorem violasse contendunt, impietatisque eum coarguunt, quod non paeane tantum, tanquam deum, Hermiam celebrauerit, sed et tam infano in Pythiada amore fuerit, vt eodem ritu, quo Eleusinae Cereri Athenienses, sacra ei fecerit, quod viua ea fecisse, quidam tradunt, alii, et in his Lyco, primus calumniae auctor, mortuae ei honorem hunc habitum fuisse asserunt. Facile tamen calumniam palpant, qui sine odio et praeiudicio rem examinant. Qui enim castitatem Aristotelis impuro Hermiae amore pollutam criminantur, non cogitant, illum eunuchum fuisse, scelusque hoc fidem in eo aegre inuenire. Nec ex carmine in amici obitum impietatis conuinci potest, non enim paeana fuisse, quales in laudes Deorum tan-

^x) l. c. not. E.

^y) LAERT. l. c. f. 4.

^z) T. I. v. Hermias p. 859. quam Suidae instantiam nemo miretur, solet enim veteres sine iudicio et memoria exscribere.

^a) L. XIII. p. 610. Infidiis circumuentum fuisse a Memnone Hermiam, ex inscriptione statuæ, quam ei posuit Aristoteles, apud EVSEBIVM Praep. L. XV. c. 2. colligere est.

^d) Demetrius Magnes apud LAERT. l. c. Prima opinio eo refutatur, quod eunuchus Hermias fuerit; vnde et illi refutantur, qui pellicem eius fuisse dicunt, conf. SCHOTTVS.

^z) Ibid. male de hoc Hermia loquuntur ea, quae habet LAERTIVS L. V. f. 3.

^e) l. c. p. 80. apud EVSEBIVM l. c.

^a) Aristoteles apud EVSEBIVM l. c.

^f) Citati, vid. LAERT. l. c.

^b) ll. cc.

tantummodo canebantur, sed scholion, id est, conuiuiale canticum contra Demophili calumnias ipse, qui alias philosophis minime parcit, ATHE-
NAEVS^g demonstrauit. Nec, quae de culta Pythiade diuinis honoribus dicuntur, fidem merentur: qua ratione enim tam effrenis impietas, qua intolerabiliorem apud Athenienses non fuisse, ratio mysteriorum Cereris tam sancte cultorum testatur, Graecorum oculos et vindictam effugisset, et non Aristoteles tanquam laesae diuinae maiestatis reus fuisset damnatus^h? Nec improbi erga hanc feminam amoris accusari philosophus potest, qui non pellicem eam habuit, sed vxorem duxit, commiseratione miseriae eius commotus. Quae circumstantiae cum satis innocentiam Aristotelis vindicent, occasionem dedere Apelliconi Teio apologiam eius scribendiⁱ, ab Aristocle apud EVSEBIVM probatam. Historici itaque fidem violauit PATRICIVS^k, qui has calumnias recoxit, et lectori pro veris obtrusit: Indignum scilicet philosopho causam suam calumniis et obtrectionibus agere, cum nihil ad systematis alicuius veritatem vel falsitatem faciat auctoris vita, bene vel male acta, nisi in scelerum patrocinium rationibus pugnet; improbandusque mos illorum est, qui philosophiam Aristotelis refutari reiiciue non posse putant, nisi conuitiorum plaustra in virum de bonis artibus et scientiis egregie meritum coniecerint. Abiiciendae itaque ex Aristotelis historia istae fabulae, a Lycone et Aristippo, Aristotelis aduersariis ortae et excogitatae^l, vt, quem oderant, aegre ei facerent, memoriamque eius commacularent.

§. V. Hermia capto et suspendio necato Mitylenas profugit Aristoteles, quocum Xenocratem quoque quendam confugisse, STRABO^m auctor est. Factum hoc praetore Eubulo, Olymp. CVIII. 4. " Errat itaque STANLEIVSⁿ, qui hanc fugam omittit, quod facit etiam PATRICIVS, et hoc anno in aulam Macedoniae regis venisse contendit. Hoc enim et testimoniis DIONYSII HALICARNASSEI atque LAERTII^p contrarium est, et rationibus temporum chronologicis Apollodori, qui praetore Pythodoto Ol. CIX. 2. ad Philippum se contulisse, Alexandro XV. aetatis annum agente, scripsit. Cum enim Philippus filio alta iam tunc spiranti magnumque animum et consilia prodenti de praeceptore dispiceret, qui animum eius regno futuro aptum fingeret, Aristotelem delegit, et humanissima epistola^q in aulam vocauit, sperans, vti ipse scripsit, ita filium ab eo educatum iri, vt et parente et regno futuro dignus euaderet. Egre-
gie ibi rationibus ad quas vocatus erat, prospexit Aristoteles; cum enim non Platonis more scholae tantum mores suos finxisset, sed vitae quoque et
aulae,

*Mora in aula
Philippi et
Alexandri M.*

g) L. XV. p. 694.

h) conf. BAYLE l. c.

i) De Aristotelis et Hermiae familiaritate, teste Aristocle apud EVSEBIVM l. c. conf. IONSIVS de Scr. H. P. L. II. c. 15. p. 195.

k) l. c. p. 4. quem ideo amare satis castigat Is. CASAVBONVS ad LAERT. l. c. Non itaque sine examine sequi debuisset Patricium auctor Obs. X. T. III. Obs. Hal. p. 230. qui ideo Aristotelem atheismi practici insinulauit.

l) Aristocles l. c.

m) l. c. Xenocratem vero Platonicum fuisse credibile non est, cui cum Aristotele grauis intercessit aemulatio.

n) LAERT. DION. HALIC. II. cc.

o) l. c. p. 410. qui tamen ad Apollodorum prouocat, quem festinanter forte inspexit.

p) l. c. f. 10. conf. SCHOTTVS p. 86.

q) Seruauit eam GELLIVS L. IX. c. 3. conf. PLUTARCH. de fort. Alexandri Orat. I. T. II. p. 346 seq.

aulae, ita gratiam et beneuolentiam Philippi, et Olympiae meruit, ut summo apud eos loco esset, multisque atque magnis gratiae speciminibus eum complecterentur. Statuam ipsi poni iusserunt^r, immo ea Philippus in illum erat voluntate, ut non infimam ei partem in administrando consiliis eius regno concederet. Ceditque in laudem Aristotelis, quod vitae eius enarratores^s adiciunt, usum fuisse ea auctoritate Aristotelem tam ad priuatorum, quam ad publica emolumenta, qua in re ad Philippi epistolas prouocat Latinus AMMONII interpretes. Affertque exemplum PLVTARCHVS^t: Philippum precibus Aristotelis inductum Stagiram, patriam eius collapsam restaurasse, id quod alii^u tamen Alexandro tribuunt, conseruantque eius beneficii memoriam Stagiritae festo die in memoriam ciuis tam egregie de patria meriti, quem Aristotelem dixere^v. Philippus quoque Stagiritanis scholam et gymnasium Nymphaeum prope Miezam attribuisse^w, et Aristoteli permisisse dicitur, ut ciuibus suis leges poneret^x. Tantaque non beneuolentia tantum, sed et familiaritas inter Philippum Olympiamque et Aristotelem fuit, ut turpitudinis suspicionem vix effugeret, quo nomine Theodoritum Chium pupugisse Alexandrum refert PLVTARCHVS^y. Neque defuit officio suo Aristoteles, a quo maiora se beneficia, vel, quod ait PLVTARCHVS^z, maiorem ad rem gerendam commeatum, quam a Philippo patre se consecutum fuisse, fassus est Alexander. Huic enim debebat, quod pulcherrimis instructus rei gerendae consiliis in bellum profectus est, huic philosophiam debebat, qua animum sibi comparabat intrepidum, fortem, magnum, ad res omnes paratum; eumque, si vitam et res gestas magni regis intuearis, ita formauit, ut quod de moribus Aristoteles praecepit, ipse in vita factisque re ipsa maxime probaret, sicque Aristotelicis praeceptis formatus ad vniuersi orbis imperium grassaretur^a. Quanquam enim nimius in eo sit PLVTARCHVS, qui Alexandro M. Aristotelis opera philosophia imbuto inter philosophos purpuratos locum deberi contendit^b, fatendum tamen est, naturam et ingenium Alexandri, accedente

^r) Lat. Interp. AMMONII p. 13.

^s) AMMONIUS l. c.

^t) loc. cit.

^u) PLINIUS L. VII. c. 19. AMMONIUS l. c. AELIAN. V. H. L. III. c. 17.

^v) AMMON. loc. cit.

^w) PLVT. loc. cit.

^x) LAERT. loc. cit.

^y) De exil. T. II. p. m. 524. quod ad Hermiae familiaritatem perperam retulit STANLEIUS l. c.

^z) De Alex. T. II. p. m. 346. Solebat vero dicere, a patre se habere, ut viueret, ab Aristotele vero, ut bene viueret.

^a) Prolixè in hanc virtutis Alexandri M. ab Aristotele formatae inuolam inquisuimus in meditatione philosophica de falsa virtute exemplo Alexandri M. illustrata, Ienae 1719. 4.

^b) Vrget imprimis PLVTARCHVS l. c. ut euincat, Alexandro M. philosophi nomen deberi: 1. Habuisse semper secum, et in deliciis Homerum,

ut philosophiae sibi auctor esset. 2. Nihil quidem de syllogismis et pronuntiatis scripsisse, neque ambulationem in Lyceo instituisse, sed scribendi munere sophistis relicto iis, quae dixit, quae egit, quae exsecutus est, philosophum ostendisse, feras gentes domuisse, virtutemque, et ut scelera exuerent, docuisse, Asiaticos ad literarum culturam traduxisse. 3. Legibus totam fere Asiam instruxisse, victosque coegisse feliciter viuere. 4. Zenonis rempublicam maxime laudatam, quam is tanquam somnium vel imaginem sibi formauit, re ipsa expressisse, et quos verbis non poterat, armis ad communitatem adigentem, omnes undique gentes in vnum corpus conduxisse, patriam in unum fecisse, communibus amicitiae et necessitatis vinculis iunxisse. Addit his alia leuiora apud ipsum legenda: quae omnia ad rhetoricae artis regulas efficta orationem non inelegantem faciunt, rem non probant, a qua variata philosophi defi-

cedente eius fortuna, ita inter se iunctas fuisse Aristotelicae disciplinae institutione, ut eo peruenerit, quo paucissimis inter reges adspirare licuit: Vtrum autem vero consentaneum sit, quod PLUTARCHVS porro refert, Aristotelem non morum tantum, et reipublicae gerendae praecepta, sed et arcanam et epopticam, siue acroamaticam doctrinam, quam cum vulgo non communicabat, Alexandro tradidisse, dubitare licet, vixque credi potest, Aristotelem in moribus et prudentiae regulis quas aulae conditio praescribit, exercitissimum, ad subtilitates metaphysicas, quibus arcana ista doctrina constitit, iuuenem ad longe alia et maiora, non scholae sed vitae sceptroque, formandum manu quasi duxisse: nec admittendum quoque aliter est, quod **is** adiicit, medicam artem eum ab Aristotele fuisse edoctum. Quod si enim concedendum est, non igharum fuisse Alexandrum earum rerum, quae ad suam amicorumque suorum sanitatem reparandam et tuendam requirebantur, id tamen non ad quandam medicae artis scientiam, sed ad notitiam vulgarem et empiricam referendum, credendumque est, Aristotelem tantum de his rebus Alexandro tradidisse, quantum nosse iuuenis magnas res molientis intererat. Nec alio fine Homeri amorem ^e ei inspirasse probabile est, quam ut magnis exemplis ad paria audenda incitaretur ^f: quo et librum collineasse verisimile est, quem *de regno* ad Alexandrum scripsit Aristoteles ^g. Mortuo Olymp. CXI. 1. Pythodoto archonte, Philippo, filius eius successit Alexander, cuius animus maxima et insolita spirans, cum patrii regni limites tantae ferociae iuuenem non caperent, Asiaticam expeditionem molitus est. Quod consilium etsi non improbabile sit, Aristotelem probauisse, noluit tamen strepitum belli vir philosophicis meditationibus deditus, otiique literarii amans sequi, sed aulam, in qua per octo integros annos ^h versatus erat, reliquit, Athenasque commigravit, Callisthene Olynthio, agnato suo, apud eum relicto. Quod cum veteres vnanimi ore tradant, audiendus non est Latinus AMMONII interpret ⁱ, qui philosophum in Asiana expeditione cum Alexandro ad Indos profectum, Brachmanas conuenisse contendit. Neque tamen totus ab Alexandro discessit, sed quod ore nequibat, literis instituit, Alexandroque persuasit; ut ad naturam animalium pernoscendam, cui operi se accinxerat Aristoteles, sumtus vere regios faceret, quanquam nimia videantur esse, quae Aristotelicae vitae inter-

definitione multum recessit Plutarchus. Non enim hoc negabit quisquam Alexandri historiae gnarus, magnum non fortuna tantum sed ingenio quoque et prudentia civili fuisse hunc regem; sed hoc nondum philosophi ideam atque definitionem absoluit, et innumeros nobis fingeret philosophos. Pone M. Aurelium Antoninum purpuratum philosophum et cum Alexandro M. compara, et videbis, quam dissimilis philosopho hic fuerit.

e) Quanti Homerum fecerit Alexander historici passim narrant, quorum loca dat GISE. CUPERVS de Apotheosi Homeri. Aristotelem

exemplar eius a se emendatum tradidisse Alexandro PLUT. l. c. refert.

f) Ait ipse PLUT. l. c. Homerum ab eo vocatum optimum ad virtutem militarem exemplum.

g) LAERT. L. V. c. 22. AMMON. l. c.

h) Quinque tantum ponit IUSTINVS L. XII. c. 16 sed ut ex dictis apertum est perperam, Olymp. CIX. 2. enim a Philippo vocatus est. Olymp. CXI. 2. Athenas commigrat, conf. SCHOTTVS l. c. p. 111.

i) pag. 13.

interpretes tradunt. Qua de re ita PLINIVS^k: *Alexandro M. rege inflammato, cupidine animalium naturas cognoscendi, delegataque commentatione, Aristoteli summo in omni scientia viro, aliquot millia hominum, in totius Asiae Graeciaeque tractu parere iussa, omnium quos venatus, aucupia, piscatusque alebant, quibusque viuaria, armenta, aluearia, piscinae, auaria, in cura erant, ne quid usquam gentium ignoraretur ab eo, quos percontando, quinquaginta ferme voluminibus illa praeclara de animalibus condidit^l. Ex quibus manifestum quoque est, frustra eos esse, qui haec vel ad Philippum regem^m, vel cum SCHOTTOⁿ ad initia expeditionis Asiaticae referunt; iam enim plerasque Asiae gentes ab Alexandro subactas oportuit, cum ista praeciperentur. Certum tamen et hoc est, factum id esse, antequam Callisthenis imprudentia offensus Alexander Aristoteli quoque fauere desineret^o. Durante enim Asiatica expeditione adhuc ei fauisse, beneficia Stagiritis exhibita, commendationes Aristotelis magni factae^p, Erefusus Theophrasti patria direptioni et vastationi erepta, quod discipulus is Aristotelis esset, ab eo commendatus, et alia loquuntur. Callisthene vero imprudentius regi obloquente, etsi linguae periculum ei praedixisset Aristoteles^q, et in suspicionem insidiarum contra regis vitam adducto, misereque atque foede diu in ferrea cauea per varias gentes iactato, tandemque enecato^r, gratiam quoque regis decrecentem sensit Aristoteles. Cui ut aegre rex faceret, Xenocrati magnam pecuniae summam obtulit, quam tamen hunc non accepisse supra diximus, aliosque philosophos honoravit, ut eum deprimeret^s. Quod cum animum philosophi non sauciare non posset, occasionem quibusdam dedit suspicandi, quod Alexandri mortem Aristoteles curauerit^t, qui venenum, (aquam stygiam fuisse veterum quidam tradunt) in asini vngula repositum per Antipatrum Cassandro misisset, quo Alexander extinctus est. Qua traditione valde onerat Aristotelis memoriam PATRICIVS^u, qui haec extra dubitationis aleam posita esse putat. Nobis inimitius, immo contra fidei historicae regulas cum Aristotele hic agi, certum est. Qui enim Aristotelem in partes mortis Alexandri M. trahunt, ex eo potissimum argumentum sumunt, quod male conuenerit Aristoteli cum rege, venenique ratio, talis fuerit, quae a philosopho naturam rerum callente, potuerit excogitari. Ex eo vero, quam inepte concludatur, Aristotelem et mortem regis accelerasse, et veneni genus commendauisse atque misisse,*

k) Lib. VIII. c. 16.

l) Octingenta talenta, id est, computante BVDÆO de aëre L. II. c. 29. 480000. aureorum impendisse regem veteres tradunt.

m) AELIANVS var. Hist. L. IV. c. 19.

n) l. c. p. 110. ad Ol. CXI. 2. tum enim nondum tam ampla erat gaza regis, quae in immensum ex praeda Persica creuerat, neque tum Asiaticis quod ait Plinius, hanc rem imperare potuit.

o) Ita concidunt obiectiones, quibus totam

narrationem fabulis adscribit cl. SCHVLZ. Hist. medic. l. c. p. 358.

p) LAERT. L. V. f. 4. AMMON. l. c. AELIAN. L. III. c. 17. VAL. MAX. L. V. c. 6. nec a vero abludit et Philippum et Alexandrum Stagiritis propter Aristotelem fauisse.

q) LAERT. L. V. f. 5.

r) CVRTIVS L. VIII. c. 6. et Comment. ad h. l. LAERT. l. c.

s) Ibid.

t) PLVT. l. c.

u) loc. cit. p. 7.

se, vident, qui vel per transfennam ratiocinandi regulas inspexerunt. Euitum quoque atque certum statuunt, quod incertissimum adhuc est, Alexandrum veneno extinctum esse, cum alii non minoris fidei testes afferant, intemperantia sibi fata sua Alexandrum maturasse, et insolitis vini haustibus, quibus corporis vires pares haud erant, morbum praesentissimum concitauisse. Certe, cum dubia adhuc sit causa praematurae mortis magni regis, veteresque de ea tantopere dissideant, non iniustum tantum, sed et historiae legibus aduersum est, infamiae culpam in Aristotelem deuoluere, et cum Caracalla * insanire.

§. VI. Ex aula itaque Macedoniae regum Olymp. CXI. 2. vti dictum est, Athenas ad docendam philosophiam concessit Aristoteles, errantque et plerisque veterum testimoniis refutantur, qui cum Hermippo ^{Vita Athenis acta et schola aperta.} tradunt, Aristoteles cum Atheniensium ad Philippum legatus esset, Xenocratem Academiae praefuisse; reuersum vero cum scholam sub alio vidisset, elegisse in Lyceo deambulationis locum ibique deambulando docuisse, et Peripateticum inde dictum esse ². Ex dictis enim constat, post mortem Philippi demum Athenas rediisse, vbi Olymp. CX. 2. iam a Speusippo cathedram Xenocrates acceperat. Falsitatis etiam ex eadem temporum serie conuincitur, quod AMMONIVS ^a tradit, cum supremum diem Speusippus obiisset, Athenienses missis legatis Aristotelem ad se accersiuisse, atque ita Aristotelem et Xenocratem, illum in Lyceo, hunc in Academia Platonis successores factos esse: nam et ante fata sua scholam Speusippus Xenocrati cessit, et cum mereretur, Aristoteles adhuc apud Alexandrum fuit. Athenis itaque sede doctrinae atque scholae suae electis, in Lyceo ^b confedit, cum Academiam iam teneret Xenocrates, isque turpe sibi putaret inter hos filere ^c, qui regium iuuenem iam instituiisset. Vt itaque nouam sectam conderet, et Academicae se opponeret, diuersam a Platone philosophiam docere instituit. Ibi cum deambulando vsque ad horam, qua Graeci inungi solebant, quod ordinarie ante coenam fiebat, doceret, et de philosophicis rebus differeret apud omnes, qui ad ipsum accederent, Peripateticus ^d dictus est ^e, quanquam et Plato iam illam deambulationem instituit ^f, et Aristoteles in frequenti auditorio sedens quoque docuit ^f. Alii Peripate-

Ggg gg 2

ticum

* Videndi, qui veterum narrationes de morte Alexandri collegerunt SCHOTTVS l. c. p. 128. et PAVLVS RABE diss. de morte regis Alexandri, Regiom. 1692.

x) Eum ideo, quod Aristotelem necis huius suspectum credebatur, libros eius iussisse cremari refert XIPHILIN. in Caracalla p. 329 seq.

y) Apud LAERT. L. V. f. 3.

z) CICERO de orat. L. III. c. 35. et QUINTIL. Instit. orat. L. III. c. 1. de Isocrate tradunt hanc aemulationem Aristotelis ortam esse.

a) l. c. qui sibi ipse contradicit. Ait enim mortuo rege Alexandro ex Perside Athenas concessisse, ast prius dixerat, Speusippo successisse: is vero OL. CX. 2. schola decedit, Alexander OL. CXIV. 1. moritur. conf. PATRICIVS l. c. p. 6.

b) Fuit Lyceum locus in suburbio Athenarum, a Pericle conditus, vbi noui milites a Polemarchis bellicis artibus instruebantur et exercebantur. Templum ibi erat Apollini Lycio dicatum, vnde nomen locus accepit. Ambulacris, fontibus, arboribusque confusus iucundam faciem praebuit. Plura dabit SVIDAS Tom. II. v. Lyceum p. 467. Reuerendissimus POTTERVS Arch. Graec. L. I. c. 8. p. 33. B. IO. ANDR. SCHMIDIVS diss. de Gymnasiis literar. Athen. p. 36 seqq.

c) LAERT. l. c. f. 3.

d) LAERT. L. V. f. 2.

e) AELIAN. L. I. c. 19. LAERT. L. III. f. 11. IONSIIVS diss. de hist. Peripat. p. 419.

f) LAERT. l. c.

ticum dictum ex eo ferunt, quod cum Alexandro ex morbo nuper conualescente ita deambulando de rebus philosophicis differuerit. Alii alias nominis huius rationes afferunt, quas ita conciliare licet, ut sumpta prius a deambulatione appellationis occasione Peripatetici eius discipuli dicti fuerint, quasi disputantes vel differentes, licet non semper deambulauerint.

Peripateticum nomen.

Hinc, unde Aristotelis schola Peripateticorum nomen acceperit, magnus inter veteres et recentiores dissensus est. LAERTIUS quae tradit nec clara satis sunt, nec similia vero; plerique Hermippi sententiam sequuntur, tradentis, elegisse Aristotelem in Lyceo deambulationis locum, illicque usque ad certum temporis spatium deambulando cum discipulis philosophari solitum, atque inde Peripateticum dictum fuisse. Quibus tamen opponunt alii, Platonem quoque deambulando docuisse, qui tamen Peripateticus dictus haut est, quod enim AMMONIUS^g ait, Academicos quoque Peripateticos dictos fuisse, fundamento caret. Affinis huic est CICERONIS^h sententia, ideo Peripateticos dictos esse asserentis, quia disputabant inambulantes in Lycio, cui tamen idem mos a sectis aliis obseruatus obstat, qui tamen ideo Peripatetici dicti non sunt. IONSIUS, ut erat in antiquitatis historia versatissimusⁱ, acute collegit, nomen a loco sectae adhaesisse, nempe a Peripato siue ambulacro in Lyceo, in quo Aristoteles docebat, quemadmodum Academici ab Academia, Stoici a Stoa siue porticu variegata, Cynici a Cynosarge denominati sunt: quam opinionem praeter alios suam fecit MENAGIUS^k. Etsi vero ingeniosa est, haec nominis illius explicatio, recte tamen opponitur ei, quod vir summus IO. FRID. GRONOVIVS^l obseruat, nomen hoc quidem vindicatum et additum περιπάτω siue ambulacro Lycei Gymnasii ab Aristotele Athenis et in Aristoteleorum familia κατ' ἐξοχὴν haesisse, sed tamen multis quoque aliis, et quidem ante hunc Nicomachi filium placuisse hunc morem, non tam discipulos, quam sectatores habendi et inter ambulandum differendi: hincque factum esse, ut vox περίπατος diceretur Graecis pro eo ipso, quod est ἀκρόασις ὁμιλία disputatio, lectio, schola, pro eo quod in περιπατοῖς faciebant: quod exemplis quoque probat, περίπατον idem dicere ac disputationem, vel diatribam, qua voce utitur GELLIUS^m. Unde nomen quoque Peripateticorum in Cebete esse celeberrimo FEURLINOⁿ placuit. Accedit quod non Peripatetici sed Peripatici ita dicendi fuissent. Omnium itaque probabilissima est sententia eruditissimi HEVMANNI^o, qui varias περιπάτης significationes in vno Peripateticorum nomine confluisse statuit, et testimoniis quoque veterum probat, Peripatum Lycei κατ' ἐξοχὴν ita dictum fuisse, quique ibi docebant, οἱ ἐκ τῆς περιπάτης, ut pluribus demonstratum IONSIUS^p. Aristotelem vero lectiones suas deambulationes vocauisse, uti supra ex

GEL-

^g) Comm. in prooem. Porphyrii sub fin.

^h) Acad. Quaest. L. I. c. 4.

ⁱ) Diff. I. de hist. Peripatetica.

^k) Ad LAERT. L. V. c. 2.

^l) In exerc. Acad. de museo Alexandrino, T. VIII. Antiqq. Graec. a filio collectarum.

^m) Lib. I. c. 26. L. XVII. c. 20.

ⁿ) Misc. Lipf. T. III. obs. LV. §. 7. p. 39 seq.

^o) Act. Phil. Vol. II. p. 376 seqq. ^p) loc. cit.

GELLIO demonstratum, quo sensu et Athenodorus teste LAERTIO ⁹ libros περιπάτων, id est *lectionum philosophicarum* scripsit. Recteque IONSIUS ^r discursuum nomen huc aduocat, ut itaque περιπατεῖν et *philosophiam docere*, idem sit. Quo et referendum est, disputasse discipulos inter ambulandum, Aristotele licet sedente ut ait LAERTIVS ^s, quod quia prae reliquis sectis diligenter faciebant discipuli Aristotelis, ideo prae aliis sectis Peripateticorum, id est, ut nostro loquendi more dicamus, discurrentium, siue differentium nomen iis adhaesisse.

Cum autem ingens discipulorum numerus conflueret, methodum veterem, quam Academia quoque receperat, imitandam ratus Aristoteles, *commentationum suarum duas classes constituebat*; alia enim erat, *explicante GELLIO* ^t, quae nominabat ἐξωτερικά, alia quae appellabat ἀκροαματικά, illa dicebantur, quae ad rhetoricas meditationes, facultatem argutiarum, civiliumque rerum notitiam conducebant: haec autem vocabantur, in quibus philosophia remotior, subtiliorque agitabatur, quaeque ad naturae contemplationes disceptationesue dialecticas pertineret. Huic disciplinae acroamaticae tempus exercendae dabat in Liceo matutinum. Nec ad eam temere quengquam admittebat, nisi quorum ante ingenium et eruditionis elementa, atque in discendo studium laboremque explorasset. Illas vero exotericas eodem in loco vesperti faciebat, easque vulgo iuuenibus absque delectu dabat, atque eam δειλὸν περιπάτον appellabat, illam alteram supra, ἑωθινόν. Utroque enim tempore ambulans differebat, librosque suos earum rerum omnium commentarios seorsim diuisit, ut alii ἐξωτερικοὶ dicerentur, partim ἀκροαματικά. Haecenus GELLIVS, qui et Alexandri regis epistolam narrat, indignantis, quod libros acroamaticos vulgasset, et responsionem Aristotelis subiicit, dicentis, ita editos esse, ut ab iis solis, qui ipsum audiant, cognosci possint. Sed de hac librorum Aristotelis conditione infra dicendum est pluribus. Multa hac de duplici Aristotelis methodo, et disciplinarum quoque in eam rem diuisione apud veteres ^u et recentiores ^v dicta sunt, qui consulendi sunt, cum prolixioribus nobis ea de re hoc loco esse non liceat. Cum vero non exotericas tantum disciplinas egregie traderet, sed et acroamaticas noua arte doceret, magna numero discipuli confluebant, quorum multi apud veteres memorantur. Hacque ratione ad decimum tertium annum vsque Athenis docuit, nemine illi obicem ponente, Alexandri potentia, cui erat commendatissimus, praesidium ei praebente.

Methodi
ratio.

Ggg gg 3

§. VII.

⁹) Lib. V. f. 36.

^r) loc. cit. p. 423.

^s) Lib. V. f. 2.

^t) Lib. XX. c. 4.

^u) Vid. CLEM. ALEXANDRIN. Strom. L. V.

AMMON. in Categorias. THEMIST. Orat. p. 319.

CICERO de fin. L. V. PLUT. l. c. LVCIAN. in vit. Auſt. T. III. p. 103.

^v) Vid. laudati FABRICIO Bibl. Graec. Vol. II. p. 176. quibus adiici possunt MENAG. ad LAERT. L. V. f. 27. VOSSIVS de sectis c. XVII. §. 9. 10. HORNIVS Hist. phil. L. VII. c. 9. PICCARTI intr. in phil. Arist. cap. 10. PASCHIVS de variis modis trad. mor. c. V. §. 10. p. 488. МОРОФ. Pol. Tom. II. Lib. I. cap. 8. et II.

ticum dictum ex eo ferunt, quod cum Alexandro ex morbo nuper conualescente ita deambulando de rebus philosophicis differuerit. Alii alias nominis huius rationes afferunt, quas ita conciliare licet, ut sumta prius a deambulatione appellationis occasione Peripatetici eius discipuli dicti fuerint, quasi disputantes vel differentes, licet non semper deambulauerint.

Peripateticum nomen.

Hinc, unde Aristotelis schola Peripateticorum nomen acceperit, magnus inter veteres et recentiores dissensus est. LAERTIUS quae tradit nec clara satis sunt, nec similia vero; plerique Hermippi sententiam sequuntur, tradentis, elegisse Aristotelem in Lyceo deambulationis locum, illicque usque ad certum temporis spatium deambulando cum discipulis philosophari solitum, atque inde Peripateticum dictum fuisse. Quibus tamen opponunt alii, Platonem quoque deambulando docuisse, qui tamen Peripateticus dictus haut est, quod enim AMMONIUS^g ait, Academicos quoque Peripateticos dictos fuisse, fundamento caret. Affinis huic est CICERONIS^h sententia, ideo Peripateticos dictos esse asserentis, quia disputabant inambulantes in Lycio, cui tamen idem mos a sectis aliis obseruatus obstat, qui tamen ideo Peripatetici dicti non sunt. IONSIUS, ut erat in antiquitatis historia versatissimusⁱ, acute collegit, nomen a loco sectae adhaesisse, nempe a Peripato siue ambulacro in Lyceo, in quo Aristoteles docebat, quemadmodum Academici ab Academia, Stoici a Stoa siue porticu variegata, Cynici a Cynosarge denominati sunt: quam opinionem praeter alios suam fecit MENAGIUS^k. Etsi vero ingeniosa est, haec nominis illius explicatio, recte tamen opponitur ei, quod vir summus IO. FRID. GRONOVIVS^l obseruat, nomen hoc quidem vindicatum et additum περιπάτω siue ambulacro Lycei Gymnasii ab Aristotele Athenis et in Aristoteleorum familia κατ' ἐξοχὴν haesisse, sed tamen multis quoque aliis, et quidem ante hunc Nicomachi filium placuisse hunc morem, non tam discipulos, quam sectatores habendi et inter ambulandum differendi: hincque factum esse, ut vox περιπατος diceretur Graecis pro eo ipso, quod est ἀκρόασις ὁμιλία disputatio, lectio, schola, pro eo quod in περιπατοῖς faciebant: quod exemplis quoque probat, περιπατον idem dicere ac disputationem, vel datribam, qua voce utitur GELLIVS^m. Unde nomen quoque Peripateticorum in Cebete esse celeberrimo FEURLINOⁿ placuit. Accedit quod non Peripatetici sed Peripatici ita dicendi fuissent. Omnium itaque probabilissima est sententia eruditissimi HEVMANNI^o, qui varias περιπατος significationes in vno Peripateticorum nomine confluisse statuit, et testimoniis quoque veterum probat, Peripatum Lycei κατ' ἐξοχὴν ita dictum fuisse, quique ibi docebant, οἱ ἐκ τῆς περιπατος, ut pluribus demonstratum IONSIUS^p. Aristotelem vero lectiones suas deambulationes vocauisse, uti supra ex

GEL-

g) Comm. in prooem. Porphyrii sub fin.

h) Acad. Quaest. L. I. c. 4.

i) Diff. I. de hist. Peripatetica.

k) Ad LAERT. L. V. c. 2.

l) In exerc. Acad. de museo Alexandrino, T. VIII. Antiqq. Graec. a filio collectarum.

m) Lib. I. c. 26. L. XVII. c. 20.

n) Misc. Lips. T. III. obs. LV. §. 7. p. 39 seq.

o) Aët. Phil. Vol. II. p. 876 seqq. p) loc. cit.

GELLIO demonstratum, quo sensu et Athenodorus teste LAERTIO ¹ libros περιπάτων, id est *lectionum philosophicarum* scripsit. Recteque ION-
SIVS ² discursuum nomen huc aduocat, ut itaque περιπατεῖν et *philoso-*
phiam docere, idem sit. Quo et referendum est, disputasse discipulos in-
ter ambulandum, Aristotele licet sedente ut ait LAERTIVS ³, quod quia
prae reliquis sectis diligenter faciebant discipuli Aristotelis, ideo prae aliis
sectis Peripateticorum, id est, ut nostro loquendi more dicamus, discur-
rentium, siue differentium nomen iis adhaesisse.

Cum autem ingens discipulorum numerus conflueret, methodum
veterem, quam Academia quoque receperat, imitandam ratus Aristo-
teles, *commentationum suarum duas classes constituebat*; alia enim erat, ex-
plicante GELLIO ⁴, quae nominabat ἐξωτερικά, alia quae appellabat ἀκροα-
ματικά, illa dicebantur, quae ad rhetoricas meditationes, facultatem argutia-
rum, civiliumque rerum notitiam conducebant: haec autem vocabantur, in qui-
bus philosophia remotior, subtiliorque agitabatur, quaeque ad naturae con-
templationes disceptationesue dialecticas pertineret. Huic disciplinae acroama-
ticae tempus exercendae dabat in Liceo matutinum. Nec ad eam temere quen-
quam admittebat, nisi quorum ante ingenium et eruditionis elementa, atque in
discendo studium laboremque explorasset. Illas vero exotericas eodem in loco
vesperi faciebat, easque vulgo iuuenibus absque delectu dabat, atque eam
δελινὸν περιπάτον appellabat, illam alteram supra, ἐωθινόν. Vtroque enim
tempore ambulans differebat, librosque suos earum rerum omnium commentarios
seorsim diuisit, ut alii ἐξωτερικοὶ dicerentur, partim ἀκροαματικοί. Haecenus
GELLIVS, qui et Alexandri regis epistolam narrat, indignantis, quod
libros acroamaticos vulgasset, et responsionem Aristotelis subiicit, di-
centis, ita editos esse, ut ab iis solis, qui ipsum audiant, cognosci possint.
Sed de hac librorum Aristotelis conditione infra dicendum est pluribus.
Multa hac de duplici Aristotelis methodo, et disciplinarum quoque in
eam rem diuisione apud veteres ⁵ et recentiores ⁶ dicta sunt, qui con-
sulendi sunt, cum prolixioribus nobis ea de re hoc loco esse non liceat.
Cum vero non exotericas tantum disciplinas egregie traderet, sed et acroa-
maticas noua arte doceret, magna numero discipuli confluebant, quorum
multi apud veteres memorantur. Hacque ratione ad decimum tertium
annum vsque Athenis docuit, nemine illi obicem ponente, Alexandri
potentia, cui erat commendatissimus, praesidium ei praebente.

*Methodi
ratio.*

Ggg gg 3

§. VII.

g) Lib. V. f. 36.

7) loc. cit. p. 423.

8) Lib. V. f. 2.

t) Lib. XX. c. 4.

u) Vid. CLEM. ALEXANDRIN. Strom. L. V.
AMMON. in Categorias. THEMIST. Orat. p. 319.
CICERO de fin. L. V. PLUT. l. c. LVCIAN. in
vit. Auſt. T. III. p. 103.

1) Vid. laudati FABRICIO Bibl. Graec.
Vol. II. p. 176. quibus adici possunt MENAG.
ad LAERT. L. V. f. 27. VOSSIVS de sectis
c. XVII. §. 9. 10. HORNIVS Hist. phil. L. VII.
c. 9. PICCART. intr. in phil. Arist. cap. 10.
PASCHIVS de variis modis trad. mor. c. V.
9. 10. p. 488. MORHOF. Pol. Tom. II. Lib. I.
cap. 8. et 11.

*Secessus Chal-
cidem.*

§. VII. Et si vero nec odia, nec aemulatio Aristoteli Athenis docenti deerant, cum circa ea tempora maxima ingenia in id conniterentur, ut novas sectas conderent, et familiam sibi ex discipulis colligerent, quantum possent, maximam, nemo tamen infensum in eum animum dictam ob causam declarare ausus est. Alexandro autem Olymp. CXIV. i. extincto, inuidia, quae sub cinere quasi hactenus latuerat, in flammam erupit, grauemque Aristoteli persecutionem excitauit. Varie rem narrant veteres ^w; alii enim percepta contra vitam eius conspiratione Athenis clam discessisse, aiunt; alii ad sycophantas atque delatores causam coniiciunt; fide vero digniores referunt, inimicos in salutem Aristotelis conspirantes eo perduxisse Eurymedonta, Demophilumque, illum, sacrorum antistitem, hunc virum non ignobilem, ut Aristotelem impietatis accusarent, sententias eiusmodi eum inuehere causantes, Atheniensium sacris aduersas, hymnum item in Hermiam, tanquam Deum, statuamque in templo Delphico cum honorifica inscriptione positam. Qua in re parum verisimilitudinis fuisse, cum supra ostensum sit, verisimile est, quod etiam ORIGENES ^x tradit, paratum ipsi iudicium fuisse, ut impio, propter quaedam dogmata ipsius suspecta impietatis Atheniensibus. Qui licet non addat, quae potissimum dogmata intelligat, alio tamen loco ^y Peripateticis tribuit, *negare eos, quicquam prodesse preces ad Deum fusas et sacrificia*. Nec a vero abludit ita Aristotelem statuisse, qui summum primumque motorem a prouidentia sublunarium remouit, et immutabilem eius motuum ordinem statuit, ut in sequentibus demonstrabitur. Nam quid preces, quid sacrificia valent, si nec ordo et series euentuum a Deo mutari potest, nec hominum curam agit numen? Euerfis autem sacrificiis cultuque Deorum, euersti totum sacerdotum munus, res, prouentus, facile intelligebant, quorum intererat, unde mirum non est, et sacerdotes Aristotelem tanquam virum impium accusauisse, et Areopagi iudices, eum pro noxio habuisse hominem, qui vincula pietatis, religionisque, atque ipsius etiam reipublicae doctrina sua solueret, ideoque Socraticum ei vitae finem destinasse. Id quod ipse innuit, quando amicis fugae causam exquirentibus respondit: *noluisse se committere, ut Athenienses bis peccarent in philosophiam*, quo ad Socratica fata respexisse, recte monet AELIANVS ^z. Fuga itaque sibi consuluit, clamque Chalcidem, oppidum ad Euripum situm, secessit, ut tutius ibi lateret; ex quo patet, falsos esse, qui apologiam pro se ad Areopagitas dixisse tradunt ^a. Caditque haec Aristotelis fuga non in annum tertium Ol. CXIV. ut vult Apollodorus ^b, sed in annum secundum, ut notat DIONYSIVS HALICARNASSEVS, alias rationes temporis vitae Aristotelis sibi non constant, eae enim ita se habent:

Aristo-

^w) LAERT. L. V. f. 5. ATHEN. L. XV. p. 697 seq.

^x) Contra Cels. L. I. p. m. 52.

^y) Ibid. L. II. p. m. 68. Conf. BAYLE l. c. not. G. p. 325.

^z) AELIAN. L. III. c. 36.

^a) Recte id in dubium vocat ATHEN. l. 5.

^b) Apud LAERT. l. c.

Aristoteles nascitur	<i>Olymp. XCIX. 1.</i>	
Platonis in disciplinam se tradit	<i>Olymp. CIII. 1.</i>	
annum agens decimum septimum		
cum exegisset annos	- -	16
Plato moritur, ille discedit ad Her-		
miam	<i>Olymp. CVIII. 1.</i>	
cum annos apud Platonem triuisset	- -	20
manet apud Hermiam ad	<i>Olymp. CVIII. 4.</i>	
annos, sc.		3
Mitylenen fugit ibique moram ne-		
ctit ad	<i>Olymp. CIX. 2.</i>	2
in aula Philippi et Alexandri mora-		
tur ad	<i>Olymp. CXI. 2.</i>	8
Athenis annis duodecim exactis	- -	12
decimo tertio Chalcidem aufugit	<i>Olymp. CXIV. 2.</i>	
Chalcide ad finem vitae moratur	<i>Olymp. CXIV. 3.</i>	
annum fere	- -	2
annos natus obit		63

Qua in serie annorum Aristotelis supponitur, annum XIII. morae apud Athenienses non totum ibi exegisse, sesquiannum Chalcide triuisse; quod si integri tredecim anni computentur, eodem anno, quo secessit, obiisse necesse est. Vnde nec Eumelus^a audiendus est, qui LXX. annos ei tribuit, nec STANLEIVS^c, qui ut LXIII. annos conficiat, annos natum octodecim, cum XIX. ageret Athenas venisse ait, secessum vero Mityleneum omittit, quod historiae Aristotelis aduersum esse, ex hactenus disputatis liquet.

§. VIII. Non diu vero Chalcide superuixit Aristoteles, et praesensisse *Mors Aristo-* obitum, testamentum eius indicat, summa cura scriptum^f, et GELLIVS^g *telis.* testatur, qui annos, ait, *natum iam fere duos et sexaginta, corpore aegro affecto-* que ac spe vitae tenui fuisse. Addit is, omnem eius sectatorum cohortem ad eum accessisse, orantes obsecrantesque, ut ipse deligeret loci sui et magisterii successorem, quo post summum eius diem, perinde ut ipso, uterentur ad studia doctrinarum complenda excolendaque, quibus ab eo imbuti fuissent. Cum vero et Theophrastus Lesbius, et Menedemus Rhodius reliquis ingenio et doctrina praestarent, Aristotelem vinum petiisse et Rhodium et Lesbium, et utroque gustato et laudato, dulcius tamen Lesbium praedicauisse, sicque tacita ratione Theophrastum Lesbium se successorem velle, hominem suauitate insigni linguae pariter atque vitae, indicauisse. Quae tamen fabulam satis aperte redolent^h. De morte vero

^a) Placuit hoc SCHOTTO l. c.

^d) Apud LAERTIVM L. V. f. 5.

^e) loc. cit. p. 427.

^f) Integrum extat apud LAERT. L. V. f. 11.

^g) Lib. XIII. c. 5.

^h) Demonstravit id cl. HEYMANN. *Ad. phil.* Vol. II. p. 676.

vero eius veterum narrationes variant. Quod si Antipatri, qui ex discipulis eius fuit, *epistola de morte Aristotelis* superesset, certiora forte dari possent; ea vero hodie desideratur^b: audiendi itaque alii sunt; inter quos tradunt quidamⁱ, propositam ei fuisse quaestionem, de mirifica Euripi indole, quam cum soluere non posset, prae pudore et anxietate mortuum esse, vel, ut alii rem enarrant, in litore confidentem ubi aliquandiu attente eum considerasset, postremo praecipitem sese dedisse in illum, dicentem, *quoniam Euripum Aristoteles capere non potuit, Aristotelem Euripus iam capiat*. Sed quam parum verisimilitudinis in hac narratione sit, ex prima eius fronte conspicitur, eaque fide dignissimorum abunde refutatur testium, alia de morte eius tradentium^k. Alii aconitum bibisse, aiunt^l, siue ab Atheniensibus, ut id faceret, perinde ac Socrates, damnatum, siue eorum ut effugeret iudicium; verum et haec sine testibus, et inuita fide historiae dicuntur. Quam sine dubio Apollodorus, Dionysius Halicarnasseus, Censorinus, Laërtius, alique merentur, qui affirmant^m, stomachi infirmitate eum periisse, nimis vigiliis et studiorum contracta excessu. Indefessum enim adeo fuisse LAERTIUS ait, ut, cum ad quiescendum se componeret, aeneam sphaeram teneret in manu, pelui subiecta, eo consilio, ut dilapsa illa e dormientis manu in peluim subiectam sono illius expergisceretur. Clamauisse autem in mortis agone constitutum: *causa causarum miserere mei*, itemque ad discipulos dixisse: *non sine ratione dixisse Homerum, in terram Deos subleuandorum hominum causa descendisse*, et quae alia eiusmodi narrantur, fabulae sunt ineptientis Graeculi Christiani, qui librum *de pomo* confarcinavitⁿ, indignae, quibus viri docti calculum adiiciant^o. Magnis vero honoris testimoniis memoriam eius coluerunt Stagiritani, qui corpus eius in patriam traduxere, et delubrum atque aram super eius sepulchrum excitauere, quod Aristotelem appellauerunt^p: mensamque, quo id factum ab vrbe nominauerunt, ut documentum esset restituae per Aristotelem libertatis. Alios honores et laudes posteriorum temporum postea tangemus.

Matrimonium et liberi.

§. IX. Matrimonium duplex Aristoteles iniit, primum cum Pythaide Hermiae sorore, de qua supra egimus: alterum cum Herpylide ciue sua, quacum nouo post Pythaidis mortem, quam acerbe luxerat, foedere iunctus fuisse videtur. Sunt, qui concubinam tantum fuisse asserant^q, quod tamen

^b) Vid. IONSIVS de Script. hist. phil. L. I. c. 13. p. 71.

ⁱ) IUSTIN. MARTYR cohort. ad Graec. p. 34. GREGOR. NAZIAN. Orat. III. p. 79. aliique.

^k) Vid. TANAQ. FABER Ep. Crit. L. I. ep. 14. BAYLE l. c. not. Z. PATRICIUS l. c. p. 11. miramur itaque AVCTOREM obs. X. T. VIII. Obs. Hal. p. 250. eam repetiisse.

^l) HESYCHIUS in Aristot. SVIDAS l. c. FABRIC. Bibl. Gr. Vol. II. p. 109.

^m) Vid. LAERT. l. c. f. 9. 16. DION. HALIC. CENSORIN. de die nat. c. 14. conf. BAYLE

loc. cit. not. E. LILIENTHAL. Sel. lit. obs. 5. pag. 144.

ⁿ) Videndus omnino FABRICIUS Bibl. Graec. Vol. II. p. 166.

^o) Fecerunt id COEL. RHODIGINVS Ant. lect. L. XVIII. c. 31. p. 868. et nuperrime AVCTOR Hist. crit. phil. T. II. p. 270.

^p) Indicare hanc appellationem delubrum capiosis exemplis docuit FABRIC. Bibl. Gr. Vol. I. p. 257. conf. Otium Vindelicum Mel. III. p. 270.

^q) ATHENAEVS L. XIII. p. 599. PROCLVS ad Hes. op. v. 406. qui haec refutat.

tamen, cum Timaeum, inimicum erga Aristotelem animum gerentem auctorem habeat, suspectum est; certum vero cum ea usque ad vitae exitum concorditer vixisse ^q. Ex Pythaide filiam suscepit, eiusdem nominis, quae SEXTO EMPIRICO ^r auctore, tertio nuptias iteravit. Primum enim Nicanori, Aristotelis familiari nupsit, Procli deinde, a quo Proclum et Demaratum Theophrasti auditores filios suscepit; postremo Metrodoro ^s, Chrysippi Gnidii discipulo, Erasistrati magistro, cui filium peperit, quem parentis nomine Aristotelem insigniuit. Ex Herpylide filium suscepit, cui a patre Nicomachi nomen imposuit ^{ff}. Est is Nicomachus, a quo magna moralia Aristotelis nomen gerunt; siue quod ad eum scripta sint, quod plerique volunt, siue quod ipsum auctorem habeant, quod post CICERONEM ^t quibusdam visum est. Erat enim Theophrasto carissimus, et sub eius ductu plurimum in philosophia profecerat ^u, tribuitque ei SVIDAS ^v octo physicorum libros, et sex libros ethicorum. Vix itaque meretur fidem Aristoteles apud EVSEBIUM ^w, qui eum, ait a Theophrasto educatum, iuuenem postea bello cecidisse, quod inde refutari potest, quod libros scripserit.

§. X. Haec vita fuit philosophi, ad tantam famam elati, quantam *Corporis et animi virtutes et vitia.* consecutus est fere nemo. Quem si corporis conditione existimes, talem vix credas. Paruis enim erat oculis, voce gracili, cruribus exiguis ^x, et iuuenis cum esset, lingua haesitabat ^y, nasoque erat elato, qualem marmor VRSINI ^z exhibet. Quod vero natura negabat, arte effecit, ornatum corporis et vestimentorum adhibuit, quod displicuisse Platoni, supra ex Aelianus notauimus. Comam enim totondisse, barbam rasisse, vestem insignem gestauisse, veteres affirmant ^a. Valetudine quoque erat infirma, stomachique laborabat imbecillitate, quam tamen temperantia et animi moderatione, oleoque calente in olla applicato sustentauit ^b, sicque ad LXIII. aeta-

^q) Laudat eius in se amorem in testamento, unde satis de futuris ei prospexit.

^r) Pyrrh. hyp. L. I. c. 12. f. 258.

^s) LAERT. L. V. f. 53. Anonym. MENAG. ad LAERT. L. IV. f. 35. et ex eo SVIDAS. Erat is celebris medicus Erasistrati praeceptor. Conf. LE CLERC Hist. de la Medecine P. II. L. I. c. 2. p. 295.

^{ff}) LAERT. L. V. f. 53.

^t) De fin. L. V. c. 5.

^u) EVSEBIUS praep. L. XV. c. 2.

^v) T. II. v. Nicomachus p. 625. conf. VOSSIVS de sectis l. c. PATRICIVS l. c. p. 47. et quae ei regetit SAM. RACHELIVS Intr. in phil. mor. Arist. c. 9. ^w) loc. cit.

^x) LAERT. L. V. f. I.

^y) PLVT. quomodo pueris leg. poëtae T. I. p. m. 37. AMMONIVS eiusque interpres.

^z) Inter EVLVII VRSINI imagines ex marmorebus extat etiam Aristotelis effigies ad radices collis Quirinalis Romae effossa, unde coniecit Vrsinus, esse eam, cuius meminit CICERO ad Attic. L. IV. ep. 9. quod in eius museo fuerit, unde

occasio ei enata, Aristotelis formam in notis describendi, quae reperiit SCHOTIVS l. c. p. 152 seqq. qui eam etiam in fronte libri expressit, id quod in Wettsteniana quoque editione LAERTII factum est. Alias Aristotelis imagines exhibet GRONOV. thes. Antiq. Graec. T. II. tab. XC. LAMREC. Biblioth. Vind. T. VII. p. 77. alibique vid. PASCH. de var. modis tradendi moralia p. 571. Intr. in rem lit. mor. vet. c. II. quarum tamen paucissimae veram effigiem exhibent. Egregie in eiusmodi imaginem Aristotelis a vero abludentem ludit olim CONRINGIVS, apud MAGIR. Eponymol. crit. p. 75. vbi inter alia apposite de vultu Aristotelis:

Nulla tamen morum asperitas non foeda lucerna

Non caput intransum aut barba caprina fuit,

Annulus ornavit sapientem, et splendida vestis

Congressusque frequens horriditate procul,

Cecropis arx talem est venerata atque aula Philippi

Palla decens Phoebus et pulchra Minerva nitet.

Alia de imaginibus Aristotelis l. c. vide.

^a) LAERT. L. V. f. 16. CENSORIN. l. c.

^b) v. supra citati.

aetatis annum tamen vixit. De animi vero virtutibus atque vitiis adeo differunt non recentiores tantum, sed et veteres, ut facilius sit, eorum sententias enumerare, quam certam statuere. Ex utraque certe parte, tam in laudando, quam culpando eo nimium excessisse et praeiudiciis plus, quam par erat, dedisse scriptores, in confesso est. Et laudata quidem insignis, eius pietas FORTVNIO LICETO singulari libro ^c, celebrataque religio et agnitio summi numinis ^d. Imprimis vero Iudaei in asserendo sibi suisque partibus Aristotele insaniuerunt, quorum de Aristotele fabulae, si colorem absurdae sententiae quaeras, Clearchum quendam appellant, quem pro Clearcho Peripatetico habent veteres ^e, qui Aristotelem in Iudaei Asiatici notitiam venisse tradidit. Et si enim haec ex serie historiae Aristotelis falsitatis facile conuincuntur ^f, certumque est, nunquam in Asiam venisse Aristotelem, uti supra quoque contra Ammonium demonstrauius, et hinc sequitur, nihil sapientiae Iudaicae Iudaeum illum Graecum cum Aristotele communicasse; occasionem tamen inde arripuerunt Iudaei, eo potissimum tempore, quo Peripatetica philosophia inter ipsos inualescebat, et insanum in modum extollebatur, tantam philosophiae et sapientiae laudem Graecis invidentes, mentiendi, Aristotelem fuisse Iudaeum de semine Israelis, Hierosolymitanum de filiis Kolia, de tribu Benjamin, ut habet R. GEDALIAS ^g. Alii, qui tam impudentem mentiendi licentiam exhorruerunt, finxere, morti proximum ad Iudaeorum sacra, instar profelyti accessisse, et sub vitae finem librum scripsisse, in quo ea, quae antea scripserit, reuocauerit ^h, eaque de re ad Alexandrum scripsisse ⁱ. Fuerunt etiam, qui Aristotelem plagii insimularent, accusarentque, illum cum Alexandro M. Hierosolymam ingressum libros Salomonis euoluisset, et cogitata Salomonis suis immiscuisset ^j. Alia a viris doctissimis BASNAGIO ^k, FABRICIO ^l, BVDDEO ^m, WOLFIO ⁿ, allata tacemus ^o: quorum hic recte pronuntiat, Iudaeos haec omnia propterea confinxisse, ut Aristoteles ceu gentilis ex proprio ingenio sapere non videretur, ipsi vero excusati Aristotelicam philosophiam, tanquam ex suis copiis deriuatam, postliminio in suos usus conuerterent: cuius rei specimina suo loco complura dabit Iudaicae philosophiae historia. Nec melius Graeculi, qui agnita et implorata diuina misericordia, immo praegustu Dei inter homines victuri, exspirasse nugati sunt ^p. Mirandum itaque, cum haec supponantur, non est, de salute Aristotelis aeterna aliquos non desperasse,

c) De pietate Aristotelis erga Deum et homines et de animarum rationalium immortalitate secundum opinionem Aristotelis Patav. 1629. fol. Plures de pietate et religione eius scriptores laudat FABRICIUS l. c. p. 176 seqq.

d) IONS. de Script. hist. phil. L. I. c. 2. p. 7. 8.

e) JOSEPH. contra Apion. L. I. CLEM. ALEX. L. I. EVSEB. praep. L. IX. c. 5.

f) Conf. IONS. l. c. L. I. c. 18. p. 98. BAYLE l. c. not. B.

g) In Schalscheleth p. 102. ed. Ven.

h) BARTOLOCCIVS Bibl. Rabbin. T. I. p. 476.

b) Exhibet epistolam praeter alios IOH. A LENT in theol. Iudaica hodierna p. b.

i) HACKSPAN. de usu libr. Rabb. p. 284. ad calc. NIZZACHON LIPMANNI, IAC. THOMAS. de plagio §. 364.

k) Hist. des Juifs T. III. c. 7. §. 14.

l) Bibl. Graec. T. II. p. 162.

m) Hist. Phil. Ebraeor. §. 32. p. 165.

n) Bibl. Hebr. P. I. p. 217.

o) Add. IOH. FRIDERICVS de religione Aristotelis contra Iudaeos, Regiom. 1705.

p) Dictum hac de re supra.

raffe, et nescio quem ei locum inter illos tribuisse, qui ad lucem supernaturalem viam inter gentes praepararunt ^p. Certe inter Patres ecclesiae veteris non defuerunt, qui assererent, multos excellentissimos et sanctitate imprimis conspicuos viros, maxime ex iis, qui scholasticam eruditionem secuti fuissent, Aristotelicae philosophiae subsidio ad sublimissimarum verae fidei doctrinarum cognitionem penitiorum peruenisse ^q. Gratitude porro praedicant, qua non amicos tantum, sed et patriam atque praeceptorem Platonem profecutus est; moderatum item animum, modeste de rebus magnis sentientem et multum prius considerationem et dubitationem commendantem ^r: veritatis studium tale, quod omnem humanam auctoritatem ei postponeret, dicente illo: Amicus Plato, amicus Socrates, magis tamen amica veritas: diligentiam vero improbumque laborem, quantum in paucis eius aetatis reperias ^s: immo virtus nulla est, qua non Aristoteles enituisse praedicetur ^u. Ex altera vero parte non defuerunt quoque, qui Aristotelem, tanquam pessimum bipedum omnium describerent, nullumque non vitiorum atque scelerum genus ei obilcerent. Quarum calumniarum fontes ab aduersariis Aristotelis profectas fuisse, veteres non negant. Nec id Athenis tum florentibus mirandum, ubi cum sectae magna invidia inuicem flagrant, nemo fere philosophorum alteri parcebat. Accedebat, quod apte monet Aristocles apud EVSEBIUM ^t Aristotelem magna apud principes gratia florentem, et insigni discipulorum numero auctum, hac imprimis ex causa odium et inimicitiam aliorum ex aemulatione profectam meruisse. Suntque inter veteres plures Aristotelis obrectatores noti, qui nihil praetermiserunt, ut memoriam Aristotelis obrectationibus denigarent. Inter hos agmen fere ducebat Timaeus Tauromenites, grauiter ideo castigatus a Polybio ^u, qui audacem illum et leuem ac temerarium fuisse asserit, ac de ciuitate Locrensi grauiter mentitum, odiosum et fero eruditum sophistam, qui celebrem pharmacopolae officinam paulo ante clausisset, praeterea parasitum, qui in aulas atque aedes omnium vltro insilire solitus sit, et helluonem et cupedinarium ac gulae vbique seruientem. Eandem

Hhh hh 2

fere

^p) Pertinet huc edita a LAMBERTO DE MONTE Colonienfi 1487. Quaestio magistralis, ostendens per auctoritates scripturae diuinae, quid iuxta saniorum Doctorum sententiam probabilius dici possit de saluatione Aristotelis Stagiritae, de quo libello vid. BAYLE l. c. not. R. HEVMANN. de anon. p. 103. BVDDEVS Hist. Eccl. V. T. T. II. p. 1973.

^q) EVSEB. praep. L. XV. c. 8.

^r) AMMONIVS, et Latinus eius interpres.

^s) Exemplum eius supra de aenea sphaera manu detenta attulimus, nisi hoc confectum forte sit.

^t) Insana prorsus sunt elogia, quae recentiores non solum, sed et veteres Aristoteli tribuerunt. Omnium instar esse potest insania Auerrois ex merito castigata IVSTO LIPSIIO Man. ad philos. Stoic. L. I. diff. IV. p. m. 17. et

MALEBRANCHIO de inquir. ver. L. II. c. 7. p. m. 215. Plura qui cupit, adeat HORNIVM Hist. phil. p. 194. TH. POPE-BLOUNT Cens. cel. aut. p. 32. TOB. MAGIERVM Eponymolog. crit. p. 82. G. PASCHIVM de inuentis nou-antiquis c. II. §. 17. p. 60. LAVNOIVM de fort. Arist. passim. TRIBBECHOVIUM de DD. Schol. p. 218. VOSSIVM de sectis c. XVII. et MELANCHTHONEM in Apol. A. C. pag. 62. ut innumera exempla taceamus, suo loco in historia huius philosophiae vsque ad nostra tempora diligenter annotanda.

^u) Praep. L. XV. c. 2.

^x) In CONSTANTINI PORPHYROGEN. Collectaneis, quas obstericant PEIRESCIO. edidit HENR. VALESIVS pag. 46. et ex SVIDAS loc. cit.

fere dicam illi scripsisse Epicurum ^v, ATHENAEVS testatur ^w. Nec percipisse ait Aristocles ^x Aristoteli Alexinum et Eubulidem, nescio quam Philippi offensam comminiscens, Hermiaeque familiaritatem calumniantes; id quod in hominibus Dialecticis, qui omnes sui temporis philosophos persequerentur, mirandum non est. Addit is: Democharem, philosophum malae fidei et proditoris in Athenas et patriam Stagiram, itemque in Olynthios eum accusauisse; et Cephisodorum Isocratis auditorem eum, ut effeminatum et gulosum traduxisse, Lyconem vero, Pythagoream philosophiam professum, impietatem ei, vxore diuinis honoribus culta, et supellectilem cupediis paratam et his similia obiecit. Quae quidem omnia non valde considerata esse monet, eo quod Demochares omnium fere calumniator fuerit philosophorum, Cephisodorus praeceptoris contra Aristotelem inuidia fuerit accensus ^y, Lyco aperte mentitus sit. Et his tamen auctoribus nixus est PATRICIVS ^z cum imaginem Aristotelis vitiorum maculis contaminatam delinearet ^a, qui si eruditioni et infinitae lectioni animum ab offensa et iniuria, odioque in Aristotelem liberum iunxisset, perfectam nobis, quod valebat, dedisset historiam Peripateticam. Tandem, ut malam famam ex scriptis enatam quoque memoremus, non plagii tantum ^b, sed et corruptorum scriptorum veterum insimulatur, et atheismi atque impietatis religionem omnem euertentis accusatur ^c. Tacemus, premi Aristotelem suspitione, quod ad tam foeda facinora, quibus memoriam gloriamque suam commaculauit Alexander Macedo, eum principiis praeceptisque instruxerit. Nos, ut decet historicum, et auctoritatis atque venerationis, et inuidiae odii-que praeiudicium abiiciendo, nec tantopere laudandum Aristotelem putamus, nec deprimendum, sed distincte versandum, et nec laudibus meritisque eius detrahendum, nec vitia tacenda existimamus. Et quod ad vitae rationes attinet, in plerisque calumniam inuidiae filiam, eum contaminasse, ea, quae attulimus, luculenter loquuntur. Nec enim iuuentutis luxum, nec Hermiae consuetudinem, nec moram in aula Philippi aliis testibus infamari, quam apertis iuratisque Aristotelis hostibus, supra demonstratum est. Illis autem fidem adhibere et veritatis legibus et aequitatis praeceptis aduersum est. Eodem fundamento lubrico niti obiectam erga praeceptorem ingratitudinem, supra demonstratum est, nisi Aristoteli vitio vertatur, quod laudi

ducen-

^v) Epicurum magnis suae et superioris aetatis viris philosophis male dixisse, LAERTIVS L. X. f. 8. testatur, nec plane negat GASSENDVS de vita et mor. Epicuri c. V. p. m. 144. conf. IONIVS de Script. Hist. phil. L. I. c. 20. p. 108.

^w) L. VIII. p. 354.

^x) Apud EVSEB. l. c.

^y) Conf. IONIVS l. c. L. I. c. 13. p. 68. Isocratem vero et Aristotelem aemulos fuisse ex LAERTIO L. V. f. 3. constat.

^z) Sententiam vitiorum dixeris, si vera sunt, quae de Aristotele collegit PATRICIVS. Obiecit ei physiognomiam malam, luxuriam, scortorum et puero- rum amores, auaritiam, gloriae cupiditatem, lo- quacitatem, cauidia et ingratitudinem, aemulatio-

nem, inuidiam, et huiusmodi alia l. c. p. 11. 12. et passim. Neque tamen alios auctores laudat, quam quos adduximus.

^a) PORPHYR. vit. Pythag. n. 59. p. 49. ed. Kusteri.

^b) Conf. IAC. THOMASIVS de plag. l. c.

^c) De atheismo Aristotelis integram LICETI libro opposuit tractationem VALERIANVS MAGNVS; in atheorum quoque classe Aristotelem collocant PARKER. de Deo disp. l. p. 65. Obs. Hal. T. VIII. obs. 10. p. 229 seqq. THOM. FREIGIVS Orat. p. 489 sq. B. BUNDEVS thes. de atheismo c. I. §. 15. et de Spinozismo ante Spinozam §. 15. Reu. WOLFIVS de Manich. §. XXXV. p. 148. Plures nominant FABRICIVS l. c. p. 177. REIMMAN. Hist. Ath. c. XXVII. p. 182. BAYLE l. c.

ducendum ei esse putamus, quod ausus fuerit, Platonis systema, enthusiasmo magis et fanaticismo quam philosophia prognatum relinquere, et ideas cardinem Platonicae philosophiae ridendo, vno halitu cerebrinam philosophiam diffilare. Accuratus enim et philosophice magis Aristotelem ratio- cinatum, quam Platonem, nemo, qui vtrumque sine praeiudicio comparat, facile inficias iuerit. Gulae, temulentiae et his similium vitia facile ab Aristotele remouent, tum stomachi imbecillitas, quae in victu moderatissimum esse coëgit, sine qua temperantia ad LXIII. aetatis annum vitam non proro- gasset, tum laboris patientia et pertinacia, quam negare non audet PATRI- CIVS ^d, quaque dies noctesque, vti supra obseruauimus, veterum scripto- rum volumina versauit. Vitae vero morumque atque vestimentorum ele- gantiam, supra philosophorum eius aetatis consuetudinem, nemo in Aristo- tele magnopere mirabitur, qui cogitat, a iuuentute in aula parentisque domo aulicis moribus temperata vixisse, et non scholae tantum, sed et vitae philosophiae studia adaptasse ^e. Alia, quae ei vitio vertuntur, vel solis ini- micorum accusationibus constant, fidemque non merentur, vel recte con- siderata facile ferri et excusari possunt. In his recte, nisi fallimur, numera- mus, quod Alexandrum ita formauerit, vt orbis vniuersi imperium animo complexus, mirabili vitiorum virtutumque mixtura finem obtinuerit. Etsi enim nec negandum est, philosophiae moralis Aristotelicae principia multum ad id contulisse, nec laudandum, temperamentum vitiorum pro virtute in ea admitti, adscribendum tamen id est systemati, quod semel constituit Aristoteles, quodque aulae ratio atque mores postulabant, immo, si rem recte aestimes, quod hodiernum in plerisque aulis exprimitur, et ma- ximopere laudatur. Religionis vero Aristotelis conditionem non adeo egregiam fuisse, consideratis principiorum, quae admisit, sequelis, facile lar- gimur ^f, de atheismo eius postea, ad philosophiam eius deducti, curatius tractaturi. Probabile tamen non est, omnem eum religionem publicam contempsisse atque irrississe: Socratis enim exemplo monitum et cautlorem redditum publicis persecutionibus se exposuisse, et ad decimum tertium ta- men annum illaesum durasse, verisimilitudine caret. Veteres diligenter secu- tum, et infinitam in iis lectionis copiam prae se ferre nemo negabit, qui se- mel eius scripta inspexit, quae vel hoc quoque nomine historiae philosophi- cae studiosis commendanda sunt. Peruertisse tamen haut raro et obscu- rius quoque exposuisse eorum dogmata, vt facilius ea refutaret, lectorem- que ab examine auerteret, negari nequit. Culpandusque in eo praecipue est, quod inique cum veteribus egerit, et nec candide satis eorum scita protu- lerit, et ea tantum fini tantae lectionis voragini se immerferit, vt omnes

Hhh hh 3

omnis

d) loc. cit. p. 12.

e) Addi his potest, nec magnopere ei vitio verti potuisse, si verum esset, quod tamen satis probari nequit, pharmacopoleo extructo eum quaestum fecisse. Iis enim artibus, a patre erat

institutus. Nec respuit philosophia, sepulchrum, cerdonem, seruum, vt exemplis haecenus allatis constat.

f) Conferenda, quae supra §. 7. de accusato impietatis Aristotele diximus.

omnis aetatis philosophos deprimeret ^{ff}, quae de re postea quoque dicemus, et quae eius philosophiae vitia sint, etiam ex temperamento et vitae ratione, quam sequebatur, deducenda exponemus. Vt igitur de magno philosopho sententiam nostram aperiamus, inter maxima eum ingenia numerandum esse, cum viris doctis ^h inter Ἀριστοτελεμαίοντας minime referendis fate-mur, et magnis naturae, ingenii, et eruditionis atque diligentiae dotibus instructum fuisse, asserimus; in quo vero ambitio et studium cunctis contradicendi, et aulae mores, atque conditio Graeciae elegantioris multum contulere, ut illas laudes non meruisse censendus sit, quas ei insani eius cultores tribuunt.

Scripta
Aristotelis.

§. XI. Extant magni ingenii et incredibilis diligentiae Aristotelis specimina, scripta eius, quae ex multis naufragium passis euaserunt. Non enim infinita fere veterum monumenta tantum legit et excerpfit, sed et magnum librorum numerum ipse confecit, videndum apud LAERTIVM ^h, cuius diligentiam auxit PATRICIVS ⁱ, qui librorum titulos in ordinem classesque redegit. Historiam vero eorum literariam multo, quam Patri-cius, diligentius enarravit vir in his literis summus, IOANNES ALBER-TVS FABRICIVS ^k, cuius labori cum non habeamus, quod magnopere addamus, lectorem philosophicae historiae amantem ad librum, quo carere is non potest, merito remittimus. Paucissimos horum librorum viuis exire in vulgus Aristoteles passus est ^l, suntque plures, qui intercede-runt ^m, quam ii, qui ad nos peruenerunt, hisque admixti spurii et falsum Aristotelis nomen mentientes, unde incertitudo haud levis criticis non nostrae tantum aetatis, sed et veteribus exorta est, qui pro genuinis Ari-stotelis foetibus habendi sint? Sunt vero, qui hodie sub Aristotelis nomine manibus teruntur, vel logici argumenti, et in his, categoriae, Pythagoreo cuidam a nonnullis tributae, de interpretatione nominum et verborum, id est, de enuntiationum vi ac significatione, quem librum Grammaticam phi-losophicam non inepte vocauit RAPINVS ⁿ; analyticorum priorum libri duo, et analyticorum posteriorum libri totidem, doctrinam de syllogismo et de de-monstratione complectentes; topicorum libri octo: locos unde probabilia desumuntur explicantes; de sophisticis elenchis libri II. falsarum argumenta-tionum genera enarrantes. Iunctim haec scripta logica edi solent sub *organici* titulo, eo quod dialecticam ὀργανον ὀργάνων vocet Aristoteles, cuius optimam editio-

ff) Observant id docti viri passim, conf. HOR-NIVS Hist. phil. p. 197. PAGANIN. GAVDENTIVS diss. exoterica de Aristotelis veterum contemptu Pif. 1640. 4. VOSSIVS de sect. l. c. et quos adducit TH. POPE - BLOUNT. cens. cel. auct. p. 32.

g) Ita de Aristotele quoque ipsi eius inimici et in his PATRICIVS statuunt, qui εὐρετικώτατον, inuentionis maximae, atque ἀπτολογικώτατον in reddendis rerum causis maximum vocat l. c. p. 12. 252 Conf. quicadem fatentur magni viri P. BAY-LE l. c. HEVMANNVS aët. Philos. Vol. I. p. 496.

H. GROTIUS praef. ad I. N. et G. alique a BLOUNTIO et MAGIRO II. cc. adducti.

h) L. V. f. 22.

i) l. c. T. I. L. II. p. 13 seq. qui obseruat tres vi-ros celeberrimi nominis Aristotelicos libros in or-dinem antiquitus digessisse, Hermippum Calli-machium Smyrnaeum, Andronicum Rhodium, et Adrastum Aphrodisium.

k) Bibl. Graec. Vol. II. p. 109 seqq.

l) Conf. PATRICIVS l. c. p. 71.

m) Enumerat eos FABRICIVS l. c. p. 185 seqq.

n) Reflexions sur la Logique p. 735.

editionem curauit IULIVS PACIVS ABERICA^o. Physici argumenti sunt: physicae auscultationis, siue doctrinae naturalis libri VIII. principia et affectiones rerum naturalium explicantes; de coelo libri IV. de generatione et corruptione libri II. de meteoris libri IV. de anima libri III. parua naturalia, siue libellorum physicorum XI. sylloge; historiae de animalibus libri X. de partibus animalium earumque causa ac ratione libri IV. de plantis libri II. de coloribus liber, de audibilibus libellus, et de admirandis narrationibus collectio, aduersus dogmata Xenophanis, Zenonis Eleatae et Gorgiae libelli tres^o ventorum loca et appellationes; quibus praeter librum de mundo, incertum an ad eum referri debeat^o adiciuntur, liber de physiognomia; et problematum sectiones XXVIII. Metaphysici generis sunt, metaphysicorum libri XIV. Mathematici, quaestiones mechanicae, de lineis infecabilibus liber. Ethicam doctrinam exponunt; Ethicorum ad Nicomachum libri X. magnorum moralium libri II. moralium ad Eudemum libri VII. a quibusdam Theophrasto vel Eudemo tributi; de virtutibus et vitiis libellus; de republica libri VIII. de cura rei familiaris liber vnus. Rhetoricam exhibent, artis rhetoricae libri III. rhetoricae ad Alexandrum liber; Poeticam tradit liber de arte poetica^o. Quorum scriptorum Aristotelis editionem Graecolatina post ISAACVM CASAVBONVM^o curauit GVILIELMVS DVVALLIVS Parisiis MDCXXXIX. IV. Vol. f. Multa de horum librorum, auctore, argumento, editionibus, interpretationibus, *νοθεύει*, et quae his sunt similia, disputantur, quae tamen nec huius loci sunt, et occupata iam a FABRICIO, qui adeundus est. Hoc vnum notari e re nostra est, fecisse mira fata, quae omnia Aristotelis scripta cum tota eius bibliotheca passa sunt, vt non levis scrupulus viris cautis subnatus sit, vtrum genuini sint, qui ad nos peruenerunt, libri Aristotelis, nec ne? Rem a STRABONE^o, PLVTARCHO^o, ATHENAEO, AMMONIO, et ex his a recentioribus multis^o passim enarratam paucis sic habet: Cum primus Aristoteles bibliothecam construxisset, eam cum scriptis suis Theophrasto, quem successorem designauerat, tradidit: Theophrastus omnes libros suos Neleo Scepsio testamento legauit; is deportatos Scepsin moriens haeredibus reliquit, viris *ιδιώταις*, quique nulla eruditione tincti erant, eosque sine ordine asseruabant. ATHENAEVS^o vero refert: a Neleo Ptolomaeo Philadelpho venditos Aristotelis libros fuisse, et Alexandrinae bibliothecae illatos, in qua sine dubio in magno illo in-

cen-

^o) Francof. apud haeredes Wechel. 1598. 8. quae editio praestat prioribus.

^p) Hos libellos solos et mechanica, quod sine dubio Aristotelis sint, controuersia vacare, contendit PATRICIVS l. c. p. 26. 34. et tamen merito dubitari ait IONIVS L. I. c. II. p. 56. de S. H. P.

^q) Vindicat Aristoteli FABRICIVS l. c. p. 127 seq. Adeo vero dogmata aperte Platonem et Zenonem redolentia Aristotelis doctrinae repugnant, vt in eam GASSENDVS ingressus sit sententiam, Aristotelem sub vitae finem animum mutasse: id quod absque teste et verisimilitudine dicitur. Rectius itaque eum, quem nunc habemus, li-

brum abinducari Aristoteli luculenter, nisi fallimur, demonstrauimus, et rationibus FABRICII satisfacimus in Otio Vindel. Mel. II. pag. 120. 174 seqq.

^r) His accedunt philologica quaedam.

^s) Vt mur nos editione Lugdunensi 1591. fol. Vol. II.

^t) Lib. XIII. p. 609.

^u) In Sylla T. V. p. 143.

^x) Excitauimus potiores in Otio Vindelico Mel. I. §. 6. p. 80. inter quos maxime videndus est P. BAYLE Dict. T. IV. art. Tyrannio not. D.

^y) Lib. I. p. 3.

cendio, a Iulio Caesare excitato, conflagrauerunt; id quod vel de quibusdam tantum Aristotelis scriptis vel de ἀπογράφῳ inde desumptis intelligendum esse videtur. Intelligentes vero Nelei haeredes, magna cura colligere Attalicos reges Pergami bibliothecam, quibus tunc parebant Scepsii, thesaurum istum librarium in subterranea specu temere condiderunt, in qua libri ultra CXXX. annos delituerunt, quo tempore quam labem quamque iniuriam ab aëre vermibusque passi sint, facile intelligi potest. Postremo ex Aristotelis et Theophrasti progenie quidam protractos corruptosque vendidere Apelliconi Teio, homini peripateticae philosophiae amatori, qui cum opibus maxime valeret, aliasque bibliothecas coëmisset, hanc quoque Aristotelis magno aere redemit. Et curam quidem librorum, situ et vermium corruptione squalentium habuit Apellico, doctrina tamen ad eos emendandos impar: is itaque libros illos Aristotelis describendos curauit, eorumque qui detrimentum aliquod passi erant, lacunas male sedula diligentia expleuit, vnde non potuere non codices fieri corruptissimi. His cum accederent manus aliorum, doctrina quidem Peripatetica non destitutorum, sed qui ex ingenio locis corruptis medelam afferre tentabant, et vbi codices defecerant, coniectura in innumeris locis utebantur, Aristotelis scripta alia fere reddidere, quam ex manu auctoris sui prodierant. Auxere hanc incertitudinem Romani: statim enim post Apelliconis mortem Sylla occupatis Olymp. CLXXIII. 4. Athenis, bibliothecam illam inuolauit, Romamque deportari curauit. Ibi nactus veniam vtendi codicibus Aristoteleis a bibliothecariis Tyrannio Grammaticus, Aristotelis studiosissimus, frequentiorum eorum editionem fecit, tum librarii quidam, amanuentibus minus doctis vsi, neque cum exemplari descripta comparantes infinitam corruptarum lectionum farraginem produxerunt. Fecit vero mira haec librorum Aristotelis vicissitudo admodum incertam doctrinam Peripateticam. Antiquiores enim post Theophrastum Peripatetici, genuinis Aristotelis libris destituti, cum non alios, nisi exotericos, eosque paucissimos haberent, nullam partem philosophiae ad mentem Aristotelis accurate poterant explicare: et qui post vulgatas editiones ex Tyrannionis ἀπογράφῳ, manus interpretandae Aristotelis philosophiae admouerunt, ascititia a natiuis, aliena et spuria a genuinis discernere non poterant. Ex qua librorum Aristotelicorum historia, quantum innumeris, quos postea passi sunt, interpretum commentariis ²tribuendum sit, liquet.

*Philosophiae
Peripateticae
consideratio
generalis.*

§. XII. Comprehenditur his in libris ea Peripateticae philosophiae summa, qualem post restitutam inter Romanos scholae huic faciem natiuam exhibuere Aristotelis interpretes. Qui enim eos antecesserunt Peripateticae sectae doctores, nullam philosophiae partem accurate potuisse explicare, in antecedentibus monuimus. Philosophia itaque Aristotelis, quoad ea

²) Adiciuntur catalogi interpretum Operibus Aristotelis editionis Casauboniana et Duualliana, sed non satis digesti, potiores indicant PATRICIUS et FABRICIUS II. cc. item-

que SCHOTTYS I. c. Add. PHIL. LABBEI breuis conspectus Aristotelis et Platonis Graecorum interpretum typis editorum Paris 1657.

ea in libris eius, hodie sub eius nomine extantibus, comprehenditur, summam iam exhibenda est. Antequam vero *ὡς ἐν συνοψεί* celeberrimi philosophi systema lectori exhibemus, praemonenda quaedam sunt, sine quibus frustraneum prorsus suscipiemus laborem; ad ea itaque attentum esse iubemus lectorem intimas rationes systematis Aristotelici nosse cupientem. Scilicet

I. Tanta est obscuritas scriptorum Aristotelis quam partim ipse destinato iis induxit consilio, partim e variis circumstantiis fatisque, quae acciderunt, renata est, ut non diffiteantur, qui intime rimati fuisse mentem Aristotelis videntur, tantum non impossibile esse, in veram philosophi mentem atque sententiam penetrare, hasque tenebras penitus discutere. Magnus hic se nobis offerret campus, in considerationem scriptorum Aristotelis, eorumque partium tum externam tum internam exspatiandi, si id nostrum pateretur institutum, finesque historiae philosophicae vniuersali positi, vel repeti et augeri atque illustrari possent ea, quae de hoc argumento PATRICIVS et imprimis vir doctissimus PETRVS IOANNES NVNNESIVS ^{I. Ineluctabilis obscuritas scriptorum Aristotelis.} dixerunt. Sed in compendium breue contrahenda sunt omnia, eaque dicenda tantum, quae lectorem cautum atque prouidum in examinanda Aristotelis philosophia facere possunt. Praemonendum vero est, Aristotelem non in figuris atque dictione poetica, neque in dialogorum anfractibus, ut praeceptor eius Plato fecit, latere voluisse, nec fabularum integumentis se texisse, euitauisse etiam Pythagoreorum numeros atque symbola, et affectatam Heracliti obscuritatem, sed dictionem maxime propriam adhibuisse, et tamen adeo mentem suam atque sententiam veram abscondisse, ut ipse ad Alexandrum M. de vulgatis ab eo editisque philosophiae suae mysteriis scripserit ^b: *acroamaticos libros, quos editos quereris, et non perinde, ut arcana absconditos, neque editos scito esse, neque non editos; quoniam scilicet iis solis, qui nos audiunt, cognobiles erunt.* Effecit vero id partim philosophandi genere, partim scribendi modo: cum enim arcanam philosophorum methodum, ob innumeras, quas philosophorum securitati et auctoritati praestabat, utilitates seruare voluisset, neque tamen eadem, ut reliqui, qui ante eum ista docendi ratione vsi erant, via incedere constituisset, aliter rem aggressus est. Scilicet Socraticae apud Platonem methodo disputandi innutritus saepe numero philosophorum ante se opiniones affert, exponit, roborat, examinat, discutit, refutat, idque tam subtiliter, et nunquam fere addito mutatae orationis seriei indice, ut incertus haereat lector, num de sua vel de aliorum opinione loquatur, quod multos decepit interpretes, ut Aristotelis esse putauerint, quae aliorum philosophorum sunt, quaeque a domesticis eius opinionibus, non nisi summa adhibita attentione, distin-

a) In oratione de causis obscuritatis Aristotelis eorumque medela Institutionibus Peripateticis adiecta, de qua supra. Eam separatam quoque cum BART. IOS. PASCHALII Or. de optimo genere

explanandi Aristotelem, et IO. BAPT. MONLORII Or. de utilitate analyseos Aristoteleae recudit W. C. HELIVS Francof. 1591. 8.

b) GELLIVS L. XX. c. 5.

distingui possunt. Hunc in finem saepe aliorum scripta consulit, quae deuorauisse legendo supra docuimus, exque iis multa in rem praesentem affert, raro tamen eos indicat fontes, unde sua desumpsit, quod non potest non ingentem parere difficultatem. Ipsa vero philosophiae ratio apud Aristotelem has obscuritatis causas magnopere auget. Vtitur enim plerumque notionibus abstractis, vniuersalibus, et nouas ac insolitas ideas rerum excitantibus, et dum metaphysica veste philosophiam naturalem et moralem induit, non deformem tantum, sed et praeter naturalem et alienam reddit eius faciem, quam vix agnoscunt, qui non ipsam quasi cogitandi naturam in eiusmodi terminorum et notionum personas transmutant. Saepe numero quoque ideis notionibusque indeterminatis vagisque adhibitis, cum ipse claram certamque cogitationum ideam non haberet, lectorem mire delusit, coruosque vacuos dimisit hiantes. Accedit his summa, quam affectabat, breuitas; supposita multa tanquam nota, quae lectorem tamen fugiunt, quaelitae enunciationes rotundae, et dictio strictissima; probationes vel plane non, vel alieno loco ob nimiam breuitatem posita; et quae alia sunt, quibus vere illud HORATII euenit:

- - breuis esse laboro,
obscurus fio. - - -

Cumque mathematicarum disciplinarum esset peritissimus, multa ex iis quoque translata in philosophiam, praecipue naturalem, quae non nisi ab illarum peritissimo intelligi possunt, et alienis rebus applicata miram obscuritatem pariunt. Laborat etiam exemplorum, quibus dicta illustrat paucitate, quaeque affert obscuriora sunt, quam res patitur, quam illustrare aggreditur. Sunt quoque in Aristotelis scriptis plusscula sibi contradicentia, quae nullis interpretationis sanae artibus et regulis in concordiam redigi possunt, siue is reuera diuersis temporibus scribens aliter senserit, mentemque mutauerit, siue dormiente attentione negligentior factus ad systematicis rationem et nexum non semper respexerit, siue aliter prorsus intelligi voluerit; quaecunque enim eius rei causa est, necessariam ea parit obscuritatem. Vt vero magis lateret, scribendi rationem in subsidium vocauit, multisque nominibus in eadem re vtitur, saepe res diuersas vna eademque voce designat, qua nominum ambiguitate, cum nullibi fere nominum vtrumque definitiones addat, totum incertum reddit lectorem, qua potissimum significatione sit intelligendus. Addit his Nunnescius, ipsam sermonis proprietatem, minus vsitatam, quam presse saepius secutus est Aristoteles, obscuritatem gignere, idque vocis *εντελέχεια* exemplo luculenter illustrat. Taceamus particularum singularem in Aristotelis scriptis vsum, abruptumque haud raro sermonem, magnis quasi passibus ad id quod demonstrare instituit, grassantem, qui lectorem respirare, et colligere cogitationes non finit, vt euanescant, quae antea legentis impressa sunt memoriae. Constructiones rariores et a communi dicendi inter Graecos genere dissonantes, quas argumento philosophico miro artificio, sed non sine obscuritatis effectū,

effectu, applicabat, praetermittimus. His causis obscuritatis Aristotelis internis accedunt externae plurimae. Quis enim certum ac indubium aliquid speret ex libris situ, squalore vermibusque corruptis, et ab imperitis manibus emendatis? quis non aliena ex coniectura supplementum plurima accessisse coniiciat? et quis genuina ab adulterinis, assuta a natiuis discernat satis, et veram Aristotelis mentem definiat? Dedit vero fatum hoc scriptorum Aristotelis aliam quoque obscuritatis causam; euersus enim ordo librorum Aristotelis, immo totius systematis, et confusa plurima, ita vt naturalis ratiocinandi via, qua incessit philosophus, non pateat. et per ambages et errores lectores deducantur, incerti, quo tendant, quoque ducantur. Cumque paucissimi inter editos libri sint, de quibus non dubitatum sit, an Aristotelem parentem agnoscant, mirum non est, cautum prouidumque veteris philosophiae interpretem prorsus incertum reddi, quid pro Aristotelico habendum sit, quid reiiciendum pro spurio? Addi his possent plura, et, qua ratione infinita interpretum cohors suas opiniones et cogitationes obscuro Aristotelis textui adplicans, et in diuersissimas explicationes trahens, multum has obscuritatis causas auxerit, ostendi, quantasque tenebras Aristoteli induxerint Arabum commentarii, in scholas quoque Occidentis introducti, exponi; nisi in secunda historiae huius periodo latius de his differendi occasio se offerret. Cum itaque nec ipse semper Aristoteles clare intellexerit, quid dicat, statuatur, nec alios, nisi quos admisit, intelligere id voluerit, totque modis ea, quae restant, corrupta sint, quis non cum Themistio ^c fateatur, dementiae simile esse, si quis legendis libris illius speret, se sententiam illius consecuturum ^d.

II. Ipse praeterea scopus, quem in condendo philosophiae systemate Aristoteles respexit, considerandus est, qui homini supra modum ambitioso et elati animi is potissimum fuit, vt super omnes se philosophos efferret, et nouum ac diuersum ab eorum dogmatibus systema condendo, nouae sectae auctor fieret, quae reliquorum lumina extingueret, et acuminis gloriam ipsi conciliaret. Hospitem plane atque peregrinum esse oportet in scriptis Aristotelis, qui hoc non palpat. *Ille enim*, verbis utimur acutissimi LVD. VIVIS ^e eleganter hac de re commentantis, *vt indefesso illo suo studio omnes, quotquot ante se quicquam scripserant, euoluerat, legerat, excusserat: ita neminem praeteriuit, quem non carperet, ratus, tantum in se deriuaturum gloriae, quantum aliis omnibus ademisset, tanquam sublimior esset ceteris acutiusque ac longius prospiceret.* Acuteque in hanc rem dixit magnus VERVLAMIVS ^f. *Aristotelem more Ottomanorum, putauisse, regnare se tuto haud posse, nisi fratres suos omnes contrucidasset.* Multum vero labis inde in ipsam philosophiae Aristotelicae constitutionem irrepfit. Cum enim non tam rebus saepe, quam verbis, sententias innouaret, iisque, quae non sine veritate atque experien-

II. *Scopus philosophiae Aristotelis.*

Iii ii 2

tia

c) Apud NVNNES. l. c. ip. m. 5.

art. lib. I. pag. m. 56. qui dicta mire illustrat.

d) Conf. PATRICIVSI. c. p. 37. Otium Vindel. Mel. l. 9. p. 105 seqq. L. VIVES de corrupt.

e) De caus. corrupt. art. L. I. p. m. 26 seqq.

f) De augm. scient. L. III. c. 4. T. I. Opp. p. m. 212 f.

tia dicta sunt a veteribus, nouam tamen opponere philosophiam vellet, necesse fuit, veterum sententias partim corrumpere, partim eas reiiciendo inanes et a vero alienas eligere, partim incertis vagisque vocibus vacuis sensu vero principiis philosophiam replere, partim ad λεπτολογία; confugere, et his omnibus obscuritatis affectatae beneficio inter se connexis gloriam apud rerum imperitos in argumento saepe difficiliori comparare. Quod quam vehementer acumini eius ingenii naturali et veritatis inuentioni, cui aptissimus natura erat, oblitterit, tota eius philosophia et imprimis naturalis probat.

III. Philosophia aulae moribus aptata.

III Fuit vero alia quoque vitae Aristotelis circumstantia, quae haud exiguum in philosophiam eius influxum habuit. A pueritia enim in aula Amyntae cum parente Nicomacho versatus, vitae aulae mores et elegantiam assumpsit. et in alteram quasi naturam transire passus est. Postquam vero a Philippo rege Alexandri M. praeceptor electus est, occasionem habuit philosophiam regulis aulae, et ambitioni eius, quem educabat, attemperandi. Relicta itaque imaginaria republica Platonis, cum Socratica quoque ethica videretur nimis humi serpere, totam philosophiam moralem ita formauit, ut et Alexander M. et qui eius amici erant, vel sub Aristotele duce ad gloriam et dignitates grassabantur, animum inde ita formare discerent, ut sine optato fruerentur. Diligentitantum ethicae Aristotelicae inspectione opus est, ut hac de re conuincamur, et vel sola virtutis definitio et connexio satis de isto Aristotelis scopo loquitur. Ex quo patet, quam misere se decipi passus sit orbis philosophicus, qui per tot secula veram felicitatis moralis viam in ethica Aristotelis inueniri posse sibi persuaderi passus est.

IV. Philosophia naturalis incerta et vaga.

IV. Neque circa physica dogmata sine consideratione generali dimitendus est Aristoteles. Diximus scilicet, constituisse philosophum ab omnibus physicis ante se abire, nouumque systema effingere. Satis hoc in libris physicis, praesertim in libro de anima, et quem contra Zenonis Xenophanis et Gorgiae dogmata scripsit, prodidit. Ita vero a clara et naturalem scientiam iuuandi apta methodo, materiam per particulas considerandi minimas discendens, alia principia excogitare coactus est, quae iis opponantur; nam Platonis quoque materiam, semper fluxam et per partes minimas mutabilem respuebat. Cum vero ideas quidem per se existentes *τε εἰδωτα* esse atque difficiles nugae intelligeret, naturam tamen rerum in speciebus formisque eiusmodi rerum quaereret, ad principia physica, Platonis non meliora, delapsus totam rerum naturalium scientiam corripit, et principia nobis obtrufit, isto nomine minime digna, quippe quae nec clara, nec aliter nisi in mentis abstractione extantia, ideisque vagis vocibusque nihili expressa, naturam rerum magis abscondunt, quam exponunt^g.

V. Ne-

^g) Eleganter de his naeuic satyram in physica p. 9. repetitam, et annotationibus doctissimis illustratam in Actis philos. Vol. III. p. 1 seqq.

V. Neque praetermittendum hic est, adhibuisse Aristotelem, exemplo *V Mathematica intempestive immixta.* Platonis edoctum, cui in nulla re eruditione et ingenii acumine cedere volebat, saepissime mathematicarum disciplinarum subsidia, negarique nequit, non ubique male id illi cessisse. Verum, cum nimiam breuitatem et obscuritatem sectatus sit, et rationibus mathematicis expresserit, quod natura sua ab iis valde abhorret, non difficilis tantum intellectu, sed et alienus haud raro ab argumenti nativa facie factus est. Cui num medelam adhibuerit IOSEPHVS BLANCANVS ^b, dicent, qui eius librum viderunt.

VI. Etsi vero multa in Aristotelis philosophia, immo plura, quam in- *VI. Aristotelis philosophiae non omne denegandum pretium.* fanis eius admiratoribus videtur, desiderari omnino possunt debentque; improbandus tamen eorum mos est, qui nihil dignum laude in ea deprehendunt, nec se philosophari recte posse credunt, nisi in totum Aristotelem et quaecunque eius nomen gerunt, debacchantes, cuncta proculcent, nullaque in re pretium ei statuunt, cum tamen nec ubique dormiuerit Aristoteles, et haud pauca dixerit tanto ingenio digna, licet fateamur, ipsum systematis habitum atque naturam, magis naevis non carere ⁱ, improbemusque morem eorum, qui melioribus et sanioribus spretis, ex sanguine Aristotelicae philosophiae cadauer coeco sequuntur applausu atque obsequio. Imprimis vero laude digna est Aristotelis in exotericis disciplinis, poetica imprimis et rhetorica eruditio, quae magnum satis ingenium prodit, a ple- risque tamen neglecta est.

§. XIII. Vt vero speciali magis delineatione Aristotelis philosophiam *Logica Aristotelis.* depingamus, paucis eam, qualem libri, qui sub eius nomine ambulant, exhibent, considerare iuuat, prolixiora vero apud eos quaerere iubemus, qui post renatas literas in genuinum librorum Aristotelis sensum et philosophiam haud infeliciter inquisiuerunt. Quos quia ad recentiora tempora, ultimamque historiae philosophicae periodum delapsi, ex instituto nominabimus, breuitati consulentes eos hoc in loco praeterimus. Diuisit vero, exponente LAERTIO ^k, Aristoteles philosophiam bifariam, aliam enim in agendo, aliam in contemplando consistere ait, eamque practicam, hanc theoreticam dixit. Huic instrumentalem subiecit, logicam. Quam philosophiae distinctionem non ab eo excogitatam fuisse, sed ex Platonis philosophia transumptam, ex Platonicae philosophiae delineatione supra allata, manifestum est. Logicae autem hanc potissimum rationem habuit:

I Scopus logices duplex est, verisimile ac verum, siue veritas probabilis et certa. Ad illam tendit dialectica, quae probabilibus rationibus de veritate differit; ad hanc analytica, quae certis demonstrationibus nititur ^l.

Iii ii 3

II. Ve-

^b) De locis in Aristotele mathematicis Bonon. 1615 4. conf. ERASMVVS apud TH. POPE-BLOVNT. Cens. cel. aut. p. 34.

ⁱ) De censoribus et reprehensoribus Aristotelis infinita dici possent, quae tamen alieni ab hoc loci sunt. Omnibus fere praefendus est GASSENDVS in Exercitationibus paradoxis aduersus Ari-

stoteleos. Plura hac de re ad recentiora tempora deducti dicemus.

^k) Lib. V. f. 28.

^l) ibid. Dialecticam recte differendi facultatem vertit ALDOBRANDINVS, eo quod tota ad differendum tendit. Hunc CICERO de fato, totam logicam differendi rationem vocat, eo quod huic scopo totam logicam subordinabat, et ad hunc si em omnia

II. Veritas vero demonstratur, deque ea differitur per syllogismum, vel demonstratiuum et analyticum, vel topicum et dialecticum; syllogismus enunciationibus constat, enunciationes terminis simplicibus.

III. Terminus trifariam distinguitur, in homonymum, synonymum et paronymum. Homonymus est, qui commune nomen de rebus diuersis adhibet; synonymus, ubi nomen et rei definitio conueniunt; paronymus, quo denominata, eadem de re, casu et terminatione differunt ^m. Solent Peripatetici doctores his, quae antepraedicamenta vocant, addere terminum analogum, quo idem nomen vni rei primario, alteri secundo et improprie conuenit, et praemittere doctrinam de praedicabilibus, siue modis praedicandi generalibus, ad quae, quoniam peculiari tractatione de iis nihil dixit Aristoteles, PORPHYRIUS introductionem scripsit; quorum praedicabilium quinque numerant, genus, speciem, differentiam, proprium et accidens, qua de re Peripateticae logicae, quae ubique haec mysteria crepant, consulendae sunt.

IV. Termini vniuoci ad decem classes generales reuocantur, quae categoriae, siue praedicamenta vocantur. Doctrina illa ex Pythagorica schola desumpta, quae cum numerum denarium omnium perfectissimum haberet, intra eum omnes praedicamentorum classes conclusit, primusque Archytas Tarentinus fuisse dicitur, qui hanc entium scalam constituerit: a quo cum didicisset hanc sapientiam Plato, cum eo in Italia conuersatus, Aristoteles mysteria praeceptoris vulgando, arcanam doctrinam propalasse fertur. Ita quidem FR. PATRICIUS ⁿ, qui Simplicii et Iamblichi auctoritate utitur, libellum περὶ τῶν παντῶν, Archytae tribuentium, ut plagii hac in re Aristotelem infimulet. Et Archytae quidem libellum hodiernum superesse, infra, ad Pythagoreos deducti, docebimus, Aristotelem tamen sua huic surripuisse, sine testibus dicitur. Nec alia forte ratio est, quae ante Patricium LUDOVICUM VIVEM ^o, et post eum IONSIUM ^p mouit, ut libelli de categoriis, qui Aristotelis nomen gerit, auctorem hominem Pythagoreum vel Platonium esse suspicarentur; sine causa forte graui, cum veteres, teste AMMONIO ^q, librum de categoriis inter genuinos numerare non dubitauerint.

V. Referuntur vero decem istae entium classes vel ad substantiam, quae per se existit, vel ad accidens, quod est in alio, tanquam in subiecto.

VI. Substantia est vel prima, quae maxime proprio sensu ita dicitur, et de

omnia referebat Aristoteles. Id quod probe notandum, quia sine eo intelligi nequit, cur praedicamentorum, et enunciationum doctrinam ad logicam reuulerit, et Grammaticam magis philosophicam, quam artem ratiocinandi nobis dederit. Graeci enim ex communi loquacis patriae more pulchre sibi philosophari fuisse visi sunt, si pulchre de rebus disseruissent. Et ex his illustranda ea sunt, quae habet LAERTIUS l. c. qui totam logicam Aristotelis ad differendi artificium transtulit.

^m) De categor. c. l. T. I. opp. p. 8.

ⁿ) Discuss. Peripatet. T. II. L. I. p. 182.

^o) De causis corrupt. art. L. III. p. m. 97. qui obseruat quoque, haec ad primam philosophiam, non ad logicam pertinere. Quorum prius verum est, posterius falsum, si Aristotelis scopum consideres, qui genera rerum ad constituendas definitiones ex iis depromsit.

^p) De Script. Hist. philos. L. I. c. 2, p. 4.

^q) l. c.

de altero neque praedicari potest, neque ei inhaerere; vel secunda, quae in prima subsistunt, ut genera et species.

VII. Accidentis nouem genera atque classes sunt: quantitas, relatio, qualitas, actio, passio, quando, ubi, situs, habitus^r.

VIII. Quantitas est vel continua vel discreta; quaeque nec contraria habet, nec admittit magis et minus et denominat res, ut dicantur quantae, aequales vel inaequales.

IX. Relatio est, cuius tota natura ad alium refertur: et admittit magis et minus, et natura sua relata facit se consequentia, et natura coniuncta.

X. Qualitas est, a qua res dicuntur quales, habetque quatuor species: naturalem dispositionem et habitum, naturalem potentiam et impotentiam, passionem et passibilem qualitatem; formam et figuram. Ea vero et intendi atque remitti potest, et admittit contrarietatem; et denominat res, ut dicantur similes et dissimiles.

XI. Actio et passio, illa agentis, haec patientis motum significat, et admittunt contraria possuntque intendi et remitti.

XII. Quando tempus, ubi locum, situs et habitus externas huius nominis circumstantias rei sitae vel habitu vestitae innuunt.

XIII. Post praedicamenta haec considerandi sunt termini, qui ad hoc classium rerum systema reduci nequeunt, suntque 1. opposita, quae vel relatiue, vel contrarie, vel priuatiue, vel contradictorie sibi opponuntur, 2. prius, 3. simul, 4. motus, 5. habere^s.

XIV. Ex terminis componitur enuntiatio vel propositio, quae ad doctrinam de interpretatione proprie pertinet^r.

XV. Vox mentis conceptuum signum est, qui cum vel simplici perceptione, quae nec vera nec falsa est, vel perceptione, quae ex vero et falso participat, percipiuntur, vocem faciunt vel simplicem et incomplexam vel complexam.

XVI. Nomen est vox ex institutione significans, sine connotatione temporis, cuius nulla pars per se significat et separatim.

XVII. Verbum est vox connotans tempus, cuius nulla pars per se aliquid potest significare, et est semper nota eorum, quae de alio dicuntur.

XVIII. Oratio est vox ex instituto significans, cuius pars significat separatim.

XIX. Inter orationes ea sola enuntiatiua est, et ad hermeneuticam spectat,

^r) Multum vapulat Aristoteles recentioribus VIVI, GASSENDO aliisque II. cc. quod rerum omnium classes intra decenarium numerum concluderit, cum plures admittant. Culpa vero non tam in Aristotelem, quam Pythagoreos, primos doctrinae huius inuentores, conicienda est, qui decenario numero perfectissima absoluebant.

^s) ib. c. 10. T. I. p. 17. seqq.

^r) Ipse ARISTOTELES librum de interpretatione inscripsit T. I. p. II. Tanti hanc doctrinam

fecit ISIDORVS Orig. L. II. c. 27. ut non atramento sed mente calamum tinxisse diceret. SANCTIVS vero Meneru. L. I. c. 5. p. m. 37. indignum librum et tractationem Aristotelis nomine iudicat: conf. PATRIC. T. I. L. III. p. 21. Medium nos tenendum censemus, et cogitandum, Aristotelem, ut ipse c. 6. fateretur, haec scripsisse πρὸς τὰς σοφιστικὰς ἐνοχλήσεις, contra sophistarum molestias, quo sine cessante, pleraque Aristotelicae dialecticae, quae suo tempore non contemnendum in his usum praestitit, inutilia sunt et difficiles nugae.

stat, quae verum vel falsum significat, reliquae ad rhetoricam et poëticam pertinent, constatque ea subiecto et praedicato, et copula.

XX. Propositiones quinquefariam diuiduntur, in simplices et complexas, affirmantes et negantes, vniuersales, particulares, indefinitas et singulares, impuras et modales. Modales sunt vel necessariae vel possibiles, vel contingentes vel impossibiles.

XXI. Propositionibus porro accidunt tria, oppositio, aequipollentia, et conuersio.

XXII. Oppositio vel contradictoria est, vel contraria, vel subcontraria.

XXIII. Aequipollentia est, per quam duae propositiones eandem rem significant, atque vna simul verae esse vel falsae possunt.

XXIV. Conuersio est terminorum transpositio, ita vt affirmatio et negatio cum veritate tamen eadem maneat. Attendit in hac enuntiationum consideratione Aristoteles non ad conceptuum, qui verbis exprimuntur, naturam, sed sermonis proprietatem, vt ita logicam sophistis in verborum cauillationibus artem quaerentibus praesidium opponeret: vnde multa hac in re dicta sunt, quae attentione ad idearum intellectus naturam habita, falsa sunt, vel otiose dicta, in quo demonstrando subtiles fuere *artis cogitandi* auctores Galli^{a)} et Germanus G. GERHARDVS TITIVS^{x)}, vt alios taceamus.

XXV. Syllogismus est oratio, qua positis quibusdam aliud necessario consequitur^{z)}.

XXVI. Materia syllogismi tres termini sunt; forma est legitima materiae dispositio secundum figuras et modos.

XXVII. Figura est medii termini et extremorum recta ordinatio, vt recte conclusio deducatur. Modus est dispositio propositionum pro quantitatis et qualitatis ratione.

XXVIII. Figurae syllogismorum sunt tres: prima, vbi medius terminus est subiectum maioris propositionis et praedicatum minoris; habetque modos, quibus dextre concluditur, quatuor; secunda figura medium terminum praedicat de duobus extremis; et quatuor modis recte concludit; in tertia figura medium vtrique extremo subiicitur, et sex modos habet legitime concludendi^{a)}.

XXIX. Omnis syllogismus construitur in aliqua ex tribus istis figuris, et perficitur per primam figuram et reducitur ad modum vniuersalem primae figurae.

XXX. Sunt et aliae ratiociniorum formae sex: conuersio terminorum, inductio, exemplum, abductio, instantia, enthymema, quae tamen omnes, cum syllogismi virtute consent, ad eum reduci possunt et debent^{b)}.

XXXI. Ad inueniendos syllogismos opus est i. vt termini problematis

^{a)} Art de penser L. II. ch. 2 seqq. p. m. 160. seqq.

^{x)} Art. cogit. c. 6. p. 96 seqq.

^{z)} Prolixe doctrinam de syllogismo exponit,

analyt. prior. L. I. Tom. I. p. 40 seqq.

^{a)} Quam addidit Galenus, nullius fere vsus.

^{b)} Anal. prior. L. II. c. 23 seqq. p. 73 seqq.

mais fumantur, et res, de qua agitur, supponatur, nec non definitiones, proprietates, consequentia, antecedentia, repugnantia; 2. Vt essentialia, propria et accidentia, certa et probabilia inter se discernantur; 3. Vt eligantur consequentia vniuersaliter; 4. Vt eligantur antecedentia, quibus res vniuersaliter consequens est; 5. Vt nota vniuersalis iungatur non consequenti, sed antecedenti; 6. Vt consequentia accipiantur proxima, non remota; 7. Itemque antecedentia proxima non remota; 8. Vt eligantur, quae vniuersi rei sunt consequentia, itemque ea, quibus vniuersis res ipsa consequitur. Mire in his dilucidandis et ad singulorum problematum propria applicandis industrius et ad obscuritatem vsque subtilis est Aristoteles, breuior et clarior futurus, si sermonis naturam ab idearum atque notionum proprietate distinxisset, et ad hanc, non ad illam, respexisset.

XXXII. Omnis discursus, scientiam gignens, nititur praeuia aliqua cognitione rerum de quibus discurrendum.

XXXIII. Scire est intelligere quod res sit, quod talis eius causa sit, et quod aliter se habere non possit.

XXXIV. Demonstratio est syllogismus scientiam pariens.

XXXV. Deriuatur vero scientia apodictica a causis veris, primis, immediatis, notioribus, quaeque, vt aliunde demonstrantur, opus non habent.

XXXVI. Scientia demonstratiua non datur nisi rei necessariae, vnde et demonstratio ex necessariis rebus consistit. Verissimum in se axioma, vehementer corrumpit Aristotelis schola, praeceptorem, vt videtur, non satis affecuta: ille enim de necessitate id consequentiae potissimum intellexit, vnde et regulas vniuersalis consequentiae hoc loco explicat, illa de subiecti necessitate intelligens, cum entium moralium nullam physicam necessitatem videret, illis certitudinem apodicticam denegauit, physicis asseruit, cum e contrario necessitas consequentiae clarissima sit in rebus moralibus, quarum naturam et definitionem intelligimus, quae in physicis ob ignoratas rerum essentias non datur. Id quod ad illustranda ea tenendum, quae postea dicentur.

XXXVII. Dictum de omni est, quod competit omni et per se, et semper.

XXXVIII. Vniuersale primum est, quod in vnaquaque re est per se ipsum, quatenus ea res est.

XXXIX. Demonstratio fit ex conclusionibus aeternae veritatis: ex quo sequitur, rerum fluxarum nec demonstrationem dari, neque scientiam, neque definitiones quoque. *Πρῶτον καὶ κύριον δόγμα* hoc Platonicae philosophiae fuisse, quo fundamento tanquam lapide angulari, totus cardo doctrinae de ideis vertebatur, suo loco probauimus. Nec recedere ab hac sententia ausus est Aristoteles, etsi pulchre videret, ideas, siue substantias a rebus

s) ib. L. I. c. 27. p. 65 seqq.

d) *Analyt. post.* L. I. c. 1. p. 103.

e) ib. c. 2. p. 104.

f) ibid.

g) ib. c. 4. p. 78 seqq.

h) ib. c. 8. p. 109 seqq.

rebus abstractas inane figmentum cerebri Platonici esse: cum vero errorem istum, essentias rerum in eiusmodi naturis communibus versari, non dimitteret, ad opinionem, Platonica non meliorem, delapsus, eiusmodi naturas communes, in rebus singularibus subsistentes asseruitⁱ, quas cum subiectum demonstrationis necessarium et aeternum esse contenderet, de iis demonstrationem dari posse, affirmavit, rebus vero moralibus, semper mutationi, ut credebat obnoxiiis demonstrationem denegabat. Quae omnia quam erronea sint, facile intelligent, qui ad rerum naturam accuratius attendunt. Sed haec *ὡς ἐν παρόδῳ* monuisse sufficiat, qui historiam, non examen Peripateticae philosophiae scribimus.

XL. Aliud vero est, rem nosse, quod sit, et rem nosse, quare sit; hinc duplex demonstrationis genus est, unum *τὸ ὅτι*, quod a posteriori demonstrat, alterum *τὸ διότι*, quod a priori demonstrat, quodque genuinum maxime est et perfectissimum^k.

XLI. Scientiae opponitur ignorantia, quae duplex est, vel purae negationis, vel pravae dispositionis, haec illa multo deterior est, oriturque a falso syllogismo, cuius medium falsum est, quemadmodum illa a sensuum vitio^l.

XLII. Nulla scientia a sensibus immediate oritur, qui in singularibus versantur, cum ea sit uniuersalium, conducunt tamen illi ad eam, quatenus uniuersale ex singularibus sensui obuiis intelligitur^m.

XLIII. Inductio itaque fit, ubi a singularibus sensu perceptis demonstratio ad uniuersalia deducitur.

XLIV. Syllogismus dialecticus est, qui conclusionem ex probabilibus deducit. Probabile autem est, quod videtur omnibus, vel plerisque, vel sapientibus atque praestantissimis quibusuisⁿ.

XLV. Dialectica autem ars est coniecturandi, unde nec finem semper assequitur.

XLVI. In quavis propositione, et problemate quoque declaratur vel genus, et differentia, vel definitio, vel proprium, vel accidens^o.

XLVII. Est vero definitio oratio, explicans naturam rei; proprium, non quid res sit, sed quid in ea sit, et cum ea reciprocetur, exponit: genus est, quod de pluribus specie differentibus in quid praedicatur: accidens est, quod potest abesse vel adesse^p.

XLVIII. Dialectica argumenta nituntur, vel inductione vel syllogismo: suosque unde desumuntur, loculos habent^q: inductio aduersus indoctos, syllogismus aduersus doctiores adhibendus est.

XLIX.

ⁱ) Plura hac de re diximus in Hist. phil. de ideis 3. l. §. 8. p. 130 seqq.

^k) ib. d. c. 10. p. 110.

^l) ib. c. 18. p. 117 seqq. Accuratius distinxisset in ignorantiam, quae etiam versatur circa res sensibus non obiectas, et inter errorem.

^m) Habuisse Aristotelem hanc thesin ex Platonis schola, dubium non est, unde totus uniuersalium amore captus est, non sine dispendio ve-

ritatis: cum et singularium certa detur notitia ex euidencia sensuum citra ratiocinationem intellectus.

ⁿ) Topic. L. I. c. 7. p. 110 seqq.

^o) ib. c. 3. p. 112.

^p) ib. c. 4.

^q) ib. c. 10. p. 113 seqq. locos vero topicos L. II. p. 119. decem ponit, quibus differendi artem instruit, et sui temporis moribus satisfacere conatur.

XLIX. Elenchus est syllogismus conclusioni a respondente defensae contradicens : qui si falsi sint, sophistici dicuntur^r.

L. Sunt vero elenchi sophistici vel in dictione, vel extra dictionem.

LI. Sophismatum in dictione species dantur sex : homonymiae, amphiboliae, compositionis, diuisionis, accentus, figurae dictionis.

LII. Sophismatum extra dictionem species sunt septem : fallacia accidentis ; fallacia a dicto secundum quid ad dictum simpliciter ; fallacia ignorantiae elenchi ; fallacia consequentis ; fallacia petitionis principii ; fallaciae non causae, ut causae ; fallacia plurium interrogationum.

LIII. Decipit autem sophista vel falsitate, vel paradoxo, vel soloecismo, vel tautologia, quas sibi metas constituit.

§. XIV. Haec in Logica Aristoteles constituit : tanquam instrumento *Philosophia* quibus veritates, imprimis theoreticae erui debent^r, unde ad eas quoque re- *naturalis* fert LAERTIUS^r. Sequitur pars theoretica, quae vel physicam, vel meta- *Aristotelis* physicam, vel mathematicam comprehendit. Etsi vero non plerique tantum libri physici, qui sub Aristotelis nomine ambulant, in dubium vocentur a PATRICIO^r quique eum sequuntur, LAERTII quoque catalogus librorum Aristotelis alium eorum ordinem instituat, optime tamen eam sequemur librorum physicorum seriem, quam ab eius exegetis accepimus. Ita vero in illis statuitur :

I. Principium rerum naturalium non vnum est, ut Eleaticis visum, nec homoeomeriae, ut Anaxagorae, nec atomi, ut Leucippo et Democrito, nec sensibilia elementa, ut Thaleti eiusque scholae, et Empedocli, nec numeri, ut Pythagoreis, nec ideae, ut Platoni placuit^r. Eruditum et diligentem in his rerum naturalium principiis veterum exponendis se praestitit Aristoteles, sed nimis breuem, et non satis candidum. Vnde intelligi satis nequit, nisi illorum doctrinae aliunde discantur : lucem itaque foenerari Aristoteli conatus est SCIPIO AQUILIANVS^r, qui cum et ipse brevis atque obscurus sit, et praecipue Aristotelem sequatur, noua illustratione opus habet.

II. Contraria sibi inuicem rerum principia esse oportet, atque opposita per habitus et priuationes. Prouocat in his Aristoteles ad philosophorum antiquorum consensum, qui et ipsi ita rationes physicas expediunt, e. g. Parmenides ponendo frigidum et calidum, Democritus atomos et vacuum, et sic reliqui.

III. Principia vero sunt, quae neque ex se mutuo, neque ex aliis sunt, sed ex quibus sunt omnia. Atque talia sunt prima contraria, quae cum prima sint, ex aliis esse nequeunt, et contraria cum sint, non ex se inuicem existunt.

Kkk kk 2

IV.

^r) De elench. sophist. T. I. p. 173 seqq.

^s) Conferenda de hac Aristotelis logica quae collegit Ven. WALCHIVS in Hist. Log. L. II. c. 1. f. 1. §. 8. Parerg. Acad. p. 529 seqq.

^t) L. V. f. 23.

^u) l. c. T. I. p. 39 seqq.

^x) Phys. L. I. c. 3. 4.

^y) De placitis philosophorum ante Aristotelem Mediolani 1615. 4. libellus est rarissimus, cuius nouam editionem additionibus et illustrationibus auctam dudum meditamur.

IV. Sunt vero principia illa nec infinita, alias enim ad naturam rerum via nulla pateret, nec tamen duo tantum; ex solis enim contrariis gigni posset nihil, quia se mutuo potius destruerent.

V. Principia itaque rerum naturalium tria sunt: contraria duo; forma et priuatio, et res, quae vtrique pariter subiicitur, materia. Quorum duo illa, forma et materia, rem constituunt; priuatio rerum constitutionem, nisi per accidens, non ingreditur, quatenus nempe materiae competit ^z.

VI. Res omnes educuntur ex eo, quod potentia est, nempe materia prima, non vero ex eo, quod est actu, neque ex eo, quod non est, quod purum sit nihilum.

VII. Materia autem ^a neque generatur, neque corrumpitur, sed est prima, et infinitum rerum omnium subiectum, ex quo illae formantur primario non per se, sed per accidens educuntur, et in quod postremo omnia resoluuntur. Probe haec definitio materiae tenenda est, ut, quo sensu Aristoteles contra veteres physicos, nec formam nec materiam in causis naturalibus negantes disputauerit, intelligatur. Omnes scilicet, qui de rerum naturalium causis differuerunt, philosophi, in eo consenserunt, esse aliquod subiectum, ex quo formata sint omnia, quaecunque in sensus nostros incurrun, cuique formae rerum imprimantur, id quod materiam plerique vocant. Hanc materiam ut negare non poterant, ita quid esset, et qua ratione formas rerum reciperet, dicere vix poterant, et ad varias hypotheses recurrebant. Plerique in minimas particulas diuisam, aeterno motu ferri, et a causa rationali coniungi non negabant, quidam casu ita coalescere statuebant; formas tamen rerum non deprehendebant. Hinc materiae particulis inesse eiusmodi qualitates essentiales, et vel primaelementa in iis haerere, variis modis postea modificatas asseriebant, ut Empedocles, Thales et qui hos sequebantur, vel vniuersarum rerum naturas, certo particularum generi inesse et similes particulas iungi contendebant, ut Anaxagoras. Quod cum displiceret Platoni, nec is materiae fluxum negare auderet, adeoque formas et essentias rerum aliunde deriuare haberet necesse, ad ideas recurrit, siue essentias ex Deo emanantes et rerum materiae impressas. Facile vidit Aristoteles, homo acutissimus, esse haec somnia ingenii, nec ita rerum naturalium cognitioni consuli. Ut itaque aciem aptius instrueret, materiam quidem accepit, qualitatibus omnibus penitus orbatam, quae nec qualitatem nec quantitatem vllam haberet, adeoque corpus quoque non esset, sed tamen subiectum se aeternum obieciisset, cui vero formae speciesque imprimerentur, et inhaerent, vnde et sequitur materiam in se incorpoream esse, cum corporis natura sit, qualitatibus vestiri. Quod ut ipse ARISTOTELES, eo loco ubi pluribus de hac re agit ^b, luculenter innuit, ita peruertunt Aristotelis sententiam, qui, cum corpus non esse materiam viderent, Deum ipsum esse materiam primam contenderunt, qui solus sine corpore,
ab

^z) ibid. c. 8.

^a) ib. c. 9. p. 261. ubi nouam se hypothesin

edere faciat.

^b) Metaphys. L. I. c. 6. T. II. p. 450.

ab aeterno, infinitus, etc. sit, qua in hacresi Almaricum fuisse, in historia philosophiae medii aevi dicemus. Aristoteles itaque hac materiae definitione Empedocli aliisque elementa materiae inesse statuentibus, itemque iis, qui qualitates inesse materiae credebant, se opposuit, nouam ita philosophandi de naturalibus hypothesein excogitaturus. Quam tamen ante eum iam tenuerunt Pythagorei, inter quos TIMAEVS LOC RV S^c materiam definiuit esse ab omni forma et figura per se immunem ac liberam, quaslibet tamen formas recipientem. Quem secutus est PLATO in *Timaeo*^d paria tradens. Aristoteles vero, qui, vt nouae gloriam inuentionis sibi vindicaret, veterum lumina peruertere solebat, negans^e, quae Plato habet de materia, certi ac definiti quid significare, primum se gloriatus est, qui hanc materiae incorporeae notionem, tanquam verum corporum principium inueniret, et notione abstracta et metaphysica vsus materiam definiuerit^f, quae per se ipsam neque quid, neque quantum, nec aliud quidpiam eorum, quibus ens denominatur, dicatur. Quae si recte obseruassent Aristotelis sectatores, et iactantiam magistri, qua in hac materiae definitione ab omnibus veterum se abire ostentabat, seducere se non passi essent, vt crederent, aliud illum dicere, quam quod Plato, Pythagoras alique dixerunt, qui materiam omnibus corporis qualitatibus et affectionibus spoliata dixerunt, non in tot absurdas et contrarias de materia prima Aristotelis sententias fuissent delapsi^g. Immo recentiores quoque parcius insaniae accusaturos fuisse hanc doctrinam, si veram veterum et Aristotelis mentem recte perspexissent, egregie monet, qui incomparabili iudicio lucem argumento huic accendit, ven. MOSHEMIVS^h, quem, ne nimii simus, legi consulique velimus. Ceterum notionem materiae abstractam in metaphysica considerandam esse contendit Aristoteles, eo itaque reliqua seruanda sunt, quae de ea dici poterant.

VIII. Eorum quae sunt, quaedam natura sunt, quaedam ob alias causas: illa principium in se vniuersa motus habent, haec vero minus. Est vero natura principium et causa motus atque quietis in eo, in quo primo per se et non per accidens inest. Inest autem natura substantiis materialibus; proprietates autem naturales conueniunt cum ipsa natura, quae duobus consistit, materia et forma: forma tamen magis natura est, quam materia, quia in actu consistit^b. Obscurissimus est in definienda naturae notione Aristoteles, vt incertum sit, quid per eam intellexerit? Non enim esse certam substantiam consilio res omnes distribuentem et a rebus materialibus diuersam, in quam sententiam praeter alios discessit RADVLPHVS CVDWORTHVSⁱ, naturam genitricem cui magnopere fauebat, hoc loco se vidisse somnians, ex eo intelligi potest, quod cum materia haec natura arctissime connexa est, eiusque necessitati alligata^k. Quaerenda itaque est haec natura in rebus materia-

Kkk kk 3

libus,

c) De anima mundi. Opusc. Phys. GALEI p. 544.

d) Conf. CICERO Acad. Q. 1. L. I c. 7.

e) De gener. et corrupt. L. I c. 2. T. I. p. 385.

f) Metaphys. L. VII. c. 3. T. II p. 708.

g) Conf. MORHOFF. Polihist. T. II. L. II. P. I. c. 12. p. 226.

h) Ad CVDWORTHII System. intellect. c. V. Sect. II. §. 17. n. 2 p. 944 seqq.

i) Ita Physic. L. II c. 1 p. 262.

j) System. intellect. p. 157.

k) Phys. L. II. c. II.

libus, in quibus, ait, esse principium et causam ut moveantur, et quiescant, in quibus primo per se et non per accidens subsistunt. Suspiciatur hic doctissimus MOSHEMIVS¹, formam illam, quae materiae coniuncta naturam constituit, Aristoteli esse calorem illum animale, ex sole et astris natum, quem vniuersis rebus inesse, et generationis vniuersae causam esse alibi pronuntiat. Nos omnino in eo pollicem premimus viro acutissimo, Aristotelem ipsum accuratam notionem naturae animo haud informauisse: quisquis enim attente initia libri secundi auscultationum physicarum legerit, palpabit, Aristotelem de principio naturali, quo forma et materia coniunguntur, motuque in actum deducuntur, sollicitum, cum vi hypotheseos semel adamatae Deum, ut Plato, vel substantias diuinas, quales ideae, in partes vocare non posset, et tamen nouum quid dicere vellet, animo sibi notionem vagam concepisse, adhibitoque nomine nihili, se nodum, quem soluere nequibat, dissecuisse: reuera enim nihil dixit, cum non tantum materia, cui tamen secundo ad naturam faciebat accessum, non sit causa efficiens, sed subiectum patiens motus; sed et forma ut materiae iungatur, causa efficiente ad id opus habeat: vnde recte, nisi fallimur, Philoponus, naturam virtutem internam motus effectricem dixit esse². Cum vero Aristoteles claram et distinctam ideam naturae non habuerit, frustra agunt, qui clariora ei affingunt, lucemque obscurissimo principio inferunt. Mirarique desinimus, quoslibet fere interpretes Aristotelis inuenisse in natura Aristotelis, cui dicere poterant, tu mihi sola places. Id quod luculento exemplo eorum, quae patrum nostrorum memoria de natura inter viros acutissimos disputata sunt, illustrari posset, nisi breuitati consulendum esset. Quod si coniecturis locus aliquis in re obscurissima est, ab Aristotelis systemate non alienum putamus esse, si per naturam intelligatur influxus necessarius atque naturalis intelligentiae vltimae sphaerae praesidentis, quo formae ita inducuntur in materiam, et motus naturalis in iis ita producit, ut res omnes inde oriantur. Quem influxum Auerroës et sequaces in intellectum aliquem vniuersalem transformaerunt. Non ignoramus, longe aliam plerisque videri intelligentiae huius operationem; verum qui Aristotelis physicam attentius considerat, facile sentiet, ad eiusmodi quid naturam Aristotelis redire. Verum coniecturae nudae non inhaeremus.

IX. Causarum quatuor genera sunt: materialis ex qua res omnes fiunt; formalis per quam fiunt, quaeque ratio essentiae est in re qualibet; efficiens, a qua fiunt; finalis propter quam fiunt. Causae autem vel proximae sunt, vel remotae, vel principales vel accessoriae, vel actuales vel potentiales, vel particulares vel vniuersales³.

X. Fortuna et casus variorum effectuum causa sunt. Fortuna est causa accidentalis, quae interuenit rebus consilio et deliberatione susceptis

¹) Ad l. e. CUDWORTH.

²) Conf. CLAUD. BERIGARDVS Circul.

Pisan. P. I. p. 37.

³) Phys. L. II. c. 3. p. 165.

sceptis: casus latius adhuc patet, est enim causa accidentalis interueniens rebus ad finem quendam, saltem a natura destinatisⁿ. Mire et hic notionibus vagis, vocibusque nihil certi significantibus philosophantes deludit Aristoteles, quem admissa semel hypothesis, de motu rerum omnium ex prima causa per intelligentias sphaeris coelestibus praesidentes, quae rationalis causae directionem in sublunaribus sustulit, ad eiusmodi asyla ignorantiae confugere coëgit. Casum enim et fortunam in causis ponit efficientibus, et tamen, certam eis, vnde oriantur, causam assignare nequit^o.

XI. Natura semper agit propter finem, non temere atque prout casus tulerit. Quae enim natura efficiuntur, semper vel maximam partem, eodem modo procedunt, sine tamen quandoque excidit suo, vt in monstris^p.

XII. Necessitas duplex est, vel absoluta vel conditionata: illa a materia est, haec a forma vel fine^q.

XIII. Motus est actus eius, quod est potentia, cum actu est. Ita satis obscure philosophus generalem et abstractam motus ideam sibi concipiens, definiuit actum, qui conuenit potentiae, vt potentia est, seu ad quem potentia, vt potentia, proxime instituta est^r.

XIV. Infinitum est, quod habet sine fine transitionem^s; eiusmodi actus infinitus in natura non datur: dantur tamen entia potentia infinita.

XV. Locus est immediata atque immobilis corporis continentis superficies, suntque in loco ea, quae ab alio corpore continentur: quae vero aliud supra vel extra se corpus non habent, in loco non sunt: quiescunt vero corpora in loco suo naturali, nam eo tendunt, tanquam pars diuulsa a toto^t. Distinguit hunc locum externum ab interno Peripatetica philosophia, hic enim praedicamentum vbi est, inuito forte Aristotele, quem sibi hac in re contradixisse, pulchre demonstrat BERIGARDVS^u, dignus qui hac de re legatur.

XVI. Vacuum locus est. corpore destitutus, atque tale in natura vacuum non datur: eo enim dato omnis tolleretur motus; quia in vacuo neque est superius vel inferius, neque pars vlla, ad quam motus tendat^v.

XVII. Tempus est numerus motus secundum prius et posterius, quae temporis partes momento praesenti coniunguntur, sicuti puncto lineae partes^w. Opposuit hanc definitionem temporis Aristoteles Pythagorae et Platonis scholae^x, quorum ille per tempus sphaeram quam motus mundi describit intelligit, hic motum coeli^y: Sunt tamen, tradente SEXTO EMPIRICO^z, qui hanc temporis definitionem Platoni adscribunt. Aristotelis tamen

ⁿ) ib. c. 4. s. p. 166 seqq.

^o) Accidentaliter enim operari ait l. c. & indefinitam atque obscuram causam vocat, satis prodens, nesciisse se meliora, quae veteribus a se representis opponeret.

^p) ib. c. 8.

^q) ib. c. 9.

^r) Phys. auct. L. III. c. 1. p. 272.

^s) ibid. c. 4. s. p. 274.

^t) L. IV. c. 3. p. 282.

^u) l. c. p. 53.

^v) L. IV. c. 6. p. 285 seqq.

^w) ib. c. 10. n. p. 287 seqq.

^x) ib. c. 12. p. 290. neutrum tamen nominat, videndus autem PLUT., de plac. phil. L. I. c. 21. 22. SIMPLICIUS, ad l. c. Phys. p. 165. SEXTVS Pyrrh. hyp. L. III. f. 136. aduers. Phys. L. II. f. 176. et FABRICIUS, ad h. l.

^y) ib. f. 128. et loc. cit. Pyrrh. hyp.

^z) l. c. c. 14. p. 292.

tamen systemati conuenit, in quo motus ab aeterno motore oriundus numerari potest, et relatione ad prius et posterius habita tempus dicitur. Numerus itaque hic non intelligitur mathematicus, sed numerabilitas, hoc est, motus ipse, quatenus potest numerari.

XVIII. Omnis motus et mutatio in tempore fit, est enim in quouis motu celeritas tarditasue, quae tempore definiuntur. Hinc coelum, terra, mare, in tempore sunt, quia moueri possunt.

XIX. Tempus, cum sit numerus numeratus, sine numerante dari non potest; cuius partes anima sustinet^z.

XX. Quies priuatio motus in corpore est, quando, ubi et quatenus motui est aptum^a.

XXI. Neque motus datur, qui fiat in instanti, fit enim in tempore^b.

XXII. Quicquid mouetur in toto aliquo tempore, necessario etiam mouetur in qualibet eius parte.

XXIII. Omnis motus finitus est, fit enim in tempore^c.

XXIV. Quicquid mouetur, id moueri ab alio oportet, siue exterius, siue interius mouetur^d.

XXV. Quia vero in infinitum eiusmodi progressus motus non datur, sequitur inde, necessario deueniendum esse ad primum quendam motorem, qui ab alio moueatur nullo, omnisque motus fons et origo sit^e.

XXVI. Est vero, qui fons motus est, primus ille motor immobilis, alias enim alius esset motor, qui ipsum moueret, quia nihil mouere potest se ipsum: aeternus, quia mouentur omnia ab aeterno; et alias, si motus inceperet, non potuisset primus motor mouere, tempusque aeternum non esset: indiuisibilis et quantitatis expers; infinitus enim motor primus esse debet, quia in tempore infinito mouet, infinita potentia vero, in quantitate finita, qualis corporis est, esse nequit^f. Mire non sibi tantum placuit hac primi motoris, siue, Dei demonstratione Aristoteles, sed et sectatoribus is visus est, qui doctrinae de Deo puritate omnibus praeferretur^g. Quam absurda vero, et nec intelligibilia satis, nec sana et cum vera Dei notione consonantia dixerit Aristoteles, primi motoris non naturam tantum, sed imprimis motum actiuum explicans, postea, ubi systema metaphysicum Aristotelis excutiendum erit, dicemus. Praesenti loco hoc vnum adiicimus, non posse demonstrari secundum Aristotelis ratiocinia primum motorem, nisi supponatur motus aeternus, quod cum ipsis Aristotelis principiis contradicat, falsi sunt Peripateticae scholae inter recentiores celeberrima nomina, FRANCISCUS PICCOLOMINAEVS^g, IACOBUS ZABARELLA^h, et qui Aristotelem cum Ionicis acute commisit CLAUDIUS BERIGARDVS, inanem

^z) Phys. I. V. c. 2. p. 295.

^a) ib. c. 3. p. 297.

^b) ib. c. 6. p. 300.

^c) ib. c. 7.

^d) ib. c. 6. L. VIII. c. 1 seqq. p. 319 seqq.

^e) ibid.

^f) ibid. c. 7.

^g) Dicetur hac de re paulo infra, ubi de religione et impietate Aristotelis agendum.

^g) De coelorum motoribus.

^h) De inuentione aeterni motoris, conf. BAYLE Dict. T. IV. art. Zabarella not. G. H.

anem esse totam Aristotelis de primo motore demonstrationem: quadere ad horum virorum historiam delatis plura dicenda sunt.

XXVII. Coelum perfectum est, quoniam ex perfectis corporibus componitur, omnemque complectitur perfectionem, ipsumque ab alio comprehenditur nullo ⁱ.

XXVIII. Tot sunt simplicium corporum species, quot sunt simplicis motus variationes; simplex autem motio localis gemina est; vel circularis vel rectilinea. Haec vel a centro recedit, vel centrum petit, quorum vtrumque fit vel simpliciter, vel secundum quid et suo modo. Hinc sequitur, cum quadruplex motus simplex rectilineus sit, quatuor dari elementa, id est corpora simplicia. Quoniam vero et circularis motus est, qui cum eorum essentia non conuenit, sequitur inde dari quintam aliquam essentiam, a reliquis elementis diuersam, diuinam magis et perfectioris naturae; id vero est coelum ^k. Nouum hac quoque in parte *ἐννεμα* se habere gloriatus est Aristoteles, quod si tamen veteres consulimus, fatendum est, motum illum coeli circulem, et distinctam coeli diuinioris naturam non Platoni tantum, sed et Pythagoreis quibusdam placuisse, quibus more suo, eam surripuit Aristoteles. Prius Xenocratis testimonio probat SIMPLICIUS ^l, posterius ex loco OCELLI LVCANI ^m constat, qui diserte coeli naturam diuinam, et ingenitam, a parte mundi genita et mutationi semper obnoxia distinguit. Ob hanc enim reliquamque de elementorum mutatione doctrinam Peripateticae simillimam libellum Ocello cum SAM. PARCKERO ⁿ abiudicare, temerarium putamus. Eiusmodi enim plagia saepe commisisse Aristotelem in confesso est.

XXIX. Coelum est neque graue, neque leue, quia neque a centro recedit, neque ad id tendit, ut solent leuia et grauia; sed circulari motu mouetur.

XXX. Et quia coelum contrarium non habet, generationis et corruptionis, accretionis et deminutionis atque alterationis expers est ^o.

XXXI. Mundus nec ipse infinitus est, neque extra eum datur corpus infinitum; nullum enim corpus infinitum esse potest ^p.

XXXII. Vnicus est mundus, si enim plures essent, motu in alterum delati ex loco proprio essent delapsuri ^q.

XXXIII. Aeternus quoque mundus est, adeoque nec generari, nec corrumpi potest ^r. Decantatissimum hoc Aristotelis dogma est, qui et hanc sibi gloriam vindicat, quod primus mundum aeternum et origine et fine docuerit, omnes enim ante eum *γεννᾶν τὸν κόσμον καὶ κοσμοποιεῖν*, mundo cer-

i) De Coelo L. I. c. 3. p. 337.

k) ib. c. 2 p. 338.

l) Vid. NUNNESIUS ad Vit. Arist. p. 127.

m) De mundo, Op. Phys. GALEI p. 527.

n) De Deo disp. IV. c. III. p. 367. conf. BURNET. Archaeol. philos. L. I. c. II. p. 425. qua de re infra quoque agitur.

o) Cap. 3. p. 339.

p) Cap. 7. p. 343.

q) Cap. 8. p. 345.

r) Cap. 12. p. 351. quod pluribus locis probat, nec veteres negant. Conf. IAC. THOMAS. de exult. mundi Stoica. diff. IV. p. 58. BAYLE D. d. T. III. art. Pomponace. Hist. vniuerselle p. 12. CUDWORTH. Syst. int. c. IV. §. 14. p. 285.

certam generationem et efformationem adscripsisse, asserit^s. PHILONIS^s vero iam tempore fuerunt, qui Aristotelem huius dogmatis auctorem negarent, et Pythagoreis quibusdam id tribuerent, quemadmodum CENSORINVS^{//} non Pythagoreis tantum omnibus, sed Platoni quoque illud tribuit, obseruante GASSENDO^s. Et de Platonis quidem opinione suo loco actum est, monitumque, non audiendos esse Platonicos recentiores, qui vt Platonem cum Aristotele in concordiam redigerent, docuerunt, mundum quidem genitum esse, sed ab aeterno. Quod vero ad Pythagoreos attinet, non Epicharmum tantum, sed Empedoclem quoque aliosque huc referri videas^u. Imprimis vero OCELLVS LVCANVS notissimo libello, hanc de mundo aeterno sententiam propugnauit. Fatendum tamen praeter vnum Lucanum, reliquos fere omnes, quibus etiam Eleatici iungi possunt, non eandem de aeternitate mundi, quam Aristoteles tenebat, secutos fuisse sententiam, sed ab omni aeternitate vel effluxus mundorum ex sinu DEI, vel successiones et mutationes innumerabiles somniasse. Ocelli tamen sententiam Aristotelis dogmati maxime affinem esse, ipsa libelli inspectio docet; quem si excipias, reliquos non plane cum Aristotele consensisse, etsi mundum aeternum dicerent, recte notat MOSHEMIVS^v, Lucani vero foetum Peripatetici hominis esse, facilius dicitur, quam probatur; vnde non absque verisimilitudine coniicimus, Aristotelem in exscribendis veterum scriptis exercitatissimum et callidissimum, Ocelli potissimum scrinia in physiologia sua condenda expilasse. Neque tamen poterat aliter Aristoteles, qui mundum necessarium primi motoris vel effectum vel subiectum ponebat, quae ipsa quoque ratio aeternam ei durationem adscribere Aristotelem coëgit; vt ita frustra agant, qui eum finem mundo per diluuium hiemis et conflagrationem aestatis posuisse cum CENSORINO^w asserunt. Etsi enim partibus mundi mutationes et vastationes accidere non negabat, ridiculum tamen putabat, ob paruas breuesque mutationes vniuersum moueri asserere^x. Suspecta itaque corruptionis loca sunt veterum, quae aliud dicunt, recte obseruante IACOBO THOMASIO^y. Id quod propter eos potissimum monendum est, qui omnem mouent lapidem, ne Aristoteles reuelationis veritati officiat, quique adeo omnem in eo operam collocant, vt euincant, Aristotelem non ex sua sententia mundum vel a parte ante, vel a parte post, vt loquiamant, aeternum decreuisse^z. Contradixisse vero Aristotelem hoc dogmate sibi, nec ipsi eius aeternitatis paulo candidiores negant, dum genitum esse, et ab aeterno tamen existere, impossibile alio loco putat^a. Verum hominem a veteribus recedere volentem, cum meliora non haberet, ita fuisse lapsum, mirandum non est.

XXXIV.

^s) l. c. c. 10.^{//}) An mundus sit incorruptibilis p. 940.^s) De die nat. c. 18.^u) Physic. f. I. l. c. 6. p. 162.^v) CUDWORTH, l. c.^w) ad h. l.^w) loc. cit.^x) Meteorolog. L. I. c. 14. T. I. p. 424.^y) l. c. p. 60 seqq.^z) Vid. quos nominat BERIGARD. Circ. Pisan. L. III. circ. 2. p. 5. 6. THOMAS, l. c.^a) Conf. IDEM l. c.

XXXIV. Natura suo motu coelum fertur circulari, non tamen vnus ille generis est per vniuersum coelum. Sunt enim orbis alii, qui motu incedunt primo mobili aduerso, vt vicissitudini locus esset in rebus sublunaribus, et generationibus atque corruptionibus ^b.

XXXV. Sphaericae porro figurae coelum est ^c.

XXXVI. Primi mobilis motus aequabilis est, et plane vniformis, non enim habet initium, neque medium, neque finem. Sunt enim aeterna, et primum mobile et primus motor, et varietatem nullam admittunt ^d.

XXXVII. Stellae eiusdem naturae sunt cum corpore, quo sustinentur, spissae tamen magis sunt, et compactae: illae caloris et lucis in inferioribus causa sunt, dum motu suo aërem affricant et accendunt; id quod fit maxime in sphaera solis ^e.

XXXVIII. Stellae in coelis defixae non a se ipsis, neque proprio sibi motu, verum secundum orbium suorum impulsus mouentur.

XXXIX. Primum mobile celerrimo circumfertur motu; septem, qui ei subiecti sunt planetarum orbis, quo propiores sunt ei, hoc celeriori motu eius agitatione voluntur: proprio vero motu hoc tardius procedunt, quo propiores sunt primo mobili ^f.

XL. Stellae rotundae sunt, et luna quoque ^g.

XLI. Coeli centrum terra est, rotunda, in medio consistens immota, quae iuxta cum aqua, vnum conficit orbem ^h.

XLII. Elementum corpus est simplex, in quod alia corpora diuiduntur, in quibus illud siue actu existit, siue potentia ⁱ.

XLIII. Qualitates, quibus elementa mouentur, sunt grauitas et leuitas; graue est, quod deorsum versus centrum deprimit, leue, quod ascendit ad coeli extrema ^j.

XLIV. Duo sunt elementa, sibi inuicem contraria, vnum simpliciter graue, terra; alterum simpliciter leue, ignis, quae in partes tendunt contrarias. Inter haec media interiacent, et ex vtriusque extremi natura participant, aër et aqua.

XLV. Generationis et corruptionis perpetua est successio, siue simplex ea sit, siue accidentalis, cuius causa est, et primus motor, et materia prima, ex qua res omnes fiunt ^k.

XLVI. Aliud est alterari, aliud generari; in alteratione subiectum manet integrum, affectiones mutantur; in generatione totum mutatur; augmentatio et diminutio vero quantitatis, motus localis spatii est mutatio ^l.

XLVII. Augmentatio nutritionem supponit, quae fit, quando alimen-

LII II 2

tum,

^b) De coelo L. II. c. 3. p. 355.

^c) ib. c. 4. p. 356.

^d) ib. c. 6. p. 358.

^e) Cap. 7. p. 359.

^f) Cap. 8. p. 359.

^g) Cap. 11. p. 361.

^h) Cap. 13. 14. Priori loco diligenter veterum de

systemate mundano sententias exponit, posteriori rationibus satis leuibus meliorem sententiam deserit.

ⁱ) De coelo L. III. c. 3. p. 372.

^j) ib. L. IV. c. 1. p. 378.

^k) De gener. et corrupt. L. I. c. 3. p. 386.

^l) Cap. 5. p. 390.

tum, vt substantia est, tranfit in corporis animati substantiam; augmentatio vero fit, si accedit ad corporis animati quantitatem.

XLVIII. Mutua physici contactus actio et passio est, inter res partim forma dissimiles, partim materia similes; utroque nitente, vt simile sibi reddat patiens ^u.

XLIX. Principia et differentiae elementorum, sensibus et tactui obnoxiorum, tactiles sunt qualitates, quae discrimen inter corpora sensibilia constituunt: et sunt paria eorum septem: calidum et frigidum, humidum et siccum, graue et leue, durum et molle, viscosum et aridum, asperum et laeue, crassum et tenue.

L. Primarum vero qualitatum agentes duae sunt, calor et frigus; passiuae duae, humiditas et siccitas; calor homogenea congregat, frigus heterogenea dissipat, humidum aegre continetur, siccum facile.

LI. Ex coniunctione caloris et ariditatis nascitur ignis; ex caloris et humiditatis, aer; ex humiditatis et frigoris aqua; ex frigoris et siccitatis terra ^m.

LII. Omnia elementa possunt inuicem in se transmutari, non generatione, sed alteratione.

LIII. Omnia corpora mista ex omnibus miscentur elementis ⁿ.

LIV. Causae mistorum corporum tria sunt, materia, qua aliquid potest esse et non esse. forma, quae est ratio essentiae, et causa effectrix vniuersalis, motus coeli singularis ^o.

LV. Corporum mistorum alia sunt imperfecte mista, alia perfecta; illa sunt meteora, v. g. cometae, galaxia, pluuia, nix, grando, venti etc. ^p

LVI. Generationi corporum perfecte mixtorum opponitur putrefactio, cui obnoxia sunt omnia, excepto igne.

LVII. Ex putridis animantia producuntur, calore naturali adiuuante.

*Psychologia
Aristotelica.*

§. XV. Prolixissimus in his omnibus non enarrandis tantum sed et rationibus muniendis, et contrariis veterum physicorum opinionibus refutandis est Aristoteles, qui ad specialiora quoque descendit, quae tamen in breui hac rudique summorum capitum doctrinae naturalis Aristotelicae expositione enarrari nequeunt, vbique tamen apud viros doctos, qui in genuinam Aristotelis mentem inquisuerunt, queunt inueniri. Adiicienda tamen doctrinae eius de anima summa capita, vt qua ratione nobilissimum argumentum excusserit Aristoteles, pateat. Ita vero de animae origine et natura disputat, vt obscurissime mentem explicet, vnde non potuit non maximus interpretum eius de mente illius circa doctrinam de anima oriri dissensus. Cuius rationem potissimum in ipsis philosophiae Aristotelicae circumstantiis quaerendam putamus. Cum enim sua φιλοσοφούμενα veterum placitis opponeret Aristoteles, et imprimis id ageret, vt a Platone discens,

^u) Cap. 6. p. 393.

^m) Lib. II. c. 2. §. p. 400 seqq.

ⁿ) Cap. 8. p. 406.

^o) Cap. 9. p. 406.

^p) Prolixe horum corporum naturam explicat Meteorologicorum libris tribus prioribus, quibus corporum perfecte mistorum proprietates considerat.

scedens, nouam et oppositam philosophandi rationem introduceret, id agi ab eo oportuit, vt vel re ipsa, vel vbi hoc non posset, nominibus atque vocibus noua afferret. Prius vero cum facere non posset, et cum Platone diuersas animae facultates in homine, diuersamque earum originem assereret, nouis vocibus, nouoque systematis ordine rem mutare, et obscura tradere, cum clara non haberet, coactus est. Quapropter inanis nobis labor videtur, velle Aristotelis *ψυχολογία* ad certas clarasque notiones reducere, nimique illi recte esse censentur, qui, non, quid de anima statuerit, sed quid constituere debuerit, exponentes, cuncta ad saniores opiniones trahunt. Verum de his in particulari *ψυχολογία* historia amplius dicendum est. Nos instituti memores, summam doctrinae eius exponemus, quae hæc est:

LVIII. Anima a se ipsa non mouetur, quicquid enim mouetur, mouetur ab alio. Opposuit hoc Platoni, et scholae Pythagoreae, nec aliter patiebatur doctrina de motus origine ^q.

LIX. Anima est prima entelechia corporis naturalis organici, vitam potentia habens: est vero entelechia prima operationis principium, secunda ipse actus ^r. Dicit non potest, quantum operae consumserint Aristotelis interpretes, vt obscurissimae definitioni lucem accenderent. Quid enim *ἐντελέχεια* sit, nec ipse clare definiuit, nec, qui eum secuti sunt, concordant, et clare intelligunt. Plerique actum primum definiunt, et Themistius *τελείωσις* complementum et perfectionem alterius, qualis est forma rei materialae: vt ita anima sit actus primus non respectu materiae, sed suarum functionum, quibus natura prior est, quasque in corpore organico exercet. Aliter tamen Auerroës, et qui eum sequuntur, qui formam non operantem per actum primum intelligit; aliter alii. Lepide, sed ex vero Aristaeus, collocutor BERIGARDI ^s, viri in doctrinis Aristotelicis earumque imbecillitatibus perspicacissimi: *Difficultas tantum esse potest in voce actus, graece ἐντελέχεια, quam forte dicetis usurpari tantum ab Aristotele pro forma, quae materiam afficit, eo modo, prout vobis placet: ita enim res se habet; obscurissimam vocem quilibet interpretum ad id traxit, quod placebat, quodque saluis Aristotelis principiis fieri poterat. Nec nos meliora dare audemus, dicemus tamen, quae nobis ea de re in mentem venerunt. Agnoscebat Aristoteles, obscurissimam esse quaestionem de anima, quam etsi substantiam esse probe videbat, naturam tamen eius non nouerat; hinc ex operationibus eius, quae in sensus incurrunt, eam indagandam esse, recte existimans, obseruabat homines non tantum per eam viuere, et sentire, sed et intelligere, et hoc intellectus ac rationis usu a reliquis animantibus uiuentibus et sentientibus differre, id quod mox in ipso limine tractationis demonstrat. Cum vero ideam siue notionem abstractam principii illius, quod ita corpore tanquam instrumento ad viuendum, sentiendum*

LII II 3

et

^q) Operose L. I. de anima T. I. p. 476 seqq. veterum opinionones de anima examinat et refellit, more suo, vt aptius sua intruderet, felicius in refutandis aliorum opinionibus, quam confirmandis suis.

^r) Lib. II. c. I. p. 487.

^s) Circul. Pisani. P. IV. circ. 2. p. II.

^f) Cap. 2. p. 487 seq.

et intelligendum vitur, efformare vellet, et facile peruideret, eiusmodi substantiam esse debere, quae tali perfectione gauderet, ut istas functiones in corpore organico edere posset: nesciret vero, cuiusmodi illa substantia naturae esset, vocem aliquam a confusa, quam sibi formabat notione desumptam in definitione instituit *ff*, et ἐντελέχειαν dixit, id est, si dicendum quod res est, substantiam nescio quam, quae vitam rationalem et sensitivam in corpore organico producere apta est *r*. Quae ut attento Aristotelis lectori sua sponte in mentem veniunt, ita morem Aristotelis, vocibus nihili notionibusque vagis et incertis rerum naturalium principia declarandi mire illustrant.

LX. Animae tres facultates sunt, nutriens, sentiens et rationalis, quarum superior inferiores potentia complectitur.

LXI. Facultas nutriens ea est, per quam vita rebus omnibus inest; eius operationes sunt generatio et nutritio *u*.

LXII. Facultas sentiens ea est, qua animantia sentiunt primum: Sensus vero mutatio est in organo a re sensibus oblata, procurata: Sensus enim se ipsum mouere non potest *v*.

LXIII. Sensus externi sunt visus, auditus, olfactus, tactus et gustus *w*.

LXIV. Omnes hi sensus species sensibiles a materia abstractas accipiunt, ut cera figuram annulo insculptam accipit, non simul accepta gemma.

LXV. Omnis sensus externus differentiam percipit rei, circa quam versatur, diuersarum rerum vero differentias discernere nequit: communis itaque aliquis sensus datur, qui eas diiudicat: idque vno eodemque actu, dum in eo externi sensus coniunguntur omnes, quos diiudicat *x*.

LXVI. Sensus ab intellectu differt, illo gaudent omnia animantia, hoc paucissima *y*.

LXVII. Phantasia a sensu et ab intellectu differt, quamuis sine praeuia sensus perceptione non detur, quemadmodum neque cogitatio absque ea existit.

LXVIII. Est vero cogitatio actio intellectus, scientiam, opinionem et prudentiam comprehendens.

LXIX. Phantasia est motus animalis, a sensu agente deriuatus, quo motu varie animal afficitur, res concipiens modo veras modo falsas.

LXX. A phantasia deriuatur memoria, quae res praeteritas complectitur, et pertinet per se ad phantasiam, per accidens ad intellectum, et in eadem animae facultate sedem habet *z*.

LXXI. Memoria est ex impressione imaginis cuiusdam in anima a sensu facta, ubi haec imago retineri non potest, humiditatis vel siccitatis excessu, ibi cessat memoria: cerebri itaque ad eam temperie opus est.

LXXII.

ff) Conf. CICERO Tusc. Q. 1. L. I. c. 10. et qui potiora de hac voce erudite collegit ven. WALCHIVS Parerg. Acad. p. 300.

r) Conf. LEIBNIZ. Theodicee P. I. §. 87. p. m. 130.

u) ib. c. 4. p. 489.

v) Cap. 5. p. 491.

w) Cap. 6. p. 492.

x) Lib. III. c. 2. p. 500.

y) Cap. 3. p. 501.

z) De memor. et reminisc. L. I. c. 1. p. 523.

LXXII. Reminiscencia non resumendo memoriam exercetur, sed per discursum et perquisitionem diligentem seriei rerum ^a.

LXXIII. Somnus oritur ex stupore et ligatione quasi sensuum: et occupat imprimis sensum communem.

LXXIV. Insomnium est phantasmatis apparitio per somnum oblata, orti ex remanentibus in organis sensoriis imaginibus rerum, circa quas sensus versantur ^b.

LXXV. Tertia animae facultas intellectus est, quae homini propria est, estque ea animae pars, quae cognoscit atque intelligit ^c.

LXXVI. Intellectus duplex est, patiens et agens.

LXXVII. Intellectus patiens est, per quem omnium rerum formas intellectus induit; agens, est potentia cognoscens, quae phantasmata pariter et intellectum patientem illustrat ^d.

LXXIIX. Intellectus actiuus separari a corpore potest, immortalis est, et aeternus; et passionis est expers, nec commiscetur corpori: intellectus passiuus mortalis est.

LXXIX. Actio intellectus est duplex, vel indiuisibilem, id est, apprehensionum simplicium, in quibus nec veritas, nec falsitas est; vel complexorum, siue affirmationis et negationis; in hac sola veritas et falsitas est ^e.

LXXX. Est porro intellectus agens vel theoreticus vel practicus; ille rem intelligibilem in actu constituit; hic rem bonam vel malam cognoscit, diiudicat et voluntatem mouet, ad eam appetendam et fugiendam ^f.

LXXXI. Localis motus in animali principia sunt intellectus practicus et appetitus, ille quid sectandum, fugiendumue sit docet, hic appetit, vel auersatur ^g.

LXXXII. In homine duplex est appetitus, voluntas nempe, quae sequitur iudicium rationis, et appetitus sensituius, qui vel irascibilis vel concupiscibilis est, qui sensum sequitur et phantasmam.

LXXXIII. Soli homines phantasia deliberante vtuntur, quae optimum eligit, hicque appetitus rationalis sensituius, qui brutis communis est, imperare debet ^h.

LXXXIV. Vita est animae cum calore naturali constans permanentia ^b.

LXXXV. Caloris principium in corde est, quod si extinguatur, mors sequitur ⁱ.

§. XVI. Haec eorum, quae de anima disseruit Aristoteles, summa est, in qua haud pauca iure desiderantur. Nihil enim clarum dixit de animae origine, et ex quo fonte in corpus immittatur, licet de eo problemate fuisse disserentem

a) ib. c. 2. p. 525.

b) De somno et vigil. c. 1. 2. p. 528.

c) De anima L. III. c. 4. p. 502.

d) Cap. 5. 6. p. 504.

e) ibid.

f) ib. c. 7. p. 506.

g) ib. c. 10. p. 473.

h) ib. c. 11. p. 508.

i) De vita et morte c. 17.

j) ib. c. 18.

rentem audiuerit Platonem: nihil porro de animae immortalitate, quod clarum sit, protulit. Et intellectum quidem agentem immortalem esse ait, passiuum cum reliquis animae facultatibus immortalitate priuat, quae tamen omnes, si eum audias, vna in anima sunt. Hinc grauis inter sectae Peripateticae alumnos, ab ipsa protractorum in lucem librorum Aristotelicorum aetate ad recentiora vsque tempora controuersia fuit, an anima iuxta Aristotelem mortalis vel immortalis sit? Et prius quidem non Christiani tantum doctores Aristoteli tribuerunt^k, sed et Dicaearchus, quo familiariter vsus est Aristoteles, secutus est^l, libris vero Aristotelis detectis schola Peripatetica Alexandro Aphrodisiensi auctore constanter ita praeceptoris mentem explicuit, qua de re in historia huius sectae post C. N. tempora prolixius dicemus. Eidem parti se postea iunxit Auerroës, intellectum agentem ab anima hominis longo discrimine separans, vt suo quoque dicetur loco; Alexandri opinionem postea Petrus Pomponatius, eiusque discipuli, Caesar item Cremoninus, Andreas Caesalpinus, et Aristotelicae philosophiae inter Italos affeclae plures receperunt. Aliter tamen, non medio tantum aeuo aliqui^m, sed potissimum post renatas literas illi, qui Aristotelem intra sacra Christianorum adyta receptum impie non philosophatum fuisse contenderunt, qua de re lites inter Pomponatium et Augustinum Niphum, recentiorum temporum historiam philosophicam enarraturi, plenius exponeamus. Et exercuit quoque semper doctissimorum virorum industriam vexatissima quaestioⁿ, eo quod supra modum se occultet, sententiamque mentis veram premat Aristoteles, sine dubio Socraticam scholam, quae pro immortalitate animae pugnabat, immo religionem quoque gentis suae publicam reformidans. Vnde nec diligentissimus Aristotelicae doctrinae, et errorum in ea scrutator FRANC. PATRICIVS certi quid hac de re constituere ausus estⁿ. Nos clariora quidem et omnino certa dare non promittimus, si tamen criticas leges sequimur, et Aristotelis scita attentius rimamur, non desperandum esse putamus, vt verisimili ratione doceatur, animam hominis sine apud Aristotelem non carere. Scilicet 1. praesupponendum est, quod supra ex philosopho attulimus, certum esse, ex mente Aristotelis, quod non anima tantum sensitiua, sed et intellectus passiuus intuitu non careant. De intellectu itaque actiuo tantum, qui iudicat, qui que ratiocinatur, sermonem esse necesse est. 2. Certum vero porro est, hunc intellectum actiuum ex Aristotelis mente extrinsecus ei aduenire et immitti.

^k) Patrum loca, quibus Aristoteli hunc errorem obiecerunt, affert FR. BALTUS in *gement des SS. Peres sur la morale de la Phil.* pag. ch. 17. p. 124 seqq. omnium maxime luculentus est EVSEBIUS praep. Eu. L. XV. c. 9. p. 808 seq. qui Platoniorum contra eum in hoc argumento agmina producit, quocum conferendus IO. LAVNOIVS de varia fert. Arist. c. I. p. 127 seqq. et WALCHIVS Parerg. Ac. p. 315.

^l) CICERO Tusc. Qq. L. I. c. 31.

^m) In his Anonymus de vita Pythag. apud PHOTIVM Cod. CCLIX.

ⁿ) Non audent negare AVGVSTINVS ORIGIVS in rarissimo libro: Aristotelis vera de rationalis animae immortalitate sententia Rom. 1633. conf. BAYLE dict. T. III art. Origius. Aliorum et imprimis Bernardini Donati loca prolixè affert LAVNOIVS l. c. p. 261 seqq.

ⁿ) Libro cit. L. XII. p. 152. Rationes vero quae pro Aristotele militant affert BENED. PEREGRIVS de comm. rerum natur. principiis L. VI. c. 19. pag. 388.

immitti^o. Quem fontem animae rationalis studiose quidem occultat, prodidit tamen loco quodam non obscure, quid de eo sentiat. Ait enim, postquam animam vegetatiuam et sensitiuam extrinsecus non accedere demonstrauerat, quia cum actionis corporalis sint, sine corpore inesse nequeant: *λείπεται δὲ, τὸν νῦν μένον θύραθεν ἐπεισιέναι, καὶ θεῖον εἶναι μόνον*: *Restat itaque mentem solam foras ingredi, et solam diuinam esse.* 3. Vnde vero immittatur mens ab anima distincta in corpus, id nusquam diserte tradidit, etsi eodem loco dicat, in femine contineri non ignem vel talem aliquam facultatem, sed spiritum, et naturam, quae in eo spiritu est proportionem respondentem elemento stellarum. Ex quo loco eruditissimus MOSHEMIVS^p colligit, calorem aliquem naturalem, ut alio loco vocat, ex sideribus forte succensum et per vniuersam rerum naturam fusum esse, huiusque naturae partem semen excipere sicque mentem immitti. Ut enim hoc de mente siue intellectu actiuo intelligatur, antecedentia obstant, ubi diserte tradit philosophus: animam vegetatiuam in prima conceptione tantum esse, sensualem etiam, qua animal est procedente tempore recipi, et tum rationalem. Si vero tempore procedente demum foetui iam concepto immittitur mens, ut hic luculenter docet, in femine maris immitti ea nequit^o. Nec dubitamus nos, ipsum Aristotelem, hoc in loco vehementer confusum, nesciuisse, quid de animae origine statuendum sit, et quod ipse fatetur, dubitatione plenum esse, quonam tempore et quomodo et vnde mentem recipiant, qui ea gaudent. Vnde quae postea de feminis natura et calore, siue de spiritu vitali tradit, non ad mentis ortum, sed potius ad id, in quod mens diuinae originis et incorporealis naturae immititur et sedem ei praebet, referendum est^r. 4. Reliquit itaque coniecturis definiendum^s Aristoteles, quinam ille fons animarum sit, vel mentium potius, ab omni materiali concretionem separatarum, et utrum illa mens vna tantum esset in tota specie humana, an sua singulis tribueretur, an ut actus informans, an ut assistens. Quod si Aristotelis totam, quam nobis dedit, physiologiam consideramus, omnino verisimile putamus, intellexisse eum per fontem mentium intelligentiam aeternam, in tota specie humana vnā, quae omnibus hominibus adsit, non ut forma, sed ut motor suo mobili^t. Nec ab hac opinione, quae constitutionem totius systematis physici apud Aristotelem fundamentum habet, dissentiant magnopere Alexander^u, Auerroës et Zabarella, nisi in eo, quod primam intelligentiam eum fontem esse putent; cum potius intelligentia vltima intelligenda esse videatur, quae intellectum vniuersalem agen-

^o) De gener. animant. L. II. c. 3. p. 319. conf. GREG. NAZIANZ. or. de Sp. S. p. 220. ARISTID. QVINT. de music. L. III. p. 134. conf. WALCH. Parerg. Acad. p. 305.

^p) Ad CVDWORTHVM p. 67. et p. 1172 seqq.

^q) De gener. animal. L. III. c. 11. conf. CICERO Tuscul. Q. I. c. 10.

Hist. philos. Tom. I.

^r) Recte id quoque obseruatum cel. WALCHIO p. 313. et ante eum IAC. THOMASIO l. c. §. 168. seqq. p. 216 seqq.

^s) Recte id obseruatum BERIGARDOL. c. p. 126.

^t) Omnes enim intelligentiae Aristotelis assistentes tantum sunt sphaerarum, non informantes.

^u) De anima L. II. c. 15. quocum facit etiam CHR. SONERVVS Metaph. L. V. c. 6.

agentem omnibus hominibus communem constituit, quae hominum phantasiae coniuncta, plures efficit quodammodo animas rationales¹. Qua de re, quid contra Auerroistas, Achillinum, Pomponatium, Portium aliosque scriptum, et ab iis responsum est, consuli, ubi occasio se exhibet, velimus. Quam de anima sententiam Aristoteles a Platone mutuo accepit, et more suo obscurauit, cui mens pariter ex anima mundi decerpta est. §. His suppositis anima hominis, qua talis, mortalis necessario dicenda est. Etsi enim ipsa mens immortalis est, cum vniuersalis illa anima non moriatur, ab homine tamen moriente, cui loco formae impressa et immissa est, separatur, et cum antea phantasiae iuncta animam rationalem constituerit, nunc discedens cui assistentem se praeberat, animam hominis mortalem deferit: sicque anima hominis, qua eius anima est, mortalis est. Verum in re obscurissima coniecturarum satis est; vnde reliqua, quae dici poterant, non moramur, hoc vnum obseruauisse contenti, non confundendum esse hunc animorum fontem Aristotelem, non tantum cum vniuersali spiritu siue calore, qui vitae sensitiuae fons est, et vna cum femine immittitur, verum nec cum anima mundi Stoica et Platonica, animarum scaturigine. Stoica enim familia Deum ipsum per omnes mundi partes diffusum, vt informantem eius partem, fontem mentibus praeberere statuebat, Plato animam diuidui et indiuidui participem Deoque inferiorem, sed diuinae tamen originis mentibus fontem assignabat; Aristoteles intelligentiam Deo inferiorem, ceu formam assistentem animis originem dare contendebat. Id quod ad distinguenda sectarum placita omnino notandum est².

*Metaphysica
Aristotelis.*

§. XVII. A rebus naturalibus, et mobilibus, ad considerationem earum rerum, quae naturam rerum visibilem et mobilem transcendunt, et immobiles sunt, adeoque generaliore cognitionem requirunt³, transit, quae quoniam priores natura esse debent, quam res mobiles, ideo metaphysicam primamque philosophiam vocauit. Non enim solas mentis notiones et abstractiones vniuersales ista philosophiae parte comprehendit, vt postea fecere, sequius secundum Aristotelem philosophantes Scholastici, sed naturarum spiritualium ipsiusque DEI considerationem ea comprehendit; sicque theologiam quandam naturalem atque philosophicam exhibuit. Nuspiam vero

¹) Nisi velis esse intelligentiam ista adhuc inferiorem, vt volunt Arabum quidam, conf. IAC. THOMASIVS de exult. mundi Stoica, diss. XIV. §. 153. p. 213 seqq. et quos laudat SYRBIUS phil. prim. p. 435. qui tamen vix cum Aristotelis systemate conciliari possunt.

²) Conf. THOMAS. I. c. Sunt ex veteribus et in his ATHENAGORAS leg. pro Christ. p. m. 7. ed. Paris. et CLEM. ALEXANDRINVS in Protrept. qui referunt, Aristotelem Deum habuisse pro anima, cuius corpus stellae et siderum fixorum sphaerae sint. Vnde eum inter animae mundi patronos retulit CUDWORTHVS Syst. intell. p. 181. seqq. Eos vero non audiendos esse, nec trahendos in patrocinium animae mundanae, recte m-
aure IAC. THOMASIVS I. c. p. 212. & cl. MOS-

BEIIVS ad I. c. Cudw. nam qui mundi animam statuunt, de informante, non assistente anima loquuntur: P. P. vero dicti hanc non illam intelligunt, ait enim Athenagoras: animam Deum esse sphaerae stellarum fixarum, ratione motionis istius, cum ipsa non moueatur, sed corporis motum efficiat eique praesit. Nec hi accurate Aristotelis mentem exprimunt, non enim omnibus sphaeris, sed sphaerae tantum Deus praesit, vt ille vult. Etsi vero animam quandam spiritualem vniuerso inesse credidit, nempe *διεμóρτωτα ψυχικὴν*, quae omnia permeat, illa tamen ad intelligentias non pertinet, sed ad coeli naturam, et elementi quinti est, a Deo diuersi.

³) Metaphys. L. VI. c. I. T. II, pag. 692. V. I. pag. 9.

vero obscurior fere est Aristoteles, quam in hac doctrinae parte, tum quod veterum doctrinas fuisse refert, argumenta eorum affert et refutat, nec tamen satis a suis distinguit: tum quod notionibus maxime abstractis immersus, cum claras et distinctas ideas non haberet, incertis vagisque saepiuscule vteretur nominibus: quam difficultatem eius sensu genuina eruendi auxerunt, qui in purioris doctrinae partes eum rapere omnibus viribus faterentur. Diligenter itaque totus nexus dogmatum tenendus et expendendus est, et inde de mente philosophi iudicandum. Nos ordinem ab eo institutum, quem in metaphysicorum libris tradidit, iterum sequemur, ubi hunc in modum statuit:

I. Metaphysica ens considerat, quatenus ens est, eiusque principia. Est autem terminus entis analogus, atque primo de substantia dicitur, cuius una est essentia, de accidentibus autem non simpliciter, sed quatenus substantiarum communia sunt attributa. Hinc primario haec scientia agit de substantia ^w.

II. Primum atque vniuersale principium et axioma hoc est: Impossibile est idem simul esse et non esse, in eodem nempe subiecto, eodem tempore et modo atque respectu. Ad hanc vniuersalissimam omnis veritatis regulam omnis demonstratio redit, ipsa, quia prima veritas, est indemonstrabilis ^x.

III. Ens est vel per se, vel per accidens, vel potentia, vel actu, vel in intentione, vel reapse ^y.

IV. Entis per accidens nulla datur scientia, est enim species non entis, neque causam per se habet.

V. Ens per se distribuitur, secundum decem praedicamenta.

VI. Est vero substantia id ipsum, quod subiicitur, in quo considerantur, materia, forma atque ratio, et compositum, ex his proprio magis sensu posteriora ens dicuntur, quam materia, quae tamen vere quoque substantia est et primum subiectum ^z.

VII. Materia prima primum est subiectum, et ultimo superest sublatis omnibus corporis affectionibus, hinc neque substantia completa est, neque quantitas, neque in alio praedicamento. Materia vero a forma separari nequit, nec singularis est aut determinata. Probe haec materiae primae definitio obseruanda est, qua ab omnibus corporis affectionibus abstractam, quatenus solum subiectum primum et vniuersale rerum omnium est, sibi concepit, et quam metaphysica notione sibi efformauit, in rerum et principiorum naturalium circulum intrusit. Ex quo inanes Peripateticorum de natura materiae primae disputationes facili negotio possunt dirimi.

VIII. Forma id est, quod re ipsa dicitur esse, siue tota rei natura et essentia, quae definitione comprehenditur: habent vero substantiae sensibiles propriam definitionem, ens per accidens non item ^a.

Mmm mm 2

IX.

^w) L. I. c. 1. L. V. c. 1. L. VI. c. 1.^x) L. IV. c. 4. p. 668 seq.^y) ib. c. 7. p. 679.^z) L. VI. c. 3. p. 693.^a) L. VI. c. 6. p. 696.

IX. Potentia est vel agens vel patiens. Potentia actiua, est principium motus aut transmutationis in altero, vel quod instar habetur alterius ^b.

X. Potentia passiuia est in patiente, nec potest motus huius a motu agentis potentiae diuelli, etsi in diuersis subiectis sint.

XI. Potentiarum aliae sunt rationales, aliae rationis expertes ^c.

XII. Potentia manet in rebus, licet actu se non exferat ^d.

XIII. Non dantur potentiae, quorum actus sunt impossibiles. Possibile enim est, quod ex aliqua potentia consequitur, vel consecuturum est ^e.

XIV. Potentiae vel sunt naturales, vel consuetudine acquiruntur, vel disciplina discuntur.

XV. Actus est, quando aliter res est, quam erat in potentia ^f.

XVI. Omnis actus prior est potentia, omnique eo quod potentia continetur, ratione, essentia et tempore ^g.

XVII. Ens intentionale est vel verum vel falsum. Vere intellectus affirmat, si iudicium rei conforme sit; falso, si conforme sit minus.

XVIII. Sunt autem etiam verum et falsum in simplici rerum apprehensione, non tamen per enunciationis modum, verum simpliciter et per modum perceptionis.

XIX. In rerum immutabilium scientia intellectus decipi non potest, sed in folis rebus contingentibus et mutabilibus.

XX. Vnum entis affectio est, non substantia, sed categorema, et praedicatum cuiusque rei, in quantum ea est ens. Vni autem opponuntur multa. Ad vnum refertur idem, aequale, simile ^h.

XXI. Diuersa siue genere siue specie talia sunt; genere diuersa sunt, quae eandem non habent materiam, vel genus; specie diuersa sunt, quorum idem est genus ⁱ.

XXII. Substantiarum tria sunt genera, duo naturalium substantiarum, quorum vnum corruptibile, ut animalia, alterum sempiternum, ut coelum. Tertium genus immobile est ^j.

XXIII. Dari perpetuam aliquam et immobilem substantiam, necessarium est, quia datur motus localis aeternus, circularis coelo proprius, qui initium habere non potuit. Si autem aeternum tempus et motus est, necessario sequitur, non tantum esse substantiam, in quo motus fit, aeternam, sed substantiam etiam, quae cum ipsa non moueatur, siue immobilis sit, non potentiam tantum mouendi contineat, sed et actu ipsa moueat, actu purissimo ^k.

XXIV. Substantias motus aeterni effectrices materia oportet esse expertes, mouent enim actu aeterno, omnis expertes potentiae.

XXV.

^b) L. IX. c. 1. p. 711.

^c) c. 2. p. 712.

^d) ib. c. 3. Hoc oppositum Megaricis.

^e) ib. c. 4. p. 713.

^f) ib. c. 6. p. 715. Hoc vero non de tempore semper intelligendum esse, monet, sed ratione et essentia semper.

^g) ib. c. 10. p. 717.

^h) L. II. c. 4. L. IV. c. 6. p. 678.

ⁱ) ib. c. 9. p. 680.

^j) L. XI. c. 1. p. 738.

^k) ib. c. 6. p. 740. sequimur vero versionem doctissimi interpretis STANLEII, reliquis emendatorem.

XXV. Talis substantia, circulari motu commota, coelum est; generationum vero et corruptionum vices non primo debentur coelo, quod eodem modo semper mouet, verum inferioribus sphaeris maxime solis.

XXVI. In aeternum est igitur primum coelum, aeterno enim agitur motu, praeter quod aliquid esse oportet, quod aeternum mouet, et substantia et actus est, et nunquam mouetur.

XXVII. Primus ille motor mouet appetendo et intelligendo, etsi ipse non moueatur. Motio autem primi mouentis, quatenus est prima causa effectrix, consistit in eius influxu, qua efficienter concurrit cum intelligentiis inferioribus ad mouendas earum sphaeras.

XXVIII. Vis igitur effectrix primi motoris in applicatione consistit virium motorum inferiorum, ad proprium ipsis opus, ad quod cum eis agendo concurrit ita, ut aliunde eius actio non dependeat. Ita intelligentiae coelum mouent, non generationis rerum inferiorum causa, sed propter bonum istud pulcherrimum maximeque expetendum, cui conformari se cupiunt¹. Difficillima haec pars systematis metaphysici Aristotelis, quae vero totam rationem et fundamentum eius complectitur. Postquam enim per scalas substantiarum ad primam substantiam ascenderat, fontem omnis motus, quem e coeli motu circulari et perfectissimo atque aeterno deriuauerat, detecturus, tandem ad primum motorem peruenit, quia motus in infinito quaerere causam ipse videbat esse absurdum, et tamen motum esse aeternum statuebat; quo iure, quae iniuria, iam dicendi locus non est; sufficit, Aristotelem ita fuisse ratiocinatum. Hunc motorem itaque immobilem esse et tamen aeternum mouere, ex hac causa erat necessarium; alio modum, quo illum motum prima illa causa, et omnis motus principium efficeret, indicare, hic haerebat aqua philosopho. Non enim inesse animam orbibus coelestibus, quae infra vi eos moueret, dicere licebat, licet id contendat CUDWORTHVS²; hoc enim toti systemati Aristotelico contrarium est, et primis eius notionibus de materia, motuque locali; assistentes itaque sphaerarum coelestium, vnde reliquarum infra lunam rerum motus penderet, motores excogitabat, et ut his motus causam assignaret, supremae sphaerae primum motorem alligabat. Quem cum omnis quantitatis et materiae adeoque omnis quoque motus vacuum esse, dicere cogeretur, quia pro certo sumebat, quodcunque mouetur, mouetur ab alio, processum vero in infinitum recte repudiabat, tanquam contradictorium, alia mouendi ratio, quam quae in materia esset, excogitanda erat, qua sphaerarum suprema, et simul intelligentiae reliquis sphaeris praesidentes mouerentur. Difficillimae vero quaestioni soluendae impar, cum de substantiae simplicis immaterialis, immobilis natura parum haberet, quod diceret, a mentis humanae similitudine rationem desumfit, ratus, mouendi actum aeternum in primo motore, eodem modo, quo in mente hominis, licet in perfectione metaphysica, fieri.

Mmm mm 3

Ad

¹) ib. c. 7. p. 743.

²) l. c. p. 189, seqq. quam sententiam iam euer-

tit THOMASIVS, et post eum MOSHEMIVS
ll. cc.

Ad animum vero humanum attendens, cum videret, ad mentis ideam et voluntatis decretum, sequi motum non animae tantum, sed et corporis; localis motus, vti supra demonstrauius, principia posuit intellectum practicum et appetitum^m: vtrumque non tam efficienter quam finaliter operantes, hocque pro primario localis motus principio admissio, sic egregie explicatam putabat quaestionem, quae tot magna ingenia, Aristotele longe superiora exercuit, qua ratione anima agat in corpus? Haec ad primum motorem applicans, cum aliud non haberet, quod causam motus, ita, vt tamen ipse non moueretur, explicaret, dixit mouere eum *ὡς ἐπιθυμητὸν, ὡς τὸ ὀρεκτὸν, ὡς νοητὸν, ὡς τὸ ἐρώμενον, sicut appetibile, sicut desiderabile, sicut intelligibile, sicut amabile*. Fatemur, nihil iam nos clarius scire, qua ratione Deus moueat; adeo obscura sunt omnia, quae dicit, nec miramur, ex hoc ligno finxisse sibi Mercurium, qualem vellent, interpretes, certissimum enim est, Aristotelem ipsum ea non intellexisse, et quae ipsi de mente hominis mysteria erant, cum ad Deum transferret, prorsus incognita et obscura mansisse; sed haec in homine ita philosophari per notiones vagas obscurasque et ideas nihili sueto, vt ignorantiam tegeret, eo magis ferenda sunt, quo magis etiam hodie maximis viris nondum satis exploratum est, qua ratione spiritus puri moueant? motusque in materia causa queant esse efficiens? Non vero Deum in se tantum tanquam primum motorem considerabat Aristoteles, sed tanquam eum, a quo reliquae intelligentiae dependerent, et forte etiam (licet mentem hac de re suam non exposuerit) emanauerint. Quae cum aeternum motorem tanquam optimum et perfectissimum exemplar intueantur, et desiderio ferantur, motum primi principii sui admittendi, ipsi quoque modo intelligibili mouentur*, sphaerasque suas mouent, sicque reliquis motus causa sunt, et aeterni quidem in circulari coeli motu, mutabilis vero in motu rectilineo. Verbo vt, quantum licet, clare mentem Aristotelis, prout nobis videtur, explicemus, id fere dixit, quod alii ita efferrent: Deus necessario essentiae suae, potentiae et bonitatis actu et potest mouere omnia et vult ea mouere, ideoque reapse mouentur. Quod num soluendo difficillimo problemati aptum satis et sufficiens sit, nostrum hoc loco non est dispicere. Certe si qua in lucem protrahi potest, obscurissimum dogma ita explicandum videtur, et detegenda hoc quoque loco magni viri asyla ignorantiae. Quae enim interpretes attulerunt, coacta omnia sunt, quaeque imprimis Platonici recentiores, et in his Simplicius adducunt, aperte scopum conciliandi Platonem cum Aristotele produnt. Vnde abiicienda quoque sententia, de Deo, ceu anima mundi, sphaeras mouente, quae misero syncretismo et pudenda confusione Platonicas hypotheses miscet cum Aristotelicis, vel potius vtrasque turpiter peruertit.

XXIX, Primus hic motor perfectissima fruitur vita et iucundissima atque aeterna, quae in eo consistit, vt se ipsum intelligat, et cum infinita delectatione contempletur.

XXX.

^m) De anima L. III. c. 10.

ⁿ) Hinc Alexandro Aphrodisiensi et post eum accuratioribus Peripateticis obseruatum, Deum

mouere, non vt causam efficientem, sed vt causam finalem, quod ex allatis lucem capit, Conf. Conringiana p. 125.

XXX. Hic primus motor Deus est, aeternum ac viuum ens entium nobilissimum, substantia immobilis, a rebus sensibilibus diuersa, quantitatis corporeae atque partium expertus, quaeque diuidi nulla ratione possit. Sine his enim aeternus et primus motor esse non posset^o.

XXXI. Post primam illam substantiam, coeli primi motorem alias esse oportet substantias materiae expertes, aeternasque, inferiorum sphaerarum motibus praefectas, et iuxta numerum et seriem sphaerarum praesidentes^p.

XXXII. Deos esse primas illas substantias coelum mouentes, antiqua traditio est, atque ea vere diuina doctrina est: quod addunt vero, forma hominum esse eas, vel aliorum animantium, id ad rudem tantum plebem instituendam inuentum est, legum et vitae commoditatis causa^q. His daemonologia Aristotelica comprehenditur, quae occasionem eius interpretibus dedit disquirendi, num daemones crediderit, id quod illi affirmarunt non sine contentione, quorum intererat Aristotelem in scholas et cathedras theologicas admissum ab omni malefana doctrina liberari penitus, et christianis dogmatibus conciliari; negarunt viri quidam docti paulo acutiores et praeiudicio isto non impediti^r; dubius haeret CVDWORTHVS^s. Quae vero pro hac re afferuntur loca^{ff}, partim obscura sunt, quia incertum, quo sensu nomen daemoniorum intellexerit, quamue ei potestatem subiecerit Aristoteles, partim ex aliorum loquuntur opinione. Nobis in hac re allato Metaphysicorum librorum loco standum esse, aequissimum videtur, quo aperte dicitur, dari eiusmodi intelligentias, et substantias simplices atque immateriales, easque Deos illos esse, quas maiores, et viri prisca in mythologiis exposuerunt: reliqua fabulis annumeranda esse: quibus verbis reliqui daemones plane excluduntur, et ad praesides sphaerarum coelestium numerus eorum alligatur. Quibus an preces et sacrificia offerenda sint, cultusque et veneratio diuina, cautus non explicuit; verisimile tamen, Aristotelem ea inter istas fabulas, ad popellum deliniendum et compescendam plebeculam, excogitatas, retulisse. Cum enim omnia ex naturae necessitate motusque aeterni lege agant, iis quae sub luna sunt, vel naturae calidiue vniuersalis motui vel intellectus vniuersalis agentis consilio, vel casui et fortunae permixtis, vt ex physiologia Aristotelis sequitur, cur quae so preces et sacrificia maximopere commendat, et inanibus cruciet laboribus hominum animos philosophus? Vtrum vero hae intelligentiae a Deo genitae sint, de eo Aristoteles mentem non explicuit, qui enim a CVDWORTHO^r affertur locus, huc non pertinet; nec monet inepte doctissimi-

^o) Loca Aristotelis congescit IONSIUS de Scr. Hist. phil. L. I. c. I. p. 9. et ven. WALCH. Parerg. Ac. p. 248.

^p) ibid. c. 8. p. 743.

^q) ibid. p. 744.

^r) GOQVAEVS ad AVGVSTIN. de C. D. L. II. c. 4. n. O. TOR. MAIOR. diff. de nat. et cultu angelor. §. 2. MOSHEM. ad l. citandum CVDW. CONRINGIVS Conringian. p. 127. qui etiam Met. L. IV. c. 8. vel ex communi opinione loqui, vel quantum illud animalium genus intelligi putat,

quod L. III. de gen. an. c. 11. sub luna habitare putat.

^s) Syst. intellectu. c. IV. §. 24. p. 491.

^{ff}) l. c. et Rhetor. L. II. c. 33.

^r) l. c. c. IV. §. 24. p. 497. Valde occupatus erat animus magni viri, cum praestantissimum librum scriberet, hypothefibus & rationibus Platoniorum recentiorum, iuxta quorum cogitata saepe perperam aliorum philosophorum placita explicat,

ctissimus eius interpres, vix posse intelligi, qui potuerint a Deo gigni, qui ab aeterno sphaeris suis alligati sunt. Nam aeternam rerum omnium, qualis nunc est, faciem admittebat Aristoteles, nec admittere non poterat, falsa motus idea et definitione delusus: vnde frustra sunt, qui vel materiam vel mundum Deum ex se produxisse Aristoteli tribuunt^u; vel plane creationem ex nihilo infana interpretatione illi affingunt^v. Vtrum vero non conceperit animo, intelligentias non generationis quidem, necessariae tamen emanationis et essentialis dependentiae nexu in origine sua primae intelligentiae iungi, de eo disputari forte posset, firmatque coniecturam, quod Deum finem motus illorum necessarij fecerit: qui cum externus esse nequeat, quia omnia in hoc systemate diuino necessaria sunt, internus est, et ita ex essentia atque natura eius, et intelligentiarum ab eo dependentia oriari debet. Verum in incertissima re nihil definimus.

*Atheismus
Aristotelis.*

§. XVIII. Haec est metaphysicae Aristotelicae facies, quae plura quidem, quam quae allata sunt, comprehendit, his tamen praecipuis fundamentis atque capitibus nititur; quae enarrasse pro instituti nostri ratione, satis erit. Liceret iam nobis ad moralem philosophiam Aristotelis progredi, nisi promissi supra facti memores occasio moneret, de religione et pietate Aristotelis paucis differere; de qua non nisi exposita systematis eius metaphysici siue theologici facie iudicari posse, diximus. Vt vero fidem liberemus, et an iure vel iniuria in atheorum classem Aristoteles referatur, definiamus, prolixè non congeremus ea, quae magnus veterum et recentiorum numerus vel pro Aristotele, vel contra eum dixit. Loca utriusque partis pleraque adducere viri de sacris et elegantioribus literis praecclare meriti, IOH. GEORGIUS WALCHIVS^w, IOH. ALBERT. FABRICIVS^x, IACOBVS FRIDERICVS REIMMANNVS^y, quibus facile plures addi possunt^z, qui ab iis, qui peculiarem atheismi historiam quaerunt, consuli debent. Nos instituti memores, paucis mentem hac de re nostram ita explicamus, vt veterum dogmatum studioso occasio detur, accuratius et ordine debito in rem ipsam inquirendi. Et primo quidem in ipsa athei definitione et ex eo transsumendo nomine accurate hic versandum esse monemus. Solet enim bifariam vox haec accipi: Velenim philosophum indicat, qui directa systematis ratione Deum ex vniuerso tollit, et nihil nisi vniuersum hoc varie modificatum pro numine habet; vel talem innuit, qui Deum quidem asserit, talem vero de Deo sibi effingit ideam, quae veram de Deo notionem euertit, Deumque facit quasi non Deum. Referuntur etiam

a non-

^u) Ita Alexandrini Platonici, vt suo Platoni reformato Aristotelem conciliarent, sed perperam, vt enim motus, ita tempus quoque illi aeternum est, Hoc vero posito ortus mundi a Deo locum non habet, quia tempus, et mundus, qui in Deo est, prius et posterius in praesenti iungit.

^v) Vide quos nominat MOSHEM, ad Cudw. p. 211. n. 4. et in diss. de creat. ex nihilo l. c. §. 21. p. 980 seqq. Quorum hominum insaniam post PERERIVM l. c. et PATRICIVM l. c. T. V, L. IV.

p. 400. IAC. THOMASIVS l. c. diss. IV. p. 58. castigauit.

^w) In luculenta tractatione de atheismo Aristotelis Parerg. Acad. p. 298 seqq.

^x) Del. argum. de V. R. C. c. VIII. §. 3. p. 307.

^y) Hist. Atheismi S. II. c. 27. p. 182 seqq.

^z) Recentissime pulchre de hac re disseruit MOSHEM, ad Cudw. p. 500. Integræ vero tractationem expectamus a cl. ZIMMERMANNO, qui per multos iam annos historiam atheismi molitur.

a nonnullis in hanc classem ii, qui dogmata venditant, facilem ad atheismum viam ducentia, qualia sunt, negata DEI prouidentia, scepticismus moralis, mortalitas animae, et quae his sunt similia; vt taceamus ea, quae a nonnullis de atheismo practico solent inculcari, quae cum grano salis accipienda sunt, et huc non aduocanda, nisi turpis vita ex dogmatum natura oriatur. Multum in disputatione de Aristotelis atheismo in neglecto hoc vocis discrimine peccatum et de verbo litigatum esse constat. Deinde et ad hoc attendendum esse iubemus, vnde et ex quibus locis de celeberrimi philosophi atheismo iudicandum sit? Solent enim nonnulli ex decerptis alieno loco verbis Stagiritae de eius religione iudicium ferre, multi librum de mundo in subsidium vocant; quod tamen vtrumque perperam fieri ex eo facile intelligi potest, quod liber de mundo incertae fidei sit, et ipsa potissimum totius systematis physiologici constitutio et summa sit consulenda. Ad quam attentum seruantes oculum non negamus, si prima, quam posuimus, significatione de atheismo Aristotelis quaeratur, eum ab hac macula absoluedum esse. Motorem enim primum non describit tantum, tanquam primam rerum omnium causam, sed eum quoque mundo contradistinguit, et a materia totum natura separat, substantiam ei per se, motum, intellectum et appetitionem tribuit, et supra omnia ponit, et ab eo totam rerum vniuersitatem, non vt a causa informante, vt loqui solent, sed vt ab assistente et extra mouente dependentem facit; eumque Deum vocare nullus dubitat, eique subordinat intelligentias reliquas. Quod si vero altera significatione de atheismo Aristotelis quaeramus, valde timemus, vt quod homini a partium studio alieno faciat satis, patroni Aristotelis pro eo afferre queant. Eiusmodi enim admisit placita, quae veram Dei naturam plane euertunt. Deum ille quidem facit motus omnis causam, verum non adiungit tantum ei vinculo necessario materiam; nec vllam ei in formanda illa potestatem tribuit, et formatam iam ad latus ponit, sed et mundum cum omni ornatu suo aeternum; motumque illum non a libera voluntate, sed a naturae necessitate deriuat; impotentissimus itaque Deus est, qui non potest aliter, nisi quatenus vinculum illud, quo necessario cum mundo colligatur, permittit. Quemadmodum itaque Deus immutabilis est, ita et mundus in se spectatus, et imprimis pars eius primaria coelum, non deterioris in eo quam Deus, conditionis. Nec potest quoque Deus ille aliquid, nec vult, quam quod necessario facit, nec id propter alios, sed propter se. Aeternae enim suimet ipsius contemplationi deditus, nihil in tota vniuersitate curat, de nulla re prospicit, immo nec reliquarum intelligentiarum cura tangitur, sed non aliter, quam primum mobile in machina, necessaria naturae suae lege mouet, sicque machinae instar motum cum reliquis participat. Quae aeterna motorum cum sphaeris mundanis combinatio omnem prorsus libertatem DEI eiicit, et Deum sua perfectione spoliatur. Nec aeternitas Deo adscripta multum iuuat, cum motui ab eo producto et aeterno adiungat Aristoteles tempus aeternum, quod prius habet et posterius, quod non potest non esse in

aeternitatem Dei iniurium. Nec potest Deus Aristotelis esse immensus vel omnipraefens, qui extremae sphaerae alligatus, a mundi partibus semotus agit, otiosus plane sui contemplator; unde nec precibus honorari, nec sacrificiis placari, nec mala punire, nec bonos iuuare vel potest vel vult, longe deterior Deo Epicureo, qui praestantiae tamen causa colendus est. Nec intelligentiae ei ministrant, quae non aliter nisi partes machinae, ad motum totius necessario cooperantur, de rebus sublunaribus nihil sollicitae. Quae itaque Dei partes sunt? qui nec mundum condidit, nec eius curam agit, nec liberior est machina quacunque, nec cultu Deo debito potest coli, nec a quo beneficia in homines vlla proficiscuntur? Nec multum valent, quae in contrarium afferuntur; magnificis enim verbis pauca et exilia dicendo vehementer lectores decipit Aristoteles. Vocat Deum operationem ^a, verum necessariam, suaeque machinae intentam; sese tantum curantem, se contemplantem. Immortalis est et vita, sed talis, quae nulla actione constet, nisi mouendi virtute nescio qua inexplicabili, quae in contemplatione sui, indeque orto desiderio et appetitu intelligentiarum consistit. Curam vero aliquam hominum gerere etsi dicere videtur aliquo loco ^b Aristoteles, certum tamen est, eum ἐξωτερικῶς et ad populum eo in loco philosophari. Nec pro Aristotele militat, quod excipitur, opponere eum necessarium in conceptu Dei, non libero, sed accidenti; non enim locum habere potest haec distinctio, quia accidentis hic nulla datur consideratio, ad quod libertas quoque referri debet. Non vrgebimus dogmata, quae atheismum quidem directe non inuoluunt, impia tamen sunt, et ad eum facile ducunt, quale illud est, de intellectu agente vno vniuersali, omnibus hominibus communi, quod Spinozismi accusare in Abaelardo, homine Aristotelis studiosissimo non dubitauit P. BAYLIUS: mortalitas animae, scepticismus moralis et his similia. Alia, notata a viris doctis passim praeterimus, et in his etiam, quod non facile systema sit, quod reuelationi tantopere contra eat, quam Aristotelis, cuius specimina egregia paucis dedit magnus CONRINGIUS ^d, in philosophi placitis accurate versatus. Obiicere praeter haec poteramus Aristoteli inconstantiam in tradenda vera de Deo sententia, graui ἐγκλήματι ei exprobratam a CICERONE ^e et LACTANTIO ^f, nisi patientia lectoris non esset abutendum. Paucis vt dicta in vnum contrahamus. CLAVDII BERIGARDII ^{ff} potius verbis, quam nostris, utemur, eo quod in eodem cum Aristotele luto haesisse viris magnis, praeter rem visus sit. Ita vero acutissimus philosophus: *Hoc in Aristotele occurrit reprehendendum, quod posuit mundum, eiusque materiam pri-*

mam

^a) De coelo L. II. c. 3.

^b) Ethic. L. X. c. 7. 9.

^c) Hinc dubitanter loquitur, et quidem non de Deo summo, sed de diis, siue intelligentiis, quarum vltima hominum res dirigit, dum mentem cum iis communicat. Hoc nihil ad providentiam Dei,

^d) l. supra cit.

^e) De nat. Deor. L. I. c. 13.

^f) Inst. diu. L. I. c. 5.

^{ff}) Praef. Circul. Pisan. P. I. Addi his potest, quod SEXTVS EMPIRICVS ad 1. Math. L. X. c. 33. Aristoteli obiecit, Deum extremo coeli circulo inhabitare, vid. de coelo L. I. c. 3. cum itaque is coelum extremum occuper, quid locum tamen, si audias philosophum, non habet; Deus necessari spatiofus locus extramundanus est. conf. cel. FABR ad l. c. Sexti.

nam aeternam, primum motorem primae duntaxat sphaerae medio circulo insistentem, libertatis expertem, nihil aliud aptum intelligere nisi se ipsum, nec aliud efficere, quam motum aeternum, proinde nec mundum, nec aliud quidquam ex nihilo creare posse, item de reliquis intelligentiis, quarum infimam videtur facere intellectum agentem et animam unam communem toti speciei humanae, unde surgit innumerabilium errorum seges.

§. XIX. Alteram philosophiae partem principalem, practicam atque *Philosophia moralem* constituit Aristoteles, eamque in ethicam, politicam et oeconom- *practica Aristotelis.* micam distribuit. Primae scientiae praecepta in libris *ad Nicomachum*, et *Stotelis.* in libris *magnorum moralium* atque libello *de virtutibus*; secundae in *pe- liticorum* libris octo; tertiae in *oeconomicorum* libris duobus tradidit. Et si vero satis copiosus est in exponendis philosophiae moralis atque civilis placitis, exilis tamen et ieiunus ob dictas supra causas plerumque est, neque argumentum exhaurit. Cuius potissimum inde ratio deducenda est, quod vera moralis philosophiae principia et honestatis fontes ignoravit, et absurdis falsisque metaphysicae et physicae notionibus corruptus nec facultatum animi humani indolem intellexit, nec naturam moralitatis perspexit, falsa- que insuper persuasionem ductus, in morali argumento non dari certum aeter- numque demonstrationis subiectum, adeoque nullam quoque dari posse de- monstrationem, perniciosum Scepticismum moralem inuexit *a*. Alienum itaque non est, ieiunam videri philosophiam moralem Aristotelis iis, qui eam de naturae moralis principiis naturalibus praecipere debere recte sta- tuunt *b*. Aliter tamen Aristoteles, qui cum physicam magis, quam ethi- cam, voluntatis humanae notitiam possideret *c*, ea quae mores hominum fingunt, ex civili potius felicitate, qualem ipse in aula principum sectaba- tur, deriuavit, quam ex natura hominis morali hausit *d*. Mirum itaque est, potuisse per tot secula ethicae Aristotelicae viros non obesae naris pollicem premere, cum in nulla philosophiae parte magis pauper sit, quam in hac, in qua aulicum quidem hominem, in aula Philippi vel Alexandri ad magnam fortunam adspirantem, non infeliciter finxit, veram vero voluntatis huma- nae felicitatem non promouit, nec eas homini regulas praescripsit, quae in- ternam actionum humanarum honestatem respiciunt. Id quod nec salvis principiis systematis sui facere poterat, nec magnopere scopus eius postu- labat, qui fuit, ut ex opinione hominum, in vita politica felicitatem sectan- tium,

Nnn nn 2

g) Hinc moral. L. II. c. 3. T. II p. 16. ait: Scien- tiam parum aut nihil ad virtutem valere, sed exerci- tationem, usum et habitum. Quod quale fundamen- tum habeat, ex iis intelligi potest, quae supra de sub- iecto demonstrationis ex eius mente diximus. Hinc diiudicandi sunt, qui, ut scepticismum mora- lem ab Aristotele remoueat, ostendere conati sunt, demonstrationi in moralibus locum eum fecisse, quod ANDR. LUDOVICVS KOFNIGMANNVS pec. diss. ad l. c. Kil 1707. et IO. BVRG. MAIVS diss. quod Aristoteles demonstrationem doctrinae moralis non incertam statuerit Kil. 1706. egerunt.

b) Conf. cl. STOLLE Hist. phil. moral. gent. §. LXVIII. p. 89 seqq. Obs. Hal. T. II. obs. 2. et re- centiores passim.

i) Constat inde SOREL de perf. hom. p. 329. Ethicam Aristotelis magis esse appendicem phyli- cae, quam nouam philosophiae partem, eo quod ma- gis in aff. ctuum natura et origine, quam in b. iecto et modo explicando versetur.

k) Monuit hoc iam BOECLERVS Instit. pol. L. I. c. 6. p. 82. et BOSIVS de compar. prud. ciu. §. 15. p. 5. add. BVDEVS Isag. Hist. theol. L. I. c. 4. §. 31. p. 296.

tium, discipulum instrueret. Et hinc ratio quoque patet, cur pulchritudinem, nobilitatemque inter felicitatis partes numerauerit ¹; affectuumque physicam indolem cum morali natura confuderit, mediocritatem ubique postulans ²; cur nec pietatem ³, nec internam honestatem inter virtutis septa receperit: talemque virtutis faciem depinxerit, quae aulicis potissimum hominibus, ad regis exemplum se componentibus, placere poterat ⁴, neglecta ea, quae virum magis probum, quam splendidum magnumque inter homines facit ⁵. Summa vero praeceptorum eius moralium haec est ⁶:

I. Felicitas moralis, non consistit in voluptate corporis, nec in diuitiis, neque in gloria civili, potentia et nobilitate, neque in contemplatione rerum intelligibilium, siue idearum ⁷.

II. Sed consistit morale hominis bonum siue beatitudo in functione animi et operatione secundum virtutem; ac, si plures virtutes sint, secundum optimam et perfectissimam ⁸.

III. Vita haec secundum virtutem perfectam voluptatem habet in se inclusam, et delectationem ⁹.

IV. Sunt tamen bona externa instrumenta quaedam ad res praeclaras secundum virtutes agendas, v. g. amici, diuitiae, potentia civilis, nobilitas generis, pulchritudo.

V. Summum itaque bonum acquiritur actione virtutis ¹⁰.

VI. Sunt vero virtutes vel theoreticae vel practicae ¹¹.

VII. Virtus moralis consuetudine et usu acquiritur, et quidem actiua, non contemplatiua ¹².

VIII. Est vero virtus habitus proaereticus in mediocritate consistens, quatenus ad nos refertur, quaeque ratione est definita, et iudicio prudentium ¹³.

IX. Mediocritas autem, seu medium est inter duorum vitiorum extrema, quorum vnum in excessu peccat, alterum in defectu.

X. Intelligitur vero eo mediocritas, quae in perturbationibus atque actionibus est ¹⁴.

XI.

¹) I. c. L. I. c. 9. p. 9. quod in eo carpit I. LIPSIVS manu. ad phil. Stoic. L. II. diff. XXI. p. m. 214. ad virtutis Peripateticae scopum non attendens

²) Patet hoc ex iis quae L. II. c. 5. p. 17. de natura virtutis moralis disputat, quam in mediocritate omnium affectuum ponit, hucque etiam odium, atque iram aduocat.

³) Quae enim de cultu Deorum dixisse refert SENECA nat. Qq. L. VIII. c. 30. *ἐξωτερικὰς* dicta sunt.

⁴) Hinc fortitudinem actiuam aliis praeponebat L. III. c. 6. passiuam, siue patientiam contemnit L. IV. c. 5.

⁵) Patet hoc ex descriptione magnitudinis, ambitionis filiae, L. IV. c. 3. 4. conf. SPICHT. *szufferé*

des vert. hum. P. II. c. 15. p. 149. sq. conf. C. THOMAS. *Hist. lur. nat.* c. IV. §. 10. p. 46.

⁶) Elegans philosophiae moralis Peripateticae compendium exhibet. STOBÆVS *Eclog. phys.* et *eth.* L. II. p. 184 seqq. ed. Canteri; quod Latium exhibet interpres STANLEY p. 475 seqq. Nos ipsa Aristotelis verba exhibemus, coeptum trauertem percurrentes.

⁷) *Mor. L.* I. c. 3. 4. 5.

⁸) *ib.* c. 6. L. X. c. 6. p. 107.

⁹) *ib.* c. 9. p. 9.

¹⁰) *ib.* c. 10.

¹¹) *ib.* c. 13. p. 13.

¹²) *Lib. II.* c. 5.

¹³) *ib.* c. 6.

¹⁴) *Cap. 8. 9.*

XI. Virtus vero consilio et voluntate fit; unde spontanea actio est, cuius principium in nobis est ^v.

XII. Virtus tribus rebus perficitur, natura, consuetudine ac ratione ^w.

XIII. Virtutum primaria est fortitudo, quae est habitus mediocritatis inter formidinem et confidentiam, vel audaciam ^x.

XIV. Temperantia est mediocritas inter voluptatum excessum et defectum siue ἀναισθησίαν ^y.

XV. Liberalitas versatur circa pecuniam, estque mediocritas inter profusionem et sorditiem ^z.

XVI. Magnificencia est mediocritas circa sumptus magnos decorum seruans, et medium inter insolentiam et indecoram parsimoniam seruans ^a.

XVII. Magnanimitas est mediocritas in tribuendo et appetendo magno honore et iudicio de suis meritis, medium tenens inter humilem et superbum animum ^b.

XVIII. Modestia est mediocritas circa appetendos honores paruos, medium tenens inter honoris contemptum et ambitionem ^c.

XIX. Lenitas est mediocritas, versans circa iram, medium obseruans inter iracundiam et lentitudinem siue torporem ^d.

XX. Popularitas siue facilitas est mediocritas circa studium placendi in congressu hominum et vitae humanae consuetudine, euitatque morositatem atque abiectum placendi studium ^e.

XXI. Integritas siue candor est mediocritas in colenda veritate, media inter arrogantiam et dissimulationem ^f.

XXII. Urbanitas est mediocritas circa ludos et iocos, quae scurrilitatem vitat et agrestes mores ^g.

XXIII. Verecundia perturbationi s. passioni similior est, quam habi-
tui, estque metus quidam infamiae, mediaque est inter impudentiam et nimium pudorem ^h.

XXIV. Iustitia est mediocritas circa actiones iustas et iniustas, estque duplex, vel vniuersalis vel particularis ⁱ.

XXV. Iustitia vniuersalis est obseruantia legum ad conseruationem societatis humanae ^j.

XXVI. Iustitia particularis est mediocritas inter aequales suum cuique tribuens, estque duplex, distributiuā et commutatiuā ^k.

XXVII. Iustitia distributiuā est, quae cuius civium pro merito praemia et onera distribuit, nititurque progressionē geometrica ^l.

Nnn nn 3

XXVIII.

^v) Lib. III. c. 5. Non poterat aliter statuere Aristot-^l s., qui Deum a rerum humanarum cura excluderat, et cuncta ad casum, fortunam et consiliū reterebat. Quantum vero hoc principium ethicum in ecclesiam admissum detrimentum attulerit, alio loco dicendum est.

^w) STOB. eclog. eth. p. 184.

^x) l. c. c. 9.

^y) Cap. 13.

^a) ib. c. 4.

^b) ib. c. 10.

^c) ib. c. 12.

^d) ib. c. 14.

^e) Lib. V c. 2, p. 44.

^f) ib. c. 3.

^g) ib. c. 8. 9.

^z) Lib. IV. c. 1.

^a) ibid. c. 7.

^b) ibid. c. 11.

^c) ibid. c. 13.

^d) ibid. c. 15.

^e) ibid. c. 7.

XXVIII. Iustitia commutativa est, quae in commutatione rerum cuiusvis, quod ei debetur, tribuit, servatque proportionem arithmeticam.

XXIX. A iusto aequum differt, quod est correctio legis, qua aliquid ei deest, propterea quia generaliter loquitur: virque aequus est, qui non est iuris interpres in sua causa durior, vel in deteriore partem propensus ^u.

XXX. Haec virtutes, quae eam animae partem, quae ratione caret, concernunt; sequuntur virtutes quae inesse debent ei parti, quae rationi praedita est; id est, intellectui ^m.

XXXI. Sunt vero virtutum intellectualium siue theoreticarum species quinque: scientia, ars, prudentia, intelligentia, sapientia ⁿ.

XXXII. In moribus tria fugienda sunt, vitiosa dispositio, incontinentia, feritas; primae virtus, alteri continentia, tertiae virtus heroica opponitur, qua viri diuini efficiuntur ^o.

XXXIII. Cum virtute amicitia coniuncta est. Est autem amicitia benevolentia perfecta inter eos, qui par pari referunt; suscipitur autem vel propter voluptatem, vel propter utilitatem, vel propter virtutem, haec perfecta, illa imperfecta est ^p.

XXXIV. Ea quae amici in amicos conferunt, et quibus amicitia circumscribitur, ex iis, quae sibi quisque exoptat ac tribuit, profluunt ^q.

XXXV. Benevolentia non est propriae amicitiae, sed eius initium, concordia eius adiunctum ^r.

XXXVI. Scopus vero amicitiae est dulcis vitae societas ^s.

XXXVII. Voluptates inter se specie differunt.

XXXVIII. Ut vero inhonestae voluptates hoc nomine indignae sunt, ita honestissima voluptas est, quam vir beatus et perfectus ex actionibus secundum virtutem, atque functionibus, quae eius munus perficiunt, capit ^{ff}.

XXXIX. Beatitudo, quae in actionibus virtuti consentaneis consistit, vel contemplativa, vel activa, est ^t.

XL. Contemplativa, quae in contemplatione rerum posita est, praestantior est activa, quia et mens est pars hominis optima, et res, quas mens contemplatur, optimae sunt; unde etiam voluptas ex sapientia optima.

XLI. Externa beatitudo externorum bonorum minor est, quam quae est ex actione virtutum; quae tamen illam ^u etiam requirit.

Potiora haec sunt et summa quaedam moralis philosophiae capita, quae in *moralium* libris ad *Nicomachum* scriptis Aristoteles tradidit. Eadem in libris *magnorum moralium* et *eudemiorum* persequitur, ut instituta docebit comparatio, a nobis brevitatis causa praetermittenda ^x. Etsi vero multa

^u) ibid. c. 14.

^m) Lib. VI. c. 2. p. 55 seqq.

ⁿ) Cap. 3. 4. 5. 6. 7.

^p) Lib. VIII. c. 1. 6. p. 75. 78.

^q) Lib. IX. c. 4. p. 88.

^r) ibid. c. 5. 6.

^s) ibid. c. 12.

^o) Lib. VII. c. 1. p. 63.

^{ff}) Lib. X. c. 5. p. 99 seq. LAERT. L. V. f. 30 seqq. ORIG. philos. p. 139 seq.

^t) ibid. c. 7.

^u) ibid. c. 8.

^x) Loca magnorum moralium et eudemiorum parallela ad marginem ethicorum notata exhibet CASAVBONI editio, quae consulenda.

ta in his sunt, quae ad morum honestatem veram et internam nihil afferunt, quaedam quae eam destruunt, non priuandus tamen laude sua est Aristoteles, qui multa quoque egregia et vitae humanae accommodata in his libris dixit^y, plura huius generis allaturus nisi constitutum illi fuisset, philosophorum ante se vestigia vbique relinquere, quod ieiunam de vndecim virtutibus tractationem peperit^z. Cogitandum etiam, quod in fine ethicorum egregie monet, ea quae dixerat, protheoriam esse ad vitam ciuilem in republica et societate humana feliciter et beate transigendam; vnde recte statuunt^a, qui hanc de moribus tractationem non pro ethica, sed politicae parte generali habent; illi enim scopum ipsius Aristotelis sequuntur. Patet hoc clarius illis, qui politicae specialis praecepta ab Aristotele tradita euoluent, in quibus non tantum ea, quae ad integrum imperii corpus faciunt, enarrauit, sed etiam illa docuit, quae ad singulas eius partes pertinent. In quibus etsi sui temporis, hominum magnorum^b in quorum consortio vivebat, circumstantias plerumque respexit, fatendum tamen est, vidisse virum acutum, et inter imperantes et consiliarios eorum educatum, atque cum iis diu conuersatum, multa, quae vtilissima et egregia sunt, nec ignorauisse imperantium sophismata et arcana, quibus respublicas plerumque moderantur^c. Haec vero porro enarrare, nec institutum nostrum patitur, ab hac prolixitate alienum; nec libri Aristotelis politici minime integri, quos interpretes solent supplere. Videndi vero, qui introductiones, analyses et commentarios in libros politicos dederunt^d. Eadem ratio *Oeconomicorum* Aristotelis est, qui ad nos mutili peruenerunt, et partem tantum aliquam exhibent. In quibus non contemnenda quidem tradit Aristoteles, sed regionibus, moribus, institutis Graecorum consonantia, et ad suorum temporum rationes exacta: quae cum nostram aetatem, moresque, ac familiae rationes parum iuuent, merito a nobis praetermittuntur. Addunt in his omnibus Aristotelis sequaces plura, quae tamen magistri vestigia non vbique premunt, quae ex iis disci debent, quae Aristotelici genuini enarratores exposuerunt, inter quos Alexander Aphrodisiensis maxime commendari solet. Caute vero legendi Eclectici, qui propter studium conciliandi Aristotelem cum Platone vtriusque philosophiae faciem commaculauerunt. De quibus omnibus erudite disputat FRANCISCUS PATRICIVS^e, et nos necessaria trademus suo loco.

y) Non negant hoc acres Aristotelis censores, et in his CHR. THOMASIVS l. c.

z) Erudite hoc demonstratum Obs. Hal. T. IX. obs. 7. p. 200 et seqq.

a) BOSIVS l. c.

b) Philippi, Alexandri, Antipatris et Antiochi.

c) Expendenda sunt, quae Polit. L. IV. V. VI. hac de re tradit, conf. CONRING. ep. praelim. ad MACHIAVELLI principem.

d) Ex his H. CONRINGII introductionem, HEINSII paraphrasin, FELDENI analyt., PICCARTI Commentarium recte laudat BOSIVS l. c.

e) Libro saepius laudato.

S E C T I O II.

DE SVCCCESSORIBVS ARISTOTELIS.

§. I.

*Succesores
Aristotelis.*

Hactenus, quantum limites tractationis permisere, Aristotelis, et philosophiae ab eo traditae historiam accurate sumus persecuti; restant fata scholae eius ad Romanorum vsque imperium paucis enarranda. Supra vero iam innuimus, Aristotelem scholae successionem tradidisse Theophrasto Eresio, homini elegantis ingenii et doctrinae. Eum secutus est Strato Lampfacenus, Stratonem Lyco, hunc Aristo Ceius, Aristonem Critolaus, Critolaum Diodorus. Ita enim Peripateticae scholae integram ad tempora vsque Augusti, successionem enumerant PLUTARCHVS^a et CLEMENS ALEXANDRINVS^b. Aliter quidem eorum ordinem instituit pluresque nominat *Anonymus vitae Aristotelis enarrator*^c; is enim ita eos ordinat, vt Theophrastum, Stratonem, Praxitelem, Lyconem, Aristonem, Lyciscum, Praxiphanem, Hieronymum, Pritanen, Phormionem, Critolaum Lyceum exornasse doctrina sua dicat. Id vero de doctorum in Lycei cathedra successionem intelligendum non esse, temporum rationes et ipsa virorum horum historia demonstrant, nihil itaque aliud voluit, quam celebriores post Aristotelem Peripateticos enumerare; inter quos fuere viri multa eruditionis et philosophicae quoque cognitionis laude inclyti, quorum celeberrimos quoque infra indicabimus. Repetendum vero est, quod in praecedenti sectione pluribus demonstraui, subductos fuisse Lycei doctoribus post Theophrasti mortem libros Aristotelis acroamaticos et philosophicos plerosque, et ignorauisse eos veram conditoris sectae mentem; mirandum itaque non est, dissidere placita Peripateticorum Graecorum, ante C. N. ab Aristotele, eosque suam philosophiam ex coniectura magis, quam inspectione fontium genuinorum ad Aristotelis mentem conformauisse^d.

Theophrastus.

§. II. Dignum itaque Aristotele successorem schola Peripatetica nata est THEOPHRASTVM, cuius historia admodum manca est apud veteres, et fabulis insuper passim impedita^e. Natus est Eressi maritima Lesbi vrbe in colle posita, et frumenti copia celebri^f: hinc Eresius nuncupatus est. Patrem habuit Melantam^g, SVIDA^e Leonem dictum, vitae genere fullo-

nem;

^a) De exilio T. II p. m. 527.^b) Strom. L. I. p. 301. qui tamen Aristonem omittit. conf. PATRICIVS Discuss. Perip. T. I. L. X. p. 133. IONSIUS de script. Hist. phil. L. I. c. 2. p. 59.^c) Apud MENAG. Comm. in LAERT. p. 201.^d) Legendi, quae hac de re docte differit PATRICIVS l. c. p. 157.^e) Potiora de Theophrasto collegit LAERTIVS L. V. f. 36 seqq. et MENAGIVS ad h. l. ex recentioribus post PATRICIVM l. c. p. 132. vitam Theo-

phraستي critica manu exaravit cel. HEVMANNVS Aët. philos. Vol. III. p. 661. add. STANLEIVM Hist. phil. P. V. p. 491 seqq.

^f) Vid. STRABO L. XIII. p. 618. BAYLE Dict. T. II. a. t. Erese. Non confundenda vero est cum Eresso B. eotiae, quod ab ALDOBRANDINO ad l. c. Laërtii factum.^g) Apollodorus apud LAERT. l. c.^h) In Theophrastus T. II. p. 179. Non infrequens vero vnus viri apud veteres duo fuisse nomina.

nem; qui, cum opibus forte non destitueretur, filium Musis dicauit, et Alcippo philosopho, Ereffi habitantiⁱ, erudiendum tradidit, a quo rudimenta philosophiae hausit. Postea valde iuuenis^k Athenas delatus Platonem audiendi occasionem nactus est, hocque fati functo Aristoteli in disciplinam se tradidit. Cui tantopere ingenii acumen, quo alios anteibat, placuit, vt, quod de Xenocrate et Aristotele dixerat Plato, ad Theophrastum et Callisthenem hic retulerit. Cum enim ingenio perspicaci, Musaque facili et expedita vteretur Theophrastus, obtusus, tardusque vero ingenio esset Callisthenes, illum freno, hunc calcare opus habere professus est^l. Formauit itaque ingenium natura excellens et ad optimarum artium studia accensum optimus magister, et eloquentiae atque philosophiae praecepta discipulo tanto praeceptore digno tam feliciter tradidit, vt in vtroque disciplinae genere praeceptori vehementer probaretur. Tradunt veteres^m, Aristotelem, offensum asperitate nominis, quod gerebat prius Tyrtami, primum illud in Euphrasti, postea in Theophrasti nomen mutauisse, vt diuinam, qua pollebat, eloquentiam significaret. Verisimile vero vix est, Aristotelem in magistri disciplina adhuc versantis iuuenis nomen ambitiosa significatione auxisse, qualia cognomina ab eloquentia desumpta post fata magnorum virorum iis demum adiecta suntⁿ: videturque admiratio eloquentiae, qua praeter alios excellebat Theophrastus, occasionem primo quidem allusioni postea rumusculo et traditioni^o praebuisse, vt in aliis quoque philosophorum nominibus euenisse constat^p. Ad mortem vero Aristotelis vsque cum eo conuersatus est, Chalcidemque eo secedente, et rogantibus Aristotelem discipulis successorem, a praeceptore delectus est, qui Lycei gloriam tueretur, et Peripateticae scholae praeflet^q. Aristotele itaque defuncto scholae curam suscepit Theophrastus, vitamque in horto egit, Demetrii Phalerei contubernio vsus^r, tantoque applausu Peripateticam philosophiam professus est, vt teste LAERTIO^s, bis mille discipuli ad eum audiendum confluerint, inter quos praeter Demetrium Phalereum, Nicomachus quoque Aristotelis filius fuit^t, testamento a parente Theophrasti curae com-

men-

ⁱ) LAERT. l. c. apud quem editi Codd. habent Leucippus, msc. vero, teste MENAGIO Alcippus. Is cum Eleatico philosopho, qui Ereffi non fuit, confundendus non est.

^k) LAERT. L. V. f. 36. Natus enim est Ol. CII. 2. vt ex anno emortuali patet; Plato obiit Ol. CVIII. 1. quo XXIII. aetatis annum Theophrastus vix exegerat.

^l) STRABO l. c. LAERT. l. c. f. 39.

^m) CICERO Orat. c. 19. 24. PLINIVS praef. L. I. LAERT. L. V. f. 32.

ⁿ) E. g. Ioanni et Dioni Chrysostomo.

^o) Traditioni incertae teste adscribit QVINTIL. Inst. orat. L. X. c. 1.

^p) Addit his cl. HEVMANNVS l. c. p. 671.

Theophrasti nomen non significationis actiuae sed passivae esse.

^q) Dictum hac de re fect. praeced. vbi etiam fabella de ea recitata et explosa est. Factum hoc esse Olymp. CXIV. ait LAERT. l. c. Vix vero probabile, Aristotele superstite eum Athenis docuisse, concefferant enim discipuli Aristotelis cum eo Chalcidem.

^r) LAERT. L. V. f. 39.

^s) ib. f. 37. SVIDAS 4470. habet, numerum vero in mendo cubare, recte monet KVSTERVS ad h. l.

^t) Theophrastum eum habuisse in deliciis, scripsit Aristippus, qui tamen eum plerosque philosophos praeter rem accusauerit, fidem non meretur.

mendatus, et Erasistratus medicus *, ex quorum discipulorum fama de praeceptoris praestantia facile iudicari potest. Commendavit se quoque eruditionis elegantia, morumque suavitatem Cassandro et Ptolomaeo regibus, qui eum ad se arcessiuerunt *. Adeo autem Atheniensibus acceptus fuisse traditur, ut cum Agnonides impietatis eum accusare ausus esset, parum abesset, quin in ipsum crimen retorqueretur y. Et si vero Athenis quoque cedere cum aliis philosophis cogebatur, Sophocle Amphiclidae filio Olymp. CXVIII. 2. legem ferente, qua omnes philosophos publicas habere scholas vetabat, nisi, si quibus eius rei senatus populusque licentiam dedisset; si quis focus facere deprehensus fuisset, ei mortis poena dicta esset: rediit tamen, sequenti anno, cum Athenienses legis latae puderet, ut eam abrogarent, et Sophocli quinque talentorum mulctam irrogarent z; magnamque docendo atque disputando famam Lyceo comparavit. Erat enim teste Pamphila apud LAERTIVM a, doctrina et eruditione summa, et laboris patientissimus maximeque industrius, summaque cum perspicuitate et eloquentia docebat. Aitque Hermippus apud ATHENAEVM b, statim eum horis in scholam venisse, veste splendida ornatum (ita enim exemplum Aristotelis sequebatur) ibique confidentem ita differuisse, ut ne gestum quidem praetermiserit unquam, qui argumento, de quo ageret, non conveniret. Erat enim non philosophus tantum, sed et philologus c, variaeque eruditionis strenuus cultor, unde et more Graecorum pecuniam ad philosophorum legavit conventus, non ut luxuriae, sed temperantiae, et eruditorum colloquiorum occasionem praeberent d. Laudatur etiam eius beneficentia, et amor in patriam, quam a tyrannis oppressam bis liberavit e. Grandaeus tandem Olymp. CXXIII. 3. obiit, testamento prius edito f, annos natus LXXXV. Qui enim plures ei annos tribuunt, codicum veterum vitiis falluntur g. Mirum itaque non est, tam decrepitem fuisse, ut lectica circumferretur h; id quod aegre tulisse, et morti proximus accusasse naturam dicitur CICERONI i, quod cervis et cornicibus vitam diuturnam, quo-

* De celeberrimo hoc medico videndus CLERICVS Hist. Med. P. II. L. I. c. 2. p. 293 seqq. alique, qui veteres artis salutaris doctores enumerant.

x) LAERT. I. c. f. 37. y) ibid.

z) LAERT. L. V. f. 38. ATHENAEVS L. XIII. p. 610. conf. SAM. PETIT. ad leges Atticas, MEYERS de fortun. Atheniens. c. 3.

a) L. V. f. 36. b) L. I. p. 21.

c) Periscolia quid sit, enarrat VOSSIVS de Philologia c. IV. p. 22.

d) ATHENAEVS L. V. p. 186. De hoc Graecorum more alioquoties iam diximus.

e) PLUTARCHVS adu. Colot.

f) LAERTIVS L. V. f. 57. quod angenuinum sit, haeremus.

g) In praef. Characterum enim legitur, scripsisse se libellum annos natum XCI. et HIERONYMVS Ep. II. ad Nepotian. ait CVII. aetatis anno expleto mortuum: Id quod pro vero admittit et in Laertio mendum subesse suspicatur FABRICIVS

Bibl. Graec. Vol. II. p. 235. qui tamen non cogitabat, ita notationes temporum a Laertio et PLINIO L. XV. c. 1. allatas non constare, et locum in praef. charact. glossema, quod in textum irrepsit, aperte prodere: unde male fecit CASAVBONVS, qui in prima editione mendum agnouerat, quod in altera Laertium corrigendum putaret, conf. Ad. Phil. Vol. III. p. 678 locus Hieronymi parum probat, apud quem vel nominis corruptio est, vel memoriae lapsus. Certe Lucianus Theophrastum tam grandaeum non omisisset.

h) LAERT. f. 41. qui f. 40. ait: paulum antea tem a laboribus cessauisse; viribus nempe deficientibus, quod tamen SVIDAS I. c. ita interpretatur, eum nuptiis discipuli praesentem a morte praeventum, quod merito reiecit HEVMANNVS I. c. p. 678.

i) Tusc. Qq. L. III. c. 28. id vero Aristoteli tribuit SENECA de breu. vit. c. 4. qui eleganter de hoc

quorum id nihil interesset; hominibus quorum maxime intersuisset, tam exiguam vitam dedisset: quorum si aetas potuisset esse longinquior, futurum fuisse, ut omnibus perfectis artibus, omni doctrina hominum vita erudiretur: conquerebatur itaque, se tum, cum illa videre coepisset, extinguere. Addit et alia ad discipulos morientis monita LAERTIVS^k, satis in iis exponendis obscurus, quae eo tendunt, „gloriae studio in vita humana, „ multa iucunda amitti; nos vero, cum viuere incipimus, mori, adeoque, „ gloriam, tanto impendio quaesitam vix attingi, eiusque studium inane esse. „ Esse itaque vanitatem vitae maiorem, eius gloria. Ideo hortabatur discipulos, ut vel sapientiae studium omitterent, cum grandis labor sit, qui a, „ paucis ad gloriam possit exantlari, vel omnes in eam vires intenderent, „ matureque sectarentur, ut magna inde proueniat gloria. „ Inter quae animum reddidisse dicitur, funusque eius tot Atheniensium populus pedibus profecutus est. Scripsit librorum ingentem numerum, quos cum magna eruditione fuerint referti, omnes enumeravit LAERTIVS^l. Eos quidem recensuerunt olim et digessuerunt Andronicus et Hermippus, quorum tamen diligentia prohibere non potuit, ut potior pars periret. Superfunt *historiae plantarum* libri X. *de causis plantarum* libri VIII. *de lapidibus*, *de ventis*; *de signis pluuiarum*, *ventorum*, *tempestatis et serenitatis*, *de igne*, libri II. *de odoribus*, *de sudoribus*, *de vertigine* fragmenta, *de lassitudinibus*, *de piscibus in sicco degentibus*; et praeclarus libellus, qui *characteres morum vitiosorum* exhibet^m: extat etiam fragmentum *metaphysicorum*, et liber *de sensu*, de quorum librorum historia et deperditorum argumento post LAERTIVM et MENAGIVM, PATRICIVM et MEVRSIUMⁿ omnium diligentissime disseruit Io. ALBERTVS FABRICIVS^o, qui videndus. Obrectatores et aduersarios passus est imprimis Epicurum, et celebre scortum Leontium, quae scripto quoque Theophrastum refellere aggressa est^p.

§. III. Et si vero inter charissimos discipulos primum apud Aristotelem locum Theophrastus obtinuit, dignum tamen philosopho, Aristotele, ut ait CICERO, non deteriore, quemque multi meliorem nominant, fecit, quod seruii studio in verba magistri non iuravit, et non tantum multa praecptori intacta tractauit, et philosophiae Peripateticae corpori adiecit, sed et

*Dogmata
Theophrasti
propria.*

Ooo o o 2 in

hoc effato iudicat. Recte vero ad h. l. monet I. LIPSIUS, alienum hoc esse ab Aristotelis sententia de gen. anim. L. V. c. 10. tradentis, hominem plus temporis viuere, quam quoduis animal, excepto vno elephante.

k) l. c. f. 41. conf. Aët. Phil. l. c. p. 667.

l) f. 42 seqq.

m) Collectionem debemus cel. HEINSIO Lugd. Bat. 1613. fol. Characteres libellum non philosophicum sed rhetoricum esse nemo est, qui ignorat. Optimam editionem debemus PETRO NEEDHAM Cantabr. 1712, conf. Aët. phil. l. c. 681, FABRIC.

Bib. Gr. Vol. II. p. 241. PASCHIVS de variis modis tradendi moralia c. IV. §. 2. p. 363 seqq.

n) I. Theophrasto L. B. 1638. 12. edito et T. X. thes. antiq. Graec. p. 640. recuso: itemque in notis ad Apollonium Dyscolum p. 140.

o) l. c.

p) Scito sermone et Attico contra Theophrastum scripsisse ait CICERO L. I. de nat. Deor. parum tamen, PLINIVS vero in praef. ait, natum inde proverbiunt, suspendio arborem eligendi. conf. GASSEND. vit. Epic. L. VII. c. 5. p. m. 179. MENAG. Hist. mul. philos. §. 70. BAYLE Dict. T. III. art. Leontium.

in multis ab Aristotele abiit, id quod diligenter notauit PATRICIVS *. Quod ut specimine constet, pauca Theophrasti dogmata, quibus proprium iudicium secutus est, subiicimus.

I. Totidem esse motus species, quot sunt praedicamenta. Motus vero et mutatio Theophrasto idem est, alteratio, auctio, generatio et contraria his, teste SIMPLICIO, qui eius rationem addit, quia motus actus eius est in potentia, qua tale.

II. Locum esse immobilem; nec esse substantiam quandam, sed ordine et positione dici secundum naturas et virtutes.

III. Locum esse etiam in animalibus et plantis et generatim ipsis dissimilaribus, siue illa sint animata, siue inanimata, modo habeant naturam formatam: quia horum aliquis ordo et positio partium est ad totam substantiam, unde quaelibet pars dicitur, habere suum locum.

IV. Inter motus numerandos esse appetitus, cupiditates, iudicia, speculationes animae. In hac assertione quam maxime ab Aristotele recessit Theophrastus; si enim haec ad motum referuntur, primus motor, se contemplan, non est immobilis.

V. Non fieri omnia a contrario, ut vult Stagirites, sed alia a contrario, alia a simili, alia ab eo, quod est actu.

VI. Motum ab actione non separari; id quod prima quoque Aristotelis principia impetit.

VII. Contraria sub eodem genere non contineri: contrariaque contrariorum, secus ac visum Aristoteli, esse principia.

VIII. Salsedinem a subiecta terra oriri, non a solis radiis, ut vult Aristoteles.

IX. Ventos oblique ferri, quia materia, siue exhalatio illa partim terrea et grauis sit, partim levis, ideoque partim sursum, partim deorsum niti, et ex illo diuerso nisu obliquitatem ventorum oriri, non vero ex circulari coeli motu, ut vult Aristoteles.

X. Vitam regi fortuna, non sapientia.

XI. Mulas in Cappadocia parere.

XII. Non multam pensionem dare corpori animam habitationis in eo, sed totam se ipsam apponere.

XIII. Nullam esse falsam voluptatem, sed omnes esse veras, quod secus visum Aristoteli et Platoni.

XIV. Vnum esse rerum omnium principium diuinum, per quod omnia subsistunt et permanent. Dogma hoc Theophrasti attulit CUDWORTHVS **, neque tamen, quo sensu illud dixerit, adiecit. Potest enim sensu quoque Aristotelico locum habere, nisi enim primus motor esset, reliqua non mouerentur, atque ita non subsisterent, quod tamen longe alium sen-

*) T. I. L. XII. p. 154 seqq. qui loca quoque SIMPLICII, ALEX. APHRODIS. OLYMPIODORI, CICERONIS, PLINII, ubi ista afferuntur, excirat.

**) Syll. intell. c. IV. §. 24. p. 502. Neque li-

bellum metaphysicorum fragmentorum ad manus habuit Ven. interpres, ut, quo sensu dixerit, dispicere posset; contentus monuisse, multis viris doctissimis libellum non videri esse Theophrasti.

senfum fundit, quam eum, quem Cudworthus exsculpit, cui solenne est, Peripatetica philosophemata in rationes Platonicas commutare. Verum haec *ὡς ἐν παρόδῳ*.

Poterant his addi ethica nonnulla ex illustrioribus eius dictis, quae LAERTIVS aliique referunt¹, quaeque in characteribus passim occurrunt; sed quia *ἐξωτερικά* sunt, nec ex eius systemate petita, consulto ea praetermittimus.

§. IV. Theophrasto in Lyceo successit STRATO LAMPSACENVS *Strato Lampsacenus.* patre genitus Arcesilao, vel Arcesio². Eum inter discipulos Theophrasti omittit quidem LAERTIVS, alii tamen veterum inter eos recte numerant³, et ipse quoque LAERTIVS⁴ tertium post Aristotelem et Theophrastum in Peripateticorum schola doctorem numerat. Maximam vero dignitatem atque famam eloquentiae et eruditionis praestantia consecutus est, ex quo scholae Olymp. CXXXIII. 3. praeesse coepit⁵, quam octodecim annos magna diligentia et doctrina ornauit. Tantaque eius fuit existimatio, ut rex Aegypti Ptolomaeus Philadelphus eum sibi praeceptorem deligeret, tantique eius eruditionem et institutionem aestimaret, ut regio munere LXXX. talentorum eum auxisse dicatur⁶: unde veteribus Peripateticorum optimus, summusque et coryphaeus vocatur⁷, et *πολλῆς τῆς ἀποδοχῆς ἄξιος*, quo singulari elogio eum ornat LAERTIVS⁸, qui addit, in omni quidem eruditionis genere fuisse versatissimum, maxime tamen in physicis. Qua in philosophiae parte, quia excellebat, κατ' ἐξοχὴν *physicus* dictus est⁹; moralem enim partem non prorsus quidem neglexit, paucis tamen attigit¹⁰, omnemque fere in explicandis rebus naturalibus industriam posuit. Attigisse tamen partem quoque rationalem ex indice librorum, quem exhibet LAERTIVS¹¹, quique eruditionis et diligentiae summae haud contemnendum specimen est¹², patet: dolendum vero, nihil eorum aetatem usque ad nos tulisse. Qui enim *de coloribus* extat liber, cur Stratonis sit, quod contendit PATRICIVS¹³, non videmus¹⁴. Adeo vero tenuis fuit, ut sine sensu moreretur, postquam rerum suarum curam testamento amicis commendaverat. Fuerunt inter veteres Stratones plures¹⁵, quorum sine dubio hic fuit celeberrimus.

§. V. Digna vero, quae expendantur, dogmata sunt Stratonis, eo *Systema physicum Stratonis.* quod in Lycei doctrina multa innouavit, et ab Aristotele et Platone quo-

Ooo oo 3 que

1) Potiora ex LAERT. L. V. f. 37. 40. PLUTARCHO, STOEAEO, ANTONIO et MAXIMO affert STANLEIVS l. c. p. 493. qui consuli debet.

2) CICERO Acad. Qq. L. II. c. 38. LAERT. L. V. f. 58. SVIDAS in Strato T. III. p. 382.

3) CICERO l. c. L. I. c. 9. SVIDAS l. c. SIMPLICIVS in Phys. L. IV. c. 53. L. VI. c. 23. CLEMENS ALEX. L. I. Strom. p. 301. Anonymus MENAGII p. 201.

4) Apollodorus apud LAERT. l. c.

5) ibid.

6) PLUT. adu. Coloten T. III. p. m. 418. SIMPLIC. l. c.

7) l. c. f. 64.

8) citati.

9) CICERO de finibus L. V. c. 5. e) f. 58.

f) Inter Aristotelis opera.

g) l. c. p. 44. quocum facit H. CONRING. epist. ad Rachelium.

h) Aequae facile enim Theophrasto adscribi posse, recte monent H. MERCVRIALIS var. lect. L. III. c. 13. et IOH. ALB. FABRICIVS Bibl. Graec. Vol. II. p. 136.

i) Octo nominat LAERTIVS l. c. f. 61. plures cl. FR. PHIL. SCHLOSSER Spicileg. de Stratone Lampfaceno §. l. p. 3 seqq.

nis de Deo et
mundi for-
matione.

que dissentit; optandum itaque, ut ad manus essent scripta eius, in quibus nouum, quod formauit, philosophiae naturalis systema exposuit. Illis vero deperditis difficile est, de veris eius doctrinis recte statuere; pauca enim sunt, quae de iis tradunt veteres, eaque extra systematis nexum relata, unde de vero sensu iudicari non potest^k. Mirandum itaque non est, in tam diuersas de sensu philosophiae Stratonis sententias discessisse magnos inter recentiores viros, quorum prout quilibet eius hypotheses partim inter se coniunxit, partim suppluit, ita varium quoque de iis formauit iudicium. Diuersum enim eas sensum posse recipere, ex iis patebit, quae mox amplius differemus. Nondum itaque nos poenitet, in definiendis Stratonis doctrinis, olim ad Pyrrhonismi ancoram confugisse, et incertum pronuntiauisse, quae genuina fuerit Stratonis opinio^l. Id quod tamen ita accipi volumus, ut aliqua tamen verisimilitudine coniici queat, quae forte Stratonis mens fuerit. Afferemus itaque et aliorum virorum, in cognoscendis veterum doctrinis summorum opiniones, et affluemus huic purpurae panniculos nostros, quid nobis de sensu Stratonicae physicae videatur, modestè explicaturi. Ita vero, si pauca, quae veteres, et in his praecipue CICERO et PLVTARCHVS, nobis tradidere, colligamus, statuiffe dicitur:

I. Omnem vim diuinam in naturā sitam esse, quae causas gignendi, augendi, minuendū habeat, sed careat omni sensu^m.

II. Non opera Deorum opus ad fabricandum mundum, quaecunque sint, effecta esse omnia natura, nec ut ille, qui asperis et laeuius et hamatis vncinatisque corporibus, concreta haec esse dicat, interiecto inani; somnia haec esse Democriti non docentis, sed optantisⁿ.

III. Quicquid fiat, naturalibus fieri aut factum esse ponderibus et motibus^o.

IV. Mundum non esse animal, id vero quod naturale est, sequi illa, quae sunt secundum fortunam, vel fortuita, initium enim indere motum spontaneum; continuare vero postea affectiones naturalium rerum^p.

Atheismus
Stratonis.

Tria priora asserta CICERONEM auctorem habent, quartum PLVTARCHVM, quorum ipsa verba retulimus, quae occasionem praebuere viris summis et in veterum dogmatibus diuicandis acutissimis, de religione Stratonis in diuersa abeundi. Plerique enim inter atheos primae classis, Deum ex vniuerso proscribentium, referre Stratonem nulli dubitant. Neque tamen vna eademque de atheismo Stratonis mens viris doctissimis est, sed prout obscuram nimisque breuem veterum narrationem intelligunt, et primum aliquod principium, ex quo assertiones illae fluxisse credunt, ponunt,

k) CICERO l. c. PLVTARCH. l. c.

l) diss. ep. de atheismo Stratonis Amoen. liter. Tom XIII. p. 311.

m) De nat. Deor. L. I. c. 13.

n) Q. q. Academ. L. IV. c. 38. quae fere repetit LACTANTIUS de ira Dei c. 10.

o) vbi supra.

p) PLVT. adu. Colat. T. III. p. m. 418. Verba obscurissima Graeca damus ipsa: τὸν κόσμον αὐτὸν,

ὃ ζῶν, εἶναι φησι, τὸ δὲ κατὰ φύσιν ἔπεσθαι τῶν κατὰ τύχην, ἀρχὴν γὰρ ἐκείνην τὸ αὐτῆς πλάσσειν, εἴτα ἔτιω πρὸς αὐτὴν τῶν φυσικῶν παθῶν ἕκαστον, quae verba quam diuersè verterint er. d. ti, ex versionibus XYLANDRI, LESCOPIERII ad CIC. de nat. Deor. p. 58. et CVDWORTHII Syst. intell. c. III. §. 6. p. 102. inter se collatis intelligi potest.

nunt, ita diuersam atheismi Stratonis faciem depingunt. Et illustris quidem LEIBNIZIVS⁷ eo potissimum nomine Spinozae et Hobbessio iungit Stratonem, quod necessitati ex eius mente omnia adscribenda sint, quia docuerit, res omnes existere sine intelligentia et eligendi libertate, adeoque sine Deo, quia necessitate rerum ita cogente, omnia ex propria existant natura et essentia, vt necessario duo et tria faciunt quinque. PETRVS BAYLE⁸ vero ideo Spinozae praeluisse contendit, quod non alium Deum, quam ipsam naturam, siue hoc vniuersum agnouerit; cui calculum addit I. FR. BVDDEVS⁹, ita tamen, vt moneat, in eo Stratonem ab Epicuro dissentire, quod ille materiam in plures particulas discerpat, mundoque det initium ex fortuito et temerario fortunae impetu, cum mundum aeternum statuere necesse sit Spinozae. RADVLPHVS CVDWORTHVS¹⁰ autem hylozoismi conditorem esse contendit, eo quod vitam inesse materiae sine sensu, sine ratione, sublato numine crediderit. Est etiam inter recentiores¹¹, qui eum inter patronos et defensores animae mundanae refert. Tacemus alios¹², in eo consentientes, referendum iure suo esse Stratonem inter atheos, quocunque demum sensu intelligantur rationes eius physicae. Non tamen ita desperata Stratonis causa visa est, vt non vel mitius censendum, vel nihil certi statuendum esse contenderent alii viri docti, quorum prius FRIDERICO PHILIPPO SCHLOSSERO¹³, posterius IAC. FRID. REIMMANNO¹⁴ placuit. Longum vero esset et ab instituto nostro alienum, rationes virorum doctissimorum ex vtraque parte adductas afferre in medium¹⁵, nec arbitri nos in hac re partes, modulo nos nostro metientes, sumimus, sed nostram tantum hac de re sententiam paucis enarramus, et modeste aliis diiudicandam relinquimus. Et 1. quidem, quod iam monuimus, iterum inculcamus, vix posse de vero sensu assertionum Stratonis iudicari, cum ipsius libri nobis desint, vnde de nexu totius systematis iudicium fieri posset; quod facile fieret, si quos *de Diis, de spiritu, de coelo* libros scripsit, nobis suppeterent. Adeo quoque obscura sunt, et inter se non cohaerentia, quae Cicero et Plutarchus tradunt, vt melius sit, fatente MOSHEMIO¹⁶, ignorantiam fateri, quam incertis suspicionibus indulgere, praesertim, cum ea, quae a veteribus allata sunt, varia ratione queant explicari. 2. Quod si tamen coniecturis aliquid indulgendum, et istis veterum locis insistendum est, distinguenda sunt certa ab incertis; et ea, quae veteres Stratoni aperte tribuunt, ab iis, quae tanquam coniectaria viri eruditi ex

con-

7) Theodicée p. m. 428. ed. rec.
8) Dict. T. IV. art. Spinoza not. A. add. Rep. aux Qq. d'un Prouinc. T. III. p. 1237. Cont. des pens. sur les conerets T. II. p. 520.
9) De Spin. zismo ante Spinozam, Anal. hist. phil. p. 316 seqq. Thef. de ath. c. I. §. 16.
10) System. inte. I. c. III. §. 4. p. 100.
11) Marq. D'ARGENS philosophie du bons sens Reff. I. I. §. 3. p. 319.
12) LENK THOMAS. Hist. atheismi c. VI. p. 110. CLERIC. Bibl. chois. T. II. art. I. §. 7. p. 27. PAR-

CKER de Deo disp. VI. f. II. p. 525. MOSHEM. ad CVDWORTH. I. c. not. 2. Auctores hist. rae vniuersalis, p. 29.
13) Diss. de hylozoismo Stratonis Lampfaceni Witteb. 1728.
14) Hist. atheismi sect. II. c. 27. §. 3. p. 186.
15) Allatae eae summatim Amoer. lit. I. c.
16) Ad I. c. CVDWORTH. qui cum prudenter multa de atheismo Stratonis dixerit, nobisque faciem praetulerit, cum his conferendus est.

coniectura adiecere, eaque in subsidium vocanda, quae alibi de eo referuntur. His praemissis, 3. certum est, Stratonem a negotio fabricandi mundi Deum prorsus remouisse, nec locum ei vllum fecisse. Hoc adeo vno veteres testantur, vt non nisi absque omni pudore negari queat. 4. Certum porro est, systema particularum minimarum, qualitate destitutarum, et in infinito vacuo fortuito et temerario motu coalescentium, quod Leucippo et Democrito arrisit, Stratonem explosisse, adeoque inter atomisticos philosophos, Deum a mundi fabrica excludentes non posse referri. 5. Quin et hoc Plutarchi testimonio verum est, non admisisse eum mundi animam ratione et consilio materiam formantem. 6. Tandem et hoc indubitatum est, non aliud ad materiae formationem principium requisivisse, quam quod naturaliter materiae inest; quodue naturam obscurissimo vocabulo nominavit, eique vim diuinam, quae causas gignendi, augendi minuendive habeat, sed careat omni sensu, adscripsit. Quae natura 7. non potest esse vniuersalis quaedam anima siue vis materiae formatrix, et per vniuersam materiam fusa, alias enim mundum tanquam animal concepisset, quod negat Plutarchus. 8. Etsi vero obscurus est locus Plutarchi, euident tamen est, posuisse eum in formando mundo principia quasi tria, *τύχην*, *φύσιν*, *αὐτόματον*, et statuisse, fortunam, siue fortuitos motus cingere naturam in materia latentem, eam vero proprio instinctu et motu certis ponderibus et motibus formationem peragere. 9. Adiciamus his, quod praetermisere viri docti, et nos postea veterum testimoniis probabimus, Stratonem reduxisse essentias rerum ad qualitates, et imprimis ad elementa frigidi et calidi, ideoque ens, siue substantiam definiuisse, permanentiam entium. Haec veterum dictis consentanea esse, et si illis standum est, omnino Stratonem tribuenda, negare poterit, qui rem recte considerat, nemo. 10. Ex his vero coniectura fieri debet, qua forte ratione systema physicum ordinasse Strato censendus sit, quae, si quid iudicamus, eo redeunt: rerum naturalium principium non esse Deum, ex machina quasi aduocandum, nec latentem in materia peculiarem diuinam animam, quae omnia finxerit. nec fortuitum atomorum concursum ex sola particularum dispositione qualitates, mensuras et pondera rerum producere nunquam aptum; sed inesse cuiuslibet materiae particulae vim suam propriam quae pro conditione qualitatum, eam propria virtute mouere, formareque, atque moderari, sicque substantias producere valeat, certosque producere effectus potens sit. Hanc vero vim non se excitare ipsam, sed antecedere fortunam, id est, fortuito casu accedere aliquid, quod latentem brutamque hanc vim excitet, qua excitata cuncta proprio et interno naturae latentis motu et vi secundum certas proportionibus, qualitatibus rerum proprias, formari et perfici. Ita si Stratonem explicemus, cuncta non cohaerent tantum, sed et relationibus veterum consonant, et manifestum est, qua ratione a Democrito,

c) Eundem fere in modum Stratonis systema FABRICIVS Bibl. Graec. Vol. II. p. 311. et IOH. SE habuisse coniciunt viri celeberrimi IOH. ALB. LAVR. MÜSHEIMVS ad l.c. CVDWORTH,

criti, Platonis, Aristotelis aliorumque systematibus recedens Strato, proprium sibi rerum naturalium principium finxerit. II. Ex his vero altera de atheismo Stratonis quaestio excutienda est, ad quam, ut distincte respondeamus, obseruandum esse monemus, nusquam veteres tradere Stratonem Deos plane negasse, et prorsus nihil tale, quod diuinam naturam habet, praeter vim illam latentem in materia agnouisse. Neque enim hoc ex systemate sequitur, quod mundum ex materia iuxta motus principia sine Deo fingit, ut exemplo Aristotelis et Democriti atque Epicuri patet, qui ab omni hoc formandae materiae negotio Deum excluderunt, et tamen, esse illum asseruerunt. Quin si coniecturis locus est, ex verbis C I C E R O N I S Strato negat, opera se Deorum uti ad fabricandum mundum, recte concludi posse videtur, non negasse Stratonem Deos, de quibus etiam librum scripsit, sed tantum improbauisse eorum philosophorum morem, qui ad Deum confugiunt, cum causas rerum naturalium, in ipsa natura latentes explicare debeant: videturque medium voluisse tenere inter Platonem et Aristotelem, quorum ille diuinam animam Deosque ad formandum mundum aduocat, hic plane non formatum, sed ab omni aeternitate fuisse asseruit, quod neutrum philosophice satis fieri putauisse videtur Strato. Eximendus itaque atheorum primae classis numero eatenus esset Strato, quatenus de Diis nec negauit, nec asseruit quicquam, quod ad nos peruenerit, et quatenus incertum est, num praeter vim illam naturae, diuinum aliquid esse concefferit. Quae enim A V G V S T I N V S ^d et L A C T A N T I V S ^e dicunt, fecisse Deum corporeum, sineque mente sibi finxisse, confectionaria magis sunt, quae ex assertis Stratonis deriuauere hi ecclesiae doctores, in eiusmodi neclendis consequentiis summe faciles, quam ipsa Stratonis dogmata. Interim nec hoc negandum esse videtur, remouisse eum omnem Dei concursum ad materiam, eamque, cum Deo coaeternam crederet, cum toto Lyceo, naturam istam per se inesse materiae credidisse: quod verisimilius nobis videtur, magisque cohaerere cum placitis Stratonis, quam quod olim stituimus ^f, vim illam a Deo ab aeterno materiae inditam, eamque sibi relictam deinde esse. Videtur enim Strato in eo non recessisse a Lycei doctrina, Deum non esse conditorem mundi, sed tantum nouam rationem formati mundi genesis sine Deo explicandi excogitauisse. Ex quibus omnibus tandem inferimus, etsi inter apertissimos primaeque classis hostes Dei nondum referri queat, proxime tamen ab iis abesse, cui materia aeterna, Deus ab ea exclusus, resque omnes insita vi formatae dicuntur, quae omnia Dei notionem indirecte euertunt. Sicque non militauit quidem in Spinozae castris Strato, qui Deum plane ex materia relegauit, non melius tamen ratiocinatus est, cum modificationibus materiae omnes res secundum eum constent.

§. VI. Reliqua, quae temporis iniuriam euaserunt fragmenta philosophiae Stratonis haec sunt:

V. Ens *Reliqua doctrina Stratonis.*

^d) De C. D. L. V. c. 10.

^e) l. c.

^f) Amoenit. lit. l. c. p. 319 seqq.

V. Ens esse permanentiam entium. Refert hanc entis, vel substantiae potius definitionem, et reprehendit PROCLUS^g, cui διαμενὴ τῶν ὄντων audit. Etsi vero satis obscura est haec definitio, videtur tamen, si quae supra dicta sunt, conferantur, id potissimum velle, substantias quae tales, ex subsistentia, quae inter se entia variis qualitatibus mixta habet, ortas, sibi inuicem quasi fundamento niti, ita ut una ex alia oriatur. Quaesivisse enim non in formis substantialibus, sed in qualitatibus varie inter se mixtis naturam et essentiam rerum. testantur AVCTOR *recognitionum Clementis*^h et SEXTVS EMPIRICVSⁱ. Qualitates vero illas in frigido et calido quaesivisse ex STOBÆI^k loco, etsi corrupto, ingeniose coniicit FABRICIVS^l.

VI. Animae sedem esse in superciliorum medietate^m.

VII. Animam per sensuum instrumenta, tanquam per quaedam foramina prospicere et se exercere, et ita arcte iunctam esse cum sensibus, ut a sensibus ratione operationis differre non videatur. Ita Stratonis et Aenesidemii opinionem exponit SEXTVS EMPIRICVSⁿ, sicque eum intelligendum esse, ut inter animam et sensus tamen discrimen sit, licet aliud prima verborum facies innuere videatur, ex antecedenti thesi recte concluditur. Opposuitque TERTVLLIANVS^o Stratonem iis, qui cum Dicaearcho, et medicis Andrea atque Asclepiade, ita abstulerunt principale, dum in animo ipso voluerunt esse sensus^p. Non itaque animi operationem sustulit Strato, eam vero ita cum corporis sensibus coniunxit, ut sine his illa cognoscere et iudicare non possit.

VIII. Tempus esse mensuram motus et quietis.

IX. Tempora definere in individuum, corpora autem et loca secari in infinitum, et moveri, quod mouetur, in tempore individuo totum simul et confertum diuiduum spatium, et non prius in priori^q.

X. Omne corpus gravitatem habere et ad medium ferri^r.

XI. Illud, quod extra coelum est, tanti ambitus esse, ut uniuersum capiat; ideo suapte natura vacuum esse, verum semper corporibus impleri, et sola cogitatione considerari, tanquam per se subsistens^s.

XII. Non solum animam irrationalem (appetitum) moveri, sed et rationalem, actiones enim animae motus esse^t.

XIII. Primum frigidum aquae adscribendum esse^u.

XIV. Cometæ esse lumen sideris nube comprehensum densa, sicut fit in lucernis^v.

XV.

g) In Timaeum L. IV. p. 242. 243.

h) Lib. VIII. c. 15. ibi enim pro Callistratus, Strato legendum esse recte suspicatur FABRICIVS ad SEXTI l. citand.

i) Pyrrh. hyp. L. III. c. 4. f. 32. eadem repetit autor historiae philosophicae GALENO tributa.

k) Eclog. phys. c. 13. p. 27.

l) Ad l. c. Sexti.

m) PLVT. de plac. phil. L. IV. c. 5. TERTVLL. de anima c. 15.

n) Adu. Math. L. VII. f. 350.

o) loc. cit.

p) Librum Stratonis, quo probauit sensum non esse sine intelligentia, memorat PLVT. de solert. animalium.

q) Vtrumque Stratonem tribuit SEXTVS Pyrrh. hyp. L. III. c. 17. f. 137. adu. Mathem. L. X. f. 155. 177. conf. SIMPLIC. phys. L. IV. p. 168. STOBÆVS Eclog. phys. p. 19.

r) In L. I. de coelo c. 86.

s) IDEM L. IV. Phys. c. 53. t) ib. L. VI. c. 23.

u) PLVT. de primo frigido T. II. p. 499.

v) IDEM de plac. phil. L. III. c. 2.

XV. Animi affectus et sensus in principe parte esse et non in affectis locis. In hac enim parte sitam tolerantiam, ut in terribilibus et dolorem afferentibus, utque in fortibus et timidis ^a.

XVI. Potentiam feminis spirituofam esse, adeoque corpus ^v.

XVII. Duo tantum esse, vocem et rem, et in voce verum et falsum esse ^w.

§. VII. Stratonem circa finem Olymp. CXXXVII. defunctum in cathedra secutus est LYCON, Troadenfis, Aftyanactis filius ^x, vir eloquens, et in educandis instituendisque pueris exercitissimus, qui pudore et laudis stimulo, quasi calcaribus utebatur, et frenis ad regendos eorum animos; maximeque improbabat, si quis animum mature doctrina non imbueret, et fero sapiens annos sibi reddi optaret. Elocutionis vero copia in eo erat vberima, adeo, ut praeposita nomini Γ littera, *Glyconem* quidam appellerent, dicendi dulcedinem in eo admirati ^y. Scribendo tamen multum sibi fuit inferior ^z. Non vero pueris tantum vtilissimum se praestitit, sed Athenienses quoque multoties consilio in rebus dubiis adiuuit ^a. Et hanc quoque prudentiam rerum gerendarum causam fuisse verisimile est, quod maxima apud Attalum et Eumenem reges gratia floreret, qui regia eum munificentia alebant. Antiochus quoque eius conuietum expetiit, obtinere tamen non potuit ^b. Erat autem, more doctorum in Lyceo, cultu mundissimus adeo, ut toga vteretur ad excessum delicata et pretiosa ^c; et cum corporis habitu esset robustior, exercitia corporis omnia solertissime obibat, athleticis rebus agilitate maxime idoneus ^d. Scholam vero rexit per XLIV. annos ^e integros, denatus anno aetatis LXXIV. podagrae consumtus doloribus. Vtrum libros scripserit, vel a Stratōnis placitis recesserit, veteres tacent; vnum hoc notat CLEMENS ALEXANDRINVS ^f, finem constituisse veram animi laetitia: quo referendum etiam videtur, quod PLUTARCHVS ^g ait, Aristonem eius discipulum, librum scripsisse, cuius titulus, *Lycon* fuerit, in quo animarum dogmata mixta fabulis, id est, mythologico dicendi genere proposita sint, apta ex voluptate concitare diuinum furorem. Ex hoc enim loco coniici recte potest, Lyconem de animae gaudio philosophatum fuisse, Aristonem vero dulci fabularum lepore doctrinam in se iucundam temperauisse. Sunt et alii huius nominis veteribus memorati, a Peripatetico hoc distinguendi, ex quibus vnus huic quoque sectae, alter Pythagoreae, adhaesit ^h.

Lycon.

Ppp pp 2

§. VIII.

^u) ib. L. IV. c. vlt.

^v) ib. L. V. c. 4.

^w) SEXT. EMPIR. adu. Math. L. VIII. f. 13. id Stoicis, reliqua Aristoteli opposita.

^x) LAERT. L. V. f. 68. qui Panthoedi dialectici auditorem vocat.

^y) PLUT. de exilio.

^z) LAERT. f. 66. CIC. de fin. L. V. c. 5. cui oratione locuples, rebus ipsis ieiunior, audit.

^a) LAERT. f. 67.

^b) ibid.

^c) ib. et ATHEN. L. XII. p. 546. qui plura de eius luxu habet.

^d) ib. Ad hunc corporis robusti habitum alludit HORAT. Epist. L. I. ep. 1. v. 30. ut recte obseruatum HEINSIO ad h. l.

*Nec quia desperes innisti membra Glyconis
Nodosa corpus nolis prohibere chiragra.*

^e) LAERT. l. c. apud STANLEIVM p. 501. male expressi sunt XL. anni.

^f) Stromat. L. II. p. 416.

^g) Quomodo iuueni audiendi poëtae.

^h) LAERT. f. 69.

Aristo Ceius.

§. VIII. Lycone decedente cathedram in Lyceo occupauit ARISTO in insula Ceo, Iulide natus, vnde CEIVS et Iulietes dicitur ⁱ, qui praeceptorum in cathedra Peripatetica Olymp. CXXXIIX. secutus est. Critolai γνῶσιμον, id est, familiarem discipulum vocat SEXTVS EMPIRICVS ^k, quod tamen, cum successio scholae Peripateticae supra veterum testimoniis probata non admittat, quae Aristonem Iulietem ante Critolaum ponit, vel falsum plane est, et error veterum, vel de iuniore aliquo Aristone intelligendum est ^l. Bionis vero Borysthenitae aemulum fuisse STRABO testis est ^m. Scripsit, CICERONE ⁿ auctore, *multa et polua, sed oratio auctoritatem non habuit; grauitasque in concinno et eleganti viro, quae philosophum decet, desiderata est.* Quo iudicio Cicero ad grauem doctrinam de anima, fabulis ab Aristone, vti supra dictum, inuolutam et temeratam respicere videtur PATRICIO ^o, quod tamen vero parum videtur simile, philosophicas enim doctrinas μυθολογικῶς enarrare, praestantissimi philosophi solebant. Propius vero est, Aristonem materiam scribendi elegisse saepius philosopho non dignam, et luxuriatum etiam fuisse in dictione; quam coniecturam liber *amatoriarum similitudinum*, quem teste ATHENAEO ^p scripsit, confirmat. De placitis vero eius et scriptis difficile est statuere, eo quod veteres Aristonem Ceium Peripateticum, et Aristonem Chium frequenter inter se confuderunt, suntque, qui pleraque huic adscripta Peripatetici esse contendunt ^q; alii ^r contrarium tenent. Habuit etiam discipulum cognominem ex Coe insula oriundum, quem testamento haeredem instituit ^s, qui a praeceptore distinguendus est. Alium Aristonem seniorememorat LAERTIVS ^t.

Critolaus.

§. IX. CRITOLAUS, qui Aristonem excepit, Phaselide, celeberrima Lydiae urbe, ortus fuit ^u, Aristonis discipulus, vt supra dictum est. Delegatum fuisse, ob eloquentiam, qua praestabat, ab Atheniensibus, vt cum Carneade et Diogene Romam mitteretur, ibique dicendi facultatem Romanis probauisse, supra in Carneadis vita retulimus, et quae circa eius aetatem atque tempus difficultates moueri soleant, memorauimus. Quamuis autem esset disertissimus, rhetoricam tamen teste SEXTO EMPIRICO ^v et QVINTILIANO ^w damnauit, vt quae artificium potius sit malum, quam ars, qualem esse, pertinaciter negabat. Id quod mirum nemini debet esse, cogitanti, semper, et potissimum circa Critolai tempora, internecinum inter philosophos et oratores fuisse odium, vtrique parte alteri detrahente: cuius exemplum nobis Academia quoque supra exhibuit. Aetatem ultra LXXX. annum

ⁱ) LAERT. L. VII. f. 164. STRABO L. X. p. 658.^k) Adu. Rhetor. L. II. f. 61. quod confirmat QVINTILIAN. L. II. c. 15.^l) Praefert hoc iure cel. FABRICIVS Bibl. Graec. Vol. II. p. 280. 294. et ad locum SEXTI.^m) I. c. (μαθητής vero imitatore quoque innuit,ⁿ) De fin. b. L. V. c. 5.^o) I. c. p. 155.^p) Lib. X. p. 419. L. XV. p. 674.^q) LAERTIVS L. VII. f. 163. Panaetii auctoritate vsus.^r) Conf. BAYLE Dict. T. I. art. Aristo not. G.^s) STRABO L. XIV. p. 658.^t) Lib. V. f. 27.^u) PLUT. de exil. T. II. p. m. 527. CICERO I. c.^v) Adu. Grammat. L. II. f. 15. 20. et FABRIC. ad h. l.^w) Lib. II. c. 17. Instit. Orat.

annum protraxisse volunt ^v, licet impeditae sint temporis eius rationes. Distinguendus vero Critolaus Peripateticus ab aliis huius nominis ^w. In-
stituisse vestigiis disciplinae Peripateticae, pauca, quae de eius placitis veteres
conseruarunt, docent. Inter quae praeter doctrinam de Deo, quem cum
Diodoro discipulo aetheris puri mentem dixisse refert STOBÆVS ^x, maxi-
me dogma de mundi aeternitate notandum est, de quo memorabilia quae-
dam refert PHILIO ^y, habuisse eum doctrinam de mundi et humani gene-
ris ortu, totamque cosmogoniam pro inuento fabularis theologiae, excogi-
tato ad illiciendos fatuos, et decipiendos credulos, quod naturae operi con-
traria afferat, multisque argumentis in primos homines ex terra natos in-
furrexi ^z et contendisse, humanum genus esse aeternum, ergo et mundum,
qui, cum suamet causa sit essentiae, vt ceteris rebus omnibus, sempiternus
esse debeat, cum nil il praeterea sit, vnde destructionem quoque metuat.
Addit plura, apud ipsum legenda, Aristotelicum hoc de argumento dogma
mire illustrantia. Summum porro bonum statuebat ^a esse, perfectionem
vitae recte fluentis, secundum naturam, quae compleatur ex tribus generi-
bus, quo in dogmate ab Aristotele parum discessit; quare et *προγονικὴν τε-
λειότητα*, perfectionem a maioribus in Lyceo traditam eum intellexisse,
recte monuit CLEMENS ALEXANDRINVS. Refert etiam CICERO ^a,
*animi bona corporisque atque externa, velut in lance eum appendisse, tan-
tumque, dixisse, propendere istam lancem, cui imposita sint animi bona, vt
terram et maria deprimat.*

§. X. Critolai discipulus DIODORVS fuit, quem in schola ei succes- *Diodorus.*
sisse, ex supra demonstratis euincitur. Quis vero fuerit, quem docendi
modum tenuerit, quamdiu cathedram occupauerit, quem sibi successorem
delegerit, altum apud veteres est silentium. Vnum hoc notauit CLEMENS
ALEXANDRINVS ^b, hunc finem hominis statuisse, vt sine omni molestia
et honeste viuat. Sunt, qui putant ^c, Erymneum, quem Athenionis prae-
ceptorem fuisse ATHENAEVS ^d ait, successorem eius fuisse, nititur vero
hoc mera suspicione, desinitque in Diodoro Peripatetica successio; ab eo
enim vsque ad Andronicum Rhodium, qui vndecimus ab Aristotele Lycei
doctor numeratur, tres desiderantur, veteribus indicti. Cum Diodoro
itaque Peripateticae scholae historia in prima desinit periodo: aliquot tamen
viri celebres non praetermittendi nobis sunt, qui ex hac secta magnam
sibi famam acquisuerunt.

§. XI. Non enarrabimus vero sectatores Aristotelis omnes, eiusmo- *Affectae alii*
di enim catalogos scriptionis nostrae scopus et modus non admittit, sed ali- *Aristotelis.*
quos, qui inter Graecos ex Lyceo prodeuntes nomen sibi parauerunt ce-
lebre,

Ppp pp 3

^v) LUCIAN, in longaeu. T. II. p. m. 829.

^w) Vid. VOSSIVS de histor. Graec. L. III. p. 348.

^x) E. leg. phys. L. I. c. 1. p. 2.

^y) Quod mundus sit incorruptibilis p. m. 943 seqq.

^z) CLEM. ALEX. Strom. L. II. p. 416.

^a) Tusc. Qq. L. V. c. 17.

^b) Strom. L. I. p. 301. conf. CICERO de finibus
L. V. c. 5. Ac. Qq. L. IV. c. 42. CLEM L. II. p. 415.

^c) PATRICIVS l. c. p. 114. FABRIC. Bibl. Gr.
Vol. II. p. 300. OLEARIVS ad STANLEIVM
p. 504.

^d) Lib. V. p. 211.

lebre, adducere fatis erit; reliquos dabunt, qui Peripateticorum indices confecerunt PATRICIVS^e atque FABRICIVS^f, vt alios taceamus: Ple-rique tamen eorum, quos doctissimorum virorum collegit industria, post renouatam Peripateticae scholae faciem et productos in lucem Aristotelis li-bros vixerunt, quod argumento est, non adeo magnam Lycei fortunam inter Graecos fuisse, ex quo cum Theophrasto Peripateticae literae quasi se-pultae sunt. Qui enim eum sequebantur, nomen magis, quàm doctrinam Peripateticam tuebantur. Ii itaque maxime notandi sunt, qui vel Aristo-telelem ipsum audierunt, vel ex Theophrasti disciplina prodierunt, et ge-nuinam Peripateticae philosophiae faciem pernouerunt. Inter quos Dicae-archus, Eudemus, Heraclides Ponticus, Phantias, Demetrius Phalereus, et Hieronymus Peripateticae philosophiae gloriam eruditione sua maxime au-xerunt.

Dicaearchus.

§. XII. DICAERARCHVS, Phidiae filius Messenius fuit ex Sicilia, Ari-stotelis discipulus^g, et nobile Lycei ornamentum, qui et historicis scriptis et philosophicis disputationibus celebre nomen consecutus est. CICERONI enim non *ισοκρίωτατος* tantum audit^h, sed et Peripateticus magnus et co-piosusⁱ; qui et alibi^j, quanti hunc virum fecerit, luculenter prodit. Nos nec historicam nec geographicam eius eruditionem hic consideramus, de vtraque ad DODWELLI dissertationem de Dicaearcho^k lectorem remit-tentes; sed, quae philosophica adamauit placita, a nobis praetermitti non possunt. Statuit enim

I. Nihil esse omnino animum, et hoc esse nomen totum inane, fru-straque et animalia et animantes appellari, neque in homine inesse animum vel animam, nec in bestia. Vinque omnem eam, qua vel agamus quid, vel sentiamus, in omnibus corporibus viuis aequaliter esse fusam, nec sepa-rabilem a corpore esse, quippe quae nulla sit, nec sit quicquam nisi corpus vnum et simplex, ita figuratum, vt temperatione naturae vigeat atque sen-tiat. Ita CICERO^l deliciarum suarum, Dicaearchi, sententiam exponit, quem acerrime contra immortalitatem animorum disputasse, innuit. Con-firmant id alii quoque veterum^m, patetque ex CICERONIS alio locoⁿ, eum in Corinthiaco, et in Lesbiacis libris, vehementer in hanc doctrinam in-

^e) Discuss. Perip. T. I. L. X. p. 127 seq. vbi de au-ditoribus, sectatoribus et expositoribus Aristotelis agit, eorumque varias philosophandi rationes L. XII. p. 152 seqq. exponit.

^f) Bibl. Graec. Vol. II. p. 272. consuli quoque cum fructu possunt IONS. de Scr. Hist. phil. passim. VOSSIVS de hist. Gr. L. I. c. 9. p. 40. Catalogum quo-que Peripateticorum, licet negligenter satis confe-ctum exhibet LEONARD. COZZANDVS de magi-sterio antiq. philos. L. II. c. 2. p. 157 seqq.

^g) CICERO Tusc. Qq. L. I. c. 20, 21. SVIDAS T. I. v. Dicaearchus p. 585.

^h) Ad Attic. VI. 2.

ⁱ) De officiis L. II. c. 5.

^j) Ad Attic. II. 12. qui et ep. 2. eum magnum ho-minem vocat.

^k) Eam cum Dicaearchi fragmentis geographi-cis inseruit T. II. Geographorum Graecorum Oxon. 1703. 8. editorum Io. HUDSONVS vir clarissimus. BAYLIUS etiam Dist. T. II. art. Dicaearque p. 285. quaedam ad eum pertinentia collegit. add. IONS. de Scr. hist. phil. L. I. c. 16. p. 85. FABR. Bibl. Gr. Vol. II. p. 295. VOSS. de Hist. Graec. L. I. c. 9. p. 46.

^l) Tusc. Qq. II. cc.

^m) PLVT. contra Colot. EVSEB. praep. L. XV. c. 9. p. 810. CIC. ad Attic. L. XIII. ep. 31. SEXT. EMPIR. Pyrrh. hyp. L. II. c. 3. f. 31. adu. Mathem. L. VII. f. 349.

ⁿ) Tusc. Qq. L. I. c. 31.

infurrexiffe, et imprimis, vt notat PLVTARCHVS", Platonem oppugnauiffe. Obseruauimus vero fupra quoque, augere ita verifimilitudinem eius fententiae, quae animae mortalitatem affertam tribuit Aristoteli hanc Dicaearchi difputationem: tota enim ea cum fystemate Aristotelis phyfico et pſychologico conuenit. Quid vero veteres ° et recentiores ea de re contra Dicaearchum et qui eius opinionem fequuntur difputauerint°, huius loci, enarrare non eft.

II. Humanum genus femper fuiſſe. Sententiam γνησιως Aristotelicam Dicaearcho tribuit CENSORINVS", videnturque ad hoc argumentum pertinuiſſe quae CICERO" habet: *eum collectis ceteris cauſis eluioni, peſtilentiae, viſtitiſ, bellarum etiam repentinae multitudinis, quorum impetu quae iam hominum genera ſint conſumata, docuiſſe plures eſſe deletos homines hominum impetu, id eſt bellicis et ſeditionibus.* Iſta enim reſponſione obiectionem eludebat, quae impoſſibilitatem aeternitatis mundi ab initiis regnorum et hominum multitudine deriuabat.

III. Diuinationes quoque pleraſque reieciſſe, niſi quae fiunt, cum animus hominis ita ſolutus eſt et vacuus, vt ei plane nihil ſit cum corpore, aſſerit CICERO". Quam tamen doctrinam cum primariae hypotheſi, animam nihil eſſe, niſi vitam vniue corporis, conſiſtere non poſſe, recte monuit P. BAYLE. Quae vero ita explicari poſſunt, vt viſ illa, quae ineſt corpori, quamque animam alii philoſophi vocant, vigilantibus vel in ſtatu ordinario verſanti homini certis externorum ſenſuum legibus et vinculis conſtricta dicatur, quibus vel ſomno vel furore ſolutis diuino, viſ illa libere moueatur, vt alibi ait CICERO, et virtutem in diuinatione naturalem explicet. Non negamus tamen Peripateticum philoſophum ita contradictionem nondum euitare; verum iſta tamen Peripateticis principiis conuenienter dicta ſunt.

IV. Nefcire quae euentura ſunt, melius eſſe, quam ſcire. Magnum Dicaearchi librum fuiſſe, in quo haec defenderat, teſtatur CICERO".

V. In ciuilibus quoque philoſophiae cognitione mirabilem fuiſſe, teſtatur quoque CICERO", qui libros *de Pellenaeorum, Corinthiorum, et Athenienſium rebus publicis vehementeſ commendat.* Refertque SVIDAS" librum Dicaearchi de Spartanorum republica, quotannis in ephorum praetorio lectum eſſe, puberibus auſcultantibus, idque lege apud Lacedaemonios ſancitum diuque obſeruatum fuiſſe. Male eum librum tribuit Dicaearcho Lacedaemonio, Grammatico, Ariſtarchi diſcipulo, MEVRſIVS".

VI.

n) I. c. infurrexiffe quoque contra Platonis Phaedrum ex CIC. ad Attic. XIII. 39. colligitur, conf. FABRIC. I. c. p. 298. ſ. add. CICERO Tuſc. Q. 1. VI. c. 34. LAERT. L. III. f. 38. putabat enim, iuueniliter eum ac moleſte de amore praecepſſe.

o) TERTVLL. de anima c. 15. LACTANT. ep. 10.

p) Conf. BAYLE I. c. not. L. M.

q) De die nat. c. 4.

r) De offic. I. c. conf. FABRIC. I. c. p. 297.

s) De diuinat. L. I. c. 3. L. II. c. 48.

ſſ) De diuinat. L. II. c. 51.

t) Ad Attic. II. 2.

u) I. c.

v) In Indice Miſc. Laconic. v. Dicaearchus, notatus ideo BAYLE I. c. ſed in ipſo libro L. IV. c. 19. p. 334. nihil de Lacedaemonio habet Meurſius, vnde conſpicimus, indicem a Puſendorfio editore vel alio conſectum fuiſſe non inſpecto ſatis ipſo libro,

VI. Praetereundum quoque non est, diligentem posuisse in eo operam Dicaearchum, ut altitudines montium regum cura et impensis emeteretur, et rationes inde geographicas deduceret. Scripsisse vero *de montium dimensione in Peloponneso* obseruant DODWELLVS et FABRICIVS ^w.

Eudemus.

§. XIII. EYDEMVS Rhodum patriam habuit, Aristotelem praeceptorem, ad quem is ethica scripsit, licet sint, qui ea ad Eudemum auctorem referant ^x. Scripsisse enim ad imitationem magistri philosophica, testatur AMMONIVS ^y, notatque Boëthius, auxisse eum logicam Aristotelis syllogismo hypothetico, et quinque aliis modis primae figurae, et septimo tertiae ^z. Desideratur etiam non sine iactura historiae philosophicae, eius historia geometrica et astrologica veteribus passim memorata. Plura de eo vide apud PATRICIVM, FABRICIVM ^a, et MEYRSIVM ^b.

Heraclides Ponticus.

§. XIV. HERACLIDIS, Eutyphronis filii, Heracleotis e Ponto vitam ex veteribus enarrauit Timagenes ^c, et collegit ex aliorum memoriis LAERTIVS ^d. Is cum diues esset, Athenas concessit, et Platonem audiuit, Pythagoricam quoque philosophandi rationem sectatus, refertque SVIDAS ^e, Platonem in Sicilia abiturum, praesidem scholae reliquisse Heraclidem. Postea Speusippo in disciplinam se tradidit, nouissime vero Aristotelem secutus. Adeo tumentis fuit corpore, ut illum Athenienses non Ponticum, sed pompicum appellarent; moribus vero et incessu quoque grauem, humanum et verendum fuisse LAERTIVS testatur, qui et hoc addit, veste usum fuisse mollicula, qua in re morem Lycei, praeceptorem sequentem, imitatum fuisse, ex exemplis supra allatis constat. Non vero doctrina tantum philosophica et mathematica, sed et dictionis et orationis genere vario et distincto, quodque maximam capiendi animos atque oblectandi vim habebat, eminuit, multisque libris doctissimis eruditionem probauit, quorum indicem confecit LAERTIVS ^f. Fabulam vero Graecam sapiunt, quae de dracunculo ab eo nutrito, et cum moreretur, lecto imposito, ut ad Deos relatus crederetur, narrant LAERTIVS et SVIDAS, adeo puerilia sunt, et vero non similia. Plura de eo dabunt VOSSIVS ^g, FABRICIVS ^h, et MENAGIVS ⁱ. Non confundendum vero esse cum scriptore allegoriarum Homericarum alibi monuimus ^j. Triginta enim ex veteribus Heraclidas diuersos collegit IONIVS ^k.

Phanias.

§. XV. PHANIAS, siue Phaenias Eresius, Theophrasti ciuis e Lesbo insula fuit, quem Ephesium fuisse perperam quidam SVIDAE codices vocant,

^w) Il. cc. PLINIVS L. II. c. 65. GEMINVS Elem. Astron. c. 14.

^x) Vid. FABRIC. Bibl. Gr. Vol. II. p. 156.

^y) Ad Categorias p. 13.

^z) Conf. PATRIC. l. c. p. 49. 75. 153. FABR. l. c. p. 300. ION. l. c. c. 15. p. 79.

^a) Il. cc.

^b) In descriptione Rhodi L. II. c. 9.

^c) Is enim, teste SVIDA, de claris Heracleensibus scripserat.

^d) Lib. V. f. 86 seqq.

^e) In *Ἡρακλείδης* T. II. p. 70.

^f) l. c. f. 87 88.

^g) De historicis Graec. L. I. c. 10. p. 45.

^h) loc. cit.

ⁱ) Ad LAERT. l. c.

^j) Supra in Homero.

^k) Lib. II. c. 11. conf. L. I. c. 17.

cant¹, qui eum Aristotelem audiuisse tradit. Diligentem non naturae tantum, sed et historiae philosophicae interpretem fuisse, ex libro de *Socraticis* veteribus laudato², aliisque ingenii eius monumentis, quae enarrat *Vossius*³, colligitur. Qua in re, dubium non est, Aristotelis historiae philosophicae plurimum tribuentis exemplo fuisse excitatum. Scripsit vero etiam logica, ut ex loco quodam *AMMONII*⁴ colligere est. Alius vero Phantias, Posidonii Stoici discipulus est, quem cum Peripatetico confudit *Vossius*⁵.

§. XVI. Omnes vero, enumeratos hactenus nominis celebritate, vitaeque fatis per prospera et aduersa iactatus facile superat *Demetrius Phalereus*, nobilissimus Peripateticus, dignusque Theophrasto praecceptore discipulus, cuius plurimi veterum meminerunt, ex quibus vitam eius collegit *Laertius*⁶. Is cum raro, quod notat *Cicero*⁷, exemplo et doctrinae studiis et regenda ciuitate princeps esset, a Cassandro, Macedonum rege, Olymp. CXV. 4. Atheniensibus praefectus est. Quem principatum non tyrannide occupauit, sed prudentia gessit, popularemque statum restaurauit: namque et rexitibus et aedificiis ciuitatem auxit, tantamque inde populi gratiam meruit, ut CCCLX. statuis, intra totidem dies confectis⁸, honoraretur, quod nulli ante eum contigerat. Decem autem annos cum optime rempublicam administrasset, inuidia ciuium pressus, qui oligarchiam odio habebant, absens capitis damnatus est, id quod *Demetrii*, *Antigoni*, filii iussu factum esse tradidit *Phauorinus*⁹. Tantisque fuit populi furor, ut cum absens damnetur, eiusque potestas corporis data non esset, in aes debaccharetur, statuasque omnes subuerteret, et turpissime haberet. Ipse vero *Antigoni* metu ad *Ptolemaeum* *Lagida*, cognomento *Soterem*, confugit, et apud eum in tanto honore fuit, ut, quod *Aelianus*¹⁰ testatur, primas in ferendis rogandisque legibus partes teneret¹¹. In hac vero in Aegypto commoratione accidisse tradunt¹², ut *Alexandriae* oculorum usum amitteret, a *Serapide* autem reciperet, quem pro hoc beneficio paeonibus honorauit, apud Athenienses postea decantare solitis. Cum autem regi auctor fuisset, ut liberos, quos ex *Eurydice* haberet, regni successores designaret, non filium *Beronices*, postea *Philadelphum* dictum, rex ei non obtemperauit, sed uiuus adhuc *Philadelphum* in regni societatem asciuit, quae res *Demetrio* exitio fuit. Alta enim mente iniuriam reponens *Philadelphus*, parente fatis functo, honoribus eum priuauit,

1) Vid. *FABRIC. Bibl. Gr. Vol. II. p. 308.* in *KVSTERI* vero editione recte expressum est *Eresius*, quod enim pro e ex mendo irrepsisse, palam est.

2) Vid. *IONS. l. c. p. 84.*

3) *l. c. p. 49.*

4) *De Categor. p. 13.*

5) *loc. cit.*

6) *Lib. V. f. 70 seqq. conf. MENAG. ad h. l.*

7) *De legibus L. III.*

8) Quot nempe dies annus tum haberet, inde *VARRO*:

*Hic Demetrius aeneas tot aptu'st,
Quot lucas annus habet absolutus.*

conf. STRABO L. X. PLIN. L. XXXIV. c. 6.

9) *LAERT. l. c. f. 77.*

10) *Lib. III. c. 17.*

11) Dicitur suasisse *Ptolemaeo*, ut philosophorum de regno et politia libros legeret, quippe in eis reperiri, quae amici reges monere non auderent, quod refert *PLUT. in Apophthegm.* Fuga vero *Demetrii* in Aegyptum incidit in *Ol. CXVIII. 2.*

12) *LAERT. f. 76.*

uauit, et certae prouinciae exilio destinauit, ubi cum tristissimam vitam paulum exegisset, aspidis morfu interiit: id quod destinato consilio, ut e viuis tolleretur, factum esse CICERO^v asserit. Et haec quidem certis veterum testimoniis constant. Quod vero post Aristeam Aristobulus, Philo, Iosephus, et plerique veterum ecclesiae doctorum tradiderunt, Demetrio Phalereo museo et bibliothecae regiae, Alexandriae a Ptolomaeo Philadelpho praefecto consilium leberi, curandae versionis Graecae biblicorum Hebraeorum, magnis dubiis expositum est, valdeque in diuersa traxit viros in arte critica summos^w. Seriem enim rerum et Hermippi apud LAERTIVM^x testimonium ob stare monent, quo minus vera ista sint, cum quam primum regno solus admotus esset Philadelphus, Demetrium rure custodiendum curasset, ubi aspidis morfu interierit. Addunt^y et Demetrium, et post eum Zenodotum Ephesium isto tempore bibliothecarium Ptolemaei Lagidis, non Philadelphi fuisse. Cui tamen nodo soluendo hanc responsionem adhibent VOSSIVS^z vterque, pater et filius, versionem sacrorum librorum curante Demetrio Phalereo factam esse illo tempore, quo simul regnarunt Ptolemaeus Lagi et filius eius Philadelphus. Posterius vero telum ut declinet eruditissimus HUMPHREDVS PRIDEAUX^a, statuit, Demetrium supremum bibliothecae praefectum, Zenodotum vero eius custodem, quem subbibliothecarium barbare vocant, fuisse. Nos hic prolixè argumenta vtriusque partis discutendo moram non nectimus, dicturi ea de re ex instituto in historia philosophiae Iudaicae; sed id vnum monemus, quod totam rem subruit, Aristeae, Aristobuli et Iosephi Iudaeorum testimonia destitui fundamento solido, quod versio illa publica auctoritate regum Aegypti confecta fuerit, et manifestam Iudaeorum arrogantiam prae se ferre, qua Patres veteris ecclesiae seducti traditionem hanc rei sacrae, ut putabant, honorificam, sine ulteriori examine admisserunt; probabilissimumque esse, susceptum fuisse laborem hunc priuato Iudaeorum in Aegypto commorantium studio. Ita nec disertum Hermippi testimonium reiici, nec bibliothecae Alexandrinae conditae epocha mutari, nec Zenodoti bibliothecarii munus leui et non probata exceptione infringi opus est. Sed ut ad Demetrium Phalereum redeamus, Theophrasti auditor in philosophia et eloquentia dignum tanto praeceptore discipulum se praestitit, et, quod testatur LAERTIVS^b, et librorum numero et versuum multitudine omnes sui temporis Peripateticos superauit, doctissimus et peritissimus omnium. Probat etiam librorum eius index, ab eo consignatus, in omni doctrinae genere, partim historico, partim politico, partim poetico, partim rhetorico, partim philosophico fuisse versatissimum. Quae scripta stilo philo-

v) Orat. pro Rabirio.

w) Vid. post SCALIG. ad Euseb. aliosque HUMPHR. HODV de LXX. Interp. c. 9. quique historiam huius versionis exposuere.

x) loc. cit.

y) ION'S. de Scr. hist. phil. L. I. c. 18. p. 101.

z) G. I. VOSSIVS de Hist. Gr. L. I. c. 12. p. 37. Is. VOSSIVS l. c.

a) Hist. Iud. Vet. Test. P. II. L. I. p. 19.

b) l. 80.

lofophico, oratorio tamen robore et virili eloquentia permifto confignavit ^c, vt adeo dolendum fit, ea nobis temporis iniuria erepta effe: qui enim ad eum refertur libellus elegans *de interpretatione*, ^{voßius} fufpectus eft ^d. Fuiſſe vero virum non eleganter tantum doctum, ſed et probum rectique et honeſti amantem, dicta, quae de eo refert LAERTIVS ^e atque ſententiae pulcherrimae comprobant. A multis vero Demetriis ^f, veteribus memoratis, addito Phalerei nomine facile diſtinguitur. Eſt inter eos Alexandrinus quoque philoſophus quidam, et ipſe Lyceo addiſtus, cuius meminit ATHENAEVS ^g, cum Phalereo non confundendus.

§. XVII. Tandem et HIERONYMVS RHODIVS non tacendus nobis eſt, quem cum Arceſilao et Lycone contentiones aluiſſe, LAERTIVS ^h teſtatur. Ariſtotelis itaque diſcipulum dum vocat ATHENAEVS ⁱ, nihil aliud dicit, quam ſecutum fuiſſe diſciplinam Ariſtotelis, vt recte notat IONSIUS ^j, qui et VOSSIVM ^k reprehendit, qui Hieronymum ad Ptolemaei Lagi tempora refert. Lycon enim Olymp. CXXVII. ſcholae praeſſe coepit, cuius ille temporibus vixit. Peripateticum imprimis nobilem, ſuauem item et doctum vocat CICERO ^l, et frequenter eius ſcripta laudant veteres ^m. Summum bonum dixit, non dolere ⁿ.

*Hieronymus
Rhodius.*

^e) ib. f. 82. Luculentius CICERO in Orat. ſed Phalereus Demetrius meo iudicio praeſtitit, cuius oratio cum ſedate et placide loquitur, tum illuſtrant eam quaſi ſtellae quaedam tralata verba et immutata. Et paulo poſt ſententias et locos communes ſine contentione diſputatos ab eo laudat. Et off. L. I. init. eum vocat diſputatorem ſubtilem, oratorem parum vehementem.

^d) Vid. FABRIC. Bibl. Graec. Vol. IV. p. 423. et quos laudat.

^e) f. 82.

^f) Viginti nominat LAERT, f. 83. quibus plures addit MENAGIVS.

^g) Lib. X. XII.

^h) Lib. IV. f. 41. L. V. f. 68.

ⁱ) Lib. X.

^j) De Ser. Hiſt. phil. L. II. c. 3. p. 129.

^k) De Hiſt. Gr. L. I. c. 9. p. 48.

^l) De Orat. c. 56. de ſin. L. V.

^m) Vid. MEYER. in Rhodi deſcript. L. II. c. 10. p. 99. FABR. Bibl. Gr. Vol. II. p. 303.

ⁿ) Adeoque, voluptatem non eſſe expetendam CICERO de ſin. L. II. c. 3. hinc L. V. dubitat, an Peripateticus vocandus ſit. Inde conſicit, PATRIC. diſc. T. I. L. XII. p. 157. hunc primum fuiſſe, qui Peripateticam doctrinam cum aliis aliarum ſectarum doctrinis miſcuit. Hic enim Ariſtotelis libros non vidit.



CAPVT OCTAVVM.

DE SECTA CYNICA.

§. I.

*Cynicorum
nomen et
origo.*

Nondum Socraticos discipulos, qui post praeceptoris fata sectam condidere, dimittere historiam philosophiae Graecanae enarrantibus licet; restat enim Antisthenes, Socratis discipulus, qui Cynicam sectam instituit, ex qua enata est Stoica, quarum historiam iam pandemus. Cum enim reliqui, qui ex disciplina magni viri prodierant, variarum doctrinarum hypothefibus, quarum semina a Socrate se accepisse gloriabantur, inhaerent, Antisthenes e contrario virtutis magis cultum, ad quem pleraque Socrates retulerat, quam subtiles speculationes discipulorum eius imitandum ratus, nouum et insolitum disciplinae genus excogitauit, quod Cynicum dictum est. Cuius appellationis originem varie repetunt veteres atque recentiores. Quidam enim veterum a publico Atheniensium gymnasio Cynosarge dicto, quod elegit Antisthenes, ut in eo doceret, Cynicam sectam dictam putant^a; quod admittunt etiam recentioris aetatis viri quidam doctissimi^b, qui a loco sectae nomen haesisse, ut Academicae ab Academia, Stoicae a Stoa, contendunt. Multi vero veterum^c, obseruantes, non omnes Cynicos in isto gymnasio docuisse, ut Academici in Academia, sed solum Antisthenem, ad mores potius sectae Cynicae, istam appellati nem respicere, tradunt. Cum enim caninos in omnes fere homines dentes haec secta exerceret, et dicacitate insolita omnes, quos ex instituto suo corripere fas erat, allatraret, et, quod plerique veterum asserunt, canino quoque more decori rationem insuper haberet omnem, nec quae naturalia sunt, turpia putaret, licet talia aliis viderentur; canum appellationem sortitam fuisse, nec ipsis Cynicis valde ingratam, asserunt. Nos vtramque sententiam non incommode copulari posse putamus, et vtrumque occasionem non inis dedisse credibile putamus. Docebat enim Antisthenes in Cynosarge, nouamque ibi sectam condendi studio intentus seuerissimam auspicabatur disciplinam: cui cum nomen imponendum esset, repudiato Antistheniorum^d titulo, a loco nomen haesisse eo magis verisimile est, quo magis eadem appellandi ratio in ceteris, quae ex Socratis schola ortae erant, sectis obtinuerat. Cum vero ipse sectae auctor canino more homines allatrando, totius ciuitatis re-

pre-

^a) Horum aliquos nominat LAERT. L. VI. c. 13. HESYCH. ILL. etiam et SVIDAS in Antisthen. T. I. p. 230 id recipiunt.

^b) MEVRS ad HESYCH. p. 115 et Athen. Att. L. II. c. 12. FABR. Bibl. Graec. Vol. II. p. 360. IONS. de Scr. hist. phil. L. I. c. 8. p. 39. et dissert. Pe. ip. I. p. 422. VOSSIVS de sectis c. XVII. §. 3. aliique.

^c) LAERT. L. III. c. 15. AVGVSTIN. de C. D.

L. XIV. c. 20. PLAVTVS in Pers. Act. I. sc. I. v. 43. APVLEIVS florid. XIV. p. m. 355. Consentiant recentiorum multi, et in his LIPSIVS Manud. ad phil. Stoic. L. I. diff. XIII p. m. 78. cl. STOLLIVS Hist. phil. moral. p. 97. conf. VOSSIVS l. c. MENAG. ad LAERT. L. VI. c. 13. et STOLLIVS a se diuersus diff. de Antisthene Cynico §. XI. p. 16.

^d) ARISTOT. L. VIII. c. 3. Metaphys.

prehenforem ageret, appellatio inter Graecos non inusitata, qua dicaces homines, imprimis philosophi, canes vocabantur ^e, tanquam e re ipsa nata sectae haesit, et qui in Cynosarge docebat, vere canis esse dictus est, id quod LAERTIVS ^f diserte testatur. Et si vero sectae, a magistro vel loco, appellationem reiiciebant Cynici ^g, qui Herculis imitatores se esse prae se ferebant, cui Cynosarge dicata erat, quia a cupiditatum noxiarum et vitiorum monstris Herculis instar ciuitatem purgarent ^h; non displicuit tamen postea nomen philosophis ex hac secta, ut Diogenis exemplo patet, scommatis ⁱ iniuriam in libertatis philosophicae laudem vertentes, cum non amplius in Cynosarge docerent, sed per omnia urbium compita et imprimis loca sacra et publica discurrerent, reprehensuri, quoscumque emendatione opus habere nouerant. Id quod eo facilius euenire potuit, quo magis perditissimis tunc moribus tota fere vivebat Graecia.

Fuit autem Cynosarge ex locis Athenarum publicis, extra urbis moenia *Cynosarge.* versus meridiem, in editiore paulo loco haud procul a Lyceo sita, cum luco adiacente. Nomen nata est a cane albo, quasi *ὁ κυνὸς ἀργὸς ναὸς*, canis albi templum, cuius occasio, docente SVIDA ^k, haec fuit. Cuius quidam Atheniensis, Didymum, Suidas vocat, rectius Diomum alii, vid. MEVR-
SIVS ^l et MENAGIVS ^m, sacra in larario domestico fecerat; cui cum canis quidam albus (celerem alii, vocem *ἀργὸς* interpretantur, ut est apud HESYCHIVM ⁿ) carnem abstulisset, et hunc in locum deportasset, vehementer perturbatus Diomus oraculum de ea re interrogauit, quod eum in illo loco, ubi canis carnem deposuisset, fanum Herculi extruere iussit. Quod cum fecisset, non solum fanum illud, sed et locus Cynosarges dictus est. Non vero Herculis tantum delubrum, sed et Hebes, quae Iouis filia Herculi nupta fuit, Alcmenes etiam ara et Iolai, laborum Herculis socii, fuit, testante PAVSANIA ^o. Praeter templum gymnasium quoque ibi excitatum celeberrimum, in quo peregrini nothique excercebantur. Erant vero nothi, qui vel alterutra ex parte ad Athenienses pertingerent, siue qui patre aut matre Atheniensi procreati essent. Lege enim cautum erat, ut qui patribus quidem, non vero matribus Atheniensibus nati essent, pro nothis haberentur, liberique legitimi non putarentur, certis quoque signis et consuetudinibus distinguerentur, quo et illud pertinebat, ut non nisi in Cynosarges gymnasio exerceri, vngique liceret. Id quod ad hunc locum ideo potissimum relatum est, quod ipse Hercules in hunc censum quodammodo referretur, Deorum et mortali-
um connubio genitus. Eundem in locum etiam liberti remittebantur:

Qqq qq 3

erat-

^e) Ita Aristippum canem vocatum esse supra diximus, conf. Acta phil. Vol. II, p. 902, 918, et quae ibi afferuntur.

^f) ἀπλοκύνων, LAERT. L. VI. c. 13.

^g) Oenomaus apud IULIAN. Imp. Orat. VI. p. 187. ὁ κυνισμὸς ὅτε Ἀντιόχου μὲν ἐστὶν ὅτε Διο-
γένη μὲν.

^h) Dio L. IV. de regno p. 64. IULIANVS l. c. Inde Antisthenes apud EVSEB. praep. L. XV. c. 13.

p. 816 Hercules vir animo AVSON. epigr. 27. 28. LVCIAN. Vitar. auct. T. III. p. m. 107. APVLEI. l. c. add. MENAG. ad LAERT. L. VI. c. 2. FABR. Bibl. Gr. Vol. II. p. 361

ⁱ) Ita vocat LAERT. in proem.

^k) T. II. v. κυνὸς ἀργὸς p. 398.

^l) Athen. Attic. L. I. c. 2.

^m) Ad LAERT. L. VI. c. 13.

ⁿ) p. 572.

^o) In Atticis.

eratque ibi curia quaedam, coram qua illi, quos illegitimos esse suspicio erat, examinabantur, quique libertate falso vti conuincebantur, pro seruis vendebantur. Quam tamen ignominiam loco, teste P L V T A R C H O ^o, Themistocles sustulit, qui cum vna tantum parte sanguine Atheniensi natus esset, iuuenes quosdam nobili familia ortos induxit, ut cum comitati in Cynosarge cum ipso vngerentur. Conf. illustrissimus POTTERVS ^o, et qui loca veterum omnia diligentissime collegit, venerandus nobis focer PHILIPPVS IACOBVS CROPHIVS ^o, quem honoris causa nominamus. Cum itaque Themistoclis auctoritate locus etiam ingenuis pateret, philosophi etiam in eo discere coepere, et imprimis Antisthenes, more Platonis, Cynosargen in hunc finem elegit. Licet coniiciendum quoque sit, Antisthenem matre Phrygia natum, nascendi conditione ad eum locum compulsum fuisse.

*Antisthenis
vita.*

§. II. Fuit vero Antisthenes, Antisthenis Atheniensis filius, matre natus vel Thressa, ut vult LAERTIVS ^o, vel Phrygia, ut habet P L V T A R C H V S ^o. Inde vero constat, ex legitimis Athenarum ciuibus non fuisse, quia non nisi ingenuis ciuibus ex vtraque parte natis ciuitatis ius patebat ^o. Id quod tamen exprobrantibus quibusdam miro acumine elusit Antisthenes ^o. In praelio etiam cum admodum iuuenis fortiter rem gessisset, indigenam virtute aequare admiratus et confessus est Socrates ^o. Gorgiam sophistam is initio audiuit, et oratoriam dicendi vim ab eo edoctus, feliciter expressit ^o. Solidiora vero appetens ad Socratem discessit, atque ita Socratica disciplina et moribus captus est, ut profectus haud contemnendos sub tanto praeceptore faciens, suis apud Gorgiam condiscipulis persuaderet, ut secum Socratem praeceptorem sequerentur. Notumque est ex P L A T O N E ^o, Socratis discipulos, uti sophistarum omnium, ita Gorgiae imprimis odio exarsisse, reductos atque reuocatos ex dialectica palaestra ad morum et philosophiae seueritatem duce Socrate, id quod Antisthenis potissimum cohortationibus factum esse, ex his non sine verisimilitudine colligitur. Tanto vero ardore audiendi Socratis flagrabat, ut in Piraeo habitans, quotidie XL stadia emetiretur, ut ad Socratem accederet ^o. Qui cum missis inanibus philosophorum disputationibus virtutis culturam discipulis et voce et exemplo commendaret, et contempto vanitatis gloriaeque seruitio mercedem virtutis in ipsa virtute quaereret, multa quo-

^o) In Themistocle.

^p) Archaeol. Graec. L. I. c. 9. p. 36. 39.

^q) De Gymnasis Atheniensium literariis p. 25 sqq.

^r) Lib. VI. f. 1, SVIDAS in Antisthenes Tom. I.

^s) De exilio T. II p. m. 530.

^t) P L V T. in Pericle.

^u) Respondit enim matrem Deorum quoque fuisse Phrygiam: itemque, Athenienses dominatos cochleis et locustis non esse nobiliores, quae domi quoque nascantur.

^v) LAERT. l. c.

^z) ib. f. 2. Inde aetas et tempus Antisthenis colligi potest, Gorgias enim Ol. LXXX. iam inclaruit, et vaude senex Ol. C. superuixit. Hunc ante Socratem audiuit Antisthenes. Socrates vero Olymp. XCV. cuius sublatu est: oportet itaque eum ante haec tempora audiuisse. Quia vero ante philosophiae studium militiam secutus est, recte inde conicitur, ante Ol. XC. natum fuisse, conf. L O N S I V S de Scr. Hist. phil. L. I. c. 8. p. 40. cl. S T O L L S diss. de Antisthene Cynico §. 4. p. 6.

^u) In Gorgia, passimque alibi.

^v) LAERT. l. c. f. 3.

quoque propter eam fortiter faceret ac patienter ferret, haec potissimum Socratica virtutis constantia adeo commouit Antisthenem, ut hoc maxime philosophiae genus imitari, et factum exprimere constitueret. Non itaque ex diuitiis vestium cultum, non ex laude hominum famam, sed patientiam potius et studium emendandi corruptos hominum mores, sequi constituens, adhuc in disciplina versatus Socratis, viliori amictu, peneque attrito usus est^w: cuius partem magis attritam cum aliquando in conspectum daret, Socrates, in pernoscendis animorum moribus et caractere felicissimus, latentem in ea re ambitionem deprehendens, *quin desinis*, inquit, *apud nos te ipsum ostentare*. Veneno sublato Socrate, cum boni omnes tanto facinorosi indignarentur, lepido commento occasionem dedit, Melitum morte afficiendi, Anytum in exilium mittendi*. Nempe in Ponticos iuuenes, qui Socratis fama illecti Athenas venerant, ut eum audirent, cum incidisset, ad Anytum eos adduxit, illum, dicens, sapientia Socratem multum superare, quae res adeo indigna visa fuit audientibus, et, quid amisissent in Socrate, cogitantibus, ut ex urbe Anytum eiiciendi consilium caperent, idque exsequerentur. Sublato itaque praeceptore, cum discipuli Socratis scholas aperirent, ipse quoque Cynosargen locum elegit, in quo gymnasio virtutis et tolerantiae vacuique a passionibus animi praecepta et voce et exemplo inculcaret. Ut itaque se moribus seuerissimae, quam meditabatur, philosophiae attemperaret, barbam promisit^y, tunicam abiecit, solo pallio usus, idque praeter consuetudinem philosophorum sordidum et detritum duplicauit^z, peraque atque baculo mendici instar incessit. Sicque habitum abicientis omnes vitae commoditates philosophi assumsit. Paupertatem vero libero consilio sequens, ut diuitias, gloriam, nobilitatem et quae alia existimationem homini pariunt, fusque deque habere appareret, simplici et parabili victu contentus vivebat^a, et, quod non sine verisimilitudine ex vitae genere concluditur, caelebs; Crates enim primus fuit, qui uxorem ad sequendum Cynicismum perduxit, ut infra dicetur. Non vero sibi tantum, sed et aliis philosophandum ratus, eloquentiam, quam possidebat, viuam atque efficacem ad emendandos hominum animos, corripiendos malos, exagitanda vitia, et commendandam virtutem adhibuit. Idque fecit miro reprehensionum dictorumque acumine, quo mordaci quasi stilo pungebat, et calcare animum excitabat, cuius exempla pluscula ingenio Antisthenis digna legi possunt apud LAERTIUM^b et STO-

w) AELIAN. Var. Hist. L. IX. c. 36.

x) LAERT. L. VI. f. 10.

y) Diodorus Apendix apud LAERT. L. VI. f. 13. SVIDAS in καὶ δὲ T. II. p. 221. unde patet, falsam esse imaginem Antisthenis ex gemma, quae imberbis occurrit in LAERTIO MEBOMII.

z) Pallium gerebant philosophi omnes, Antisthenes vero, tunicam abiecit, et pallium in sinistro humero duplicatum, dextero ita subiecit, ut ipse humerus nudus et exertus existeret, id quod tamen

Diogenem primum fecisse alii tradunt: cuius imaginem exomide indutam exhibet Fulvius Ursinus, et ex eo ALBERT. RVBENIVS de re vestiaria, L. I. c. 7. atque FABRIC. ad SEXT. Pyrrh. hyp. L. I. c. 14. f. 153. conf. SALMAS ad Tert. de pallio p. 213. 372. 395. OCT. FERRARIUS de re vestiaria Vet. P. II. l. IV. c. 19.

a) Exemplum iucundum habes apud LAERT. L. VI. f. 9.

b) Lib. VI. f. 3 seqq.

STOBAEVM, et ex his apud STANLEIVM ^c. Summa vero in carpendis hominum moribus utebatur libertate, cuius exemplum dedit in traducto amare Platone, quem peculiari dialogo, cui cynicum Sathonis nomen praefixit, exagitasse supra in Platone narrauimus ^d. Ita vero placuit quidem dicacitas Antisthenis argutis sententiolis, parodiis et huius generis aliis dictis ^e, aures demulcens, et liberrime vitia perstringens; magnam vero auctori conciliauit, ut in his fere fieri solet, inuidiam; quae nomen ei simplicis canis contraxit ^f, quod omnes sine pudore atque respectu allatraret. Discipulos vero, ut eidem vitae generi adfuesceret, acerbe eos exceperit, dureque habuit, medicorum ita se exemplum sequi professus, qui ita aegrotos quoque exciperent ^g. Didactrum vero non poposcit, quod contemptum ei et neglectum parauisse ipse subinnuit. Pauci enim ex dictis causis discipuli confluebant, cum plerique et vitae asperitatem et decori neglectum, et publicam inuidiam, quae huic disciplinae adhaerebat, subterfugerent; etsi is multos inuitasset; tandem indignatus virtutis contemptum, nemini potestatem audiendi se permisit ^h, et Diogenem quoque a sua conuersatione repulit; qui qua ratione tandem eius consilium expugnauerit, postea dicemus. Libris itaque scribendis praecipuum tempus impendisse probabile est; decem enim tomis eius scripta constituisse, testatur LAERTIVS ^b, qui titulos quoque eorum enumerat. Quorum multitudinem reprehendens Timon, ingeniosum eum nugatorem vocauit ⁱ. Nihil tamen eorum ad nos peruenit, praeter duas *μελέτας* siue *declamationes* sub Aiakis et Vlyssis nomine compositas ^k. Temperamento utebatur choleric-melancholico, ex quo prima animi dispositio et inclinatio ad Cynismum repetenda est. Fastum enim et ambitionem animi in vita dura et singulari gloriam quaerenti Socrates iam obiecit. Inde voluptatis osor, adeo, ut eam summum malum appellaret; et amicos moneret, ne digitum quidem deliciarum causa extenderent ^l. Et haec quoque ratio est, cur mulierum sexum odio prosequeretur, et ubi posset, conuiuiis proscinderet ^m; curque insanire se malle diceret, quam voluptate frui ⁿ. De diis et religione gentis parum decore sensisse, de vno Deo vero praeclare, testatur Velleius apud Ciceronem ^o, narrans, *in eo libro, qui physicus inscribitur, populares Deos multos, naturalem vnum esse, dixisse, et hac ratione sustulisse vim ac naturam Deorum*: id quod in Socratico philosopho mirandum non est. Indignius vero est, Herculis imitatore et discipu-

^c) Hist. philos. P. VI. p. 508 seqq.

^d) Derisisse quoque eius fastum, quem equo superbe ornato comparabat, aliquot exemplis probat LAERT. l. c.

^e) Imprimis argute ludebat verborum ἀμειβομένη, cuius elegans exemplum est apud LAERT. l. V. f. 3.

^f) LAERT. l. VI. f. 13.

^g) ib. f. 4.

^h) AELIAN. l. X. c. 116.

ⁱ) f. 15. Acumen et concinnitatem eius laudasse

Theopompum IDEM f. 14. ait, et ad libros hos prouocat.

^j) ib. f. 18.

^k) Conf. IONS. l. c. c. VIII. p. 39 seq. FABR. Bibl. Gr. Vol. I. p. 786. STOLL. l. c. p. 9 seqq.

^l) THEODORET. Serm. XII.

^m) LAERT. f. 3.

ⁿ) ib. f. 13. SEXT. EMPIR. Pyrrh. hyp. l. III. c. 23. f. 181. GELLIVS l. IX. c. 5.

^o) De nat. Deor. l. I. c. 13.

scipulo, qualis videri voluit Antisthenes, quod narrat LAERTIUS^o: ad laborantem morbo ingressum Diogenem, quaesivisse, num amico opus haberet? et cum diceret ille: quis me doloribus absoluet? sicam ostendisse, dicentem; haec absoluet; illum vero respondisse: doloribus non vita se absolui cupere. Mortem enim ita ferre Herculeum plane non est. Sunt etiam plures Antisthenes veteribus memorati^p, qui cum nostro confundendi non sunt: inter quos Peripateticus quidam est, auctor libri *de successibus philosophorum*, quem cum nostro eundem esse putavit IOANNES MEYRSIUS^q.

§. III. Ut vero faciem quoque philosophandi generis, quod nouum *Philosophiae* excogitavit Antisthenes, accurate teneamus, ipse scopus, quem secutus est *Cynicae fa-* ille et sequaces, expendendus et cum moribus illorum componendus est. *cies in genere* Qua ratione Cynicae sectae institutum considerantibus, talia potissimum de *descripta.* ea occurrunt, quae multis veterum narrationibus repugnant. Quam malis enim magnus eorum numerus Cynicorum sectam descripserit coloribus, narratiunculae passim apud Graecos de Cynicis peruulgatae loquuntur, quarum falsitatem in sequentibus detegemus; non itaque in Cynismi ratione exquirenda ad fabellas vulgi dictariis et increpationibus Cynicorum exacerbati, sed ad eos recurrendum est, qui sine amaritudine de secta et instituto Cynicorum differuerunt. Id imprimis Oenomaus fecerat, quem *historiam sectae Cynicae* scripsisse veteres^r testantur. Eam vero deperditam esse in parte secunda huius tractationis pluribus docebimus. Suppetunt tamen IULIANI Imperatoris *orationes duae de Cynicis* tractantes^s, MAXIMI TYRII peculiaris de iis dissertatio^t, et elegans locus Epicteti apud ARRIANVM^u, quibus LUCIANVM^x merito adiicimus. Qui viri disertissimi eo magis audiendi sunt, quo magis tres priores doctrinae moralis integritatem quam maxime commendauerunt, quartus philosophos verbo tales, facto vitaeque alios, acerbè exagitauit. Quorum obseruationes si cum vita Cynicorum antiquorum (de reliquis enim sub imperatoribus Romanis alio dicemus loco) comparemus, haec potissimum de Cynismo notanda veniunt:

I. Cynicos auctore Antisthene, externa quidem familiae facie, vitae-*I. Quo sensu* que et habitus ratione peculiarem constituisse philosophorum sectam, et *dicatur se-* habuisse quoque viros philosophos inter se haud postremae notae; fouisse *cta? vitae,* quoque dogmata quaedam moralia, huic sectae propria, et eatenus errare *non scholae* eos, qui sectam eam negarunt, et singulare tantum vitae institutum esse *destinata.* con-

^o) ib. l. 18. 19. qui mollius eum perferre morbum prae amore vitae dixit.

^p) Vide enumeratos LAERT. l. c. et MENAG. ad h. l. IONS. l. c. STANLEIO l. c. FABR. l. c.

^q) In Bibl. Art. conf. FABR. l. c.

^r) SVIDAS T. II. v. Oenomaus p. 667. IONS. de Scr. Hist. phil. L. III. c. 7. p. 246. Acta philos. Vol. II. pag. 901.

^s) Orat. VI. et VII.

^t) Diff. XXI. de vita Cynica.

^u) Diff. Epictet. L. III. diff. 22.

^x) In vit. auct. et in Cynico, in Demonaste. Alios qui de Cynicis egere enumerant Acta philos. Vol. II. pag. 899.

contenderunt, notatos ideo LAERTIO²⁾, certum tamen esse, ipsos, qui hanc sectam nobilitarunt, philosophos, non tam systematis alicuius theoretici, quam vitae philosophicae certis regulis, principiisue nixae genus fuisse sequutos, et ita practicam aliquam philosophiam, luxurianti et voluptatibus plane demersae Graeciae in medicinam offerre, praeiudicia vulgaria iugulare, affectuum tumultus compescere, ambitionis, voluptatis et avaritiae radices animo euellere, sicque τοφὸν φάρμακον liberrima mente et ore perditissimae genti propinare, salutisque certam et rationalem ostendere viam voluisse. Ad quod probandum non alia inductione exemplisue opus est, quam vitis primorum Cynicorum, virorum vere magnorum, qui, tantum abest, ut sectam instituere peculiarem contenderint, ut negauerint potius, notante Oenomao apud IULIANVM³⁾, Cynicos vel in Antisthenis verba, vel in Diogenis iurare, sed sapientissimos quosque ac fortissimos sibi imitandos proponere, ut recte verba eius explicuit doctissimus FABRICIUS⁴⁾. Hinc in verba sua ire discipulos nemo Cynicorum coëgit, sed vitae institutum et bella atque pugnas contra scelerum et passionum monstra commendauit. Quem finem ut consequerentur, non paupertatis tantum et continentiae atque tolerantiae excoluerunt studium, sed in id quoque connisi sunt quam maxime, ut a passionum et cupiditatum tumultu liberi euaderent. Integerrimos itaque mores castamque et ab omni scelere puram vitam Cynismum postulauisse, ex his palam est. Id quod probe prospexerunt, qui Cynicum vitae genus in se spectatum tanquam diuinum, sanctum, venerabile, maximis praedicauerunt laudibus, inter quos imprimis EPICTETI⁵⁾ verba adduci merentur, quoniam finis Cynismi ex iis luculenter cognoscitur, licet non negemus, eum studio assimilandi gentium philosophorum instituta, sanctissimae ecclesiae Christianae doctorum vitae, plus dixisse et postulauisse, quam primo Cynismi conditori Antistheni in mentem venit. Ita vero, postquam grauitur monuerat, non in eo Cynicam versari vitam, ut quis lacernam gestet, foris cubet, duriterque dormiat, peram adiungat et baculum, et passim petere atque obuios conuiciis laceffere incipiat: *Primum tuis in rebus non amplius te tui similem esse oportet, nec quicquam eorum facere, quae nunc facis. Non incusandus Deus, non homo, appetitus tibi plane auferendus est, auersatio ad ea sola, quae arbitrii nostri sunt, transferenda, non te iracundum esse decet, non indignabundum, non inuidum, non misericordem - - illud tenendum Cynico rerum omnium loco, quibus celant homines sua, esse verecundiam; neque enim debere vitae suae quicquam occultare: Et porro: Vbi ita se parauerit verus Cynicus, his contentum esse non posse, sed scire debere, se a Ioue legatum esse, ut hominibus, quae bona, quae mala sint, nuntiet, ut, quantis in erroribus versentur, demonstret, utque in alio loco bonorum malorumque naturam, quam ubi sunt, quaerant, ubi vero sunt non*

²⁾ Lib. VI. f. 103.

³⁾ Orat. VI. p. 187.

⁴⁾ Bibl. Gr. Vol. II. p. 361.

⁵⁾ I. c. p. m. 361, edit. Hier. Wolf.

non cogitent. Haec vera renuntianda esse, nec metu percelli. Sed tota elegantissima dissertatio legenda est, et conferenda cum Iuliano, Luciano et Maximo Tyrio, unde abundantissima lux dictis affulgebit. Fecit haec morum non simplicitas tantum et integritas, sed austeritas quoque, ut Zeno inde ansam arriperet, pauculis mutatis et adscitis disciplinis philosophicis, quas Cynici reiciebant, nouam sectam condendi, quae Stoica dicta est, quae non Cynicos tantum summo loco habuit, sed et ipsa a discipulo Cynofarges orta parum in morali philosophia a Cynica dissentit. Vtrique enim sectae, notante LAERTIO^c, placuit, finem esse, secundum virtutem vivere, Zenoque Cynismum dixit breuem ad virtutem viam, et vtrique sectae quaedam societas est. Inde IUVENALIS^d:

*Et qui nec Cynicos nec Stoica dogmata legit,
A Cynicis tunica distantia.*

II. Hanc *ἐνσάστιν*^e, siue vitae rationem secutos fuisse, hancque vitae passionibus et sceleribus intaminatae normam ob oculos habuisse Cynicos veteres, historia Cynismi veteris et primi testis est, breuibusque completus est omnia LAERTIVS^f, *Cynismum habitum fuisse breuem ad virtutem viam; placere Cynicis simplicem et parabilem vicium, quippe qui sobriis cibariis utantur, et solis pallis: diuitias, gloriam, nobilitatem contemnere; plerosque etiam aqua tantum frigida et herbis uti, operimentisque forte oblati tegi et doliis habitare.* Ita vixisse Antisthenem, Diogenem, Cratetem, LAERTIVS locuples testis est. Quae doctrinae et vitae Cynicae societas

II. Vitae Cynicae austeritas.

III. Eo potissimo fundamento inaedificata est ab Antisthene, quia Socrate id acceperat^g: finem hominis esse, vivere secundum virtutem, virtutem hanc doctrina acquiri posse, non vero amitti; amore dignum sapientem esse, nec peccatis obnoxium, similique amicum esse et fortunae nihil permittere. Quae vero inter virtutem et vitia media sint, indifferentia esse. Quae omnia Stoici quoque in ethicam suam receperunt. Hoc ut re ipsa praestarent, vita dura paupereque, et non tantum commoditatibus, sed et cultu Graeciae usitato se priuante usi sunt, barbam promittentes, et mendicorum instar durissimam agentes vitam, ut non tantum ita cupiditatibus frenum iniicerent, sed et aliorum in se conuerterent oculos, et attentionem atque venerationem excitarent, rati, melius ita propiusque ad hominum animos, quos emendare cupiebant, viam apertum iri.

III. Fundamentum Cynismi.

IV. Ita rem suam instituisse Cynicos, quorum vitam enarraturi sumus, ex historia eorum patebit. Illa vero non sine magna verisimilitudine coniciendi occasionem exhibet, magnos hos viros, et ingenii acie et animi robore insignes, plus instituisse, atque affectasse, quam scopus requirebat,

IV. Cur tanta acerbitas vitae quaesita?

Rrr rr 2

Vt

^c) Lib. VI. f. 103. conf. LIPS. Manud. Phil. Stoic. L. I. diff. XIII. p. m. 75.

^d) Satir. XIII. v. 121.

^e) Hac voce utitur LAERT. l. c.

^f) l. c. f. 105. Viderunt hoc recentiorum quidam, magis sobrie de Cynicis primis sentientes, vid. VOSSIVS de sectis c. XVII. §. 9. HORN. Hist. philos. p. 209.

^g) ibid.

vt plus, quam decebat, postulando, virtutis studiosos ad id praestandum, quod satis esset, allicerent, cum semper aliquid a rigore remittere solere homines in virtutis palaestra, experientia doceat. Non negauit hoc Diogenes, vir vere magnus, testatus, imitari se chori magistros, illos enim tonum excedere, vt reliqui congruum tonum arriperent ^b. Et hanc causam esse patet, cur interdum hi viri, nec iudicii acumine nec bona mente destituti, naturam *non tantum vincere, sed excedere etiam*, quae SENECAEⁱ vox est, tentauerint, sicque virtutis tramitem suo modo reliquisse videantur.

V. *Ambitio
Cynicae vir-
tutis mater.*

V. Etsi vero haec omnia, veteri historia testante, negari nequeunt, non magnopere tamen iis refragabimur, qui ambitionem quandam animi elatioris virtutem hanc Cynicorum heroicam peperisse contendunt ^k. Quis enim ab hominibus vera et coelesti ad emendandum animum luce non collustratis alia expectet, quisue vltimam hanc animae tunicam ab iis non exutam valde mirabitur? Vidit hoc probe Socrates, quem Antisthenem ideo acute pupugisse, supra indicauimus. Est tamen, quod monendum in hac reputamus; nempe non solum virtutem naturalem cum Christiana et diuina non confundendam esse, sed adscribendum etiam illum austeritatis excessum temperamento, quo viri illi gaudebant, ad eiusmodi vitae genus et rationem maxime propenso.

VI. *Artes liberales repu-
diatae.*

VI. Vt vero Cynici extraordinarium hunc virtutis cultum eo formosius fingerent, et inani verbosae philosophiae strepitu a tanto virtutis exercitio non auocarentur, artes liberales repudiabant ^l, contendentes, illis, qui naturae bonitate moderato essent animo, literas discendas non esse, ne rebus ad se nihil pertinentibus distraherentur. Quare et rationalem et naturalem philosophiae partem reiciebant, sola morali contenti, disciplinas quoque mathematicas penitus tollebant. Quod etsi vitio iis dari queat, duplici tamen ratione excusari potest. Nam nec ipse Antisthenes hoc ex suo finxit ingenio, sed a Socrate accepit; nec id absolute ad disciplinarum harum contemptum et ignominiam trahendum est, sed respectu potius ad ea, in quibus viuebant, tempora statumque Graeciae intelligendum. Tum vero in encyclicarum scientiarum vanitate et inanibus scientiarum theoreticarum disputationibus insaniuisse Graeciam tantum non omnem, in confesso est: quae cum ab animi emendatione non tantum philosophos auocarent, sed et in luxu voluptateque, quibus se inebriabant Graeci, plerosque confirmarent, mirum non est, homines acres, vehementes, et emendationem morum violentis remediis quaerentes, ita in bonas literas insurrexisse.

VII. *Decorum
ratio mutata.*

VII. Tandem et hoc circa constitutionem Cynismi considerandum est, rationem decori, inter Graecos tum obtinentem multum ad mores singulares et communi hominum iudicio aduersos contulisse. Tanta enim vanitate

^b) LAERT L. VI. § 35.

ⁱ) D'Heuill, vitae c. 14.

^k) ESPRIT de la fausseté des V. H. P. II, ch. 21.

p. 102 seqq. STOLLE Hist. phil. mor. gentil. §. 83. p. 120.

^l) LAERT. L. VI, §. 103 seq.

tate externam actionum elegantiam, et splendorem vitae civilis sectabantur Graeci, imprimis Athenienses, ut non tantum ciues plerique voluptatibus ea de causa et superbiae taciti immergerentur, sed et ipsi philosophi immunes se ab hac vanitate praestare non possent, cuius rei exempla in Aristippo, Aristotele, Theophrasto, Arcefilao, Stilpone, Lacyde aliisque iam in praecedenti tractatione obseruauimus. Modeste haec et moderate reprehendebat Socrates, ipse ab externa ista iactantia alienior; Antisthenes vero nec iudicio illo, quo Socrates, nec animi moderatione usus, in alterum extremum currens, externam decori rationem, tanquam virtuti inimicam neglexit et abiecit, et quaecunque non ex virtutis lege fierent, indifferentia^m, adeoque omne decorum externum insuper habendum esse iudicauit. Quod cum magnam sapientiae et fortitudinis se ipsum quasi vincentis, laudem homini temperamento et indole sua tristiori compararet, sectatores ad finem suum melius assequendum itidem adhibuerunt, nihil in eo iudicio reliquorum hominum tribuentes. Et ex hoc fonte singularis et abiecta quoque nec decori satis obseruans vita Cynicorum orta est.

VIII. Hae ex considerata Cynismi indole sponte se haecenus obtulere obseruationes. Adiciendum quoque est, quod finis semel electi excutatio post se trahebat. Cum enim homines emendare vellent, libertatem arripuerunt solito maiorem alios corripiendi et reprehendendi: quod cum facerent non sine ingenio et acumine, et limites quoque initio non transilirent, cetera neque beneuolentiam neque inuidiam magnopere timentes, quippe qui nec amittere quid metuerent, nec acquirere concupiscerent; magnam illis gratiam ac fauorem peperit, et admirationem quoque apud reges et principes conciliauitⁿ. Vbi vero libertas postea in dicacitatem versa est, et scurrae populi fiebant Cynici mordaces, ut canit HORATIUS^o, accidit quidem, ut vulgus in eos oculos coniceret. et fortes eos existimaret; prudentiores autem impudentiam horrerent, sicque odium et indignatio libertatem sequeretur Cynicam, cuius elegans et facundus testis est LUCIANVS^p, omnino de ea re legendus.

VIII. Odium
et inuidia Cynismum sectata.

IX. Aliud quoque ex eadem, quae initio ex admiratione Cynismo enata erat, beneuolentia damnum emerfit. Cum enim ex virtutis atque fortitudinis opinione magna Cynicorum esset apud omnes existimatio, accessere ad sectam homines ignaui, turpes, caninaque impudentia turgidi, qui Cynismum ex ventris mendicantis expletione, morum impudentia, et externa specie iudicantes pestiferam labem optimo instituto adspangebant, et scurras magis ac gnathones, quam philosophos se praestabant. Id quod magnam Cynicae sectae contraxit infamiam; et valde imperatorum Romanorum aetate obtinuit, sectaeque tandem interitum attulit. Qua de

IX. Cynismus degenerans.

Rrr rr 3

re

m) ibid. f. 105.

n) Exempl. esse possunt Diogenes et Crates.

o) Sat. I. 17

Mordacem Cynicum sic eludebat, ut aiunt,

Scurror ego ipse mihi, populo tu.

Ita Aristippus Diogenem ridebat.

p) In vit. auct. T. III. p. 108 seqq.

re cum suo loco prolixè dicendum sit, hic nonnisi illud addimus, primos Cynicos cum posterioribus non esse confundendos.

*X. Fabulae
de Cynicis
unde ortae?*

X. Facile constare ex his arbitramur, quae fuscè haecenus differuimus, unde tot fabellae, totque obreçtationes, quibus Cynicorum memoria apud veteres et recentiores polluta est, ortum habuerint? Cum enim viam atrita prorsus discedentem Cynici ingressi essent, decorique rationem exigam haberent, odium vero et invidiam oris libertate in se concitarent, multam quoque pseudocynicorum mala vita ipsis ignominiam affricaret, non potuit non institutum totum virtuti dedicatum, tanquam insaniae et malitiae opus, traduci. Accedebat, ut fieri solet, vulgi petulantia Cynicos habitu, forma vultuque totos a reliquis hominibus alienos scommatibus excipientis, barbam vellentis, lapidibus impetentis, quae magna patientia excipiebant, ita vero mille narratiunculis et fabellis occasionem praebebant. Quas auxit postea Sophistarum diligentia, quae fictis orationibus, epistolis, narrationibus, et his similibus, Cynicis, in quorum vita singulari occasionem inueniebant, acumina sua frigida adhibendi, plurima affinxit, cuius locuples testis vita Diogenis est. Quibus omnibus rite expensis, neminem fore confidimus, qui studium improbauerit attentum, vera a falsis et verisimilia a dissimilibus distinguendi, et de receptis apud multos veterum narratiunculis dubitandi, vel suspendendi etiam iudicium. Quod si in tota historia philosophica ullo loco necesse est, in Cynicorum historia maxime requiritur.

*Philosophia
moralis An-
tisthenis.*

§. IV. His praemissis, paucis enarranda sunt placita Antisthenis moralia, quae ipsi tribuit LAERTIVS^r. Haec vero sunt:

I. Sufficere virtutem ad beatam vitam, nullo indigentem nisi Socratis viribus.

II. Virtutem vero doctrina acquiri posse.

III. Virtutem operum esse, et in actione consistere, nec verborum ambitione, nec disciplinarum apparatu opus habere.

IV. Virtutem totam sapientiam absoluerè, omnibus in eam desinentibus.

V. Sapientem sibi contentum esse, ipsius enim esse omnia, quae aliorum sunt.

VI. Glorìae damnum bonum esse, praestare enim eundem usum, quem labor.

VII. Sapientem in republica vivere non secundum leges, sed secundum virtutis praecepta.

VIII. Sapientem pulcherrimis feminis nubere generandae sobolis gratia.

IX. Sapienti nihil peregrinum et insolubilis difficultatis videri.

X. Virum probum amabilem esse.

XI.

^q) Luculentum exemplum habes inter QUINTIL. Declamationes CCLXXXIII. p. m. 493 seqq. ed. Obrecht.

^r) Lib. VI, f. 11, 12.

XI. Amicos esse, inter quos virtus coniungat amorem.

XII. Virtutem arma esse, quae auferri nequeant.

XIII. Virtutem esse bonum non virorum tantum sed et feminarum.

XIV. Inimicos obseruandos esse, eis enim primis vitia nostra innotescere.

XV. Bona sola esse, quae honesta sunt, mala, quae inhonesta.

XVI. Mala omnia peregrina existimanda esse et ad nos nihil pertinentia.

XVII. Murum tutissimum esse sapientiam, eam enim expugnari non posse.

Plura passim veteres conseruarunt; haec vero sufficiunt, ut nos doceant, in tradenda morali sapientia Antisthenem neque in verbis methodoque, neque in re ipsa discessisse a Socrate. Nihil itaque his addimus.

§. V. Discipulum Antisthenes habuit Diogenem, Sinope, Ponti ciuitate, patre Icesio, vel Iceta trapezita natum^{s)}; qui non tantum eruditionis fama, sed praecipue Cynicae vitae singularitate celeberrimum sibi nomen peperit. Cleonis nomen initio habuisse, ait SVIDAS^{g)}, pro quo Cyon legit MENAGIVS^{r)}, exigua verisimilitudine^{u)}. Natum esse Olymp. XCI. 3. ex mortis tempore, quod Olymp. CXIV. archonte Hegesia nonaginta annos nato accidit, recte colligitur^{x)}. Adolescentiam male exegisse, veteres non negant, varie tamen rem narrant^{y)}. Diogenem enim, Eubilides tradit, cum patre adulteratae pecuniae reum aufugisse; alii narrant pecuniae publicae a patre acceptae corruptionis reum, et in crimine deprehensum, solum prae metu vertisse, patre in vincula coniecto et in iis mortuo, Delphos vero delatum, Apollinem interrogauisse, num quod animo proposuisset, ut famam sibi in posterum conciliaret, esset prosequendum? quod erat *παγαχαράξαι τὸ νόμισμα*, Deum annuisse; illum vero ambiguo sensu agnito^{z)}, tandem ad mutandum animum, quod iubebat Apollo, se conuertisse; id quod alii, ante fugam factum esse, et male intellectum adulterandae pecuniae occasionem dedisse, contendunt. Quae fabulam quidem sapiunt, eo fine excogitatam, ut tota vita Diogenis mira et extraordinaria videretur, id tamen euincunt, malae notae eius fuisse iuuentutem. Fuga tamen, quam arripuit, occasionem ei dedit Athenas videndi, quo cum seruulo Manete, qui ab eo postea aufugit^{a)}, delatus est. Ibi cum Antisthenem vidisset, vel rerum suarum desperatione, vel speranda ex nouo instituto, nominis gloria commotus, illi in disciplinam se dare constituit. Is ut supra tetigimus^{b)}, eo quod discipulos paucos inuenerat, indignatus discipulum porro admittere recusabat; et Diogeni, ut cessaret et abi-

s) LAERTIVS L. VI. c. 20.

g) T. I. v. Diogenes p. 529.

r) Ad LAERT. I. c. non Clyon, ut ait KYSTEBIVS ad I. c. SVIDAE.

u) Cuius enim nomen post ea demum tempora propter Cynicam vitam accepit.

x) Si nempe mortis tempus in eum diem reliquias, quo mortuus est Alexander M. Quidus vero

difficultatibus laboret haec sententia, infra dicemus.

y) LAERT. I. c.

z) *Νόμισμα* enim morem atque consuetudinem receptam etiam significat.

a) Nolut eum quaerere, a canibus Delphis postea discipulum LAERT. L. VI. c. 55. et quos adh. I. laudat MENAG.

b) AELIAN, V. H. L. X, c. 46.

abiret, praecipiebat. Cum vero Diogenes eum frequentare non desineret, minis eum abegit, et his nihil proficiens, postremum baculo caput eius comminuit. Neque tamen ita deterritus Diogenes voluntatem atque consilium eum audiendi mutauit, sed capite ostenso, *caede*, inquit, *difficiliter enim baculum inuenies, cui satis ad me abigendum erit duritiei, nisi me tuis prius praeceptis imbueris*. Qua animi constantia commotus Antisthenes eum in disciplinam recepit, et ingenium acerrimum ac sponte currens mox freno repressit, mox ei calcar addidit. Erat enim animo multo magis, quam Antisthenes, feruido, cuius in dicendo remissionem improbat: qui cum nouae disciplinae magna patientia et fortitudine se accommodaret, eam non tantum egregie effinxit, quam requirebat, personam, sed Cynismum quoque ad perfectionem perduxit. Platonis quoque disputationibus interfuisse, ait AELIANVS ^d, illi vero non placuit, qui iuuenem feroci animo se efferentem Herculis furentis nomine notauit: quem admodum Platonis quoque philosophiam exagitauit Diogenes ^e. Vt itaque duram, quam excogitauerat Antisthenes philosophiam exprimeret, abiecto diuitiarum et honoris, quo antea torquebatur, desiderio, spontaneam paupertatem elegit, tunicam abiecit, pallium duplicauit, in locis publicis, in viis, et apud amicos, vel vbiunque poterat, habitauit, peram et baculum sumsit, et tenuissimo vesci cibo coepit ^f; quam frugalitatem didicisse a mure, cum egestate pressus ob acrimoniam in reprehendendo a nemine hospitio exciperetur, adeo vt summatibus foliorum vesci cogeretur, narrat ATHENAEVS ^g. Illum enim cum micis panis se saturare videret; laetus ac tranquillus, se Atheniensium lautitiis carere posse, intellexit. Tandem, vt vulgi habet traditio, postquam diu nullum locorum discrimen habuerat, siue coena capienda esset, siue somnus, siue sermones ferendi, sed publica sibi loca ad hos fines extructa esse affirmauerat ^h, cellam iussit amicum sibi parare; quod cum ea, qua vellet, festinatione factum ab illo non fuisset, in dolio habitare coepit, quod in Metroo repositum erat; de qua vulgi narratiuncula ⁱ, nostra aetate inter celeberrimos viros CHRIST. AVGVSTVM HEVMANNVM et IACOBVM HASAEVM multis disputatum est, quae vero historicae fidei leges respicienti se non satis probat.

Dolium Diogenis.

Accurate enim multaeque eruditionis praesidio fultus fabulam hanc de dolio Diogenis ex historia philosophica eiecit cl. HEVMANNVS ^k, non minori tamen doctrinae et ingenii apparatu eam restituere atque pro vera narratione defendere fategit cel. IACOBVS HASAEVS ^l. Enarrabimus paucis

c) DIO Orat. VII. init.

d) Lib. XIV. c. 33.

e) LAERT. L. VI. f. 40. 53. qui et alia infensi in Platonem animi exempla affert. Omnes enim philosophos allatrabat.

f) ibid. f. 23.

g) LAERT. L. VI. f. 23.

h) Ad epistolam Diogenis prouocat LAERT.

i) Lib. XIII. c. 26.

l. c. quam exhibet IS. CASAVB. ad h. l. illa vero cautum lectorem facile patitur subolfacere ex quo fonte haec narratio hausta sit, modo officinam cogitet, vbi istae epistolae prodierunt.

k) AG. phil. Vol. II. p. 58.

l) Cuius diss. de doliari habitatione Diogenis Cynici HEVMANNVS exhibuit Poecil. T. I. L. IV. n. 6. p. 586.

paucis virorum doctissimorum sententiam et vtriusque partis argumenta, nostramque modeste adiciemus opinionem, lectori iudicium de tota re permittentes. Urget vero HEVMANNVS I. antiquissimos habitationis Diogenis doliaris testes esse IUVENALEM^m, qui ita:

Dolia nudi

*Non ardent Cynici. Si fregeris altera fiet
Cras domus, aut eadem plumbo commissa manebit
Sensit Alexander, testa cum vidit in illa
Magnum habitatorem.*

Post hunc LVCIANVMⁿ, tertium LAERTIVM^o. Iuuenali vero fidem derogare, quod alii historici eandem rem narrantes, PLVTARCHVS, ARRIANVS, CICERO, VALERIVS MAXIMVS, quos laudat MENAGIVS^p, nihil plane de dolio Diogenis habeant, sed apricatum fuisse dicant: Lucianum, narrantem: Diogenem, obsidionis, quam metuebant a Philippo Corinthii, tempore otiosum in Craneo voluisse dolium narrantem, nec alium habere testem; et suspectum esse, quod multa philosophis affinixerit, Laërtium vero, tradentem habitasse in dolio Metroi, et fractum a petulante iuvene dolium Diogenis restituisse Athenienses, non tantum sibi ipsi contradicere, qui priori loco publici alicuius dolii, in posteriori priuati mentionem faciat, sed et fidem amittere, prouocando ad epistolas Diogenis supposititias, quas Soficrates et Satyrus pro talibus, ipso Laërtio teste, agnouerunt. 2. Tacere domum Cynici portatilem omnes reliquos ex veteribus, qui Diogenis mentionem fecerint, et quidem iis in locis, vbi necessario hanc eius domum memorare debuissent. 3. Domum non habuisse, affirmare ipsum LAERTIVM^q, recte id notante BAYLIO^r, sed in publicis aedificiis commoratum, et in senectute in domo Xeniadis, quae conuenire cum habitatione doliari nequeant. 4. Non itaque euerfa antiquiorum huius rei testium fide prouocari posse ad ORIGENEM, SVIDAM, GREGORIVM NAZIANZENVM, AVSONIVM et Anthologum a MENAGIO^s adductos, qui ex suspectis his fontibus sua hauserint. 5. Negari tamen non posse, esse hanc narratiunculam antiquiorum Iuuenalis tempore, et esse ex eo genere, quas *fabulosas vulgi voces* recte nominat CONRINGIVS. Opposuit his doctissimus HASAEVS I. SENECAE testimonium, qui ante Iuvenalem dolii Cynici meminit^t, et in dolio se complicuisse ait. 2. A silentio veterum non esse ducendum argumentum, cum multae queant esse causae, cur mentionem dolii Diogenis praetermiserint. 3. Nihil fuisse insolitum, et constare loco ARISTOPHANIS^u, pauperculos et nauci homines, qualem affectauit Diogenes, habitare in cellis, doliis et aediculis portatilibus: et fuisse dolia tantae capacitatis, vt habitare quis in eo queat. 4. Iuvenalem et Senecam haec non excogitauisse, adeoque eorum

m) Sat. XIV. v. 308 seqq.

n) Quomodo conscribenda historia T. II, p. m. 364.

o) Lib. VI. f. 23. 41.

p) Ad Laërt. L. VI. f. 32. 38.

r) l. c. not. B.

s) Ep. 90.

q) f. 52.

s) Ad Laërt. f. 23. 78.

u) In equitibus.

rum tempore antiquiores rei testes superfuisse, nec deesse Iuuenali fidem homini docto et probo. 5. Nec Luciani fidem temere reiici vel probari posse, mendaciis et fabulis excogitatis philosophis illuisse: nec habere eius narrationem de homine singularia affectante aliquid, quod vero non sit simile. 6. Etsi concedi debeat, epistolas philosophorum a Sophistis esse confictas, supponere tamen eorum fictiones veram aliquam circumstantiam, ut verisimilitudinem orationis consequantur. 7. Non tollere habitationem Diogenis in dolio Metroi, priuatum dolium, quod postea elegit, et aedium, in quibus habitasse dicitur Laërtio, mentionem innuere idem dolium, quod certum habitationis pauperrimae genus fuerit. 8. Potuisse Diogenem, relicta vel Athenis vel Corinthi domo, tandem in domo Xeniadis consenuisse, vel interdum ad priorem habitationem recurrisse. Verisimile vero esse, fuisse dolium non ligneum, sed testaceum, siue vas aliquod capax et magnum, quod facile volui potuerit et tamen non frangi, cum viae in urbibus Graecis lapidibus stratae non fuerint. Multa haec et elegantiori eruditione illustrauit Hasaeus, cuius praematura mors, cum HEVMANNO occasionem eripuisset, ipsi respondendi, dedit ad fratrem THEODORVM HASAEVM, virum celeberrimum, responsoriam epistolam *. In qua vrget silentium scriptorum, qui non nosse tantum, sed meminisse etiam doli, si fuisset, debuerant; monet vero, patere ex loco Senecae, Diogenem interdum in dolio quodam se abscondisse, cum fortuita habitatione, ubicunque locorum esset, vteretur; hincque fabulam ortam videri; locum Aristophanis non de doliis proprie dictis, sed poeticae dictionis genere de pauperculis mansionibus plebeculae agere: nec esse probabile, habitare potuisse homines in eiusmodi vasis. Niti vero totam rem traditione vulgi, nec a possibili ad verum posse concludi. Diogenem vero vix spiritum trahentem tantae capacitatis dolium non potuisse voluere. Non sumimus nobis inter tantos viros arbitri partes, sed lectoris iudicio totam rem relinquimus, instituti tamen nostri memores rationes adicimus, cur ex historia philosophica eiiciendam fabulam putemus. Nec vrgemus silentium veterum, eo in loco casuque omnino magni ponderis, ubi rei mentionem facere potuerant et debuerant, sed id expendendum putamus, quod respectu habito ad totam vitae consuetudinem Diogeni obseruatam, cuiuslibet verisimillimum videbitur, Diogenem vitam pauperam, et ab omni commoditate destitutam quaerentem praecipue, cum hospitibus, ut habet AELIANVS **, non amplius exciperetur, commoratum non in aedificiis tantum publicis, sed et in dolio siue vase, quod in Metroo erat; hanc vero vitae circumstantiam, cum miram dederit occasionem, ridiculam faciendi totam eius historiam, sicque lectores oblectandi, istis narratiunculis exornatam fuisse, et sic ad posteros traductam, tandem Senecae, Iuuenali reliquisque materiam scribendi praebuisse. Hoc qui verisimile esse negat, ille Diogenis historiam nunquam critico expendit oculo. Nec negamus, superesse antiquiores testes

*) Poecil. I. c. p. 614.

**) Lib. III. c. 21.

testes Seneca, Iuuenali et Luciano, qui epistolas philosophorum antiquiores putamus illis scriptoribus: verum ita fontem quoque totius fabulae detegit prudens criticus. Cum enim Sophistae, eloquentiae in acumine dictionis lumen et elegantiam quaerentes laudem venarentur, eiusmodi philosophis dicta, factaque assinxerunt, quae occasionem quidem eleganter dicendi offerrent, misere vero historiarum fidem corrumparent, id quod innumeris exemplis probari posset, si id ageremus, et non passim iam ad haec digitum intendissemus. Habet porro Eubuli vel Eubulidis potius narratio de mora Diogenis in domo Xeniadis fidem reliquis praestantiorum et cohaeret cum tota eius historia, ea vero omnes has fabulas euertit: iuxta eas enim non Corinthi tantum, sed Athenis quoque in dolio vixit; et aetate decrepitis cum Alexandrum M. alloqueretur in Craneo doliarem habitationem habuit: utrumque vero Eubulidi contradicit. Tacemus, quod in sequentibus probabimus, fabellarum plena esse omnia, quae de Diogenis cum Alexandro M. colloquio traduntur; et fuisse mendaces earum architectos sui non memores, tradentes Athenis in dolio habitasse, et tamen Corinthi ita vixisse, unde, quod est apud DIONEM ^v, confictum est, aestate Corinthi, hieme vero Athenis commoratum esse, quod sine teste dicitur, ut aliqua tantum ratione contradictiones tollerentur. Adiciamus his, EPICETVM apud ARRIANVM ^w prolixè de Diogene differuisse, totiusque quasi vitae eius dedisse *συνοψιν*, attulisse specimina tolerantiae et fortitudinis, ex eius loco, habitatione, victu, captiuitate et his similibus, nihil tamen de dolio habere, quo tamen mirificum dissertationi suae lumen inferre potuisset, narrare vero talia, quae rationes nostri et vitae seriem, qualem exposuimus, mire probant, fabulasque has euertunt. Ait enim: *Quamuis terram illi fuisse patriam, nulla vero eximia: captum non desiderauisse Athenas, nec illius loci familiares, atque amicos; deinde Corinthi venditum, ita ibi se gessisse, ut Athenis, et libere differuisse, libertatem sibi non eripiendam asseruisse; regibus non succubuisse, a voluptate, a gloria, a pecuniae cupiditate victum non fuisse, externasque res tanquam alienas contempsisse, etc.* Omisissetne Epictetus dolium, si illud nouisset? Et an non ea, quae de Corinthiaca vita affert, produnt insuperabilem traditionis difficultatem, Athenis et Corinthi dolium voluisse, cum afferat, captum, desiderio videndi Athenas non amplius fuisse detentum? Nulli itaque dubitamus, ab hac quoque fabella historiam liberare philosophicam.

Vt vero tolerantiam, quam prae se ferebat, et duritiem disceret, aestate feruente arena voluere se, niue obtectas statuas amplecti in hieme solitus est; stipe etiam collecta viuere, et mendicantem obambulare primum coepisse, refert LAERTIVS, qui multa, quae hac occasione acute dixit, collegit ^x: qui et addit, non nudis tantum pedibus per niues incedere solitum, sed crudas quoque carnes comedere conatum fuisse, ventriculi tamen im-

Sss ss 2

becil-

^v) Orat. VI. p. 86.^w) Lib. III. diff. XXIV.^x) l. c. Repetit ea STANLEIVS l. c. p. 513.

becillitate inductum consilium mutauisse. Vt vero finem Cynismi, quem cum praeceptore sibi constituerat, attingeret, moresque perditissimos Graeciae emendaret, magna libertate et acerbitate ciues Athenienses, et quicunque occurrebant, reprehendere coepit, parumque curae habuit siue dignitate et opibus conspicui essent, siue ex infima plebis fece, qui ad eum audiendum confluebant; maximeque in reprehendendis potentioribus acerbissimum se praestitit, cuius plurima exempla atque dicta, acumen quidem ingenii, sed pungens et amarum prodentia veteres, et imprimis DIO CHRYSOSTOMVS¹⁾ collegere; erat enim eloquentissimus, et mirabilis in dicendo, adeo vt oratione facile quemlibet caperet²⁾: argutis vero sententiis ita reprehensiones condiebat, vt, qui valde ab eo istis laederentur, ingenii tamen admirarentur elegantiam. Commendabat enim laboris tolerantiam, temperantiam, frugalitatem, pugnamque contra vitia iniungebat acerrimam; liberrime vero carpebat hominum stuporem, fastum, voluptates, stultitiam et alios ineptientium hominum mores, quos Cynicae vitae habitu se superauisse gloriabatur. Vnde cum in Isthmiis aliquando coronam sibi pineam imposuisset, Corinthii vero, vt eam poneret, qui non vicisset, monerent, maximos, dixit, vicisse se athletas et fortissimos antagonistas, pauperiem atque exilium et ignominiam, iram praeterea, tristitiam, concupiscentiam, metum, omniumque ferocissimam belluam dolosam illam et blandientem voluptatem³⁾. His itaque artibus ita seuerissimam disciplinam temperauit, vt, quem omnes reuererentur, plerisque tamen summus videretur, multisque, vt qui omnes sapientia antecelleret, censeretur⁴⁾; aliis furenti similis haberetur, ex vulgo vero multis in contemptu esset, vt mendicus et nauci homo, quidam etiam eum lacefferent, ossa, vt canes, obiciantes, manum immittentes pallio, et inuitum etiam detinentes. Quos tamen siue fauores siue odia hominum aequissimo pertulit animo, sibi vbique similis, et regium in mendici habitu animum prae se ferens: id quod viris dignitate conspicuis eum valde commendauit, et auctoritatem conciliauit atque reuerentiam. Vixit itaque non sine existimatione Athenis, nec, vt videtur, deseruisset hanc Musarum sedem literarumque emporium, nisi casu quodam in alias sedes fuisset delatus. Iam senex enim iter suscepit Aeginam, in quo a piratis captus, Scirpalo duce, in Cretam deductus est, vt venderetur⁵⁾. Vbi cum praeco ex eo quaereret, quam sciret artem? hominibus imperare, respondit, et se vendi praecepit ei, qui domino egeat. Tandem Corinthium quendam, nomine Xenidem, praetereuntem digito monstrans, hunc domino egere, huicque vendi se oportere, monuit. Cui, cum illum emisset, mox praecepit, ut sibi, licet seruo, non aliter, quam soleat medico, pareret.

Is

1) DIO Orat. IX. p. 139.

2) LAERT. L. VI. f. 75.

3) DIO l. c. qui plures in hanc rem affert sententias, Or. VIII. p. 132 seqq.

4) ibid.

5) LAERT. L. VI. f. 29. suspectae autem etiam de hac vitae Diogenis parte narrationes veterum sunt, non puram mansisse historiam, sed ex ingenio sequentium temporum multa afficta Diogeni. Amicis vero eum redimere volentibus non paruisset LAERT. f. 75.

Is itaque Corinthum abductum cum ingenii excellentiam animique libertatem demiraretur, manumisit, liberosque ei commisit suos, quibus imperaret, rei quoque familiaris curam ei demandavit, quam ita administravit, ut, faustis sideribus eum in domum suam ingressum esse, Xenia des diceret. Obseruatu vero dignum est, qua ratione educauerit curae suae traditos iuvenes. Refert enim LAERTIUS^d: non permisisse, ut in palaestra, athletarum more, a paedotriba exerceantur, sed quantum corporis viribus et sanitati sufficeret: poetarum, aliorumque scriptorum sententias, inque eis suas etiam, ipsis praeuisse ediscendas: utque memoria omnis facilius retineretur doctrina, breui conspectu totam eam oculis subiecisse. Docuisse etiam domi ministrare, cibo uti tenui, et aquae potu, vesteque vili, ad cutem usque tonsos, sine tunica, discalceatos, silentes ac sibi tantum inter ambulandum intentos, ita ut facile Cynici discipuli agnoscerentur, venationibus vero assuefecisse. Quod cum suo emolumento fieri iuvenes intelligerent, magna eum beneuolentia profecuti sunt, et diligentissime parentibus commendauerunt. Neque vero domini tantum et traditae iuuentutis felicitatem promouere contentus, frequentissimum, cum propter mercaturam, tum propter Isthmiorum solennia emporium eo adhibuit, ut Graeciam quoque emendaret, unde et ad portum, et in Craneo, quod gymnasium erat, ante urbem, saepius degens, turbae, quae ibi confluebat, promiscuae virtutis praecepta more methodoque sua explicuit, eorumque insaniam castigare et sanare conatus est^e. In Isthmiis quoque, ubi maxima confluebat hominum multitudo, hominum affectus, studia, mores obseruabat, et in quibus sibi maxime displicerent, indicabat. Vbi cum propter vitae et oris singularem habitum multi ad eum confluerent, omnibus facilem se praeuit, illisque qui acerbiter eius non metuebant, saluberrima emendandi animi virtutisque praecepta commendauit, quorum multa congeffit DIO^f. Inter quae tamen multa sunt, quae oratorum magis diligentiae, eloquentiam in acute et sapienter dictis, quae viris magnis tribuebant, affectantium, quam ipsi Diogeni debentur. Et hoc quoque in loco celebre illud cum Alexandro M. colloquium habuisse dicitur, cuius tamen historia tam male cohaeret, ut non dubitemus, eam, tanquam magna ex parte confictam, explodere.

Pertinet enim hoc quoque colloquium inter incertos istos rumusculos, qui de Diogene dubia fide traduntur, totque contradictionibus laborant, ut omnem fere fidem amittant. Rem a PLYTARCHO^g et post hunc ab aliis quoque enarratam paucis sic habet. Graeci in Isthmi conuentu instituto bellum cum Alexandro aduersus Persas gerere decreuerant, eiusque ducem post patris Philippi mortem eum constituerant. Hic cum

Sss ss 3

multi

^d) f. 70 74. GELLIVS L. II. c. 19.

^e) DIO II. cc.

^f) Potiora ex his repetit STANLEY. p. 516 seqq.

^g) In vita Alexandri T. IV. p. m. 455. et de fortit,

Alex. T. H. p. 352 seqq. DIONE Orat. VIII. p. 135.

LAERT. L. VI. f. 38. 60. 69. SENECA de benef. L. V.

c. 4. ARIANO exped. Al. L. VII. c. 1. et dissent.

Epidet. L. III. c. 22.

Colloquium
cum Alex. M.

multi primarii in ciuitatibus viri multique ad ipsum philosophi gratulandi causa accessissent, sperabat Diogenem quoque Sinopensem idem facturum, qui tum apud Corinthum in Craneo degebat. Sed cum is nihil admodum curans Alexandrum otiosus in Craneo desideret, ipse ad eum profectus est. Iacebat tum Diogenes soli obuersus, et tot hominum aduentu excitatus, paululum leuato corpore aduersus Alexandrum prospexit. Cumque is diceret, *Alexander sum ille Magnus*; respondit: *ego vero Diogenes canis*. Ab eo salutatus, ut aliquid peteret, monitus, hoc se petere dixit, ut a se recedat, cuius radiis haberet opus. Stupefactus Alexander admiratusque magnitudinem animi, amicis philosophum ridentibus dixit: *vellem Diogenes esse, nisi essem Alexander*. Addunt alia acute ad Alexandrum dicta Diogenis MAXIMVS et ANTONIVS, quae vero falsitatem prima fronte produnt. Nec meliora multo sunt, quae ita narrantur, quaeque eleganti paraphrasi delineauit DAN. HEINSIVS^b, nam plurimae vitae Diogenis circumstantiae repugnant. 1. In Xeniadis domo habitauisse ad mortem usque Diogenem supra Eubulidis testimonio confirmauimus, haec vero narratio Craneum ei locum assignat. 2. Supponit haec narratio traditionem de Diogene in dolio habitante, id vero non Corinthi, sed Athenis factum esse, in antecedentibus probauimus, quo loco tum non fuit Alexander. 3. Quod si cum DIONE^c aliisque afferatur, Athenis in hieme, Corinthi in aestate fuisse, licet id testibus idoneis destituatur, nihil tamen rem iuuat. Series enim rerum Macedonicarum euincit, hunc Graeciae conuentum, in quo Alexander dux electus est aduersus Persas, actum esse in hieme, Philippus enim sub auspiciis OL. CXI. I. adeoque paulo post huius anni solstitium, quo agebantur ludi Olympici, a Pausania necatus est, Alexandro non praesente. Is accersitus patris interfectores late persecutus est, et correptos tandem e viuis cruce sustulit, tum exercitu collecto in Thessaliam profectus est, et suppressis rebellibus, conuentum demum Graeciae edixit, quae omnia ante hiemis tempora perfici non potuere. Tum vero Athenis, non Corinthi fuisse dicitur Diogenes. Inficetum porro est, quod tradit LAERTIVS^k, dixisse regem: *Ego sum Alexander M.* tum enim vix viginti annos emensus erat Alexander, et regium demum axioma acceperat, Magnus post expeditiones Persicam et Indicam demum dictus. Post eas vero non rediit in Graeciam, sed Babylone extinctus est. Et tamen Alexander fortunae magnitudine insolens factus, quod post deuictam Asiam demum accidit, in his narrationibus supponitur. Laborant itaque magnis difficultatibus, quae hac de re traduntur, et si non omnia, pleraque tamen commentitia esse produnt. Difficile quoque est, verisimile a falso discernere. Coniectura tamen non prorsus improbabili ducti credimus, Diogenem, qui antea circa Olympica certamina Isthmum et Corinthum per paucos dies inuississe, et in Craneo forte differuisse videtur, senem iam, adeoque circa Olymp. CX. circiter, qua ultra septuaginta vitae annos

nume-

^b) Orat. XVII, p. m. 284 seqq.^c) Orat. VI, p. 86.^k) l. 60.

numerabat, captum et Corinthum a Xeniae deductum, ad Alexandrum, Graeciae conuentum habentem, noluisse discedere, eum salutatum: regem vero hominis in Graeciae panegyri ista omnibus Graecis innotescens et ob vitae singularitatem famosi videndi desiderio correptum ad eum forte in Craneo obambulantem vel desidentem accessisse, et ab eo Cynico more, id est, sine reuerentia regibus debita fuisse exceptum: haec enim historiae Diogenis satis respondent. Reliqua additamenta sunt, ab iis adiecta, qui Romanensem fabulam ex vita Diogenis exsculperunt, vnde necessarium non putamus de responsis Diogenis regi datis prolixè iudicare. Fecit id P. BAYLE¹ qui laudat, et STOLLIVS^m qui culpat. Incertissimum enim est, vtrum Diogenis, an aliorum, debeantur ingenio.

Sunt, qui dicant, mox post Antisthenis mortem, Athenarum pertaesum Corinthum migravisse, in Craneo habitantem, hiemem vero Athenis transegisse, vbi esset tolerabilior; non cohaerent vero ea cum reliqua vitae eius historia; nec meliori fundamento nituntur, quam magnus lepidarum narratiuncularum numerus, quae Diogeni hac sola ex causa tribuuntur, quod pro publico Graeci populi scurra haberetur, qui festiui ingenii solertia ad acerbos iocos et ludicras reprehensiones abusus fuerit, cuius generis plurima narrat LAERTIVSⁿ, et ex eo STANLEIVS^o. Ea enim et scopo philosophiae Diogenis, et auctoritati atque reuerentiae, qua fruebatur, apud prudentes omnes, contraria sunt, neque etiam historiae eius conueniunt apteque respondent, et ex incertis hominum traditionibus orta sunt, qui Cynicae libertatis, quam non sine vehementia et acerbitate adhibebat Diogenes, praetextu vsi, omnis aetatis fabellas, Milesiis non meliores, ei tribuerunt, more nostra etiam aetate recepto, qui multas nobis in historia literaria et ciuili fabulas peperit^p, viris magnis indignas, qualem Diogenem fuisse ea loquuntur, quae hactenus veterum testimoniis nixi attulimus. Erat enim ingenio sublimi, acuto, et veterum quoque lectione subactò, iudicio vero animi adeo subtili, vt hominum inclinationes et studia, quibus sibi maxime placerent, accurate pernosceret. Animum vero alebat excelsum omniue fortunae iniuria superiorem, laboris patientissimum, aërisque et corporis incommoda spernentem^q, et, quae mutare nequibat, fortiter, et sine metu ferentem. Paucissimis contentus^r, mensas diuitum et regias quoque opes contemnebat, diuitiis vsus omnibus thesauris superioribus, ferena mente ac in omni vitae casu tranquillo animo. Magna vero animi propensione ferebatur ad corripiendos hominum mores, emendandam Graeciam, redarguenda vitia, et proferendam in apri-

cum

1) l. c. not D.

m) H. O. phil. mor. §. LXXVII. p. 106.

n) Lib. VI. f. 24 seqq.

o) p. 520 seqq. Qui reliqua passim occurrentia apud Aelianum, Plutarchum, Diem, Stobaeum, Antonium, et Maximum adiecit.

p) Collectionem istam dictorum Diogenis non

maiore iure dixeris Diogeniana, quam Taubmaniana dicuntur, sales et ioci, illepidi et ind'gni erudito viro, qui tribui solent Frid. Taubmanno, vel Frischlino et similibus. Exempla enim huius rei plurima in historia literaria supersunt.

q) Hinc nudipes in nioe incessit, cuius rationes affert Dio Orat. VI. p. 80 seq. L. VI. f. 34.

r) ib. d.

cum plerorumque hominum insaniam, id quod magno, et diuinitus quasi instigato regioque animo suscepisse ait *EPICTETVS*^s, qui et alibi^t libertatem mentis et linguae neque reges reformidantem magnopere laudat. Nec duro nodo alium, nisi durum cuneum quaerendum esse, facile Diogeni persuadere potuere mores sui temporis perditissimi, quos tot eius aetatis philosophi improbabant, et in his maxime Socrates, nemo vero ista libertate corripuit, qua Diogenes. Qui nec potentibus, nec principibus viris pepercit^u, nec Deorum gentilium praesentiam ridere extimuit^x: quod cum plurimos valde offenderet, et a mendico philosopho, maiorem reuerentiam spectatissimae dignitatis summique axiomatis viris debente ferendum non esse existimaretur, multorum ei obrectationes et inuidiam concitauit, quae infamia philosophum cetera magnum contaminauit, multisque praeter rem eum onerauit calumniis. Viuus enim canis dictus^y, offaeque et ossa tanquam cani obiecta sunt, id quod tamen patienter excepit, et ad dicendi et redarguendi licentiam arripuit^z; quanquam sine dubio fabulae sint, quae de eo cum canibus sepeliri iubente, feruntur. Hinc impudentissimi scurrae vita et dicta illi tributa, moresque adeo canini adscripti sunt, vt omni non decori tantum, sed et honestatis ratione proscrip-
pta, turpissimam vitam egisse, publiceque corporis mollitiae vsus fuisse, eamque ratiunculis etiam defendisse dicatur^a. Quo et illud pertinet, quod in Aristippi vita tetigimus, consueuisse eum cum Laide, quae olentem et lacerum Diogenem gratis admiserit^b. Has enim narratiunculas inter fabulas referendas esse, excogitatas vel ab iis, qui eius reprehensiones oderant, vel ab illis, qui philosophos traducebant, vel ab his, qui popelli aures eiusmodi affaniis demulcere solebant, sola elogia magnorum virorum, quibus virtutis cultu nihil fuit superius demonstrant, qui virum eum diuinum vocare non erubescunt, ideo a Deo missum, vt et verbis et exemplo homines emendaret, et a vitiorum iugo liberaret^c: id quod in propudiosae libidinis et caninae impudentiae hominem non cadit. Repugnant quoque isti rumusculi partim naturae et indoli Diogenis ab eiusmodi excessu

^s) Apud *ARRIAN.* *diff.* XXI. L. III.

^t) *ib.* c. 26. p. m. 380.

^u) *LAERT.* L. VI. f. 43. qui captum et ad Philippum ductum magno animo eius audiatem reprehendisse, ex *Dionysio Stoico* refert. Reprehendit hanc dicendi inuitis et non audituris veritatem licentiam *SENECA* ep. 29. Recte addit: Diluitur magni viri auctoritas, nec habet apud eos satis ponderis, quos pisset minus obsolescentia corrigere. Id enim Diogeni accidit. Pertinet huc, quod accensa in meridie lucerna homines quaesuerit, quid enim hoc est aliud, nisi omnes promiscue homines praeter se habere pro infantibus.

^x) Exempla affert *LAERT.* f. 37. 39. qui tamen ideo in atheorum numerum referendus non est. conf. *BAYLE* *Dict.* T. II. art. *Diogene*, not. N. p. 294. qui accusationes diluit. add. *REIMMAN.*

Hist. Ath. c. XXVI. §. 2. p. 181. *BVDDEVS* *thes.* de *Atheismo* c. I. §. 18. *CVDWORTH.* *Syst.* int. c. IV. §. 22. p. 478.

^y) *LAERT.* f. 45. *LVCIAN.* in *vit. au.* T. III. p. 108.

^z) *ib.* f. 33. 61 et 47. 60. 55. modo vera sint haec omnia, et non lusus eorum, qui scurram eum Atticum fuisse credunt.

^a) *DIO* *Orat.* VI. p. 90. *LAERT.* f. 69. 46. 49. *PLVT.* de *rep. Stoic.* T. III. p. m. 23. *ATHEN.* L. IV. p. 158. et ex *PP.* multi laudati *BAYLIO* l. c. not. L.

^b) *ATHEN.* L. XIII. p. 588.

^c) Inter haec testimonia *EPICTETI* l. c. quo grauior vix fuit philosophus, maxime notari merentur. conf. *LE VAYER* de *virt. gentil.* T. V. opp. p. 134. *Ath. phil.* Vol. II. p. 151. 152.

su animi valde abhorrenti, partim etiam seriei historiae, et rationibus temporum, et inanem traditionem semet ipsam euertentem produunt.

Dubitauit iam de harum obtreccionum Cynicis factarum veritate *Obscenitas Cynicorum.* AVGVSTINVS ^a, sed ita, vt arbitraretur, Diogenem et illos, qui hoc fecisse referuntur, *potius concumbentium motus dedisse oculis hominum, nescientium, quid sub pallio gereretur, quam humano premente conspectu potuisse illum peragi voluptatem. Ibi enim philosophos non erubuisse videri, se velle concumbere, ubi libido ipsa erubesceret, surgere.* Hoc vero parum habet verisimilitudinis. Maiori veri specie his opponimus non temperamentum tantum, sed et totam vitam sectaeque institutum Diogenis voluptatibus corporis maxime aduersum. Non enim philosophiae tantum exercitationem ad id potissimum, testante LAERTIO ^c, referebat, vt facillime voluptates contemnerentur, sed et vitam agebat voluptatibus plane contrariam, fame, inedia, duritie ita corpus exedentem, vt credibile non sit, sine Baccho et Cerere non friguisse Diogenis Venerem. Accedit extremum, quo ducebatur erga mulieres odium, quas suspendio dignas censuisse, cum ab oliuarum arboribus quasdam pendere vidisset, tradit LAERTIVS ^f, quod sequioris sexus odium in tantum se mutauisse amorem, vt cum Laide scorto congregaretur, verisimile non est. Tota vero de consuetudine cum Laida narratio fabulae suspecta est vehementer: nam tempora male cohaerent. Lais enim septennis in Sicilia a Nicia capta Olymp. XCI. Corinthum abducta est, eo itaque tempore, quo Diogenes Corinthi vitam degit, quod ab Olymp. CX. fuisse supra demonstrauius, LXXX. aetatis annum supergressa est, Diogenes LXX. quis, quaeso, credat, anum adeo vetulam tunc communibus totius Graeciae amoribus, et elegantis non minus Aristippi, quam olentis Diogenis amplexibus desideratam fuisse. Quod si obiiciatur, non decrepitam Laidem, sed adhuc aetate et forma florentem Diogeni sui copiam fecisse, quando is ad Olympica descenderet Corinthum, neque hoc constare potest, cum testimoniis veterum certum sit, Laidem adeo superbam et quaestui ex corpore faciendo inhiantem fuisse, vt non nisi magnis sumtibus amatores admitteret, et inde Axine diceretur, teste AELIANO ^g. Decrepitam enim pauperibus tantum sui potestatem fecisse ait ATHENAEVS ^b. Tacemus alias insuperabiles difficultates in Laidis historia occurrentes, quas in Aristippi vita tetigimus, et pluribus enumerat P. BAYLE ⁱ, qui et recte monet, plerasque has fabellas Athenaeum auctorem habere, qui veterum scrinia ideo compilauit, vt philosophis aegre faceret. Quae vero de proprii corporis abusu a Diogene adhibito traduntur, componi non possunt cum vniuersali, qua vsus est auctoritate apud Athenienses, cum strenua, quam tantopere exercuit, contra volupta-

^a) De C. D. L. XIV. c. 20.

^c) Lib. VI. f. 71.

^f) Lib. VI. f. 52.

^g) Lib. XIV. c. 35. Conf. GELLIVS L. I. c. 8.

^b) Lib. XIII. p. 588.

ⁱ) D. G. T. III. art. Lais, not. N.

Iuptates pugna, cum laudibus viri diuini et legati Dei, quae ei veteres vna-
nimi ore tribuunt. Et vero videtur admodum simile, excogitatam fuisse
istam calumniam ab iis, quos nimia mordacitate et voluptatum reprehen-
sione laeferat et in se armauerat Diogenes. Quod eo facilius fieri potuit,
quo magis naturalia, id est, quae ad naturae necessitatem pertinebant, qua-
lia sunt, edere, bibere, somnum capere, ventrem vel velicam exonerare,
non esse turpia, crederet, quia honestatem intrinsecam non haberent, in
quibus eum valde indifferentem fuisse, facile Laërtio asserenti largimur.
Haec ad imputandas actiones turpes et ab omni honestatis specie remotas
adhibentes eius calumniatores, non reueriti sunt dicere, eum *δισχερῆν* in
conspectu hominum non erubuisse: quod in tantae integritatis viro, qualis
fuit Diogenes, credi minime potest.

Facile itaque a canina impudentia morum absoluimus Diogenem, dif-
ficilius tamen a fastu animi elatioris, qui sibi in singulari et duro vitae ge-
nere, quod admiratores habebat plurimos, imitatores perpaucos, vehemen-
ter placuit, tantumque sapientiae gradum se attigisse sibi persuasit, ut dignus
esset, qui toti emendandae Graeciae sufficeret ^k. Quam animi superbiam,
dicacitatem et acerbicatem reprehensionum, contemptumque philosopho-
rum sui temporis omnium ^l, immo magistratuum ^m quoque peperisse,
est in confesso ⁿ. Quemadmodum neglecta quoque omnis decori ratio
probari non potest, cum sapientia mendici nec peram nec vultum postulet.
Scripsisse etiam dicitur dialogos, epistolas et tragoedias, quas tamen multi
veterum non Sinopenis Diogenis esse contendunt ^o, videturque cum Dio-
gene Oenomao, circa Olymp XCIV. inter Tragicos Atheniensium claro
fuisse confusus, ut accidit quoque MENAGIO ^p. Certe epistolas, quae ho-
die sub eius nomine feruntur, sublestae fidei esse, ex illis recte coniicitur,
quae supra de epistolis philosophorum diximus ^q. De mortis tempore et
genere valde inter se dissentiunt relationes veterum ^r. Obiisse Corinthi
annos natum circiter XC. eodem die, quo ad plures abiit Babylone Alexan-
der Magnus, Demetrius apud LAERTIVM auctor est, eadem tradentibus
PLUTARCHO et SVIDA ^s. Fuit vero is, notante AELIANO ^t VI. Thar-
gelionis Olymp CXIV. I. His vero repugnat, quod narrat LAERTIVS ^u.
Cratero precante, ut ad se veniret, respondisse, malle se Athenis salem lin-
gere, quam apud Craterum frui mensa magnifice instructa: haec enim in-
nuunt, Diogenem post Alexandri M. mortem viuum superfuisse, cum Cra-
terus

^k) AELIAN. L. III. c. 29.

^l) Euclidis scholam vocabat *χολή*, bilem, Platonis *διὰ τῶν*, *καταρτῆς*, Dionysiaci certamina miracula stultorum, oratores turbae ministros LAERT. L. VI. f. 24. qua ratione Arist. pp. m. et Platonem exagitauerit, supra dictum est, vide f. 25.

^m) Videns magistratus, hieromemnonis discipulos, furem, qui ex aerario phialam surripuerat, ducere, dixit: magni fures paruum ducunt. ib. f. 45.

ⁿ) Exprobrauit hunc fastum ei Plato ib. f. 26. 41. conf. FONTENELLE dial. des morts p. 175. FRID.

MENZIVS diff. de fastu philosophorum virtutis colore infucato in imagine Diogenis Cynici Lips. 1712. cl. STOLL. Hist. phil. moral. §. LXXVI. p. 103.

^o) LAERT. f. 80.

^p) Ad l. c. Laërt. conf. FABR. Bibl. Gr. Vol. I. pag. 418.

^q) Conf. MENAG. l. c.

^r) Eas collegit LAERT. f. 79. seq.

^s) In Sympotiac. L. VIII. 1. T. III. p. m. 272.

^t) In Diogene T. I. p. 529.

^u) Lib. II. c. 25.

^v) f. 57.

terus cum rege usque ad eius mortem vixerit. Cui tamen difficultati medicina facilis adhiberi potest, hanc quoque traditionem inter eas numerando, quae praeter rem Diogeni tributae sunt, ab aliis forte philosophis profectae, quas sine iudicii discrimine more suo confarcinauit Laërtius *, unde tempus mortis dictum veritati congruere non dubitamus. Maius vero dissidium est de genere mortis, quod varie referunt veteres. Eubulides y apud Xeniadem consensuisse ait, atque functum vita a filiis eius fuisse sepultum, et notabile est, quod Xeniali roganti, quomodo se mortuum componi vellet? respondisse dicitur, apud LAERTIVM z. Alii praecepisse volunt, ut in stercoretum ad fratres canes proiiceretur, quod scomma a calumniatoribus eius sine dubio profectum est. AELIANVS a morbo lethali afflictum de ponte se deiecit ait, qui prope gymnasium erat, custodi vero mandasse, ut ubi exspirasset, in Ilissum eum abiiceret; verum morbo lethali correpto tantum virium fuisse intelligi vix potest. Sunt qui eum, cum bouis crudum pedem comedisset, colica obiisse dicant; illi vero non recordati sunt, Diogenem a carnibus crudis mature abstinuisse, quas stomachi imbecillitas non ferebat b. Alii in itinere ad certamen Olympiae febris correptum, accubuisse in crepidine viae, et eliso gutture elusisse febrem perhibent. Familiares autem eius, referente Antisthene apud LAERTIVM c, eam maxime probabant narrationem, qua animam reprimendo spiritum reddidisse dicitur; in Craneo enim pallio obuolutum inuenientes,prehendisse mortuum. De sepultura magna inter amicos coorta dissensione, magistratus iussu, iuxta portam, qua in Isthmum itur, sepultus est, tumulo columna imposita ex Pario marmore cum cane. Statuis quoque posthaecaenels ciues eum honorarunt d. Plurimos apud veteres memorari Diogenes supra iam obseruauimus e, nostrum patria et vitae ac sectae ratio a reliquis facile distinguit.

§. VI. Philosophiae aliquod systema Diogenes non reliquit; sed praeceptoris more magis de virtutis actione quam contemplatione sollicitus fuit. Quas vero ad illam promouendam regulas commendauerit, ex his intelligendum est f:

I. Duplicem esse exercitationem, alteram animi, corporis alteram. Priori genere diligenter defunctis exoriri frequentia phantasmata ad virtutis opera perficienda. Alteram vero sine altera imperfectam esse, cum in corpore pariter atque animo bonus habitus (εὐέξια) et robur virium confirmata requirantur. Exemplo id mechanicarum aliarumque constare artium, athletarum et musicorum.

Ttt tt 2

II.

* Plurimos anachronismos et contradictiones historicas in Diogenis historia esse, monuit etiam BAYLE l. c.

y) Eubulum vocat LAERT. f. 30.

z) ib. facie sc. solum premente, fore enim breui, ut inferiora sursum vertantur, quod ad Macedonum regnum trahit LAERTIVS: nos ex Diogeni affinis fuisse suspicamur.

a) Lib. VIII. c. 14.

b) LAERT. f. 76. 77.

c) ibid. HIERON. ad Iouin. L. II. conf. BAYLE qui plura sibi contradicentia notat.

d) ibid. f. 77.

e) In Diogene Apolloniata. Conf. LAERT. f. 81. et MENAG. ad h. l. Alium Diogenem Cynicum Vespasiani nobis aetas suggeret.

f) LAERT. L. VI. f. 71 seq.

II. Facile vero virtutem parari posse exercitio.

III. Nihil in vita absque exercitatione perfici posse, eam vero nihil non vincere posse. Homines vero, qui labores suscipere debebant naturae conuenientes, et felicitatem promouentes, stulta ratione inutilibus vacantes sua culpa et dementia infelices esse.

IV. Ipsum itaque voluptatis contentum consuetudine et exercitatione iucundissimum fieri.

V. Plus naturae, quam legi tribuendum esse.

VI. Omnia sapientum esse, tanquam amicorum Dei, quibus cum diis communia sunt omnia.

VII. Sine lege ciuitatis constitutionem non dari; sine republica bene constituta vero nullum usum esse ciuitatis. Sine lege vero nullum usum esse constitutionis reipublicae. Ciuitatem et rempublicam, idem esse, adeoque eius constitutionem sine lege non esse.

VIII. Nobilitatem et gloriam contemnendam esse, esse enim ornamenta malitiae atque integumenta.

IX. Solam rectam ciuitatem mundi esse. Aliter hoc accepit STANLEIVS^b, qui transtulit: solum popularem statum reipublicae honore dignum esse, sed praeter mentem Diogenis, qui omnem nobilitatis et titulorum praerogatiuam cum malis artibus acquiri cerneret, statum mundi siue societatis potius humanae naturalem laudauit, ubi pares omnes sunt, excelsit, qui virtute alios antecellit.

X. Musicam, astronomiam, geometriam nihil ad virtutis usum valereⁱ.

XI. Philosophiae finem esse passiones animi et cupiditates vincere^k.

XII. Ex philosophia hoc lucrum oriri, ut ad omnem fortunam paratissimus^l.

XIII. Stultos esse, qui virtutem docerent, et laudarent, eam vero non sequerentur.

XIV. Mulieres communes esse oportere, et nuptiarum vanum nomen esse, liberos etiam communes esse oportere. Valde suspecta haec sunt, et tributam ei praeter rem indifferentiam actionum moralium supponunt, quam tamen ei non placuisse, supra ostendimus.

XV. Non inhonestum esse, ex templo aliquid fumere, multo minus impium carnibus humanis vel ferinis vesci. Nempe omnia in omnibus esse, seque inuicem permeare, e. g. panem esse in carne, hanc in aliis, pane et carne per poros transpirantibus. Haec ex tragoedia Diogeni adscripta, dubiae fidei esse^m, ipse monet Laërtius, nosque supra diximus, eum a talibus abhorruisseⁿ.

XVI.

g) Verba LAERTII obscura sunt, in quibus mendum suspicantur STEPHANVS et OLEAR. ad STANLEIVM p. 520. Nos textum Graecum secuti sumus ita, ut ratiocinium sensum clarum funderet. Paulo aliter Stanleius, et obscurius interpretes Laërtii.

b) l. c. p. 520.

i) LAERT. L. VI. f. 73.

k) Multa in hanc rem apud DIONEM Orat. VI. VII. VIII.

l) LAERT. l. c.

m) Philisci potius vel Pasiphontis esse monet.

n) Inutiles enim statuebat speculationes physicas, vid. LAERT. f. 28.

XVI. Animalia irrationalia, rationis et aëris partem percipere, sed vel ob crassitiem, vel ob abundantiam humorum neque intelligere, neque sentire, ac fere affecta esse eo modo, quo sunt infanientes, qui dementis exierunt potestate. Ita quidem de Diogene PLUTARCHVS*, quem de Diogene Cynico intelligit IACOBVS RONDELLVS in erudita obseruatione, quam debemus P. BAYLIO#. Is eadem in sententia haesisse Diogenem Cynicum, qua post Antonium Pereiram, medicum Hispanum, Renatus Cartesius fuit, bruta esse machinas rationis et sensus expertes contendens, conuenire haec systemati Cynico putat, non morali tantum, sed et naturali. Esse enim iuxta hoc substantias vel completas vel incompletas; illas ex natura sua, has ex participatione vel imitatione tales. Has duplicis generis esse, quarum illud imitetur spiritus, mouentes se linea circulari, hoc animam, mouentem se linea recta; motum vero circularem esse corporum coelestium, et imprimis circuli lactei, vnde passiones oriri veteribus placuerit: motum rectilinearem esse versus terram; hanc cum sequantur bestiae, animae passiones in iis non esse iuxta Diogenem, nec habere vllam diuinorum corporum similitudinem, sed hebescere animae vsum densitate corporis. In morali vero philosophia cum animum a perturbatione omni passionum vacuum, et sensus fere omnis expertem pro fine constituerit non philosophiae tantum, sed ipsius naturae, verisimile esse, bestiarum passionibus et sensu vacuarum exemplum illum sibi proposuisse. Bene vero nobiscum egisset doctissimus Rondellus, in veterum quidem philosophorum historia versatissimus, sed coniecturis audentior, si alium nobis explicationis ab ingenio et doctrina non destitutae testem dedisset, quam MACROBIUM†, hominem syncretismo Platonico Aristotelico corruptum, qui explicationem hanc Platonice de origine animae sententiam cum Aristotelica misere coniungentem, vel confundentem potius peperit, quaeque adeo nec Platonica, nec Aristotelica, multo minus Cynica est. Diogeni enim Cynico Platonice philosophiam placuisse, nec illud, quod adducit Rondellus, Tiberiani probat: *Diogenem haereditatem omnem Platonis inuadentem, nihil ibi plus aurea lingua, inuenisse*, nec cum Laërtio conspirat, qui, risisse physiologiam Platonis Diogenem, testatur. Nec quae veteres vnanimiter referunt, posthabuisse Cynicos speculationes physicas, cum his conueniunt, quae miram subtilitatem ingenii, tantopere Diogeni inuisam, redolent. Non itaque de Diogene Cynico, sed de Apolloniate Plutarchi verba intelligenda esse, nemo dubitauerit‡, qui Ionicae sectae, cui ille adhaesit, placita de anima supra capite primo huius libri enarrata, expenderit. Is enim cum animam, vti omnia alia quae sunt, ex aëre formatam esse statueret, vt Aristotelis testimonio supra probauimus, non aliam rationem differentiae inter animas brutorum irracionales et rationales ho-

Ttt tt 3

minum

o) De placit. philos. L. V. c. 20.

p) DiG. T. III. art. Pereira not. C. p. 650 seqq.

q) Somn. Scipion. L. I. c. 12.

r) Melius haec quoque respondent ordini a Plutarcho obseruato.

minum afferre potuit, quam, impedire corporis dispositionem et crassitiem atque abundantiam humorum, quo minus aërium principium, quod animam constituit, usum habere, et exserere se queat. Quae quia principiis Ionicis consentanea sunt, supra ad Diogenem Apolloniatem, physicum retulimus. Differtque haec sententia a Cartesii hypothese, qui animam sensitivam inesse brutis negavit, cui tantum operationem denegavit Diogenes. Verum haec alieni loci sunt.

*Onesicritus
aliique disci-
puli Diogenis.*

§. VII. Dura vero licet et aduersa sensui atque opinioni, quae homines plerumque tenere solet, fuerit Diogenis philosophandi ratio, nec is more praeceptoris discipulos requireret, tanta tamen, teste LAERTIO^s, vis ei dicendi et persuadendi fuit, ut, cum ONESICRITVS quidam Aeginensis Athenas alterum ex filiis suis mitteret, Diogenem is audiens, apud eum remaneret: et cum misisset fratrem eius, maiorem natu, Philiscum, et ipse detineretur, tandem vero et pater adueniret, et sermonum Diogenis illecebris captus cum eo philosopharetur^u. Audiuit eum etiam Phocion, cognomento bonus, et Stilpo Megarensis, et alii viri politici. Et Onesicritum quidem, quem Aeginensem diximus, Demetrius vero Astypalensem facit^x, etiamsi Cynica philosophia, et masculo dicendi genere Diogenis caperetur, nomen tamen sectae Cynicae, quae vitae magis institutum, quam systema aliquod philosophiae, tradebat non dedisse, ex eo patet, quod castra Alexandri secutus, ad Indiam usque cum eo penetrauerit, navis regiae gubernator^y: qualia munera fugiebat vita Cynica. Disputauisse hunc Onesicritum cum Indorum gymnosophistis, et adduxisse Calanum ad Alexandrum Magnum, superiori libro iam tradidimus; nugasque agit LVCIANVS^z, qui cum eo in ignem se coniecisse et viuicomburio vitam finiuisse ait, Peregrino similem. Inter historicos vero Alexandri locum obtinuisse, aliunde notum est^a. Pressius vero Onesicrito Diogenis institutum Monimus et Crates secuti sunt.

Monimus.

§. VIII. MONIMVS Syracusanus fuit, famulus initio Corinthii trapezitae, qui hac occasione Diogenis discipulus factus est. Multoties scilicet ad hunc Monimi dominum veniebat Xeniaes, quem Diogenem emisse, manuque missum filiis erudiendis et rei domesticae administrandae praefecisse, supra diximus: qui cum serui ingenium, doctrinam, mores valde commendaret, cupido incessit Monimum, Diogenem audiendi. Cuius eloquentiae vi captus, cum consilium cepisset, se Diogeni in disciplinam tradendi, et seruilis conditio obstaret, furere se simulauit, omnemque de mensa heri pecuniam deturbauit; qua ratione cum manumissionem obtinuisset, ad Diogenem se contulit, eiusque suasu Cratetem quoque audiuit

^s) Cap. I. §. 21.

^z) Lib. VI. f. 76 seqq.

^u) SVIDAS in Philiscus T. III. p. 603. qui vero textum Laërt. i corruptit, et quae ad Diogenem referenda erant, ad Philiscum retulit, quod praetermisit KVSTERVS.

^x) LAERT. L. VI. f. 84. AELIAN. de animal,

L. XVI. 39. PALLADIUS de Brachm. p. 39. PLVT. in Alexandro T. V. p. m. 495.

^y) Citati, ARRIANVS de exped. Alex. L. VII. p. 149.

^z) In Peregrino T. IV. p. m. 289.

^a) Conf. VOSS. de histor. Gr. L. I. c. 10. p. 60. FABRIC. Bibl. Gr. Vol. II. p. 223 seqq.

diuit et sectae Cynicae alios, qui domino eius, furere ipsum, nec esse satis mentis compotem persuadere non desinebant, ut ita liberius philosopharetur. Laudauit eum Menander, tanquam virum sapientem, doctum et disertum, licet contemtio-rem atque humilem, qui gloriae studium fortiter neglexit, magnoque animo Cynismi duritiem pertulit, a Cynicis vero moribus diuersus nec scurra nec sordidus fuit ^b. Scripsit nonnulla, quae ludicra prima fronte visa, sensus continebant reconditos, ex quibus memorantur *de appetitionibus* libri duo et *protrepticus*; quem morem seruasse Cynicos omnes, auctor libri *de interpretatione* ait, ut ridicula praecepti vicem subirent, admonitionis et sententiae, quoniam ut ait HORATIVS:

- - - ridiculum acri
Fortius et melius magnas plerumque secat res.

§. IX. Memorabilis vero sententia est, quam de Monimo referunt veteres, dixisse, ut id Menandri verbis exprimamus:

Τὸ ὑποληφθὲν τὸ φανταστικὸν πάντων.

Monimi decretum philosophicum de cognitione intellectus.

Cuius sententiae meminerunt ANTONINVS ^c atque SEXTVS EMPIRICVS, quorum ille: *Ea quae a Monimo dicta sunt docere, in opinione sita esse omnia, horum autem utilitatem comparere, si quis, quae festiue ab illo scripta sunt* (modum scribendi ludicrum de seriis intelligit) *quatenus veritatem habent patrocinantem admiserit.* Clarius SEXTVS, postquam Monimum inter eos retulisset, qui criterium veritatis sustulerunt, ait ^d: *Anaxarchum ac Monimum, assimilasse res scenae imagini, et existimasse, eas esse similes iis, quae incurrunt in somno et furore.* Et paulo infra ^e: *Monimus Cynicus dixit, omnia esse typhum, siue opinionem inflatam, de iis, quae non sunt, ac si sint.* Qua sententia recte ex veteribus laudati et ex recentioribus GATAKERVVS ^f, MENAGIVS ^g et FABRICIVS ^h obseruant, praelusisse Monimum Scepticis, idem tenentibus, et inanem hominum opinionem, vera se videre credentium, quae talia non sunt, castigauisse. Cum vero hoc dogma a Diogene didicisse non legatur, non inepte quaeritur, quomodo ad id delatus fuerit Monimus? Et refert quidem SEXTVS ⁱ: *dixisse Xeniadem Corinthium, omnia esse falsa, et omnem phantasiam, et omnem opinionem esse fallacem, et ex non ente fieri, quicquid nascitur, et quicquid corrumpitur in nonens interire.* Qui Xenia- des Corinthius, si idem qui Diogenis herus, fuisset, facile inde intelligeretur, ex quo fonte hanc assertionem Monimus hauserit. Verum Xeniadem hunc a Diogenis hero diuersum

^b) Sequimur emendationem H. GROT. in notis ad Excerpta ex Tragicis p. 727. qui Menandri versus ita expresse:

*Fuit olim Monimus sane philosophus,
Sed ignobilior. Pera huic una non erat,
At enim vero tres. Is caninum habitum ferens
Nihil dicebat simile istis sententiis,
Putat, se ipsum nosse, quaeque coacta eiusmodi*

*Sed nec mendicans quicquam, nec sorde oblitus
Non constat, inquit, ea de re, quae sumitur.*

^c) De se ipso L. II. § 15.

^d) Adu. mathem. L. VII. f. 87.

^e) L. VIII. f. 7.

^f) Ad I. c. ANTONINI p. m. 73.

^g) Ad LAERT. I. VI. L. 83.

^h) Ad SEXTI I. c.

ⁱ) I. c. L. VII. f. 53.

uersum eoque multum antiquiorem esse, ex eo recte demonstratur, quod teste SEXTO^k eius Democritus, meminert. Cum tamen hoc *αναπαράστατον* dogma Corinthiis iam ante Monimi tempora notum fuerit, a vero non prorsus abludit, Monimum in Xeniadis vel Democriti libros incidisse, cum haec Corinthi audiisset, et inde in philosophiam suam, cui ad contemnendam et eiiciendam hominum superbiam egregie inseruiebat, transtulisse. Xeniades vero ex Zenonis Eleatae vel Xenophanis philosophia didicisse videtur, nec aliud dicit, quam quod veterum plerique, et inter hos Eleatici imprimis schola asseruerunt, res omnes ex materia constantes fluere, nec materiam semper mutabilem entis nomine dignam esse; non esse enim re ipsa quicquam, sed in momento mutari, et fieri semper aliud ex alio, ex quibus per se sequitur, vanam esse hominum de certis rerum essentialis opinionem: id quod Pythagoram et Platonem abduxit, ut materiae aeterna principia, numeros et ideas adiungerent. Cauendum tamen, ne Eleaticos, Xeniadem, Monimum, ex nonente fieri omnia inter creationis ex nihilo assertores numeremus; nonens enim hic non enti sensu generali sumto, sed substantiae per se subsistenti opponitur^l.

Crates.

§. X. Nobilissimus vero post Diogenem Cynicorum fuit CRATES Thebanus^m, Ascondi filius Thebanus, nobili genere ortus, cui parens praeter sanguinis nobilitatem magnas opes reliqueratⁿ, quos tamen fortunae fauores, qui plerumque seruitutem animis contrahunt, libero reiecit animo, et tranquillae inter paucas et pauperes fortunae circumstantias vitae desiderio captus ad Cynicam sectam se contulit. Occasionem varie narrant veteres^o. Antisthenes in *successionibus* tradit, cum in quadam traegodia cerneret Telephum sportulam tenentem reliquoque habitu vilem; ad Cynicam sectam se contulisse, venditoque patrimonio, cum ducenta fere talenta ex eo collegisset, diuuisse ciuibus. Diocle vero auctore, agros suos pecoribus pascendis permisisse, et quicquid pecuniae haberet, in mare proiecisse^p; quosdam vero ex propinquis ab eo vitae instituto illum reuocantes verberibus abegisse. Aliter Demetrius Magnesius ait; pecuniam eum apud trapezitam deposuisse, ea conditione, ut si quos filios relinqueret, nulla eruditione conspicuos, vulgique vitam agentes, iis pecuniam redderet: sin philosophiam amplecterentur, populo diuideret, philosophos enim pecunia opus non habere. Relicta itaque patria, in qua Brysonem

^k) 1. c.

^l) Haeret de eo GASSENDVS Phys. sect. I. L. III. c. 1. T. I. Opp. p. 232. Recte vero ex numero eorum, qui creationem ex nihilo statuunt, Xeniadem eiiciunt FABR. ad 1. c. SEXTI, et MOSHEMVS diss. de creatione ex nihilo §. XII. inserta CVDW. Systemati intell. p. 970 seqq.

^m) Vitam eius, teste LAMPRIA de scriptis patris, PLVT. scripsit, quae tamen hodie desideratur. Quaedam satis confuse collegit LAERTIUS L. VI. f. 85 seqq. SVIDAS in Crates T. II. p. 370.

ⁿ) ibid. f. 87. qui CC. talenta narrat. PLVTARCHVS de vit. aer. al. T. II. p. m. 437. octo tantum numerat.

^o) LAERT. 1. c. APVLEIUS apolog. p. m. 262. florid. p. 355. PLVT. 1. c. ORIG. contra Cels. L. II. SIMPLIC. ad Epiſt. enchir. c. 10.

^p) Culpabat ideo Cratetem Apollonius, quod nec hominibus nec pecoribus profuisset. PHILOSTRATUS vit. Apoll. L. I. c. 13. STANLEIUS Hist. phil. P. VI. p. 537. vel interpres potius ad Cratetem retulit, quod de Anaxagora dixit Apollonius.

sonem ⁷ antea audiuit ad Diogenem secessit, et constantissime illi adhaesit, magnoque animo Cynicae vitae institutum secutus est. Externo enim vultui natura inuenusto, decori negligens, Cynicae vitae pauperiem et sorditiem adiecit. Erat enim facie turpis, auctus gibbere, et senex incuruus incedebat ⁷, baculum fumebat et peram, tantumque externi ornatus mundique erat incurius, ut idem sibi videretur, siue sindone ornaretur, quo aliquando incedens ab aedilibus Atheniensium reprehensus est ⁷, siue pellem ovis pallio affutam haberet, siue rideretur ⁷. Didicerat enim a Diogene, ad haec omnia aequalem et immotum seruare animum. Tanta vero patientia fuit, ut cum Thebis, alii Corinthi factum esse dicunt, a principe gymnasii flagris caesus esset, pedibusque praeterea traheretur, rideret, et iocaretur: quod et a citharoedo quodam verberibus male habitus fecit ⁷. Animo vero non molesto et subtristi, ut solebat Diogenes, sed iucundo semper usus vitam tanquam festiuitatem quandam, ut ait PLVTARCHVS ^{*} per risum et iocum, exigebat, qua ratione etiam, licet quoscunque carperet, gratus tamen et acceptus omnibus extitit, ubique locorum libenter et cum gratia admissus: quapropter, cum ubique honorifice exciperetur, *ostiorum apertor* dictus est ⁷, quod nomen ideo accepisse PLVTARCHVS ^z refert, quod iocose et iucunde et honestis utendo nominibus reprehenderet. Ex quo tanta ei enata est auctoritas, ut, teste APVLEIO ^a, *lar familiaris apud homines aetatis suae Athenis coleretur, nulla domus ei unquam clausa esset, nec esset patrisfamilias tam absconditum secretum, quin eo tempestiue Crates interueniret, litium omnium et iurgiorum inter propinquos disceptator et arbiter*. Qua ille auctoritate ita usus est, ut Herculis instar, quem Cynici sequebantur, aduersum iracundiam et inuidiam, auaritiam atque libidinem, caeteraque animi humani monstra et flagitia, pugnaret, eas omnes pestes mentibus exigeret, familias purgaret, malitiam perdomaret, ipse quoque ut Hercules feminudus, et claua insignis et Thebis oriundus ^b. Qua in re ad magistri imitationem maxima libertate usus est, qua nec Alexandro M. pepercisse dicitur ^c. Feminarum etiam, quae pudicitiam prostituerant, acerbissimus erat insectator ^d, quas, ut omnes vitiorum sectatores, acutis dictis, et sententiis argutis reprehendebat; merenturque legi, quae

⁷) Fuit is Achaeus philosophus, LAERT. et SVID. l. c. quem ideo inter Cynicos retulit FABRICIUS Bibl. Graec. Vol. II. p. 361. incertum vero, annon Crates eum audiuerit, antequam Cynismo nomen dedisset, conf. IONSIUS L. II. p. 118.

⁷) LAERT. L. VI. f. 90. 91. 93. APVLEIUS l. c. p. m. 355.

⁵) IDEM f. 90. videtur vero hoc ioci magis et reprehensionis quam ornatus causa fecisse, ut philosophos, imprimis Peripateticos ambitiose se vestientes pungeret.

⁷) ibid.

⁷) LAERT. L. VI. f. 89. alii aliis tribuunt, vid.

MENAG. ad h. l. Ita enim accidit Cynicis, ut omnium philosophorum ludicra dicta, ioci atque sales illis, tanquam scurris Graeciae publicis tribuerentur.

^x) PLVT. de tranq. animi T. II. p. m. 252.

^y) LAERT. L. VI. f. 86. 98.

^z) Symposiac. II. T. III. p. m. 150.

^a) l. c.

^b) ibid.

^c) LAERT. L. 6. f. 93. Quod si verum est, Cynicum eius fastum prodit: parum tamen urbanitatis Cratetis laudatae conuenit.

^d) ib. f. 90.

quae collegit LAERTIVS ^e eius apophthegmata, quae ingenii amoenitatem et egregiam disciplinam moralem spirant. Vxorem habuit Hipparchiam, de qua in sequentibus dicemus, non vitae tantum, sed et Cynismi sociam, filias vero discipulis locavit. Scripsit *epistolas*, quibus egregiam, teste LAERTIO ^f, stilo plane Platonico philosophiam complexus est: quae tamen perierunt ^g, Tragoedias quoque gravitate sententiarum commendatissimas elaborasse dicitur LAERTIO, qui fragmenta exhibet, quaedam, licet dubium sit, annon alterius Cratetis tragoedi fuerint ^h. Floruit Olymp. CXIII. et distingui debet ab aliis huius nominis, et Cratete Academico, de quo supra actum.

Hipparchia.

§. XI. Vxorem, vti diximus, Crates duxit Hipparchiam, inter mulieres philosophantes celeberrimam, Marona Thraciae vrbe, ortam. Quam qua ratione duxerit, dignum narratu est ⁱ. Erat illa genere et divitiis potens, et a multis et magnis procis petebatur: illa vero Cratetis amore ita capiebatur, vt parentibus minaretur, mori se velle, nisi huic in matrimonium tradatur. Cratetem itaque adibant, rogantes, vt ipse ei amorem hunc sui ex animo euelleret. Quod cum is verbis diu frustra tentauisset, paupertate et deformitate sua eam deterreri posse, ratus, inter scapulum retextit: quod erat aucto gibbere, peramque cum baculo et pallium humi posuit, eam sibi supellectilem esse puellae professus, eamque formam, quam viderat: proinde sedulo consularet, ne post querela eam caperet. Enim vero Hipparchia conditionem accepit: et iam dudum sibi prouisum satis, et satis consultum respondit, neque ditio rem, neque formosiores vsquam gentium posse inuenire. Cynicam itaque vitam elegit, tunicaque abiecta pallium duplicatum sumsit ^k, et vitam cum eo in coniugio egit, liberis quoque foecundam, vti in antecedentibus diximus. Addunt, praeter LAERTIVM ^l, SEXTVS EMPIRICVS ^m, APVLEIVS ⁿ, et ex Doctoribus ecclesiae THEODORITVS ^o, CLEMENS ALEXANDRINVS ^p atque LACTANTIUS ^q, quam primum se Crateti dedisset, duxisse eam Cynicum in porticum, ibique in loco celebri coram luce clarissima accubuisse, coramque virginem imminuturum fuisse, paratam pari constantia, ni Zeno procinctu palliastri a circumstantis coronae obtutu magistrum in secreto defendisset. Quae si vera essent, validum iis argumentum exhiberent, qui Cynicos omnem decori honestatisque rationem exuisse clamant. Verum dubi-

^e) I. c. et STANLEYVS p. 537 seqq. qui alia quodque collegit.

^f) ib. l. 98.

^g) Quae enim hodie supersunt, editae eam Heracliti et Diogenis epistolis Basil. 1601. 8. sine dubio supposititiae sunt, vt reliquae philosophis tributae. Quod quia agnoscit cel. STOLLIVS Hist. liter. P. II. c. 1. § 41. merito miramur, seum in Hist. phil. moral. gent. §. LXXXI. p. 115. ex istis epistolis syllogem dogmatum Cratetis moralium exhibuisse.

^h) vid. FABRIC. Bibl. Gr. Vol. I. p. 641. conf. p. 419, MENAG. ad I. c. LAERTII.

ⁱ) LAERT. L. VI. l. 96. APVLEIVS l. c.

^k) Recte itaque monuit LAVR. CRASSVS Hipparchiam sumta veste virili secutam fuisse Cratetem, quod ei exprobrabat Theodorus Atheus. Quem perperam ideo notat BAYLE Dict. T. II. art. Hipparchie not. F.

^l) LAERT. loc. cit.

^m) Pyrrh. hyp. L. I. c. 14. L. III. c. 24.

ⁿ) I. c.

^o) De cur. Graec. affect. serm. XII.

^p) Stromat. L. IV.

^q) L. III. c. 15.

dubitari ea de re non tantum potest, sed et debet. Iisdem enim argumentis, quibus fabulas de Diogene supra deteximus, suspecta fit narratiuncula. Non testes coaeui, sed longo a Cratetis tempore interuallo remoti; silentes propiores, etiam ubi singulare et inusitatum exemplum fas erat adduci; res ipsa tota contraria spectatissimae tantaque veneratione cultae virtuti Cratetis, quae non omne tantum quod inhonestum esset, reprehendebat, sed et libidinem et impuritatem vatiniano prosequatur odio. Nec persuaderi potest attentis ad Cratetis historiam lectoribus, virum constantiae laude inter diuinos homines relatum, contraria suis dogmatibus coniugi suafuisse; ita vero docebat ¹: ornare mulierem id, quod honestiorem eam faciat; talem autem praestare non aurum, non smaragdum, non coccum, sed quaecunque grauitatis, moderationis et pudoris eam induant facie. Haec cum feminis commendaret Crates, in quem tanquam virtutis doctorem intuebatur Hipparchia, qui potuit pudorem, quem supra omnia mulieres difficillime ponunt ², ita abiicere omnem, ut publice cum sponso congregaretur? Confirmat haec admodum silentium Epicteti, Athenaei atque Luciani itemque Stoicorum. Epictetus, qui coelibem vitam Cynico commendauerat, obiectum sibi Cratetis coniugium repellens, singularem quidem eam rem esse ait, et singularem mulierem, quae alter Crates esset; nihil vero de nuptiis his dicit, dicturus, ut incommoda earum ostenderet, si res ita se habuisset ³, Athenaeus vero et Lucianus, qui tanta diligentia philosophorum opprobria congefferunt, num tacuissent infandam proteruiam, si id verisimili argumento obicere Cynicis fuissent ausi? quorum tamen vterque Cratetis saepius meminit. Nec ratio dari potest, cur Stoici, eorumque conditor, Zeno tanta admiratione prosecuti sint Cratetem, si proscripto omni pudore ita vixisset. Non dubitamus itaque hanc quoque historiolam inter fabellas referre, quibus vulgus aures solent pasci, quaeque ideo excogitatae fuere, ut vel Sophistae occasionem haberent, splendide de Cratete fingendi, vel philosophomastiges, mentiendi. Omitti itaque potuissent, quae vel PETITVS et BARLAEVS in has nuptias lusere, vel dixit P. BAYLIUS ⁴. Etsi vero impudentiae litauisse probabile non est, verisimile tamen est, contra morem Graecorum Hipparchiam conuiuiis interfuisse ⁵. Qua occasione Theodorum Atheum, quocum disputauerat, eam risui ceterorum exposuisse, supra diximus. Vtrum scripserit aliquid, incertum est, licet id tradat SVIDAS, malus veterum, imprimis LAERTII confarinator ⁶.

§. XII. Hipparchiae frater fuit METROCLES, et ipse discipulus Cratetis ⁷. Is initio Theophrastum audiuit, et Xenocratem quoque ⁸, postea
V V V V V 2 Metrocles.
ad

¹) STOBÆVS serm. CXLIII. p. 662.

²) Notat hoc MENAGIUS Hist. philos. mul. §. 63. qui vel hoc argumento motus de narrationis veritate dubitare debuisset.

³) ARRIAN. diff. Epictet. L. III. diff. 22.

⁴) Diq. T. II. art. Hipparchia not. C. D.

⁵) LAERT. l. 79.

⁶) Conf. FABRIC. Bibl. Gr. Vol. II. p. 363.

⁷) LAERT. L. VI. l. 94.

⁸) STOBÆVS serm. CCXXXVII. p. 778. ex Teletis epitome de comparat. diuit. et paupertatis.

ad Cratetem delatus est. Pusillo vero timidoque fuit animo, adeo, ut in Academia philosophiae operam nauans, timeret, ne fame ipsi sit pereundum, licet affatim ei res familiaris suppeditaret, unde commode viueret ^a. Fame quoque se enecasset, cum aliquando inter recitandum crepitus ventris eum interpellasset, pudore atque dolore animi suppressus, nisi eum Crates primo verbis, postea verberibus frustra consumptis, exemplo reuocasset ^b. Eius vero institutione ita mutatus est, ut cum antea ne se quidem alere posse confideret, licet necessaria ei suppeterent, alium tamen postea alere auderet, quamuis nihil amplius ei domo suppeditaretur ^c. Vitam vero Cynicam ducens, hieme inter oues, aestate in vestibulis templorum dormiens, prouocauit ad certamen de felicitate Persarum regem Babylone hiemantem, et aestiuo tempore in Media degentem ^d. Libros vero suos ipse combussit, somnia et nugas sua esse existimans, quod et dictatis Theophrasti fecisse dicitur ^e: quod argumento est, parum eum scientiis tribuisse, vitamque magis Cynicam, quam disciplinam philosophicam adamasse. Moderatum tamen sapit animum, quod tradidisse, auctor est LAERTIVS ^f. Res alias pecunia comparari, ut domum; alias tempore et diligentia, ut disciplinas liberales; diuitias vero nocere, nisi quis recte utatur. Obiit senex, se ipsum suffocando. Discipulos Theombrotum habuit et Cleomenem. Theombroti auditor fuit Demetrius Alexandrinus, Cleomenis Timarchus Alexandrinus et Echeclès Ephesius, qui etiam Theombrotum fuit secutus: Echeclès discipulum habuit Menedemum.

Menedemus.

§. XIII. In MENEDEMO, Coloti Lampfaceni ^{ff} discipulo, vita Cynica degenerauit in furorem. Is enim, teste Hippoboto ^g, eo usque superstitionis peruenerat, ut sumto habitu furiae, circumcurfaret, dicens, speculatorem se ab inferis aduenisse iis, qui peccant, ut ad inferos redux, ea quae vidisset, inferorum diis renuntiaret. Veste itaque pulla, tunica talari, astricta puniceo balteo, pileo Arcadico capiti imposito, cui intexta erant elementa duodecim: cothurnis tragicis, barba proluxa, virga in manu fraxinea incedebat. Narrat haec quoque SVIDAS ^h, et totidem quidem verbis, quibus Laërtius, sed Menippo tribuit, sine dubio vel propria festinatione vel ex scriptorum, quos adhibebat, ut saepius ei accidit, deceptus incuria. Discipulum et familiarem habuit Ctesibium, Chalcidensem, sanguine sibi iunctum; hominem ingenii festiui et ad iocos atque sales argutos nati, qui ea elegantia et iucunditate differendi liberum sibi ad coenas diuitum aditum para-

^a) ibid.

^b) LAERT. I. c. quod exemplum est, Cynici qua ratione naturalia non esse turpia putarent. conf. MENAG. ad h. l.

^c) STOBÆVS I. c. qui Cratetis de pecuniae usu apud philosophantem sententiam quoque affert.

^d) PLUTARCH. an vitios, ad infelic. sufficiat T. II. p. m. 121. Eadem sententia tribuitur Diogeni Athenis hieme, Corinthi aestate degenti,

unde, quam incerti hi rumusculi sint. liquet. Rationem vero viuendi duram, quam secutus est Metrocles, idem Teles proluxa prosequitur, qui locus vitae Cynicae circumstantias valde illustrat.

^e) LAERT. I. c. 95.

^f) I. c. qui etiam sequentia habet.

^{ff}) Non confundi debet cum Colote Epicureo,

^g) LAERTIVS I. VI. f. 102.

^h) In *scis* T. III. p. 589.

parauit: cuius meminit *ATHENAEVS*ⁱ, ex quo discimus, eum vixisse sub rege Macedoniae Antigono.

§. XIV. *MENIPPVS* Sinopenfis patria, ortu Phoenicius Gadarenfis *Menippus*. fuit, conditione seruus Batonis, Pontici hominis^k. Qui cum opibus inhieret, Thebas se contulit, libertatemque ab ea ciuitate fuit adeptus. Ibi mercatoribus pro foenore pecuniam locauit, pignore quoque accepto. Postremo mercatoria fraude omnibus bonis suis emunctus, laqueo vitam finivit. Libros eius, nisi ab aliis acceperit^l, multo risu refertos fuisse veteres testantur, imitatusque est scribendi genus *σπᾶδογελοῖον* satyris suis Varro, quas ideo Menippeas vocauit, teste *GELLIO*^m. Quem morem postea secuti sunt *PETRVS CVNAEVVS* et *IYSTVS LIPSIVS*ⁿ. *LVCIANVS* autem aliquot dialogis^o ad irridendos philosophos Menippi persona vsus est. Non confundendus vero est cum Menippo Lycio, itidem Cynico, sed Apollonii Tyanensis aetate vigente^p, de quo suo loco dicetur. Alios Menippos enumerant *LAERTIVS* et *MENAGIVS*.

CAPVT NONVM.

DE SECTA STOICA.

SECTIO I.

DE ZENONE EIVSQUE PHILOSOPHIA.

§. I.

Cynicae sectae propago fuit Stoica, cuius conditor Zeno Cratetis disciplina in morali philosophia formatus est. Hinc dicti Stoici tunica tantum a Cynicis distantes, vt supra dictum. Elegantius vero rem orna- *Scriptores de Stoicis.* uit suam Zeno, et non tantum de morali philosophia sollicitus morum praecepta tradidit, sed et vniuersae philosophiae systema ex praeceptorum, quas audierat, doctrinis conflatum excogitauit, nouamque ita philosophandi viam aperuit, cuius historiam hoc capite exponemus. Dolemus

VVV VV 3

vero

ⁱ) L. I. p. 15. L. IV. p. m. 162. Debet is addi catalogo Cynicorum, quem dedit *FABRICIVS* Bibl. Graec. Vol. II. p. 360. qui tamen alio loco *Ctesibii* Cynici meminit p. 592. not. Emendationes quasdam huius catalogi, *COZZANDI* indice longe plenioris habet *Aët. Phil.* Vol. II. p. 912 seqq.

^k) *LAERT.* L. VI. f. 99.

^l) Quidam enim *Zopyri* et *Dionysii Colophoni*orum esse, quos recenset *Laërtius* libros, contendunt, alii *Meleagro Gadarenfi*, risus Cynici captatori tribuunt, vid. *LAERT.* L. VI. f. 100. *MENAG.* ad h. l. *IONSIUS* L. IV. p. 338. *FABRICIVS* l. c. p. 364.

^m) L. II. c. 18.

ⁿ) In satyris Menippeis.

^o) In *Icaromenippo* T. I. p. m. 674. in *Charonte* et *Menippo* T. III. p. 81. in *Menippo* et *Philonida* T. III. p. 97. conf. T. IV. p. 140. qui etiam, in *Diog.* et *Polluc.* T. I. p. m. 240. prodit, vel in *Craneo Corinthi*, vel in *Lyceo Athenis* degisse. Nisi haec ipse *Lucianus* ei decori, quod postulabat dialogus, causa attemperauerit.

^p) Ita quidem *Menippum* apud *EUNAPIVM* prooem. eundem cum nostro esse, non cum *Lycio*, de quo *PHILOSTR.* vit. Ap. II. L. IV. c. 25. putat *FABRICIVS* l. c. qui tamen expresse l. c. ad tempora *Apollonii* refertur ab *Eunapio*.

vero non extare Apollonii Tyrii *indicem philosophorum Zenoniorum eorundemque librorum*, quem laudat STRABO ^a, et saepius citat LAERTIVS ^b; vixit enim is Ptolomaei Auietae temporibus, quibus admodum inclarescebat Stoica familia. Licet vero sibi persuaferit doctissimus IONSIUS ^c, extare huius Apollonii Tyrii *πίνακα τῶν ἀπὸ Ζηνώνος φιλοσόφων*, in bibliothecis Galliae et Angliae, certum tamen est, longe aliud scriptum esse, fabulamque aliquam eroticam de Apollonio quodam Tyrio rege ^d. Consulenda itaque post LAERTII diligentiam, quam insignem in modum auxit MENAGIVS, et ea, quae post multos veterum CICERO atque SEXTVS EMPIRICVS retulere, ipsa Stoicorum, quae supersunt scripta, et imprimis tria illa porticus ornamenta SENECA, EPICETVS et ANTONINVS imperator, iungendaque, quae ex recentioribus viri eruditissimi collegerunt de Stoica philosophia. Quorum quia labores recensuit doctissimus HEVMANNVS ^e, eo lectorem dimittimus, laudata potissimum IVSTI LIPSIJ industria, qui in *manuductione ad philosophiam Stoicam* et in *dissertationibus de physiologia Stoica* ^f, vtilissimum et eruditum nobis exhibuit philosophiae Stoicae compendium, quod postea GASPAR SCIOPPIVS iterum expressit ^g. Merito his iungimus THOMAE GATAKERI in *Antonini de se ipso libros commentaria*, in quibus multa ex veteribus pleno quasi horreo collegit, quae lucem Stoicae philosophiae accendunt clarissimam. Cogitavit IONSIUS ^b quoque de *Stoicorum historia*, nunquam tamen edita; et laudat etiam MORHOFIVS ⁱ librum de *philosophia Stoica*, magni viri DANIELIS HEINSII, quod tamen non aliud scriptum videtur esse, quam *oratio eius de philosophia Stoica* ^k, in qua breuiter et eleganter manuductionis Lipsianae summam more suo enarrauit. Addi ex recentioribus catalogo Scriptorum de Stoicis eorumque philosophia cl. HEVMANNI possent plures, si nobis constitutum esset, bibliothecam scriptorum historiae philosophicae confarcinare: nos vero ad alia vocamur, ideoque haec lectoris potius diligentiae, passim eiusmodi indices deprehensuri ^l relinquimus, et ipsorum Stoicorum praecipuorum historiam et philosophiam enarramus. Fuit vero successio Stoicae familiae haec: Zeno Citicius, Cleanthes, Chrysippus, Zeno Tarsensis, Diogenes Babylonius, Antipater Panaetius, Posidonius. Praeter eos multi quoque Stoici ante C. N. celebres fuerunt ^m, ex quibus quosdam insigniores infra nominabimus ⁿ.

§. II.

a) L. XVI. p. 757.

b) L. VII qui de Stoicis agit.

c) De Script. hist. philos. L. II. c. 18. p. 208. eius iudicium secutus est THOMAS BURNETIVS archaeol. phil. L. I. c. 13. p. 438.

d) Latine edita est a M. WELSERO, conf. FABRIC. Bibl. Graec. Vol. II. p. 389. VOSSIVS de hist. Latin. L. III. p. 729. quem tamen ipse laudat Ionsius.

e) Aët. philos. Vol. I. p. 741 seqq. Vol. II. p. 163 seqq.

f) Vltimur editione Lugduno Batava 1646. 12.

g) In manudu. ad philos. mor. Stoicorum conf. Aët. philos. l. c.

h) l. c.

i) Polyhist. lit. T. II. L. II. P. I. c. 8. p. 191.

k) Orat. XXIV.

l) Videndus MORHOFIVS, STRVVIUS, alii- que, SEV. LINTROPPI additiones ab HEVMANNO allatas augebit ALB. THVRAE Idea historiae liter. Danorum.

m) Indicem Stoicorum, post COZZANDVM de magist. philosoph. L. II. c. 3. p. 298. dedit cl. FABRICIVS Bibl. Graec. Vol. II. p. 386 seqq.

n) Successionem Stoicam, qualem dedimus, probat LAERTIVS L. VII. conf. IONSIUS L. II. c. 1. p. 115. LIPSIUS Manud. L. I. diff. 2. p. 52.

§. II. Sectam condidit ZENO^e, Cittii, vrbe maritima in insula Cy- *Zeno Cittieus*
 pro², natus, vnde, vt ab aliis Zenonibus apud veteres illustribus distin- *sectae auctor.*
 guatur, Cittieus dici solet, qualem se dici ipse viuus voluit⁹. Aedifica-
 runt vero hanc urbem Phoenicum coloniae⁷, quæ causa fuit, ut Zeno quibus-
 dam Phoenicius dictus sit⁸ curque exprobratum ipsi, quod aduena esset
 ignobilis⁸. Pater enim Mnaseus, quem Demeum alii vocant, mercatorem
 egit, filium tamen et naturali inclinatione, et oraculi monitu⁹, totum
 literis se dedentem, mature philosophiae assuefecit. Mercaturam enim
 exercens Athenas saepe inuisebat, compluresque libros imprimis Socrati-
 cos, Zenoni iuueni asportabat. Annos natus XXX. vel quod alii volunt,
 XXXII⁹. Athenas venit, tum mercaturae causa, vt purpuram ex Phoe-
 nicia aduectam venderet, tum philosophiae gratia, vt quos scribentes lege-
 rat, differentes audiret, factumque tum est, vt reiecta mercatura totus
 philosophiae se manciparet studiis. Varie tamen rem narrant veteres.
 Quidam magnam pecuniae summam⁹ secum attulisse dicunt, mercibusque
 diuenditis philosophiae se totum dedisse, nautis interea locata foenore pe-
 cunia, vt patrimonium augetet. Alii nauem ad Piraeum naufragium fe-
 cisse asserunt, eum vero nihil ista iactura commotum, fortunae beneficium
 praedicauisse, quo ad philosophiam compelleretur, et expeditius philoso-
 phari posset. Alii nauis iacturam, referunt, passum, Athenas ascendisse, et li-
 brario assedisse, atque Xenophontis commentariorum secundum legisse; quo
 delectatus interrogauerit librarium, vbinam tales morarentur viri? Qui,
 opportune tum praetereunte Cratete, digito illum monstraauerit, huncque
 sequi iusserit: hocque fecisse, et sic Cratetis discipulum factum esse⁹.
 Quarum narrationum posterior verisimilior est prioribus; licet secunda
 cum tertia facile conciliari queat. Tantam enim pecuniae summam ho-
 minem, philosophiae genus pauper et inops sequentem conseruauisse pro-
 babile non est. Videturque ipsa Cratetis vita, contempto omni rerum hu-
 ius vitae usu, paucissimis contenta, occasionem dedisse Zenoni facultati-
 bus suis spoliato, philosophiam eandem sequendi. Crateti itaque adhaesit
 eiusque magnum in agendo et dicendo animum vehementer admiratus,
 cuius tamen decori omnis neglectum et impudentiam deuorare non potuit,
 licet animo ei hoc praeiudicium euellere, ridiculo facto Crates laborauerit⁹.
 Phi-

Phi-

e) Vitam scripsit Apollonius Tyrius, de quo supra. Incertum vero, vtrum peculiare scriptum fuerit, an pars indicis Stoicorum. conf. FABRIC. l. c. p. 389. HEMMINGI vero FORELLI diss. de Zenone non vidimus.

p) Male Macedoniae urbem facit CUIACIUS Obseru. l. III. c. 38. vt recte obseruatum ION SIO l. c. p. 114. Potiora de hac Cypro vrbe collegit MEYRSIUS in Cypro descript. l. I. c. 10. p. 30.

q) LAERT. l. VII. f. 12. Erat enim clara mercatoribus et viris doctis. vid. MEYRSIUS l. c. l. II. c. 29. p. 161.

r) CIC. de fin. l. IV. LAERT. l. VII. f. 1. conf. BOCHART. Geogr. S. P. II. l. I. c. 3. p. 370.

s) CICERO l. c. LAERT. f. 3. SVIDAS v. Zeno T. II. p. 8.

ff) CICERO Tusc. Qq. l. V. c. 12.

z) Interrogatus Apollo, quo pacto optime vitam duceret, respondit, si mortuus concolor fieret, quod ille ad improbum legendi et studendi laborem re-
 tulit.

u) LAERT. l. VII. f. 2. 28.

v) Milie talenta habet LAERTIUS f. 13. STAN-
 LEIUS P. VII. p. 542. centum ait, forte quod illa
 summa incredibilis est pro priuato homine

x) LAERT. f. 2. SENECA de tranq. anim. c. 14.
 PLUT. de cap. ex host. utilit. T. II. p. m. 200.

y) Narrat rem LAERTIUS f. 3. quem vide,

Philosophicis vero tum meditationibus se totum addixisse, liber, *de re publica*, tum ab eo scriptus, argumento est, quem sub canis cauda confectum esse, inde quidam liberius iocati sunt². Non tamen solis praeceptis morum addiscendis contentum erat igneum Zenonis ingenium; nec probabat ille Cynicos, omnes reliquas disciplinas reiicientes. Ad alios itaque philosophos diuertit, et imprimis Stilponem audiuit decennio perpetuo^a, indignante eumque, licet frustra, retrahente Cratete^b. Praeter hunc Xenocratem quoque audiuit, vtriusque vero institutione vehementer delectatus est^c. Hippoboto porro auctore, inde ad Diodorum Cronum venit, apud quem dialecticae studio tanto feruore se dedit, ut eius argutias magni redimeret^d. Tandem collectis vndiquaque ingenii diuitiis Polemonem audiendum adhuc esse ratus est^e; videturque tum iam scopus Zenonis, sectam ex confusis inter se et corrasis variorum systematibus condendi patuisse. Ferunt enim Polemonem dixisse: *Non latet nos, Zeno, te Phoenicio more f per horti ianuas irrepere, atque dogmata furari f*. Nec deceptus est opinione sua Polemo. Conflato enim nouo ex aliorum doctrina, philosophiae systemate, communicandam cum aliis excogitatam sapientiam putans, nouam sectam erexit, et philosophiam suam docere coepit. Cumque publica Atheniensium loca philosophorum cathedrae iam occupassent, ipse porticum elegit, a Polygnotti aliorumque figuris *Poecilen* appellatam^g, in qua qui antea ex eruditorum numero conuenerant, Stoici dicebantur^h, ex qua consuetudine tandem Stoicorum nomen Zenonis affeclis adhaesit, cum prius Zenonii dicerenturⁱ. Huc maximus discipulorum factus est concursus fama Zenonis illectorum, qui subtilissimus erat in disputando, qua arte tunc summa eruditionis laus quaerebatur; diu enim cum Philone dialectico se exercuerat, atque vna studio vacauerat^k; cui cum elegantem virtutis in vita expressae, imaginem adderet, et severam morales disciplinae faciem exprimeret, mirum non est, non tantum discipulorum amorem et applausum consecutum fuisse Zenonem, sed et regum principumque fauorem atque beneuolentiam meruisse. Imprimis

2) Ibid. Dicemus hoc de libro paulo infra.

a) LAERT. L. VII. f. 2.

b) Iucunde repressit Craterem, pallio eum a Stilpone retrahentem, dicens: Rectius feceris o Crates, si auribus philosophiae studiosos teneas. Suada itaque eos trahe. Si vim feceris vero, corpus habebis quidem, animum Stipo LAERT. f. 24.

c) ibid. f. 2.

d) ibid. f. 25.

e) ib. f. 35. SVIDAS l. c.

f) i. e. fraudulenter.

ff) Inde iudicandum est, quousque ad Socraticos referri queant Stoici, quod aliqui faciunt, vid. VOSSIVS de fest. c. XIX. §. 4. MORHOF. Polyhist. T. II. p. 2. Scilicet hoc intuitu tantum morales philosophiae valet, reliquas enim partes neglexit Socrates. Ostendemus tamen, Zenonem multa quoque debuisse Platoniciis.

g) Fuit haec porticus, ex multis, quibus

Athenae superbiebant, celeberrima, dicta etiam Pissanactia, et postea Poecile, siue varia, propter ingentem pulcherrimarum tabularum numerum, quas excellentissimi pictores Polygnotus, Mycon et Pandaemus Phidiae frater pinxerant, vid. PLINIVS H. N. L. XXXV. c. 9. LAERT. L. VII. f. 5. et MENAG. ad h. l. SVIDAS v. Polygnotus T. III. p. 143. T. II. p. 228. Earum picturarum argumentum exponit PAVSANIAS L. I. p. 27. qui et statuarum ibi positarum meminit p. 13. 78. Sustulere eas postea Romani, vid. SYNES. ep. 54. p. 135. Haec porticus, quae reliquas antecellebat, sensu eminenti dicta est Stoa. Conf. cl. CROPHIVS diss. de gymn. liter. Ath. p. 49 seqq.

h) LAERTIVS L. VII. f. 6. Poëtis, HESYCHIVS Grammaticis locum ibi differendi datum fuisse, nomenque Stoicorum asserit.

i) LAERT. l. c.

k) ib. f. 15. 16.

mis vero maximi Zenonem fecit Antigonus Gonates Macedoniae rex, qui eum, quoties Athenis commorandum ei erat, audiuit, eumque iteratis, ad se veniret, precibus inuitauit. Afferit Antigoni ea de re literas, et Zenonis quoque responforiam epistolam LAERTIVS ¹, quas genuinas esse non dubitant magni viri IVSTVS LIPSIUS ², PETRVS GASSENDVS ³, THOMAS STANLEIVS ⁴, rectius dubitantibus ALDOBRANDINO ⁵ et FABRICIO ⁶. Persaeus enim Zenonis discipulus, quem ad Antigonum misisse suo loco dicit LAERTIVS, LXXII. tantum vitae annos Zenonem attigisse refert, in Zenonis vero ad Antigonum epistola, senectutis veniam sibi dari poscit, esse enim octogenarium. Ipsa quoque dictio, et totus epistolarum harum habitus reliquis, quae ex Sophistarum scholis prodierunt, adeo similis est, vt verisimillimum sit, ex eadem officina illas prodiisse, si etiam, quod nonnulli contendunt, concedamus nonagesimum aetatis annum Zenonem superauisse. Dubitari tamen nequit, non audiuisse tantum Antigonum Zenonem, sed magna etiam veneratione eum suspexisse: narrantque veteres ⁷, dixisse Antigonum: nunquam se angi et aestuare solitum, quod sciret, nisi quando cum Zenone congrediretur: quod ideo factum fuisse coniicit EPICETVS, quod vellet ei placere, quod tamen extra illum positum fuerit. Nec aliter Athenienses, apud quos tanta auctoritate Zeno pollebat, vt castellorum apud eum claues deponerent, vt cui soli publica libertas tutissime concederetur, qui et aurea corona et aerea imagine eum honorarunt ⁸. Sed et magnus eius honor fuit apud Cypri incolas, tam indigenas, quam ex coloniis ortos, siue Sidonios, vnde ortum ipse trahebat ⁹. Erat, teste Apollonio, corpore gracili, statura satis procera, et corneolus, facie graui et seuera, supercilio adducto, valetudine minus firma, quam tamen magna temperantia fulciebat, vnde etiam a conuiujs abstinuit, ciboque plerumque vsus est ficubus recentibus, pane et melle ¹⁰. Id quod miro conuicio obiectum illi est a comicis, esurientis philosophiae genus illi exprobrantibus, et in prouerbiū abiit, vt Zenone continentiores dicerentur, qui summum in his gradum attigissent ¹¹. Non obstante autem frontis et oris seueritate, facilem tamen se omnibus praebebat, nec coenam etiam, sed frugalem et parcam, apud amicos recusabat ¹², popularemque ostentationem deuitans, extremum, ne cui molestus esset accumbentium, occupabat locum. Neque cum pluribus, quam duobus vel tribus obambulabat, turbamque deuitabat hominum, adeo vt interdum

con-

1) l. c. f. 7.

2) Manud. ad Phil. Stoic. L. I. diff. 10. p. m. 55.

3) Vit. Epic. L. III, c. 1. p. m. 80.

4) l. c. p. 545.

5) Ad LAERT. L. VII f. 28.

6) Bibl. Graec. Vol. II, p. 414.

7) ARRIAN. diff. Epict. L. III. c. 13. SIMPLIC.

ad Enchir. c. 51. p. m. 187. AELIAN. L. IX. c. 26.

8) LAERT. f. 6. MENAG. h. l.

9) LAERT. f. 6. qui ita intelligendus est.

10) ib. f. 1.

11) ib. f. 27. vbi Philemonis versus recitantur.

12) Antigonum saepe apud eum coenasse refert LAERT. l. c. quas regias dapes frugalitate conditas fuisse, Zenonis apparatus prodit, qui fuit,
 ἑὺς ἄριστος, ὁ ψὸν ἰσχυρὸς, ἐν τῷ τῆν ὕδατι.
 Panis vnus; caricaque et aquam bibere.

CLEM. ALEX. Strom. L. II. p. 413. conf. LAERT. f. 25. qui paulo aliter hos Philemonis versus legit,

confluenti populo numos distribueret, ne sibi molestias crearet. A fastu vero adeo alienus fuisse dicitur, ut nudos quoque furdosque in familia haberet, quod false ei obiecit Timon in illis. Rem vero familiarem summa frugalitate et exiguis expensis curabat, ita ut peregrinam tenuitatem ea redoleret; seruulo usus est unico, ut habet LAERTIVS ^v, ut SENECA ^w vero, nullo. Neque id tamen auaritiae vitio, sed naturae paucis contentae feueritate; auarum enim minime fuisse mire probauit, Demochare illum salutante, atque dicente, si quid opus haberet, scripturum se Antigono, praebituro omnia: adeo enim illi indignatus est, ut nunquam postea cum illo congregaretur. Mirabilis quoque erat in redarguendo, Cynicamque argute dicendi et carpendi artem magna iucunditate et suauitate temperabat; circumcise et quasi ex longinquo redarguens, cuius exempla multa nobis seruauit LAERTIVS ^x, qui saluberrima quoque monita, quibus virtutis exercitium commendauit, recitat. Sic vestitu quoque Cynicum praeceptorem in eo imitatus est, quod vile et tenue pallium, quod et ipse duplicabat, adhiberet; tunica tamen seruata, quam vestitus rationem Stoici postea constanter tenuerunt, eandemque vultus grauitatem et austeram faciem, quam magister temperamenti et disciplinae, in qua educatus fuerat, ductu expresserat, affectarunt ^y. Etsi vero magnus ubique erat Zeno, obrectatoribus tamen et inimicis non caruit, fueruntque inter philosophos ei coaeuos, qui, cum magno ingenii acumine, et viuida eloquentia pollerent, non sine vehementia in Zenonem surrexerunt. Inter eos excelluisse, et non sine animi vehementia se nascenti Stoicismo opposuisse Arcesilaum et Carneadem, Academiae mediae et nouae conditores, in antecedentibus dictum est, ubi, etiam pluribus demonstrauimus, qua ratione ἀναπαλιψως dogma Stoicis ἐπελήψεσιν opposuerint. Iungendus his Epicurus est, circa eadem, quo florebat Zeno tempora, nempe Olymp. CXX. ut SVIDAS ^z ait, vel A.V.C. CDLXX. ut definit GELLIVS ^a, nouam sectam condens, licet paulo fuerit iunior, ante Zenonem tamen senem denatus. Is enim cum reliquarum sectarum ducibus, tum praecipue Zenoni, qui magna gloria tum efflorescere coeperat, et vitae, et disciplinae, et doctrinae ratione se opposuit. Zeno enim austerum seruabat vultum, naturaque subtristis et contracta fronte incedens, summam prae se ferebat grauitatem, quam sectatores ad superstitionem usque imitabantur: hinc sapiens Stoicus magni apud plerosque habitus. Epicurus vero natura humanior, et qui ultra vitae humanae sortem philosophiam non vrgebat, hypocrisin apud plerosque Stoicos, certe inania et naturam humanam excedentia vota, quae nunquam implerentur, ea esse per-

videns,

v) f. 14. 16. qui haec omnia narrat.

w) Consol. ad Heluiam c. 12.

x) f. 17 seqq.

y) Hinc sola tunica a Cynicis distare dicti sunt IUVENALI Sat. XIII. corpus radebant, et villissimum victu vivebant. PERSIVS Sat. III. v. 54. seqq.

*Quaeque docet sapiens braccatis illita Medis
Porticus, insonnis quibus et deorsa iuuentus
Inuigilat siliquis et grandi pasta polenta.*

z) l. c.

a) Lib. XVII. c. 21. Plura de hac aemulatione Zenonem inter et Epicurum dicemus infra c. XIII. ubi de Epicuro et eius philosophia.

videns, quae de sapiente suo magnifice dictabant, philosophiam non solum moralem humano animo magis attemperauit, et quam Zeno in exilium egerat, voluptatem, in hortos suos reuocauit; sed et derelictis phaleris, quibus populo placere studebat Zeno et assedae, vitam egit cum discipulis ad animi tranquillitatem valde comparatam. Inde magnae inter Zenonem et Epicurum atque vtriusque sectatores obtrectationes et calumniae, et opposita quoque inter se dogmata; vt postea quoque dicemus: quod quia latius exposuit eruditissimus GASSENDVS ^b, cum adiri a lectore cupimus, breuitati consulentes. Non vnus vero generis sunt, quae Zenoni obiecta sunt. Inter quae primarium est, eum inuidia odioque tantum ductum ex aliorum inuentis gloriam sibi quaesiuisse, et surreptis praeceptoribus melioribus non tam nouam philosophiam, quam noua verba discipulis vendidisse, et *exiguam*, vt ait CICERO ^c, *causam habuisse, cur a praeceptoribus, praesertim Platonicis discederet*. Supraque iam obseruatum est, Polemonem mature hanc Zenonis fraudem detexisse. Nec quae LIPSIVS ^d pro Zenone assert, talia sunt, vt multum remeius inuent; si enim Pythagoreorum, Platoniorum, Heraclitique, cuius libros Zeno legerat ^e, atque Cynicorum et Dialecticorum philosophia cum Stoico systemate comparatur, apparebit luculenter, verum esse, quod ait CICERO ^f, *Zenonem non tam rerum inuentorem fuisse, quam nouorum verborum, et qui decori magis atque verecundiae rationem haberet*. Adiciunt his, qui Zenonem culpant, non erubuisse virum, qui tantam morum seueritatem, tamque austeram virtutem prae se ferret, calumniis aduersariorum doctrinam vitamque commaculare, et imprimis Epicurum, eiusque philosophiam, tanquam ad morum corruptionem tendentem, apud populum denigrare; qua in re grauitur peccasse contra Epicurum, suo loco demonstrabimus ^{ff}. Sunt et alia, apud LAERTIVM ^g legenda, quae aemuli eius in eius potissimum scriptis reprehendebant, quae maximam partem ex opere eius *de republica* excerpta sunt, et paradoxa Stoica sapiunt, ab aliis non satis intellecta, quaedam etiam ad disciplinam Cynicam referri debent, in qua tum versabatur, cum celeberrimum librum conscriberet: qualia sunt, quod pecuniam, rerum permutationis et commerciorum causa tollebat, quodeundem virorum et mulierum vestitum esse iubebat, et his similia ^h. Addi possunt his longe grauiora, et imprimis, quod SEXTVS EMPIRICVS ⁱ ipsis Zenonis verbis profert: non esse turpe, naturam matris fricare, vt turpe non sit, alia corporis parte dolentem fricando iuuare,

X x x x 2

immo

^b) In vita Epicuri L. III. c. 1. p. 79 seqq.

^c) De finibus L. IV.

^d) Manud. ad phil. Stoic. L. I. diff. XV. p. m. 85 seqq. Is enim eclecticam philosophandi rationem Zenoni vindicat, quem tamen praeceptorum plagiarium fuisse collatio systematis Stoici cum praeceptorum Zenonis decretis probat.

^e) Conf. FABR. Bibl. Gr. Vol. II. p. 413.

^f) De finibus L. III. Hinc et T. sc. Q. q. L. V. vocat eum ignobilem verborum opificem. Ideo obie-

ctum Stoicis spinosum de verbis differendi genus, falseque derisi a comico apud ATHEN. L. XIII.

Audite Porticenses, mercatores nugarum, Verborum arbitri et censes.

^{ff}) Conf. GASSENDVS l. c.

^g) Lib. VII. f. 32. MENAG. ad h. l.

^h) Hinc supra iam ex LAERT. relatum, dixisse quosdam, librum sub cauda canis exaratum fuisse.

ⁱ) Adu. mathem. L. XI. f. 191. conf. Pyrrh. hypotyp. L. III. f. 205. 245. CHRYSOST. adu. gentiles T. I. p. 662.

immo et paedicare licere. Vt tamen verum fateamur, impetrare a nobis non possumus, vt credamus, Zenonem a morum et vitae integritate tantam laudem consecutum, vt in prouerbum abiret eius continentia, ita, posthabito omni pudoris, honestatis et verecundiae discrimine, fuisse tam impudenter philosophatum, eumque, quem ob verecundiae et decori meliorem rationem habitam laudat C I C E R O ^k, impudentia Cynicorum sordidaequasse. Nec hoc a secta Stoica simpliciter dictum fuisse credi potest, quae sanctissima secta habita fuit, et in voluptates vehementer declamauit; ac iurato atque vatiniano odio in voluptatem Epicuri insurrexit, quem paria obiiciendo et retorquendo respondisse, nuspiam legitur. Recte itaque ex his concluditur, esse haec ex eorum numero, quibus fama et existimatio Zenonis sectaeque ab eo institutae lacerata est, *περδαν* vero atque colorem quaesitum esse, vel ex Cynicae sectae opprobriis, a qua parum distare Zeno et sequaces credebantur, vel ex iis Zenonis et Chryssippi scriptorum locis, quibus naturale a morali, indifferens ab honesto, et decorum ab utroque noua haecenus et inaudita ratione differre praecipiebant. Quibus cum naturalia non habere turpitudinem contenderent, sed id ex virtutis tantum, quae sola honestatem parit, actione oriri disputarent, aduersarii id, quod *κατὰ τι* dixerunt, *ἀπλῶς* sumentes grauemque iis calumniam impingentes, memoriam eorum iniuste denigrarunt. Qui tamen, cum iisdem Epicurum armis essent aggressi, passi sunt et puniti in eo, in quo peccauerunt. Multa scripsit Zeno laudata ex veteribus a LAERTIO ^l et ex recentioribus praeter MENAGIVM ^m, MEVRSIO ⁿ, et FABRICIO ^o, inter quae maxime celebratur opus eius *de republica*, in quo eruditionem veteres non negant, culpant vero, quod Platonis rempublicam refutaturus ^p id fecerit iniquius, quaedam etiam parum verecunde in ea dixerit; id quod ex Cynismo habuisse supra ex Laërtio obseruauimus ^p. Fuit etiam inter ea Zenonis scripta *interpretatio Hesiodi*, ideo notanda, quod teste C I C E R O N E ^q, in ea *sustulerit omnino vsitatas praeceptasque cognitiones Deorum, neque enim Iouem, neque Iunonem, neque Vestam, neque quenquam, qui ita appelletur, in Deorum habere numero, sed rebus inanimis atque mutis per quandam significationem haec docere tributa nomina.* Quem morem theogonias veterum ad rationes philosophicas applicandi, et Deos in rerum naturae partibus quaerendi in schola Stoicorum celeberrimum fuisse, priore iam libro monuimus, et ad CORNVTI et SALLVSTII prouocauimus libros ^r. Diu vero vixit Zeno, et quod Apollonius ait LVIII annos scholae praefuit ^s, quod tamen falsum esse oportet, si Persaeum, eius *γυάριμον* sequimur, qui LXXII tantum annos viuendo attigisse ait. XXII. anno enim ad philosophiam animum applicuit, decemque annos in Academiae et

k) loc. cit.

l) Lib. VII, f. 4.

m) In Cypro L. II. p. 168 seqq.

n) Bibl. Gr. Vol. II. p. 414.

o) P L V T. de fort. Alex. Or. I. T. II. p. m. 348.

p) Vid. not. mox praeced. (b)

q) De nat. Deor. L. I.

r) Qui extant in collectione mythologicorum TH. GALEI.

s) LAERT. f. 28.

et Stilponis disciplina haesit, tum Polemonem audiuit, nouamque demum sectam condidit. Vel itaque deferendus est Apollonius, vel Persaeus, et sequendi, qui LAERTIO ^f et LUCIANO ^g referentibus XCVIII annum attigisse asserunt ^h. Exegisse totam vitam sine morbo ait LAERTIVS ⁱ, et qui hunc exscripsit SVIDAS ^j. Quorum tamen ille alio loco ^k, Diocle auctore laudato, refert, Zenonem aliquando longum incurrisse morbum: quod confirmant ea, quae habet PLINIVS ^l pro miraculo referens, haberi et solitarium exemplum reperiri, Xenophilum musicum centum et quinque annos vixisse, sine ullo corporis incommodo. Zenonis enim exemplum, si verum fuisset, Plinium non omisurum fuisse, probabile est. Tandem voluntaria morte ex vita excessit, cuius occasionem hanc fuisse referunt ^m. Cum e schola abiret, lapsus digitum fregit. Manu igitur terram feriens repetiit istud:

En adsum, quid me urges, precor?

Atque sic domum se conferens, vel, ut alii, eo ipso loco, vitam laqueo finivit, id quod fame factum esse alii referunt. Consentaneum hoc spontaneae mortis genus eius placitis fuisse, in sequentibus pluribus dicitur. Post mortem rogatu Antigoni, qui magnae fortitudinis et immutabilis virtutis virum amissum acerbè dolebat ⁿ, Athenienses in Ceramico sepulchrum extruxerunt, et statuis atque decreto eum honorarunt; quod si genuinum est, admodum honori cedit Zenoni: laudatur enim ^o, quod complures annos in ciuitate velut philosophus versatus sit, atque in reliquis vitae muniis vir bonus esse perstiterit, ac iuuenes, qui disciplinae causa ad illum conuenerint, ad virtutem et frugalitatem exhortando ad ea, quae sunt optima, intenderit, vitam suam verbis ac doctrinae suae consentaneam exemplar omnibus proponens. Valde vero timemus, ut non rhetoris potius alicuius, quam Atheniensium illud decretum opus sit. Illi enim in huiusmodi thematibus se diligenter exercuerunt, quod qui non attendit, facile supposititia pro genuinis habet, ut ipsi Io. MEYRSIO viro antiquitatum Graecarum peritissimo accidit ^p. Ceterum cum multi ex veteribus Zenones memorentur ^q, noster ab iis accurate distinguendus est. Inter hos Zenonem Musaei F. Sidonium nominat eumque ex Stoa philosophum, nostri-que praeceptorem vocat SVIDAS ^r. Id quod constare simul nequit, cum auctor Stoicorum sectae fuerit Zeno Cittieus. Vnde non inepte coniecere

Xxx xx 3

viri

^f) loc. cit.
^g) In longaetis T. II. p. m. 821.
^h) Ponunt vero annum emortualem Zenonis HIERON. et EVSEB. in Chronicis Ol. CXXIX. 1. SVIDAS in *deus* T. I. p. 378. nonaginta ei annos tribuit, et ad quosdam prouocat, qui LVIII. tantum annos vixisse ferunt. Verum annos, quibus scholae praefuit, cum annis vitae eum, more suo festinantem confudisse, manifestum est.

ⁱ) f. 28.
^j) In Zenon. l. c.
^k) Lib. VII. f. 162. ^l) Lib. V II. c. 40.

^m) ib. f. 28. SVIDAS II. cc.
ⁿ) ib. f. 15. conf. Otium Vindel. Mel. III. p. 266.
^o) ib. f. 6.
^p) In Themide Attica eum saepius rhetorum exercitationes pro legibus veris habuisse obseruat FABR. Bibl. Graec. Vol. I. p. 526.
^q) Zenones varios enumerat LAERT. L. VI. f. 14. MENAG. ad h. l. IONS. de Scr. Hist. phil. L. II. c. 1. p. 116 seqq. inter eos Stoici fuere. Sidonius Tarsensis, Zeno Chrysippi discipulus, et Zeno Dipilli, conf. FABRIC. Bibl. Gr. Vol. II. p. 415 416.
^r) in Zeno Mut. F. Sidonius T. II. p. 8.

viri acuti^e, esse eum vel Zenonem iuniorem, nostri non praeceptorem, sed discipulum, cuius meminit LAERTIVS^f: vel, quia Suidas dicit, fuisse eum Diodori Croni discipulum, pro: *Stoicus*, ponendum esse, apud Suidam, *Eripicus*, cui sectae initio addictus erat Zeno Citticus. Qui enim Zenonem Sidonium Epicureum huc aduocant, propter sectae nomen audiendi non sunt.

Observationes generales de philosophia Stoica.

§. III. Nouam vero, quam excogitasse Zeno dicitur philosophiam recte porro intuituri, generalia quaedam prius monenda sunt, ad naturam Stoicae philosophiae pernoscentiam, iudiciumque de ea formandum certum et iustum magnopere necessaria, quae ex historia nascentis et adolescentis Stoicis lucem capiunt, eamque reliquae Stoicae philosophiae foenerantur. Respicendum vero est ad conditorem sectae, eiusque circumstantiae, fuisse haecenus explicatae, eo modo considerandae, quo influxum in systema eius philosophicum habuere. His consultis obseruamus:

I. Multa ex praeceptorum scholis assumptis Zeno.

I. Doctrinam praeceptorum, quam Zeno in schola Academicorum, siue Platoniorum genuinorum, Eretriacorum siue Eristicorum, et Cynicorum, qui Socraticam philosophiam quodammodo conseruauerant, didicerat, plurimum ad nouum systema philosophiae Stoicae contulisse. Tetigimus hoc iam in antecedente §. et quantum opus erat, fontes annotauimus, unde Zeno sua hauserit, monentes simul, ideo plagii a Polemone aliisque fuisse insimulatum, et accusatum, quod vetera mutatis nominibus retineret, et pro suis venderet. Factum id imprimis circa Pythagorae et Platonis philosophiam, quam duce Xenocrate, et post hunc Polemone per decennium fere didicit. Hanc cum deferere opus haberet, nouam sectam conditurus, aut noua inuenienda erant, aut veteribus noua danda nomina. Prius fieri non tam facile erat, homini intra subsellia discipulorum tot annos latenti, et ad nouum systema suis forte oculis raro respicienti. Noua itaque facies, nouae definitiones, nouumque quasi philosophicarum doctrinarum theatrum aperiendum erat, ut reapse a Platone recessisse videretur. Qua de re supra^e iam, cum contentionis inter Arcesilaum et Zenonem causa exponenda esset, quaedam monuimus. Conquesti id sunt Academici^b, Zenonem nihil noui reperisse, sed emendasse tantum superiora immutatione verborum: ostendique id latius posset, et ex comparatione philosophiae Platonicae cum Stoica prolixè ostendi, qua ratione nouam dicendi et philosophandi de rebus naturalibus et moralibus viam ingressus fuerit Zeno, nisi nostrae tractationis limites excederet. Quod tamen quia eleganter fecit CICEROⁱ qui summam eorum, in quibus ab Academia prima recessisse sibi Zeno visus est, docte et perspicue exposuit, laboris non poenitebit lectorem, accuratas veterum systematum rationes pernoscenti cupidum, si is attente breuem illum doctrinae Stoicae conspectum cum Platonis doctrina contulerit. Apparebit enim ex ista comparatione, quae occasionem

- dede-

^e) IONS. MENAG. FABRIC. II, cc.

^f) I, 16.

^g) Cap. VI, sect. II, §. 6.

^b) Apud CICER. Acad. Qu. L. IV. c. 6.

ⁱ) Lib. I. c. 10.

dederint Zenoni, ex aliorum philosophorum systematibus quaedam quasi infarciendi et cum istis conciliandi, et quousque Stoica cum Platoniceis consentiant. Id quod ex eodem fundamento Antiochum Ascalonitam publice professum, sicque odia Academicorum et Stoicorum tollere conatum fuisse, supra memorauimus. Praeter Platonis successores audiuit etiam Zeno Diodorum Cronum Dialecticum per multos annos: cuius studia et artes etsi iustis mensuris comparabat, quae neque triticum neque aliud quidpiam, quod cuiuspiam sit pretii, sed paleas et stercorea metiantur^k; damna- bat istamen non tam dialecticae studium, quam ratiociniorum sterile et ie- iunum argumentum, ipsam vero differendi artem tanti faciebat, ut pro vna dialectici argumenti expositione, cum centum drachmas Diodorus postu- laret, ducentas ille ultro porrigeret^l. Factum inde est, ut dialectica ho- rum hominum ad Zenonem, et ab hoc ad totam sectam transfiret, ut ex iis patebit, quae postea de logica Stoica dicemus. Nec aliter cum Cynica secta euenit, cui Zeno postremo adhaesit, quam totam fere in Stoam trans- latam fuisse, in praecedentibus indubitatis veterum testimoniis euicimus. Nec aliunde Stoica virtus hausta, quam ex Cynosarge, inde virtutis co- lor, et praecepta, eo tantum discrimine, ut naturam vincere Stoici, excede- re conarentur Cynici, ut recte SENECA^m: reliqua omnia communia; virtutem sufficere ad beatam vitam, eam in rebus factisque esse, non in verbis; sapientem sibi satis esse, eius enim omnia; nihilei nouum videri; regem esse, non ad legem, sed virtutem viuere; sola bona pulchra, mala turpia; denique finem hominis, secundum naturam viuereⁿ: et quae alia fuerunt praecepta virtutis a Cynicis pariter atque Stoicis adoptata. Recte itaque LAERTIUS^o, communionem et societatem quandam esse, di- xit, his duabus sectis, et Cynismum esse breuem ad virtutem viam, ad quam rationem ipse Zeno sapientem conformari voluit. Restat nobilis Stoicae philosophiae pars, eaque a ceteris magis dissentiens physiologia. Ne- que tamen hanc quoque suis aruis debuit Zeno, sed aliunde et imprimis a Pythagoreis et Heracliteis accepit, ita, ut Pythagoreorum quidam et Plato- nici hanc admiserant. Platonem enim magnam Pythagorei et Heraclitei systematis partem in suam philosophiam recepisse, supra demonstratum est, et ostensum etiam Pythagorea et Heraclitea eius in Academia successori- bus passim arrisisse. Ea audiuerat in hac schola Zeno, indeque, quod su- pra tetigimus, occasionem nactus esse videtur, ipsa Heracliti scripta consu- lendi. Cum vero Plato dualistici systematis patronus, materiae tantum fluxum ex Heracliti physiologia in suas partes recepisset, Zeno, qui duorum principiorum nullo nexu sibi necessario iunctorum absurdita- tem euitare cupiebat, praeunte Italica schola, vtrumque principium in vnum totum coire coegit, et ut harmoniam inde vniuersi eliceret, more Pytha-

^k) STOBÆVS.^l) LAERT. L. VII. f. 25.^m) De breuit. vitae c. 14.ⁿ) Conf. LIPSIVS Manud. ad philos. Stoic.

L. I. diff. XIII. p. m. 77, VOSSIVS de sect. c. XIX.

§. 3.

^o) Lib. VI. f. 104. conf. ARRIAN. dissert. Epiq.

L. III, diff. XXII.

Pythagorae et Heracliti ignem, recte monente Cicerone^{p)}, elegit, quem fluxae materiae inderet, sicque Platonis physiologiam cum Pythagorea et Heraclitea commutauit, et ex parte quoque in concordiam ire iussit. Quod etsi pauci viderint^{q)}, qui Stoicam philosophiam descripserunt, facile tamen verum esse deprehendetur ab iis, qui vtriusque philosophi doctrinam de natura rerum conferent. Patebit enim luce meridiana clarius: Heraclito et Zenoni, Deum esse ignem; materiam rerum omnium esse in perpetuo fluxu; orta esse ex illo igne omnia, et in eum reuerti; durare eum sine initio et fine; et necessario naturae suae motu ac aeternis legibus omnia mouere, omnibus prouidere, eumque motum esse fatum, quo omnia conferuntur; esse eum rationalem, fontemque animorum; stellas exhalationibus nutriri; animum hominis ex diuina mente decerptum esse, et quae alia sunt dogmata Pythagorae, Heraclito et Zenoni communia, quae satis probant, hunc illorum vitulo arasse. Ex quibus omnibus, nisi nos omnia fallunt, aperta luce constat, quos fontes deriuauerit in arua sua Zeno Stoicorum auctor.

II Vitia veterum recepta in systema Zenonis.

II. Ex hac philosophiae Stoicae origine, secutum est incommodum, quod plerumque in eiusmodi syncretismo philosophico accidisse, multis exemplis testatur historia philosophica; ut scilicet vitia illorum systematum, simul in nouam philosophiam transmigrarent. Id quod inductione luculenter potest demonstrari. Nam quod ad partem philosophiae rationalem attinet, notum est, ex historia Dialecticorum supra data, quam exorsa ea secta propter cauillationes, ieiunas argumentationes et sophismata fuerit, et quod odium conceperint in eam viri graues, quod omnis magnis in exilibus et inutilibus versaretur. Eandem prorsus faciem et naturam indolem suscepit dialectica Stoicorum, quorum diligentia in subtilitatibus logicis ad nauseam usque conquisitis ad insaniam se exercuit. Inde obiectum illis a Cicerone^{r)} spinosum differendi genus, et quod velant de spinis, atque ossa nudent, quodque pungant, quasi aculeis, interrogatiunculis angustis, quibus etiam, qui assentiuntur, nihil commouetur animo, et iidem abeant, qui venerant. Id quod non aduersarii criminationem esse, ut frigide respondet Lipsius^{s)}, sed re ipsa niti, ea quae apud veteres et imprimis apud Sextum Empiricum de logica Stoicorum restant, satis euincunt. Id candide agnouit Seneca^{t)}, qui eleganter: *Scilicet, nisi interrogationes vaserrimas struxero, et conclusionem falsa a vero nascens mendacium adstruxero, non potero a fugiendis petenda discernere! Pudet me, in re tam seria senes ludimus, mus syllaba est, mus autem caseum rodit, syllaba ergo caseum rodit. Puta nunc me istud non posse soluere: quod mihi ex ista sententia periculum imminet? quod incommodum? sine dubio verendum est, ne quando* in

p) De nat. Deor. L. III. c. 14.

q) Obseruauit id Olear. diff. I. de Heraclito STANLEIO p. 853. inserta, sed demonstrare alibi promissit, id quod morte praeventus non impleuit.

r) De finibus L. III. IV.

s) l. c. diff. XV. p. 86.

t) Ep. 48.

in muscipula syllabas capiam, aut ne quando, si negligentior fuero, casum liber comedat. O pueriles ineptias! in hoc supercilia subduximus? in hoc barbam demissimus? hoc est, quod tristes docemus et pallidi? Paria et alibi ^a *habet apud ipsum legenda. Et haec prima controversiarum inter Zenonem et Epicurum exortarum et incruentorum bellorum acies fuit, Epicuro has inanes et inutiles logicae Stoicae strophas irridente, eique canonicam suam opponente, quae paucis regulis omnem veri cognitionem dirigeret* ^{*}. Neque mirum videri debet lectori attento, philosophos tantam grauitatem morum affectantes, suamque virtutem non regibus tantum aequiparantes, sed et praeponentes, in his quisquiliis et paleis sapientiam quaesuisse. Magna enim ambitione cum tenerentur, non poterant non hanc dialecticae contentiosae et subtiliter differentis gloriam, quam infano desiderio tum temporis deperibat Graecia, omnibus sectari viribus. Ut itaque inuincibilis artis famam consequerentur, eandem viam, quam Dialectici, Eristici, et huius fursuris alii, ingressi sunt, et de nulla re distincte et praecise cogitantes et definientes, voces adhibuerunt, nihil praecisum, nihil definitum significantes, vaga vocabula, quae cum certi nihil determinent, insolubilem faciunt ratiocinationem ². Quo modo cauillationes quidem Stoicorum prudentioribus inuisae fuere admodum ³, ipsi tamen, ut iudicium et sensum veri corruperat Graecia, laudem dialecticorum summorum reportarunt ⁴, et aeternitati istis nugis sua inscribere nomina: cuius luculentum nobis in sequentibus exemplum erit Chrysippus, post Zenonem, maximum Stoeae ornamentum, ast et maximus nugator. Haec de dialectica Stoicorum. Cum morali philosophiae parte idem euenit, ut iisdem incommodis vitiisque laboraret, qua Cynicorum ethica defecit. Cum enim recte ei obiectum sit, supra naturam se efferre, eamque penitus exuere, et sublimia praeter modum hominis petere, eandem dicam merito Stoicis scripsere veteres. Nam et illi in meteoris orationis magniloquentiam quaerentes ampullatis verbis, et sententiarum pondere naturae mensuram excedentibus sapientiam moralem ostentabant. Vnde Stoicorum arrogantia in contumeliam et conuicium abiit ^b, et superbia obiecta in dogmatibus, quae factum vbique et ventum habeat. Quae ita quidem a deamata sibi secta auertere conatur LIPSIVS ^c, ut FABII ^d iudicium probet dicentis: *minus indulgisse eloquentiae Stoicos veteres, sed cum honesta suasse, tum in colligendo probandoque plurimum valuisse, rebus tamen magis, quam id quod sane non quaesierunt, oratione magnificos; parum tamen Stoicis praesidium affert, quorum non verba tantum*

^a) Ep. 82, 113. conf. CICERO Tusc. Qq. L. IV.

^x) Conf. GASSENDVS vit. Epicuri L. III. c. 4.

p. m. 90.

^y) Conferendus, qui eleganter hac de re diserit SAMUEL PARCKERVS disp. VI. de Deo. f. 9.

p. 519.

²) Conferenda erudita disquisitio B. FABRI-

Hist. philos. Tom. I.

^c) de cauillationibus Stoicorum, eius Syllogae dissertationum inserta.

^d) Vid. ven. WOLF. ad ORIG. philosophum.

p. 142. et quos porro laudat.

^b) Hoc Rubellio Plauto obiectum apud TACITVM Annal. L. XIV.

^c) l. c. p. 88.

^d) Instit. Orat. L. X.

tum sed et dogmata, ad inanes ventos, et impossibilem naturae humanae perfectionem solis cogitationibus otiosorum ingeniorum redeuntia inter ista meteora numeranda sunt, quae aures capiunt, animumque pungunt, verum non emendant ^e. Tandem et physiologiae a Pythagora, Platone, et Heraclito mutuum acceptae vitium idem cum suo fonte est, ut ad entusiasmum ducat. Quodenim de Platonis systemate physiologico et metaphysico dictum est, eo magis in Stoicos quadrat, quo magis animam hominis non ex anima mundi a primo Deo gradu et natura satis diuersa, sed ex ipso DEI gremio vniuersam materiam peruadentis deriuauerunt, et in eum reduxerunt; immo res tandem omnes in louem redituras esse, et conflatum iri in vnam massam asseruerunt, quo detestabilior entusiasmus, quique proxime ab atheismi peste abest, excogitari vix potest ^f.

*III. Innouata
praeter rem
multa.*

III. Non in eo tamen substitit Zenonis industria, ut praeceptorum cogitationes exprimeret, et in vnum quasi corpus redigeret; sed nouam quoque iis dare faciem constituit, multaque mutare aggressus est. ut noua viderentur. Qua in re si rectum semper iudicium consulisset, et emendatis veterum systematum naeuis meliora substituisset, non haberemus forte, quod magnopere systemati Stoico obiiceremus. Verum aliter incescit Zeno, qui cum innouare saepe sine magna causa multa cuperet, nec tamen domi haberet, vnde meliora surrogaret, contradicendi, vel media potius inter veteres via incedendi studio ^g ad deteriora prioribus delapsus est. Cuius memorabile exemplum esse potest physiologia Stoica. Placebat Zenoni anima mundi a Platone admissa; placebat materia fluxa rerum omnium formis et rationibus feminalibus recipiendis apta; displicebat principium duplex ab Academia constitutum; displicebat Deus, qui non posset, quicquid vellet in materiam, quam tamen originem malorum esse, aequae ac Plato credebat. Systema itaque immutaturus, dum duplex principium reiiciebat vnumque totum, Deo et materia constans ponebat, quorum ille causa efficiens, haec materialis esset, Deum non ut Plato externe materiae praefecit, sed interne immiscuit, et infudit, et ita cum materia copulauit, ut necessario naturae vniuersi vinculo cum ea et in ea ageret, sicque anima mundi non a Deo tantum dependeret, sed ipse Deus esset. Qua ratione difficultates non minuit, sed auxit, impietatem vero longe maiorem expressit, Deum enim, cum Heraclitum sequi constituisset, ignem dicens, omnia mouentem et peruadentem, natura, libertateque sua prorsus priuauit, et mundum cum Deo confudit, ut postea dicemus. Quod non fecisset, si maluisset ipsam DEI naturam considerare, quam Heracliteis principiis, Platonica emendare, id quod secus accidit, valdeque physiologiam Stoicam corripit.

IV. Di-

^e) Conf. SAM. WERENFELS de meteor. Orat. Opp. p. 613.

^f) Conf. Otium Vindel. Mel. II. §. 4. §. p. 138.

^g) Inde Stoici herciscundi, id est, medium

secuti, sunt dicti; vid. SERVIVS ad VIRG. Aen. L. III. v. 68. et STEPH. MORINVS pec. diss. de Stoicis herciscundis.

IV. Dictum porro in antecedentibus est, opposuisse philosophiam suam Zenonem tum Academicis, sensuum certitudinem et veritatis iudicium atque comprehensionem negantibus, tum Epicuro, voluptatem in statu animi quieto et tranquillo quaerenti et commendanti. Vtrumque in constituenda philosophia Stoica influxum habuit solito maiorem. Non enim enatae tantum inde doctrinae plurimae, quae Academicis Stoicisque opponebantur, sed et contradictionis studio ad extrema itum et asserta multa sunt, quae limites egrediuntur, quaeque parce magis et modeste dixisset Zeno, nisi ea aduersariis obieciisset. Et hanc veram causam esse putamus, cur in morali potissimum philosophiae parte exorbitantia multa et humanae voluntatis naturam excedentia Zeno asseruerit, ut eo fortius Epicuro aduersaretur. Qui cum voluptatem commendaret, animumque in doloris carentia tranquillum, Zeno sapientem finxit, non ab omni tantum voluptatis sensu vacuum, sed et omnis affectus atque commotionis animi expertem, et inter equuleos atque tormenta beatum. Qua ratione, quod in Cynicis improbabat, quod naturam excederent, ipse postea admisit, et dum torporem et ignauiam moralis disciplinae fugit, ad speciosa quidem sed impossibilia et naturam hominis superantia praecepta se vertit, quae nimiam prae se ferebant sapientiam, verborum potius iactantia, quam re ipsa praestandam. Recte vero EVRIPIDES:

IV. Opposita
philosophia
Stoica aliis
sectis.

Non vel hoc noxa vacat

Si mens inest sapientibus sapiens nimis.

V. Sed et temperamentum Zenonis moresque hominis considerandi sunt, quos plerumque ad formandum systema conferre aliquid in prolegomenis monuimus, et luculento exemplo probat philosophia Stoica. Fuisse vero natura acerbum et morosum, et temperamento ad melancholicum inclinasse, supra diximus, quamuis et cholerici non exiguam possedisse partem vel inde elucet, quod a Cynicorum circa decorum ἀδελφία valde abhorrerit, nec regibus quoque submissum humilemque testatus fuerit animum. Hanc naturalem temperamenti, quod et corporis ratio et victus conditio fouebat, conditionem augebat disciplina Cynica, austeris quidem sed superbis etiam praeceptis, ad magna et excelsa, sed tristitia et acerba, animum Zenonis formans. Quae cum admirationem ei conciliarent haud exiguam, opinionemque excitarent consummatae virtutis, externo quoque vestitu, victu, oratione effictam, mirum non est, Zenonem sapientem suum talem formasse, qualem se ipsum fingebat. Quae cum supra humani animi naturam moresque essent, ea quae in Zenone propter temperamenti, educationis et consuetudinis vim suo modo erant naturalia, in discipulis, praeceptorum magistri seueritatem eiusque exemplum imitari satagentibus, virtutem fictam et pictam, quae nulla re ipsa esset, sed in externo habitu, barba, vultu vocibusque magnificis constaret, genuerunt. Vili enim habitu incedebant, barbam promittebant, ad cutem deradebantur, pallidique et subtristes apparebant, virtutis verae plerumque expertes. Factum inde est, ut et

V. Systema
Zenonis eius
circumstan-
tiis conforme.

ipsi inter Stoicos viri graues ^a mores horum hominum μέχρι τῆ λέγειν, ἀνευ τῆ πράττειν philosophantium ^b improbarent, et Stoica hypocrisis plerisque veterum esset detestabilis, qui passim acerbe in hos homines, Curios et Catones simulantes, et bacchanalia viuentes, inuecti sunt ^c, et Stoicis exprobrarunt, magnifica quidem eos promittere, sed nihil eorum apud illos reperiri, qui felicitatem in Stoica philosophia quaerant. Qua de re cum nemo lepide magis dixerit, quam LUCIANVS ^d, is imprimis consulendus est, longior enim sermo eius est, quibus viuis coloribus Stoicos depingit, quam vt hic describi possit, iucunde vero et clarissima luce rem hanc illustrat. Nec iuuat rem Stoicorum, quod pro causa eorum magno conatu affert THOMAS GATAKERVVS ^e, *in vnaquaque secta repertos, citbaris, lyris, tubis, lituis compares, quae eorum utique, quae aliis modulantur, canunt, crepant, personant, nihil quicquam audiunt, percipiuntque ipsae; et ubique, etiam inter Christianos esse homines ignaua opera et philosophia sententia* ^m. Non attendit enim vir diligentissimus, sectae, quam deperibat, amore captus, non esse sermonem de hominibus, ex doctrinae, quam sequuntur, praeceptis vitam non instituentibus, sed de ipsa philosophiae, quam sequebantur, constitutione et natura, quae talis fuit, vt nec stario homines vel miseros, et felicitatem ex ea consequi desperantes, vel hypocristas gigneret. cum impossibile sit, Stoicam felicitatem assequi, virtutemque sapientis Stoici facto exprimere, quod de Christianorum disciplina dici nequit, quae non virtutis modo perfectam et humano animo conformem depingit faciem, sed media quoque exhibet, quae ad eam exprimendam sufficiant, quod praestare nequit philosophia Stoica, quae si sequenda est, homines naturam exuere humanam oportet. Nec obiici et pro Stoicae philosophiae causa adduci in exemplum possunt viri graues virtutisque, quantum inter gentiles licebat, perfectae, qui ex Stoica familia profecti sunt. Nam, licet etiam, de quo tamen dubitari queat, hanc iis infedissee virtutis elegantiam concedamus, duo tamen sunt, quae maximopere obstant, quo minus inde de Stoicorum philosophia magnifice sentiamus. Vnum est, quod alia principia habuere viuendi, alia differendi ⁿ, et naturae ^o, educationis, temperamenti et eiusmodi causarum moralium beneficio ad eam virtutis praestantiam enixi fuerint, quam Stoicae philosophiae beneficio nunquam fuissent affecuti. Alterum concedendum quidem esse, quod PLUTARCHVS ^p ait: *habere Stoicam doctrinam, si in magnam et acrem naturam incidit, aliquid lubricum et anceps, sin autem cum graui et miti ingenio temperetur, magnos impetus dare ad verum bonum et virtutem*: fluere vero hos impetus ex pessimis principiis, esse animum Dei particulam, vniuerso, siue natu-

g) EPICTETVS passim, vid. ARRIAN, diss. L. IV. c. 9 L. III. c. 23.

b) Idem apud GELLIVM L. VII. c. 19.

i) Videndus IUVENALIS Satyr. II. PLUTARCHVS de Stoicorum repugnantia, HORATIVVS Serm. L. II Sat. 2. et RAPPOLDVS Comm. ad L. II. Serm. c. 9. p. 310. vt alios praetereamus.

k) In Hermotim. T. II. p. m. 287 seqq. et in Mycillo ib. p. 621 seqq. add. quae collegit GATAKERVVS ad Antonin. in praeloquio p. m. 34.

l) l. c.

m) GELLIVS L. XIII. c. 8.

n) Conf. G. I. VOSIVS de theol. gent. L. II. c. 49. p. m. 580.

o) In Cleomene.

naturae, Deo per omnia fuso, conuenienter viuendum, et aeternis vniuerſi legibus, neceſſario obtemperandum eſſe, quae impietatem gignunt Spinozae ethica nulla parte meliorem, quae externe quidem ſplendet, interna vero natura ſua omnia ſanae philoſophiae principia miſere corrumpit. Vnde merito miramur, non de grege eruditorum, ſed ex ducibus et primae dignitatis viris, quosdam, et imprimis LIPSIVM et GATAKERV^m ^p, quos fundamenta morbida et peſtilentia ethicae Stoicae non latebant, tantum Stoicae philoſophiae tribuiſſe, vt cum SENECA^q, ſanctiſſimam et fortiſſimam ſectam nominare, vel illos ſolos philoſophos eſſe, fateri non erubuerint.

VI. Poſſunt haec ſufficere, vt attento cautoque hitoriae philoſophicae lectori oculi aperiuntur, ad dignoſcendam veram et natiam Stoicae philoſophiae faciem. Quia vero nulla inter Graecos ſecta fuit, quae tantopere conquiſito ſua illeuit fuco, quam Stoica, monendus eſt Stoicae philoſophiae noſcendae cupidus de duobus momentis, quae neglecta magnos viros praecipites egerunt, vt Stoicam philoſophiam ſummopere depraedicaret, eamque ſanae philoſophiae praeceptis, quin ſanctiſſimis Seruatoris regulis et religionis Chriſtianae dogmatibus in plerisque conſonare crederent ^r. Primum id ſpeciatiim inculcat, quod generali obſervatione, in tota hitoria philoſophica tenendum eſſe, in limine huius tractationis commendauimus, quodque in Stoicae philoſophiae conſideratione neglectum magnos errores peperit: expendenda eſſe verba et ſententias Stoicorum non extra ſyſtematis nexum, ſed iuncto toto conſequentiarum ſyrmate, quo ex principiis ſemel admiſſis conſuſiones deriuantur. Accidit enim viris magnis, vt ſpecioſis Stoicorum dictis de Deo, de animo, de officiis ſeducti, neſcio quos theſauros ſe inueniſſe putauerint, qui intra ſyſtematis nexum et ex vero eius ſenſu conſiderati carbonem exhibebant. Longo exemplorum agmine probari hoc poſſet, niſi inſtituti obſtaret ratio, ſed nos alio loco luculenta eius rei ſpecimina copioſe adduximus, quae adeunda ſunt, quibus ea de re ſcrupulus aliquis, poſt illa, quae in ſequentibus dicenda ſunt, remanſerit. Alterum, quod probe attendere lectorem iubemus momentum ad Stoicos quidem poſt Chriſti nati tempora viuentes, ſcriptisque atque diſſertationibus ſuis philoſophiam porticus illuſtrantes pertinet, hoc vero loco ideo tenendum eſt, quod horum tantum ex iſta ſecta hominum nobis ſcripta ſuperſunt, vetuſtiorum Stoicorum, Zenonis, Cleanthis, Chryſippi et reliquorum libris dudum temporum iniuria deperditis. Sedulo vero ad horum, qui Chriſti nati et publice praedicatae euangelii doctrinae tempora ſecuti ſunt, philoſophorum ſcripta et philoſophandi rationes attendentibus manifeſtum fiet, hos homines, qui ſanctiſſimam ſe ſectam eſſe gloria-

VI. Verbis
Stoicorum
non fiden-
dum.

Yyy yy 3 ti

^p) II. cc.

^q) ep. 83.

^r) Dicetur hac de re in ſequentibus paſſim, et quidem de eccleſiae Doct. ribus, ſtoiciſmum in eccleſiam introducentibus T. III. de viris vero eruditis Stoicam philoſophiam recentiori aetate

reſuſcitantibus T. IV. Conſulenda quoque ſunt, quae in Otio Vindelico Mel. I et II. diximus, et exempla attulimus.

^s) I. c. p. 98. 135. 146. 164. 166. add. h. RYDDERS diſſ. de err. ribus Stoicorum, IAC. THOMASIVS de exuſione mundi Stoica, alii.

ti sunt, cum viderent, religionis Christianae praestantiam ubique et per omnes imperii Romani partes recipi, et tanquam sanctissimam disciplinam coli, invidia doctrinae Stoica praecepta multis parasangis superantis, et aemulatione gloriae ductos haud pauca, non verba tantum et sententias, sed dogmata quoque concernentia in suos usus vertisse, et accommodasse Stoico systemati: ut ita Christiani non haberent, quod magnopere gentilium philosophis obiicerent; vel etiam gentiles in peregrina religione admirarentur, quod non domi natum inuenire possent. Latissimus hic campus esset, exemplis id luculentis docendi, quae tamen nec locus capit, prolixis dissertationibus nimis angustus, nec institutum postulat. Diximus tamen, nisi omnia nos fallunt, copiose et luculenter satis ea de re alio loco*, quae consulat, si tanti videbuntur, qui ea de re conuinci se exemplis desiderauerit. Nos vnum ex multis eligimus, eo illustrius, quo magis multam de sensu Stoici systematis disputandi occasionem viris doctis exhibuit, quoque magis in apurum ponit, quam subdole rem suam egerint Stoici, ut saluis parentis sui placitis sectaeque decretis, propiores reuelatae veritati viderentur. Doctrinam innuimus, de prouidentia DEI, et fato, in Stoicorum scholis celeberrimam. Quam cum ita post Zenonem proposuisset Chrysippus, ut fortuito Epicureorum concursui atomorum potissimum esset opposita, et aeternam atque indeclinabilem seriem rerum et catenam voluentem semet ipsam seseque implicantem per aeternos consequentiae ordines, ex quibus connexa est, significaret, cui ordini necessario Deus ipse a Stoicis duris vocibus subiiciebatur: impiam et absurdam doctrinam aggressi Christiani doctores facile euerterunt. Quibus ut se opponerent Stoici post C. N. efflorescentes parce magis et sobrie ea de re philosophandum et Christianis, quod voces magnificas de Deo accedendum rati, fatum in prouidentiam mutarunt, et eleganter de ea commentati sunt, nihil tamen quoad rem ipsam in Stoico systemate mutantes, sed prouidentiae voce et libertatis assertione, eandem, quam Chrysippus necessitatem vniuersi inculcantes. Magna itaque in dignoscenda doctrina Stoicorum cautio adhibenda est, et cuncta ad principia, quae Stoeae pater, Zeno, primum admisit et sectatores rata habuere examinanda, nec Senecae, Antonini, Epicteti verbis fidendum, sed larua sub dolo philosophorum generi detrahenda est. Quod ubi prouida ratione fit, disperebit, ceu nebula solis radiis dispulsa iactata concordia inter Porticum Zenonis et Salomonis, et quid iudicandum sit, de genuino Stoicae philosophiae systemate, mediocri attentione poterit dignosci.

VII. Stoici
dissentientes.

VII. Tandem neque hoc obseruauisse abs re erit, Stoicos praestantiores plerosque non semper consensisse, sed in diuersa abeuntēs Zenonis systema saepiuscule reliquisse. Id quod non Epictetus tantum, Seneca et his similes

*) In dissertatione: de Stoicis subdolis Christianorum imitatoribus; quae extat Temp. Heluet. T. III. p. 260.

**) Agnouit hoc ipse tandem LIPSIVS Cent. I. Epist. select. ep. 97. conf. BALTVS defense des SS. Peres accuses de Platonisme. pref. c. 2.

similes fecere, ut suo loco demonstrabitur, sed a Chrysippo quoque, Diogene, Panaetio, Posidonio factum est. Annotabimus itaque in sequenti horum virorum historia diligenter, in quo a communi et recepto porticus systemate recesserunt.

§. IV. His, quae necessario monenda fuerant, de philosophia Stoica praesuppositis, faciliior iam nobis via patet ad ipsam eius considerationem. Quam ut apte et accurate delineare possemus, optandum propter rationes supra dictas, esset, ut Zenonis, Chrysippi et Stoicorum ante Christum natum scripta nobis suppeterent: quibus quoniam caremus, ad eos confugiendum est, qui reliquias ex iis nobis seruauerunt, CICERONEM, PLUTARCHVM, LAERTIVM, SEXTVM EMPIRICVM, SIMPLICIVM, STOBAEVM^v, et ex Patribus ecclesiae aliquos, quorum loca pleraque congeffit diligentia eruditissimorum virorum IUSTI LIPSII, THOMAE GATAKERI, THOMAE STANLEII^x. Cum his vero Stoicorum sequiorum scripta conferenda sunt, et quae SENECA, ANTONINVS, EPICETVS, PHVRNVTVS, qui soli fere ex innumero Stoicorum grege ad nos scriptis peruenerunt, de Stoica philosophia commentati sunt, coniungenda: nec negligenda ea, quae extra sectam constituti de ea retulerunt. Immo, Epicurea et Platonica quoque philosophia, quibus Stoicam in plerisque vel oppositam fuisse, vel ex hac deriuatam supra demonstrauius, non negligenda, sed diligenter conferenda est, ut ita natiuam Stoeae mentem dignoscamus. Priusquam vero singularum philosophiae partium decreta exponimus, paucis enarrandum est, quid de philosophia in genere fenserint Stoici. Ita vero:

Decreta Stoicorum de philosophia in genere.

I. Sapientia est rerum humanarum diuinarumque scientia; philosophia, siue sapientiae studium, exercitatio est artis ad sapientiam accommodatae. Definitionem hanc Stoicis tribuit PLUTARCHVS^v, quam ex Platonis vel Pythagorae, unde Plato eam desumpsit, schola accepisse Zenonem, ex iis liquet, quae capitis sexti sectione prima^z de definitione philosophiae Platonica differuimus. Recessit tamen aliquantum a Platone Zeno, et paulo aliter haec eius definitio intelligenda est, quam in Academia veteri intelligebatur. Cum enim Zeno ideas Platonis et numeros Pythagorae missos faceret, quibus res diuinae in illorum philosophia constabant, ad alia necessario respicere debuit. Cum vero mundus non Dei tantum opus, sed et ipse Deus sit, ut postea indubitatis Stoicorum testimoniis probabimus, facile inde intelligitur, quae res diuinae sint, circa quas sapientia et philosophia versatur, et qua ratione physiologia magna et nobilissima pars sit philosophiae Stoicae? Discrimen vero inter sapientiam et philosophiam ponere in Platonica quoque Schola^a Zeno didicit, qui id a Pythagoreis acceperunt. Quod discrimen non ineleganter exposuit SENECA^b de philosophiae

^v) Libris supra laudatis.

^x) Passim is egregia Stoicorum scriptorum fragmenta exhibet, dignus qui consulatur.

^y) De placit. phil. L. I. c. 1. T. II. p. m. 3. SENECA ep. 89.

^z) §. 16.

^a) Demonstratum id quoque supra l. c. ^b) l. c.

phiae definitione et diuisione docte commentatus, quando ita: *Primum tibi dicam, inter sapientiam et philosophiam quid intersit. Sapientia perfectum bonum est mentis humanae; philosophia sapientiae amor est et affectatio. Haec ostendit, quo illa peruenit. Et paulo post: Illud quasi constet, aliquid inter sapientiam et philosophiam interesse, neque enim fieri potest, ut idem sit, quod affectatur, et quod affectat.* Plura dabit LIPSIVS ^c. Adiecere quidam ut est apud SENECA ^d, definitioni: *nosse quoque causas rerum*, id quod tamen Seneca putat superuacuum, quia causae diuinorum humanorumque partes sunt. Alias definitiones exhibent SENECA et LIPSIVS ^e, quae tamen pleraeque sunt exotericae, remque non exhauriunt, quas apud eos ipsos beneuolus lector leget. Sapientiam vero duplicem sibi fingebant Stoici, τέλειον siue consummatissimam, et προκόπτοντα siue proficientem; illa perfectissimus virtutis habitus est, quem nulli mortalium attingere licet, ad quem tamen omnes collineant, haec profectus sapientiae, et habitum grassantis ad eam viri denotat. Inde frequens apud SENECA ^f distinctio inter consummatae sapientiae virum et procedentis: hunc studiosum esse sapientiae, illum adeptum sapientiam ait. Proficientes vero in tres classes diuidi alibi ^g monet. Primi sunt, qui sapientiam nondum habent, sed iam in vicinia eius constiterunt; secundum genus est, qui et maxima animi mala et affectus deposuerunt, sed ita ut possint in ea relabi; tertium illud genus, extra multa et magna vitia est, sed non extra omnia. Ex his primum genus, qui omnes affectus ac vitia posuerunt, quae erant complectenda didicerunt; quibus vero adhuc inexperta fiducia est ^h, summus quasi philosophorum gradus est, ad ipsam enim sapientis perfecti naturam accedere, impossibile putabant humanae imbecillitatis memores, et sufficere statuebant, si in vicinia constitisset philosophus. Ea vero de re false Stoicos ridet LUCIANVS ⁱ, qui acute, postquam neminem Stoicorum perfecte felicem et sapientem factum, ex ipsius porticus decretis monuerat, ait: *Non sufficere, si quis saltem felicitati proximus sit, posteaquam nihil inde fructus et utilitatis capere possit: nihilo secus enim extra viam sub d'o diuersari eum, qui iuxta ostium slet exclusus, quam qui eminus adhuc labore itineris conficiatur: nisi quod verisimile sit, illum non mediocri perturbatione discrucuari, videntem in propinquo ea, quibus priuatus est.* Sed et reliqua legenda sunt, quibus luculenter Stoicos in ea re nugari docet. Ceterum nec hoc sapientiae discrimen excogitauit Zeno, sed ex Academia primum accepit ^k.

II. Est autem sapientiae accommodata vnica ars ac suprema, virtus. Virtutis vero nomen latissime sumtum, tria eius genera comprehendit, naturalem, moralem et logicam. Naturalis est, qua in mundum et res mundanas

^c) Manud. L. II. diff. VII, p. 145.

^d) l. c.

^e) II. cc.

^f) ep. 72. de constant, c. 18.

^g) ep. 75.

^h) conf. ep. 71. conf. LIPSIVS l. c. diff. IX. p. 185.

ⁱ) loco supra laudato.

^k) PLUTARCHVS l. c.

danas inquiritur; moralis quae circa vitam occupatur humanam, logica quae rationem concernit. Probe in hac assertionem observandum est, sapientiam et virtutem esse Stoicis idem, id quod, sine dubio a Cynicis, hi a Socrate acceperunt, sed alia significatione. Socrates enim praeter moralem philosophiae partem, reliquas non curabat, ad felicitatem animi parum aut nihil tribuentes; nec aliter Cynici, qui morali parte retenta, naturalem et rationalem, vti supra dictum, reiciebant. Zeno vero, qui infausto fidere ex Cynosarge et Academia nouam porticus philosophiam conflagrat, Cynicorum quidem verba retinuit, sed notionibus Academiae adplicuit, quae, cum non naturalem tantum sed et rationalem philosophiam excoleret, Zeno, ne sua Venus minus esset formosior, eodem eam comfit ornatu, et virtutem ita non in sola actione, sed in contemplatione quoque rerum naturalium, et in sermone posuit, unde triplex ei philosophia enata est, Platonicae in hac quoque parte aemula.

III. Virtus itaque cum triplex sit, triplicem etiam philosophiam esse oportet, naturalem, moralem et rationalem ^l. Quarum philosophiae partium usum distinctum quidem, sed ad commune fiducia et fortitudinis emolumentum facientem luculenter descripsit ANTONINVS ^m, dignus qui ea de re audiatur: *Oportet, inquit, vnumquodque ita considerare, et agere, vt et actiua facultas consummetur, et contemplatiua simul perficiatur et fiducia ex certa rei cuiusque scientia orta seruetur, latens quidem, nec abscondita tamen: tunc enim simplicitate, tunc grauitate fruere, tunc rei cuiusque notitia distincta, quid ex natura sua existat, quem locum in mundo habeat, quam diu duratura sit, ex quibus conflata sit, quibus possit obuenire, qui dare eam et auferre possint.* Ceterum nullam partem alteram antecedere, sed mistas esse inuicem omnes, multo contendebant, quidam rationalem primum, tum naturalem, tertium moralem partem ponebant, SENECA ^o vero inuertit; Chrysippus de naturali vltimo loco egit ^p. Nos itaque eam, qua ipsi Stoici vsi sunt libertatem secuti, illum potissimum adhibebimus ordinem, quem natura et constitutio philosophiae Stoicae postulat. Supponit nempe, vti modo ex Antonino observatum, actiua facultas contemplatiua, quae naturam rei scrutatur, haec rationalem, vt indicem ^q; Logicam itaque Stoicorum primo quidem considerabimus, Physicam vero et Ethicam ordine subiiciemus.

§. V. Logicam itaque Stoicorum consideraturis ^r, haec potiora generis in his subtilitatibus aeuum plerumque non sine opprobrio suae et aliarum

Logica
Stoica.

rum

^l) ibid. SENECA l. c. LAERT. l. VII. f. 40. qui similia, quibus diuisionem hanc illustrarunt Stoici, assert, quocum conferendus SEXTVS adu. Mathemat. l. VII. f. 17.

^m) l. X. §. 9.

ⁿ) L. A. F. R. T. l. c. et imprimis SEXTVS l. c. f. 20 seq. et FABRICIVS ad h. l.

^o) l. c.

^p) PLVT. de Stoic. repugnantis qui addit, in physicis de Deo postremo Chrysippum egisse.

^q) Conf. Hist. philos. GALENO tributa c. 3.

^r) Scriptores huc facientes laudant Adu. phil. Vol. I. p. 746. inter quos eminet ADAMVS BUKSIVS in Dialectica Ciceronis ex Stoicorum maxime sententia, qua vsus est STANLEIVS p. 556. in describenda Dialectica Stoicorum, qui potest sufficere.

rum sectarum virorum, meliora videntium et probantium^s, traduentis asserta occurrunt:

I. Logica duabus partibus absolvitur, rhetorica et dialectica. Rhetorica est ars bene dicendi de iis, quae copiosam orationem requirunt; Dialectica vero est differendi scientia, oratione, quae interrogando et respondendo absolvitur^r. Hoc inter dialecticam et rhetoricam discrimen indicare solebat Zeno manu adstricta, et expansa. Dialecticam enim esse rotundam et compressam expositionem rei, rhetoricam autem expansionem et dicendi facultatis amplitudinem^u. Ceterum scientiam differendi quoque dicebant Stoici esse rhetoricam, mutuum accepta definitione a Xenocrate, ut aliis quoque, sed paulum differenti vocis significatione. Xenocrati enim ars et scientia idem, Stoicis vero pro eo, quod est habere firmas ac stabiles comprehensiones^x.

II. Rhetorica tripartita est, deliberatiua, iudicialis, demonstratiua. Partes eius: inuentio, elocutio, dispositio, pronuntiatio. Orationis rhetoricae partes sunt: exordium, narratio, confutatio, epilogus^y. Opposuisse se in hoc Stoicis Academicos novos, ut rhetoricam ex philosophiae cancellis eliminarent^z, supra diximus.

III. Dialectica est scientia, id est, certa et stabilis comprehensio aut habitus, in visorum perceptione non deuians: habetque virtutes alias sub se, nempe lapsus siue erroris deuitationem, circumspeditionem, ne fallaciis abripiamur, firmitatem contra redarguentes, et grauitatem siue constantiam, visa ad rectam rationem reuocare aptam^a.

IV. Cum Dialectica consideret et voces et res vocibus significatas, primo loco est doctrina de visis et sensu, quae fundamentum sunt eorum, quae ex iis subsistunt, oratione exppositorum^b.

V. Sensus iunguntur a quadam quasi impulsione oblata extrinsecus, quae Graecis *φαντασία*, Latinis visum, dicitur. Ita CICERO^c, cuius verba mire illustrat locus BOETHII^d ad finem paginae adducendus. Phantasiam impressionem esse in animo, non inepte dixit LAERTIUS^e, sumpta nominis translatione a signis cerae per annulum expressis. Ita enim ab externis obiectis imagines rerum sensibus et hinc phantasiae imprimi statuiebant Stoici; recentiores intellectum impurum dixere.

VI.

^s) SENECA ep. 48. LUCIAN. in Hermotim. T. II. p. m. 390. 391.

^r) LAERT. L. VII. f. 42. SEXT. EMP. adu. Mathem. I. II. f. 6.

^u) SEXT. EMP. adu. Math. L. II. f. 7. CIC. de finib. I. II. c. 6 de Orat. c. 32. QUINTIL. L. II. c. 20.

^x) SEXT. l. c.

^y) LAERT. l. c. SEXT. l. c.

^z) Cap. VI. f. 3. Obiectiones ab Academicis hac in parte Stoicis factas enarrat SEXT. l. c. f. 20 seqq.

^a) SEXT. l. c. LAERT. L. VI. f. 46. SVIDAS in Dialectica T. I. p. 559. et in *διεξοδικ.* T. I. p. 577.

^b) LAERT. ib. f. 41.

^c) Acad. Q. 9. L. I. c. II.

^d) De consol. philos. L. V. metr. 3. p. m. 233.

*Quondam porticus attulit
Obscuros nimium senes,
Qui sensus et imagines
E corporibus extimis
Credant mentibus imprimi,
Ut quondam celeri filo
Mos est aequore paginae
Quae nullus habeat notas
Pressas figere literas.*

Ex quo carmine intelligi potest, quousque a Platone recesserit Zeno, quem rationibus Platonice oppugnat Boethius, innatas ideas propugnans.

^e) f. 45.

VI. Ad haec quae visa sunt, et quasi accepta sensibus assensio accedit animorum, quae in nobis posita et voluntaria est.

VII. Visum cum ipsum per se cernitur, comprehensibile dicitur, cum acceptum iam et approbatum est, comprehensio, si ita comprehensum, ut conuelli ratione non posset, scientia *f*.

VIII. Iudicium est perfectio, qua discernitur res.

IX. Criterium bifariam dicitur; vno modo, id quod attendentes alia quidem facimus, alia neutiquam: altero; id quod ubi attendimus, alia dicimus esse vera, alia falsa. Alter modus criterii, quo iudicamus, quid sit, vel non sit, dicitur tribus modis: sensu communi, proprio, et maxime proprio. Sensu communi dicitur pro quauis comprehensionis mensura etiam naturalis, v. g. visus, gustus; sensu proprio vero pro omni mensura comprehensionis artificialis; ut circinus est criterium artificiale, etc. maxime vero proprio sensu dicitur omnis mensura comprehensionis rei obscurae. Quo sensu, quae ad vitam pertinent, criteria amplius non vocantur, sed sola logica ad veritatem inueniendam a philosophis adhibita.

X. Logicum criterium est vel quod iudicat, id est, homo, vel per quod iudicatur, id est, sensus, vel relatio qua intercedente iudicatur, id est, applicatio phantasiae *g*.

XI. Criterium autem est phantasia comprehendens, id est, ea, quae ab illo, quod reuera existit, proficiscitur. Alii Stoicorum aliter, qui tamen tria illa, de quibus criterium dicitur, inter se confundunt. Chrysippo est criterium sensus et anticipata perceptio (*περόληψις*), quae est naturalis rerum et propositionum vniuersalium cognitio *h*. Eundem fere in modum Epicurei quoque statuebant.

XII. Sensus est spiritus a parte principali animae, quae dirigit, (*τῆ ἡγεμονικῆς*) ad organa sensuum pertingens *i*.

XIII. Visum est lumen se ipsum, et a quo deriuatur exhibens, vnde a lumine phantasia dicitur *k*.

XIV. Est autem visum impressio in animae parte principali, quam cum depressione et eminentia, ut in cera sit, coniunctam putauit Cleanthes, Chrysippus vero alterationem tantum animae esse putauit *l*. Valde subtiles hac in parte sunt Stoici, quorum hac de re philosophemata exponit SEXTVS EMPIRICVS *m*: quae omnia tamen eo redeunt, ut visum dicatur impressio facta in intellectu a sensibus, cum euidencia coniuncta. Quae an in cerebri fiat partibus, an in ipsa iudicandi facultate, quae est in animo, disputabant Cleanthes et Chrysippus, quae tamen pleraque ad vocum et verborum contentiones redeunt.

ZZZ ZZ 2

XV.

f) C I C. I. c. qui omnino legendus.

g) SEXTVS L VII. adu. Math. f. 29 seqq. diligenter ad hoc attendendum est, sine quo controuersiae Stoicorum cum Academicis intelligi nequeunt.

h) LAERT. I. c. f. 49.

i) ib. f. 52.

k) PLUT. de placit. phil. L. IV. c. 12. SEXT. EMP. L. VII. f. 163.

l) LAERT f. 50.

m) Lib. VII. f. 228 seqq.

XV. Comprehensio facta sensibus vera est et fidelis, normam enim scientiae eam dedit natura, nihilque illa perspicuitate et euidencia clariusⁿ.

XVI. Quicquid vero apprehenditur, per sensus apprehenditur, cum nihil sit in intellectu, quod non fuerit prius in sensu^o. Id quod Porticus Academiae opposuit.

XVII. Visorum alia sensibilia sunt, alia minus sensibilia sunt, quae per sensus, tanquam per instrumentum percipiuntur. Non sensibilia sunt, quae percipiuntur animo solo, ut incorporea omnia. Sensibilia formata ex rebus existentibus concedendo et approbando producuntur, sunt autem visorum quoque apparentiae quaedam, quae ita existunt, ac si ex reuera existentibus formarentur.

XVIII. Visa alia rationalia sunt, alia irrationalia, illa hominum sunt et vocantur, notiones, (έννοιαι) suntque vel artificialia vel non artificialia.

XIX. Sunt porro alia probabilia, quae tranquillum et aequabilem motum in anima cient, i. e. quibus sine dubitatione assentimur, et acquiescimus; alia improbabilia, quibus ab assensu reuocamur; quaedam et probabilia et improbabilia sunt ex diuersa ad hoc vel illud relatione. Porro alia vera sunt, quae vere praedicari possunt, alia falsa, quae vere praedicari non possunt, vera pariter et falsa, quae certa relatione vera, alia falsa sunt: generalia visa neque vera neque falsa sunt, e. g. arbor in genere, homo barbarus in genere.

XX. Verorum visorum alia sunt non comprehensibilia, quae morbo vel mentis perturbatione obueniunt, alia comprehensibilia, ad quae requiruntur tria: 1. ut existat ab eo, quod est, 2. ut conueniat cum eo, quod est, 3. ut nihil habeat, quod impediat.

XXI. Phantasia siue visum distinguendum est a phantasmate, et phantastico, quod nihil habet, ex quo, tanquam reuera, existat^p.

XXII. Verum est id, quod est, et quod ex aduerso alicuius ponitur: siue, ut Zeno, quod ita animo est impressum, ex eo, unde est, ut esse non possit ex eo, unde non est.

XXIII. Verum et veritas inter se differunt: illud est, quod verbo proferitur, adeoque incorporeum est. Veritas corpus est, quo proferuntur omnia vera^q.

XXIV. Comprehensio (κατάληψις) est scientia firma et vera, ut manu compressa aliquid firmiter tenetur^r. Est hoc quam maxime Academiae nouae oppositum, quae hanc comprehensionem negabat, uti supra expositum.

XXV.

ⁿ) CICERO Acad. Qq. L. I. c. II. L. II. c. 6.

^o) ORIG. contra Celsi, L. VII. p. m. 367. edit. Hoefsch.

^p) Latissime hactenus allata persequitur SEXT. L. VII. f. 242 seqq. quocum conferendus PLUT. I. c. et NEMESIUS de natura hominis c. 6.

^q) Prolixè id exsequitur SEXTVS Pyrrh. hyp. L. II. f. 81 seq. adu. Math. L. VII. f. 38 seqq. κατόν

vero corpus non esse dicebant Stoici, vid. SENECA ep. 117. πάντ' vero corpus dicebant, vid. LAERT. L. VII. f. 54. et MENAG. ad h. l. FABRIC. ad I. c. Sexti.

^r) Hinc Zeno digitis extensis, visum, paulum contritis, assensum, manu compressa et pugno comprehensionem adumbrabat, vid. CICERO Acad. Qq. L. IV. c. 47.

XXV. Quicquid autem a mente comprehenditur, comprehenditur vel incurfione eulentium, et per fenfus, vel per tranfitum et incidentem ratiocinationem (κατ' ἐνάργειαν περιπρωτικῶς) fiue per collectionem demonstrationis; idque vel affimilatione, vel compofitione, vel analogia et proportione, idque vel augmentatione vel diminutione. Addit his LAERTIVS *ff*, fieri etiam per tranfpofitionem, contrarietatem, priuationem, tranfitionem, et naturam.

XXVI. Animo vifis, quae a fenfibus imprimuntur, commoto, oritur affenfio, fiue approbatio (συγκατάθεσις) qua vifa nofcuntur et diiudicantur, eftque in hominis poteftate, vt vifa arbitraria non funt, fed vi quadam fua fe fe hominibus ingerunt. Hocque inter infipientem et fapientem intereft, vt is vifa omnia, qualia animi fui pulfu vifa funt, talia putat et approbat; hic non ftatim commotus affenfum commodat. Id quod exemplo foni alicuius formidabilis luculenter explicat GELLIVS *z*.

XXVII. Notiones homo innatas non habet, fed in lucem editus quoad ἡγεμονικόν, chartae purae fimilis eft, cui infcribendae literae: fit id a fenfibus, quorum impreffionis memoriam retinemus, quarum notionum complurium vbi facta eft collectio, oritur inde experientia. Ita quidem PLUTARCHVS *u*, ex quo fimul patet notiones, ideasque omnes innatas proferipfiffe Stoicos. Aliter tamen LIPSIVS *x*, qui anticipatas notiones vult effe ex ratione, id eft parte in nobis diuini fpiritus merfi; quae fi in fuo loco et luce luceat, tota pura, fincera, recta, diuina fit; nunc corpore velut carcere claufa coërceatur, et opinionibus agitetur aut abducatur, et tamen retineat originis fuae flammulas, quae fe in fenfibus et iudiciis omnibus, hominibus innatis et infitis exferant, has effe ἐννοίας et προλήψεις. Auctoritate vtitur CICERONIS *y*, qui notionem definit *infitam et ante perceptam cuiusque formae cognitionem, enodatione indigentem*. Verum mire peruertit vir praeclarus mentem Stoicorum, eamque in fenfus Platonicos tranfmutat. Si enim, quod fupra diximus, nihil eft in intellectu, quod non prius fuerit in fenfu, vniuerfales quoque iftae notiones, quas anticipationes dixere Stoici, neceffario per fenfus demum τῷ ἡγεμονικῷ id eft, rationali et principali animae parti illabuntur. Nec hoc vult Cicero, quod ex eo probat Lipfius, fed id tantummodo innuit, inefle menti naturalem intelligendi, et affentiendi vifis facultatem, ei vero inferi per fenfus prima vice obiecta offerentes, formarum fiue idearum imagines et cognitiones, quibus deinde in mente afferuatis, cum vifa alia offeruntur. et ad hanc communem normam applicantur, illa quafi enodantur, et explicantur, applicatione fcilicet notionis generalis ad fingularem facta. Quae nifi ita explicemus, tota corrui Stoicorum doctrina de vifis et notionibus.

Z z z z z 3

XXVIII.

s) Adu. mathem. L. IX, f. 343 feqq.

ff) f. 52, 53.

z) Lib. XIX, c. I. et ex eo AVGVSTIN, de C. D. L. IX, c. 4.

u) PLVT., de placit. philof. L. IV, c. II, conf. Hift. de ideis Sect. I. § 10. p. 154.

x) Manud. ad P. S. L. II, diff. II, p. 161.

y) In Topic.

XXVIII. Sunt autem notionum aliae naturales, quae sine vlla artis industria gignuntur; aliae industria et doctrina comparantur. Hae proprie notionem vocantur, illae anticipationes ^z.

XXIX. Visum, si rationali animo obtingat, conceptio mentis vocatur, (ἐννόημα) ^a.

XXX. Notiones communes omnibus hominibus sunt, et notioni notio non repugnat. Pugna itaque hominum oritur in accommodatione ad res singulas. Prolixe de hoc axiomate differit EPICURETUS ^b, demonstraturus, erudiri nihil aliud esse, quam discere notiones naturales rebus singulis accommodare illis et naturae congruenter, ac postea distinguere, alia esse in nostra potestate, alia non.

XXXI. Si, quod sensu comprehenditur, ita comprehensum est, ut conuelli ratione non possit, scientia nominatur, sin aliter, inscientia: ex qua existit etiam opinio, quae est imbecilla et cum falso incognitoque communis ^c.

XXXII. Tria inter se coniugata sunt, id quod significat, quae est vox; id quod significatur, res voce declarata, quae mente apprehenditur, id quod est, res, extra nos subsistens. Multi hic sunt Stoici, in loco, quem vocant, vocis, ubi de eius origine, orationis partibus, soloecorum et barbarorum natura, de amphiboliis, voceque canora et musica agitur ^d, quae cum totam fere grammaticam occupent, et ad nostrum institutum proprie non pertineant, apud alios, imprimis apud AUGUSTINUM ^e, Stoicorum placitis insistentem, quaeri possunt. Paucis praecipua complexus est STANLEY ^f.

XXXIII. Definitio est oratio, quae resoluendo respondet ad quaestionem, quid sit res: nihilque debet complecti eorum, quae non insunt definitis, et indicare debet proprium, quod nullam aliam in rem transferri possit ^g.

XXXIV. Definitionum autem duo sunt genera prima. Vnum earum rerum, quae sunt, alterum earum quae intelliguntur: illa sunt, quae cerni tangiue possunt; haec sunt, quae animo tantum possunt intelligi, v.g. si ciuitatem, gentem, tutelam definias ^h.

XXXV. Definitiones aliae sunt partitionum, cum res ea, quae proponitur, quasi in membra discerpitur; aliae diuisionum, quae formas omnes complectuntur, quae sub eo genere sunt, quod definitur.

XXXVI. Diuisio est generis in species suas proximas sectio.

XXXVII. Genus plurium notionum, quae ad vnum referuntur, est comprehensio: Species est, quod sub genere continetur, summum genus, quod sub alio nullo est, species infima, quae aliam speciem continet nullam ⁱ.

XXXVIII.

^z) PLUT. l. c.

^a) ibid.

^b) Apud, ARRIAN. L. I. diff. 22.

^c) CIC. Q. q. Acad. L. I. c. II.

^d) SEXT. l. c. LAERT. L. VII. f. 43. hinc Stoici architecti verborum audiunt CIC. de Offic. L. I. c. 7.

^e) In Dialectica T. I. Opp. p. 266. ed. Frob.

conferenda quoque quae affert SEXT. EMP. adu. Gramm. et FABR. ad eum.

^f) p. 566 seqq.

^g) LAERT. L. VII. f. 60. SEXT. Pyrrh. hyp. L. II. c. 16. CIC. Topic. c. 6.

^h) CICERO l. c. c. 5.

ⁱ) LAERT. L. VII. f. 60.

XXXVIII. Ex notionibus et vocibus res cognoscuntur, Stoicis dictae τυγχάνοντα: quae sunt res obtingentes, et perceptioni subiiciuntur, extra nos existentes.

XXXIX. Res in quatuor genera subdiuiduntur: in substantias, qualitates, quodammodo se habentia absoluta, et quodammodo se habentia relatiua. Hac ratione Stoici praedicamentorum numerum contrahebant ^k.

XL. Ea quae dici possunt, (λεκτά) quaeque ad facultatem animi enunciativam pertinent, considerata quatenus de alio dicuntur, categoremata audiunt, quatenus in voces erumpunt, verba, quando in mente retinentur, dici parata, λεκτά ^l.

XLI. Quae dici possunt, alia sunt ex se perfecta, alia deficientia. Illa sunt, quae plenam habent enunciationem, quaeque vel plenum quidem significant, sed neque verum, neque falsum, vel affirmant et negant verum aut falsum, quae axiomata vocantur.

XLII. Categorema est, quod de alio enunciatur, aut res ex aliquo aliquibusue composita: suntque quatuor eius species, recta, supina, neutra, actiua et passiva reciproce ^m.

XLIII. Axioma est, in se perfecta res, quae enunciari possit quantum in se ipsa ⁿ.

XLIV. Axiomata sunt vel simplicia, quae non constant ex axiome vno bis sumto, vel pluribus differentibus; vel non simplicia, quae quodammodo sunt duplicata, et stant vel propositione vna in diuersas partes discerpta, vel propositionibus diuersis: in quibus, quod collocatur post coniunctionem si, vel, siquidem, vocatur antecedens, et primum, vel initium, reliqua finis, vel consequens, vel secundum. v. g. Lux est, si dies est. Araneae Stoicorum subtilitates etiam hoc in loco valde conspiciuntur, qui more dialecticis proprio, non ad notionum intellectus naturam, sed verborum latitudinem et significationem attendentes, dum ipsam ratiocinandi et concludendi regulam negligebant, multa sine fructu subtiliter, sed inutiliter disputabant, quas ideo εὐμάτια δύσιναι μελετᾶν dixit L. V. CIANVS ^o. Regulas connexorum, adnexorum, coniunctorum, casualium, declarantium, oppositorum, possibilium, necessariorum etc. axiomatum exponit LAERTIVS ^p, nobilia tricarum Stoicarum specimina. Recte SENECA ^q: *o pueriles ineptias! in hoc supercilia subduximus? in hoc barbam demisimus? hoc est, quod tristes docemus et pallidi?*

XLV. Axiomatum alia sunt probabilia, quae speciem ad assentendum habent, alia rationalia, quae plura veri momenta habent, alia paradoxa, quae sapientibus tantum probantur ^r.

XLVI. Argumentatio (λόγος) consistit ex sumtione (λήμμα), assumptione,

^k) SIMPLICIUS in Categor.

^l) LAERT. L. VII. f. 63.

^m) ib. f. 64. et MENAG. h. l. SVIDAS in κατηγόρ. T. II. p. 273.

ⁿ) ib. f. 63. et MENAG. h. l.

^o) In Hermot. T. II. p. 290.

^p) Lib. VII. f. 71 seqq. conf. SEXT. adu. Mathem. L. VII. f. 411 seqq.

^q) Epist. 48.

^r) LAERT. f. 75. CIC. parad. c. 1.

tione, (*προσλήμματα*) et illatione (*ἐπιφύρα*). Vtebantur vero Stoici syllogismis tantum hypotheticis, qui qua ratione a syllogismo Aristotelis differant, exponit ALEXANDER APHRODISAEVUS ^s.

XLVII. Argumenta sunt vel concludentia vel minus; illa vel syllogistice concludunt, vel non *f*.

XLVIII. Syllogismi (hypotheticos intelligi modo monuimus) sunt vel connexi, vel coniuncti, vel disiuncti.

XLIX. Argumenta concludentia syllogistica disponuntur iuxta modos. Modorum autem duo sunt genera, simplicium et compositorum *f*.

L. Argumenta, quae syllogistice non concludunt, sunt illa, quae via syllogismorum conclusionem non eliciunt, et tamen categorice concludunt *r*.

LI. Argumenta non concludentia sunt, in quibus oppositum conclusionis repugnat nexui sumtionum *u*.

LII. Fallaciarum varia sunt genera ^v, argumentum quiescens siue sortites, mentiens, inexplicabile, ignauum, dominans, velatum, electra, cornutum, crocodilites, reciprocum deficiens, messor, caluus, occultus, inficiens. Haec sophisticorum argumentorum genera, ex dialecticorum scholis ad Stoicos transferunt, unde, quae suo loco de eorum cauillationibus diximus, hic repetenda sunt: quae cum mire quoque ad exagitandos aduersarios adhiberent Stoici, cauillationes inde Stoicae viris grauib. detestabiles in vulgus notae factae. Quae quam miserae fuerint, dignus est, qui legatur, SAMUEL PARCKERVS ^w.

LIII. Methodus duplex est, vel vulgaris et popularis, vel subtilis et philosophica, quae apud Stoicos fuit subtilis, spinosa, brevis: quam logicae nomine honorabant.

LIV. Vulgaris disputandi ratio vel continua oratione absoluitur, vel interrogando et respondendo. Prior analytica dicitur, posterior rhetorica, topica, dialectica *x*.

*Physiologiae
Stoicae scriptores.*

§. VI. A dialectica ad physiologiam Stoicorum progredimur, eo magis attenta consideratione dignam, quo magis magnificorum atque splendidorum verborum ornatu summam iactauit sapientiam, et fundamenta prae-buit morali philosophiae parti, quibus ad nubes vsque surgeret. In ea vero recte et intime pernoscentia omnino illa attentio prae reliquis adhibenda est, quam supra in tota philosophia Stoica excutienda commendauimus. Itaque ea ratione ordinanda sunt physica Stoicorum dogmata, ut natura principiorum semel admissorum, et consecratorum inde deriuatorum postulat, relictis obscuris et confusis locis ^y, in quae Stoici veteres naturalem

^s) In Anelyt. prior. apud STANLEY. p. 583.

^f) LAERT. L. VII. f. 77. 78. SIMPLIC. ad Epiq. c. 58. p. m. 193 ed Wolf.

^{ff}) LAERT. L. VI. f. 76.

^r) ib. f. 68.

^u) ib. f. 77.

^v) ib. f. 82. Pleraque describit STANLEYVS p. 588 seq.

^w) De Deo disp. VI. f. 9. p. 519. 520.

^x) CIC. de off. L. II. c. 10. de fin. L. I. c. 7. L. II. c. 6. L. III. c. I. SENECA ep. 14. 90.

^y) Diuidebant Stoici naturalem philosophiam in locum de corporibus, de principiis, de elementis, de Diis, de loco, de vacuo, vel generalius, de mundo, de elementis, de causis, LAERT. L. VII. f. 123.

sem philosophiam solebant dispescere, et ad naturalem hunc ordinem reuocanda, quae veteres de decretis Stoicorum circa res naturales referunt. Quam viam instituerunt recentiori aetate duumviri de Stoica philosophia egregie meriti IUSTVS LIPSIVS et IACOB THOMASIVS, ab omnibus legendi, verum etiam inter se conferendi, qui accuratum de physiologia Stoica iudicium cupiunt. LIPSIVS enim, cui *physiologiae Stoicae libros tres* ^a debemus, magna eruditionis et lectionis copia, veterum pleraque de physica Stoicorum narrata, artificiali quidem ordine disposuit, et elegantissimum philosophiae naturalis Stoicorum compendium nobis reliquit, sed praepostero Stoicae philosophiae amore et praeiudicio ductus, fana pleraque et externis vocibus consona praecipere Stoam, multa sequius, quam decebat, et postulabat Stoici systematis ratio, interpretatus est, et errores maximos vel celauit, vel frigide excusauit. IACOBVS vero THOMASIVS, vt in veterum decretis philosophicis discernendis acutissime videbat, et accurato iudicio in nexum systematum penetrabat, ita non integram quidem Stoicam physiologiam exposuit, potiora tamen eius dogmata in *exercitationibus de exustione mundi Stoica, et dissertationibus XXI. ad historiam philosophiae Stoicae facientibus* ^a, tanta collustravit luce, vt ab eo potissimum tempore mysteria Stoeae penitus patuerint. Qui ei labor eo felicius successit, quo magis a praepostero conciliandi Christianam religionem cum gentili philosophia studio animo toto abhorruit, eos detestatus, qui inter tenebras et lucem pacisci pergunt. Cuius obseruationes si prudenter adhibeantur, nec LIPSIVS, nec qui Stoicorum quoque philosophiam moralem excussit THOMAS BURNETIVS ^b, nec, qui Lipsium potiore partem secutus est STANLEIVS ^c impediunt, quo minus natiuam et germanam Stoicismi mentem quis deprehendat, erroresque animaduertat summe detestabiles. Quam viam, luminibus Thomasianis vsus, vir summus IO. FRANC. BVDDEVS ^d feliciter secutus est, quamque et nos alibi ^e ingressos esse, nunquam nos haecenus poenituit, nec poenitebit vnquam.

§. VII. Est vero haec physiologiae Stoicae summa:

I. Antequam aliquid erat, erat chaos, siue status rerum confusus et tenebricosus. Status ille rerum exhibebat materiam, quae est rerum omnium qualitatibus indutarum, feminaliumque rationum receptaculum, et essentia siue natura ^f, suo principio quasi grauida. Status hic chaoticus est, quem Stoicos praesupposuisse, SENECA ^g luculenter prodit, et status post

*Physiologiae
Stoicae
summa.*

^a) Vtriusque editione Lugd. Bat. 1643. 12.

^b) L. p. 1674. 4.

^c) Archaeol. philosoph. L. I. c. 12. p. 433 seqq.

^d) L. c. p. 622 seqq. idem fecit MORHOFIVS Polyhist. lit. T. II. L. II. P. I. c. 8.

^e) In dissertationibus de erroribus Stoicorum, quae extant inter Analecta historiae philosophicae.

^f) In Otio Vindelico passim, in diss. de fato Stoico Am. liter. T. II. X. et in diss. de Stoicis subdolis Christianorum imitatoribus Temp. Helu. T. III. p. 208.

^g) LAERT. L. VII. §. 150. STOBAEVS eclog. phys. c. 14.

^h) Consolat. ad Polyb. c. 26.

post conflagrationem mundi delineat, ubi hoc vniuersum, quod omnia diuina humanaque, ut ille ait, complectitur, dissipabitur, et in confusionem veterem tenebrasque demergetur ^g. Qui status chaoticus, ut domi eum iam didicisse Zenonem a Phoenicibus et ex parentum traditione probabile est, ita inter Graecos fuit receptissimus, ut ex haecenus enarratis veterum physiologorum systematibus notum esse existimamus.

II. Chaos illud ordinatum inque aspectabilem formam emergens mundus est, et natura. Communissimae hae vniuersi appellationes sunt, apud Stoicos; exempla apud SENECA M aliosque facileprehenduntur ^h.

III. Est vero natura siue mundus totum illud, ex quo constant, quodque comprehendit omnia ⁱ. Distinguebant vero Stoici totum ab vniuerso; vniuersum enim esse infinitum, adiuncto inani, totum mundum seorsim ab inani subsistere, auctore PLVTARCHO ^k asserbant. Quod et alii passim obseruarunt.

IV. Totum hoc in quo omnia continentur, et vnum est, et partes sunt omnia illius atque membra ^l.

V. Sunt vero in hoc vno et toto principia, quae ab elementis distinguenda sunt ^m, duo efficiens et patiens. Et patiens quidem, ut recte LAERTIVS ⁿ, qualitatis exfors materia, efficiens autem, ratio, quae in ipsa est, siue Deus. Probe ad hoc primum vniuersae physiologiae Stoicae axioma et palmarium fundamentum attendendum est, quod et Stoici vbique asserunt, et alii illis tribuunt ^o. Notum enim ex tota veterum theologia, quam curiosis haecenus et attentis perlustrauius oculis, est, eundem principiorum duorum, efficientis et subiectae illi materiae numerum, omnes fere philosophos admisisse. Sed diuersa id ratione factum est. Quidam, Persarum imprimis systema secuti, duo sibi aeternum opposita, et essentiali discrimine non tantum aduersa, sed nullo quoque essentiali nexu inter se iuncta principia Deum et materiam admisere. Hos secutum esse Anaxagoram, et post eum Platonem, totamque Academiam veterem supra, nisi fallimur, luculenter demonstratum est. Hoc systema, perspicuitatis gratia dualisticum vocamus. Alii res quidem omnes duobus istis principiis constare satis intelligebant, sed cum dualistici systematis se ipsum duorum principiorum absolutorum et ἀντιεικένων absurditate euerterentis, difficultate premerentur, vtrumque vni toti includere, et necessario atque essentiali inter se nexu copula-

^g) Conf. IAC. THOMASIVS de exult. mundi Stoica diff. VIII. p. 77. Otium Vindel. diff. II. p. 148.

^h) CICERO de nat. Deor. L. II. LACTANT. Instit. diu. L. VII. c. 3. SENECA consolat. ad Helu. c. 8. Otium Vindel. p. 146. LIPSIVS L. I. diff. IV. p. 23.

ⁱ) SEXT. ad I. Math. L. IX. f. 332. SVIDAS in πᾶσι T. III. p. 15. CYRILL. contra Iulian. L. II. p. 46. Hist. phil. GALENI c. 38. STOBÆVS eclog. phys. c. 25.

^k) De plac. phil. L. II. c. 1. LAERT. L. VII. f. 143.

^l) SENECA ep. 97. ANTON. L. IV. §. 40. et quae fusa ad hunc affert GATAKERVUS p. m. 164. edit. Lond.

^m) Qua ratione distinguantur principia ab elementis, explicant PLVTARCH. de plac. phil. L. I. c. 2. STOBÆVS eclog. phys. c. 13. LAERT. l. c. Vtitur tamen SENECA ep. 89. elemento pro principio.

ⁿ) L. VII. f. 134. 156.

^o) SENECA ep. 65. ANTONIN. L. II. §. 2. L. IV. §. 21. CICERO Ac. Qq. L. IV. c. 16. LACTANT. L. VII. c. 3. conf. LIPSIVS l. c. diff. IV. p. 19. GATAKER ad II. cc. Ant. WOLFIUS de Manichaeismo ante M nich. §. 36. p. 151. BURNET. Archaeol. p. 436. Otium Vindel. l. c. p. 140. BVDDEVVS l. c. aliique passim.

pulauerunt: idque duplici ratione factum esse, tradita haecenus luculenter docent. Quibusdam enim rectum visum est, Deum ita materiae in vno toto, quod chaos dixere, copulari, vt haec perpetua emanatione ex eius sinu progrediretur, et certo tandem tempore ab inhabitante diuina anima formaretur, quod supra systema emanatiuum vocauimus, et non barbaris tantum plerisque, sed et Graecis philosophis, qui politica ratione, docebant, quosque theologos Graecorum supra diximus placuisse, clarissime ostendimus. Quidam φιλοσοφικωτέρως rem explicare satagentes, non emanasse quidem materiam ex Deo, quod absurdum et contradictorium non minus esse videbant, asserere audebant, Deum tamen siue causam efficientem et rationalem ita arcte et intimo naturae vniuersi vinculo cennectebant, vt anima corpori, ouoque vitellus inclusus est, hancque vim esse plasticam et formatricem materiae intrinsecam et necessariam docebant, vt ita necessaria et naturalis pars chaos Deus esset. Quae systematis physiologici facies praeter Ionicos Thaletem et Anaximandrum, Pythagoreis, Eleaticis et Heraclito, aliisque placuit. Cum itaque Zenoni ab Academia recedere constitutum esset, isque nec in dualistico, nec in emanatiuo systemate veritatem, manifesta contradictione euersam cerneret, ad tertium dilapsus est, quod, vt a reliquis distinguamus, Stoicum supra aliquoties vocauimus, quanquam longe vetustius sit Zenone. Ita quidem absurda euitabat Zeno duo maxima, vt nec duo principia, quorum quodlibet ab altero nulla ratione dependeret, sed absolutum et infinitum vtrumque esset, admitteret, nec materiam, natura sua e diametro Deo, causae actiuae aduersam ex eius sinu educeret, quorum vtrumque principiorum horum naturam euertit; reuera autem, cum non aliud haberet, vnde vtriusque originem arcefferet, vtrumque inter se confudit, ea ita inter se connectendo, vt vna natura essent. Id quod ex sequentibus erit manifestissimum.

VI. Vtrumque principium corporeae naturae est; quicquid enim facit vel patitur aliquid, corpus est, vnde omnia, quae sunt, corpora sunt.

VII. Causa efficiens, siue Deus est purissimus ac liquidissimus aether, ignisque artificialis, habitans in coeli extrema circumferentia, in qua diuinum omne fixum locatumque est. Adeoque Deus etiam ad corporalia pertinet. Nihil hic damus, quod non ipsis Stoicorum verbis expressum sit. Ita enim Cleanthes et Chrysippus apud LAERTIVM^q et ipse SENECA^r. Accepisse hanc Dei definitionem Zenonem a Pythagoreis et Heraclito, §. III. demonstrauius. Clavis vero haec assertio est, totius

Aaa aaa 2

phy-

^q) Videnda, quae de systematibus Graecorum philosophorum physiologicis erudite disputat IACOBEVS THOMASIVS l. c. diff. II. p. 29 seqq. vbi discrimen horum systematum adiecto quoque Peripatetico et Democritico figuris satis feliciter expressit.

^r) LAERT. L. VII. c. 55. PLVT. de Stoic. repugnantiis, add. MENAG. ad l. c. Laert. LIPS L. II. diff. IV. p. 144. qui prolixè haec probat. Adeo vero insaniuere hic Stoici, vt etiam assertus 10

corporum numero posuerint, vid. SENECA ep. 106. et virtutes ib. ep. 113. quae qua ratione satis excuset ignorat LIPSIVS. Ridet haec ipse SENECA ep. 102.

^q) L. VII. c. 138.

^r) ep. 89. conf. PLVTARCH. de plac. phil. L. I. c. 7. ORIG. philosophum, c. XXI. p. 143. WOLF. ad h. l. LIPSIVS diff. VI. p. 26. GATAKER. ad Anton. L. IV. §. 23. Otium Vind. l. c. p. 138 seqq. et ibi adductos.

physiologiae Stoicae, quae veros eius sensus recludit. Complectitur enim hic ignis omnes rationes feminales, iuxta quas fato singula deinde fiunt, ut ait PLUTARCHVS. Forma itaque rerum omnium in igne hoc diuino constat, quae cum extremo coelo refideat, se in omnes materiae partes fundit, ut Heraclito quoque, et Hippaso, et ex parte quoque Parmenidi placuit: quin et Hippocratis calidum parum ac igne Stoicorum distat. Quam indignus itaque Deus Stoicorum diuina natura sit, quamque crassos Stoici de diuinis fouerint conceptus, quaeque inde absurda et impia quoque sequantur, facile intelligit *, qui non, prope haec a religione nostra abesse incaute cum LIPSIUS § statuit. Et vocat quidem SENECA Deum incorporalem rationem, sed id corpori tantum crassiori opponitur, quicquid enim est, Stoicis corpus est: nihilque incorporale praeter infinitum, quod extra mundum est vacuum, animus corporeus, vox corporea', et ita Deus quoque.

VIII. Materia principium patiens est, natura qualitatibus destituta, quae iners iacet, res ad omnia parata, cessatura si nemo moueat ". Distinguendum esse, ex his patet, materiae notionem, a corporis notione, quae latius patet. Vnde materia corpus est crassius, ineptum ad mouendum aliquid, sed moueri aptum.

IX. Opponitur itaque materiae natura agens, ignisque ille artificialis, summa arte res omnes, iuxta rationes, quas continet, feminales producere ex materia aptus; qui cum crassiori isto modo corpus non sit, incorporale quoque et immateriale principium recte dicitur ".

X. Eiusdem quoque vi oppositionis, etsi corpus est, est tamen spiritus. Probe haec notanda sunt, ne a Stoicis, totam dicendi rationem philosophis receptam mutantibus, nouasque vocibus significationes inducentibus decipiamur, id quod illis accidit, qui spiritus immaterialis appellatione seducti, Stoicos Deum rerum corporearum numero exemisse censuerunt. Quemadmodum enim animus hominis, ex Deo decerptus, Stoicistum dicitur σῶμα ἀραιότερον καὶ λεπτομερέστερον *corpus tenuius et subtilius*, tum πνεῦμα ἐνθερμον, *spiritus calidus*, siue *igneus* w, ita etiam Deus corpus quidem illis est, quia vacuo tanquam rei incorporeae opponitur, sed spiritus ex igne subtilissimo constans *.

XI. Est porro rationalis causa sempiterna, incorruptibilis, et ingenita, quae omni substantiae proprias qualitates formauit. Magnifice de Deo loqui Stoicos omnes fere eorum paginae docent, et allatus LAERTII y locus pro-

*) Conf. BURNETIUS l. c. CUDWORTH, Syst. int. c. IV. §. 25. p. 502.

§) Consol. ad Helu. c. 8.

*) PLUTARCH. de Stoic. repugn. qui has nugas false videt.

w) SENECA ep. 65. LAERT. L. VII. f. 150. MENAG. ad h. l. STOBÆVS eclog. phys. c. 14. PLUTARCH. de plac. philos. L. I. c. 3.

y) LAERT. L. VII. f. 147. PLUT. l. c. L. I. c. 6.

Inde principia ἀσώματα dicuntur apud LAERTIUM. f. 134. ut legunt viri docti, licet et communis lesio ex dictis queat ferri. Est enim et Deus et materia corpus; incorporea vero, si elementis opponantur.

w) PLUTARCH. de repugn. Stoic. T. III. p. 3, x) conf. illustr. SPANHEMIVS ad Iuliani Caesares p. 110. 117.

y) L. VII. f. 140.

probat: caute vero intelligendi sunt, et ad principia sua reuocandi: iuxta quae Deus non magis aeternus est, et ingenitus, quam materia, et ideo tantum opifex et conditor vniuersi, quia ex necessitate naturae suae mundum, mota et qualitatibus ornata materia, produxit. Nihil vero indignam hanc Dei notionem magis probat, quam quod Deus ille finitus est. Sequitur id ex natura corporis, quod infinitum esse nequit, tum ex natura mundi, qui finitus est, et cuius Deus pars est: tum ex figura mundi, quae globosa est, et intra quam Deus, tanquam anima latet ². Vnde vnum infinitum Stoicis est, quo mundus circumfunditur, vacuum immensum, et, quod partem vacui constituisse videtur, tempus etiam inter incorporea relatum, cuius praeteritum et futurum infinita sunt, praesens finitum ³. Quicquid igitur de Deo magnifice blaterant, semper cum hac restrictione intelligendum est, ut mundi ambitu et connexione definiatur atque circumscribatur, qua ratione non potest non vera Dei notio prorsus euertere.

XII. Praeterea causa ista efficiens, bona est, et perfecta, quae omnes in se perfectiones continet ⁴. Magnifice, de eo Cleanthes, dignus qui audiatur ⁵.

*Si, quale sit bonum rogas, ita accipe:
Est ordinatum, iustum, et est sanctum, pium,
Sui potens, commodum aliis, pulchrum, decors,
Rectum atque constans, semper autem conferens,
Expers metu, dolore, curis omnibus,
Iuuans, benignum, stabile, amicum, amabile,
Honore dignum confitendum.
Et gloriosum, non superbum, quod gerit
Curam omnium, placens et viribus valens,
Aeui vetus, culpaе inscium, semper manens.
Ab vilis ille, opinionem qui aspicit
Tanquam duce hac venturus ad veri scopum.*

Sublimia et augusta verba nos legere, non negamus LIPSIUS, toti fere extra se raptus ⁶, latere vero anguem in herba doceri pluribus posset, nisi in frequentibus dicenda rem ipsa manifestarent. Vnum hoc monemus, nec Spinozam deterius locutum esse, totique huic diuinorum attributorum descriptioni calculum adiecisse, licet non minus, ac Stoici Dei naturam vnica sua substantia, non plane eundem quidem in modum, ac Stoici, toto suo, sed similem tamen euerterit.

XIII. Est vero causa haec efficiens et rationalis, prouida, curamque gerit totius eiusque partium, ut illud in natura se conseruet sua. Cele-

Aaa aaa 3

.ber-

²) ibid.

³) quia modus est et mensura motus mundani, ib. c. 141.

⁴) Potiora Stoicorum loca, quibus magnifice de Deo loquuntur, attulimus in diss. de Stoicis subdolis Christianorum imitatoribus, loco supra laudato.

⁵) Seruauit hos nobis versus CLEMENS ALEXANDRINUS admonit. ad gent. p. 47. Hymnum etiam Cleanthis non minus magnificum et augustum nobis seruauit STOBÆUS et ex eo HENR. STEPHANVS poët. philos. p. 49. quem repetit CUDWORTHVS Syst. int. c. IV. §. 25. p. 515.

⁶) l. c. L. I. diss. X. p. 47.

berrimum et *κρίον δόγμα* scholae Stoicae, quod imprimis impietati Epicureae sectae oppositum est ^c, quoque supra illam sapuisse, causamque defendisse meliorem ipsi etiam Epicuri aduocato, PETRO GASSENDO ^d, visi sunt. Cum enim Epicurus totus atomistico Leucippi et Democriti systemate occupatus, et, quod putabat, angusta de immortalibus diis opinione omnem negotii curaeque laborem ab iis remouente impeditus, Deum omni mundi vel fabricandi vel gubernandi cura soluiisset, Stoici Deum, ex intermundiis Epicuri, quasi ex exilio, ad ipsum mundum gubernandum reuocarunt, mundoque ita immerferunt, ut non tantum ex eius agitatione et formarum communicatione aspectabilis mundus eniteret, sed et totus eius inhabitantis et agitantis virtute et impulsu, quoad minimas eius partes conseruaretur. Hinc asserta prouidentia, etiam in minima, et magnifice de ea passim praeceptum. Quae loca quia post GATAKERVM ^e et LIPSIVM ^f, strenuos prouidentiae Stoicae assertores, diligenter et erudite collegit, et instructa aptissime acie quid pro prouidentia Stoicorum dici queat, exposuerit, eruditissimus IOANNES IACOBVS ZIMMERMANNVS ^g, quem amicitiae causa nominamus, iis citandis superfedemus, ad vnum SENECAE libellum *de prouidentia*, siue, *cur viris bonis mala accidunt*, cum sit prouidentia, prouocantes. Nec patitur instituti ratio, ut proluxa dissertatione totum de prouidentia Stoica argumentum excutiamus prolixius quam limites nostri patiuntur futurum. Quare exorandus nobis lector est ut viros eruditissimos et magni nominis, VOSSIVM ^h, THOMASIVM ⁱ, BVDDEVM ^k adeat, qui, nisi toti fallimur, rem plane confecerunt. demonstraruntque non iniuriam fecisse Stoicis Velleium. prouidentiam Stoicorum fatidicae anus nomine exagitantem ^l, recteque impietatem in hoc dogmate; Epicuri non meliorem vel leuiorem reprehendisse priscae ecclesiae doctores ^m. Diximus nos quoque, et luculento ex ANTONINI ⁿ loco, rem in luce meridiana posuimus in epistola ad amicum veteranum, celeberrimum SCHELHORNIVM ^o, et alibi ^p; quae si tanti videbuntur, possunt adiri. Breuib. nos, quantum licet hic, monemus 1. verba Stoicorum, quod negari nequit, splendida et angusta de prouidentia DEI non ex locis exotericis, et ubi ad vulgus differuerunt, sed ex iis scriptorum suorum testimoniis diiudicanda esse, ubi rem ipsam ex suis principiis deducunt, et in toto consequentium inter se doctrinarum firmate de prouidentia disputant. 2. Recordandum etiam, quod supra iam monuimus, et recte

^a) Stoicos adeo hanc ob causam in Epicurum inuectos, ut impensius non valerent, ait PLUTARCHVS adu. Stoic. et proh! proh! vah! vah! inclamasse, quod tollens prouidentiam anticipationem de Diis labefaceret.

^f) De vita Epicuri L. III. c. 4. p. 91.

^g) In praeloquio ad Antonin. p. II.

^h) l. c. diff. XI. p. 51 seqq. conf. quae diff. citata diximus.

ⁱ) In Museo hist. theol. phil. Brem. Vol. I. P. I. p. 1 seqq.

^k) Theol. gentil. L. II. p. m. 158.

^l) l. c. p. 166 seqq.

^m) l. c. Anal. hist. phil. p. 147. et Supplem. Hist. theol. litter. p. 37 seqq.

ⁿ) CICERO de N. D. L. I.

^o) Loca eorum assert. BALTVS Iugement de SS. Peres sur la morale des payens c. 10. p. 71.

^p) l. VII. §. 9.

^q) Amoenit. liter. T VIII. p. 443.

^r) In Otio Vindelico Mel. II. §. 10. p. 165 seqq.

et recte vidit doctissimus ex societate Iesu theologus, FRANCISCUS BAL-
 RVUS, Stoicos post C. N. in doctrina de prouidentia DEI verbis suis se
 attemperauisse propius disciplinae Christianorum, quae, sine dubio, ratio
 est, cure elegantissime de prouidentia differat Epictetus 1. 2. Quin et hoc
 praesupponendum est, quod in tota Stoica philosophia excutienda supra
 posulauimus, totius systematis physiologici apud Stoicos connexionem in
 partes vocandam, et secundum principia semel admissa explicandam esse
 istam prouidentiam. Haec ubi accurate obseruentur, patebit 4. Stoicos
 prouidentiam quidem non totius tantum, sed et partium eius, singularum,
 etiam minimarum, Deo adscripsisse, sed illi, qui ipse necessaria, essentia-
 lis et interna pars illius totius sit, quique, cum, tanquam causa efficiens,
 et principium agens, internam materiam, et quicquid ipse ex materia for-
 mauit, viuificet, agitet et peruat, intrinseca necessitate ei implicitus
 et connexus, non aliter agat, materiam penetret, formet atque disponat,
 quam totius natura, et imprimis latentes in ipso causae formales, siue ra-
 tiones seminales patiantur et requirant. Nec esse hanc Dei voluntatem,
 quaeque in ea ponitur curam, aliud, quam motum illum actiuum ignis coe-
 lestis et artificialis, siue subtilissimi corporis, qui materiae crassioris compa-
 gem primum in mundi faciem effinxit, et in eo interne latens eodem mo-
 do et ratione sustentat. Ex quo per se sequitur, non esse hanc volunta-
 tem liberam substantiae diuinæ et ab omni materiae contagio liberae deter-
 minationem bonitate et sapientia nixam, cuncta ad optimos fines liberri-
 ne electos dirigendi et gubernandi, quo sensu prouidentiae vocem capiunt,
 qui porticum Zenonis hac in re cum Salomonis porticu conciliant, sed esse
 necessariam, et ex interna combinatione nexuque ortam sequelam effectuum
 et causarum, ex natura animæ mundanae, vel totius potius naturae siue
 mundi ortam, quae certis et ineuitabilibus causarum et euentuum nodis et
 nexibus ea facit, ordinat, dirigit, quae non possunt non ex natura totius,
 cuius Deus pars est, euenire. Hanc necessariam causarum et euentuum
 catenam, qua omnia in vnum quoddam, machinamque mutuis se pulsibus
 urgentem combinantur, inesse quidem naturae diuinæ, quae sola agens cau-
 sa sit, nec habere extra se causam aliam, et eatenus etiam liberam esse
 Dei voluntatem, sed oriri tamen ex intrinseca feminalium rationum et
 totius naturae et necessitate, adeoque Deum ipsum huic aeternae seriei cau-
 sarum et immutabili legi subiectum esse, cuius cum animi nostri pars sint,
 necessario quoque et ineluctabiliter ille voluntati et curae huic diuinæ pa-
 rere *ἐκων ἄκων* cogatur. Hinc quod prouidentia illis dicitur, alio nomine
 fatum esse, adeo absolutum et ineuitabile, vt nec Deus, nec materia, nec,
 qui ex utroque constat, mundus ei subtrahi queat. Quicquid hic carptim
 et in summa tantum diximus, id luculentissimis Stoicorum effatis compro-
 bari potest, et locis supra adductis probauerunt viri laudati. Quae cum ita
 se habeant, relinquenda est prouidentia genti subdolae, et ad fucum facien-
 dum

1) l. c. p. 70.

2) ARRIAN, L. I. diſt. 12,

dum et palliandam impietatem natae, et detergendus pietatis color, quem incautius ex Christianorum sacrariis ei illeuere viri docti, magis pie, quam caute hac in re incedentes. Clarius vero detestabilis providentiae facies dispalescet, vbi sequentia quoque considerabuntur dogmata, quidque fatum Stoicum sit, in lucem claram ponetur: illud enim omnes, quae pro Stoicis dicuntur, apologias, vno ictu euertit. Ita enim porro decreuerunt:

XIV. Variis vero ratio ista siue principium efficiens agensque nominibus insignitur. Nam et mundus dicitur, cuius praestantior pars est, et natura, et fatum, et Iupiter, atque Deus. Recte ex mente sectae suae **SENECA** ¹⁾: *Quid aliud est natura, quam DEVS? et diuina ratio toti mundo et partibus eius inserta? quoties voles, tibi licet, aliter hunc auctorem rerum nostrarum compellare.* Et paulo post: *Quaecumque voles, illi nomina proprie aptabis, vim aliquam effectumque coelestem continentia. Tot appellationes eius possunt esse, quot munera.* Quibus verbis potissimum ad hanc Stoicorum consuetudinem respicit, qua munera, vel operationes potius per omnes mundi partes se diffundentis et eas agitantis animae diuinae, siue rationis, in totidem Deos mutarunt, sicque *πολυθεότητι* et vulgari religioni philosophicam larvam induerunt. Ita enim Iupiter aër, Vulcanus ignis, Vesta terra sunt, id est, partes Dei, vel ipse Deus in his partibus habitans, vt ex iis videre est, quæ **SALLVSTIVS** et **PHVRNVTVS** de hoc argumento scripsere. Quae de re postea quoque quaedam monebimus, vbi de Diis Stoicorum dicetur. Hoc vnum adiicimus, non distinguendam esse naturam Stoicam ab ipso Deo, vbi enim distinguere videntur ²⁾, nihil aliud intelligunt, quam ordinem et rationalem motum, quo Deus omnia in mundo peruadit. Male itaque naturam genitricem ex ea exsculpit **CVDWORTHVS** ³⁾.

XV. Quoniam principium hoc agens non est extra mundum, sed in eo comprehenditur, et cum materia vnum totum constituit, ita vt sit totum quod videmus, et totum quod non videmus, ideo necessario inhabitat materiam, quaeque ex ea formata sunt, eaque peruadit, penetrat, et ita agitat, vt totius ratio postulat. Sicque Deus mens est vniuersi. Hoc constanter Stoici ⁴⁾, nec aliter quoque ex admissio semel principio statui poterat, cum Deus non extrinsecus materiae accedat, sed intrinsecus in materia quasi lateat. Luculenter **MANILIVS**:

- - - - -
- - - - - *vinere mundum*
Et rationis agi motu, cum spiritus vnus
Per cunctas habitet partes, atque irriget orbem,
Omnia peruolitans corpusque animale figuret.

Quae

¹⁾ De benefic. L. IV. c. 7. Quaest. nat. L. I. c. 45. **LACTANTIUS**. L. II. c. 9. conf. **LIPSIVS** diff. V. p. 22

²⁾ Zeno apud **LAERTIUM**. L. VII. f. 148.

³⁾ Syst. intell. c. III. §. XXIX. p. 132, recte ideo notatus **Ven. MOSHEMIO** ad h. l.

⁴⁾ **SENECA** Qq. nat. praef. **PLINIVS**. Hist. nat. L. II. c. 6. **ORIGEN**. philosophum. c. 21. p. 143. **ANTONINVS**. IV. 40. V. 14. V. 30. VII. 75. et **GATTA**. ad IV. 21. 29. **LIPSIVS**. diff. II. p. 36. et plerique, qui Stoicorum philosophiam delinearunt: inter *avvtes* enim *δὲ θεός* eorum est.

Quae non poterant dici σοιωτέως; non enim diuinus tantum spiritus per omnes materiae partes etiam minimas penetrat, easque peruadit, sed et vi rationum, et formarum siue qualitatum, quas in se habet, materiae figuram dat, sicque mundus corpus animale fit. Vnde κόσμος ὅτι ἐμψυχὸς καὶ αἰσθητικὸς, *natura animata et sentiens, siue animal*, immo Deus dictus est ^a. Non hoc nouum Zenonis εὐρημα, sed totius antiquitatis dogma fuit, quae tamen prout systema, naturae sibi formauit, ita animam mundi quoque mundo adhibuit. Plato enim et quicumque duplex admiscere principium, animam quidem mundi inditam esse diuinam non negabant, verum non solum ex Deo eam fingeant, minoris gradus, dignitatis et naturae, vt emanationis leges postulant, sed et libere materiae, ad formandum mundum inditam statuebant, sic vt materia aliquando sine illa anima esset. Qui vero emanatium systema secuti sunt, Deum quidem tanquam animam materiae aeternum inesse contendebant, sed ita, vt materia esset aliquis eius effectus, et productus quasi foetus, qui ab ista diuina anima vi emanationis suae dependet et viuificatur atque agitur, non formaliter, sed emanatiue, si paulisper barbare loqui fas est. Aliter post Pythagoreos Heraclitus, et qui eum secutus est Zeno, qui cum praeter corpora nihil esse, quod reuera existeret, censerent, materiam in subtilissimam eius partem, ignem aethereum et crassio rem diuidentes, cum natura sua vnum totum, vna natura, vna essentia esset, agentem quidem partem a patiente distinxerunt, ita tamen coniunxerunt vtramque, vt formaliter et informando, pars agens in patiente habitaret, eam penetraret, et formaret. Non itaque anima mundi Stoica habitat in mundo, vt homo in veste, quam exuere potest, nullo naturali et necessario vinculo ei iunctus; sed vt anima in corpore, formam hominis constituens, omnesque corporis partes ita penetrans, vt sine ea homo non sit. Recte itaque dixit acutissimus THOMASIVS ^b, animam mundi Stoicam non esse formam assistentem, vt Platoni placuit, sed informantem: quam distinctionem praeter rem reiecit doctissimus REIMMANNVS ^c, nam, licet scholam sapiat, rem tamen accurate explicat.

XVI. Quia vero omnes mundi partes penetrat diuina haec vniuersi mens, ideo etiam omnibus eius partibus intime praesens est, omnia nouit, et tanquam causa agens in quauis materiae parte, omnia efficit. Valde in his quoque attributis Dei extollendis et depraedicandis magnifici sunt Stoici ^d, hypothesei vero primoque fundamento semel admissio, vna manu quod extruxere, altera deliciunt. Etsi enim Deus hic, quicquid in mundo fit, eius causa est efficiens, cum materia nihil agere queat, sed tantum ad omnia recipienda parata et apta est: non tamen potest agere, vt Deus Platonis vel Anaxagorae libera in materiam voluntate, sed necessitatis vinculo, quo tan-

^a) P. Iulianus et alii apud LAERT. L. VII. c. 139.

^b) I. c. d. ff. XIV. p. 177.

^c) Hist. atom. c. XXVII. p. 185.

^d) ARRIAN. L. I. diff. 14. ANTONIN.

L. III. §. 16. SENECA ep. 41. conf. GATAKER ad Ant. I. c.

tanquam pars totius materiae colligatur, ea agit, quae natura totius requirit, nec agere aliter potest. Necessitas itaque, ut ait SENECA ipse sua est, qua ipse constringitur. Ex quo luculenter patet, quam iniurii in veram omnipotentiae diuinae notionem Stoici fuerint. Nec hoc solum; sed non potest omnia in hanc materiam Deus, et quicquid vult efficit, sed in multis rebus, verbis SENECAE utimur, illum tractanda destituunt. Idem de omni-
scientia dixeris, et omnipraesentia; ea enim ignis subtilissimi, in suprema aetheris parte residentis, et per omnes mundi partes se diffundentis praesentia est, quae quantum distet a diuinae naturae immensitate et omnipraesentia, primo intuitu cognoscitur ^e.

XVII. Spiritus porro huius agitatione et operatione cum is in materiam ageret, ita formatus est mundus, ut qualitates, quae in ipso erant, illi imprimeret, sicque mundum fingeret; hinc conditor parensque rerum omnium est; et quoniam eam perpetua agitatione penetrat et peruadit, ut natura conseruetur, ideo conseruator quoque et administrator eius est ^f.

XVIII. Non tamen libera voluntatis determinatione ad condendum mundum accessit Deus, sed cum pars totius esset, natura in ea comprehensus, tandem disrupto quasi materiae cortice, in qua latebat, agitatum a se mundum intrinseca natura produxit; unde etiam aliter non operatus est, quam natura totius, et interna tum agentis, tum patientis partis necessitas permittit.

XIX. Est itaque in natura totius aeterna et immutabilis lex atque ordo causarum atque effectuum, ita arcte inter se implicitarum, tamque necessario inter se nexu iunctarum, ut in mundo aliter, nihil agi, fieri et euenire queat, quam hic ordo, haecque naturae lex postulat. Et hoc quidem fatum est.

XX. Fato itaque huic subiecta sunt omnia, et nihil in vniuerso est, cui non imperet. Adeoque ipse Deus fato regitur, nec potest is aliter agere, quam aeternus et facer ille atque inexplicabilis nodus et catena rerum omnium permittit. Detrahit haec assertionum Stoicarum quaternio laruam toti physiologiae Stoicae, et quam inermis eorum Deus sit, quam impia et in Dei et humani animi libertatem iniuria haec secta, manifestum facit. Nihil hic hominibus his affingimus, sed propria eorum decreta damus. Ex quibus Chrysippi imprimis definitio notanda, quam seruauit GELLIVS ^g: *Fatum est sempiterna quaedam et indeclinabilis series rerum et catena, voluens semet ipsa et implicans, per aeternos consequentiae ordines, ex quibus apta connexaque est.* Nec aliter SENECA ^h: *Fata nos ducunt, et quantum cuique restet, prima nascentium hora disposuit. Causa pendet ex causa, priuata ac publica longus ordo rerum trahit: non incidunt cuncta, sed veniunt.* Et ita quoque passim Epictetus et ANTONINVS.

NINVS.

^e) Conf. Otium Vindé, Mel. II. §. 10. p. 165
seqq. SENECA praef. Qq. nat. GELLIVS
L. VI. c. II.

^f) Conf. LIPSIVS diss. XI. p. 51 seqq.
^g) ib. VI. c. 2.
^h) De prouidentia c. 5.

NINVSⁱ. Nec regeri potest, quod ex SENECA obiecit LIPSIVS^k, in omnes se partes vertens, vt impietatem a Stoicis auertat: *Non externa Deos cogere, sed suam illis in legem voluntatem esse.* Ludit enim Seneca ambiguitate vocis, Deus, qua non tantum pars agens, sed et totum hoc, quod ex agente et patiente parte constat, intelligitur. Huius vniuersi voluntas, natura, dispositio, fatum, necessitas, cum, non diffitente Seneca, vnum idemque sint, voluntas Dei hanc necessitatem gignere, recte quidem dicitur, at non libere, sed necessitante natura sua, id est mundi: quod si vero Deus pars intelligatur totius, efficiens, et illi ordini et necessitati totius non minus, quam materia subiicitur, et *eadem necessitas*, monente SENECA^l, et Deos alligat, ac irrevocabilis diuina pariter atque humana cursus vehit. Ille ipse omnium conditor ac rector scripsit quidem fata sed sequitur, semper paret, semel iussit. Ad quas voces ipse exhorrescit LIPSIVS, quas frustra mitigare iubet, cum ita systema naturae semel electum postulet^m.

XXI. Nihil tamen habet extra se causa illa rationalis, quo cogatur, cum non sit aliud praeter totum, nisi vacuum infinitum: vnde nihil aliud ipsam quasi necessitat, nisi sua natura, quam et ipsa sequitur, et quaecunque partes eius sunt, sequi debent. Hinc libertas Dei et hominis constat. Ita quidem Stoici, qui inuentum fati pullum mire se comisse et exornasse putant, Deumque a fati necessitate liberaffe, si necessitatis causam ad voluntatem et naturam DEI referant, et homini quoque libertatem asseruisse putant: vtrumque dolose, et verbotenus tantum; quid enim est, quod ait SENECAⁿ: *Nec Deus ob hoc minus liber est, aut potens: ipse enim est necessitas sua.* Annon voce libertatis, ludit philosophus, quae ea facit, quae natura sua ita ferente, non facere non potest? Ita et homo liber est, cuius libertatem eleganter descripsit Cleanthes^o:

*Duc me parens, celsique dominator poli
Quocunque placuit, nulla parendi mora est.
Adsum impiger: fac nolle, comitabor gemens;
Ducunt volentem fata, nolentem trahunt,
Malusque patiar, quod pati licuit, bono.*

Quod hoc exemplo illustrasse Stoicos refert PSEUDO-ORIGENES^p: *Alligetur vehiculo canis; si quidem voluerit sequi, tum simul et sequitur et trahitur, per necessitatem quasi fatum exsequens etiam id, quod liberum est; si vero noluerit, prorsus a necessitate cogetur; eadem prorsus hominum conditio; cogentur enim necessario vel inuiti in illud descendere, quod fatali constitutum lege.* Ita scilicet miro connubio iungebant

Bbb bbb 2

Stoici

i) Lib. IV. §. 10. 24. 34.

k) Diß. XII. p. 57 seqq.

l) l. c.

m) Conf. THOMAS. l. c. VOSS. theol. gent. II. II. p. 578 BYDDEVS Anal. p. 417. CUDWORTH. syst. c. l. §. 3. MOSHEM. ad h. l. Otium Vindel. p. 166,

n) Praef. Q. q. natur.

o) Graecos versus exhibet EPICT. in Enchirid. c. 52. Lat nos SENECA ep. 107.

p) Cap. XXI. p. 114. notandum hoc, ad diuindicandas LIPSII interpretationes, qui frigidam Stoicis suffundit.

Stoici libertatem et necessitatem, et vocibus ludentes, veram libertatis notionem prorsus euertebant.

XXII. Partes et effluvia spiritus huius mundani siue vniuersi, cum per totum vniuersum distribuuntur, et quicquid est materiae, sit animatum; oriuntur inde daemones, quorum plena sunt omnia. Passim hac de re Stoici, quorum tamen mentem omnium maxime perspicue explicuit Varro apud AUGUSTINUM¹⁾. Multa etiam affert LIPSIVS²⁾, qui tamen ut Stoicam disciplinam cum Christianorum placitis in concordiam redigeret. Platoniorum recentiorum, qui Stoica quoque receperunt, suisque attemperauerunt, placita cum Stoicis genuinis saepiuscule confundit. Distincte hac in re incedendum putamus; et quidem i. certum est, Stoicos non tantum ex Deo siue anima mundi omnia Diis repleuisse, sed originem quoque et ortum eorum inde deriuauisse, PLUTARCHI³⁾ testimonio constat, qui, *Chrysippum*, scribit, et *Cleanthem* suis dictis coelum, terras, aërem, mare Diis repleuisse, nullumque horum ab interitu liberum aut sempiternum statuisse solo Ioue excepto, in quem reliquos omnes consumi putant. 2. Distinguebant tamen Stoici inter Deos hos, et primarios esse diuinitatis partes in sole atque sideribus residentes statuebant, quibus scilicet rationem et mentem inesse ex constanti cursu, cum aliis quoque sectis concludebant: et in his soli principatum assignabant. Hinc coelestia omnia, quae mouentur, in Deorum numero habenda esse censebant⁴⁾. Non quod ipsa corpora haec Deos esse putarent, sed quod animas diuinas in iis esse, statuerent, esse enim daemones *ἐπίαις ψυχικάς*, *substantias animatas*, docebant⁵⁾. 3. Praeter hos, minores etiam daemones, siue heroas statuuisse, animas nempe a corpore separatas, bonos si bonae, malos si malae, idem PLUTARCHVS⁶⁾ afferit, in quo tamen non conuenisse inter se Stoicos, quae de varia ipsorum, circa animarum post mortem sententia dicentur, docebunt. Illud CICERONIS⁷⁾ testimonio constat, placuisse plurimis, *homines illustres, quorum animi remanerent, atque aeternitate fruerentur, Deos rite habitos esse, quum et optimi essent, et aeterni*, modo hoc a Stoicis dictum non sit, ad conciliandam, quod solebant, religionem vulgi cum decretis porticus. 4. Praeter coelestes vero istos Deos, inesse quoque reliquis mundi partibus diuinitatis radios partesque, et ex ipsa mundi anima sequitur, et multis Stoicorum effatis constat, et peculiari libello exposuit PHVRNVTVS. Nec haec vero a quopiam negantur; sed de eo quaeritur, an has diuinitatis partes, quas mundi partibus insidere credebant Stoici, Deos peculiare fecerint, vel, an poëtarum tantum Deos *Φυτικῶς* explicantes, philosophicam iis virtutis diuinae in iis latentis significationem dederint, substantias vero anima consilii virtutisque capace constantes esse negauerint? Ita quidem

1) De C. D. L. VII. c. 6.

2) Lib. I. diff. XVIII. XIX. XX. p. m. 93 seqq.

3) De Stoicorum repugnant. T. III. p. m. 29 seq. conf. CUDWORTH. c. 4. §. 25. p. 506.

4) Prolixe CICERO L. II. de nat. Deor. conf. LACTANTI. L. II. c. 5.

5) PLUT de plac. philos. L. I. c. 8. 1. c.

6) De nat. deor. L. II. c. 24. conf. LAERT. L. VII. §. 151.

dem celeberrimus MOSHEMIVS ^v, qui praeter naturas in stellis latentes et magnorum virorum animos nullis aliis numinibus Stoicorum familiam seruiuisse putant. Nobis altera sententia vero videtur similior, et Stoicorum placitis conformior. Non prouocabimus ad SALLVSTIVM, qui praeter supermundanos Deos, mundanos, mundum constituentes inducit, eum enim Stoica Platonice adulterasse facile largimur, sed Cleanthem et Chrysippum testamur, quos non coelum tantum, sed et terras, aërem et mare Diis repleuisse ex PLVTARCHO ^w monuimus, et SENECA ^x testem laudamus, licet de veritate placitorum sectae suae, vt solet, fluctuantem, qui diserte *maiores*, ait, *Stoicos homines, unicuique nostrum, paedagogum dedisse Deum, non quidem ordinarium, sed hunc inferioris notae, ex eorum numero, quos Ouidius ait de plebe Deos: Singulis enim et genium et Iunonem dedisse.* Probabimusque sequenti thesi hos Deos minores, Stoicos rerum omnium in terra existentium gubernationi praefecisse, hisque sacrificiorum reliquique cultus diuini rationem superstruxisse. Quae, nisi caecutimus, necessario euincunt, Stoicos praeter Deos in sideribus habitantes alios quoque Deos siue daemones in elementis, praeter coelum reliquis, residentes statuisse, non virtutis tantum per omnia fusae particulas, sed substantias diuinae naturae, *ἀνθρώπων συμπάθειαν ἔχοντας*, *hominum quae affectibus tangantur*, vt ait LAERTIVS ^y, adeoque sacrificiis placari queant. Nec aliud patitur resolutio totius mundi, qua omnes Di in Iouem redibunt et conflabuntur: fit vero illud non quoad coelum tantum, sed et reliquas partes mundi, quibus ita Deos hos inesse oportet, si in Iouem reducendi sint.

XXIII. Datus vero singulis non tantum hominibus genius atque Iuno ^z, factorumque dictorumque obseruator et custos, qui praesidet, dirigit, sancteque reuerendus est: sed et omnibus mundi partibus daemones gubernatores et praesides praefecti sunt ^a. Nec aliud sunt magna numina, Iupiter, Iuno, Vulcanus, Neptunus, Ceres, quam diuinitatis partes in aëre, aqua, igne, terra etc. residentes ^b. Multa hac de re differunt Stoici, et imprimis custodem, geniumque praesidem, partem DEI, cui libet datum valde commendant; varie tamen de eo loquuntur, et interdum quidem, vt peculiarem substantiam intelligentem ab homine diuersam innuere videantur, saepe tamen, vt mentem hominis ipsam, quae et ipsa pars Dei est, intellexisse videantur. Nec hoc in Stoicis mirum est, qui dum cum vulgo interdum loquuntur, sectae principia tantum non deferunt. Accedit, quod nec ipsi satis nouerint, quid de genis naturisque Deo cognatis statuendum sit. Clare hoc confessus est SENECA ^c: *Multa cognata numini summo et vicinam virtuta potentiam, obscura sunt. Aut fortasse, quod magis mireris, oculos nostros et implent et effugiunt.* Siue illis

Bbb bbb 3

tanta

^v) Ad CVDWORTH. syst. intell. c. IV. §. 25. p. 508.^w) De Stoicis repugnantis l. c.^x) Epist. 110.^y) l. 15 l.^z) SENECA, ep. 110. PLIN. L. II. c. 7. ARRIAN. L. I. diff. 14.^a) Conf. LIPSIVS l. c. diff. XIX. 26.^b) LAERT. L. VII. c. 147. MENAG. h. l. PHVB. NVTVS l. c.^c) Q. nat. L. VI. c. 31.

tanta subtilitas est, quantum consequi humana acies non possit, siue in sanctiore secessu maiestas tanta delituit, et regnum suum, id est, se, regit, nec ulli aditum dat, nisi animo. Inde modestiam et verecundiam commendat, cum de sideribus, de stellis, de natura deorum disputatur.

XXIV. Quoniam Dii hi ex Dei anima effluerunt, inque mundi partibus habitant, necessario sequitur, mundo per conflagrationem vniuersalem resolutum, Deos quoque in vnum Iouem confusum, et in antiqua elementa verum iri ^d. Et hoc quoque plerique Stoicorum, Antipatro Tarsensi dissentiente, qui hanc aliis quoque ex Stoicorum grege adscribit, quorum tamen plerique cum Chrysippo, principiis suis conuenienter: excepto igni nullum Deum interitu vacare, sed caeteros omnes aequae natos et obituros dixere. Non tamen ignis diuini partes pereunt, sed tantum Dii ex his existentes et facti, radiis Iouis in ipsum, tanquam in solem, retractis.

XXV. Etsi vero Deus prouida vniuersi cura tangitur, et pro conditione atque natura totius, tanquam anima eius illud agitatur, *non potest tamen, licet bonus sit, et bona velit, quicquid sit in mundo, bonum omne euenire, quia Deum multis in rebus tractanda destituunt; et a magno artifice formantur praua multa, non quia cessat ars, sed quia id, in quo exercetur, materia inobsequens arti est.* Nobilis haec est quaestio, quae toties maxima ingenia in angustias redegit, unde mala oriantur? Malum vero cum vel naturale vel morale sit, hac quidem thesi SENECA ^e, cuius verba dedimus, physici mali causam aperuit. Nec aliter alio loco ^f: *non potest artifex mutare materiam, haec passa est.* Hinc quaecunque mali naturalis veniunt nomine, Stoicis consequentia fati, ita ex materiae conditione disponentis, sunt. Multis tamen magnisque angustis et difficultatibus hic se implicatos senserunt Stoici, valde ea de causa pressi a CICERONE et PLUTARCHO ^{ff}. Ille recte opponit: *dicere ipsos Stoicos, nihil esse, quod Deus efficere non possit, et quidem sine labore ullo; Deorum enim numine moueri omnia posse: materiam vero rerum totam esse flexilem et commutabilem, ut nihil sit, quod non ex ea, quamuis subito fingi conuertique possit.* Eius autem vniuersae rectoricem et moderatricem esse diuinam prouidentiam, hanc igitur, quocunque se moueat, efficere posse, quicquid velit. Itaque aut nescire, quid possit, aut negligere res humanas, aut quid sit optimum, non posse iudicare. Hic Stoicos reprehendit, quod mala a Deo necessaria consequentia deriuent: non enim materiam ex se malum subministrare, cum expers sit qualitatum, et quascunque recipiat differentias, eas vero ab illo habeat, qui eam mouet et format. Si vero illam ratio insita format, quae alioquin se nec mouere, nec formare posset, necesse esse, malum, si nullam causam habeat, ex nihilo, si vero a principio mouente

^d) PLUT. de rep. Stoic. T. III. p. m. 29. SENECA ep. 9. Conf. ad Marc. c. ult. add. LIPS. L. II. diff. XXII. p. 155. THOMAS. diff. VII. p. 75.

^e) Praef. Qq. natural.

^f) De prouidentia c. 5. conf. LIPSIVS L. II.

diff. II. p. 133. L. I. diff. XIV. p. 75.

^{ff}) Vtriusque locum docte illustrat cel. WOLF. de Manichaeismo ante Manichaeos §. XXXVII. p. 153 seqq. Plutarchi etiam THOMASIVS diff. XII. p. 162 seqq. conf. CVDWORTHVS c. IV. §. 13. p. 231.

uente existat, a Deo profectum esse. Vterque Stoicos absurdi conuincit; sequi enim, recte concludunt, aut Deum mali causam esse, aut esse id ex nihilo, quorum vtrumque Stoicis principiis regurnat, cum non negent, materiam obsequentem esse et parare promptam. Nec habent Stoici, quo ex hoc labyrintho euadant, nisi vt ad fatum prouocent, et cohaerentias quasdam vniuersi, in quas nec Deus aliquid potest. Ita Chrysippus de causis morborum, an ex prouidentia? apud GELLIVM ^g respondet: *Non fuisse hoc naturae consilium, nec conuenisse auctori naturae parentique rerum omnium bonarum. Sed cum multa atque magna gigneret, pareretque aptissima et vtilissima, alia quoque simul agnata esse incommoda, iis ipsis, quae faciebat, cohaerentia, non per naturam, sed per sequelas quasdam necessarias facta.* Ita vero iterum vineta sua caedunt Stoici. Facti enim illius, quod accusant, necessitas, nonnisi in toto, quod Deo et materia constat, quaerenda est, adeoque, cum nihil aliud sit quam necessaria consequentia eorum, quae ex natura vniuersi eueniunt, vel in Deo, vel in materia, vel in vtroque quaerenda est mali naturalis origo. Ex quibus luculenter patet, non potuisse non Stoicos mali originem in materia quaerere, licet id, praeter rationem neget P. BAYLE, recte ideo notatus a ven. WOLFIO ^h, licet hoc ipso systemati suo contradixerint. Quod nos minime miramur, memores Zenonem systema suum ex diuersis aliorum principiis conflasse, et Platonica ex Heracliticis emendare voluisse, vel potius gryphes iungere equis conatum fuisse, qui plerumque contradictionum fons esse solet. Ceterum quo nomine malum insigniuerint Stoici, erudite edisserit WOLFIVS ⁱ, qui videndus.

XXVI. Quanquam vero ita sit, vt ratione quadam principali necessario coacta atque connexa fato sint omnia, ingenia tamen ipsa mentium nostrarum perinde fato sunt obnoxia, vt proprietates eorum est et qualitas. Nam si sint per naturam primitus salubriter vtiliterque facta, omnem illam vim, quae extrinsecus ingruit, inoffensus tractabiliusque tramittunt. Sin vero sunt aspera, et inscita, et rudia, nullisque artium bonarum adminiculis suffulta, etiamsi paruo, siue nullo fatalis incommodi conflictu vrgeantur; sua tamen scaeuitate, et voluntario impetu in assidua delicta et errores ruunt. Ita omnium luculentissime Chrysippus apud GELLIVM ^k moralis mali causam exponit, qui etiam homines illos non audiendos esse monet, qui aut ignaui, aut nocentes et audaces, cum in culpa et maleficio reuicti sunt, ad fati necessitatem perfugiunt. Verum recte Chrysippo obiecit PLVTARCHVS ^l, nullam esse intemperantiam, nullam fraudem, cuius non sit Iupiter architectus. Cum enim ingenia ista scaeua, naturam suam et qualitatem asperam et inscitam non a se habeant, sed a causa prima et mouente, quae qualitates induxit materiae, impetus quoque ille voluntarius, vt vocat Chrysippus, quem a natura sua habent, ab ea quoque

ortum

^g) N. Att. L. VI. c. 1. conf. THOMAS. I. c. diff. XIII §. 18 seqq. p. 170 seqq.

^h) loc. cit.

ⁱ) l. c. §. XXXVIII, p. 158 seqq.

^k) Lib. IV. c. 2.

^l) loc. cit.

ortum habere debet. Vidit hoc LIPSIVS^u per naturam siue Deum, quae prima causa est, homines alios aliter factos, ideoque ad bona aut mala inclinare; putat tamen iuuare distinctionem Chrysippi inter causas perfectas et principales, atque adiuuantes et proximas, quam CICERO^m affert: scilicet causas illas primas et insitas temperari aut flecti leuiter a voluntate posse, quae inter proximas iuuantesque censeatur. Verum non vidit vir acutissimus, voluntatem quoque nihil habere, quod non a mouente prima causa acceperit, adeoque eius libertatem proprie nullam esse, licet eam magnifice depraedicent Stoiciⁿ. Etsi enim animus a causa externa, nempe quae extra mundum est, non cogatur, vel impediatur, ipse tamen sibi natura sua, necessitas est, quae cum naturae vniuersae catena indissolubili nexu cohaeret, nec aliter agere potest, quam fatum, legesque vniuersi et complicatus causarum et euentuum nexus et ordo permittunt. Quae omnia, si cum reliquis physiologiae Stoicae assertionibus comparentur, luculenter Stoicos conuincunt, mali eos moralis causam in Deo assertis suis posuisse, licet verbis alia longe docuerint.

*Atheismus
Stoicorum.*

§. VIII. Prima haec et potior physiologiae Stoicae pars est, quae principium potissimum agens et efficiens, siue Deum, rerum omnium auctorem et conditorem nobis exhibuit, quaeque theologia Stoica dici recte potest. Ex dictis iam de atheismo sectae Stoicae iudicari debet, ad quam quaestionem diuersimode responderunt, qui de atheismo veterum philosophorum disputarunt. Magnum eorum numerum, cum qui impietatis eos accusarunt, tum qui pie et sobrie de Deo eos statuisse contenderunt, recitat ven. IAC. FRID. REIMMANNVS^o, quibus, si id ageremus, plures possent sine magno labore adiici. Nec rationes vtriusque partis examinabimus, id quod in peculiari tractatione de atheismo veterum debet fieri; sed id tantum monemus, dari tertiam de atheismo Stoicorum sententiam, quae inter apertos quidem Numinis hostes eos non refert, talia vero eos asseruisse statuit, quae veram Dei notionem euertunt, et facilem ad negandam omnem diuinitatem viam aperiunt. Quam sententiam post CVDWORTHVM^p, secutus est praestantissimus MOSHEMIVS^q. Nec, ab ea nos alienos non esse diffitemur, rationibus supra de theologia Stoica adductis id euincuntibus, statuisse quidem Stoicos, esse Deum, et de eo quoque magnifice passim et elegantissime fuisse locutos; praesertim si extra systematis nexum verba eorum audiantur et intelligantur: ita vero totam de diuinis doctrinam physiologiae suae intertexuisse, ut non peius forte de Deo potuerint differere. Talis enim Stoicorum Deus est, qui deterior hocque nomine indignior esse nequit. Nam 1. pars mundi est, totumque tanquam pars informans cum materia constituit; 2. materiam aeternam sibi habet essentialiter adiunctam; 3. necessi-

tatis

^u) Diff. XIV. p. 71.

^m) De fato.

ⁿ) Ep. St. apud ARRIAN. L. I. diff. I. conf. GATAKER, ad Anton. II, 9. HVET. Qq. Alnet. L. II, c. 10.

^o) Hist. atheismi c. XXVIII. p. 190 seqq.

^p) Syst. intellect. c. 4. §. 25. p. 502 seqq.

^q) Ad h. l. p. 507.

tatis fatalis et ineluctabilis ex totius natura oriundae legibus subiectus ita est, vt agere aliter nequeat, quam fata disposuere; 4. naturae est corporeae, ignisque non quidem elementaris, corporeus tamen et aethereus, adeoque 5. spatiosa extensione per totum mundum dispersus est; 6. res omnes necessariae essentiae suae agitatione non mouet tantum et format, sed et ceu forma rerum ita essentiali vinculo illis connexus est, vt separari nunquam ab iis queat. 7. Ante mundi creationem siue productionem, quae per aeternas periodos repetitur, inclusus materiae, tandem interna agitatione materiam tantum necessaria expandit fati lege, eandemque in sinum suum reducit; adeoque 8. non emanatiue tantum, sed et formaliter est τὸ πᾶν, siue rerum vniuersitas, natura, totum, mundus. 9. Formas, qualitates, rationes feminales, et essentias rerum omnes formaliter in se habet, et ita formas et qualitates materiae imprimendo, se ipsum rebus imprimit omnibus. 10. Prouidere mundo non aliter potest, quam aeternae fati leges postulant; 11. nec agere potest, quicquid vult, sed materiae inobsequentis renitentia impeditur. 12. Non daemones tantum omnes, sed animum quoque humanum tanquam partes et membra comprehendit. 13. Malum vel ipse in materiam, agendi vi destitutam induxit, vel certe illud impedire non potuit. 14. Nec alia quoque boni malique praemia et poenas dispertere potest, quam quae bonum et malum necessaria causarum et euentuum consecutione per se sequuntur. Iudicem iam constituimus lectorem, a partium studio alienum. reique intelligentem, annon, qui Deum talem ponit, eumque vi systematis sui ita eneruat, parum melior iudicandus sit eo, qui aperte Deum negat? et annon Stoici indirecti eius numinis hostes censendi sint, quem tantis laudibus efferunt? etsi apertam impietatem non fuerint professi. Cuncta enim eo redeunt, Deum esse ignem subtilissimum naturae siue mundi, omnia penetrantem et viuificantem, qualis Deus ab orthodoxa notione numinis immensum distat. Aliud tamen persuadere nobis voluit V. cl. Io. CHRISTOPHORVS BVRGMANNVS *, qui id sibi negotii datum esse credidit, vt Stoam a Spinozismo et atheismo exculparet. Rationes quibus se ad iuuandam Stoicorum theologiam accinxit, hae sunt: 1. Constantissime docere Stoicos, esse Deum, et insanos habere eos, qui negare hanc veritatem audeant, maximam quoque partem religionis ponere in cultu Dei. 2. Docere eos, Deum esse aeternam, rationalem a materia mundoque distinctam substantiam, intellectu, prudentia et potentia instructam, qui ignis artificialis dicatur sensu improprio et metaphorico, more Chaldaeorum et Democriti. 3. Opponi Deum natura sua materiae quae sine qualitatibus fuerit, donec Deus eam ornaret. 4. Distingui etiam a mundo, hunc enim perire, Deum esse aeternum. 5. Esse quidem mundi animam, qui ideo Deus sensu dicatur improprio, non tamen vnā cum mundo

*) Dissert. de Stoa a Spinozismo et atheismo exculpanda. Mireris b. Spenerum ab eo Spinozismi accusari, qui Stoicos exculpate aggreditur.

do substantiam esse, ut vult Spinoza, sed differre natura sua a materia, quam inhabitat. Poteramus totam hanc disputationem, quam erudite auctor urget, ita concedere, ut nec athei proprie dicti, nec Spinozae antecessores Stoici dicantur. Interesse enim haud vno nomine discrimen inter Stoicorum et Spinozae systema utriusque comparatio facile euincit, et Deum sibi formasse Stoicos atque a materia distinxisse, ex supra dictis est manifestum. Quia vero haec non sufficiunt, ad orthodoxiam Stoicorum asserendam, paucis, et quantum institutum nostrum patitur, monemus; non extra systematis connexionem de Deo Stoicorum iudicandum esse, sed totam seriem decretorum Stoicorum esse coniungendam. Quod ubi fit, impossibile putamus. Stoicos hac in parte exculpate. Ea enim, quae supra attulimus, ita comparata sunt, ut naturam DEI prorsus euertant, nec potest is Deus dici, qui ita vniuerso sacro quodam nodo implicatur, ut nihil possit, nisi quod necessitas, eius cuius pars est, postulat. Non negant, fate-mur, Stoici Deum, sed tanquam partem vniuersi formalem et essentialem, vel, quod idem est, mundi animam informantem: nec negat Spinoza Deum, nec attributa eius, sed vnam sibi substantiam, uti Stoici, vnum totum, comminiscitur. Agnoscunt Stoici in Deo rationem aeternam, sed nec liberam, nec intellectualem, verum necessariam sequelam causarum et effectuum, ignis subtilissimi, ex natura totius oriundam, quae a libera ratione DEI longissime distat, nec melioris commatis est, quam cogitatio, quam Spinoza Deo suo tribuit. Idem de aeternitate iudicium esto, cum nec Spinoza Deum suum aeternum esse neget. Qui et ipse dum oppositas modificationes cogitationem et extensionem in vna substantia ponit, non minus diuersissima coire coëgit, quam Stoici, Deum et materiam coire in vnum totum cogentes. Ignem vero proprie dictum Deum Stoicis visum esse, testimonia veterum supra adducta euincunt. Ex his vero patet, Deum ceu animam mundi, non assistentem, sed informantem mundi causam, et non partem tantum essentiae, sed formam esse, quae sententia ab impietate proxime abest. Nam et SPINOZA^s dixit: Deum rerum omnium causam immanentem, ut aiunt, non vero transeuntem esse, et moueri omnia in eo: quae *Στοιχό-
tata* sunt, sed impia plane. Etsi vero non negamus, Stoicos non vnam quidem substantiam, ut Spinozam constituisse, Deumque et materiam in solis modificationibus posuisse; certum tamen est, exque supra adductis li-
quidum, totum vnum, naturam vnam, ex causa rationali et agente atque ex patiente compositam Deum et materiam eos fecisse, quae essentialiter inter se iuncta sint, et sine destructione sua separari nequeant. Cuncta enim ex Ioue, in Ioue et ad Iouem esse, ex germano Stoicorum decreto dixit ANTONINVS^s.

*Materia eius-
que affectio-
nes.*

§. IX. Ut vero porro, quid de altero principio, materia Stoici dixerint, quaque ratione ex ea a causa agente et rationali omnia pro-
ducta fuisse docuerint, manifestum faciamus, ad physiologiam Stoicam,
a qua

a qua paulisper digressi sumus, redeundum est. Ita vero porro decreuerunt :

XXVII. Prima rerum omnium, qualitibus indutarum essentia siue natura, est materia prima. Est vero materia, ex qua vnumquodque fit, et vocatur essentia atque materia; essentia, quatenus in vniuersis est, et generaliter spectatur; materia, quatenus in singulis considerari potest.

XXVIII. Materia in vniuersum, et generaliter spectata aeterna est tota, ac neque crescit, neque decrescit. Trigam hanc positionum Stoicorum ex Chrysippo affert LAERTIVS *f*: nec aliter rationes inire poterant Stoici, qui cum aliis philosophis sine restrictione fatebantur: ex nihilo nihil fieri, indeque aeternum subiectum, in quod causa efficiens ageret, postulauerunt *r*. Videtur quidem quodam loco dubitare SENECA, an materia aeterna sit, vel Deus ipsam formet: verum non ex sectae suae sententia loquitur, sed quaestiones philosophicas in naturalibus enodandas proponit *u*; inter quas non exigui momenti ea fuit: an Deus materiam ex sinu suo educat, vel an ea tantum data et subiecta vtatur, sicque an formas, quibus materiam ornauit, tantum in adiacens subiectum inducat, vel ex se ipso quasi effundat. Frustra itaque sunt, qui ex hoc Senecae loco constare arbitrantur, creationem ex nihilo, inter problemata Stoicorum a Seneca relata esse. Certe, quaecunque etiam Senecae mens fuit, de qua docte disputat MOSHEMIVS *v*, Stoicorum principia, aeternam Deo adiungentia materiam, et necessarium causae efficienti, subiectum postulantia, creationem ex nihilo reiiciunt.

XXIX. Materia tamen singulorum incrementi et decrementi est capax, neque enim semper manet eadem, verum separatur et miscetur, ita vt partes eius diffuant separatione, mistae vero coniunctione augeantur *w*. Exemplum esse potest conflagratio mundi, vbi quidem singulorum materia conflatur, vniuersalis tamen in Ioue manet eadem.

XXX. Est vero materia non stabilis, sed semper in mutatione versatur: omnia enim rapiuntur, fluminum more, quicquid videmus, currit cum tempore; nihil ex his, quae videmus, manet *x*. Ipsa tamen materiae essentia non mutatur, vel perit, nihilque eorum, quae ab oculis abeunt, et in rerum naturam, ex qua prodierunt, ac mox processura sunt, reconduntur, consumitur: desinunt enim ista non pereunt *y*. Ab Heraclito hanc doctrinam Stoicos accepisse non diffitetur SENECA *z*.

XXXI. Materia vero non infinita est, sed finita, mundi enim terminis circumscribitur: patique quoque et cogi potest ad omnia, si enim immutabilis esset, nihil ex ea fieri posset. Hinc diuidi in infinitum posse con-

Ccc ccc 2

sequi-

f) Lib. VII. f. 150.

r) ANTONIN. L. IV. §. 4. SENECA ep. 36. conf. LIPSIVS L. II. diff. II p. 132 seqq. et quae diximus Amoenit. literar. T. VIII. p. 306.

u) Praef. Qq. nat.

v) Dissert. de creatione ex nihilo, inserta CVDWORTHIO Syst. intell.

w) LAERT. I. c. STOBAEVS ecl. physic. c. 14.

x) SENECA ep. 58. ANTONIN. L. II. §. 17 L. V. §. 35. conf. GATAKER ad Ant. II. 17. p. m. 76. Hist. de ideis sect. I. §. 8. p. 127. Amoen. liter. T. VIII. p. 314.

y) SENECA ep. 38.

z) IDEM ep. 58.

sequitur, ipsa tamen, docente Chrysippo, infinita non est; nihil enim, quod diuisionem admittit, infinitum esse potest, materia vero continua est ^a. Oppositam esse hanc assertionem Epicureis, qui indiuidua corpuscula posuere, cum Stoicis placeat, nihil in natura rerum minimum esse, quod diuidi non queat, ut ait C I C E R O ^b, ex oppositione clarum est.

XXXII. Ex materia, rebusque, quae ex ea fiunt, atque ex ratione mundi, quae tanquam semen, ut visum Zenoni ^c, per eam discurrit, consistit mundus. Qua tamen voce, Deus quoque, interdum etiam coelum intelligitur ^d.

XXXIII. Discrimen tamen est inter vniuersum et mundum, vniuersum enim est infinitum, adiuncto vacuo: totus vero mundus seorsim a vacuo exiit, et ab eo circumdatur, forma globi, vel turbinis, vel oui, cuius centrum terra est ^e. Vacuum itaque Stoici admittebant, verum non in mundo, ut diserte P L V T A R C H V S, sed extra mundum ^f. Nec locum habere posse conflagrationem mundi putaret, nisi vacuum istud infinitum statuatur, tunc enim mundus in Iouem contrahitur, et resoluitur, quod sine vacuo fieri nequit ^g. Hoc vacuo tanquam limitibus cum mundus adeoque Deus etiam definiatur, ratio inde desumenda est, cur prima principia Deum et materiam fecerint finita.

XXXIV. Mundum vero ex materia ita condidit iuxta Zenonem: Ab initio cum nihil esset, praeter Deum et materiam, Deus omnem essentiam, quae igneae fuit naturae, in aërem primo, inde in aquam conuertit, utque planta semen continetur, ita Deus, qui mundi ratio est prolifica, huiusmodi semen in humore deposuit, quod facilem rerum producendarum praeberet materiam. Pars vero eius naturae subsidens in terram coaliuit, pars, aqueam retinuit naturam; pars exhalans in aërem abiit, ex cuius exhalatione ignis emicuit. Ita quatuor elementorum generationem a Zenone explicatam describit L A E R T I V S ^h. Paulo aliter Cleanthes apud S T O B A E V M ⁱ, ita tamen, ut in fundamento cum Zenone conueniat: Ex vno fieri omnia, et redire in vnum, reuolutione aequali et perpetua. Vniuersa natura igne accensa, partem eius mediam primum subsedisse, tum proximas illi partes sensim sensimque extinctas fuisse. Madefacto autem vniuerso, ignem extremum, renitente medio, rursus in contraria ferri, et vniuersi constitutionem ordiri, atque hunc vniuersi constitutionis circulum nunquam desinere. Mundi haec est creatio Stoica, quam summo Deo tribue-

^a) L A E R T. L. VII. f. 150. postulat hoc vacuum mundum determinans, conf. L I P S. p. 137. Ceterum apud L A E R T. l. c. materia *ἀπὸ θνῆ* dicitur, quod vel scriptum perperam, et cum Stephano et Casaubono mutandum est in *ἀναθνῆ* vel *ἐμπαθνῆ*, vel intelligendum tantum de mutatione essentiae, quatenus materia vniuersaliter considerata principium est.

^b) Ac d. Qq. L. I. conf. P L V T. de Stoic. repugnantis.

^c) S T O B A E V S eclog. phys. c. 14.

^d) L A E R T. f. 138. et laudati L I P S I O L. I. diff. V. p. 25. L. II. diff. VI p. 154. Otio Viadel. Mel. II. 5. 5. p. 145.

^e) P L V T. de plac. L. II. c. 1. 2.

^f) b. L. I. c. 18.

^g) Inde Posidonius apud P L V T. l. c. L. II. c. 9. vacuo non maius spatium tribuit, quam quod sufficere mundo possit in illud soluendo.

^h) f. 141. 142.

ⁱ) l. c. c. 20.

tribuebant, nempe igni artificiali, ita tamen, vt etiam Diis minoribus, qui in Ioue comprehenduntur, et in mundi creatione explicantur, aliquod opus sit. Cum enim ignis ille diuinus non omnia fin ul fecisset, sed, tradente ex Stoicis LAERTIO ⁱ, in summo loco, quem aethera appellant, constiisset, ibi primum immobilium aethrorum orbis natus est, deinde errantium, et post hunc demum aër, aqua, et extremum sublidens terra. Dii itaque in astris residentes, siue ignis diuinus qui in eos defluxit, ad elementorum formationem se accinxerunt tendente igne diuino, cuius partes sunt, ad medium siue centrum vnde eruperat, vt ita per totam materiam se diffundat. Ex his intelligi possunt loca CICERONIS et SENECAE ^k, quae Deos in partem conditi mundi vocant, quibus lucem erudite affudit MOSHEMIVS ^l.

XXXV. Animal est mundus, sensus, mentis, rationis compos, atque naturam animatam sensu praeditam habet. Vt enim anima nostra inde auulsa in corpore habitat, ita mens et prouidentia per omnes eius partes pertingit, et pars eius princeps aether est, vel coelum, vel, vt Cleanthi visum, sol. In eo enim dissentiebant Stoici, quae illa principalis pars esset, quorum varias ea de re opiniones refert, LAERTIVS ^m.

XXXVI. Quatuor sunt elemente praeter materiam qualitate non vestitam, ignis, aqua, aër, terra; ignis calidus est, aqua humida, aër frigidus, terra arida. Quin etiam in aëre eadem pars est: summo in loco ignis existit, qui aether appellatur, in quo generatur prima inerrantium stellarum sphaera. Proximo loco aër est, tum aqua subsistit. Basis omnium terra est, in medio eorum constituta ⁿ.

XXXVII. Elementorum duo sunt leuia, aër et ignis, graui duo, terra et aqua, quae ad centrum, proprie loquendo tendunt, ipsum tamen centrum, graue haut est ^o.

XXXVIII. Omnium elementorum alterni recursus sunt: quicquid alteri perit, in alterum transit, aër in ignem, sed non sine igne est; transit aër in humorem, sed nihilominus non sine humore est: et aëra et aquam facit terra, sed non magis vnquam sine aqua est, quam sine aëre: omnia enim sunt in omnibus. Ita SENECA ^p, et qui hanc Stoicorum doctrinam versibus exponunt, OVIDIVS ^q et LVCRETIVS ^r. Est tamen hoc discrimen iuxta Porticum, vt aër et ignis mouendi vim habeant, atque efficiendi, reliquae partes aqua et terra, accipiendi et quasi patiendi ^s.

XXXIX. Primum elementum ignis est, qui in coelo siue aethere locum habet. Est vero coelum extrema circumferentia, in quo sedem habet, quicquid est diuinum ^t.

Ccc ccc 3

XL.

ⁱ) f. 137.

^k) CIC. de leg. L. I. c. 8. SENECA de benef. L. VI. c. 33.

^l) AD CUDWORTH Syst. int. c. IV. §. 25 p. 512.

^m) f. 142 CIC. de nat. De r. L. II LIPS. L. II. diff. VIII. p. 164. cum cautione tamen legendus. Habuit hoc quoque Zeno a Platone.

ⁿ) ib. f. 136. LIPS. diff. XI. p. 186. BURNET. Archaeol. phil. L. I. p. 437 seqq.

^o) STOB. ed. ph. f. c. 17 p. 32.

^p) Nat. Qq. L. III c. 20.

^q) Metamorph. L. XV.

^r) Lib. I v. 781.

^s) CIC. Acad. Qq. L. I.

^t) LAERT. L. VII. f. 138.

XL. Sunt autem duae ignis species; alia inartificialis est ignis, vitae vñsibus reperti; artificialis alia, res omnes augentis et conseruantis, qualis in stirpibus et animalibus; nempe calor, siue ardor quo omnes mundi partes sultae sustinentur *l*.

XLI. Vltimus ille et altissimus, atque vñdique circumfusus et extremus omnia cingens atque complexus ardor, qui aether nominatur, Deus summus est. Qui in extrema quidem coeli circumferentia habitat, ad medium vero totius fertur, et circa eius ambitum consistit. Probe hoc tenendum est, vt de physiologia et theologia Stoicorum recte iudicari queat. Nam hinc clarissime patet, Stoicorum Deum non esse alium, quam ignem illum arte et perfectione cuncta perficientem, quae in natura sunt, siue subtilissimam partem materiae, crassiori opponendam. Haec quia leuissima et agillima totius pars est, sursum tendit, et ambitum mundi continet, quia vero ad medium mundi, vñde exiit, fertur, cuncta quoque permeare, et cuncta mouere necesse est. Et haec physica ratio eorum est, quae supra theologice de Deo dicta sunt. Quae ita explicata, vt par est, vtrum tam splendida et sacris Christianorum placitis confinia sint, ac putant, qui concordiam inter Senecam et Paulum, Zenonem et Petrum meditantur, lector vel mediocriter attentus facillime iudicabit.

XLII. Sol purissimus ignis est, et maior terra: sed et orbiculari figura, iuxta cum mundo: Ignis quidem est, quoniam omnia, quae ignis praestat. Maior vero terra, quia omnem eam illustrat, et ipsum etiam coelum *ll*. Ignem vero artificialem, id est ratione et intellectu praeditum intelligi, ex adducto STOBÆI loco *l* patet, vbi eum ignem, quem τεχνικὸν, φύσιν καὶ ψυχὴν dixerat, naturam astrorum constituere docet Zeno.

XLIII. Itaque sol Deorum merito princeps et dux est. Naturali hoc sequitur consequentiae necessitate ex adductis. Ita tamen, vt fallatur LIPSIVS *u*, qui PLINIVM Stoice dixisse ait: *Solem esse totius animam, ac planius mentem, hunc principale naturae regimen ac numen credere decere*: quamuis non neget quosdam Stoicos supremum aetherem: ἡγεμονικόν, siue mentem naturae rectorem dixisse. Stoici enim germani solem non primam omnium rerum causam, quae omnia fecit, sed principem inter Deos factos constituebant, adeoque inter opera summi Dei reponebant. Testamur ANTONINVM *v* et EPICTETVM *w*, quorum ille: *Quis solem condidit? quis terrae fructus?* hic autem: *Qui solem ipsum et fecit et circumagit, paruum suorum operum partem, si cum vniuerso conferatur, is vero non potest animaduvertere omnia.* Rectissime, si Stoica principia sequare. Nam supremus DEVS in extremitate mundi coeliue est, quem locum soli Stoici non assignabant.

XLIV.

l) STOBÆVS c. 24. p. 57. Qui φύσιν καὶ ψυχὴν dixisse ait. Recte itaque ignem naturae rationalem dixit, quod τεχνικὸν πῦρ Zeno vocat.

ll) LAERT. l. 144. LIPS. diff. XII. p. 195.

l) vid. not. praeced (*l*)

u) Diff. XIII. p. 197. qui Platonica et Stoica miscet.

v) Lib. III. §. 26.

w) ARRIAN. L. Lc. 14.

XLIV. Nobilissima purissimaque aetheris parte sidera gignuntur, neque vlla praeterea admista sunt natura, totaque sunt calida atque pellucida, vt ea quoque rectissime et animantia esse, et sentire atque intelligere dicantur. Vere et ex mente Stoicorum ita C I C E R O * : nam Posidonius quoque y stellas corpora diuina esse ex igne aethereo composita dixit. Ceterum sensum atque intelligentiam astrorum maxime ex ordine eorum demonstrabant, atque constantia; itemque ex motu, prout concludebant, voluntario; quae re ratiocinia eorum legi possunt apud C I C E R O N E M z. Et haec genuina ratio est, cur sidera inter numina retulerint, de qua re conferenda, quae §. VI. diximus.

XLV. Cum nullus non pastu indigeat ignis, stellae quidem terrae, marisque ac fluminum vaporibus pascuntur a. Etiam ad hanc positionem Stoicorum attendendum est, non tantum ad detrahendam diis eorum laruam, qui vaporibus terrae marisque nutriri opus habent, sed et ad perspicendam causam conflagrationis mundi; nam putabant, vbi alimenta haec plane deficere contingeret, ignis violentia totum hoc vniuersum correptum iri. Plura dabit I A C. T H O M A S I V S b.

XLVI. Quia sidera partes sunt ignis diuini et naturalis sensuque et intelligentia gaudent, ideo futura quoque portendunt, nec vnus tantum aut alterius rei signa dant, sed saepe totum fatorum sequentium ordinem nuntiant, et quidem decretis euidentibus, longeque clarioribus, quam si scriberentur. Verissime ex mente scholae suae haec tradit S E N E C A c, cum enim summi et diuini aetheris nobilissima pars sint sidera, ille vero fati legibus agit, et disponit, magnae quoque hae partes eius iisdem non tantum, quas scripserunt legibus, vt ait Seneca, parent, sed et toti fatorum catenae ita innexa sunt, vt ex maxima causae principalis secundum fati leges agentis parte, decreta haec queant intelligi. Non itaque praeter mentem sectae suae dixit M A N I L I V S :

- - - - - conscia fati
Sidera diuersos hominum variantia casus.

perperam castigatus a L I P S I O d. Nam dependent fati casus a diuino igne, Deo, cuius nobilissima pars sunt sidera.

XLVII. Proprie sol et luna, stellae (ἀσέρες) dicuntur, ab his autem differunt sidera, (ἀστέρα) quod haec etiam stellae vocari possint, illae vero non item sidera e.

XLVIII. Stellarum inerrantium circuli ita sequuntur: Saturnus, Iupiter, Mars, Mercurius, Venus, Sol, Luna. Inter quinque priores principatum ducit Venus, quia proximus sol ei est f.

XLIX.

*) Acad. Qq. L. II. c. 15.

y) Apud T O B. l. c. p. 54 seq.

z) De nat. Deor. L. II. c. 15. L I P S. diff. XIV.

p. 201.

a) Et sol quidem exhalatione maris, lura fluminum fontiumque, astra, terrae, vid. P O R P H Y R.

de antr. Nymph. p. m. in. ed. Rom. L A E R T. L. VII. f. 142.

b) l. c. diff. VI. p. 73.

c) Qq. nat. L. II. c. 32. conf. ep. 80.

d) Diff. XIV. p. 210.

f) C I C. N. D. L. II. c. 20.

e) S T O B. l. c. p. 55.

XLIX. Infimam aetheris partem occupat luna, quae est stella intelligens, sapiens, igneae naturae, cui tamen terrena admixta est. Posidonio cum magna Stoicorum parte ex igne et aëre mista est, cui etiam multitudini maculas lunae in acceptis ferunt. Terra mole ab ea superatur, perinde ac ab sole, et communem quoque cum eo sphaericam figuram habet, i motuque spirali procedit, qui geminus ei est, communis cum mundo ab oriente ad occidentem, et contrarius per signa zodiaci *ff*.

L. Post lunam aëris orbis sequitur, inter mare medius atque coelum, figura rotunda. Haec luno est.

LI. Aër diuiditur in tres regiones, summam, mediam et infimam. Summa pars calidissima est, et siccissima, et ob hoc etiam tenuissima, ob viciniam aeternorum ignium. Parsima et vicina terris densa et caliginosa est, quippe quae terrenas exhalationes recipit; media pars temperatior quam vtraque, parte altera, frigidior tamen siccitate et humiditate.

LII. Ventus aëris est fluxio *g*.

LIII. Pluuia nubis est in aquam conuersio, vbi ex terra mariue vis solis sursum elatus humor penitus non potuit dissipari *h*.

LIV. Terra mundi pars densissima et fulcrum, ut ossa sunt in animalibus, diffusam circa se ex aequo habet aquam *i*. In medio autem terra consistit, estque, ut centri postulat natura, et vna et finita, figura rotunda, quam et aqua habet, eiusdem cum terra centri *k*.

LV. Occulto itinere mare subit terras, et palam venit, secreto reuertitur, colaturque in transitu mare, quod per multiplices anfractus terrarum verberatum amaritudinem ponit, et in sinceram aquam exit *l*.

LVI. Terra immobilis consistit *m*.

LVII. Vnus mundus est; ita Epicureis infinitos mundos statuentibus contradicentes Stoici; hac potissimum ratione vti, quae ex semel admissis principiis necessario sequebatur: totum corporeum eo absolui, id est, vniuersam materiam, et quicquid realiter et corporaliter existit, nempe Deum et materiam eo comprehendi *n*.

LVIII. Aeternus mundus est, si pro toto sumatur, Deum et materiam complectente, qui ab aeterno fuit, aeternumque durabit. Si vero per mundum intelligatur, quod ornatum et constitutionem iam talem habet, peribit mundus, uti ortum accepit *o*. Posteriori significatione LAERTIUS *o* intelligendus est, tradens: Stoicis plerisque placere, corruptibilem mundum esse, et eodem modo, quo sensibilia omnia, gigni et resolui. Partes enim cum corrumpi queant, totum quoque corrumpi posse. Posse quoque in

ff) LAERT. f. 145. STOB. p. 59. PLVT. de pl. phil. L. II. c. 25. et de facie in orbe lunae T. III. p. m. 353. conf. BURNET. l. c.

g) PLVT. de plac. phil. L. III. c. 7.

h) LAERT. L. VII. f. 153.

i) STOB. l. c. p. 48.

k) LAERT. L. VII. f. 155. PLVT. l. c. c. 9. 10. LIPS. diff. XVI. p. 219 seq.

l) SENECA Qq. natur. L. III. c. 4.

m) ib. L. VII. c. 2. LIPS. diff. XIX. p. 223 seqq.

n) LAERT. L. VII. f. 140.

o) PHILONIS de mundo incorrupt. p. m. 940. et DIDYMI quod EVSEB. praep. L. IV. p. 816. loca leg. apud LIPS. L. II. diff. XX. p. 241.

p) Lib. VII. f. 141. THOMAS. p. 62.

in deterius mutari mundum, quia ficcitati et inundationi obnoxius est, sicque tandem deleri. Aliter tamen Boëthus et Posidonius, quibus et Panaetius adiicitur, et Diogenes Babylonius, qui mundi conflagrationem impugnant, eum aeternum esse defendentes ^p.

LIX. Lege vero mundi inundatio et conflagratio non secus, quam hiems et aestas, veniet. Illa quicquid habitatur, obducat, necabitque omne animal, orbe submerso. Prolixe de hoc mundi diluuiio SENECA ^q, qui nouam ex hac inundatione terram, extinctis pariter feris, in quarum homines ingenia transferant, promittit, ubi nouus dabitur homo inscius scelerum et melioribus auspiciis natus. Qui adeo placet LIPSIUS ^r, ut sacris literis et euentum et causam haussisse putet. Nec ab omni verisimilitudine abludit, veterem de diluuiio traditionem, quae per omnes fere gentes peruagata est, et cuius notitiam imprimis Phoenices habuisse videntur, ad Zenonem ex hac gente oriundum, parentum forte traditione, peruenisse. Caue tamen diluuium Stoicum cum sacro confundas. Illud enim necessaria fati, id est causarum et euentuum in mundo lege euenit, adeoque per aeternas periodos repeti debet: ut hiems necessaria tempestatis dispositione quotannis reuertitur, quae a diluuiio sacris oraculis memorato longissime distant.

LX. Altera praeter cataclysmum istum mundi deletio fiet ignis combustionem, ubi totus conflagrabit. Accendetur enim mundus potentia illius ignis, qui in omnibus rebus latitat, quae longis temporum interuallis humorem consumens omnem, omnia in suam naturam conuertet, cuncta conflabuntur in vnum, et in Iouem, vel chaos potius pristinum reducentur. Fiet haec conflagratio certis et mundi fato ac legibus destinatis periodis annorum. Decantatissimum hoc de mundi conflagratione Stoicorum dogma est, cuius forte excogitandi ansam a veteri traditione, quae inter barbaros viguit, igne mundum aliquando deletum iri, accepit Zeno, sed ita systemati suo adaptauit, ut prorsus ab ea diuersa sit. Quam ut recte intelligamus, 1. obseruandum est, necessitatis siue fati lege hanc conflagrationem ex mente Stoicorum euenire. Cum enim natura totius ita connectatur, et catenae instar inter se omnia sequantur, ut a principio ad finem cuncta decurrant, et ab eo in circulo ad initia sua recurrant, atque in orbem vertantur, necessario eiusmodi mundi finis statuendus est, quo ignis ille artifex mundi, siue naturalis, qui ex chaos quasi erumpens rebus omnibus et formam dedit, et illas permeando et viuificando sustentauit, consumto tandem nutrimento, ficcitatem inducet et conflagrationem, qua cuncta in vnam conflabuntur massam, et in pristinum reducentur chaos, ex quo post aliquam quietem ignis ille diuinus nouum iterum mundum producet, idque aeternis vicissitudinibus repetet. Longum liceret huius dogmatis testium agmen producere,

^p) PHILO de mundo incorr. CICERO de N. D. L. III. c. 46. STORAEVS Eccl. phys. c. XXIV. p. 44.

^q) Q. nat. L. III. c. 29.
^r) diss. XXI. p. 247.

cere, nisi otium nobis fecisset LIPSIUS^s et THOMASII^{ff} industria. Videri tamen possunt praeter alios ex Stoicorum numero SENECA^e atque ANTONINVS^u. Eleganter ex Stoicorum mente OVIDIVS^v:

*Ecce quoque in fatis reminiscitur, affore tempus
Quo mare, quo tellus, correptaque regio coeli
Ardeat, et mundi moles operosa laboret.*

Oppositam vero esse hanc fatalem et necessariam mundi destructionem, ut alia quoque physiologiae Stoicae capita Epicureis, non est quod dubitemus. Illis enim non minus, quam Stoicis, placebat, mundos tandem dissolutum iri, ut infra capite XIV. demonstrabimus; id vero nulla fati necessitate, sed atomorum, quae coaluerant temeraria et fortuita resolutione et dissipatione fieri docebant^w. 2. Quia vero certa periodo haec conflagratio ex fati lege euenire debet, hinc certis tantum temporibus durare mundum, hisque exactis renouari mundi faciem vniuersali conflagratione et restitutione in prima principia statuebant Stoici. Quam fatalem temporis periodum ut designent Stoici, annum magnum varia veterum opinione commendatum et traditum, in partes vocant, et NEMESIO^x teste, stellas aiunt errantes, cum ad idem et in longitudine et in latitudine signum referantur, in quo initio erant, cum primum mundus est conditus, certo temporum ambitu conflagrationem et interitum rerum efficere, et de integro mundum eodem restitui. Quot vero annis iste magnus annus et fatalis rerum omnium periodus definiatur, de eo inter Stoicos non conuenit, quorum hac de re placita et coniecturas attulit THOMASIVS^y, qui multa eruditione hunc annum magnum illustrauit, ipse pluribus videndus. 3. Causam vero *ἐκπυρώσεως* illius supra iam attigimus consumptum alimentum, quo ignis per omnia latitans alebatur, vnde siccitas primo, mox conflagratio exoriri debet^z. 4. Modum vero, quo illa eueniet, eleganter, more suo depinxit SENECA^a, qui ita ad Marciam^b: *Cum tempus aduenerit, quo se renouaturus mundus extinguat, viribus ista suis se caedent, et sidera sideribus incurrent, et omni flagrans materia, vno igne, quicquid nunc ex disposito lucet, ardebit.* Id momento futurum alio loco^c non minus pulchre. 5. Dum vero ita omnia ardent, soluuntur, conflantur, necessario quoque Deos omnes, et in his principes stellas et sidera, occupabit incendium, Diique confundentur in vnum ut ait SENECA^d. Commode alter, tragoedus^e:

*Coeli regio concidet,
Certos atque obitus trahet
Atque omnes pariter Deos
Perdet mors aliqua et chaos.*

Alia

^s) Diss. XXII. p. 248 seqq.

^{ff}) Diss. XI. p. 160 seq. add. GATAKER. ad Antonin. V. 21. IAC. WINDETVS de vita funtorum statu Sect. III. p. m. 64. alios nominat WOLFIVS ad PSEUDO ORIG. phil. p. 146.

^e) Consol. ad Marc. c. ult. Qq. nat. L. III. c. 27. ep. 9 et 71.

^u) loc. cit.

^v) Metamorph. L. I. v. 256.

^w) Conf. LACTANTIUS L. VII. c. 1. MINVC. FELIX, in Octauio c. 34. §. 2. p. 127. qui tamen minus accurate Stoicos et Epicureos iungit.

^x) De natura hom. c. 38.

^y) Diss. V. p. 62 seqq.

^z) PHILO de incorrupt. mundi p. m. 940.

^a) c. ult.

^c) Epist. 9.

^b) Qq. nat. L. III. c. 27.

^d) Herc. Oct. v. 1112.

Alia Stoicorum testimonia adducta a LIPSIO ^e et THOMASIO ^f praeterimus; satis euidenter enim haec ex toto physiologiae Stoicae systemate fluent. 6. Vt vero ista ignis depastio omnium quae sunt, fieri queat, habeatque ignis, ubi se extendat, ideo vacuum infinitum a Stoicis assertum esse, supra iam demonstraui. Addimus locum PLUTARCHI ^g, quia luculentus est: *Ignem, Stoici aiunt, semen esse mundi, et post exustionem mutare mundum e corpore minore, habentem iam tumoris et amplitudinis multum, et vacui regionem immensam occupantem, quae ipsa immensa facta sit illo augmento.* Rursumque, cum gignitur mundus, sensim abire et collabi magnitudinem; subeunte scilicet, cum generatio existit, et contrahente se in se ipsam materie. 7. In vnā ita massam conflato toto mundo restituitur status chaoticus, quem Iouis nomine significant Stoici, qui ita paulisper acquiescet sibi, resoluta mundo, ut ait SENECA ^h, suisque cogitationibus intentus quasi delitescet; quo 8. nouus iterum, poscente ita fati ordine et orbe, orietur mundus, integer, omne animal, ut habet SENECA ⁱ, ex integro generabitur, dabiturque terris homo inscius scelerum, et melioribus auspiciis natus. Verbo cuncta primaeuam integri mundi nascentis recuperabunt faciem, idemque mundi ornatus, ut ait CICERO ^j, orietur. 9. Neque tamen diu durabit illa felicitas, sed quod ex natura materiae, quam totam corrigere Deus, siue ille ignis diuinus, non potest, necessario sequitur, prior redibit corruptio. Innocentia, ut porro SENECA ^k, non diu durabit, nisi dum noui sunt homines, cito nequitia surrepet. 10. Cum itaque et tum emendatione opus habebit natura degenerans, redibit conflagratio, sicque aeternis periodorum orbibus orientur et conflagrabit mundi ^l. 11. Ex qua breui conflagrationis Stoicae historia clarum esse putamus, quantum a Christiana distet, cum et fatalis sit ac necessaria, et naturalibus atque mechanicis quibusdam legibus constet, et aeternis periodis repetatur, et, quo minus prior corruptio iterum irrepat, impedire nequeat ^m, quae omnia indigna sunt Deo, qualem, quem hoc in dogmate Stoici fingunt, ridet PHILO ⁿ, talem monens a Stoicis induci Deum, qui similis sit pueris, qui saepe iuxta litora per lusum ex arena tumulos excitant, et postea manibus suis iterum destruunt. Quae sine dubio mouere Boëthum, Posidonium, Diogenemque Babylonium et Panaetium, quos supra memorauimus, quibus ex Numenio Zenonem Sidonium addit LIPSIUS ^o, ut insulsam doctrinam abiicerent. Crassum enim dogma esse, recte iudicauit BURNETIUS ^p, magnus cetera conflagrationis mundi patronus. Sed meliora non dabant principia semel admissa, et liquidiorē

Ddd ddd 2

tra-

^e) l. c. p. 255.^f) Diff. VII. p. 75 seqq.^g) de repugnant. Stoic. T. III. p. m. 462.^h) Epist. 9. conf. PLUTARCH. l. c.ⁱ) Qq. nat. L. III. c. vlt. PLUT. l. c.^j) De nat. Deor. L. II.^k) l. c.^l) Numen. apud EVSEB. praep. L. XV. p. 820. TATIANVS adu. gentes p. m. 145. ed. Paris.^m) THOMAS. l. c.ⁿ) l. c.^o) l. c. p. 261. conf. MENAG. ad Laërt. L. VII. f. 142.^p) Archacol. philos. L. I. c. 7. p. 374.

traditionem non admittebat Heraclitus, in eodem luto haerens^p, quem secutus est Zeno.

LXI. Rebus omnibus ita post conflagrationem in pristinum statum restitutis, et redeuntibus per orbem, redibunt etiam homines. En resurrectionem Stoicam, de qua eleganter SENECA^q. *Mors quam pertimescimus ac recusamus, intermittit viam, non eripit. Veniet iterum, qui nos in lucem reponat dies.* Caue tamen hanc resurrectionem cum Christianorum resurrectione confundas, quod praeter veteres quosdam HVERTIO^r, accidit. Illa enim fati lege recurrit, nec homines restituit meliores et feliciores, sed in pristinam miseriam detrudit. Hinc ipse adiicit dictis SENECA: *hanc d' em multos recusaturos fuisse, nisi oblitos reduceret.*

LXII. Tempus, inter res incorporeas ultimum locum occupat; de natura eius non prorsus inter se Stoici conveniunt. Zenoni intervallum est motus et mensura celeritatis ac tarditatis, secundum quam sunt et fiunt omnia. Chrysippo motus intervallum est, mundi motum consequens; Posidonio tempus in genere infinitum est, in parte vero, praeteritum tantum et futurum; praesens enim tanquam punctum quasi, quod sub sensum cadit, considerandum est^s. Patet ex dictis, Stoicis inter ea, quae realem existentiam habent, tempus non retulisse, quia incorporeum fecerunt, id est, actionis et passionis expers, incorporeum enim est, quod esse potest, sed in corporibus non est^t, quale est vacuum, quod ideo a loco distinguebant, quod hic queat occupari. Ex his vero recte colligitur, Stoicos ignorasse, quid de his incorporeis statuendum sit, et cum ens physicum de iis negarint, in mentis tantum notione et relatione ea quaesivisse.

Anthropologia Stoica.

LXIII. Homo mundi imago est, et mundus in ipso. Nam et ille constat corpore et anima, ut totum^u. Hinc dignitas hominis patet, qui proximus a Diis collocatus est. Egregie ex Stoa decretis MANILIUS^v:

*Quis dubi et posthac hominem coniungere coelo,
Eximiam natura dedit linguamque capaxque
Ingénium, volucremque animum, quem denique in unum
Descendit Deus atque habitat, ipsumque requirit.*

LXIV. Principium humano generi ex nouo mundo constitutum fuit, primique homines ex adminiculo diuini ignis, id est, Dei providentia, geniti sunt. Ita Stoicorum de generatione humani generis eiusque ortu sententiam enarrat CENSORINUS^w, quem tamen non aliter intelligendum esse, principia Stoicorum naturalia suadent, quam ignem diuinum rationes

^p) Dabimus testimonium LAERTII, remque ipsam c. XIII.

^q) SENECA ep. 36. Chrysippus apud LACTANTIUM. L. VII. c. 23. ANTONIN. L. II. §. 13. L. X. §. 7. L. XI. §. 1. ATAKER, ad h. l. ORIG. philosophum, p. 147.

^r) Qq. Albetan. L. II. c. 23. con. BURNET. theol. tellur. L. IV. c. 5. p. 278 seqq. Otium Vindel. p. 37. Non tamen id omnibus Stoicis placuisse obseruat THOMASIVS l. c. diff. X. p. 156 seqq.

^s) STOBÆVS c. II. p. 20 seq. SEXT. EMPIR. Pyrrh. hyp. L. III. c. 17. f. 136. L. II. adu. Phys. f. 218. LAERT. L. VII. f. 141.

^{ff}) SEXT. EMP. adu. Logic. L. II. f. 263. 400. 407.

^t) LIPS. L. III. diff. II. p. 273. qui Stoicis phalaris nimis capitur.

^u) L. II.

^v) CICERO de legib. L. I. SENECA ep. 90. LIPSIVS L. III. diff. III. p. 282 seqq.

nes feminales omnium rerum continentem, eam partem materiae, quae apta erat instituto, humanam mentem imprimendo, qualitate formaque hominis impertiuiffe. Ad aeternam enim rationem toti inditam, et vim omnium seminum singula proprie figurantem cunctarum rerum ortum referebant. Nihil hic creationis liberae cogitandum; cuncta necessario, fatique lege euenere; *perpeuis enim cursibus*, interprete CICERONE ^w, *et conuersionibus coelestibus credebant extitisse, quandam maturitatem ferendi generis humani*: quod sparsum in terras atque fatum, diuino auctum sit animorum munere.

LXV. Hominis semen, quod ipse emittit, cum humido miscetur animae partibus, pro ratione conuersionis parentum. Est autem id, secundum Chrysippum spiritus, quoad essentiam. A totis corporibus id defluere, Sphaerus dixit, ideoque et omnes corporis partes gignere; mulieris autem semen in foecundum esse, utpote spiritu non intensum, et modicum item et aquosum *. Caue vero, per spiritum hic aliud intelligas, quam materiam subtiliorem, sensu Stoico x.

LXVI. Semen tamen corpus modo producit non animam, quod futuri hominis rationem omnem comprehendit, et totius corporis, et sequentis aetatis, in paruo occultoque lineamenta sunt z: anima vero non in utero concipitur, nec cum carnis figuratione compingitur atque producitur, sed et effuso iam partu nondum uiuo infanti extrinsecus imprimitur a. Anima itaque secundum Stoicos non nisi nascenti infanti insinuat, ut ait LACTANTIUS ^b, aeris quippe rigore percusso, ut vim animalem raperet, et vocalem sonum redderet, quod cum Aenesidemo Stoicis tribuit TERTULLIANUS ^c. Vnde sequitur foetum in utero non aliter ali ac crescere, nisi ut plantam ^d: immo longius progressi alii ex Stoicis, partem uteri, non animal foetum esse dicebant, decidens ex utero, sicut maturi fructus decidunt ex arboribus e. Quas absurdas et pueriles nugas vehementer improbant in Stoicis TERTULLIANUS ^f atque PLUTARCHUS ^{ff}.

LXVII. Animus, si primam eius originem inspexeris, non est ex tereno grauique concretus corpore, sed ex illo coelesti spiritu descendit g, cuius diuini spiritus pars est ac scintilla, ex igne coelesti ac diuino, qui in aethere coeloque habitat, cuiusque pars in sempiternis illis ignibus habitat, qui sidera et stellae vocantur ^h.

Ddd ddd 3

LXVIII.

w) l. c.

x) LAERT. L. VII. f. 158. quique in hanc Stoicorum doctrinam commentatur LIPSIVS l. c. p. 296. conf. SENECA Q. Nat. L. II. c. 6.

y) conf. LIPS. l. c. diff. VII. p. 301 seq.

z) SENECA l. c. L. III. c. 29.

a) TERTULLIANUS de anima c. 25.

b) L. III. c. 10.

c) l. c.

d) PLUTARCH. de repugn. Stoic. T. III. p. m. 31.

e) IDEM de plac. phil. L. V. c. 15.

f) l. c.

ff) De repugn. Stoic. l. c.

g) SENECA ad Helu. c. 6.

h) CICERO in Somn. Scip. PLINIVS L. II. c. 26. Epictetus passim, vid. ARRIAN. L. I. diff. XIV. L. III. diff. XXIV. ANTONIN. L. IV. §. 4. L. II. §. 4. L. IX. §. 8. ex recentioribus LIPSIVS diff. IIX. p. 307. GATAKER. ad II. cc. Antonini et ad L. IV. §. 21. BVDDEVS Anal. hist. phil. p. 90. et qui de fonte animorum plura congescit THOMASIVS l. c. p. 249. quibus, si placet, adde, quae in diff. de Stoicis, subdolis Christianorum hostibus l. c. diximus.

LXVIII. Est itaque animus hominis particula Dei, siue animae munda-
nae, a Deo quasi auulsa non ab ipso tantum, sed ex ipso facta, et anima
mundi fons est animarum.

LXIX. Anima quid sit, difficile quidem expedire est ⁱ; (ita enim
Heraclitus quoque, Zenonis dux) quod si tamen animorum fontem con-
sulimus, ignis animus est, siue spiritus igneae naturae ^k. Spiritusue cali-
dus, intelligens, rationalis. Recte hanc assertionum trigam Stoicis tribui,
non allata tantum veterum testimonia, et ipsa, quibus vsi sumus, verba
Stoicorum probant, sed et ratio systematis physici in Porticu personantis
euincit. Cum enim omnia, quae mouendi, regendi, agitandi vim habent,
naturam, essentiam fontemque habeant in anima mundi, qui ignis ille ar-
tifex et naturalis est, in aethere habitans, et in stellis atque sideribus po-
tissimam portionem residentem constituens, materiam vero omnem pe-
netrans, et agitans, non possunt non animae particulae esse naturae diuinae,
et essentia animarum in igne constitui, illarumque etiam ortus ex sideribus
deriuari, cum partis ratio totum sequatur. Modificationem tamen aliquam
adhibebant Stoici, qui facile videbant, ignis tanti ferendi capacem hominis
naturam non esse, inde statuebant, teste PLUTARCHO ^l et PSEUDO-
ORIGENE ^m, animam siue ignem istum diuinum, in partu hominis indi-
tum ab aëre refrigerari ac durari, et, mutato spiritu, fieri animal. Hausit
hanc doctrinam Zeno partim ab Heraclito, qui animam ex igne illo na-
turali etiam deriuauit, partim a Platone, qui animam mundi fontem ani-
marum constituit, ita tamen vt originem diuinam referret.

LXX. Animae itaque et mortales et immortales sunt. Dubii et di-
uersum inter se de duratione animarum sentientes Stoici. Certe indigne
tanto philosopho SENECA ⁿ: *Fortasse, si modo sapientium fama vera
est, recipitque nos locus aliquis, quem putamus perisse, praemis-
sus est.* Exagitatos propterea Stoicos fuisse ab Epicureis, quibus tamen
aeternitatem et immortalitatem animorum opponebant, alio loco ^o
probatum dedimus et quam incerti hac de re fuerint, variae hac de re
Stoicorum opiniones loquuntur quas diligenter enarrauit MENAGIVS ^p.
Cleanthes, omnes animas ad conflagrationem mundi permanere, Chrysip-
pus, solas sapientium existimat, si LAERTIO ^q fides, quod tamen omni-
bus Stoicis tribuit PLUTARCHVS ^r, quocum consentit Numenius apud
EVSEBIUM ^s. Nec aliter SENECA ^t. Epictetus vero ^u, et ANTONI-
NVS ^v animas corpore solutas mox in animam mundi confundi, et in
aërem

ⁱ) Faterur SENECA N. Q. L. VII. c. 24. et CI-
CERO Tusc. Q. 1. L. I.

^k) Testimonia Stoicorum praeter LIPSIUM
diff. IX, p. 313 seqq. collegit GATAKERVVS ad
Ant. L. IV. §. 21.

^l) l. c.

^m) c. XXI. p. 146.

ⁿ) epist. 63.

^o) nec. (x) citando.

^p) Ad LAERT. L. VII. f. 157.

^q) l. c.

^r) De plac. phil. L. IV. c. 7.

^s) L. XV. p. 816.

^t) Consol. ad Marc. c. ult. Fluctuasse tamen, ex
dictis patet.

^u) ARRIAN. L. III. diff. XIII. co. f. LIPS.
p. 321.

^v) L. IV. §. 13. 21. conf. GATAKER. ad h. l.
TZEZES chil. VII. hist. 147.

aërem subiectas succendi, et igni vniuersali inferi afferuerunt. Et huc illi ex Stoicis ponendi, qui animas in vndis extinguere posse credebant, quam absurdam sententiam, licet a Stoicis plane remoueat doctissimus THOMASIVS^a, nonnullos tamen infanuisse non negat, cum hoc ex natura animae corporeae, qui ignis est ab aëre condensatus, adeoque extinctionis capax, sequatur. Absurdiores sunt, ex Stoicis isti, SENECAE^b memorati, qui existimant animam hominis magno pondere extriti permeare non posse, et statim spargi, quia illi non fuerit liber exitus. Ea enim ne Stoicis quidem principiis consona sunt, cum nec aër, nec flamma, nec animus, eiusdem tenuissimae naturae, Seneca recte monente, scindi vel supprimi queat. Quin et hoc notandum, quod hoc Senecae loco obscurius innuitur, animas, ex multorum Stoicorum mente, non statim, quam ex corpore discesserunt, spargi, sed corpori in sepulchro adesse, donec putrefiat et esse desinat^w. Ex dictis iam vanitas physiologiae Stoicae clare patet, quae licet animorum immortalitatem non alia ratione asserere potuerit, quam vt redeuntibus per orbem fatalem rebus cunctis, animi quoque pristini redeant, immortalitatem animorum tamen spem magnam dicere Stoicos iussit, qua tota vita humana contineretur. Quam inconstantiam Elpisticorum nomen Stoicis ἀπὸ τῆ σκόμματος dedisse, peculiari dissertatione^x verisimile fecimus.

LXXI. Redibunt quidem animae in corpora pristina post vniuersalem rerum omnium conflagrationem, suisque inferentur corporibus; ea vero μετενσώματῳσι non confundenda est cum μετεμψυχώσαι Pythagorae et Platonis, quae cum Stoicis assertis stare nequit^y, quamque iis perperam tribuunt LACTANTIUS^z et DAMASCENUS^a. Aliis vero ex Stoicis, non easdem sed fimiles animas in vniuersali reuolutione anni magni corporibus indi placebat^b.

LXXII. Anima corpus est, est enim, et agere potest, sed corpus tenuissimum, quod oculis videri nequit. Id ex adductis clarum est^c.

LXXIII. Octo animae sunt partes, sensus nempe quinque, facultas generandi, facultas loquendi, parsque principalis, (τὸ ἡγεμονικόν). Est vero pars animae princeps quae visa format, item sensum et appetitum, vocaturque ea ratiocinatio, sedemque in corde habet, vel vt alii malunt, in capite, tanquam in sphaera sua. Ab hac parte reliquae septem nascuntur et diriguntur^d.

LXXIV. Post mortem animae sedes est inter sidera, atque inter Deos, vbi naturae operum contemplatione fruitur, donec in conflagratione in Iouem cum reliquis Diis confundatur. Magnifice passim de hac animarum

^a) Diss. de morte in vndis gentilibus inuisa, quae extat Obs. Hal. T. VII. obs. 9 p. 127.

^w) Epist. 57.

^z) SERVIUS ad VIRGIL. Aeneid. III. 64.

^x) Diss. de Secta Elpisticorum, quae extat Miscell. Berolin. T. V. art. ult.

^y) Conf. IAC. THOMASIVS l. c. p. 156. Otium Vindel. l. c. p. 26.

^z) L. III. c. 18.

^a) De haeresi apud LIPSIVM diss. XII. p. 325.

^b) Vid. THOMASIVS l. c.

^c) LAERT. L. VII. c. 157. PLUTARCH. de plac. philos. L. IV. c. 2. 3. LIPSIVS diss. XIII. p. 327.

^d) LAERT. L. VII. c. 157. PLUTARCH. de plac. cit. L. IV. c. 4.

rum post mortem sede Stoici, imprimis SENECA ^e, qui tamen ἐξωτερικῶς magis, quam ex vera animi sententia, philosophatus est. Distincte tamen Stoica de statu animorum post mortem doctrina intelligenda est. Nam hoc 1. ad eos tantum pertinet, qui post mortem animos, dissoluto corpore, non dissolui, et in vniuersam mundi animam non abire, sed existere vsque ad mundi succensionem statuebant. 2. De bonorum hoc tantum animis valet. ignobiliore enim et malae ex Stoicorum sententia cum corpore dissoluuntur. 3. Non tamen ad sidera et stellas aditum iis faciebant, sed, (SENECAE ^f verba damus) *paulum supra nos commorari statuebant, dum expurgant inhaerentia vitia, situmque mortalis aevi excutunt.* Quod latius explicat PLUTARCHVS ^g, qui *animas istas*, ait, *fati lege vagari ea in regione, quae terram et lunam interiacet, ibi impiorum poenas luere; piorum certum tempus, quantum ad lustrandum et corporis, utpote malae causae, pollutiones abolendas sufficit, in aëris purissima parte degere, quam praeta Diis appellant, deinde veluti ab exilio in patriam reductas, gaudium degustare, quale maximum percipiunt, qui sacris initiantur, trepidatione ac suauis spe permixtum.* Multas enim extrudere aestuandoque proicere, iamiam lunam subire affectantes; nonnullas etiam, quae iam eo peruenerint, subuersas videre, tanquam in profundum deuolui. Quae autem sursum euaserint, ac firmiter sint collocatae, primum coronari pennis constantiae, et vim roburque aethereum accipere, ac fieri stabiles et pellucas. Ex quibus manifestum est, duplex animarum purgatorium statuisse Stoicos, vnum, quod infra lunam in aëre esset, alterum, quod in luna eiusque cauernis, et earum maxima, quam penetralia Hecates dici idem PLUTARCHVS ait, existeret. Etli vero haec ad accommodandos fabulari theologiae sensus physicos pertinere, et Stoicorum ea in re studium singulari exemplo illustrare, negari nequeat, nihil tamen est, quod non Heracliteis de igne mundi rationibus, ex quibus eos hanc quoque de purgatione animarum in orco doctrinam Stoicos recepisse Plutarchus tradit, conueniat. Lunam enim ignem turbidum dixere Stoici, aërem vero obscuriorem adhuc et crassio rem partem, ut supra demonstratum. Anima itaque mala et ignobilis in aërem dissipata, et materiae contagio grauata, aestu aëris vehementissime agitati donec plane dissipetur, rapitur, et hic infernus Stoicorum est: leuiore et partim naturae suae conformiter magis viuentes animae ignis, id est naturae suae leuitate ad orbitam lunae adscendunt, qui cum ignis turbidus sit, necesse est eos luctari et purgari, donec naturali motus lege, qua ignis sursum tendit eluctentur, et cognatis inferantur sideribus. Qua ratione aliquam praemiorum et poenarum spem relinquebant Stoici, physicis licet et mechanicis physiologiae suae principiis addicti. 4. Neque tamen haec omnibus place-

^e) In consolationibus passim.

^f) Ad Marciam c. 25.

^g) De facie in orbe lunae T. III. p. m. 383. conf.

THOMASIVS de loco animorum post mortem ex Manetis doctrina, in Hist. Sapient. et Stult. T. I. p. 70.

^g) LACTANT, L. VII. c. 7.

cebant Stoicis, ridetque has fabulas praeter Epictetum ^b, SENECA ⁱ, qui clare: *Illae, quae nobis inferos faciunt terribiles, fabula est. Nullas, scimus, imminere mortuis tenebras, nec carcerem, nec flumina flagrantia igne - - luserunt ista poetae et vanis nos agitare terroribus. Mors omnium dolorum solutio et finis est: ultra quam mala nostra non excurrunt, quae nos in illam tranquillitatem, in qua antequam nasceremur, reuocant, reponit.* Ex quo Senecae loco euidentius est, eum statum hominis eundem, qui ante nascendi initia habuit, ubi anima in mundi anima, corpus in materia delituit, post fata posuisse.

LXXV. Anima sapiens et philosophia erudita solis et lunae et stellarum cursus discit, eaque videt, quae in terra didicit. Prolixe haec IULIUS FIRMICUS ^k, quem tanquam filium et satellitem Stoicorum laudat LIPSIUS ^l, qui tamen ipse videt, Platonica ea magis esse, quam Stoica, unde non insistit argumento, quod SENECAE intactum. Prouocasset rectius ad Senecam suum, qui loco ^m, alibi ipsi LIPSIUS adducto, ea de re eleganter, modo ex animi sententia, certe ex Stoicorum mente: *Parens tuus, Marcia, illic nepotem suum, quanquam illic omnibus omne cognatum est, applicat sibi noua luce gaudentem, et vicinorum siderum meatus docet: nec ex coniecturis. sed omnium ex vero peritus in arcana natura libens ducit. Vique ignotarum vrbium monstrator hospitii gratus est, ita sciscitanti coelestium causas, domesticus interpres, et in profunda terrarum permittere aciem iuuat. Delectat enim ex alto relicta suspicere.*

§. X. Principiis his physiologicis innititur doctrina Stoicorum moralis, quae delineanda nobis iam est. Eam in hos locos Chrysippus et sequaces diuidunt ⁿ. De appetitu; de bono et malo; de passionibus animi; de virtute; de fine; de prima aestimatione; de actionibus; de officiis; exhortationes et dehortationes. Zeno tamen et Cleanthes, subtilitates has, dialecticis potissimum diuisionibus nixas non curabant; licebit itaque etiam nobis, posthabito Stoicorum ordine dialectico naturalem, quo se dogmata consequuntur, ut in physicis fecimus, sequi, et decreta Stoicorum moralia ex ipsis fundamentis suis deducta enarrare. Ea vero in his potissimum versabantur:

*Philosophia
moralis
Stoicorum.*

I. In vita hominis ante omnia respiciendum ad finem ⁿ. Est vero finis, cuius causa sunt omnia, ipso ob quam sit, habente nullam; vel ad quem omnia referuntur in vita, cum ipse ad nihil referatur ^o.

II. Finis

^b) ARRIAN. L. III. diff. XI^{II}.

ⁱ) Ad Marciam, c. 19. conf. ep. 117.

^k) Astro. om. L. I.

^l) diff. XV. p. 336.

^m) l. c. c. 25.

ⁿ) LAERT. L. VII. c. 84. Recentiores ethicam Stoicorum explanatores enumerant Asta philosoph.

Vol. I. p. 747. Vol. II. p. 163. 445. Quibus merito addenda cel. BVDDEI. Introd. in philosoph. mor. Stoicorum ex mente Antonini praefixa ANTONINO Lipsiae edito.

^o) SENECA epist. 95.

^p) ib. STOBÆVS Eclog. eth. L. II. c. 3. p. 172. ed. Canteri.

II. Finis trifariam dicitur, primo bonum, quod finis est vltimus, secundo scopus, qui est vita ad illum ducens, tertio expetendorum extremum, ad quod reliqua omnia referuntur ^p:

III. Finis vero hominis est naturae conuenienter viuere. Definitionem hanc Zenonis varie auxere sectatores, quorum explicationes referunt LAERTIVS et STOBÆVS ^q.

IV. Est vero natura nihil aliud, quam lex et ratio totius mundi, et agitantis et viuificantis atque penetrantis omnia diuini siue coelestis ignis; sicque naturae conuenienter viuere, naturae communis ductum leges motusque sequi est, siue se ad totius naturam, tanquam partem, componere ^r.

V. Cum vero naturae potior pars Deus sit, cuius agitatione omnis materia mouetur, formatur, disponitur, Dei vero particula ratio humana, siue princeps animae pars sit, hinc naturam sequi, Deum sequi, rationem sequi communem, vel legem mundi, idem significat. Palmarium hoc totius ethicae Stoicae fundamentum est, cui reliqua omnia innituntur, quodque plenis buccis vbique Stoici crepant ^s, quorum testimonia, ne nimis simus, collecta habes apud LIPSIVM ^t, STANLEIVM ^u et MENAGIVM. Arcte vero ita physica et ethica Stoicorum cohaerent. Omnia enim ex vno constant toto, cuius partes res omnes sunt: quod cum fati legibus regatur, homo, qui *μικρόκοσμος* est, et ex vniuerso decerptus, viuere debet, vt partem totius decet, et dispositioni, ordini, atque naturae eius, quam agitans intra Spiritus coelestis vrget, conuenit, vt ita partem totius recte effingat. Huc enim omnia Stoicorum, quaecunque de fine differunt, collineant; nam quod Chrysippo, viuere secundum experientiam eorum, quae secundum naturam eueniunt; quod Cleanthi, communis naturae sequela; quod Diogeni Babylonio, rationi vitae obtemperare, in iis eligendis et respuendis, quae secundum naturam sunt eligenda vel respuenda; quod Panaetio, viuere iuxta appetitiones a natura nobis inditas; quod Posidonio, viuere contemplando veritatem ac ordinem vniuersi, illud vniuersi est naturam, motum, leges et rationes sequi, et contraria reicere, sicque rationem toti rerum naturae inditam, Deumque partem eius agentem tanquam partem imitando exprimere. Eundem in modum de fine Stoico differit CICERO ^v, qui videndus. Idem respexere veteres Iureconfulti. ius definientes, quod natura omnia animantia docuit: lex enim naturae omnibus mundi partibus inest, qua omnia ex causis suis originem sumunt, et ad certos euentus decurrunt ^x.

VI. Viuere vero secundum naturam, idem est, ac, viuere secundum virtutem. Pulchrum enim et bonum atque virtus, et quod participat ex virtu-

^p) ib. CIC. de fin. passim.

^q) LAERT. L. VII. c. 86 sq. STOB. I. c. p. 171. LIPS. Introd. phil. mor. diff. XIV p. m. 179. MENAG. ad l. c. Laërt.

^s) SENECA ep. 41. ANTONIN. L. VI. §. 15.

^t) l. c.

^r) citati.

^u) P. VII. Hist. philos. p. 608. conf. GATAKER. ad ANTON. L. II. §. II. BVDDEVS. Analect. H. P. p. 145 146.

^v) De fin. L. II c. II.

^x) Conf. IO. SCHILTER. Manud. philos. moral. ad Iurispr. c. II. §. 1. p. 38.

virtute, termini sunt aequipollentes, unde consequitur, ut idem sit beatitudo, quod, viuere secundum virtutem^γ.

VII. Infiti vero animo humano sunt igniculi et semina viuendi secundum virtutem, quia pars est animae mundi siue Dei, cuius nutui parendum, et ad cuius leges viuendum est. Magna ea de re praecipunt Stoici^z, quae tamen, caueas, consentanea putes dictis ecclesiae doctorum^a, qui infita honesti praecepta, et scintillam rationis praeiungunt sacris oraculis afferunt. Stoica enim ratio, non communis recti bonique conscientia, sed essentialis particula rationis vniuersi, id est Dei, cuius dispositioni, ordini legibusue parendum est. Hinc a Stoicis tantae animae in virtutis vita vires tributae, quia Dei pars et membrum est. Paucis omnia luculenter complectitur PHILO^b: *Hoc illud est apud eos, qui optime philosophati sunt, decantatum ultimum, siue finis bonorum, consentienter naturae viuere; quod fit, cum animus semitam virtutis ingrediens, per vestigia ductumque rectae rationis ambulat, id est, sequitur Deum.*

VIII. Cum itaque conuenienter et conformiter fiunt omnia daemoni, qui singulis adest (id est particulae diuinae naturae, quae homini intime praesens est, ut supra dictum) atque id ex consilio et dispositione supremæ illius causae, quae toti praest, idque gubernat, tum est haec vita beata ad virtutem^c. Patet ex his, genium cuiuslibet praesentem, non tantum esse ipsam eam particulam, DEI, quae τὸ ἡγεμονικὸν animae constituit, sed internam quoque virtutis regulam atque legem et fundamentum felicitatis moralis in eo latere.

IX. Summum vero bonum est, viuere cum intelligentia earum rerum, quae natura euenirent, eligente ea, quae essent, secundum naturam, reicientemque contraria^d.

X. Cuiuslibet itaque suus Deus et daemon, suaque felicitas domi et intra est. Prope enim Deus est, intus est, sacerque intra hominum spiritus sed et bonorum malorumque omnium obseruator et cultus. Animusque bonus et rectus Deus est in humano corpore habitans^e.

XI. Sola igitur virtus sufficit ad beatitatem, maximumque eius instrumentum est. Summum quoque bonum non in carne, sed in animo ponendum est^f.

XII. Quo posito, sequitur, res, quae extra nos sunt, nihil facere ad beatitatem bonumque, cum sola bona sint, quae honesta. Multus in his vrgendis praeceptis est Epictetus^g, verumque ἀπαθείας apud Stoicos fundamentum est^h.

Eee eee 2

XIII.

γ) STOB. I. c.
z) SENECA ep. 41. ANTON. L. VI. §. 15. HORAT. Ep. I. 18.
a) Ita LIPSIVS Manud. diff. XVIII. p. 198.
b) De migratione Abrahami.
c) LAERT. I. c.
d) CICERO de fin. L. II. c. II.
e) SENECA ep. 16. 31. de vita beata c. 15. conf.

quae habet LIPSIVS diff. XIX. p. 200. GATAKER, ad Antonin. VII. 35. ARRIAN. L. I. diff. XX.

f) SENECA ep. 74. 76. EPICT. Enchir. c. I. 2.
g) ib. et apud ARRIAN. L. I. diff. I. L. III. diff. XXIV.

h) Conf. HEINSIVS Orat. p. m. 278. PASCHIVS Introd. in phil. mor. veter. c. VI. p. 614.

XIII. Cum itaque solum bonum sit honestum; omnia, quae extra nos sunt, corpus, possessio, gloria, magistratus, eo nomine indigna sunt, suntque imbecilla seruiencia, prohibendaⁱ.

XIV. Summa sapientia est, bonum a malo distinguere^k.

XV. Rerum aliae bonae sunt, aliae malae, demum indifferentes aliae^l.

XVI. Bonum est, quod ita perfectum est, ut ad felicitatem perducatur, iuxta naturam creaturae rationalis^m. Inter varias definitiones Stoicorum haec maxime scopum ferit, licet pleraeque conueniant, ut ex iis videre est, quae aSSERT LAERTIUSⁿ. Cum enim natura creaturae rationalis ea sit, ut tanquam pars toto adhaereat, eique apte iungatur, sicque omnia fluant, ut haec vniuersalis totius ratio postulat, facile inde intelligitur, bonum in eius status perfectione ponendum esse. Et huc etiam omnes Stoicorum boni definitiones tendunt, ut homo ita perficiatur, ut illud ei eueniat, quod ad vniuersi naturam conseruandam, et perfectionem eius tuendam pertinet. Hinc luculentur ANTONINVS: *Illud est unicuique parti bonum ° quod vniuersi fert natura, quodque ad eandem conseruandam ducit.* Quia vero in toto partis vnius utilitas et conseruatio ex altera et antecedente, necessitatis lege, et implexu connexuque rerum, quae providentia, siue naturae fatique ordine dispensantur, fluit, hinc felicitas Stoicis εὐροια dicta est; quam luculenter Latinis auribus ita explicuit SENECA^p: *Virtutem nobis ostendit ordo eius et decor, et constantia, et omnium inter se actionum concordia, et magnitudo inter omnes efferens sese.* Hinc intellecta est illa beata vita, secundo defluens cursu, arbitrii sui tota. Et rotunde atque perspicue EPICTETVS^q: Μὴ ζῆται τὰ γινόμενα γίνεσθαι ὡς θέλεις, ἀλλὰ θέλει γίνεσθαι τὰ γινόμενα ὡς γίνεται, καὶ εὐροήσεις. *Noli postulare, ut quae fiunt, fiant secundum voluntatem tuam; sed ita fieri concupisce, quae fiunt, ut fiunt, et vita tibi felix decurret, id est, cuncta ex naturae absoluto ordine te tranquillo fient.* Commendat hanc εὐροίαν vehementer ANTONINVS, nec possunt aliter Stoici, cum vera felicitas sit, partem eius, quem in tota natura constituimus, et sequelas eius bene effingere. Contraria aestuatio in malis dicta δυσροεῖν, apud Epictetum^r. Vtitur et ARISTOTELES^s εὐροίας voce, verum ea cum Stoica significatione confundenda non est: est enim illi ἐνζῶτα καὶ υπεραξία, in electione mediocritatis libera eiusque executione constans, quae contraria prorsus est τῇ εὐροίᾳ Stoicae, quae libenter ea facit et perfecte exequitur, quae necessitas totius postulat.

XVII.

i) EPICTE. I. c. SENECA ep. 118. 120. ANTONIN. L. II. §. 1. GATAKER. ad h. l.

k) SENECA ep. 71.

l) LAERT. L. VII. f. 102.

m) Diogenis haec definitio apud LAERT. L. VII. f. 88. conf. CIC. de fin. l. III. c. 10. quam nos recte explicuisse, egregius SENECAE ep. ult. locus, ostendit.

n) I. c. conf. CICERO de fin. L. III. c. 10. SEN. ep. 118.

o) L. II. § 3.

p) Epist. 120.

q) Enchir. c. 13.

r) Passim, praesertim L. X. conf. SEXT. EMP. Pyrrh. hyp. L. III. c. 21. f. 172. LAERT. f. 88.

s) MENAG. ad h. l. GATAKER, ad Ant. V. 34. ARRIAN. L. II. dist. XVII.

t) Nicomach. L. I. c. 10.

XVII. Bonum itaque est, quicquid utile et honestum est, vtrumque enim a bono separari non potest; utilitas est, se habere ad totum illud, quod est principium dirigens. Bonum est ipsa virtus, et ad quod motus et natura absoluta impellit ^a.

XVIII. Hoc autem bonum non accessione, neque crescendo, aut cum ceteris comparando, sed propria vi sua et sentimus et appellamus bonum ^x.

XIX. Accessiones boni sunt gaudium et laetitia ^y.

XX. Malum est, quicquid bono opponitur, siue imperfectio male ex ratione totius fluens; accessiones eius animi aegritudo, afflictio et similia ^z.

XXI. Bonorum alia virtutes sunt, alia accessiones, ut gaudium spes; rursus, bonorum alia sunt praesentia, alia intermittunt: porro aliud bonum a quo utilitas peti potest, aliud per quod petitur utilitas; aliud quod utilitati inferuire potest. Bonorum etiam alia sunt extra animum, alia in animo; alia efficientia, alia ad finem conducentia; alia propter se, alia propter aliud expetenda; alia in motu, alia in affectione consistunt; alia absoluta, alia relativa etc. ^a Plura apud Stoicos his similia occurrunt, qui ex legibus Dialecticae mire subtiles in diuisionibus se praebebant.

XXII. Perfectum bonum pulchrum vocatur, quoniam omnibus numeris a natura absolutum est, et perfectam habet proportionem ^b.

XXIII. Omnia bona aequalia sunt, et quodcunque bonum est, idem etiam appetendum. Bonum quoque neque incrementis, neque decrementis aptum ^c. Discedebat hoc dogmate Porticus a Lyceo, Peripatetici enim, uti supra dictum, explicante Cicerone ^d, omnia bona ad beate viuendum pertinere putant, doloremque in malis ponunt, et tria quoque bonorum genera statuunt, eo beatum magis eum dicentes, quo sit corporis aut externis bonis plenior. Stoici contra omnia alia asseriebant; omne quod bonum aestimetur, complecti vitam beatam; dolorem, qui ad animum non pertineat, in malis non esse, et sapientem in tormentis beatum esse; naturae bona frequentia beatioram vitam non efficere, aut magis expetendam. Alia non tangimus apud Tullium videnda. Nominum tamen magis hanc controuersiam esse, quam veram, censuit eo iam tempore, ubi illa vixit Carneades. quod licet improbet, et maiorem, quam verborum discrepantium, pugnam esse iudicet Cicero ^e, recte tamen rem ponderantibus, ad logomachias referendum esse apparebit. Longe aliam enim bonorum definitionem formabant Aristotelis sequaces, quam Zeno. Illi enim cum vitae potissimum ciuilis beatitudinem statusque politici felicitatem homini commendarent, ad quam beatitatem constituendam multa fortunae quoque siue externa bona requiruntur: non potuere non animi qui-

Eee eee 3

dem

^a) SECT. EMPIR. I. c. c. 20. LAERT. f. 92.

^x) CICERO de fin. L. III. c. 10. 34.

^y) LAERT. l. c.

^z) ib. STOB. Ecl. eth. c. IV. n. 166.

^a) LAERT. f. 95 seqq. SECT. I. c. c. 23. STOB.

^b) LAERT. f. 100.

^c) LAERT. L. VII. f. 101.

^d) De finibus L. III. c. 12.

^e) Ethic. Eudem. L. VI. c. 13. Magn. moral.

L. I. c. 2. et quae supra c. VII. Sect. I. §. 19. ea de re dicta sunt.

dem bona praestantissima dicere, et per se maxime expetenda, externa tamen bona ad civilem istam felicitatem tam necessaria ponere, ut virum licet bonum, illis tamen orbatum, beatorum numero exemerint. Aliter quidem et diuersissime Stoici sentiebant, sed ad statum tantum hominis naturalem, eamque conditionem; quam in mundo, tanquam pars eius, habet, respiciebant. Hinc non negant quidem Stoici, externa bona posse a sapiente ad felicitatem adhiberi, ipsam tamen felicitatis rationem in virtutis, naturae vniuersi, et sequelae Dei se accommodantis, possessione requirebant, et nihil inde bonum nisi honestum, sensu licet Stoico, nihil malum, nisi quod impium, inhonestumque esset, licet quis externis corporisque bonis auctus esset, statuebant; id quod Peripateticis, de statu civili differentibus, et externam ciuis felicitatem quaerentibus proprie non contradicebat, qui et ipsi in se virtutis rationem inter summas felicitates ponebant. Recte itaque post Carneadem Antiochus ^f, et AUGUSTINVS ^g statuebant: eos vocabulis discrepantes rebus interim conuenisse, licet id improbet GATAKERVVS ^h, nimia Stoicae ethicae admiratione impeditus, quo minus veros Porticus sensus videret. Qui tamen nec illud CICERONIS improbare potuit: *Honestum saltem inter hos certamen fuisse, cum omnis esset de virtutis dignitate contentio; hoc tantum interesse, quod partes primas alteri, alteri totas integrasque virtuti concederent.* Fortius in hac beatitudinis notione diffidebant Stoici ab Epicuro, qui in voluptate eam, uti infra docebitur, posuit. Et tamen SENECA ⁱ professus est: *Non esse magnum in quo diffideant, quam enim legem Stoici virtuti dicant, eam illum voluptati dicere:* non male, si modo addidisset, Epicurum in natura hominis morali, bonum ad tranquillitatem animi quaerentis, quaesiuisset, quod in physica humanae naturae connexionem cum toto Stoici quaerebant. Mirum itaque non est, *sancta et tristia etiam*, ut fatetur SENECA ^k, *Epicurum praecipere*, licet magis ad humani animi naturam, attenderit, quam Stoici, metaphysicis nugis μετεωρίζοντες.

XXIV. Licet vero solum bonum sit, quod honestum, malumque id solum, quod turpe; tum inter haec et illa, quae nihil valeant ad beate misereue viuendum, existant, eaque indifferentia sint, quae nec profint, nec noceant ^l; possunt tamen ea vel aestimari, vel non aestimari. Subtilissimos hic se ostendunt Stoici, dialecticae suae artificia rebus moralibus, ut cothurnos pusioni adaptantes, *ἐυρεσιλογίας* haud semel ideo a veteribus accusati ^m. Non morabimur istis disputatiunculis, quae otiosa tristissimorum fenum ingenia fatis produnt, lectorem; leget, si volet, eas vel apud SEXTVM EMPIRICVM ⁿ vel apud LIPSIVM ^o, quorum vterque lucu-

^f) Apud CIC. de N. D. L. I.

^g) De C. D. L. IX. c. 4.

^h) Praeloq. ad ANTONIN. p. 3. ubi de hac pugna erudite differit, conf. GEORG. PAULI ROETENBECCII diss. de Stoicorum et Aristotelicorum circa gradum necessitatis bonorum externorum ad summam beatitudinem disceptatione.

ⁱ) De vita beata c. 13.

^k) Epist. 33.

^l) CICERO de finib. L. III. c. 15. LAERT. L. VII. f. 102.

^m) ibid. f. 105.

ⁿ) Pyth. hyp. L. III. c. 22. f. 177. add. CICERO l. c. STOBÆVS ecl. eth. c. IV. p. 174 seq.

^o) l. c. diss. XXII. p. 217 seqq.

luculentus et copiosus est. Hoc vnum monere, series tractationis poscit, Stoicos indifferentia tamen aestimauisse, prout vim aut vsum ad eam vitam haberent, quae est secundum naturam, hincque indifferentia distinxisse in προηγμένα καὶ ἀποπροηγμένα, producta siue proposita et reiecta, id est ea quae aestimata aliis vel praeponuntur vel reiciuntur. Cuius distinctionis quale fundamentum Zeno posuerit, C I C E R O ^p accurate explicat, qui videndus. Sed et praelatorum vel productorum, et reiectorum varias distinctiones afferunt Stoici, quae de artibus eorum dialecticis, telis araneorum haud dissimilibus, luculenter testantur. Recte quoque obiecit S E X T U S E M P I R I C U S ^q vnumquodque indifferentium, pro variis circumstantiis et relationibus, interdum productum videri, interdum reiectum: vt si diuitibus quidem tyrannus insidietur, pauperes autem tranquille degant, nemo non pauper esse malit, quam diues, adeo, vt tum diuitiae censeantur in numero reiectorum, quae alias inter producta numerantur: nihil itaque natura esse indifferens. Cuncta enim ita considerantur, iuxta ipsos Stoicos, vt relationem habeant ad vitam, quae est secundum naturam, quantumque vel incommodum vel commodum afferunt, vnde et commodὰ προηγμένα dixit S E N E C A ^r.

XXV. Intelligi inde possunt paradoxa Stoica, siue, inopinata decreta, quae prima significatione peregrina quidem videntur, vera tamen natura sua sunt, qualia multa de sapiente suo praedicauere Stoici. Talia sunt: Sapientem esse seuerum, negotiis abstinere, sanitate mentis non excedere, non dolere, diuinum esse, solum esse sacerdotem, vatem, non opinari, Cynicos imitari; solum esse liberum, regem, gerendo magistratui idoneum; nescire peccare, innocuum esse, non misereri, non esse benignum, in deserto viuere nolle, solum amicum esse, omnia recte facere, ab amoribus alienum non esse, se ipsum e vita, si ita occasio ferat educere; esse magnum, optimum oeconomum, solum esse nobilem et ingenuum, optimum medicum, non mentiri, non fallere neque falli, liberis recte vti, a calumnia immunem esse, solum non esse exulem, rusticum, ingratum, inconstantem &c. Quorum explicationem exhibuere praeter C I C E R O N E M ^s, L A E R T I U S ^t, et imprimis S T O B A E U S ^u, quos recentiores quidam secuti sunt ^v. Ea enim pleraque in verborum nugas desinunt, aliamque verbis, quam habent, significationem ex systemate morali Stoico desumptam assingunt. Sapientem scilicet dupliciter Stoici considerant, vel consummatae sapientiae, vel procedentis vti supra iam dictum. Ad sapientem perfectissimum paradoxa Stoica pertinent, quem tamen in rerum natura non extare facile Stoici anuebant. Ast qui illa impugnabant, quod saepe factum est; communem verborum significationem vrgebant: quam vbi declinarant Stoici, et verba sua

^p) I. c. c. 16. conf. SENECA ep. 74. GELLIUS E. XII c. 5. SVIDAS in ἀδιαφορία T. I. p. 22.

^q) I. c. c. 24. l. 192.

^r) Epist. 74.

^s) Is sex paradoxa explicata exhibuit.

^t) Lib. VII. l. 117 seqq.

^u) I. c. p. 176 seqq.

^v) LIPS. diff. III. seq. L. III. p. 251 seqq. SCROPIVS elem. phil. Stoic. c. 125. STANLEY. p. 612 seqq. conf. PASCHIVS de variis modis tradendi moralia, et introd. in rem lit. veter. p. 615.

sua explicuerant, ea quae prima specie admirationem mouebant, re explicata, ritum inouere, vt testatur C I C E R O. Candide agnouit id et confessus est S E N E C A, qui *magna*, ait, *promittitis, et quae ne optari quidem nedum credi possint. Deinde ingentia locuti, cum negastis pauperem esse sapientem, non negatis solere illi et seruum et vestem et tectum deesse.* - - *Ita sublato alte supercilio, in eadem, quae ceteri descenditis, mutatis rerum nominibus.* Quibus quae opposit L I P S I V S adeo frigida sunt, et principium petunt, vt iis refellendis tempus impendi non debeat. Proditque secta in his paradoxis Stoica natiuum familiae suae vitium, magnis verbis exigua et parua dicere, et verborum superbia animos capere, frigidumque hanc in rem venari acumen: vnde recte de iis P L U T A R C H V S ^y, *omnia eis τὴν τῶν ἐσίων καὶ ψυχρῶν ἀγορὰν, in euandorum ac frigidorum classē abiicienda esse.* Cuncta enim ad logomachias et meteora referebantur, qua de re docte commentantem, vide sis, W E R E N F E L S I V M ^z.

XXVI. Anima sphaerae instar vniformis sibi natura sua est, cum nec ad exterius quicquam se extendit, nec cum eodem villo intus concurrat, nec confidit et comprimitur: sed lumine illo illustratur, quo veritatem rerum omnium ceterarum, tum et in ipsa sitam cernit. Ita de interno animae lumine, siue intellectus luce A N T O N I N V S ^a, qui facile intelligi potest, si recordemur, quod in phisicis planum fecimus, animum hominis, esse diuinae essentiae, adeoque ignis illius naturae artificis particulam. Hanc rationem ex vniuersi anima decerptam, menti inesse, Stoici constanter asseriebant, et ab anima sentiente et bruta distinguebant. Inde non in tres tantum partes hominem diuidunt, ex quibus constet, corpusculum, animulam, mentem; et in mentis siue rationis, quae tantum propria homini dicitur, cultu, repudiatis iis, quae corpus et animulam respiciunt, et arbitrii nostri non sunt, maximam partem ponunt: sed et mentem liberatam tum a corpusculi et animulae perturbationibus, tum a vertigine rerum externarum, puramque ac liberam sibi viuentem, destinataque volentem, sphaerae assimulant, sibi tantum viuentem, et tranquille ac genio propitio degentem vitam ^b. Haec Stoicorum inter mentem, animam et corpus distinctio ^c probe obseruanda, non vero cum Paulinis, vt euenit G A T A K E R O ^d, confundenda est, quibus πνεῦμα aliud longe est, quam Stoicorum ὄψις. Rectius cum intellectu Peripateticorum vniuersali comparaueris ^e, qui ὄψις quoque illis dicitur, quanquam et Plato et sequaces ita distinxerint, vnde sine dubio sua Zeno furatus est. Luculenter vero discrimen ex sectae suae mente exponit A N T O N I N V S ^f, qui expendendus. Scilicet corporis sensus sunt, animae affectus, mentis decreta. Priora et feris communia sunt.

XXVII.

y) De repugnant. Stoic. T. III. p. m. II.

z) De logomachiis erudit. Opp. p. 461 seq.

a) Lib. XI § 12

b) IDEM L. XII. §. 3. conf. G A T A K E R, ad h. l.

c) IDEM L. II. §. 2. L. VI. §. 32.

d) Ad l. c. Antonini.

e) Conf. B U D D E V S Anal. hist. phil. p. 142.

f) L. III. §. 16.

XXVII. Anima libera est, vt agere queat, quod vult, neque enim extra quicquam est; quod iubere vel cogere queat: et cum Dei pars sit, viribus quoque propriis gaudet et interna natura sua ad virtutem parandam *g*.

XXVIII. Quod si vero animus consideratur, quatenus necessario naturae suae vinculo toti cohaeret, et pars eius est, fati legibus subiectus, agere aliter non potest, quam prout nexus atque nodus ille facer, qui omnia colligat, postulat, et aeterna causarum et euentuum fert sequela. Quia vero et Deus ipse huic fato subiectus est, et homo eius pars est, liber nihilominus est, vt Dei prouidentia libera dicitur, quia natura sua tantum ita ferente ducitur. Clarius haec illa explicant, quae supra strictim ea de re inter physica Stoicorum de natura, fato, lege, libertateque totius diximus. Ex iis enim patet, eam non esse hominis libertatem, vt ex animi decreto agere queat vel non agere, vel sequi hoc, illud relinquere; hoc enim illi denegandum est, qui catenae fati implicitus, non potest aliter, quam vniuersi ratio, et sequela postulat: sed libertatem hominis omnem consistere in eo, vt sponte sequatur, quo fata eum trahunt, retrahuntque, sicque se illi ordini attemperet, quem nisi sequatur, coactum sequi oportet. Qua de re Cleanthis supra versiculos protulimus. Luculenter passim ea de re ANTONINVS *h*, qui non tanto studio se occultat, ac Epictetus et Seneca, libertatis Stoicae magnifici laudatores, qui tamen omne moralitatis fundamentum ita tollunt, dum hoc obsequium commendant. Audiamus SENECA *i* ipsum: *Contrariis rerum aeternitas constat: ad hanc legem animus noster aptandus est; hanc sequatur, huic pareat, et quaecunque fiunt, debuisse fieri putet, ne velit obiurgare naturam. Optimum est pati, quod emendari non possis, et Dum, quo auctore cuncta proueniunt, sine murmuratione comitari. Malus miles est, qui imperatorem gemens sequitur; quare impigri et alacres excipiamus imperia, nec deseramus hunc operis pulcherrimi cursum, cui, quicquid patimur intertextum est. Hic est magnus animus, qui se Deo tradit. &c.* En libertatem Stoicam.

XXIX. Simul obiecta species cuiuspiam est, quod bonum esse videtur, ad id adipiscendum impellit ipsa natura *k*.

XXX. Primus animantis appetitus est, seipsum tuendi et seruandi, qui ab initio natura ei conuenit. Vbi vero natura id quod suum est, quaerens vnice ea inuenit, quae suae conueniunt constitutioni, voluptate omnia animantia afficiuntur *l*. Ita se ab Epicureis distinguunt Stoici, appetitionem animantium primam ad voluntatem ferri asserentes, timebant enim, si natura voluptatem posuisset in iis rebus videretur, quae prima appetuntur,

ne

g) Magnifice SENECA ep. 41. conf. ep. 51.

h) Lib. VII. §. 31. L. VIII. §. 41. L. X. §. 32. L. IV. §. 32. L. V. §. 3.

i) Ep. 107. Eadem eleganter vt solet, tradit Epictetus et in his libertatem iactat L. III. diff. XXVI. p. m. 369. qui cum Senecae verbis conferri meretur.

Add. Amoen. lit. T. VIII. p. 446 seqq.

k) CIC. Tusc. IV. 6. STOB. l. c. p. 175. vbi etiam Stoica nomina appetitus practici explicantur.

l) LAERT. L. VII. §. 85. CICERO de fin. L. IV. c. 5. L. V. c. 9.

ne multa turpia sequantur^m. In verbis vero potiore diffensum esse, recte intellectum utriusque sectae dogma declarat.

XXXI. Hanc appetitionem sequuntur rerum cognitiones (καταλήψεις), et desiderium inde enatum, ea consequendi, quae ad conseruationem naturae suae pertinentⁿ.

XXXII. Vbi itaque homo intelligit, quid sit, quod verum bonum possit dici, prima ea est conciliatio hominis ad ea, quae sunt secundum naturam. Simul autem cepit intelligentiam vel notionem potius, viditque rerum agendarum ordinem, et concordiam, ea aestimat et ratione colligit, illud esse per se expetendum bonum, quod positum est in eo, quod conuenientia (ὁμολογία) dicitur. Et haec initia sunt officiorum^o.

XXXIII. Quando natura obiecto speciei cuiusdam commota, ad id adipiscendum impellitur ipsa natura, idque constanter prudenterque fit, βέλησις, id est, voluntas appellatur, sin minus, libido: Si cum ratione mouetur animus placideque atque constanter, tum illud gaudium dicitur, cum autem nimis et inaniter animus exultat, laetitia nimia dicitur. Si mala cum ratione declinamus cautio est, quae sine ratione et exanimatione humili, metus. Et hae tres affectuum bonorum mentis species sunt, quae constantiae nomine veniunt. Primarii hi secundarios continent^r.

XXXIV. Ex falsis mentis procedit peruersio, inde autem variae passionnes et perturbationum causae oriuntur, quae sunt auersae a recta ratione contra naturam animae commotiones^q, suntque quatuor libido et laetitia, metus et aegritudo: quae cum iudicio fiant et opinione, peculiare habent species earumque definitiones^r.

XXXV. In omnibus istis affectibus regnat opinio; est vero opinio assensus infirmior; hinc perturbationes iudicia sunt, v. g. auaritia de pecunia quod honesta sit &c. Est autem opinio subitaneum quiddam ortum ex motu contrahente elationis mentis irrationalis, et praeternaturalis, quatenus rationi non obsequitur. Sunt enim perturbationes violentae^r.

XXXVI. Omnium perturbationum fons est intemperantia, quae est a tota mente, et a recta ratione, defectio, sic auersa a praescriptione rationis, vt nullo modo appetitiones animi nec regi nec contineri queant^r.

XXXVII. Perturbationibus mens morbum contrahit quasi, quia a parte sibi opposita habet extremum suum. Multi in comparandis animorum perturbationibus cum morbis corporum fuere Stoici, qua in re Chrysippum industriam exercuisse testatur CICERO^u, qui hanc rem pluribus exponit.

XXXVIII. Virtus est conueniens animi per omnem vitam dispositio^r.

XXXIX.

m) LAERT. I. c. CIC. I. L. III. c. 5.

n) ibid.

o) CICERO I. c. c. 6.

p) CICERO Tusc. Qq. L. IV. c. 6. LAERT. L. VII. f. 115.

q) CIC. I. c. LAERT. f. 120.

r) II. cc. STOBÆVS p. 176. ex his STANLEYVS p. 598 seqq.

s) Cit. r.

t) CIC. I. c. c. 9. 10. 22. 23 LAERT. f. 115.

u) I. c. conf. LAERT. f. 115. STOBÆVS I. c.

v) LAERT. f. 89. 90.

XXXIX. Virtuti contrarium est vitium ; constatque vel ignorantia rerum earum quarum cognitio virtutem absoluit, vel vitiis, quae ignorantiae non sunt *γ*.

XL. Virtutum aliae sunt theoreticae, aliae practicae *z*.

XLI. Virtutum aliae primae sunt, aliae primis subordinantur. Primariae quator numerantur prudentia, temperantia, fortitudo iustitia. Prudentia versatur circa officia, temperantia circa appetitus, fortitudo, circa tolerantiam, iustitia circa distributionem. Quaelibet alias sibi subordinatas comprehendit *α*.

XLII. Omnes virtutes, quae scientiae sunt et artes, praecepta habent communia, et finem eundem, quam ob rem etiam separari nequeunt, inuicem coniunctae ; quique vnam habet omnes possidet, qui iuxta vnam viuit, iuxta omnes viuit *δ*. Intelligendum hoc de origine, modo, scopo et fine virtutis, non de obiecto, cuius ratione virtus multiplex est.

XLIII. Virtutem qui habet, non contemplatione tantum, verum actione etiam valet, usque rebus exercendis, quae officium praescribit.

XLIV. Medium inter virtutem et vitium nihil est, ut inter baculum rectum et curuum non datur medium *ε*. Recte hoc et ex Stoeae mente intelligendum est. Nam non hoc illis placebat, non esse inter virtutem et vitium medium ; talia enim indifferentia dari supra probauimus ; sed opponebant hoc Peripateticis, qui gradum atque excessum vel defectum in virtutibus et vitiis ponebant, contra quos disputat ex Porticus praeceptis CICERO *δ*.

XLV. Virtus potest doceri, possunt enim ex malis boni fieri *ε*.

XLVI. Virtus ipsa propter se ipsam est, non ob metum aliquem vel spem ; in ea enim felicitas siue beatitudo consistit, dum efficit, ut naturae conuenienter viuatur. Variasse hic Panaetium et Posidonium, et docuisse, non sufficere virtutem, sed bona etiam valetudine et affluentia rerum, et robore, et reliquorum necessariorum, tradit LAERTIVS *ζ*. Ita in Peripateticorum castra transibant.

XLVII. Actionum, quae ab appetitu procedunt, quaedam officia sunt, quaedam praeter officia, quaedam neutrae. Officium praelatum est, cuius ut probabiliter acti ratio reddi possit, ut quod vitae sit conueniens, quaeque actio naturae dictatis est consentanea. Praeter officium est actio, quam omittere ratio exigit ; neutrae actiones sunt, quas neque praecipit, neque prohibet ratio *ζ*. Laudandi in eo magnopere Stoici, quod neglectam hactenus doctrinam de officiis diligenter in scholis suis tradidere, et iuris naturalis principia atque regulas explicuere, hactenus omittas : id quod phi-

Fff fff 2

loso-

γ) Prioris exemplum est iniustitia, intemperantis, posterioris, pusillanimitas ib. f. 93.

z) Panaetius ib. f. 92.

α) ibid. STOBÆVS p. 167.

β) LAERT. f. 125. STOBÆVS l. c. PLUTARCH. de Stoic repugnant. T. V. p. 10.

ε) STOB. l. c. LAERT. f. 127.

δ) de fin. L. IV. conf. ALDOBRAND. ad l. c. Laërt.

ε) LAERT. f. 91.

ζ) ib. f. 89. conf. ANTONIN. D. I. §. 16. GATAK. h. l.

g) ib. f. 103 CIC. de fin. L. II, c. 17. de Offic. L. l. c. 3. STOBÆVS l. c.

Iosophiam moralem Stoicorum ICTIS Romanis commendauit, vt suo demonstrabitur loco.

XLVIII. Officia duplicis generis sunt, vel κατορθώματα vel καθήκοντα. Illa recte facta appellantur, suntque actiones iuxta virtutem patratae^b, vel, quod ANTONINVSⁱ habet, quae a rationis cientur prodeuntque principio, et ad propositum sibi finem recta proficiscuntur, vnde et actiones rectae vocantur. Haec media sunt, vel communia facta, quorum, cur fiant ratio probabilis dari potest: rationes vero illae oriuntur ex discussione dubiorum, quae circa ea existunt, a quibus ad agendum impellimur^k. Notandum tamen καθήκοντα etiam in genere Stoicis quaelibet officia designare^l. Recta facta a nemine nisi a sapiente perfecto attingi possunt, media omnium hominum sunt.

XLIX. Et si vero officia varie dispesci et in classes diuidi possunt, prout varia obiectorum dantur genera^m; recte tamen et luculenter diuiduntur in officia erga Deum, erga se ipsum, erga proximumⁿ.

L. Religionis, siue officiorum erga Deum summa est, rectas de eo habere opiniones, et pie eum colere.

LI Recte vero de Diis opinatur, qui numen credit esse, rerumque humanarum curam gerere, etiam singularum; rebus humanis praelto esse, non ad bona vere sic dicta duntaxat, sed et ad vitae huiuscommoda et adminicula suppetias ferre^o.

LII. Deus itaque ante omnia colendus, ad omnia inuocandus. per omnia cogitandus, in omnibus agnoscendus, et comprobandus, de omnibus laudandus et celebrandus; huic vni in omni negotio simpliciter obsequendum, ab ipso, quicquid obuenerit, animo prompto atque lubenti excipiendum atque amplexandum; nihil melius, nihil conducibilius, nihil tempestius existimandum, quam quod ille voluerit; quocunque ducere voluerit, citra tergiuersationem atque murmurationem obsequendum. locum, stationemque quam assignauerit, etiam si mortem oppetere oporteret, tuendam et tenendam. Splendide de his, quae magna cura collegit GATAKERVS^p, et post eum I. FR. BVDDEVS^q, differuere Stoici, ex principiis tamen physiologicis explicandi, quae impios pulcherrimorum verborum sensus produunt^r. Cogitandum etiam, imitatos Stoicos, quorum in scriptis pleraque haec pietatis praecepta legimus, Christianos ne viderentur hi θεοσεβέσσοι, quod alio loco^s probauimus, fierique eo magis potuit. quo magis ratio totius systematis Stoici id permittebat, vt ex haecenus allatis est manifestum.

LIII.

^b) CICERO l. c.

ⁱ) l. v. §. 14.

^k) CICERO l. c.

^l) Conf. BVDDEVS Introd. in philos. mor. Stoic. or. ex mente Antonini sect. VI. §. 1. 2. p. 92 seq.

^m) Exempli habet in EPICETI Enchir. c. 37. ARRIAN. l. II. diff. XIV. l. III. diff. II. SIMPLICIUS ad. Enchir. Epicteti.

ⁿ) ANTON. l. I. §. 12. l. II. §. 27. l. IX. §. 22. conf. DACIER ad h. l.

^o) EPICET. l. c. et ARRIAN. l. I. diff. XII. 1. 16. ANTONIN. l. II. §. II. l. VI. §. 43. SENECA passim.

^p) Praeloq. ad Antonin. p. m. II. ^q) l. c.

^r) IDEM Anal. hist. phil. p. 164 seqq.

^s) Diff. de Stoic. subdolis Christi, imitatoribus.

LIII. Eo tendere debet homo, officii erga se memor, ut ab omni affectu liber euadat, fiatque ἀπαθής, quem qui gradum consecutus est, vir sapiens est. Plena huius praecepti sunt Stoicorum scripta, qui tamen ita intelligendi sunt, ut primo obseruemus, hanc vacuitatem a perturbationibus et aegrotationibus mentis soli sapienti perfecto obtingere, qualem in rerum natura non inueniri aliquoties monuimus: et ad quem tantum respicere, tanquam ad perfectum exemplum, unde affectuum aliquem in proficiente sapiente usum et moderationem esse non negarunt. Deinde et hoc notandum, tria in perturbationibus momenta distinxisse Stoicos, primam animi a visis commotionem, fortuito factam, consensionem voluntatis atque impetum. Primum momentum ad morales affectus non trahebant, monetque clare SENECA: *Nihil ex his, quae animum fortuito impellunt, affectum vocari debere; ista enim pati magis animum, quam facere; sed affectum esse, non ad oblatas rerum species moueri, sed permittere se illis, et hunc fortuitum motum sequi.* Hoc probabant, et inculcabant, impetum, qui sine assensu mentis esse nequit, supprimendum esse. Ex quibus patet, Stoicos ἀπαθείας patronos, ab iis, qui μετρησιμότητα commendarunt, non valde dissidere, licet Peripateticorum affectus alterius generis sint, quam Stoicorum.

LIV. Iuste et sapienter ac cum ratione sapiens se ex vita educet; nec hoc tantum in necessitate ultima facit, sed cum primum illi coeperit suspecta esse fortuna. Nihil existimat sua referre, faciat finem an accipiat. Causae assertae αὐτοχειρίας; non tantum, quia vita inter indifferentia est, et ipsa mors, sumi igitur, non sumi potest; sed etiam quod interdum nexus rerum ita postulat, nec sapiens ultra viuere in commodum bonum potest. Quod passim explicat SENECA, *si qua dolor impedimento futurus sit a. i. omne, propter quod uiuitur, exeundum e vita esse.* Id quod non ad senectutis tantum incommoda, sed ad res quoque laetas et corpus validum extendebant. Rem ex Stoicorum mente praeclare explicat CICERO: *Cum ab his, quae secundum naturam fiunt, omnia proficiantur officia, non sine causa dici, ad ea referri omnes nostras cogitationes, et in his et excessum e vita et in vita mansionem. In quo enim plura sunt, quae secundum naturam sunt, huius officium esse, in vita manere, in quo autem sunt plura contraria cui fore videntur, huius officium esse, e vita excedere.* Plura dabunt PLUTARCHVS et STOBAEVS, et ex recentioribus LIPSIVS. Hinc exempla virorum magnorum, Stoicis

Fff fff 3

cis

1) Vid. SENECA ep. 16. 85. CIC. Ac. Qq. L. I.

2) SENECA de ira L. I. c. 8. conf. LIPSIVS Intr. in Part. stoic. L. III. diff. VII. p. 281 seqq. ARRIAN. L. III. diff. II.

3) De ira L. II. c. 3.

4) ideo Zeno affectus in rationali parte ponebat, secus ac alii philosophi, conf. LIPS. l. c. p. 284 seq. Hinc, non παρρησίας sed σφραγισμός, id est non visorum incutium, sed approbatio nem huc reuocat Epictetus apud GELLIVM L. XIX. c. I.

5) SENECA ep. 80. LAERT. L. VII. c. 130.

6) Epist. 55.

7) De finib. L. III. c. 17. conf. STOBAEVS l. c. ANTONIN. L. III. §. 1. SENECA ep. 17. 55. 70.

8) De repugn. Stoic. l. c.

9) l. c.

10) L. III. diff. XXII. p. 305. GATAKER ad Antonini l. c. Simile elegans adhibet Epictetus apud ARRIAN. L. I. diff. XXV. quo eum conferendas

cis praeceptis imbutorum vetus narrat historia, qui vitae finem sua manu fecerunt, qualis fuit Cato Uticensis.

LV. Sibi vivere et latere, et securum et se contentum esse, sapientis est *f*.

LVI. Consummato die, cum sapiens ad nocturnam quietem se recipit, interrogare animum suum, totumque diem forutari, lacta ac dicta remetiri errores agnoscere et emendare, magna pars officii viri boni est. Et Sextium hoc fecisse et sese, eleganti loco docet SENECA *g*, et quae inde commoda sequantur, enarrat. Transumptum hoc esse, ex disciplina Pythagorica, ex iis liquebit, quae capite sequente de ea dicuntur.

LVII. Praecipuum vero et nobilissimum sapientis officium est, animum recte cognoscere, sibi non ignotum esse, eumque ad virtutis exercitium excolere. Inde vero et contemptus sui et humilitas, et voluptatum fuga sequitur *b*.

LVIII. Ab eo, quod sapiens officii sui esse novit, nulla vel vitae nedum alius rei cuiuspiam cupidine abduci, nulla mortis, cruciatusue, nedum damni aut detrimenti formidine abigi se permittit *i*.

LIX. Summa officiorum erga hominem sibi congenerem constant dilectione omnium *k*, etiam inimicorum *l*. Fluit hoc quidem ex assertis Stoicis, mundum vnam civitatem, vnam patriam, vnam familiam esse, cunctos esse partes vniuersi, a quibus nemo se separare possit, nisi communitate tota excidere velit *m*, adeoque, quod externis vocibus splendida praecipit, arcano sensu impietatem satis crassam tegit: eleganter tamen et pie, si externas voces sequeris, passim ea de re Stoici praecipiunt, quos magnificas has voces Christianis quasi furripuisse, vero est simillimum *n*.

LX. Boni itaque viri est, proximum diligere cordiciter, et curare et sustinere, abstinere iniuria, eum beneficentia prosequi, nec sibi soli genitum censere se, aut vivere, sed in commune bonum, ac beneficium cunctis, pro facultatibus viribusque se exhibere; re ipsa, rei bene gestae conscientia citra mercedem, testemque, commodiue proprii intuitum contentum agere, a beneficio vno praestito ad aliud transire, nec vnquam benefaciendo defetisci, nec extra se proinde quicquam vel laudis humanae, vel lucelli aut aucupari aut expetere *o*.

LXI. Peccata omnia paria sunt: Est et hoc inter paradoxa Stoicorum, quod passim inculcant. Rationem explicat LAERTIUS *p*, quia verum
vero

duS ANTONIN. L. V. §. 31. conf. BVDDEVS Anal. p. 192. Introd. in phil. mor. Stoic. Sect. VI. §. 12. p. 118 seqq.

f) SENECA epist. 55. 60. 68. 77.

g) De ira L. III. c. 37.

b) Loca Stoicorum attulere GATAKERVUS et BVDDEVS, quos consule. Humilitati et voluptatis fugae ut consulerent Stoici, humi cubare solebant, quod ipsum Antoninum fecisse suo loco enarrabitur, vid. CAPITOLIN. c. II. vit. Ant. et CAUSABON. h. l. qui etiam in Comm. de veterum lectis et stragula veste, hunc morem inde ad Chri-

stianos pervenisse ait, conf. ANTONIN. L. I. §. 16.

i) ANTONIN. L. VII. §. 44.

k) IDEM l. c. §. 12. 29. L. IX. §. 28.

l) IDEM L. IV. §. 37. L. VII. §. 26. L. XI. §. 9. 13.

m) IDEM L. XI. §. 8. conf. BVDDEVS analect. p. 201.

n) Plura de eo dicta in diss. de Stoicis Christ. imit.

o) Loca Stoicorum huc pertinentia diligenter collegit GATAKERVUS praeloq. ad Ant. p. 12. 13. BVDDEVS diss. praelim. et nos diss. citata.

p) CICERO parad. III. LAERT. L. VII. f. 120. qui tamen refert Heraclidem Tarsensem et Athenodorus

vero magis tale non est, neque falsum falso, ita nec fraus fraude, nec peccatum peccato, nam qui paruum vel magnum delinquit, pariter abest a recto. Paria habet C I C E R O *. Id vero recte intelligendum est; paria enim esse peccata tradebant, si formaliter, ut loqui solemus, considerentur, quatenus nempe a virtutis via recedunt, quae non nisi una est; non vero si materialiter expendantur. Rem explicat Chrysippus *, vel quisquis auctor est excerptorum S T O B A E I *; *Feruntur et manant omnia ab uno malitiae fonte, iudicio in omnibus peccatis eodem, id est prauo; sed per causam externam, circa quam iudicia perficiuntur, dissimilia redduntur peccata in qualitate.* Pertinere vero et hoc ad λεπτολογίας Stoicas ex dictis patet, et a veteribus passim in Stoicis notatum est *.

LXII. Sapiens non ignoscit, non misereatur *. Eiusdem generis, quo reliqua, paradoxum, alieno verborum sensu decipiens. Ignoscere enim Stoicis hoc loco idem est, ac poenam contra ius fasque, malo homini remittere, qui sciens volensque peccauit; misereri, idem est, ac sensu miseriae ita tangi, ut cum perturbatione animi eum commoueat, et miseriae participem faciat. Vtrumque in sapientem cadere non posse, ex notione sapientis liquet. Non vero prohibebant parcere delinquentibus, imprimis ob causas varias delictirationes extenuantes, sed id non veniae, sed clementiae opus esse dictabant. Pariter vehementer commendabant, succurrere alienis lachrymis, dare manum naufrago, exsuli hospitium, egenti stipem: sed ista tranquilla mente hilarique vultu, proscripta aegritudine animi ob alienarum miserationum speciem fieri debere iniungebant *. Ut igitur conuiitiis eorum, quibus male ideo audiebat secta Stoica, tanquam nimis dura, occurreret, inonet S E N E C A: *Nullum benigniorem lenioremque esse, nullum amentiores hominum, et communibus bonis attentiores, ut cui propositum sit, vsui esse et auxilio, nec sibi tantum, sed vniuersis singulisque consulere.*

nodorum imparia peccata fecisse. Conf. Interpp. ad h. l.

g) l. c. et de fin. L. III.

*) Ita suspicatur L I P S I V S diff. XXI. p. 360.

*) Eclog. eth. p. 183. conf. L I P S I V S L. III. diff. XXI. p. 360.

*) Insurgit eleganter in hoc paradoxum Stoicum H O R A T I V S L. I. Serm. Sat. III. hacque occa-

sione et reliqua ridet, imprimis illud: solum sapientem esse regem:

vellunt tibi barbam

Lasciuus pueri: quos tu nisi fuisse coërces,

Vrgeris turba circum te stante, miserque

Rumperis et latras magnorum maxime regum.

conf. P L V T. de com. not. et de rep. Stoic.

u) S E N E C A de elem. L. II. c. 6. 7.

*) Conf. L I P S I V S diff. XIX. p. 349 seqq.



S E C T I O II.

DE DISCIPVLIS ET SVCCESSORIBVS
ZENONIS IN SCHOLA STOICA.

§. I.

*Successores et
discipuli Ze-
nonis.*

Detentis diu apud Zenonem tandem ad discipulos et successores progrediendum est, qui vel eo viuo acceptam a praeceptore doctrinam tenuerunt, vel eam propagauerunt, et in Porticu post magistri fata docuerunt publice. Multos vero habuisse Zenonem discipulos testatur LAERTIVS^a, qui aliquos quoque nominat^b: Philonidem Thebanum, Calippum Corinthium, Posidonium Alexandrinum, Zenonem Sidonium, Cleanthem Assium eius successorem. Addit his Persaeum, Aristonem Chium, Erillum, Dionysium Metathemenum, Sphaerum, Athenodorum Solensem, nobilia inter Stoicos nomina. Illorum ex parte mentio fiet in sequentibus, de his strictim adhuc commentandum.

Persaeus.

§. II. PERSAEVS^c, Demetrii filius Cittieus fuit, quem alii eius familiarem fuisse^d, alii seruorum^e vnum extitisse, aiunt, qui ab Antigono ad eum describendorum librorum causa fuerant missi. Floruit itaque circa Olymp. CXXX. vt ex aetate Antigoni et Zenonis patet. Quod si epistolae Zenonis fides est, misit eum Zeno, senex iam, ad Antigonom Gonatam^f, vt eum nouae philosophiae praeceptis imbueret: dubiam tamen eius fidem esse, ex ipso Persaeo supra demonstrauius: Reuersum tamen esse ad Antigonom, et tantum apud eum gratia valuisse, vt AcroCorintho eum praeficeret, a qua arce non Corinthi tantum, verum etiam totius pendebat Peloponnesi salus, veterum testimoniis constat minime suspectis^g. Id tamen munus, philosopho minus aptum gerenti teste PAVSANIA fortuna non respondit. Arcem enim dolo Aratus Sicyonius expugnauit, dum Persaeus conuiuio interesset. Is igitur Persaeum arce deiecit, et mortis supplicio affecit^h, quamuis PLVTARCHVSⁱ tradat, eum euasisse, et falsitatem Stoici paradoxo: solum sapientem ducem esse, aliter ab Arato edoctum agnouisse^k. Vatiniano eum odio persecutum fuisse Menedemum Eretriensem, eo quod Antigono, Eretrienfibus in Menedemi gratiam rempublicam restituere promittenti auctor fuerit, ne faceret, supra iam tetigimus^l. Ferebantur LAERTII^m tempore scripti ab

^a) L. VII. f. 36.^b) f. 38. conf. MENAG. ad h. l.^c) Dorothei etiam nomen gessisse ait SVIDAS in Persaeus T. III. p. 100.^d) LAERT. f. 36.^e) ATHEN. L. IV. p. 162, GELLIVS L. II. c. 18.^f) SVIDAS l. c.^g) Dictum hac de re supra Sect. I. §. 2.^h) ATHENAEVS l. c. PAVSANIAS in Corinth. c. 8. p. 130. et Achaic. c. 8. p. 511.ⁱ) PAVSANIAS l. c.^j) In vita Arati T. VI. p. m. 296.^k) Conf. LIPS. Manud. L. I. diff. XII. p. 67 seq.^l) LAERT. L. II. f. 143.^m) L. II. f. 36. MEVSIVS in Cypro L. II. c. 31. p. 167. FABRIC. Bibl. Graec. Vol. II. p. 408.

ab eo libri aliquot, qui vero interciderunt. Ex eorum aliquo decerpfit CICCEROⁿ: eos habitos esse Deos, a quibus magna vtilitas ad vitae cultum esset inuenta. Discipulum habuit Hermagoram Amphibolitanum, cuius dialogi SVIDAE^o memorantur.

§ III. ARISTO, Miltiadis filius Chius fuit, Phalantus cognominatus, forte ob caluitiem, et Siren^p, ab eloquentiae, vt coniecimus, dulcedine^q. Patriae Chii, maris mediterranei insulae inter Samum et Lesbum, confusione cum Cea insula accidit, vt Aristo Ceius, cuius supra inter Peripateticos meminimus, et Aristo Chius mirum in modum miscerentur. Hinc scriptorum confusio tanta, vt Panaetius ex iis, quae narrat LAERTIVS^r, solos epistolarum ad Cleanthem libros ei relinquat, reliquos Peripatetico tribuat. In disciplinam a Zenone admissus, propter loquacitatem displicuit^s, cum sermonis breuitatem sectaretur Zeno. Perfaeum quoque sectatus est, eiusdem assentator, quod multa is apud Antigonum gratia valeret^t. Nam voluptati vehementer, imprimis aetate prouectiore, litasse, discipuli Eratosthenes Cyrenaeus, et Apollophanes tradiderunt^u. Et haec quoque causa fuisse videtur, cur a Zenone deficiens, cum is longo morbo implicaretur, ad Polemonem discederet, et paulo post propriam in Cynosarge sectam conderet, in qua aliquot etiam discipulos habuit, Aristonios nominatos; quae tamen secta mox euiluit. Arcesilaum acerrime infectatus est, omnemque philosophandi rationem Academicam et Scepticam acerbè oppugnauit^v, quae ratio esse videtur, cur prae fractum et ferreum vocauerit CICCERO², licet hoc etiam ad sectae institutum pertinere queat, quam IDEM^z difficilem et arduam fuisse testatur. De libris eius videndi LAERTIVS^a et ex eo FABRICIVS^b. Momentum vero ideo in Stoicae sectae historia habet, quod multa mutauit in systemate Stoico, propriam sectam meditatus. Statuebat enim:

I. Finem in rebus inter virtutem et vitium mediis consistere, hoc est, indifferentibus, ita vt neutram in partem quis impellatur, neque minimam in iis differentiam admittat. Sapientem enim omnia decore agere^c. Ita reiiciebat illa media, quae Zeno in adiaphoris constituerat.

II. Physicam pariter et logicam repudiandam esse. Illam enim supra nos esse, hanc nihil ad nos pertinere: solam moralem philosophiam ad nos spectare^d. Videtur Stoicorum cauillationibus dialecticis fuisse offensus, eos

n) De nat. Deor. L. I. c. 15.

o) T. I. v. Hermagoras p. 857.

p) LAERT. L. VII. f. 160 seq. conf. GODF. BUCHNER. diss. de Aristone Chio, len. 1735.

q) Qua ratione Satyrum tibicinem permouerit eloquentiae dulcedine, vt tibia igni destinata philosophiae amore accenderetur, narrat AELIAN. L. III c. 33.

r) l. c. Dicitur hac de re supra c. VII. f. 2.

s) LAERT. L. VII. f. 18.

t) IDEM f. 162. ATHEN. L. VI. p. 251.

u) IDEM L. VII. p. 281.

v) LAERT. f. 162.

w) ibid.

z) De legib. L. I. c. 13. Tusc. Qq. L. V. c. 30.

a) l. c.

b) Bibl. Gr. Vol. II. p. 390.

c) LAERT. f. 160. SVIDAS in τέλος CLEM. ALEX. St. em. L. II. p. 179. CIC. Acad. Qq. L. IV. cap. 41.

d) LAERT. l. c. SEXT. EMP. adu. Math. L. VII. SENECA ep. 89.

eos enim telis araneorum assimilabat, quae etsi subtilitatis et artis aliquid habere videantur, vtilitatis tamen habeant nihil. Notat et hoc in Aristotone *SENECA* ^e, quod singularia officia vel monitiones parum curauerit, generalibus intentus.

III. Virtutes nec esse multas, ut Zeno docebat, nec vnam, quae multis appelletur nominibus, ut Megarici: sed analogiam et relationem eas inter se habere ^f.

IV. Sapientem non opinari. In hoc paradoxo asserendo ei oblectatus fuit Persaeus ^g.

V. Nihil differre aliud ab alio, nec esse res vllas praeter virtutes et vitia, inter quas quicquam omnino interfit ^h. Pertinere hoc non ad indifferentiam logicam, quo sensu idem dixit Pyrrho, sed ad moralem, ex primo asserto patet.

VI. Homines ideo nasci, ut secundum virtutem viuant ⁱ.

VII. Neque formam Dei posse intelligi, neque in Diis sensum esse, omninoque dubitare se, Deus animans sit, nec ne. Assertionem hanc ex Aristotone repetit *CICERO* ^k, et post eum recentiores aliqui, qui ideo Aristonem inter atheos numerarunt ^l. Videturque ideo his viris doctis vetus illud repetiisse, quae supra nos nihil ad nos. Verum accuratius paulo, quam solet, in impingenda hac atheismi macula versandum est. Repetendum scilicet Aristonem in multis a Zenone recessisse, et physicam reiecis-
se, quia ea, quae ad naturam Dei mundique pertinent, tam ardua illi visa sunt, ut attingere veros sensus non liceret. Hoc ut demonstraret, ad ipsam Zenonis theologiam prouocauit, qua ignem subtilissimum in aethere habitantem et per totum mundum se diffundentem Deum esse asseruerat. Inde conclusit Aristo, si Deus ignis ille artificialis sit, nec Dei formam posse intelligi, et in Diis sensum non esse, et dubitandum esse, an animal sit? cum nihil horum igni, quamuis subtilissimo, conueniat. Non itaque Deum in genere negasse Aristo dicendus est, sed Deum Stoicum, qui contradictoria quasi dogmata contineat. Qua ratione Aristo ex atheorum numero eximendus est. Obiit ex eo quod caput eius caluum solaris aestus afflixisset ^m. Habuit discipulum, Eratosthenem Cyrenaeum, Olymp. CXXVI. i. natum ⁿ, quem praeter Aristonem Lyfanius Grammaticus, et Callimachus vir doctus et in omnibus disciplinis versatus erudiuerunt, quibus ducibus ad optimarum disciplinarum eruditionem magnis passibus grassatus est, et celeberrimum sibi nomen in poetica et grammatica arte, philosophia, et imprimis in mathematicis disciplinis peperit, sic ut Beta eruditorum dictus sit ^o. Is pri-

^e) Ep. 44. illas ad paedagogos remittebat.

^f) LAERT. L. VII. f. 161. ^g) LAERT. f. 162.

^h) CIC. de fin. L. V. c. 25.

ⁱ) LACTANT. L. VII. c. 7.

^k) CIC. de N. D. L. I. c. 14.

^l) LESCALOPIER. adh. l. p. 60. BAYLE Dict.

T. I. art. Ariste not. C. T. I. p. 321. REIMMANN. Hist. ath. c. XXVIII. §. 4. p. 194.

^m) LAERT. f. 164.

ⁿ) SVIDAS in Eratosthenes T. I. p. 850. LVCIAN. Longaen. T. II. p. 834.

^o) Citati PLIN. L. II. c. 108.

primus fuit, cui nomen philologi datum est ^p, quia in philologia excellebat. Ob eam eruditionem a Ptolomaeis Philopatore, et Epiphane bibliothecae Alexandrinae praefectus est ^q. Ceterum Aristoni relictæ sectæ Stoicae comes quasi adiungendus est Dionysius, ideo Matathemenos dictus, Heracleensis, quia dolore, ut supra in Aristippo dictum ^r, victus Cyrenaicam, quod quidam contendunt, vel Epicuream potius sectam elegit, finemque voluptatem posuit ^s. Eruditionis variae qua pollebat, testimonia sunt scripta, quae enumerat LAERTIVS ^t.

§. IV. ERILLVS, siue Herillus, ita enim Cicero constanter nominat, Cathaginenfis fuit, temeratae pudicitiae in iuuentute reus; ut igitur castitatis eius insidiatores abigeret, caput eius radi Zeno curauit ^u. Discessit et ipse in quibusdam a praeceptore: docuit enim: Herillus.

I. Finem scientiam esse; hoc non de nuda cognitione intellexit, ut CICERO passim eius sententiam interpretatur, sed teste LAERTIO et SVIDA ita statuit: semper ita viuendum esse, ut cuncta ad vitam cum scientia referas ^v. Qua ratione non tam speculationum certitudinem, quam normae, ad quam vivere debeas, commendauit. Scientiam autem definiuit esse habitum ex visorum, quae sub rationem cadunt, perceptione.

II. Aliquando tamen nullum esse finem, cum enim a rebus quandoque mutari, ut si idem aes et Alexandri et Socratis fiat statua ^w.

III. Differre autem finem et quod fini est subordinatum, alterum enim sapientibus aequae ac stultis, alterum sapientibus solis esse propositum.

IV. Quae inter virtutem sint ac vitium, esse adiaphora ^x. Libros eius breues quidem, verum succiac sensus plenos continuisse ea, in quibus a Zenone in diuersa abiit, testatur LAERTIVS ^y: hinc praeter Cleanthem et Chrysippum in eum arma mouisse, probabile est, quem duos libros *de hypothesebus Herilli* scripsisse ait LAERTIVS ^z. Discipuli Herilli dicti sunt, quo nomine a CICERONE ^a tanquam peculiaris secta Socratica censentur. Ea vero surgente sole orta, cadente cecidit.

§. V. SPHAERVS Borysthenites siue Bosphoranus fuit, primumque Zenonem, post Cleanthem audiuit ^b, cumque in philosophia egregie profecisset, Lacedaemone docuit, et Cleomenem teste PLVTARCHO ^c, erudiuit. Postea ad Ptolomaeum Philopatora Alexandriam se contulit ^d, ibique Stoicam eruditionem probauit, cum paradoxon Stoicum defenderet: sapientem non opinari, et rex ei auiculas ex cera proposuisset, quibus ille

Ggg ggg 2 deci-

^p) SVETONIVS de clar. grammat. c. 10.

^q) Plura de eo in Grammaticorum historia quae-
renda sunt. conf. FABR. Bibl. Graec. Vol. II. p. 471.
vbi plura de eo et eius catalogis hodie extan-
tibus.

^r) Cap. III. §. vlt.

^s) LAERT. f. 166. MENAG. ad h. l. conf. L. V.
f. 92. L. VII f. 23 37. IONS. De S. Hist. phil. p. 350.
FABRIC. Bibl. Gr. Vol. II. p. 403.

^t) ibid. f. 166 seq.

^u) LAERT. L. VII. f. 165. 167.

^v) Passim L. II. de fin. Tusc. Qq. L. IV. V.

^w) LAERT. l. c. SVIDAS in τὴν Τ. III. p. 444.

^x) LAERT. l. c. ^y) ibid.

^z) ibid. f. 174.

^a) f. 194. conf. FABR. l. c. p. 404.

^b) De orat. L. III. c. 17.

^c) LAERT. f. 177.

^d) In Cleomene.

^e) ATHENAEVS L. VIII. c. 13. p. 354.

deciperetur. Distinguebat enim inter phantasmam comprehensionis et probabilitatis, et in illa, id est, clara perceptione sapientem non opinari, non in hac, confessus est, in ea enim falli ipsum posse dixit. Quae nobile exemplum logomachiarum Stoicarum exhibent: quale et illud est, quod regessit obiicienti: Ptolomaeum ab eo pro rege non haberi: *ὅτι εἶναι τοῖστ' οὐδὲν ἔντα τὸν Πτολομαῖον, καὶ βασιλέα εἶναι* ^d, quorum verborum sensum non cepere interpretes LAERTII: Eo is tendit, natura quidem sua non esse Ptolomaeum regem, quoniam vero eas qualitates et affectiones nactus sit, quae ad regem requiruntur, ideo regem esse. Id enim *εἶναι* et *τοῖστ' οὐδὲν εἶναι* apud Stoicos significabat. Hominem imprimis bene definientem antiquis Stoicis habitum esse, testatur CICERO ^e. Libros eius enumerat LAERTIVS ^f, inter quos est vnus *de Heraclito*, quem primum Zenonianae philosophiae fontem fuisse, supra demonstraui. Alios etiam de veteribus philosophis, v. g. *de Socrate*, *de Eretriacis philosophis*, *de elementis Empedoclis* exarauit libros. Tandem et ATHENODORVS Solensis, cum Cordylione Catonis familiari et Tarsensi, Augusti praeceptore ^g non confundendus, enarrandus est, ideo, quod contra communem Stoicorum doctrinam peccata aequalia esse negauit ^h.

Athenodorus.

Cleanthes.

§. VI. Zenoni defuncto successit in schola CLEANTHES, Aso Lyciae, non Aeoliae, vt volunt STANLEIVS ^b et FABRICIVS ^c, vrbe ortus, Phaniae filius. Is pugil primo fuit, tantae paupertatis, vt drachmas tantum quatuor in bonis haberet, cum se ad Cratetem conferret. Ab eo ad Zenonem modestius philosophantem se contulit, eique constanter adhaesit, et in eius doctrina perstitit. Laudem imprimis apud veteres meruit industria eius atque laborum tolerantia, adeo vt in prouerbum abiret ^k. Cum enim non haberet, ex quo viueret, paupertate cogente noctu in hortis hauriendae aquae operam locabat, quo posset interdiu vacare philosophiae studiis: vnde etiam *Φερέντης*, *exhauriens puteos* dictus est. Quia vero perfecta tamen in tanta vitae inopia fruebatur sanitate et integro corporis habitu, more Atheniensium in iudicium pertractus est, vt rationem ederet, qua vitam sustentaret. Is cum hortulanum testem adduxisset, cui operam suam locare solebat, feminam item, cuius pinsebat farinas; adeo iudices Areopagitas admiratione tolerantiae et diligentiae perculit, vt decem illi minas de publico aerario praebendas decernerent, quas tamen accipere vetabat Zeno ^l. Cumque aliquando ad spectaculum iuuenes deduceret, ventus pallium euoluens, eum sine tunica esse, ostendit, id quod tantum ei applausum excitauit, vt publica is veste donaretur ^m. Aliud diligentiae specimen enarrat

^d) LAERT. L. VII. f. 177.

^e) Tusc. Qq. L. IV.

^f) l. c.

^g) De utroque P. II. huius Hist. dicendi se offeret occasio, conferendus in eadem LIPS. Manud. L. I. diff. XII. p. 70. et FABRIC. l. c. p. 391.

^h) LAERT. l. c. f. 171.

ⁱ) Hist. phil. P. VII. p. 643. quem recte correxit b. OLEAR. Lyciae enim urbem intelligi ex

STRABONE lib. XII. p. 610. patet.

^b) Bbl. Graec. Vol. II. p. 394.

^c) Narrant rem praeter LAERTIVM L. VII. f. 168.

SVIDAS in Cleanthes T. II. p. 322 VALER. MAX.

L. VIII. c. 7. SENECA ep. 44.

^l) I. obolus eum afferre iussit, quibus tantum corrasit, vt alium nutrire posset: LAERT. l. c.

^m) LAERT. f. 169.

enarrat LAERTIVS ^m, eum Zenonis magistri sui dictata testis boumque ossibus excepisse, quod ad chartam emendam pecunia non suppeteret. Esi vero ingenio erat tradior, et αὐφύσικος, quo nomine mactatur a LAERTIO ⁿ, id est, naturae dotibus destitutus, adeo vt asinum condiscipuli vocitarent ^o, pertinacissimo tamen studio ita Zenonis disciplinae adhaesit, vt totam eius philosophiam comprehenderet: id quod eleganter expressit, dicteris eum incessantibus discipulis respondens: asianum se quidem esse, sed solum ferre Zenonis sarcinam posse. Id quod ipse quoque Zeno testatus est, eum publice laudando ^p, et omnium plausum meruit, ita vt Hercules nouus diceretur ^q, et Zenoni, quem vnde viginti annos audiuerat ^r, successor in schola destinaretur. Nec aliam viuendi rationem postea instituit, licet ab Antigono aliquando 3000. minis donaretur ^s. Tantaque eius in Porticu fuit existimatio, vt plurimi eius institutione vterentur, vnde Stoicorum parens Ciceroni ^t dictus est, inter quos Chrysippus quoque fuit, quem perperam eius praeceptorem facit VALERIVS MAXIMVS ^u. Laudatur praeter eruditionem Stoicam, quae tamen teste HIERONYMO ^v more sectae spinosa fuit, propter laboris patientiam, animi paucissimis contenti continentiam, et parsimoniam, tolerantiam item iniuriae, et quae aliae eius virtutes fuere, quae ecclebre ei nomen pepererunt ^w. Laudabat enim ipse veteres, quod olim in philosophia res maxime curassent, cum hodie verba curentur, indeque causam deriuabat, cur antiquiore aetate in tanta philosophorum paucitate, plures tamen, quam ea aetate summa virtute enitiussent ^x. Obiit inedia, cum LXXX. aetatis annum esset supergressus ^y, et abstinentiam a cibo per biduum propter vlcus oris vel linguae ei medici suassent: melius enim se habens, se dimidium viae iam absoluisse professus est, biduumque adhuc abstinuit, et Stoica principia secutus sic extinctus est ^z. Scripsit multa, quorum catalogum exhibet LAERTIVS ^a, quae tamen omnia temporis inuidia nobis eripuit, praeter vnum hymnum, quem supra sectione prima laudauimus ^b. *Archaeologias* scripsisse, testatur LAERTIVS, quas cum traditionibus fabulosis ATHENAEO ^c memoratis idem scriptum esse, acute coniecit MENAGIVS ^d. Solebant enim Stoici vetera μυθολογούμενα, philosophicis exornare rationibus, et ad systemata applicare naturalia ^e. Post mortem a ciuibus, vel Romanis potius senatus magnificentia, serius aliquantum egregia statua ornatus est ^f. Alios duos Cleanthes nominat MENAGIVS ^g.

Ggg ggg 3

§. VII.

^m) f. 174. ⁿ) f. 170. conf. BARTH. ad Claud. p. 101.

^o) ib. f. 171.

^p) PLVT. de vit. aer. alieno T. II. p. m. 475.

^q) LAERT. f. 170. ^r) ib. f. 174. ^s) ibid.

^t) D. N. D. L. III. ^u) l. c.

^v) Lib. I. in Rufi.

^w) Huc faciunt apophthegmata adducta a LAERT. et STANLEIO II. cc.

^x) STOBAEVS Sermon. CCXII. p. 715. ideo quoque laudasse Arc. situm, quod vita doctrinae incertae non responderet, supra dictum in Arcefito

^y) LXXX. ponit LAERTIVS, IC. LVCIANVS

in Longaeus. ^z) LAERT. f. 176. ^a) f. 171. 176.

^b) Post Vrsinum eum edidit H. STEPHANVS in Poëti philos. p. 49. 124. integrum vero systemati suo intellectuali c. IV. §. 25. p. 515. inseruit RAD. CVDWORTHVS cum metaphrasi Latina IAC. DVPORTI. Totum eum Stoicismo scetere, eui elegant illic personet, supra ostendimus.

^c) Lib. XIII. p. 752. ^d) Ad l. c. Laërt.

^e) Li Cleanth cum Chrysippo et Zenone facere solitum t. de CIC. de N. D. L. III.

^f) SIMPLICIVS ad Epict. p. m. 217. ed. Wolf

^g) Ad LAERT. L. VII. f. 176.

Chrysippus.

§. VII. Nemo tamen post Zenonem sectam Stoicam ornauit magis atque nobilitauit quam CHRYSIPPVS, dignus, de cuius historia accurate dispiciatur ^f, cum genium sectae nemo apertius prodiderit. Solis ortus est ^g, vrbe Ciliciae, quae Pompeiopolis postea dicta est. Patrem Tarsensem habuit, Apollonium, vnde vel a parentis origine vel a vicinia Tarsensem quidam ^h faciunt. Patrimonium fisco regio addictum fuisse, tradit LAERTIVS, causam eius rei tacens ⁱ, foeneratorem vero fuisse, et foenoris foenus accepisse prodit LVCIANVS ^j, nisi acerba satyra philosophis scelera obiecisse conficta, hominem ad ridendos philosophos totum compositum dicamus: quod tamen verisimilius est, quam quod alii volunt, eum patrimonium regiis impendisse ministeriis, quod verba LAERTII non exhaurit. Athenas delatus, Zenonem, iuxta nonnullos ^k, audiuit, vel potius, vt melioribus auctoribus relatum Cleanthem, a quo tamen, viuo adhuc, dissentit ^l: id quod in Stoicorum schola non adeo infrequens fuisse, exemplis hactenus pluribus constitit. Refert tamen LAERTIVS, quoties aduersus eum disputando processisset, tanta ductum poenitentia fuisse vt crebro diceret:

In ceteris felix satis videor mihi:

Ast cum Cleanthe non succedit res mihi.

Stoicae ita philosophiae addictus reliquos mature superauit, animi dotibus praeclare a natura instructus. Laudant enim veteres in eo subtile ingenii acumen, in ima veritatis penetrans, vnde et versutus et callidus CICERONI ^m audit. Studium quoque eius et industria tanta fuit, vt quotidie quingentos versus scribere solitus sit ⁿ, cuius testimonium luculentum sunt plurimi ab eo exarati libri. Audax praeterea et promptissimus in differendo et disputando, qua in re totam fere vitam consumpsit. Vitiis vero non minus ingenii insignis vehementer veteribus displicuit, etiam ex ipsa secta Stoica: hinc SENECA ^o, *ingenii eius tanquam Graeci acumen nimis tenue, quod in se retunditur, et in se replicatur, quod etiam, cum agere aliquid videtur, pungit, non perforat*, reprehendit. Tanta quoque sui fiducia occupabatur, vt a praeceptore doctrinas tantum sibi exponi postulare, argumentorum inuentionem suae relinquendam posceret industriae ^p. Aliudque affert exemplum animi alta spirantis LAERTIVS ^q; a quodam interrogatum, cui filium commendaret, dixisse, mihi: nam si quempiam me excellere putarem, ipse apud eum philosophiae

f) Pleraque de eo habet LAERTIVS L. VII. f. 179 seqq. reliqua veterum loca diligenter excussit P. BAYLE Dict. T. II. art. Chrysippe p. 166 seqq. add. LIPSIVS Manud. L. I. p. 56.

g) LAERT. l. c. STRABO L. XII. p. 462. SOLIN. c. 42. ORIG. contra Cels. L. IV. p. m. 202.

h) SVIDAS in Chrysippus T. III. p. 691. conf. FABRIC. Bibl. Gr. Vol. III. p. 392.

i) Lancea se exercuisse ait f. 179.

j) In vit. auct. T. III. p. m. 123.

k) Apud LAERT. f. 179.

l) Hinc enatus Antipatro Tarsensi liber de discordia Cleanthis et Chrysippi, cuius meminit PLYT. de repugnant. Stoic. T. III. p. m. 4. FABRIC. Bibl. Gr. Vol. II. p. 385.

m) De Nat. Deor. L. III. c. 10.

n) Id ancilla eius testata est, LAERT. f. 180.

o) De benef. L. I. c. 3.

p) LAERT. f. 179.

q) f. 183.

phiae operam darem. Et huc referendum quoque est, quod nulli regi, more temporis sui, scriptum vllum dedicauit, honoresque animi elatione ductus, aspernatus est ^q. Etsi vero satis Stoice viuebat, vehementi tamen disputandi contentione adeo inuisus aliis factus est, vt odia philosophorum reliquorum, praecipue ex secta Academica et Epicurea, in eum quasi conspirauerint. Et quamuis mire ad quoduis excogitandum esset celer et acutus, et contradicendi studio in omnes verteretur partes, non feliciter tamen satis contra aduersarios rem sectae suae defendisse visus est, conquestique sunt Stoici, *dum studiosè omnia conquirit, contra sensus et perspicuitatem, ab Academicis disputata, contraque omnem consuetudinem contraque rationem, ipsum sibi respond. item inferiorum fuisse, itaque armatum ab eo fuisse Carneadem.* Quae CICERONIS ^r verba confirmat PLVTARCHVS ^s; illos ipsos, qui vim dicendi in Chrysippo admirati sunt, adeo frequenter et ferio aduersas suae sententiae rationes proposuisse, vt non tantum non cuiusuis esset, perspicere, quid ipsi placuerit; sed et Carneades argumentis tantum a Chrysippo in vtramque sententiam prolatis vsus fuerit, ad eum aggrediendum; ideoque istos acclamauisse ei illud HOMERI:

Infelix tua te vis perdet,

quod magnas contra se dicendi ansas praeberit illis, qui placita ipsius labefactare animum intenderent. Quin et hoc Chrysippo accidit, quod plerumque viris etiam magnis, sed spiritu contradictorio grauidis accidere videmus, vt haut raro contradicendi et disputandi aestu abreptus sibi contradiceret, cuius exempla plusscula PLVTARCHVS ^s, in libello, quem *de Stoicis contradictionibus* reliquit, attulit: vnde non Chrysippea omnia pro genuinis Stoicis habenda sunt. Ceterum negari non potest, eruditionem possedisse maximam, copiamque lectionis abundantissimam, quae cum plurimos veterum libros legeret et exciperet, eaque loca suis infarciret, vt ampliora essent, et nube testium vteretur ^t, obiectum ^r ei est praeter rem ^u glagium. Ista vero doctrinae magnitudine et ingenii acumine, hoc sectae suae, quin et aliorum meruit iudicium, vt fulcire putaretur porticum Stoicorum ^v, et de eo dici soleret ^w:

Ni Chrysippus fuisset, Porticus non esset.

Aliter tamen de eo aduersarii et imprimis Epicurei, qui non candide satis cum magistro egisse, eumque praeter culpam suam denigrasse, conquesti sunt ^x. Etsi vero totam Zenonis philosophiam illustrauit, praecipue tamen

^q) ibid. f. 185.

^r) Acad. Qq. L. IV. c. 27.

^s) De repugnant. Stoic. T. III. p. m. 7 seq. conf. BAYLE Dict. l. c. not. F.

^t) Pleraque enim repugnantiae ex Chrysippo haultae sunt, conf. SCIOPIVS Elem. phil. mor. p. 165, cuius verba adducit, BAYLE l. c. not. E.

^u) LAERT. L. VII. f. 181, 182.

^v) ZWINGER, theatr. vit. hum. Vol. XIX, f. 3560.

^u) Non enim aliorum scripta sua fecit, et pro suis venditauit, sed loca proluxa eorum allegando sua amplificauit, conf. IAC. THOMASIVS de plagio liter. §. CCCLXXXVIII. p. 169 seq.

^w) CIC. Acad. Qq. L. IV. c. 38. Plura testimonia collegit MENAG. ad LAERT. L. VII. f. 183.

^x) LAERT. l. c.

^y) EVSEB. praep. L. VI. c. 6. conf. GASSEND. vit. Epicuri L. III. c. 2. p. m. 86.

men in dialecticis versatus est, cuius argutias reliquis quoque disciplinarum philosophicarum partibus affricuit; tantaque eius fuit, apud deliciarum istarum amotores admiratio, ut falsi fuerint, si apud Deos dialecticae usus esset, non futuram eam aliam, quam Chrysippeam¹⁾. Non vero dictio tantum eius minus commendabatur, sed et ipsa illa argutandi subtilitas, in scirpo saepe nodum quaerens, vel anilibus etiam argumentis in re maxime seria utens vehementer viris grauib²⁾ ex hac secta displacuit³⁾, qui virilitatem sectae Stoicae concisis et minutis argutiolis, frigidis etiam ineptisque fabulis eneruasse, questi sunt. Nec docendi tantum et disputandi rationem, verum etiam ipsas, quas proposuit doctrinas carpunt passim veteres, multaque ei in morali praecipue philosophiae parte paradoxa et minus sana tribuunt, imprimis vero sunt, qui seuer⁴⁾ ei foedam exprobrent obscenitatem. Aiunt enim turpissime de Iunone et Ioue scripsisse, et talia, quae nemo, qui puritatem oris tueri cupiat, dicere velit. Quod licet eo tenderet, ut Iouis et Iunonis amores naturalibus argumentis explicaret, ut solebant Stoici, dictionem tamen eam fuisse dicebant, quae prostibulis dignior esset, quam Diis⁵⁾. Reprehendunt etiam, quod incestus licitos esse, docuerit, et nuptias cum matre filiae permiserit: quod mortuorum carnibus vesci praeceperit, et quae alia sunt huius generis memorata a LAERTIO⁶⁾. Quae licet more tantum Stoicorum παραδόξως dixisse, vel ut disputationi portam aperiret, affirmasse, adeoque dialectice magis, quam moraliter de istis argumentis differuisse, verisimile sit, sapiunt tamen ea ingenii in istis nugis atque tricis gloriolam venantis vanitatem animumque valde profanum. Grauiora sunt, quae ei obicit perspicacissimus P. BAYLIUS⁷⁾, qui inter numinis hostes eum referre non dubitat, loco nixus PLUTARCHI⁸⁾, qui refert: *Chrysippum et Cleanthem, cum impleuissent suis dictis, coelum, terras, aërem, mare, diis, nullum horum ab interitu liberum aut sempiternum statuisset: solo Ioue excepto, in quem reliquos omnes consumi putent*. Ex quo dogmate absurda quaedam atque contradictoria Plutarchus, et cum eo Baelius, colligit, qui ita Deum non immutabilem, sed mutabilem, et corruptibilem esse, colligunt⁹⁾. Non attendit vero vir doctissimus, ut saepius solebat, ad totum systema Stoicum, cui receptum erat: ignem diuinum siue Deum per mundum fusum omnes quidem mundi partes animare, verum in conflagratione vniuersi, etiam istis mundi partibus combustis, retra-

1) LAERT. f. 180. Specimen eius mirare in sophismate, Sorites, dicto, unde finitor acerui dictus est PERSIO sit, ult. conf. CASAVB. ad h. l. BAYLE l. c. not. O.

2) Vid. SENECA et EPICTETVS II. cc. CICE-RO et PLUT. II. cc. LUCIANVS l. c. qui misere Chrysippum saepeque exagitat. conf. b. IO. ANDR. SCHMIDII diss. de Chrysippea brutorum logica, GATAKER. l. c. p. 18. LIPS. Manud. p. 58.

3) LAERT. f. 187. ORIG. L. IV. contra Celsum p. m. 202. qui ait, Chrysippum interpretatum pictu-

ram in Samo, ubi Iuno depicta est, morem gerens Iouis non nominandae libidini.

4) f. 187. conf. G. ALB. HAGENDORN. de moralibus Chrysippeis. PASCH. Intr. in rem lit. mor. L. III. §. 4. p. 611.

5) l. c. not. I.

6) De communibus notionibus adu. Stoicos T. III. p. m. 459.

7) Plutarch. vero communibus, id est popularibus notionibus insistit. Baelius philosophicis, ad quod vir acutus et diligentissimus non satis attendit,

retractum iri diuinitatis particulas in iis habitantes in Iouem, id quod supra luculenter, nisi fallimur, confecimus. Ex his vero coniiicere potuisset acutissimus criticus, non de summo Deo sermonem esse, sed vel de Diis minoribus. vel de mundi potius partibus ab anima diuina animatis, adeoque frustra vel populariter tantum argumentari Plutarchum, qui impietatem Chrysippo non alio nomine obiicit, quam quod populares Deos interitui obiiceret. Nec illi proprie pereunt, vt vult Baelius, et comburuntur, Ioue in alium locum secedente; quae nunquam Stoici dixere, sed reducuntur in centrum ex quo progressi sunt, retrahitque ignis diuinus suas particulas, donec noua periodo eas emittat rursus, idque aeterna et ineuitabili fati lege, quam Chrysippum omnium fortissime asseruisse, supra adducta eius definitione fati demonstratum dedimus. Nec recessit Chrysippus a scholae suae decretis, sed totam physiologiam suam iisdem, quibus Zeno, fundamentis superstruxit, de qua cum memorabilem locum nobis seruauerit CICERO, eum, etsi longiusculum apponere e re lectoris esse existimamus, vt Chrysippeae physiologiae specimen et supra dictorum exemplum habeat. Ita vero TULLIVS *f*: *At Chrysippus, vim diuinam in ratione esse positam, et vniuersae naturae animo atque mente: ipsumque mundum Deum dicit esse, et eius animi fusionem vniuersam: tum eius ipsius principatum, qui in ratione et mente versetur, communemque rerum naturam vniuersa ac omnia continentem, tum fatalem umbram, et necessitatem rerum futurarum. Ignem praeterea, et eum, quem antea dixi, aethera, tum ea, quae natura fluere, atque manarent, vt aquam, et terram, et aërem, solem, lunam, sidera, vniuersitatemque rerum, quae omnia continerentur, atque homines etiam eos, qui immortalitatem essent consecuti. Idemque disputat, aethera esse eum, quem homines Iouem appellarent, quique aër per maria manaret, eum esse Neptunum, terram eam, quae Ceres diceretur: similique ratione persequitur vocabula reliquorum Deorum. Idemque etiam legis perpetuae et aeternae vim, quae quasi dux vitae, et magister officiorum sit, Iouem dicit esse, eandemque fatalem necessitatem appellat, sempiternam rerum futurarum veritatem: quorum nihil tale est, vt in eo vis diuina inesse videatur.* Et haec quidem in primo libro, de natura Deorum. In secundo autem vult Orphei, Musaei, Hesiodi, Homerique fabulas accommodare ad ea, quae ipse primo libro de Diis immortalibus dixerat, vt etiam veterrimi poëtae, qui haec ne suspicati quidem sunt, Stoici fuisse videantur. Nihil in his omnibus est, quod non exacte et luculenter totius sectae Stoicae theologiam et physiologiam referat, quare iis explicandis, quae supra abunde dicta sunt, superfedemus. Ex his vero consequitur, Chrysippo non aliter impietatis maculam posse inuri, nisi quatenus potissimum Stoeae fulcrum, princepsque Stoicorum fuit, et haec secta ab impietate haud procul abfuit, vti supra demonstraui. Recte vero vir celeberrimus inde concludit *f*, fati necessitati et legi illum

f) De nat. Deor. L. I. c. 15.*ff*) not. H.

tum

tum Deum, tum homines eorumque voluntatem subiecisse, omniaque catenae euentuum cum causis connexorum ineuitabili subiecisse, sicque Deum mali auctorem fecisse, et haec male a Lipsio excusari et pingi. Ita enim fatalis illa necessitas omnino euincit. Sed vt ad Chrysippum redeamus, is potissimum propter ingentem scriptorum, quae exarauit, numerum, memorandus est, qui ad DCCV. assurgebat, quorum catalogum, licet forte mancum^g, nobis seruauit LAERTIUS^h, vnde eum supplere conati sunt viri quidam doctiⁱ, qui de iis adeundi sunt. Inter hos, libros CCCXI. fuisse, dialectici argumenti, veteres perhibent, traditque VALERIUS MAXIMUS^k, octogesimo adhuc anno scriptum logicum exactissimae subtilitatis coepisse conscribere. Nihil vero ex his omnibus exiguo philosophiae malo, superest, praeter pauca ἀποσπασμάτια, quae CICERO, PLUTARCHVS, SENECA, GELLIVS, nobis seruauerunt, passimque laudatur eius liber *de prouidentia*, licet de fato durissima tradiderit, ex quo colligi potest, more sectae suae horrendis decretis pulchriorem eum fucum illeuisse. Habuere vero eadem Chrysippe libri vitia, quae πολυγερῶς plerumque accidere solent. Supra enim diximus, desideratam fuisse soliditatem, et responsiones aduersariorum obiectionibus largissime et fortissime allatis fuisse inferiores; addimus his, tam multa cum scriberet, in idem argumentum scribendi identidem incidisse, et quicquid in mentem ipsi venerit, literis committentem, saepe in aliis priora emendauisse, aliorumque testimoniis declarauisse: ita vero scriptorum locis sua referuisse, vt Apollodorus dixerit: si quis tolleret de Chrysippi libris, quae aliena sunt, vacuum illi chartam iri relictum^l. Obiit Olymp. CXLIII. aetatis anno LXXXIII.^m vel, vt alii volunt LXXIII.ⁿ. Ridiculum vero est, quod de mortis eius causa quidam narrant: risu effusum, dum ficus comedere asinum videret, suaeque, quae ei ministrabat, aniculae merum ei etiam praebere iuberet, animam efflauisse^o. Alii vocatum ad sacrificium hausto vino dulci incidisse in vertiginem atque obiisse quinto die tradunt. Post mortem in Ceramico interiori, siue gymnasio Ptolomaeo^p statua ei posita est, quae sedentis forma manumque extendentis eum, teste CICERONE^q, referebat. Colligit inde LAERTIUS^r, exiguo et tenui fuisse corpore, quod fere post equum, proximo positum loco delituerit, ideoque Carneadem eum vocauisse Κρύσιππον, ab equo occultatum. Verum frigide hic conicere Laërtium facile intelligi potest, cum sedentis statua, etsi iustae mensurae, post equum eiusque sessorem

g) STANLEIUS P. VII. p. 651.

h) f. 189. 202.

i) MEVRSIUS ad Chalc. p. 31. et in Bibl. Gr. IONSIUS S. H. Phil. L. II. c. 8. STANLEI. l. c.

k) L. IIX. c. 10. COF BAYLE l. c. not. B.

l) LAERT. f. 180. BAYLEVS l. c. not. C. haec constare non posse arbitrat, putatque in verbis Laërtii pro διερθεύοντο: ponendum esse ἀδιερθεύοντο: dicere enim Laërtium, eum ex festinatione inemendare et tumultuarie scripsisse, alio loco L. X. Sed nihil in Laërtio mutandum est, sed id

vult Laërtius: Chrysippum, cum eadem saepe scriberet, priora mutasse, et emendasse, sicque sibi ipsi contradixisse, cum nihil diu satis, quod scriberet, esset praemeditatus.

m) LVCIAN. in Macrob. T. II. p. m. 829. VAL. MAX. l. c.

n) LAERT. l. c. f. 184. SVIDAS l. c.

o) LAERT. f. 184.

p) Conf. MEVRS. de Ceramico gem. c. 15. p. 46. ex veteribus PAVSANIAS in Attic. c. 17.

q) L. I. de fin. c. 11.

r) l. c.

rem omnino deliteſcat. Poſitaque cum ſit ſtatua mortuo, vt ſolebat Athenis, intelligi non poteſt, qui Carneades, qui cum viuo controuerſias fouit, eum hoc nomine potuerit traducere? Sunt et alii Chryſippi veteribus memorati ^r, a quibus nominis celebritate et ſectae inſtituto facile diſtinguitur. Imagines eius paſſim hodie occurrunt ^s.

§. VIII. Chryſippo in Porticus cathedra ſucceſſor datus eſt ZENO, ^{Zeno Tarſenſis.} quibusdam Tarſenſis, aliis Sidonius ^ſ. Patrem Dioſcoridem Stoicae philoſophiae gnarum fuiſſe, ex eo colligi poteſt, quod ad eum libros ſcripſerit Chryſippus ^t. Paucorum autorem librorum, ſed plurimorum diſcipulorum magiſtrum fuiſſe LAERTIVS ^u tradit. Reliqua ad eum pertinentia fere deſiderantur omnia. Non reſceſſiſſe videtur a Stoicae ſectae placitis, niſi quod in illa de conflagratione mundi ſententia aſſenſionem retinuiſſe aiat Numenius apud EVSEBIVM ^v. Sunt, vt iam ſupra monitum, qui non Chryſippum, ſed Zenonem hunc a Carneade ſumto prius ad purgandum caput helleboro, oppugnatum dicant ^w.

§. IX. Poſt Zenonem in doctorum Stoeae publicorum numero apparet DIOGENES Seleucia natus ^x, qui tamen frequenter propter viciniam ^{Diogenes Babylonius.} Babylonius audit. Praeceptoribus uſus eſt Chryſippo et Zenone Tarſenſi, a quo, vt philoſophiae daret operam, perſuaſum fuiſſe, PLVTARCHVS ^y tradit. Tanta vero diligentia Stoicae philoſophiae impendit operam, vt magnus et grauis Stoicus dici CICERONI ^z meruerit: quae ſine dubio cauſa Athenienſes permouit, vt eum Carneadi et Critolao legatis Romam mittendis adderent: qua de re in Carneadis vita dictum eſt. Laudabile in eo eſt, quod SENECA narrat, ei de ira differentem adoleſcentem proteruum conſpuiſſe, hocque illum leniter et ſapienter tuliffe, non quidem irarſci ſe, dicentem, ſed dubitare tamen, an irarſci oporteat? Periere libri eius *de diuinatione, et Minerua*, quos memorat CICERO ^a. Ad longam is illum vixiſſe ſenectutem dicit ^b, LVCIANVS ^c; LXXXVIII. expleuiſſe annos tradit.

§. X. ANTIPATER Tarſenſis Diogenis ſucceſſor fuit et diſcipulus. ^{Antipater Tarſenſis.} Alii Sidonium faciunt, vel Antipatrum potius Tarſenſem, et Sidonium eundem fuiſſe, credunt ^d, quos alii ^e inter ſe melius, noſtro iudicio, diſtinguunt. Homo acutiſſimus CICERONI ^f, inter magnos vero Stoicae ſectae auctores

Hhh hhh 2

res

^r) Videndi de iis IONS. l. c. L. II. c. 8. p. 154.

MEVRS. l. c. MENAG. ad LAERT. L. II. c. 186.

^s) In VALENTIS Cilicia numis illuſtrata, ^{RO-}NOVII theſ. Antiq. Graec. T. III. lit. S. in Diog. Laert. WETSTENII.

^ſ) LAERT. L. VII. f. 38. SVIDAS T. II. v. Zenon p. 9.

^t) ibid.

^u) ib. FABRICIVS l. c. p. 415.

^v) De praep. eu. L. XV. c. 18. p. 830.

^w) Conf. IONS. de S. H. P. L. II. c. 1. p. 116.

^x) LAERT. L. VI. f. 81. LVCIAN. in long. T. II. p. m. 829.

^y) De vit. Alexandri T. II. p. 347.

^z) Tuſc. Qq. L. III. c. 12.

^a) De diuin. L. I. c. 3. de N. D. L. I. c. 15.

^b) De ſenectute c. 7.

^c) l. c.

^d) VOSSIVS de nat. Log. c. II. §. 18. de ſectis philoſ. c. XIX. §. 12. STANLEIVS P. VII. p. 655. LIPSIVS Manuduſt. L. I. diſ. XI. p. 61. IONSIVS L. II. c. 1. p. 114.

^e) Ipſe VOSSIVS de hiſt. Graec. L. III. p. 324. IONSIVS L. I. c. 13. p. 71. FABRICIVS Bibl. Graec. Vol. II. p. 338. De Sidonio v. de LAERT. L. VII. f. 29. CIC. de fato c. 3. de Orat. L. III. c. 50. vbi verſiculos ex tempore fudiſſe dicitur.

^f) De officiis L. III. c. 12.

res SENECAE audit. Cum Carneade non quidem voce, scriptis tamen, vehementer contendit, vnde καλαμοδόος dictus est ^b. Varia scripsit veteribus memorata, de quibus consulendus Io. ALB. FABRICIVS ⁱ. Non confundi vero debet, vt a STANLEIO ^k factum, cum Antipatro Tyrio ^l.

Panaetius.

§. XI. PANAETIVS Rhodius, a seniore eiusdem nominis distinguendus ^m, hunc in ordine successionis Stoicae excepit. Is maiores bellicis rebus claros habuit ⁿ, ipse vero philosophorum castra secutus est, magnam nactus nominis gloriam ^o; hominem enim ingenuum fuisse et grauem CICERO ^p testatur, quae causa Scipionem et Laelium permouit, vt eum amicitia et familiaritate sua dignarentur. Humane enim magis et naturae animi conuenientius philosophatum fuisse, GELLIVS ^q testatur, qui ἀπάθειαν eum improbasse refert. Sic et alios philosophos Aristotelem, Xenocratem, Theophrastum, Dicaearchum semper in ore habuit ^r, Platonisque magnus admirator fuit, quem omnibus locis diuinum, sapientissimum, sanctissimum, Homerumque philosophorum appellabat ^s, sententiam tamen eius de immortalitate non probabat. Astrologorum praedictiones contra reliquorum Stoicorum mentem reiecit CICERO ^t testatur, qui tres eius *de officiis* libros vehementer commendat. Apud Romanos certe, apud quos inter primos philosophiam Romae docuit, vt suo loco tradetur, summa in existimatione fuit, et principibus viris charissimus ^u. Diu vixisse ex CICERONE colligi potest, Athenis vero obiit ^v. Discipulos habuit magnos viros Mnesarchum, Posidonium, Laelium, Scipionem Fannium, Hecatonem, Apollonium Nyseum, Polybiumque ^x. Non de philosophia tantum, sed et de eius historia meruit, scripto *de sectis* libro, quem laudat LAERTIVS ^y, qui tamen cum reliquis periit. Illos, qui conuiuandi cum eo causa conuenere, Panaetiaistas vocatos esse, ATHENAEVS tradit ^z.

Posidonius.

§. XII. Tandem et POSIDONIUS Syrus Apameae natus ^a, Rhodique diu diuersatus, vnde Rhodius quoque dicitur, inter Stoicos primi nominis nominandus est. Non magistratum tantum Rhodigessit, sed etiam Stoicam philosophiam in schola publica docuit, Athenis enim in Porticu doce-

^g) Epist. 92. ARRIAN. L. III. dist. XXI.

^b) PLUTARCH. de garrulit. T. II. p. m. 319.

ⁱ) l. c. p. 388.

^k) l. c. p. 655.

^l) Meminit eius CICERO de Off. L. II. c. 24. et vixit Carneadis temporibus. Alius esse videtur Antipater Tyrius, Catonis Uticensis familiaris. vid. FABR. l. c. p. 388. quem tamen miscet OLEAR. ad l. c. STANLEY.

^m) SVIDAS T. III. v. Panaetius sen. p. 18. FABRIC. l. c. p. 406. MEYERS. Rhod. L. II. c. 10. p. 101.

ⁿ) STRABO L. IV. p. 655.

^o) Vid. CIC. Ac. Qq. L. IV. c. 33. De fin. L. I. c. 2. de off. L. II. c. 14.

^p) L. IV. c. 9.

^q) L. XII. c. 5. conf. CIC. de fin. L. IV. c. ult.

^r) CICERO de finib. L. IV. c. ult.

^s) IDEM Tusc. Qq. L. I. c. 32.

^t) De diuinat. L. I. c. 3. 7. L. II. c. 42.

^u) CICERO de fin. L. IV. c. 9. conf. LIPSIVS l. c. p. 63.

^v) SVIDAS l. c. triginta vixisse annis postquam libros de officiis scripserat, refert CICERO de off. L. III. c. 2. Aut itaque scripsit valde iuuenis, aut obiit senex. Hoc LIPSIO placet l. c. illud IONSTO de Scr. Hist. phil. L. II. c. 13. p. 178. qui natiuitatis annum ponit Ol. CLII. mortis Ol. CLXX. quem videtis.

^x) CICERO de diu. de officiis, in Bruto et alibi passim.

^y) L. II. f. 87.

^z) L. V. p. 186. vbi etiam Diogenistas, Antipatristas, etc. memorat, qui eiusmodi συνόδος conuiuandi causa habuerunt.

^a) STRABO L. VII. p. 316. L. XIV. p. 655.

^b) Conf. veterum testimonia apud MEYERS. de Rhodo L. II. c. 5.

docebat Mnesarchus ^c. Tanta vero eius fuit celebritas, vt ad eum audiendum ex Syria decedens Pompeius; cum Rhodi appulisset, et limina eius accessisset, percuti fores a lictore de more vetaret, et fasces submitteret. Cumque audiuiſſet, grauiter eum eſſe aegrum, quod vehementer eius artus laborarent, voluit tamen nobiliſſimum philoſophum viſere, quem vt vidisset et ſalutauisset, honorificisque verbis proſecutus eſſet, moleſteque ſe ferre dixisset, quod eum non poſſet audire, tum ille: tu vero, inquit. potes: nec committam vt dolor corporis efficiat, vt frustra tantus vir ad me venerit: itaque grauiter et copioſe de hoc ipſo, nihil eſſe bonum, niſi quod honeſtum eſſet, diſputauit, dolore ſuppreſſo et neglecto ^d. Eum ſe ipſum quoque audiuiſſe ait C I C E R O ^e, Romam vero a M. Marcello A. V. C. DCCII. adductum S V I D A S ^f teſtatur. Laudatur ob modeſtiam et veritatis ſtudium ^g, librosque erudite ſcriptos, inter quos cum vnus etiam *de mundo* fuerit ^h, inducti ſunt quidam, vt libellum de mundo, qui Ariſtoteli tribui ſolet, Poſidonii foetum eſſe dicerent ⁱ. Totus enim libellus iſte hypotheſibus ſcatet Stoicis. Sphaeram, teſte C I C E R O N E ^k artificioſam conſtruxit, cuius ſingulae conuerſiones efficiebant in ſole et in luna et in quinque ſtellis errantibus, quod efficitur in coelo ſingulis diebus et noctibus. Memorantur et alii veteribus Poſidonii a noſtro diſcernendi ^l.

§. XIII. Et hi quidem, celeberrimae inter Graecos ſectae Stoicae, portiores fuere doctores magna nominis laude incluti, reliqui, vel minorum gentium fuerunt, aliis memorati ^m, vel poſt C. N. vixerunt in ſecunda huius hiftoriae parte enarrandi. Nominari tamen debet I A S O N ⁿ, Poſidonii nepos, qui ei in ſchola apud Rhodenſes ſucceſſit, cuius ſcripta laudat I O N S I V S ^o. Addi poſſent mulieres Stoicae ^p, niſi vitae potius conſtantia, quam philoſophiae laude emicuiſſent. Et hic quidem Socraticae ſucceſſionis ramus vltimus eſt.

c) C I C E R O Acad. Qq. L. IV. I O N S I V S de Ser. Hift. phil. L. II. c. 13. p. 130.

d) Rem narrat C I C E R O Tuſc. Qq. L. II. c. 25. conf. P L I N. L. VI. ep. 30. L I P S I V S manud. L. I. Diſf. XI. p. 64. M E N A G. ad L A E R T. L. VII. f. 39.

e) De N. D. L. I. c. 3. Phaniam quoque diſcipulum habuit L A E R T. L. VII. f. 38.

f) S V I D A S in Poſidonius T. III. p. 159.

g) G A L E N V S apud L I P S. l. c. p. 65.

h) L A E R T. L. VII. f. 142.

i) A L D O B R A N D. ad L A E R T. L. VII.

f. 138. 152. Add. G A S S E N D V S T. I. opp. p. 145.

k) De N. D. L. II. c. 34.

l) Inter hos eſt Poſidonius Alexandrinus, Zenonis Cittiei diſcipulus, vid. L A E R T. L. VII. f. 38. Alios enumerat F A B R I C I V S Bibl. Graec. Vol. II. p. 410.

m) Catalogum habes apud F A B R I C. l. c.

n) Menecratis Niſaei filius, Poſidonii e filia nepos. S V I D A S in I a ſ o n T. II. p. 91.

o) L. III. c. 2. p. 218. De S. H. P.

p) M E N A G. Hift. mul. philoſ. p. 74.



CAPVT DECIMVM.

DE SECTA ITALICA, SIVE PYTHAGORICA.

S E C T I O I.

DE VITA ET PHILOSOPHIA PYTHAGORAE.

§. I.

Connexio successione philosophiae Graecanicae. **M**aiores hactenus partem sectarum Graecanicarum perlustrauimus, earumque condidimus historiam, quotquot nempe a Thalete ortae philosophiam inter Graecos propagarunt. Restat alter successione philosophiae Graecae, quam initio diximus, ramus, sectarumque a Pythagorae ortarum historia, eadem methodo pertractanda. Quemadmodum enim ex Ionica secta tota Socraticorum cohors prodiit, ita ex Italica secta Eleatica, Heraclitea, Epicurea et Pyrrhonia enatae sunt. Et sunt quidem, ut supra capite primo dictum, qui tres sectarum philosophicarum fontes agnoscunt, Eleaticam pro tertia sectarum matre constituentes, verum id sine causa satis graui fieri ibidem demonstraui. Sectam itaque Italicae hoc capite perlustrabimus, quae, ut mos erat antiquitus, a loco, ubi condita floruit, parte Italiae inferiore, nomen accepit, ferius ab auctore Pythagorica nominata ^a. Quae pars Italiae cum praeter vicinas insulas, Graecis coloniis scateret, Graecia inde magna vocata est, hincque sectae in his oris natae recte Graecis accensentur. Priusquam vero celeberrimi Italicae scholae parentis historiam exponimus, dicendum nobis paucis est, de praeceptore eius Pherecyde, hominum inter Graecos philosophantium fere primo, qui tamen sectam nullam condidit, adeoque ad sectam nullam referri incommode potest. Is enim Pythagoram ad philosophiae disciplinam perduxit, dignusque adeo est, qui in vestibulo historiae Pythagoricae paulo attentius consideretur.

Pherecydes praeceptor Pythagorae.

§. II. PHERECYDES, Babys vel Badys filius ^b gente Syrus vel Syrius, non ex Syriae regione, ut, praeter veteres quosdam, visum est GRO-
TIO ^c, sed ex Syro insula, quae una est ex Cycladibus ^d, Delo vicina, circa Olymp. XLV ^e ortus est. Disciplina philosophica ubi efformatus sit,

^a) Antiquius nomen sectae Italicae, quam Pythagorae, unde frequenter apud veteres occurrit, vid. LAERT. L. I. c. 13. ARISTOT. de coelo c. 1. CICERO in Cat. et ex recentioribus IO. SCHEFFER de nat. et constit. philos. Ital. c. 2, p. 10. L. VIVES ad AVG. de C. D. L. IX, c. 2. BVDDEVS Anal. hist. phil. p. 41. Extat tamen nomen Pythagoreorum iam apud ARISTOTELEM Meteorolog. L. I. Metaph. c. 6.

^b) Prius STRABO L. X. habet, et SVIDAS in

Pherecyd. T. III, p. 592, postorius LAERTIVS L. I. f. 116. exigua pronuntiationis diuersitate.

^c) Ad Matth. VII, 6.

^d) SVIDAS l. c. hinc CICERO Syrum dicit passim, PLINIVS L. VII, c. 56. Syrium.

^e) SVIDAS l. c. conf. DODWELL de aet. Pyth. p. 4 seqq. qui Benteium ad Olymp. XXXV. Pherecydem referentem notat, quod historicum cum philosopho confuderit.

fit, veteres dissentiunt. LAERTIVS Pittaci discipulum fuisse ait *f*, exigua verisimilitudine, cum nec isti viri sapientes praeceptores iuuenum se praestiterint, vno Thalete excepto, nec ratio philosophiae Pittaci cum Pherecydis conueniat; ex quo sequitur, frustra quoque eos *f* esse, qui Pittacum patre Thrace natum Thracicis institutis imbutum fuisse, nulla prorsus verisimilitudine a terunt *g*. SVIDAS, communi tantum rumore ductus, refert *h*, praeceptorem eum non habuisse, sed propria se exercuisse industria, comparatis sibi arcanis Phoenicium libris. Quae quoque HESYCHIO placuerunt *i*, et recentiori aetate viro magno, nuperque ingenti eruditi orbis et elegantiorum literarum iactura denato, nobisque, dum viueret, amicissimo ISAACO DE BEAUSOBRE *k*, qui cum, more suo, hanc opinionem elegantissima eruditione ornauerit, omnino audiendus et expendendus est. Is vero non SVIDAE tantum et EVSEBII *l* auctoritate, a Phoenicibus sua transsumsisse Pherecydem tuetur *m*, sed et probat dogmatum Pherecydis theologicorum consensu cum Phoenicibus, quae Manichaeis vicina fuisse putat. statuisseque non tantum principia esse duo, Deum et materiam, sed esse etiam Ophionidem Deum, a Pherecyde introductum, non alium, nisi serpentem seductorem, indeque eum, FICINO *n* auctore, bellum quoque angelorum rebellium contra Deos didicisse, quod dogma ad Platonem postea peruenerit: esse itaque probabile, Pherecydem arcanos Chami libros apud Phoenices sancte custoditos nactum, suam inde theologiam efformauisse. Licet vero haec magna eruditione ornet vir praestantissimus, fatemur tamen, infirmas admodum videri nobis rationes, quas affert. Suidae enim et Eusebii auctoritatem eo minus momentum habere, notum est, quo magis vterque sine critico examine rapuit et congeffit, quae scopo suo inferuire putauit, quaeque theologiae barbaricae, quam semina Christianae continuisse Patres ecclesiae credebant, honorifica esse existimauit. Nec consensus theologiae Phoeniciae cum Pherecydis placidis vrgeri potest. Patebit enim ex infra dicendis, eadem fere tradidisse Pherecydem, quae theologi barbari et Graeci vetusti plerique imprimis theogoniarum scriptores asseruerunt, nec ea esse Phoenicia magis, quam Aegyptiaca, vel Orphica et huiusmodi alia. Quae vero a serpentum Deo rationes deducuntur, belloque inter Deos asserto, adeo obscura sunt *o*, et more Pherecydis ad imitationem veterum theologorum, symbolice tantum dicta, vt impossibile sit, certam vel verisimilem tantum eorum dare explicationem, cum suo loco iam demonstratum sit, veteres theogoniarum scriptores, quos secutus est Pherecydes, partes mundi naturales in Deos conuersas, hominesque magnos inter

f) l. c.

ff) Hermippus apud IOSEPH. contra Apion. L. I. quem sequitur VOSSIVS de sectis c. VI. §. 2. p. 29.

g) Notauerunt idem SCHEFFERVUS l. c. p. 15. et IOH. FR. BVDDEVS de peregr. Pythag. §. VII. Anal. hist. phil. p. 9.

h) l. c.

i) EVSTATHIO quoque in L. XV. Odyss.

k) Hist. des Manichéens P. II. L. I. ch. 7. §. 4 seqq. p. 325 seqq.

l) Praep. L. I. c. 16. p. 41.

m) Apud MAX. TYR. Diss. XIX. p. 711. ed. Heinf. EVSEB. l. c.

n) I. argum. Apolog. Socrat.

o) Comparat idem Pherecydem CLEMENS ALEXANDR. L. V. p. 571. Heraclito obscure dicto.

ter Deos relatos inter se miscuisse, sicque theologiam et philosophiam naturalem, quam ex traditione acceperant, cum historia veteri foede confudisse, et inextricabiles ita nodos in explicandis theogoniis nobis struxisse. Adeo quoque, si de hac re supra suo loco dicta, consulamus, theogonisticum systema^{p)} a Manichaeo diuersum est, vt probabile non sit, Pherecydem vel theogonistarum alium de lapsu et rebellionem daemonum quicquam tenuisse, vel tetigisse. Nec Eusebii vel Firini interpretationes audiendae sunt, quos indignos in hac re iudices esse, syncretisticum eorum studium cuncta veterum cum sacris conciliandi euincit. Nec meliora sunt, quae de Chami libro, ex quo sua accepisse Pherecydes viro doctissimo dicitur, auctore Isidoro, Basilidis filio^{q)}, qui sub Traiano et Hadriano vixit, allata sunt. Hos enim homines haereticos veterum plurimis eiusmodi libros magno supposuisse numero, PLOTINVS iam conquestus est, et innumerabilis eiusmodi librorum seges, quae primis post natum Seruatorem seculis effloruit, testatum fecit. Alii itaque et suspecti minus testes producendi sunt, si credi debeat, ex Chami libris sua clam hausisse Pherecydem: praesertim cum ea, quae Pherecydi adscribit MAXIMVS TYRIVS^{r)} nec propria sint Phoenicibus, sed communia omnibus theologis vetustis, materiae a mente commotae accessisse litem et amicitiam; nec accurata satis, cum amor non ad summa principia ex eorum mente pertineat, sed ad secundaria et subordinata. Sed de his in sequentibus plura; haec enim in praesentia sufficiunt, vt ostendant, Suidae et Hesychii hac in re traditionem de surrepta Phoenicibus theologia Pherecydis verisimilitudine carere. Nobis ceteris expensis omnibus probabilitate non destituta videtur IOSEPHI^{s)} sententia, Pherecydem philosophiam suam in Aegypto didicisse. Hoc non tantum suadet commune omnis fere Europae tum temporis praeiudicium, Aegyptum sedem esse omnis eruditionis, quod plerosque magnos viros coëgit in Aegyptum descendere, et eius regionis theologiam et philosophiam addiscere; sed et ratio docendi symbolica, qua Pherecydes vsus est, cuius exemplum postea adducemus, quae tota Aegyptiaca est. Immo ipsa doctrinae Pherecydae facies Aegyptiaca haud dissimilis id satis demonstrat, vt ex eius delineatione, si cum Aegyptiacis libro primo descriptis conferatur, luculenter patefcet: Et vel solum de immortalitate dogma, quod magno veterum consensu Pherecydi tanquam primo inter Graecos assertori adscribitur, Aegyptiacas origines satis prodit. Non audiendus itaque est SVIDAS^{t)}, sui, vt solet immemor, qui paulo post *ζηλοτυπήτοι τὴν Θάλητος δόξαν, opinionem Thaletis sectatum fuisse*, ait, qua in coniectura epistola Pherecydis ad Thaletem, quam exhibet LAERTIVS^{u)}, deceptus esse videtur, quam fictam et *ὑποβολιμαίον* esse, omnes fere lineae produnt, et acute demonstra-

uit

p) Consuli hic debent ea, quae de theogonistico systemate supra suo loco dicta sunt. Historiam veterem qui in iis inuenit, facile, quam infirme a V. C. adducta sint, videt.

q) Apud CLEM. ALEX. L. VI. Strom. p. 642.

r) l. c.

s) l. c.

t) l. c.

u) l. c. f. 122.

uit magnus SALMASIVS^u. Aliter TZETZES^v, qui Thaletis praeceptor-
rem facit, non feliciori coniectura. Reliquae vitae Pherecydis circumstan-
tiae apud veteres paucae atque mancae sunt; plerique stupenda et praeter
naturalia de eo memorant: nauem plenis velis vtentem mergendam, prae-
dixisse, et mox euenisse illo inspectante: hausta ex puteo aqua praedixisse
terrae motum post triduum et ita euenisse, Messanam capiendam ab hosti-
bus praedixisse; Ephesiis victoriam morte sua parauisse, quae omnia latius
exponit LAERTIVS^w. Exiguam tamen ea omnia fidem inueniunt, si ea
repetantur, quae libro secundo de Epimenide, Orpheo, Lino Musaeo, Me-
lampode, Abari, aliisque obseruauimus, fuisse magnis viris inter veteres
pleraque ea afficta, vt tradita ab ipsis religionis decreta auctoritatem inde
acciperent, occasione a peritia eorum physica desumpta. Attendenda quo-
que est Porphyrii apud EVSEBIUM^x obseruatio, Theopompum, qui ista
narrat, ea suffuratum esse Androni, Pythagorae tribuenti. Quod licet ve-
risimile omnino videatur, prodit tamen, cuncta ad decipiendum popellum
excogitata fuisse vt in sequentibus de Pythagora quoque demonstrabimus.
Primus de natura rerum inter Graecos scripsisse dicitur LAERTIO^y, quod
cum Thaleti ipse LAERTIVS et alii veterum^z tribuant, multum inde labo-
rem suscipit MENAGIVS^a, vt vtrumque Laërtii locum inter se conciliet.
Quae tamen vel cum magno BOCHARTO ita facile conciliantur: Pherecy-
dem primum fuisse, qui de rerum natura aliquid in literas retulerit: Tha-
letem enim nihil scripto reliquisse supra obseruatum est, vel, quod nobis
magis placet, Pherecydem, teste STRABONE^b et APVLEIO^c post Cad-
mum Milesium primum fuisse, qui versuum nexu repudiato, conscribere
ausus sit, passis versibus, soluto loquutu, libera oratione fabularem theo-
logiam. Certe librum *de natura et Diis*, quem laudat LAERTIVS ita
scriptum fuisse, ex initio libri ab eo adducto patet^d. Fuisse etiam ab eo
in Syro insula heliotropium, siue parapegma, quo solstitia et aequinoctia et
siderum orientium et occidentium significationes per aliquot annorum am-
bitum significabantur, asserit LAERTIVS^e. Suspiciatus tamen est, non
sine ingenio eruditissimus BOCHARTVS^f, eius in Syro insula sciatherii
haut obscuram mentionem fieri apud HOMERVM^g, cuius rationes apud
ipsum quaerendae sunt, sane sciatheriorum vsus longe antiquiorem Phere-
cydis aetate esse, ex Hezechiaë Iudaeae regis historia notum est. De morte
eius

^u) Ad SOLIN. p. 842 seqq.

^v) Chil. II. hist. 55. apud MENAG. ad LAERT.
f. 119 vbi Pherecydes otium perperam Assyrius dicitur,
vt et apud AVGVSTIN. ad Volusian. l. ep. 3.

^w) l. c. et quos ex veteribus ad h. l. laudat
MENAG.

^x) De praepar. Eu. L. X. c. 2. p. 464.

^y) l. c. conf. SCIPIO AQVILIANVS de plac.
phil. ante Arist. c. XVIII. p. 77. qui tamen valde
ieiunus est

^z) LAERT. l. c. LACTANT. L. III. c. 14.

^a) Ad LAERT. L. I. f. 116.

^b) Lib. I.

^c) In floridis conf. PLIN. L. VII. c. 56. SAL-
MAS. Exerc. Plin. p. 591.

^d) Conf. FABRIC. Bibl. Graec. Vol. I. p. 779.
SVID. Theogoniam s. Theologiam, de generatio-
nibus Deorum nominat, ea vero idem de natura
rerum opus mythologica conscriptum fuisse vi-
detur.

^e) f. 119.

^f) Geogr. S. L. I. c. 14. p. m. 445.

^g) Odyss. o. v. 402.

eius variant veteres: Quidam, ut praedixerat, mortuum inuentum, ab Ephesiis in agro Magnefio, post partam victoriam; sepultum aiunt magnifice. Quidam profectum Delphos e monte Corycio se ipsum deiecisse memorant: plerique^b morbo pediculari consumtum tradunt, quod ideo iusta Deorum indignatione ei euenisse ait AELIANVSⁱ, quod discipulis iactauerit, se, etiam si nullam Diis rem sacram faceret, nihil iniucundius vel tristius vitam agere, quam qui hecatombas sacrificarent. Quae ab inuidia sacerdotum, philosophos superstitionis oppugnatores premente excogitata fuisse, nemo temere dubitabit. Pythagoram discipulum hunc praeceptorem suum sepeliuisse ait Aristoxenus, de quo infra^k pluribus. Aetatem ei LXXXV. annorum quidam tribuunt, Olymp. LIX. floruisse LAERTIVS ait: Fuere alii quoque Pherecydes et imprimis Atheniensis, Genealogus dictus, ob enarratas theogonias, qui confundi cum nostro non debet^l.

*Doctrina
Pherecydis.*

§. III. Philosophia, vel theologia potius Pherecydis qualis fuerit, difficile est statuere. Tum quod aenigmatice, ut tum temporis solebant, et sub allegoriarum velo dogmata proposuit, tum quod pleraque interciderunt, et paucissima tantum fragmenta nobis relicta sunt. Nos ea sparsim disiecta colligemus et coniecturis nostris, ubi alia desunt, tantisper illustrabimus, donec alii clariorem lucem afferent. Praesupponimus vero, quod in antecedenti §. iam tetigimus, verisimile esse, Pherecydem eandem theologiam, quam ex Aegypto in Graeciam transtulere theologi antiquissimi, tenuisse, eam vero non versuum quidem nexu et ligata oratione, sed dictionis tamen genere poetico et mythico expressisse. His suppositis non plane desperandum esse putamus de vero sensu initii libri eius de rerum initio^m: Ζεὺς μὲν καὶ χρόνος εἰς αἰὲν, καὶ χθὼν ἦν. Χθονὴν δὲ ὄνομα ἐγένετο γῆ, ἐπιδείκνυται Ζεὺς γένεσιν διδοῖ. *Iupiter quidem idem semper ac tempus, et tellus erat. Telluris autem nomen terra fuit, postquam Iupiter ei praemium dedit.* Pro χρόνος apud HERMIAMⁿ est Κρόνος, Saturnus, quo modo, etiam apud Laërtium legendum esse coniecit ISAACVS CASAVBONVS^o ille tamen mox addit: Ζῆνα siue Iouem, esse aetherem; χθονὴν terram, χρόνον tempus. Et hoc quidem recte, ita enim theogoniae omnes, quae Ioui et chao tempus adiunxere. Paria fere habet CLEMENS ALEXANDRINVS^p, apud quem Iupiter Ζεὺς dicitur. Χθονὴν vero terram explicant, non LAERTIVS modo, sed et SEXTVS EMPIRICVS^q, HERMIAS^r, et MAXIMVS TYRIVS^s, aquam vero illum cum Thalete ista voce intellexisse ACHILLES TATIVS^t vult, reprehensus ideo a Io. ALBERTO FABRICIO^u. Neque

g) Apud LAERT. l. c.

b) Loca eorum adduxit MENAG. ad h. l.

z) Lib. IV. c. 28.

k) Vid. interim quos laudat MENAG. ad LAERT. l. l. f. 118.

l) Vid. SYD. in Pherec. Athen. l. c. VOSSIVS de hist. Graec. l. IV. c. 4. MENAG. ad LAERT. l. l. f. 119. SALMAS. Exerc. Plin. p. 599. DODWELL. de aer. Pyth. §. 4. p. 101.

m) LAERT. l. l. f. 119.

n) In irrif. gentil. c. 12.

o) l. c.

p) Strom. l. VI.

q) Pyrrh. hyp. l. III. c. 4. f. 30. adu. Math. l. IX. f. 359.

r) loc. cit.

s) Diss. XIX. p. 171.

t) Isagog. in ARAT. c. 3.

u) Ad l. c. SEXT. EMP.

Neque tamen vtraque pars aliter intelligi potest, quam de statu chaotico, $\chi\theta\omega\nu$ enim Pherecydis aliud nihil est, quam Mot Phoenicum, vel chaos theologorum, vel aqua etiam Thaletis; terrae enim nomen chaos post susceptum mundi ornatum tantum accepit β . Scilicet plerique veterum chaos tanquam massam turbidam coenoso limo infectam considerabant, quia globi terraquei prima elementa in eo latuisse credebant: qua de re supra actum. Addit his MAXIMVS TYRIVS ϵ adposuisse Dei et chaos, principiis amorem: quod facile concedi potest, non vero intelligi debet, de principio aliquo absoluto, sed subordinato, nempe motu illo semel in tempore impresso chao a Ioue, vt homogenea coirent, discederent a se heterogenea, quae itaque ad materiam semel a Deo commotam et quasi impraegnata referenda sunt. Difficilius explicatu est, quid $\kappa\epsilon\acute{o}\nu\omicron\varsigma$, vel tempus quae eadem esse notauimus, significant? Cel. MOSHEMIO ω videtur Pherecydes sidera, quorum annuis cursibus conficiuntur et mensurantur secula, aeterna fecisse, et cum terra Deo adiunxisse: his vero obstat, quod chaos formam post tempus demum, quod ab aeterno apud Iouem fuit, a Ioue acceperit, ad eam autem sidera quoque pertineant: monetque ipse vir magnus, statuisse quosdam tempus, antequam tempus illud esset, quod mundi conuersione afficitur. Nobis, subobscuram quidem Pherecydis physiologiam fuisse, non negatur, ad veterum vero Graecorum theologorum mentem explicandam eam esse, non abs re statuitur. Eo enim, vti historia Pherecydis nititur, ita rem satis luculenter id explicat. Nam I. ex dicto Laërtii loco verbisque Pherecydis apertum est, Iouem, tempus, et massam terraqueam siue limosam, i. e. chaos vnum fuisse. Mutat quidem post SALMASIVM ν , cel. BEAUSOBRIVS ω verba Pherecydis $\epsilon\acute{\iota}\varsigma\ \acute{\alpha}\epsilon\acute{\iota}$, in $\epsilon\acute{\iota}\varsigma\ \acute{\alpha}\epsilon\acute{\iota}$, quia priora absurdum ipsi sensum fundere videbantur; sed praeter rem; nihil enim aliud dixit Pherecydes, quam quod Graecorum theologorum alii quoque professi sunt: Iouem, tempus et chaos vnum constituisse κ . II. Inde vero sequitur, inclusum Iouem in chao ab immenso tempore latuisse. III. Tempus vero semper simul adfuisse: tempus autem cum absque motu antecedentis et consequentis concipi nequeat, recte inde concluditur, Pherecydem Deum non otiosum et immobilem, sed aeterna emanatione materiae et expulsionem ex sinu suo actiuum fecisse. IV. Vbi vero, nescio an fati necessitate vel latentis Dei arbitrio materia formari coepit, impressum esse amorem et litem, id est leges motus mechanicas, quae homogenea componerent, heterogenea separarent: Eum porro V. amorem praemium Iouis fuisse, id est eius tanquam principii actiui beneficio exortum, adeoque non ad primaria vniuersi principia referendum esse. Forte huc quoque pertinent, quae Pherecydi

Iii iii 2

tri-

 β) LAERT. I. c. ϵ) I. c. ω) Ad CVDWORTH. p. 441. ν) In Solin. p. 841. ω) I. c. p. 328. not. 3. κ) Repetendum hic ex TATIANO I. c. Iouem ex mente Pherecydis esse aetherem subtilissimum. Ex eo enim sequitur, Pherecydem chaos Ioue grauidum eundem fere in modum constituisse, vt Stoici fecere,

tribuit PROCLUS ^y: Iouem in amorem conuersum esse, cum vellet mundum condere, nisi haec Pherecydis potius genealogi fuerint, quod placet cel. MOSHEMIO ^z. VI. Hunc amorem per varias rationum seminalium in materia latentium virtutes a Ioue impressas varium mundo ornatum et figuram et partes dedisse, quem mundi ornatum, cum pallio variegato comparauisse Pherecydem, tradit CLEMENS ALEXANDRINUS ^a. VII. Ex his varios Deos ortos esse, siue homines illi terrigenae, vel e coelo delapsi fuerint, siue partes mundi; nam deficientibus monumentis Pherecydis nihil de eo statui potest: hoc vero simillimum vero est, et Ogenos CLEMENTI ALEXANDRINO ^b memoratos et Ophionides ^c, et bella Deorum ^d in hunc censum referri debere, cum tota Deorum natione Pherecydi memorata. VIII. Ex quibus omnibus sequitur, quod Pherecydi ARISTOTELES ^e tribuere videtur τὸ γεννῆσαν ἀριστον εἶναι, *causam eam, quae omnia genuit, optimam esse*. IX. Ex his intelligi quoque atque explicari potest, obscurum emblemata Pherecydis a CLEMENTE ALEXANDRINO ^f conseruatum, quo quercum alatum et pallium, quod in ea est, variegatum depinxit, licet eiusmodi symbola mille interpretationes recipiant, prout quis Pherecydi mentem tribuit, vnde CHR. SANDIUS ^g animae imaginem, FABRICIUS ^h naturae vniuersae, BEAUSOBRIUS ⁱ diuinitatis symbolum in hoc Pherecydis aenigmate inuenisse sibi visi sunt. Nos saluo magnorum virorum honore et iudicio neutrum Pherecydis mentem exprimere putamus, sed ad ipsum, quod explicatum dedimus, Pherecydis systema respiciendum esse statuimus, quod elegantem emblemata ita depinxisse nobis videtur. Quercus enim, vti omnium arborum durissima et aeternitati proxima, ita aeternae materiae, Deo aeterno grauidae, siue chaos cum Ioue iuncti imago est; cum vero materia aeterna emanatione iactata fuerit, vnde tempus vtrique principio addidit Pherecydes, illa motus in chaos vicissitudo alarum symbolo expressa est. Cum denique chaos in varium et ornatissimum mundum formaretur, pallium varium, symbolum eleganter ei appictum est. Ne vero solis coniecturis nostram firmemus explicationem, notabilem locum CLEMENTIS ALEXANDRINI ⁱ dictis iungimus, ubi literatissimus ecclesiae doctor obseruat, Pherecydem ea, quae HOMERVS ita dixit:

*Tellurem, mareque et coelum fabricatus in illo est
Oceani magnam et vim fluminis indidit illi,*

ita sua fecisse: Ζᾶς ποιεῖ Φάρος μέγα τε καὶ καλόν, καὶ ἐν αὐτῷ ποικίλλει γῆν

y) Comm. in Tim. Plat. L. III. p. 156. conf. CVDWORTH. Syst. int. c. IV. §. 33. p. 615.

z) Ad h. l. conueniunt vero etiam systemati Syrii philosophi: et vtrique in eodem argumento, sed diuersa scribendi ratione versatus est.

a) Strom. L. V. p. 569.

b) l. c.

c) MAXIM. TYR. l. c. EVSEB. l. c.

d) MAX. TYR. l. c.

e) Metaph. L. XII. c. 4. conf. MOSHEM, ad CVDWORTH. p. 207.

f) Strom. L. VI. p. 642.

g) De orig. animae p. 90 seq.

h) Cod. Pseudepigr. V. T. T. I. p. 293.

i) Hist. Manich. P. II. L. I. c. 7. p. 330 seq.

j) Strom. L. VI. p. 621.

γῆν καὶ Ὠγῆνον, καὶ τὰ Ὠγῆνος δώματα. *Iupiter facit magnum pulcherrimumque pallium, et varie in eo describit terram et Ogenum, et domos Ogeni.* Quo testimonio luculenter euincitur pallium istud varium, globi terraquei et coelorum, a Ioue ex chao formatorum systema esse. Sed coniecturarum fatis est. Alterum, quod magno veterum consensu ^k dogma Pherecydi tribuitur, est immortalitas animae, quam inter Graecos introduxit. Didicisse illud in Aegypto dubium non est, qua ratione veritatem immortalitatem asseruerit, veteres non explicant. SVIDAS ^l ad popularem tantum rumorem prouocat, primum fuisse, qui animarum ex vno corpore in aliud migrationem docuerit. Neque tamen hoc a verosimili prorsus abludit. Nam si vera sunt, quae AVGVSTINVS ^m tradit, dogmate hoc Pherecydem incitasse Pythagoram ad philosophiae studium amplectendum, probabile est, eundem in modum Pherecydem illud amplexum fuisse, vt Pythagoram; et, si in Aegypto illud didicit, μετεμψύχωσιν simul inde attulit. Reliqua de Pherecydis philosophia omnia intercidere, vel quod sectam non condidit, quae ipsius placita propagauit; vel quod liber eius adeo obscurus fuit, vt intelligi non potuerit, indeque neglectus et tandem perditus est, vel quod Pythagoras, vt solus scaperet, eum suppressit, quod ab eius ingenio alienum credi non debet. Quaecunque vero ex his causa fuit, nobis certe nihil amplius superest, quod de Pherecydea philosophia adiiciamus.

§. IV. Hic Pherecydes Pythagoram primus, vti fertur, ad philosophiam adduxit, cuius viri cum super reliquos Graeciae totius philosophos omnes fama eminuerit, historia eius curate excutienda atque tradenda est. In eo vero non exiguus facilisque labor vertitur, ita enim cum Pythagorae eiusque philosophiae historia comparatum est, vt nulla historiae philosophicae pars sit, quae pluribus laboret difficultatibus, adeo omnia incertitudine, mendaciis, contradictionibus, fabulisque scatent, et testimoniis eiusmodi nituntur, quae exiguam merentur fidem et examinata ad lapidem Iydium fidei historicae, fiunt suspectissima. Alias difficultatis fere insuperabilis in Pythagorae philosophiae historia causas in sequentibus delineabimus. Et fuit quidem in eo quam maxime diligens veterum curiositas, vt venerabilis a multis seculis philosophi vitam resque gestas colligeret, earumque ex istis traderet historiam. Quos non minori diligentia secuti sunt recentiores multi, qui iis, quas nobis tempus non inuidit, veterum memoriis vsi, Pythagorae historiam enarrarunt. Et ex veteribus quidem ipsa Theano mulier Pythagorica, de qua in sequentibus agetur, de Pythagora scripsisse SVIDAE ⁿ dicitur. Praecipue vero ad Aristoxeni vitam Pythagorae passim veteres ^o prouocant, cuius tamen non minus, quam

Scriptores historiae Pythagoricae.

Iii iii 3

Her-

^k) Vide citatos MENAGIO ad LAERT. L. I. f. 117.

^l) l. c.

^m) Ep. ad Voluf. III. T. II. opp. p. 308. quod tamen, quia a solo Augustino traditur suspectum est MOSHEMIO ad CUDWORTH, p. 27.

ⁿ) In Theano T. II. p. 169. conf. IONSIUS de Scr. Hist. phil. L. I. c. III. p. 22.

^o) Loca ad eum citant MEYERSIUS, IONSIUS l. c. c. XIV. p. 73. FABR. Bibl. Graec. Vol. II. p. 257. VOSSIUS de hist. Graec. L. I. c. 9. Fuit ea pars libri

Hermippi, Lyconis Iasei, Moderati aliorumque a C. RITTERSHV-SIO nominatorum enarrationes vitae Pythagorae temporis iniuria perierunt. Ex his veterum commentariis sua confarcinarunt LAERTIVS, PORPHYRIVS et IAMBlichVS, quorum diligentiae quicquid fere singulare de Pythagora nouimus, acceptum debemus. LAERTIVS scilicet *octauum historiae philosophicae librum* Pythagorica historia impleuit: PORPHYRII vero *vitam Pythagorae* primum CONR. RITTERSHVSIUS^p, deinde LVCAS HOLSTENIVS^q, et post hos hoc seculo LVDOLPHVS KVSTERVS, eruditis illorum suisque annotationibus illustratam^r edidit. IAMBlicHI *de vita Pythagorae* commentarios, primus vulgauit IOANNES ARGERIVS^s, qui tamen nec codicibus satis castigatis vsus est, nec versionem iustam et apte satis textui Graeco respondentem exhibuit. Meliorem itaque et fidelio-rem dedit VLRICVS OBRECHTVS V. C. quam cum textu Graeco et annotationibus doctis publici iuris fecit, Porphyrio adiuncto, LVDOLPHVS KVSTERVS^t. Praeter triumuiros hos, de Pythagora scriptores veteres, legitur etiam vita Pythagorae ab ANONYMO conscripta apud PHOTIVM^u, quam biographiis Pythagoricis a se curatis adiecit laudatus KVSTERVS^v. Afferunt quoque ad eandem rem nonnulla SVIDAS^w, IUSTINVS^x, APVLEIVS^y, PSEUDO-ORIGENES^z aliique ex veteribus historiae literariae commentatoribus. Alios qui passim quaedam Pythagoram concernentia tetigerunt praeterimus, in ipsa tractatione suis locis nominandos. Recentiorum, in enucleanda Pythagorae historia occupatorum nomina cum pleraque enarrauerit doctissimus HEVMANNVS^z, lectorem breuitati consulturi ad eum ablegamus. Nominandi tamen sunt praeter alios, ANDREAS DACIERIVS, qui vitam Pythagorae ita descripsit, vt merito cautum lectorem, admirationis et antiquitatis praeiudicio non impeditum requirat, si recte et ad veritatis normam illius laboribus vti velit^z: et vir celeberrimus IO. IAC. LEHMANNVS^a, qui doctissimo commentario, pleraque, quae veteres de Pythagorae historia et philosophia tradiderunt, diligenter congeffit. Optandum vero esset, vt vel IOACH. KVHNII liber *de vita et philosophia Pythagorae*^b, vel

IO.

πρὸς ἀνδρῶν, quem insigniter laudat PLVT. quod non suauius viui possit sec. Epicurum.

a) Ad PORPHYR. vit. Pyth. n. I. p. 5.

p) Ald. rf. 1610. 8.

q) Rom. 1630. 8. addita vita Porphyrii. Repetita editio Cantabrig. 1655.

r) Amstelod. 1707. 4.

s) Basil. 1598. 4.

t) Vna cum Porphyrio.

u) Cod. CCLIX.

v) Exhibet vero ea non vitam, de qua pauca habet, sed doctrinam Pythagorae, quam tamen titulus promittit, vnde coniciendum est, aliquid deesse.

w) In Pythagoras T. III. p. 231.

x) Lib. XX. c. 4.

y) Florid. L. I. p. m. 256.

z) Philosophum. c. 2.

y) Aët. philos. Vol. I. p. 370 Vol. II. p. 487. Inter eos consuli merentur STANLEIVS Hist. philos. P. VIII. p. 658 seqq. BAYLE Dict. T. III. art. Pyth. p. 741. IO SCHEFFER, de nat. et const. phil. Ital. Wit. 1701. 8.

z) Grauem ea de re dicam Dacierio scriptit FRANC BALTVS Iugem, des SS. Peres, sur la morale des payens L. III. ch. 17. p. 487 seqq. conf. CLERC. Bibl. chois. T. X. p. 182 seqq.

a) In Hist. phil. Pythagoricae, quae prodromum obs. ad Hist. phil. BVDDER exhibet.

b) Promissus not. ad AELIAN. L. II. c. 36.

IO. SCHEFFERI amplum de Pythagora eiusque philosophia opus^c, vel IACOBI WINDETI liber de parallelismo Pythagorae atque Originis^d oculis nostris non fuissent subtracti; cum dubium non sit, quin a viris his doctissimis et in critica veterum historia exercitatissimis lux multa historiae Pythagoricae fuisset accensa. Licet vero ex adductis pateat, non vacuum relictum esse hac in parte philosophicae historiae campum, si tamen fatendum, quod res est, non tantum inde adiuta est, Pythagorae historia, ut non insuperabiles nodi, et ineluctabiles difficultates, quae fecari magis quam solui possunt, occurrant plurimae, et historia Pythagorica densissimae similis sit syluae, in qua post caesas arbores plurimas, parum lucis, viae et ordinis restitutum est, adeo omnia, vel pleraque saltem incerta, confusa, suspecta vel aperte falsa et conficta sunt. Cuius rei rationes atque causas ut exponamus, quae plurimae sunt, imprimis lectorem ad ipsas Pythagorae historiae circumstantias attendere iubemus, quae non potuere non magnam inducere obscuritatem et incertitudinem. Ut enim ea taceamus, quae commodè magis in sequentibus de incertitudine philosophiae Pythagoricae differemus, vel sola Pythagorae et sequacium pertinacia, nihil de rebus suis, quamdiu fere secta ista floruit, vel scripto comprehendendum, vel in vulgus exire patientium, satis nos conuincit, dubias esse narrationes omnes et incertas eorum, quotquot post Pythagoreorum aetatem de iis scripserunt. Nam cum sesqui seculo iuniores sint illis, qui etiam proxime aetate ad eos accedunt, cumque nullis domesticis et genuinis monumentis vel memoriis uti potuerint, sed ex vulgi tantum fama et traditione, quae toties fallax et vaga atque vana est, sua retulerint, iudicari ex his facile potest, quantum illis fidei decedat, ad integram veramque Pythagorae tradendam historiam. Accedit, quod eo iam tempore, ut postea demonstrabimus, historia Pythagorae falsa miraculorum iactatione foede et ipsorum Pythagorae eiusque discipulorum studio^e, et populi superstitione deprauata fuerit, ut adeo non potuerit non iam primis nascentis historiae Pythagoricae temporibus immensa fabularum et mendaciorum seges efflorescere. His accidere alia; confusi Pythagorae inter se plures, adscriptae res mirabiles, de aliis viris antiquis magnis Pythagorae, resque saepe simplices et naturales, ut *Θαυμασία* famam augerent, in miracula mutata, et quae alia sunt, de quibus curatius dicendi se in sequentibus exhibebit occasio. Et tamen propiores hi fontes nobis defunt, et paucae laciniae nobis restant, ab eiusmodi hominibus decerptae, qui suspecta fide ea in re egerunt, Porphyrium et Iamblichum innuimus, parum fidos historiae Pythagoricae enarratores. Qui non tantum multis Pythagora seculis iuniores sunt, et ideo non aliam fidem merentur, quam adducta ab iis patiuntur testi-

Difficultates

e. m. t. d. p. g. i. cae.

nia;

^c) Cuius prodromus erat liber supra laudatus.

^d) Prouocat ad eum de vita funct. statu sect. V. p. m. 106.

^e) *Τερατολογίας* iam Socratis tempore Pythagoreis obiectas eosque ideo a viris grauibz contem-

ptos fuisse, ex epistola XENOPHONTI tributa ad Aeschin. p. 1000. palam est. Eandem epistolam exhibet etiam EVSEBIUS praep. L. XIV. c. 12. p. 745. remque ipsam confirmabit non Pythagorae tantum, sed etiam Empedoclis historia.

nia; sed in ipsa quoque confarcinanda Pythagorae historia, tot fabulas aperte se prodentes, tot contradictiones ex corrafis vtcunque veterum narrationibus conflatas exhibent, vt parum illis, si accurate versandum et iudicandum sit, fidei tribui queat, cum omnia veriet non suspecti testis requisita iis defint, et aperte pateat, eos nec potuisse, nec voluisse veritatem in hac historiae parte scribere. Et eruditionem quidem atque insignem lectionis copiam iis, praecipue Porphyrio, homini suae aetatis in hac eruditionis parte facile principi, non denegamus; eam vero non adhibuerunt, vt debebant, sed incertos passim rumusculos secuti, nihil fere, quod suspectum erat, critico examini subiicientes, elegerunt, modo id in rem suam facere viderent. Mirandum itaque non est, quod eorum ἀβλεψίαν et incogitantiam satis prodit, plurima eos ad Pythagoram retulisse, quae, vel solis temporum rationibus ad oculum demonstrari possunt, ad eum referri non posse, quod in sequentibus luculentis exemplis conficiemus. Non itaque examinata ab illis testium, quos secuti sunt, fides, multa quoque memoriae praesidio fretis perperam relata et secus, quam debebat, exposita. Multo vero magis fidem illis omnem eripit pessima voluntas, veritatem non scribendi. Fuere nempe hi homines ex Ammonii Plotinique schola, quibus constitutum fuit, omnia obtorto rapere collo, fingere et mentiri quiduis, et admiranda quaelibet pro veris aliis commendare et obtrudere, modo sectae et religioni, quam sequebantur, faueret. Quod etsi suo tempore, vbi pessimum hominum genus viuis coloribus depingetur, ex instituto demonstrabimus, dabimus tamen in gratiam eorum, qui durius nos cum philosophis celeberrimi nominis agere putauerint, confitentes reos. Ita enim ipse IAMBlichVS f: Καὶ τὸ τοῦ γε πάντες οἱ Πυθαγορεῖοι ὁμῶς ἔχουσι πιστευτικῶς, οἷον περὶ Ἀρισταίας Προκονησίας καὶ Ἀβάριδος τῆς Ὑπερβορέας τὰ μυθολογογέμενα, καὶ ὅσα ἄλλα τοιαῦτα λέγεται· πᾶσι γὰρ πιστεύουσι τοῖς τοιαύτοις, πολλὰ δὲ καὶ αὐτοῖς περὶ τῶν τοιούτων δὲ τῶν δοκούντων μυθικῶν ἀπομνημονεύουσιν, ὡς εἶδεν ἀπιστῶντες οἱ, τι αὖν εἰς τὸ θεῖον ἀνάγνηται. Vnde omnes pariter Pythagorei proui sunt ad fidem adhibendam talibus, qualia de Aristaea Proconesio et de Ibaride Hyperboreo commenta referuntur; et quotquot alia sunt generis eiusdem. Omnibus enim eiusmodi adhibent assensum, multa quoque et ipsi comminiscuntur; saepeque talia, quae fabulosa videntur mentionem faciunt: tanquam nihil non credentes quod ad Deum refertur. Verissima de secta sua haec professum esse Iamblichum, eius suo tempore demonstrabit historia, fidem vero omnem eos ita decoxisse, quilibet vel mediocriter attentus intelligit. Multo vero magis omnem ideo fidem amittunt, quod hoc hominum genus in tota constituenda secta sua, et imprimis in confingendis et adulterandis veterum libris eo potissimum respexit, vt crescentis indies et foedissimae superstitionis tenebras dispellentis lucis Evangelicae incrementis omnes istas artes, mendacia, commenta, dogmata, totam-

totamque sectae suae constitutionem opponeret, id quod luculentissime demonstrauit ven. MOSHEMIVS ^f et nos suo loco ex instituto exponemus, heic loci, id quod ex re nostra est, monuisse contenti, has ipsas Porphyrii et Iamblichi vitas Pythagorae, ex veteribus inepto studio et pessima confarcinatas fide fuisse, vt haberent vaferrimi impostores, quod miraculis maximis Seruatoris et discipulorum eius opponerent, et Pythagoram non minorem fuisse Christo Iesu demonstrarent. Ita enim euenturum sperabat infernalis, qui hos homines inspirabat genius, vt vel miraculis Christi Pythagorea, aliaque huius generis, e.g. Apollonii. non minora crederentur, sicque foedissimae superstitioni eadem quæ Christianae religioni, fulcra suppeterent; vel suspectis ex mentiendi libidine et audacia miraculis et historia Pythagorae, suspecta quoque fierent miracula et historia Christi, hæcque cum illa simul riderentur, quorum vtrumque factum esse, quoad illud Philostrati, quoad hoc Luciani exemplum luculenter probat. Vt haec a viris doctissimis passim obseruata plene cognoscat lector, non alio labore opus est, quam vt fabulas de Pythagora Romanenses, quo nomine hanc historiam omnium optime designabimus, cum euangelica historia conferat, non sine iucunditate enim deprehendet, Pythagoram, eiusque miracula vel *τερετολογίαν* potius Porphyrii et Iamblichi de eo, ea potissimum fini fuisse confarcinatas, vt Iesu vero *θαυματα* *εργα* opponerentur. Cur enim Pythagoras Apolline parente natus et humano generi profuturus ab ipso oraculo declaratus, anima ex Dei consortio in eius corpus delapsa dicitur, quam vt conceptioni Saluatoris admirandae videatur aemulus. Cur nautae eum in naui tanquam Deum suspexerunt? nisi quod id Christo accidisse sacra testetur historia? Cur inter Deum et homines mediatorem egisse iactant, quam quod prima haec esset Iesu Nazareni gloria? Cur non multarum tantum, quae in terra gestae sunt rerum, sed et earum quae in coelo euenerunt notitia Pythagorae tribuitur, quam vt omniscienti Iesu non videatur inferior? Cur aliquot locis simul visus fuisse fingitur, nisi vt omnipraesenti Iesu paria fecisse credatur. Cur ventis et tempestatibus imperasse narratur, nisi quod Iesum imperium in ventos et maria exercuisse legitur? Plura daremus, nisi ex paucis hisce satis impostorum horum scopus posset detegi, reliquaque facile ex ipsa, quam tradituri sumus, Pythagorae historia possent colligi. Quae omnia cum ita se habeant, non intelliget tantum attentus lector, nusquam criticas, quas in prolegomenis commendauimus, regulas necessarias magis esse, quam in historia Pythagorae; sed ignoscet quoque nobis, si in sequenti tractatione plura inuenerit, quae, quid falsum, quid suspectum sit, exponunt, quam, quae, quid statuendum quidue admittendum sit, statuunt: cuius

^f) De turbata per Platonicos recentiores ecclesia, Syllog. diss. ad H. E. pert. p. m. 89 seqq.

^g) LLOYDIVS et DODWELLVS de aetate Pythag. et qui eos secutus est CLERICVS Bibl. chois.

T. X. p. 90. T. XXVII. p. 430 MOSHEM. I. c. BVD-DEVS de peregr. Pyth. § 10. Anal. hist. phil. HEVMANN. aet. Phil. Vol I. p. 14. LVD. KVSTER. ad IAMBlich. n. II. p. 7. HVET. Dem. Eu. Prop. IX. c. 147. §. 5. p. 646. VOSSIVS de sectis p. 19.

ius rei causa tum in ipso Pythagora eiusque discipulis, tum in iis, qui eius historiam in acta retulerunt, uti diximus, quaerenda est.

*Pythagorae
ortus et na-
tiuitas.*

§. V. PYTHAGORAS itaque, cuius historia enarranda est, Samius fuit, si plerorumque fidem sequimur ^b. Sunt tamen, quibus aliter placet. Quidam enim Tyrrhenum dixerunt, ex vna insularum, quas eiectionis Tyrrenis Athenienses possederunt ⁱ. Alii, teste Lyco apud PORPHYRIUM ^k, Phliasium dicunt, nonnulli Metapontinum: alii Syrium, Tyro Phoeniciae vrbe oriundum. Fuit, quoque apud PLUTARCHUM ^l, qui Hetruria oriundum diceret, eo argumento usus, quod in symbolis suis talia expresserit, quae apud Tuscos usu venerint, quod quam frigidum sit, nemo non videt ^m. Videtur vero haec de Pythagorae patria incertitudo partim ex diuersis Pythagoris apud veteres celebratis, partim ex incerta parentis patria orta esse, cum generis ortus cum patria confunderetur ⁿ. Parens enim eius Mnesarchus, aliis Metapontinus, aliis Tyrrhenus, Phliasius aliis, Tyrius item dicitur, alii Samo natum volunt ^o. Quae narrationes veterum diuersae, qua ratione queant in concordiam redigi, curiosum magis, quam utile putamus, disputare ^p. Id vnum obseruasse non abs re erit, recte ex veterum narrationibus colligi, Mnesarchum Pythagorae parentem, alienigenam, mercaturae causa Samum profectum, ibi ciuitatis iure donatum fuisse, inque hac insula degentem filios, et in his Pythagoram, genuisse. Quae enim IAMBlichVS, de Mnesarcho ex Ancaei Samii, Ioue parente, geniti familia nato, nugatur, ad τερατολογίας Pythagoricas pertinent, quae Pythagorae diuinum non tantum ortum, sed familiam quoque et originem assignauerunt ^q. Dissentiunt etiam in parentis nomine designando veteres, quibusdam enim Marmacus ^r, aliis Demaratus ^s dictus est, plerique Mnesarchum dicunt, quem inter sellularios artifices gemmis faberrime sculpendis laudem magis, quam opem, quaesivisse ait APVLEIUS ^t. PORPHYRIO tamen et IAMBlichO auctoribus mercaturam frumenti exercebat; forte, quia in illam artem non quaestus, sed laudis causa, incumberebat, vtrumque instituit. Nec certiora vel meliora de natiuitate Pythagorae referri possunt, cum sectae studium, cuncta ad παραδοξολογίαν referentis pleraque adulterauerit, et insignibus auxerit mendaciis, manibus quoque palpalis. Narrant enim ^u: Mnesarcho Samio ad mercaturam Delphos cum vxore non-

^b) Lycus apud PORPHYR. n. 5. p. 8. IOSEPH. L. II. contra Apion. p. 1061.

ⁱ) LAERT. L. IIX. c. 1.

^k) l. c. conf. CLEM. ALEX. Strom. L. I. p. 300.

^l) Q. conui. L. IIX. c. 7. T. III. p. m. 286.

^m) Reprehenditur ibid. p. 288. recteque obseruatur, eam rerum usum habuisse Pythagoram ex Aegypto. conf. IUS T. LIPS. Manud. L. I. diff. VI. p. m. 31.

ⁿ) Multis enim haec exemplis constat, tales saepe philosophos dictos esse, ad quos genus referebant e. g. Thales Phoenicius.

^o) IAMBlich. c. 2. n. 5 seqq. PORPHYR. n. 1. seq. SVIDAS l. c. LAERT. l. c. et quae viri docti

ad haec loca notarunt, quaeque collegit STANLEYVS P. IIX. p. 658 seqq.

^p) Consuli tamen ab his, qui istis delectantur, possunt IOH. SCHILTER, diff. de discipl. Pythagorae, quae adiecta est Manud. phil. ad iurispr. §. 6. p. 516. et B. BVDDEVS Anal. hist. philos. p. 8.

^q) l. c. ignobilem facit LACTANTIUS L. III. c. 18. maiori verisimilitudine, si locus Apuleii iungatur.

^r) LAERT. l. c.

^s) IUSTIN. L. XX. c. 4. vbi tamen nomen ex Marmaco corruptum putat VOSSIUS ad h. l. p. m. 305.

^t) APVLEIUS flor. L. I. p. 357. LAERT. l. c. TZETZ. Chil. I. hist. 369. ^u) IAMBlich. l. c.

nondum manifeste grauida profecto praedixisse Pythiam, cum responsum de nauigatione in Syriam peteret, hanc quidem ad votum lucrosamque fore, vxorem vero iam praegnantem, filium parituram, qui omnium, quotquot vnquam vixerunt, pulchritudine et sapientia praestantissimus humanoque generi ad omnem vitae rationem quam maxime profuturus esset: hinc Mnesarchum collegisse, dona illi diuina affutura: et vxorem inde mutato Parthenidis nomine Pythaidem, filium vero mox Sidone in Phoenicia natum, Pythagoram vocauisse. Quae Epimenidis, Eudoxi et Xenocratis fabulis, tum temporis Apollinem cum Parthenide congressum grauidamque inde per Pythiam pronuntiasse asserendo non audet augere IAMBlichvs^e, licet animam Pythagorae, perpetim Apollinis asseclam, vel proximiori commercio eidem coniunctam ad homines delapsam esse, indubium putet. Quas hominis nugas ex causis supra expositis recitasse, est refutasse. Eadem incertitudine et ineluctabili obscuritate laborat tempus natiuitatis Pythagorae. Et eos quidem audiendos non esse, qui Numae Romanorum regi coaeuum eiusque praeceptorem statuunt, supra loco suo luculenter euictum est. Alii ad Olymp. XLIII³. alii Ol. XLVIII. 3. alii Olymp. LIII. 3. natales eius referunt. Qui dissensus eo magis attentionem meretur, quo magis a vero Pythagorae tempore magna pars historiae eius dependet, et ineluctabiles inde exsurgunt difficultates. Quas vt tolleret triga virorum inter Britannos celeberrimorum, et artis criticae accuratione maximam laudem consecutorum, multam adhibuit eruditionem. Primus enim RICHARDVS BENTLEIVS^v nuper magna elegantiorum artisque criticae iactura denatus, occasione aetatis Phalaridis de vera aetate et aera Pythagorae curiose dispexit. Ponit is natiuitatis annum Olymp. XLIII. 4. eo potissimum argumento ductus, quia Pythagoras, teste Eratosthene, in ephebis cum adhuc esset, in certaminibus Olympicis Ol. XLVIII. victoriam reportauerit. Aliter reuerendissimus GVILIELMVS LLOYDIVS, qui peculiari dissertatione^w vernacula gentis suae lingua edita de chronologia Pythagorae eruditissime disputauit, et παραλληλισμὸν reliquorum eius aetatis philosophorum curiose annotauit. Is reiecto Pythagora victore in Isthmiis, quem a philosopho discernendum esse monet, mortis tempus, tanquam magis notum ex melioris fidei scriptoribus supponit, et ita natiuitatis annum cum anno tertio Olymp. XLVIII. coincidere statuit. Tertius eruditissimus HENRICVS DODWELLVS, duabus dissertationibus^x hanc disputationem aggressus copiose de aetate Pythagorae disseruit, et natiuitatis annum Olymp. LII. 4. posuit, Porphyrii potissimum atque Iamblichi fidem secutus. Eius rationibus manus quoque dedit Io. FRANCISCVS BVDDEVS^y, potiora vero doctissimorum horum virorum argumenta adduxit IOANNES CLERICVS^z. Nec

Kkk kkk 2

mul-

^e) PORPHYR. n. 2. qui Apollonium auctorem laudat. Eiusmodi vero traditiones de viris magnis apud veteres fuisse frequentissimae.

^v) l. c. n. 7.

^w) In diss. de epistolis Phalaridis,

^w) De chronolog. Pythag. Lond. 1699. 8.

^x) De aetate Phalaridis et Pythagorae Lond. 1704. 8.

^y) Praef. ad Analecta Hist. philos. p. 10 seqq.

^z) Biblioth. choisie T. X. p. 81 seqq.

multum a Dodwelli rationibus recedit STANLEYVS ^a. Nobis pro instituti ratione argumenta virorum doctissimorum, magna ea da re contentione disputantium enarrare non licet, cum prolixiora sint, quam locus noster capit, facileque summa eius, si libri Anglici rarius apud externos occurrentes ad manus non sint, apud Clericum legi possit: id vero omnino monendum esse existimamus, incerta esse omnia, quaecunque de aetate Pythagorae disputantur, cum totidem omnes opiniones contra se habeant testes, quot pro iis militant, ita ut desperandum nobis videatur de aetate Pythagorae certi quid statuere. Cuius asserti rationes graues satis deprehendent, qui in historia veteri haud perfunctorie versati sunt. Illos enim latere nequit ^b, veteres historicos ad temporum rationes vel plane non, vel negligenter satis attendisse, et παραλληλισμῶ cum celebrioribus epochis, non accurate, sed leuiter tantum instituto, misere rationes temporum corrupisse, id quod historiae quoque Pythagoricae accidit. Incertissimas has notationes temporum cum acciperent a vetustis scriptoribus homines nugiuenduli, quibus in corradenda Pythagorae historia id imprimis propositum erat, ut in fabulam eam commutarent, et Pythagoram heroem hominibus maiorem, omnibusque celeberrimis philosophis praestantior, et ab iis, quos sapientiae principes orbis suspiciebat, eruditum mentirentur, omnia plane confusa sunt, et ex veteribus id modo electum, quod scopo suo inferuaret, addita multa, quae omnibus istis rationibus chronologicis contradicerent. Quae ubi pro veris et indubitatis factis admittuntur, mirum non est, tempora Pythagorae inter se concordare non posse. Etsi vero haec ad Iamblichum, Prophyriumque et huius generis alios proprie pertinent, negari tamen non potest, vetustiores quoque incertissimos in chronologia Pythagorae duces esse. Cum enim, quod supra iam monuimus, res gestae Pythagorae non ab ipso vel discipulis eius mox in acta relatae sint, sed longo post tempore ex fama et rumusculis hominum corrasae, nec coaeui Pythagorae scriptores multa de eo retulerint, Dicaearchus, Aristoxenus, Hermippus et his similes vero incertissimum traditionis fontem, non digna monumenta, quae illis deerant, secuti, inepte magis omnia congefferint, quam digesserint: amor etiam τῶν μυθολογούμενων, ipso monente Thucydide, plurimas iam tum fabulas veris, sine temporum harmonia vel leuiter considerata admiscuerit; intelligi ex his facile potest, sequentium temporum homines, accuratius ad tempora et historiam attendentes in tanta confusione solis coniecturis niti potuisse: quarum fundamenta et causas cum plerumque non enumerauerint, impossibile plane est, hunc labyrinthum sine errore feliciter superare. Exoramus itaque lectoris patientiam, quod candide incertitudinem insuperabilem fateri, quam os illi oblinere, et incerta pro certis vendere malumus. Ne vero, totos nos ad Pyrrhonismum historicum descendisse obiiciatur, fatemur

^a) P. IIX, p. 670 seqq.

^b) Exemplum supra in aetate Ionicorum definita vidimus.

temur Lloydii rationes nobis longe grauiores, et verifimiliores videri Dodwellianis, quas plerique viri docti sequuntur. Illae enim cum veterum historicorum grauissimorum computo conueniunt, quo iter Aegyptiacum Pythagorae in Ol. LIII. 2. vel 3. incidit. Dodwellus vero pro certo supponit, quod Iamblichus tradit, Pythagoram a Cambyse captum Babylonem adductum fuisse, ibique magos conuenisse; quod cum ante Olymp. LXIII. 3. quo anno Cambyfes Aegyptum inuasit, fieri non potuerit, XXII. vero annis ibi Pythagoras iam tum commoratus fuisse dicatur; sequitur inde, vel omnes alias rationes temporum, a veteribus allatas, qui iter Aegyptiacum ad Ol. LII. referunt, falsas esse, vel commentitiam esse cabiuitatem et iter Babylonicum Pythagorae: id quod nobis vero videtur simillimum, ob rationes postea producendas. Vt vero, quomodo inter se dissentiant LLOYDIUS et DODWELLUS, lector, vno intuitu videat, en chronologiae Pythagoreae seriem, qualem vterque instituit.

Secundum LLOYDIUM, DODWELLUM.

<i>Nascitur</i> Pythagoras ex plerorumque opinione in insula Samo	Olymp. XLVIII. 3.	LII. 4. LIII. 1.
aet. 1.	Ante N. C.	ante N. C. 568.
	586.	
<i>Proficiscitur</i> ex Samo ad Thaletem et Pherecydem	L. aet. 18.	Ol. LIII. 1.
qui natus Ol. XLV.		LVI. 3. 4.
		LVII. 1.
<i>Abit in Aegyptum</i> a Polycrate Sami tyranno commendatus regi Amasi	L. aet. 19. D. 22.	Ol. LIII. 2.
		LVIII. 1. 2.
	567.	
<i>Redit Samum</i>	D. aet. 56.	LXVI. 3. 4.
<i>Ex Samo in Italiam</i> soluit	L. aet. 41. D. 60.	LVIII. 3.
		LXVII. 2. 3.
		546.
<i>Inclarescit in Italia</i>	L. aet. 47.	LX. 1.
		540.
<i>Cyro succedit Cambyfes</i>	L. aet. P. 58.	LXII. 3. 4.
		529.
<i>Pythagoras Crotona Metapontum decedit</i>	L. aet. 60.	LXIII. 1. 2.
		527.
<i>Crotonam fecedit</i>	D. aet. 63.	LXVIII. 1. 2.
<i>Crotona Metapontum</i>	D. aet. 79.	LXXII. 2. 3.
<i>Cambyfes Aegyptum inuadit,</i>	LXIII. 3. 4.	LXIII. 4.
	523.	

Pythagoram captivum abducit

Pherecydes obit sepultus a Pythagora aet. 72.

Ol. LXVI. 2.

LIX. 1. 2.

Bellum oritur inter Sybaritas et Crotoniatos aet. L. 78. D. 61.

515.

LXVII. 4.

LXVII. 4.

509.

LXVIII. 1.

Obit Pythagoras iuxta

Eusebium aet. 80.

LXVIII. 3.

506.

alios aet. 90.

LXX. 4.

Iamblichum

aet. 99.

LXXVII. 1. 2.

Discrimen computi utriusque et difficultates suo loco non negligemus. Consuli tamen illi quoque possunt, qui passim eas tetigerunt. Illud vnum certum existimamus, Pythagoram ante Olymp. XLIII. 4. et post Olymp. LII. 4. natum non esse, cui tamen spatium cum XXXVI. annorum intercedat, multa inde exsurgit historiae Pythagoreae incertitudo atque obscuritas.

Educatio.

§. VI. Eadem incertitudine laborant, quae de institutione et educatione Pythagorae adolescentis narrantur. IAMBlichVS^d refert: Mnesarchum, ex Syria reducem Samum, amplissimis auctum opibus, merciumque praestantissimarum copia locupletem templum Apollini Pytheo dedicavisse, suis sumtibus instructum. Filii vero animum praestantissimis artibus ut imbueret, Creophili primum deinde Pherecydis Syri institutioni tradidisse. Aliter LAERTIUS^e, qui parentem eius, tradit, Samo Lesbium commigrasse, filiumque ibi a Zoilo patruo Pherecydi Syro commendatum disciplinae eius commendasse. Alii Pythagoram pugilem^f, audita Pherecydis de immortalitate animorum disputatione, motum doctrinae novitate, animum ad Philosophiam applicuisse, ferunt^g, quod parum tamen habet verisimilitudinis, licet a vero non abludat. istud dogma Pythagorae vehementer arrisisse. Videtur enim Pythagoras pugil a Pythagora philosopho omnino distinguendus esse. Quod si coniecturis locus est, series rerum Pythagorae poscere videtur, ut ex Phoenicia redux primum Pherecydi, tumque in patria Samo Hermodamanti, qui Creophilus cognominatus fuit^g, in disciplinam traditus fuisse dicatur. Post mortem parentis, quem

c) SCHEFFER. l. c. p. 170. VOSSIVS de scient. math. p. 149. HORNIVS hist. phil. p. 173. WOLF. ad ORIG. philos. p. 25. PETAV. rat. temp. P. I. p. 135. LIPSIVS Manud. l. c. IONS. de S. H. Phil. L. II. c. 3. p. 28. MENAG. ad LAERT. L. II. f. 45. FABRIC. B. G. Vol. I. p. 449.

d) c. 2. n. 9.

e) L. II. f. 2.

f) Conf. IONS. L. IV. c. ult. p. 343.

g) AVGVSTIN. ad Voluf. ep. III. T. II. Opp.

g) Hermodamantes, quem APVLEIVS l. c. Leo-

damantem vocat, Samius fuit, cognomento Creophilus, vid. PORPH. IAMB. l. c. MENAG. ad LAERT. L. II. f. 2. quem vel ex familia, vel nepotem Creophili Homeri hospitis fuisse tradunt, ibid. De quo Creophilo Homeri hospite et praecceptore post STRABONEM L. XIV. et EVSTATH. in Iliad. B. p. 250. SEXTVM EMP. adu. Math. L. I. f. 48 videndus est FABRICIVS B. bl. Graec. Vol. I. p. 23. APVLEIVS vero l. c. audiendus non est, qui Leodamantem, vel Hermodamantem potius Cre-

quem filium omnibus fere sacrorum praefectis commendauisse IAMBlichvs^b ait, dignam tanta expectatione vitam, consummatissimi philosophi imaginem exprimentem, egisse, porro nugatores garriunt: scilicet nihil sibi ad summam grauitatem et temperantiam fecisse reliquum, ita vt adolescentem natu grandiores honorifice reuerenterque colerent, visusque statim omnes admiratione impleret, sic vt multi Dei filium esse merito asseuerarent. Ornasse eum religionem et doctrinam et peculiarem victus rationem, et animi firmitatem, corpusque ad modestiam compositum; in dictis factisque comparuisse internam quietem, et immutabilem tranquillitatem, nulli animi perturbationi et proteruiæ indulgisse, adeoque tanquam bonum quendam daemonem in Samiorum vrbe peregrinatum fuisse. Quae omnia ideo ab his hominibus conficta fuisse, vt Pythagoras Christo opponeretur, hominibusque persuaderetur, extitisse inter gentiles etiam aliquos, qui Christum, Dominum nostrum, tam sanctitate doctrinae et vitae, quam miraculis non solum aequassent, sed etiam vicissent, recte notauit doctissimus KVSTERVSⁱ. Nec vero videntur similia, quae porro adiicit IAMBlichvs^k, eius adhuc ephebi insignem celebritatem Miletum ad Thaletem, et Prienen ad Biantem delatam vrbes etiam circumiectas peragrasse, multosque de iuvene prouerbium Samii comati passim diuulgasse, eumque sparsis in Deum laudibus Deum fecisse. Etsi enim Samium comatum Pythagoram pugilem dictum fuisse, facile veterum testimoniis euinci potest, frustra tamen in id conniti videtur cel. BENTLEIVS, vt ostenderet, eum cum nostro eundem fuisse, cum haud obscura veterum testimonia contrarium suadeant^l. Postea duodeuicesimum annum egressus, cum tyrannidem Polycratis iam tum subnascentem praesentiret, noctu clam omnibus eum Hermodamante ad Pherecydem, tum ad Anaximandrum physicum, et denique Miletum ad Thaletem traiecisse IAMBlichvs^m dicitur. Quod si verum est, rediisse Pythagoram ex hoc itinere Samum oportet, a rege enim Polycrate in Aegyptum discedentem commendatum fuisse Aegypti regi infra dicemus. Mire tamen hic

Creophili illius senioris discipulum facit, tempora enim obstant: et senex debuit esse hic Creophilus iunior, cum Pythagoram institueret, si, quod IAMBlichvs vult, nepos illius senioris fuit. Si vero in sanium vergit, probabile non est, cum Pythagora in Ioniam secessisse.

b) n. 6. d) ad h. l. k) ibid.

l) Olymp. XLVIII. Pythagoram quendam iuuenem exercitatum et peritum pugilem in Olympiacis certauisse, eumque comatum, atque purpuratum eiectum ex puerorum ludo atque irrifum continuo viros petiisse, atque vicisse, refert Eratosthenes apud LAERTIVM L. II, c. 47. Hunc Pythagoram philosophum fuisse, illi statuunt, qui Samii comati prouerbium ad eum referunt, quod IAMBlichvs et PORPHYRIVS II, cc. faciunt, male ita rationibus chronologicis consulentes. Huic tamen Eratosthenis loco et testimonio chronologiam Pythagorae inaedificauit

BENTLEIVS p. 52. cuius rationes enarrat CLERICVS Bibl. chois. T. X. p. 87 seq. Rem in medio relinquunt LLOYDIUS, et LONSIVS L. IV. p. 343. quem sequitur MENAGIVS ad l. c. LAERT. DODWELLVS vero, l. c. p. 153. cuius chronologiae Pythagorae haec quam maxime obstant, istam opinionem vehementer oppugnat rationibus a CLERICO l. c. p. 139. adductis. Nobis LAERTIVM attente insipientibus luculenter satis pugil a philosopho distingui videtur. Afferitur enim epigramma in illum, vbi patre Crateo latus dicitur. Philosophi vero patris nomen fuit Mnesarchi vel Marmaci, non Cratei, vnde et LAERTIVS quoque eos inter se distinguit. Retulisse vero Iamblichum prouerbium illud ad philosophum, mirum non est, ita enim omnia corradebat, quae heroi suo gloriosa esse putabat.

m) c. II, n. II, p. 8. APVLEIVS l. c. STRABO L. XIV.

hic dissentiunt alii; LAERTIVS^m a Pherecyde non discessisse, nisi post eius obitum, et tum demum Samum redeuntem Hermodamantis se disciplinae commisisse, et postea ad barbaros demum profectum esse refert, quae elegantius et melius cohaerent, quam narratio Iamblichi, quae ea fini contorta et corrasa videtur, ut nullus vir magnus esset, qui Pythagorae praeceptor et admirator non fuerit. Alii apud IAMBlichVMⁿ et PORPHYRIUM^o asserunt, Pythagoram ex Italia in Delum profectum esse ad praeceptorem Pherecydem, ut ei pediculari morbo laboranti opem ferret, inque hac cura ad mortem usque eius perduravisse, defunctoque doctori suo iusta soluisse. Dicaearchus autem hoc iter Pythagorae ex Italia plane ignorat, et Pherecydem mortuum esse ait, antequam hic Samum reliquerit^p. Quibus si iungimus diuersas de morte Pherecydis narrationes^q, adeo suspecta fit tota de Pherecyde a Pythagora sepulto historia, ut vel tota tanquam conficta abiicienda sit, vel statuendum, Pythagoram iuuenem apud Pherecydem ad obitum eius mansisse, eoque sepulto demum rediisse Samum, et Hermodamantis disciplinae adhaesisse, inde vero ad barbaros profectum esse. Quae speciminis loco esse possunt, quam mire vitae Pythagorae enarratores sibi contradicant. Ex Delo Samum itaque rediisse oportet Pythagoram; exinde vero excurrisse in Ioniam, si fides APVLEIO et IAMBlichO^r habenda esset, ubi, Thaletis familiaritate gauisum, et penes Anaximandrum Milesium naturalia commentatum fuisse, perhibent. Quia vero philosophia Ionica adeo dissimilis est Pythagorae, ut ne vestigium quidem appareat, eius principia didicisse Pythagoram, nec hoc iter cum reliqua Pythagorae historia coheret, merito illud inter incerta et suspecta relinquimus, nec verisimile putamus, Thaletem Pythagorae consualuisse, ut in Aegyptum nauigaret, et sacerdotibus Memphisiticis et Diospolitans se addiceret. Capite enim primo huius libri demonstratum dedimus, ieiunam deprehendisse Thaletem Aegyptiorum philosophiam, et meliori atque planiori ordine incepisse ipsum philosophari; sic ut credi nequeat, eum iuuenem Graecum, optimis naturae dotibus instructum ad miseros hos fontes, cum in Graecia meliora suppeterent, ablegasse. Probabilius est, commune eius temporis praeiudicium, omnem sapientiam apud barbaros hauriendam esse; et imprimis theologiam quam maxime appetebat Pythagoras, a gentibus istis solis esse petendam, Pythagoram instigauisse, ut in Aegyptum solueret. Ut itaque sapientiae studio se dignum praeberet, corpusque etiam ad eius habitum praepararet, vini carnisque usu omni in ingurgitatione abdicatis, intra tenues facilesque digestu cibos se continuit, ac hinc somni-

modi-

^m) L. II. c. 2.ⁿ) c. XXX. n. 184. 252.^o) n. 55. Eadem tradit DIODORVS SICVLVS in Excerptis Valef. p. 243.^p) Apud PORPHYR. n. 56.^q) Addi posset argumentum desumptum ex epistola Pherecydis moribundi ad Thaletem. Thales enim, qui ei superuixisse dicitur, Ol. LVIII. 1. obiit, unde sequeretur, Ol. LVII. 3. 4. Pherecy-

dem obiisse, vid. LAERT. L. I. c. 122. Verum hanc epistolam suspectam esse suo loco iam monuimus: nec opus est, ut haec inter se conciliantur, duos comminisci Pherecydes, quod SALMASIO placuit Exerc. Plin. p. 591.

^r) Il. cc. Prior Epimenidem quoque audiuisse in hoc itinere refert, id quod in reditu factum esse LAERT. L. II. c. 3. contendit.

modicus, ac excitatior tum animae puritatem, tum corpori exactissimam et inflexam sanitatem comparauit, vt haec nobis narrat IAMBlichVS^s. qui porro addit, prius Phoenices, quibus ex quorundam opinione originem debebat, inuisere constituisse, Miletoque Sidonem soluisse, facile inde in Aegyptum descensurum: ibi versatum cum prophetis, qui Mochi physiologi posteri erant, et cum ceteris Phoeniciae hierophantis, cunctisque initiis Bybli et Tyri, ac iis, quae in multis Syriae partibus singulari modo celebrantur, sacrorum ceremoniis initiatum esse. Quamuis vero haec ita Iamblichus referat, vt vel mediocriter attento appareat, heroem suum eum ita finxisse, vt sectae suae absolutissimum esset exemplar, cum in his mysteriis illa summam quaesierit sapientiam, non omni tamen caret verisimilitudine. Pythagoram Phoeniciam prius adiisse, cultusque arcani, cui cognoscendo inhiabat, notitiae inuigilasse, cum parentis negotia in his locis olim frequentia facilem ei aditum parare potuerint. Quae vero de Mochi posteris iactantius narrat, somnia hominis, omnem sapientiam Pythagorae suae vindicantis eff^s, ex iis patet, quae in historia philosophiae Phoenicum de hoc philosopho diximus. Quanquam, si quis cum CLERICO^s viro acutissimo, totum hoc orientale Pythagorae iter in dubium vocare velit, pertinaciter repugnandum non esse putamus. Illud certe inter mendacia Alexandrinae, vnde profectum est, scholae, referendum est, apud Phoenices arithmeticam suam philosophicam didicisse Pythagoram. Alio enim loco^u demonstrauimus, Phoenices non aliam nisi vulgarem arithmeticam excoluisse. Nec melioris commatis sunt, quae porro narrat IAMBlichVS^s: Pythagoram in templo montis Carmeli saepe solum versantem a nautis Aegyptiis, qui ad littus illud appulerant, lubenter receptum ob formositatem eius lucrum pretiumque ingens, si venundarent, sibi pollicendi occasionem quidem dedisse: animaduersa vero ab illis eius grauitate, cum ex improviso ipsis ex summo montis vertice alias inaccessio descendens apparuisset, sacroque silentio seruato, in eodem habitu per triduum sine somno, cibo, potuque immotus permanisset, ipsique secundo cursu vterentur, aliam longe iis de se iniecisse opinionem, daemonem vere diuinum in Aegyptum e Syria transferre secum; ideoque honestius, quam solebant, iter transigentes, cursu peracto exscendentem alternis exceptum manibus honorifice naui extulisse, et in purissima arena illo collocato aram congeisse, et fructus arboreos, primitiasque mercis, quam vehebant, sacrificasse; illum vero, etsi ieiunio imbecilliolem, vbi discessissent, nihil tamen fructuum sumsisse, sed habitu oris tranquillo ad vicina habitacula peruenisse. Haec enim adeo insigniter im-

puni-

^s) Lib. III. n. 13. 14. Meminisse vero oportet, Platonicos recentiores biographias suas de heroibus sectae suae ita instruxisse, vt virtutum cardinalium exempla ex iis elucerent perfectissima, vt ex EVNAPIO, PORPHYRIO, MARINO videri potest; eadem maxime IAMBlichI cura fuit, hinc ista

omnia allata, quae magis enarratoris fabulam, quam historiam veram sapiunt.

^s) l. c. p. 98.

^u) Amoenit. literar. T. VII. p. 188.

^x) ibid. n. 14. PORPHYR. l. c. n. II.

punitatem mentiendi, et ex hoc philosopho daemonem quendam confingendi prae se ferunt, ut merito istis nugis et ineptiis omnem fidem Iamblichus amittat. Nec haec meliori fide digna sunt, quam quae ab his Alexandrinorum philosophorum mendaciis excogitatae sunt gerrae, Pythagoratum temporis ad Iudaeos excurrisse, et admisisse sacrae legis ceremonias^y, vel sacrae Carmelitanae familiae nomen dedisse, quae fabula merito omnibus, qui nasum habent, explosa est^z, quemadmodum Hermippum quoque recte notat SCHEFFERVUS^a, contendentem a Thracibus quaedam hac occasione didicisse Pythagoram. Missis his ineptiis omnibus, illud ex historia Pythagorae tanquam certo proximum notamus^b, abiisse ex Samo insula Pythagoram, commendatum Amasi regi, magno eruditorum, imprimis Graecorum, amico^c, ut faciliorem ad sacerdotum collegia nancisceretur aditum. Qui tamen regis auctoritate pertinaciam sacerdotum vix expugnare potuit, ut sacris eum suis initiarent. Primo enim libro prolixè exposuimus, quam inexorabiles hi homines in communicandis mysteriis suis cum peregrinis fuerint, quamque sollicitè omnia occultauerint, quae sapientiam aliquam prae se ferebant. Refert enim Antiphon^d, Pythagoram, cum ad Amasim venisset, literas ab eo ad sacerdotes accepisse; ab Helio-politis autem, ad quos primus peruenerat, ad Memphitas, tanquam seniores, ablegatum fuisse; a Memphitis eodem praetextus genere Thebas fuisse missum. Thebanos vero metu regis deprecari mandatum non audentes, absterruisse Pythagoram laborum et aerumnarum, quas arcana disciplina postulabat, magnitudine et molestia, et ideo dura admodum et a Graecorum religione plane abhorrentia iniunxisse, sperantes fore, ut desisteret. Illum vero miranda patientia et promptitudine cuncta executum, eos in sui ita admirationem rapuisse, ut eum arcanae doctrinae participem facerent. Inter has vero arcanae disciplinae ceremonias circumcisionem quoque fuisse, non recepta tantum gentis consuetudo, sine qua ad sacra sua nemo admittebatur, euincit, sed et testimonio suo roborat CLEMENS ALEXANDRINUS^e, qui addit, Pythagoram habuisse in Aegypto Sonchidem archiprophetam praeceptorem. Dicitur etiam Diogeni et Antiphonti, triplex literarum genus, epistolicum, hieroglyphicum et symbolicum didicisse, et quoscunque nouerat sacerdotes singularis eruditionis accessisse,

y) Dicitur hac de re paulo infra conf. HENR. ASCAN. ENGELKEN An Pythagoras profectus fatus et consequenter saluatus sit? PFANNER. Syst. theol. gent. pur. c. I. p. 14. RABENERI Amoen. hist. phil. p. 117. Eadem sententia arrisit SELDENO de I. N. et G. L. I. c. 2. p. 13. SCHEFFERO I. c. p. 14. Plures infra nominabimus, ubi de itinere Babylonico dicendum. GROTIUS Ep. DLII. p. 217. ab Essenis sua mutuatum esse, insigni anachronismo statuit. Omnia vero haec sine testis sufficientis fide et probabilitate dicuntur, vid. cel. LENFANT, Bibl. Germ. T. II. art. 5. p. 125. BVDDEVS H. E. V. T. T. II. p. 1077. FABRICIUS Bibl. Graec. Vol. I. p. 450. not. qui alios quoque huic opinioni addictos nominat, et refutat. Cuncta enim Hermippi et Porphyrii testi-

moniis nituntur; de quibus quid sentiendum sit, postea dicemus. Reliqua argumenta longe infirmiora sunt.

z) Nota sunt, quae hac de re contra SEB. AS. PAVLO disputauit DAN. PAPERBROCHIVS vid. Ast. er. 1696. p. 302. FAYDIT lettre sur le monachisme et Carmelisme pretendu de Pythagoras Rep. des lettres 1703. p. 472. IO. FRID. MAYER. diss. an Pythagoras fuerit Iudaeus vel Carmelita? BASNA G. Hist. des Juifs T. II. p. 592.

a) I. c. p. 15. BVDDEVS Anal. hist. phil. p. 10.

b) LAERT. L. VIII. f. 3. PORPHYR. I. c. n. 5.

c) HERODOT. L. II. c. 172. DIODOR. L. I. c. 2.

d) II. cc.

e) Stromat. L. I. p. 302.

cessisse, ut ab iis in arcanis disciplinis erudiretur, et ita, quod VALERIUS MAXIMVS addit, gentis eius literis affuefactus et praeteriti aevi sacerdotum commentarios scrutatus innumerabilium seculorum observationes cognouisse. Quae omnia, ut circumstantiis philosophiae Aegyptiacae satis respondent, ita verisimilitudine suo modo non carent, nec probabilitatem exuit, quod IAMBlichVS ^g habet, XXII. annis, quos in Aegypto absumferat, in adytis templorum astronomiam, geometriam, et omnium Deorum initia didicisse; probe tamen repetendum memoria est, quod de Aegyptiorum philosophia et theologia agentes suo loco demonstrauius ^h, partim anilem et impiam superstitionem totam illam sapientiam fuisse, partim exiguis initiis constituisse, parumque ultra rudimenta nostrae aetatis surrexisse; ex quibus coniectura facilis fieri potest, eam, quam in Aegypto didicit, eruditionem Pythagoras, istas laudes non mereri.

§. VII. Ex Aegypto in orientem peruenisse Pythagoram magosque *Iter orientale.* Babyloniorum adiisse, immo ad Indos usque penetrasse, et cum Gymnosophistis collocutum fuisse, magno consensu multi veterum, qui post N. C. scripserunt, tam gentiles, quam ecclesiastici scriptores tradunt, quorum narrationes prius exponemus, et deinde accurato expendemus examine. Occasionem, qua Pythagoras ad Babylonios Persasque peruenit, ita narrat IAMBlichVS ⁱ: postquam viginti duos annos in Aegypto absumferat, a Cambyfis milite, Aegyptum inuadente inter captiuos Babylonem adductum esse, ibique cum Persarum magis lubentibus lubentem ipsum versatum, illorum studia religionemque perfecte imbibisse, et numerorum musicaeque artis et aliarum disciplinarum fastigium affecutum, annos duodecim in his orientis oris commoratum esse, tumque demum Samum rediisse annos iam circiter sexaginta natum. Nec aliter CICERO ^k, EVSEBIUS ^l, APVLEIUS ^m, LACTANTIUS ⁿ, VALERIUS MAXIMVS ^o, licet hi captiuitatem non memorent, sed tantum Persarum magos conuenisse dicant. Imprimis inter magos istos, quos tunc frequentasse dicitur, Zabratius quidam nominatur, cuius ope a prioris vitae sordibus expurgatus fuerit, et, quibus rebus homini serio abstinendum, didicerit, tum quem de rerum natura et principiis vniuersi docentem audiuerit ^p. Alexandro de symbolis Pythagoricis apud CLEMENTEM ALEXANDRINVM ^q Nazaratus, SVIDAE ^r Zares, CYRILLO ^s Zaran, aliis Zaratas dicitur. Quae nominis cum Zoroastre, celeberrimo Persarum mago, affinitas quosdam eo adduxit, ut statuerent, Pythagoram ipsum Zoroastrem audiuisse, quam opinio-

LII lll 2

f) Lib. VIII. c. 7.

g) Cap. IV. n. 18. quanquam morae tempus recte in dubium vocet BENTLEIUS l. c. p. 69.

h) Repetenda haec eo magis sunt, quo magis inde mora Pythagorae studiumque in Aegypto, eiusque circumstantiae lucem capiunt, ad quae breuitati consulentes lectorem remittimus.

i) Cap. IV. n. 19. p. 15.

k) De fin. L. V. c. 19.

l) Praep. Eu. L. X. c. 4. p. 470.

m) l. c.

n) Lib. IV. c. 2.

o) Lib. VIII. c. 7.

p) Diogenes de incredibil. apud PORPHYR. n. 10, 12.

q) Strom. L. I. p. 304. EVSEB. praep. L. VIII. c. 6.

r) In Pythag. T. III. p. 231.

s) Contra Iulian. L. IV. p. 133.

nionem nostra aetate elegenti eruditione ornauit desideratissimus BEAUSOBRIUS ¹. Alii, quibus Zoroastris aetas supra Pythagorae aetatem ascendisse visa est, non quidem Zoroastrem, aliquem tamen ex Israëlitarum prophetis in captiuitate tum Babylone versantibus eum audiuisse, et vel Ezechielem vel Danielelem, vel alium quendam ex gente sancta virum isto sub Zaratae nomine intelligendum esse credunt ². Certe ingens eruditorum turba ³, post plerosque ecclesiae veteris doctores in eo consentit, Pythagoram in hac Persica atque Babylonica mora multa a Iudaeis ibi degentibus didicisse: quam sententiam, ut roberent, partim ad Hermippi testimonium apud IOSEPHVM ⁴ et ORIGENEM ⁵, et Aristobuli apud CLEMENTEM ⁶ et EVSEBIUM ⁷ prouocant, partim conuenientiam doctrinarum Pythagoricarum cum Iudaicis testem aduocant, quin et adorandi diuini nominis יהוה mysterium ibi didicisse, et tetracty sua expressisse volunt ⁸. Et si vero haec non coniecturis tantum dicantur ab ingenio se commendantibus, sed magna etiam nube testium confirmantur, quam reiicere, nimis temerarium esse, vir quidam doctus ⁹, statuit, non negamus tamen, cuncta, quae de hoc orientali itinere referuntur, fidem nobis non facere satis tutam, et pleraque ita se habere, ut non suspecta tantum sint falsitatis, sed et plena contradictionum. Quod ut euidenti demonstratione planum faciamus lectori I. obseruamus, ipsam illam captiuitatem Pythagorae ineluctabili premi difficultate, temporum rationibus obstantibus. Certum enim est, et a chronologis omnibus concessum, Aegyptum Cambysem inuasisse quinto regni sui anno, qui incidit in Olymp. LXIII. 3. et annum Nabonassarum CCXXIII. IAMBlichVM vero ipsum si sequimur ¹⁰, patebit, iter Pythagorae in Italiam ad Olymp. LXII. referendum esse, et tamen is affert a Cambyse captiuum abductum XII. annos Babylone haesisse, et in patriam reducem propter Sylofontis tyrannidem alias regiones adiisse, tumque demum in Italiam discessisse scholamque erexisse. Vnde rationibus Iamblichianis ut consulat Cl. DODWELLVS, aliter rem instituendam ratus, serius natum statuit, et aetatis anno XXII. Olymp. LVIII. 1. demum ad peregrinationes literarias se accinxisse, in Aegypto XXII. annos vixisse, Ol. LXIII. aetatis anno XLIV. Babylonem captiuum abductum, et post trium lustrorum moram aet. LVI. rediisse, tumque in insulas finitimas obiiisse, reducemque aet. LVIII. Olymp. LXVII. 2. Sami, tandem aet. LX. Ol. LXVIII. 1. in

¹) Hist. des Manichéens P. I. L. I. c. 2. §. 2. p. 30. ex veteribus APVLEIUS l. c. conf. SELDEN. de Dis Syris Synt. II. c. I. p. m. 211. IO. HENR. VRSIN. de Zoroastre Ex. I. sect. IV. p. 24.

⁴) Apud CLEM. ALEX. l. c. et nostra aetate illustri HUVETIVS Dem. Euang. Pr. IV. p. 54. 83. 186. 2. 4.

⁸) Quosdam nominat FABRICIUS Bibl. Graec. Vol. I. p. 450. not. e. quibus addi possant. IAC. WINDET. de vita funct. statu sect. V. p. m. 83. PFANNER. Syst. theol. gent. c. XXII. §. 27. p. 512. IO. SCHEFFER. de phil. Ital. c. IV. §. p. 16. CAMP.

VITRINGA Obs. SS. L. I. obs. 2. p. 120. 130. VSSER. Annal. p. 151. STANLEIUS P. VIII. p. 666. VOSSIUS de sect. c. VI. §. 5. CVDWORTH. Syst. int. c. IV. §. 20. ut alios obscurioris nominis taceamus.

²) Contra Apion, L. I. p. 1046.

³) Contra Celsum L. I. p. m. 13.

⁴) Stromat. L. I. p. 342.

⁵) Praep. Eu. L. IX. c. 6. p. 410.

⁶) Conf. BASNAGE l. c. T. III. p. 531 seqq.

⁷) Cl. LEHMANNVS Hist. phil. Pyth. p. 348.

⁸) Cap. VII. n. 35.

in Italiam venisse, et Crotone rerum suarum sedem fixisse. Ita vero, dum Iamblichus subuenit vir eruditissimus, rationes non tantum chronologicas reliquorum historicorum, quorum praestantior fides quam Iamblichi nugatoris est, omnes pessundat, sed et ipsi Iamblichus contradicit, qui diserte tradit, in Italiam venisse Olymp. LXII. cum stadio vicisset Eryxidas Chalcidensis. Easdem fere rationes sequuntur DIODORVS ^f, qui Olymp. LXI. sub Archonte Thericle, CLEMENS ALEXANDRINVS ^{ff}, qui sub Polycrate, Olymp. LXII. in Italiam venisse testantur, ut taceamus quae LIVIVS ^s et CICERO ^b habent, quorum ille aduentum in Italiam, Seruio Tullio regnante, hic sub regno Tarquinii superbi factum asserit, quae omnia propter vnum Iamblichum, sibi ipsi non constantem, vno oris halitu diffilare, prorsus ineptum videtur, recte idem monentibus viris magnis BENTLEIO, LLOYDIO ⁱ, CLERICO ^k. Non vrgebimus vitae, mortisque tempus, quod ad centenarium fere numerum hi extendunt, secundum alios maturius euenisse, cum tota aetas Pythagorae incerta sit: haec enim sufficiunt, ut Iamblichi fidem eleuent, qui, mendacia sua temporum rationibus non impediri, ex sectae suae persuasione credidit. II. Nec multum iuuabit historiam Pythagorae, si relicto sibi Iamblichus, Pythagoram ante Cambyxis inuasionem in orientem profectum esse, statuamus: nam et haec reliquorum historicorum relationi contradicunt ^l, ad quos cum prouocauerit PORPHYRIUS ^m, satis alias in laudando euehendoque Pythagora profusus, eo magis ad eorum testimonium attendendum est. Ille vero et Antiphontis narrationem exponit, qui post commorationem Aegypti in Ioniam reuersum Pythagoram et ludum in patria aperuisse scripsit; et Aristoxenis auctoritate ait, eum iam annos natum XL. cum Polycratis tyrannidem vehementiorem cerne- ret, quam ut sibi ingenuo homini imperium eius ferre liceret, hac occasione in Italiam discessisse, quod etiam ex aliorum relatione confirmat. Quae ut melius, quam Iamblichiana, cohaerent, et a Laërtio quoque Themistio, Suida aliisque narratis magis respondent, ita itineris orientalis fidem maximopere eleuant. III. Neque his obstare arbitramur testium nubem, qui, Pythagoram magos adiisse, dixerunt. Omnes enim illi non pro multis, sed tantum pro duobus vel tribus testibus reputandi sunt. Sunt enim vel Pythagorei, quique hos secuti sunt recentiores Platonici, vel doctores ecclesiae. Illorum studium in eo potissimum versatum esse, ut Pythagoram, quem primum et praecipuum sectae suae patronum ducemque venerabantur, sapientiam omnium orbis incolarum pernouis- se ostenderent, supra iam rationibus non contemnendis euicimus. Hi inani praeiudicio, Pythagorea cum Hebraeis conuenire, ducti, ne sapientia a Grae-

LII III 3

cis

^f) Excerpt. Peiresc. p. 241.^{ff}) Strom. L. I. p. 302. 332. Polycrates enim perfidia Oroetae Olymp. LXIV. 2. periit. Pertinent itaque haec omnes, qui apud PORPHYR. l. c. Pythagoram Polycratis tyrannidem exosum in Italiam abiisse dicunt, vid. LAERT. L. VIII. f. 3.^g) Lib. I. c. 18.^h) Tusc. Qq. L. I. c. 18. GELLIVS L. XVII. c. vlt.ⁱ) II. cc.^k) l. c. p. 96 seq.^l) Antiphon et Aristoxenus.^m) n. 3. 9. p. 12. 13.

cis prodiisse videretur, pro barbaricae philosophiae antiquitate et auctoritate pugnis calcibusque pugnauerunt; quam cum Hebraea genuisse ipsis crederetur, facile ab iis admissae fabulae de itinere Babylonico Pythagorae, ut ita a Iudaeis institutus fuisse videretur. Vtrisque igitur cum hoc iter Pythagorae orientale placuerit, ut partibus suis faueret, suspecta eorum fides est. Nec IV. ad quos prouocantes vides, ut commercium cum Iudaeis euincant, Hermippus, et Aristobulus magnum opinioni pondus addunt: huius enim fidem supra iam reiecimus argumentis haud leuibus ducti, et alio quoque loco idem euincemus: illius vero testimonium, non tantum vnicum est, sed ex calamo quoque Iudaei, genti suae innata superbia Graecanae philosophiae origines vindicantis profectum, forteque ab eo non accurate inspectum, certe Origeni ipsi lectum non estⁿ. Diogenis autem verba apud Porphyrium, ut apud CYRILLVM^o quoque leguntur, κατ' Εβραϊσ, non habent, et videntur hae voces ex margine in textum Porphyrii serius irreplisse, et glossema olim fuisse, lectoris in hac opinione versantis; verisimile enim non est, Porphyrium, pluribus testibus, qui haec negant et Pythagoram ex Aegypto domum reuersum affirmant, adductis, Diogenis verba in contrarium assuisse, si ita ipse legisset, ut hodie in Codd. leguntur. Reliqui, qui iter hoc Pythagorae orientale tangunt, famam sequuntur, a Platoniceis Alexandrinis sparsam, ut sectae suae caput eo magis extollerent. V. Nec meliori fundamento nituntur, quae de Zabtrato vel Nazarato mago Pythagorae praeceptore incerto dubioque rumore veteres referunt. Neque enim quis ille fuerit, neque vbi quae ratione Pythagoram erudiuerit, constat, et variae de eo sententiae aperte produnt, vulgi tantum rumorem et Pythagoreorum iactantiam hunc Zabratum peperisse: cadente enim totius itineris orientalis fide, et haec quoque euanescent. Ridendi vero merito sunt, qui nescio quem ex viris sanctis gentis Hebraeae isto nomine indigitari putant: nihil enim, quo ista sententia probetur, afferunt, praeter id, de quo tamen disputatur, commercium intercessisse Pythagorae cum Hebraeis, qui quam contenti inter Babylonios fuerint, praeter paucos quosdam viros, rerum gubernationi admotos, ad quos Pythagorae accessus vix patuisset, constat. Et sic fabula quoque corrui, quam Iudaeorum factus peperit, Pythagoram profelytum factum esse^p, quam operose refutare opus haut est, cum sola negatione corruat: recteque LACTANTIUS^q negat, Pythagoram ad Iudaeos accessisse. Nec magna verisimilitudine se probat virorum doctissimorum TH. HYDEI^r, HUMPHR. PRIDEAUX^s et ISAACI DE BEAUSOBRE^t sententia, Zabratum hunc esse Zoroastrem; eumque

ⁿ) ORIG. enim l. c. ad solum rumorem prouocat: fertur Hermippus etc.

^o) Lib. X. contr. Iulian. Quae vero K V S T E R V S ad l. c. PORPHYR. p. 14. n. 21. affert, ut confirmet voces has addendas esse, infirma sunt, et a solo PP. testimonio petita.

^p) MENASSE BEN ISRAEL de immort. anim. L. IV. c. 21. p. 171. conf. SCIP. S G A M B A T V S Ar-

chiu. V. T. p. 453. S. R. WOLF, Bibl. Hebr. Vol. I. p. 983. ven. HENR. SCHARBAV. Iudaismus detectus p. 108. et quos supra §. VI. not. y laudauimus.

^q) Lib. IV. c. 2.

^r) De rel. vet. Pers. c. XXIV. p. 309. c. XXXI. pag. 379.

^s) Hist. V. T. T. I. p. 278. 289 seqq.

^t) l. c.

eumque audiuisse Pythagoram: quam incerta enim omnia ea sint, quae de Zoroastris aetate Arabes, quos laudatissimi viri sequuntur, dicunt, tertio capite libri primi luculenter ostendimus: nec satis quoque tempora concordant: si enim verum est, Pythagoram a Cambyse captum duodecim annos Babylone vixisse, hoc tempus infra Hytaspis Darii patris aetatem est, qua vixisse Zoroaster Arabibus dicitur. Sin prius iter Pythagorae incidisse dicatur; quia Olymp. LXII. iam in Italiam soluit, impossibile fuit, ut audiuerit Zoroastrem, quem circa Olymp. LXV. demum prodiisse, a laudatis viris asseritur. Apparebit etiam ex iis, quae infra de systemate Pythagoreo dicentur, non tam affinia inter se esse Zoroastrea et Pythagorea dogmata, ac putant hi viri docti, id quod ipse Beausobrius vidit, qui Pythagoream de duplici principio sententiam, Magis dualistis potius, quam Zoroastreis affinem esse concedit. Cum itaque ne Iamblichiana quidem chronologia Pythagorae, quae tamen Pythagoram reliquis iuniorem facit, cum Zoroastris temporibus, siue Graecos, siue Arabes sequare, conveniat, fundamento quoque tota coniectura haec caret, meritoque reiicitur. Ex quibus omnibus, paucis tantum ut institutum nostrum patitur, disputatis, recte, si leges fidei historicae et artis criticae consulantur, colligitur, multo verisimiliorem eorum opinionem esse, qui nunquam peruenisse ad Orientales Pythagoram putant^a, sed ex Aegypto Samum rediisse, et ex Samo in Italiam delatum statuunt, contrariam sententiam pro ostentatione Pythagoreorum, omnium terrarum eruditionem praeceptori vindicantium habentes. Ex his vero facillimo labore intelligi potest, quid de illorum traditione statuendum sit, qui Indos quoque et Gymnosophistas adiisse, et ab iis disciplinam suam accepisse Pythagoram asserunt, quod magno verborum apparatu praeter alios^x nugatur PHILOSTRATUS^y, cuius friuolae rationes cum ex iis satis queant refutari, quae supra libri primi capite quarto de Brachmanum et Indorum veterum philosophia diximus, lectorem breuitatis causa eo ablegamus^z. Omnes vero absurditate vincit quorundam opinio, Pythagoram etiam ad Gallorum Druidas peruenisse, quam ex veteribus Alexander Polyhistor^a, ex recentioribus THOM. BURNETIVS^b et IACOBVS MARTINIVS^c VV. CC. receperunt. Apertissime enim inani illo falsoque praedidio Pythagoreorum, omnis ista traditio nititur, non fuisse sapientium collegium in villo orbis angulo, quod non adierit Pythagoras. Quod si recte probari deberet, testimoniis fide dignis euincendum esset, Pythagoram iter ad eos suscepisse, eumque a Druidibus, suam tam sollicitè celantibus

^a) Ita viri doctissimi LLOYDIVS, BENTLEIVS, CLERICVS II. CC. FABRICIVS I. C. LENFANTIVS Bibl. Germ. T. II. p. 124. GÜNDLINGIVS Hist. phil. mor. c. VII. § 1. not. 1. p. 74. BVDDEVS Hist. eccles. V. T. T. II. p. 1077 et nuperus Historiae criticae philosophiae auctor Gallus T. II. p. 50. qui si pari animo plures fabulas ex Pythagorae historia eiecisset, elegantem de ea nobis tractationem exhibuisset.

^x) APVLEIVS I. c. Alex. apud. CLEM. ALEX. I. c. PORPHYR. I. c. conf. SCHEFFER, I. c.

^y) Vt. Apollonii L. VI. c. II. p. 245.

^z) Dicitur etiam de eo suo loco, ubi de Apollonio.

^a) Apud CLEM. ALEX. I. c.

^b) Archaeol. phil. p. 341.

^c) Religion des Gaulois T. I. p. 184. 185. conf. cl. FRICKIVS de Druid. §. 15. p. 19.

bus fuisse admissum, ut in Aegypto factum esse constat: non vero ad vnius alteriusve Graeculi testimonium, ex praedictio sectae Pythagoreae enatum prouocandum, vel dogmatum quorundam communium consensus vrgendus esset: quae omnia plane nihil probant, et contorta insuper sunt, nec eam sententiarum harmoniam exhibent, quam videre se viri docti putant^d. Verum et de hac re supra^e, quantum satis, dictum et ostensum est, Druidum ordinem, dogmataque longe vetustiora esse Pythagora, et metempsychosin Gallorum differre a Pythagorea. Addimus hoc vnum, teste DIONDORO^f Gallos tempore demum Alexandri Graecis innotuisse, adeoque ignotos et latentes a Pythagora adiri non potuisse.

*Schola domi
erecta.*

§. VIII. Ex Babylonia itaque, si Iamblichus credimus^g, vel si probabiliore ratione sequimur, ex Aegypto in patriam redux, cum multis annis abfuisset, vix a senioribus quibusdam agnitus est, non minori, quam antea, in admiratione habitus, quod maiora pulchritudinis, sapientiae et diuinitatis argumenta domum reportasse videretur, ut haec nobis narrat IAMBlichus^h, qui ita porro tradit: patriam eum inuitasse, ut participatione inuentorum suorum communi emolumento prodesse vellet: Pythagoram non renuisse, sed Aegyptiacam per symbola docendi elegisse methodum, quam nec satis capiebant Samii, nec diligenter in hanc rem incumbebant, ita ut nemo ei adhaereret. Fraude itaque rem aggrediendam ratus, iuuenem quendam pauperem ex palaestra domum abductum eo adduxisse, ut scientiarum a se praecepta sibi tradi pateretur, promissa alimonia, ad curam corporis sufficiente. Ita quidem arithmeticam et geometriam eum docuisse, proposito de singulis, quae didicisset, theorematibus, praemio: ita vero eius studium adeo accendisse, ut, cum praemium se postea daturum negaret, iuuenis ingeniose causato Pythagorae, se victus quaerendi causa demonstrationibus amplius insudare non posse, mercedem et alimenta ultro obtulerit, sicque ipse alter quasi euaserit Pythagoras, cuius quoque nomen gefferit. Quia vero tantam sapientiam Samus non capiebat, aliter populi animos sibi deuinciendos et in suas partes pertrahendos esse ratus, Delum abiit, ibique sacerdotibus se adiunxit, et ad aram incruentam, quae post corneum altare fuit, Apollini Genitori precibus sacrificauitⁱ. Delo postea discedens, ad omnia loca, in quibus oracula essent, se contulit, ibique teste Aristoxeno complura moralium dogmata, ab Aristoclea, ut PORPHYRIUS^k habet, vel Themistoclea, ut

LAERT.

*Itinera in
Graecas insulas.*

^d) Eam ostendere satagit illustris SELDENUS In Anal. Anglo-Britan. pag. 881. quae, ne imponant, legenda, quae eleganter hac de re differit. BASNAGE Hist. des Juifs T. III. p. 537 seqq.

^e) Lib. I. c. 8.

^f) Lib. VII. conf. SCHEFFER l. c. p. 15. qui ideo pro γαλάτων apud Alexandrum Polyhist. χαλδαίων legi vult: quae tamen emendatio et durior est, et non necessaria. Vidimus enim eiusmodi

ἀνισογενείας in hist. Pyth. esse apud veteres frequentissimas.

^g) Rumorem, quod a Gillo quodam Crotonitarum principe redemptus fuerit, tanquam minus probabilem reiicit APVLEIUS l. c.

^h) Cap. V. n. 20.

ⁱ) LAERTIUS Lib. VIII. f. 13. incruenta vero ara dicta est, quod non victimae, sed solum frumentum, et hordeum, et placenta offerrentur, IAMBlich. n. 25. ^k) n. 41.

LAERTIVS¹⁾, tradit, accepit, quae sacerdos Apollinis fuit, ut ita ex diuino fonte sua hausisse videretur. Postea Lacedaemonem et in Cretam nauigauit, quae insula propter Iouis mysteria tum temporis fuit celeberrima, ibique a Corybantibus siue Daëtylis, Cybeles sacerdotibus, in specum Idae montis, ubi Iouem sepultum esse ferebatur, adductus est, traditque PORPHYRIUS²⁾, ibi se vnus ex Idaeis Daëtylis sacerdotibus, cui Morgo nomen fuit, curae addixisse, et ab eo Ceraunio lapide fuisse purgatum, noctuque iuxta flumen agni nigri vellere redimitum. Quae ut felicius succederent, Epimenidem porro adiisse tradunt, Cretensem, de quo supra prolixè egimus, hominem fanaticum, vel ut APVLEIO³⁾ vocatur, fatiloquum, cum eo in Idaeum antrum descendisse, nigra lana amictum, et dies ter nouenos ibi ex lege disciplinae sacrae exegisse, Iouiue parentauisse, eiusque vidisse puluinar. Ita celebrioribus Graecorum quoque mysteriis initiatus, ad Olympicum certamen descendit⁴⁾. ibique in admiratione omnium versatus, cum de cognomine interrogaretur, non se σοφόν, sed Φιλόσοφον primus dixit⁵⁾. Alii tamen Sicyone id euenisse, alii Phliunte dicunt, narratque Heraclides apud CICERONEM⁶⁾, ibi cum Leonte principe Phliafiorum docte et copiose disseruisse quaedam, cuius ingenium et eloquentiam cum admiratus esset Leon, quaesuisse ex eo, qua maxime arte consideret? at illum respondisse: artem quidem se scire nullam, sed esse philosophum. Admiratum Leontem nouitatem nominis quaesuisse, quinam essent philosophi, et quid inter eos et reliquos interesset? hoc Pythagoram, simili desumpto a mercatu in ludis Graecorum celeberrimis haberi solito, ita explicuisse, ut hos se appellare diceret sapientiae studiosos, qui in hanc vitam ex alia vita et natura profecti gloriae, pecuniae aliarumque rerum studio pro nihilo habito, rerum naturam studiose intuerentur. Quod vero discrimen inter sapientiam atque sapientem, et inter philosophiam et philosophum posuerit, infra dicendi erit locus. Ita vero celeberrimo et ubique postea recepto nomini originem dedit, cum naturae interpretes antea sapientes dicerentur⁷⁾. Ita non aucta tantum eruditione, mysteriis celebrioribus, quae didicerat, sed et auctoritate atque sapientiae fama in patriam redux, in ipsa vrbe scholam exstruxit, Pythagorae hemicyclium postea dictam⁸⁾, ubi Samii de republica consulturi conuenire solebant, ibique moralis potissimum doctrinae praecepta, quae ad reipublicae emolumentum faciebant, tradebat⁹⁾. Extra urbem vero, magno-

1) LAERT. l. 8, ubi soror vocatur, sine dubio ex mendo, ἀδελφὴς pro τῇ ἀδελφῇ posito, vid. CAS. et MENAG. ad h. 1. conf. MENAG. Histor. mulier. philos. n. 77 p. 499.

2) n. 17. LAERT. l. 3. De his Cretensium mysteriis et sacerdotibus, Iodis etiam et Curetibus dictis, videndus HOLSTENIVS ad PORPHYR. l. c. et MEVSIVS in Creta c. III. p. 73. c. IV. p. 78. conf. PORPHYR. de antro nymph. p. 120. ed. Rom.

3) l. c. conf. PORPH. LAERT. II. cc. Quidam Epimenidem Pythagorae discipulum faciunt, sed

melius ita tempora concordant, conf. LLOYD. l. c. CLERIC. l. c. p. 97.

4) VALER. MAX. L. VIII. c. 7.1

5) LAERT. l. I. c. 12. VIII. 8. IAMBlich. c. VIII. n. 44. c. XII. n. 58.

6) Tusc. Qq. L. V. c. 3.

7) Repetenda, quae in prolegomenis de hac re diximus.

8) IAMBlich. c. V. n. 26, PORPHYR. n. 9.

9) Arcanas enim disciplinas tradebat in antro.

gnorum virorum, et imprimis legislatorum veterum exemplo^z, vt venerationem doctrinae suae conciliaret, antrum parabat, studiis eius philosophicis aptatum, in quo partem diei noctisque maximam cum amicis differendo transigebat, et imprimis in mathematicarum scientiarum cultura, totus cum discipulis haerebat. Aitque IAMBlichVS^u, cum ita ingens philosophiae accessio facta esset, totam Graeciam in eius admirationem consensisse, vt eorum, qui philosophiae operam nauarent, plurimi atque optimi quiuissent, ipsius studio Samum se contulerint, ad eius disciplinam admitti desiderantes. Quae an verisimilia sint, et non adiecta a Iamblichō, vt celebritatem Pythagorae eo luculentius confirmaret, ipse cautus lector dispiciet. Et haec quidem vitae Pythagorae enarratores, ad quorum fidem ea omnia redeunt, quae qualis quantaque sit, supra diximus. Quod si eam vero admittimus, vt pleraque verisimilitudine non carent, a fraude et impostura, vt erant seculi illius mores, Pythagoras liberari non potest, qui eas ipsas artes adhibuit, quibus callidissimum hominum genus, sacerdotes, homines decipere, suamque firmare auctoritatem solebant. Factum id esse, arcana disciplina, mysteriisque, nescio quam diuinae originis auctoritatem, et sublimiorem sapientiam prae se ferentibus, introductis, sacrisque et molestis ceremoniis adhibitis, plus vna haecenus vice monuimus. Cum itaque eruditionem suam contemni Pythagoras videret, religione et arcanae doctrinae opinione famam et auctoritatem sibi conciliare satagens, his mysteriis initiari, et improbo hominum generi se adscribi voluit, vt, quod philosophia non dabat, religio ipsi acquireret, nomen celeberrimum. Non dubitandum itaque, modo haec omnia vera sint, quae veteres narrant, Pythagoram in eandem furciferorum classem referendum esse, in quam Epimenidem aliosque huius fursuris retulimus, qui fraudibus piis, et religionis ceremoniis speciosae obtentu diuinitatis famam aucupati sunt. Nec aliud loquitur antrum a Pythagora extra Sami urbem electum, quam videri eum voluisse, arcanos cum numinibus congressus et disciplinae coelestis traditionem habuisse. In eiusmodi enim antris numina inspirasse sibi leges et disciplinam tradidere Numa, Minos, et his similes^v.

*Iter et mora
in Italia.*

§. IX. Ex Samō in Italiam profectum esse Pythagoram, omnes vno ore testantur, veteres, qui de rebus eius commentati sunt, certissimum ita vt hoc iter Italicum Pythagorae sit: incertiora vero sunt, quae de causa eius, incertissima, quae de tempore narrantur. IAMBlichVS^w enim tradit: ciues Samios Pythagoram ad omnes legationes traxisse, secumque

mune-

^z) Minos' exemplum imitatum fuisse, ipse monet IAMBlichVS n. 27. Erant autem multa eiusmodi antra numinibus et oraculis celebra, Nympharum in Ichaca, Mybrae apud Pelas, Baccii in Naxo, Paridis in Arcadia, imprimis Boeotia eiusmodi antris ferax fuit, et inter ea celeberrimum Trophonium, de quo videndus PAVSANTAS in Boeoticis, in horum similitudinem effusa adyta. conf. PORPHYR. de antro Nymph,

^u) I. c. Non vero ita secum consentit Iamblichus, qui socordiam Samiorum aspernatum in Italiam profectum esse ait n. 28.

^v) Legendi quae erudite de fraudibus in eiusmodi antris adhiberi solitis adque aucupandum diuinam auctoritatem admissis differit ANT. VAN DALE de oraculis gent. diss. II. p. m. 226 seqq. edit. prior.

^w) c. 5. n. 18.

muneribus publicis fungi coëgisse; quod cum consistere cum philosophiae studio non posse vidisset, statuisse declinare administrationes, et exemplum eorum sequi, qui ante ipsum philosophiam excolentes, vitam inter peregrinos exegerint: licet non neget, alios causam huius consilii in invidiam Samiorum in literis referre, quam aspernatus Pythagoras eam sibi patriam esse regionem existimauerit, quae plurimum discendi cupidorum ferax esset. Alii Samo relicta in Italiam eum contendisse dicunt, quod ferre Sylofontem non posset, fratrem Polycratis, qui priuatam post fratris fata vitam agens, Dario Hytaspide postea patrocinate, Sami tyrannus est factus*. Longe maior vero de tempore, quo Pythagoras in Italiam soluit, dissensus et controuersia est, quam supra iam *ὡς ἐν πηγόδῳ* tetigimus. Et illorum quidem opinionem, qui Numae temporibus Pythagoram in Italiam venisse contenderunt, libro primo ^γ ingulauimus. Nec admittenda PLINII ^z lectio, qui Pythagoram Veneris, planetae indolem explorasse ait Olympiade circiter XLII. A. V. C. CXLII. quo Tarquinius Priscus regnauit. Illo enim tempore Pythagoram nondum natum esse constat, cubat vel in mendo locus, vel Plinium memoria decepit. Aliter auctores, quos LAERTIVS ^a secutus est, qui tradunt, Pythagoram offensum tyrannide Polycratis, qua rempublicam occupari videbat, in Italiam soluisse; Polycrates vero Ol. LXIV. 2. periit cruci affixus, quo STRABO ^b quoque respicere videtur, idque Aristoxenus apud PORPHYRIUM ^c confirmat. Hinc Ol. LXI. hoc iter suscepisse Pythagoram DIODORVS ^d ait, Ol. LVIII. 2. vero LLOYDIVS computat; cuius rationes si sequimur, iter Delum Phliantemque in hac ad Italos profectione simul susceptum est ^e. IAMBlichVS ^f Ol. LXII. 2. in Italiam soluisse auctor est; quae tamen rationes omnes si admittantur, captiuitas Pythagorae iterque Babylonicum, quae ante Ol. LXIII. 3. 4. accidere non potuere, falsa sunt. Vnde, vt his consulerent viri docti, iterque Babylonicum assererent, profectionem Pythagorae Italicam anno demum LX. aetatis eius, Ol. LXVII. 2. 3. susceptam esse contendunt ^g. Nos, quae nobis vero propius accedere videantur, cum supra exposuerimus, dicta otiose non repetemus, hoc vnum, supra praetermissum, addentes, patere ex APVLEIO ^z, suo tempore incertam, et dubio rumore nixam captiuitatem Pythagorae iterque Babylonicum visum esse, quod vbi abiicitur, et Pythagoras circa Ol. LVIII. LIX. vel LX. in Italiam discessisse statuitur, melius omnia cohaerent, et veterum dictis magis consonant: quo fundamento admissio Dodwelliana et Stanleiana chronologia concidit. In Italiam vero delatus, in meridionalibus Italiae partibus, quas Graeci possidebant, a quibus

Mmm mmm 2

diuer-

* STRABO L. XIV p. 638. Alii ad ipsam Polycratis tyrannidem referunt apud LAERT. L. IIX. f. 3.

^γ) c. IIX.

^z) Co f. STANLEIVS P. IIX. c. 10. p. 672. Alio loco L. XXXVI. c. 9. rege Semneserteo in Aegyptum eum venisse tradit, quo de loco vid. BAYLE Dict. T. III. art. Pythagoras not. B. p. 742.

a) L. IIX f. 3.

b) l. c. nisi ad Sylofontem respicere dicas.

c) n. 9.

d) Excerpt. Peiresc. p. 241.

e) Conf. CLERIC. l. c. p. 115.

f) c. VII. n. 35.

ff) DODWELLVS et STANLEIVS ll. cc.

g) l. c.

diuersis temporibus variae in eas coloniae deductae erant ^b, confedit. Fuitque Crotona, vrbs in sinu Tarentino sita, prima, in quam delatus est, cuius corruptis valde moribus viuebant incolae et imprimis voluptati litabant. Illuc cum iret, miraculum accidisse narrant, dignum memoratu: incidisse in pisces, fagenam piscibus onustam in profundo trahentes, illisque definito praedixisse numero, quanta multitudo capta esset: illis igitur pollicentibus, se, quicquid imperaturus esset, facturos, si euentus dictis respondisset, mandasse, ut pisces omnes dinumeratos viuos dimitterent. Fuisseque hoc imprimis admirandum, quod ne vnusquidem piscium, dum extra aquam detinerentur, extinctus sit, ipso dum haec agerentur, praesente et soluto piscatoribus pretio piscium Crotonam contendente. Illos statim, quod acciderat, diuulgasse, et ita omnibus iniiecisse cupidinem tanti videndi hospitis. Ita quidem fabulam narrant PORPHYRIUS ⁱ atque IAMBlichus, quorum mentiendi libidinem et causam egregie deprehendimus, si, qui eandem rem narrant, PLUTARCHVM ⁱ, et APVLEIVM ⁱⁱ consulamus, aetate superiores, et isto, quo Porphyrius et Iamblichus, animo Pythagorae historiam expendendi non impeditos. Illi enim hoc tantum narrant, Pythagoram emta tota piscium captura, captos dimitti iussisse, ut pro amicis et familiaribus captiuis precium liberationis persolueret; communi enim anima vtentes noluisse interfici, cum iniuria neminem afficiant: ideo et Pythagoreos a piscium esu abstinere. Rem in se nec miram, nec a vero valde abludentem scopo suo, Pythagorae historiam historiae I. C. opponendi aptaturi Porphyrius et Iamblichus, cum legissent, Saluatorem totam aliquando piscium capturam disrupta fagena seruauisse, mire peruerterunt, et piscium praedixisse numerum, nec vnum eorum extinguere passum esse Pythagoram, strenue mentiti sunt. Qua ratione etiam alias de Pythagora traditiones (nam et hanc pro solo rumore venditant Plutarchus et Apuleius) in miracula verterunt homines audacissimi. Quamprimum Crotonam aduenit, ut Dicaearcho ⁱⁱⁱ traditum, quasi aduentante viro, plurimarum regionum peragratione claro, et eximio, atque peculiari naturae beneficio fortunam prosperrimam ducem nactus, (facie enim, statura procera, et moribus gratiam et decorem referebat) ita Crotoniatarum ciuitas affecta fuit, ut postquam seniorum, ex quibus ciuitatis illius magistratus constabat, animos cepisset, habitis apud adolescentulos iuvenes, pueros, et feminas, eius gratia in coetum iussu magistratus coactas, adhortationibus ^{iv}, tota fere ciuitas in eius amorem raperetur, multosque is auditores nancisceretur, non viros solum, sed et feminas, etiam ex vicina barbarorum regione, regios quoque principesque viros. Ita emendabat Crotoniatarum mores, et ad frugalitatem

^b) Vocata etiam est Graecia subcisiua, et Graecia magna. Nomen hoc a Pythagorae discipulis demum accepisse, nugae sunt IAMBlichus s. XXIX. n. 166, c. VI. p. 23.

ⁱ) n. 25.

ⁱⁱ) c. VII. n. 36.

ⁱⁱⁱ) Qg. Sympof. L. IIX. q. 8. T. III. p. m. 289.

^{iv}) Apolog. p. m. 209.

^m) PORPHYR. l. c.

ⁿ) IVSTIN. L. XX. c. 4. Orationes ipsas exhibet IAMBlichus c. VIII. n. 37, c. IX. n. 45, c. X. n. 51, c. XI. n. 54 seqq. quas tamen eum ex ingenio ita confinxisse dubium non est, ut saepe solent historici.

tem reuocabat, et ad virtutem singulas hominum aetates et sexum mira eloquentiae efficacia excitabat ^o: aitque IAMBlichVS^o, sexcentos fuisse, quos non tantum ad capeffendam philosophiam oratione sua permouerit, sed qui collatis etiam in vnum facultatibus, communem vitam sequerentur, de qua viuendi ratione Pythagorea postea dicemus. PORPHYRIVS^o vero plusquam duo millia fuisse, auctore Nicomacho tradit. Non vero Crotonae tantum substitit, sed philosophiae quoque praesidio reliquis Italiae et Siciliae vrbibus Graecis subueniendum ratus, quas in seruitutem redactas nouerat, ad libertatem illis animum erexit, et in pristinum statum per suos auditores illarum ciues asseruit, adeoque liberas fecit praeter Crotonem Sybarim Catanem, Rhegium, Himaeram, Agrigentum, Tauromenas, et alias quasdam ^r magna vbique auctoritate vsus, multisque conciliatis discipulis, cum XL. fere annis ibi moram fecisset.

§. X. Facile ex dictis haecenus colligi potest, Pythagorae non pa- *Auctoritas inter Italos.*
rum honoris et auctoritatis apud Crotoniatis reliquosque illius regionis vrbiumque incolas comparatum fuisse, cuius varia nobis specimina vitae Pythagorae confarcinatores enarrant. Tradit enim PORPHYRIVS^o: ciuitates in libertatem vindicatas eum salutaribus instruxisse legibus per Charondam Catanaeum et Zaleucum Locrum: deposuisse imperia tyrannos ipso audito; et venisse ad eum Lucanos et Messapios et Picentinos, et Romanos ^q, sustulisseque omnes omnino discordias ab Italiae Siciliaeque ciuitatibus, tam internas quam externas. Tyranni quoque vt eiicerentur, orationibus suis passim effecit, et ita Agrigentum quoque a Phalaridis tyrannide liberaffe IAMBlichO dicitur ^r. Crotoniatae quoque cum Sybaritis eius consilio bello congressi ob interfectos legatos, victoria potiti sunt ^u. Et his alia non minora porro referunt. Sunt tamen in illis quoque haud leues nodi, quos facilius feces, quam soluas. Referuntur enim inter discipulos Pythagorae non a PORPHYRIO tantum et IAMBlichO, sed aliis^o quoque Zaleucus et Charondas, eos vero aetate Pythagorae longe superiores fuisse, veterum testimonia euincunt ^w, et nobis quoque libri secundi capite secundo obseruatum est, vt ita luculento exemplo pateat, Pythagoreos non attendisse ad rationum chronologicarum seriem et fidem, modo omnes viros antiquitus celebres Pythagorae suo asseruerint, cuius exemplum in Numa quoque vidimus. Similem difficultatem habet Phalaridis eiectionis et occisionis historia et tempus, multum chronologiam Pythagorae implicitam reddens, qua de re nota sunt, quae inter RICH. BENT-

Mmm mmm 3

BENT-

^o) Conf. BAYLE l.c. not. C. p. 742. Respexit hic CLAUDIANVS Conf. Theod. v. 156.

Annon Pythagorae monitus, annique silentes

Famosum Oebalii luxum pressere Tarenti?

^p) c. V. n. 29.

^q) n. 20. ita etiam ipse IAMBlichVS c. VI. n. 30.

^r) ib. n. 33.

^s) n. 20 seqq.

^{ff}) Dignus, qui cum his Porphyrii verbis conferatur, locus est LIVII L. I. c. 18. vt constet,

quam parum verisimilitudinis habeat, Romanos ad Pythagoram venisse leges accepturos.

^z) c. XXXI. n. 214 seqq.

^u) Historiam belli narrat DIODOR. L. XII. IAMBlich. c. XXX. n. 177 seqq.

^w) SENECA ep. 90. LAERT. L. VIII. s. 16.

^x) DEMOSTHEN. orat. adu. Timocr. p. 469. EVSEB. in Chron. conf. BENTLEIVS apol. de epist. Phal. p. 339. FABRIC. Bibl. Graec. Vol. I. p. 516. 519 seqq.

Miracula.

BENTLEIVM ad Ol. LVII. 4. referentem, et HENRICVM DODWELL-
LVM Ol. LXIX. I. euenisse statuentem, aliosque magna animorum
contentione disputata sunt *, quaeque notabili exemplo confirmant, quam
parum certi sit in historia et chronologia veteri, quam mentiendi audacia,
sectae Pythagoreae, vti supra dictum, familiaris, miris modis corrumpit.
Et haec quoque magna ex parte mater fuit miraculorum, quae de Pythagora
referuntur. Prouocat enim PORPHYRIUS y ad auctores antiquos et prae-
iudicatae auctoritatis, qui tradiderint, etiam ad bruta animalia vsque prae-
cepta admonitionesque eius sese extendisse. Vrsam Dauniam agros depopu-
latam comprehensam et diu contrectatam adiurasse, vt dimissa nunquam
amplius ex montibus atque syluis redierit: Bouem temere fabas depascentem,
in aurem infusurrando a fabis comedendis arcuisse: aquilam ex aëre
praeteruolitantem detraxisse, rursusque dimisisse. Caucaſum fluuium
transeuntem et cum multis amicorum adlocutum esse, et clara eum ac
liquida voce cunctis audientibus dixisse z: Salue Pythagora. Quin etiam
vna eademque die et Metaponti in Italia, et Tauromenii in Sicilia, amicis,
quos vtroque habebat, adfuisse, et in publico coetu allocutum fuisse a:
Commemoratas esse praedictiones terrae motuum certissimas, ventorum
violentorum grandinisque profusissimae compressiones, pestis auerrun-
cationes praesentissimas, tempestatum tam in fluminibus, quam in mari ferena-
tiones, quae miracula non ipse tantum perpetraverit, sed et discipuli Em-
pedocles, Epimenides, Abaris b ab eo didicerint. Animi porro corpo-
risque affectus carminibus et incantationibus sedasse, et vniuersi concen-
tum auribus percepisse. His alii c alia adiiciunt: multa eum praedixisse,
quae postea euenerunt, Sybari serpentem letiferum et hirsutum compre-
hendisse, rursusque dimisisse, alioque loco serpentem morſu occidiſſe, et
sexcenta huius generis alia, quae indubitata fide et certitudine immota
constare, eius admiratores sibi persuadent. Factum inde est, vt in er-
γόντες siue magos celeberrimos a multis cum veterum d tum recentio-
rum e numeraretur, iamque Timon f in Stillis diceret, eum a magica ad
philosophiam declinasse. Alii meras praestigias et imposturas fuisse dice-
bant, quam obiurgationem mire confirmat, quod Hermippus ff et Scho-
liastes SOPHOCLES g narrant: in Italiam delatum subterraneam fecisse
specum, matrique praecepisse, vt mortuum eum diceret, quae agerentur

vero,

* Libros hac de causa scriptos enumerat FABRICIUS l. c. p. 405. conf. CLERIC. l. c. p. 82. 130 seqq.

y) n. 23 seqq. et hunc secutus IAMBlichVS c. XXIX. n. 134.

z) Eadem fere narrant LAERT. L. IIX. f. II. AELIAN. L. II. c. 17. APOLLON. hist. com. c. 6.

a) Citati PHILOSTRAT. vit. Apoll. L. IV. c. 10. p. 147.

b) Verum Abarim et Empedoclem non fuisse discipulos Pythagorae, sed ante congressum cum illo istis iam artibus celebres, supra demonstra-
tum est.

c) Anonym. apud PHOTIVM Cod. CCLIX. ad calc. PORPHYR. p. 58. EVSEB. praep. L. X. c. 3.

d) PLUTARCH. in Numa T. I. p. m. 117. CHRYSOSTOM. Homil. II. in Ioan. LUCIAN. in vitar. aust. T. III. p. m. 1025. APVLEIVS apolog. p. m. 209. PLINIVS L. XXIV. c. 17. L. XXX. c. 1.

e) Conf. MENAG. ad LAERT. L. VIII. f. 36. NAVDE apologie des grands hommes accuser de Magie c. X. p. m. 136 seqq. p. 146. et quos h. l. nominat.

f) LAERT. L. VIII. f. 36.

ff) Apud LAERT. L. VIII. f. 41.

g) Ad Electr.

vero, vt tabulis inscriberet, tempusque adnotaret. Deinde eum descendisse in specum, matrem vero praecepta esse exsecutam, donec ex locis illis subterraneis rediret. Aliquo elapso tempore ex specu adscendisse, squalidum ac macie confectum, aduocataque concione dixisse, ex inferis se ascendere, atque, vt fidem faceret sibi, recitasse, quicquid interea euenisset. Narrauisse etiam de rebus apud inferos gestis mirabilia, et quae de amicis fati functis viderit, quosque cruciatus conspexerit. His Crotoniatis affectos in lacrymas et eiulatus prorupisse, Pythagoramque diuini quid habere existimantes, vxores suas in disciplinam ei dedisse, vt eius doctrina instituerentur. Adduntque his, quae postea quoque tanguntur, exposuisse^b, quis ante ingressum in hoc corpus fuerit, quodque Aethalides fuerit ante Troianum bellum, Mercurii filius, tum Euphorbus, Hemotimus postea, inde Pyrrhus Delius, postremo Pythagoras. Quam transmigrationis Pythagoreae historiam false ridet, et imposturam philosophi ridiculo colloquio detegit LVCIANVSⁱ. Quod si de ipsa re accuratum iudicium ferendum est, distinguendi sunt Pythagoras, Pythagorei, et historiae Pythagoreae confarcinatores, qui omnes ad has fabulas symbolum contulerunt. Et Pythagoram quidem ipsum impostorem fuisse, nulli dubitamus asserere, fidem faciente tota Pythagorae historia, quae vitae rationes, itinera, philosophandi modum, consortia cum sacerdotibus, mysteria adhibita et huius generis alia, ea potissimum fini enumerat, vt non deteriorem fuisse Pythagoram reliquis viris *ῥαυατοῖς*, qualis Epimenides et Abaris fuerunt, patesceret. Cur enim sacerdotum, qui callidissimi impostores fuerunt, societatem tam studiose sectatus est? cur mysteria tantis molestiis didicit? cur antrum sacrum effinxit? cur mendacia de inferis adhibuit? cur animae migrantis in corpora historiam exposuit? nisi vt supersticiosum populum deciperet? Nec id mirabuntur, qui istius temporis genus pernouerunt, quibus eiusmodi sacris fraudibus plena erant omnia, et quibus istis praestigiis diuini commercii fama et emolumentum inde proueniens maximum, praecipue a legislatoribus et theologis, non sine laetissimo quaerebatur euentu^k. Haec cum viderent discipuli et sectatores, auctoritatis praeiudicio ex ipsa disciplina Pythagorea fascinati, non tantum in maius elata ad alios propagarunt, sed infreni mentiendi in sacris licentia, quam supra Iamblichi testimonio probauimus, corrupti immensum in modum auxerunt, et ita circumstantiarum fictarum ornatu pinxerunt, vt praeceptoris admiratio omnes homines caperet. Quod vt felicius consequerentur, omnium fere praestigiatorum historiolarum ad Pythagoram relatae sunt: quae cum non accuratis monumentis designarentur, sed orali traditione per vulgus spargerentur, aucta, mutata et ornata atque compta sunt, vt cuiusque

inge-

^b) LAERT. L. VIII. c. 4 scholiastes APOLLON. L. T. v. 645. PORPHYR. l. c. MENAG. l. c. Laërt.

ⁱ) In Gallo T. II. p. 613. Non ita quod solus Her-
mippus et scholiastes Sophoclis pro impostore ha-
buere Pythagoram, quod contendit tamen ad eum
excusandum cl. LEHMANNVS loc. cit. pag. 352.

Tacere vero Porphyrium et Iamblichum mirum non
est, non enim haec honorifica erant heroi, quem
ornabant ac comabant.

^k) Hoc expendendum probe circa apologiam
NAVDARI qui l. c. Pythagoram ab omni fraude
liberat.

ingenio placuit. His subsidiis potiti Alexandrini Platonici, ut haberent, quod miraculis Christi opponerent, ex rumusculis istis dubia fide et incerta traditione sparsis ingentes historias commenti sunt, quibus ut fidem facerent, ad auctores diu deperditos prouocauerunt; sicque *Σαυμασιων* Pythagoreorum historia tandem enata est, quam diuerforum hominum et seculorum collectionem imposturarum esse recte dixeris. Ex quibus etiam patet, non omnia tribuenda esse Pythagorae quae sequentium temporum instantia ei tribuit¹. Quae in mentiando non adeo minor fuit, ut non fraudem et mendacia passim proderet, id quod excussis plerisque, quae de eo referuntur miraculis facile ostendi posset, si id locus pateretur. Quid enim magis ridiculum, quam fluuium Pythagoram salutasse, de quo tamen veteres ita discordant², ut manibus palpari queat, vulgi rumusculis totam narrationem deberi. Quid insulsius, bouem a fabis abstinere monitum, paruuisse, cum fabarum interdictus esus nugis Pythagorici ingenii tantum nitatur? Quid ineptius, quam audire musicam coelestem, quae in solo Pythagorae ingenio habitans, cum ipso euauit? Lustrationum, incantationum, auerruncationum et huius generis aliorum specimina edidisse Pythagoram facile credi potest, eiusmodi enim imposturas tum frequentissimas fuisse, supra de theologis Graecis verba facientes retulimus; meras vero fuisse fraudes tum quoque obseruauimus. Nobis itaque haec Pythagoreorum miraculorum historia meliori fide digna non videtur, historia magi celeberrimi Ioannis Fausti, quam otiosa hominum ingenia, forte et inuidia pepperere, educavit credulitas, proscripsit examen prudens et accuratum. Plura non addimus, videnda apud CLERICVM^m, STOLLIVMⁿ, NAVDAEVM^o, BAYLIVM^p, aliosque^q.

*Virtutes et
vita.*

§. XI. Animi corporisque dotibus atque virtutibus prorsus super alios, eminuisse Pythagoram, plerisque relatum est, quò *βίολογοι* eius ad extollendam illius conditionem, humana specie, ut contendebant, maiorem astute vsi sunt. Adolescentem iam singulari formae praestantia, facie venerabili, morumque dexteritate tanquam bonum inter homines daemonem Samiis visum esse, IAMBlichVS^r refert: ex quo de virili aetate iudicium, si hos homines sequimur, ferendum est. Adeo vero venustae formae fuisse multi veterum tradunt, ut eum Apollinem, qui ex Hyperboreis venisset, discipuli opinarentur^s, additque IAMBlichVS^s, annis LVI expletis, pulchriorem etiam et magis diuinam faciem eius enituisse. Nec id negat Timon^t, acerbus philosophorum reprehensor, sed sermonis leporem et fa-

1) Id hoc sensu concedi potest BVDDEO monenti Obs. Hal. Lat. T. II. obs. X. p. 204 seqq.

2) Alii enim ex supra citatis hunc, alii alium fluuium nominant, conf. MENAG. ad l. c. LAERT. PERIZON. ad l. c. AELIANI.

m) l. v. p. 90. add. LLOYD. l. c. praef.

n) Hist. phil. mor. gent. §. CXIX. p. 205. qui cuncta neruose comprehendit.

o) l. c.

p) Dict. T. III. art. Pythagore, not. K. p. 745 seqq.

vbi etiam de speculo agit, quo Pythagoram in luna alio loco degenti aliquid indicare potuisse mentiti sunt.

q) Conf. SCHILTER. de discipl. Pythag. §. II. p. 522. Manud. phil. mor. et quos copiose laudat.

r) c. II. n. 10. plura supra iam de eius allata adolescentia.

s) ib. c. V. n. 20. LAERT. s. II. AELIAN. L. II. c. 26. conf. MENAG. ad l. c. Laert.

t) ib. n. II.

ff) LAERT. L. VIII. s. 36.

et faciei venustatem ad venandos homines adhibuisse obiicit. Barbam promississe, et seculi mores suadent, et MARTIALIS^r innuit, Panuicum ita ridens:

*Democritus, Zenonas, inexplicitosque Platonas
Quicquid et hirsutis squalet imaginibus,
Sic quasi Pythagorae loqueris successor et haeres,
Praependet mento nec tibi barba minor.*

Oculos vero et faciem tantam maiestatem infedis narrant, ut vehementer, qui cum eo essent, illa percellerentur, iuuenisque acriter ab eo reprehensus laqueo statim vitam finiuerit^a. Vestimentis porro ref runt candidis, coronaque aurea usum esse^v; vel, quod LAERTIVS^w habet, stolam illum candidam semper ac mundam, stragulam item candidam e lana adhibuisse. Quae Laërtii narratio occasionem dedit viris doctis^x, eos ex veteribus reprehendendi, qui lineas tantum vestes gestasse Pythagoram, lana, pecori detracta, pro profano vestitu habito, contendunt^y, recteque dixisse LAERTIVM putant, lineorum usum nec dum ad illa loca penetrauisse. Neque tamen ob vnum Laërtium plura veterum testimonia, quae diserte Pythagoram a lana pecori detracta abstinuisse perhibent, deferenda sunt; deceptum enim illum esse, vel ex eo patet, quod lini usum tum nondum fuisse dicat, cum tamen THVCYDIDES λιγὸς χιτῶνας antiquissimum vestimenti genus, paulo ante sua tempora dicat in usu esse desuisse^z. Conueniens quoque doctrinae Pythagorae erat, a lana abstinere; abhorrebat enim a mortis initio, quodque caetis animalibus detractum erat, ob communem eorum cum hominibus naturam: quare et vestitum ex animantibus comparatum impurum habuisse ait Apollonius^a. In victu parcum, in potu modicum fuisse, atque saepe solo melle ac pane contentum vixisse, vinumque interdum non gustasse, obsonium illi fuisse ut plurimum cruda vel elixa olera, marinis raro usum esse, passim narratur^b. Addit his PORPHYRIUS^c, coenam pane ex milio et pulte et oleribus, rarissime autem carne ex victimis sacrificiorum, neque ea promiscue ex quavis parte constitisse. Deorum penetralia subiturum ibique aliquandiu commoraturum, cibis famem sitimque arcen- tibus ut plurimum fuisse usum: et fami quidem arcendae composuisse ex semine papauaris et sesamo, ac cortice scillae probe lotae, donec a succo exteriori repurgaretur, ex floribus asphodelorum, et foliis maluae, ex polenta, hordeo atque cicere: quae omnia aequali pondere minutim concisa Hymettio melle in massam redegerit: contra sitim autem praeparasse ex femine

^r) Lib. IX, ep. 47.

^v) PLUT. de disc. adul. et amici T. III. p. m. 177.

^w) LAERT. I. 19. IAMBlich. c. XXI n. 100.

^x) AELIAN. L. XII. c. 32. conf. MENAG. ad I. c. Laërt.

^y) I. c.

^z) IS. CASAVBON. et MENAG. ad I. c. Laërt.

^a) IAMBlich. I. c. APVLEIUS in Apolog.

PHILOSTRAT. vit Apoll. L. I. c. I. L. VIII. c. 7. p. 333.

^z) Conf. OLEAR. ad PHIL. vit. Apoll. L. I. c. I. p. 5.

^a) Lib. VIII. c. 7.

^b) I. c. 19. IAMBlich. et PORPHYR. II. cc.

^c) n. 34. conf. SCHRADERVS diff. I. de Pythag. § 23. p. 41.

femine cucumeris, et vua passa pinguiori exemptis acinis, et flore coriandri, item ex femine maluae ac portulacae, ac casei ramentis, ex polline farinae et pinguedine lactis; cuncta haec melle insulano inter se commiscuisse. Quo cibo et potu plane singulari usus fuisse videtur, ubi diutius ab hominum consortio separatus vivebat, ut in antris et adytis sacris saepe ab eo factum; non tantum ut sustentandis corporis viribus sufficeret, sed ut sanguinis quoque motus excitaretur concitior, sicque quem affectabat, entusiasmus promoueretur. Ita vero corpus quasi in quodam aequilibrio seruabat, ut eodem semper habitu sibi esset simile. Animi vero, ut porro refert PORPHYRIUS, similes semper mores ex vultu relucebant: nec is voluptate largius diffundebatur, nec moerore contrahebatur, neque vnquam gaudio vel dolore occupatus apparebat. At nec ridentem illum vel flentem vnquam quis vidit. Quae omnia an tanta grauitate seruauerit Pythagoras, fides penes hos scriptores esto, quanquam verisimile sit, Pythagoram, egregium simulatorem, istam vultus grauitatem, qua potuerit, arte, affectasse, ut supra communem hominum conditionem eminere crederetur, et diuini quid in eo residere videretur. Quod vero Aristoteles apud LAERTIUM^a ait: nunquam deprehensum fuisse *ἔτε διαχωρῶντα*, neque veneri operam dantem, neque se inebriantem, occasionem dedit ALDOPRANDINO^c, ut haec de peregrinationibus a Pythagora voluptatis causa non susceptis frigide et contra veritatem historiae Pythagorae, quae tot nobis peregrinationes narrat, explicaret. Non enim hoc vult scriptor vetus, sed, tantam Pythagorae verecundiam fuisse, praedicat, ut neque exonerandae ventris reddendaeue vrinae causa decessisse e via^f, neque venere coram aliis usus fuisse vnquam visus sit. Commendat porro IAMBlichVS^{ff} prudentiam eius oeconomiam, tum potissimum demonstratam, cum Alcaeï adiiisset haereditatem. Exercitationes quoque matutinas domi proprias habebat, animum suum ad lyram componens, et veteres quosdam Thaletis paeanas accinens^g. Quin et saltationes quasdam saltitabat, quas agilitatem atque sanitatem conciliare existimabat. Nec deambulationes promiscue cum multis conficiebat, sed vno tantum vel altero comite in templis aut lucis; seligens sibi loca ab omni strepitu remotissima et amoenissima^h. Etsi vero haec facile credi queant, nec virtutum naturalium dona Pythagorae deneganda sint, patet tamen ex tota vitae eius historia et philosophandi quoque instituto, eo tetendisse primarium eius scopum, ut more seculiⁱ, quo vivebat, doctrinam non coelitus tantum accepisse crederetur, sed et daemon inter homines versans haberetur, quem in finem absurd-

^a) f. 19.^c) Ad h. l.^f) Id enim *διαχωρῶν* apud Graecos significare, multis veterum locis probiri posset, si id ageretur. Male itaque Interpres Latinus quoque: nunquam visus est saturari. Miramur haec Menagium praetermisisse.^{ff}) Cap. XXX. n. 170.^g) PORPHYR. l. c.^h) ibid.ⁱ) Hunc temporum illorum morem ut exempla plurima supra quoque, ubi de thelogis Graecis et barba is dictum, tacta, probant, ita impiis is hic attendendus est, quia magnam facit verisimilitudinem, Pythagoram se ei astute attemperauisse.

diffimae superstitioni litabat. Cuius rei argumentum, praeter ea, quae in antecedentibus adduximus, imprimis aureum femur est, quod Abaridi inter Olympica certamina ostendisse, ut is crederet, recte se Pythagoram pro Apolline habuisse, tanto consensu veteres tradunt ^k, ut vix dubitari queat, rem ita a Pythagora fuisse institutam, licet doctissimus K V H N I V S ^l rem incertam esse putet, propter rationes Abaridis chronologicas, quas cum Pythagoreis non satis conspirare suo loco monuimus; quoniam enim dubia est aetas Scythae, tot veterum testimonia non tam facile conuelli possunt. Quod si verum hoc esse conceditur, videre nemo possit, qua ratione ab insigni impostura Pythagoras liberari queat, cuius eum propter hanc quoque causam reum ex veteribus egerunt P L V T A R C H V S ^m et L V C I A N V S ⁿ, qui false eum traducit. Non defuere quidem, qui, ut ab insigni culpa Pythagoram liberarent, alium veterum narrationibus subesse sensum, contenderunt, et suspicati sunt, Pythagoram vel alchemiae mysterium Abaridi tradidisse, vel symbolico dicendi genere diuinam ei originem aperuisse ^o, vel pulcherrimum tantum femoris habitum ostendisse, cum aurea dici soleant. egregia et pulchra ^p, vel ex femore Pythagorae, fricato et accenso igneum halitum auro similem prodiisse ^q, vel icteri morbo femur luteum colorem induisse: verum ea omnia contorta esse, et sine vlla verisimilitudine dici, quilibet videt, qui diserta veterum loca cum iis contulerit, quae luculenter tradunt, ostenso aureo femore Abaridi Pythagoram de diuinitate sua fidem fecisse ^r. Nec mutandi metalla ars eo quidem tempore cognita fuit, ut supra probatum; ictero vero, vel fricatione colorem aureum induisse nulla vel leui probabilitate dicitur. Nihil itaque aliud inde colligendum, quam pertinere hoc aureum femur ad *Θαυμασία* Pythagorae, quo veteres omnes retulerunt, esseque illud luculentum imposturae specimen, quo vir vaferrimus hominibus illudit, ut diuiniore sibi origines assereret.

§. XII. Familiam aluit Pythagoras, ducta vxore, genitisque ex ea liberis, ut adeo, quod Aristoteles apud L A E R T I V M ^s dicit: ὅδ' ἐπὶ πρόπτε ^t *milia*. ἐγνώθη ὅτε διαχωρῶν ὅτε ἀφροδιτιάζων, non ad abstinentiam a Venere, sed ad verecundiam Pythagorae modestissime ea vtentis referendum sit. Vxorem duxit Theano, quam Crotone ortam dicit S V I D A S ^u, et Didymus apud C L E M E N T E M A L E X A N D R I N V M ^v, Cressam vocat, filiam Pythanaetis, P O R P H Y R I V S ^w. Quae non concorditer tantum cum marito vixit, familiaeque etiam post eius fata praefuit, sed philosophiam quoque

Nnn nnn 2

con-

^k) P L V T A R C H in Num. T. IV. p. m. n6 seq.
AELIAN. L. II. c. 26. L. IV. c. 16. L A E R T. L. VIII.
f. II. I A M B L I C H. c. XIX. n. 92. c. XXVIII. n. 135.
140. P O R P H Y R. n. 28.

^l) Ad l. c. AELIANI.

^m) l. c.

ⁿ) In Gallo l. c.

^o) T H E O D. C R V G E R V S progr. de aureo femore
Pythagorae ἀφροδιτίας eius signo.

^p) S C H W R A D E R V S diff. I. de Pyth. p. 36.

^q) L I C E T V S de monstr. L. II. c. 48.

^r) Vnus L V C I A N I locus omnes has coniecturas euerit.

^s) f. II.

^t) In Theano T. II.

^u) Strom. L. I. p. 309.

^v) n. 4.

coniugis didicit, et scholam post eius obitum rexit ^u. Infano eius amore flagrasse Pythagoram, poeta vetus apud ATHENAEVM ^v tradit; laudantque veteres non tantum pulchritudinem eius, sed et castitatem et coniugalem fidem ^w. Alii tamen non vxorem, sed filiam Pythagorae fuisse, dicunt, Brontini Crotoniatae vxorem ^x, cuius tamen natam quidam dicunt. Libros quoque ei veteres tribuunt, de quibus videndus MENAGIVS ^y. Ex hac vxore duos filios ^z suscepit Pythagoras, Telaugem et Mnesarchum aui nomine insignitum: alii ^a Duridis Samii auctoritate Arimnestum addunt, Democriti praeceptorem, vt Telauges Empedoclem instituit. Filias quoque aliquot memorant, Saram, Myiam, Arignoten ^b; additur aliis Damo ^c, quo tamen nomine quibusdam ^d filius fuisse Pythagorae dicitur. Totam hanc familiam parentis philosophiam edoctam, eruditionem illius temporis praestantissimam tenuisse, et ad posteros quoque post parentis obitum propagasse, veteres testantur, quorum testimonia congeffit MENAGIVS ^e de his feminis philosophis pluribus videndus. Incertum tamen esse, quod multi veterum perhibent, scriptis eas parentis philosophiam comprehendisse ^f, ex iis apparebit, quae postea de scribendi apud Pythagoreos more dicentur. Aluit etiam seruos duos veteribus commemoratos, Astraeum et Zamolxidem Thracem, quorum vtrumque philosophiae mysteria docuisse traditur. De Astraeo a Mnesarcho sub populo inuento mira et fabulae proxima refert Diogenes *de incredilibus* ^g *vltra Thulen*, eumque ab Anaximandro Geometriam edoctum, Pythagorae dono datum, et ab eo, exploratis ingenii et corporis circumstantiis, in disciplinam et familiaritatem receptum esse tradit. Zamolxidis Getarum legislatoris historiam supra inter septentrionis philosophos tetigimus, quibus hoc loco hoc tantum adiicimus, Graecos quidem magno consensu Zamolxidem Thracem Pythagorae discipulum et seruum facere ^h, prouocantque IAMBlichVS ⁱ et PORPHYRIUS ^k ad Dionysiphanem eius auctorem: monuisse vero iam HERODOTVM ^l, idem se quidem a Graecis accepisse, existimare se vero, Zamolxin multis annis ante Pythagoram vixisse. Quae sententia verissima omnino videtur esse, cum inter vetustissimos legislatores Getarum Zamolxis referatur, qui ei diuinos

^u) THEODORIT. therap. L. II.
^v) Lib. XII. conf. MENAG. Hist. mul. philos. n. 79. p. 500.
^w) Patet id ex apophthegmatibus eius apud CLEM. ALEX. Strom. L. IV. p. 522.
^x) IAMBlich. c. XXVII. n. 132.
^y) l. c. add. FABRIC. Bibl. Graec. Vol. I. p. 512. Matrem et filiam fuisse cognominem quibusdam placuit, et ad hanc epistolae relatae, quae sub Theanus nomine circumferuntur, et GALEVS inter scripta Pythagorea exhibet Op. Myth. p. 740 seq. De quibus tamen epistolis quid sentiendum sit, aliquoties iam dictum est.
^z) SVIDAS l. c. PORPHYR. n. 3.
^a) PORPHYR. n. 3.
^b) IDEM l. c. IAMBlich. SVIDAS II. cc. Anonym. PHOTII p. 57. BENTLEY, Apol. ep.

Phalar. p. 383. DODWELL. de aetate Pythag. p. 124. MENAG. l. c. FABRIC. l. c. p. 509.
^c) LAERT. L. VIII. f. 42. IAMBlich. c. XXVIII. n. 146. MENAG. l. c. n. 90.
^d) SVIDAS in Pythag. l. c. ^e) l. c.
^f) Vid. laudati MENAGIO et FABRICIO II. cc. PORPHYRIUS l. c. scripta haec suo adhuc tempore extare dicit.
^g) Apud PORPHYR. n. 10 seq.
^h) LAERT. L. VIII. f. 2. quosque ad h. l. in partes vocat MENAGIVS, STRABOL XVI. p. 762. L. VII. p. 297. ORIG. contra Cels. L. III. p. 144. CYRILL. contra Iul. L. VI. p. 208.
ⁱ) n. 104.
^k) n. 15.
^l) Lib. IV. c. 95. 96. conf. BENTLEY, p. 58. ELOYD, l. c. CLERIC. l. c. p. 90.

uios honores tribuerunt; vnde longe antiquiorem fuisse necessario sequitur. Videturque vel nominis eiusdem seruum habuisse Pythagoras, confusum postea cum legislatore Getarum, vel affinitas quaedam doctrinae de statu animarum post mortem Graecos induxisse, vt hunc quoque Pythagorae discipulum crederent, licet multo prius hoc dogma habuerint Scythae et Hyperborei; vel absurda Pythagoreorum consuetudo, omnes viros celebres inter barbaros vel magistros vel discipulos Pythagorae constituendi, hunc Zamolxim seruum effinxisse.

§. XIII. Certiora, haecenus traditis, non sunt, quae de morte Pythagorae veteres passim narrant, cuius et tempus et genus varie refertur. *Mors.* Ol. LXVIII. obiisse, duo msc. Codd. Chronici Eusebiani notant, quae recta sunt, si supponatur, natum esse Ol. XLVIII. et LXXX annos expleuisse, quod Heracliti assertum apud LAERTIVM^m. Alii tamen eiusdem Chronici codices, quos secutus est magnus SCALIGER, O. LXX. 4. ponunt, quod tempus et illis placet, qui XC. annos viuendo attigisse Pythagoram statuunt; quos sequitur etiam LLOYDIVSⁿ. Alii, quorum calculos sequitur DODWELLVS, quique centenario proximum obiisse, Hermippo apud LAERTIVM^o credunt, Olymp. LXXVII½. ponunt. Anonymus vero PHOTII CIV. annos vitae cursu absoluisse dum tradit, ab omnibus, qui ex veteribus de morte Pythagorae retulerunt, deseritur. Nec mirandus hic dissensus est, cum satis negligentes veteres, ad quorum fidem tamen recurrendum est in constituendo die Pythagorae emortuali, in rationibus temporum annotandis fuerint. Nec magis certa sunt, quae de mortis genere et causa passim apud veteres narrantur. Et hoc quidem dubio carere videtur, Pythagoram eiusque discipulos, quibus singularem vitae rationem et consuetudinem valde a reliquorum hominum vita abeuntem praescripsit, et morum singularitate et reiectione eorum, qui explorati non ad societatem eius admittebantur, et legum nouarum publicatione et rerum publicarum, quam moliebantur, emendatione et immutatione, inuidiam iramque incolarum magnae Graeciae, praecipue Crotonae, Metapontique in se concitasse, qua ad opprimendum Pythagoram eiusque discipulos et factionem conspirauerint^p. Qua vero ratione id euenerit, diuersissime narrant veteres. Heraclides apud LAERTIVM^q, Pythagoram ait, postquam in Delo Pherecydi iusta persoluiisset, rediisse in Italiam, et cum in domo Milonis Crotoniatae conuiuii celebritatem offendisset, Metapontum venisse, ibique cum viuere diutius nollet, inedia vitam finiuisse. His vero chronologia Pherecydis obstat, quae manifeste euincit, maturius hoc Pythagorae in Delum iter ab eo susceptum esse, de quo supra cum actum sit, nihil hic repetimus. Aliter Hermippus apud eundem LAERTIVM^r: bello

Nnn nnn 3 inter

^m) Lib. VIII. f. 44. conf. MENAG. ad h. l. LLOYD. l. c. CLERICVS p. 124.

ⁿ) l. c. citati.

^o) f. 40.

^p) Proluxe hoc enarrat Apollonius apud IAMBLICH. c. XXXV. n. 25 seqq.

^q) Lib. VIII. f. 40.

^r) ibid.

inter Agrigentinos atque Syracusanos exorto, Pythagoram exiisse cum focis, Agrigentinis opem laturum: his autem in fugam versis, illum in fabarum campum incidisse, quem cum circumire vellet, a Syracusanis fuisse interfectum. Reliquos vero, ad triginta quinque Tarenti fuisse crematos, cum primariis ciuitatis in reipublicae administratione contraire vellent. Quae mire placent DODWELLO^{c)}, cuius chronologicae rationes cum narratione Hermippi reliquis melius concordant. Verum omni prorsus caret verisimilitudine^{d)} virum nonagenarium, qui per totam vitam non Marti, sed Musis litauerat, relicta schola in bellum profectum praelio interfuisse, et Pythagoream sapit fabulam, maluisse Pythagoram occidi, quam fabas in agro florentes pedibus proculcare. Alii ita rem narrant^{e)}: confedisse Pythagoram in domo Milonis, cum focis, eam vero domum quempiam ex his, quos ille admittere noluerat, per inuidiam incendisse, vel, secundum alios, ipsos Crotoniatas tyrannidis suspicione et metu hoc perpetrasse, Pythagoram igitur cum per incendium euasisset, solum relictum esse, et in agrum quendam fabis plenum intrantem ibi constituisse, ac dixisse: Capi praestat, quam has dari pessum, caedique satius est, quam loqui, (vel in moerore potius vagari^{f)}) atque ita iugulum persecutoribus nudasse, compluresque ex discipulis circiter XL. fuisse interemtos, paucos effugisse, interque hos Archytam Tarentinum et Lysidem. Quae ex Aristoxeno atque aliis IAMBlichVS^{g)} atque PORPHYRIUS^{h)} ita prolixius exponunt: Infidias Pythagoreis a longo tempore structas esse: tandem conspirauisse contra eos Crotoniatas. Cylonem enim Crotoniatam, hominum potentem et violentum, sed a Pythagora reiectum, a quo in consortium recipi anxie cupiebat, cum factione sua aduersus Pythagoram eiusque amicos consurrexisse. Pythagoram itaque odio cedentem, Metapontum se contulisse, ibique mortuum esse. Etsi vero aliquandiu Pythagorei se virtute sua sustinerent, ramen Cyloniorum infidiis factum esse, vt domus Milonis in qua Pythagorei de militia deliberaturi, confederint, igne subiecto cum ipsis viris combureretur, duobus tantum dilapsis, Archippoⁱ⁾, qui Tarentum petierit, et Lyside, qui in Graeciam abierit, Thebasque profectus Epaminondam docuerit: reliquos Pythagoreos omnes, Archyta Tarentino excepto, Italia emigrasse, atque Rhegium confluentes, ibi vna vixisse. Dicaearchus vero apud PORPHYRIUM^{j)}, ipsum Pythagoram adfuisse ait, cum illa conspiratio erumperet; et ab amicis comprehensum, primur Caulonium portum, inde Locros petiisse. Reiectum a Locrensis Tarentum vela fecisse, et eodem ibidem, vt Crotone, modo exceptum Metapontum abiisse, vbique seditionibus in Pythagoreos orientibus. In Metapontina vero factione ipsum periisse Pythagoro-

c) l. c.

d) Conf. CLERICI l. c. p. 157. conf. MENAG. ad LAERT. l. VI. f. 39. BAYLE l. c. not. P.

e) LAERT. l. c. 39.

f) Vid. I. CASAYB. ad h. l.

g) Cap. XXXV. n. 248 seqq.

h) n. 54 seqq.

i) Ita melius legi, quam apud alios Archytam, ex dicendis infra de hoc philosopho patebit,

j) n. 20.

thagoram, cum ad Musarum aedem confugiens necessariis omnibus destitutus in ea permanisset. Sunt et alia, quae diuersimode narrantur, quibus non immoramur, nec enim in tanto veterum diffensu certi quid statui potest, praeter hoc vnum, ipsam Pythagoreae societatis constitutionem delendae sectae occasionem dedisse, et Pythagoram senio grauem oppressisse: in reliquis enim circumstantiis passim ἀπύσματα regnant. Post mortem, qui viuus numinis instar cultus erat, non minore superstitione Dei instar honoratus est. Crotoniatae domum eius in aedem Cereris conuerterunt^d; et per nomen eius iurauere sectatores^e: statua quoque, Deorum monitu ipsi posita est^f a Romanis, vt taceamus Carpocratianos eius imaginem Iesu imagini iunxisse^g. Ceterum, vt hoc quoque addamus, multi fuere Pythagorae^h, quorum vnus et alter philosophi temporibus vixit, quorum cum nostro confusio historiam Pythagoricam mire turbauit, imprimis Pythagoras Lacedaemonius Numae coaeuus et Pythagoras Samius pugil, quorum res nostro passim perperam tribuuntur.

§. XIV. Non minori sententiarum diuortio disputatur, vtrum Pythagoras aliquid scripserit, scriptumue reliquerit? Affirmatiuam tanta fiducia sequitur LAERTIVSⁱ, vt contrarium sentientes nugari dicat, et ad Heraclitum prouocans tria eum volumina scripsisse ait, *de institutione, de ciuitate, de natura*, siue *paedeuticum, politicum, physicum*. Fuisse enim ait, ex Heracliti testimonio historiarum prae aliis omnibus peritum, veterumque scripta euoluentem inde suam sapientiam collegisse, polymathiam artesque vastras, (καλοτεχνίην). Heraclides vero Serapionis filius in epitome Sotionis^k sex eius tractatus commemorat, primum *de vniuerso*, metrīce scriptum, secundum, *sermonem sacrum*, tertium *de anima*, quartum *de pietate*, quintum *Helothalem*, quod nomen fuit parentis Epicharmi; sextum *Crotonam* aliosque tractatus duos, vnum *de natura*, alterum *de Diis*, quibus comprehensam doctrinam exiguo tempore Abarim docuerit, memorat IAMBlichVS^l: quorum alter *sermonis sacri* titulo insignitus fuisse, et ex arcanis maxime Orphei doctrinis decerptus dicitur, vel ab ipso Pythagora concinnatus, vel ex commentariis Pythagorae, quas Damoni filiae reliquerat, a Telaugē conscriptus, de quo supra in historia

Scripta.
Or-

c) Epitaphia quaedam exhibet LAERTIVS f. 44 seqq.

d) LAERT. f. 15. IVSTINVS L. XX. c. 4. PORPHYR. n. 4. conf. Otium Vind. Mel. III. §. 8. p. 270.

e) PORPHYR. n. 20. et HOLSTENIVS atque RITTERSHVS. ad h. l. HEROCLES in aur. carm. p. 225. 230. conf. OMEIS ethic. Pythag. pag. 113. IAMBlich. n. 28. Otium Vindel. p. 272.

f) PLVT. in Numa T. IV. PLINIVS H. N. L. XXXIV. c. 6. conf. BAYLE l. c. not. A. Quosdam statuas Sami a Polycrste in Iunonis templo erectas Pythagorae fuisse statuentes refutat APVLEIVS in florid. l. c.

g) AVGVSTINVS de haeres. ad Q. V. D. n. 7. T. VI. Opp.

h) LAERT. L. VIII. f. 46. decem enume at. quibus tres addit STANLEYVS p. 698. conf. MENAG. ad l. c. Laert. MEVRS. ad A. istoxen. p. 150. viginti nominat, IONS. de Scr. Hist. phil. L. IV. p. 343. viginti nouem. conf. DODWELL. l. c. p. 114. FABRIC. Bibl. Gr. Vol. I. p. 451.

i) Lib. VIII. f. 6. conf. CLEM. ALEX. L. I. Strom. p. 332.

k) LAERT. L. VIII. f. 7.

l) Cap. XIX. n. 90. Obseruauimus vero Amoen. lit. T. VII. p. 198 seq. locum hunc eum sensum habere posse, docuisse, Pythagoram Abarim ea, quae postea libris istis duobus comprehensa sunt.

Orphei mentio facta est ^m. Alia, passim memorata, et in his librum *de virtutibus medicis herbarum*, quem pertinacem famam antiquitatemque Pythagorae tribuere PLINIVS ⁿ dicit, praeterimus ^o. Quae veterum suffragia recentiores etiam quosdam in partes traxere. Fuerunt tamen inter veteres et numero et auctoritate potiores, qui candide fassi sunt, nullum, quod genuinum esset, Pythagorae scriptum extare, nec scripsisse quicquam Pythagoram, in quorum numero est PLVTARCHVS ^p, IOSEPHVS ^q, LVCIANVS ^r, PORPHYRIUS ^s, ARISTIDES ^t hisque tempore posteriores multi, et recentiores quoque plerique, quorum nomina alio loco produximus ^u. Nec dubitamus huic parti probabiliore rationes sequenti accedere, natura potissimum et indole philosophiae Italicae methodique a Pythagorae deamatae adducti. Postea enim indubitatis veterum testimoniis euincemus, Pythagoram sollicitè cauisse, ne quid doctrinarum suarum in vulgus emanaret, huncque in finem et τὸ αὐτὸς ἐφ' ἧς introduxisse, et symbolicam methodum adhibuisse, et iusiurandum interposuisse. Cui curae respondere non potuit stilum consignandi doctrinam suam, peculiaribus syngrammatibus. Etsi vero pertinaciter pugnare nolimus, Pythagoram quaedam, quae ad alias rerum suarum rationes pertinebant, scripto forte consignasse, adeo tamen hoc ad doctrinas philosophicas trahi non potest, ut potius ab his argumentum peti queat, Pythagoram nullum librum philosophici argumenti scripsisse. Refert enim IAMBLICHVS ^x, quicquid scriptum reliquerit Pythagoras, morientem Damoni filiae commendasse, monitae, ut secretum custodiret, quae parentis quoque iussis mordicus inhaeserit. Quod sua abscondendi studium si in ἐξοτερικῆς tam diligenter seruauit Pythagoras, quis credat τῶν ἐσωτερικῶν librum eum consignasse? Parum vero nos mouent scripta Pythagorae apud veteres passim tributa. Ut enim taceamus, nomen Pythagorae ὁμώνυμον occasionem quibusdam dedisse, libros Pythagorae Samio supponendi, e.g. Pythagorae medici scripta ^y, ipsum Pythagoreorum studium meletemata sua more seculi ad magistrum referendi, hos libros Pythagoricos aperte produxit. Quod ipsius IAMBLICHI ^z testimonio probamus, testantis, discipulos Pythagorae, quae ex ore eius audita exceperunt, et in literas retulerunt, ea ne pro suis quidem venditasse, sed retulisse ad Pythagoram tanquam quae ipsius essent. Plura, alio loco prolixius exposita ^a, hic non cumulamur, sed Diaearchi aliorumque accuratiorum, ut ipse monet PORPHYRIUS ^b, auctorum fidem et relationem sequimur: *Pythagora prae*

^m) Conf. MENAG ad Laërt. L. VIII. f. 7. FABR. Bibl. Gr. Vol. I. p. 119. Cerepi Pythagoreo tribueb. t. Epigenes, Hippo. LAERTIVS, Aeginetae SVIDAS. Fuit vero duplex, unus metricus, alter prosaicus dialecto Dicaeae scriptus.

ⁿ) L. XXIV. c. 17. conf. L. XIX. c. 5.

^o) Enumerat omnia scripta Pythagorae tributa FABRIC. Bibl. Graec. Vol. I. p. 453.

^p) De fortuna Alexandri T. II. Opp.

^q) Contra Apion. T. I. p. 1046.

^r) De lapsu in salut. T. III. p. m. 198.

^s) l. c. n. 57.

^t) Oat. II. pro Rhet. T. III. p. 495.

^u) l. c. Amoen. lit. conf. FABR. l. c. p. 452.

^x) Cap. XVIII. n. 146.

^y) LAERT. L. VIII. f. 47. collato PLINIO L. XIX. c. 5.

^z) Cap. XXIX. n. 158.

^a) Amoen. lit. l. c.

^b) n. 57.

prae moerore propria manu e viuis sublato, exustisque igne discipulis, unum alterumque, et in his Lysidem et Archippum euasisse, qui deficientem cum combustis, quam hucusque in pectoribus arcanam reconditamque custodierint, praeter quaedam intellectu difficilia, quae exterioris admissionis auditores memoria repetebant, scientiam, exiguos scilicet philosophiae igniculos, obscuros eos admodum et peruestigatu difficiles conseruarint, verentesque, ne philosophiae nomen inter homines interiret penitus, commentaria quaedam summatim composuerint, et antiquorum scriptis et eorum, quorum ipsi meminerant, in vnum redactis. Illud certum est, et a IAMBlichO quoque concessum: inter tam multa annorum curricula et aetates nihil vnquam Pythagoricorum hypomnematum confectum elaboratumque apparuisse, ante Philolai tempora, qui primus libros Pythagoricos tres Dioni vendidit, vt in Platone dictum. Inter scripta vero Pythagoreorum, praeceptori praeter rem tributa nullum est celebrius aureis carminibus, licet ea exotericam magis, quam interiorum doctrinam contineant, quae docto commentario illustrauit Hierocles. Illa enim non Pythagorae, sed Pythagoreis tribuenda esse, veteres, ipsique Platonici non negant, et ex dictis facile colligi potest. Num vero vel Lysidis, vel Philolai, vel Epicharmi, quod STANLEIUS putat, vel Empedoclis, quae FABRICII coniectura verisimilitudine non destituta est, opus sint, in tanta rei incertitudine definiri non posse putamus. Vfus vero est Pythagoras et sequaces plerumque dialecto Dorica, cuius tunc vsus frequentior erat in parte Italiae inferiore: idque etiam fragmenta Pythagorica hodiernum extantia docent.

§. XV. Haecenus inter densas incertis viis syluas oberrauimus, ipsius Pythagorae historiam vitamque describentes; parumque plani certique vidimus; paulo clarior iam lux affulget et femita expeditior, vbi ratio docendi a Pythagora adhibita explicanda est, in qua delineanda veteres non adeo dissentiunt. Cuncta tamen inter se distinguenda sunt, probeque separatim expendenda, cum confusio et huic parti tenebras induxerit. Pleraque vero, si veteres consulimus, ad haec potissimum momenta redeunt:

I. Auditorum atque discipulorum accuratum ante omnia discrimen Pythagoras instituit, methodumque duplicem, vulgarem nempe et arcanam, quam

*Ratio docendi
Pythagorea.*

*Auditores
duplicis ge-
neris.*

c) c. XXXI. n. 200.

d) Fuisse eos tres libros supra ex Laërtio adductos verisimillimum est, recteque obseruatum FABRICIO l. c. p. 453.

e) Non obstat haecenus dictis Heracliti testimonium, ad quod prouocat Laërtius, illud enim non dicit, Pythagoram libros ex aliis conscripsisse, sed hausisse eum sapientiam suam ex monumentis inter peregrinandum collectis; frustra haec trahit Laërtius ad initium libri physici. Tria enim illa syngrammata studiose occultata cum primus publicauerit Philolaus, ea videre Heraclitus non potuit, pulchre hoc ex ipso LAERTIO

TIO s. 15. obseruante DODWELLO, de aet. Pythag. p. 119 seq. Nec antea potuit eos inspicere Heraclitus, qui Pythagoreorum sectae addictus haud fuit, sed neminem audiuit. Quae vero pro asserendis Pythagorae scriptis attulit LEO ALLATIUS de script. Socratis erudite repressit B. OLEARIVS pec. diss. quae STANLEII hist. phil. P. III. p. 198. inserta est.

f) Dicitur de eo T. II. suo loco.

ff) Vide nominatos FABRICIO l. c. p. 460.

g) Hist. phil. P. VIII. p. 699.

b) l. c. p. 461.

i) IAMBlich. c. XXXIV. n. 241. qui prolixè de causa adhibitae dialecti Doricae disserit.

*Exoterica
doctrina.*

quam in Aegypto non sine magno sacerdotum commodo et auctoritatis atque emolumentorum incremento adhiberi didicerat, in usum quoque traduxit. Adaptasse enim Pythagoram scholae suae faciem, quantum circumstantiae patiebantur, Aegyptiacis scholis, instituta comparatione facile euinci potest. Scilicet non perire passus est vir callidissimus, quae magnis molestiis, et sumtibus didicerat in Aegypto, quaeque ad extollendam instituti, quod meditabatur, auctoritatem, nominisque, quam quaerebat, famam ad diuinitatem relatum, augendam facere posse nouerat. Publica itaque oratione laudabat quotodie virtutem, et vitia luxuriae, casusque ciuitatum ea peste perditarum enumerabat; matronarum quoque separatam a viris doctrinam, et puerorum a parentibus frequenter habebat. docebatque nunc has pudicitiam et obsequium in viros, nunc illos modestiam, et literarum studium, hasque disputationes assidue instituebat, ut prolixè IAMBlichVS^k, paucis IUSTINVS^l tradit. Ita docebat in templis, in gymnasiis, aliisque locis publicis. Hi vero auditores ad scholam Pythagorae proprie non pertinebant, sed sua consuetudine vitaeque instituto ac legibus vivebant, et a genuinis Pythagorae discipulis pro profanis, atque extraneis habebantur^m, scilicet qui indigni essent, ut intimioris sapientiae fierent participes, cum e contrario intimioris admissionis discipuli, amici, focii, familiares vocarentur, nominibus his speciali significatione ad eos ita applicatis, ut non nisi in intimam disciplinam admissos significarentⁿ.

Esoterici.

II. Praeter hos publicos Pythagorae auditores erant alii quoque, qui disciplinae eius propius se dederant. Refertque IAMBlichVS^o, sexcentos fuisse, quos non tantum ad capeffendam philosophiam oratione sua permouerit, verum etiam dicto suo audientes habens, bonorum vitaeque communione iunxerit, unde *κοινέσιαι* nominati sint, quae vox una cum simili instituto non ad philosophos tantum, sed ad Christianos quoque transit^p. In hanc vero communionem qui volebat recipi, seseque Pythagorae ad discendum obtulerat, cum prius *ἐφύτιονονόμεναι*, qua voce utitur GELLIVS^q, id est ex vultu reliquisque habitus externi morumque circumstantiis animi inclinationem atque dispositionem explorabat, atque diiudicabat. Primo enim, ut luculenter IAMBlichVS^r exponit, inquirebat, quo affectu quis parentes aliosque familiares fuisset profecutus: deinde notabat risus ipsius intempestiuos, silentium, sermonisque abusum: tum quo cupiditatibus modo indulgeret, quos haberet sibi familiares, et quo pacto cum iis viveret; denique quibus potissimum rebus interdum vacaret, quibus idem gauderet,

*Eorum ex-
ploratio.*

^k) c. VIII. seqq.

^l) L. XX. c. 4.

^m) IAMBlich. c. XXXII. n. 237.

ⁿ) ib. c. XXXV. n. 257. SVIDAS T. I. v. *ἐταῖρος* p. 876. SCHEFFER. de nat. phil. Ital. c. XI. p. 99 seqq.

^o) c. V. n. 29.

^p) A Pythagoreis ad Iudaeos in Aegypto transfuisse infra T. II. de therapeutis acturi docebitur, inde ad ascetas, et ab his ad monasteria institutum peruenit. Obseruauit id ipse HOLSTENIVS ad

PORPHYR. n. 20. p. 27. qui et similia ab aliis philosophis suscepta esse, erudite docet.

^q) N. A. L. I. c. 9. ubi luculenter de disciplina Pythagorica agit, quod Gellii caput de isto commentario illustrat IOH. SCHILTERVS diss. de discipl. Pyth. §. XIX seqq. suffragia manud. phil. m. r. ad lurspr. p. 532 seqq. conf. IAMBlich. c. XVII. n. 71. SCHEFFER I. c. c. XVII. p. 108 seqq.

^r) I. c. L. XX. n. 94. PORPHYR. n. 33. SCHILTERVS et SCHEFFERVS II. cc.

deret, doleretue: inspiciebat et vultum et incessum, et totius corporis motum, atque ex natiuis faciei lineamentis ipsos ita noscitabat, vt manifesta indicia obscuris animorum inclinationibus indagandis adhiberet. Quin et, quod IDEM alio loco * addit, ad animi commotiones virtutesque tum intellectus, tum voluntatis attendebat, obseruabatque inter explorandum, an capaces essent, ea silentio custodire, quae didicissent, deinde, an essent modesti, an vehementiori affectui succumberent, an contentiosi, an ambitiosi forent, si instructi a bonis moribus viderentur, tum porro in docilitatem et memoriam inquirebat; initio quidem, an prompte et perspicue assequerentur, quae dicta erant: deinde quo amore, quaeue moderatione tradita amplecterentur? et an abesset animi ferocia suae institutioni inimica, placidaeque et tractabiles sequerentur mores. Atque haec in probatione discipulorum spectabat, hucque ducebat prima eorum exercitamenta: sicque exploratos aptos quos deprehenderat ad societatem admittebat, sin vero ineptum quempiam deprehenderet, eum tanquam alienum (ἄλλόφυλον) et extraneum procul reiciebat, cuius exemplum supra in Cylone habuimus reiecto, quod toti postea societati interitum attulit.

III. Neque vero ita exploratos initima mox admissione dignabatur, sed purgandis a cupiditatum imperio animis intentus, per varias ἀσκήσεις siue *Exercitationes philosophicae.* exercitia philosophica probabat, et an superandis cupiditatibus suffecturi essent, tentabat. Id vt efficaci quadam ratione efficiret, primariis animi cupiditatibus, voluptati, superbiae et avaritiae, peculiaria afflictionum et molestiarum genera opponebat, quam tamen initiandi rationem non excogitauit ipse, sed apud Aegyptios, reliquosque, quos adierat, sacerdotes, didicit, apud quos eiusdem fere generis initiationes vsu venisse, aliquot locis supra notauimus. Voluptati vt temperantiam opponeret, tenui eos victu potuque affuefaciebat, qui nec palatum delectaret, nec cupiditates irritaret, vnde et carnum, nisi quae ex sacrificiis essent, vsu prohibuit, qua de re postea, vbi de victus ratione Pythagorea agendum erit, commode magis dicetur. Nec potus alius admissus praeter aquam, nisi vesperi, vbi explorationi adhuc subiectis vini parum permittebat. Imprimis vero abstinentiam ita eos exercere iubebat *; apparato omni cupediarum genere, quae in solennioribus conuiujs apponi solent, cum diutissime oculos suos pauissent, eoque spectaculo cupiditates natura infitas ad esum prouocassent, statim mensam tolli, atque ita impransos abire iubebat. Vestimentis autem vt in aliis patiebatur, quam quae puritatem et humilitatem spirarent. Somni porro tentaturos iubebat esse parcissimos; quaeque alia noscebat ad cupiditates

Ooo ooo 2

extrin-

*) n. 94.

*) Conferenda erudita B. BVDDEI diss. de ἀσκήσεις philosophica Anal. histor. philos. p. 109 seqq. et diligenter excutiendum argumentum, quod propter similitudinem institutorum inter Christianos receptorum multam lucem historiae sacrae foenerabitur. Pythagoreos enim ascetae imitati sunt, vt erudite probauit S. Reu, S. DEVLIN-

GIVS Obs. SS. T. III. p. 443 seqq.

u) Videndi interim IAMBlichVS c. XXIV. n. 106. PORPHYR. n. 34. LAERT. L. VIII. c. 19. SCHEFFER. l. c. XIV. p. 140 seq.

x) Esotericis vinum plane prohibebat, conf. IAMBlich. n. 108. SCHEFFER. p. 149. BVDDEVS l. c. p. 419.

y) DIODORVS in Excerpt. Valef. p. 245.

extrinsecus accerfitas, vt voluptates fouerent, extinguendas imperabat, cuius rei rationes philosophicas eleganter enarrat IAMBlichVS^z, omnino hac de re ipse legendus. Quin et innatae omnibus intemperantiae diuersissima experimenta et castigations, ac igne ferroque peragenda sufflaminata, quae homines ignaui sustinere aut pati non possent, opponebat, vt ita non voluptates tantum supprimeret, sed et fortitudini animam assuefaceret^a. Quem cruciatibus animum purgandi morem ab Indis didicisse SCHEFFERO quidem visum est^b, quos similia instituisse libro primo docuimus: quia vero incertissimum est, vtrum Pythagoras vnquam ad Indos penetrauerit, verisimilius creditur, apud Aegyptios hunc morem vidisse, qui apud omnes fere barbaricae philosophiae et theologiae antistites receptus fuit^c. Superbiae opponebat contemptum. Quem enim externa exploratione praenissa ad interius tentamen admiserat, eum triennio contemptum haberi iubebat: nec tamen intermittebat, eius constantiam, verumque discendi studium, et an aduersus gloriam satis firmus honorisque contemptor esset, obseruare^d. Quae etiam ex Aegypto petiisse Pythagoram, facile ex PORPHYRIO^e, discere potuisset SCHEFFERVS^f, fontes, vnde has ἀτκήσεις hauserit, Pythagoras perquirens, vbi κακοπάθειαν καὶ προσάγματα σκληρά, afflictiones et aerumnas durissimas Pythagoram sustinuisse, is disertè testatur. Ita contemptui animum assuefcerent, a condiscipulis variis interrogationibus, obiectionibus, conclusionibus, fallaciis vexati sunt, qui mos ad nostras quoque scholas inde deriuatus fuit^g. Forte ad hanc exercitationem pertinet, quod ATHENAEVS^h narrat, Pythagoreos squalidis vsos esse vestibus: hoc enim ad omnes promiscue discipulos non posse referri, inde colligi potest, quod veste pura et candida, vti postea dicitur, vsi fuerint: vnde recte coniicitur, tentationi adhuc subiectos ita humilitatem didicisse: licet et hoc ex Pythagoreorum consuetudine certum sit, sacris operaturos etiam initiandos stola alba amictos fuisseⁱ. Auaritiae opposuit Pythagoras spontaneam paupertatem; non enim paucissimis tantum contentos viuere iubebat, sed et omni facultatum suarum imperio priuabat. Quicquid enim possidebant, in commune conferre tenebantur; haec bona dispensanda committebantur discipulorum iis, qui ei rei destinati erant, Politicique et Oeconomici dicebantur, vt qui legibus ferendis familiaeque regendae idonei essent^k. Pertinuit tamen haec bonorum communio non ad solos ac-

Bonorum
communio.

z) c. XXXI. n. 204 seqq.

a) ib. c. XVI. n. 68. c. XXXII. n. 225.

b) l. c. p. 138. cum sequitur, BVDDEVS l. c. p. 422 seqq.

c) Apud eos enim istis βασιλείαι exercitum Pythagoram fuisse testatur PORPHYRIUS n. 8.

d) IAMBlich. c. XVII. n. 72.

e) l. c.

f) l. c. p. 137.

g) Hinc enim origo vexationum Academicarum, quae depositiones vocari solent, deriuanda, conf. BVDDEVS l. c.

h) L. IV. p. 161.

i) IAMBlich. c. XXVIII. n. 149. Ita conciliari inter se possunt veteres, contraria narrantes, conf. SCHEFFER l. c. p. 152. BVDDEVS l. c. p. 429.

k) IAMBlich. c. XVII. n. 72. GELLIVS l. c. Dubitat quidem SCHEFFERVS l. c. p. 155. locis quibusdam Iamblichi inductus, putatque acusmaticos sua habuisse propria, sed refelli ex eo potest, quod, vbi reiecti fuissent, sua receperint, vnde ad aerarium societatis sua deposuisse certum est. Obignabatur tamen, vt testatur PSEVDORIGENES philosophum. c. II. p. 44. quod deposuerant, vt recipere possent.

smaticos et initiandos, sed omnem societatem Pythagoream obstrinxit, quippe quae communi consortio, siue coenobio viuebat: amicorum enim omnia communia esse debere, et aequalitatem inter eos accuratam obseruandam, quae nihil sibi proprium reputaret, identidem discipulis iniungebat ^l. Et si vero haec bonorum societas, quam diu cum Pythagoreis quis viuebat, durabat, vnde inseparabilem dixit GELLIVS ^m, licebat tamen, si quem instituti poenituisset, tum facultates suas, quas ad commune contulisset, repetere, tum enim etiam cum augmento recipiebat et sic discedebat ⁿ.

Tandem vt haec omnia vno quasi vinculo exercitia inter se colligaret, echemythiam illis, quae vox Pythagoreorum solennis fuit, siue silentium indixit. Vbi, non confundendum est hoc exotericorum silentium, cum sacro silentio, quo omnes Pythagorae discipuli iure quoque iurando obstringebantur, vt nemini, qui extra sectam esset, quicquam doctrinarum Pythagoricarum proderent, id enim ad omnes sectae huic addictos pertinebat et sanctissime seruabatur. Qui vero in disciplinam eius recipi cupiebant, eis vel quinquennii vel triennii, vel biennii, prout circumstantias postulare credebat, silentium imperabat ^o. Quo manu eos ducere voluisse contendit IAMBlichVS ^p, ad linguam refrenandam, et intentum atque indefessum examen difficiliorum speculationum, earumque rurationem; alias rationes, a Pythagoreis adductas, cur molestissimum magister silentium introduxerit, breuitatis causa praeterimus ^r. Nec negari forte prorsus debet, attentionis, imperii in linguam, modestiae et tranquillitatis studium ita commendare discipulis voluisse Pythagoram: valde tamen dubitamus, an hic solus hominis callidissimi scopus fuerit, et annon affectatae auctoritatis causa, vtque pro Deo quodam haberetur, mature seruo obsequio discipulos affuefecerit, vt tanquam ex tripode dicta effata sua reciperent, et pro diuinis ea haberent, quod consecutum quoque eum esse, vt inter suos numinis instar coleretur, veteres constanter tradunt ^r. Non solum enim in prolegomenis monuimus, ad eiusmodi philosophorum circumstantias attente respiciendum esse, propter influxum, quem in constituendis doctrinis earumque methodo plerumque seruauerunt, sed in plerorumque etiam philosophorum systematibus certis rationibus conflatis id vfu venisse, haecenus obseruauimus; adeoque scopum quoque hunc Pythagorae tribuere eo minus veremur, quo magis plurima eius rei haecenus accepimus testimonia. Certe et silentio isto, et receptione coeca omnium, quae tradebat, dogmatum auctoritatis praeiudicium firmauisset, nemo temere negabit, nec male

Echemythia.

Ooo ooo 3

vir

^l) citati, PORPHYR. n. 20. inde coenobiorum in ecclesia originem reperendam esse, recte vidit HOLSTENIUS ad h. l. Plura de hac communione bonorum habet IAMBlichVS c. V. n. 29. c. VI. n. 30. c. XVIII. n. 81. c. XXX. n. 168.

^m) l. c.

ⁿ) IAMBlich. n. 168.

^o) IAMBlich. c. XVI. n. 68. 72. GELLIVS l. c. APVLEIUS l. c. AELIANVS l. IV. c. 6.

PSEUDO-ORIG. l. c. LVCIANVS vit. aust. T. III. p. m. 102. LAERT. L. VIII. f. 10. aliique multi.

^p) l. c.

^q) Prolixius eas exponunt RITTERSHVS. ad Malch. n. 19. p. 20. SCHEFFER. c. XII. p. III. SCHILTER. l. c. p. 545. PASCH. introd. in rem lit. moral. vet. c. IV. § 8. p. 662.

^r) IAMBlich. n. 30. 150. AEL. L. IV. c. 27. PORPHYR. n. 20.

vir quidam doctissimus paedantissimi philosophico - didactici ideo Pythagoram accusavit ^s. Non tacebimus tamen duo momenta, quae opposuere viri quidam eruditissimi. Primum SCHEFFERVS ^x monet, visum esse quibusdam hoc silentium tantum ad negatam interrogandi de auditis et recitatis postfundona doctrinis licentiam pertinere; cum iis, teste GELLIO ^y fas neque fuerit percontari, si parum intellexerant, neque commentari, quod audierant, contra morem aliorum philosophorum, inter quos antiquissimum philosophandi genus fuit per quaestiones et responsiones. Recte vero idem quoque monet, aliter de hoc silentio loqui veteres, et ad omnem linguae usum negatum extendere. APVLEIVS ^z enim silentium hoc vocat vocis exilium, et initiandos hos elingues, quique loquitari dediscant, linguamque omnem coërceant. Nec aliter LVCIANVS et PLVTARCHVS ^z, vt alios praetereamus. Etsi vero facile concedi queat, eis extra philosophandi exercitia occupatis pauca quaedam ad esotericos, quae vitae necessitas requirebat, licuisse profari ^z, certum tamen est, si veterum testimoniis standum est, ipso philosophandi studio districtos et disciplinae coenobii Pythagorei adstrictos linguam ab omni voce edenda continuisse. Alterum obiicit acutissimus HEVMANNVS ^a, non satis euidenter euictam esse huius silentii existentiam, testibus, qui de eo loquuntur, nimis a Pythagorae aetate remotis. Quod licet non inuiti concedamus, et de tota Pythagorea historia supra obseruauerimus, deesse nobis testes omni exceptione maiores et coetaneos, ob arcanam disciplinam ab his philosophis deamatam, et mature extinctam sectam, tantus tamen inter veteres de hoc silentio consensus est, vt verisimilitudine non careat, praecipue cum rationibus Pythagorae, quas in constituenda hac societate philosophica secutus est, apprime conueniat. Accedit, quod iam innuimus, silentii rationem per se rem Pythagoreis fuisse sanctissimam, eosque de rebus et doctrinis scholae suae, imprimis de iis, quae ad res naturales et diuinas pertinebant ^b, tam pertinaciter tacuisse, vt maluerint mortem perferre, quam de iis quaedam propalare in vulgus, iureiurandi interposita et ad haeredes quoque et successores propagata fide ^c, id quod ex Aegypto quoque in suam scholam Pythagoras transtulit. Cui silentio sectae, vt disciplina quoque inferuaret, vero valde est simile, mature silentio seruando eum discipulos assuefecisse ^d. Sed nondum durissimae disciplinae satis erat, verum nec videre licuit initiandis Pythagoram, nec audire aliter nisi post velum loquentem ^e, nec erudiri contingebat ab ipso, sed tantum ab vno esotericorum, qui praecepta magi-

^s) cel. DAV. KOELERVS pec. diff.

^z) l. c. p. 117.

^y) l. c.

^x) l. c.

^y) locis supra citatis.

^z) Verisimile enim non est, plane nihil, etiam extra disciplinam constitutis loqui licuisse, cum societatis ipsius ratio et necessitas aliud postulauerit.

^a) Aët. philos. Voi. I, p. 729.

^b) Recte hoc notatum IAC. WINDETO de vita

funct. statu sect. V. p. 88.

^c) IAMBlich. c. XXXI. n. 188. c. XXXII. n. 226 seqq. PORPHYR. n. 19. RITTERSHVS. ad h. l. Plura veterum testimonia adduximus Amoenit. liter. T. VII. p. 200 seqq.

^d) Imitatus quoque est Orpheum, simile institutum ex Aegypto in Graeciam afferentem, conf. FABRIC. Bibl. Graec. Vol. I. p. 18.

^e) IAMBlich. c. XVII. n. 72, conf. SYRBIVS de Pythagora intra sindonem noscendo.

magistri nuda proponebat, rationibus et demonstrationibus omiſſis *f*, quae indigna philoſopho methodus ſatis prodit, quo animo affectus Pythagoras cupiuerit diſcipulos. Rationum omnium inſtar erat, quo et ipſis ſatisſiebat, et ad alios loquentes utebantur: αὐτὸς ἔφα, Pythagoram ita dixiſſe: id quod tamen ad ſolos exotericos pertinuiſſe, recte monet SCHILTERVS *b*. Hos itaque initiandos nomen manebat exotericorum, et acufmaticorum ſiue acuflicorum *c*; quod extra ſindonem conſtituti, ad ipſum Pythagoram non admittebantur, et ſolo auditu paſcebantur, immo nec ipſum quidem Pythagoram audiebant, ſed Hippaſum plerumque, vel alium mathematicorum. Quidam illos quoque Pythagoriſtas, hos Pythagoreos dictos eſſe, putant *d*. Cuius tamen nominis alii alias ſignificationes quaerunt; et ſi veteres quidem conſulimus, Pythagoriſtae illi dicti ſunt, qui, vt ait Theocriti SCHOLIASTES *e*, non improbabant, ſed probabant, et imitabantur Pythagoreos, non tamen in totum erant eius ſectae et dogmatis, ſed, vt IAMBlichVS *f* dixit, ζῆλωτὰ γνησίων Πυθαγορείων. Qui enim Pythagoriſtas dictos putant eos, qui amictu corporis tenui e ſqualido uſi ſunt, cuius explicationis idem ſcholiaſtes meminit, tempora confundunt, nec ſatis attendunt, negligentiam in amictu ſerius et vix ante Diodorum Aſpendium inter Pythagoreos inualuiſſe *g*. Ceterum quicquid interius admitti cupiebat, eum, ſi minimum, biennium, plerumque vero triennium vel quinquennium etiam ita explorari tentariue oportebat: cuius diſciplinæ rigidiffimæ, ſi quis impatientior, coenobiticae vitae renunciatet, dimittebatur is quidem, et ſua cum augmento vel duplum, recipiebat, ſimul autem monumentum ei, tanquam mortuo ab homacois, ſiue fociis illius diſciplinæ extruebatur, qui ſi quando illis obuius factus eſſet, cum eo, tanquam cum aliis quibusdam agebant, ipſum vero dictabant mortuum. Imo adeo ſeuera fuit Pythagorae diſciplina, vt ſi poſt peractam explorationem, poſt quinquennale ſilentium, poſt tot diſciplinæ orgia et initiationes, poſt tot animae purgationes, poſt peragrata tot theoremata, ſegnior quis atque hebetior reperiretur, tali homini in ſchola cippus aliquis et monumentum ſepulchrale erigeretur, dein auro argentoque onuſtus auditorio exigeretur, et pro mortuo haberetur *h*. Quem Pythagoreorum morem cum Hipparchus omiſſiſſet, grauiffime a Lyſide reprehenſus eſt, cuius hac de re epiſtola, modo genuina ſit, paſſim extat *i*.

IV. Poſt quinquennale ita tentamen et ſilentium, qui Pythagorae probati dignique habebantur, dogmatibus arcanis participandis, interioris admiſſionis fiebant diſcipuli, inde ἐσωτερικοί dicti, et intra velum audiebant *Esotericorum conditio et nomina.*
iuxta

f) id. c. XVIII. n. 81.

g) Citati, CICERO de nat. Deor. L. II. VAL. MAX. L. VIII. c. 6. et veteres paſſim.

h) L. c. p. 551.

i) IAMBlich. c. XVIII. n. 81. 82. Anonym. PHOTII L. c. PORPHYR. n. 37. RITTERSHVS. ad h. l.

k) SCHEFFERVVS L. c. p. 101.

l) Ad Idyll. XIV. f. 162.

m) c. XVIII n. 80. Anonym. PHOTII L. c. SVIDAS in Pyth. T. III. p. 236. conf. MENAG. ad Laërt. L. VIII. f. 38.

n) Conf. SCHILTER. L. c.

o) IAMBlich. c. XVII. n. 37 ſeqq.

p) Inter Epp. Philoſoph. In GALEI Opp. myth. apud IAMBlich. L. c. n. 75.

iuxta videbantque praeceptorem, cum antea extra velum, citra eius aspectum nudo auditu morum praecepta non sine molestia percepissent ^q. Tumque mutata tota philosophandi ratio, nihil sub symbolis praeceptum, quod non luculenter explicaretur, rationes ubique expositae, et imprimis rerum naturalium et diuinarum notitia clare tradita, et tota docendi via illi opposita, quam in erudiendis acusmaticis tenebant familiares Pythagorae, ei muneri praefecti. Et his quidem esotericis nomen datum mathematicorum, quibus, definiente GELLIO ^r, *potestas erat, verba facere, et quaerere, quaeque audissent, scribere, et quae ipsi opinarentur, exprimere*. Hi γνήσιοι ὁμιῆται, quo nomine eos salutat CLEMENS ALEXANDRINUS ^s, id est *genuini discipuli*, proprie Pythagorei ^t dicti sunt; mathematici vero, ut porro subiicit GELLIVS ^u, *ab iis artibus, quas iam discere atque meditari inceptauerant*, quoniam geometriam, et gnomonicam, musicam, caeterasque item disciplinas altiores μαθήματα veteres appellabant. Idem confirmat Anonymus PHOTII ^v. Ex his, qui istis scientiae studiis ornati ad perspicienda mundi opera et principia naturae procedebant, phyfici nominabantur, et theoretici, licet hoc nomen, ad speculationis naturalis summum caput, Deum et diuina proprie pertinuisse verisimile sit. Non enim de natura tantum, sed de Diis quoque ad intimae admissionis discipulos differuisse Pythagoram, Abarridis exemplo constat ^w. Pythagoreorum vero mos fuit, inde ad Platonem et Aristotelem transmissus, mathematicis scientiis tanquam gradibus scalisque uti ad diuiniorum philosophiam ^x, qui hoc culmen attingerant, τέλειοι θεωρητικοί et σεβαστικοί dicebantur, id est religiosi, ut recte aptato ad nostri seculi mores nomine vertit HOLSTENIVS ^y. Immo et viros dictos esse, sensu specialiori ex IAMBlichO ^z colligere licet, quod nomen ex Aegypto ^a in Graeciam, forte a Pythagora, translatum, postea ad Cynicos et Stoicos ^b delatum est. Et quia inter hos essent, quos vel administrandis societatis facultatibus, rebusque familiae regendis praeficiebat, vel ad ferendas leges ad ciuitates mittebat, quidam inde oeconomici, politici et nomothetici dicti sunt ^c. Quae discipulorum Pythagoricorum genera ad exotericos pertinere putat eruditissimus SCHEFFERVUS ^d, eo quod circa humana occuparentur, sed egregie fallitur. Ipse enim ad quem prouocat PHOTII ^e Anonymus, luculenter non ad Pythagoristas, sed Pythagoreos refert, quos discipulos Pythagorae

q) l. c. n. 72.

r) l. c.

s) Stromat. L. V. p. 575.

t) Distinguit tamen Anonymus PHOTII inter Pythagoricos, ipsius Pythagorae familiares, et Pythagoreos, eorum discipulos; verum apud veteres promiscuus utriusque nominis plerumque usus est.

u) l. c.

x) p. 56. Porph.

y) IAMBlich. c. XIX. n. 90.

z) Videndus NICOMACHVS Intr. ad Arith-

meticam et IAMBlichVS Comm. in eandem.

a) Anonymus PHOTII l. c.

b) c. XXXVI. n. 266.

c) Notum illud hierophantae Aegyptii ad Solonem: Vos Graeci semper estis pueri &c. quod supra retulimus.

d) Conf. LIPSIVS Manud. ad phil. Stoic. L. II. diff. I.

e) IAMBlich. c. XVII. n. 72. vbi expressa voce vocat γνήσιοι, familiares Pythagorae.

f) l. c. p. 106.

g) l. c.

thagoricorum, id est familiarium Pythagorae fuisse dicit et IAMBlichVS^b ex politicis leges dicit ἀγεις δικαιοπραγεῖν βελομένους, qui ad summum virtutum civium cultum pervenire contendant, alioque loco narrat, ex primariis et perfectissimis discipulis quosdam misisse, qui Graecorum vrbes salutaribus libris instruerent^c, quos et alibi luculenter satis ab acusmaticis distinguit^d, quin ipse locus^e, quo tamen vir doctus nititur, discrimen inter acusmaticos et politicos ponit; quanquam ex hoc loco manifestum quoque est, politicos a theoreticis fuisse munere, studiis et occupatione distinctos: unde recte inferitur, non vni disciplinae generi esotericos vacavisse, sed prout quis scientiam aliquam adamasset, ita a Pythagora fuisse instructum. Ceterum non viri tantum ita philosophabantur, sed et feminis ad haec sacra patebat aditus, unde feminarum Pythagoricarum indices passim offendas^m. Illae μαθηταὶ dictae, ut viri μαθηταίⁿ. Quae consuetudo sine dubio ideo a Pythagora observata, et ex eius schola in Graecanicas translata est, quod apud barbaros quoque feminas non exclusas fuisse a mysteriis viderat.

Feminae Pythagoricae.

V. Habitant hi Pythagorae discipuli in vnum, postquam in vnam familiam societatemque coierant, quod ipsis κοινοσίῳν nomen conciliaffe, supra docuimus: domus vero ingens, in qua vna cum liberis et coniugibus vivebant, δμῶκος, commune auditorium vocata est^o, unde discipulis quoque Pythagorae nomen haesit, ut δμῶκοι dicerentur. Nec arbitriam illi sequebantur vitam, sed ad regulam totum diem componebant, quos recte nomine, ex ecclesia translato, canonicos vocites. Digna quoque est ratio, qua per totum diem vivebant, quae curiosius exploretur. Scilicet nemo e viris Pythagoreis, ut ait IAMBlichVS^p, id est, ex esotericis e lecto surgebat, quin prius in memoriam sibi reuocaret, atque ita reminiscendo recognosceret, quae pridie acta erant: quae ita in memoriam reuocabat, ut mente recensere niteretur, quid primum dixerit, vel audiuerit, vel domesticis suis e lecto surgens praeceperit, quid secundum, quid tertium; sicque et agendorum habebat rationem, ut omnia memoria repetere allaboraret, eo ordine, quo singula illorum euenerant; sin expergefatto plus otii superesset, tum etiam eorum, quae nudius tertius acta erant, reminisceretur. Non licebat autem, nisi ante solis ortum surgere, ut scilicet orientem solem adoraturi observarent^q. Ut vero nihil, quod deliberatum non mane esset, suscipiebant, ita vesperi quoque, teste Eodem^r, acta retractabant, eademque opera intellectum simul et memoriam exercebant: notique sunt

Vivendi ratio Pythagorica.

versi-

b) Cap. XXIV. n. 108.

i) Cap. XXX. n. 172.

k) n. 72.

l) n. 150.

m) Apud IAMBlich. c. ult. MENAG. Hist. mul. philos. n. 76. p. 499. FABR. Bibl. Graec. Vol. I. p. 508 seqq. Sunt tamen inter eas, quae ingenio confictae videntur, vel nomina quarundam confusa.

n) Anonym. PHOTII conf. SCHEFFER. l. c. p. 106.

o) IAMBlich. c. VI. n. 30. PORPHYR. n. 20. CLEM. ALEX. Strom. L. I. et veteres passim.

p) IAMBlich. c. XXIX. n. 165.

q) ibid. n. 256.

r) ibid. PORPH. n. 40.

versiculi aurei carminis, quibus illud vespertinum examen philosophaturis maxime commendatur: Sed et musicam mane medicinae instar, (καθαρισμῶν nominabant) adhibebant, et saltationem quoque instituebant, pro instrumento vero lyra utebantur, tibias aliquid molle et pompae accommodatum liberisque hominibus indignum resonare putantes: inque usu erant illis Homeri et Hesiodi selecti versus, quibus animos cantando emendabant. Sed et alio tempore musica utebantur, ad affectus animi corrigendos, quam Pythagoram atque Empedoclem mira arte exercuisse et affectus vehementissimos compescuisse narrant. Erantque scholae Pythagorae certae artis in hunc finem dispositiones, unde ἐξάετος, siue adaptatio; συναρμογὰ, siue concinnitas, et ἐπαφὰ, siue attactus excogitatae, quas idoneis carminibus efficere, animique habitudinem in contrarios affectus utiliter traducere laborabant. Sed et cubitum ituri per odas quasdam et peculiare cantus mentes repurgabant a diuturnis perturbationibus, et illo, qui adhuc in auribus tinniebat, strepitu, sicque tranquillam et vel paucis, vel bonis somniis comitatam quietem sibi conciliabant; surgentes autem alterius moduli cantibus a lecti torpore soporisque grauedine sese liberabant, id quod praeter IAMBlichVM, veteres passim testantur. Ita praeparati iuxta praescriptum ad scientiarum studia se applicabant, et matutinas, quidem ut porro IAMBlichVS, deambulationes soli in huiusmodi locis suscipiebant, ubi quies et congruum silentium, ut templa, luci, et alia, animis remittendis apta erant. Non enim cum quoquam conuersandum existimabant, antequam ipsi animum suum bene constitutum recteque compositum haberent: eo autem conducere solitudinem: nam statim a lecto surgentes in turbam prorumpere, turbulentum esse censebant. A matutina deambulatione congressus inter se instituebant, imprimis in templis, vel si id non daretur, in locis similibus: tempus autem istud docendo, discendo, moribusque excolendis consumebant. Ab huiusmodi scholis deinde ad corpora curanda se conuertebant: plerique vnctione et cursu utebantur, pauciores lucta in hortis et nemoribus, quidam etiam halterum iactu aut saltatione cum manuum gesticulatione studiose eligebant exercitia corporis vires roboratura. In prandio panis erat et mel, vinum vero per diem non gustabant. A prandio ciuilia tractabant negotia, tam peregrinos, quam hospites concernentia. Circa vesperam iterum ibant deambulatum, non tamen singuli seorsim, sicuti mane solebant, sed bini terniue,

s) *Nec fessa in dulcem declines lumina somnum,
Quin ter cuncta prius reputaueris acta diei
Quae praetergressus, quid gessi in tempore? quid non?*

Et de matutino tempore:

*E somno primum euigilans cum strata relinquis,
Disponas animo luce expedienda futura.*

t) Purgationis hoc genus philosophicae omisit B. VVDDEVS in diss. de καθαρίσει Pythagorico-Platonica, quae in Anal. hist. philos. extat.

u) IAMBlich. c. XXV. n. 110, ubi certis affe-

ctibus certos cantus et modulationis genera opposita fuisse narrat.

x) ibid. conf. SENECA de ira L. III. c. 9. AELIAN. var. hist. L. XIV. c. 23. EVSTATI. ad Hom. Iliad. I. p. 643. Scholiastes Hermogenis, cuius luculentum locum adduxit FARR. ad SEXT. EMP. L. VI. adu. Math. c. 7. QVINTIL. Instit. orat. L. I. c. 10. L. IX. c. 4. alique.

y) Vid. quos laudat SCHEFFER. l. c. p. 179.

z) IAMBlich. c. XXI. n. 96 sqq.

a) Vid. MERCVRIALIS in gymnastica.

niue, in memoriam sibi mutuo reuocantes, quae didicerant, et in praeclaris studiis se exercentes. Ambulatione defuncti ad balnea se conferebant, lotique inibant conuiuia, quae intra decem conuiuias terminabantur. Hisque congregatis libatio et sacrificia suffimentis et thure celebrabantur; hinc ad coenam ibant, cui ante occasum solis finis imponebatur. Post coenam iterum fiebat libatio, dein lectio sequebatur. Mos autem erat, ut natus minimus legeret, natus vero maximus praesideret, quidque, aut quomodo legendum esset, praeciperet. Abituris pincerna libamen infundebat, peractaque libatione generalia vitae praecepta senior iniungebat. Haec Iamblichus, quae omnia erudite illustrat SCHEFFERVUS^b, qui, ne nimii simus, ipse videndus.

VI. Non vero totius tantum diei negotia disponebat discipulis Pythagoras, sed et victus et amictus rationem eam illis praescribebat, quam et tuendae sanitati prodesse, et philosophiae suae praeceptis conuenire iudicabat. Quod ad victum attinet, ita de iis exponit IAMBlichVS^c: *In genere omnes improbi esse cibos, qui flatulenti essent, quique stomacho tumultum excitare possent; alios vero his dissimiles commendasse, qui scilicet habitum corporis conferrent, adstringantque: unde et milium nutritioni aptum iudicauisse: omnino autem eos cibos reieciisse, qui Diis ingrati essent, quique nos a Dei familiaritate abducerent. Monuisse quoque cauere ab iis, qui facultatem diuinandi, puritatem animae, castitatem, sobrietatem, aut virtutis habitum impedirent: denique respuisse omnia sanctitati aduersa, et tum ceteram animi puritatem, tum oblatas in somno species obfuscantia. Theoreticorum vero summis et principibus, qui maxime seuera lege agitaturi essent, omnia superflua vetitaque ciborum genera simul ac semel submouisse: ac ne vnquam vel animata ederent, vel vinum biberent, vel Diis hostias immolarent, vel vlllo denique modo animalia laederent, quin iis potius debita iura studiosissime seruarent, auctorem extitisse. Idem et legislatoribus iniunctum, ut ab animalibus propter iustitiam omnibus seruandam abstinerent. Ceteris tamen, qui vitam non adeo ad vnguem expurgatam, sacramque et philosophicam agerent, potestatem dedisse, certa quaedam animalia attingendi, iisque abstinentiam imperauisse, definito tempore circumscriptam; his praecepisse: cor non rodere, cerebrum non comedere, quod in iis sedes ac veluti scalae quaedam sapiendi viuendique consisterent. Etiam abstinentiam ab aliis propter diuinæ rationis naturam iniunxisse: hincque malua abstinere voluisse, quoniam sympathiae inter coelestia et terrena index esset, item a melanuro, quia Diis infernalibus sacer esset, item ab erythino; fabarum quoque esum prohibuisse, propter multas sacras naturalesque rationes. Adducendus erat locus Iamblichi totus etsi longiusculus, quoniam faciem praefert, ad iudicandum de iis, quae de legibus Pythagorae cibariis recentiores, veteres secuti varie disputant^d, quae,*

*Victus et
amictus ratio.*

PPP ppp 2

ne

^b) l. c. p. 160.

^c) c. XXIV, n. 106 seqq.

^d) Conf. de legibus Pythagorae cibariis praeter
SCHILTERVM l. c. p. 536. SCHEFFERVVM
l. c.

ne nimii sumus, summam tantum enarrabimus. Et primo quidem de abstinentia a carne et piscibus valde dubitatum est, utrum ea ad omnes discipulos etiam exotericos pertinuerit, an tantum ad esotericos, et ex his perfectiores modo, et sublimiori theoriae gradu constitutos. Prius Anonymus PHOTII^e asserit, qui omnes Pythagorae discipulos ab animalibus abstinuisset, et ex solis victimis certo tempore gustauisse refert. Idem placuit SENECAE^f, PLUTARCHO^g, CLEMENTI^h, PORPHYRIOⁱ: Quos secuti sunt ex recentioribus multi^k. Nec rationes illis defunt; urgent enim, Pythagoram discipulos eam ob causam a venatione abstinere iussisse^l, et, quod monet SENECA^m, dixisse, *omnium inter omnia cognitionem esse, et aliorum commercium in alias atque alias formas transuentium: nullam animam interire, nec cessare quidem, nisi tempore exiguuo, dum in aliud corpus transfunditur. Interim sceleris hominibus ac parvicii metum fecisse, cum possint in parentis animam inscii incurere, et ferro morsuue violare, in quo cognatus aliquis spiritus bespitaretur.* Haec Seneca, qui in sequentibus quoque exponit, qua ratione Sotion hanc ei abstinentiam a carnibus persuaserit. Alii vero hanc abstinentiam a carnibus non ad totum Pythagoreorum chorum, sed ad esotericos tantum, neque ad hos omnes, sed tantum ad perfectiores et religiosiores respexisse asserunt, testesque laudant PORPHYRIUMⁿ atque IAMBlichVM^o. Nos, si hos sequimur, certum putamus, eam non ad omnes pertinuisse, et tantum τοῖς θεοσητικωτάτοις praeceptum fuisse, ut ab omni ἐμψύχων esu abstinerent: fuit tamen quaedam etiam a carnibus abstinentia omnibus Pythagorae discipulis communis, qua non licebat eis comedere carnes, nisi certi generis, imprimis eas, quae ex victimis essent, ut ipse testatur PHOTII anonymus. Nec ratio τῆς μετεμψυχώσεως declinanda est. Statuebat enim, teste IAMBlichO^p, Pythagoras: *Animam humanam in ea saltem animalia non ingredi, quae mactare fas est: ideoque ex immolabilibus ea sola comedenda, quae pro victimis caedere licet, a caeteris omnibus abstinendum; haecque acusmaticis praecepisse.* Ex quo loco, si Iamblichi auctoritatem sequimur, quam LAERTIVS^q quoque firmat, sequitur, carniū hoc interdictum ad pollutas carnes, quaeque victimae haud essent, relatum fuisse, et acusmaticos quoque obstrinxisse. Ideo et a morticinis abstinere iussit, cuius quoque lanam respuisse ad vestem supra obseruatum est. Piscium tamen esu omnibus interdixisse, veteres plerique

l. c. p. 143. BVDDEVMI. c. p. 413. IO. LVDOV. BOYE pec. diss. 10. MICH. WEINREICH. de abst. carnis Pyth. Msc. Lips. T. IV. cbs. 85. p. 65 seqq. ANT. GVNT. HECHVS pec. diss. DODWELLVS l. c. p. 125 seqq. qui carnis esum introduxisse Pythagoram pugilem, prohibuisse philosophum contendit, conf. CLER. l. c. p. 141.

e) l. c.

f) Epist. 108.

g) De esu carniū T. II. p. m. 371.

h) Paedag. L. II. c. 1.

i) De abst. a carn. L. I. c. 24.

k) Vide nominatos SCHILTERO l. c. p. 556. PHIL. CAROLI Obs. ad Gell. L. IV. c. II. p. 264. STOLLE Hist. phil. mor. gent. §. 130. p. 216.

l) IAMBlich. c. XXI. n. 100.

m) l. c.

n) l. c. c. 27. de vit. Pyth. n. 34.

o) l. c. n. 98.

p) n. 85.

q) Lib. VIII. f. 35.

que testantur ^r, et IAMBlichVS etiam raro, monet, vefci solitos opsonio a mari petito ^s, quod id genus cibi propter certas causas vsui illis ad victum non esset. Causas is non aperit, LAERTIVS ^t vero, pisces sacros ideo non gustandos praecepisse, ait, quod fas non sit, eadem diis et hominibus apponi; EVSTATHIVS ^u autem eam causam affert, quod ἐχέμυθιος symbolum sint. Fabas edere cur prohibuerit, infra melior dicendi locus erit, vbi de medicina Pythagorea dicendum. Malua cur abstinendum esse voluerit, IAMBlichVS explicuit ^x, qui alio loco lucem obscure dictis foeneratur, obseruans ideo herbam hanc sympathiae inter coelestia et terrena indicem dici, quia soli sese obuertit ^y. Sed et maluae folium esse sanctissimum dixit Pythagoras, teste AELIANO ^z, ad cuius locum videntur, quae commentatur IACOBVS PERIZONIVS. Porro et ab ouis abstinuisse vt ab animalibus ouiparis LAERTIVS ^a testatur, quod scilicet nutrire plurimum, et genituram vberem praebere, veneremque concitare obseruetur: quam rationem PHOTII anonymus etiam affert, cur carnibus vefci suos non voluerit. Alia leuiora non attingimus, a SCHEFFERO ^b exposita, qui legendus. Quod ad potum attinet, eadem ratione vt de carnibus disposuit. Contemplatiuis omnis vini vsus interdictus erat, vt diserte testatur IAMBlichVS ^c, eo quod mentis sinceritati et integritati officeret, cui theoretici prae aliis studebant. Reliquis vino vti licebat, sed non interdiu, vti supra ex Iamblichio traditum. Aqua vero pura, et panis mundus vnus in dies duos, vt habet Alexis apud ATHENAEVM ^d et olera et maza, plerasque coenas Pythagoreorum replebant. Veste vsos fuisse Pythagoreos, praeceptorem imitatos, candida et munda, supra iam dictum, vbi etiam an lino tantum vel lana confici iusserint vestimenta pluribus egimus. Imprimis vero in cultu Deorum et sacrificiis peragendis non nisi veste pura et candida, in qua nemo dormiuerit, esse in templum intrandum praecepit, quod mire peruertit AR CERIVS, nigram rufamue vestem a IAMBlichO ^e innui putans, qui nigrum et fuscum colorem, vt somnum, ignauiae, symbolum esse, ideoque vitatum a Pythagora, dixerat. Ceterum licet coniugibus vti liberosque procreare suis non interdicebat Pythagoras, fortitudinem tamen, et moderationem vehementer iniungebat, ventrique imperari iubebat, et ad generandam sobolem rationes medicas saluberrimas praescribebat, et coniugii fidem quam maxime commendabat ^f.

Ppp ppp 3

VII.

^r) PLVT. I. c.

^s) n. 98. opsonium vero idem hoc loco est, ac cibis.

^t) l. 34.

^u) Odyss. μ. p. 1720. ^x) n. 109.

^y) In Protrep. Symb XXXVIII.

^z) Lib. IV. c. 14. conf. SCHEFFER, l. c. p. 143.

^a) l. c.

^b) l. c. c. 9. de gallo gallinaceo albo.

^c) l. c. Ita et Apollonius Tyaneus, rigidus Pythagoreisni obseruator apud PHILOSTRAT. L. I. c. 15.

^d) L. IV. c. 17. locus dignus qui legatur; ita enim:

Οἱ Πυθαγόρειοι γὰρ ὡς ἀκούμεν
 οὐτ' ὄψον ἐδίεσκον, οὐτ' ἀλλ' ὅτ' ἐν
 ἱμῶν, ὅπου δ' ἔχ' ἔπειτα μοῖσαι
 - - τὰ δ' ἐκ, κατ' ἡμέραν τὰ δ' ἐκ
 ἄετος κατὰρτος εἰς ἑκατέρω, ποτήριον
 ἔδωκεν.

^e) Cap. XXVIII. n. 153.

^f) Cap. XXXI. n. 209 seq.

*Methodus
duplex.*

VII. Ex his facile intelligi potest, duplicem adhibuisse Pythagoram docendi methodum vulgarem et arcanam. Hoc enim in scholis Aegyptiorum Graecorumque theologorum initiatus didicerat, idque ipsius scopus, quem in constituenda societate philosophica sequebatur, postulabat. Vulgari vero methodo virtutis praecepta omnibus paraenetica docendi ratione commendabat palam, cuius exempla aliquot orationum cohortantium ad virtutem exponit IAMBlichVS^g; altera, quae arcana fuit, Aegyptiacae docendi viae aemula imaginibus symbolisque constabat, quorum cum postea pluribus mentio facienda sit, nihil de iis hoc loco addimus. His symbolis utebantur Pythagorei, ubi coram ἀρχαῖς et extra familiam suam constitutis de sapientia et doctrina praeceptoris differendum erat, cum ipsi facile inuicem se intelligerent, a nemine vero, qui his sacris initiatus non erat, intelligi possent. Erantque ista symbola, recte monente IAMBlichO^b, *si quis arcanos sensus non attigisset, ridicula et anilia, nugis et gerris plena, ubi vero significatio, sensusque latens euolutus esset, profundam philosophiam exhibebant.* Tantumque fuit in reticenda et recondenda Pythagorae doctrina discipulorum eius studium, ut ne acusmaticis quidem, siue qui initiari cupiebant, et in disciplinam Pythagorae se dederant, omnia eius dogmata proponerentur, sed, quae res naturales et diuinas exponebant, physicis et sebasticis, uti supra dictum, reseruarentur, et obscurissime nudarum veritatum moralium assertiones illi a quodam intimae admissionis discipulo acciperent. Tandem, ut accurate custodiretur, et a vulgi auribus semoueretur sapientia Pythagorica, cauebant Pythagorei, ne quid scripto emanaret in vulgus: hinc totam Pythagorae doctrinam in pectoribus, ut ait PORPHYRIUSⁱ, arcanam reconditamque custodiebant, nihilque scriptis consignabant, praeter quaedam intellectu difficilia, quae exterioris admissionis discipuli memoria repetebant. Cum vero plerique Pythagorei a Cyloniana factione delerentur, Lyfis et Archippus, qui domo tunc aberant, commentaria quaedam, ne tota scientia interiret, summatim composuerunt, et quae alii reliquerant, in vnum corpus redegerunt: praecipientes filiis et filiabus ac vxoribus, ne cuiquam extra familiam eorum copiam facerent, idque continua quadam successione priuatim posteris denuntiantes, permulto tempore obseruarunt. Platonis tamen tempore, ubi secta ad finem vergebat, non tantum Philolaus scripta Pythagorica vendidit^k, sed Archytas quoque Tarentinus^l commentaria sua cum Platone communicauit. Fecit vero hoc abscondendi sua studium, ut non solum quod supra exposuimus, tota Pythagorae historia fieret obscurissima et incertissima, verum etiam ex tot eius discipulis pauci nobis innotescerent, ut ex eo Pythagorae discipulorum catalogo videre est, quem contexuit IAMBlichVS^m, in quo tamen sunt qui-

^g) Cap. XXII. n. 101 seqq.

^b) n. 103 seqq.

ⁱ) n. 57. 58. et qui eum exscribit IAMBlich. c. XXXV. n. 252. conf. Amoenit. liter. T. VII. p. 200 seqq.

^k) Probatum id supra in Platone.

^l) Vid. PLATO epist. XII

^m) l. c. c. XXXVI. n. 266. ex quo catalogum Pythagoreorum confecit FABRIC, Bibl. Graec. Vol. I. p. 480.

quidam, qui ad hanc sectam non pertinent". Eorum, quorum doctrinae ad nos peruenit memoria, in sequentibus dabimus historiam.

§. XVI. Facilis ex his, quae hucusque de rebus Pythagorae, veterum suffulti testimoniis, differuimus, coniectura est, certiora atque luculentiora de ipsa philosophia atque doctrina Pythagorica expectari non posse, multisque et hanc quoque Pythagoricae historiae partem tenebris circumseptam esse, et insuperabilibus premi difficultatibus. Res itaque omnis etiam hic quoque ad coniecturas redit, quarum rationes et fundamenta ut recte constituentur, sequentia praemonenda sunt, antequam de ipsa Pythagorae philosophia et doctrinis dispiciamus.

Observationes criticae generales de philosophia Pythagorae.

I. Quam incerti sint fontes, ex quibus notitia philosophiae Pythagoricae hauriri potest, demonstrari luculentius nequit, quam si ea repetantur, quae de methodo Pythagorae et sequacium arcana late in superioribus disputauimus. Ipse enim, ut probabilior fert sententia, Pythagoras nihil scripsit, certe nihil, quod non manifestae fraudis suspectum sit, ad nos peruenit. Nec discipuli quicquam, quod interioris disciplinae et doctrinae esset, in literas retulerunt, sed obscura quaedam et symbolica in commentarios relata, tanquam aenigmata et gryphos suis ita commendauerunt arcane custodienda, ut aureum vellus draconibus traditum, vel Hesperidos poma custodienda commendata esse, credas. Lyfis vero et Archippus, arcanam, quam in memoria hactenus seruauerant, doctrinam, non clara luce, sed exiguis, teste PORPHYRIO^a igniculis obscuram admodum et peruestigatu difficilem conseruarunt, et collatis obscurissimis antiquorum scriptis, methodo Pythagorica, id est, tenebris obsepta in literas retulerunt. Neque tamen horum quoque commentaria supersunt, sed infelix condendi studium ea omnia abstulit. Pythagorei vero, qui post magistrum floruerunt, cum sua Pythagorae supposuerint, valde suspecti sunt, an praeceptoris, quem viuum non audierunt, mentem tam obscure et per aenigmata traditam recte intellexerint, nec ne? symbolicam enim docendi methodum aptam esse, ut quicquid otiosis et ingenii foecundioris agitatione commotis hominibus vesani in mentem venit, ei applicari, et ex ea probari queat, supra nobili Aegyptiacae philosophiae exemplo probauimus. Neque in eo plus iusto suspicaces nos esse queratur aliquis: PORPHYRIUM^p enim testem adducimus, candide fatentem, τῶ μὴ ἀντιπρὸς Πυθαγορικῶς εἶναι τῶς ἐκφύγοντας ταῦτα: quod nec ii, qui in vulgus ea proferebant, veri Pythagorici erant. Quis itaque in tanta incertitudine certi quid de Pythagoricis doctrinis promittat? quisque genuinos reperiatur fontes, unde liquida hauriri queat earum notitia?

I. Philosophia Pythagorae incerta.

II. Quod si concedamus, non a vera Pythagorae doctrina abluere ea, quae ultimi ex hac secta viri memoriae posteritatis scriptis tradiderunt, par-

II. Deficientia monumentorum.

^a) E. g. Zaleucus, Charondas, Zomolxis plerisque confidos putat LLOYD¹VS I, c. conf. BENTLEY, de epist. Phalar. p. 82.

¹) I. supra citato;

^p) n. 53.

rum tamen inde iuuamur, cum pleraque omnia temporum nobis eripuerit iniquitas, quae vero essent, valde suspecta sint, et incerta, num a Pythagoreis profecta sint, et genuinam huius sectae doctrinam sapiant? Nam seruauit quidem nobis aliquot Pythagoreorum fragmenta STOBÆI diligentia, ex cuius florilegio duas collectiones scriptorum Pythagoricorum nobis exhibuere viri docti; vnā moralem, in qua Hippodani, Euryphani, Hipparchi, Archytæ, Theagis, Metopi, Cliniae, Critonis, Polique dissertationes morales, licet mutilae, comprehenduntur iisque Pythagoræ, Lyfidis, Theanus, Melissæ et Myæ epistolae adiciuntur¹⁾, alteram politicam, iridem ex STOBÆO collectam, variorum Pythagoricorum monita, politica sistentem²⁾: dudum vero viri haud obesaë naris de integritate eorum scriptorum dubitarunt³⁾, et suspicati sunt, conficta esse ab iis, qui proximis post C. N. temporibus Pythagoream disciplinam restaurare, infelicibus licet auspiciis, aggressi sunt. Quorum argumenta etsi leuia putat optimus FABRICIVS⁴⁾, fatebitur tamen, ea sua non carere probabilitate, quisquis accurate expenderit, quam diligenter veri Pythagorei ad id attenderint, ne quid de rebus moralibus aliter, nisi *συμβολικῶς* et *ἀνιγμῆτικῶς* proponerent, sicque veros scholæ suæ sensus studiose occultarent; quamque studiosum in eiusmodi fingendis fuerit atque audax illud hominum genus, quod post Seruatoris inter homines versantis tempora Christianæ doctrinæ inualescentis et puritate sua magnas victorias reportantis aemulatione accensum, Pythagoricam disciplinam, tanquam sanctissimam, illi opponere tentauit. Certe ea ipsa fraus, quæ in suppositis Pythagoræ eiusque filiabus epistolis, accuratioribus criticis non ignoratur, iustæ facit suspicioni locum, reliqua quoque feliciora nascendi fata non habuisse. Et tamen hæc omnia moralem tantum et politicam philosophiæ partem concernunt, in qua suæ licet methodo vsi etiam ad exotericos Pythagorei differebant. De naturali et theologica parte, nihil nobis, quod verissimiliter Pythagoreis tribui queat, superest; cuius rationem supra ex Iamblicho adduximus, quod hæc ad *Θεωρητικότητας* tantum pertinuerint, quibus iureiurando silentium erat imperatum.

III. Diuersi
interpretandi
modi.

III. Est et aliud, quod valde suspecta facit monumentorum Pythagoricorum fragmenta, quæ supersunt, diuersa scilicet interpretandi doctrinas Pythagoræ ratio apud eos quoque, qui se interius reuelasse velum et acroamatica dogmata propalasse iactant. Ait enim IAMBlichVS⁵⁾; diuersos interpretandi modos apud Pythagoreos existere; vnum proprium sectæ Pythagoricæ nec facile euulgandum; alium vero popularem, et qui tradi omnibus communiter queat, tertium denique medium inter vtrumque,

¹⁾ Post HENR. STEPHANVM, qui Diogeni Laërtio ea subiecit, et DAN. HEINSIVM, qui priori suæ Maximi Tyrii editioni addidit, Collectioni suæ inseruit THOM. GALE Cantabr. 1671. Amst. 1688. 8. quam titulo Opusculorum mythologicorum, physicorum et ethicorum dedit, pag. 659 seqq.

²⁾ IAC. SPONDANVS Latine vertit, subiuncta sunt ARISTOTELIS Politicis cum comm. PET. VICTORII editis Basileæ 1589 fol.

³⁾ HERM. CONRING in propoliticis c. XV. p. 104. IAC. THOMASIVS de virt. cardin. diss. I.

⁴⁾ Bibl. Gr. L II. c. 13. Vol. I. p. 513.

⁵⁾ In protreptico c. 21.

que, non plane popularem, nec palam Pythagoricum, sed nec penitus ab utroque remotum. Ex quo loco manifestum esse, alibi monuimus*, eos, etiam cum arcanorum venditarent explicationem, non intrinsecam istam, quam vocabant, sapientiam, sed mediam quandam tradidisse satisfacturos scilicet hominum, imprimis potentium curiositati, sine religionis violatione, diuersumque ab esoterico explicandi genere acroamaticum contingentes. Incerti itaque reddimur, annon fumos nobis vendiderint, qui ista iactarunt.

IV. Auget hanc philosophiae Pythagoricae incertitudinem plagium hominum philosophantium et Pythagoreis sua eripientium, et aliena postea affingentium; qua de re ita PORPHYRIUS†: *Plato, Aristoteles, et Speusippus, item Aristoxenus et Xenocrates, ut Pythagorei affirmant, utilissima quidem pro suis venditarunt, paucis quibusdam immutatis; vulgaria autem et leuiora, et quaecunque ad subuertendam atque irridendam Pythagoreorum scholam ab inuidis et calumniatoribus postea excogitata fuerunt, coaceruarunt, et ut sectae eius propria reliquerunt.* Quam querimoniam non prorsus temere esse, fidem nobis hactenus fecit Platonis, Aristotelis, Speusippi et Xenocratis historia. Quod vero magna inuidia pressa fuerit schola Italica, infelicia eius fata, quae Crotoni, Tarenti et Metaponti passa est, satis loquuntur, et verisimile esse suadent, multa quoque in deterius a calumniatoribus fuisse afficta. Quis vero ista a genuinis discernet? quis veros characteres, quibus philosophia Pythagorica dignosci queat, hodie enarrabit?

V. Plurimum vero ad incertitudinem historiae philosophiae Pythagorae attulit Plato, quem ex Pythagorae fluentis arua sua irrigasse supra iam probauimus, recteque obseruauit CICERO‡, ideo Tarentum migrasse ad Archytam, et ad reliquos Pythagoreos, Echecratem, Timaeum, Acrionem, Locros, ut, cum Socratem expressisset, adiungeret Pythagoreorum disciplinam, eaque, quae Socrates repudiabat, addisceret. Nec id negabit quisquam, qui utriusque doctrinas inter se comparauerit. Ita vero palam quoque fit, Platonem, quod et Speusippus et Xenocrates alique ex Academiae primae doctoribus fecere, accommodata ad systema Platonicum philosophia Pythagorae multum eam ad doctrinas suas inflexisse, sicque genuinam philosophi Samii mentem corrupisse. Id quod ferri posset, si aliunde vera Pythagorae doctrina posset hauriri. Verum ereptis nobis paucis istis fragmentis Pythagoricis sola Platonica schola restat, ex cuius fide de doctrina Pythagorae iudicandum est: ex quo sole meridiano clarius elucet, adulterina pro genuinis, spuria pro natiuis nobis obtrudi posse, recteque hanc suspicionem foueri, illos homines sua pro Pythagoricis nobis venditasse. Ex hac vero schola ubi Alexandrini syncretistae prodire, qui quam

IV. *Multa Pythagorae afficta.*

V. *Plato Pythagoricam philosophiam adulterans.*

* Amoen, lit. T. VII. p. 208.
† n. 53.

‡ De finibus L. V. plura veterum testimonia adduximus Amoen, lit. I. c. p. 182 seqq.

maxime de historia et philosophia Pythagorica mereri cupiebant, dici non potest, quantum incertitudo historiae huius philosophiae aucta sit. Hi enim homines infano prorsus studio flagrabant, omnes orbis religiones et doctrinas cum Pythagoricis et Platoniceis conciliandi, unde non potuere non ineptissimos vetustissimis doctrinis sensus affundere, et quod Platonicis factum esse supra demonstrauius, Pythagoricis quoque inferre detrimentum. Horum vero hominum scripta potiores fontes sunt, ex quibus Pythagorae doctrina hauriri debet. Quis itaque certi et indubitati quid inde se cogniturum sperabit? quis subdolis philosophis fidem adhibebit satis tutam?

*VI. Doctrina
Pythagorica
neglectum re-
lata.*

VI. Accedit his omnibus, quod ea, quae commune memoriarum Pythagoricarum naufragium euasere, non tam doctrinas nobis exhibeant, quam historiam sectae, eiusque conditoris, et quae dogmata referunt, tantum *ὡς ἐν παρέδῳ* nec eo ordine atque modo referunt, ut tuto de systematis nexu iudicari queat; id quod etiam THOMAS BURNETIVS^a obseruauit. Causam eius rei facile intelliget, qui ad ea attendit, quae copiose haecenus disseruimus. Dogmata enim sua summe celabant philosophi Italici, de magistri vita et miraculis multa narrabant, vel etiam mentiebantur, ut auctoritatem sectae conciliarent. Intercidente secta intercidit etiam doctrina, et obscuri quidam remanebant igniculi, lucis extinctae testes tristissimi; hos sufflabant, lucemque nouam inde excitare studebant homines *ἀλλόφυλοι* et aliis systematibus innutriti, qui doctrinam cohaerentem dare non poterant. Vbi vero secta Pythagorica restitui post C. N. coepit, coniecturis omnia data sunt, et paucis tantum de philosophia actum Pythagorae, eius vero vita culta, aucta, et ad insaniam ornata mendaciis, ut miraculis Christi opponeretur, quod non efficacius fieri posse sperabant, quam si incognitas doctrinas oggererent, quas nec ipsi satis tenebant, nec spes erat, simplici Euangelii candori semel aduetos pro veritatibus sanctissimis habituros.

*VII. Mathe-
maticae disci-
plinae reli-
quias intrusae,
baeque illa-
rum notioni-
bus obscura-
tae.*

VII. Nondum difficultatum in discenda philosophia Pythagorica satis est, sed et expendendum, quod et veteres tradunt, et totus philosophiae istius habitus aperte prodit, Pythagoram more temporis illius, quo vivebat, et praeceptorum suorum quos in Aegypto habuerat, non tantum disciplinas mathematicas philosophiae, praesertim naturali et diuinae, id quod laudandum erat, praemisisse, sed hanc quoque illis ita attemperasse, ut totam physicam et theologiam suam notionibus mathematicis replet, quae rem adeo non explicabant, ut potius obscurissimam cognitionem efficerent. Cuius nobile exemplum doctrina de numeris est, quam a Pythagora esse, nemo quidem negauerit, incertum tamen et obscurissimum esse, quae arcana physica et theologica illis indicare voluerit, postea enucleatius trademus^b. Quod si etiam supponimus, quod probabile esse, deinde ostendemus, ita causas, formasque rerum spiritualium et naturalium explicare vel obscu-

^a) Archaeol. philos. L. I, c. II, p. 424.

^b) Conf. Amoen. lit. I. c.

obscurare potius et velo suo inuoluere voluisse Pythagoram, fatendum tamen est, quod iam ARISTOTELES^c obseruauit, et pulchre ostendit BURNETIVS^d, *inepte haec omnia fieri, et stulte hos philosophos, nimia subtilitate peccantes, studuisse tenuibus aranearum filis diuinam naturam tenere, quae non nisi ferreis aut adamantinis catenis ratione rigida fidisque observationibus se constringi patitur.* Qua ratione ut Plato quoque peccaret, et Aristoteles, Pythagorae potissimum exemplo seductus uterque est.

VIII. Quod si tamen ea, quae verisimili aliqua ratione Pythagorae tribui possunt, praesertim quae sunt *Φυσιολογία καὶ Θεολογία*, accurate expenduntur, et cum toto docendi et viuendi modo et characteribus Pythagorae comparantur, patet inde luculenter, hominem ingenio magis, quam iudicio valentem ad entusiasmum cum imaginationis fortiori impulsu, tum voluntatis affectatione quam maxime pronum fuisse, et, ut sibi diuinos honores arrogauit, ita hunc sibi finem philosophiae constituisse, ut non morali quadam similitudine, sed naturae paritate homines in diuinam naturam mutaret, Deosque eos tandem efficeret. Finem aurei carminis eum non legisse oportet, qui haec negat, facileque is conuincetur, ubi ad ipsam Pythagorae physiologiam et theologiam explicandam accedimus. Hic vero id praemonendum vel ideo fuit, ne ad animi Pythagorici characteres, qui magnum in condendum systema influxum habere solent, minus attendentes praecudio auctoritatis et antiquitatis seduci nos patiamur, ut diuina et sancta putemus ea, quae externa facie quidem nitent, intus vero stultissimi scatent entusiasmi scabie.

VIII. Ad entusiasmum redeuntia pleraque.

IX. Ex dictis iam, nisi fallimur, facili labore disci potest, quanta cautione animus praemunendus sit, si in indagandis Pythagorae dogmatibus offendere nolimus, quantaque attentione et non sine examine critico legendi sint, qui de philosophia Pythagorica scripsere. Dolendum vero est, nobis nec Aristotelis de hoc argumento librum^e, nec Didymi, Philolai, Moderati Gaditani, Androcydis, Diogenis, Antiphanis, Alexidis Tarentini, Aristophanis Rhodii, Cronii, Numenii, Thrasylli, Hipparchi, Zenonis et aliorum, ad quos prouocant LAERTIVS, PORPHYRIUS, IAMBLICHVS, STOBÆVS alique, monumenta^f suppetere; certum enim est, multa nos melius luculentiusque ex iis cognituros fuisse, quae dicti viri vel festinantis calami negligentia, vel partis, cui addicti erant, studio perperam, saltem minus accurate retulerunt. Eadem, immo maiore etiam accuratione in legendis et consulendis iis opus est, qui ex recentioribus doctrinam Pythagoricam explicare conati sunt, quos potiores laudat cl. HEVMANNVS^g. Plerique enim animum ab auctoritatis, antiquitatis, et

IX. Scriptores de philol. Pythag. caute legendi.

Qqq qqq 2

hypo-

^c) Metaph. L. XIII. c. 4.

^d) l. c. p. 429.

^e) Conf. IONSIUS de Scr. Hist. phil. L. I. c. II. pag. 54.

^f) Conf. IONSIUS et FABRICIVS II. cc.

^g) Aët. philos. Vol. I. p. 373. inter hos eminet

MIC. MOVRGUES Plan theologique du Pythagore sine vid. CLERIC. Bibl. chois. T. XXVII. pag. 424 seqq. IO. SCHEFFERI vero libri de philosophia Italica, quorum perodromus est tractatio de natura et constitutione philosophiae Italicae, lucem non viderunt.

hypotheseos scholaeque praeiudicio immunem ad hoc negotium non attulerunt, quo fieri non potuit, ut non multa se videre acute crederent, quae oculatiores et istis praeiudiciis non impediti cernere nequeunt.

Doctrina Pythagorae de philosophia in genere.

§. XVII. Sequendi itaque in delineanda Pythagorae doctrina philosophica duces sunt, qui possunt inueniri, nec passus ullus sine cauta attentione suscipiendus est, cogitandumque, quibus potissimum auctoribus aliquid Pythagorae tribuatur, nec fides danda aliter, quam testium patitur conditio. Hos si sequimur, sequentia placere Pythagorae; et quidem de philosophia in genere:

I. Philosophiae scopus est, insitam nobis mentem ex impedimentis vinculisque eruere atque vindicare: sine qua nullus omnino sanum aliquid verumque, cuiuscunque tandem sensus ope atque beneficio, discere atque perspicere potest ^b. Huic purgationi inseruiuisse exercitationes atque afflictiones supra memoratas totamque disciplinam Pythagorae, in antecedentibus luculenter ostendimus, et suo quoque loco diximus, qua ratione et occasione philosophiae nomen appellationi sapientiae praetulerit, qua de re in sequentibus plura tradentur.

II. Perpurgatae menti utilia quaedam et profutura exhibenda sunt, quibus semet ipsam sensim ad rerum aeternarum eiusdemque generis et incorporearum, perpetuo secundum idem atque eodem modo se habentium contemplationem assuefaciens, a minutioribus ordine progrediatur, ne subita, atque repentina mutatione auertatur atque renuat, ob tantam tamque diuturnam nutrimenti prauitatem ⁱ.

III. Mathematicis itaque scientiis et speculationibus illis, quae inter corpora atque incorporea mediae sunt, et quasi in utrorumque confinio, veluti praeexercitationibus utendum est paulatim, ad contemplationem eorum, quae vere existunt: artificiosa quadam ratione mentis oculos a rebus corporeis nunquam secundum idem atque eodem modo in vno eodemque statu vel tantillum permanentibus, ad alimentorum desiderium abduciendo. Haec de disciplinarum propaedeuticarum necessitate, usu et scopo ex mente Pythagorae PORPHYRIUS, qui totus Platonis sermone utitur, qui eundem in modum de ideis loquitur. Quoniam vero Plato, hanc ipsam doctrinam in Italica schola hausit, et systema ei suum potissimum inaedificauit, uti suo loco dictum; hinc probabile est, ipsum Pythagoram ita instituisse; Mathematicas enim scientias inter propaedeutica eum retulisse, dubitari nequit: numerorumque doctrinam, ceu symbolum intelligibilium principiorum introduxit, et ut his assuescerent discipuli, notionibus abstractis eos uti disciplinis mathematicis docuit, quod has semina latentis in anima scientiae continere putaret, μαθημάτων enim nomine ab eo appellatas esse PROCLUS ^k monet, ideo quod omnis μάθησις siue disciplina sit reminiscencia, quae non extrinsecus animae adueniat, qualis est sensuum,

^b) PORPHYR. p. 46.

ⁱ) ibid.

^k) In Euclid. L. I. p. 13.

sensuum, cognitio et opinio; sed ab iis quae nobis apparent, excitetur atque intus perficiatur, a cogitatione in semet ipsam conuersa.

IV. Totus mathematicarum disciplinarum ambitus in quatuor partes diuiditur, quarum duae multitudinem, duae magnitudinem spectant. Multitudo spectatur vel in se, vel in alio; magnitudo vel quiescit vel mouetur. Multitudinem in se considerat arithmetica, in alio musica; magnitudinem quiescentem geometria, mobilem sphaerica contemplatur.

V. Infinitum mens, istas scientias producens a multitudine et magnitudine remouet, et circa solum finitum versatur. Mens enim in se ipsa habet omnia multitudinis et magnitudinis principia, quoniam tota ex aequalibus in se ipsa partibus, vnaquaque et indiuisibilis cum sit et diuisibilis vti illi, mundumque ex ideis producit, essentialis finitatis et infinitatis particeps sit, ex rerum, quas intelligit, contemplatione: intelligit vero ea, ex parte finiti, quod est in eis, non ex parte infinitatis vitae. Ita PROCLUS¹⁾ Pythagoreos ratiocinatos esse tradit, apertum vero est, posterioris temporis homines, principiis Pythagoricis vsos, haec ipsis ratiocinia supposuisse, vt plerumque fieri solet, factumque est in veterum systematibus explanandis saepius: vnde haec non moramur, sed ad ipsas has disciplinas considerandas progredimur.

§. XVIII. Arithmeticam nobilissimam apud Pythagoreos scientiam *Arithmetica.* fuisse, compertum est, testaturque LAERTIVS^{m)}, circa eam potissimum Pythagorae studium versatum fuisse. Cum enim huic potissimum methodo in Aegypto esset innutritus, qua rerum naturalium principia notionibus, figuris et terminis geometricis et arithmeticiis, depinguntur, pleraque, quae de rerum naturalium et spiritualium constitutione, natura modoque disputare in animo habebat, eiusmodi symbolis proposuitⁿ⁾. Etsi vero hoc indubitatum esse videtur, Pythagoram de spirituali et naturali mundo numerorum symbolis philosophari voluisse, incertum tamen non solum est, sed et plane impossibile, dicere, quid per illos numeros intellexerit, quae ratione de rebus spiritualibus atque naturalibus ista arithmetica philosophica philosophatus sit. Cuius causam ii facile perspicient, qui ea, quae de arcana Pythagorae doctrinae methodo supra dicta sunt, memoria repetunt, vel fata quoque philosophiae Pythagoricae, cum ipso ferme magistro extinctae cogitant. Ex dictis enim nullo negotio perspicitur, haec mysteria τῶν Θεωρητικῶτάτοις tantum reuelata, ad paucissimos Pythagorae discipulos peruenisse, ab iisque ita studiose fuisse celata, vt impossibile fuerit, ex iis quicquam expiscari eos, qui intra velum admissi non essent: paucas vero scintillas, quae in animis reliquorum seruabantur, fatali incendio, quod non domum tantum, sed et sectam Pythagorae fere totam deleuit, fuisse extinctas^{o)}. Laterem itaque lauant, qui se haec aenigmata explicare, et his numeris, qui

Qqq qqq 3

du-

1) l. c.

m) Lib. VIII. c. 12. add. PSEUDO - ORIGENES philosophum. c. II. p. 30.

n) Conf. E. D. HERB. DE CHERBURY de relig. gentil. c. X. p. 89 seq. ed. Amst.

o) Eo etiam tendunt, quae doctissimi viri THOM. BURNETIVS Archaeol. philos. L. I. c. XI. p. 428. et IO. LAUR. MOSHEM. ad CUDWORTH. c. IV. §. 20. p. 444 seqq. prudenter de hac re monent.

dudum ob obsecritatem in prouerbium abierunt, accendere lucem laborarunt. Non defunt quidem ex veteribus et recentioribus, qui arithmetica hanc philosophicam, ex mente Pythagorae explicare aggressi sunt; id quod ex veteribus ANONYMVS^{p)}, NICOMACHVS GERASENVS^{q)}, et IAMBlichVS, SEXTVS item EMPIRICVS^{r)}; ex recentioribus IOACHIMVS CAMERARIVS^{s)}, et IO. MEYRSIVS^{t)} praestitere, vt alios taceamus, quorum hac de re cogitationes in compendio exhibuit cl. IO. IAC. LEHMANNVS^{u)}; verum hi omnes, suas nobis potius opiniones, veletiam arithmetices vulgaris praecepta, quam Pythagorae doctrinas theologicas et phycas explicant. Pleraque enim istae explicationes Platonicos ex Ammonii et Plotini schola, certe ex Alexandrinis cathedris oriundos auctores habent, quorum hominum infelix studium cuncta veterum dogmata pro lubitu fingendi, miscendi, conciliandi atque exponendi, toties iam notauimus. Vnum, quod specie aliqua ad conciliandam obscurissimae doctrinae lucem afferri posse videtur, non tacebimus. Nempe supra demonstratum est, Platonem, cum scholas Pythagoreorum inuississet, inde doctrinam de ideis retulisse. Cum itaque dogma de ideis cum doctrina de numeris Pythagorae multis modis conueniat, verisimile est, Pythagoram eodem fere modo numeros intellexisse, quo Plato ideas, et innuisse, quod acute coniicit BURNETIVS^{x)}: *Quemadmodum numeri progrediuntur ab unitate siue monade, omnium simplicissima radice, in magis magisque compositos, nouasque induunt proprietates in illo progressu: ita a Deo simplicissimo recedere gradatim rerum productarum classes, retinereque characteres aliquo modo suis numeris analogos: sicque rerum ortum et emanationem a primo ente progressumque per varios ordines a summis ad ima, si non ratione explicata, saltem per symbola et similitudines explicuisse.* Augebitur haec verisimilitudo, si obseruetur, Pythagoram eodem fere loco numeros habuisse, quo ideas suas Plato habuit, et vtrumque inanem, et otiosam doctrinam ad entusiasmum retulisse. Diligenter enim vtramque doctrinam comparantibus palam est, non eidem tantum fundamento inaedificasse Pythagoram numeros et Platonem ideas, nempe emanationi rerum siue entium spiritualium eorumque variorum ordinum ex summo Deo; sed et eodem modo numeros et ideas definiuisse, et distinxisse, ex eodem etiam fonte, Deo, deriuauisse; eandem iis dignitatem adscripsisse, et principia sensibilibus ex iis fecisse, ratione quoque mentis humanae, numeros et ideas eodem loco posuisse, eique ad liberandum ex carcere corporis animum et ascensum ad Deum numeros pariter, vt ideas obiectum constituisse, finem quoque numerorum vt idearum, cognitionis posuisse,

p) In theologumenis arithmetice Paris. 1543. 4. editis.

q) Eius introductionis arithmeticae hodie deperditae summam seruauit PHOTIVS Cod. CLXXXVII.

r) In Comm. in Nicomachi introductionem arithmeticae, quam cum versione Latina notisque suis edidit SAMVEL TENNVLIVS Arahemiae 1668. 4.

s) Pyrrhon. hypotyp. L. III. c. 18. adu. Math. L. X. f. 248 seqq.

t) In explicatione in duos libros Nicomachi, quam sufficit Iamblichus TENNVLIVS.

u) De denario Pythagorico. OSII, KIRCHERI et PETRI BYNGI nugae silentio praeterimus.

x) In hist. Pythag. obseru. illustr. p. 393 seqq.

*) l. c.

se, Deo fieri similem, immo ipsum fieri Deum. Quae omnia allatis veterum testimoniis et exposita vtriusque philosophi physiologia peculiari schediasmate historico philosophico^y, quantum licuit, planum fecimus. Nec haec nostra tantum opinio est, sed dudum viri eruditissimi in hac fuere sententia, ex quibus imprimis RADVLPHVS CVDWORTHVS^z, THOMAS BURNETIVS^a, IO. CHRISTOPH. WOLFIVS^b, DAN. GEORG. MORHOFIVS^c, IOANNES CLAVBERGIVS^d et ISAACVS BEAUSOBRIVS^e videndi sunt. Nec magnopere huic officere putamus sententiae, quod doctissimus CVDWORTHII interpretes^f vrget, longe aliud esse numeros, aliud ideas mentisque notiones; non enim hic de conceptibus mentis, sed de formis rerum atque exemplaribus, quae intelligibilia sunt, sermonem esse, totus Platonicae philosophiae habitus et summa ostendunt. Non reticebimus tamen difficultatem, quae hanc quoque opinionem premit. Scilicet quicquid de numeris Pythagorae scimus, illud omne ex Platoniorum schola profectum est, nec aliunde sua hauserunt Plutarchus, Sextus Empiricus, Clemens Alexandrinus, Lactantius, quique veterum alii obscurissimam doctrinam attigerunt. Platonem vero non ipsum tantum doctrinas praeceptorum adulterasse, supra demonstratum est, sed eius quoque sequaces, et imprimis iuniores Platonici cuncta veterum systemati suo ex tot aliorum opinionibus, centonis instar, confuto, adaptarunt: hos vero testes, hos auctores, hos interpretes sequi oportet, nisi in his tenebris coecutire prorsus velimus. Quod si itaque expositae sententiae de numeris Pythagorae nobis obiiciat aliquis, in eiusmodi rebus nihil explorati licere decernere^g, nos facile habebit consentientes, qui id operose eodem, quo de his differuimus, loco, confecimus. Sed propius tamen accedamus ad hanc numerorum doctrinam, quam his potissimum assertis constituisse veteres tradunt:

I. Studium numerorum omnium nobilissimum est, quorum scientiam exactissimam qui possidet, is summum bonum habet^h. Probauit hoc ipse Pythagoras, qui teste LAERTIOⁱ maxime vacauit circa speciem mathematicae, arithmeticae, et, quod AELIANVS^k habet, eum hominem sapientissimum fuisse, dixit, qui numeros inuenisset, post illum, qui rebus nomina imposuisset.

II. Numeri sunt vel intellectuales vel scientifici^l.

III. Numerus intellectualis est, quod in diuina mente ante omnia subsistebat, a quo et ex quo omnia in ordinem sunt descripta, et per seriem in-

y) De conuenientia numerorum Pythagorae cum ideis Platonis, Amoenitat. liter. T. VII. pag. 173 seqq.

z) Syst. int. c. IV. §. 21. p. 466.

a) l. c.

b) Ad ORIG. philosophum. p. 31.

c) Polyhitt. liter. T. II. L. I. c. 2. §. 4. p. 13.

d) Peculiari epistola inserta TENNYLI notis in IAMBELICH. p. 177 seqq.

e) Hist. des Manichéens T. I. P. II. L. I. c. 6. §. 6. pag. 313.

f) l. c. not. 7.

g) ibid.

h) THEODORET. Therap. L. XI. p. 152.

i) Lib. VIII. f. 8.

k) V. H. L. IV. c. 17. conf. STOBAEVS eclog. physic. c. 2.

l) IAMBELICH. ad Nicom. p. 5. TENNY. h. 1.

indissolubilem stant distincte connumerata. Ita IAMBlichVS^m, qui et hoc addit: Hippasii sectatores, qui acusmatici dicti sunt, numerum exemplar primum in creatione mundi, normamque dixisse, secundum quam creator mundi operandum iudicauit de mundo a se creando. Philolaus vero teste Eodemⁿ numerum dixit vinculum potentia sua sustinens aeternam rerum mundanarum permanfionem, sibi que innatum. Alia apud PORPHYRIUM^o aliosque in eundem sensum tacemus. Ante hos vero omnes ARISTOTELES^p dixit, τὰς αἰτιὰς αἰτίαις εἶναι τοῖς ἄλλοις τῆς ὁσίας. *Numeros causas esse rebus reliquis essentiae.* Quae si vera sunt, idem numerus est ac idea, nempe causa aeterna et exemplaris essentiae rerum sensibilem.

IV. Numerus scientificus est, extensio et operatio rationum feminalium, quae unitati insunt, et productio in actum, siue progressio multitudinis a monade incipiens, et regressio in eandem desinens^q.

V. Distinguendum itaque est inter μονάδα καὶ ἓν unitatem et vnum: unitas in intellectualibus existit, vnum in numeris^r; vel, vt Moderatus habet, unitas est in numeris, vnum in numerabilibus. Archytam tamen et Philolaum unitatem et vnum indiscriminatim appellauisse, THEON SMYRNAEVS^s obseruat.

VI. Scientificorum numerorum duo genera sunt, aequalis et inaequalis. Numerus aequalis est, qui in maxima et minima pariter diuisionem admittit, in maxima ratione magnitudinis, in minima ratione multitudinis, iuxta naturalem duorum istorum generum oppositionem. Inaequalis est, qui hoc non admittit, sed in duas partes inaequales diuiditur^t.

VII. Non vnusquisque numerus infinitus est, sed par tantum siue aequalis, estque causa sectionis eius, quae in partes aequales in infinitum extrahitur, et propria sua natura gignit infinitatem in rebus, in quibus existit. Limitatur vero ab inaequali, si enim id accedat, impedit eius sectionem in partes aequales^u.

VIII. Impar numerus masculae virtutis est, Diisque coelestibus proprius, aequalis indigens est et imperfectus, atque femineus, et inferis proprius^x. Numerus vero, qui ex potentia et multiplicatione paris et imparis prodit ἀρρενοθύλης, id est, hermaphroditus dicitur^y. Haec symbolice dicta esse, quilibet videt, qua ratione vero ad numeros intelligibiles applicari queant, difficilior quaestio est, quae huius loci non est. Emanationem vero entium spiritualium ex primo summoque principio et fonte intelligibilem

m) l. c. p. II.

n) loc. cit.

o) n. 48.

q) IAMBlich. l. c. p. II. STOBaeVS l. c.

p) Metaph. L. I. c. 6. Ita etiam PLVTARCH, de plac. phil. L. I. c. 3. Hinc intelligere licet, cur Lyfidem numerum dixisse Deum asserat ATHENAGORAS Apol. p. 49. et HIEROCLES ad Carm. aur. p. 224. ex ἡσθε λόγῳ referat, Deum esse numerorum numerum. Non enim primus tantum numerus in Deo tanquam causa reperitur, sed et numeri in mente diuina existunt.

r) Anonymus PHOTII l. c.

s) Mathem. Plat. c. 4.

t) Nicomach. apud PHOT. l. c.

u) THEMIST, in phys. L. III. f. 25. p. 67.

x) MACROB. Saturn. L. I. c. 13. Somn. Scip. L. I. c. 6. SERVIUS ad Ecl. Virg. V. v. 65. PLVT. de Iliad. et Ofir.

y) Theolog. arithm. conf. MEVS, l. c. cc. II.

lium indigitari, aliò loco ^z luculentis veterum testimoniis demonstraui-
mus, ad quem lectorem breuitatis causa ablegamus.

IX. Vnitatis et identitatis atque aequalitatis ratio causaque amicae
conspirationis atque mutuae affectionis et conseruationis vniuersi, secun-
dum idem atque eodem modo se habentis, monade repraesentatur: vnum
enim illud, quod in particularibus conspicitur, tale existit, partibus vnitum
et conspirans, ob primae causae participationem.

X. Diuersitatis autem atque inaequalitatis, omnisque diuidui et in con-
tinua mutatione versantis et modo hoc, modo illo modo sese habentis bi-
formem rationem binarius exprimit: nam et binarii in rebus particulari-
bus talis natura est.

XI. Idem autem est, siue biforme, siue inaequaliforme, siue diuersi-
modum dicatur.

XII. Eadem ratio etiam in ceteris numeris obtinet, singuli enim cer-
tarum quarundam potentiarum locum vicemque sustinent ^a.

XIII. Monas siue vnitas, est quantitas, quae decresciente multitudine
omni numero priuata quietem ac statum accipit ^b; inde et *μονάς* dicitur
ἀπὸ τῆς μένειν, quod stet, atque in eadem semper ratione maneat, vel *ἀπὸ*
τῆς μεμονῶσθαι, quod a multitudine separetur ^c. Vocaturque mens, her-
maphroditus, Deus, bonum, materia et omnium receptrix, chaos, ratio semi-
nalis, substantia, simplex exemplar, forma ac species, Iupiter, et his similia.
Abundant eiusmodi nominibus saepe obscurissimis vixque sanam et claram
interpretationem admittentibus *theologumena arithmetica*, ex quibus aliis-
que ea diligenter collegit MEVRSIUS ^d, qui tamen, quid significant, non
explicuit. Nec angustia loci permitit, vt, quantum rei obscuritas patitur,
ei lucem foeneremur: praecipue cum pleraque symbolica sint, variasque in-
terpretationes recipere apta. Vt tamen specimen arithmeticae philosophi-
cae habeamus, qua ad reliqua intelligenda, tanquam clauis vti nobis liceat,
paucis obseruamus, Pythagoreorum interpretes (ad hos enim totam hanc
explicationem referendam esse, supra monuimus) in explicanda numero-
rum doctrina I. respexisse ad notionem numeri generalem et abstractam,
siue metaphysicam ^e, eaque semel constituta, II. ad prima et immutabilia
rerum omnium principia, eorumque originem et emanationem eam
applicuisse ^f; III. hisque positis eorum cum rebus sensibilibus, ad con-
ferendam iis formam et essentiam, coniunctionem respexisse, sicque
IV. Rerum sensibilibus essentiam et naturam istis numeris recludere
tentasse. Probant hoc numerorum philosophicorum fundamentum, quae-
cunque ab his hominibus de iis dicuntur, quae vel plane intelligi nequeunt,
vel

^a) Amoen. lit. T. VI. p. 233.

^b) PORPHYR. l. c. n. 48 seq. ex Moderato Ga-
ditano.

^c) IDEM apud STORAEVM ecl. phys. c. 2.

^d) IAMBlich. ad Nicom. p. 13. TENNVL. ad h. l.

^e) l. c.

^f) In ea explicanda imprimis defudauit Nico-
machus.

^g) Huc respexisse videntur *theologumena arith-*
metica.

vel iuxta hunc canonem explicanda sunt. Proditque id luculenter magni inter eos nominis philosophus Moderatus Gaditanus, qui diserte *ff*: Cum primas formas, primaque principia oratione perspicue explicare nequirent, quod et intellectu et prolato difficillima sint, ad numeros manifestioris doctrinae causa confugere, geometras atque literatores imitati. Ut enim hi literas earumque potestatem tradituri, ad notas illas confugiunt, easque veluti prima docendi elementa esse dicunt: nihilominus postea docent, notas illas non esse elementa, sed illarum opera vera elementa cognosci; et geometrae cum formas incorporeas verbis proponere non valeant, ad figurarum descriptiones confugiunt, dicentes, hoc \triangle triangulum esse, non quod hoc ipsum, quod sub aspectum cadit, triangulum esse velint, sed istud, quod eiusmodi figuram obtinet, quodque huius ope conceptum atque cognitionem trianguli animo repraesentat: idem ergo et Pythagorei in primis rationibus siue affectionibus formisque fecere, cum enim incorporeas formas ac prima principia verbis tradere non possent, ad demonstrationem per numeros confugerunt. His suppositis aliqua ad ductorum nominum ratio dari potest. Mens enim vocatur, quia principia intelligibilia tota mens sunt *g*, et prima eorum causa atque fons, qui eminentissimo modo monas dicitur, purissimus spiritus atque mens est. Hermaphroditi nomen habet, quod ex primo fonte non alterum tantum principium, cuius ex sinu reliqua intelligibilia prodierunt, ortum est, sed et ipsum sibi primum illud principium causa et origo sui est. Deum vero ideo monadem nominasse, quod neque principium habeat neque finem, praeter MACROBIUM^b, anonymus PHOTIIⁱ auctor est: et eadem quoque ratio est, cur bonum appelletur. Materiam vero, chaos, tartarum, styga, rationem feminalem, et his similia sine dubio ita dixere hi homines, systematis sui principiis innutriti, quod ex Deo non immaterialia tantum omnia, sed et ipsam materiam effluxisse crederent: quod utrum Pythagoricum sit, nec ne, postea dicemus. Quanquam si eo sensu, quo post barbaros quosdam et theologos Graecos vetustissimos Pythagorae visum esse, postea verisimili ratione demonstrabimus, intelligatur, ut Deus cum materia perpetua agitatione ex eo fluente vno toto coniunctus dicatur, ut Stoici quoque postea statuerunt, haec nomina salva esse possunt. Cupidinem vero et concordiam dixere, quod prima intelligibilium causa ex se non modo omnia producat, sed et inter se iungat et animet. Vestam etiam vocarunt, haud obscuro indicio, in media mundi parte his hominibus visum esse potissimam deitatis partem residere^k. Reliqua nomina ad metaphysicas unitatis notiones et abstractos conceptus sine dubio referri debent. Ex his de reliquorum quoque numerorum nominibus, quae explicare institutum nostrum non patitur, iudicari luxque aliqua capi potest. Et ex his quo-

ff) Apud PORPHYR. l. c.

g) ALEXAND. APRODIS. in Metaph. mai.

c. 5.

b) Somn. Seip. l. 6.

i) Vit. Pyth.

k) PLUT. in Numa. Solem vero in medio mundi esse, Pythagoricum dogma fuit, infra considerandum.

quoque sententia probabilis ferri potest de quaestione, vtrum per monadem intellexerit Pythagoras Deum, an materiam? Esse enim inter eius sequaces, qui informem materiam, ex qua fiunt omnia, monada dixerint, facile ex NICOMACHI GERASENI definitione demonstrari posse, putant viri eruditi, nam ὁλκν dici monada ait, quia res omnes miscet, et deinde omnium receptrix est, chaos, confusio, contemperatio. Quae imprimis recte, saltem ex Empedoclis mente dici contendit CVDWORTHII interpretis praestantissimus ¹. Nos si supra praesupposita adhibemus, Nicomachum praecisione mentis et abstractione monadem definiuisse, non inepte iudicari putamus; numeri enim initium cum sit vnitas, materia siue subiectum est, ex quo reliqui omnes exsurgunt, et in quo omnes latent, non distincta quidem connumeratione, sed chaotica, vel, vt luculentius dicamus, virtuali dispositione. Ex hoc itaque loco ad numerum intellectualem, Deum, non aliter concludi potest, nisi Deum, vniuersitatis in suo sinu comprehendere materiam, rationes seminales, dispositionem, etc. vnde deinde formatus vel Deo informatus mundus tanquam numerus binarius oritur. Quod a philosopho, Alexandrinum systema sequente, dici, non est mirandum. Eadem de loco HERMIAE ^m iudicanda existimamus, cui monas initium omnium dicitur, e cuius figuris et numeris elementa fiunt. Cunctis enim rebus compositis cum initia adscriberent hi homines ex simplicibus, ea monades dixere, licet ex sensibilibus classe essent. Hoc nisi teneamus nunquam ex hoc labyrintho nos extricabimus.

XIV. Dyas, siue numerus binarius, indefinita et indeterminata a monade tanquam materia existit, estque tumoris causa et diuisionis. Eiusdem generis est hacc NICOMACHI ⁿ definitio, vt monadis, quae scilicet dyada in abstracto considerat: hincque pleraque orta sunt nomina, quibus apud eum, et in theologumenis arithmetis, insignitur, quando sinistrum, inaequale, instabile, mobile, contentio, materia, causa dissimilarium, informis, indefinitus, paritatis principium, tolerantia, Isis, discordia etc. vocatur, qualia etiam apud PLVTARCHVM, PORPHYRIVM aliosque occurrunt, diligenter collecta a IO. MEYRSIO ^o. Cuncta enim eo tendunt, binarium numerum, et sibi non constantem, cum reliqui ex eo procedant, et nullam certam formam admittentem, cum additis reliquis numeris variae inde exsurgant formae, passum esse variationis causam, addito numero, sicque matrem vel materiam reliquorum numerorum factum esse. Ita monadem patri, dyadem matri vel vxori comparant. Quam rationem similitudinis Pythagoreos ex signis Zodiaci genus ex maribus et feminis aequaliter mutantibus, desumisse exigua verisimilitudine coniicit SEXTVS EMPIRICVS ^p, recteque obseruat praestantissimus FABRICIVS ^q, Pythagoreos hoc

Rrr rrr 2

non

¹) MOSHEM. ad CVDWORTH. syst. intell. c. IV. §. 20. p. 446.

^m) Irris. philos. gentil. §. 16. ἀρχὴ τῶν πάντων ἢ μέγας, ἐκ δὲ τῶν σχημάτων αὐτῆς, καὶ ἐκ τῶν ἀριθμῶν, τὰ σοιχεῖα γίνονται.

ⁿ) l. c.

^o) l. c. p. 26.

^p) Adu. mathem. L. V. c. 8.

^q) Ad h. l. et ante eum Anonymus vetus ad Ptolomaei Tetrabiblon.

non ab astrologis, sed hos ab illis haec accepisse. Rectius haec inde arcessuntur, unde Pythagoras symbolicam philosophiam accepit, ab Aegyptiis aliisque barbaris^{r)}, quos sexum in diuinis adinuisse primo libro ostendimus^{s)}; unde sua quoque, uti supra dictum, Orpheus habuit. Hos praecceptores cum imitata sit Pythagorae schola, mirum non est, in eodem luto eam haesisse^{t)}, et eadem ratione de causis rerum fuisse philosophatam. Vtrum vero dyas materia sit Pythagorae eiusque sequacibus, et an illa independens a monade principium, saltem ei oppositum, designet^{u)}, incerta pugna et euentu disputari, obscuritas rei ipsa satis prodit. Nos, canonis semel positi memores, dissentientes veterum explicationes conciliari posse non desperamus, modo notiones distinguamus. Si enim ex mente Pythagoreorum idea binarii abstracta et metaphysica ad intelligibilia in se considerata applicetur, dyas principium alterum est, ex quo reliqua sunt intelligibilia, quod Plato mentem diuinam mundumque idealem vocauit, tuncque nomina illa binario addita relatiue ad monadem intelligenda sunt. Sin principiis physis explicandis adhibeantur, dyas quidem non inepte materia dicitur, verum non nude et in se considerata, sed quatenus ex Deo emanans, vel secreta, addita eius vi genitrice, commota est ad productionem rerum omnium^{v)}. Ita enim obscurissima veterum loca lucem capiunt, quamuis non inuiti fateamur, adeo tenuia sibi que contradicentia esse, quae de Pythagorae mente circa materiam veteres referunt, ut certi quid plane definiri nequeat. Certius est, Platonicos recentiores, Pythagorae interpretes ita de numero binario cogitasse. Illis enim solenne fuit, praecisione mentis nescio quas sibi notiones fingere, quae, rebus sensibilibus applicatae, alium longe sensum induunt, quam ob causam obscurissimi et inanes homines sibi relinquendi sunt. Sed cum infra de theologia Pythagorae acturis pluribus haec tangenda sint, illis in praesentia non immoramur.

XV. Numerus ternarius primus est, qui sunt actu inaequales; primus item perfectus et medius et proportio, quo potentia monadis ad actionem et extensionem deducitur^{x)}. Ita ternarium numerum, siue *τρίων* definiunt *theologumena arithmetica*, quae, ut apertum, abstracte eam considerant. Quid vero Pythagoras ista triade symbolice intellexerit, definiri ob variam eius applicationem et incertitudinem explicationum hominum sequioris aetatis non posse putamus. Nam non tantum ad physis doctrinas eam retulit Pythagoras et, teste GELLIO^{y)}, eius numeri cubum vim habere lunaris circuli, dixit, sed et musicae et geometriae vniuersae potestatem ab eo numero dependere, quin etiam rerum ad astronomiam coelestiumque naturam

r) Phoeniciis sexum in diuinis placuisse obseruat BOCHARTVS Geogr. S. L. IV. c. 2. p. m. 242.

s) Conf. PLVT. Qq. Sympos. L. VIII. q. 1.

t) ORIG philosoph. c. II. p. 39. conf. WOLF. ad h. l. et de Manich. ante Manich. §. 29 p. 116.

u) Ita visum PLVTARCHO de plac. philos. L. I. c. 7. qui materiam bruto et malo daemone animatam et informem intelligit.

v) Ex his emendanda, vel explicanda potius, quae in Amoenit. lit. I. c. hoc de argumento diximus, et repetit ccl. BEAUSOBRIVS Hist. Manich. T. II. p. 153.

x) theologum. arith. conf. MEYER. l. c. c. V. p. 35. IAMBlich. vit. Pyth. c. XXVIII.

y) L. I. c. 10.

turam ac scientiam pertinentium vim omnem habere, eamque ad substantiae productionem impellere, si NICOMACHO² fides est, tradidit. Sunt, quibus SS. Trinitatis mysterium isto numero subobscurè innuisse Pythagoras visus est^a, quibus se iungit RAD CUDWORTHVS^b; eos vero vel hoc nomine non audiendos esse patet, quod sententiae suae non aliud robur afferant, quam quod aequè incertum immo falsum est, Pythagoram a Iudaeis sanctiores doctrinas didicisse. Nec meliora sunt, quae pro hac opinione afferenda afferuntur: transsumsisse hoc triadis in monade comprehensae mysterium Pythagoram ab Orpheo; nam, nec trinitatem Orphicam tantae vetustatis esse supra euicimus, ut vel ipsi Orpheo, vel Pythagorae, placere potuerit, nec Platoniorum effatis tantopere fidendum est, qui cuncta in rem suam vertunt, torquent, rapiunt, suasque nugae veterum praecipuis impudenti plerumque mendacio tribuunt. Obseruatque egregie celeberrimus Cudworthi Interpres^c, ipsam triados Pythagoricae naturam, quae rerum omnium initium, medium et finem comprehendere veteribus dicitur^d, huic asserto repugnare. Igitur etiam hanc trinitatem Pythagoricam post velum relinquimus. Nomina ternionis ex veteribus collecta exhibet MEVSIVS^e, quae ipsis tenebris obscuriora sunt.

XVI. Tetras siue numerus quaternarius omnium perfectissimus est, primus item ac primigenius et radix omnium^f. Celeberrima haec Pythagoreorum tetractys est, tantopere horum hominum laudibus celebrata, tamque diuerse explicata a plerisque, ut facilius noctem diei iungas, quam has interpretationes inter se concilies. In numero scientifico cur potissimum locum occupet, eam potissimum rationem affert HIEROCLES^g, quod denarii vis sit quaternarius, cum 1. 2. 3. 4. simul sumpta, decem conficiant, quodque sit arithmetica medietas inter unitatem et numerum septenarium, et prima solida figura in quaternione inueniatur. Vnde audiendus non est celeberrimus olim Ienenis mathematicus ERHARDVS WEIGELIVS^h, qui Pythagoram ad quaternionem tantum computasse putat, eamque numerandi rationem ingeniose explicat: decem enim numerorum finem constituisse Pythagoram, nemo est qui ignoratⁱ. Quem vero inter symbolicos numeros locum quaternario tribuerit Pythagoras, et quid in eius theologia, physiologia et ethica significet, tam diuersis agitata et disputatum est veterum et recentiorum opinionibus, ut post molestissimum earum omnium examen, multo incertior discedas, quid tetractys Pythagorea sibi velit, quam ante id susceptum fueris. Quidam magni nominis viri, qui Pythagoram a Iudaeis purioris doctrinae semina accepisse credunt,

Rrr rrr 3

innu-

² l. c.^a) HVERT. Qq. Alnet. L. III. c. 2. p. m. 93. alii-
que concordiae rationis et fidei assertores.^b) l. c. p. 446 seqq.^c) Ad h. l. p. 30.^d) ARISTOT. de coelo L. I. c. 1. T. I. p. 337.^e) l. c. p. 44.^f) IREN. L. I. c. 1. conf. MEVS. l. c. p. 47.
ORIG. philos. p. 33.^g) Ad aur. carm. v. 47. p. 227. eius rationes
castigat CUDWORTHVS l. c. p. 449 seqq.^h) In tetracty Pythagorica, et Aretologist p. 359
seqq. conf. IOH. WALLIS. Opp. T. I. p. 65. f.
STURMIVS Mathes. enucl. p. 6.ⁱ) Conf. FABRIC. Bibl. Graec. Vol. I. p. 458.

innuisse eum putant ^k, venerabile nomen tetragrammaton, יהוה, illudque sacrosanctum suis colendum praecepisse contendunt. Aliis, quibus, tanquam fabula, recte reiicitur, Pythagoram aliquid a ludacis accepisse, haec sententia exploditur ^l, quid vero statuant de ipsa tetracty, incerti haerent. Sunt, iam a PLUTARCHO ^m memorati, qui quatuor animae facultates, ex quibus veluti partibus animam humanam componebant, intelligi volunt, quamquam incerti sint, quas facultates virtutesue animi intelligere debeant. Alii ad animam mundanam ⁿ, alii ad quatuor virtutes cardinales ^o Pythagoreos respexisse autumant. Alii, qui Empedoclem ad hanc tetractyn potissimum respexisse obseruant, quatuor elementa, ex quibus ille animam conflatam fuisse, quaeque aeternae naturae esse statuit, illum intellexisse putant ^p. Alia sententiarum diuortia et diuersissimas opiniones, ne nimii simus, praeterimus. Et hi quidem omnes, etsi tanto opinionum interuallo inter se diuersi, ad notissimos versiculos aurei carminis prouocant,

Οὐ μὲν τὸν ἀμέτερον ψυχᾷ παραδόντα τετρακτὺν
παλᾶν ἀενάαν φύσεως, εἰζωμὰ τ' ἔχσαν

qua ratione eos legit SEXTVS EMPIRICVS ^q tam diuersa enim duorum horum versuum lectio est, vt diuersae quoque inde exsculptae sint non versiones tantum, sed et explicationes: quas referre, et, quibus singulae premantur, difficultates exponere, nec otii, nec instituti nostri est, pleraque neruose et breuiter complexus est MOSHEMIVS ^r. Ipsa tot sententiarum diuortia satis produnt, obscurissimum aenigma coniecturis incertis non tam solui, quam potius implicatius reddi. Nec, vt verum candide et modeste fateamur, nos meliora habemus, quae lectori propinemus, malumque nostram fateri ignorantiam, in rebus quas ipse magister nescire alios voluit, quam incertis coniecturis lectori nostras opiniones pro Pythagoreis obtrudere: qua in re magni viri, multaeque in veterum rebus eruditionis, IACOBVS THOMASIVS et IOH. LAUR. MOSHEMIVS ^s nobis exemplum praeiuerunt. Pauca tantum adiicimus, quae verisimilitudinis leges non migrare, supra posita probant. 1. Non esse versiculum hunc ab ipso Pythagora, sed a Pythagoreo quodam: hi vero cum puras non seruauerint doctrinas praeceptoris, sed ex suo ingenio multa vel adiecerint vel mutauerint, cuius exemplum Empedocles esse potest; sequi inde, quod ex hoc ipso versu de tetracty Pythagorae iudicium satis accuratum formari nequeat. 2. Admissio etiam versiculo tanquam

^k) HVET. Dem. Eu. Pr. IV. c. II. §. 8. p. m. 53. CUDWORTH. l. c. SELDEN. de Diis Syr. L. II. c. 1. p. 20. IAC. LYDIUS de Iuram. L. III. §. 2. p. 302. conf. quos nominant THOM. BURNET. Archaeol. philos. L. I. c. II. p. 428. MOSHEM. ad l. c. CUDWORTH.

^l) HENR. MORVS defens. Cabb. philos. c. II. p. 125 seq. MOSHEM. l. c. cl. IOH. FR. HOMBERGK de Themide p. 155.

^m) De plac. philos. L. I. c. 3. conf. IAC. THOMAS. de exult. mundi Stoica diss. XXI. p. 251.

ⁿ) GASSENDVS Phys. S. I. L. I. c. 5. T. I. Opp. p. 157. inclinat huc etiam THOMASIVS l. c.

^o) FABRICIVS Proleg. ad MARINI vitam Procli.

^p) Coniectura haec est MOSHEMII l. c. p. 452.

^q) Adu. Math. L. IV. f. 3. L. I. adu. Log. f. 94. aliter legunt IAMBlich. de vit. Pyth. c. XXVIII. aliter theolog. arithm. p. 20. aliter MACROBIUS Somn. Scip. L. I. c. 6. alii aliter.

^r) l. c. p. 451. n. 37.

^s) II. cc.

quam genuino, incertum esse, num ista tetractyos traditio, et iuramentum per tradentem factum, ad Deum animae istud quaternionis principium infundentem, vel ad Pythagoram, eius notitiam discipulis facientem referendum sit; per Pythagoram enim eius asseclas iurauisse, supra iam docuimus ¹. Aequè vero incertum esse, num in illis versiculis, vox ἔχσαν, ad παγὰν, vel ad τετραάκτυον referatur, adeoque tetractys a Deo, fonte aeternae naturae distinguenda sit, nec ne? 3. Probabile porro esse, Pythagoram et sequaces quaternionis symbolo non solum in describendis Dei tum attributis, tum emanationibus, sed et in delineandis animi quoque quin et rerum naturalium proprietatibus tanquam numero symbolico usus fuisse; nec a scopo tantopere aberrare eos putamus, qui inde tot diuersas de tetracty Pythagorica sententias ortas esse statuerint. 4. Operam itaque atque oleum eos perdere, qui lucem tetracty Pythagoricae affundere, et rem obscurissimam in claritate maiore ponere laborant. Quare et lectorem his non amplius detinemus, monitum, vt imprimis a Platonice recentioribus sibi imponi non patiatur, qui omnia alia, quam γνησίως Pythagorica nobis exhibent.

XVII. Pentas numerus primus complexus est omnis numeri speciem, parem et imparem, binarium nempe et ternarium ².

XVIII. Numerus senarius perfectus est ³. Creationem mundi inuuisse vult CLEMENS ALEXANDRINVS ⁴, qui commune PP. praeiudicium sequitur, Pythagoram fuisse discipulum Iudaeorum. Eo vero numero sanitatem quoque significasse, LVCIANVS ⁵ indigitat, qui triplicis trianguli inter se alternatim iuncti figuram ad suos in literis praefixisse, et ita sanitatem precatum fuisse, ait.

XIX. Septenarius numerus, venerabilis est, perfectus, et rebus sacris quam maxime conuenit ⁶. Propter perfectionem septimestres quoque partus viuere statuebant, de qua opinione dignus est qui legatur LAVR. RAMIREZ DE PRATO ⁷. Aliis tamen inter gentiles Aegyptiacam opinionem sequentibus, ater et infelix visus est, hincque intermissi labores: quae ad feram istam numeri huius rationem reuocanda non sunt, vel sabbathum aliquod inde gentile exsculpendum ⁸. Nomina huius numeri post Nicomachum vide apud MEVRSIVM ⁹.

XX. Octonarius primus cubus est, et solus, in decem, numerus par in pari ¹⁰.

XXI.

¹) HIEROCLES l. c. IAMBlich. vit. Pyth. n. 150. 162.

²) Conf. MEVRS. c. V. THEON mathem. Platon. c. 44.

³) IDEM l. c. ⁴) Strom. L. VI. p. 683.

⁵) De lapsu inter salut. T. III. p. m. 198. VOSSIVS de idololat. L. IX. c. 36.

⁶) Nicomach. ap. PHOT. l. c. Theol. g. arithm. MACROB. L. I. c. 6. MEVRS. l. c.

⁷) In Pentateuch. p. 24. ed. Fabric.

⁸) De septenario numero veterum sententias X. VARRONIS libro de hebdomadibus exponit

GELLIVS L. III. c. 10. septimum numerum ante Pythagoram sacrum fuisse, ex Homero et Hesiodo apud CLEM. ALEX. Strom. L. V. EVSEB. praep. L. III. c. 12. patet. Ab Aegyptiis Planetarum ordinem sequentibus derivat VOSSIVS de Orig. idol. L. II. c. 34. p. 489. alii ex Sabbatho in paradiso instituto, vid. MORHOF. Polyhist. T. I. L. I. c. 12. p. 118. incerto omnes fundamento, conf. I. I. SYRBIVS diss. de Sabbatho gentili, MARSHAM. Can. chron. Sec. IX. p. 197.

⁹) l. c.

¹⁰) theol. arithm.

XXI. Enneas est primus ab impari quadratus *f*.

XXII. Numerus maximus denarius est, qui et quaternarius est, et rationes tum numerales tum harmonicas omnes continet *g*. Ad decem enim numerantes pedem ad unitatem referunt *h*. Hinc abacus Pythagoricus.

XXIII. Ex arctissima inter Deos et numeros amicitia oritur Arithmomania, siue diuinitas ex numeris, qua Pythagoras usus est, et quam Abarrim quoque docuit *i*. Cuius fundamentum in connexionione substantiarum inter se omnium intellectualium, siue deorum et daemonum constitutum explicat fragmentum *ἱερῶν λόγων*, quod affert IAMBlichVS *k*. Pleraque vero vel ad superstitionem, vel ad fraudes et mendacia pertinuisse, dubitari nequit, unde explodendi sunt, qui nescio quae mysteria Pythagorica ex numeris ad diuinandum quoque apta ex recentioribus somniant *l*.

Musica.

§. XIX. Post arithmeticae musicae potissimam rationem habebat Pythagoras in praexercitationibus philosophicis, eam enim ad *καθάρσεις* referebat, quibus animum sanare et ab affectuum morbis repurgare contendeat, quod qua ratione fecerit, IAMBlichVS *m* exponit qui videndus. Mane itaque et vesperi discipulos ea uti iussit, ut supra pluribus docuimus Enatus hinc iis, qui Pythagoream doctrinam explicare conati sunt, latissimus de musica Pythagoreorum dicendi campus, quae tamen eiusdem sunt, ac superiora, commatis, et posteriorum temporum cogitata pro vetustissimis Pythagoricis nobis vendunt. Summam tamen eorum audire operae pretium est, ut de re ipsa constet, prolixiora et specialiora in historia musicae et scriptoribus veteribus quaerenda sunt, qui de musica scripsere *n*, quibus nostri instituti huiusque loci non est diu immorari. Placuisse vero Pythagorae et discipulis veteres referunt:

I. Musica est contrariorum apta compositio multorumque adunatio et dissentientium consensus *o*.

II. Musica iudicanda est non solo auditu monito, in sonituum differentiis percipiendis, sed proportionibus accommodandus est intellectus, quae saepe minus sensuum perceptioni conueniunt, sed ratione comprehenduntur *p*. Ita Pythagorica musicorum familia philosophica ratione artem persequens, ab Aristoxenia se distinguebat, quae sensu harmoniam diiudicabat, eaque ex causa Pythagoreos ridebat, hocque proportionum criterio opprobrium, teste PTOLOMAEO *q*, iis faciebat. Aristoxenus vero non Ari-

f) *ibid.*

g) ATHENAG. leg. pro Christ. p. m. 6. ed. Par.

h) PLUT. de plac. phil. L. I. c. 3.

i) IAMBlichVS c. XXVIII. n. 146.

k) l. c.

l) PETRVS BUNGVVS in mysterio numer. conf. IOH. ANDR. SCHMID de geomantia pulueri in se ipsa p. 13. CASP. PEVCERVS de variis diuinandi generibus p. m. 179 seqq. pertinet huc sphaera Pythagorica diuinatoria, quam ab APVLEIO, ut fertur, Latine redditam affert CASP. BARTHIVS aduers. L. XXX. c. 7.

m) c. XXV. n. 110. conf. BVDDEVVS diss. de *καθάρσεις* philosoph. Anal. hist. phil. p. 373 seqq.

n) Veteres et recentiores de musica veteri scriptores diligenter more suo enarrat I. A. FABRICIVS Bibl. Graec. Vol. II. p. 257 seqq. Inter illos eminere Pythagorei, conf. editores musicorum veterum MEVSIVS, WALLISIVS, MEIOMIVS, et VOSSIVS de scient. mathem. c. XXII. §. 4 seqq. p. 93 seqq.

o) THEON SMYRN. mathem. Plat. c. I. p. 15.

p) PTOLOMAEVS harm. c. 2.

q) l. c.

Aristotelem tantum audiuit, sed etiam Pythagoricis praeceptis imbutus fuit, et de historia quoque Pythagorica egregie meruit, licet ab utraque, in qua institutus erat, secta discederet *.

III. Certis itaque et immutabilibus regulis et canonibus inaedificanda musices harmonia est, unde et canonica dicitur, non ab instrumento, quod canon dicitur, sed a rectitudine, quoniam ratio rectum inuenit harmonicis canonibus siue regulis vsa. Est itaque, si Pythagoricum sermonem respicias, canonicus generatim loquendo harmonicus, qui ratiocinatione occupatur circa id, quod ex harmonia consistit: et ut musicus harmoniae initium a sensu ducit, ita canonicus a regulis et ratiocinatione circa proportionem occupatus.

IV. Vocis duae species sunt, una continua altera interuallis procedens. Illa, quae manifestas atque inter se distinctas sonorum tensiones non reddit, utimur loquentes ac legentes; haec in cantu vsurpatur, et in omni sono sistitur, ac manifestam reddit, quae in omnibus partibus est, mutationem *.

V. Nomina sonorum ab illis in coelo versantibus septem stellis, terramque circumeuntibus sunt appellata; ex ipso enim circumductu orbium sonus nascitur, ac strepitus; isque est vel magis fluctuans, aut contra magis reluctans, adeoque magnitudine et celeritate vocis et loco inter se diuersus. Sonus vero hic, quia ictum certa numerorum observatio moderatur, cunctis diuinis legibus et statuta ratione procedentibus, modulamen dulce et musicum efficit *. Haec Pythagoram auditu percepisse iactabant vanissimi homines *, primumque tradidisse. Inde factum, ut consonantiarum soni planetis applicarentur, quae PTOLEMAEVS et NICOMACHVS prolixè explicant, qui videndi.

VI. Arithmeticae harmoniae proportionem sunt diapason, diapente, diatesaron: Quas qua ratione inuenerit Pythagoras, ita narrant veteres *: meditabundus aliquando, num auditui aliquod excogitare posset adminiculum firmum ac erroris expers, prope fabri ferrarii officinam obambulans audiuit malleos super incudem ferrum emollientes, sonosque congruos red-

*) Aristoxenus Tarentinus, Spinthari musici filius, patris primum et Lamprii Erythraei discipulus, inde Xenophili Pythagorici et demum Aristotelis, qui cum in successione scholae ei Theophrastum praetulisset, adeo eum offendisse dicitur SVIDAE in Aristox. T. I. ut pessime de eo defuncto dixerit, cuius tamen contrarium testatur Aristocles apud EVSEB. praep. L. XV. c. 2. eius elementa harmonica post MEVSIVM debemus M. MEIBOMIO inter septem musicos veteres T. I. Amst. 1652. 4. Animam nihil esse nisi harmoniam affirmavit. Scripti sunt etiam vitas vtrorum, id est, Pythagoreorum, Pythagorae, Archytae, Hipponis, Xenophili et aliorum, vid. VOSSIVS de hist. Graec. L. I. c. 9. IONSIUS de Script. hist. philos. L. I. c. 14. p. 72. FABRICIVS Bibl. Graec. Vol. II. p. 255. qui de scriptis eius deperditis agunt. GEL-

LIO N. A. L. IV. c. II. audit vir literarum veterum diligentissimus, PLVTARCHVS vero, quod non liceat suauiter viuere sec. Ep. non sine magna voluptate legi posse eius vitas asserit, conf. quos laudat MATTHESONIUS in der Orgelprobe praef. p. 22 seq.

s) PORPHYR. in Harm. Ptolom.

s) NICOMACH. manual. harm. L. I. c. 2. p. 2 seq.

u) ibid. conf. VOSS, de scient. math. c. XX. p. 81.

x) IAMBlich. vit. Pyth. c. XIV. n. 65. conf. GEBHARDVS de harmonia coelorum Pythagorica.


y) CENSORIN. de die nat. c. 10. BOETH. de music. c. 10. MACROB. in somn. Scip. L. II. c. 6. NICOMACH. l. c. c. 6. n. 10. GAUDENT. isag. harm. p. 13. IAMBlich. l. c. c. XXVI. n. 115. alique, Nos Nicomachum et Iamblichum sequimur.

reddentes, vna tantum consonantia excepta: et agnouit in illis concentum diapason, et diapente, et diatessaron, illum vero, qui inter diatessaron et diapente medius est, vidit inter se quidem symphoniae expertem esse, supplere autem, quod in iis exuberat. Ingressus itaque in officinam variis experimentis cognoscit, soni diuersitatem nasci ex malleorum magnitudine, non ex cudentium viribus vel ferri conuersione vel figuris malleorum. Ponderibus itaque malleorum maxime aequalibus accurate exploratis domum rediit, vnicumque paxillum parietibus ab angulo ad angulum infixit, deinde ab hoc paxillo quatuor chordas eiusdem materiae et magnitudinis atque crassitiei et aequaliter contortas ex ordine suspendit, singulisque singula pondera ab infima parte alligauit, cumque ita longitudinem fidium omni modo exaequasset, binas simul chordas alternatim pulsans dictam consonantiam inuenit. Nam illam, quae maximo pondere 12. tendebatur, cum ea, quae minimum pondus 6. habebat, simul pulsam diapason resonare deprehendit. Porro maximam illam, ad minimae proximam 8. pondera habentem, diapente consonare obseruauit; vnde hanc in ratione sesqui altera (*ἐν ἡμισολίῳ*) constituit. Ad eam, quae huic proxima, quoad grauitatem ista minorem, sed reliquis maiorem, quae nouem pondo esset, ipsam diatessaron efficere, et proportionem habere ad chordam 12. ponderum sesqui tertiam, ad chordam minimam 6. ponderum, sesqui alteram. Quod itaque est inter diapente et diatessaron, hoc est, quo diapente consonantia superat diatessaron, confirmabatur esse in superoctaua ratione, in qua nouem octo, et vtrinque probabatur quod concentus diapason, qui systema dicitur, esset contextus quidam iunctis diapente et diatessaron vt dupla ratio systema est sesqui altera et super tertiae in his numeris 12. 8. 6. aut contra ipsius diatessaron et diapente, vt duplum, super tertii et sesqui alteri, vt puta in tali ordine 12. 9. 6. Hac via proportionum ratione stabilita facili artificio illam communem paxilli, qui duobus parietibus ab angulo ad angulum affixus erat, lineam, ex qua chordae religatae erant, transtulit ad caput instrumenti, quod chordotonon vocabat; chordas vero clauorum superiorum, commensurata ad ponderum proportionem eorundem conuersione, intendebat: hacque norma vsus, ad varia deinceps instrumenta experimentum applicabat, eamque vbiuis proportionum deprehendebat consonantiam. Nominabat autem hypatem sonum numeri senarii participem, mesen, octenarii, qui illius existit supertertius; paramesen vero nouenarii quidem participem, tono autem acutiorem, quam est mese, atque illius superoctauam; neten denique de duodenario participantem; cumque compleuisset sonis proportionalibus secundum genus diatonicum interiecta spatia, octo chordarum compaginationem consonis numeris subiecit, duplo, sesqui altero, supertertio, atque horum differentiae superoctauo. Chromaticum vero genus et enharmonicum ex hoc declarauit. Ex his patet:

Typus Generis Diatonici.

Tomi I p. 2058.

Diazeugsis.





VII. Genera tria sunt, diatonicum, chromaticum, enharmonicum, quorum naturam et indolem musici veteres editi a MEIBOMIO prolixè describunt²: qui tamen in quibusdam inter se dissentiunt.

VIII. Generis cuiusvis gradus et progressus quidam naturales sunt, et diatonici quidem hi: hemitonium, deinde tonum, atque hoc esse diatessaron systema duorum tonorum, et hemitonii: Deinde adsumto alio tono, hoc est eo, qui est, interpositus, diapente fieri systema, trium tonorum quod sit et hemitonii. Deinde huic hemitonium et tonum, aliud diatessaron hoc est, supertertium. Vt in Pythagorica lyra, quae est octo chordarum, quaeque aut secundum coniunctionem systema quoddam existit tetrachordi, et pentachordi: aut secundum disiunctionem duorum tetrachordorum tono inter se inuicem separatorum, a grauissimo sono progressus sit ille, ut quinti a se soni inuicem omnes diapente consonent, hemitonio pedetentim in quatuor regiones transeunte, in primam nempe, secundam, tertiam, quartam³.

IX. Musicae sublimitas, ut per numeros magis, quam sensu percipiat, canon monochordi probe discendus est. Hoc praecepisse suis Pythagoram moribundum refert ARISTIDES⁴; nam illius inuentum fuit; quapropter Arimnestus, Pythagorae filius tabulam aeneam in templo Iunonis dedicauit, cui praeter alias artes canon quoque musicus inscriptus fuit, sublatus postea a Simo musico, qui sibi canonem vindicans, tanquam inuentum suum publicabat⁵.

X. Cantibus et rythmis aptaque certorum modorum modulatione mores atque affectus emendantur, animorumque facultatum harmoniae ad ordinem primigenium reuocari possunt, sicque medela corporis et animi morbis afferri. Hoc non tantum docuisse ait IAMBlichVS⁶, Pythagoram discipulos suos, sed iis quoque certos attactus et apparatus musicos (ἐξαρτύσεις καὶ ἐπαφάς) praescripsisse, ac diuina quadam ratione modulationes quasdam diatonicas, chromaticas et harmonicas ita attemperauisse, ut illis facile in contrariam flecterent partem et circumagerent vehementiores animae affectus, conuenienti modulatione veluti medicamine salubri temperatos. Ex quibus clarum est, non in solis modis eorumque usu, sed ipsis potius melodiis earumque attemperazione hos effectus musicae posuisse Pythagoram, qui cum hodie ignorentur, frustra disputatur, qua ratione

Sss sss 2

effe-

2) Videndus imprimis ARISTIDES de Music. L. I. p. 18. 19. cui harmonia appellatur illud genus, quod minimis abundat interuallis, a coagmentando dictum. Diatonum, quod tonis abundat, quandoquidem in ipso vox vehementius distenditur. Chroma, quod per hemitonia contenditur.

a) NICOMACH. l. c. p. 14. quae ut intelligantur, veteris musicae notitia requiritur, cui praeter alios a FABRIC. Bibl. Gr. Vol. II. p. 270 seq. et MATHESONIO l. c. allegatos lucem affundunt MAR. MERSENN. in rarissimis Qq. in Genes. p. 1515 seqq.

et in octo harmonicorum libris, quatuorque de instrumentis musicis Paris. 1648. fol. et de harmonia ib. 1644. 4. et IO. BAPT. DONI de praestantia musicae vet. Rom. 1635. 4. et annot. in eum ib. 1640. 4. IO. FELLVS de musica antiqua Graeca ad calc. Arati Oxon. 1672. 8. editi.

b) l. c. L. III. p. 116.

c) PORPHYR. n. 3. HOLSTEN. ad h. l. LAERT. L. VIII. f. 12.

d) c. XXV. n. 65.

effectus tam mirabiles, quales veteres referunt musica vetus sortita sit ^a. Errare vero eos, inde quoque manifestum est, qui diuersorum modorum effectus, quantitibus graduum localibus tonorum vel hemitoniorum tribuunt, licet multi veterum ita loqui videantur, cum potius ad diuersa genera cantionum, earumque qualitatem moralem referendi sint ^f. Tropi quidem, definiente BOETHIO ^g sunt constitutiones in totis vocum ordinibus vel grauitate vel acumine differentes, quae vero qualitibus, ordine, mensura et his similibus quam maxime variant. Ceterum, obseruante PORPHYRIO ^h habuit Pythagoras certa carmina peculiaria, quibus corporum morbis medebatur, quae tamen non ad nudos musicae effectus, sed etiam ad ἐπωδᾶς referenda sunt. Incantationibus enim et magicis carminibus vsum esse, ipse tradit hoc loco Porphyrius. Dorium vero modum prae ceteris adhibebant Pythagorei. Ridet hanc medicinam musicam more suo SEXTVS EMPIRICVS ⁱ, in dubium vocat cl. STOLLIVS ^k.

XI. Lyra philosophanti vtendum, non tibia, quae aliquid molle et pompae accommodatum liberisque hominibus indignum resonat ^l.

XII. Imprimis mane ac vesperi musica animus repurgandus est. Fuisse hanc consuetudinem inter Pythagoreos receptam, supra obseruauimus ^m.

Geometria.

§. XX. Praeter arithmeticam et musicam magnum quoque pretium geometriae Pythagoras statuit, quam cum didicisset in Aegypto, ipse primus inter Graecos ad quandam perfectionem perduxit. Exilia enim fuisse, praecipue quae theoreticam geometriam concernunt, quae a Moeride reperta tradebant Aegyptii, primo libro luculenter demonstrauius, et ex inuentis quoque Pythagorae geometricis patet, quae Aegyptios latuisse oportet. IAMBlichO ⁿ itaque nescio quae geometrica mysteria quae in Aegypto Pythagoras didicit, crepanti, fides habenda non est. Verisimiliora sunt quae tradit, accepta ab Aegyptiis auxisse, et discipulis tradidisse, quo forte sensu accipiendus est PROCLVS ^o, qui affirmat, primum eum geometriam in formam scientiae rede gisse, principiis eius inde a primis initiis consideratis. Ante Pythagoram enim praeter Ameristum et Hippiam, Thales in eo studio fuerat versatus, vt huius libri capite primo obseruatum. Quod enim Thales in Ionia fecit, Pythagoram fecisse in magna Graecia omnino probabile est; quanquam, si verum sit, Pythagoram audiuisse Thaletem, ad hunc initia, ad illum perfectior constitutio geometriae theoreticae referri debet ^p. Coniunxit vero Pythagoras numeros cum figuris geometricis,

vt

^e) Multa hac de re affert MERSENNVS Qq. in Genes. p. 1530 seqq. exempla habes apud SENEC. de ira L. III. c. 9. AELIAN. L. XIV. c. 23. IAMB. vit. Pyth. n. 112. PORPHYR. n. 30. QUINTIL. L. I. c. 10. L. IX. c. 4. SEXTVM EMP. adu. Math. L. VI. f. 8.

^f) Legi merentur, quae erudite hac de re disputat MATTHESONIVS l. c. §. 67 seqq. p. 30 seqq.

^g) Lib. IV. c. 14.

^h) l. c.

ⁱ) l. c. f. 23. effectum tamen negare non audet.

^k) Hist. phil. mor. gent. §. CXXIV. p. 215. conf. MERSENNVS l. c. p. 1533.

^l) IAMBlich. l. c. n. III. SENEC. de ira L. III. c. 9.

^m) ibid. conf. SCHEFFER. l. c. c. XIV. p. 166.

ⁿ) c. XXIX. n. 158.

^o) In Euclid. L. II. praef. p. 19.

^p) Conf. VOSSIVS l. c. c. XII. p. 49. et addend. p. 433.

vt rerum principia adumbraret, hinc statuit, si fides PROCLUSO, cui pleraque debemus:

I. Punctum proportionem unitati, lineam binario, superficiem ternario, corpus quaternario respondere.

II. Punctum esse unitatem habentem positionem.

III. Lineam binarium esse, quia secunda sit, atque prima ab indiuisibili motione.

IV. Superficiem ternario similem esse, quoniam omnes figurae superficiei primam triada agnoscant.

V. Circulum, qui rotundarum figurarum princeps est, triadem occulte complecti, centro spatium, et circumferentiam.

VI. Triangulum manifeste ternario contineri, adeoque simpliciter esse principium generationis et formationis generabilium, et proportionem omnes, naturales aequae ac elementorum constitutionis esse trigonas. Plura addit Proclus, vt rebus naturalibus haec applicet, quae luculenter eius ingenium ad tricas maximopere inclinans, redolent.

VII. Quadratum diuinam praecipue repraesentare essentiam, eo enim maxime purum significari ordinem atque intemeratum. Pertinent huc etiam theoremata a Pythagora, forte a discipulis etiam, inuenta, qualia sunt.

VIII. Sola haec tria polygonum totum spatium circa aliquod punctum implere triangulum aequilaterum, et quadratum et hexagonum aequilaterum et aequiangulum.

IX. Triangulum quoduis angulos internos aequales habere duobus rectis.

X. In triangulo rectangulo quadratum, quod imponitur lateri angulum rectum subtendenti, aequale esse quadratis, quae imponuntur lateribus angulum rectum continentibus. Hoc theoremate inuento hecatomben Pythagoram sacrificasse Musis, refert Apollodorus, PLUTARCHVS * bouem, PORPHYRIUS * bouem ex farina confectum, quod cruenta sacrificia offerre non soleret. Qua ratione statuam Herculis affecutus sit narrat GELLIVS ⁷ qui videndus.

§. XXI. In Astronomia haec placuisse, si non ipsi Pythagorae, quod *Astronomia* tradunt, certe Pythagoreis, veteres referunt:

I. Tria esse, quae coeli nomine dicuntur. Primo quidem ipsam sphaeram inerrabilem siue firmamentum, secundo, distantiam illam, quae est a firmamento vsque ad lunam; tertio vniuersum mundum, coelum scilicet et terram ².

SSS SSS 3

II.

⁷) In Euclid. L. III. ex quo potiora refert STANLEYVS Hist. philos. P. VIII. p. 741 seqq.

²) Latentes virtutes geometricas in rebus naturalibus qua ratione expresserint. v. delis PSEUDO-ORIG. philos. c. II. p. 35. quos ideo recte ridet BURNETIVS Archaeol. phil. L. I. c. 13. p. 425.

⁵) PROCLUS l. c. p. 81 seqq.

²) LAERT. L. VIII. c. 12. VITRUVIVS Archit. L. IX. c. 1.

^u) l. supra cit.

^x) n. 36.

^y) Lib. I. c. 1.

^z) Anonymus PHOTII l. c.

II. Decem esse sphaeras coelestes (duodecim enim, qui narrat, Anonymus PHOTII audiendus non esse videtur) quarum nouem tantum oculis nostris pateant, stellarum nempe fixarum, septem planetarum, et terrae nostrae; decimam ἀντίχθονα esse, id est oppositam terrae nostrae ^a. Quid vero antichthon Pythagoreorum sit, et an coelum ^b, vel luna, quod post veteres quosdam ^c placet BURNETIO ^d et BVDDEO ^e, an aliud, erudite disquirat, veterumque ea de re diuersas exponit opiniones IAC. THOMASIVS ^f, qui legendus. Quod si SIMPLICII ^g hac de re cogitata, quae omnium proxime veritati accedere videntur, sequimur, Pythagorei, cum in coelestibus quoque propter harmoniam mundi vniuersalem numerorum elementa quaerent, et decadem perfectissimam omnium ponerent, nouem, quas videmus sphaeris addidere decimam, antichthona, terrae nostrae oppositam, ut totum aequaliter compactum deprehenderetur ^h, licet nec vidissent, nec scirent, qualis ἀντίχθων illa esset. Eiusmodi enim notiones et ideas nihili saepissime excogitauit arrogans ignorantia et δολία τῆς ὑποθέσεως.

III. Medium in mundo locum ignem obtinere, vel, ut STOBÆVS ^b exprimit, in medio quatuor elementorum igneum vnitatis globum esse, circa quem reliquae mundi partes mouentur atque voluuntur.

IV. Terram immotam non esse, neque in medio globi positam, sed suspensam, quippe quae sit ex sideribus circa positum in medio ignem actis, hoc ipso motu diem noctemque efficiens. Nobilis et decantata hypothesis, quam post Nicolaum Copernicum totus fere hodie recepit orbis mathematicus. Eam Philolao quidam tribuunt, sed receptum in schola Pythagorae dogma fuisse, PLVTARCHI ⁱ et aliorum testimonia euincunt, Philolaeus vero primus, ut alia quoque, vulgauit ^k, ex quo passim veteribus receptum fuit. Male itaque SIMPLICIUS ^l, ut malesano, cui adhaerebat, syncretismo faueret, per istum ignem vim procreantem, nutrientem, excitantem intelligi, quae medio insit terrae contendit. Ille enim ipsius ARISTOTELIS testimonio facile refutatur. Quod si CLEMENTI ALEXANDRINO ^m fides est, hanc hypothesein in Aegypto didicit Pythagoras, ubi scarabeus globum ex fimo formatum voluens, eam significasse dicitur.

V. Magnum annum Saturni ambitu definiri, qui XXX. annis cursum absoluit, ut Iupiter XX. Mars II. Sol I. parique spatio Mercurius et Venus, Luna menstruo ⁿ. Sed et methodum planetarum anticipationes et retardationes

^a) PLVT. de an. procreat. T. III. p. m. 98 seqq.

^b) CLEM. ALEX. Strom. L. V. p. 614.

^c) SIMPLICIUS ad ARIST. de coelo L. II. c. 13.

^d) Archaeol. philos. L. I. c. XI. p. 424.

^e) Hist. phil. c. III. §. 41. p. 102. Huic opinioni obstat, quod antichthon nostris oculis non exposita sit sec. Pythagoreos.

^f) Obs. Hal. Lat. T. IV. obs. 19. p. 388.

^g) I. c. p. 113.

^h) ARISTOT. I. c. T. I. p. 363.

ⁱ) Eclog. phys. L. I. c. XXV. p. 7, vbi tamen

ignis ille vniuersalis ab igne extremo distinguitur. Quod ex Empedoclis hypothesi de duplici sole lucem capit, de quo infra.

^j) In Numa T. I. p. m. 123. Philolaeus vero adscribit de placit. phil. L. III. c. 12. et LAERT. L. VIII. f. 85.

^k) Conf. VOSSIVS de sectis c. VII. §. 41. de scient. math. c. XXXIII. §. 8. ANONYM. Photii I. c.

^l) I. c.

^m) Strom. L. V. p. 556.

ⁿ) ANONYM. Photii I. c.

dationes atque anomalias per eccentricitates et epicyclos explicandi quidam ad Pythagoram referunt, alii Eudoxum inuentorem faciunt.

VI. Planetas motum habere *ἐν κύκλῳ* et interualla musicis diastematis congrua, sonitusque varios reddere, pro sua quemque actitudine, ita concordēs, ut dulcissimam quidem melodiam concinant, sed nobis auditu non perceptibilem, propter vocis magnitudinem. Id qua ratione computauerit Pythagorae schola, apud CENSORINUM * legipotest, qui tamen aliter rem explicat, quam PLINIVS †.

VII. Venerem et phosphorum et hesperum esse. Eius naturam Pythagoram primum detexisse ait PLINIVS ‡, quo cum consentit LAERTIVS §: illum tamen, dum Olymp. XLII. id factum esse contendit, errasse, exiis manifestum est, quae supra de Pythagorae aetate disputauimus. Sed et alia inuenta tribuunt Pythagorae veteres. Ita enim primus obliquitatem eclipticae obseruasse dicitur PLUTARCHO ¶, quod alii Anaximandro, alii Oenopidae Chio ⁂ tribuunt, idque forte, suo de quouis loco, recte.

VIII. Lunam ceterosque globos planetarum habitabiles esse. Inter doctrinas Orphicas hanc quoque supra retulimus, ex quo forte fonte eam hausit Pythagoras  .

IX. Esse antipodas, quibus superius sit, quod nobis infra †. Platonem tamen antipodas primum designasse, supra idem LAERTIVS nos docuit.

§. XXII. Hisce disciplinis propaedeumaticis praeparatos discipulos ad ipsa philosophiae adyta ducebat, et arcanam sapientiam iis tradebat, de rebus tum diuinis tum naturalibus, tum moralibus et humanis differens †. Antequam vero placita, quae Pythagorae in singulis philosophiae partibus tribuuntur, recensemus, prius, quid de philosophia eiusque studio in genere differuerit, exponendum est, sine quo reliqua non intelligi possunt. Dolendum vero, pleraque, quae hic afferri possunt, Platonice deberi, quorum fides qua ex causa hac in re suspecta sit, in limine huius capitis enarrauimus. Cum tamen certiora nobis non suppetant, illi audiendi sunt. Eo vero potiora redeunt:

I. Sapientia et philosophia multum inter se differunt †.

II. Sapientia vera est scientia quaedam, quae versatur circa pulchra, eaque prima diuina, et incorruptibilia, quae eodem modo se semper habent, et ob quorum communionem etiam cetera pulchra quis dixerit. Ita IAMBlichVS  , qui breuius alio loco: sapientia est scientia veritatis, quae est in entibus.

III.

* GEMINVS astrol. c. I. IAMBlich. c. VI. n. 31. secutus.

† De die natali c. 13.

‡ Lib. IX. c. 21. 22.

§ Lib. VIII. s. 14.

¶ De placit. philos. L. II. c. 12.

  CENSORIN. l. c. c. 19.

q) Lib. II. c. 8.

  Conf. FABRIC. Bibl. Gr. Vol. I. p. 132.

† LAERT. l. VIII. s. 26.

‡ GELLIVS l. I. c. 9.

  IAMBlich. vit. Pyth. c. XII. n. 59. c. XXIX. n. 159. Intr. in Nicomach. arithm. p. 5. conf. TENDIVL. ad h. l. p. 75. PORPHYR. n. 53.

  ll. cc.

III. Entia haec sunt, quae sunt expertia materiae, aeterna, et per se efficientia, qualia sunt incorporalia.

IV. Quae per participationem illorum entia vocantur, ut corporea, materialia, generationi et corruptioni obnoxia, illa tantum aequiuocetalia, adeoque vere neutiquam entia sunt. Exponit his IAMBlichVS*, cuius verba exhibemus, cardinem et summam totius philosophiae Pythagoreae. Quae cum emanationis lege rerum omnium essentias ex primo et infinito ente, siue Deo, deriuaret, certosque gradus, classesque et ordines rerum omnium, quae ex Deo emanarunt poneret, necessario ad eiusmodi naturas spirituales, simplices, aeternas, et diuinas, id est, ex Deo ortas deuenit, quae rebus fluxis materiaeque in omnes partes mutabili et instabili essentiam, naturamque per communicationem largirentur. Pleni sunt de his principiis rerum, siue entibus vere talibus interpretum philosophiae Pythagoreae libri, cum, si hos audias, Pythagoras, quae numeris suis occultauit, ita intelligi voluerit. Diximus vero supra, Platonem ideas suas inde hauisse, easque idem prorsus esse, quod intelligibilia Pythagoreis tributa. Non itaque prolixa eorum explicatione detinebimus lectorem, sed ad ea remittimus, quae capite sexto de Platonis philosophia latissime disputauimus: cuncta enim conueniunt, cum intelligibilia eundem locum teneant, quem ideae, ut alibi^y inuictis, nisi toti fallimur, argumentis probauimus. Duo tamen momenta merito dolemus, primo quod ab ipsis Pythagoreis genuinis et veteribus scripta non supersint, ex quibus iudicari queat, an Plato eandem prorsus viam ingressus fuerit, vel aliquo modo a se mita Pythagorea recesserit? deinde, quod plerique qui Pythagorica ex Platonice illustrauerunt, et de intelligibilibus siue de *έντας έντων* cognitione multa garriunt, quales sunt PLOTINVS, PORPHYRIVS, IAMBlichVS, PROCLVS hisque similes, infausto conciliandi omnes veterum doctrinas cum nugis tricisque suis studio pleraque corruerint, adeo ut plane incertum sit, quantum ipsi scholae Italicae tribui debeat^z. Sed cum tota historiae Pythagoricae conditio aliam prae se faciem non ferat, nec certiora promittat, his quoque contentos nos esse oportet. Ceterum quae attributa, quae proprietates entibus vere talibus tribuerit hoc hominum genus, nemo subtilius explicuit, quam PORPHYRIVS^a, qui ab iis, qui hisce delitiis gaudent, ipse adeundus est. Nobis enim per haec dumeta repere, hasque colligere spinas, propter instituti nostri limites non licet.

V. Sapientia versatur circa ea, quae proprie, non vero circa ea, quae aequiuoce sunt entia: quoniam corporalia neque sciri possunt, neque cognitionem firmam admittunt, cum sint infinita, nec scientia se patiantur comprehendi: ita ut respectu vniuersalium se habeant, ac si non essent, nec insuper definitioni includi queant.

VI.

* I. c. n. 160.

^y) Amoen. lib. T. VII. p. 174 seqq.

^z) Idem de MICH. MOVRGES plan de Pythagoreisme obseruandum, pleraque enim ex Platoni-

cis diiudicantur.

^a) De occasionibus ad intelligib. s. sententiis p.m. 79. 91. ed. Rom. conf. SCHEFFER. I. c. c. VIII. p. 56 seqq. Hist. de ideis sect. I. §. 2. p. 8 seqq.

VI. Entium vero proprie talium, quaeque semper circa eadem et eodem modo permanent, atque vere cum nomine suo coëxistunt, scientiam et intellectum sequi solet intellectus entium aequiuoce talium, etiam si non intendatur eo studium ^b.

VII. Hanc scientiam qui affectat, et ad eam curam suam intendit, philosophus est ^c. Pythagoras qua occasione quae ex causa nomen hoc loco sapientiae introduxerit, supra exposuimus. Addimus ibi dictis, nomen sapientis non philosophantibus de diuinis et humanis tantum tributum, sed et eruditis omnibus, immo artificibus quoque, iudice NICOMACHO GERASENO ^d, Pythagoram impulisse, ut sapientis nomen repudiaret. Qua de re digna sunt quae legantur, allata a Io. SCHEFFERO ^e.

VIII. Philosophia itaque occupata est, circa omnia genera entium: quorum alia in vniuersum omnibus accidunt, alia vero eorum pluribus, alia vero singulis: prima sapientia siue philosophia potius prima considerat, altera peculiare scientiae. Quisquis vero resolvere potis est, omnia entium genera ad vnum idemque principium, iterumque ex eo componere et enumerare, hic sapientissimus est, et verissimus. Ita luculenter Periclyone Pythagorica apud STOBAEVM ^f.

IX. Finis philosophiae est, ut per cognitionem entium vere talium mentes ad intuitiuam tandem promotae cognitionem Deo fiant similes, immo ipsi Dii. Clare hoc aureum carmen in fine:

*Sic ubi deposito conscendes corpore coelum
Immortalis eris Deus, aeternumque beatus.*

Plura dabit SCHEFFERVUS ^{ff} et nos alio loco ^g.

X. Ad hunc vltimum finem ducit veritas, siue cognitio entium aeternorum, verorum, immutabilium ^h.

XI. Ut hunc finem consequatur, omnibus curis id agendum, ut mens expurgetur, meliorque reddatur, atque sic demum ei vtilia et diuina infundantur, communicenturque, ne vel a corpore recedere timeat, vel ad incorporea accedens, prae splendore illorum fulgentissimo oculos auertat, aut ad passiones, qui animam corpori, veluti quibusdam clavis fibulisque affixam tenent conuertatur, sed aduersus omnia, quae generationi subseruiunt, itemque aduersus affectus, qui nos in terram detrahunt, tota persistat indomita ⁱ.

XII.

^b) IAMBlich. l. c.

^c) IDEM Introd. in Nicomach. p. 5.

^d) Arithm. l. I.

^e) l. c. p. 33 seqq. Sapientiam eminentiori sensu vindicabat Pythagoras Deo LAERT. l. c. conf. LACTANT. l. III. c. 2.

^f) Serm. I. p. 7. Periclyone, quae a matre Platonis distinguenda est, inter mulieres Pythagoricas numeratur, librique ei de sapientia et de harmonia feminae tribuuntur, quos tamen ei suppositos esse RICH. BENTLEIVS apol. pro diss. de epist.

Phalaridis p. 381 seq. contendit. Eam perperam in virum mutat SCHEFFER l. c. p. 51.

^{ff}) l. c. c. VI. p. 43.

^g) Amoen. lit. l. c. p. 245 seqq. Platonem hunc philosophiae finem paulisper limitasse supra monuimus.

^h) SCHEFFER l. c. c. VIII. p. 58. Hist. de ideis l. c.

ⁱ) IAMBlich. c. XXXII. n. 228. PORPHYR. n. 46. RITTERSHVS, ad h. l. SCHEFFER, l. c. pag. 53.

XII. Fieri hoc vero non potest, nisi per mortem philosophicam, id est liberationem ab omni corporis commercio; quae ut attingatur, primo quidem necesse est, noscere semet ipsum, animam esse in re aliena, et substantiae prorsus diuersae deuinctam; secundo colligere semet ipsam a corpore et quasi e diuersis locis, ita ut omnino liber sis ab eius affectionibus, et operatione sensuum: liberare se etiam a doloribus, ira, metu, cupiditate cibi et potus, et rerum venerearum; et studere, ut corporalium affectionum motus, ad irrationale, voluntate nec consentiente nec aduertente, moueantur, sic ut omnia in vacuitatem affectuum desinant. Prodit his PORPHYRIUS^k, quo horum hominum tendat philosophia, in entusiasmum desinens^l. Qualem ipsum Pythagoram affectasse, eumque Platonem imitatum fuisse, ex dictis constat. Imprimis vero mortis huius philosophicae initia facienda inculcata sunt a coercitione ventris, ut ex aurei carminis versu nono et decimo disci potest pluribusque docent HIEROCLESⁿ et IAMBlichVS^m. Quam purgandi rationem Pythagoream tenuisse accurate Apollonium Tyaneum, suo loco ex PHILOSTRATO^o docebimus. Causam ineptae doctrinae recte tum in emanationis systema, cuncta ad entusiasmum reuocans, tum in odium materiae, cui causa mali adscripta fuit, reiicias.

XIII. Ita liberatum a corpore in se verti oportet, caeteris, quae extra sunt, obliuioni traditis^p. Huc illud Pythagorae *λάτρε βιώτας*, *latenter esse viuendum*, quod, tanquam Pythagoricum strenue imitati sunt Apollonius^p atque Proclus^q.

XIV. Ita recte constitutae mentis ascendere ad Deum licet, contemplationique rerum diuinarum et aeternarum se totam tradere. Celeberrima haec in Pythagoreo-Platonicorum scholis *ἀνδρως* est, qua mens originis suae conscia, ad fontem, vnde emanauit, ut est in oraculis, redit, et contemplatione *τῶν ὄντως ὄντων* intuitiua cum Deo se iungit, inque Deum redit^r. Sunt qui haec a Zoroastre didicisse Pythagoram volunt^s, quae, quo loco habenda sint, ex iis, quae de itinere eius orientali, deque fide oraculorum Zoroastri tributorum suo loco disputauimus, liquet.

XV. Ut vero haec feliciter procedant, Deus in auxilium vocandus est, et daemones boni^t, imprimis vero genius *πάρεδρος* siue tutelarior.

XVI. Tantis opibus ad hunc finem consequendum acquirendis preces adhibendae sunt, et inuocatio Deorum.

XVII. Cognitionem entium vere talium qui consecutus est, sapientiam veram adeptus, nihil miratur, cum rerum omnium formas causasque essen-

k) Περὶ ἀπορμ. Sent. 34. p. m. 85.

l) Conf. cel. G. MICH. HANSCH. de entusiasmo Plat. sect. VII. §. 7. p. 92 seqq.

m) Vit. Pyth. c. XXXI. n. 187.

n) Vit. Apoll. L. I. c. 8. p. 9.

o) Conf. SCHEFFER. l. c. c. IX. p. 76.

p) PHILOSTRAT. L. VIII. c. 11.

q) MARINVS in vita Procli.

r) SCHEFFER. l. c. p. 77. BVDDEVS Anal. hist. phil. p. 371. IOH. FRIDEM. SCHNEIDER diss. de ἀνδρως Pythag.

s) cit.

t) Aur. carm. v. 61. 62. HIEROCLES h. 11. IAMBlich. protrept. c. III. SEXTVS EMPIR. adu. math. L. VI. f. 50.

essentiales teneat *f*. Ita scopum, quem et alii sibi fixere philosophi, ad ineptissimam doctrinam commendandam adhibuere philosophiae Pythagorae interpretes.

XVIII. Philosophia vel circa agenda versatur, vel circa cognitionem, adeoque vel practica vel theoretica est *u*.

XIX. Initium vero faciendum est a virtutis praeceptionibus et tum ad veritatem progrediendum, hoc est ab actione ad contemplationem *v*. Hinc commendatio virtutis, quae a veteribus vnanimi fere consensu Pythagorae tribuitur *w*.

XX. Contemplatio intelligibilium, siue entium fere talium animi tranquillitatem et libertatem a rebus terrenis eum turbantibus postulat. Hinc otium philosophicum teste IAMBlichO* Pythagoreis tantopere deamatum: quem in finem ipsum Pythagoram negotia discipulorum politicis et oeconomicis commisisse, ut reliqui diuinis meditationibus eo liberiorius indulgerent, supra docuimus.

XXI. Sequitur inde, ciuilibus negotiis non facile permittere, se philosophum.

XXII. Philosophia ratione auditorum est vel exoterica vel esoterica *y*. Illa nudas veritates sine demonstratione proponit, sub symbolis et similitudinum atque allegoriarum velo; haec veritatis rationes et demonstrationes iis proponit discipulis, qui apte ad id praeparati sunt. Rem ipsam supra iam, de methodo Pythagorae differentes prolixè fatis atque clare exposuimus; vnde hoc vnum addimus: ex conditione philosophiae exotericae ad esotericam non concludendum esse; potuit enim, ut recte monet CLERICVS *z*, egregia dicere ad vulgus et acusmaticos, impietatis vere mysteria initiatis reseruare.

§. XXIII. Egregia praecepisse Pythagoram circa philosophiam actiuam siue moralem, facile nobis persuadent ea, quae ad exotericos dicta veteribus memorata sunt, et officia diuersae aetatis et conditionis hominum inculcant *a*. Quid interioris admissionis discipulis praeceperit, difficilius dictu est, tum propter methodum symbolicam, qua moralem philosophiam tradidit, quaeque variis interpretationibus subiecta diuersas nobis veterum coniecturas, non diffitente IAMBlichO *b* pro Pythagoricis doctrinis obtrusit, tum propter demonstrationes initiatis tantum reseruatas, quae nos de genuino sensu scopoque iudicare non sinunt, sic ut scopae tantum dissolutae *c* colligi queant, vel Pythagora iuniorum scriptorum cogitationes et

Philosophia actiua.

Ttt ttt 2

Φιλο-

f) PLVTARCH. de auscult. T. IV. p. m. 139.

g) Vid. quos laudat SCHEFFERVS l. c. p. 55.

u) HIEROCLES l. c. p. 2.

v) ib. p. 4.

w) LAERT. L. VIII. f. 32. CLEM. ALEX.

STROM. L. II. p. 417. IAMBlich. protrept. c. 9. p. 58.

STOBAEVS ecl. eth. c. III. p. 164.

x) Protrept. c. 14. conf. SCHEFFER. l. c. p. 64.

y) IAMBlich. vit. Pyth. c. XXII. p. 101. SCHEFFER. p. 84.

z) Bibliotheque chois. T. X. p. 185.

a) Prolixè ea recitat IAMBlichVS vit. Pyth. c. VIII seqq.

b) c. XVIII. n. 86 seq.

c) Agnouit hoc quoque IAMBlichVS c. XXXIV. n. 247. ταύτα ἅπας καὶ ἀπὸ τῶν σπογδαίων λεγομένων τεκμήρια ἢ παραθετο περὶ Πυθαγόρου καὶ τῶν Πυθαγορείων; quis tot et tanta e sparsim dictis de Pythagora et Pythagoreis documenta apponere queat?

Φιλοσοφόμενα pro Pythagoricis admitti debeant. Et si enim supra iam indicatum est, extare hodie fragmenta scriptorum moralium et politicorum a Pythagoreis editorum, neminem tamen fugit, quam incertae ea fidei sint. Verum haec aliter in hac quidem historiae philosophicae parte non constant. Manet tamen haec Pythagoram gloria, quod primus, teste ARISTOTELE ^d fuerit, qui moralem philosophiam excoluit, idque in magna Graecia praestitit, quod post eius tempora Socrates Athenis. Secta enim Ionica, quae paulo maturius, quam Pythagoras, philosophari coepit, rerum naturalium indagatiori soli se tradidit, moralem neglexit, ut supra capite primo observatum. Potiora vero, quae Pythagoram de actiua philosophia tradidisse veteres referunt ^e, haec sunt:

I. Duo virtutum genera sunt; priuatae aliae, quae nos ipsos respiciunt, et publicae, quae ad alios referuntur.

II. Hinc duae partes moralis philosophiae sunt, paedeutica et politica ^f.

III. Paedeutica instituit hominem ad virtutem; eius sex capita recenset IAMBlichVS ^{ff}: institutionem, silentium, abstinentiam a carnibus, fortitudinem, temperantiam, sagacitatem. Et eadem fere methodo commentarium quoque de vita Pythagorae elaborauit, ut ostenderet, hac potissimum via ad summam virtutem Pythagoram peruenisse.

IV. Hominis virtus est hominis naturae perfectio.

V. Virtuti haec tria necessaria sunt, ratio, facultas et consilium. Ratio iudicat et contemplatur, facultas resistit et moderatur, consilium amat et amplectitur. Primum partis animae rationalis pars est, alterum ratione carentis, tertium vtriusque.

VI. Virtutum omnium numerum, nec non virtutis ortum et constitutionem ex animae partibus licet cognoscere; etenim animi partes primae sunt duae, altera compos rationis, expers altera; illa iudicamus et contemplamur, hac ferimur et appetimus. Hae porro consentiunt inter se vel dissentiunt, quae quidem pugna ac discordia propter nimium vel parum existit.

VII. Cum igitur rationis compos pars moderatur expertem, tolerantia gignitur et continentia; cum altera imperat, paret altera, et inter se ambae consentiunt, virtus nascitur.

VIII. Species autem virtutis et partes hoc modo sunt considerandae, ut partes animi, quarum altera ratione praedita, carens ratione altera, quae porro vel iracundia, vel cupiditas: quarum illa vlciscimur et defendimus nos; hac propriam corporis constitutionem appetimus et desideramus. Haec METOPVS Pythagoreus ^g, quocum CLINIAS et THEAGES consentiunt, quorum vltimus hoc porro addit ^h:

IX.

^d) L. I. c. 2. Magn. moral.

^e) Luca veterum huc facientia magnam partem eo legit MAGNVS DANIEL OMEIS in Ethica Pythagorica Altdorf, 1693. 8. vnde sua hausit P. BAYLE Dict. T. III, art. Pythagore.

^f) LAERT. L. VIII. f. 6, qui libros his titulis Pythagorae tribuit.

^{ff}) Protreptic. c. 6.

^g) Opusc. mythol. TH. GALEI cura edit. p. 684.

^h) p. 689.

IX. Ratio cognitioni, ira robori, cupiditas appetitui praeest; cum igitur haec tria vna compage in vnum rediguntur, tum virtus et concordia in animo gignitur, si diuelluntur, vitium oritur atque discordia.

X. Cum ratio partes animi ratione carentes moderatur, tolerantia gignitur, et continentia, dum labores illa, voluptates haec moderatur: cum melior pars imperat et praeest, virtus exiit, ita, vt cupiditati ratione imperante, fiat temperantia, cum iracundiae, fortitudo, cum partes omnes imperant iustitia.

XI. Iustitia vitia cuncta, et virtutes animi inter se discernit, et animi partium compagis quaedam est constitutio virtusque perfecta et suprema. Magno consensu hanc virtutum partitionem sequuntur Platonici recentiores, quorum hac de re cogitationes ad eorum tempora delati describemusⁱ: qui hos Pythagoreos se sequi profitentur. Non diffitemur tamen, haec nobis fragmenta ideo *νοθείας* suspecta esse, quod tam pulchre recentiorum Platoniorum philosophemata iis respondent^k, et ratiocinia quoque eandem scholam aperte sapiunt, quae antiquitatis faciem non prae se ferunt, eiusmodi acumina ignorantis. Sed de his iudicium esto penes lectorem.

XII. Vitia verbis celanda non sunt, sed reprehensionibus emendanda ad virtutem^l.

XIII. In vniuersa hominum vita aetates quaedam inter se distributae sunt, quae *ἐνδεδασμέναι* Pythagoreis dicuntur, neque cuiusuis est, illas secum inuicem connectere: subuertitur enim vna ab altera, nisi quis ab incunabulis id, quod in se hominis est, bene recteque institutum habet^m.

XIV. Debet itaque cum educatione pueri ita comparatum esse, vt si ad probitatem, ad sobrietatem, ad fortitudinem exacta fuerit, potissima eius pars in adolescentiam, et ex hac in virilem aetatem transferatur: cuius plerumque contrarium fit.

XV. Nunquam itaque homini concedendum, vt, quod lubet, perpetret, sed semper adiungendus, qui praesit, ita vt quilibet ciuium legitimo decentique imperio pareat.

XVI. Sapiens nihil non eorum expectare debet, quae homini accidere possunt, quaeque in eius potestate non sunt, sed ea fortiter ferreⁿ.

XVII. Iniussu itaque imperatoris, Dei, de praesidio et statione vitae decedendum non est^o. Ita reiecit Pythagoras *αὐτοχειρίαν*, praecipue quod fortitudini esset contraria.

XVIII. Proscribenda, a ventre luxuria, a rebus omnibus excessus, robur enim animae est temperantia, et lumen quatenus passionibus ea expers est^p.

Ttt ttt 3 XIX.

i) Videndus interim FABRICIVS proleg. ad vitam Procli a MARINO scriptam.

k) Quam audaces enim in fingendo et supponendo fuerint, aliquoties iam notauimus.

l) STOBÆVS Serm LXVI p. 250.

m) IAMBlich. vit. Pyth. c. XXXI. n. 201. Quae ratione vero Pythagoras hominis aetates distinxe-

rit, explicat LAERTIVS L. VIII. s. 10. ad quem viros doctos vide.

n) IAMBlich. l. c. n. 224.

o) CICERO de Senect. c. 20. conf. OMFIS l. c. p. 30.

p) PORPHYR. vit. Pythag. n. 39. STOBÆVS serm. XXXVII. p. 114.

XIX. Continentiam possidere, maximi roboris et diuitiarum instar est ^r. Ea vero non in gula tantum, sed ventre quoque coercendo, moderandaque venere seruanda est; vanaeque et superfluae cupiditates fugiendae.

XX. Ebrietas itaque pernicies est, omnisque impletio vitanda, nec transgrediendus modus cibi potusque ^r.

XXI. Venerea hyeme non aestate facienda, in autumnno ac vere facilius quidem feruntur, omni autem tempore graui sunt, et ad sanitatem minime idonea ^r. Videtur Pythagoras concubitum, tanquam rem philosopho non satis dignam, respexisse; interrogatus enim, quando concumbendum? tunc, inquit, cum te ipso infirmior fieri vis. Neque tamen coniugium totum respuit, sed et ipse coniugatus vixit, et coniugibus officia praeclare praescripsit ^r.

XXII. A voluptate cauendum est, tanquam a re summae cautionis indiga, nullo enim nos alio, quam isto affectu magis decipimur, et in peccata praecipites agimur: hinc eo contendendum est, ne vnquam ad voluptatem collineantes, aliquid incipiamus, sed bonum honestumque primo loco spectandum, vtilitas vero commoditasque in secundis collocandae, et haec quidem iudicio non vulgari opus habent ^{ff}.

XXIII. A prima statim iuuentute proficientium curae attendendum, vt mature, quae appetenda sunt, appetant, vanasque et superfluas cupiditates fugiant, adeoque ab huiusmodi perturbationibus puri et imperturbati maneant, cosque ipsos contemnant, qui eo, quod cupiditatibus impliciti sunt, dignos se contemptu reddiderunt, quod iis saepe contingit, quibus in eminentiori potestate constitutis cupiditates imperant ^r.

XXIV. Duplex tamen voluptatum discrimen est: vna plebeia atque fascinatix, altera solida, et grauis atque ab omni scelere aliena. Illa ventri et veneris libidinibus, opum profusione, indulget; haec in rebus honestis ac iustis et ad vitam necessariis consistit, haec admittenda, illa vt Sirenum cantus, fugienda ^u.

XXV. Maximum homini bonum in sapientia situm est, robur enim, et murum et arma sapienti sapientia praestat ^v.

XXVI. Politices capita sunt: communis conuersatio, amicitia, cultus Deorum, pietas in mortuos, et legum latio ^w.

XXVII. Est quaedam viuendi cum aliis ratio opportuna, alia importuna; quae inter se differunt diuersitate aetatis, dignitatis, necessitudinis, meritorumque, et si quid aliud discriminis inter homines occurrit.

XXVIII. Iuuenibus erga senes omni irae aut comminationis specie omnique ferocia abstinendum, et tota huiusmodi importunitas deuittanda.

XXIX.

^r) ibid. serm. XXXIX p. 136.

^q) LAERT. L. VIII. f. 9.

^r) ibid.

^s) IAMBlich, c. XXXI, n. 206. Excerpta Peiresc. p. 247.

^{ff}) IAMBlich, n. 204.

^t) ibid. n. 206.

^u) PORHYR. vit. Pyth. n. 39.

^v) STOBaeVS Serm. XXVIII. p. 77. 82.

^w) IAMBlich. vit. Pyth. c. VI. n. 32.

XXIX. Par dignitatis quoque ratio est, nam cum viro, qui ad veram virtutis dignationem peruenit, neque decorum neque tempestiuum est, familiarius liberiusque agere *.

XXX. Est autem varius quidam et multiformis temporis opportuni vsus, qui in omnibus affectibus, actionibus, dispositionibus, colloquiis et interpellationibus occurrit, qui aliquatenus quidem, non vero vniuersaliter praeceptis describi potest. Ei decorum et concinnitas tanquam pedissequae adhaerent ².

XXXI. Amicitia datur omnium erga omnes ³.

XXXII. Certamen et contentionis studium remouendum est ab omni in vniuersum amicitia, si fieri possit; si non, saltem ab ea, quae nobis cum parentibus et ingenere cum senioribus aut cum benefactoribus intercedit, in qua ne minimum quidem cicatricum vel exulcerationum esse debet ⁴.

XXXIII. Hoc fieri potest, si vterque amicorum inuicem cedere, iramque comprimere sciuerit, imprimis iunior.

XXXIV. Emendationes et correptiones, (quas παιδεγέσεις nominabant Pythagorei) multa cum clementia cautioneque a senioribus erga iuniores fieri debent, plurimumque sollicitudinis affectusque ex parte corripientium prominere: ita enim decorae et vtilis fiunt.

XXXV. Nunquam ab amicitia fides neque serio, neque per iocum remouenda.

XXXVI. Amicitia non est reprobanda propter infortunium, vel aliam quandam infirmitatem, quae rebus humanis interuenit, sed vnica, probabilis, quae sit causa reiciendi amici, est inemendabilis malitia.

XXXVII. Inimicitia tantum contra plane improbos obfirmato animo gerenda, strenueque decertandum, nisi mores mutauerit aduersarius et ad bonam mentem redierit: idque non verbis, sed factis ⁵.

XXXVIII. Nunquam dissidio, quantum in nobis est, occasio danda est, sed quam maxime quisque potest, rixae huiusmodi principiis obstandum.

XXXIX. In amicitia, quae vera et sincera futura est, quam plurima debent esse definita ac legibus suis circumscripta, et, vt decet distincta, ac prouidendum, ne quid temere fiat, nullumque colloquium perfunctorie instituat, sed cum pudore, cum praesenti animo, et bono ordine.

XL. Peregrinae amicitiae, quantum licet, declinandae, mutuus amicorum amor ad mortem illibatus seruandus. Eminuit in eo Pythagorea fides et amicitia, cuius nobile exemplum de Phinthia et Damone veteres referunt ⁶. Alia narrat IAMBlichVS ⁷, qui addit ⁸: etiam inter se ignotis, immo et nunquam visis amicitiae officia exhibere studuisse, dummodo
signa

* ibid. c. XXX. n. 180.

²) ibid. n. 182.

³) ib. c. XVI. n. 69. c. XXXIII. n. 229. c. XXX.

n. 181.

⁴) ibid. n. 230.

⁵) ibid. n. 231. 232.

⁶) VALER. MAX. L. IV. c. 7. LACTANT. L. V. c. 18. CICERO de Offic. L. III. IAMBlich. n. 162.

ex Aristoxeno.

⁷) c. XXVII. n. 162.

⁸) n. 237.

signa quaedam communis sectae agnoscerent, cuius rei elegans exemplum exponit.

XLI. Omne vero circa amicitias studium, ad diuinarum naturarum commixtionem, ad vñionem cum Deo, ad diuinae mentis animaeque communionem, verbis factisque dirigendum est *f*.

XLII. Omnia quidem praecepta moralia addiuinum numen tendunt, est vero hoc principium, quo omnis vita ordinatur, vt Deum sequamur *ff*. Paria supra ex Stoicis audiuius, quos simile cum Pythagoreis fundamentum habuisse, ex iis patebit, quae in sequentibus de physiologia et theologia Pythagorae dicemus.

XLIII. Cum Deus sit, et omnibus imperet, in confesso est, quod bonum a Domino petendum sit, qui bona tribuit illis, quos amat *g*.

XLIV. Hoc de numine concipiendum est: quod existat, quodque ita se gerat erga humanum genus, vt illud inspiciat minimeque negligat. Id itaque dignum est quod vniuersis imperet, eiusque eminentia et inspectione opus habere animal a natura ad proteruiam inclinans, a quo moderatio et ordo proueniret.

XLV. Vnusquisque, naturae suae mutabilis conscius nunquam pietatis cultusque obliuisci debet, sed assidue menti suae proponere numen, tanquam quod hominum actiones obseruet, iisque indefinenter inuigilet.

XLVI. Dii colendi sunt non nostris figuris alligati, sed per diuinas imagines, tanquam qui omnia complectuntur, omnibus prouident, et formam habent, tam quoad naturam, quam quoad figuram toti vniuerso similem *h*. Probe haec thesis notanda est, ex qua per velum quasi Pythagoricae theologiae fundamentum et verum ethicae principium perspicitur. De quo infra.

XLVII. Colendi vero Dii sunt lustrationibus, et initiationibus, et pura veste ac mente. Hoc qua ratione peregerit Pythagoras, IAMBlichvs *i* prolixè narrat.

XLVIII. Quotidie hymnis honorandum numen, et obseruanda omina, et vaticinia, et sortes omnes fortuito oblatae.

XLIX. Animalia a perfectis *k* non immolanda, sed thus, milium, placentae, faui et suffimenta *l*.

L. Pietas et religio versantur in animis, cum rebus diuinis operam damus *ll*.

LI. Dii et heroës non eodem honore habendi; sed Diis cum laudibus, amictuque candido et casto corpore honores exhibendi: heroibus post meridiem *m*.

LII.

f) n. 240

ff) ib. n. 86.

g) ib. c. XXX. n. 174. f.

h) ib. c. XXVIII. n. 151.

i) ibid.

k) Dictum hac de re supra. Acusmaticis lice-

bat nonnisi raro immolare animalia, gallum gallinaceum, vel agnum, vel alia recens nata, boues vero minime.

l) ibid. n. 149.

ll) CICERO de legib. L. II. c. II.

m) IAMBlich. l. c. LAERT. L. VIII. c. 35.

LII. Ea puritas expiationibus, lustrationibus atque aspersionebus paraturⁿ, abstinendo ab iis omnibus, quibus interdicare solent ii, qui mysteriis praesunt.

LIII. Iuramentum iustum est, indeque Iupiter iuratorius; (*ἱρκτός* dicitur) praestandum vero est tarde, praestitum vero seruandum promptissime^o.

LIV. Corpora defunctorum non sunt igni comburenda^p.

LV. Post Deos et daemones maximam parentum et legum quisque rationem habere debet, iisque non fictis, sed et ex animo obsequi^q.

LVI. Patriis legibus et consuetudinibus inhaerendum est; nam neque utilitati, neque saluti publicae consulunt ii, qui legibus, rebusque nouandis student. Magnam ad leges ferendas et respublicas constituendas diligentiam attulisse Pythagoreos, praesertim eos; qui leges dicti sunt, et ex optimis atque intimis Pythagorae discipulis erant, supra obseruatum est. Nam, multis ciuitatibus ut leges ferrent, a praeceptore ablegati sunt. Id quod imitatus Pythagoram Plato, et ipse de republica ordinanda cogitauit. Num vero ad similes nugas delapsus sit Pythagoras ac Plato, deficientibus monumentis dici nequit. Et haec quidem de morali siue actiua Pythagorae philosophia.

§. XXIV. Theoretica philosophia apex totius doctrinae Pythagorae *Theoretica.* fuit, et arcanorum summa, vnde difficillimus labor^r est, Pythagoram, quod quidam viri docti conuisi sunt, intra sindona noscere. Nos veteres sequemur, contendemusque ut cohaerens aliquod Pythagoricae physiologiae systema ex veterum relationibus et coniecturis verisimilibus assequamur. Quod tamen pro indubitata Pythagorae doctrina vendi non potest, cum rationes supra dictae maxime obstant. Vnde vtendum est eo, quod veteres de illo nobis reliquere. Ita vero docuisse dicitur:

I. Philosophiae theoreticae finis est, nihil admirari: nam philosophica ratio admirationem atque stuporem, ab haesitatione atque ignorantia profectum eximit, singularum rerum cognitione atque enarratione per causas suas exhibita^s.

II. Est vero theoretica philosophia duplex; vel enim de iis, quae mente cernuntur, atque de diis repetitam altius scientiam tradit, vel vniuersam rerum naturalium doctrinam exhibet. Ita IAMBlichVS^{ss}, qui alio etiam loco^t, quid Pythagoras in theoreticis scientiis praestiterit, enumerat, nempe eum de diis, de heroibus, de daemonibus, de mundo, de sphaerarum atque astrorum omni-

ⁿ) Vid. LOMAIERVS de lustrationibus gentilium.

^o) LAERT. L. VIII. §. 32. de iuramento per auctorem retractos supra dictum.

^p) IAMBlich. c. XXVIII n. 154. vbi etiam ritus sepeliendi Pythagoricos obseruatis.

^q) ib. c. XXX n. 175. PORPHYR. n. 38.

^r) Veriti sunt in eo praeter MICH. MÖVRGVES in delineatione Pythagoreismi, cuius summam exhi-

bet CLERIC. Bibl. chois. T. XXVII. p. 424. SCIPIO AQUILIANVS de placit. phil. ante Arist. physic. L. I. c. 20. p. 86. MORHOF. Polyhist. T. II. L. II. c. 6. I. IAC. SYRBIUS de Pythagora intra sindona nescendo, siue introd. in physicam Pythagorae, alique.

^s) PLVT. de audit.

^{ss}) c. XXIX. n. 157. 158.

^t) c. VI. n. 31.

omnigeno motu, oppositionibus, eclipsibus, et inaequalitatibus, eccentricitatibus, epicyclis, et de omnibus in vniuerso coelo terrae et intermediis naturis, siue apparentibus, siue occultis, rectam notionem dedisse, perque ipsum disciplinam et theoriam, et scientifica omnia, quae mentis oculos maxime acuunt, et ab aliis studiis profectam coecitatem abstergunt, vt vera totius vniuersi principia et causas possit perspicere, inter Graecos locum inuenisse. Quae etsi ad suae sectae encyclopaediam, eiusque formam canis Pythagorae temporibus tribuendam Iamblichus dicta omnino videntur, certum tamen est, in theoreticae philosophiae studio primarios Pythagorae discipulos consenuisse, summumque in ea sapientiae apicem quaesiuisse, teste omni exceptione maiore doctrina de numeris, quae symbolica fuit principiorum spiritualium et naturalium^u. Agendum itaque cum de theologia, tum de physica Pythagorica.

Theologia.

III. De Deo naturisque diuinis ad populum loqui difficile et periculo plenum, eo per superstitionem occupato, profanis itaque mysteria verbis narrare nefas^v. Commune hoc Pythagorae erat cum plerisque philosophis et theologis, praesertim antiquioribus^w, qui doctrinam de Deo, cultui inter populos introducto potissimam partem aduersam, ideo occultaerunt, vt eo tutius laterent, et a sacerdotum, quaestum et auctoritatem in vulgari theologia quaerentium insidiis essent immunes. Certe in Aegypto id didicisse Pythagoram, ex iis, quae libro primo de theologia Aegyptiorum differuimus, manifestum est. Inde vero, quam incertae de theologia Pythagorae coniecturae sint, liquet. Quid vero veteres ei tribuant, ex sequentibus disci potest.

IV. Deus animus est, qui per vniuersas mundi partes, omnemque naturam commeans atque diffusus ex quo omnia animalia, quae nascuntur, vitam capiunt. Ita Pythagorae definitionem Dei concepit LACTANTIUS^x, CICERONEM^y, vt videtur secutus, qui non minus luculenter: *Pythagoram censuisse, Deum esse animum per naturam rerum omnium intentum et commeantem ex quo animi nostri carperentur*. Quae testimonia etsi aetate satis a Pythagora remota sunt, non sine verisimilitudine tamen hanc ei opinionem tribuunt, cum haec omnium earum gentium, quas inuiferat, et apud quas didicerat theologiam Pythagoras, doctrina fuerit, totaque disciplina Orphica, quam maxime imitatus est, eo fundamento, vt supra demonstratum, nitatur. Egregie hoc confirmant ea, quae eius sectatoribus tribuit CLEMENS ALEXANDRINUS^z: *Deum esse totum in mundi circulo, speculatorem, vel directorem potius totius generationis, vniuersorum con-temperationem, qui semper est, et suas facultates deducit ad opus, omnium operum, in coelo lustratorem, patrem omnium, mentem et animationem*

^u) IAMBlich. protrept. L. I. c. 29. videndus quoque SCHEFFERVUS l. c. p. 94.

^v) CLEM. ALEX. Strom. L. IV. p. 477. IOSEPH. contra Apion. L. II. p. 1077.

^w) Conf. BAYLE l. c. not. O. p. 747. PFAN-

REN. Syst. theol. gent. pur. c. II. §. II. p. 58

^x) Lib. I. c. 5. idem habet MINVCIUS FELIX c. XIX. 7.

^y) De nat. Deor. L. I. c. 12. de senect. c. 21.

^z) Paraen. ad gent. p. 47.

nem (ψύχωσις τῷ ὅλῳ κύκλῳ) *uniuersi circuli rerum, omnium motum.* Quae animam mundi diuinam non poterant describere luculentius. Nulli itaque dubitamus, verisimili ratione hanc assertionem Pythagorae tribuere. Difficilior vero quaestio, num Deum tanquam animam assistentem, vel vt informantem, Pythagoras mundo indiderit, id est, num vel liberae voluntatis accessione, vel naturae vniuersi necessaria et ineuitabili connexionne Deum cum mundo coniunxerit? quae vt rite discernamus, ad sequentia porro attendendum est.

V. Deus est natura rerum, quae motus propria et intrinseca causa est rebus omnibus. Ita verba THEOPHILI ANTIOCHENI^a intelligimus, afferentis, Pythagoram ὀρίζειν Θεὸν φύσιν καὶ αὐτοματισμὸν εἶναι τῶν πάντων. Aliter verti solet, et quidem REINESIUS^b, quem secutus est ecl. WOLFIUS: *Pythagoras affirmat, Deum naturam esse, et omnia fortuita fieri*; quapropter ille quoque vel sexcentos esse testes scribit, de Deo longe aliter sensisse Pythagoram: et recte quidem, si hanc versionem admittas, nunquam enim Pythagorae in mentem venit, omnia fortuito moueri, naturae cuiusdam coeco et temerario impulsu, vt vel sola Iamblichi et Porphyrii ex veterum scriptis excerpta loquuntur. Sed versionem hanc mentem Pythagorae non assequi, ex iis Pythagoreorum verbis manifestum est, quae modo ex Clemente Alexandrino adduximus, quaeque apud IUSTINUM MARTYREM^c quoque et CYRILLUM ALEXANDRINUM^d occurrunt. Dabimus Iustini Graeca, vt inde accuratum fieri iudicium queat: εἰ δὲ καὶ σαφές ἐστιν ἀποδείξιν περὶ ἐνὸς Θεοῦ τῆς Πυθαγόρου δόξης ποθεῖτε γινῶναι, ἀκούσατε τῆς αὐτῆς δόξης· ἔγω γὰρ εἶφην, ὁ μὲν Θεὸς εἷς· αὐτὸς δὲ ἔχει ὡς τινες ὑπονοοῦσιν, ἐκτὸς τὰς διακοσμήσεις, ἀλλ' ἐν ἑαυτῷ ὅλος ἐν ὅλῳ τῷ κύκλῳ, ἐπισκοπῶν πᾶσας τὰς γενέσεις ἐστὶ, κράσις ἐὼν τῶν ὅλων, αἰώνων, καὶ ἐργάτης τῶν αὐτῶν δυνάμεων καὶ ἔργων. ἀρχὴ πάντων, ἐν, ἐν ἑρᾶν Φωστῆρ, καὶ πάντων πατὴρ, νῆς καὶ ψύχωσις τῶν ὅλων, κύκλων ἀπάντων κίνησις· ἔγω μὲν ἔν ὃ Πυθαγόρου. Prodit Dorica dialectus, desumpta esse haec verba ab istis ecclesiae doctoribus ex scripto aliquo vetusto Pythagoreo, praeceptoris doctrinam de Deo exponente, vnde verisimilitudine sua non caret, eum ita de Deo statuuisse. Hoc fragmento Pythagoreo, admissio i. clarum est, cur Deus vocetur Theophilo φύσις, natura scilicet, quia Deus non extra vniuersum hoc est, sed in natura rerum eiusque circulo continetur, vt anima tota est in toto corpore; 2. patet etiam, cur αὐτοματισμὸν τῶν πάντων eum dixerit, eo quod, non tantum rebus omnibus originem, motusque dederit initium, sed quod ipse anima et formalis causa motus, nempe principium internum et spirituale (ψύχωσιν apte vocat) mouens mundum eiusque circulos sit, vnde non animam tantum et motorem mundi, sed ipsam κίνησιν καὶ ψύχωσιν dixit, vt informantem esse animam mundi declararet. 3. Sed et hoc

VVV VVV 2

ob-

a) Lib. III. ad Antioch. c. 5. p. 290. ed. Wolf.

b) Var. Lect. L. III. p. 444.

c) Orat. ad gentes p. 18. ed. Paris.

d) Lib. I. adu. Iulian. p. 30. mire hunc locum peruertit CYDORTH. Syst. intell. c. IV. §. 20. p. 446. vt Pythagoram cum Platoniciis suis conciliaret,

obseruandum est, quod additur, Deum esse φωσέρα εν ἑρᾶνῳ, illuminans lumen in coelo; ita enim naturam Dei propius explicat, esse nempe hanc animam mundi ignem, siue lucem illam intelligibilem, subtilissimam, actiuam, in circulatorum vniuersi extrema parte residentem ^e, quae omnia illuminat, omnia producit, et non aeterna tantum siue entia intelligibilia, ex se producit, sed et materiam crassiolem mouet, informat, vegetat, et circuli in se redeuntis forma animat. Quae omnia probe attendenda esse, vt vera Pythagorae de Deo sententia deprehendi queat, ea quae paulo infra differemus, manifeste euincunt.

VI. Deus quoad corpus, lumini, quoad animam veritati similis est, didicisse hoc a Magis vult PORPHYRIUS ^f: quod an verum sit, ex iis, quae supra de itineribus et praeceptoribus Pythagorae differuimus, iudicari potest. Nec soli Magi fuere, qui Oromasden ἑρᾶνιον πῦρ, siue *essentialem naturae ignem* dixere ^g, sed plerique etiam barbari, vt primo libro obseruatum: mirum itaque non est, Pythagoram Deum habuisse pro igne ^e mundi maxime simplici, id est subtilissima et simplicissima parte vniuersi, cui tamen mentem, consilium, veritatem aliasque affectiones spirituales tribuit. Hinc porro de Deo docuisse dicitur, quod his addendum:

VII. Esse principium, nulli sensui aut dolori expositum, sed inuisibile, incorruptum, quodque sola mente apprehendi queat; id quod ei tribuit PLUTARCHVS ^b. Etsi enim hoc de principio aliquo mere spirituali intelligi potest, patet tamen ex dictis, opponi id tantum crassiori materiae, inertique moli, actiuo et subtilissimo naturae igne commouendae et formandae: cui omnia illa praedicata conueniunt. Et haec quidem pauca illa monumenta sunt, quae apud veteres de Pythagorae theologia reperiuntur, et ex quibus de eius doctrina de Deo iudicari debet, quaeque tandem, postquam diu satis arcano custodita erant, in vulgus emanarunt. Vt itaque mentem quoque nostram de his Pythagorae dogmatibus paulo explicatius exponamus, I iterum monemus, haec non pro certa et indubitata eius sententia venditari posse, esseque non tantum incertum, quid philosopho tantopere sua occultanti de Deo vere placuerit, sed et esse inter memorias veterum quasdam, quae his repugnant ⁱ. Quod eo minus mirandum est, quo magis coniecturis plerique confisi de Pythagorae mente iudicarunt, vt postea quoque obseruabimus. II. Verisimile tamen est, hunc in modum, vt allata veterum loca docent, si non ipsum Pythagoram, certe Pythagoreos, ab eo edoctos, statuisse. Nam ea et Pythagorae ingenio, temperamento, scopo philosophiae, praeceptoribus, aliisque circumstantiis egregie conueniunt, et libri vetustissimi fragmentum, non vni, sed pluribus viris eruditis et in huius sectae historia versatissimis, quales veteres isti doctores fuere, visum et lectum,

^e) Ita etiam Alexander apud LAERT. L. VIII. f. 25. Anonymus PHOTII l. c.

^f) n. 41.

^g) ORIG. philosophum. c. II, p. 41.

^g) Ignem vero hunc et aetherem veteribus vnum esse, aliquoties iam monuimus.

^b) In Numa T. IV. p. m. 117.

ⁱ) Talia sunt, quae duplex ei principium adscribunt, infra tangenda.

lectum, luculenter innuit, et vnica ratio sic patet, dissidentia veterum testimonia inter se conciliandi. III. His rationibus itaque ductis veritati propius accedere videtur nobis; Pythagorae illud ipsum systema de Deo placuisse, quod Zeno postea, Pythagorica mysteria imprimis a Polemone edoctus, adoptauit nempe, esse Deum animam mundi, partemque vniuersi huius actiuam, ignem nempe non elementarem, sed naturae, siue mundanum, subtilissimamque partem vniuersi, quae ita mundum siue materiam potius animet, informet, et in visibilem aspectum producat, vt simul in eo comprehendatur, vt anima in corpore. Doctrinae ipsius significationem postea, quae prolixè capite antecedente de theologia Stoica dicta sunt, exponere, non putamus necessarium, explicanda vero haec et probanda ex praemissis et allatis veterum effatis, vt qua ratione de Deo Pythagoras philosophatus sit, luculenter pateat. Supposito nempe isto systemate IV. patet, qualis ille Deus Pythagoricus sit? nempe ignis mundi subtilissimus, actiua mouendi, formandi, fingendi, certisque legibus cuncta disponendi facultate praeditus, qui licet in se subtilissima materia sit, sensu tamen veteribus receptissimo incorporalis est, et crassioris materiae dimensionibus non est subiectus^k; quique, cum naturali et intrinseca vi polleat, se mouendi, cuncta intimo et essentiali nexu secum iuncta ita mouet, vt tandem formam consequantur visibilem. Nihil enim horum est, quod non in allatis veterum testimoniis satis luculenter ei tribuatur. V. Tota quoque ita physiologia Pythagorae, qualis apud veteres describitur, aptissime cohaeret. Nam ita Deus non mens tantum et anima mundi est, sed et ipsa *ψύχως* siue vita et formalis ratio eius in mundo. Est porro ille Deus materiae crassiori ita oppositus, vt ipse sit principium actiuum, haec passiuum, et ipsi se subiiciendam praebeat et formandam; hucque omnia praedicata Dei quae in schola Pythagorae occurrunt, referenda sunt, quae ei splendida non minus, quam apud Stoicos, attributa tribuunt. Ita vero Deus quoque non extra mundum est^l, vt ex allatis PP. locis patet, sed intra mundi circulum continetur, immo ipse mundus est; falsi enim id sunt eius interpretes^m. Porro Deus iste, siue ignis mundanus, quem artificialem dixere Stoici, Pythagorei eodem fere sensu intellectualem, siue intelligibilem fecere, fons est et principium, vnde omnia entia actiua intellectua- lia, subtilissima, formamque materiae informi conciliantia, emanarunt, hincque ipsa anima nostra pars Dei est, et particula ab eo auulsa. Et hinc quoque lumen capiunt, quae de mundi formatione Pythagorei differuerunt, quibus postea ex hac systematis forma lucem accendemus. VI. Ita vero et

Vvv vvv 3

fym-

^k) Probe tenendum, veteres, etsi corpora non esse Deum et animum dicerent, non tamen vtrumque ab omni prorsus materia remouisse, sed *ἀσώματων* et spirituale dixisse, quod grauiori corporis moli opponitur, vt est ex multorum sententia anima hominis. Inuictis argumentis et luculentis testimoniis id probauit MOSHEM. ad CYD-WORTHVM Syst. int. c. I. § 17. p. 36. n. 3. Id quod

eo magis monendum est, quoniam plerique a solis vocibus, incorporale, spirituale etc. concludunt eam, quam nos sub istis vocibus comprehendimus immunitatem ab omni prorsus materia intelligi.

^l) Extra mundum enim spatium, vel vacuum potius est.

^m) Conf. ANONYM. Photii n. 15. p. 62. ed. Kust.

symbolica principiorum Pythagorae physiologicorum enarratio, quae monadis et dyadis nomine et potestate adumbratur, quaeque tam diuersis veterum interpretationibus vexata est, egregiam lucem foeneratur et omnia apte cohaerent. Nam his, quae haecenus differuimus, suppositis, ita cuncta ex mente Pythagorae inter se fluunt: 1. ex nihilo nihil fit, 2. omnia itaque constant vno toto, adeoque monas non tantum principium omnium rerum, sed chaos quoque et comprehensio est, etiam rationum seminalium, quam monadi definitionem tribui, supra obseruauimus, sequitur ex his 3. habere vero in se istam vnitatem, quod vnum et totum, Stoici, veteres chaos dixere, non tantum *αὐτοματισμὸν*, id est, actiuum aliquod principium, sed et principium alterationi et mutationi obnoxium, nempe materiam crassio-rem, passiuam, mutabilem et alterabilem, sicque 4. dyada gigni quidem a monade, hancque eo sensu esse hermaphroditum, et a potiore parte cognominatum, Deum; sed si id quod actiuum, formatiuum et mouens est, a passiuo, informi et mobili distinguatur; tunc dyadem istam monadi opponi, totamque diuersam esse, sicque monadis notionem ad designandam partem spiritualem, (sensu scilicet Pythagoreo et Stoico) dyadis ad materiam crassiorem delineandam adhibendam esse. 5. Ex animatione et formali agitatione materiae facta a monade siue anima ista mundi, tandem productum mundum formatum, hacque triade perfectissimum vniuersi opus productum esse: in quo cum omnia peculiari principiorum particularium tum intelligibilium, tum materialium coniunctione consent, inde reliquos numeros exortos esse, donec decem circulorum configuratione et constitutione totus mundus absolute perfectus sit^m. 6. Monada vero, siue Deum, ignemue illum diuinum, vt materiam informaret et peruaderet, ex se produxisse, et emanationis lege eduxisse alia principia, Deos, daemones, heroës, animas, vt illa materiam inhabitando, agitando, et formando, essentias formasque rerum ei largirentur: hasque potentias et intelligentias emanatiuas numerorum quoque symbolis adumbrari posse. Ita, nisi toti fallimur, remouetur velum Pythagorae, et per numerorum aenigmata ipsa Pythagorae doctrina perspicitur, tenebraeque obscurissimae doctrinae si non omnes, certe potiores dispelluntur. VII. Confirmantur vero dicta non coniecturis et rationibus solum, sed et testimoniis praeter adducta loca, aliis veterum, qui viderunt, Pythagorae Deum ita explicandum esse, vt aethera siue ignem supremum designare dicatur. Ex quibus luculentus imprimis Alexandri in successione philosophorum locus est, ex commentariis Pythagoricis haustusⁿ, qui primo quidem numerorum doctrinam ita theologicis et physiologicis principiis Pythagorae applicat, vt dicat: principium omnium esse vnitatem, porro ex vnitatem indefinitam dualitatem, veluti materiam auctori vnitati subiecisse, ex monade vero ac indefinita dyade reliquos numeros gigni, ex numeris puncta, ex punctis lineas, ex quibus planae figurae consent, et planis autem solidas figuras, ex

iis

m) Conferendus cum his Anonymus PROTH I, c.

n) Apud LAERT. L. VIII. f. 25 seqq.

illis solida corpora et quatuor elementa, quae per omnia transeant et vertantur, ex quibus fieri mundum animatum, intelligibilem, rotundum &c. Summum aërem semper moueri et esse liquidissimum ac saluberrimum, et quae in eo sunt immortalia ac idcirco diuina, solem et lunam Deos esse, et reliqua sidera, quippe in illis superare calorem, qui sit vitae auctor, hominumque cum Diis cognationem esse, quod et homo caloris particeps sit, inde et Deum nostri curam gerere: fatum quoque esse vniuersorum, et partem eius causam administrationis. Quae omnia clare sitis docent, non tantum numerorum explicationem et adplicationem ad principia physiologica recte a nobis institutam esse, sed esse quoque Deum calorem aetheris summi per vniuersum se diffundentis. Addi potest locus CHALCIDII^o, qui clare indicat, materiam a Deo separatam fuisse et isto modo agitatam, quod vix aliter nisi secundum istam explicationem potest intelligi: id quod etiam de SEXTI EMPIRICI^p loco non minus luculento est tenendum.

VIII. Magnopere vero confirmant hanc systematis Pythagorei de Deo explicationem ex schola Pythagorica illi, qui abiecta numerorum doctrina atomos receperunt, et intelligibilium proprietates subtilissimis particulis materiae tribuerunt, de quo in sequentibus dicemus. Illis enim atomi nihil aliud sunt, quam particulae aetheris siue ignis diuini, et principia simplicia, actiua, maximeque prima, ex quibus omnia facta sunt. Nec intelligi aliter potest, qui diuersum ex vno et eodem prodierit, quod tamen veteres Pythagorei testantur, quam iunctis ignis mundani, siue aetheris diuini particulis cum materia crassiore, cuncta tandem formata apparuisse. Poteramus dictis plura adicere, quae nec extra rhombum dicta essent, nec inepta alicui obscurissimae philosophiae accendendae luci, nisi instituti ratio vela tandem contrahere iuberet; vbi tamen IX. duo adhuc monenda adiicimus; nempe nec confundendam esse in physiologia Pythagorica intelligibilium emanationem, seriem et ordinem, cum rebus sensibilibus, nec tamen ab iis plane esse separandam: deinde non audiendos esse Platonicos recentiores, qui duplici ex causa suspecti et inepti hac in re arbitri sunt. Nam et Platonem venerantur, qui Timaei potius, quam Pythagorae vestigiis insistentes systema dualisticum absolutum recepit, Deumque a materia prorsus distinxit, nec nisi animam assistentem ex Deo emanantem mundo iunxit: et hac quoque physiologiae inepta facie confusi totum veterum systema corrumpunt, cumque hi materiam aeterno nexu Deo iungerent, materiam illi ex Dei essentia educunt; et materiam tantum non spiritualem faciunt; quum Pythagoras spiritus omnes etiam Deum reuera materiales fecisset. Vnde quae de intelligibilium natura ab omni prorsus materia remota

^o) Comment. in Timaeum c. XIII. §. 293. p. 387. qui quidem putat, recessisse Pythagoreos a magistri mente, fallitur vero, ut ex dictis constat. Vel enim locus significat, quod praestantissimus MOS-
NEMIUS vult diss. de creat. ex nihilo §. XIII. p. 971. Syst. Cudw. materiam ex Deo genitam esse, vel

quod nos malumus, et verbis Chalcidii simplicius responderet, cum vnum totum esset, Deum ab eo toto se separando materiam constituisse, sicque duo principia effecti esse.

^p) Adu. mathem. L. X. l. 261 seqq.

*Pythagoras
an duplex
principium
statuerit?*

*Pythagoras
an atheus?*

mota garriunt ^q, nostrae explicationi non possunt obici, cum isti homines arbitrorum partes ex dictis causis suscipere nequeant. X. Tandem ut et hoc coronidis loco addamus, ex prolixè disputatis duplex controuersia decidi potest, vtrum Pythagoras duplex principium statuerit? et an atheismi suspectus sit? Prius affirmavit PLVTARCHVS^r, et asseruit quoque PSEUDO-ORIGENES^s trahique huc suo modo possunt omnes ex veteribus, qui dyadem materiam vnitati oppositam esse professi sunt, quorum loca diligenter adduxit cel. WOLFIUS^t: quanquam hoc nondum sufficit, ut Pythagorae duplicis principii systema tribui queat, sed materiam eum ita definiuisse oportet, ut a monade nullo prorsus modo deriuari queat: qua ratione PLVTARCHVS^u Pythagorae mentem interpretatus est, qui dyada materiam maligno quodam daemone animatam esse Deoque oppositam statuit. Plerique qui ita rationes ineunt, cum umbris luctari videntur. Non enim attendunt, materiam quidem omnino, tanquam alterum principium passium, iners, quin immo mali quoque fontem et originem dyadis nomine a Pythagora describi, ita vero, ut cum adhuc esset in monade^x, id est, cum vnum totum, materia Deo animata, et quasi praegnans adhuc esset, nec dum ab eo separata recessisset, ad vniuersi naturam pertineret, et sic denum filia, siue materia indeterminata et immensa duitas ab vna singularitate instituta, recedente a natura sua singularitate et in duitatis habitum migrante, existeret separata, ut CHALCIDIUS^y pulchre rem explicat. Ita vero systema dualisticum, duorumue principiorum aliter illi tribui non potest, quam sensu modificato et comparato, ut Stoicis. Aliter Timaeus, quique hunc maxime secutus est Plato, qui duplex independens principium inuicem sibi oppositum eligentes, longe alia ratione de natura differuerunt, eaque quae comparate dixerat Pythagoras, absolute posuerunt. Interim tamen opposita vnitatis et binarii siue Dei rerum spiritualium fontis, et materiae, rerum sensibilibus subiecti ratio probe tenenda est: etsi ex vna chaos origine processerint, et, si clare loquendum, a vera materiae notione neutrum liberari queat. Nam ita vnitatem et intelligibilia describebant Pythagorei, ut respectu habito ad fluxam, mutabilem et inertem materiam, stabilem, actiuam et spiritualem eis naturam adscriberent, sicque materiae opponerent, quod et Stoici fecerunt. Sic et de atheismo Pythagorae ex dictis iudicandum est. Cum enim Deum et naturam vnum esse diceret, id est, ut Ciceronis verbis utamur, animum per naturam rerum omnem intentum et commeantem, qui arctissimo et essentiali vinculo illi iungeretur, visus est post veteres quosdam, imprimis THEOPHILVM ANTIOCHENVM^z, recentioribus quibusdam^a Spinozismi vel atheismi labem sibi

^q) Prolixè de iis PORPHYR. in sententiis ad intell. g. ducentibus.

^r) De Iride et Osir. de gener. animae ex mente Timaei.

^s) l. c. p. 39.

^t) De Manichaeismo ante Manichaeos §. XXIX. p. 116 seqq.

^u) ll. cc. et de plac. philos. L. I. c. 7.

^x) Monas hic non Deus a materia secretus, sed cum ea in chaos adhuc iunctus est. Vnde licet dyas mali principium sit, non tamen sequitur, illud esse ex monade.

^y) l. c.

^z) l. c.

^a) BASNAGE Hist. des Juifs T. III. c. 10. p. 537. IO. HENR. FOPPVS de Atheismo phil. gent. cel. ex. l. c. 9. 10.

sibi contraxisse, a qua tamen macula post REINESIVM^b et CRENIUM^c, BVDDEVUM^d et REIMMANNVM^e et BEAVSOBRIVM^f, VV. CC. multa eruditione Pythagoram liberare conatus est B. IO. IACOBVS SYRBIVS^g. Qui licet potissimum Platonicos sequiores Pythagorae interpretes sequatur, quos iniustos et indignos hac in re arbitros esse supra monuimus, recte tamen obseruat, omnes eiusmodi locutiones ad Deum αἰτθῆτον pertinere, nempe animam mundi, quae eius partes penetret, et ideo mundus quoque dicatur: nam hoc omnia loca supra adducta euincunt, et dogma illud Stoicis quoque receptum euidenter probat: vacuum necessarium esse, ut coelum ex infinito spiritu respiret^g, quod latentem in mundo diuinum ignem supponit. In eo vero vir doctissimus, inque veterum doctrinis pernoscentis versatissimus, quem, in his literis praeceptorem habuisse, gaudemus, a Platoniciis sequioribus seduci se passus est, ut putaret, hanc mundi animam a mundo intelligibili et multo magis a Deo summo distinctam esse, quae quidem sententia CVDWORTH^b etiam placuit, qui recentiorum Platoniorum trinitatem apud Pythagoram se inuenisse videri voluit, recte ideo a ven. MOSHEMIOⁱ notatus: repugnat autem disertis veterum, quae adduximus, testimoniis, et aperte incognitam vetustis philosophis hypothesein de trinitate aliqua metaphysica in Deo, sapit, ideo non admitenda. Deus enim, anima mundi, ignis diuinus, ratio in mundo versans, et quae alia sunt huiusmodi nomina, idem sunt, et vnum Deum indicant. De atheismo itaque Pythagorae, si vera sunt, quae ei tribuuntur a veteribus, locis citatis, eodem modo pronuntiandum, ut de Stoicis, quos physiologiam suam ex Pythagoreis et Heracliteis fontibus hausisse praecedente capite demonstrauius. Deum enim adeo non negauit Pythagoras, nec materiam brutam Deum constituit, ut potius sine Deo systema eius consistere nequeat: sed dum Deum vni toti quasi immergit, et ab eo tandem separatum naturali et essentiali vinculo cum materia copulauit, dumque ignem eum naturae, in extremo mundi circulo residentem, ut habet PHOTII Anonymus^k, dixit, facile patet, quam prope ab impietate physiologia Pythagorae absit, quamque apta ea sit vel ad atheismum, vel ad enthusiasum seducere. Quo vero modo Deum rerum visibilium conditorem dixerit, ex dictis abunde liquet.

VIII. Post summum Deum tres dantur intelligibilium species, Dii, daemones, heroës; qui et naturae atque dignitatis gradu, et cultu iis debito distincti-

Intelligibilia.

^b) I. c. BAYLE Rep. aux Qq. d'un Provinc. T. II. p. 333.

^c) Animad. hist. et phil. P. XII. p. 183.

^d) Thes. de atheismo c. I. §. 19. p. 56. Hist. Eccles. V. T. T. II. p. 1079.

^e) Hist. atheism. c. XXV. p. 152.

^f) Hist. Manich. T. II. p. 174.

^g) Diss. de orig. atheismi p. 42. add. HASAEVS diss. de philos. gent. falso spectis c. 3.

^g) ARISTOTEL. phys. L. IV. c. 6. hinc intelligitur, utrum respiratio haec propria vel impropria sit, quod posterius contendit SYRBIVS.

^b) I. c. p. 444 seqq.

ⁱ) ad h. l.

^k) n. 15. I. c. Ex his vero, quae olim de theologia Pythagorae in Otio Vind. Mel. II. §. 14. diximus, emendanda sunt.

stinguuntur. Dii enim semideis, in honore praeferendi, hominibus autem heroës ^l. Aliter tamen in carmine aureo ^m ordinantur, ubi heroës daemonibus praeferuntur, qui terrestres vocantur, vel a mansionis loco, vel a praefectura, quam acceperunt, vel a corporis natura, quo amiciuntur. Dum vero Deos vocat Pythagorae schola spiritus illos primi ordinis, palam est, eos, ex philosophiae Italicae decreto, ex Deo emanasse; vnde tria haec genera, tres emanationum spiritualium ex summo ignis diuini fonte profluentium species sunt, quibus si quartam addas, animam humanam, habes totam emanationis diuinae scalam. Natura vero et dignitate inter se diuersa esse ista genera, ex eodem principio sequitur, quo magis enim emanantium a fonte ex quo emanauit, distat, eo magis puritatem et simplicitatem naturae amittit, suoque principio est inferius. Id quod facilius comprehenditur, si recordemur, quod modo demonstratum dedimus, Deum fontem ignis esse longe purissimi et simplicissimi, per omnem materiam, crassiores scilicet, diffusum, ex quo cum istae intelligentiae ortae sint, eiusmodi naturarum gradatio necessario obtinere debet. Et hinc ratio quoque petenda est, cur his daemonibus corpus quoque, licet subtilissimum adscripserint, quod scilicet ab inferiori parte traherent. Ita enim HIEROCLES ⁿ (horum enim hominum auctoritate standum est) de illis *Ἡρώς ψυχὴ λογικὴ μετὰ φότερῶν σώματος, heros est animus rationalis corpori lucido coniunctus*. Multa hac de re dici possent lateque disputari, qua ratione Platonici iuniores contendunt, hos inter se spiritus eorumque corpora diuersa esse, quaque ratione quidam inter eos insano descendendi in corpora grauiora amore teneantur. Verum ea nec huius loci sunt, cum ad nugas potius Platoniorum Alexandrinae scholae debeant referri, et iusto sunt prolixiora. Quod vero doctissimus CVDWORTHVS ^o affert argumentum, cur rationi consentanea videatur haec Pythagoreorum disciplina, praeter solum Deum omnes naturas corpore liberas, non aliter perfici et absolui, quam si ad eas, materiae aliqua accedat portio, quam animent, scilicet, quod sensus omnis ex certa materiae et spiritus coniunctione oriatur, et frigidum est ^p, ipsamque Dei substantiam incorpoream euertere aptum, et rationibus Pythagoricis aduersum est, quibus istud ὀχημα magis propter emanationis naturam, qua subtilissimi aetheris particulae emanantes, crassiora indumenta assumunt, quo magis a fonte recedunt, assertum est ^q, vt vel ex animae origine et coniunctione cum corpore terrestri videri potest. Ceterum ex eodem emanationis intelligibilium ex summo Deo principio, non nomen tantum Deorum, sed

^l) LAERT. L. VIII. f. 23.

^m) V. I. seq.

*Ἀθάνατος ἔστιν πρῶτα θεός, νόμον δὲ διακινεῖται
τίμα καὶ βίαν ὁρῶν ἐπεὶ δ' ἡρώας ἀθανάτους
τοὺς τε καταχθονίους αἰετὰ δαίμονας ἐννομαρίζων.
Aeternos venerare Deos, ut lege receptum est,
Et iusiurandum serua; heroasque supernos.
Terrestresque colens genios fac congrua legi.*

conf. GIBB, CYPER, obs. L. III. c. 16. et ex vete-

ribus HIEROCLES ad h. I. eundem ordinem seruat IAMBlich. c. VI. n. 31. HIEROCLES in aur. eadm. p. 36. PORPHYR. περὶ ἀποχῆς L. II. §. 38. p. 82.

ⁿ) I. c. f. 67. p. 212.

^o) Syst. intell. c. V. sect. III. §. 32. p. 1083.

^p) Conf. MOSHEM. ad h. l.

^q) Lucem his foenerabuntur ea, quae de Zoroastri disciplina L. I. docuimus, et infra Tomo II. de Cabbalistico systemate dicentur.

sed et honor cultusque diuinus, quem iis tribuebant Pythagorici, deriuandus est. Deus enim, egregie obseruante CVDWORTH^o, non his tantum philosophis, sed plerisque philosophorum familiis substantia est, homine praestantior, ex materia sensus experte haud procreata, tanque alte posita, vt iustis a mortalibus honoribus affici debeat. Et hinc iudicandum est, quatenus polytheismi accusari queant, quod nimia fiducia aliquot locorum male intellectorum facit FRANCISCVS BALTVS^r.

IX. Hae intelligibiles substantiae, anima praeditae sunt, heroës quoque animae sunt a corpore separatae, boni si bonae, mali si malae^r.

X. Substantiarum harum intelligibilium fons Deus est, siue anima mundi, ex qua emanant: vnde cum ab eo non tantum dependeant, sed et in eo sint, Deus substantia eminentiori significatione vocandus est, monasque, quae omnia in se complectitur, radix intelligibilium omnium^o; acceperunt tamen ab eo propriam substantiam immutabilem, veram, nunquam aliter se habentem, adeoque simplicem. Nihil in his omnibus est, quod non Plato quoque receperit, qui ideas ita descripsit, quasque hos Deos esse capite quinto demonstrauius: vnde illa hic quoque repetenda sunt. Ita vero intelligi possunt, quae de monade et reliquis numeris ex Deo siue vnitatem oriundis garriunt obscurissimi philosophi, quaque ratione multitudinis numeri esse, et tamen simplici natura gaudere queant. Multa hac de re quoque dabunt iuniores Platonici, quorum tamen frigida plerumque acumina pleraque scholae Italicae ignorata fuere.

XI. Totus aër plenus est animarum, quae daemones et heroës existimantur^r, sequitur hoc necessario ex anima mundi vbique diffusa, quae istos in se daemones complectitur. Attulit hoc dogma Pythagoras ex Aegypto, vnde et Thales hausit, a quibus philosophiae Graecae principibus ad alios quoque dimanauit.

XII. Ab his daemonibus, qui in aëre versantur, immittuntur somnia et signa, morbi ac sanitates, neque solum hominibus, verum etiam brutis. Ad hos expiationes et auerrunca pertinent, et diuinationes et cetera id genus^o. Multa hic dici possent, si quae recentiores Platonici Pythagoreis tribuunt, et ex iis prolixo libro disputauit IAMBlichVS^z, enarrare vellemus, verum his hominibus suo infra loco depingendis sua relinquenda sunt. Pythagoram tamen eadem opinione fuisse infectum, dubium esse non potest, si vera sunt, quae biographi eius tradunt, incantationibus curasse morbos. Nam ea opinione ipsa Aegyptus occupatus fuit, vbi Pythagoras didicit, morbos, praecipue difficiliore et implicatos a daemonibus immitti, eosque aegrotorum possidere corpora, cuius fundamentum ex ipsa anima mundana deriuandum est, ex quo praefectura daemonum deriuata est.

Xxx xxx 2

Qua

^r) l. c. c. IV. §. 14. p. 261.

^s) Ingement des SS. Peres sur la morale des payens

c. VII. p. 42.

^t) PLVT. plac. phil. L. I. c. §. T. II. p. m. 14.

^u) Loca veterum adduximus Tom. VII. Amoen,

liter. p. 228 seqq. conf. MOVRGVES l. c. diss. II.

CLERIC. l. c. p. 446.

^x) LAERT. L. VIII. c. 32.

^y) ibid.

^z) De myster. Aegyptiorum.

Qua de re libro primo actum: pleraque doctissime enodauit MOSHE-
MIVS^a.

XIII. In duodecim orbium supremo siue firmamento residet prima causa, et quicquid illi vicinum est, id firmiter atque optime compositum est, quae longius absunt, minime firma sunt. Ordo constans seruatur vsque ad lunam; infra eum omnia promiscue feruntur.

XIV. Hinc malum quoque necessario circa terrae regionem existit: quandoquidem ea ad totum mundum fundi instar obtinet, proprium scilicet et commodissimum receptaculum eorum, quae in imo subsidunt. Ita AVCTOR ANONYMVS Photii^b, qui locus plane illustris est, ad probandam eius, quod Pythagoreis tribuimus, systematis veritatem. Apparet enim ex eo, ignem mundanum in extrema coeli parte residere, et purissimas partes emanantes, intelligibilia prope hunc Deum esse; quo longius reliqua discedunt, eo minus firma esse; inesse sideribus diuinitatis partes, siue Deos; in terra, ab hac causae actiuae et perfectissimae emanatione remotissima, stabilitatem intellectualium non inueniri, ob materiae crassitiem; hincque malum esse. Quae omnia sine illo systemate plane consistere nequeunt.

XV. Caeteras quidem partes omnes prouidentia et stabili ordine atque fato, diuinae voluntati obsequente gubernantur; sed quae infra lunam sunt, ea a quatuor causis reguntur, Deo, fato, nostro consilio et fortuna. Ita laudatus pergit ANONYMVS^c, et satis luculenter Pythagoream de fato et prouidentia doctrinam enumerat. Scilicet cum cuncta, quae emanatione producuntur, id est intelligibilia omnia diuina et coelestia, (quae tamen et ipsa reuera materia subtilissima constare supra docuimus) necessaria emanationis siue diuini motus et actionis lege existant, et a summa causa non existentia tantum sed et influxu dependeant, omnino fatum et immutabiles leges sunt, quae cum certo ordine, sineque ex naturae vniuersi conditione scriptae sint, prouidentia dicuntur, eodem fere, quo apud Stoicos, sensu. Infra lunam vero cum hic influxus in partes materiae crassissimas propter earum inertiam non detur, hinc dixere, promiscue physica cuncta ferri; quia tamen anima hominis particula est, a diuino aethere auulsa, hinc necessario asserendum erat, quaedam in potestate et consilio hominis esse, quaedam fortuna regi, quaedam ad hominis scilicet felicitatem pertinentia prouidentia siue fato dirigi. V. g. nauem conscendere vel non, in nostra est potestate; at tempore sereno procellas et tempestatem subito oriri, ex fortuna pendet, nauem submersam praeter spem conseruari, id diuinia sit prouidentia vel fato^d. Fati autem a fortuna discrimen id esse, dictus auctor statuit: illud seriem, ordinem et sequelam habet, fortuna autem casu temerario contingit. Accepit ex hoc systemate multum Plato, aliquid Aristoteles, aliquid Zeno, qui tamen omnes ad sua placita emendarunt^e. Ex his

^a) l. c. p. 884 seqq.

^b) l. c. n. 10, p. 60. ed. KVS T.

^c) l. c. n. 11.

^d) ibid.

^e) Plura hac de re diximus in Otio Vindel. Mel. I. §. 7. p. 86 seq.

his vero manifestum est, providentiam Pythagoricam cum Christiana non confundendam esse, quippe quae physica magis est, quam moralis: licet adhuc melior sit Stoica, dum homini aliquam libertatem relinquit, quam Stoica tollit. Interim tamen has fati leges, hunc naturae ordinem, id est Deum ipsum sequi, summa philosophiae moralis fuit non tantum apud Stoicos, sed et apud Italicos philosophos *f.* Diiudicari hinc et conciliari possunt etiam ii, qui contendunt, Pythagoreos providentiam negasse, quod asserit THEOPHILVS ANTIOCHENSIS *z*, cum iis, qui providentia cuncta regi asserunt; illi enim de ordine rerum, quae sub luna sunt, naturali, hi de morali loquuntur *b*. Hinc IAMBlichVS *i*, Pythagoram refert, coram Phalaride demonstrasse, esse utique diuinam providentiam, quae hominum omnem expectationem superet, ex bellis inexpugnabilibus, et morbis incurabilibus, aliisque calamitatibus, quae daemonum quorundam aut Deorum operatione immittuntur. Et ut, qualis illa providentia sit, nempe series fati per ordines coelestes pertingens, intelligatur, Abarim docuisse, pergit, quod a coelo in res aëreas et terrestres transitus quidam et descensus fiat, quod omnia coeli ordinem sequantur, quodque animae facultas libera sui iuris sit, quippe quae diuinioris originis est, quam ut inferiores daemones in eam aliquid possint. Et ex his locus LAERTII *k* de providentia Pythagorea subobscurus lucem satis claram accipit.

XVI. Homo, mundi compendium est, quia non tantum ex quatuor elementis constat, sed et omnes mundi virtutes continet; habet enim facultatem diuinam, scilicet rationalem; habet naturam elementarem, nimirum vim nutritivam atque auctricem, sui iuris productricem, at singulis tamen his inferiorem. Ita psychologiam Pythagoreos exorsos esse ANONYMVS Photii *l* porro refert; quae cum dicto quoque systemate rite cohaerent. Pars enim diuina animae ab aethere diuino diuisa, (quo nomine Pythagoram refutat CICERO *m*), cum particula diuinae, quae mundum penetrat, animae sit, rationalis necessario est, et pars ita ignis mundani siue naturalis: reliquae hominis partes ab elementis participant, de quibus infra dicemus.

XVII. Datur diuinitas, quae est nuncia propitiae Deorum voluntatis, et qui hanc occupationem in pretio habet, is simul videtur existimare, Deos esse, qui vero horum alterutrum stultum censet, ille vtrumque stultitiae damnat *n*. Sequitur hoc ex descripta hactenus diuinae naturae per omnia diffusae operatione nexuque omnium rerum et sequela atque ordine physico, exque animae conditione diuina. Varia vero cum sint diuinationum genera, sola ea, quae per sacrificia fiunt, Pythagoram improbasse refert PLUTARCHVS *o*. Qui rationem tamen non addit, quae vero non

XXX xxx 3

alia

f) Hinc patet, non satis bene Pythagoreorum in hac doctrina praecepta cohaerere.

g) l. c. *b*) IAMBlichVS, c. XXVIII, n. 145.

i) ib. c. XXXII, n. 217 seqq.

k) L. VIII. c. 29.

l) l. c.

m) loco supra laudato.

n) IAMBlichVS, c. XXVIII, n. 134. qui clariorem his lucem accendit de myster. Aegypt. Sect. III. c. 12. 13 seqq. conf. THOM. GALE ad h. l.

o) De placit. phil. L. V. c. 1. T. II. p. m. 44.

alia fuisse videtur, quam quod ista diuinatione ex inspectis sacrificiorum extis fiebat. A sacrificiis vero cruentis abhorrebat Pythagoras.

XVIII. Quidquid apparet, debet constare ex iis, quae non apparent, quod autem ex aliquibus constat, non est principium, sed id quod illud ipsum constituit.

XIX. Non possunt autem esse corporea, quia ea, quae intelligentia concipiuntur, de iis debent procedere, alias ipsa essent id, quod praecedunt: nec possunt corporea esse aeterna, ut sint omnium principia, ex quibus sequitur atomos non esse principia vniuersalia rerum naturalium. Prolixe Pythagoricas has disputationes contra atomos enarrat SEXTVS EMPIRICVS ^p, saltem ad eorum mentem institutas, quae acumine non carent. Nervus totius disputationis is est, cum aeterna debeant esse principia, non sufficere, ut aeterna ponantur, (omnes enim philosophi aeterna principia ponunt) sed recurrendum cogitatione ad intimas, quibus ab aeterno talia esse potuerint, quibusque constent, rationes, neque in corporali textura acquiescendum, sed ad intelligibilia et incorporea ascendendum esse ^q. Hincque conclusisse, ait, Pythagoram, cum rerum omnium principia transcendat numerus, eum verum esse et vniuersale principium. Patet ex his, Pythagoram non numeri rationem scientificam, sed intelligibilem intellexisse, nempe id quod, in rebus omnibus omnium primum et incorporeale dicitur; unde et atomos reiecit. Quia vero, ut supra demonstratum est, schola Italica ad subtilissimam mundi materiam aetherem, ignemue diuinum respexit, eumque rerum omnium fontem principiumque posuit, sequitur inde, eius minimas partes non tantum corporeis moleculis, atomisque illum opposuisse, sed illis quoque intelligibilem, siue spirituales naturam adscripsisse, quae natura, origine et constitutione prior sit omni corporeo, etiam atomo. Et sic intelligendus nobis videtur obscurus ARISTOTELIS ^r locus, qui postquam eorum enarrasset opinionem, qui animam ex particulis minimis rotundis compositam dicunt, haec adiicit: *ἔοικε δὲ καὶ τὸ παρὰ τῶν Πυθαγορείων λεγόμενον τὴν αὐτὴν ἔχειν διάνοιαν ἔφασαν γὰρ τινὲς αὐτῶν, ψυχὴν εἶναι τὰ ἐν τῷ αἵρι ζῦσματα οἱ δὲ τὸ ταῦτας κινῆν*, videtur autem et id, quod a Pythagoreis dicitur, idem significare: dixerunt enim quidam eorum, animam esse ramenta illa, quae sunt in aëre, alii vero id quod hoc mouet. Vbi frustra nobis videtur Aristoteles esse, quique eius auctoritate utitur CUDWORTHVS ^s, ut inter atomorum patronos ponatur Pythagoras; nam ζῦσματα illa, omni corporeo, etsi materialia ipsa sint, priora posuere Pythagorici, et radios siue effluvia potius aeterni ignis aetherisue diuini putauerunt, quidam vero ad internam in iis latentem eaque mouentem retulerunt virtutem. Quae postea Empedocli, aliisque semipythagoreis occasionem dedere, obscuros, et reuera nihil significantes numeros

^p) Aduersus mathem. I. X. f. 248 seqq.
^q) Conf. FABRICIUS ad h. l.

^r) De coelo L. I. c. 2. T. I. p. 478.
^s) Syst. intell. c. III. §. 14. p. III.

ros in particulas minimas, ab atomis Democriti tamen caute distinguendas transmutandi. Num vero Pythagoras numeros principia posuerit, tantum in genere causarum exemplarium, quod ex recentioribus etiam contendit BURNETIVS¹, an materialium, intricatior nobis quaestio videtur, in tanta rei obscuritate non satis decidenda. SCIPIO AQUILIANVS² inter Pythagoreos distinguit, et Pythagoram atque Alcmaeonem posuisse ut materialia, alios Pythagoricos, ut exemplaria, obidque quodammodo ut formas vel ut fines adhibuisse. Nobis utrumque certo modo coniungi posse videtur; quatenus enim ex primo intellectualium rerum fonte reliqua omnia, quae stabilia sunt, et reuera entia promanarunt, materialia principia dici possunt; crassio rem vero materiam dum informant, non exemplaria tantum, sed et formae sunt. Sed in re tam obscura, ubi palpare tantum licet, nihil certi definimus.

XX. Est itaque principium rerum vnitas, per cuius participationem res vnaquaeque vna dicitur; sin autem idem sibi alterum adiungatur, efficitur interminatus binarius³. Tantum supra de sensu horum principiorum dictum, quantum in re subobscura licebat, et satis esse potest. Inde vero fluere obseruauimus, Pythagoram principia quidem duo, actiuum et passiuum, Deum et materiam posuisse, sed quae ex monade, siue vno toto, quod chaos veteres et Stoici quoque dixere, quasi exorta sunt, vel potius in eo latuerunt. Ex quibus definiri potest, an Magorum veterum, vel Manetis sententiae de duobus principiis Pythagoras accesserit, quod posterius recte affirmat BEAUSOBRIUS⁴, cum Manetis doctrina multo accuratius cum Pythagorae monade et dyade conueniat, quam Magorum, quibus ab aeterno materia a Deo separata eique opposita fuit. Tacemus materiam, prout eam considerauit Pythagoras et actiuo principio opposuit, nunquam vel formam vel mouendi vim, vel aliquid actiui habere posse, quod tamen malo apud Magos principio tribuitur.

XXI. Complexus vniuersi mundus dicitur ab ornatu ordineque. Pythagoram huius nominis auctorem esse dicit PLUTARCHVS⁵. Ait tamen ANONYMVS Photii⁶, Pythagoram primum omnium coelum appellauisse mundum, quia perfectum est, omnibusque animantium signis et nullo non pulchritudinis genere exornatum.

XXII. Mundus a Deo factus est, sed non tempore, verum cogitatione. Hoc apud STOBAEVM⁷ Pythagorae tribuitur, posterius tamen suspectum est, prodiisse ex schola Platoniorum recentiorum, qui ut Platonem cum Aristotele conciliarent, eiusmodi creationem mundi aeternam commentunt. Nisi hoc velint Stobaei verba, non certo tempore, sed ab aeterno Deum agitando et separando materiam intrinseca cogitationis suae necessitate mundum produxisse, idque per aeternas recurrere periodos, ut Stoicis quo-

¹) Archaeol. philos. L. I. c. 17. p. 429.

²) De placit. philos. ante Arist. L. I. c. XX. p. 88.

³) NEXTEMP. I. c. f. 261.

⁴) Hist. de Manichaeis P. I. L. I. c. 3. p. 31 seqq.

⁵) De placit. phil. L. II. c. 4. T. II. p. m. 20.

⁶) n. 14. p. 62.

⁷) Eclog. phys. L. I. c. 25. p. 42.

quoque placuit. Hoc dubium non est, a Platone ea in parte differre scho-
lam Italicam.

XXIII. Interire potest mundus, quod ad naturam suam attinet, quia corporeus, et ideo sensibus obnoxius, non autem peribit, prouidentia eum, et Deo continente ^c. Valde timemus, ne Plutarchus vel quisquis libelli de placitis philosophorum auctor est, Platonis dogma cum Pythagorico confuderit. Si enim expositam hactenus physiologiam Italicam supponimus, mundus necessario finem habet, cuncta enim in monada, statumque chaoticum redeunt, et ex monade nouus mundus exoritur. Vnde Philolaus duplicem mundi interitum, igne et aqua asseruit ^d, quae apud barbaros quoque fuere recepta, quos praeceptores habuit Pythagoras.

XXIV. Inchoauit mundus ab igni et quinto elemento. Cum enim sint quinque formae corporum solidorum, quae mathematica vocantur, e cubo orta est terra, e pyramide ignis, aër ex octaëdro, sphaera vniuersi ex dodecaëdro. Atque in his Pythagoram imitatus est Plato ^e.

XXV. Mundus animatus est, intelligens, sphaericus, extra eum vero inane est, in quod et ex quo mundus respirat ^f. Tota thesis a Stoicis quoque recepta est, vnde, vt breuitati consulamus, explicationem lector hauriet.

XXVI. Dextra mundi oriens est, vnde motus existit initium, sinistra occidens ^g.

XXVII. Ordinis vniuersi omniumque in eo singularium causa fatum est ^h. Supra fatis de hoc fato dictum: esse physicam rerum omnium dispositionem et ordinem necessarium, PLUTARCHVS ⁱ, prodit, qui mundo necessitatem circumdatam esse, inter dogmata Pythagorea ponit.

XXVIII. Mundus harmonia musica regitur ^k. Explicatum id dedimus supra, vbi de musica Pythagorea dictum est.

XXIX. In sphaera suprema residet prima causa, cui quicquid est proximum, id optimum, constantique legi coniunctum et ordinatum. Dictum et de hoc dogmate supra.

XXX. Aër terrae circumfusus, immotus ac morbidus est, et mortalia omnia, quae eo continentur: qui vero supra eum est, aër semper in motu est, purus, sanusque, et quotquot eo continentur, immortales sunt, adeoque diuini. Hic liber aether, vt HIEROCLES habet, vocatur, et aether quidem, quippe qui materiae sit expers, ipseque corpus existat aeternum, liberum, quia perturbationibus materiae non subiicitur. Notabilis locus ad intelligendam physiologiam Pythagoream, ex quo Dei natura supra descripta eleganter probatur, et luculenter cognoscitur, aethera supremum, siue ignem

^c) PLUT. l. c.

^d) ib. c. 5.

^e) ibid. c. 6.

^f) LAERT. L. VIII, f. 27. ARIST. de coelo L. II. c. 1.

^g) PLUTARCH. l. c. c. 10.

^h) LAERT. l. c.

ⁱ) PLUTARCH. l. c. L. I. c. 25. Quanquam hic

locus proprie ignis diuini omnia necessaria naturae suae lege agitantis dispositionem innuere videtur. Hoc enim igne siue Deo mundus circumdatus est ex physiologia Pythagorica.

^k) SEXT. EMP. L. VII, f. 95. conf. quos nominat FABRICIVS ad Pyrrh. hyp. c. XVIII f. 57. et adu. Mathemat. L. VI. f. 30. not. D. p. 362. KEPLERVS de harmonia mundi.

ignem istum mundanum immaterialem esse, stabilem, intellectualem, quod ad intelligendum horum philosophorum sermonem omnino notandum.

XXXI. Sol, luna, reliqua sidera Dii sunt. Hoc ex antecedenti dogmate sequitur; magna enim Dei, ignis scilicet mundani pars in iis habitat. Ita iterum Stoici quoque, quin plerique inter barbaros, qui Deum mundi animam esse censuerunt.

XXXII. Quaevis stella est mundus in aethere infinito, qui terram, aërem aetheremque continet ^l. Ex Orphicis, vel a barbaris potius haec didicisse Pythagoram supra iam obseruauimus.

XXXIII. Sphaerica solis est figura, cuius defectus luna subeunte contingit ^m.

XXXIV. Corpus lunae igneae est naturae, atque a sole illustratur, eclipsis vero lunae obstructio est et reuerberatio profecta ab antichthone ⁿ.

XXXV. Terrestris videtur luna et habitari ab animalibus maioribus nobis et pulchrioribus, quinquies decies nostrorum quantitatem continentibus, neque vllum excrementum deiicientibus ^o. Hos lunae incolas daemones esse habitos ex IAMBlichO ^p colligitur, qui lepidam narrat sententiam, Italis Pythagoram aduentantem, cum in disciplinam se ei dedissent, visum esse daemonem ex iis, qui lunam incolunt.

XXXVI. Cometa est stella, quae non semper apparet, sed statotempore sua reuolutione exoritur ^q. Mirum in tanta rerum naturalium infantia Pythagoreos de corporibus coelestibus tantum sapuisse, recte ideo laudatos BURNETIO ^r.

XXXVII. Iris solis est resplendescencia ^s.

XXXVIII. Post sphaeras coelestes infra lunam est sphaera ignis, hinc aëris, deinde aquae, vltimus subest orbis terrarum ^t.

XXXIX. Omnium elementorum corpora rotunda sunt, igne excepto, qui conicus est ^u.

XL. Datur generatio et resolutio siue corruptio, res enim alteratione, mutatione et resolutione elementorum fiunt ^x. Intelligendum hoc est, de sola materia, quae fluxa et mutabilis est, et de iis, quae ex elementis componuntur. Formae enim, siue entia simplicia, intelligibilia, quae naturam rei largiuntur, corrumpi nequeunt, sed semper manent, non voluntate tantum conditoris, sed natura quoque sua, quae aeterna, stabilis et immutabilis est. Nihil itaque essentiarum vitarumque perit, sed aliter tantum corpus,

^l) PLVT. l. c. L. II. c. 15.

^m) STOB. l. c. p. 55.

ⁿ) PLVT. l. c. c. 28.

^o) ib. c. 30.

^p) c. VI. n. 30.

^q) PLVT. l. c. L. III. c. 2.

^r) l. c. p. 224.

^s) AELIAM. L. IV. c. 27.

^t) ANONYM. Phot. p. 60.

^u) PLVT. l. c. L. I. c. 14.

^x) ib. c. 24.

corpus, quod accipit, componitur et secernitur^γ. Et hoc genuinum quoque transmigrationis animarum fundamentum est.

XLII. Aequis partibus mundo lux ac tenebrae insunt, calidum item et frigidum, siccum ac humidum. Ex iis dum calor exuberat, aestas, dum frigus, hiems fit: dum aequis vero partibus vigent, optima sunt anni tempora: quorum id, quod viret, est veris grata salubrisque temperies, id vero, quod arescit, autumnus est insalubris potestas. Immo et in ipso die viret aurora, vespera arescit, atque adeo minus salubris est^z.

XLIII. Penetrat a sole radius per aethera frigidum atque aridum; hic radius profunda penetrat, adeoque viuificat omnia, in quantum caloris participant, non omnia tamen animam habent. Anima enim auulfio est aetheris calidi et frigidi, differtque a vita anima: ipsa est immortalis, quoniam immortale est, a quo deriuatur^α. Posito systemate supra explicato, haec sua sponte sequuntur.

XLIV. Ex terra nulla fieri potest generatio, sed animantia a se inuicem mediante semine generantur. Processum vero generationis et formationis embryonis videsis apud LAERTIVM^b ex Alexandro, et CENSORIVM^c, qui rationes harmoniae ad hoc argumentum adplicatas recenset.

XLV. Semper humanum genus fuit, nec finem habebit. Hoc Pythagoreis VARRO^d tribuit, nec male, si eo sensu sumatur, quo th. XXII. explicuimus. Animi enim ex aeterna Dei emanatione sunt; materia aeternis periodis agitata ab anima mundi, siue Deo, et producta ita omnia, et inter ea homines quoque. Ita inepto generationis aequiuocae figmento opus non erat Pythagoreis.

XLVI. Anima numerus est, se ipsum mouens^e. Numerum et intelligibile idem esse, ex supra dictis notum: animam vero, ex mundi anima siue aethere auulfam, eius particulam esse, supra th. XV. obseruauimus, quae hic repetenda sunt.

XLVII. Anima generalissima diuisione in duas partes diuiditur, rationalem et irrationalem. Irrationalis in irascibilem et concupiscibilem. Illa *φῆν* est, haec *ῥῆς* et *θυμός*^f. Prima anima ex mundi anima est, altera et tertia ex elementis.

XLVIII. Omnium animantium animae rationales sunt, eorum etiam, quae bruta vocamus: haec tamen secundum rationem non agunt, ob prauam corporis temperiem, et sermonis defectum^g. Necessario ita statuendum erat, admissa semel anima mundana. Hinc cognationem inter animalia bruta et homines esse Pythagoras afferebat, horumque statuebat animas in illorum corpora migrare: ideoque a sacrificiis cruentis abstinebat, ut supra notatum.

XLIX.

γ) Conf. CUDWORTH. I. c. c. V. f. IV. §. 29. p. 1154 seq.

z) LAERT. L. VIII. f. 26.

α) Alexander in successibus apud LAERT. I. c. f. 27.

b) LAERT. L. VIII. f. 28.

c) De die natali c. 11.

d) De re rustica L. II. c. 1. p. 58. ed. Steph. CENSORIN. I. c. c. 4.

e) PLUT. pl. phil. L. IV. c. 2.

f) ibid. c. 4.

g) ibid. c. 29.

XLII. Initium animae est a corde ad cerebrum, et in corde quidem *ὑμὸς*, animus sedet, mens vero *φρὴν* et animus *νᾶς* in cerebro sunt. Ab his sensus quasi stillant. Pars vero rationalis immortalis est, reliqua mortalia sunt. Anima sanguine nutritur, *λόγοι* vero facultatesue animae spiritus (*ἄνεμοι*) sunt ^b.

XLIX. Anima et facultates eius inuisibiles sunt, neque aether enim videri potest. Vincula animae venae sunt, arteriae et nervi: ubi vero inualuerit intra se ipsam composita vincula eius rationes sunt et actiones ⁱ.

L. Mens, (*φρὴν*) extrinsecus animae inferitur ^k, participatione diuina ^l, (*θεία μοῖρα*) ex vniuersa mente diuina siue anima mundi decerpta ^m. Hinc immortalis est, quoniam immortale est id, ex quo deriuatur. Fundamentum dogmatis huius supra satis illustrauimus: hoc vnum adiicimus, dixisse, teste PLUTARCHO ⁿ, animum non esse Deum, sed opificium Dei, quatenus scilicet emanatium ab emanante, particula a toto differt.

LI. Anima quaternionem in se habet ^o. Quid vero illa tetracty in animis intelligatur, adeo variant veteres, vt perspicuum sit, eos rem ignorasse. Nos, cum certiora non habeamus, filere malumus, quam coniecturas nostras Pythagorae supponere. Mentem, opinionem, scientiam, sensum, explicat PLUTARCHVS, quatuor elementa esse, visum MOSHEMIO, quatuor virtutes, FABRICIO, de quibus videnda, quae supra in arithmetica Pythagorica diximus.

LII. Animae vincula venae, corpus carcer est ^p, id qua ratione intelligendum sit, ea declarant, quae de philosophia in genere ex mente Pythagorae differuimus.

LIII. Cognitionis octo sunt organa: sensus, imaginatio, ars, opinio, prudentia, scientia, sapientia, mens. Quatuor postrema homo communia habet cum Diis, priora duo cum bestiis, opinio propria ei est ^q.

LIV. Anima eiecta in terram, vagatur in aëre, corpori similis ^r. Duplici haec sensu accipi posse, recte monet ALDOBRANDINVS ^s, vel de eiectione animae lapsae ex coelo, antequam in corpus demittitur, vel de emigratione ex corpore, homine mortuo. Animas enim lapsas poenas dare meritorum, Pythagorae tribuit HIERONYMVS ^t. Fatendum tamen, incertum hoc plane esse, et videri ex Academia Platonis hauustum, nec accurate etiam dicitur, animas eiici et vagari in aëre, sed dicendum, animas immitti in corpora. Rectius itaque de emigratione animae ex corpore Laërtii verba intelliguntur: non enim statim nouis corporibus immitti animas Pythagorae placuit, sed prius reduci vel ad aethereas, si bonae fuerint,

Yyy yyy 2

rint,

^b) LAERT. L. VIII. f. 30. *ἄνεμοι* videntur partes subtilissimae sanguinis, vel succus nerueus esse, quem spiritus animales vocant. Sequimur OLEARI versionem. Interpres enim mire omnia peruertit apud Laërtium.

ⁱ) ibid.

^k) STOB. eclog. phys. p. 93.

^l) CLEM. ALEX. Strom. L. V. p. 590.

^m) CICERO II. cc.

ⁿ) PLUT. l. c. L. IV c. 7.

^o) Aur. carm. PLUT. l. c. L. I. c. 3.

^p) LAERT. L. VIII. f. 30.

^q) ANONYM. Photii n. 17. p. 64.

^r) LAERT. L. VIII. f. 31.

^s) ad h. l.

^t) Qq. ad Heb. 9. 10.

rint, vel ad aëreas et tenebricosas^{u)} sedes, si malae, indeque circulo necessitatis fatiue poscente, tum demum in noua immitti corpora, vel humana vel bruta, prout dispositio et conditio earum patitur, ipsaeque purgatae magis minusue sunt. Hinc intelligenda, quae sequuntur LAERTII^{x)} verba: Mercurium animarum quaestorem esse, atque ideo ductorem dici et ianitorem, et terrenum, quod is ex corporibus, et ex terra et e mari animas educat, et puras quidem atque purgatas in excelsum ducere, impuras vero illis ne appropinquare quidem, neque inuicem sibi ipsis, ceterum vinciri a furiis infractis nexibus. Quibus verbis fabularis theologia doctrinae philosophicae accommodatur, et innuitur, certum quendam daemonem esse, huic potissimum negotio praefectum, qui sedem animis designet post fata, purgatasque satis, ad excelsa et coelestia ducat, iungendas sedibus diuinis, impuras in tartaro, id est aëre graui et tenebricoso tamdiu deuinctas detineat, donec corporibus iterum immittantur. Ex quibus patet, doctrinam de *αἶδς* ^u sedibus, siue loco statuque post mortem posse consistere ex horum hominum sententia cum *μετεμψυχώσεις*, redituque animae in aliud corpus. Ipse certe Pythagoras, qui se memoriam prioris status accepisse a Mercurio iactabat, vidisse se dicebat, quae in tartari sedibus fierent, antequam nouum corpus subiret. Nihil noui vero hac doctrina Pythagoras inuenit, sed ex Aegypto eam attulit, vt ex illis liquet, quae de hac re libro primo disputauimus.

LV. Nulla anima interit, sed post certos fati circulos, definitasque temporum periodos, noua subit corpora, idque, quod fuit olim, fit rursus^{z)}. Celebratissimum hoc transmigrationis animarum in schola Pythagorica dogma est, quod non arcanum tenebatur, sed in vulgus emanabat, id quod a barbaris, parem sententiam in vulgus spargentibus, accepit, et more suo imitatus est. Nec poterat aliter statuere philosophus, cum animae naturam in numero tanquam particulam diuini aetheris posuisset, et intelligibilem ei conditionem adscripsisset. Assertionem enim XL. ostendimus, vi naturae emanationis, nihil quod ad stabilem, simplicem, et aeternam naturam referri potest, interire, nec mutari, sed noua tantum inuolucra quasi, ex materia crassiori, accipere. Quae cum Pythagoram eo perduxissent, vt animas certo numero definitas praeexistere ante corpora statueret, necessario reditus animarum in noua corpora afferendus erat: cumque rerum omnium ex vna anima mundana participantium cognationem assereret, vt diserte tradit PORPHYRIUS^{a)}, non in humana tantum, sed et bruta corpora migrare animas decernendum erat^{b)}. Egregie hanc Pythagorae doctrinam descripsit OVIDIUS^{c)}, Pythagoram ita fermocinantem inducens:

Morte

u) Hinc terrae motus a manium occurſu oriri credebat, si fides AELIANO L. IV. c. 26.

x) l. c.

y) Videndi doctissimi Britanni ROB. PARKER-
RVS libro raro: de descensu Christi ad inferos, IAC.
WINDETVS de vita ſunctorum ſtatu ex Hebraeorum

et Graecorum inter ſe comparatis ſententiis.

z) PORPHYR vit. Pyth. n. 19. LAERT. L. VIII.
ſ. 14. conf. viri docti ad haec loca. a) l. c.

b) Frigidis id rationibus negat PROCLUS in
Timaeum L. V. p. 329.

c) Metamorph. L. XV. v. 158 ſeqq.

*Morte carent animae: semperque priore relictæ
Sede, nouis domibus habitant, viuuntque receptæ.
Omnia mutantur; nihil interit, errat et illinc,
Huc venit, hinc illuc, et quolibet occupat artus
Spiritus, eque feris humana in corpora transit,
Inque feras noster: nec tempore deperit ullo,
Vtque nouis fragilis signatur cera figuris,
Nec manet, ut fuerat, nec formas seruat easdem,
Sed tamen ipsa eadem est, animam sic semper eandem
Esse, sed in varias doceo migrare figuras.*

Quamuis enim Sulmonensem poetam his versibus Stoicam μετενσωμάτων, cum Pythagorica μετεμψυχώται confundere, allatum exemplum prodat, recte tamen reliqua Pythagorae tribuuntur, fundamentumque verum affer- tur, nihil, quod verum et stabile atque essentiale sit, perire, solam materiam semper esse in mutatione: adeoque eandem tandem redire animam. Ita vero tradidisse Pythagoram, adeoque literalis sensu hanc animarum in alia corpora migrationem accipiendam esse, non tantum tota physiologiae Py- thagoreae constitutio probat, quae hanc metempsychosin postulat, sed et doctrina Aegyptiorum, a quibus Pythagoras teste DIODORO SICULO^d et HERODOTO^e accepit, ut reliqua fere dogmata omnia. Illos vero κατὰ τὸ ἐντὸν animarum migrationem statuuisse, libro primo demonstratum est. Nec alium sensum patiuntur ea, quae Pythagoras iactauit, de sua migratio- ne, qui, ut supra narratum, in quibus antea corporibus fuerit, quo nomine antea gauisus sit, exposuit, et initiatis indicauit, quae antea ipsi quoque cor- pora subiissent *f*. Nec dici posset Pythagoras auctor fuisse metempsycho- seos inter Graecos *g*, qui de vera et literalis migratione acceperunt, nisi ipse ita intellexisset. Audiendi itaque non sunt, qui insipidi dogmatis absurdi- tate commoti, Pythagoram non proprie ad literam, sed allegorice et impro- prie eam intellexisse volunt, et ita varias explicationes comminiscuntur, contortas admodum et parum verisimiles. Inter veteres ex ipsa Italica scho- la TIMAEVS LOC RV S^h animarum migrationem inter falsos sermones re- fert, quibus animi, qui veris non ducuntur, coërceri debent: quod tamen mirandum non est, systemate eius physiologico, quod a genuino Pythago- rico abiit, ita postulante. Ex recentioribus multi sunt, qui pro Pythagora ab hoc absurdo errore liberando, sententiam tulerunt. REUCHLINVSⁱ enim et DACI RV S^k ad methodum Pythagorae symbolicam confugiunt, et tanquam fabulam a philosopho ad emendandos vulgi animos propositam fuisse contendunt, quod disertis veterum testimoniis, quibus tamen standum

Yyy yyy 3

est,

^d) Apud EVSEB. praep. L. X. c. 8.

^e) Lib. II. c. 123.

^f) LAMBLICH. c. XIV. n. 63.

^g) PORPHYR. l. c. LAERT. L. VIII. s. 14. qui-
us ex sequentibus patet, de solis Graecis est intelli-

gendus, vnde perperam notatur a Cl. HAN SCH IO
de enthuf. Plat. sect. VII. §. 28. p. 119.

^h) De anima mundi p. 566. Opusc. myth. GALEI.

ⁱ) De art. Cabb. L. V. conf. PASCHIVS intr. in
rem liter. mor. vet. c. IV. §. 10. p. 668.

^k) Vit. Pythag. p. 81.

est, aperte contradicit ¹. Alii ad ἐνσωμάτωσιν Stoicam reuocant, putantque respexisse Pythagoram vel ad animam vegetatiuam et sensitiuam; quae cum ex elementis composita sit, et in elementa redeat, ex quibus alia corpora, aliaeque animae sensitivae, etiam animalium, brutorum nascantur, ita redire in vitam dicatur, quo modo AMBROSIVS RHODIVS ^m Pythagoram sensisse tuetur; vel ex anima mundana, in quam animae reducuntur, nouas animas immitti, sicque in alia corpora migrare dici contendunt ⁿ, id quod ad corporum in animam mundanam fideralem ex fiderum corporibus oriundam reditum, indeque ortum hominis animalem applicat WHITHELORVS BVLSTRODIUS ^o. Quae quam aliena sint a tota physiologia Pythagorae supra allata, attente consideranti erit manifestissimum, LLOYDII ^p, FICINI ^q, MORNAEI ^r aliorumque hac de re cogitata breuitati consulentes praetermittimus. Legibus itaque fidei historiae omnium facient optime satis, qui ita Pythagoram tradidisse statuunt: I. animarum ex diuino aethere auulsarum, et ab eo participantium certum esse numerum; II. eas certis temporibus immitti in corpora; III. post solutionem vinculorum corporis in superiores partes euadere, et IV. certo tempore in manium sedibus detineri purgandas, tumque V. a materiae inquinamenti magis liberatas melioribus, deturpatas vero passionibus materiae, deterioribus brutisque corporibus immitti, huncque circulum toties reuocari, donec satis purgatae, semperque meliores et liberiores a contagio materiae et terrestrium affectuum tandem ad principium, ex quo decerptae sunt, primum, aetherem ignemue summum siue Deum reducantur. Itaque poenae et praemia post mortem satis amice cum migratione animarum concordant ^s, ratioque patet, quomodo animae sapientes dicantur a Pythagora inter Deos recipi ^t, vel, quod PLUTARCHVS ^u Pythagoreis tribuit, quomodo animae e corpore egressae in animam vniuersi abeant. Vtrumque enim de animabus tantum purgatis et post iteratas necessitatis periodos tandem liberatis iuxta Pythagorae physiologiam intelligendum est ^v.

Medicina.

§. XXV. Naturali philosophiae subiicienda est medicina Pythagorica, quam non neglexisse philosophum Samium testantur LAERTIVS ^x, AELIANVS ^y et IAMBlichVS ^z, a Chaldaeis eum didicisse vult APVLEIVS,

¹) Conf. CLERIC. Bibl. sel. T. X. p. 185.

^m) De transmigratione animarum Pythagorae conf. Act. phil. Vol. II. p. 787 seqq. huc quoque tendit explicatio CVRIONIS et SOVERAINII Plat. de voit. P. I. c. 18. p. 201 seq. putant enim perpetuam materiae mutationem innui.

ⁿ) ROB. PARCKER. l. c. L. II. §. 47. p. 76. IAC. WINDET. l. c. sect. III. p. m. 33.

^o) Animarum transmigratione Pythagorica defensa, vid. Act. erud. 1693. p. 569. Obs. fil. T. II. obs. X. p. 207. quae est B. BYDDER.

^p) l. supra cit.

^q) Ad Phaed. Platonis p. m. 332. L. X. de rep. p. m. 445.

^r) De V. R. C. c. XV.

^s) Negat id BAVLEI, c. not. T. III. p. 743.

^t) Vid. Aur. carm. v. ult.

^u) De placit. phil. L. IV. c. 7.

^v) Ita conciliari potest CUDWORTH. qui Syst. intell. c. IV. §. 18. p. 367. Pythagoreis tribuit, animas sapientium virorum statim ad coelestes sedes proficisci, et cel. MOSHEM. l. c. qui eas quoque migrare contendit. Illud enim de animabus perfecte purgatis intelligendum esse, finis carminis aurei euidenter probat.

^x) Lib. VIII. §. 12.

^y) Lib. IX. c. 22.

^z) c. XXIX. n. 163. PORPHYR. n. 33. GELVS praef.

LEIVS^a, quod magis de Aegyptiis verum est, inter quorum disciplinas arcanas medicinam quoque fuisse, ex supra dictis notum est. Duplex vero ea apud Pythagoreos fuit, diaetetica et therapeutica, illa diaetam victusque rationem, laborisque, motus et quietis vicissitudines moderatur, haec morbis medetur. Et diaeteticis quidem accuratissime Pythagoreos operam dedisse, testatur IAMBlichVS^b, ex quo, qua ratione mensam instruxerint, supra prolixè enarrauimus, quae hinc loci repetenda sunt. Pleraque vero regendae diaetae regulae hae fuere:

I. Ad sanitatem conferuandam multum interest, ut rationes laboris victusque et quietis accurate inter se conferantur, cibusque etiam apparandis certus modus praescribatur.

II. Omnes cibi, qui flatulenti sunt, quique tumultum in corpore possunt excitare, vitandi sunt, e contrario eligendi, qui corporis habitum confirmant et adstringunt.

III. Reiiciendi cibi sunt, qui Diis ingrati existunt, quia nos a Dei familiaritate abducunt.

IV. Abstinentum et ab iis cibis est, qui sacri censentur, quia reuerentia digni sunt, neque communi hominum vsui conducunt.

V. Cauendum porro ab iis, qui facultatem diuinandi, puritatem animae, castitatem, sobrietatem, aut virtutis habitum impediunt, quique sanctitati aduersi sunt, et oblatas in somno species obfuscantes.

VI. Theoreticis ab omni carnis et vini vsu abstinentum. Leges has cibarias supra, quantum satis, illustrauimus, ad quae recurrendum.

VII. Cor non rodendum, cerebrum non comedendum, a malua, melanuro, erythinoque abstinentum. Rationes Pythagorae supra quoque attulimus, quae partim physicae, partim theologicae, partim morales fuere: hinc inter symbola quoque recepta.

VIII. A fabis abstinentum, propter multas sacras naturalesque rationes. Ita, qui haec omnia tradit IAMBlichVS^c, qui vero non explicuit, quae istae rationes sint, cur a fabis tantopere Pythagoras abhorruerit, ut maluerit occidi, quam fabas in agro conculcare fugiendo. Hinc multum ingenia eruditorum hoc interdictum exercuit, ut in plerisque solet fieri, quae sola coniectura detegi possunt, ut sunt in Pythagoricae philosophiae historia fere omnia. Et Aristoxenus quidem, cuius verba ex libro *de Pythagora et eius discipulis* nobis seruauit A. GELLIVS^d, quique cum Xenophilo Pythagorico aliisque, qui a Pythagorae aetate haud multum aberant, familiariter conuersatus est, scriptum reliquit: nullo saepius legumento Pythagoram vsu fuisse, quam fabis, quoniam is cibus et subduceret sensum alium et leuigaret: porculis item minusculis et haedis tenuioribus victitasse. Addit his Gellius; errorem hunc ortum, quia in Empedoclis carminibus, qui disciplinas Pythagorae secutus est, hic versus inueniatur:

Λεῖλοι πάνδειλοι κυάμων ἀπὸ χεῖρας ἔλεθον.

hinc

^a) Florid. L. II, c. 15, p. m. 358.

^b) I. c.

^c) I. c. conf. n. 106.

^d) Lib. IV. c. 11.

hinc enim opinatos plerosque, *κνίαν* legumentum vulgo dici. Sed qui diligentius scitiusque carmina Empedoclis arbitrari sint, dixisse, *κνίαν* hoc loco testiculos significare more Pythagorae symbolice ita appellatos: voluisseque homines a rei venereae proluvio deducere. Vix tamen Aristoxenus fidem meretur, in tanto veterum testimoniorum consensu, quae vnanimi ore, fabis abstinuisset Pythagoram et sequaces referunt. Nec conuenit cum regulis diaeteticis Pythagorae, quae a flatulentis cibis suos arcebant: fabae vero cum inflationem magnam habeant, recte inde CICEO, ipsi Gellio laudatus, infert, ab eis Pythagoram prohibuisse, ne errorem animis perturbationemque afferant. Neque tamen haec sola ratio physica sufficere videtur, cur Pythagoras non esum tantum fabarum suis interdixerit, sed et bouem ab eo arcuerit, et ab iis conculcandis abstinerit, vnde ad rationes physicas et arcanas alii confugerunt. Quidam ^f morali sensu interdictum accipientes, ideo a fabis abhorruisse dixerunt, quod a suffragiis, quae fabis interdum fiebant, abstinentum putaret. Id vero contrarium est philosophiae Pythagorae, quae rebus publicis administrandis et legibus ferendis discipulos instruebat, vnde et politici et legislatores dicti sunt ^e. Alii, quorum sententiam fuse narrat PORPHYRIUS ^b, ad physicas rationes delapsi inde interdicti fabarum esus rationem aduocarunt, quod ex putredine in primo statu chaotico singula exorta sint, fabae vero et homines ex ea simul effloruerint, inde et dentibus comminutas et feruentibus solis radiis expositas, humani cruoris odorem reddere. Alii ⁱ naturam vniuersi in iis adumbratam, quaerunt alii portas inferni, quod geniculatae non sint, quam sententiam, qua animarum ingressus et egressus ex *αἶδης* indicari, quaque ascensus ad Deum symbolum fecisse Pythagoras dicitur multa eruditione ornauit IACOBVS WINDETVS ^k, in quam pedibus quoque iuit BAYLIUS ^l. Vt verum autem fateamur, frustra haec omnia dici, et ab ingenio magis, quam verisimilitudine se commendare nobis videntur: nulla enim alia ratio adduci potest, quam pati hanc explicationem principia Pythagorae philosophica, quod rem nondum conficit. Nobis ab inutili et nil profutura disquisitione eo magis abstinentum esse videtur, quo magis tam arcanam hanc rem habuere Pythagorei ^m, vt mortem oppetere, quam mysterium prodere maluerint. Quod quae-so, emolumentum vero, in rem nunquam detegendam operose inquirere ⁿ? Cer-

^e) IAMBlich, c. XIII, n. 61.

^f) Aristoteles laudatus LAERTIO L. VIII, f. 34. IAMBlich, c. XXXV, n. 259. PLUT. de educ. puer. T. I, p. m. 17. LUCIAN. in vitar. auct.

^g) Conf. cl. STOLLIVS Hist. phil. mor. gentil. §. CXXIX, p. 129.

^b) n. 42. 43. ORIG. philosophum, c. II, p. 42. conf. BAYLE l. c. not. I, p. 744. STANLEIVS P. VIII, p. 797.

ⁱ) LAERT. l. c. et MERIC. CASAVBON. atque MENAG. h. l.

^k) De viri sanctorum statu f. V. p. 97 seqq.

^l) l. c. Parum abijt THOM. SPIZELIVS de literat. Sinenf. Sect. XIII, p. 285. sed perperam intellecto Laërtii loco deceptus, putat, Pythagoram statuisset in fabas quoque migrare animas. τὸ πνευματικόν enim apud Laërtium non spirituales esse vel animatas fabas dicit, sed statibus generandis aptas, vt recte CICEO de Diuin. L. I. explicuit.

^m) Ita et MENAG. ad h. l.

ⁿ) Plures de hac re scriptores laudantur Aët. philos. Vol. I, p. 230. Vol. II, p. 488. qui videntur.

Certe, si verum est, fabis interdixisse Pythagoram suis, verifimilius ad rationes diaeteticas, quam morales vel phyficas refertur^a. Diligentia vero recondendi hoc quoque mysterium magis instituti et disciplinae iure iurando obfirmatae studio, quam arcanae significationi adscribendum, praesertim cum in Aegypto iam a fabis abstinere didicerit Pythagoras.

IX. A piscibus arcendus Pythagoreus. Rationem eius supra exposuimus.

X. Panis, et mel in prandio adhibenda, ille ex milio; olera item cruda et cocta^p.

XI. Acetum scilliticum magnae virtutis est, ad tuendam praeservandamque sanitatem. Frequenter adhibuisse hoc medicaminis genus Pythagoreos, veteres passim produnt^q.

In pharmaceutica medicina magica vtramque faciebat paginam. Cataplasmata, notante IAMBlichO^r, frequentius, quam qui eos antecesserant, adhibebant, sed vnguenta medicata (Ἰαμακείας) minus probabant: hisque ipsis ad vulnera potissimum sananda utebantur, incisiones vero et vstiones minime omnium admittebant. Quosdam insuper morbos incantationibus curabant, et musica. Herbasque adhibebant magicas, quas primum in nostro orbe celebrauisse Pythagoram magos confectatum, primumque volumen de earum effectu composuisse, Apollini dicatum PLINIVS^s scribit. Quae an vera sint, ex iis, quae de scriptis Pythagorae supra disputauimus, diiudicanda sunt. Nec negat Plinius, hoc volumen a quibusdam Cleemporo Medico adscribi, qui eum forte ad Pythagoram, propter receptum ab eo morem herbis magicis utendi, retulit. Quasdam huius generis herbas exponit idem PLINIVS^s, qui legendus. Multas in hac therapeutica miraculosas curationes a Pythagoreis confectas esse, solitis mendaciis praeceptoris augere famam, nemo sanus dubitet, dolendumque, anilem hanc Pythagoreorum superstitionem ex aruis medicae artis nondum potuisse totam eradicari. Ceterum criticorum quoque dierum^a, anni item climacterici^x inuentio Pythagorae tribuitur, cuius potissimum fundamentum in absurda hypothesi de numerorum virtute, praesertim cubica, nititur, quod placere potuisse viris doctis et emunctae naris, merito miramur. Rationes eius omnes prolixo commentario exposuit CLAVDIVS SALMASIVS^y, paucis eas complexi sunt SAMVEL TENNVLIUS^z, et GER. IO. VOSSIUS^a.

§. XXVI.

^a) IAMBlich. PORPHYR. II. cc. LAERT. L. VIII. f. 16.

^p) AVCTOR libri de medicam. facile parabil. inter GALENI Opera L. III. T. IV. p. 463.

^q) PLIN. L. XXIII. c. 2. conf. SCHVLZIVS Hist. medic. Per. I. sect. 2. c. 7. p. 179.

^r) n. 163. c. XXXIV. n. 244. STANLEIVS vertit, poriones medicatas, melius OBRECHTIVS vnguenta, quae ad vulnera adhiberi solent.

^s) Lib. XXIV. c. 17. L. XXV. c. II.

^t) l. c. conf. CLERIC. Hist. med. P. I. L. II. c. 4. p. 91. qui hanc therapeutica recte eo derivat, quod Pythagoras morbis daemones praesse statuerit.

^u) Conf. CELSVS Med. L. III. c. 4. SCHVLZ, et CLERIC. II. cc.

^x) CENSORIN. de die nat. c. XIV.

^y) De anno climacterico.

^z) Ad IAMBlich. intr. in arithm. Nicom. p. 129

^a) De theol. gentil. L. III. c. 20. p. 815.

Symbola Pythagorica.

§. XXVI. Considerata haecenus, quantum inextricabiles difficultates patiebantur, philosophia Pythagorica, coronidis loco, symbola eius adicienda sunt, de quorum causis, modo, vsuque supra pleraque iam enarrauimus. Pauca hic adiicimus, sparsim tantum in antecedentibus obseruata:

I. Nihil in iis noui vel inusitati adhibuisse Pythagoram, sed receptae inter barbaros, et Graecos quoque theologos methodo arcanae se attemperauisse, quo factum, vt inuidiosa in se disciplina non suspiceretur tantum, sed et reciperetur tanquam maximus sapientiae his inuolucris latentis thesaurus. Licet, si verum fatendum, et veritatis atque sapientiae recte ratio habenda, totam disciplinam suam, falsae sapientiae suspectam Pythagoras hac arcana methodo reddiderit^b.

II. Confirmamur in eo admodum, vsu symbolorum a Pythagoreis adhibito in eum finem, vt de rebus et dogmatibus sectae suae loquentes ab extraneis non intelligerentur^c. Sapientiae autem sol radios suos collustrare neminem dedignatur.

III. Factum inde, vt ab ἀλλοτρίαις, et huius sectae mysteriis non initiatis eiusmodi symbola male intelligerentur, et, cum magna esset scholae Italicae existimatio, literae illi inhaerent: vnde haud vnum superstitionis anilis genus exortum est, quod vel nostra secula exuere non potuere. Exemplo sint symbola sequentia: ne speculum ad lucernam intueri; offensa in vestibulo vetula non egredere; sal apponito; in poculi fundo residuum non relinquito; surgens e lecto stragulam complicato; in meridie ne dormito, et his similia^d.

IV. Ex his vero, attendentibus clarum esse potest, impossibile esse, certas Pythagoricorum symbolorum explicationes dare, vnde ipse IAMBlichvs^e ea cum oraculis Pythicisque effatis comparat. Non defuere quidem cum inter veteres, tum inter recentiores viri acuti, qui his tenebris lucem accendere conati sunt^f. Verum ipse, qui ex horum numero est IAMBlichvs^g passus est, rationes his symbolis ob verisimilitudinem additas, non esse Pythagoricas, sed quorundam exteriorum, qui eas comminiscantur, quique conentur probabilem quandam speciem dictis affingere, id quod exemplo quoque diuersae explicationis probat. Cum itaque interpretes ipsi incerti sint, quid proprie sub istis aenigmatibus schola occultauerit

^b) Conf. prudenter dicta Aët. philos. Vol. I. pag. 230.

^c) IAMB. c. XXXII. n. 227. protrept. c. 31. SCHEFFERVVS l. c. p. 90. 91. sed et tesserae instar fuisse, qua Pythagorei se inter se dignoscerent, ex IAMB. c. XXXIII. n. 237 seqq. patet.

^d) Exempla plura attulit MAGN. DAN. OMEIS app. ethicæ Pythagoricae n. 129 seqq.

^e) Possim, vid. n. 105. 161. 247.

^f) Inter veteres symbola Pythagorica illustrant multi. Et Anaximandri quidem Milesii iunioris, Aristotelis, Alexandri Polyhistoris, Androcydis aliorumque ea de re scripta dudum interciderunt. Ex iis, quos hodie legimus, consuli possunt

LAERT. L. VIII. f. 17. seqq. HIEROCLES ad C. A. p. 297. SVIDAS in Pyth. g. T. III. p. 233. PLVT. Sympos. L. VIII. c. 8. HIERON. contra Rufinum T. II. p. 166. Opp. IAMB. vit. Pyth. II. cc. PORPHYR. n. 42 seqq. et imprimis IAMBlichvs protrept. c. 21 LILIVS GIRALDVVS et in veteris philosophi expositionem, PLVT. fals. tributam inseruit tractatu de symbolis Pythag. rae. Recentiores enumerant FABRIC. Bibl. Graec. Vol. I. p. 459. et HEVMANNVS Aët. phil. Vol. I. p. 377. quibus addi possunt doctissimi viri STOLLIVS Hist. phil. mor. gent. §. 129 seqq. p. 228 seqq. LEHMANNVS Hist. phil. Pyth. p. 423 seqq.

^g) n. 86.

uerit Italica, immo cum suspicari non sine ratione liceat, variis significationibus mox physicis. mox theologicis, mox moralibus adaptata fuisse. latere laudare nobis videntur, qui in his veterum et recentiorum explicationibus Pythagorae disciplinae praecepta eaque genuina inuenire se posse sperant. Nuda itaque haec symbola afferemus, lectoremque ad interpretes remittimus, qui, qua ratione hi intellexerint noscere cupit.

§. XXVII. Ita vero symbola Pythagorae recitat IAMBlichVS: *Symbolorum summa.*

I. In templo progrediens adoratum, nihil interea, quod ad vitam facit, nec dicit, nec facit.

II. Perfunctorie templum ne ingreditor, neque si ipsissimas fores praetergrediaris.

III. Discalceatus nudisque pedibus sacrificato atque adorato.

IV. Publicas vias declinans per semitas ingreditor.

V. Ab eo, quod nigram caudam habet, abstineto.

VI. Linguam ante omnia contineto, Deos sequens.

VII. Ventorum spirantium sonum adora.

VIII. Ignem gladio ne fodito.

IX. Aciem omnem abs te remoueto et auertito.

X. Cum viro, cui onus impositum est, simul attollito.

XI. Dum calceamenta pedibus subduntur, pedem dextrum ante adfero. In pelluium autem sinistrum priorem inferto.

XII. De rebus Pythagoricis sine lumine ne loquitor.

XIII. Iugum ne transilito.

XIV. Peregrinationem instituens, domum ne reuertitor, furiae quippe simul comitantur.

XV. Ad solem conuersus ne meito.

XVI. Facula sedem ne extergito.

XVII. Gallum alito quidem, sed non sacrificato, lunae namque et soli facer est.

XIIX. Choenici ne infideto.

XIX. Nihil eorum, quod curuos ungues habet, alito.

XX. In via ligna ne feces.

XXI. Hirundinem tecto ne accipias.

XXII. Annulum ne gestato.

XXIII. Dei formam et imaginem annulo ne insculpito.

XXIV. Ad lucernam faciem in speculo ne contemplator.

XXV. De Diis et diuinis oraculis, nulli eorum, quae admirabilia fidem derogato.

XXVI. Rifu in continenti ne concutitor.

XXVII. Ad sacrificia ungues ne praecidito.

XXIIX. Dexteram ne cuius iniicito.

XXIX. E stragulis surgens ea conuoluit et vestigium confundito.

XXX. Cor ne edito.

XXXI. Cerebrum ne comedito.

XXXII. Pilos praescissos et vnguium praesegmina conspuito.

XXXIII. Rubicundum non suscipito.

XXXIV. Ollae vestigium in cinere aboletō,

XXXV. Cum ea, quae aurum habet, non congregitor ad liberos procreandos.

XXXVI. Inprimis honorato figuram et gressum, figuram inquam, et triobolum.

XXXVII. A fabis abstineto.

XXXVIII. Maluam in horto quidem tuo plantato, sed ea ne vescitor.

XXXIX. Ab iis, quibus vita est animalis, abstineto. Haecenus IAMBlichVS^b, qui explicationem quoque addidit. Adicienda his alia, ex veteribus a STANLEIOⁱ et LEHMANNO^k collecta, inter quae potiora magisque memorabilia haec sunt:

XL. Quae de mensa ceciderint, non tollenda.

XLI. Panem ne frangito.

XLII. Sal apponito.

XLIII. Cibum in matulam ne iniicito.

XLIV. Meridiano somno ne indulgeto.

XLV. Elixum ne affato.

XLVI. Coelo tonante terram tangito.

XLVII. Ex curru ne comedito.

XLVIII. Mitis stirps non laedenda.

XLIX. Clara voce precandum.

L. Super terram non nauigandum.

LI. Palma non plantanda.

Alia, quae ex PSEUDO-PLUTARCHI libello habuit GYRALDVS tanquam incertae fidei praetermittimus. Quanquam et hoc verisimile est, non esse haec symbola omnia ipsius Pythagorae, sed pleraque forte a discipulis, quaedam etiam ab aliis illos imitantibus excogitata. In his litera Y, humanae vitae symbolum, bicorni ratione latam et angustam vitii et virtutis viam delineans esse videtur, quae inde litera Pythagorica dici solet^l; inter barbaras enim gentes eius similitudinis vestigia iam apparent^m. Tandem et hoc non praetereundum, Pythagoram usum fuisse teste PORPHYRIOⁿ et CLEMENTE ALEXANDRINO^o sermone quoque allegorico et hieroglyphico, cuius illi exempla afferunt.

SECT.

^b) Protrept. cap. vlt.

ⁱ) l. c. p. 797.

^k) l. c. p. 459 seqq. Qui rationes etiam a veteribus et recentioribus allatas diligenter enarrat.

^l) LACTANTIUS L. VI. c. 3. PERSIVS Satyr. III. v. 56. AVSON, edyll. XII, et epigramma vetus VIRGILIO tributum.

^m) In S. enim literis ipsisque Prouerbiis Pythagora longe antiquioribus eius symboli vestigia iam apparent c. XV. 24. et inter Iudaeos frequens fuisse ex MATTH. VII, 13. patet. Notumque

colloquium Herculis Thebani ex fabulari theologiae peritum, quod explicat XENOPHILI mem. L. II. p. 461. et CICERO offic. L. I. c. 32.

ⁿ) Vit. Pyth. n. 41.

^o) Strom. L. V. p. 571. sed et peculiaribus disciplinae vocabulis vsos fuisse Pythagoreos IAMBlichVS passim obseruat, nosque supra quaedam tetigimus. Talia sunt ἐχμυδέν, n. 94. κατάρτισ n. 95. παιδεία n. 101. κάρσις n. 110. ἐξάρσις n. 114. συναρμολογία ib. ἐπαφή ib. ἐπαδὸς ibid. ἀλάνια ἐνδεδασμένη n. 201.

SECTIO II.

DE DISCIPVLIS ET SECTATORIBVS
PYTHAGORAE.

§. I.

Multos habuisse discipulos Pythagoram, qui ex tota Italia ad eum confluerunt, ex antecedentibus constat. Venere enim, si Aristoxeno fides est^a, ad ipsum Lucani, et Messapii, et Picentini et Romani^b, vt singulos, qui eruditionis eius fama moti ad eum accessisse PORPHYRIO^c et IAMBlichO dicuntur praetereamus, quorum catalogum satis prolixum exhibet IAMBlichVS^d. Exosos vero, et exardente inuidia, viuo adhuc Pythagora, combustos ex parte, multos in exilium actos esse, supra quoque narrauimus. Post mortem eius non vxoris tantum Pythagorae et liberorum curam atque educationem, sed et scholae successionem suscepit ARISTAEVS, filius Demophontis Crotoniata, qui Pythagorae vixit aetate, septem, vt IAMBlichVS^e habet, generationibus ante Platonem. Nemo enim erat, qui ex theoreticis doctrinam Pythagorae melius teneret. Imprimis in scientiis mathematicis, quae anfae quasi erant philosophiae Pythagoricae, egregie versatum fuisse, veteres testantur, qui librum eius de locis solidis laudant^f. Scholam is, quam a Pythagora acceperat^g, tanquam aetate reliquis maior, triginta nouem annis rexisse et centesimum fere aetatis annum attigisse dicitur STANLEIO^h, qui tamen IAMBlichI verba perperam accepit. Aristaeo successit MNESARCHVS, Pythagorae filius, cum auo eiusdem nominis non confundendus, quem alii Mnemarchum vocant. ANONYMVSⁱ tamen Photii hunc iuuenem obiisse, et Telaugem in schola parentis successisse tradit. Post hunc Bulagoras scholae praefuit, cuius aetate Crotona direpta est. Huic successit Tydas, vel quod malunt critici^k, Gartydas vel Gortydas, Crotoniata, a peregrinatione, quam ante bellum et direptionem patriae susceperat, redux, qui tamen propter patriae calamitatem vitae pertaesus, ex moerore ante diem obiit, postque tempus aliquod Arefas Lucanus, a quibusdam hospitibus in vita seruatus scholae regimen suscepit. Ad hunc venit Diodorus Aspendius, qui ob paucitatem Pythagoreorum in collegio^l isto receptus est. Et meminit quidem Diodorialis cuius Aspendii

Discipuli Pythagorae.

Aristaeus.

*Mnesarchus
alique succes-
sores.*

ZZZ zzz 3

ATHE-

^a) Apud PORPHYR. n. 22.

^b) Dubium tamen haec faciunt ea, quae libro primo de philosophia Romanorum diximus.

^c) l. c.

^d) IAMBlich, c. ult. n. 265. auxit hanc syllogen diligentia FABRICII Bibl. Graec. Vol. I. p. 486. qui aduandus.

^e) l. c.

^f) Edidit in eum diuinationes VINCENTIVS VIVIANVS Vid. AG. erud. 1703. p. 487.

^g) IAMBlich. l. c. conf. de eo FABRIC. l. c.

VOSSIUS de scient. mathem. c. XIII. §. 5. p. 30.

^h) Iamblichus enim de Pythagora ait, eum XXXIX. annis scholam rexisse, et fere centenarium obiisse, vt recte quoque vertit OBRECHTVS.

ⁱ) l. c. p. 56.

^k) Vid. SCHEFFER. l. c. p. 172. BENTLEY de epist. Phalarid. p. 83. KVSTER. ad h. l.

^l) Ita *σύνετα* vertendum esse demonstravit MENAG. ad LAERT. L. VIII. c. 45. neque Obrechtus neque Stanleius ad hoc attenderunt.

ATHENAEVS ^m, qui mutata secta, ad Pythagoreos accessit, quem eundem cum Tydae successore putat SCHEFFERVS ⁿ, nec tempora repugnare contendit; Athenaeo enim memoratum sub Ptolomaeo Lagi vixisse; Tydae vero successorem ex ultimis Pythagoreis fuisse, qui Aristoxeni tempore, teste LAERTIO ^o, his Ptolomaei temporibus viuentis, floruerunt. Si tamen Iamblichum sequimur, minus aetas Diodori huius temporibus Ptolomaei respondet. Eo scilicet auctore ab Aresa, quinto Pythagorae successore, receptus est, quod ad tempora Ptolomaei extendi nequit. Teste enim ANONYMO Photii ^p Archytas successione octauus fuit a Pythagora, ante quem Diodorum istum fuisse oportet. Archytam autem Plato audiuit, ante Alexandri M. tempora. Aut itaque duo Diodori Aspendii fuere, aut Iamblichus aetatem eius neglexit, et incommodo loco posuit, id quod saepius ab eo factum est. Sed et in aliis Italiae et Siciliae oris Pythagorei dispersi vivebant, et Heraeae quidem Clinias et Philolaus, Metaponti Theorides et Eurytus, Tarenti Archytas, Locri Timaeus ^q. Nec defuere mulieres, in systemate collegiove Pythagoreo philosophantes, quas post Philochorum Atheniensem ^r, deperditum, collegere MENAGIVS ^s, et FABRICIVS ^t.

*Pythagorei
alii.*

Ecphantus.

§. II. Memorantur et alii, qui ex hac schola prodire philosophi, legimusque hodie fragmenta Hippodami, Euriphami, Hipparchi, Theagis, Metopi, Critonis, Diotogenis, Callicratidae et Charondae, quae nobis seruauit STOBAEVS ^u: etsi dubium est, an genuina ea sint, nec ne. Sed et alii ex Pythagoreorum schola prodierunt, qui paulisper a genuina viri philosophia recesserunt, quales praeter Empedoclem, Epicharmum et Ocellum Lucanum, de quibus in sequentibus dicendum, fuere ECPHANTVS Syracusanus, et Hippon Rheginensis. Ecphantus, qui alium habuit Crotoniatam cognominem ^x, Empedoclis vel praeceptor fuit, vel discipulus, fatis enim doctrina utriusque naturalis concordat. Eam sic exhibet STOBAEVS ^y et PSEUDO-ORIGENES ^z:

I. Non posse fieri, ut veram rerum notitiam adipiscamur. Quae assertio nititur conditione materiae fluxae et semper in motu et mutatione versantis, ex quo manifestum est, vel deseruisse Ecphantum intelligibilia Pythagorae, vel hanc tantum thesin, ut plures ex hac schola, de rebus intelligibilibus accepisse.

II. Prima principia esse indiuidua corpuscula, eorum tres differentias exsiste-

^m) Lib. IV. p. 163.

ⁿ) l. c. p. 172.

^o) Lib. VIII. f. 46.

^p) l. c. p. 56.

^q) IAMBlich. l. c.

^r) Scripsit is collectionem heroidum, siue Pythagorearum feminarum, teste SVIDA T. III. p. 612.

^s) Hist. mul. philos. §. 76 seqq. p. 499.

^t) Bibl. Graec. Vol. I. p. 508 seqq.

^u) Hippodami Serm. CCXLIX. p. 822. Euryphami ib. p. 825. Hipparchi Serm. CCLIV. p. 812 seqq.

Theagis Serm. I. p. 9. Metopi, ib. Critonis Serm. XXVIII. p. 84. Diotogenis Serm. CXLI. p. 422. Callicratidae Serm. CLXXXIX. p. 645. Charondae, Serm. CXLIV. p. 467 editionem GALEI supra memorauimus. Aeschylum forte ob sententias Pythagoreorum exotericas inter eos numerat CICERO Tusc. Q. Q. L. II.

^x) IAMBlich. c. ult. n. 267. nostrum in catalogo Pythagoreorum omisit FABRICIVS.

^y) Eclog. phys. L. I. c. 25. p. 48. c. 13. p. 27.

^z) Philosophum. c. XV. p. 102 seq.

existere: magnitudinem, formam et potentiam: ex his oriri, quae sensibus obuia.

III. Certum et hunc infinitum numerum eorum esse.

IV. Praeter ista corpuscula esse inane. Addit hoc STOBAEVS, qui quoque monet, Ecphantum monadas Pythagorae corporeas dixisse: id quod cum disciplina Empedoclea conuenit.

V. Corpora non grauitate, nec impulsu, sed diuina mentis vel animae potentia moueri.

VI. Ita non tantum ex atomis constituisse mundum, sed et prouidentia regi. Stobaei haec sunt, quae ex antecedenti thesi sponte fluunt. Ex his vero discrimen inter systema atomisticum Semipythagoreorum et Democriticorum atque Epicureorum apertum est. Et nudasse quidem haec corpuscula qualitatibus asserit THEODORITVS^a, si Diaphantus idem est, qui Ecphantus, quod placet cel. MOSHEMIO, aliter tamen Pseudo-Origenes, qui praeter magnitudinem, formam et potentiam iis tribuit.

VII. Hinc fieri, ut mundus norit videre; et propterea quoque vnus ope potentiae sphaericum factum esse. Clarum est, in his Ecphantum facere mundum *ἐμφυχον*: adeoque a systemate Pythagorico, non nimis recessisse.

VIII. Terram medium mundi moueri circa centrum suum orientem versum.

Alter ex Pythagoreorum censu memorandus HIPPO^N est, Rhegi-
nus, quem cum Hippone Pythagoreo, CENSORINO^b laudato, qui aliis
Metapontinus dicitur, ut Aristoxenus et Iamblichus Samium faciunt, eun-
dem forte esse verisimili ratione coniicit FABRICIVS^c. Quidam Ioni-
cae scholae adscribunt^d, et Thaletis discipulum faciunt, qui ARISTO-
TELEM^e, sequi videntur, inter Ionicos eius mentionem facientem. Sed
id magis ratione principii physici, quod elegit, quam ratione sectae, quam
secutus est, intelligi debet. Contemptim de eo iudicat ARISTOTELES^f
propter *εὐτέλειαν τῆς διανοίας*; plerisque veterum^g, qui eius mentionem fa-
ciunt, inter atheos numeratur, unde et Melius quibusdam^h dictus est, quod
idem cum Diagora Melio sentiret. Difficulus tamen de eius atheismo
iudicari potest, cum opus eius physicum, ad quod passim respiciunt vete-
res, olim iam interciderit. Quod si tamen CLEMENTI ALEXANDRINOⁱ
fides est, non moderate tantum et continenter vixit, sed et ideo tantum
in atheorum numerum relatus est, quod reliquis hominibus acrius hunc
errorem perspexit, Deos gentilium fuisse homines immortalitate a tempo-
re fabulae donatos. Unde et alio loco^k, hunc sibi versum monumen-
to inscribi iussisse refert:

Hic

a) De cur. Graec. aff. Serm. IV. T. II. p. 509.

b) c. V.

c) Bibl. Gr. Vol. I. p. 777.

d) CLERIC. Bibl. fel. T. II. p. 50.

e) Metaphys. L. I. c. 3. T. II. p. 645.

f) l. c.

g) AELIAN. L. II. c. 31. EVSTATH. ad Hom. Od. 7. p. 135. PLUT. adu. Stoicos, alique postea

nomnandi. Ex recentioribus CLERIC. I. c. GUNDLING. Gundlingian. P. XXII p. 29 157. CVDWOTH Syll. int. c. I. p. 123. BVDDEVS thes. de atheismo c. I. §. 20. p. 79.

h) ARNOB. L. IV. p. m. 145. CLEM. ALEX. loco cita do.

i) Adherrat. ad gentes p. 15. ARNOB. l. c.

k) l. c. p. 36.

*Hic est Hipponis tumulus, quem lumine cassa
Aeternis fecit Parca parem esse Deis.*

Qua in re a Pythagoreae scholae placitis non abiit, quae virorum magnorum sapientia purgatorum nomina Deorum coetui adscribebant. Forte et in eo atheismi suspicionem dedit, quod in physiologia sua ad sola principia materialia, praetermissa causa efficiente rationali respexit, ut eo tempore schola quoque fecit Ionica. Ita vero principia physica ordinasse¹ tradunt veteres:

I. Principia prima esse frigidum, quae est aqua, et calidum, qui est ignis. Magno hoc consensu Hipponi tribuitur, ut videre est ex testimoniis PSEUDO-ORIGENIS^m, SIMPLICIIⁿ, AUCTORIS historiae philosophicae inter GALENI opera, SEXTI EMPIRICI^o et HERMIAE^p. Non audiendus est igitur AUCTOR allego-*g*iarum in Hesiodi theogoniam, quem recentiores quidam^q secuti sunt, qui terram *πρεσβυγενέσερον τῶν ἄλλων*, antiquissimum primumque rerum generatarum, dixisse, vel generationis potius principium posuisse testatur. Ceterum non negligenda ALEXANDRI APHRODISEI^r observatio: Hipponem posuisse pro principio simpliciter τὸ ὑγρὸν, humidum, indeterminate, non explicantem, aquane sit, ut Thales, an aër, ut Anaximenes et Diogenes.

II. Procreatum ex aqua ignem, superasse potentiam eius, unde genitus fuit, et composuisse mundum^s. Absurda prima fronte hypothesis, unde eam quoque inter veterum physicorum hypotheses ARISTOTELI non memorari visum est viris doctis, quod ignem et aquam res adeo contrarias inter se iunxerit, recte tamen considerata, Pythagoreum systema clarius modo exprimit, et recte iungi ignem et aquam prodit. Pone enim materiam crassiores in monade siue statu chaotico contentam, fuisse τὸ ὑγρὸν, non tam aquam, quam humidum indeterminate, ut plerorumque vetustissimorum theologorum fuit sententia; subtiliorem vero materiam, in eo contentam fuisse ignem, siue Deum, quorum neutrum a Pythagoricis dogmatibus abludit, et habebis veram Hipponis physiologiam. Ea enim, teste PSEUDO-ORIGENE, causam efficientem et formantem mundi igni tribuit, ex aqua vel chao progresso, et humidi naturam vincente.

III. Animam gigni ex humido, semine ex cerebro tanquam aqua vel humido stillante. Hunc sensum habere videntur obscura PSEUDO-ORIGENIS verba^t: Τὴν τε ψυχὴν ποτὲ μὲν ἐγκέφαλον ἔχειν, ποτὲ δὲ ὕδωρ, καὶ παρὰ τὸ σπέρμα εἶναι τὸ φαινόμενον ἡμῖν ἐξ ὑγρῶ, ἐξ ὃ φησι ψυχὴν γίνεσθαι. Quod sine sensu ita vertit GRONOVIVS: Animam habere modo cerebrum, modo aquam. Et adesse semini, id quod nobis apparet, ex humore, unde ait animam gigni. Verum autem sensum illum esse, quem expressimus, nemo dubitauerit, qui ad ARISTOTELIS^u locum

1) Conf. Obs. Hal. Lat. T. II, obs. 19, p. 433.

m) Phil. s. phum. c. XVI, p. 104.

n) In L. I, phys.

o) Pyrrh. hyp. L. III, c. 4, s. 30, adu. Math. L. IX, s. 361.

p) Ieris. phil. gent.

q) Obs. Hal. l. c. et GASSEND. T. I, opp.

r) In L. I, Metaphys. p. 12.

s) ORIG. l. c.

t) l. c.

u) De anima L. I, c. 2, T. I, p. 479.

locum attenderit, dicentis: *Quidam magis etiam importuni, animam aquam esse dixerunt, ut Hippon: qui quidem ad hanc sententiam ratione seminis videtur compulsus, quia omnium semen humidum est, etenim redarguit eos, qui animam sanguinem dicunt, quia semen sanguis non est; hoc autem primam animam esse dicit.* Nec mirum, haec placuisse Hipponi, quia illa in Pythagoreis scholis didicit, teste enim LAERTIO* Pythagoreis semen cerebri stilla est, coque iniecto ex cerebro sanies, humor, sanguisque profluit, e vapore autem anima ac sensus deriuatur.

IV. Nihil esse ab interitu immune. Hoc ex asserto impietatis suspectum factum Hipponem non negat PLUTARCHVS^y, addit tamen, non ausum esse dicere, Deum esse interitui obnoxium; sed talem naturam aliquam esse posse negantem, notitiam de Deo reliquisse in medio.

§. III. Addi posset his Xenophanes, Eleaticae sectae conditor, qui Telaugem, Pythagorae filium praeceptorem habuit^z, verum de eo sequenti *Duratio sectae Pythagoreae.* capite dicendum est. Forte plures fuere, quorum notitiam nobis eripuit vetustas et inuidia, quae diu superesse hanc sectam prohibuit. Non enim ultra Alexandri M. aetatem duravit Pythagorea secta, tum enim vixere Xenophilus Chalcidensis, Phanton, Echecrates, Diocles et Polymnestus Phliaii, Philolai et Euryti Tarentini discipuli^a quos conuenit Plato Tarenti; aitque etiam DIODORVS^b Cephisodoro Athenis Archonte, Pythagoricorum philosophorum postremos, itemque Anaximenem Platonem et Aristotelem extitisse. Vidit tamen illos Aristoxenus quoque, teste LAERTIO^c, qui Ptolomaei Lagi tempora circa Olymp. CXIII. attigit. Si itaque Olymp. LX. in Italia scholam instituisse Pythagoram, vel ibi floruisse cum LAERTIO^d ponamus, ducentos duravit annos, si ad Ol. CXIII. computes, quo σύστημα, collegium conuentusque Pythagoreorum, teste eodem, desit. Aliquos enim Pythagoreos longius vitam produxisse, credibile est. Immo in Aegypto multa tum ex institutis Pythagoricis, tum ex doctrina hausisse, ex quo Alexander M. Graecam philosophiam in illam regionem inuexit, capite ultimo demonstrabimus. Causae vero mature extincti sodalitii Pythagorei fuere plures. Quantam enim inuidiam oris libertate, legum ferendarum cupiditate, emendandorumque hominum studio sibi conflarint, ut igne ferroque et exilio delerentur, supra iam exposuimus. Suspectam quoque et inuisam sectam reddidit arcana disciplina, quae extraneos quam maxime arcebat, eosque pro pollutis mortuisque habebat, qua re plerique deterrebantur, quo minus nomen societati darent, sic ut Diodori Aspendii aetate ad exiguum iam numerum σύστημα ἀνδρῶν, id est, collegium Pythagoreorum

* L. VIII. f. 28.

y) Adu. Coloten T. III. p. m. 459.

z) LAERT. L. I. f. 15.

a) LAERT. L. VIII. f. 46.

b) L. XV.

c) l. c.

d) ibid. Apud eum autem, pro εἰνεία καὶ δέκα, legendum εἰνεία ἢ καὶ δέκα, non enim nouendecim, sed nouem vel decem generationibus durauit conf. MENAG. ad h. l. FABRIC. Bibl. Gr. Vol. I. p. 501. quod iam vidit LIPSIVS Manud. phil. Stoic. p. 38. conf. SCHEFFER. l. c.

reorum redactum sit. Incidere quoque in ea tempora, maxima dissidia inter vrbes magnae Graeciae, quibus magna earum pars extincta est, Pythagoreis passim dissipatis et in alias terras eiectis ^a. In Graecia quoque ex oriente magno philosophorum numero, qui ex Socratica schola prodire, cuius Pythagoricum institutum ^f, ab aliquo iam tempore propter τὸ τελευτῶδες contemptum ^g. Vnde mirum non est, mature sectam ipsam defuisse, quanquam initio maxima celebritate effloresceret.

*Celebriores
Pythagorici.*

§. IV. Absoluta generali Pythagoricae sectae historia, quidam adhuc considerandi veniunt philosophi, qui ex ea quidem prodierunt, in rebus tamen praecipue naturalibus sua quoque placita et propria dogmata aliquantum secuti sunt, magnum inde nomen sibi pepererunt. Inter hos iure eminent Empedocles, Epicharmus, Ocellus Lucanus, Timaeus Locrus, Archytas Tarentinus, Alcmaeon, Hippasus, Philolaus et Eudoxus, celeberrima inter Pythagoreos nomina, de quorum vita et placitis veteribus enarrata porro exponemus.

Empedocles.

§. V. EMPEDOCLES, post Pythagoram in hac secta maximi nominis Agrigentum patriam habuit, nobilissimam post Syracusas in Sicilia ciuitatem ^b. Genus nobile habuit, cui vero et parentis nomen apud veteres, quorum relationes exhibet LAERTIVS ⁱ, incertum est, hunc tamen plerique Metonem nominant. Audiuisse ipsum Pythagoram Timaeus ^k auctor est, quem sequuntur PORPHYRIUS ^l et IAMBlichVS ^m, quibus tamen tempora repugnant. Floruit enim, referente LAERTIO ⁿ circa Olymp. LXXXIV. vnde ante Olymp. LXXVI. natus esse vix potuit. Quod erudite probans DODWELLVS ^o, coniicit, eum alium audiuisse Pythagoram Alippen, familiae conditore iuniorem: id quod tamen sine necessitate statui putamus, nec enim Timaei auctoritas tanta est, ut ea standum sit, cum satis nota sit Pythagoreorum cuncta ad praeceptorem referendi, inuita licet temporum serie, studium; nec Porphyrii et Iamblichi assertis secure fides adhibenda est, quos aliquoties temporum rationes misere confundentes deprehendimus. Probabilius itaque est, eum Pythagoreum quendam audiuisse; huius enim sectae placitis plerumque inhaesisse doctrinae eius summa, quam in sequentibus exhibebimus, probat ^p. Quo vero ex hac secta philosopho praeceptore usus sit, nec ipse prodidit, nec veteres aliter, nisi ex coniecturis incertissimis, tradunt. LAERTIVS ^q Telaugis epistolam memorat,

^a) Secessere etiam in deserta loca, quae viuendi ratio diu durare nequiuisset, conf. HIERON, contra Iou. T. II.

^f) Conf. SCHEFFER, l. c. qui haec omnia ex veteribus probat.

^g) XENOPHON, epist. p. 1000. Opp.

^b) Videndus de celeberrima vrbe BAYLE Dict. T. II. art. Agrigentum p. 547. Hominum octingenta millia Empedoclis aeuo continuisset credat, qui vult, nos vel in numeris errorem vel iactantiam subesse putamus, conf. BOCHART, Geogr. S. P. I. L. IV, c. 20, p. m. 286. luxum Agrigentiorum acuto dicto reprehendit Plato apud LAERT.

L. VIII. f. 63. AELIAN, L. XII. c. 19.

ⁱ) L. VIII. f. 51. Dolemus vehementer, immortalis nominis viri B. I. ALB. FABRICII syntagma de vita, philosophia et scriptis Empedoclis promissum Bibl. Graec. Vol. I. p. 566. lucem non vidisse: pauca enim tantum collectanea superesse testatur cl. REIMMARVS in vita eius, p. 210. 211.

^k) Apud LAERT. L. VIII. f. 54.

^l) Vit. Pyth. n. 29.

^m) c. XXIII. n. 4.

ⁿ) l. c. f. 73.

^o) De aetate Pythagorae p. 220.

^p) Conf. PHILOSTRAT. Vit. Apol. L. I. c. 1.

^q) f. 57.

morat, Brontinum et Hippasum audiuisse testantem, sed fidem eam exiguam mereri recte addit. Quo enim loco hae epistolae habendae sint, satis notum est. Theophrastus Parmenidis aemulum et in poetica philosophia imitatore[m] fuisse tradit, quod ad Xenophanem, quocum diu conuersatus sit, Hermippus refert, qui postea demum Pythagoreis congressum esse asserit: aliter Alcidas, qui post Parmenidem, Pythagoram et Anaxagoram audiuisse ait, ex quibus satis manifestum esse putamus, de praeceptore Empedoclis nihil certi constare, licet dubium non sit, in Italicis scholis institutum, Pythagoreorum dogmata propalasse, quod hos aegerrime tulisse, huncque ideo ex consortio exclusisse quidam veterum scriptorum memoria produnt. Animo itaque ad rempublicam applicato, cum Metone vita functo tyrannis in patria pullulare coepisset, Agrigentinis auctor fuit, ut seditionibus omnibus omis[s]is, aequalitatem ciuilem amplecterentur. Multas itidem ciuium filias, quae sine dote erant, ex relictis sibi opibus donatas viris elocauit. Quae res ei magnam apud ciues venerationem conciliauit, qui regium quasi axioma quoddam ei detulerunt; unde et purpura vestitus, et strophio aureo caput redimitus, Phaudrino teste, incessit, crepidas item aereas et Delphicam sumsit coronam, comam aluit prolixam et seruos habuit pedisequos, ipse vero grauis semper atque eodem semper habitu conspectus fuit. Et tamen, ARISTOTELE * teste, vel ideo fide digno, quod nec tempore adeo longe ab Empedoclis aetate abfuit, nec adulatione erga philosophos ante se uti solitus est, ab omni imperandi fastu fuit alienissimus; cuius indicium est, quod teste Xantho, regnum cum sibi deferretur, constanter renuit, et frugalitatem regum praetulit diuitiis, et tyrannidem omnem et vim maxime perosus, ad stabiliendam et defendendam ciuium aequalitatem plurimum contulit, cuius rei specimina apud LAERTIVM † legi possunt. Non audiendus itaque Timaeus ‡ est, qui et contrariam rei publicae sententiam habuisse, ex aliorum suspitione ait, et superbiam ei improbat atque iactantiam, quod in carminibus suis hoc versu usus fuerit:

Χαίρετ', ἐγὼ δ' ὑμῶν θεὸς ἀμβροτος, οὐκ ἔτι θνητὸς
 Πωλεῦμαι.

Saluete, immortalis ego Deus, haud fero mortem.

Prius enim allatis refutatur testimoniis, posterius a systematis Pythagorei principiis alienum non est, quod homines purgatos sapientia, post fatales circuitus animarum Deos fieri, siue in animam mundi diuinam reduci iactauit: id quod Pythagoreum esse SEXTVS EMPLIRICVS † et PHILOSTRATVS ‡ iam notarunt. Non vero in republica tantum, sed in schola

Aaa aaa a 2

quo-

*) ibid.

s) LAERT. f. 72. 73.

z) ibid. Interpres Latinus sensum Laertii hic corruptit. Ex eius enim verbis apparet, regia haec ornamenta cui Empedocli tam egregie de se merito honoris causa Agrigentinos tribuisse.

u) Conf. MENAG. ad LAERT. L. VIII. f. 69.

x) Apud LAERT. f. 63.

y) ib. f. 66.

z) ibid.

a) Eandem ob hunc versum dicam Empedocli scribit TERTULLIANVS de pallio c. 4. et SVIDAS in ἀμύλλαι T. I. p. 146. HORATIVVS in arte.

b) Adu. mathem. L. I. f. 302.

c) Vit. Apollon. L. VII. c. 7. § 6. p. 335. conf. OLEAR. adh. l. Amoenit. liter. T. VII. p. 247.

quoque admirabilis visus est, propter excellentem naturae cognitionem, quae multum sine dubio attulit, ut stupenda ei a credula superstitione tribuerentur miracula, tantaque eius esset admiratio, ut in eum ad Olympiam venientem, omnium oculi conuerterentur, nec quenquam alium, quam Empedoclem in ore haberent ^d. Referunt enim ^e, ventos frugibus noxios potuisse arcere indeque ἀλεξάμενον, ventorum propulsatorem dictum fuisse ^f; musica iuuenem caedem minantem ad sanam mentem reuocasse, et ad suam disciplinam amplectendam adduxisse ^g, Pantheam Agrigentinam feminam desperato morbo laborantem sanauisse ^h, et imprimis mulierem per XXX dies spiritu destitutam, quam plerique medici pro mortua habuissent, in vitam reuocasse ⁱ. Dixisse Gorgiam Leontinum, ipsius discipulum, se praesente eum goëticam exercuisse ^k, versusque composuisse, seruatos a LAERTIO ^l, quibus pharmacis se morbos pellere, ventos compescere, tenebras et tempestates ciere, serenum reducere, homines ex Orco reuocare posse, iactauerit. In qua veterum relatione potissimum ad Pythagoreae scholae morem respiciendum est, de quo supra ex Iamblichō monuimus, solitos fuisse eos, eiusmodi οὐρανισμῶν καὶ ἀπισμῶν magna iactantia confingere, ut scholae suae auctoritatem extollerent, adeoque iam Socratis aetate propter istam inanem mirabilium iactantiam viris prudentibus et sobrie philosophantibus fuisse odiosos. Deinde ad morem quoque istius aevi attendendum est, quo viri magni, ut auctoritatem sibi conciliarent inter populum, eiusmodi mirabilia de se ostentarunt, cuius exempla plura in Orpheo, Lino, Museo, Melampode, Epimenide aliisque veterum supra libro secundo attulimus. Et hos secutum Empedoclem, praestantiores, quam ars et prudentia dare possunt, effectus iactasse, seruatum a Laërtio carmen manifestum facit. Quam populi quoque de talibus viris expectationem cum praefigiis et artibus callidissimis eluserint viri astutissimi, dubium non est, Empedoclem eodem modo coruos delusisse hiantes. Neque tamen omnia fraudibus et dolis imputanda esse existimamus, sed pleraque rerum naturalium et imprimis medicae artis cognitioni tum temporis rarissimae tribuenda putamus, quibus deinde, ex more τερατολογίας Pythagoreae circumstantiae praeternaturales affictae sunt. Ventos enim noxios eum naturali acumine praeunte emendasse veteres innuunt ^m, qui antra et scissuras montium unde emanarunt, obstruxisse, Selinunte vero fluuium, foetore suo pestilentiam inuehentem, duos alios amnes suis sumtibus immittendo, integritati restituisse referunt. Musica vero arte affectuum furores non ipse tantum, sed et tota Pythagorae schola compescuit, ut supra obseruatum. Artis vero medicae singulari prorsus peritia excelluisse Empedoclem dubio caret ⁿ, nec prae-

^d) LAERT. l. f. 66.

^e) citati.

^f) IAMBlich. vit. Pyth. c. XXVIII. n. 143. PORPHYR. n. 30. SVIDAS in Emp. T. I. p. 724.

^g) IDEM c. XXV. n. 110.

^h) LAERT. l. f. 69.

ⁱ) PLINIVS L. VII. c. 52. LAERT. L. VIII. f. 61.

et L. I. f. 12. et MENAG. ad h. l. GALEN. de loc. aff. ἀπνους L. VI.

^k) LAERT. L. VIII. f. 59.

^l) f. 62.

^m) PLUTARCH. de curios. T. I. p. m. 237. LAERT. L. VIII. f. 70.

ⁿ) Conf. CLERICVS Hist. de la medecine P. I.

praeter naturae vim factum est, vt mulier per plures dies ex suffocatione vteri ἀπνες facta, in vitam reuocaretur, et mirabile exemplum plebs, non inuito Empedocle in miraculum verteret. Quae omnia, cum veterum et recentiorum Platoniorum mendaciis non parum augerentur, vt se tantae artis, quam crepabant, successores et possessores esse ostenderent, mirum non est, tanta de Empedocle miracula narrari, quae nemo, cui sanum est synciput admiserit, quaeque infelicissimo ausu a gentilibus miraculis Θεοφυ-
 Σκράτες et Apostolorum opposita sunt. Certe physicum, non magum Em-
 pedoclem fuisse, veteres probe obseruant, praeter melicæ artis peritiam in
 in poetica quoque excelluisse, fragmenta versuum passim extantia et colle-
 cta ex parte ab HENRICO STEPHANO, sed diligentiori collatione et il-
 lustratione digna testantur. Vnde non caret verisimilitudine, opinio
 τὸ πᾶν FABRICII, Auctoris *theologumenon arithmeticonum* testimonio,
 suffulta, quae aureum carmen ad Empedoclem auctorem refert, cui, quae ob-
 iecit GOTTFRIDVS OLEARIVS, eam non eleuant. Multa etiam scrip-
 sit, veteribus laudata, et in his librum *de natura*, versu hexametro, alium-
 que *de lustrationibus* siue *expurgationibus*, qui hodie desiderantur.
 Huius enim partem τὰ ἐπη χρίσσει esse, quod FABRICIVS suspicatur, valde
 incertum est. Tragoediae vero Empedocli apud veteres tributae, non
 eius sunt, sed iunioris Empedoclis, quem eius nepotem, nescio qua fide,
 facit SVIDAS: quemque dictione admodum turgida usum fuisse inde
 constat, quod Diodorus Ephesus tragicum ei typhum obiecit. Certe
 Empedocles philosophus ab hoc poeta tragico distinguendus est. Dolen-
 dum vero, multa ex carminibus suis Vulcano tradidisse Empedoclem, quae-
 que incendium euaserunt, misere a veteribus discerpta fuisse. In dicendi
 arte summum fuisse, et Satyri testimonio, et discipuli Gorgiae Leontini, ora-
 toris insignis, exemplo constat. De morte eius vehementer inter se vete-
 res discrepant. Miraculosam ex conuiuio Empedoclis euocationem coe-
 lesti lumine illucescente narrat Heraclides, cuius traditio tamen aperte sa-
 pit τερατολογίαν Pythagoricam, vt eam recitasse sit refutasse, quanquam
 pluribus veterum, ipsiusque Romuli, exemplis constet, viros magnos vi ar-
 teue ex viuus clanculum sublatos ita inter Deos connumeratos fuisse. Alii

Aaa aaa a 3

post

L. II. c. 5. p. 93. SCHVLZ, Hist. med. Period. I. sect. II. c. 7. §. 38. p. 174. Auris naturam iam cognouisse Empedoclem et structuram anatomicam perspexisse ex PLVT. de plac. phil. L. IV. c. 16. liquet.

o) Eo nomine Timaeus Heraclidem reprehendit apud LAERT. l. 71.

p) PLVTARCH. l. c. passim hoc nomen Empedocli tribuitur.

q) In poësi philosophica 1574. 8. edita.

r) Eam meditatam fuisse FABRICIVM supra diximus.

s) p. 26. conf. Bibl. Graec. Vol. I. p. 466.

t) Ad STANLEIVM p. 817.

u) Obicit is verius eiusdem sententiae repetitos quae euincant non esse opus vnius sed π-ψαδίων Pythagoricam. Verum vel scribentis incuria,

vel describentis negligentia repeti potuerunt.

x) Vid. FABRIC. l. c. qui et sphaeram ei tributam cum vers. et notis Q. S. FL. CHRISTIANI exhibet.

y) LAERT. l. 58.

z) FABRICIVS l. c. p. 646. quem haec omisit se praeter rem notat OLEAR. l. c.

a) l. c.

b) LAERT. l. 70.

c) Id quod tamen praeter rem reprehendit in Morerio P. BAYLE Dict. T. II. art. Empedocles p. 547. Rectius tamen physicus a tragoedo, quam a poeta distinguitur: quia et ille poësin excoluit.

d) LAERT. l. 57.

e) ibid.

f) ibid. l. 67 seq.

post reuocatam feminae suffocationem passae vitam ex conuiuio post sacrificium peracto surrexisse, Aetnamque petiuisse tradunt, quo cum peruenisset, in ignis crateras se iniecisse, ignibus consumptum, ut Deus effectus crederetur, postea, ut res sese haberet, agnitum esse, una ex illius crepidis aereis vi flammae ad exteriora reiecta. Quam traditionem plures ex veteribus sequi et mirum videri queat, cum ad orificium Aetnae igniuomum accedere ob ignis et sulphuris halitum impossibile sit, propiusque eiusmodi montibus accedentes mox suffocari, Plinii senioris exemplo constet. Recte itaque praeter STRABONEM ^b hanc fabulam reiicit Timaeus ⁱ, qui non sine ratione tradit, incertum esse eius obitum, in Peloponnesum enim se recepisse, nunquam omnino rediisse, nec mirum esse, quod eius sepulchrum ignoretur, quod et aliis accidit. Vix itaque Neanthi ^k tribuenda fides, qui, celebritatis causa Messanam curru profectum cecidisse, coxaeque fracta ex hoc lapsu obiisse dicit, vel qui eliso gutture vitae finem fecisse, vel in mare prolapsum extinctum esse asserunt ^l. Obiit vero, si Aristotelem sequamur anno LX, si Neanthem, LXXVII aetatis exacto, quidam tamen ultra CIX annos eum vixisse asserunt ^m, quos tamen antiquitatis destitui testimonio, inde colligi potest, quod eum inter longaeuos non numeret LVCIANVS, diligens μακροβίων inter veteres enumerator. Statua ei post fata Agrigenti posita est operta ⁿ, quae postea ante Romanorum curiam aperta, constituta fuit, Romanis eam illuc transferentibus. Cum aliis vero huius nominis ^o Empedocles physicus confundendus non est.

*Philosophia
Empedoclis.*

§. VI. Philosophiae Empedocleae fragmenta, quae ex carminibus eius passim apud veteres extant, partim rationalem partem concernunt, partim physiologicam, et vel veritatis criterium exponunt, vel principia rerum spiritualium et naturalium. Obscurius tamen suas expressit opiniones Empedocles morem sectae Italicae, et poëseos philosophicae secutus, dignas, quae peculiari tractatione ex instituto a viro quodam veteris philosophiae probe gnaro illustrentur. Nos ad scopum praefixum intuentes potiora luce quadam collustrare tentabimus. Ita vero docuit:

I. Non a sensibus, sed a recta ratione iudicanda veritas. Recta vero ratio partim diuina, partim humana est, ex quibus diuina non potest proferri, humana autem potest.

II. Quoad sensus, non potest veritas comprehendi, nisi iis praesit ratio, quae iudicium hoc exerat. Sensibus enim abstrusa sunt omnia, et, ut habet CICERO, nihil nos sentimus ^p, nihil cernimus, nihil omnino quale fit, reperire possumus.

III.

g) ibid. HORAT. in arte LVCIAN ver. hist. L. II. T. II. p. m. 495. Menip. et Aeac. T. IV. p. 43. Peregr. p. 268. fugitiu. p. 311. TERTVLL. de anima c. 31. et PP. apud BALTVM de fide de SS. Peres L. I. c. 9. p. 63. 64. OVIDIVS in Ibin.

b) L. VI.

i) LAERT. f. 71.

k) ibid. f. 73.

l) ibid.

m) ibid.

n) ib. f. 71. conf. Otium Vindel. Mel. III. p. 265.

o) Conf. FABRICIVS l. c. MENAG. ad LAERT. L. VIII. f. 69.

p) In Lucullo c. 5. Eleganter CLAVDIANVS de conf. Mallii Theod. v. 71.

*Alter in Aetneas casurus sponte fauillas
Dispergis, reuocatque Deum, rursusque receptis
Necit amicitias, quicquid discordia soluit
Corporis hic damnat sensus, verumque videri
Perneget.*

III. Licet vero sensuum iudicium nullum sit, est tamen rationis, quae iis praest, quippe ea ad illa circumspicit, quae clara atque euidencia sunt. Ternione hac assertorum canonica constat Empedoclea, quorum sensum versus fundunt Empedoclis, a SEXTO EMPIRICO⁹ nobis seruati, qui tamen non negat, de vera mente Empedoclis veteres in diuersas opiniones abiisse, et esse quosdam, qui versus Empedoclis hos:

Terram terreno, atque vnda conspeximus vndam.

Aethere diuinum nos aethera: vidimus igne

Claro ignem; lis lito, amor est conspectus amore,

sex sensuum criteria constituere, putent. Etsi vero in tanta carminum Empedocleorum obscuritate difficile admodum est, de vera eius mente certi quid statuere, patebit tamen ex physiologiae Empedocleae systemate, quod mox explicabimus, quodque Pythagorea placita secutum fuisse demonstrabitur, philosophum Siculum, partim ad aeterna et immutabilia rerum omnium principia; partim ad materiam fluxam, et semper in motu versantem respexisse, et ad animae quoque, tum rationalis atque ex diuina mundi anima participantis, tum sensitiuae et ex elementis conflatae naturam intuendo, de iudicio mentis ita statuisse: 1. Rationem esse vel hominis, vel Dei, hanc in anima mundi comprehendendi, adeoque esse ineffabilem, eaque rerum naturas constitui. Illam ex diuina ratione hominibus esse inditam. 2. Hanc diuinae rationis particulam, quae in homine est, cognoscere aeterna, immutabilia, clara et diuina principia, quae rerum essentias constituent, quae τὰ ὄντως ὄντα Italica schola vocat. Ast 3. rerum materialium nullam esse cognitionem vel iudicium certum, eo quod semper in motu fluxuque versentur, hincque non dici posse, nos sentire, videre, audire aliquid, cum quod hoc quidem momento existit, in alio mox fugituum abeat et euanescat. 4. Sentiri tamen et percipi posse rerum sensibilibus motus ab anima sensitiua, cum cuiuslibet principii siue elementi, ex quo materia constat, natura in illa sit, quae istam materialium rerum naturam percipiat. 5. Nihil tamen hoc ad rationem pertinere, sed eam tum demum sensationibus istis excitatam ad aeternas naturas, quae rebus naturalibus essentiam largiuntur, respicere, et ita de rerum ipsarum natura iudicare. 6. Ex quibus sequitur, rationem non inesse sensibus, sed horum perceptione tantum excitari, ad ea cognoscenda, quae non ex materiae fluxae et in mutatione semper versantis, sed ex intelligibilium natura cognoscuntur. Hac ratione logica Empedoclea non inter se tantum cohaeret, et apparens tollitur contradictio, sed principiis quoque physiologicis Empedoclis apte respondet. Et ex his quoque vetus circa logicam Empedoclis controuersia dirimi potest, quam ARISTOTELES⁵ iam tetigit, quamque aliter tollit CUDWORTHVS⁶, aliter ven. eius Interpres, an
apud

⁹) Adu. mathem. L. VII. f. 120 seqq.

⁷) Satis clare hoc innuit PLUTARCHVS de plac. phil. L. IV. c. 9. Sed sum quemlibet pro ratione pororum, atque aditus, quo res admittit

affici, ubi nempe recte se habeat, quod sensui cuius conueniens est sensile.

⁵) De anima L. III. c. 3.

⁶) System, intell, c. I. §. 24. p. 29 seqq.

apud Empedoclem idem sit sentire ac cognoscere? Aristotelem hoc illi tribuere, negari nequit, nec accurate is, ut plerumque solet, Empedoclis mentem proposuit, ut haberet, quod in eo carperet: verum tamen est, nec ab anima sensitiva et ex elementis composita sensum eum fustulisse, nec rationi denegasse vim, de aeternis iudicandi, quatenus illa materiae fluxae essentiam largiuntur, adeoque sentire et cognoscere non idem quidem esse, sed in operatione tamen hominis ratiocinantis sensum et rationem intime coniungi. Hanc nisi significationem dogmati huic tribuamus, nullus sanus et cohaerens sensus eius emerget. Et hinc manifestum quoque esse putamus, male inter Scepticos referri Empedoclem, quod tamen nonnullis placuit. Non enim is omnem cognitionis certitudinem negavit, sed criterium a sensibus fustulit, ipsis tamen sensationem, quae cum ratiocinatione confundi non debet, permisit.

*Physiologia
Empedoclis.*

§. VII. Principia physiologica Empedoclis, quae praeter CVDWORTHVM^x, SCIPIO AQUILIANVS^y docte quidem, sed obscurius, quam par erat, nec satis accurate, explicuit, ex schola, cui adhaesit, Pythagorica explicanda esse nemo temere negauerit, qui ad ea attendet, quae supra de eius philosophandi ratione et disciplinae fonte tetigimus. Id vero probe obseruandum est, Empedoclem rerum spiritualium, aeternarumque et intelligibilium considerationem supposuisse magis, quam instituisse, et in naturali philosophia sua potissimam partem ad explicanda rerum sensibilibium *Φαινόμενα* respexisse. Vnde in istis breuior est et obscurior, id quod plures inter veteres et recentiores seduxit, ut praepostere mentem Empedoclis explicarent. In subsidium itaque ea vocanda sunt, quae veteres de utroque rerum omnium principio eum statuisse, dicunt, ut integrum Empedoclis systema patefiat. Illud vero, re pensitata, his constituisse propositionibus putamus:

I. Duplex rerum omnium principium est, actiuum aliud, aliud passiuum^z, illud monas est, siue Deus, haec materia. Sunt, qui hanc quidem thesin amicitiae et discordiae principiis indicatam ab eo fuisse volunt. Sed hos falli ex sequentibus patebit, ubi demonstrabitur, hanc τὰ πάντες ἀρχὴν ὄντας καὶ φύσιν, ad materiae semel a principio actiuo commotae principia materialia pertinere. Id quod luculenter satis innuit ARISTOTELES^a, qui τὸ ἐν siue vnitatem ante haec principia posuisse asserit, ex quibus reliqua omnia orta esse versus Empedoclis ab Aristotele laudati dicunt. Quos AVCTOR libri *de mundo*^b ad ipsum Deum refert, ex quo omnia facta sunt, quem tamen in eo hypothesi suae inseruuisse, palam est^c. Materia enim Empedocli ex Deo non est.

II.

^{x)} HVETIVS de la faiblesse de l'esprit humain L. I. ch. 14. §. 4. p. 101. qui SEXTVM suo modo sequitur.

^{y)} In syst. intell. passim; vid. p. 30 seqq. 158. 452. 472. 966.

^{z)} De placitis philos. ante Arist. c. XXII. seqq. p. 102 seqq.

^{a)} SEXTVS EMPIR. adu. Math. L. IX. f. 4.

^{b)} Metaphys. L. II. c. 4. T. II. p. 622.

^{b)} c. 6. T. I. Opp. Arist. p. 475.

^{c)} Obiter inde argumentum quoque sumi potest, libri huius auctorem non esse Aristotelem. Versus enim Empedoclis I. c. Metaphys. is ad rerum materialium principia refert, auctor libri de mundo ad efficiens siue Deum. Videt iam ex parte hanc *ἀποδεχόμενον* CVDWORTHVS, sed frigide excusavit Syst. int. c. IV. §. 21. p. 472 seqq.

II. Principium actiuum vnitas, siue monas est ^d.

III. Monas illa intellectualis ignis est, atque Deus ^e. Pulchre ita exprimit Pythagoreorum de Deo sententiam Empedocles, qui ita Deum natura sua ignem diuinum, aethereum, subtilissimum esse, ab Italicis philosophis accepit.

IV. Ex hoc igne constant omnia, et in illum omnia resoluentur. Ita principia theologiae et physiologiae Empedocleae exponit PSEUDO-ORIGENES ^f, qui ipse notat, Stoicos cum his valde concordare. Nec recessisse in his Empedoclem a Pythagorae placitis, ex iis, quae supra diximus de eius doctrina, est manifestissimum. Inde vero recte quoque infertur, hunc Empedoclis Deum esse animam mundi cuncta peruadentem, cuncta mouentem, formantem et viuificantem, et eodem fere modo, quo apud Stoicos, ex eo et materia, antea in statu chaotico, vnum totum constituentibus, omnia esse orta, inque hoc vnum statum nempe τὸ χάος cuncta mediante illo igne intellectuali reditura esse. Nam in his omnibus iisdem duci rationibus Empedoclem oportebat, quibus vsi sunt Pythagorae et Zenonis sectatores: quas, ne prolixi simus, hic ad Empedoclis systema non applicamus. Ex hac mundi anima sequitur daemonologia Empedoclea a Pythagorica non diuersa, quae lucem inde mutuam accipit. Iuxta Empedoclem enim:

V. Daemonum plurimi vagantur (in aëre,) res terrestres administrantes ^g. Hi enim daemones illa intelligibilia, illae naturae clarae, lucentes, reales, καὶ ὄντως ὄντες sunt, quas ex Italicorum placitis accepit Empedocles. Haftenus de actiuo principio Empedocles; ex quibus patet, eum nec Deum sustulisse, nec alium posuisse, quam Pythagoram. Et prius quidem discrete etiam affirmat SEXTVS EMPIRICVS ^h, posterus natura animae rationalis, quam ex Deo esse, et ex eo participare, eodem SEXTO ⁱ notante, dixit, euincit. Et haec quoque DEI pro anima mundana assertio hoc dogma Pythagoricum recipiendi occasionem dedit, quod illi tribuit SEXTVS ^k:

VI. Est non tantum inter nos et Deos aliqua coniunctio, sed etiam inter bruta animantia. Est enim vnus spiritus, qui instar animae totum mundum peruadit, et nos illis vnit. Quamobrem et ea occidentes eorumque carnibus vefcentes, iniuriam faciemus, vt qui cognatos interimamus ^l. Necessaria haec consequentia ex semel admissa anima mundi diuina fluunt, quae prolixè, adductis quoque Empedoclis versibus exponit PORPHYRIUS ^m, qui videndus. Immo non inde tantum metempsychosis per plan-

^d) ORIGEN, philosophum. c. III. p. 49.

^e) ibid.

^f) Ibid. CLEM. ALEX. Strom. L. V. p. 599.

^g) ibid.

^h) Adu. mathemat. L. IX. f. 64.

ⁱ) Ibid. L. I. f. 303.

^k) Ibid. L. IX. f. 303.

^l) Alia veterum testimonia idem afferentia laudat FABRICIVS ad l. c. Sexti.

^m) De abst. ab esu carn. L. II. c. 21. 27. vtesus Empedoclis Latino carmine CHALCIDIVS p. 286. conf. OVIDIVS Metamorph. L. XV. v. 127 seqq.

*Empedocles
an atheus?*

plantas, lapides, arbores, et similia Empedocli asserta dariuanda est, sed quod etiam, teste SEXTO^a, docuit, omnia esse ratione praedita, non solum animantia, sed et plantas: cunctis enim diuinus ille ignis, animusue inest. Et hinc facile dirimi quaestio potest, an Empedocles fuerit atheus, nec ne? ex qua prius contendit THOPHILVS ANTIOCHENVS^o, nec multum refragatur cl. REIMMANNVS^p, ad solam mechanicam philosophiae Empedocleae rationem attendentes. Nam Deum illum admisisse, licet certa ratione corporeum et per omnia diffusum, ex dictis est manifestissimum. Idem itaque de Atheismo Empedoclis statuendum est, quod de Pythagorae et Stoicorum, quae illis obicitur, impietate diximus, quorum placitis consentanea eum asseruisse, inde liquet, quod Deum et materiam aeterno rerum ordine et vicissitudine, teste LAERTIO^q et STOBAEO^r inter se copulauit; unde quousque ab atheismi labe immunis fuerit, nec ne, facile iudicari potest. Et haec quidem Empedoclea theologia est, siue doctrina de principio rerum actiuo, iam de passiuo, quid illi placuerit, dispiciendum est.

VII. Mundus vnus est, non tamen vniuersum absoluit, sed pars vniuersi est exigua, reliquam partem materia absoluit iners^s.

IIIX. Quatuor elementis priora sunt exigua quasi fragmenta quaedam et minimae moleculae^t, quae sunt elementorum elementa, et figurae rotundae^u: et hae solae particulae, ex infinita reliqua materia mouentur.

IX. Materiae huic in minimas particulas diuisae qualitates insunt primariae amicitia et discordia, quarum illa partes homogeneas iungit, haec heterogeneas separat. Principia haec duo Empedoclem pro fundamento omnis philosophiae naturalis habuisse, veteres^x vno ore fatentur, ita tamen, vt de eorum significatione et loco, quem in rerum naturalium causis tuentur, in diuersa scriptores abeant. Quidam^y enim duo absolute prima principia intelligi, Deum et materiam, sibi inuicem aduersa contendentes^z ad ARISTOTELEM^z prouocant, qui ita Empedoclis mentem edisserit: *Cum contraria bonis inesse naturae apparerent, nec solum ordo et pulchrum, verum etiam inordinatio (ἀταξία) et turpe et plura mala quam bona, et turpia quam pulchra: ideo alius quidam amicitiam introduxit, et contentionem, utrumque utriusque horum causam.* Iuuat hanc opinionem

^a) Adu. Math. L. VIII. f. 287. conf. ARISTOT. de plant. L. I. c. 1.

^o) Ad Autolyc. L. III. c. 2. p. 272.

^p) Hist. atheismi c. XX. §. 2. p. 152.

^q) Lib. VIII. f. 76.

^r) Eclog. phys. c. 13. p. 25.

^s) PLVT. de plac. phil. L. I. c. 5. Ex his vero sequitur, non dari vacuum extramundanum, quale tamen admittit schola Pythagorea.

^t) IDEM L. I. c. 13. *ῥεῖσματα ἐλάχισα.*

^u) STOBAEVS l. c. c. 17. p. 33. PLVT. l. c. L. I. c. 17.

^x) Post ARISTOTELEM^z cc. PLVT. de plac.

phil. L. I. c. 3. CLEM. ALEX. admon. ad gent. LAERT. L. VIII. f. 76. SVIDAS in Manes T. II. p. 491. ORIG. philosoph. c. III. p. 49. SEXT. EMP. l. c. Versus Empedoclis ipsi cum explicatione leguntur apud PLVT. l. c. STOB. l. c. c. 13. p. 25. SEXT. l. c.

^y) CLEM. ALEX. l. c. c. 5. ex recentioribus ven. WOLFIVS de Manichaeismo ante Manichaeos §. 30. p. 121. BAYLE Dict. T. IV. art. Xenophanes not. I. p. 522.

^z) Metaph. L. I. c. 4. ibi vero hanc esse Empedoclis sententiam negat, quod recte obseruat MOSHEM, ad CUDWORTH, p. 152.

nionem, quod litem et amicitiam ante elementa in causarum naturalium ordine Empedocles posuit, illa vero cum materialem rerum causam constituent, concludunt inde, litem et amicitiam ad efficientem causam pertinere. Rectius tamen alii, haec principia ad solam causam materialem referunt, cum illis particulas minimas, tanquam partem materiae infinitae praemiserit, Deumque tanquam vnum illud, unde ista principiorum diuersitas existeret, ordine praetulerit. Non audiendi itaque sunt, qui duas inde naturas exsculpunt, qua in opinione iam versatus est CLEMENS ALEXANDRINVS^a. Nihil enim aliud asseruit Empedocles, quam quod vetus theologia barbarorum et Graecorum docuit, in chaos confusa iacuisse rerum omnium semina inter se diuersissima, qualitatibus induta sibi met contrariis, quae cum semel commotae essent, ortam inde pugnam et discordiam, quae cum diu inter ea obtinuisset, iunctas tandem particulas homogeneas, et natura sua inter se concordantes, diffluentibus heterogeneis et ab iis secedentibus, quae diuersae naturae essent. Eadem certamina cum materiae fluxus perpetuus sit; aeterno rerum ordine ita fieri, vt inde elementa quatuor conflentur, et igneae, aëreae, aqueae et terrestres particulae, digestae ex confusa massa coeant, sicque res omnes ex quatuor istis elementis generentur. Haec inter se rerum vicissitudines et pugnas tamdiu, agitante igne diuino, duraturas esse, donec omnia in ignem chaosque pristinum redeant, exque iis noua iterum rerum facies exsurgat, aeterna rerum periodo ita durante. Nihil in his omnibus est, quod non mythicae Graecorum theologiae iam placuerit, quae eodem, quo Empedocles modo qualitates has in certas naturas poetico dicendi genere commutauit. Nec aliter intelligi Empedocles, saluo systematis totius nexu potest, qua de re, ne prolixiores simus, celeberrimum MOSHEMIVM^b legi velimus, qui Empedoclea haec principia luce clara donauit. Et ex his intelligitur etiam, quam procul absit Empedoclis amicitia et discordia a natura genitrice CVDWORTHII^c, licet omnia alia sibi videri contendat vir doctissimus.

X. Motus hic particularum minimarum, qui istas qualitates excitat, a monade, mente nempe diuina, igneque intellectuali est^d. Cura haec et operatio mentis ineffabilis est, in mundo conspicua, quam versus Empedoclis commendant apud AMMONIVM^e. Recte itaque motus initium a Deo esse, Agrigentino philosopho tribuit CVDWORTHVS^f. Ita enim systematis nexus postulat, quod omnia ex monade siue igne intellectuali esse dicat: at materia iners non ex eo est, ergo motus eius debuit ex eo procedere.

XI. Fuere vero ista principia elementorum non similia tantum et rotunda sed aeterna quoque^g: Adeoque non potest existere aliquid, quod

Bbb bbb b 2

ante

a) l. c.

b) l. c.

c) ibid.

d) Necessario hoc ex th. III. et IV. fluit.

e) In Aristot. de interp. p. 107.

f) c. V. sect. I. §. 48. p. 809. Versus ipsos Empedoclis ad h. l. asserit MOSHEM.

g) PLVT. de plac. phil. L. I. c. 13. 17. STOBÆVS Eclog. phys. L. I. c. 17. p. 33 seq. Dissert itaque systema atomisticum Empedoclis a Democritico, quod particulas dissimilares ponit, et Anaxagorae pro-

ante non fuit, nec potest perire quicquam ^b. Idem docuisse Pythagoram, allatis elegantissimis OVIDII versiculis probauimus. Id vero de ipsa materia, non de eius dispositione, motu et formatione intelligendum est. Hanc enim solui et per ignem ad statum chaoticum reduci, ex Pseudo-Origene supra obseruauimus. Fit tamen hoc aeterna lege periodica ⁱ; unde in Empedoclis quoque physiologia, vt in Pythagorica aeterna sunt omnia, quae essentiam habent, sequitur inde porro, quod Empedocli tribuitur:

XII. Natura nihil est, nisi permixtio et diuulsio elementorum. Solito clariores sunt versus Empedoclis ^k:

*Iam quod naturam mortales nomine dicunt,
Hoc nihil est; neque enim mortem natura vel ortum
Humano praebet generi; nam mixtio tantum
Mixtorumque subest quaedam secretio rebus,
Idque homines vulgo naturam dicere fuerunt.*

Ex quibus simul patet, generationem proprie dictam et mortem apud Empedoclem non esse: cui tamen dogmati altius substratum fundamentum est, nempe essentias rerum in intelligibilibus illis naturis, quae ex igne intellectuali emanant, consistere, easque vi originis suae esse aeternas et immutabiles: quibus cum materia fluxa iungatur, quae semper per elementorum mixtionem mutatur, necessaria ratione inde sequitur, non res mutari, oriri et interire, sed solam mixtionem particularum materiae.

XIII. Sunt vero quatuor elementa, ignis, aër, aqua atque terra. Ignis Iupiter est, Iuno aër, Pluto terra, Nestis aqua. LAERTIVS ^l ita versus Empedoclis exhibet:

*Iupiter albus et alma soror Iuno, atque potens Dis
Et Nestis, lacrymis hominum quae lumina complet.*

Ista vero elementa, eodem tradente, assidue versant vices, nec desinunt vsquam, sed est aeternus eorum ordo, hinc iterum philosophus ^m:

*Nonnunquam connectit amor simul omnia, rursus
Nonnunquam seiuncta iubet, contentio ferri.*

Coniunctione enim, mixtione et separatione elementorum, rerum compositarum ortus et interitus, aeterna vicissitudinis lege secundum Empedoclem constant.

XIV. Mundus solis circumscribitur sphaera, quae limitem eius constituit ⁿ.

XV. Mundo exoriente primo secretus fuit aether, deinde ignis, post terra, qua nimis in arctum coacta ob impetum circumagitationis aqua ebullit:

propius est, licet ὁμοιομερέν eius longe aliud sint, quam θεάσματα ἐλάττω καὶ σοιχέα ὁμοιομερή Empedoclis. Ad quod non satis attendit CVDW, c. I. 6. 13. p. 18.

^b) Versus Empedoclis habet PLVT, ad. Coloten,

^c) LAERT. L. VIII. f. 76.

^k) PLVT. plac. phil. L. I. c. 30.

^l) l. c. conf. STOBÆVS I. c. p. 25.

^m) PLVT. l. c. Quoduis vero in cuiusuis locum succedere L. II. c. 7. Empedocli tribuit,

ⁿ) IDEM L. II. c. 1.

fiit: ex hac aër exhalauit, ac coelum quidem ex aethere natum, sol ex igne, reliqua circa terram quae sunt, condensata coierunt, ex reliquis ^o.

XVI. Aëre solis impetui cedente, septentriones declinarunt, ita vt partes, iis vicinae in sublime attollerentur, deprimerentur austrinae: atque haec inclinatio toti proinde mundo accidit ^p.

XVII. Dextra mundi pars est, quae ad tropicum cancri vergit, laeua, quae vergit ad tropicum capricorni ^r.

XIX. Coelum solidum est corpus, ex aëre factum, ignis vi constipato, vt fieri solet crystallum: continet autem in vtroque hemisphaerio igneam aëreamque naturam ^s:

XIX. Sidera igneae sunt naturae, ex eo composita igne, qui aethere comprehensus in prima secretionē emicuit ^t.

XX. Stellae inerrantes in crystallo coeli defixae sunt: planetae vero liberi vagantur ^u.

XXI. Sol ingens est massa ignea, lunam mole superans ^v.

XXII. Duo autem sunt soles, quorum vnus primigenius est ignis, in altero mundi hemisphaerio, hemisphaerium suo splendori semper oppositum implens. Sol vero, quem videmus, alterius hemisphaerii lumen est, aëre impleti, calore permixto, quod a terra rotunda facta reflexione radiorum solis prioris in sole crystallinae formae colligitur, atque motum ignei illius solis sequitur. Obscurum est, quid per alterum illum solem, primigenium intellexerit: quantum tamen ex allata PLVTARCHI ^{*} definitione colligi potest, sol noster est collectio radiorum reflexorum a terra ex luce mundum ambiente et terram irradiante profectorum. Antichthona Pythagoreorum occasionem singulari hypothesei dedisse, suspicatur IACOBVS THOMASIVS ^z. Certe Pythagoricis eam arrisisse, Philolai exemplo constat. Qua vero ratione intelligi queat, eleganti ichnographia ^z delineauit V. cl. GEORGIVS CHRISTOPHORVS EIMMARTVS. CUDWORTHVM ^a vero per solem primigenium, Deum, lucem intellectualem, intelligentem, non audiendum esse, recte notauit cel. MOSHEMIVS ^b. Haec enim lux diuina siue ignis per mundum diffusus est, nec ex elementis compositus, qualis sol ille primigenius.

XXIII. Luna disci formam habet: eaque duplo maiore spatio a sole, quam a terra, distat ^c.

XXIV. Duplex homini anima est, vna superior, ex diuina mundi anima exorta, quae poenae causa corpori immissa, diuinam tenet originem. Altera sensitiua est, ex principiis elementorum mediante amore et conten-

Bbb bbb b 3 tione

a) ibid. c. 6.

p) ibid. c. 8.

q) ibid. c. 10.

s) ibid. c. 13.

u) LAERT. L. VIII. f. 77.

x) l. c. c. 20.

y) De antichthone Pythagor. Obs. Hal. T. IV. obs. 19. §. 35.

z) Norimb. 1701. edita, conf. CHR. THOMASIVS ad l. c. p. 405.

a) c. l. §. 24. p. 34.

b) Ad h. l. Prouocat quidem Cudworthus ad SIMPLICIUM in phys. p. 74. qui Empedoclem, ait duos mundos statuisse, *νεντόν καὶ αἰδούτον*, verum recentiores Platonici suspecti testes sunt.

c) PLVT. L. II. c. 27. 31.

tionem conflata. Probe tenenda est haec thesis, sine qua frustra systema Empedoclis physiologicum in concordiam redigitur. Supra enim **SEXTI** testimonium adduximus, quo constat, Empedoclem asseruisse non hominum tantum, sed etiam brutorum animas ex vniuersi spiritu esse decerptas. Sed et ipsi a nobis Empedoclis versus allati sunt, quibus animam ex elementis componi constat. Quae omnia recte cohaerent, iisque etiam, quae de iudicandi et percipiendi siue sentiendi criterio dixit, quaeque supra explicuimus, apte respondent, si duplex anima statuatur. Nec aliter, qui eosdem magistros consuluit, Plato; etsi id neget **CYDORTHVS** ^d, quem animam ex eodem et diuerso composuisse supra ostendimus. Lapsus vero animae purgatio eius per migrationem euincit, et satis ea docent, quae ex Iamblichio affert **STOBAEVS** ^e, qui fugam a Deo inter causas inordinatorum motuum numerat. Alia veterum loca ^f praeterimus. Sed et animam istam superiorem daemonem esse lapsum et peccantem, ideoque in corpore vagantem, donec purgata ad Deum redeat, satis luculenter versus Empedoclis innuunt, quos seruauit **PLUTARCHVS** ^g:

*Fata iubent, stant haec decreta antiqua Deorum;
Si quid peccando longaeui daemones errant;
Quisque luit poenas, coeloque extorris ab alto
Triginta horarum per terras millia oberrat,
Sic et ego nunc ipse vago, diuinitus exul.*

Sed et alibi ^h versus alios Empedoclis affert, quibus per elementa praecipites asi et torqueri istos daemones philosophus ait, donec purgati et suppliciis expiati pristinae naturae locoque suo restituantur. Idem alibi quoque repetit, vagari daemones deorum ira deturbatos e coelo. Id quod mirabitur nemo, qui cogitat, animam mundi non per animalia tantum etiam bruta, sed per omnes omnino creaturas se diffundere, iisque adesse rationem diuinam, vt supra demonstratum. Lapsus vero, qua ratione queat explicari, vt salua maneat physiologia Empedoclea, difficulter patet, nisi, emanationis natura in subsidium vocata, eas ignis intellectualis partes quae recesserunt a Deo, eiusque natura longius, dicamus eo ipso esse lapsas, dum materiae contagio se inquinauerunt: quod tamen qua ratione peccatum fuerit, non patescit. Vnde suspicamur, Empedoclem aliquid hic tribuisse prosopopoeiae poeticae, et naturam emanationis spiritualis, quam cum reliquis Pythagoreis admittebat, hac imagine poetica adumbrasse, quae ἀλλήγορικῶς dicta cum postea κατὰ τὸ ἑστὸν accepta essent, lapsum animorum introduxere. Etsi et hoc tacendum non est, potuisse antiquissimam inter barbaros traditionem Empedocli ansam praebere, eam cum placitis suis physiologicis ita conciliandi. Anima itaque cum et ipsa ex horum genio-
rum

^d) l. c. p. 32.

^e) L. I. Eclog. phys. p. 112.

^f) Vid. **PLUT.** adu. Colot. **PLOTIN.** Enn. IV. L. VIII. c. 1. p. 468.

^g) De exilio, **HIEROCLES** in aur. carm. p. 186. **PETRVS NEEDHAM** ad h. l.

^h) De vit. aere alieno T. II. p. m. 475. et de Iud. p. 144.

rum numero fitⁱ, nec mortalis esse potest, nec ex initiis composita: ex quo sequitur, eam, quae ex elementis conflata est, aliam prorsus naturam habere. Et ad hanc animam sensitivam pertinet, quod Empedocli tribuit PLVTARCHVS^k, eius partem principalem sedem habere in sanguine.

XXV. Anima omnis generis animalium, plantarumque species induit, et tandiu migrat, donec purgata penitus ad Deum reuertatur, eiusque iuncta sedibus, immo naturae insi, Deus fiat. Notissima haec *μετεμψύχωσις* Empedoclea est, a Pythagorica diuersa in eo, quod non in animata, etiam bruta, sed in inanimata quoque abire animas statuatur. Qua de re ipse de se^l:

*Nam memini, fueram quondam puer atque puella,
Plantaque, et ignitus piscis, pernixque volucris.*

Fundamentum vero totius dogmatis ex antecedenti thesi clarum est, et ampliori illustratione non eget. Futuram vero felicitatem purgatis promississe mentibus, CLEMENS ALEXANDRINVS^u allatis Empedoclis verbis docet.

XXVI. Animalium corpora, fortuito particularum similiarium concursu efformata sunt, operam interponente discordia et amicitia, vnde et fortuiti concursus signa et vestigia interdum remanent, et initio animalia duplicis fuere generis. Versus Empedoclis hac de re seruauit AELIANVS^m:

*Multa genus duplex referunt animalia membris
Pectore vel capite aut alio, sic ut videatur,
Ante viri retroque bouis forma aut vice versa,
In pecore humanae quondam vestigia formae.*

Idem Empedocli tribuit ARISTOTELESⁿ et PLVTARCHVS^o, quem ideo frustraneo conatu purgat CVDWORTHVS^p. Nec in eo quid est, quod physiologiae Empedocleae repugnet, cum materia semel a natura diuina agitata iuxta motus amicitiae et contentionis moueatur. Inde vero sequitur, prouidentiam Empedocleam, quam alicubi crepat, plane nullam esse: agit enim mens diuina materiam, mundumque versat, et tamen contrarii hi et monstrofi effectus inde exsurgunt. Ceterum Empedoclem motum coelestium et aliarum rerum naturalium τῷ αὐτομάτῳ permittere, testatur etiam ARISTOTELES^q, ast dum eum tamen Democrito et Leucippo opponit, palam est, non ad casum plane fortuitum, vt his placuit, referenda ea esse, sed ad materiae semel a monade commotae, motus spontaneos, suaeque naturae conformes, id quod etiam theologia Empedoclea supra memorata postulat.

XXVII.

i) PLVT. de exil. T. II. p. m. 531.

k) De plsc. L. IV. c. 25.

l) LAERT. L. VIII. f. 77. et quae ex veteribus ad h. l. affert MFNAG.

u) Strom. L. V. p. 607.

m) De nat. animal. L. XVI. c. 29.

n) Physic. L. II. c. 4.

o) Adu. Coloten T. III. p. 413.

p) l. c. p. 33. Conf. MOSHEM, ad h. l.

q) l. c.

XXVII. Mare est sudor terrae, adustae a sole, qui nimia eius compressione emittitur^r.

XXVIII. Imago visibilis obiectorum atque radiorum coniunguntur, idque quod inde existit, radii imaginis compositae sunt^s. Pari fere ratione de speculorum repraesentationibus eum statuisse PLUTARCHVS^t auctor est. Statuebat enim ex obiectis species emanare, quod et aliis veterum placuit, et ex hypothese, materiam semper fluere et mutari, facile deduci potuit. Res enim ideo nec mutatae, nec alteratae dici poterant, cum rerum essentiae, et naturae intelligibiles illis iunctae immutabiles et aeternae sint, nec corrumpi queant.

XXIX. Auditus vento interueniente peragitur, auris concavum impellente; quod cochleae instar in gyros contortum atque intra aures studiose elaboratum in ea suspenditur, et tintinnabuli instar feritur^u.

XXX. In semine maris certae corporis partes et membra continentur, aliae vero in semine feminae, hincque appetitus oritur venereus in alterum sexum, partibus istis inter se iungi desiderantibus.

XXXI. Prima foetus respiratio in utero fit, aëre loco humiditatis sensim diminutae per poros intrante, quem ubi calor naturalis expulit, eo recedente redit aër, sicque fit inspiratio et expiratio embryonis.

XXXII. Caro ex aequalibus quatuor elementorum partibus constat.

XXXIII. Semina plantarum ouorum instar se habent, quae matura decidunt et excluduntur. Patet ex his speciminibus, Empedoclem pro temporis sui ratione plurimum in physica quoque speciali valuisse, et forte a cognitione anatomica non fuisse destitutum, Modo genuina sint et ab Empedocle profecta, quae ei GALENVS^x tribuit.

XXXIV. Aeternum esse naturae ius, cui omnibus obtemperandum sit, ex Empedoclis versibus apud ARISTOTELEM^y colligit CUDWORTHVS^z, quem tamen ea, quae de iure non occidendi animantia dixit Sicularum philosophus, de vniuersali iure perperam explicasse ostendit MOSHEMIVS^a. Recte tamen is contra GASSENDVM^b tuetur, eiusmodi aeternum ius Empedocli debuisse placere. Qui enim aeternis fati legibus et vicissitudini ex coniunctione Dei et materiae omnia subiecit, illi haec factorum vel necessitatis aeterna lex est, ut ex Stoico systemate patet. Et hoc τὸ τῶν πάντων νόμιμον, in laudatis eius versibus est, cuius nobilis pars est; omnia animae mundanae per latum aethera, tanquam splendoris ingentis, vel ignis intellectualis extensae coniunctione inter se cognata esse, hincque animantia non esse occidenda. Ita enim verba philosophi se habent:

Ἄλλὰ τὸ μὲν πάντων νόμιμον, διὰ τ' ἐνθυμέδοντος

Ἀθέρους Ἡνεκέως τέταται, διὰ τ' ἀπλέτη αὐγῆς.

§. VIII.

^r) PLUT. plac. L. III. c. 16.

^s) ib. c. 16.

^t) c. 14.

^u) Lib. IV. c. 6. conf. SCHVLZ. Hist. medic. Period. I. sect. 2. c. 7. §. 38.

^x) De semine L. II. c. 3. et hist. philos. illi tributa.

^y) Rhetor. L. I. c. 13.

^z) l. c. p. 32.

^a) Ad h. l. n. 14.

^b) Ad L. X. Laert. T. V. opp. p. 158.

§. VIII. Praeter Empedoclem celebre quoque inter auditores Pythagorae nomen fuit EPICCHARMO Coo, Helothalis filio ^c: quem tamen Megarenses quidam, alii Samium dicunt ^d, vt pater aliis Tyrfus, Tityrus et Chimarus appellatur ^e. Trimestris infans Megaras Siciliae delatus est, atque inde Syracusas, vbi philosophiae nomen dedit ^f, et Pythagoreos audiuit, licet sint, qui inter extraneos eum discipulos tantum numerent ^g. Cum vero partim Pythagoreorum legibus impeditus philosophiam Pythagoricam propalare non auderet, partim ob Hieronis tyrannidem a publica philosophiae professione abstineret ^h, ad antiquam comoediam studium mentemque applicuit ⁱ, et in theatro subinde Pythagorica dogmata versibus comprehensa vulgauit, id quod male Pythagoreos habuit. Valde fuisse versatum in naturali, salutari et morali philosophia scriptis his de argumentis libris, asserit LAERTIVS ^k. Pauca tamen ex iis seruata nobis a veteribus supersunt. Libros enim eius in Vaticana bibliotheca existere, fides erit penes nonneminem ^l, qui id asserit. Nonagenarius obiit ^m, aliis ⁿ XCIX annos vixisse traditur, et post mortem statua honoratus est, cuius inscriptionem seruauit LAERTIVS ^o.

§. IX. Inter dicta Epicharmi, veteribus valde laudata et in ore habita ^p, Philosophia sequentia mentem eius de doctrinis quibusdam philosophicis exponunt: Epicharmi.

- I. Fieri nequit, vt a nihilo quid primum proueniat.
- II. Nec igitur quicquam primum prouenit, nec quicquam secundum.
- III. Dii semper extiterunt, nec desierunt esse vnquam ^q. Deos vero Epicharmi, solem, lunam, stellas, terram, aquam esse Menander docet apud STOBAEVM ^r, et ratio systematis Pythagorici postulat.
- IV. Chaos vero cum primus Deorum genitus dicatur, mutatio fit in materia.

V. Materia vero perpetua in mutatione consistit, et semper diuersa est a se: nec fumus hodie, qui heri fuimus, vel erimus cras, qui fuimus hodie. Obscuros et confusos de his dogmatibus physicis versus Epicharmi nobis seruauit LAERTIVS, iisque lucem accendere post Scaligerum et Casaubonum, non sine eruditione conatus est Marquardus Gudius ^s. Qui si ita intelli-

c) LAERT. L. VIII. c. 78.

d) SVIDAS in Epicharm. T. II. p. 842.

e) ibid. IAMBlich. vit Pyth. c. XXXV. n. 241. qui et filii eius, Metrodori meminit, qui salutari arti nomen dedit, et patris scripta commentariis illustrauit.

f) LAERT. l. c.

g) IAMBlich. c. XXXVI. n. 266. qui potuit autem doctrinam Pythagoricam propalare, si extraneus auditor veras eius rationes non percepit?

h) ibid. Libere tamen aduersus Hieronem se gessisse testatur PLVT. in apophth. T. III. p. m. 326. et de adul. ib. p. 172. vbi leuitatem iocandi in Epicharmo notat.

i) Conf. VOSSIVS de poetis, FABRIC. Bibl. Gr. Vol. I. p. 645. Fragmenta collecta habes in sententiis Comicorum, et H. STEPHANI poesi philos. p. 54.

k) l. c.

l) TIRAQVELLVS de nobilit. c. 31. quem sequitur cl. SCHVLZIVS Hist. med. Per. I. sect. II. c. 7. §. 32. p. 171. qui eum inter medicos quoque veteres refert, ait enim Laëtijs, eum *ιατρικόν*. Non tamen confundendus est, cum Epicharmo medico, Demolochi Comici Syracusani parente.

m) LAERT. l. c.

n) LVCIAN. in longaeu. T. II. p. 835. VOSSIVS l. c. p. 33.

o) l. c.

p) IAMBlich. n. 166. Platonem Epicharmi vitulo arasse, supra ex LAERT. L. III. c. 16. notauimus.

q) Versus Epicharmi seruauit LAERT. L. II. c. 11.

r) Serm. CCXXVIII. p. 753.

s) Apud MENAG. ad l. c. Laëtijs.

telligantur, vti exposuimus, et inter se cohaerent, et cum placitis Pythagoricis, quae Epicharmus secutus est, concordant. Duo enim principia ponebat, Deum et ex eo aeternas naturas, intelligibilia Deosque, ad quos illas summas mundi partes schola Italica retulit: et materiam semper fluxam et in momenta mutabilem: illa mutari nequeunt, haec semper versatur in mutatione.

VI. Mors alienum quid est, et ad nos non pertinens, adeoque non extimescenda. Sensus hic est sententiae Epicharmi apud SEXTVM EMPIRICVM¹:

Ἀποθανεῖν ἢ τεθνάναι, ἔ μοι διαφέρει.

Paulo aliter CICERO²: *Imori nolo, sed me mortuum esse nihili aestimo.* Duplici vero sensu haec accipi posse, quilibet videt, vel Epicureo, quo significat, post mortem nihil nos esse, adeoque nullis nos angimur malis, vel Stoico, post mortem redire animas in Deum: Priorem sensum Epicharmo affingit Sextus, qui Epicurum suum hoc dogma Epicharmo furripuisse tradit: sed id cum Pythagorico systemate, quod Sículus poeta secutus est, non conuenit, et posterior explicatio melius et aptius cohaeret. Teste enim PLUTARCHO³ praeclare Epicharmus docuit: concretum corpus fuisse, et discretum in mortem; rediisse vnde venerat terram deorsum, spiritum sursum; in his nihil iniquum esse. Quae genuina Pythagorica sunt, et reliquis dogmatibus Epicharmi pollicem premunt.

VII. Ipsum hominis ingenium mosue (τέλος) vel bonus vel malus daemon est⁴.

VIII. Quisquis suapte natura procliuus ad bona fuerit, nobilis est, quamuis matre natus Aethiope⁵. Alia afferunt veteres passim, quae collegit diligentissimus STOLLIVS⁶, sed ea exoterica sunt, et ad Philosophiam Epicharmi proprie non pertinent.

Ocellus
Lucanus.

§. X. OCELLVS, Lucanus fuit, Archyta tempore prior, eius enim nepotes se conuenisse, et ab eis Ocelli scripta, *de lege, regno, sanctitate et vniuersi generatione* accepisse, is ad Platonem scripsit⁷, ex quo de eius aetate coniectura fieri potest. Fratrem habuit Ocyllum, et ipsum quoque Pythagoricae sectae addictum⁸. Scripsit, vti dictum, *de vniuerso* librum, qui hodiernum extat, post CAROLVM EMANVELEM VIZANIVM⁹ a THOMA GALEO¹⁰ editum, ex quo librum ARISTOTELIS *de generatione et corruptione* fere transsumtum videri obseruauit SYRIANVS¹¹. Non vero

¹) Aduers. Mathem. L. I. f. 273. qui tamen f. 284. non Epicharmo, sed Sophroni tribuit. Dauidii emendationem a FABRICIO h. l. allatam respuit series verborum Sexti.

²) Tusc. Qq. L. I. c. 8. vbi Epicharmum acutum, nec insulsum hominem, ut Sículum, appellat.

³) Consol. ad Apollon. T. III. p. 233.

⁴) STOBÆVS Serm. XXXVI. p. 398.

⁵) ibid. Serm. CCXVIII. p. 727.

⁶) Hist. phil. moral. gent. §. CXXXVIII. p. 248 seqq. et ante eum CORR. RITTERSHVSIVS ad

OPPIANI Halieut. L. I. et ad PORPHYR. n. 29. p. 38 seqq. Auctorem fuisse introductum inter Graecos aspiratarum literarum Θ et Χ tradit Aristoteles apud PLINIVM L. VII. c. 56.

⁷) Extat epistola apud LAERT. L. VIII. f. 80.

⁸) IAMBlich. de vita Pyth. c. ult. n. 267.

⁹) Bonon. 1646. 4. Amst. 1661. 4. de aliis editionibus vid. FABRIC. Bibl. Graec. Vol. I. p. 496.

¹⁰) Opusc. Mythol. p. 506 seq. ed. Amstelod.

¹¹) In Metaphys. Arist. verba edit. Galei praefixit PEARSONIVS.

vero more Pythagorico dialecto Doricâ scriptus hodie extat, sed com-
 muni, a grammatico sine dubio aliquo ita mutatus, vt facilius intelligere-
 tur, cum Pythagorica scripta ob Doricum loquendi morem obscura fue-
 rint admodum, vt supra dictum est. Dorice enim initio consignatum fu-
 isse, ex fragmentis apud STOBÆVMS^g occurrentibus patet, quae primae dia-
 lecti vestigia seruant. Non audiendi itaque sunt, qui vel Ocellum e nu-
 mero Pythagoreorum eiiciendum, vel ei hunc librum denegandum esse
 contendunt, quo maxime tendit doctissimorum ex Britanna gente viro-
 rum THOMAE BURNETII^b et SAMVELIS PARCKERIⁱ de huius libri
 auctore disputatio. Hic enim ex Aristotelis scriptis librum compila-
 tum esse contendit, et politioem, putat, Atticorum sermonem iuniorem
 aetatem prodere, qualem longo post tempore consecuti fuerint. Vti, porro
 monet, physicis quibusdam vocabulis, quorum inuentor atque architectus
 Aristoteles perhibeatur, totumque argumentum Peripateticum esse, et pror-
 sus Peripatetico more tractari, vt nihil aliud, quam Peripateticae physiologiae
 epitome videatur. Potissimum cum de elementorum mutatione et quali-
 tatum, tum principum, tum ex iis ortarum varietate ad vsque sexdecim fa-
 milias tractauerit: qualia primus Aristoteles accurate dixerit. Et sapere
 hunc auctorem nihil Pythagoreum, cum absque numeris philosophetur, sed
 redolere Peripateticismum, quem quilibet prima facie agnoscat, cum e con-
 trario nemo e Pythagoreis tantopere a sectae systemate recesserit. Quae
 etsi erudite disputantur, examen tamen non sustinent. Fatetur enim ipse
 vir doctissimus, potuisse ex Dorica sicut et multi alii, vt saeculo accommo-
 dentur, in Atticorum istam, qua aetas politior utebatur, postmodum verti:
 qua via, quasdam verborum significationes novosque terminos, vt magis
 liber in se difficilis intelligeretur, simul irrepsisse vero est longe simillimum.
 Nec tam dissimile est systema Ocelli Pythagoreo, quam visum theologo cele-
 berrimo. Supra enim in physiologiae Pythagoreae delineatione ostendimus,
 1. mundum genitum quidem a Deo, non vero in tempore, sed in cogita-
 tionibus, adeoque reuera esse aeternum, non quidem ratione principii, sed
 tamen ratione existentiae, initii et durationis; 2. mundo comprehendi
 omnia; 3. ex nihilo nihil fieri; 4. mundum causam rerum omnium esse
 efficientem, quia Deum comprehendit; 5. res omnes inter se fatali vinculo
 coniungi, hincque 6. aeternam hanc fati legem esse, vnde aeterna mundi
 duratio sequitur. Ast haec primaria et fundamentalia Ocelli dogmata sunt,
 quibus ex schola Pythagorae totum systematis sui aedificium inaedificauit.
 Nam nihil esse extra Deum et materiam, quibus partibus mundus constat,
 et vtrumque principium essentiali fati vinculo ita vniri, vt Deus materiam
 aeternam moueat, Pythagorae et Ocelli *κρείστη δόξα* sunt. Nec, quae subti-
 lius de elementorum mutatione differuntur, indigna sunt schola Italica,
 cum Empedoclis exemplo constet, posteriores Pythagoricos, relicta ob-

Ccc ccc c 2

scura

^g) Eclog. physic. L. I. c. 24.

ⁱ) De Deo disp. IV. sect. 3. p. 367 seq.

^b) Archaeolog. philos. L. I. c. 11. p. 425.

secura per numeros philosophandi methodo de rerum naturalium causis ἀπλῶς magis et aperte mentem suam exposuisse. Cumque Plato ab Archyta librum hunc acceperit, fatis inde manifestum est, cum ante Aristotelem extitisse, et transtulisse inde more suo Stagiritam multa in systema suum, quod tamen longe aliam significationem sensumque habet, quam Ocelli. Non eiiciendum itaque nobile antiquitatis philosophicae monumentum ex Pythagoreorum circulo, sed scholae sectaeque suae relinquendus Ocellus, quem tamen subtilius magisque luculenter de rebus physicis disputasse, quam veteres primosque Pythagoreos, et propria atque domestica habere principia non negamus. Sed ut ipse Lector iudicare, et cum Pythagoreo systemate Ocelli φιλοσοφούμενα conferre queat, en breuem eius διατύπωσιν :

*Philosophia
Ocelli.*

I. Quaedam certis indiciis, natura docente cognoscuntur, quae ratione probabili et coniectura discuntur.

II. Vniuersum nec interitum vnquam est, nec vllum vnquam habuit ortum, sed fuit semper et futurum est. Praecipuum hoc assertum est, in quo Ocellus abiisse a schola Italica putatur, sed perperam. Vniuersum enim, Deum et materiam comprehendens. Semper extitisse Pythagoras, ut supra demonstratum, docuit. Nec aliud hos philosophos passum est asserere, axioma sensu absoluto admissum: ex nihilo nihil fit. Mundus autem et vniuersum sensu Pythagoreo et Stoico idem sunt. Rationes vero ab Ocello contra generationem vniuersi allatae etsi Peripateticae videntur PARKERO, a Pythagoricis tamen non abludunt: cuncta enim natura generationis et mutationis nituntur. Pone vero horum loco naturam monadis et dyadis, et habebis Ocellum totum Pythagoreum.

III. Vniuersum totum hoc mundum indicat, qui ideo hoc nomen accepit, quod ex vniuersitate rerum distinctus ornatusque sit. Probe hoc tenendum est, ad intelligendam veram Ocelli doctrinam: is enim ornatum mundi, ab eius natura distinguit, et hanc aeternam esse asserit, quod pauci viderunt, qui Ocelli physiologiam culparunt, quod mundum hunc faceret aeternum.

IV. Perfecta et absoluta quaedam naturarum omnium collectio est, extra quam nihil prorsus consistit, sed in quo vniuerso vel ut partes, vel ut res aduentitiae et externae (ἐπιγεννήματα) comprehenduntur.

V. Mundus cum nulla alia re, quam cum se ipso connexionem et consensum habet: cum vero singulae quaeque res ex naturis non in se perfectis (αὐτοτελῆς) constent, opus habent connexionem cum iis, quae extra eas sunt: e. g. animalia cum aëre, visus cum lumine, stirpes cum terra.

VI. Sunt vero rerum essentiae, naturae et principia, quae videri oculis non possunt, aliisque rebus causae sunt, cur perfectae sint, sua vi perfectae et absolutae. Satis luculenter Pythagoreas naturas aeternas siue intelligibilia respicit. Ait enim ea efficere, ut sua sponte reliqua seruentur ac permanent, rebusque aliis conuenientiam et concentum praebere: quae cum in mundo

mundo non comprehendantur tantum, sed et eum constituent, mundum inde concludit, sempiternum esse et durare, et auctorem esse, cur aliae res quoque durent et consistent.

VII. Impossibile est, vt id quod est, aut ex nihilo fiat, aut in nihilum abeat. Quae ratio totum hoc systema fulcit. Iisdem rationibus vsus est apud PHILONEM ^k, Critolaus Peripateticus, licet Peripateticum systema ab Ocelli differat.

VIII. Extra vniuersum nihil est, cum omnia cetera in vniuerso comprehendantur, ac totum, vniuersumque idem habeatur, ac mundus: adeoque nec causa externa mundum potest destruere.

IX. Partes primae et maxime honorandae vi naturae vniuersi successionis continuationem non habent, sed mortalia; propriaeque constitutionis progressionem recipiunt.

X. Quae prima mouentur, eodem modo et secundum ea, quae ipsis sibi sunt per circulum mouentur. Miramur viros acutos, qui Peripateticam hanc disputationem esse contendunt, non vidisse Pythagorea *πεῶντα, τὰ αὐτὰ καὶ ὡσαύτως ἔχοντα*, quae cum aeterna sint et maneant, reliqua circa ea versantia, mutationem ex alio in aliud patiuntur circulo naturali et fatali.

XI. Ignis enim si in vnum cogatur, et densescat, aërem, aër aquam, aqua terram producit: a terra vicissim idem vsque ad ignem, a quo coeperat, mutatio, circuitus peragitur. Homines vero, non ita redeunt, sed dissoluantur. Manet itaque vniuersum, partes et res aduentitiae intereunt et destruuntur.

XII. Figura mundi globosa est, et motionis genus illud habet, quod in orbem fertur, tempus infinitum, in quo versatur motus, substantia vniuersi augeri et mutari in melius et deterius nequit.

XIII. Duae in vniuerso existunt res, quarum altera generatio, altera generationis habetur causa.

XIV. Generatio est, in qua res ipsae mutantur, generationis causa, vbi subiecta res eadem seruetur et permanet, haec causa efficiens et agens, illa recipiens et patiens est.

XV. Fatorum dispositione impatibilis ac immobilis mundi pars distinguitur, lunaeque cursu mortale et immortale ita diuidit, vt supra eam sit Deorum genus, infra eam natura contentionis, generationis et interitus.

XVI. In ea mundi parte, qua generatio dominatur, tria occurrunt; corpus contrectabile, quod subiectum est rerum oriundarum, quod omnia recipit: e. g. aër ex quo sonitus, tenebrae et lux ex quibus color: secundum res contrariae, vt mutationes et alterationes compleantur, tertium substantiae, quarum illae facultates sunt, vt ignis et aqua, et aër et terra.

XVII. Harum facultatum quatuor numero sunt, calor et frigus, vt causae efficientes, siccitas et humor, vt causae patientes; materia autem est, quae omnia recipit, commune nempe quoddam, quod rebus omnibus subiicitur.

^k) De mundo incorruptibili.

XVIII. Qualitates et differentiae corporum aliae primae sunt, aliae ex primis ortae, suntque numero sexdecim, calor et frigus, humor et siccitas, hae primae; grauitas et leuitas, raritas et densitas, laeuior et asperitas, durities et mollitudo, tenuitas et crassities, acumen et obtusitas, hae ortae, et multiformes.

XIX. Ignis et terra extrema sunt elementa, aqua et aër media.

XX. Ignis calidus et siccus est, aër calidus et humidus, aqua humida et frigida, terra frigida et sicca.

XXI. Mutantur in se mutuo elementa, vnumque ex altero oritur, cum vniuscuiusuis elementi contraria interit facultas, cognata et eiusdem generis seruator. Ita deletio vno contrariorum pari generatio absoluitur.

XXII. Ex causis efficientibus id quod in alio generat, est vniuersa mundi pars, quae supra lunam posita est, propius vero sol ipse, qui appulsu suo et abscessu aërem continenter immutat et variat, vnde omnis in terra mutatio. Sed et orbis signifer, qui obliquus est, ad solis motum, et vniuersi ornatum confert, et efficit, vt in eo alia res gignendi, alia patiendi vim habeat.

XXIII. Cum mundi ornatus et dispositio semper existat, etiam quae in eo disposita digestaeque sunt, semper existant necesse est. Cum mundo itaque aeterno partes quoque eius aeternae statuendae sunt. Mens Ocelli est, semper vniuersi rationem eandem fuisse, et ab aeterno res immutabiles per se substituisse, generationi obnoxia ab aeterno istam partium mutationem fuisse passa.

XXIV. Cum itaque in vnaquaque mundi parte collocatum sit aliquod eximium animalium genus, in coelo Dii, homines in terra, daemones in aëre (ἐν μετεωρίῳ) necesse est humanum genus esse perpetuum. Daemonas dum auctor in ea regione asserit, quae igni et aëri infra lunam tribuitur, manifeste satis ab Aristotele dissentit, cui nullus daemon est, qui sphaeram non moueat aliquam coelestem.

XXV. Terrae partes vi mutantur et intereunt, ipsa terra nunquam interitura est.

XXVI. Hominis generatio non voluptatis, sed sobolis procreandae causa suscipienda est.

XXVII. Generationis facultatem infinite continuatam effecit Deus, vt homo diuinitatis fieret particeps.

XXVIII. Homo vniuersi huius, tanquam domus alicuius et ciuitatis, maxima pars est.

XXIX. Mansuetissimum et optimum animalium homo est, vnde et officia eius fluunt. Haëtenus Ocelli physiologia, ex qua patet, quid de eius atheismo statuendum sit, qui eodem, quo totius Pythagoricae scholae physiologia relabatur. Seruauit vero nobis STOBÆVS fragmentum ex libro

Ocelli

Ocelli de legibus, ex quo satis luculenter apparet, frustra eos esse, qui Peripatetice magis, quam Pythagorice systema eius explicant. Ait enim

XXX. Corpora vita continet, huius vero causa anima; mundum vero harmonia, huius autem causa, Deus; familias vero et ciuitates, concordia, huius autem causa, lex.

XXXI. Quod semper mouet gubernat, quod semper patitur gubernatur; et illud quidem potestate prius, hoc vero posterius; illud diuinum est rationem habens, et mentis particeps, hoc vero genitum et rationis expers, et mutabile.

§. XI. TIMAEVS Locrensis, Platonis aetate scholam Italicam nobilitauit^u, quamquam Socratem et Timaeum eodem seculo fuisse negat MACROBIUS^m. CICEROⁿ enim disertè inter ceteros Pythagoreos Timaeum Locrum accessisse, eumque cognouisse, et didicisse Pythagorea, testatur. Idem HIERONYMVS^o asserit. Certe librum Timaei; *de rerum natura* acquisiuit, indeque Timaeum suum conscripsit. Astronomiae eum peritissimum fuisse, et in scientia naturae vniuersi potissimum operam collocauisse PLATO^p et CHALCIDIVS^q asserunt. Libri breuis, sed luculenti *de anima mundi* iacturam praeuertit PROCLVS, qui commentariis suis in PLATONIS Timaeum eum praemisit^r, vnde saepius cum Platonis operibus et separatim editus est, de quibus editionibus consulendus est FABRICIVS^s. Elegantem debemus GALEO^t, versionem emendatam post alios STANLEIO^u. Tribuit praeter hunc libellum Timaeo *mathematici* quoque et librum *de vita Pythagorae* SVIDAS^x, de quo tamen merito viri docti^y ambigunt. Etsi vero in hac de natura vniuersi tractatione Pythagoreorum vestigiis insistit Timaeus, duplici tamen potissimum nomine ab iis recessit. Nam et partem architectonicam physicae doctrinae clarius exposuit et relicta consideratione vniuersi tanquam vnius et totius siue monados, duas primas causas absolutas posuit, Deum siue mentem fontem naturarum intelligibilium, et necessitatem siue materiam, corporum scaturiginem; et ex accessu Dei ad materiam (libero an necessario non definiuit, vt postea Plato, cui prius placuit) eiusque secundum ideam formatione mundi geniti historiam deriuauit. Quam physiologiam cum supra in describenda Platonis naturae contemplatione exposuerimus, repetenda ea hic non sunt. Meretur tamen Timaei libellus cum Platonis Timaeo conferri, vt inde pateat, in quo hic ab illo recesserit. Dudum enim obseruatum est viris doctis^z, Platonem, dum Locro lucem dare constituit, in nonnullis locis simplicem et rectum scriptorem anili superstitione, et commentis quibusdam ex Aegyptiorum scholis corrupisse, et putida

^u) Ocellum Timaei *πρόοδον* et praecambulonem vocat PROCLVS L. III. in Tim. Plat.

^m) Saturnal. L. I. c. 1.

ⁿ) De finib. L. V. Tusc. Q. L. I.

^o) Apolog. contra Rufin. fin.

^p) In Timaeo.

^q) Comm. in Tim. p. 75.

^r) Vid. FABRICIVS Bibl. Gr. Vol. VIII. p. 523.

^s) Vol. II. p. 21. et l. c.

^t) Opusc. mythol. p. 541 seqq.

^u) P. VIII. Hist. phil. p. 802 seqq.

^x) T. III. Tim. Locr. p. 472.

^y) IONSIVS de Script. hist. phil. L. I. c. 6. p. 32.

FABRICIVS l. c.

^z) GALEVS praef. ad Timaeum, FABRICIVS l. c.

da quadam diligentia illuc congefisse, quae commodius et modestius notantur a Timaeo, veluti sunt nugae *περί μεταφύσεως*, in quibus nimius est Plato, quas explicat quidem, sed confictas ait Timaeus. Dum etiam dialogistica methodo Timaei physiologiam Plato explicuit, scriptorem satis luculentum, si Doricam dialectum tollas, obscurauit. Ceterum in libera Locrorum ciuitate seniore fuisse et reipublicae praefuisse Timaeum, asserit SYNESIVS ^a. Fuere et alii Timaei etiam Pythagorici, cum nostro non confundendi ^b.

*Archytas
Tarentinus.*

§. XII. Praeter Timaeum ex Pythagoreis Platonis praeceptor inclauit ARCHYTAS TARENTINVS, octauus, si PHOTII anonymus ^c audiendus est, successor a Pythagora, Platoni coaeuus, qui eum conuenit, et Pythagoream disciplinam ab eo didicit. De eius *Alcmaeonis Timaei et Archyteorum* philosophia librum scripsisse Aristoteles dicitur ^d, qui forte pars fuit libri eius etiam deperditi, *de philosophia Pythagoreorum*, quali tractatione Aristoxenus quoque *de Archyta* quaedam tradidisse videtur. Tarentinus fuit Mnesagorae, vel, vt vult Aristoxenus Hestiaei filius ^e. Metaponti philosophiam Pythagoream edoctus ^f celeberrimus in schola Italica euasit philosophus. Ipsum vero Pythagoram audiuisse, quod asserit IAMBlichVS ^g cum temporum rationibus non cohaeret. Sectae enim huius parens inter Olymp. LX. et LXX. floruit, vt supra demonstratum, Archytas Platonis conuersatione vsus est Olymp. XCVI. vixitque adhuc, eo in Siciliam profecto, vnde profecta aetate esse non potuit, cum primum eum Plato conueniret. Quibus positis recte a Photii anonymo octauus ille a Pythagora successor statuitur, cum seculum integrum inter vtrumque intercedat. Vt vero IAMBlichI fidem stabiliant, qui contrarium asserit, diuersam viam viri docti inierunt. Et B. ANDREAS SCHMIDIVS ^h, ideo discipulum Pythagorae dici putat, quod a genuinis eius discipulis eruditus fuerit: id vero verbis IamblichI repugnat, qui Archytam dicit Pythagorae *συγχερονήσαντα*. Aliter itaque, cum verba haec euidentia sint, subueniendum ratus FRANCISCVS PATRICIVS ⁱ, duos Archytas comminiscitur, seniore et iuniore, quorum ille Pythagoram audiuit, hic Platonis praeceptor fuit. Sed hoc inuitis veterum sit testimoniis, qui duos Archytas, seniore et iuniore ignorant. Et si enim Anonymus Photii et Iamblichus Archytam *πρεσβύτερον* vocant, non tamen hoc aetatis indicium est, sed dignitatis, quam in republica habuit, quemadmodum et de Timaeo SYNESIVS ^k dixit, *ὅτι ἐπολιτάρχεται καὶ ἐπρεσβεύει καὶ τὰλλα ἐπολιτεύετο*, quod ciuitati tanquam senior praefuerit, reipublicam moderatus sit. Maiori verisimilitudine difficultati obuiam iturus doctissimus DODWELL

LVS

a) De dono astrolabii p. 307.
b) Conf. FABRIC. l. c.
c) n. 1. ad calc. PORPH. vit. Pyth. ed. Kusteri.
d) Conf. IONSIUS de Scr. Hist. phil. L. I. c. II. p. 54. BURNET. Archaeol. phil. L. I. c. II. p. 431.
e) LAERT. L. VIII. s. 79. SVIDAS in Archytas T. I. p. 347.

f) VALER. MAX. L. IV. c. I. n. 1. STRABO L. VI.
g) c. XXIII. n. 103.
h) Elegantem is dedit dissertationem de Archyta Tarentino Ienae 1683.
i) Discuss. Peripat. T. II. L. I. p. 182 seqq.
k) l. c.

LVS¹, non eum Pythagoram putat primum praeceptorem habuisse, sed alium iuniorem Aliptam; nos vero supra iam indicauimus, incertissima esse, quae de hoc Pythagora afferuntur, an vnquam inter discipulos Pythagorae fuerit. Nec Iamblichus de alio, quam Samio philosopho, sectae parente loquitur. Rectius itaque Iamblichum deferuit, eiusque in annotandis temporum rationibus ἀβλεψίαν reprehendit illustris BENTLEIVS^m. Nouo enim hoc exemplo constat, parum certitudinem chronologiae hominem nugiendum curauisse, modo corraderet, quae Pythagorae famam extollerent. Neque mirum Archytam eum inter coaeuos Pythagorae numerasse, qui Leucippum, Alcmaeonem, Hippasum, Eurytum et Philolaum, omnes illo iuniores Zamolxin, Charondam, Zaleucum seniores in hanc classem retulit. Tanta vero Archytas floruit eruditionis inter Italicos laude, vt magnos viros, Philolaum, Eudoxum^{*} et Platonem^o discipulos haberet. Addit his Empedoclem SVIDAS^p, quem ex recentioribus secuti sunt ERASMVVS^q et SAMVEL TENNVLIVS^r, sed et hoc, more Suidae, confuse et contra temporum fidem; Empedocles enim Olymp. LXXXIV floruit, Archytas Olymp. XCVI, adeoque hic illius praeceptor esse nequiu, et verisimilius diceretur, Archytam ab Empedocle philosophiae disciplinam accepisse, de quo tamen silent veteres. Emicuit vero eius eruditio non in philosophiae tantum praeceptis, sed et in mathematica cognitione; quantus enim in geometria fuerit, problematum analyses LAERTIO^s et VITRUVIO^t memoratae testantur. Imprimis autem in mechanica immortale nomen sibi peperit; nam non primus tantum eam artem mechanicis principiis vsus, forma artis concepta tradidit^u, sed et machinis affabre effectis omnes in stuporem coniecit et admirationem. Cochleas enim fecit et trochleas, et imprimis simulacrum columbae volans, quod tamen, vbi semel quieuisset, se ipsum rursus eleuare non posset^x. Crepitaculum quoque ab eo inuentum, siue πλαταγή, quod in prouerbium abiit, etsi coniecturis magis, quam certa definitione dici queat, qualis illa machina fuerit^y. Non vero philosophica tantum eruditione et summa mathematicarum scientiarum peritia famam sibi conciliauit, sed et virtutis ornamentis et summis in rempublicam meritis in admiratione apud omnes habitus est^z. Septies ideo reipublicae praefectus est, cum ceteri plusquam annum imperare lege prohiberentur. Exercitui quoque praefectus nunquam victus est, semel inuidiae cessurus imperio se abdicauit, quo facto statim in hostium potestatem exercitus venit^a. Virtutum vero in eo

cumu-

1) De aetat. Pythag. loco supra cit.

m) De epist. Phalaridis p. 87.

n) CICERO de oratore, LAERT. L. VIII. f. 86.

o) ib. f. 79.

p) l. c.

q) Chilad p. m. 550.

r) Ad IAMBlich, Introd. in Nicomach. Geras. Arithmet. p. 80.

s) L. VIII. f. 83.

t) L. IX. c. 3. conf. VOSSIVS de scient. math. c. XLVIII. §. 1. p. 286. et imprimis B. SCHMI-

Hist. philos. Tom. I,

DIVS l. c. S. III. §. 3 seqq. u) LAERT. L. VIII. f. 87.

x) GELLIVS L. X. c. 12. quam machinam illustrauit SCHMIDIVS l. c.

y) SVIDAS l. c. ERASMVVS Chil. p. m. 550. SCHMIDIVS l. c. cl. FR. AD. LAMPE de Cymbalis veterum, c. 9.

z) LAERT. f. 79.

a) Aristoxenus apud EVNDEM f. 87. MENAG. ad h. l. AELIAN. L. VII. c. 14.

Ddd ddd d

cumulum fuisse, veteres magno consensu praedicant, laudantque humanitatem, cum pueris feruorum per otium ludere non dedignantis^b, feruisque benigne imperantis^c, eosque si ira fuisset commotior, more Pythagoreo^d non castigantis; morum modestiam, omnis foeditatis in sermone abstinentissimam, adeo, ut si quae necessitate coacto obscuro essent proferenda, muro potius inscriberet, quam ore proferret^e; candorem item pietatem et dexteritatem in administranda republica, de qua virtute egregia nobis dicta eius veteres conseruauerunt^f. Erga peregrinos et hospites quanta beneuolentia usus sit, praestita Platoni hospitalitatis et amicitiae officia, suo loco commemorata, loquuntur. Itineribus, bello, et reipublicae administratione magnam licet vitae partem consumserit, non tamen diligentia eius philosophiae studiis librisque scribendis^g defuit^h. Ex iis liber metaphysicus *de vniuersi natura* hodie superestⁱ, in quo decem praedicamenta explicuit, fragmenta vero, non tractationem *de sapientia et de bono viro et beato* ex Stobaeo edidit THOMAS GALEVS^k. Obitum eius ex naufragio eleganti carmine cecinit HORATIVS^l. De philosophicis vero eius placitis pleraque tacent veteres, praeter ea, quae de categoriis restant, unde sua hausit Aristoteles, Pythagoreorum compilator strenuus. Pauca, quae ex fragmentis apud veteres occurrunt, haec monent:

*Philosophia
Archytæ.*

I. Naturam temporis esse numerum quendam, motum, vel etiam spatium naturae totius vniuersi^m.

II. In motu naturali quocunque esse aequalem proportionem, et iuxta eum omnia moueriⁿ.

III. Virum bonum non statim beatum esse, beatum vero etiam esse bonum^o.

IV. Deum non tantum sincera et omnis humanae perturbationis experte virtute praeditum esse, verum etiam eius facultatem tranquillam et liberam pro aeternorum factorum maiestate ac magnificentia possidere: quam homo non possit assequi.

V. Quaedam bona propter se expeti, quaedam propter aliud, quaedam propter vtrumque: prima esse beatitudinem, secunda bonorum efficientia, tertia virtutes, et quicquid cum iis coniunctum est. Haec vel ad animum, vel ad corpus, vel ad externa referri.

VI. Virtutem propter se esse expetendam.

VII. Virum bonum esse, qui virtute utitur in felicitate, in infelicitate, et in medio.

VIII.

^b) AELIAN. L. XIII. c. 15.

^c) ib. L. XII. c. 19.

^d) IAMBlich. c. XXXI. n. 197. PLUT. de instit. puer. T. I. p. m. 14.

^e) AELIAN. L. XIV. c. 19. ideo affectatae virtutis eum redarguit STOLLIVS Hist. phil. mor. gent. §. CXXXVI. p. 244. nobis in viro spectatissimae virtutis et dignitatis mirandum non videtur, sed ex decori Pythagorici ratione profluxisse, v. ib. VI.

^f) Collecta exhibet SCHMIDIVS l. c. Sect. I. §. 9.

^g) Numerorum symbolis doctrinam proposuisse ait IAMBL. c. XXII. n. 104.

^h) Enumerant eius scripta FABRIC. Bibl. Graec. Vol. I. p. 482 seq. STANLEIVS Hist. phil. P. VIII. p. 822. SCHMIDIVS l. c.

ⁱ) Venet. 1571. 4.

^k) Opusc. mythol. p. 673. ex STOBAEI Serm. I. p. 732. ex IAMBL. prolept. L. III. ^l) L. I. Od. 28.

^m) SIMPLIC. in L. IV. phys. Atif.

ⁿ) ARIST. problem. X. XVI. 10.

^o) Summa haec est fragmenti de viro bono et beato.

VIII. Nihil aliud esse beatitudinem, quam virtutis in felicitate vsum.

IX. Bona hominis non esse tantum totius, sed et partium, adeoque etiam corporis: Externa adnasci homini, et bona stipare, e. g. amicitiam, gloriam, diuitias.

X. Deum praestantissimum ac principem esse, cui mens adhaereat, cuiusque causa reliqua praesto sunt bona.

XI. Hominis beatitudinem e scientia, virtute ac tertia felicitate componi.

XII. Scientiam esse deorum ac daemonum sapientiam, tum hominum ac rerum ad vitam pertinentium prudentiam.

XIII. Virtutem vero moratum et optimum animi partis ratione carentis habitum.

XIV. Beatitudinem esse in virtute ad felicitatem adhibita.

XV. Nullam virtutem esse nimiam, decorum enim pro norma habere in rebus agendis: nimium vitia gignere, et virtuti reluctari saepius.

XVI. Multa esse, quae faciem virtutis peruertant, consuetudinem, perturbationes, aetatem, alia.

XVII. Animum et felicitatem et infelicitatem nimiam laedere, magis tamen priorem.

XVIII. Quicumque resolvere possit omnia genera, quae sub vno eodemque principio conduntur, et deinde rursus componere ac numero compingere, eum esse sapientissimum et veracissimum, et ex hac specula posse Deum contemplari, atque omnia in rerum serie atque ordine ab illo separata.

XIX. Deum esse principium, medium et finem rerum omnium, quae secundum iustitiam et rectam rationem perficiuntur.

XX. Nullam capitaliorem esse pestem hominis, quam voluptatem.

Pauca haec, erepta temporis iniuriae, quam subtiliter et accurate philosophatus sit Archytas Tarentinus probant. Sunt in his nonnulla, quae cum Aristotelis moralibus concordare, recte obseruauit IUSTVS LIPSIVS, quae iterum argumento sunt, Aristotelem, quod ei PORPHYRIVS obiecit, Pythagorea plurima in rem suam vertentem illorum arasse vitulo. Fuere Archytae quoque alii, sed obscurae famae, nec facile cum Tarentino confundendi.

§. XIII. Timaeo et Archyta aetate prior, fama tamen inferior fuit *Alcmaeon*. *ALCMAEON* Crotoniates, Perithi filius. Pythagoram audiuisse ipsum testatur *ARISTOTELES* et post hunc *LAERTIVS* et *IAMBlichVS*, quod vero in vltimos vitae annos Pythagorae incidit. Nomen vero in schola Italica sibi comparauit, et naturae cognitione, et artis salutaris, in

Ddd ddd d 2

qua

p) Fragm. de Sap. l. c. p. 731.

q) ibid.

r) Sermonem eius refert Cicer. de senect. c. 12.

s) Manud. ad phil. Stoic. L. III. diff. VII. p. m. 278.

Ex libro eius quae de oppositis Aristotelem sua de hoc argumento accepisse obseruat SIMPLICIVS Com. Cat. Arist. p. 97. 103.

t) Vit. Pythag. n. 53.

u) SCHMID. STANLEIVS, FABRIC. II. cc.

x) LAERT. L. VIII. f. 83. CLEM. ALEX. Strom.

L. I. p. 305.

y) Metaph. L. I. c. 5.

z) l. c.

a) De vit. Pyth. c. XXIII. n. 104. Hinc ad Olymp.

LXV. refert eum CIACCONIVS loc. citando.

qua excellibat, peritia ^b. Primus enim fuisse dicitur CHALCIDIO ^c, qui exsectionem aggredi ausus est. Id quod de brutorum quidem sectione tantum intelligendum esse, viri quidam docti ^d statuunt, Chalcidii tamen verba nihil determinant, nec eius diligentiam ab humano corpore remouent sectionibus cognoscendam. Primus quoque dicitur ^e, qui librum de natura scripsit; id quod tamen inter Graeciae tantum magnae philosophos intelligendum est, in Ionia enim ante Alcmaeonem tale quid suscepit Anaximenes, ut supra dictum, patetque ex initio eius, valde modestum fuisse Alcmaeonis de rebus physicis iudicium. Quod si ALPHONSO CIACCIONIO ^f fidendum, libri quoque *de inuisibilibus et de Diis* auctor Alcmaeon est; verum is sine dubio male verba Laërtii accepit, qui libellum Alcmaeonis *de natura* hoc habuisse initium dixit: *De inuisibilibus et de mortalium* (malim, immortalium sc. Deorum, verba enim non sine mendo esse, recte vidit MERICVS CASAVBONVS ^g,) *rebus certam quidem scientiam Dii habent, hominibus autem coniciendum est*. Fabularum quoque inuentorem, ait ISIDORVS ^h, fuisse, quod tamen aut plane falsum est, historia eruditionis barbaricae et Graecae aliud testante, aut ad certam tantum symbolicae methodi inter Pythagoreos introductam rationem referri debet. De placitis eius philosophicis pauca restant apud veteres, ARISTOTELIS libro *contra Alcmaeonem* deperdito, quorum summa haec est:

Placita
Alcmaeonis.

I. Ea, quae inter homines multa sunt, esse duo. Ita obscurissimum Alcmaeonis dogma non LAERTIVS ⁱ tantum retulit, sed etiam, qui diligenter Pythagoreorum dogmata rimatus est ARISTOTELES ^k. Hinc vario modo lucem ei attulerunt interpretes. Aristoteles τὰς ἐναντιότητας τὰς τυχέρας, *contraria, quae forte fortuna eueniant*, intellexisse tradit: qualia sint, album, nigrum, dulce, amarum, bonum, malum, paruum, magnum et his similia. Quae frigida tamen videntur MERICO CASAVBONO ^l, qui ad rationes numerorum Pythagoricas confugit ubi monas Deus, dyas materia est, ille boni haec mali fons et origo: ut ita dicat Alcmaeon, in vita humana vincere et praeponderare malum, prae bono. Valde tamen timemus, ne haec coacta et a ratione Pythagoricae philosophiae aliena sint, cui non τὰ πολλὰ, sed ἡ δύας huc referantur, neque haec pro sola et simplici materia. Nec videtur deferendus esse Aristoteles, qui Pythagoreos libros ipse legit; esse in humana vita duorum extremorum vicissitudinem et contrarietatem, et alternas e.g. laboris et quietis, sanitatis et mortis, felicitatis et infelicitatis vices. Ratio in ipsa voce, τὰ πολλὰ, quaerenda est, quae materiam in infinitas partes, diuisibilem et mutabilem indicat. Ut enim

^b) Conf. LE CLERC Hist. de la Medecine L. II. c. 5. pag. 94. SCHVLZ, Hist. med. Per. I. f. II. c. 7. §. 33. p. 173 f.

^c) p. 368 ed. Fabric. de oculi constructione quoque differuisse, ex hoc loco patet conf. SCHVLZ. Spec. I. Hist. anatom. §. 32.

^d) CLERIC. I. c. 10. CONR. BARCHVSEN. Hist. med. p. 127.

^e) Phavorinus apud LAERT. L. VIII. f. 84.

^f) In Biblioth. cuius verba avert FABRIC. Bibl. Graec. Vol. XIII. p. 48. f.

^g) Ad h. l.

^h) Orig. L. I. c. 39. conf. FABRIC. l. c.

ⁱ) loc. cit.

^k) Metaphys. L. V. c. I.

^l) Ad I. c. Laërt.

enim substantiae simplices, intelligibiles, aeternae, monades sunt, adeoque vnum, et idem, et immutabiles nullique alterationi obnoxiae; ita materia multa est, nec propria essentia stabili et αὐτάρκεια gaudet, sed semper in momenta mutatur, vt ex TIMAEI libro *de mundo* patet. In hac materiae conditione, vicissitudine in contrariorum obtinere, ex mente Alcmaeonis recte dixit Aristoteles: ex contrariis enim materiae mutationem et motus existere, plerisque Pythagoreorum placuit, qui, vno pro fonte identitatis, multo pro scaturigine contrarietatis admissio, statuebant teste IAMBlichO^m, *nihil esse in natura rerum, quod non habet contrarium*. Id decem classibus comprehendisse Pythagoreos, erudite, licet obscurius, quam par erat, exposuit SCIPIO AQUILIANVSⁿ.

II. Soli, lunae, et reliquis sideribus ab aeterno inesse diuinitatem. Valde culpat hanc assertionem CICERO^o, quod mortalibus rebus immortalitatem Alcmaeon tribuerit. Nec exiguam latere in ea absurditatem contendit P. BAYLE^p; rebus enim naturalibus et inanimatis, vt sol sint et reliqua sidera, dum constituentur dii, maiorem tribui cognitionem, quam homini, eo quod diis certam adesse rerum omnium cognitionem Alcmaeon in libro *de natura* dixerit. Falluntur vero viri magni, qui non satis ad systema Pythagoricum, quod Alcmaeon secutus est attenderunt. Illud enim sequentes sidera inter Deos referebant, non ex sua natura, sed propter inhabitantem mundi animam, diuinique ignis praestantissimam partem, cui cum cognitionem, immortalitatem, aeternitatem tribuerint, mirum non est, paria attributa in sideribus quoque eos collocasse. Nec habet hac in re Alcmaeon quicquam a schola Italica alienum, quae quo simpliciora corpora sunt, eo praestantiorum et diuiniorum aetheris ignisue mundani partem in eis residere statuit.

III. Animam immortalem esse; esse enim naturam per se mobilem (αὐτοκίνητον) et aeternam motionem, adeoque Diis proximam esse. Ita STOBAEVS^q, cui succinit LAERTIVS^r, qui addit: animam perpetuo moueri instar solis. Quem vero solem intellexerit, non addit, videturque Alcmaeon respexisse ad solem illum Empedocleum, primum et ex ignis coelestis radiis collectum: Qui cum aeternis fati, id est, necessitatis in mundi systemate legibus moueatur, animam eiusdem generis motum ciere ex se, cum diuini aetheris ignisue particula sit, statuere ex physiologiae praeceptis semel admissis debuit.

IV. Lunam sempiternam habere naturam S, eiusque defectum oriri a scaphae conuersione. Prius ex asserto secundo fuit, posterius Heraclito quoque placuit, teste STOBAEO^s et PLUTARCHO^u. Luna utriusque scaphae instar visa est, qua ratione vero ducti sunt, dici vix potest.

Ddd ddd d 3

Recte

^m) Introd. in arithmet. Nicomachi p. 103 seqq. qui multus est in eo demonstrando.

ⁿ) De placitis phys. philos. ante Aristot. c. XX. p. 92.

^o) De nat. Deor. L. I. c. 11.

^p) Diſt. T. I. art. Alcmaeon. p. 149.

^q) Eclog. phys. p. 93.

^r) l. c. ^s) ibid.

^s) l. c. p. 60.

^u) De plac. phil. L. II. c. 27.

Recte itaque eius inquisitionem praetermisit IACOBVS THOMASIVS *.

V. Planetas fixis ex aduerso, hoc est, ab occasu ad ortum moueri *.

VI. Audire nos inani, quod intra aurem est, id enim personare, appellente aëre; omnia enim sonare vacua *. Pertinet huc quoque, quod ARISTOTELES ^a in Alcmaeone reprehendit, capras per aures respirare. Quod tamen non aliud innuere, quam meatum illum, anatomicis recentioribus tubam Eustachianam vocatum, cuius inuentione gloriatus est Aristoteles, cum Alcmaeoni debeatur, demonstrare conatus est cl. SCHVLZIVS ^b. Nec hoc a moribus Aristotelis abhorret, qui Pythagoreos expilauit et tamen reprehendit, vt furta non sentirentur. Contra Alcmaeonis dicta enim eum scripsisse testatur LAERTIVS ^c.

VII. Humiditate et tepore, qui in lingua est, discerni sapores ^d.

VIII. In cerebro esse partem animae principem, ea sentiri odores spirando ab ea attractos ^e.

IX. Primum in vtero caput formari, partem scilicet principem ^f.

X. Foetum in vtero ali per totum corpus, quod spongiae in modum recipiat, quae alendo sunt idonea ^g.

XI. Somnum existere sanguinis in concursum venarum receptu: eiusdem autem diffusionem nos euigilare, plenum autem abscessum mortis esse causam ^h.

XII. Continentem sanitatis causam esse aequalitatem (*ισομερίαν*) facultatum, nempe humidi, ficci, calidi, amari, dulcis, et reliquarum: vna autem praepollente, morbum fieri ⁱ. Supponit hoc thesin primam omnia humana ex contrariis consistere: quae ne homini noceant, aequilibrium eorum requirebat ^k. Hinc de morbis:

XIII. Accidere morbos variis ex causis; alios ob efficientem, propter excessum caloris vel siccitatis alios materialem ob causam, abundante aut deficiente alimento: alios veluti in aliquibus vasis, vt in sanguine, medulla, aut cerebro. Aliquando autem ab externis causis eos nasci, propter aliquas aquas, regionem, labores, necessitates, et his similia ^l.

Patet ex his philosophiae naturalis Alcmaeonis reliquiis, inter praestantissimos veteris orbis medicos artem salutarem rationali modo excolentes referendum eum esse. Ceterum nec cum aliis Alcmaeonibus ^m, nec cum Alcmane poeta noster confundendus est ⁿ.

§. XIV.

* De loco animae et scapha lunae c. 5. §. II. in Hist. Sapient. et stultitiae a CHR. THOMASIO edita T. I. p. 72 seqq.

y) PLVT. l. c. L. II. c. 16. STOB. l. c. p. 54.

z) PLVT. L. IV. c. 16.

a) Hist. animal, L. I. c. II. THEOPHRAST. de sensu p. 24.

b) II. cc.

c) L. V. c. 25.

d) PLVT. L. IV. c. 18.

e) ibid. c. 17.

f) ibid.

g) IDEM L. V. c. 16.

h) ib. L. V. c. 24.

i) ib. L. V. c. 30, STOB. serm. CCXLIII. p. 794.

k) Hinc, vt est apud PLVT. l. c. sanitas est concinna qualitatum temperies, certa sibi proportionem respondentium.

l) ib. STOB. Serm. CXLII. p. 794.

m) Enumerat eos FABRIC. l. c.

n) Ita ANT. CARISTIVS Hist. mirab. c. 95. qui Alcmaeonem morbo pediculari obiisse tradit, quod ad poetam referendum esse ex ARIST. Hist. anim. L. V. c. 31. patet, conf. MEYRS. ad h. l. Eandem confusionem admisit Carolus STEPHANVS, conf. LESCOPIER, ad Cic. de N. D. p. 41. BAYLE l. c. not. A. causa erroris orta inde, quod nomen Alcmaeo-

§. XIV. Inter phyficos sectae Italicae nomen quoque sibi comparauit *Hippasus*, HIPPASVS, quem Crotoniatam alii faciunt, alii Metapontinum*, alii Sybaritam. Illum enim peculiarem scholam collegisse, haud obscure IAMBlichVS^p innuit, qui Hippasi auditores acusmaticos aliis ex Pythagorae secta opponit, colligitque non inepte ex hac introductione Iamblichi SAM. TENNVLIVS^q, plurimum scholam Hippasi valuisse in arithmeticae philosophicae rationibus, quia saepissime in hoc opere allegatur: mutauisse etiam quaedam in rationibus demonstrandi, ex eo liquet, quod THEON SMYRNAEVS^r refert: inuenisse eum cum Lafo Hermionenfi motus celeritate et tarditate consonantiarum rationes, cum alii ex hac secta magistrum secuti, eas in ponderibus et longitudinibus quaesiuissent. Quod satis manifeste prodit, non in nudis propositionibus haesisse Hippasi scholam, sed ad rationes quoque reddendas se applicuisse. Id quod confirmant ea, quae de morte eius IAMBlichVS^r refert, cum vulgasset, descripsissetque sphaeram duodecies pentagonon, eum in mari, vt impium, periisse, sed inuentionis nihilominus gloriam ipsi mansisse. Haec enim non ad nudam figuram referenda esse, sed ad rationem proportionis, ex poena patet, quam non dogmata sola, etiam exterioris admissionis discipulis exposita, sed aetiologias profanis pendentibus immitti a diis Pythagorei statuebant. Falsum itaque esse oportet, quod alio loco IDEM^s tradit, Hippasi auditores ideo acusmaticos dictos esse, quod eorum philosophia circa auditionem, demonstratione aut ratione destitutam versaretur. Nam in eo nihil a reliquis τοῖς ὀξω discipulis Pythagorae habuere diuersum, aliterque docuisse Hippasum ex adductis constat. Nihil scripsisse ait Demetrius apud LAERTIVM^t, qui tamen alio loco^u *mythicum sermonem*^v ab Hippaso conscriptum fuisse, refert, vt Pythagoram calumniaretur: ex quo loco quoque colligitur, male eum in Pythagorae scholam fuisse affectum. De dogmatibus eius pauca nobis innotuere, quae his constant:

I. Principium rerum omnium esse ignem, eumque esse Deum. Con- *Dogmata*
stanti traditione hoc dogma Hippaso veteres tribuunt^z, monentque, vt *Hippasi*.
infra demonstrabitur^a, Heraclitum idem ab Hippaso accepisse. Nihil
vero

Alcmaeonis et Alcmanis vnum sit, vt ex THEODORITO ferm. l. patet.

a) Primum auctorem habet IAMBlichVS, qui vit. Pyth. c. XVIII. n. 81. ait, quosdam Crotoniatam dicere, alios Metapontinum. Hoc LAERT. quoque tradit L. VIII. f. 84. Sybaritam dici tradit STANLEIVS P. VIII. p. 824. in quo testimonium veterum desiderat OLEARIVS ad h. l. respexit vero sine dubio eques Angius ad IAMBlichVM de vit. Pyth. c. vit. n. 267. qui Sybaritam Hippasum nominat. Et hunc Sybaritam quidem a Metapontino distinguit b. FABRIC. Bb^l. Gr. Vol. I. p. 492. sed ex nostra coniectura perperam. Eundem enim intellexisse Iamblichum, quem n. 81. Metapontinum dixerat, ex eo constat, quod in illo Pythagoreorum catalogo non alium Hippasum, quam Sybaritam nominet, alias Metapontinum etiam addu-

cturus, si alium intellexisset. Nec haec ἀπαρχή in Iamblichō miranda est, saepe etiam a loco commemorationis patria Pythagoreorum definita est, quae incerta in Hippaso fuit.

p) Introd. in Nicomach. arithm. p. 11.

q) Ad h. l.

r) De music. c. 12.

s) De vit. Pyth. c. XVIII. n. 88.

t) ibid. n. 81.

u) Lib. VIII. f. 84.

v) f. 7.

y) Force ἡγεῖν λόγον, conf. FABRIC. l. c.

z) LAERT. f. 84. CLEM. ALEX. protrept. EVSEB. praep. L. XIV. c. 14. SEXT. EMP. Pyrrh. hyp. L. III. c. 4. f. 10. adu. Math. L. IX. f. 361. STOB. Eclog. phys. c. 13. TERTVLL. de animae. 4. vbi tamen Hippasus pro Hipparchus legendum.

a) CLEM. l. c.

vero noui in eo statuit Hippasus, sed communem scholae Pythagoricae doctrinam secutus est, ut ex disputatis hoc capite certissimum esse putamus. Videtur tamen Heraclitus, ut noui systematis rationem iniret, a praeceptore Hippaso abiisse, dum hic, more sectae suae, igni diuino materiam crassio-rem adiunxit, ille materiam in ignem illum quasi resoluit, ut postea dice- mus. Stoici vero, cum eodem, quo Hippasus modo docuerint, manife- stum est, recte nos supra Pythagoream philosophiam inter fontes Stoicae doctrinae retulisse.

II. Ex igne omnia orta esse, et in ignem omnia iri resolutum ^b.

III. Eius ignis natura constare etiam animam ^c.

IV. Ignis huius extinctione gigni res omnes, eiusque partes crassio- res condensatione in terram coalescere, quae igni vicissim solutae, in aquam abeant, hanc exhalantem in aëra verti ^d. Patet ex hoc asserto, arctissime materiam crassio-rem Pythagorae cum subtilissima, siue igne diuino Hippa- sum coniunxisse, unde facile fuit Heraclito ex vnus ignis illius modifica- tione et mutatione totam rerum naturalium scenam instruere.

V. Mundum et omnia corpora conflagratione soluenda esse ^e.

VI. Huic mutationi certum tempus, siue periodos, definitum esse ^f. Nihil in his omnibus est, quod non ex systemate Pythagoreo et Stoico queat intelligi, unde lux decretis Hippasi physicis acquiri potest.

VII. Vniuersum finitum esse, et semper in motu constitutum ^g. Etiam hoc Pythagoreum est: unde sequitur, in mundo non dari vacuum, sed ex- tra mundum siue vniuersum, in quod mundus respiret, et moueatur. Ha- ctenus Hippasus, in eo solo a Pythagora diuersus, quod apertius de rerum natura philosophatus est. Fuere et alii Hippasi ^h, sed minoris nominis at- que famae.

Philolaus.

§. XV. Euulgatae philosophiae Pythagoricae auctor fuit PHILOLAUS Crotoniata, qui vero Heracleae vixit ⁱ, Archytæ discipulus, qui Platonis tempore vixit ^k. Supra enim GELLII ^l aliorumque auctoritate probaui- mus, Platonem libros Pythagoricos vel ipsum emisse, vel a vidua et liberis Philolai Dioni venditos ab eo accepisse: quae hic repetere otiose superse- demus. Patet vero ex IAMBlichO, paupertatem adegisse vel ipsum Phi- lolaum, quod is vult ^m, vel eius viduam, quod T Z E T Z E S ⁿ contendit, ut contra iusiurandum quo obstringebantur, ἀλλοφύλω libros Pythagoricos venderent: licet ex Iamblichi loco recte colligi queat, Dionem vel Plato- nem, eos libros ideo obtinuisse, quod et ipse Plato ad familiam Pythago- reorum (ἀποσυγγενείας) pertineret. Disputant etiam viri docti an ipsius Philolai, vel aliorum Pythagoreorum libri fuerint? Quod si verum est, Ti- maei librum inter eos fuisse, et ex illo suum Timaeum Platonem consarci- nasse,

^b) LAERT. I. c.

^c) THEODOR. L. V. Therap. STOB. apud ME-
NAG. ad Laert. I. c.

^d) PLUT. plac. phil. L. I. c. 3.

^e) LAERT. I. c.

^f) ^g) ^h) MENAG. et FABRIC. II, cc.

ⁱ) IAMBlich. c. XXXVI. n. 266.

^k) CICERO de oratore L. III.

^l) LAERT. L. VIII. c. 15. GELL. L. III. c. 17. et
viri docti ad h. II.

^m) c. XXXI. n. 199.

ⁿ) Chil. X. Hist. CCCLV.

nasse, posterius magis probabile est. Ex his vero constat, IAMB-
 LICHVM^o non audiendum esse, qui sui immemor Philolaum inter eos retu-
 lit, qui ipsum Pythagoram audiuerunt. Eundem ad lapidem impingit
 PLVTARCHO^o memorata traditio, postquam Pythagoreorum sodalitia
 per seditiones ex vrbibus eiecta fuerint, superstitionibus Metaponti in domo
 quadam confidentibus Cylonios ignem supposuisse, ita vt omnes perirent,
 Philolao excepto et Lyfide, qui iuuenes robore et agilitate freti flammam
 euaserint, Philolaum quidem in Lucanos aufugisse, eoque incolumem dela-
 tum aliis sese amicis iunxisse, qui iam rursus conuerint, Cyloniis superio-
 res viribus. Supra enim sectione antecedente probauimus, id accidisse
 viuo adhuc Pythagora. Philolaus vero Platonis tempore vixit, et Archy-
 tae discipulus fuit, adeoque nonus a Pythagora, aetate ei multo inferior.
 Aut itaque tota fabula respuenda, aut PORPHYRIVS^o sequendus, qui pro
 Philolao Archippum, veteres secutus, ponit. Aliter quoque LAERTIVS^o,
 qui Crotonae in patria ob tyrannidis metum e viuis sublatum esse tradit:
 qua suspicione Pythagorei plerique, legislatoria auctoritate se rebus publi-
 cis immiscuentes, grauati sectae exitium attulerunt. Post mortem eius
 canentis vocem ex sepulchro auditam esse, Diis concinentem nugatur
 IAMBlichVS^o.

§. XVI. *Multis voluminibus de intelligendis rebus et quid quaeque* Doctrina
significet, obscure dissertasse Philolaum, et priusquam de substantia animae Philolai.
decernat, de mensuris, ponderibus et numeris iuxta geometricam, musi-
cam atque arithmetica mirifice disputare, per haec omnia vniuersum
extitisse confirmantem, scribit CLAVDIANVS MAMERTVS^o, nihil ve-
ro ex his voluminibus, licet forte ex parte ad Platonem, Speusippumque
peruenerint, superest^o, adeoque de eius placitis philosophicis ex paucis
fragmentis apud veteres passim occurrentibus iudicandum est, quae ve-
stigia satis produnt, vera esse, quae Mamertus dixit, subtiliter quidem, sed
obscure de rebus naturalibus secundum principia mathematica differuisse.
Ita enim docuisse dicitur:

I. Rationem quidem de rebus iudicare posse, sed non communem,
 sed disciplinis mathematicis excultam, cum enim sit vniuersalium naturae
 contemplatrix, habere quandam cum ea cognationem, cum sit natura
 comparatum, vt simile comprehendatur simili. Dogma pure Pythagori-
 cum, quod SEXTVS EMPIRICVS^o Philolao tribuit, potissimum ad ra-
 tionem

o) c. XXIII. n. 104. quem inconsultius sequitur
 TENNVLIVS ad Introd. in arith. Nicomachi p. 83.

p) De genio Socratis T. III. p. m. 486.

q) vit. Pyth. n. 57. r) l. c.

s) n. 139 148. Qui Eurytum discipulum haec ita
 fuisse interpretatum ait. Eius Euryti, cum seniori
 Metapontino, Pythagorae discipulo non confun-
 dendi discipuli, qui et ipsum Philolaum audiue-
 runt, fuisse teste LAERT. L. VII. f. 56. Xen phi-
 los. Chalcidensis, Phanto. Philasius, Echecrates,

Diocles, et Polymnestus Phlasi, Pythagoreorum
 postremi, quos vidit Aristoxenus. Ex quibus ite-
 rum constitui Philolai tempus potest. Illi enim
 Aristoteli fuisse coaevi, Philolaus itaque Platoni,
 qui et ipse Eurytum audiuit. Conf. BENTLEY
 de epist. Phalar. p. 87.

r) Lib. II. de natu animae c. 2.

u) Initia libri de natura rerum ex Demetrio in
 homonymis affert LAERT. L. VIII. f. 85.

x) Adu. mathem. L. VII. f. 92.

tionem animae, quatenus ei inest numerus et harmonia vniuersi respicit, vnde et, pars quae totius est, harmoniam siue concentum vniuersi, et imprimis vniuersalium siue intelligibilium percipit.

II. In mundo naturam apte coagmentatam esse ex infinitis et finitis, mundumque totum, et quae sunt in eo omnia. Ita librum *de natura rerum* exorsus est Philolaus¹⁾, qui respexisse videtur, ad materiae partes infinitas, per formationis modificationem ad finitum quid determinatas, vt cognosci queant²⁾. Hinc sequitur, quod porro IAMBlichVS³⁾ ei tribuit:

III. Nihil, quod cognosci debet, posse esse principium, quousque indeterminata et infinita sunt omnia. Cum vero necesse sit, esse naturam scientiae, vt contempletur entia, a diuina providentia tanta accuratatione constituta; separare et determinare inuicem scientias debere, quod ab ipsis comprehenditur, cum *πρότον*, quatum, tum *πῆλκιον* siue quantum, et illud quidem obiectum esse arithmeticae, hoc geometricae, et in alias quoque species subdistingui, vnde totus mathematicarum scientiarum circulus exoritur. Prolixius haec explicans Iamblichus ipse videndus est: non tamen videtur in eo Philolaus a communi disciplinae Pythagoricae *τρόπος* multum recessisse.

IV. Numerum esse vinculum potentia sua sustinens aeternam rerum mundanarum permanfionem, sibiue innatum. Ita TENNVLIVS obscure satis vertit verba IAMBlichI⁴⁾, quae Graeca damus: *Φιλόλαος φησι ἀριθμὸν εἶναι τῆς τῶν κοσμικῶν αἰωνίας διαμονῆς τὴν κρατίστευσταν καὶ αὐτογενῆ συνοχήν*. Quae definitio numeri ex intimis Pythagorae philosophiae visceribus petita eleganter docet, numeros nihil aliud esse, quam aeterna illa et immutabilia principia, quae cum per se consistent, sintque *αὐτὰ καὶ αὐτεστία* praedita, a Iamblichō *αὐτογενῆ* vocantur. Illis vero aeternis naturis connectitur, et in vnum quasi systema coniungitur rerum omnium natura, quae cum ex parte materiae fluxa sit, semperque mutabilis *διαμονὴν αἰώνιον* accepit, id est, per illa spiritualia et intelligibilia principia aeternum durat, cum ea immutabilia sint et immortalia.

V. Vnitatem non esse (solitarium) rerum omnium principium, et similiter altera parte longioribus se ipsam praebere, tanquam carcerem ad generationem, neque esse metam secundum reflexionem recursus et reditus; sed hoc loco vnitatis facere binarium. Obscurissima verba⁵⁾, vt sunt Pythagorea omnia, haec volunt, vnitatem non esse causam simul efficiensem et materialem, siue subiectum generationis, vt ex se exeant et ad se redeant in generatione omnia; sed requiri eius loco binarium; in quem vnitas se conuertat, quique habeat rationem materiae. Clarius hoc explicat Iamblichus paulo infra hunc in modum: *Constat igitur, omnia, quae*

sunt

¹⁾ LAERT. L. VII. c. 85.

²⁾ Ita et PLATO in *Philebo*, ostendisse Deum τὸ ἀπείρο καὶ τὸ πέρας, de quo supra dictum. Ha-

buisse hoc a Philolaō, allatum testimonium docet.

³⁾ Introd. in *Nicom. arithm.* p. 7.

⁴⁾ l. c. p. II.

⁵⁾ *ibid.* p. 109.

sunt in mundo, esse ex forma et materia composita, et fieri, quemadmodum ex unitate et binario omnia numeri accidentia. Et paulo post: Quoniam non erat ab initio, neque hodie erit principium, sed inuenimus Deum rerum opificem etiam in principiis mundanis non habuisse vim generandi materiam, verum illam, cum aeterna esset, assumpsisse, et ex illa secundum formas et rationes numericas formasse et condidisse mundum, etc. Ex his manifestum est, Philolaum Timaeum, cuius librum de mundo habuerat, secutum pauli per a Pythagoreo systemate recessisse, et non ex monade dyadem, siue ex vno toto, Deum et materiam more Stoico deriuauisse, sed duo independentia, et nullo modo connexa principia posuisse, id quod Pythagoram non *πρώτως* sed *δεύτερος* fecisse ex supra dictis constat. Philolaum vero et Timaeum cum auctores physiologiae suae Plato habuerit, ratio inde arcessenda est, cur systema dualisticum parum, ut ita dicam, ei placuerit. Quod si itaque verum est, quod CLAUDIANVS MAMERTVS^d Philolaum scripsisse ait: Deum, qui ex nihilo fecit omnia, materiam incorp. rasse rebus omnibus, per τὸ nihil, non sensu Christiano, quod plane et priuatiue nihil est, sed sensu Platonico τὸ μὴ ὄν, nihilum Pythagoreorum et Platoniorum intelligendum est, ut docte obseruauit MOSHEMIVS^e.

VI. Mundum vnum esse, eum autem vsque ad medium coepisse existere, et a medio sursum, quemadmodum deorsum quaeque supra medium sunt, infra medium sitis esse opposita; nam inferiora esse infimis media ut superiora supremis, ac reliqua similiter; eodem se ad medium habere vtraque s. Lucem obscurae thesi accendent sequentia, de rerum ortu ex medio centro vniuersi.

VII. Ignem in medio ad centrum esse, tanquam vniuersi larem, Iouisque domicilium ac Deorum matrem, aramque et mensuram naturae. Alium deinde supremum ignem esse; at natura primum esse medium, circa quod decem coelestia versentur corpora, coelum, planetae, sol et luna. Sub hac esse terram, sub eaque antichthona, postque haec omnia ignem Vestae rationem ad centrum habentem. Ac supremam quidem ambientis partem Olympum esse, sub Olympo autem loca, quae planetae quinque cum sole occupent, mundum: sub his autem loca sublunaria ac terrena, in quibus mutabilis rerum ortus regnet, coelum. Postremo in stitit quidem coelestibus versari sapientiam; verum in ordine carentibus virtutem, ut illam perfectam, ita hanc imperfectam. Elegantem hanc non Philolaitantum, sed totius scholae Italicae descriptionem systematis mundani ex mente Pythagorae seruauit nobis STOBÆVS^g, quam praetermisit THOMAM BURNETIVM^h, cum de mente scholae huius circa rerum naturam ageret, merito miramur. Lucem vero accipit ex iis, quae sectione prima de hac re differuimus. Eee eee e 2 VIII.

^d) De statu animae B. II. c. 3. p. 106.

^e) Diss. de creatione ex nihilo §. XIV. In CVD. WORTHII System. int. p. 972.

^f) STOBÆVS Eclog. phys. c. 18. p. 34.

^g) l. c. c. 25. p. 51.

^h) Archaeol. phil. L. I. c. ix. p. 431. qui solito breuior est in explicanda physiologia Pythagorae.

VIII. Omnia necessitate ac harmonia fieri. Philolao recte tribuit LAERTIVSⁱ, fatum enim hoc Pythagoreum est, rationes mundi harmonicas interna necessitate constituens. Musicas proportionales huic harmoniae explicandae adaptasse, more Pythagorae Philolaum IAMBlichVS^k testatur.

IX. Duplicem esse interitum mundi, vnum igne coelitus defluente, alterum lunari aqua per reuolutionem aëris effusa, atque horum exhalationes esse alimentum mundi^l. Haec περικδιῶς fieri^m non Philolao tantum, sed et reliquis ex hac schola placebat, vnde aeternitati mundi non obstant. Accepere et hoc ab iis Stoici.

X. Terram in orbem circumferri circum ignem, obliquo circulo in morem solis et lunaeⁿ. Philolaum primum celeberrimi dogmatis auctorem alii faciunt, alii Hicetam Syracusanum^o. Ante vtrumque vero in schola Pythagorae obtinuit, forte ex Aegypto allatum; Philolaus primus sine dubio vulgavit^p.

XI. Solem discum vitreum esse, qui reuerberantem ignis mundani omnis splendorem accipiat, lumenque ad nos, quasi per infundibulum transmittat; ut sol videatur ignis in coelo, id vero, quod ab eo procedit, speculi instar se habeat; tertio vero splendor existat, qui a speculo isto quasi reflexus nobis dispergitur atque hoc esse, quod solem vocamus, quasi id dicas imaginis imaginem. Affine Empedoclis de sole opinioni dogma Philolao tribuit PLVTARCHVS^q: quod tamen improbat IAC. THOMASIVS^r, qui Philolaum, putat, solem cum aliis suae sectae in centro mundi posuisse, et non duos soles, sed duas tantum terras statuuisse. De quo in tanta Pythagoricorum scriptorum iactura statui certi quid non potest.

Eudoxus.

§. XVII. Tandem inter celebriores Pythagoreos EUDOXVS Cnidius quoque numerandus est, Aeschinis filius, astronomus, geometra, medicus, legislator^s. De eo librum scripsit Phanocritus^t, qui vero intercidit. Is tanta in cognoscendis rebus naturalibus et coelestibus ardore flagrauit, ut optaret, Phaëtonis instar a sole comburi, modo eius naturam propius considerare sibi daretur^u: hinc et magna eius in rerum coelestium scientiis peritia veteribus^v valde laudatur, et inter praestantissimos siderum scrutatores numeratur^x. Geometriam ab Archyta didicit, artem salutarem a Philistione Locro^y. Platonis quoque auditorem fuisse tradit Sotion, qui narrat:

ⁱ) l. c.

^k) l. c. p. 146.

^l) PLVTARCH. de plac. phil. L. II. c. I.

^m) Conf. SCALIGER. de emend. temp. L. II. p. 109.

ⁿ) PLVT. l. c. L. III. c. 13.

^o) LAERT. l. c.

^p) Conf. IAC. THOMAS. Obs. Hal. T. IV. obs. 19. §. 18 seqq. p. 382 seqq.

^q) l. c. L. II. c. 20.

^r) Ibid. §. 23. p. 385 seqq.

^s) LAERT. L. VIII. c. 86. SVIDAS in Eudoxus T. I. p. 886.

^t) ATHENAEVS L. VII. p. 276.

^u) PLVTARCH. non suau. viui posse sec. Epicurum T. II. p. m. 95. quod ideo dixisse Eudoxum, quod recederet, magnam diuinitatis partem in sole residere, eumque esse locum beatitatis non absque verisimili-

tudine conficit IAC. THOMAS. Obs. Hal. T. IV. obs. 19. §. 27. p. 388.

^v) CIC. de diuin. L. II. c. 42. GELLIVS L. XVII. c. 21.

^w) Conf. viri docti ad LAERT. l. c.

^y) ibid. ubi Siculus vocatur. Passim medicum hunc memorant veteres, laudati MENAGIO ad h. l. FABRICIO Bibl. Gr. Vol. XIII. p. 366, et historiae medicae scriptoribus CLERICO Hist. med. P. I. L. III. c. 43. p. 253. SCHVLZIO Hist. med. P. I. S. III. c. 6. §. 3. p. 310 seqq. qui etiam de Eudoxi meritis in artem salutarem videndi sunt. Notandum vero imprimis hoc est, ab Eudoxo ad Chrysippum, ab hoc ad Erasistratum, et ab eo ad multos medicos Pythagoreas hypothesen peruenisse, quarum vestigia passim apparent.

rat: cum annum aetatis XXIII ageret, summoque inter paupertatis angustias discendi studio flagraret, Socraticorum gloria excitatum Athenas contendisse, cum Theomedonte medico, a quo et altus fuerit, cuique in deliciis fuisse, quibusdam dictum sit. In Piraeum autem delatum Athenas quoque ascendisse quotidie, ibique auditis sophistis ad portum esse regressum: duosque ibi menses moratum domum rediisse. Inde rursus amicorum liberalitate adiutum in Aegyptum cum Chrysippo medico esse profectum, commendatitias ab Agefilao literas ad Nectanebin regem ferentem, a quo et sacerdotibus sit commendatus. Ibi moratum annum vnum et menses quatuor mento attonso atque supercilio, octo annorum cyclum^a iuxta quosdam descripsisse. Inde Cyzicum atque in Propontidem venisse, philosophiam professum: Mausolum item Cariae regulum videre voluisse, indeque Athenas reuersum habentem secum discipulos plurimos, Platoni, iuxta nonnullos aegre vt faceret, qui eum admittere olim recusauerat. Haec tamen Sotion, cuius tamen narrationi intercedit STRABO^b, qui Eudoxum cum Platone in Aegypto venisse, seque museum vtriusque ibi vidisse sibi ostensum ait. Cui velificatur EVSEBIUS^c, Eudoxum Olymp. XCVII floruisse asserens. Prius et CICERO^d asserit. Cuius tamen opinionis fundamentum ex eo recte refellitur, quod Eudoxus Platonem Athenas docentem audiuit, id quod post iter Aegyptiacum euenisse, supra ex ipsa Platonis vitae serie ostendimus, quod Olymp. XCVIII circiter contigit, annum aetatis agente Platone XL. Eudoxus autem Nectanebi II. ab Agefilao, qui foedus cum eo inierat, commendatus est, qui ab Olymp. CIV. 2. ad Olymp. CVII. 2. regnavit. Quod si Nectanebin etiam I. ponas, id ante Olymp. CI. 2. quo is imperare coepit^e, fieri non potuit, quae clare euincunt, Platonis in itinere socium non fuisse. Ad Dionysium quoque iuniorum Syracusanorum tyrannum, si fides AELIANO^f, diuertit, cum is Platonem apud se haberet, id quod nonnisi post Olymp. CIII. 1. fieri potuit, quo Dionysius senior obiit. Ex quibus rationibus erudite demonstrat cel. Io. LAMIVS^g, Strabonem in eo falsum fuisse, nec tempora inter se concordare. Patet vero ex dictis quoque non circa Ol. XCVII, sed CIII floruisse. Magno vero honore non in patria tantum exceptus est, sed in Graecia quoque, vbi ciuitatibus quibusdam^h, more Pythagoreo leges condidit, easdem item, iuxta Hermippum, in astrologia, geometria, aliisque praeclarissimis scientiis instituit. Non minus vero Aristagora filio doctissimo inclaruit, qui a parente eruditionem astronomicam et geometricam haereditate quasi accepit.

Eee eee e 3

In-

z) LAERT. I. c.

a) Male in octo annorum historiam mutat STANLEIVS P. VIII p. 825. Interpretem Laërtii secutus. Quod ex MENAGIO ad h. l. discere potuisset, qui Laërtii interpretes ideo notauit, quod opus mathematicum in historicum mutauerint. Mirum itaque, eruditissimum OLEARIUM in haec non animaduertisse.

b) L. XVII.

c) In chronicis, qui bis de eo loquitur, priori

loco Ol. LXXXIX. 3. posteriori Ol. XCVI. 1. ponit. Vtrumque perperam. d) De diuinat.

e) Rationibus haec constant chronologicis ab VSSERIO firmatis, VOSSIVS de scient. math. c. XXXIII c. 13. ad Ol. XCVIII. 2. refert.

f) L. VII. c. 17.

g) In gradito de SS. Trinitatis doctrina opere L. II. c. 2. p. 8: seqq.

h) Cnidiis LAERT. I. c. Milesiis THEODOR. Therapeut. L. IX.

Imprimis inter fideralis scientiae cultores emicuit emendatione octaëteridis Harpalicaeⁱ, quam conferendo eclipsium interualla, quae ab Aegyptiis acceperat, in errore versari obseruauerat; qua tamen non ita verum solis lunaeque cursum conciliauit, ut non Metonis enneadecaëtris praeualeret, quae de re in historia artis chronologicae pluribus dicendum est^k. Narrat vero SIMPLICIUS^l inuentis hypothelibus circulorum reuoluentium Calippum Cyzicenum, et Polemarchum Eudoxi familiares Athenas esse profectos, cumque Aristotele contulisse super Eudoxi inuento, et alia quidem correxisse, alia vero suppleuiss^m: ac Aristoteli quidem placuisse hypotheses homocentrorum, quia doctrinae eius conuenirent, omnia moueri circa medium vniuersi, displicuisse autem hypotheses eccentricorum. Multa scripsit ad scientias mathematicas pertinentiaⁿ, sed difficilia intellectu, ut notat SEXTVS EMPIRICVS^o, laudata vero veteribus ob summam in his scientiis eruditionem. Nihil tamen ad nos peruenit, ARATVS vero, qui phaenomena scripsit versibus, Eudoxum potissimum secutus est^p, iussus ab Antigono rege Εὐδοξὸν ἐνδοξότερον^q facere. Sed et historiam scripsisse ex ATHENAEO^r colligitur, quam terrae descriptionem vocauisse, ex STRABONE^s aliisque notum est. Voluptatem summum bonum dixisse ait Nicomachus apud LAERTIUM^t, ille tamen addit^u, tam incorruptis sanctisque moribus vixisse Eudoxum, ut nemo doctrinam a Pythagoreorum seuerioribus in ea re placitis recedentem in malam partem verterit. Obiit LAERTIO teste aetatis anno LIII, ut ei praedictum fuisse fertur a sacerdotibus Aegyptiorum. Audiendus itaque non est SCALIGER, qui nullo veterum teste laudato CIII annos ei tribuit^v.

CAPVT VNDECIMVM. DE SECTA ELEATICA.

§. I.

*Origo sectae
Eleaticae.*

Originem sectae Eleaticae Italia quoque dedit, exorta enim Eleae, siue Veliae, magnae Graeciae vrbe est; quam Phocaeenses Cyri temporibus condiderunt, cum iis ab Harpago obsessis, pars noctu aufugisset, quae ad istas Italiae oras delata urbem excitauit. Laudatque STRABO^a Pytha-

i) De Harpali Octaëteride vid. SCALIGER, de emend. temp. L. II, p. 66. PETAV doct. temp. L. II, c. 4. DODWELL, de cyclis diss. III, f. 30.

k) Vid. ex vet. GENSORIN, de die nat. c. XVII, ex recentioribus SCALIGER. l. c. p. 67. PETAV, l. c. c. 6. VOSSIVS l. c. SCAL. ad Manil. L. I, v. 69.

l) Comm. in L. II. de coelo.

m) Vid. quae ex veteribus notauit FABRICIVS Bibl. Graec. Vol. II, p. 85 seq.

n) Adu. mathem. L. I. f. 301.

o) Haec inter se confundens SVIDAS male l. c.

Eudoxum poetam facit, scripsit enim prosa, ut ex iis videre est, quae ex illo allegat Hipparchus.

p) Εὐδοξὸν ob nominis claritatem vocatum tradit LAERTIVS l. c.

q) L. VI, p. 288. 395.

r) L. II, p. 100 patet ex his locis, fuisse opus geographicum - historicum: conf. MEYRS. ad Ap. II, Dyse. c. 24. VOSSIVS de hist. Graec. L. I, c. 6.

s) l. c.

t) Nicom. L. X, c. 2.

u) Conf. VOSSIVS l. c.

v) L. VI, p. 252, conf. MENAG. ad LAERT. L. IX, f. 28.

thagoreorum, inter quos Parmenidem et Zenonem quoque numerat, diligentiam, quibus acceptum ex parte referendum sit, quod ciuitas illa bonis legibus effloruerit. Hac vrbe, cum tres sectae huius, cuius historia enarranda est, doctores celeberrimi, Parmenides, Zeno et Leucippus orti essent, nomen inde ea Eleaticae accepit, quanquam auctor eius Xenophanes Colophonius fuit. Qui cum in Italia Telaugae, Pythagorae filio in docenda philosophia successisset ^b, inde Eleatica secta ex Pythagorica prognata veteribus dicta est, eiusque sectatores passim ^c Pythagorei dicti, quod tamen minus accurate fieri, ex eorum historia et doctrinae, quod exhibebimus, compendio patefcet. Sed et ipsa Eleatica secta inter se distinguenda est, inque duas classes separanda, quarum illa metaphysice magis, haec physice de rerum natura differuit, vtraque sibi in multis e diametro aduersa ^d. Priorem classem Xenophanes, Parmenides, Melissus et Zeno Eleates constituunt, posteriorem Leucippus, Democritus, Protagoras, Diagoras, Anaxarchus; de quibus singulis iam porro dicenda eorumque vitae et doctrinae historia enarranda est.

§. II. Eleaticam sectam condidit XENOPHANES ^e, patria Colophonius, patre Dexio, quem Orthomenem alii vocant, prognatus ^f. Tem- ^gpus natiuitatis incertum est, variantibus de aetate Xenophanis veterum testimoniis, vt fuere tum temporis scriptores in designandis veris temporum rationibus valde incurii, quod occasionem postea dedit iis, qui illorum memoriis vsi sunt, in diuersas admodum abeundi partes. Cum etiam per integrum seculum vixerit Xenophanes, fieri eo magis potuit, vt ad diuersos annos ille referretur. Hinc ad Olymp. XL eum refert Apollodorus ^h apud CLEMENTEM ALEXANDRINUM ⁱ, EVSEBIUS ^j ad Olymp. LVI. LAERTIVS ^k Olymp. LX inclaruiffe dicit. Etsi vero viginti Olympiadum inter extremos hos temporum limites differentia est, possunt tamen rationes Xenophaneae aetatis chronologicae pleraeque in concordiam redigi, si ad vitae diuturnae moram et circumstantias eius attendatur, et certa vel verisimilia ab incertis distinguantur. Inter prioris generis circumstantias primo omnium referri merentur versus Xenophanis ab ATHENAEO ^l seruati, in quibus fugam Persarum in Graecia memorat. Licet vero incertum sit, an ii ad praelium apud Marathonam, vel apud Plataeeam commissum referendi sint, in quo vtroque Persae a Graecis in fugam acti sunt, certum tamen est, nisi versus Xenophanis in suspicionem suppositionis temere adducantur, si non Olymp. LXXV, quo tempore apud Plataeeam Persae inferiores discefferunt, Olymp. LXXII tamen, qua pugna ad Marathonam commissa est, adhuc vixisse Xenophanem, et post illud tempus eius illum meminisse. Refert porro Timaeus apud CLEMENTEM ALEXAN-

DRI-

^b) LAERT. L. I. c. 16. sed id non de scholae successione, sed de ordine in philosophando intelligendum est. ^c) STRABO l. c.

^d) Conf. BVDDEVS Aest. hist. phil. p. 321.

^e) CLEM. ALEX. Strom. L. I. p. 301. LAERT. L. I. c. 16.

^f) LAERT. L. VIII. c. 18.

^g) l. c. conf. BAYLE D. A. T. IV. art. Xenophanes not. A p. 515. qui conferenda de hoc Clementis loco.

^h) In Chron. conf. SCALIGER in Animadu. ad h. l.

ⁱ) l. c. f. 20.

^j) L. I. p. 54.

*Xenophanes
sectae condi-
tor.*

Aetas eius.

DRINVM^l et PLVTARCHVS^m, vixisse Xenophanem circa tempora Hieronis, Siculorum tyranni; LAERTIVSⁿ vero, Empedocli, et Sotion^o, Anaximandro fuisse coaeuum. Hiero vero tyrannidem suscepit Olymp. LXXVI, cuius anno 4. natus est Empedocles, Anaximander vero Olymp. LVIII floruit. Addendum his, quod PSEUDO-ORIGENES^p habet, vixisse eum, vsque ad tempora Cyri. et quod LAERTIVS^q tradit, successisse in tradenda philosophia inter Graecos Italiam inhabitantes Telaugae Pythagorae filio. Etsi vero supra ostendimus, incertam esse mortis Pythagorae epocham, certum tamen est, quamcunque etiam temporum eius feriem sequamur, ante Olymp. LXVIII, quo obiisse Iusebius dicit, Telaugem parenti succedere non potuisse, et cum hunc demum secutus sit Xenophanes, eum ferius adhuc vixisse. Quibus omnibus accurata supputatione consideratis deferenda omnino est Apollodori temporis Xenophanis designatio, si enim Ol. XL eum natum statuamus, vltra CXXX annos vixisse eum oportet, quod sine vilo teste dicitur. Quod si EVSEBIVM secuti Olymp. LVI Xenophanem in lucem editum admittamus, reliqua omnia inter se in concordiam possunt redigi. Hoc enim tempore natus, puer fere literarum elementa hausit, cum Anaximandri nomen inclaresceret; Anno aetatis vigesimo quinto, vt ipse tradit apud LAERTIVM^r, id est Olymp. LXII in magna Graecia tunc temporis Pythagorae disciplinae se fere totum tradente innotescere coepit, et per LXVII annos hanc nominis celebritatem tuitus est et auxit, quod tempus in Olymp. LXXVIII incidit, quo XCII annum agebat Xenophanes. Ex quibus simul patet, vtramque, quam a Graecis passi erant Persae cladem viuum eum attigisse, et versibus suis memorare potuisse; circa ea quoque tempora, nempe Ol. LXXVII, in Siciliam, Hierone regnante, peruenire potuit, vbi cum ad C. aetatis annum, id est, vsque ad Olymp. LXXXI initia vixerit, teste CENSORINO^s, omnino Empedocles quoque eum audire potuit. Ita verisimili serie rationes temporum vitae Xenophanis ordinantur, vno Apollodoro deserto^t, in cuius vetustis Codd. quibus Clemens et Sextus vsi sunt, numerum corruptum fuisse, suspicio est. Ait enim, vixisse vsque ad tempora Darii et Cyri^u. Si enim primum etiam annum imperii Darii, qui Olymp. LXV. est, admittamus, et τὸ ἐγέμετο, quo Apollodorus vsus est, sensu contextui valde repugnante sumamus pro natiuitate, vix tamen aetas Xenophanis hunc terminum attingit; vnde neglecto vel in mendo cubare passo Apollodoro, reliqua satis recto stant talo.

§. III.

l) l. c.

m) In apophthegm. T. I. p. 327.

n) s. 19. ex cuius tamen relatione conici potest, Empedoclem adolescentem, de magistro sollicitum Xenophanem senem adisse.

o) Ibid.

p) philosoph. c. XIV. p. 94. et ipse Apollodorus apud CLEM. ALEX. l. c.

q) L. I. f. 16.

r) L. IX. f. 19. vbi hi versus eius adducuntur:

Lustra decem atque tria haec et binos desuper annos.
Applausit dictis Graecia tota meis.Natus eram tunc ipse annos quinque atque viginti,
Si possim de istis prodere vera modo.

s) De die natali c. 15.

t) Quem tamen admitti posse putat FABRICIVS ad SEXT. adu. math. L. I. f. 257. si XL. Ol. natiuitatem ponas. Verum ita Hieronis tempora non attigisset. Apud STANLEIVM P. X. p. 872. omissus est numerus XL.

u) Posterius Pseudo-Origenem quoque dicere iam notauimus.

§. III. Sunt, qui neminem audiuisse dicant, et αὐτοδίδακτον faciant^{v)}; *Educatio et alii Bottonem Atheniensem quendam eius praeceptorem faciunt, alii, teste* *vita.*

LAERTIO^w Archelaum Ionicum eum erudiuisse, tradunt, quos non audiendos esse, tempus Xenophanis, quod modo posuimus, refragatur. Archelaus enim circa Olymp. XC demum docuit, et Socratem instituit, quod tempus viuendo non attigit Xenophanes^x. Pulsus patria Zancle et Catanae Siciliae oppidis degisse, LAERTIVS auctor est, patetque ex loco Hieronis, pauperiem eius, de qua conquerebatur, quod ne duos quidem alere seruulos posset, fugillanti, in aula Hieronis vitae sustentandae remedium quaesivisse, et cantatis publice carminibus suis, ut mos erat illorum temporum philosophum non indecens, de victu sibi prospexisse^y. Ex quibus conii-
cimus, in persecutionibus contra Pythagoreos in Italia excitatis, Xenophanem quoque, etsi illorum partibus non addictum, solum vertere, et relinquere facultates suas fuisse coactum. Certe paupertas tanta fuit, ut filios propriis manibus sepelire cogeretur^z. Homero et Hesiodo infensum fuisse, Timonis sillographi testimonio^a patet, qui vocat

Ξενοφάνην ὑπάτυφον, Ὀμηροπάτην, ἐπικόπην,
Xenophanem, non totum sine typho, et fraudis rixorem Homeri.

Rationem eius versus sequentes addunt.

- - - Numen simile undique atque haud homini, atque
Constans usque sibi docuit, totumque animum esse.

Scilicet cum fabulae Homeri et Hesiodi Deorum fraudes, bella et seditiones memorent, quae notioni Xenophanis de Diis e diametro repugnabant, eas, ut et alii philosophi fecerunt, improbavit, et, quod ait LAERTIVS, carmina contra eos scripsit, eaque, quae de Diis tradidere, exagitavit. Sed et Pythagorae et Thaletis dogmatibus se opposuisse, et contraria docuisse, Epimenidem quoque fugillasse IDEM^b narrat. Quod occasionem videtur dedisse Timoni, acerbissimo philosophorum irrisori, in *siliorum libro secundo et tertio* dialogi more inducendi Xenophanem, ipsi percontanti respondentem^c. Eruditionem excoluit, sui temporis moribus conuenientem, et praeter philosophiam carminibus quoque inclaruit^d: patriae quoque historiam condidit^e. Maxime vero doctrinam physicam nouam prorsus et in magna Graecia inauditam libro *de natura f*, complexus est. Vixisse satis modeste, ut decet philosophum^f, videtur. Annis decrepitus, quos
ad

v) Forte haec ipse Xenophanes iactauit, ad nouum systema respiciens, ut alii quoque philosophi fecere. Conf. quae de simili causa dixit BAYLE Dict. T. III, art. Leucippe not. C, p. 100.

w) l. c. x) PLVT. l. c. y) LAERT. l. c. z) Nisi generositatis philosophicae hoc argumentum fuerit, quod etiam fecisse Pythagoram et Pythagoricos Parmeniscum et Orestadem tradit LAERT. l. c. f. 20.

a) ibid. f. 18. SEXT. EMP. Pyrrh. hyp. L. I. c. 33. f. 224. conf. MENAG. ad l. c. Laert. et FABRIC.

ad l. c. Sexti.

b) loc. cit.

c) Conf. FABRIC. l. c. et ex veteribus LAERT. L. IX. f. III.

d) Erudite de carminibus et scriptis Xenophanis disseruit FABRIC. Bibl. Graec. Vol. I. p. 557.

e) De Colophonis aedificatione et de Italica in Eleam colonia LAERT. f. 20. conf. IONSIVS de Script. hist. phil. L. I. c. 12. p. 67.

f) FABRIC. l. c.

ff) Exemplum vide apud PLVT. de vitioso pud. T. II. p. 271.

ad C. vsque extendisse supra monuimus, tandem obiit. Sane LVCIANVS^g audiendus non est, qui XCI annos ei tantum tribuit. Fuit et alius Xenophanes poeta Lesbios, a nostro distinguendus^h.

Observatio-
nes generales
de sectae Elea-
ticae philoso-
phia.

§. IV. Philosophiam Eleaticae sectae exposituris ad generales prius observationes quasdam attendendum est, ut, qua ratione hac in via incedendum sit, quidque tribui recte his philosophis queat, quoue certitudinis gradu adscribi debeat, accurate teneatur. Scilicet

I. Dolendum quam maxime scripta Eleaticorum dudum periisse, nec extare, nisi exigua fragmenta a veteribus passim, tanquam tabulas ex naufragio, seruata, quae collegit HENRICVS STEPHANVSⁱ. Cum enim haec paucissima sint, et lacerae tantum particulae quaedam, ex quibus de toto philosophiae Eleaticae habitu iudicari non potest, cuncta ad aliorum fidem redeunt, nosque certo et indubitato cognoscendi Eleaticam philosophiam fonte viuimus priuati^k.

II. Nec eorum, qui Eleaticorum scripta legerunt, eorumque doctrinas explicarunt, tuta satis fides est. Aut enim in suas eos partes pertrahere conati sunt, quod non potuit non falsas ei subinde opiniones affingere; vel eos refutare sunt aggressi, huncque in finem mentem eius, ut facilius refellerent, peruerterunt. Prioris exemplum PLATO est, qui in *Parmenide* Eleaticam philosophiam exponere sementitus, mentem Parmenidis, veteribus non negantibus^l, adulterauit. Posterius ab ARISTOTELE factum esse, qui de *Xenophane*, *Zenone* et *Gorgia* peculiari tractatione egit, ex iis notum est, quae de sublesta Stagiritae in exponendis philosophorum ante se doctrinis fide adduximus. Ex quibus incertitudo huius quoque historiae veteris philosophiae partis, cognoscitur, et necessitas apparet, caute verifiandi in tribuendis illis eiusmodi opinionibus, quae non sine nominis inuidia et famae detrimento asseruntur.

III. Quod si eas, quas temporis nobis reliquit iniuria, veterum de Eleaticorum philosophia et philosophandi ratione memorias intuemur, patet, duplicem illam methodum, qua istis, quibus hi philosophi viuebant, temporibus omnem fere philosophorum mundum usum fuisse, ex enarrata hactenus historia constat, quaeque aliam in vulgus doctrinam exire passa est, aliam arcanae disciplinae alumnis tradidit, etiam Eleaticis placuisse; cuius imprimis de *Parmenide* mentionem facit LAERTIVS^m, et de reliquis quoque ex modo docendi poetico coniici potest. Non vero communem tum Aegypti et Italiae philosophantis viam secuti sunt, sed et domesticam rationem habuerunt. Cum enim materiae fluxae, et semper in motu versanti sensuum fidem denegarent, adeoque rerum naturam non ex sensus et experientiae testimonio excuterent, sed ex certo quodam systemate metaphysico explicarent,

g) In macrob. T. II, p. 828.

h) LAERT. I, c.

i) In poeti philosoph. p. 35 seqq. Plurcula tamen apud veteres occurrunt.

k) Conf. BAYLE Dict. T. IV, art. Xenophanes not. B, p. 315, REIMMANN. hist. ath. c. XX, p. 204.

Causae non sine verisimilitudine, in studium reliquarum sectarum hanc opprimendi, in adhibitam methodum poeticam et neglectum philosophandi genus Eleaticum referuntur.

l) LAERT. L. III, f. 53.

m) Lib. IX, f. 22,

carent, fieri aliter non potuit, quin alia ratione secundum sensus et opinionem ad populum, aliter secundum rationem et intellectus iudicium ad discipulos philosopharentur. Cumque ad eiusmodi potissimum principia metaphysica essent delapsi, quae omnem rerum naturalium constitutionem euerterent^m, sequebatur inde, differre inter se maxime doctrinam Eleaticorum exotericam et esotericam, aliudque eos velle, cum ad populum loquuntur, aliud cum initiatis mysteria pandunt. Id quod non potest non magnam eorum philosophiae obscuritatem conciliare, et magnis eius historiam cumulare difficultatibus.

IV. Obseruandum et hoc est, quod de Xenophane supra LAERTII fide retulimus: opposuisse eum philosophiae suae systema Epimenidi, Pythagorae et Thaleti; quod, sublati auctorum nominibus, clarius diceretur, abiisse Xenophanem a systemate dualistico, id est duorum principiorum coaeuorum, quod multis veterum, imprimis ex theologis, placuit: a systemate monadistico, quatenus illud ex anima mundi et materia vnum totum constituit; et a systemate Ionico veteri, quod neglecta causa efficiente et rationali ad solam materiam respiciebat. Difficultates insuperabiles horum systematum, solo illo principio: ex nihilo nihil fit, male intellecto, nixorum, et absurditates manifestas vidisse Xenophanem, hominem acuti ingenii, dubitari vix potest. Cum vero nec is a naturali isto axiomate recedere auderet, nec ad veram eius significationem satis attenderet, ut superaret difficultates, quas reliquos philosophos non potuisse tollere, obseruabat, omnem proprie rerum generationem et mutationem, qua aliquid fit, tollebat, vnumque totum, sine motu, mutatione, ortu et interitu asseribat, hoc Deum, mundum, omnia, esse censebat. Ita quidem obiectionibus quibus dicta systemata premebantur, quaeque absurditatem duorum principiorum independentium, animae mundi informantis, motusque aeterni sine motore patefaciebant, euitabat, omnes vero simul notiones naturales euertebat, totamque naturalem philosophiam pessundabat. Quod, ut non plane sine sale et philosophico acumine factum esse videri posset, materiae fluxus et mutabilitas praetextum commodare coacta est, quae certam rerum essentiam non admittens, ad sensuum tantum apparentias et incertam atque obscuram fidem cuncta reuocaret. Ut vero a reliquis sectis non superarentur in rerum naturalium, cui philosophiam suam Eleatici addixerant, cognitione, secundum sensuum apparentiam de rebus physicis tractationem instituebant, satis habentes, si rationem aliquam non plane absurdam asserre possent, cur sensibus phaenomena natura talia, qualia videntur, apparerentⁿ. Quod ut vna manu destruebat, quod altera excitabatur, ita Leucippo occasionem dedit Eleaticum systema in contrarias flectendi partes, ut postea dicemus.

Fff fff f 2

§. V.

^m) Obiecit hoc eis ARISTOT. Phys. aet. L. I. c. 2. prolixiusque exponit BURNET. Archaeol. phil. L. I. c. 12. p. 433.

ⁿ) Conf. IO. GOTTFR. WALTHERI sepulchra Eleatica referata vernaculo sermone edita c. III. §. 5. p. 16.

*Xenophanis
philosophia.*

§. V. His praemissis ad Xenophanis placita physica progredientes, Aristotelem quidem ducem sequimur, ita tamen, ut non tantum ad aliorum quaeque ex veteribus testimonia respiciamus, sed totam quoque systematis huius connexionem intueamur, et, qua ratione propositiones naturali inter se ordine sequantur, attendamus, quae una nobis ratio esse videtur, in tam incerta via, quam Eleaticae philosophiae historia nobis offert, verisimili quadam ratione veros eius sensus inuestigandi: quam inierunt quoque ante nos viri doctissimi P. BAYLE^o, GOTTFRIED OLEARIVS^p, Io. GOTTFR. WALTHERVS^r. Ita vero Xenophanes statuisset dicitur:

*Metaphysica
s. theologia.*

I. Fieri non potest, quidpiam ut ex nihilo existat.

II. Aeternum itaque est, et semper fuit, quicquid est, siue enim facta sint omnia, siue non omnia, hoc absurdum sequeretur, ex nihilo aliquid posse existeret.

III. Quod aeternum est, est infinitum, neque enim principium habet, unde extiterit, neque finem.

IV. Quod infinitum est, vnum est; si enim plura essent, vnum finiret alterum.

V. Quod vnum est, omni ex parte sibi est simile, si enim dissimile aliqua parte esset, non vnum foret, sed entia plura.

VI. Vnum quod infinitum est, et aeternum, sibi quoque simile, id immobile et immutabile quoque sit oportet, si locum enim mutare posset, non esset infinitum, sed aliud esset ultra illud. Si vero sine loci mutatione alteraretur, aliquid in eo existere inciperet, quod prius non extitit, et quod extitit, esse desineret; quod esset, ex nihilo fieri aliquid.

VII. Est itaque vnum tantum, aeternum, infinitum, immutabile, quo constant omnia^r.

VIII. Deus est hoc vnum, incorporeum, aeternum, cuius substantia globosa est; nihil illud cum hominibus commune habet, totum cernit, totum audit, non tamen respirat. Simulque est omnia, mens, prudentia, aeternitas^s.

IX. Nec corpore nec animo hominibus Deus comparandus est, qui nec formam et faciem habet hominis, nec affectibus humanis obnoxius est.

X. Deus hic est omnia^s, nam omnia in se comprehendit. Hactenus Xenophanes ex ARISTOTELIS, CLEMENTIS ALEXANDRINI^{ss} LAERTII testimoniis de vniuerso. Ex quibus patet, obscuram et difficillimam esse Xenophaneae metaphysicae hanc partem. Cum enim omnia ad id redeant, quid per vnum, ens, aeternum, infinitum, Deum, mentem, intelligatur, eius autem significatio varia esse queat, factum inde est, ut viri docti in diuersas de hac Eleaticae metaphysicae parte sententias discederent.

Et

^o) DiG. T. IV. art. Xenophanes not. B. p. 515.

^p) Ad STANLEY. Hist. phil. P. X. p. 874.

^q) l. c. c. III. § 4. p. 15.

^r) Conferri cum ARISTOTELE l. c. debent CICERO Acad. Q. L. IV. c. 37. ipse ARIST. Metaph. L. I. c. 5. PSEUDO-ORIG. philosoph. c. XI. p. 95.

^s) LAERT. L. IX. f. 19. SEXT. EMP. Pyrrh. hyp. L. I. c. 33. CICERO in Lucullo, EVSEB. praep. L. I. c. 8. L. XIV. c. 14.

^{ss}) CICERO Acad. Q. L. IV. c. 37.

^{ss}) Stromat., L. V. p. 601. L. VII. p. 711.

Et P. BAYLE quidem, vt erat in veterum assertis, in systematis formam redigendis, supra modum acutus et ingeniosus, Xenophanis placita adductis veterum testimoniis suffultus, ita ordinauit et explicuit, vt Spinozae impietati praelusisse videri posset, asserendam esse vnicam substantiam totius vniuersi, inque ea omnia tanquam modificationes contineri. Quam explicationem post eum secuti sunt magni in his literis viri, Io. FR. BVDDEVS¹, GOTTF. OLEARIUS², Io. CHRIST. WOLFIUS³, V. E. LOESCHERVS⁴, Io. GOTTF. WALTHERVS⁵. Quia vero vnum sensu Pythagoreo dici potest vniuersum, eo quod Deum et materiam non initio tantum chaos continuerit, sed et hanc ille necessario et formali atque essentiali vinculo, tanquam anima penetret et permeet, qua ratione et Stoici Deum, mundum, vniuersum, vnum dixere; hinc Xenophanes Spinozae praeceptis aliis viris eruditis non tam affinis videtur, quod non vniuersi materiam vnum esse diceret, sed vniuersitatem quidem vnā esse, Deum autem rebus inesse omnibus (τὸ μὲν πάντων παρὶν, vt habet SEXTVS EMPIRICVS⁶) assereret, quam ei mentem tribuit magnaue eruditione hanc Xenophaneae metaphysicae explicationem ornat cel. MOSHEMIVS⁷. Tandem et sensu Platonico vnum sumi cum queat, quo vnum dicuntur omnia, quatenus ab vno aeterno et infinito principio promanant, et ex eo proficiscuntur, inque eo tanquam in radice fonteque suo extant, hoc sensu pie magis Xenophanes praecepisse dicitur SIMPLICIO⁸, qui, laudato Theophrasto auctore, ait Xenophanem haec non vt physicum scripsisse, sed tantum vt metaphysicum et theologum, et de ordine causarum differuisse. Quem eius locum integrum adducit, eiusque partes sequitur RAD. CVDWORTHVS⁹, a cuius cogitatis non longe abit cl. REIMMANNVS¹⁰ et Io. ALB. FABRICIVS¹¹. Et sane difficile admodum ob dictas supra causas de vera Xenophanis mente statuere, cum non neutra tantum pars suis destituatur rationibus, sed et veterum testimonia inter se discrepare videantur, et Aristoteles deprauatae, quod imprimis ei obiicit CVDWORTHVS, doctrinae Xenophaneae accusetur. Monet quoque apte cl. MOSHEMIVS¹² non magnopere de eius scitis dimicandum esse; cum ipse nihil certi decreuerit, sed cuncta opinione constare dixerit, quae fallere possit, neque idcirco pro veris haberi voluerit, quae differebat. Ita enim, qui sentiant, opiniones mutare crebro, nullos dubitare, et nunc hoc, nunc aliud probare, vt vel animo affecti sint, vel sensuum commotionibus incitentur. Non expectanda itaque certa et definita Xenophaneae theologiae explicatio, sed relinquenda omnia, ipso Xenophane non inuito, et ad hunc fontem nos ablegante, opinioni. Dicamus tamen eadem modestia, qua viros laudatissimos de hac re differuisse videmus, quid nobis de ea videatur, et quid in his explicationibus, supposita testimonio-

Fff fff f 3

rum

¹) De Spinozismo ante Spinozam, Anal. Hist. philos. p. 320.

lis. p. 25.

⁹) l. c.

²) l. c. ¹⁰) Ad l. c. philos. Orig.

¹¹) Ad CVDWORTH. Syst. int. c. IV. §. 20. p. 456.

¹²) In ARISTOT. Physic. f. §. 6.

³) Deism. fanat. §. 2.

¹³) loc. cit.

⁴) l. c. Addi his potest ALDOBRANDIN. ad Laërt. I, c. Auctores Britannii histor. vniuersa-

¹⁴) Hist. atheismi L. I. c. 30. §. 2. p. 103.

¹⁵) Ad l. c. SEXTI p. 59.

¹⁶) l. c.

rum allatorum fide, probabiliter Xenophani tribuendum esse, sit verisimile. Et I. quidem Cudworthiana vnius Xenophanei interpretatio omnium minime admittenda esse videtur: illi enim pleraque attributa vni a Xenophane tributa, et in his illud maxime, refragantur, quod Deum $\sigma\phi\alpha\iota\varsigma\epsilon\iota\delta\eta$ dixit: etsi enim Simplicio pollicem premit vir doctus, qui ideo sphaerae formam Deo tribui putat, vt ab omni cum parte similem et vniuniformem esse $\pi\alpha\upsilon\tau\alpha\chi\epsilon\delta\omicron\mu\iota\omicron\nu$, declararet, aperte tamen hoc prodit syncretisticam Simplicii veteres interpretandi rationem, qua more scholae eclecticae veteres ita loqui coëgit, vt cum Platone consentirent. Apertum vero est, ideo Deo hanc formam tribuisse Xenophanem, quod is vniuerso concludatur, id quod globi figuram habere cum multis veterum credidit. II. Altera vnius Xenophanei explicatio, quae secundum Pythagoreos et Stoicos sensus eam interpretatur, non sine verisimilitudine affertur, et ita vnum hoc Xenophaneum illustrat, vt aeternam rerum naturam ponat, adiuncta itidem mente aeterna, at cum materia coniuncta, et per totam hanc molem fusa. Prouocat ingeniosus eius auctor ad SEXTVM EMPIRICVM f , qui tradit, vnum esse omnia, $\kappa\alpha\iota\ \tau\omicron\nu\ \Theta\epsilon\omicron\nu\ \sigma\upsilon\mu\phi\upsilon\eta\ \tau\omicron\iota\varsigma\ \pi\acute{\alpha}\sigma\iota$, *Deum rebus inesse omnibus*: itemque ad CLEMENTEM ALEXANDRINVM g , versus Xenophanis afferentem, quibus Deum nec corpore, nec animo hominibus similem esse afferit; ad Timonis etiam versus g , qui Xenophanem dixisse tradunt, Deum totum esse animum. Nec tamen desunt, quae quis huic quoque explicationi obiiciat. Nempe hanc hypothesein verum Pythagoreorum systema theologicum exhibere, supra inuictis, nisi fallimur, argumentis demonstrauius; ast opposuit Xenophanes suum philosophiae aedificium Pythagoreo non minus, quam Ionico Thaletis: vtrumque vero cum animam diuinam arctissime cum materia cohaerentem statueret, aliter necessario Xenophanes statuisset, nec in eadem sententia fuisse, dicendus est. Neque, quae afferuntur testimonia rem, si quid videmus, conficiunt. Sextus enim non Deum inesse materiae, vt animam tradit, sed $\sigma\upsilon\mu\phi\upsilon\eta\ \epsilon\iota\nu\alpha\gamma\ \tau\omicron\iota\varsigma\ \pi\acute{\alpha}\sigma\iota$, eadem natura siue substantia inesse vniuerso, eique ita connatum, vt eandem naturam referat, quemadmodum varii habitus, qualitates, mores, affectiones, vna cum anima nostra nascuntur, eique naturaliter concretæ inhaerent: quae non de diuina aliqua substantia cum materia coniuncta, sed de affectione quadam intelligi possunt: id quod etiam Aristotelis locus postulat, qui diserte vniuerso aeternitatem, infinitatem, immobilitatem, rationem, aliaque attributa diuina tribuit. Versus vero Xenophanis, qui aduocantur, quique hoc volunt:

Maximus in genere est Diuum atque hominum Deus vnus

Qui nec corpore nec mente est mortalibus ullis

Asterilis,

hanc explicationem magis destruunt, quam astruunt. Si enim Deus hominis menti corpus inhabitanti et informanti, quod Pythagoreis et Stoicis placuit,

placuit, non est similis, qui potuit asserere, Deum in materia tanquam mentem eam informantem habitare? Nec Timonis versus, quibus Deum *νοεῖν τὸν καὶ νόημα* esse dixit, aliter intelligi debere videntur, quam Deum solo intellectu concipiendum, nec materiae extensionem in eo quaerendam, id quod lubentes largimur, ipsam materiam vniuersi Xenophani non visam Deum esse. Hinc III. nec in Baelii, Buddei, Wolfii aliorumque sententiam totam descendere nos posse, saluis veterum effatis, putamus, qui vnam tantum substantiam, suis affectionibus Deum totam repraesentantem intellexisse eamque ipsam substantiam vniuniformem sibi Deum esse, dixisse et Xenophanem statuunt. Adducta enim testimonia cum his non concordant, nec Spinozistica substantia in Xenophaneam praeter verba, quadrat. Vt itaque IV. nostram quoque modeste opinionem, vt decet, in schola Eleatica, exponamus, ex hac et priori interpretatione, quartam conflandam quasi esse putamus: qua Xenophanes 1. vniuersum quidem natura et substantia prorsus vnum statuit, id quod nemo temere negauerit, qui non manifestis veterum verbis vim inferre audeat. 2. Peculiariter tamen et materiam ex qua constant omnia considerauit, et vim in ea latentem diuinam, quam non quidem substantiam esse putauit, sed affectionem, talis tamen naturae, quae necessario ad materiae naturam accedere debeat, eique naturaliter coalescere, vt vniuersum suis rationibus perfectum et absolutum existat. Separauit itaque praecisione mentis, si haec admittas, diuinam istam vim Xenophanes a materia, aut ei naturaliter, tanquam vni substantiae, inesse dixit, sicque vniuersum illud totum, aeternum, infinitum, immutabile constituere asseruit. V. Haec si admittantur, veterum de Xenophanis mente testimonia concordant omnia. Deus enim non solum vniuersum est, cum vis illa non nisi in eo lateat, sed comprehenditur etiam in vniuerso ita, vt eius figura globosa circumscribatur, et is in omnibus eius partibus sensibus percipiatur. Ita enim de Xenophane luculenter PSEUDO-ORIGENES: *Φησι δὲ καὶ τὸν Θεὸν εἶναι αἰδίων, καὶ ἓνα καὶ ὁμοῖον πάντῃ, καὶ πεπερασμένον, καὶ σφαιροειδῆ, καὶ πᾶσι τοῖς μορίοις αἰσθητικόν*, Deum esse aeternum, et vnum, et similem vndique et finitum (non potentia, sed extensione, fine et termino) et rotundae figurae, et omnibus partibus sensui manifestum^b. Quae satis clara sunt omnia, si adductam explicationem admittamus, contorta, si vel ad animam mundi informantem, vel ad emanationem entium ex Deo illa trahamus. Patet vero hac quoque ratione, cur Deus totus animus sit, quia vis illa diuina latens sentiri quidem in partibus mundi, intelligi vero non nisi ratione et intellectu, potest, sicque Deus homini similis non est, in quo mens non vim aliquam rationalem, sed naturam siue substantiam constituit. Ita vero et physiologia Xenophanis cum eius metaphysica cohaeret, ex hac enim in materia habitante vi diuina, innumerabiles mundi, et elementorum vicissitudines efficiuntur, et materia fluxa, et in momenta mutabilis innumeris mutationibus, formationi-

^b) loc. cit.

tionibus et impressionibus se conspiciendam praebet, sicque totum hoc cernit, totum audit, ratio, consilium, prudentia toti inest, ut Xenophanem statuisse tradit LAERTIUSⁱ. Caue enim hac ratione, consilio et prudentia, actionem aliquam liberam naturae siue substantiae ex rationibus praeuiculis fines et effectus constituentis intelligas. Nihil enim aliud est, quam vis diuinae illius motus sibi et vniuersi dispositioni respondens, quo omnes res constituuntur. Et ita quidem subductis rationibus de metaphysica Xenophanis statuendum nobis, si verisimilitudinis leges sequamur, videtur, coniecturam tamen attulimus, cui clariorem et meliorem a doctioribus et in his tenebris acutius cernentibus lucem accendi, aequissime patimur.

Phyfica.

§. VI. Metaphysicam hanc physiologiae Xenophaneae partem sequitur physica, quae haec continet dogmata:

XI. Mundi infiniti sunt, iique immutabiles^k. Aliud tamen vniuersum est, ex his mundis constans, aliud mundi illi, quae inter se confundenda non sunt.

XII. Quia verus motus non datur, sequitur, nec dari veram generationem, nec interitum, vel alterationem veram et realem^l. Immo nec initium nec finis ullus rerum datur. Non Xenophanis tantum hoc decretum est, sed successorum quoque in Eleatica schola, Parmenidis, Melissi, Zenonis, ut postea dicetur: quemadmodum etiam Diodorum Cronum contra veram motus existentiam armis dialecticis pugnasse, supra narrauimus, et Pyrrhonis sequaces eandem viam ingressi sunt. Sed hi propter rerum omnium incertitudinem, Diodorus propter argumentorum vim in vtramque partem ancipitem, Eleatici vero ab his diuersi propter rationes metaphysicas in hanc absurdam sententiam descenderunt. Ex allatis enim hactenus liquet, eos idea infinitatis, vniuersi specie, delusos, illi omnem mutationem denegasse: cumque motus necessario alterationem inferat et mutationem, illud vniuersum quoque immobile dixisse. Inde vero sequitur porro, hanc immobilitatem, et, quae inde deducitur, generationis et interitus siue resolutionis negationem pertinere ad vniuersum, non vero ad partes eius, et non physice, sed metaphysice considerandam esse. In vniuersi enim partibus dari initia et fines rerum, modificationes et alterationes, adeo non negauit Xenophanes, ut non tantum res visibiles, e.g. solem fieri et ex igniculis coalescere, et iterum extinguere diceret, sed et teste, post LAERTIUM^m, HESYCHIO ILLUSTRIOⁿ, assereret primus, ὅτι πᾶν τὸ γινόμενον φθαρτὸν ἐστὶ, quod quicquid ortum habet, etiam interitum admittat et corruptibile sit. Sed hoc verum motum non constituere, sensu abstracto et metaphysico, visum fuisse Xenophani, merito credimus. Ex iis enim, quae apud Aristotelem ex eius mente contra motum disputantur, patet, eum motus notionem aliam, quam quae in physicis ob-

tinet,

ⁱ) l. c.

^k) LAERT. l. c. immutabilitatem vero non ad materiam ex qua componentur, sed ad substantiam, quam constituunt in vniuerso referendam esse, ex

thesi vltima constabit. conf. STOBÆVS eclog. phys. p. 52.

^l) ARISTOT. l. c. ORIG. philosophum. l. c.

^m) l. c.

ⁿ) p. 52.

tinet, sibi concepisse, et ad verum motum progressum a nonente ad ens eiusque existentiam requisivisse. Quo sensu notionis huius semel admisso, sequebatur, cum illud impossibile sit, ut ex nihilo fiat aliquid, uniuersum esse immobile, adeoque et partes eius non ita moueri, ut ex statu nihili procederent ad statum existentiae. Quibus admissis de rerum tamen mutationibus differere poterat^q, quas non alterationes, generationes et extinctiones rerum naturalium, sed modificationes, esse putabat, hoc nomine indignas, eo quod rerum uniuersi natura semper maneret immutabilis, soliusque materiae aeternum fluentis particulae varie inter se modificarentur. Hac ratione si Eleaticos priores explicemus, de motu differentes, rationem facile dabimus, qui de rebus physicis differere, et phaenomena naturalia explicare, salua ista hypothesi potuerint^r, quod tamen de iis negat ARISTOTELES^s, conceptum motus metaphysicum ad physicum transferens, ut, more suo, Eleatico systemate corrupto, eo vehementius illud premeret. Non negamus doctissimo BURNETIO, quacunque etiam ratione sententia paradoxa explicetur, ἀπίστων latere; et lubenter largimur, quod toties in theatro philosophico fieri historia nos docet philosophica, hypothesin semel delectam et pro Iunone habitam seduxisse viros alias non ineptos ad has nugas absurdas admittendas; certi tamen ex dictis sumus, plerosque, qui de Eleaticorum physica differuerunt, eos non recte intellexisse, et aliam, quam illi, motus significationem sibi concepisse. Vidit hoc, quo animi est acumine cl. MOSHEMIVS^t, qui eleganter monet: certum se esse ex assidua et attenta veterum lectione, plerasque antiquorum de motu disputationes et pugnas Andabatarum fuisse certamina, ex eo potissimum nata, quod non eandem omnes motus notionem et descriptionem in animo haberent. Qui motum enim sustulisse Aristoteli, Sexto, Senecae et aliis dicantur, talia tamen suis simul tradidisse praecepta, quae nemo tradere possit, nisi homo, qui moueri multa fatetur. Ex quo constare arbitrandum, eos vocabulo motus singularem et ab usu consueto abeuntem potestatem subiecisse. Licet vero Eleaticam hac de re doctrinam inter ea referat vir praestantissimus, quae intelligi satis nequeunt, et incertissima sunt, dicta tamen satis, nisi fallimur, euincunt, non sine verisimilitudine ea quae explicuimus Eleaticis tribui. Nam quod de Xenophane hac in re dictum est, etiam ad reliquos eius sectatores trahendum est.

XIII. Hanc naturae uniuersi rationem et legem cum sensus non assequantur, sed contrarium testari videantur, sequitur, sensus esse fallaces, nec secundum eam rationem certe ac sine offendiculo ratiocinari posse.

XIV. Nihil itaque certum ac indubitatum cognosci potest, nec datur eiusmodi veritatis criterium, quo scientia constet, sed cuncta reguntur opinione.

q) Hinc aeterna mundorum exorientium et interuentium vicissitudo asserta, uniuerso interim immobili et immutabili manente.

r) Id quod ad dubitationes Baellii et Wolfii

VV. CC. notandum est.

q) Physic. acroas. L. I. c. 2.

r) Archaeol. philos. L. I. c. 12 p. 433.

s) Ad CUDWORTH. p. 471. n. 13.

nione. Magnum, et si verum fatendum sit, vnicum Eleatici systematis fundamentum et praesidium theses hae continent, quas clare innuit Xenophanes versibus apud SEXTVM EMPIRICVM⁵, PLVTARCHVM⁶, et PSEVDO-ORIGENEM⁷ occurrentibus, in quibus disertè:

Ἐὶ γὰρ τὰ μάλιστα τύχοι τετελεσμένον εἰπὼν

Ἀυτὸς ὅμως ἐκ αἰδῆ, δόκος δ' ἐπὶ πᾶσι τέτυκται.

Licet maxime quid definitum dixerit aliquis,

Non tamen habet certam scientiam, sed in omnibus adest tantum opinio.

Apertum ex his est, Xenophanem inter Acatalenticos quidem referri non posse, qui negabant, comprehendere aliquid posse, scientificam tamen certamque homini denegasse scientiam, et imprimis sensuum testimonium ad opinionis tantum reuocasse fidem, ut systemati metaphysico non tam aperte obstitaret. Equidem Aristocles apud EVSEBIVM⁸, solos eum sensus accusasse ait, eumque inter eos numerandum putat, qui sensus, visaque omnia funditus repudianda, rationi vni fidem habendam opinantur. Verum hoc aut prorsus falsum, et a mente Xenophanis alienum est, aut ita tantum intelligendum, ut systematis Eleatici constitutio postulat; sensibus et rationis argumentis inter se dissidentibus, hisque illis contradicentibus, non ad sensuum testimonium, sed ad rationis illationem attendendum, et huic prae illis fidem habendam esse. Hoc enim systema Xenophanis postulabat, quod ex ratiociniis quibusdam totum ita exstructum est, ut sensuum fidem refelleret. Ex his iudicanda sunt, quae de hoc argumento differit P. BAYLE⁹. Et hinc sequitur, secundum opinionem et verisimilitudinem de rebus differendum esse naturalibus.

XV. Quatuor dantur elementa¹⁰.

XVI. Vniuersarum rerum initia sunt ex terra; PSEVDO-ORIGENES¹¹ ita effert: τὰ δὲ πάντα εἶναι ἐκ γῆς, omnia esse ex terra; sed hoc ita intelligendum est, ut mediantibus elementis cuncta ex terra formata dicantur. Male vero atomos hic somniat DICKINSONVS¹², cum systema Eleaticum vetus atomisticum vix admittat.

XVII. Stellae ex nubibus incensis ortae sunt, interdum autem extinguuntur, nocturneque velut ardentes carbones iterum accenduntur. Dioscuri autem nubeculae sunt, ex motu quodam interfulgentes¹³.

XVIII. Sol ex igniculis consistit collectis ex humida exhalatione, siue nubes est ignita, eaque singulis creatur diebus. Ex his PLVTARCHI¹⁴, STOBÆI¹⁵ et PSEVDO-ORIGENIS¹⁶ testimonio assertis patet, Xenophanem solem non pro certa quadam ac coelesti substantia siue natura, sed pro certo μετεώρῳ vel naturae φαινομένῳ habuisse, quod singulis diebus ex humidorum vaporum ex terra, vnde omnia originem trahunt, exhalatione col-

5) Adu. mathem. L. VII. f. 49.

6) De audiendis poet. T. II. p. m. 24.

7) l. c. p. 94.

8) Praep. L. I. c. 8. L. XIV. c. 17.

9) l. c. not. B. p. 516. not. L. p. 523.

10) LAERT. l. c.

11) l. c. EVSEB. l. c.

12) Phys. vet. et ver. c. XVIII. p. 253.

13) PLVT. de plac. phil. L. II. c. 20.

14) l. c.

15) Eclog. physic. L. I. p. 55.

16) l. c.

collectum, et eleuatione tandem subtilissimum redditum, originem trahit, et ita in ignis naturam, mutata elementorum in se inuicem ratione, transit. Ex his sequitur, soluta ista igniculorum collectione, solem extinguere, quod non tantum noctu fieri, sed et in solis defectione, Xenophanes apud PLUTARCHVM ^d, statuit, qui narraſſe eum refert, vt fidem absurdae doctrinae faceret, fuiſſe aliquando, vt sol totum mensem deficeret. Ex his alia sequuntur, quae Xenophani tribuuntur, quaeque ita statuiffe dicitur:

XIX. Cum sol nonnunquam in quandam terrae partem, nobis incognitam incidit, tum quasi laborans defectum patitur ^e.

XX. Sol recto quidem cursu in infinitum procedit, verum in orbem moueri videtur, ob interualli magnitudinem.

XXI. Multi soles sunt, secundum terrae diuersa climata, segmenta et zonas. Ex his assertionibus manifestum est, Xenophanem ex eo, quod semel de origine et natura solis dixerat; oriri solem ex terrae exhalationibus, putauisse, in quibuscunque terrae partibus proprios ita existere soles, vaporesque illos coaceruatos, cuilibet regioni propria dare coelestia lumina; licet vnus ignis sit, ex omnibus illis regionum cunctarum exhalationibus per totum coelum dispersus et diffusus, qui speciem solis cuilibet terrae conciliet, currentis per climatis tractum, licet videatur in circulum moueri ^f. Potuit tamen ex eo quoque multos soles asserere Xenophanes, quod multos dari mundos putaret, sed iis ratio a Plutarcho allata applicari nequit.

XXII. Luna nubes est constipata ^g, eamque vt auctor est CICERO ^h, Xenophanes dixit habitari, et esse terram multarum vrbiū et regionum. Posterius a Pythagoreis transsumisse videtur Xenophanes, prius primis rerum naturalium generationibus, quales sibi concipiebat, conuenienter dictum est. Ex terra enim cum non solum sol collectis exhalationibus existat, sed et nubes, eas compactiores in terrae formam coalescere, splendorem ex vaporibus tenuioribus oriri eamque circumdare, hincque lunam esse credidit. Quod si verum est, lunam habitari, diuersam rationem necesse est, statuiffe lunae ac solis, quia illa ita quotidie extinguere, vt sol, et singulis noctibus noua luna oriri nequiret, licet hoc de eius splendore dici posset. Hinc, si admittendum est, quod PLUTARCHVS ⁱ ait, non soles tantum multos, sed et lunas pro climatum et regionum diuersitate Xenophanem asseruisse, intelligendum est de vaporibus istam lunae terram splendoris causa circumiacentibus, qui ex variis regionibus hausti, variam ei lucem conciliant. Ceterum vt absurda satis et ad populum tantum directa haec de rebus naturalibus differendi ratio est, ita impedita et intellectu difficilis sententia, cum ipsa Xenophanis eo de argumento carmina nobis defint.

XXIII. Nubes existunt, cum a sole vapores sursum feruntur, et in aërem coguntur ^k.

Ggg ggg g 2

XXIV.

^d) l. c. c. 24.

^e) ib. STOBÆVS l. c. p. 56.

^f) Conf. MOSHEM, l. c. p. 454.

^g) PLUT. l. c. c. 25.

^h) Acad. Qq. L. IV. c. 37.

ⁱ) l. c.

^k) LAERT. L. IX. c. 19.

XXIV. Anima spiritus est; quid vero per spiritum intellexerit LAERTIVS ^l, qui haec refert, non tradit. Videtur vero eodem vocem hanc intellexisse sensu, quo Deum siue vniuersum mentem dixit, et per spiritum rem siue vim potius sensibus non subiectam indicasse.

XXV. Multa minora esse mente. Τα πολλά ἤττω γὰρ εἶναι, dixit LAERTIVS ^m. Obscurum verborum sensum ea illustrant, quae supra de simili Alcmaeonis sententia dicta sunt, vbi demonstrauius, multa res sensibiles indicare: idem Eleaticum systema postulat, quod το ἐν, vnum, quod vniuersum est, immutabile, aeternum, semper idem, animo quoque et ratione siue vi diuina praeditum rebus multis, in sensus incurrentibus, semper variabilibus et mutabilibus opponit. Vniuersi itaque rationem respiciendam, eiusque vim rationalem et diuinam sequendam, rerum sensibilibus fraudes et fallacias, quibus meris lusibus homini imponatur, et vnde rerum omnium mala et incommoditates oriantur, deferendas esse. Ita Xenophanis mentem explicari debere, ipsa vnius et multi notio, quae in Eleatica schola obtinuit, et vocis ἤττω significatio postulat. Conferendus cum his est post MERICVM CASAVBONVM ⁿ, PETRVS BAYLE ^o.

XXVI. Licet Deus sit, diuination tamen nulla est. Recte hoc sequitur ex notione de Deo Xenophanea; illa enim vis diuina vniuerso tantum inest, nec ad partes eius referri potest. Vnum vero ex philosophis fuisse Xenophanem, qui Deos esse diceret, diuinationem tamen furditus tolleretur, perperam ait CICERO ^p, Epicurum enim paria asseruisse, recte obseruat PLUTARCHVS ^q.

XXVII. Mare ideo falsum est, quod magna mixtorum in eo confluit copia ^r.

XXVIII. Terram tempore ab humido dissolui, probant conchae in media terra repertae, etiam in montibus, et Syracusis in lapidicinis inuentus piscis et phocarum typus, in Paro autem in profunditate rupis forma apuae, etiam cuiuslibet marini generis crustae in Melito. Quae ab eo superfuere tempore, quo omnia mari fuere obseffa; in limo enim exaruit typus ^s. Notabilis locus recentiorum industriae, qui de eiusmodi diluuii speciminibus egregia multa dixere, adiiciendus, ex eo enim nec veteribus ^t haec ignorata esse liquet.

XXIX. Omnes tollentur homines, cum delata in mare terra conuertitur in limum, postea renascentur in integrum, et hoc omnibus dat mundis fundamentum nascendi ^u. Periodicus hic mundorum ortus et interitus valde probat explicationem motus et generationis a Xenophane negatae supra datam. Non enim, nihil rerum sensibilibus mutari dixit, cum semper fluxa sit rerum materia, vnde necessitas harum mundi periodorum sequitur, sed immutabile et immobile aeternum illud, vniuersum, siue vnicam substantiam esse. Ex quibus simul recte infertur, vnicam substantiam Xenophanis a Spinozistica longe distare. §. VII.

^l) Ibid.

^m) ibid.

ⁿ) ORIG. l. c.

^o) Ibid.

^p) Ad l. c. Laërt.

^q) l. c. not. D. p. 517.

^r) Conf. PLIN. L. II, c. 103. SENECA Q. q. nat. L. III, c. 20.

^s) ORIGEN. l. c.

^t) De diuin. L. I, c. 3.

^u) l. c. L. V, c. 1.

§. VII. Xenophanis discipulus * eruditionis laude praeceptore non *Parmenides*. inferior fuit PARMENIDES Eleates, Pyretis filius. Tempus eius in Olymp. LXIX incidere, recte viri docti ¹ ad LAERTII ² locum, ex quo quidam Olymp. XXIX, alii Olymp. LXXIX exsculpsere ³, annotauerunt. Qui enim vel hoc, vel illud admittunt, tempora Xenophanis, quem audiuisse dicitur, non cogitant, quae neutri notationi annorum conueniunt. Nec obstat, PLATONEM ⁴ inducere Parmenidem cum Socrate colloquentem, hoc enim inuitis rationibus chronologicis fieri, supra iam ex ATHENAEO ⁵ annotauimus. Praeter Xenophanem Anaximandrum quoque praeceptorem habuisse tradidit Theophrastus ⁶, quod si verum est, mature Parmenidem philosophiae studio se tradidisse oportet, et ante Xenophanem Anaximandrum audiuisse. Testis quoque est Sotion ⁷, cum Ameinia et Diocheta Pythagoreis conuersatum fuisse, paupere illo quidem, sed honesto viro ac bono, eum quoque imprimis secutum esse, et vita functo facellum, tanquam heroi, dicauisse. Et haec quoque causa est, cur inter Pythagoreos, vel Semi Pythagoreos potius numeretur Parmenides, vt ex PORPHYRIO ⁸ et IAMBlichO ⁹ disci potest. Cum opibus prius abundaret, vitamque ageret ex generis nobilitate splendidam, tantaeque esset auctoritatis inter ciues, vt legibus patriam iuuaret ¹⁰, quouis anno iureiurando firmandis ¹¹, ab Ameinia ex strepitu ciuili ad otium et silentium philosophicum traductus est ¹², ita vt philosophiae totum se daret, in qua Zenonem, et, vt supra quoque inuimus, secundum quosdam Empedoclem discipulos habuit. Forte et Hermogenes, a quo Parmenideam philosophiam Plato didicit ¹³, inter eius discipulos referendus est. Sunt, qui amore eum minus casto illum persecutum esse affirmant ¹⁴, quod tamen rectius negant alii ¹⁵: vitam enim Parmenideam pro optima et virtutis plena prouerbiu instar dixit CEBES ¹⁶. Philosophatus est more seculi sui carmine, Xenophanem et Pythagoreos quosdam imitatus, quod ad arcanam referendum esse docendi methodum alibi diximus. Ex his versibus passim fragmenta occurrunt apud veteres, quae ex parte collegit H. STEPHANVS, incertum tamen est, vtrum omnia illa ad eum sint referenda. Parmenides orator, qui artem oratoriam scripsit, cum philosopho confundendus non est.

§. VIII. De Parmenidis philosophia anceps et incerta disputatio est, *Philosophia* vt sunt Eleatica fere omnia: nam nec ipsa Parmenidis carmina supersunt, et *Parmenidis*.

Ggg ggg g 3

quae

* LAERT. L. IX. f. 21. SVIDAS in Parmen. T. III. p. 53.

y) Palmerius et Menagius.

z) f. 23.

a) Prius Stephanus habet, posterius Scaliger.

b) In Parmenide.

c) L. XI. p. 505.

d) LAERT. l. c. peruersus est locus Laërtii apud STANLEIUM P. X. p. 876, qui Theophrastum in epitome Anaximandri citat. Hoc enim non vult Laërtius, sed testari in epitome Theophrastum, Parmenidem Anaximandri fuisse discipulum.

e) LAERT. l. c. Addi haec possunt catalogo Pythagoreorum apud FABR. Bibl. Gr. Vol. I. p. 48. 489.

f) De antro nymphar. p. m. 1123. ed. Rom.

g) Vit. Pythag. c. XXIX. n. 166.

h) LAERT. L. IX. f. 23.

i) PLUTARCH. adu. Colot. T. III. p. 434.

k) Ita LAERT. l. c. qui hoc ab Ameinia non a Xenophane factum esse monet. Inde conicimus, eum Pythagoreos audiuisse ante Xenophanem.

l) LAERT. L. III. f. 6.

m) Vit. PLATO in Parmenide.

n) ATHENAEVS L. XI. p. 505. o) In tabula.

quae hodie ex iis leguntur fragmenta, passim obuia, exiguae laciniae sunt ex integro Parmenidei systematis habitu decerptae, de quarum connexionem et sensu ex tota orationis serie iudicari non potest ^p. Platonem vero, qui Parmenideam philosophiam exposuisse videri voluit, suspectum esse, plus vna vice monuimus ^q. Sed et reliquae obscuritatis causae, supra de Eleaticis obseruatae ad Parmenidem pertinent, inter quas duplex philosophandi ratio, vna ex veritate, altera ex opinione, Parmenidi quoque admissa, vehementer eius sententiam obscurauit, Platonum vero consilium, Parmenidem in suas partes pertrahendi, eius philosophiam misere corripit. Reiecto itaque Platone, quem postea solum audiemus, de Parmenide differentem, nec admissis Platonis recentioribus, insanis veteris philosophiae corruptoribus, relationes scriptorum veterum inter se comparandae, et qua ratione cogitata Parmenidis inter se cohaerere potuerint, dispicendum est, ut aliqua verisimilitudine de eius placitis metaphysicis et physicis constet. Ea vero huc redeunt.

Philosophia duplex est, vel secundum opinionem et sensum, vel secundum veritatem. Illa propter materiae fluxum incerta et propter sensuum imbecillitatem lubrica et fallax est, haec propter rationem, certa et immoto fundamento constans. Distinctionem in Parmenidis schola celebrem, sed a veteribus, et ab ipso forte Xenophane, acceptam afferunt PLUTARCHVS, Aristocles apud EVSEBIUM et LAERTIUM ^r. Priorem philosophiae Parmenideae partem physicam recte appelles, posteriorem metaphysicam. In illa enim de rerum sub sensum cadentium origine, natura, alteratione, interitu et aliis eiusmodi phaenomenis philosophabatur; et rerum sensibus subiectarum, quaeue audiri, videri, tangique possunt, vicissitudines et mutationes exponebat. Haec cum materiae semper fluxae et in momenta mutabilis modificationibus et mutationibus constare censeret, et ex schola Pythagoreorum teneret, ita ex fluxis et mutationibus obnoxiiis scientiam certam non dari, opinionem huic philosophiae parti tribuit, sensibus fallacibus hanc incertitudinem augentibus. Cum vero partim ex Pythagoreorum, quos adamabat, schola, partim, ex Xenophanis quoque doctrina admitteret, aliud esse debere ens certum, vnum, immobile, quod vere substantiam efficiat, et sola ratione cognoscatur, quoque res omnes constent, metaphysicam quoque partem constituit, quae pro obiecto non ea, quae sensibus exposita sunt, sed quae ratione sola et abstractione mentali cognoscuntur, habet ^s. Qualis vero illa metaphysica fuerit, etsi, deficientibus monumentis Parmenideis vix dici certa ratione potest, non audiendi tamen sunt recentiores Platonici, et in his praecipue

SIM-

^p) Satis etiam sua more veterum recondebat dictionis figuris, SIMPLICIUS in Phys. Arist. apud LESCALOPIER, in CIC de N. D. p. 45. Probat id exordium libri eius de natura apud SEXTUM I. citando.

^q) Multo magis id de Platonis recentioribus tenendum.

^r) LAERTIUS, L. IX, s. 22. EVSEBIUS praep. L. I, c. 8.

p. 23. PLUTARCHI, adu. Coloten T. III. p. m. 416.

^s) Non PLUTARCHVS tantum loco adducendo id testatur, sed ipsum PARMENIDIS libri de natura exordium satis amplum, quod seruauit SEXTVS EMPIRICVS adu. Mathem. L VII, s. III seq. dignum quod cum his dictis conferatur.

SIMPLICIUS^r, quem studiose sequitur CUDWORTHVS^s, qui per metaphysicam partem, secundum veritatem philosophantem sensu Platonico rerum diuinarum et supra naturam positarum, id est, ab omni rerum materialium natura abstractarum contemplationem intelligunt, per partem physicam secundum opinionem philosophantem, rerum corporearum considerationem innui putant. Patebit enim ex dicendis, in metaphysica parte Parmenidem non ad spirituales naturas sed ad ipsam rerum omnium naturam in abstracto consideratam, siue ad vniuersi constitutionem metaphysicam respexisse. Quod licet aliter videatur CUDWORTHVS, qui ad ARISTOTELEM^t provocat, Parmenidem physicis opponentem, nihil tamen Stagirita auctoritate infringitur, apud quem physici illi sunt, qui ad solas rerum mutationes sensibus subiectas attendebant, quibus opponebat eos, qui generalia rerum principia et abstractas notiones considerabant, quales erant Pythagorei; ipse quoque Aristoteles docendi modum ita instituit, et de rebus sensibus obiectis earumque mutationibus in physicis, de principiis rerum generalioribus et mentis abstractione considerandis in metaphysicis egit. Id quod adductis eius locis contra Cudworthum docte tuitus est eruditissimus interpres^v. Quando vero physicae parti ad sensuum apparentiam philosophanti opinionem tantum tribuit, veritatem vero denegat, non hoc sensu Sceptico, sed Eleatico vel Pythagorico etiam intelligendum est. Non enim tam stupidus et cum ratione insaniens Parmenides fuisse videtur, ut quae physica sensibus fieri videmus, mera somnia et imposturas esse, nihilque prorsus habere ex vero contenderet, licet hanc ei dicam dudum scripserint veterum multi^z, et ex recentioribus non sine ingenio et acumine PETRVS BAYLE^a; ita enim homo physiologus totam rerum naturam sustulisset; at de rebus ille naturalibus et in sensus cadentibus principia haud obscura exposuit, et de causis rerum naturalium secundum sensus differuit. Sed referendum hoc more Pythagoreo, quem vehementer adamabat, ad materiae conditionem, quae cum fluxa, mutabilis et instabilis sit, certam et stabilem rem sola ratione comprehendere posse statuit. Dudum ita pro Parmenide verba fecit, contra Colotis calumnias disputans, PLVTARCHVS^b; qui postquam, multa, ostendisset, Parmenidem dicere de terra, coelo, luna, ac hominum procreatione, addit^c: *Quoniam autem omnibus aliis, ipso etiam Socrate prior (non tamen Pythagora) sensit naturam habere opinione aliquid, aliquid mente comprehendendum; opinabile autem istud est inconstans, et variis motionibus ac mutationibus obnoxium, et quod ob incrementa et decrementa alium ad alia respectum habens non semper eodem modo sensum afficiat: intelligibile vero alia species, quod est, ut ipse cecinit:*

Acter-

^r) l. c. f. 7. 17. 31.

^s) Syst. intellect. c. IV. §. 21. p. 466 seqq.

^t) Phys. L. I. c. 2. T. I. p. 253.

^v) Ad h. l. p. 461. not. 3.

^z) ARISTOTELES, SEXTVS, Colotes apud

PLVTARCHVM II, cc. Aristocles apud EVSEBIUM praep. L. XIV. c. 17. p. 756.

^a) Diel. v. Xenophanes T. IV. p. 515.

^b) l. c.

^c) Conferendum dictum libri eius de natura exordium in fine.

Aeternum, integrum semper, semperque quiescens,

suique simile, et constanter suam naturam conseruans; heic vocabulis calumniam struens Colotes, ac de rebus ad verba trahens disputationem, simpliciter ait Parmenidem, quia vnum ens ponat, omnes res abolere. Reliqua, ne nimis prolixi simus, licet rem valde illustrent, omittimus; haec enim, quo sensu physicam a metaphysica sua distinxerit, satis declarant.

*Metaphysica
Parmenidis.*

§. IX. Metaphysicam philosophiae partem eodem fere modo, quo Xenophanes, instituit Parmenides, quaedam tamen ex Pythagoreorum accepta scholis sibi seruauit soli. Ita vero ratiocinatus fuisse dicitur:

I. Ex nihilo nihil fit.

II. Omne rerum principium vnum, immobile, et immutabile est.

III. Vnum itaque vniuersum est.

IV. Vnum illud aeternum est, et, originis expers, ac sphaerica indutum forma.

V. Solum hoc vnum ens vere est, reliqua omnia nonentia sunt, adeoque nihil.

VI. Nulla itaque res generatur, vel corrumpitur, sed species tantum eius rei nobis imponit.

Ita Parmenideam metaphysicam nobis exhibent ARISTOTELES^d, PSEUDO-ORIGENES^e, PLUTARCHVS^f, et Aristocles apud EVSEBIUM^g. Quae Xenophaneae metaphysicae valde affinia esse, et laudati auctores monuere, et ipsa docet inspectio. Valde tamen de sensu eorum in diuersa abierunt non veteres tantum, sed etiam recentiores, praesertim illi, qui de Parmenideae theologia solliciti atheismi culpam ei vel imputarunt, vel ab ea illum liberarunt. Prius fecere triumviri in veterum dogmatibus iudicandis acerrimi ingenii PETRVS BAYLE^h, IOH. FRANC. BVDDEVSⁱ, et NICOL. HIERONYMVS GUNDLINGIUS^k, quibus accessit Ven. WOLFIVS^l. Hi Spinozae eum impietati praeluisse putant, cum Xenophane vna omnium rerum substantiam statuisset contententes. Intercedit vero hic pro Parmenide altera pars, quae rectius sensisse illum disputat, et Pythagorea secutum Parmenidem monens, vnum illud sensu metaphysico et theologico de vno rerum omnium fonte, causaque suprema, ex qua omnia essentiam ortumque acceperint, a qua dependeant et per quam veram essentiam habeant, cum reliqua nonentia, id est, res semper mutabiles et alterationi atque mutationi in momenta subiectae sint, intelligenda esse asserit, quam Parmenidei systematis explicationem primus PLATO in *Parmenide* dedit, secuti vero eum sunt magno consensu Platonicus Alexandrini, et ex his PLOTINVS^m, PROCLVSⁿ, SIMPLICIUS^o, recen-

^d) Physic. L. I. c. 2-3. T. I. p. 253 seqq.

^e) l. c. c. XI. p. 86.

^f) De plac. philos. L. I. c. 24 et adu. Coloten. l. c.

^g) l. c.

^h) l. c.

ⁱ) Anal. hist. phil. p. 323. thes. de atheismo c. I.

§. 39. p. 60.

^k) Gundlingian. P. XV. diff. I. p. 372 seqq.

^l) Ad l. c. philosophum.

^m) Enn. V. L. I. c. 8. p. 490.

ⁿ) Introd. in theol. Platon. L. I. c. 7. p. 15 seqq.

^o) l. supra cit. Addi potest SYRIANVS Comm. in Phys. Arist. fol. 31.

recentiori vero aetate post IVSTVM LIPSIUM^p, et PETRVM GASSEN-
DVM^q, AVCTOR, *artis cogitandi*^r, IO. REN. VALLINVS^s, MICH.
MOVRGVES^t, et imprimis, qui multus est eruditeque in Parmenide pur-
gando versatur, RAD. CVDWORTHVS^u. Non negamus, ancipitem esse
controuerfiam, cum non vtramque tantum explicationem metaphysica Par-
menidis admittat, sed praeceptores quoque, quos audiuit, vtramque suadeant,
et Pythagorei posteriorem, Xenophanes priorem interpretationem exhi-
beant. Quae ratio permouit doctissimum IAC. FRIDER. REIMMANNVM^x,
vt maluerit ἐπείχων, quam vel pro excusando vel contra accusandum Par-
menidem aliquid dicere. Eandem nos quoque olim viam cautius incessuri
elegimus^y. Eruditissimus vero MOSHEMIVS^z, verisimili ratione de Par-
menidis mente statui posse ratus, hanc ei sententiam tribuit, per vnum illud
intelligendum esse, totam rerum, quas videmus, molem seu vniuersitatem
rerum naturaeue, sed a formis omnibus et qualitatibus ratione et cogitatio-
ne abstractam. Huic quae adscribantur attributa a Parmenide, ea non omnia
cadere in Deum, Deum enim, teste CICERONE^a, vocare, *Stephanen, id
est coronam, continentem ardore lucis orbem, qui cingit coelum*. Hunc
ignem esse, quem non rerum tantum esse principium, sed et demiurgum
LAERTIVS^b Parmenidi tribuit. Haec cum de Deo in physica statuerit,
in metaphysica haec non potuisse ad vniuersum transferre, cum Deus eius
in extremo mundi orbe sit, in quo ignis ille mundanus resideat, isque πε-
περασμένος dici nequeat. Vnum igitur et omne Parmenidis totam rerum
naturam esse, at in se, nec oculis, sed ratione ac ingenio spectatam. Men-
tem itaque philosophi hanc esse: Tametsi variae contingerent rerum muta-
tiones, conuersiones, generationes et corruptiones, philosophi tamen esse,
altius spectare, atque ipsam rerum naturam, a tot eius formis modisque me-
ditando fecernere. Id si fiat, apertum fore, omnem vniuersitatem esse vnā,
id est, continua serie inter se connexam et aptam, quamuis multae res vide-
rentur separatim et per se consistere; eandem esse aeternam nec a quoquam
genitam: praeterea immutabilem, id est, nullam eius partem naturam suam
amittere posse, licet omnes varie transferantur, et modo hanc, modo aliam
ingrediantur naturam, denique immobilem, id est, omnes, qui contingant in
rerum natura, motus haud impedire, quo minus ipsa tamen moles in vni-
uersum considerata stabilis et inconcussa maneat. Non sine magna verifi-
similitudinis specie haec dici, et propius reliquis Parmenidei vnus et vniuersi
explicationibus ad scopum collineare, fatebitur quilibet, qui hypotheseos
prae-

p) Manud. ad philos. Stoic. L. II. diu. IV. p. 134.

q) Opp. T. I. p. 138.

r) P. III. c. 19. p. 246.

s) Ad Boeth. de consol. philos. p. 72.

t) Pl. n. theol. du Pythagoreisme p. 16.

u) Syst. int. c. IV. §. 21. p. 462 seqq.

x) Hist. atheismi Sect. I. c. XXX §. 3. p. 205, 206.

y) Ita enim intelligenda sunt, quae pec. epistola
de atheismo Parmenidis differimus, inserta Bibl.

Germanique T. XXII. p. 90 seq. vbi non, absolu-
endum esse Parmenidem, sed retinendum assensum,
cum et tolerabiliorem explicationem admittat,
probare contendimus. Quod non satis expressit
doctissimus interpres Gallus, reliqua eleganter et
perspicue enarrans.

z) Ad l. c. CVDWORTH p. 468.

a) De nat. Deor. L. I. c. II.

b) Lib. IX. f. 22.

praeiudicio impeditus haud est. Pythagoreum enim et Platonicum sensum minori ei probabilitate tribui, vel inde constat, quod vnum vniuersum hoc non finitum tantum, sed et *σφαιροειδὴ* dixit, quod, ita explicare, vt Deus dicatur *πέρας καὶ μέτρον τῶν πάντων*, quod vult CUDWORTHVS, quodque absolutae perfectionis sit, frigidum prorsus esse et a Parmenidis mente alienum, recte monuit Ven. WOLFIVS c). Cumque Parmenides, vt supra obseruatum, prius Pythagoreos audierit, et post eos demum Xenophanem, probabilius est, posterioris mentem expressisse, vel cum illorum systemate copulauisse et in concordiam rede gisse. Certe Platonem adulterasse Parmenidis doctrinam, veteres, vti supra dictum, dudum obseruarunt. In eo tamen, pace viri summi, ab hac eius doctrinae Parmenideae explicatione recedendum esse putamus, quod Deum ab hac vnus et vniuersi notione remouendum esse putat. Obstatre his videtur, non *τὸ πάντος* tantum notio, quae Deum quoque complectitur, in vniuerso comprehensum, licet ille pars tantum eius sit: sed et affectiones vni vniuerso tributae, quae locum sine Deo habere nequeunt. Nec obstat, vniuersum dixisse finitum, id enim ratione tantum termini, non vero virtutis intelligendum esse, ex conceptu Dei Parmenideo intelligitur, nec aliter Xenophanes quoque statuit, quem tamen in vniuerso Deum comprehendisse, ipse vir doctissimus statuit. Nobis itaque admissa egregia obseruatione, Parmenides metaphysicam et abstractam vniuersi ideam sibi finxisse, illique attributa ista tribuisse; eodem fere modo, quo Xenophanis vnum explicuimus, intelligendus esse videtur, hoc tamen discrimine, vt, cum Xenophanes vnum vniuersum vi tantum quadam diuina animatum admiserit, Parmenides Pythagoreis sententiis innutritus Deum tanquam formam informantem, ignem nempe mundanum per vniuersum diffusum, aut in extremo vniuersi orbe speciali ratione residentem, indeque per omnia permeantem statuerit: qua ratione Deus quidem corona est, metaphorico dicendi genere, vt solent poëtae, adumbratus, ardore lucis orbem continens, principium tamen vniuersi demiurgicum constituit; abstractione vero mentali considerato vniuerso, vnum idemque cum eo est, iisdemque attributis gaudet; quae a Pythagoreo systemate non nisi in eo abluunt, quod hoc monadem tantum causaliter et efficienter, Parmenides vero subiectiue et inhaesiue (liceat paulisper perspicuitatis causa *ἐκβαλεῖν*) explicet.

Physica Parmenidis.

§. X. Haëtenus metaphysice et in rationis tantum praecisione vniuersi naturam considerauerat Parmenides, haecque certissimis rationibus constare existimabat: vt vero earum quoque, quae sensibus exponuntur, rerum naturalium, earumque mutationum causam probabilem redderet, physicam quoque partem rationibus instruxit. Quam licet ob materiae perpetuum, quem a veteribus assertum ipse quoque admiserat, fluxum et mutabilitatem eadem, qua metaphysica, certitudine non niti crederet, principiis tamen partim Ionicis, partim Pythagoreis vsus, ita de rerum naturalium principiis, gene-

c) Ad l. c. ORIG.

generatione et alteratione differuit, vt non ineptum nobis systema efformaret, quod recentiori aetate Bernardinum Telesium recoxisse, ad haec tempora delati suo loco prolixius exponemus. Ita vero ratiocinatus est, si veteres audias, Parmenides :

VII. Elementa siue principia rerum calidum sunt et frigidum : et haec ignis atque terra sunt, quorum ille causa efficiens est, haec materialis. Ita docuisse Parmenidem, vt rerum sensibus patentium causas exponeret, LAERTIVS ^d, PSEUDO - ORIGENES ^e, PLVTARCHVS ^f alique veterum testantur, idque qua ratione intelligendum sit, ex adductis in antecedentibus facile cognosci potest. Tantumque haec elementa inesse omnibus dixit, vt in sole quoque calidum et frigidum reperiri assereret ^g. Haec vero ad principia physica, non ad metaphysica referenda esse, ex supra dictis probe obseruandum est, videturque Parmenides Pythagoreos quidem esse secutus, posthabito tamen discrimine inter ignem naturae et elementarem. Illum vero vniuersi orbem cingere, ex adducto Ciceronis loco eum statuisse constat, id quod ab antiquissimis philosophis, vt alia quoque, accepit. Ceterum praeter ignem et terram, quae principiorum instar posuit Parmenides, amorem quoque et litem si non inter principia, inter affectiones tamen eorum retulisse, versus eius ab ARISTOTELE ^h, SEXTO EMPIRICO ⁱ et STOBAEO ^k seruatus innuit, quo in dogmate necessitatem, id est, intrinsecam τῆς χάρις dispositionem praesupposuisse cum Hesiodo Parmenidem, PLATO ^l affirmat. Ex quibus constat, Parmenidem in explicanda rerum naturalium γενέσει theologorum Graecorum systema valde secutum fuisse, et in eo mixturam particularum ita posuisse, vt igne intus latente limum illum humidum, quem terram dixit, commouente, calidoque innato partes humidus fermento quasi inficiente, partes heterogeneae separarentur, coirent homogeneae, et istius necessitatis commotione et formatione elementa, exque horum inter se coniunctione et mixtura res omnes orirentur. Ex his vero sequitur, quod initio monuimus, vniuersi constitutionem a materialium rerum conformatione esse distinguendam.

VIII. Luna eiusdem cum sole splendoris est, ab hoc tamen mutuam lucem accipit ^m.

IX. Terra rotunda est, et in medio posita. Primum hoc asseruisse Parmenidem, LAERTIVS ⁿ auctor est.

X. Terra vndique aequaliter distat, aequilibrioque suspensa, vt causam non habeat, cur huc potius, quam illuc vergat : et licet concutiatur, loco tamen commoueri non potest ^o.

XI. Homines primi ex limo geniti sunt, mediante calido et frigido,
Hhh hhh h 2 quo

^d) Lib. IX. f. 22.

^e) l. c.

^f) l. c. adu. Colot.

^g) LAERTIVS l. c.

^h) Metaphys. L. I. c. 4.

ⁱ) Adu. mathemat. L. IX. f. 9.

^k) Eclog. phys. c. 12.

^l) In conuiuio.

^m) STOBAEVS l. c. c. 24.

ⁿ) LAERT. L. IX. f. 23.

^o) PLVT. de plac. phil. L. III. c. 15. qui primum terrae loca habitata discreuisse duabus sub circulis solstitialibus iacentibus zonis ait.

quo constant, vt omnia. Apud LAERTIVM^p est ἡλὶς ex sole, quod commodum sensum non patitur, nisi dicas, ignem illum solis causam fuisse et effectricem et materialem hominis animam praediti, cum sol quoque calido et frigido constet, quod tamen nostro iudicio verbis Laërtii non facit satis. Recte itaque ALDOBRANDINVS et MENAGIVS praeferunt lectionem Cod. Basileensis, qui ἐξ ἁλὸς habet, quod etiam cum systemate Parmenidis physico concordat, quod ex chao, siue limo igne agitato omnia prodiisse statuit.

XII. Mundus olim interiturus est. Modum non addit, qui haec refert PSEUDO - ORIGENES^q, coniiciendum tamen, Parmenidem nec a Pythagorae, nec a Xenophanis systemate abiisse, et ignis conflagratione periodica innumeras mundorum vicissitudines asseruisse. Vniuersum enim non corrumpi, ex supra dictis notum est.

XIII. Pars animi principalis in pectore residet^r.

*Dialectica
Parmenidis.*

Pauca haec sunt, quae ex physicis Parmenidis placitis nobis seruauit antiquitas. Dialecticae non ignarum fuisse, ex eo probare contendit SEXTVS EMPIRICVS^s, quod Aristoteles eius discipulum Zenonem, eius artis auctorem faciat, quod tamen misere concluditur. Nec ex Platonis Parmenide, quod vult FABRICIVS^t, argumentum sumi potest, cum ille dialogismus nunquam inter Parmenidem et Socratem habitus, sed a Platone confectus sit. Quod vero SARISBERIENSIS^u habet: *Parmenidem Aegyptium in rupe vitam egisse, vt rationes logicas inueniret*, sine teste fide digno dicitur. Probabilius diceretur, artis dialecticae mysteria Parmenidi non ignota fuisse, si verum esset, quod Phauorinus ait apud LAERTIVM^x, argumento eum vsu, quod Achillem vocat, Zenoni ab aliis adscriptum: verum in hoc quoque certius argumentum desideramus, nec videtur Parmenides vltra naturales ratiocinandi regulas vel mathematicos canones de dialecticis fuisse curiosus.

*Platonis doctrina
Parmenideae.*

§. XI. Conscripsit, quod iam innuimus, PLATO dialogum metaphysicum, quem a collocutore praecipuo *Parmenidem* inscripsit: inque eo veram Parmenideae hypotheseos de vno summo et vnitatibus in eo sitis atque fundatis se explicuisse videri voluit. Nihil vero agit aliud, quam vt, eleganter summam complectente FICINO^y, doceat, *quemadmodum ipsum vnum rerum omnium principium sit, super omnia, omniaque ex illo, per illud, atque ad illud, quoque pacto id ipsum extra omnia sit, et in omnibus*. Ad cuius cognitionem metaphysicam vt gradatim ascendat, a sensibilibus ad intelligibilia, siue vnitates et ab his ad summam monadam, in qua, tanquam radice, reliquae omnes haerent, ascendit. Prolixe itaque de ideis hic disputat, et, quae a Pythagoreis de numeris acceperat, iis aptat. Ex quibus, si cum istis conferantur, quae in antecedentibus diximus, patet, multum abesse hanc Platonis doctrinam a genuino systemate Pythagoreo. Cum itaque

^p) f. 22.

^q) l. c.

^r) PLVT. l. c. L. IV. c. 5.

^s) Adu. mathem. L. VII. f. 6.

^t) Ad l. c. SEXTI.

^u) Metalog. L. II. c. 2.

^x) f. 23.

^y) In argum. ad hunc dialogum p. m. 42. summam quoque dedit STANLEIVS P. X. p. 877. quem perspicuitatis causa sequimur.

que supra de Platonis hac de re mente fatis actum sit, aliud non afferimus, nisi quod spuriam hanc Parmenideam philosophiam paucis adumbramus, licet totus dialogus, anfractuosa disputatione obscurus, legendus ei sit, qui nugas Platonicas accurate intelligere cupit. Potiora haec sunt.

I. Omnia vnum sunt et multa; vnum est idea originalis, multa vero singularia.

II. Dantur ideae, hoc est, certae quaedam communes naturae, quae includunt singularia, et eorum causae sunt, a quibus naturam et nomen fortiuntur. Multa vero existentiam habent, prout ex vno participauerint in speciebus istis.

III. Singularia neque subsistere, neque intelligi possunt, nisi in ista specierum communitate. Vnum itaque species est, aliud individua in vno comprehensa.

IV. Ideaе istae gemina ratione subsistunt in mente nostra vt notiones, et in rerum natura vt causae.

V. In rerum natura ideae existentes virtutem habent, tam existentiam, quam nomen largiendi.

VI. Omnia entia ad hanc ideae vnitatem reducuntur, suntque adeo res inuisibiles.

VII. Idea duplex est, αὐτὸ τὸ καλὸν ὅ ἐστι καὶ τὸ ἀγαθόν, pulchrum quod idem est ac bonum, et omnes res quas concipimus, tanquam ideas. Prius Deus est, alterum sunt species rerum in ordine naturae.

VIII. In ideis illis secundis vnum est aliquod, quod est fundamentum omnium singularium et indiuiduorum.

IX. Vna eademque species in pluribus indiuiduis diuisim existentibus, penitus est, neque a se ipsa distincta, sed in se ipsa tota vna.

X. Multa, id est, singularia, ita ex ideis suis participant, vt indiuisibiles maneant ideae, et essentiam in se ipsis habeant, nec merae relationes sint.

XI. Et si notiones mentis nostrae ideas rerum referunt, et aeternas naturae formas exprimunt, non tamen sunt entia realia, sed tantum similitudines et imagines entium; communicatio tamen ab ideis cum notionibus mentis deriuatur.

XII. Primariae ideae archetypae proprietates sunt, vt non sit multiplex, neque partibus et figura vestita, sed infinita; vt motu destituatur omni; vt sit aeterna; vt potentiam et facultatem existendi omnibus conferat, ipsa vero omnem excellat essentiam, vt per omnes res diffundatur, et multiplicitem vnitatis limitibus circumscribat.

XIII. Idearum secundariarum proprietates sunt, vt sint vnum, sed finitum; vt in mente quidem diuina existant, in singularibus tamen conspiciantur, e. g. humanitas in homine, vt sint eadem et diuersae, eadem in se ipsis, diuersae in singularibus, ideoque quiescant et moueantur; vt principiis contrariis agant, ita tamen vt contraria haec vno similitudinis vinculo

coniungantur, unde tertium quoddam existat: ut in tempore agant, quicquid agant, semper tamen permaneant.

Ex quibus parca manu, ne taedium difficilibus nugis lectori creemus, datis patet, Platonem metaphysicam Parmenideam valde corrupisse, quaeque is de vna rerum omnium natura dixit, ad ideas suas formasque rerum, et causas retulisse, indeque seriem entium per se talium ex prima monade, Deo, deriuasse. Disputatum est nostra aetate, cum monadum doctrina a magno LEIBNITIO reuocaretur, num Parmenideam ea philosophiam exhibeat, quod GODOFR. WALTHERVS² erudito commentario demonstrare aggressus est. Etsi vero id non inuito philosopho hoc summo fieri, ipsa eius confessio^a probat, rectius tamen ab eiusmodi comparationibus abstinendum esse putamus, quae plerumque systemata magis adulterant, quam illustrent.

Melissus.

§. XII. Parmenideam doctrinam secutus est MELISSVS Samius Ithaginis filius^b, Parmenidis discipulus, qui vero, teste LAERTIO^c, cum Heraclito quoque eo tempore versatus est, quo Ephesii de eo ab illo commendato nihil inaudiuerant. Ex quibus circa Olymp. LXXXIV, ut habet Apollodorus quoque, floruisse colligitur. Fuit in republica quoque administranda magni nominis, tantaeque inter ciues auctoritatis, ut classi praeficeretur, qua, referente PLVTARCHO^d, Athenienses nauali pugna vicit. Scripsisse librum *de ente et natura* auctor est Alexander Aphrodisiensis apud BESSARIONEM^e, qui vero intercidit. Doctrinam prorsus secutus est Elaticam, testibus enim veteribus statuit:

I. Principium rerum omnium vnum esse, et immobile^f.

II. Vnum hoc omnia esse.

III. Vnum hoc ens esse infinitum, factum enim non esse, adeoque principium et finem non habere, non dari vero infinita plura, quam vnum^g.

IV. Infinitum hoc ens vniuersum esse, et immutabile, atque immobile, et vnum, sibi ipsi simile et plenum. Vacuum enim non dari, adeoque neque motum in vniuerso, sed tantum videri esse^h.

V. Res non generari atque corrumpi, verum ita tantum nobis videriⁱ.

VI.

2) In sepulchris Eleaticis referatis c. III. §. 6. p. 17 seqq. qui ita Parmenideam doctrinam ordinat: I. Existencia differt ab essentia rerum. II. Essentia rerum existentium extra illas est. III. Sunt quaedam res similes, quaedam dissimiles. IV. Quae similes sunt, eodem essentiae conceptu comprehenduntur. V. Omnes res referuntur ad certas classes et ideas. VI. Omnes ideae in vno existunt, in Deo, hinc omnia vnum sunt. VII. Scientia non est notitia singularium sed specierum. VIII. Differt illa a rebus existentibus. IX. Cum haec ideae in Deo sint, ideo latent hominem. X. Hinc homini incomprehensibilia sunt omnia. XI. Notiones mentis idearum umbrae sunt et imagines. Valde tamen timemus, ut haec omnia Platonis mentem exprimant, multo minus Parmenidis. Verum

in tam obscuro argumento et tractatione facile licet dissidere.

a) Suas enim monadas esse τὰ ὄντας ἑντα, substantias simplices, Deum, animas et mentes simulacra vniuersitatis ait in ep. ad HANSCHII tr. de enthuf. Platonico.

b) LAERT. L. IX. f. 24. conf. MENAG. ad h. l.

c) ibid.

d) Aduersus Coloten T. III. p. 434.

e) Contra calumnias. Platon. L. II. c. IX. conf. FABRIC. Bibl. Graec. Vol. I. p. 778.

f) ARISTOT. physic. L. I. c. I.

g) ibid. LAERT. L. IX. f. 24. et MENAG. ad h. l. qui plura veterum loca laudat.

h) ARISTOT. physic. L. IV. c. 8.

i) PLATO in Theaet. SEKT. EMPIR, Pyrrhon. hyp.

VI. De Diis nihil definiendum esse, neque enim illorum certam dari cognitionem ^k.

Nihil in his est, quod non Parmenideam metaphysicam sapiat, et ibi explicatum sit. Ex quo sequitur, haec non ad physicam philosophiae Eleaticae partem referenda esse, in qua sine dubio Parmenidem quoque secutus est. Nec obstant, quae Melisso tribuunt PALAEPHATVS ^l atque SVIDAS ^m, dixisse: ea, quae nata non sunt, originem non habere ⁿ: Aperte enim haec distinguunt inter vniuersi rationem aeternam, et ea, quae nascuntur atque intereunt, quorum illud ad metaphysicam, hoc ad physicam Eleaticam pertinet. Ex his vero de atheismo Melisso imputato iudicandum est, qui cum Parmenide eadem causa statque caditque. Prius BVDDEVS ^o posterior AUCTOR *artis cogitandi* ^p et REIMMANNVS ^q tuentur. Quae enim de Diis dixit, esse incertum, an sint? id ad physicam partem pertinet, in qua cum omnia igne et terra constare dixerit, necessario Deos gentilium subuertit. Vniuerso autem Deum formaliter inesse, metaphysica Eleatica assererat: quod an atheismum inuoluat, nec ne, facile iudicari potest ^r.

§. XIII. ZENO, a patria Eleates dictus, quo cognomine ab aliis Zenonibus, philosophiae studio claris, de quibus haec dictum est, praecipue a Cittieo, Stoicae familiae parente, distinguitur, patrem naturalem habuit Teleutagoram, Parmenides vero, quem audiuit, eum tantopere dilexit, ut filium adoptaret ^s, quo nomine tamen male apud quosdam audiit, quod incesto amore ab eo diligeretur. PLATO ^t procerae staturae fuisse, et elegantis ait. Non vero philosophia tantum, sed etiam republica gerenda valde inclaruit, scriptisque eruditissimis magnam sibi famam peperit. Nulla vero re magis nominis celebritatem sibi conciliauit, quam magno et imperterritito, quem inter supremos cruciatus, ostendit animo. Rem varie narrant veteres: VALERIUS MAXIMVS ^u, patriam, ait, egressum, Agrigentum, miserabili seruitute obrutum petiisse, tanta fiducia ingenii ac morum suorum fretum, ut sperauerit, et tyranno et Phalaridi vesanae mentis feritatem a se eripi posse. Postquam deinde apud illum plus consuetudinem dominationis, quam consilii salubritatem valere animaduertisset, nobilissimos eius ciuitatis adolescentes inflammauisse cupiditate liberandae patriae. Cuius rei indicium cum ad tyrannum manasset, conuocato in forum

Zeno Eleates.

hyp. L. III. c. 7. f. 65. SIMPLIC. ad ARISTOT. phys. L. I. c. 3. LAERT. I. c. et MENAG. ad h. I. ARIST. de coelo L. III. c. I.

^k) LAERT. I. c.

^l) De incredib. p. 8. ed. GALEI.

^m) In γενετικῇ T. I. p. 473.

ⁿ) Apud Palaephatum est: ἐν ἀρχῇ ἔστιν, ἃ ἐγένετο, καὶ οὐκ ἔστιν, quae rectum sensum non fundere, vidit VOSSIVS ad h. I. sed perperam emendauit. Voculam enim, ἃ ante ἐγένετο, deesse ex Suida patet, qui ita exprimit: τὸ μὴ γενόμενον ἔστιν

ἔστιν ἀρχὴν. Ita enim cum Eleaticis Peripatetici quoque statuerunt, mundum nunquam natum, sed aeternum fuisse, licet diuerso sensu. Ex horum vero familia Palaephatum fuisse THEON et TETZES asserunt.

^o) Thes. de atheismo c. I. §. 19. p. 61.

^p) P. III. c. 19. p. m. 362.

^q) Histor. atheismi I. c. p. 207.

^r) Conf. MOSHEM. ad GVDWORTH. p. 472.

^s) LAERT. I. IX. f. 25. SVID. in Zeno T. II. p. 8.

^t) In Parmenide. Eleaticum Palamedem vocat.

^u) Lib. III. c. 3.

forum populo, torquere eum vario cruciatus genere coepisse, subinde quaerentem, quosnam consilii participes haberet: at illum eorum neminem nominauisse, sed proximum quemque ac fidissimum tyranno indicauisse, et suspectum reddidisse, increpitantemque Agrigentinis ignauiam et timiditatem effecisse, ut subito mentis impulsu concitati Phalarim lapidibus prosternerent. Alii * aliter rem referunt, Satyrus enim contra Nearchum, vel ut alii volunt, Diomedontem tyrannum conspirauisse, tyrannique aurem mordicus tenendo non dimisisse, cum ei quaedam manifestare se velle simulasset, donec vulneribus confectus concideret, ait. Id quod de naso morfu ablato refert Demetrius; Antisthenes nominato tyranno, post omnes eius amicos, ciuitatis peste, linguam morfu abscissam in os eius exspuisse, sicque ad opprimendum lapidibus tyrannum ciues excitauisse; Hermippus vero in mortario contusum fuisse tradit. Ex quibus liquet, valde incertas esse totius historiae circumstantias, ut in eiusmodi narrationibus solet, valde variantes. Et Valerium quidem Maximum et TERTULLIANVM^y audiendos non esse, quorum ille Phalarim, hic Dionysium tyrannum nominat, aetas vtriusque euincit. Etsi enim incerta Phalaridis aetas est, certum tamen mortem eius ante Olymp. LVII, ut vult BENTLEY, et post Olymp. LXIX. i. quod contendit DODWELLVS, non accidisse: Zeno autem teste LAERTIO^z circa Olymp. LXXIX floruit. Dionysius vero neuter tam mature regnavit, cum vtrumque viuum attigerit Plato. Hermippus vero et AMMIANVS MARCELLINVS^a Zenonem Stoicum et Anaxarchum cum Eleate confundunt. Valerius sine ratione duos Zenones Eleates comminiscitur, quorum vnus a Phalaride Agrigenti, alter Eleae a Nearchoequuleo subiectus sit. De ipsa tamen rei veritate, cum consentiant veteres, dubitandum haud est, circumstantias coniecturis veras assequi impossibile. Generosum vero contemptum eorum fouit, qui opibus et dignitate emerent, quae causa fuit, cur paruam Eleam fastui et splendori Athenarum praeferret, quas ut peteret, nunquam adduci potuit, sed plerumque in patria vixit^b. Refert etiam LAERTIVS^c conuiciis impetitur vehementius excanduisse; cumque causam interrogaretur, respondisse: *Si maledicta aequo animo admittam, neque laudatus gaudio perfundar*. Ex scriptis, quae adducit SVIDAS^d, nihil ad nos peruenit: de Empedoclis vero dogmatibus et rebus, quod ille tradit, scripsisse, falsum esse, ex temporum rationibus euincitur.

Philosophia
Zenonis
Eleatae.

§. XIV. Philosophiam parte rationali, id est, dialectica auxisse Zenonem Eleatem, post ARISTOTELEM^e, DIOGENES LAERTIVS^f, SEXTVS EMPIRICVS^g et SVIDAS^h testantur, quos recentiores pleriqueⁱ sequuntur. Obser-

* LAERT. L. IX. f. 26. Alios nominant MENAG ad h. l. et P. BAYLE Dict. T. IV. art. Zeno T. IV. p. 536. not. C.

y) In apologet. circa fin.

a) Lib. XIV. c. 9.

b) LAERT. L. IX. f. 28. c) f. 29. d) l. c.

e) Apud LAERT. L. IX. f. 27.

f) L. I. f. 18. L. VIII. f. 57.

g) Adu. math. L. VII. f. 7.

h) l. c.

i) PETR. RAMVS schol. diol. L. I. c. 3. G. I. VOSSIVS de nat. et const. log. c. VI. §. 2. P. GASSEND. de orig. et var. logic. c. 1. WALCHIVS hist. log. L. I. c. 2. §. 4. p. 499 seqq. reliquique fere historiae logicae auctores.

Obferuatque GASSENDVS ^k, tres partes logicae Zenonianae fuiſſe, confe-
 quutionum, dialogorum, et contentionum, priorem recte ratiocinandi re-
 gulas, quas PROCLVS enumerat, exhibuiſſe, alteram colloquiorum apte
 instituendorum artem tradidiſſe, dialogos enim primum ſcripſiſſe Zeno- *An auctor*
 nem ex vulgi rumore refert LAERTIVS ^l, tertiam erifticam fuiſſe, cuius *dialecticae?*
 tamen auctorem conſtituit LAERTIVS Protagoram. Duae tamen hic oc-
 currunt difficultates, remouendae. Vna circa vocem, dialectica et eriftica
 verſatur, quae eo, quo hic ſumitur, ſenſu de Euclide demum et Megaricis
 reliquis adhibita eſt, vt ſupra ex LAERTIO ^m obſeruatum: altera ea eſt,
 quod non tantum ex opinione diſputaſſe Parmenides, ſed inuentor quoque
 argumenti Achillei fuiſſe dicatur, vt in antecedentibus monuimus. Tolle
 tamen vtraque poteſt, ſi teneamus, vocem quidem dialectices iuniorum fuiſſe
 Zenone, rem vero, eo viuente in lucem quaſi prodiſſe. Euclidem
 enim Eleaticis ſcriptis inſudaſſe ſuo loco demonſtrauimus ⁿ. Parmenidem
 vero de logica arte curioſum fuiſſe, veteres tacent, artis tamen ratiocinan-
 di praecepta calluiſſe naturalia et mathematica in praecedentibus diximus.
 Imprimis vero Eleaticorum duplicem, quem aſſerebant iudicandi modum
 ex ratione et opinione occaſionem dediſſe, veriſimile eſt ad contentioſam
 diſputandi rationem deſcendendi. Cum enim metaphyſica Eleatica ſenſi-
 bus tantopere aduerſaretur, non potuit non ea magnis argumentorum pha-
 langibus oppugnari, quae vt eluderent, cum abſurdam hypotheſin veris
 non poſſent, falſis ratiociniis tuiſe ſunt, vnde oblata Zenoni anſa de regulis
 circa hanc rem cogitandi. Certe Eleaticas doctrinas hoc argumentorum
 genere eum deſendiſſe veteres non negant ^o.

§. XV. Metaphyſica et phyſica dogmata, ſi principia ſpectes et fun- *Metaphyſica*
 damenta, eodem, quo antecſſores in Eleatica ſchola, modo inſtruxit, in *Zenonis.*
 quibusdam, vt ſolet, mutauit. Doctrinam vero eius metaphyſicam ita ex-
 ponit ARISTOTELES ^p:

I. Impoſſibile eſt, vt, ſi aliquid ſit, id genitum ſit, vel fiat; cum enim,
 quicquid gignitur, vel ex ſimilibus, vel ex diſſimilibus gignatur, neutrum
 fieri poteſt; in illis enim, omnia eundem ad ſe inuicem reſpectum habent;
 in his nihil ex non ente, vel minore vel deteriore, ens, maius vel melius
 oriri poteſt.

II. Ergo vnum tantum ens eſt, et hoc Deus eſt.

III. Ens hoc excellentiſſimum eſt, adeoque aeternum, et vnum tantum.

IV. Vnus itaque Deus eſt, iſque gubernat omnia, gubernari enim haut
 poteſt, quia eſſet alio inferior, nec poſſet facere, quae vellet.

V. Cum vnus ſit, omni quoque parte ſimilis ſibi eſt, videndo pariter
 et audiendo, et reliquorum ſenſuum quouis. VI.

^k) l. c. c. 2. ^l) L. III. ſ. 47. ^m) L. IX. ſ. 22.

ⁿ) Vidit hoc CLERO Acad. Qq. l. IV. c. 42.
 Euclidem et Megaricos ex Eleaticis multum pro-
 feciſſe.

^o) PLUTARCH. In Pericle T. III. p. m. 278.

PLATO in Phaedro, Timon apud LAERTIVM
 L. IX. ſ. 25. conf. BAYLE l. c. not. A. PARCKER
 de Deo diſp. VI. ſect. 2. p. 492. GASSENDVS de Lo-
 gica c. 2.

^p) De Xenophane, Zenone, Gorgia, c. 3. T. I. p. 942.

VI. Cum omni parte similis sit, rotundum esse oportet, neque enim parte vna hanc, aliam parte altera figuram prae se ferre potest.

VII. Quia aeternus est, et vnus, et rotundus, neque finitus est, neque infinitus. Vnum enim neque enti, neque non-enti simile est.

VIII. Cum tale vnum sit Deus, neque moueri potest, neque immobilis est, illud enim rebus multis conuenit, hoc non-enti.

IX. Neque locus est, neque motus.

Series haec est ratiociniorum Zenonis, si Aristotelem, et vulgarem libri eius inscriptionem ¹ sequamur, cuius quoque fide, non satis hac in re firma standum est. Neque tamen ea quoque difficultate carent. Primum enim nodos hic nectit SENECA², qui Zenonem ait, *nimia subtilitate omnia negotia de negotio deficientem dicere, nihil esse. Illuc igitur si credendum, ne vnum quidem esse. Quid ergo, ita infert, nos sumus? quid ista, quae nos circumstant, alunt, sustinent? tota verum natura umbra est, aut inanis, aut fallax.* Summum hunc scepticisimi gradum esse, nemo non videt, sed haec vni quoque metaphysico, quod adstruxit Zeno, refragari, apertum est, vnde Zenoni tribuere vix audent IUSTVS LIPSIVS³ et P. BAYLE⁴: qui tamen adducto ARISTOTELIS loco a FONSECA luculenter explicato non sine verisimilitudine putat, Zenonem ista assertione tantum in disputationibus dialecticis usum fuisse, et ita, argumento ad hominem illato, ad absurdum eos deducere voluisse, qui cum Platone unitatem abstractam, vel punctum, ens esse dicerent. Alterum, quod obscurissimam reddit Zenonis metaphysicam, est, quod incertum sit, quo sensu vnum acceperit Zeno, vtrum metaphysico, vel logico, vel physico? Baelius enim, quique eius partes sequuntur⁵, vnam substantiam Spinositicam ab eo tradi, clarissimum esse pronuntiant, et in eodem cum Xenophane et Parmenide luto haesisse putant. CUDWORTHVS⁶ vero, vnum Xenophanis, Parmenidis et Melissi, cum vno Zenonis conuenire, mundumque non esse corporeum, sed diuinum statuit, cuius partes sequitur cl. REIMMANNVS⁷. Et sane, si dicendum, quod res sit, impossibile fere de vera Zenonis mente statuere: qui Deum quidem asseruit, qualem vero ei vim vocabulo subiecerit, nusquam explicuit, adeoque, et Spinozistico et orthodoxo sensu explicari potest. Recte itaque non minus quam modeste fecisse nobis censetur ven. MOSHEMIVS⁸, qui de eius disciplina pronuntiandum esse illud TERENCEII monet:

Incerta

¹) Conf. IDEM. Phys. L. VI. c. 9.

²) Dubiam eam fecit *agrippinates* FABRICIVS ad SEXT. EMPIR. Pyrrhon. hypotyp. L. I. f. 225. not. M. vsus tum auctoritate Codicis Lipsiensis, tum ratiociniis, ut euinceret e. l. non de Xenophane, sed de Zenone c. 3. non de Zenone, sed de Xenophane agere. Nondum tamen deferenda nobis communis lectio videtur. Vni enim Codicis Lipsiensis omnes alii recte opponuntur. Nec quae Sextus affert Xenophanis dogmata, tam affinia sunt iis, quae c. 3. asseruntur, ut non potius

iis, quae c. 1. differuntur conueniant. c. 2. etiam disertè Zeno Xenophani, de quo disputatur, opponitur. Nec Xenophanes dixit, Deum esse *nec ens, nec non-ens, sed ens vnum*, quod c. 1. traditur. Alia mittimus. ³) Epist. 58.

⁴) Manud. ad phil. f. Stoic. L. II. diff. 4. p. 136.

⁵) l. c. not. E.

⁶) BVDDEVS thes. de atheismo c. I §. 19. p. 62.

⁷) Syst. intell. c. IV. §. 21. p. 473.

⁸) Hist. atheism. c. XXX. §. 5. p. 208.

⁹) Ad l. c. CUDWORTH.

Incerta haec, si tu postules

Ratione certa facere, nihilo plus agas,

Quam si des operam, ut cum ratione insanias.

Ita enim recte rationes iudicandi de systemate Zenoniano iniri, patet vel ex eo, quod a communibus reliquorum philosophorum notionibus discessit, nimiaque abstractionum metaphysicarum subtilitate, vni suo omnes entis et non-entis affectiones et praedicata denegavit, adeoque neque mobile, neque immobile, neque finitum, neque infinitum esse dixit, id est, ex entium vel non-entium classe non esse affirmavit, sed metaphysicum quid sibi concepit; cum nihil ens esse diceret, quod non aliquam haberet magnitudinem. Hunc metaphysicum conceptum cum non explicuerit, quis, quaeso, has dispellet tenebras? Quia tamen operosis contra motum pugnavit argumentis, quae copiose explicuit BAYLE ^a, suspicio non iniusta est, a metaphysica Eleatica eum non recessisse, nugis tamen et tricis dialecticis rem in se obscuram magis obscurasse et reddidisse implicitam. Talia enim ratiocinia sunt, quibus motum impugnavit ^b.

X. Plures mundi sunt ^c. Eleaticum hoc est, ab antecessoribus relictum Zenoni.

XI. Vacuum datur nullum ^d. Necessario *κύριον δέγμα* physicorum ante Aristotelem, Zenoni quoque placuit, qui motum locumque negavit, et ad utramque extensionem requisivit. Hinc enim innumeras oriri difficultates ea satis probant, quae nostra aetate inter Cartesianos et Gassendi sequaces, itemque inter illos et Neutoni atque huius et Leibnizii affectas de hac re disputata sunt ^e.

XII. Natura omnis consistit in calido et humido, ex frigido et arido, quae inter se commutantur.

XIII. Homo ex terra factus est, animaue eius ex quatuor istorum temperamento extitit, nullo eorum praedominante ^f.

§. XVI. Haecenus metaphysica quadam ratione de universo disputavit Eleatica secta; physica secundum opinionem exposuit, et a sectis arbitrariis illustravit principiis. Aliter vero rem instituit LEUCIPPVS, quem Eleatem quidam faciunt, Abderitanum alii; sunt etiam, qui Melium dicant ^g. Is vero, etsi Zenonis erat discipulus, et Melissi forte quoque ^h, eandem tamen, quam praeceptor tenuit, de rebus naturalibus differendi viam non tenuit, novumque in hac secta excogitavit systema physicum ⁱ. Scripsit *opus physicum*, hodie deperditum, unde, quae de eo referunt, haufere scriptores veteres. Liber etiam *de mente* ei tribuitur et scripta alia ^k, quae plerique discipulo eius Democrito, qui Leucippeam physicam perfecit et absolvit, adscribunt.

*Leucippus
Eleaticam
philosophiam
immutat.*

Iii iii i 2

§. XVII.

MAIZEAUX Ep. ad Conteum T. II. recueil de prec.
etr. p. 372. f) LAERT. l. c.

a) l. c. not. E.

b) ARISTOT. Phys. L. VI. c. 9.

c) LAERT. L. IX. f. 29.

d) ibid.

e) Inde enata occasio, quod Leibnizius nihil noui erit, vel interire prorsus quicquam diceret, Leibniziana cum Eleaticis comparandi cl. DES

g) LAERT. L. IX. f. 30.

h) TZETZ. Chil. v. 980.

i) PSEUDO-ORIGENES philosophum, c. XII. p. 88. k) Conf. FABRIC. Bibl. Graec. V. I. p. 778.

*Rationes de-
relictæ me-
taphysicæ
Eleaticæ.*

§. XVII. Rationes vero cur, et quomodo Eleaticam metaphysicam dereliquerit Leucippus, nouumque systema secutus sit, quod naturali magis modo, quique sensibus etiam satisfaceret, instrueretur, comparatis scholæ Eleaticæ circumstantiis facile detegi possunt. I. Scilicet ex antecedentibus repetendum est, metaphysicis argumentis atque abstractionibus maxime sensus offendisse Eleaticos priores, et de vniuerso ita statuisset, vt non possent non sensuum labefactari testimonia, nutareque, quæ ad explicanda rerum sensibilibum *φαινόμενα* afferebant, principia. Quibus medicina adhibita, quæ salutis esse debebat, fuit exitio. Sensuum enim cum fidem accusarent, et a veritatis certæ cognitione remouerent, sola opinione illis relicta, actum erat, si verum fatendum, de tota physica, quæ nullius naturalis effectus causam et rationem asserere poterat, quæ non contraria ratione conuelleretur, vel metaphysico etiam argumento aliquo euerteretur. Id quod viris, serio et secundum naturam philosophari cupientibus necessario displicuit.

II. Fuisse inter hos Leucippum et Democritum, iudicii, quo pollebant, acies facile suadet. Qui cum solida magis desiderarent, et obiectionibus physicorum premi systema Eleaticum cernerent, frustra ad praeceptorum industriam confugiebant. Nihil enim illi reponebant, nisi inanes strophas et subtilitates dialecticas, quibus irretitur quidem, non vero eruditur, animus: id quod imprimis Zenonem, Leucippi praeceptorem fecisse, in antecedentibus probauimus. Eae vero homines hos, naturæ arcanorum noscendorum audissimos, non satiabant, vnde ansa enata est de mutando agnoscendi systemate Eleatico, vt magis naturæ et sensibus responderet.

III. Neque tamen, cum Eleatica displicerent, ad alias sectas recurrere licebat, aliudque naturæ systema sequi. Ionici enim in illis terrarum partibus minus innotuerant, et ipsa quoque eorum physiologia nimis sapiebat metaphysicam^{l)}, Pythagorei vero, qui magna sui fiducia de rebus naturalibus differebant, eodem fere, quo Eleatici, haerebant luto, et mysteria naturæ non retegebant, sed nouis abscondebant, et, quod recte in iis culpat non nemo^{m)}, ad rationes etiam abstractas et immutabiles, veluti numeros et proportionales confugiebant, quibus natura rerum non recluditur. Propius itaque ad veneranda naturæ limina accedere ausi, relictis numeris, proportionibus, harmoniis, ideis, qualitatibus et formis elementaribus, quæque alia fuere asyla ignorantiae, ad quæ physici hætenus confugerant, ipsa adiere corpora, eorumque condiciones et naturam physicam et mechanicam examinantes, motum, figuram, partium situm, tenuitatem et similia: ex his cuiusque virtutes aestimarunt, actiones definierunt, effecta explicarunt, sicque inter rationem et sensus, eiectam hætenus per Eleaticos, reuocarunt concordiam.

IV. Huic, quem sibi fixerant, fini obtinendo nihil magis fauere videbatur, quam philosophandi methodus per atomos, id est, per particulas materiae

^{l)} Certe ita illud adplicuerat, qui Ionica didicerat, Parmenides.

^{m)} BURNET, archæol. philos. L. I. c. XII. P. 433.

teriae minimas et indiuisibiles. Quam a Phoenicibus eorumque philosopho Mocho, vel Moscho a Posidonio deriuari falso et sine probabili ratione, contra CVDWORTHVM ⁿ libro primo demonstrauius. Notum tamen ex hactenus fuisse allatis, fuisse ante Leucippum et Democritum philosophos complures, qui in particulas minimas materiam diuiderent. Ea enim ratione non Anaxagoras tantum particulas similes introduxit, sed Empedocles quoque, Ecphantus, Hippo, Heraclitus, alique minima tanquam πρώτως ὄντα in materia considerarunt. Nec a verisimilitudine abluat, Leucippum virum acrem occasionem inde arripuisse, de systemate atomistico cogitandi. Facile tamen, vt peracuto vtebatur iudicio, difficultates peruidebat, quibus premebantur, qui eiusmodi particulas minimas in materia ponebant, quas ex ARISTOTELE ^o passim discimus. Cum enim particulas istas qualitatibus induissent omnes, motum vero et coniunctionem a principio externo deriuassent, sua istis affectionibus, quibus particulas vestiebant, vineta cadere, et systemata propria euertere videbantur, adeoque totam per particulas philosophandi methodum immutantes ἀπλως magis et naturae conuenienter de iis philosophari coepere. Quae si recte teneantur, facile dissensus veterum et recentiorum tolli poterit, vtrum systema atomisticum Leucippi inuentum fuerit, nec ne? Ante eum enim in particulas diuisisse physicos materiam, negari nequit, systema vero atomisticum, quod particulas omnibus qualitatibus, praeter figuram et motum, priuat, frustra ante Leucippum quaeras ^p.

V. Ea vero ipsa ratio, quae ab Eleatico systemate Leucippum et Democritum alienabat, deferere quoque eos coëgit veteres, particularum qualitatibus instructarum architectos. Hae enim formae et qualitates non nisi mentis praecisione et abstractione cognosci poterant, et si hos audias, in solo etiam philosophorum ingenio extabant: ipsis vero constitutum erat, nihil admittere, quod non ipsam rerum naturam, sensusque testes haberet. Cum vero imprimis obseruassent, nugatos fuisse Eleaticos de causa motus vniuersi differentes, alios vero philosophos Eleaticis non meliores, causam aliquam vel externam, vel internam metaphysicam motus auctorem posuisse, quam tamen nec sensibus assequi posse, nec ad naturam rerum explicandam necessario requiri existimabant, omne illud metaphysicorum principiorum genus reiecerunt, et secundum sensus et mechanicas corporum dispositiones ratiocinari instituentes, particulis indiuisibilibus motus principium internum tribuerunt, cuius ope et particularum situ, figura et varia combinatione rerum omnium generationes demonstrarent. Ex quibus luculenter, nisi prorsus coecutimus, constare putamus, cur Leucippus et Democritus, quique horum vestigiis institit Epicurus, in rerum naturalium peruestigatione Deum omiserint. Eos enim ideo potissimum et directo scopo id fecisse, vt Deum e rerum natura tollerent, aperti eius ho-

Iii iiii i 3

stes

ⁿ) System. intell. c. I. §. 6 seq. p. 9 seqq. ad quem vero doctissimi Interpretis animaduersiones obseruandae.

^o) Vid. libri physici et metaphysici de generat. o. ne etc.

^p) Conf. MOSHEM. l. c. p. 23. not. I.

stes et mechanismi atheistici patroni, CVDWORTHIO afferenti vix fidem habeas. Verisimilius est, habuisse eos Deum pro causa metaphysica, quam in physicis considerandam non esse credebant, siue, plane ens rationis Deum esse crediderint, siue eum tantum ex physica in metaphysicam quasi relegauerint, de quo, cum scripta ipsorum non extent, frustra disputari credimus, ideoque etiam de atheismo Leucippi et Democreti nihil certi et solidi dici posse existimamus.

VI. Licet vero a Xenophanis, Parmenidis, Melissi et Zenonis systemate valde discedebant Leucippus et Democritus, callide tamen ita argumentorum suorum aciem instruebant, vt ab Eleatico systemate non nimis recessisse viderentur. Vnum enim et ipsi ens ponebant, nempe atomos, vacuo, quod Eleatici priores abiecerant, inter non-entia numerato. Hos atomos figura, situ, ordine differre statuebant, sed esse tamen has solas modificationes materiae asseriebant. Cumque ex innumera figurae, loci, situs, et coniunctionis variatione rerum omnium faciem deriuarent, facile iis erat, Eleaticorum defensionum opinione et incertitudine sententiam nouis roborare ratiociniis, id quod magna ostentatione fecisse Democritum, postea ostendemus.

VII. Vt vero nihil semel incipitur et perficitur, ita atomisticum quoque systema non simul et semel in iustum habitum formamque effectum est, sed Leucippus initia formauit, Democritus auxit: qui cum difficultates omnes non sustulisset, immutauit id aliquantum Epicurus, et concinniore naturae dispositionem iuxta atomisticam doctrinam excogitauit. Cauendum itaque est, quod multis accidit, ne Democriti et Epicuri philosophiam naturalem inter se confundamus, ex hac illam illustrare aggressi. Differre enim inter se vtramque, collatis φιλοσοφούμεναις vtriusque, luculenter dispalescit. Leucippus enim et Democritus 1. ex atomorum inter se omnium concursu omnia oriri posse credebant; Epicurus quasdam atomos ita ab aliis diuersas esse existimabat, vt nunquam concursu iungi possent. 2. Illi atomis motum directe tribuerunt descendentem, Epicurus leuiter quoque declinantem. 3. Illi grauitatem inter se differentem atomis abiudicabant, his tribuebat. Immo Leucippus quoque et Democritus vitam quandam inesse particulis indiuiduis, si veteres quosdam audias, concedebant, quam praeter innatum mouendi conatum omnem iis dene gabat Epicurus. Quod discrimen sine dubio causa fuit, cur non tantum Leucippi nunquam mentionem fecerit in scriptis suis Epicurus, sed cur etiam systema suum atomisticum ipsum inuenisse, videri voluerit, quia scilicet putabat, sua a Democriteis valde differre.

VIII. Non omittendum vero et hoc est, in consideratione huius physiologiae generali, incertitudinem per omnem veteris philosophiae historiam

Discrimen inter systema atomisticum Leucippi et Epicuri.

q) l. c. r) Conf. SCIPIO AQUILIAN, de plac. physic. ante Aristot. c. XIV. p. 62.

s) Ita intelligenda sunt verba LAERTII L. X. s. 13. ὅτι Λεύκιπτον τινα γενέσθαι φιλόσοφον, non vero, quod GASSENDVS vit. Epic. c. I.

p. m. 131. et BAYLE Dict. T. III. art. Leucippe p. 99. putant, negasse Epicurum, quod Leucippus philosophus vnquam extiterit. De praeceptoribus enim Epicuri loquitur Laërtius. Conf. FABRIC. l. c.

storiā late regnantem in hac quoque parte deprehendi. Dudum enim perire scripta non Leucippi tantum, sed Democriti quoque, polygraphi, adeoque ex certis et indubitatis fontibus de eorum decretis naturalibus iudicari non potest. Ex aliarum itaque sectarum asseclis percipienda sunt de eorum opinionibus testimonia. Verum et horum pars maior intercidit, nec quae Theophrastus, Callimachus et Thrasyllus scripsere, ad horum virorum historiam pertinentia supersunt: quique ad nos peruenere, suspecti sunt, vel fidei malae vel negligentiae. Prius enim de Aristotele, Leucippi et Democriti placita passim enarrante, obseruandum esse, supra iam in eius vita dictum est, posterius Laërtio obiicit BURNETIVS^u, qui ab eo parum philosopho quaedam perturbate recenseri, et ita enarrari queritur, ut neque consistere, neque cohaerere videantur, nisi laxè admodum singula exponamus. Ex recentioribus, praeter PETRUM BORELLVM, cuius libri, quantum scimus, de vita et philosophia Democriti promissi, lucem non viderunt, IOH. CHRYSOSTOMVS MAGNENVS, in Democrito reuiuiscēte, siue commentario de vita et philosophia Democriti^x, eius principii nouum systema physicum inaedificauit, multa vero ex suo, quaedam etiam ex Peripatetica schola adiecit. Laudant etiam NICOLAI HILLII philosophiam Epicuri, cum Democritea et Theophraslea collatam MORHOFIVS^y et FABRICIVS^z, quam non vidimus. SCIPIO AQUILIANVS^a quoque prolixè Leucippi et Democriti placita exposuit, non vero obscure tantum et satis confuse, ut solet, sed et folis Aristotelis testimoniis nixus: vnde solus sequendus non est. Nec Epicurea quoque physiologia, eiusque interpres egregius PETRVS GASSENDVS aliter, quam diligenter obseruato discrimine Leucippeī et Epicurei systematis, in partes vocandus est.

§. XVIII. Physicam suam, quomodo ratiociniis instruxerit Leucippus, ex Democriti omnium optime philosophia videri potest, qui eam illustrauit et perfecit. Dabimus tamen doctrinae eius summam, qualem nobis exhibuit LAERTIVS^b, ut incunabula philosophiae atomisticae pernoscamus. Ita vero Leucippus tradidit:

I. Vniuersum esse infinitum^c.

II. Huius partem plenam esse, partem inanem.

III. Partem plenam esse infinitis corpusculis siue atomis, quae infinita praestent rerum principia et elementa in vacuo infinito.

IV. Ex his corpusculis in hoc inane incidentibus et sibi inuicem implicatis nasci omnia.

V. Sic autem fieri mundos infinitos^d, ex his elementis oriundos et in ea resoluendos: ex infinito per abscissionem multa corpora, omnigenae figurae

Physica
Leucippea.

^a) Vid. IONSIVS de Scr. Hist. phil. L. I. c. 14.

^b) 73 ^u) l. c. p. 434.

^x) Hag. C. m^t 1658. 12.

^y) Polyhist. T. II. p. 133.

^z) l. c. p. 763.

^a) l. c. c. VIII. ad XVII. p. 31 seqq.

^b) L. IX. f. 30 seqq. quem secutus est PSEV-

DO- ORIGENES philosophum. c. XII p. 88 seqq.

^c) Exorsus est Leucippus physiologiam suam principio in Eleatica schola haënenus recepto, sed diuè sistito sensu.

^d) THEODORIT. therapeut. Serm. IV. MENAG. ad LAERT. L. IX. f. 31.

figurae in magnum vacuum ferri, eaque in vnum coacta, vorticem aliquem efficere ^c.

VI. Istis vertiginibus corpuscula haec offendere se inuicem, ac circumuolui modis omnibus, atque ita discerni, vt seorsim similia, quae sunt sui similia, petant.

VII. Cum vero pondere sint aequalia, neque ob multitudinem circulari motu ferri possint, exilia quidem ad exterius vacuum contendere, velut dissultantia, cetera consistere, et innexa atque in se implicata inuicem concurrere, atque primam concretionem quandam efficere rotundam ^f.

IIIX. Hanc autem velut membranam existere, continentem in se omni-gena corpora, quae dum secundum medii reluctationem circumuoluuntur, tenuem per gyrum membranulam fieri^g, iuxta vorticis tractum, contiguus corporibus semper confluentibus, atque ita fieri terram, dum iuncta manent, quae ad medium ferebantur.

IX. Ipsum rursus exteriorem ambitum membranae instar augeri, iuxta externorum influentiam corporum, et, cum vertigine fertur, quaecumque attigerit, ea retinere.

X. Ex his quaedam complicata concretionem facere, primo quidem humidam et luteam, exsiccata vero motu suo, quo cum toto circumaguntur, deinde accensa et ignita, siderum efficere naturam.

XI. Esse solis circulum extimum, lunae terrae proximum, ceteris in medio horum positis.

XII. Sidera omnia ob celeritatem motus ignescere, solem vero inflammari a sideribus, lunam paululum ex sole ignis sibi usurpare.

XIII. Solem et lunam deficere, quod terra ad meridiem vergat, quae vero ad septentrionem sunt, niuib. conspergantur, pruinis algeant, in glaciemque concrecant ^h. Solem quidem raro deficere, lunam vero saepe, quod sint impares eorum circuli.

XIV. Vt generationem, ita et incrementa mundi et diminutiones, et corruptiones ex quadam necessitate procedere. Qualis vero necessitas ea sit, Leucippus quidem non explicuit ⁱ. Ita pro vno metaphysico infinita elementa physica, sed qualitatibus nudata posuit, vacuumque hactenus in scholis physicorum a Thaletis aetate non admissum, ex exilio quasi reuocauit. Qua in re vtrum naturae conuenienter egerit, nec ne, neque veteres, neque recentiores inter se concordarunt. Inter illos enim plerique, etiam post Democritum vacuum, vel proscripserunt, vel extra mundum ablegarunt ^k: inter hos vero, reducto, quod extorre veluti delituerat, vacuo, a Galilaeo, Toricellio, Gassendo, Newtono, magna ea de re Cartesii et Leibnizii

^c) Praelustit itaque Leucippus Cartesio, vt recte notatum Huetio Cens. philos. Cartes. c. VIII. et P. BAYLE Dict. T. III. art. Leucippe p. 99.

^f) Lucem dat CICERO de N. D. L. I. qui alia leuia, alia aspera, rotunda alia, partim angulata, curuata quaedam et quasi adunca posuisse Leucippum ait.

^g) PLVT. de plac. philos. L. II. c. 7.

^h) ibid. L. III. c. 12

ⁱ) LAERT. et PSEUDO-ORIGENES II. cc.

^k) Ita Pythagorei et Stoici, secundum quos mundus in vacuo infinito extramundano respirat. Vacuum vero ii admittere non potuerunt, qui animam mundi asseruerunt.

nizii sectatoribus mota illis est controuersia, de qua ad nostra tempora delati pluribus differemus.

§. XIX. Sequacem Leucippus habuit Democritum, inter maxima *Democritus.* antiquitatis ingenia numerandum, de cuius vita et philosophia scriptores in praecedentibus nominauimus ¹. Patriam non habuit Miletum, ut quidam voluerunt ², sed Abderam, Thraciae oppidum ³, non tam minus Democriti, quam simplicitate ciuium celebre, quae in prouerbium abiit ⁴. Patrem alii Hegeſistratum vocant, alii Athenocritum, quidam Damasippum ⁵, trium filiorum parentem, inter quos Democritus natus fuit minimus ⁶. Genus ei fuit nobilissimum, et illustribus maioribus fatum. Tempus natiuitatis varie definiunt scriptores veteres. Thrasyllus enim Olymp. LXXVII. 3. anno vno Socrate maiorem natum esse dicit ⁷, Apollodorus autem in chronicis Olymp. LXXX. 1. ponit ⁸, quocum conueniunt, quae ipse Democritus alicubi tradidit, XL annis Anaxagora se esse iuniorem, si illum natum esse Olymp. LXX. 1. ponamus. AELIANVS ⁹ vero aperte fallit atque fallitur, qui Alexandri M. aetate vixisse, et conqueſtoris huius de vno mundo subigendo inquietudinem risisse narrat, cum tamen infiniti mundi sint. Recte enim notatum GELLIO ¹⁰, Socratem Democrito et Hippocrate natu posteriorem fuisse, sed temporibus quibusdam iisdem vixisse. Sic enim, si Alexandrum attigisset Democritus, post Socratem vixisset Olymp. XCVI. iterum. Cumque per integrum fere seculum Democritus vitam duxerit, mirandum non est, ad varia eum tempora referri ¹¹. Hoc vero certum ex dictis est, vixisse eum cum Anaxagora et Archelao, et Socratem quoque viuendo attigisse ¹²: quo tempore etiam Parmenides et Zeno atque Protagoras vixerunt. Belli enim Peloponnesiaci tempore maxime eum floruisse, CCC post urbem conditam annis, ait PLINIVS ¹³, CCCXXIII, GELLIVS ¹⁴, EVSEBIUS ¹⁵ Olymp. LXX. Diuitiis censeari potuisse Democritum, VALERIVS MAXIMVS ¹⁶ testatur, quae tantae fuerint, ut pater eius Xerxis exercitui epulum dare ex facili potuerit: quod referentis fidei relinquendum est. Nam Abderitas Xerxem in Asiam redeuntem conuiuio excepisse HERODOTVS ¹⁷ scribit, quae forte occasionem dedere, incredibile illud, si numerum militum in Xerxis exercitu cogitamus, epulum comminiscendi, quod maiori verisimilitudine fugiente, quam aduentante, Xerxe institutum fuisse credi potest ¹⁸. Reliquisse

1) Addi possunt PAGAN. GAYDENTIVS, qui librum suum de doctrina Democriti laudat de philos. Rom. c. 29. IO. BAPT. CAPPONI paradoxon philos. Democriticae, ut peculiares quasdam dissertationes aliis narratas taceamus. Add. BAYLE Diſt. T. II. p. 269 seqq.

2) LAERT. L. IX. c. 34.

3) ib. POMP. MELA. L. II. c. 2. SOLIN. c. 10.

4) CICERO ad Attic. L. IV. ep. 16. IUVEN. Sat. IX. v. 49. MARTIAL. L. IX. ep. 25. Conf. BAYLE Diſt. T. I. art. Abdere, p. 13. qui multa docte cumulat.

Hist. philos. Tom. I.

5) LAERT. l. c. SVIDAS in Democr. T. I. p. 541.

6) ibid. AELIAN. L. IV. c. 20.

7) LAERT. l. c. 8) ib. f. 41.

9) l. c. 10) Lib. XVII. c. 21.

11) Conf. BAYLE l. c. not. D.

12) LAERT. l. c. 13) Lib. XXX. c. 1. 14) l. c.

15) In chronicis. DIOD. SICVLVSOL. XCIV. 1. aetatis anno XC. expirasse scribit Bibl. L. XIV. c. 11. quibus incidit annus natiuitatis in Olymp. LXXI. 2.

16) Lib. VIII. c. 7. 17) Lib. VIII.

18) Ideo hanc quoque fabulam reiecit BAYLE l. c. not. A. p. 269.

quisse vero Democriti parenti Xerxem apud eum hospitantem Magos quosdam et Chaldaeos, gratitudinis studio, auctore Herodoto refert LAERTIVS^a, qui addit, puerum adhuc astronomiae et theologiae mysteriis ab iis fuisse imbutum. Post parentis obitum, destinatum itineris ad barbaros consilium executurus, hereditatis portionem eam, quae parata pecunia constaret, elegit, fundis villisque fratribus relictis^f. Testaturque Demetrius centum talenta ipsius partem excessisse. Non audiendus itaque est VALERIVS MAXIMVS^g, qui patrimonium, parua summa retenta, patriae donasse scribit, nec HORATIVS^h et CICEROⁱ alique^k admittendi, qui patrimonium neglexisse, agrosque deseruisse incultos tradunt. Aliud enim diuturnum et longinquum iter, non sine magnis sumptibus suscipiendum postulat, facileque euincitur, ex vna Anaxagorae historia, duas eiusdem commatis esse confectas. Isto itaque instructus argento, more seculi sui, quod sapientiam a barbaris petendam esse sibi persuaserat, et philosophorum sine dubio Persarum instigatione incitatus, ad barbaros iter instituit, et quod, Demetrio et Antisthene auctoribus laudatis, LAERTIVS^l narrat, in Aegyptum ad sacerdotes profectus est, geometriae discendae causa. Ab his ad Aethiopum Gymnosophistas diuertit, et ex Africa in Asiam soluens, in Persiam ad Magos abiit, suntque, qui in India quoque cum Gymnosophistis fuisse conuersatum asserunt^m. De quo itinere ita eum loquentem allegat CLEMENS ALEXANDRINVSⁿ: *Inter omnes meae aetatis homines plurimas peragravi terras, maximeque remota inuestigavi, plurimasque siue aëris, siue terrae obseruavi varietates, doctissimos vero homines audiui, neque in componendis ad demonstrandum lineis quisquam adhuc me superauit, ne inter ipsos quidem Aegyptios illi, qui Arpedonaptae audiunt.* Adiicit his STANLEIVS^o: cum Aegyptiis, ut ipse affirmat, annos vixisse LXXX, id quod omnem superat verisimilitudinem, etiam si centenarium maiorem ponamus obiisse Democritum. Valde vero detorsit Stanleius Clementis verba, quae aliud non volunt, quam cum omnibus istis populis ad octogesimum vsque annum peregrinando fuisse conuersatum^p. In Aegypto enim quinque tantum annos commoratum fuisse, veterum alii tradunt^q. Vehementer vero veremur, ne mendum apud Clementem, quem excerpfit EVSEBIVS^r, in numero sit: cum enim post parentis demum obitum peregrinatus sit, ad vitae vsque finem in itineribus haesisset, si iste numerus verus esset. Vnde suspicio nobis enata est, vel numerum corruptum, vel locum ex supposititio aliquo Democriti libro, quales multi circumferebantur, haustum esse. Leucippum illum hac temporis mora quoque audiuisse, dubio

a) Lib. IX. c. 34.

f) ib. c. 35. 36.

g) l. c. AELIAN. l. c.

h) Ep. l. i. epist. 12. v. 12.

i) ramur, si Democriti pecus edit agellos,

Ca. r. que, dum peregra est, animus sine corpore volat.

j) De finib. l. v. c. 29.

k) PHILO de vita theol. p. 391. ORIG. contra Cels. l. II. p. m. 86.

l) l. c.

m) Citati. AELIAN. SVIDAS II. cc.

n) Stromat. l. I. p. 304.

o) P. X. p. 887.

p) *ἔν τῷ δ' ἐν τῇ νῆει ἐν τῇ οὐδυνῶν ἐν τῇ*

q) LAERT. AELIAN. SVIDAS II. cc. DIOD. l. I.

r) Praep. l. X. c. 2.

bio caret, addunt alii Anaxagoram, quos tamen errare, et Democritum infensum fuisse Anaxagorae, ait Phauorinus: alioque testatur loco LAERTIVS ^a, Anaxagoram quoque erga Democritum infesto fuisse animo, eo quod ad colloquium eum non admisisset. Eadem incertitudine laborat, num in Graeciam venerit, et Athenis, ignotus Socrati, eum nouerit, nec ne, quod affirmant praeter VALERIVM MAXIMVM ^x, Thrasyllus apud LAERTIVM ^a, negat Demetrius Phalereus ^x. Certius est, Pythagoreorum aliquem eum audiuisse ^y. Hos enim philosophos illum esse imitatum, Thrasyllus affirmat, et ipsius Pythagorae laudando meminisse ait; illud et Glaucus Rheginensis, istorum temporum scriptor asserit: quis vero eius praeceptor inter Italicos fuerit, incertum est. Duris enim Arimnestum, Pythagorae filium eum audiuisse dicit ^z, Apollodorus Philolao coaetuum facit, quod posterius temporum rationibus aptius respondet. Arimnesti enim tempora in adolescentiam Democriti incidunt, qua nondum ad has terras appulisse videtur. Ita vero diuturnis et longinquis itineribus effectum est, ut ingenii thesauris onustus, pecunia vacuus domum rediret, postquam eo, quem supra tetigimus modo, omnia explorando, doctissimosque homines audiendo nulli nec labori, nec sumtibus pepercisset. Mirum itaque non est, reuersum in patriam humili satis et abiecta ratione vitam egisse, cum facultates omnes peregrinando consumsisset ^a. Damasis ^b itaque frater necessariis laborantem humaniter suscepit atque aluit. Refert hac occasione LAERTIVS ^c: cum lex esset, ut sepultura in patria negaretur ei, qui sua omnia consumsisset, Democritum quidem, id intelligentem, ut ne inuidorum quorundam et sycophantarum pateret calumniis, Antisthene teste, *diacosmum* suum *magnum* populo praelegisse, (quod scriptorum eius erat optimum,) ea re quingentorum talentorum munus promeruisse, statuamque praeterea ex aere. Id difficulter credi potest, cum tanti aeris summa, istis potissimum temporibus, regiones thesauros exhausisset, in exiguo oppido non quaerenda. Vnde vel tota narratio fabulis adnumeranda ^d, vel aliquod tantum munus innocentiae et diligentiae testimonium accepisse, statuendum est, quod et ATHE-NAEVS ^e, et vetus HORATII interpres ^f asserunt, nulla pecuniae summa indicata. Dubitatione tamen caret, eruditione sua, praecipue rerum naturalium cognitione, apud Abderitas, crasso licet sub aëre natos, magnam admirationem famamque fuisse consecutum. Factum id imprimis esse, ubi futura quaedam praedixerat, sequensque rerum euentus fidem fecerat, ait LAERTIVS ^g. Harum praedicationum duo exempla suppeditat PLINIUS ^h.

Kkk kkk k 2

Narrat

^a) Lib. II. c. 14. L. IX. c. 34.^x) Lib. VIII. c. 7.^a) c. 36.^x) ib. Hinc diiudicanda sunt, quae CHR. MAGNEN. in Democrito reuiu. p. 28. hac de re habet.^y) LAERT. L. IX. c. 38.^z) PORPHYR. vit. Pythag. n. 3.^a) LAERT. c. 39.^b) Damasis LAERTIO l. c. dicitur, Damastes SYLDAE l. c. Damasus PLINIO H. N. L. XVIII.

c. 35. primum recte legi putat MENAG. ad l. c. Laert.

^c) c. 39. qui tamen variare scriptores in hac narratione praedit.^d) Ploet hoc cl. I. HENR. SCHVLZIO histor. medic. Per. I. Sect. II. c. 7. §. 50. p. 179.^e) Lib. IV. p. 168.^f) Apud MENAG. ad l. c. Laert.^g) l. c.^h) Lib. XVIII. c. 28. 35.

Narrat enim, Democritum praeciusa olei caritate ex futuro vergeliarum ortu, magna vilitate propter spem oliuae coemisse in toto tractu omne oleum, mirantibus, qui paupertatem et quietem doctrinarum sciebant ei imprimis cordi esse. Atqui ut apparuerit causa et ingens diuitiarum cursus, restituisse mercedem anxiae et auiae dominorum potentiae, contentum ita probasse, opes sibi in facili, cum vellet, fore. Fratrem quoque Damaso metente ardentissimo aestu, orauisse eum, ut reliquae segeti parceret, raperetque de segete sub tectum, paucis post horis faeuo imbre vaticinatione approbata. Idem affirmat etiam CLEMENS ALEXANDRINVSⁱ. Prior tamen historia de Thalete quoque narrata capite huius libri primo a nobis excussa fidem non merere deprehensa est, sine dubio ad comparandam astrologiae auctoritatem atque famam excogitata: posterior infra eruditionem tanti naturae interpretis est, cum ruricularum mediocri pateat experientiae. Alias rerum naturalium praedictiones narrat SVIDAS^k, qui videndus. Ita vero non pro diuino tantum haberi dignus iudicatus est, vocatusque ipsa sapientia, vel quod AELLANVS^l habet, philosophia, sed et summa rerum apud Abderitas ei commissa est, in quo tamen munere, magnis in rempublicam meritis enituisse, quod iactat MAGNENVS^m, apud veteres non legitur. Vitae tamen solitariae et theoreticae, quam practicae amantior, mature negotiis se subtraxit, et in solitudines secessit, sepulchris etiam se abdidit, ibique, teste LVCIANOⁿ, seclusus dies noctesque scriptioni vacauit: adolescentibus vero nonnullis ei illudentibus, et, ut illum terrent, lemures simulantibus, nihil ea re motum, ne respexisse quidem, sed continuata scriptione, desinite tandem ineptire, dixisse: adeo illi persuasum fuisse, addit Lucianus, nihil animas esse, postquam ex istis corporibus discessissent. Adiiciunt his multi veterum^o, Democritum, obscuritate locorum ad contemplationem naturae necessaria delectatum, luminibus oculorum speculo encaustico sua sponte se priuasse, ut animi cogitationes vegetiores et exactiores essent. Alii alias rationes, ut in eiusmodi historiis fieri solet, afferunt, ita vero rei incertitudinem cautis aperte satis produnt, qua moti multi viri docti inter fabulas Milesias hanc quoque narrationem retulerunt^p. Nam qui rerum naturalium meditationi promouendae hanc coecitatem tribuunt, non cogitant, quod veteres vnanimi ore Democrito adscribunt, cum plurimos scripsisse libros, tum in dissecandis animalium cadaueribus summam posuisse industriam, quorum vtrumque sine oculorum acie fieri non potest. Qui vero cum TERTULLIANO^q hanc priuati oculorum luminis causam allegant, quod mulieres sine concupiscentia adspicere non posset, non

ⁱ) Stromat. L. VI. p. 831.

^k) l. c. p. 542. conf. Aët. philos. Vol. II. p. 174. BAYLE l. c. not. K p. 273.

^l) LAERT. AELIAN. CLEM. ALEXANDRINVS II. cc.

^m) l. c. p. 5. SVIDAS l. c.

ⁿ) Philopseud. T. III. p. m. 595. LAERT. l. IX. f. 38.

^o) GELLIVS L. X. c. 17. CICERO Tuscul. L. V.

c. 39. PLVT. de polypragm. TERTVLL. apolog. c. 46.

^p) Ex veteribus id iam fecit PLVT. l. c. T. II. p. m. 246. ex recentioribus BAYLE d. l. c. not. L. p. 273. nouu. de la rep. des lettres 1686. Janu. p. 155. STOLLIVS Hist. philos. mor. gent. §. 10^r. p. 157. HEVMANN. aët. philos. Vol. I. p. 671. GUNDLING. Ot. P. III. c. 1. p. 51 seqq. Obs. Hal. T. II. obs. 15. p. 329. NAVDE apolog. c. 12. p. 192.

^q) l. c.

non recordantur solitariam eius vitam, ab omni hominum consortio remotam. Quod vero Laberius ait :

Ita radiis solis aciem effodit luminis

Malis bene esse ne videret ciuibus,

et frigidum est, et a tantae virtutis philosopho non credendum; et non oculorum tantum, sed et aurium priuationem, postulasset. Recte itaque dubitans alio loco ^r de hac re loquitur CICERO, videturque cl. HEVMANNO ^f fabula inde enata fuisse, quod grandaeus Democritus coecutierit. Nobis obscurorum locorum, quem is affectabat amor occasionem Graecis de Abderitis, in prouerbum passim traductis, splendide mentiendi, haecque excogitandi exhibuisse, verisimile est. Democriti enim historiam hancque ipsam coecitatem in comoedia Laberium adulterasse innuit A GELLIVS ⁿ, nec a vero abludit, illam locorum obscurissimorum affectationem comico cuidam ansam praebuisse istam coecitatem fingendi, vt scenae elegantius inferuaret. Quaecunque autem fabulae origo est, certe illa cum rerum naturalium, moralium, mathematicarum, anatomicarum studio ^a, in quod tanta diligentia incubuit Democritus, constare nequit. Nec melioris comatis est, quod a multis veterum de Democrito narratur, quaecunque occasione in risum effusum fuisse, vel quod SENECA ^y tradit, nunquam sine risu in publico fuisse. Quam male enim hoc cum secessu, vitaque solitaria Democriti, itemque cum acerrima cui dies noctesque, solus fere, et ab hominum consortio separatus, inhaesit, rerum naturalium indagatione cohaereant, quilibet, antiquitatis praeiudicio non impeditus intelligit. Facile tamen damus AELIANO ^z et LVCIANO ^a virum acutissimum, et inter stupidi et stolidi ingenii homines viuentem eos insanire dixisse, et amarius forte ac ridendo illis illufisse, vnde eum γελαστικόν, *irrisorem* ciues dixisse ille notat. Inter fabulas porro de Democrito hoc quoque numerare non dubitamus, quod cum BORRICHIO ^b patroni artis chemicae somniant, Democritum solitudinis otia ad metalla mutanda, et parandum lapidem philosophicum adhibuisse. Ficulnea enim sunt, quibus hoc probari intendunt, argumenta. Scripsisse *de lapide* librum, obicitur; sed is non de lapide philosophorum differuit, sed *de lapidum virtute* ^c. PETRONIO enim monente: *omnium herbarum succos Democritus expressit, et ne lapidum virgultorumque vis lateret, actatem inter experimenta consumpsit*. Quae vero de eius liquore, auri potabilis architecto scripta quaedam chemica tradunt, Democriti nomine superbientia ^d, ex libris magno viro ab audaci manu suppositis sunt,

Kkk kkk k 3 quae

^r) GELLIVS l. c. ^s) De snib. l. v. c. 29.

^t) l. c. ⁿ) l. c.

^a) LAERT. l. ix. § 37. SENECA ep. 90.

^y) De ira l. ii. c. 10. de tranquill. c. 15.

^z) V. H. l. iv. c. 20.

^a) Vit. aut. Γ. iii. p. 112 seq. qui festine hanc fabulam, more suo, exigit. Eandem reiciunt MAGNENVS l. c. p. 11. GVNDELING. l. c. STOLLIVS l. c. p. 156. Ad. phil. l. c. NAVDEVS apol. mag. acc. p. m. 182.

^b) De arte Chem. p. 69.

^c) Conf. FABRIC. Bibl. Graec. Vol. I. p. 766.

^d) Edita sunt Latino sermone Patau, 1572. et supposititios esse foetus recte iudicauere CORRING de Hermet. medic. l. i. p. m. 29. FABRICIVS l. c. p. 769. SCHVLZ. Hist. medic. Per. l. sect. II. c. 7. §. 53 seq. p. 180 seqq. NAVDE apologie des grands hommes accuser de magie ch. XII. p. m. 190 seqq.

quae omnem fidem amittunt. Nulla vero applausum magis meruit fabula, quam quae de Democriti cum Hippocrate conuersatione ab epistolarum magnis his duumiris tributarum conditore excogitata recentiores plerisque decepit. Rem ita habe: Cum rerum omnium negligentissimus esset Democritus, et in sepulchris ac speluncis solitariam vitam duceret, perpetuoque risu solueretur, Abderitae eum melancholico furore exagitari existimantes, ex principibus ciuitatis suae Amelesagoram miserunt ad Hippocratem, medicorum eius aetatis principem, apud Coos degentem, cui literas tradidere eius argumenti: Democritum mente motum insanire, vigilantem noctu et interdium omnia ridere, et vitam nihil esse putando, transigere: volucrum cantus explorare, de inferis et daemonibus scribere, insanaeque multa tradere: cum itaque non charissimi tantum et celeberrimi ciuis, sed in eo quoque salus publica periclitetur, rogare eos, ut ad ipsos veniat, malo medicinam allaturus. Ad has respondit Hippocrates ambitioso exordio usus et magnifico artis salutaris encomio praemisso, tandem venturum se promisit. Itineri itaque se parans ad amicum Dionysium scripsit, ut ei rei familiaris curam traderet; ad alium, ut nauem et medicamenta compararet. Somnio quoque nocte ante profectionem veritatem sibi vidit ab Aesculapio oblatam, cuius erat pedissequa opinio, quam apud Abderitas sedem fixisse Deus monuerat, illamque non hanc sequendam Hippocrati suaferat. Insequenti die Abderae appellens, omnes in portu congregatos inuenit incolas tristes et desperantes; qui cum animos paulisper resumissent, Hippocratem magnis acclamationibus per forum ad philosophi domum deduxerunt. Ibi in colle alto longis ac densis populis nigris umbroso sub ampla ac humillima platano sedentem inuenit Democritum, in veste crassa, citra humeros desinente, solum, discalceatum, super lapidea sede, valde pallidum ac macilentum, promissa barba. Iuxta ipsum vero a dextra tenuis aqua decurrebat. Ipse cum multo ornatu super genibus librum habebat: sed et alii quidem ex vtraque parte adiacebant, accumulata etiam erant animalia multa, per totum resecta. Et ipse aliquando concitate incumbens scribebat, aliquando quiescebat, secum meditans, deinde exurgens deambulabat, et viscera animalium inspiciebat, moxque rursus desidebat. Haec Hippocrati non sine planctu ostendentes Abderitae, Democriti insaniam deplorabant; verum Democritus cum id audisset, magnis cachinnis ridebat et explodebat, caputque frequenter concutiebat. Accessit Hippocrates virum propius et salutauit, Democritus, audito Hippocratis nomine, eum assidere iussit, causamque aduentus interrogauit, qua leuius exposita in prolixum cum eo colloquium descendit, in quo de risu eius ac studiorum ratione et causa philosophatus est, seque hominem ridere, dementia quidem plenum, rectis autem actionibus vacuum, in omnibus consiliis pueriliter ac stulte se gerentem, et nullius utilitatis gratia labores nunquam absoluentes tolerantem, dixit, idque prolixa oratione exemplis vitae humanae plurimis illustrauit, obiectiones Hippocratis repressit, seque recte insa-

infaniam hominum sanos se somniantium ridere probauit. Quae ita mirifice ceperunt Hippocratem, vt non tantum sapientio rem se reddidisse Democritum fateretur, sed et Abderitis virum esse illum sapientissimum, qui solus potentissimus sit, homines prudentes facere, profiteretur, et insanos ac desipientes Abderitas esse iudicaret: amicitiam quoque cum Democrito initam literarum continuaret commercio. Et ex hac conuersatione factum esse, quidam volunt, vt Hippocrates inter Democriti discipulos referretur. Haec summa et argumentum epistolarum illarum est, inter Hippocratis opera extantium, quas non tantum repetunt THOM. STANLEIVS^f, CHRISTIANVS THOMASIVS^g et CHRYSOST. MAGNENVS^h, sed et pro genuinis habent, totique narrationi fidem adiiciunt. Ad quam tamen euertendam non alio argumento opus est, quam vt cautus, et historiae rhetorices veteris non ignarus lector ipsas epistolas attente legat, certi enim sumus, vix vna perfecta manibus palpatum, confictas eas esse a sophistis, eorumque artes vbique detegi. Quis enim ipsis Abderitis simplicior credat, tanta arte locorum descriptiones, circumstantiarum ad rem minime facientium enarrationes, affectatosque eloquentiae flores adhibuisse Hippocratem, et oratoris hoc veteris opus esse, quae sita artis elegantia et imprimis acutorum dictorum et sententiarum philosophicarum cumulis lectoris aures demulcere, illique placere conantis, non luculentissime deprehendat? Illos enim eiusmodi fabulas ingenii artisque causa excogitasse, magnisque viris affinxisse, supra exemplis et QVINTILIANI auctoritate demonstrauimus. Nec meliores sunt reliquae fabulae circumstantiae. Nemo enim veterum, de tanto viro toties mentionem facientium, hoc Democriti cum Hippocrate narrat colloquium, quod minime factum esset, si vel vmbra veritatis in his omnibus vidissent, vel eo, quo fingitur, tempore, epistolae fuissent scriptae. Adeo quoque male pleraque cohaerent, fucoque etiam et specie veritatis immo verisimilitudinis quoque carent, vt manibus fabula palpari queat. Incautus quoque epistolarum architectus adeo personarum characterem, quem effingere voluit, oblitus est, vt eandem et rerum et verborum imaginem in Democriti et Hippocratis epistolis referat, eamque talem effingat, qualis Sec. II. vel III. post C. N. in rhetorum scholis solebat depingi. Tacemus, Hippocratem eo tempore nondum ea fuisse celebritate, vt medicorum princeps haberetur. Quibus rationibus facile addi possent plures a magnis et exacti iudicii viris SCALIGEROⁱ, MENAGIO^k, BAYLIO^l, CLERICO^m, HEVMANNOⁿ allatae, nisi hae ad eiiciendam ex Democriti historia fabulam sufficerent. Neque tamen occasionem captasse epistolarum architectum ex Democriti historia negamus. Non enim caret similitudine veri, Democritum ciuium suorum stultitiam exagitantem, et vanitatem Graeciae delirantis ridentem, solitudinem

e) T. II. p. 901 seq. ed. Lind.

f) P. X. p. 889 seqq.

g) Hist. sapient. et stult. T. II. p. 8 seqq.

h) l. c. p. 24.

i) Epist. CCCVI.

k) Ad l. c. LAERT.

l) l. c.

m) Hist. medic. P. I. L. III. c. 31. p. 458.

n) AG. erudit. 1713. p. 458. AG. philos. l. c.

dinem etiam quaerentem, et in iis artibus ac disciplinis senescentem, quas non capiebant Abderitae, crassis his ingeniis ex arte nimia insanire visum esse. Cumque Hippocrates Democritum conueniendi occasionem habuisse, eiusque de naturali scientia merita cognouisse, sicque Abderitarum de eo iudicium improbauisse, ex LAERTII^o atque AELIANI^p testimoniis constet, probabile est, inde primum fabellam ad exagitandam Abderitarum simplicitatem excogitatam, sicque traditione auctam comtiusque ornatam tandem ab oratore aliquo hoc vestitu in scenam fuisse productam, rumusculo vetusto in artificiosam historiam commutato. Id enim in veterum philosophorum historia saepius euenisse pluribus haecenus exemplis probauimus: et ipsa Democriti vita testis est, huiusmodi fabularum plena. Inter quas merito numeramus etiam magiae, quod obiectum ei est crimen, quod libros aliquos magicos, apud veteres ei suppositos^r peperit, qui PLINIVM^r seduxere, vt inter auctores magicos eum referret, grauiter ideo reprehensum a GELLIO^s, *quod multa vana atque intoleranda auribus quasi a Democrito scripta tradiderit*. Orta vero sine dubio criminis huius suspicio partim ex Abderitarum simplicitate, rerum naturalium cognitionem pro magica eruditione habentium, partim ex disciplina, qua institutus est in iuuentute, Magorum. Quae enim ex VITRUVIO^t afferuntur, Democritum in commentario, quod inscribitur χειροκμήτων^u vsum fuisse annulo signantem cera molli, quae esset expertus, ad magiae portenta pertinuisse PLINIO^r nimis in his credulo assentiri poterit nemo, qui rem recte examinat, et physiologiam Democriti considerat, magiae prorsus aduersam^v. Vnde merito miramur, acutissimo Baelio aquam in absoluendo a magiae obiectiōe Democrito haesisse. Vnanimi vero ore veteres ingenii excelsi et ad magna quaeuis nati elegantiam, iudicii vim acutissimam, eloquentiam acrem et viuam, scientiarum etiam haut vulgarium eruditionem vere summam, laudem etiam vitae philosopho dignae et a virtute non diuiantis ei tribuunt, quorum testimonia collegit MAGNENVS^w. Castitatis vero testimonium illud allegant, quod a feminarum consortio et connubio abstinerit. Venerem enim damnaſſe, vt in qua homo alius resiliſſet ex homine, PLINIVS^w et TERTVLLIANVS^x testantur: ex quibus recte colligitur, coelibem eum vitam tranſegisse, quam itineribus potiore partem traducendo, matrimonio impedire non potuit. Protagoram quidem a quibusdam eius filium dici ait MAGNENVS^y, verum hoc falsum esse, in sequentibus

o) l. c. f. 42.

p) Lib. IV. c. 20.

q) LAERT. l. c. GELLIVS L. X. c. 12.

r) Lib. XXIV. c. 17. L. XXX. c. 1.

s) l. c.

t) Lib IX c. 3.

u) Incerta lectio vid. OLEAR. ad STANLEYVM p. 901. FABRIC. l. c. p. 769.

v) L. XXIV. c. 17. Recte opponitur Plinio SOLINVS polyhist. c. 3. qui de lapide catocrite ita: Accipimus Democritum Abderitem ostentatione scrupuli huius frequenter vsum ad probandam occultam naturae potentiam in certaminibus, quae contra Magos habuit. Ex quo loco constar, cum Magis eum certauisse, iisque non magica, quod vult Baelius, sed physica opposuisse

w) Plura debet NAVDEVS l. c. p. m. 199 seqq.

x) p. 24 seqq. w) L. XXVIII. 6.

y) De anima c. 27. CLEM. ALEX. paedag. L. II. p. 193. GALEN. in VI. Epidem. comm. 3. p. 478. quem adducit BAYLE l. c. p. 271. not. II.

z) l. c.

tibus dicemus. Non tacendum tamen est, narrare veteres quaedam de Democrito, quae vel superstitione corruptum, vel fraudis machiauellisticae et ad decipiendum popellum excogitatae reum produnt: quale est, quod tradit PLINIVS², docuisse eum, si quis extrahat ranae viuenti linguam nulla alia parte corporis adhaerente, ipsaque dimissa in aquam imponat supra cordis palpitacionem mulieri dormienti, quaecunque interrogauerit, vera responsurum; qualia plura in libro *περί ἀντιπαθῶν* posuisse dicitur^a. Adeo tamen haec physiologiae Democriteae repugnant, vt non dubitemus in hac quoque parte Democritum absolueret^b, opprobrium hoc eiusdem cum magiae accusatione generis esse putantes. Scripsit Ionica dialecto^c plurima, quae in tetralogias diuisit Thrasyllus^d, perinde, vt Platonica, Callimachus autem vocum singularium explicatione illustrauit^e. Illa partim naturalem et moralem philosophiam tradidere, partim humanitatis disciplinas explicuere et historiam. Multa quoque ei supposita sunt. Quorum omnium indicem post LAERTIVM, MAGNENVM^f, et STANLEIVM^g omnium diligentissime exhibuit FABRICIVS^h. Inter ea sine dubio excelluit, magnum digestum de vniuerso. Dolemus vero vehementer a tanto viro ne vnum quidem librum superesse *νοθέας* non suspectum vel conuictum. Ad extremam senectam peruenisseⁱ, inter veteres constat, de annorum vero numero dissentiant. Centum annos superasse dicit LAERTIVS^j, quod et historia vitae eius verisimile facit, vnde audiendus non est DIODORVS SICVLVS^k, XC annos ei tribuens. CIV annum ei attigisse Phlegon dicit et LVCIANVS^l, CENSORINVS^m, ad CVIII, Hipparchusⁿ ad CIX peruenisse perhibent. De mortis vero genere non minor apud veteres discordia. Rem ita exponit Hermippus^o: cum senio iam deficeret, et fini vitae iam appropinquare videretur, sollicitam maxime id sororem eius habuisse, ne Cerealia sacra mors eius interpellaret, metuentem. At eam bono esse animo iussisse Democritum, panes modo calidos quotidie sibi afferret, praecipientem, hos vero naribus admouendo ita vitam prolongasse, donec festi dies tres praeteriissent: quo facto sine dolore animam exhalauisse, publicis sumtibus elatum. Alii mellis odore vitam per Thesmophoriorum^p festos dies sustentasse, tuncque voluntariam mortem inedia

²) L. XXXII. c. 5.

^a) COLVMELLA de re rust. L. XI. c. 3. p. m. 618. vbi remedium eius antipatheticum contra erucas enumeratur.

^b) Verisimile tamen est, et istorum quo vivebat Democritus temporum genio conueniens, philosophum arcana naturae multa, quae detexit, non cuius aperuisse, vt maiorem homine eruditionem prae se ferret, vt Empedocles, Epimenides alique ex veteribus fecere.

^c) Praeter rem tamen inde colligit CLERICVS Hist. medic. P. II. L. 2. c. 6. p. 98. Miletii fuisse oriund. m. ^d) LAERT. L. IX. f. 38.

^e) SYDAS l. c. IONSIVS de Scr. histor. philos. L. II. c. 5. p. 141.

Hist. philos. Tom. I.

^f) l. c. p. 13 seqq.

^g) l. c. p. 901 seqq.

^h) l. c. p. 763. Platonem Democriti libros comburere voluisse, sam e invidia ductum, sed impeditum fuisse ab amicis refert LAERTIVS L. IX. f. 40. Idem exsecutum fuisse Aristotelem, MAGNENVS l. c. p. 23. ait, sed sine teste, recte ideo notatus BAYLIO l. c. not. Q.

ⁱ) CICERO de senect. c. 7.

^j) f. 39.

^k) Biblioth. L. XIV.

^l) De longaeu. T. II. p. 829.

^m) De die nat.

ⁿ) LAERT. L. IX. f. 43.

^o) ibid. ATHENAEVS L. II. p. 46. SVIDAS l. c. BAYLE l. c. not. E.

^p) De hoc festo vid. MEVRSIVS in Graec. feriata. POTTER. Archaeol. graec. L. II. c. 20. p. 378.

edia accelerasse sibi volunt. ANTONINVS ^p vero, qui pediculari morbo eum obiisse ait, Pherecydem cum Democrito confudisse videtur. Fuere Democriti inter veteres noti complures ^q, inter quos Abderita omnium celeberrimus est, a CELSO ^r, vir iure magni nominis, recte appellatus, qui veritatis et scientiae rationem reliquis omnibus praetulit: vel eo nomine laudandus, quod scripta senex recognoscere, et emendare, quam veritati obesse maluerit: ex quo libere eius, *κατανοήσια* dictus, enatus est ^s.

*Logica
Democriti.*

§. XX. Philosophiam maxime excoluit Democritus naturalem et moralem, rationalem ex instituto non attigit; quaedam tamen docuit, quae cum Pyrrhoniis valde grata fuerint, paucis enarranda sunt. Ea nobis seruauit SEXTVS EMPIRICVS ^{ff}, suntque sequentia:

I. Nihil in iis, quae sunt, verum est, praeter atomos et inane: quae itaque esse existimantur, et reputantur sensilia, nihil sunt reuera, sed atomi soli et inane.

II. Nos autem, re ipsa quidem nihil veri intelligimus, sed quod nobis se obiicit, ex affectione corporis, et eorum, quae ingrediuntur, et ex aduerso obsistunt.

III. Ex hac regula constat, hominem longe a vero abesse.

IV. Nihil quidem vere scimus, sed est singulis opinio, prout res quemque affecerit.

V. Cognitionis duae sunt species, altera genuina, altera tenebricosa: et tenebricosae quidem sunt haec omnia, visus, auditus, olfactus, gustus, tactus. Genuina autem, quae est secreta.

VI. Quando tenebricosa non potest amplius nec minimum videre, nec audire, nec odorari, nec gustare, nec tactu sentire, ad subtilius (nempe rationem) confugiendum est.

VII. Verum itaque quaerendum est, in motu cogitationis.

VIII. Demonstrationis tamen difficilis et obscurus labor est.

Fundamentum Logicae huius Democriteae ex eius physiologia patebit, quae res omnes ex atomis constant, reliqua omnia, eorumque formae ex eorum dispositione, ordine, et constitutione particularum indiuisibilium oriuntur, quae sensu quidem percipi, non vero rationibus ita, ut sensus cognoscit, demonstrari possunt, sed meditatione elicienda sunt. Perceptio enim ista cum in solis sensibus sit, adeoque in ipso obiecto non existat, ratio de ea dari non potest, iuxta Democritum alia, quam hypothese de atomis et inani, id quod in sequentibus amplius explicabimus. Hinc ratio deducenda est, cur veritatem profundo demersam puteo dixerit. Concluisse vero has iudicandi leges certis canonibus, (qua in re imitatus eum est Epicurus) conici potest ex allegationibus veterum, qui passim canones Democriti logicos ^t laudant. Nec obstat, quod obiicit cel. FABRICIVS ^u, memorari

^p) De s. ipso L. III. §. 7.

^q) Vid. FONSIVS de script. hist. phil. L. I. p. 25.
MENAG. ad LAERT. l. c.

^r) L. II. c. 6.

^s) LAERT. L. IX. f. 47. SWIDAS hac voce.

SEXT. EMP. adu. mathem. L. VII. f. 136.

^{ff}) Adu. Math. L. VII. f. 135. L. VIII. f. 139. 327.

LAERT. L. IX. f. 44.

^t) SEXTVS II. cc.

^u) Ad l. c. f. 138.

rari inter titulos physici argumenti a LAERTIO ^v canones *περὶ λογικῶν*, nam ad physicam quoque eos partem retulisse Democritum, Epicuri exemplo disci potest, qui canonicam appendicem physicae esse voluit.

§. XXI. Physiologiam a Leucippo acceptam sic consummauit De- *Physiologia*
mocritus. *Democriti.*

I. Nihil ex eo, quod non est, fit, neque in id, quod haudquaquam est, corrumpitur ^w.

II. Quicquid igitur est, ex principiis per se subsistentibus oriatur, necesse est.

III. Omnium itaque rerum principium sunt, atomi, et inane ^x. Corpora enim vel ex atomis consistere oportet, vel ex nihilo, quia ad nihilum diuidi possent, id vero impossibile ^y.

IV. Neutrum horum principiorum ex altero fit, sed ipsum commune corpus est principium omnium, magnitudine solum partium differens, atque figura ^z.

V. Atomi plenum constituunt, quod solum ens est, et solidum, non-ens inane et rarum ^a. Non enim ens magis est, quam non-ens, nec corpus magis quam non-corpus. Ita quidem Eleaticis antiquioribus se attemperasse posteriores huius scholae doctores, supra iam monuimus, etsi reuera infinita rerum principia ponerent. Probe vero intelligendum est, quo sensu vacuum non-ens dixerit Democritus. Non enim non ens aequipollet nihilo, hoc enim sensu non potuisset admittere vacuum, quod ex nihilo nihil fieri existimabat, illud vero reuera existere assererat, licet diuersae prorsus naturae ab atomis. Non-ens itaque corpori oppositum est, indiuisibili, et vacuo locoque interno carenti: nec putabat aliter constare posse motum atomorum, nisi admitteretur vacuum, haecenus a physicis ex naturae finibus exterminatum, de quibus vacui a Democrito reducti causas pluribus videndus est SCIPIO AQUILIANVS ^b. Neque vero principium proprie est vacuum, sed tantum ad principium, quod atomi constituunt, requiritur. Caue vero vacuum cum aëre cum MAGNENO ^c confundas, et inter vacuum et inane ita distinguas, ut illud sit imaginarium spatium, hoc inane, siue aër, ubi tanquam in medio indifferenti omnes qualitates se manifestarent. Iuxta Democritum enim et Epicurum vacuum et inane idem sunt, et corporibus opponuntur, quae in vacuo mouentur, aër vero ex atomis, teste LAERTIO ^d gignitur, licet concretio sit, ex qua tanquam ma-

LII III I 2 materia,

^v) l. c. f. 46.

^w) LAERT. f. 44. ARISTOT. phys. L. I. c. 4. PLUTARCH. adu. Coloten. T. III. p. m. 412. conf. GASSENDVS philosoph. Epicuri Sect. II. c. 5. p. m. 248.

^x) ARISTOT. phys. L. I. c. 6. CICERO Acad. Q. L. IV. c. 37. veterumque plurimis, quos ex parte laudat CUDWORTHVS Syst. int. c. L. §. 6. p. 9. et MOSHEMVS ad h. L. ORIG. philos. c. XIII. p. 91. et WOLFIVS ad h. l.

^y) Prolixius id demonstrant MAGNENVS l. c. p. 176, et AQUILIANVS c. X. p. 42, sed scholastice

et obscurius; eleganter et perspicue GASSENDVS l. c. Sect. II. c. 5. p. 238 seqq.

^z) ARISTOT. phys. L. III. c. 4. ratio est natura oppositorum. Neque tamen ita principium ali-quod compositum constituunt, quia vacuum non-ens est, quod naturam principii ingredi nequit, licet ad constituendas atomos inter principia rerum necessario requiratur.

^a) ARISTOT. metaphys. L. I. c. 4.

^b) l. c. c. VIII. p. 32 seqq.

^c) l. c. p. 37. 42. et imprimis disp. II. c. 6. pr. 2. p. 370.

^d) L. IX. f. 44.

teria, alia generentur. Loca vero a MAGNENO^e adducta contrarium probare, quilibet videt, et recte notauit OLEARIVS^f.

VI. Infinita vero sunt ambo, numero atomi, vacuum magnitudine. Ita Democritum statuisse, ARISTOTELES^g, LAERTIVS^h, PSEUDO-ORIGENESⁱ alique ex veteribus testantur. Quae licet satis clare innuant, ad solam causam materialem respexisse Democritum, causis efficiente et finali praetermissa^j, non alienum tamen a mente Democriti visum fuit Io. FRANC. GRANDIS^k per infinitum inane Deum intelligi, in quo omnia moueantur: id quod a constitutione physiologiae Democriteae tantopere abit, ut eam plane euertat. Nullo enim modo vacui infiniti notio Democritea Deo adplicari potest, nisi ipsa principii huius subuertatur natura et ratio. Mouet tamen hic quaestionem AQUILIANVS^l satis spinosam et difficilem, utrum in via methodoque Democriti sit principium in genere causae efficientis, et si est, quodnam sit? Quae vero ex studiose collectis obscuris vagisque veterum narrationibus tandem elicit, huc redeunt, coelestia casu, caetera vero natura euenire, naturam vero, quam LAERTIVS^m vocauit, Democritum nominare necessitatem; casu autem euenire, adeoque carere efficienti causa atomorum concursum, nec esse principium tertium efficiens re distinctum a duobus illis materialibus, sed haec ipsa materialia alia atque alia ratione sumta, et materiale esse et efficiens principium rerum: quam vero necessitatem dixerit, non explicuisseⁿ. Recte haec dici, non ipsa tantum systematis Democritei natura et constitutio probat, quae animae mundanae Pythagorae, Platonis, aliorumque vacuum infinitum inane opponerat, de alia causa non sollicita; sed et ARISTOTELES^o disertè testatur, qui, postquam indignum philosopho dixerat, nullam rationem causarum naturalium afferre, nisi hanc, hoc semper ita fuisse, et fieri, ad hoc, addit, principium Democritus refert naturae causas, sic et antea factum esse: aeternitatis autem non putat rationem habendam principii. Ex his enim sole meridiano clarius est, Democritum de causa efficiente, quae atomos in infinito inani moueret, non fuisse sollicitum^p.

VII. Atomorum proprietates duae sunt, figura et magnitudo. Figura quidem infinitae sunt, angulares, non angulares, rectae, rotundae, quaedam laeues sunt, asperae aliae, quaedam hamulatae, aliae curuatae et quasi aduncae^q. Quantum ad magnitudinem, adeo exiguae sunt, ut oculis haut pateant, soliditas ea est, ut indiuidua sint, neque pati aut alterari queant^r. Et in hoc quo-

^e) II. cc.

^f) Ad STANLEIVM p. 904.

^g) De gener. L. I. c. I. L. V. c. 8. Phys. L. I. c. 6. de coelo L. III. c. 4.

^h) L. IX. f. 44.

ⁱ) c. XII. p. 91.

^j) Conf. GASSEND. philos. Epic. Sect. II. c. 3. p. 187.

^k) Dissert. phil. et crit. I. conf. MORHOF. Polyhist. T. II. L. II. P. I. c. 7. §. 8. p. 185.

^l) I. c. c. IX. p. 35.

^m) De rer. nat. L. II.

ⁿ) Conf. tamen p. 77. ubi ex LAERTIO L. IX. f. 45. notat, vertiginem atomorum esse istam necessitatem.

^o) Physic. L. VIII. c. 1.

^p) Intrinsecam rationem pete ex thesi XV.

^q) CICERO de nat. Deor. L. I. c. 24. ARIST. L. I. c. 6. conf. AQUILIAN. l. c. p. 44. MAGNEVS disp. II. c. 3. pr. 26. p. 215. GASSENDVS phil. Epic. Sect. II. c. 7. p. 257.

^r) CICERO de fin. L. I. c. 6. PLVTARCH. de plac. phil. L. I. c. 16. LAERT. L. IX. f. 44.

quoque Democriti mentem peruertit MAGNENVS ^r, qui atomos eius cum elementis Empedoclis turpiter confundit, qui tamen, particulas minimas ante elementa ponebat, differentes vero ab atomis Democriti, vt alibi dictum. Elementi itaque vox hic aliud nihil significare potest, quam primum, ex quo res fiunt, principium.

VIII. Atomus atomo grauior est, pro mole, qua se inuicem superant ^s. Pondus quidem habere atomos, Epicurum demum, PLUTARCHVS [¶] ait, dixisse, sed Aristotelis contrarium asserentis testimonium deferendum non esse, natura systematis Democritei suadet.

IX. Omnibus vero aliis qualitatibus atomi destituuntur, neque albae sunt, neque nigrae, neque calidae, neque frigidae, neque dulces, neque amarae. Hac assertione systema Democriti et Epicuri atomisticum ab omnibus aliorum philosophorum ante eos systematibus, in quae particulae minimae receptae fuere, sed qualitatibus indutae, distinguitur. Qualitates enim omnes ex diuersa earum inter se coniunctione, ordine, situ et dispositione deriuabat, vt postea dicemus. Aliter quidem AQUILIANVS ^r, qui locis quibusdam ARISTOTELIS [¶] inductus, Democritum non omnibus qualitatibus atomos priuasse contendit, sed id ab Epicuro demum factum esse, LVCRETIO [¶] auctore statuit. Verum fallitur vir doctus, qui in explicandis veterum physicorum systematibus solum fere Aristotelem ducem elegit, neque eius tamen semper recte assecutus est sententiam. Aristoteles enim istis locis more suo contra Democritum disputat, et ex concessis contraria eius principiis sequi, adeoque ea constare non posse ostendere vult ^w: quae ratio definiendi de mente philosophorum per consequentiam prorsus peruersa et reiicienda est. Maiori forte verisimilitudine dici posset, Democritum atomis vitam tribuisse, quam iis abstulit Epicurus, certe non incommode, ita Democritum praecepisse, videri putat P. BAYLE ^r, sic enim multis occurrisse difficultatibus, quibus systema premitur atomisticum. Quam sententiam praeter AVGVSTINI [¶] locum PLUTARCHVS ^z confirmare videtur, qui Democritum dixisse, refert, omnia quandam habere animam, etiam cadauera, quod haec semper perspicue aliquid obtineant caloris et sensus maiori parte exspirata. Propius vero systema Democriti intuentibus patefcet, vim illam vitalem et spiritalem ab ipso atomorum rotundarum, subtilissimarum et minimarum motu, qui ignem constituit, reliquisque atomis mouendi principium existit, non differre: nec aliud vult Plutarchi locus, quam istud caloris principium omnibus inesse, qua ratione et Hippocratem et Heraclitum quoque docuisse, suo loco audiemus.

LII III 1 3

X.

^r) l. c. p. 43.

^s) ARISTOT. de generat. L. I. c. 8.

[¶]) l. c.

^r) l. c. p. 50.

^w) De gener. et corrupt. L. I. c. 8. T. I. p. 396.

^v) l. c.

^w) Scilicet disputat contra Democritum a calidarum particularum dispositione calorem deri-

uantem, et inde concludit, alias quoque qualitates adesse atomis debere, more vero suo Democriti sententiam peruertit, qui non figurae rotundae, sed eius motui calorem tribuit.

^x) Dict. T. III. art. Leucippe, not. F. p. 100.

^y) Ep. 58. vel 118. c. 28. ed. Bened. quod placuit quoque FABRICIO ad SEXT. L. IX. f. 113. not. E.

^z) De plac. philos. L. IV. c. 4.

X. Atomi illae, siue prima corpora assidue in infinito inani mouentur, in quo nihil summum, nec infimum, nec medium, nec vltimum, nec extremum ^a.

XI. Motus ille initium non habet, sed ab omni fuit aeternitate. Taceat haec thesi ab isto motu causam efficientem remouisse Democritum supra ex Aristotele probauimus, et Epicuri systema confirmat. Cum enim in vniuerso causae rationem nihil habeat, praeter atomos et inane, causa, quoque efficiens nulla esse potest.

XII. Motus ille vnus tantum est generis, nempe obliquus ^b, cum enim grauitatem atomis tribueret Democritus, naturalis illis motus, quo recta linea descendunt grauius, tribuendus erat. Vidit difficultatem hac in parte systematis tomistici latentem Epicurus, scilicet ita nunquam fore, vt atomi se attingerent, hinc duplicem excogitauit motum, directum, et declinationis, quo ita alliduntur inuicem, vt sibi implicatae tandem haereant. Ad haec vero non attendit Democritus, quae causa videtur fuisse, cur Epicurus nugarum censorem Democritum appellauerit, cum tamen totum fere systema physicum ei acceptum referre debeat ^c. Caue tamen cum motu circulari motum atomorum directum confundas: ille enim tum demum oritur, vbi vortice suo agitatae atomi a centro refugiunt.

XIII. Corpuscula in hac regione vel spatio agitata concresecunt, vel in se mutuo impingunt, vel resiliunt et separantur, quo genere collisionum et agitationum res omnes formantur: atque ita, quicquid aut est, aut fit, naturalibus fit aut factum est ponderibus et mensuris ^d.

XIV. Rapidissimo isto et naturali atomorum motu qui necessaria ratione illis inest, omnia creantur et fiunt ^e.

XV. Haec necessitas fatum est, et iustitia et prouidentia, quae mundum condidit, quae nihil aliud est, quam resistentia, latio et percussio materiae ^f. Probe haec assertionum dyas tenenda est, quibus tota fere in Democriti schola atomorum hypothesis inaedificata est. Hoc enim rapidissimo motu omnium phaenomenorum rationem pandebat. Necessitatem vero dum vocat, apertum est, intrinseca atomis eam natura et virtute inesse ab aeterno, statuisse: id quod confirmat, quod paulo supra diximus, Democritum de causa efficiendi motus non fuisse sollicitum. Cum enim atomos aeternas statueret, iisque intrinseca naturae necessitate motum inesse diceret, causa efficiens alia ad hanc hypothesein non requirebatur. Cautè itaque audiendus est Democritus, de iustitia, prouidentia, creatore mundi differens. Nihil enim horum ad Deum, sed ad materiae tantum particulas motas referendum esse, ex dictis est manifestissimum. Motus vero ille, non directus tantum est, sed praecipue circularis, siue vertigo atomorum, a centro suo resilientium, sicque inuicem haerentium, quam necessitatem vocasse, refert LAERTIVS ^g.

XVI.

^a) ARISTOT. de coelo L. III. c. 4. C. I. C. de fin. L. I. c. 6.

^b) STOBÆVS eclog. phys. L. I. c. 23. p. 40.

^c) Conf. BAYLE l. c. not. O. p. 272.

^d) CICERO Acad. Qq. L. IV. c. 38. LAERT. l. c.

^e) LAERT. l. c.

^f) STOBÆVS l. c. c. 8. p. 10.

^g) f. 44. SEXT. EMPIR. adu. mathem. L. IX. f. 113.

XVI. Res itaque omnes ens vnum sunt, solis enim atomorum differentiis inter se discernuntur.

XVII. Differentiae hae tres sunt: figura, ordo, situs atomorum, quibus res omnes constant^g. Accommodasse se Democritum Eleaticae philosophandi viae, supra monuimus, cum vero innumera rerum visibilibus esset varietas, cuius causa explicanda erat, ad variam corpusculorum indiuiduorum dispositionem, qua inter se coniunguntur, confugit, et atomos tantum rerum substantiam exhibere, reliqua solo ordine, figura, et combinatione atomorum differre, adeoque realem essentiam non habere statuit. Quae mens est decreti Democritei a LAERTIO^h memorati, ποιητὰ νόμιμα εἶναι, φύσει δὲ ἄτομα καὶ κενόν: cuius sensum non vidit interpretes, alio enim loco LAERTIVSⁱ, clare indicat, quae ista ποιητὰ sint, qualitates nempe rerum, quas inesse putabant particulis minimis physici ante Democritum, ille negabat rebus inesse, sed sola dispositione ac ordine atomorum dicebat oriri. Ita enim: Δημόκριτος τὰς ποιότητας ἐκβαλάν· ἵνα φησὶ νόμῳ ψυχρὸν, νόμῳ θερμὸν, αἰτίῃ δὲ ἄτομα καὶ κενόν. *Democritus qualitates eiecit, dicit enim: dispositione calidum et frigidum, vere et realiter vero atomi et vacuum*, ubi pro αἰτίῃ ἐτεῇ, id est realiter vereque, legendum esse, ex SEXTO EMPIRICO^k patet, ubi ita Democriti decretum adducitur, νόμῳ, opinione ex atomorum dispositione orta, dulce est, et amarum, opinione frigidum et calidum, opinione calor, ἐτεῇ vere autem atomata et inane. *Quae autem existimantur, (νομίζεται) et reputantur sensilia, ea non sunt reuera καὶ ὁ ἀλήθειαν^l, sola autem sunt atomata et inane.* Quae ex iis, quae de qualitatum origine mox dicentur, amplio rem lucem capient. Νόμον autem eleganter dixit, non tantum, quod reales esse qualitates plerique putent, et opinione sibi entia vera fingant, sed quod atomi quoque ita disponantur, (νέμεσθαι) ut inde eiusmodi opinio exsurgat. Ita vero Democritus antecessorum quidem adoptabat placita, qui opinione, sed mere imaginaria, res sensibiles constare docebant, sensuum fidem vehementer offendentes: quia vero sensibus perceptionem istius νόμου et dispositionis atomorum variae concedebat, tam insulse, ac Xenophanes et Melissus, vel Zeno, philosophari non videbatur. Ex his vero iudicari possunt, quae de hoc asserto dixere MAGNENVS^m et GASSENDVSⁿ.

XVIII. Generatio itaque oritur, si illae congregantur atomi, quae ad rem constituendam dispositionem habent debitam; quarum si situs et ortus variantur, fit alteratio, atomis vero separatis inuicem et solutis fit corruptio

^g) ARISTOT. metaphys. L. I. c. 4.

^h) L. IX. f. 45.

ⁱ) f. 72.

^k) Pyrrhon. hypotyp. L. I. c. 30. f. 214. conf. FABRIC. adh. l. et qui sex veteribus laudat, conf. adu. logic. L. I. f. 135. 368. L. II. f. 6. 184. adu. Music. f. 53.

^l) Ita etiam HESYCHIVS. εἰς α', αθ', ἀλλ' ὅτι.

^m) Peripatetica cum Democriteis confundit MAGNENVS, qui certae naturae leges et proportionales inter agens et patiens νόμῳ intelligi putat

L. c. disp. III. c. 3. p. 436. Democritus enim agens et patiens idem esse statuebat.

ⁿ) Animad. par p. 251. qui putat, per metaphoram a legibus humanis dicti, legeque quasi censeri omnia. Simpliciter ad virtutem vocis, νόμος, attendendum est, quod certa dispositione et ordini aliquid tribuere norat. Hinc νόμος postea recte opinio dicitur, quatenus ἐτεῇ opinatur, conf. MENAG. ad L. c. LAERT. et STANLEIVS p. 906. quibus praeiit GALENVS elem. L. I. c. 2.

ruptio ⁿ. Ex quibus sequitur: idem et simile esse, agens et patiens ⁿ, nempe atomos, in quo a reliquis philosophis dissentit Democritus.

XIX. Atomis pluribus rei vni accedentibus, fit augmentatio, decedentibus, fit diminutio ⁿ.

XX. Infinitae sunt atomi, numero et figura, vnde tot rerum naturalium ex iis compositarum infinitisque inter se modis iunctarum oriuntur discrimina ⁿ.

XXI. Verum id omne est, quod sensibus apparet, res vero sensibus apparentes sibi aduersae inuicem sunt, et numero infinitae ⁿ. Ita obiectiones, quibus Eleaticos premebant aduersarii, eludebat Democritus, sensibus veritatem et fidem tribuendo. Dicis tamen gratia hoc asseruisse, ex iis, quae §. antecedente de canonica eius diximus, clarum est. Scilicet sensationes veras esse, non negabat Democritus, sed non habere obiectum reale, sed in solo sensu animique opinione haerere putabat, sicque opiniones et asserta inter se diuersissima coniungebat, sensibus veritatem tribuendo, licet assereret, veritatem in puteo demersam latere, vt ait CICERO ^s.

XXII. Cum praeter atomos et inane nihil reale verumque sit, sed cuncta figura, situ, ordine et dispositione corpusculorum consent, et pro eius variatione quoque variant, inde sequitur, qualitates non inesse atomis, sed in earum varia, quam patiuntur, dispositione ^{ff}.

XXIII. Hinc ratio quoque petenda est, cur varie sensus afficiantur, ita vt dulce videatur, quod amarum est alii etc. sensationes enim istae non rebus ipsis insunt, sed ex varia atomorum dispositione et ordinatione oriuntur, quae aliter hos afficit, aliter illos ⁿ. Conferenda haec sunt cum Cyrenaicis, similiter, sed alia hypothese nixis, de sensationibus philosophantibus. Cartesianum vero et sequaces hanc Democriti viam ingressos esse, nemo nescit, recteque notauit P. BAYLE ⁿ.

XXIV. Mundi in infinito dantur infiniti, secundum omnes circumstantias ⁿ. Notissimum in physicorum veterum, imprimis Ionicorum scholis dogma, quos veteribus illud suffragatos esse clamabat Democritus ^w: qui tamen ipse secundum hypothesein semel electam aliter statuere non poterat.

XXV. Horum mundorum nonnulli inter se non solum sunt similes, sed vndique perfecti et pares. vt inter eos ne minimum quidem intersit ⁿ. Nonnulli vero inaequales sunt, sole lunaque destituti: in quibusdam vtrumque lumen maius nostris et in aliis plura. Inaequalia inter se mundorum sunt interualla, et plures alicubi, alibi pauciores.

XXVI.

ⁿ) ARISTOT. de gener. et corrupt. L. I. c. 2.
conf. AQUIL. l. c. p. 59. 77.

^o) ARIST. l. c. c. 7.

^p) l. c. c. 2. 3.

^q) ib. c. I de coelo L. III. c. 4.

^r) ibid. PLUTARCH. ad Col. T. II. p. m. 411.

^s) Acad. Q9. L. I. c. 12. L. IV. c. 10.

^{ff}) LAERT. f. 72. ARIST. de gener. L. I. c. 8.

^s) PLUTARCH. l. c. p. 412.

^{ff}) l. c. p. 274.

^v) LAERT. L. IX. f. 44. PLUTARCH. de placit. phil. L. II. c. 1. ORIGEN. philos. c. XIII. p. 91 seqq.

^w) LAERT. f. 34.

^x) CICERO Acad. Q9. L. IV. c. 17.

XXVI. Hi augescunt, illi in vigore sunt, vergunt quidam ad interitum, et hic quidem nascuntur, illic deficiunt. Interitus vero alteri ab altero affertur impingendo. Suntque inter ceteros, qui carent animantibus et plantis et omni humore. Ita theoriā mundi Democriteam enarrat PSEUDO-ORIGENES^y, quae etiam ex fortuito atomorum concursu necessario sequitur, ubi quot dantur particularum vertigines et complicatae inde massae, tot fiunt mundi, quos pro atomorum inter se complicitarum conditione, situ, figura, diuersissimos nasci necesse est.

XXVII. Mundus animae expers est^z, sed rapidissimo atomorum motu per vniuersum agitatur^y, tanquam igne omnia penetrante mouentur omnia^a. Tribuit hanc assertionem Democrito PLVTARCHVS^b, et quidem secundum systema atomisticum rectissime: cum enim nihil in vniuerso sit, nisi atomi et inane, anima mundi locum habere non potest. Nec obstare his, quae praeter Augustinum Plutarchus alibi Democrito tribuit, omnia habere animam supra thesi IX demonstraui^{mus}, ostendendo vim illam animalem et spiritualem, quae mundo inest, non esse aliam, quam concitatissimam et rapidissimam atomorum subtilissimarum rotundarumque agitationem et commotionem, qua omnia viuificantur. Nodum tamen hic nequit CYRILLVS^c, qui Democritum docuisse, ait, Deum in igne globoso mundi animam esse, quod PLVTARCHVS^d quoque confirmat. Quem ne negando, et reiiciendo vtriusque testimonium tanquam systemati Democriteo aduersum, fecimus, ita soluimus, non esse hanc animam mundi diuersae naturae ab anima hominis, sed hanc ex ea quasi decerptam esse. Hanc vero ex atomis subtilissimis rotundisque, adeoque ex igne constare, infra dicemus. Anima itaque mundi, id est, vis illa, qua tanquam numine omnia nascuntur, mouentur, et viuificantur, eadem vis et commotio atomorum rapidissima et concitatissima est, inter quas cum rotundae facillime omniumque vehementissime et celerrime moueantur, ignem illae constituunt: qui ignis omnia mouet, nutrit, agit, adeoque naturae quasi Deus est. Ex quibus patet, hanc mundi animam ab atomis ipsis natura sua non differre, nec confundendam cum anima mundi Pythagorica, Platonica et Stoica.

XXVIII. Ignis constat atomis rotundis, aer vero, aqua et reliqua sola magnitudine et paruitate distinguuntur^e.

XXIX. Sol et luna ex laeuius componuntur corpusculis, vertigine circumactis. Ita LAERTIVS^f, conuenienter systemati Democritico, quod recepit quoque Cartesius, cuius vortices ex hac schola desumpti sunt. Ali-
ter quidem PLVTARCHVS^g, qui Democritum cum Anaxagora dixisse tradit, solem lapidem esse planum, igni candentem, quod, si modo recte De-

mo-

y) Philosophum, l. c.

z) PLVT. de plac. phil. L. II. c. 3.

a) LAERT. l. c.

b) l. c.

c) Contra Iulian. L. I. conf. BAYLE l. c. not. P.

d) l. c. L. IV. c. 4.

e) ARIST. de coelo L. III. c. 4. MAGNEN. l. c. disp. III. c. 4. prop. 24 p. 206. qui vero aërem cum inani confundit, et tamen ex atomis constare dicit.

f) Lib. IX. c. 44.

g) l. c. L. II. c. 20.

mocrito tribuitur, ita intelligendum est, corpuscula laeuia illa in gyrum rotata ita cohaesisse, vt inde massa dura et ignita enata fuerit.

XXX. Luna igneum est firmamentum, planities continens montesque et valles ^g. Sol magnus est ^h.

XXXI. Siderum ordo hic est, primo fixae stellae, tum planetae, post sol, lucifer deinde, et luna ⁱ.

XXXII. Omnes stellae ab oriente versus occidentem mouentur, et quanto quaeque magis sunt terram sidera propter, tanto minus possunt cum coeli turbine ferri ^k.

XXXIII. Cometae plures planetae sunt, vna apparentes, qui propius ad se accedentes, vnum corpus constituere videntur ^l.

XXXIV. Cum in angusto inani multa sunt corpuscula, sequitur ventus, at contra quietus et placidus aeris status est, cum in multo inani pauca sunt corpuscula. Rationem a motu et collisione particularum indiuiduarum desumptam prolixè explicat SENECA ^m, qui videndus.

XXXV. Terra quidem initio fursum deorsum ferabatur ob paruitatem et leuitatem; successu autem temporis densata atque degrauata subseditⁿ.

XXXVI. Firmitatis terrae causa est latitudo ipsius, disci enim instar se habet, in media caua, neque diuidit, sed operit aerem infimum, qui infra subsidet, cum locum, quo cedat, non inueniat ^o.

XXXVII. Quoniam vero aer iste versus austrum est imbecillior, inde euenit, quod terra mole aucta eo declinet; partes enim septentrionales minus temperatae sunt, australes temperatae magis ^p.

XXXVIII. Terra aqua plena est: quae cum et pluuias aquas recipit, maiori copia profusas, cauernaeque aquis affluentibus nimis premantur, motus inde terrae existit ^q.

XXXIX. Mare decrefcit semper, tandemque deficiet ^r.

XL. Homines ex aqua et limo sunt geniti ^s. Absurdam sententiam non excogitauit Democritus, sed inter barbaros didicit, quibus traditionis forte vetustissimae reliquiae, de homine ex terra formato ansam dedere ita statuendi. Nec aliter postulabat mundi ortus secundum systema atomisticum delineatus, qualem PLVTARCHVS ^t exhibet: ex corpusculis enim elementa, ex elementis reliqua corpora enata sunt.

XLI. Infans in vtero ore nutrimenta accipit, quae causa est, quod statim, vbi in lucem editus fuerit, mammam arripiat. PLVTARCHI ^u auctoritate hoc Democrito tribuitur, quod tamen vel falsum est, vel sectionibus suis parum profecit in natura corporis humana cognoscenda, si enim vel semel embryonem matre exsectum accurate considerasset, aliud statuisset.

XLII.

^g) PLVT. l. c. c. 25.

^h) ARIST. de finib. L. I. c. 6. vbi Democritum hominem magnum et in geometria perfectum vocat.

ⁱ) PLVT. l. c. L. II. c. 15. PSEUDO ORIG. l. c. p. 92.

^k) PLVT. l. c.

^l) ARIST. de meteor. L. I. c. 6.

^m) Q. natur. L. V. c. 2.

ⁿ) PLVT. l. c. L. III. c. 13.

^o) ARISTOT. de coelo L. II. c. 13.

^p) PLVT. L. III. c. 12.

^q) ibid.

^r) ARISTOT. meteor. L. II. c. 3.

^s) CENSORIN. de die nat. c. 4.

^t) Lib. l. c. 4.

^u) Lib. V. c. 16.

XLII. Homo est, quod omnes scimus. Definitionem hanc hominis, tanquam vagam et principium petentem exagitat SEXTVS EMPIRICVS*, sed vel non intellexit, vel non intelligere voluit. Non enim hoc vult Democritus, id quod nouimus, quodcunque demum id sit, esse hominem; sed, hoc hominem esse, de quo intima conscientia conuicti sumus. Aliter enim collectionem atomorum eam, ex qua homo constat, designare non poterat, quippe quam sensibus magis percipiendam, quam definitione describendam statuebat. Male itaque hoc dogma Democriti fugillat Sextus.

XLIII. Anima ignis quidam et calor est y. Cum enim infinitae sint atomorum figurae, rotundae ignem absoluunt, atque animam. Ea enim figura ad permeandum vniuersum et mouenda alia maxime composita est.

XLIV. Ex hac animae natura sequitur, et vitam et motum ab ea dependere.

XLV. Mortalis vero est anima et cum corpore perit z. Ratio psychologiae huius Democriteae ex systemate atomistico naturali ordine sequitur. Nihil enim est praeter atomos, vnde et animam ex iis componi necesse est, quod vero ex atomis componitur, potest resolui. Motum vero ab igne, ignem a rotundis et rapidissime concitatis corpusculis oriri, supra ostendimus.

XLVI. Duae animae partes sunt, altera in pectore posita, quae rationalis est, altera per totum corpus diffusa, quae irrationalis est a; vnum vero cum anima mens est, idemque b. Opponit haec Democritus plerisque sui temporis philosophis, diuersas in vno homine animas statuentibus; cum enim ex atomorum rotundarum compage anima, siue calor iste internus constet, vna necessaria anima est, ita tamen operatione inter se diuersa, vt quae celerius et subtilius atomos mouendi spatium locumque nacta sit, ratione uti queat, qua priuatur, quae diffusionem per totum corpus in rapidissimo isto motu sufflamatur.

XLVII. Corpora, quae perierunt, reuiuiscunt. Exagitat hoc Democriti dogma PLINIVS c: *Puerilium, inquit, ista deliramentorum, auida-que nunquam desinere mortalitatis commenta sunt. Similis et de asseruandis corporibus hominum, ac reuiuiscendis promissa a Democrito vanitas, qui non reuixit ipse.* Sed non cogitauit Plinius, nihil aliud dicere Democritum, quam easdem atomos, quibus anima constabat resoluta, in inane infinitum delatas iterum cohaesuras, sicque vitam priorem recuperaturum esse hominem; reliqua enim, quae hominem ab aliis distinguunt, cum situm corpusculorum tantum concernant, tanquam minime realia et vera non considerabat.

XLVIII. Plures sunt sensus, brutorum animantium, deorum, hominum rationalium d.

Mmm mmm m 2

XLIX.

x) Pyrrhon. hypotyp. L. II. c. 5. f. 23. adu. mathematic. L. VII. f. 265.

y) ARISTOT. de anima L. I. c. 2.

z) PLVT. L. IV. c. 7.

a) ib. c. 4.

b) LAERT. L. IX. f. 44.

c) Hist. nat. L. VII. c. 55.

d) PLVT. L. I. c. 10.

XLIX. Sensus et intellectus sunt ab imaginibus oblatis, quae a solidis corporibus certisque figuris dimanant, qua ratione et in speculo imago formatur ^e. Vocabat has imagines εἰδωλα ^f, eaque in hominis incidere sensus dicebat. Accurate vero hic obseruandum est. duo esse idolorum in Democritea philosophia genera; primum imagines ex obiectis sensuum effluentes animisque illabentes complectitur, mentisque notiones siue ideas constituit, quae ex perpetuo atomorum motu, et supremarum ac in superficie haerentium decessu deriuandae sunt, ex quo scilicet Democrito eiusmodi εἰδωλα fluere videbantur, alterum imagines diuinae sunt in aëre existentes, humana forma maiores, quas Deos vocauit, hominibusque apparere dixit, de quibus paulo post trademus. Valde inter se duo haec idolorum Democriteorum genera confudere viri magni et eruditi inter veteres et recentiores ^g, quorum hac in re lapsus docte et luculenter demonstrauit MOSHEMIVS ^h, qui impedito et obscuro dogmati multam lucem attulit.

L. Omnes sensus tangibiles sunt, omnisque sensatio contactu vel impulsu organi peragitur ⁱ.

LI. Ita albedo laeuitas est, luce a superficie laeuiore versus oculum reflexa, albumque colorem exhibente. Nigredo asperitas est, eadem luce, a superficie aspera reflexa, nigredinem repraesentans. Sapor dulcis ab atomis rotundis minoris molis, acidus a maioribus, acerbus a multangulis, acris a conicis, acutis, incuruis, falsus ab angulosis, distortis, aequilateribus, amarus a rotundis, laeuius, distortis nec latis, pinguis a tenuibus, rotundis nec latis oritur ^k.

LII Tempus imago est diei et noctis.

*Theologia
Democriti.*

§. XXII. Haecenus de rebus naturalibus ingeniose satis, si istius, quo vivebat, temporis circumstantiae considerentur, differuit Democritus: restabat doctrina de Deo, diuinisque naturis, de vaticinationibus, et apparitionibus Deorum. Etsi vero ex tota Democritei systematis constitutione clarissime patet, philosophum vel Deos plane negasse, vel in vniuerso eis locum certum non dedisse, sed ex mundis relegasse, nec eorum rationem ullam in hac rerum omnium compage habuisse, vbi praeter atomos, inane, et inhaerentem iis necessitatem plane nihil, quod substantiam per se subsistentem innuebat, admisit; vnde non dubitamus eorum accedere partibus, qui Democritum inter impietatis fautores referunt ^l: non tamen ad obliniendum os populo doctrina haec ex physiologia prorsus omittenda erat, sed dicendum aliquid, quod speciem haberet. Scilicet euitanda erat inuidia impietatis, et ratio euentuum danda, quos magna fide et applausu populus recipiebat, oracula confirmabant, exempla inter barbaros toties recitari audita suadebant. Admisit itaque Democritus eam, quam a Magis di-

dice-

^e) ibid. c. 8.

^f) LAERT. L. IX. f. 44. CICERO ad Attic. L. II. ep. 4. familiar. L. XV. ep. 16. Exuias has corporum recepit etiam Epicurus, vid. LUCRETIVS L. IV. v. 238 seqq.

^g) CICERO de N. D. L. I. c. 12. AVGVSTINVS ep. 118. T. II. Opp. p. 257. IRENAEVS adu. haeres.

L. II. c. 14. ex recentioribus FABRIC. ad SEXT. p. 553. BAYLE l. c. not. P.

^h) Ad CUDWORTH. p. 849 seq.

ⁱ) De sens. et sensu, c. 4.

^k) THEOPHR. de odoribus apud STANLEY. p. 909.

^l) Nominavit eos ven. REIMMANNVS Hist. Ath. c. XXX. §. 7. p. 210 seqq.

dicerat sententiam quam LAERTIVS ^m ita refert: *Diuinationem et praedictionem exercere Magos, sibi Deos apparere dicentes: sed et plenum esse aërem simulacrorum, quae cum e corporibus effluant, cum vaporum elevatione oculis acute cernentium inferantur.* Comtius aliquantum ornavit doctrinam hanc Democritus, licet CICERO ⁿ dicat, nutare eum in natura Deorum; patet enim ex SEXTO EMPIRICO ^o, Ciceronem Democriti mentem pervertisse, et quae vni Deorum generi hic adscripsit, ex iis aliquot diuinarum naturarum species excogitasse, vel errore inductum, vel studio fallentem, ut fortius eum refelleret. Luculentius magisque ex mente Democriti SEXTVS ^p, qui, postquam monuerat, non alium praeter idola, ei esse Deum, qui habeat naturam, in quam non cadat interitus, ita de Diis praecepisse statuit:

I. Esse naturas quasdam, ex tenuissimis subtilissimisque atomis conflatas, quae certo tantum tempore hominibus, praecipue in tenebris, appareant.

II. Esse has naturas magnas, et humanam staturam multum superantes, simulacra nempe ingentia.

III. Difficulter quidem, et multo minus, quam corpora humana dissolui, tamen interitui esse obnoxia.

IV. Eas certas voces ac sonos edere, qui ab hominibus intelligi queant.

V. Ratione haec spectra et simulacra uti, et hominibus futura significare.

VI. Duplicis esse generis, alia enim prodesse, alia nocere.

VII. Versari ea in aëre, qui nos ambit ^q.

VIII. Esse ea humana forma praedita. His adiicit CICERO:

IX. Tanta quasdam magnitudine videri, ut vniuersum mundum complectantur extrinsecus ^r.

Valde absona visa est haec theologia Democriti CICERONI ^s, qui patria Democriti, quam Democrito digniorem recte censet, licet aliud videatur P. BAYLIO ^t, et vltima assertio vix tribui illi posse censenda sit: Ostendit tamen, quo est ingenio et in veterum doctrina perspicacia eruditissimus MOSHEMVS ^u, non prorsus abhorrire hanc theologiam a physiologia Democritea. Ei enim exacte respondere, monet, dari concretiones atomorum longe subtiliores corporibus humanis; habereque eas posse linguae et oris facultatem, cum homines ex atomis compositi et crassiores eam habeant: immo eadem ex causa rationem quoque multo magis iis tribui posse. Quae si concedantur, sequi, cum subtilioris multo sint concretionis, rationis, et sensus, quam homines, qui ex atomis quoque constant, posse eas meatus corporis, sensuumque penetrare, atque interiores sanguinis ac spirituum animalium motus perspicere. Cum itaque cogitationes nostrae secundum Democritum nihil aliud sint, quam varii atomorum in nobis motus, mirum haud esse, has naturas praedicere posse, quae ex ista atomorum siue cogitationum dispositione secutura atque euentura sint. Quo

Mmm mmm m 3

sub-

^m) Lib. I. f. 7.

ⁿ) De N. D. L. I. c. 43.

^o) Lib. IX, adu. math. f. 42.

^p) Lib. IX. f. 19.

^q) ib. f. 42. ^r) CICERO l. c. ^s) ib. ^t) l. c.

^u) Ad GVDWORTHII syst. int. p. 548 seqq.

subtilioribus quoque constant atomis, eo firmitus haerere, eo minus dissolui et interire. Bonas esse alias, alias malas ex eadem atomorum dispositione derivandum esse, quae homines beneficos facit et maleficos. Aërem ipsorum naturam sedem postulare. Proceram vero staturam eis ex accidenti evenire posse, licet ratio dari nequeat, cur non etiam exili forma quaedam sint? Quam ex eo deduci posse putamus, quod, quo subtiliores atomi sunt, eo minus resiliunt, sed cohaerent arctius, pluresque sibi iunguntur, quod magna et ingentia corpora gignere ex mente Democriti aptum est. Dici haec omnia erudite et magno cum ingenio non negamus, vix tamen nobis persuademus, Democritum adeo desipuisse, ut miserabilem hanc philosophiam serio adoptaret: maiori enim ingenio praeditum fuisse, veteres unanimi ore testantur. Nec videmus, qua ratione futurorum eventus, qui non ab humanis cogitationibus et consiliis, sed a fortuito atomorum motu, casuque et motione corpusculorum in mundo, quae necessitatis nomine apud Democritum veniunt, oriuntur, ab his idolis queant intelligi et praevideri atque praenuntiari. Etsi vero rectissime monet vir plane egregius, difficile esse de Democriti hac in re mente certi quid statuere, cum scripta eius nobis defint, non is negat tamen, popularem sententiam illum secutum fuisse, id quod satis manifestum esse putamus. Vnde verisimillimum nobis videtur, Democritum negasse quidem omnia eiusmodi idola, Deos, formasque diuinas, quas systema eius non admittebat, ut tamen invidiae cederet, et os oblineret incauto, sed ad eum tamen attento, vatum gregi, ineptam Magorum hypothesein dicis gratia adhibuisse. Frustraneum itaque est, de mente eius de his spectris philosophi dispicere, et rationes ex eius systemate petere, quem spectra risisse, cum lemures petulantes iuvenes simularent, supra edocti sumus *.

*Philosophia
moralis De-
mocriti.*

§. XXIII. Philosophiam moralem diligenter quidem exposuit Democritus, nihil tamen quod eius doctrinam systematico ordine exhibeat, nobis servauerunt veteres, qui sententias tantum morales annotauerunt, quas hic referre nec loci, nec instituti ratio patitur. Ea igitur paucis delibabimus, quae ex systemate physiologico, et primis moralis doctrinae Democriticae principiis sequuntur, reliqua alibi quaerenda sunt. Sunt vero ista:

I. Finem vel bonum ultimum esse *εὐθυμία*. Est vero *εὐθυμία*, non voluptas quaedam et delectatio, quod nonnullis visum, sed securus, tradente LAERTIO ², et quietus animi status, quo magna tranquillitate et constantia beatus est, nulloque metu, vel superstitione aut alio quocunque affectu perturbatur et distrahitur. Eadem fere tradidisse Epicurum, indolentiam, voluptatis speciem, commendantem pro fine, infra dicemus. Singularibus libris hanc *εὐθυμία* *εὐεσώ*, quibus vocibus usus est, explicuit ^a.

II.

*) Serio quidem talia putasse Democritum, nimis audax et temerarium censentem reicere ea, quae de spectris uniuersalis consensio veteres tradidere, conicit MOSHEMIVS. Valde tamen timeamus, ne uniuersalem istam traditionem tanquam uniuersalem errorem damnauerit. Spectris enim

illusisse, notauius.

γ) Apud STOBAEVM passim, ex eo apud STOLLIVM hist. phil. mor. §. CIII. p. 160 seqq. STANLEIVM l. c. p. 96.

2) Lib IX l. 45.

a) IONSIVS p. 141. FABRICIVS l. c. Bibl. Gr.

II. Optimum itaque homini, vitam agere animo, ut plurimum laeto, rarissime tristato, quod fieri poterit, si voluptates non in perituris rebus locentur^b.

III. Esse vero homini conueniens, animae, quam corporis potio- rem rationem habere; animam enim, si sit perfectissima, corporis malignita- tem emendare: corporis autem robur, absque rationis usu animam nihilo meliorem efficere^c.

IV. Hominibus vero ἐνθυμίασθαι oriri, ex mediocritate iucundi et vitae concinna circa actiones proportionem. Quod enim vel defectu vel excessu peccat, magnas commotiones et perturbationes concitare in animo. Qui vero homines magnis quasi saltibus et interuallis in affectibus commouen- tur, eos ad statum animi tranquillum et beatum peruenire nequire. Ad possibilia itaque animum intendendum, et praesentibus contentum esse de- bere: cogitationibus vero et desideriiis iis non inhaerere, quorum felicitas admirationi aliis est, et inuidiae. Qui vero miseres nobis sunt, eorum vitam contemplandam esse, ut quae nobis praesentia sunt, magna et aemula- tione digna videantur, neque animus excrutietur cupiditate maiora et prae- stantiora habendi. Hanc sententiam complexum, vitam magna tranquilli- tate et animi laetitia transigi, et inuidiam, aemulationem, odia, pestes et no- xas vitae propulsari posse. Graeca STOBAEI^d ipsa consulenda sunt, quae non omnia recte videre interpretes^e; ita vero explicata egregie eam mo- ralis doctrinae Democriteae partem illustrant, quae de fine agit.

V. Sapientiam nihil admiratam, nihil non mereri, summa laude di- gnam^f. Pertinet hoc ad fructum physiologiae, superstitioni et admira- tioni oppositae.

VI. Turpitudinem et honestatem actionum non iis inesse natura, sed lege et institutione. Necessario hoc ex principiis Democriti physicis se- quitur, quibus ἐτεῖν praeter atomos, et inane nihil esse, νόμῳ constare omnia reliqua dixit. Recte itaque iis, qui aeternam honestatis notionem reiecere, Democritum accensuit CUDWORTHVS^g.

VII. Bene composito et tranquillo esse animo, qui de rebus absen- tibus non contristetur, laetetur autem praesentibus^h.

VIII. Si quis modum excefferit, ei iucunda maxime molesta euadereⁱ.

IX. Plures exercitatione, quam natura, bonos euadere^k.

X. Tranquillus qui esse cupiat, eum multa vel priuatim vel publice agere non oportere, quae vires superent: ita vero sui gerere curam, ut omnem, qui sese obtulerit, fortunae excessum declinet, neque plura ad- mittat, quam quibus ferendis par esse valeat. Praestare enim, ut nobis conueniant ea, quibus fruimur, quam abundantiam^l.

XI.

^b) Serm. XXXVII. p. 113.

^c) Serm. I. p. 4.

^d) ib.

^e) Vid. quae monuimus Miscell. Crit. ad Hist. linguae German. pertin. T. V.

^f) Serm. XXVIII. p. 79.

^g) De aeternis honesti notionibus, ad calc. syst. intellectu p. 2

^h) Serm. XXXIX. p. 137.

ⁱ) ib. p. 139.

^k) Serm. CXVII. p. 365.

^l) Serm. CCXLIX. p. 822.

XI. Iustitiae laudem, et gloriam mentis fiduciam esse, et animi boni statum, iniustitiae autem fugam calamitatis esse terminum ^m.

XII. Quibus bene compositi sint mores, illis totam etiam vitam bene constitutam esse ⁿ.

XIII. Leges non prohibitorum fuisse, quemlibet suo arbitrio vivere, nisi vnus ad iniuriam inferendum alteri esset procliuis. Praelusisse hoc axioma Democritum Hobbessio, adeoque animum infestum belloque alteri inferendo aptum et procliuem, pro legis causa supposuisse, comparatio vtriusque doctrinae docet ^o.

XIV. Homines quosdam naturae mortalis ignorantes dissolutionem, sibi vero vitae infelicitate actae conscios, omne quod viuunt tempus, misere turbari, et metuere, multa sibi falso post mortem euentura fingentes ^p. Egregium physiologiae Democriteae confectarium.

XV. Sanitatem penes hominem esse, eam vero libidine amitti.

XVI. Qui ventris voluptates sequantur, breue delectationis tempus habere, multas vero curas consequi, voluptate confestim transeunte ^q.

XVII. Actionis imaginem esse sermonem ^r.

Protagoras.

§. XXIV. Discipulos Democritus multos habuit, ante reliquos vero inclaruit PROTAGORAS Abderites, quem tamen Teium fuisse Eupolis memoriae prodidit ^s. Patrem Maeandrium habuit, vel, vt Apollodorus et Dionon aiunt, Artemonem ^t, Democriti enim filium quid dicit MAGNENVS ^u, ab AELIANI ^x interprete deceptus est ^y. Democritus enim coelebs vixit, nec eius filius, sed discipulus fuit. Eum baiulum fuisse aliquando, Epicurus tradidit, atque ea occasione Democriti fauorem meruisse, quam ita narrat GELLIVS ^z: „Adolescens victus quaerendi gratia in mercedem missus, venturas onerum corpore suo factitauit. De proximo itaque rure in Abderam oppidum caudices ligni plurimos, funiculo breui circumdatos portabat. Tum forte Democritus, ciuitatis eiusdem ciuis, homo ante alios virtutis et philosophiae gratia venerandus, cum egrederetur extra urbem, videt illum cum eo genere oneris tam impedito, ac tam incohibili, facile atque expedite incedentem, et prope accedit, et vincturam, posituramque ligni scite periteque factam, considerat, petitque, vt paulum acquiescat. Quod vbi Protagoras, vti erat petatum, fecit, atque ibidem Democritus aceruum illum, et quasi orbem caudicum, breui vinculo comprehensum, ratione quadam quasi geometrica librari continerique animaduertit, interrogauit, quis id lignum ita composuisset? et quum ille a se compositum dixit.

^m) Serm. XLVIII. p. 168.

ⁿ) Se. m. CXXXVI. p. 398.

^o) Serm. CXXXIX. p. 406.

^p) Serm. CXLVII. p. 813. PLVT. de inst. lib. T. I. p. m. 12.

^q) Serm. XI IV. p. 155.

^r) LAERT. L. IX. f. 27. PLVT. l. c.

^s) CIC. de N. D. L. I. QVINTIL. Inst. Orat. L. III. c. I. GELLIVS N. Att. L. V. c. 3. LAERT.

L. IX. f. 50. et quos ad h. l. adducit MENAG. SVIDAS in Protag. T. III. p. 217.

^t) LAERT. SVIDAS II. cc.

^u) In Democrit. p. 8.

^x) lib. I. c. 23.

^y) Ostendit id MENAG. l. c.

^z) l. c. pueris post Democriti disciplinam instituendis, deinde eloquentiae operam dedisse tradit ATHENAVS L. VIII. p. 354.

dixisset, desideravit, uti solueret ac denuo in modum eum collocaret.“ Ac postquam ille soluit, ac similiter composuit: tum Democritus animi“ aciem, solertiamque hominis non docti demiratus, mi adolescens, in-“ quit, cum ingenium bene faciendi habeas, sunt maiora melioraque, quae“ mecum facere possis: abduxitque eum statim secumque habuit, et sumtum“ ministravit, et philosophiam docuit, et esse eum fecit, quantus postea fuit.“ Ex quibus palam est, Protagoram non eloquentiae tantum studio, quo inter veteres sophistas magnum sibi nomen peperit“, sed philosophiae quoque peritia summam laudem fuisse consecutum. Illius testimonia eloquentissimi discipuli, et in his Prodicus Ceus sunt“, huius, leges Thuriis ab eo latae“. Tantaque eius fuit existimatio, ut, cum primus inter Graecos mercede docendi auctor esset, centum minis“, vel quod QUINTILIANVS“ habet, decem denariorum millibus lectiones eius discipuli remunerarentur. Aitque PLATOS, hac ratione maximopere opibus fuisse auctum Protagoram. Praelegit etiam auditoribus eloquentiae suae opera satis caro pretio. Famam tamen nominis impietatis suspicione commaculavit. Cum enim librum *de Diis* ita exorsus esset: *De Diis quidem statuere nequeo, an sint, nec ne. Sunt enim plurima, quae id scire prohibeant, summa rerum incertitudo, et vitae humanae breuitas.* Ob atheismi culpam, siue dicta, quod volunt quidam, causa condemnatus, siue causa, quod alii scribunt, non audita collatis sententiis exilio multatus totaque Attica eiectus est, librique illius in foro cremati sunt, sub voce praeconis, a singulis, qui illos habebant, inuestigati“. Ortam fuisse hanc impietatis maculam ex disciplina

a) Hoc contendit, et philosophiae famam Protagorae denegat CUDWORTHVS Syst. intell. c. 1. §. 8. p. 13. recte ideo notatus doctissimo interpreti ad h. l.

b) Vita celeberrimi sophistae ad historiam rhetoricae proprie pertinet. Fuisse tamen philosophum quoque et physicum SVIDAS T. III. p. 178. refert. Seruaueruntque pauca eius placita philosophica veteres. In his est, quod docuerit, solem, et lunam, et fluuios, et fontes, et in summa quaecunque profint vitae nostrae, antiquos Deos existimasse, propter utilitatem, quae ex iis accipitur, CICERO de N. D. L. I. c. 42. MINVC. FELIX in Octau. c. 21. SEXT. EMP. adu. math. L. IX. f. 18. ex quibus falso infert EPIPHANIVS T. I. Opp. p. 1088. solem, lunam et elementa pro Diis habuisse. Si enim Sexto fides habenda, hoc argumento ita vsus fuit Prodicus, ut anticipatam, quam philosophi urgebant, notionem Dei tolleretur. Idem scilicet dixit, quod Eumerus, de quo supra, conf. SEXT. l. c. f. 51. 52. Vitam vero Prodicum post PHILOSTRATVM Vir. Sophist. L. I. p. 496. enarrauit P. BAYLE Dict. T. III. p. 820. qui videndus, de atheismo eius autem consulendus REIMANNVS Hist. ath. c. XVII. §. 5. p. 132. Discipulos habuit celeberrimi nominis, Socratem, Theamenem, Euripidem, Isocratem, Xenophontem, Gorgiam: inter quos ultimus eloquentiae laude mire excelluit: hic tamen a nobis praetereundus haud est, quod librum scripsit, de eo, quod non

est, siue de natura, ex quo eius dogmata ARISTOTELIS in tr. de Zenonis, Xenophanis et Gorgiae sententiis excerptis, conf. SEXT. EMP. adu. math. L. VII. f. 65. Negavit et ipse cum Protagora, esse aliquid, quod indicat, sed alia ratione. Tria enim in eo libro constituit capita: 1. nihil esse, 2. etsi sit, ab homine non posse comprehendere, 3. etsi possit comprehendere, enuntiari tamen et explicari non posse: quorum capitum rationes fuisse enumerat SEXTVS, f. 66-86, videntur tamen et Protagoras et Gorgias disputandi magis causa, talia asseruisse, Zenoniana methodo inductos.

c) LAERT. l. c. Vocatum fuisse λόγον ex AELIANO V. H. L. IV. c. 20. vel λόγον ἐμυσθον, quod mercede eloquentiam traderet ex SVIDA l. c. discimus, vnde apud LAERT. f. 50. glossēma esse recte dicitur MENAGIO, quando refertur, vocatum fuisse σοφίαν, id enim ad Democritum pertinet.

d) LAERT. f. 72. SVIDAS l. c. GELLIVS l. c. conf. quos laudat MENAG. ad h. l. et OLEARIVS ad l. c. PHILOSTRATI.

e) L. III. c. i. insincerum ideo philosophum vocat GELLIVS l. c.

f) In Theaeteto, conf. EIVSD. Protagoras.

g) CICERO de nat. Deor. L. I. SEXTVS l. c. SVIDAS l. c. PHILOSTRAT. l. c. LACTANT. L. X. MINVCIVS FELIX, Oct. c. 8. conf. MENAG. ad l. c. Laert.

Nnn nnn n

sciplina Magorum putat PHILOSTRATUS^b, a quibus in pueritia enutritus didicerit, doctrinam de Diis arcanam custodire: quae causa fuit, cur ex atheorum albo eum deleri cupiant viri quidam docti, a cl. REIMMANNO nominatiⁱ. Verum ex ipso Philostrati textu clarum est, eum non tantum non intellexisse veram Magorum opinionem et disciplinam, sed Democritum quoque cum Pythagora confudisse, quaeque de illo narrantur, huic tribuisse^k. Scripsit plurima a cel. FABRICIO^l memorata, ad logicam, metaphysicam, ethicam et politicam illustrandam, quae tamen interciderunt omnia. Aetas eius ex Democriti aetate colligi potest^m. Finem vitae ita narrat PHILOSTRATUSⁿ: *Ex Epiro in insulas transmissurum, et Atheniensem triremes, toto maris dispersas metuentem submersum esse parua nauigantem cymba. Ex multis huius nominis^o Abderita reliquos nominis vicit celebritate.*

Placita Protagorae.

§. XXV. Philosophiae Democriticae decreta ad contentionis argumentum adhibuit Protagoras, ut ex paucis reliquiis placitorum eius, quae seruauere nobis veteres, constat. Ita enim statuit:

I. Duas esse omnium rerum rationes inuicem contrarias. Ad disputandi potissimum et differendi inuentionem dogma Pythagoreis, et imprimis Alcmaeoni non ignotum retulisse, primumque ita in utramque partem differere coepisse monet LAERTIUS^p.

II. Materiam semper in fluxu esse, ipsa autem assidue fluente, pro ablationibus adiunctiones fieri, et sensus transmutari ac variari, et pro aetatibus et pro aliis sensuum constitutionibus.

III. Rationes omnium sensibus apparentium subiectas esse in materia, adeo ut materia, quantum in se ipsa, omnia esse possit, quae quibuscunque apparent.

IV. Homines autem alio tempore alia percipere, prout diuerse se habent, siue secundum naturam se habeant, siue contra naturam, sicque etiam in aetatibus, in somno, in vigilia et quibuslibet habitibus.

V. Esse ergo hominem criterium rerum, quae sunt, omnia enim, quae apparent hominibus, etiam esse, quae autem nulli hominum apparent, ne esse quidem. Ita quidem Protagoream logicam exponit SEXTUS EMPIRICUS^q, nixam physiologia Democritica, ut ex collatione facili negotio potest disci. Cum enim vetus dogma in Eleatica imprimis schola receptum, omnia fluere, admisisset Democritus, atomosque semper moueri diceret,

^b) I. c. ^h) Hist. atheismi L. I. c. XVII. §. 4. p. 131.

^k) Democritus enim, non vero Protagoras a Magis eruditus dicitur, a Xerxe relictis. Magi vero non tollebant doctrinam de Deo, sed abscondebant, difficile vero, amisso libro Protagorae, de eius atheismo statuere, quem affirmant praeter Baelium BVDDEVS thes. de atheismo c. I. p. 74. et SAM. PARCKERVS de Deo disp. I. s. II. p. 27. Quamquam, si ex discipulo praeceptor iudicandus est, paucum de hoc dogmate asserendo curiosus fuisse videtur.

^l) Bibl. Graec. Vol. I. p. 780 seqq.

^m) Olymp. LXXXIV (non LXXVI, ut habet interpres) inclauisse, et XL annos in philosophia versatum ait LAERT. s. 56.

ⁿ) I. c. Idem LAERTIUS s. 55 refert, narrans, voluisse nauigare in Siciliam. Quidam tamen dixerunt, defecisse eum in via, cum XC annum ageret, siue LXX, ut alii.

^o) Nominat eos MENAG. ad LAERT. L. IX. s. 56. et FABRIC. Bibl. Graec. I. c.

^p) LAERT. s. 51. qui etiam de eius contendendi studio Timonis Sillographi versus adducit.

^q) Pyrrhon, hypotyp. L. I. c. 32. s. 246.

ceret, res omnes sensuum tantum perceptionibus constare, quatenus ex varia corpusculorum dispositione oriantur, tradidit. Ita vero Protagoras quoque, qui recepta atomorum dispositionis in momenta mutabilitate, cum auferri alias, alias succedere et addi semper, sicque rem mutari continuo videret, inde concludebat, in sola sensatione esse illud, quod videmus, audimus, tangimus, adeoque normam de quacunque re iudicandi esse hominem eiusque in sensu perceptionem: cum vero sensationes hominis mire pro temporis, subiecti et circumstantiarum ratione differant, sequi inde, mox hoc, mox illud rem esse, cum varie homo afficiatur, adeoque in contrariam de rebus omnibus partem eodem veritatis fundamento posse disputari. Esse hanc mentem Protagorae, praeter Sexti locum admodum luculentum, PLATO^r, ARISTOTELES^s, CICERO^s, Aristocles apud EVSEBIUM^m et HERMIAS^s testantur, apertumque faciunt, Democriticam physiologiam a Protagora adhibitam fuisse, ut fundamentum exhiberet logicae eristicae, cuius praecipuus stator fuit Protagoras. Sequebatur enim ex his, in omnibus rebus contrarias rationes inueniri, quia res ipsae in sola relatione ad cognitionem vel sensationem potius hominis considerantur, quae innumeris circa vnum idemque subiectum variationibus modificantur. Et hic sensus est axiomatis Protagorei: πάντων χρημάτων ἓνα μέτρον τὸν ἄνθρωπον, μέτρον enim criterium est, unde eius sensum ita explicat Sextus: *Rerum omnium criterium, siue veri falsique regulam esse hominem, entium quidem, ut sunt, non-entium autem, ut non sunt. Ideoque ponit sola illa, quae cuiusque sensibus apparent, et ita inducit relationem ad aliquid.* Quod licet a CUDWORTHIO^o dubie Protagorae tribui, nec id ex Platone euinci posse contendat praestantissimus interpres^z, adducta tamen veterum testimonia luculenta, Cudworthum recte scripsisse, clare euincunt, quicquid sit de obscura Platonis disputatione.

VL. Animam ipsissimos sensus esse, omniaque esse vera^a. Nititur hoc fundamentis, iis, quae explicuimus. Cum enim nihil vere atque realiter sit, ob fluxum atomorum praeter sensationes, omnes eas veras esse oportet, id est, tales, quales sensus percipiunt, cum anima a sensibus non differat. Ceterum Diogenem, vel ut LAERTIUS^b vocat, Diomenem Smyrnaeum, Nessi Chii discipulum, illius, qui Democritum audiuit, eadem cum Protagora sensisse, EPIPHANIVS^c tradit: quem tamen cum Diogene Apolloniata sine magna versimilitudine eundem putant MEVSIVS^d et MENAGIVS.

§. XXVI. Praeter Nessum Chium^e et Nausiphanem ex disciplina *Diagoras* Democriti emerfit DIAGORAS, ex Melo insula, Cycladum vna oriundus, *Melius.*

Nnn nnn n 2

homo

a) In Theaeteto, conf. Cratylus.

b) Metaph. L. III. c. 5. L. X. c. 6.

c) Academ. Q. 9. L. IV. c. 42.

d) Praepar. L. XIV. c. 20.

e) Irri. gentil. §. 9.

f) System. intell. c. I. §. 7. p. II.

g) Ad h. l.

a) LAERT. l. c. conf. CICERO l. c. ARISTOT. metaphys. L. III. c. 5.

b) f. 58. conf. FABRIC. l. c. p. 776.

c) T. I. Opp. p. 1083.

d) Ad Helychium p. 146. MENAG. ad Laert. l. c.

e) Meminit eius LAERT. L. IX. f. 58. EVSEBIUS in Chron. qui Nessam vocat.

Eius athe-
ismus.

homo impietatis macula inter veteres famosus. Sunt, qui Milesium putant, sed hi, recte iudicante CLERICO ^f, Melium pro Milesio per literarum compendium dictum esse, frustra contendunt. Parentem habuit Teleclidem ^g. Is in expugnatione insulae captus, a Democrito vero, egregiam ingenii alacritatem et indolem, qua pollebat, perspicienti, decem drachmarum millibus redemptus et disciplina sua imbutus dicitur. Elegantioribus vero simul literis nauauit operam, et in lyrica poësi non vltimum obtinuit nomen, quae tum temporis in Pindaro, Bacchylide aliisque florebat. Cum enim Ol. LXXVIII vixerit ^h, Pindaro adhuc coaeuus fuit ⁱ. Fuisse vero dithyrambicum initio, et si quis alius, superstitiosum, SEXTVS EMPIRICVS ^k testatur, poësin etiam suam inchoasse hoc modo: *A daemone et fortuna fiunt omnia*; iniuria autem affectum ab aliquo, qui perierauerat, et propterea nihil mali passus fuerat, eo deductum esse, vt negaret, esse Deum. Iniuria vero qualis ea fuerit, HESYCHIVS et SVIDAS ^l ita narrant: quod paeanam quis ipsi furripuisset, iuratusque negasset, se hoc fecisse, et tamen postea publice illum pro suo protulisset, Diagoram irarum plenum expectauisse, vt periurus iste statim manifesta poena a Deo et grauissima afficeretur, quod cum non fieri, sed periurum plagiarium laudibus etiam affici et praemiis videret, satis absurde hinc concludisse, non esse Deum, impietatemque hanc scriptis etiam publicis fuisse professum, quibus TATIANVS ^m titulum ait impositum, τὰς Φευγίτας λόγας, Hesychius et Suidas, τὰς ἀποπνεύζοντας, id est, *destructores*, vel *de turri deturbantes et deiicientes*. Alii aliter referunt, in eo tamen veteres fere omnes, adducti diligenter a P. BAYLE ⁿ et I. F. REIMMANNO ^o, consentiunt, ista vindictae diuinae mora inductum Diagoram, Deos negasse, et ob eam causam Atheniensium inter quos habitabat. diuinum cultum sacraque traduxisse, mysteria quoque omnibus enuntiasse, eaque despexisse, illos etiam, qui sacris initiari volebant, dehortatum fuisse ^p. Tanta inde non ignominia tantum ei contracta est, vt atheus cognominaretur, et in prouerbum hominis nequam et inter bipedes deterrimi abiret ^q, sed Athenienses quoque eo proscripto, cum Olymp. XCI, ad causam dicendam vocatus non comparuisset, non solum voce praeconis pronuntiari, sed et aerae columnae inscribi iuberent, eum, qui Diagoram occidisset, talentum, qui vero viuum adduxisset, duo talenta accepturum esse ^r. Etsi vero valde infamis apud veteres eius memoria est, visum tamen fuit CLEMENTI ALEXANDRINO ^s, eum inter eos referre,

^f) Art. crit. P. III. c. 11. §. 5. p. 209. BAYLE
Diſt. T. I. art. Diagoras not. A. p. 282.

^g) SVIDAS in Diagoras T. I. p. 551.

^h) SVIDAS l. c. KVSTER, ad h. l.

ⁱ) Pindarus enim teste SVIDA Olymp. LXV. natus ad Ol. LXXXVIII vixit. Inferendus vero est Diagoras lyricis veteribus apud FABRICIVM Bibl. Graec. Vol. I. p. 554. vid. IPSE ad SEXT. l. citand.

^k) Aduers. mathemat. L. IX. f. 53.

^l) ll. cc.

^m) Contra Graec. p. m. 164. ed. Paris.

ⁿ) l. c. not. D. E. F.

^o) Hist. ath. c. XXXI. §. 8. p. 212. Ex his CICERO de N. D. L. l. c. I. VALER. MAX. L. l. c. I. SEXTVS l. c. praecipue notandi.

^p) SVIDAS l. c. TATIANVS l. c. ATHENAG. legat. pro Christianis p. m. 5. ed. Paris.

^q) Socratem ab Aristophane ideo Melium in nubibus dictum esse, supra obseruatum. conf. ERASM. Chil. p. m. 722.

^r) SVIDAS l. c. ^s) Admonit. ad gentes p. 13.

referre, qui, cum gentilem superstitionem contemserint, eiusque detexerint fraudes, athei habiti sint. Quam Clementis opinionem suam fecere viri quidam docti ex recentioribus, quos allegandi otium nobis fecit ven. REIMANNVS *, qui eos quoque nominat, qui in hoc impietatis luto haesisse Diagoram tuentur, quibus addi potest RAD. CVDWORTHVS ". Nemo tamen maiori eruditione et ingenio causam Diagorae egit cl. ZIMMERMANNO * nostro: qui rationes pro eius atheismo adductas accurate examinavit. Cuncta, quae prolixè affert, eo tendunt, accusationes aduersariorum Diagorae, scriptis eius amplius non extantibus, esse suspectas nec validas satis ad inurendam ei atheismi maculam. Invidia enim derisorum gentilium sacrorum excitatos, inter apertos numinis hostes eum retulisse, cum tamen omnia, quibus ille premitur, vel ad exagitata Atheniensium sacra, vel ad negatam DEI providentiam specialem pertineant. Imprimis vero contra fortissimum FABRICII^y argumentum, eam fuisse Diagorae ratiocinationem, ut non in gentilium tantum Deos, sed et uniuerse in Deum valeat, ita excipit, ut non tantum reiecta Suidae et Hesychii tanquam testium nimis a Diagorae temporibus remotorum fide, de ipsa narratione dubitet, sed ea quoque supposita, ostendere cupiat, posse hoc de diis quoque inferioribus dici, nec demonstrari posse, quod summum quoque numen negauerit, libris itaque eius non extantibus saltem ad ἐποχὴν confugiendum esse, nec rationes Baelii, Fabricii, Buddei clare atheismum eius demonstrare. Nostrum vero nec institutum nec locus patitur, ea, quae vir doctissimus attulit omnia, prolixè excutere, quae scilicet ad specialem atheismi historiam pertinent. Monenda tamen pauca sunt, quae rem in lucem protrahere apta putamus. Nempe 1. non negamus, certissima ratione de atheismo Diagorae non posse definiri quicquam, cum et libri eius perierint, et, qui impietatem eius describunt, testes sint, non omni exceptione maiores, et ab eius aetate nimis remoti^z: exempla etiam complura extent, viros cordatos, superstitionis vulgaris contemtores negati Dei accusatos fuisse. Si itaque his standum est, facile, fatemur, negabitur Diagorae atheismus, ita vero eodem labore, tota atheismi historia vno ictu absolui et euerti quoque potest, cum monumenta coeua et ipsa philosophorum scripta pleraque interciderint. 2. Quia vero hoc nimis laxum scepticismo historico campum aperit, contentos nos esse debere monemus istis veterum narrationibus, quae nobis suppetunt, memores, eos vetustiora, nobisque non visa consuluisse, adeoque non eos quidem in totum reiiciendos esse, fidem vero non absolute, sed tantum probabili ratione dandam esse. His, ut debent, suppositis, 3. si veterum de Diagora effata aliquem locum habent, dubitari non posse putamus, Diagoram non tantum gentilium superstitiones, vel providentiam negasse, sed ipsum etiam quod mundum regit, numen sustulisse; id enim testimonia allata omnia clamant, licet, ut fieri in his solet, circumstantias varie

Nnn nnn n 3

rie

*) l. c.

**) Syst. intell. p. 9.

y) Ad l. c. Sexti.

x) Ep. de atheismo Euemeri et Diagorae, quae extat Mus. Brem. Vol. I. P. IV. art. 3. p. 714 seqq.

z) Hoc nimirum historiae philosophicae fatum esse, toties exemplis euicimus, et doluimus.

rie enarrent. Nec sola Suidae et Hesychii auctoritas in partes venit, sed defumfere illi sua ex ARISTOPHANIS scholiaste ^a, patetque ex Sexto etiam, eius iam tempore peruulgatam fuisse famam, iniuriae non vltae memoria et dolore, ad negandum Deum fuisse digressum Diagoram. Nec videmus, qui ratio a Fabricio allata queat euerti, nullum fuisse argumentum Diagorae contra gentiles Deos, nisi in ipsum numen vniuerse valeat. 4. Imprimis vero Clementi opponimus ATHENAGORAM ^b, eo magis in partes aduocandum, quo magis PP. gentilis superstitionis derisoribus fauere, eosque in suas partes trahere rectissime monuit B. BVDDEVS ^c. Is vero luculenter: *Diagorae sacrilegam impietatem iure damnabant Athenienses, qui cum arcanos Orphei sermones vulgo exponerat, tum Eleusinia et Cabirorum sacra publicabat, et Herculis statuum ne ligna rapis conquendis deessent, diffecabat, ἀντίκρους δὲ ἀποφανομένῳ μηδὲ ὅλως εἶναι Θεόν, denique palam et diserte Deum esse negabat.* Clarissime enim et distincte tribuitur Diagorae, non tantum Atheniensium superstitionem risisse, sed et ipsum Deum negasse: quo nomine Christianis, illud facientibus, hoc vero minime, Diagoram opponit Athenagoras. 5. Sed et ad disciplinam, ad quam nemo haecenus attendit, respiciendum esse, qua Diagoras educatus fuit in philosophia, ipsa aequitas postulat. Fuisse vero Democriti discipulum, cui et libertatem et philosophiam debebat, monet Suidas. A vero itaque alienum non esse videtur. Democriteis de Deo sententiis imbutum fuisse Diagoram. Quod si supponimus, qui mirandum esse existimabimus, Deum negasse hominem, qui in mundo praeter atomos et inane nihil esse verum et reale a praeceptore didicerat? Nec obiici his potest illud Sexti, initio eum daemonem et fortunam inesse rebus cunctis dixisse. Vt enim concedamus, vera referre Sextum, quod facile negari posset, daemones tamen illi quales sint in schola Democriti, ex εἰδώλοις ab eo assertis et supra expositis satis constat. Quos cum dicis tantum causa Democritum a Magis transsumsisse facile perspiciatur, nullo negotio fieri potuit, vt thesin exotericam tanquam ridiculam, casu isto excitatus Diagoras exploserit, sicque tandem genuinam Democriti doctrinam professus fuerit, non esse Deos. Quibus rationibus subductis et inter se comparatis maiori verisimilitudine Diagoram accusari impietatis, quam absolui putamus. Sed vt ad historiam eius, vnde diuertit oratio, reuertamur, Diagoras Attica terra exul et profugus, nauem, si fides CICERONI ^d habenda, conscendit, cumque tempestate aduersa premerentur omnes, et vectores timidi et perterriti ei dicerent, non iniuria sibi ea accidere, qui illum in eandem nauem recepissent, ostendit eis in eodem cursu multas laborantes alias, quae fuitque, num etiam in iis nauibus Diagoram vehi crederent. Cum vero Samothraciam venisset, atque ei quidam amicus, tu qui Deos putas humana negligere, nonne animaduertis ex his tabellis

^a) Ad nubes p. 410.^b) l. c.^c) thes. de atheismo c. I. p. 73. quae sigillat REIMANNVS p. 215. Exemplis hoc facile pos-

set demonstrari: in ratiociniis enim PP. non adeo accuratos fuisse, satis notum est.

^d) De N. D. L. III, c. 37.

bellis pietis quam multi votis vim tempestatis effugerint, in portumque salui peruenerint? Ita fit, inquit, illi enim nusquam pieti sunt, qui naufragium fecerunt, in marique perierunt. Suspicamur tamen Graeca haec fide niti, ideo excogitata, ut iucundius maioriq[ue] acumine narraretur Diogorae historia. Esse enim ex iis rumusculis, qui incerta fide aliis quoque tribuuntur, ex LAERTIO^e liquet, Diogeni Cynico ea adscribente. Tandem Corinthum delatus, ibi teste SVIDA^f vitam finiit. Legibus Mantineam parario Nicodoro, ordinasse, narrat^g AELIANVS.

§. XXVII. Ex disciplina Democriti quoque exiit ANAXARCHVS Abderita^b, Diomenis Smyrnaei auditorⁱ, vel, ut alii perhibent, Metrodori Chii, qui ne hoc quidem se scire dixit, quod nihil sciat^k. Metrodorus vero Nessum, vel quod aliis placet, ipsum Democritum audiuit. Anaxarchus vero non tam doctrina, quam vita notabilis extitit. Vixit enim cum Alexandro M. vnde Olymp. CX floruisse LAERTIVS^l colligit, tantaque eius vsus est gratia^m, ut regem eo quoque tempore, quo adulationibus totus corruptus Alexander, aegerrime amicorum monita audiebat, libere corripere auderetⁿ, isque potissimum philosophiae rationibus munitus regi, Babylona appropinquanti suaderet, contemneret Magorum praedictiones, fatale id ipsi fore asserentes tanquam falsas et incertas. Abusum tamen fuisse philosophia ad adulationem, ex solatio colligi potest, quod Alexandro ob Cliti caedem animo anxio exhibuit^o. An ignoras, aiebat, ius et fas Ioui assidere, ut quicquid rex agat, id fas iustumque putetur. Quam turpem adulationem in philosopho recte exagitarunt, et parasiti mores in Anaxarcho damnarunt veteres^p. Qui ei frequenter etiam exprobrant, voluptatibus deditum non sine philosophiae opprobrio vixisse, et mensae regum seruientem, vitae commoditates quaesivisse, cuius notabile exemplum ATHENAEVS adduxit, et Timonis versus testes sunt, qui vitam voluptatibus deditam, et ad vitia regressam ei exprobrant^q. Nec dubium est, hanc vitae commoditatem et voluptatem ipsi cognomen εὐδαιμονικὴν conciliaffe, quod apud veteres ei plerumque tribuitur, quodque διὰ τὴν ἀπάθειαν καὶ εὐκολίαν τῇ βίᾳ gessisse LAERTIVS^r ait, quibus, mores aulicae se vitae attemperantes et parasiticos notari, non vero, ut volunt interpretes, constantiam et tranquillitatem animi vita Anaxarchi luculenter loquitur. Recenset quidem LAERTIVS^s philosophos, a philosophiae fine, quem in feli-

Anaxarchus.

e) LAERT. L. VI. c. 59.

f) l. c.

g) L. II. c. 23. Nodos in scirpo quaerit hic BAYLE l. c. not. H. potuisse atheum tam egregias leges condere. Si enim supponamus, quod verissimum, atheum proscriptum non consultum fuisse, sed id ante eius manifestatam impietatem esse factum, cuncta concidunt, quibus hypotheseis suis ille seruit.

b) LAERT. L. IX. c. 58. PLUTARCH. Symp. L. VII. c. 5.

i) ibid. EVSEB. praep. l. XIV. c. 17.

k) SVIDA, in Democrit. T. I. p. 542.

l) l. c.

m) AELIAN. L. IX. c. 30. centum ei donasse talenta Alexandrum PLUT. in Apophth. T. I. p. 332. refert.

n) AELIAN. L. IX. c. 3. LAERT. L. IX. c. 60.

o) ARRIAN. exp. Alex. L. IV. p. 84. PLUT. ad princ. indoct. conf. MENAG. ad l. c. Laert. STOLIVS hist. phil. moral. gentil. §. 106. p. 174.

p) LVCIAN. Parasit. T. III. p. 250. ATHEN. L. VI. p. 250.

q) Apud PLUT. de virt. mor.

r) LAERT. l. c. ATHENAEVS l. c. et L. XII. p. 548. et ex hoc EVSTATH. ad II. X. p. 1273. AELIAN. l. c.

s) L. I. c. 17.

felicitate ponebant vitae, eudaemonicos dictos; hosque Anaxarchum sectae suae conditorem habuisse, tradit *historiae philosophicae* GALENO tributae auctor¹, idque admittit FABRICIUS². Obstant tamen huic asserto momenta duo. Nam non Anaxarchus tantum, de cuius placitis philosophicis altum apud veteres est silentium, sed et Cyrenaici, atque Epicurei, ad hanc mentis felicitatem doctrinam moralem retulerunt, non vero Eudaemonici sed Hedonici vocati sunt. Deinde, monente ipso FABRICIO, vix quisquam in veterum scriptis *εὐδαιμονικῶς* nomine laudatus occurrit, praeter vnum Anaxarchum; quae satis verisimiliter persuadent nobis, felicitatis potius aulicae, quam philosophicae causa, hoc nomen, inter *σέμματα* philosophorum referendum Anaxarchum accepisse. Talem vero vitam cum affectarit Anaxarchus, difficile credi potest, quod de eo, magno licet consensu, tradunt veteres, Nicocreontis, regis Cypri, hostis cum esset, eius interitum apud Alexandrum M. quaesivisse. Rege vero mortuo, Nicocreontem, Anaxarchum, quem tempestas inuitum in Cypri litora eiecerat, cepisse, et in mortarium coniectum, ferreis pistillis tundi curavisse: eo interea, dolore contempto, identidem celebre dictum illud ingeminante: tunde Anaxarchi culeum, nam Anaxarchum non tundis. Linguam igitur eius praescindi iubente tyranno morsu eam ipsum praescidisse, et in eius faciem conspuisse. Etsi enim facile largimur, Nicocreontem, par pari relaturum Anaxarcho interitum eius crudeliter accelerasse, valde tamen de circumstantiarum veritate dubitamus, cum nec antiquior testis sit CICERONE³, et eadem res Zenoni Eleati quoque a veteribus tributa satis incertum vulgi rumorem prodat, neque verisimile sit, hominem, aulicae felicitatis voluptatem affectantem, tantam constantiam in morte ostendisse⁴. Quam audax enim in eiusmodi fabellis pingendis et fingendis Graecia fuerit, notum est omnibus, qui vetera curiose sunt rimati.

CAPVT DVODECIMVM. DE SECTA HERACLITEA.

§. I.

*Heracleti
vita.*

Sectam Heracliteam condidit HERACLITVS Ephesius, patre Blyfone, quem Baufonem, Blofonem, vel Beutonem alii vocant, vel quod alii volunt, Heracione vel Horacino natus⁵. Qui licet obscuram instituerit sectam, tantum tamen nomen consecutus est, ut dignus visus sit, de quo singulari

¹) c. 3.

²) Ad SEXT. EMP. adu. mathem. L. VII. f. 48. Eandem de rebus humanis scenae instar se habentibus et decipientibus sententiam cum Monimo professum esse, IDEM ait f. 88.

³) Tusc. Qq. L. II. c. 22. de nat. Deor. L. III.

c. 33. LAERT. l. c. OVIDIVS in Ibin, alique laudati MENAGIO ad l. c. Laert.

⁴) Addi his p. test, mortis genus tale fingi, quod eiusmodi sermones ferere non permittit.

⁵) LAERT. L. IX. f. 1. CLEM. ALEX. Strom. L. I. p. 302. SVID. in Heraclit. T. II. p. 72.

gularibus libris commentati fuerint, veteres^b, quem vero pene totum neglexere recentiores^c. In adolescentia iam egregia perspicacissimi ingenii virtute eminuisse, tradit Aristonymus^d, cuius exemplum afferunt PLUTARCHVS^e et LAERTIVS^f, in id magno studio incubuisse, vt se ipsum examinaret atque excuteret, huncque habuisse laboris fructum, vt se nihil scire intelligeret. Vnde verba eius apud LAERTIVM *αὐτὸν ἔφη διζητάσαι, καὶ μαθεῖν πάντα παρ' ἑαυτοῦ*, quae ita interpretes vertit, *se semet inuestigandae veritati dedisse, omniaque ex semet ipso didicisse*, longe aliud velle, recte notauit ISAAC. CASAVBONVS^g, idque indicare, *se ipsum explorando a se ipso discendi fecisse initium*. Nam habuisse praeceptores, ipse refert Laërtius. Nec dubium est, hanc ignorantiae suae notitiam impulsisse Heraclitum, vt ad philosophiam animum adiceret. Xenophanem itaque audiuit^h et Hippasumⁱ, Pythagorae tum mysteria, clarius, quam isti viri solebant, explanantem; vnde prima quoque istius philosophi principia in suum systema retulit, vt ex collatione patet. Ait quoque PROCLVS^k, per plurimas terras inaccessas in montem Atlanticum iter cum suscepisse, cuius tamen itineris vetustiore testem merito desideramus. Post reditum in patriam, regnum^l ei, id est, summi magistratus auctoritas delata est, quam tamen repudiavit, fratrique concessit, quod pessima consuetudine ciuitas iam esset imbuta^m. Quamobrem ad fanum Dianae secedens, altragalis ibi lusit cum pueris, ad Ephesios qui forte aderant, dicens; quid miramini o perditii ciues? nonne istud facere praestat, quam vobiscum rempublicam administrare. Valde autem offenderant Heraclitum Ephesii, quod familiarem eius Hermodorum, virum ciuile philosophiae legumque ferendarum peritissimumⁿ, exilio multassent, nec ferre potuerint excellentia inter eos merita, quae causa quoque fuit, cur acerbe in eos inuectus sit. Ad philosophiae itaque studia reuersus, cum vitam amaret solitariam, quam melancholici quoque temperamenti inclinatio ei vehementer com-

men-

b) Aristonis Chii liber de Heraclito veteribus saepe laudatur. Idem argumentum exarserunt Cleanthes et Sphaerus. St. ici enim hanc philosophiam magni faciebant. Addi his potest Antisthenes, Heracliti sedator, Heraclides Ponticus, Pausanias, Heraclitistes vocatus, Diodorus Grammaticus. conf. LAERT. l. c. IONS. de Script. Hist. phil. L. II. c. 3. p. 128. FABRIC. Bibl. Gr. Vol. I. p. 760.

c) Plerique historiae philosophicae scriptores ne STANLEYO quidem excepto, per transennam tantum hanc historiae philosophicae partem considerant. B. GOTTFR. OLEARIUS liber vero de Heraclito lucem non vidit, praeter duas diss. de principis et *γνώσεις* rerum ex mente Heracliti STANLEY. P. IX. p. 839 sqq. 855 sqq. inferas conf. FABR. l. c. p. 762.

d) STOBÆVS Serm. CII. p. 334. SVIDAS l. c.

e) Adu. Colot. T. III. p. m. 423.

f) l. c.

g) Ad h. l.

h) LAERT. l. c.

i) SVIDAS l. c.

k) Ad Timæum p. 56.

l) LAERT. L. IX. f. 6. *ἑσπερίαι* vero vel *ἑσπερίαι* vocabantur Ephesi, indices summam reipublicae administrantes, quos Pausanias Ephesius sustulit, tyrannide introducta, vid. SVIDAS in Pythag. Ephes. T. III. HESYCHIVS in *ἑσπερίαι*.

m) LAERT. L. IX. f. 2.

n) Pertinet Hermodorus inter Ictos veteres, legum enim duodecim tabularum si non primus auctor, quod vult Pomponius L. 2. D. de Orig. Iur. certe magna pars fuit, vid. STRABO Lib. XIII. p. 642. CICERO Tusc. Qq. L. V. c. 36. hinc PLINIO L. XXXIV. c. 5. interpret legum, quas duumviri scribebant, and t, cui propterea statua in Comitio posita. Nondum tamen ex familiaritate Hermodorum inter et Heraclitum, illum huius aeseclam in philosophia fuisse, concludi potest, licet id asserat PAGAN. GAUDENT. de phil. i. Rom. c. IV. p. 105. Distinguendus vero est ab Hermodoro Platonico, de quo supra in Platone.

mendabat^o, conuersationem hominum fugiebat, adeo vt Darii quoque, ad se vt veniret, inuitantis, beneuolentiam contemneret^p. His accessit ingenium aita spirans aliosque magna inuidia contemnens, cuius specimen allegant veteres, quod se omnia iam scire professus, reliquos omnes in ignorantia versari dixerit^q. Ex vrbe igitur tandem odio hominum si non omnium, certe ciuium suorum decessit, vitamque in montibus egit, olera ac herbas comedens. Ita enim perosus ciues, ob eamque causam ab illis quoque contemptus et neglectus, priuata vita nihil esse praestantius reputabat, ideoque etiam Athenienses, apud quos tamen magna fruebatur existimatione, aspernabatur^r. Quod si epistolis, quae sub eius nomine feruntur^s, fides esset, impietatis sacrilegae accusatus Ephesum reliquisset; sed quo loco illae habendae sint, saepissime inculcauimus, adeoque illas praeterimus. Cum vero nullo alio cibo in montibus, nisi herbis et oleribus, vteretur, aquae intercutis morbo laborare coepit, quo ipso in vrbe reuerti coactus est^t. Suntque inter epistolas philosophorum duae^u ad Amphidamantum, quibus prolixè de morbi sui natura et euentu philosophatur: illae vero, vt reliquae, adeo aperte sophistarum scholas redolent, vt ad eas prouocare erubescamus. Vrbi itaque redditus obscurus philosophus, medicosque ita per aenigma sciscitatus, an possent ex imbre siccitatem facere? illis non intelligentibus, se ipsum boum stabulo includens, et fimo bubulo obruens, eo vapore credebatur abundantem noxiumque humorem exhauriri posse; vel, quod Hermippus ait, boum fimo a feruis oblitus solis radiis se obiecit, nihilque ea re proficiens, sequenti die obiit aetatis LX anno, in foro sepultus: alii a canibus laceratum esse dixerunt^x: Aristo autem et Hippobotus ab eo morbo liberatum, postea alio morbo interiisse, scriptum reliquerunt^y. Celebris vero non philosophici tantum systematis fama, quod asseclas reperit, sed et perpetuis lacrymis fuit, quas assidue improbam hominum, praecipue ciuium, vitam deplorando, fudisse veteribus passim traditur^z. Sed traditionem, licet satis veterem, eiusdem commatis esse, quoribus Democriti, facile intelligi potest, et coniici, temperamentum moresque hominis tristes et acerbos, et de ciuium ingrato in se et malo animo semper quiritantes occasionem oratoribus dedisse, perpetuas fingendi in Heraclito lachrymas. Inter Graecas itaque fabulas merito numeranda vtraque narratio,

quod de sapientibus alter

Ridebat quoties a limine mouerat unum

Pro-

^o) LAERT. L. IX. c. 6. Hinc inter apathes et humani generis off. res cum refert PLIN. L. VII. c. 19.

^p) ibid. f. 12. 13. vbi vtriusque affertur epistola: quae tamen suspectae sunt ex rationibus saepius dictis. Rem ipsam tradit quoque CLEM. ALEX. Strom. L. I.

^q) LAERT. CLEM. ALEX. II. cc. LUCIAN. vit. auct. T. III. p. 123.

^r) LAERT. L. IX. f. 13. 15. Fallitur sine dubio ATHENAGORAS, qui leg. pro Chist. p. m. 35. ait,

Heraclitum et Democritum patria pulsum esse, illum Epheso, hunc Abdera: absurdus vtriusque patriam confundit interpret C. GESNERVS.

^s) Epist. philos. p. 50. 57. 63. ed. LVBINI.

^t) LAERT. l. c. f. 4.

^u) l. c. p. 53. 55.

^x) LAERT. l. c. f. 3. 4.

^y) ibid. f. 5.

^z) AELIAN. L. VIII. c. 13. LUCIAN. l. c. SENeca de tranquill. c. 4. de ira L. II. c. 10. et post hos plures.

*Protuleratque pedem : flebat contrarius alter,
Mirandum est, unde ille oculis suffecerit humor^a?*

Quod si LVCIANVM consulimus, facile ex eius risu colligi potest, cum inter fabulas totam rem retulisse, qui causam ridendam et absurdam potius, quam desendam allegat, proditque ad deridendos philosophos vtramque excogitatam fuisse narratiunculam. Scripsit librum *de natura*, tribus partibus constantem, quarum prima *de vniuerso*, altera *de republica*, tertia *de theologia* egit^b, qui tamen temporis iniuria, praeter exigua fragmenta^c quaedam, periit. Adeo vero et temperamenti vitio et affectatae scribendi rationis studio obscurus in eo factus est, vt *σχοταῖν* nomen a veteribus vnanimi ei consensu tribueretur^d. Cuius obscuritatis causam subinnuit LAERTIVS, monens, eum, librum suum in templo Dianae, more veteribus recepto, deposuisse, de industria obscurius scriptum, vt soli eruditi eum legerent, ne sia vulgo passim legeretur, contemptui esset^e. Scilicet ad arcanam disciplinam Heraclitum respexisse, illius temporis mores dubitare non sinunt. Cum enim tales in physiologia sua rationes sequeretur, quae communes populi de Diis notiones subuerterent, consultum ei visum fuit, inter homines superstitioni auitae ad insaniam deditos veros philosophiae suae sensus, partim nouis vocabulis, partim figurata dictione et constructione impedita occultare et tegere. Communem enim ciuium superstitionem risisse, testis est CLEMENS ALEXANDRINVS^f. Mirandum itaque non est, nec grammaticos nec philosophos obscuri hominis scripta satis intellexisse^g, et latuisse ea in adytis templi, donec a Cratete quodam Graecis vulgarentur^h, vel, vt tradit TATIANVSⁱ, Euripides poëta tragicus, Dianae templum frequentans, traditis obscuris Heracliti praeceptis memoriae, ea diligenter enarraret. Prosaico vero sermone scriptum fuisse eius librum, fragmenta testantur, vnde qui carmen eum vocant^k, generaliori sensu vocem pro quauis scriptione accepisse censendi sunt. Tempus eius ex praeceptoribus et coaeuis colligi potest; Floruisse circa Olymp. LXIX. ait LAERTIVS^l. Fuere et alii Heracliti, et inter hos Peripateticus philosophus, cum Ephesio non confundendi^m.

§. II. Philosophiae decreta qualia constituerit Heraclitus explicatu valde est difficile; cum enim affectatam obscuritatem ideo diligeret, ne intelligi ab omnibus posset, nodos inextricabiles, quibus placitorum suorum enarrationem inretrahit, struxit, et constructionis ambiguae, locutionum figuratarum, vorumque vel nouarum, vel inusitata significatione adhibitatum laqueis ita impediuit, vt ex tenebris extrahi vix queantⁿ. Mirum itaque

O o o o o o 2 que

a) IUVENAL. Sat. X. v. 34.

b) LAERT. L. IX. f. 5. FABRIC. l. c. p. 760 sq.

c) Collegit ea HENR. STEPHANVS Poët. phil. p. 129 seqq.

d) Loca veterum collecta exhibet MENAG. ad LAERT. L. IX. f. 6.

e) l. c.

f) In protreptico p. 33.

g) Conf. ARISTOT. Rhet. L. III. c. 5.

h) LAERT. l. c. f. 12. i) Adu. Graec. p. m. 143.

k) TATIANVS l. c. conf. FABRIC. l. c. p. 2. 761.

l) l. c.

m) Enarrant eos LAERT. l. c. f. 17. MENAG. ad h. l. FABRIC. l. c. Peripateticum cum nostro confundit Menagius.

n) Imitatus in his oracula, vid. IAMBlich. de myser. L. I. c. 15. p. 79.

que non est, neque grammaticos veteres neque philosophos semper eum recte intellexisse: qui ob hanc causam non nisi summa cautione consuli possunt. Nec scripta Heracliti integra supersunt, ut ex tota doctrinarum συναφείᾳ de iis iudicium queat institui. Cuncta itaque ad coniecturas redeunt, quas tamen consultis reliquiis Heracliteis ita eleganter doctèque instruxit ὁ πᾶν GOTTFR. OLEARIUS^o, ut verisimilitudine eius explicatio se commendet, qui ideo cum iis, quae stricte dicturi sumus, consulendus est. De rationali vero, naturali et morali philosophiae parte Heraclitum fuisse sollicitum, veteres produnt, ea tamen, quae nobis temporis reliquit iniuria, pleraque ad physicam pertinent, de sententiis eius moralibus pauca supersunt: rationalem philosophiam physicae superstruxit, ex qua pauca nobis fragmenta seruauit SEXTUS EMPIRICUS^p, quae hoc innuunt:

Logica Heracliti.

I. Sensum non esse fide dignum veritatis iudicem, sed rationem.

II. Rationem vero intelligi non quamcunque, sed diuinam et communem.

III. Id quod nos ambit, esse et rationis particeps, et prudentia praeditum.

IV. Hanc diuinam rationem cum attraxerimus per inspirationem, effici nos intelligentes: et in somnis quidem obliuiosos, in vigilando autem rursus prudentia praeditos. In somnis enim obstructos esse sensuum meatus, separarique mentem, quae est in nobis, a coniunctione, quae illi intercedit, cum eo quod ambit, sola seruata, quae adhaerescit, respiratione, veluti quadam radice, et separatam amittere, quam prius habebat, vim recordandi. In vigilando vero rursus per sensuum meatus, cum eo, quod se ambit, coniungere, ac vim rationis induere.

V. Hanc autem communem rationem et diuinam, et cuius participatione efficimur logicae participes, esse criterium.

VI. Fieri inde, ut, quod omnibus placet, sit fide dignum, comprehendere enim communi et diuina ratione, quod autem vni soli occurrit, minime fide dignum esse, propter causam contrariam.

Haec Sextus, qui ipsa quoque Heracliti verba attulit, haec asserta contentia. Cuncta vero nituntur descriptione animae mundi, cuius anima humana pars est, Heraclitea, quam in sequentibus explicabimus: hic id modo monentes, cauendum esse, ne per hanc diuinam rationem, quae hominem subit extrinsecus illapsa, principium aliquod mere spirituale intelligamus; contrarium enim vel ex eo patet, quod per meatus sensuum hominem subeat; estque nihil aliud, nisi calidum illud siue ignis, aetherue, τὸ λεπτότατον καὶ τάχιστον διὰ παντὸς διεξόν, δι' ὃ πάντα τὰ γινόμενα γίνεται, de quo in sequentibus dicemus. Singulare vero hoc est, quod Heraclito, alta spiranti, plebemque superciliosa ambitione spernenti placuisse PROCLUS^q

ait:

^o) l. c.

^p) Adu. mathemat. L. VII f. 126. quocum conferri possunt TERTULLIANVS de anima c. 15. PHILOSTRAT. Opp. p. 391. Apell. ep. 18. CLEM. ALEX. Strom. L. V. p. 602.

^q) Comm. msc. in Alcibiadem Platonis apud FABRICIUM ad l. c. Sexti. Mirum et contradiatorium esse, ex thesi VI. manifestum est.

ait: Vulgus esse sine mente et ratione; unde et ἐχλοῦς εἶδος eum vocauit Timon. Cur enim vulgaria ingenia, quae eundem aetherem hauriunt, non queant esse rationalia? Sed iudicabat Heraclitus ab effectu, et odio ciuium suorum ductus, quos desipere ad vnum omnes credebat.

§. III. Physicorum dogmatum, ab Heraclito assertorum haec summa est: *Physica Heraclitea.*

I. Ex nihilo nihil fit.

II. Id quod primum in rebus naturalibus est, a quo reliqua sunt omnia et fiunt, ignis est. Magno consensu primum hoc Heracliti principium veteres Heraclito tribuunt, ex quibus imprimis videndi ARISTOTELES^r, CICERO^s, PLUTARCHVS^t, LAERTIVS^u, et qui ipsa Heracliti verba affert, CLEMENS ALEXANDRINVS^x, vt alios ex PP. praetereamus. Facit huius principii auctorem primum Heraclitum LVCRETIVS^y:

*Quapropter, qui materiam rerum esse putarunt
Ignem, atque ex igni summam consistere, solo,
Magnopere a vero lapsi ratione videntur:
Heraclitus init quorum dux praelia primus.*

Verum aut falli eum, aut primum ducem tantum pro primario dicere, ex iis, quae capite de cmo de mente sectae Italicae siue Pythagoreae diximus, apertum est. Nec aliunde sua hausit Heraclitus, qui licet huius se principii inuentorem, vt erat maximus ostentator, iactaret, et αὐτοδιδάκτων^z vendicaret, ab Hippaso tamen illud accepit, vt ex dictis loco citato, si cum Heracliteis conferantur, erit manifestum. Recte itaque Hippasum et Heraclitum iungunt PLUTARCHVS^a et SEXTVS EMPIRICVS^b.

III. Ignem vero hunc aërem quoque recte vocaueris, et exhalationem, siue ἀναθυμίασιν. Nouatorem verborum fuisse Heraclitum, in antecedentibus obseruauimus; vt igitur, quae ab alio accepit, tanquam noua, venderet, alienis vocabulis vsus est. Esse vero aërem illum siue ἀναθυμίασιν nihil aliud, quam exhalationem ignis, siue aetherem igneum, celerime motum, ex PLUTARCHO^c, discimus, qui τὸ πῦρ ἀναθυμώμενον αἴερα γενέσθαι, ex Heracliti mente dixit. Idemque vult ARISTOTELES^d, quando Heraclitum, scribit, dicere, τὴν ἀρχὴν εἶναι τὴν ψυχὴν εἶπερ τὴν ἀναθυμίασιν, ἐξ ἧς τὰλλα συνίστησι, καὶ γὰρ ἀτωματώτατον δὴ καὶ ἕεν αἰεὶ, principium esse animam, siue aërem, ex quo reliqua omnia constant, esse enim maxime incorporeum et semper in fluxu. Anima vero eiusdem ignis Heraclito particula est. Facile itaque in concordiam redigi possunt, qui apud SEXTVM^e ignem Heracliti principium esse dicunt, quique aëra indicant; modo ignis illius rationem recte consideremus.

Ooo ooo o 3 IV.

^r) Metaph. L. I. c. 3.

^s) Acad. Q. 9. L. IV. c. 37. de N. D. L. III. c. 14.

^t) De plac. philos. L. I. c. 3.

^u) Lib. IX. f. 7. STOBÆVS eclog. phys. L. I. c. 27.

^x) Strom. L. V. p. 599. ὁ κόσμος ἦν καὶ ἐστὶ πῦρ αἰεὶ αἰεὶ ἀττοματὸν μετρεῖ καὶ ἀττοσ-εννόμειον μετρεῖ. Ita ipse Heraclitus.

^y) Lib. I. v. 636.

^z) LAERT. L. IX. f. 5. TATIAN. p. 143. OLYMPIOD. in Phaed. apud FABRIC. B. bl. Gr. Vol. I. pag. 760.

^a) l. c.

^b) Adv. Mathem. L. X. f. 33.

^c) l. c.

^d) De anima L. I. c. 2.

^e) l. c. L. IX. f. 361. FABRIC. ad h. l.

IV. Constat vero ignis ille, siue aër, ramentis minutissimis et indiuisibilibus. *Ἐν μέρτεσιν* vocat PLUTARCHVS ^f, quam vocem de atomis, id est elementis indiuisibilibus et minutissimis PHILO^g adhibuit. Idem etiam STOBÆVS^b Heraclito tribuit. Nec differre ignem illum, qui rerum omnium principium constituit, ab istis particulis et ramentis minimis, Plutarchi loca a nobis adducta, si conferantur inter se, euincunt. Quae quoque causa fuit viris eruditissimis, et omnem veterum doctrinam animo complectentibus RAD. CVDWORTHⁱ, GOTTERID. OLEARIO^k et IO. ALB. FABRICIO^l, vt Heraclitum inter systematis atomistici patronos numerarent: nec nobis aliter visum fuit^m. Accurate tamen rem expendentibus, nihil hic definiendum videtur: etsi enim dubium vix esse queat, eiusmodi particulas minimas Heraclitum statuuisse, nondum tamen id systematis atomistici patronum efficit, sed requiritur, vt omnibus quoque qualitatibus praeter figuram et motum nudauerit; quod ex Heracliti systemate vix probari, sane nihil certi hic definiri potestⁿ.

V. Sunt vero particulae siue ramenta illa minima non simplicia tantum et ex nullis aliis composita, sed et aeterna, et ignis ille aeternus et periodicus^o.

VI. Otium vero et quies in vniuerso non est, illa enim iis competunt, quorum nulla est vita, sed motus, et quidem aeternis aeternus, mortalibus vero finitus. Patet ex his PLUTARCHI^p et STOBÆI^q verbis, particulas illas, ignem aëremue constituentes motum in se habuisse aeternum. Idem ARISTOTELES^r quoque asserit, qui de principio materiali Heracliti verba faciens. parum illud, ait, corporeae substantiae habere, id est, esse subtilissimi corporis, et in perpetuo motu versari. Vnde vero ille motus sit, originemque suam habeat, prolixè quaerendum non esse putamus, cum aeternitas motus istis particulis ignique tributa satis prodat, ab intrinseca earum natura eum proficisci. In alia quidem omnia abit praestantissimus OLEARIUS^s, vt demonstret, motum hunc esse a Deo, quem *λόγον καὶ εἰμαρμένην* dixit Heraclitus: dabimus etiam, non inepte ista dici: hoc vero notandum esse, ex dicendis patebit, Deum hunc substantia et natura sua a particulis istis siue igne distinctum non esse, sed esse illam ipsam naturam, vimque necessariam, vnde omnia, modificato ista necessitate et intrinseca ratione igne formantur. Ideo enim dicitur *λόγος δημιουργὸς καὶ Θεός* apud CLEMENTEM ALEXANDRINVM^t.

VII. Cum minimae sint istae ignis particulae, celerrimoque agitentur motu, sensibus expositae non sunt, nec videri, tangiue possunt, adeoque incorporales dici possunt, ac ignis aërisue appellationem omnium optime tuentur.

VIII.

^f) Lib. I. c. 13. de plac. phil.

^g) De opificio mundi p. 8.

^b) Eclog. phys. c. XVII. p. 32.

ⁱ) System. intell. c. I. §. 16. p. 22.

^k) l. c. p. 845 seqq. qui multus est in hac ornanda opinione.

^l) Ad SEX T. E M P I R. p. 136.

^m) In Germanico Hist. phil. opere T. II. p. 427.

ⁿ) Ita etiam cl. MOSHEM, ad l. c. CVDWORTHII.

^o) STOBÆVS l. c.

^p) l. c. L. I. c. 23.

^q) l. c. c. XXII p. 40.

^r) De anima L. I. c. 2.

^s) l. c.

^t) Strom. L. V. p. 599.

VIII. Particulis his coeuntibus ignis enascitur, sed elementaris. Ita, distinctione ex Stoica, quae Heraclitum secuta est, schola adhibita conciliari possunt cum dictis illi, qui elementum ignis ab Heraclito pro rerum omnium principio admissum esse dicunt^a. Alius enim ignis est artificialis et rerum omnium creator, alius elementaris ab eo productus.

IX. Omnia itaque ex igne nascuntur, et in ignem resoluuntur, ignisque principium est, ex quo existunt omnia, et finis, in quem post certas periodos omnia recident^x.

X. Mundus vero duplex est: vnus aeternus, quem neque Deorum vltus fecit, nec hominum: sed fuit, semper est et erit ignis semper viuens, mensura accendens, et extinguens: alter vero, qui consistit per variam et multiplicem exornationem, qui et ortus et est, et in quem cadet interitus. Verba haec ipsa sunt Heracliti seruata a CLEMENTE ALEXANDRINO^y, ex quibus apparet, ignem siue materiam, ex qua sunt omnia, illi fuisse aeternam, nec vnquam genitam, ex ea vero mundi huius aspectabilis formam fuisse compositam. Multum hunc locum torquet CUDWORTHVS^z, vt genitum a Deo esse mundum Heraclitus negasse non videatur: sed contra aperta philosophi verba, mundi siue materiae aeternam existentiam asserentia, vt recte obseruauit cel. Interpres^a.

XI. Ignis hic Deus est. Ita recte CLEMENS ALEXANDRINVS^b, vt ex sequentibus constabit.

XII. Est vero in aeterno illo igne aeternus ac necessarius motus, vⁱ cuius agitatus ignis mundum produxit^c.

XIII. Hic aeternus et ex intrinseca particularum istarum natura exoriens motus fatum est, secundum quod omnia fiunt, conseruantur, resoluuntur, et reuoluuntur. Hocque fatum necessitas est, aliter enim se habere natura ignis non patitur^d.

XIV. Est vero fatum, substantia, mente praedita, substantiam vniuersi permeans, et de motibus contrariis rem efficiens. Ita PLUTARCHVS^e et STOBAEVS^f, qui ideo fatum, *λόγον*, vocant, certis enim ac rationalibus motus legibus agit, vnde rationem ei Heraclitus tribuit.

XV. Est itaque ratio in fato, quae cum totum mundum permeet, mundi anima est^g.

XVI. Mundi haec anima, motu suo aeterno et necessario, siue ratio-*Theologia* nali opifex (*δημιουργός*) est rerum omnium. Fundamenta haec sunt meta-*Heracliti*. physica totius physiologiae Heracliteae, ex quibus de theologia eius iudicandum est. Quam cum, quibus poterat, eruditionis elegantissimae viribus purgare, et ab impietate procul esse demonstrare conatus sit OLEARIVS^h; merito

^a) PLVT. l. c. L. l. c. 2.

^x) ibid. STOB. eclog. phys. c. I. p. 2.

^y) Stromat. L. V. p. 599.

^z) l. c. p. 160.

^a) Ad h. l. not. 5.

^b) In protrept. p. 42. TERTVLL. contra Marcion. L. l. c. 12. STOB. l. c.

^c) ARIST. de anima L. I. c. 2. PLVT. l. c. c. 23. STOBAEVS l. c. c. 22.

^d) HERMIAS irrif. phil. gentil. p. 178. LAERT. L. IX. f. 7. 8. PLVT. l. c. L. l. c. 27. THEODORIT. Therapeut. L. VI.

^e) ibid. c. 28.

^g) H. cc.

^f) l. c.

^h) l. c.

merito is paucis audiendus est. Putat vero Heraclitum, licet materiam, siue principia illa minutissima aeterna faciat, iis tamen adiunxisse Deum, siue principium aliquod rationale, quod illis motum dederit, et fatum, necessitas, demiurgus, anima mundi, versatilis mundi harmonia etc. vocetur. Quod ut contra adducta haecenus, quae contrarium suadere videntur, veterum testimonia euincat, obseruat, 1. Heraclitum quidem ignem, siue materiam dixisse Deum, sed ideo tantum, quod is principium sit, adeoque diuinum aliquod, more apud veteres philosophos recepto, qui prima elementa, siue principia atque *ἔλκν*, ex qua omnia fieri statuebant, *θεός* appellarunt. 2. Nec aeternum obstare motum, quo minus ille particulis ab infinito rerum auctore ab aeterno imprimi potuerit. 3. Maxime vero attendendum esse, ad fati descriptionem, quod Heraclitus non animam tantum dixerit mundi omnia peruadentem, agitantem et formantem, sed et substantiam ratione praeditam, et *λόγῳ* mundum formantem et perficientem, eamque diserte Deum esse dixerit. Haec prolixè et erudite discutit et contra obiectiones quasdam tuetur vir veterum doctrinarum peritissimus. Etsi vero non adeo proficere hac in quaestione enodanda nos posse inde iudicari potest, quod non tantum ineluctabili obscuritate laboret philosophus, sed et sibi contradicere interdum, iam olim obseruauerit PLATOⁱ, si tamen ea, quae supra, iplis veterum verbis adduximus, consulamus, et accuratum systematis huius nexum intueamur, fatendum nobis est, doctius, quam felicius, maioriq̃ eruditione quam veritate, Heracliti causam egisse virum longe praestantissimum, et post cineres quoque praematueros venerandum. Nam I. id non apertum modo est ex tota assertionum supra adductarum connexionè, sed ab ipso quoque doctissimo viro obseruatum, Heraclitum et Stoicos eadem fere dicere, cum hi illum praeceptorem, vel ducem potius, habuerint. Quae itaque ad illustrandum hoc argumentum de Stoicis *capite nono* dicta sunt, ea accurate illud noscere cupienti relegenda esse monemus, sperantes fore, ut desinat magnifice de Heracliti theologia sentire. II. Non hoc tantum disceptatur, vtrum Heraclitus Deum admiserit, nec nec? vtrum rebus omnibus inesse rationem, animamque omnia *λόγῳ* formantem et conseruantem statuerit? sed id potissimum incensum venit, num hic Deus ab igne illo, ex quo omnia sunt, tanquam substantia aliqua natura et essentia tota diuersa, differat, numque ita libero ad materiam rerum ornandam accesserit actu, ut nulla intrinseca necessitate sui vel materiae cogente, rerum omnium factus sit opifex: vel an Deus ille et materia siue ignis, quoad substantiam vnum tantum sint et constituent principium? III. His praemissis satis euidens esse putamus, si allata haecenus veterum testimonia consulimus, non prius, sed posterius placuisse Heraclito. Quod ne multis, quae afferri possent, argumentis, conficiamus, impedit quidem scriptionis terminus, pauca tamen rem, quantum philosophia supra modum obscura patitur, in luce ponunt. Scilicet ARISTOTELIS^k aucto-

ⁱ) In conuiuio.^k) Lib. I, c. 3.

auctoritate constat, Heraclitum inter eos philosophos fuisse, qui vnum tantum principium constituere, nempe materiale, quocirca eum reprehendit, quod causam motus omiserit, id est causam efficientem. Num ideo tempore, quo Heraclitei adhuc viuebant, scribere poterat Aristoteles, si duas causas ignem, et Deum illum mouentem, asseruisset. Nec hic ad malam Aristotelis fidem prouocari potest, cum, quaecunque ab aliis quoque veterum afferuntur, cum eo consentiant. Nec obiici potest, Heraclitum de causis tantum naturalibus, non supernaturalibus loqui voluisse. Nam qui pro Heracliti orthodoxia pugnant, contendunt, inter causas naturales, ab eo allatas efficientem etiam, Deum, connumerari. IV. Apertum vero est, ex supra dictis, ignem illum a Deo peculiari *ἑστία* non discrepare, sed Deum esse vim illam, in igne latentem, siue intrinsicam eius naturam occupantem, qua, *ψήγματα* illa vehementissime commota, et aeternum agitata, tandem in ornatum mundi coaluerunt. Nihil enim, quicquid de Deo dixit, plus euincit, quam hoc solum, inesse igni illi istam rationalem et animalem vim, qua ex igne omnia mouentur. V. Ex his vero prona consequentia fluit, Deum ab ipso igne illo non esse diuersum, licet is materiae crassiori, quae ex illo enata est, opponatur. Cum enim igni huic vis ista diuina et rationalis insit, alio auctore, motum producente opus non erat, stultumque esset, de externo motus principio, vt Democritus quoque sentiebat, quaerere. VI. Satis vero ex his manifestum est, cur fatum siue necessitatem, et rationem ignem vocauerit? Cum enim intrinseca naturae illius necessitate ignis moueatur, et agat, nec aliter etiam agere queat, quam vis illa postulat, necessaria aeternarum consecutionum lege sequuntur et constant inter se omnia, nec aliud *λόγος* ille est (modo ita locutus sit Heraclitus,) quam aeterna series causarum et euentuum apte inter se cohærens, ex natura ignis eiusque aeterni motus orta¹. Addimus his VII, adeo necessarium putauisse, fato, necessitati, igni, Deo, motum Heraclitum, vt nec animum humanum, qui tamen ex Deo discerptus eiusque pars ab eo auulsa et in eum reditura, est, nec quicquam aliud sine motu esse, sed omnia aeternum moueri statuerit, quod vnanimis veterum consensus ei tribuit^m. Egregie vero inde argumentatus CICEROⁿ: *Cumque idem omnino, quia nihil semper suo statu maneat, neget, esse quicquam sempiternum, nonne Deum ita tollit omnino, vt nullam omnino eius opinionem reliquam faciat.* Nec iuuat virum optimum quod affert^o, hoc de materia tantum intelligendum esse, eam enim, *πάν* dici, Proclum asserere. Hos homines enim corrupisse veterum philosophiam, Platonicas ei significationes introducentes, multoties inculcauimus. Falliturque vir eruditissimus, qui thesin hanc ad mundum genitum pertinere putat. Contrarium enim Clementis locus ab ipso adductus

1) Ita etiam CICERO Acad. Qq. L. I. c. 7.

c. 23. quae etiam aeternis motum inesse docent.

m) Hinc *ἀίδιον περιδοικόν* πρὸς STOBÆO l. c. et *κίνητος ἀίδιος τοῖς ἀίδιαις* PLUTARCH. de plac. L. I.

n) De N. D. L. I.

o) l. c. p. 861.

ductus quem supra citauimus, probat, vbi diserte de mundo aeterno dicitur: esse *πῦρ αἰεζῶν ἀπτόμενον μέτρω καὶ ἀποσβεννόμενον μέτρω*, *esse ignem semper viuentem, id est intrinseca natura sua se mouentem, accendentem et extinguentem certa mensura*, nempe fati siue necessitatis ordine *mundum*, quod sine motu fieri nequit. Poteramus addere, quod PLATO^p hanc thesin absolute acceperit, alias ideas siue res per se subsistentes et immateriales non addidisset; sed fatis hac de re dictum est. Concedamus itaque Heraclitum verbotenus inter professores Dei esse referendum, reapse tamen eum ex mundo sustulisse, talem illum fingendo, qualis Deus nullus esse potest, ex dictis probabile esse putamus. Quod si tamen sanum magis sensum Heracliti dictis conciliari posse contendatur, id saltem largientur nobis aequi lectores, nihil in his definiendum esse, pro certo^q, licet suspicione valde prematur Heraclitus^r. Ex dictis vero intelligi quoque potest, cur Heraclitus dicatur PLUTARCHO^s asseruisse fluere omnia, bellumque esse patrem ac dominum omnium. Cum enim aeternus ille ignis motus, in *παλιπρῶπῳ ἀρμονίᾳ κόσμος*, *in versatili harmonia mundi* versetur, ita vt aggregando et separando operetur, sicque omnia oriantur ex ista, quam ita describit, anima mundi, facile inde colligi potest, differentem illum particularum motum, et discordiam ab eo innui: vnde perperam PLUTARCHVM intellexit CUDWORTHVS^t, qui animam quandam malam ei tribui, putat, vel Deum malignum.

XVII. Cuncta itaque fluunt, et perpetuo in motu sunt, aeterna in aeterno, corruptibilia vero in perituris^u. Vetustissimum hoc dogma fuisse, aliquoties ostendimus; nec aliter Heraclitus, hoc tamen discrimine a Pythagoreis diuersus, quod nullas alias stabiles naturas siue *εἰδῆς* statueret, sed animam ipsam *κίνησιν* esse, perpetuoque in fluxu versari diceret^v. Ex his sequitur, quietem nullam esse in mundo, eam enim esse mortuorum aiebat.

XVIII. Duplex vero particularum minimarum, quae ignem constituunt, motus est, ad efformandam rerum genitarum faciem; primus est *τῆς ἐναντιοτροπῆς* vel *ἐναντιότητος*^w, quo *τμήματα* illa, particulaeue minimae inter se mutuo arietantes, aduersisque motibus sese impellentes varie agitantur. Dubia et obscura vocum harum ab Heraclito adhibitarum interpretatio est, quam tamen hoc sensu si admittamus, recte systema Heracliti cohaeret^z.

XIX. Hinc sequitur, quod supra iam tactum, bellum, siue contrarietatem, rerum omnium parentem esse, vt ait PROCLVS, vel, vt habet

LAER-

p) In Cratylo. T. I. p. 400.

q) Huc inclinat EYDDEVS thes. de atheismo c. I. §. 20.

r) Idem monet Ven. MOSHOMIVS ad CUDWORTH, p. 136. n. 5.

s) De ψυχῇ. T. III.

t) l. c. c. IV. §. 13. p. 245.

u) PLVT. l. c. c. 23. STOBÆVS l. c. c. 23.

LAERT. L. IX. f. 8. PLATO passim, praesertim in Cratylo T. I. p. 400. conf. OLEAR. p. 861. Historia de ideis l. c. p. 124. Amoenit. liter. T. VIII. p. 312.

v) TATIAN. l. c. p. 174. ARIST. de anima L. I. c. 2..

w) LAERT. L. IX. f. 7. 8.

z) OLEAR. l. c. p. 862.

a) Ad Timaeum Plat. L. I. p. 24.

LAERTIVS ^b, rerum genesin, quod ex contrariis efficit, vocari bellum et litem, et quod ARISTOTELES ^c addit: ex iis optimam tandem harmoniam exfurgere, quae aduersis motibus agitantur.

XX. Dum isto motu agitata in se mutuo irruerant rerum principia, diuersimode sibi non innecti non potuere, vt adeo in ingentem denique eamque crassam et confusam molem coaluerint.

XXI. Constipatus itaque in crassam molem est ignis ille naturalis, quae cum iterum digereretur, rerum omnium generatio absoluta est. Prius *πύκνωσιν*, posterius *μάνωσιν* vel *ἀραίωσιν* vocabat ^d.

XXII. Ignis constipatus primus quasi liquefcit, et consistens in aquam degenerat, aqua magis constipata in terram vertitur ^e; vel, vt alii *σρεμ* exprimunt, ignis extinctus gignit aërem, aër aquam, quo magis enim particulae igneae, mutuis concursibus inter se cohaerentes concrefcunt, eo magis constipantur, sicque rerum elementa inter se mutuo mutantur. Expressit hoc Heraclitus more suo allegorica significatione ita: *animabus*, id est, igneae illi naturae, quam *ψυχὴν* vocasse supra monuimus, et ARISTOTELES ^f quoque testatur, *mortem esse aquam, aquae autem terram*. Quae accepisse ab Orpheo, CLEMENS ALEXANDRINVS ^g tradit, addens haec ipsius verba: *Animabus (id est igni) mors est, aquam fieri, aquae autem mors est, fieri terram, ex terra autem fit aqua, ex aqua anima*.

XXIII. Procedentia itaque rerum principia antea seiuncta, hunc in modum in vnam massam coaluerunt, et vnum constituerunt. Hincque vnum illud ortum est, ex quo omnia reliqua postea sunt genita; quo vno tamen priora esse secundum Heraclitum *ψύγματα* illa, diserte tradit STOBÆVS ^h.

XXIV. Haec vero via infra ducens est, si Heracliti sermone vtamur, *ὁδὸς κάτω*, qua deorsum subsidere particulae, quam secuta est via fursum ducens *ὁδὸς ἄνω*, vbi ex hac indigesta mole elementa, resolutis et mutatis inter se particulis, orta sunt. Hinc intelligendum obscurum decretum Heracliti: *τὴν μεταβολὴν ὁδὸν ἄνω κάτω εἶναι*, apud LAERTIVM ⁱ. Rerum enim mutatio siue generatio duplici ista via peragitur.

XXV. Massa illa indigesta et in vnum coalita, terra est; ignis enim constipatus in aquam, aqua in terram abit. Non vero haec quae in via *κάτω* sunt, confundi debent, cum elementis aquae terraeque, via *ἄνω* productis, sed generaliori tantum significatione accepta, ex tenuissimis particulis crassiores sensum massas exortas esse indicant ^j.

XXVI. Terra itaque haec porro, vt rerum *γένεσις* exoriatur, funditur, (*χεῖται*) ^k quae fusio altera motus species est, ad digerenda illa perti-

Ppp ppp p 2 nens,

^b) l. c.

^c) Ad Nicomach. L. VIII. c. 2. Ita vero Pythagoreorum sequebatur placita.

^d) LAERT. l. c. f. 8. 9. STOBÆVS eclog. phys. L. I. p. 27.

^e) PLUTARCH. de plac. L. I. c. 3.

^f) Conf. notata MOSHEMIO ad CVD-

WORTH. p. 125. n. 2.

^g) De anima L. I. c. 2.

^h) Strom. L. VI. p. 624.

ⁱ) Eclog. phys. c. XVII. p. 33.

^j) LAERT. l. c. f. 8.

^k) Vid. OLEAR. l. c.

^l) LAERT. L. IX. f. 9.

nens, quae particularum contraria agitatione confuse congesta fuere. PLVTARCHVS " paulo luculentius αναχαλίσθαι dixit, id est, solutis istius compagis vinculis diffluxisse, variaque ita mundi corpora exhibita fuisse.

XXVII. Chaos scilicet istud, et indigesta moles virtute ignis in ea praeualentis, atque agilitate sua reliquas etiam partes impellentis atque vinculis suis exsoluentis, commotum et solutum est, sicque partis agentis locum in rerum generatione occupauit ^o.

XXVIII. Ab hoc igne aqua primo excoquitur, aqua vero in vapores resoluitur, et hinc deinde reliqua nascuntur. Variant quidem in eo veteres, num ex aqua terram, vel ex terra aquam oriri dixerit, sed diffensum in verbis esse generaliori sensu accipiendis rectissime monuit OLEARIVS ^p.

XXIX. Vaporum autem duae species sunt, altera puriorum et lucidorum, altera crassiorum et tenebricosorum, quorum isti ex aqua, hi ex terra euehuntur: ab istis lucidorum ab his humidorum corporum origo est ^q.

XXX. Omnis igitur coelestium corporum chorus cum Phoebo natales, saltem splendorem, maris, id est χάρις ἀνθυμιέσεται debet ^r.

XXXI. Mundi anima etiam ex humida euaporatione est, a qua cum arcte dependeant animalium animae, eandem illae fortiuntur originem humido interno ad idem cooperante, cum sit eiusdem generis ^s.

XXXII. Quin nec animorum humanorum alia ratio est, quae ambiente hominem mundana ista anima per meatus sensuum in eum transit. Clarum hoc est ex loco SEXTI EMPIRICI §. antecedente adducto, vnde merito miramur, τὸν πάντ OLEARIVM putasse, Heraclitum ista ad animum humanum non extendisse, eo quod eius naturam sibi ignotam esse, non dissimulauerit.

XXXIII. Sunt in hoc mundo scaphae, parte concava ad nos conuersae, in quibus congregatae liquidae euaporationes reddunt flammam, hae sidera constituunt, quae nutriuntur exhalationibus a terra submissis ^u.

XXXIV. Flamma solis lucidissima calidissimaque est, namque astra reliqua remotiora sunt a terra atque adeo minus lucent, minusque calefaciunt.

XXXV. Sol maior non est, quam oculis apparet ^x, figura eius scapham refert, cuius concava pars nobis obuersa est. In aëre vero est puriore et interuallo a nobis distat decente proportionem: eclipsin patitur ex eo, quod figura eius scapham referat, cuius parte concava sursum versa, nobis vero obuersa parte conuexa. Lunae similis ratio est ^y. Quae vero istarum scapharum natura sit, veteres non describunt ^z. XXXVI.

^x) de plac. L. I. c. 3.

^o) PLVT. STOBÆVS II, cc.

^p) l. c. p. 867. 868.

^q) LAERT. l. c.

^r) PLVTARCH. l. c. L. II. c. 22. STOB. p. 55.

^s) qui, Hecataeum idem dixisse addit.

^t) PLVTARCH. l. c. L. IV. c. 3.

^u) l. c. p. 868.

^v) LAERT. l. IX. f. 9. STOB. l. c. p. 53.

^x) LAERT. f. 10. ^y) PLVT. l. c. L. II. c. 25.

^z) IAC. THOMAS. in diss. de loco animae post merrem et scaphae lunae c. V. § 10 T. I. Hist. sap. et stult. p. 73. putat, allegorice hoc Heraclitum dixisse; quod tamen vix videtur verisimile.

XXXVI. Omnes stellae ex terrena exhalatione nutrimentum capiunt ^a.

XXXVII. Dies et nox, mensesque et annus, annique stata tempora, pluuiae et venti, et his similia, pro exhalationum ratione fiunt ^b.

XXXVIII. De animae natura certum quid definire impossibile ^c.

XXXIX. Ex ante dictis tamen necessarium est, esse eam, ut alia omnia, ex exhalatione, ex qua anima mundi constat, omnibus animabus eiusdem naturae participantibus ^d: unde sequitur eam in perpetuo fluxu versari atque motu ^e.

XL. Animarum vero et daemonum plena sunt omnia ^f. Necessarium hoc confectarium esse animae mundanae, aliquoties in aliis quoque philosophis obseruauimus.

XLI. Anima sicca est optima ^g.

XLII. Animarum intelligentium mors ex humidis iis obtingit.

XLIII. Animae ex hac vita discedentes, in animam vniuersi abeunt, quippe quae cognata est iis, et eiusdem naturae. Fluit haec assertionum terminio, ex semel admissa natura et γενέται vniuersi, per ἀνατομίαν formati; cum enim anima mundi, istarum euaporationum plena sit, id est, particulis igneis minimam mutationem passis turgeat vel constet, animae vero ex ea sint decerptae, sequitur inde, eas animas, quae in crassiolem et magis humidam compagem coactae non sunt, adeoque siccae magis et igne plenae sunt, optimas esse, actionibus nempe rationalibus maxime aptas. Vbi vero ignis ille calorem animae humidis vaporibus coartatur magis, attenuantur etiam animae, et in aqueam tandem massam transgressae moriuntur. Accipisse ex Stoicis quosdam insulsam hanc psychologiam ab Heraclito, capite nono monuimus.

XLIV. Temporis corporea est natura ^h. Sequitur id ex natura et origine siderum tempus dimetientium.

§. IV. Physicorum haec dogmatum praecipuorum secundum Heraclitum, summa est, quaedam enim minutiora breuitatis causa omisimus, alibi quaerenda ⁱ. Restat philosophia moralis, quam an vnquam ex instituto et systematica tractatione exposuerit, olim iam disputatum esse, SEXTVS EMPIRICVS ^k prodidit. Pauca, quae restant, haec sunt, scopae tantum dissolutae:

*Philosophia
moralis
Heracliti.*

I. Finem hominis beneplacitum esse, et si illud obtinetur, inde esse summum bonum. Refert hoc THEODORITVS ^l, obseruans, re ipsa cum Epicuro voluptatem pro summo bono habuisse, fatetur tamen, non explicasse, quid illud beneplacitum sit: quare et nos nihil definimus.

Ppp ppp p 3

II.

^a) PLVT. l. c. L. II. c. 17.

^b) LAERT. L. IX. f. II.

^c) ib. f. 7. verba Laërtii in mendo cubare videntur conf. MENAG. h. l. LIPS. Phys. Stoic. L. III. diff. 9.

^d) PLVT. l. c. L. IV. c. 3.

^e) Vid. allata Amoen. lit. T. VIII. p. 312.

^f) LAERT. f. 12.

^g) STOBÆVS Sermon. 17. physice, non morali-

ter hoc intelligendum est.

^h) SEXT. adu. math. L. X. f. 216. res nempe in tempore et tempus idem esse putabat.

ⁱ) Apud STANLEIVM P. IX. p. 870

^k) Adu. math. L. VII. f. 7. Scripsit tamen etiam de republica, ut supra dictum; immo librum de natura, potissimum moralem fuisse Diodorus ait apud LAERT. f. 15.

^l) Therapeut. L. XI. p. 152.

II. Corpus contemnendum quidem et stercore vilius iudicandum, facillima itaque ratione naturae desiderii fieri satis debere, quam diu Deus corpore, ut instrumento, uti iubet ^m.

III. Variam eruditionem mentem non instruere. Culpat hoc L A E R T I V S ⁿ, tanquam specimen animi alios contemnentis: aliter tamen et sano sensu Heraclitum intellexisse, ex studio se ipsum cognoscendi indeque philosophiam auspicandi recte concluditur.

IV. Quorumvis hominum refert, nosse se ipsos, et sibi moderari prudenter ^o.

V. Vivere et mori perinde esse, vigilare idem et dormire, iuvenem esse et senem, horum enim quoduis per vices mutari in suum contrarium. Nititur hoc dogma, cui consolationem ad Apollonium superstruxit P L V T A R C H V S ^p, principiis istis physicis, quae §. antecedente explicuimus, quibus contrariorum ratio, quae initio obtinet, per totam rerum γένεσιν ita continuatur, ut ex vno alterum, contraria ex contrariis, amara ex dulcibus, calida ex frigidis etc. oriantur: ex quibus sequitur, quod S E X T V S ^r Heraclito tribuit: contraria circa idem apparere.

VI. Et vitam et mortem esse, cum vivimus et morimur, nam cum vivimus, mortuas esse nostras animas, et in nobis sepultas, cum autem morimur, reuiuiscere et vivere. Et hanc sententiam Heraclito tribuit S E X T V S ^r, quae ex physiologia eius lucem capit. Anima enim corpus subiens dum arctatur et comprimitur, multum ex ignea natura sua ob constipationem particularum amittit, id vero mori est: liberata vero corpore, et animae mundi iterum iuncta agilitatem, igneumque motum recipit et reuiuiscit. Nec aliud vult obscura sententia Heracliti, H E R A C L I T O ^r iuniori memorata: θεοὶ ἀνθρώποι ἀθάνατοι, ἀνθρώποι θεοὶ θνητοί, ζῶντες τὸν ἐκείνων θάνατον, θνήσκοντες τὴν ἐκείνων ζωὴν. Dii enim in anima mundi comprehensi daemonesque, quorum mundus plenus est, in eo tantum ab hominis anima distant, quod haec corpus subit, sicque ignea et diuina vi sua quasi priuatur et moritur, atque ex Deo homo fit, ubi vero homo moritur, ad Deos iterum et diuinam naturam redit.

VII. Manere homines mortuos ea, quae neque sperent, neque expectent ^s. Exiguam spem futurae post mortem felicitatis reliquisse Heraclitum, et dogma hoc, et ratio physica modo data euincunt.

VIII. Morbum sanitatem excipere, iucundam rem et bonam, famem satietatem, laborem quietem ^t.

IX. Oportere multarum rerum esse gnaros philosophos ^x.

X. Maximam virtutem esse, sibi ipsi temperare; maximam sapientiam, veritatem et dictis et factis referre, ipsas rerum naturas affecutum ^y.

XI.

m) SVIDAS in Heracl. T. II. p. 72.

n) L. IX. f. I. MENAG. ad h. l.

o) STOB. serm. IV. p) T. II. p. m. 106.

q) Pyrrh. hyp. L. I. c. 30, f. 210. L. II. c. 6. f. 63.

r) ib. L. III. c. 24. f. 230.

s) In Allegor. Homer. p. 443. ed. Gal.

t) CLEM. ALEX. Strom. L. IV. p. 532.

u) STOB. ALEX. Serm. XXVIII. p. 89.

x) CLEM. ALEX. l. c. L. V. p. 615.

y) STOB. l. c.

XI. Ingenium homini daemonem esse ^z. Receperunt hoc quoque ab Heraclito Stoici.

XII. Sapere ut possint, omnibus ad manum esse ^a.

XIII. Foveri omnes humanas leges ab una diuina, quae quidem tantum potest, quantum libet, et sufficit omnibus, atque etiam superat ^b. Lex diuina qualis sit, ex physiologia Heraclitea disci debet nempe necessitas, fatum, ratio, ordo, qui omnibus rebus inest, quo omnia, tanquam ab anima, diriguntur. Et hoc cum aliis Heracliteis dogmatibus Stoicos recepisse, ex eorum philosophia moralis patet, nam naturam sequi, idem dicit. Hinc κατὰ φύσιν ποιεῖν, secundum naturam agere ^c Heraclitus commendabat.

§. V. Sectatores habuisse Heraclitum, licet philosophiam suam *Sectatores Heracliti*, ipse condiderit, veteres diserte testantur ^d. Factum tamen id demum esse, ex quo eius scripta in Dianae adytis reposita inspexere Graeci, ex supra adductis liquet. Didicitque ipse Plato valde iuuenis Heracliteam philosophiam a Cratylo ^e, ut suo loco probauimus ^f, partemque eam, quae de materiae natura et motu agit, in systema suum recepit, et physiologiam Heracliteam ad Pythagoreae formam vel emendauit, vel quod verius dicas, corripuit. Mature tamen hanc sectam intercidisse necesse est, cum eius vestigia post Socratis obitum fere nulla deprehendantur, quod et obscuritati scriptorum Heracliteorum insuperabili, et Platonicae potissimum sectae, Heraclitea comitibus ornanti adscribendum esse videtur. Magna tamen semper in estimatione fuisse inter Graecos etiam Athenis Heraclitum, ex Zenonis studio tot Heracliteae philosophiae capita in rem suam transferendi, suoque infarciendi systemati, recte colligitur. Ceterum inter Heracliti admiratores fuisse, qui non totum quidem eius systema approbauerint, illud tamen fuerint imitati, Heraclitistarum nomen, apud veteres occurrens ^g, suadet. Talis forte fuit HIPPOCRATES, *Hippocrates*, medicorum parens, quem Heracliteum principium admisisse, ex scriptis eius interpretes colligunt. Etsi vero, qui vel semel Hippocratis scripta inspexit, facile concedet, quod GALENVS ^h tuetur, non infimum inter philosophos locum deberi Hippocrati, recte tamen ille ad medicorum historiam remittitur, in qua de vita et placitis eius differendi amplissimum campum habent, qui artis salutaris fata enarrant ⁱ, nondum ita emensum, ut non noua tractatione lux amplissima queat historiae inde medicae accendi.

Hoc

^z) IDEM Serm. CCL.

^a) IDEM l. c. p. 28.

^b) ibid.

^c) l. c.

^d) Plato apud EVSEB. praep. eu. L. XV. c. 1.

ARISTOT. Metaphys. L. XIII. c. 4. LAERT. L. IX. §. 6. 15. SEXT. EMP. Pyth. hyp. L. I. c. 29.

^e) ARISTOT. Metaphys. L. I. c. 6. LAERT. l. c. conf. MENAG. h. 1.

^f) Hist. de ideis sect. I. §. 2. p. 17.

^g) LAERT. l. c.

^h) De natur. facultat. L. I. II. de Decret. Hipp. et Plat. L. V. Conf. LECLERC Hist. de la medecine P. I. L. III. c. 2. p. 115.

ⁱ) Vitam eius, enarrauit SORANVS Medicus Ephesius, illius operibus praemitti solitam, et de nouo exhib tam a FABRICIO Bibl. Graec. Vol. XII. p. 675. qui et TZETZAE Carmen eadem comprehendens ibi recudi fecit. conf. SVIDAS v. Hippocr. T. II. p. 144 seqq. Ex recentioribus historiae medicae scriptores, imprimis CLERICVS l. c. L. III. p. 112 seqq. et SCHVLZIVS Hist. med. I. I. sect. III. c. 1. p. 206 seqq. Adiri quoque possunt, & tanti videbuntur, quae in compendio de eius vita scriptum in Germanico Hist. philos. Opere T. I. p. 439 seqq.

Hoc vero, quia limites excedit instituti nostri, neque vitam neque doctrinam eius, quam ipse, condita medicinae rationalis siue dogmaticae secta, a philosophiae cancellis separauit, enarrabimus, sed pauca tantum, quae ad illustrandam Heracliteae philosophiae historiam facere possunt, eius philosophiam naturalem concernentia, quae doctos viros in diuersas abire sententias coegerunt, adiciemus.

*Hippocratis
physiologia
incerta et
obscura.*

§. VI. Eadem vero, quae in aliis philosophiae veteris partibus versatur incertitudo, in hac quoque eius parte deprehenditur. Nam non solum obscuris valde notionibus in principiis, quae secutus est, usus est Hippocrates, sed scripta quoque, quae supersunt, pleraque eius opus non sunt, sed ex schedis eius primisque tentaminibus a filiis et discipulis in formam hanc redacta et sub eius nomine edita, multa quoque ei supposita sunt, quae a genuinis discerni vix possunt, id quod iam SORANVS^k, vitae eius enarrator, vidit monuitque. Recteque et opportune monet cl. CLERICVS^l, ea inter Hippocratis scripta maxime suspecta esse, quae philosophum magis ratiociniis et hypothefibus vtentem, quam medicum experientiam sequentem produnt. Ipse enim licet rationem et experientiam accurate iunxerit, sicque ab Empiricis se distinxerit, magis tamen ad humani corporis naturam experimentis comprobata, quam ad systemata philosophorum respiciendum esse praecepit, adeoque medicinam a philosophis auocandam medicisque solam relinquendam esse tradidit, sicque, quod CELSVS^m monet, *cum esset, ut quidam crediderunt, Democriti discipulus, primus ex omnibus memoria dignis ab studio sapientiae disciplinam hanc separauit, vir et arte et facundia insignis.* Errant itaque iniuriamque faciunt Coo seni, qui inter Graecanicae philosophiae sectatores eum numerant, vel Democritum vel Heraclitum secutum fuisse contendentes: nec audiendus CALENVSⁿ, qui veteri traditione Platonem ex Hippocratis fonte arua sua in Timaeo irrigasse seductus, contendit, Aristotelis philosophiam esse tantum interpretationem Hippocratis et Platonis, illumque qualitates primas, calidum, frigidum, siccum et humidum, ab iis accepisse. Huic enim refragatur ipse HIPPOCRATES^o, qui notabili sententia: *qui de medicina dicere aut scribere conantur, et suae quaestionis genus, calidum aut frigidum, aut humidum, aut siccum, aut aliud quiduis proposuerunt, ii, dum rem breui contrahunt, et idem morborum et mortis in vniuersum causae principium vnum vel duo constituunt, in multis quidem, quae dicunt, errasse arguuntur.* Quibus verbis omnis philosophiae hypotheticae usus in medicina aperte reiicitur, et imprimis, illud quatuor primariarum qualitatum systema rationibus non contemnendis euertitur. Nec alia fuit philosophia Hippocratis naturalis, quam collectio obseruationum, experientia duce factarum, ex quibus ratione duce de causis morborum, eorumque remediis iudicabat medicus acutissimus. Licet enim

^k) §. 4. edit. Fabric.

^l) l. c.

^m) praefat.

ⁿ) l. c. conf. CLERICVS l. c. c. 2. p. 115.

^o) De prisca medicina p. 8. ed. Foëssi, quam optimam ex reliquis esse iudicat THOM. BARTHOLINVS de libris legendis diff. IV. p. 118.

enim eos reiiceret, qui sola experientia nixi, de nullis artis regulis essent solliciti, adeoque ipse certas rationes atque regulas medendi constitueret; illas tamen non ex philosophico aliquo systemate vel hypothese desun sit, sed naturam potius corporis humani morborumque, experientia magistra, consuluit ^p. Perperam itaque agunt, qui ex Hippocrate ideo philosophum exsculpunt, quod princeps fuit medicorum rationalium. Neque tamen ideo negamus, philosophiae sacris initiatum fuisse Hippocratem, quamvis incertissimum sit, vtrum vnquam Democriteae vel Heracliteae philosophiae nomen dederit, vel, quod satis dubitantes referunt CELSVS et SORANVS^q, illum vel Gorgiam audierit. Sunt tamen, qui Heracliti principia adoptasse, ex libro *de principiis siue carnibus* demonstrare satagunt. Quibus hoc vnum opponi sufficeret, esse hunc libellum ex iis, quos ab ipso Hippocrate non scriptos, sed a filiis et discipulis ex schedis eius collectos et elaboratos esse MERCVRIALIS^r acute coniicit: nec sufficere, vt, vnus alterque ex reliquis eius scriptis locus, auulsus quasi propria sede et distortus, ad delineandum philosophiae eius systema adhibeatur. Vt vero, quae in eo libro^s dicuntur, cum Heracliteis conferri queant, paucas eius assertiones, alibi quoque in eius scriptis occurrentes adiicimus. Sunt vero istae:

I. De coelestibus rebus et in sublimis positis, nihil attinet dicere, nisi quantum conferunt ad demonstrandum de homine et de reliquis animantibus quod ex his constant, et procreata sunt, quodque animo sunt praedita, et quod sanitas et morbus, quodque in homine inest boni vel mali et mors ipsa inde proficiscitur^r.

II. Quod calidum vocamus, id immortale esse videtur, cunctaque intelligere, videre et audire, sentireque omnia tum praesentia, tum futura.

III. Huius pars maxima, cum omnia perturbata essent, et commota in supremum ambitum secessit, quod veteres videntur aethera appellasse.

IV. Altera pars locum infimum sortita, terra quidem appellatur, frigida et sicca, multasque motiones habens, et in qua multum sane calidi inest.

V. Tertia vero pars medium aëris locum nata est, calidum quid existens.

VI. Quanta pars terrae proximum locum obtinens humidissima et crassissima est.

VII. His igitur in orbem agitatatis, cum commota et turbata essent, multum calidi in terra relictum est, alibi multum, alibi exiguum, sed in multas partes diuisum. Et temporis successu a calido resiccata terra, ista in ea, tanquam in membranis contenta circa se putredines excitant.

Haecenus Hippocrates, vel quisquis ex eius schedis eius de rerum ortu sententiam explicuit, quam eo postea applicat, vt ossium, neruorum, car-

^p) Conf. CLERICVS p. 114. et SCHVLZ. p. 219 seq. Recte itaque dicas Hippocratem medicum philosophantem, vel melius ratiocinantem, quam philosophum.

^q) II. cc.

^r) HIER. MERCVRIALIS cura post Galenum et Erotianum in eo fuit, vt genuinos ab adscititiis di-

scerneret, in editione Opp. eius Ven. 1588. fol. curata.

^s) T. I. Opp. Sect III tr. 4. p. 248 seqq.

^t) Probe ad hoc attendendum est, inde enim liquet, contra senis Coi mentem agere, qui ex eius scriptis integrum physiologiae Hippocrateae systema erigere satagunt.

carnium reliquarumque humani corporis partium originem et structuram ostendat. His addenda, quae alibi habet:

VIII. Lex omnia sibi subiicit inque iis dominatur *.

IX. Nihil omnino perit, neque oritur, quod prius non erat, verum inuicem commixta et discreta alterantur *.

X. Non itaque animal interire potest, neque quod non est, generari, cum non sit, vnde generetur.

XI. Verum augentur omnia, et imminuuntur, generari idem est ac commisceri, interire, imminui idem, quod discerni.

XII. Vnumquodque ad omnia, et omnia ad vnumquodque idem sunt.

XIII. Lex enim naturae in his aduersatur, seorsim vero omnia, et diuina et humana sursum et deorsum vicissim rependens. Interpretes sensum dogmatis huius non satis affecutus est, quod Graece ita sonat: *ὁ νόμος τῇ φύτει περὶ τῶν ἐναντίος, χωρὶς δὲ πάντα καὶ θεῖα καὶ ἀνθρώπινα ἄνω καὶ κάτω ἀμειβόμενος*. Vult scilicet Hippocrates ostendere, ex vna massa fieri omnia, nec pati legem siue necessitatem, quae vniuerso siue naturae inest, vt aliquid oriatur, quod nihil fuerit, vel intereat, quod exstiterit: cum diuina, siue quae in coelis sunt, et humana, siue quae in terris, tum in condensatione descensuque particularum ex quibus constant, tum in expansione ascensu et rarefactione, id est, vt Heracliteas voces cum Hippocrate admittamus, *ἄνω καὶ κάτω* mutuam hanc inter se relationem et mutationem habeant. Hinc ad principia duo, quae rebus vniuersis insunt, actiuum, ignem, et passiuum, aquam haec applicans, igni, ait, suus est impetus, et aquae item suus: lux Ioui, id est cœlo, tenebrae orco, lux orco, tenebrae Ioui; commeant et transmouentur illahuc, et hæc illuc. Quæ satis luculenter mutationem elementorum ex vna massa, eorumque resolutionem reciprocam explicant.

XIV. Haec omnia vero fiunt diuina necessitate, tum quae volunt, tum quae nolunt.

XV. Illis vero huc, his illuc commeantibus et inuicem commixtis fatalem suam sortem quodque complet, interitus autem omnibus est mutuus.

XVI. Quin etiam maius a minore augetur, tum reliqua omnia, tum hominis animus, tum corpus, quod, velut animus quoque certo ordine describitur (*διακοσμέεται*). Irrepunt autem in hominem partes partium, tota totorum, habentque aquae et ignis commixtionem.

XVII. Irrepat autem in hominem animus, ignis et aquae temperationem sortitus, corporis humani portionem.

XVIII. Triplices in homine ignis circuitus facit, in se inuicem intro ac foras tendentes, alios quidem ad humorum cavitates, lunae facultate, alios vero ad exteriorem superficiem, ad ambientem consistentiam, fiderrum facultate; medios autem infra et foras tendentes validissimum et calidissimum ignem, continentes, qui cunctis dominatur, omniaque secundum naturam operatur, sine strepitu tum visu, tum tactu. In quo animus,

mens,

*) De genitura T. I. Sect. III. p. 231.

*) Haec et quae postea sequuntur, fusc enarrat in

libro de diaeta T. I. Sect. III. p. 342 seqq. quocum liber de principiis conferri potest.

mens, prudentia, incrementum, motus, imminutio, permutatio, somnus, vigilia. Hic omnia in totum gubernat, et haec et illa, et nunquam quiescit.

XIX. Naturam Dii omnem certo ordine constituerunt, et semper recte se habent.

Describenda haec ipsis Hippocratis verbis fuerunt, ut a mala ista, virorum etiam saepe doctorum consuetudine, veterum opiniones ex certa, quam sibi prius formarunt, hypothese explicandi immunem lectorem sistamus. Quae si recte intueamur, attentis obscurum esse nequit, I. Hippocratem in physiologia sua eodem fere, quo Heraclitus more obscuritatem affectasse, et principiis quibusdam sine definitione positis, e. g. natura, lege diuina, ordine etc. vehementer incertum reddidisse, qua ratione intelligendus sit. Prout enim his vocibus subiiciuntur notiones, ita de toto quoque Hippocratis systemate iudicari potest. Nec alia ratio est, cur viri doctissimi et in lectione scriptorum celeberrimi medici versatissimi tantopere de mente eius dissentiant, ut, qui post Io. STEPHANVM^y, Venetum medicum, B. Io. ANDR. SCHMIDIO^z, RAD. CVDWORTHIO^a, Io. ALB. FABRICIO^b, Io. FR. BVDDEO^c, ANDR. OTTOM. GOELICKE^d et potissimum literatissimo nostrae aetatis medico DAN. WILH. TRILLERO^e de Deo, et eius in rerum γενέται partibus, satis orthodoxus videtur, aliis et imprimis magno veterum doctrinarum iudici NIC. HIERONYMO GUNDLINGIO^f atheus videatur. Quare qui de mente et religione Hippocratis definiunt, illi nimis confidenter et praecipitanter iudicant, laudandaque cautissima cel. MOSHEMII^g modestia, qui, in neutram partem definire, optime et prudentissime agi putat. II. Quod si allata Hippocratis dogmata cum Heracliteis conferantur, et sine praeiudicio compareantur, ad oculum, nisi plane coecutimus, patebit, multa inter se convenire aptissime. Vtrique enim ignis primum mouens, aqua patiens, lex vna, necessaria in mundo, omnia gubernans, intelligens, animus humanus, eius particula, in hominis meatus irrepens, isque ignis etiam omnia mouens, at qui alterari, id est extinguere, potest. Via quoque in rerum γενέται duplex καὶ ἄνω καὶ ἄνω, et per eam ex omnibus omnia, etiam contraria. Quis non Heraclitea hic agnoscet, libereque fatebitur? Quia vero alium quoque sensum haec recipiunt, nec demonstrari potest, Heraclito praeceptore usum esse Hippocratem, quaedam etiam Democritum magis, quam Heraclitum sapiunt, apertumque est, Hippocratem non integrum physiologiae systema, sed tantum anthropologiam quandam dare constituisse, ideo et hic malumus ἐπέχειν, quam incertas lectori coniecturas nostras pro certis narrationibus obtrudere.

y) Dedit is: Hippocratis Coi theologiam, in qua Platonis, Aristotelis et Galeni placita Christianae religioni consentanea exponuntur. Ven. 1638. 4. quam suis annotationibus auctam inseruit Bibl. Graec. Vol. XIII. p. 192. B. FABRICIUS.

z) Diss. de theologia Hippocratis.

a) Syl. intell. c. III. §. 8. p. 104. cui calculum adiecit CLERIC. Bibl. anc. et moderne T. XV. 428 seq. hi vero cum Deum statuisse corporeum putant.

b) l. c. c) Thes. de ath. c. I. §. 20. p. 83.

d) Pec. orat. Duisb. 1713. edita, et Hist. Med. P. V.

e) In Hippocr. falso atheismi accusato Rud. 1719. 8.

f) Otior. P. II. c. 2. p. 73-140. qui etiam cum di-
stis viris contentiones feram reciprocavit, et in
noua Bibl. P. XXIX. p. 802. Goelickio, Gundlin-
gianorum P. XXII. XXIII. Trillero respondit, conf.
CLERIC. l. c. et Noua liter. Lips. 1721. p. 150.

g) Ad l. c. CVDWORTHII.

CAPVT DECIMVM TERTIVM.
DE SECTA EPICVREA.

§. I.

Fontes histo-
riae sectae
Epicureae.

Eleaticae sectae propago Epicurea fuit, variis in philosophiae theatro fatis cum prosperis, tum aduersis nobilis, et optima pariter atque pessima fama, diuersissimo effectū, gauisa. Cuius historia cum memorabilem Graecanicae philosophiae actorum partem contineat, diligenter nobis enarranda est, in qua inter veteres et recentiores doctos viros duces habemus eruditissimos. Inter illos nemo magis de Epicuri historia meruit, quam Apollodorus, in Epicuri horto doctor non incelebris, qui librum *de Epicuri vita* conscripsit, ad quem saepius prouocat **DI O G E N E S L A E R T I V S**^a. Neoclem quoque, Epicuri fratrem, librum *de secta sua* scripsisse, **S V I D A S**^b auctor est: vtriusque tamen labore magna historiae philosophicae iactura caremus. Ex iis, qui supersunt, nemo de Epicuri historia praeclare magis meruit, quam, qui toties nobis dux fuit, **L A E R T I V S**: qui cum bene esset, erga magnum philosophum affectus, studiose, quae in veterum memoriis repererat, collegit, *libroque decimo annalium philosophicorum*, exhibuit. Sunt et quaedam apud **S V I D A M**^c et **P S E V D O - O R I G E N E M**^d aliosque ex veteribus dispersa, quae ex eorum monumentis colligenda sunt, sed accuratum et a partium studio alienum lectorem postulant, qui vera a falsis in tanto partium studio, quo Epicureae philosophiae historia iactata est, rite discernat. Praestantissimum Epicureae philosophiae monumentum **T I T I L V C R E T I I C A R I** carmen est, quo placita Epicuri eleganti puraque et in affectata scribendi ratione exposuit, nec forte plures memoria celebrioribus sunt inter veteres, qui bene de hac philosophiae parte mereri concupiere: nam quae **C I C E R O**, **P L V T A R C H V S** hisque similes, et ex Patrum ecclesiae quoque numero multi de Epicurea philosophia retulerunt, tam aperte partium produnt studium, ut parum eorum fide nitendum esse, cauto lectori prima mox fronte pateat. Videturque non sine verisimilitudine haec memoriarum de hac secta, penuria ex odio, quo non Stoici tantum, sed et reliquae fere sectae, imprimis doctores ecclesiae eam pressere, fuisse profecta: indignus enim habebatur, impudentissimus atheus et voluptatis patronus, totusque eius grex, qui horum hominum occuparet industriam. Aliter tamen post restitutas literas euenisse, historiae literariae acta docent, quae non exiguum scriptorum catalogum enumerant, qui de Epicuri philosophia egregie meriti sunt, quos tamen enarrandi otium nobis fecit cel.

CHR.

^a) Non is confundendus est, cum Apollodoro, Atheniensi grammatico, qui librum de sectis philosophorum scripsit, vid. **I O N S**, de Script. hist. phil. L. II. c. 13. p. 183.

^b) In Neocles T. II. p. 608.

^c) T. I. v. Epicurus p. 812, excerpta haec sunt ex deperdito **A E L I A N**, libro de prouidentia,

^d) Philosophum. c. XXII, p. 150 seqq.

CHR. AVG. HEVMANNI ^a et GVILIELMI HENRICI BECKHERI ^f industria, qui indices scriptorum de Epicuro eiusque secta nobis exhibuerunt studiose confectos. Non tacendi tamen sunt ex Gallorum gente viri duo de Epicuri historia praeter omnes insigniter meriti, et in hac philosophicae historiae parte omnino consulendi, PETRVS GASSENDVS, et IAC. RONDELLVS. Et prior quidem in egregiis *de vita, et moribus Epicuri libris octo*, aliquoties reculis ^g, vt erat lectionis copia et iudicii acrimonia incomparabilis, et tam literariae historiae, quam philosophiae praesidiis munitus, quicquid fere apud veteres de Epicuri vita dictum est, studiose collegit, digessit, et perspicuo ac elegantissimo sermone ita enarrauit, vt ad id potissimum attenderet, vt tot veterum et recentiorum criminationes contra Epicurum euerteret. Eandem Epicuri philosophiae praestitit operam, tantoque eruditionis apparatu *ad librum decimum LAERTII*, quo Epicuri res recensentur, commentarium ^h edidit, vt eorum quoque, quibus malam defendisse et ornasse causam visus est, de eo non sine laude dicerent, *neminem aut acrius aut quidem felicius Epicuri apologiam confecisse, quam Petrum Gassendum, virum quidem magnum, omnique, si quem alium, doctrina eruditum, nec tamen eruditione, quam aut iudicio aut candore nobiliorem: tantoque ingenii acumine, tantaque rationis verisimilitudine illius causam tueri visum esse, vt in Epicuri seriam defensionem, et non, vt prae se fert, exercitationis causa scripsisse quis sibi persuadeat*, qua ratione de eo pronuntiauit magnum olim Oxoniensis academiae decus SAM. PARCKERVS ⁱ, quibus alios ^k addere facile esset, si id ageremus. Nec obstare his laudibus Merici Casauboni iudicium ^l, Gassendum corruptorum in Epicuri gratiam veterum locorum accusantis, ex dicendis luculenter constabit. Recte itaque viam instituit THOMAS STANLEIVS, qui Gassendianis luminibus in enarranda Epicuri historia vsus est. Alter post Gassendum, Epicuri enarrator IAC. RONDELLVS est, cui *vitam Epicuri* Gallica primum lingua editam ^m, postea vero Latino sermone expressam ⁿ debemus: qui cum in iis quoque partibus pro Epicuri parte et innocentia steterit, quibus eum recte meritoque deseruit Gassendus, multis vehementer displicuit, licet eleganti doctrina esset ornatus. Nos sine villo partis studio vel affectu Epicuri vitae et doctrinae historiam quantum licet, neruosa breuique enarratione prosequemur, vbique ad eas regulas criticas attenti, quas nobis faces praefiximus in emetiendo historiae philosophicae campo.

Qqq qqq q 3

§. II.

^a) Aët. philos. Vol. II. p. 637 seqq.

^f) In sched. de praeiudiciis, quae Epicurum foedae voluptatis reum in crustarunt.

^g) Prima editio splendido charactere prodiit Lugd. 1647. 4. qua vtimur, recusa Hagae Com. 1656. 4. et T. V. Opp. Gassendi.

^h) Ex eo Syntagma Eius philosophiae Epicureae confectum.

ⁱ) De Deo disp. I. s. XII. p. 20.

^k) Ex multis videri merentur P. BAYLE Dict. T. II. art. Epicure, not. M. p. 370 HEVMANN, Aët. philos. Vol. II. p. 325. MENAG. ad LAERT. L. X. s. I.

^l) Vid. ALMELOVEN. in vita Casaub.

^m) Paris. 1679. 12. Hagae Com. 1686. 12.

ⁿ) Auctius 1693. 12. Amstelod. Conf. BAYLE l. c. not. L. p. 369. Aët. erud. 1694. p. 171.

*Epicuri nati-
uitas et edu-
catio.*

§. II. Epicurus patria Atheniensis fuit, in oppido, cui Gargetti nomen fuit, ex tribu Aegeide natus^o. Qui vero Samium vel Lampfacenum dicunt^r, locum educationis et morae vitae, cum patria confundunt^r. Patre genitus est Neocle, matre Chaerestrata, nobili quidem genere ortis^r, qui tamen paupertate pressi ad vilem conditionem detrusi inter *κληρέχους* ab Atheniensibus in Samum missi sunt^r. Tantaque pater eius fuit paupertate, ut cum agellus, quem forte acceperat, eum non satis aleret, ludi magistrum ageret^r, mater vero ad conquirendos numulos cum filio domus obiret, lustrans eas et vel spectra abigens, vel affectus moderans, vel alia anilis superstitionis molimina suscipiens, quo in negotio subeundo Epicurum matri carmina lustralia praelegisse, acerbe illi, omnes eiusmodi superstitiones damnant et ridenti Stoici, praeter rem, obiecerunt^u. Natus autem est Epicurus Ol. CIX. 3. septima die Gamelionis^x, nec quae apud EVSEBIUM^y dicuntur, floruisse Epicurum Olymp. CXII, his obstant. Licet enim tum vix pueritiam exegerit Epicurus, latius tamen locutus fuisse videtur Eusebius, idque tempus indicasse, quo sensim inter adolescentes studiis se mancipantes coepit emergere. Fratres habuit tres Neoclem, Chaeredemum et Aristobulum, quorum in Epicurum, huius in illos pietatem, amorem, concordiam non sine admiratione narrat PLUTARCHVS^z. Colonia ab Atheniensibus in Samum deducta Epicurus cum parentibus eo translatus^a, et, quod STRABO^b tradit, partim Sami, partim Tei educatus, et ad decimum octauum aetatis annum ibi commoratus est. Eo vero anno Athenas venit, literis, tamen a patre, pueris instituendis occupato, aliquantisper in-
nutri-

^o) LAERT. L. X. f. 1. LUCRET. L. VI. v. 1. SVIDAS l. c. de Gargetto, vid. MEYRS de pagis Atheniens. POTTERVS Archaeol. Graec. L. I. c. 9. p. 42. BAYLE l. c. not. A. p. 368.

^p) Apud LAERT. l. c.

^q) Conf. GASSEND. L. I. c. 1. p. 9. Timon tamen apud LAERT. L. X. f. 3. dum eum ultimum dicit Physicorum, qui ex Samo prodierunt, non ad habitationem in Samo, sed ad successionem scholae a Pythagora Samio respicere videtur.

^r) Metrodorus apud LAERTIVM l. c. tradit, fuisse Epicurum ex genere Philidorum: illud autem a Philaeo secundo Aiakis filio originem accepit, conf. GASSEND. l. c. Pertinuisse tamen hoc magis ad patrem, quam matrem videtur, licet, matrem etiam non obscura familia natam Neoclem sibi coniugem elegisse, coniici possit; id quod tamen pro certo dici nequit, unde recte MORERIVM hoc nomine culpatur BAYLE l. c. not. C.

^s) STRABO L. XIV. p. 589.

^t) Ita CICERO fugillando de N. D. L. l. c. 26.

^u) Lib. X. f. 4. Opprobrium hoc Stoicorum fuisse, ad ridendum Epicurum illi obiectum, non est, quod dubitemus, conf. GASSEND. l. c. c. 5. p. 20. quale et illud fuit, quod PLUTARCHVS habet, quod non suau. liceat viu. sec. Epic. dixisse eum, matrem suam, in se tot tantasque habuisse atomos, quatum congressu sapiens ederetur. Neque tamen prius omni caret verisimilitudine. Fuisse enim inter Graecos incantationum, lustrationum, et

similium opera (*καθαρμα*) solennia, ex Epimenidis, Abaridis, et Pythagoreorum historia constat, et credibile omnino est, Chaerestrata, ut panem corraderet, eiusmodi nugis sum lex vulgus decepsisse. Omni vero caret verisimilitudine, quod RONDELLVS l. c. p. 3. contendit, in laudem hoc Epicuri dictum esse, ut eum atheum et Deorum contemptorem non fuisse pateret; contumeliosum enim id habitum fuisse eo tempore, quo Epicurus vivebat, philosophiae opera magis iam a superstitione purgato ex DEMOSTHENIS obiectione simili Aeschini facta, Orat. de coron. eleganter probauit KVHNVS ad l. c. LAERT. Obiici tamen hoc Epicuro non potuit, qui vel matris iussibus, etsi superstitionem intelligebat, obedire debuit, vel a matre ita imbutus fuit, nugas istas vero tum demum abiicit, ubi meliora ex Democriteo systemate erat edoctus.

^x) Apollodorus in chronicis apud LAERT. L. X. f. 14. quod tempus incidit ante G. N. CCCXLI. M. Febr. Fuit hic annus VII a morte Platonis, et XVI Alexandri Macedonis. conf. GASSEND. l. c. c. 2. p. 12.

^y) In chronic. In SVIDAE editionibus KVSTERIANA prioribus mendum esse, ubi natus dicitur Epicurus Ol. LXXIX. vidit GASSENDVS, emendauit ex Cod. msc. Paris. KVSTERVS.

^z) De amore fraterno T. II p. m. 294.

^a) LAERT. L. X. f. 1. MENAG. ad h. l.

^b) Lib. XIV. p. 638.

nutritus^c, publicumque bonarum artium emporium, in quo Xenocrates in Academia, Theophrastus in Lyceo docebant, frequentauit, nec dubium est, egregiam hanc Musis litandi occasionem Epicurum iuuenem non praetermis-
 sisse^d. Mortuo vero Alexandro M. Macedone et afflictis sub Perdicca Atheniensium rebus, Colophonem ad patrem transiit, et aliquandiu ibi com-
 moratus Mytilenem abiit, ibique anno exacto, Lampsacum profectus est,
 quatuorque ibi annos ad XXXVII aetatis commoratus est^e. Non tamen
 otiose consumpsisse tempus Epicurum, et ingenii excelsi et ad studia nati in-
 doles, et diligentia eius tot probata speciminibus, comprobatur, suntque, qui
 duodecimo aetatis anno philosophiae primam coepisse dare operam, tradant^f,
 ipsemet Epicurus apud LAERTIVM^g testis est, non attigisse se philoso-
 phiam nisi anno XIV: iucundumque est, quod SEXTVS EMPIRICVS^h
 narrat, quam oⁱ casionem ad philosophiam animum adiiciendi puer sagacissi-
 mae indolis habuerit. Quibus vero praeceptoribus vsus fuerit, anceps di-
 sceptatio est, quam varie dirimunt veteres. Apud LAERTIVMⁱ enim
 tradunt quidam, Epicurum auditorem fuisse Pamphili Platonici, et si CI-
 CERONI^k fides est, ipse Epicurus retulit, illum a se Sami auditum, quam-
 uis doctrinam eius mirifice contemneret. Tradunt hi etiam, et CLEMENS
 ALEXANDRINVS^l, audiuisse Epicurum Nausiphanem Pythagoreum et
 Pyrrhonis auditorem. Hinc cum Sami iam philosophiae praeceptis im-
 bui coepisset, credi non potest, eum Athenas delatum, ubi in Academia
 et Lyceo Platonis et Aristotelis philosophia personabat, nec Xenocratem
 nec Theophrastum audiuisse, monetque CICERO^m, esse, qui putent,
 inter illius auditores fuisse, quod ab adolescente magno feruore philoso-
 phiae mysteria appetente et Platonice doctrinis iam aliquantisper imbuto
 omnino praesumendum est. Addunt alios aliiⁿ, qui tamen ex dogmatum
 magis conuenientia, quam viutorum praeceptorum disciplina talia colligunt,
 adeoque audiendi non sunt. His tamen obstat, quod CICERO, PLVTAR-
 CHVS, SEXTVS^o alique veterum scribunt, solitum de se gloriari Epicu-
 rum, quod magistrum habuerit nullum, sed *αὐτοδίδακτος* fuerit, suometque
 ingenio et industria philosophus euaserit: quam ostentationem illi non si-
 ne aculeo exprobrant laudati scriptores: unde multus in eo est eruditissi-
 mus GASSENDVS^p, vt ab hac ingrati et ostentantis animi macula Epicu-
 rum

c) Cum patre enim literas docuisse mercedis exiguae stipe ei obiecere Stoici apud LAERT. L. X. f. 4. id vero a parente prius literas doctum esse sup-
 ponit, diciturque paulo post, Sami iam philoso-
 phiae operam posuisse.

d) Probabitur hoc in sequentibus.

e) SVIDAS l. c. LAERT. L. X. f. 14.

f) SVIDAS l. c. LAERT. l. c.

g) l. c. f. 2. conf. GASSEND. l. c. c. 5. p. 19.

h) Adu. phys. L. II. f. 18. 19. Rem quoque confir-
 mat Apollodorus Epic. apud LAERTIVM: non
 potuisse grammaticos ipsi interpretari, quid sit
 Chaos apud Hesiodum, sed ad philosophos reiecit,
 sicque illum philosophos quaesuisse.

i) Lib. X. f. 13.

l) Stromat. L. I. p. 302.

k) De N. D. L. I. c. 26.

m) l. c.

n) Democratem quendam nominat PLVT. non
 posse suau. viui sec. Ep. sed Democritum legendum es-
 se acute GASSENDVS l. c. p. 17. coniecit. Huius
 enim discipulum facit etiam LVCIANVS vt Ari-
 stippi quoque, hoc vero non de philosophis h's ipsis,
 sed de eorum doctrina intelligendum esse, rationes
 temporum satis euincunt. Idem de Metrodoro
 Chio Democriti discipulo dicendum, quem Epicuri
καθηγητήν vocat STOBAEVS ecl. phys. c. l.

o) ll. cc.

p) Toto libro quinto l. c. qui est de obiectu Epi-
 curi malignitate.

rum liberet. Nos et veterum relationes, et Epicuri confessionem confitere simul posse putamus, modo is recte intelligatur, et ad proprium, quod formauit sibi, philosophiae systema respiciatur, de quo solo intelligendum esse, quando se *αὐτοδιδάκτορ* dixit, nulli dubitamus, et verisimile credimus, haec *κατά τι* ab Epicuro dicta *ἀπλῶς* accepisse, et in probrum ei vertisse obtrectatores. Quod enim Cicero refert, Epicurum mirifice contempsisse Pamphilum Platonium, mirum illi non videbitur, qui cogitauerit, hominem certis principiis, claris notionibus, natura hominis et experientia nixum, hisque fundamentis systema suum inaedificantem, non potuisse non rationes philosophandi Platonicas Epicureis e diametro obstantes contemnere, et vaga illa et incerta principia, quales ideae sunt, ridere, hoc enim Aristotelem et Diogenem quoque fecisse supra memorauimus. Et Nausiphantem quoque contempsisse, mireque exagitasse ex Epicuri epistolis **SEXTVS EMPIRICVS** ^q atque **LAERTIVS** ^r notarunt, sed id factum esse propter iactationem sophisticam, qua Scepticorum alumnus se efferebat, non vero, quod plane nihil ab eo didicisset, ex eius verbis apertum est. Democriteum se diu fassum esse Epicurum, **PLUTARCHVS** ^s testatur. Aduersariorum itaque confessione euincitur, non ita se sui doctorem dixisse Epicurum, ac si nullos plane magistros habuerit. Opponitur itaque Epicurus *αὐτοδιδάκτορ* philosopho sectario, idque voluit Gargettius philosophus, nullae sectae se philosophiam suam debere, sed suomet ingenio et meditatione collectas ingenii opes in proprium doctrinae suae aedificium contulisse. Nec alia quoque causa videtur fuisse, cur Nausiphanti, Democrateam philosophiam Pyrrhonicis nugis corrumpenti aduersatus sit, quam quod ille eam philosophiam, quam Epicurus adamabat, alieno fuce adulterauerit, quo nomine nihil ab eo se profecisse Epicurus contendebat. Imprimis verisimile est, totum opprobrium ad lites Epicuri cum Zenone et eius schola pertinuisse. Cum enim Stoica philosophia tanquam cento quidam ex diuersis systematibus esset confuta, vt supra vidimus, Epicurus, vt aegre aduersariis faceret, se suamque philosophiam superciliosae sectae opposuit ostensurus, non alienis se pennis superbire, et peregrinos thesauros corradere, nec habere in nouo systemate, quod non meditatione et lectione propria esset assecutus. Eadem enim de causa Epicurei magistrum Chrysippo *πολυγέφυον* opposuerunt, quod hic ex veteribus omnia exscriberet, Epicurus sua exponeret. Cumque negaret is, Democrito se sua debere vel Metrodoro, de viuis praeceptoribus locutus esse videtur, quod deinde vniuersali significatione acceptum Stoicis occasionem dedit Epicurum traducendi. Deseruit itaque viuos praeceptores Epicurus omnes, et ad mortuorum libros delatus, Ionicorum scrinia excussit, magnique fecit, teste **LAERTIO** ^u *Anaxa-*

^q) Adu. mathem. L. I. f. 2. 4. conf. **FABRIC.** ad h. l. ^r) l. c. f. 14.

^s) Adu. Colot. T. III. p. m. 406.

^r) Negauit itaque Epicurus, se eorum, quos adiuuerat esse *πρώτοιον ἑταίρον*, sectatorem, quod

ei Stoici obieciabant; suo enim ingenio Democriteis meditationibus adiuto suam philosophiam debebat. Est itaque *αὐτοδιδάκτορ* h. l. conditor noui systematis.

^u) **LAERT.** L. IX. f. 12.

Anaxagoram atque Archelaum, tum in Democriti potissimum et Metrodori Chii forte scripta, referente Hermippo, incidens, ad eorum potissimum philosophiam delatus est, quam innouando, augendo, mutandoque nouam constituit, sicque Epicuream philosophiam condidit.

§. III. Ita nouo doctrinae aedificio constructo, non sibi soli sapere cupiebat Epicurus, sed et aliis illud quoque pandere satagebat. Commouisse Epicurum miserabilem philosophiae inter Graecos personantis faciem, cum plus disputando, verbisque innouando, quam animum ad veram felicitatem adducendo insudarent Academici, Peripatetici, Stoici, Pyrrhonii, Cyniei naturam hominis exuere iuberent, vt alia et humano animo conuenientiori ratione philosophari inciperet, postea pluribus monebimus, Scholam itaque instituit annos natus XXXII, vt LAERTIVS² memorat, idque Mitylenae, ac deinde Lampsaci, qui et hoc addit: ex Colophone vsque discipulos eum coëgisse. Loci tamen vel obscuritate, vel discipulorum inopia, vel maioris gloriae aucupandae studio XXXVI aetatis anno, (quidam XXXVII ponunt) Athenas reuersus, primum quidem ad aliquod tempus, teste LAERTIO^a, in congressu cum caeteris philosophabatur, et Demoteum se primum professus est, vt habet PLVTARCHVS^b: tandem occasionem captans nouam scholam aperuit, sectamque propriam condidit. Quoniam vero, publica vrbis loca, philosophorum dissertationibus patentia iam occupassent reliquae sectae, Platonici Academiam, Peripatetici Lyceum, Cynici Cynosargen, Stoici Porticum, coëmit ipse hortum peramoenum, LXXX minarum pretio, ibique cum suis discipulis non versatus tantum est, sed et vixit^c. Aitque PLINIVS^d: *Epicurum hoc primum instituisse Athenis, agrorum villarumque delicias, nomine hortorum in ipsa vrbe possidere, cum vsque ad eum mos non fuisset, in oppidis habitari rura.* Id quod tamen de locis tantum intra moenia fitis capiendum est, in suburbiis enim villas domusque et hortos habuisse Graecos, et philosophos quoque, Platonis in Ceramico habitantis exemplum comprobatur. Factumque ab hoc docendi loco, vt Epicuri sequaces ex horto philosophi postea dicerentur^e, vbi etiam in horto amplius non habitarent. Praeter hunc vero hortum fuit Epicuro domus, sita in Melite, Cecropiae tribus oppido; in hanc Epicurus interdum cum familiaribus secessit, quam et postea testamento sectatoribus reliquit^f. Nec ad alia loca vnquam secessit, sed, licet difficillima tunc essent tempora, Athenas nunquam deseruit, solum bis aut ter in Ioniam ad inuisendos amicos excurrit. Acciditque viuentem Athenis Epicuro, circa eius XLIV annum, vt Demetrio urbem obsidente, graui fame ciuitas premeretur: quo tempore, ferunt, Epicurum familiares suos sustentasse, partitum cum ipsis ad numerum fabas g.

His

y) Ibid. f. 2

z) f. 15.

XIV. Conf. GASSENDVS l. c. c. 6, p. 22. cl. CROPHIVS de gymnasiis literar. Athen. p. 55 seqq.

a) f. 2.

b) Adu. Colet. l. c.

c) LAERT. L. X. f. 10.

f) LAERT. f. 17. plura dabit GASS. l. c. p. 23.

d) L. XIX. c. 4.

g) PLVTARCH. in Demetr. T. III. p. m. 96.

e) CICERO ad Attic. L. II. ep. 24. IUVEN. Sat.

LAERT. L. X. f. 10.

His in locis vbi scholam Epicurus constituisset, magna discipulorum, teste Apollodoro, copia non ex Graecia tantum, sed vndique ad illum confluebat, cum eo in horto philosophiae operam datura^b, praesertim ex Asia, ac nominatim Lampfaco, atque etiam ex Aegypto; inuitata non solum fama eruditionis Epicuri, sed et humanitate eius, et beneuolentia, qua eos studiose conquirebat. Narrat enim PLUTARCHVSⁱ, *eum ad amicos in Asia scripsisse, ex Aegypto hospitibus se praebuisse, stipatorem fuisse Lampfacenis ephebis, librosque ad omnes utriusque sexus homines dimisisse, sapientiam ostentantem, sicque neque ipsum latenter, quod tamen praecipiebat, vivere voluisse.* Ex quo facili coniectura assequimur, initio Epicurum laborasse inopia auditorum, cum cathedras et animos iuuenum ante eum magni nominis philosophiam occupassent, ideoque captasse adolescentum peregrinorum amorem, et ex terris aliis sibi auditores studiose conquisiuisse, postea vero cognita eius philosophandi ratione magnos discipulorum acervos ad illum decurrisse. Ita vero conciliari possunt Cicero, Plutarchus, Laërtius, ad quos GASSENDVS^k prouocat, qui ingentem auditorum numerum Epicuro vindicant, cum SENECA^l, qui tradit, ignotum ipsum Athenis fuisse, circa quas delituerat, prouocatque ad Epicuri et Metrodori familiares epistolas, quibus innuunt, ipsis non nocuisse, quod eos illa nobilis Graecia non ignotos solum habuisset, sed paene inauditos: ipsosque satis emicuisse. Id enim non de tota Epicuri vita, sed de initiis scholae intelligendum esse, eius historia euincit. Scilicet cum tanta esset Platonis, Aristotelis, Antisthenis, quorum discipuli sectas eo tempore propagabant, existimatio, credi facile potest, Epicurum a pueritia ex patria absentem adeoque ignotum, parum auditum fuisse, et contemptum: Vt itaque discipulos atque famam sibi conciliaret, ita philosophandi rationes iniit, vt ingenio et propensione Graeciae incolarum placeret. Cum enim voluptatibus tota fere tunc temporis immersa esset Graecia, dictique, qui ex Socratis schola prodire, philosophi in eo quasi conspirarent, damnandam et eiiciendam esse voluptatem, Aristippus alieno loco doceret, et voluptatis male intellectae commendatione infamaretur, imprimis vero et Cynici hominem exuere, et Zeno nouae tunc sectae conditor frigidam illis suffundere, et tristem profiteri philosophiam viderentur: aliter cursum instituens Epicurus, totam philosophiam ad honestiorem voluptatis rationem ac animi potissimum tranquillitatem reuocans, specioso nomine et titulo a feueris et rugosis reliquorum philosophorum frontibus ad hortos suos, voluptatem et iucunditatem spondentes adolescentes ad se prouocauit, et talem philosophiam promittens, quae naturae, inclinationique humanae voluntatis esset conueniens, iuuenum animos, tristitiam reliquorum philosophorum nauseantes mire prouocauit: humanitate vero, iucunditate et facillimis moribus ad se venientes excepit, sicque dulci quasi laqueo captos voluptatis titulo ad modestiam,

^b) Ibid. l. 9.ⁱ) De occulte viu, T. II, p. m. 117.^k) l. c. c. III. p. 25.^l) Epist. 79.

stiam, moderationem, continentiam aliasque virtutes inopinantes adduxit. Qua de re infra adscribemus elegantem SENECAE ^m locum, qui honestam ita voluptatem Epicurum promississe, et exhibuisse, euincit. Confluentes vero ad se discipulos non in disciplinam tantum, sed in conuietum quoque Epicurus recepit, non tamen omnia in commune conferri bona voluit, quippe id esse diffidentium, adque idcirco non amicorum, sed ab vnoquoque, si quid opus foret, hilariter suppeditari ⁿ: id quod facili obtinebat negotio, cum non frugalitas tantum et vere philosophica viuendi ratio exiguos postulare sumtus, sed et tantum esset inter conuiectores eius amicitiae vinculum, vt hanc eorum amicitiam toti antiquitati opponat CICERO ^o: narraueritque VALERIUS MAXIMUS ^p memorabile amicitiae ad cineres vsque durantis specimen philosophorum ex hortis duorum Polycratis et Hippoclidis, aequali fortunae pariter atque amicitiae sorte a natiuitatis die ad mortem inter se coniunctorum. Vixit etiam Epicurus coelebs, vnde de necessariis familiae prospiciendi cura solutus philosophiae totus inuigilare potuit: quod et studio indolentiae, quam summam voluptatem esse censebat, quamque mire in coniugio curis et tumultu turbari credebat, et temperamento Epicuri ab amore feminarum natura abhorrenti ^q adscribendum est. Id quod inter sententias horti postea receperunt discipuli ^r, qui magistro duce, philosophiae operam daturis coniugium dissuadebant, nisi uxorem duceret, tantis prudentiae et reliquis animi dotibus ornatam, iisque etiam fortunae praesidiis instructam, vt impedimenta, otio philosophico ex matrimonio enascentia facili vincere labore posset. Id quod a Democrito accepisse Epicurum et sequaces veteris ecclesiae doctores ^s suspicantur. Tanta vero industria et labore in philosophiam incubuit Epicurus, vt singularis diligentiae exemplum merito constituatur. Non enim discipulos tantum docuit assidue, sed et plurima scripsit, sic vt post Chrysippum inter primos Graeciae πολυγράφος mereatur referri ^t. Immo Chrysippum ab Epicuro vinci, si quis vellet ostendere ea, quae essent ab Epicuro proprio Marte scri- *Scripta.* pta, neque aliunde apposita, et tollere ex Chrysippi libris, quae aliena attexta sunt, ad Apollodorum prouocans tuetur LAERTIUS ^u. Qui addit:

Rrr rrr r 2

eius

^m) Epist. 21. Eo lubentius Epicuri egregia dicta commemoro, vt istis, qui ad illa confugient, spe mala industi, qui velamentum se ipsos suorum vitiorum habituros existimant, probem, quocumque ierint, honeste esse viuendum. Cum adierunt hoc hortulos et audierint inscriptum his hortulis: Hospes hic bene manebis, hic summum bonum voluptas est, paratus erit istius domicilii custos, hospitalis, humanus, et te polenta excipiet, et aquam quoque large ministrabit, et dicet: ecquid bene exceptus es? non irriter inquam hi hortuli famem, sed extinguunt: nec maiorem ipsis potionibus sitim faciunt, sed naturali et gratuito remedio sedant. Haec ex Stoica familia philosophus.

ⁿ) LAERT. L. X. f. 11.

^o) De fin. l. I. c. 20. Epicurus vna in domo, et ea quidem angusta, quam magnos, quantaque amoris

conspiratione consentientes tenuit amicorum greges? quod sit etiamnum ab Epicureis.

^p) L. I. c. 8. Modo satis firma sit fides Valerii nullo alio teste suffulta, quam haut raro vacillare attenti facile deprehendent.

^q) Chrysippus apud STOBAEVM serm. CXVII. p. 684. qui Epicurum ἀναισθητον ideo vocat, nec ab eo exemplum capi vult, sapientem amorem mulierum non curare.

^r) LAERT. L. X. f. 119. et CASAVB. ad h. l. Obicit hoc Epicuro Epictetus apud ARRIAN. L. I. c. 23. L. III. c. 7. sed inutili argumento, conf. STOLL. Hist. phil. mor. gentil. §. CXI. p. 188.

^s) THEODORIT. serm. XIV. CLEM. ALEX. Strom. L. II. apud MENAG. ad l. c. Laert.

^t) LAERT. L. I. f. 16.

^u) L. VII. f. 182. L. X. f. 26. dictum hac de re supra in Stoicorum historia.

eius cylindros, id est, volumina, ad trecentos extitisse, in quibus nullum alienum testimonium exscriptum extet, sed ipsaemet voces Epicuri sint. Dolendum vero, ex tot tanti viri scriptis omnia fere temporum iniuria sic intercuisse, ut praeter paucula compendia, quae seruata LAERTII * industria debemus, et fragmenta quaedam apud veteres scriptores hic, illic dispersa, nihil ex ipsis superstes sit, quod hucusque etiam diligentissimis Epicureae historiae exploratoribus innotuerit, quin immo ne tituli quidem omnium apud auctores supersint. Non inuidit tamen inter tabulas ex hoc scriptorum Epicuri naufragio, residuas nobis aetas eius *κυρίας δόξας* γ, siue, ut CICERONIS z voce utamur, *maxime ratas sententias*, nobile Epicureae philosophiae monumentum, quod magni fecere veteres, contemnit praeter rem SVIDAS a. Reliqua, praeter epistolas ex innumeris, quatuor, desiderantur, de quibus videndi GASSENDVS b et FABRICIVS c. In his epistolis pro *χαίρειν*, quod Cleon, tribunus Atheniensis, introduxit d, salutationem interdum vocem, *ἐνπράττειν καὶ περδαιῶς ζῆν*, adhibuisse LAERTIVS e tradit. In his scriptis eam quidem elegantiam scriptionis non adhibuit, neque istis luminibus orationem intertexuit, quibus eloquentiae et eruditionis laudem tunc temporis supra modum affectabat Graecia, sed communi maximeque proprio dicendi et scribendi genere usus, quod *λεξιν κυρίαν* vocat LAERTIVS f, meruit a veteribus, praecipue Aristophane grammatico reprehendi, *ὅτι ἰδιωτάτῃ ἐστίν*, quod *natiuam dicendi imaginem*, vel quod malumus, *minus eruditum stili characterem* expresserit g, mirandum tamen in Epicuro non est, qui istas eruditionis partes, quibus grammatica et rhetorica continetur, parum curauit, et perspicuitatis magis, quam elegantiae rationem a philosopho habendam, maximeque proprio dicendi genere utendum esse, praecepit, ut ex eius canonica patefceret. Et si vero moderate vivebat Epicurus, nimia tamen studiorum contentione effecit, ut esset constitutionis parum firmas, id quod etiam titulus libri a Metrodoro scripti h, *περὶ τῆς Ἐπικύρου ἀρρώστιας*, de infirmitate Epicuri innuit. Additque SVIDAS i, licet inuidiosa forte exaggeratione, quod neque iniecti-
Vita priuata. onem vestium ferre, neque facile e lecto descendere, et neque solem neque ignem contueri potuerit, sanguinem minxerit etc. quod eo minus mirandum est, quo magis constat, affectu eum, eruditis familiari, calculi laborasse, qui cum ad extremum vrinam cohibuisset, fata eius maturauit doloresque concitauit maximos k. Vitae itaque finem ex his facile colligens te-
 itamen-

x) L. X. f. 22. 84. 122. 139. pleraque GEFANIVS Laërtio a se edito subiunxit.

y) Extant apud LAERT. L. X. f. 139 seqq.

z) De finibus. L. II. c. 7.

a) l. c. c. X. p. 35.

b) Bibl. Graec. Vol. II. p. 505.

c) Vetustissimis temporibus Graeci sine salutationis titulo scribebant, Cleon vero *χαίρειν* primus praemisit, cuius loco Plato *ἐνπράττειν*, Pythagoras *ὕμνησιν* vel Penta'pha praemisit, Epicurus diſſas voces interdum constituit. Conf. LVCIAN, de lapsu inter salut. T. III. p. m. 195. GAS-

SENDVS l. c. MENAG. ad LAERT. L. III. f. 61. L. X. f. 14. quo loco pro *σπερδαίως ζῆν ἀριστον*, quod, quia commodum sensum non fundit, varie emendauit GASSENDVS, legendum esse coniecimus *στ. ζ. v. ἀριστα* id est, scribere solitus fuisse, *ἀριστα ζῆν*, bene valere.

d) l. c.

f) f. 13.

g) Conf. GASSEND. l. c. L. VIII. c. 9. p. 273. *ιδιωτῶν* autem erudito, et elegantioribus literis culto opponi, notum est.

h) LAERT. L. X. f. 24.

i) l. c.

k) ibid.

flamentum scripsit, et de haeredum institutione, scholae hortique pro sectae suae alumnis conseruatione, pupillorum ab amicis relictorum prouidentia, celebritatum in sui suorumque memoriam institutione, seruorum manu-
missione, et generali scholae cura disposuit, quod nobis seruauit LAERTIVS¹⁾, quod cum Epicuri doctrina et scriptis non satis conspirare, suspicacius, quam par erat, contendit CICERO^m. Tanti autem, ut ipse ultimo die ad Hermachum scripsitⁿ, per quatuordecim dies, aderant vesicae et viscerum morbi, ut nihil ad eorum magnitudinem posset accedere. Addit tamen: *Compensabatur cum bis omnibus animi laetitia, quam capiebam memoria rationum inuentorumque nostrorum.* Quae ANTONINVS^o Imperator confirmat, innuens, *eum medicis ita se non praeuisse, ut efferrerent sese, quasi aliquid magni agerent, sed vitam egisse optimam, et de rebus naturae, quae prius meditatatus fuerat, amicis disseruisse.* Tandem, teste LAERTIO ex Hermippo, sese in balneum, aqua calida plenum *Mors.* demisit, cumque poposcisset merum, id hausisse, et dum commendaret amicis, ut dogmatum suorum forent memores, haec inter verba defecisse, postquam LXXI annos completos vixisset, LXXII iniisset, vnde CICERONI^p septuaginta duos exegisse dicitur. Acciditque mors eius Olymp. CXXVII. 2. archonte Pytharato, ut habet Apollodorus: vnde mendum apud LAERTIVM^q omissa voce εἰκοστής, acute emendauit CASAVBONVS, male vero secutus est VOSSIVS^r. Tantum vero fuit post fata quoque eius desiderium, ut non tantum discipulis in maximo esset honore, ut postea dicemus, sed et statuis aliisque honoris monumentis eius coleretur memoria. Memorantur veteribus Epicuri sex^s, a quibus Gargettius nominis fama et celebritate facile potest distingui.

§. IV. Etsi vero non magna tantum de praeceptore suo sentiebant *Obiecta Epi-* et iactabant Epicurei, sed et viri summi philosophum valde extollebant, *curo vitia,* quin inter eos quoque, qui philosophiam eius reiiciebant, erant, quide eo tanquam viro bono pronuntiantes vitam eius vehementer laudabant, negari tamen nequit ab ipsis Epicuri temporibus ad restitutarum scientiarum aetatem, qua inceperunt viri quidam docti contra communem tot seculorum calumniam Epicurum defendere^t, tantam fuisse philosophi infamiam,

Rrr rrr r 3

vt

1) f. 16 seqq. GASSEND. L. II. c. 1. p. 47.

m) De finib. L. II. c. 30. male ex hoc loco coniecit LONSIVS de Script. Hist. phil. L. I. c. 20. p. 107. Cicero enim hoc testamentum *videtur* suspectum habuisse.

n) CICERO l. c. LAERT. l. c.

o) De seipso L. IX §. 42. conf. SENECA ep. 92. 66. quae Stoicorum testimonia probe notanda sunt, tanquam minime suspecta.

p) De fato c. 9.

q) L. X. f. 15.

r) De hist. Graec. L. I. c. 21. p. 137. notatus BAYL. l. c. not. B. p. 364.

s) MENAGIVS ad Laert. f. 26.

t) Mature post restitutum literis nitorem cooperire viri docti communi de Epicuri impietate et mala vita seculi suffragio contradicere. Id quod imprimis a BAPTISTA GVARIMO factum esse,

eumque pro Epicuro in libro de eius secta verba fecisse ait GASSENDVS l. c. L. VII. c. 7. p. 192. qui tamen fortetur, nec se librum vidisse, nec Naudaeum in Italia potuisse comparare, sed ad TRITHEMIVM de Script. Eccl. prouocat, qui tamen c. DCCCVII. p. 188. ed. Fabr. nihil de eiusmodi Guarini libro habet. Prouocat etiam ad eum MORHOF. Polyhist. T. II. L. II. P. I. c. 7. §. 5. p. 183. sed solius GADDI auctoritate, sibi enim visum non esse, fatetur. Ex quo vel plane non extare libellum, vel albis cornis rariorem esse concludimus. Post hunc M. ANTONIVS BONCIARIVS, Perusinus (non vero Perusensis, ut habet GASSENDVS l. c.) in dialogo de antiqua philosophia, ANDREAS item ARNALDVVS aliique diligentissimo HEYMANNO aet. philos. Vol. II. p. 369 seqq.

vt bipedum nequissimus, et scelerum tantum non omnium sentina merito dicendus sit, si vera sint, quae ei obiciuntur. Quae adeo fama percrebuit, vt apud homines illiteratos etiam, quique vix nomen Epicuri fando perceperunt, scelestissimus quisque et humani atque diuini iuris, omnisque honestatis et religionis contemtor atque atheus prouerbiali locutione Epicureus audiat. Varia vero accusationum sunt capita, quae in tanti viri historia praetermitti sine examine non possunt. Grauiissimum vero quod Gargettio seni obicitur scelus, impietas est, idque vel propter doctrinam vel propter vitam. Quibusdam enim nullum plane numen credidisse visus est, preces vero et adorationes, quod ei exprobrat PLUTARCHVS^a, non vt quidpiam his indigens, sed prae multitudinis metu simulasse, vocesque contrarias iis, quas inter philosophandum ederet, pronuntiasse, cum reuera praeter atomos siue indiuidua corpuscula nihil, quod reuera existat, esse crederet. Alii Deos quidem serio statuisse concedunt, ob negatam tamen iis prouidentiam, et relegatos eos in extramundana spatia, sublatamque ita et spem et metum futuri vel praemii, vel poenae Deos ita infirmasse, et a mundi vel formandi vel regendi negotio ita remouisse, conqueruntur, vt non queat non inter numinis hostes referri. Quod eleganter SENECA^x, licet alibi fateatur, sancta eum praecipere et tristia, ei obiecit: *Tu Epicure, Deum inermem facis, omnia illi tela, omnem detraxisti potentiam, et ne cuiquam timendus esset, proiecisti illum extra metum: hunc igitur septum ingenti quodam et inexplicabili muro, disiunctumque a conspectu mortalium, non habes, quare verearis. Nulla illi nec tribuendi, nec nocendi materia est.* Alii doctrinam eius moralem culpant, et ob voluptatis patrocinium inter atheismi practicipatronos numerant, vitam doctrinae conformem impie egisse clamitantes. Quorum ex veteribus loca adduxere GASSENDVS^y et REIMMANNVS^z, recentiorum vero nomina indicavit HEVMANNVS^a. Additur his, tantam fuisse sectae Epicureae impudentiam, vt non erubuerit, magistrum ob conditum systema impium et sublatum omnem religionis metum et reuerentiam Deum dicere^b, et LVCRETIVS^c ausus fuerit scribere:

*Nam si, vt ipsa petit maiestas cognita rerum
Dicendum est, Deus ille fuit, Deus, inclute Memmi,
Qui princeps vitae rationem inuenit eam, quae
Nunc appellatur sapientia, quique per artem
In tam tranquillo, et tam clara luce locauit.*

Quinimmo, ipsius proprium fuerit, vt sese Deorum aequalem iactaret^d. Impietati adiungunt Epicuri obtrectatores malignitatem, duobus potissimum

enumerati, Epicuri causam egerunt, quos tamen omnes superauit GASSENDVS, iudice BAYLIO l.c. not. M. p. 372. qui alios quoque superioris seculi viros doctos laudat, qui pari labore apologiam Epicuri susceperunt, qui videndus.

a) Adu. Coleten l.c.

x) De benefic. L. IV. c. 19.

y) L. IV. c. I. p. 107 seqq.

z) Hist. ath. c. XXIX. p. 195.

a) Vol. II. Aët. phil. p. 650. Inter hos qui omnium vehementissime Epicurum premit, est SAM. PARCKERVS de Deo Disp. I. sect. XII seqq. p. 30 seqq. conf. REIMM. l.c.

b) PLUTARCH. l.c.

c) de rer. natura L. V. init.

d) PLUTARCH. l.c.

mun capitibus comprehensam, ingratitudine erga praeceptores, vana ingenii ostentatione et intolerabili animi superbia nixa, et maledicentia erga omnes philosophos; quibus omnibus se praeferri, turpissima ambitione anhelauerit. De priori §. antecedente dictis nihil adiciamus; Posterioris culpa reum praeter PLUTARCHVM eum agit CICERO^e, quod aduersus Pythagoram et Empedoclem dixerit, cum et contumeliosissime Aristotelem vexarit, Phaedoni Socratico turpissime maledixerit, Metrodori sodalis sui fratrem Timocratem, quia nescio quid in philosophia dissentiret, totis voluminibus conciderit. Quibus detorta in contumeliam philosophorum nomina, et appellationes odiosae adiiciuntur, et tamen eos nefando plagio expilasse infimulatur, malo, quod sequerentur sectatores et discipuli, exemplo, qualem Coloten fuisse PLUTARCHVS^f operose demonstrat, CICERO^g alios quoque eo nomine accusat. Imprimis autem turpissimae voluptatis reus cum cohorte discipulorum a veteribus peragitur, quorum criminationes ATHENAEVS^h et imprimis SVIDASⁱ diligenter collegerunt, quos secuti recentiores plerique vitam ei foedissimam, Bacchanalia, Lupercaliaque viuentem, et Heliogabali, Sardanapali, ac turpissimorum quorumcunque vita detestabiliorem exprobrant, et Epicuri hortum quasi lupanar infame fuisse crepitant, enumerantes, meretrices Epicureas Leontium, Themistam, Philaenida, Nicedium, Erotium, Hediam, Marmarium, Bodium, Phaedrium, philosophiae praetextu tantam contubernio Epicureo infamiam concilians, vt hortus Epicuri similis diceretur Circes Augiaeque stabulis, et communi prouerbio Epicuri de grege porci nominentur. Cui opprobrio vt color inducatur, Leontium, aiunt, Epicurum ad extremam vsque senectutem deperiisse^k, et exhaustis infami voluptatis commercio viribus morbum acerbissimum sibi accelerasse, adeoque ex choro philosophorum eiiciendum esse. Quin et hoc nomine amare traducitur Epicurus, quod disciplinas vniuerse oderit, et quod CICERO^l ait, *propterea nihil oleret ex Academia, nihil ex Lyceo, nihil e puerilibus quidem disciplinis, alios quoque ab iis deterruerit, grammaticam, poeticam, rhetoricam, dialecticam, artesque mathematicas contemserit*, quod liberalium disciplinarum odium graui oratione passim persequitur CICERO^m. Et hae quidem non vulgi tantum voces, sed virorum virtute et sapientia praestantissimorum, et maxima nominis celebritate inclytorum ἐγκλήματα sunt, haec Zeno et sancta eius secta, haec Cicero, Plutarchus, Galenus, haec ecclesiae christianae antistites pietate venerandi Lactantius, Clemens Alexandrinus, Ambrosiusⁿ, haec octodecim vno quasi ore secula ad repurgatas vsque literas clamant et obiiciunt. Quae si accusatorum numero defi-

e) De N. D. L. I. conf. GASSENDVS L. V. c. 3.

p. 135. f) l. c. g) l. c.

h) L. III. p. 101 seqq. L. VII. p. 278 seq. L. X. p. 546. conf. quos alios longo agmine adducit GASSENDVS L. VI. c. 1 seqq. p. 148 seqq. i) l. c.

k) LAERT. L. X. f. 8 seqq. GASSENDVS L. VII. c. 1-2, p. 167 seqq.

l) l. c.

m) De N. D. L. I. de fin. L. 1. II. Tusc. L. II. Ac. Qq. L. IV.

n) Loca eorum affert GASSENDVS L. III. c. 6. p. 96. Clementis plura adduximus in Germanico Hist. philos. opere P. IV. p. 1094. dicemusque de hoc argumento P. III.

*Examinan-
tur.*

definienda sunt, causa cadat Epicurus oportet. Nihil tamen hic auctoritatis praeiudicio dandum est, sed examinanda accusatio, excutienda testium fides, audiendi viri a partium studio alieni, inquirendum in causas inuectivarum in Epicurum, et tum demum distincte de singulis obiectorum criminum capitibus sententia dicenda est, qua via incedentes, honestiore fama dignum et meliori affectum animo Epicurum deprehendemus. Et quod primo quidem ad religionem Epicuri attinet, negari nequit, eum non solum publicum Atheniensium cultum animo contemnere debuisse secundum principia semel electa, sed Deum etiam a mundi huius fabrica vel constituenda vel conseruanda remouisse, cunctaque atomorum motui permisisse^o: qua ratione eum docuisset, infra, ubi de theologia eius differemus, luculenter probabimus. Nec negamus, grauiter ita impegisse Epicurum in doctrinam de Deo, eumque falso beatitatis diuinae et motus mechanici conceptu deceptum reddidisse, inermem et attributis primariis destitutum, nondum tamen inde sequi, quod aduersarii eius vrgent fustulisse eum numen ex rerum natura, quilibet videt, qui distincta atheismi notione utitur. De religione vero eius et opinione de Diis iudicaturum eius de hoc argumento doctrinam nosse oportet: quam cum infra, de philosophia Epicurea dicturi, explanaturi simus, hic quidem praeterimus, pauca tamen monenda sunt, quae rem luce perfundunt, et quid de religione Epicuri statuendum sit, clare, nisi fallimur, produnt. Scilicet ad inimicos Epicuri prouocamus, testes exceptione omni maiores. Inter hos CICERO^p est, nullo, ubi potest loco, Epicuro parcens, qui tamen refert, *scripsisse eum libros de sanctitate, itemque de pietate aduersus Deos, ita edito, quasi sacerdos scripsisset*. Qui porro, dum absurditatis convincere Epicurum satagit^q, quod *Deos ab hominibus colendos dicat, cum Dii non modo homines non colant, sed omnino nihil curent*, hoc ipso inter DEI cultores Epicurum fuisse concedit, sed tales, qui, vt SENECA^r eloquentem inducit, *Deum colunt nulla spe, nullo pretio inducti, sed propter maiestatem eximiam, supremamque naturam*. Hoc in atheum cadere non posse, nemo non videt. Contempsisse vero Epicurum supersticiosos ritus, et tamen simulate egisse, vt eos admisisse videretur, venia dignum esse putamus. Vt enim ineptam Graeciae de Diis sententiam impossibile erat non rideri a philosopho, ad mechanicas vniuersi leges solum attento, et animam mundi non cerebrinam tantum, sed et iniuriam in Deum, qua reliqui philosophi idolatriam cum suis systematibus conciliabant, reiicienti; ita tam irreconciliabile erat vatum in philosophos odium, tamque inexorabilis, quae sacra publica tuebatur, lex, vt non nisi mortis periculo liceret publicam religionem contemnere. Idem itaque fecit, quod alii quoque inter Graecos

^o) Esse viros doctos, qui contrarium sentientes hac quoque in parte Epicuri apologiam susceperunt, infra dicemus, et argumenta eorum excutiemus, nos haec concedimus, conuicti, ita Epicurum statuisse. Non enim institutum nostrum

poscit, philosophos purgare omnes, sed nudam veritatem historiae abiecto omni partium studio exponere.

^p) De nat. Deor. L. I. c. 41.

^q) ib. c. 8.

^r) De benefic. L. IV. c. 19.

cōs fecere philosophi, qui sacris quidem intererant ciuitatis, in auditoriis vero fraudes sacerdotum, et stultitiam religionis vulgi discipulis exponebant. Hoc et Epicurus fecit, metumque et superstitionem animis eiiciendo, puriore reuerentia Deos colere discipulos docebat. Nec alia mens verborum

LVCRETII^s:

*Quare religio pedibus subiecta vicissim
Obteritur, nos exaequat victoria coelo.*

Loquitur enim de religione, quam scelerosa et impia facta saepe peperisse, exemplis comprobatur. Ita quidem Epicurus non religionem omnem extorrem esse iussit, sed eam admisit, quam eius systema, Deos summa maiestate sine cura, sine labore constituens, requirebat: quam ea pietatis parte, quae ob poenas tantum et praemia Deum colit, esse praestantior, tot amoris puri apologetae, tuiti sunt. Cogitandum etiam Epicurum non cum Christiano doctore, sublimioribus luminibus instructo, sed cum reliquis philosophis comparandum esse, et meliorem fuisse hac in parte Aristotele, qui Deum suum primum motorem a mundi fabrica et providentia non minus remouit, speique et metui diuinorum nullum locum reliquit, nec ullam reuerentiam vel pietatem ei debitam praescripsit, et tamen per tot secula sine inuidia toleratus est. Multum vero pro Epicuri causa facit, quod a nemine ob doctrinarum impietatem usquam Athenis inter tot accusationes aduersariorum, in iudicium vocatus legatur, quod tamen Anaxagorae, Socrati, Aristoteli, Theodoro, Diagorae accidisse legimus. Nam quaecunque etiam inter systema eius et religionis publicae placita fuerit discordia, sequitur tamen inde, non docuisse tantum, sed vixisse quoque cum discipulis ita, ut impietatis suspicionem nemini excitarent: quod facile fieri potuit, si Deum propter maiestatem et excellentiam coluerunt. Expendi vero et hoc volumus, Epicurum ita de Diis statuendo cum physiologiam suam Stoicae opponeret, tolerabilius de Deo errasse, quam Stoicos, pantheismum plane impium introducentes, et tamen pro sancta secta habitos, licet fateamur, capitali errore vtrumque peccasse, Zenonem et Epicurum. Neque nos valde mouent, quae PARCKERVS^s, inuidiosa consequentia contra Epicurum vrget, infra expendenda: valde enim, certi sumus, corrumpi historiam philosophicam, si ex conclusionibus per consequentias quasdam ex philosophorum decretis elicitis de eorum opinionibus iudicamus. Quod vero Dei instar coluerint Epicurum a seclae, ex adductis locis probari non potest, quae aliud euincunt nihil, quam homines hos, de summa in perspicienda rerum natura sapientia magistri persuasos, eum supra humani ingenii conditionem extulisse, et similitudinem diuinitatis, sensu Epicureo^s, in eo quaesuisse: certe, quicquid in eo peccatum est, non Epicuro, sed ipsis auctoribustribuendum est. Quae de eius ambitione et contemptu ac ingratitudine erga philosophos, im-

primis

^s) Lib. VI. v. 80 seqq.

^s) l. c. p. 30 seqq.

tabant, alia huc pertinentia avert GASSEND. L. IV.

ⁿ) Deos enim suo modo hominibus similes pu-

c. 6. p. 121 seqq.

primis praeceptores, dicuntur, et maledicentiam arguunt, ea vna voce, postquam ista retulerat LAERTIVS*, refutat: *μηνύασι δὲ ἄνθρωποι, insaniant hi homines*, statimque ad humanitatem, pietatem, mansuetudinem viri optimi^y prouocat, vt demonstret, fuisse has calumnias Timocratis et Stoicorum. Quod vero systematis gloriam sibi vindicauit soli, in eo non magis peccauit quam Zeno, qui suffurando reliquis doctrinas miserumque centonem consuendo, alienis superbiuit plumis, nec ingratus magis est quam Plato et Aristoteles, qui cum a praeceptoribus multa acceperant, sibi systematis, adeoque totius aedificii rite exornati gloriam asseriebant. Alia non vrgemus copiose et erudite allata a GASSENDO^z, hoc vnum adlicentes, patere ex LVCRETIO^a, Democriti, a quo multa accepit philosophia Epicurea, venerabilem inter eos fuisse memoriam, qui Epicurum sequebantur. Ex quibus patet, discipulos quoque non minus, quam magistrum, iniuste criminatos fuisse obrectatores. Nulla vero in re magis calumnia frontem prodidit impudentissimam, quam in obiecta Epicuro gula et impura Venere. Aliud enim non Diocles tantum testatur, Epicuri epistolae loquuntur, Athenaei epigramma innuit, quos testes producit vitae maxima sobrietate et continentia actæ LAERTIVS^b, sed et ipsae obrectatorum confessiones euincunt, quas apud CICERONEM^c, PLVTARCHVM^d, SENECAM^e legent, qui vno Senecae loco supra adducto contenti non sunt. Incontinentiae vero et amoribus, quibus criminibus infimulatur Epicurus, vt taceamus corpus calculi doloribus impeditum, vnum ex Stoicorum censu Chrysippum opponimus, testem inter acerrimos Epicuri hostes maximum, quem, Epicurum erga mulieres *ἀναισθητὸν* dixisse, supra ex Stobaeo obseruauimus. Et quae quaeſo potuit regnare luxuria, qui irritari Veneris cupiditas, vbi prandium ne asse quidem constat, quod de Epicuro testatur SENECA^f, gloriante, *non toto asse se pasci, Metrodorum, qui nondum tantum profecerit, toto; et vbi summa voluptas est aqua et polenta aut frustum hordeacei panis?* Quibus et aliis de Epicuri frugalitate et sobrietate a se prolatis testimoniis opponit TH. GATAKERVS^g, Timocharis, vel Timocratis potius, narrationem, minam integram in victum diurnum quotidie impendere solitum, idque, putat ipsum alibi de se esse professum, certos vero, quod SENECA^h monet, *habuisse dies, quibus maligne famem exstingeret, visurus an aliquid deesset, ex plena vel consummata voluptate, vel quantum deesset, et an dignum, quod quis magno labore pensaret.* Verum si non bonam fidem, certe attentionem desideramus in viro alias optimo et in veterum lectione exercitatissimo, qui vero nimio erga Stoicos affectu in transuersum agi se passus est. Si enim totum, ad quem prouocat, locum LAERTIIⁱ vel legisset, vel adduxisset

a) Lib. X. f. 9.

y) Confirmat haec CICERO de fin. L. II. c. 25. 31. Tusc. Q. 9. L. II. c. 19.

z) Lib. V. c. 6. 7. p. 141 seqq.

a) Lib. III. v. 372. L. V. v. 621.

b) ibid. f. 12.

d) Adu. Colot. l. c.

e) Q. 9. Tusc. L. V.

f) Ep. 21. alia veterum loca collegit GASSENDVS L. VI. c. 3 p. 153.

g) Epist. 18.

h) In praefat. ad ANTONIN. de se ipso p. m. 7. ed. Lond.

i) l. c.

j) Lib. X. f. 7. vbi tamen Timocratis mentio non fit, res vero ipsa tangitur.

xisset etiam, patuisset ipsi et lectori, desumpta haec esse ex epistolis Epicuri ad Leontium, a Stoicis mala fide illi suppositis, et palpasset contradictionem, additur enim corpore adeo miserabiliter affectum fuisse, ut multis annis e sella surgere non potuerit, et hic tamen strenue Baccho Venerique litasse dicitur Stoicis, qui non recordabantur, cum haec ei assingerent, mendaces oportere esse memores. Certe Timocrates transfuga suspectae fidei testis est, nec vero dissimile, hominem apostatam a conuiujs solennioribus, quae more omnium fere philosophorum inter Athenienses Epicurus interdum instituit, et celebrari etiam post mortem iussit, occasionem calumniae arripuisse. Nec a scortorum, quae, hortos Epicuri frequentasse, negari non potest, conuersatione Epicurus incontinentiae accusari potest; ut enim supra docuimus, et animi inclinatione abhorruisse illum ab isto feminarum commercio, et corporis infirmitate fuisse inhabilem, ita recordari lectorem volumus, quod aliquoties monuimus, scorta Graeciae nobiliora elegantiorum literarum et philosophiae eruditionem admodum affectasse, et ideo celeberrimorum philosophorum frequentasse scholas^k, quorum tamen ideo castitas non nisi ab iniquissimis obrectatoribus in suspensionem adducta est, ut Socratis, Platonisque, virorum morum sanctitate venerabilium exemplo constat. Id cum Epicuro quoque factum sit, non magis illum suspectum reddit, quam ex philosophorum choro quemuis alium. Nec infamiae fidem facit Leontium, Metrodori concubina, hoc enim moribus Graeciae non erat contrarium vel inhonestum^l, sed ad contubernium Epicureum non pertinebat, in quo philosophiam tantum eo successu didicit, ut Theophrasto bellum indicare auderet, ut suo loco dictum. Nihil vero magis Epicuri in hac parte innocentiam probat, quam telum, quod in eum torfere aduersarii fortissimum, foedissimae illae epistolae, ex qua sentina tota calumniarum in Epicurum profluxit colluies. Obseruat enim LAERTIVS^m, Diotimum, (Theotimum vocat ATHENAEVS,) Stoicum infesto erga Epicurum animo quinquaginta lasciuas circumtulisse epistolas, veluti ab Epicuro scriptas, easque, quae Chrysippi ferebantur, veluti sub Epicuri nomine, in volumen congeffisse: refertque ATHENAEVSⁿ, ex Demetrio Magnete, Zenonem Sidonium detecta fraude, Theotimum in iudicium vocasse, eumque calumniae conuictum capitis poenas luisse. His itaque ex fontibus si accusationes aduersarii Epicuri hauserunt, quis vel mediocri attentione praeditus fidem illis dabit? et annon innocentiae et sanctitatis testimonium est, obrectatores ad istas fraudes confugisse, id non facturos, si vera ei obicienda inuenissent. Reiecisse Epicurum non omnes disciplinas, sed inutiles sui temporis nugas, in quibus Graecia senescebat, infra magis commode docerimus: hic vnus CICERONIS^o testimonio contenti erimus, quod rem

Sss sss s 2

pror-

^k) Ad faciendam fidem legenda MENAGII historia mulierum philosophantium. Nos plerisque haecenus suis locis inseruimus.

^l) Secundum Graeciae vero mores indicandum hic est, ad quod non attenderunt, qui cum Christiano

philosopho Epicurum comparantes, ἀταξίαν in eo tantum deprehenderunt: secundum hanc enim regulam ne Socrates quidem vitio caret.

^m) Lib. X. f. 3.

ⁿ) Lib. XIII. p. 611.

^o) De fin. L. I.

prorsus conficit. Ita vero eloquentissimus Tullius, satis alias in Epicurum acerbus: *Quod Epicurus parum tibi videtur eruditus, ea causa est, quod nullam eruditionem esse duxit, nisi quae beatæ vitæ disciplinam iuuaret: et paucis interpositis: Non ergo Epicurus ineruditus, sed ii indocti, qui quæ pueros didicisse turpe est, ea putent ad senectutem esse discenda.* In quibus Socratis potius discipulum, quam bonarum artium osorem agnoscas.

Causæ odii et calumniarum in Epicurum.

§. V. Mirari posset quispiam, qui factum sit, vt vir innocentis vitæ scelerisque purus tantis criminationibus diffamatus sit, nisi temporis, quo viuebat, circumstantiæ causas nobis expromerent apertissimas ^p. Inter eas primo merito loco ponimus nascentis vno tempore sectæ Stoicæ et Epicuræ æmulationem. Viuebant enim caputque extollebant eodem tempore Zeno, Stoicæ, et Epicurus, Epicuræ sectæ conditores, nempe circa Olymp. CXX, quamuis hic illo fuerit iunior, ast qui ante eum tamen fato functus est. Zenonis vero animi character, ingenii et temperamenti natura et inclinatio moresque in Cynica schola formati, quales fuerint, supra, *capite nono*, copiose enarrauimus, ostendimusque non natura tantum animo fuisse subtristi, melancholico et difficili, sed et Antisthenis educatione ad id philosophiæ genus adductum, quod naturam hominis non vincere tantum, sed excedere quoque, et rigidissima virtute humanitatem exuere tentabat. Quam disciplinam quamuis reliquisset, placebat ei tamen virtus Cynica, ad quam philosophiam, quam condebat, moralem viam quandam breuem esse cupiebat. Hinc considerata in abstracto virtus et sapientia, et nescio quæ consummata sapientis idea animo efficta, quam nec moralis hominis natura effingere, nec vero effectu tueri quisquam poterat. Cumque pleraque aliis philosophis suffurando subtraxisset, vt noua viderentur, termino immutauit loquendi, aliasque vocum et locutionum significationes et definitiones induxit, quæ licet parum noui exhiberent, paradoxam tamen, et inusitatam pollicebantur sapientiam. Ita vero Zeno ambitioni natura sua litans, et nomen et famam atque opinionem viri sancti et sapientis obtinebat, summoque in loco erat apud Athenienses. Quos vt philosophiæ *μετρωσιζοντι* eo melius assuesceret, rigidam virtutis ideam vita quoque et vestitu effingebat, sermonemque, vestitum, conuersationem, paraeneses ita attemperabat scopo, quem sibi fixerat, suo, vt et ipse, et qui eius exemplum sequebantur, Stoici inter sancta ingenia, quæ sola philosophorum nomine digna essent, connumerarentur. Quæ omnia cum supra luculentis veterum testimoniis probata dederimus, in præsentia pluribus non moramur. In omnia alia et contraria prorsus concedebat Epicurus. Is natura propius sanguineo accedens temperamento, cum educatione per varia hominum genera, quibus cum conuersandum ei fuerat, esset iactatus, humanis erat et societati maxime conuenientibus moribus, iucundus, facilis, et attrahendis animis valde idoneus.

^p) Elegantissimam eruditionem in his fuscè explicandis adhibuit GASSENDVS L. III. c. 1 seqq.

p. 79 seqq. conf. BAYLE Dict. l. c. not. N, p. 370 seqq.

neus 7. Non latebat hominem satis acute videntem meteorologia Stoica, quae plus poscebat ab homine, quam vel natura promittebat, vel permittebant vires, et plus verbis iactabat, et simulatione effingebat, quam praestabat re ipsa, et virtus haud fictae imagini respondebat. Nec fallebant hominem ad antagonistarum vitam moresque valde attentum Stoici, passim hypocriti affectata vehementer famam prostituentes, atque existimationem. Ad quem lapidem, ne et ipse impingeret, eui tandum, quod in aliis carpebat, ratus, et non admirationem magis, quam imitationem philosophia sua efficere tentans, ad temporum suorum genium humanique animi, naturalem, quam ubique in votis habent mortales, inclinationem, respexit, et philosophiam suam ei attemperauit. Cumque voluptatibus totam veluti immerfam videret Graeciam, et, philosophorum inanibus, quibus otiosa ingenia detinebant, disputationibus eam emendari minime, obseruaret, naturalem voluptatis rationem, humanis quasi impressam desideriiis finem totius, quam meditabatur, philosophiae esse iussit, qua et anima et corpus eo statu viget, quo dolore, aegritudine, et moerore vacuus homo, sibi met sufficiens contentus laetusque viuit, eamque vitae beatitatem consequitur, qua tranquillo animi reliquarumque partium, quibus constat, statu fruitur: ad quam *εὐθυμῶν* voluptatemque animi stantem, ut dicere solebat, Democritum quoque hominis reduxisse felicitatem *capite vndecimo* demonstrauimus. Hunc Epicuri finem fuisse in sequentibus pluribus demonstrabimus, et ipse *epistola ad Menoeceum* luculenter expressit 7. Ita vero sperabat fore, ut cum foedis corporis voluptatibus nihil ad beate vivendum se proficere, nec expleri desideria sua cernerent 7, virtutem, qua ista *εὐθυμία* paratur, sublata illa horrida et squalente, qua eum deformaue- rant Stoici, facie, amplecterentur, eam ipsam, quam tam anxie quaerit humanus animus, felicitatem, laetamque ac beatam in ea vitam inuenientes. Huic philosophiae nihil tricarum prodesse videbat Epicurus, quibus tanquam spinis pungebant, non satiabant Stoici, et ad hunc finem totam philosophiam reuocabat, reducta, quae in obliuionem venerat, magni Socratis regula, cuncta in disciplinis ad mentis emendationem et felicitatem esse reuocanda. Ut vero, quam in his nugis ceperat Graecia, iucunditatem euerteret, perspicuitatem verborum adhiuit, eaque fini certa descripsit axiomata, quibus et veritatem facile quis posset assequi, et contentiosas philosophorum strophas auertere. Magno hoc factum esse studii philosophici emolumento, cogitari facile potest. Nam ita inanes voces et sine mente soni, principia precario adsumpta, vel vaga et incerta, et spinosa atque difficilis subtilitas, Academicorum, Dialecticorum, Stoicorum, quae verum philosophiae usum in vanam loquacitatem et disputationem altercationes sine fine reciprocatas mutauerat, sicque difficillimum fecerat philosophiae laborem, eiiciebantur, et iuuenes docebantur ipsa natura et experientia duce

S s s s s s 3

7) Τὴν φιλανθρωπίαν πρὸς πάντας in eo vehementer laudat LAERT. L. X. f. 10. Ciceronis testimonium supra adduximus.

7) LAERT. L. X. f. 122 seqq.

5) Ideo reprehendebat Cyrenaicos, ut ex rata sententia decima apud LAERT. L. X. f. 142. patet.

philosophari, et fieri hoc quidem sensu, quo Heraclitus professus est, *αὐτὸν διδάσκειν*. Cumque proprie non minus, quam perspicue, omissa eloquentiae turgidae et alta petentis affectatione doceret, sicque facile intelligeretur, non potuit non philosophia eius magno applausu recipi, factumque inde est, ut ex aliis sectis multi ad eum, missis prioribus magistris, accederent, nemo, qui nomen ei dedisset, praeter vnum Timocratem, fratris Metrodori reprehensionibus exacerbatum, ab eo discederet vnquam, id quod pessime habuit reliquos philosophos, amare ideo Epicurum fugillantes. Neque tamen his contentus Epicurus, cum acriter contra eum Stoici insurgerent, magno animo illis restitit, insultus repressit, hypocrisis larvam detraxit, inanem et magna promittentem, nihil eorum vero praestantem philosophiam denu-davit. Quis non, sine enarratore, ex his coniiciet, Stoicos, superbum hominum genus, quod sibi soli placebat, seque omnibus praeferebat aliis, in furias actos et rabiem? quis miretur, homines, hos vindictae studio accensos omnia ausos esse, quaecunque ad detrahendam hosti tam formiabili famam et diminuendam fidem facere, dedecusque atque infamiam ei conciliare apta essent? Et haec primaria causa est, quae tot calumnias Epicuro peperit. Aliam obtulit ipsa Epicureae philosophiae natura et constitutio. Voluptate tanquam fine ultimo condidisse quasi acerbam sapientiae medicinam Epicurum, modo diximus. Hinc illae lachrymae, hinc illi clamores Stoicorum, quibus ad raum vsque Epicurum infamabant. Cum enim propudiosae, quae Graeciam omnem, et praecipue Athenas, occupauerat, voluptati, Cynicis praeceptis excitati et armati, bellum indixissent, ipsaque voluptatis doctrina Cyrenaicae sectae dogmatibus et indigna philosophorum multorum vita, vehementer iam esset suspecta, exoptatissima haec occasio fuit, invidiam Epicuro conflandi, eumque pro illius voluptatis magistro publice declarandi, quam bonus quisque, paululum e coeno vulgi emergens, si non facto et vita, verbis tamen execrabatur et oderat. Quod ut eo facilius crederetur, nec mendaciis parcebant, nec suspicionibus, et non vulgi tantum rumusculos captabant, sed et narratiunculas excogitabant, ut iucundas et curiosas Atheniensium aures demulcentes, ita Epicurum in foedae voluptatis suspicionem quam maxime adducentes. Id quod eo minore labore potuit fieri cum Epicurus et vitam ageret in hortis tranquillam et a turba remotam, hominibusque paucis innotesceret, et voluptates corporis, quatenus ad mentis tranquillitatem pertinent, et virtute parantur, non reiiceret: certe tam verisimile id fecere Stoici, ut apologiam pro se suaque philosophia facere Epicurus aliquoties opus haberet. Cumque his omnibus accederet longe alius, quam publica ciuitatis religio poscebat, de Diis conceptus, et doceret Epicurus vulgi de Deo opiniones esse falsas, tollereturque is omnem numinis circa res hominum curam, quam ad alterum extremum decur-

*) Percunctanti ex Arcefilao, cur ex disciplinis aliis plerique ad sectam Epicuream transirent, ex Epicureis vero nullus ad aliam se sectam conferret, respondit Arcefilaus: quia ex viris quidem

galli sunt, ex gallis vero viri nunquam LAERT. L. IV. f. 43. alludens ad Gallos sacerdotes Cybeles exsectos et effeminatos.

**) IDEM L. X. f. 123.

decurrentes Stoici ad fatalem vsque necessitatem extendebant, pietas ita quoque Epicuri a Stoicis culpata totam voluptatis doctrinam mirum in modum fecit suspectam et exosam. His artibus vsa superstitio et fraus, quem rationibus philosophicis non poterat, calumniis aggrediebatur, et fictis etiam ac propudiosis audacium ingeniorum fabulis opprimere tentabat, qua ratione Diotimum epistolas spurcissimas supposuisse Epicuro supra notauimus, et Cleanthem, Chrysippum, Timonem, huiusque generis alios fecisse vetus tradit historia*. Negari tamen nequit, abusum doctrinae moralis Epicureae, qua homines foedæ voluptati litantes patrocinium licentiae quaesiuere, contulisse multum, vt infamia illa in ipsam deuolueretur Epicuri philosophiam, quales Alcaeam et Philiscum, Epicureos fuisse, a Romanis vrbe eiectos, eo quod multarum flagitiosarumque libidinum auctores essent adolescentibus, AELIANVS⁷ narrat. In his culpa quidem Epicurum non premebat, qui sancta praecipiebat; hi enim, recte monente SENECA², *non ab Epicuro impulsæ luxuriabantur, sed vitiis dediti luxuriam suam in philosophiae sinu abscondebant, et eo concurrebant, vbi audiebant, laudari voluptatem; nec aestimabant illam voluptatem Epicuri, quae sobria et secunda esset, sed ad nomen ipsum aduolabant, quaerentes libidinibus suis patrocinium aliquod ac velamentum*: sed hoc aduersarii, et vulgus rerum non satis intelligens ipsi postea Epicuri philosophiae, tanquam turpissimae voluptatis magistrae, adscripsit. Haec circa ipsam Epicuri aetatem enata, cum indies Stoicorum numerus et auctoritas apud plebem cresceret, non potuere non successu temporis, fabulis et narratiunculis et vulgi et Stoicorum, ubique Epicureos vellicantium incrementa capere, et in publicam tandem degenerare traditionem: qua tanquam torrente abrepti viri quidam graues, sed ab Epicurea philosophia alieniores, Cicero, Plutarchus, Galenus³, et ex Patribus ecclesiae haud pauci, male de Epicuro sentire coeperunt, licet tanta fuerit apud eos interdum veritatis vis, vt contraria de eo testari non omitterent, et quae contra eum dixere, ex communi magis hominum opinione et rumore vulgi, quam ex rei veritate dicta esse proderent, certe sibi haud semel contradicerent, sicque saepius fidem suam euerterent. Addi hic merito debet poetarum et comicorum licentia, quibus solenne fuit mordaci stilo philosophorum famam confodere, quique aegre ferebant, artes suas tanquam inanes in Epicuri hortis traduci. Cum itaque impune in theatro mentiendi et calumniandi licentia gauderent, Epicurum, vulgi et Stoico-

rum

* Cleanthem Epicuri voluptatem virtuti imperantem ita imagine depicta traduxisse refert CICERO de fin. L. II. Chrysippum similia in Epicurum ausum Oenomaus tradit apud EYSEB. praep. L. VI. c. 6. Timonis Sillographi satyrae in Epicurum fragmentum exhibet ATHENAEVS L. VII. p. 279. Ne Epicurum ab hoc sectae suae assensu liberum fuisse ex AERTIO L. X. et ARRIANO L. II. c. 20. palam est. Ita Philaenidi quoque feminae Epicureae caste et sancte viuendi foedum carmen supposuit Polycrates sophista, eique adscripsit Chrysippus, vt diffamaret disciplinam Epicuream, vid.

ATHEN. L. VIII. p. 335. ita etiam cum Archestrati gastronomia Epicureis tributa euenisse idem prodit L. III. p. 101. Perperam itaque negat PARKERVS de Deo Disp. I. sect. 14 p. 34. esse aliud exemplum librorum Epicuro suppositorum, praeter Diotimi epistolas.

7) Lib. IX. c. 12. conf. CICERO orat. in Pison.

2) De vita beata c. 12.

3) Loca eorum habet apud GASSENDVM c. VI. p. 96 seqq. quibus ex dictis causis parum lucratus PARKERVS l. c. p. 36 seqq.

rum dicteriis satis iam per Graecum et Romanum orbem diffamatum convitiis et dicteriis laceffere, et de eo tanquam nequissimo hominum turpia quaevis comminisci non erubuerunt^b: quibus sophistae et rhetores, qui inimicum habebant Epicurum, inanem loquacitatem exhibilantem, auxilia ferebant, et eloquentiam in Epicuro traducendo exercebant. Mirum itaque videri debet nemini, Epicurum, quem dignam philosopho vitam duxisse supra euicimus, tantam per tot secula infamiam meruisse, et innocentiam calumniae ad tempus succubuisse. Viderunt tamen hoc viri perspicaces et magni quoque, qui alia longe in Epicuri philosophia deprehendentes, dignitati, ingenio, et auctoritati suae, quae longe maxima fuit, non indecorum existimauerunt, ei nomen dare, dabimusque in sequenti huius historiae parte numerum virorum summorum apud Romanos, quibus Epicurea philosophia prae aliis sectis placuit, licet apud popellum infamis esset, et tanquam scelerum sentina traduceretur.

Amici et sectatores.

Metrodorus.

§. VI. Minime tamen impediuit tanta, qua Epicurum persequeretur secta Stoica, invidia, quo minus non amicis tantum gauderet plurimis, sed et discipulos et sectatores nancisceretur plures, quam odium Stoicorum ferre poterat. Philosophabantur autem cum eo tres fratres, Neocles. Chae- redemus et Aristobulus^c, otio philosophico in horto fratris toti dediti^d, eiusque beneficentia sustentati^e. Ex familiaribus imprimis Metrodorus Polyaenus et Hermachus, Mus etiam, seruus eius, eminuerunt. Et METRODORVS quidem, si plerosque audias, Lampfacenus^f, secundum aliquos^g Atheniensis fuit, qui sine dubio in eius notitiam venit, cum Lampfaci moram Epicurus ageret. Leontium concubinam aluisse supra monuimus, certe liberos suscepit, quorum curam Idomeneo moribundus commendauit Epicurus, cum is ante hunc satis concessisset, LIII annos natus^h. Nunquam vero, ex quo in Epicuri venerat notitiam, ab eo discessit, nisi sex menses, quibus cum domi abfuisset, ad Epicurum reuersus estⁱ. Tantaque felicitate Epicuri philosophiam affecutus est, vt non tantum alter paene Epicurus Ciceroni audiat, sed LAERTIVS^k quoque testetur, morum placidissimorum bonitate et intrepido contra molestias mortemque ipsam fuisse animo, qui libros quoque enumerat, quibus aduersus sophistas, dialecticos, et Democritum etiam insurrexit^l. Valde in eum linguae calamique frena laxarunt, qui Epicuri scholam criminati sunt, ex quibus CICERO^m hunc Epicuri collegam sapientiae multa impudentiora recitasse, ait, accusare enim fratrem

^b) Exempla eius sunt apud ATHENAEVM L. III. p. 103. L. VII. p. 173.

^c) LAERT. L. X. f. 10.

^d) Hinc illud Neoclis *ἄδης βίωσας* teste SVIDA in Neocle T. II. p. 608. quod singulari dissertatione impugnauit PLVT.

^e) LAERT. l. c.

^f) STRABO L. XIII. Alius est ab illo Anaxagorae familiaris, cuius meminit LAERT. L. II. f. 11.

^g) CONSIVS Hist. phil. L. I. c. 20. p. 109. qui Lampfacenum dici a mora putat. Res ad locum

LAERTII L. X. f. 22. redit, vbi post Metrodorum, Stephani editio legit *Ἀθηναίων*. Meibomiana τὸν *Ἀθηναίων*, quod peculiare Athenaei nomen notat, et alium a Metrodoro distinctum indicat, conf. MENAG. MEIBOM. ad h. l. GASSENDVS l. c.

^h) LAERT. f. 19. 23. Idomeneus vero sororem Metrodori Baridem in coniugio habuerat.

ⁱ) ibid. f. 22.

^k) f. 19.

^l) Conf. GASSEND. l. c. IONS. l. c. FABRIC. Bibl. Gr. Vol. II. p. 812.

^m) Tusc. Qq. L. III.

fratrem suum Timocratem Metrodorum, quod dubitet omnia, quae ad beatam vitam pertineant, ventre metiri; et PLUTARCHVS^o obiicit, scripsisse ad Timocratem: *nihil attinet, o Timocrates, Graecos seruire, et sapientiae ergo coronas ab iis reportare, sed comedere ac potare vinum, quantum et non noceat, et gratum sit ventri.* Quae tanta videntur Oxoniensi episcopo^o, valde in Epicurum odio accenso, ut qui talia scribere non erubescant, non opus habere dicat, ut iis commentis et fabulis infamia creetur, cum ad libros prouocent Cicero et Plutarchus, probarique nequeat, ficta ea monumenta fuisse, quibus nituntur. Quae etsi magno ardore prosequitur eloquentissimus praeful, facile tamen ex iis possunt retundi, quae supra de similibus, quae in Epicurum dictae sunt, criminationibus monuimus. Vnum hoc totum argumentum vi sua spoliatur, cuncta redire ad Timocratem, Metrodori fratrem, offensa eius permotum, ut sectam relinqueret, qui in libro *de laetitia* mysticam illam synagogam, siue arcana conuenticula nocturnasque illas philosophandi consuetudines perferre se non potuisse, taliaque potissimum de fratre et praeceptore scripserat^o. Ast quis apostatae, quis inimici fide stabit? quis fratrem criminantem aequus audiet? quem innocentissima quaeque in fratris odium vertisse facile probari potest^o. Ceterum cum aliis Metrodoris, praesertim Stratonicensi, qui ex Epicuri secta ad Carneadem, humanitate et beneuolentia eius inuitatus defecit, confundendus non est, quem Epicuro fecisse coaeuum, indeque Carneadem quoque Epicuri tempore viuentem asseruisse FOVCHERIVM, fundamento et veritate destitutum, supra *capitis sexti sectione tertia* monuimus^o. Alter Polyaeus Athenodori filius, ipse quoque Lampfacenus, a Polyaeus. Philodemo apud LAERTIVM^o laudatur tanquam modestus et amabilis, quibus potissimum moribus Epicurei se commendabant, magnum vero mathematicum fuisse, CICERO^o testatur. Hermachus Agemarchi filius, Mytilenaeus fuit, paupere patre natus, sed quem ex rhetorum scholis abductum tanta felicitate praeceptis philosophiae suae imbuit Epicurus, ut ipsum moriens scholae suae praefecerit^o: qui quam carum eum habuerit, in testamento prodidit. Scripsit is *aduersus Platonem*, itemque *aduersus Aristotelem*, et *epistolica XXII. de Empedocle*^o, aitque LAERTIVS^o, libros eius fuisse pulcherrimos. Mus seruus fuit Epicuri, testamento tamen eius libertate Mus. dona-

^o) Adu. Colot. l. c.

^o) l. c. seq. XIV. p. 37.

^o) LAERT. l. 6.

^o) Criminatur Timocrates contubernium Epicureum, bis in die ibi nimis delictis solutos vomere solitos fuisse, apud LAERT. l. c. sed maledicentiam hominis, ansam ex alia longe occasione calumniae querentis, prodit CELSUS de re med. l. III. c. 21. qui refert, Metrodorum, aquae intercutis morbo tentatum, cum sitim necessariam aequo animo non ferret, ubi diu abstinisset, bibere solitum, ac deinde euomere. Hic via aliae quoque calumniae contra Epicureos enatae sunt.

^o) Locus LAERTII l. X. l. 9. ab interprete ma-

le intellectus, seduxit viros doctos, ut contra temporum rationes Metrodorum hunc Epicuro coaeuum facerent, nec satis his difficultatibus se expediuit GASSENDVS l. IV. c. 8 p. 127. MENAG. ad l. c. Laert. l. 6. de Script. hist. phil. l. IV p. 350. Recte vero vidit P. BAYLE Dict. l. c. not. D. p. 365. verba Laertii non ad Epicurum, sed ad Carneadem referenda esse, quem humanitate omnibus praestitisse l. c. docuimus.

^o) LAERT. l. 24.

^o) Acad. Q. 9. l. 4. c. 33.

^o) LAERT. l. 25.

^o) ibid. l. 6. c. 1. p. 109.

^o) l. c.

donatus, quem inter illos, qui cum Epicuro philosophati sunt, celeberrimum fuisse LAERTIVS^z docet. Recte itaque inter seruos refertur, qui philosophi euasere, a GELLIO^a et MACROBIO^b. Praeter hos magna familiaritate Epicuro iuncti erant Leonteus Lampfacenus, quem vnum ex summis Epicuri discipulis PLVTARCHVS^c appellat; Colotes item PLVTARCHI potissimum libris impugnatus, qui tamen diuersus videtur a Colote Lampfaceno, quem Menedemum Cynicum praeceptorem habuisse refert LAERTIVS^d: tum Idomeneus, *a vita speciosa, vt scribit SENECA^e, ab Epicuro ad fidelem stabilemque gloriam reuocatus, rigidae tunc potentiae minister et magna tractans*; ad quem scriptas literas exhibet LAERTIVS^f.

Timocrates.

Alios in testamento Epicuri nominatos silentio praeterimus. Timocratem vero Metrodori fratrem scholam reliquisse et infamasse, iam diximus, tantaque fuit inter vtrumque fratrem discordia, vt et scriptis inter se certasse veteres tradant^g. Pollicem itaque premere non possumus, viris doctissimis et in historia veterum literaria exercitatissimis, IO. IONSI^o et IO. ALB. FABRICIOⁱ, qui Timocratem, Demetrii filium, Potamonium, quem in testamento haeredem scripsit Epicurus^k, eundem putant, cum Timocrate Metrodori fratre. Vt enim LAERTII testimonio constat, viuo adhuc Epicuro a schola defecisse hunc Timocratem^l, et adducti testes referant, ipsum fratrem contra eum scripsisse, quod etiam ex loco Ciceronis supra laudato manifestum est, recte inde inferitur, alium esse Timocratem, quem praecipuum scholae conseruatorem cum Hermacho et Amynomacho constituit Epicurus. Quae licet viderit Ionsius, omnia tamen subuertit, et contra diserta, quae ipse laudauerat, veterum testimonia, Timocratem non fuisse *μεταδέμενον*, contendit, vt euincere queat, Metrodorum fuisse Atheniensem, quia hic Timocrates Atheniensis fuit. Quod argumentum merito inuertimus, indeque, quod diuersi hi duo Timocrates fuerint, recte dici Metrodorum a Cicerone et Strabone Lampfacenum, concludimus^m.

Feminae Epicureae.

Ex feminis, quae more Graeciae hanc sectam secutae sunt, Leontium nobis enarranda est Metrodori concubinaⁿ, Themista item Leontei coniux et Philaenis mulier commendatissimorum morum. Non vero viuis tantum

Cultus Epicuri post mortem.

discipulis carissimus Epicurus fuit, cuius conuictu, contubernio, institutione, singularique cura, ita gauisi sunt, vt moriens quoque testamento caueret, vt quotquot secum in philosophiae studium incubuerint, atque res suas

^z) f. 10.

^b) Saturnal. L. I, c. 12.

^c) l. c.

^e) Epist. II.

^g) CICERO L. I. de N. D. LAERT. L. X. f. 25.

PLVT. quod non possit suau, viui sec, Epic. PROCLVS in Hesiod, conf. IONS, de S. H. philos. L. I. c. 20. p. 109.

^b) l. c.

ⁱ) l. c.

^a) l. c. c. 12.

^d) Lib. VI. f. 102.

^f) Lib. X. f. 22.

^k) LAERT. f. 16.

^l) Cum enim Metrodorus contra fratrem scripserit, ille vero ante Epicurum satis functus sit, oportet eum ab Epicuro adhuc viuo defecisse.

^m) Distinguendus itaque Timocrates Lampfa-

cenus a Timocrate Atheniensi, et patria et sectae constantia. Quod ni fiat, multa obscura erunt et turbata in Laërtii historia. Id quod praetermisisse Gassendum miramur.

ⁿ) Dabunt, quae ad huius meretricis historiam pertinent BAYLE Dict. T. III. art. Leontium p. 93. MENAG. Hist. mul. philos. §. 70. et ad LAERT. L. X. f. 4. GASSEND. l. c. L. VII. c. 2. p. 169 seq. c. 5. p. 173. seq. c. 6. p. 132. et T. VI. Opp. p. 128. FABRIC. l. c. p. 817. Habuit filiam Danaë matri vestigia strenue prementem, de qua videndus ATHENAEVS L. XI l. p. 593. scripsisse contra Theophrastum, suo loco indicaui.

suas in communem vsum contulerint, omnemque alacritatem ostendentes secum in philosophiae studiis consenuerint, nulla re, quae ad vitam necessaria est, egeant *: sed et viuis erepti sanctissimam atque carissimam habere memoriam. Quam vt decenti ratione colerent, statos dies ac ceremonias testamento ab ipso Epicuro cautas studiosissime obseruarunt, et quod PLINIVS ^p testatur, natali eius vigesima luna sacrificarunt, feriasque omni mense custodierunt, quas Icadas vocarunt. Quas tanquam luxu celebratas et voluptatibus, criminatur, vt solet, ATHENAEVS ^q, non magis tamen fidem meritis, quam vbi Platonica conuiuia traducit. Inde apud Graecos nomen εἰκασίων Epicureis tributum, quod ἀπὸ τῆς εἰκίδος, siue imagine Epicuri conseruata inter eos minus verisimiliter alii deriuant ^r. Habuisse vero Epicuri imaginem in poculis et annulis, inque tabulis, et per cubicula gestasse, ac circumtulisse secum Epicureos, CICERO ^s atque PLINIVS ^t testes sunt. Adeo etiam magistri inhaesere auctoritati, vt, cum moriens suos monuisset, essent placitorum suorum memores, CICERONE ^u auctore, omnes ad verbum ediscerent ratas sententias, essent etiam ^x, qui dogmata omnia memoria tenerent. Arbitrabantur enim, vt ait Torquatus ^y, *eum vnum vidisse verum, maximisque erroribus hominum animos liberauissē, et omnia tradidissē, quae pertinerent ad bene beateque viuendum*, quale de Epicuri meritis iudicium passim magnificis verbis exprimit LVCRETIVS ^z. Admiratione quoque dignum est, successores et asseclas Epicuri tanta amoris et concordiae conspiratione consensisse, vt nec vlla inter eos per multa, quibus schola durauit, secula dissensio obseruaretur, et moriente SENECA ^a, *apud eos, quicquid diceret Hermachus, quicquid Metrodorus, ad vnum referretur; omnia quae quisquam in illo contubernio locutus esset, vnius ductu et auspiciis dicta viderentur*, vel quod THEMISTIVS ^b testatur, *ea, quae Epicuro placuerunt, vt quaedam Solonis vel Lycurgi leges, ab omnibus Epicureis seruariantur*. Proditque Numenius apud EVSEBIUM ^c, *adeo nulla in re eos ab Epicuro dissensisse, quae digna quidem sit memoratu, vt delictum potius apud eos fuerit, et impietas ac damnandum piaculum, si quippiam fuerit innouatum, sic vt Epicuri institutum reipublicae cuiuspiam verae germanaeque similis sit, vbi seditione omni remota, vna mens communis, vna moderatur sententia*. Nec male in hanc doctrinae morumque concordiam Numenius causam coniicit conseruatae ad sua vsque tempora sectae Epicureae, quam ad illam vsque durasse aetatem, qua gentilis philosophia, suppressa a Platonis et Aristotelis disciplina inter Christianos regnante, tota tandem sub Imperatoribus Christianis periit ^d, infra dicemus.

T t t t t t 2

§. VII.

*) LAERT. L. X. c. 21.

p) Lib. XXXV. c. 2.

q) Lib. IV. p. 132.

r) Apud STANLEIVM P. XII. p. 944.

s) De finib. L. V. c. 1.

t) l. c. conf. Otium Vindel. Mel. III. §. 8.

p. 273 seqq. u) De finib. L. II. c. 7.

x) Qq. Acad. L. IV. c. 33. Id imprimis Scyroni ad-

scribitur, qui et Siron vocatur. vid. SERV. ad Eclog. IV. VIRGILII.

y) Apud CICER. de fin. L. I. c. 8.

z) Initio libri III. et VI.

a) Epist. 33.

b) Orat. IV.

c) Praep. eu. L. XIV. c. 5. p. 727.

d) Dicetur hac de re infra.

Observationes
generales de
philosophia
Epicuri.

§. VII. Haecenus vitae Epicuri condidimus historiam, sequitur consideratio philosophiae eius, quam utinam totam ex Epicuri libris liceret addiscere, quos deperditos esse fere omnes, supra dolumus. Gratias tamen debemus LAERTIO, qui tres nobis eius epistolas, Epicureae philosophiae summam comprehendentes, seruauit et ratas eius adiecit sententias; in quas scriptorum Epicureorum reliquias nemo luculentius scripsit ex veteribus LVCRETIO, de quo tamen ad Romanorum philosophiam delatis erit agendum. Ex recentioribus, quorum nobis catalogum dedit diligentissimus HERMANNVS ^e, omnes praestinxit *stellas exortus uti aethereus sol*, quod de Epicuro canit LVCRETIVS, doctissimus GASSENDVS, qui in *Commentario in librum decimum Laërtii*, et quod iis observationibus innititur, *synagmate philosophiae Epicureae* ^f, vniuersam hanc philosophandi rationem explicuit, illustrauit, defendit, suppleuit, et ubi opus erat, emendauit. Quem licet transuerso ob hoc oculo intueantur IAC. THOMASIVS ^g, HERMANNVS CONRINGIVS ^h et IO. IONSVS ⁱ, manebit tamen incomparabilem virum gloria, quod omnium optime maximoque ingenio et eruditione in hac palaestra versatus sit. Nos eius vestigiis, consultis tamen, more haecenus obseruato, fontibus, qui haberi possunt, ipsis insitemus, praemissis obseruationibus quibusdam generalibus, ut de indole, occasione causisque philosophiae Epicureae eo melius ac certius lector iudicare queat. Et quidem

I. Recordandum, quod in antecedentibus iam monuimus, iis potissimum vixisse Epicurum temporibus, quibus circa elegantiores disciplinas, imprimis grammaticam, poëticam, rhetoricam, maxime vero circa dialecticam infano studio occupata fuit Graecia, totumque in iis tempus ita consumsit, ut parum vel nihil ad parandam et tuendam felicitatem esset reliquum. Quam in his elementis consenscendi insaniam castigare post praceptorem coeperat schola Socratica, sed frustraneo conatu, relabentibus ad pristinas nugas potioribus eius discipulis. Plerique etiam, qui circa encyclicas versabantur disciplinas, ingenia istis non praeparabant, sed detinebant, et, quod eleganter SENECA ^k monet, ista liberalium artium confectatio molestos, verbosos, intempestiuos, sibi placentes faciebat, et ideo non discen-tes necessaria, quia superuacanea didicerant: quo non poterat non vera felicitas impediri et philosophiae studium sufflaminari, quo minus ad efficiendam veram mentis tranquillitatem esset idonea. Hos scopulos euitandos sibi obseruabat Epicurus, adeoque non ad illas amandabat discipulos, sed recta via ad philosophiae adyta ducebat, quod non exiguam ei peperit, uti dictum, calumniam ^l. Quoniam tamen probe nouerat vim seculi sui, torrentis instar iuuenum animos abripientis, ne hi, qui encyclicis literis toti detinebantur,

^e) Act. philos. Vol. II, p. 643.

^f) Vt in nostra editione Amstel. 1684. 4.

^g) De exult. mundi Stoica §. 6 p. 6.

^h) Conringian. p. 65.

ⁱ) De Script. hist. phil. L. IV. p. 513. qui vero pro-

dit, cur tantopere displiceat Gassendus, nempe ob grauiter castigatum Aristotelem in exercitationibus paradoxicis. ^k) Epist. 88.

^l) Consulendus pluribus de his GASSENDVS de vit. Epic. L. VIII. toto.

bantur, philosophiae praeceptis carerent, scripsit epitomas in gratiam eorum, qui encyclicarum literarum studiis profundius essent immerſi: vt ſcilicet aliqua tamen meliorum tingerentur notitia ^m.

II. Non obliuiſcendum etiam, quod ex tota, quam haſtenus explanaui-
mus, Graecanicae philoſophiae hiſtoria ſatis notum eſſe putamus, vehe-
menter inter ſe tum temporis digladiatas fuiſſe ſectas, eas imprimis, quae ex
Socratis ſchola progreſſae maximam apud alios famam erant conſecutae.
Quae cum hypotheſibus, plerumque precariis, et male conſarcinatis vete-
rum doctrinis aſſumptis contra oppugnantium inſultus, Dialecticorum prae-
cipue et Academicorum tueri ſe non poſſent, occaſionem quidem dedere
Pyrrhoni, magnam illam nihil credendi ſtatuendique artem introducendi,
Academicorum telis ſatis deſenſam: quam vero viam quia ad reſtituendam
animi tranquillitatem inutilem videbat Epicurus, aliam ingreſſus eſt, et
naturam hominis atque principia ſenſibus et rationi magis patentia ſe-
quendo, nouum ſyſtema condidit.

III. Nulla vero hiſtoriae Epicuri circumſtantia maiorem in eius ſyſte-
ma influxum praefiſtitit, quam probata in antecedentibus aemulatio inter Epi-
curum et Zenonem, id quod vtriusque philoſophi ſyſtema comparando ſit
maniſeſtiſſimum. Stoici philoſophiae ambitum valde extendebant, et quod
ſuo loco vidimus, grammaticam et rhetoricam partem eſſe philoſophiae iu-
bebant, hiſque tricis vitam conſumentes, grauiora ſaepe negligebant: Epi-
curus e contrario nihil ex iſtis diſciplinis admittebat, niſi quod beatae vitae
diſciplinam iuuaret, reliquorum ſtudiorum nullum in bonis numerabat,
quod ad aemulandum exhibat. Stoici adeo dialecticis tricis detinebantur, vt cauilla-
tiones eorum in prouerbum abirent: Epicurus iis canonicam ſuam oppo-
ſuit, paucaeque illa, quae ad perſpicuitatem cum ſermonis, tum ratiocinatio-
nis requirebantur, ad breues regulas reuocando, inani Stoicorum loquaci-
tati efficax parauit antidotum. Stoici Deum admittebant, animam mundi,
eum vero per vniuerſam naturam diſfuſum diſcerpebant, et in partes ire
cogebant: Epicurus in phyſiologia omiſſis principiis ſpiritualibus omnia ad
atomos et inane reuocabat. Illi neceſſarium inter cauſam agentem et patien-
tem vinculum comminiſcebantur, quo aliud euenire non poterat; hic for-
tuito atomorum motui et concurſui omnia tribuebat. Cumque Stoici iſta
neceſſitate phyſica et Deum et homines libertate priuarent, et prouiden-
tiam, quam crepabant, corrumpere miſere; Epicurus abſurdam doctri-
nam euitaturus, adeo neceſſitatem iſtam refugiebat, vt non tantum omnem
e ſyſtemate ſuo prouidentiam eiiceret, ſed et neceſſariam iſtam atomorum
commotionem, quam Democritus ſtatuerat, procul eſſe iuberet. Stoici vir-
tutis perfectionem in ſimilitudine animi cum vniuerſo, et ἀπαθεία, motus
omnes voluntatis ſupprimente, quaerebant; Epicurus haec inania et infana
eſſe

Ttt ttt t 3

m) Ita ad Pythoclem apud LAERT. L. X. ſ. 85.
ſcripſiſſe ſe eum tractatum emolumento futurum
iis, τοῖς νεωστὶ φυσιολογίας γησὶς γιγνομένοις, καὶ

τοῖς εἰς ἀσυχολίας βαθυτέρας τῶν ἐγκυκλίων τιπὸς
ἐμπλεγεμένοις.

n) SENECA ep. 21.

esse videns, primum voluntatis motum ad tranquillitatem et laetitiam tendentem ad virtutem et beatam vitam maxime ducem eligebat. Alia breuitatis causa tacemus, cum haec satis euidenter probent, in primariis philosophiae capitibus oppositum inter se fuisse Epicureae et Stoicae sectae systema: quorum hoc meteoris magnis et inanibus impossibilia promittebat, illud humanis votis viribusque non maiora exhibebat, et felicitatem mentis praestabat magis, quam spondebat.

IV. Ex dictis quoque clarum est, Epicurum, voluptatem finem constituentem philosophiae, dum se Graeciae tum viuentis moribus attemperabat, inueterato malo medicinam quaesivisse, non amore execrabilem, sed iucundam aspectu et auro quasi obductam, ut admissa semel praecepta sapientiae, dum voluptates promittunt, spe mala inductis, qui velamentum se ipsos suorum vitiorum habituros existimabant, probarent, quocumque ierint, honeste esse viuendum, quod *SENECAM* ^o monuisse, in praecedentibus diximus. Intelligendus ita Epicurus aliter haud est, quam scopus eius constitutusque philosophiae finis poscit.

V. Porro et hoc obseruandum, abhorruisse Epicurum a principiis et dogmatibus vel precario assumtis, vel obscuris, incertis, vagisque, qualia pleraeque tunc sectae adhibebant; ducemque naturam et experientiam elegisse, sensuum iudicio admissio.

VI. Sed et cautos nos esse debere in perquirenda Epicuri doctrina, fata et controuersiae, quibus pressa fuit schola Epicurea, scripta ei falso tributa, consequentiae odii et inuidiae causa ex eius decretis elicatae, peruersa eius sententia a malis quibusdam discipulis, non satis admonent: ad quae si recte attendissent, qui toties in Epicurum declamauerunt, parcius tantas criminationes in eum coniecissent.

VII. Valde itaque prius examinandum est, quid Epicurus scripserit, unde desumpta sint testimonia quibusue auctoribus edita, cogitandumque, multa, amissis scriptis, fragmenta esse, Epicuri dogmata referentia, de quorum connexionem veroque sensum, iam iudicare non licet. Quae cum plerumque aduersarii Epicuri in scriptis suis attulerint, facile inde iudicari potest, ex illis de Epicuri mente sententiam aliter ferri non posse, quam totius systematis postulat connexio et habitus. Quae si recte obseruentur, multa tolerabilius prodibunt in Epicuri philosophia habitu, quae execrata est per multa secula tota philosophantium natio.

Epicuri doctrina de

§. VIII. His praemissis, iam, quid tam de philosophia in genere, quam de rationali, naturali et morali eius parte visum sit Epicuro, dispiciendum est. Vbi vero duo praemonenda sunt, recte a *GASSENDO* ^p iam monita; nempe, et seriem eam quidem exhibendam esse, quae non aliena sit ab Epicuri methodo, neque tamen habeatur illi adeo scrupulose illigata, ut non, sicut ipse Epicurus ordinem eundem in eadem re pertractanda non tenuit, et *Lucretius* quoque non illum absque immutatione seruauit, eadem libertate,

^o) loc. cit.

^p) Praef. ad syntagma philos. Epic.

tate, disponantur pleraque, ut magis videbitur esse commodum. Deinde, ipsi Epicuro attribuendum esse, si quid dictum a Metrodoro, Hermacho, Colote, alioque quopiam ex illius sectatoribus, cum supra observatum sit, omnia, quae quisquam in illo contubernio locutus est, vnius auspiciis dicta esse. Addimus his, nec Ciceronis, Plutarchi, Senecae, Sexti Empirici aliorumque testimonia negligenda esse, uti cum systemate Epicuri concordant, et detorta non esse, apparet. Ita vero de philosophia in genere praecepit:

I. Philosophia est rationis exercitatio (*ἐνέργεια*), quae ratiocinando *Philosophia* et disputando vitam beatam parat, eaque fruitur ⁹. Ex quibus sequitur, *in genere.* disciplinas illas relinquendas esse otiosis hominibus, quae nihil ad beatam vitam vel parandam vel fruendam faciunt.

II. Facit autem philosophiae certa et sine errore speculatio, ut noverimus, quid eligendum, quid fugiendum sit ad corporis sanitatem et animi tranquillitatem. Huius enim gratia omnia agimus, ut neque doleamus, neque perturbemur, quod ubi consecuti sumus, soluitur omnis tempestas animi ⁷.

III. Tanti vero cum hominis interfit philosophari, neque debet iuuenis philosophandi trahere moram, neque senex philosophando defatigari ⁸. Philosophia enim sola est, quae et iuvenes et senes vano timore facit liberos ².

IV. Triplicis vero notae sunt, qui animum huc applicant. Sunt enim quidam, qui ad veritatem sine ullius adiutorio exeunt; hi maxime laudandi, quibus ex se impetus fuit, qui se ipsos protulerunt. Sunt qui opera aliena indigeant, non ituri, si nemo praecefferit; egregium hoc quoque, sed securulae fortis ingenium, multum enim est, velle servari. Praeter haec aliud inuenitur genus hominum, ne ipsum quidem fastidiendum, eorum, qui cogi ad rectum, compellique possunt, quibus non duce tantum opus sit, sed adiutore, et ut ita dicam, coactore. Exemplum primae fortis est ipse Epicurus, secundae Metrodorus, tertiae Hermachus, huiusque laudem dixisse, ait *SENECA* ⁴, Epicurum, esse maiorem, quia in difficiliore materia, dum quis malignitatem naturae suae vincit, et ad sapientiam se non perduxit, sed extraxit.

V. Cum nihil debeat esse philosopho ipsa veritate antiquius, ideo is ad ipsam recta via tendet, et nihil neque finget, neque ab aliis fictum admittet, quoniam nullum figmenti genus veri professoribus conuenit, ac ne probanda quidem videtur Socratis ironia ⁵. Valde ex hoc fundamento insurrexit Epicurus in poetarum fabulas ⁶, et oratorum technas, nec ex grammatica aliud, quam orationem congruam, ex rhetorica nihil aliud, quam perspicuam discendam esse praecepit, et in scribendo et docendo pannyricam orationem vitandam esse monuit. Hinc illud Epicuri apud *LAERTIUM* ³: *solum sapientem de musica et poetica recte verba facturum.*

VI.

⁹) *SEXT. EMP.* adu. mathem. L. XI. f. 169.

⁷) Epicurus ad Menoec. apud *LAERT.* L. X. f. 128.

⁸) ib. f. 122.

²) ib. *SENECA* ep. 8.

⁴) *CICERO* in *Bruto* c. 83.

⁶) *PLUT.* de aud. poet. T. I. p. m. 20. Alia veterum testimonia vid. apud *GASSEND.* de vita Epic. L. VIII. c. 8. p. 218.

³) f. 121.

⁵) *Epist.* 52.

VI. Sapiens, qui germane philosophari instituit, sic se habebit, ut non afferat quidem omnia, sed quaecumque tamen placita rata, et de quibus non sit haerendum, defendat ^a. Ita Epicurus reiectis Academicis et Pyrrhoniis se dogmaticis aggregabat. Respexit vero priori thesis membro ad problemata, posteriori ad principia ratasque sententias, et axiomata.

VII. Duae partes philosophiae sunt, una physica, quae in naturae contemplatione sita est, altera ethica, quae in dirigendis animi ad beatam vitam moribus versatur. Ex his ethica praestantissima pars est, et vniuersa velut philosophia, physica vero in partes venit, verum quatenus ipsa quoque ad beatam vitam conducit ^b. Opposuit hoc Epicurus Pythagorae, Platonicae et Peripateticae scholae, theoreticam felicitatem practicae praeponentibus.

VIII. Si nihil quidem nos turbarent, quae suspicamur, veremurque a rebus illis sublimibus, ac etiam morte, quasi aliquid pertineat ad nos, si item intelligeremus, qui sint cupiditatum et dolorum fines, physiologia opus non esset: verum quia fieri non potest, ut tantum bonum, nisi perspecta rerum natura assequamur, sed ea timeamus, quae fabulosa et metuenda non sunt, ideo physiologia opus est, ut has animi tenebras discutiat ^c. Ita scilicet visum Epicuro, non posse viuere tranquillum et sine mentis dolore hominem, nisi eiecto omni superum metu, poenarum vel praemiorum expectatione, quam systema eius physicum reiciebat, liber et sine futuri anxietate omni perturbatione euadat vacuus. Quae quo tetenderit philosophia Epicuri satis produnt.

IX. Quam vero reliqui philosophi addunt tertiam partem, dialecticam, ea repudianda est ^d, eo quod spinas tantum vellat, inanis loquacitas sit, et cauillorum officina ^e: sufficit enim, physicos uti scire perspicuis et consuetis vocibus ^f. Hoc Stoicis et Academicis oppositum esse, ex supra dictis manifestum est.

X. Certa tamen collectione regularum quarundam paucarum siue canonum opus est, tradentium, quid de vocabulis iudicandique regula statuendum sit, quae veluti quaedam accessio est ad partem naturalem, sed minus praecipua, siue introductio haberi queat ^g. Simile quid iam Democrito in mentem venisse, *capite undecimo* monuimus.

*Canonica
Epicuri.*

§. IX. Dialecticam itaque philosophiae partem, philosophorum cauillationibus valde deturpatam ad veri notiones et regulas reuocauit Epicurus, sicque canonica sua meliorem rationalis philosophiae partem exprefit, nugas refecuit ^h. Ut vero, quo fundamento nitatur canonica Epicurea, recte intelligatur, praenotandum, Epicurum veritatem duplici facie considerasse, vel ut re ipsa est, vel ut notiones et cogitationes animi cum rerum natura

^a) ibid.

^b) SENECA ep. 89. LAERT. L. X. f. 30.

^c) LUCRET. L. I. v. 63 seqq. LAERT. L. X. f. 124 seqq.

^d) ib. f. 31. SEXT. EMP. adu. math. L. VII. f. 14.

^e) Conf. quae ex veteribus testimonia collegit GASSEND. vit. Epic. L. VIII. c. 10. p. 231.

^f) LAERT. l. c.

^g) ibid. f. 30. 31.

^h) Explicuit hanc Epicureae philosophiae partem post GASSENDVM l. c. et ad LAERT. L. X. p. 121. atque in origin. logic. c. 7 THOMASIVS introd. in philos. aulic. c. V. § 18 seqq. I. I SYRBIUS Hist. log. instit. philos. rat. praemissa p. 17.

natura conueniunt. Priorem veritatem existentiae, posteriorem iudicii recte dicas. Versantur autem res omnes vel circa mores, vel circa naturam rerum, quo et suo modo pertinent voces. Quorum veritas vt rite diiudicari queat, criterio, siue iudicandi instrumento opus est, quo expendi queatⁱ. Desumendum autem istud criterium ex percipiendi modo, quo animus, circa eas versans, vtitur. In percipiendis rebus naturalibus, quae extra hominem sunt, duabus partibus opus est, sensu, qui rem siue obiectum animo offert, et sensatione, quae istud percipit, vtrumque sensus nomine appellasse Epicurum PLUTARCHVS^k auctor est. Praeter hanc vero functionem mentis, quam habet, dum rem praesentem vel apparentem, sensus instar contuetur, vnde et phantasia appellatur, mentis quoque proprium est, vt de eo, quod percepit, ratiocinetur, et ad communem quandam exigat regulam, ideo anticipata requiritur notio^l, quae idea siue notio quaedam vniuersalis est eius rei, quam saepius vidimus, vel percepimus, et ad quam visa et sensibus percepta examinamus. Ex parte vero affectus, qui circa mores versatur, siue appetitus, cuius proprium est prosequi aut refugere aliquid, aliud accipi, quam ipsa affectio, aut passio non potest, eaque aut alliciens, vt puta voluptas, aut auertens, vt molestia seu dolor. Ex quibus sequitur, tria esse iudicandi criteria, sensum, siue sensationem, praenotionem, siue anticipationem, (περόληψιν) et affectionem seu passionem^m: de singulis sequentes praescripsit canones, paucis de vocum recto usu adiunctis.

I. Sensus nunquam fallitur, ac proinde est omnis sensio, omnisque phantasiae, seu apparentiae perceptio vera. Rationes asserti complures afferunt LVCRETIVSⁿ et SEXTVS EMPIRICVS^o, et ex his GASSENDVS^p. Potissima eo redit: sensus non iudicare, vel inter se rerum ideas notionesue conferre, sed solum id, quod praesens est, apprehendere, adeoque nec falsitatem nec veritatem in iis esse: nec posse ad aliud criterium, si hoc falsum sit, prouocari, ideo homini datum, vt vitam beate degere queat. Quam doctrinam recentiores quoque admiserunt logici^q.

II. Opinio siue iudicium (δόξα) consequens sensum sensationique superadiectum est, in quod cadit veritas vel falsitas. Animi enim est iudicare, id est ideas inter se conferre, et ad certam examinare regulam; vbi itaque error est, ibi ad hanc animi opinionem iudiciumque est referendus. Rem ex veteribus explicat EMPIRICVS^r, ex recentioribus praeter alios acutissimus CROVSATVS^s.

III. Opinio illa vera est. cui vel suffragatur, vel non refragatur, sensus euidencia^t: ea vero intelligitur sensationis vel phantasiae species, cui remotis omnibus ad iudicandum obstaculis, v.g. distantia, motu, medio affecto,

i) Conf. SEXT. EMPIR. adu. math. L. VII. f. 203
segg. et GASSEND. l. c.

k) De plac. philos. L. IV. c. 8.

l) LAERT. L. X. f. 33.

m) LAERT. L. X. f. 31.

n) Aduers. mathemat. L. VII. f. 203 segg.

Hist. philos. Tom. I.

p) Ad LAERT. l. X. p. 126. Syntagm. p. 9.

q) Conf. MALEBRANCHE recherche de la
verité P. I. L. I. c. 5. § 2. p. m. 5.

r) l. c. f. 211.

s) Logique T. I. P. I. sect. I. c. 4. p. 57 segg.

t) Citati.

cto, dispositione organorum sensoriorum, contradici non potest. Hinc, teste LAERTIO^a, iubebat Epicurus *προσμένειν*, id est, expectare, in iudicando, quousque omnibus ad veram sensationem iudiciumque ex ea ferendum requisitis exploratis, circumstantiae omnes praesto sint.

IV. Opinio illa falsa est, cui vel refragatur, vel non suffragatur sensus euidencia. Prosequitur etiam hoc SEXTVS^x, quod ex ante dictis intelligi potest: alias duo contradictoria simul stare possent, ut latius ille demonstrat. Notandum hic est, coniunxisse Epicurum, teste SEXTO^y, notionem atque sensationem animi cum vocibus, quibus illae exprimuntur: id quod Stoicis opposuit, qui obiectum externum, vocem, quae profertur, et significationem vocis, quam recentiores logici ideam appellant, inter se distinguebant, remque et vocem corporea vocabant, τὸ λεκτὸν vero, incorporeum, ut supra *capite nono* diximus.

V. Omnis, quae in mente est, anticipatio, seu praenotio, dependet a sensibus, idque vel incurfione sui, vel proportionem, vel similitudinem, vel compositionem^z.

VI. Anticipatio est ipsa rei notio, et quasi definitio sine qua quidquam quaerere, dubitare, opinari, immo et nominare non licet. Diximus iam hac de re initio huius §. et quid *πρόληψις* sit, explicuimus. Exemplis illustant SEXTVS^a et LAERTIVS^b qui καθολικὴν νόησιν ἐναποκειμένην, eleganter vocat. His praenotionibus vniuersalibus ex rerum saepius visarum ideis collectis originem per sensus dicto modo dabat, in eo a Stoicis non longe diuersus, longius a Platone, cui ideae innatae placebant.

VII. Est anticipatio in omni ratiocinatione principium, quasi nempe id, ad quod attendentes inferimus vnum esse idem, aut diuersum, coniunctum aut diuersum ab alio^c.

VIII. Quod ineuidens est, ex rei euidens anticipationem demonstrandum est. Principium hoc demonstrationis est, quae ex vniuersali et euidenti principio obscurarum inter se idearum relatio ostenditur, quod miseris ratiunculis euertere conatur SEXTVS^d, quas quomodo euerterint Epicurei, ipse exponit.

IX. Ea voluptas, quae nullam habet annexam molestiam, amplectenda est^e.

X. Ea molestia, quae nullam habet voluptatem annexam, fugienda est.

XI. Ea voluptas, quae aut maiorem voluptatem impedit, aut grauiorem molestiam parit, est fugienda.

XII. Ea molestia, quae aut maiorem auertit molestiam, aut vberiore voluptatem creat, est amplectenda^f. Accedet his canonibus lux ex ethica Epicuri. Hic id praenotandum, considerasse Epicurum voluptatem ipsam per se, quia voluptas est, non consideratis circumstantiis causarum et effectuum,

^a) f. 34. conf. CROVSAN. l. c. p. 69.

^x) l. c.

^b) f. 33.

^y) Pyrrhon, hypotyp. l. II. c. II. f. 107. et FABRIC.

^c) SEXT. EMPIR. l. c. L. VIII. f. 316 seqq.

ad h. l.

^z) LAERT. l. X. f. 32.

^d) l. c. f. 337 seqq.

^e) l. c.

^e) LAERT. f. 118.

^f) Ibid. f. 129.

stuum, et sic etiam de molestia siue dolore praecepisse, quem quia semper fugit voluntas, ut illam appetit, ideo in his criterium affectionum siue passionum constituit. Mentem itaque Epicuri peruertunt, qui voluptatem, in concreto, quod aiunt, hic intelligunt, cuius notionem abstractam respexit Epicurus. Circa voces pauca monuit, nempe:

XIII. Dum loqueris, delige voces communes, et perspicuas, ne vel ignoretur, quod velis, vel interpretando tempus frustra teras *ff*.

XIV. Dum audis, id enitere, ut vim subiectam vocibus teneas, ne te vel prae obscuritate lateant, vel prae ambiguitate deludant *g*. Reiecit ideo rhetorum et poetarum studia Epicurum, in praecedentibus diximus: ipse adeo omnem scribendi rationem impropriad detestabatur, ut eius stilus videretur *ιδιωτικα τερος*, et a vulgari dicendi norma parum distans. Imprimis autem *κενὸς φθόγγος* raucosque sine mente sonos, et ut ipse connectebat, ideas nihili, vel vagas et nihil certi definientes reiecit LAERTIUS *h* auctor est. Ita vero non tantum arma discipulis contra formidabiles philosophorum hostes, dialecticos, subministrabat, quia euerfis vocibus nihili, euertebatur omnis illorum subtilitas; sed et Platoniorum, Peripateticorum et Stoicorum principia, ex eiusmodi vocibus constantia euertendi, utilissimum instrumentum exhibuit.

§. X. His veritatis inquirendae regulis instructum ad naturae arcana rimanda *i* dimittebat Epicurus discipulum, suisque eum ita praeceptis instruebat, ut abiecto omni rerum coelestium metu causas earum introspicere, sicque vitam, quod putabat, agere tranquillam posset. Ita vero auditorum animos praeparabat, ut, quod eleganti dissertatione ad Herodotum a LAERTIO *k* nobis seruata strictim exposuit, de recto scopo atque modo studii rerum naturalium eum edoceret. Nempe monebat: „physicam, „quam et physiologiam dicebat, de rerum natura esse sermonem, et in ea „contemplanda totam versari. Neque tamen hunc eius solum finem esse, „sed et id constitutum habere, ut ex perspectis rerum naturis nihil in no- „bis perturbationis seu a rebus sublimibus, seu a morte, seu ab ignoratis „cupiditatum finibus, seu vndelibet suboriri possit. Esse etiam valde pro- „ficuum, breue aliquod habere rerum naturalium compendium, ut vel aliis „impliciti studiis apparatus habeant ad rerum naturam cognoscendam, vel „proiectiores etiam compendiosa quadam totius tractationis idea memo- „riam tueantur. Hanc vero viam adhibendam esse in excolenda memo- „ria, ut et ipsa ad res attentio constans, facilisque euadat, et ex rerum for-
VVV VVV V 2 „mis

*Physiologia
in genere.*

f) Ibid. f. 13.

g) Ibid. f. 37.

h) I. c. Quid vero voces inanes et nihili sint docebunt IOH. CLERICVS Art. crit. P. II. sect. I. c. 9 p. 225. MALBRANCHE recherche T. II. L. VI. c. 2. p. m. 170. S. WERENFELS de logomach. erud. c. 6 Opp. p. 518.

i) Eos, qui placita Epicuri physica exposuerunt et illustrarunt, enumerant Acta philos. Vol. II. p. 648. inter quos eorum iterum ducit GASSEN-

DVS, quique eius vestigiis institit GVALTERVS CHARLETONVS, in physiologia Epicuro Gassendo-Charletoniana, siue fabrica scientiae naturalis, ex hypothese atomorum, fundata per Epicurum, reparata per Gassendum, aucta per G. Charl. Lond. 1654. f. Eandem viam ingressus est GUIL. LAMY libro tertio de principiis rerum Paris. 1680 12. quin et omnes Gassendi sectatores, et inter eos BERNIERIVS huc pertinent.

k) L. X. f. 35. 36.

*Physica in
specie.*

„mis seu notionibus generaliter comprehensis animoque defixis ac aliunde
„iuxta prima principia, vocesque, quibus explicantur expensis, si quid fuerit
„specialiter inquirendum, inueniri possit etc.„

§. XI. Ecce vero ipsa de rebus naturalibus decreta Epicuri, qualia imprimis nobis L V C R E T I V S pandit, quocum praeter *αρχας δόξας* et epistolas Epicuri veteres quoque Cicero, Plutarchus, Sextus Empiricus, adhibita, quam supra indicauimus, cautione conferendi sunt.

I. Ex nihilo nihil fit, nec in nihilum quicquam redigitur ¹. Canonem ab vniuerso gentilium philosophorum sensu absoluto receptum eo magis admittere cogebatur Epicurus, quo magis non principia tantum actiua a passiuis diuersa, more Democriteo, negabat omnia, nec alias substantias nouerat, quam quae essent corporeae ², sed ad causam etiam materialem omnia reuocabat, eiecta doctrina de Deo, rerum conditore ³, quod diserte testatur E V S E B I V S ⁴. Verissimum vero axioma est, nulla praeeistente causa efficiente infinita et aeterna, id est sensu prorsus absoluto ex nihilo fieri nihil. Et hic sensus quoque rationis ab Epicuro additae: si enim ex nihilo fieret aliquid, ex omnibus factum iri omnia, feminibus nihil indigentia. Non enim aliam agnoscebat causam, quam materialem.

II. Vniuersum itaque huiusmodi semper fuit, quale nunc est, semperque tale erit, nihilque est, in quod mutari possit: nam praeter ipsum vniuersum nihil est, in quod ingredi et mutationem facere possit ⁵.

III. Vniuersum ex corpore et inani constat, neque enim tertia natura concipi mente praeterea potest ⁶.

IV. Intelligitur autem corpus ex congerie veluti quadam magnitudinis, siue molis, itemque figurae, resistentiae, seu soliditatis et impenetrabilitatis, et grauitatis tale praeterea, ut ipsum solum tangere possit tangique ⁷.

V. Inane seu vacuum est, quod opponitur corpori, ac solum, seu proprie et per se incorporeum est, naturae intaetilis, expersque omnis soliditatis, quod nihil agere vel pati potest, sed motum duntaxat quam liberrimum transeuntibus per se corporibus praebere ⁸.

VI. Haec natura destituta corpore appellatur inane; occupata a corpore, locus, traiecta a corpore, regio, spectata ut diffusa, spatium. Ita quidem Epicurus, teste P L V T A R C H O ⁹, nullibi tamen definitur, an substantia sit, vel accidens illud vacuum? G A S S E N D V S ¹⁰ cum se premi hac quaestione videret, nec substantiam dicere vellet, nec affectionem solam corporis, spatium medium quid inter substantiam et accidens esse asseruit, quam ob rem grauem ei dicam scripsit C V D W O R T H V S ¹¹, quod amicis suis, Democriti et Epicuri sectatoribus, praesidium aliquod comparare voluerit:

¹) Ep. ad Herodot. apud LAERT. L. X. f. 38.

²) Vniuersum enim corpus, ibid.

³) Deum enim incorporeum Platonem statuerre absurdum esse putabat, teste CICERONE de N. D. L. I. c. 12.

⁴) LAERT. l. c.

⁵) Ibid. f. 39 40. L V C R E T. L. I. v. 420.

⁶) L V C R E T. l. c. SEXT. EMP. adu. mathem. L. IX. f. 333.

⁷) LAERT. L. X. f. 40. L V C R E T. L. I. v. 335. 435. 455.

⁸) De placit. philos. L. I. c. 20.

⁹) Phys. sect. II. L. II. c. 2. Opp. T. I. p. 182.

¹⁰) Syst. *πρωτῶν* vniuersi c. V. f. 3. p. 1007. qua tota sectione contra spatium incorporeum pugnat.

luerit : quod minus benigne dictum esse, recte monet cel. MOSHEMIVS ⁿ. Nos, quae spatii vel vacui natura sit, hic disputare nec volumus, nec possumus, certique sumus, maxima nostrae aetatis ingenia controuersiae ita definiendae, ut scrupulus supersit nullus, nondum suffecisse: frustra tamen haec quaeri, et Epicurum ad nostrorum temporum philosophiam, accuratius res determinantem exigi putamus. Is enim de hac quidem re non sollicitus fuit, sed cum Deum siue animam mundi esse spatium locumque rerum, quod plerique ante Democritum philosophi admiserant, ideo negaret, quod incorporeales substantias contradictionem implicare crederet, Stoicae animae mundi, inane opposuit, quale extra mundum nec ipsi negabant Stoici ^v, et ut eius naturam describeret, satis habuit, ut ex corporis negatione eam definiret. Frustra itaque sunt qui incorporei voce decepti substantiam aliquam spirituales ab Epicuro statui somniant.

VII. Quod sint in vniuerso corpora, attestatur sensus; quae enim adspectamus, quae tangimus, quae versamus, quae ipsi sumus, nihil aliud sunt, quam corpora ^w.

VIII. Esse vero etiam inane, ex eo manifestum fit, quod nisi illud esset rerum natura, non haberent corpora, neque ubi essent, neque quae motus suos obirent, cum moueri quidem ea res, euident sit ^x. Prolixè circa haec argutatur LVCRETIVS ^y, iisdem iam argumentis usus, quibus meliori ordine nostra aetate de hac re inter Cartesii, Gassendi, Leibnizii, Newtoni affectas disputatum est, quorum summam more suo exponit P. BAYLE ^z.

IX. Cum vero inane corporeum sit, ita penetratur a corporibus siue inexistentibus, siue praeteruentibus, ut inuariatum maneat, dimensionesque, quibus ipsis coaequetur, easdem tueatur. Ideo et soli inani competit ut locus sit, siue loci naturam habeat ^a.

X. Tertia praeter hanc, natura concipi non potest, aut enim molem, soliditatemque habet, aut ea caret, illud corpus, hoc inane est. Id vero intelligendum, si ut res quaedam per se subsistens intelligatur, non vero quasi quoddam eius coniunctum, id est affectio seu accidens. Ita LVCRETIVS ^b. Epicurus utrum tertiam naturam admittere potuerit, nec ne? infra commodior dicendi locus erit.

XI. Vniuersum ex inani et corpore constans infinitum est, non enim habet extremum ^c. Rationem asserti pluribus exponit post ipsum Epicurum LVCRETIVS ^d. Et hoc oppositum Stoicis, qui vniuersum siue mundum ab infinito inani, quod extra eum est, finiri et determinari dixere.

VVV VVV V 3

XII.

ⁿ) Ad h. l. not. r.

^v) SEXT. EMPIR. adu. mathem. L. IX. f. 2. 3. qui discrimen inter vacuum Epicureum et Stoicum ostendit.

^w) LAFRT. f. 39. LVCRET. L. I. v. 423.

^x) Ibid. f. 40.

^y) L. I. v. 336. 427 seqq.

^z) Diſt. I. III. art. Leucippe not. G p. 102.

^a) LVCRET. L. I. v. 490 seqq.

^b) v. 431 seqq.

^c) LAERT. L. X. f. 41. SEXTVS L. IX. f. 33?

^d) L. I. v. 967 seqq.

XII. Iſthaec infinitudo vniuerſo competit, et multitudine corporum et magnitudine inanis, idque infinitatibus alternis et mutuis. Si enim inane quidem eſſet infinitum et corpora finita, tum corpora, quae in perpetuo motu ſunt, nuſquam conſiſterent, nec poſſent repercuſſionibus ſiſti. Sin vero inane finitum, corpora infinita forent, tum non pateret locus, in quo corpora infinita exiſtere poſſent ^e.

XIII. Non attribuendum itaque eſt vniuerſo infinitoque ſpatio ſupra aut infra, vt ſi quippiam eſſet ſupremum vel inſimum. Latius id perſequitur Epicurus ad Herodotum ^f, qui videndus.

XIV. Iure igitur habetur vniuerſum, vt immobile, prout extra illud nullus locus eſt, in quem moueatur, ſic et inmutabile, quatenus neque decrementum, neque incrementum accipit, et ortu interituque caret, ac proinde aeternum eſt. Contradicit his quoque Epicurus Stoicis, qui vacuum extramundanum admitterebant, vt in illud reſpirare incendiſque flammis et reſtitui poſſit vniuerſum. Quanquam lis in verbis reuera fuit. Stoici enim vniuerſum mundi circuitu definiebant; Epicurus praeter innumerabiles mundos ſpatium extramundanum ad vniuerſum requirebat. Vtrique ſectae hoc ſenſu vniuerſum inmutabile et aeternum.

XV. Eſſi vero vniuerſum eſt immobile, mouentur tamen, mutanturque in eo multa, quae tamen, ſi ad vniuerſi immenſitatem referantur, nullius momenti ſunt.

XVI. Quia ſenſu manifeſtum eſt, in rerum natura multa fieri, et multa quoque interire, ideo mente tenendum eſt, opus ad hoc eſſe materia, ex qua res gignantur, in quam reſoluantur ^g.

XVII. Quia vero res compoſitae partes habent, ex quibus coaluere, et in quas iterum reſolui poſſunt, quaeque et priores proinde ſimplicioresque ſunt, et ſi ipſae adhuc compoſitae fuerint, conſtare cenſentur, ex iis, quae ſunt ^dimum primae, ſimpliciſſimaeque, hinc ea principia ſunt, ſiue elementa, ex quibus ſunt concrectiones ^h.

XVIII. Huiusmodi principia, ſeu omnium prima, ſimpliciſſima et incompoſita corpufcula, eſſe debent et inſectilia, nullaue vi reſolubilia: et hac ratione inmutabilia, ſiue in ſe ipſis mutationis omnis expertia. In nihilum enim abire poteſt nihil ⁱ.

XIX. Principia itaque compoſitorum corporum, vt naturae ſunt plenae, ſolidae, inmutabilis, ita omnino inſectilis, vnde et atomos dicere ſolemus.

XX. Atomos vero dari, primum, quod poſuimus, euincit principium: ex nihilo nihil fieri, nec in nihil redigi: ita enim oportet quidpiam ſuper-eſſe in concrectionum diſſolutione, quod inextolubile ſit ^k.

XXI. Sed in corpore quoque finito non poſſunt partes infinitae, neque magnitudinis, neque multitudinis accipi, indeque diuiſio in infinitum diuiſionis

^c) LAERT. f. 42.

^f) Ibid. f. 60. GASSEND. ad LAERT. L. X. p. 212.

^g) LAERT. L. X. f. 38.

^h) Ibid. f. 40.

ⁱ) Ibid.

^k) Ibid. f. 38.

fionis et progressionis proportionem semper seruata concipi non potest ⁴. Alias rationes quibus diuisionem in infinitum oppugnat, affert LVCRETIVS ⁵.

XXII. Omnes quidem atomi ob expositam soliditatem, vniusmodi naturae sunt; habent tamen quaedam coniuncta siue proprietates, et quasi qualitates quasdam, quibus differre inter se possunt. Huiusmodi autem solummodo sunt, magnitudo, figura et pondus, quaeque cum figura cognitionem habent necessariam, vti asperitas et laeuitas. Reliquae enim qualitates, v. g. calor, frigus, et similes, non aeternis congenae sunt, sed concretorum propriae, ortaeque ex ipsis atomorum partibus coniunctis, partim euentis ⁶. Accepit et hoc a Democrito Epicurus, sicque atomisticum systema, a reliquis philosophorum decretis, quae, qualitates inesse particulis, statuebant, distinxit. Relinquenda tamen erant magnitudo, figura et pondus, sine quibus rerum varietas deduci non potest: hae vero proprietates qualitatum, a philosophis ita dictarum ⁷, naturam non ingrediuntur. Ad quod non attendunt, qui atomisticum systema inter omnes fere physicos veteres inueniunt.

XXIII. Magnitudo quando atomis tribuitur, non intelligitur ea quaelibet et quantalibet, neque enim atomus vel maxima tanta est, vt in visum cadere queat ⁸; sed illa tantum magnitudo innuitur, quae, licet sit infra sensum, aliquantula tamen sit et puncto maior.

XXIV. Non tamen atomi omnes eiusdem sunt magnitudinis, sed alias maiores, alias minores esse, rationi magis consonum est, eoque admissio plurium, quae contingunt circa passiones animi, circaque ipsos sensus, reddi causa potest ⁹.

XXV. Figuram in atomis esse multiplicem necesse est, quia ea magnitudinis terminus est. Cum enim ex iis contexta sint omnia, eaque diuersissime figurentur, ita nullum sit, quod adeo sit simile alii, vt non discrimina aliqua sentiantur, diuersissimae inde figurae atomorum sequuntur, sine quibus istae concretiones non differrent ¹⁰.

XXVI. Cum sint figurarum in atomis species numero incomprehensibiles, rotundae, ouatae, lenticulares, planae, gibbae, oblongae, turbinatae, hamatae, laeues, asperae, hispidae, multangulares, regulares et irregulares, absque vlla determinatione intellectus possibili, non sunt tamen numero simpliciter infinitae habendae, quia hoc infinitam inuolueret atomorum magnitudinem. Sunt tamen in vnaquaque figuratione figuraeue specie atomi numero infinitae simpliciter ¹¹.

XXVII. Quanquam in atomo partes dicimus, non id tamen ita intelligendum est, quasi illae seiunctae aliquando fuerint, et in vnionem coierint:

⁴) Ibid. f. 56.

⁵) L. I. v. 548 seqq.

⁶) PLUTARCH. de placit. phil. L. I. c. 4. LAERT. L. X. f. 44. 54. LVCRET. L. II. v. 729 seqq. conf. praeter GASSENDVM, SCIPIO AQVILIAN. de plac. phil. ante Arist. c. XI. p. 52 seqq.

⁷) E. g. dulcedo, amaror, calor, frigus, quae

certis particulis inesse physici putabant, vt ex haecenus narratis notum.

⁸) LVCRET. L. I. v. 268 seqq.

⁹) LAERT. L. X. f. 55.

¹⁰) LVCRET. L. II. v. 333 seqq.

¹¹) LAERT. L. X. f. 42. LACTANT. L. III. c. 17. CICERO de N. D. L. I. c. 24.

rint: sed declaratur ita tantummodo magnitudo vera, cum partes earum separatione non queant distingui. Ex quibus patet, indiuisibilitatem atomorum non in eo secundum Epicurum versari, quod partes concipi non possint; hoc enim si esset, non essent corpora. Sed quod in partes diuidi, separarique nequeant ob soliditatem. Et hinc intelligenda, quae scripsit in *epistola ad Herodotum*^s de hoc argumento.

XXVIII. Si et, licet angulosae, hamataeque atomi sint, non possunt tamen deteri vel frangi, propter soliditatem et necessitatem, qua tenentur^{//}.

XXIX. Denique et atomis grauitas tribuitur pondusque, quod, cum in motu connisueque ad mouendum perpetuo sint, necesse sit ipsas moueri interno illo impetu, qui grauitas pondusue dici mereatur[†].

XXX. Motus vero in atomis duplex occurrit, vnus ipsiusmet grauitatis, siue ponderis, quo atomus nempe suoapte nutu fertur, alius ex ictu seu reflexione, quo scilicet atomus vna in aliam impacta repercutitur. Et prior quidem motus, qui grauitatis est, ad lineam vel perpendicularum fertur, quo mouentur omnia graua. Verum quia, si omnes atomi ad lineam, deorsumue ferrentur, fieret, vt nunquam altera alteram posset attingere, ea de causa necesse est, declinare atomos per paulum et quo nihil possit fieri minus, ita enim effici potuere complexiones et cohaesiones atomorum, et ipse mundus, quaeque in eo sunt[†]. Primarium hoc dogma est, quo Epicurus systema suum atomisticum a Democritico separauit. Is enim, vno admissio atomorum motu, qui perpendiculatim descendit, non habebat, vnde dicere posset, qua ratione atomorum vna in aliam impacta haereret, sine quo tamen nihil potest ex atomis oriri: hinc ad necessitatem quandam internam confugiebat; quae cum $\phi\theta\gamma\gamma\omega\varsigma\ \kappa\epsilon\nu\delta\varsigma$ esset, tantopere Epicuro inrisus, et quidem rectissime, et omnia quoque necessario copularet, quod toti Epicuri systemati erat aduersum: nollet is tamen principium aliquod externum et spirituale admittere, ex cuius impulsu et directione atomi iungarentur, quod praeter corpus et inane nihil esse in rebus naturalibus putaret: hoc clinamen principiorum, qua voce LVCRETIVS^v exprimit, introduxit, quo fieret, vt tandem atomi sibi inuicem descendendo occurrentes impingerent, haerentque vel resilirent. Verum vnde haec atomis declinatio? Causam neque in iis, quae habemus, Epicurus enarrauit, neque etiam Gassendus. Recte vero et acute coniicit eruditissimus MOSHEMIVS^w, a magnitudine atomorum siue pondere diuerso eam deriuauisse Epicurum. Cum enim praeter figuram et pondus nihil habeant atomi, illarum vero non figurae tantum, sed ponderis vel magnitudinis quoque diuersa esset ratio, necessarium erat, vt cum omnis natura motus, qui grauidis inest, recta linea descenderet, leuiores grauiorum ictu

^s) LAERT. l. 58. 59.

^{//}) LVCRET. l. i. v. 486 seqq. PLUT. plac. phil. l. i. c. 3.

[†]) LVCRET. l. i. v. 82. seqq. CIC. de fato c. 20.

[†]) CICERO de fato c. 10. de fin. l. i. c. 6. LV-

CRET. l. ii. v. 217. ex recentioribus BAYLE l. c. not. V. p. 375. SCIPIO AQUILIANVS de plac. phil. ante Arist. c. XII. p. 54.

^v) l. c. v. 291.

^w) Ad CVDWORTH. p. 940. not. i.

ictu pressae declinarent, vnde nulla est C I C E R O N I S * obiectio contendentis: *Si omnes atomi declinauerint, nullas unquam cohaesuras, siue aliae declinauerint, a'iae suo nutu recte fuerint latae, ex atomorum turbulenta concursione hunc mundi ornatum tamen efficere non potuisse.* Posterius enim ad rationes Epicuri physiologicas non attendit, quibus causa semel data impulsus atomorum, causa quoque cohaesionis datur; prius menti eius aduersum est. Quin si omnes quoque atomos declinare largiamur, (nihil enim definiunt Epicurei) necessarium tamen est, grauiore alia quam leuiore, si ea obliqua ferri, hasque tardius quam illas, licet id neget Epicurus, ad has difficultates non attendens, vt dicitur th. XXXV. XXXVI, vnde tamen aliquando sibi inuicem occurrent et impingent. Et si vero rationes Ciceronis infirmas sunt, non negamus tamen, nuspian Epicurum iudicii defectum magis prodidisse, quam in hoc asserto, quod tamen totius quasi systematis vinculum est, adeo illud legibus motus mechanicis aduersum est. Quin si rem recte aestimes, incidit in laqueos Epicurus, quos euitare conabatur. Cum enim a necessitate Democriti abhorreret, fortuitam quidem istam declinationem asseruit, non vero cogitauit intrinseca atomorum necessitate ponderisque lege fieri ita debere, vt declinent. Si enim necessario non declinent, fieri potuisset, vt in isto fortuito motu nunquam sibi inuicem illiderentur, sicque nihil oriretur, si declinent necessario, habet id, quod tantopere systemati suo esse aduersum, recte sentiebat. Sed haec *ὡς ἐν παρῳδαί*, non enim examen philosophiae Epicureae scribimus, sed historiam. Illud vnum addimus, inter veteres iam fuisse, qui hunc nodum Epicuro soluendum obiecere, vt ex P L V T A R C H O ^z colligi potest. Similem declinationem in homine etiam statuit, vt libertatis rationem cum systemate atomistico stare posse doceret, de quo postea: quod vero luculenter adhuc magis hominis, systematis amore abrepti, insaniam prodit ^a.

XXXI. Alter motus ex reflexione fit, cum atomus vel magnis intervallis resultat, vel spatiis breuibus pulsa, repulsaue quasi concutitur, palpitatur. Ex quo etiam fit, vt, dum contingit atomos incurrere in complexionem plurium sibi mutuo obstantium, seseque mutuo irretientium, tunc tamen adhuc sint irrequietae, et quantum possunt, speciem agitationis vel palpitationis obtineant, deflexae nimirum vel repressae a ceteris, qua talem complexum constituunt ^b.

XXXII. Causa huius et longioris resultantiae, et pressioris agitationis vel palpitationis intestinae, ex qua continua concretio oritur, est partim natura inanis, quod etiam intra corpora compactissima interceptum atomos vel ex toto, vel ex parte dirimere tentat, partim soliditas atomorum ^c.

XXXIII. Quia pondus seu grauitas atomis tanquam *ἐνέργεια*, inter-

nusque

* De finib. L. I. c. 6. y) LAERT. L. X. f. 134.
^z de procr. animae sec. Tim. T III. p. m. 79. conf.
 Hist. crit. de la philosophie T I. c. 25. §. 7. p. 355 seq.
 vbi tamen clinamen in vniuerso et in homine inter se
 confunduntur.

Hist. philos. Tom. I.

^a) Conf. MOSHEM. l. c.

^b) LAERT. L. X. f. 43. P L V T. de facie in orbe
 lunae.

^c) LAERT. f. 44.

XXX XXX X

nusque vigor inest, quo ad motum feruntur, ideo assumendum est, moueri atomos utroque et ponderis et reflexionis motu aeternum ac continenter: principium enim, ex quo coeperint, nullum est ^d.

XXXIV. Sunt etiam istae atomi tam celerrimi motus, si nihil occurrat, quod ipsum retundendo defleat, ut quodlibet cogitabile spatium conficiant momento, retrusio vero frequens aliquam infert tarditatis speciem ^e.

XXXV. Assumendum postremo et hoc est, atomos esse aequiueloces, quamdiu per inane feruntur, neque quicquam est, quod eorum impetum retundat: quia nempe nihil illis, quod obstat, occurrat ^f.

XXXVI. Quin etiam, quod ad concretiones, compositae corpora spectat, cum sint atomi aequiueloces, non ideo vna dicitur velocior altera, sed agitantur, quomodocunque ferantur cum istis concretionibus modo sensibili, interim intestinis creberrimis, siue potius innumeris sensumque adeo fugientibus percussionebus, donec ipsa motus corporis totius, in quo sunt, continuitas, successione talis euadat, ut in sensum cadat ^g.

XXXVII. Atomis sola et unica principia sunt, primaue rerum materies, siue illud primum, simplicissimumque, ex quo contextuntur, quae oriuntur omnia, illud ultimum ac simplicissimum, in quod, quae intereunt, omnia resoluuntur. Sunt itaque priora vulgaribus quatuor elementis, quae principia quidem sunt, non tamen prima ^h.

XXXVIII. Sunt vero eorum quae fiunt, atomi non causa tantum, ex qua fiunt, sed etiam causa a qua fiunt, quatenus nempe eo praeditae sunt vigore, et ἐνέργεια, ob quam mouentur, aut in consensu ad mouendum continuo sunt. Materiam enim actuosam esse oportet, cum vim suam efficiendi aliunde, quam ex se, habere non possit. Primum hoc et palmarium principium est, quo non tantum nihil praeter corpus siue rerum materiam et inane, quod solum incorporale est, esse statuit, sed et Deum ipsum ex mundi fabrica prorsus exclusit, eiusque assertam in mundo operationem inter fabulas retulit. Sed et πρῶτον ψεῦδος idem est, tanti philosophi acumine prorsus indignum, qui causam efficientem cum materiali confuderat, et, quod acute monet C V D W O R T H V S ⁱ, dum gravitatem causam motus in infinito inani descendens posuit, reuera nullam causam motus indicauit, sed id tantum, si rem accuratius intuearis, docuit, corpuscula propterea descendere, quia descendunt. Qualitas enim gravitatis nihil est, quam nifus descendendi, unde autem aut quomodo hic nifus oriatur, nullius patet ingenio. Etsi itaque Democrito prudentior causas designare voluit, qui, ut suo loco monitum, de motus causa quaeri non debere putauit, re ipsa tamen ad eundem impegit lapidem. Quin si verum est, quod contra P L V T A R C H V M ^k, P. B A Y L E E ^l disputat, Democritum animam tribuisse atomis, deterius Epicuri systema Democriteo

^d) ib. L V C R E T. L. II. v. 94.

^e) ib. f. 46.

^f) L A E R T. L. X. f. 43. 61.

^g) ib. f. 62.

^h) P L V T, plac. phil. L. I. c. 5.

ⁱ) C I C E R O de N. D. L. I. c. 20. L V C R E T. L. I. v. 1020 segg.

^j) Syst. intell. c. V. sect. I. §. 48. p. 808.

^k) Adu. Colot.

^l) Disq. T. III, art. Leucippe not. E. p. 100.

cruteo est, sane, quaecunque fuerit fati huius significatio, certum est, omne illud Epicurum tabularum instar reiecisse, et Deorum mythologias recipere maluisse, quam feruire isti fato ^u siue animae interne latenti vinque suam in motu atomorum exferenti. Intercedit his quidem, celebris ex Cartesii schola philosophus I. O. FRANC. GRANDIS ^m, qui, si non ipsum Epicurum, certe LUCRETIVM, physiologiae eius interpretem, praeter atomos et inane non tertiam tantum quandam naturam, sed et quartam, nominis expertem concessisse contendit, a qua omnis motus causa deriuanda sit. Ita vero poeta philosophus :

*Quarta quoque his igitur quaedam natura necesse est
Attribuatur, ea est omnino nominis expert,
Qua neque nobilius quicquam, nec tenuius extat.
Inde calor, metus, et venti coeca potestas
Accipit inde aër, inde omnia mobilitantur.*

Haec animam spirituales, motus causam, innuere putat, et Gassendum notat, qui hanc quartam Lucretii naturam omiserit. Verum nec Gassendum nec Lucretium recte inspexit celebris philosophus. Illi enim quarta haec Lucretii natura indicta non mansit ^{*}, sed eius necessitatem ex principiis Epicureis luculenter demonstraui: Lucretius vero non de principiis vniuersi, sed de partibus ex quibus anima componitur, differit, quas cum atomis constare igneis, aëreis, et flatuosis dixisset, addit, requiri quartam quoque naturam quandam, motuum sensiferorum auctorem, quae nomen sortita non sit. Non est itaque quarta illa natura ab atomis diuersa, sed ex iis, vt tota anima constat, verum corpusculis longe subtilioribus, mobilioribus et rotundioribus, quibus omne quod spirituale esse aliis dicitur, in Epicuri physiologia absoluitur, motus illos sensuum operatur. Aliter vir praestantissimus I. O. CONR. SCHWARZIVS ⁿ, qui vt Epicurum ab atheismi macula liberaret, non sine eruditione paradoxum hoc defendit, atomos eam indicare naturam, quae particulas materiae coëgit et inter se copulauit, atque perpetuo continet; quae cum attributum Dei innuat, vt infinitum Epicuri, putat, esse ipsam, in qua omnia sunt, diuinam naturam, facile inde colligitur, a principio eiusmodi spirituali motus causam in corporibus deriuandam esse. Verum, vt ipse doctissimus auctor fatetur, verbis Epicuri inusitatas et a recepta significatione prorsus abeuntes significationes subiiciendas esse, et esse hanc theologiam Epicuri prorsus reconditam; ita totam illam disputationem, quam alibi tetigimus ^p, praetermittimus, nec cum umbris et laruis, talibusque quae nostro ingenio mutatis verbis et significationibus vocum videntur, pugnare contendimus, ex tota physiologia Epicuri et claris eius verbis certissimi, non aliam agnouisse illum naturam in vniuerso praeter corpus et inane; et,

Xxx xxx x 2

ex

^u) LAERT. L. X. f. 134.

^m) Dissert. crit. et philos. I. quem sequitur M O R-
HOF. Polyhist. liter. T II. L. II. P. I. c. 7. §. 9. 10 p. 186 sq.

ⁿ) In Syntagm. philos. Epic. P. II. sect. II. c. 9.
p. m. 355.

^o) In diss. cui titulus: iudicium de recondita
theologia Epicuri, Coburgi edita.

^p) In supplementis ad Germanicum Hist. philos.
opus p. 247 seqq.

ex atomis corpora non tantum constare, sed et ipsa corpora tenuissima esse, asseruisse; si enim illam viam eligimus, qua ita clarissima veterum testimoniorum lumina exstinguuntur, periculum est fore, vt totam tandem amittamus historiam philosophicam. Sed haec obiter. Eos vero, qui prouidentiam in motu atomorum proditam Epicuro vindicant, infra, vbi de theologia Epicuri dicendum erit, audiemus.

XXXIX. Et si vero atomi omnes aequae velociter moueantur, intra ipsas tamen concrectiones, eae quae angulosiores hamatioresque sunt intricari ac praepediri, sicque veluti inertiores, segnioresque fieri possunt, quam laeuigatiores atque rotundiores, vnde ex his praecipua energia siue agendi vis in corporibus est. Ex his vero quia ignis, anima et generalius loquendo, spiritus constant, ideo ista in corporibus ἐνέγκυται spiritibus adscribitur ⁷.

XL. Vt primae moleculeae ex atomis coalitae vi ista intrinseca, sese mouendi gaudent, quia ex singularum atomorum vigoribus constant, sed varie modificatis, prout atomorum sese irretientium aliae huc, aliae illuc feruntur; ita grandiores etiam moles contextae ex minoribus habent aliquam eamque pro illarum varietate modificatam vim sese mouendi, sicque porro omnia corpora naturalia suis molibus constantia. Actio enim a principio ascendit et progreditur ab atomis ad corpora ⁷.

XLI. Causae actio siue effectio et motus idem sunt, ea enim tantum additur connotatio, quod rem siue actam siue effectam terminetur ⁷.

XLII. Est vero non aliud motus, quam migratio de loco in locum.

XLIII. Eundem vero in censum pertinet etiam mutatio vel alteratio, qua res aliqua immutata manens, secundum internam naturam mutari aut altera fieri creditur, ob alicuius qualitatis acquisitionem vel amissionem. Est enim ea motus species, qua mobilia interuallis feruntur, partim brevissimis, partim inconspicuis. Moleculeae enim, quae corpus constituunt, transponuntur, et alium pro alio ordinem suscipiunt, sicque per transitum mouentur ⁷.

XLIV. Quodcumque igitur corpus concretum secundum qualitatem mutatur, omnino mutatur locali et transitiuo motu atomorum; e.g. Si ex dulci fit amarum, ex molli durum, moleculeas moueri situ et dispositione, locoue necesse est.

XLV. Ipsum itaque fatum nihil aliud est, quam mouentes et agitan-
tes per se causae, quatenus nexae inter se sunt, et posteriores a prioribus pendent; quamquam haec connexio atque dependentia necessitatis eius haud est, quam physici quidam inducere solent, qualis in natura non est. Manifestum est, opponi hoc fato physicorum, etiam Democriteo, et imprimis Stoico, qui praeter occasionem et ordinem causarum, latentem et separa-
tam

⁷) Fuisse hanc quoque mentem Heracliti, igni ex subtilissimis particulis constanti omnia ista tribuentis, ex capite antecedente manifestum est. Mirandum itaque LVCRETIVM tantopere in eo perspicendo coecutiisse, vt L. I. v. 635 seqq. Heracliti hypothesin non sine contemptu refuta-

rer, non cogitans, reapse sui ita magistri vineta caedi.

⁸) LVCRET. L. I. v. 1020, CICERO de N. D. L. I. c. 20.

⁹) SEXT. EMP. adu. math. L. X. f. 42 51.

¹⁰) ib. GASSEND. phil. Epic. c. XI. p. 265 seqq.

tam quandam necessitatem internam fingeant. Fatum enim nihil aliud est Epicuro, quam motus particularum varie dispositarum ex declinatione molecularum ortus. Ille tamen motus cum ex materiae natura oriatur, eique necessario inhaereat, palam est, Epicurum, qui dicis tantum causa fati nomen adhibebat, hac ratione necessitatem quandam materiae statuisse. Contingentia enim in isto fortuito atomorum concursu externa tantum est, et nostri tantum respectu dicitur; atomi tamen interna naturae suae necessitate, pondere nempe vel gravitate, non mouentur tantum, sed declinant quoque; hoc tantum discrimine, ut necessitas Stoica rationem, etsi inevitabilem supponat, Epicurea motum brutum. Acute id vidit IACOBVS THOMASIVS *f*.

XLVI. Quin etiam finis dicitur causa, sed videlicet, quia efficit quidpiam, et non efficit, nisi quia mouet. Mouet enim missa in animam specie, quae trahat alliciatque inuisibilibus quidem, sed physicis tamen quibusdam quasi hamulis et catenulis, quibus plerumque cum animo pellicitur et ipsum corpus. Fit itaque eiusmodi attractio, per quasdam resilitiones implexionesque atomorum, hincque ratio patet sympathiae et antipathiae. Haec ad causas morales et finales dum applicat ex Epicuri mente LVCRETIVS¹, nusquam infirmitatem magis prodit. Cuncta enim ad effluvia siue corpuscula ista, quae perpetuo propter motum atomorum ex corporibus progrediuntur, aliisque corporibus se insinuant, redeunt, quibus vel iucunditatem vel dolorem, sicque inclinationem vel auersionem moueri credebant homines satis pingui Minerua philosophantes.

XLVII. Qualitates quae in concretis existunt, ut non sunt in atomis praeter magnitudinem, figuram et pondus, quae non magis quam ipsa atomorum substantia possunt mutari²: ita creantur tum per factam transpositionem atomorum, nunc pauciorum, nunc plurium, quae in vno situ vnam, in alio aliam exhibeant, tum ob factam de nouo aliquarum discessionem, ex quo iterum qualitates varientur, seu aliae, quam prius, appareant³. Rem exemplo literarum innumeras voces constituentium pro variatione situs veteres illustrent⁴. Imprimis subtilis hic est LVCRETIVS⁵.

XLVIII. Vbi atomi partesue, ex quibus res contextae, ita a se inuicem distrahuntur, ut in vastiorem locum diffusae, plura amplioraque in re ista inania spatiosa intercipient, ex denso tum fit rarum; et vice versa, coarctatis atomis, et contractis spatiolis pauciora ut sint, fit densum⁶.

XLIX. Quanto res est rarior, tanto magis est, ceteris paribus, conspicua; tanto vero opacior, quanto densior. Rem tamen, pro meatulorum conditione limitat LVCRETIVS⁷.

L. Ex eodem fonte oriuntur fluiditas liquiditasue et firmitas, si
Xxx xxx x 3 nempe

f) De exult. mundi Stoica diff. II. §. 26 seqq. p. 34 seqq.

¹) Lib. IV. v. 714.

²) LAERT. L. X. c. 54.

³) SEXT. EMP. adu. math. L. X. f. 75. conf. FABRIC. ad h. l.

⁴) ARIST. Phys. L. I. c. 4. LACTANT. L. III. c. 17. conf. GASSEND. ad Laërt. p. 226.

⁵) Lib. II. v. 759.

⁶) IDEM L. I. v. 575. L. II. v. 96.

⁷) Lib. IV. v. 605.

nempe particulae ex quibus constant, et spatiola intercepta habent, et dissociatae mutuo sunt, ut sint emobiles inter se, ob spatiolorum non resistantiam, et vice versa ^a. Humor etiam floris species est, ita ut partes adhaerescere queant alteri corpori. Mollitiei et duritiei, cum raritate et densitate par fere ratio est ^b.

LI. Magnitudo, augmentatio, imminutio, ex accedentium vel decedentium atomorum multitudine oritur: vel ab atomorum quoque diuersa magnitudine, unde hebetudo et subtilitas nascuntur ^c.

LII. Figura corporis a figura atomorum pendet, et vnumquodque corpus ideo figuratur, quia constat ex partibus figuratis determinatisque.

LIII. Pondus seu motrix facultas, quae vnicuique rei inest, non potest aliunde oriri, quam a pondere seu mobilitate atomorum ^d.

LIV. Sequitur hinc corpus omne concretum esse graue, et deorsum tendere.

LV. Quae itaque levia dicimus, et sursum contendunt, non id sponte et sua natura faciunt, et absolute talia sunt; sed compelluntur tantum ab alio grauiore, ut sursum emergant ^e.

LVI. Proprietatibus atomorum inter se coniunctis, et commistis ac variatis, oriuntur rerum facultates, quae motiuae cum sint, id a mobilitate atomorum habent, variam vero operationem et effectum, a speciali atomorum magnitudine, figura, ordine et positu, laxitate, compressione, etc. ^f.

LVII. Sunt in rerum superficiebus dispositiones extremarum particularum variae, ob quas lux affusa ita varie modificatur, ut cum hac reflexa modificatione in oculum, varios in illis colores exhibeat. Lux vero cum nihil aliud sit, quam substantialis quaedam effluxio a lucido corpore, visibilis per se non est, sed in ipso solum colore, quatenus illius pars est ^g.

LVIII. Sonus est effluxio tenuissimorum corpusculorum, ab usque loquente resonante vel strepitum edente, emissa, ac idonea, quae in aurem subiens auditum afficiat ^h. Par ratio quoque reliquorum est sensuum.

LIX. Caloris et frigoris sensus ad tactum pertinet, calor effluxio est corpusculorum seu atomorum exilium, rotundarum, celerum, unde poros subire rapideque impingi, totumque penetrare, et si pergent aliis succedentibus, urgere, corpora tandem secernere, ac dissoluere possunt, ut patet ex effectui ignis. Frigus e contrario effluxione atomorum mole grandiorum, figura angulosiorum, motu segniorum constat, et effectus calori contrarios habet, nempe caloris corpuscula reprimendi, et angulis vellicandi, qua praeteruadit ^b.

LX. Tempus a quo res omnes determinantur, et denominantur vel praesentes, vel praeteritae, vel futurae, est euentum euentorum, siue acci-

^a) IDEM L. IV. v. 444.

^c) IDEM L. II. v. 381 seqq.

^d) ibid. L. I. v. 360 seqq.

^e) ibid. L. I. v. 187 seqq.

^f) Prolixè id prosequitur LVCRETIUS L. II. toto.

^g) PLVT. adu. Colet. T. III. p. 411. rem colum-

^b) ib. v. 266.

barum et pavonum colore vario illustrat LVCRET. L. II. v. 800.

^g) PLVT. de plac. L. IV. c. 19. Et hoc a Democrito accepit Epicurus vid. LAERT. L. X. f. 52. LVCRET. L. IV. v. 527 seqq.

^h) IDEM L. VI. v. 225 seqq. LAERT. L. X. f. 109.

cidens accidentium: consequitur enim omnia euenta siue accidentia ipsisque mente interueniente superuenit, superacciditque ⁱ.

LXI. Pariratione et voluptates et dolores nobis contingunt, adeoque non substantiae quaedam sunt, sed eorum, qui iis cum dolore vel delectatione afficiuntur accidentia ^k.

LXII. Sic et motus et quies accidentia sunt corporum, neque illa sine tempore, quo ea metimur.

LXIII. In generatione non noua producitur substantia, quae in atomis antea iam extitit, sed fit ea tantum principiorum concretione et secretionem, non vero transmutatione, quae ob soliditatem atomorum impossibilis est ^l.

LXIV. Ita vero in inani infinito fit generatio, ut atomi a se inuicem seiunctae, et figura, magnitudine situque ac ordine inter se differentes, per inane ferantur, ac ubi concurrunt mutuo, comprehendantur, addensentur, et conditionem rei variam, iuxta proportionem, magnitudinem, figuram, positionem, ordinem suscipiant ^m.

LXV. Vbi vero generatio vnius ex corruptione alterius fit, contingit id, vel sola atomorum transpositione, aut accedentium additione, aut abiectiōe praeeistentium.

LXVI. Nihil vero, quod ortum est, aeternum est, ob intestinam motionem indomitumque in omnibus corporibus atomorum connisum ⁿ. Idem hic tuetur et suo systemati applicat Epicurus, quod tot ante eum philosophi de fluxu materiae perpetuo dixere.

LXVII. Quicquid igitur concretum est, nihil est aliud quam ipsamet principia, quatenus certa eorum dispositione coalita sunt, et certa hac forma exhibentur.

LXVIII. Denominatio vero ex qua res inter se discernuntur, tum locum demum habet, quando accidentia illa simul coniuncta sunt, quae vnum quid et tale corpus constituunt, quod incerto rerum genere habetur.

LXIX. Fieri potest, ut facta per mortem nostri resolutione, casu quodam ipso temporis progressu eadem omnia, ex quibus constamus principia, iterato ac eodem modo, quo iam sunt, coadunentur, sicque nos, iidem, qui nunc denominari possemus. Quod tamen nihil ad nos faceret, cum in exsolutione periisset omnis habitus et memoria eorum, qui fuisset ^o. Ita resurrectionem quoque quandam admittit Epicurea philosophia, sed miseram, et, si dicendum quod res est, in tam fortuito atomorum concursu non plane quidem impossibilem, sed tamen non expectandam. Paralogismum Lucretii detexit hoc in argumento P. BAYLE ^p.

LXX.

ⁱ⁾ LAERT. l. c. f. 71. 72. SEXT EMP. Pyrrh. hyp. l. III. c. 17. f. 137 adu. math. l. X. f. 183. f. 227. STOB. eclog. phys. p. 19. Stoicis *ταραξήματα* dicuntur, vid. LUGRET. vii. auctor. T. III. p. 119. 125.

^{k)} Conf. GASSEND. Synt. phil. Epic. P. II. l. r. c. 16. p. 277.

^{l)} LAERT. l. X. f. 54. conf. GASSEND. ad LAERT. l. X. p. 342. qui veterum testimoniis haec roborat.

^{m)} PLUT. l. c. LVCRET. l. I. v. 1020.

ⁿ⁾ ibid. l. II. v. 638 seqq.

^{o)} LVCRET. l. III. v. 860 seqq.

^{p)} DIG. T. III. art. Lucret. not. Q. p. 216.

LXX. Mundus est vniuersi, seu infinitatis rerum quaedam portio, siue complexio coeli, sidera terramque resque omnes conspicuas continens ^p.

LXXI. Mundus vnus est, sed tantum propter combinationem partium earumque relationem inter se.

LXXII. Mundus interna sua forma constitutioneue animatus non est, ac multo minus Deus. Ita Velleius apud C I C E R O N E M ^q, qui Stoicos aliosque Deum mundi animam esse censentes, refutat. Ratio ex primis Epicuri principiis manifesta est.

LXXIII. Certum quidem est, esse quoddam mundi extremum, quoniam mundus est aliquod quasi resegmentum vniuersi infiniti; at vero, quale illud sit. et quali forma, dicere nemo potest, nisi illinc aduenerit ^r.

LXXIV. Non est aeternus mundus, sed esse aliquando coepit. Probat id L V C R E T I V S ^s, ex partibus mundi, quae coepere, ex historiarum nouitate, artibus adinuentis; aliisque rationibus, quibus causam maxime Peripateticam vehementer premit.

LXXV. Ad extruendum mundum opus non fuit intercedente numine. Neque enim esse potest a causa beata simul ac immortalis, quae ipsum fabricauerit. Rationem hanc affert Epicurus apud L A E R T I V M ^t, a numinis beata vita petitam, quam tamen dicis tantum causa assumtam dicent, quibus Epicurus inter numinis hostes refertur. Illud certum est, longe aliam Epicuro fuisse asserti huius causam, nempe quod atomis nihil putabat, tanquam causam efficientem, prius, adeoque prima omnium rerum principia atomos constituebat; quas cum motu et legibus mechanicis coire posse crederet, quid numinis alicuius concursu opus est? Alias rationes, quibus Platonem maxime impugnauit Epicurus, affert C I C E R O ^u, et post hunc L A C T A N T I V S ^v, quibus iungendus L V C R E T I V S ^w. Pulchre in enarranda huius dogmatis historia et asserenda contra Epicurum veritate versatus est G A S S E N D V S ^x.

LXXVI. Mundus itaque effectus magis est natura vel fortuna. Fortuna vero non consilium est aliquod, et causa per se, quae atomos temperat, sed ipse fortuitus atomorum concursus.

LXXVII. Natura nempe atomorum in infinitate vniuersi discurrentium intelligitur, qua magna sibi copia occurrentes, apprehendere se, irritareque et implectere mutuo, ac sese varie commiscentes chaos, quoddam in vorticis modum glomerari, ac post multas conuolutiones et euolutiones, et tentamina in eam mundi formam coire coepere ^y.

LXXVIII. Ita scilicet mundi ortus concipiendus est: Cum atomi motu incon-

^p) L A E R T. L. X. f. 88.

^q) De N. D. L. I. c. 8. L. II. c. 17. portenta et miracula non sane differentium sed somniantium philosophorum Stoicum dogma vocatur L. I. c. 10.

^r) L A E R T. I. c.

^s) Lib. X. f. 76.

^t) Lib. VII. c. 5.

^u) Lib. V. v. 319 seqq.

^v) L. c. L. I. c. 9.

^w) Lib. V. v. 166 seqq.

^x) Philos. Epic. P. II. sect. I. c. 2, p. 107. Conf. I O. B A P T. D V H A M E L consens. vet. et nouae phil. c. IV. §. 6 seqq.

^y) L V C R E T. L. I. v. 1020. P L V T. de plac. phil. L. I. c. 4. acriter contra hunc mundi ortum pugnat B A Y L E D. d. T. III. art. Ouide not. G. p. 556, ubi Lamio quoque respondet.

inconsulto ac fortuito essent, et continuo simul celerrimeque mouerentur, vbi in hunc immensitatis locum, in quo iam est mundus, coeperunt occurrere, seseque apprehendere, coaceruatae simul in vnam rudem indigestamque molem fuere, in qua magnae paruis, rotundae angulosis, aliis aliae commistae fuerunt ^x.

LXXIX. Deinde in confuso hoc coetu, grauissimae coepere subsidere, et rotundae, exiles, paruae, lubricae, earum concursu exprimi et in sublimē ferri ^y.

LXXX. Postquam impellens elidensque vis, quae sursum agebat, elanguit, ipsae interim atomi elisae regredi deorsum prohibita ab aliis sunt, tum ad oras vsque extremas agiliores auolarunt, tum aliae et ab ipsis reflexae, et ab aliis pone instantibus repressae sunt, facta est mutua quaedam implexio, quae coelum generauit.

LXXXI. Quae atomi autem et eiusdem naturae fuerunt, et acruatim dum in sublime compellerentur, circumuolutae, eae perfecerunt, solis ac lunae ac astrorum aliorum naturam ^z.

LXXXII. Quae vero non tam alte emergere potuere, et ab ignificis relictæ sunt, illae aëris naturam constituerunt.

LXXXIII. Tandem ex iis, quae subsederunt, terra genita est, et cum multa adhuc esset in terra materiae, eaque verberibus ventorum aurisque ex astris spirantibus condensaretur, humida inde natura genita est. Quae cum esset fluida, in caua et ad recipiendum idonea loca confluxit, vel excauauit ^a.

LXXXIV. Porro in ista commissione effecta sunt generabilium corruptibiliumque rerum varia semina, ex quibus res variae et conformatae tum fuerunt, et deinceps propagari potuerunt.

LXXXV. Quod ad ipsa animalia attinet, probabile est, ipsam terram nouum genitale semen retinentem, quosdam ex se folliculos, in vterorum similitudinem protulisse, eosque, cum maturuissent, natura cogente ruptos animalia tenera profudisse, deinde terram ipsam humore quodam, qui esset lacti similis, exuberasse, eoque alimento animantia esse nutrita ^b.

LXXXVI. Idem de homine quoque intelligendum est; feminibus vero exhaustis terra parere destitit, sicque propagatione animali tantum oriuntur ^c.

LXXXVII. Non fit motus mundi et conuersio siderum, et quae alia in eo accidunt, quasi sit praefectus aliquis, qui sic disponat, disposueritue ac simul beatitudinem immortalitatemque possideat. Non enim cum felicitate congruunt negotia, sollicitudines, irae, gratiae, sed haec prae imbecillitate, metu, opisque externae indigentia contingunt. Palmaria haec ratio est, cur Epicurus, Stoicis se oppositurus, dum in contraria ruebat, omnem e mundo

^x) PLVT. l. c. LVCRAT. L. IV. v. 420 seqq.

^y) ib. v. 450.

^z) ibid. v. 454.

^a) ib. v. 474 seqq.

^c) ibid. v. 304 seqq.

^b) ibid. L. V. v. 799 seqq.

mundo prouidentiam exulare iusserit, quod crassius eum quam tantum philosophum decebat, philosophatum fuisse euincit. Quibus tamen alia adiungere Epicurei, certe parum firmiora, quae praeter LVCRETIVM, CICERO, LAERTIVS et LVCIANVS^d memorant. Nec poterat aliter statuere Epicurus, qui totus materialibus principiis addictus, ea cum efficientibus turpiter confundebat. Iisdem argumentis specialem quoque circa homines Dei prouidentiam oppugnabat.

LXXXVIII. Quia vero Deus res mundi nec regit, nec curat, statuendum porro est, non esse ministros, quos genios vel daemones appellant, qui si essent, res non contingerent, ac si nulli supponerentur, nec possent esse, quales finguntur, humana videlicet forma et voce, quae ad nos pertingat^e.

LXXXIX. Quia vero Dii vel daemones illi rerum in mundo curam non agunt, sequitur etiam, non tantum mentiri vel fingere, qui genios sibi apparere dicunt, imaginationis vanitate deceptos; sed et ex somniis diuinationem, et oracula atque vaticinia alia meras esse imposturas^f. Multum in hoc argumento laudis quaesivit Epicurea secta, quae tanta fiducia his magistri placitis adhaesit, ut non dubitarent profani homines Celsus^g atque LVCIANVS^h Saluatoris miracula ad similes reuocare imposturas. Censuram ideo Epicurus meritus est GASSENDI^b.

XC. Mundum interituum, finemque habiturum ex eo dependet, quod genitus sit ortumque habueritⁱ.

XCI. Argumentum eius est, quod ex atomis constat, motu intestino indefinenter exsolutionem poscentibus; quod res omnes una via natas denasci posse compluribus experientia probat: tum vero, quod videmus mundi partes sensim deteri ac diminui. Nihil enim solidum est, et indissolubile, praeter atomum^k.

XCII. Verisimile quoque est, non posse tantum mundum omnimode exsolui, sed fore quoque, ut puncto temporis nihil reliquiarum extet, praeter atomos et spatium desertum^l.

XCIII. Dantur mundi numero infiniti: atomi enim infinitae per infinitatem spatiorum quae feruntur, cum alibi aliae procul a se inuicem concurrant, coalescere in fabrefactionem mundorum infinitorum possunt.

XCIV. Nihil vero repugnat, mundos alios partim similes, partim dissimiles isti nostro esse: nam et possunt esse maiores, et minores, et aequales, et easdem vel alio ordine sitas habere partes, aliaue praediti esse figura^m.

XCIV.

^d) CICERO de N. D. L. I. c. 8. LVCRET. L. II. v. 1092. LAERT. L. X. f. 77. LVCIAN. Ioue Tragœd. T. III. p. 411 sqq. qui fuisse prouidentiam ridet.

^e) PLVT. in Bruto T. V. p. m. 711.

^f) CICERO de diuin. L. II. c. 63. conf. GASSEND. phil. Epic. P. II. f. II. c. 6. p. 260.

^g) ORIG. contra Cels. L. I. et IV.

^h) In Alexandro, alibique.

ⁱ) l. c.

^j) CICERO l. c. L. I. c. 8.

^k) PLVTARCH. plac. phil. L. II. c. 4. LVCRET. L. II. v. 1104 seqq. L. V. v. 252, 381.

^l) IDEM L. II. v. 1144. L. I. v. 1102.

^m) LAERT. L. X. f. 45. PLVT. plac. phil. L. I. c. 5. ubi Metrodori simile exponitur. conf. LVCRET. L. II. v. 1102, et qui historiam dogmatis erudite enarrat GASSENDVS phil. Epic. P. II. f. I. c. 2. p. 93 seqq.

XCV. Videtur autem quilibet illorum mundorum, ut omnis concretio, quae in inani immenso sit, per proprios quosdam atomorum vortices vel conuolutiones seorsim procreari, atque id quidem siue in intermundio locoue inter duos mundos non multum distitos, siue in loco multiuacuo, siue denique in magno immistoque et puro inani.

XCVI. Terra quidem, ut supra dictum, cum coelum aliaque sublimia sursum veluti auolarent, subsidit in mundi medium, ac ibi ut in imo loco remansit. Verum non, quemadmodum ipsa media est mundi pars, in quam omnia pondera cadunt, ita datur in ipsa medium, seu centrum, versum quod omnia pondera dirigantur. Ea enim parallelis motibus cadunt, non vero in angulum connituntur.

XCVII. Errant itaque, qui dari antipodas statuunt.

XCVIII. Terra itaque in orbem quidem circulumque conformata est, sed tamen quasi discus aut tympanum non vero ut globus vel sphaera: non cadit vero, quia infidet aëri, tanquam ipsi congenea.

XCIX. Neque terra animata est, ac multo minus Dea reputanda, sed animata ideo parturit, quod varias atomos continet, variaue semina rerum, unde animata formentur. Oppositum hoc quoque Stoicis esse, terram ab anima mundi ita animatam, ut Dea sit, afferentibus, facile ex dictis *capite nono* intelligitur.

C. Terrae motus variis ex causis possunt contingere: vel a ventis aquisque in speluncis, vel a partibus quibusdam subito percussis, vel a spiritu per cauernas terrae cavitates disperse, vel in ignem verso, et fulminis instar acto, et sic porro. Et ab hoc postremo eructationes quoque ignium sunt.

CI. Mare ex tot fluminum ingressu non augefcit, quia ad tantam molem comparata vix guttae instar sunt, et sol multum ex eo humoris detrahit; primaria vero causa est, quod cum ipsa terra sit raro permeabilique corpore, et mari vndique alluatur, debeant aquae ut in mare ex terra peruolui, ita ex mari in terram subtermanare, ut iterum emergant, ac fluant.

CII. Aqua ex mari terram peruadens sic percolatur, ut corpuscula salis exuat, illisque deinceps denudatis redeat, illa enim hamatiora sunt, haec laeuiora, sicque ista facile possunt irretiri et relinqui.

CIII. Inundationis Nili causae sunt vel reflantes per id tempus etesiae, quae mare attollunt ad Nili ostia, et arenas quoque ad illa prouoluunt, vel excitatae ab aquilone nubes, contrusae et pluuiam exprimentes. Patet ex allatis, varias phaenomenorum naturalium causas Epicurum allegare solitum, plerasque exigua verisimilitudine, quod a viro, rerum naturalium contemplationi toto dedito, non expectandum esse videtur. Quod licet ma-

Y yy yyy y 2

gnope-

*) LVCRETIUS L. I. v. 1051 seqq. patet ex hac thesi Epicureos a vera mechanicarum legum notitia parum fuisse instructos, id quod totum etiam systema et primarium eius vinculum probat.

*) ib.

p) IDEM L. V. v. 538 seqq.

q) ibid. L. II. v. 652 seqq.

r) ibid. L. VI. v. 535. SENECA Q. nat. L. VI. c. 20. LAERT. L. X. c. 105.

s) LVCRET. L. VI. v. 613 seqq.

t) ibid. v. 635.

u) ib. v. 714.

gnopere negandum non sit, facileque concedendum BURNETIO *: *philosophari eum laxè, et per rationes fluctuantes, quae non constringant animum, neque ad assensum impellant, nisi sua sponte in partes indolemque Epicuri propendeat*: excusationem tamen meretur Epicurus ob scopum, quem is sibi proposuerat. Qui cum is solus esset, ut superstitione a terrore et formidine sublimium orta, cognitio rerum causis desinat tranquillitatem mentis turbare, et ab omni diuinæ vis illapsu et directione eum praestare immunem, satis ei fuit, causam qualemcunque afferre, quae licet verisimilitudine exigua gaudeat, sufficiat tamen, modo rationem adducat probabilem, et sensibus facientem satis. Quam Epicuri hac in re mentem fuisse ipse in *epistola ad Pithecolm* prodit, ubi monet, *nihil impedire eorum, quae in coelestibus videntur, si quis multiplicis modi memoriam habeat, et consequentes inde hypotheses et causas simul intueatur, neque respiciat ad ea, quae minus apte sequuntur, et aliter atque aliter ad eundem modum deflectunt*. Id quod semel de sequentibus quoque monuisse sufficiat.

CIV. Rupium faxorumque moles praecipua ab initio fuit conformata.

CV. Plantae hoc cum animalibus commune habent, quod nutriantur, accrescant. generentur; verum ista sponte naturae, id est particularum interna translocatione, accretione et transpositione, non ductu animae alicuius peragunt, ac proinde imitatione tantum quadam vivere et mori, ut animalia, dicuntur.

CVI. Semel constituta ex atomorum congruarum coniunctione animalium natura, in ortu mundi, cum ex atomorum motione ac evolutione intestina aliquae semper sedibus suis emotae atque excurrentes in partes genitales vnde quaque confluerent, factaque sexuum distinctione post appetitionem mutuum, complexumque initum, in utero reciperentur: tum atomi aut ex ipsis molculae semineae, quae ex singulis defluxere partibus, motione perseverante, ad similes confluxere, v. g. quae ex capite, ad caput, sicque animalculum tandem formatum illi simile, ex quo semina decidere.

CVII. Ex hoc vero sequitur, ut partes animalium non fuerint ab usque initio eo, quo sunt modo, propter fines ususque illos conformatae, quos habere deprehenduntur; verum quia contigit partes eo, quo sunt, modo, fieri, aut existere, ideo hosce usus potius, quam alios obtinuerunt, dederuntque illius notitiam. Elegantissimum sapientiae diuinæ in mundi formatione demonstratae argumentum ita subuertisse Epicurum, negari nequit; non vero id poterat aliter, ex quo insulsum ei dogma placuerat, nullam fuisse causam, quae haec prospiceret, quaeque talia dirigeret. Quam hominis infaniam post GALENUM merito castigavit, historiamque dogmatis docte enarravit GASSENDUS.

CVIII.

* ARCHAEOL. phil. L. I. c. 13. p. 443 seq.

† LAERT. L. X. f. 95. 96. ‡ LUCRET. L. VI. v. 538.

§ PLAT. de pac. phil. L. V. c. 25.

|| CONF. GASSEND. ad LAERT. L. X p. 679. Synt. phil. Epic. p. 350.

¶ LUCRET. L. IV. v. 816. LACTANT. L. III.

c. 17. de opific. c. 7.

§ De usu partium L. I. c. 21.

|| I. c. P. II. f. l. c. 3. p. 184 seqq.

CVIII. Anima corporea est, tenuissimum nempe aliquod, vt puta, ex tenuissimis particulis contextum corpus. Qui enim incorpoream dicunt, ineptiunt; si enim huiusmodi foret, neque agere neque pati posset, sed esset merum inane, quod motum tantum liberrimum corporibus transeuntibus permittere posset *f*.

CIX. Confundendum tamen hoc corpus tenuissimum cum corpore crasso non est, cum quo anima consensione motionum conspirat.

CX. Est vero contextum hoc corpus tenuissimum, ex subtilissimis corpusculis, quae aliunde sunt, vt maximam partem laeuigatissima, ita et rotundissima, quippe alia ratione permeare non posset cohaerereque intus cum corpore toto eiusque partibus. Hinc nec ponderis aliquid corpori decedit, decedente anima ex corpore *g*.

CXI. Etsi vero anima texturae est subtilissimae, constat tamen ex quatuor quibusdam commista naturis. Nempe coaluit temperataque est ex quodam igneo, ex quodam aëreo, ex quodam flatuoso, et ex quarto innominato, vnde sentiendi vis illi insit *h*. Vim hanc sensiferam reuera corpoream esse, licet reliquis naturis subtiliorem, supra, contra ea, quae Grandis in contrarium adduxit, monuimus.

CXII. Quatuor illa, in quibus quartum innominatum seu sentiendi vis principatum inter partes tenet, adeo perfecte temperantur, vt inde vna quaedam eaque tenuissima cohaereat substantia, quae cum in corpore continueatur, causa est illi omnium facultatum, passionum ac motuum, et vicissim illud continet atque regit, et salutis causa est: nec secerni a corpore sine illius dissolutione potest *i*.

CXIII. Sensum anima ita obtinet, vt tam ad habendum, quam ad vtendum, corpore indigeat, quippe a quo interim contineatur, et quocum operari valeat *k*.

CXIV. Discedente itaque anima, corpus expers sensus manet, quem per se non habebat, sed ab anima tantum accipiebat per cohaesionem mutuam atque consensionem *l*.

CXV. Hinc intelligitur, non animam solam, aut corpus solum per se sentire, sed vtrumque potius coniunctim: quod vero res sensus capax sit, quae ex principiis tamen insensilibus genita est, oritur ex speciali magnitudine, figura, situ, ordine principiorum, vnde qualitas sensus originem capit *m*.

CXVI. Quia diuersa sensoria sunt quinque, quibus anima res sibi obiectas percipit ac sentit, ideo quinque sensus sunt, visus, auditus, olfactus, gustatus, et tactus *n*.

CXVII. Diuersitas sensuum ex eo oritur, quod partim colorum, visibili-

Yyy yyy y 3

f) LAERT. L. X. s. 63. LVCRET. L. II. v. 129.
162 seqq.

g) Citati.

h) LVCRET. L. III. v. 233. PLVT. de plac. phil. L. IV. 3. et adu. Coloten.

i) LVCRET. L. III. v. 290. 324.

k) LAERT. L. X. s. 64

l) ibid. v. 65.

m) LVCRET. L. II. v. 285 seqq.

n) ibid v. 972 seqq.

Liliumque rerum species, itemque soni, odores, sapes et qualitates reliquae texantur ex corpusculis, quae magnitudine, situ, figura, ordine, motione differunt; partim ipsa sensoria visus et aliorum sensuum contexturae sint intercipientes ea spatiola, seu eos porulos meatulosque, qui cum et ipsi varie differant, et variis corpusculorum qualitatibus commensurentur, diuersitas illa inde oritur, nec potest videri, quod audiri potest, etc. ^o

CXVIII. Inde etiam fit, vt non animalia tantum, sed homines etiam non iisdem sensibilibus rebus afficiantur, quia diuersae in eis contexturae sunt, quibus diuersae corpusculorum qualitatium impressiones respondent ^p.

CXIX. Visus ratio in eo sita est, quod aliquid extrinsecus ex obiectis ad nos seu in oculum allabatur. Fiunt enim ex corporibus extinis effluxiones quaedam auolantium continenter atomorum, in quibus idem ordo, qui in solidis, seruatur, quae imagines rerum superant tenuitate, quicquid est rerum conspicabilem. Haec idola vel simulacra et effigies sunt, quas videmus, ac ex atomorum natura, subtilitate, celeritate intelligi facile possunt. Haec simulacra nobis seruata congrua magnitudine intercedente aëre imprimuntur ^r.

CXX. Par ratio auditus est, cuius organum auris est, in qua auditio peragitur affluxu translato ex eo vsque quod loquitur, aut resonat, aut strepitum edit, aut quomodocunque ad sensum auditus excitandum est comparatum. Hic sensus appellatur sonus. Effluxus enim ille in frustula innumera similis figurae imminuitur, guttularum instar, quae mutua cohaerentia seruata cum auri illabuntur, talem sensationem edunt, qualis ab eo, qui sonum emittit, apparata est ^r.

CXXI. Pariter in odore, a re odora vsque deferuntur molecule, seu corpuscula ea ratione commensurata ipsi olfactus sensorio, siue naribus, vt moueant et afficiant ipsum ^s.

CXXII. De gustatu idem dicendum; quo pro varia corpusculorum dispositione palati poros subeunte, seu plexa foramina linguae penetrante varius sapor existit, duleis ex leniter se accommodantibus et rotundis; acerbis ex magna figura; asper ex multangulis minimeque orbicularibus; amarus acutis, conicis, incuruis, et sic porro. Quin etiam internae illae texture in hominibus differunt, ideo quoque sapes hominibus saepe diuersi sunt ^t.

CXXIII. In tactu res sentitur, cum applicatur exterius seseque insinuat: vel cum res, quae interius est, egeritur foras, ac fit interdum cum voluptate, interdum cum molestia: vel cum alio modo res intra ipsum corpus eos motus subit ^u. Non abire recentiores naturae interpretes ab hac sensationum γένεσι quoad fundamenta rei, notum est, licet modum rectius

^o) LVCRET. L. II. v. 422 seqq. PLVT. adu. Colot. T. III. p. m. 410.

^p) PLVT. l. c. SEXT. EMP. Pyrrh. hypotyp. L. I. c. 14. f. 94.

^q) LAERT. L. X. f. 49. LVCRET. L. IV. v. 245.

^r) LAERT. L. X. f. 52. GASSEND. ad h. l. PLVT. de plac. phil. L. IV. c. 19.

^s) IDEM f. 52. LVCRET. L. IV. v. 677 seqq.

^t) IDEM L. IV. v. 645.

^u) ibid. L. II. v. 434.

rectius et enucleatius tradant*: vnde cum Epicuro et Laërtio merentur conferri.

CXXIV. Rationis siue cogitationis proprium est, feriente etiam sensu cogitare, quidpiamue apprehendere, intelligere, versare, meditari, discurre, deliberare^y.

CXXV. Constat vero eius partis textura ex corpusculis omnium subtilissimis, laeuigatissimis, rotundissimisque, quibus nihil potest esse tenuius mobiliusque, vnde momento quoque cogitationes perficit mens: quae innominata pars est animae^z.

CXXVI. Distingui itaque potest inter animam et animum siue mentem, subtilissimam eius partem; ita tamen, in qua corporis parte haeret animus, cohaeret animae, eiusque portioni eadem in parte coexistenti, vt coniunctus ei indiuidue sit, vnamque naturam cum ea conficiat: suam tamen naturam semper tuetur ac retinet, vt eius proprium sit cogitare, animi vero affectus subire, vtcunque propter cohaesionem anima cogitare, et affici animus videatur. Ita emendabat Epicurus, quae post Pythagoram, Platonem, aliosque qui ex anima mundi mentem hominis decerptam putabant, Stoici de discrimine inter mentem et animam dixere. Derisa enim et reiecta mundi anima, cum principium mere spirituale admitteret nullum, et tamen inter sensum et rationem esset discrimen, in particularum tenuitate et mobilitate totum illud, quod differrent, ponebat, id quod prolixè exsequitur LVCRETIVS^a.

CXXVII. Animi rationalisue partis sedes assignari alia non potest, quam media regio pectoris. Id enim produnt quos in pectore persentiscimus, metus laetitiaeque affectus, et quoscunque alios pendere a cogitante animo experimur^b.

CXXVIII. Animus non alia ratione cogitat, quam oculi vident, nempe per simulacra. Praeter ea enim quae incurrentia in oculum ipsum ad visionem mouent, vagari oportet per aërem innumera alia longe tenuiora, eaque seu derepta e corporibus, seu in ipso aëre formata, quae per ipsum corpus penetrantia, et accommodata animi texturae, vbi ad illum pertigerint, ipsum ad cogitandum moueant^c. Mirabilem hanc de natura idearum hypothesin variis solutionibus problematum, quae circa eam moueri poterant, ornat LVCRETIVS^d. Esse vero eam a Democrito, ex supra dictis notum est.

CXXIX. Duo affectus praecipui sunt, voluptas, familiaris et accommodata animo, et dolor siue molestia, aliena hominis animo et incommoda; par est vtrumque excitari non modo in ipso pectore, sed in partibus etiam

* Conf. WILLISIVS de anima brutorum, in compendio, l. IAC. SCHEVCHZERVUS Phys. P. I. c. II. p. 80 seqq.

y) LVCRET. L. III. v. 94. 104.

z) ibid. v. 180. 187.

a) Lib. III. v. 422 seqq.

b) ib. v. 400.

c) PLUT. de placit. L. IV. c. 8. CICERO de fin. L. I. c. 6.

d) Lib. IV. v. 728. Democriteum hoc esse, ex supra dictis liquet.

etiam aliis, in quibus dum a statu naturali dimouentur, excitatur dolor, cum in eundem statum restituantur, voluptas ^e.

CXXX. Si possent quidem partes omnes in naturali statu manere, tunc aut nullus esset affectus, aut si esset aliquis, is dicendus esset voluptas, propter placidum et tranquillum statum: at quia vel propter continuam principiorum motionem in animalis corpore, vel propter motionem, quae est in rebus circumstantibus, quaedam admouentur, quae immutent, subuertant, secernant, efficitur dolor, ac simul, quod alienus sit, auersatio seu fuga, quae mali nomine venit. Subinde autem insequitur cupiditas exemptionis a dolore, atque adeo rei, a qua abigatur, quaeque idcirco boni nomen obtineat, ac tum, cum dolor eximitur, et fit in naturalem statum reductio, ipsa excitatur concomitaturque voluptas, quae non esset futura, nisi species quaedam doloris antecederet ^f.

CXXXI. Sunt ergo quatuor generales animi affectus, dolor et voluptas, ut extremi, fuga et cupiditas, ut interiecti. Ceteri istorum sunt species, ac opinione intercedente fiunt ^g, et possunt potissimum ad cupiditatem fugamque referri. Fundamenta haec assertionum ternio offert totius philosophiae moralis Epicuri, ad hanc enim mentis voluptatem et indolentiam cuncta reduxit.

CXXXII. Quia voluptas in boni fruitione est, dolor in perpeffione mali, ideo illa quidem cum quadam animi effusione ac relaxatione fit, iste non sine contractione demissioneque illius, ideoque anima sese dilatat, ut bonum admittat in se, comprimit, ne admittat malum ^h.

CXXXIII. Variant vero in animalibus, etiam in hominibus affectus, et ad eos procliuitas, prout vel ex igneo, vel ex flatuoso, vel ex aëreo principio participantiorum habent animam ⁱ.

CXXXIV. Facultas loco motiua existit ex eo, quod simulacra animi percellunt et mouent, animi imaginatio voluntatem excitat feritque ea parte, qua ipsi iunctus est: ista vero pars totam pulsant animam toto corpore distant, sicque tota hominis moles sensim protruditur ac mouetur ^k.

CXXXV. Creatur somnus, cum animae partes per totam corporis concretionem diffusae aut cohibentur, aut distrahuntur, aut nonnulla etiam corpora, siue ab aëre, siue a cibo in dispersas incidunt, quae partim ipsas a corpore abigunt, partim intro contrudunt ^l; quo corpus fulcro suo destitutum languescit, et non amplius est sensus, quia anima intus est oppressa, et quasi sepulta ^m.

CXXXVI. Insomnia ideo contingunt, quia vagantur vbique continuo innumerabilium rerum simulacra, quae in corpus penetrare, animumque ad cogitandum res, quorum sunt simulacra, excitare queunt. Id vero cum

^e) LAERT. L. X. f. 34. 139.

^f) ib. GASSEND. ad h. l. p. 138. LVCRET. L. IV. v. 856 seqq.

^g) Hinc affectus vel naturales vel opinione orti; illi necessarii, hi minime, LAERT. L. X. f. 127.

^h) Conf. GASSEND. l. c. p. 530.

ⁱ) LVCRET. L. III. v. 289 seqq. pathologiam hanc Epicuream neruose repetiit CHRIST. THOMASIVS in praxi ethices c. II. §. 21. p. 51 seqq. ed. Germ.

^k) LVCRET. L. IV. v. 879 seqq.

^l) ibid. v. 914. ^m) ibid. v. 758 seqq. 959 seqq.

cum etiam per somnum fiat, inde dormiendo non minus, quam vigilando, videre ea putamus: et quia eorum, quae interdum cogitamus, ob factam recens impressionem in animo patentes viae relictæ sunt, eaque ipsa simulacra in somno quoque animum subeunt, ideo somniamus maxime, quorum usu et studio interdum maxime detinemur.

CXXXVII. Mors nihil est aliud, quam priuatio sensus propter excessum animæ ⁿ.

CXXXVIII. Corpore exsoluto anima ipsa dissipatur, neque habet amplius easdem facultates, neque mouetur amplius, neque obrinet adeo sensum; quia iisdem motibus amplius non utitur, nec amplius eodem in composito inest. Fit vero ista dissipatio non in nihilum, sed in principia corpusculæ, ex quibus eius textura est ^o.

CXXXIX. Itaque sicut anima ante generationem non fuit, ita neque post mortem erit, nec mali quid vel aegri sentiet, cum non amplius erit sensus ^p.

CXL. Fit ex eo, ut reputare liceat, vanos esse inferorum metus, quæque de inferis traduntur, fabulae sunt, et si usquam sunt, in vita hac sunt propter hominum deprauatos mores ^r.

CXLI. Sublimium res ideo cognoscendæ sunt, ut status mentis imperturbatus ac persuasio non vacillans seruetur; adeoque cogitandum, pluribus modis id fieri, quod in rebus istis esse dicitur, nec vno modo se habere necessario ^r. Asylum hoc non ignorantiae tantum, sed et impietatis esse, quod supra iam tetigimus, recte dixeris. Non enim veras tantum rerum causas inquirendi studio priuat, sed et omnem numinis metum tollit.

CXLII. Sidera substantiæ videntur esse igneae ac prae ceteris ipse sol, cuius calor sensu clare probatur. Rationes modosque explicandi varios adhibet, ut v. g. sint disci vitrei, qui lucida corpuscula reflectunt, vel ut sint nubes illustratae, vel quædam scaphidia parte sui caua continentia ignem, laternæ instar metallique igniti: vel ut candentes laminae et quasi lapides ^r.

CXLIII. Fieri potest, ut sol nihil aliud sit, quam glebulentum quoddam spissamentum, quod pumicis spongiaeque instar, creberrimis poris meatibusque peruium splendorem per ipsos, ex igne intus contento, eiaculetur ^r.

CXLIV. Sidera vero nec animata sunt, nec Dii ⁿ. In Stoicos hoc dictum.

CXLV. Sidera vel inerrantia sunt, quæ et situm et viam eandem ab ortu in occasum tenent, vel errantia, unde planetae dicuntur, quæ neque inter se neque cum aliis eundem situm seruant, et suos circuitus nunc magis ad boream, nunc magis ad austrum perficiunt, id quod factum necessitate ab initio astra in orbem mouente ^x.

CXLVI.

ⁿ) LAERT. L. X. f. 65.

^o) ibid. ORIG. philosophum, c. XXII. p. 153. LVCRET. L. III. v. 507. Oppugnauit hoc dogma GASSEND. Phil. Ep. c. P. II. p. 29. conf. RVDDVS thes. de atheismo p. 558 seqq.

^p) LVCRET. L. III. v. 844.

^q) ibid. v. 991 seqq.

^r) LAERT. L. X. f. 85.

^s) PLVT. plac. phil. L. II. c. 13. 20. STOBÆVS eclog. phys. p. 53. 55.

^t) PLVT. l. c. STOB. l. c. p. 56.

^u) LVCRET. v. 146. PLVT. adu. Colot. C1c. de N. D. L. I. c. 10. L. II. c. 17.

^x) LAERT. L. X. f. 113.

CXLVI. Magnitudo siderum considerari potest, vel secundum nos, vel secundum se. Et secundum nos (optice dicimus) ea tanta est, quanta apparet, sensus enim non fallitur; spectata vero secundum se (physice) potest ea esse aut paulo maior, aut paulo minor, aut praecise quanta videtur^y.

CXLVII. Figura siderum nobis quidem orbicularis apparet, potest tamen esse globosa, et laminae instar plana, atque adeo sidera possunt esse vel disci, vel cylindri, vel quasi conii, vel turbines, vel quasi clavi quidam infixi: haec enim omnia quandam habent cum rebus apparentibus consonantiam^z.

CXLVIII. Siderum motus potest fieri, aut toto coelo, cui vel vnum, vel plura insint, circumducto, ut clauorum coelo infixorum; aut coelo tanquam vel fluido vel peruiso meatibus stante. iis vero intra ipsum per se circumductis. Valde in rationibus huius argumenti exponendis fluctuat Epicurus, et eo non multum certior LVCRETIVS^a, satis prodentes ab experientia legumque naturalium notitia fuisse se imparatissimos. Fatentur enim^b, pronuntiare velle simpliciter in his rebus aliquid, eos decere, qui magnificum et portentosum aliquid coram multitudine ostentare affectant.

CXLIX. Ortus et occasus solis, lunae et reliquorum siderum contingere possunt, vel per apparitionem supra, et occultationem infra; aut per accensionem in regione orientis et extinctionem factam in regione occidentis; aut per renouatam quotidie productionem, certis ignibus confluentibus. Nihil enim est, ex rebus apparentibus, quod his repugnet^c.

CL. Sol quasi fons est in quem confluunt undique semina caloris, ut subinde ex ipso, quasi ex vno capite et calor et lux quoquouersum redundet. Sed et aer a sole diffusa luce potest accendi, ut ex vna scintilla segetis incendium^d.

CLI. Ad cetera astra quod spectat, et lunam ipsam maxime, potest fieri, ut, quam praeferunt lucem, a se ipsis habeant, fieri etiam potest, ut a sole mutuentur: nihil enim apparentium vtrius obstat opinioni^e.

CLII. Siderum eclipses pluribus modis possunt contingere: Vel quod corpus aliquod opacum se illis obiciat, ac eorum lumine terram secludat; vel quod per loca igni infesta transeant, extinctionemque lucis patiantur, quousque, ubi illa praeterierint, ipsam recreent, recuperentque^f.

CLIII. Possunt quidem sidera tempestates praesignificare, sed non, tanquam causae, eas efficere, ut hirundines ver non faciunt, sed indicant^g.

CLIV. Cometae gigni possunt, vel quod certis temporibus ignis in sublimibus locis succendatur, et ad tempus aliquod nutriatur, vel quod per varias vices coelum motionem quandam propriam, qua parte nobis imminet, subeat, adeo ut astra huiusmodi manifestari compellantur^h.

CLV.

y) ib. f. 91. GASSEND. ad h. l. p. 726.

z) PLUT. l. c. L. II. c. 22.

a) Lib. V. v. 510 seqq.

b) LAERT. L. X. f. 114.

c) ib. f. 92. LVCRET. L. V. v. 659. seduxit ad

inania haec somnia Epicurum figura terrae, quam in disci formam planam putauit.

d) LVCRET. L. V. v. 592 seqq.

e) LAERT. f. 94.

f) ib. f. 96. LVCRET. L. V. v. 750.

g) LAERT. f. 98.

h) ibid. f. 112.

CLV. Nubes generari possunt quapiam quasi cumulatione aëris compellentibus ipsum ventis, adeo, vt nubes nihil sit, nisi aëris increffamentum. Deinde atomorum inuicem cohaerentium implexione, quae in paruas primum nubium moleculas, mox in maiores et tum in maximas moles congregantur. Possunt tamen nubes etiam gigni collectione effluxionum, exhalationumue e terra et aqua eductarum sursumque euectarum: immo multis etiam aliis modis ⁱ.

CLVI. Ventus potest gigni dum vel atomi idoneis locis profiliunt ac vehementiore effusione per aërem transuolant, vel aër aut halitus e terra, et aquis exspiratis aut sole superne incumbente impellitur et agitur ^k.

CLVII. Fulmina videntur fieri ex multiplici flatuum, corpusculis igneis turgentium intra nubium moles conglomeratione, et euolutione accensioneque valida et effractione nubis ab igne in vorticem acto et in loca inferiora valide exploso ^l.

CLVIII. Pluuia potest ex nubibus fieri, aut dum rariores existentes vrgente seu vento seu incubitu proprio comprimuntur, et in guttas coalescunt, aut dum existentes densiores vi caloris aut venti rarefcunt, ac liquefactae decidunt stillatim: siquidem semina aquae continentur in nubibus ^m.

CLIX. Grando generatur, aut cum validior est congelatio prae constitutione venti frigidi, quae vrgeat nubium stillicidia: aut cum gelata moles in partes dehiscit, et moderata liquefactione stillae aquosae rimis insinuatæ tum molis interruptionem, tum compressionem partium, et totius compaginis diffractionem ad hoc efficiunt, vt partes per se singulae compactae subsistant, fragminumque acervum constituent, rotunditatem vero ex rescissis vndique angulis prae casus prolixitate nanciscantur ⁿ.

CLX. Creatur iris aut quod aër humescens aduerso solis splendore refulgeat, aut quod ea sit specialis natura tum lucis, tum aëris, vt huiusmodi colorum species exprimat, siue omnes, siue vnicam, a qua deinceps resplendescente partes confines aëris talem colorationem subeant ^o.

CLXI. Pestilentia tum praesertim creatur, cum terra intempestiuus pluuiis ardoribusque putrorem est nacta, isque halitus ex ea confurgit, qui inficit aërem et in homines et animalia grassatur ^p.

§. XII. Referebant eo, quo viuebat Epicurus, tempore plerique philosophi ad physiologiam doctrinam de Deo, quem inter causas recte numerabant, et de eo, prout systemata sua patiebantur, magis vel minus recte differebant. Aliter Epicurus, in hoc quoque palmario philosophiae argumento a reliquis diuortium facturum. Is cum semel constituisset, praeter corpora et inane esse nihil ^q, de Deo aliam non sibi fingere notionem poterat,

Zzz zzz z 2

rat,

i) ibid. f. 99. LVCRET. L. VI. v. 450 seqq.

k) LAERT. L. X. f. 100. et hoc a Democrito acceptum Epicuro, vid. SENECA Qq. nat. L. V. c. 2.

l) LAERT. f. 100. LVCRET. L. VI. v. 218.

m) LAERT. f. 99. LVCRET. l. c. v. 498.

n) ib. f. 106. PLVT. l. c. L. II. c. 4.

o) ibid. f. 109.

p) LVCRET. L. VI. v. 1091.

q) Causam cur Deum, praeter materiam, esse negauerit Epicurus. huiusmodi hanc licet: Reiciebat is principia inuisibilia, quorum nobis fidem sensus non faciunt, eaque pro nugis venditabat, vt ex episto-

rat, quam quae corpoream quandam et si ipsa quarta illa animae natura longe superiorem et subtiliorem conditionem inuolueret. Quam naturam diuinam et si cogitare et velle posse afferendum erat, cum id faceret animus, non tamen id sine cura et labore fieri a natura corporea par erat. At conditionem eam demum vere beatam reputabat, quae omni cura et labore vacua, in summa indolentia et tranquillitate viueret, hincque concludebat, duplici principio, physico nempe et morali, nixus, numen a rerum natura vel ordinanda et ornanda, vel conseruanda gubernandaque prorsus eximendum esse. Ita vero et ab omni metu superiorum, quo animi beatitatem et quietem turbari putabat, homines liberari posse credebat, id quod in antecedentibus iam tetigimus. Eiecta itaque theologia ex physiologiae suae systemate, causam materialem et efficientem vna sede collocabat, nempe in atomis. Ne vero de Diis filuisse plane videretur, quod et anticipata, quam hominibus inesse negare nequibat, notio videbatur interdicere, et religionis ratio habenda poscebat, mentem suam de Diis ita explicuit, vt haud paucis dicis tantum gratia eam prodidisse, interque Numinis hostes numerandus videretur, aliis mitius de eo sentientibus. Nos ipsum de hoc argumento differentem audiemus:

I. Non videtur in controuersiam vertendum, esse in vniuerso naturam diuinam, quod Deorum notionem in animis imprefferit ipsa natura.

II. Quae est enim omnino gens, aut quodnam genus hominum, quod non habeat sine doctrina anticipationem aliquam Deorum? Quamobrem cum non instituto aliquo, aut more, aut lege sit opinio constituta, maneatque ad vnum omnium firma consensio, intelligi necesse est, esse Deos; quoniam infinitas eorum, vel potius, innatas cognitiones habemus: de quo autem omnium natura consentit, id verum esse, necesse est. Esse itaque Deos confitendum est. Descripsimus palmarium Epicuri pro diuinæ naturae existentia argumentum luculentis CICERONIS^{*)} verbis, vt inde vis eius intelligi queat. Nostris enim temporibus de eius auctoritate valde disputatum est, magnis viris^{u)} illud duplici ex ratione reiicientibus, nempe quod nec

epistola ad Pythoclem et ratis sententiis patet, imprimis vero ira Stoicos confodiebat. Cum itaque sensus iudices constituisset, cuncta ad naturas corporeas reduci necessarium erat. Huic quidem opposebat incorporeum, sed quod nihil substantiae esset, sed inane. Ex quibus sequebatur, Deum inter causas rerum naturalium efficientes numerandum non esse: immo et inde diis natura corporea adscribenda, sed talis, quae iis competeret, de qua in sequentibus.

*) Adeo peruulgatum hoc est, vt Epicureus et atheus eodem infamiae sensu dicantur vid. LUCIAN. in Pseudomant. T. I. p. m. 561. 569. conf. CICERO de N. D. L. I. c. 30. alique nominati a GASSENDO de vit. Epic. L. IV. c. 1. p. m. 107. Patres imprimis ecclesiae vehementer eo nomine illum culpauerunt, quorum loca vid. apud BALTVM iugement des SS. Peres sur la morale des payens c. 6.

p. 38 seqq. et REIMMANNVM Hist. atheismi c. XXIX. §. 2. p. 196. Hos secuti recentiores pluri mi, interque eos maxime SAMUEL PARKERVS de Deo disp. I. s. 16. p. 40. disp. III. s. 3. p. 226. BVDDEVS thes. de ath. c. I. §. 19. p. 66. Hist. Eccl. V. T. II. p. 1081. CLERIC. Hist. eccl. N. T. Prol. sect. II. c. 5. MOSHEM. ad CVDWORTH. Syst. int. c. II. §. 2. p. 71. alique nominati HEVMANNO ad. philos. Vol. II. p. 650. et REIMMANNO l. c.

u) Ita praecipue GASSENDVS l. c. L. IV. c. 1 seqq. IAC. RONDELLVS in vita Epic. cel. STOLLIVS diss. an Epic. providentiam Dei negauerit. IO. CONR. SCHWARZ. iudic. de recondita Epicuri theologia conf. REIMMANN. l. c.

*) De N. D. L. I. c. 17.

u) LOCK, de intellectu human. L. I. c. 3. BAYLE contin. des pensées sur les Com. c. 113. T. IV. Rep. c. 11. 12. DiSt. T. III. art. Lery not. H. p. 94.

nec sequi putant, omnes homines credunt DEVM, ergo Deus est; et certum esse contendunt, esse nationes plane atheas. Quam quidem controverſiam a noſtro ſcopo alienam hic non tangimus, monemus tamen, Epicurum vtrique difficultati ſatis occuſſiſſe; nam conſenſum hunc humani generis ex anticipata notione, id eſt, ea idea de Deo, quam omnes homines antecederet ad inſtitutum, mores, legem, religionisque praecepta habent, deriuauit, cumque naturali inclinatione tot a ſe modis alias diſſentientes homines in hac notione conſentiant, inde concluſit, innatam cognitionem hanc eſſe, non quidem actu, naturali tamen propenſione mentibus impreſſa, qua ratione argumentum ſatis firmum eſſe, nemo negauerit, praeiudicio non imbutus ^w. Deinde recte ad experientiam prouocat, teſtantes non eſſe gentem, quae non habeat ſine doctrina aliquam anticipationem de Deo. Hoc enim praecipue conſiderandum eſſe in hac controuerſia, non ſatis attenderunt viri doctiſſimi, qui totas gentes atheas dari, veterum et recentiorum etiam teſtimoniis euincere conati ſunt. Vt enim de ſubleſta plerorumque, qui adducuntur, teſtium, qui vel non potuere, vel noluerunt veritatem dicere, et leui brachio in examinandis totarum gentium religionibus verſati ſunt, fide ſileamus, hoc imprimis argumentum euertit, non eſſe quaestionem vel de vita ab omni cultu Deorum aliena, quo ſenſu plerique veterum, in teſtimonium adducti gentes etiam immeritas, atheas dixere, vel de doctrina et religione Dei cultum profitente, vtrumque enim largiri haecenus poſſumus, ſed, quod recte Cicero habet, de anticipata ante doctrinam omnem notione Dei, quae mentibus impreſſa eſt, quam plane iis gentibus non in eſſe, nemo haecenus dedit probatum.*.

III. Videri quidem poſſunt homines, cum coeli rationes et varia annorum tempora verti redireque certo ordine cernerent, neque id poſſent, quibus id cauſis efficeretur, cognoscere, id ſibi perſugium habuiſſe, vt Diis omnia tribuerent, facerentque eorum nutu omnia flecti, ac ſimul in coelo ipſos collocarent, quod reuolui in coelo ſolem, lunam, ac ſtellas conſpicerent: at quomodo iſta Diis attribuiſſent, niſi prius, eſſe Deos, cognouiſſent. Ita anticipatam Dei notionem ex Epicuri mente demonſtrat LUCRETIVS ^y, qui vero recte intelligendus eſt. Non enim ita concludit poeta: quia homines ex ordine motuque coeli atque ſiderum concluſerunt, eſſe Deos, ideo notio eius vera eſt: hoc enim idem eſſet, ac dicere, eſſe praeiudicium id hominum, quos hunc in modum falſo de ſublimibus rebus fortuito atomorum motu et natura ita congeſtis motisque credere, ipſe ſtatuebat. Sed ſupponit Lucretius veriſſimum Epicuri canonem, de nulla re cogitari, vel eam affirmari negarique poſſe, ſine anticipata aliqua

Zzz zzz z 3

notio-

^w) Videndi quos laudat FABRIC. Syll. ſcript. de V. R. C. c. VII. p. 310. add. BVDDEVS theol. mor. P. I. c. 2. §. 5. et celeberrimi FEURLINI luculenta diſſ. de modo probandi Deum ex conſenſu gentium.

^x) Conf. CICERO Tuſc. Qq. L. I. c. 13. de legib. L. I. c. 8.

^y) Lib. V. v. 1182. SEXT. EMPIR. adu. mathem. L. IX. f. 26.

notione. Cum vero homines motui siderum ordinato Deos praefecerint, necesse esse, ait, ut habuerint prius, quam ita rationes subducerent, talem de Diis anticipatam notionem, eaque idea ipsis fuerit connata. Idem de omni apud gentes omnes cultu diuino valet, ad quem non fuissent delati, nisi prius naturali dispositione et inclinatione permoti credidissent, esse diuinam in vniuerso naturam. Quod an satis recte concludat ^z, alibi disceptandum est.

IV. Forfan habuere hanc homines notitiam ex somniorum visis. Potuere certe, magnis quibusdam et humana forma incurrentibus per somnium imaginibus, existimare, esse reuera aliquos huiusmodi humana forma Deos; et cum vigilando meminissent, eas sibi apparuisse, cogitare, oportere extare alicubi eiusmodi naturas, quae et sensus capaces essent, quod membra mouere, vocesque emittere cernebant; et immortales essent, propter magnitudinem, et constantiam earum imaginum; et beatae forent, quod neque mortem timerent, neque vllum ex iis, quae efficerent, caperent laborem. Ita Epicuri de istius innatae Deorum notitiae origine mentem explicant LVCRETIVS ^a et SEXTVS EMPIRICVS ^b, satis miserabili ratiocinio vtentis, sed ad quod philosophiae ipsius principia cum deducebant. Cum enim non alium notionum in anima extantium modum agnosceret, quam qui fit imprimendo simulacra ex rebus effluentia, vel in aëre vagantia, necessario ad has ineptias ei deueniendum erat, quae tam misere cohaerent. Non enim cogitauit, effluere simulacra a Diis non posse, cum non sint ex atomis compositi, nec moleculis istis atomorum constent: nec recordatus est, quod alibi monuit ^c, vulgus decipi in opinione de Diis: ita enim et in infomniis homines decipi posse sequitur. Grauem hanc ob rem dicam Epicuro scripsit SAM. PARCKERS ^d. Ceterum et hoc argumentum Epicuro CICERO ^e tribuit, potuisse homines ratiocinando illa *ισορροπία* vel aequabili tributione uti, qua efficitur, si mortalium tanta multitudo sit, esse immortalium non minorem; et si quae interimant, innumerable sint, etiam ea, quae conferuent, infinita esse debere.

V. Communem hanc notitiam consulentes intelligimus, esse Deos substantias aeternas et beatas, nec sine immortalitate et beatitudine Dii concipi possunt.

VI. Quod vero aeternum beatumque est, id nec habet negotii quicquam, nec exhibet alteri ^f.

*Providentia
diuina an
Epicuro ne-
gata?*

VII. Hoc admissio sequitur, nec mundi condendi nec regendi cura tangi Deos posse, nec esse vllum eorum laborem circa hunc mundum; hoc enim summae qua fruuntur, beatitudini prorsus repugnat. Sequi hanc negatae diuinae providentiae assertionem, ex conceptu de Deo Epicureo, et tota ratione systematis physiologici Epicurei manifestum est: in eo enim

Deos

^z) Conf. laudari FABRIC. l. c. c. VII, p. 287 seqq.

^a) ib. v. 1168 seqq.

^b) l. c. f. 25. conf. GASSENDVS ad LAERT. L. X. p. 42.

^c) Apud LAERT. L. X. f. 123.

^d) l. c. p. 41.

^e) l. c. c. 19.

^f) ibid.

Deos prorsus exulare, cunctaque ad atomorum motum et declinationem redire, manifestum supra fecimus. Vnde vehementer veteribus et recentioribus vapulat Epicurus, quod hoc hominibus eripuerit solatium, curare Deum res humanas^g. Intercessere tamen pro Epicuro viri duo doctissimi et veteris doctrinae apprime gnari, IACOBVS RONDELLVS^b et GOTTL. STOLLIVSⁱ, quorum vterque, diuersis licet argumentis vsus contendit, non negatam fuisse ab Epicuro diuinam prouidentiam omnem. Et eruditus quidem vitae Epicuricae auctor, ita pro Epicuro dicit, vt contendat, remouisse quidem Gargettium senem a mundi ornatu, motu siderum, tempestatum vicibus, reliquisque rebus sublimibus concursum diuinæ prouidentiae, cum tantas acceperint vires, vt constare sua virtute queant: non vero sustulisse diuinæ pronoeae influxum in res hominum, LVCRETIO^k enim teste, statuisse, vim quandam abditam naturae, qua casus etiam maximi regantur. Recte his opponitur, non certum tantum esse, in meteoris motum, et conuersionem, et defectum, ortumque et occasum, et his similia nullo ministerio fieri, neque vllius ordinatione, et imperio, qui omnem simul beatitudinem et immortalitatem habeat, Epicurum statuisse, cuius haec ipsius verba sunt^l; sed et ex illo, quod mox addit: *beatitati non conuenire negotia, et curas, et iras, et gratias, sed ob infirmitatem, ac timorem et indigentiam proximorum ista fieri*, sequi, repugnare diuinæ naturae, vt curam hominum suspiciat, vel gratiae poenaeue vllum respectum foueat, id quod omnem necessario prouidentiam tollit. Hoc nec ipse negauit Epicurus, nec veteres vnanimi aliter testantur ore, pulchreque vidit Epicuri patronus GASSENDVS^m, qui impietatem hominis profligauit. Nec vis abditæ Lucretii diuina prouidentia est, sed opinio vulgi ab eo exponitur, quod, cum illustres ruinas et mirabiles in mundo casus et mutationes videt, nec in eorum causas penetrat, vim eiusmodi abditam arguit. Hanc vero vim abditam reuera in schola Epicuri nihil aliud esse, quam perpetuum accessum, et decessum atomorum, mutationemque et alterationem molecularum ex iis compositarum, quibus res constant, alibi satis luculenter is prodidit, et supra quoque a nobis demonstratum est. Aliter, et subtilius rationes instruit cl. STOLLIVS: Is non monet modo, quod de Ionicis Parckerus contendit, non negasse Epicurum causam efficientem, sed supposuisse, et de causa tantum materiali, vt decet physicum, differuisse, sed ad STOBÆVMⁿ quoque prouocat, hanc Epicuro sententiam tribuentem: *Gratias agere concedet naturae beatae, quod necessaria inuentu facilia effecerit, inuentu vero difficilia non necessaria*. Beatam vero naturam Epicuro Deum esse. Disputare quoque Philumenarim, apud AMBROSIVM^o, qui ex sectatoribus eius fuit, voluptatem in homine Deo auctore

g) Conf. FABRIC. I. c. c. IV. p. 366. BAYLE I. c. not. G. p. 377.

b) loco supra laudato.

i) Diss. supra citata, et Histor. phil. mor. gentil.

s. III. p. 195.

k) Lib. V. v. 1233.

l) Apud LAERT. L. X. f. 76.

m) Syntagm. phil. Epic. p. 13. seqq.

n) Serm. XXXIX. p. 137.

o) Epist. 82. l. III. cap. p. 24. edit. Fabric.

auctore creatam esse; id vero sine consilio ordinato et statuto fieri non potuisse. Idem euincere contendit vir doctus, loco Epicuri apud LAERTIUM^p, qui, (licet corruptus sit^q,) innuit, poenas malos sequi, praemia a Deo bonos: in eadem porro illum epistola Deum fortunae opponere; Auctorem porro *historiae philosophiae* GALENO tributae, asserere, conuenire in eo Epicuro cum Stoicis, quod molestiam nullam nec sentiat diuina natura nec creet, sed bona quaelibet communicet. Putat itaque eruditus Epicuri hyperaspistes, concessisse philosophum prouidentiam generalem, eam tamen in producenda tantum animam brutam, mundi rectrice manifestatam ponendo, sic animae mundi, quam Stoici asseriebant rationali opposuisse, inde vero Stoicos occasionem sumsisse Epicurum negatae omnis prouidentiae diuinae accusandi. Nos haec non sine eruditione et veritatis colore dicta esse concedimus, cum veritate vero concordare valde dubitamus. Nam Stobaei testimonium et incertum est, vtrum Epicuro recte tribuatur nec ne, ipso viro docto dubitante^r: et non liquet ex obscuro loco, quid in eo beata natura significet; et annon coeca illa et fortuita, quae omnia finxit, dispositio atomorum intelligatur: certe an ab Epicuro dictum hoc sit, vel ab alio, nondum definitum est. Ionicorum vero exemplum ad Epicuri defensionem non quadrat; licet enim systemati Ionico, vt fecit, Anaxagoras, causam efficientem supremam praefigere, Epicureo non licet, in quo efficiens et materialis causa coincidunt^s, quodque a naturae beatae conditione mundi productionem et conseruationem remouet, vt ex *prima ratarum* Epicuri *sententiarum* est manifestissimum. Patet etiam ex *epistola* eius *ad Herodotum*, omnem omnino prouidentiam rerum in mundo gestarum, beatis Deorum naturis eum denegare, non vero tantum particularem. Philumenaris vero, qui Philomarus quoque in quibusdam codicibus dicitur, testimonium eo minus ponderis habet, quo magis nec ipsa eius verba supersunt, nec satis constat, vtrum vel Ambrosius recte eius sententiam ceperit, vel Philumenaris magistri mentem affecutus fuerit, quam contrariam prorsus esse, vel ex eo constat, quod ipso Epicuro teste^t *non fatum vel prouidentia domina est omnium, sed quaedam nos a fortuna habemus, quaedam a nobis, ea autem Dominatu carent*. Id quod etiam manifestum facit, ea, quae de poenis ac praemiis dicuntur apud Laërtium *καὶ τὸ ἀνθρώπων* et ex mente vulgi disputari, ostendique, tolerabiliores esse has fabulas, quae speciem excusationis tamen obtendant in honorem Deorum, quam necessitatem physicorum. Nec ad testimonium auctoris *historiae philosophiae* magnopere attendendum est quod contrarium esse systemati Epicureo quilibet videt. Suspiciamurque, et Philumenarim illum, et auctorem *historiae philosophiae* ex eo genere fuisse, qui, vt omnes inter se sectas conciliarent, quadrata miscere rotundis non erubuerunt, et systema Epicuri fortuitum vno ire iugo cum Stoica mundi anima coegerunt. Nec enim animam mundi, nec

p) Lib. X. f. 134.

q) Vid. viri docti ad h. l.

r) Hist. phil. mor. gent. §. II^o, p. 198.

s) Et quidem necessario, quia atomis causa aeti-

na inest, eaque cum passiva vna sede moratur, vti supra demonstratum.

t) LAERT. L. X. f. 133.

nec brutam aliquam quae naturae insit, animam Epicurus agnouit, sed atomis et inani, siue fortuito corpusculorum in infinito vacuo motu omnia comprehendit, quae in mundo geruntur, quod satis prodit, istos Pseudo-Epicureos, modo genuina eorum est sententia, Epicuri doctrinam adulterasse, quae ratio veterum systemata corripiendi eo tempore, quo ista historia philosophica scripta est, valde inualuit.

VIII. Quod si nulla rerum huius mundi cura Dii tanguntur; intelligitur inde etiam, a beata immortalique natura et iram et gratiam segregari, quibus remotis nullus a superis impendit metus *.

IX. Sed et hoc inde sequitur, vaticinia et diuinationes nullas esse, sed vel imaginationis fallacia vel hominum edi fraude *.

X. Etsi vero influxum in res naturales habere Deos credi non potest, et ita a superstitione homines liberandi sunt: praestans tamen Deorum natura pietate coli debet, cum et aeterna sit, et beatissima. Habet enim venerationem iustam quicquid excellit, licet metus omnis ab ira atque vi Deorum pulsus sit *.

XI. De forma Deorum partim natura nos admonet, partim ratio docet. Nam a natura habemus omnes omnium gentium speciem nullam aliam, nisi humanam Deorum; et hoc ipsa ratio confirmat et declarat. Nam cum praestantissimam naturam, vel quia beata est, vel quia sempiterna conuenire videatur, eandem esse pulcherrimam; quae compositio membrorum, quae conformatio lineamentorum, quae figura, quae species humana potest esse pulchrior?

XII. Quod si omnium animantium formam vincit hominum figura, Deus autem animans est; ea figura profecto est, quae pulcherrima sit omnium. Quoniamque Deos beatissimos esse constat, beatus autem esse sine virtute nemo potest, nec virtus sine ratione constare, nec ratio vsquam inesse, nisi in hominis figura, hominis esse specie Deos confitendum est.

XIII. Cum vero Deos esse hominis animantisque specie dicimus, tale ipsis propterea, quale vulgo est hominum animantiumque, corpus non tribuitur. Non enim est quidem Deus res plane incorporea, careat enim sensu necesse est, careat prudentia, careat voluptate, quae omnia vna cum Deorum notione comprehendimus: at non ideo tamen crassum corpus est, immo neque etiam quam potest subtilissimum ex atomis coagmentari: sed omnino est corpus sui generis, quod sane non sensu, sed mente cernatur, nec soliditate quadam, nec ad numerum, sed imaginibus, similitudine et transitione perceptis, quodque comparatum ad ea, quae vulgo occurrunt, appellanturque corpora, dici possit, esse non corpus, sed quasi corpus, non sanguinem, sed quasi sanguinem habere.

XIV.

a) CICERO l. c. c. 17.

*) Dicitur hac de re §. praecedente.

y) CICERO l. c. GASSEND. vit. Epic. L. IV. c. 3.
p. 112 seq. c. 4. p. 120. BAYLE l. c. not. G.

XIV. Neque est hoc quaecumque corpus coagmentatum ex atomis, quoniam sempiternum alioquin non foret, et ex ipso ortu consequeretur interitus, ex concretionem dissipatio, sicque non esset sempiternum. Adeoque peculiaris natura est, quae et inconcreta est, et ob tenuitatem attingi plagamque accipere non potest. Describenda erat tota Epicureae theologiae summa, disertissimi TULLII² verbis, ut de mente Epicuri accuratius constaret. Patet vero ex his, quibus Lucretii philosophia concinit, ad hominis quidem formam speciemque Deos reuocasse Epicurum, sed longe praestantior figura et natura. Scilicet occupabat philosophum, cuncta sensuum regula metientem, notio animalis rationalis, qualis homo est: putabatque non cogitare naturam aliquam posse, nisi homini similis sit. Cum vero videret, beatam et immortalem Deorum naturam homini et originem ortumque, et finem atque interitum habenti non conuenire, id quod rationale in homine est, abstrahendo, et ad maximam subtilitatem tenuitatemue extendendo, Diis adscripsit, sicque perfectionem hominis figuramque rationi conuenientem, sed Deorum immortalis natura dignam commentus est. Quod annon contradictionem inuoluat latentem, hic non dispicimus; cum nobis sufficiat, Epicurum, semel occupatum praeiudicio non dari res prorsus immateriales, ita rationes iniisse ut ostenderet, quo modo diuina natura cum suo systemate constare posset. Cum itaque corpus esse Deos negaret, quale homines habent, et tamen praeter corpus et inane nihil esse statueret, ad hanc notionem abstractam confugere habebat necesse, ut Deos sine compositione, sed solida natura cumque ratione et sensu atque voluptate viuere, et peculiarem quandam naturam corporis constituere assereret. Quod, ad absurdas voces et ideas nihili philosophum systematis ἀσυστάς confusione admittendas fuisse coactum, satis euidenter euincit. Quia vero in vniuerso omnia ex atomis et inani constare asseruit, merito hic quaeritur, utrum Epicurus Deos ex atomis constare dixerit nec ne? Non audiendos quidem esse TERTULLIANVM^a et AVGVSTINVM^b, Diis Epicuri ex eius mente ortum ex fortuito atomorum concursu adscribentes ex adductis veterum testimoniis et definitione Deorum Epicurea, quam attulimus, constat. Recte enim LACTANTIUS^c vrget, *sempiternam Deorum naturam non fore, si ex atomis composita esset, ex ipso enim ortu consecuturum fuisse interitum, ex concretionem dissipationem*. Verum difficilius est statuere, utrum non speciem quandam atomorum, id est corpusculorum longe tenuissimorum, sensu et ratione praeditorum, adeoque indissolubilem et hinc immortalitatis et beatitatis capacium eos esse putauerit? Licet enim ab omni veri specie aliena sit cl. IO. CONR. SCHWARZII^d sententia, atomos omnes, ex quibus constant omnia, ad diuinam naturam pertinere, quae scilicet totum systema Epicuri physiologicum euerit: videri tamen is posset, inter peculiaris atomorum genera, quae infinita esse

2) I. c. c. 18. conf. LACT. de ira Dei c. 10.

a) Adu. gent. c. 47.

b) Epist. 56.

d) Diss. supra laudata.

c) I. c.

esse dicebat, hanc quoque diuinam naturam retulisse, eo quod praeter atomos et inane nihil esse putaret. Obstat tamen his, non tantum, quod ista distinctio ad res tantum naturales, non diuinas, pertineat, sed imprimis quod atomi omni rationis et sensus qualitate in se priuatae Epicuro dicantur; qua tamen Dii eius gaudent; nec liberi ii essent, etsi in intermundiis constituti a conuolutione et implicatione atomorum aliarum, qua ad constituendum mundum aliquem raperentur, si essent atomi. Accedit testimonium PLUTARCHI^e, ex Epicuri mente referentis, *quatuor quaedam habenda aeterna, incorruptaque; nempe vniuersum, cui nullus locus, in quem dilabi valeat, subsit; inane, quod nec tangi valeat, nec plagam ullam accipiat; materiem rerum (siue atomos), quae nisi immutata subsisteret, ea, quae dissoluuntur, in nihilum abirent; ac tandem in naturam diuinam, quae et inconcreta sit, et ob tenuitatem attingi plagamque accipere non queat.* His enim verbis natura diuina atomis diserte opponitur. Quod si vero instes, quaerasque, quid tandem est diuina natura ex mente Epicuri? Facile quidem respondebimus, esse quasi corpus, cum alias non esset sensus et voluptatis capax: si vero ultra quaeras, quid istud quasi corpus sit, fatemur, non nobis tantum haerere aquam, sed credere quoque nos, ipsum Epicurum systematis absurditate et contradictoria ratione in angustias redactum, cum Deorum notionem plane euertere et negare vel non posset, vel non auderet, ad eiusmodi voces nihili tanquam ad ignorantiae asylum confugisse^f. Id quod maximis saepe accidisse ingeniis tot exemplis docet historia philosophica.

XV. Designare quidem non licet, quibus in locis Dii degant, cum ne noster quidem hic mundus digna eorum sedes sit: sed dicere tamen vniuerse licet, qualem poëtae Olympum describunt, tales esse, vbicunque sint, beatas Deorum sedes purissimas et tranquillissimas^g. Scilicet in intermundiis Deos habitare necesse est, siue interuallis inter mundos^h. Luculenta hoc imagine expressit IAC. THOMASIVSⁱ.

XVI. Vita Deorum talis est, qua nihil beatius, nihil omnino bonis omnibus affluentius excogitari possit. Nihil enim agit Deus, nullis occupationibus est implicatus, nulla opera molitur, sua sapientia et virtute gaudet; habet exploratum, fore se semper cum in maximis tum in aeternis voluptatibus. Hunc Deum rite beatum dixerimus, qui beatam vitam in animi securitate et in omni vacatione munerum ponimus^k.

§. XIII. Breuis hic est theologiae Epicureae conspectus, quem ipsis vel Epicuri vel aliorum ex veteribus testimoniis verbisque delineauimus. Ex eo vero de atheismo Epicuri quaestio decidenda est, et diiudicanda tota eius religio. De qua vt sepositis variis virorum, qui in hac arena defudarunt, eruditorum argumentis, de quibus in speciali atheismi historia dispiciendum

Aaa aaa aa 2

est,

^e) De placit. phil. L. I. c. 6.

^f) Eleganter hoc CICERO l. c. vocat per dumeta correpere.

^g) CICERO l. c.

^h) SENECA de benefic. L. IV. c. 19.

ⁱ) De exult. mundi Stoica diss. II. §. 24. p. 34.

^k) CICERO l. c. c. 19.

est, mentem aperiamus nostram. I. Certum ex adductis est, Epicurum non tantum Deos statuiffe, sed et argumenta adduxisse, quibus hanc veritatem euinceret, sicque ex numero apertorum Numinis hostium eximendum esse, cum Deos a mundo distinxerit, immortalem iis, beatamque et rationalem vitam tribuerit, et pietate ac veneratione eos colendos esse statuerit, quae non possunt in apertum cadere atheum. Quod vero asseruit¹, Deos non esse tales, cuiusmodi eos vulgus arbitratur, eumque non esse impium putauit qui multitudines Deos tollit, sed qui Diis opiniones multitudinis applicat, id laudandum magis quam vituperandum est, certe cum praestantissimis philosophis, solis forte Stoicis, quos his verbis pungit, exceptis, habet commune. His se quidem magnis nisibus opponit SAMUEL PARCKERVS^m, quo nemo vel doctius vel eloquentius in Epicurum, impietatem eius accusando insurrexit, et contrarium probare contendit tum ex rationibus quibus eorum existentiam probauit, tum ex descriptionibus quibus eorum naturam delineauit. Vrget enim, nihil magis habuisse cordi, quam vt solidiora quaeque sapientum ratiocinia funditus euerteret, nullaue argumenta nisi a populi praeiudiciis desumpta, quae ipse cum primis contempsit, afferret. Verum parcius haec Epicuro obiicienda erant. Etsi enim negari nequit, male egisse philosophum, quod a mundi condendi fabrica, et gubernandi prouidentia plane remoueret Deum, et tum causis finibusque rerum, tum rebus ipsis mundanis Deum praeesse negauerit, id quod nemo sanus probauerit, ipseque recte castigauit doctissimus GASSENDVSⁿ: probe tamen considerandum est, non hoc ideo fecisse Epicurum, quod Deos negare vellet, sed quod eorum opera ad mundi systema vel efformandum vel conseruandum opus se non habere crederet, sicque homines a metu et superstitione liberare se posse praesumeret. Id quod atheum directum nondum probat, licet virum grauitur in Dei notionem veram impingentem prodat. Deinde et hoc expendendum, conceptum de diuina natura, quem sibi formauit, Epicurum seduxisse, vt Deos rebus humanis vel mundo etiam huic operam interponere suam posse negaret; quod euincit quidem, errasse eum in natura diuina describenda, non vero in existentia Dei determinanda. Nam non hoc quaeritur, an theologia Epicuri periculosa sit, et ad impietatem portam aperiat, quod suo modo concedi omnino debet, sed an haec asserta ideo professus fuerit, vt Deos tolleretur? id quod probari nunquam potest. Nec argumentum ab anticipata Dei notione desumptum vulgi praeiudicium esse, licet id ineptis hypothesibus physicis deformauerit Epicurus, ex iis, quae in antecedente § hac de re diximus, liquet; multo magis, suppositis semei principiis physicis Epicuri, fatis roboris habet. Si enim semel Epicuro hostis numinis concesserit, corporeas res omnes ex tactu, impulsuque in mente cognosci, nosque de iis certos esse, concedat etiam Deos necesse est, quia certam et anticipatam eius notionem habent homines, omni praeiudicio priorem, quae non aliam potest habere originem, quam

¹) LAERT. L. X. f. 124.^m) l. c. sect. 16. p. 41.ⁿ) II, cc.

quam quod eorum impressio naturalis in hominis animo facta sit, quae eorum existentiam secundum physiologiam Epicuri supponit. Quam notionem etsi non accurate satis cum physiologia Epicuri cohaerere ultro doctissimo praesuli largimur, nec, eum huius anticipationis originem recte descripsisse, asserimus, quaestio tamen non de modo demonstrandi Deum est, sed in eo versatur, an Dei existentiam Epicurus negauerit nec ne? id quod ex argumento non satis valido adhibito nondum concludi potest; quae concludendi ratio saepius occasionem dedit viros non malos sed non satis in hoc argumento acutos inter Numinis hostes praeter rem numerandi. Idem de altero eximii viri argumento, quod ab inepta diuinae naturae descriptione defumit, et non sine verborum phaleris prosequitur, dicendum est. Non enim opus esse iudicamus, ab absurditatibus, quas in ea inuenit praestantissimus vir, liberare Epicurum, licet idem ei reponi queat, quod eius cum ista scriberet, collegae, doctissimo CVDWORTH^o, eandem cantilenam repetenti regessit cel. MOSHEMIVS^p, Epicurum non ita concludere, nihil est praeter corpus et inane, ergo non est Deus, sed hoc tantum praeceptum ad naturae rationes explicandas adhibuisse, et videri non sine ratione Epicurum Deos mediam inter corpus et spatium naturam constituisse. Concedamus potius, absurde et indigne philosopho de Diis sensisse et docuisse. Num vero inde sequitur, eum vel Deos negasse, vel cum mundo confudisse? vel cultum tam perfectae naturae debitum negauisse? quod suspicacius quam par erat, inde concludit Praesul eruditissimus? Qua ratione si atheismus euincendus sit, timendum est, ne viri etiam boni sed iudicii interdum obtusioris causa cadant, et nefando stigmate notentur. Aliter incedunt cautiisque duumviri de orbe literato immortaliter meriti IO. FR. BVDDIVS et IO. LAVR. MOSHEMIVS^q, qui totam hanc de Diis doctrinam dicis tantum gratia, et ut os incautis oblineret, assumptam fuisse dicunt, et venerationem Deorum ab Epicuro assertam ob maiestatem et perfectionem, cum Cicerone inter absurda connumerant, quae hypocrisin magis tegant, quam pietatem prodant; cum nihil sibi in hoc mundo negotii cum Diis esse Epicurus voluerit^r. De qua suspicione, quid dicamus, non habemus, nisi, nec sufficere solam suspensionem ad atheismi maculam inurendam rationibus in contrarium praesentibus, nec videri laudatam Epicuri integritatem tam impudentem hypocrisin admittere, non tamen impossibilem eam esse, cum tota philosophia Epicuri Deum nullum requirat. Abstineamus itaque ab hoc argumento, et Epicuri theologiae tantum iudicamus talem, qualem nobis eam exposuit, secundum quam non videmus, qua ratione inter atheos apertos et directos queat reponi. II. Non diffitemur tamen tot erroribus de diuina natura scatere systema Epicuri et theologicum et physiologicum, ut non tantum satis impium in Deum sit, sed et periculosissimam ad atheismum viam pandat. Nam ut multa breuitatis causa, paucis com-

Aaa aaa aa 3

ple-

^o) Syst. intell. c. II. §. 7. p. 77.^p) Ad h. l. n. 5.^q) Locis supra cit.^r) CONF. SENECA Benef. L. IV. c. 19.

plectamur, 1. non videtur de vno supremo numine cogitasse, sed innumeras diuinas substantias simplicissimis et incompressis naturis corporeis constantes et in intermundiis tanquam culices ludentes asseruisse: quod licet ad populi tantum captum dictum esse putet cl. SCHWARZIVS^s, ipsa tamen Deorum et sedes et natura, multitudinem Deorum re ipsa Epicuro placuisse, euincit. Ita vero qui tot diuinas naturas asserit, summam sane negat et euertit. 2. Attributis quoque fere omnibus priuauit Deos Epicurus; etli enim immortalitatem eis tribuebat, rationem et voluptatem, primum tamen attributum eneruatur naturae quasi corporeae assertionem, quae, qualiscunque demum sit, certe omnem spiritualitatem reiicit; secundum nullum usum habet, cum nec agant quicquam Dii, nec ratione ad mundum vel fabricandum vel gubernandum uti queant; tertium inane otium est, et magnam inuoluit Deorum imperfectionem, quos labore curisque defatigari putabat, si mundi curam voluptati siue beatitati suae iungerent. Tacemus alias notiones Deo prorsus indignas. 3. Ipsum vero physiologiae Epicureae systema ut absurdum satis est, sine supposita Dei mouentis existentia, ita nihil magis impietati fauet. Quis enim vel Deum curabit, a quo nec conditus est, nec gratiam ullam vel poenam expectat? vel eiusmodi maiestatem venerabitur, cuius nullibi in hoc vniuerso vestigia deprehendit, et non magis omnem de Deo sensum tandem eiurabit? Alia ipsi Gassendo docte reprehensa, et imprimis negatos rerum fines tacemus. Plura non addimus, cum ipse Epicurus parce de Deo differuerit, et pleraque inimicorum eius testimoniis vel coniecturis eruditorum nitantur, quas incertas esse nemo non videt.

*Philosophiae
moralis Epicuri
scriptores.*

§. XIV. Praestantissimam et nobilissimam philosophiae partem constituit Epicurus moralem, quae scilicet ad vitae finem proxime facit; unde et physicam ei ita subiecit, ut quam in illa constituit, hominis voluptatem et tranquillitatem promoueret, de quo digna sunt, quae legantur, verba eius in *epistola ad Menoeceum* §. Dolemus vero praeter epistolas Epicuri a LAERTIO seruatas, et sententias eius ratas, quae partem philosophiae moralis Epicureae comprehendunt, reliqua, quae huc faciunt scripta, intercidisse. Scripserat etiam ex veteribus Diogenes Tarsensis *epitomen dogmatum moralium*, ad quam prouocat LAERTIVS §, verum hanc quoque nobis temporis inuidit iniuria. Quae vero ex veterum supersunt memoriis, pauca sunt, et cauta attentione, nec sine examine legenda, cum pleraque ab inimicis Epicuri sint profecta, qui ut faciem philosophiae moralis Epicureae turpem exhiberent, inuidioso consequentiarum argumento doctrinas eius morales corruerunt. Id quod et in Cicerone et in Plutarcho, aliquot scriptis in ethicam Epicuri insurgente^t potest deprehendi^u. Mirandum itaque

^s) l. c.

^f) LAERT. L. X, f. 132. conf. GASSEND, ad h. l. p. 1182. Synt. philos. Epic. P. III. p. 415 seqq.

^{ff}) Lib. X. f. 118 qui etiam electus eius scholas aliquoties citat, conf. LONS. de Script. hist. phil. L. IV. p. 333. FABRIC. Bibl. Gr. Vol. II, p. 820.

^z) Libris duobus aduersus Coloten Epicureum, quod non suauiter liceat viuere secundum Epicurum, et, contra illud Epicuri: latenter esse viuendum.

^u) Conf. GASSEND, vit. Epicuri L. III. c. 6. 7 p. 96 seqq.

itaque non est, diuersissima quoque esse recentiorum de Epicuri philosophia morali iudicia. Quidam enim aduersariorum Epicuri testimoniis fidem incautius tribuentes, de Epicuro tanquam foedae voluptatis magistro iudicantes, eius ethicam inter impietatis seminaria retulerunt; quo in stadio nemo magis impigre cucurrit, maiorique vel ardore vel eloquentia moralem Epicuri philosophiam reprehendit, quam SAMUEL PARCKERS*, quem in eo fuisse nimium candidus lector ex dicendis facili labore intelliget. Alii vero, cum innocentiora viderent Epicuri dogmata, eorum causam tueri non erubuerunt, quorum nomina post P. BAYLIUM^y exhibet cel. HEVMANNVS^z. Inter hos princeps iterum locus debetur PETRO GASSEND^o, qui non veterum tantum loca fere omnia, quae huc pertinent, diligenter congeffit, sed et ordini systematico restituit, natiuamque ethicae Epicureae faciem detexit. Hunc secutus est auctor *philosophiae moralis Epicuri*, quam cum annexis animaduersionibus suis iterata vice edidit IACOBVS RONDELLVS, quemque L. B. DES COVTURES fuisse constat^a. In hoc enim libro ea potissimum, quae Diogenes Laërtius de hac philosophiae Epicureae parte nobis conseruauit, commoda paraphrasi illustrantur, considerationes et exempla subiiciuntur, rationes saepe meliores adiiciuntur. Nos coeptum decursuri stadium eodem, quo ingressi sumus, tramite pergemus, et Gassendum quidem optimum et accuratum sequimur ducem, sine partis tamen studio ad ipsa veterum testimonia et nexum systematis, quod Epicuro placuit, attendentes.

§. XV. Summa vero praeceptorum ad mores pertinentium in hortis Epicuri haec est: *Placita Epicuri ethica.*

I. Finis vitae, tacito omnium consensu, felicitas est, aberrant vero plurimi, vel veram felicitatem sibi non praestituentes, vel mediis, quibus oportet, non vfi.

II. Philosophandum vero est de felicitate quamprimum, neque in crastinum differendum, quoniam hodie quoque beate viuere interest, et hoc mali habet stultitia, quod semper viuere incipit, destinatae incipere, et nunquam tamen interim viuunt^b.

III. Felicitas finis hominis est, siue extremum, ac summum bonorum, quod ipsa felicitas tale bonum sit, ad quod referre omnia oporteat, ipsum autem nusquam^c.

IV. Felicitas bifariam diuiditur: Vna suprema est, quae in Deo est, intentionis et remissionis incapax; altera subalterna et humana, in quam cadere adiectio et detractio voluptatum potest^d.

V.

* 1. c. p. 41 seqq.

y) 1. c. not. M. p. 320.

z) Act. philos. Vol. II. p. 645 seqq.

a) Morale d'Epicure avec des réflexions Paris 1685. la Haye 1686. 12. conf. Acta erud. 1686. p. 483. seqq.

b) LAERT. L. X. f. 12. STOB. Serm. LXXVIII. p. 281. qui PLUTARCHVM quod non sicut, vii. sec. Epic. excerptit. Similia monuere Stoici, quorum

effata vide apud ANTONIN. L. II. c. 3. 4. SENECA. ep. 19. 68. 76. de vitae breu. c. 9. EPICT. enchir. c. 29. Aliorum philosophorum loca affert GATANKERS ad 1. c. Antonini.

c) CICERO de fin. L. I. c. 10. vbi Epicuream doctrinam exponit, ad quem ob eam causam saepius recurramus.

d) LAERT. L. X. f. 121.

V. Prior concipitur, quasi quidam status, quo nullus possit melior, suauior, desideratior excogitari, in quo nihil sit mali quod timeas, nihil boni quod non habeas; nihil, quod agere libeat, et non liceat, qui denique constantior sit, quam amitti vnquam possit. Hunc statum solis Diis competere, indoles et natura eorum euincit. Opposuit hoc sine dubio Epicurus Stoicis, qui eiusmodi felicitatem sapienti suo perfecto tribuebant, licet non negarent, non posse hominem ad eam adspirare. Quam metereologiam relinquens Epicurus, Deo tribuit, quae ei conueniunt, homini, quae ab homine attingi possunt.

VI. Posterior felicitas est status ille, in quo, quantum licet, quam optime est, seu in quo bonorum necessariorum quamplurimum, malorum quam minimum adsit, atque adeo in quo traducere vitam suauiter, tranquille, permanenter detur.

VII. Potest itaque sapiens beatæ vitæ particeps esse, tametsi vnus alteriusue boni vsu sensuque e. g. oculorum, aurium &c. careat^e; quoniam et adhuc perseuerabit in quam multis, licebit, bonis, et iis malis priuabitur, si non corporis, saltem animi, quibus alioquin posset priuari. Ratio hæc est, cur Epicurus sapientem, tametsi dire torquebitur, tamen felicem esse posse dixerit^f, id quod Stoici quoque asserebant, sed alio longe sensu et felicitatis notione. Hi enim eo indolentiae sapientem peruenire debere contendebant, vt nec sentiat dolorem, nec in felicitate eum ponere desinat, quod quam absurdum sit, quilibet etiam non monitus intelligit. Aliter Epicurus, qui dolorem, qualis reuera est, agnoscens, nec lachrymas nec questus sapientis dolentis improbavit, ad maiorem tamen bonorum plurium et præstantiorum possessionem respiciens, tranquillitatem mentis ac indolentiam istis restitui et confirmari posse putauit^g. Cauillatio itaque C I C E R O N I S^b est, sensum verborum Epicuri, vt solet, peruertentis: *Phalaridis taurum et rosas pro eodem habere Epicurum, et sapientem proinde dum in illo tauro periretur exclamaturum, quam suaue est! quam hoc non curo! quam pro nihilo habeo!* Hæc enim Stoica sunt, S E N E C A Eⁱ quoque ideo vsurpata, non Epicurea.

VIII. Sine dolore viuere, cum suaue seu volupe sit, et suaue quoque seu volupe, bonis frui, ipsisque recreari, constat inde, felicitatem non posse sine vtraque hac, aut altera saltem suauitate voluptateque intelligi. Probe hoc obseruandum est, ob magnum notionis voluptatis abusum, quem Cyrenaicorum doctrina et luxuria Graecorum inuexerant; quo factum vt turpitudinis significationem vox innocentissima connotaret. Epicurus itaque ad natium eius sensum respiciens, id quod hominem reuera felicem facit malisque carentem bonisque affluentem, ad hanc voluptatem requirebat.

IX. Voluptas ex natura sua quid bonum, vt dolor oppositus quodpiam est natura sua malum. X.

e) ibid. f. 118. 119.

f) ibid. f. 118.

g) Conf. DES COUVRES l. c. p. 21 seqq.

STOLLE Hist. phil. mor. gent. §. CXI. p. 187.

b) Tusc. Qq. l. II. c. 7.

i) Ep. 66.

X. Sane vero, cum illud sit bonum, quod iuuat, quod placet, quodque adeo amabile est, et appetitum allicit; malum illud quod nocet, quod est ingratum, quodque idcirca sui odium et auersationem excitat; nihil est quod magis, quam dolor incommodet, displiceat, abhorreatur, refugiatur; vt contra nihil est, quod magis, quam voluptas demulceat, magis delectet, magis diligatur expectaturue magis. Adeo proinde, vt voluptas non modo esse videatur bonum, sed ipsa quoque boni ratio, quatenus est id, cuius causa res aliqua bona est, seu expetitur; vt et dolor non modo malum, sed ipsa etiam mali ratio, quatenus est id, cuius causa res aliqua est mala, seu refugitur. Ita formalem voluptatis rationem considerasse Epicurum praeter LAERTIVM^k ipse CICERO^l testis est; nec in eo peccasse, intelliget, qui ad naturam hominis moralem attendit, quae nihil diligit appetitue, quod non statum animi quietum et tranquillum promouet, nihil auersatur et refugit, nisi quod tranquillitatem illam et voluptatem turbat, ex quo sequitur, voluptatem et dolorem extremum esse, quod hominis voluntas respicit.

XI. Tametsi interdum voluptatem refugiamus, non ipsa tamen est voluptas quam refugimus, sed quem forte habet adnexum dolorem: vt et, si dolorem aliquando prosequamur, non ipse est dolor, quem prosequimur, sed quam voluptatem forte habet adiunctam. Scilicet voluptatem interdum aspernamur, quia consequuntur magni dolores eos, qui ratione voluptate frui nesciunt. Fundamentum haec assertio est criterii moralis ab Epicuro in canonica sua, in sensu voluptatis et doloris positi. Multis haec illustrat CICERO^m.

XII. Tametsi vero, omnem voluptatem esse quid boni existimandum est, et omnem dolorem quid malum; non asserendum tamen est, oportere nos semper aut prosequi illam, aut fugere hunc; sed esse in illis, dicendum est, sicut qualitatis, ita quantitatis habendam rationem. Nempe praestare, vt dolores sustineamus aliquos, quo voluptatibus potiamur vberioribus; ac expedire, vt abstineamus ab aliquibus voluptatibus, ne subinde dolores difficiliore perferamusⁿ.

XIII. Vniuerse videtur voluptas esse, vt principium ita finis beatae vitae, quandoque eam esse bonum primum et nostrae omnisque animalis naturae congenitum deprehendimus, ipsaque est, a qua electionem fugamque omnem auspicamur, in quam tandem desinimus^o.

XIV. Quod vero voluptas sit primum congenitumque bonum, ex eo demonstratur, quod omne animal simul ac natum sit voluptatem appetat eaque gaudeat, vt summo bono, dolorem aspernetur vt summum malum, eumque a se repellat^p.

XV. Nulla itaque ratione opus est, vel disputatione, quamobrem voluptas

k) l. c. f. 129. 130.

l) Tusc. Qq. L. III. c. 17. L. V. c. 33.

m) De fin. L. I. c. 10.

n) ibid. LAERT. L. X. f. 137.

o) IDEM f. 128. 129.

p) ibid. f. 137. CIC. l. c. c. 9.

luptas expetenda, fugiendusue sit dolor, constat scilicet hoc sentiri. Voluptas enim sola expetendorum extremum, siue bonorum finis est, ob quam cetera sic expetimus, ut ipsa non ob aliud, sed suimet causa solum expetatur. Prolixe in hac Epicuri doctrina exponenda et roboranda versatur C I C E R O, primo, quem de finibus bonorum et malorum conscripsit libro, quibus utrum in sequentibus libris meliora vel valida satis ex Stoicorum et Scepticorum pharetris tela opposuerit, lectori attente Ciceronem expendenti iudicandum relinquimus. Nos hic quidem loci, ubi ex instituto de hominis felicitate non philosophamur, quam conueniens sit Epicureum dogma naturae humanae, in bono acquisito et possessio tranquillitatem mentis atque voluptatem quaerenti, proluxe non differemus, adiciendum tamen hoc est, plerosque philosophos in alia omnia de finibus bonorum et malorum abeuntes non tam re ipsa, quam verbis ab Epicuro dissensisse. Plerique enim philosophi, de summa hominis felicitate disputantes, de causa tranquillitatis voluptatisue animi humani solliciti, quo potissimum obiecto, quoue paratio illa queat acquiri, differuerunt: Aliter Epicurus, qui cum felicitatem ipsam finem philosophiae sibi constituisset, ad formalem rationem eius, quatenus in animo hominis est, respexit, illis vero bonis, quae alii commendabant, consequi illam felicitatem hominem posse minime negauit. E. g. cum Stoici dicerent, virtutem per se facere beatam vitam, adeo id non negabat Epicurus, ut potius fine virtute voluptatem acquiri non posse statueret⁹: sed ad rationem respiciebat, qua mouetur animus, ut virtuti studeat, quam voluptatem siue tranquillitatem animi ex virtutis possessione ortam esse, recte et naturae humanae voluntatis conuenienter dixit, exemploque medicinae illustrauit, quae non alio fine appetitur, quam propter sanitatem. Id quod nec ipse P A R C K E R V S¹⁾, tantopere non Epicuro tantum, sed ipsi quoque Gassendo indignatus, negare potuit, semper voluntatem hominis in appetendo bono, quatenus ad se suamque vtilitatem et voluptatem respicit, ita versari, omnesque philosophorum sectas in eo consentire; quibus frigide opponit Epicurum voluptatem in solo corpore quaesuisse, quod quam falsum sit, et a vera Epicuri doctrina alienum, infra patebit, ubi ad rationes Parckeri respondendi dabitur occasio²⁾. Ex quibus merito concludimus, totam philosophorum Graecorum de finibus bonorum et malorum disputationem ad logomachiam esse referendam. Noster hic est acutissimus W E R E N F E L S I V S³⁾.

XVI. Duo quaedam sunt voluptatum genera; nam alia spectari potest, tanquam in statu, seu quiete, adeo, ut nihil aliud sit, quam placabilitas, sedatio et vacuitas, immunitasue a perturbatione, ac dolore: alia vero tanquam in motu, adeo ut consistat in suaui motione, veluti laetitia, hilaritate et quacunque sensus iucunde et quadam quasi cum dulcedine et titillatione mouetur⁴⁾.

XVII.

⁹⁾ LAERT. L. X. f. 132. ¹⁾ I. c. sect. XXII. p. 57.

²⁾ Conf. BAYLE Dict. I. c. not. H. p. 368.

³⁾ De logomach. erud. c. 4. opp. p. 509.

⁴⁾ LAERT. L. X. f. 136.

XVII. Voluptas igitur, in qua consistit felicitas, siue finis beatae vitae, est voluptas prior, hoc est stans, adeoque non alia, quam indolentia corporis et tranquillitas mentis *. Accurate ad hanc voluptatis distinctionem, τὴν κατὰ κίνησιν καὶ κατασηματικὴν attendendum est, sine qua nec mens Epicuri satis potest intelligi, nec distingui a secta Cyrenaicorum, quam et ipsam voluptatem finem constituisse supra ostendimus. Ast hi mouentem intelligebant, Epicurus stantem, id est titillationem illi sensuum animique motum iucundum quaerebant, hic indolentiam corporis et quietum animi statum praefigebat. Non reiecit quidem Epicurus voluptatem mouentem, sed inter causas efficientes stantis numerauit, nec aliter recepit, nisi quatenus et indolentiam corporis et mentis promoueret tranquillitatem: quod longe aliter recepere Cyrenaici. Potiorem etiam tranquillitatis animi, quam corporis indolentiae rationem habendam esse Epicurus praecepit; contrarium asseruerunt Cyrenaici †. Ex quibus patet, magnam a veteribus et recentioribus passam esse Epicurum iniuriam, cum Cyrenaica ei doctrina non sine contumelia affricaretur ‡.

XVIII. Quocirca et cum vniuerse voluptas finis vitae beatae dicatur, non intelliguntur eae voluptates, quae sunt virorum luxu diffluentium, aut aliorum etiam, quatenus spectantur in ipsa motione, actioneque fruendi, qua nimirum sensus iucunde afficiuntur; sed illud duntaxat, non dolere corpore, et animo non perturbari. Magna hoc constantia de se praedicauit Epicurus §, indignatus iis, qui aut veram ipsius opinionem ignorantes, aut ab ipso dissentientes, aut alioquin aduersus illum male affecti, aliter interpretabantur. Fuere vero horum plurimi, et inter veteres imprimis Cicero et Plutarchus, inter recentiores Gatakerus et Parckerus, qui non sine magno feruore contendunt, corporis voluptatem afficientem et mouentem, quidquid ipse in contrarium dicat, primario Epicurum respexisse. Audiendus vero est doctrina illustris Epicuri aduersarius PARCKERVS, vt de ipsa Epicuri sententia eo securius statui queat. Tribus ille potissimum rationibus vtitur speciosis quidem, ast parum firmis. Scilicet non aliam, quam corporis voluptatis rationem potuisse habere Epicurum, cum alia neque sit, neque esse possit, quippe nihil aliud, ex eius mente, sit hominis natura, praeterquam corpus. Quod argumentum, etsi merum paralogismum foueat, primo etiam intuitu ei tam perspicuum videtur, vt acerbè in Gassendum, pro ethica Epicuri dicentem, inuehatur. Alterum ex ratis Epicuri sententiis desumptum est, cuius sententiae sensum ita Latino ore expressit CICERO ¶: *Si ea, quae sunt luxuriosis efficientia voluptatum, liberarent eos Deorum et mortis metu, docerentque qui essent fines cupiditatum, nihil haberem, quod reprehenderem, cum undique complerentur voluptatibus, nec haberent vlla ex parte aliquid aut dolens, aut aegrum, id est, aut*

malum.

*) ibid.

†) Pluribus hoc docet LAERT. l. c.

‡) Conf. GASSENDVS et MENAG. ad l. c. Laërt. PASCH. introd. in rem liter. mor. veter. c. 7. p. 693.

§) LAERT. l. X. f. 131.

¶) Loca eorum supra indicauimus.

¶) l. c.

malum. Tertium Torquati loco apud C I C E R O N E M ^d nititur, fatentis: *quamquam et laetitiam nobis voluptas animi et molestiam dolor asserat, eorum tamen utrumque et ortum esse e corpore, et ad corpus referri.* Quae ita quoque ad reiiciendam distinctionem inter voluptatem motus et stabilitatis adplicat, ut contendat, omnem illam felicitatem in corpus refundi. Quae licet diserto scripserit calamo vir eruditissimus, nec sine specie veri, recte tamen considerata parum causae Epicuri nocent, nec candorem Gassendi, quod ille cupit, suspectum faciunt. Scilicet vir acutus, sed iusto iniquior in Epicurum, et praepiudicio occupatus, non tam ipsum Epicuri systema, quam aduersarios eius, Ciceronem et Plutarchum consuluit, et ab iis, ut erant in torquenda Epicuri doctrina et opinione versipelles, falli se passus est. Quod ut luculenter demonstramus, obseruari I. velimus, abuti corporis notione Parckerum, ut euincat, corporeas voluptates sibi Epicurum praefixisse. Nam tametsi negari nequit, animam ratione substantiae et texturae Epicuro esse corpoream, tribuit tamen ei facultates, qualitatesque eas, quas spirituales alii philosophi vocant, easque actiones animae vindicat, quas animae tanquam spiritui reliqui asserunt. Id quod vero ad saluandam Epicuri causam sufficit: in hac enim controuersia, utrum corporis an animi voluptates Epicurus respexerit, corporis vox non eo sensu sumitur, quo is animum resque omnes dixit corporeas, sed eo, quo crassiores atomorum compagem, animo nostro iunctam corpus vocamus, haeque voluptates corporis sunt, quae sensibus percipiuntur. Nec hic de animae natura in ethica differuit Epicurus, sed psychologiae suae naturae humanae proprietates vindicando, ita de iis disputauit, ut inter tranquillitatem animi et indolentiam corporis maximum interesse discrimen appareat. Frustra itaque, quae corpori crassiori adscribenda sunt, ad corpus istud animae subtilissimum, quod amare, concupiscere, acquiescere, tranquillum esse potest, adplicantur, sicque turpi paralogismo subiectum quaestionis confunditur. II. Id quoque quam maxime notandum commendamus, habere Epicurum experientiam animique conscientiam testem, tantum nempe esse tamque arctum inter animam et corpus vinculum, ut sensus grati et ingrati in corpore, necessario quoque animam afficiat, ideamque grati vel ingrati adeoque vel tranquillitatem et iucunditatem vel dolorem et molestiam creet, id quod nostra aetate magnus seculi nostri philosophus IOANNES LOCKIUS ^e luculenter demonstrauit. Hoc cum ita se habere nemo neget, quid quaeso peccauit contra veritatem rei et naturam animi, quod voluptatem et dolorem sensumue grati et ingrati, ortum esse e corpore, et ad corpus tendere asseruerit? Necessarium enim hoc est, ad conseruationem systematis, quo homo ex animo et corpore compositus constat: nec aliter potest agere anima, quam ut ea quoque in corpore sibi grata sint, quae tranquillitatem suam ac internam, quam quaerit, *εὐθυμίαν* promouent. Nihil in hoc peccat anima, nec quaerit illa voluptatem corporis propter corpus, sed propter se suamque

^d) Tusc. Qq. L. III.^e) De intell. hum. L. II. c. 7. p. m. 126.

que tranquillitatem. Quod vt exemplo illustremus, non errat anima, si ex eo, quod edendo, bibendo, dormiendo, naturalis famis, fitis, lassitudinis dolor pellitur, voluptatem capiat, et ex indolentia corporis tranquillitatem suscipiat, cum animae propter arctissimum inter se et corpus vinculum, ratio postulet, vt corpus quoque in sua perfectione seruetur, dolorque omnis absit. Vitium vero, quod tantopere abhorrent Epicuri obtrectatores, haeret in ἀταξία neglectoque ordine; si nempe vel anima ad corporis mouentem, non ad suam stabilem, voluptatem, tanquam vltimum finem, respiciat, vel eas corporis voluptates anhelet et desideret, quae veram mentis tranquillitatem turbant. Hanc vero ἀταξίαν reiecisse Epicurum, ex eo manifestum est, quod voluptatem sine virtute et honestate acquiri non posse docuit, quo omnibus foedis voluptatibus obuiam iuit. His ex natura foederis inter animum et corpus disputatis clarum est, qua ratione, quae de corporis voluptatibus dixit Epicurus, criminatores, praecunte Timocrate apostata, euerterint, et opinionem Epicuri adulterauerint. III. Verum quidem est, nullam voluptatem esse in animo, quae non fuerit in corpore, cum iuxta Epicurum motus omnis animae a sensibus capiat originem: ita autem corpus non est subiectum proprium sensationum, sed tantum instrumentum, ipse vero grati ingratiue, siue voluptatis et molestiae sensus in animo est. Quare contra Parckerum inuertendum pro Epicuro argumentum est, et concludendum, omnem proprie voluptatem, quae sentitur, vel percipitur potius, ad animum proprie pertinere, non ad corpus. Ex quibus omnibus iam luce meridiana clarius patere existimamus, Epicurum beluini voluptatibus frigidam non suffudisse. Nec his ex intimis ethicae Epicureae penetralibus disputatis obstare possunt loca Ciceronis vel Plutarchi, qui nec totam verborum, quae truncata exhibent, seriem ostendunt, vt iudicari queat qua ratione voluptates ibi Epicurus considerauerit, nec ad ipsum Epicurum, nisi suspecta prorsus et fallaci ratione prouocare audent. Ratam vero sententiam, subobscuram et intellectu difficilem se non satis intellexisse, ipse prodit Cicero, praefatus ad Torquatum: *animaduerte igitur, recte ne hanc sententiam interpreter.* Sinistre vero interpretatum fuisse, vel malo, vt Epicurum confoderet animo, vel non satis attentum Ciceronem, eleganter vidit et demonstraui MARCVS MEIBOMIVS f, qui rectissime obseruat, oppositam esse hanc sententiam Cyrenaicis, in voluptate corporis finem ponentibus summumque bonum, adeoque hypotheticam esse, et falsitatem hypotheseos Aristippi ostendere. Hic enim eius sensus verus est: *si; quae luxuriosis efficiunt voluptates, eorum animos liberarent metu ex coelestibus, ex morte et dolore oriundo, tum quoque docerent cupiditatum terminos, nec reprehensionem nostram incurrerent: tantum abest, vt luxuriosorum vita reprehendi mereretur, vt quae doceret, quomodo ad tranquillam vitam perueniendum sit, vacuam metu supremorum ac mortis ac dolorum, videlicet cupiditates suas, cumulatissime explendo.* Ex his enim

Bbb bbb bb 3

per-

perspicuum est, Epicurum contrariam eius, quam Cicero ei tribuit, opinionis sententiam defendere, et in Cyrenaicis hoc potissimum reprehendere, quod ad tranquillitatem mentis, verosque fines cupiditatum voluptatibus istis peruenire nequeant, cum illae vel Deorum metu, vel mortis priuatione, vel dolore illas cupiditates sequente misere turbentur; quae tum demum possent admitti pro fine, si vel animi finem assequi, vel metu ex sublimibus, morte et dolore oriundo, turbari non possent. Haec cum non sint, ideo voluptates corporis foedas finem non esse posse, contra Cyrenaicam hypothesein recte euincebat. cum e contrario ei cupiditatibus naturalibus, v. g. fame, siti, et his similibus, ubi naturali modo explentur, animus tranquillus reddatur; ex quo necessario sequitur, temperantiam, sobrietatem, castitatem reliquasque virtutes, naturalibus corporis et honestis cupiditatibus conuenientes esse sectandas. Quae cum lucem apertissimam verae Epicuri de voluptate corporis doctrinae concilient, argumentum simul sunt, quam peruersa ratione verbis philosophi vim intulerint Epicuri aduersarii, et quam iniquum sit, in hac re ad Metrodori fragmenta, a fratre inimico edita, prouocare, quae genuinam horti sententiam non explicant.

XIX. Vt noscatur vero quamobrem haec voluptas sola sit finis, obseruari debet, naturam ad voluptatem aliam primario, et tanquam ad finem non tendere, quam ad stabilem, quae ex amotione doloris molestiaeque oritur: nam mobilem quidem non habet vt finem, sed apparet solum tanquam medium ad stabilem ^f.

XX. Praepostere itaque atque inconsiderate agunt homines intemperanter abrepti, qui voluptatem, quae est in motu, tanquam finem sibi praestituunt ^g.

XXI. Sapientia vero voluptates in ordinem et concinnitatem redigit, docetque non aliam pro beatæ vitae fine constituendam, quam quae finis sit secundum naturam; duce enim natura, quicquid agimus eo spectat, vt neque corpore doleamus, neque animo perturbemur, ac ubi id semel affecti sumus, omnis animi procella sedetur, ac nihil maius est, ad quod respectemus.

XXII. Magnitudinis itaque voluptatum terminus, seu voluptas summa, ipsa est doloris amotio, seu qui amotionem consequitur status. Nam ubicunque voluptas adest, quamdiu quidem adest, ibi nihil est dolens, aut aegrum aut vtrumque simul ^h.

XXIII. Fit etiam proinde, vt priuatione doloris terminata voluptas summa, variari quidem distinguique possit, augeri autem amplificarique non possit: natura enim quousque omnem prorsus dolorem exemerit, voluptatem auget, at sublato omni dolore non patitur ipsam secundum magnitudinem prouehi, sed admittit solum varietates quasdam minime necessarias ⁱ.

XXIV. Non est itaque inter dolorem et voluptatem medium, doloris enim omnis priuatio voluptas est ^k.

XXV.

^f) CICERO l. c. c. 9. LAERT. l. c. 137.
^g) CICERO l. c. c. 11.

^h) LAERT. l. c. f. 139.
ⁱ) ib. ^k) CICERO l. c. c. 11. 17.

XXV. Constitutio vero haec indolentiae et tranquillitatis non est merus torpor, sed potius eiusmodi status, in quo omnes vitae actiones placide simul atque iucunde peraguntur. Voluptas enim sapientis non iners est, sed ea, quam efficit ratio firmam sibi. Fecisse hanc Epicuro obiectionem Cyrenaicos, LAERTIUS¹ et CLEMENS ALEXANDRINUS² testantur, esse eam voluptatem statum dormientis, id quod minus recte Epicuro obiectum est. Dormientis enim non est sensus et acquiescentia ex indolentia et tranquillitate, sed vigilantis.

XXVI. Quia vero haec voluptas dolorisque amotio non corporis tantum sed et animi pax, et bonum est, in eo cura nostra versari debet, ut vtraque pars, quo completa sit hominis felicitas, ista indolentia et tranquillitate fruatur. Non secus itaque de felicitate, quam de sanitate philosophandum est, ut totius hominis sequatur felicitas: illud ethica praestat, hoc medica ars.

XXVII. Huic arti salutari corporis indolentia relinquenda est, monendum tamen, ad auertendos aut leuiore efficiendos morbos, et plerumque curandos colendam esse temperantiam vitamque sobriam³.

XXIIX. Quod si eos patiendi incubuerit necessitas, fortitudo occurrat, tumque perferantur animo constanti, tum prae impatientia non exasperentur, ac vel illud solatio sit, quod futuri sint, aut magni breues, aut diurni leues⁴.

XXIX. Aduersus animi morbos medicinam parat philosophia⁵.

XXX. Media vero, quibus utitur philosophia, sunt virtutes, ex quibus prudentia antecellit, ex qua reliquae omnes tamquam ex radice progerminant⁶. Oppositum hoc Stoicis est, qui virtutem per se appetendam esse, et felicitatem praestare afferebant. Hinc in hac parte eis pugnam esse cum Epicureorum delicata et umbratica turba in conuiuio suo philosophantium, ait SENECA⁷, apud quos virtus voluptatum ministra est. Quod si tamen rationes eius examinentur, patebit, vel in meram verborum pugnam totam controuersiam abire, vel non intellexisse Senecam Epicurum: non enim hic de voluptate virtutis contemtrice locutus est, quod vult Stoicus, sed de virtutis filia; et in tota ista quaestione, utrum virtus summi boni causa sit. an ipsa summum bonum, Epicurus formalem boni rationem, Seneca obiectiuam, et efficientem quoque intelligit, quod ille adeo non negauit, ut voluptatem sine virtute non esse contenderet.

XXXI. Intelligitur vero hoc loco prudentia non sensu stricto, quae est viuendi ars prouida, sed ratio ista, qua et prudenter, et iuste, et honeste viuimus⁸. Prudentia itaque hic cum sapientia significatione et potestate coincidit.

XXXII.

1) Lib. II. c. 89. MENAG. ad h. l.

2) Strom. L. II.

3) LAERT. L. X. c. 132. CICERO l. c. c. 14.

4) LAERT. c. 140. CIC. l. c. c. 15. Plures verorum qui hoc xúpiu dēma Epicuri repetunt, nominat MENAG. ad h. l. GATAKER, ad Antonin.

L. VII. §. 33. STOLLIVS Hist. phil. mor. gent. §. CX. p. 186.

5) Eleganter hac de re differentem videtis CICERONEM Tusc. Qq. L. III. c. 3.

6) LAERT. c. 132.

7) De benef. L. IV. c. 2.

8) LAERT. l. c.

XXXII. Habet nempe homo facultatem ratiocinandi, seu iudicandi, ac vnam rem inferendi ex alia, speciatim autem eam, quae in rebus agendis, seu in electionem fugamque cadentibus, iudicat ac ratiocinatur; et praeiudicia pellit, ostenditque, qua ratione honeste, ac iuste, ac iucunde viuatur¹. Respicit vero hac thesi Epicurus potissimum ad philosophiam, qua metus omnis sublimium, et providentia superiorum, fatumque, et quae alia mentis tranquillitati obstat putabat, e mente, tanquam praeiudicia, eiiciuntur.

XXXIII. Virtutes vero, quae ratione duce coli debent, vel nos respiciunt vel alios.

XXXIV. Quae nos respiciunt, duae sunt, temperantia et fortitudo.

XXXV. Virtus ad alios respiciens homines, est iustitia.

XXXVI. Istis virtutibus quasi cardinalibus, prudentia, temperantia, fortitudine et iustitia, homo vitam nanciscitur beatam et tranquillam.

XXXVII. Sequitur ex his, virtutes beatæ vitæ esse congenitas, ac fieri non posse, ut ab iis vita iucunda separetur².

XXXVIII. Et cetera quidem omnia, ut caduca et mortalia sunt a germana constantique virtute separabilia, sola autem virtus, ut bonum perpetuum, atque immortale inseparabilis ab ea est³.

XXXIX. Simul ex his intelligitur, esse omnes virtutes inter se connexas, cum quia cum ipsa principe prudentia ceterae coniunctae sunt, tum quia omnes cum iucunda vita cohaerent, nec haec sine illis est, et vice versa⁴.

XL. Non itaque sermonem esse manifestum est de voluptate obscœna infamique, sed de ea, quam virtute obtinemus: quae bonum est ipsa virtute superius, cum sit finis, cui obtinendo ipsa virtus inferuit⁵.

XLI. Prudentia duplex est, vniuersalis et priuata⁶.

XLII. Prudentia vniuersalis est, cuius munus est vitam regere, et quicquid in vita beata obtingere potest, sic prospicere, ut ad beatam vitam illud dirigat. Haec non tantum praecauet, ne quid incidat, unde corpus doleat, sed potissimum etiam moestitiam pellit ex animis, nec exhorrescere metu finit, eaque rectrice in tranquillitate viui potest, omnium cupiditatum ardore restincto. Reuocare huc philosophiae munus Epicurum ex *epistola ad Menoeceum*⁷ clarum est.

XLIII. Prudentia itaque et sapientia idem sunt, nam vtraque cupiditates inanes rescindit, ad necessaria se contrahit, modumque finibus naturae conuenienter et beate viuendi praescribit⁸.

XLIV. Prudentiae priuatae munus est, ut quisque genium suum norit, et nihil natura repugnante adorsus mature provideat de statu cui vitae actiones omnes ita accommodet, ut quam fieri potest, indolentissime et tranquillissime viuatur.

XLV. Genium vero suum quisque prius noscat, seseque consulat ipsum, necesse

¹) ibid. f. 130. 140. Conf. GASSEND. ad Laërt. l. c. p. 1593. vbi etiam de libero arbitrio, ex mente Epicuri agit.

²) Citati.

³) ib. f. 133. C I C. l. c. c. 15.

⁴) ib. f. 132. GASSEND. ad Laërt. p. 1433.

⁵) ib. f. 131.

⁶) C I C. de fin. L. I. c. 12 199.

⁷) LAËRT. f. 133.

⁸) C I C. l. c.

neceſſe eſt, vt ſui deſtinationem ad certum vitae genus, quatenus ad id ſe idoneum compererit, faciat, in quo, quantum licet, ſine dolore et tranquillo viuere liceat. Vt vero is ſtatus, qui deligitur, ſecurior ſit et tranquillior, eligendus mediocris eſt, qui neque valde emineat, neque valde abiectus ſit ^e.

XLVI. Si ita quis ſe comparatum nouerit, vt viuere coelebs ſine angore non queat, poſſitque non valde angi et turbari inter ſollicitudines et moleſtias coniugii, eo caſu ducere vxorem et ſuſcipere liberos, quibus paterna conſulatur prudentia, licet. At niſi talem quis ſe nouerit, abſtineat neceſſe eſt a coniugio, quod tanto ipſi erit ad beatam vitam et tranquillitatem impedimento ^a.

XLVII. Quia vero hoc tantum praefumendum eſt, fore in matrimonio curas non magnas, ideo praeceptum eſt aleam ancipitem vltro ſubire, niſi neceſſitas et vitae circumſtantiae aliud exigant: tum vero et vxor, et liberi ita curandi, vt partim natura praefcribit, noſtrorum amorem curamque inſtilans, partim ipſa ſapientia monet, nempe ita inſtituendi, vt et ipſi ſapientia felices, id eſt dolore vacui et tranquillo animo euadant. Eadem cura familiae impendenda eſt ^e.

XLVIII. Si qui ſint natura ambitioſi, appetentesque gloriae, actuoſi aliunde, et publicis rebus gerendis idonei, ac inſuper ii, quibus aut naſcendi conditio, aut ſors, aut occaſio ianuam facilem ad publicae rei adminiſtrationem aperiat, poſſunt ii non quietem ſectari, ſed publicae rei gerendae ſe accommodare, ſuaeque naturae obſequi: ſcilicet cum ſint ita comparati, vt ex vita otioſa perturbationem et moleſtiam, dum, quod concupiſcunt, non aſſequuntur, trahant.

XLIX. Qui vero natura otium amant, et ambitionem repreſſerunt, aut, quid ſit rei, experti ex procellis et tempeſtatibus emerſerunt, aut aliorum exemplis cauti facti ſunt; illi otium ſibi reputabunt longe praeftabilius, neque eſſe congruum, vt illud cum vita actuoſa commutent: niſi quod forte interueniat ex parte reipublicae, quod eorum induſtriam depoſcat: vnde concludendum eſt, ſapientem non eſſe ad rempublicam, niſi quid interuenierit, acceſſurum. Recte ita ſenſum verborum Epicuri apud LAERTIUM ^f, τὸν σοφὸν ὅδε πολιτεύεσθαι ὅδε τυραννέσθαι, GASSENDVM ^g deſcripſiſſe facile intelliget, qui vel ſcopum expendet Epicuri, cuncta ad tranquillam vitam referentis, vel naturam rerumpublicarum, praecipue Graecarum, conſiderabit, memor tamen, pleroſque viros ſummos, praecipue inter Romanos, qui rempublicam adminiſtrarunt, maximaque gloria effulſerunt, ſectae fuiſſe ad dictos Epicureae. Scilicet opponebat hoc, vt multa alia, Epicurus Stoicis, qui hunc viri ſapientis animum, hoc officium eſſe contendebant, vt rempublicam capeſſeret, niſi quid interceſſerit, vt SENECA ^b docet. Nempe
illis

^e) Conf. GASSEND. ad LAERT. L. X. p. 1446.

^d) LAERT. L. X ſ. 119. conf. STOLLIVS Hiſt. philoſ. mor. gentil. ſ. III. p. 182 et quos laudat.

^e) ib.

^g) l. c. p. 1463.

^b) De vit. beata c. 30.

^f) ſ. 119.

illis cum instructum mediis credebant, quibus solus rempublicam iuuare aptus sit: hinc otium tum demum sapienti sectandum esse censebant, vbi frustra sapientiae adhibentur auxilia, tantaque est reipublicae corruptio, vt sapientiae medicinam non admittat. Contrarium suadebat Epicurus, non tam ad publica emolumenta, quam propriam tranquillitatem, qua omnia metiebatur, intentus. Hic suadebat otium, vbi naturalis illa animi quies et securitas minus turbatur; eos vero qui naturali ambitionis impetu sine publicis muneribus quieti esse ac tranquilli non possunt, rempublicam capefere, vel si ita eius sint circumstantiae, vt tranquillitati publicae interfit, patriae adesse, illi subuenire iubeat, cum priuata animi pax sine publica constare vix queat. In reliquis circumstantiis inculcabat illud *λάζε βιώτας*, quod frater eius Neocles, cui haec sententia tribuitur, ab Epicuro didicit. Strenue contra hoc axioma philosophiae moralis Epicuri pugnat P I V T A R C H V S ⁱ, philosophum proprio exemplo iugulaturus, qui tot artes, tot labores impenderit, ne lateret, sed gloria inter reliquos philosophos emineret, iisque antecelleret. Quibus liceret quidem opponere S E N E C A M ^k, *Epicurum latenter vixisse* testantem, *nec gloriam appetiisse, sed tamen sponte postea emicuisse* asserentem; sed concedamus tamen, quod praefraete negandum non esse putamus, non vacuum fuisse Epicurum ab inclarescendi desiderio, nihil tamen inde lucratur Plutarchus, more suo Epicuri verba inuidiae conflandae causa torquens. Non enim hoc voluit Epicurus, vt otiosus et ignauus delitescat vir sapiens, sed τὸ τυραννέειν, id est dominatus appetitionem reiecit, et vitatis titulis et honoribus intra literarii et philosophici otium tranquillitatem sectari, simul autem amicis se iucundum, vtilemque praestare eum iubeat ^l, qua ratione doctrina et eruditione potuit excellere Epicurus, qui tamen in hortis delituit suis, nec procerum subsellia concupiuit. Ex quibus patet, non absolute, sed ad certam sententiam restricto haec dixisse sensu, otiumque imprimis commendasse philosophicum: in quo id paucis dixit, quod multis commendauit S E N E C A ^m Stoicus.

L. Temperantiae munus est, animum cupientem reprimere, eumque ita regere, vt sequatur rationem in appetendis vel fugiendis rebus iis, quibus tranquillitas paratur et indolentia ⁿ.

LI. Temperantia itaque non expetitur ipsa propter se, sed quia voluptatem parit, hoc est, animis pacem asserit, et eos quasi concordia quadam placat et lenit ^o.

LII. Plerique autem, debilitate obiecta voluptatis specie tradunt se libidinibus constringendos, nec quid prouenturum sit prouident, obeamque causam propter voluptatem et paruam et non necessariam, et quae vel aliter pararetur, et qua etiam carere possemus sine dolore, tum in morbos graues, tum

ⁱ) Pec. dissert. T. II. p. 115 seqq.

^k) Epist. 79.

^l) L A E R T. f. 118.

^m) De vita beata passim. Hinc diiudicanda quae

habet cl. S T O L L I V S Hist. phil. mor. gent. §. CXI. pag. 190.

ⁿ) C I C E R O de fin. L. I. c. 19.

^o) ibid.

tum in damna, tum in dedecus incurrunt, saepe etiam legum iudiciorumque poenis obligantur.

LIII. Qui autem ita frui volunt voluptatibus, ut nulli propterea dolores consequantur, et qui suum iudicium retinent, ne voluptate victi faciant id, quod sentiunt, non esse faciendum, hi voluptatem maximam adipiscuntur praetermittenda voluptate. Idem etiam dolorem saepe perpetiuntur; ne si id non faciant, incidant in maiorem ^p.

LIV. Porro quia cupiditatum, circa quas versatur temperantia, aliae naturales, aliae inanes sunt, et ex naturalibus aliae necessariae, aliae non necessariae, ex his vero aliae pertinent ad vitam simpliciter, quale est cibi potusque, aliae ad ipsam felicitatem, qualis indolentiae, et tranquillitatis: sequitur inde tria esse genera cupiditatum: alias nempe esse naturales et necessarias, alias naturales, sed non necessarias, alias neque naturales neque necessarias, sed inanes, et ex opinione varia prognatas: temperantiae itaque munus est prospicere, ne necessariae sint cum studio vehementi, quod ex opinione est, adeoque fiant inanes, damnumque inferant, nec amplius eas admittere et explere, quam quousque, nisi expleantur, dolorem in corpore creant, noxamque deducunt, id quod paucis fieri potest ^q. Respiciunt haec potissimum cupiditates naturales, e. g. famem, sitimque, dolore, quem corpori creant, hominem impellentes, ut illis faciat satis. Has naturales quidem cupiditates explendas esse Epicurus praecepit, sed eo usque tantum, quoad naturalis ille sedatus dolor fuerit, hunc temperantiam terminum iis ponere. Reliqua quae modum, et mensuram explendi cupiditates respiciunt, ex non necessariis esse censet, cum ad istam indolentiam non magis, quam illae, conferant, e. g. fames non magis lautis cibis pellatur, quam duro pane: Quae autem nec necessariae sint, nec naturales, eas esse eiiciendas, statuit, quia istis naturalibus cupiditatibus ex rationis praescripto satisfacere nequeant, sed dolorem potius corporis animique turbas excitent, quales sunt incontinentia, temulentia et his similia. Temperantia itaque primum cupiditatum genus ex rationis praescripto regit, alteri modum ponit, tertium euitat. Ita quidem ratae sententiae Epicuri, quae a Cicerone ^r aliis quoque exemplis illustrantur. His si metimur Epicurum, aequo inde iudici manifestum est, falsas esse, quae Epicuro, tanquam corporis voluptatum patrono, obiiciuntur accusationes.

LV. Temperantia, gulae opposita, sobrietas est, libidini continentia, irae cupiditativae vindictae lenitas, ambitioni modestia, avaritiae moderatio; sed et ipsa mediocritas inter spem desperationemque futuri huc pertinet.

LVI. Dici non potest, quantum bonum sit sobrietas, quae nos ad victum tenuem et simplicem, parcumque reducit, docens nos, quam id sit exiguum, quod natura desiderat, quamque possit rebus parabilibus et tenuibus necessitas, qua illa laborat, sanari. Non quod semper utendum sit exiguis, verum, ut, cum multa non habemus, paucis utamur, credentes il-

Ccc ccc cc 2 . los

^p) ib. ^q) CICERO l. c. c. 13. Tusc. Q. 9. L. V. c. 33. LAERT. l. 149. ^r) l. c. conf. STOLL. l. c. p. 182.

los magnificentissime viuere atque dulcissime, qui illis minime indigent, intelligentes, id quod naturale est, esse parabile, quod vero inane et opinione constat, id difficulter parari posse ^s. Ipsum in hortis suis ita vixisse, ut epula quidem modestiora non reiiceret, paucis tamen et parabilibus facile cibis frueretur et contentus viueret, ex vitae eius historia, et ipsis Cicero- nis et Senecae testimoniis supra adductis notum est.

LVII. Panis ergo cibarius et aqua summam voluptatem afferunt, cum egens quis illa in cibum sumit ^t.

LVIII. Itaque simplicibus et non magnifice paratis cibis assuescere, et salubritatem elicit, et hominem ad necessaria vitae ministeria impigrum reddit, et sumtuosas etiam ad epulas per interualla accedentes meliores nos facit, atque aduersus fortunam parat interritos ^u. Caue tamen haec ita intellexisse putes Epicurum, ut voluptatem a voluptate non differre crederet, quod Cyrenaicis quidem placuit, totum vero reiectum ab Epicuro, et de quantitate in voluptate contrarium assertum est: id quod ex nona *ratarum sententiarum*, quae admodum obscura est, erudite demonstrauit MARCVS MEIBOMIVS ^x.

LIX. Virtus deinde eximia est continentia, siue abstinencia a vene- reis, quippe quorum usus nunquam profit, et praeclare agatur, nisi etiam noceat. Dictum hoc de argumento supra ^y.

LX. Sapiens itaque amaturus non est ^z. Quem vero amorem philo- sophus intelligat, ex dictis intelligi potest.

LXI. Mulieri quoque non congressurus est sapiens, quam leges attingere vetant ^a. Cum enim poena legibus sancita sequatur minori ista vo- luptate maius damnum dolorque arcessitur, et tranquillitas animi ac indo- lentia corporis turbantur.

LXII. Aberit etiam a sapiente, ut Cynicorum ritu uiuat, eaque sit in- uerecundia quam isti in propatulo ostentant ^b: uiuit enim in societate, non in agris ferorum ritu, adeoque contemptum, conuicia, famaeque et existi- mationis damna magna tranquillitatis iactura sentiet ^c.

LXIII. Abstinebit etiam sapiens musica et poetica, quatenus incentiua sunt libidinis. Parum duabus hisce disciplinis tribuisse Epicurum, supra iam in eius vita docuimus, multisque demonstrauit GASSENDVS ^d, a quo ad- ducta si respiciantur veterum ea de re testimonia, ad oculum patebit, hoc tantum sensu, non vero absolute Epicurum eas reiecisse. Musicam enim non ἀτλῶς improbasse, ex eo colligi potest, quia librum *de musica* scripsit, ex quo tela sua desumfisse SEXTVM EMPIRICVM ^e, contra hanc artem ex Epicureorum mente disputantem, probabile est: quae satis euidenter pro- dunt, de abusu artis Epicurum differuisse: recte enim his de scientiis solum sapientem praecipere posse LAERTIVS ^f testatur, non vero, illum plane

eas

^s) LAERT. f. 130. 131. conf. SENECA ep. 4.

^t) ib. ^u) ibid. ^x) Ad LAERT. L. X. f. 142.

^y) ibid. f. 132.

^z) ib. f. 118.

^a) ib. Oppositum hoc est Cynicis,

^b) ibid. f. 119.

^c) ib. f. 121.

^d) De vita Epic. L. VIII. c. 2. p. 200.

^e) Adu. mathem. L. VI. f. 19. conf. GASSENDVS
l. c. p. 235.

^f) l. c.

eas reiicere: id quod praeter veritatem ei tribuunt veterum plurimi praeter Gassendum MENAGIO laudati.

LXIV. Lenitas siue mansuetudo, clementiam quoque et misericordiam comprehendit.

LXV. Non irascitur sapiens; rationis enim praesidio fretus, acceptam iniuriam habet in rebus fortuitis, matureque agnoscit, non esse in sua situm facultate, ut hominum ceteri sint iusti et passionibus non abripiantur, ut non sunt in eius facultate reliqua incommoda, et damna fortuita.

LXVI. In ius quoque vocatus apparebit, sed non irascetur iudici, accusatori, testibus, sed bona fretus conscientia, nihil de sua tranquillitate remittet, et intrepide in iudicio versabitur *g*.

LXVII. Etsi castigatio seruorum immorigerorum necessaria est, debet tamen illa animaduersio fieri sine ira, ut in ciuitate sine ira scelesti puniuntur *h*.

LXVIII. Modestiae magnum praesidium est, occulte, id est, priuatum viuere; bene enim qui latuit, bene vixit *i*.

LXIX. Non ambit itaque vir sapiens honores ciuiles, sed modeste se continet, nec palatiorum ambitiosam quaerit superbiam, sed sibi viuens ruris amoenitates et simplicitatem amat, ut tranquillitati consulat suae *k*.

LXX. Statuas tamen vel maiorum, vel suis partas meritis non reiiciet, et in porticibus collocabit: minime tamen quaeret ad ambiendam gloriam, vel eas ostentabit, sed tranquillum seruabit animum, etiamsi non habuerit *l*.

LXXI. Sic vero nec de sepultura magnopere sollicitus futurus est sapiens, ratus, quod ad se corpusue mortuum attinet, interfore parum, quo se modo habeat *m*.

LXXII. Moderatio illa animi dispositio est, qua quis paruo contentus est, quaque nullum maius adesse homini bonum potest *n*.

LXXIII. Nititur ea diuitiis naturae, quae nec nimis multae sunt, nec difficulter parari possunt, et animum haud facile turbant, cum inanis et misera diuitiarum cupiditas satiari, eaque mentis tranquillitas effici nequeat *o*.

LXXIV. Qui vitae terminos nouit, non ignorat, quam sit facile parabile id, quod indigentiae dolorem tollat, omnemque vitam perfectam constituat. Itaque nihil negotiis opus est, quae certamina habent.

LXXV. Subsistentem vero finem versare animo oportet, omnemque euidenciam, ad quam ea, quae opinamur, referimus: alioquin omnia rationem iudicii desiderabunt, tumultuque plena erunt *p*. Vtraque ex ratis sententiis Epicuri, quibus innuit, si tum ad ea respiciatur, quae natura, tanquam fini praesenti necessaria constituit, tum ea quae opinione tantum constant, e.g. in potu ciboque affluentia et deliciae, euidencia recta cognoscantur,

Cccccc 3

tur,

g) l. c. Ita enim obscura Epicuri verba intelligenda esse ratio systemati ethici poscit.

h) l. 113. conf. SENECA ep. 47.

i) Vide dicta n. XLIX.

k) l. c.

m) ib. l. 118.

o) l. 143.

p) ib. l. 146. LVCRET L. V. v. 1478 seqq.

l) ib. l. 120. 121.

n) l. 137.

tur, facile naturam parabilibus fore contentam; hoc si omittatur, falsoque decipiamur praeiudicio, quae nostra tantum opinione necessaria sunt, re ipsa talia esse, nunquam pacem et tranquillitatem fore in animo.

LXXVI. Quod futurum est, neque nostrum est, neque omnino non nostrum, id quod ideo tenendum memoria, ut ne tanquam certo futurum haud dubie speremus, neque item prorsus, tanquam minime euenturum desperemus: vtrumque enim tranquillitate priuat^q.

LXXVII. Sapiens itaque, ne non viuatur, metuit, nec enim illi viuendi potestas iuncta est; neque opinatur, malialiquid esse, non viuere: neque vitae tempus cupit longissimum, sed suauissimum^r.

LXXVIII. Consuescendum autem arbitrari nihil ad nos pertinere mortem^s; ita enim ne tum quidem voluptate priuamur, quippe prout optimae vitae perfectum adeoque delectabilem nanciscemur finem, discedentes tanquam conuiuae vitae pleni et debito perfuncti eo munere, quo perfuncturi accepimus vitam^r, nec de futuro anxii, quod nihil ad nos, quia nulli amplius sumus^u.

LXXIX. Fortitudo, aduersus metum, et quicquid eum incutit, comparata est, et aduersa non timet, dolorem patienter fert, laboremque et molestiam non expauescit, vt ad veram animi pacem perueniatur.

LXXX. Est vero et haec virtus comparata ad voluptatem, quippe nec laborum perfunctio, nec patientia, nec assiduitas, nec vigiliae, nec ea ipsa, quae laudatur industria, ne fortitudo quidem per se ipsa allicit, sed ista sequimur, vt sine cura metuque viuamus, animumque et corpus, quantum efficere possumus, molestia liberemus^u.

LXXXI. Quibus rebus intelligitur, nec timiditatem ignauiamque vituperari. nec fortitudinem patientiamque laudari suo nomine, sed illas reiici, quia dolorem pariant, has optari, quia voluptatem conciliant^r. Oppositum hoc Stoicis est, in ipsa virtute sine respectu ad animum, felicitatem ponentibus.

LXXXII. Grauiissimum vero et maximum metum incutere, et perturbationem hominum mentibus solet, quod existimantes esse quasdam beatas atque immortales naturas, censent tamen inesse iis contrarias hisce attributis voluntates, actiones, passionem, vid. sollicitudines, negotia, irae, gratiae, ex quibus, et malis detrimenta maxima, et bonis praesidia ab ipsis Diis adueniant^z.

LXXXIII. Nititur hic metus inani praeiudicio, Deos humanis affectibus similes fouere perturbationes, vnde miris modis se miserum reddit et infelix humanum genus, praesertim vbi iras Diis acerbis adiungit, poenasque putat exigi^a.

LXXXIV. Vano vero timore infelices se reddere homines, ratio docet,

^q) f. 127.

^r) f. 126.

^s) f. 125.

T. II. p. 191.

^x) CICERO l. c. c. 14. 20.

^r) CICERO de fin. L. I. c. 21.

^y) ibid.

^u) LAERT. l. c. Epicurum vero tali animo mortem adisse, supra diximus, licet de eo dubitet PLVT. quod non liceat suau. viui sec. Epic.

^z) LAERT. f. 81. LVCRETIVS L. I. v. 62. quibus respondet PLVT. l. c. p. 106.

^a) ib. LVCRET. L. V. v. 1193.

cet, qua discimus, Deos securum aeuum agere, naturamque eorum esse a rebus nostris longius remotam seiunctamque, quam ut erga nos aut gratia aut ira tangantur. Cauendum itaque, ne Deum reputantes esse immortale beatumque animal, ut communis notio de Deo suggerit, quicquam ei tribuamus, quod aut ab immortalitate alienum sit, aut a beatitudine abhorrens ^b.

LXXXV. Errant itaque homines, qui cum Deos immortales ac beatos dicunt, non tales deinde tuentur, sed aliis adiunctis contradicentibus eosdem negant, ut dum illos dicunt negotium habere, ira vel gratia teneri, quae prae imbecillitate, metu opisque externae indigentia contingunt ^c.

LXXXVI. Neque vero ita erit, cur quis reputetur impius, quoniam impius reuera est, non is, qui vulgares multitudines Deos tollit, sed is, qui multitudinis opiniones Diis adhibet; non enim germanae praenotiones sunt, sed falsa praeiudicia ^d.

LXXXVII. Qua ratione quoque non is pius est, qui prae Deorum metu ad nullum non lapidem, nullam non aram vertitur, sed is qui pacata mente omnia contuens, de Diis vera sentit, ac illos animo, non spe quidem pretioque inductus, sed ob maiestatem eximiam supremamque naturam colens, tuetur respectu eorum venerationem omnimodam, eoque orationis genere utitur, quo tales suggeruntur de iis cogitationes, quibus nullae venerationi contrariae opiniones nascuntur ^e.

LXXXVIII. Alterum, quod hominum mentes teterrimo metu percellit, mors est, contra quem fortitudo animi tranquillitatem tuetur ^f.

LXXXIX. Ut igitur hisce nos eximere possimus terroribus, reputandum est, nihil ad nos pertinere mortem. Quicquid enim est siue boni, siue mali, cum sensu est, dissolutio autem est mors, et sine sensu manet, dolor frustra minatur, ubi patiens est e medio sublatum ^g.

XC. Neque itaque terrere sapientem potest priuatio et cessatio eorum, quibus viui fruimur, neque ea, quae post mortem fiunt; illorum enim non est tum quidem desiderium, neque horum sensus vel dolor. Non deploranda itaque, quae relinquimus, nec timenda, quae metu vano futurorum nos terrent ^h.

XCI. Igitur, quae omnium malorum maxime horrendum existimatur mors, nihil ad nos attinet, quia dum nos sumus, mors non adest, et dum mors adest, nos non sumus: ut adeo neque ad viuos neque ad mortuos pertineat ⁱ.

XCII. Aequum igitur est, ut hac vita mortali fruamur, non quidpiam incerti temporis adiicientes, sed cupiditatem immortalitatis abiicientes: vitaeque tempus non quod longissimum, sed quod iucundissimum fructuose captandum ^k.

XCI.

b) LAERT. f. 123.

c) f. 77.

d) ib.

e) ib. LVCRET. L. V. v. 1197 sqq. Merito vero Epicuro, voluptatem finem statuendi obicitur, quae voluptas, quaeve pax animae, ex eiusmodi veneratione sequatur, cum nihil inueniat animus in Diis, quod ad se referat, cui tranquillitatem ferat acceptam. Amor enim mysticorum purissimus com-

mentum est in schola Epicuri. Ita scilicet prodit Epicurus, quam male systema suum hic in parte cohaereat.

f) LAERT. f. 87.

g) ibid. f. 124.

h) f. 125.

i) SEXT. EMP. Pyrrh hyp. L. III. c. 4. f. 229.

k) LAERT. f. 126, SEXT. l. c. C1 c. Fusc. Q9. L. V. c. 30.

XCIII. Quod porro homini aegritudinem creare potest, est dolor corporis, animique cura, angorque.

XCIV. Cauendum est, ne sapiens quempiam dolorem in corpus accersat, nisi aut declinandi grauioris doloris, aut comparandae vberioris voluptatis gratia id fiat ¹.

XCV. Porro autem, si necessitas quaedam aut naturalis constitutionis aut factae externae violentiae dolorem quispiam sentiat, tunc sapientis est, dolorem aequo ferre fortique animo, ac patienter aut solutionem aut relaxationem eius expectare. Nam non moratur perpetuo in carne quod dolet; sed summus valdeque intensus dolor breui desinit. Aut enim soluitur, succedentemque habet, nisi omnimodam indolentiam, saltem mitigationem magnam; aut soluit, sicque finitur morte, cum, quod ab eo doleat, nihil sit. Qui dolor vero moram trahit, diuque in corpore perdurat, is sane et remissior est, et non multum est tempus absque aliqua in corpore voluptate ².

XCVI. Hinc intelligi potest, cur dictum sit, sapientem, tametsi torqueatur, posse nihilominus esse beatum: quoniam et quam necessitatem frangere non potest, patientia emollit, et quantum potest, animum suum a dolente corpore abducit cumque ipso amplius, quam cum fragili querulaque parte versatur, et praeterita fortiter facta cogitat, recreatque se in bonis praeteritis ³.

XCVII. Aegritudo, quae animo concipitur, oritur ob ea quae reputantur mala externa, quibusque opposita bona maxime concupiscimus.

XCVIII. Aegritudo non est ex natura, sed opinione mali, quia credimus, nos esse in malis, siue illa prouisa et expectata sint, siue interuenerint ⁴.

XCIX. Exinde hoc constat, ista quae nos angunt, non esse nobis re ipsa mala, quia extra nos sunt, neque per se ipsa attingunt, sed opinione tantum nostra in nobis mala fiunt, nempe si animi ab iis patiamur tranquillitatem perturbari ⁵.

C. Comparat igitur se sapiens aduersus fortunam, siue externa, quae opinamur, bona, quorum iactura animo aegritudinem parit, ista non magis sua, quam aliena habendo, et ita sibi prouidet, ut, si contingat, eorum iacturam facere, moerore se non conficiat, sed aequo animo ferat, id a fortuna repeti quod erat commodatum ⁶.

CI. Iustitia homini in societate degenti conuenit, et communis, quo constat, societatis nexus est.

CII. Neque haec vero virtus, ut reliquae, a voluptate diuelli potest, nam non modo nunquam nocet cuiquam, sed contra semper alit aliquid, tum vi sua atque natura, quod tranquillet animos, tum spe, nihil earum rerum defuturum, quas natura non deprauata desideret, animus vero iniustitia turbulentus non fiat ⁷.

CIII.

¹) LAERT. f. 129. ²) ib. f. 140. ³) ib. f. 118.

⁴) CICERO Tusc. Qq. L. III. vbi prolixè de hac aegritudine animi disserit.

⁵) Malum enim nihil est in ethica Epicuri nisi

quod tranquillitatem pacemque hominis turbat, bonum quod confert.

⁶) LAERT. f. 120.

⁷) CICERO de fin. L. I.

CIII. Et quia ex improbis factis ad minuendas vitae molestias accessio fere nulla fieri potest, cum ingens fiat ad augendas ex conscientia factorum, tum poena legum, odioque ciuium; itaque inuitat ratio vera bene sanos ad iustitiam, aequitatem, fidem, quibus animi promouetur tranquillitas^r.

CIV. Ius, siue iustum naturale nihil aliud est, quam tessera (τύμβολον) utilitatis, ut homines ad inuicem, neque laedant, neque laedantur, atque adeo natura duce secure degant, quod natura appetit^s.

CV. Ut vero iustum quidpiam sit, seu iure seruetur, duo exiguntur: vnum, ut utile sit, seu ad communem utilitatem, hoc est, securitatem spectet; alterum, ut sit ex communis societatis consensu praescriptum. Neque enim quidquam iustum per se esset, nisi societas communi consensu pactoue inito, consuesceret seruandum^t.

CVI. Quae animantes foedere iungi non poterant, ut neque laedant inuicem, neque laedantur, erga eas nec ius vllum, nec iniuria est. Eadem est ingentibus ratio, quae aut nequeunt, aut nolunt ita foederari, ut neque laedant inuicem, neque laedantur^u.

CVII. Ad hanc ineundam consensionem atque foedus mutuum compulit homines necessitas, et rixae atque oppressiones imbecillium a potentioribus factae, quibus homines edocti sunt, se non posse tuto commodeque degere, nisi pacta inirent, de non laedendo inuicem^v.

CVIII. Iniuria per se malum non est, verum ob suspicionis metum, quod latere nequeat eos, qui huiusmodi sunt iustitiae constituti vindices, quam tranquillitate priuat^w.

CIX. Non credat is, qui clam aliquid facit, contra id, quod inter se constituerunt homines, ne laedant inuicem, nec laedantur, latere posse, etsi millies praesenti tempore lateat, ad finem vitae tamen incertum est, an latere possit^z.

CX. Communiter quidem omnibus ius vnum est, (utilitatis enim quid confert in mutua societate) priuatim tamen ob regionis genium, aliasque ob causas non omnibus idem consequitur ius esse^a.

CXI. Quod testimonio firmatur, ut quod expediat in vsibus mutuae societatis, ex iis quae iusta existimata sunt, illud iusti locum obtinet, siue idem fiat omnibus, siue non fiat^b.

CXII. Si quid lege fanciatur, nec eueniat, ut mutuae communioni utilitatem afferat, non amplius iusti naturam illud habet^c.

CXIII. Quod si aliter eueniat, quod e iusto utilitatem promittebat, sed per aliquod tempus anticipatae notioni responderat; nihilominus eo tempore, quando utilitatem ferebat, iustum id erat^d.

CXIV.

^r) ib. ^s) LAERT. f. 150. ^t) ibid.
^u) ib. ^v) LVCRET. l. c.
^w) LAERT. f. 151.
^z) ib. Quid si vero tanto somno oppressa sit conscientia, ut morsum non sentiat, metumque, iri in-

iustitiam proditum? tum enim manet tranquillitas, cum prouidentia non detur. Ex quibus manifestum est, non cohaerere ethicam Epicuri tanto fulcro priuatam.

^a) ib. ^b) ib. f. 152. ^c) ib. ^d) ib.

CXIV. Vbi nulla circumstantiarum nouitate incidente ea, quae iusta putantur in ipsis operibus, non concordant cum anticipata notione, non sunt iusta; vbi vero rerum nouitate incidente non amplius sunt utilia posita iura, non erunt quoque amplius iusta^e. Summa haec est iuris naturalis, qualem ipse Epicurus in ratis delineauit sententiis, quas ipsius verbis exposuimus, paraphrasin elegantem et illustrationem quoque desiderantem lectorem ad GASSENDVM^f ablegantes. Ex ea vero manifestum est, ius omne Epicurum ex sola hominum utilitate pacto firmata deriuasse, id quod vera iuris naturalis principia conuellere, in confesso est. Nec pro excusando Epicuro valent, quae GASSENDVS^g et post eum RAPOLDVS^h monent, utilitatem in naturam fundasse; id enim contra principia Epicuri est, quae omne necessarium, essentiamque omnem et physicam et moralem in naturae necessitate sitam, praeter atomos reiiciebant, et fortuito atomorum concursui omnia tribuendo, fines quoque in vniuerso intentos respuebant. Ita vero nec hominum animi ad certos fines nati, nec eorum actionibus certae leges a natura datae insitaeque animo, normaue praescripta est; sed cum homines, non negante LVCRETIOⁱ ferarum ritu vagarentur, viderentque commodis et securitati suae sine legibus cauere non posse, in communem iuris summam, ex publica utilitate dimetiendam consensere,

Atque ipsa utilitas iusti prope mater et aequi est^k.

Recte itaque Epicurum inter moralitatis extrinsecae patronos retulerunt et notarunt RAD. CVDWORTHVS^l et IO. FR. BVDDEVS^m.

CXV. Affines iustitiae sunt virtutes, beneficentiae, misericordiae, grati animi, pietatis et obseruantiae.

CXVI. Quemadmodum qui opibus valent, tenentur alios adiutare, ut et sibi inde voluptatem pariant, et comes, benigni, liberales, munifici audiant; quo utilitas promouetur, ita gratus animus necessarius est ad tranquillitatem, nisi velit quis odio probroque esse maximoⁿ.

CXVII. Ex iis, quae ad totius vitae beatitudinem sapientia comparat, longe maxima est amicitiae possessio^o.

CXVIII. Qui ex rebus, quae extra ipsum sunt, fiduciam sibi parare atque constituere cupit, is quae fieri possunt, amica sibi efficit: quae vero aliena et inimica sunt, illis se non immiscet, et exterminat omnia, quae facere non conducit^p.

CXIX. Nouimus certe euenisse, ut quibuscunque plenam fiduciam securitatemque parare fas fuit ex societate hominum, pari sententia affectuque uiuentium, ii suauissimo freti pignore, quam suauissime inter se vixerint, ac plenissima inter se necessitudine iuncti praeoptarint, sine lamentis, pro illo, qui foret ad mortem destinatus, mortem subire^q.

CXX.

^e) ib. ^f) Ad LAERT. L. X. p. 1519 seqq. ^m) De Scept. mor. §. 10. 11. Annal. hist. phil. p. 219. 242.

^g) l. c. p. 1526.

^h) Ad HORAT. Serm. L. I. sat. 3. v. 96.

ⁱ) Li. V. v. 1135.

^k) HORAT. l. c.

^l) Diss. de aeternis iusti notion. ad calc. Syst. int. pag. 23.

ⁿ) Conf. GASSEND. l. c. p. 1586.

^o) LAERT. l. 148. CIC. de fin. L. I. c. 20.

^p) ib. s. 154.

^q) ib. Ita sensum obscurae sententiae luculenter expressit GASSEND. l. c.

CXX. Comparantur itaque amicitiae ob usus, vtilitatemque; ita tamen, vt progrediente ea, familiaritateque efflorescente, amor sit etiam, etiamsi ex amicitia nulla sit vtilitas: tum enim ex ipso amore capitur voluptas^r. Oppugnasse hoc Stoicos, ex SENECA^s notum, qui tamen cum Epicuro verbis magis quam re ipsa pugnabant, vt supra ostensum. Voluptatis enim ex fide et amore oriundae rationem habebat Epicurus, Stoici fidei et amoris ipsius.

CXXI. Quaerere vero amicitiam, eiusque initium facere, sapientem decet^r.

CXXII. Sapiens etiam, vbi opus erit, mortem pro amico oppetet.

CXXIII. Non tamen comparaturus est sapiens amicum, nisi cuius ad finem sibi praestitutum, tranquillitatem nempe et securitatem, conferre quid posse amicitiam nouerit^r.

§. XVI. Decedenti ex viuis Epicuro, quem vesicae doloribus consumptum CXXVII Olymp. annus secundus, Archonte Pytharato abstulit, successit Hermachus, in vltima voluntate hortis ab ipso Epicuro doctor datus. Hermachus successorem habuit Polystratum, de cuius mirabili cum Hippoclidae amicitia fatisque ex Valerio Maximo quaedam supra diximus. Polystratum excepit^x Dionysius, is qui a sectae mutatione metathemenos dictus est, vt viri docti suspicantur^y: hunc excepit Basilides quidam^z. Fuisse vero ab Epicuro vsque ad Augusti tempora decem doctores horto Epicuri praefectos SVIDAS^a tradit: qui vero reliqui ex his decem fuerint, definiri, silentibus veteribus, non potest. Quam enim scholae Epicureae successionem enumerat IONSIUS^b, quia Epicurus, Hermachus, Polystratus, Dionysius, Basilides, Apollodorus, Zeno Sidonius, Phaedrus, Patron se excepisse invicem dicuntur, ea veterum testimoniis nondum satis euicta est, licet negandum non sit, celeberrima haec fuisse in hortis Epicuri nomina. Quod si coniecturis aliquid dandum est, verisimile est, Basilidi successisse Protarchum Bargylaiten^c, qui Demetrium Laconem, non ignobilis inter Epicureos famae virum^d, discipulum habuit. Hunc excepisse ignoti nominis aliquos non est, quod dubitemus. Diogenes tamen Tarsensis nominandus est, quem Demetrii discipulum fuisse GASSENDVS^e coniicit, quemque *epitomen dogmatum moralium Epicuri* scripsisse, antecedente §. monuimus. Circa quae tempora secta haec valde floruit, integra-

Successio scholae Epicureae.

Diogenes Tarsensis.

Ddd ddd dd 2

que

^r) ibid.

^s) Ep. 9. LIPS. ad h. l. et Manud. ad phil. Stoic. L. III. diff. 16. STOLLIVS l. c. p. 189.

^t) ibid.

^u) LAERTII verba, vel Epicuri potius L. X. f. 120. obscura sunt, *ἐπὶ τῇ αἰδῇ καὶ τῇ ἀποφύξει*, nam contrarium de amicitia comparanda fuisse Epicurum, ex dictis notum est. Excidisse vocem aliquam suspicantur MENAGIVS et MEIBOMIVS, qui posterior coniicit, matenoli fortasse librarii culpa, vt et bona huius placita traduceret. Cur vero non et alibi id factum esset, et hoc tantum loco? Nos molestam et sine delectu factam

amici comparisonem voce *καὶ τῇ ἀποφύξει* indicari putamus, quae tranquillitatem turbat, quo et Gassendi paraphrasis in textu allata collineat.

^x) LAERT. L. X. f. 25.

^y) IONSIUS Hist. phil. L. I. c. 20. p. 112. FABRIC. ad Sext. Empir. p. 161.

^z) LAERT. l. c.

^a) T. I v. Epicurus p. 814. conf. GASSEND. vit. Epicuri L. II. c. 6. p. 63.

^b) l. c. p. 114.

^c) STRABO L. XIV. p. 658.

^d) LAERT. L. X. f. 26. SEXT. EMPIR. Pyrrh. hyp. L. III. c. 17. f. 137. adu. math. L. VIII. f. 348 seqq. L. X. f. 219. FABRICIVS ad l. c.

^e) l. c.

Seleuciensis.

que successionē vsque ad Caesarum imperium vsa per CCXXVII annos ^f magnos viros numeravit, praecipue, ubi Romanorum proceribus haec philosophandi via placuit: de quo sequenti periodo plura suo loco dicemus. Fuere tamen circa haec tempora inter Epicureos, qui famam praeceptoris, eius praeceptis de voluptate abusi, contaminarunt: inter quos imprimis Diogenes Seleucia oriundus referendus est, vir disertus et eruditus, sed maledicus, quique nemini bono parcebat, et ne principes quidem viros laceffere erubescerebat. Is graciosus cum esset apud Alexandrum Syriae regem, Antiochi Epiphanis filium, a rege impetrauit, narrante A T H E N A E O ^g, ut liceret sibi gestare tunicam purpuream, coronamque auream virtutis effigie insignem. Quam vestem cum a rege dono accepisset, Lyfido meretrici donavit, quam deperibat. Rege vero hac re offenso, ut turpiter se daret, ab eo ad convivium arcessitus est, ad quod rex philosophos complures invitauerat, ita tamen, ut in accepta veste appareret. Quod cum non faceret, rex mulierculam hisce insignibus exornatam apparere iussit, quae cum accessisset, in celebri et frequenti convivio risus ingens fuit excitatus. Quod tamen Diogenem adeo non repressit, ut potius infamis scorti laudandi vix faceret finem. Talia a Pseudo-Epicureis cum committerentur, mirum non est, veteres calumnias tantam inuenisse fidem, ut Epicurei a Romanis publico senatus decreto expellerentur ⁱ, itemque a Messeniis ante solis occasum excedere urbe iuberentur, quod adolescentum corruptores essent, ac propter mollietatem et impietatem commacularent philosophiam, urbs etiam lustraretur, ut refert A E L I A N U S ^k, prius tamen ad duos tantum Epicureos, Alcaeum et Philiscum pertinuisse, A T H E N A E U S ^l auctor est. Eandem fortunam Epicurei Lycti, quod Cretae insulae oppidum fuit, passi sunt ^m.

Apollodorus.

§. XVII. Praeter hos, quos memorauimus, alii quoque inter Epicureos fuere philosophiae laude inclyti. Ex quibus imprimis Apollodorus notari meretur, vitae Epicuri scriptor, cognomento *ὑποτύραννος*, a principatu, quem eruditione et auctoritate in hortis Epicuri obtinuerat ⁿ. Refert enim L A E R T I U S ^o, qui illustrem vocat, supra quadringentos scripsisse libros. Aetatem vero, quam incertam esse vidit G A S S E N D U S, ex Zenonis Sidonii, discipuli eius tempore omnium optime definiemus. Fuisse hunc sententia et elocutione clarum, L A E R T I U S ^p testatur, qui multa quoque eum scripsisse monet ^r. Quod vero Zeno quoque Sidonius quidam Ciceronis et Attici tempore inter Epicureos inclaruerit, ipse T V L L I U S testis est, qui scripsisse eum, ait, distincte, grauter et ornate, alioque eum loco Coryphaeum et principem eruditorum vocat, sibi-

^f) SVID I. c.^g) Lib. V. p. 211.^h) Oris maledicentia Demetrii iram, et mortem tandem sibi conciliauit.ⁱ) Forte id factum, cum omnes philosophi C. Fannio Strabone M. Valerio Messala Coss., urbe eicerentur, vid. G E L L I U S L. XV. c. 11.^k) Lib. IX. c. 12.^l) Lib. XII. p. 547.^m) SVIDAS, I. c. M E V R S I U S in descriptione

Cretae L. I. c. 12 p. 44. GASS. I. c. L. VII. c. 3. p. 172.

ⁿ) L A E R T. L. X. f. 25. M E N A G. ad h. l. ita Demosthenes in iudiciis regnasse dictus est.^o) ibid. apud STANLEIVM p. 947. male dicitur trecentos libros exarasse.^p) I. c.^q) Lib. VII. f. 35. 38.^r) Lib. X. f. 25.^s) De nat. Deor. L. I. c. 21. ad Attic. L. V. ep. 11. Tusc. Q. L. III. et passim.

sibi que non minus, quam Attico dilectum esse fatetur. Qui Zeno, si idem est cum Apollodori discipulo, facile inde aetas eius definiri potest, quam quoque partem elegere IONSIVS ^e et MENAGIVS ^a, habetque ea multum inde verisimilitudinis, quod non nomen tantum, patria et secta, sed et eruditio talis sit, qualis a Laërtio describitur. Aliter tamen visum cel. FABRICIO ^x, qui duos Zenones Sidonios distinguit, eo quod Laërtius Apollodorum inter Epicuri discipulos refert ^y: quod tamen de sectatore quoque, sensu paulisper latiore, potest intelligi ^z. Praeter hos memorantur etiam Alexandrini duo, Ptolomaeorum nomine noti LAERTIO ^a, quorum vnus Leucus alter Melas dictus est. Alios minoris famae et existimationis ab aliis recensitos ^b breuitatis causa praeterimus ^c. Imprimis autem sub Romanorum imperio magnopere efflorescere coepit philosophia et secta Epicurea, Imperatorum quoque salariis nutrita, de quo cum ex instituto tomo huius operis sequenti dicendum sit, nihil hic amplius historiae sectae Epicureae adiicimus, ad vltimam sectam, Pyrrhoniam, properantes.

CAPVT DECIMVM QVARTVM.

DE SECTA PYRRHONIA SIVE SCEPTICA.

§. I.

Enarrauimus haëtenus totius fere Graecanicae philosophiae, quatenus sectaria fuit, historiam, nec, si sensu stricto vox fumatur, secta alia superest. Quod si vero sensu paulisper laxiori tale intelligamus philosophorum genus, quod in nullius quidem verba iurauit, nec aliquod dogmaticae philosophiae aedificium exstruxit, certae tamen philosophandi et de veritate differendi viae inhaesit, recte dicitur sectam adhuc inter Graecos superesse reliquis celebritate atque fama nihil concedentem, quae omnibus se sectis, quae dogmaticae dici solent, certumque placitorum systema ponunt, opposuit, eisque veritatem denegare, et placita earum tanquam vel falsa, vel incerta et dubia convellere ausa fuit. Ad quam metam assequendam in hoc vno proram puppimque totius philosophiae, quam sequebatur, suae pos-

Ddd ddd dd 3 fuit:

^e) l. c. L. II. c. 1. p. 117.

^y) Ad LAERT. L. VII. f. 35.

^x) Bibl. Gr. Vol. II. p. 816. GASSEND. l. c. p. 65. fluctuat.

^y) Ita etiam VOSSIVS de histor. Graec. L. IV. c. 10. p. 466 seqq. notatus propterea IONSIO l. c. L. II. c. 13. p. 198.

^z) Confundere Zenones Suidam supra c. IX. dictum est, addique potest VOSSIVS l. c. L. I. c. 16. p. 104. Apollodorum hunc seruum Epicuri decem minis emisse ait οὐδὲν FABRICIVS l. c. p. 808. ad LAERTIVM L. X. c. 10. pr. uocans, quod si recte se haberet, omnino fuisset ex Epicuri discipulis, qui ipsum audierunt, hincque duo essent distinguendi Zenones Sidonii. Verum nihil tale habet

LAERTIVS, sed id tantum teste Apollodoro aduocato refert LXXX minis Epicurum hortum. in quo docuit, comparauisse. Seruus vero in testamento in libertatem afferuit. ^a) Lib. X. f. 25.

^b) Catalogum Epicureorum, quorum nomina apud veteres occurrunt, exhibeat GASSEND. l. c. L. I. c. 8. L. II. c. 6. LEON. COZZANDVS de magist. antiq. phil. L. VI. p. 401 seqq. omnium vero diligentissime FABRIC. Bibl. Gr. Vol. II. p. 808 seqq.

^c) Sicut monuimus SVIDAM in Anniceris T. I. p. 209. Epicureum facere Annicerin Cyrenicae discipulū doctorem. Quod non ita intelligendum est, quod sectam mutauerit, sed quod in doctrina de voluptate magis ad Epicuri hypothesin accessit, quam ad Aristippi.

Nomen.

fuit: omnia ita aeternis incertitudinis et ignorantiae tenebris demersa iacere, totque falsis omnia iactari opinionibus, tot repleti contradictionibus, quae a dogmaticis asseruntur, ut impossibile sit, ad quandam peruenire veri scientiam, et imbecillitas intellectus ubique manifeste se prodatur. Necessarium itaque esse, nihil definire, de omnibus dubitare, assensum ubique retinere, in vita vero opinionem sequi. Quam philosophandi viam quia non ingressus quidem primus est Pyrrho, Anaxarchi Eleaticae sectae philosophi discipulus, primus tamen sectam ex ea formavit, Pyrrhoniam inde, a philosophandi vero modo, Sceptica dicitur. Posterior tamen appellatio frequentior est, quae a differendi modo et ratione desumpta est, quam prior, quae a sectae conditore originem cepit. Id quod mirum videri queat, cum contrario prorsus modo sectarum nomina, quae a philosophandi instituto acceperunt, e. g. Hedonicorum, Eristicorum, Elpisticorum, Eudaemoniorum, Philaletharum, Analogeticorum^a, adeo intercederint, ut vix coniectura liceat assequi, quos indicent philosophos; quae vero ab auctoribus locoque indita sunt, aetatem tulerint. Cuius causam verisimili ratione inde deriuandam putamus, quod Sceptici sectae nomen, sensu proprio sumtum, declinauerint, nec ii voluerunt videri, qui vilius hominis starent placitis, id quod dudum LAERTIO^b notatum fuit. Ipsam vero de omnibus dubitandi methodum fortissimam et nobilissimam, reputantes^c, et arrogantiae dogmaticorum tanquam sobriam magis et prudentiorem opposcentes, dubitantium, siue Scepticorum nomen vehementer amplexi sunt, ut ex LAERTIO^d et SEXTO EMPIRICO^e discimus. Eodem sensu dicti quoque sunt Ephectici, a retinendo assensu, Zetetici, a perpetuis disputationibus, et quaestionibus, Aporetici a dubitatione ubique admissa^f. Cumque Academici, quam Platonicae scholae propaginem fuisse suo loco docuimus, quique a conditoris nomine magnam gloriam consecuti erant et existimationem, parum ab ea philosophandi via, quam Pyrrho ingressus est, decederent, ut ex iis, quae differemus, apparebit, collatis cum historia philosophiae Academicae supra enarrata, factum inde etiam est, ut sub isto nomine laterent, et quae sub Pyrrhonis nomine breui tempore, CICERONE^g teste abiiciebatur, sub Academicorum nomen multos sectatores inueniret ratio philosophandi sceptica, id quod recte CICERONI^h fuit notatum. Cuius causas has doctissimus Scepticorum nostra aetate aduocatus PETRVS DANIEL HVETIVSⁱ putat, partim quod praeter Pyrrhonem, vix ex eius secta quisquam enituerit, qui famae celebritatem consecutus est, cum contra Academici maximi nominis doctores habuerint plurimos, ex quorum fulgore lumen capiebant Sceptici: partim quia Pyrrhonii pro infanientibus et vitae humanae prorsus ineptis habiti sunt, quod opprobrium

ut

^a) LAERT. L. I, f. 17. MENAG. ad h. l.^b) ib. f. 20.^c) IDEM L. IX, f. 61.^d) II. cc.^e) Pyrrhon. hypotyp. L. I. c. 3. p. 2.^f) LAERT. L. IX, f. 69. GELLIVS L. XI. c. 5.

SVIDAS in Pyrrhonii T. III. p. 246. SEXTO. I. c. L. I. c. 19.

^g) De finib. L. II.^h) Q. q. Acad. passim.ⁱ) De imbecillitate intellectus humani L. I, c. I.

§. 39, p. 150.

vt euitarent, qui hac ratione philosophabantur, honestissimo Academico-
rum nomine, licet in quibusdam, vt postea dicemus, ab iis dissentirent, la-
tere maluerunt. Accuratiores tamen ex hoc hominum genere, qui hoc
sectae nomen instituto non conuenire videbant, maluerunt Pyrrhonis no-
men, vnde SEXTVS EMPIRICVS, nobilis inter eos scriptor, hypotypo-
ses non Academicas sed Pyrrhonas scripsit.

§. II. Ex his vero colligi recte potest, historiam sectae Pyrrhoniae ex *Scriptores ad*
Academicae sectae fatis multam capere lucem posse: quam cum hoc capite *eius historiam*
iungendam, eosque consulendos suademus, quos ibi laudauimus. Ad Sce-*facientes.*
pticae vero sectae historiam illustrandam ex veteribus pertinebant vitae Pyr-
rhone scriptores Antigonus Carystiusⁱ, ei fere coaeuus, et Diocles Ma-
gnes, ad quos plus semel prouocat LAERTIVS. Philosophiam vero sce-
pticam ex ipsa secta non ignobilis scriptor, AENESIDEMVS octo libris *de*
Pyrrhoniis^k luce perfudit, quos tamen praeter epitomen a PHOTIO^l ex-
hibitam non superesse merito dolemus: quemadmodum Theodosii quoque
capitula Sceptica, et Faurini *tropi Pyrrhonii* desiderantur^m. Seruauit ta-
men nobis fortuna incomparabiles SEXTI EMPIRICI hominis Sceptici,
de quo in secundo huius operis tomo differemus, commentarios de hac
philosophia, magna eruditione et notitia omnis veteris philosophiae refer-
tos: quibus iungenda, quae LAERTIVSⁿ more suo congeffit, et pauca
quae corrasit SVIDAS^o. Etsi vero omnem philosophandi rationem haec
secta euertere merito visa fuit, non defuere tamen, qui recentiori aetate
pollicem ei premerent, quos tamen enarrabimus eo loco, vbi nostri tem-
poris philosophiae condemus historiam. Hic vero FOVCHERII^p tantum
et HVETII^q labores nominamus, quibus historia Scepticismi veteris iu-
uari valde potest. Sed et ii non negligendi sunt, qui se Scepticismo oppo-
fuerunt, vel Academicos quoque refutandos sibi sumserunt, quorum scripta
passim lucem sectae historiae et placitis foenerantur. Fragmenta eiusmodi
aliquot seruauit EVSEBIVS^r, quibus AVGVSTINI *Quaestiones Aca-*
demicae, et CLAVDII PTOLOMAEI liber *de iudicandi facultate verique*
et falsi regulae^s, GALENVS item *de optima disciplina*^t et SEXTI alte-
rius *disputationes anti-scepticae*^u aliique MORHOFIO^v et FABRI-
CIO^w memorati adiungi possunt; quemadmodum laudatissimus quoque
FABRICIVS^x Syllabum nobis eorum exhibuit, qui recentiori aetate venas
inci-

ⁱ) Vid. Aristocles apud EVSEB. de praep. eu.
L. XIV. c. 18. LAERT. L. IX. c. 62. conf. IONS. de
Script. hist. phil. L. II. c. 4. p. 131 seq. FABRIC. Bibl.
Graec. Vol. II. p. 674.

^k) Vid. MENAG. ad L. c. Laert. FABRIC. l. c.
pag. 818.

^l) Cod. COXII. p. 279. seqq. ed. Hoersch.

^m) MENAG. et FABRIC. II. cc.

ⁿ) Lib. IX. f. 61 seqq.

^o) In Pyrrhone, c. ὅτι μὲν μάλλον.

^p) Histoire des Academiciens, quaeque pro de-
fendendo sceptica philosophia scripsit supra enar-
rata.

^q) De la foiblesse de l'esprit humain, sed et BAYLE
art. Pyrrhon. et diff. sur le Pyrrhonisme consulen-
dus et diiudicandus est.

^r) l. c.

^s) Editus ab ISM. BVLIALDO Gr. et Lat.
Paris 1663. 4.

^t) Adiectus etiam editioni SEXTI EMP. Ge-
nueuensi.

^u) Edidit post STEPHANVM FABRICIVS
Bibl. Gr. Vol. XII. p. 617 seq. Graec. et Lat.

^v) Pyrrhon. T. II. L. I. c. 6. p. 30.

^w) Syllab. Script. de V. R. C. c. XXIII. §. 4. p. 455.

^x) l. c.

incidere Scepticismo eiusque robur enervare satagerunt. Sunt et alia passim obuia, quae historiam sectae Scepticae et Scepticismi illustrant, sed minoris momenti^v. FABRICIVS autem, qui elegantissimam Sexti Empirici editionem annotationibus doctissimis auctam nobis dedit, cum in iis. tum in immortalis *Bibliothecae Graecae* opere tantum ad historiam huius sectae et philosophiae attulit, quantum ante eum pauci, diligenter cum ipso Sexti textu ab iis consulendus, qui accuratius de hoc philosophiae genere erudiri cupiunt.

Conditor se-
ctae Pyrrho.

§. III. Pyrrhoni, sectae Scepticorum parenti, Elea dedit originem^w, Plistarcho parente nato^x, obscurae fortis homine^y, qua parentis conditione ipse quoque Pyrrho initio, Antigono teste, pressus fuit: soror etiam Philista obstetricem egit. Ipse adolescentiae annos arti pictoriae dicavit, licet non optimum pictorem fuisse, Aristocles asserat^z. Antigono tamen referente^a in Eliensi gymnasio pictura eius servos exhibens, lampadas tenentes, asseruata fuit, non male ab eo elaborata. Artis itaque vel fastidio, vel ardore animi maiora et meliora quaerentis, a pictoria ad philosophiam, transfuga quasi, ut ridet LUCIANVS^b, factus, in Democriti primum scripta incidit^c. Alii primum Pyrrhonis praeceptorem Drysonem, vel Brysonem vocant^d, Stilponis filium, Clinomachi discipulum, cuius supra mentio facta est^e. Qui cum parentis arte excelleret, dubium non est, Pyrrhonem dialecticis armis instructum egregias illas pugnas, quibus omnes adoriebantur philosophos Eristici, et de omnibus in utramque partem disputabant, ab eo didicisse. Tum ad Anaxarchum, Metrodori Chii discipulum, delatus est, cui quoque constanter adhaesit, et cum eo, Alexandrum M. sequente, ad Indos profectus est, cum Brachmanibus et Gymnosophistis illius regionis congressus^f. Hos vero praeceptores ita audiuit, ut ex illorum doctrina in sua arua deriuaret, quaecunque animum ad incertitudinem valde inclinantem confirmare apta essent. Quod imprimis de Metrodoro tenendum est, quem ad Scepticismum fuisse pronissimum^{ff}, negata omni scientia, capite undecimo narrauimus. His itaque praefidiis munitus, cum dogmat

ticorum

v) DAN. HARTNAGGII Historia breuiuscula Scepticismi addita SANCHEZII libro de scientia, quod nihil scitur: tractatio sine succo et nervo: IO. FRID. HEVNISCH. diss. de philosophis Scepticis; GABR. WEDDERKOP. diss. de Scepticismo; IAC. ARNH. diss. de secta Pyrrhonia.

w) LAERT. L. IX. f. 61. SVIDAS in Pyrrhon. T. III. p. 245. BAYLE Dict. T. III. art. Pyrrhon. p. 731. Nos quoque peculiari observatione de Pyrrhonis vita differuimus Miscell. Lips. Tom. V. Obs. CXI. p. 240 seq.

x) ib. f. 62.

y) PAVSANIAE Eliac. L. II. Pistocrates audit.

z) Apud EVSEB. praep. L. XIV. c. 18.

a) LAERT. l. c.

b) Bis accusat. T. II. p. 673. 688.

c) Aristocles apud EVSEB. l. c.

d) Alex. apud LAERT. l. c.

e) c. IV. huius libri.

f) LAERT. l. c. Apud SVIDAM l. c. dicitur Pyrrho post Brysonem audiuisse Alexandrum, Metrodori Chii discipulum, cuius praeceptor fuerit Metrodorus Abderita. Sed duplici errore peccavit festinans vel Suidae vel exscriptorum eius calamus. Nam nec Alexander ullus inter Eleaticos vel Democriticos comparet, qui Pyrrhonis praeceptor fuit, sed Alexander, qui in successionibus Pyrrhonis praeceptores narrat, cum Anaxarcho confusus, eum apud Suidam peperit: Deinde non fuere duo Metrodori Chii et Abderita inter Eleaticos, unde MENAGIUS ad LAERT. L. IX. f. 58. 61. et KVSTERVS ad l. c. SVIDAE corruptionem textus recte notarunt. Mirandum itaque, nec STANLEYVM Hist. phil. P. XI. p. 919. errorem vidisse, nec doctissimum interpretem Latinum in eum animadvertisse.

ff) LAERT. l. c. f. 58.

ticorum subsellia vbique occupata vidisset, nouam tum quidem temporis (Academia enim media nondum ea aetate florebat,) philosophiam excogitauit, et nihil quicquam comprehendi posse dixit, neque omnino quicquam dogmaticorum decernendum esse statuit. Traduntque, qui vitae eius et placitorum historiam ex veteribus exposuerunt, nihil vel honestum esse dixisse, vel inhonestum, iustum vel iniustum, et sic in reliquis: nempe nihil horum reapse tale esse, legem vero et consuetudinem sequentes omnia ista homines, facere, nec in quapiam re hoc magis esse, quam illud^g. Id quo sensu et fundamento Pyrrho dixerit, in sequentibus enucleatius trademus. Addunt vero^b: consentaneum illi opinioni vitae genus duxisse, nihil declinasse, nihil deuitasse, omnibus rebus recta occurrisset, curribus, si oblatis essent, praecipitiis, canibus et similibus nunquam via decedentem, neque sensibus obsequentem, amicis interea, qui eum sequebantur saluti eius prospicientibus. Quae si doctrinae in se paradoxae, omnique non veritati tantum, sed et honestati euertendae aptae iungantur, non sine causa in eam suspicionem adducunt Pyrrhonem, fuisse hominem mentis emotae et nimia arte atque scientia insanientis. Mitius tamen de eo sentiemus, et ab eiusmodi infania virum merito liberabimus, veteribus tantum non omnibus ob egregiam eruditionem, et, quod multis visum fuit, nobilissimam philosophiae excolendae viam initam, vt scribit LAERTIVSⁱ, laudatum, palpabimusque manibus, dogmaticorum inuidiae et calumniis eiusmodi fabulis philosophiae genus sibi infestum cachinnis idiotarum propinantium, has nugas deberi^k, si vitae eius laudabiliter peractae seriem et facta perpendimus. Testantur enim scriptores animum eius a superbia et fastu prorsus alienum, sororis Philistae amicissimum, et nec vilia ministeria repugnantem^l: vitam porro egisse solitariam, qua rarius vel ipsis domesticis videbatur^m: id quod ideo fecisse, refert LAERTIVSⁿ, quod Indum audiuiisset Anaxarcho exprobrantem, neminem, nisi se ipsum, bonum esse quod diceret, principum vero interea aulas frequentaret^o. Idem porro narrat, itinera eum varia suscepisse, nunquam, quo pergeret cuiuspiam indicantem, sibi que eos, cum quibus versaretur, ipsum delegisse. Semper porro eodem vultu et habitu perseuerauisset^p, etiam inter terrores et dolores: vlceri etiam cuidam suo medicamenta corrodentia, et sectiones, et vstiones adhibuisse, magnumque in his omnibus animi robur et constantiam exhibuisse^p: in magna quoque tempestate cum naufragii periculum omnes in stuporem et pauorem coniecisset, ipsum porcellum in naui secure com-

g) ib. f. 61.

b) ib. f. 62. qui ad Antigonum Carystium, testem Pyrrhoni coaeuum, prouocat.

i) f. 61.

k) Idem recte coniecit P. D. HUVETIUS de la faiblesse de l'esprit humain. l. c. p. 127.

l) LAERT. l. c. f. 66, conf. Aristocles l. c. BAYLE l. c. not. G. p. 735.

m) ib. f. 65.

n) ibid.

o) Addit, cum secum loqui, vt solent solitarie viuentes et ambulantes, deprehenderetur, rogatum, quid ageret: meditari se respondiisse, vi bonus (χρηστός) euaderet.

p) f. 65.

p) f. 67. vbi Laërtius ad Timonis testimonium prouocat.

comedentem offendisse, eandem animi ἀταραξίαν commendantem⁹. Quin et ea, in quibus reprehensus dicitur, quod non semper vita doctrinae consentanea esset, huc referri debent: nempe, indignatum amico qui res ad sacrificium necessarias se emtutum promiserat, nec promissis steterat, et ideo reprehensum, quod animo commoueretur, neque id cum indolentia, quam profiteretur, conueniret, negauisse, eius rei specimen aduersus mulierem edendum esse^r: a cane territus cum post arborem recessisset, a praesentibus derisum difficile, dixisse, hominem penitus exuere. Contendendum tamen esse, primum quidem agendo, quantum fieri potest aduersum res, postea ratiocinando^r. Additur his, in quaestionibus a nemine fuisse contemptum, quod singulari perspicuitate in iis explicandis vteretur^s, eaque re cepisse Nausiphanem iuuenem. Quis haec conuenire credat viro omnem sensuum usum ad insaniam usque neganti? quis non mendacium palpet, tradens amicos comites eum omnia negligentem periculis eripuisse, cum solitariam valde vitam^{//} amauerit, et itinera quoque varia solus confecerit, in quibus nemo eum canibus, praecipitiis, curribus eripuit? cui non manifestum ex his est, Pyrrhonis animum ad indifferentiam τῶν παθῶν mentemque ex vtraque parte immotam et imperterritam istis Scepticis ratiociniis, ut postea dicemus, tendentem, occasionem cudendae fabulae dedisse? Addimus his alia, quae tantis deliriis non agitatedum fuisse Pyrrhonem euincunt. Inter quae imprimis ad Epicurum respiciendum est, ab ista indifferentiae intellectus et incertitudinis vniuersalis rabie tantopere alienum, qui tamen, teste LAERTIO^t, vehementer Pyrrhonem admiratus est, nempe, quod ἀταραξία ista animi tranquillitatem fuisset consecutus, et egregie de ea re disserteret: quod Epicurus nunquam fecisset, si ad hanc insaniam fuisset dilapsus. Sed et tanta Pyrrhonis existimatio fuit in patria, ut pontifex crearetur, dareturque hoc eius honori, ut decretum fieret, quo omnibus philosophis vacatio a muneribus publicis permitteretur^u. Qualis quaeso vero pontifex, qui ita insanit, ut quid faciat, delirans ignoret? Alias rationes, quibus ab hac labe purgari potest Pyrrho, praeterimus, hoc vnum adiicientes, ipsam Scepticorum doctrinam, quae in vita agenda sensuum usum non reiicit, satis euidenter refutare fabulam a viris doctis dudum reiectam, et inter veteres quoque iam Aenesidemo^v improbatam. Scilicet ἀκαταληψία Pyrrhonis non externam sensuum apparentiam reiecit, quam vitae regulam non improbabant Sceptici, sed dogmaticorum definitiones rerum, et scientiae arrogantiam, cui euertendae fundamenta rerum patere negabat; ex eo vero animum contra perturbationes imperterritum seruare contendebat. Hunc scopum cum philosophiae assigna-

⁹) ib.

^r) Aristoteles apud EVSEB. l. c. LAERT. f. 66.

^s) IDEM II, cc.

^t) f. 64.

^u) Hinc conuiuia quoque splendida vitabat, frugalit non recusabat, qua de re egregium exemplum ATHENAEVS affert L. X. p. 419. quod eiusmodi insipienti indifferentiae prorsus repugnat.

^v) f. 64.

^w) ib. LE VAYER Op. T. V. p. 213. MENAG. ad Laert. L. IX. f. 63. HVET. l. c. p. 127. BAYLE l. c. p. 734. BIERLING. de Pyrrhonismo hist. c. I. §. 3. p. 734. FABRIC. Bibl. Graec. Vol. II. p. 818. STOLLIVS Hist. phil. mor. gentil. p. 198. conf. Misc. Lips. l. c. p. 241.

^x) Apud LAERT. l. c. f. 62.

signaret, et ad hanc vnam metam impigre curreret, mirum non est, eum nec reliquis artibus et disciplinis magnum statuisse pretium, quae Epicuro causa fuit, ut eum indoctum, et male eruditum vocaret ^w, nec scripsisse aliquid ^x, praeter poema aliquod, ad Alexandrum M. quod regia munificentia is remuneratus est ^y. Ex hac vero vitae eius circumstantia confirmatur quoque quod ex LAERTIO ^z colligitur: floruisse eum circa Ol. CX. Vnde vel errat, vel de natiuitatis anno intelligendus est SVIDAS ^a, qui ad Olymp. CI. refert. Obiit fere nonagenarius ^b, quo tamen anno vita excesserit, veteres non definiunt. Quod si Olymp. CI. i. natum dicamus, Olymp. CXXIII. 2. 3. decessisse necesse est: quod ex eo quoque fit verisimile, quod Aristocle teste ^c Antigonus Carystius ei coaeuus fuit, quem circa ultimos Ptolomaei Philadelphi annos adhuc vixisse, recte IONSIUS ^d statuit. Ptolomaeus autem Olymp. CXXIV parenti, Ptolomaeo Lagidi successit. Post mortem statuam ei posuere Attici prope porticum; monumentum quoque in patria erectum est ^e. Pyrrhones duos alios veteres notat MENAGIUS ^f, cui addi potest tertius Metapontinus, ex discipulis Pythagorae ^g.

§. IV. Ex hac vitae Pyrrhonis historia ratio iam facili negotio dari potest, quo modo ad Scepticismum is dilapsus sit. Nempe

I. Democriti admirationi et philosophiae eius studio, quo rudimenta quasi posuit Pyrrho, plurimum adscribendum est. Capite enim undecimo, ubi prolixè Democriteam philosophiam profecuti sumus, pluribus demonstrauimus, negasse Abderitam omnes, quae rebus ipsis inesse dicuntur, qualitates reales, adeoque omnes etiam, quae in rebus ipsis laterent, differentias, et ad modificationes et sensationes animae ex obiectis externis oriundas eas reuocasse; inde vero hoc deduxisse axioma, nihil re vera esse, praeter atomos, reliqua constare opinione, dispositione, ordine, sensuumque perceptione. Haec cum didicisset Pyrrho, tantaque Democriteam sapientiam prosequeretur admiratione, ut semper eius cum magna honoris praefatione meminisset ^g, mirum non est, fundamentum hoc elegisse, cui totam philosophiam suam superstrueret. Hoc enim semel admissio, negari Pyrrhoni non potest, nihil esse re ipsa certi, nec hoc magis vel illud re ipsa esse, sed opinione, praeiudiciis, sensuumque fallacia turbari omnia, quibus armis Pyrrhonismus facilem reportat victoriam.

Eee eee ee 2

II.

w) LAERT. L. X. f. 8. Cum vero ipse Epicurus encyclicas Graecorum literas exagitaret, et parcissimum earum usum admitteret, coniectura inde nascitur, longius processisse Pyrrhonem, et de iis plane non fuisse sollicitum, conf. GASSENDVS de vit. Epic. L. V c. 3. p. 136. HVET. l. c. p. 28. Grammaticam contempsisse SEXTVS. EMP. testatur, adu. Gramin. L. I. c. 13. f. 232. Homerum tamen, quem Pyrrhonis tempora pro fonte omnis sapientiae habebant, diligenter legit, et in partes suas vocauit, cuius rei exempla affert LAERT. f. 67. quod negat quidem SEXTVS l. c. f. 28. sed veritate et ἀποφάσει reclamante.

x) LAERT. f. 102. et L. I. f. 16. EVSEB. l. c. FABRIC. l. c. p. 818.

y) Decies mille aureorum, accepisse ait SEXTVS l. c. id est 25000. Thaleros, vid. FABRIC. ad l. c. Sexti.

z) Is L. IX. f. 58. Olymp. CX. Anaxarchum apud Alex. M. floruisse ait: cum eo vero fuit Pyrrho.

a) l. c. b) LAERT. f. 61. c) EVSEB. l. c.

d) de Script. hist. phil. L. II, c. 4. p. 130.

e) PAVSAN. l. c. MENAG. ad Laert. L. IX. f. 61.

f) l. c. f. 107.

g) IAMBlich, de vit. Pyth. c. XXXVI. n. 272.

g) LAERT. f. 67.

Origines Scepticismi
Pyrrhonis.

II. Non vero sola Democriti philosophia Pyrrhoni ad Scepticismum delabendi occasionem praeuisse videtur, sed totius Eleaticae scholae etiam antiquioris philosophandi ratio. Quae cum sensibus fidem denegaret, et eousque procederet, ut hominum puerilem superbiam, scientiam sibi arrogantium exagitaret, veritatemque in profundo demersam latere censeret, inque eo veterum philosophorum ipsiusque Homeri exemplo vteretur, non potuit non Pyrrhonis animus in Eleaticorum schola educatus et formatus maximopere in fouenda incertitudine confirmari. Eiusmodi enim veterum dictis, quae inania hominum studia et pueriles nugae exagitant, valde eum deperiisse Philo Atheniensis eius necessarius testatur apud L A E R T I V M ^b.

III. Accessit his disciplina dialecticorum, quam a Stilponis didicisse filio diximus. Cum enim in horum hominum schola, more illius vehementer sophismatibus et cauillationibus vrgeretur, non melius ei opponere poterat *Φάμακον*, quam hanc rerum omnium incertitudinem et *ἀδιαφορίαν*, quibus omnes una strophas sophistarum et dialecticorum prosternebat, victoriasque reportabat facillimas. Impense ea de re Pyrrhoni gratulatus est Timon Sillographus his versibus ⁱ:

*Miror, qui tandem potuisti euadere Pyrrho,
Turgentes frustra, stupidos vanosque sophistas,
Atque imposturae fallacis soluere vincla.*

IV. Maxime vero ad ea vitae ab omni perturbatione vacuae exempla attendendum est, quae de Pyrrhone retulimus, quamque vitae tranquillitatem et imperturbatum statum totius Scepticismi finem a Pyrrhoniis poni in sequentibus dicemus. Ex his enim speciminibus manifestum est, Pyrrhonem ad hanc mentis *ἀταραξίαν* et inuictum robur, quam maxime respexisse, utque hanc obtineret animi constantiam, omnem de rebus ipsis, quatenus ad animum referuntur nostrum, opinionem eiiciendam esse, statuisse. Hoc cum nullius praestare obseruaret sectae philosophiam, quae asserendis dogmatibus mentem turbabant magis, quam immotam reddebant, non potuit non scepticismum pro nobiliori philosophiae genere habere, eique totum se addicere.

V. Huic vero cum accederent infinitae sectarum tum ex Socratis schola prodeuntium dissidia et controuersiae, quibus tanquam insulsum, falsumque et ineptum reiiciebat una, quod altera pro ipso sapientiae fonte venditabat; cumque ita nuditatem suam mutuis inter se certaminibus detegerent philosophi dogmatici, non poterat non animus eius tranquillitatis studiosus vehementer ab omni philosophia dogmatica abhorreere, et desperare de inuenienda apud eam pace animi. Acciditque Pyrrhoni, quod omni fere tempore euenit, ut infinitae de doctrinis vel incertis vel in dubium vocatis controuersiae tandem Scepticismum parturiant.

VI. Non errabimus etiam, si exempla magnorum virorum, toties imbecil-

^b) ib.ⁱ) f. 65.

becillitatem humani intellectus, difficultates in inquirenda veritate occurrentes, latentes rerum essentias, et innumeram opinionum seriem fatentium et deplorantium, Pyrrhonem in electa semel dubitandi de omnibus arte confirmasse credamus. Vti enim exemplorum huiusmodi a magnis viris professorum maxima vis est, ita facile fuit, hominem principiis quibusdam physicis ad incertitudinem manu ducentibus imbutum iis non corroborari tantum in adamata hypothesi, sed et eo perducere, ut limites a veteribus, quorum exempla intuebatur, sapienter positos migraret, et in extremum curreret. Alia non addimus, facile ex iis repetenda, quae supra de causis enatae philosophiae Academicæ, quae eodem fere in luto cum Pyrrhonia haesit, differuimus.

§. V. Discipulos habuit Pyrrho nonnullos, quorum illustrissima fama *Seſtatores*
fuit. Inter eos memorantur Eurylochus, de quo narrat LAERTIVS ^k, ita *Pyrrhonis.*
furore aliquando exarſiſſe, vt ſumto veru cum carnibus, coquum in forum
vſque perſequeretur, quod ſpectaculum homini ſceptico, tantopere men-
tis imperturbatum ſtatum et ἀδιαφορίαν quaerenti, indignum dubium non
eſt, dogmaticos acerbè riſiſſe. A praeceptore etiam hoc didicit, vt magnus
ſophiſtarum inimicus eſſet, quos debellandi arma ipſi ſceptiſmus ſubmi-
niſtrauit egregia. Tantopere tamen aliquando Elide eruditorum quaeti-
onibus fatigatus eſt, vt abiecto pallio Alpheum fluuium tranſando eorum
perſecutionibus ſe ſubduceret. Alius Pyrrhonis diſcipulus fuit Pyrrho Athe-
nienſis ^l, homo praeceptoris in eo ſimilis, quod meditando ſolitudinem qua-
ereret, turbam et ſtrepitum fugiens, nec multum vanis litibus et diſputatio-
nibus tribueret. Vnde non probamus vel IONſII ^m opinionem, qui Phi-
lonem Dialecticum, Diodori Croni diſcipulum, innui putat, vel interpretis
LAERTII verſionem, qui, frequentiore in diſputationibus, eum fuiſſe,
vertit verba Graeca: τὰ πλεῖστα διελέγετο ⁿ: nam vtrumque cum Timonis
verbis non conſpirat, qui eum vocat

Ὀὐκ ἐμπαζομενον δόξης ἐρίδων τε, Φίλωνα.

Nausiphanem etiam Teium, supra memorauimus, Pyrrhonis in differendo dexteritate et arte captum, in eius disciplinam transiisse. Hunc Nausiphanem audiuisse, secundum quosdam, Epicurum, ab eo vero tanquam plumbeum et indoctum, iactantiam sophisticam prae se ferentem, ut mancipiorum aliquod, traductum fuisse, capite quoque praecedente narrauimusⁿ. Sed et Hecataeus Abderita^o et Numenius, cum Apameensi non confundendusⁿ, huc pertinent.

¶ VI. Celeberrimus vero inter Pyrrhonis discipulos fuit Timon Phliasius⁹, *Timon*
Eee eee e e 3 *patre Phliasius.*

b) Lit. IX. f. 68.

1) ib. f. 67. 69.

M) De Script. hist. phil. L. II. c. 1. p. 119.

m) Saepe secum ipso colloquebatur, vertit STANLEIVS p. 921. quod ad marginem ita emendat OLEARIVS: multum disputabat.

n) LAERT L X. f 7. 8.

•) IDEM L. IX. f. 68.

p) ib f. 114, conf. lons. l. c. l. III. c. 10. p. 265.

q) Pleraque de Timone debemus LAERT. l. IX. f. 109. sua ex APOLLONIDIS NICAEE commen-
tario in Silos Timonis haurienti. conf. SVIDAS in
Timon. T. III p. 476. Ex recentioribus ls. FRID.
LANGHEINRICH duas nobis dissertationes dedit de
Timonis vita, de Grina, scriptus. conf. STOLL, hist.
liter. T. III. p. 763 seqq.

patre Timarcho genitus. Iuuenis saltationi operam dedit^r; postea vero animo mutatus Megaram se contulit, conueniendi Stilponis gratia, sine dubio vt dialecticam ab eo disceret, qua excelebat Stilpo, quaeque quaestiuosa tum inter Graecos disciplina extabat. Cum eo aliquandiu versatus in patriam rediit, vxoremque duxit. Post haec Elidem profectus est, vt Pyrrhonem audiret, cumque vxorem haberet comitem, in illa apud Scepticum mora filios genuit: quorum maiorem natu, Xanthum vocatum, in medicis^s, vt erant Sceptici artis salutaris amantes^s, instituit, et instituti, vitaeue generis successorem reliquit, quod vtrum ad scepticam philosophandi, vel medicam viam pertineat, vel bonorum etiam successorem indicet, ex incerta Apollonidis Nicaei apud LAERTIVM[¶], quem sequimur, phrasi accurate definiri non potest. Licet vix credi possit, Timonem vel de discipulis vel de successore valde fuisse sollicitum, cum Hieronymus de eo scripserit^r: *sicut apud Scythas, et qui fugiunt, et qui persequuntur, sagittas mittant, ita et apud philosophos, alios persequendo discipulos capere, alios fugiendo, vt Timonem.* Causa eius rei in vitae commoditatibus studiose a Timone quaesitis latere videtur. Nam non solum multum sibi vacationis a studiis philosophicis, teste Antigono Carystio^u, permittebat, hortorum studiosus ac solitudinis, sed et computationum erat amator^x, tantaeque in arte bibendi fortitudinis, vt celeberrimum potatorem Lacydem, Cyrenaeum, cuius supra mentio facta est, potando vicerit^z. Hoc vitae genere facultatibus consumptis, cum necessariis destitueretur, Hellepontum petiit, et Propontidem, philosophiamque professus, non in magno tantum honore fuit^z, sed et facultatibus auctus est. Inde Athenas se contulit, ibique ad obitum vsque perseuerauit, nisi quod exigui temporis iter Thebas aliquando susceperit^a. Ceterum vt commode vixit, et neque prandii neque coenae tempus obseruauit, ita in ea animi corporisque ευεσσία^b, qua commoda vtriusque dispositione utebatur, eam ἀδιαφορίαν consecutus est, quam Sceptica philosophandi ratio sibi praefigebat scopum. Iudicio vsus est acri et in nexum veritatis adeo penetrante, vt, non imbecillitatem tantum et defectus ratiociniorum male concludentium perspicere facillime, sed et quo loco systemata essent infirmissima, accurate peruideret; qua ingenii acerrimi perspicacia armatus omnes incessit philosophos multoque eos fale satyrico perfricuit, non iudicando tantum, sed et deridendo aliis superior. Idque non ore tantum, sed et calamo perfecit, quem non atramento tantum tinxit, sed calumniis quoque in optimos quosque veteris

^r) ibid. Aristocles apud EVSEB. praep. L. XIV. c. 18. theatro itaque operam suam locauit.

^s) FABRIC. Bibl. Gr. Vol. XIII. p. 438.

[¶]) Causas huius rei exponit SEXTVS EMPIR. Pyrrh. hyp. L. I. c. 34. p. 63. conf. FABRIC. ad h. l.

^u) Conf. MENAG. ad h. l.

^z) ib. f. 112.

^a) ib. f. 110.

^x) ib.

^y) ATHENAEVS L. X. p. 438. Tetigimus rem supra in historia Cyrenaeorum,

^z) ib. Innotuit etiam Antigono et Ptolomaeo Philadelpho regibus.

^b) ibid.

[¶]) Vfus fuisse hac voce Stoicos hoc sensu supra c. IX. ostendimus, indeque coniicimus, sensum hunc esse obscure et sine dubio corrupti loci LAERTII f. 114. πρῶτον ἢ ἀδιόροισι, ἀλλὰ καὶ ἑσπεύς, ὡς μὲν δὲ ἀριστὶν συλλαβεῖν, MER. CASAVBONI explicatio enim textui non quadrat.

ris philosophiae doctores effusis. Inde *Sillorum* poema^c, veteribus toties citatum, ad quod nos quoque aliquoties prouocauimus, siue satyra mordacissima, multoque felle repleta, qua nemini bono pepercit, ut ex fragmentis patet, quae passim reperiuntur apud veteres, et collecta sunt ab HENRICO STEPHANO^d. Scribendi vero fuit cupidissimus, in poetice fabulis et dramatibus componendis exercitissimus^e, qua nempe occasione iuxta morem Graeciae, licebat viros optime meritos populi libidini deridendos propinare. Ex quibus omnibus, quo animi charactere et temperamenti dispositione fuerit, iudicari potest facillime, et intelligi, qua ratione moribus et animi inclinatione a Pyrrhone totus diuersus^f, eandem tamen philosophandi viam secutus sit, ut ex iis videre est, quae Aristocles^g de eo retulit. Parum tamen, ut *αδισταφολία* ad negligentiam usque excolebat, scriptorum suorum curiosus erat custos, sic ut neglecta apud eum iacerent, et perturbata, nonnunquam etiam corrosa, ut opus haberet, ea quae deerant, si recitarentur, ex memoria supplere^h. Mortuus est, cum annos fere XC attigissetⁱ, nomenque inter suos illustre, ut habet Sotion^k, fuisse consecutus. A Timone misanthropo, cognomento eo facile distinguitur, adiecto interdum Sillographi nomine.

§. VII. Mature Pyrrhonia secta post Timonem defuit, adeo ut suo *Duratio sectae exigua.* tempore dudum iam extinctam vocet CICERO^l, isque Academicis magis quam Scepticis armis dogmaticos disputando aggrediatur. Cuius causa non alia esse videtur, quam odium, quod Pyrrhonia secta meruit. Cum enim sectas dogmaticorum philosophorum omnes aggrederetur, ne iis quidem exceptis, quae celeberrimum sibi nomen et applausum pepererant, Timon etiam mordacitate et calumniis in omnes philosophos grassans magnam sectae inuidiam conflasset, ipse vero sectae conditor Pyrrho, tanquam amens, omnemque societatis humanae rationem perdens traduceretur, fieri aliter non potuit, quin ipsa sceptica philosophandi via, quae totum scientiarum circulum euertere videbatur, tandem odio cunctis esset, et vehementer contemneretur. Et si vero animis acutum cernentibus non poterat displicere ea philosophiae methodus, quae dogmaticorum fastum et inanem superbiam euertebat, et quam parum solidi Graecanae philosophiae sectariae inesset, pulchre demonstrabat: securius tamen illi sub Academicorum, ex Platonis fama auctoritatem consecutorum, nomine latebant, et eadem contra dogmaticos tela eiacularantur. Defecit itaque teste Menodoto^m, post Timonem sectae scepticae successio publica. Nec obstat, quod Menodoti auctoritati opponit H VETIVSⁿ, Hippoboti et Sotionis testimonius

c) Dispositionem famosi operis exponit LAERTIVS l. III, conf. EVSEB. l. c. FABRIC. Bibl. Gr. Vol. II, p. 820.

d) In poësi philosoph. de Apollonidis Nicaei commentario vid. IONSIUS de S. H. P. L. II, c. 3. p. 129.

e) LAERT. l. I, 113.

f) Illum enim sanguineo, hunc melancholico

temperamento fuisse usum utriusque vitae historia loquitur.

g) Apud EVSEBIUM l. c.

h) LAERT. l. I, 113.

i) ib. l. I, 112.

k) ib. l. I, 110. Alios Timones nominat cl. STOLIVS Misc. Lips. T. III, obs. LVII, p. 70.

l) De finib. L. II.

m) LAERT. l. I, 115.

n) l. c. c. 14. §. 40, p. 154.

niis apud LAERTIVM vsus^o, fuisse Timonis discipulos, Dioscoridem Cyprum, Nicolochum Rhodium, Euphranorem Seleucium, et Praylum Troadensem; Euphranoris Eubulum Alexandrinum, Eubuli Ptolomaeum, sicque integram Scepticorum successionem, vsque ad Sextum Empiricum et Saturninum posse dari. Non enim hoc contradicit Menodoti relationi, qui non de priuatis scepticis professoribus, sed de publica successione loquitur, testesque habet, non Ciceronem tantum, ad quem supra prouocauimus, sua iam aetate extinctam dudum Pyrrhonis sectam profitentem, sed et Aristoclem^r, qui, Timoni discipulos publicos et sectatores defuisse, inuit, donec paulo ante eius aetatem Aenesidemus Alexandriae eam sectam reuocauerit in lucem. Certe SENECAE^q aetate publice docentes defuisse sectae huic ipse docet, nec negat H V E T I V S^r.

*Reuocata ab
Aenesidemo.*

§. VIII. Actum itaque fuisset de secta Pyrrhonia, nisi Ptolomaeus quidam Cyrenaeus eam reuocasset in lucem. Hunc Sarpedon et Heraclides audiuerunt, Heraclidis discipulus Aenesidemus Gnosius ex Creta insula fuit^s: quia vero, teste Aristocle^r, Alexandriae docuit, a quibusdam Alexandrinus dictus est. Vixit is eodem, quo Antiochus Academicus, tempore, Ciceroni coaeuus, librumque suum Lucio Tuberoni, quem alii Neronem vocant, ex proceribus Romanorum nobilissimo viro dicauitⁿ. Is noua quadam luce scepticam philosophiam perfudit, cum Academica philosophandi ratio a genuina Arcesilai et Carneadis via ad Stoica placita, Antiocho auctore descisceret. Scripsit itaque ad conseruandum nobilissimae philosophiae, quod putabat, generis honorem *libros Pyrrhonicos*, quorum summam nobis conseruauit PHOTIVS^x, passimque ad eos prouocat SEXTVS EMPIRICVS. Quo labore scepticam illum philosophiam, tantum non obliuioni traditam resuscitasse, Aristocles^r auctor est. Ceterum et hoc de eo notandum est, adamasse eum Heracliteam philosophiam, ad quam scepticam viam esse non inepte professus est^z. Aenesidemum audiuit Zeuxippus Polites, hunc Zeuxis, cognomine γωνιόπης, hunc Antiochus Laodiceus; illum Menodotus medicinae empiricae sectator, et Theodas Laodiceus. Menodoti discipulus Herodotus Tarsensis fuit, Ariei discipulus; eum Sextus Empiricus secutus est, Sextum Saturninus^a. De quibus omnibus tamen, si Sextum Empiricum excipias, exigua et fama et notitia ad nos peruenit, quaeque nota sunt, ad alteram historiae philosophicae periodum pertinent, vbi hanc scepticae philosophiae successionem pluribus illustrabimus.

§. IX.

^o) l. c. f. 116.

^p) l. c.

^q) Qq. nat. L. VII. c. 32.

^r) l. c. p. 152. Scepticos veteres et novos distinguit SEXTVS Pyrrh. hyp. L. I. c. 13. ad quem locum vid. FABRICIVS.

^s) LAERT. f. 116.

^t) EVSBB. praep. eu. L. XIV. c. 7.

ⁿ) PHOTIVS Cod. CCXII. p. 280.

^x) l. c.

^y) l. c.

^z) SEXT. EMP. Pyrrhon. hyp. L. I. c. 29. f. 349. adu. phys. L. I. f. 357. L. II. f. 216. Conf. de eo FABRICIVS Bibl. Gr. Vol. II. p. 818. 819. Vol. X. p. 449. et ad II. cc. SEXTI.

^a) LAERT. L. IX. f. 116.

§. IX. Ordo iam poscit, ut systematis quoque sceptici lectori exhibeamus imaginem. Verum nec sectam proprie Scepticos habuisse, nec systema, ex iis sine labore colligi potest, quae initio huius capitis differuimus. Tota enim eorum philosophia, cum Dogmaticis esset opposita, non potuit non vniuersali bello omnia prorsus systemata aggredi. Notante enim LAERTIO^b *sectarum omnium dogmata euertere contendebant Pyrrhoni, nihil ipsi dogmatis asserentes, atque ceterorum tantum enuntianda dogmata atque enarranda proponentes, nihil definiendo, neque hoc ipsum quidem, nihil definitio. Ex eo vero: nihil definimus, animi affectio indicabatur, quae ἀρετή dicitur, quod neutram in partem sententiam propensius inclinet. Idem volebant, dicentes: non hoc magis; quod non positive sed negative proferebant &c.* Ex his enim et similibus, fuse a LAERTIO definitis, colligi facili negotio potest, in certum placitorum systema philosophiam scepticam coalescere non potuisse. Non enim definita rerum cognitione ad imperturbatum animi statum peruenire se posse sperabant, sed potius illa ἀδιαφορία ex rerum incertitudine oriunda; ad quam obtinendam systemate opus non erat, sed oppugnandae tantum Dogmaticorum opiniones, et inter se conferendae, obiectiones formandae, ostendenda incertitudo, ut inde colligi posset: non esse hoc magis vel illud. Hincque intelligitur definitio Scepticismi ab Aenesidemo data^c, quod sit *memoria earum rerum, quae videntur, siue quomodolibet intelliguntur, secundum quam omnia omnibus conferuntur, eaque comparata inutilissima et perturbationis plena esse cernuntur.* Ita vero non scientiam constitui, sed euerti necesse est. Eleganter SENECA^d de hoc hominum genere: *Illi (Megarici) mihi non profuturam scientiam tradunt, hi (Sceptici) spem omnis scientiae eripiunt. Satius est superuacua scire, quam nihil: illi non praeferunt lumen, per quod acies dirigatur ad verum, hi oculos mihi effodiunt. Non facile dixerim, virum magis irascar illis, qui nos nihil scire voluerunt: an illis, qui ne hoc quidem nobis reliquerunt, nihil scire.* Non tamen hoc ita intelligendum est, ac si omnem prorsus humani intellectus usum euertere voluerint, quod a Dogmaticis ipsis obiectum occasionem illis de peruerse explicata opinione sua conquerendi dedit: sed supposito sensuum et affectionum animae usu, Dogmaticorum explicationes et definitiones oppugnabant. nihil eorum, quae illi asseriebant sciri posse asserentes. Hinc apud LAERTIVM^e, de affectionibus et passionibus animae se decernere, aiunt, et scire se v. g. quod dies sit, quod viuant &c. Dogmaticis vero in iis non se consentire, quae se scire profiteantur, sicque, se nescire, quo pacto videant, viuantque. Id quod vel ideo notandum est, ne omnes prorsus sensus et rationem eos eiurasse putemus^f.

§. X.

b) l. 74.
c) l. 103.

c) l. c. l. 78.

d) Ep. 88.

f) Conf. SEXT. EMP. Pyrrh. hypotyp. L. l. c. 10.
l. 19, 21. HVT. l. c. p. 141.

*Causae Scepti-
cismi.*

§. X. In causas enati Pyrrhonismi inquirentibus si ipsi Sceptici audiendi sunt, tota fere antiquitas hac via incessit, exemploque eos excitauit suo. Aiunt enim apud LAERTIVM^s: principem in ea calcanda fuisse Homerum, postea septem quoque sapientes in ea fuisse versatos, Archilochum item et Euripidem id genus philosophiae exercuisse; Xenophanem etiam, et Zenonem Eleatem, ac Democritum Scepticos fuisse, itemque Platonem, et Empedoclem, Heraclitum itidem et Hippocratem. Eadem fere iactat SEXTVS EMPIRICVS, et prolixè prosequitur PETRVS DANIEL HVETIVS^b, qui omnes fere veteris orbis viros magnos et philosophos in partes vocat. Quod si Sceptico sensu intelligatur, plane falsum esse, ex historia, quam hactenus profecuti fuimus, philosophica est manifestissimum, certo vero et restricto sensu admitti potest, sed Scepticos parum iuuat. Cum εποχῇ enim locutos fuisse, non Socratem tantum, quique ex eius schola ex parte prodierunt, sed et quos inter dogmaticos retulimus suo iure, Pythagoram, Aristotelem, et hos multo vetustiores philosophos multos barbaricos, negari nec potest, nec debet; verum praeter modestiam magnorum virorum, non omnem sibi sapientiam vindicantium, sed limites humani intellectus modeste agnoscentium, ad arcani potissimum disciplinam pertinet, qua seruata arcana sibi et discipulis intimioribus doctrina, ad vulgus et exotericos vel probabiliter, vel dubie et obscure locuti sunt, fidem potius postulantes, quam rationis assensum extorquentes. Negari tamen nec hoc potest, fuisse dogmata apud veteres philosophos quaedam, quae Scepticismo portam aperuerunt patentissimam. Inter quae famosissimum dogma merito numerandum est, cuncta fluere, nec vno quidem momento idem esse, quod prius fuit. Ex hac enim doctrina incertitudinem humanae cognitionis sequi, ipsi Pyrrhonii viderunt, Scepticismum viam ad hanc Heracliti opinionem esse fatentesⁱ, ipsique, qui inter dogmaticos eminuerunt, Pythagoras, Plato, Democritus et Epicurus intellexerunt, qui cum materiae fluxum negare non auderent, illi vt scientiae obiectum stabile exhiberent, numeros et ideas, siue intelligibilia commenti sunt, hi atomos immutabiles introduxerunt, ast dum hypotheses magis, quam euidentes veritates supponebant, hoc ipso Scepticorum opinionem magis firmarunt, quam destruxerunt, fluxa, inque momenta mutabilia esse omnia, nec sufficere istas hypotheses, vt certam nobis firment scientiam. Verum et absurda Megaricorum, siue Dialecticorum. circa Pyrrhonis aetatem caput extollentium secta, cui praelusere Eleatici, meris cauillationibus de rebus omnibus disputans, et turgida ac superba Sophistarum gens, in vtramque de argumento quouis partem disserens, inter occasiones nascentis Pyrrhonismi merito referenda est^k. Ea enim cum exemplum praeiuit, friuolis ratiunculis etiam certissimas rationes vocandi in dubium, tum miseris cauillationibus Pyrrhonem et sequaces induxit, vt omnem prorsus dogmaticorum philosophiam eodem niti talo crederent.

^f) f. 71.

^b) l. c. L. I. c. 4. p. 95.

ⁱ) Vid. not. (z) Hinc inter fundamenta Pyrrho-

nismi hanc thesin refert PSYDDO-ORIG. philosophum. c. XXV. p. 155. conf. SEXT. l. c. L. I. c. 32. f. 56.

^k) Conf. HVET. l. c. p. 107.

derent. Quae in opinione non poterant non confirmari, cum sectarum conditores reliquorum philosophorum systemata tanquam falsa, inania, puerilia, et vero inimica traducerent, sicque se inuicem euerterent, cuius rei et Aristoteles, et Zeno, et Epicurus luculentum specimen sunt. Ita enim de omni philosophia dogmatica tanquam arenae sine calce inaedificata et cohaerente dubitandi iustissima ipsis data causa fuit. His cum accederet et intellectus et voluntatis praua, et a sua perfectione desciscens dispositio, quae vera Scepticismi omnis origo est, mirum non est, Pyrrhonismum tandem eiusmodi vniuersalem triumphasse. Etsi enim eruditione haud vulgari ex Scepticorum secta eminuerunt viri quidam magnae famae, certum tamen est, iudicii defectum haud exiguum eos prodidisse, qui Scepticismo nomen dedere. Eruditos enim **SEXTI** commentarios in quos congestum est, quasi in pharetram, quicquid telorum contra Dogmaticos torserunt Sceptici, considerantibus, tot inania se offerunt sophismata, tot pueriles nugae, tot obiectiones, nulla verisimilitudinis lege graduque expensae, ut quam imbecille sit ratiocinandi apud Scepticos artificium, pueris quoque prima artis rationalis praecepta tenentibus fiat manifestissimum. Nec alias Scepticismi in se character est, quicquid contra disputet, magnus Scepticismi nostro tempore patronus **P. BAYLE** ^m, quam infirmitas quaedam intellectus, in veros rerum nexus et fundamenta non satis penetrantis, et verum a falso, verisimile a minus verisimili discernere non satis apti. Huic tamen accessit magna vel ignauia, ut in Timone vidimus, vel superbia, quam ubique Sceptici produnt, alto supercilio contemnentes, quicquid alii proferunt, seque plus sapere, fortiusque pedibus praeiudicia proculcare, quam alii somniantes, magnaue contradicendi audacia et libidine ducti, quae totam denique sectam odio et inuidia obruit. Alia supra, cum de philosophia Academica ageremus, ex parte iam tacta, hic non cumulam, sed philosophis expendenda relinquimus.

§. XI. Fuisse magnam inter sectam Pyrrhoniam et Academiam mediam cognationem, et Sceptici non negant, et ex eius historia a nobis descripta liquet. Disputarunt tamen iam veteres olim, an Pyrrhonii a Scepticis differant ⁿ, de quo argumento Plutarchus libellum conscripsit, quem hodie desideramus. Imprimis **SEXTVS** ^o in ostendendo inter Pyrrhonios et Academicos discrimine doctum et industrium se praebuit, cuius argumentum docte illustrauit eruditissimus **HVETIVS** ^p. Rem paucis sic habe: I. Academici id, tanquam axioma, decernebant, statuendo: nihil posse certo comprehendere; Pyrrhonii ne hoc quidem relinquebant, nihil posse nos scire, sed et de eo dubie et cum incertitudine disputandum esse, contendebant. II. Admittebant quidem cum Academicis Sceptici: dari

*Discrimen
inter sectam
Pyrrhoniam
et Academi-
cam.*

Fff fff ff 2

bonum

^l) Imprimis notitia doctrinarum omnium sectarum et scientiarum requirebatur, ut possent oppugnari. Hinc tot egregiae in Sexto Empirico de veteribus disciplinis et placitis memoriae.

^m) Dict. T. III. art. Pyrrho not. C. p. 732.

ⁿ) SVIDAS l. c. GELLIVS L. XI. c. 5.

^o) Pyrrh. hyp. L. I. c. 33. Aenesidemus apud **PHOT.** Cod. CCXIII.

^p) p. 139. conf. **VOSSIVS** de sectis p. 110. **IONS.** de Ser. Hist. Phil. L. III. c. 6. p. 235. L. III. c. 15. p. 289. **PASCH.** Introd. in rem lit. mor. vet. p. 717.

bonum et malum, illi vero dari in eo probabilitatis gradus, viderique aliquid magis minusve bonum vel malum censebant: hi ideo bonum aliquid dicebant, quia ita fert hominum opinio, unde ad rem ipsam examinandam non attendentes, iudicium suspendebant. III. Academici, praesertim Carneadis sequaces aliquam verisimilitudinem inesse rebus non negabant, gradusque quosdam concedebant: Sceptici non item, sed omnes omnino res se perinde habere defendebant, iudicium respuentes omne atque a sensibus pariter ac ratione veritatem non posse apprehendi. contententes, ut fides proinde nunquam sit habenda, sed firmos atque immotos sine opinione persistere nos oporteat, de nulla re affirmantes, quod magis sit, quam quod non sit. IV. Sed et hoc Carneades concedebat, affici nos ab obiectis trahique vel magis vel minus, ut propendamus in hanc magis, quam illam, sententiam: Sceptici τὸ πᾶθος quidem, quo homines reguntur, non reiciebant, propensionem tamen vel determinationem tollebant. V. Tandem in vitae usu probabilitatem sequebantur Academici; legem, consuetudinem, motumque naturalem Sceptici. Aliaminiotiora et subtiliora praetermittimus, apud Sextum et Huetium legenda. Etsi vero intercessisse aliquid inter Academiam praesertim novam et Pyrrhonis scholam discrimen facile concedi potest, id tamen exiguum admodum est, et verbis magis, quam re ipsa utraque secta dissonat; Academicis ad modestiae speciem magis compositis, ne omnem sensum et rationem eiurasse viderentur, ut supra pluribus expositum est, et veteres ^q atque recentiores ^r agnouerunt.

Scepticae philosophiae compendium.

§. XII. Verum ut scepticam philosophandi viam recte cognoscamus, dabimus breue *hypotyposeon* Pyrrhonicarum, quas SEXTO EMPIRICO debemus, compendium, potiora incertitudinis et indifferentiae philosophicae placita enarraturi. Ea vero huc redeunt:

I. Sceptica est facultas, quae sensibus apparentia et ea, quae mente et intellectu percipiuntur, confert inter se atque opponit quolibet modo ^s. Probe in hac definitione attendendum est, ad distinctionem inter ea, quae sensibus apparent, et ea, quae mente et intellectu percipiuntur. Etsi enim *φανόμενα φαινόμενοις* quoque opponebant Sceptici, incertitudinem tamen τῶν φαινόμενων in eo potissimum quaerebant, quod τὰ νοούμενα, siue ea, quae mente percipiuntur, et ratiocinatione ex apparentibus concluduntur, illis contraria sint, adeoque sensuum imagines cum notionibus intellectus non conveniant, sed aliae videantur. Quod in Eleaticorum schola iam obtinuisse, *capite huius libri undecimo* enarrauimus.

II. Possunt vero apparentia apparentibus, quaeque mente concipiuntur, his similibus, vel haec illis quolibet modo opponi ^s.

III. Finis Scepticae est imperturbatus mentis status (ἀταραξία) circa ea, quae ad opinionem spectant, et in coactis, id est iis, quae evitari nequeunt, adfectuum moderatio (μετροπάθεια) ^r. Expressisse vita hunc fluctuan-

^q) ORIG. philosophum. p. 4. 154. ideo Pyrrhonem Academicis aggregat.

^r) HVET. l. c. BAYLE l. c. not. A.

^s) Lib. I. c. 4. f. 8.

^s) f. 9.

^u) c. 5. f. 12. c. 12. f. 25. f. 202. 232. L. III. f. 235. adu. Eth. f. III.

Etuantis philosophiae finem Pyrrhonem, supra diximus, et veteres apud LAERTIVM * testantur. Tanta vero fiducia hunc se finem consequi posse sperabant, ut non *αφαιρίαν* tantum, *ἀταραξίαν* atque *ἡσυχίαν* se obtinuisse iactarent, sed Aenesidemus quoque se *ἡσυχίαν* plane percepisse, mentisque voluptatem maximam, teste ARISTOCLE y assereret. Id quod non alio sensu admitti potest, nisi quod sceptico fortius se, et maiori acumineratio- cinari, quam alios homines, somnianti ex oppugnatis et euerfis, quod credit, omnium hominum opinionibus et ratiociniis magnum oritur gaudium de tanta intellectus sui eminentia. Haec vero voluptas ex Scepticorum mente illi tranquillitati et qui to animi statui opponenda non est, sed coniungenda; idem enim vult, quod alio loco SEXTVS dicit, vivere *ἡσυχία μεθ' ἡσυχίαν*, καὶ ἀφροντίσως καὶ ἀκινέτως, cui ἀνάγκη τῶν παθῶν adiiciebant, quod ea se coactos pati dicerent. Vnde ἀπάθεια apud LAERTIVM z, a Scepticis quibusdam pro fine habita, sensu nimis presso et speciali sumenda non est, sed ex his explicanda a.

IV. Principium Scepticae, quo nititur, est praecipue hoc: Omni rationi rationem aequalis ponderis et momenti opponi b. Protagoram primum fuisse, qui hoc dubitandi de omnibus principium in philosophiam introduxerit, supra multis enarrauimus c, a quo ad Pyrrhonem delatum, vanissimae arti fundamentum exhibuit miserrimum: quo ante Protagoram Zeno quoque Eleates, et post eum, qui magnis clamoribus Graeciam reple- runt Sophistae et Dialectici vti sunt.

V. Scepticus decreta nulla statuit, non, quod iis, quibus per phanta- siam cogitur, non afficiatur, iisque assentiatur, sed quod assensum denegat iis, quae dubia et incerta sunt earum rerum, de quibus in scientiis quaeritur et ambigitur d.

VI. Propria ita significatione sectam Scepticus non habet, id est, in- clinationem ad dogmata multa, quae conuenientiam inter se et cum iis, quae sensibus apparent, habeant, et velit, dogma esse ad rem aliquam incertam assensum.

VII. Sin quis dicat sectam esse institutum, quod secundum, quod sen- sibus apparet, rationi alicui adhaereat, illa ratione monstrante, quomodo re- cte vivere videri possimus, et ad assensus retentionem tendente, tum se- ctam habere dici potest e. Ita quidem obiectiones dogmaticorum, quibus insanire Scepticos dicebant, euitabant: qui, cum opponerent, ita eos nec videre, nec audire, nec sentire, hoc Sceptici quidem, a se asseri negabant, sed rationem eius rei, quae sensibus obii. itur, quam que afferebant Dogmati- ci, contrariis rationibus euertebant, sibi que eam non constare dicebant: qua de re videtis, quae monet LAERTIVS f. Hinc porro sequitur:

VIII. Non euertit itaque Scepticus, quae per phantasiam patientem

Fff fff ff 3

inui-

* Lib. IX. f. 68.

y) Apud EUSEB. praep. L. XIV. c. 18.

z) Lib. IX. f. 108.

a) Nempe cuncta absoluit ἡ πρότης.

b) c. 6. f. 12.

c) LAERT. L. IX. f. 68 MENAG. ad h. l.

d) c. 7. f. 13.

e) c. 8. l. 16. 17.

f) Lib. IX. l. 105.

inuitos nos ad assensionem adducunt, nempe apparentia; sed id, quod dicitur de re apparente ^g.

IX. Criterium Scepticae institutionis est id quod sensibus apparet, quatenus enim id in persuasionem et haud voluntaria affectione positum est, ambigi de eo non potest ^h. Loquitur Sextus de criterio practico, non de theoretico, quod negabant Sceptici.

X. Apparentibus igitur acquiescendo, ea quae ad vitam communem pertinent, obseruantes viuimus. Quadruplex vero horum obseruatio est, partim enim in naturali instructione versatur, partim in impulsu et coactu passionum, partim in constitutione legum et consuetudinum, partim in traditione artium ⁱ.

XI. Qui opinatur, statuitque, aliquid natura bonum vel malum esse, turbatur semper; quamdiu enim non adsunt ea, quae bona esse videntur, et ab iis quae natura mala sunt; putat se torqueri, et persequitur bona, ut ea quidem iudicat. Iam vero ubi ea acquisiuit, in plures perturbationes incidit, tum quod praeter rationem agit, et immodice se effert, et quoniam mutationem timet, totus in hoc est, ne amittat ea, quae videntur ipsi bona ^k.

XII. Sperare itaque potest Scepticus, se imperturbatum mentis statum adepturum, disparitatem eorum, quae sensu percipiuntur, et eorum, quae intellectu, diiudicando, cumque id non efficere potest, assensum retinendo. Ad hanc vero retentionem peruenit per mutuam rerum inter se oppositionem ^l.

XIII. Sunt vero, iuxta Scepticos, modi numero decem, siue loci communes, quibus assensio retinenda colligi videtur ^m.

XIV. Primus modus est, secundum quem pro differentia animalium, non eadem ab iisdem obiciuntur imagines siue phantasiae. Hoc autem colligitur, et ex diuersis generationibus, et ex differentia, quae est in corporum constitutionibus ⁿ.

XV. Secundus modus est, qui est ab hominum diuersitate; qui et animo et corpore differunt, et corpore quidem forma et temperaturis propriis: animo variis opinionibus ^o.

XVI. Tertius modus est a sensuum diuersitate: differre enim sensus manifestum est, suae v. g. naribus est balsamum, linguae graue ^p.

XVII. Quartus modus a circumstantiis ducitur, quo nomine intelliguntur habitus siue dispositiones ac conditiones diuersae: quae animadvertuntur, prout secundum naturam quis aut praeter naturam, in vigilia aut somno, in aetate diuersa constitutus etc. aliquid sentit, in motu aut quiete,

^g) SEXT. l. c. f. 17. ^h) c. 11, f. 22.

ⁱ) f. 23. 24.

^k) c. 12, f. 26. 27.

^l) c. 13, f. 31.

^m) Doctrina de decem tropis locisque retinendi assensus, in Scepticorum libris vtramque fere fecit paginam, vnde Pyrrhonis tropes vocat PLUTARCHVS peculiari libello, apud LAMPRIAM. Eos habes etiam apud LAERT. L. IX, f. 79 seqq. quos

praeter Plutarchum Aenesidemus et Fauorinus scriptis illustrarunt. vid. LAERT. L. IX, f. 106. MENAG. ad f. 79. GELLIVS L. XI, c. 5 ex recentioribus illustrant LE VAYER et HVETIVS II, cc.

ⁿ) ib. f. 40. LAERT. l. c. f. 79. videtur hic imprimis exemplis generationis aequiuocae, quam tanquam certam supponit,

^o) ib. f. 79.

^p) f. 92 seqq.

quiete, in odio aut amore, in inedia aut saturitate, in eo si ebrii simus aut poti: item in praedispositionibus, in confidentia aut metu, in moerore aut gaudio 7.

XVIII. Quintus modus est, ex positionibus et interuallis et locis: nam ex vnoquoque horum eadem res diuersae apparent 7.

XIX. Sextus modus est ex admittionibus, ex quo inferimus, quum nullum subiectum sub sensus nostros ipsum per se cadat, sed cum aliquo; qualis quidem sit permittio et ex externo, et ex eo, quocum cernitur posse nos fortasse dicere: quale autem sit externum subiectum pure et sincere, nequaquam dicere posse 7.

XX. Septimus modus est ex quantitatibus et constitutionibus subiectorum, quo nomine omnes compositiones veniunt, quae ita differunt et variantur, vt manifestum sit, cogi nos ad retinendum de natura rerum assensum 7.

XXI. Octauus modus est, ex relatione ad aliquid, secundum quem colligimus, nos, cum omnia sint ad aliquid, de hoc, quatenus sint per se et secundum naturam suam, retenturos assensum 7.

XXII. Nonus modus est ex crebro aut raro contingentibus, dum ita res variare videntur, prout crebro aut raro videntur et obseruantur 7.

XXIII. Decimus modus est moralium, oriturque ex institutis et consuetudinibus, ac legibus, fabulosisque persuasionibus et dogmaticis opinionibus, quae omnia sibi inuicem opponi indeque causae assensus retinendi colligi possunt 7.

XXIV. Modis his Sceptici aetate posteriores 2 addidere quinque alios assensionis retinendae locos: 1. A dissidentia, qua comperimus de re proposita discrepantiam indiudicatam et in vita et apud philosophos fuisse. 2. Qui in infinitum delabitur, semper nouam in infinitum rationis allatae confirmationem postulans. 3. A relatione ad aliquid, vbi quoad ipsum quidem diiudicans, atque ad ea, quae simul in contemplationem veniunt, tale aut tale apparet subiectum, quale autem sit natura, de eo assensum retinemus. 4. Ex suppositione aliqua, siue hypotheticum, quum dogmatici videntes se in infinitum reiici, principii loco ponunt aliquid, quod non adstruunt, sed nude et sine demonstratione, per concessionem sibi sumere volunt. 5. Dialelum, siue alternatorium modum, cum id, quo rem, de qua quaeritur, confirmare debemus, ipsum ab ea, vt mutuo confirmetur, indiget; et tum quod neutrum ad alterum adstruendum possimus accipere, de vtroque assensum retinemus.

XXV.

q) f. 100 seqq.

r) f. 118 seqq.

o) f. 124 seqq. Exemplo esse possunt ictero laborantes.

s) f. 129 seqq. Medicaminum compositionibus hanc viam Sceptici illustrent.

u) f. 135 seqq. Solidiori tractatione quam Sextus habet, hanc rerum relationem et exorta inde animi

iudicia explicat LOCKIUS de intell. hum L. II. c. 25. §. 7. p. m. 387 seqq.

x) f. 141. Exemplo esse potest cometa; terribilis, quia raro videtur.

y) f. 145.

z) Discipulos Aenesidemi intelligit, vid. c. 15. f. 164 seqq.

XXV. Dogmaticorum aetiologiae octo refelli possunt modis^a:

1. Quando causae assignatae genus in rebus non euentibus versatur, nec habet confessam ex euentibus approbationem.
2. Quo saepe fit, vt quum magna sit in varias partes inclinandi occasio, adeo vt multis modis possit ratio rei, de qua quaeritur, asserri, vno tantum modo nonnulli rationem asserunt Dogmatici.
3. Quum eorum, quae ordinate fiunt, rationes reddunt, quae nullum ordinem ostendunt.
4. Quando accipiunt apparentia, vt fiunt, putantque, se etiam non apparentia, qua ratione fiant, comprehendisse: quum ea, quae non apparent, eodem fortasse modo efficiantur, quo apparentia, fortasse vero non eodem, sed peculiari quodam modo.
5. Quatenus vniuersi propemodum, prout ipsi elementa supponunt, non autem secundum communes et confessas rationes, causam reddunt.
6. Quatenus saepenumero quae suis suppositionibus expediri possunt, arripiunt, at quae illis repugnant, quamuis aequae sint probabilia, praetermittunt.
7. Quum saepe reddunt rationes, quae non modo rebus apparentibus, sed etiam propriis ipsorum suppositionibus repugnant.
8. Quando saepe contingit, vt quum aequae dubiae sint, quae apparere videntur, atque ea, de quibus quaestio est, sententiam suam de dubiis ex aequae dubiis adstruunt. Ita Aenesidemus, qui licet more Scepticorum in eo peccet, quod omnes omnium philosophorum rationes ad eiusmodi paralogismos reuocari posse statuit, pulchre tamen, quam misera ars ratiocinandi inter Graecanicos philosophos fuerit, ostendit. Exemplis octo hos modos illustrat FABRICIVS^b.

XXVI. Rationem asserre, quae consentiat cum omnibus philosophiae sectis et cum consideratione rei atque sensui apparentibus forte impossibile, nam et sensui apparentia et obscura omnia controuersa^c. Valde vel fallitur vel fallit Sextus hac assertionem. Si enim Dogmaticos intelligit omnes, certum est, dari communia quaedam axiomata ab omnibus, qui affirmant aliquid, philosophis admissa et in se clarissima, nec inter eos vnquam controuersa, e. g. Impossibile, esse aliquid simul et non esse; ex nihilo nihil fieri, hisque similia. Quod si Scepticos, vti videtur, intelligit, communibus etiam notionibus bellum indicentes, a sua parte dum auctoritatem petit, vitiosum committit circulum. Qua tamen ratione Sceptici plerumque rationes solebant subducere.

XXVII. Sequitur ex his, non abstinere tantum Scepticum ab omni assensu definiendo, sed etiam a vocibus phrasibusque, quae eiusmodi assensum, vel positivam quandam sententiam innuunt. Hinc voces eius sunt: nihil definiendum; nihilo magis hoc vel illud, fortasse et non fortasse, licet et non licet, fieri potest et non fieri potest, assensum cohibeo; omnia sunt incomprehensibilia, non concipio, non comprehendo, &c. Immo, esse, idem est, ac videri^d.

XXVIII.

^a) c. 17. f. 180 seqq. Saepissime in ratiocinandi artem impegisse dogmaticos veteres, historia testatur.

^b) Ad h. l.

^c) f. 185.

^d) c. 19, 20, 21, 22.

XXVIII. Ita vero Scepticus nihil definit, ut asserat, quaecunque examinauerit ex illis, quae dogmaticorum quaestionibus agitantur, talia sibi esse videri, ut nihil eorum magis aut minus fide dignum existimet, quam contrarium ^e.

XXIX. Eandem rationem sequitur, cum dicit, omnia esse incomprehensibilia; adeo ut hoc idem valeat, ac si ita loqueretur: omnia, quaecunque percurri ex iis incertis, quae dogmaticorum quaestionibus agitantur, mihi videntur incomprehensibilia ^f. Ita a rebus ipsis ad ratiocinandi modum a Dogmaticis adhibitum Sceptici incertitudinem transferbant, inuidiam dogmatis ab Arcesilao defensi, res omnes in se esse incomprehensibiles, declinantes, telumque euitantes, quod in Arcesilaum, teste CICERONE ^g, torquebant Dogmatici: A phantasia itaque res, quales illi offeruntur, comprehendere non negabant, sed assentiri se iis non posse, quae a comprehensiuâ phantasia offeruntur, contendebant.

XXX. Differt itaque Sceptica disciplina ab omnibus aliis, quae cognitionem cum ea habere videntur, e. g. ab Heracliti, Democriti, Cyrenaica, Protagorae et Academica philosophia, itemque a secta medicorum Empirica. Prolixe et non sine multa veteris philosophiae eruditione in hoc argumento demonstrando versatur SEXTVS ^h, dignus, qui ab historiae philosophicae accurate gnaro ipse legatur. Nam in his omnibus erat aliquid affine Scepticis, sed qui tamen ab illis varie dissidebant. Heraclitus enim, dum contraria circa idem esse pronuntiabat, frigidam suffundebat Scepticis, quos viam Heraclito parare, Aenesidemus dixit: in eo tamen ab illo diuersi, quod ne hoc quidem dogmatice asseriebant, sed videri sibi, forteque sic esse pronuntiabant. Democriti qualitates ex atomorum situ et modificatione non in obiectis sed sensibus existentes huc quoque viam struere, ex supra dictis notum; ille tamen atomos et vacuum dogmatice ponebat. Cyrenaicos criterium in sensu et passione sola posuisse, cetera comprehendere non posse asseruisse, suo loco docuimus: sed hi quoque et modo et fine a Scepticis differebant. Nec certiora Protagoras dedit, cui omnium rerum mensura siue criterium homo est, ut capite vndecimo dictum; dogmatico tamen principio nixus, omnia fluere, nec aliter existere, quam ut sunt entia hominis animum afficientia, quae in momenta mutantur: quo ipse a Pyrrhoniis discedit. Methodicam vero medicorum sectam propinquiorem Scepticae esse Empirica, ipse, qui huic adhaesit, SEXTVS demonstrat.

XXXI. Non datur criterium veri aut falsi theoreticum, licet Scepticus admittat practicum: alio enim iterum opus habet criterio, unde eius veritas diiudicetur, et sic in infinitum, quod absurdum est, et vitiose concludit ⁱ.

XXXII.

^e) ib.

^f) c. 25.

^h) c. 29 seqq.

^g) In Lucullo c. 6. 18. conferenda quae c. VI
Sect. II. de Academicis diximus.

ⁱ) Lib. II. c. 4. f. 18 seqq.

XXXII. Non potest intelligi comprehendive criterium a quo, siue homo, qui iudicat. Rationem **SEXTVS** ^k affert, quod dissentiant Dogmatici, quid homo sit. Socrates enim apud **PLATONEM** ^l falsus est, nescire se, vtrum sit homo an aliud quidpiam? Democritus dixit, hominem esse, quod omnes scimus: Epicurus hominem esse asseruit tali forma praeditum atque animatum, qualem videndo anticipatione nouimus, vt habet **LAERTIVS** ^m. Stoici cum Peripateticis hominem dixerunt animal rationale. Plurima habet, quae his definitionibus opponat Sextus, sed more disputandi sophistico vsus; peruertit enim mentem philosophorum, e. g. Democriti, qui non quamuis ideam rei alicuius hominem esse dixit, sed hominis notionem ex intima conscientia notam esse asseruit.

XXXIII. Nec intelligi potest, secundum cuius hominis sententiam pronuntiandum sit. Cum enim magna hominum sit diuersitas, non possunt inter se consentire Dogmatici, cuius hominis sententia sequenda sit: e. g. Epicurei, an Cyrenaici, an Stoici? &c. ⁿ.

XXXIV. Nec aliter circa criterium per quod videtur, siue sensum et intellectum; homo vero nec per solum sensum iudicare potest, nec per solum intellectum, nec per vtrumque simul, ad quorum vnum omnes Dogmaticorum opiniones de criterio per quod redeunt ⁿ.

XXXV. Par quoque ratio est criterii secundum quod, quod stricto sensu criterium dicitur; phantasia enim intelligi non potest, quam quidem Stoici dicunt, esse impressionem in principatu mentis (*ἡγεμονικῶν*). Impressio vero eiusmodi in mente, ceu sigilli fieri non potest, cum priores impressiones posterioribus delerentur. Quin etiam si posset intelligi phantasia, nihilominus incomprehensibilis esset, cum sit passio principatus mentis, quae comprehendere non potest, vt nec ipsa mens. Nec per se ipsam applicat se ad externa, et imagines concipit, vt aiunt, sed per sensus: at vero sensus externa quidem subiecta non comprehendunt, sed solas forte passiones suas ⁿ.

XXXVI. Quod si etiam concedamus per suppositionem, aliquod esse veritatis criterium, inutile tamen et vanum comperitur esse, cum ex iis, quae Dogmatici dicunt, doceri queat, non existere veritatem, nec posse subsistere verum, quod a veritate substantia, constitutione, potentia differt. Verum enim incorporeum est, veritas corpus ^p. Pungi hoc argumento Stoicos, ex horum logica apertum est, quos verum ex vero per circulum probare Sceptici contendebant.

XXXVII. Non habet res obscura signum, ex quo demonstrari potest, rem obscuram hoc magis esse quam illud ^q. Etiam hoc Stoicis oppositum est, qui signum in commune factorium et indicatorium distinguebant.

Com-

^k) c. V. f. 72.

^l) In Theaet. T. II, p. 127.

^m) Lib. X. f. 33.

ⁿ) f. 37.

^o) c. 6. f. 48 seqq.

^p) c. 7. f. 70. seqq.

^q) c. 8. 9. f. 80 seqq.

^r) c. 10. f. 97.

Commonefactorium, quod et sensibile vocabant, ut habet LAERTIUS^r, est, quod una cum re signata oblatum evidenter observatumque, simul atque sub sensus nostros ceciderit, illa interim obscura existente, ducit nos ad recordationem eius, quod una cum eo observatum fuit, et nunc evidenter sub sensus non cadit, ut videre est in fumo et igne. Indicatorium autem signum est, quod non observatum una cum signo evidenter, sed ex propria natura et constitutione significat id, cuius est signum, quemadmodum corporis motus sunt signa animae^s. Priori Pyrrhonii non contradicebant, sed posteriori, nempe demonstratio, cum admonitorium ex eorum hypothese fidem in vita communi obtineat: illud vero a dogmaticis confictum iis videatur.

XXXVIII. Sed nec connexi ratio atque veritas comprehendi potest, cum consequentia consequentis ad antecedens vitioso mutuo probandi vnum per alterum modo nitatur. Nam ut diiudicatio connexi demonstretur, conclusio sumtionis demonstrationis sequitur; ut vicissim hoc credatur, oportet connexum et consequentiam demonstratam esse^t. Urget hoc Sextus aduersus logicam Stoicorum hypotheticis potissimum ratiociniis utentium, et quidem iisdem prorsus armis, cum signum indicatorium, quod supra negauerat, forma ratiocinii hypothetici sit, unde in ipsam ratiocinationis formam insurgit, adeo ut et neget comprehendi posse, quid antecedens sit, quid consequens in enuntiatione.

XXXIX. Manifestum ex his est, ne demonstrationem quidem rem esse de qua constet. Nam nec partes ratiocinii simul coexistunt, et ita nec ipsa demonstratio ex istis composita; nec argumentum colligendi vim habens, quale sit, comprehendi potest, cum consequentia connexi quid sit, controuersum sit. Sed et argumentationes indemonstrabiles ad colligendum ineptae sunt, inest enim iis superfluitas, cum in iis nimia sit et superflua propositionum una^u. Etiam hoc Stoicorum dialecticae oppositum est, qui plura argumentorum ἀναποδείκτων genera constituere, quae ad quinque Chrysippus reduxit. Ea ἀσίνακτα esse, nec cogere ad colligendum, Sextus operose contendit, obiectione τῆς παρελκῆς vitio^x.

XL. Eadem, ut ex allatis constat, syllogismorum simplicium ratio est, quia propositiones vniuersales ex singularibus per inductionem confirmantur, particularium veritas ex vniuersalibus vitioso probandi genere per circulum demonstratur^y. Satis in his produnt Sceptici, nec sibi nec quos aggrediuntur, Stoicis veram ratiocinationum intellectus humani naturum fuisse notam, quam hae obiectiones non tangunt. Ipsa enim ratiocinationis forma non inductione, siue propositionis vniuersalis veritate nititur, sed relatione idearum obscurarum in quaestione ratiocinio demonstranda occurrentium, ad ideam tertiam siue mediam, quae inductione col-

Ggg ggg gg 2

ligitur.

^r) LAERT. L. IX. f. 91.

^s) Plura de hac logicae Stoicae parte ipse SEXTUS c. 11. f. 104 seqq.

^t) f. 113 seqq.

^u) c. 12. f. 134. c. 13. f. 149 seqq.

^x) Conf. FABRIC. ad h. l.

^y) c. 14. f. 193.

ligitur. Verum hoc omnis dialecticae Graecanicae vitium fuit, ut ratiocinia ex sermonis magis, quo proferuntur ordine, quam intellectus ratiocinantis operatione diiudicarent, quod non potuit non tam insulas parere obiectiones.

XLI. Imo nec inductio possibilis est, quod ad eam requiritur, ut omnia singularia percurrantur, nullo prorsus praetermisso, id quod impossibile est, cum infinita sint singularia nullisque circumscripta terminis². In plerisque hoc inductionibus accidere, ut ultra probabilitatem non valeant, recentiores logici non negant³. Sunt tamen singularia quaedam numero pauca, quae facile percurri possunt. Quin et inductio certa fit, quae a priori ex natura rei eius necessitatem demonstrat, licet a posteriori impossibile sit, omnia percurrere singularia. E. g. Homines ratione gaudere, ex eorum natura manifestum est, licet omnes omnino homines, singillatim percurrere sit impossibile. Verum talia non curant Sceptici, contenti, attulisse se obiectionem quandam, qua ostendi queat, etiam apertissimas veritates dubiis esse subiectas. Recte itaque Scepticam Graecorum rationis humanae hostem dixeris.

XLII. Porro nec definitiones usum habent: qui enim definit, non comprehendit ex definitione, id quod definitur, sed rei iam comprehensae appositae definitionem; et si omnia definire velimus, omnino nihil definemus, eo quod in infinitum prolabemur: sin dicamus, aliqua etiam sine definitione comprehendendi posse, concedimus definitiones non esse necessarias⁴. Iucundo et ridiculo exemplo hoc illustrat SEXTVS⁵, quod ineptis etiam quibusdam recentiorum temporum hominibus debebat opponi.

XLIII. Immo hoc quoque nomine definitiones inutiles sunt, cum definitionum prius veritas probanda sit, quod infinitas gignit controuersias⁶.

XLIV. Genus et species aut notionibus mentis accensentur, aut propriam substantiam habent. Si prius est, eadem incertitudine laborant, qua mens et phantasia; sin hoc, non possunt species generibus comprehendere, quia propriam ita substantiam non haberent; si vero non comprehenduntur, defunt esse genera et species. Prius Stoicis, posterius Platoniceis oppositum est, quos fuisse hoc loco SEXTVS⁷ oppugnat, iisque ἀνεπίκλητος διαφωνίας, *controuersias nunquam diiudicatas* obiicit: quis enim huic Platonicae Veneris pullo se non opposuit Graecus philosophus?

XLV. Quotquot quidem sophismata proprie a dialectica posse videntur refelli, horum solutio inutilis est; quorum autem solutio est utilis haec nequaquam dialecticus soluere potest, sed ii, qui in vnaquaque arte rerum cognitionem, versando in iis, adepti sunt: multa quoque nugae sunt, quibus alioquin fatis sit, euidentiam rei opponere, non minorem, quam eorum demonstrationes, vim habentem⁸.

XLVI.

²) c. 14. f. 204.

³) CROVSANZ Log. P. III. c. 9. §. 12. p. 1284.

⁴) c. 16 l. 205.

⁵) f. 211.

⁶) f. 212.

⁷) c. 20. f. 219 seqq.

⁸) c. 22. f. 236 seqq. Exemplum Herophili Didorum Cronum sophismate motum negantem verantis hic affert Sextus.

XLVI. Par ratio est amphiboliarum; eas enim, quas distinguere operae pretium est, distinguunt, qui in vnaquaque arte exercitati sunt; at Dialecticus minime, cuius distinctiones in vita inutiles sunt ^s.

XLVII. Cum in rationali philosophia nihil certi inueniat Scepticus, multo magis naturalis et moralis ei philosophiae pars suspecta est.

XLVIII. Sceptici vitam communem sequentes dicunt, Deos esse, eosque colunt, et providentiam iis tribuunt; sed aduersus Dogmaticorum temeritatem etiam hac in re disputant ^b.

XLIX. Quum ex Dogmaticis alii dicant Deum esse corpus, alii incorporeum; et alii quidem humana forma praeditum, alii minime, et alii in loco esse, alii non esse, et illorum alii intra mundum alii extra mundum collocent, quomodo poterimus Deum intellectu percipere, si neque substantiam eius habeamus, de qua constet, neque formam, neque locum in quo sit? Prolixe haec alibi quoque vrget SEXTVS ^k, et ex dissidiis theologiae Graecanicae incertitudinem notitiae Dei satis infelici colligit sophismate, quo a diuersis de Dei natura opinionibus philosophorum ad incertitudinem existentiae eius misere, vt solent Sceptici, ratiocinationem transfert.

L. Nec probant recte Dogmatici Deum: aut enim hoc fit per manifestum, aut per obscurum; prius absurdum est, nam cum eo quod demonstrat, simul iam comprehenditur, nec demonstrari demum debet; posterius impossibile, quia in infinitum semper relabetur demonstratio obscuri ^l. Misere iterum sophismate inepto ludere Scepticos, ex eo manifestum est, quod non omnia, quae virtualiter in propositione vera latent, demonstratione opus habeant, vel non demonstratione formali queant illustrari, quod fundamentum omnis notitiae est, omnisque demonstrationis.

LI. Nec Deus ex providentia potest cognosci vel demonstrari, si enim omnibus prouideret Deus, non esset vitiositas malumue vllum in mundo ^m. Prius (*κακία*) malum morale, posterius (*κακόν*) malum physicum innuere videtur secundum Sextum. Vtrumque providentiae diuinae frustra obiicitur, *κακία* enim a Deo non est, sed ab homine libertatis abusu contrahitur; *κακόν* tale non est, sed in relatione ad vniuersi harmoniam suum recte locum tuetur, et ad salutem et pulchritudinem facit vniuersi. Sed haec huius loci non sunt, alibi prolixius quaerenda ⁿ.

LII. Quod si nulli prouidet Deus, neque extat vllum eius opus, neque vllus effectus, non potest quisquam dicere, vnde comprehendat, Deum esse, quum nec ex se ipso appareat, nec per vllus effectus comprehendatur; et illi, qui eum prouidere omnibus dicunt, malorum Deum auctorem faciant, qui quibusdam tantum prouidere asserunt, vel inuidum Deum statuunt, vel imbecilles ei vires esse dicunt ^o. Ex his thesibus, quas fufe,

Ggg ggg gg 3

nec

g) c. 27, f. 256 seqq.

h) Lib. III, c. 1, f. 2 seqq.

i) f. 3.

k) Adu. Phys. L. I.

l) Lib. III, c. 1, f. 7.

m) f. 9.

n) Corf, quos nominat FABRICIVS Syllab. Script. de V. R. C. c. XV. p. 378 seqq.

o) f. 11.

*Sceptici an
atheï?*

nec sine magna veteris philosophiae peritia, exponit tueturque **SEXTVS** *aduersus physicos libro primo*, decidenda quaestio, de atheismo Scepticis imputando. Dissentire enim scriptores, et vel absolueret hos homines vel accusare detestandae impietatis, ex eorum colligi potest catalogo, quos nominat doctissimus **REIMMANNVS** ^p. Qua de re, ut accurate Lector iudicet, sequentia potissimum probe tenenda et expendenda sunt. Et I. quidem Scepticos in communi vita non Deos tantum fateri, sed et colere et prouidentiam asserere, disertis Sexti verbis docuimus. Qui alibi ^r tanta fiducia his innititur, ut contendat: stabiliorem ac constantiorem inueniri Scepticum, quam eos, qui aliter philosophantur; siquidem profiteatur Deos congruenter patriis moribus et legibus, et faciat quicquid pertinet ad eos pie colendos; quod autem ad philosophicam pertinet quaestionem, nihil agat temere ac praecipitanter. II. Sed et hoc mordiciter tenent Sceptici, stulte obiici, legislatores et duces communem de Diis notionem confinxisse, asseruntque pro indubitato, omnes homines communem et anticipatam de Deo notionem habere, secundum quam est quoddam beatum animal, et ab interitu alienum et in felicitate perfectum, et in quod nullum cadere potest malum, esseque a ratione alienum, omnes forte fortuna in easdem incidere Dei proprietates, non autem ad hoc moueri naturaliter etc. de quibus omnibus late et erudite quidem differit **SEXTVS** ^r, dignus omnino, qui de grauissimo argumento totus legatur. Sic et III. ex iis quae porro Scepticus hic adiicit manifestissimum est, fortissime oppugnare Pyrrhonios argumenta, et eludere tela, quae aduersus Numinis existentiam hostes eiaculantur. Verum IV. et hoc ex dissertationibus Sexti physicis clarissimum est, referre Scepticos quaestionem, an Deus sit, et quid is sit? inter eas, de quibus certi statui queat nihil, possintque in contrarias partes argumenta proferri atque disceptari. Quem in finem V. eadem industria rationes, quae pro asserenda **DEI** existentia asserri solent, conuellere satagunt, et VI. a dissensu Dogmaticorum circa definitionem **DEI** ad suspendendum circa eius existentiam assensum more suo interdum non sine sale argumentantur, et, ut VII. suam, si modo vlla apud Pyrrhonios datur, sententiam de Deo explicent, doctrinam de Deo inter ea referunt, quae esse forte possunt, de quibus tamen non Dogmatici tantum nihil, quod niti animus queat, statuunt, sed et Scepticus non habet, quod pro parte affirmante statuatur, definiatur, ut ex iis luculenter patescit, quae fusa doctèque de hoc argumento **SEXTVS** differit. Quae si iusto inter se comparentur calculo, eam tandem non ineptis rationibus roborant sententiam, non esse quidem Scepticos atheos formaliter, quod aiunt, tales, qui nec hoc quidem definiunt: non esse Deos; nec esse eos atheos practicos, qui ex naturali instinctu et regionis religione Deos colunt: sed nec valde pios esse Pyrrhonios, et admodum iniquos in diuinum Numen, qui non tantum ineptis

^p) Hist. ath. c. XXXI. §. 1. 2, pag. 217 seqq.

^q) Adu. phys. L. I. f. 49. Pyrrh. hyp. L. II. f. 13.
^r) Adu. phys. l. c. f. 33.

eptis maleque ponderatis ratiunculis dum se audaciae et temeritati Dogmaticorum, infulse passim de Deo praecipientium, opponunt, tantae veritatis fundamenta labefactare audent, sed et frigidam atheis suffundunt, viamque sternunt ad atheismum, valde facilem et apertam. Nec pro Scepticismo in doctrina de Deo causam agit, quod nonnulli regerunt, tendere philosophicam dubitationem de Deo, ad certiores quandam eius cognitionem, reiectis et exutis praeiudiciis. Nam ut taceamus tantae esse evidentiae naturalis Dei existentiam, profundissime humano animo impressam, ut aegre euelli queat, et dubitationem admittat¹; hancque, si qua commendanda sit, non ad ipsam DEI existentiam eiusque veritatem, sed ad argumenta, quibus ea contra hostes euincitur, pertinere, quorum nihil ad Scepticum referri potest: ipse dubitationis scopus, qui, si quis mediocriter sapit, ad confirmandum, non turbandum circa hanc eximiam veritatem, animum comparatus est², a *σκέψει* totam eam luculentissime distinguit, quae ideo dubitat, ut incerta haereat, nihilque definiat, quod turpem satis impietatem prodit, ab atheismo non nimis remotam. Cumque frivolis argutiunculis Sceptici hac in causa utantur, roborat id quidem dogma nobilissimum, inque ruborem hostes eius merito dat, quam misere desipiant, qui naturalia lumina extinguunt, luculenter prodens; simul autem, quam imbecilles in ratiocinandi arte Scepticismo vires sint, exponit, et quam ridiculum sit, ficulneas ratiunculas sine robore atque neruo ubique emendicatas eodem veritatis gradu et genere fortissimae argumentorum aciei ab ipsis Pyrrhoniis instructae opponere, cauto lectori manifestat, nobili exemplo, vel ignauiam, accurati examinis impatientem, vel stolidum contradicendi studium, vel rationis paupertatem et defectum Pyrrhonismum genuisse³. Alia huc pertinentia dabunt, qui causam DEI contra Scepticos perorarunt, ex parte laudati IO. ALB. FABRICIO⁴,

LIII. Verisimile est, esse causam: quomodo enim incrementum esset, et decrementum, generatio vel corruptio, et generaliter motus et effectus naturales, si non esset causa? &c. eadem tamen verisimilitudine, causam esse, negari potest: causa enim cognoscitur effectū, effectus autem comprehendendi non potest, nisi ex causa, sicque mutuus dubitationis modus ostendit, ambo esse huiusmodi, quae imaginari nullo modo possumus⁵.

LIV. Praeterea, quoniam de existentia causae quaestio agitur, etiam causam illius causae, quam attulerit ad probandum, causam esse, necesse habet proferre, et illius rursus aliam, et ita usque in infinitum. Atqui impossibile est infinitas causas ostendere. Male hoc ratiocinio concludit SEXTVS⁶, impossibile esse, asseueranter pronuntiare, aliquid esse alicuius rei causam: inuertendum enim argumentum erat, et ex serie causarum contingentium tandem causae alicuius primo-primae et necessariae veritas

¹) Conf. REIMANN, I. c. p. 217. MORHOF, Polyhist. T. II, L. II. c. 9. p. 207.

²) Conf. THOMAS, *prax. log.* c. I. §. 23. seqq.

³) Conf. BÜDDEVS de Scepticismo morali §. 2. Aaol. hist. phil. p. 210.

⁴) I. c. c. XXXIII, p. 436 seqq.

⁵) c. 3. l. 17.

⁶) l. 24 seqq.

ritas colligenda, sicque rationum sufficientium, quae causae locum obtinent, fundamentum maxime certum verumque demonstrandum: quae de re lectu digna sunt, quae magni nostrae aetatis philosophi^a passim commentantur; prolixius hic, ubi alia agimus, non excutienda.

LV. Principia materialia pariter incomprehensibilia esse, dicendum est. Quum enim de iis infinita sit inter Dogmaticos controuersia, signumque non sit, ex quo iudicari queat, quatenam reliquis praefenda sit opinio, quum demonstratio semper egeat criterio demonstrato, criterium autem demonstratione iudicata; sequitur inde, comprehendi ea non posse. Eleganti hic compendio S E X T V S^b praecipuorum philosophorum de principio rerum materiali sententias enumerat, et qua ratione inter se dissensiant, docte exponit, dignus propterea, qui ipse inspicatur. Caue tamen putes, omnes has opiniones reapse inter se fuisse diuersas, cum ex tota, quam haecenus enucleauimus Graecanae philosophiae historia notum sit, multas inter se non dissensisse. E.g. Anaximandri infinitum et Anaximenes aërem, Pythagorae, Empedoclis, Hippasi, Heracliti particulas igneas eodem ex fonte manare, Democritum, et Epicurum idem systema atomisticum fuisse amplexos, &c.

LVI. Corporis notio incomprehensibilis est. Eius enim partes, ex quibus constare dicitur, longitudo, latitudo, profunditas, et resistendi vis inexistunt per se, nec sine corpore possunt ostendi; tota autem sublatis omnibus suis partibus, tolluntur^c.

LVII. Composita ex elementis primis per crasin, id est temperationem fieri, non possunt, quia nec contactio existit, nec temperatio et commistio ullo modo. De ea enim cum sint immensae inter dogmaticos controuersiae, quae se inuicem refellunt, indiudicabiles hae lites euincunt quaestionem incomprehensibilem esse. Nec potest mixtio fieri substantiarum, aut qualitatum, aut vtrarumque, cum nec substantiae nec qualitates per sensum in mixtis percipiuntur &c.^d

LVIII. Qui dicunt, motum esse, euidencia nituntur, qui eum negant, rationibus, quales fuere Eleatici. Sceptici, quantum ad apparentia quidem, motum esse existimant, sed quatenus quis philosophicam rationem sequatur, non esse. Ideo nihil pronuntiant, sed expensis vtriusque partis altercationibus ipsas discrepantiae causas paris momenti vtrinque esse comperientes non magis esse motum, quam non esse, dicere coguntur, quantum quidem attinet ad ea, quae a Dogmaticis afferuntur^e.

LIX. Motui hoc potissimum obstat argumentum: Si quid mouetur, aut ab ipso mouetur, aut ab alio; sed si quidem ab alio, id quod dicitur ab altero moueri, aut per nullam causam mouebitur, aut per aliquam. At sine causa quidem nihil dicunt fieri: fin igitur per aliquam causam mouetur,

a) Omnium instar sit magnus LEIBNIZIVS princ. phil §. 22 seqq. conf. cl. HANSCHIVS ad h. l. theor. XLVIII, p. 101.

b) c. 4. f. 30. seqq.

c) c. 5. f. 38 seqq.

d) c. 6. f. 56 seqq.

e) c. 3. f. 64. seqq.

vetur, causa per quam mouetur, motiua eius erit: vnde in infinitum delabitur quaestio, cum mouens semper egeat mouente alio, adeo vt principii expers reddatur motus, quod absurdum est *f*.

LX. Eadem prorsus ratio est augmenti, ablationis, diminutionis, translationisque, quae iisdem dubiis premuntur *g*.

LXI. Sed nec totum comprehendi potest, quod ex additione partium fit. Nihil enim esse videtur totum aliud, quam ipsae partes eius, quibus sublati totum non remanet, adeoque inanis tantum vox est et appellatio substantiam propriam non habens *h*.

LXII. Sed ne partes quidem quicquam erunt: si enim sunt partes, aut ipsae sunt totius partes, aut aliae aliarum partes, aut vnaquaeque sui ipsius pars. At neque totius, quia nihil est aliud praeter partes, et alioqui partes hoc modo essent sui ipsarum partes, quoniam vnaquaeque pars completiua dicitur totius: nec aliae aliarum; quia pars contineri videtur in illo cuius est pars, quod est absurdum *i*.

LXIII. Quod si nec totum datur nec partes, neque additio, neque ablatio, eueritur etiam simul generatio et corruptio, quae sine eiusmodi naturali mutatione fieri non potest *k*.

LXIV. Quia secundum opinionem Dogmaticorum fluida semper est substantia, et semper ab ea exspiratur, aliaque vicissim additur, sequitur inde, nullum corpus quiescere, siue constanti statu manere *l*. Pungit hac obiectione Sextus Heraclitum, Platonem, Stoicos, quibus materiam semper fluere et in mutatione versari dictum, vt suo loco monuimus. Adiecit tamen Plato ideas immutabiles, vt subiectum haberet certum, cui cetera inhaerent, quod reticuit Sextus.

LXV. Cum locum dicant esse interuallum, quod a corpore occupatur, necesse est, vel dimensionum vna sit, vel omnes tres; si prius dicant, non aequatur locus illi, cui est locus; si omnes tres esse dicantur, ipsum corpus erit sui ipsius locus, idemque quod continet et continetur, quod absurdum est, cuius cum euidetia contrarium suadeat, aequum est, vt assensum retineamus *m*.

LXVI. Nec dicere possunt Dogmatici, quid sit vacuum, locus spatium; praesertim si locus et vacuum distinguantur. Quia enim dimensiones habeat spatium necesse est, sequeretur corpus esse sui ipsius spatium. Multa hic vrget Sextus, vt Dogmaticos confundat, argumenti genere difficillimo vsus, quod circa naturam loci, vacui, spatiique versatur, quod innumeris difficultatibus premi, omnis aetatis et generis philosophorum ea de re controuersiae testantur, notaque sunt, nec hic memoranda, quae recentiori aetate magna subtilitate disputarunt Gassendi, Cartesii, Newtoni, Leibnizii affeclae, quaeque ad Scepticismi fundamenta roboranda ex hac ipsa
re

f) *ibid.*

g) c. 9. 10. f. 82 seqq.

k) c. 14. f. 109.

l) c. 15. f. 115 seqq.

h) c. 12. f. 98 seqq.

i) *ibid.*

m) c. 16. f. 125 seqq.

re copiose attulit P. BAYLEⁿ. Id quod mirandum non est, cogitantibus angustiam humani intellectus in regionibus metaphysicis. Eleganter, et sobrie magis, quam Sextus, vel Baelius, circa hanc rem philosophatur Io. LOCKIUS^o.

LXVII. Quantum ad ea, quae apparent, videtur aliquid esse tempus, quantum vero ad ea, quae de ipso dicuntur, subsistentiam habere non videtur, cum de eo Dogmatici discrepent, et tam incerti sint, ut opiniones suas mutuo evertant, nec comprehendi queat, quae sint opiniones verae, quae falsae^p.

LXVIII. Quia non sine motu aut etiam quiete tempus subsistere dicitur, everso motu pariter ac quiete sublata tollitur et tempus.

LXIX. Praeterea tempus non potest esse tripartitum et aliud esse praeteritum, aliud praesens, aliud futurum. Praeteritum enim et futurum non sunt, immo ne praesens quidem, quoniam propter velocem fluxum eorum, quae sunt in mundo, praesens in praeteritum ita mutari dicitur, ut intellectu percipi non possit^r.

LXX. Consuetudinem quidem sequentes Sceptici, et citra vllum dogma numerare se dicunt, et numerum aliquid esse, audiunt, sed quid numerus sit, se comprehendere negant, quod ipsi quoque Dogmatici ignorant. Pythagoreos hoc capite praecipue SEXTVS^s petit, quos ex idea numeri abstracta et metaphysica absurdi convincere contendit, sophismate, more suo, usus. Illi enim numerum physicum intelligebant, et principia rerum immutabilia.

LXXI. Dogmaticorum de bono doctrina, ad moralem philosophiae partem transgressos docet, non quid bonum sit in se, sed, bonum statuendo, siue quod per se appetendum est, siue quod utilitatem praebet, siue quod felicitatem adiuuat, ea tantum enarrat, quae bono accidunt, quae si communia sunt, non accurate designant bonum, si soli bono accidunt, non possumus ex his notionem boni assequi. Id quod ipsi Dogmatici produnt, qui felicitatis effectuum omnes quidem fortasse concedunt, de eo vero, cui haec accidunt, pertinaciter inter se digladiantur^r.

LXXII. Nullum eorum, quae bona dicuntur, omnes mouere eodem modo, vel ex ipsa Dogmaticorum doctrina manifestum est, qui varias bonorum classes recensent^o. Quod vero non omnes pariter mouet, tanquam bonum, illud vere bonum natura sua non est, quae est, mouere ad appetendum, ut ignis natura est calefacere, niuis frigefacere, &c^x.

LXXIII. Quia neque expetitio illius, quod bonum est, per se bona est, alioquin non studeremus assequi illud, quod appetimus; neque id quidem, quod expetitur, est ipsum bonum, ideo bonum prorsus non est. Nam aut
extra

ⁿ) Dist. T. IV. art. Zenon. nct. I. p. 544 seqq.

^o) De intell. hum. L. II. c. 13. p. m. 179 seqq.

^s) 17. p. 189.

^p) c. 17. f. 136 seqq.

^q) f. 140.

^r) f. 144.

^s) c. 18. f. 153 seqq.

^t) c. 18. f. 153 seqq.

^u) c. 21. f. 172.

^x) c. 23. f. 179.

extra nos est, aut in nobis; sed si quidem extra nos, aut efficit in nobis iucundum quendam motum, et ἄγαπτον πάθος aut nullo modo nos afficit. Quod si nobis non est delectabile, ne bonum quidem erit, quoniam nos non incitat ad appetendum. Quod si ingeneratur in nobis ab extraneo suavis constitutio, et passio quaedam huiusmodi, quam libenter amplexemur, non propter se appetendum erit, quod extraneum est, sed propter affectionem, quae ob ipsum in nobis fit. Quod igitur expetendum est, non potest extraneum esse. Sed neque in nobis; aut enim in corpore solum, aut in animo solum, aut in utroque esse dicitur. Verum si quidem in corpore solum, ad cognitionem nostram non perueniet, quae animi est. Quod si etiam usque ad animum pertingere dicatur, animi perceptioni videbitur appetendum esse, quae ipsa grata sit. Superest ergo ut dicamus, bonum esse circa animum solum. Sed hoc quoque, secundum ea, quae Dogmatici dicunt, impossibile est. Nam fortasse ne existit quidem animus; quod si etiam existit, quantum quidem ad ea, quae dicunt, non comprehenditur, et, si hoc silentio praetereamus, ea, quae de animo dicunt, non patiuntur inesse bonum. Nam qua ratione, si ex atomorum aceruo consistit animus, et voluptas, et assensus aut vis iudicandi hoc esse appetendum esse possit? Epicurum his peti, ex obiectione patet ultima, quam GALENVS quoque Gargettio seni opposuit, quem tamen non omnia feriunt, quae Sextus regerit, contentus aliquid, qualecunque demum illud sit, reposuisse. Sequenti capite Stoicos vrget, nec artem esse circa vitam, contra eos, bona animi esse artes quasdam, nempe virtutes statuentes disputat.

LXXIV. Iam vero ne indifferens quidem natura est quicquam, propter eam, quae de differentibus est controuersiam, Stoicis et Epicureis invicem contrariis ^a.

LXXV. Sed nec bonum quicquam vel malum natura sua esse potest, cum Dogmatici in contrariis prorsus, boni malique rationem quaerant, et turpe malumque sit his, quod illis pulchrum bonumque est ^b. Prolixe his inhaeret Sextus ^c, inductione probaturus, turpissima quoque flagitia apud certas nationes non esse turpia.

LXXVI. Scepticus ergo cernens tantam rerum discrepantiam, de hoc quidem, quid natura bonum, quid malum, et quid faciendum, quid non, retinet assensum, hac etiam parte a Dogmaticorum temeritate discedens; sequitur vero citra vllum dogma observationem vitae communis ^d.

LXXVII. Et propterea in iis quidem, quae opinabilia sunt, passionis expers manet; at in iis, quae coacta sunt, moderate passionibus utitur. Nam patitur quidem, quatenus est homo, sentiendi facultate praeditus, sed non assumens illam praeterea opinionem, nimirum id quod patitur, natura

Hhh hhh hh 2

malum

y) c. 23. f. 179 seqq.

z) De const. art. med. T. I. p. 37. de elem. L. I. p. 49.

a) c. 24. f. 191.

b) f. 195.

c) f. 206 seqq.

d) f. 235 conf. LAERT. L. IX. f. 61. 108.

malum esse, moderationem in iis, quae patitur, seruat. Nam addere sibi talem aliquam opinionem, peius est, quam ipsum pati ^e.

LXXVIII. Nam ille quidem certe, qui sibi aliquid natura bonum aut malum, vel prorsus faciendum aut non faciendum esse statuit, varie turbatur, quod euitat Scepticus ^f. Summa haec est totius philosophiae moralis Pyrrhoniae, quatenus de bono maloue eiusque affectione in animo differit, quae omnia ad ἀταξίαν et ἀνιδεαν, et in iis, quae pati cogimur, ad μετεπίδειαν tandem relabuntur. Quae an animi necessaria naturae inclinatione circa bonum versantis constitutioni et felicitati acquirendae conueniant, nec ne, alibi disputatur ^g.

LXXIX. Quod si natura bonum malumue est nihil, sequitur etiam non dari artem circa vitam moresque versantem. Id quod ipsis Stoicorum principiis efficitur, quibus virtutem solus habet sapiens, qualis inter homines non est ^h.

LXXX. Probatur id porro, quia ipse prudens animi habitus incomprehensibilis est, cum neque ex se ipso simpliciter et per se, neque ex suis operibus appareat. Nam haec illi cum imperito vulgo sunt communia: quae vero porro dicunt Dogmatici, praecipue Stoici, hominum sunt ultra humanam naturam loquentium, et potius optantium, quam vera loquentium ⁱ.

LXXXI. Sed nec natura hominibus ars, quae est circa vitam, inditur, alias omnibus hominibus inesset prudentia et virtus ^k.

LXXXII. Iam vero ne doctrina quidem et disciplina percipitur ^l. Nam 1. nec res quae docetur in confesso est, quippe falsum doceri non potest, verum autem non existere supra ostensum, ea quoque quae euidencia sunt, doceri opus non habent, quae obscura, ob indiudicabilem controuersiam incomprehensibilia sunt. 2. Sed nec doctor esse potest, qui non fuerit discipulus, qui doctorem habuerit, necesse est, quod infinita serie ad absurdum ducit. 3. Nec discendi modus est, qui vel euidencia vel oratione fit, quod vtrumque fieri non potest. Per euidenciam enim non fit doctrina, quia euidencia est eorum, quae ostenduntur et manifesta sunt, adeoque omnibus comprehensibilia sunt, et in doctrinam non cadunt. Neque per orationem, quia ea, quae impositione significant, necesse est intelligere illos, qui docentur, qui ideo doceri non possunt, cum iam intellexerint; qui vero discere ea necesse habent, quae ignorant, nec ea norunt, quibus impositae sunt appellationes, nihil percipient.

LXXXIII. Iam si ex abundanti quis concesserit, inde alicui eam artem, quae circa vitam versatur, damnosa et perturbationis causa habentibus ipsam potius quam utilis esse comperietur. Nam semper bonum appetendum, malum fugiendum et auersandum offert, quod sine perturbatione

^e) f. 236.

^f) ibid.

^h) c. 25, f. 239.

ⁱ) f. 244.

^g) Conf. BYDDEVS de Scept. mor. §. 23. Anal. hist. phil. p. 238.

^k) c. 26, f. 250.

^l) c. 28, 29, f. 259, 266.

ne fieri non potest, adeoque prudens hoc ipso fit infelicissimus ^m. Iugulaturus hic Sextus moralem philosophorum Dogmaticorum doctrinam, non cogitat, ne Scepticem quidem a perturbatione vacuam esse et μετεωρισμένην, quod in antecedentibus ipse statuerat. Licet enim hoc a vita et natura sit, nihil tamen in hanc passionem potest Sceptica, sed ipsa quoque infeliciem reddit animum. Similia fere in plerisque assertionibus oggeri Scepticis possent, si locus hic esset.

LXXXIV. Scepticus eo quod sit humanus, Dogmaticorum arrogantiam ratione sanare intendit, adeoque fortioribus argumentis erga temerariae insolentiae morbo laborantes, leuioribus erga eos, qui in superficie aegrotant, utitur, modo finem consequatur ⁿ.

^m) c. 31, l. 273, l. 277.

ⁿ) c. ult.

CAPVT DECIMVM QVINTVM.

DE FATIS PHILOSOPHIAE GRAECAE EXTRA GRAECIAM.

§. I.

Absoluimus tandem aliquando, quam nobis descripsimus, periodum historiae philosophicae primam omnem, et non barbaricae tantum philosophiae, sed et Graecae incunabula, adolescentiam et virilem quasi aetatem, eiusque fata ad nascentis vsque Romanae monarchiae initia excussimus, ac systemata philosophorum descripsimus, quantum ineuitabilis saepe permisit obscuritas et incertitudo maxima. Claudere iam liceret riuos, primaeque huius tractationis parti finem imponere, nisi, quod promissimus, paucis adhuc appendicis loco enarranda fata essent, quibus Graecanica philosophia alibi locorum, extra Graeciam, quo diuertit et innotuit, gauisa est. Quod licet pro instituti ratione paucis licet attingere, fundamentum tamen eius rei dicendum est, quae in secunda parte operis ampliorem tractationem requireret.

*Philosophia
Graeca extra
Graeciam.*

§. II. Arctis fati initio Graeciae et adiacentium regionum limitibus philosophiam Graecam inclusam fuisse, nisi quod in Graecia magna Pythagorica schola eius disciplinam excoluit, ex haecenus narratis manifestum est. Etsi enim in Aegypto peregrinabantur magni nominis philosophi, ibique ingenii diuitias data aliquando occasione exponebant ^b, vix tamen ea, quae ibi acta sunt, hoc nomine digna sunt, et accepisse magis, quam traduxisse illuc host hesauros, Aegyptii gloriabantur; Graeci quoque cum

*Alexander M.
cum armis vi-
tricibus phi-
losophiam
Graecam ad
a ias gentes
transfert.*

Hhh hhh hh 3

domi

^a) Exemplum nobis haecenus dedere Pythagoras, Thales, Democritus, Plato, Eudoxus, alii,

^b) Factum hoc e. g. a Thalete esse, c. I. huius libri ostendimus,

domi haberent, quo melius animum pascere, mature Aegyptum philosophiae causa adire desuere. Postquam autem summa rerum per omnem fere Asiam et Aegyptum bellis ad Alexandrum M. rediit, isque expeditione in Persas et Indos, infiniti fere tractus homines Graeco iugo subiecit, Graecanica quoque philosophia, ut solet, a victoribus ad victos transit. Cum enim Alexander M. ipse diligenter philosophiae studiis esset innutritus, et magno in primis amore ab Aristotele accenso, quicquid erat philosophorum complecteretur ^c, non potuit non limitibus philosophiae magna inde fieri accessio, praesertim cum non tantum rex eruditissimus ipse philosophiae studium suo modo amplecteretur ^d, sed et philosophos secum haberet acutos ^e, quos magna familiaritate dignabatur: alios magnis vereque regiis augeret muneribus ^f. Horum consiliis fuisse usum historia eius testatur, quae hoc quoque narrat, misisse regem philosophos Graecos, ut cum Asiaticorum populorum sapientibus colloquerentur, iisque mediantibus, animos quoque victorum regi conciliarent; cuius memorabile exemplum de Brachmanibus in Indorum philosophia suo loco attulimus. Etsi vero, ut erant Orientales philosophi traditionis patriae tenacissimi, magnaeque de ea opinionis praeiudicio occupati, Graecanica eis philosophia valde fordescebat, ut vel ex iis patet, quae cum Alexandri legatis Gymnosophistae habuere, colloquiis, fecit tamen victoris fortuna, ut, quod animo respuebant, externo tamen subinde habitu fingerent, et ad Graecos se attemperare mores inciperent. Cuius eo maior illis impendebat necessitas, cum Asiae philosophi, praesertim Magi, tanquam inanis artis iactatores in contemptum apud regem a Graecis philosophis, ipsisque qui his fauebant, regis amicis adducerentur ^g. Idem accidisse, post fata regis, cum amici eius regnum inter se diuisissent, historia loquitur.

Influxus fortunae Alex. M. in philosophiam apud Asiae gentes.

§. III. Magnum hanc mutationem habuisse influxum in ipsam philosophiam, non est, quod dubitemus. Cum enim in eo potissimum curam suam Alexander poneret, ut Graeco iugo voluntaria colla Persae Indique subiicerent, quique in longissimis terrarum tractibus exercitibus contineri in officio vix poterant, obsequio lubenter praestito vincirentur, id potissimum elegit medium, ut victi populi fere omnes in vnum corpus coirent. Hinc, eleganter obseruante PLVTARCHO ⁱ, quos verbis non poterat, armis

^c) Multus in his Alexandri virtutibus laudandis est PLVTARCHVS de fort. Alexandri T. II. p. m. 346 seqq.

^d) Vid. AMMONIVS in vita Aristotelis Epistola Alexandri ad Arist. quaeque hac de re in vita huius allata sunt. ad. PLVTARCH. in Alex. T. V. p. m. 450. qui luculenter de studiis Alexandri philosophicis agit.

^e) Inter hos fuisse Callisthenem, Onesicritum et Anaxarchum supra memorauimus conf. CYRTIVS L. VIII. c. 5. PLVT. l. c. p. 486.

^f) Ita Aristotelem non modo, sed et Xenocratem, itemque Theophrastum regia munificentia

auxisse, in horum quoque philosophorum vita dictum est. conf. PLVTARCH. l. c. p. 451.

^g) Lib. I. c. III. ubi etiam Calanum gymnosophistam Alexandri M. castra secutum fuisse notauimus. conf. PLVT. l. c. p. 444 seqq. In Aegypto vero Psammoneum philosophum regem audiuisse, et cum eo fuisse philosophatum, refert PLVTARCH. l. c. p. 467.

^h) Factum id imprimis esse, cum reuerso Babylonem regi Magi suaderent, urbem ne intraret, vitae eius scriptores passim tradant.

ⁱ) De fort. Alex. Orat. I. T. II. p. m. 348.

armis ad communitatem adigens, omnes undique gentes in unum corpus conduxit, tanquam in amicitiae cratera commiscens, vitas, mores, nuptias, victus rationes, mandauitque ut vniuersi mundum pro patria agnoscerent, castra pro arce et praesidio, bonos pro cognatis, malos pro peregrinis, inter Graecum et barbaricum non chlamyde, pelta, acinace, candya distinguerent, sed Graecum virtute, barbaricum viciositate aestimarent, communes autem ducerent vestes, menses, coniugia, victus rationes, cum haec omnia sanguine et prole inuicem essent contemperata. Non vestitu tantum, coniugio, et mensa Persarum inter Graecos inductis, sed Graecorum quoque sacris ad Persarum suo modo accommodatis hoc regem instituisse, historiae eius scriptores prolixè referunt ^k. Secuta est philosophia, quae cum inter Graecos tum magni esset nominis, barbarica eruditione valde contempta, necessitas vr̄sit Magos ceterosque orientis sapientes ad voluntatem moresque Graeci victoris se attemperare. Cumque Persarum imprimis philosophia Zoroastreo systemate comprehendere-
tur, dubium non est, theologiam Magorum externo tum Graecae habitu fuisse vestitam. Cumque illa in describendis emanationibus ex summo Deo, Mithrae, per duos quasi fontes, Oromazden et Arithmanium occuparetur, idque potissimum ageret, ut qua ratione malum ortum esset, detegeret, ut haec omnia *libri primi capite tertio* fuscè enarrauimus; occasio inde enata est theologiam Persarum reliquorumque, qui his adhaerebant, Orientalium cum Graecis opinionibus comparandi. Inter quas cum potissimum theologia mythologica, quaeque in ea continebantur, theogoniae externo habitu Zoroastreis consonarent, ortum inde philosophiae genus illud est, quod antiquum et Zoroastreum se nuncupabat, et in his diuinarum emanationum genealogiis explanandis potissimam collocabat operam. Cuius rationes et placita cum ex veterum Sec. I. et II. haereticorum formis potissimum haurienda sint, fundamentumque Alexandrinae quoque Platoniorum recentiorum philosophiae posuerint, commodius ea, quantum quidem ad nostrum institutum pertinet, ad philosophiam sub Imperatoribus Romanis inter gentiles et Christianos efflorescentem delati exponemus. Hoc tamen notasse e re nostra est, genealogiae huius diuinae scriptores postea sub Alexandri M. successoribus laxius statuendi campum nactos^l, magis et liberius se Zoroastreis orientalis philosophiae placitis, quam Graecanicae theologiae accommodasse, ita tamen, ut veteris syncretismi vestigia haud obscura remanerent. Falli enim eos, qui plane nihil a Grae-

^k) Videndus imprimis PLUTARCHVS II, cc.

^l) Factum hoc esse, cum bellis inter se vehementer digladiarentur in Asia Alexandri M. successores, et regis rationibus non insisterent, dubium non est. Adeo vero extinxere haec bella literas et philosophiam in Asia, ut paucae eius essent reliquiae, donec Ptolomaei Physconis tyrannus, qui imprimis Alexandrinos misere vexauit, Alexandriae incolae in diuersa labi, patriamque metu mortis

exules relinquere cogeret, vid. IUSTINVS L. XXXVIII, c. 9. ATHENAEVS L. IV. p. 184. tum enim artium fere omnium, et impiorum philosophiae professores et magistri in Asiam minorem et vicinas insulas dispergebantur, qui humaniter excepti, cum exiguo stipendio docerent, breuè totam Asiam Graeca literatura repleuerunt, ubique scholas erigentes et docentes, vid. ATHENAEVS loc. cit.

Graecis habuisse, hanc orientalem philosophiam putant, licet Platoniam philosophiam contemnerit^m, ex comparatione vtriusque suo loco danda luculentius patebit. Quas orientalis philosophiae, Graecanae attemperatae, origines annotasse multam tum Christianorum haereticorum, tum Alexandrinorum philosophorum doctrinae accendet lucem.

Fortuna philosophiae Graecae in Aegypto.

§. IV. Paria fere fata habuit philosophia Graeca in Aegypto, sed Augusta magis atque laeta, ipsa philosophia Aegyptiaca fauente. Quae cum haud semel irruptionibus peregrinorum populorum mutationem esset passa, eamque facile quoque ob allegoriae methodum admitteret, quo nempe artificio peregrina dogmata patriis immixta sunt, et haec saepius immutata, ut supra *libri primi capite sexto* demonstratum est, quaque ratione imprimis veterem Persarum religionem a Magis cultam per irruptionem Persarum in Aegyptum sub Cambyse huic regioni fuisse illatam dubium non est, nobisque supra iam observatum: sub Graecorum imperio tota ad victorum et imperantium rationes fuit composita, sacerdotibus id agentibus, ut patriam religionem et doctrinam Graecae, quae tantopere efferebatur, philosophiae attemperarent. Qua de re, cum satis quantum est, supra dixerimus, lectorem ea ex isto quidem loco repetat, rogamus, nobis enim iam de Graecae philosophiae, non Aegyptiacae, satis in Aegypto sermo est. Fundamentum vero eximiorum quae consecuta est, incrementorum, ipse quoque Alexander M. posuit. Is enim cum novam regni sedem Alexandriam, loci opportunitate illectus, condidisset, urbemque novam incolis replere studeret, colonias ex finitimis urbibus Alexandriam commigrare iussit, magnaue multitudine urbem implevitⁿ: quos inter homines multos quoque Iudaeos fuisse I O S E P H V S^o testatur. His omnibus, ut in noua sede libenter habitarent, praeter reliqua quibus augebantur privilegia permixtum, ut suae quisque religioni, suaeque gentis placitis a nemine impeditus adhaereret, quo factum est, ut omnis generis religionibus et dogmatibus Aegyptus repletur, Graecorumque theologiae, quam illi Alexandriae quoque fixerant, admisceretur. Id quod eo magis locum obtinuit, qua magis Aegyptii et in his Alexandrini non tantum sacris quibusque recipiendis fuere fauentissimi, et hinc religionis cultu inclyti^p, sed et scientiis dediti, et Graecorum in iis laudibus aemuli^q. Multum vero has circumstantias auxit Ptolemaeorum familia, Aegypti imperium post Alexandri M. fata nata. Ptolemaei enim Lagidis, qui Aegypti sceptrum sublato rege inuasit, eo potissimum tetendere consilia, ut Graecorum maxime fidem sibi deuinciret, quos regni quasi custodes esse probe videbat^r. Hinc ut gentem literatissimam sibi conciliaret tota fere Graecia

^m) PORPHYR. vit. Plot. c. 16. p. 119. ed. Fabr.

ⁿ) Vid. Alexandri M. historiae scriptores PLUT. l. c. ARRIANVS L. III. CVRTIVS L. IV. c. 8. alique et Geographi veteres STRABO L. XVII. p. 590. Geographus vetus a IAC. GOTHOFREDO editus p. 17. AMMIAN. MARCELLIN. L. XXII. c. 6. alii.

^o) Contra Apion. L. II. de B. I. L. II. c. 36.

^p) Geographus GOTHOFREDI l. c. p. 17.

^q) ibid.

^r) DIOD. SIC. L. XVIII. PAUSAN. in Attic. ARRIANVS et ex eo PHOTIVS Cod. XCII. p. 126. Urgebant Ptolemaeum infesta Perdiccae consilia et arma,

cia in Aegyptum translata et Athenae in Alexandriam quasi delatae sunt ^s. Vt enim et iudiciorum formam, et rei militaris neruum, et mercaturae frequentiam Graecis artibus formatas et Alexandriae stabilitas taceamus ^t, literarum honos, et inter eas ipsum quoque philosophiae studium tantopere a rege euectum est, vt merito Graecia hanc Aegypto gloriam inuideret. Nullis enim sumtibus parcens rex prudentissimus doctissimos inter Graecos viros Alexandriam vocauit, et domi inuidia pressos non sine multis gratiae testimoniis recepit, et vt Graecam eruditionem atque philosophiam in hac regni sui sede plantaret, bibliothecae post eius fata splendidissimae fundamenta iecit ^u, philosophos immunitate donauit, regiaque munificentia Graecam literaturam adiuuit. Qua in re cum Demetrii Phalerei consiliis potissimum vteretur ^x, viri vt in omni eruditionis genere ita in philosophia praecipue excellentissimi, dici non potest, quantum philosophiae Graecanicae ^y incrementa sub hoc rege Alexandriae aucta sint. Idem institutum non secutus tantum est, sed maiori quoque studio et feruore persecutus est Ptolemaeus Philadelphus rex literatissimus, cui Graecae eruditionis, praecipue philosophicae magna, quae Alexandriae habuit, incrementa potissimum adscribenda sunt. Illius enim studio et immensis sumtibus bibliotheca Ptolemaei Lagidis cura coepta, incredibili librorum multitudine aucta est, qua de re, ne iusto prolixiores simus, lectorem ad eos remittimus, qui celebratissimae bibliothecae historiam condiderunt ^z; hoc vnum adiicientes, non in eo tantum regis curam fuisse, vt grammaticos, poetas, aliosque ad encyclicas Graecorum disciplinas pertinentes auctores magno aere redimeret ^a, sed vt philosophorum quoque Graecorum opera huic animarum *ιαρχειω* inferret. Aristotelis enim libros eum redemisse, suo iam loco ex ATHENAEO ^b notauimus ^c. Nec his contentus, vt patriam eruditionem Alexandriae collocaret firmissimam, in ipsa regia Museum erexit, siue collegium doctorum virorum, quos publico sumtu aluit, vt literis vacarent. Celebrata passim huius musei fama est, ad Caesarum vsque aetatem durantis, cuius historiam cum ex veterum narrationibus ^d diligenter collegerint recentiori aetate viri quidam eruditi ^e, lectorem ad eos

arma, cuius exercitum sibi istis artibus Ptolemaeus magnopere conciliauit.

^s) Vid. cit. not. (n) exque iis praecipue STRABO, Geographus vetus, AMMIANVS II. cc.

^t) Statum Aegypti hoc tempore plane immutatum esse, recte viris doctissimis SAM. BOCHARTO Hierozoic. P. I. L. II. c. 9. et CAMP. VITRINGAE ad Isaiae c. II. p. m. 212. obseruatum.

^u) Conf. I. LIPSIVS de Biblioth. c. 2. HERM. CONRING. Antiqq. Acad. diss. I. p. II. et Supplem. IX. p. 223 seqq.

^x) Dictum de eo in huius philosophi vita.

^y) AELIAN. L. III. c. 17. CLEM. ALEX. Strom. L. I. p. 341.

^z) Citati ANT. VAN DALE diss. super Arist. Hist. philos. Tom. I.

stea de LXX. interpret. MONTFAUCON. Palaeogr. Graec. p. 16. REIMMANN. Idea antiq. lit. Aegypt. p. 280 seqq.

^a) GALEN. Epidem. L. III. conf. MELCHIOR GVILANDINVS de papyro vet. p. 195.

^b) Lib. I. p. 2.

^c) Bibliothecarios huius bibliothecae ex SVIDA maxime notat IONSIUS de S. H. P. p. 101. et I. F. GRONOVIVS diss. de museo Alexandrino.

^d) Andronici, Callimachi et Alcimantis de museo scripta periere. Ex hodie extantibus illud descripsit STRABO libro vltimo. PHILOSTR. vit. Soph. Lib. I. c. 22. p. 524.

^e) GRONOVII et LVD. NEOCORI dissertationes de eo extant T. VIII. Antiq. Graec. peculiare

III III II

etiam

eos ablegamus. Mirum itaque videri debet nemini, Aegyptum quasi immutatam fuisse in Graecam, et Graecanica non tantum studia Alexandriae inualuisse, sed praeter grammatices, rhetorices et matheſeos disciplinam philosophiam quoque Graecam ibi fuisse traditam^f, cunctaque hac in re Athenis reddita fuisse quam simillima^g. Et sub his regibus factum inde est, ut Graeci philosophi cuiuscunque sectae Alexandriam traicerent, regum Ptolemaeorum benignitate et fauore gauisuri, qua de re in Graecorum philosophorum, quam fuisse haecenus enarrauimus historia, complura exempla attulimus, et praeter Demetrium Phalereum, Theophrastum atque Stratonem Peripateticos, Diodorum Cronum Megaricum, Diodorum item Aspendium Pythagoreum et Timonem Scepticum apud hos reges gratiosos fuisse notauius. Addi his possent alii, et imprimis bibliothecae regiae praefecti, viri non in philologia tantum, sed etiam in philosophia celebres^h, si Alexandrinae eruditionis historiam scriberemus. Multa enim ex eo tempore Graecorum Alexandriae degentium fama in literis fuitⁱ, nec secta inter Graecos vlla fuit, quae non magni nominis viros Alexandriae aleret^k. Tam securus quoque philosophis nidus Aegyptus visus est, ut Pythagorei vbique persecutione pressi, cum non haberent, quo tuto confugerent, huc conuolarent, ubi ultimos ex hac secta, quam Aegypto primus notam fecit Eudoxus ab Agesilao Nectanebi commendatus, et prophetarum disciplinae traditus^l, vidisse Aristoxenum suo quoque loco^m monuimus. Tanta vero Graecorum in artium et philosophiae studiis industria enituit, ut coloniae Graecae longo doctrinae interuallo, verae originis Aegyptios superarentⁿ; recteque fabulam esse, magnus CONRINGIUS^o monet, quod AMMIANVS MARCELLINVS^p Alexandrinae philosophiae, qualis extremis Ptolemaeorum temporibus caput erigere coepit, assecla tradit, *non praestantissimam tantum fuisse atque certissimam philosophiam Aegyptiacam, sed certasse quoque de praecedentia Aegyptios et Graecos philosophos illosque vicisse*. Recte enim obseruat vir eruditissimus nullibi legi, apud Aegypti reges philosophos Aegyptiacos in pretio fuisse, immo eos ita corruere passos fuisse hanc disciplinam, ut imperante Augusto tota fere desierint Heliopolitana musea et studia, id ex oculorum fide testante STRABONE^q. E contrario vero sub Caesaribus Alexandrinam eruditionem et philosophiam magnopere effloruisse, ipsis Imperatoribus salaria professoribus constituentibus, eamque huius literarum aequae ac mercaturae emporii cele-

etiam de eo dedere dissertationes B. AD. RECHENBERGIVS et TH. CRUGERVVS add. IONS. l. c. p. 218. TILLEMONT. Hist. imp. T. II. p. 431. CAVE H. L. Ser. Eccl. P. II. p. m. 20. ESCHENEACH. diff. Acad. p. 305 seqq.

f) Fuisse in museo philosophos quoque sustentatos ex Timonis satyra apud ATHENAEVM L. I. patet, qui philosophos tanquam in cauea ali dicebat.

g) CONRING. l. c. p. II.

h) Vid. SVIDAS in Zenodot. T. II. p. 2. in Apol-

lon. T. I. p. 283. in Aristonym. T. I. p. 329. in Dionys. Alex. T. I. p. 598.

i) AMMIAN. MARCELL. l. c. Geographus GOTHOFREDI l. c.

k) IDEM p. 19.

l) Vid. quae dicta sunt in Eudoxo, c. X. huius libri.

m) Conf. SCHEFFER. de philof. Ital. c. XV. pag. 172.

n) Conf. CONRING. l. c. p. 236.

o) loc. cit.

p) l. c.

q) l. ult.

celebritatem usque ad captam a Saracenis Alexandriam duravisse, indeque omnes sectas philosophorum per omnes prouincias digressas fuisse, in sequenti historiae huius periodo luculentis conficiemus testimoniis. Certe tam domestica visa eruditio et philosophia Alexandriae, ut Alexandrini dicerentur viri, alibi locorum nati, et in hac tantum musarum sede docentes.

§. V. Licet vero Graecam philosophiam Aegyptiacae praeualuisse, et *Syncretismum* solam fere Ptolemaeorum, et post hos, Imperatorum Romanorum aetate *philosophiae* viguisse, ex dictis sit manifestissimum, non tamen credendum est, nihil illi *Graeco-Ae-* lam ab hac mutationis fuisse passam, quemadmodum Aegyptiacam a Grae- *gyptiacae*. ca adulteratam fuisse, *libri primi capite sexto* docuimus. Aliud enim ratio philosophiae Graecae in Aegypto nobis suadet, cuius certum genus longe aliam a nativo colorem accepit faciem. Etsi enim nec Peripateticam, nec Stoicam philosophiam multam mutationem initio passam esse legimus, immo Alexandriae Sceptica philosophia ab Aenesidemo pristinum nitorem accepit*, aliter tamen accidit philosophiae Pythagoricae et Platonicae, in cuius causas paulo curatius inquirere, remque ab ovo, quod aiunt ordiri, propter Alexandrinae philosophiae historiam, quam sequenti tomo condiemus, e re nostra est. Scilicet Pythagoricae philosophiae primam Aegyptiis notitiam ab Eudoxo factam capite decimo huius libri probauimus, ex STRABONE¹⁾ notantes, quam beneuolo applausu Eudoxus atque Plato in Aegypto fuerint recepti. Cui fauori cum accederet Ptolemaeorum in philosophos, praesertim exules, gratia, sub Lagidis potissimum imperio in Aegyptum se recepere, teste LAERTIO²⁾ Xenophilus Chalcidensis ex Thracia, et Phanto Phliasius, et Echeocrates et Diocles, et Polymnastus Phliasii et ipsi. Aequalis his fuit Diodorus Aspendius hoc tempore in Aegypto versatus³⁾. Quorum philosophia cum moribus et inclinationi Aegyptiorum admodum conueniret, magno applausu excepta est. Erant enim Aegyptii temperamento melancholico, subtristi, et solitudinis ad studia colenda amanti⁴⁾; praeterea omnis fere terrae circa numinum cultum, testibus multis veterum⁵⁾, religiosissimi, sacrificiisque maxime intenti, et de Diis valde solliciti. Arcanam vero et allegoricam docendi methodum studiose seruasse supra luculenter euicimus. Quae omnia cum in philosophia Pythagorica, quae natales suos in Aegypto hausisse gloriabatur, Aegyptii philosophi inuenirent, mirum non est, hoc sectae genus Aegyptiis fuisse

IIIIIIII 2

com-

1) Geographus vetus p. 19.

2) Conf. CONRING. l.c. et de Hermet. Aegypt. med. c. IX. p. 83.

3) Recte hoc obseruatum IONSTO l. c. p. 15. Ita Aristarchus Samothrax natione, et Dionysius Thrax Alexandrini dicti sunt, vid. SVID. in Dion. T. I. p. 598.

4) Conflata tamen vtriusque sectae philosophia in systema eclecticum, a Potamone et Ammonio Sec. II. exeunte conditum.

5) Dictum hac de re c. XIV.

6) Lib. XVII.

7) Lib. VIII. c. 46. Xenophilum hunc praecceptorem habuit Aristoxenus, SVIDAS in Arist. GELLIVS L. IV. c. 2.

a) IAMBlich. vit. Pythag. c. vlt.

b) Geographi citati.

c) AMMIANVS l.c. LVCIAN. de Dea Syra Geogr. GOTHOFREDI p. 21. conf. IO. BRAVN. de Delta Aegypt. Sel. S. p. 726.

commendatissimum. Nam et illi solitudinem amabant, et tam securitatis quam philosophiae causa in rus et deserta loca recedebant ^d, tristemque et seueram promittebant philosophiam, quae circa Deorum notitiam cultumque et sacrificia omnium maxime versaretur, et accuratius sacram doctrinam enarraret. Arcanam quoque docendi methodum eandem, quam sectae auctor in Aegypto acceperat seruabant. Quae similitudo effecit, ut qui ex Aegyptiis magis patrio mori congruenter philosophari cuperent, et tamen Graecae philosophiae se attemperare ex regionis more et imperantium voluntate ^e necesse haberent, Pythagoricam disciplinam sequerentur; cuius tantus inter Aegyptios incolas amor fuit, ut eos in deserta sequerentur, et philosophica ibi in morem Pythagorae collegia instituerent, id quod imprimis a Iudaeis in Aegypto commorantibus factum esse, Therapeutarum exemplo in sequenti huius tractationis tomo luculenter roborabimus. Accessit postea Platonis philosophia cum Pythagorica, ut ipse instituerat copulata, quae magis Graeco more de Diis philosophari videbatur. Ut vero placita toto fere coelo inter se distantia, et auita Aegyptiorum religio cum Graecanica theologia iungerentur, in subsidium vocatus syncretismus philosophicus, huic sectae vehementer adamatus ^f, et allegoriarum subsidio mista quadrata rotundis et in vnum fere systema fusum, quicquid religionum diuersissimarum fuerat in Aegypto. Adeo, ut nec Iudaeis media defuisse, quibus Pythagoram et Platonem cum Mose in concordiam redigerent, Philonis exemplum testetur luculentissime. Ita vero nec vetus Aegyptiaca theologia pura mansit, nec Pythagorica, nec Platonica, sed prout quis ingenio valuit, ita patria, quae inter Aegypti incolas varia fuit ^g, religio, allegoriae ope placitis Graecorum attemperata, haecque illi accommodata fuit. His accessit etiam alia immutandae philosophiae Alexandrinae Pythagorico-Platonicae occasio. Cum enim Alexandriam totius fere orbis commerciis frequentissimam commearet omne hominum genus, et celebratissimae eruditionis alendae causa multi quoque docti homines conuolarent, accidit circa posteriora Ptolemaeorum tempora, ut istud philosophorum Orientalium genus, quod ex Zoroastriana et Graeca theologia nouum quoddam de Diis eorumque emanationibus classibus et operationibus systema comminisceretur, quodque circa haec tempora caput extulisse initio huius capitis diximus, huc quoque commigraret. Quod cum auide ab Aegyptiis circa Deorum genealogias, ritus, sacrificia curiosissimis reciperetur, a philosophiae Pythagorico-Platonicae cultoribus, qui omnes omnino religiones et systemata nefando

^d) HIERONYM. contra Iou. L. II. IAMBlich. I. c. conf. SCHEFFER. I. c. p. 178.

^e) Quin etiam propter originem, quam habere Graecam, Graecaeque affinem. Omnis enim generis et loci homines iterum in Aegyptum Alexandriam inuitauerat Ptolemaeus Physicon, exhausta tyrannide ciuib. vrbe.

^f) Recepisse ex omnium regionum et natio-

num theologia Pythagoreos, quaecunque de Diis narrabantur, fatetur IAMBlich. vit. Pyth. n. 138. A Diodori vero Aspendi circa extrema Ptolemaei Lagidis tempora viuentis aetate mixtam aliquam inter Pythagoreos Aegypti incolas viguisse philosophiam recte obseruat SCHEFFER. I. c. p. 179. conf. ATHEN. L. IV. c. 17.

^g) Conf. STRABO I. c.

nefando syncretismo confundere instituerant, etiam admissum, sicque ex Aegyptiaca veteri, Orientali, et Pythagorico-Platonica philosophia novum philosophiae chaos conflatum est, non Zoroastri tantum sed etiam Hermeti^{h)}, immo sanctis quoque gentis Hebraeae patriarchis adscriptum, quod sub Aegyptiacae veteris titulo prolixè nobis exposuit IAMBlichVSⁱ⁾. Quae Pseudo-philosophia tantas in Aegypto, maxime Alexandriae radices egit, tantoque excepta applausu fuit, ut non tantum ab eo fere tempore, quo monarchia Aegyptiorum collabi coepit, caput efferret^{k)}, tandemque post Seruatoris nati tempora adiuustum sectae habitum conformata, et in plenum syncretismum religionum et sectarum degenerans vnice imperium in scholis philosophorum Alexandrinorum obtineret, ut in sequenti huius historiae parte prolixè trademus, sed et ad Iudaeos et Christianos transfiret. Et inter Iudaeos quidem spurium illud philosophiae genus peperit, quod Cabbalam vocauere, traditionem patrum illud esse mentientes, cuius historiam sequenti tomo integram concinnabimus; Inter Christianos autem primum ab haereticis ex Aegypti scholis egressis, qualis Valentinus fuit, adoptata, hincque fidei Christianae, sincera simplicitas temerata, mox infelici fidere a purioris ecclesiae doctoribus adamata et cum sacris doctrinis nefando consilio coniuncta est. Qua de re, cum in sequentibus ex instituto differendum nobis sit, originibus his Alexandrinae philosophiae paucis expositis nihil addimus^{l)} amplius, sed prolixae primae historiae philosophicae periodi tractationi imponimus.

F I N E M.

h) Conf. PORPHYR. vit. Plot. l. c.

i) De myster. Aegyptior. praesertim sect. VIII.

k) Potamonis syncretisimum philosophicum conditamque sectam eclecticam huc referunt qui Suidae codicibus fidem habent, circa Augusti tempora eum vixisse. Nos, cur serius eius tem-

pora ponamus, ad historiam huius sectae digressi exponemus.

l) Quibus fati apud Romanos vsa sit philosophia Graeca, sequenti tomo, ubi tota Romanorum philosophia exponenda, enarrabimus.





I. I N D E X

P E R S O N A R V M E T N O M I N V M.

A	A.	Anacharsis	358	Aratus	1142
Abaris	354, 1014	Anaxagoras	492 seqq.	<i>Archerius Io.</i>	990
Abel	57	alii	493	Arcefilaus	728, 743, 746, 898
Abraham	71	Anaxarchus	1143, 1207 seqq.	Arcefilai alii	749
Achitophel	541		1320	Archaeanafla Coloph.	647
Aerio	639, 1040	Anaximander philos.	478 seq.	Archelaus	518
Adam	52		1020	Ionicus	1145
Adiamantus	629	historicus	479	Archidamus	577
Adrastus Aplirodiseus	798	Anaximenes	488, 1132	Archippus	1038, 1039, 1137
Aenefidemus	1319, 1328	alii	488	Archon Thericles	1005
Aesar	328	Anchipyllus	623	Archytas Tarentinus	639,
Aeschines	574, 645, 652	Androcydes	1043	651, 1022, 1038, 1040, 1102,	
orator	576	Andronicus	798	1128 seqq.	
academicus	772	Rhodius	798, 853	Ardoina	330
Aeschylus	1102	Anniceris	600, 601	Arefas	1101
Aesopus	453	senior	601, 650	Arete	599
Aethalides	1015	<i>Annius Viterbiensis</i>	130	Arignote	1020, 1024
Agatho	647	Antigonus	624	Arimnestus	1020, 1059, 1179
Agefilaus	572, 1141	Carystius	1319	Aristaeus	1101
Albategnius	226	Gonates	897	Aristagoras	1141
Alcaeus	447, 1247, 1316	Antiochus academic.	728,	Aristarchus	570
Alcibiades	539, 570, 583, 622		775, 1328	Aristippus	584, 644, 645, 652
Alcidamas	1107	Laodiceus	1328	Cyren.	592
Alcinus orat.	619	Antipater	894	sophista	592
Alcinous	669	Cyrenaicus	599	nepos	599, 601, 602
Alcmaeon	1087, 1131	Sidonius	979	Aristo Ceius	840, 852
Poëta	1134	Tarsensis	894, 979	Chius	968, 970, 1209
Alexander M.	734, 784, 1105,	Tyrius	980	pugil	629, 630
	1207, 1349	Antiphanes	1043	Aristobulus peripatet.	637
Aphrodisiens.	1166	Antiphon	405	frater Epicur.	1230
Syriae rex	1316	Antisthenes	645, 862 seqq.	iudaeus	637
Alexemenus	641	peripateticus	865	Aristoclea	1008
Alexinus	610, 614, 623, 796	Anytus	550, 863	Aristocles	629
Alexis Tarent.	1043	Apellico	800	iunior	795, 796
Almanfor	210	Apollodorus	1228, 1315, 1316	Aristonymus	649
Amasis	448, 1002	grammatic.	1228	Aristophanes	405, 551, 1043
Ameinia	1157	Apollonius Cronus	610, 615	Grammat.	656
Ameristus	1060	Nysaeus	980	Aristoteles	644, 733, 776 seqq.
Amipsias	551	Tyrius	894	nepos	793
Amphidamantus	1210	Apollophanes	969	alii	776
Amphion	402	Apuleius	669	Aristoxenus	989, 996, 1056,
Amphis	646	<i>Aquilianus Scipio</i>	811		1057
Amyntas	778			Asele-	

PERSONARVM ET NOMINVM.

Afclepiades	248	Calippus	968, 1142	Colotes	620, 1250
phliasius	625	Calisthenes	785	Lampsacenus,	892, 1250
Asdrubal	771	Callicratides	1102	Connus	525
Aspasia	525, 539	Callimachus	970, 1185	Conringius Herman.	277
Asiaphus	453	Cambyfes	1004	Cornarius Ian.	659
Astera	647	Canterus, Guiliclm.	33	Coxzandus, Leonh.	35
Astraeus	1020	Caranus	204	Copernicus Nicol.	1062
Athenodorus solensis	968,	Carneades	728, 759	Crantor	727, 743
	972	alii	765	Craterus	882
Tarsensis	972	Cassander	857	Crates	619, 621, 747
Cordyl.	972	Cato censorius	763	Crates Academicus	727, 742
Atlas	311	vticensis	658	alii	743
Attalus	758, 851	Cebes	577	Cynicus	743, 853, 888
Auentia	330	Cephisodorus	796, 1105	seqq.	
Auerroes	795	Cercops	1024	Peripateticus	743
Augustinus	1318	Chabrias	781	Stoicus	743
Autolycus	746	Chaeredemus	1230	Cratylus	652, 640
Axiothea	644, 729	Chaeremon	248	Creophilus	958
Azonaces	139	Chaerephon	535	Critias	570
		Chalcol	86	Crito	524, 570, 576, 1040, 1102
B.		Champerius, Symphorianus	alii	alii	577
Bacchylides	1204		540	Critobulus	570
Baelius, Peter	176	Chamus	69	Critolaus	840, 852
Basilides	1315	Chanania ben Isaac	541	Croesus	454, 455
Beaufobre, Isaac de	983	Charmidas	728, 772, 774	Ctesibius	892
Belus	127	Charondas	436, 1013, 1102	Cudworth Radulph.	174
Berosus	129	Chilon	445	D.	
Bias	447, 609, 999	Choerilus	475	Dacier Andreas	659, 990
Bidpai	210	Chosroës	210	Damafias	459
Bion	540	Chrysippus	754, 894, 974	Damafis	1179
Borysthen.	607, 743	Cicero	774, 981	Damo	525, 1020, 1023, 1024
Bodium	1239	Cidonas	131	Danaë	1250
Boerebista	363	Cleanthes	894, 968, 972, 1209	Daridamis	203
Borrichius, Olaus	277	Clearchus	794	Daniel	94, 1004
Boton	1145	Cleemporus	1097	Dapschelin	210
Brontinus	1020, 1107	Cleobulina	449	Darda	86
Bryfo	602, 619, 889, 1320	Cleobulus	449	Darius Hystaspes	1011
Buddas	202	Cleombrotus	658	David	86
Buddaeus, Io. Francisc.	38	Cleomenes	892	Demaratus	793
Bulagoras	1101	Cleon	1236	Demetrius Alexandrin.	859,
Burlaeus Gualter.	34	Clinias	1040, 1102	magnet.	892
		Clinomachus	610, 614	Phalereus	841, 854, 856
		Clysthenes	436	Poliarcetes	648
Cadmus	234	Clitarchus	619	Lacon.	1313
Caduites	358	Clitomachus	728, 765, 771	alii	859
Cain	57	seqq.		Demochares	796
Calanus	204	Coetus	639	Democrates	1231
				Demo	

I. I N D E X

Democritus	1143, 1177 seqq.	Diotogenes	1102	Euphorbus	1013
	1231	<i>Dornius, Io. Christoph.</i>	32	Euphianor	1328
Demophilus	790	Draco	436	Euriphamus	1102
Demosthenes	644	Dromocrides	405	Euripides	570, 634, 1201
<i>Deslandes</i>	37	Dryfo	619, 1320	Eurymedon	790
Diagoras Melius	1103, 1143,	E.		Euryphanus	1040
	1203 seq.			Eurytus	639, 1102
Dicaearchus	854, 996	<i>Eberti, Adam</i>	210	iunior	1137
grammatic.	855	Echeclus	892	Eutherus	570
Diceneus	362	Echecrates	639,	Euthydemus	570
Didymus	1043, 861	Timaeus	1041, 1105	Ezechiel	1004
Dio Syracus.	644, 649 seqq.	Epphantus	1102	F.	
	728 seq.	Egefinus	728, 759		
Diocheta	1157	Empedocles	1014, 1102, 1106	<i>Fabricius, Io. Alb.</i>	32, 1319
Diocles Cnidius			seq.	Fannius	980
Magnes	1319	tragicus	1109	Fauorinus	1319
Megarens.	618	Enoch	61, 311	Fault Ioan. magus	1016
Phliafius	1105	Enos	61	<i>Feind, Barthold</i>	38
Diodorus Cronus	610, 615,	Epicharmus	1102, 1121	<i>Ficinus Marfilus</i>	540, 628,
	853, 896	Epictetus	622		659
Aspendius	1031, 1101	Epicurus	749, 843, 898, 1230	Frea	330
Xenoph. filius	573		seqq.	<i>Frisius, Io. Iac.</i>	34
Diodotus	1209	Epigenes	570	G.	
Diogenes Apollon.	514	Epimenides	419, 1009, 1014		
Babylon.	894, 979	Epiphanes	971	<i>Gale Theoph.</i>	35
Cynicus	618, 645, 652,	<i>Epiphanius</i>	33	Gargettius	1232
	871 seq.	Epitimides	600, 601	Gartydas	1101
<i>Laërtius</i>	32, 627, 990	Erasistratus	842	<i>Gassendus Petr.</i>	1229, 1252
Seleucienf.	1316	Eratoſthenes	970	<i>Gautier, H.</i>	37
Smyrnaeus	515	Erillus	968, 971	<i>Genzkenius, Frider.</i>	38
Tarsenf.	1315	Erotium	1239	<i>Gefner, Conrad</i>	33
Diomedon	1168	Erymneus	853	Glauco	577
Diomenes	1203, 1207	Ethan	86	Glaucus Rhegin.	1179
Diomus	851	Euander	728, 758	Glycera	620
Dionysius senior	639, 649 fqq.	Eubulides	610, 613, 796	Gorgias	862, 1201
	728 seq.	Eubulus	1328	Gortydas	1101
iunior	1141	Euclidés archon	612	<i>Grauius, Abraham</i>	35
Carthaginenf.	610	geometra	611, 645	<i>Gronovius, Iacob</i>	33
dialecticus	602	Megarensis	610	Gryllus	573
grammat.	630	Eudemus	854, 856	<i>Gudius, Marquardus</i>	1121
Heracleotes	609, 968,	Eudoxus	634, 1129, 1140	<i>Gundling, Nic. Hieron.</i>	38
	971	Euemerus	604	H.	
Metathemenus	968,	Euenus	525, 570		
	971, 1315	Euhemerus	604	Harpagus	1142
Dioscorides		Eumenes	851	Harpalus	1142
Cyprius	1328	Eumetis	449	Hecademus	642
Diotima	525	Eumolpus	401	Hecataeus	1325
Diotimus	861	Euphantus	610, 615	Hecato	980
				Hedia	1239
				Hegesias	600
				Hege-	

PERSONARVM ET NOMINVM.

Hegefilaus	759	Hostanes	159	Leontium	843, 1239, 1248,
<i>Heinsius, Daniel</i>	894	<i>Hustius, Petr. Dan.</i>	37		1250
Heman	86	Hyperides	644	Leonteus	1250
Heraclides Pontic.	854, 856, 1328	Hyttaspes	158	Leucippus	1142, 1171 seq.
Heraclitus	1025, 1166, 1208	I.		Linus	372
peripatet.	1211	Iacobus	75	<i>Lipsius, Iustus</i>	894, 921
Herillus	968, 971	Iadmon	454	Lockmann	226
Hermachus	1249, 1315	Iannes	278	Lucius Tubero	1328
Hermagoras Amphib.	969	Iamblichus	990	Lucretius	1228
Hermes	252	Iambres	278	Lyciscus	840
Hermias	782	Iarchas	204	Lycophilos.	796, 840, 851 sq.
Hermippus Peripatet.	622	Iafon	981	Iaseus	990
<i>Smyrnaeus</i>	154, 798	Iauan	218	Lycurgus	437
Hermodamantes	998, 999	Ichthias	610	orator	644
Hermodorus	658	Idmon	454	Lyfania	970
Hermodorus Jctus	1209	Idmeneus	1248, 1250	Lyfias	552, 570
Hermogenes	570, 551, 632, 1157	Ieremias	627	Lyfis	1038, 1039, 1040
Hermotimus	493, 1015	Iobus	97	M.	
Herodotus Tarsenf.	1328	<i>Ionfius, Ioan.</i>	32, 778		
Herpylis	792	Iosephus patriarch.	76		
Hesiodus	406	historicus	59	Mandanis	208
Hefus	328	Isaacus	74	Manetho	250
<i>Heumann, Christoph. Aug.</i>	38	Ifocrates	644, 1201	Mannus	330
<i>Heurnius, Otto</i>	6, 104	Ifter	622	Marcellus	981
Hiero	1121, 1144	Iubal	59	Marmaridius	130
Hierocles	748	Iuna	218	Marmarium	1239
Hierombalus	236	Iupiter Belus	127	Mausolus	1141
Hieronymus peripat.	747, 749, 840, 854	K.		Melampus	403
rhod.	859	<i>Kusterus, Ioann.</i>	34	Melanthius Rhod.	772
Hipparchia	890 seq.	Keiomarathus	161	Meleager	893
Hipparchus	1031, 1040, 1043, 1102	L.		Meliffa	764, 1040
Hippasus	1024, 1107, 1135	Laberius	1181	Meliffus	1143, 1166 seq.
Hippias	1060	Lacydes	728, 757, 1326	Melitus	550
Hippo	1102, 1103	Laelius	980	<i>Menagius</i>	37
Metapont.	1103	Lais	588, 881	Menedemus cynic.	625, 892 f.
Hippocus	226	Lampo	525	eretriac.	622 seqq.
Hippodamus	1040, 1102	Lamprus	525	Menippus	893
Hippocrates	1182, 1223	<i>Lange, Ioachim.</i>	38	Lycius	893
Hipponicus	746	Lathenia	644, 729	Menodotus	1328
Hippobotus	1210	Lafus	1135	Mentor	765
Hippoclidus	1235, 1315	<i>Lehmann, Io. Iac.</i>	990	<i>Mercurialis, Hieron.</i>	1217
Homerus	422, 747	Leodamas Thafius	642	Mercurius	252
<i>Hornius, Georg.</i>	35	Leodamantes	998	alter	258
<i>Hist. philos. Tom. I.</i>		Leon	1009	Metellus	631
		Leontinus Gorgias	549	Meton	1142
				Metopus	1040, 1102
				Metrocles	891
				Metro-	

I. INDEX

Metrodorus	793, 1207	O.	Philænis	1239, 1247, 1250	
epicureus	1248	Ocellus Lucanus	818, 1102, 1122	Phileta	748
theoreticus	619	Oeylus	1122	Philippus Maced. rex	734, 783
medicus	1121	Odinus	330	Philiscus	886, 1247, 1316
Straton	1249	Oenomaus	865	Philistio	1140
Milo Crotoniat.	1021	Olearius, Godofred.	35	Philistus	651
Minos	437, 1010	Olympiodorus	628	Philo	616, 728, 773
Alithridates Perfa	654	Onesicritus	886	Byblius	238, 239
Mnemarchus	1101	Onetor	618	alii	774
Alnesarchus	980, 1010, 1101	Oporinus, Ioach.	8	Philochorus	1102
Mochus	230	Orestades	1145	Philomarus	1288
Moderatus	990, 1043	Orpheus	373	Philolaus	1025, 1043, 1062, 1102, 1105, 1129, 1136
Moeris	1060	Osthanes	159	Philonis Thebanus	968
Monimus	886	Otanes	159	Philumenaris	1287, 1288
Morellius, Guil.	34			Phocion	886
Morgo	1009			Phocylides	456
Moschus	230			Phormio	840
Phædon. discip.	623	P.		Phrasidemus	619
Moses	78, 120	Pæonius	619	Phryne	734
Mus	1249	Pamphilus	1231	Pilpai	210
Musæus	400	Panætius	980	Pindarus	1204
Mycon	896	Pandæmus	896	Pisaurus, Aloysius	34
Myca	1020, 1040	Panthea	1108	Pisistratus	437
Myrtus	528	Paræbates	600, 601	Pittacus	446, 983
Myson	442	Parckerus, Sam.	1292	Plato 627 seqq.	780, 1038, 1041
		Parmenides	1143, 1157	comicus	630
		Parmeniscus	1145	Plistanus	622
N.		Pasicles Thebanus	618	Plutarchus	32
Naburianus	131	Palipho	576	Polemarchus	1142
Naufiphanes	1203, 1231, 1322	Patricius, Franciscus	777	Polemo acad.	727, 740, 896
Nazaratas	131, 1003, 1006	Patron	1315	stoicus	741
Nearchus	1168	Pausanias	1209	alii	741
Nectanebis	1141	Periander	450	Pollis	650
Neleus Scepius	799	Pericles	437, 492, 526	Polus	1040
Neocles	1228	Perictiona	628	Polyænus	1249
Nellus	1203, 1205	Pythagorica	1065	Polybius	980
Nicanor	793	Perfæus	623, 968 seq.	Polycrates	999, 1005, 1011, 1235
Nicarete	618	Peyrerius Isaac	104	Polygnotus	896
Nicedium	1239	Phædo	622, 645	Polymnestus	1105
Nicocreon	1208	Phædrum	1239	Polystratus	1315
Nicolochus	1328	Phædrus Alexis	647, 1315	Pompejus	981
Nicomach. auus	778	Phalantus	969	Porphyrius	990
nepos.	793, 841	Phalaris	355	Posidonius	894, 968, 980
Nicoteles	601	Phanias	854, 856	Potona	629
Noachus	66	stoicus	857	Praxiphanes	840
Numa	347	Phanocritus	1140	Praxiteles	840
Numenius	1043, 1325	Phanton	1105		
Apamenfis	1325	Pherecydes	982, 998, 999		
Nuschiruan	210				

Praylus

Praylus

PERSONARVM ET NOMINVM.

Praylus	1328	Seleucus Seleucienf.	131	Telecles	758
Pritanes	840	Semiramis	127	Terpander	437
Proclus	793	Semus	69	Teucus Babylonius	130
Prodicus	525, 1201	Serranus, Ioan.	659	Teutates	328
Cejus	549, 1201	Seruius Tullius	1005	Thates Cres	442, 462
Prometheus	368	Sethus	58	Milef.	458, 999, 1069
Protagoras	641, 1143, 1200	Sextus Empiricus	32, 1319, 1328	Thamyris	401
Protarchus	1315	Simmius	577, 619	Theages	1040, 1102
Proxenus	779	Simo	1058	Theano	989, 1019, 1040
Ptolemæus Claudius	1319	Simon	577	Thebet Ebn Korra	226
Cyrenæus	1328	Siren	969	Themista	1239, 1250
Ptolemæus Lagi	857	Socrates	523	Themistoclea	1008
Leucus	1317	alii	522	Themistocles	494
philadelphus	799, 845	Solon	436, 442	Theodas	1328
philopator	971	Sonchis	1002	Theodoria	748
foter :	618, 857	Sophocles	625	Theodorus Atheus	602
Pyrrho	1320	archon	841	Cyrenaic.	599, 642
ephecticus	602	Sophon	1122	geom.	642, 525
Pyrrius Del.	1015	Soficrates	744, 747	Theodosius	1319
Pythagoras	994 seqq.	a Soto, Dominicus	540	Theognis	456
pugil	998, 999	Speusippus	644, 652, 727, 728, 1041	Theombrotus	892
alipies	1106	medicus	730	Theomedon	1141
Pythias	782, 792	Sphærus	622, 968, 971, 1209	Theophrastus	799, 840 seqq.
Pythogrius	798	Sphines	204		1107
R.		Stanlejus, Thomas	35	Theopompus	985
Regis, Petr. Syluan.	37	Stilpo	610, 617, 886, 896, 1324	Theorides	1102
Reimmann, Iac. Frid.	91	Stobæus, Ioan.	33	Theotimus	1243
Rhadamantus	437	Strato		Theramenes	1201
Rhodopis	454	Lampfac.	840, 845	Theseus	437
Rondellus, Iac.	1229	Sturlæson Snorro	327	Theut	252
a Ryffel, Io. Iac.	35	Sudinus	131	Theutates	328
S.		Suidas	34	Thomasius, Christian	38
Saba	218	Sylla	643, 800	Iacob	35, 921
Sabius	218	Sylofon	1004, 1011	Thoot	252
Sæmund Sigfusonius	326	Synallus	599	Thoron	330
Salomon	86	T.		Thoyt	252
Sanchuniathon	236	Taaut	252	Thrasimachus Corinth.	618
Sara	1020	Tachmurath	218	Thrasymachus Soph.	549
Sarpedon	1328	Tachurith	218	Thrasyllus	1043, 1185
Satyrus	969, 1168	Tages	343	Thubalcain	59
Saturninus	1328	Taraneg	328	Timæus Locrus	813, 1102
Saulius	358	Tarquinius	1005, 1011		1127 seq.
Scipio	980	Tauromenites	793, 795	Timæus Tauromenites	795
Schottus, Andreas	777	Telauges	1020, 1101, 1144	Timarchus	892
Sechnuphis	634			Timocrates	1242, 1250
				Potamonius	1250
				Timon Misanthrop.	582, 624
				Phliafius	1325
				Timo-	

II. INDEX

Timotheus	781	Xantippe	528	Zeno Sidonius	901, 968, 979,
Toxaris	360	Xeniades	872, 883, 888		1243, 1315
<i>Triller, Dan. Wilh.</i>	1227	Xenocrates	644, 727, 732, 781,	Tarsensis	894, 979
Triptolemus	436		783, 896, 1041	alii	901
Tuifcon	330	Xenophanes	1105, 1143 seqq.	Zenodotus	676, 858
Tuisto	252	Poëta	1146	Zerba	362
Tydas	1101	Xenophilus	901, 1105	Zerdusht	144
Tyrannio	800	Xenophon	571, 645, 1201	Zeuchus	130
Tyrtæus	437	Xerxes	1177	Zeuxippus	1328
Tyrtamus	840			Zeuxis	1328
	V.	Z.		<i>Zierold, Io. Wilh.</i>	38
<i>Vines, Ludou.</i>	34	Zabratus	131, 1003, 1006	Zoilus	427, 998
<i>Vossius, Gerard.</i>	35	Zaleucus	435, 1013	Zopyrus	893
	W.	Zamolxis	361, 1020	Zoroaster	116, 1003, 1007
<i>Walther, Godofr.</i>	1166	Zaratus	131, 1003	Perfa	218
<i>Wolfius, Io. Christoph.</i>	33	Zarmocenides	130	Zorodashtus	218
	X.	Zeno Cittieus	602, 619, 749,	Zoromasdres	130
			894 seqq.	<i>Zwinglius, Huldricus</i>	540
Xanthus	746, 1326	Eleates	641, 1143, 1167 sq.		



II. INDEX

R E R V M E T M A T E R I A R V M.

	A.	Accidens, ejus classes	807
A	baris, philosophus Scythicus pag. 354	Acetum scilliticum magnæ virtutis est	1297
	an cum Pythagora conuenerit	Acroamatica, quænam ab Aristotele ita dicta	789
	in. postor fuit	Actus in Aristotelis Metaphysica quid	828
	Abii inter Scythas quinam	Acusmatici quinam	1031
	Abrahamus, ex Philosophorum choro ejicitur 72. Zoroaster Arabibus dicitur	Acustici quinam	ibid.
	Abſtinentia Pythagoricorum a carne & piscibus	Adiaphora, quæ ſint ex Herilli mente	971
	Academia vnde nomen fortita 642. qualis locus fuerit 642. ab hac ſecta Platonica nomen accepit 643. prima, quæ 728. media, quæ 746. origo illius methodi philoſophandi receptæ 749 ſeq. noua, illius origo 759. obſeruaciones de ejus philoſophia 767. quarta conditor quis 773. quinta conditor quis.	Adoleſcentes philoſophorum Indicorum ante prandium recitant quid boni per diem egerint.	200
	Academiæ in Ægypto a Iosepho inſtitutæ non ſunt	Adulatio Anaxarchi erga Alexandrum M.	1207
	Academica ſecta 672 ſeq. diſcrimen inter illam & ſcepticam	Ægritudo ſententiæ Epicuri de illa	1312
	Acatalephia, primum ejus fundamentum 755.	Ægyptii antiquiſſima natio, ſapientiæ laude inclyta 244. diſſicultates in eorum hiſtoria philoſophica 245. ſcriptores de eorum philoſophia 248. eorum Reges Dei & ſemidei vnde orti 254. ſapientiam arcano modo docebant 268. eorum tota philoſophia ad imperii & ſacerdotii commoda refertur 273. num Atheis annumerandi.	285
		Ænigma.	

RERVM ET MATERIARVM.

Ænigmata, in illis struendis reges & principes orientis se exercent 216. Pherecydis explicatum 988	omnes 1070. contentionis studium ab illa remouendum ib. nunquam ab illa fides remouenda ib. non propter infortunium reprobanda ib. in vera plurima legibus circumscripta sunt ib. peregrinæ declinandæ ib. Epicuri de illa sententia 1314
Æquinoctium, quis primus obseruauerit 480	Amictus Pythagoreorum 1035
Æquipollentia quid ex mente Aristotelis 808	Amicus quomodo comparandus 567
Æquum a iusto differt 838	Amor, an in theogoniis summum numen indicet 416
Aër principium omnium rerum habetur 488, 515. & Deus 489. densus mundos gignit 517. vnde pellucidus factus 520. vnde nascatur 820. ejus diuisio apud Stoicos 944. quid sit Pythagoræ 1088	Amphion fabula de illo explicatur 403
Æsopus, vita ejus 453. an fabulas ejus Socrates versibus complexus sit 554	Anacharsis philosophus Scythicus 358 seq.
Æternum ex Xenophanis mente quid 1148	Analytica Aristotelis, quæ 805
Æther quid sit mente Anaxagoræ 509. quid sit Pythagoræ 1088. ex mente Stoicorum Deus summus 942	Anatomia, num illius peritus fuerit Salomon 92 seq. a Democrito exercita 1180
Æthiopes, eorum historia philosophica obscura & incerta 305. ex Ægypto originem traxerunt 306. origines eruditionis & philosophiæ eorum 306. facies philosophiæ æthiopiciæ 307. an athei 308	Anaxagoras vita ejus 492. chronologia ejus 497. an publicas instituerit lectiones 500. an duos Deos supremos statuerit 508
Ætna an Empedocles se in illam injecerit 1110	Anchora, an Anacharsis eam inuenerit 360
Affectio animæ, quæ & qualis 765. in Logica Cyrenaicorum quid sit 595	Angeli, an ab illis philosophia orta 50 a Magis: tanquam mediatores inuocati 184. n. an quis eorum Socratis genius fuerit 545 seq.
Affectus quid sint 725. duo præcipui voluptas & dolor 1279. quatuor generales qui 1280	Anima, doctrina de illa ex Zoroastri oraculis 187, 188. origine cœlestis a Deo genita, & cum Deo cognata habetur 206
Agrigentum nobilissima post Syracusas ciuitas 1106	indumentum ejus corpus Indis dicitur 207. immortalitatem ejus Ægypti credunt 295. ejus metempsychosis an ab Ægyptiis credita 296. status ejus post mortem qualis ex mente Ægyptiorum 297. doctrina Æthiopum de illa 309. doctrina Celtarum de illa 335
Albedo, quid mente Democriti 1196	status ejus post mortem ex Celtarum mente 339. Orphei de illa doctrina 399. Thaletis 474. inanimatis quoque inesse dicitur 475. a mente distinguitur 513. aërea putatur 513. habitare in arteriosa cordis cauea dicitur 517
Alchemia, ejus notitia apud veteres auctores extat nulla 70	Socratis de illa doctrinæ 563. præexistunt 580. Platonis doctrina de illa 712 sqq. ex Deo est 713. habet aliquid ex materia 714. in astris habitauit 715. tres habet partes 717. est immortalis & causa motus 718. fati legibus subiecta 718. est numerus, qui a se ipso moueatur 739, 1090
Alexander M. an illi nomen philosophi debeat 784. n. an ab Aristotele veneno interfectus 786. græcanicam ad alias gentes transfert 1349. fortunæ ejus influxus in philosophiam apud Africæ gentes 1350	ex omnibus esse concretam Crantor statuit
Alexandria, Bibliotheca ibi condita 858	
Amatoria species est amicitiae 726. Socrates illam discit a Diotimo 526	
Ambarualia, qualis festus Atheniensium 552	
Ambitio Antistheni a Socrate objecta 863	
Cynicæ virtutis mater 868	
Amenthes, quis locus 296	
Amicitia quomodo fiat 726. cum virtute conjuncta est 838. datur omnium erga	

II. INDEX

- tuit 744. Aristotelis doctrina de illa 820
 seqq. sedes illius in superciliorum medi-
 tullio est 850. cum corporis sensibus ar-
 ctissime illam conjungit Strato 850. Stoi-
 corum de illa doctrinae 950. mortales &
 immortales sunt 950. redibunt in cor-
 pora pristina post vniuersalem rerum
 omnium combustionem 951. octo ejus
 sunt partes ib. ejus sedes post mortem
 inter sidera est ib. purgatorium habent
 952. sphaerae instar vniiformis sibi natura
 sua est 960. inter animam & mentem
 distinguunt Stoici 960. anima libera est
 961. ejus immortalitatem Pherecydes
 Graecos primus docet 984, 989. totus
 aer plenus animarum est 1083. est auul-
 sio aetheris calidi ac frigidi 1090. in ra-
 tionalem & irrationalem partem diuiditur
 ibid. 1195. omnium animantium & bru-
 torum sunt rationales 1090. initium ani-
 mae a corde ad cerebrum est 1091. pars
 ejus rationalis immortalis est ib. sangui-
 ne nutritur ib. vincula ejus venae, arte-
 riae, & nerui sunt ib. mens extrinsecus
 animae inferitur ib. quaternionem in se
 habet ib. corpus carcer ejus est ibid. in
 terram ejecta vagatur in aere corpori si-
 milis ib. nulla interit, sed post certos fati
 circulos noua subit corpora 1092. anima
 gignitur ex humido 1104. duplex homi-
 ni est ex Empedoclis mente 1117. ejus
 migratio ex Empedoclis sententia 1119
 constat natura ignis 1136. spiritus est 1156
 ignis quidam & calor est 1195. mortalis
 est & cum corpore perit ib. mens vnum
 idemque cum illa est ib. animae potior,
 quam corporis ratio est habenda 1199
 de ejus natura nihil certum definiri potest
 1221. discedentes ex hac vita in animam
 vniuersi abeunt ib. Epicuri doctrina de
 illa 1277. corpus tenuissimum est 1277
 non per se sola sentit ib. distinguere potest
 inter animam & animum 1279. post ho-
 minis mortem dissipatur 1281
- Anima mundi an Deus a Socrate creditus**
 562. a Platone quae 701 seq. supramun-
 dana, quae 713. an Aristoteles illam sta-
 tuerit 826. n. Stoicis quae 929. ab Em-
 pedocle 1113. ex Heracliti mente quid 1215
 est opifex rerum omnium ib. ex humi-
 da euaporatione est 1220
- Animalia prima, quomodo nata, 487, 513, 520**
 inanimata nasci dicuntur 517. mens eis
 inest 520. illa condenda inferioribus Diis
 permittum 712. non sunt immolanda 1072
 eorum corpora fortuito particularum si-
 milarium concursu efformata 1119. pri-
 ma quomodo genita, mente Epicuri 1273
- Animantia ex putridis nascuntur 820**
- Animositas Zenonis Eleatae 1167**
- Animus, distinguitur ab anima 1279. noster**
 cognatus Diis immortalis & aeternus ma-
 net 185. quare in mortale demittatur cor-
 pus ib. tabula cerea habetur 672. plane
 nihil est & nomen inane 854. Stoicorum
 de illo doctrina 949. est particula Dei 950
 est spiritus igneae naturae 950. per simu-
 lacra cogitat 1279. sedes ejus media pecto-
 ris regio est ibid. pars ejus principalis in
 pectore residet 1164. affectus ejus, qui
 1279. hi vbi sint 351
- Anniceria secta, quae 601**
- Annius Viterbiensis monumenta Berosi ef-
 finxit 130**
- Annus, a Thalete in 365 dies diuisus 477**
 annus magnus Stoicorum quid 946. an-
 nus magnus Platoniorum 711
- Anthropologia Stoica, quae 948**
- Antichthon Pythagoreorum quid 1062**
- Anticipatio mentis, quid 1258. est in omni
 ratiocinatione principium ib.**
- Antipodes an Anaximander illos crediderit
 486. a Pythagora crediti 1063**
- Antra numinibus & oraculis celebria 1010 n.**
- Apathia Stoicorum quidnam ejus funda-
 mentum 955. illi sapiens deditus est 965**
- Apollonia, quot vrbes hujus nominis 514 n.**
- Aporetici, vnde Sceptici ita dicti 1318**
- Apotelesmata, quatenam sint 140**
- Appetitus duplex, voluntas & sensitius 823**
 animantium primus quis ex Stoicorum
 mente 961. venereus vnde oriatur 1120
- Apprehensio fit per sensus 916**
- Approbatio quomodo fiat 917**
- Aqua an principium omnium rerum ab Or-
 pheo facta 395. quo sensu a Thalete in-
 ter**

RERVM ET MATERIARVM.

ter rerum primordia posita 465 seqq.
vnde nascatur ex opinione Aristotelis 820
Arabes; vetustissimis philosophia adscribi-
tur 213. denegatur 214. eorum origo
ab Abrahamo incertissima 215
Arcades, leges ad rempublicam ordinandam
a Platone sibi expetunt 648
Argumentatio, in illis non assumptionibus sed
conclusionibus utebatur Euclides 612
quibus ex rebus consistat 919
Argumentum, dialecticum quo nitatur 819
Stoicorum de illo doctrina 920
Arimanius, quis sit, 171, 177. a summo
Deo genitus 178. fons est materialium
substantiarum 179. ex Zoroastri oracu-
lis describitur 188
Aristippus sectæ Cyrenaicæ auctor 584
causæ inuidiæ erga illum 585. de ejus
educatione nihil est cognitum 585. cul-
tui corporis & elegantiae studet 586
an cum Laide conuersatus sit Æginæ 588
ejus peregrinationes male interpretan-
tur 587 seqq. aulicis se attemperauit mo-
ribus 590. ejus ingenium & mores 591
scripta 592. doctrina ibid. quasnam phi-
losophiæ partes coluerit 593
Aristoteles in recensendis veterum systema-
tibus non fideliter versatus 464, 797
scriptores de illo 776. natiuitas & edu-
catio ejus 778. Platoni acceptus 780
an Platonein ex Peripato expulerit 781
conuictus Hermiæ 782. Pythiada vxor-
em ducit 783. non eius in aula Philippi &
Alexandri M. 783. mora cum Alexandro
ad Indos profectus 785. an Alexandrum
veneno interfecerit 786. vita Athenis
acta & schola aperta 787. peripateticus
cur dictus 787. methodi ejus ratio 789
impietatis accusatur 790. Chalcidem Athe-
nis fecedit 790. Chronologia ejus 791
mors 791. matrimonium & liberi 792
corporis & animi virtutes & vitia 793
imagines ejus 793. n. pietas 794. an fuerit
Iudæus aut ad eorum castra conuersus 794
salus ei æterna adtribuitur 794. elogia 795
vitia ei objecta 796. scripta ejus 798. qui
illa in ordinem digesserint 798. eorum
fata 799. ineluctabilis obscuritas in il-

lis 801. scopus philosophiæ ejus 803
aulæ moribus philosophiam aptauit 804
philosophia ejus naturalis incerta & va-
ga 804. mathematica intempestiue im-
miscet 805. non omne pretium philo-
sophiæ ejus denegandum 805. Logi-
ca 805. philosophia naturalis 811. Psy-
chologia 820. Metaphysica 826. an
Atheis annumerandus 832. eius philo-
sophia practica 835. successores 840
Arithmetica, nobilissima apud Pythagoreos
scientia 1045
Arithmomanthia, quid 1056
Arma, eorum inuentor Thubal-Cain puta-
tur 60
Arrogantia philosophiæ Stoicæ vnde 905
Artes liberales a Cynicis repudiatae 868
Aruspicina ab Arabibus excogitata fertur
215 n.
Ascesis philosophica a Gymnosophistis su-
scepta 197. quare id non adeo insanum
videri debeat 198. Pythagoræ, quæ 1027
Aschaphim, quoniam fuerint 115
Assensio, quomodo fiat 917
Astrologia apud Chaldæos primum culta 108
ei deditus fuisse Abrahamus perhibetur 72
ejus cultor & inuentor Zoroaster fertur
122. vti & Belus 127. eam Berofus do-
cuit 130. Chaldæorum doctrina de illa
138 seqq. eam Indi coluere 209. judi-
ciariæ sunt Ægyptii dediti 278, 304. per
Orpheum inter Græcos introducta 378
Astronomia, an Noachus fuerit illius peritus
69. an Semus ib. an Abrahamus illam
Ægyptios docuerit 73. an a Setho in-
uenta & exculta 58. chaldaicæ antiquitas
103. de opinionibus astronomicis Chal-
dæorum paucissima constant 141. cui in-
uentionem ejus Ægyptii tribuerint 264
quis ejus apud Ægyptios status 274. do-
ctrina Ægyptiorum de illa 303. an a Cel-
tis culta 341. Orphei doctrina de illa 398
a Thalete inter Græcos introducta 477
animos ad superiora dirigit 720. Pytha-
goreorum doctrina de illa exponitur 1061
Atheus, an Ægyptii illis annumerandi 285
an Æthiopes 308. an Celtæ 331. an Scy-
thæ 353. an Anaximander fuerit 481
an

II. INDEX

- an Anaximenes 490. an Anaxagoras 508
quare Theodorus ita dictus 602. an hic
re vera fuerit Atheus 603. an Euemerus
iis annumerandus 605. an Bion Borysthe-
nites 608. an Stilpo 621. an Plato 682
an Clitomachus 773. an Aristoteles 832
an Strato 846 seqq. an Stoici 936. an
Aristo Chius 970. an Chrysippus 976
an Pythagoras 1080. an Empedocles 1114
an Ocellus Lucanus 1126. an Parmenides
1161. an Melissus 1167. an Diagoras Me-
lius 1204. an Epicureus 1291 seqq. So-
crates non fuit 530
- Atlas quis fuerit 311. unde coeli bajulus di-
ctus 312
- Atomi, illas Diodorus Cronus statuiffe di-
citur 617. an Plato admiserit 683. Pytha-
goras reiecit 1086. a Leucippo principia
rerum factæ 1175
- Atomi & inane omnium rerum princi-
pium 1187. plenum constituunt quod
solum ens est 1187. Qua ratione infini-
tæ sint 1188. proprietates, figura & ma-
gnitudo ibid. atomus atomo grauior
est 1189. omnibus vero aliis qualitati-
bus destitutæ ibid. in infinito vacuo
mouentur 1190. motus illorum æter-
nus est & obliquus ibid. in vacuo agi-
tatæ concrefcunt ibid. ex rapidissimo
illorum motu omnia creantur ibid. In-
finitæ sunt numero & figura 1192. Epi-
curi doctrina de illis 1262 seqq.
- Atomisticum systema, an a Moscho inuen-
tum 231. an a Sanchuniathone expref-
sum 241. illi Diodorus Cronus addictus
dicitur 617. Leucippi differt ab Epicuri
systemate 1174. quo dogmate Epicurus
suum separauerit a Democrito 1264
Empedoclis differt a Democritico 1115
- Auaritia Speusippo objicitur 729
- Auditores Pythagoræ quomodo explorati
1026
- Auditus unde 517. infinitus materialis cau-
sa omnium rerum est 519. quomodo
fiat ex mente Empedoclis 1120. & Alc-
mæonis 1134. ratio ejus, qua in re sita
ex mente Epicuri 1278
- Auguria, quis eorum apud Etruscos dica-
tur inuentor 343
- Autochiria unde Stoicis accepta 966. a Py-
thagora rejecta 1069
- Axine, quare Lais ita dicta 881
- Axioma Stoicis quid 919. metaphysicum
primum quod 827
- ### B.
- Babylonii, philosophi Chaldaici 114
- Bajulus Protagoras fuit 1200
- Barbarus, vocis hujus origo 46. qui ita di-
ctus 47. eruditionis elegancia barbaris
denegatur 48. vt & philosophia ibid.
an philosophia ab illis culta 49
- Bardi quinam fuerint 320
- Beati, quid de illorum philosophia sentien-
dum 51
- Beatitas, quomodo consequatur 955. vn-
de oriatur 1131
- Beatitudo propter particulares voluptates
eligenda 596. quid sit 732, 742. quo-
tuplex sit 838
- Bellum rerum omnium genesis 1218
- Belus cultor & inuentor fideralis scientiæ
habetur 127. nomen ejus appellatiuum est
128
- Beneuolentia, quid sit ex mente Aristotelis
838
- Berosus, quis fuerit 129. ejus scripta 131
- Beta eruditorum, quis ita dictus 970
- Biblia, an Demetrius Phalereus suasor he-
bræorum vertendorum Ptolomæo Phila-
delpho fuerit. 858
- Bibliotheca, an Demetrius Phaler. Alexan-
drinæ fuerit præfectus 858
- Bona, apud Pythagoreos sunt communia
1028
- Bonum, de ejus origine quid Persæ docue-
rint 177. verum non in hujus vitæ feli-
citate quærendum 564. vnicum scientia
habetur 565. corporis, non verum bo-
num 722. vnicuique bono suus ordo tri-
buendus est 745. Stoicorum de illo sen-
tentia 956. omnia sunt æqualia 957
quomodo Sceptici doctrinam Dogmati-
corum de illo impugnauerint 1346. a
Deo petendum est 1072
- Bonum

RERVV ET MATERIARVM.

Bonum summum est voluptas 596. est vni-
cum diuersis tantum nominibus praedi-
tum 612. mens nullis passionibus obno-
xia 621. vnum est 626. primum Deus
est 721. acquiritur actione virtutis 836
quid sit ex mente Critolai 853. ex men-
te Hieronymi Rhodii 859. Stoicis
quid 935. beneplacitum est. 1221
Borsippeni philosophi Chaldaici 114
Brachmanes philosophi Indorum 192
vnde eorum nomen ib. qui fuerint 194
eorum vitae ratio 196
Britanni de eorum philosophia quid senti-
endum 313
Bruta rationis et aëris partem percipiunt,
sed non sentiunt 517. esse machinas ra-
tionis et sensus expertes an Diogenes sta-
tuerit 885. anima rationali sunt prae-
dita 1090
Buddas philosophus Indus cum Budda Ma-
netis praeceptore confunditur 202. quis
fuerit ibid. seq.

C.

Cabbala, an Abrahamus in illa versatus 74
an Moses illam docuerit 81, 85
Cadmus non inter philosophos referendus
235
Cain, an philosophiae sectariae conditor fue-
rit 57
Calani, philosophi Indici 194
Calanus philosophus Indus Alexandrum M.
sequitur 204
Calidum immortale esse videtur 1225
Calor terrae, homines gignit 520. ex Epi-
curi mente quid 1270
Caluus, qualis fyllogismus 614
Canon monochordi Pythagorae inuentum
1059
Canonica Epicuri, quae 1256. apud Pytha-
goram quid 1057
Cantus, mores atque affectus illis emendan-
tur 1059
Cardines in Astrologia quatenus signa sint
139
Carmen, lyricum Linus inuenisse dicitur
372

Carmelus mons, in templo eius Pythagoras
solus versatur 1001
Carneades, lis de eius aetate 760. vita
eius 762 seq. doctrina eius 765. qui-
busnam in rebus discesserit ab Arcesilao
767
Caro, ab eius esu Pythagorei abstinent 1036
exaequalibus quatuor elementorum par-
tibus constat 1120
Castitas Socratis 539. Xenocratis magna
734
Casus, quatenus causa effectuum sit 815
Categorema Stoicis quid 919
Categoriae quis inuenerit 806. vnde Ari-
stoteles sua hauserit 1130
Causa, quot genera earum statuerit Aristo-
teles 814. accidentales quatenus sint ib.
Cautio Stoicis quid 962
Cebes an autor tabulae sub suo nomine notae
578
Celtae, quinam populi sub hoc nomine ve-
niant 313. eorum historia philosophica
difficilis & incerta 313. nihil scripto con-
signarunt 314. eruditos habuerunt 316
quae de eorum philosophia notanda 327
an atheismi rei sint 331
Cericus, quare Academia ita vocata 642
Certum nihil cognosci potest 1153
Chaldaei, eorum philosophia antiquissima 102
eorum astronomiae antiquitas 103. supra
Mosis aetatem eorum eruditio euehenda
est 104. difficultates in eorum philoso-
phiae historia 104 seq. aliorum placita
pro vetustissima eorum sapientiae reliquiis
venditantur 105. quae fuerit eorum phi-
losophia 106. cum Magis confunduntur
106. cultui diuino sunt dediti, ib. eorum
religio 107. diuinitas ex sideribus 108
studium celandi dogmata & disciplinae ar-
cana 111. eorum eruditio philosophiae
nomine indigna 112. eorum Sectae 113
quis eorum philosophiae conditor 116
quare eorum philosophia incerta 131. do-
ctrina eorum de Deo 132. de daemonibus
133. de diuinis 136. eorum Magia 136
Astrologia 138
Chaldaeus vnde idem quod Astrologus 109
quem

II. INDEX

quem Vitringa hoc nomine insignitum vult	115	ta Tarentino factum	1129
Chamius Zoroaster putatur	120	Columnae Sethi quid de illis iudicandum	58
Chaos quid sit in theogoniis 412. an ex ni- hilo creatum, ib. ante omnia existentia fuit 921. ordinatum mundus est et na- tura	922	hermeticae	259
Chemia, an Thubal-Cain huius artis inuen- tor 60. a Chamo nomen eius deriuatur et origo 70. huius maxime peritus Mo- ses creditur 80. dubium est, quin Moses illam sciuerit 84. an apud Aegyptios cul- ta 277. an ab Orpheo	379	Combustio mundi stoica, quae	245
Chiromantia, patronus eius Iobus dici- tur	98	Cometae, quid sint 510. ex mente Socratonis 850. est stella non semper apparens, sed stato tempore sua reuolutione exorians. 1089. plures planetae sunt vna appa- rentes 1194. quæ ratione gigui possi- sint	1282
Chordotonon, quodnam instrumentum mu- sicum	1058	Comici non pepercerunt Platoni 645 quid Socrati obiecerint 550. quid Pla- toni	646
Chroma quid	1059 n.	Comoedia, quare Socrates in Aristophanis fabulis derisus 550. quomodo in fabulis de se actis gesserit Socrates	551
Cibus, a quibus abstinendum 1095. quibus assuescendum	1308	Comprehensio ex mente Stoicorum quid 916 quomodo fiat	917
Circumcisio ad sacra Aegyptiorum cogno- scenda requiritur 272. ei Pythagoras se submittit	1002	Concubitus, res philosopho non satis digna Pythagorae videtur	1070
Cithara chordae vsus in illa quis inuenerit	372	Conditor vniuersi ex mente Stoicorum quis	925
Ciuis boni officium	569	Conditores artium et scientiarum, cur eo- rum historiae incertae	117
Ciuitas quaenam optima	569	Congressus publicus Hipparchiae cum Cra- tete an fidem mereatur	890
Cneph, quid significet	293, 300	Conjugium, quis illud inire, quis ab illo ab- stinere debeat	1305
Coelestia, de illis attinet nihil dicere	1225	Constantia animi Socratis 538. Anaxarchi in morte	1208
Coelibatus, quare a Thalete magni aestima- tus 459. illum tenuit Plato 653. Epi- curus	1235	Continentia, quid sit 567. illam possidere maximi roboris et diuitiarum instar est	1070
Coelum, eius motus qualis 819. figura eius sphaerica est 819. perfectum est 817 aliae ejus qualitates 817. primum, in aeter- num est 829. quid sit mente Empedoclis	1117	Contrarietas rerum omnium genesis	1218
Coenobii, quinam ita sint dicti	1026	Conuenientia Stoicis quid	962
Coenobium, Pythagoreorum domicilium	1033	Conuersio logica ex mente Aristotelis quid	808
Cogitatio, quid 822. est animae quasi secum agentis colloquium	672	Conuicium Diodoro mortem affert	615
Cognitio, sui ipsius via ad felicitatem 565 organa ejus sunt octo 1091. species ejus genuina et tenebricosa	1186	Conuiuium septem sapientum an a Perian- dro institutum 451, 452 n. frequentia philosophorum instituit Menedemus	625
Colloquium Diogenis cum Alexandro M. 877. quid de illo iudicandum	878	ad illa pecuniam legauit Theophra- stus 842. Pythagoreorum quae	1035
Columba, simulacrum ejus volans ab Archy-		Cornutus qualis syllogismus	614
		Corpus animae indumentum Indis dici- tur 207. omne grauitatem et ad me- dium fertur 850. omne existens Stoicis corpus est 924. simplicium corporum quod	

RERVM ET MATERIARVM.

quot species 817. mixta, Aristotelis sententia de illis 820. Defunctorum corpora non sunt igni comburenda 1073 diuina mentis potentia mouentur 1103 quæ perierunt, renouiscunt 1194. contemnendum est 1222. vnde intelligatur 1260. re ipsa existit 1261. notionem eius incomprehensibilem Sceptici indicant 1344

Corpuscularis philosophia, frustra ei auctoritas a Phoenicum philosophia conciliatur 234. *vid. atomisticum systema.*

Corybantes, quinam 1509

Cosmogonia Chaldaica, quæ 141. Perlica, 177. Indica 208. Phoenicia 240

Aegyptiaca 298, 301. Celtica 334

Etruscorum 344. Orphica 390, 393

in theogoniis describitur 409. veterum a Thalete retenta 469. Anaximandri

486. Pherecydis 986

Craneum, qualis fuerit locus 879

Creatio ex nihilo, an ab Aegyptiis credita 299. an ab Etruscis 344. an a Platone 676

Criterium veri et falsi, quid sit 594. veritatis vnde accipiendum 732. nullum datur 765, 768. ex mente Stoicorum quid et quotuplex 914. ex mente Heracliti quid 1212. criteria iudicandi apud Epicurum quot 1257. veritatis practicum Scepticus admittit, theoreticum non 1337

Crotona, mores eius incolarum effrenes emendati 1012

Cubi duplicatio, quis eam inuenerit 642

Cultus diuinus quem Zoroaster instituisse dicitur, quis fuerit 126. solis philosophis apud Indos concessus 200. apud Indos qualis 208. ab omnibus est obseruandus 1072

Cupiditates a prima aetate fugiendae 1070

Curetes, quinam ita dicti 1009

Curiosi Diis odio esse dicuntur 613

Cynica secta, quæ 860 seqq. vnde nomen eius et origo 860. eius facies in genere descripta 865. quo sensu dicatur secta, vitæ non scholæ destinata, ibid. vitæ cynicæ austeritas 867. cur tanta vitæ acer-

bitas quaesita, ib. ambitio Cynicæ virtutis mater 868. artes liberales ab illa repudiatae, ibid. decoratio mutata, ibid. odium et inuidia illam sunt secuta 869 fabulae de Cynicis vnde ortae 870

Cynismus brevis ad virtutem via habetur 867. fundamentum eius 867. odium et inuidia illum secuta 869. degenerat ib.

Cynofarge, qualis locus 861

Cyrenaica secta, eius origo 584. historia valde incerta 592. canones eius logici 594. exitus eius 609

D.

Daemones, apud illos philosophiæ origo quaeritur 56. doctrina de illis in Zoroastri oraculis Platonica est 188. Chaldaeorum doctrina de illis 133. mali dantur 134

Aegyptiorum doctrina de illis 294. Celtæ veteres illos crediderunt 332. quid Orpheus de illis statuerit 391. quid Thales 473. quid Plato de illis senserit, non satis explicauit 706. quid Xenocrates de illis statuerit 737. an Aristoteles illos crediderit 831. quid Stoici docuerint de illis 932. Pythagoræ de illis doctrina 1082

Dandamis, philosophus Indus, fermo ejus ad Oneisicritum Alexandri M. legatum 203

Daniel, quæ ejus fuerit eruditio 94 seq.

Decani, vel facies planetarum quid 140

Decas, numerus omnium perfectissimus 1056, 1062

Declinatio in Astrologia quid sit 139

Decorum, illius rationem Aristippus habet 391. Cynici mutant 868

Definitio, quomodo conficiatur 674. quid sit ex mente Aristotelis 810. quid ex Stoicorum mente 918. ejus diuisio, ib. earum vsus Sceptici negant 1340

Deformitudo, an Socrati adscribenda 542

Democritus, natiuitas ejus 1177. in Aegyptum proficiscitur et ad Gymnosophistas 1178. quos audiuerit praeceptores, ibid. doctissimos homines audiendo non sumtus parcit 1179. donum et honores ab

II. INDEX

- Abderitis accipit, ib. vitae solitariae deditus 1180. obscuritate locorum delectatur, ib. anatomiam exercet, ib. non oculorum luminibus se priuauit, ib. risus eius perpetuus fabula est 1181. nec lapidem philosophicum parauit, ib. conuersatio eius cum Hippocrate fabula est 1182. magiae crimen illi obicitur 1184. castitas eius, ibid. scripta 1185. senectus, ibid. mors eius et fabella de illa, ib. an Hobbesii principis praeluserit 1200
- Demonstratio, quid sit ex mente Aristotelis 809. quomodo fiat, ib. duplex ei genus est 810
- Deus, Chaldaeorum de illo doctrina 132. Indorum 204. quis sit ex mente Zoroastri 180. quomodo rerum humanarum curam gerat 185. optima fecit, quae fieri potuere, ib. fons fontium omnium matrix continens omnia 186. intellectualem in se ignem proprium comprehendit ibid. an veteribus Persis sub binis nominibus Mithrae et Oromasdis latuerit 174. ex Phoenicum mente quis 243. Celtarum de illo doctrina 328. est anima mundi 329. doctrina Etruscorum de illo 343. Orphei doctrina de natura Dei 386. de Deo 390. an theogoniae illum admittant 413. an Homerus recte pieque de illo senserit 433. Thaletis doctrina de eo eiusque opere mundo 467, 471. illum Anaxagoras primus a materia separauit materiaeque opposuit 504. doctrina Diogenis Apolloniatis. de illo 515. Socratis 537, 560 seqq. Deum a materia distinguit Plato 678. Platonis doctrina de natura Dei 689. an Platonis Deus materialis et igneus sit 689 seqq. doctrina Xenocratis 737. an Carneades doctrinae de illo se opposuerit 770. Stratonis opinio 848. Stoicorum de illo doctrina 923 seqq. coniunctio cum illo finis philosophiae 1066. quotidie hymnis honorandus 1072. de Deo ad populum loqui difficile et periculo plenum 1074. Deus animus est per vniuersas mundi partes diffusus 1074. vid. *Numen*. est natura rerum 1075. quoad corpus luminis, quoad animam veritati similis est 1076. est principium nulli sensui aut dolori expositum sed inuisibile, incorruptum quodque sola mente apprehendi queat 1076. Deus Pythagoricus ignis mundi subtilissimus est 1077. non extra mundum est, ibid. intellectualis ignis est 1113. ex hoc igne omnia constant 1113. inter Deum et nos et animalia quaedam est coniunctio, ib. Archytae sententia de illo 1130. ignis est 1135. Xenophanis de illo doctrina 1148. Parmenidis doctrina 1161. Zenonis Deus rotundus est, nec finitus, nec infinitus 1170. Democriti doctrina de illo 1196. Heracliti 1215. mundi curam non agit 1274. Epicuri doctrina 1284. omnes homines habent anticipationem aliquam Deorum sine doctrina, ibid. eius natura coli debet 1289. forma eius est humana, ib. uti et figura, ib. corpus non habet sed quasi corpus, ibid. hoc vero non ex atomis 1290. quibus in locis degat dici nequit 1291. vita eius nil beatius, ib. qua ratione sceptici doctrinam de illo impugnant 1341. ex prouidentia non potest cognosci ibid.
- Dialectica, eius peritus Iobus putatur 97. an ab Aristippo reiecta 594. Platonis sententia de illa 671. dialectica Platonis quae 672. illius speculationibus non studendum 742. lunae comparatur 773. quid sit ex mente Aristotelis 805, 810. Stoicorum in subtilitatibus consistit logicis 904. ex Stoicorum mente quid 914. Parmenidis quae 1164. an Zeno eius auctor 1169. quare ab Epicuro reiecta 1256
- Dialectici, quinam philosophi ita vocati 610
- Dialelum Scepticis quid 1335
- Diapason quid 1057
- Diapente quid ibid.
- Diar, quinam septentrionalium populorum ita dicti 323
- Diateffaron quid 1057
- Diatonum quid 1059. n. Dida-

RERVM ET MATERIARVM.

Didactrum Protagoras primus poposcit 1201
 ab Antisthene non postulatum 864
 Dii, genitos illos esse Magi statuere 178. eo-
 rum imagines a Persis reiciuntur 183. nul-
 lius mali, omnium vero bonorum causa
 sunt 185. Aegyptiorum de illis doctrina
 287. Aethiopum 308. quomodo colen-
 di 566, 1072. quid sint ex Aristotelis men-
 te 831. ex Stoicorum mente 832. Dii et
 heroes non eodem honore habendi 1072
 de illis nihil est definiendum 1167
 Dilectio omnium etiam inimicorum summa
 officiorum a Stoicis habetur 966
 Diligentia summa Cleanthis 972
 Diluvium mundi Stoicum 945
 Diogenes, ejus vita 871. quid de illius do-
 cto statuendum 872. quid de illius col-
 loquio cum Alexandro M. 877. pro publi-
 co scurra habetur 879
 Disciplina arcana Orphei 379. vid. *Metho-
 dus docendi arcana.*
 Discipuli Pythagorae, quomodo explorati
 1026
 Disputatio, ex similibus institutas Euclides
 sustulit 612
 Diversa siue genere siue specie talia sunt 828
 Divinatio ex sideribus apud Chaldaeos viguit
 108. Germanorum doctrina de illa 331
 reicitur a Dicae archo 854. ex Pythagorae
 mente datur 1085. nulla est 1156, 1289
 Divisio quid sit 674. ex mente Stoicorum
 quid 918
 Divitiae, nemo iis tuto vti potest 566. qua-
 nam ex re metiendae 576. nihil ad vo-
 luptatem afferunt 598
 Doctrina exoterica Pythagorae, quae 1026
 esoterica quae ib.
 Dogmatici eorum rationes quibus modis a
 Scepticis refellendi 1336
 Dolum Diogenis, quid de illo statuendum
 872
 Dolor, summum malum habetur 598
 Domus stellarum quae sint 140
 Drotar, siue Drottar, quam fuerint 323
 Druides Celtarum eruditi, vnde nomen 316
 eorum antiquitas, ibid. num Britanno-
 rum an Gallorum sint priores 317. an ex
 Pythagorae disciplina 318. munus eorum

et auctoritas 318. impostores potius quam
 philosophi fuere 319. eorum classes 320
 methodus eorum duplex, publica atque
 arcana 321. quare sublata 322. num ex
 Germanis fuerint 323. an ex Zamolxi
 disciplina prodierint 362
 Dualisticum systema quid 176
 Dyas apud Xenocratem quid significet 738
 quid sit 1051. an Pythagoricis sit mate-
 ria 1052. explicatur 1078

E.

Ebrietas, quare duplex poena in ebrietate
 peccanti a Pittaco constituta 447 n.
 Echemysthia Pythagorica, quae 1029
 Eclipsis solis et lunae vnde 486, 492, 473,
 1155
 Edda qualis liber 324 seq. duplex hodie
 exstat 326. quis vetustioris auctor, ib.
 quis recentioris 327
 Eiecton, quid significet 292
 Eleatica Secta quae 1142. observationes ge-
 nerales de illa 1146. scripta eius perdi-
 ta, ib. falsae ei opiniones affectae, ibid.
 duplici usus est methodo, vulgari et ar-
 cana ibid. aliis se opponit philoso-
 phis 1147. Leucippus illam immutat
 1171
 Electra, quale sophisma 613
 Elementa quinque mundi ab Indis statuun-
 tur 208, 209. Aristotelis de illis doctri-
 na 819. eorum differentiae quae 820. quot
 ex Stoicorum mente 941. corpora eorum
 sunt rotunda 1089. elementa eorum quae
 1114. horum elementorum motus vnde
 1115. principia istorum elementorum fue-
 runt non similia tantum sed aeterna quo-
 que, ib. quatuor sunt 1116. in se mu-
 tuo mutantur 1126. elementa rerum ca-
 lidum et frigidum sunt 1163. ex Epicuri
 sententia quae 1262
 Elenchus ex mente Aristotelis quid 811
 Eliaca secta quae 622
 Elleborus eius usus ad disputandum 764
 Emanationis systema Zoroaster habuit 180
 Indis quoque cognitum 205. et Zabiis
 226. Orphicum fuit 389. theogoniarum
 scripto-

I I. I N D E X

Germani veteres, de eorum philosophia 313
 cultus eorum diuinus 330
 Gestus Pythagorae qualis 1317
 Gimle, qualis locus apud Celtas 339
 Gloria, optima ad illam via quae 567. illius
 damnum bonum est 870. contemnenda
 est 884
 Gnomographi Graecorum quinam 456
 Gnomon Anaximander inuenit 479. an a
 Pherecyde inuentum 985
 Graeca philosophia, eius fata extra Grae-
 ciam 1349. illam Alexander M. ad alias
 gentes transfert ibid. fortuna eius in
 Aegypto 1352
 Graeci, origines philosophiae eorum 364
 quinam eorum instituerint religionem 365
 prima eorum philosophia Fabularis 365
 philosophia eorum politica 434 seqq. se-
 ctaria 457 seqq.
 Grammatica, eius origo Hermeti II. tribui-
 tur 263
 Grando vnde generetur 1283
 Grauitas Zenonis summa, illam sectatores
 eius sunt imitati 898. Pythagorae affecta-
 ta 1018
 Guebri, quinam sint 151
 Gustus, vnde ex mente Epicuri 1278
 Gymnosophistae philosophi Indici 193. an
 toto corpore nudi inceserint 197. eorum
 ascesis philosophica 197. singularia quae-
 dam de eorum matrimonio 198. mortem
 contemnunt 199. Philostrati fabulae de
 his philosophis 201. Aethiopum quinam
 307

H.

Halirunae foeminae fatidicae apud Germanos
 331
 Harbanistae Sabiorum secta 225
 Harmonia Musices quibus rebus inaedifican-
 da 1057. eius proportionibus qua ratione
 inuenerit Pythagoras 1057. quid sit 1059
 n. omnia sunt illa 1140
 Harpocrates, statua eius quae fuerit 279
 Haruspicina apud Chaldaeos exercebatur
 141
 Hebraei, quomodo eorum philosophia spe-

ctanda 63. ceterarum gentium magnis
 viris sapientiores inter priscos Hebraeos
 fuerunt viri 64. fontes primarii eorum
 sapientiae reuelatio et prophetiae fuerunt
 65. quibus in rebus eorum sapientia na-
 turalis quaerenda 65. non inter philoso-
 phos sunt referendi 66. qua in re erudi-
 tio eorum versata sit 86. quando eorum
 exspirauerit philosophia 95
 Hedonici, ita dicuntur Cyrenaici 609 n.
 Heraclitus, nativitas eius 1208. studia et
 praeceptores 1209. regnum ei delatum
 repudiat, ibid. vitam amat solitariam
 1209. ciues suos odit 1210. aquae in-
 tercitis morbo laborat 1210. lacrymae
 eius perpetuae fabula, ibid. obscurus est
 1211. scripta eius in templo Dianae la-
 tuerunt, ibid. sectatores eius 1223
 Hermeneutica, tredecim illius artis regulae
 Moli adscribuntur 79
 Hermes, Aegyptiorum Theut 252. quare
 Trismegistus vocatus 258 seq. Herme-
 tici libri qui 260. quid de illis statuen-
 dum 262. inuenta Hermetis 263
 Heroës animae sunt a corpore separatae 1083
 Hhartinum, quinam fuerint 115
 Hieroglyphica Aegyptiorum 259, 271
 Hierogrammatei Aegyptiorum 266
 Hierophantae Aegyptiorum qui 264
 Hippareni philosophi Chaldaici 114
 Historia ecclesiastica ex philosophica illustra-
 tur 27
 Historia philosophica quid sit 10. requisita
 et subsidia ad illam 11. studio eius fon-
 tes quaerendi 13. dispiciendum de sua
 an de aliorum sententia loquantur philo-
 sophi 14. sectae expendendae 14. totum
 systema philosophi eruendum 15. ad
 circumstantias philosophorum attenden-
 dum 15. testimonia fide digna quaeren-
 da 16. praesertim in philosophis post
 C. N. ib. supposititia scripta fugienda
 17. examinandi gradus fidei historicae,
 ib. nihil aliud affirmandum, quam fides
 historica patitur 18. in dubiis suspen-
 dendus assensus ibid. res ipsae confi-
 derandae, ibid. suae opiniones philoso-
 phis non supponendae 19. maior lux
 non

RERV ET MATERIARVM.

non inferenda, quam in se historia habet 19. veteris philosophiae idea ad nostram non exigenda, ib. temporum rationes considerandae 20. eius vtilitas 21. est historia intellectus humani, ib. errorum index, ib. inuentorum et inueniendorum sylabus 23. adminiculum omnium scientiarum 24. vsus in veritate Rel. Chr. probanda 26. sacris literis lucem infert 26. limites reuelationis et rationis detegit, ibid. ecclesiasticam historiam illustrat 27. et historiam haeresium, ib. eius vsus in Iurisprudentia 28. in medicina 29. subsidia et auctores 31. ordo et diuisio 38

Historia philosophorum eius vsus 29

Historiae conditorum et inuentorum artium et scientiarum cur incertae 117

Homerus eius gloria et admiratio 423. diuino cultu honoratus 424. eius philosophia 424. philosophorum princeps vocatur 424 seq. omnis scientiae heros habetur 426. philosophica eius maxima scientia refutatur 427. quare Plato eum e re publica sua eiecerit 427. iudicium de philosophia ei tributa 428. qualis sensus eius poësi adscribatur 429. quis eius poëmatum scopus 430

Homoeomeriae Anaxagorae, earum explicatio 500

Homo, primos ex terra natos veteres crediderunt 418. in piscium ventribus geniti primi creduntur 488. ex terrae calore nati perhibentur 520. prae caeteris animalibus praestantissimi 563. humanum genus habetur aeternum 853, 855, 1090. est perpetuum 1126. Stoicorum doctrina de homine 948 seqq. primi ex limo geniti mediante calido et frigido 1163. ex terra facti 1171. ex aqua et limo geniti 1194. Democriti definitio eius 1195. primus, quomodo genitus ex mente Epicuri 1273. mundi compendium est 1085. vniuersi huius maxima pars est 1126. mansuetissimum et optimum animal 1126. ib.

Homonymum, quid 806

Honestas omnis an a Cynicis posthabita 890. actionibus non inest natura sed legibus et institutione 1199

Honestum est nihil natura sed consuetudine Hist. philos. Tom. I.

et lege 599. solum bonum 723. solum bonum apud Stoicos 957

Honor Epicuro post mortem habitus 1257, 1250. Calano 204. Toxari habitus 361. Menedemo post mortem ab Eretrienfibus 625. Aristoteli post mortem a Stagiritanis habitus 792. Zenoni habitus 897. Cleanthi post mortem 973. Pythagorae post mortem habitus 1023. Empedochli habitus 1107. post mortem illius 1110. qualis Socrati post mortem habitus 553. item Platoni 654

Hormizdas quid significet 171

Horoscopus quid sit 139

Horoscopus apud Aegyptios quis 267

Horus Appollo quis 271

Holtanes Persarum Philosophus, quae de illo notanda 159

Humanitas Platonis exemplum de illa 646

Humidum pro principio ponitur 1104

Hilobii quinam fuerint 195, 203

Hylozoismus quis illius conditor 847

Hystaspes Persarum Philosophus quis 158

I.

Iazidiani, quinam sint 151

Icades, quinam festi apud Epicureos 1251

Icadistae, quare Epicurei ita dicti 1251

Ideae, quae recentioribus Platonice fuerint

187. Platonica doctrina de illis 695 seqq. ex numeris Pythagoricis mutuatae sunt

696. sunt aeterna rerum sensibilibus exemplaria et formae 697. a Deo ex se productae sunt, ib. constituta sunt obiecta scientiae 700. ad earum notitiam non physiologia tantum sed et ethica redit 701. idearum specus 722. innatae a Stoicis proscriptae 917. Platonis cum Pythagorae numeris conueniunt 1046. Parmenidis doctrina de illis ex Platonis sententia 1163

Idola a veteribus Persis reiecta 183. cur Germani non habuerint 330. Numa non admisit 348. Democriti, quae 1196

Idololatria orientalis a Graecanica longe est diuersa 129. genuinus eius fons 132

Ierumbaalan idem cum Gideone 237 seqq.

Ignis praecipua defectus veterum librorum causa 20. eius cultus Magis est commendatus 163. eius baptismus an inter Magorum sacra referendus 165. a Persis colitur 168. principium omnium rerum a Zoroastre

Mmm mmm mmm stre

II. INDEX

M.

- Magi, veterum religionis restaurator** Zardusht 148. qui hodie illi adhaerent quomodo vocentur 151. eius nominis origo 160 ipsorum origo 161. quod eorum munus 162. societas ib. natiuitas ex incestu 163. cultus ignis Magis commendatus 163. eorum classes ib. officia 164. sectae 165. auctoritas ib. eorum systematis ante Zoroastrem explicatio 173. ex oriente Hierosolymam venientes an philosophi Arabes fuerint 216. Arabiae 226. Aegyptii 278
- Magia, illius inuentor** Chamus habetur 70 eius auctor fuit Zoroaster 122, 125. duplex 125, 137. Quid Zoroastris Magia fuerit 125, 126. Chaldaeorum non cum Goëtia confundenda 136. Magiae nomen Persiae debetur 136. naturalis quae 137. theurgicae officium 137 seq. eius apud Aegyptios status 278
- Magnificencia ex Aristotelis mente** quid 837
- Malum, Persarum de eius origine doctrina** 177, 181. cur non ex Deo emanasse diceatur Zoroastris opinione 181. eius natura non in sola consistit priuatione, sed positium quid est 183. vnde Platoni ortum 684. morale, oritur ex materia in anima 714 vnde oriatur ex Stoicorum mente 934. Stoicis quid 937. necessario circa terrae regionem existit 1084
- Manetho quis fuerit** 250. an eius narrationibus fides habenda 251
- Mare, vnde eius origo** 510. sudor terrae est, 1120. quare falsum 1156. quare non augeat 1275
- Materia, Zoroastris de illa doctrina** 182. Aegyptiis aeterna credita 298. Spiritus aeternus ei inditus creditur 300. Thaletis doctrina de illa 472. aeternae quis mentem primus adiunxit 503. a Deo distinguit illam Plato 678. est aeterna atque infinita 682. corporea quidem est, sed non corpus 684. ei inest coeca vis, quae inordinate eam mouet 684. an anima quadam moueatur 685. neque generatur, neque corrumpitur, sed est prima et infinitum rerum omnium subiectum 812. prima quid 827. Stoicis quae 924. Stoicorum de illa et eius affectionibus doctrina 938 seqq. in minimas particulas diuisae insunt primariae amicitia et discordia 1114. perpetua in mutatione consistit 1121
- Materialitae, an theogoniarum scriptores** iis annumerandi 415
- Mathemata, quid** Speutippus ita nominauerit 731
- Mathematici, in schola Pythagorae** qui 1032
- Mathesis, Thaletis quae** 476. a Platone commendatur 672. quare eius disciplinam parui aestimauerit Aristippus 593. sine illa nemo ad philosophiam admittendus 736 quamnam ad rem a Pythagora commendata 1044. eius diuisio ex mente Pythagorae 1045
- Mechanica Archytae Tarentini inuenta** 1129
- Mechaschephim** quinam fuerint 115
- Mediatores inter Deum et homines spiritus** a Zabiis creduntur 224
- Medicina, eius utilitas ex historia philosophica quae** 28. a quonam inuenta 264. status eius apud Aegyptios 275. qualis a Druidibus culta 341. qualis ab Orpheo 378 Pythagorae, quae 1094. illius peritia excelluit Empedocles 1108. illam Sceptici amant 1326
- Mediocritas ex mente Aristotelis** quid 836
- Meditatio, illi inhaerens Carneades cibum sumere obliuiscitur** 764
- Megarica secta, vnde eristica dicta** 610
- Memoria, vnde oriatur** 822
- Mens, quis illam materiae formandae primus praefixerit** 503. ab anima distinguitur 513, 960. animalibus negatur 514. Platonis peculiaris aliqua substantia ex essentia Dei promanans et generata apud eum est 694. mens scholae Aristoteles a Platone vocatur 780. in cerebro est 1091. extrinsecus animae inseritur, ibid. idem cum anima 1195
- Mensa Isiaca, quidnam characteres in illa significant** 249
- Mentiens, quale sophisma** 613
- Mercurius Aegyptiorum Theut** 252. an Moses sit 256. alter, quis 258
- Metaphysica Aristotelis exposita** 826 seqq. quid sit 827. Xenophanis quae 1148. Parmenidis 1160. Zenonis 1169. Eleatica, quare a Leucippo derelicta 1172
- Metempsychosis animarum an ab Aegyptiis cre-**

RERVV ET MATERIARVV.

- eredita 296. an a Celtis 337. Pythagorica exponitur 1092. Empedoclis a Pythagorica diuersa est 1119
- Methodus symbolica et aenigmatica apud Chaldaeos floruit 111. arcana apud Aegyptios, 268. quare apud illos viguerit 273 apud Druidas 321. ad Graecos transiit 366 ab Orpheo adhibita 379. a Platone admiffa 659. quare 660. allegoricam a barbaris ad Graecos transtulit Melampus 404 apud Stoicos quotuplex 920
- Metus Stoicis quid 962
- Miracula Zerdushti quinam fuerint 147. Pythagorae affinguntur ad Christi miracula minuenda 993
- Mithra Dea non cum Deo huius nominis confundenda 184. cum Venere Graecorum male confunditur ibid.
- Mithras, hoc nomine sol insignitur 177. cur hoc nomen soli datum vel summo potius Deo 169. heros fuisse probatur 170 *τρίπλάσιος* dictus ib. Oromasdem et Arimanium genuit 177, 179
- Mobile primum, eius motus aequabilis est 819
- Moderatio mente Epicuri quid 1309
- Modestia ex mente Aristotelis quid 837
- Molestia, quae fugienda, et quae amplectenda 1258
- Monarchia Graecis intolerabilis 450
- Monas apud Xenocratem quid significet 738 Pythagorae, quid de illo notandum 1048 seq. explicatur 1078. Monades Pythagorae atomos Mochi fuisse dicantur 231 corporeas esse dicit Ecphantus 1103
- Moralitas actionum a legislatoris voluntate dependet 521. Thaletis de illa opinio 606
- Mores tria in illis fugienda 838. emendantur Musica 1059
- Mori et viuere perinde est 1222
- Mors a Gymnosophistis contemnitur 199 partus in felicem vitam ab Indis habetur 211. quare a Celtis contemta 336. est diuulsio animae 514. quando consequatur 517 quare non extimescenda 567. illam vitae praeferre Hegelias fuisse 609. quid sit ex Aristotelis mente 823. voluntariam obiit Zeno 901. vti et Cleantes 972. philosophica quid sit 1166. quare non pertimescenda 1122, 1311. quid ex mente Epicuri 1281
- Moschus, Phoenicum philosophus 230. non est Moses 231. an inuentor systematis atomistici fuerit ibid.
- Moses philosophus habetur summus 78. tredecim illius regulae hermeneuticae 79. illi scientia philosophica denegatur 81. quas scientias in Aegypto edoctus sit 82. an chemiae fuerit gnarus 80, 84. an vitulum aureum calcinauerit 84. Zoroaster putatur 120. an Arabes philosophiae mysteriis innutruerit 215. an literas inuenerit 256. an sub Moschi lateat nomine 230. an sit Mercurius 256. an sit Prometheus 369
- Mot, quid sit 247, 242
- Motor primus, Aristotelis de illo sententia 810. quomodo moueat 829. qua in re eius vis effectrix consistat 829. quam vitam fruatur 830. Deus est 830
- Motus, eius principia 519. prima eius causa est Deus, proxima mundi anima 711. quae nam inter illos numeranda 844. quid sit ex mente Aristotelis 815. omnis sit in tempore 816. quinam fons eius, ibid. quid sit Theophrasto 844. verus non datur 1152. quae nam argumenta Sceptici illi opponant 1344
- Mulae, vbi pariant 844
- Mulier, cum illis non philosophantur Gymnosophistae 198. communio earum locum habet in republica perfecta 727. communes sint 884. mulier per XXX. dies spiritu destituta ab Empedocle sanata 1108 vid. *Foemina*.
- Mundus, generatio illius ex mente Chaldaeorum 142. opifex eius ignis moles putatur 187. aspectabilis Deus ab Aegyptiis agnoscitur 284. eius partibus diuina vis inest 288. eius productio ex mente Aegyptiorum 301. corruptioni ebnoxium esse Aegyptii crediderunt 302. figura eius et partes quae nam 302. quid de eius interitu Celtae statuerint 339. quid Etrusci 345. quid Orpheus 397. pulcherrimus a Thalete habetur 467. eius mens Deus est 470. vid. *Numen*. infiniti dantur 485, 517. eius causa Deus, non casus est 560. pulcherrimum Deus condere constituit 691. est filius Dei 705. in tempore genitus 709. aspectabilis quomodo factus 710. perfectissimus et pulcherrimus, ibid. durat aeternum 711. quomodo

I I. I N D E X

- nam sensu habeatur Deus 742. non est animal, id vero quod naturale est 846 a Critolao habetur aeternus 853. est Chaos ordinatum 922. non est infinitus, vnicus vero et aeternus 817. sola recta ciuitas habetur 884. quomodo ex Stoicorum mente formatus 930. discrimen est inter illum et vniuersum 940. quomodo ex Stoicorum mente conditus, ibid. est animal 941. vnum statuunt Stoici 944. aeternus est, si pro toto sumatur 944. inundatio eius et conflatio eius lege veniet 945. interire potest 1088. complexus vniuersi dicitur mundus ab ornatu ordineque 1087. a Deo factus est non tempore sed cogitatione, ibid. inchoauit ab igni et quinto elemento 1088 animatus est, intelligens, sphaericus, extra eum vero inane est, in quod et ex quo respirat, ibid. harmonia musica regitur, ib. regitur prouidentia 1103. vnus est, non tamen vniuersum absoluit 1114. eius pars dextra et sinistra quae 1117. cum se ipso connexionem habet, nulla vero cum alia re 1124. eius figura globosa est 1125. aeternus est cum partibus quoque suis 1126. eius interitus duplex, igne coelitus defluente et lunari aqua 1140. infiniti sentiuntque immutabiles 1152. olim interiturus est 1164. plures sunt 1171. dantur infiniti, quorum alii inter se sunt similes, alii vero inaequales 1192 animae expers est, rapidissimo vero atomorum motu mouetur 1193. duplex est, aeternus et creatus 1215. quid sit ex mente Epicuri 1272. vnus est, ibid. animatus non est, ibid. aliquod quasi refegmentum vniuersi infiniti est, ib. non est aeternus, ib. ad exstruendum illum non opus fuit Deo, ibid. natura vel fortuna effectus est, ibid. quomodo ortus, ib. seqq. interiturus est 1274. dantur numero infiniti ibid.
- Mundi anima Deus ab Indis habetur 206 a Platone credita quae 701
- Musica Aegyptiorum qualis 275. praestantissimus huius artis Orpheus habetur 375 antiquae inuentor Amphion traditur 403 eam Socrates senex didicit 525. Plato illam didicit 631. deditus Pythagoras illi est 1018. medicinae instar a Pythagoreis adhibetur 1034. quid sit ex mente Pythagoreorum 1056. quomodo diiudicanda ibid. Pythagorica ab Aristoxenia distincta, ibid. quibus rebus eius harmonia inaedificanda 1057. coelorum a Pythagora audita 1057 genera eius 1059. musicae sublimitas vt percipiatur, quid discendum, ib. mores et affectus modulatione eius emendantur, ib. mane ac vesperi animus Musica repurgandus est 1060. sapiens illa abstinebit 1308
- Mysteria per Orpheum inter Graecos introducta 379
- Mythologia, graecae quatenus causae 368
- N.
- Natalis dies Epicuri celebratur 1251. Platonis philosophis postea sacer fuit 629 vt et Socratis 241
- Natura, doctrina Aethiopum de illa 310. quid sit ex mente Aristotelis, 813. semper agit propter finem 815. in illa omnis vis diuina sita putatur 845. omnia facta sunt illa 846. est chaos ordinatum 922. eius leges homini insitae 955. qua in re consistat 1171 est permixtio et diuulsio elementorum 1116 quarta in systemate Epicureo quae 1267
- Necessitas quotuplex 815. illi omnia adscribenda sunt 847. apud Democritum, quid 1190. omnia illa fiunt 1140
- Nechepfos, quis fuerit 280. n. 303
- Nigredo, quid mente Democriti 1196
- Nihil, ex nihilo nihil fit, 516, 676, 708, 1078, 1148, 1160, 1187, 1260
- Nilus, inundationis eius causae vnde mente Epicuri 1275
- Nix nigra putatur 570
- Noachus philosophiam calluisse affirmatur, 66. negatur 67. septem eius praecepta quatenus sint 67
- Nobilitas quare contemnenda 884
- Nomen quid sit ex mente Aristotelis 807 Theophrasti vnde mutatum 841
- Nonens Democrito quid 1187
- Notio, innatas homo non habet 917. earum diuulsio 918. communes omnibus hominibus sunt 918. anticipatam omnes gentes de Deo habent 1284. vnde haec 1286
- Notitia rerum vera adipisci nequit 1102
- Nox quid sit in theogoniis 413
- Nubes vnde ex Xenophanis mente qua ratione generari queant 1283
- Nu-

RERVM ET MATERIARVM.

Nubicola quare Socrates dictus 536
 Numna rex, an Pythagorae discipulus 347
 philosophiae eius asserta 348. negata 350
 Numen diuinum per vniuersum diffusum
 Aegyptii admiscere 288. et Celtae 329. et
 Etrusci 344. et Orpheus 389. et Tha-
 les 470. et Stoici 928, 932. Pythagoras
 1074. diuinum omne peruadens ab Em-
 pedocle 1113
 Numeri Pythagorici, quidnam sint 697. cum
 ideis Platonis conueniunt 1046. sunt du-
 plicis generis 1047. intellectualis quid ib.
 scientificus quid 1048. aequalis et inae-
 qualis quid, ib. non vnusquisque est in-
 finitus 1048. impar quid de illo notandum
 1048. senarius perfectus est 1055. septena-
 rius venerabilis est et rebus sacris conue-
 niens 1055. octonarius primus cubus est
 ib. denarius maximus est 1056. ex illis
 diuinari potest 1056. definitio a Philolao

1138

Numerus oratorius a Speusippo dicitur in-
 uentus 730

O.

Obotomal quid 333
 Obscenitas, Cynicis iure obiecta 881
 Ocellus Lucanus an Pythagoreus 1123
 Occultus, quale sophisma 613
 Odinus, Deus septentrionalium populo-
 rum 339
 Oeconomia, Socratis de illa doctrinae 568
 Officium, doctrinam de illis neglectam Stoi-
 ci in scholis suis tradidere 963. doctrina
 Stoicorum de illis 964
 Olfactus vnde ex mente Epicuri 1278
 Omnipotentia Dei a Platone limitata 648, 691
 Omnis, dictum de omni, quid 809
 Opifex mundi, ignis moles putatur 187
 Opinio, quid sit mente Platonis 672. datur
 tantum in cognitione 768. omnia in illa
 sita sunt 887. Stoicis quid 962. cuncta re-
 guntur 1153. quae vera 127. quae falsa 1258
 Oppositio, quid et quotuplex 808
 Oracula Zoroastris quae 131, 155. criticorum
 de illis sententia 156. eorum summa 148
 quo tempore facta 189
 Oratio, quid sit, ex mente Aristotelis 807
 Orator perfectus, quis sit 674
 Orcheni, Philosophi Chaldaici 114

Oromazdes, quid significet 171, 177. a sum-
 mo Deo est genitus 178. fons est spiritua-
 lium substantiarum 178
 Orpheus praecipuus eruditionis atque reli-
 gionis Graecorum autor 373. an extiterit
 374. quis fuerit 375. fabulae de illo expli-
 catae 376. eius inuenta 377. scripta 382
 incertitudo doctrinae orphicae 384. theolo-
 gia orphica 385. systema orphicum 390
 Orus quis 290
 Osiris quis 287, 290. cur sol putatur 288
 an Etruscis notus 345
 Otium philosophicum, quare Pythagoreis
 tantopere deamatum 1067. in vniuerso
 non est 1214
 Ouum, omnium rerum ortus ex illo
 placuit Orpheo 394

P.

Paederastia, eius inuentio Orpheo tribui-
 tur 377. vti et Thamyri 402. an Socra-
 tes huius criminis reus 539. an Plato ei
 fuerit deditus 647. an Arcesilaus 748. an
 a Zenone probata 900
 Paedeutica, quid 1068
 Pallium a philosophis gestum 863
 Paradoxa Stoicorum 959
 Parcae quid sint 737
 Parmenides, eius philosophia anceps est 1158
 exponitur 1159. an Spinozae praeluserit
 impietati 1160. doctrina eius a Platone
 exposita 1164
 Paronymum quid 806
 Particulae minimae Empedoclis quae 1115
 Passiones duae sunt, dolor et voluptas 596
 Paupertas sapientiae magistra 492. Xeno-
 phanis 1145
 Peccata omnia paria sunt 966
 Pecunia, cui Crates suam dederit 888
 Peisithanatos Hegesias vocatur 600
 Pellex, an Stilpo quadam sit vfus 618
 Pentas, numerus primus complexus est
 omnis numeri speciem 1055
 Periander non septem sapientum numero ex-
 cludendus 452
 Peripatetica secta, quae 776 seqq. vnde no-
 men acceperit 788. philosophiae eius con-
 sideratio generalis 800
 Persae, eorum historia philosophica obscura
 est et incerta 143. conditor eorum philo-
 sophiae

II. INDEX

- sophiae quis 144. eorum philosophia obscurissima 155. solem venerati sunt 166. Oromazdes et Arimanius, eorum numina 171. philosophia eorum moralis 182. Perturbatio, Stoicorum de illa doctrina 562. Pesti ex illa ex mente Epicuri unde 1283. Phantasia, an ex illa verum iudicari queat 766. quid sit et quotuplex ib. 822. ex mente Stoicorum quid 914. Pharmaceutica in illa facit apud Pythagoreos magica medicina utramque paginam 1097. Philo Herennius Sanchuniathonis commentaria finxisse creditur 239. Philosophia, quid sit 3. eius definitio 7. partes 8. nomen eius quis inuenerit 5. significatio eius varia 6. diuisio eius apud veteres 9. quid eius cognitio in historia philosophica inuenit 13. veteris idea ad nostram non exigenda 19. characteres verae et falsae philosophiae definiti 30. an a barbaris 49. eius origines 50. non cum ipsis mundi natalibus orta 56. eius ope res publica Romana constituta perhibetur 346. fabularis apud Graecos 365. est rerum diuinarum humanarumque cognitio 670. circa quod versetur, ib. Stoicorum definitio 911. scopus eius ex Pythagorae mente quis 1249. circa omnia entium genera occupata est 1065. finis eius est, ut mentes fiant Deo similes, immo ipsi Dii 1065. est rationis exercitatio vitam beatam parans 1255. iuuenes et senes vano timore facit liberos, ibid. duae eius sunt partes, ethica et physica 1256. Philosophia Aegyptiorum ad imperii et sacerdotii commoda refertur 273. — Chaldaeorum, quae fuerit 106. quis eius conditor 116. — corpuscularis frustra ei auctoritas a Phoenicum philosophia conciliatur 234. — Graecanica fabularis 364 seqq. politica 434 seqq. sectaria 457 seqq. quare Cato se ei opposuerit 763. de fatis eius extra Graeciam 1349 seqq. — moralis, Persarum quae 189. apud Indos maxime floruisse perhibetur 210. status eius apud Aegyptios 304. apud Aethiopes 310. apud Celtas 342. qualis Orphei fuerit explicari non potest 399. qualis Homericus sit 432. illam primus excoluit Pythagoras 1068. expositio Pythagoricae ib. Democriti 1198. Heracliti 1221. Epicuri 1294. — theoretica, an illam spreuerit Socrates totam 558. apex totius doctrinae Pythagoreae fuit 1073. eius finis est nihil admirari, ib. est duplex 1073. — Persarum conditor quis 144. Philosophus, nomen hoc ubi a Pythagora inuentum 1009. quid sit ex mente Platonis 670. medico similis sit 774. prohibitum illis est, publicas habere lectiones Athenis 842. pecunia non opus est illis 888. lyra non tibia illis est utendum 1060. ex mente Pythagoreorum quis 1065. multarum rerum gnarus sit 1222. non finget neque fictum admittet 1255. non asserit omnia neque dubitat de omnibus 1256. Phoenices philosophiae promicondi crediti 229. eorum scriptores desiderantur 236. Phtha quid significet 292. Physica, an Iacobus eius fuerit gnarus 75. huius scientiae peritus Iobus putatur 98. Chaldaeorum quam in re consistat 116. an Homerus eam perfecte calluerit 426, 431. a Secta Ionica colitur 465. Thaletis doctrina physica quae 472. Platonis explicatur 708. ab Aristotele reiecitur 969. Parmenidis quae 1162. Xenophanis 1152. Leucippi 1175. Heracliti 1213. Epicuri 1260. quis eius ex mente Epicuri scopus 1259. Physicus quis ita dictus 845. Physiologia orphica, quae 393. theogoniarum quae 417. Anaximenis 438. Stoicorum, eius scriptores 920. eius summa 921. Empedoclis 1112. Democriti 1187. Hippocratis incerta et obscura 1224. quare opus 1256. Epicuri 1259. Picturae studiosus fuit Plato 630. Piscis, ab illis edendis abstinent Pythagorei 1036. Pisanaestica, quis locus fuerit 896 n. Pius ex Epicuri mente quis 1310. Plagiarius Plato est 640. et Aristoteles 794. Zeno habetur 902. Planeta, tenetrationem causarum agentium, in omnes vitae casus 138. a Zabiis obseruantur

RERVM ET MATERIARVM.

uantur 224. quacuis Orpheo terra vide- tur 398. eorum motus unde 819. dul- cissimam concinant melodiam 1063. ha- bitabiles sunt ib.	Popularitas, quaenam virtus ex Aristotelis mente 837
Planta, earum semina ovorum instar se ha- bent 1120	Postpraedicamenta Aristotelis quae 807
Plato praestantissima philosophiae a barba- ris se mutuum accepisse affirmat 48. ve- terum placita foede inter sese permi- scuit 464. scriptores de illo 627. illius origines et natales 628. an Ieremiae tempore vixerit 629. unde nomen ac- ceperit 629. praesagium de illius elo- quentia 630. poësi operam dat 631.	Potator, an Xenocrates fuerit 735
Socrati ad instituendum traditur 631. aliena dogmata Socrati adhuc viuo sup- ponit 632. itinera literaria 633. an ab Aegyptiis didicerit 635. an habuerit Hebraeos doctores, ibid. Pythagoreos conuenit 639. fontes philosophiae Pla- tonicae 640. schola ab illo condita eius- que ratio et constitutio 641. discipuli et sectatores 644. inimici et aemuli 645. virtutes et vitia ei obiecta 645. aucto- ritas in republica et apud principes 648. eius obitus 653. scripta et scribendi ra- tio 654. editiones scriptorum Platonis 658. versiones 659. causae obscurita- tis 659. an Dogmaticus 662. systema eius ex variis aliorum systematibus saepe contrariis conflatum 666. doctrina eius de philosophia in genere 670. dia- lectica 672. theologia 675. physica 708. Psychologia 712. mathematica 720. Ethica 720. politica 726. suc- cessores 727. Pythagoricam philoso- phiam adulterat 1041	Potentia in Aristotelis Methaphysica quid et quae 828
Pluvia ex Stoicorum definitione quid 944 ex mente Epicuri unde generetur 1283	Praecepta Noachi, quaenam sint 67
Poecile, quis locus fuerit 896	Pradicamenta quis inuenerit 806
Poesis, praestantissimus huius artis Or- pheus habetur 375, 378. illi operam dat Plato 631. sapiens illa abstinebit 1308	Praedicari vnum de alio non potest 620
Politica, eam calluisse Semus perhibetur 69. Socratis de illa doctrina 569. Platonis quae 726. Aristotelis probatur 839. eius capita 1070	Pramnae philosophi Indici 195
Polygraphus est Chrysippus 895. Epicu- rus 1235	Precari, quomodo precandum 566
	Principes quinam veri sint 569
	Principium, duo omnium rerum statuunt Persae 173 sq. an Zoroaster duo statuerit 175 seqq. omnium rerum ex mente Zo- roastris quid sit 181. duo omnium rerum ab Orpheo credita 396. duo, vestigia eo- rum in theogoniis latent 415. duo omni- um rerum, materiam et Deum statuit Plato 618. ex mente Aristotelis quae 811. diuinum omnium rerum est vnum 844. rerum existentium Stoicis quae sint 922. duplex an Pythagoras statuerit 1080. pri- ma indiuidua corpuscula sint 1102. sunt frigidum et calidum 1104. actium et pas- suum 1112. duo Empedoclis quae 1114. omnium rerum atomi et inane 1187. ex Epicuri mente quae 1262. materialia in- comprehensibilia Sceptici iudicant 1344
	Prometheus, explicatio fabulae de illo 369
	Propheta, earum scholae non philosophi- cae 85. apud Aegyptios quis 267
	Propositio, hypotheticae connexae vocan- tur 616. de iis disceptant Dialectici 616. negantes Menedemus sustulit 626. ea- rum diuisio 808
	Protagoras victus quaerendi gratia in mer- cedem missus 1200. quare atheismi accu- setur 1201
	Providentia Dei ex mente Indorum non cum Christianorum confundenda 206. vni- versalis a Socrate credita 561. quid de Stoicorum doctrina de illa iudicandum 926 seqq. Pythagorae doctrina de illa 1084. ab Epicuro tollitur 1274. an ab illo negata prorsus 1286. Deum ex illa agnosci posse Sceptici negant 1341
	Prudentia, quid sit 566. domestica, Socra- tis de illa doctrina 568. duplex vniuer- salis et practica 1304
	Nnn nnn nn Psy-

II. INDEX

- Psychologia Platonica, quae 712. Aristote-
 lica. quae 820
 Pulchritudo a Socrate amata 539. corporis,
 indicium pulchrae animae 565
 Purgatorium animarum, quid ex Stoicorum
 mente 952
 Pyrea apud Persas, quid sint 163
 Pyrrho, educatio eius 1320. a pictoria arte
 ad philosophiam se confert, ib. praece-
 ptos eius, ib. ad Scepticismum se con-
 fert 1321. consentaneum illi opinioni vi-
 tae genus ducit 1321. an insaniens nimia
 arte fuerit 1321. virtutes eius, ib. pontifex
 creatur 1322. indoctus habetur 1323. mors
 eius, ibid. Democriti praecepta sequitur
 1323. vii et Eleaticae scholae philosophan-
 di rationem 1324. et disciplinam Diale-
 cticorum, ib. ad vitae tranquillitatem re-
 spicit, ib. sectatores eius 1325
 Pythagoras nominis philosophiae inuentor
 5. scriptores historiae eius 989. difficultas
 et incertitudo eius historiae 991. Christo
 opponitur 993. eius ortus et natiuitas 994.
 aera eius valde incerta 995. chronologia
 eius exposita 997. educatio 998. Dei fi-
 lius habetur 999. itinera eius 999. an Phe-
 recydem sepeliverit 1000. an in Orientem
 profectus 1001. an nautis Aegyptiis diui-
 no cultu veneratur 1001. an ad Iudaeos
 excurrenit 1002. an Carmelita fuerit, ibid.
 circumciditur 1002. in Aegyptiorum my-
 steriis eruditus, ib. an ad Babylonios Per-
 sasque peruenerit 1003. an Ezechielem
 audiuerit 1004. captiuitas eius, ib. an pro-
 felytus factus 1006. an Zoroastrem audi-
 uerit 1006. an ad Gallorum Druidas per-
 uenerit 1007. scholam domi erexit, 1008.
 itinera in Graecas insulas, ib. vbi se Philo-
 sophum nominauerit 1009. in antro habi-
 tat 1010. impostorum artes adhibuit 1010.
 Minois exemplum imitatur, ibid. iter et
 mora eius in Italia, ibid. miraculum eius
 Crotonae factum 1012. mores Croatonia-
 tarum emendat 1012. auctoritas inter Ita-
 los 1013. miracula eius 1014. inter Goë-
 tas et Magos refertur, ib. apud inferos se
 fuisse iactat 1015. et in aliis corporibus, ib.
 virtutes eius et vitia 1016. vestitus eius
 1017. aureum femur 1019. vxor eius et
 familia 1019. mors eius 1021. vtrum Py-
 thagoras aliquid scriptum reliquerit 1023.
 ratio docendi 1025. auditores duplicis
 generis 1025. methodus duplex, arcana
 et vulgaris 1038. philosophia eius incer-
 ta 1039. ad entusiasmum propensus 1043.
 eius doctrinae de philosophia in genere
 1044. coelorum Musicam audit 1057.
 an duplex principium statuerit 1080. an
 atheus fuerit, ib. incantationibus mor-
 bos curauit 1083. eius symbola 1098. eius
 discipuli 1101. duratio eius sectae 1105
 Pythagorica philosophia est incerta 1039.
 monumenta pleraque illi deficiunt, ibid.
 diuerso interpretatur modo 1040. multa
 illi falso affinguntur 1041. a Platone adul-
 terata, ib. neglectim relata 1042. mathe-
 maticae disciplinae reliquis intrusae, hae-
 que illarum notionibus obscuratae 1042.
 ad entusiasmum ducit 1043. scriptores de
 illa caute legendi, ib. practica 1067. theo-
 retica 1072. duratio eius brevis est 1105
 Pythagorica secta quae 982 seqq.
 Pythagoristae, eorum distinctio a Pythago-
 reis 1031
 Pyxis nautica, an Salomon eius sciuerit
 vsum 88

Q.

 Quadratum diuinam repraesentat essen-
 tiam 1601
 Qualitas quid sit, et quot habeat species 807.
 quibusnam elementa mouentur 819.
 corporum quot 1126
 Quantitas, quotuplex 807
 Quaternio, an Pythagoras ad illam tantum
 computauerit 1053
 Quies, quid sit 816. ex Aristotelis mente,
 in vniuerso non est 1214

R.

 Ragnarockur, quid Celtis significet 339
 Rana, viuentis lingua mulieribus secreta
 extorquet 1185
 Ratio, quae de rebus iudicari potest 1137
 Reges veri, quinam sint 569
 Regina austri ad Salomonem veniens, an
 Philosophiae Arabicae addicta fuerit 215.
 eorum aenigmata vbi inueniantur 216
 Relatio, quid sit 807
 Religio Christiana, eius vtilitas ex historia
 philosophica 26. Chaldaeorum qualis
 fuerit 107. veterum Gallorum quae de
 illa

RERVM ET MATERIARVM.

illa notanda 328. veterum Graecorum
quinam illam instituerint 385. Stoico-
rum praecepta de illa 964
Reminiscencia quomodo memoria exerce-
atur 823
Res quomodo a Stoicis diuisae 919. ex
medio vniuersi centro ortae 1139
Respublica in tria membra est diuisa 727.
formae eius dantur quinque 727. in per-
fecta communio mulierum locum habet
727. sine legibus esse nequit 884
Resurrectio corporum an ab Indis credita
207. qualem Harbanistae statuunt 225. qua-
lem admittat philosophia Epicurea 1271
Reuelatio eius et rationis limites historia
philosophica ponit 26
Rhetorica a Critolao damnata 852. ex men-
te Stoicorum quid 914. inensus eius ho-
stis Clitomachus est 773
Risus Plato in vita nunquam sustulit 647.
perpetuus Democriti fabula est 1182
Romanorum veterum philosophia quae
342, 346
Rythmis mores et affectus emendantur 1059

S.

Sabii, vid. *Zabii*.
Sacella, quid Zabiis sint 224
Sacerdotes apud Aegyptios magno in hono-
re sunt 265. quatenam sit eorum auctorita-
tis causa 266. eorum munera et officiorum
genera ib. eorum habitatio 268. medici-
nam curabant 276. eorum apud veteres
Germanos auctoritas atque munus 324
Sacra Orphica, quae 380
Sadder, quatenam in hoc libro continean-
tur 153
Sagitta Abarim per aëra in Graeciam de-
fert 354
Salomon polyhistor habetur 87. an omni-
bus disciplinis re vera fuerit instructis-
simus 88. non in philosophum mutan-
dus 89. an dissertationes physicas scripse-
rit 90. non inter Scepticos referendus
91. specimen eius sapientiae 91 seq. non
Anatomiae peritus fuit 93
Salsedo a subiecta terra oritur 844
Saltatio, Socrates exhibetur, quod illam
didicerit 540. Pythagoras illam amat 1018.
Pythagoreis in usu est 1034

Salus aeterna Socratis 540. Platonis 653.
Aristotelis 794
Samanaei philosophi Indici 193. quinam
fuerint 195
Sanchuniathon quis fuerit 236. quis eius
finxerit commentaria 239. eius cosmo-
gonia 240. an cum systemate Mosaico
conueniat 242
Sanitas corporis diligenter tuenda, quare
567. quatenam eius causa 1134
Sapiens, omnia sui ipsius causa est factururus
598. nunquam inuidia laborat 599. so-
lus est Deus 670. solus rex est 732. sibi
contentus est 870. praecipuum eius offi-
cium apud Stoicos 966. non ignoscit,
nec miseretur 967. quando ad rempubli-
cam gerendam accedat 1305. amaturus
non est 1308. Cynicorum ritu non vi-
uat ibid. abstinebit Musica et Poësi 1308.
non irascitur 1309. non ambit honores
ciuiles, ibid. non de sepultura magno-
pere sollicitus 1309. mortem non me-
tuit 1310. dolorem aequo animo fert 1312.
amicitiam quaerit 1314. mortem pro
amico oppetit 1314
Sapientes septem Graeciae, occasio enati
tituli 438. quinam fuerint 440. nomina
eorum 442. conuiuium septem sapien-
tum an re vera institutum 452
Sapientia, quid veteribus ita vocatum 3. eius
definitio 7. fontes, ib. protoplastorum
qua in re constiterit 54. a sanitate mentis
non differt 565. quatenam ad illam perti-
neant 565. quid sit sensu maxime pro-
prio ex mente Platonis 670. Stoicis
quid 911. ex mente Pythagoreorum quid
1063. circa quae versetur 1064. maximum
hominis bonum in illa est sica 1070
Sapor, quomodo discernatur 1134. vnde
oriatur ex mente Democriti 1196
Saronides, quinam 321
Scaldi, poëtae Celtarum 323
Sceptica, secta, vnde nomen acceperit 1318.
varia eius nomina, ibid. scriptores de illa
1319. sub Academicorum nomine latet
ibid. conditor eius 1320. mature desit
1327. reuocatur ab Aenesidemo 1328. di-
scrimen inter illam et Academiam 1331
Sceptica, quid sit 1332. finis eius, ib. prin-
cipium eius 1333. criterium eius 1334
Nnn nnn nn 2 Scepti-

II. INDEX

- Scepticismus, an detur systema eius 1329
 causae eius 1330. compendium eius 1332
- Scepticus, an Socrates fuerit 536, 559. illis
 praelulit Monimus 887. decreta nulla
 statuit 1333. sectam non habet, ibid. quid
 evertat, ib. obseruat quae ad vitam com-
 munem pertinent 1334. imperturbatum
 mentis statum quaerit, ib. modi eius, qui-
 bus assensionem retinet, ib. quibusnam
 modis Dogmaticorum refellat aetiologias
 1336 ab omni assensu abstinet, ibid. criterium
 veritatis practicum admittit 1337. an
 sint athei 1342
- Scholae Cainitarum et Sethianorum 59
 prophetarum non philosophicae 85
 Chaldaeorum quae 114. Druidum qui-
 bus in locis fuerint 321
- Scientia, an sapientiam per illam intellexerit
 Socrates 564. non datur ullius rei 755, 768
 demonstratiua non datur nisi rei necessa-
 riae 809. ex Stoicorum mente quid 918
- Scientiae non a Prometheo inventae 370
- Scire, quid sit ex mente Aristotelis 809
- Scortum, nobilia veterum eruditionis et
 philosophiae laudem affectant, exem-
 plum Aspasiae 526. Laidis 558. Nicarete
 618 Lasthaniae 644. acerbissimus eorum
 infectator Crates est 889
- Scriptura sacra, an Graecam illius versio-
 nem legerit Plato 637. vid. *Biblia*.
- Scriptura symbolica vetustior est modo per
 literas scribendi 260
- Scrutinium actionum diei ante cubitum a
 Stoicis commendatur 966
- Scythae, de eorum philosophia 351. indole
 naturae potius, quam ingenio et arte
 conspicua, ib. eorum theologia 353
- Sectae Chaldaeorum, quales fuerint 114
 philosophicae quae 457
- Semen, eius potentia spirituosa est adeoque
 corpus 851. quid Stoici de illo statue-
 rint 949
- Semni an philosophi Indici 193
- Semnothei quinam 320
- Sensibilia, quid Plato de illis statuerit 673
- Sensus quid sit 672. unde de eorum fide
 dubitare inceperit Lacydes 757. Aristoteli
 doctrina de illis 822. ex Stoicorum
 mente quid 915. veritas illis compre-
 hendi nequit 1110. fallunt 1153. cur va-
 rie afficiantur 1192. sunt ab imaginibus
 oblatis corporum 1196. tangibiles sunt,
 ib. non veritatis sunt iudices 1212. nun-
 quam fallitur 1257. quinque sunt 1277. ver-
 fitas eorum unde ex mente Epicuri 1278
- Seres, philosophia eorum 212
- Sermo Platonis qualis 654
- Servi, quinam ex illis philosophi facti 622 n.
- Sethus, quid de ejus philosophia sentien-
 dum 58
- Sibylla Cumana, an Berosi fuerit filia 130
- Sidera a Chaldaeis colebantur 135. Domi-
 ni & Dii a Zabiis habiti 224. eorum cul-
 tus apud Aegyptios unde 288. doctrina
 Aethiopum de illis 310. Orphei doctri-
 na 398. eorum ortus ex terra venit 491
 corpora terrestria habentur 510. ubi gi-
 gnantur 943. Stoicorum doctrina de il-
 lis, ib. Dii sunt Pythagorae 1089. Em-
 pedoclis sententia de illis 1117. divini-
 tas illis inesse putatur 1133. unde ex
 mente Heracliti 1220. nec animata sunt,
 nec Dii 1281. vel errantia vel innerrantia,
 ib. eorum magnitudo 1282. figura qualis,
 ib. motus qualis, ib. ortus et occa-
 sus unde, ib. qua ratione tempe-
 states praesignificare queant ibid.
- Silentium Pythagoricum quod 1029
- Similitudo Dei quam in re consistat 724
- Simulacra, Zabiorum doctrina de illis 225
- Sobrietas, quantum bonum sit 1307
- Socrates, eius natales et educatio 523. mi-
 litia 526. senatorium munus prouecta
 aetate suscipit 527. eius vitae priuatae ra-
 tio 527. res domestica et coniugium 528
 modus docendi 531. dotes et virtutes in-
 genii 533. an Apollinis oraculum illum
 sapientissimum iudicauerit 534. virtutes
 animi pietas et religio 536. constantia
 animi 538. et aliae 539. an saluatus 540
 an ex Hebraeis profecerit 540. corporis
 qualitas et facies 541. Genius 543
 mors 549. Honores, extincto Socrati
 habiti 553. Scripta eius an extiterint 544
 philosophia 555 discipuli 569
- Socratica schola quae 522. philosophia quae
 555.
- Sol a Chaldaeis colebatur 135. a Persis co-
 lebatur Deus 166. Mithrae nomine in-
 signitur 167. utrum supremus Deus apud Per-

RERVM ET MATERIARVM.

Persas intelligatur, an ei superior sit 168
 cur illi equos Persae sacrificent 170. ima-
 go ignis perfectissimi, ex quo omnia ema-
 narunt 181. magnitudo eius 486. stel-
 larum maximus est 520. non maior est,
 quam oculis apparet 1220. est tabella
 plana 491. candens lapidea massa 509
 quid sit 739. ex mente Stoicorum quid 942
 discus vitreus est reverberantem ignis
 mundani splendorem accipiens 1140
 nubes est ignita singulisque diebus crea-
 tur 1154. ex laevis componitur corpu-
 sculis 1193. quid ex mente Epicuri 1281
 eius eclipsis unde 473, 485 eius figura
 sphaerica est 1089. scapham refert 1220
 penetrat a sole radius per aethera, frigi-
 dum atque aridum 1090. duo sunt so-
 les 1117. multi sunt 1155
 Solstitium quisnam primus observauerit 480
 Sommonacodom apud Siameses cum Bud-
 da Indorum unus ac idem habetur 202
 Somnium unde existat 1134. a Daemoni-
 bus immittitur 1083. eorum interpre-
 tationes a Chaldaeis exercentur 141
 Somnus nimis longus Epimenidis 420
 quomodo fiat 517. unde oriatur 823
 unde ex mente Epicuri 1280
 Sonus, unde eorum nomina a Pythagoreis
 appell. 1057. ex mente Epicuri quid 1270
 Sophistae a Socrate quaestionibus vexati 550
 quinam fuerint 549. ubi eorum artes
 delineatae 675
 Sophismata diuersa ab Eubulide inuen-
 ta 613. in illia struendis Diodorus excel-
 luit 617. eorum species variae 811
 Sorites qualae sophisma 614
 Spaemann quinam 323
 Spatium, quomodo Dogmaticorum de illo
 sententia a Scepticis debellatur 1345
 Species ex Stoicorum mente 918
 Sphaera, quis eam inuenerit 400. primam
 quis construxerit 480. mundanae situs
 erecto in obliquum mutatus 512. coele-
 stes decem sunt apud Pythagoreos 1062
 Spinosisinus an Xenophanes illi praeluserit
 1149. an Parmenides 1160. an Zeno
 Eleates 1170
 Spiritus, Chaldaeorum doctrina de illis 133
 quid sint ex mente Zoroastris 181. me-
 diatores inter Deum et homines a Zabiis
 creduntur 224. Orphei doctrina de il-
 lis 392. Thaletis doctrina 473. medi-
 os inter Deum et homines Socrates admi-
 fit 562. Spiritus S. an per Platonis ani-
 mam mundi intelligendus 703
 Statua inaurata Berofo posita 130
 Statuarius Socrates est 524
 Stelae hermeticae, an Plato ex illis doctri-
 nam suam hauserit 632
 Stella, doctrina astrologica de illis 140
 quamlibet esse mundum Orpheus statuit
 398. quid sint 485. sunt candentes lapides
 509. expirationes mundi exhalantis 517
 terreae laminae candentes 519. quid
 sint 739. Aristotelis sententia de illis 819
 quaeuis mundus est 1089. quid sint ex
 Xenophanis mente 1154. ex terrena ex-
 halatione nutriuntur 1221
 Stoa, quis locus ita dictus 896 n.
 Stoica secta, quae 893 quousque ad Socra-
 ticos referri queat 896 n. observationes
 generales de illa 902. multa ex alio-
 rum philosophorum scholis assumpsit 902
 veterum recepit vitia 904. innouauit prae-
 ter rem multa 906. philosophia ejus op-
 ponitur aliis sectis 907. ejus verbis non
 fidendum 909. dissentit inter se 910. de-
 creta ejus de philosophicis disciplinis
 911 seqq.
 Stolistes apud Aegyptios quis 267
 Stylus Platonis qualis 654
 Substantia ex mente Aristotelis quid et quo-
 tplex 806. in Aristotelis Metaphysica
 quid 827. tria genera substantiarum
 sunt 828. datur perpetua aliqua & im-
 mobilis substantia, ib. ex Stratonis men-
 te quid 850
 Successio in Astrologia quid sit 169
 Superstitio foedissima in theologia Aegy-
 ptiorum exotica 282
 Syllogismus, doctrina Aristotelis de illis 808
 dialecticus quid 810. aduersus quos ad-
 hibendus ib.
 Symbola Aegyptiorum cur inuenta 269 Py-
 thagorica, quid 1038. exponuntur 1098
 Syncretismus Platonis 640 n. philosophiae
 Platonicae noxius 667. philosophicus, il-
 li secta Stoica est dedita 904. Philoso-
 phiae Graeco-Aegyptiacae 1355
 Nnn nnn nn 3 Syno-

II. INDEX

- Synonymum quid 806
 Systema mundanum Pythagoricum descriptum 1139
- T.**
- Tabula Cebetis, an hic illius actor 578.
 eius summa 580. geographicas quis primus fecerit 479
 Tactus ex mente Epicuri unde 1278
 Talismanes unde ortum traxerint 137. quomodo conficiantur 225
 Tallopoïn, quinam sint 195. n.
 Teletae Orphei, quae 380
 Temperantia Socratis 539. ex mente Aristotelis quid 837. eius munus quod 1306. quare expetatur ib. quasnam cupiditates regat, quibus modum ponat et quasnam euitet 1307
 Tempa Perfarum qualia fuerint 163. a veteribus Persis rejecta 183
 Tempus, quomodo Deus creauerit 712. quid sit ex Aristotelis mente 815. quid sit ex mente Stratonis 850. matutinum quomodo a Pythagoreis peractum 1034. natura eius corporea est 1221. ex Epicteti mente quid 1270. quomodo Dogmaticorum de illo doctrina a Scepticis impugnetur 1346
 Tenebrae, unde ortae ex mente Zoroastris 177, 183
 Teratologia Pythagoreis objecta 991
 Terra scaphae similis putatur 141. qualem de illius forma sententiam fouerit Anaximander 486. tabella plana aëri incumbens putatur 512. oblonge rotunda 517. initio palus fuit 520 est oui vel pili figura rotunda 520. ex eius calore animalia gignuntur, ib. motus ejus causa ventus cauernis inclusus 514, 521. unde nascatur 820. Stoicorum de illa sententiae 944. non est immota neque in medio globi posita, sed suspensa 1062. nunquam est interitura 1126 in orbem circumfertur circum ignem 1140. omnia sunt ex illa 1154. ab humido tempore dissoluitur 1156. periodicus ejus interitus et ortus, ib. rotunda et in medio posita 1163. causa ejus firmitatis quae 1194. ejus motus unde ex mente Democriti ib. substitit in mundi medio 1275. discus non vero globus vel sphaera est 1275. non animata est ib. ejus motus unde ex mente Epicuri 1275
- Terrena cum coelestibus consentiunt et ex eorum influxibus innouantur 138. quando inundentur, aut igne deleantur ex mente Chaldaeorum 141
 Terminus quotuplex 806
 Tetractys Pythagoreorum quid sit 1053
 Tetragmaton an per Pythagoreorum tetractyn expressum 1054
 Tetralogia, illam composuit Plato 631. in illas distribuuntur scripta ejus 656
 Thales primus philosophiae Graecae in ordinem redactae parens 458. narratio vitae ejus 458. seqq. rerum naturalium studio vehementer flagauit 460. Ægyptios pyramidem metiri docuit 460. an in foueam sidera inspecturus deciderit 461. an sententiarum ei attributarum auctor sit 462. an scripserit quicquam, ib. ejus philosophia circa res naturales versatur 465
 Theodoria secta, quae 662
 Theogonia Pherecydis exponitur 986. fq.
 Theogoniae Graecorum unde natae 368. orphica quae 395. earum scriptores quinam 404. Hesiodi 407. observationes generales de illis 409. obscurae sunt ibid. cosmogoniam describunt 409. ortum rerum omnium, et huius mundi confundant 410. religionem vulgi cum placitis philosophicis conciliant 410. dissentiunt inter se, ibid. multa fingunt licentia poetica 411. earum interpretationes difficiles sunt atque incertae 411. principia earum generalia 412. earum systema physiologicum 417
 Theologia qualem usum capiat ex historia philosophica 26. Chaldaeorum arcana 132. publica, 135. Ægyptiorum fuit duplex 280. varia ejus tempora sunt distinguenda, ibid. exoterica foedissimam fouet superstitionem 282. arcana 284. emendata rationibus philosophicis 289. Perfarum 166. Theologiae Persicae systema Zoroastreum explicatur 175. Indorum 205. Celtarum 328. Scytharum 353. per Orpheum inter Graecos introducta 379. Orphica an idololatrica 385. ejus capita posteriora 386. quatenus fuerit Homeri

RERVVM ET MATERIARVM.

433. Socratis 560. Platonis 673. Pythagorica quae 1074. Democriti quae 1196. Heracliti, quae 1215. Epicuri quae 1283	Vates Germanorum idem cum Eubagibus 320
Theorema, quonam inuento Hecatonben sacrificaverit Musis Pythagoras 1067	Vaticinandi ars inter Germanos viguit 331. facultas solis philosophis apud Indos concessa 199
Theurgiam Zoroaster excoluit 126	Vaticina nulla sunt 1289
Theut, auctor sapientiae Aegyptiacae 252	Velatus, quale sophisma 614
Theutates an Celtarum summum fuerit numen 328	Venerea hyeme non aestate facienda 1070
Tonitru unde gignatur 486, 514	Ventus, quid sit 486. unde oriatur 514, 1194. oblique fertur et quare 844. aëris est fluxio 944. quomodo gigni queat 1283
Totum ex Sceptiorum sententia comprehendendi nequit 1345	Venus, stellae huius nominis naturam Pythagoras primus detexisse dicitur 1063
Toxaris, Philosophus Scythicus Athenis vixit 360	Verbum quid sit ex mente Aristotelis 807
Traditio parentum ad filios apud Chaldaeos viguit 110	Verecundia ex mente Aristotelis quid 837
Tragoedias composuit Plato 631	Pxthagorae quae 1018
Tranquillitas mentis Epicuri voluptas 1299	Veritas quomodo iudicanda 732. non a sensibus 672, 1110. sed recta ratione, ib. nulla ex re iudicari potest 765. ex phantasiarum siue visorum concursu fit iudicium veritatis 767. cur profundo demersam esse puteo dixerit Democritus 1186. veritas existentiae apud Epicurum, quae 1257. iudicii quae, ib.
Triangulum est principium generationis et formationis generabilium 1061	Verum, quid 916. differt a veritate, ibid. nihil est in illis quae sunt, nec nos quid cognoscimus 1186. omne id est quod sensibus apparet 1192
Trinitas Persarum quae 186. Aegyptiorum quae 292. Orphica quae 390. Platonica quae 704 an eius mysterium Pythagoras triade comprehenderit 1053	Vesta quid significet 348
Tripas sapientissimo Graeco destinatus, quid fuerit 439	Vestitus, elegantem Aristippus amat 585.
Trulindur, quinam fuerint 323	Stoicorum qualis fuerit 907. Pythagorae qualis 1017
Tryas quid Pythagoreis sit 1052	Via lactea quid sit 510
Τυγχανογία Stoicis quae 789	Victus Pythagorae parcus 1017. Pythagoreorum quis 1035
Turpe non natura sed lege fieri quis docuerit 521, 599, 606, 1199 est Stoicis solum malum 957 seq.	Vinum, eius usum contemplatiuis Pythagoras interdicat 1037
Turpitudine non natura sed lege et institutione actionibus inest 1199	Vir bonus quis 1130
Typhon quis 290	Virtus humanae vitae scopus et finis est 185.
Tyrspakur septentrionalium populorum eruditi, quodnam illorum officium, 323	per se eligenda 723. quid sit 724. inter se cohaerent virtutes et separari nequeunt 725. ex mente Aristotelis quid 836. intellectuales quae 838. Antisthenis doctrina de illa 870. Stoicorum sententia de illa 912. 962 sqq. sola sufficit ad beatitatem 955. est naturae perfectio 1068. doctrina Pythagorae de illa, ibid. nulla est nimia 1131. maxima, sibi ipsi temperare 1222
	Vita,

V.

Vacuum non dari Thales ducit 472. et Anaxagoras 513. et Zenon Eleates 1171. quid sit ex mente Aristotelis 815
Democriti 1188. Epicuri 1260. datur Leucippo 1176
Valhalla, qualis locus apud Celtas 339
Vapor, duae eorum sunt species puriorum et crassiorum 1220
Varietas rerum visibilium unde 1191

II. INDEX

- Synonymum quid 806
 Systema mundanum Pythagoricum descriptum 1139
- T.
- Tabula Cebetis, an hic illius actor 578.
 eius summa 580. geographicas quis primus fecerit 479
 Tactus ex mente Epicuri unde 1278
 Talismanes unde ortum traxerint 137. quomodo conficiantur 225
 Tallopoia, quinam sint 195. n.
 Teletae Orphei, quae 380
 Temperantia Socratis 539. ex mente Aristotelis quid 837. eius munus quod 1306. quare expetatur ib. quasnam cupiditates regat, quibus modum ponat et quasnam euitet 1307
 Tempora Persarum qualia fuerint 163. a veteribus Persis rejecta 183
 Tempus, quomodo Deus creauerit 712. quid sit ex Aristotelis mente 815. quid sit ex mente Stratonis 850. matutinum quomodo a Pythagoreis peractum 1034. natura eius corporea est 1221. ex Epicteti mente quid 1270. quomodo Dogmaticorum de illo doctrina a Scepticis impugnetur 1346
 Tenebrae, unde ortae ex mente Zoroastris 177, 183
 Teratologia Pythagoreis objecta 991
 Terra scaphae similis putatur 141. qualem de illius forma sententiam fouerit Anaximander 486. tabella plana aëri incumbens putatur 512. oblonge rotunda 517. initio palus fuit 520 est oui vel pili figura rotunda 520. ex eius calore animalia gignuntur, ib. motus ejus causa ventus cauernis inclusus 514, 521. unde nascatur 820. Stoicorum de illa sententiae 944. non est immota neque in medio globi posita, sed suspensa 1062. nunquam est interitura 1126 in orbem circumfertur circum ignem 1140. omnia sunt ex illa 1154. ab humido tempore dissoluitur 1156. periodicus ejus interitus et ortus, ib. rotunda et in medio posita 1163. causa ejus firmitatis quae 1194, ejus motus unde ex mente Democriti ib. substitit in mundi medio 1275. discus non vero globus vel sphaera est 1275. non animata est ib. ejus motus unde ex mente Epicuri 1275
- Terrena cum coelestibus consentiunt et eorum influxibus innouantur 138. quando inundentur, aut igne deleantur ex mente Chaldaeorum 141
 Terminus quotuplex 806
 Tetraactys Pythagoreorum quid sit 1053
 Tetragmaton an per Pythagoreorum tetraactyn expressum 1054
 Tetralogia, illam composuit Plato 631. in illas distribuuntur scripta ejus 656
 Thales primus philosophiae Graecae in ordinem redactae parens 458. narratio vitae ejus 458. seqq. rerum naturalium studio vehementer flagauit 460. Ægyptios pyramidem metiri docuit 460. an in foueam sidera inspecturus deciderit 461. an sententiarum ei attributarum auctor sit 462. an scripserit quicquam, ib. ejus philosophia circa res naturales versatur 465
 Theodoria secta, quae 662
 Theogonia Pherecydis exponitur 986. sq.
 Theogoniae Graecorum unde natae 368. orphica quae 395. earum scriptores quinam 404. Hesiodi 407. observationes generales de illis 409. obscurae sunt ibid. cosmogoniam describunt 409. ortum rerum omnium, et huius mundi confundant 410. religionem vulgi cum placitis philosophicis conciliant 410. dissentiunt inter se, ibid. multa fingunt licentia poetica 411. earum interpretationes difficiles sunt atque incertae 411. principia earum generalia 412. earum systema physiologicum 417
 Theologia qualem usum capiat ex historia philosophica 26. Chaldaeorum arcana 132. publica, 135. Ægyptiorum fuit duplex 280. varia eius tempora sunt distinguenda, ibid. exoterica foedissimam fouet superstitionem 282. arcana 284. emendata rationibus philosophicis 289. Persarum 166. Theologiae Persicae systema Zoroastreum explicatur 175. Indorum 205. Celtarum 328. Scytharum 353. per Orpheum inter Graecos introducta 379. Orphica an idololatrica 385. ejus capita posteriora 386. quatenam fuerit Homeri

RERVM ET MATERIARVM.

433. Socratis 560. Platonis 673. Pythagorica quae 1074. Democriti quae 1196. Heracliti, quae 1215. Epicuri quae 1283	Vates Germanorum idem cum Eubagibus 320
Theorema, quonam inuento Hecatonben sacrificaverit Musis Pythagoras 1067	Vaticinandi ars inter Germanos viguit 331. facultas solis philosophis apud Indos concessa 199
Theurgiam Zoroaster excoluit 126	Vaticina nulla sunt 1289
Theut, auctor sapientiae Aegyptiacae 252	Velatus, quale sophisma 614
Theutates an Celtarum summum fuerit numen 328	Venerea hyeme non aestate facienda 1070
Tonitru unde gignatur 486, 514	Ventus, quid sit 486. unde oriatur 514, 1194. oblique fertur et quare 844. aëris est fluxio 944. quomodo gigni queat 1283
Totum ex Sceptiorum sententia comprehendendi nequit 1345	Venus, stellae huius nominis naturam Pythagoras primus detexisse dicitur 1063
Toxaris, Philosophus Scythicus Athenis vixit 360	Verbum quid sit ex mente Aristotelis 807
Traditio parentum ad filios apud Chaldaeos viguit 110	Verecundia ex mente Aristotelis quid 837
Tragoedias composuit Plato 631	Pythagorae quae 1018
Tranquillitas mentis Epicuri voluptas 1299	Veritas quomodo iudicanda 732. non a sensibus 672, 1110. sed recta ratione, ib. nulla ex re iudicari potest 765. ex phantasiarum siue visorum concursu fit iudicium veritatis 767. cur profundo demersam esse puteo dixerit Democritus 1186. veritas existentiae apud Epicurum, quae 1257. iudicii quae, ib.
Triangulum est principium generationis et formationis generabilium 1061	Verum, quid 916. differt a veritate, ibid. nihil est in illis quae sunt, nec nos quid cognoscimus 1186. omne id est quod sensibus apparet 1192
Trinitas Persarum quae 186. Aegyptiorum quae 292. Orphica quae 390. Platonica quae 704. an eius mysterium Pythagoras triade comprehenderit 1053	Vesta quid significet 348
Tripas sapientissimo Graeco destinatus, quid fuerit 439	Vestitus, elegantem Aristippus amat 586. Stoicorum qualis fuerit 907. Pythagorae qualis 1017
Trulindur, quinam fuerint 323	Via lactea quid sit 510
Tryas quid Pythagoreis sit 1052	Victus Pythagorae parcus 1017. Pythagoreorum quis 1035
Τυγχαλοντα Stoicis quae 789	Vinum, eius usum contemplatiuis Pythagoras interdicat 1037
Turpe non natura sed lege fieri quis docuerit 521, 599, 606, 1199. est Stoicis solum malum 957. seq.	Vir bonus quis 1130
Turpitudine non natura sed lege et institutione actionibus inest 1199	Virtus humanae vitae scopus et finis est 185. per se eligenda 723. quid sit 724. inter se cohaerent virtutes et separari nequeunt 725. ex mente Aristotelis quid 836. intellectuales quae 838. Antisthenis doctrina de illa 870. Stoicorum sententia de illa 912. 962. sqq. sola sufficit ad beatitudinem 955. est naturae perfectio 1068. doctrina Pythagorae de illa, ibid. nulla est nimia 1131. maxima, sibi ipsi temperare 1222
Typhon quis 290	Vita,
Tyrspakur septentrionalium populorum eruditi, quodnam illorum officium, 323	

V.

Vacuum non dari Thales ducit 472. et Anaxagoras 513. et Zenon Eleates 1171. quid sit ex mente Aristotelis 815. Democriti 1188. Epicuri 1260. datur Leucippo 1176
Valhalla, qualis locus apud Celtas 339
Vapor, duae eorum sunt species puriorum et crassiorum 1220
Varietas rerum visibilium unde 1191

II. INDEX RERVM ET MATERIARVM.

- Vita, eius scopus virtutus est 185. restitutio eius post mortem Indis creditur 207. recens quasi conceptorum hominum status ab Indis habetur 211. laboriosa ac difficilis est 744. beata ex collectione particularium voluptatum consistit 596. quid sit ex mente Aristotelis 823. regitur fortuna 844
- Viuere et mori perinde est 1222
- Viuendi ratio Pythagorea 1033
- Vnitas, distinguenda ab vno 1048. quid per illam Pythagoras intellexerit 1049 seqq. est principium rerum 1087. principium est actiuum Empedocli 1113. intellectus ignis est atque Deus 1114. non est solitarium rerum omnium principium 1138
- Vniuersale, Stilpo plane sustulit vniuersalia 619. primum quid 809
- Vniuersum aeternum est 185. qualem eius finem statuunt Harbanistae 225. distinguitur a toto 922. et a mundo 940. nec interitum vnquam est, nec vllum habuit ortum 1124. hoc mundum indicat, ib. extra vniuersum nihil est 1125. semper fuit quale nunc est, semperque ita manebit 1260. ex corpore constat et inani, ib. iusinitum est 1261. immobile est 1262. multa tamen in eo moventur mutanturque, ibid.
- Vnum distinguendum ab unitate 1048. entis affectio non est substantia 828. quid sit ex Xenophanis mente 1148. ex Melissi 1166
- Voluntas, qualis in historia philosophica requiratur 12. Stoicis quid 962
- Voluptas finis philosophiae Aristippi ab Epicuri voluptate differt 592. quid sit ex Aristippi sententia 596. est a turpissimis rebus bona 597. ex praesentibus capienda 597. corporis praestantior voluptate animi 597, plures voluptatum species sunt 725. nulla est falsa 844. ab illa cauendum est 1070. duplex est plebeja et solida, ib. maxima pestis hominum 1131. quae fugienda et quae amplectenda 1258. Epicuri de illa doctrina 1296. seqq.
- Vortices in Leucippi Physica 1176. Cartesii ex schola Democriti desumpti 1193
- Vox mentis conceptuum est signum 807. duae eius sunt species 1057
- Vrbanitas, quid sit ex mente Aristotelis 837
- Vxor qua in re instruenda 568
- W.
- Wisendammen quinam fuerint 323
- X.
- Xaca apud Sinas et Iaponenses eum Budda Indorum unus ac idem habetur 202
- Xantippe an detestabilis fuerit uxor 528
- Xenophanes, ejus aetas 1143. educatio et vita 1145, philosophia 1148. an Spinofae impietati praeluserit 1149
- Y.
- Y quid Pythagoreis haec litera significet 1100
- Z.
- Zabii eorum nomen unde 217. origo 218 aetas 220. quid de illis judicandum 220. sq. libri eorum, 222. systema 223. duae eorum sunt sectae 224
- Zomolxis conditor philosophiae apud Scythas et Thraces habetur 361. non Pythagorae fuit seruus 362. cur inter summa numina relatus ibid.
- Zardusht philosophiae Persicae conditor 144. nomen eius, ib. aetas et patria 145. vita 146. Libri Zardushto tribut 152, 154
- Zendavesta, recensio huius libri Persis sacri 152
- Zetetici unde Sceptici ita dicti 1318
- Zodiacus, circuli eius diuisio 138. eius animalia qualia sint 138 seqq.
- Zopha femin, qui sint 240, 242
- Zoroaster philosophiae Chaldaicae conditor 116. ejus historia incertissima et obscurissima ib. unde ejus nomen 118. unus an plures 119. quis fuerit 120. quando vixerit 121. vita ejus incerta 123. cui Magiae fuerit deditus 125. scripta ei tributa 127, 154. ejus oracula 131, 155. quaedam eorum auctoritas 156. ejus theologiae systema 175. accuratior ejus systematis explicatio 179. Platonici recentiores illud deperierunt 182. Summa ejus oraculorum 184. doctrina ejus ex recentiorum Platoniorum mente 185

B
81
.B78

Brucker

Brucker J.J. - Historiae criticae
philosophiae

vol. 1

PONTIFICAL INSTITUTE
OF MEDIAEVAL STUDIES
59 QUEEN'S PARK
TORONTO 5, CANADA

1631.

